


ସତ୍ ବଚନ୍



The New Testament in the Pengo language of India: ସତ୍ ବଚନ୍

ସତ୍ ବଚନ

The New Testament in the Pengo language of India: ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ

ପୁନି ନିୟମ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43

Contents

ମାତିଉ	1
ମାକ୍	67
ଲୁକ	109
ଜହନ	178
ପକ୍ୟାତାକାନ୍	229
ରମିୟ	290
୧ କରଢ଼ିୟ	316
୨ କରଢ଼ିୟ	341
ଗାଲାତିୟ	358
ଏପିସିୟ	369
ପିଲିପିୟ	379
କଲସିୟ	386
୧ ଡେସଲନିକି	393
୨ ଡେସଲନିକି	399
୧ ଡିମତି	403
ପିଲିମନ୍	410
ଏବ୍ରୀ	412
କାକର	432
୧ ପିତର	439
୨ ପିତର	447
୧ ଜହନ	452
୨ ଜହନ	460
୩ ଜହନ	462
କିୟୁଦା	464
ହବ୍ୱତି	467

ମାଡ଼ିଉ ଲିଖିତ ସୁସମାଚାର ମାଡ଼ିଉ ଲେକିକିତି ଜିସୁ କ୍ରିଷ୍ଟି ନେକ୍ରିକାବୁର୍ ମାଡ଼ିଉ ପତି ବିସ୍ତେ ପାଦେକ୍

ମାଡ଼ିଉ ଲେକିକିତି ନେକ୍ରିକାବୁର୍ ପୁନି ନିୟମ୍ ଜିସୁ କ୍ରିଷ୍ଟି ଜିବୁନ୍ତିଂ ଇନାକା ଚାରିଗଟା ପତି ପା ରଞ୍ଜାଈ । ଇ ଝିନ୍ନୁ ତାଈ ପତିତିଂ ଜିସୁ କ୍ରିଷ୍ଟି ନେକ୍ରିକାବୁର୍ ଇନାର୍ । ଇ ଝିଜାର୍ ଜିସୁ ହାତି ପାତେ ମାଡ଼ିଉ, ମାର୍କ, ଲୁକ, ଆରି ଜହନ୍ ଲେକି କିଜି ମାଚାନ୍ । ମାଡ଼ିଉ ଲେକିକିତି ନେକ୍ରିକାବୁର୍ ଲେକାଆଜି ମାଚାକା ସମାନ୍ ତାରିକ୍ ପୁନ୍ଝାଦାଂ ମାଚାର୍ ପା ପଣ୍ଡିତାର୍ ଇନାର୍ ଇଦାଂ କ୍ରିଷ୍ଟି ଜଲମ୍ ୬୦ ବାର୍ଷୁ ଲେକା ଆଜି ମାଚାତ୍ । ଇଦାଂ ପା ପାତ୍ କିୟାନାତ୍ ଜେ ଇ ପତି ପାଲାସ୍ତାନ୍ ଦେସ୍ନି ଜିରୁସାଲମ୍ ଗାତ୍ଦାଂ ଲେକା ଆଜି ମାଚାତ୍ ।

ମାଡ଼ିଉ ଇ ନେକ୍ରିକାବୁର୍ ଲେକିକିତାକାନ୍ ଜିସୁ ତାଈ ଚେଲା ଲାକେ କୁକ୍ତି ଆଗେ ହେଝାନ୍ ଇନାକାନ୍ ମାଚାନ୍ । ତା ବିନ୍ ତର୍ ଲେବି ମାଚାତ୍, ହେଝାନ୍ ବାରଜାଣ ବିତ୍ରେ ପା ରକାନ୍ ମାଚାନ୍, ହେଝାନ୍ ଜିହୁଦିର୍ କାଜିଂ ଇ ନେକ୍ରିକାବୁର୍ ଲେକିକିତି ମାଚାନ୍, ଇମ୍ଝାକା ଜିସୁ ତା ଲେକିକିତି ଲାମା ନିୟମ୍ତ ୬୦ ଗଟା ପାଦତିଈ ଲେକାମାନି ସତ୍ ଆନାତ୍ । କ୍ରିସ୍ଟି ଇତିସ୍ ମସିୟା ଇସ୍ତର୍ ବିଦି ଦରମ୍ ସାସ୍ତରତ ବେଶବାକଣାୟକିୟା ଆଜି ମାଚାତ୍ ଇଦାଂ ମାଡ଼ିଉ ସମାନ୍ ଲାକେ ହାନ୍ଦାୟ କିଜି ମାଚାର୍, ମାଡ଼ିଉ ପା ଜପିନି ରାଜି ବିସ୍ତେ ବେସି ଲେକା ମାନାତ୍ ଜିହୁଦିର୍ କ୍ରିସ୍ଟି ଇତିସ୍ ମସିୟାତି ରାଜିନି ସବୁ ଦିନ୍ନି ରାଜା ଆନାନ୍ ଇଞ୍ଜି ଆସା କିଜି ମାଚାର୍ । ମାଡ଼ିଉ ହେ ପାତ୍ତିଂ ବୁଲାକିଜି ଇସ୍ତର୍ ରାଜି ଜେ ରାଜି ପୁତ୍ ରାଜି ଆକାୟ । ଇ ବିସ୍ତେତିଂ ଇଞ୍ଜେଈ ବେସି ପସ୍ତୁ ପୁଜା ବେସି ହିତାର୍ନା ।

ମାଡ଼ିଉ ଲେକିକିତି ନେକ୍ରିକାବୁର୍ ପୁନି ନିୟମ୍ତ ପର୍ତ୍ତୁମ୍ ପତି ଲାକେ ଲଡ଼ା, ଇନାକିଦେଂକି ଲାମା ନିୟମ୍ ବଚନିଂ ଆଦିକ୍ ବିସ୍ତେ ଲେକାଆତାତ୍ନା, ଇ ପତି ଲାମା ନିୟମ୍ ହାଈ ଆରି ପୁନିନିୟମ୍ତିଂ ମେହାଆତାତ୍ନା । ପଣ୍ଡିତାର୍ ପା ଇନାର୍ ମାଡ଼ିଉ ତା ଲେକିକିତାକା, ମସାତି ବିଦି ପତିଈ ଦାସ୍ତେଂ ସେସ୍ଟୁ କିତାଣ୍ଟା । ଜିସୁତି ମାଡ଼ି ଜପି ହିଜି ମାଡ଼ି ହିକ୍ୟା ମାଡ଼ିଉ ୫:୭ ଇସ୍ତର୍ ମସାଂ ବିଦି ହିନି ବିସ୍ତେ ଲାହାଈ ପା ତୁଲାୟ କିୟାନାର୍, ୨ ବିବରଣି ୧୯:୩; ୨୩:୩୩

ପତି ବିସ୍ତେନି ରାହାଣ୍

- ୧. ଜିସୁ କ୍ରିଷ୍ଟି ଜଲମ୍ ଆରି ହେବାକାମାୟ ଆରମ୍ ମାଡ଼ିଉ ୧:୧-୪
- ୨. ଜିସୁ କ୍ରିଷ୍ଟି ହେବାକାମାୟ ଆରି ହିକ୍ୟା ମାଡ଼ିଉ ୫:୧-୨୫
- ୩. ଜିସୁ କ୍ରିଷ୍ଟି ହାନାକା ଆରେ ନିଂନାକା ମାଡ଼ିଉ ୨୭:୧-୨୮

ଜିସୁ କ୍ରିଷ୍ଟି ଲାତ୍ରା ଜାଣାତିନା
(ଲୁକ ୩:୨୩-୩୮)

୧ ଅବ୍ରାହାମ୍ ଆରି ଦାଉଦ୍ତି ଲାତ୍ରା ଜିସୁ କ୍ରିଷ୍ଟି ଲାତ୍ରାରିତି ତାରେନ୍ ପତିତ ଲେକା ଆତାତ୍ନା ।

୨ ଅବ୍ରାହାମ୍ ମେହି ଇସାହାକ୍; ଇସ୍ହାକ୍ ମେହି ଜାକୁବ୍; ଜାକୁବ୍ ମେହି ଜିହୁଦା ଆରି ତା ଟଣ୍ଡାହିରିଂ ଜଲମ୍ କିତାନ୍, ୩ ଜିହୁଦା ତାମର୍ ଝାସ୍ତିତାଂ ପେରସ୍ ଆରି ସେରହଈ ଜଲମ୍ କିତାନ୍, ପେରସ୍ ହେସ୍ତାଣ ଜଲମ୍ କିତାନ୍; ହେସ୍ତାଣ ଆରାମ୍ ଜଲମ୍ କିତାନ୍

। ୪ ହିସ୍ତୁଣ ମେହି ଆରାମ୍; ଆରାମ୍ ମେହି ଅମିନାଦାବ୍; ଅମିନାଦାବ୍ ମେହି ନହସନ୍; ନହସନ୍ ମେହି ସଲମନ୍; ୫ ସଲମନ୍ତି ମାଜି ବୟଜ ମାଚାନ୍, ବୟଜତି ତେହି ତର ରାହାବ୍, ବୟଜତି ମାଜି ଓବେଦ ତା ତର ରୁଡ୍; ଓବେଦତି ମେହି ଜିସିୟ ।

୬ ଜିସିୟ ମେହି ଦାଉଦ୍ ରାଜା । ଦାଉଦ୍ ମେହି ସଲମନ୍ ତେହି ଆଗେ ଉରିୟମ୍ ତକ୍ତି ମାଚାଡ୍; ୭ ସଲମନ୍ ମେହି ରହବୟାମ୍; ରହବୟାମ୍ ମେହି ଅବିୟ; ୮ ଅବିୟ ମେହି ଆସା; ଆସା ମେହି ଜିହସାପଟ୍; ଜିହସାପଟ୍ ମେହି ଜରାମ୍; ଜରାମ୍ ମେହି ଉଜିୟ; ୯ ଉଜିୟ ମେହି ଜତାମ୍; ଜତାମ୍ ମେହି ଆହାଜ୍; ଆହାଜ୍ ମେହି ହିଜକିୟ; ୧୦ ହିଜକିୟ ମେହି ମନସେହଜ୍ ଜଲମ୍ କିତାନ୍; ମନସେହ ମାଜେଜ୍ ଜଲମ୍ କିତାନ୍, ଆମନ୍ ଜସିୟଜ୍ ଜଲମ୍ କିତାନ୍, ୧୧ ଆମନ୍ ମେହି ଜସିୟ; ଜସିୟ ମେହି ଜିକନିୟ ଆରି ତା ଚଣ୍ଡାହିର୍, ବାବିଲନ୍ତି ଦେସ୍ତ ଗେହନାକା ଆତି ସମୁତ ଜିକନିୟ ଜଲମ୍ ଆଜି ମାଚାନ୍ ।

୧୨ ବାବିଲନ୍ତ ଗେହନାକା ଆତି ପାଚେ ଜିକନିୟତି ମେହି ସଲ୍ତିୟେଲ୍ ବାବିଲନ୍ତ ଜଲମ୍ କିତାନ୍ । ସଲ୍ତିୟେଲ୍ ମେହି ଜିରୁବାବେଲ୍; ୧୩ ଜିରୁବାବେଲ୍ ମେହି ଅବିହୁଦ୍; ଅବିହୁଦ୍ ମେହି ଏଲିୟାକିମ୍; ଏଲିୟାକିମ୍ ମେହି ଆସର; ୧୪ ଆସର ମେହି ସାଦକ୍; ସାଦକ୍ ମେହି ଆକିମ୍; ଆକିମ୍ ମେହି ଏଲିହୁଦ୍; ଏଲିହୁଦ୍ ମେହି ଏଲ୍ଲାଜାର୍; ଏଲ୍ଲାଜାର୍ ମେହି ମତାନ୍; ୧୫ ଏଲିହୁଦ୍ ଏଲିୟାଜତି ଜଲମ୍ କିନାନ୍, ଏଲିୟାଜର୍ ମତାନ୍ତି ଜଲମ୍ କିନାନ୍ । ୧୬ ମତାନ୍ ଜାକୁବ୍ତି ଜଲମ୍ କିନାନ୍, ଜାକୁବ୍ ମରିୟମ୍ ତକ୍ତାହି ଜସେପ୍ତି ଜଲମ୍ କିନାନ୍ । ଇ ମରିୟମ୍ ପଟତା ଜିସୁ ଜଲମ୍ ଆତାନ୍ । ତାଜେଜ୍ କ୍ରିସୁ ଇନ୍ୟାନାଡ୍ ।

୧୭ ଇ ଲାକେ ଅବ୍ରାହାମ୍ତା ଦାଉଦ୍ ପାଚେକ୍ ଚଉଦ ଟିକ୍; ଦାଉଦ୍ତା ବାବିଲନ୍ ଗେହନାକା ପାଚେକ୍ ଚଉଦ ଟିକ୍ ଆରେ ବାବିଲନ୍ ଗେହନାକା ତାଜ୍ କ୍ରିସୁତି ଜଲମ୍ ପାଚେକ୍ ଚଉଦ ଟିକ୍ ।

ଜିସୁ କ୍ରିସୁତି ଜଲମ୍ (ଲୁକ ୨:୧-୭)

୧୮ ଇଦାଂ ଆନାତା ଜିସୁ କ୍ରିସୁତି ଜଲମ୍ ବିସ୍ତେ । ତା ତେହି ମରିୟମ୍ ଜସେପ୍ ଲାହାଜ୍ ମାଲ୍ଲାକିୟା ଆଜି ମାଚାଡ୍ । ମାତର୍ ହେଝାର୍ ବିବା ଝିଜୁ ଝିଜୁନି ଆଗେ ମରିୟମ୍ ପୁଚାଡ୍ ଜେ ପୁଇପୁୟା ଜିବୁନ୍ ହୁକେ ମାଝେଜ୍ ଆସ୍ରାଜ୍ନା ଇଞ୍ଜି ପୁଚାଡ୍ । ୧୯ ଜସେପ୍ ସବୁ ନାଞ୍ଜିଜ୍ ନ୍ୟାୟ୍ କାମାୟ୍ କିଜି ମାଚାନ୍ । ଲାଗି ମରିୟମ୍ତି ମାନାୟାର୍ ଲାଜୁତାଂ ରାକ୍ୟା କିଦେଜ୍ ଇଞ୍ଜି ତ୍ତୁଜି ମାଲ୍ଲାକିତାକାଦିଂ ବାଞ୍ଜାୟ୍ କିଦେଜ୍ ଇଞ୍ଜି ଉପାୟ୍ ପାତି କିତାନ୍ ।

୨୦ “ହେଝାନ୍ ଇଦାଂ ଏଡକିନିହିଜ୍ ରଝାନ୍ ମାପୁତି ଦୁଡ୍ ତାଜେଜ୍ କେଟକଣ୍ଡତ ଚଞ୍ଜୟା ଆଜି ଇଚାନ୍, ଏ ଦାଉଦ୍ ଲାତ୍ରାନି ଜସେପ୍ ! ମରିୟମ୍ତି ତକ୍ତି ଲାକେ ଇଡ୍ଦେଂ ପାଣ୍ଡା ଆମା, ଇନାକିଦେଂକି ପୁଇପୁୟା ଜିବୁନ୍ ହୁକେ ମାଝେଜ୍ ଆସ୍ରାଜ୍ନା । ୨୧ ତାଜ୍ ର ମାଜି ଜଲମ୍ ଆନାନ୍ । ଏନ୍ ତା ତର୍ ଜିସୁ ଇଟ୍ନାୟ୍, ଇନାକିଦେଂକି ହେଝାନ୍ ତା ଲଗାଂ ପାପ୍ତାଂ ରାକ୍ୟା କିନାନ୍ ।”

୨୨ ମାପୁତି ରଝାନ୍ ବେଣ୍ବାକଣାୟ୍କିନାକାନ୍ ହୁକେ ଇମ୍ଣି ବେରଣ୍ ଝେଟ୍ତି ମାଚାନ୍, ହେଦାଂ ପୁରା ଆଦେଂ ଇଞ୍ଜି ଇ ସବୁ ଗିଟା ଆଜି ମାଚାଡ୍ ।

୨୩ “ହେ ଆଗେନିବେଣ୍ ଆନାତା, ରଝେଲ୍ ଜିପଲି ମାଝେଜ୍ଆସ୍ତି ମାଜି ଜଲମ୍ କିନାଡ୍ । ହେ ମାଜି ‘ଇମାନୁୟେଲ୍’ ତର୍ଦ୍ଦ ତର୍ ଆନାଡ୍ । ଇମାନୁୟେଲ୍ ଅରଡ୍ ଇସ୍ବର୍ ମାହୁଦାଂ ମାନାନ୍ ।”

୨୪ ଜସେପ୍ ହୁବକାଣକୁ ରିଙ୍ଗତି ପାଚେ ହେୱାନ ମାପୁତି ଦୁଡ଼ ବଲ୍ ଲାହାଙ୍ଗ କାମାୟ କିତାନ । ହେୱାନ ମରିୟମ୍ତି ବିବା କିତାନ । ୨୫ *ମାତର ତା ହେ ମାଜି ଜଲମ୍ ଆନି ପାଚେକ୍ ତା ଲାହାଙ୍ଗ ରଚେ ହୁଞ୍ଜାତାର । ଜସେପ୍ ହେ ମାଜି ଜିସୁ ତର ହିତାର ।

୨

ୱେଡ଼ାହନି ଦେସ୍ନି ପଣ୍ଡିତାର

୯ ହେରଦ ରାଜା ସମୁତ ଜିହୁଦା ରାଜିନି ବେଡ଼ଲିହିମ୍ ଗାଡ଼ଦ୍ ଜିସୁ ଜଲମ୍ କିନାନ । ଇଦାଂ ଅଲପ୍ ସମୁ ପାଚେ ୱେଡ଼ାହନି ଦେସ୍ନି କେଚେଜାଣ ପଣ୍ଡିତାର ଜିରୁସାଲମ୍ତ ଖାଜି ୱେନ୍‌ବାତାର, ୧୦ “ଇମ୍‌ଣି କାଡ଼ଦେ ଜିହୁଦିର୍ ରାଜା ଆନି କାଜିଂ ଜଲମ୍ ଆତାନ୍ନା, ହେୱାନ ଇମେନ୍ ? ୱେଡ଼ାହନି ଦେସ୍ତାଂ ତା ହୁକାଙ୍ଗ୍ ହୁଡ଼ଜି ତାଙ୍ଗ୍ ପୁଜାକିନି କାଜିଂ ଆପେଂ ୱାତାପ୍‌ନା ।”

୧୧ ହେୱାର୍ ଇ କାତା ୱେନ୍‌ଞ୍ଜି ରାଜା ହେରଦ୍ ଆରି ଜିରୁସାଲମ୍‌ନି ୱିଜାର୍ ବେସି ପାଣ୍ଡା ଆତାର । ୧୨ ହେରଦ୍ ୱିଜାର୍ ମୁଡ଼ ମାପୁହେବାକିନାକାନ ଆରି ଦରମ୍ ଗୁରୁରିଂ କୁକ୍‌ଟି ହେୱାରିଂ ୱେନ୍‌ବାତାନ, “ଇନେନ୍‌କି ମସିୟା ଇଚିସ୍ କ୍ରିସ୍ଟ ଇମେତାକେ ଜଲମ୍ ଆନାନ ?”

୧୩ ହେୱାର୍ ଉତର ହିତାର, “ଜିହୁଦା ଦେସ୍ନି ବେଡ଼ଲିହିମ୍ତ ।” ଇ ବିସ୍ତେ ରୱାନ ବେଶ୍‌ବାକ୍‌ଶାୟକିନାକାନ ଲେକିକିନା, ୧୪ “ଜିହୁଦା ଦେସ୍ନି ବେଡ଼ଲିହିମ୍ !

ଜିହୁଦାନି ମୁଡ଼ ବସିକାଙ୍ଗ୍ ବିତ୍ରେ ଏପେଙ୍ଗ୍ ହାରୁକାଦେର୍ ଆକାୟ୍, ଇନାକିଦେଂକି ନା ଇସ୍ତାଏଲ୍‌ୟର୍ ମାନାୟାରିଂ ଚାଲାୟକିଦେଂ ଇଞ୍ଜି ମିଙ୍ଗ୍‌ତାଂ ରୱାନ ନେତା ହଡ଼ନାନ ।”

୧୫ ଇଦାଂ ୱେନ୍‌ଞ୍ଜି ହେରଦ୍ ୱେଡ଼ାହନି ଦେସ୍ନି ହେ ପଣ୍ଡିତାରିଙ୍ଗ୍ ଡ଼ଗୁଜି ବେଶିକିନି ସବାତ କୁକ୍‌ଟି ସମାନ ଇମ୍‌ଣି ସମୁତ ହେ ହୁକା ହସି ମାଚାଡ଼, ହେୱାର୍‌ତାଂ ବୁଜାଆତାର । ୧୬ ତା ପାଚେ ହେୱାରିଂ ବେଡ଼ଲିହିମ୍ ଗାଡ଼ଦ୍ ପକ୍‌ଟି ଇଚାନ, “ହାଲାଟ୍ ହେ କାଡ଼ଦେଂ ହାର୍ କିଜି ଦାହାଟ୍ ଆରେ ତାଙ୍ଗେଙ୍ଗ୍ ହୁଡ଼ତିସ୍ ନାଙ୍ଗ୍ ୱେଟ୍‌ଟାଟ୍ ଆନ୍ ପା ହାଲ୍‌ଜି ତାଙ୍ଗେଙ୍ଗ୍ ପୁଜା କିନାଙ୍ଗ୍ ।”

୧୭ ହେବେ ହେୱାର୍ ରାଜା ବେଶ୍ ୱେନ୍‌ଞ୍ଜି ହାଚାର୍; ଆରେ ହୁଡ଼ା, ହେୱାର୍ ୱେଡ଼ାହନି ଦେସ୍ତ ଇମ୍‌ଣି ହୁକା ହୁଡ଼ତାର, ହେଦାଂ ହେୱାର୍ ଆଗ୍‌ଦ ଆଗ୍‌ଦ ହାଲ୍‌ଜି, ଇମେତାକେ କାଡ଼ଦେ ମାଚାନ, ପାଚେ ହେ ବାହା ଜପି ଚେବାତାଡ଼ । ୧୮ ହେୱାର୍ ହେଦେଲିଂ ହୁଡ଼ଜି ବେସି ୱାରିତାଂ ଏଚେକ୍ ଉଲ୍‌କା ଆଜି ନିଙ୍ଗ୍‌ତାର ହେୱାର୍ ହେୱାରିଂ ଆଗେ ଆଗେ ହାଲ୍‌ଜି ହୁକା ଆରେ କାଡ଼ଦେ ମାନି ଇଲ୍‌ ଜପି ସମାନ ଚେବା ଆତାର । ୧୯ ହେୱାର୍ ହେ ଇଲ୍ ବିତ୍ରେ ହଟାର୍ ଆରି କାଡ଼ଦେଂ ତେହି ମରିୟମ୍ ଲାହାଙ୍ଗ୍ ହୁଡ଼ଜି ମେଣ୍ଡାଙ୍ଗ୍‌କୁନ୍‌କିଜି ତାଙ୍ଗ୍ ପାର୍ତ୍ତନା କିତାର ଆରି ରଚେ ଅଜି ମାତି ହନା, କୁନ୍‌ରୁ ଆରି ବାସନା ଚିକାଣ୍ ହପ୍‌ଟି ଦାନ୍ ହିତାର ।

୨୦ ଇଦାଂ ପାଚେ ହେୱାର୍ ବିନ୍‌ ର ହାଜି ହିଜି ଜାର୍ ଦେସ୍ତ ହାଚାର୍ । ଇନାକିଦେଂକି ହେରଦ୍ ଲାଗାଂ ହାଞ୍ଜେଙ୍ଗ୍ କାଞ୍ଜିଟି କାଜିଂ ଇସ୍‌ବ୍ ହେୱାରିଂ କେଟ୍‌କଣ୍‌ତ ବଲ୍ ହିଜି ମାଚାନ ।

ମିସ୍‌ରତ ହନ୍ତାର

୨୧ ହେୱାର୍ ହାଚି ପାଚେ ମାପୁତି ଦୁଡ଼ ଜସେପ୍‌ତିଂ କେଟ୍‌କଣ୍‌ତ ଚଞ୍ଜୟା ଆଜି ଇଚାନ, “ହେରଦ୍ କାଡ଼ଦେଂ ଟୁଣି କାଜିଂ ଦାହନାନ । ଲାଗିଂ ନିଙ୍ଗାଟ୍, କାଡ଼ଦେଂ ଆରି

* ୧:୨୫ ୧:୨୫ ଲୁକ ୨:୨୧.

ତେହିଙ୍କୁ ଅଜି ମିସର ଦେସ୍ତ ହାଲାର୍ । ହେ ବାହା ପିସ୍ତେଙ୍ଗ୍ ଇଞ୍ଜି ପାତେକ୍ ହେବେ ମାନାର୍ ।”

୧୪ ଜସେପ୍ ନିଙ୍ଗ୍ଜି କାଡ଼ଦେଂ ଆରି ତା ତେହିଙ୍କୁ ଅଜି ହେ ନାଶା ମିସର ଦେସ୍ତ ହାଚାର୍ ।

୧୫ ହେରଦ୍ ହାନି ପାତେକ୍ ହେବେ ହେଝାର୍ ମାଚାର୍ । ଇ ଓଁଜୁ ଗିଗାଆତି କାଜିଂ ବେଶ୍‌ବାକ୍‌ଶାୟକିନାକାନ୍ ବେରଣ୍ ପୁରା ଆତାଡ଼ । ମାପୁ ଇଞ୍ଜି ମାଚାନ୍, “ନା ମାଜିଂ ଆନ୍ ମିସର ଦେସ୍ତାଂ କୁକ୍ତି ତାସି ଖାତାଂ ।”

କାଡ଼ଦେରିଂ ଚୁଣାକା

୧୬ ଝେଡ଼ାହନି ଦେସ୍ତାଂ ଖାଜି ମାନି ହେରଦ୍ ପଣ୍ଡିତାର୍ କାଜିଂ ତାଙ୍ଗେଙ୍ଗ୍ ଟକାୟ କିଜି ହାଚାର୍ ଇଞ୍ଜି ପୁଞ୍ଜି, ହେରଦ୍ ରିସା ଆଜି ହାଚାନ୍ ଆରେ ବେଡ଼ଲିହିମ୍ ଆରି ତା ଲାଗେ ଲାଗେନି ନାସ୍‌କୁକାଂ ମାନି ଦୁଇ ବାହୁଁ ଆରି ହେବେ ଉଶା ବାହୁଁନି ଓଁଜାର୍ କାଡ଼ଦେରିଂ ଚୁଣି କାଜିଂ ବଲ୍ ହିନାନ୍ । ହୁକାଂ ହସି ମାନି ସମୁ ବିସ୍ତେ ହୁକାଂ ଗାଣାକିନାକାରିଂ ହେଝାନ୍ ଇମ୍‌ଶାକା ଝେନ୍‌ଞ୍ଜି ମାଚାନ୍, ହେ ଲାକେ ହେଝାନ୍ କାଡ଼ଦେର୍ ବାହୁଁନି ଇଟ୍‌କାଡ଼ ହପ୍ତି ମାଚାନ୍ ।

୧୭ ଇଦାଂ କାଜିଂ ବେଶ୍‌ବାକ୍‌ଶାୟକିନାକାନ୍ ଜିରିମିୟତି ର ବେରଣ୍ ପୁରା ଆତାଡ଼ । ଇଦାଂ ହେଝାନ୍ ଲେକିକିଜି ମାଚାନ୍,

୧୮ “ରାମା ବସ୍ତିତ ଚେରା ଆନାକା ଝେନାପା

ହେଦାଂ କାକୁଲ୍‌ତି ଆଡ଼ବାନାକା କାର୍

ରାହେଲ୍ ତା ହିମ୍‌ଶାଂ କାଜିଂ ଆଡ଼ବାନାତା;

ହେଦେଲିଂ ଇମ୍‌ଶି ଦୁକ୍‌ସାରାୟ ଆଉତା,

ଇନାକିଦେଂକି ହେଝାର୍ ଓଁଜାର୍ ହାଚାର୍ ।”

ମିସରତାଂ ମାସ୍‌ଦି ହାଚାର୍

୧୯ ହେରଦ୍ ହାତି ପାଚେ ମାପୁତି ଦୁଡ଼ ମିସରତ ଜସେପ୍‌ତିଂ ଚଞ୍ଜିୟାଆଜି ଇଚାନ୍, ୨୦ “ନିଙ୍ଗାର୍, କାଡ଼ଦେଂ ଆରି ତା ତେହିଙ୍କୁ ଅଜି ଇସ୍ରାଏଲ୍ ଦେସ୍ତ ମାସ୍‌ଦି ହାଲାର୍ । ଇନାକିଦେଂକି ଇମ୍‌ଶାକାର୍ କାଡ଼ଦେତି ଜିବୁନ୍ ନାସ୍ କିଦେଙ୍ଗ୍ କାଜିଂ ସେସ୍ତୁ କିଜି ମାଚାର୍, ହେଝାର୍ ହାଚାର୍ ।” ୨୧ ଲାଗିଂ ଜସେପ୍ ନିଙ୍ଗ୍ଜି କାଡ଼ଦେଂ ଆରି ମରିୟତ୍‌ତିଂ ଅଜି ଇସ୍ରାଏଲ୍ ଦେସ୍ତ ମାସ୍‌ଦି ହାଚାର୍ ।

୨୨ ମାତର୍ ହେରଦ୍ ପାଚେ ତା ମାଜି ଆକ୍‌ଲିୟାୟ, ଜିହୁଦାନି ରାଜା ଆତାକା ଝେନ୍‌ଞ୍ଜି ହେଝାନ୍ ହେବେ ହାଞ୍ଜେଙ୍ଗ୍ ପାଣ୍ଡା ଆନାନ୍ । ମାତର୍ କେଟ୍‌କଣ୍‌ତ ବିନ୍ ଦେସ୍ ପାୟାଜି ହେଝାନ୍ ଗାଲିଲି ରାଜିନିପ ହାଚାନ୍ । ୨୩ ଆରେ ରଗ ବିନ୍‌ବାନି କେଟ୍‌କଣ୍ ପାୟା ଆଜି ହେଝାନ୍ ଗାଲିଲି ରାଜିତ ନାଜରିଡ଼ ବସ୍ତିତ ଇଲ୍ କିଜି ମାଚାନ୍ । ଓଁସ୍ତି ବିତ୍ତେ ବେଶ୍‌ବାକ୍‌ଶାୟକିନାକାନ୍ତି ହାରିହାରା ଲେକାଆତାକା ରଞ୍ଜାଙ୍ଗ୍ ବଚନ୍ ପୁରା ଆତାଡ଼ । “ହେଝାନ୍ ନାଜରିଡ଼ିୟ ଇଞ୍ଜି ପୁଗାଆନାନ୍ ।”

୩

ବାପ୍ତିସିମ୍ ହିନି ଜହନ୍ତି ପରଚାର୍

(ମାର୍କ ୧:୧-୮; ଲୁକ ୩:୧-୧୮; ଜହନ୍ ୧:୧୯-୨୮)

୧ ହେ ଝେଡ଼ାଲିଂ ବାପ୍ତିସିମ୍ ହିନି ଜହନ୍ ଜିହୁଦା ରାଜିନି ବାଟାରାଜିତ ଖାଜି ପୁଣାୟକିଦେଂ ଆରମ୍ କିତାନ୍ । ୨ * ହେଝାନ୍ ଇଞ୍ଜି ମାଚାନ୍, “ପାପ୍ ହାଜିତାଂ ମାନ୍‌ବାଦ୍‌ଲିୟ କିୟାଟ୍, ଇନାକିଦେଂକି ସାଗେ ରାଜି ଲାଗାଂ ।” ୩ ଜିସାୟ

ବେଶ୍‌ବାକ୍‌ଶାୟକିନାକାନ ଇମ୍‌ଣି ମୁଣିକାନ୍ତି ବିସ୍ତେ ଇଞ୍ଜି ମାଚାନ, ଜହନ୍ ନେ ହେ ମାନାୟ୍;

“ବାଲିବାଟାତ ଇନେର୍ ରକାନ କିକିରାତିଂ କିଜି ଇନାନ୍ନା,
ମାପୁ କାଜିଂ ହାଜି ଜାଲ୍‌ଦି କିୟାଟ୍;

ହେଞ୍ଜାନ୍ ଖାନି କାଜିଂ ରଞ୍ଜାଙ୍ଗ୍ ଆଡ଼୍‌ଝା ହାଜି ରଚାଟ୍ ।”

୪ ହେ ଜହନ୍ ଉଟ୍ ତଲ୍‌ନି ହେୟା ଉସ୍ତ୍‌ସ୍ ମାଚାନ । ହେଞ୍ଜାନ୍ ତା ମ୍ବେଙ୍ଗାତ ତଲ୍‌ନି ନୁଣ୍‌କୁ ଡରି ଗାଟ୍‌ତି ମାଚାନ । ପାମି ଆରି ରାନ୍ତିପୁକି ହେଞ୍ଜାନ୍ତି କାଦି ମାଚାତ । ୫ ଜିରୁସାଲମ୍ ବସ୍ତିତାଂ, ଜିହୁଦା ଦେସ୍‌ତ ଆରି ଜର୍ଦ୍‌ନ୍ ନାଗୁଡ୍ ଲାଗାଂ ଝିଜାର୍ ନିପ୍‌ଶାକାର୍ ମାନାୟାର୍ ତା ଲାଗେ ଖାଜି ମାଚାର୍ । ୬ ହେଞ୍ଜାର୍ ଜାର୍ ଜାର୍‌ତି ପାପ୍ ମାନି କିଜି ଜହନ୍‌ତାଂ ଜର୍ଦ୍‌ନ୍ ନାଗୁଡ୍‌ତ ବାପ୍ତିସିମ୍ ଅଜି ମାଚାର୍ ।

୭ *ଏରେକାଡ୍‌ଦ ଜହନ୍ ହୁଡ୍‌ତାନ ଆଦେକ୍ ପାରୁସିର୍ ଆରେ ସାଦୁକିର୍ ବାପ୍ତିସିମ୍ ଅନି କାଜିଂ ଖାନାରା; ହେଞ୍ଜାନ୍ ଇଚାନ, “କାଲାଟିରାଟ୍‌ନି ଲାତ୍ରା,” ଖାନିଦିନ୍ ମାପୁତି ଚାକ୍ତିତାଂ ହଡ୍‌ଡେଙ୍ଗ୍ କାଜିଂ ଇନେର୍ ମିଙ୍ଗେଙ୍ଗ୍ ଚେଡ୍‌ନା ହିଡ୍‌ତାନ ? 「ଲାଗିଂ ମାନ୍‌ବାଦ୍‌ଲାୟ୍ କିନି ହାଦ୍ ପାଡ୍ ଉବ୍‌ଜାଣ୍ କିୟାଟ୍; ଆରେ, ଇଦାଂ ମି ହାଦ୍ କାମାୟ୍ କାବାଡ୍‌ତ ଚଟାଟ୍ । ୯ *ବାବି କିମାଟ୍ ଜେ ଅବ୍ରାହାମ୍ ମା ଆବା, ଇଞ୍ଜି ମାନେ ମାନେ ଏପେଙ୍ଗ୍ ଇନ୍‌ମାଟ୍, ଇନାକିଦେଂକି ଆନ୍ ମିଙ୍ଗ୍ ଇଞ୍ଜି ଇଟ୍‌ନାଙ୍ଗା ଜେ ଇସ୍‌ବର୍ ଇ କାଲ୍‌କୁକାଂ ଅଜି ଅବ୍ରାହାମ୍ ଲାତ୍ରା ଉବ୍‌ଜାଣ୍ କିଦେଙ୍ଗ୍ ଆଡ୍‌ନାନ୍ । ୧୦ * ଆରେ, ନଙ୍ଗ୍ ପା ମାର୍‌କୁକାଂ ଦଲ୍‌ଦ କୁଡ୍‌ଲେ ଲାଗାତାଡ୍‌ନା; ଇମ୍‌ଣି ମାର୍‌କୁ ହାର୍ ପାଡ୍ ଆହ୍‌ଝିତିସ୍, ହେଦାଂ କାଦ୍‌ଦି ନାଣିତ ତୁହିୟା ଆନାଡ୍ । ୧୧ ଜହନ୍ ଝିଜାକାରିଂ ଉତର୍ ହିନାନ୍, “ଆନ୍ ହିନା ମିଙ୍ଗେଙ୍ଗ୍ ମାନ୍‌ବାଦ୍‌ଲାୟ୍ କିଦେଂ ଏଙ୍ଗୁଂତାଂ ବାପ୍ତିସିମ୍ ହିଡ୍‌ତାଂନା, ମାତର୍ ନା ପାଚେ ଇନେନ୍ ଖାନାନା, ହେଞ୍ଜାନ୍ ନାଙ୍ଗ୍‌ତାଂ ସାକ୍ତିକାଟାକାନ, ତା ପାନାନି ପାଣ୍ଡାଈଙ୍ଗ୍ ରିକ୍‌ଡେଂ ଇଞ୍ଜି ଆନ୍ ସମାନ୍ ଆକାୟ୍; ହେଞ୍ଜାନ୍ ମିଙ୍ଗେଙ୍ଗ୍ ପୁଇପୁୟା ଜିବୁଡ୍‌ତାଂ ଆରି ନାଣିତ ବାପ୍ତିସିମ୍ ହିଡ୍‌ନାନ୍ । ୧୨ ତା କେଇଦ ହେତି ମାନାଡ୍, ଲାଗିଂ ବାରବାନି ତାସ୍ ନିର୍ମଲ୍ କିଜି ଚୁଣ୍ଡିତ ଗମ୍ ଚୁଣ୍ଡାୟ୍ କିଜି ଇଡ୍‌ଦେଂ ଇଞ୍ଜି ହେଞ୍ଜାନ୍ କେଇଦ ହେତି ମାନାଡ୍, ମାତର୍ ପୁଟା ଝିଜୁ ହେଞ୍ଜାନ୍ ହାଝିନାଣିତ ଦେସ୍‌ସି ତୁହିନାନ୍ ।”

ଜିସୁ ବାପ୍ତିସିମ୍ ଅତାନ
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ହେ ପାଦ୍‌ନା ଜିସୁ ଗାଲିଲିତାଂ ଖାଜି ବାପ୍ତିସିମ୍ ମାନି କିଦେଙ୍ଗ୍ ଇଞ୍ଜି ଜର୍ଦ୍‌ନ୍ ନାଗୁଡ୍ ଗୁଚିତ ଜହନ୍‌ତାଂ ବାପ୍ତିସିମ୍ ଅତାନ । ୧୪ ମାତର୍ ଜହନ୍ ଜିସୁଙ୍ଗ୍ ବୁଲାୟ୍‌କିଜି ଇଚାନ, “ଆନ୍ ହିନା ନି ତାଙ୍ଗ୍ ବାପ୍ତିସିମ୍ ଆନି କାତା-ଏନ୍ ଆଡିସ୍‌ପା ନା ଲାଗାଂ ଖାତାୟ୍‌ନା ?”

୧୫ ମାତର୍ ଜିସୁ ଉତର୍ ହିତାନ, ନଙ୍ଗ୍ “ନା କାତାତ ରାଜିଆ । ଇନାକିଦେଂକି ଇଦାଂ କାଜିଂ ଆସେଙ୍ଗ୍ ଇସ୍‌ତ ଇଚା କାମାୟ୍ କିଦେଙ୍ଗ୍ ଆଡ୍‌ନାସ୍ ।” ଲାଗିଂ ଜହନ୍ ତାଙ୍ଗେଙ୍ଗ୍ ବାପ୍ତିସିମ୍ ହିଦେଂ ରାଜି ଆତାନ ।

୧୬ ଜିସୁ ବାପ୍ତିସିମ୍ ଅଜି ଏଙ୍ଗୁଂତାଂ ନିଙ୍ଗ୍‌ଜି ଖାନିହିଂ ହେଞ୍ଜାନ୍ ହୁଡ୍‌ତାନ ବାଦାଡ୍, ଜେୟାଆତାଡ୍‌ନା ଆରେ ଇସ୍‌ବର୍‌ତି ଜିବୁନ୍ ପାଣ୍ଡକା ଲାକେ ତା ଜପି କୁଚାଟ୍ ।

୧୭ *ତା ପାଚେ ସାଚେଟାଂ ଇ ଗାର୍ଜାନ୍ ଆତାଡ୍, “ଇଞ୍ଜାନ୍ ନା ଖାରିନି ମାଜି, ତାତାକେ ଆନ୍ ବେସି ଖାରି ।”

* ୩:୭ ୩:୭ ମାଡ଼ିଉ ୧୨:୩୪; ୨୩:୩୩. * ୩:୯ ୩:୯ ଜହନ୍ ୮:୩୩. * ୩:୧୦ ୩:୧୦ ମାଡ଼ିଉ ୭:୧୯.
* ୩:୧୭ ୩:୧୭ ମାଡ଼ିଉ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫.

୪

ସୟତାନ୍ ତାଙ୍ଗ ଜିସୁ ପରିକ୍ୟା କିୟାତାନ୍

(ମାର୍କ ୧:୧୨-୧୩; ଲୁକ ୪:୧-୧୩)

୧୧ ଧିଆଁ ପାଚେ ପୁଇପୁୟା ଜିବୁନ୍ ଜିସୁଙ୍ଗ ବାଲି ବାଟାନିପ ଅଜି ହାତାଡ଼ । ହେବେ ହେଖାନ୍ ସୟତାନ୍ ହୁଦାଁ ପରିକ୍ୟା କିୟାତାନ୍ । ୧୨ ଆରେ, ଚାଲିସ୍ ଖେଡ଼ା ଆରି ଚାଲିସ୍ ନାଣା ଉପାସ୍ କିଜି ହାରିହାରା ଜିସୁ ନାସକି ଆତାନ୍ । ୧୩ ହେଖାଡ଼ାଁ ସୟତାନ୍ ଜିସୁ ଲାଗାଁ ଖାଜି ଇଚାଡ଼, “ଏନ୍ ଜଦି ଇସ୍ବର୍ ମାଜି, ଇ କାଲ୍‌କୁକାଁ ରୁଟି ଆଦେଁ ଇଞ୍ଜି ବଲ୍ ହିୟା ।”

୧୪ ମାତର୍ ଜିସୁ ଉତର୍ ହିନାନ୍, “ଦରମ୍ ସାସ୍ବର୍ତ ଲେକା ମାନାଡ଼, ମାନାୟ୍ କେବଲ୍ ରୁଟିଁ ତିନ୍‌ଞ୍ଜି ଜିଜନ୍ । ମାତର୍ ଇସ୍ବର୍ ଖେଇଦିଁ ହଡ଼ିନ୍ ଖିଜୁ ବଚନ୍ ହୁକେ ଜିବୁନ୍ କାଜିଁ ଲଡ଼ା ।”

୧୫ ଇଦାଁ ପାଚେ ସୟତାନ୍ ଜିସୁଙ୍ଗ ପୁଇପୁୟା ଗାଡ଼ଦ୍ ଜିରୁସାଲମ୍‌ତ ଅଜି ହାତାଡ଼ । ହେବେ ତାଙ୍ଗେଙ୍ଗ୍ ମନ୍ଦିରନ୍ ବେସି ଜପି କୁଟି କିଜି ଇଚାଡ଼, ୧୬ “ଏନ୍ ଜଦି ଇସ୍ବର୍ ମାଜି, ତା ଆତିସ୍ ଇବେତାଁ ତାରେନ୍ ଗୁମା । ଇନାକିଦେଁକି ଦରମ୍ ସାସ୍ବର୍ତ ଲେକା ମାନାଡ଼,

ନିଙ୍ଗେଙ୍ଗ୍ ରାକ୍ୟା କିଦିନି କାଜିଁ ହେଖାନ୍ ଜାର୍ ଦୁଡ଼ରିଁ ନି ବିସ୍ତେ ବଲ୍ ହିନାନ୍ ।

ଏଚେକାଡ଼ଦ୍ ନି ପାନା କାଲ୍‌ଦ ଆଡ଼ଦାନାଡ଼ ।

ଇଦାଁ କାଜିଁ ହେଖାରି ନି କେଇଦ ଆସ୍ତାନାର୍ ।”

୧୭ ଜିସୁ ସୟତାନ୍‌ତିଁ ଉତର୍ ହିତାନ୍, “ଦରମ୍ ସାସ୍ବର୍ତ ଲେକାମାନାଡ଼, ଏନ୍ ମାପୁ ଜାର୍ ଇସ୍ବର୍‌ତିଁ ପରିକ୍ୟା କିଉୟ୍ ।”

୧୮ ତା ପାଚେ ସୟତାନ୍ ଜିସୁଙ୍ଗ୍ ଜପି ଅଜି ଆରି ଜିସୁଙ୍ଗ୍ ପୁତ୍‌ନି ସବୁ ରାଜି ଆରେ ହେ ସବୁ ହଲ୍‌ନାକା ଚଡ଼ି ଇଚାଡ଼, ୧୯ “ଜଦି ଏନ୍ ଏଚେକାଡ଼ଦ୍ ମେଣ୍ଡାଙ୍ଗ୍ କୁନ୍ଦିକିଜି ନାଙ୍ଗେଙ୍ଗ୍ ପୁଜା କିଦନାୟ୍, ଇ ଖିଜୁ ନିଙ୍ଗେଙ୍ଗ୍ ଆନ୍ ହିଦନାଁ ।”

୨୦ ଜିସୁ ଉତର୍ ହିତାନ୍, “ଦେହା ଆ ସୟତାନ୍ ! ଦରମ୍ ସାସ୍ବର୍ତ ଲେକାମାନାଡ଼, କେବଲ୍ ନି ମାପୁ ଇସ୍ବର୍‌ତିଁ ପାର୍ତାନା କିୟା ଆରି ହେଖାନ୍ତି ହେବା କିୟା ।”

୨୧ ତା ପାଚେ ସୟତାନ୍ ତାଙ୍ଗ୍ ପିସ୍ତ୍ର ହାଚାଡ଼, ଆରେ ହୁଡ଼ାଟ୍, ଦୁଡ଼କୁ ଖାଜି ହେଖାନ୍ତି ହେବା କିଦେଙ୍ଗ୍ ଲାଗିତିକ୍ ।

ଜିସୁ ଗାଲିଲିତ ତା କାମାୟ୍ ଆରମ୍ କିତାନ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୨୨ ଧିହନ୍‌ତିଁ ଗେହ୍‌ତାଣ୍ଟାଁ ଇଞ୍ଜି ଖେଟି ପାଚେ ଜିସୁ ଗାଲିଲିତ ହାଚାନ୍ । ୨୩ ଧିମାତର୍ ନାଜରିତ୍‌ୟତ ମାନ୍‌ଖାଦାଁ ଜବୁଲୁନ୍ ଆରି ନପ୍‌ତାଲି ନାସ୍‌କୁକାଁ ମାନି ଗାଲିଲି ହାମ୍‌ଦୁର୍ ଗୁଟିନି କପର୍‌ନାହୁମ୍ ତାକେ ବାହା କିତାନ୍ ୨୪ ଇଦାଁ ହୁକେ ବେଣ୍‌ବାକ୍‌ଶାୟ୍‌କିନାକାନ୍ ଜିସାୟ୍‌ତି ବେଣ୍ ପୁରା ଆତାଡ଼ । ହେଖାନ୍ ଇଞ୍ଜି ମାଚାନ୍ ।

୨୫ ଜର୍ଦନ୍ ନାଗୁଡ଼୍ ଆଣ୍ଟି ପାଡ଼କା ହାମ୍‌ଦୁର୍‌ତିଁ ଆଜିଁ ମାନି ହାଜି ଜପି ମାନାଡ଼ ଜବୁଲୁନ୍ ଆରି ନପ୍‌ତାଲି ଦେସ୍ ରିଣ୍ଟି

ପାଟିଁ କିଖି ଜିହୁଦିର୍‌ତି ଗାଲିଲି !

୨୬ ମାଜ୍‌ଗାତ ବାହା କିଜିମାନି ମାନାୟ୍‌ର୍

ର ଅଜଡ଼ନ୍ ଦିବାସ୍ ହୁଡ଼ନାର୍

ହାକିନି ନାଣା ନାସ୍‌କୁକାଁ ମାନି ମାନାୟ୍‌ର୍

☆ ୪:୧ ୪:୧ ଏବଂ ୨:୧୮; ୪:୧୫. ☆ ୪:୧୭ ୪:୧୭ ମାତ୍ରିକ ୧୪:୩; ମାର୍କ ୬:୧୭; ଲୁକ ୩:୧୯, ୨୦. ☆ ୪:୧୩ ୪:୧୩ ଜହନ୍ ୨:୧୨.

ଜପି ହେ ଅଜଡ଼ ଚଞ୍ଚୟା ଆତାଡ଼ ।

୧୭ *ହେ ସମୁତାଂ ଜିସୁ ସୁଣାୟ କିଜି ଇଚାନ, “ପାପ ହାଜିତାଂ ମାନବାଦଲ୍ଲାୟ କିୟାଟ୍, ଇନାକିଦେଂକି ସାଗେ ରାଜି ଲାଗାୟ !”

ଜିସୁ ଚାରିଜାଣ୍ ତେଲାରିଂ କୁକ୍ତାନ

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜିସୁ ଗାଲିଲି ହାମଦୁର୍ ପାଡ଼ିତ ବୁଲାନି ସମୁତ ସିମନ୍, ଇନେରିଂକି ପିତର୍ ଇଞ୍ଜି ଇନାର୍, ଆରେ ତା ଟଣ୍ଡାହିଙ୍ଗ୍ ଆନ୍ଦ୍ରିୟ, ଇ ଟଣ୍ଡରିୟାରିଂ ହାମଦୁର୍ତ ଜାଲ୍ ଦୁହିନାକା ହୁଡ଼ତାନ, ଇନେକିଦେଂକି ହେଝାର୍ ମିନ୍କୁ ଆହନାକାର୍ ମାଚାର୍ । ୧୯ ଜିସୁ ହେଝାରିଂ କୁକ୍ତି ଇଚାନ, “ନା ପାଚେ ପାଚେ ଖାତ । ଆନ୍ ମିଙ୍ଗେଙ୍ଗ୍ ମାନାୟ ଆହନାକା ହିକାଇ କିଦନାଙ୍ଗ୍ ।” ୨୦ ହେଝାର୍ ହେ ଦାପ୍ରେ ହେ ଜାଲ୍ ପିସ୍ତ୍ରି ତା ଲାହାଙ୍ଗ୍ ହାଚାର୍ ।

୨୧ ଜିସୁ ଅଲପ ଦେହା ହାଲ୍ଲଜି ଜାକୁର୍ ଆରି ଜହନ୍ ତରଦାକାନ୍ ଜେବଦିତି ରିୟାର୍ ମାଜିରିଂ ବେଟା ଆତାନ । ଇ ରି ଟଣ୍ଡରିୟାର୍ ଆରି ହେଝାର୍ ଲାତ୍ରାହି ଡଙ୍ଗାତ କୁର୍ଚି ହେଝାର୍ତି ଜାଲ୍ ଗାଡ଼ି କିଜି ମାନାକା ହୁଡ଼ଜି ହେଝାରିଂ କୁକ୍ତାନ । ୨୨ ଜିସୁ ହେଝାରିଂ ପା କୁକ୍ତାନ ଆରି ହେଝାର୍ ସାଙ୍ଗେ ସାଙ୍ଗେ ଡଙ୍ଗା ଆରି ଲାତ୍ରାହିଂ ପିସ୍ତ୍ରି ଜିସୁତି ପାଚେ ପାଚେ ହାଚାର୍ ।

ଜିସୁତି ହିକ୍ୟା, ପରଚାର୍ ଆରି ଉଜ୍ କିନାକା

(ଲୁକ ୬:୧୭-୧୯)

୨୩*ପାଚେ ଜିସୁ ହେଝାର୍ତି କୁଚୁମ୍ ଇଞ୍ଜି ହିକ୍ୟା ହିଜି ଇସ୍ତର୍ ରାଜିନି ନେକ୍ତିକାବୁର୍ ସୁଣାୟ କିଜି ଆରି ଲକାର୍ ଝିଜୁ ବାନି ରଗ୍ ଆରି ଝିଜୁ ବାନି ବେମାର୍ ଉଜ୍ କିଜି ସବୁ ଗାଲିଲିତ ବୁଲାଦେଂ ଲାଗାତାନ, ୨୪ ଆରେ ହେଝାକ୍ତି ବିସ୍ତେ ମାନାୟାର୍ ଝିଜାକାର୍ ସିରିୟା ପାଚେକ୍ ଝିଣଜି ହାଚାଡ଼ ଆରି ଲକୁ ପୁଦା ଦୁୟାତାକାର୍, ଆପ୍ରାଂ ଆରି ହିରକଲ୍ ଇଡ଼ୟାତି ରଗିରିଂ ସବୁ ବାର୍ବାନି ରଗ୍ତ ବେମାର୍ ଆରି ନନାକାରିଂ ହେଝାନ୍ ତାକେ ତାହିଝାତାର୍, ଆରେ ହେଝାନ୍ ହେଝାରିଂ ଉଜ୍ କିତାନ । ୨୫ ଆରେ ଗାଲିଲି, ଦେକାପଲି, ଜିରୁସାଲମ୍, ଜିହୁଦା ରାଜି ଆରି ଜର୍ଦ୍ଦନି ଆଣ୍ଟିପାଡ଼କାତାଂ ବେସି ହେନି ଲକୁ ଖାଜି ହେଝାନ୍ ପାଚେ ପାଚେ ହାଚାର୍ ।

୫

ମାଡ଼ି ଜପିତାଂ ଜିସୁତି ଉପଦେସ୍

୧ ଜିସୁ ମାନାୟ ଗହଲି ହୁଡ଼ଜି ମାଡ଼ି ଜପି ଦୁମ୍ତାନ, ଆରେ କୁର୍ଚି ପାଚେ ହେଝାକ୍ତି ତେଲାର୍ ହେଝାନ୍ ଚାର୍ବେଣ୍ଡାଂ ବେଡ଼ି କିଜି ଲାଗେ ଖାଚାର୍ । ୨ ହେବେ ଜିସୁ ଝେଇ କିଜି ହେଝାରିଂ ହିକ୍ୟା ହିଜି ଇଞ୍ଜେଙ୍ଗ୍ ଲାଗାତାନ ।

ଇମ୍ଫାଣାକାର୍ ଦନ୍ୟ

(ଲୁକ ୬:୨୦-୨୩)

୩ ଜିବୁନ୍ତ କାକୁଲ୍ତି ଲକୁ ଦନ୍ୟ,

ଇନାକିଦେଂକି ସାଗେ ରାଜି ହେଝାର୍ତି ।

୪ ଆଡ଼୍ବିନି ଲକୁ ଦନ୍ୟ,

ଇନାକିଦେଂକି ଇସ୍ବର୍ ହେଝାରିଂ ଦୁକ୍ସାରାୟ କିନାନ୍ ।

୫ ସାଦୁ ଲକୁ ଦନ୍ୟ,

ଇନାକିଦେଂକି ହେଝାର୍ ପୁତ୍ ନି ଆଦିକାରି ଆନାର୍ ।

୬ ଇସ୍ତର୍ ଇଚାତାଂ ଇମ୍ଫାଣାକାର୍ କାମାୟ କିନି ମାନାୟ ହେଝାର୍ ଦନ୍ୟ,

* ୪:୧୭ ୪:୧୭ ମାତ୍ରିକ ୩:୨. ☆ ୪:୨୩ ୪:୨୩ ମାତ୍ରିକ ୯:୩୫; ମାର୍କ ୧:୩୯.

ଇନାକିଦେଂକି ଇସ୍ବର ହେଞ୍ଜାରିଂ ସାରି ଆନାର୍ ।

୭ ଇମ୍ନାକାର୍ ବିନଲକାରିଂ କାର୍ମା ଆନାନ୍, ହେଞ୍ଜାର୍ ଦନ୍ୟ,
ଇନାକିଦେଂକି ଇସ୍ବର ହେଞ୍ଜାରିଂ ଦୟା କିନାନ୍ ।

୮ ଇନେରୁତି ମାନ୍ ସକଟ୍ ହେଞ୍ଜାନ୍ ଦନ୍ୟ,
ଇନାକିଦେଂକି ହେଞ୍ଜାର୍ ଇସ୍ବରତିଂ ହୁଡ୍ନାର୍ ।

୯ ଇମ୍ନାକାର୍ ସୁସ୍ତା ହୁଗ୍ଇଡ୍ଦେଂ ସେସ୍ତୁ କିତାର୍ ହେଞ୍ଜାର୍ ଦନ୍ୟ,
ଇନାକିଦେଂକି ହେଞ୍ଜାର୍ ଇସ୍ବର୍ତ୍ ହିମ୍ନାଂ ଇଞ୍ଜି ତାକ୍ପୁଟାନାର୍ ।

୧୦ *ଇସ୍ବର୍ତ୍ ଇଚାତ କାମାୟ୍ କିଜି ଇମ୍ନାକାର୍ ନିନ୍ଦାପାୟାନାର୍ ହେଞ୍ଜାର୍ ଦନ୍ୟ,
ଇନାକିଦେଂକି ସାଗେ ରାଜି ହେଞ୍ଜାର୍ତି ।

୧୧ *ମାନାୟାର୍ ଏତେକାଡ୍ଦ ମିଜେଙ୍ଗ୍ ନା କାଜିଂ ନିନ୍ଦା ଆରି ଲାଜ୍କୁଇ କିଦ୍ନାର୍,
ଆରେ ମିଚ୍ତ ମି ବିରୁଦ୍ଦତ ସବୁ ବାନ୍ୟା କାତା ଇଞ୍ଜିସ୍, ତେବେ ଏପେଙ୍ଗ୍ ଦନ୍ୟ ।

୧୨ *ଞ୍ଜାରି କିଜି ଞ୍ଜାର୍ଦୟା ଆଡ୍, ଇନାକିଦେଂକି ସାଗେତ ମିଦାଂ ଇନାମ୍ ଜବର୍ । ହେ
ଲାକେ ତ ହେଞ୍ଜାର୍ ମି ପୁର୍ବେନିକାର୍ ବେଶ୍ବାକ୍ଷାୟ୍କିନାକାରିଂ ନିନ୍ଦା କିଜି ମାଗାର୍ ।

ହର୍ ଆରି ଦିବାସ୍

(ମାର୍କ ୯:୫୦; ଲୁକ ୪:୩୪-୩୫)

୧୩ *ଏପେଙ୍ଗ୍ ପୁର୍ତ୍ ନି ହର୍ ଲାକେ, ମାତର୍ ହର୍ ଜଦି ହଞ୍ଜାଦ୍ ଆଞ୍ଜିତିସ୍, ବାଟିଙ୍ଗ୍
ହେଦାଂ ଇମେ କାର୍ଦୟା ଆନାଡ୍ ? ହେଦାଂ ଆରେ ଇମେତାକେ କାମାୟ୍ତ ଞ୍ଜାଡ୍ଡ,
କେବଲ୍ ବାଟି ତୁହିଜି ମାନାୟାର୍ ପାନା ତାରେନ୍ କୁସ୍ପାୟ୍ ଆନି ଜଗ୍ ।

୧୪ *ଏପେଙ୍ଗ୍ ପୁର୍ତ୍ ନି ଅଜଡ୍ । ମାଡ୍ ଜପି ରଚ୍ତି ଗାଡ୍ ଡ୍ଗୁଜି ମାଞ୍ଜେଙ୍ଗ୍ ଆଡ୍ଡ;
୧୫ *କି ମାନାୟାର୍ ବଇଟା କାତାୟ୍ କିଜି ମାଣ୍ ତାରେନ୍ ଇଚୁର୍, ମତର୍ ବଇଟା ଇଚ୍ଚିନି
ଜପି ଇଚ୍ଚିନାର୍, ହେବେ ହେଦାଂ ଇଞ୍ଜି ମାନି ଞ୍ଜିଜାରିଂ ଅଜଡ୍ ହିନାଡ୍ । ୧୬ *ହେ ଲାକେ
ମି ଦିବାସ୍ ଲକୁର୍ ମୁମ୍ଦ ଦିବାସ୍ ଆୟେଡ୍, ଇନେସ୍କି ହେଞ୍ଜାର୍ ମି ହାଡ୍ପା କାମାୟ୍ତ
ହୁଡ୍ଜି ମି ସାଗେ ମାନି ବାଞ୍ଜାତି ପାଶ୍ଦିଂ କେଚ୍ଚନାର୍ ।

ବିଦି

୧୭ ଆନ୍ ଜେ ମସାତି ବିଦି କି ବେଶ୍ବାକ୍ଷାୟ୍କିନାକାତ୍ ଦରମ୍ ସାସ୍ବର ବୁଡାୟ୍
କିଦେଙ୍ଗ୍ ଞ୍ଜାତାଂନ୍ନା, ଇଦାଂ ବାବିକିମାଟ୍; ବୁଡାୟ୍ କିଦେଙ୍ଗ୍ ଞ୍ଜାଞ୍ଜାତାଂନା ମାତର୍ ପୁରା
କିଦେଙ୍ଗ୍ ଞ୍ଜାତାଂନ୍ନା । ୧୮ *ଇନେକିଦେଂକି ଆନ୍ ମିଜେଙ୍ଗ୍ ହାଡ୍ପା ଇଞ୍ଜିନାଙ୍ଗା, ସାଗେ
ଆରି ପୁର୍ତ୍ ବୁଡା ଆଞ୍ଜି ପାତେକ୍ ମସାତି ବିଦି ର ଟପା, ଇନେସ୍ ପା ବୁଡା ଆଡ୍ଡ
। ଞ୍ଜିକୁ ବିସ୍ତେନି ଞ୍ଜିକୁ ବୁଡାଆଞ୍ଜି ପାତେକ୍ ଗିଟା ଆଡ୍ଡ । ୧୯ ଲାଗିଂ ଇନେଚ୍ଚକି ବିଦିନି
ଞ୍ଜିଜେଡାଂ ଗାଜା ବଲ୍କୁ ମାନିକିଞ୍ଜାତାନଚି ଆରି ହେ ଲାକେ କିତିଲେ ବିନ୍ ଲକାଂ ହିକ୍ୟା
ହିନାନ୍, ହେଞ୍ଜାନ୍ ସାଗେ ରାଜିତ ଞ୍ଜିଜେ ତାଙ୍ଗ୍ ହାରୁ ଇଞ୍ଜି ଇନ୍ୟା ଆନାନ୍ । ୨୦ ଲାଗିଂ
ଆନ୍ ଇଞ୍ଜିନାଙ୍ଗା ଦରମ୍ ଗୁରୁର୍ ଆରି ପାରୁସିଚ୍ତାଂ ଆଦିକ୍ ପାତ୍ କିଜି ଇସ୍ବରତି
ଇଚା ଲାକେ କାମାୟ୍ କିତିସ୍ ହାଲ୍ଜି ଏପେଙ୍ଗ୍ ସାଗେ ରାଜିତ ହଣ୍ଡେଙ୍ଗ୍ ଆଡ୍ନାଦେର୍
।

ଗାକ୍ତି ବିସ୍ତେ ହିକ୍ୟା

୨୧ ଏପେଙ୍ଗ୍ ଞ୍ଜେଟାଦେଶ୍ଟା ଜେ; ଆଗେ କାଡ୍ଦ ଲକାରିଂ ଞ୍ଜେଚ୍ଚଟାଶ୍ଟା, ନାର୍ ଅହ୍ମାଟ୍
। ଇନେଚ୍ ହେଦାଂ କିନାନ୍, ହେଞ୍ଜାନ୍ ବିଚାଶ୍ଟା କିୟାନାନ୍ ୨୨ ମାତର୍ ଆନ୍ ମିଜେଙ୍ଗ୍

* ୫:୧୦ ୫:୧୦ ୧ ପିଡର୍ ୩:୧୪. * ୫:୧୧ ୫:୧୧ ୧ ପିଡର୍ ୪:୧୪. * ୫:୧୨ ୫:୧୨ ପକ୍ୟାତାକା ୭:୫୨.
* ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. * ୫:୧୪ ୫:୧୪ ଜହନ୍ ୮:୧୨; ୯:୫. * ୫:୧୫ ୫:୧୫
ମାର୍କ ୪:୨୧; ଲୁକ ୮:୧୬; ୧୧:୩୩. * ୫:୧୬ ୫:୧୬ ୧ ପିଡର୍ ୨:୧୨. * ୫:୧୮ ୫:୧୮ ଲୁକ ୧୭:୧୭.

ଇଞ୍ଜିନାଙ୍ଗା, ଇନେର୍ ଇମ୍ଫଣି ଟଣ୍ଡେନ୍ ଜପି ଟାକ୍ତି ଆନାନ୍,* ହେଞ୍ଜାନ୍ ବିଚାଣ୍ଣା ବାହାତ ଦାଣ୍ଡ ପାୟାନାନ୍ । ଆରେ, ଇନେର୍ ଜାର ଟଣ୍ଡେନ୍ଠି ବକ୍ଝା ଇଞ୍ଜି ଇନାନ୍, ହେଞ୍ଜାନ୍ ଗାଜା ବିଚାଣ୍ଣାତ ଡାଣ୍ଡପାୟାନାନ୍, ଆରେ ଇନେର୍ ନାରବକ୍ଝା ମୁକ୍ଠା ଇଞ୍ଜି ଇନାନ୍, ହେଞ୍ଜାନ୍ ନାଣିଡ଼ିଞ୍ଜିନିତ ନରକ୍ତ ଡାଣ୍ଡ ପାୟାନାନ୍ । ୨୩ ଲାଗିଠି, ଇସ୍ଵତ୍ଠି ବେଦି ଜପି ଗାର୍ଝି ଲାଗେ ଏପେଙ୍ଗ୍ ଜାର୍ ଆକାଡ୍ ତାସି ମାନି ଝେଡାଲିଠି ମି ବିରୁଦ୍ଠ ମି ଟଣ୍ଡେନ୍ ଇମ୍ଫଣି କାତା ମାନାଡ୍ ଇଞ୍ଜି ହେବେ ମାନ୍ତ ଏଡୁ ଝାଡିସ୍, ୨୪ ତା ଆଡିସ୍ ହେ ବାହାତ ଗାର୍ଝି ମୁମଦ ମି ଆକାଡ୍ ଇଡ଼୍ଝି ହାଲାଟ୍, ଆଗେ ଜାର ଟଣ୍ଡେନ୍ ହୁକେ ମେହାଆଡୁ, ଆରେ ତା ପାଟେ ଝାଜି ମି ଆକାଡ୍ ହିୟାଟ୍ ।

୨୫ “ମି କୁରଲିୟା ହୁକେ ହାଜିଡ୍ ମାନି ଝେଡାଲିଠି ବେଗି ତା ହୁକେ ମେହାଦେଠି ବାଦ୍ନା ଚଞ୍ଜିୟାଡୁ, ଏଚେକାଡ୍ଠି କୁରଲିୟା ନିଠି ବିଚାରକାର୍ଯ୍ୟା ମିଠି ମେଲ୍ୟାଡ୍ କେଇଦ ହେଲ୍ଲାୟ୍ କିଦ୍ନାନ୍, ଆରେ ବିଚାର କାର୍ଯ୍ୟା ନିଠି ଜାମାନିର୍ କେଇଦ ହେଲ୍ଲାୟ୍ କିଦ୍ନାନ୍, ଆରେ ଏନ୍ ଜେଲ୍ଲତ ଗେହ୍ୟାନାୟ୍ । ୨୬ ଆନ୍ ମିଙ୍ଗେଙ୍ଗ୍ ହାଡ୍ପା ଇଞ୍ଜିନାଙ୍ଗା, ନି ଜପି ମାନି ଜରିମାନି ଡାବୁଙ୍ଗ୍ ପା ହୁଜାଝି ପାଡେକ୍ ଏପେଙ୍ଗ୍ ହେ ବାହାତାଠି ଇନେସ୍ ହସିଝାଦେଙ୍ଗ୍ ଆଡୁଦେର୍ ।”

ଦାରି ବିସ୍ତେ ହିକ୍ୟା

୨୭ ଏପେଙ୍ଗ୍ ଝେଚାଦେଣ୍ଣା, ଲେକା ଆତାଡ୍ଝା, ଦାରି କିମାଟ୍ ନାର୍ ଅହ୍ମାଟ୍ । ୨୮ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇନେର୍ ଇମ୍ଫଣି କଗଲେଡିଠି କାମାୟ୍ କାଜିଠି ହୁଡ୍ଡିସ୍, ହେଞ୍ଜାନ୍ ତା ହୁକେ ମାନ୍ତ ମାନ୍ତ ଦାରି କିତାନେ । ୨୯ ଏଆରେ, ଜପି ମିଙ୍ଗେଙ୍ଗ୍ ବାଦା ହିଦ୍ନାତା, ଏଚେକାଡ୍ଠି ମି ବାଦା ଆଡିସ୍, ଇଡିସ୍ ହେ କାଣାଙ୍ଗାଡିଠି ଉଦ୍ଠି ତୁହି ହିୟାଟ୍, ଇନାକିଦେଠିକି ମି ଝିଜୁ ଗାଗାଡ୍ ନରକ୍ତ ତୁହିୟାନି ବାଟା ର ପାଡ଼କା ନସ୍ ଆନାକା ନି ପାକ୍ୟାତ ହାର୍ । ୩୦ ଏଆରେ ମି ବୁଜ୍ଝି କେଇ ମିଦାଙ୍ଗ୍ ବାଦା ଆନାଟ୍, ହେଦେଲିଠି ପା କାଦ୍ଠି ତୁହିୟାଟ୍ । ମିଦାଙ୍ଗ୍ ଝିଜୁ ଗାଗାଡ୍ ନରକ୍ତ ତୁହିୟାନି ବାଟା ର କେଇଗାଲ୍ ବାଦା ଆନାକା ମି ପାକ୍ୟା ହାର୍ ।

ହେଲ ନାଟ୍ନାକା ବିସ୍ତେ ହିକ୍ୟା

(ମାତ୍ରିକ ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ * “ଜପି ଇନେର୍ ଜାର କଗଲେଠି ପିସ୍ତେଙ୍ଗ୍ ମାନ୍କିନାନ୍, ହେଞ୍ଜାନ୍ ତାଙ୍ଗ୍ ଲେକା ହୁଦାଠି ର ହେଲ୍ ହିଏନ୍ ଇ ସିକ୍ୟା ଏପେଙ୍ଗ୍ ଆଗେତାଠି ପାୟାତାଦେଣ୍ଣା । ୩୨ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା ଜେ, ଜପି ଇନେର୍କି ଜାର୍ ତକ୍ତି ହେଲ ନାଟ୍ନାନ୍ ହେଞ୍ଜାନ୍ ହେଦେଲିଠି ଦାରି କିନି ପାପ୍ତ ଦସି ଆନାନ୍ । ଜପି ତା ତକ୍ତିହି ବିନ୍ ଲକୁ ଲାହାଙ୍ଗ୍ ମେହାଡିସ୍, ତେବେ କେବଲ୍ ହେଞ୍ଜାନ୍ ହେଦେଲିଠି ହେଲ ନାଟ୍ନାନ୍ । ଜପି ଇମ୍ଫଣି ମାନାୟ୍ ହେଲ ନାଟ୍ନାତି ହେ କଗଲେଠି ବିବା କିଡିସ୍ ତେବେ ହେଞ୍ଜାନ୍ ପା ଦାରି କାମାୟ୍ତ ପାପ୍ତ ଦସି ଆନାନ୍ ।”

ପାର୍ମାଣ୍ ବିସ୍ତେ ହିକ୍ୟା

୩୩ “ଆରେ ରଗା, ଏପେଙ୍ଗ୍ ଝେଚାଦେଣ୍ଣା ଜେ, ଆଗେନିକାରିଠି ଝେଡ୍ଠି ମାଗାର୍, ଏପେଙ୍ଗ୍ ମିଡ୍ ପାର୍ମାଣ୍ କିମାଟ୍, ମତର୍ ଜାର୍ ପାର୍ମାଣ୍ ସବୁ ମାପୁଡି ତର୍ଦ୍ଦ କାମାୟ୍ କିନାଦେର୍ ।” ୩୪ ମାତର୍ ଆନ୍ ମିଙ୍ଗ୍ ଝେଚାଚାଙ୍ଗା, ମୁଡକେ ପାର୍ମାଣ୍ କିମାଟ୍; ସାଗେନି ଜିଦ୍ କିମାଟ୍, ଇନାକିଦେଠିକି ହେଦାଠି ଇସ୍ଵତ୍ଠି ଗାଦି, ୩୫ କି ପୁଡ୍ଠି ନି ପାର୍ମାଣ୍

* ୫:୨୨ ୫:୨୨ ଇନେର୍ ଟାକ୍ତି ଆନାନ୍; କେଡେକ୍ ପଡିତ ଲେକାମାନାଟ୍ ଜେ ଇନେର୍ ବେକାର୍ ଟାକ୍ତି ଆନାନ୍
 * ୫:୨୯ ୫:୨୯ ମାତ୍ରିକ ୧୮:୯; ମାର୍କ ୯:୪୭. * ୫:୩୦ ୫:୩୦ ମାତ୍ରିକ ୧୮:୮; ମାର୍କ ୯:୪୩. * ୫:୩୧ ୫:୩୧ ମାତ୍ରିକ ୧୯:୭; ମାର୍କ ୧୦:୪. * ୫:୩୨ ୫:୩୨ ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧ କରନ୍ତିୟ ୭:୧୦,୧୧. * ୫:୩୪ ୫:୩୪ ଜାକ୍ବ ୫:୧୨; ମାତ୍ରିକ ୨୩:୨୨.

କିମାଟ୍, ଇନାକିଦେଂକି ହେଦାଂ ହେଞ୍ଜାନ୍ତି ତରନ୍ନିବାହା; ଜିରୁସାଲମ୍ନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ଗାଜା ରାଜାତି ଗାଡ଼; ୩୭ କି ଜାର୍ କାପ୍ତାନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ନି ର ତେମ୍ବୁଲ୍ ତ୍ରିଚେଂ କି କାର୍ହାୟ୍ କିଦେଙ୍ଗ୍ ମି ସାଲ୍ଲି ହିଲ୍ଲୁଡ଼ । ୩୭ ମାତର୍ ମିଦାଙ୍ଗ୍ ଆଁ କାତା ଆଁ ଆୟେଡ଼, ଆକାୟ୍ କାତା ଆକାୟ୍ ଆୟେଡ଼; ଇବେଣ୍ଡାଂ ଇନାକା ଆଦିକ୍, ହେଦାଂ ବାନ୍ୟାତାଂ ହନାଡ଼ ।

ଡାରା ବିସ୍ତେ ହିକ୍ୟା
(ଲୁକ ୭:୨୯-୩୦)

୩୩ “ଏପେଙ୍ଗ୍ ଖେଚାଦେଣ୍ଡା, ଲେକା ମାନାଡ଼, କାଣ୍ଟା ବାଦୁଲ୍ଲତ କାଣ୍ଟା ଆରି ଚାଡାଙ୍ଗ୍ ବାଦୁଲ୍ଲତ ଚାଡାଙ୍ଗ୍; ୩୯ ମାତର୍ ଆନ୍ ଇଞ୍ଜନାଙ୍ଗା, ଇନେର୍ ନିଙ୍ଗେଙ୍ଗ୍ ବାନ୍ୟା କିଦନାର୍ ତାଙ୍ଗେଙ୍ଗ୍ ବାନ୍ୟା କିମାଟ୍ । ଜଦି ନି ବିନ୍ ତିନି କୁର୍ଖାତ ଇନେର୍ ଚାପ୍ତା ଇଡ଼ଦାତାର୍, ଆରେ ରଞ୍ଜାଙ୍ଗ୍ ଚାପ୍ତା ଇଡ଼ଦିନି କାଜିଂ ନି ତେବ୍ରି କୁର୍ଖା ପା ଚଚାଟ୍ । ୪୦ ଜଦି ଇନେର୍ ନି ଆଜି ଅନି କାଜିଂ ମି ବିରୁଦ୍ଦତ ନାଡ଼ାଇ କିଜି ମିଙ୍ଗେଙ୍ଗ୍ ବିଚାରକିନି ତାକେ ଅଜି ହାଞ୍ଜନାନ୍, ତାଙ୍ଗେଙ୍ଗ୍ ନି ଆଜି ପା ଦାନ୍ କିୟା ।” ୪୧ “ଜଦି ଇମ୍ଫଣି ମେଲ୍ୟା ବିତ୍ରେ ଇନେର୍ ନିଙ୍ଗେଙ୍ଗ୍ ତା ବଜ୍ ପିଣ୍ଡୁଜି ର କିଲମିଟର୍ ହାନି କାଜିଂ ରୁଟ୍ତାନାନ୍, ହେଞ୍ଜାନ୍ ହୁଦାଂ ରି କିଲମିଟର୍ ହାଲା । ୪୨ ଇନେର୍ ନିଙ୍ଗେଙ୍ଗ୍ ଏନ୍ତାନାର୍, ତାଙ୍ଗେଙ୍ଗ୍ ହିୟାଟ୍, ମୁନା କିଞ୍ଜାଦାଂ ତାଙ୍ଗ୍ ହିୟା । ଇନେର୍ ଇନାକା ମୁକ୍ତାୟ୍ ଏନ୍ତାନାର୍ ତାଙ୍ଗ୍ ହେଦାଂ ହିୟାଟ୍ ।”

ସାତୁରିଂ ଜିଉନଞ୍ଜାଟ୍
(ଲୁକ ୭:୨୭-୨୮, ୩୨-୩୩)

୪୩ “ହାଙ୍ଗ୍ଦାକାରିଂ ଜିଉନଞ୍ଜାଟ୍, ସାତୁରିଂ ଗିଣ୍ କିୟାଟ୍ । ଇ ହିକ୍ୟା ଆଗେତାଂ ଖେଚାଦେଣ୍ଡା । ୪୪ ମାତର୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ସାତୁରିଂ ଜିଉନଞ୍ଜାଟ୍ । ଇମ୍ଫଣାକାର୍ ନିଙ୍ଗେଙ୍ଗ୍ ନିନ୍ଦା କିଦନାର୍, ହେଞ୍ଜାର୍ କାଜିଂ ପାର୍ତାନା କିୟାଟ୍ । ୪୫ ଇଦାଂ କିତିସ୍ ସାଗେନି ଆବା ମାଜି ଇଞ୍ଜି ଚିନା ଆନାନ୍ । ଇନାକିଦେଂକି ଇସ୍ବର୍ ଗାଜା ଆରି ଦାମ୍ ଆରେ ଅଦାମ୍ ମାନାୟାରିଂ ଖେଡ଼ା ଅଜଡ଼୍ ହିନାନ୍ ଆରି ହାର୍ କାମାୟ୍ ଆରି ବାନ୍ୟା କାମାୟ୍ କିନାକାରିଂ ଖିଜାରିଂ ବାର୍ହା ହିନାନ୍ । ୪୬ ଆରେ ଇମ୍ଫଣାକାର୍ ମିଙ୍ଗେଙ୍ଗ୍ ଜିଉନଦନାର୍, ହେଞ୍ଜାରିଂ ଜିଉନଡିସ୍, ଇସ୍ବର୍ ଇନେକିଦେଂ ନିଙ୍ଗେଙ୍ଗ୍ ଇନାମ୍ ହିଦନାନ୍ ? ସିସ୍ତୁନ୍ଦନାକାର୍ ପା ହେଦାଂ କିତାର୍ ।” ୪୭ “ଆରେ ଏପେଙ୍ଗ୍ କେବଲ୍ ଜାର୍ ଜାର୍ ଟଣ୍ଡାରିଂ ଜଞ୍ଜାର୍ କିୟାଟ୍, ଲାଗିଂ ଏପେଙ୍ଗ୍ କି କାବାନି କାମାୟ୍ କିନାଦେରା ? ପାଟ୍ କିଞ୍ଜି ଜିହୁଦିର୍ ପା ହେଦାଂ କିଞ୍ଜାତାଣ୍ଡା ? ୪୮ ମି ସାଗେନି ଆବା ଇନେସ୍ ଦାମ୍, ଏପେଙ୍ଗ୍ ହେ ଲାକେ ଦାମ୍ ଆନାକା ମାନାଡ଼ ।”



ଦାନ୍ ଦରମ୍ ବିସ୍ତେ ହିକ୍ୟା

୧ *ଲକାରିଂ ଚର୍ଚ୍ଚି କାଜିଂ ହେଞ୍ଜାର୍ ମୁମ୍ଦ ହାଦ୍ କାମାୟ୍ କିମାଟ୍ । ହେଦାଂ କିତିସ୍ ସାଗେନି ଆବା ତାଙ୍ଗ୍ ଏପେଙ୍ଗ୍ ଇନାମ୍ ଗାଟା ଆଉଦେର୍ ।

୨ “ରକାନ୍ ଅକ୍ ଡ଼ ଲକାଂ ଅଲପ୍ ଦାନ୍ ହିନିହିଂ କାପ୍ଟିୟାର୍ ଲାକେ ଜାର୍ ମୁମ୍ଦ ମରି ତୁବ୍ମାଟ୍ । ହେଞ୍ଜାର୍ ପାର୍ତାନା ଇଲ୍ଲୁକାଂ ଆରି ମାଦ୍ଫି ପାଟିତ ଜାର୍ କାପ୍ଟିୟାର୍ ଚର୍ଚ୍ଚନାର୍ । ମାନାୟାର୍ତାଂ ଜାଜ୍ମାଲ୍ ପାୟା ଆନି କାଜିଂ ହେଞ୍ଜାର୍ ଇଦାଂ କିତାର୍ । ଆନ୍ ହାଡ଼ପା ଇଞ୍ଜନାଙ୍ଗା ଜେ ହେଞ୍ଜାର୍ ଇଦାଂ ତାଙ୍ଗ୍ ହେଞ୍ଜାଡ଼ି ଗାଟାନାକା ପୁରା

* ୭:୧ ୭:୧ ମାଡ଼ିର ୨୩:୫.

ପାୟାଆତାରେ ।^୩ ମାତର ଏପେଙ୍ଗ ଦାନ୍ କିନି ଖେଡ଼ାଲିଂ ମି ବୁଜଣି କେଇ ଇନାକା କିନାତା, ହେଦାଂ ମି ତେବୁ କେଇ ପୁନ୍ମେଡ଼, ^୪ ଇନେସ୍ ମି ଦାନ୍ ଡ଼କୁଟି ଆନାଡ଼, ଆରେ ମି ବାଞ୍ଜା ଜେ ଡ଼ଗୁଜି ହୁଡ଼ଦାନାନ୍, ହେଞ୍ଜାନ୍ ଇ ଲାକେ ଇ ଦାନ୍ ଡ଼ଗୁଜି ହିଦନାନ୍ ।”

ପାର୍ତନା ବିସ୍ତେ ହିକ୍ୟା
(ଲୁକ ୧୧:୨-୪)

^୫ “ପାର୍ତନା କିନି ଖେଡ଼ାଲିଂ କାପ୍ଟିୟାର୍ ଲାକେ ଆମାଟ୍, ଇନାକିଦେଂକି ହେଞ୍ଜାର୍ ଲକୁ ଚର୍ନି କାଜିଂ ପାର୍ତନା ଇଲ୍ ଆରି ହାଡ଼ାକ୍ ତେଡ଼ା ବାହାତ ନିଲ୍ଟି ପାର୍ତନା କିଦେଙ୍ଗ୍ ଖାରିୟାନାର୍; ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ନିଜାର୍ତି ଇନାମ୍ ଗାଟାତାଣ୍ଟା । ^୬ ମାତର ଏପେଙ୍ଗ୍ ପାର୍ତନା କିନି ଖେଡ଼ାଲିଂ ଜାର୍ ବାକ୍ତା ବିତ୍ତେ ହାଲାଟ୍, କାପାଟ୍ ଗେହାଟ୍ ଆରି ମି ସାଗେନି ବାଞ୍ଜା ଇସ୍ପୁର୍ତିଂ ପାର୍ତନା କିୟାଟ୍ । ଏପେଙ୍ଗ୍ ଡ଼ଗୁଜି ଇନାକା କିନାଦେର୍, ଝିଜୁ ହୁଡ଼ନି ବାଞ୍ଜା ଇସ୍ପୁର୍ ହେଦାଂ ହୁଡ଼ଜି ମିଙ୍ଗେଙ୍ଗ୍ ଇନାମ୍ ହିଦନାନ୍ ।”

^୭ “ଆରେ, ପାର୍ତନା କିନି ଖେଡ଼ାଲିଂ ପାତ୍ କିଝି ଜିହୁଦିର୍ ଲାକେ ପଲ୍ୟା ଅରଡ଼ ହିଲ୍ଝି ବେଣ୍ କିମାଟ୍, ଇନାକିଦେଂକି ହେଞ୍ଜାର୍ ବେସି କାତା ଇଚିଲେ ହେଞ୍ଜାର୍ତି ପାର୍ତନା ଖେନ୍ୟାନାଡ଼ ଇଞ୍ଜି ବାବି କିତାର୍ ।^୮ ହେଞ୍ଜାର୍ ଲାକେ ଆମାଟ୍ । ଏପେଙ୍ଗ୍ ଏନ୍ନି ଆଗେ ମିଦାଙ୍ଗ୍ ଇନାକା ଲଡ଼ା, ମି ସାଗେନି ବାଞ୍ଜା ହେଦାଂ ଝିଜୁ ପୁନାନ୍ ।^୯ ଲାଗିଂ ଏପେଙ୍ଗ୍ ଇବାନି ପାର୍ତନା କିନାଦେର୍;

ଏ ମା ସାଗେନି ଆବା,

ନି ତର୍ ପୁଇପୁୟା ଇଞ୍ଜି ମାନି ଆୟେଡ଼ ।

^{୧୦} ନି ରାଜି ଖାୟେଡ଼ ।

ଇନେସ୍ ସାଗେତ, ହେ ଲାକେ ପୁତ୍ ତ ନି ଇଟା ପୁରାୟେଡ଼ ।

^{୧୧} ନେଞ୍ଜେଙ୍ଗ୍ ମାଙ୍ଗେଙ୍ଗ୍ ଲଡ଼ାନି କାଦି ହିଦା ।^{*}

^{୧୨} ଆପେଂ ଇନେସ୍ ଜାର୍ ଜାର୍ ପାପିରିଂ କେମା କିନାପା,

ହେ ଲାକେ ମା ପାପ୍ ସବୁ କେମା କିଦା ।

^{୧୩} ପରିକ୍ୟାତ ମାଙ୍ଗେଙ୍ଗ୍ ତାହି ଖାଦମା,

ବାନାପାତଂ ରାକ୍ୟା କିଦା । ଲାଗିଂ ରାଜି, ସାକ୍ତି ଆରି ଜୁଞ୍ଜାର୍ ଜୁଗ୍ ଜୁଗ୍ ନିୟାଂ ।
ଆମେନ୍ ।”

^{୧୪} * “ଏଚେକାଡ଼ଦ ମାନାୟାର୍ତି ପାପ୍ ସବୁ କେମା କିନାଦେର୍, ତେବେ ମିଦାଙ୍ଗ୍ ସାଗେନି ବାଞ୍ଜା ମିଙ୍ଗେଙ୍ଗ୍ ପା କେମା କିଦନାନ୍;

^{୧୫} ମାତର ଏଚେକାଡ଼ଦ ଲକାରିଂ କେମା କିଝିତିସ୍, ତେବେ ମି ସାଗେନି ଆବା ପା ମିଙ୍ଗେଙ୍ଗ୍ ପାପ୍ ସବୁ କେମା କିଦୁନ୍ ।”

ଉପାସ୍ ବିସ୍ତେ ହିକ୍ୟା

^{୧୬} “ଉପାସ୍ କିନି ଖେଡ଼ାଲିଂ କାପ୍ଟିୟାର୍ ଲାକେ ମୁମ୍ପରାଡ଼ମାଟ୍, ଇନାକିଦେଂକି ହେଞ୍ଜାର୍ ଉପାସ୍ କିନାରା ଇଞ୍ଜି ଲକାର୍ ମୁମ୍ପଦ ହୁଡ଼ୟାନି କାଜିଂ ଜାର୍ ଜାର୍ ମୁମ୍ପିଂ ରାଡ଼ନାର୍; ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ଇନାମ୍ ଗାଟାତାଣ୍ଟା ।

^{୧୭} ମାତର ଏପେଙ୍ଗ୍ ଉପାସ୍ କିନି ଖେଡ଼ାଲିଂ ଏପେଙ୍ଗ୍ ମୁମ୍ପ ଉରାଟ୍ ଆରି ମି କାପ୍ଡାତ ଚିକାଣ୍ ଉରାଟ୍, ^{୧୮} ଇନେସ୍ ଏପେଙ୍ଗ୍ ଉପାସ୍ କିନାଦେରା ଇଞ୍ଜି ଲକାର୍

* ୭:୧୧ ୭:୧୧ ମା ଲଡ଼ା; ନେଜେଙ୍ଗ୍, ନଲେ ଝିଗା କାଜିଂ * ୭:୧୪ ୭:୧୪ ମାର୍କ ୧୧:୨୫, ୨୬.

ମୁମ୍ବ ହୁଡ଼ିୟାଞ୍ଜାଦାଂ ତୁଗୁଜି ମାନି ବାଞ୍ଜାତି ମୁମ୍ବ ହୁଡ଼ିୟାନାଦେର; ଆରେ, ମି ବାଞ୍ଜା ଜେ ତୁଗୁଜି ହୁଡ଼ିୟାନାନ୍, ହେଞ୍ଜାନ୍ ମିଙ୍ଗ୍ ପାଡ଼୍ ହିଦ୍ନାନ୍ ।”

ସାଗେତ ଆଜାତି ଦାନ୍
(ଲୁକ ୧୨:୩୩-୩୪)

୧୯ “ଇମେତାକେ ପ୍ରି ଆରି ଲିମ୍ ତିନାଡ଼ ପ୍ରାଲ୍ ଜିରାୟ୍ କିନାଡ଼, ଆରେ ଚର୍କୁ ଇଲ୍ ଚରି କିଡାର୍, ଏଲେଙ୍ଗ୍ବାତ ପୁତ ତ ଜାର୍ ଜାର୍ କାଜିଂ ଦାନ୍ ରୁଣ୍ଡାୟ୍ କିମାଟ୍ । ୨୦ ମାତର ଇମେତାକେ ପ୍ରିକୁ ଆରି ପ୍ରାଲ୍ ନସ୍ କିଉଡ଼ ଆରି ଚରକୁ ହଣ୍ଡି ଦାନ୍ ଚର୍ ଅଦେଂ ଆଡୁର୍ । ଏଲେଙ୍ଗ୍ ସାଗେତ ଜାର୍ ଜାର୍ କାଜିଂ ଦାନ୍ ଆଜା ଆଡ଼, ୨୧ ଇନାକିଦେଂକି ଇମେତାକେ ମିଦାଙ୍ଗ୍ ଦାନ୍ ହେବେ ପା ମିଙ୍ଗେଙ୍ଗ୍ ମାନ୍ ।”

ଗାଗାଡ଼ି ଅଜଡ଼୍
(ଲୁକ ୧୧:୩୪-୩୬)

୨୨ “କାଣ୍ଡକୁ ଗାଗାଡ଼ି ଅଜଡ଼୍ ଲାକେ । ଏଚେକାଡ଼୍ଦ ମି କାଣ୍ଡକୁ ଅଣ୍ଡାଙ୍ଗ୍ ମାତିସ୍, ହେ ପାଦନା ମି ଝିକୁ ଗାଗାଡ଼୍ ପା ଅଜଡ଼୍ ଲାକେ ଆନାଡ଼ । ୨୩ ମାତର କାଣ୍ଡକୁ ଜଦି ବାନ୍ୟା ଆନିକ୍, ଗାଗାଡ଼ି ମାଜ୍ଗା ଆନାଡ଼ । ମି ଝାସ୍କିନି ଅଜଡ଼୍ ଜଦି ମାଜ୍ଗା ଆନାଡ଼, ତେବେ ଏଚେକ୍ ମାଜ୍ଗା ବଇକାର୍ ମାଜ୍ଗା ଆନାଡ଼ !”

ଇସ୍ବର ଆରି ଦନ୍ ସଂପତି
(ଲୁକ ୧୬:୧୩, ୧୨:୨୨-୩୧)

୨୪ “ରକାନ୍ ମାନାୟ୍ ରି ମାପୁତି ଆଡ଼ିଏନ୍ ଆଦେଂ ଆଡୁନ୍; ଇନାକିଦେଂକି ହେଞ୍ଜାନ୍ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଆଞ୍ଜିତିସ୍ ରକାନ୍ ପାଚେ ହାନାନ୍ ଆରି ବିନ୍ ନିକାନିଂ ମାନିକିଉନ୍ । ଏପେଙ୍ଗ୍ ଇସ୍ବର ଆରି ଦାନ୍, ରିୟାଡ଼ି ଆଡ଼ିଏନ୍ ଆଦେଂ ଆଡୁନ୍ ।”

୨୫ “ଇଦାଂ କାଜିଂ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର୍ କି ଇନାକା ଉଣାଦେର୍, ଏପେଙ୍ଗ୍ ଏତୁ କିଜି ମି ଜିବୁନ୍ କାଜିଂ, କି ଇନାକା ଉସ୍ପାନାଙ୍ଗ୍, ଏପେଙ୍ଗ୍ ଏତୁ କିଜି ମି ଗାଗାଡ଼୍ କାଜିଂ ପା ଚିନ୍ତା କିମାଟ୍ । ତିନାଉଣାତାଂ ଜିବୁନ୍ ଆରି ହେନ୍ଦାଙ୍ଗ୍ ତାଂ ଗାଗାଡ଼୍ କି ଗାଜା ଆକାୟ୍ ? ୨୬ ପଟିକାଂ ହୁଡ଼ାଟ୍, ହେଝେକ୍ ଝିଡୁକ୍ କି ତ୍ରେସୁକ୍ପା । ତାସ୍ ତ୍ରେଜି ଚୁଣ୍ଡିତ ରୁଣ୍ଡାୟ୍ କିଜି ଇଚୁକ୍ । ମି ସାଗେନି ଆବା ଇସ୍ବର ହେଞ୍ଜାକାଂ ଜତନ୍ କିଜି କାଦି ହିନାନ୍ । ଏପେଙ୍ଗ୍ ଇନାକା ପଟିଂତାଂ ଗାଜା ଆକାୟ୍ ? ୨୭ ଆରେ, ମି ବିତ୍ରେ ଇନେର୍ ଚିନ୍ତା କିଜି ଜାର୍ ଆଁଇସ୍ ଦାପ୍ରେ ବାଡାୟ୍ କିଦେଙ୍ଗ୍ ଆଡ଼ନାନ୍ ?”

୨୮ “ଆରେ ହେନ୍ଦାଙ୍ଗ୍ କାଜିଂ ଇନେକିଦେଂ ଚିନ୍ତା କିନାଦେରା ? ବାଟାନି ପୁଇକୁ ବିସ୍ତେ ଏଡ଼ କିଜି ହିକ୍ୟା ମାନି କିୟାଟ୍, ହେଞ୍ଜାଙ୍ଗ୍ ଇନେସ୍ ଗାଜାନିଂ; ହେଞ୍ଜାଙ୍ଗ୍ ସବୁ କସ୍ କିଉକ୍, କି ନୁଲ୍ ତୁଚ୍, ୨୯ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ସଲମାନ୍ ପା ଜାର୍ଡି ଝିକୁ ହଲ୍ଲନାକାତ ଇଞ୍ଜାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଞ୍ଜାଦାଂ ମାଟାନ୍ । ୩୦ ମାତର ଇମ୍ବି କାତ୍ରା ନେଜେଙ୍ଗ୍ ବାଡ଼୍ଦ ମାନାଡ଼, ଆରି ଝିଗାଲିଙ୍ଗ୍ ହଲ୍ଲଦ ଦେହିୟା ଆନାଡ଼, ତାଙ୍ଗେଙ୍ଗ୍ ଇନାଞ୍ଜାଡ଼ାଂ ଇସ୍ବର ଇ ଲାକେ ବେସ୍ କିଦ୍ନାନ୍, ଲାଗିଂ, ହେ ଅଲପ୍ ପାତ କିନାଦେର୍, ହେଞ୍ଜାନ୍ ମିଙ୍ଗେଙ୍ଗ୍ କି ଆଦିକ୍ ହାଡ଼ପା ହେନ୍ଦାପାଟା ହିଦ୍ନାନ୍ !”

୩୧ “ଲାଗିଂ ଇନାକା ତିନାକା ଇନାକା ଉଣାକା କି ଇନାକା ଉସ୍ପାନାକା ଇଦାଂ ଇଞ୍ଜି ମାନ୍ ଦୁକ୍ କିମାଟ୍ ? ୩୨ ଇନେକିଦେଂକି ପାତ କିଞ୍ଜି ଜିହୁଦିର୍ ଇ ସବୁ ବିସ୍ତେ ଦାସ୍ତି ବୁଲାନାଟ୍ । ଆରେ ଇ ସବୁ ବିସ୍ତେ ଇନେନ୍ ମିଙ୍ଗେଙ୍ଗ୍ ଲଡ଼ା, ହେଦାଂ ମିଦାଂ ସାଗେନି ଆବା ପୁଞ୍ଜନାନ୍ ।

☆ ୬:୧୯ ୬:୧୯ ଜାକବ ୫:୨,୩.

୩୩ ମାତର ଏପେଙ୍ଗ ପର୍ତ୍ତୁମ୍ ଇସ୍ବର ରାଜି ଆରି ଦାମ୍ ଡେକାଟ୍, ଆରେ ଇ ଓଁଜୁ ବିସ୍ବେ ପା ମିଙ୍ଗେଙ୍ଗ ହିଦ୍ନାନ୍ । ୩୪ ସବୁ ନାଜିଂ ନି ହାବଡ୍ ନିତ୍ରେ କାଜିଂ ଇଞ୍ଜି ଲଡ଼ା ଆଏଡ୍ ଏଚେକ୍ ସାରି । ବିପ୍ରି ଆମାଟ୍ । ଓଁଗାନି ଚିନ୍ତା ଓଁଗା କିନାଦେର୍ । ଓଁଗାମାହିଙ୍ଗ ବିସ୍ବେ ଚିନ୍ତା କିଜି ନେଜେଙ୍ଗନି ବିପ୍ରିତିଂ ଲାମାୟ୍ କିମାଟ୍ ।”



ବିନ୍ନିକାରିଂ ଦସ୍ ଆହ୍ନାକା
(ଲୁକ ୭:୩୭,୩୮,୪୧,୪୨)

୧ “ଏପେଙ୍ଗ ଇନେସ୍ ବିଚାରକିୟା ଆଉଦେର୍, ଇଦାଂ କାଜିଂ ବିଚାର୍ କିମାଟ୍ । ୨ * ଇନେକିଦେଂକି ଇମାଣି ବିଚାର୍ତ ବିଚାର୍ କିନାଦେର୍, ହେ ବିଚାର୍ତ ଏପେଙ୍ଗ ବିଚାର୍ କିୟାନାଦେର୍; ଆରେ ଇମାଣି ମାଣଦ ଲାଟ୍ନାସ୍, ହେ ମାଣତାଂ ମିଙ୍ଗେଙ୍ଗ ମାଣଦାଂ ହିଦ୍ନାୟା ଆନାଡ୍ । ୩ ନି କାଣ୍ଟାତ ଝେଙ୍ଗୁ ଗାତ୍ରା ମାନିହିଂ ନି ଟଣ୍ଡେନ୍ କାଣ୍ଟାତ ହାରୁ ଗାତ୍ରା ଇନେକିଦେଂ ଦିୟାନ୍ କିନାୟା ? ୪ ଜାର୍ କାଣ୍ଟାତ ଝେଙ୍ଗୁ ଗାତ୍ରା ମାନୁ ମାନୁ ଏନ୍ ଇମାଣି ସାସ୍ବରତାଂ ନି ଟଣ୍ଡେନ୍ କାଣ୍ଟାତାଂ ଦୁଡ୍ଡି ହପ୍ତି ହିଦ୍ନାଂ ଇଞ୍ଜି ଇନାୟା ? ୫ କାପ୍ତିୟାର୍ ! ନି କାଣ୍ଟାନି ଝେଙ୍ଗୁ ଗାତ୍ରା ପର୍ତ୍ତୁମ୍ ହପ୍ତିୟା । ତା ଆତିସ୍ ନି ଟଣ୍ଡେନ୍ କାଣ୍ଟାତ ଆଜିଂ ମାନି ଦୁଡ୍ଡି ଏନ୍ ଆଡ୍ଝା ହୁଡ୍ଡେଂ ଆଡ୍ନାୟା । ଆରି ହୁଡ୍ଡେଂ ଆଡ୍ନାଦେର୍ ।”

୬ “ନିକୁଡ୍ଡିକାଂ ପୁଇପୁୟା ଜିନିସ୍ ହିମାଟ୍ । ଇନାକିଦେଂକି ହେଦାଂ ମାସ୍ବି ନିଙ୍ଗେଙ୍ଗ କାପ୍ଡେଦେଂ ଆଡ୍ଡାନାଡ୍ । ପାଞ୍ଜି ମୁମ୍ଦ ମୁକ୍ତା ତୁହି ହିମାଟ୍ । ତା ଦାମ୍ ତୁଜାଝାଦାଂ ହେଦେଲିଂ ହେଦାଂ କେବଲ୍ ପାନାତ କୁହ୍ନାଡ୍ ।

ଏନା, ଦାହା ଆରି ଦୁଝେର୍ତ ଇଡ଼ା
(ଲୁକ ୧୧:୯-୧୩)

୭ ଏନା, ତା ଆତିସ୍ ନିଙ୍ଗେଙ୍ଗ ହିଦ୍ନାଡ୍; ଦାହା, ପାୟା ଆନାୟା; ଦୁଝେର୍ତ ଇଡ଼ା, ଦୁଝେର୍ ଜେୟାନାଡ୍ । ୮ ଇମାଣାକାନ୍ ଏନ୍ନାନ୍, ତାଙ୍ଗେଙ୍ଗ ହିୟାନାଡ୍; ଇନେନ୍ ଦାହ୍ନାନ୍, ହେଝାନ୍ ଗାଟାନାନ୍; ଇନେନ୍ ଦୁଝେର୍ତ ଇଡ୍ଡନାନ୍, ତା କାଜିଂ ଦୁଝେର୍ ଜେସି ହିୟା ଆନାଡ୍ । ୯ ମି ବିତ୍ରେ ଏପେଙ୍ଗ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏକ୍ତିସ୍ ହେଝାନ୍ ତାଙ୍ଗେଙ୍ଗ ମିନ୍ ବାଦୁଲ୍ ରାଟ୍ ହିନାନ୍, ତାଙ୍ଗେଙ୍ଗ ଇନାକା କାଲ୍କୁ ହିନାୟା ୧୦ କି ହେଝାନ୍ ମିନ୍କୁ ଏକ୍ତିତସ୍ ତାଙ୍ଗ୍ ଇନାକା ଏନ୍ ରାଟ୍ ହିନାୟା ? ୧୧ ଲାଗିଂ ଏପେଙ୍ଗ ତୁଲ୍ତୁଲିୟା ଆତିସ୍ ପା ଏଚେକାଡ୍ଦ ଜାର୍ ଜାର୍ କାଡ୍ଡେରିଂ ହାଦ୍ ହାଦ୍ ଦାନ୍ ହିଦେଂ ପୁନାଦେର୍, ତେବେ ମି ସାଗେନି ଆବା ତା ମୁମ୍ଦ ଏନ୍ନାକା ମାନାୟାରିଂ କେତେକ୍ ଆଦିକ୍ ହାଦ୍ ହାଦ୍ ଜିନିସ୍ ହିଉନ୍ ?”

୧୨ ଲାଗିଂ ମାନାୟାର୍ “ମି କାଜିଂ ଇନାକା ସବୁ କିନାର୍ ଇଞ୍ଜି ଇଟା କିନାଦେର୍, ଏପେଙ୍ଗ ପା ହେଝାର୍ କାଜିଂ ହେ ଲାକେ କିୟାଟ୍, ଇନେକିଦେଂକି ଇଦାଂ ନେ ମସାତି ବିଦି ଆରି ବେଶ୍ବାକିଶାୟ୍ କିନାକାର୍ଡି ଦରମ୍ ସାସ୍ବର ହିକ୍ୟାନି ହାଡ୍ପା ଅରଡ୍ ।”

ଚିପା ଦୁଝେର୍
(ଲୁକ ୧୩:୨୪)

୧୩ “ହିରୁ ଦୁଝେର୍ଡିଂ ହଣ୍ଡେଙ୍ଗ୍ କସ୍ବକିୟାଟ୍ । ଇନେକିଦେଂକି ନାସ୍ କିଦେଙ୍ଗ୍ ଅସି ହାନି ହୁକେ ଓହାର୍ ଆରି ହାଜି ଓହାର୍, ଆରେ ହେଦାଂ ହିଜି ହଣ୍ଡାଗାନାକାର୍ ହେନି । ୧୪ ମାତର ଓଁଜୁଜି ଜିବୁନ୍ଡିଂ ଅନି ହାଜି ବାନ୍ୟା ଆରି ତା ଦୁଝେର୍ ଚିପା ଆରେ ଅଲ୍ପ୍ ମାନାୟା ଇ ହାଜି ଦାସ୍ତେଂ ଆଡ୍ନାଡ୍ ।”

* ୭:୨ ୭:୨ ମାର୍କ ୪:୨୪.

ମାର ଆରି ତା ପାଡ଼,
(ଲୁକ ୭:୪୩-୪୪)

୧୫ “ଚାକ୍ରାୟ ବେଶବାକ୍ଷାୟକିନାକାର ତାଙ୍କ ଜାଗ୍ରତ ! ହେୱାର ବାର୍ତ ମେଣ୍ଡା
ଲାକେ ଚଞ୍ଚାନାର, ମାତର ହାତପା ହେୱାର ରଞ୍ଜାଙ୍କ ରଞ୍ଜାଙ୍କ ହୁଣ୍ଡାର ବୁର୍କା ।

୧୬ ହେୱାରତି ପାଡ଼ ହୁକେ ଏପେଙ୍ଗ ହେୱାରି ତିନ୍ କିନାଦେର୍ । ଖାଡ଼ି ମାରତ
ଅଙ୍ଗୁରପାଡ଼ ଆହୁଡ଼ କି ଲେକାଜାମୁ ମାରତ ତଗା ପାଡ଼ ଆହୁଡ଼ । ୧୭ ହାଦ ମାରତ
ହାଦ ପାଡ଼ ଆହୁନାଡ଼ । ବାନିୟା ମାରତିନି ପାଡ଼ ବାନିୟା । ୧୮ ହାଦ ମାରତ
ବାନିୟା ପାଡ଼ ଆହୁଡ଼ କି ବାନିୟା ମାରତିନି ପାଡ଼ ହାର ଆଦେ ଆହୁଡ଼ । ୧୯ ହାଦ
ପାଡ଼ ଆହୁଡ଼ିସ୍ ମାରତି କାଦଦି ନାଶିତାକେ ଦେହନାର । ୨୦ ଲାଗି ହେୱାରତି
ପାଡ଼ ହୁକେ ଏପେଙ୍ଗ ହେୱାରି ତିନ୍ କିନାଦେର୍ ।”

ଆନ୍ ମିଙ୍ଗେଙ୍ଗ ପୁଞ୍ଜୁଖାତାନ୍ନା
(ଲୁକ ୧୩:୨୫-୨୭)

୨୫ “ଇମ୍ପାଣାକାର ନାଙ୍ଗେଙ୍ଗ ମାପୁ ମାପୁ ଇଞ୍ଜି କୁଞ୍ଚାନାର, ହେୱାର ବିତ୍ରେ ଝିଜାର
ସାଗେ ରାଜିତ ହଣ୍ଡେଙ୍ଗ ଆହୁର୍ । ଇମ୍ପାଣାକାର ସାଗେନି ଆବା ଇସ୍ତ ଇଚା ହୁକେ
କାମାୟ କିତାର, କେବଲ୍ ହେୱାର ସାଗେ ରାଜିତ ହଣ୍ଡେଙ୍ଗ ଆହୁନାର । ୨୬ ଗାଜା
ବିଚାର ଦିନ୍ ଏକାଖାଡ଼ିସ୍ ହେନି ନାଙ୍ଗେଙ୍ଗ ଇଞ୍ଜନାର, ମାପୁ ନି ତରଦା ଆପେ
ଇନାକା ଇସ୍ତ ନେକ୍ତି କାରୁର୍ ସୁଣାୟ କିନାପା, ମାପୁ, ନି ତରନି ସାଲିତା ବୁଡ଼
ପିହିକିତାପନା ଆରେ ବେସି କାବାଆନି କାମାୟ କିତାପନ୍ନା । ୨୭ ହେ ପାଦନା ହେୱାରି
ଆନ୍ ଇନାଙ୍ଗ, ମିଙ୍ଗେଙ୍ଗ ଆନ୍ ପୁଞ୍ଜୁଙ୍ଗ । ବାନ୍ୟାକାଦେର୍, ନା ଲାଗାତା ଗୁଚା ଆଡ଼
!”

ରିୟାର ଇଲ୍ ରଚ୍ଚନାକାର
(ଲୁକ ୭:୪୭-୪୯)

୨୪ “ଇନେନ୍ ନା କାତା ଝେନ୍ଞି ପାଲି କିନାନ୍, ହେୱାନ୍ ଚେଚ୍ଚରା କାଲ୍ ଜପି ଇଲ୍
ରଚ୍ଚି ବୁଦିକାରୟା ମାନାୟ ଲାକେ । ୨୫ ଅପ୍ରବଲ୍ ବାରହା ଆତାଡ଼, ନାଗୁଡ଼ ଏଲ୍
ବାୟ ଜପି ତିତାଡ଼ ଆରି ହେ ଇଲ୍ ଜପି ଅପ୍ରବଲ୍ ତୁଲ୍ ଆତାଡ଼, ମାତର ହେ ଇଲ୍
ବାହଡ଼ା ଖାତାଡ଼ ଇନାକିଦେକି ହେଦା ଚେଚ୍ଚରା ଜପି ମୁଡ଼ କୁନାଦି ମାତାଡ଼ ।

୨୬ ମାତର ଇମ୍ପାଣାକାର ନା କାତା ଝେନ୍ଞି ପାଲି କିତର, ହେୱାର ବାଲି ଜପି ଇଲ୍
ରଚ୍ଚି ମାତି ଚେପ୍ପରିୟା ଲାକେ । ୨୭ ବେସି ବାରହା ଆତାଡ଼, ନାଗୁଡ଼ ଏଲ୍ ଏକିତିକ
। ଅପ୍ରବଲ୍ ତୁଲ୍ ଆତାଡ଼ ଆରି ଇଲ୍ ମେଦନିତ ମେହାଆତାଡ଼ । ହେଦା କେତେକ
ବଇକାର ଆତାଡ଼ ।”

ଜିସୁତି କେମତା ହିକ୍ୟା

୨୮ ଝିଜନ୍ତି ପାତେକ ଜିସୁତି ଇ ଝିଜୁ କାତା ଝେନ୍ଞି ମାନାୟାର ତା ହିକ୍ୟାତ
କାବା ଆତାର । ୨୯ ହେୱାନ୍ ବିନ୍ବିନ୍ନିକାର ଦରମ୍ ଗୁରୁରି ଲାକେ ହିକ୍ୟା ହିଖାଦା
ଆଦିକାର ପାୟାତି ମାନାୟ ଲାକେ ହିକ୍ୟା ହିଜି ମାଚାନ୍ ।



ଜିସୁ ର ଗାଜା ରଗି ଉଜ୍ କିତାକା
(ମାର୍କ ୧:୪୦-୪୫; ଲୁକ ୫:୧୨-୧୬)

୨:୧୯ ୭:୧୯ ମାତ୍ରି ୩:୧୦; ଲୁକ ୩:୯. ୨:୨୦ ୭:୨୦ ମାତ୍ରି ୧୨:୩୩. ୨:୨୮ ୭:୨୮ ମାର୍କ ୧:୨୨;
ଲୁକ ୪:୩୨.

୧ ଜିସୁ ମାଡ଼ି ଜପିତାଂ କୁଡ଼ି ପାଚେ ବେସି ମାନାୟ ତା ପାଚେ ପାଚେ ଖାତାର । ୨ ତା ପାଚେ ଆରେ ହୁଡ଼ା, ରଖାନ୍ ଗାଜା ରଗ୍ୟାଙ୍ଗ ତା ତାକେ ଖାଜି ଜିଖାର କିଜି ଇଚାନ୍, “ଏ ମାପୁ, ଏନ୍ ଜଦି ଇଚା କିତାୟଚି, ତା ଆତିସ୍ ନାଜେଙ୍ଗ୍ ସକଟ୍ କିଦ୍ଦେଂ ଆଡ଼ଦାନାୟ ।”

୩ ହେବେ ଜିସୁ କେଇ ଇଡ଼ି ତାଜେଙ୍ଗ୍ ତୁଜି ଇଚାନ୍, “ଆନ୍ ଇଚା କିନାଙ୍ଗା, ସକଟ୍ ଆ ।” ହେ ଦାପ୍ରେ ହେ ଗାଜାରଗ୍ “ସକଟ୍ ଆତାଡ଼ ।” ୪ ଆରେ, ଜିସୁ ତାଜେଙ୍ଗ୍ ଇଚାନ୍, “ଖେନା, ଏନ୍ ଇନେସ୍ ଆଜି ଉଜ୍ ଆତାୟ, ଇନେରିଂ ଖେଟ୍‌ମା, ମାତର୍ ହାଲା, ମାପୁହେବାକିନାକାନିଂ ଚଞ୍ଚୟା, ଆରେ ମସା ଇମ୍‌ଣି ଆକାଡ଼ଗାର୍‌ଣି ବିସ୍ତେ ବଲ୍ ହିଡ଼ନ୍ନା, ହେଦାଂ ହେଖାର ଲାଗାଂ ଏନ୍ ଉଜ୍ ଆତାଙ୍ଗନା ଇଞ୍ଜି ସାକି ହିୟା ।”

ଜିସୁ ର ରମିୟ ମେଲ୍ୟାର୍‌ତି ଚାକର୍‌ତିଂ ଉଜ୍ କିତାନ୍
(ଲୁକ ୭:୧-୧୦)

୫ ଜିସୁ କପର୍ନାହୁମ୍ ବସ୍ତିତ ହଣଗିତିଲେ, ର ମୁଡ଼ମେଲ୍ୟା ତା କଚଣତ ଖାଜି ଗାଖାରି କିଜି ଇଚାନ୍, ୬ “ଏ ମାପୁ ନା ଆଡ଼ିଏନ୍ ହିରକଲ୍ ଇଡ଼ୟାତି ରଗି ବେସି ନନାକାଦିଂ ଇଞ୍ଜି ମାକ୍‌ତାନନା ।”

୭ ଜିସୁ ତାଜେଙ୍ଗ୍ ଇଚାନ୍, “ଆନ୍ ହାଲ୍‌ଜି ତାଜେଙ୍ଗ୍ ଉଜ୍ କିନାଙ୍ଗ ।”

୮ “ମୁଡ଼ମେଲ୍ୟା” ଉଚର୍ ହିଚାନ୍, ମାପୁ, “ଏନ୍ ଜେ ନା ଇଞ୍ଜି କାଲ୍ ତଗ୍‌ନାୟ, ଆନ୍ ଏଲେଙ୍ଗ୍ ଆକାୟ; ମାତର୍ କେବଲ୍ ପାଦେକ୍ ବଲ୍ ହିଦା, ନା ଆଡ଼ିଏନ୍ ଉଜ୍ ଆନାନ୍ । ୯ ଇନାକିଦେଂକି ଆନ୍ ରଖାନ୍ ତାରେନ୍ ମାନାଙ୍ଗ୍ ଆତିସ୍ ପାନା ତାରେନ୍ ମେଲ୍ୟାର୍ ମାନାର୍; ଆନ୍ ରଖାନିଂ ଆଦିକାର୍ ହିତିସ୍ ହେଖାନ୍ ହାନାନ୍; ଆରେ ରଖାନିଂ ଖା ଇତିସ୍ ହେଖାନ୍ ଖାନାନ୍; ଆରେ ନା ହଲ୍ୟାଙ୍ଗ୍ ଇଦାଂ କିୟା ଇତିସ୍ ହେଖାନ୍ ହେଦାଂ କିନାନ୍ ।”

୧୦ ଜିସୁ ଇଦାଂ ଖେନ୍‌ଞ୍ଜି କାବା ଆଜି ପାଚେ ଖାନି ମାନାୟାରିଂ ଇଚାନ୍, “ଆନ୍ ମିଜେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ତାଏଲ୍ ବିତ୍ରେ ଇନେର୍ ତାକେ ଏଚେକ୍ ଗାଜା ପାଚି ପାୟାଖାତାଂନା । ୧୧ *ମାତର୍ ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ବେସି ଖେଡ଼ାହଡ଼ନି ବାଗାଙ୍ଗ୍ ଆରି ଖେଡ଼ାହାନି ବାଗାଙ୍ଗ୍ ଖାଜି ଅବ୍ରାହାମ୍, ଇସ୍‌ହାକ୍ ଆରି ଜାକୁବ୍ ଲାହାଙ୍ଗ୍ ସାଗେ ରାଜିତ ବଜି ଚିଞ୍ଜେଙ୍ଗ୍ କୁଟ୍‌ନାର୍ । ୧୨ *ମାତର୍ ଇମ୍‌ଣାକାର୍ ଇ ରାଜିତ ମାନି କାତା ହେଖାରିଂ ବାଟ୍ ମାଜ୍‌ଗାତ ତୁହିୟା ଆନାର୍; ହେବେ ଆଡ଼ବିସ୍ ଆରି ଚାଡ଼ାଙ୍ଗ୍ କାଟ୍‌ନାର୍ ।” ୧୩ ଆରେ ଜିସୁ ପାଞ୍ଚକଡ଼ି ମେଲ୍ୟାଙ୍ଗ୍ ଇଚାନ୍, “ହାଲା ଏନ୍ ଇନେସ୍ କିଜି ପାଚି କିନାୟା, ନି କାଜିଂ ହେ ଲାକେ ଗିଗାଆୟେଡ଼ ।” ହେ ତାଣ୍ଡିତ ଆଡ଼ିଏନ୍ ଉଜ୍ ଆତାଡ଼ ।

ଜିସୁ ହେନିତିଂ ଉଜ୍ କିନାନ୍
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ପାଚେ ଜିସୁ ପିତର୍ ଇଞ୍ଜି ଖାଜି ତା ପଦାହିଙ୍ଗ୍ ନମେର୍ ଆଜି ମାଗ୍‌ଜି ମାନାକା ହୁଡ଼ତାନ୍ । ୧୫ ହେବେ ହେଖାନ୍ ତା କେଇଦ୍ ତୁଡାନ୍, ଆରେ ତାଜେଙ୍ଗ୍ ନମେର୍ ପିସ୍ତାଡ଼, ପାଚେ ହେଦେଲ୍ ନିଙ୍ଗି ହେଖାରିଂ ହେବା କିଦେଙ୍ଗ୍ ଲାଗାତାଡ଼ ।

୧୬ ମିକାହାରେସ୍, ମାନାୟାର୍ ହେନି ପୁଦା ତୁୟାଆତି ଲାଗାଂ ଜିସୁ କଚଣତ ତାହିଖାତାର୍, ହେବେ ଜିସୁ ଖେଇକିତି ମାତର୍ ପୁଦାଂ ପିହିକିତାନ୍ ଆରି ଖିଜାର୍ ବେମାରିଂ ଉଜ୍ କିତାନ୍, ୧୭ ଇ ଲାକେ ହେଖାନ୍ ଜିସାୟ ବେଶ୍‌ବାକ୍‌ଣାୟ କାଜିଂ ଇ ବଚନ୍ ପୁରାଆତାଡ଼, “ହେଖାନ୍ ନିଜେ ମା ନାଦାର୍ ଖିଜୁ ଇଡ଼ତାନ୍ ଆରେ ରଗ୍ ସବୁ ପିଣ୍ଡତାନ୍ ।”

* ଟ:୧୧ ଟ:୧୧ ଲୁକ ୧୩:୨୯. * ଟ:୧୨ ଟ:୧୨ ମାଡ଼ିଭ ୨୨:୧୩; ୨୫:୩୦; ଲୁକ ୧୩:୨୮.

ଜିସୁତି ଚେଲା ଆନାକା ମାନକିନି ମାନାୟାର୍
(ଲୁକ ୯:୫୭-୬୨)

୧୮ ଜିସୁ ତା ଚାରିବେଣ୍ଡି ତା ଚେଲାରିଂ ହୁଡ଼ଜି ହାମ୍‌ଦୁର୍ ଆନଟି ପାଡ଼କା ହାନି କାଜିଂ ବଲ୍ଲ ହିତାନ । ୧୯ ଆରେ, ରଖାନ ସାସ୍ତି ତା ଲାଗାଂ ଖାଜି ଇଚାନ, “ଏ ଗୁରୁ,” ଏନ୍ ଇମ୍‌ଣି ବାହାତ ହାନାୟ୍, “ଆନ୍ ନି ଲାହାଙ୍ଗ୍ ଖାନାଙ୍ଗ୍ ।”

୨୦ ହେବେ ଜିସୁ ହେଦେଲିଂ ଇଚାନ, “କଲ୍ୟାତିଂ ପାରା ମାନାଡ଼, ଆକାସ୍‌ନି ପଟିତିଂ ଗୁଡା ମାନାଡ଼, ମତର୍ ମାନାୟ୍ ମାଜି କାପଡ଼ା ଇଡ଼ଦେଂ ବାହା ହିଲୁଡ଼ ।”

୨୧ ଜିସୁଙ୍ଗ୍ ଆରେ ର ଚେଲାହି ଇଚାନ, “ମାପୁ, ପର୍ତ୍ତମ୍ ହାଲୁଜି ମାଞ୍ଜି ଆବାଂ ମୁଚେଙ୍ଗ୍ ଇଞ୍ଜି ନାଙ୍ଗେଙ୍ଗ୍ ବଲ୍ଲ ହିଦା ।”

୨୨ ଜିସୁ ତାଙ୍ଗ୍ ଇଚାନ, “ନା ପାଚେ ପାଚେ ଖାଡୁ, ହାତି ମାନାୟ୍ ହାତି ଲଗାଂ ମୁଚ୍‌ତି ହିୟାର୍ ।”

ଜିସୁ ହୁଜାଃଖାଣିତିଂ ତିର୍ କିତାନ
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଦିନେକ୍ ଜିସୁ ଚେଲାହିର୍ ଲାହାଙ୍ଗ୍ ଡଙ୍ଗାତ ହାଲୁଜି ମାଚାର୍ । ୨୪ ହାଚାଚ୍ରେ ହାମ୍‌ଦୁର୍‌ତ ର ବେସି ଗାଜା ତ୍ରିପକୁ ହୁଜାଃଖାଣି ନିକ୍‌ତାଡ଼ ଆରି ଡଙ୍ଗା ଏଜୁକାଂ ମୁଞ୍ଜିନି ଲାକେ ଆତାଡ଼ । ମାତର୍ ହେ ପାଦନା ଜିସୁ ହୁନ୍‌ଞ୍ଜି ମାଚାନ । ୨୫ ଚେଲାହିର୍ ତାଙ୍ଗ୍ ନିକ୍‌ତି ଇଚାର୍, ଏ “ମାପୁ, ମାଙ୍ଗେଙ୍ଗ୍ ରାକ୍ୟା କିଦା । ଆଞ୍ଜିତିସ୍ ଆପେଂ ମୁନ୍‌ଞ୍ଜି ହାନାପ୍ ।”

୨୬ ଜିସୁ ଦାକା କିଜି ଇଚାନ, “ଇନାକିଦେଂ ଏଚେକ୍ ପାଡ଼ା ଆନାଦେରା ?” ଏପେଙ୍ଗ୍ “ଇନାକା ଏଚେକ୍ ଅଲପ୍ ପାଚିଂ କିନାକାଦେର୍ ? ତା ପାଚେ ହେଖାନ ନିଙ୍ଗି ଦୁକା ଆରି ଲଡ଼ିତିଂ ତିର୍ ଆଦେଂ କାଜିଂ ବଲ୍ଲ ହିତାନ । ସାଙ୍ଗେ ସାଙ୍ଗେ ଖିଜୁ ତିର୍ ଆତାଡ଼ ।”

୨୭ ହେବେ ଖିଜାର୍ କାବା ଆତାର୍ । ହେଖାର୍ ରକାନ ଆରେ ରକାନିଂ ବେଣ୍‌ବାଟ୍ କିତାର୍ “ଇଖାନ ଇନେସ୍ ବାଚିଂ ମାନାୟ୍ ? ଦୁକା ଆରି ଲଉଡ଼ି ପା ତା ବଲ୍ଲ ମାନକିନିକା ।”

ରିୟାରିଂ ପୁଦାଡୁୟାଆତି ଲଗାଂ ଜିସୁ ଉଜ୍ କିତାନ
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଜିସୁ ହାମ୍‌ଦୁର୍ ଆନଟି ପାଡ଼କା ଗଦରିୟର୍ ନିପ ଏକିତି ଦାପ୍ରେ ରିୟାରିଂ ବେଟାଆତାନ । ହେଖାର୍ ହେବେ ମାନି ଦୁଗେରନି କୁକିତ ମାଚାର୍ । ହେଖାର୍ ପୁଦାଆହ୍ୟାତାକାର୍ ଆରି ଏଚେକ୍ ବଇଁକାର୍ ଜେ ହେ ରାସ୍ତା ହିଜି ହାଞ୍ଜେଙ୍ଗ୍ ଖାଦେଙ୍ଗ୍ ଇନେର୍ ସାସ୍ କିଖାଦାଂ ମାଚାର୍ । ୨୯ ହେଖାର୍ ଜିସୁଙ୍ଗ୍ ହୁଡ଼ତି ଦାପ୍ରେ କିକିରାତିଂ କିଜି ଇଚାର୍, “ଏ ଇସ୍‌ତ୍ ମେହି ! ନି ଲାହାଙ୍ଗ୍ ମାଡ଼ି ଇନାକା ମାନାଡ଼ ? ସମୁ ଆଞ୍ଜିହିଙ୍ଗ୍‌ନେ ଏନ୍ ମାଙ୍ଗେଙ୍ଗ୍ ଇନାକା ଡାଣ୍ଡୁ ହିଦେଂ ଇବେ ଖାତାଇନା ?”

୩୦ ହେବେତାଂ ଅଲପ୍ ଦେହା ର ମାନ୍ଦା ପାଞ୍ଜିଙ୍ଗ୍ ହାରାଆଜି ମାଡିକ୍ । ୩୧ ହେ ମାନାୟାର୍ ବିତ୍ରେ ମାନି ପୁଦାଂ ଜିସୁଙ୍ଗ୍ ଗଖାରି କିଜି ଇଚିକ୍, “ମାଙ୍ଗ୍ ଜଦି ପେସ୍‌ପେଦେଂ ଇଚା କିନାୟା, ହେ ପାଞ୍ଜିଙ୍ଗ୍ ବିତ୍ରେ ମାଙ୍ଗ୍ ପକତା ।”

୩୨ ଜିସୁ ଇଚାନ, “ହାଲାର୍ ।” ପୁଦାଂ ସାଙ୍ଗେ ସାଙ୍ଗେ ମାନାୟ୍‌ତିଂ ପିସ୍ତି ପାଞ୍ଜିଙ୍ଗ୍ ବିତ୍ରେ ହଟିକ୍ । ପାଞ୍ଜିଙ୍ଗ୍ ମାନ୍ଦା ହଞ୍ଜି ହାଲୁଜି ମାଡ଼ି ଗବାତାଂ ହନ୍‌ଚି ହାଲୁଜି ହାମ୍‌ଦୁର୍‌ତ ମୁନ୍‌ଞ୍ଜି ହାଡିକ୍ ।

୩୩ ପାଞ୍ଜିଙ୍ଗ୍ ହାରାଇ କିଜି ମାଡି ମାନାୟ୍ ଲାଗେନି ବସିକାଙ୍ଗ୍ ହାଲୁଜି ପୁଦା ଆହ୍ୟାତାକାର୍ କାଜିଂ ଇନାକା ଗିଚା ଆଜି ମାଚାଡ଼ ହେବେ ଖିଜୁ ବେଣ୍ ଖେଚ୍‌ତି

ବୁଲୁଆଡ଼ାର । ୩୪ ଲାଗି ହେ ବସ୍ତ୍ରିନି ଓଜାକାର ଜିସୁଙ୍କ ବେଟା ଆଦେ ହସି ଖାଡ଼ାର ଆରେ ତାଙ୍ଗ ବେଟାଆଜି ହେ ନିପ ପସି ହାନ୍ଦିତା ହାଞ୍ଜେଙ୍ଗ ଜିସୁଙ୍କ ଗଞ୍ଜାରି କିଡ଼ାର ।

୯

ଜିସୁ ର ହିରକଲ୍‌ଇଡ଼ୟାତି ରଗି ଉଜ୍ କିଡ଼ାନ
(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ତଙ୍ଗାତ ଦୁମ୍‌ଜି ହାମ୍‌ଦୁର ଆନ୍‌ଟି ପାଡ଼କା ମାନି ଜାର ବସ୍ତ୍ରିତ ମାସ୍‌ଦି ହାଚାନ ।* ୨ ହେବେ ର ହିରକଲ୍ ରଗି ମାନାୟାର ତା ତାକେ ତାହିଞ୍ଜାଡ଼ାର । ରଗ୍ୟା ତା ଗଟିତ ମାଗ୍‌ଜି ମାଚାନ । ହେଞ୍ଜାରତି ଏଚେକ୍ ପାତ ହୁଡ଼୍‌ଜି ଜିସୁ ହିରକଲ୍ ଇଡ଼ୟାତାକାନି ଇଚାନ, “ବପା ସାସ୍ ଆହା । ନି ପାପ୍ କେମା ଆତାଡ଼ ।”

୩ କେତେକ୍ ଦରମ୍ ଗୁରୁର୍ ଇକାତା ଖେନ୍‌ଞ୍ଜି ମାନେ ମାନେ ବାଦି କିଡ଼ାର, “ଇ ମାନାୟ ଇସ୍‌ବୁଚି ନିୟା କିନାନା ।”

୪ ହେଞ୍ଜାରତି ମାନତି କାତା ପୁଞ୍ଜି ଜିସୁ ଇଚାନ, “ଏପେଙ୍ଗ୍ ଇନାକିଦେ ଏଲେଙ୍ଗ୍ ବାନ୍ୟା ଚିନ୍ତା କିନାଦେରା ? ୫ ନି ପାପ୍ କେମା ଆତାଡ଼ ?” ଇ କାତା ଇନାକା ଆଡ଼୍‌ଞ୍ଜା କି ‘ନିଙ୍ଗ୍‌ଜି ହାଲା’ ଇନାକା ଆଦିକ୍ ଆଡ଼୍‌ଞ୍ଜା ? ୬ ମାତର୍ ପାପ୍ କେମା କିଦେଙ୍ଗ୍ ପୁତ ତ ମାନାୟ ମାଜି ଜେ ଆଦିକାର ମାନାଡ଼, ଇ କାତା ମି ଆଗେ ପାର୍ମାଣ୍ କିନାଙ୍ଗ୍ ।” ତା ପାଚେ ଜିସୁ ହିରକଲ୍ ରଗି ଇଚାନ, “ନିଙ୍ଗା, ନି କାଚେଲ୍ ଆସ୍ତ୍ରି ମିଞ୍ଜ ତାଙ୍ଗ୍‌ଜି ହାଲା ।”

୭ ହେବେତା ହେଞ୍ଜାନ ନିଙ୍ଗ୍‌ଜି ଇଞ୍ଜ ତାଙ୍ଗ୍‌ଜି ହାଚାନ । ୮ ହେଦା ହୁଡ଼୍‌ଜି ମାନାୟାର ପାଣ୍ଡା ଆଡ଼ାର, ଆରେ, ଇମ୍‌ଣି ଇସ୍‌ବୁର୍ ମାନାୟାରି ଏଲେଙ୍ଗ୍ ଆଦିକାର ହିତାଣ୍ଡା, ହେଞ୍ଜାଡ଼ି ଜାଜ୍‌ମାଲ୍ କିଡ଼ାର ।

ଜିସୁ ମାତିଉଙ୍ଗ୍ କୁକ୍‌ତାନ
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ହେବେତା ତାଙ୍ଗ୍‌ଜି ହାତି ପାଚେ ମାତିଉ ତର୍‌ଦି ରଞ୍ଜାନ ସିସ୍‌ସୁନ୍‌ନାକାନି ତା ଏନ୍‌ନି ବାହାତ କୁଚ୍‌ଚାକା ହୁଡ଼୍‌ତାନ ଆରି ତାଙ୍ଗେଙ୍ଗ୍ କୁକ୍‌ଚି ଇଚାନ, “ନା ପାଚେପାଚେ ଖା ।”

ମାତିଉ ନିଙ୍ଗ୍‌ଜି ତା ଲାହାଙ୍ଗ୍ ହାଚାନ ।

୧୦ ଜିସୁ ମାତିଉ ଇଞ୍ଜା ତିଞ୍ଜେଙ୍ଗ୍ କୁଚ୍‌ଚିହିଁ ହେନି ସିସ୍‌ସୁନ୍‌ନାକାର ଆରି ପାପି ଲକୁ ତା ଲାହାଙ୍ଗ୍ ଆରି ତା ଚେଲାହିର୍ ଲାହାଙ୍ଗ୍ ତିଞ୍ଜେଙ୍ଗ୍ କୁଚ୍‌ଚାର । ୧୧ କେତେକ୍ ଜାଣ୍ ପାରୁସିର୍ ଇଦା ହୁଡ଼୍‌ଜି ତା ଚେଲାହିରି ଇଞ୍ଜେଙ୍ଗ୍ ଲାଗାତାର, “ମି ଗୁରୁ ଇନାକିଦେ ସିସ୍‌ସୁନ୍‌ନାକାର ଆରି ପାପିର୍ ଲାହାଙ୍ଗ୍ ତିନାନା ?”

୧୨ ମାତର୍ ଜିସୁ ହେଦା ଖେନ୍‌ଞ୍ଜି ଇଚାନ, “ଉଜ୍ ମାନାୟତି ତାଙ୍ଗ୍‌ର୍ ଲଡ଼ା ଆକାୟ, ମାତର୍ ବେମାର୍ ଲଗା ଲଡ଼ା ମାନାଡ଼ । ୧୩ ଶ୍‌ସ୍‌ସ୍‌ରତ୍ ଲେକା ଆତାଡ଼ନ୍ନା ଆନ୍ ପୁନାଙ୍ଗ୍ ପୁଜା ମାନ୍ କିଞ୍ଜାଦା ଦୟା ମାନ୍ କିନାଙ୍ଗ୍, ଇ ବଚନ୍‌ନି ଅରଡ଼ ଏପେଙ୍ଗ୍ ହାଲ୍‌ଜି ହିକ୍ୟା କିୟାଡ଼, ଇନାକିଦେକି ଆନ୍ ଦରମ୍ ଲଗା କୁକ୍‌ଚେ ଖାଞ୍ଜାତାନା, ମତର୍ ପାପିରି କୁକ୍‌ଚେ ଖାତାନା ।”

ଉପାସ୍ କିନି ବିସ୍ତେ ପର୍‌ସନ୍
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ହେଞ୍ଜାଡ଼ା ଜହନ୍‌ଡି ଚେଲାହିର୍ ତା ତାକେ ଖାଜି ଇଚାର, “ଆପେ ଆରି ପାରୁସିର୍ ଉପାସ୍ କିନାପ, ମାତର୍ ନି ଚେଲାର୍ ଉପାସ୍ କିଉର୍ ଇନାକିଦେ ?”

* ୯:୧ ୯:୧ ନିଜାର ବସ୍ତ୍ରି କପର୍‌ନାହୁମ୍ † ୯:୧୦ ୯:୧୦ ହେଦା ଜିସୁତି ଇଞ୍ଜ ☆ ୯:୧୩ ୯:୧୩ ମାତିଉ ୧୨:୭.

୧୫ ଜିସୁ ହେୱାରିଂ ଇଚାନ, “ବିବାଦାଂଶେନ୍ ଏରେକାଡ଼୍‌ଦ ପାତେକ୍ ବିବାକିନାକାର୍ ହୁକେ ମାନାନ୍, ହେ ପାତେକ୍ ହେୱାର୍ କି ଦୁକ୍ କିଦେଙ୍ଗ୍ ଆଡ଼ନାର୍ ? ମାତର୍ ସମ୍ମୁ ଖାନାଡ଼, ଏରେକାଡ଼୍‌ଦ ହେୱାର୍‌ତାଂ ବିବା ଦାଙ୍ଗ୍‌ଶେନିଂ ନିକ୍‌ଚି ଅୟା ଆନାଡ଼, ଆରେ ହେୱାଡ଼ାଂ ହେୱାର୍ ଉପାସ୍ କିନାର୍ ।

୧୬ ଇନେର୍ ପୁନି ହେୟା ନି ଗନ୍ଦା ପ୍ଲୁନି ହେୟାତ ମେହାୟ୍ କିଉର୍, ଇନାକିଦେଂକି ହେ ହେୟା ଗନ୍ଦା ହେୟାତିଂ ବେସି କେଚ୍‌ଚି ଅନାଡ଼ ଆରେ ଆଦେକ୍ ଗାଜା କାଶା ଆନାଡ଼ । ୧୭ ଆରେ, ମାନାୟ୍ ପୁନି ଅଙ୍ଗୁର୍ ରାସ୍ ପ୍ଲୁନି ତଲ୍ ମଶାତ ଇଚୁର୍; ଇଚ୍‌ଚିସ୍ ତଲ୍ ମଶା କେଞ୍ଜନାଡ଼ ଆରେ ଅଙ୍ଗୁର୍ ରାସ୍ ବଂନାଡ଼, ଆରେ ମଶା ଝିଲ୍ କାରାପ୍ ଆନାଡ଼; ମାତର୍ ମାନାୟ୍ ପୁନି ଅଙ୍ଗୁର୍ ରାସ୍ ପୁନି ମଶାତ ଇଚ୍‌ନାର୍, ଆରେ ରିଶ୍ଟିପା ରାକ୍ୟା ପାୟାନାଡ଼ ।”

ଜାଇରସ୍‌ଚି ଗାହ୍‌ଡ଼ି ଆରି ଜିସୁଙ୍ଗ୍ ହେୟାନି ଚେଲିଂ ତୁଚି କଗଲେ
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ହେୱାରିଂ ଇ ଝିଲ୍ କାତା ଇନିୱାଡ଼ାଲିଂ, ହୁଡ଼ା, ର ମୁଣିକା ତାତାକେ ଖାଜି ଜୱାର୍ କିଜି ଇଚାନ, “ନା ଗାଡ଼ଚେ ହାଚାଗ୍ରେ ହାତାଡ଼, ମାତର୍ ଏନ୍ ଖାଜି ତାଙ୍ଗେଙ୍ଗ୍ କେଇ ଇଡ଼ା, ଆରେ ହେଦେଲ୍ ଜିନାଡ଼ ।”

୧୯ ହେବେ ଜିସୁ ନିଙ୍ଗ୍‌ଜି ତା ଚେଲାହିର୍ ଲାହାଙ୍ଗ୍ ତା ପାଚେ ପାଚେ ହାଚାର୍ ।

୨୦ ଜିସୁ ହାଜିଡ଼ ହାନିହିଂ ର କଗଲେ ତା ପାଚ୍ ବାଗାଙ୍ଗ୍ ଖାଜି ତା ହେୟାନି ଚେଲିଂ ତୁତାଡ଼ । ହେଦେଲ୍ ବାର ବାହୁଁ ପାତେକ୍ ଗାଗାଡ଼ନାଡ଼ଝି ରଗତ ତଣ୍ଡ ଆଜି ମାଚାଡ଼ । ୨୧ ଇନାକିଦେଂକି ହେଦେଲ୍ ମାତ୍ର ମାତ୍ର ଇଞ୍ଜି ମାଚାଡ଼, “କେବଲ୍ ତା ହେୟା ତୁଚିସ୍ ଆନ୍ ଉଜ୍ ଆନାଙ୍ଗ୍ ।”

୨୨ ମାତର୍ ଜିସୁ ମାସ୍‌ପି ତାଙ୍ଗ୍ ହୁଡ଼ଜି ଇଚାନ, “ଗାଡ଼, ସାସ୍ ଆହା, ନି ପାଚ୍ ନିଙ୍ଗେଙ୍ଗ୍ ଉଜ୍ କିତାନନା ।” ହେ ଦାପ୍ରେ କଗଲେ ଉଜ୍ ଆତାଡ଼ ।

୨୩ ପାଚେ ଜିସୁ ହେ ଜିହୁଦି ମୁଣିକା ଇଞ୍ଜି ଖାଜି ହୁର୍‌ଡ଼ି ତୁବ୍‌ନାକାରିଂ ଆରି କିର କିଜି ମାନି ଲକ୍‌ଚିଂ ହୁଡ଼ଜି, ୨୪ ଜିସୁ ଇଚାନ, “ଝିଜାଦେର୍ ଇବେଣ୍ଡାଂ ହସି ହାଲାର୍ । ଗାଡ଼ଚେ ହାଖାତାଡ଼ନା । କେବଲ୍ ହୁଞ୍ଜନାତା ।” ତା କାତା ଝେନଞ୍ଜି ହେୱାର୍ ଗ୍ଲାଇତାର୍ । ୨୫ ମାତର୍ ମାନାୟାରିଂ ବାଚ୍ ହପ୍‌ଚି ପାଚେ, ହେୱାନ୍ ବିତ୍ରେ ହାଲ୍‌ଜି ଗାଡ଼ଚେଂ କେଇ ଆସ୍ତାନ୍, ଆରେ ହେଦେଲ୍ ନିଙ୍ଗ୍‌ଜି ନିଲ୍‌ତାଡ଼ । ୨୬ ଆରେ, ଇ କାତା ହେ ଦେସ୍ ସବୁନିପ ଝିଶ୍‌ତାଡ଼ ।

ଜିସୁ ରି କାଶାରିଂ ହୁଡ଼ନି ସାଲ୍ଟି ହିତାନ

୨୭ ଜିସୁ ହେବେତାଂ ହାନିହିଂ ରିୟାର୍ କାଶାର୍ ପାଚେ ପାଚେ ହାଲ୍‌ଜି ଗାଜାକାର୍ କିଜି ଇଞ୍ଜେଙ୍ଗ୍ ଲାଗାତାର୍, “ଏ ଦାଉଦ୍ ମାଜି, ମାଙ୍ଗେଙ୍ଗ୍ ଦୟା କିଦା ।”

୨୮ ଜିସୁ ପର୍ଡୁମ୍ ଇଞ୍ଜି ହଶ୍‌ଗାତାନ୍ କାଶାର୍ ପା ହଶ୍‌ଗାତାର୍ । ହେବେ ଜିସୁ ହେୱାରିଂ ଝେନ୍‌ବାତାନ୍, “ଆନ୍ ମିଙ୍ଗେଙ୍ଗ୍ ଉଜ୍ କିଦେଙ୍ଗ୍ ଆଡ଼୍‌ଦାନାଂ ଇଞ୍ଜି ଏପେଙ୍ଗ୍ ପାଚ୍ କିନାଦେରା କି ?”

ହେୱାର୍ ଉତର୍ ହିତାର୍ “ଆଁ ମାପୁ ।”

୨୯ ହେ ପାଦନା ଜିସୁ ହେୱାର୍‌ଚି କାଶାଙ୍ଗାତ ତୁଜି ଇଚାନ, “ମି ପାଚ୍ କାଜିଂ ହେଦାଂ ଆୟେଡ଼ ।” ୩୦ ହେ ଦାପ୍ରେ ହେୱାର୍ କାଶାକୁ ସାଲ୍ଟି ପାୟା ଆତାର୍ । ପାଚେ ଜିସୁ ହେୱାରିଂ ତାଚ୍‌କିଜି ବଲ୍ ହିଜି ଇଚାନ, “ହୁଡ଼ାଡ଼, ଇ ବିସ୍ତେ ଇନେସ୍ ଇନେର୍ ପୁନ୍‌ଖାକା ମାନାଡ଼ ।”

୩୧ ମାତର୍ ହେୱାର୍ ହେବେତାଂ ହାଲ୍‌ଜି ଜିସୁଚି କାତା ଝିଲ୍ ଦେସ୍ ନିପ ସୁଶାୟ୍ କିତାର୍ ।

ଜିସୁ ର ଗୁଲ୍ମାଂ କାତା ଇନି ସାକ୍ତି ହିତାନ୍

୩୨ ହେୱାର୍ ହସି ହାନିହିଂ, ହୁଡ଼ା, ମାନାୟାର୍ ରୱାନ୍ ଗୁଲ୍ମା ପୁଦା ତୁୟାଆତାକାନିଂ ତା ତାକେ ତାହିୱାତାର୍ । ୩୩ ଆରେ, ବୁଡ଼ ପିସ୍ତିଲେ, ହେ ଗୁଲ୍ମା କାତା ଇତାନ୍ । ହେବେ ମାନାୟାର୍ କାବା ଆଜି ଇଚାର୍, “ଇସ୍ରାଏଲ୍ ବିତ୍ରେପା ଏଲେଙ୍ଗ୍ ଇନାୱାଡ଼ାଂ ପା ହୁଡ଼ୱାତାପୁନା ।”

୩୪ ☆ମାତର୍ ପାରୁସିର୍ ଇଚାର୍, “ହେ ମୁଣିକା ଗାଜା ବୁଡ଼ ଉପକାର୍ତାଂ ପୁଦାଂ ପିହିକିନାନା ।”

୩୫ ଇଦାଂ ପାଚେ ଜିସୁ ହେୱାର୍ତ୍ତି କୁଟୁମ୍ ଇଞ୍ଜ ହିକ୍ୟା ହିଜି ରାଜିନି ନେକ୍ତିକାରୁର୍ ସୁଣାୟ୍ କିଜି ଆରି ବାରବିନି ରଗ୍ ଆରି ସବୁ ବାନି ବେମାର୍ ଉଜ୍ କିଜି ଖିଜୁ ଗାଡ଼, ଆରେ ନାସ୍କୁକାଂ ପୁଞ୍ଜେଙ୍ଗ୍ ଲାଗାତାର୍ । ୩୬ ଆରେ, ମାନାୟାରିଂ ହୁଡ଼ଜି ହେୱାର୍ କାଜିଂ ହେୱାନ୍ କାର୍ମାତିଂ ରାସ୍ ଇଚାନ୍, ଇନାକିଦେଂକି ହେୱାର୍ ରାକ୍ୟାହିଲ୍ଖି ମେଣ୍ଡାଂ ଲାକେ ଉପାୟ୍ ହିଲ୍ଖି ଆରି ଜେତେକେତେ ମାଚାର୍ । ୩୭ ☆ହେୱାଡ଼ାଂ ଜିସୁ ଜାର୍ ତେଲାରିଂ ଇଚାନ୍, ତାସ୍ ହିନା ବେସି ମତର୍ କାମାୟ୍ କିନାକାର୍ ଉଣା, ୩୮ ଲାଗିଂ ତା କାମାୟ୍ ବାହାତ କାମାୟ୍ କିନାକାରିଂ ପକ୍ତି କାଜିଂ କାମାୟ୍ ବାହିନି ହାଉକାର୍ ତାକେ ପାର୍ତାନା କିୟାଟ୍ ।

୧୦

ବାରଜାଣ୍ ତେଲାର୍

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ତା ବାରଜାଣ୍ ତେଲାରିଂ କୁକ୍ତି ପୁଦାଂ ପିହିକିନି କାଜିଂ ଆରି ସବୁ ବାନି ରଗ୍ ବେମାର୍ ଉଜ୍ କିନି କାଜିଂ ହେୱାରିଂ ଆଦିକାର୍ ସାକ୍ତି ହିତାନ୍ । ୨ ହେ ବାରଜାଣ୍ ପକ୍ୟାତାକାର୍ ତର୍ ଆତାଡ଼, ସିମନ୍, ପିତର୍ ତର୍ଦ ପା ଜାଣାତିନା ଆରି ତା ଟଣ୍ଡାହି ଆହିୟ୍; ଜେବଦିତି ରି ମେହିର୍ ଜାକୁର୍ ଆରି ତା ଟଣ୍ଡାହି ଜହନ୍; ୩ ପିଲିପ୍ ଆରି ବାର୍ତଲମି, ତମା ଆରି ସିସ୍ତୟୁନ୍ନାକାର୍ ମାତ୍ରିକ, ଆଲପିୟ ମେହି ଜାକୁର୍, ଆରି ତଦିୟ୍, ୪ କିଶାନିୟ୍ ସିମନ୍ ଆରି ଇସ୍ସାରିୟ୍ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ହେଲାୟ୍ କିତାକାନ୍ ।

ବାରଜାଣ୍ ତେଲାରିଂ ପକ୍ତିତାନ୍

(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇ ବାରଜାଣ୍ ତେଲାରିଂ ପକ୍ତି ହେୱାନ୍ ହେୱାରିଂ ବଲ୍ ହିଜି ଇଚାନ୍, “ପାତ୍ କିଞ୍ଜି ଜିହୁଦିର୍ ନିପ ହାଲ୍ମାଟ୍ ଆରି ସମିରଣିୟାନି ଇମ୍ଣି ଗାଡ଼୍ଦ ହଣ୍ଗାମାଟ୍, ୬ ମାତର୍ ଜାଙ୍ଗି ମାତି ମେଣ୍ଡା ଲାକେ ଇସ୍ରାଏଲ୍ ଲାଗାଂ ହାଲ୍ମାଟ୍ । ୭ ହେୱାର୍ ବିତ୍ରେ ସୁଣାୟ୍ କିଜି ଇନାଟ୍, ସାଗେ ରାଜି ଲାଗେ ୱାତାତେ ! ” ବେମାର୍ ଲଗାଂ ଉଜ୍ କିୟାଟ୍, ହାତି ଲଗାଂ ଆରେ ନିକକାଟ୍, ଗାଜା ରଗ୍ୟାରିଂ ସକଟ୍ କିୟାଟ୍, ପୁଦାଂ ପିହିକିୟାଟ୍ । ଇନାକା ଉପକା ଗାଟା ଆତାଦେଣ୍ଡା, ହେଦାଂ ବିନ୍ନିକାରିଂ ଉପକା ଦାନ୍ ହିୟାଟ୍ ।” ୯ ମି ଜାଙ୍ଗିୟାତ “ହନା, କି ରୁପା କି ତାମା, ଆରେ ଜାତ୍ରା କାଜିଂ ମଣା, ୧୦ ☆କି ବିକ୍ୟା ଏନ୍ନି ମଣା ଆସ୍ତି ବୁଲ୍ମା ଆମାଟ୍ ଅଲପ୍ ରିଣ୍ଡାଂ ଆଙ୍ଗିଙ୍ଗ୍ ନଲେ ପାଣ୍ଡାଈଙ୍ଗ୍ କି ବାଡ଼ଗା ପା ଅମାଟ୍ । ଇନେକିଦେଂକି କାମାୟ୍ କିନାକାଦେର୍ ଜାର୍ ତାବୁଙ୍ଗ୍ ପାୟାନି ଜଗ୍ ।”

୧୧ “ଆରେ, ଏପେଙ୍ଗ୍ ଇମ୍ଣି ଗାଡ଼୍ଦ କି ନାସ୍ତ ହଣ୍ଗାନାଦେର୍, ହେବେ ଇମ୍ଣି ଲକ୍ ହେବା କିଦଦେଂ ଆଡ଼୍ଦାନାନ୍, ହେଦାଂ ଆନ୍ମାନ୍ କିୟାଟ୍, ଆରେ ୱାଞ୍ଜି ପାତେକ୍

☆ ୯:୩୪ ୯:୩୪ ମାତ୍ରିକ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୯:୩୭ ୯:୩୭ ଲୁକ ୧୦:୨. ☆ ୧୦:୧୦ ୧୦:୧୦ ୧ କରକ୍ତିୟ ୯:୧୪; ୧ ତିମତି ୫:୧୮.

ହେବେ ମାନାଟ୍ ।” ୧୨ ର ଇଞ୍ଜି ହଣ୍ଡିଗିନି ଖେଡ଼ାଲିଂ ହେବେ ମାନି ମାନାୟତିଂ ଇନାଟ୍,
 “ମିଦାଙ୍ଗ୍ ସୁସ୍ତା ଆୟେଡ୍ ।” ୧୩ ହେ ଇଲ୍ ଏଚେକାଡ଼ଦ୍ ଆନାଡ୍, ଲାଗିଂ ତା କାଜିଂ ମି
 ସୁସ୍ତା ଆଏଡ୍, ମାତର୍ ହେଦାଂ ଜଦି ଆଉଡ୍, ତା ଆତିସ୍ ମି ସୁସ୍ତା ମି ଲାଗାଂ ମାସ୍ଦି
 ଖାଏଡ୍ । ୧୪ *ଜଦି ଇମ୍ଣି ଇଞ୍ଜି କି ଗାଡ଼ଦ୍ ମିଙ୍ଗେଙ୍ଗ୍ ଲକୁ ଇଡ଼ଦୁର୍, ପାନାନି ଦୁଡ଼ି
 ଡାଡ଼ତି ହେ ବାହା ପିହାଟ୍ । ୧୫ **ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ବିଚାର ନାଜିଂ
 ଇଞ୍ଜାର ତାଙ୍ଗ୍ ସଦମ୍ ଆରି ଗମରା ଦେସ୍ନି ମାନାୟାର୍ କାଜିଂ ଇସ୍ବର୍ ଆଦିକ୍ ଦସା
 ଆନାର୍ ।

ଖାନିଦିନ୍ନି ନିନ୍ଦା
 (ମାର୍କ ୧୩:୯-୧୩; ଲୁକ ୨୧:୧୨-୧୭)

୧୨ *ହୁଡ଼ାଟ୍, ହୁଣ୍ଡାର୍ ବୁର୍କାକାଂ ତାକେ ପା ମେଣ୍ଡାଂ ଲାକେ ଆନ୍ ମିଙ୍ଗେଙ୍ଗ୍
 ପଲ୍ଲାନାଙ୍ଗା, ଇତିସ୍ ରାଟ୍ ଲାକେ ବୁଦ୍ୟା ଆରି ପାର୍ଝା ଲାକେ ହୁଦାର୍ ଆଡୁ ।
 ୧୩ *ମତର୍ ମାନାୟାର୍ତାଂ ଜାଗ୍ରଡ୍ ଆଜି ମାନାଟ୍, ଇନାକିଦେଂକି ହେଞ୍ଜାର୍ ମିଙ୍ଗେଙ୍ଗ୍
 ବିଚାର ବାହାତ ହେଲାଇୟ୍ କିଦନାର୍ ଆରି ହେଞ୍ଜାର୍ କୁଟୁମ୍ ଇଞ୍ଜି କର୍ତା ଲାହାଂ
 ଟ୍ରାକ୍ତାନାର୍ । ୧୪ *ଆରେ ଏପେଙ୍ଗ୍ ନା କାଜିଂ ରାଜକାରିୟା ଆରି ରାଜାର୍ କଚଣ୍ଡ
 ତାହିଞ୍ଜାୟାନାଦେର୍; ହେଦାଂ ହେଞ୍ଜାରିଂ ଆରି ପାତ୍ କିଞ୍ଜି ଜିହୁଦିର୍ କାଜିଂ ସାକି ଲାକେ
 ଆନାଦେର୍ । ୧୫ ମାତର୍ ଏଚେକାଡ଼ଦ୍ ହେଞ୍ଜାର୍ ମିଙ୍ଗେଙ୍ଗ୍ ହେଲାଇୟ୍ କିଦନାର୍,
 ହେଞ୍ଜାଡ଼ାଂ ଏପେଙ୍ଗ୍ ଇନେସକି ଇନା କାତା ଇନାଦେର୍, ହେ ବିସ୍ତେନି ଚିନ୍ତା କିମାଟ୍,
 ଇନାକିଦେଂକି ଇନାକା ଇନାଦେର୍, ହେଦାଂ ହେ ଦାପ୍ରେ ମିଙ୍ଗେଙ୍ଗ୍ ହିଦ୍ୟାନାଡ୍ ।
 ୧୬ ଲାଗିଂ ଏପେଙ୍ଗ୍ ଇନ୍ଝାକାଦେର୍, ମାତର୍ ମିଞ୍ଜି ଆବାତି ଜିବୁନ୍, ଇନେରକି ମି
 ଖାସ୍ତିତ କାତା ଇନାନ୍, ହେଞ୍ଜାନ୍ ବେଶକାର୍ଯ୍ୟା ଆନାନ୍ ।”

୧୭ *ଚଣ୍ଡେନ୍ ଚଣ୍ଡେନିଙ୍ଗ୍ ଆରି ଆବା ମାଜି ହାକି ବାହାତ ହେଲାଇୟ୍ କିତାର୍ ଆରେ
 ହିମ୍ପଣାଙ୍ଗ୍ ଆବା ଆୟାକାଂ ବିରୁଡ୍ଡ ନିଙ୍ଗ୍ଜି ଅହନାର୍, ଆରି, ଏପେଙ୍ଗ୍ ନା ପାଚେଞ୍ଜାତି
 କାଜିଂ ଏପେଙ୍ଗ୍ ଝିଜାକାର୍ତାଂ ଗିଶକିୟା ଆନାଦେର୍, ମତର୍ ଇନେର୍ ହାରିହାରା
 ପାଚେକ୍ ସାସ୍ ଆଜି ମାନାନ୍ ହେଞ୍ଜାନ୍ ସାଗେତ ମୁଲ୍ଲି ପାୟା ଆନାନ୍ । ୧୮ *ଆରେ
 ନା ତର୍ କାଜିଂ ଏପେଙ୍ଗ୍ ଝିଜାର୍ ହୁକେ ଗିଶ୍ ଆନାଡ୍, “ମାତର୍ ଇନେରକି ଝିଜନ୍ନି
 ପାଚେକ୍ ତିର୍ ଆଜି ମାନାନ୍, ହେଞ୍ଜାନ୍ ମୁଲ୍ଲି ପାୟାଆନାନ୍ । ୧୯ ର ବସ୍ତିତ ଏପେଙ୍ଗ୍
 କସ୍ ପାୟାତିସ୍ ଅଲ୍ଗା ବସ୍ତିତ ହାଲାର୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଏପେଙ୍ଗ୍
 ଇସ୍ତାଏଲ୍ନି ଗାଡ଼ଦ୍ କାମାୟ୍ ଝିହୁନି ଆଗେ ମାନାୟ୍ ମାଜି ମାସ୍ଦି ଖାନାନ୍ ।”

୨୦ *ଇମ୍ଣି ଚେଲାହି ତା ଗୁରୁତାଂ ଗାଜା ଆକାୟ୍ । ହାଉକାର୍ ତାଙ୍ଗ୍ ଆଡ଼ିଏନ୍
 ଗାଜାକାନ୍ ଆକାୟ୍ । ୨୧ *ଚେଲା ଜାର୍ ଗୁରୁ ଆରି ଆଡ଼ିଏନ୍ ଜାର୍ ହାଉକାର୍ ଲାକେ
 ଆତିସ୍ ହେଞ୍ଜାର୍ ପାକ୍ୟାତ ସାରି । ହେଞ୍ଜାର୍ ଏଚେକାଡ଼ଦ୍ ଇଲ୍ ମୁଣିକାଂ ବାଲ୍ଜିବୁଲ୍
 ଇଞ୍ଜି ଇଚାଣ୍ଡା, ତେବେ ହେଞ୍ଜାର୍ତି ଲକ୍ବକ୍ତିଂ ତ ଆରି ଆଦିକ୍ ଇନାର୍ !”

ଇନେରିଂ ପାଡ଼ା ଆନାଦେର୍
 (ଲୁକ ୧୨:୨-୭)

୨୨ *ଲାଗିଂ, ହେଞ୍ଜାରିଂ ପାଣ୍ଡା ଆଡ଼; ଇନାକିଦେଂକି ଇନାକା ହଡ଼ଞ୍ଜାକା, ଏଲେଙ୍ଗ୍
 ହାଦ୍ଦାକା ଇନାକା ହିଲୁଡ୍; ଆରେ ଇନାକା ପୁନ୍ଝାତାକା, ଏଲେଙ୍ଗ୍ ଡ଼କ୍ଲୁନାକା ଇନାକା

* ୧୦:୧୪ ୧୦:୧୪ ପକ୍ୟାତାକା ୧୩:୫୧. * ୧୦:୧୫ ୧୦:୧୫ ମାଡ଼ିଉ ୧୧:୨୪. * ୧୦:୧୫ ୧୦:୧୫ ଲୁକ
 ୧୦:୪-୧୨. * ୧୦:୧୬ ୧୦:୧୬ ଲୁକ ୧୦:୩. * ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨;
 ୨୧:୧୨-୧୫. * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭. * ୧୦:୨୨ ୧୦:୨୨ ମାଡ଼ିଉ ୨୪:୯; ମାର୍କ
 ୧୩:୧୩; ଲୁକ ୨୧:୧୭; ମାଡ଼ିଉ ୨୪:୧୩; ମାର୍କ ୧୩:୧୩. * ୧୦:୨୪ ୧୦:୨୪ ଲୁକ ୬:୪୦; ଜହନ୍ ୧୩:୧୨;
 ୧୫:୨୦. * ୧୦:୨୫ ୧୦:୨୫ ମାଡ଼ିଉ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. * ୧୦:୨୬ ୧୦:୨୬ ମାର୍କ
 ୪:୨୨; ଲୁକ ୮:୧୭.

ହିଲୁଡ଼ । ୨୭ ଆନ୍ ମିଙ୍ଗେଙ୍ଗ୍ ଇନାକା ମାଜଗାତାଂ ଇଞ୍ଜନାଙ୍ଗ୍; ହେଦାଂ ଅଜଡ଼ତ ଇନାଙ୍ଗ୍, ଆରେ ଇନାକା ଏପେଙ୍ଗ୍ ଡ଼ଗୁଜି ଖେନାଦେର୍, ହେଦାଂ ଇଲ୍ ଜେଗନ୍ ଜପି ସୁଣାୟ୍ କିୟାଟ୍ । ୨୮ ଆରେ ଇମ୍ଣାକାର୍ ଗାଗାଡ଼ତିଂ ଅହ୍ନାର୍, ମାତର୍ ଖାସ୍ତିତିଂ ଅସ୍ତେଙ୍ଗ୍ ଆଡୁର୍, ହେଞ୍ଜାରିଂ ପାଣ୍ଡା ଆମାଟ୍; ଇଚିସ୍ ଜେ ଗାଗାଡ଼ ଆରି ଜିବୁନ୍ ରିୟାରିଂ ନରକ୍ତ ନସ୍ କିତାର୍, ତାଙ୍ଗେଙ୍ଗ୍ ପାଣ୍ଡା ଆଡୁ । ୨୯ ରିଣ୍ଡାଂ କଡ଼ିହାଡ଼ା ପଟିଂ ଇନାକା ଆଣେକ୍ତିଂ ପ୍ରୟା ଆଉଡ଼ ? ଆରେ, ମି ଆବା ପିସ୍ତ୍ର ହେଞ୍ଜାର୍ ବିତ୍ତେତାଂ ପା ରଞ୍ଜାଙ୍ଗ୍ ମେଦନିତ ଆରୁଡ଼; ୩୦ ମାତର୍ ଇସ୍ବର୍ ମି କାପଡ଼ାନି ଖିଜୁ ତେମ୍ବୁଲ୍ ପା ଗାଣାକିୟା ଆତାଡ଼ନ୍ନା । ୩୧ ଲାଗିଂ ପାଣ୍ଡା ଆମାଟ୍, ବେସି କଡ଼ିହାଡ଼ା ପଟିଂ ତାଙ୍ଗ୍ ଗାଜା !”

କ୍ରିଷ୍ଟ ତାକେ ପାତର୍ କି ପାତର୍ କିଞ୍ଜାକା
(ଲୁକ ୧୨:୮-୯)

୩୨ “ଜେ ଇନେର୍ ରଞ୍ଜ୍ୟାନାକା ନାଙ୍ଗେଙ୍ଗ୍ ମାପୁ ଇଞ୍ଜି ମାନିକିଦନାର୍, ଆନ୍ ପା ସାଗେନି ଆବା ମୁମ୍ବଦ ତାଙ୍ଗେଙ୍ଗ୍ ଏଡୁ କିନାଙ୍ଗ୍ । ୩୩ *ମାତର୍ ଜେ ଇନେର୍ ମାନାୟାର୍ ମୁମ୍ବଦ ନାଙ୍ଗେଙ୍ଗ୍ ଏଡୁ କିଦୁଦେର୍, ଆନ୍ ପା ସାଗେନି ଆବା ମୁମ୍ବଦ ତାଙ୍ଗେଙ୍ଗ୍ ମାନି କିଉଙ୍ଗ୍ ।”

ସୁସ୍ତା ବାଦୁଲ୍ କାଣ୍ଡା
(ଲୁକ ୧୨:୫୧-୫୩; ୧୪:୨୭-୨୭)

୩୪ ଆନ୍ ଜେ ପୁତର୍ ତ ସୁସ୍ତା ହିଦେଂ ଖାତାଂନା, ଇଦାଂ ବାବି କିମାଟ୍; ସୁସ୍ତା ହିଦେଂ ଖାଞ୍ଜାଦାଙ୍ଗ୍ ଇଚିସ୍ କାଣ୍ଡା ହିଦେଂ ଖାତାଂନା । ୩୫ ଇନାକିଦେଂକି ଆନ୍ ଆବା ଲାହାଙ୍ଗ୍ ମାଜି ଆରି ଆୟା ଲାହାଙ୍ଗ୍ ଗାଡ଼ଚେ ଆରେ ପଦା ହୁକେ କଡ଼ୟା ବେରୁ ଗିଟାଈକିଦେଂ ଖାତାଂନା । ୩୬ ଆରେ ନିଜଲକ୍ ଜାର୍ ଲାଡ଼ାର୍ ନେ ଜାର୍ ସାଡୁର୍ ଆନାର୍ ।

୩୭ ଇନେର୍ ଆବାଂ କି ଆୟାଂ ନା ତାଙ୍ଗ୍ ଆଦିକ୍ ଜିଉନନାର୍, ହେଞ୍ଜାନ୍ ନା ଚେଲା ଆଦେଂ ଆଡୁନ୍ । ଆରେ ଇନେର୍ କାଡ଼ଦେଙ୍ଗ୍ କି ଗାଡ଼ଚେଂ ନାତାଙ୍ଗ୍ ଆଦିକ୍ ଖାରି କିଞ୍ଜିତିସ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ । ୩୮ *ଆରେ, ଇନେର୍ ଜାର୍ କୁସ୍ ଆସ୍ତ୍ର ନା ପାଚେ ଖାଉନ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ । ୩୯ *ଇନେନ୍ ଜାର୍ ଜିବୁନ୍ ବାଚାୟ୍ କିନାନ୍, ହେଞ୍ଜାନ୍ ହେଦାଂ ଆରାୟ୍ କିନାନ୍, ଆରେ ଇନେନ୍ ନା କାଜିଂ ଜାର୍ ଜିବୁନ୍ ଆରାୟ୍ କିନାନ୍, ହେଞ୍ଜାନ୍ ହେଦାଂ ବାଚାୟ୍ କିନାନ୍ ।

ଇନାମ୍
(ମାର୍କ ୯:୪୧)

୪୦ * “ଇନେନ୍ ମିଙ୍ଗେଙ୍ଗ୍ ଇଡ଼ଦାନାନ୍, ହେଞ୍ଜାନ୍ ନାଙ୍ଗେଙ୍ଗ୍ ଇଡ଼ଦାନାନ୍, ଆରେ ଇନେର୍ ନାଙ୍ଗେଙ୍ଗ୍ ଇଡ଼ଦାନାନ୍, ହେଞ୍ଜାନ୍ ନା ପକ୍ତାକାନିଂ ଇଡ଼ତାନ୍ । ୪୧ ଇନେନ୍ ବେଣ୍ବାକ୍‌ଶାୟ୍‌କିନାକାନିଂ ଇସ୍ବର୍ କାବୁର୍ ଅନାକାନ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ବେଣ୍ବାକ୍‌ଶାୟ୍‌କିନାକାନ୍ତି ଇନାମ୍ ପାୟା ଆନାନ୍ । ଆରେ ଇନେନ୍ ଦାମ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ଦମ୍ ଲକାତର୍ ଇନାମ୍ ପାୟାନାନ୍ । ୪୨ ଆରେ, ଇନେନ୍ ଇ ହିରୁକାର୍ ବିତ୍ତେ ରଞ୍ଜାନିଂ ନା ଚେଲା ଇଞ୍ଜି କେବଲ୍ ର ଗିନା କାକାର୍ ଏଲୁଂ ଉଣ୍ଡେଙ୍ଗ୍ ହିନାନ୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା ଇନେସ୍‌କି ହେଞ୍ଜାନ୍ ନା ଚେଲା ହାଡ଼ପା ଇନାମ୍ ପାୟାନାନ୍ ।”

* ୧୦:୩୩ ୧୦:୩୩ ୨ ତିମତି ୨:୧୨. * ୧୦:୩୮ ୧୦:୩୮ ମାଡ଼ିଭ ୧୨:୨୪; ମାର୍କ ୮:୩୪; ଲୁକ ୯:୨୩.
* ୧୦:୩୯ ୧୦:୩୯ ମାଡ଼ିଭ ୧୨:୨୫; ମାର୍କ ୮:୩୫; ଲୁକ ୯:୨୫; ୧୭:୩୩; ଜହନ୍ ୧୨:୨୫. * ୧୦:୪୦ ୧୦:୪୦ ଲୁକ ୧୦:୧୭; ଜହନ୍ ୧୩:୨୦; ମାର୍କ ୯:୩୭; ଲୁକ ୯:୪୮.

୧୧

ଜିସୁ ଆରି ବାପ୍ତିସ୍ମିମ୍ ଜହନ୍
(ଲୁକ ୭:୧୮-୩୫)

୧ ଜିସୁ ତା ବାରଜାଣ ଚେଲାରିଂ ବଲ୍ ହିଜି ଓସ୍ତି ପାଚେ ହେ ବାହା ପିସ୍ସି ଲାଗାନ୍ତି
ଗାଡ଼କାଁ ହାଲ୍‌ଜି ସୁଣାୟ୍ କିଦେଙ୍ଗ୍ ଲାଗାତାନ୍ ।

୨ ଇବେଣ୍ଡାଂ ଜହନ୍ କ୍ରିସ୍ତୁତି କାମାୟ୍‌ନି ବିସ୍ତେ ଜଲ୍‌ଲତ ଖେନ୍‌ଞ୍ଜି ଜାର୍ ଚେଲାହିରିଂ
କ୍ରିସ୍ତୁ ଲାଗାଂ ପକ୍‌ତାନ୍, ୩ ହେଝାର୍ ହାଲ୍‌ଜି ଜିସୁଙ୍ଗ୍ ଖେନ୍‌ବତାର୍, “ଇନେର୍ ଖାନାକା
ମାନାଡ଼, ହେଝାନ୍ କି ଏନ୍, ଆକାୟ୍‌ତି ଆପେଂ ଆଲ୍‌ଗା ନିକାନିଂ କାଜିଂ ମାନାପ୍ ?”

୪ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ହାଲ୍‌ଜି, ଇନା ଇନାକା ଖେଚାଦେଣ୍ଡା
ଆରି ହୁଡ଼ନାଦେରା, ହେ ଜହନ୍‌ତିଂ ଖେଚାଟ୍ । ୫ କାଣାର୍ କାଣ୍‌କୁ ହୁଡ଼ନାର୍, ମେଟାର୍
ତାଂନାର୍, ଗାଜା ରଗ୍ୟାର୍ ସକଟ୍ ଆନାର୍, ୬ ବଇରାର୍ ଖେନାର୍, ହାତାକାର୍ ନିଙ୍ଗନାର୍,
ଆରେ ହିଲ୍‌ଖାକାର୍ ତାକେ ନେକ୍ରିକାରୁର୍ ସୁଣାୟ୍ କିୟାଆନାଡ଼; ୭ ଆରେ, ଆରେ
ଇମ୍‌ଣି ମାନାୟ୍ ନାତାକେଣ୍ଡାଂ ବାଦା ପାୟା ଆଉନ୍, ହେଝାନ୍ ଦନ୍ୟ ।”

୮ ହେଝାର୍ ତାଙ୍ଗ୍‌ଜି ହାନିହିଂ ଜିସୁ ଜହନ୍ ବିସ୍ତେ ମାନାୟାରିଂ ଇଞ୍ଜେଙ୍ଗ୍ ଲାଗାତାନ୍,
ହୁଡ଼ଦେଂ ଇଞ୍ଜି ଏଚେକାଡ଼ଦ୍ ବାଟାତ ହାଲ୍‌ଜି ମାଚାଦେର୍ ? ଇନାକା ହୁଡ଼ଦେଂ
ହାଲ୍‌ଜି ମାଚାଦେର୍ ? ଇନାକା ଦୁକାତିଙ୍ଗ୍ ଜଲ୍‌ଆନି ନାଡ଼ା ? ୯ ହେଦାଂ ଆଓ୍ତିସ୍
ଏପେଙ୍ଗ୍ ଇନାକା ହୁଡ଼ଦେଂ ହସି ହାଲ୍‌ଜି ମାଚାଦେର୍ ? ଇନାକା ଦାମ୍‌ନି ହେୟା
ଉସ୍ତି ର ମାନାୟ୍‌ତିଂ ? ହୁଡ଼ାଟ୍, ଇନେର୍ ଦାର୍ଜାହେୟା ଉସ୍ତିସ୍ ମାନାର୍, ହେଝାର୍
ରାଜା ଇଞ୍ଜି ମାନ୍‌ଗାନାର୍ । ୧୦ ହେଦାଂ ଆଓ୍ତିସ୍ ଇନାକିଦେଂ ହସି ହାଲ୍‌ଜି ମାଚାଦେର୍
? ଇନାକା ରଝାନ୍ ବେଣ୍‌ବାକ୍‌ଶାୟ୍‌କିନାକାନିଂ ହୁଡ଼ଦେଂ ? ଆନ୍ ମିଙ୍ଗେଙ୍ଗ୍ ହାଡ଼ପା
ଇଞ୍ଜନାଙ୍ଗା, ବେଣ୍‌ବାକ୍‌ଶାୟ୍‌କିନାକାନତାଂ ଆଦିକ୍ ଗାଜା ମାନାୟ୍‌ତିଂ ହୁଡ଼ତାଦେଣ୍ଡା
। ୧୧ ଇନାବିସ୍ତେ ଇଦାଂ ଲେକା ମାନାଡ଼, ହୁଡ଼ାଟ୍ ଆପେଂ ଦୁଡ଼ତିଂ ମି ତାକେ ପକ୍‌ତା
ନାପା, ହେଝାନ୍ ମି କାଜିଂ ମେହାଜି ରଚ୍‌ଚି ହିଦ୍‌ନାନ୍ ଇଝାନ୍ ହେ ମାନାୟ୍ । ୧୨ ଆନ୍
ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ପୁର୍ବେତାଂ ନଙ୍ଗ୍ ପାଚେକ୍ ଇ ପୁତ୍‌ନି ଏଚେ ଜାଣ୍
ଚଞ୍ଚାର୍‌ନା, ଜହନ୍ ତାଙ୍ଗ୍ ଗାଜାକାନ୍ ଇନେର୍ ହିଲ୍‌ଚୁର୍ । ମାତର୍ ସାଗେ ରାଜିତ ଇନେନ୍
ଓ୍ତିଜାର୍‌ତାଂ ହିରୁକାନ୍, ହେଝାନ୍ ବାପ୍ତିସ୍‌ମି ଜହନ୍‌ତାଂ ଗାଜାକାନ୍ । ୧୩ ଆରେ, ବାପ୍ତିସ୍‌ମି
ଜହନ୍ ସମ୍‌ତାଂ ନଙ୍ଗ୍ ପାଚେକ୍ ସାଗେ ରାଜି ସାକ୍ତିତାଂ କାଗ୍ରା ଆନାରା; ଆରେ,
ସାକ୍ତିତାଂ କାଗ୍ରାନାକାର୍; ବାଡ଼କାସ୍‌ତାଂ ହେଦାଂ ଆଦିକ୍ କିନାରା । ୧୪ ଇନାକିଦେଂକି
ଓ୍ତିଜାର୍ ବେଣ୍‌ବାକ୍‌ଶାୟ୍‌କିନାକାର୍ ଆରି ବିଦିନି ସାସ୍‌ର ଜହନ୍ ଖାନି ଦିନ୍ ପାଚେକ୍
ମସାତି ବିଦି ବେଣ୍‌ବାକ୍‌ଶାୟ୍‌କିନାକାନ୍ ବିସ୍ତେ ଇଞ୍ଜି ମାଚାନ୍ । ୧୫ ଆରେ, ଏପେଙ୍ଗ୍
ଏଚେକାଡ଼ଦ୍ ଇଡ଼ଦେଂ ମାନ୍ କିନାଦେର୍, ଲାଗିଂ ଇ ଜହନ୍ ଆନାନା, ହେଝାନ୍ ଏଲିୟ
। ୧୬ ଇନେରିଂ କିଡୁଲିଂ ମାନିକ୍, ହେଝାନ୍ ଖେନେନ୍ !

୧୭ “ମାତର୍ ଆନ୍ ଇନେର୍ ଲାହାଙ୍ଗ୍ ନଙ୍ଗ୍‌ନି ମାନାୟାରିଂ ତୁଲ୍‌ୟ୍ କିନାଙ୍ଗ୍ ?
ଇମ୍‌ଣି କାଡ଼ଦେର୍ ଆଟ୍ ପାଦାତ କୁଚ୍‌ଚି ବିନେନିକାରିଂ କୁକ୍‌ଚି ଇନାର୍, ୧୮ ଆପେଂ
ମି ତାକେ ହୁରୁଡ଼ି ତୁବ୍‌ତାପ୍, ଏପେଙ୍ଗ୍ ଏନ୍‌ଖାତାଦେର୍; ଆପେଂ ଦୁକ୍‌କିତାପ୍,
ଏପେଙ୍ଗ୍ ନେଞ୍ଜେତାକିତ ଇଡ଼ିୟା ଆଖାତାଦେର୍, ନଙ୍ଗ୍‌ନି ନାର୍ ହେଝାର୍ ଲାକେ ।
୧୯ ଇନାକିଦେଂକି ଜହନ୍ ଖାଜି ତିନ୍‌ଖାତାନ୍ କି ଉଣ୍‌ଖାତାନ୍, ଆରେ ଲକୁ ଇନାରା,
ହେଝାନ୍ ପୁଦା ଆସ୍ତାତନା । ୨୦ ମାନାୟ୍ ମାଜି ଖାଜି ତିନାଉଣା କିନାନ୍, ଲକୁ ଓ୍ତିଜାର୍
ଇନାର୍, ହୁଡ଼ାଟ୍, ଇଝାନ୍ ରକାନ୍ ବାଡ଼ଖା ଆରି ମାଡ଼ଲି, ସିସ୍‌ସୁନ୍‌ନାକାର୍ ଆରେ

* ୧୧:୫ ୧୧:୫ ଉକ୍ତ କିତାନ୍ ☆ ୧୧:୧୪ ୧୧:୧୪ ମାଡ଼ିଉ ୧୭:୧୦-୧୩; ମାର୍କ ୯:୧୧-୧୩.

ପାପିର ହାଙ୍ଗଦାକାନ; ମତର ଇସ୍ବର ଗିଆନି ଜାର କାମାୟ ତାଙ୍ଗ ସମାନ ଇଞ୍ଜି ପାର୍ମାଣ୍ ଆତାତ୍ ।”

ପାତ୍ କିଞ୍ଜାତାର ଗାଡ଼ଦାକାର
(ଲୁକ ୧୦:୧୩-୧୫)

୨୦ ଏଚେକାଡ଼ଦ ଇମ୍ଣି ଇମ୍ଣି ଗାଡ଼ଦ ତା ଆଦିକାର ସାକ୍ତିନି କାମାୟ କିୟାଆଜି ମାଚାଡ଼, ହେଞ୍ଜାନ୍ ହେ ଗାଡ଼ଡ଼ିଙ୍ଗ୍ ହେଞ୍ଜାନ୍ ନିୟା କିଦେଙ୍ଗ୍ ଲାଗାତାନ୍, ଇନାକିଦେଂକି ହେଞ୍ଜାର ମାନ୍ବାଦଲାୟ କିଞ୍ଜାଦାଂ ମାଚାର । ୨୧ “ଏ ଡାଣ୍ଡୁନି କରାଜିନ୍, ଏ ଡାଣ୍ଡୁନି ବେଡ଼ସାଇଦା, ଇନାକିଦେଂକି ମି ବିତ୍ରେ ଇମ୍ଣି ଇମ୍ଣି ସାକ୍ତିନି କାମାୟ କିୟାତାଡ଼ନା, ହେଦାଂ ଝିଜୁ ଇନାଞ୍ଜାଡ଼ାଂ ସର ଆରି ସିଦନ୍ ତାକେ କିଆତାଡ଼ମା, ଲାଗିଂ ହେଞ୍ଜାର ବେସିଦିନ୍ ପୁର୍ବେତାଂ ବାସ୍ତା ଉସ୍ତସ୍ ନିସତାକେ କୁଚ୍ଚି ମାନ୍ବାଦଲାୟ କିତାର୍ମା । ୨୨ ଆଡ଼ିସପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇସ୍ବତ୍ ବିଚାର ନାଜିଂ ମି ବାଟା ସର ଆରି ସିଦନ୍ନି ମାନାୟାରିଂ ଆଦିକ୍ ଦୟା ଚଚ୍ଚାନାଡ଼ । ୨୩ ଆରେ, ଆଡ଼େ କପର୍ନାହୁମ୍, ନିକାଦେର୍ ଏପେଙ୍ଗ୍ ଜାର୍ତିଂ ସାଗେ ପାତେକ୍ ଲାମା ଆଦେଂ ଆଡ଼ନାୟ ? କଞ୍ଜାଣ୍ ପାତାଲ୍ଲିନି ଆଦାହାନାକା ଆନାଡ଼, ଇନାକିଦେଂକି ନି ବିତ୍ରେ ଇମ୍ଣି ଇମ୍ଣି ସାକ୍ତିନି କାମାୟ କିୟାତାଡ଼ନା, ହେଦାଂ ଝିଜୁ ଏଚେକାଡ଼ଦ ସଦମ୍ ତାକେ କିଆତାଡ଼ମା, ଲାଗିଂ ହେଦାଂ ନେଞ୍ଜେଙ୍ଗ୍ ପାତେକ୍ ମାନ୍ଗାତାଡ଼ମା । ୨୪ *ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ବର ବିଚାର କିନାନ୍ ନିଙ୍ଗ୍ ତାଙ୍ଗ୍ ନି ଦସ୍ ବାଟା ସଦମ୍ ଦେସ୍ନି ଦସ୍ ବେସି ଆନାଡ଼ ।”

ନା ତାକେ ଝାଜି ଜମାଟ୍
(ଲୁକ ୧୦:୨୧-୨୨)

୨୫ ହେଞ୍ଜାଡ଼ାଂ ଜିସୁ ପାଟୀନା କିଜି ଇଚାନ୍, ଏ ଆବା, ସାଗେ ଆରି ପୁତ୍ ତ ମାପୁ, ଏପେଙ୍ଗ୍ ଗିଆନି ଆରି ବୁଦିୟା ମାନାୟାର୍ ତାଙ୍ଗ୍ ଇ ଝିଜୁ ବିସ୍ତେ ଡ଼କୁଚି ଇଡ଼ଜି ହିମ୍ଣାଙ୍ଗ୍ତାକେ ଝେଚ୍ଚାୟନା, ଇଦାଂ କାଜିଂ ନି ଜୁଞ୍ଜାର କିଦ୍ନାଙ୍ଗା; ୨୬ ଆଁ ଆବା, ଇନାକିଦେଂକି ଇଦାଂ ନି କାଣ୍ଡକୁତାଂ ଏଚେକ୍ସାରି ଆତାଡ଼ନ୍ନା ।

୨୭ *ନା ଆବା ନାଙ୍ଗେଙ୍ଗ୍ ଝିଜୁ ବିସ୍ତେ ନାବେ ସର୍ପି ଆତାଡ଼ନ୍ନା । ଆବାଂ ପିସ୍ତ୍ର ମାଜି ଆରେ ଇନେର୍ ପୁନ୍ଦୁର୍ ଆରି ମାଜି ପିସ୍ତ୍ର ଆବା ଆରେ ଇନେର୍ ପୁନ୍ଦୁର୍ । ମାଜି ଇମ୍ଣାକାର୍ ତାକେ ଆବାଂ ହପ୍ନାନ୍, କେବଲ୍ ହେଞ୍ଜାର୍ ଆବାଂ ପୁଞ୍ଜେଙ୍ଗ୍ ଆଡ଼ନାର୍ ।

୨୮ “ଏ ଝାହ୍ନାକାଦେର୍ ଆରି ବଜ୍ପିଶ୍ଚି ମାନାୟ ନା ତାକେ ଝାଡୁ, ଆନ୍ ମିଙ୍ଗ୍ ଜମ୍ଦେଂ ହିଦ୍ନାଂ । ୨୯ ନା ଜୁଞ୍ଜାଣ୍ ଜାର୍ ଜାର୍ ଜପି ପିଶ୍ଚିଜି, ଆରେ, ନା ତାକେ ହିକ୍ୟା କିୟାଟ୍, ଇନାକିଦେଂକି, ଆନ୍ ହୁଦାର୍ ଆରି ଦାମ୍, ଆରେ ଏପେଙ୍ଗ୍ ଜାର୍ ଜାର୍ ଝାସ୍ତିତ ଜମ୍ନାଦେର୍; ୩୦ ଆନ୍ ମି ଜପି ଇମ୍ଣି ଜୁଞ୍ଜାଣ୍ ଇର୍ନାଂ, ହେଦାଂ ପିଶ୍ଚିଦେଂ ଆଡ଼ଞ୍ଜା । ଆରେ ମିଙ୍ଗ୍ ଇମ୍ଣି ବଜ୍ ହିଦ୍ନାଂ, ହେଦାଂ ବେସି ଉସାସ୍ ।”

୧୨

ଜମ୍ନିବାର ବିସ୍ତେ ପର୍ସନ୍
(ମାର୍କ ୨:୨୩-୨୮; ଲୁକ ୬:୧-୫)

୧ ହେଞ୍ଜାଡ଼ାଂ ଜିସୁ ଜମ୍ନିବାର ନାଜିଂ ତାସ୍ ଜମିତିଂ ହିଜି ତାଙ୍ଗ୍ଜି ହାଲ୍ଲି ମାଚାନ୍, ଆରେ ତା ଚେଲାହିର୍ ନାସ୍କି ଆଜି ତାସ୍ନି ଜିକି ନାଡ଼ଚି ଚିଞ୍ଜେଙ୍ଗ୍ ଲାଗାତାର୍ ।

* ୧୧:୨୪ ୧୧:୨୪ ମାତ୍ରିକ ୧୦:୧୫; ଲୁକ ୧୦:୧୨. * ୧୧:୨୭ ୧୧:୨୭ ଜହନ୍ ୩:୩୫; ଜହନ୍ ୧:୧୮; ୧୦:୧୫.

୨ ମାତର ପାରୁସିର ହେଦାଂ ହୁଡ଼ଜି ଜିସୁଙ୍ଗ୍ ଇଚାର, “ହୁଡ଼ାଟ୍, ଜମ୍ନିବାର୍ ନାଜିଂ
ଇନାକା କିନି ବିଦି ଆକାୟ୍, ହେଦାଂ ନି ଚେଲାର୍ କିନାରା ।”

୩ ମତର ହେଖାନ ହେଖାରିଂ ଇଚାନ, “ଦାଉଦ୍ ଆରି ତା ହାଙ୍ଗଦାକାର୍ ନାୟକି
ଆନିହିଙ୍ଗ୍ ହେଖାନ ଇନାକା କିଜି ମାଚାନ, ହେଦାଂକି ଏପେଙ୍ଗ୍ ପଡ଼ି କିଖାତାଦେଣ୍ଡା
? ୪ ହେଖାନ ଇନେସ୍ କିଜି ଇସ୍ବର ଇଞ୍ଜ ହଣ୍ଡି, ଇମ୍ବଣି ଦର୍ସନି ରୁଟି କେବଲ୍
ମାପୁହେବାକିନାକାର୍ ତିନି ବିଦି ମାଚାଡ଼, ମାତାର୍ ତା ଆରି ସାଙ୍ଗହିର୍ ତିକାନା
ବିଦି ହିଲ୍ଖାତାଡ଼, ହେଦାଂ ହେଖାର୍ ଚିଞ୍ଜି ମାଚାର୍ । ୫ ମାତର ଜମ୍ନିବାର୍ ନାଜିଂ
ମାପୁହେବାକିନାକାର୍ ମନ୍ଦିର୍ ବିତ୍ରେ ଜମ୍ନିବାର୍ଚିଂ ବିଚାଡ଼ କିଞ୍ଚିତସ୍ ପା ହେଖାର୍ ଦସ୍
ଆଉର୍, ବିଦିତାଂ ଏପେଙ୍ଗ୍ ଇନାକା ଇଦାଂ ପଡ଼ି କିଖାତାଦେଣ୍ଡା ? ୬ ମତର ଆନ୍
ମିଙ୍ଗେଙ୍ଗ୍ ଇଞ୍ଜନାଙ୍ଗା, ମନ୍ଦିର୍ ତାଙ୍ଗ୍ ଗାଜା ବିସ୍ତେ ଇବେ ମାନାଡ଼ ।

୭ *ସାସ୍ବର ଇନାଡ଼ ଆନ୍ ପୁନାଙ୍ଗ୍ ପୁଜା ମାନ୍ କିଖାଦାଂ ଦୟା ମାନ୍ କିନାଙ୍ଗ୍, ଇ
କାତାନି ଅରଡ଼ ଜଦି ସଡ଼ ବୁଜାନାଦେର୍ ଦସିଲଗାରିଂ ଏପେଙ୍ଗ୍ ଦସ୍ କିଖାତାଦେର୍ମା
। ୮ ଇନାକିଦେଂକି ମାନାୟ୍ ମାଜି ଜମ୍ନିବାର୍ ନାଜିଂ ପା ମାପୁ ଆନାନ୍ ।”

ୱାଡ଼ି କେଇ ହାର୍ ଆତାଡ଼
(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ହେ ବାହାତାଂ ହାଲ୍ଜି ହେଖାର୍ କୁଚୁମ୍ ଇଞ୍ଜ ହଣ୍ଡଗାତାନ୍ । ୧୦ ଆରେ ହୁଡ଼ାଟ୍,
ହେବେ ରଖାନ ଲକ୍ ମାଚାନ, ତା ର କେଇ ଖାଜ୍ଜି ମାଚାଡ଼ । ଆରେ, ହେଖାର୍ “ତା
ବେରଣ୍ଡାଂ ଦାବା କିନି ହେଦାଂ କାଜିଂ ଜିସୁଙ୍ଗ୍ ଝେନ୍ଦବାତାର୍, ଜମ୍ନିବାର୍ ନାଜିଂ ଉଜ୍
କିନାକା ଇନାକା ବିଦି ମାନାଡ଼ ?”

୧୧ *ମାତର ଜିସୁ ହେଖାରିଂ ଇଚାନ, ଜଦି “ଇନେରଡ଼ି ରଞ୍ଜାଙ୍ଗ୍ ମେଣ୍ଡା ମାନାଡ଼ ଆରି
ହେଦାଂ ଜମ୍ନିବାର୍ ନାଜିଂ କୁଇତାକେ ଆତ୍ ସ୍ ଇନାକା ହେଦେଲିଂ ଜେ ତାଙ୍ଗେଙ୍ଗ୍
ଆସ୍ତ୍ର ନିକ୍ତନ୍, ଏଲେଙ୍ଗ୍ ମାନାୟ୍ ମି ବିତ୍ରେ ଇନେନ୍ ମାନାନ୍ ? ୧୨ ଲାଗିଂ, ମେଣ୍ଡା
ତାଙ୍ଗ୍ ମାନାୟ୍ ଆରେ ଏଚେକ୍ ଆଦେକ୍ ଗାଜା । ବିଦି ଲାକେ ଜମ୍ନିବାର୍ ନାଜିଂ ହାର୍
କିନାକା ବିଦି ମାନାଡ଼ ।” ୧୩ ହେଖାଡ଼ାଂ ହେଖାନ ହେ ମାନାୟ୍ଚିଂ ଇଚାନ, ନି କେଇ
ଲାମାୟ୍ କିଦା । ହେବେ ହେଖାନ କେଇ ଲାମାୟ୍ କିତାନ୍,

“ଆରେ ହେଦାଂ ଅଲ୍ଗା କେଇ ଲାକେ ଆରେ ହାରା ଆତାଡ଼ ।” ୧୪ ମାତର
ପାରୁସିର ବାର୍ଡ଼ ହାଲ୍ଜି ହେଖାନିଂ ବୁତାୟ୍ କିନି କାଜିଂ ତା ବେରଣ୍ଡାଂ ମାନ୍ପାତି
କିତାର୍ ।

ଇସ୍ବତ୍ ବାଚିକିତି ହେବାକାର୍ଯ୍ୟା ଜିସୁ

୧୫ ଜିସୁ ହେଦାଂ ପୁଞ୍ଜି ହେବେତାଂ ହେ ବାହା ପିସ୍ତ୍ର ହସି ହାଚାନ, ହେନି ତା ପାଚେ
ପାଚେ ହାଚାର୍, ଆରେ ହେଖାନ ଝିଜାର୍ ରଗ୍ୟାରିଂ ଉଜ୍ କିତାନ୍ । ୧୬ ଆରେ, ତାଙ୍ଗେଙ୍ଗ୍
ଝେର୍ଝି କାଜିଂ ହେଖାନ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ ହିତାନ୍,
୧୭ ଇନେସ୍କି ଜିସାୟ୍ ବେଣ୍ଡବାକଣାୟ୍ କାଜିଂ ଏକାତାର୍ ପୁରା ଆନାଡ଼,

୧୮ “ହୁଡ଼ାଟ୍, ମା ଆଡ଼ିଏନ୍, ଇନେରିଂକି ଆପେଙ୍ଗ୍ ବାଚି କିତାପ୍ଲ୍ଗା; ମା ଖାରିନି ମାଜି
ଇନେର୍ ତାକେ କି ଆପେଂ ଜିବୁନ୍ନି ବେସି ଖାରି
ଆସେଙ୍ଗ୍ ତା ଜପି ନା ଜିବୁନ୍ ଜୁଦନାଡ଼,
ଆରେ ହେଖାନ ପାତ୍ କିଞ୍ଚି ଜିହୁଦିର୍ ଲାଗାଂ ନ୍ୟାୟ୍ ବିଚାର୍ କିଜି ସୁଣାୟ୍
କିନାନ୍ ।

୧୯ ହେଖାନ କୁଲ୍ କିଉନ୍ କି ଗାଜା କାଟ୍ ସୁଣାୟ୍ କିଉନ୍,

* ୧୨:୬ ୧୨:୭ ମାଡ଼ିଭ ୯:୧୩. ☆ ୧୨:୧୧ ୧୨:୧୧ ଲୁକ ୧୪:୫.

କି ହାକଡ଼ିତ ହେଞ୍ଜାନ୍ତି କାଟ୍ ଇନେର ଖେନୁର୍
 ୨୦ ନାଦାର କାଟାକାରିଂ କାଜିଂ ହେଞ୍ଜାନ୍ ହୁଦାର ବେବାର କିନାନ୍ ନାଡ଼ା
 ଆରି ସାଇଜ ହିଲ୍‌ଖାକାରିଂ ଉପକାର୍ କିନାନ୍ ।
 ନ୍ୟାୟ ବିଚାର୍ ଆଞ୍ଜି ପାତେକ୍ ହେଞ୍ଜାନ୍ କି ସଦୁମ୍ ନୁଲ୍‌କଦାନି ବଇଗାଟିଂ ପାଗୁନ୍ ।
 ୨୧ ଆରେ ତା ତରଦ ପାତ୍ କିଞ୍ଜି ଜିହୁଦିର୍ ଆହା କିତାର୍ ।”

ଜିସୁ ଆରି ବାଲ୍‌ଜିବୁଲ୍
 (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ହେଞ୍ଜାଡ଼ାଂ ରଞ୍ଜାନ୍ ପୁଦା ଆହୟାତି କାଣାଂ ଆରି କନ୍ଦାଲଗାଂ ତା ତାକେ
 ତାହିଞ୍ଜାତାର୍, ଆରେ ଜିସୁ ତାଙ୍ଗେଙ୍ଗ୍ ଉଜ୍ କିତାନ୍; ହେବେ ହେ କନ୍ଦା ବେଣ୍ ଇଞ୍ଜେଙ୍ଗ୍
 ଆଡ଼ତାନ୍ ଆରି ହୁଡ଼ଦେଂ ଆଡ଼ତାନ୍ । ୨୩ ଆରେ, ମାନାୟାର୍ କାବା ଆଜି ଇଞ୍ଜେଙ୍ଗ୍
 ଲାଗାତାର୍, “ଇଞ୍ଜାନ୍ ଇନାକା ଦାଉଦ୍ ମାଜି ଆକାୟ୍ ?”

୨୪ *ମାତର୍ ପାରୁସିର୍ ହେଦାଂ ଖେନଞ୍ଜି ଇଚାର୍, “ଇ ମୁଣିକା ଗାଜାପୁଦା ବାଲ୍‌ଜିବୁଲ୍
 ଉପକାର୍ତାଂ ପୁଦାଂ ପିହିକିଉନା ।”

୨୫ ମାତର୍ ଜିସୁ ହେଞ୍ଜାର୍ ମାଜି ଏଡ଼ ପୁଞ୍ଜି ହେଞ୍ଜାରିଂ ଇଚାନ୍, “ଇମ୍‌ଣି ରାଜି ରିବାଗ୍
 ଆଜି ଜାର୍ ବେରୁତାଂ ନିଙ୍ଗନାଡ଼, ହେଦାଂ ଦୁଡ଼ି ଆଜି ହାନାଡ଼; ଆରେ, ଇମ୍‌ଣି ଗାଡ଼୍ କି
 ଇଲ୍ ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼ ହେଦାଂ ତିର୍ ଆଜି ମାଞ୍ଜେଙ୍ଗ୍ ଆଡ଼ୁଡ଼
 । ୨୬ ଆରେ, ସୟତାନ୍ ଜଦି ସୟତାନ୍ତିଂ ପିହିକିତିସ୍, ତା ଆତିସ୍ ହେଦାଂ ରିବାଗ୍
 ଆଜି ଜାର୍ ବିରୁଡ଼ତାଂ ନିଙ୍ଗତାତେ; ଲାଗିଂ ତା ରାଜି ଇନେସ୍ ତିର୍ ଆଜି ମାନାଡ଼ ?
 ୨୭ ଆନ୍ ଏରେକାଡ଼ଦ ବାଲ୍‌ଜିବୁଲ୍ ଉପକାର୍ତାଂ ପୁଦାକାଂ ପିହିକିନାଙ୍ଗ୍, ଲାଗିଂ ମି
 ମାଜିର୍ ଇନେର୍ ଉପକାର୍ତାଂ ହେଞ୍ଜାକାଂ ପିହିକିନାର୍ । ଲାଗିଂ ହେଞ୍ଜାର୍ ନେ ମିଙ୍ଗେଙ୍ଗ୍
 ବିଚାର୍‌କାର୍‌ୟାର୍ ଆଦ୍‌ନାର୍ ! ୨୮ ମାତର୍ ଆନ୍ ଜଦି ଇସ୍‌ବ୍ ଖାସ୍ତି ସାଇଜତାଂ ପୁଦାକାଂ
 ପିହିକିନାଙ୍ଗ୍, ଇଦାଂ କାଜିଂ ପାର୍ମାଣ୍ ଆନାଡ଼ ସାଗେ ରାଜି ମି କାଜିଂ ଏକା ଖାତାତେ ।”

୨୯ “କି ଇନେର୍ ପର୍ଡୁମ୍ ସାକ୍ତି ଲଗାଂ ଗାଡ଼ଞ୍ଜିତିସ୍ ଇନେସ୍ କିଜି ତାଞ୍ଜି ହଣ୍‌ଗିସ୍ ତା
 ଦାନ୍ ସବୁ ଚର୍ କିଦେଙ୍ଗ୍ ଆଡ଼ନାନ୍ ? ତାଙ୍ଗେଙ୍ଗ୍ ଆଗେ ଗାଡ଼ତିସ୍ ହିନା ତା ଇଲ୍ ଚର୍
 କିଦେଙ୍ଗ୍ ଆଡ଼ନାନ୍ ।”

୩୦ * “ଇନେନ୍ ନା ପାକ୍ୟା ଆକାୟ୍, ହେଞ୍ଜାନ୍ ନା ବେରିୟା, ଆରେ ଇନେନ୍
 ନାଲ୍‌ହାଂ ରୁଣ୍ଡାୟ୍ କିଉନ୍, ହେଞ୍ଜାନ୍ ଜେଡେ କେତେ କିନାନ୍ । ୩୧ ଆତିସ୍‌ପା, ଆନ୍
 ମିଙ୍ଗେଙ୍ଗ୍ ଇଞ୍ଜନାଙ୍ଗା ମାନାୟାର୍ ଓଜୁ ପାପ୍ ଆରି ନିନ୍ଦା କାତା କେମା କିୟା ଆନାଡ଼,*
 ମାତର୍ ଖାସ୍ତି ବେରୁ ନିନ୍ଦା କେମା କିୟା ଆଉଡ଼ । ୩୨ ଆରେ, ଇନେର୍ ଆୟେଡ଼ ମାନାୟ୍
 ମାଜି ବେରୁତାଂ କାତା ଇନାନ୍, ତାଙ୍ଗେଙ୍ଗ୍ କେମା ହିୟା ଆନାଡ଼, ମାତର୍ ଇନେର୍
 ଆୟେଡ଼ ପୁଇପୁୟା ଜିବୁନ୍ ବେରୁତାଂ କାତା ଇନାନ୍, ଇ ଜୁଗ୍‌ତ କି ପାଚେନି ଜୁଗ୍‌ତ
 ତାଙ୍ଗେଙ୍ଗ୍ କେମା ହିୟା ଆଉଡ଼ ।”

ମାର୍ ଆରି ତା ପାଡ଼୍
 (ଲୁକ ୬:୪୩-୪୫)

୩୩ “ହାଦ୍ ପାଡ଼୍ ଆହ୍‌ନି କାଜିଂ ମାର୍ ବାଡ଼କାସ୍ ଆନାକା ମାନାଡ଼ । ମିଦାଙ୍ଗ୍ ବାନ୍ୟା
 ମାର୍ ମାଡ଼ିସ୍ ହେବେତାଂ ଏପେଙ୍ଗ୍ ବାନ୍ୟା ପାଡ଼୍ ପାୟା ଆନାଦେର୍ । ଇନାକିଦେଂକି
 ପାଡ଼୍ କାଜିଂ ମାର୍‌ତିଂ ପୁନ୍ୟା ଆନାଡ଼ । ୩୪ *ଆଡେ କାଲ୍‌ଗିରାଡ଼ିନି ଲାଡ଼ା, ଏପେଙ୍ଗ୍
 ବାନ୍ୟା ଆଜି ଇନେସ୍ ବାଡ଼୍ ହାର୍‌ଦି କାତା ଇଞ୍ଜେଙ୍ଗ୍ ଆଡ଼ନାଦେର୍ ? ଇନାକିଦେଂକି

☆ ୧୨:୨୪ ୧୨:୨୪ ମାଡ଼ିଉ ୯:୩୪; ୧୦:୨୫. ☆ ୧୨:୩୦ ୧୨:୩୦ ମାର୍କ ୯:୪୦. * ୧୨:୩୧ ୧୨:୩୧ ଇସ୍‌ବ୍‌ଡ଼ି
 ବିରୁଦ୍‌ତ ବାନ୍ୟା କାତା ଇଚାର୍ ☆ ୧୨:୩୪ ୧୨:୩୪ ମାଡ଼ିଉ ୩:୨; ୨୩:୩୩; ଲୁକ ୩:୨; ମାଡ଼ିଉ ୧୫:୧୮; ଲୁକ
 ୬:୪୫.

ମାନନି ବାତ ଚାଂ ଖେଇଦି କାତା ଇନାନ । ୩୫ ହାଦ ଲଗୁ ହାରଦି ଖାସ୍ତିତାଂ ହାଦ ଆଡ଼ଫାଡ଼ ହପନାନ । ଆରେ ବାନ୍ୟା ଲଗୁ ବାନ୍ୟା ଖାସ୍ତିତାଂ ବାନ୍ୟା ଆଡ଼ଫାଡ଼ ହପନାନ ।”

୩୬ “ମାତର ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ମାନାୟାର୍ ଇନେସ୍ ବାତ ପଲ୍ୟା କାତା ଇନାର୍, ବିଚାଣ୍ଟା-ନାଜିଂ ହେଞ୍ଜାର୍ ହେବେନି ଉତରୁ ହିନାର୍; ୩୭ ମି କାତା କାଜିଂ ଏପେଙ୍ଗ୍ ବିଚାର୍ କିୟା ଆଜି ଦସିଆକାଇ ଦସି ଇଞ୍ଜି ପାର୍ମାଣ୍ ଆନାଡ଼ ।”

ଜୁନୁସ୍ତି ଚିନ୍
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ହେ ପାଦନା ସାସ୍ତିର୍ ଆରି ପାରୁସିର୍ ବିତ୍ରେ କେଡ଼ ଜାଣ୍ ତାଜେଙ୍ଗ୍ ଉତରୁ ହିତାର୍, “ଏ ଗୁରୁ, ଆପେଂ ନିତାକେନ୍‌ଶ୍ଟାଙ୍ଗ୍ ର ଚିନ୍ ହୁଡ଼ଦେଂ ମାନକିନାପା ।”

୩୯ ଜିସୁ ହେଞ୍ଜାରିଂ ଉତରୁ ହିତାନ, “କେତେକ୍ ଦାରି ଆରି ଇସ୍ପୁର୍ତିଂ ପାତ କିଞ୍ଜାକାନ୍ ତେକନାର୍, ମତରୁ ବେଣ୍‌ବାକ୍‌ଶାୟକିନାକାନ୍ ଜୁନସ୍ ଚିନ୍ ପସସି ଅଲଗା ଇନା ଚିନ୍ ହେଞ୍ଜାରିଂ ହିୟା ଆଉଡ଼ । ୪୦ ଜୁନସ୍ ଇନେସ୍ ଚିନ୍ ଦିନ୍ ଆରି ତିନ୍ ରାତି ଗାଜା ମିନ୍ ପଟ ବିତ୍ରେ ମାଚାନ, ମାନାୟ୍ ମାଜି ହେ ଲାକେ ତିନ୍ ଦିନ୍ ଆରି ତିନ୍ ରାତି ମେଦନି ପୁତ୍ରି ଗରବ୍ ବିତ୍ରେ ମାନଗାନାନ । ୪୧ ବିଚାଣ୍ଟାତ ଦିନ୍ତ ନିନିବିନି ମାନାୟାର୍ ମି ବିରୁଦ୍‌ଦ ଦାବା କିଦେଙ୍ଗ୍ ନିଲନାର୍, ଇନାକିଦେଂକି ହେଞ୍ଜାର୍ ଜୁନସ୍ତି ସୁଣାୟ୍ କିନାକା ଖେନ୍‌ଞ୍ଜି ହେଞ୍ଜାର୍ ପାପ୍ ହାଜିତାଂ ମାନବାଦ୍‌ଲାୟ୍ କିତାର୍ ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ଜୁନସ୍ ତାଙ୍ଗ୍ ଗାଜାକାନ୍ ରଞ୍ଜାନ୍ ଇବେ ମାନାନ । ୪୨ ଆରେ, ଜେନ୍‌ବାଗାଙ୍ଗ୍ ଦେସନି ରାଣି ବିଚାଣ୍ଟାତ ଇ ନଙ୍ଗନି ଆଣ୍ଟାଙ୍ଗ୍ ଲାହାଙ୍ଗ୍ ନିଙ୍ଗ୍‌ଜି ଇଞ୍ଜାରିଂ ଦସି କିନାଡ଼, ଇନାକିଦେଂକି ହେଦେଲ୍ ସଲମନ୍‌ତି ବୁଦିନି କାତା ଖେଞ୍ଜେଙ୍ଗ୍ ପୁତ୍ରିଂ ବାଟାତାଂ ଖାଜି ମାଚାଡ଼, ଆରେ ହୁଡ଼ା, ସଲମନ୍‌ତାଂ ଗାଜା ବିସ୍ତେ ଇ ବାହାତ ମାନାଡ଼ ।”

ବାନ୍ୟା ଖାସ୍ତିନି ସାକ୍ତି ମାନାଡ଼
(ଲୁକ ୧୧:୨୪-୨୬)

୪୩ “ବାନ୍ୟା ଜିବୁନିଂ ରକାନ୍ ମାନାୟତିଂ ହସି ହାଚି ପାଚେ ଏଜୁଂ ହିଲ୍‌ଞ୍ଜି ବାହା ସବୁ ବୁଲ୍ଲା ଆଜି ଜମଦେଂ ତେକନାଡ଼ ଆରି ହେଦାଂ ଗାଟା ଆଉଡ଼ । ୪୪ ହେବେ ହେଦାଂ ଇନାଡ଼, ଆନ୍ ଇମ୍‌ଣି ଇଞ୍ଜାଙ୍ଗ୍ ହସି ଖାତାଂନା, ଆନ୍ ହେ ଇଞ୍ଜି ମାସ୍‌ଦି ହାନାଙ୍ଗ୍; ଆରେ, ହେଦାଂ ଖାଜି ହେ ବାହା ଖାରାକା, ଆରି ନିର୍ମଲ୍ ହୁଡ଼ତାଡ଼ । ୪୫ ହେପାଦନା ହେଦାଂ ହାଲ୍‌ଜି ଜାର୍‌ତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ଖାନାଡ଼, ଆରେ, ହେଞ୍ଜାଙ୍ଗ୍ ହଣ୍‌ଜି ହେବେ ବାହାକିନିକ୍, ଆରେ ହେ ଲକ୍‌ତି ପର୍ତୁମ୍ ଦସା ତାଙ୍ଗ୍ ହାରିହାରା ଦସା ଆଦେକ୍ ବାନ୍ୟା ଆନାନ । ଇ ବାନ୍ୟା ଆଣ୍ଟେନ୍ ଇ ଜୁଗ୍‌ନି ମାନାୟାର୍ ହାର୍ ଗିଟା ଆନାଡ଼ ।”

ଜିସୁତି ତେହି ଆରି ଟଣ୍ଟାହିର୍
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ମାନାୟାର୍ ଲାହାଙ୍ଗ୍ କାତା ଆନିଞ୍ଜେଡ଼ାଂ, ତାଞ୍ଜି ଆୟା ଆରି ଟଣ୍ଟାହିର୍ ବାର୍‌ତ ନିଲ୍‌ଚି ତା ଲାହାଙ୍ଗ୍ ବେଣ୍ କିଦେଙ୍ଗ୍ ଇଟା କିଜି ମାଚାର୍ । ୪୭ ହେବେ ରକାନ୍ ତାଜେଙ୍ଗ୍ ଇଚାନ, “ହୁଡ଼ା, ମିଞ୍ଜି ଆୟା ଆରି ଟଣ୍ଟାହିର୍ ବାର୍‌ତ ନିଲ୍‌ଚି ନି ଲାହାଙ୍ଗ୍ ବେଣ୍ କିଦେଙ୍ଗ୍ ମାନ୍ କିନାରା ।”†

* ୧୨:୩୮ ୧୨:୩୮ ମାଡ଼ିଭ ୧୭:୧; ମାର୍କ ୮:୧୧; ଲୁକ ୧୧:୧୭. † ୧୨:୪୭ ୧୨:୪୭ କେତେକ୍ ପଢ଼ିତ ୪୭ ପଦ୍ ହିଲ୍‌ଡ଼

୪୮ ମାତର ଜେ ତାଙ୍ଗେଇଁ ଇ କାତା ଇଚାନ, ତାଙ୍ଗେଇଁ ଜିସୁ ଉତର ହିତାନ, “ମାଞ୍ଜି ଆୟା ଇନେଲ୍ ? ଆରେ, ନା ଟଣ୍ଡାର ଇନେର ?” ୪୯ ଆରେ, ଜିସୁ ତା ତେଲାହିର ନିପ କେଇ ଚଟି ଇଚାନ, “ହୁଡ଼ା, ମାଞ୍ଜି ଆୟା ଆରି ମାଞ୍ଜି ଟଣ୍ଡାର, ୫୦ ଇନେରକି ସାଗେନି ଆବାତି ଇଚା କିନାନ, ହେୱାନ ନା ଟଣ୍ଡାର, ତଣ୍ଡେକ ଆରି ଆୟା ।”

୧୩

ବିୟାନ ଝିଡ଼ନି ଉତରମୁଡ଼କାତା
(ମାର୍କ ୪:୧-୯; ଲୁକ ୮:୪-୮)

୯ ହେ ନାଜିଂ ଜିସୁ ଇଞ୍ଜାଙ୍ଗ ହସି ହାଲ୍ଲଜି ହାମ୍ବୁର ଗୁଟିତ ହେବେ ହିକ୍ୟା ହିଦେଂ କୁଚରାନ । ୧୦ ହେବେ ତା କଚଣତ ବେସି ମାନାୟ ରୁଣ୍ଡା ଆତିଲେ ହେୱାନ ହାଲ୍ଲଜି ର ତଙ୍ଗାତ କୁଚରାନ, ଆରେ ମାନାୟାର ଗୁଟିତ ମାଚାର ତା କାତା ୱେନଞ୍ଜି ମାଚାର । ୧୧ ଆରେ, ଜିସୁ ଉତରମୁଡ଼ ହୁକେ ହେୱାରିଂ ବେସି କାତା ଇଚାନ, ହୁଡ଼ାଟ୍,

“ରକାନ ଝିଡ଼ନାକାନ ଝିଡ଼ଦେଂ ହତତାନ । ୧୨ ହେୱାନ ଝିଡୁ ଝିଡୁ କେତେକ ବିୟାନ ହାଜି କଚଣତ ଆରତାଡ଼, ଆରେ ପଟିଂ ୱାଜି ହେୱାକାଂ ତିନଞ୍ଜି ହାଟିକ୍ । ୧୩ ଆରେ କେତେକ ଅଲପ୍ ଟିକ୍ଲି ମାନି ଚେଚରା ବୁଇଁତ ଆରତାଡ଼ ଆରି ବାଜେକ୍ ଟିକ୍ଲି ହିଲ୍ଝିତିଲେ ଚାଣ୍ଡେକ୍ ନେସ୍ତାଡ଼, ୧୪ ମାତର ୱେଡ଼ା ହତ୍ତିଲେ, କାଡ଼ତାଡ଼ ଆରେ ଚିରା ହିଲ୍ଝିତିଲେ ୱାଜି ହାଚାଡ଼ । ୧୫ ଆରେ କେତେକ ୱାଡ଼ି ମାର୍ଲୁକାଂ ପା ଆରତାଡ଼, ଆରେ ୱାଡ଼ିଙ୍ଗ୍ବୁଟାଙ୍ଗ୍ ପାନ୍ତି ହେୱାଙ୍ଗ୍ ଚାପି କିତିକ୍ । ୧୬ ମାତର ବିନେ କେତେକ ହାଦ୍ ମେଦ୍ନିତ ଆରତାଡ଼ ଆରି ପାଡ଼ ଆସ୍ତାଡ଼, କେତେକ ପାଞ୍ଚକଡ଼ି ଗାଡ଼ହା, ଆଦିକ୍ କେତେକ ତିନକଡ଼ି ଗାଡ଼ହା, ଆଦିକ୍ ଆରେ କେତେକ ରିକଡ଼ିଦସ୍ ଗାଡ଼ହା ଆଦିକ୍ ।”

୧୭ ଜିସୁ ଇଚାନ “ଇନେରିଂ କିଡୁଲିଂ ମାନିକ୍, ହେୱାନ ୱେନେନ ।”

ଉତରମୁଡ଼ ଉଦେସ୍
(ମାର୍କ ୪:୧୦-୧୨; ଲୁକ ୮:୯-୧୦)

୧୮ ଇଦାଂ ପାଚେ ତେଲାର ତା କଚଣ ୱାଜି ୱେନବାତାର, “ଏନ୍ ଇନାକିଦେଂ ହେୱାରିଂ ଉତରମୁଡ଼ ହୁକେ କାତା ଇନାୟା ?”

୧୯ ଜିସୁ ଉତର ହିତାନ, “ଇନାକିଦେଂକି ସାଗେ ରାଜି ବିଡ୍ରେନି ବେରଣ୍ ସବୁ ପୁନି କାଜିଂ ମିଙ୍ଗେଇଁ ସାକ୍ତି ହିଦୟା ଆତାଡ଼ନା, ମାତର ହେୱାରିଂ ହିୟାଞ୍ଜାତାଡ଼ନା । ୨୦ ଲାଗିଂ ଇନେରତି ବେସି ମାନାଡ଼, ତାଙ୍ଗେଇଁ ହିୟାନାଡ଼, ଆରେ ତାଦାଙ୍ଗ୍ ବାଜେକ୍ ଆନାଡ଼; ମାତର ଇନେରିଂ ହିଲ୍ଲୁଡ଼, ତାତାକେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ । ୨୧ ହେୱାରିଂ ଆନ୍ ଉତରମୁଡ଼ ଲାହାଙ୍ଗ୍ ଇନାଙ୍ଗା, ହେୱାର ହୁଡ଼ଜି ହୁଡ଼ଜି ହୁଡ଼ଦେଂ ଆଡୁର ଆରି ୱେନ୍ ଝେନ୍ ଝେନ୍ ୱେଞ୍ଜେଇଁ ଆଡୁର କି ବୁଜାଆଦେଂ ଆଡୁର । ୨୨ ଆରେ, ଜିସାୟତି ଇ ବେଶ୍ବାକ୍ଶାୟକିନାକା ହେୱାର ବିସ୍ତେ ପୁରା ଆନାତା,

ଏପେଇଁ ୱେନ୍ ୱେନ୍ ୱେନାଦେର, ମାତର ଇନେସ୍ ବାନି ବୁଜାଉଦେର,
ଆରେ ହୁଡ଼ଜି ହୁଡ଼ଜି ହୁଡ଼ନାଦେର, ମାତର ଇନେସ୍ ବୁଜାଉଦେର;
୨୩ ଇନାକିଦେଂକି ଇ ମାନାୟାରତି ଜିବୁନ୍ ବଞ୍ଚାଡ଼ ଆତାଡ଼,
ହେୱାର କିଡୁଲ୍ଲତ କସ୍ତାଂ ୱେଚାର ଆରି ଜାର ଜାର କାଣ୍କୁ ଜୁଚରାର,
ଇନେସ୍ ହେୱାର କାଣ୍ଙାତାଂ ହୁଡ଼ର
ହେଦାଂ ଆଝିତିସ୍ ହେୱାର କିଡୁଲ୍ଲତ ୱେଞ୍ଜେଇଁ ଆଡ଼ତାରମା,

☆ ୧୩:୨ ୧୩:୨ ଲୁକ ୫:୧-୩. ☆ ୧୩:୧୨ ୧୩:୧୨ ମାଡ଼ିର ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭.

ଆରେ ମାନ୍ତ ବୁଜାଆଦେ° ଆତୁର, ଆରେ ମାସଦି ୱାଉର,
ଆରେ ଆପେ° ହେୱାରି° ଉଜ୍ କିଦେଙ୍ଗ କପ ।”

୧୭ *“ମାତର ଦନ୍ୟ ମି କାଣକୁ, ଲାଗି° ହେଦା° ହୁଡ଼ନାଡ଼; ଦନ୍ୟ ମି କିତୁଲି°,
ଲାଗି° ହେଦା° ୱେନାନ । ୧୭ ଇନାକିଦେ°କି ଆନ୍ ମିଜେଙ୍ଗ ହାଡ଼ପା ଇଞ୍ଜନାଙ୍ଗା,
ଏପେଙ୍ଗ ଇନା ଇନାକା ହୁଡ଼ନାଦେର, ହେ ୱିଜୁ ବେସି ବେଶ୍‌ବାକ୍‌ଶାୟ ଆରି ଦାମ୍
ମାନାୟାର ହୁଡ଼ଦେ° ମାନ୍ କିତାର, ମାତର ହୁଡ଼ୱାତାର; ଆରେ, ଏପେଙ୍ଗ ଇନା
ଇନାକା ୱେଚାଦେଶ୍ଟା, ହେ ସବୁ ହେୱାର ୱେଞ୍ଜେଙ୍ଗ ମାନ୍ କିତାର, ମାତର ୱେଞ୍ଜେଙ୍ଗ
ଆଡ଼ୱାତାର ।”

ଓଡ଼ନାକାନ୍ତି ବିସ୍ତେ ଉତରମୁଡ଼
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଲାଗି° ୱେନାଟ୍, ବିୟାନ୍ ଓଡ଼ନାକାନ୍ ଉତରମୁଡ଼ନି ଅରଡ଼ ଇନାନ୍ନା ।
ବୁଜାଆଦେ° ସେସ୍ତୁ କିୟାଟ୍ । ୧୯ ଇନେରକି ରାଜିନି ବଚନ୍ ୱେନ୍‌ଞ୍ଜି ବୁଜା ଆଉର,
ସୟତାନ୍ ୱାଜି ତା ମାନ୍‌ତ ଇନାକା ଓଡ଼ୟାଜି ମାଚାଡ଼, ହେଦା° ଉନ୍‌ଦି ଅନାଡ଼,
ହେୱାନ୍ ରୱାନ୍ ଓଡ଼ତି ହାଜି ଗୁଟିତ ଆଜ୍ ମାନି ବିୟାନ୍ ଲାକେ । ୨୦ ଇନେର
ଇସ୍ତର୍ ବଚନ୍ ଆଏଡ଼ ବେରଶ୍ ୱେଚ୍‌ଚି ଦାପ୍ରେ ୱାରୟା ଆଜି ହେଦା° ମାନି କିତାର,
ହେୱାର କାଲ୍‌କୁକୁଡ଼ି ବୁଇଟ୍ ଆଜ୍ ମାନି ବିୟାନ୍ ଲାକେ, ୨୧ ହେୱାରତି ତିରା°
ଦେହା ହାଲ୍‌ୱାଦା° ମାଟିଲେ ହେୱାର ହେଦେଲି° ବେସି ସମୁ ଆସ୍ତି ଇଡ଼ଦେ° ଆତୁର
। ଇ କାବୁର କାଜି° ଏଚେକାଡ଼ଦ୍ କସ୍ତୁ କି ନିୟା ୱାଡ଼ିସ୍ ହେୱାର ଦାପ୍ରେ ହେଦେଲି°
ପିହନାର । ୨୨ ଇନେନ୍ ଇସ୍ତର୍ ବେରଶ୍ ୱେନାନ୍, ଆରେ ସ୍‌ସାରନି ତିନ୍ତା ଆରି
ଦାନ୍‌ନି ବାୟା ବେଶ୍‌ତିଙ୍ଗ ଚାପି କିନାଡ଼, ଆରେ ହେୱାନ୍ ପାଡ଼ ଆହେନ୍, ହେ ରୱାନ୍
ଓଡ଼ୟାତି ୱାଡ଼ି ମାରୁକୁ ତାରେନ୍ ଲାକେ । ୨୩ ମାତର ଇନେର ବଚନ୍ ୱେନ୍‌ଞ୍ଜି
ବୁଜାଆନାନ୍, ହାଦ୍ ଜମିତ ଆଜ୍ ମାଟି ବିୟାନ୍ ଲାକେ ହେୱାର ହାଦ୍ ପାଡ଼
ଆହନାଡ଼, ଇନେନ୍ ପାଞ୍ଚକଡ଼ି ଗାଡ଼ହା ଆଦିକ୍, ଇନେନ୍ ତିନକଡ଼ି ଗାଡ଼ହା ଆଦିକ୍,
ଇନେନ୍ ରିକଡ଼ିଦସ୍ ଗାଡ଼ହା ଆଦିକ୍ ପାୟାନାନ୍, ହେୱାନ୍ ଓଡ଼ୟାତି ହାଦ୍ ମେଦନି
ଲାକେ ।”

କାତ୍ରା ଉତରମୁଡ଼

୨୪ “ଜିସ୍ତୁ ହେୱାରି° ଆରେ ର ଉତରମୁଡ଼ ହିଜି ଇଚାନ୍, ସାଚେ ରାଜି ଜାର ଜମିତ
ହାଦ୍ ବିୟାନ୍ ଓଡ଼ଦିମାଟି ର ମୁଣିକା ଲାକେ; ୨୫ ମତର ଲକୁ ହୁଡ଼କାଣକୁ ହନିହିଙ୍ଗ
ତା ସାତୁ ୱାଜି ହେ ଗାମ୍ ବିୟାନ୍ ବିତ୍ରେ କାତ୍ରା ଓଡ଼ଦି ତାଙ୍ଗି ହାଚାନ୍ । ୨୬ ଏଚେକାଡ଼ଦ୍
ଆକି° ହସି ପାଡ଼ ଆସ୍ତେଙ୍ଗ ଲାଗାତାଡ଼, ହେ ପାଦ୍‌ନା କାତ୍ରା ପା ଚଞ୍ଜିୟାଆତାଡ଼ ।
୨୭ ହେବେ ଇଞ୍ଜିମୁଣିକା° ହଲ୍ୟାହିର୍ ତା କଚଶ୍ ୱାଜି ଇଚାର, ହାଉକାର, ଏନ୍ ଇନାକା
ଜାର ଜମିତାକେ ହାଦ୍ ବିୟାନ୍ ଓଡ଼ୱାଦା° ମାଚାୟ ? ଲାଗି° କାତ୍ରା° ଇମେଶ୍ଟା°
ଆତାଡ଼ ? ୨୮ ହେୱାନ୍ ହେୱାରି° ଇଚାନ୍, ରକାନ୍ ସାତୁ ଇଦା° କିତାନ୍ନା । ଆରେ,
ହଲ୍ୟାହିର୍ ତାଙ୍ଗେଙ୍ଗ ଇଚାର, ଲାଗି° ଆପେ° ହାଲ୍‌ଜି ହେ ୱିଜୁ ଜେଲ୍‌ଜି ରବେ
କିନାପ୍, ଇଦା° ଇନାକା ନିମାନ୍ ? ୨୯ ମାତର ହେୱାନ୍ ଇଚାନ୍, ଆକାୟ, କାତେ
ଏପେଙ୍ଗ କାତ୍ରା ରୁଶ୍ଟାୟ କିଉ କିଉ ହେ ୱିଜୁ ରଚେ ଗାମ୍ ଜେଲ୍‌ଜି ତୁହିହିନାଦେର
। ୩୦ ତାସ୍ ତ୍ରେସ୍‌କି ପାତେକ୍ ରିଶ୍ଟାକା° ରଚେ ଗାଜାଆଦେ° ପିହାଟ୍, ଆରେ କାତ୍ରା
ତ୍ରେସ୍‌ନିହିଙ୍ଗ ଆନ୍ ତ୍ରେସ୍‌ନା କାରି° ଇନାଙ୍ଗ, କାଚାୟକିଦେ° ହିଗ୍‌ଦ କାତ୍ରା ରବେ କିଜି
ମୁଚା ଗାଚାଟ୍, ମାତର ଗାମ୍ ନା ତୁଶ୍ଟିତ ରୁଶ୍ଟାୟ କିଜି ଇଚାଟ୍ ।”

* ୧୩:୧୭ ୧୩:୧୭ ଲୁକ ୧୦:୨୩,୨୪.

ଜିସୁ ହାରହୁ ମାଞ୍ଜିନି ଉତରମୁଡ଼,

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜିସୁ ହେୱାରିଂ ଆରେ ର ଉତରମୁଡ଼ ହିଜି ଇଚାନ, “ସାଗେ ରାଜି ଇ ଲାକେ ର ହାରହୁ ମାଞ୍ଜି ଲାକେ, ଇନାକା ଅଜି ର ମାନାୟ୍ ଜାର ଜମିତ ଝିଡ଼ତାନ । ୩୨ ହେଦାଂ ତ ଝିଜୁ ବିୟାନ୍ ତାଙ୍ଗ୍ ହିରୁ, ମତର ହେଦାଂ ଗାଜାଆତିସ୍ ସବୁ କୁଚାତାଂ ଗାଜା ଆଜି ଇ ଲାକେ ମାର୍ ଆନାଡ଼ ଜେ, ବାଦାଡ଼ନି ପଟିଂ ୱାଜି ତା କେନ୍ଦାତ ବାହା କିନିକ୍ ।”

ହଇନି ଉତରମୁଡ଼,

(ଲୁକ ୧୩:୨୦-୨୧)

୩୩ ଜିସୁ ହେୱାରିଂ ଆରେ ର ଉତରମୁଡ଼ ଇଚାନ, “ସାଗେ ରାଜି ହଇନି ଲାକେ; ରଞ୍ଜେଲ୍ କଗଲେ ହେଦାଂ ଅଜି ଆଦାବାସ୍ତା ମଇଦା ବିତ୍ତେ ତାବାୟ୍ କିଜି ଇଚ୍ଚାଡ଼, ଆରେ ହାରିହାରା ଝିଜୁ ହଇତାଡ଼ ।”

ଉତରମୁଡ଼ ଉପକାରତାଂ ହିକ୍ୟା

(ମାର୍କ ୪:୩୩-୩୪)

୩୪ ଇ ଝିଜୁ କାତା ଜିସୁ ଉତରମୁଡ଼ କାଜିଂ ମାନାୟାରିଂ ଇଚାନ, ଆରେ ଉତରମୁଡ଼ ପିସ୍ତ୍ର ହେୱାନ୍ ହେୱାରିଂ ଇନାକା ଇନ୍-ୱାଦାଂ ମାଚାନ, ୩୫ ଇନେସକି ବେଶ୍-ବାକ୍‌ଶାୟ୍ କିନାକାର କାଜିଂ ଇ ବେରଶ୍ ପୁରା ଆନାଡ଼, “ଆପେଂ ଜାର୍ ଝେଇ କିଜି ଉତରମୁଡ଼ ହୁକେ କାତା ଇନାକା, ପୁତର୍ ଉବ୍-ଜାଶ୍ ବୁଡାଆତି ତ୍ତୁକ୍ତି ବିସ୍ତେ ସବୁ ଇନାସ୍ ।”

ଜିସୁ କାତ୍ରାନି ଉତର ମୁଡ଼ନି ଅରଡ଼ ବୁଜାୟ୍ କିତାନ

୩୬ ପାଚେ ହେୱାନ୍ ମାନାୟାରିଂ ପିସ୍ତ୍ର ଇଞ୍ଜ ହଶ୍-ଗାତାନ, ଆରେ ତା ଚେଲାହିର ତା ଲାଗେ ୱାଜି ଇଚାର, “ଜମିନି କାତ୍ରାନି ଉତରମୁଡ଼ ମାଙ୍ଗେଙ୍ଗ୍ ହାର୍ କିଜି ବୁଜାୟ୍-କିଦା ।”

୩୭ ଜିସୁ ଉତର ହିତାନ, “ହାଦର୍ ବିୟାନ୍ ଇନେନ୍ ଝିଡ଼ନାନ୍, ହେୱାନ୍ ମାନାୟ୍ ମାଜି; ୩୮ ଜମି ପୁତର୍; ହାଦର୍ ବିୟାନ୍ ରାଜିନି ହିମ୍‌ଶାଂ, କାତ୍ରା ସୟ୍-ତାନ ଜିବୁନ୍ ହିମ୍‌ଶାଂ; ୩୯ ଇମ୍‌ଶି ସାତୁ ହେଦାଂ ଝିଡ଼ତାନ, ହେୱାନ୍ ସୟ୍-ତାନ; ତାସ୍ ତ୍ରେସନି ଝେଡାଙ୍ଗ୍ ଜୁଗ୍-ସେସ୍, ଆରେ ତ୍ରେସନାକାର ଝିଜାର୍ ସାଗେ ଦୁଡ଼ତର । ୪୦ ତା ଆତିସ୍, କାତ୍ରା ଇନେସକି ରବେ କିଜି ନାଶିତ କାଡ଼ିକିୟାଆନାଡ଼, ଜୁଗ୍-ସେସ୍ ଝେଡାଲିଂ ହେ ଲାକେ ଗିଚା ଆନାଡ଼ । ୪୧ ମାନାୟ୍ ମାଜି ଜାର୍ ଦୁଡ଼ତରିଂ ପଞ୍ଚାନାନ୍, ଆରେ ହେୱାର୍ ତା ରାଜିତାଂ ସବୁ ବାଦାନିକା ବିସ୍ତେ ଆରି ବାନ୍ୟାରିଂ ରୁଣ୍ଡାୟ୍ କିନାନ୍, ୪୨ ଆରେ ହେୱାରିଂ ନାଶି ହଲିତ ତୁହିହିନାର୍, ହେବେ ଆଡ଼ବାନାର୍ ଆରି ଟାତାଙ୍ଗ୍ କଡ଼ମଡ଼ ଆନାଡ଼ । ୪୩ ହେୱାଡ଼ାଂ ଦାମର୍ ର ହେୱାର୍‌ତି ଲାତ୍ରାହି ସାଗେନି ଆବା ରାଜିତ ଝେଡା ଲାକେ ଡ଼ିନ୍‌ଞ୍ଜି ଚଞ୍ଜିୟା ଆନାର୍ । ଇନେରିଂ କିତୁଲ୍ ମାନାଡ଼, ହେୱାନ୍ ଝେନେନ୍ ।”

ମୁନ୍‌ତି ଦାନନି ଉତରମୁଡ଼,

୪୪ “ସାଗେ ରାଜି ଜମିତ ତ୍ତୁକ୍ତି ଦାନ ଲାକେ । ର ମାନାୟ୍ ହେଦାଂ ହୁଡ଼ଜି ତ୍ତୁକ୍ତି ଇଡ଼ତାନ ଆରି ୱାରିତାଂ ହାଲ୍‌ଜି ଜାର୍‌ତି ସବୁ ପ୍ରସି ହେ ଜମିତିଂ କଡ଼ତାନ ।”

ମୁକ୍ତାନି ଉତରମୁଡ଼,

୪୫ “ଆରେ, ସାଗେ ରାଜି ହାଦର୍ ହାଦର୍ ମୁକ୍ତା ଡେକ୍‌ଚି ମାନି ର ବେପ୍ରିୟା ଲାକେ । ୪୬ ର ବେସି ଦାମ୍‌ନି ମୁକ୍ତା ହୁଡ଼ଜି ହେୱାନ୍ ହାଲ୍‌ଜି ଜାର୍‌ତି ସବୁ ପ୍ରସି ହେ ମୁକ୍ତାଡ଼ିଙ୍ଗ୍ କଡ଼ତାନ ।”

ମିନ୍‌କୁ ଆହ୍‌ନି ଜାଲ୍‌ନି ଉତରମୁଡ଼,

୪୭ “ସାଗେ ରାଜି ର ମିନକୁ ଆହୁନି ଜାଲ୍ ଲାକେ । କେଉଟାର ହାମ୍‌ଦୁରତ ଜାଲ୍ ଇଡ଼ଜି ବାରବିନି ମିନକୁ ଆହୁନାର । ୪୮ ଜାଲ୍ ବତ ଆତିସ୍ ଗୁଚିତ ଜେଲ୍‌ଜି ତାସି ହାଦ ହାଦ ମିନକୁ ସବୁ ଆଜି ଚପାତ ଇଟନାର ଆରି ବାନ୍ୟା ମିନକୁ ତୁହି ହିନାର । ୪୯ ଜୁଗ୍‌ସେସ୍ ସମୁତ ଇ ଲାକେ ଗିଟା ଆନାଡ଼ । ସାଗେନି ଦୁଡ଼ତର ଦାମ୍‌ର ତାକେଣ୍ଡା ପାପିୟାରି ଆଲ୍‌ଗା କିଜି ହେଝାରି ଆହୁନି ନାଣିତ ତୁହି ହିନାର । ଆରେ ହେଝାରି ନାଣି ହଲିତ ତୁଇହିନାର; ହେବେ ଆଡ଼ବାନାର ଆରି ଟାଡ଼ାଙ୍ଗ କାଟନାର ।”

ପ୍ତାନାକା ଆରି ପୁନି ହିକ୍ୟା

୫୧ ଜିସୁ ଚେଲାରି ଝେନ୍‌ବାତାନ, “ଇ ସବୁ ବିସ୍ତେ ବୁଜାଆଦେ ଆଡ଼ନାଦେରା ?”
ହେଝାର ଉତର ହିତାର, “ଆଁ ମାପୁ ।”

୫୨ ଜିସୁ ଗୁରୁରି ଇଚାନ, “ଇନେସ୍ ରଝାନ ଇଲ୍ ମୁଣିକା ଜାର କଟିତା ଆତି ନେଚେକ୍ ପୁନାକା ଆରି ପ୍ତାନାକା ଆଡ଼ମାଡ଼ ହପ୍‌ନାନ, ସାଗେ ରାଜିତ ଚେଲା ଆଜି ମାଟି ରକାର ରକାର ସାସ୍ତର ତା ଲାକେ ।”

ଜିସୁ ନାଜରିଡ଼ତ ପେଜ୍‌ୟାତାନ

(ମାର୍କ ୭:୧-୨; ଲୁକ ୪:୧୭-୩୦)

୫୩ ଜିସୁ ଇ ସବୁ ଉତରମୁଡ଼ ଝିସ୍ତି ପାଚେ ହେ ବାହା ପିସ୍‌ସି ହାଚାନ । ୫୪ ଆରେ, ହେଝାନ ଜାରତି ଆବା ଲାଡ଼ା ଗାଡ଼ଦ ଝାଜି ମାନାୟାରି ହେଝାରତି କୁଟୁମ୍ ଇଞ୍ଜ ଇ ଲାକେ ହିକ୍ୟା ହିତାନ ଜେ, ହେଝାର ଚାନ୍ୟା ଆଜି ଇଚାର, “ଇ ମାନାୟାରି ଇ ଲାକେ ବୁଦି ଆରି ସାଲ୍‌ଜିନି କାମାୟ୍ ଇନେତା ଆତାଡ଼ ?” ୫୫ ଇଝାନ କି ହେ ବାତାୟ୍ ମେହି ଆକାୟ୍ ? ଇଝାନ୍ତି ତେହି ତର ମରିୟ୍‌ମ୍ ଆକାୟ୍ ? ଆରେ ଇଝାନ ଚଣ୍ଡାହିରତି ତର ଇନାକା ଜାକୁବ୍, ଜସେପ୍, ସିମନ୍ ଆରି ଜିହୁଦା ଆକାୟ୍ ? ୫୬ ଆରେ, ଇଝାନ୍ତି ତଣ୍‌ଦେହିକ୍ ଇନାକା ଝିଜେକ୍ ମାଲାହା ହିଲ୍‌କ୍ ? ଲାଗି “ହେଝାନ ଇ ବୁଦି ସବୁ ସାଲ୍‌ଜି ଇନେଣ୍ଡା ଗାଟାତାନ ?” ୫୭ ଆରେ, ହେଝାର ତା ତାକେଣ୍ଡା ବାଦା ପାୟା ଆତାର ।

ମାତର ଜିସୁ ହେଝାରି ଇଚାନ, “ବେଣ୍‌ବାକ୍‌ଶାୟ୍ କିନାକାନ ଜାର ଆବା ଲାଡ଼ା ଗାଡ଼, ଇଲ୍ ଆରି ଜାର କୁଟୁମ୍ ପିସ୍ତି ଅଲ୍‌ଗା ଇନେତାକେ ହିନସ୍ତା କିୟାଉନ ।” ୫୮ ଆରେ, ହେଝାନ ହେଝାରତି ପାତ କିଝାକା କାଜି ହେବେ ବେସି ସାଲ୍‌ଜିନି କାମାୟ୍ କିଝାତାନ ।

୧୪

ବାପ୍ତିସ୍‌ମ୍ ହିନି ଜହନ୍ତି ହାକି

(ମାର୍କ ୭:୧୪-୨୯; ଲୁକ ୯:୭-୯)

୧ ହେ ସମୁତ ଗାଲିଲିନି ରାଜା ହେରଦ୍ ଜିସୁତି ବିସ୍ତେନି କାତା ଝେଚାନ, ତା ହଲ୍‌ୟାହିରି ଇଚାନ, ୨ “ଇଝାନ ବାପ୍ତିସ୍‌ମ୍‌ହିନି ଜହନ୍, ହେଝାନ ହାତି ତାକେଣ୍ଡା ପା ନିଙ୍ଗ୍‌ତାନନା, ହେଦା କାଜି ଇ ଝିଜୁ ସାଲ୍‌ଜି ତା ତାକେଣ୍ଡା କାମାୟ୍ କିନାତା ।”

୩ ହେରଦ୍ ଜାର ଚଣ୍ଡାହି ପିଲିପ୍ ଝାଣି ହେରଦିୟା କାଜି ଜହନ୍‌ତି ଆସ୍ତି ଆରି ଗାଟି ବନ୍ଦିହାଡ଼ାତ ପ୍ରଦି ମାଚାର । ୪ ଇନାକିଦେକି ଜହନ୍ ହେରଦିୟାକ୍ ଇଞ୍ଜି ମାଚାନ, “ଇଦେଲି ରାକିକିନାକା ନି ବିଦି ହିଲ୍‌କ୍ ।” ୫ ଆରେ, ହେଝାନ ଜହନ୍‌ତି ଅସ୍ତେଙ୍ଗ୍ ମାନ କିତାନ ହିନା, ମାନାୟାରି ପାଣ୍ଡା ଆତାର, ଇନାକିଦେକି ହେଝାର ତାଙ୍ଗେକ୍ ବେଣ୍‌ବାକ୍‌ଶାୟ୍‌କିନାକାନ ଇଞ୍ଜି ମାନିକିଜି ମାଚାର ।

୬ ମାତର ହେଉଦତି ଜଲମ ଦିନ ଏକାଞ୍ଚାତିଲେ, ହେଉଦିୟା ଗାହୁଡ଼ି ମାନାୟାର ମୁମ୍ଦ ଏନ୍ଦି ହେଉଦତି ଖାରି କି କିତାଡ଼ । ୭ ହେବେ “ହେଉଦ ପାର୍ମାଣ୍ କିଜି ରାଣ୍ କିତାନ ଜେ, ହେଦେଲ୍ ଇନାକାପା ଏନ୍ତାନାଡ଼, ହେଖାନ ହେଦେଲ୍ ହେଦା ହିନାନ ।”

୮ ଆରେ, ହେଦେଲ୍ ତା ତେହି ହିକ୍ୟାତ ଆଜ୍ ଇଚାଡ଼, “ବାପ୍ରିସିମ୍ ହିନି ଜହନତି କାପଡ଼ା ଇ ଦାପ୍ରେ ଇବେ ର ତାଡ଼ିୟାତ ନାଜ୍ ହିଦା ।”

୯ ଇବେ ରାଜା ଦୁକ୍ ଆତିସ୍ ପା ଜାର ପାର୍ମାଣ୍ ଆରି ଜାର ଲାହାଜ୍ ବଜିତ କୁଚ୍ଚି ମାନି ମାନାୟାର କାଜି ହେଦା ହିଦେ ବଲ୍ ହିତାନ, ୧୦ ଆରେ ମାନାୟ ପକ୍ତି ଜେଲ୍ଚ ଜହନତି କାପଡ଼ା କାତି କିୟକିତାନ, ୧୧ ଆରେ ତା କାପଡ଼ା ର ତାଡ଼ିୟାତ ତାସି ହେ ଗାଡ଼ଚେ ହିତାର, ପାଚେ ହେଦେଲ୍ ତା ତେହି ତାକେ ହେଦା ଅତାଡ଼ । ୧୨ ହେବେ ଜହନ ଚେଲାହିର୍ ଖାଜି ମାଡ଼ା ଅଜି ତାକେଜ୍ ମୁଚ୍ଚାର ଆରି ହାଲ୍ଜି ଜିସୁଜ୍ ଖେଚ୍ଚାର ।

ଜିସୁ ପାଅଁ ହାଜାର ମାନାୟତିଂ ଚିଞ୍ଜେଜ୍ ହିତାନ
(ମାର୍କ ୬:୩୦-୪୪; ଲୁକ ୯:୧୦-୧୭; ଜହନ ୬:୧-୧୪)

୧୩ ଜହନ କାଚୁର୍ ଖେଚି ଦାପ୍ରେ ଜିସୁ ବିନେ ଆଜି ତଜାତ ଦୁମ୍ଜି ର ଚିମ୍ପରା ବାହାତ ହାଚାନ । ଜିସୁ ହେବେ ହାନାକା ପୁଞ୍ଜି ଲାଗେନି ଗାଡ଼ନିକାରତା ହେନି ମାନାୟ ଗୁଚି ଗୁଚି ତାଜ୍ଜି ଜିସୁତି ପାଚେ ପାଚେ ହାଚାର; ୧୪ ଆରେ, ଜିସୁ ହେଖାନ ତଜାତା ହସି ବେସି ହେନି ମାନାୟାରି ହୁଡ଼ଜି ହେଖାର କାଜି କାର୍ମାତି ତାଜ୍ ମାତ୍ର ରାସ୍ ଇଚାଡ଼ । ଆରି ହେଖାର ରଗିରିଂ ଉଜ କିତାନ ।

୧୫ ଖେଡ଼ା ହାତିଲେ ଚେଲାହିର୍ ତା କଚଣ୍ଡ ଖାଜି ଇଚାର, ଇ ବାହାତ ଚିମ୍ପରା, ଆରେ ଖେଡ଼ା ତ ହାଚାଚେ, “ଲାଗି ମାନାୟାର ଇନେସ୍ ନାସ୍ କୁକା ହାଲ୍ଜି ଜାର ଜାର କାଜି କାଦି କଡ଼ନାର, ହେଦା କାଜି ହେଖାରି ହେଲ ହିୟାଡ଼ ।”

୧୬ ମାତର ଜିସୁ ହେଖାରିଂ ଇଚାନ, “ହେଖାର ହାନି ଲଡ଼ା ଆକାୟ, ଏପେଜ୍ ହେଖାରିଂ ଚିଚ୍ପାଡ଼ ।”

୧୭ ଚେଲାର୍ ହେଖାନିଜ୍ ଇଚାର, “ମା ଇବେ କେବଲ୍ ପାଅଁଗଟା ରୁଚି ଆରି ରିଣ୍ଡା ମିନ୍କୁ ମାନିକ୍ ।”

୧୮ ଜିସୁ ଇଚାନ, “ହେଖାଜ୍ ଇବେ ନା କଚଣ୍ଡ ତାଡ଼ୁ ।” ୧୯ ଆରେ, ହେଖାନ ମାନାୟାରି କାତ୍ରା ଜପି କୁଚ୍ଚି କାଜି ବଲ୍ ହିତାନ, ଆରେ ଜିସୁ ହେ ପାଅଁଗଟା ରୁଚି ଆରି ରିଣ୍ଡା ମିନ୍କୁ ଅଜି ସାଗେ ନିପ ଜପି ହୁଡ଼ଜି ଆସିର୍ବାଦ୍ କିତାନ ଆରି ରୁଚିଂ ତ୍ରିକ୍ତି ଚେଲାରିଂ ହିତାନ, ଆରେ ଚେଲାହିର୍ ମାନାୟାରିଂ ହିତାର । ୨୦ ଆରେ, ଝିଜାକାର ତିନ୍ଝି ପାଅଁଗଟା ଆରି ତ୍ରିକ୍ତି ରୁଚିତା ଏଚେକ୍ ହାରତାଡ଼, ହେଦା ଚେଲାର୍ ନିକ୍ତି ବାର ଟପା ବାତ କିତାର । ୨୧ ତିନି ମାନାୟାର, କଗ୍ଲେକା ଆରି ହିମ୍ପାକା ପିସ୍ତି, ଆନମାନତା ପାଅଁ ହାଜାର ଆଣ୍ଡାହିମ୍ପା ମାଚାର ।

ଜିସୁ ଏଜୁ ଜପି ତାତାନ
(ମାର୍କ ୬:୪୫-୫୨; ଜହନ ୬:୧୫-୨୧)

୨୨ ହେ ଦାପ୍ରେ ଜିସୁ ଚେଲାରିଂ ତଜାତ ଦୁମ୍ଜି ତା ମାଡ଼ି ଆନଟି ପାଡ଼କା ଆଗେ ହାନଞ୍ଜେଜ୍ ଇଚାନ, ଆରେ ହେଖାନ ଇବେଣ୍ଡା ମାନାୟାରିଂ ଝିଜାରିଂ ହେଲ ହିତାନ । ୨୩ ମାନାୟାରିଂ ହେଲ ହିତି ପାଚେ ଜିସୁ ପାର୍ଥନା କିନି କାଜି ହସି ହାଲ୍ଜି ମାଡ଼ି ଜପି ହାଚାନ, ଆରେ ମିକା ଆତିଲେ ହେଖାନ ହେବେ ରକାନ ମାଚାନ । ୨୪ ମାତର ତଜା ହେ ପାଦନା ଗୁଚିତା ବେସି ଦେହା ମାଚାଡ଼ ଆରି ଲଡ଼ି ଦୁକା କାଜି ହେଦା ତୁଜ୍ଜି ମାଚାଡ଼ ।

୨୫ ମାତର କୁକୁ କେପା ହେୱାନ ହାମ୍‌ଦୁର ଜପି ତାଙ୍ଗି ତେଲାର ତାକେ ୱାତାନ,
୨୬ ଆରେ ତେଲାହିର ତାଙ୍ଗେଙ୍ଗ ହାମ୍‌ଦୁର ଜପି ତାଁନାକା ହୁଡ଼ି ପାଣ୍ଡା ଆଜି ଇଚାର,
“ଇଦା ତ ବାନ୍ୟା ପୁଦା” ଆରେ ହେୱାର ପାଣ୍ଡୁଁ କିକିରାତି କିଚାର ।

୨୭ ମାତର ଜିସୁ ହେ ଦାପ୍ରେ ହେୱାର ଲାହାଙ୍ଗ ବେଣ୍ କିଜି ଇଚାନ, ସାସ୍ ଆହାଟ୍,
“ଇୱାଙ୍ଗ ତ ଆନ୍, ପାଣ୍ଡା ଆମାଟ୍ ।”

୨୮ ହେବେ ପିତର ଉତର ହିତାନ, “ଏ ମାପୁ, ଇନାୱାଡ଼ା ଏନ୍, ଲାଗି ଏଜୁଁ ଜପି
ନି ତାକେ ହାନି କାଜିଁ ନାଙ୍ଗ ବଲ୍ ହିଦା ।”

୨୯ ଜିସୁ ଇଚାନ, “ୱା” ହେବେ ପିତର ତଙ୍ଗାତା ଜୁଜି ଏଜୁଁ ଜପି ତାଙ୍ଗି ଜିସୁ
ତାକେ ହାଚାନ । ୩୦ ମତର ହେୱାନ ଦୁକା ହୁଡ଼ି ପାଣ୍ଡା ଆତାନ, ଆରେ ମୁଞ୍ଜିନିହିଁ
କିକିରାତି କିଜି ଇଚାନ “ଏ ମାପୁ, ନାଙ୍ଗେଙ୍ଗ ରାକ୍ୟା କିଦା ।”

୩୧ ଜିସୁ ହେ ଦାପ୍ରେ କେଇ ଲାମାୟ୍ କିଜି ତାଙ୍ଗେଙ୍ଗ ଆସି ଇଚାନ, “ଏ ଅଲପ୍
ପାତ କିନାକାୟ୍, ଇନାକିଦେଁ ପାତ କିଉୟା ?”

୩୨ ଆରେ, ହେୱାର ହେୱାର ଲାଗାଁ ହାଲ୍‌ଜି ତଙ୍ଗାତ ଦୁମ୍‌ତାନ, ଆରେ ଦୁକା ତିର
ଆତାଟ୍ । ୩୩ ହେବେ ତଙ୍ଗାତ ମାନି ତେଲାର ଜିସୁଙ୍ଗ ପାତୀନା କିଜି ଇଚାର, “ଏନ୍
ହାଡ଼ପା ଇସ୍‌ବର ମେହିତି ।”

ଗିନେଟାୟର୍ ଜିସୁ ରଗିରିଁ ଉଜ୍ କିଚାନ
(ମାର୍କ ୭:୫୩-୫୬)

୩୪ ହେୱାର ନାସି ଗିନେସ୍‌ବର ନାସ୍‌ତ ଏକାତାର । ୩୫ ଆରେ, ହେ ବାହାନି ମାନାୟାର
ତାଙ୍ଗି ତିନ୍ କିଚାର ହେବେନି ଚାରିବେଣ୍‌ତାଁ ୱିଜୁ ନିପ କାରୁର ପଙ୍ଗାର ଆରି
ମାନାୟାର ସବୁ ରଗିରିଁ ତା ଲାଗାଁ ତାଈୱାତାର; ୩୬ ଆରେ, ହେୱାର ଇନେସ୍‌କି ଜିସୁ
ହେହାନି ତେଲିଁ ତୁନାର, ଇଦାଁ ଜିସୁଙ୍ଗ ଗୱାରି କିଦେଙ୍ଗ ଲାଗାତାର, ଆରେ ଏଚେକ୍
ଜାଣ୍ ତାଙ୍ଗେଙ୍ଗ ତୁତାର, ୱିଜାର ଉଜ୍ ଆତାର ।

୧୫

ପୁର୍ବେ ନିକାରତି ହିକ୍ୟା
(ମାର୍କ ୭:୧-୧୩)

୧ ଦିନେକ୍ କେତେ ଜାଣ୍ ପାରୁସିର ଆରି ଦରମ୍ ଗୁରୁର ଜିରୁସାଲମ୍‌ତାଁ ୱାଜି
ଜିସୁଙ୍ଗ ୱେନ୍‌ବାତାର, ୨ “ମା ଆଗେ ପ୍ରାତିନାର ରିତି ନିତି ହିଜି ହାଚାଣ୍ଡା, ମି ତେଲାର
ଇନେକିଦେଁ ହେ ୱିଜୁ ଉଡ଼ା ଆନାରା ? ତିନି ଆଗେ ହେୱାର ରିତିତ ଇନେକିଦେଁ
ହାର କିଜି କେଇ ନୁଜୁରା ।”

୩ ଜିସୁ ହେୱାରଁ ଉତର ହିତାନ, “ଏପେଙ୍ଗ ପା ମି ରିତି ନିତି କାଜିଁ ଇନେକିଦେଁ
ଇସ୍‌ବରତି ବଲ୍ ଉଡ଼ା ଆନାଦେରା ? ୪ ଇସ୍‌ବର୍ ବଲ୍ କିଚାନ୍‌ନା, ଆବାଁ ଆୟାଙ୍ଗ
ୱାରି କିୟାଟ୍ । ଆରେ ଇନେର୍ ତା ଆବା କି ଆୟାଁ ସାଇପ୍ ହିନାନ୍, ହେୱାନ ହାକି
ତାଣ୍ ପାୟା ଆନାନ୍ ।” ୫ “ମାତର ଏପେଙ୍ଗ ଇନାଦେରା ହିକ୍ୟା ହିନାଦେରା ଜେ
ରୱାନ ମାନାୟ୍ ଇମ୍‌ଣି ଅରଡ଼ ଲାହାଙ୍ଗ ଜାର ଆବାଁ କି ଆୟାଙ୍ଗ ସାଇକ୍ କିଦେଙ୍ଗ
ଆଡ଼ତାନମା ହେଦାଁ ଇସ୍‌ବର୍ତିଁ ଦାନ୍ କିଚାନ୍‌ନା ଇଞ୍ଜି ୱେର୍‌ଚାର, ୬ ହେୱାନ ଆରେ
ତା ଆବା ଆୟାଁ* ହାତେନେ ଜତନ୍ କିଉନ୍ । ଇ ଲାକେ ଏପେଙ୍ଗ ମିଦାଁ ବଲ୍‌ମୟ୍
ରିତିନିତି କାଜିଁ ଇସ୍‌ବର୍ତି ବଚନ୍ ବେକାର୍ କିନାଦେରା । ୭ ଆଡ଼େ କାପ୍‌ଟିୟାର୍,
ଜିସାୟ୍ ମି ବିସ୍ତେ ସମାନ୍ ବାବ୍ରେ ବେରଣ୍ ୱେର୍‌ଚାତାନନା ।”

୮ “ଇସ୍‌ବର ଇଞ୍ଜନାନା, ଇ ଜାତି ମୁମ୍‌ଦ ମାଙ୍ଗେଙ୍ଗ ୱାରି କିଦନାର,

* ୧୫:୭ ୧୫:୭ କେତେକ୍ ପତିତ ଜାର୍ ଆବା ନେଲେ ଆୟା ମାନାଟ୍ ।

ମାତର୍ ହେୱାର୍ ମାନ୍ ମା ତାଙ୍ ଦେହା ମାନାତ୍ ।

୯ ନାଙ୍ ହେୱାର୍ ପାର୍ତାନା କିଦେଙ୍ ପଲ୍ୟା,
ଇନାକିଦେଂକି ହେୱାର୍ ମାନାୟାର୍ତି ବିଦିଙ୍ ଦରମ୍ ବେରଣ୍ ଇଞ୍ଜି ହିକ୍ୟା
ହିନାନ୍ ପଲ୍ୟା ମା ପାର୍ତାନା କିନାର୍ ।”

(ମାର୍କ ୭:୧୪-୨୩)

୧୦ ତା ପାଚେ ଜିସୁ ମାନାୟତିଂ କଚଣ୍ଡ କୁକ୍ତି ଇଚାନ୍, “ମାନ୍ ହିଜି ୱେନାଟ୍ ଆରି
ବୁଜାଆଦେଂ ସେସୁ କିୟାଟ୍; ୧୧ ମାନାୟ୍ ତାଙ୍ ୱେୟ୍ ବିତ୍ରେ ହାନାତ୍, ହେଦାଂ ତାଙ୍
ବିଚାଡ୍ କିଉଡ୍; ମାତର୍ ଇନାକା ବିତ୍ରେତାଂ ଇନାକା ବାଡ୍ ୱାନାତ୍, ହେଦାଂ ତାଙ୍ଜେଙ୍
ବିଚାଡ୍ କିନାତ୍ ।”

୧୨ ଚେଲାର୍ ଜିସୁ ଲାଗେ ୱାଜି ଇଚାର୍, “ନି କାତା ୱେନ୍ଞି ପାରୁସିର୍ ରିସା ଆତାଣ୍ଟା,
ଇଦାଂ ଇନାକା ଏନ୍ ପୁନ୍ୟା ?”

୧୩ ଜିସୁ ଉତର୍ ହିତାନ୍, “ଇମ୍ପଣି ମାର୍କୁ ନା ସାଗେନି ଆବା ରୁଜ୍ଝାତାନ୍ନା, ହେ ୱିଜୁ
ଉଟ୍ଟକା ଆଜି ହାନାତ୍ । ୧୪ *ହେୱାର୍ ବିସ୍ରେ ତାୟା ଆମାଟ୍ । ହେୱାର୍ କାଣା ବିନ୍
କାଣାରିଂ ହାଜି ଚଟ୍ଟନାକାର୍ । ର କାଣା ଆରେ ର କାଣାଂ ହାଜି ଚଟ୍ଟିସ୍ ରିୟାର୍ ପା
କ୍ଳୁଇଦ ଆଣ୍ଟାର୍ ।”

୧୫ ହେବେଣ୍ଟାଂ ପିତର୍ ତାଙ୍ ଉତର୍ ହିତାନ୍, “ଉତର୍ମୁଡ୍ ମାଙ୍ଜେଙ୍ ବୁଜାୟକିଦା
।”

୧୬ ଜିସୁ ଇଚାନ୍, ଏପେଙ୍ ପା ଇନାକା “ଇ ପାଚେକ୍ ବୁଜାଆଉଦେରା ? ୧୭ ଇନାକା
ୱେଇଦ ହଣାତ୍, ହେଦାଂ ପଚତ ହାଲ୍ଲଜି ବାଡ୍ଟବାହାତ ହାନାତ୍, ଇଦାଂ ଇନାକା ବୁଜା
ଆଉଦେରା ? ୧୮ *ମାତର୍ ୱେଇଦାଂ ଇନାକା ସବୁ ହନାତ୍, ହେଦାଂ ୱାସ୍ତିତାଂ ହନାତ୍
ଆରି ହେଦାଂ ନେ ମାନାୟତିଂ ବିଚାଡ୍ କିନାତ୍ । ୧୯ ଇନାକିଦେଂକି ମାନ୍ତାଂ କାରାପ୍
ବିସ୍ରେ, ବେକାର୍ ଚିନ୍ତା ମାନାୟ୍ ଟୁଣାକା, ଦାରି, ମ୍ପୁନାକା, ମିଚ୍ ସାକି, ଆରି ନିୟା
କିନାକା ହନାତ୍ । ୨୦ ଇଦାଂ ୱିଜୁ କାମାୟ୍ ମାନାୟତିଂ ବିଚାଡ୍ କିନାତ୍, ମାତର୍ ହେୱାର୍
କିନି କାଜିଂ ମାତର୍ ରିଡିନିଡି ଲାକେ କେଇ ନୁସ୍଱ାଦାଂ ଚିଟିସ୍ ମାନାୟାରିଂ ବିଚାଡ୍
କିଉଡ୍ ।”

ର କଗ୍ଲେ ପାତ୍ କିନାକା

(ମାର୍କ ୭:୨୪-୩୦)

୨୧ ଜିସୁ ହେ ବାହା ପିସ୍ତି ସର ଆରି ସିଦନ୍ ନିପ ଲାଗେ ଗାଡ୍ଡ ହାଚାନ୍ । ୨୨ ଆରେ
ହୁଡା, ହେ ହାସିତାଂ ରଞ୍ଜେଲ୍ କିଣାନିୟ୍ କଗ୍ଲେ ଗାଜା କାଟ୍ତାଂ ଇଞ୍ଜେଙ୍ ଲାଗାତାଡ୍,
“ଏ ମାପୁ ଦାଉଦ୍ଡି ହିମଣା ନାଙ୍ ଦୟା କିଦା । ମାଞ୍ଜି ଗାଡ୍ଡଚେଂ ପୁଦା ଆସ୍ତାତାନ୍ନା ଆରି
ହେଦେଲ୍ ବେସି କସୁ ଆନାତା ।”

୨୩ ମାତର୍ ଜିସୁ ତାଙ୍ଜେଙ୍ ପାଦେକ୍ ପା ଉତର୍ ହିୱାତାନ୍ । ଆରି ତା ଚେଲାହିର୍
ୱାଜି ତାଙ୍ ଗ଱ାରି କିଜି ଇଞ୍ଜେଙ୍ ଲାଗାତାର୍, “ଇଦେଲିଂ ହାଜି ଲ଱ାଡ୍ ହିୟା,
ଇନାକିଦେଂକି ଇଦେଲ୍ ମା ପାଚେ ପାଚେ ଆଲା ଆନାତା ।”

୨୪ ଜିସୁ ଉତର୍ ହିତାନ୍, “ଜାଙ୍ଡି ମେଣ୍ଟା ଲାକେ ହାଜିବାଣାତି ଇସ୍ତାଏଲ୍ନି ଲକ୍
ତାକେ ଆନ୍ ୱାତାଙ୍ନା ।”

୨୫ ମାତର୍ କଗ୍ଲେ ୱାଜି ଜିସୁଙ୍ ଜ଱ାର୍ କିଜି ଇଞ୍ଜେଙ୍ ଲାଗାତାଡ୍, “ମାପୁ,
ନାଙ୍ଜେଙ୍ ଦୟା କିଦା ।”

୨୬ ଜିସୁ ଇଚାନ୍, “ହିମ୍ପାଙ୍ଡି ଆରାଣ୍ ଅଜି ନିକୁଡିଙ୍ କଚଣ୍ଡ ତୁହିନାକା ହାର୍
ଆକାୟ୍ ।”

* ୧୫:୧୪ ୧୫:୧୪ ଲୁକ ୭:୩୯. * ୧୫:୧୮ ୧୫:୧୮ ମାଡ଼ିଭ ୧୨:୩୪.

୨୭ ମାତର୍ ହେଦେଲ୍ ଇଚାଡ୍, “ଆଁ, ମାପୁ, ମାତର୍ ନିକୁଡ଼ିଙ୍ଗ୍ ତ ଜାର୍ ଜାର୍ ମାପୁତି ପାଟା ତାରେନ୍ ଆର୍ଡ଼ି ସୁକ୍ତି ତିନିକ୍ ।”

୨୮ ଜିସୁ ତା କାତାନି ଉତର୍ ହିଜି ଇଚାନ୍, “ଏ କଇ, ନିନ୍ଦାଂ ଗାଜା ପାତର୍, ନି ଇଚା ହୁକେ ନିଂ ଗିଟାଏଡ୍ ।” ହେ ସମୁତ ହେଦେଲ୍ତି ଗାଡ଼୍ରେ ଉଜ୍ ଆତାଡ୍ ।

ଜିସୁ ହେନି ମାନାୟାରିଂ ଉଜ୍ କିତାନ୍

୨୯ ଜିସୁ ହେବେତାଂ ହସି ଗାଲିଲି ଗୁଟି ଗୁଟି ହାଲ୍ଜି ର ମାଡ଼ି, ଜପି କୁଚାନ୍ । ୩୦ ଆରେ, ବେସିହେନି ମାନାୟା ଚୁଟା, କାଣା, ଚଟା, ଗୁଲା, ଆରି ବେସି ବେମାର୍ ମାନାୟାରିଂ ତାସି ଜିସୁ ପାନା ତାରେନ୍ ଇଡ଼ତାର୍ ଆରେ ଜିସୁ ଝିଜାରିଂ ଉଜ୍ କିତାନ୍ । ୩୧ ଇ ଲାକେ କନ୍ଦା ବେଶ୍ କିତାନ୍, ଚଟାର୍ ଉଜ୍ ଆତାର୍, ଚଟାର୍ ତାଙ୍ଗ୍ତାର୍, କାଣାର୍ ହୁଡ଼ନାରା, ଇଦାଂ ହୁଡ଼ତାର୍, ଆରି ଇସ୍ରାଏଲ୍ନି ଇସ୍ତର୍ ପାଟୀନା କିତାର୍ ।

ଜିସୁ ଚାରି ହାଜାର୍ ମାନାୟାରିଂ ଚିର୍ପାତାନ୍

(ମାର୍କ ୮:୧-୧୦)

୩୨ ଜିସୁ ଚେଲାହିର୍ ହିର୍ବିସ୍ ଇଚାନ୍, “ଇ ମାନାୟାର୍ କାଜିଂ ନାଙ୍ଗ୍ ଦୁକ୍ ହଡ଼ନାତା, ଇନାକିଦେଂକି ଇଝାର୍ ନା ଲାହାଙ୍ଗ୍ ତିନ୍ ଦିନ୍ ଆତାତେ ଆରି ନଙ୍ଗ୍ ହେଝାର୍ କଚଣତ ଇନାକା ତିନାକା ହିଲୁଡ୍ । ହେଝାର୍ ତିନ୍ଝାଦାଂ ଇବେତାଂ ପକ୍ତେଂ, ଇ କାତା ଆନ୍ ମାନ୍କିଉଙ୍ଗ୍; ଇନାକିଦେଂକି ହାନିହିଂ ହାସ୍ତ ହେଝାର୍ ନାସ୍ତି ବାଉଡ଼ା ଆସି ଗୁରନାର୍ ।”

୩୩ ଚେଲାହିର୍ ତାଙ୍ଗ୍ ଝେନ୍ବାତାର୍, “ଏଚେକ୍ ମାନାୟାରିଂ ଚିର୍ପେଦେଂ ଆସେଙ୍ଗ୍ ଚିମ୍ବ୍ରା ବାହାତ ଇମେଣ୍ଡାଂ ଏଚେକ୍ ରୁଟିଂ ଗାଟାନାସ୍ ।”

୩୪ ଜିସୁ ହେଝାରିଂ ଝେନ୍ବାତାନ୍, ମି ତାକେ ଏଚେକ୍ ରୁଟିଂ ମାନିକ୍ ? ହେଝାର୍ ଇଚାର୍, “ସାଡ଼ଗଟା, ଆରେ, ଅଲପ୍ କେଡ଼ଗଟା ହିରୁ ମିନ୍କୁ ।”

୩୫ ଜିସୁ ମାନାୟାରିଂ ମେଦନିତ ଜପି କୁଚ୍ରେଂ ଝେଚ୍ଚାନ୍ । ୩୬ ଆରେ ଜିସୁ ହେ ସାଡ଼ଗଟା ରୁଟିଂ ଆରି ମିନ୍କୁ ଅଜି ଦନ୍ୟବାଦ୍ ହିଜି ହେ ସବୁ ଚେଲାହିରିଂ ହିତାନ୍, ହେଝାର୍ ମାନାୟାରିଂ ହିତାର୍ । ୩୭ ଆରେ, ଝିଜାର୍ ତିନ୍ଝି ପଟ ପାନ୍ଚାର୍ ଆରି ତ୍ରିକ୍ତି ରୁଟିଂ ଏଚେକ୍ ହାରତାଡ୍, ହେଦାଂ ହେଝାର୍ ପେସ୍ଦି ସାଡ଼ ଟପା ବାତର୍ କିତାର୍ । ୩୮ କଗ୍ଲେ ଆରି ହିମଣାକାଂ ପିସ୍ତି ଚାରି ହାଜାର୍ ଆଣ୍ଡାହିମଣାଂ ମାଚାର୍ ।

୩୯ ଇଦାଂ ପାଚେ ଜିସୁ ମାନାୟାରିଂ ହେଲ୍ ହିଜି ଡ଼ଙ୍ଗାତ ଦୁମ୍ଜି ମୁଗ୍ଦାନ୍ ନିପ ହାଚାନ୍ ।

୧୭

କାବାନି କାମାୟା ଚଚ୍ଚି କାଜିଂ ଦାବା

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ଧିନେକ୍ କେତେଜାଣ୍ ପାରୁସି ଆରି ସାଦୁକିର୍ ଜିସୁ ତାକେ ଝାଜି ତାଙ୍ଗେଙ୍ଗ୍ ପରିକ୍ୟା କିଦେଂ ଝେନ୍ବାତାର୍ ହେଝାରିଂ ଆକାସ୍ତାଂ ର ତିନ୍ ଚଚ୍ଚି କାଜିଂ ତାଙ୍ଗେଙ୍ଗ୍ ଗଝାରି କିତାର୍ । ୨ ମାତର୍ ଜିସୁ ହେଝାରିଂ ଉତର୍ ହିତାନ୍, “ମିକାହାରେସ୍ ଏପେଙ୍ଗ୍ ଇଞ୍ଜିମାନାଦେର୍, ହାର୍ ପାଗ୍ ଆନାଡ୍, ଇନାକିଦେଂକି ଆକାସ୍ ଗେରୁ ମାନ୍ଗାନାଡ୍ । ୩ ଆରେ, ଉଚ୍ଲା ହାକାଡ଼େ ଇଞ୍ଜିମାନାଦେର୍, ନେଞ୍ଜେଙ୍ଗ୍ ଦୁକାବାହା ଝାନାଡ୍, ଇନାକିଦେଂକି ଆକାସ୍ ଗେରୁ ଆରି ବାଦାଡ୍ ଆତାଡ଼ନ୍ନା । ଏପେଙ୍ଗ୍ ବାଦାଡ଼ତାଂ ଇଚ୍ଚାଡ଼୍ ଆନାକା ଆଝାକା ବୁଜାନାଦେରା, ମାତର୍ କାଡ଼ି ଇଚ୍ଚାଡ଼୍ ସବୁ

☆ ୧୭:୧ ୧୬:୧ ମାଡ଼ିଉ ୧୨:୩୮; ଲୁକ ୧୧:୧୭.

ବୁଜାଉଦେରା ?* ୪ *ଉତ୍ତପାତ୍ୟା ଆରି ଦାରୁଲାର ଲାତ୍ରା ଚିନ୍ ଡେକନାର, ମତର୍ ଜୁନସ୍ତି ଚିନ୍ ପିସ୍ତି ବିନେନି ଇନାକା ପା ଚିନା ହେଝାରି ହିୟାଉଡ଼ ।

ଆରେ ଜିସୁ ହେଝାରି ପିସ୍ତି ହାଚାନ ।”

ପାରୁସି ଆରି ସାଦୁକିତ ହିକ୍ୟା

(ମାର୍କ ୮:୧୪-୨୧)

୫ ଚେଲାର ହାମ୍ବୁର୍ ଆଣ୍ଟିପାଡ଼କା ହାନିଝାଡ଼ାଲି ରୁଚି ଅଦେ ବାଣା ଆତାର । ୬ *ଜିସୁ ହେଝାରି ଇଚାନ, “ଜାଗ୍ରତ୍ ଆଡୁ, ପାରୁସି ଆରି ସାଦୁକିତ ହଇନିତା ଜାଗ୍ରତ୍ ଆଜି ମାନାଟ୍ ।”

୭ ହେବେ ହେଝାର ନିଜେ ନିଜେ ବେଣ୍ଟକିବା ଆଜି ଇଞ୍ଜେଙ୍ଗ୍ ଲାଗାତାର, “ଆପେ ରୁଚି ତାୟିଝାଝାତାପନା ଇଞ୍ଜି ହେଝାନ ଇ କାତା ଇଞ୍ଜନାନା ।”

୮ ମାତର୍ ଜିସୁ ହେଦା ପୁଞ୍ଜି ଇଚାନ, ଏ ଅଲପ୍ ପାତ କିନାକାଦେର୍, “ମି କଚଣ ରୁଚି ହିଲୁକ୍ ଇଞ୍ଜି ଇନେକିଦେ ରକାନ ଆରେ ରକାନ ବେଣ୍ଟ କିନାଦେରା ? ୯ *ଏପେଙ୍ଗ୍ ଇନାକା ନଙ୍ଗ୍ ପାତେକ୍ ବୁଜା ଆଉଦେରା ? ପାଞ୍ଚ ହାଜାର ମାନାୟାରି ପାଞ୍ଚଗଟା ରୁଚି, ଆରି ଏଚେ ଟପା ନିକ୍ତାଦେର୍ ? ୧୦ *ଆରେ ଚାରି ହାଜାର ମାନାୟାର କାଜି ସାଡ଼ଗଟା ରୁଚି କାତା ମାନେ ଆକାୟ ? ହେ ପାଦନା ଏଚେଗଟା ଟପାଙ୍ଗ୍ ବାତ କିଜି ମାଚାଦେର୍ ? ୧୧ ଆନ୍ ରୁଚି ବିସ୍ତେ ଇନ୍‌ଝାଦା ମାନଚାଙ୍ଗ୍, ଏପେଙ୍ଗ୍ ଇନେସ୍ ବୁଜା ଆଉଦେରା ? ଆନ୍ ଇଞ୍ଜନାଙ୍ଗା, ପାରୁସି ଆରି ସାଦୁକିତ୍ ହୟନାକା କାଜି ଜାଗ୍ରତ୍ ମାନାଟ୍ ।”

୧୨ ହେ ପାଦନା ଚେଲାହିର୍ ବୁଜାତାର ଜେ ଜିସୁ ରୁଚିନି ହଇନି କାତା ଇନ୍‌ଝାଦା ମାଚାନ, ମାତର୍ ପାରୁସି ଆରି ସାଦୁକିତ୍ ହିକ୍ୟା କାଜି ଜାଗ୍ରତ୍ କିଜି ହିଜି ମାଚାନ ।

ଜିସୁ କ୍ରିଷ୍ଟ୍ ମସିୟା ଆତାନ୍ନା

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଜିସୁ କାଈସରିୟା ପିଲିପି ଗାଡ଼ ଲାଗା ନିପ ଝାଜି ଜାର ଚେଲାରି ଝେନ୍‌ବେଦେ ଲାଗାତାନ, “ମାନାୟ ମାଜି ଇନେର୍ ଇଞ୍ଜି ମାନାୟାର ଇନାକା ଇଞ୍ଜନାର ?”

୧୪ *ଇବେତା ହେଝାର ଇଚାର, “ଇନେର୍ ଇନେର୍ ଇନାର, ବାପ୍ତିସିମ୍ ଜହନ୍, ଇନେର୍ ଇନେର୍ ଇନାର ଏଲିୟ, ଆରେ ଇନେର୍ ଇନେର୍ ଜିରିମିୟ ଆରେ ବେଣ୍ଟବାକ୍‌ଶାୟ କିନାକାର ବିଡ୍ରେ ରକାନ ।”

୧୫ ଜିସୁ ଝେନ୍‌ବାତାନ, “ଆନ୍ ଇନେର୍ ଇ ବିସ୍ତେ ଏପେଙ୍ଗ୍ ଇନାକା ଇନାଦେରା ?”

୧୬ *ସିମନ୍ ପିତର୍ ଉତର୍ ହିଚାନ, “ଏନ୍ କ୍ରିଷ୍ଟ୍ ମସିୟା, ଜିବୁଡ୍ଡି ଇସ୍ତ ମାଜି ।”

୧୭ ଜିସୁ ଇଚାନ, “ଦନ୍‌ଏ ଏନ୍ ଜୁନସ୍ତି ମାଜି, ସିମନ୍ !” ଇ ହାଡ଼ପା ଏନ୍ ଇମ୍‌ଣି ମାନାୟତା ଗାଟାଆଝାତାୟନା । “ନା ସାଚେନି ଆବା ଜାର ଇଦା ମି ତାକେ ଇଚାନ୍ନା ।” ୧୮ “ଆରେ, ଆନ୍ ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏନ୍ ପିତର୍, ଆରେ ଇ କାଲ୍ ଜପି ଆନ୍ ଜାର ମଣ୍ଡଲି ରଚନାଙ୍ଗ୍, ଆରେ ପାତାଲ୍‌ନି ସାକ୍ତି ହେଝାନି ଆରାୟ କିଉଡ଼ ।” ୧୯ * “ଆନ୍ ମିଙ୍ଗେଙ୍ଗ୍ ସାଚେ ରାଜିନି କୁଟିକାଡିଙ୍ଗ୍ ହିଦନା । ଆରେ ଏପେଙ୍ଗ୍ ପୁତ୍ ତ ଇନାକା ବୟ୍ କିନାଦେର୍, ସାଚେତପା ହେଦା ବୟ୍ ମାନ୍‌ଗାନାଟ୍ । ଆରି ପୁତ୍ ତାକେ ଇନାକାପା ଜେନାଦେର୍, ସାଚେତ ପା ଜେନାଦେର୍ ।”

* ୧୭:୩ ୧୭:୩ କେତେକ୍ ପତିତ ୨-୩ ପାଦତ୍ ଜିସୁ ହିଲୁଡ଼ । ☆ ୧୭:୪ ୧୭:୪ ମାଡ଼ିଉ ୧୭:୩୯; ଲୁକ ୧୧:୨୯. ☆ ୧୭:୬ ୧୭:୬ ଲୁକ ୧୨:୧. ☆ ୧୭:୯ ୧୭:୯ ମାଡ଼ିଉ ୧୪:୧୭-୨୧. ☆ ୧୭:୧୦ ୧୭:୧୦ ମାଡ଼ିଉ ୧୫:୩୪-୩୮. ☆ ୧୭:୧୪ ୧୭:୧୪ ମାଡ଼ିଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ☆ ୧୭:୧୭ ୧୭:୧୭ ଜହନ୍ ୬:୬୮,୭୯. ☆ ୧୭:୧୯ ୧୭:୧୯ ମାଡ଼ିଉ ୧୮:୧୮; ଜହନ୍ ୨୦:୨୩.

୨୦ ଜିସୁଙ୍କ କ୍ରିଷ୍ଟ ମସିୟା ଇଞ୍ଜି ଇନେର୍ ଆଗେ ଖେର୍ମାଟ୍ ଇଞ୍ଜି ଜିସୁ ଚେଲାହିର୍ଂ ବଲ୍ ହିତାନ ।

ଜିସୁ ନିଜେ ହାନି ଆରି ନିଙ୍ଗନି ବିସ୍ତେ ସୁଣାୟ୍ କିତାନ

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ହେ ସମୁତ ଜିସୁ କ୍ରିଷ୍ଟ ଚେଲାହିର୍ଂ ହାର୍ କିଜି ଇଞ୍ଜେଙ୍ଗ୍ ଲାଗାତାନ, “ଆନ୍ ଜିରୁସାଲମତ ହାଲ୍ଜି ପ୍ରାତିନ୍ ମୁଡ୍ ମାପୁହେବାକିନାକାନ୍, ଦରମ୍ ଗୁରୁ ଦରମ୍ ନେତାର୍ କାଜିଂ ଚୁପ୍‌ୟାଆଜି ବେସି କସ୍ ବଗି କିନାଙ୍ । ହାରିହାରା ହାନାଙ୍, ମାତର୍ ତିନ୍‌ଦିନ୍‌ତାଂ ନିଙ୍ଗନାକା ମାନାଡ୍ ।”

୨୨ ହେବେତାଂ ପିତର୍ ତାଙ୍ଗେଙ୍ଗ୍ ର ବାହାତ ଅଜି ହାଲ୍ଜି ଉଲ୍‌ଟା ପାଲ୍‌ଟା କିଜି ଗଡ୍‌କିଦେଂ ଲାଗାତାନ, “ଏ ମାପୁ, ଇସ୍‌ବର୍ ନିଙ୍ଗେଙ୍ଗ୍ ଦୟା କିଦେନ୍, ଇଦାଂ ନି କାଜିଂ ଇନାଖାଡାଂ ପା ଗିଟାଆମେଡ୍ ।”

୨୩ ମାତର୍ ଜିସୁ ମାସଦି ପିତର୍‌ତିଂ ଇଚାନ୍, “ନା ଲାଗେତାଂ ଦେହା ଆ, ସୟ୍‌ତାନ୍, ଏନ୍ ନା ବାଦା ଲାକେ, ଇନାକିଦେଂକି ଏନ୍ ଇସ୍‌ବର୍ ବିସ୍ତେ ବାବି କିଖାଦାଂ ମାନାୟ୍ ବିସ୍ତେ ବାବିକିନାୟା ।”

୨୪ *ତା ପାଚେ ଜିସୁ ଚେଲାରିଂ ଇଚାନ୍, “ଜେ ଇନେର୍ ନା ଲାହାଙ୍ ଖାନାନ୍, ହେଖାନ୍ ମାନ୍‌ବାଦ୍‌ଲାୟ୍ କିଜି ଜାର୍ କୁସ୍ ଆସ୍ତି ନା ପାଚେ ପାଚେ ଖାନାକା ମାନାଡ୍ ।

୨୫ *ଇନାକିଦେଂକି ଇନେର୍‌କି ଜାର୍‌ତିଂ ଜିରୁନ୍ ରାକ୍ୟା କିଦେଙ୍ଗ୍ ଇଚା କିନାନ୍, ହେଖେନ୍ ହେଦାଂ ଆରାୟ୍ କିନାନ୍; ମାତର୍ ଇନେର୍‌କି ନା କାଜିଂ ଜାର୍ ଜିରୁନ୍ ଆରାୟ୍ କିନାନ୍, ହେଖେନ୍ ହେଦାଂ ପାୟାଆନାନ୍ । ୨୬ ଆରେ, ମାନାୟ୍ ଏଚେକାଡ୍‌ଦ ଝିଲ୍ ପୁତ୍ ିତଂ ଲାବ୍ କିଜି ଜାର୍ ଜିରୁନ୍ ଆରାୟ୍ କିନାନ୍, ଲାଗିଂ ତାଦି ଇନା ଲାବ୍ ଆନାଡ୍ ? ମତର୍ ମାନାୟ୍ ଜାର୍ ଜିରୁନ୍ ବାଦୁଲ୍ ଇନାକା ହିନାୟ୍ ? ୨୭ *ଆରି, ମାନାୟ୍ ମାଜି ଜାର୍ ଆବାତି ପାଣ୍‌ଦାଙ୍ ଜାର୍ ଦୁଡ୍‌ର ଲାହାଙ୍ ଆରେ ରଗ ଜୁଦ୍‌ନାନ୍ ଆରି ହେ ପାଦ୍‌ନା ହେଖେନ୍ ଝିଜାର୍ ମାନାୟାରିଂ ହେ କାମାୟ୍ ହୁଡ୍‌ଜି ପାଡ୍ ହିଦ୍‌ନାନ୍ । ୨୮ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ ମାନାୟ୍ ମାଜିଡି ଜାର୍ ରାଜିତ ଜୁଦେଂ ହୁଡ୍‌ଝି ପାଚେକ୍ ଇବେ ନିଲ୍‌ଟିମାନି ମାନାୟାର୍ ବିଡ୍‌ତେତାଂ କେତେକ୍ ଇନେସ୍ ବାନି ହାକିଡାଣ୍ ପାୟା ଆଉନ୍ ।”

୧୭

ଜିସୁତି ପାଗ୍‌ମାସ୍‌ବାନାକା

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜିସୁ ଇ ରଅ ଦିନ୍ ପାଚେ ପିତର୍ ଆରି ଜାକୁବ୍, ଜହନ୍ ଟଣ୍‌ରିୟାରିଂ ଅଜି ର ପାନ୍ତି ମାଡିଜପି ହାଚାର୍ । ହେବେ ବିନେନିକାର୍ ଇନେର୍ ହିଲ୍‌ଖାଚାର୍ । ୨ ଚେଲାହିର୍ ହୁଡ୍ ହୁଡ୍ ଜିସୁତି ର ତ୍ରିପ୍‌କୁ ପାଗ୍‌ମାସ୍‌ବାତାନ୍ । ହେଖାନ୍ ଝେଇ ଝେଡାଲାକେ ଅଜଡ୍ ଆତାଡ୍ ଆରେ ହେଖାନ୍‌ତି ହେନ୍ଦା ଅଜଡ୍ ଲାକେ ଡିଞ୍ଚାଡ୍ । ୩ ମସା ଆରି ଏଲିୟ୍ ଜିସୁ ଲାହାଙ୍ କାତାର୍‌ବାତା ଆନାକା ଚେଲାର୍ ହୁଡ୍‌ତାର୍ ।

୪ ହେବେ ପିତର୍ ଜିସୁଙ୍କ ଇଚାନ୍, “ଏ ମାପୁ, ଆସେଙ୍ଗ୍ ଜେ ଇ ବାହାତ ମାନାସ୍, ଇଦାଂ ହାର୍‌ଦାକା; ନି ଇଚା ଆତିସ୍ ଆନ୍ ଇବେ ତିନିଗଟା ପୁଟକୁ ରଚ୍‌ନାଙ୍ ନି କାଜିଂ ରଞ୍ଜାଙ୍, ମସା କାଜିଂ ରଞ୍ଜାଙ୍ ଆରି ଏଲିୟ୍ କାଜିଂ ରଞ୍ଜାଙ୍ ।”

* ୧୭:୨୪ ୧୭:୨୪ ମାଠିର ୧୦:୩୮; ଲୁକ ୧୪:୨୭. * ୧୭:୨୫ ୧୭:୨୫ ମାଠିର ୧୦:୩୯; ଲୁକ ୧୭:୩୩; ଜହନ୍ ୧୨:୨୫. * ୧୭:୨୭ ୧୭:୨୭ ମାଠିର ୨୫:୩୧; ରମିୟ ୨:୭.

୫ ହେୱାନ ଇ କାତା ଇନ୍ନୁ ଇନ୍ନୁ, ହୁଡ଼ାଟ୍, ଇଚୁକ୍ ବାଦାଡ଼ ହେୱାରିଂ ଡାବାୟ୍ କିତାଡ଼, ଆରି ହୁଡ଼ାଟ୍, ଇ ସବଦ୍ ଆତାଡ଼, “ଇ ମା ୱାରିନି ମାଜି ଇୱାନ ତାକେ ମା ଅପ୍ରବଲ୍ ୱାରି, ଇୱାନ୍ତି ବଚନ୍ ମାନ୍ତ ଇଟାଟ୍ ।”

୬ ଇଦାଂ ୱେନ୍‌ଜି ଚେଲ୍‌ହିର୍ ମୁମ୍ ତାରେନ୍ କିତାର୍ ଆରି ବେସି ପାଣ୍ଡା ଆତାର୍ ।

୭ ଜିସୁ ହେୱାର୍ ଲାଗେ ୱାଜି ହେୱାରିଂ ତୁବିସ୍ ଇଚାନ, “ନିଙ୍ଗା, ପାଣ୍ଡା ଆମାଟ୍ ।”

୮ ଲାଗିଂ ହେୱାର୍ ଜପି ହୁଡ଼ଜି ଜିସୁଙ୍କ୍ ପିସ୍ତ୍ର ହେବେ ଆରେ ଇନେରିଂ ହୁଡ଼ୱାତାର୍ ।

୯ ହେୱାର୍ ମାଡ଼ିତାଂ ଜୁଜି ୱାନିହିଂ ଜିସୁ ହେୱାରିଂ ବଲ୍ ହିଜି ଇଚାନ, “ମାନାୟ୍ ମାଜି ହାକିତାଂ ନିଙ୍ଗିନି ପାତେକ୍, ଇନାକା ହୁଡ଼ତାଦେଣ୍ଟା ହେଦାଂ ନିଙ୍ଗିପି ପାତେକ୍ ଇନେରିଂ ପା ୱେଡ଼ମାଟ୍ ।”

୧୦ ଚେଲ୍‌ହିର୍ ଜିସୁଙ୍କ୍ ୱେନ୍‌ବାତାର୍, “ଏଲିୟ ପର୍ଡୁମ୍ ୱାନାନ ଇଞ୍ଜି ମା ଦରମ୍ ଗୁରୁର ଇନେକିଦେଂ ଇୱାଣ୍ଟା ?”

୧୧ ଜିସୁ ଉତର ହିତାନ, “ଆଁ, ହାଡ଼ପା ଏଲିୟ ପର୍ଡୁମ୍ ୱାଜି ସବୁ ବିସ୍ତେ ଜାଲ୍‌ଦି କିନାନ; ୧୨ ମାତର ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏଲିୟ ୱାତାନେ ମତର ତାଙ୍ଗେଙ୍ଗ୍ ଚିନ୍‌କିୱାଦାଂ ମାନାୟାର୍ ତା କାଜିଂ ଇନାକା ଇଚା, ହେଦାଂ କିତାନନ୍ନା । ମାନାୟ୍ ମାଜି କାଜିଂ ପା ହେୱାର୍ ହେ ଲାକେ କାରାପ୍ ଚିନ୍ତା କିତାର୍ ।”

୧୩ ହେୱେଡ଼ାଂ ଚେଲ୍‌ର୍ ବୁଜାତାର୍ ଜେ, ଜିସୁ ବାପ୍ତିସିମ୍ ହିନି ଜହନ୍‌ଡି ବିସ୍ତେ ଇନାନ୍ନା ।

ଜିସୁ ପୁଦାଆହ୍ୟାତି କାଡ଼ଦେଂ ଉଜ୍ କିତାନ

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ପାଚେ ଚେଲ୍‌ର୍ ମାନାୟାର୍ ଲାଗେ ୱାଜି, ରକାନ ମାନାୟ୍ ଜିସୁ ଲାଗେ ୱାଜି ମେଣ୍ଡାଂ କୁନ୍‌କିଜି ଇଚାନ, ୧୫ “ଏ ମାପୁ, ନା ମାଜି ଦୟା କିୟା, ଇନାକିଦେଂକି ହେୱାନ ଆପ୍ରାଂତ ବେସି କସୁ ପାୟାନାନା, ହେୱାନ ରଗତିଂ ରଗ ନାଣିତ ଆରି ରଗତିଂ ରଗ ଏଜୁକାଂ ଆଣ୍ଟାନା । ୧୬ ଆନ୍ ନି ଚେଲ୍‌ରିଂ କଚେଟ୍ ହେୱାନିଂ ତାଜି ମାଚାଙ୍ଗ୍, ମତର ହେୱାର୍ ହେୱାନିଂ ଉଜ୍ କିଦେଙ୍ଗ୍ ହେୱାର୍ ଆଡ଼ୱାତାର୍ ।”

୧୭ ଜିସୁ ଉତର ହିତାନ, “ଆଡ଼େ ପାତ୍ କିୱାକାର୍ ଆରି ଉଚକା ଆନି ମାନାୟ୍, ଏଚେକ୍ କାଡ଼ ଆନ୍ ମି ଲାହାଙ୍ଗ୍ ମାନଗାନାଂ ? ଏଚେକ୍ କାଡ଼ ମି ଚିନ୍ତା ହୁଡ଼ଦାନାଙ୍ଗ୍ ? ତାଙ୍ଗେଙ୍ଗ୍ ନାତାକେ ତାଈୱାଡୁ ।” ୧୮ କାଡ଼ଦେ ବିଡ଼େ ବୁଡ଼ ମାଚାଡ଼, ଜିସୁ ବୁଡ଼ଡିଙ୍ଗ୍ ଦାକା କିତିଲେ ବୁଡ଼ କାଡ଼ଦେତାଂ ହସି ହାଚାଡ଼ ଆରି କାଡ଼ଦେ ହେ ଦାପ୍ରେ ଉଜ୍ ଆତାନ ।

୧୯ ଇଦାଂ ପାଚେ ଚେଲ୍‌ର୍ ତୁଗୁଜି ଜିସୁଙ୍କ୍ ଲାଗେ ୱାଜି ଇଚାର୍, ଆପେଙ୍ଗ୍ “ଇନେକିଦେଂ ତାଙ୍ଗେଙ୍ଗ୍ ପିହିକିଦେଂ ଆଡ଼ୱାତାପ୍ ?”

୨୦ ଜିସୁ ହେୱାରିଂ ଇଚାନ, “ଏପେଙ୍ଗ୍ ଅଲପ୍ ପାତ୍ କାଜିଂ, ଇନାକିଦେଂକି ଆନ୍ ମିଙ୍ଗ୍ ହାଡ଼ପା ଇଞ୍ଜିନାଙ୍ଗା, ଜଦି ର ହାରୁହୁ ମାଞ୍ଜି ଲାକେ ମି ପାତ୍ କିନାକା ମାନଗାନାଡ଼, ତା ଆଡିସ୍ ଇ ମାଡ଼ିତିଂ ଇବେତାଂ ହେବେ ଗୁରା ଇଞ୍ଜି ଇଚିସ୍ ହେଦାଂ ଗୁରାଆନାଡ଼, ପାତ୍ ହୁକେ ଇନାକା ଆବ୍‌ଡ଼ ଆକାୟ୍ ।” ୨୧ ମାତର “ପାର୍ତାନା ଆରି ଉପାସ୍ ପିସ୍ତ୍ର ବିନ୍ ଇନାକାପା ଉପାୟ୍ ଇ ବାନି ବୁଡ଼ ହସି ହାଲୁଡ଼ ।”

ଜିସୁ ଜାର ହାକି ବିସ୍ତେ ଆରେ ରଗ ୱେଡ଼ଚାନ

(ମାର୍କ ୯:୩୦-୩୨; ଲୁକ ୯:୪୩-୪୫)

୫ ୧୭:୧୭ ୧୭:୧୭ ମାଠିର ୧୧:୧୪. * ୧୭:୨୦ ୧୭:୨୦ କେତେକ୍ ପଡିତ୨୧ପାଦ୍‌ଡିଂ ମେହାୟ୍ କିତାଣ୍ଟା: ମାତର ଉପାସ୍ ଆରି ପାର୍ତାନା ପିସ୍ତ୍ର ଆରେ ଇନାକାତ ଇବାନି ବୁଡ଼ ପିହିକିଦେଂ ଆଡ଼ୁର୍ । (ମାଠିର ୯:୨୯)

୨୨ ଚେଲାହିର୍ ଝିଜାର୍ ଗାଲିଲିତ ରୁଣ୍ଡାଆତି ପାଚେ ଜିସୁ ହେଝାରିଂ ଇଚାନ, “ମାନାୟ୍ ମାଜି ମାନାୟାର୍ କେଇଦ ଆହୟାଦେଂ ହାନାନା, ୨୩ ହେ ମାନାୟାର୍ ମାନାୟ୍ ମାଜି ଚୁଣାର୍, ମାତର୍ ତିନି ଦିନ୍ ପାଚେ ହେଝେନ୍ ଆରେ ନିଙ୍ଗନାନ୍,” ହେବେ ଚେଲାର୍ ବେସି ଦୁକ୍ ଆତାର ।

ଜିସୁ ମନ୍ଦିରତ ସିସୁ ହିତାନ

୨୪ ଜିସୁ ଆରି ତା ଚେଲାହିର୍ କପର୍ନାହୁମ୍ ଝାତି ପାଚେ ଦେଉଡ଼ନି ସିସୁନ୍ନାକାର୍ ପିତର୍ତ୍ତଂ ଝେନ୍ବାତାର୍, “ମି ଗୁରୁ ଦେଉଡ଼ନି ସିସୁ ହିନାନ୍ କି ?”

୨୫ ହେଝେନ୍ ଇଚାନ “ଆଁ ହିନାନ୍ ।”

ଆରେ ହେଝେନ୍ ଇଞ୍ଜି ଝାତିପାଚେ ଜିସୁ ଆଗେ ତାଙ୍ଗ୍ ଇଚାନ, “ସିମନ୍ ନି ବଲ୍ଲ ଇନାକା ? ପୁତ୍ ନି ରାଜାର୍ ଇନେର୍ କଚଣ୍ଡାଂ ସିସୁକୁ ରାଜା ପାଦ୍ ଅନାର୍ ? ହେଝାର୍ ପାରଜାତାଂ କି ବିଦେସ୍ନିକାର୍ତାଂ ?”

୨୬ ପିତର୍ “ବିଦେସ୍ନିକାର୍ତାଂ ଇଞ୍ଜି ଇଚିଲେ,” ଜିସୁ ତାଙ୍ଗ୍ ଇଚାନ, “ଲାଗିଂ ତ ହିମ୍ଣାଂ ମୁକ୍ତା ଆତାର୍ଣ୍ଣା ? ୨୭ ମାତର୍ ଆସେଙ୍ଗ୍ ଇନେସ୍ ହେଝାର୍ତି ବାଦାନି କାରଣ୍ ଆମେଡ୍, ଇଦାଂ କାଜିଂ ହାମ୍ବୁରତ ହାଲ୍ଲଜି ବାଣ୍ଡି ଇଜାର୍ ଆରେ ପର୍ତୁମ୍ ଇମ୍ଣି ମିନ୍ କାପ୍ନାଡ୍, ହେଦେଲିଂ ଅଜି ତା ଝେଇ ଏସ୍ତିସ୍ ର ରୁପା ତାରୁଙ୍ଗ୍ ଗାଟାଆନାଦେର୍; ହେଦାଂ ଅଜି ନା କାଜିଂ ଆରି ମି କାଜିଂ ହେଝାରିଂ ହିୟାର୍ ।”

୧୮

ସାଗେ ରାଜିତ ଝିଜାର୍ତାଂ ଗାଜାକାନ୍ ଇନେର୍ ?

(ମାର୍କ ୯:୩୩-୩୭; ଲୁକ ୯:୪୬-୪୮)

୧ *ହେ ପାଦ୍ନା ଚେଲାହିର୍ ଜିସୁ କଚଣ୍ ଝାଜି ଝେନ୍ବାତାର୍, ତେବେ “ସାଗେ ରାଜିତ ଇନେର୍ ଗାଜା ?”

୨ ଜିସୁ ର ହିରୁ ହିମ୍ଣାଂ ଲାଗେ କୁକ୍ତି ହେଝାର୍ ବିତ୍ରେ ନିଲି କିଜି ଇଚାନ, ୩ “ଆନ୍ ମିଙ୍ଗେଙ୍ଗ୍ ହାଡ୍ପା ଇଞ୍ଜିନାଙ୍ଗା, ଏପେଙ୍ଗ୍ ବାଦ୍ଲାଝିତିସ୍ ହିରୁ ହିମ୍ଣା ଲାକେ ଆଝିତିସ୍ ଇନେସ୍ କିତିସ୍ପା ସାଗେ ରାଜିତ ହଣ୍ଡେଙ୍ଗ୍ ଆତୁଦେର୍ । ୪ ଲାଗିଂ, ଇନେର୍କି ଇ ହିରୁ ହିମ୍ଣା ଲାକେ ଜାର୍ତି ହାଦ୍ଦାମ୍ କିନାନ୍, ହେଝେନ୍ ସାଗେ ରାଜିତ ଗାଜାକାନ୍ । ୫ ଆରେ, ଇନେର୍ ନା ତର୍ଦାଂ ଇ ଲାକେ ର ହିରୁ ହିମ୍ଣାଂ ମାନ୍କିନାନ୍, ହେଝେନ୍ ନାଙ୍ଗେଙ୍ଗ୍ ମାନ୍କିଦନାନ୍ ।”

ପାତ୍ ତ ବାଦା ଗିଟାୟକିନାକା

(ମାର୍କ ୯:୪୨-୪୮; ଲୁକ ୧୭:୧-୨)

୬ ମାତର୍ ଇନେର୍କି “ନା ତାକେ ପାତ୍ କିନାକାର୍ ଇ ହିରୁହିମ୍ଣାଙ୍ଗ୍ ବିତ୍ରେ ରକାନ୍ତି ବାଦା ଇନାକିଦେଂକି ଆନାଡ୍, ହେଦାଂ ଗାତେଲ୍ଲତ ର ଗାଜା ଜାତାକାଲ୍ଲ ଗାଡ୍ତି ତାଙ୍ଗେଙ୍ଗ୍ ହାମ୍ବୁରତ ତୁସି ହିନାକା ହାର୍ ଆନାଡ୍ । ୭ ମାନାୟାର୍ତି ପାତ୍ ତ ବାଦା ଗିଟାୟକିଦେଂ ଇଞ୍ଜି, ବେସି ବିସ୍ତେ ମାନାଡ୍ । ହେଦାଂ କାଜିଂ ଇ ପୁତ୍ ତ ଅବସ୍ତା ଏରେକ୍ ବଲ୍ଲକାର୍ ସବୁ ଦିନ୍ ଇ ଲାକେ ବାଦା ଝାନାଡ୍, ମାତର୍ ଇନେନ୍ ବାଦା ଗିଟାୟକିନାନ୍, ତା ଝିଜେ କେତେକ୍ ହାର୍ଦାକା !”

୮ “ଜଦି ମି କେଇ କି ପାନା କାଜିଂ ଏପେଙ୍ଗ୍ ପାତ୍ ବାଦା କିନାଦେର୍, ଲାଗିଂ ତାଙ୍ଗ୍ କାଦ୍ଦି ତୁସିହିୟାଟ୍ । ରି କେଇ ଆରି ରି ପାନା ମାନ୍ଞି ଝିଜିଝିନାଣିତ ତୁସ୍ୟାନି

* ୧୮:୧ ୧୮:୧ ଲୁକ ୨୨:୨୪.

ପାତେକ ରକେଇ ଆରେ ର ପାନା ବିନେ ଆଜି ଓଁଜିଓଁ ଜିବୁନ୍ତ ହଣାକା ମି ପାକ୍ୟାତ ହାର୍ ।

୯ ଆରେ ମି କାଣ୍ଠା ଜଦି ନି ବାଦା ଆନାଡ଼, ଲାଗିଂ ତାଙ୍ଗ୍ ଉନ୍ଦି ତୁଇ ହିୟାଟ୍; ରିଣ୍ଡାଂ କାଣ୍ଠା ଅଜି ନାଣି ବିତ୍ରେ ନରକ୍ ତାକେ କାଡ଼ନି ବାଟା ଇତିସ୍ ର କାଣ୍ଠା ଅଜି ଜିବୁନ୍ତ ହଣାକା ମି ପାକ୍ୟାତ ହାର୍ ।”

ଜାଙ୍ଗ୍ତି ମେଣ୍ଡାତି ଉତର୍ମୁଡ଼,
(ଲୁକ ୧୫:୩-୭)

୧୦ ଜାଗ୍ରତ୍, ଇ ହିରୁକାର୍ ବିତ୍ରେ ରକାନିଂ ନେ ଇଣ୍ କିମାଟ୍, ଇନାକିଦେଂକି ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା ସାଗେତ ହେଞ୍ଝାର୍ତି ଦୁଡ଼ତର୍ ସବୁ ଦିନ୍ ନା ସାଗ୍ରେନି ଆବା ଲାଗାଂ ମାନାର୍ ।*

୧୧ ଇନାକିଦେଂକି ଇନାକା ଜାଙ୍ଗ୍ତାଡ଼ନା, ହେଦାଂ ରାକ୍ୟା କିଦେଙ୍ଗ୍ ଇଞ୍ଜି ମାନାୟ୍ ମାଜି ୱାତାନନା । ୧୨ “ଏପେଙ୍ଗ୍ ଇନାକା ଏତୁ କିନାଦେରା ? ଇମ୍ଫଣି ଲକ୍ତି ଜଦି ପାଞ୍ଚକଡ଼ି ମେଣ୍ଡାଂ ମାଟିସ୍, ଆରେ ହେଞ୍ଝାଙ୍ଗ୍ ବିତ୍ରେ ରଞ୍ଝାଙ୍ଗ୍ ଜାଙ୍ଗ୍ତିସ୍, ଲାଗିଂ ଇନାକା ନବେନଗଟାକାଂ ମାଡ଼ିତ ପିସ୍ସି ହେଞ୍ଝାନ୍ ହାଲ୍ଲଜି ହେ ବାଣାତି ମେଣ୍ଡାତିଂ ତେକ୍କୁନ୍ ? ୧୩ ଆରେ ହେଞ୍ଝେନ୍ ମେଣ୍ଡା ଗାଟାଆନାନ୍ ତା ଆତିସ୍ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନବେନଗଟା ବାଣା ଆଞ୍ଝାଦାଂ ମାଟିକ୍, ହେଞ୍ଝାଙ୍ଗ୍ ବିତ୍ରେ ଇ ରଞ୍ଝାଙ୍ଗ୍ କାଜିଂ ହେଞ୍ଝେନ୍ ଆଦିକ୍ ୱାରି କିନାନ୍ । ୧୪ ହେ ଲାକେ ଇ ହିରୁକାର୍ ବିତ୍ରେ ଜେ ରଞ୍ଝାଙ୍ଗ୍ କାରାୟ୍ ଆନାଡ଼, ଇଦାଂ ଏପେଙ୍ଗ୍ ସାଗେନି ଆବାତି ମାନ୍ ଆକାୟ୍ ।”

ମି ବିରୁଦ୍ଧ ଇନେର୍ ଦସ୍ କିଦନାନ୍

୧୫ *ଲାଗିଂ “ନି ଟଣ୍ଡେନ୍ନି ବିରୁଦ୍ଧ ପାୟ୍ କିନାନ୍, ଲାଗିଂ ହାଲ୍ଲଜି କେବଲ୍ ମି ରିୟାରିଂ ବିତ୍ରେ ହେଞ୍ଝାନିଂ ତା ଦସ୍ ଚଟାଟ୍; ଜଦି ହେଞ୍ଝାନ୍ ମି କାତା ଝେନାନ୍, ଲାଗିଂ ଏପେଙ୍ଗ୍ ଜାର୍ ଟଣ୍ଡେନିଂ ପାୟା ଆତାୟ୍ । ୧୬ ମାତର୍ ଜଦି ହେଞ୍ଝାନ୍ ଝେନ୍ନୁର୍, ରକାନ୍ କି ରିୟାରିଂ ଅଜି ହାଲ୍ଲାଟ୍ । ଇନେସ୍ ରିୟାର୍ କି ତିନ୍ଜାଣ୍ ସାକିରିଙ୍ଗ୍ ମୁମ୍ଦ ଓଁଜୁ ଦାବା କାତା ତିର୍ କିୟାନାଡ଼ ।” ୧୭ ଜଦି ହେଞ୍ଝାନ୍ ହେଞ୍ଝାର୍ କାତା ମାନିକିଡ଼ନ୍, ଲାଗିଂ ମଣ୍ଡଲିତିଂ ଇନାଟ୍, ଆରେ ଜଦି ହେଞ୍ଝାନ୍ ମଣ୍ଡଲି କାତା ପା ମାନିକିଓଁତିସ୍, ଲାଗିଂ ହେଞ୍ଝାନ୍ ମି କାଣ୍ଠାତ ପାତ୍ କିଓଁ ଜିହୁଦିର୍ ଆରି ସିସ୍ସୁନ୍ନାକାର୍ ଲାକେ ଆଏନ୍ ।

ମୁନା କିନାକା ଆରେ ବଲ୍ ହିନାକା

୧୮ *ଆନ୍ “ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଏପେଙ୍ଗ୍ ପୁତ୍ ଇନାକାପା ବନ୍ଦ୍ କିନାଦେର୍, ସାଗେତ ହେଓଁଜୁ ବନ୍ଦ୍ ମାନ୍ଗାନାଡ଼, ଆରି ପୁତ୍ ଇନାକା ଓଁଜୁ ଜେନାଦେର୍, ସାଗେତ ହେଓଁଜୁ ଜେନାଦେର୍ ।”

୧୯ ଆରି, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ପୁତ୍ ମି ବିତ୍ରେପା ରିୟାର୍ ଇନେସ୍ ବାତ୍ ବିସ୍ତେ ର ମାନ୍ତାଂ ଆଜି ଇନାକା ଏନ୍ନାଦେର୍, ହେଦାଂ ନା ସାଗେନି ଆବାତି ଇଟା ହେଞ୍ଝାର୍ କାଜିଂ ଗିଟା ଆନାଡ଼ ।

୨୦ “ଇନାକିଦେଂକି ଇମ୍ଫଣି ବାହାତ ରିୟାର୍ କି ତିନ୍ ଜାଣ୍ ନା ତର୍ଦାଂ ରୁଣ୍ଡା ଆନାର୍, ହେ ବାହାତ ଆନ୍ ହେଞ୍ଝାର୍ ବିତ୍ରେ ମାନ୍ଗାନାଂ ।”

କେମା ହିଞ୍ଝାଦାଂ ମାନି ଚାକ୍ରିୟା କାତା

୨୧ *ହେ ପାଦନା ପିତର୍ ଜିସୁ କଟଣ୍ ୱାଜି ଝେନ୍ନବାତାନ୍, “ଏ ମାପୁ, ଏଚେକ୍ ହର୍

* ୧୮:୧୦ ୧୮:୧୦ କେତେକ ପଠିତ ୧୧ପାଦତ୍ ମେହାୟ୍ କିନାର୍, ଇନେକିଦେଂକି ଇନାକା ଜାଙ୍ଗ୍ତାଡ଼ନା, ହେଦାଂ ଦାସି ରାକ୍ୟା କିଦେଂ ମାନାୟ୍ ମାଜି ୱାତାନନା (ଲୁକ ୧୯:୧୦) * ୧୮:୧୫ ୧୮:୧୫ ଲୁକ ୧୭:୩. * ୧୮:୧୮ ୧୮:୧୮ ମାଡ଼ିଭ ୧୭:୧୯; ଜହନ୍ ୨୦:୨୩. * ୧୮:୨୧ ୧୮:୨୧ ଲୁକ ୧୭:୩,୪.

ନା ଟଣେନ୍ ନା ବିରୁଦ୍ଧତାଂ ପାପ୍ କିତିସ୍ ଆନ୍ ଏଚେକାଡ୍ଦ କେମା କିନାଙ୍ଗ୍ ? ଇନାକା ସାଡ୍ ହର୍ ?”

୨୬ ଜିସୁ ତାଙ୍ଗେଙ୍ଗ୍ ଇଚାନ୍, “ନିଙ୍ଗେଙ୍ଗ୍ କେବଲ୍ ସାଡ୍ ହର୍ ପାତେକ୍ ଇଞ୍ଜୁଙ୍ଗା, ମତର୍ ସତ୍ତ୍ୱି ଗୁଣ୍ ସାଡ୍ ହର୍ ପାତେକ୍ । ୨୩ ଇଚିସ୍ ସାଗେ ରାଜି ଜାର୍ ଆଡ୍ଡିୟାନ୍ ଲାହାଙ୍ଗ୍ ଇସାବ୍ କିଦେଙ୍ଗ୍ ଇଚାକିନି ରଞ୍ଜାନ୍ ରାଜା ଲାକେ । ୨୪ ହେଞ୍ଜେନ୍ ଇସାବ୍ ଆରମ୍ କିତିଲେ, ଲାକେ ଟାକାଂ ରୁଣ୍ କିଜି ମାଟି ର ହେବାକାରି ରାଜା ଲାଗାଂ ତାହିଞ୍ଜାତାର୍ । ୨୫ ମାତର୍ ତା ହୁଜାଆଦେଂ ଇନାକା ହିଲ୍ଡିତିଲେ ତା ମାପୁ ତାଙ୍ଗ୍ ଆରି ତା ଡକ୍ରିଙ୍ଗ୍, ହିମ୍ ଶାଞ୍ଜାକ୍ତା ଆରି ଓଡ୍ଡୁ ପ୍ରସି କର୍ ଅଦେଂ ରାଜା ବଲ୍ ହିତାନ୍ । ୨୬ ଲାଗିଂ ହେ ହଲ୍ୟା ତାଙ୍ଗେଙ୍ଗ୍ ପାନା ତାରେନ୍ ଜୁଞ୍ଜାର୍ କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ୍‌କାସ୍‌ଆ, ଆନ୍ ନିଗେଙ୍ଗ୍ ଓଡ୍ଡୁ ହୁଜା ଆଜି ହିଦ୍‌ନାଂ ।” ୨୭ ହେବେତାଂ ହେ ହଲ୍ୟାତିଂ ମାପୁ କାର୍ମା ଆଜି ତାଙ୍ଗେଙ୍ଗ୍ ପିସ୍ତ୍ରି ହିତାନ୍ ଆରି ରାଜା ରୁଣ୍ କେମା କିତାନ୍ ।

୨୮ ମାତର୍ “ହେ ହଲ୍ୟା ହସି ହାଲ୍‌ଜି ତାବେଣ୍ଡାଂ ପଚାସ୍ ଟାକା ରୁଣ୍ କିଜି ମାନି ର ହାଙ୍ଗ୍‌ଦାକାନ୍ ଚଞ୍ଜୟା ଆଜି ହେଞ୍ଜାନ୍ ଆଜି ତା ଗାତେଲ୍ ମୁଞ୍ଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ଇନାକା ଆସ୍ତାୟନା ହୁଜାଆଦା ।”

୨୯ ଲାଗିଂ “ତା ହାଙ୍ଗ୍‌ଦାକାନ୍ କାଲ୍ ତାରେନ୍ ଆଜି ହେଞ୍ଜାନ୍ ଗଞ୍ଜାରି କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ୍‌କାସ୍‌ଆ, ଆନ୍ ନିଙ୍ଗେଙ୍ଗ୍ ହୁଜା ଆଜି ହିଦ୍‌ନାଂ ।”

୩୦ “ମତର୍ ହେଞ୍ଜେନ୍ ରାଜି ଆଞ୍ଜାତାନ୍, ମାତର୍ ହାଲ୍‌ଜି ରୁଣ୍ ହୁଜାଆଞ୍ଜି ପାତେକ୍ ତାଙ୍ଗ୍ ଜଇଲ୍‌ତ ପ୍ରଡ୍‌ତାର୍ । ୩୧ ଲାଗିଂ ତା ହାଙ୍ଗ୍‌ଦାକାର୍ ଇ ଗର୍‌ନା ହୁଡ୍‌ଜି ବେସି ଦୁକ୍ ଆତାର୍ ଆରି ହାଲ୍‌ଜି ହେଞ୍ଜାର୍ ମାପୁ ଲାଗାଂ ଓଡ୍ଡୁ ଗର୍‌ଶାଗିଗା ଆଜି ମାତାଡ୍ ଖେର୍‌ଗାର୍ ।” ୩୨ ହେବେତାଂ ତା ମାପୁ ତାଙ୍ଗ୍ ଲାଗେ ବୁକି କିଜି ଇଚାନ୍, “ଏଡେ ଉଡ୍‌ପାତ୍ୟା ହଲ୍ୟା, ଏନ୍ ନାଙ୍ଗେଙ୍ଗ୍ ଗଞ୍ଜାରି କିଡ୍‌ତିଲେ ଆନ୍ ନି ହେ ଓଡ୍ଡୁ ରୁଣ୍ କେମା କିତାଙ୍ଗ୍; ୩୩ ଆନ୍ ଇନେସ୍ ଲାକେ ନିଙ୍ଗେଙ୍ଗ୍ ଦୟା କିଡ୍‌ତାଙ୍ଗ୍, ହେ ଲାକେ ପା ଜାର୍ ହାଙ୍ଗ୍‌ଦାକାର୍ ଦୟା କିନାକା କି ନି କାମାୟ୍ ହିଲ୍‌ଞ୍ଜାତାଡ୍ ?” ୩୪ ଆରେ, ତା “ମାପୁ ରିସା ଆଜି ଓଡ୍ଡୁ ରୁଣ୍ ହୁଜାଆଞ୍ଜି ତାଙ୍ଗ୍ ପାତେକ୍ ବାଦା ହିନି ମାନାୟାର୍ କେଇଦ ସର୍‌ପି କିତାର୍ ।”

୩୫ ଜିସୁ ଇନାକା ଓସ୍ତ୍ରି “ହେଞ୍ଜାରିଂ ଇଚାନ୍ ଜଦି ଖାସ୍ତିତାଂ ଜାର୍ ଜାର୍ ଟଣ୍ଡାରିଂ କେମା କିଞ୍ଜିତିସ୍, ତାଆତିସ୍ ନା ସାଗେନି ଆବା ପା ମି କାଜିଂ ହେ ଲାକେ କିଦ୍‌ନାନ୍ ।”

୧୯

ହେଲ ନାଟ୍‌ନି ବିସ୍ତେ ଜିସୁତି ହିକ୍ୟା
(ମାର୍ଚ୍ଚ ୧୦:୧-୧୨)

୧ ଜିସୁ ଇ ଓଡ୍ଡୁ କାତା ଇଞ୍ଜି ଓସ୍ତ୍ରି ପାଚେ ଗାଲିଲି ପିସ୍ତ୍ରି ଜର୍‌ଦନ୍ ନାଗୁଡ୍ ଆନ୍‌ଟି ପାଡ୍‌କା ମାନି ଜିହୁଦା ନିପ ହାଚାନ୍ । ୨ ବେସିହେନି ମାନାୟାର୍ ତାଙ୍ଗେଙ୍ଗ୍ ଦାସ୍ତାର୍ ଆରି ହେଞ୍ଜାନ୍ ହେନି ରଗାରିଂ ଉଜ୍ କିତାନ୍ ।

୩ କେଡେଜାଣ୍ ପାରୁସିର୍ ତା ଲାଗାଂ ଖାଜି ତାଙ୍ଗ୍ ଡକ୍ତାତ ପ୍ରଦ୍‌ଦେଂ ପାଟି କିତାର୍ । ହେଞ୍ଜାର୍ ତାଙ୍ଗ୍ ଖେନ୍‌ବାତାର୍, “ମା ଦର୍‌ମିନି ମସାତି ବିଦି ଇସାବ୍‌ରେ ରକାନ୍ ଜେ ଇନା ବିସ୍ତେ ତା, କଗ୍‌ଲେଂ ହେଲ ହିଦେଂ ଆଡ୍‌ନାନ୍ କି ?”

୪ ହେଞ୍ଜେନ୍ ଉତର୍ ହିତାନ୍, ଏପେଙ୍ଗ୍ ଇନାକା ପଡ୍ଡି କିଞ୍ଜାତାଦେଣ୍ଡା ଜେ ଉଦ୍‌ଜାଣ୍ କିନାକାନ୍ ଆରମ୍‌ତାଂ ହେଞ୍ଜାରିଂ ଆଣ୍ଡେନ୍ ଆରି କଗ୍‌ଲେ କିଜି ଉଦ୍‌ଜାଣ୍ କିତାନ୍, ୫ ଆରେ ଇଚାନ୍, “ଇଦାଂ କାଜିଂ ମାନାୟ୍ ଆବାଆୟାକାଂ ପିସ୍ତ୍ରି ଜାର୍ କଗ୍‌ଲେ ତାକେ ମେହା ଆନାନ୍, ଆରେ ହେଞ୍ଜାର୍ ଦୁଲ୍‌ମାତାର୍ ଏକ୍ ଆନାର୍ ?” ୬ ଲାଗିଂ ହେଞ୍ଜାର୍

ଆରେ ରିକାର୍ ଆକାୟ, ମାତର୍ ଏକ୍ ଆନାର୍ । ଲାଗିଂ, ଇସ୍ବର ଇନାକା ମେହାୟ କିଡ଼ତାନନା, ମାନାୟାର୍ ହେଦାଂ ଏଡ଼ାୟ କିମେନ୍ ।”

୭ ହେଝାର୍ ହେଝାନିଂ “ଝେନ୍‌ବାତାର୍, ଲାଗିଂ ମସା ଇନେକିଦେଂ ହେଲ୍ ଆକି ହିଜି କଗ୍‌ଲେଙ୍ଗ୍ ହେଲ୍ ହିନି କାଜିଂ ବଲ୍ ହିତାନ୍ ?”

୮ ଜିସୁ ଉତର୍ ହିତାନ୍, “ମି ମାନ୍ ଆର୍‌ଝା କାଜିଂ ମସା ହେ ଲାକେ କିଜି ମାତାନ୍ । ମାତର୍ ଆଗେ ଉର୍‌ଜାଣ୍ ଝେଡ଼ାଲିଂ ଏଲେଙ୍ଗ୍ ବିଦି ହିଲ୍‌ଝାତାଡ଼ ।”

୯ * “ମତର୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନେର୍‌କି ଜାର୍ ଡକ୍ତିଂ ଦାରି ଦସ୍‌ତ ପିସ୍ତ୍ର ବିନ୍ ବିସ୍ତେତାଂ ପିହ୍‌ନିଆକି ହିଜି ବିନ୍ କଗ୍‌ଲେଂ ବିବା କିତିସ୍, ହେଝାନ୍ ଦାରି ଆନାନ୍ ।”

୧୦ ଚେଲାର୍ ହେଝାନିଂ ଇଚାର୍, “କଗ୍‌ଲେ ହୁକେ ମାନାୟତିଂ ଜଦି ଇ ମାସ୍ତରୁ ମେହାବିଡ଼ା, ଲାଗିଂ ବିବା କିଝାକା ହାର୍ ।”

୧୧ ଜିସୁ ଉତର୍ ହିତାନ୍, “ଇ ହିକ୍ୟା ଝିଜାକାର୍ କାଜିଂ ସମାନ୍ ଆକାୟ । ଇସ୍‌ତ ତାଙ୍ଗ୍ ଇମ୍‌ଣାକାରିଂ ଇଦାଂ ହିୟାତାଡ଼ନ୍ନା, କେବଲ୍ ହେଝାର୍ ନେ ଇଦାଂ ଇଡ଼ଦେଂ ଆଡ଼ନାର୍ । ୧୨ ଇନାକିଦେଂକି ଇନେର୍ ଇନେର୍ ଆୟା ଗରବ୍‌ତାଂ ବେଜୁ ଆଜି ଜଲମ୍ ଆଡ଼ାଣ୍ଟା, ଆରେ ଇନେର୍ ଇନେର୍ ମାନାୟତାଂ ବେଜୁ କିୟାଡ଼ାଣ୍ଟା, ଆରି ଆରେ ଇନେର୍ ଇନେର୍ ସାଗେ ରାଜି କାଜିଂ ଜାର୍ ଜାର୍‌ତିଂ ବେଜୁ କିଡ଼ାଣ୍ଟା । ଇମ୍‌ଣାକାର୍ ଇଡ଼ଦେଂ ଆଡ଼ନାର୍, ହେଝାନ୍ ଇଚେନ୍ ।”

ଜିସୁ ହାରୁ ହିମ୍‌ଣାକାଂ ଆସିର୍‌ବାଦ୍ କିତାନ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ହିମ୍‌ଣାଂ ଜପି କେଇ ଇଡ଼ଜି ପାର୍ଡାନା କିଦେଙ୍ଗ୍ କାଜିଂ କେତେକ୍ ଲକୁ ହେଝାରିଂ ଜିସୁ ଲାଗେ ତାହିଝାତାଡ଼ । ହେ ଲକୁରିଂ ଚେଲାର୍ ଦାକା ହିତାର୍ । ୧୪ ମାତର୍ ଜିସୁ ଇଚାନ୍, “ହିମ୍‌ଣାକାଂ ନା ଲାଗେ ଝାଦେଙ୍ଗ୍ ହିଆର୍ । ହେଝାରିଂ ବାଦା ହିମାର୍ । ଇନାକିଦେଂକି ସାଗେ ରାଜି ଇମ୍‌ଣାକାର୍ ଇଝାର୍ ଲାକେ ହେଝାର୍‌ତି ।”

୧୫ ଆରେ ହେଝାର୍ ଜପି କେଇ ଇଡ଼ଜି ଆସିର୍‌ବାଦ୍ କିତି ପାଚେ ଜିସୁ ହେବେତାଂ ହାଚାନ୍ ।

ରକାନ୍ ମାଜାନ୍ ଦାଙ୍ଗ୍‌ଣେନ୍

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଦିନେକ୍ ରକାନ୍ ମାଜାନ୍ ଦାଙ୍ଗ୍‌ଣେନ୍ ଜିସୁ ଲାଗେ ଝାଜି ଝେନ୍‌ବାତାନ୍, “ଗୁରୁ ! ଝିଜ୍‌ଝି ଜିରୁନ୍ ପାୟାଦେଂ କାଜିଂ ଆନ୍ ଇମ୍‌ଣି ହାର୍‌ଦି କାମାୟ କିନାଙ୍ଗ୍ ?”

୧୭ ଜିସୁ ତାଙ୍ଗେଙ୍ଗ୍ ଇଚାନ୍, “ହାଦ୍ କାମାୟ ବିସ୍ତେ ନାଙ୍ଗ୍ ଇନେକିଦେଂ ଝେନ୍‌ବା ଆଦ୍‌ନାଦେରା ? କେବଲ୍ ଇସ୍‌ବର ନେ ହାର୍‌ଦାକାନ୍ । ହେଝାନ୍ତି ବଲ୍ ଝିଜୁ ମାନି କିତିସ୍, ଝିଜ୍‌ଝି ଜିରୁନ୍ ଲାବ୍ କିଦେଙ୍ଗ୍ ଆଡ଼ନାସ୍ ।”

୧୮ ହେଝାନ୍ ଝେନ୍‌ବାତାନ୍, “ଇମ୍‌ଣି ଝିଜୁ ବଲ୍ ?”

ଜିସୁ ଇଚାନ୍, “ନାର୍ ଅହ୍‌ମାଟ୍, ଦାରି କିମାଟ୍ । ଚରି କିମାଟ୍, ଇନେର୍ ବିରୁଦ୍‌ତ ମିର୍ ଦାବା କିମାଟ୍ । ୧୯ ଆବାଂ ଆୟାଙ୍ଗ୍ ଝାରି କିୟାଟ୍ ଆରି ମି ପାଡ଼ହାନିକାରିଂ ଜାର୍ ଲାକେ ଜିଉ ନଝାଟ୍ ।”

୨୦ ହେ ଦାଙ୍ଗ୍‌ଣେନ୍ ତାଙ୍ଗେଙ୍ଗ୍ ଇଚାନ୍, “ଇ ସବୁ ବଲ୍ ଆନ୍ ମାନି କିତାଂନ୍ନା । ନାଦାଂ ଆରେ ଇନାକା କିନି ଲଡ଼ା ?”

୨୧ ସୁଣାୟ କିଜି ଜିସୁ ହେଝାନିଂ ଉତର୍ ହିତାନ୍, “ଜଦି ଏନ୍ ହାର୍ ଆଦେଂ ମାନ୍‌କିନାୟ, ହାଲା, ନିନ୍‌ଦାଂ ସବୁ ଦନ୍ ପ୍ରସି ହେ ଟାକାଙ୍ଗ୍ ଅକ୍‌ତାରିଂ ଦାନ୍ କିୟା ।

ତା ଆଡ଼ିଷ୍ଟ ଏନ୍ ସାଗେତ ଦନ୍ ଲାବ୍ କିନାୟ । ଇ ଓଜୁ କିତିପାରେ ନା ପାରେ ପାରେ
ଖା ।”

୨୨ ମାତର୍ ଇ କାତା ଖେନ୍ଝି ଦାଙ୍ଗଣେନ୍ ଦୁକ୍ ଆଜି ହାଚାନ୍, ଇନାକିଦେଂକି
ହେଖାନ୍ ବେସି ମାଜାନ୍ ମାଚାନ୍ ।

୨୩ ଜିସୁ ତେଲାରିଂ ଇଚାନ୍, “ଆନ୍ ମିଙ୍ଗ୍ ହାତ୍‌ପା ଇଞ୍ଜନାଙ୍ଗା, ମାଜାନିଂ ସାଗେ
ରାଜିତ ହଣାକା ବେସି କସ୍ । ୨୪ ଆରେ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇସ୍‌ତ୍ ରାଜିତ
ମାଜାନ୍ ଲକୁ ହଣି ବାଟା ଇତିସ୍ ହୁଜାନି କାଣାତିଂ ଉର୍ ହଣାକା ଆଡ଼ଝା ।”

୨୫ ତେଲାର୍ ଇଦାଂ ଖେନ୍ଝି କାବା ଆଜି ଇଚାର୍, “ତେବେ ଇନେର୍ ମୁକ୍ତି ଆଦେଂ
ଆଡ଼ନାର୍ ?”

୨୬ ଜିସୁ ହେଖାରିଂ ସିଦା ହୁଡ଼ଜି ଇଚାନ୍, ଇଦାଂ “ମାନାୟତିଂ ପାକ୍ୟାତ ଆଡ଼ଝାକା,
ମାତର୍ ଇସ୍‌ତ୍ ପାକ୍ୟାତ ଓଜୁ ଆଡ଼ଝା ।”

୨୭ ଇଦାଂ ଖେନ୍ଝି ପିତର୍ ଇଚାନ୍, “ହୁଡ଼ା, ଆପେଂ ଓଜୁ ପିସି ନି ପାରେ ପାରେ
ଖାତାପ୍‌ନା । ଆପେଙ୍ଗ୍ ଇନାକା ଗାଟାନାପ୍ ।”

୨୮ ଜିସୁ ହେଖାରିଂ ଇଚାନ୍, “ଆନ୍ ମିଙ୍ଗ୍ ହାତ୍‌ପା ଇଞ୍ଜନାଙ୍ଗା, ପୁନି ଜୁଗ୍‌ତ
ଏରେକାଡ଼ଦ ମାନାୟ ମାଜି ଜାର୍ ଜାଜମାଲ୍‌ନି ଗାଦିତ କୁର୍‌ଚାନ୍, ହେ ଏରେକାଡ଼ଦ,
ନା ପାରେ ଖାତାଦେର୍ ଜେ ଏପେଙ୍ଗ୍, ଏପେଙ୍ଗ୍ ପା ବାର ତେଲାର୍ ଗାଦିତ କୁର୍‌ଚି
ଇସ୍‌ପାଲ୍‌ନି ବାର କୁର୍‌ମ୍‌ଜ ପି ରାଜ୍ କିନାଦେର୍ । ୨୯ ଆରି ଇନେର୍‌କି ନା ତର୍ କାଜିଂ
ଇଲ୍, କି ଟଣ୍ଡେନ୍ କି ତଣ୍ଡେଲ୍, କି ଆବା କି ଆୟା, ହିମଣା ଖାକ୍‌ଡ଼ା କି ତାରେନ୍
ପିହିନାନ୍, ହେଖାନ୍ ସହେ ଗୁଣ୍ ଆଦିକ୍ ପାୟାନାନ୍; ଆରି ଓଜୁଓଜି ଜିବୁନ୍ ଆଦିକାର୍
ଆନାନ୍ ।” ୩୦ * “ମାତର୍ ପର୍ତ୍ତମ୍‌ତ ମାନି ଆଦେକ୍ ଲକୁ ପାରେ ଆନାର୍ ଆରି ପାରେ
ମାନି ହେନି ଲକୁ ପର୍ତ୍ତମ୍‌ ଆନାର୍ ।”

୨୦

ଅଙ୍ଗୁର୍ ବାଡ଼ନି କୁଲିୟା

୧ “ସାଗେ ରାଜି ଇନେସ୍, ଇଦାଂ ଆରେ ର ଉତର୍‌ମୁଡ଼୍ ଖେନାଟ୍ । ର ମାନାୟ
ଦିନେକ୍ ନାଣାଙ୍ଗେ ତା ଅଙ୍ଗୁର୍ ବାଡ଼ଦ୍ କାମାୟ କିଦେଙ୍ଗ୍ କୁଲିୟାରିଂ ତେକ୍‌ତେଂ
ହତାନ୍ । ୨ ଆରେ ହେଖାନ୍ କୁଲିୟାର୍ ହୁକେ ଦିନେକ୍‌ତିଂ ର ଦିନ୍‌ନି ରୁଣ୍ ନାଟ୍‌ଚି
ହେଖାରିଂ ଜାର୍ ଅଙ୍ଗୁର୍ ବାଡ଼ଦ୍ ପକ୍‌ତାନ୍ । ୩ ତା ପାରେ ଦିନ୍‌ନଅ ଗଣ୍ଟା ଖେଡ଼ାଲିଂ
ବାଜାର୍‌ତ ହାଲ୍‌ଜି ହୁଡ଼ତାନ୍, ର କୁଦା ଲକୁ ପଲ୍ୟା ଆଜି ନିଲ୍‌ତାଣ୍ଟା ।” ୪ ହେଖାରିଂ
ହେଖାନ୍ ଇଚାନ୍, ଏପେଙ୍ଗ୍ ପା ନା ଅଙ୍ଗୁର୍ ବାଡ଼ଦ୍ ହାଲ୍‌ଜି କାମାୟ କିୟାଟ୍,
ମିଙ୍ଗ୍ ସମାନ୍ କୁଲି ହିଦନାଂ । ୫ ହେଖାର୍ ହାଲ୍‌ଜି କାମାୟତ ଲାଗାତାର୍ । ଦିନ୍
ବାଟା ଆରି ତିନ୍‌ଟା ଖେଡ଼ାଲିଂ ସମାନ୍ ହେ ଲାକେ ଆରେ କେତେକ୍ କୁଲିୟାରିଂ
ତାହିଝାଜି କାମାୟତ ଲାଗାୟ କିତାନ୍ । ୬ ମିଡ଼କାହାରେସ୍ ପାଞ୍ଚଟା ଖେଡ଼ାଲିଂ
ଆରେ ରଗ ବାଜାର୍‌ତ ହାଲ୍‌ଜି ହୁଡ଼ତାନ୍, ଆରେ କେତେକ୍ ଜାଣ୍ ନିଲ୍‌ତାଣ୍ଟା ।
ହେଖାରିଂ ଖେନ୍‌ବାଚାନ୍, “ଖେଡ଼ାବୁଡ଼ି କାମାୟ କିଝାଦାଂ ଇନେକିଦେଂ ପଲ୍ୟା ସମ୍‌
ନସ୍ କିନାଦେରା ?” ୭ ହେଖାର୍ ଉତର୍ ହିତାର୍, ଇନେର୍ ତ ମାଂ କାମାୟତ
କିୟକିଦଝାତାଣ୍ଟା । ହେଖାନ୍ ହେଖାରିଂ ଇଚାନ୍, ଆୟେଡ଼୍, ବାଟିଙ୍ଗ୍ ଏପେଙ୍ଗ୍
ଓଜୁକାଦେର୍ ନା ଅଙ୍ଗୁର୍ ବାଡ଼ଦ୍ ହାଲ୍‌ଜି କାମାୟ କିୟାଟ୍ ।

୮ “ହେ ଦିନ୍ ମିଡ଼କାହାରେସ୍ ଅଙ୍ଗୁର୍ ବାଡ଼ନି ହାଉକାର୍ ଗୁମୁସ୍‌ଆଙ୍ଗ୍ ଇଚାନ୍,
କୁଲିୟାରିଂ କୁକା । ଇମ୍‌ଣାକାର୍ ଓଜୁଜାଟାଂ ପାରେ କାମାୟ ହାଙ୍ଗ୍‌ତାଣ୍ଟା, ଆଗେ
ହେଖାରିଂ ହାଜିର ହିଆ । ୯ ହେବେଣ୍ଟାଂ ଇମ୍‌ଣାକାର୍ ପାଞ୍ଚଟା ଖେଡ଼ାଲିଂ କୁଲି କିଜି

ମାଗାର, ହେୱାର ୱାଜି ରଞ୍ଜାଙ୍ଗ ରଞ୍ଜାଙ୍ଗ ରୁପା ଟାକା ଗାଟାତାର ।” ୧୦ ଆରେ, ପର୍ତୁମ୍ ୱାଜି କିଜିମାଟି କୁଲିୟାର ୱାଜି ଆଦିକ୍ ଗାଟାନାପ୍ ଇଞ୍ଜି ବାବିକିତାର, “ମତର୍ ହେୱାର ପା ରଞ୍ଜାଙ୍ଗ ରଞ୍ଜାଙ୍ଗ ରୁପା ଟାକା ଗାଟାତାର । ୧୧ ହେୱାର ହେୱାଙ୍ଗ ଅଜି ହାଉକାର ବିରୁଦ୍ଧ ମାନଦୁକ୍ କିଜି ଇଚାର, ୧୨ ମୁକାହାରେସ୍ ପାଞ୍ଚିଟାତ କାମାୟ ହାଙ୍ଗଜି ମାନି କୁଲିୟାର ମତର୍ ରଗଣ୍ଟା କାମାୟ କିତାଣ୍ଟା । ଆସେଙ୍ଗ୍ ଇ କାରାତ ୱେଡ଼ାବୁଡି କିତାପ୍, ଇ ହାଜ୍ଜରି ହିନି ୱେଡ଼ା ହେୱାରିଂ ମାହୁଦାଂ ସମାନ୍ କିଡ଼ତାନ୍ ।” ୧୩ ହାଉକାର ହେୱାର ବିଡ୍ରେ ରକାନିଂ ଉତର୍ ହିଜି ଇଚାନ୍, “ଟଣ୍ଡେନ୍ ! ଆନ୍ ନିଂ ଅନ୍ୟାୟ କିଦ୍ୱାତାଂନା; ଏନ୍ ଇନାକା ନା ହୁଦାଂ ର ଟାକା କାଜିଂ ରାଜି ଆୱାଦାଂ ମାଗାୟ ? ୧୪ ନିନ୍ଦାଂ ଇମ୍ନାକା, ହେଦାଂ ଅଜି ହାଲା, ମାତର୍ ଇ ହାରିହାରା ଲକାଂ ପାନି ଲାକେ ହିଦେଂ କାଜିଂ ନା ମାନ୍ । ୧୫ ନା ଜାର୍ ଦନ୍ ଇନେସ୍ ହାର୍ ହେ ଏଲେଙ୍ଗ୍ କର୍ କିଦେଙ୍ଗ୍ ଇନାକା ନା ଆଦିକାର୍ ହିଲୁଡ଼ ? କି ଆନ୍ ଅଲପ୍ ଉଦାର୍ ଆତିଲେ ଏପେଙ୍ଗ୍ ୱିଜାଦେର୍ ନାଙ୍ଗ୍ ଆକର୍ ଆଦନାଦେର୍ ?”

୧୬ “ହେ ଲାକେ ପାଟେ ମାନି ମାନାୟ ପର୍ତୁମ୍ ଆନାର୍ ଆରି ପର୍ତୁମ୍ ମାନି ମାନାୟ ପାଟେ ଆନାର୍ ।”

ଜିସୁ ତା ହାକି ବିସ୍ତେ ତିନି ହର୍ କାଜିଂ ୱେର୍ଚାନ
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମ୍ତ ହାନି ହାସ୍ତ ବାର ଚେଲାରିଂ ର ଲାଗେ କୁକ୍ତି ଅଜି ବିନେ କିଜି ହେୱାରିଂ ଇଚାନ୍, ୧୮ “ହୁଡ଼ାଟ୍ ଆସେଙ୍ଗ୍ ଜିରୁସାଲମ୍ତ ହାନାସା । ହେବେ ମାନାୟ ମାଜି ମୁଡ଼୍ ମାପୁହେବାକିନାକାନ୍ ଆରି ଦରମ୍ ଗୁରୁର୍ କେଇଦ୍ ହେଲାୟ ଆନାନ୍ ହେୱାର୍ ହେୱାନିଂ ହାକି ତାଣ୍ଟୁ ହିନାର୍ । ୧୯ ତା ପାଟେ ପାଟି କିଞ୍ଜି ଜିହୁଦିର୍ କେଇଦ୍ ପିସ୍ତ୍ର ହିନାର୍ । ପାଟି କିଞ୍ଜି ଜିହୁଦି ତାଙ୍ଗ୍ ଗୁଇନାର୍, କରତା ଇଡ଼ନାର୍ ଆରି କୁସ୍ତ ଦୁପନାର୍ । ମାତର୍ ତିନି ଦିନ୍ ପାଟେ ହେୱାନ୍ ଆରେ ନିଙ୍ଗନାନ୍ ।”

ର ଆୟାତି ଗଞ୍ଜାରି
(ମାର୍କ ୧୦:୩୫-୪୫)

୨୦ ଇ ୱେଡ଼ାଲିଂ ଜେବ୍ଦିତି ଡକୁହି ତା ରି ମେହିର୍ ହୁକେ ଜିସୁ ତାକେ ୱାଜି । ଜିସୁଙ୍ଗ୍ ଜଞ୍ଜାର୍ କିଜି ତାଙ୍ଗ୍ ଅଲପ୍ ଏଡ଼ାଡ଼ ।

୨୧ ଜିସୁ ହେଦେଲିଂ ୱେନ୍ବାତାନ୍, “ଇନାକା ମାନ୍ କିନାୟା ?” ହେଦେଲ୍ ଇଚାଡ଼, “ଏନ୍ ଏଚେକାଡ଼ଦ୍ ମି ରାଜିତ ରାଜା ଆନାୟ, ନା ଇ ରି ହିମ୍ନାକାଂ ନି ବୁଜ୍ଜି ଆରି ତେବ୍ରି ପାଡ଼କା କୁଚିକିନାୟ ଇଞ୍ଜି ବଲ୍ ହିଦା ।”

୨୨ ଜିସୁ ଜେବ୍ଦି ରିୟାର୍ ମାଜିରିଂ ଉତର୍ ହିଚାନ୍, “ଏପେଙ୍ଗ୍ ଇନାକା ଏନ୍ନାଦେରା, ହେଦାଂ ପୁନୁଦେରା । ଆନ୍ ଦୁକ୍ ବଗ୍ନି ବାହାତ ଉଣ୍ଡେଙ୍ଗ୍ ହାନାଙ୍ଗା ? ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ଼ନାଦେର୍ ?”

ହେୱାର୍ ତାଙ୍ଗ୍ ଇଚାର୍, “ଆଡ଼ନାପ୍ ।”

୨୩ ଜିସୁ ହେୱାରିଂ ଇଚାନ୍, “ଏପେଙ୍ଗ୍ ନା ଦୁକ୍ ବଗ୍ନି ବାହାତ ଉଣାକା ସଡ଼, ମାତର୍ ନା ତିନାବାଗାଙ୍ଗ୍ ଆରି ତେବ୍ରି ବାଗାଙ୍ଗ୍ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ଆକାୟ, ଇଚିସ୍ ଇମ୍ନାକାର୍ କାଜିଂ ନା ଆବା କାଜିଂ ବାହା ଜାଲ୍ଦି କିୟା ଆତାଡ଼ନ୍ନା, ହେୱାର୍ କୁଚ୍ଚନାର୍ ।”

୨୪ ବିନ୍ ଦାସ୍ ଜାଣ୍ ଇଦାଂ ୱେନ୍ଞି ହେ ଟଣ୍ଡରିୟାର୍ ଜପି ରିସା ଆତାର୍ ।

୨୫ *ମାତର୍ ଜିସୁ ଚେଲାରିଂ ଲାଗେ କୁକ୍ତି ଇଚାନ୍, “ପାଟି କିଞ୍ଜି ଜିହୁଦିର୍ ସାସନ୍ କାରିୟାର୍ ହେୱାର୍ ଜପି ରାଜକିନାର୍ ଆରି ଗାଜା ମୁଣିକାର୍ ହେୱାର୍ ଜପି ୱିଜୁ ।”

☆ ୨୦:୨୫ ୨୦:୨୫ ଲୁକ ୨୨:୨୫,୨୬.

ରାଜକିନାର, ଇଦା° ଏପେଙ୍ଗ ପୁନାଟ୍ ।” ୨୬ *“ମି ବିତ୍ତେ ହେ ଲାକେ ଆକାୟ୍, ମାତର୍ ମି ବିତ୍ତେ ଜେ ଇନେର୍ ଗାଜା ଆଦେ° ମାନ୍ କିନାନ୍, ହେଝେନ୍ ମି ହେବା କିନାକାନ୍ ଆୟେନ୍, ୨୭ ଆରେ ଇନେର୍କି ମୁଡ୍ ଆଦେ° ଇଚା କିନାନ୍, ହେଝେନ୍ ମି ହଲ୍ୟା ଆୟେନ୍, ୨୮ ଇନେସ୍ ମାନାୟ୍ ମାଜି ହେବା ପାୟା ଆଦେ° ୱାଝାତାନ୍ନା, ମତର୍ ହେବା କିଦେଙ୍ଗ ଆରି ହେନି କାଜି° ମୁକ୍ତାୟ୍ କିନି ମୁଲ୍ଲାକେ ଜିବୁନ୍ ହିଦେ° ୱାତାନ୍ନା ।”

ଜିସୁ ରିୟାର୍ କାଣାରି° ଉଜ୍ କିତାନ୍
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ହେଝାର୍ ଜିରିହ୍ ବସ୍ତିତ ହସି ହାନି ୱେଡାଲି° ବେସିହେନି ମାନାୟାର୍ ତା ପାଚେ ପାଚେ ହାଚାର୍ । ୩୦ ଆରେ ହୁଡାଟ୍, ହାଜି କଚଣ୍ ରିୟାର୍ କାଣାର୍ ଜିସୁ ହେ ହାଜି ହାନାନା ଇଞ୍ଜି ୱେନ୍ଞି ଗାଜା କାଟ୍ କିଜି ଇଚାର୍, “ଏ ମାପୁ, ଦାଉଦ୍ ମେହି, ମାଙ୍ଗେଙ୍ଗ ଦୟା କିଦା ।”

୩୧ ଲକୁ ମୁମ୍ଦ ହେଝାରି° ଦାକା କିଜି ଚିମ୍ପା ଆଦେ° ଇଚାର୍ । ମାତର୍ ହେଝାର୍ ଆରି ଚେରା ଆଜି ଇଚାର୍, “ଏ ମାପୁ ଦାଉଦ୍ ମେହି, ମାଙ୍ଗେ ଦୟା କିଦା ।”

୩୨ ହେବେତା° ଜିସୁ ନିଲ୍ଟି ହେଝାରି° ହିର୍ବିସ୍ ୱେନ୍ବାତାନ୍, “ଆନ୍ ମି କାଜି° ଇନାକା କିନାଙ୍ଗ ଇଞ୍ଜି ଏପେଙ୍ଗ ଇଚା କିନାଦେରା ?”

୩୩ ହେଝାର୍ ତାଙ୍ଗ ଇଚାର୍, “ଏ ମାପୁ, ଇନେସ୍ ମା କାଣଙ୍ଗା ଜେୟା ଆନାଟ୍ ।”

୩୪ ଆରେ, ଜିସୁ ଦୟା କିଜି ହେଝାର୍ କାଣଙ୍ଗା ତୁତାନ୍ ଆରି ହେ ଦାପ୍ରେ ହେଝାର୍ କାଣଙ୍ଗା ହୁଡ଼ଜି ଜିସୁ ପାଚେ ପାଚେ ତାଙ୍ଗଦେ° ଲାଗାତାର୍ ।

୨୧

ଜିରୁସାଲମ୍ତ ଜିସୁ ରାଜା ଲାକେ ହଶଗାତାନ୍
(ମାର୍କ ୧୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ହେ ପାଦ୍ନା ଜିସୁ ଆରି ଚେଲାର୍ ଜିରୁସାଲମ୍ କଚଣ୍ ବେଡପାଗି ନାସ୍ତା° ଏକାତାର୍ ହେ ପାଦ୍ନା ରିୟାର୍ ଚେଲାର୍ ଜିଡ଼ମାଡ଼ି ଏକାତାର୍ । ୨ ମି “ଲାଗେ ହେ ନାସ୍ତ ହାଲାଟ୍, ଆରେ ହାନିଲାଡେ ଗାଚ୍ୟା ଆଜି ମାନି ର ଗଦ ହିମ୍ଣା ଆରି ତା ଲାହାଙ୍ଗ ର ହିମ୍ଣା ହୁଡ଼ନାଦେର୍; ହେଝେକିୟାଙ୍ଗ ରିକ୍ଟି ନା କଚଣ୍ ତାହିଝାତୁ ।” ୩ ଆରେ, ଇନାଝାତା° ଇନେର୍ ମିଙ୍ଗେଙ୍ଗ ଇନାକା ଇନାର୍, “ଲାଗି° ଇନାଦେର୍, ଇଝାଙ୍ଗ ତାକେ ମାପୁ* ଲଡ଼ା ମାନାଟ୍ । ହେ ଦାପ୍ରେ ହେଝେନ୍ ହେଝେକିୟାଙ୍ଗ ପଙ୍ଗାନାନ୍ ।”

୪ ବେଶ୍ବାକ୍ଷାୟ୍ କିନାକାର୍ କାଜି° ଇଦା° ଇ ବଚନ୍ ଇନେସ୍ ପୁରା ଆନାଟ୍, ହେଦା° କାଜି° ଇଦା° ଗିଚା ଆତାଟ୍,

* “ସିୟନ୍ନି ଗାଡ଼ଚେ° ୱେଚାଟ୍,
ହୁଡା, ମି ରାଜା ନି କଚଣ୍ ୱାନାନା;

ହେଝାନ୍ ହୁଦାର୍ ଆରି ଗଦ ହିମ୍ଣା ଜପି କୁଚ୍ଚାନ୍ନା ଗଦ ଜପି କୁଚ୍ଚାକାନ୍ ।”

୬ ହେବେ ଚେଲାହିର୍ ହାଲ୍ଲଜି ଜିସୁଙ୍ଗ ବଲ୍ଲ ତାଙ୍ଗ କାମାୟ୍ କିତାର୍, ୭ ଆରେ ଗଦ ହିମ୍ଣା ତାସି ହେଝାଙ୍ଗ ଜପି ହେୟା ପାସ୍ସି ହିତାର୍, ଆରେ ଜିସୁ ତା ଜପି କୁଚ୍ଚାନ୍ । ୮ ଆରେ, ମାନାୟାର୍ ବିତ୍ତେ କେତେଜାଣ୍ ଜାର୍ ଜାର୍ ହେୟା ହାସ୍ସ ପାସ୍ସାର୍ ଆରି କେତେଜାଣ୍ ମାର୍ଦା° ତାଡ଼୍ କାଦ୍ଦି ତାସି ହାସ୍ସ ପାସ୍ସି ହିଦେ° ଲାଗାତାର୍ । ୯ ଆରେ ତା ଆଗେ ଆରି ପାଚେ ହାଲ୍ଲଜି ମାନି ମାନାୟାର୍ ଗାଜା କାଟ୍ତା° ଇଞ୍ଜେଙ୍ଗ ଲାଗାତାର୍,

* ୨୦:୨୭ ୨୦:୨୭ ମାଡ଼ିର ୨୩:୧୧; ମାର୍କ ୯:୩୫; ଲୁକ ୨୨:୨୭. * ୨୧:୩ ୨୧:୩ ମାପୁ; ନଲେ ହାଉକାର୍ ।

ହସାନ୍ନା “ଦାଉଦ୍‌ନି ହିମ୍‌ଶା ଦନ୍‌ୟବାଦ୍ କିୟାତ୍ ! ମାପୁ ତର୍‌ଦାଂ ଇନେର୍ ଖାନାରା, ହେଖେନ୍ ଦନ୍‌ୟ ମାପୁ କେରକଣ୍ ଆୟେତ୍ ।”

୧୦ ଆରେ, ହେଖେନ୍ ଜିରୁସାଲମ୍‌ତ ହଶ୍‌ଗାତାନ୍, ଗାଡ଼ନିକାର୍ ଇଖାନ୍ ଇନେନ୍ ଇଞ୍ଜି ବିଜ୍‌ବିଜ୍ ଆତାତ୍ ।

୧୧ ହେବେତାଂ ମାନାୟାର୍ ଇଚାର୍, “ଇଖେନ୍ ଗାଲିଲିନି ନାଜରିତ୍‌ତ ର ବେଶ୍‌ବାକ୍‌ଶାୟ୍‌କିନାକାନ୍ ଜିସୁ ।”

ଜିସୁ ମନ୍ଦିରତ ହାତାନ୍

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହନ୍ ୧:୧୩-୨୨)

୧୨ ପାଚେ ଜିସୁ ମନ୍ଦିରତ ହଶ୍‌ଜି ହେ ବାହାତ କଡ଼ନାକା ପ୍ରନାକାରିଂ ଖିଜାର୍ ମାନାୟାରିଂ ହପ୍‌ତାନ୍, ଆରେ ତାରୁଜ୍ ବେପ୍ରିୟାର୍‌ତି ପାଟା ଆରି ପାଣ୍ଡୁକା ବେପ୍ରିୟାର୍‌ତି କୁଡ଼ନି ବାହା ଉଲ୍‌ଗାୟ୍ କିତାନ୍, ୧୩ ଆରେ ଜିସୁ ହେଖାରିଂ ଇଚାନ୍, ଦର୍‌ମ ସାସ୍‌ପୁରତ ଲେକା ମାନାତ୍, “ମା ଇଲ୍ ପାର୍‌ତାନା ଇଲ୍ ଇଞ୍ଜି ପୁଟା ଆନାତ୍ ମାତର୍ ଏପେଜ୍ ତାଜେଜ୍ ଚର୍‌କୁ ଇଲ୍ କିତାଦେଶ୍‌ଣା ।”

୧୪ ଆରେ, ମନ୍ଦିରତ କାଶା ଆରି ହିରକଲ୍ ରଗି ମାନାୟ୍ ତା କଚଣ୍ ଖାତିଲେ, ହେଖେନ୍ ହେଖାରିଂ ଉଜ୍ କିତାନ୍ । ୧୫ ମାତର୍ ମୁତ୍ ମାପୁହେବାକିନାକାନ୍ ଆରି ଗୁରୁର୍ ତା କିତ କାବା ଆନି କାମାୟ୍ ସବୁ ଆରି ମନ୍ଦିର ବିତ୍ରେ ହସାନ୍ନା “ଦାଉଦ୍‌ନି ହିମ୍‌ଶା” ଇଞ୍ଜି ଗାଜା କାଟ୍ କିଜି ମାନି କାଡ଼ଦେରିଂ ହୁଡ଼ଜି ରିସା ଆତାନ୍ । ୧୬ ହେଖାର୍ ଜିସୁଜ୍ ଖେନ୍‌ବାତାର୍, “ଇଖାର୍ ଇନାକା ଇଞ୍ଜିନାରା, ଏପେଜ୍ ଖେନାଦେରା ?”

ଜିସୁ ହେଖାରିଂ ଇଚାନ୍, “ଆଁ, ଏନେଜ୍ ହିମ୍‌ଶା ଆରି ଉଶାକାର୍ ଖେଜ୍ କାଜିଂ ମିଦାଜ୍ ଇନାକା ଦର୍‌ମ ସାସ୍‌ପୁରତ ଲେକାତାତ୍‌ନା ପଡ଼ି କିଖାତାଜନା କି, ଏନ୍ ହିମ୍‌ଶାଂ ଆରି କଡ଼ଗେ ହିମ୍‌ଶାକାଂ ଆଦିକ୍ ଖାରି କିଦେଜ୍ ହିକ୍ୟା ହିତାୟ୍‌ନା ?”

୧୭ ଇଦାଂ ଇଞ୍ଜି ଜିସୁ ହେଖାରିଂ ପିସ୍ତି ଜିରୁସାଲମ୍‌ତାଂ ହସି ବେଡ଼ନିୟା ହାଚାର୍ । ହେବେ ଜିସୁ ନାଶା ମାତାନ୍ ।

ଜିସୁ ତଗା ମାର୍‌ତିଂ ରାଶ୍ ହିତାନ୍

(ମାର୍କ ୧୧:୧୨-୧୪, ୨୦-୨୪)

୧୮ ହେ ଆକାତ୍ ନାଜିଂ ଜିସୁ ଜିରୁସାଲମ୍‌ତାଂ ଖାନିହିଂ ନାସ୍‌କି ଆତାନ୍ । ୧୯ ହାଜି କଚଣ୍ ର ତଗା ମାର୍ ମାଚାତ୍ । ଜିସୁ ତା ଲାଗାଂ ହାଲ୍‌ଜି ହେବେ ଆକିଂ ପିସ୍ତି ଆରି ଇନାକା ହୁଡ଼୍‌ଖାତାନ୍ । ଲାଗିଂ ଜିସୁ ମାର୍‌ତିଂ ଇଚାନ୍, “ଏନ୍ ଆରେ ମୁଡ଼କେ ପାଡ଼୍ ଆହ୍‌ମା ।” ହେ ଦାପ୍ରେ ତଗା ମାର୍ ଖାଜ୍‌ଜି ହାଚାତ୍ ।

୨୦ ଚେଲ୍‌ହିର୍ ଇଦାଂ ହୁଡ଼ଜି କାବା ଆଜି ଖେନ୍‌ବାତାର୍, “ତଗା ମାର୍ ଏଚେଚାଶ୍ ଖାଚ୍‌ଚାତ୍ ଇନେସ୍ ?”

୨୧ *ଜିସୁ ଉତର୍ ହିତାନ୍, “ଆନ୍ ମିଜେଜ୍ ହାତ୍‌ପା ଇଞ୍ଜିନାଜା, ଜଦି ମି ପାତ୍ ମାନାତ୍, ଆରେ ଏପେଜ୍ ପାତ୍ କିଉଦେର୍, ଲାଗିଂ ଇ ତଗା ମାର୍ କାଜିଂ ଇନେସ୍ କିୟାଆତାତ୍‌ନା, କେବଲ୍ ଇନେର୍ ହେ ଲାକେ କିନାଦେର୍, ହେଦାଂ ଆକାୟ୍, ମତର୍ ଜଦି ଇ ମାଡ଼ିତିଂ ପା ଏନ୍ ନିଜ୍‌ଜି ହାମ୍‌ପୁରତ ହାଲ୍‌ଜି ଆରା ଇଞ୍ଜି ଇନାଦେର୍, ତା ଆତିସ୍ ହେଦାଂ ଗିଶା ଆନାତ୍ । ୨୨ ଆରେ, ପାତ୍ କିଜି ପାର୍‌ତାନାତାଂ ଇନାକା ପା ଏନ୍‌ନାଦେର୍ ହେ ସବୁ ପାୟାନାଦେର୍ ।”

ଜିସୁତି ଆଦିକାର୍ ବିସ୍ତେ ପର୍‌ସନ୍

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ପାଚେ ଜିସୁ ମନ୍ଦିରତ ହଣ୍ଡି ହିକ୍ୟା ହିନି ୱେଡାଲିଂ ମୁଡ୍ ମାପୁହେବା କିନାକାର ଆରି ମାନାୟାଚିତ୍ତ ବୁଡାଲୁର ତା କଚଣ୍ଡ ଖାଜି ୱେନ୍ଦବାତାର, ଏନ୍ “ଇମ୍ଫଣି ଆଦିକାରତାଂ ଇ ୱିଜୁ କିନାୟା ? ଆରେ, ନିଜେଙ୍ଗ୍ ଇନେର୍ ଇ ଆଦିକାର୍ ହିଡ୍ତାର୍ ?”

୨୪ ଜିସୁ ହେଝାରିଂ ଉତର୍ ହିତାନ୍, “ଆନ୍ ମିଜେଙ୍ଗ୍ କେବଲ୍ ର ପର୍ସନ୍ ଗଝାରି କିଦନାଙ୍ଗ୍ ହେ ଉତର୍ ହିଦେଂ ଆଡ୍ଡିସ୍, ଆନ୍ ଇମ୍ଫଣି ଆଦିକାର୍ ଇ ୱିଜୁ କାମାୟ୍ କିନାୟା, ମିଜେଙ୍ଗ୍ ୱେନ୍ଦନାଙ୍ଗ୍ । ୨୫ ବାପ୍ତିସ୍ମିମ୍ ହିନାକା ଆଦିକାର୍ ଜହନ୍ ଇନେର୍ତାଂ ଗାଟା ଆଜି ମାଚାନ୍ ? ସାଗେତାଂ କି ମାନାୟାଚିତ୍ ?”

ହେବେ ହେଝାର୍ ହେଝାର୍ ବିତ୍ରେ ବେଣ୍ଡକିତାର୍ “ଇ ବିସ୍ତେ ଇନାକା ଇନାସ୍ ? ଜଦି ଇନାସ୍ ଇସ୍ବରତାଂ, ଲାଗିଂ ଜହନ୍ତିଂ ଇନାକିଦେଂ ପାଚ୍ କିଉଦେରା ଇଞ୍ଜି ହେଝାନ୍ ମାଜେଙ୍ଗ୍ ୱେନ୍ଦବାଦାନାନ୍ । ୨୬ ମାନାୟାଚିତ୍ ଇଞ୍ଜି ଜଦି ଇନାସ୍, ଲାଗିଂ ମାନାୟାଚିତ୍ ମାଙ୍ଗ୍ ପାଣ୍ଡୁ ହୁଡ୍ନାତା, ଇନାକିଦେଂକି ୱିଜାର୍ ମାନାୟାଚ୍ ଜହନ୍ ରକାନ୍ ବେଣ୍ଡବାକ୍ଷାୟ୍ କିନାକାନ୍ ଇଞ୍ଜି ହେଝାର୍ ପାଚ୍ କିନାରା ।” ୨୭ ହେଦାଂ କାଜିଂ ହେଝାର୍ ଜିସୁ ଉତର୍ ହିଜି ଇଚାର୍, “ଆପେଂ ପୁନୁପ୍ ।”

ଜିସୁ ହେଝାରିଂ ଇଚାନ୍, “ଇନେର୍ ଆଦିକାରତାଂ ଇ ସବୁ କିନାୟା, ଆନ୍ ପା ମିଜେଙ୍ଗ୍ ୱେନ୍ଦୁଙ୍ଗ୍ ।”

ରିୟାର୍ ମାଜିର୍ ଉତର୍ମୁଡ୍

୨୮ “ମତର୍ ଏପେଙ୍ଗ୍ ଇନାକା ମାନେ କିୟା ? ରଝାନ୍ ମାନାୟାଚିତ୍ ରିୟାର୍ ମାଜି ମାଚାର୍ । ହେଝେନ୍ ପର୍ଡୁମ୍ କଚଣ୍ଡ ଖାଜି ଗାଜା ମାଜି ଇଚାନ୍, ମାଜି, ହାଲା, ନେଞ୍ଜେଙ୍ଗ୍ ଅଙ୍ଗୁର୍ ବାଡ୍ଡି କାମାୟ୍ କିୟା । ୨୯ ହେଝେନ୍ ଉତର୍ ହିତାନ୍, ନା ଇଚା ଆକାୟ୍, ମାତର୍ ପାଚେ ମାନ୍ଦବାଦଲାୟ୍ କିଜି ହାଚାନ୍ । ୩୦ ଆରେ, ଆବା ଆରେ ରକାନ୍ କଚଣ୍ଡ ଖାଜି ହେ ଲାକେ ଇଚାନ୍ । ହେଝାନ୍ ଉତର୍ ହିତାନ୍, ଗୁରୁ, ଆନ୍ ହାନାୟା, ମାତର୍ ହାଲ୍ଝାତାନ୍ । ୩୧ ଇନା, ଇ ରିୟାର୍ ମେହିର୍ ବିତ୍ରେ ଇନେର୍ ତା ଆବାତି ବଲ୍ ମାନି କିଜି ମାଚାନ୍ ?” ହେଝାର୍ ଇଚାର୍, “ଗାଜା ମେହି ।”

ଜିସୁ ହେଝାରିଂ ଇଚାନ୍, “ଆନ୍ ହାଡ୍ପା ଇଞ୍ଜନାୟା ସିସ୍ତୁନ୍ନାକାର୍ ଆରି ଦାରୁଲାର୍ ମିଜେଙ୍ଗ୍ ତାଙ୍ଗ୍ ଆଗେ ଇସ୍ବର ରାଜିତ ହଣାର୍ । ୩୨ ଇନାକିଦେଂକି ଜହନ୍ ମି କଚଣ୍ଡ ଦାମ୍ ନି ହାଜି ହିଜି ୱାତାନ୍, ଆରେ ଏପେଙ୍ଗ୍ ତାଜେଙ୍ଗ୍ ପାଚ୍ କିଝାତାଦେର୍, ମତର୍ ସିସ୍ତୁନ୍ନାକାର୍ ଆରି ଦାରୁଲାର୍ ତାଜେଙ୍ଗ୍ ପାଚ୍ କିଚାର୍, ମାତର୍ ଏପେଙ୍ଗ୍ ଇନେସ୍ ତାଜେଙ୍ଗ୍ ପାଚ୍ କିଦେଙ୍ଗ୍ ଆଡ୍ଡିନାଦେର୍, ଇଦାଂ କାଜିଂ ହେଦାଂ ହୁଡ୍ଡି ପା ମାନ୍ଦବାଦଲାୟ୍ କିଝାତାଦେର୍ ।”

କାମ୍ଫଲିୟା ଅଙ୍ଗୁର୍ ବାଡ୍ଡି ବାଗ୍ ଉତର୍ମୁଡ୍
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ଆରେ ର ଉତର୍ମୁଡ୍ ୱେନ୍ଦାର୍ । ରଝାନ୍ ଇଲ୍ ହାଉକାର୍ ମାଚାନ୍, ହେଝାନ୍ ର ଅଙ୍ଗୁର୍ ବାଡ୍ଡି କିଜି ଚାରିବେଣ୍ଡାଂ ବାଡ୍ଡି ଡ୍ବରଚାନ୍ ଆରି ହେ ବିତ୍ରେ ଅଙ୍ଗୁର୍କୁଣ୍ଡି କାଚ୍ ମାଚା ରଚ୍ଚାନ୍, ଆରେ କାମ୍ଫଲିୟାଚିତ୍ ହେ ବାଡ୍ଡି ବାଗ୍ ହିଜି ବିଦେସ୍ ହାଚାନ୍ ।

୩୪ ପାଚେ ପାଡ୍ଡି ସମ୍ଫୁ ଲାଗେ ଖାତିଲେ, ହେଝାନ୍ ଜାର୍ ପାଡ୍ ଗାଟାଆଦେଂ କାଜିଂ କାମ୍ଫଲିୟାର୍ ଲାଗାଂ ଜାର୍ ଆଡ୍ଡିୟାଚିତ୍ ପକ୍ତାନ୍ । ୩୫ ମାତର୍ କାମ୍ଫଲିୟାର୍ ହେଝାନ୍ ଆଡ୍ଡିୟାଚିତ୍ ଆସ୍ତି ରକାନ୍ ଟ୍ରାକ୍ତାର୍, ଆରେ ରକାନ୍ ଅସ୍ତାର୍, ଆରେ ରକାନ୍ କାଲ୍କୁ ଇଡ୍ଡି ଅସ୍ତାର୍ । ୩୬ ଆରେ ରଗ ବାଡ୍ଡି ମାଲିକ୍ ହିଗ୍ଦତାଂ ବେସିହେନି ଆଡ୍ଡିୟାଚିତ୍ ପକ୍ତାନ୍, ଆରେ ବାଗ୍ କାମ୍ଫଲିୟାର୍ ହେଝାର୍ ହେଝାର୍ କାଜିଂ ହେ ଲାକେ କିଚାର୍ ।

୩୭ ମାତର ନା ମେହିଙ୍କ ହେୱାର ମାନି କିନାର, ଇଦାଂ ଇଞ୍ଜି ଓସ୍ତୁହିଙ୍କ ହେୱାନ ପାତେ ଜାର ମାଜି ହେୱାର ତାକେ ପକ୍ତାନ ।”

୩୮ “ମତର ହେ କାମଲିୟାର ମେହିଙ୍କ ହୁଡ଼ଜି ରଖାନ ଆରେ ରଖାନିଂ ଇଚାର, ‘ଇଖାନ ହୁଡ଼ାଟ୍ ହାଉକାର ମେହି; ଖାଡୁ, ଇଖାନିଂ ଅଜି ଆସେଙ୍କ ଇଖାଡ଼ି ଆଦିକାର କେଇଦ ଅନାସ୍ ।’ ୩୯ ହେବେ ହେୱାର ହେୱାନିଂ ଅଜି ଅଙ୍ଗୁର ବାଡ଼ନି ବାର୍ତ୍ତ ତୁଇଜି ଅସ୍ତାର ।

୪୦ ଜିସୁ ଖେନ୍‌ବାତାନ, ଏଚେକାଡ଼ଦ ହେ ଅଙ୍ଗୁର ବାଡ଼ନି ହାଉକାର ଖାନାନ, ହେୱାଡ଼ାଂ ହେ କାମଲିୟାର କାଜିଂ ହେୱାନ ଇନାକା କିନାନ ?”

୪୧ ହେୱାର ହେୱାନିଂ ଇଚାର “ହେୱାନ ହେ ବାନିୟାରିଂ ହେୱାନ ହାତେନେ ଅହନାର ଆରି ଇମ୍‌ଣି ବିନ୍ ବାଗ୍ କାମଲିୟାର ହେୱାନିଂ ସମାନ ସମୁତ ବାଗ୍‌ନି ପାଡ଼ ହିନାର, ହେୱାରିଂ ଅଙ୍ଗୁର ବାଡ଼ ବାଗ୍ ହିନାନାନ ।”

୪୨ ଜିସୁ ହେୱାରିଂ ଇଚାନ, “ଏପେଙ୍କ କି ଇନାଖାଡ଼ାଂପା ଦରମ୍ ସାସ୍ତରତ ଇ କାତା ପଡ଼ି କିଖାତାଦେଣ୍ଟା,

‘ଇଲ୍ ରଚନାକାର ଇମ୍‌ଣି କାଲ୍‌ଦିଂ ମୁନାକିତାନ,

ହେଦାଂ କନାନି ମୁଡ଼କାଲ୍ ଆତାଡ଼;

ମାପୁତାଂ ଇଦାଂ ଆତାଡ଼,

ଆରେ ହେଦାଂ ମା କାଣ୍‌କୁତ କାବାଆନାକା ?”

୪୩ ଇଦାଂ କାଜିଂ ଆନ୍ ମିଜେଙ୍କ ଇଞ୍ଜନାଙ୍ଗା, ଇସ୍ତୁତ ରାଜି ମିତାଙ୍କ ଉନ୍‌ଦିୟାନାଡ଼, ଆରେ ଇମ୍‌ଣି ଜାତି ହେବେନି ପାଡ଼ ଆହନାଡ଼, ହେୱାନିଂ ହିୟାନାଡ଼ ।

୪୪ ଆରେ, ଇନେର୍ ଇ କାଲ୍ ଜପି ଆନାର୍, ହେୱାନ ବିରାଆନାନ, ଆରେ ଇ କାଲ୍ ଇନେର୍ ଜପି ଆନାର୍, ହେୱାନିଂ ହେଦାଂ ବିରାୟ କିନାଡ଼ ।”

୪୫ ମୁଡ଼ମାପୁହେବାକିନାକାର ଆରି ପାରୁସିର୍ ଜିସୁତି ଇ ସବୁ ଉତରମୁଡ଼ ଖେନ୍‌ଞ୍ଜି, ଜିସୁ ଜେ ହେୱାର ବିସ୍ତେ ଇଚ୍‌କାଡ଼ କିତାଣ୍ଟା ଇଞ୍ଜି, ବୁଜାଆତାର । ୪୬ ଆରେ, ହେୱାର ହେୱାନିଂ ଆସ୍ତେଙ୍କ ସେସ୍ତା କିତାର, ମାତର ମାନାୟାରିଂ ପାଣ୍ଡାତାର, ଇନାକିଦେଂକି ହେୱାର ହେୱାନିଂ ବେଶ୍‌ବାକ୍‌ଶାୟ କିନାକାନ ଇଞ୍ଜି ମାନି କିଜି ମାଚାର ।

୨୨

ବିବା ବଜିନି ଉତରମୁଡ଼,

(ଲୁକ ୧୪:୧୫-୨୪)

୧ ଜିସୁ ଆରେ ରଗ ଉତରମୁଡ଼ ହୁକେ ଲକୁରିଂ ହିକ୍ୟା ହିତାନ, ୨ “ସାଗେ ରାଜି ଏଲେଙ୍କ, ରକାନ ରାଜା ମାଚାନ, ଇନେରକି ଜାର ମାଜିଡ଼ି ବିବା ବଜି ଜାଲ୍‌ଦି କିତାନ, ୩ ଆରେ ହେ ବଜିତ କୁକ୍ୟାତି ଲକାରିଂ କୁକ୍‌ଚି ତାତେଙ୍କ ଇଞ୍ଜି ହେୱାନ ହେ ଆଡ଼ିୟାରିଂ ପକ୍ତାନ, ମାତର ହେୱାର ଖାଦେଙ୍କ ମାନ କିଖାତାର । ୪ ଆରେ ରଗ ହେୱାନ ବିନ୍ ଆଡ଼ିୟାରିଂ ପକ୍‌ଚି ବଲ୍ ହିତାନ, କୁକ୍‌ଚି ଲଗାଂ ଇନାଟ୍, ହୁଡ଼ାଟ୍, ‘ଆପେଂ ମା’ ବଜି ଜାଲ୍‌ଦି କିତାପନ୍ନା, ମା ସଣ୍ଡ ଆରି ଦୁମାଂ ଅହରିଙ୍କ ପାଗତାପନ୍ନା, ଓଡ଼ୁ ଜାଲ୍‌ଦି ଆତାଡ଼ନ୍ନା, ଏପେଙ୍କ ବିବା ବଜିତ ଖାଡ଼ୁ ।” ୫ “ମାତର କୁକ୍ୟାତି ମୁଣିକାର ଇ କାତାତିଂ ମାନିକିଖାଦାଂ ଜାର ଜାର କାମାୟ କିଦେଙ୍କ ଲାଗାତାର ରଖାନ ତା ବୁମିତ ହାଚାନ, ଆରେ ରଖାନ ଦୁକାଣତ ହାଚାନ ଆରି, ୬ ଆରେ କେତେକ୍ ଜାଣ ରାଜାତି ଆଡ଼ିୟାରିଂ ଆସ୍ତି ଅସ୍‌ପାତାର । ୭ ରାଜା ରିସା ଆଜି ମେଲ୍ୟାରିଂ ପକ୍ତାନ । ହେୱାର ହେ ନାର ମାରୁରିଂ ଅଜି ହେୱାରତି ବସ୍ତିତିଙ୍କ ନିସ୍‌ତ ମେହାୟ କିତାର ।” ୮ ତା ପାତେ ରାଜା ଆଡ଼ିୟାରିଂ କୁକ୍‌ଚି ଇଚାନ, “ବିବା ବଜି ଜାଲ୍‌ଦି, ମାତର ଆନ୍ କୁକ୍‌କାର

ଝାଦେଇଁ କାଝାତାର ।”^{୯୮} “ଲାଗିଂ ରାଜତାଣ୍ଡନି ତେଡ଼ା ତେଡ଼ା ହାଲୁଜି ଏଚେକ୍ ଲକାଂ ହୁଡ଼ନାଦେର୍, ଝିଜାକାରିଂ ମା ବଜିତ କୁକ୍ତି ତାହିଝାଡୁ ।”^{୯୯} ଲାଗିଂ ଆଡ଼ିୟାର ପାଟି ପାଟିତିଂ ବୁଲାଆଜି ହାର ଆଏଡ଼ କି, ବାନ୍ୟା; ଏଚେକ୍ ଲଗାଂ ହୁଡ଼ତାର, ଝିଜାକାରିଂ କୁକ୍ତି ତାହିଝାତାର ଆରି ବିବା ଇଞ୍ଜ ବାତ କିତାର ।

^{୧୦} “ରାଜା ଗତାକାଂ ହୁଡ଼ଦେଂ ଝାତାନ । ହେଝାନ ହୁଡ଼ତାନ, ହେଝାର ବିତ୍ତେ ରଝାନ ବିବା ହେନ୍ଦ୍ରା ଉସ୍ପା ଝାଦାଂ ମାନି ରଝାନିଞ୍ଜ ହୁଡ଼ଜି ହେଝାନିଞ୍ଜ ଇଚାନ ।
^{୧୧} ରାଜା ହେଝାନିଂ ଝେନ୍ଦବାତାନ, ‘ବନ୍ଧୁ, ବିବା ଇଲ୍ଲ ହେନ୍ଦ୍ରା ଉସ୍ପାଝାଦାଂ ଇବେ ଝାତାୟ ଇନେସ୍ ?’ ମାନାୟ ଉତର ହିଝାଦାଂ ଚିମ୍ବରା ଆତାନ ।
^{୧୨} *ରାଜା ଆଡ଼ିୟା ଝେଡ଼ଚାନ, ତା କେଇକାଲ୍ ଗାଟି ବାଟି ମାଜଗାତ ତୁହିୟାଟ୍ । ହେବେ ଆଡ଼ବିସ୍ ଗତାଞ୍ଜ ରେତିକିନାନ ।”

^{୧୩} ଜିସୁ ଝିସ୍ତ୍ରୁହିଞ୍ଜ ଇଚାନ, ଆଦିକ୍ କୁକ୍ୟାତାର, “ମାତର୍ ଅଲପ୍ ବାଚିକିୟାତାକାର ।”

ହିନି ବିସ୍ତେ

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

^{୧୪} କେଡ଼ଜାଣ୍ ପାରୁସିର୍ ହାଲୁଜି ଜିସୁଞ୍ଜ ପରସନ୍ ଝେନ୍ଦବିସ୍ ହେଝାନିଂ ଡ଼କ୍ତାତ ରାଡ଼ତେଂ ଇଞ୍ଜି ଉପାୟ ପାଟି କିତାର ।^{୧୫} ହେଝାର ନିଜାର କେଡେକ୍ ଜାଣ୍ ଚେଲାରିଂ ଆରି ହେରଦିୟା ଦଲ୍ଲନି କେଡେକ୍ ଜାଣ୍ ମାନାୟତିଂ ଜିସୁ ଲାଗେ ପକ୍ତାର, ହେଝାର ଝେନ୍ଦବାତାର “ଏ ଗୁରୁ ଆପେଂ ପୁତାପନ୍ନା, ଏନ୍ ସଡ଼ କାତା ଇନାୟ ଇସ୍ବର୍ ହାଡ଼ପା ବିସ୍ତେନି ହାଜି ସିକ୍ୟା ହିତାୟନା । ଆରେ ଇନେରିଂ ପାଣ୍ଡା ଆଉୟ, ଇନାକିଦେଂକି ଏନ୍ ମାନାୟତିଂ ମୁକ୍ତମେଟ୍ ହୁଡ଼ୟୁ ।^{୧୬} ଲାଗିଂ ମାଞ୍ଜ ଝେଡ଼ଚା, ନି ଇନାକା ଇନାକା ? କାଇସର୍ତିଂ ସିସ୍ତ୍ରୁ ହିନାକା ବିଦି ମାନାଡ଼ କି ଆକାୟ ?”

^{୧୭} ମାତର୍ ଜିସୁ ହେଝାର୍ତି କୁଟ୍ ପୁଞ୍ଜି ମାଚାନ । ଲାଗିଂ ହେଝାନ ଇଚାନ, “ଆଡେ କାପଟିୟାର, ନାଞ୍ଜ ଡ଼କ୍ତାତ ରାଡ଼ତେଦେଂ ଇନେକିଦେଂ ସେସ୍ତୁ କିନାଦେରା ?^{୧୮} ଇମଣି ଟାକାଂ ହିନାଦେରା, ହେବେଣ୍ଡାଂ ରଞ୍ଜୁ ତାସି ଚଟଟାଟ୍ ।

ହେଝାର ରଞ୍ଜୁ ଅଦନି ତାସି ତାଞ୍ଜେଞ୍ଜ ହିତାର ।”^{୧୯} ଜିସୁ ହେଝାରିଂ ଝେନ୍ଦବାତାନ, “ଇ ଅଦନି ଜପି ଇନେରତି ତର୍ ଆରି ପୁଡ଼ଡ଼ା ରଚ୍ୟା ଆତାଡ଼ନ୍ନା ।”

^{୨୦} ହେଝାର ଉତର ହିତାର, “କାଇସର୍ତି ।”

ଜିସୁ ହେଝାରିଂ ଇଚାନ, “ଡେବେ ଇମ୍ଣାକା ରମ୍ଡି, ହେଦାଂ ରମ୍ଡି ହିୟାଟ୍, ଆରି ଇମ୍ଣାକା ଇସ୍ବଟ୍, ହେଦାଂ ଇସ୍ବର୍ତି ହିୟାଟ୍ ।”

^{୨୧} ଇଦାଂ ଝେନ୍ଦଞ୍ଜି ହେଝାର, କାବା ଆଜି ହାଚାର୍ ।

ଆରେ ନିଞ୍ଜନି ବିସ୍ତେ ପରସନ୍

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

^{୨୨} ହେ ଦିନ୍ ସାଦୁକି କୁଦାନି କେଡେକ୍ ଜାଣ୍ ଜିସୁ ତାକେ ଝାତାର । ସାଦୁକିର୍ ପାଟ କିଜି ମାଚାର୍ ଜେ, ଆରେ ନିନାକା ଆକାୟ ।^{୨୩} ହେଝାର ଜିସୁଞ୍ଜ ଝେନ୍ଦବାତାର, “ଗୁରୁ, ମସା ଇଞ୍ଜାନ୍ନା ଜେ, ଜଦି ରଝାନ ମାନାୟ ହିମ୍ଣାଝାକଡ଼ା ଆଝାଦାଂ ହାଡିସ୍, ବାଟିଞ୍ଜ ତା ଚଣ୍ଡେନ୍ ହେ ରାଣ୍ଡିଞ୍ଜ ବିବା କିନାନ ଆରି ହେଝାର୍ତି ହିମ୍ଣାଂ ହେ ହାଡି ଲକ୍ତ ମାଜିର୍ ଇଞ୍ଜି ଇନ୍ୟା ଆନାର ।^{୨୪} ଝେନାଟ୍, ମା ବିତ୍ତେ ସାଡ଼ ବାୟ ଟଣ୍ଡାର ମାଚାର୍, ଗାଜା ଟଣ୍ଡେନ୍ ବିବା କିଜି ହାତାନ, ହିମ୍ଣାଝାକଡ଼ା ହିଲ୍ଡିତିଲେ ଜାର ଟଣ୍ଡେନ୍ କାଜିଂ ଜାର୍ କଗଲେଂ ପିସ୍ତାନ ।^{୨୫} ମାତର୍ ରିୟାର୍, ତିନ୍ ଜାଣ୍ ଆରି ହାରିହାରା ସାଡ଼ ଟଣ୍ଡାର ପା ହେ ଲାକେ ବିବା କିତାର ।^{୨୬} ହାରିହାରା ହେ କଗଲେ

* ୨୨:୧୩ ୨୨:୧୩ ମାଡ଼ିଭ ୮:୧୨; ୨୫:୩୦; ଲୁକ ୧୩:୨୮.

ପା ହାତାଡ଼ । ୨୮ ଇମଣି ଦିନ୍ ହାତି ମୁଣିକାର୍ ଆରେ ନିଂନାର୍, ଇ କଗଲେ ଇନେର୍ ତକ୍ତି ଇଞ୍ଜି ଇନଧା ଆନାଡ଼ ? ଓଜାକାର୍ ତ ତାଙ୍ଗ୍ ବିବା କିଜି ମାତାର୍ ।”

୨୯ ଜିସୁ ହେଝାରିଂ ଉତର୍ ହିତାନ, “ଏପେଙ୍ଗ୍ ବାୟା କାଦେର୍ । ସାସ୍ତର୍ କି ଇସ୍ତର୍ ସାକ୍ତି ବିସ୍ତେ ମିଦାଙ୍ଗ୍ ଇଚ୍ଚକାଡ଼୍ ହିଲ୍ଲୁଞ୍ଜି କାଜିଂ ଇ କାତା ପୁନ୍‌ଝା ତାଦେଣ୍ଟା । ୩୦ ଆରେ ନିଂନିତ ପାଚେ ହାତି ଲକ୍ତୁ ହେଝାର୍ ସାଗେନି ଦୁଡ଼ ଲାକେ ଆନାର୍ । ହେଝାର୍ ବିବା ଆଉର୍ କି ବିବା କିଉର୍ । ୩୧ ହାତି ମୁଣିକାର୍ ଆରେ ନିଂନି ବିସ୍ତେ ଇସ୍ତର୍ ସାସ୍ତର୍ ଝେଡ଼ଚାତାନ୍ନା, ଏପେଙ୍ଗ୍ ଇନାକା ବାଇବଲ୍‌ତ ଇନାଝାଡ଼ାଂ ପତି କିଝାତାଦେଣ୍ଟା ?” ୩୨ ଇସ୍ତର୍ ଇଞ୍ଜାନା, ଆସେଙ୍ଗ୍ ଅବାହାମ୍, ଇସହାକ୍, ଆରି ଜାକୁବତି ଇସ୍ତର୍ । ଇସ୍ତର୍ ତ ଜିତାକାତର୍ ଇସ୍ତର୍ ହାତାକାତର୍ ଆଦେଂ ଆଡୁନ୍ ।

୩୩ ଲକ୍ତୁ ଜିସୁତି ହିକଧା ଝେନ୍‌ଞ୍ଜି କାବା ଆତାର୍ ।

ମୁଡ଼୍ ବଲ୍

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏଚେକାଡ଼୍‌ଦ ପାରୁସିର୍ ଝେଚାର୍ ଜେ ଜିସୁ ସାଦୁକିରିଂ ଉତର୍ କିୟକିଝାତାନ୍‌ଦେ, ହେଝାର୍ ରୁଣ୍ଟା ଆଜି ଜିସୁ ଲାଗେ ଝାତାର୍ ୩୫ ଆରି ହେଝାର୍ ବିତ୍ତେ ରକାନ୍ ଦରମ୍ ସାସ୍ତର୍ ଜିସୁଙ୍ଗ୍ ତକ୍ତାତ ରାଡ଼ତେଂ ଇଞ୍ଜି ର ପରସନ୍ କିତାନ୍, ୩୬ “ଏ ଗୁରୁ,” ମସାତି ବିଦିତ “ଇମଣି ବଲ୍ ଓଜେଡ଼ିଂ ମୁଡ଼୍‌ଦାକା ।”

୩୭ ଜିସୁ ହେଝାନିଂ ଇଚାନ, “ନି ମାପୁ ଇସ୍ତର୍ତିଂ ଓଜୁ ଝାସ୍ତି, ଓଜୁ ପାରାଣ୍ ଆରି ଓଜୁ ମାନ ହିଜି ଜିଉନଝାଡ଼୍ । ୩୮ ଇଦାଂ ନେ ପର୍ଡୁମ୍ ଆରି ମୁଡ଼୍ ବଲ୍ ।” ୩୯ “ରିଣ୍ଟାଙ୍ଗ୍ ମୁଡ଼୍ ବଲ୍ ଆନାତା, ମି ପାଡ଼ହା ଇଞ୍ଜାକାରିଂ ଜିରୁନ୍ ଲାକେ ଜିଉନଝାଡ଼୍ । ୪୦ ଇ ରିଣ୍ଟି ବଲ୍ ମସାତି ଓଜୁ ବିଦି ଆରି ବେଣ୍‌ବାକ୍‌ଶାୟକିନାକାତର୍ ସିକଧାତ ବାସର୍ କିନାଡ଼୍ ।”

କ୍ରିସ୍ତୁ ମସିୟା ଆନାନ୍

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏଚେକାଡ଼୍‌ଦ ପାରୁସିର୍ ରୁଣ୍ଟାଆତି ଝେଡ଼ାଲିଂ ଜିସୁ ହେଝାରିଂ ଝେନ୍‌ବାତାନ୍, ୪୨ “କ୍ରିସ୍ତୁ ଇଚିସ୍ ମସିୟା ତା ବିସ୍ତେ ଏପେଙ୍ଗ୍ ଇନାକା ବାବି କିନାଦେରା ? ହେଝାନ୍ ଇନେର୍ କୁଚୁମ୍ ?”

ହେଝାର୍ ଉତର୍ ହିତାର୍, “ହେଝାନ୍ ଦାଉଦ୍‌ତି ।”

୪୩ ଜିସୁ ଝେନ୍‌ବାତାନ୍, “ତା ଆତିସ୍ ଦାଉଦ୍ ମସିୟାଙ୍ଗ୍ ନା ମାପୁ” ଇଞ୍ଜି ଇନେକିଦେଂ ଲେକି କିତାନ୍‌ନା ? ଇନାକିଦେଂକି ଜିରୁନ୍ ପକ୍ତିଲେ ହେଝାନ୍ ଲେକି କିତାନ୍‌ନା,

୪୪ “ମାପୁ ନା ମାପୁଙ୍ଗ୍ ଇଚାନ,

ଆପେଂ ମି ସାଡୁରିଂ ମି ପାନା ତାରେନ୍ ଇଚ୍‌ଓ,

ହେ ପାତେକ୍ ମା ବୁଜ୍‌ଣି ବାଗାଙ୍ଗ୍ କୁଚ୍‌ତି ମାନା ।”

୪୫ “ଲାଗିଂ ଦାଉଦ୍ ଜଦି ତାଙ୍ଗ୍ ମାପୁ ଇଞ୍ଜି କିତାର୍, ବାଟିଙ୍ଗ୍ ମସିୟା ଇନେସ୍ ତା ମାଜି ଇଞ୍ଜି ଇନାନ୍ ?”

୪୬ ହେବେ ଇନେର୍ ପା ହେଝାନିଂ ପାଦେକ୍ ଉତର୍ ହିଦେଂ ଆଡ଼ଝାତାର୍, ଆରେ ହେ ଦିନ୍‌ତାଂ ଇନେର୍ ଆରେ ହେଝାନିଂ ପରସନ୍ ଝେନ୍‌ବେଦେଂ ସାସ୍ କିଝାତାର୍ ।

୨୩

ଦରମ୍‌ଗୁରୁ ଆରି ପାରୁସିର୍ ବିରୁଦ୍‌ତ ଜିସୁତି ଚେତାହିନି କାତା

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ହେୱେଡ଼ାଲିଂ ଜିସୁ ମାନାୟାରିଂ ଆରି ଚେଲାରିଂ ଇଚାନ, ୨ “ଦରମ୍ ଗୁରୁର୍ ଆରି ପାରୁସିର୍ ମସାତି ଗାଦିତ କୁଟ୍ତାଣ୍ଟା । ୩ ଲାଗିଂ ହେୱାର୍ ଇନାକା କିଦେଙ୍ଗ୍ ଇନାରା, ହେଦାଂ କିୟାଟ୍ । ମାତର୍ ହେୱାର୍ତି କାମାୟ୍ କାବାଡ଼ତାକେ ପାଚେ ହାଲ୍ମାଟ୍ । ଇନାକିଦେଂକି ହେୱାର୍ ନିଜେ ହିତି ହିକ୍ୟା ସମାନ କାମାୟ୍ କିଉର୍ । ୪ ହେୱାର୍ ହିକ୍ୟା ସବୁ ଲକାତ୍ ଗାଗାଡ଼୍ ଜପି ଜବର୍ ବଜ୍ ଲାଦିକିନାର୍, ମାତର୍ ହେୱିଜୁ ବଜ୍ ପିଣ୍ଡଦେଂ କାଜିଂ ଜାର୍ତିଂ ୱାର୍କା ହୁକେ ପା ଅଲପ୍ ହାଂ କିଉର୍ । ୫ ହେୱାର୍ ଲକାଂ ଚର୍ଚେଙ୍ଗ୍ ଇଞ୍ଜି ଜାର୍ ଜାର୍ତି ସବୁ କାମାୟ୍ କିବାନାର୍, ଇନାକିଦେଂକି ହେୱାର୍ ଜାର୍ ସାସ୍ତର୍ ବଚନ୍ ଲେକାଆତି ନିଦାଣତ ପତାତ ତରି ଗାଚ୍ୟାତାର୍ନା ଆରି ହେୱାର୍ ହେୟା କେତେକ୍ ଲାମା କିତାର୍ ଆରି ଆଜିନି ଚେଲିଂ ଗାଜା କିତାର୍, ୬ ଆରେ ବଜିତ ମୁଡ଼୍ ବାହା ଆରି କୁଟ୍ତମ୍ ଇଞ୍ଜି ମୁଡ଼୍ ବାହାତ କୁଟ୍ତେଂ ୱାର୍ୟା ଆନାର୍ ।” ୭ ଆରେ ଆର୍ ବାଜାର୍ତ ଜ଱୍ଵାର୍ ପାୟାଦେଂ ଆରି ମାନାୟ୍ତିଂ “ଏ ଗୁରୁ” ଇଞ୍ଜି ଇନ୍ୟା ଆଦେଂ ୱାର୍ୟା ଆନାର୍ । ୮ ମାତର୍ ଏପେଙ୍ଗ୍ ଗୁରୁ ଇଞ୍ଜି କୁକ୍ୟାମାଟ୍, ଇନାକିଦେଂକି ମିଞ୍ଜାତ୍ ରକାନ ଗୁରୁ ଆରି ଏପେଙ୍ଗ୍ ୱିଜାକାଦେର୍ ଟଣ୍ଡାର୍ । ୯ ଆରେ, ପୁତ୍ ତ ଇନେରିଂ ଏ ଆବା ଇନ୍ମାଟ୍, ଇନାକିଦେଂକି ମିଞ୍ଜାତ୍ ରଞ୍ଜାନ୍ ଆବା, ହେୱାନ୍ ସାଗେତ ମାନାନ୍ । ୧୦ ଆରେ, ମାଲିକ୍ ଇଞ୍ଜି ପା ଇନେର୍ କୁକ୍ତେମେର୍, ଇନାକିଦେଂକି ରକାନ୍ ମତର୍ ମି ମାଲିକ୍ ଆନାନା କ୍ରିସ୍ । ୧୧ ମାତର୍ ମି ବିତ୍ରେ ଇମଣାକାନ୍ ଗାଜାକାନ୍, ହେୱାନ୍ ମି ହେବା କିନାକାନ୍ ଆନାନ୍ । ୧୨ ଇନେର୍ ଜାର୍ତିଂ ଉର୍ କିନାନ୍, ତାଙ୍ଗ୍ ନିର୍କିୟା ଆନାଡ଼ ଆରି ଇନେର୍ ଜାର୍ତିଂ ନିର୍ କିନାନ୍, ହେୱାନିଂ ଉର୍ କିୟା ଆନାଡ଼ ।

କାପ୍ଟିୟାର୍ ଦାମ୍ ରିଂ ଜିସୁ କେଡ଼ତାନ୍
(ମାର୍କ ୧୨:୪୦; ଲୁକ ୧୧:୩୯-୪୨, ୪୩, ୫୩; ୨୦:୪୭)

୧୩ “ହାୟ୍, ଦରମ୍ ଗୁରୁର୍ ଆରେ ପାରୁସିକାଦେର୍, ମି ସେସ୍ ଦସା ଏତେକ୍ ବଇଁକାର୍ ! ଆଡେ କାପ୍ଟିୟାର୍ ଦାମ୍ କୁଦା, ସାଗେ ରାଜିନି ହଣି ଦୁଞ୍ଜେର୍ ଗେସ୍ତି ଇଡ଼ତାଦେଣ୍ଟା । ନିଜେ ହେବେ ହଣ୍ଡଦେରା ଆରି ଇମ୍ଣାକାର୍ ହଣ୍ଡେଙ୍ଗ୍ ସେସ୍ କିନାରା, ହେୱାରିଂ ହାଜି ପିସ୍ତି ହିଉଦେରା ।

୧୪ ଏ କାପ୍ଟିୟାର୍ ଦରମ୍ ଗୁରୁର୍ ଆରି ପାରୁସିର୍, ମି ଦସା ବେସି ଆବ୍ଡ଼୍ ଆନାଡ଼ ।”

୧୫ ଏ କାପ୍ଟିୟାର୍ ଆରେ “ସାସ୍ତିର୍ ଆରି ପାରୁସିର୍, ଦସା ବେସି ଆବ୍ଡ଼୍ ଏପେଙ୍ଗ୍ ହାମ୍ପୁର୍ ନାସି ଦେସ୍ତ ହାଲ୍ଜି ରକାନିଂ ମି ଦରମ୍ତ ମୁଟ୍ତେଂ କାଜିଂ ତେକ୍ତି ବୁଲ୍ମାନାଦେରା । ମାତର୍ ହେ ଲାକେ ରଞ୍ଜାନିଂ ଗାଟା ଆତିସ୍, ତାଙ୍ଗ୍ ନରକ୍ ହାନି କାଜିଂ ମିତାଂ ରି ଗୁଣ୍ ଆଦିକ୍ କିୟକିତାଦେଣ୍ଟା !”

୧୬ “ଆଡେ କାଣା ହାଜି ଚର୍ଚନାକାଦେର୍, ମି ଦସା ଏତେକ୍ କସ୍ତମାନାଡ଼ । ଏପେଙ୍ଗ୍ ସିକ୍ୟା ହିଜି ମାନାଦେର୍, ଇନେର୍ ମନ୍ଦିର୍ ତର୍ଦ ପାର୍ମାଣ୍ କିତିସ୍, ହେଦାଂ ହେୱାନ୍ ମାନିକିଦେଂ ବଲକ୍ଚାର୍ ଆକାୟ୍, ମାତର୍ ମନ୍ଦିର୍ତ ମାନି ହନା ତର୍ଦ ଇନେର୍ ପାର୍ମାଣ୍ କିତାର୍, ହେୱାନିଂ ହେଦାଂ ମାନିକିଦେଂ ପଡ଼ାନାଡ଼ । ୧୭ ଡେ କାଣା ନିର୍ବୁଦିୟାର୍, ହନା ଗାଜା କି ହନାତିଂ ପୁଇପୁୟା କିଜି ମାନି ମନ୍ଦିର୍ ଗାଜା ?” ୧୮ ଆରେ ଏପେଙ୍ଗ୍ ଇଞ୍ଜିମାନାଦେର୍, ଇନେର୍ ଗାର୍ଣିତ ପାର୍ମାଣ୍ କିତିସ୍ ହେଦାଂ ଇନାକା ଆକାୟ୍, ମତର୍ ଇମ୍ଣାକାର୍ ତା ଜପି ମାନି ଆକାଡ଼ ପାର୍ମାଣ୍ କିନାନ୍, ହେୱାନ୍ ତାକେ ମାନାଦେରା । ୧୯ ଡେ କାଣାର୍, ଇମ୍ଣାକା ମୁଡ଼ଦାକା-ଗାର୍ଣି କି ଆକାଡ଼ିଂ ପୁଇପୁୟା କିଜି ମାନି ଗାର୍ଣି ? ୨୦ ଲାଗିଂ, ଇନେର୍ ଗାର୍ଣି ତର୍ଦ ପାର୍ମାଣ୍ କିନାନ୍, ହେୱାନ୍ ଗାର୍ଣି ଆରି

☆ ୨୩:୫ ମାତ୍ରିକ ୨:୧. ☆ ୨୩:୧୧ ମାତ୍ରିକ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭. ☆ ୨୩:୧୨ ମାତ୍ରିକ ୧୪:୧୧; ୧୮:୧୪.

ତା ଜପି ମାନି ଓଁଜୁ ଆକାଡ଼ ଆଡ଼ମାଡ଼ିଂ ତରଦ ପାର୍ମାଣ୍ କିନାନ୍ । ୨୧ ଆରେ, ଇନେର୍ ମନ୍ଦିର ତରଦ ପାର୍ମାଣ୍ କିନାନ୍, ହେଞ୍ଜାନ୍ ମନ୍ଦିର ଆରି ହେବେ ବାହାକିତିକାଂ ଇସ୍ବର ତରଦାଂ ପାର୍ମାଣ୍ କିନାନ୍; ୨୨ ଆରେ, “ଇନେର୍ ସାଗେତିଂ ପାର୍ମାଣ୍ କିନାନ୍, ହେଞ୍ଜାନ୍ ଇସ୍ବତ ଗାଦି ହେବେ କୁଚ୍ଚି ମାତି ଇସ୍ବର ତରଦାଂ ପାର୍ମାଣ୍ କିନାନ୍ ।”

୨୩ “ଡେ କାପ୍ଟିୟାର୍ ଦରମ୍ ଗୁରୁର୍ ଆରି ପାରୁସିର୍ ଇନାକିଦେଂକି ଏପେଙ୍ଗ୍ ପଦିନା, ସିପ୍, ଆରି ଜିରାତିଂ ଦସ୍ବଗା ର ବାଗ୍ ଇସ୍ବରତିଂ ଦାନ୍ ହିନାଦେରା । ଆରେ ବିଦିନି ଆଗେ ବିସ୍ବେକାଂ ହୁଡ଼ଞ୍ଜାଙ୍ଗ୍ ଆତିସ୍ପା ଅବ୍ୟାସ୍ କିନାକା ଲଡ଼ା, ନ୍ୟାୟ୍ ବିଚାର୍, ଦୟା, ଆରେ ପାତ ଡିଂ ଇ ସବୁ ପିସ୍ତାଣ୍ଟା; ମାତର୍ ଇ ଓଁଜୁ ମାନି କିନାକା ଆରି ବିନ୍ ସବୁ ପିହ୍ନାକା ମାନାଡ଼ ।” ୨୪ “ଡେ କାଣା ହାଜି ଚନ୍ନାକାଦେର୍, ଏପେଙ୍ଗ୍ ପ୍ରାଡ଼ିଂ ପୁରାଦେଣ୍ଟା, ମାତର୍ ଉଚ୍ଚିଂ ଗୁସ୍ସି ମାନାଦେର୍ ।”

୨୫ “ଏ କାପ୍ଟିୟାର୍ ଦରମ୍ ଗୁରୁର୍ କେତେକ୍ ବଇଁକାର୍ ମି ସେସ୍ ହାଜି, ଡେ ଦରମ୍ ଗୁରୁ ଆରି ପାରୁସିର୍ । ଏପେଙ୍ଗ୍ ଗିନା ଆରି ତାଡ଼ିଆନି ବାର୍ ବାଗାଙ୍ଗ୍ ସକର୍ କିଜି ମାନାଦେର୍, ମାତର୍ ହେଞ୍ଜାକାଂ ବିଡ୍ରେ ଆକର୍ ଆରି ଦାରିକାମ୍ତ ବାତ ଡିଂ ।” ୨୬ “କାଣା ପାରୁସିର୍ ! ଆଗେ ଗିନାନି ବିଡ୍ରେ ସକର୍ କିୟାଟ୍, ଇନେସ୍ ହେବେନିକା ବାଡ଼ ପା ନିର୍ମାଲ୍ ଆନାଡ଼ ।”

୨୭ “ହାୟ୍, ଦରମ୍ ଗୁରୁର୍ କାପ୍ଟିୟାର୍ ସାସିର୍ ଆରି ପାରୁସିର୍, ଇନେକିଦେଂକି ଏପେଙ୍ଗ୍ ଡିଞ୍ଜିନି ରଙ୍ଗିନି ଦୁଗେର୍ ଲାକେ । ହେଦାଂ ବାଡ଼ ହଲ୍ଲନାକା ଚଞ୍ଚାନାଡ଼, ମାତର୍ ବିଡ୍ରେ ହାତାକାର୍ତି ମେଗାଣା ପ୍ଲେକ୍ ଆରି ସବୁ ବାନି ବିଚାଡ଼ତ ବାତ ଡିଂ; ୨୮ ହେ ଲାକେ ଏପେଙ୍ଗ୍ ପା ବାଡ଼ ମାନାୟାର୍ କାଣ୍ଟୁକାଂ ଦାମ୍ ଚନ୍ନାକାଦେର୍, ମାତର୍ ମି ବିଡ୍ରେ କୁଚ୍ ଆରି ପାପ୍ତ ବାତ ଡିଂ ।”

ଜିସୁ ହେଞ୍ଜାଚ୍ଚି ତାଣ୍ଟ ବଗ୍‌କିନାକା ଖେଚ୍ଚାନ
(ଲୁକ ୧୧:୪୫-୫୧)

୨୯ “ଏ କାପ୍ଟିୟାର୍ ଦରମ୍ ଗୁରୁ ଆରି ପାରୁସିର୍ ମି ଦସା କେତେକ୍ ବଇଁକାର୍ ଆନାଡ଼ ! ଇନାକିଦେଂକି ଏପେଙ୍ଗ୍ ବେଶ୍‌ବାକ୍‌ଶାୟ୍ କିନାକାର୍ଚ୍ଚି ଦୁଗେର୍ ହଲ୍ଲନାକା ରଚ୍ଚି ଆରି ଦାମ୍ ଡିଂ ଦୁଗେର୍‌କାମ୍ ହଲ୍ଲିକିଜି ମାନାଦେର୍, ୩୦ ଆସେଙ୍ଗ୍ ଏଚେକାଡ଼୍ ମା ଆବା ଲାଡ଼ା ସମ୍ପତ ମାତିସ୍, ତେବେ ବେଶ୍‌ବାକ୍‌ଶାୟ୍ କିନାକାର୍ତାଂ ନେତେର୍ଚ୍ଚ ହେଞ୍ଜାଚ୍ଚି ମେହାଣ୍ ଆମାଟ୍ । ୩୧ ଲାଗିଂ ଏପେଙ୍ଗ୍ ଜେ ବେଶ୍‌ବାକ୍‌ଶାୟ୍ କିନାକାର୍ ପାଗନାକାର୍ ଲାଡ଼ାକାଦେର୍, ହେ ବିସ୍ବେ ଏପେଙ୍ଗ୍ ଆଁ ଜାର୍ ଜାର୍ କାଜିଂ ସାକି ହିନାଦେରା ।” ୩୨ “ବାଟିଙ୍ଗ୍ ଏପେଙ୍ଗ୍ ଆଗେ ତାଙ୍ଗାଟ୍, ମି ଆବାଲାଡ଼ାତି ବାକି କାମାୟ୍ତିଂ ପୁରା କିୟାଟ୍ ।” ୩୩ “ଡେ ରାଚ୍‌କୁ ! କାଲାଟିରାଚ୍ଚିନି ବସ୍‌ୟାଟ୍ ! ନରକ୍ ତାଣ୍ଟତାଂ ରାକ୍ୟା ପାୟା ଆନାପ୍ ଇଞ୍ଜି ଇନେସ୍ ଆହା କିନାଦେରା ? ୩୪ ଲାଗିଂ ଆନ୍ ଇଞ୍ଜିନାଙ୍ଗା; ମି ତାକେ ବେଶ୍‌ବାକ୍‌ଶାୟ୍‌କିନାକାର୍, ହିକାୟ୍‌କିନି ଗୁରୁ ଆରି ଗିଆନିରିଂ ପନ୍ଥାନାଂ । ହେଞ୍ଜାଚ୍ଚି ବିଡ୍ରେ କେତେକାଣ୍ଟିଂ ଏପେଙ୍ଗ୍ ଟୁଣାଦେର୍, କେତେକ୍ ଜାଣ୍ଟିଂ କୁସ୍ତ ଦୁପ୍‌ନାଦେର୍, ଆରି ବିନ୍‌ଲୁଗାଂ କୁଚ୍‌ମ୍ ଇଞ୍ଜି କର୍ତା ହୁକେ ଇଡ଼୍‌ଜି ର ଗାଡ଼ାଂ ଆରେ ର ଗାଡ଼୍ ପେସ୍‌ନାଦେର୍ । ୩୫ ଇନେସ୍‌କି ଦମ୍ ହେବଲ୍‌ତାଂ ନେତେର୍ଚ୍ଚତାଂ, ଇମ୍‌ଣି ବେରିକିୟ୍‌ତି ମେହି ଜିକରିୟ୍ ଏପେଙ୍ଗ୍ ମନ୍ଦିର୍‌ନି ପୁଇପୁୟା ବାହାତ ଆରି ଗାର୍‌ଣି ମାଦ୍‌ନି ବାହାତ ଅସ୍ତାଦେର୍, ତା ଅସ୍ତି ପାତେକ୍ ପୁତ ଡିଂ ଜେତେକ୍ ଦାମ୍ ଲଗାରିଂ ଅସ୍ତାଣ୍ଟା, ହେ ଓଁଜିକାର୍ଚ୍ଚି ହାନି ଦାଣ୍ଟି ମି ଜପି ଆର୍ଦାନାଡ଼ । ୩୬ ଆନ୍ ମିଙ୍ଗ୍

☆ ୨୩:୨୭ ୨୩:୨୭ ପକ୍ୟାତାକା ୨୩:୩୧.

ହାତପା ଇଞ୍ଜନାଙ୍ଗା, ଇ ଓଜାର୍ ମାନାୟାରିଂ ଅସ୍ତ୍ରଲେ ନଂନି ମାନାୟ ଜପି ଇ ସବୁ ପଡ଼ାନାଡ଼ ।”

ଜିରୁସାଲମ୍ କାଜିଂ ଜିସୁତି ଦୁକ୍
(ଲୁକ ୧୧:୩୪-୩୫)

୩୭ “ଏ ଜିରୁସାଲମ୍, ଏ ଜିରୁସାଲମ୍ । ଏନ୍ ବେଶ୍‌ବାକ୍‌ଶାୟକିନାକାରିଂ ଟୁଟାୟନା ଆରି ଇସ୍‌ବୁର୍ ପଲ୍ଲି କାବୁର୍ ହିନାକାରିଂ କାଲ୍‌କୁ ଇଡ଼ନାର୍ । କୁଜୁ ତା ମାରା ତାରେନ୍ ହିମ୍‌ଶାକାଂ ଆସ୍ତି ଇଡ଼ତି ଲାକେ, ନି ଲକ୍‌ତିଂ ନା କାକା ତାରେନ୍ ରାକ୍ୟାକିଦେଂ କାଜିଂ ଆନ୍ କେତେହର୍ ସେସ୍ତା କିତାଂନା । ମାତର୍ ଏନ୍‌ନାଙ୍ ହେଦାଂ କିଦେଙ୍ଗ୍ ହିଦ୍‌ଖାତାୟନା । ୩୮ ହୁଡ଼ା, ମି ମନ୍ଦିର୍ ମି କେଇଦ ପିସ୍ତି ହିଦ୍ୟାଆନାତା । ୩୯ ଆନ୍ ମିଙ୍ଗେଙ୍ଗ୍ ହାତପା ଇଞ୍ଜି ଇଟ୍‌ନାଙ୍ଗା, ‘ମାପୁ ତର୍ଦ୍ ଇନେର୍ ଖାନାରା, ହେଖାନ୍ ଦନ୍‌ୟ’ ଇଦାଂ ଏଚେକାଡ଼୍‌ଦ ପାତେକ୍ ଇନ୍‌ଖାତାଂନା, ନଙ୍ଗ୍ ତାଙ୍ଗ୍ ଏନ୍‌ନାଙ୍ ଆରେ ହୁଡ଼୍‌ଦେଂ ଆଡୁୟ ।”

୨୪

ଜିସୁ ମନ୍ଦିର୍ ଦୁଡ଼ିମାସ୍‌ନି ବିସ୍ତେ ଇଚାନ୍
(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିର୍‌ତାଂ ହସି ହାନି ଝେଡ଼ାଲିଂ ହେଖାନ୍ତି ଚେଲାର୍ ହେଖାନ୍ତିଂ ମନ୍ଦିର୍‌ନି ଲଲ୍‌କୁ ଚଟ୍‌ଚେଙ୍ଗ୍ କାଜିଂ ହେଖାନ୍ ଲାଗେ ଖାତାର୍, ୨ ମାତର୍ ହେଖାନ୍ ହେଖାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ଇ ଓଜୁ ହୁଡ଼୍‌ବୁଦରା ? ଆନ୍ ମିଙ୍ଗ୍ ହାତପା ଇଞ୍ଜନାଙ୍ଗା, ଇ ବାହାତ ର କାଲ୍ ବିନ୍ କାଲ୍ ଜପି ମାନୁଡ଼, ଓଜୁ ଦୁଡ଼ି ମାସ୍‌ନାଡ଼ ।”

ଦୁକ୍ ଆରି କସ୍ତୁ
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ପାଚେ ହେଖାନ୍ ଜିଡ଼ମାଡ଼ି ଜପି କୁଟ୍‌ଚାନ୍, ଚେଲାର୍ ହେଖାନ୍ ଲାଗେ ଡ଼ଗୁଜି ଖାଜି ଝେନ୍‌ବାତାର୍, “ଇ ସବୁ ଇନାଖାଡ଼ାଂ ଗିଟା ଆନାଡ଼, ଆରେ ନି ଖାନାକା ଆରି ଜୁଗ୍‌ସେସ୍‌ନି ଇଟ୍‌କାଡ଼୍ ଇନାକା, ହେଦାଂ ମାଂ ଝେଟ୍‌ଚା ।”

୪ ହେବେ ଜିସୁ ହେଖାରିଂ ଉତର୍ ହିତାନ୍, “ଜାଗ୍ରଡ଼, ଇନେର୍‌କି ଇନେସ୍ ମିଙ୍ଗେଙ୍ଗ୍ ଚାକ୍ରାୟ କିଦ୍‌ମେର୍ ।” ୫ ଇନାକିଦେଂକି ବେସିହେନି ନା ତର୍ଦ୍ ଖାଜି “ଆନ୍ କ୍ରିସ୍ତୁ ଇଚିସ୍ ମସିୟା ଇଞ୍ଜି ଇଞ୍ଜି ଆଦେକ୍‌ତିଂ ଚାକ୍ରାୟ କିଦ୍‌ନାର୍ । ୬ ଆରେ, ଏପେଙ୍ଗ୍ ଜୁଜ୍ ବିସ୍ତେ ଆରି ଜୁଜ୍‌ନି ମାନାୟ ଆଲି ଝେନାଦେର୍; ଜାଗ୍ରଡ଼, ବାଈକାବିତାଡ଼୍ ଆମାଟ୍ । ଇନାକିଦେଂକି ଇ ଓଜୁ ଗିଟାନାଡ଼, ମାତର୍ ହେ ସମ୍ ଓଜିନାକା ଆକାୟ । ୭ ଇନାକିଦେଂକି ଜାତି ବିରୁଦ୍‌ତ ଜାତି ଆରି ରାଜି ବିରୁଦ୍‌ତ ରାଜି ନିଂଗ୍‌ନାଡ଼, ଆରେ ସବୁ ବାହାତ କାତାର୍ ଆରି ମେଦ୍‌ନିଦାଲ୍‌କାତାଡ଼ । ୮ ମାତର୍ ଇ ଓଜୁ କର୍‌ଲେ ହିମ୍‌ଶାଗାଗାନି କସ୍ତୁ ଏକାଖାନାଡ଼ ଦୁକ୍ ଆରମ୍ ମତର୍ ।”

୯ “ହେ ଝେଡ଼ାଲିଂ ଲଲ୍‌କୁ ମିଙ୍ଗେଙ୍ଗ୍ ଦୁକ୍‌ବଗି କିଦେଙ୍ଗ୍ କାଜିଂ ହେଲାୟ କିଦ୍‌ନାର୍ ଆରି ମିଙ୍ଗ୍ ଅସ୍ତ୍ରାନାର୍, ଆରେ ନା ତର୍ ପାଟ୍ କିନି କାଜିଂ ଏପେଙ୍ଗ୍ ଓଜୁ ଜାତିତାଂ ଗିଣ୍ କିୟାନାଦେର୍ । ୧୦ ହେଖାଡ଼ାଂ ବେସି ହେଖାଡ଼ି ପାଟ୍ ଆରାୟ କିତାର୍, ଆରେ ରକାନ୍ ଆରେ ରକାନିଂ ଆହିକିନାନ୍ ଆରି ରକାନ୍ ଆରେ ରକାନିଂ ଗିଣ୍ କିନାନ୍, ୧୧ ଆରେ ବେସି ଚାକ୍ରାୟ ବେଶ୍‌ବାକ୍‌ଶାୟକିନାକାର୍ ଖାଜି ବେସିହେନିତଂ ଚାକ୍ରାୟ କିନାର୍, ୧୨ ଆରେ ବାନ୍ୟା ବାତାନି କାଜିଂ ଆଦେକ୍ ମାନାୟାର୍‌ତି ଜିଉନନାକା କାଜିଂ ହିଡ଼୍‌ତି ଆନାଡ଼ । ୧୩ *ମତର୍ ଇନେର୍ ସେସ୍ ପାତେକ୍ ସାସ୍ ଆଜି ମାନାର୍,

* ୨୪:୯ ୨୪:୯ ମାଡ଼ିଉ ୧୦:୨୨. * ୨୪:୧୩ ୨୪:୧୩ ମାଡ଼ିଉ ୧୦:୨୨.

ହେୱାନ ମୁକ୍ତି ଆନାନ୍ । ୧୪ ଆରେ, ସବୁ ଜାତି ଲାଗାଂ ସାକି ହିଦେଂ କାଜିଂ ରାଜିନି ଇ ନେକ୍ତିକାବୁର ସବୁ ପୁତ ିତ ସୁଣାୟ କିୟାଆନାଡ଼, ତା ପାଚେ ଜୁଗ୍ ଝିଜନାଡ଼ ।”

ନାସକିନି ଗିଣ୍ ଜିନିସ୍

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ ଲାଗିଂ ଏପେଙ୍ଗ୍ ଏଚେକାଡ଼ଦ “ଦାନିଏଲ୍ ବେଣ୍‌ବାକ୍‌ଶାୟ୍‌କିନାକାନ୍ କାଜିଂ ଲେକାତି ନାସ୍ କିନି ଗିଣ୍ ଜିନିସ୍‌ତିଂ ମନ୍ଦିର ପୁଇପୁୟା ବାହାତ ମାନାକା ହୁଡ଼ନାଦେର୍, ପଡ଼ିକିନାକାଦେର୍ ବୁଜାଆଡୁ,” ୧୬ “ହେ ଏଚେକାଡ଼ଦ ଇମ୍‌ଶାକାର୍ ଜିହୁଦା ରାଜି ମାନଗାନାର୍, ହେୱାର୍ ମାଡ଼ିତ ହନ୍ତି ହାଲେର୍; ୧୭ ଈନେର୍ ଜେଗନ୍ ଜପି ମାନାନ୍, ହେୱାନ ଇଲ୍ ବିତ୍ରେ ଆଡ଼ମାଡ଼ ଅଦେଂ କାଜିଂ ଜୁଜି ୱାମେନ୍ । ୧୮ ଆରେ, ଇନେର୍ ବୁମିତ ମାନଗାନାର୍, ହେୱାନ ଜାର୍ ହେୟା ତାକେଦେଂ ଉଲ୍‌ଟି ହାଲ୍‌ମେନ୍ । ୧୯ ହେୱେଡ଼ାଲିଂ ଇମ୍‌ଶାକାର୍ ଏସ୍ ପିସ୍‌ସାକାଦେଲ୍ କଗଲେ ଆରି ମାୟ୍‌ଉର୍‌ଦି ଆୟା, ଆ, ହେୱେକ୍ ଦୁକ୍‌ନିକିକ୍, ୨୦ ମାତର୍ ମିଦାଙ୍ଗ୍ ହନ୍‌ନାକା ଇନେସ୍ ପିନି ମାସ୍‌ତ କି ଜମ୍‌ନିବାର୍ ନାଜିଂ ଆମେଡ଼, ଇଦାଂ କାଜିଂ ପାର୍‌ଗାନା କିୟାଟ୍ । ୨୧ ଈନାକିଦେଂକି ହେୱେଡ଼ାଂ ଏପେଙ୍ଗ୍ ବେଜେକ୍ ଦୁକ୍ ଗିଟାନାଡ଼ ଜେ, ପୁତ ିନି ଆରମ୍‌ତାଂ ନେଞ୍ଜେଙ୍ଗ୍ ପାଚେକ୍ ଗିଟାଝାତାଡ଼ନା, ଆରେ ଇନାଝାଡ଼ାଂ ପା ଗିଟାଆଡୁଡ଼ । ୨୨ ଆରେ, ହେ ସମୁ ବାଟିଙ୍ଗ୍ ଉଣା କିଝାଦାଂ ମାଟିସ୍, ତେବେ ଇମ୍‌ଶାକା ପା ପାତାଡ଼ ମୁକ୍ତି ଆଝାତାମ୍, ମତର୍ ବାଟିକିତି ଲକୁ କାଜିଂ ହେ ସମୁ ଉଣା କିୟା ଆନାଡ଼ ।”

୨୩ “ହେ ଏଚେକାଡ଼ଦ ହୁଡ଼ାଟ୍, କ୍ରିସ୍ଟ ଇବେ କି ହେବେ ଇନେର୍ ଏଚେକାଡ଼ଦ ମିଙ୍ଗ୍ ଏଲେଙ୍ଗ୍ ଇଞ୍ଜନାର୍, ତେବେ ହେଦାଂ ପାତ ିକିମାଟ୍ । ୨୪ ଇନାକିଦେଂକି ଚାକ୍ରାୟ୍ କ୍ରିସ୍ଟର୍ ଆରି ଚାକ୍ରାୟ୍ ବେଣ୍‌ବାକ୍‌ଶାୟ୍ କିନାକାର୍ ନିଙ୍ଗ୍‌ଜି ଏପେଙ୍ଗ୍ ଗାଜା ଗାଜା ଚିନ୍ ଆରି କାବାନି କାମାୟ୍ ଚର୍‌ଚାନାର୍ ଜେ, ଜଦି ଆଡ଼ନାର୍, ତେବେ ବାଟିକିତି ଲାଗାଂ ପା ବାମ୍‌ଶାୟ୍ କିତାର୍ । ୨୫ ହୁଡ଼ାଟ୍, ଆନ୍ ଆଗେତାଂ ମିଙ୍ଗେଙ୍ଗ୍ ୱେଡ଼ଚାନାଙ୍ଗା ।”

୨୬ ଈଲାଗିଂ, “ହୁଡ଼ାଟ୍, ହେୱାନ ବାଟାତ ମାନାନ୍” ଲକୁ ଜଦି ମିଙ୍ଗ୍ ଇ କାତା ଇଞ୍ଜନାର୍, ତେବେ ହସି ହାଲ୍‌ମାଟ୍, “ହୁଡ଼ାଟ୍, ହେୱାନ ବିତ୍ରେ ବାକ୍ରାତ ଡକ୍‌କ୍ରାନ୍‌ନା ମାନାୟ୍ ଜଦି ଇଦାଂ ଇଞ୍ଜନାର୍, ତେବେ ହେଦାଂ ପାତ ିକିମାଟ୍ । ୨୭ ଇନାକିଦେଂକି ବିଜ୍‌ଲି ଇନେସ୍ ୱେଡ଼ାହନିତାଂ ଇଡ଼ଜି ୱେଡ଼ାହାନି ପାଚେକ୍ ବାଦାଡ଼ ଅଜଡ଼ ଆନାଡ଼, ହେ ଲାକେ ମାନାୟ୍ ମାଜିଡ଼ି ୱାନାକା ହେ ଲାକେ ଆନାଡ଼ ।”

୨୮ ଈମେତାକେ ମଡ଼୍‌ମାଟିସ୍, ହେବେ ରାମାଣିଙ୍ଗ୍ ରୁଣ୍ଡା ଆନିକ୍ ।

ମାନାୟ୍ ମାଜିଡ଼ି ୱାନାକା

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ଈମତର୍ ହେ ସମୁନି ଦୁକ୍ ପାଚେ ହାଟାଗ୍ରେ ମାଜ୍‌ଗା ଆନାଡ଼ ଆରି ଲେଞ୍ଜ୍ ଅଜଡ଼୍ ହିଉଡ଼୍, ଆରେ ହୁକାଂ ଆକାସ୍‌ତାଂ ଆର୍‌ନିଂ ଆରି ଆକାସ୍‌ନି ସାକ୍ତି ସବୁ ଦାଲ୍‌କାନାଡ଼ । ୩୦ ଈହେ ଏଚେକାଡ଼ଦ ଆକାସ୍‌ତ ମାନାୟ୍ ମାଜିଡ଼ି ଇର୍‌କାଡ଼୍ ଚନ୍‌ଞ୍ଜାନାଡ଼, ଆରେ ହେୱେଡ଼ାଲିଂ ପୁତ ିତ ୱିଜୁ ଜାତିନି ମାନାୟ୍‌ର୍ ଆଡ଼୍‌ବାନାର୍ ଆରି ମାନାୟ୍ ମାଜିଂ ଗାଜା ସାକ୍ତିତାଂ ଆରି ଗାଜା ପାଣ୍ ହୁକେ ବାଦାଡ଼ଡ଼ ୱାନାକା ହୁଡ଼ନାଦେର୍ । ୩୧ ଆରେ, ହେୱାନ ଗାଜା ମରି ବାଜା ହୁକେ ଜାର୍ ଦୁଡ଼ରିଂ ପକ୍‌ତାନ୍ ଆରି ହେୱାର୍ ଆକାସ୍‌ନି ର ହାନ୍‌ଦିତାଂ ବିନ୍ ହାନ୍‌ଦି ପାଚେକ୍ ଚାରି ଦିଗ୍‌ତାଂ ଇସ୍‌ତ ି ବାଟିକିତି ଲାଗାଂ ରୁଣ୍ଡାୟ୍ କିନାନ୍ ।

୧୪ ୨୪:୧୭ ୨୪:୧୭ ଲୁକ ୧୭:୩୧. ୧୫ ୨୪:୨୧ ୨୪:୨୧ ହଡ଼ତି ୭:୧୪. ୧୬ ୨୪:୨୭ ୨୪:୨୭ ଲୁକ ୧୭:୨୩, ୨୪. ୧୭ ୨୪:୨୮ ୨୪:୨୮ ଲୁକ ୧୭:୩୭. ୧୮ ୨୪:୨୯ ୨୪:୨୯ ହଡ଼ତି ୭:୧୨; ହଡ଼ତି ୭:୧୩. ୧୯ ୨୪:୩୦ ୨୪:୩୦ ହଡ଼ତି ୧:୭.

ତଗା ମାର୍ତ୍ତନି ହିକ୍ୟା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ ତଗା ମାର୍ତ୍ତନି ଉତ୍ତରମୁଡ଼ୁ ହିକ୍ୟା କିୟାଟ୍, ଏତେକାଡ଼ଦ ହେ କେନ୍ଦାଂ ହାରା ଆଜି ଆକିଂ ଗିଲ୍ଲିନିଂ, ହେ ଏତେକାଡ଼ଦ ଜେଟ୍ ମାସ୍ ଏକା ୱାତାତେ ଇଞ୍ଜି ଏପେଙ୍ଗ ପୁଞ୍ଜି ମାନାଟ୍; ୩୩ ହେ ଲାକେ ଏପେଙ୍ଗ ପା ଇ ଝିଲୁ ହୁଡ଼ଡ଼ିସ୍ ମାନାୟ୍ ମାଜି ଦୁଝେରୁତ ଏକାଝାତାନେ ଇଞ୍ଜି ଇଦାଂ ପୁନାଟ୍ । ୩୪ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜିନାଙ୍ଗା, ଇ ଝିଲୁ ଗିଟାଝି ପାତେକ୍ ନେଞ୍ଜେଝିଗାନି ନାର୍ ଇନେସ୍ ବାତ୍ ବୁଡା ଆଉର୍ । ୩୫ ଆକାସ୍ ଆରି ପୁତ୍ ବୁଡାନାଟ୍, ମତର୍ ନା ବଚନ୍ ସବୁ ମଡ଼କେ ବୁଡା ଆଉର୍ ।

ତା ୱାନାକା ସମାନ୍ ସମୁ ଇନେର୍ ପୁନୁର୍

(ମାର୍କ ୧୩:୩୨-୩୬; ଲୁକ ୧୭:୨୬-୩୦, ୩୪-୩୬)

୩୬ ମାତର୍ ଇନାଝାଡ଼ାଂ ୱାନାନ୍ “ହେ ଦିନ୍ ଆରି ସମୁ ବିସ୍ତେ ଇନେର୍ ପୁନୁର୍, ସାର୍ଗେନି ଦୁଡ଼ତର୍ କି ମାଜି* ପା ପୁନୁନ୍, କେବଲ୍ ମତର୍ ବାଝା ପୁନାନ୍ । ୩୭ ଆରେ, ନହତି ସମୁତ ଇନେସ୍ ଗିଟା ଆଜି ମାଟାଟ୍, ମାନାୟ୍ ମାଜି ୱାନି ସମୁତ ହେ ଲାକେ ଗିଟାଆନାଟ୍ । ୩୮ ଇନାକିଦେଂକି କ୍ଲୁପକିନି ଆଗେନି ସମୁତ ଜାଜ୍ତ ନହ ହଣି ଦିନ୍ ପାତେକ୍ ଲକୁ ଇନେସ୍ ତିନାଉଣା ଆରି ବିବା କିନାକା ଆରି ବିବା ହିଦେଂ ବିପ୍ତୁ ମାଟାର୍, ୩୯ ଆରେ ପୁର୍ ୱାଜି ଝିଜାରିଂ ବଡ଼ାୟ୍ କିଜି ଆଝି ପାତେକ୍ ଇନେସ୍ ପୁନ୍ଝାଦାଂ ମାଟାର୍, ମାନାୟ୍ ମାଜିତି ୱାନାକା ପା ହେ ଲାକେ ଆନାଟ୍ ।” ୪୦ ହେ ଏତେକାଡ଼ଦ ରିୟାର୍ ବୁମିତ ମାନ୍ଗାନାର୍, ରଝାନିଂ ଇଟ୍ୟା ଆନାଟ୍ ଆରି ବିନ୍ ଲଗାଂ ପିହ୍ଯା ଆନାଟ୍; ୪୧ ରିଣ୍ଡେକ୍ ଜାତା ନୁଜ୍ଜି ମାନିକ୍, ରଞ୍ଜିଲିଂ ଇଟ୍ୟାନାଟ୍ ଆରି ଆରେ ରଞ୍ଜିଲିଂ ପିହ୍ଯାନାଟ୍ । ୪୨ “ଲାଗିଂ, ଜାଗ୍ରଡ଼ ମାନାଟ୍, ଇନାକିଦେଂକି ମି ମାପୁ ଇମ୍ଣି ଦିନ୍ ୱାନାନ୍, ହେଦାଂ ଏପେଙ୍ଗ ପୁନୁଦେର୍ । ୪୩ ମତର୍ ଇଦାଂ ପୁଞ୍ଜି ମାନାଟ୍, ଇମ୍ଣି ଗାଡ଼ିତ ଚର୍ ୱାନାନ୍, ଇଦାଂ ଇଲ୍ ମୁଣିକା ଏତେକାଡ଼ଦ ପୁଗାନ୍ତି, ତା ଆଡ଼ିସ୍ ହେଝାନ୍ ଜାଗ୍ରଡ଼ ମାନ୍ଞି ଜାର୍ ଇଞ୍ଜି ଚର୍ କିଦେଙ୍ଗ ହିଝାତାନ୍ । ୪୪ ଲାଗିଂ ଏପେଙ୍ଗ ପା ଜାଲ୍ଦି ଆଜି ମାନାଟ୍, ଇନାକିଦେଂକି ଇମ୍ଣି ସମୁତ ଏପେଙ୍ଗ ଏଡ଼ କିଝାଦାଂ ମାନ୍ଗାନାଦେର୍, ହେ ସମୁଦ ମାନାୟ୍ ମାଜି ୱାନାନ୍ ।”

ପାତ୍ କିନାକାନ୍ ଆରି ପାତ୍ କିଝି ଆଡ଼ିଏନ୍

(ଲୁକ ୧୨:୪୧-୪୮)

୪୫ “ତେବେ ମାପୁ ଜାର୍ ଲକ୍ବକ୍ତିଂ ସମାନ୍ ୱେଡ଼ାଲିଂ ବାତ୍ୟା ହିଦେଂ କାଜିଂ ଇନେରିଂ ହେଝାର୍ ଜପି ବାଟି କିତାନ୍ନା, ଏଲେଙ୍ଗବାତ୍ ପାତ୍ ନି ଆରି ବୁଦିକାର୍ଯ୍ୟା ଆଡ଼ିଏନ୍ ଇନେର୍ । ୪୬ ମାପୁ ୱାଜି ଜାର୍ତି ଇମ୍ଣି ଆଡ଼ିଏନିଂ ହେ ଲାକେ କିଜି ମାନାକା ହୁଡ଼ନାନ୍, ହେଝାନ୍ ଦନ୍ୟ । ୪୭ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜିନାଙ୍ଗ, ହେଝାନ୍ ହେଝାନିଂ ଜାର୍ତି ଝିଲୁ ଦାନ୍ତିଙ୍ଗ୍ ଜପି ବାଟି କିଦନାନ୍ । ୪୮ ମାତର୍ ଜପି ହେ ବାନ୍ୟା ଆଡ଼ିଏନ୍ ନା ମାପୁ ୱାନାକା ମାଲ୍ଆନାଟ୍ ଇଞ୍ଜି ମାନ୍ତ ମାନ୍ତ ଇଞ୍ଜି, ୪୯ ଜାର୍ ହାଂ ହାଙ୍ଗଦାକାର୍ ଟ୍ରାକ୍ତେଂ ଲାଗାନାନ୍, ଆରେ ମଦୁଝାର୍ ହୁକେ ତିନାଉଣା କିତିସ୍, ୫୦ ତା ଆଡ଼ିସ୍ ଇମ୍ଣି ଦିନ୍ ହଲ୍ୟା କାଜିଂ କାସି ମାନ୍ଗୁନ୍ ଆରି ଇମ୍ଣି ସମୁତ ହେଝାନ୍ ପୁନ୍ଝାଦାଂ ମାନାନ୍, ହେ ଦିନ୍ ଆରି ହେ ସମୁତ ହେଝାନ୍ତି ମାପୁ ୱାନାନ୍, ୫୧ ଆରେ ହେଝାନ୍ ହେଝାନିଂ ଗାଣ୍ଡା ଗାଣ୍ଡା କିଜି ହଟ୍କାନାର୍ କାପ୍ଟିୟାର୍ ହୁକେ ତାଦାଙ୍ଗ୍ ବାଗ୍ ରଚ୍ନାନ୍; ହେବେ ଆଡ଼ିବେଦେଂ ଆରି ଗାଡାଙ୍ଗ୍ ରେଡିକିନାନ୍ ।”

* ୨୪:୩୨ ୨୪:୩୬ କେତେକ ପଡିତ ମାଜି ପା ହିଲୁନ୍ ☆ ୨୪:୪୩ ୨୪:୪୩ ଲୁକ ୧୨:୩୯,୪୦.

୨୫

ଦସ୍ କଇକ୍ ଉତରମୁଡ଼୍

୧୦* “ହେଝେଡ଼ାଲିଂ ସାର୍ଗେ ରାଜି ଖାନାକା ଏଲେଙ୍ଗ୍ ଆନାଡ଼ ।

ଦସ୍ ଜାଣ୍ ଜିପଲିକ୍ ଝିଜେକିକ୍ ର ର ବଇଟା ଅଜି ବିବାଦାଂଶେନିଂ ତାତେଙ୍ଗ୍ ହାଲ୍ଲଜି ମାଟିକ୍ । ୨ ହେଝେକ୍ ବିଡ୍ରେ ପାଞ୍ଚ ଜାଣ୍ ବୁଦିକାରୟାକ୍ ଆରି ପାଞ୍ଚ ଜାଣ୍ ନିରବୁଦିୟାକ୍ ମାଟିକ୍ । ୩ ନିରବୁଦିୟାକ୍ ବଇଟା ଅତିକ୍ ମାତର୍ ଜାର୍ ଜାର୍ କାଜିଂ ପା ଆଦିକ୍ ଚିକାଣ୍ ଅଝାଦାଂ ମାଟିକ୍ । ୪ ବୁଦୟାର୍ ଜାର୍ ଜାର୍ ବଇଟା ଲାହାଙ୍ଗ୍ କାଟ୍ ଚିକାଣ୍ ଅଜି ମାଟାର୍ ।” ୫ ବିବାଦାଂଶେନ୍ ଖାନାକା ମାଲା ଆତିଲେ କଇକ୍ ଡ଼ଗୁଜି ଡ଼ଗୁଜି ହୁଞ୍ଚିକ୍ ।

୬ “ମାଦିମାଦା ନାଣା କିର ଇନାକା ଝେନ୍ୟା ଆତାଡ଼, ଇଝାନ୍ ହୁଡ଼ା ବିବାଦାଂଶେନ୍ ଝାତାନେ, ଝାଡୁ ହେଝାରିଂ ହାସ୍ଦାଂ ତାନାସ୍ ।” ୭ ହେଝାଡ଼ାଲିଂ ଜିପଲିକ୍ ନିଙ୍ଗ୍ଜି ଜାର୍ ଜାର୍ ବଇଟାଙ୍ଗ୍ ଜାଲ୍ଲଦି କିଡିକ୍ । ୮ ହେଝେଡ଼ାଂ ନିରବୁଦିୟାଂ କଇକ୍ ବୁଦ୍ୟାକାଂ ଇତିକ୍, “ମାଢେଙ୍ଗ୍ ଇରୁକ୍ ଚିକାଣ୍ ହିଦାଟ୍ । ମା ବଇଟା ହାଜି ହାନାତା ।” ୯ “ବୁଦ୍ୟାକ୍ ଇତିକ୍, ମି କାଜିଂ ଆରି ମା କାଜିଂ ଚିକାଣ୍ ସାରି ଆଉଡ଼ । ଏପେଙ୍ଗ୍ ଦୁକାଣ୍ଡ ହାଲ୍ଲଜି ଜାର୍ ଜାର୍ କାଜିଂ ଇରୁଚିଂ ଚିକାଣ୍ କଡ଼ଜି ତାହିଝାଡୁ ।” ୧୦ ଲାଗିଂ ନିରବୁଦିୟାଂ କଇକ୍ ଚିକାଣ୍ କଡ଼ଦେଂ ହସି ହାଟିକ୍ । ହେଝେକ୍ ତାଙ୍ଗ୍ଜି ହାଟି ପାଟେ ବିବାଦାଂଶେନ୍ ଝାଜି ଏକାଝାତାନ୍ । ଜାଲ୍ଲଦି ମାନି ପାଞ୍ଚଜାଣ୍ କଇକ୍ ତା ହୁକେ ବିବା ବଜିତ ହାଟି ପାଟେ କାପାଟ୍ ଗେସ୍ତାଟ୍ ।

୧୧ * “ପାଟେ ଦିନ୍ ଜିପଲିକ୍ ପା ଝାଜି ଇତିକ୍, ଏ ମାପୁ, ଏ ମାପୁ, ମା କାଜିଂ କାପାଟ୍ ଜେସି ହିଦା । ୧୨ ମାତର୍ ବିବାଦାଂଶେନ୍ ଉତର୍ ହିତାନ୍, ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ଆନ୍ ମିଙ୍ଗ୍ ପୁଞ୍ଜିଙ୍ଗ୍ ।”

୧୩ କାତା ଝିସ୍ତି ଜିସୁ ଇତାନ୍, ଜାଗ୍ରଡ଼ ମାନାଟ୍, ଇନାକିଦେଂକି ଏପେଙ୍ଗ୍ ହେ ଦିନ୍ କି ହେ ସମୁ ପୁନୁଦେର୍ ।

ତିନ୍ ଚାକର୍ କାତା (ଲୁକ ୧୯:୧୧-୨୭)

୧୪ “ସାର୍ଗେ ରାଜି ଇ ଲାକେ, ତାଦାଙ୍ଗ୍ ଆରେ ରଞ୍ଜୁ ଉତରମୁଡ଼୍ ଝେନାଟ୍ । ଦିନେକ୍ ଆଡ଼ିୟା ମାନାୟ୍ କେଇଦ ତାଦାଙ୍ଗ୍ ଦାନ୍ ପିସ୍ତି ହିଜି ବିଦେସ୍ ହାଞ୍ଜେଙ୍ଗ୍ ହତାନ୍ । ୧୫ ହେଝାନ୍ ରକାନିଂ ହେବାକାରି ପାଞ୍ଚ ହାଜାର୍ ରୁପା ଟାକାଂ, ଆରେ ରକାନିଂ ରି ହାଜାର୍ ରୁପା ଟାକାଂ, ଆରେ ରକାନିଂ ଏକ୍ ହାଜାର୍ ରୁପା ଟାକାଂ, ଏପେଙ୍ଗ୍ ଝିଜାରିଂ ହେଝାର୍ ସାକ୍ତି ହୁଡ଼ଜି ହିଜି ବିଦେସ୍ତ ହାଚାନ୍ । ୧୬ ପାଞ୍ଚ ହାଜାର୍ ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ଦାପ୍ରେ ହେଦାଂ ଅଜି ବେପାର୍ କିଜି ଆରେ ପାଞ୍ଚ ହାଜାର୍ ରୁପା ଟାକାଂ ଲାବ୍ କିତାନ୍ । ୧୭ ହେ ଲାକେ ଇନେର୍ ରି ହାଜାର୍ ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ଆରେ ରି ହାଜାର୍ ରୁପା ଟାକାଂ ଲାବ୍ କିତାନ୍ । ୧୮ ମତର୍ ଇମ୍ଣି ଚାକର୍ ହାଜାର୍ ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ର ଚିକ୍ଲା କାଟ୍ ହାଉକାତ୍ ହେ ରୁପା ଟାକାଂ ଡ଼କୁଚି ଇଡ଼ତାନ୍ ।”

୧୯ “ବେସି ଦିନ୍ ପାଟେ ଆଡ଼ିୟା ହାଉକାର୍ ମାସ୍ଦାତାନ୍ ଆରି ଚାକର୍ରିଂ ହୁକେ ହିସାବ୍ କିତାନ୍ । ୨୦ ପାଞ୍ଚ ହାଜାର୍ ଟାକାଂ ଅଜି ମାଟି ଚାକର୍ ହାଉକାର୍ତିଂ ଆରେ ପାଞ୍ଚ ହାଜାର୍ ହିଜି ଇତାନ୍, ମାପୁ ଏନ୍ନାଙ୍ଗ୍ ପାଞ୍ଚ ହାଜାର୍ ରୁପା ଟାକାଂ ହିଜି ମାଞ୍ଜାୟ୍, ହୁଡ଼ା, ଆନ୍ ପାଞ୍ଚ ହାଜାର୍ ଲାବ୍ କିତାନ୍ନା ୨୧ ହାଉକାର୍ ଝାୟା ଆଜି ଇଚାନ୍, ହାକ୍ କିତାୟନା, ଏନ୍ ନା ସାବାସ୍ ହାର୍ଦକାୟା ଆରି ପାଟିଂ ନି ଆଡ଼ିୟା । ଏନ୍ ପାଟିଂ

* ୨୫:୧ ୨୫:୧ ଲୁକ ୧୨:୩୫. * ୨୫:୧୧ ୨୫:୧୧ ଲୁକ ୧୩:୨୫.

ବାବେ ଅଲପ୍ ଦନ୍ଦିଂ କାର୍‌ବାର୍ କିଦେଙ୍ଗ ଆଡ଼ତିଲେ ନି କେଇଦ ବେସି ଦାନ୍ ପିସ୍ତି ହିଦନାଂ । ୱା, ନା ମାପୁ ୱାରିତ ମେହାଆଦା !” ୨୨ “ରି ହାଜାର ରୁପା ଟାକାଂ ଅଜି ମାଟି ହେବାକାରି ୱାଜି ଇଚାନ, ଏ ମାପୁ, ଏନ୍‌ନାଙ୍ଗ୍ ରି ହାଜାର୍ ହିଜି ମାଞ୍ଜାୟ, ଆନ୍ ଆରେ ରି ହାଜାର୍ ରୁପା ଲାବ୍ କିତାଂନା ।” ୨୩ ହାଉକାର୍ ଇଚାନ, “ସାବାସ୍ କିତାୟନା । ଏନ୍ ପା ନା ହାରୁଦି ଆଡ଼ିୟା । ଅଲପ୍ ଦାନ୍‌ତ ପାତ୍ ତାଂ ଚତ୍‌ଚାତାୟନା । ବେସି ଦାନ୍ ଆନ୍ ନିଂ ବାଟି କିଦନାଂ । ୱା ନା ୱାରିତ ମିହାଆଦା ।” ୨୪ “ସେସ୍‌ତ ଏକ୍ ହାଜାର୍ ରୁପା ଟାକାଂ ଅଜି ମାଟି ଲକୁ ୱାଜି ଇଚାନ, ହାଉକାର୍, ଏନ୍ ରକାୟ୍ କଟି ଲକୁ ଇଦାଂ ଆନ୍ ପୁନାଙ୍ଗ୍ । ୱିଡ଼ିଡ଼ିତି ବାଡ଼ଦ ଏନ୍ ତ୍ରେସନାୟ । ବିୟାନ୍ ୱିଡ଼ିଝାଦାଂ ତାସ୍ ରୁଣ୍ଡାୟ୍ କିନାୟ୍ । ୨୫ ହେଦାଂ କାଜିଂ ଆନ୍ ପାଣ୍ଡା ଆଜି ନି ରୁପା ଟାକାଂ ଅଜି ହାଉକାର୍ ମେଦ୍‌ନିତ ମୁଚ୍‌ଟି ଇଡ଼ଜି ମାଚାଙ୍ଗ୍ । ହୁଡ଼ା, ନି ହେ ତାରୁଙ୍ଗ୍ ।”

୨୬ “ହାଉକାର୍ ଇଚାନ, ତେ ଆଡ଼ିଝି, ଆଡ଼ିସାୟ୍ ଆଡ଼ିୟା ! ଏନ୍ କିଦା ପୁଞ୍ଜିମାଚାୟ୍, ଆନ୍ ଇମେତାକେ ୱିଡ଼ିଝାଦାଂ ମାନାଂ, ହେବେ ତ୍ରେସନାଂ ଇମେତାକେ ୱିଡ଼ିଝାଦାଂ ମାନ୍‌ଗାନାଂ ହେବେ ତାସ୍ ତ୍ରେସନାଂ । ୨୭ ତେବେ ନା ଟାକାଂ ଅଜି ଏନ୍ କଲନ୍ତର୍ କାଜିଂ ଇଡ଼ଜି ମାଚାଂମା । ତା ଆତିସ୍ ତାଙ୍ଗ୍ ଆନ୍ କଲନ୍ତର୍ ହୁକେ ଉଲ୍‌ଟି ଗାଟା ଆତାଂମା ।” ୨୮ ଇଦାଂ ଇଞ୍ଜି ହାଉକାର୍ ବଲ୍ ହିଚାନ, “ଇ ରୁପା ତାରୁଙ୍ଗ୍ ଅଜି, ଇନେର୍ ତାକେ ଦସ୍ ହାଜାର୍ ରୁପା ଟାକାଂ ମାନିଙ୍ଗ୍, ହେଝାନିଂ ହିଆଟ୍ । ୨୯ ଇନାକିଦେଂକି ଇମ୍‌ଣି ଲକୁତ ମାନିଂ, ହେଝାନିଂ ହିୟାଆନାଡ଼, ଆରେ ହେଝାନ୍ତି ବେସି ଆନାଡ଼; ମାତର୍ ଇନେରିଂ ହିଲୁଡ଼, ହେଝାନ୍ ଲାଗେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ । ୩୦ ଇ କାମାୟ୍ ଆଡ଼ିଝି ଆଡ଼ିୟାତିଂ ବାଟ୍ ମାଜ୍‌ଗାତ ତୁହିୟାଟ୍ । ହେବେ ହେଝାନ୍ ଆଡ଼ିସ୍ ଟାତାଙ୍ଗ୍ କଡ଼ମଡ଼ କିଜି ମାନେନ୍ ।”

ସେସ୍ ବିଚାଣ୍ଡା

୩୧ “ଏଚେକାଡ଼ଦ୍ ମାନାୟ୍ ମାଜି ରାଜା ଆଜି ହେଝାନ୍ତି ସାଗେ ଦୁଡ଼ତର୍ ଲାହାଙ୍ଗ୍ ୱାନାନ୍, ରାଜା ଜାଜ୍‌ମାଲ୍ ହୁକେ ଗାଦିତ କୁଚ୍‌ଚାନ, ୩୨ ସବୁ ଜାତିନି ଲକୁ ତା ଲାଗାଂ ରୁଣ୍ଡା ଆନାର୍ । ହେ ଏଚେକାଡ଼ଦ୍ ମେଣ୍ଡାଗଡ଼ିୟା ଇନେସ୍ ଅତାଙ୍ଗ୍ ଆରି ମେଣ୍ଡାକାଂ ବିନେ କିନାନ୍, ମାନାୟ୍ ମାଜି ହେ ଲାକେ ମାନାୟ୍‌ତିଂ ରି କୁଦା କିଜି ବାଗ୍ କିନାନ୍ । ୩୩ ମେଣ୍ଡାକାଂ ଜାର୍ ବୁଜି ବାଗାଙ୍ଗ୍ ଆରି ଅତାକାଂ ତେବ୍‌ଟି ବାଗାଙ୍ଗ୍ ଇଚ୍‌ନାନ୍ ।” ୩୪ ତା ପାଚେ ହେଝାନ୍ତି ବୁଜିତ ମାନି ଲକାରିଂ ରାଜା ଇନାନ୍, “ଝାଡୁ, ମିଙ୍ଗେଙ୍ଗ୍ ନା ବାଝା ଆସିର୍ବାଦ୍ କିଡ଼ନା । ପୁତ୍ ଉବ୍‌ଜାଣି ଆରମ୍‌ତାଂ ଇମ୍‌ଣି ରାଜି ମି କାଜିଂ ଜାଲ୍‌ଦି ଆଜି ମାନାଡ଼, ୱାତ ହେବେ ହାଟ୍ । ୩୫ ଆନ୍ ନାସ୍‌କି ମାଚାଙ୍ଗ୍, ଏପେଙ୍ଗ୍ ଚିଟ୍‌ପାତାଦେଣ୍ଡା; ଆନ୍ ଏସ୍‌କି ଆଜି ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଉଣ୍ଡେଙ୍ଗ୍ ହିଡ଼ତାଦେଣ୍ଡା । ଆନ୍ ଚିନାହିଲ୍‌ଝାଦାଂ ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଇଞ୍ଜି ମାଞ୍ଜେଙ୍ଗ୍ ବାହା ହିଡ଼ତାୟ୍ । ୩୬ ନାଗଡ଼ା ମାଚାଙ୍ଗ୍, ନାଙ୍ଗ୍ ହେୟା ଉସ୍ପି କିଡ଼ତାଦେଣ୍ଡା । ଆନ୍ ବେମାର୍ ମାଚାଙ୍ଗ୍, ନାଙ୍ଗ୍ ଜତନ୍ କିନାଦେର୍ ।” ଆନ୍ ଜେଲ୍ ଇଞ୍ଜି ମାଚାଙ୍ଗ୍, ନାଙ୍ଗ୍ ହୁଡ଼ଦେଂ ୱାତାଦେର୍ । ୩୭ “ହେବେ ଦାମ୍‌ର୍ ତାଙ୍ଗ୍ ଉତର୍ ହିଦ୍‌ନାର୍, ଏ ମାପୁ, ଇନାଝାଡ଼ାଂ ଆପେଂ ନିଂ ନାସ୍‌କି ହୁଡ଼ଜି କାଦି ହିଡ଼ତାପ୍ କି ଏସ୍‌କି ହୁଡ଼ଜି ଉଚ୍‌ପି କିଡ଼ତାପ୍ ? ୩୮ ଆରେ ଇନାଝାଡ଼ାଂ ରଝାନ୍ ନିଂ ଚିନାହିଲ୍‌ଝି ଲକୁ ହୁଡ଼ଜି ଆହା ହିଡ଼ତାପ୍ ? କି ନାଗଡ଼ା ହୁଡ଼ଜି ହେୟା ଉସ୍ପି କିଡ଼ତାପ୍ ? ୩୯ ଇନାଝାଡ଼ାଂ ନିଂ ବେମାର୍ କି ଜେଲ୍ ଇଞ୍ଜି ହୁଡ଼ଜି ହେବା କିଡ଼ତାପ୍ ? ୪୦ ଆରେ ରାଜା ହେଝାରିଂ ଉତର୍ ହିନାନ୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଏପେଙ୍ଗ୍ ନା ଇ ହାରୁ ଟଣ୍ଡାର୍ ବିଡ୍ରେତାଂ ରଝାନ୍ କାଜିଂ ଇଦାଂ କିଜି ମାଟିଲେ ନା କାଜିଂ ନେ ହେଦାଂ କିନାଦେରା ।”

* ୨୫:୨୯ ୨୫:୨୯ ମାଡ଼ିଉ ୧୩:୧୨; ମାର୍କ ୪:୨୫; ଲୁକ ୮:୧୮.

୪୧ “ତା ପାଚେ ଡେବିବାଗାଙ୍ଗ ମାନି ଲକାରିଂ ହେଝାନୁ ଇନାନ, ଡେ ସାଇପ୍ ପାୟାତି ମାନାୟାର ! ନା ମୁମ୍ବାଦଂ ଦେହା ଆ ! ସୟତାନୁ ଆରି ତା ଦୁଡ଼ତର କାଜିଂ ଇମ୍ବଣି ଓଜିଓଜିନାଣି ଜାଲୁଦି ଆଜି ମାନାଡ଼, ହେବେ ହାଲାଟ୍ । ୪୨ ଆନ୍ ନାସକି ମାରାଙ୍ଗ, ଏପେଙ୍ଗ ନାଙ୍ଗ ଚିଞ୍ଜେଙ୍ଗ ହିଦଝାତାଦେର୍ । ଆନ୍ ଏସକି ମାନିଝେଡ଼ାଲିଂ ନାଙ୍ଗ ଏଲୁଂ ଉଣ୍ଡେଙ୍ଗ ହିଦଝାତାଦେର୍ । ୪୩ ଆନ୍ ଚିନ୍ପୁନ୍ଓ ଝେଡ଼ାଲିଂ ନା ଇଞ୍ଜ ବାହା ହିଦଝାତାଦେର୍ । ଆନ୍ ନାଗଡ଼ା ମାନିହିଂ ହେୟା ଉସ୍ପି କିଦଝାତାଦେର୍ । ବେମାର ଆରି ଜଇଲୁତ ମାନିଝେଡ଼ାଲିଂ ନା ଜତନ୍ ଅଝାତାଦେର୍ଣ୍ଣା ।”

୪୪ “ହେଝାଡ଼ାଂ ହେଝାର ଉତର ହିଦନାନ, ଏ ମାପୁ, ଇନାଝାଡ଼ାଂ ଆପେଂ ନିଂ ନାସକି, ଏସକି, ବିଦେସି କି ନାଗଡ଼ା, ବେମାର କି ଜଇଲୁତ ମାନାକା ହୁଡ଼ଜି ଆପେଂ ନିଂ ହେବା କିଦଝାତାଂନା ?”

୪୫ “ରାଜା ଉତର ହିନାନ, ଆନ୍ ହାଡ଼ପା ଇଞ୍ଜନାଙ୍ଗା, ଇ ହାରୁକାର୍ ବିତ୍ତେ ରକାନିଂ ଉପକାର୍ କିଦେଙ୍ଗ ମୁନା କିନିହିଙ୍ଗ, ଏପେଙ୍ଗ ନାଙ୍ଗ ଉପକାର୍ କିଦେଙ୍ଗ କାଝାତାଦେର୍ଣ୍ଣା । ୪୬ ଇ ଲକୁ ସବୁ ଦିନ୍ କାଜିଂ ଡାଣ୍ଡ ପାୟାନାର୍ ଆରି ଦାମିଂର୍ ଓଜିଓଜି ଜିବୁନ୍ ପାୟାନାର୍ ।”

୨୭

ଜିସୁ ବିରୁଦ୍ଧତ କୁଟ୍

(ମାର୍କ ୧୪:୧-୨; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ଇ ସବୁ ହିକ୍ୟା ହିଜି ଓସ୍ପି ପାଚେ ଜିସୁ ଚେଲାରିଂ ଇଚାନ, ୨ “ରି ଦିନ୍ ପାଚେ ଜେ, ନିସ୍ତାର ପାରୁଁ ଆନାଡ଼, ଇଦାଂ ଏପେଙ୍ଗ ପୁଚାଦେର୍ଣ୍ଣା । ଆରେ ମାନାୟ ମାଜି ଜେ କୁସ୍ତ ଦୁପୟା ଆଦେଂ କାଜିଂ ହେଲାୟ କିୟାଆନାନ ।”

୩ ହେ ଝେଡ଼ାଲିଂ ମୁଡ଼ ମାପୁହେବାକିନାକାନ ଆରି ଲକୁତ୍ ବୁଡ଼ାଲୁର କୟାପା ତରନି ମୁଡ଼ ମାପୁହେବାକିନାକାନ୍ତି ହାକଡ଼ିତ ରୁଣ୍ଡା ଆତାର୍, ୪ ହେଝାର ଡ଼ରୁଜି ଜିସୁଙ୍ଗ ଅସ୍ତେଙ୍ଗ ମାନପାଚି କିତାର୍ । ୫ ମାତର ହେଝାର ଇଚାର୍, “ପାରୁଁ ଝେଡ଼ାଲିଂ ଇଦାଂ କିନାକା ହାର୍ ଆକାୟ, ଇନାକିଦେଂକି ମାନାୟାର୍ ଗଣ୍ଡଗଲ୍ କିଦନାର୍ ।”

ବେଡ଼ନ୍ୟାତ ଜିସୁ ସିଗ୍ ଆତାନ

(ମାର୍କ ୧୪:୩-୯; ଜହନ୍ ୧୨:୧-୮)

୬ ଦିନେକ୍ ଜିସୁ ବେଡ଼ନିୟାତ ଗାଜା ରଗ୍ୟା ବଗ୍ କିଜି ସିମନ୍ ଇଞ୍ଜ ମାନି ଝେଡ଼ାଲିଂ, ୭ *ରଞ୍ଜେଲ୍ କଗଲେ ର କଣ୍ଡିତ ଦାମନି ବାସନା ଚିକାଣ୍ ଅସି ତା ତାକେ ଝାତାଡ଼ ଆରି ହେଦେଲ୍ ଚିଞ୍ଜେଙ୍ଗ କୁଟ୍ଟି ସମୁତ ତାଙ୍ଗେଙ୍ଗ କାପଡ଼ାତ ଝାକଡେଂ ଲାଗାତାଡ଼ । ୮ ହେଦାଂ ହୁଡ଼ଜି ଚେଲାର୍ ରିସା ଆଜି ଇଚାର୍, “ଏଚେକ୍ ନସ୍ କିନାତା ଇନାକିଦେଂ ? ୯ ଇ ବାସନା ଚିକାଣ୍ ବେସି ଚାକାଂତା ପୁୟା ଆତାମ୍ବା ଆରି ହେ ଦାନ ଅକିଂଚାରିଂ ଦାନ ହିୟାତାମ୍ବା ।”

୧୦ ଜିସୁ ହେଦାଂ ପୁଞ୍ଜି ହେଝାରିଂ ଇଚାନ, ଇନେକିଦେଂ କଗ୍ଲେଂ କସ୍ ହିନାଦେରା ? ହେଦେଲ୍ ନା କାଜିଂ ହାର୍ କାମାୟ କିନାତା । ୧୧ “ଅକିଂଡ଼ ଲକୁତ ନିତ୍ତେ ମି ହୁଦାଂ ମାନାର୍, ମତର ଆନ୍ ନିତ୍ତେ ମି ହୁଦାଂ ମାନୁଙ୍ଗ । ୧୨ ଆରେ, ନା ଦୁଗେରତ ମୁବ୍ନି କାମାୟ ଲାକେ ନା ଗାଗାଡ଼ତ ଇ ବାସନା ଚିକାଣ୍ ଝାକଡାନାତା । ୧୩ ଆନ୍ ନିଂ ହାଡ଼ପା ଇଞ୍ଜନାଙ୍ଗା, ଓଜି ପୁତ୍ ତ ଇମ୍ବଣି ବାହାତ ପା ନେକ୍ଟିକାରୁର୍ ଝେଚ୍ୟାନାଡ଼, ହେ ବାହାତ ଇ କଗ୍ଲେତି ଏଡ଼ୁତିଂ ତାଦାଙ୍ଗ ଇ କାମାୟନି କାତା ପା ଇନ୍ୟା ଆନାଡ଼ ।”

☆ ୨୭:୨ ୨୭:୭ ଲୁକ ୭:୩୭,୩୮.

ଜିସୁଙ୍କ ଆହିକିଦେଂ କାଜିଂ ଜିହୁଦାତି ରାଜି
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଜିସୁତି ବାରଜାଣି ଚେଲାଋ ବିତ୍ରେ ଇସ୍ତାରିୟତିୟ ଜିହୁଦା ତରୁନି ରକାନ ଚେଲା ମୁଡ଼୍ ମାପୁହେବାକିନାକାର ତାକେ ହାଲଜି ଝେନ୍‌ବାତାନ, ୧୫ “ଜିସୁଙ୍କ ଆହି କିଜି ହିଡ଼ତିସ୍ ନାଙ୍କ ଇନାକା ହିଦ୍‌ନାଦେର୍ ?” ହେଝାର ତାଙ୍କ କଡ଼େଦସ୍ ଗଟା ରୁପା ଟାକାଂ ଏଜା କିଜି ହିତାର ।

୧୬ ହେ ଦିନ୍‌ତାଂ ଜିସୁଙ୍କ ହେଝାର କେଇଦ ଆହିକିଦେଂ କାଜିଂ ସୁବିଦା ତେକ୍‌ତାନ ।

ଚେଲାଋ ହୁଦାଂ ଜିସୁତି ନିସ୍ତାର ପାର୍ବୁ ବଜିତିନାକା
(ମାର୍କ ୧୪:୧୨-୧୧; ଲୁକ ୨୨:୭-୧୪; ୨୧-୨୩; ଜହନ୍ ୧୩:୨୧-୩୦)

୧୭ ପାଚେ ହଇଝି ରୁଟି “ପାର୍ବୁନି ପର୍ତୁମ୍ ଦିନ୍ତ ଚେଲାଋ ଜିସୁ ଲାହାଙ୍କ୍ ଝାଜି ଝେନ୍‌ବାତାର, ଆପେଂ ଇମ୍‌ଣି ବାହାତ ନି କାଜିଂ ନିସ୍ତାର ପାର୍ବୁ ବଜି ଜାଲ୍‌ଦି କିନାପ୍ ଇଞ୍ଜି ନି ଇଚା ?”

୧୮ ଜିସୁ ଉତର ହିତାନ, ଗାଡ଼ଦ ହାଲଜି ହେ ଆମକ ଲଗାଂ ତାକେଙ୍କ୍ ଇନାଟ୍, “ଗୁରୁ ଇଞ୍ଜାନ୍ନା, ହେଝାକ୍ତି ସମ୍ ଲାଗେ ଆଜି ଝାତାତେ । ହେଝାକ୍ତି ଚେଲାଋ ଲାହାଙ୍କ୍ ମି ଇଞ୍ଜି ହେଝାନ ନିସ୍ତାର ପାର୍ବୁ ମାନିକିନାନ ।”

୧୯ ଜିସୁ ଇନି ହିସାବରେ ଚେଲାଋ ନିସ୍ତାର ପାର୍ବୁ ବଜି ଜାଲ୍‌ଦି କିତାର ।

୨୦ ପାଚେ ମିଡ଼ିଲେ ହେଝାନ ବାରଜାଣି ଚେଲାଋ ଲାହାଙ୍କ୍ ଚିଞ୍ଜେଙ୍କ୍ କୁଚାର । ୨୧ ତିନି ଝେଡ଼ାଲିଂ ଜିସୁ ଇଚାନ, “ଆନ୍ ମିଙ୍କ୍ ହାଡ଼ପା ଇଞ୍ଜନାକା, ମି ବିତ୍ରେ ରକାନ ନାକେଙ୍କ୍ ସତୁ କେଇଦ ହେଲାୟ୍ କିଦ୍‌ନାନ ।”

୨୨ ଚେଲାଋ ବେସି ଦୁକ୍ ଆଜି ରକାନ ପାଚେ ରକାନ ଜିସୁଙ୍କ୍ ଝେନ୍‌ବାତାର, “ମାପୁ ହେଝାଙ୍କ୍ ଇନାକା ଆନ୍ ?”

୨୩ ଜିସୁ ଇଚାନ, “ଇନେର୍ ନା ଲାହାଙ୍କ୍ ରଚେ ତାଡ଼ିୟାତ ରୁଟି କ୍ଳୁକ୍‌ନାନ, ହେଝାନ ନାଙ୍କ୍ ସତୁ କେଇଦ ହେଲାୟ୍ କିଦ୍‌ନାନ । ୨୪ ସାସ୍‌ରର୍ତ୍ତ ଇନେସ୍ ଲେକା ଆତାଡ଼ନ୍ନା ମାନାୟ୍ ମାଜି ହାକିଡାଣ୍ଡ ଆନାନ, ମାତର୍ ଇନେର୍ ଆହିକିନାନ, ତା ଦସା କେତେକ୍ କସ୍ ! ହେ ମାନାୟ୍ ଜଲମ୍ ଆଝାଦାଂ ମାତିସ୍ ତା ପାକ୍ୟାତ ହାରା ଆତାମ୍ ।”

୨୫ ସାତୁ କେଇଦ ହେଲାୟ୍ କିତି ଜିହୁଦା ନିଙ୍କ୍‌ଜି ଝେନ୍‌ବାତାନ, “ଏ ଗୁରୁ, ହେଝାଙ୍କ୍ ଇନାକା ଆନ୍ ?”

ଜିସୁ ହେଝାନିଂ ଇଚାନ, “ଏନ୍ ଇଞ୍ଜାୟ୍‌ନ୍ନା ।”

ମାପୁ ବଜି
(ମାର୍କ ୧୩:୨୨-୨୬; ଲୁକ ୨୨:୧୪-୨୦; ୧ କରନ୍ତ୍ରିୟ ୧୧:୨୩-୨୫)

୨୬ ହେଝାର ତିନି ଝେଡ଼ାଲିଂ ଜିସୁ ର ରୁଟି ଅଜି ଇସ୍‌ରତିଂ ଦନ୍‌ସବାଦ୍ ହିତାନ ଆରି ହେଦାଂ ତ୍ରିକ୍‌ଟି ଚେଲାରିଂ ହିଜି ଇଚାନ,
“ଇଦାଂ ନା ଗାଗାଡ଼୍ ।”

୨୭ ତା ପାଚେ ହେଝାନ ଉଣି ବାହା ଅଜି ଇସ୍‌ରତିଂ ଜୁଝାର କିତାନ ଆରି ହେଦାଂ ଚେଲାରିଂ ହିଜି ଇଚାନ, “ଏପେଙ୍କ୍ ଝିଜାକାଦେର୍ ଇବେଣ୍ଡାଂ ଉଣାଟ୍ ।” ୨୮ “ଇଦାଂ ନା ନେତେର୍ । ମାନାୟ୍‌ତିଂ ପାପ୍ କେମା କାଜିଂ ଆନ୍ ଇମ୍‌ଣି ନେତେର୍ ଝାକ୍‌ଟି ହିଦେଂ ହାନାକା, ଇମ୍‌ଣାକା ଇସ୍‌ତ ପୁନି ନିୟମ୍ ରଚ୍ୟା ଆତାଡ଼ନ୍ନା । ୨୯ ମାତର୍ ଆନ୍ ମିଙ୍କ୍ ଇଞ୍ଜନାକା, ଇମ୍‌ଣି ଦିନ୍ ଆନ୍ ନା ବାଝାତି ରାଜିତ ମି ହୁଦାଂ ପୁନି କିଜି ଅଲ୍‌ପୁର୍ ପାଡ଼ନି ରାସ୍ ଉଣାଙ୍କ୍, ହେ ଦିନ୍ ପାଚେକ୍ ନେଞ୍ଜ୍‌ତାଂ ଆନ୍ ଇଦାଂ ଇନାଝାଡ଼ାଂ ପା ଉଣୁଙ୍କ୍ ।”

୩୦ ଆଚେ, ହେଝାର ଜୁଝାର କେରକଣି କେରତି ପାଚେ ଜିଡ଼ମାଡ଼ିତ ହସି ହାଚାର ।

ପିତରୁତି ପାତକିଞ୍ଜି ବିସ୍ତେ ଜିସୁ ଇଚାନ

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୩୧ ଇ ଖେଡ଼ାଲିଂ ଜିସୁ ହେଞ୍ଜାରିଂ ଇଚାନ, “ନେଞ୍ଜେଙ୍ଗ୍ ନାଣା ଏପେଙ୍ଗ୍ ଓଜାକାଦେର୍ ନାଙ୍ଗ୍ ପିସ୍ତ୍ର ହାନାଦେର୍ । ଇନାକିଦେଂକି ସାସ୍ତରତ ଲେକାତାଡ଼ନା, ଆସେଙ୍ଗ୍ ମେଣ୍ଡା ଗଡ଼ିୟାଙ୍ଗ୍ ଅସ୍ତ୍ରତିସ୍ତ, ଆରେ ମାନ୍ଦା ନି ମେଣ୍ଡାଂ ଜେଡ଼େକେତେ ଆଜି ହାନିକ୍ ।” ୩୨ “ମାତର୍ ଆନ୍ ନିଙ୍ଗ୍ନି ପାଚେ ମି ଆଗେ ଗାଲିଲି ରାଜି ହାନାଂ ।”

୩୩ ପିତରୁ ଜିସୁଙ୍ଗ୍ ଇଚାନ, “ବିନ୍ ଲଗ୍ ଓଜାକାର ନିଂ ପିସ୍ତ୍ର ହାଟିସ୍ ପା ଆନ୍ ମୁଡ଼କେ ପିସ୍ତ୍ର ହାଲୁଙ୍ଗ୍ ।”

୩୪ ଜିସୁ ପିତରଂ ଇଚାନ, “ଆନ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ନାଣା କୁଜୁ କେଡ଼ନି ଆଗେ ଏନ୍ନାଙ୍ଗ୍ ପୁନୁଙ୍ଗ୍ ଇଞ୍ଜି ତିନିହର୍ ପାତକିଦୁୟ୍ ।”

୩୫ ପିତରୁ ଉତରୁ ହିତାନ, “ନି ହୁକେ ହାଦେଂ ଲାଗ୍ବିତିସ୍ପା ଆନ୍ ଇନାଞ୍ଜାଡ଼ାଂ ପା ଉଡ଼ା ଆଦୁଙ୍ଗ୍ ।”

ବିନ୍ ଚେଲାର ପା ଓଜାକାର ହେ ଲାକେ ଇଚାର୍ ।

ଗେଡ଼ସିମନିତ ବାଡ଼ଦ୍ ଜିସୁତି ପାର୍ତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ତା ପାଚେ ଜିସୁ ଜାର୍ ଚେଲାର୍ ହୁକେ ଗେଡ଼ସିମନି ତରୁନି ର ବାହାତ ହେଞ୍ଜାରିଂ ଇଚାନ, “ଆନ୍ ହେବେ ହାଲୁଜି ପାର୍ତାନା କିନି ପାତେକ୍ ଏପେଙ୍ଗ୍ ଇବେ କୁଚ୍ଚି ମାନାର୍ ।” ୩୭ ଆରେ, ଜିସୁ ପିତରୁ ଆରି ଜେବ୍ଦି ରିକାର ମେହିରିଂ ଅଚାନ । ହେ ଏଚେକାଡ଼ଦ୍ ଜିସୁ ବେସି ଦୁକ୍ ବାଦାତ ବିପ୍ତ୍ର ଆଜି ମାଚାନ । ୩୮ ଜିସୁ ହେଞ୍ଜାରିଂ ଇଚାନ, “ଦୁକ୍ତ ନା ଖାସ୍ତି ବିପ୍ତ୍ର ଆନାତା । ଇବେ ଏପେଙ୍ଗ୍ ନା ଲାହାଙ୍ଗ୍ କାଜିଂ ମାନାର୍ ।”

୩୯ ଜିସୁ ଅଲପ୍ ଦେହା ହାଲୁଜି ମେଦନିତ ମୁମ୍ କୁନ୍ଦି କିଜି ପାର୍ତାନା କିଚାନ, “ବାଞ୍ଜା ! ଜଦି ଆଦେଂ ଆନାଡ଼, ଇ ଦୁକ୍ବଗନି ଉଣି ବାହା ନା ତାଙ୍ଗ୍ ଦେହା ଅଞ୍ଜା, ମାତର୍ ନା ଇଚା ଆକାୟ୍, ନି ଇଚା ପୁରା ଆଏଡ଼ ।”

୪୦ ତା ପାଚେ ହେଞ୍ଜାନ୍ ଚେଲାର୍ ଲାଗାଙ୍ଗ୍ ଖାଜି ହୁଡ଼ତାନ, ହେଞ୍ଜାର୍ ହୁଞ୍ଜାଣ୍ଡା । ଜିସୁ ପିତରୁତିଂ ଇଚାନ, “ଏପେଙ୍ଗ୍ ନା ହୁଦାଂ ରଗଣ୍ଡା କାଜିଂ ମାଞ୍ଜେଙ୍ଗ୍ ଆଡୁଦେରା ? ୪୧ ପରିକ୍ୟାତ ଇନେସ୍ ଆର୍ମାଟ୍, ହେଦାଂ କାଜିଂ ମାନ୍ଞି ପାର୍ତାନା କିୟାଟ୍ । ଇନାକିଦେଂକି ମିଦାଙ୍ଗ୍ ଜିବୁନ୍ ଇଚା, ମାତର୍ ଗାଗାଡ଼୍ ନାଦାର୍ ।”

୪୨ ଜିସୁ ଆରେ ରଗ ହାଲୁଜି ପାର୍ତାନା କିଚାନ, ନା “ବାଞ୍ଜା ! ଜଦି ଦୁକ୍ବଗନି ଉଣି ବାହା ନାତାଙ୍ଗ୍ ଗୁଚା ଆଦେଂ ଆଡୁୟ୍ ଆରି ନାଙ୍ଗ୍ ହେଦାଂ ଉଣ୍ଡେଙ୍ଗ୍ ନେ ଆନାଡ଼, ନି ଇଚା ପୁରା ଆୟେଡ଼ ।” ୪୩ ହେଞ୍ଜାନ୍ ଆରେ ରଗ ମାସ୍ଦି ଚେଲାରିଂ ହୁଞ୍ଜନାକା ହୁଡ଼ତାନ । ହେଞ୍ଜାର୍ କାଣ୍କୁ ଜେଡେଙ୍ଗ୍ ଆଡ଼ଞ୍ଜାଦାଂ ମାଚାର୍ ।

୪୪ ଜିସୁ ହେଞ୍ଜାରିଂ ପିସ୍ତ୍ର ଅଲପ୍ ଦେହା ହାଲୁଜି ତିନିହର୍ କାଜିଂ ହେ ଲାକେ ପାର୍ତାନା କିଚାନ । ୪୫ ତା ପାଚେ ଚେଲାର୍ ତାକେ ଖାଜି ଇଚାନ, “ଏପେଙ୍ଗ୍ ଇ ପାତେକ୍ ହୁଞ୍ଜିମାଞ୍ଜି ଜମ୍ନାଦେରା ? ହୁଡ଼ାଟ୍, ମାନାୟ୍ ମାଜି ପାପିର୍ କେଇଦ୍ ହେଲାୟ୍ ଆନି ସମ୍ପୁ ଖାତାଡ଼ । ୪୬ ନିଂଗାଟ୍ ଆସେଙ୍ଗ୍ ହାନାସ୍ । ଇଦି ହୁଡ଼ାଟ୍, ନାଙ୍ଗ୍ ଆହିକିଦ୍ନି ମାନାୟ୍ ମାଜି ଏକାଞ୍ଜାତାନେ ।”

ଜିସୁ ଗାତ୍ୟା ଆଚାନ

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହନ୍ ୧୮:୩-୧୨)

☆ ୨୭:୩୨ ୨୭:୩୨ ମାଡ଼ିର ୨୮:୧୭.

୪୭ ହେୱାନ କାତା ଇନିୱାଡ଼ାଲିଂ, ହୁଡ଼ାଟ୍, ବାରଜାଣ୍ ବିତ୍ରେ ଜିହୁଦା ତରନ୍ ରକାନ୍ ଆରି ହେ ଲାହାଙ୍ ମୁଡ଼୍ ମାପୁହେବା କିନାକାନ୍ ଆରି ମାନାୟାର୍ ବିତ୍ରେ ବୁଡ଼ାଲୁର୍ ତାଙ୍ ପକ୍ୟାତି ହେନି ଲକ୍ କାଣ୍ଡା ଆରି ଟେଙ୍ଗାଙ୍ ଆସ୍ତି ୱାତାର୍ । ୪୮ ଆରେ, ହେୱାନିଂ ସତ୍ତୁ କେଇଦ ହେଲାୟ୍ କିନାକାନ୍ ହେୱାରିଂ ଚଟ୍ଟି ଇଞ୍ଜି ମାଗାନ୍, “ଆନ୍ ଇନେରିଂ ଡଞ୍ଜିନାଂ, ହେୱାନିଂ ନେ ଏପେଙ୍ଗ୍ ଇଟ୍ଟକାଡ଼୍ କିନାଦେରା । ହେୱାନିଂ ଆହାଟ୍ ।”

୪୯ ଆରେ, ହେଦାପ୍ରେ ଜିସୁତି ଲାଗାଂ ହାଲ୍ଲଜି ୱାଜି, ଏ ଗୁରୁ ଜୁୱାର୍, ଇଦାଂ ଇଞ୍ଜି ହେୱାନିଂ ବେସି ଡଞ୍ଜାନ ।

୫୦ ଜିସୁ ହେୱାନିଂ ଇଚାନ୍, “ବୟ୍, ଏନ୍ କାମାୟ୍ ବେଗି ୱିହା ।”

ଇଦାଂ ପାଚେ ହେୱାର୍ ଜିସୁଙ୍ଗ୍ ଆସ୍ତାର୍ ଆରି ଗାଟ୍ଟି ଅତାର୍ । ୫୧ ଆରେ ହୁଡ଼ାଟ୍, ଜିସୁ ଲାହାଙ୍ ମାନି ମାନାୟାର୍ ବିତ୍ରେ ରକାନ୍ କାଣ୍ଡା ଉନ୍ଦି ମୁଡ଼୍ ମାପୁହେବାକିନାକାନ୍ ଆଡ଼ିୟାତିଂ କାଡ଼ତାନ୍ । ହେୱାଡ଼ି କିଟୁଲ୍ ରାସ୍ତିଲେ ନାଡ଼ଜି ହାଚାଡ଼୍ । ୫୨ ଜିସୁ ତାଙ୍ ଇଚାନ୍, “ନି କାଣ୍ଡାତିଂ ହେ କାପୁତାକେ ଇଟା । ଇନେର୍ କାଣ୍ଡା ହପ୍ନାର୍, ହେୱାର୍ କାଣ୍ଡାତ ହାନାର୍ । ୫୩ ଏପେଙ୍ଗ୍ ଇନାକା ପୁନ୍ୱାତାଦେଣ୍ଡା, ଆନ୍ ନା ବାୱାଙ୍ଗ୍ ଗୱାରି କିଦେଙ୍ଗ୍ ଏଡ଼ିସ୍, ହେୱାନ ନା କାଜିଂ ଦାପ୍ରେ ବାରଜାଣ୍ ଟଣ୍ଡାର୍ ବାଟା ଆଦିକ୍ ସାଗେଁ ଦୁଡ଼ରିଂ ପକ୍ଲେତେଂ ଆଡ଼ନାନ୍ ? ୫୪ ମାତର୍ ତା ଆତିସ୍ ଇ ସବୁ ଗିଟାନାଡ଼ ଇଞ୍ଜି ସାସ୍ତରତ ଇନାକା ଲେକାମାନାଡ଼, ହେଦାଂ ପୁରା ଆନାଡ଼ ଇନେସ୍ ?”

୫୫ ☆ହେୱେଡ଼ାଂ ଜିସୁ ମାନାୟାର୍ ଇଚାନ୍, ଚକ୍ସୁଁ ବିରୁଦ୍ତ ହତି ଲାକେ କାଣ୍ଡା ଆରି ଟେଙ୍ଗାଙ୍ଗ୍ ତାସି ଏପେଙ୍ଗ୍ ଇନାକା “ନାଙ୍ଗ୍ ଆସ୍ତେଙ୍ଗ୍ ୱାତାଦେର୍ ? ଆନ୍ ନିତ୍ରେ ମନ୍ଦିର୍ତ କୁଟ୍ଟି ହିକ୍ୟା ହିଜି ମାଗାଙ୍ଗ୍, ମାତର୍ ଏପେଙ୍ଗ୍ ନାଙ୍ଗ୍ ଆସ୍ତାୱାତାଦେର୍; ୫୬ ହେୱାନ ଇନାକା ଆୟେଡ଼୍, ବେଣ୍ଟବାକ୍ଣାୟ୍ କିନାକାନ୍ ସାସ୍ତରତ ଇନାକା ଇନାକା ଲେକିକିତାଣ୍ଡା, ହେ ସବୁ ପୁରା ଆଦେଂ କାଜିଂ ଇଦାଂ ଗିଟାତାଡ଼ନା ।”

ଏଚେକାଡ଼୍ ଟେଲାର୍ ୱିଜାକାର୍ ଜିସୁଙ୍ଗ୍ ପିସ୍ତି ହଟ୍ଟାର୍ ।

ଜିହୁଦିତ ଗାଜା ବିଚାଣ୍ଡା

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୧; ଜହନ୍ ୧୮:୧୩-୧୪; ୧୯:୨୪)

୫୭ ଜିସୁଙ୍ଗ୍ ଗାଟ୍ଟାକାର୍ ହେୱାନିଂ ମୁଡ଼୍ ମାପୁହେବା କିନାକାନ୍ କୟାୟା ଇଞ୍ଜି ଅତାର୍ । ହେବେ ଦରମ୍ ଗୁରୁ ଆରି ପ୍ରାଚିନାର୍ ରୁଣ୍ଡା ଆଜି ମାଗାର୍ । ୫୮ ପିତର୍ ଅଲପ୍ ଦେହା ମାନଞ୍ଜି ଜିସୁଙ୍ଗ୍ ତେଇଁ ଡକ୍ଟି ହାଚାନ୍, ଆରେ ହେୱାନ ମୁଡ଼୍ ମାପୁହେବା କିନାକାନ୍ ଇଞ୍ଜି ହାକ୍ଡି ପାଚେକ୍ ହାଚାନ୍ । ଇ ସବୁନି ଗଟ୍ଟନା ଇନାକା ଆନାଡ଼୍, ହୁଡ଼ଦେଂ କାଜିଂ ପିତର୍ ହେବେ ହେବା କାର୍ଯ୍ୟାର୍ ହୁକେ କୁଟ୍ଟାନ୍ । ୫୯ ୱିସ୍ତି ବିତ୍ରେ ମୁଡ଼୍ ମାପୁହେବା କିନାକାର୍ ଆରି ଗାଜା ସବାନି ମେମରାର୍ ଜିସୁଙ୍ଗ୍ ହାକି ତାଣ୍ଡ ହିଦେଂ କାଜିଂ ହେ ବିରୁଦ୍ତ ମିଟ୍ ପାର୍ମାଣ୍ କିଦେଙ୍ଗ୍ ସେସ୍ଟୁ କିତାର୍ । ୬୦ ୱିଜାର୍ ଲକ୍ ଜିସୁ ବିରୁଦ୍ତ ମିଟ୍ କାତା ଇଚାର୍ । ମାତର୍ ହେ ଲାକେ ଇନାକାପା ପାର୍ମାଣ୍ ଗାଟାୱାତାର୍ । ହାରିହାରା ରିକାର୍ ନିଂତାର୍, ୬୧ “ହେୱାର୍ ଇଚାର୍ ଇୱାନ ଇଞ୍ଜି ମାଗାନ୍, ଆନ୍ ଇସ୍ତ ଫନ୍ଦିର୍ଡିଂ ଡ୍ରକ୍ଟି ତିନି ଦିନ୍ ପାଚେ ହେଦେଲିଂ ଆରେ ରଟ୍ଟେଂ ଆଡ଼ନାଂ ।”

୬୨ ମୁଡ଼୍ ମାପୁହେବାକିନାକାନ୍ ନିଙ୍ଗି ଜିସୁଙ୍ଗ୍ ୱେନ୍ଦବାତାନ୍, “ଏନ୍ ଇନାକାପା ଉତର୍ ହିଦୟା ? ନି ବିରୁଦ୍ତ ଇୱାର୍ ଇ ସାକି ହିନାରା, ଇଦାଂ ଇନାକା ?” ୬୩ ମାତର୍ ଜିସୁ ପ୍ଟକ୍ ମାଗାନ୍ । ମୁଡ଼୍ ମାପୁହେବାକିନାକାନ୍ ଇଚାନ୍, “ଜିରୁନିଂ ଇସ୍ତର୍ ତର୍ଦ୍ଦ ଆନ୍ ଜିସୁ ପାର୍ମାଣ୍ ହିଜି ୱେନ୍ଦବାଦନାଙ୍ଗା, ହାଡ଼ପା ଇନା, ଏନ୍ ଇନାକା ଇସ୍ତର୍ ମାଜି କ୍ରିସ୍ଟ ଇତିସ୍ ମସିୟା ?”

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭.

୨୪ ଜିସୁ ଉତର ହିତାନ, “ଏନ୍ ଇଚାୟନା । ମାତର ଆନ୍ ମିଙ୍ଗ୍ ଓଜାରିଂ ଇଞ୍ଜନାଙ୍ଗା, ବେଗି ମାନାୟ ମାଜି ସାଗେ ସାଲ୍ଲିକାଟାକାନ୍ ଇସ୍ବର ବୁଜିଣି ବାଗାଙ୍ଗ୍ କୁଟ୍ଟେଂ ହାନାନା, ଆରେ ତାଙ୍ଗ୍ ସାଗେତ ବାଦାଡ୍ ଲାହାଂ ଜୁଜି ଖାନାକା ଏପେଙ୍ଗ୍ ହୁଡ୍ନାଦେର୍ ।”

୨୫ ହେବେଣ୍ଡାଂ ମୁଡ୍ ମାପୁହେବାକିନାକାନ୍ ଜାର ହେୟା କେଟ୍ଟି ଇଚାନ୍, “ଇଞ୍ଜାନ୍ ଇସ୍ବର ନିୟା କିତାନ୍, ସାକିତ ମାଦାଂ ଆରେ ଇନାକା ଲଡା ? ହୁଡାଟ୍ ଦାପ୍ରେ ଇଞ୍ଜାନ୍ ଇସ୍ବର ନିୟା ତ ଏପେଙ୍ଗ୍ ଖେଟାଦେର୍ । ୨୬ ଇ ବିସ୍ତେ ମିଦାଙ୍ଗ୍ ମାନ୍ ଇନାକା ?”

ହେଞ୍ଜାର ଉତର ହିତାର, “ହେଞ୍ଜାନ୍ ପାରାଣ୍ ତାଣ୍ ପାୟାନି ବିଦି ।”

୨୭ ତା ପାଚେ ହେଞ୍ଜାର ଜିସୁଙ୍ଗ୍ ମୁମ୍ବ୍ ଏଞ୍ଜିଂ ରୁବ୍ଜି ତାଙ୍ଗ୍ ମୁବ୍କାକୁନତାର । କେତେକ୍ ଜାଣ୍ ତାଙ୍ଗ୍ ଚାପଡା ଇଡ୍ଡି ଇଚାର, ୨୮ “ଏ କ୍ରିସ୍ଟ ଇତିସ୍ ସିୟା ! ଏନ୍ ବେଣ୍ବାକ୍‌ଶାୟ କିୟା । ଇନେର୍ ନିଂ ଇଡ୍ଡାତାର, ଖେଟ୍ଟା ତ !”

ପିତର ଜିସୁଙ୍ଗ୍ ପାଚି କିଞ୍ଜାତାନ୍

(ମାର୍କ ୧୪:୨୭-୨୭; ଲୁକ ୨୨:୫୭-୨୭; ଜହନ୍ ୧୮:୧୫-୧୮, ୨୫)

୨୯ ମୁଡ୍ ମାପୁହେବାକିନାକାନ୍ ବାର୍ତ୍ ଅହ୍‌ଶାତ ପିତର ହାକ୍ଡିତ କୁଟ୍ଟି ମାନି ଖେଡାଲିଂ ରଞ୍ଜେଲ୍ ଆଡିଏଣି ଲାଗେ ଖାଜି ଇଚାଡ୍, “ଏନ୍ ପା ଗାଲିଲିୟ ଜିସୁ ଲାହାଙ୍ଗ୍ ମାଚାୟ ।”

୩୦ ମାତର ପିତର ଓଜାକାର୍ ମୁମ୍ବ୍ ଇ କାତା ମୁନାକିଜି ଇଚାନ୍, “ଏନ୍ ଇନାକା ଇନାୟା, ଆନ୍ ପୁନୁଙ୍ଗ୍ ।”

୩୧ ଇଦାଂ ଇଞ୍ଜି ହେଞ୍ଜାନ୍ ହେ ଅହ୍‌ଶାନି ଦୁଞ୍ଜେର୍ କଚଣ୍ଡ ହାଚାନ୍ । ଆରେ ରଞ୍ଜେଲ୍ ଚାକରଣି ତାଙ୍ଗ୍ ହୁଡ୍ଡି ହେବେ ମାନି ଲକାଂ ଇଚାଡ୍, “ଇଞ୍ଜାନ୍ ନାଜରିତିୟ ଜିସୁ ଲାହାଙ୍ଗ୍ ମାଚାନ୍ ।”

୩୨ ପିତର ଆରେ ରଗ ମୁନାକିଜି ଇଚାନ୍, “ପାର୍ମାଣ୍ କିଜି ଇନାଙ୍ଗା, ହେଞ୍ଜାନିଂ ଆନ୍ ପୁନୁଙ୍ଗ୍ ।”

୩୩ ଅଲପ୍ ସମୁ ପାଚେ ଲାଗେ ନିଲ୍ଡି ମାନି ମାନାୟାର୍ ପିତରୁଟି ଲାଗାଂ ଖାଜି ହେଞ୍ଜାନିଂ ଇଚାର, “ଏନ୍ ପା ହାଡ୍‌ପା ହେଞ୍ଜାର ବିଡ୍ରେ ରକାୟ । ଇନେକିଦେଂକି ନି କାତାତାଂ ତ ପୁନିଆନାତା ।”

୩୪ ପିତର ଇଚାନ୍, “ପାର୍ମାଣ୍ କିଜି ଇନାଙ୍ଗା, ନା କାତା ହାଡ୍‌ପା । ଆଞ୍ଜିତିସ୍ ଇସ୍ବର ନାଙ୍ଗ୍ ତାଣ୍ ହିଦେନ୍ ।

ହେ ମାନାୟତିଂ ଆନ୍ ପୁନୁଙ୍ଗ୍ । ଦାପ୍ରେ କୁଜୁ କ୍ଳେତାଡ୍ ।” ୩୫ ଆରେ ଜିସୁ ଇନାକା ଇଞ୍ଜି ମାଚାନ୍, ପିତର ମାନ୍ତ ଏଡ୍‌ଖାତାଡ୍; “କୁଜୁ କେନି ଆଗେ ନାଙ୍ଗ୍ ପୁନ୍‌ଖାତାଂନା ଇଞ୍ଜି ଏନ୍ ତିନି ହଟ୍ କାତା ଇଞ୍ଜନାୟ ।” ହେଞ୍ଜାନ୍ ବାର୍ତ୍ ହାଲ୍‌ଜି ବିପ୍ରି ଆଜି ଆଡ୍‌ବାତାନ୍ ।

୨୭

ପିଲାତ ମୁମ୍ବ୍ ଜିସୁ

(ମାର୍କ ୧୫:୧; ଲୁକ ୨୩:୧-୨; ଜହନ୍ ୧୮:୨୮-୩୨)

୧ ଆକାଡ୍ ନାଜିଂ ଉର୍ଲ୍ଲା ହାକାଡ୍ ପ୍ରାଟିନାର୍ ଜିସୁଙ୍ଗ୍ ଅସ୍ତେଙ୍ଗ୍ ମୁଡ୍ ମାପୁହେବାକିନାକାର୍ ଆରି ଦରମ୍ ଗୁରୁର୍ ତିର କିତାର୍ ।

୨ ଆରେ ହେଞ୍ଜାର୍ ତାଙ୍ଗ୍ ହାକ୍ଡିତ ଗାର୍ଡି ରମିୟ ସାସ୍‌ନି ମୁଡ୍ ନେତା ପିଲାତ ମୁଣିକା କେଇଦ ହେଲ୍ଲାୟ କିତାର୍ ।

ଜିହୁଦାତି ହାକି

(ପକ୍ୟାତାକା ୧:୧୮-୧୯)

୩ ହେ ଏଚେକାଡ଼୍‌ଦ ହେୱାନିଂ ସତ୍ତୁ କେଇଦ ହେଲାୟ୍ କିତି ଜିହୁଦା ୱେଚାନ ଜେ, ଜିସୁଙ୍ଗ ହାକି ତାଣ୍ଟ ବଲ୍ ଆତାଡ଼ନା, ହେୱାନ ମାନବାଦଲାୟ୍ କିତାନ ଆରି ମୁଡ଼ ମାପୁହେବାକିନାକାର୍ ଆରି ବୁଡ଼ାଲୁରିଂ ତିରିସଗଟା ରୁପା ଟାକାଂ ମାସଦି ହିଜି ଇଚାନ, ୪ “ରକାନ୍ତି ଦସ୍ ହିଲୁ଼ି ନେତେର୍ ହେଲାୟ୍ କିଜି ପାପ୍ କିତାଂନା ।”

ମାତର୍ ହେୱାର୍ ଇଚାର୍, “ହେବେ ମାଦାଂ ଇନାକା ମାନାଡ଼ ? ଏନ୍ ହେଦାଂ ବୁଜାଆ ।”

୫ ଜିହୁଦା ହେୱାର୍ ହିଡ଼ତି ରୁପା ଟାକାଂ ମନ୍ଦିରତ ବିତ୍ରେ ତୁହିଜି ହାଚାନ । ପାଚେ ହେୱାନ ହାଲୁଜି ଗାଡେଲୁତ ଡରି ଗାତ୍ୟାଜି ଉଚକା ଆଜି ହାଚାନ ।

୬ ମୁଡ଼ ମାପୁହେବାକିନାକାର୍ ଟାକାଂ ରୁଣ୍ଡାୟ୍ କିଜି ଇଚାର୍, ଇଦାଂ ନେତେରନି ଦାମ୍ । “ଇଦାଂ ମନ୍ଦିରନି କଚିତ ଇଚନି ବିଦି ହିଲୁଡ଼ ।” ୭ ହେ ଦାନଦିଂ ଇନେସ୍ କର୍ଚ କିଦେଙ୍ଗ୍ ଆଡ଼ନାର୍, ଇ ବିସ୍ତେ ତିର୍ କିଜି “କୁମରାଂ ବୁମି ତରନି ଇଚୁଚିଂ ଜମି କଡ଼ତାର୍ । ଇଦାଂ ବିଦେସ୍‌ଡିର୍ ଦୁଗେର୍ ବାହା ଲାକେ ଚିନ୍ତା ଆତାଡ଼ ।” ୮ ନଙ୍ଗ୍ ପାଡେକ୍ “ହେ ବୁମିତିଂ ନେତେର୍ ବୁମିଂ” ଇଞ୍ଜି ଇନାରା ।

୯ ଇ ଲାକେ ବେଶ୍‌ବାକ୍‌ଶାୟ୍‌କିନାକାନ ଜିରିମିୟ୍ ଇଞ୍ଜି ମାଚାନ, ଇମ୍‌ଶାକା “ତିରିସ୍ ରୁପା ଟାକାଂ ବେପାର୍ କିଦେଙ୍ଗ୍ ଇସ୍ତାଏଲ୍ କାଡ଼ଦେର୍ ସମାନ କିଜି ମାଚାର୍ ହେଦାଂ ଅଚାର୍ । ୧୦ କଡ଼େଦସ୍ ଗଟା ଟାକାଂତାଂ ହେୱାର୍ କୁମରାଂ ବୁମି କଡ଼ତାର୍, ହେୱାର୍ ହେ କୁମରେନ୍ ଡାବୁଙ୍ଗ୍‌ତାଂ କଡ଼ଜି ଅଚାର୍ ଇଦାଂ କିନି କାଜିଂ ନାଙ୍ଗେଙ୍ଗ୍ ମାପୁ ବଲ୍ ହିଜି ମାନଚାନ ।”

ପିଲାତ ଜିସୁଙ୍ଗ୍ ପରସନ୍ କିତାନ
(ମାର୍କ ୧୫:୨-୫; ଲୁକ ୨୩:୩-୫; ଜହନ୍ ୧୮:୩୩-୩୮)

୧୧ ଜିସୁଙ୍ଗ୍ ମୁମ୍‌ଦ ହୁଡ଼ଜି ରମିୟ୍ ରାଜି ପାଲି କିନି ପିଲାତ ୱେନ୍‌ବାଚାନ; “ଏନ୍ ଇନାକା ଜିହୁଦିର୍ ରାଜା ?”

ଜିସୁ ତାଙ୍ଗ୍ ଉତର୍ ହିଚାନ, ଆଁ “ଏନ୍ ହେଦାଂ ଇଚାୟ୍‌ନା ।” ୧୨ ଆରେ, ମୁଡ଼ ମାପୁହେବାକିନାକାର୍ ଆରି ପ୍ରାଚିନାର୍ ତା ବିରୁଦ୍‌ତ ତାଜିମାତି ଦାବାତ ଉତର୍ ହେୱାନ ଇନାକା ଇନ୍‌ୱାଚାନ ।

୧୩ ଲାଗିଂ ପିଲାତ ତାଙ୍ଗ୍ ଇଚାନ, “ନି ବିରୁଦ୍‌ତ ହେୱାର୍‌ତି ଦାବା ୱିଜୁ ଏନ୍ ଇନାକା ୱେଞ୍ଜେଙ୍ଗ୍ ଆଡୁୟା ?”

୧୪ ମାତର୍ ଜିସୁ ତାଙ୍ଗ୍ ର କାଚାନି ପାଦେକ୍ ପା ଉତର୍ ହିୱାଚାନ, ହେବେ ସାସନ୍‌କାରିୟା ବେସି କାବା ଆଚାନ ।

ଜିସୁଙ୍ଗ୍ ହାକି ତାଣ୍ଟ ଆତାଡ଼
(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହନ୍ ୧୮:୩୯-୧୯:୧୬)

୧୫ ନିସ୍ତାର୍ ପାର୍ଟୁ ୱେଡ଼ାଲିଂ ମାନାୟାର୍‌ତି ଇଚା ହୁକେ ରମିୟ୍ ରାଜ୍ କିନାକାନ ଜେ ରୱାନିଂ ବନ୍ଦି ମାନାକାନିଂ କୁଲାସ୍ କିନି ନିତି ମାଚାଡ଼ । ୧୬ ହେପାଦନା ଜିସୁ ହେୱାର୍ ବାରବା ତରନି ରୱାନ ଡାକ୍‌ପୁଟା ବନ୍ଦି ମାଚାନ । ୧୭ ରୁଣ୍ଡାତି ମାନାୟାରିଂ ପିଲାତ ୱେନ୍‌ବାଚାନ, “ଆନ୍ ଇନେରିଂ କୁଲାସ୍ କିନାଂ ଇଞ୍ଜି ମି ଇଚା ?” ବାରବାଙ୍ଗ୍ କି ଜିସୁ ଇନେରିଂ କ୍ରିସ୍ଟ ଇନାର୍ । ୧୮ ପିଲାତ ହାର୍ କିଜି ପୁଞ୍ଜି ମାଚାନ ଜେ ଜିହୁଦିର୍ ଆକାର୍ ଆଜି ଜିସୁଙ୍ଗ୍ ହେୱାନ କେଇଦ ହେଲାୟ୍ କିତାଣ୍ଟା ।

୧୯ ପିଲାତ ବିଚାର୍ ବାହାତ କୁଚିମାତି ୱେଡ଼ାଲିଂ ତା ଡକୁହି ର କାବୁର୍ ପଛାଡ଼, “ହେ ଦାମ୍ ମାନାୟତିଂ ଇନାକା ପା କିମା । ୱିଗା ନାଶାଲିଂ ର କେଚ୍‌କଣ୍ଡତ ତା କାଜିଂ ଆନ୍ ବେସି ଦୁକ୍ ପାୟା ଆତାଙ୍ଗନା ।”

୨୦ ମାତର ମୁତ୍ତୁ ମାପୁହେବାକିନାକାର ଆରି ବୁଡ଼ାଲୁର ବାରବାଙ୍କ ଏଡେଙ୍ଗ କାଜିଂ ଆରି ଜିସୁଙ୍କ ହାକି ତାଣ୍ଟ ହିଦେଂ କାଜିଂ ଲକ୍ଷୁରିଂ ବୁଜାୟକିତାର । ୨୧ ପିଲାତ ଆରେ ରଗ ମାନାୟାରିଂ ଖେନ୍‌ବାତାନ, “ଇ ରିକାର ବିତ୍ରେ ଆନ୍ ଇନେରିଂ କୁଲାୟ କିନାଂ ଇଞ୍ଜି ମି ଇଚା ହେଝାର୍ ଉତର୍ ହିତାର୍,”

“ବାରବାଙ୍କ ।”

୨୨ ପିଲାତ ହେଝାରିଂ ଖେନ୍‌ବାତାନ, “ତେବେ ଇନେରିଂ କ୍ରିଷ୍ଟ ଇନାର୍, ହେ ଜିସୁ କାଜିଂ ଇନାକା କିନାଂ ?”

“ତାଙ୍ଗେଙ୍ଗ କ୍ରିସ୍ତ ଦୁପାର୍” ଇଞ୍ଜି ହେଝାର୍ କିର କିତାର୍ ।

୨୩ ପିଲାତ ଖେନ୍‌ବାତାନ, “ମାତର ହେଝାନ୍ ଇନା ଦସ୍ କିତାନ୍‌ନା ?”

ହେଝାର୍ ଆରେ କିର କିଜି ଇଞ୍ଜେଙ୍ଗ ଲାଗାତାର୍, “ତାଙ୍ଗେଙ୍ଗ କ୍ରିସ୍ତ ଦୁପାର୍ ।”

୨୪ ଲାଗିଂ ପିଲାତ ଏଚେକାଡ଼ଦ ହୁଡ଼ତାନ ଜେ, ହେଝାନ୍ ଇନାକା କିଦେଙ୍ଗ ଆଡୁନା, ଆଞ୍ଜିତିସ୍ ଆରେ ଗଣ୍ଡଗଲ୍ ଆନାତା, ହେ ଏଚେକାଡ଼ଦ ହେଝାନ୍ ଏଜୁଂ ଅଜି ଲକ୍ଷୁର ମୁମ୍‌ଦ କେଇ ନୁଜ୍‌ଜି ଇଚାନ୍, “ଇ ନେତେର୍ତ ଆନ୍ ଦସି ଆକାୟ୍, ଏପେଙ୍ଗ ହେଦାଂ ବୁଜାଡୁ ।”

୨୫ ଇବେ ଖିଜାର୍ ଉତର୍ ହିତାର୍, “ଜିସୁତି ନେତେର୍ ମାଙ୍ଗେଙ୍ଗ ଆରି ମା ହିମ୍‌ଶାଙ୍ଗ ଜପି ଆରେଡ଼ ।”

୨୬ ହାରିହାରା ପିଲାତ ବାରବାଙ୍କ ମୁକ୍‌ଡାୟ୍ କିଜି ଜିସୁଙ୍କ କର୍ତ୍ତା ଇଡ଼ି କିଦେଙ୍ଗ ବଲ୍ ହିତାନ, ତା ପାଚେ କ୍ରିସ୍ ହାକି କିଦେଙ୍ଗ ମେଲ୍ୟାର୍ କେଇଦ ପିସ୍ତି ହିତାନ ।

ମେଲ୍ୟାର୍ ଜିସୁଙ୍କ ଗୁଇତାର୍

(ମାର୍କ ୧୫:୧୬-୨୦; ଜହନ୍ ୧୯:୨-୩)

୨୭ ଇଦାଂ ପାଚେ ସାସନ୍‌କିନାକାନିଂ ମେଲ୍ୟାର୍ ଜିସୁଙ୍କ କୁଝାଡ଼ ବିତ୍ରେ ଅଜି ହାଲ୍‌ଜି ସବୁ ମେଲ୍ୟାରିଂ ହେଝାନ୍ତି ଲାଗେ ବୁଣ୍ଡାୟ୍ କିତାର୍ । ୨୮ ଆରେ, ହେଝାର୍ ଜିସୁତି ଆଜି ଉନ୍‌ଦି ଅଜି ହେଝାନିଂ କାହରାତି କାଲାର୍ ବାନି ଆଜି ଉସ୍ତି କିତାର୍, ୨୯ ଆରେ ଖାଡ଼ି ମୁକୁର୍ ରର୍ଚି ହେଝାନ୍ତି କାପ୍‌ଡାତ ତୁଜି କିତାର୍ ଆରି ହେଝାନ୍ତି ବୁଜ୍‌ଣି କେଇଦ ର ନାଡ଼ା ହିତାର୍, ଆରେ ହେଝାନ୍ତି ମୁମ୍‌ଦ ମେଣ୍ଟାଂ କୁନ୍‌କିଜି ଇଚାର୍, “ଏ ଜିହୁଦିତ ରାଜା ଜିଝାର୍, ଇଦାଂ ଇଞ୍ଜି ହେଝାନିଂ ଗୁଇତାର୍ ।” ୩୦ ଆରେ, ହେଝାର୍ “ହେଝାନ୍ ଜପି ଏଞ୍ଜିଡ଼ିଂ ରୁପ୍‌ତାର୍ ଆରି ହେ ନାଡ଼ା ଅଜି ହେଝାନ୍ତି କାପ୍‌ଡାତ ଚାପ୍‌ଡା ଇଡ଼ଦେଂ ଲାଗାତାର୍ ।” ୩୧ ଆରେ, ହେଝାର୍ ହେଝାନିଂ ଗୁଇତି ପାଚେ ରାଜାର୍ ଆଜି ଉନ୍‌ଦି ଅଜି ହେଝାନ୍ତି ନିଜାତ ହେୟା ଉସ୍ତି କିତାର୍ ଆରି ତାଙ୍ଗେଙ୍ଗ କ୍ରିସ୍ତ ଦୁପ୍‌ତେଂ ଅଜି ହାଚାର୍ ।

ଜିସୁ କ୍ରିସ୍ତ ଦୁପ୍‌ତାର୍

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହନ୍ ୧୯:୧୭-୨୭)

୩୨ ହେଝାର୍ ହନି ଖେଡ଼ାଲିଂ ସିମନ୍ ତର୍‌ଦି ରକାନ୍ କୁରିଣିୟ୍ ବସ୍ତିନିକାନ୍ ମାନାୟ୍‌ତିଂ ହୁଡ଼ଜି ମେଲ୍ୟାର୍ ଜିସୁତି କ୍ରିସ୍ ପିଣ୍ଡଦେଂ କାଜିଂ ଚାଟାୟ୍ କିତାର୍ । ୩୩ ଆରେ, ହେଝାର୍ ଗଲ୍‌ଗତା ଇନି ତର୍ ବାହାତ, ଇଚିସ୍, “ଇନେରିଂ ନିନ୍‌ଶାଣ୍ ବାତ ବାହା ଇଞ୍ଜି ଇନାର୍,” ହେବେ ଏକିସ୍, ୩୪ ହେଝାନିଂ କେନିମେହାତି ଅଙ୍ଗୁର ରାସ୍ ଉଣ୍ଡେଙ୍ଗ ହିତାର୍, ମତର୍ ହେଝାନ୍ ହେଦାଂ ଖେଣ୍‌ଜି ଉଣ୍ଡେଙ୍ଗ ମାନ୍ କିଝାତାନ୍ ।

୩୫ ପାଚେ ହେଝାର୍ ହେଝାନିଂ କ୍ରିସ୍ତ ଦୁପ୍‌ତି ହେଝାନ୍ତି ହେୟାଙ୍ଗ୍ ସବୁ ଦରମ୍‌ଗୁଲି ହୁକେ ଜାର୍ ଜାର୍ ବିତ୍ରେ ବାଚା କିଜି ଅତାର୍, ୩୬ ଆରେ ହେବେ କୁର୍ଚି ଜିସୁଙ୍କ କାସି ମାଚାର୍ । ୩୭ ଆରେ, ହେଝାର୍ ହେଝାନ୍ତି କାପ୍‌ଡାନି ଜପି ଇ ଦାବା ଆକି ଲେକିକିଜି ତାର୍‌ଚାର୍, “ଇଝାନ୍ ଆନାନା ଜିହୁଦିତ ରାଜା ଜିସୁ ।” ୩୮ ହେ ଏଚେଝାଡ଼ାଂ ହେଝାନ୍ତି

ବୁଢ଼ଣି ବାଗାଙ୍ଗ ରକାନ୍ ଆରି ତେବ୍ରି ବାଗାଙ୍ଗ ରକାନିଂ, ଏପେଙ୍ଗ ରିକାର୍ ଚର୍କୁକାଂ ତା ହୁକେ କୁସ୍ତ ଦୁପ୍ୟାତାର୍ ।

୩୯ ଆରେ, ହେ ହାଜି ହିଜି ହାଲ୍ଲଜିମାନି ମାନାୟାର୍ ଜାର୍ ଜାର୍ କାପଡ଼ା ତୁକ୍ତି ହେଖାନିଂ ନିନ୍ଦା କିଜି ଇଞ୍ଜେଙ୍ଗ ଲାଗାତାର୍, ୪୦ * “ତେ ମନ୍ଦିର୍ ତ୍ରିକ୍ତିନିଲଗୁ ଆରି ତିନି ଦିନ୍ତାଂ ହେଦାଂ ରବ୍ନିଲଗୁ, ଏନ୍ ଏଚେକାଡ଼୍ ଇସ୍ତ ମାଜି, ତେବେ ଜାର୍ତିଂ ରାକ୍ୟା କିଜି କୁସ୍ତାଂ ଜୁଜି ୱା ।”

୪୧ ମୁଡ଼୍ ମାପୁହେବାକିନାକାର୍ ପା ହେ ଲାକେ ଦରମ ଗୁରୁର୍ ଆରି ବୁଡ଼ାଲୁର୍ ହୁକେ ନିନ୍ଦା କିଦେଙ୍ଗ ଲାଗାତାର୍, ୪୨ “ହେଖାନ୍ ବିନ୍ଲଗାଂ ରାକ୍ୟା କିତାନ୍, ଜାର୍ତିଂ ରାକ୍ୟା କିଦେଙ୍ଗ ଆତୁନା । ହେଖାନ୍ ହିନା ଇସ୍ତାଏଲ୍ଲିନି ରାଜା, ହେଖାନ୍ ଇ ଦାପ୍ରେ କୁସ୍ତାଂ ଜୁଜି ୱାୟେନ୍, ତେବେ ଆସେଙ୍ଗ ହେଖାନ୍ ତାକେ ପାତ୍ କିନାସ୍ । ୪୩ ହେଖାନ୍ ଜାର୍ତିଂ ଇସ୍ତ ମାଜି ଇଞ୍ଜି ଇସ୍ତର୍ ଜପି ବାସ୍ କିନାନ୍, ତା ଆତିସ୍ ହୁଡ଼ନାସ୍, ଇସ୍ତର୍ ହେଖାନିଂ ନଙ୍ଗ ରାକ୍ୟା କିଦେଙ୍ଗ ଇଚା କିନାନ୍ କି ଆକାୟ୍ ।

୪୪ ଆରେ, ଇମ୍ବି ଚର୍କୁର୍ ହେଖାନ୍ତି ହୁକେ କୁସ୍ତ ଦୁପ୍ୟା ଆଜି ମାଗାର୍, ହେଖାର୍ ପା ହେଖାନିଂ ହେ ଲାକେ ନିନ୍ଦା କିଦେଙ୍ଗ ଲାଗାତାର୍ ।”

ଜିସୁତି ହାକି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୪୫ ହେ ଦିନ୍ ମୁଣ୍ଡାମେଦାନ୍ ସମୁତ ବାର ଗଣ୍ଡା ତାଙ୍ଗ୍ ତିନି ଗଣ୍ଡା ପାତେକ୍ ଦେସ୍ ଜାକ୍ ମାଜିଗା ଆତାଡ଼୍,

୪୬ ମୁକାହାରେସ୍ ତିନି ଗଣ୍ଡା ୱେଡ଼ାଲିଂ ଜିସୁ ଗାଜା କାଟ୍ତାଂ ଇଚାନ୍, “ଏଲି, ଏଲି, ଲାମା ସବକ୍ତାନି ।” ଇତିସ୍ “ଏ ଇସ୍ତର୍, ଏ ଇସ୍ତର୍, ନାଙ୍ଗେଙ୍ଗ୍ ଇନେକିଦେଂ ପିସ୍ତାତାୟ୍ ?”

୪୭ ଲାଗେ ନିଲ୍ଲତିମାନି କେତେକ୍ ଜାଣ୍ ଇଦାଂ ୱେନ୍ଞି ଇଚାର୍, “ହେଖାନ୍ ଏଲିୟତିଂ କୁକ୍ନାନା ।” ୪୮ ହେ ଦାପ୍ରେ ହେଖାର୍ ବିତ୍ରେ ରକାନ୍ ମାନାୟ୍ ହୁଞ୍ଚି ହାଲ୍ଲଜି କେନିମେହା ଅଙ୍ଗ୍ ରାସ୍ତ ଚ ରୁଆ କୁକ୍ତି ହେ ନାଡ଼ା ଟିପ୍ତ ଗାଟ୍ତି ଉଣ୍ଡେଙ୍ଗ୍ ଜିସୁ ନିପ ଲାମାୟ୍ କିତାନ୍ ।

୪୯ ମାତର୍ ଆଦେକ୍ ମାନାୟାର୍ ଇଚାର୍, “ମାନାଟ୍, ଏଲିୟ ଇଖାନିଂ ରାକ୍ୟା କିଦେଙ୍ଗ୍ ୱାନାନା କି ଆକାୟ୍, ହୁଡ଼ନାସ୍ ।”

୫୦ ଜିସୁ ଆରେ ରଗ ଗାଜା କାଟ୍ତାଂ ହିର୍ବାତାନ୍, ଆରେ ରଗ କିକିରାତିଂ ହିର୍ବିସ୍ ଜିବୁନ୍ ପିସ୍ତାନ୍ ।

୫୧ ହେଞ୍ଜେଡ଼ାଲିଂ ମନ୍ଦିର୍ତ୍ତ ଜଲାଆନି ହେୟା ଜପିତାଂ ତାରେନ୍ ପାତେକ୍ ରି ପାଡ଼ା ଆଜି କେନ୍ତାଡ଼୍ । ମେଦ୍ନି ଦାଲ୍ଲକାତାଡ଼୍, ଚେଚ୍ଚରାଂ ପାକାଆତିକ୍ । ୫୨ ଆରି ଦୁଗେର୍ ଜେୟା ଆଜି କେତେକ୍ ସାଦୁରତି ଗାଗାଡ଼୍ ଆରେରଗ ନିଙ୍ଗ୍ତାଡ଼୍ । ୫୩ ଇଖାର୍ ଦୁଗେର୍ତାଂ ନିଙ୍ଗ୍ ଖାତାର୍ ଆରି ଜିସୁତି ଆରେ ନିଂନାକା ପାଚେ ହେଖାର୍ ପୁଇପୁୟା ଗାଡ଼୍ ଜିରୁସାଲମ୍ତ ହାନାକାର୍ ଆଦେକ୍ ହୁଡ଼ତାର୍ ।

୫୪ ଜିସୁଙ୍ଗ୍ କାସି ମାନି ମୁଡ଼ମେଲ୍ୟା ଆରି ମେଲ୍ୟାର୍ ମେଦ୍ନି ଦାଲ୍ଲକାନାକା ଆରି ବିନ୍ବିନ୍ନି ଗିଗାନାକା ହୁଡ଼ଜି ପାଣ୍ଡାତାର୍ । ହେଖାର୍ ଇଚାର୍, “ଇଞ୍ଜେନ୍ ହାଡ଼ପାଚେ ଇସ୍ତର୍ ମାଜି ମାଚାନ୍ ।”

୫୫ *ଗାଲିଲିତାଂ ଜିସୁଙ୍ଗ୍ ତେକ୍ତି ୱାଜି, ତାଙ୍ଗେଙ୍ଗ୍ ହେବା କିଜି ମାନି ହେନି କଗ୍ଲେକ୍ ଦେହା ମାନ୍ଞି ଇ ୱିଜୁ ହୁଡ଼ଜି ମାଟିକ୍ । ୫୬ ଇଞ୍ଜେକ୍ ବିତ୍ରେ ମାଟିକ୍

* ୨୭:୪୦ ୨୭:୪୦ ମାଡ଼ିର ୨୭:୨୧; ଜହନ୍ ୨:୧୯. * ୨୭:୫୫ ୨୭:୫୫ ଲୁକ ୮:୨,୩.

ମଗ୍‌ଦଲିନି ମରିୟମ୍, ଜାକୁବ୍ ଆରି ଜସେପ୍‌ତି ତେହି ମରିୟମ୍ ଆରି ଜେବ୍‌ଦିତି ଡକ୍ରି ।

ଜିସୁଙ୍କ ମୁଚ୍‌ଚାର୍

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୫୭ ମିଡ୍‌କାହାରେସ୍ ହାରାମାତିୟାନି ବସ୍ତ୍ରିନି ଜସେପ୍ ଇନି ରକାନ ମାଜାନ୍ ଲଗୁ ଖାଜି ଏକାଖାତାନ୍ । ହେଖାନ୍ ଜିସୁତି ଚେଲା ଆଜି ମାଚାନ୍ । ୫୮ ହେଖାନ୍ ପିଲାତଂ ବେଟା ଆଜି ଜିସୁତି ହାତି ଗାଗାଡ଼ିତଂ ଅଦେଂ କାଜିଂ ଲଖାଡ଼ ଏନ୍ତାନ୍ ଲାଗିଂ ପିଲାତ ଜିସୁତି ହାତି ଗାଗାଡ଼ ହିଦେଂ । ୫୯ ପିଲାତ ଲଖାଡ଼ ହିତିଲେ ଜସେପ୍ ଜିସୁତି ଗାଗାଡ଼ିତଂ ଅଜି ହାଲ୍‌ଜି ର ସକଟ୍ କଖାଣ୍ ହେନ୍ଦା କାଦ୍ୟାତ ହୁର୍ପାତାନ୍ ଆରି ୬୦ ତା ଜାର୍ କାଜିଂ କାଲ୍‌ଦ କାଚ ମାଚି ର ପୁନି ଦୁଗେରତ ହେଖାନ୍ ଇଡ଼ତାର୍ ଆରି ଦୁଗେର୍ ଦୁଖେର୍ ର ଗାଜା କାଲ୍ ପାଡ଼କ୍‌ଚି ହାଚାର୍ । ୬୧ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ହେବେ ଦୁଗେରତ ମୁମ୍ କିଜି କୁଚ୍‌ଚି ମାଚିକ୍ ।

ଦୁଗେରନି ଜାଗ୍‌ଖାଡ଼ାର୍

୬୨ ହେ ଆର୍କାଡ଼ ନାଜିଂ ଇଚିସ୍ ଜମ୍‌ନି ନାଜିଂ ମୁଡ଼୍ ମାପୁହେବାକିନାକାର୍ ଆରି ପାରୁସିର୍ ପିଲାତଂ ଲାଗେ ବେଟାଆଜି ଇଚାର୍, ୬୩ “ମାପୁ ମାଦାଂ ଏଡୁ ମାନାଡ଼, ହେ ମିଚ୍‌ଖା ଜିଜି ମାନିହିଂ ଇଞ୍ଜି ମାଚାନ୍ ‘ତିନି ଦିନ୍ ପାଚେ ଆନ୍ ଆରେ ନିଙ୍‌ନାଙ୍ଗ୍ ।’ ୬୪ ଲାଗିଂ ତିନି ଦିନ୍ ପାଚେକ୍ ହେ ଦୁଗେର୍ କାଜିଂ ମାଞ୍ଜେଙ୍ଗ୍ ଜାଗ୍‌ଖାଡ଼ାରିଂ ବାଚିକିଜି ବଲ୍ ହିଆ, ଆଞ୍ଜିତିସ୍ ତା ଚେଲାର୍ ତା ଗାଗାଡ଼ିତଂ ଚରି କିଜି ଅଜି, ହେଖାନ୍ ଜିଜି ନିଙ୍‌ନାଙ୍ଗା ଇଞ୍ଜି ଇଞ୍ଜେଙ୍ଗ୍ ଆଡୁର୍ । ହେଖାଚ୍‌ଚି ଇ ମିଚ୍ କାତା ଆଗେତାଂ ଆଦିକ୍ ସବୁତାଂ ବାନ୍ୟା ଆନାଡ଼ ।”

୬୫ ପିଲାତ ଉଚର୍ ହିତାନ୍, “ର କୁଦା ଜାଗ୍‌ଖାଡ଼ାରିଂ ଅହାଟ୍ ଆରି ହେ ଦୁଗେର୍‌ଚିଂ ଇନେସ୍ କିଜି ପା ହାର୍ ଇଚ୍‌ନାଦେର୍ ।”

୬୬ ହେଖାଚ୍ ହାଲ୍‌ଜି ଦୁଗେର୍‌ଚିଂ ଜାଗ୍‌ଚ୍ କିଦେଙ୍ଗ୍ ଇଞ୍ଜି ଜାଲ୍‌ଦି କିତାର୍ । ହେ ମୁମ୍‌ଦିଂ ଗେସ୍‌ତି ଇଡ଼୍‌ଜି ମାଚି କାଲ୍ ଜପି ଚିନ୍ ଇଡ଼୍‌ଜି କାନି କାଜିଂ ଜାଗ୍‌ଖାଡ଼ାରିଂ ଇଡ଼ତାର୍ ।

୨୮

ଜିସୁ ଆରେ ନିଂନାକା

(ମାର୍କ ୧୬:୧-୧୦; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ଷ୍ଟିସ୍ ପାଚେ ସାଡ଼୍‌ଦିନ୍‌ନି ପର୍‌ଡୁମ୍ ନାଜିଂ ଉଚ୍‌ଲା ହାକାଡ଼େ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଦୁଗେର୍ ହୁଡ଼େଂ ହାଚିକ୍ । ୨ ହେ ସମୁତ ବେସି ମେଦ୍‌ନିଦାଲ୍‌କାତାଡ଼, ଇନାକିଦେଂକି ମାପୁତି ରଖାନ୍ ଦୁଡ଼ ସାଗେତାଂ ଜୁଜି ଖାଜି ହେ ଦୁଗେର୍ ରଚ୍‌ଚିମାଚି କାଲ୍ ଗୁଡ଼ି ତା ଜପି କୁଚ୍‌ଚାନ୍ । ୩ ହେଖାନ୍ତି ମୁମ୍ ବିଜ୍‌ଲି ଲାକେ ଅଜଡ଼ ମାଚାଡ଼ ଆରି ହେଖାନ୍ତି ହେନ୍ଦା ଆଞ୍ଜିଗା ଲାକେ ଡିନ୍‌ଜି ମାଚାଡ଼ । ୪ ଆରେ ଦୁଡ଼ି ହୁଡ଼ି ଜାଗ୍‌ଖାଡ଼ାର୍ ପାଶ୍ଚୁଂ ତ୍ରିଗ୍‌ତାର୍ ଆରି ହାତି ଲାକେ ଆତାର୍ ।

୫ ସାଗେ ଦୁଡ଼ ହେ କଗ୍‌ଲେକାଂ ଇଚାନ୍, “ପାଶ୍ଚାମାଟ୍ ।” ଆନ୍ ପୁନାଙ୍ଗ୍, ଏପେଙ୍ଗ୍ କୁସ୍‌ତ ହାତି ଜିସୁଙ୍କ୍ ହୁଡ଼େଂ ଖାତାଦେଣ୍ଡା । ୬ ହେଖାନ୍ ଇବେ ହିଲୁନ୍ । ହେଖାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ନିଂତାନ୍ନା । ଖାଡ଼, ତା ହାତି ମାଡ଼ା ଇମେତାକେ ଇଡ଼୍‌ଜି ମାଚାର୍, ହେ ବାହା ହୁଡ଼ାଟ୍ । ୭ “ବେଗି ହାଲ୍‌ଜି ତା ଚେଲାହିରିଂ ଖେଚାଟ୍,

* ୨୭:୨୩ ୨୭:୨୩ ମାଠିର ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩.

‘ହେୱାନ ଆରେ ନିଜ୍ଞତାନ୍ନା ଆରି ମି ଆଗେ ହେୱାନ ଗାଲିଲିତ ହାତାନନା । ହେବେ ଏପେଙ୍ଗ୍ ତାଙ୍ଗ୍ ହୁଡ଼ନାଦେର୍ ।’ ଆନ୍ ଇନାକା ଇଞ୍ଜାଙ୍ଗ୍ ହେଦାଂ ମାନ୍ତ ଇଟାଟ୍ ।”

୮ ଇଦାଂ ୱେନ୍‌ଞ୍ଜି ହେୱେକ୍ ବେଗି ଦୁଗେର୍ ପିସ୍ତି ଚେଲାର୍ ତାକେ କାବୁର୍ ହିଦେଂ ହନ୍ତିକ୍ । ପାଣ୍ଡା ଆଜି ପା, ହେୱେକ୍ ମାନ୍ତ ବେସି ୱାୟା ଆଜି ମାଟିକ୍ ।

୯ ଆରେ ହୁଡ଼ାଟ୍, ଜିସୁ ହେୱାରିଂ ତ୍ରିପ୍‌କୁ ବେଟାଆଜି ଇଚାନ, “ମିଦାଙ୍ଗ୍ ସୁସ୍ତା ଆୟେଡ୍ । ହେୱାଟ୍ ତା ଲାଗେ ୱାଜି ତା ପାନା ଆସ୍ତି ଜୱାଟ୍ କିତାର୍ ।” ୧୦ ଜିସୁ ହେୱାରିଂ ଇଚାନ, “ପାଣ୍ଡାମାଟ୍ ନା ଟଣ୍ଡାରିଂ ୱେଟାଟ୍, ହେୱାଟ୍ ଗାଲିଲିତ ହାଲେର୍ । ହେବେ ନାଙ୍ଗେଙ୍ଗ୍ ହୁଡ଼ନାନାର୍ ।”

ଜାଗ୍‌ୱାଡ଼ାର୍ ୱେଟନାକା ବିସ୍ତେ

୧୧ କଗ୍‌ଲେକ୍ ହାଲ୍‌ଜି ମାନି ୱେଡ଼ାଲିଂ, ହୁଡ଼ାଟ୍, ଜାଗ୍‌ୱାଡ଼ାର୍ କୁଦା ବିତ୍ରେତାଂ କେତେକ୍ ଜାଣ୍ ଗାଡ଼୍‌ଦ ହାଲ୍‌ଜି ହେ ୱିଜୁ ଗଟ୍‌ଶାନ କାତା ମୁଡ଼୍ ମାପୁହେବାକିନାକାରିଂ ୱେଟ୍‌ପାତାର୍ । ୧୨ ମୁଡ଼୍ ମାପୁହେବାକିନାକାର୍ ବୁଡ଼ାଲୁର୍ ହୁକେ ରୁଣ୍ଡା ଆଜି ଗାଣ୍‌ଜୁ କିତି ପାଚେ ହେ ମେଲ୍ୟାରିଂ ବେସି ଟାକାଂ ହିଜି ଇଚାର୍, ୧୩ “ଏପେଙ୍ଗ୍ ଇନାଟ୍, ଆପେଂ ହୁଞ୍ଜିମାଟି ୱେଡ଼ାଲିଂ ତା ଚେଲାହିର୍ ନାଶା ୱାଜି ହେୱାନିଂ ଚରି କିଜି ଅତାର୍ । ୧୪ ଆରେ ଜଦି ସାସନ୍ କାରୟା ଇ କାତା ୱେନାନ୍ ଆପେଂ ତାଙ୍ଗ୍ ବୁଜାୟ୍ କିନାପ୍ ଜେ ନି ଦସ୍ ବିରକୁଲ୍ ଆକାୟ୍ । ଇ ବିସ୍ତେ ବିପ୍ତି ଆମା ।”

୧୫ ମେଲ୍ୟାଟ୍ ଟାକାଂ ଅଜି ହେୱାରିଂ ଇଞ୍ଜିମାଟି ସମାନ୍ କାମାୟ୍ କିତାର୍ । ହେୱାଟ୍ ହେ ୱେଡ଼ାଲିଂ ଇନାକା ଇଚାର୍, ଜିହୁଦିର୍ ନେଞ୍ଜେଙ୍ଗ୍ ପାତେକ୍ ହେ କାତା ସୁଣାୟ୍ କିନାରା ।

ଚେଲାରିଂ ଜିସୁ ଚଞ୍ଜ୍ୟା ଆତାନ

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୬-୮)

୧୬ *ମାତର୍ ଏଗାର୍ ଜାଣ୍ ଚେଲାର୍ ଆଗେ ଗାଲିଲିତ ହାଲ୍‌ଜି, ଜିସୁ ଇମ୍‌ଣି ମାଡ଼ି ବିସ୍ତେ ହାଲ୍‌ଜି ହେୱାରିଂ ଇଞ୍ଜି ମାଚାନ, ହେ ମାଡ଼ିତ ହାଚାର୍ । ୧୭ ଆରେ, ହେୱାଟ୍ ତାଙ୍ଗ୍ ହୁଡ଼ଜି ଜୱାଟ୍ କିତାର୍, ମତର୍ ଇନେର୍ ଇନେର୍ ପାଟ୍ କିୱାତାର୍ । ୧୮ ଆରେ, ଜିସୁ ହେୱାଟ୍ ଲାଗେ ୱାଜି ବେଣ୍ କିଜି ଇଚାନ, “ସାଗେ ଆରି ପୁଟ୍ ନି ୱିଜୁ ଆଦିକାର୍ ନାଙ୍ଗ୍ ହିଦ୍ୟାତାଡ଼ନ୍ନା । ୧୯ *ଲାଗିଂ, ଏପେଙ୍ଗ୍ ହାଲ୍‌ଜି ସବୁ ଜାତିନି ମାନାୟାରିଂ ବାୱା, ମାଜି, ଆରି ପୁଇପୁୟା ଜିବୁନ୍ ତର୍ଦାଂ ବାପ୍ରିସିମ୍ ହିୟାଟ୍, ୨୦ ଆନ୍ ମିଙ୍ଗ୍ ଇମ୍‌ଣି ଇମ୍‌ଣି ବଲ୍ ହିଡ଼ନ୍ନା, ହେ ସବୁ ମାନି କିଦେଙ୍ଗ୍ ହିକ୍ୟା ହିଜି ଆରି ମାନ୍ତ ଇଟାଟ୍, ଜୁଗ୍‌ସେସ୍ ପାତେକ୍ ନିତ୍ରେ ତାଜନାଡ଼ ଆନ୍ ମିଙ୍ଗେଙ୍ଗ୍ ହାଙ୍ଗ୍ ହାଙ୍ଗ୍ ମାନାଂ ।”

ମାର୍କ ଲିଖିତ ସୁସମାଚାର ମାର୍କ ଲେକିକିତି ନେକ୍ରି କାବୁର୍ ମାର୍କ ପତି ବିସ୍ତେ ପାଦେକ୍

ଆନମାନତାଂ ତାରିକ୍ । ୨୭ AD ୭୦ AD ଲେକିକିତାକାନତି ତର୍ ମାର୍କ ଲେକିକିତି ବାହା ତର୍ ରମ୍ । ଜିସୁ କ୍ରିସ୍ତୁ ଜିବୁନ୍ ବିସ୍ତେ ଇଞ୍ଜି ମାନି ପୁନିନିୟମିନି ଚାରିଗଟା ପତିଂ ବିତ୍ରେତାଂ ମାର୍କ ଲେକିକିତି ନେକ୍ରି କାବୁର୍ ରଞ୍ଜାଈ । ହେ ଓକ୍ଟୁଡିଈ ନେକ୍ରି କାବୁର୍ ଇନ୍ୟା ଆନାଡ୍, ଇମ୍ପାଣି ଅରଡ୍ ଆତାଡ୍ “ନେକ୍ରିକାବୁର୍ ।”

ହେଞ୍ଜାଈ ଜିସୁତି ହାତି ପାଚେ ମାଡିଭ, ମାର୍କ, ଲୁକ ଆରି ଜହନ୍ ତାଈ ଲେକା ଆତାଡନ୍ନା । ଚାରିଗଟା ନେକ୍ରିକାବୁର୍ ବିତ୍ରେ ମାର୍କ ଲେକିକିତି ନେକ୍ରିକାବୁର୍ ଆନାତା ଓଜେଡିଂ ହାରୁଟି । ଇଦାଂ ପା ପାତର୍ କିୟା ଆନାଡ୍ ଜେ, ଇ ନେକ୍ରିକାବୁର୍ ବିତ୍ରେ ଓଜେଡିଂ ଆଗେ, କ୍ରିସ୍ତୁଦିନ୍ ୬୫-୭୦ ବିତ୍ରେ ଲେକା ଆତାଡନ୍ନା । ବାଇବଲ୍ ପଣ୍ଡିତ୍ କୁର୍ ପାତର୍ କିନାର୍ ଜେ, ରମ୍ପତ ମାନି କ୍ରିସ୍ତୁୟାନିଂ ଖାରି କିଦେଈ ଇଞ୍ଜି ରମ୍ପତ ଇଦାଂ ଲେକା ଆତାଡନ୍ନା, ମାର୍କ, ଇନେରକି ଜହନ୍ ମାର୍କ ତର୍ଦଦ ଜାଣାଟିନା, ହେଞ୍ଜାନ୍ ପାଉଲ୍ ଆରି ବର୍ଣ୍ଣବାତି ହାଈଦାକାନ୍ ମାଚାନ୍, ମାତର୍ ଏଚେକାଡ୍ଦ ହେଞ୍ଜାନ୍ ହେଞ୍ଜାରିଂ ମିସ୍ନାରି ହାନିହାସ୍ଦ ପିସ୍ତି ଖାତାନ୍, ହେ ପାଦନା ହେ ତାକ୍ପୁଟା ଆନିତାକେ ମାଡ୍ ଖାତାଡ୍ ପକ୍ୟାତାକା । ପାଚେନି ଖେଡାଲିଂ ମାର୍କ ଆରେ ରଗ ବର୍ଣ୍ଣବା ହୁକେ ହାଚାନ୍ ପକ୍ୟାତାକା ୧୫:୩୭-୩୯ ମାର୍କ ପା ପିତର୍ ରକାନ୍ ହାଦର୍ ହାଈଦାକାନ୍ ଲାକେ ଜାଣାଟିନା ମାଚାନ୍ ୧ ପିତର୍ ୫:୧୩ ଆତିସ୍ପା ମାର୍କ ରକାନ୍ ଜିସୁ ଜିବୁଡି ସିଦାସାକି ହିଲ୍ଖାତାନ୍, ଆତିସ୍ପା ପାଣ୍ଡିତ୍ କୁର୍ ପାତର୍ କିତାର୍ ଜେ, ହେଞ୍ଜାନ୍ ପିତର୍ଡି ସାକିହିଦେଂ ଇଞ୍ଜି ଜାର୍ ନେକ୍ରିକାବୁର୍ଡତ ଲେକିକିତାନ୍ନା । ନେକ୍ରିକାବୁର୍ଡତ ମାର୍କ ଚେଲେନ୍ ଆରି ଓସ୍ତି ଖେଡାଂ ଜିସୁତି ହିକ୍ୟା ଜପି ଇର୍କାଡ୍ କିତାନ୍ନା । ମାର୍କ ଇ ପୁସ୍ତକ୍ତ ଜିସୁ କ୍ରିସ୍ତୁ ରକାନ୍ ସାବୁ ଆଡିୟେନ୍ ଆରି ଇସ୍ତର୍ ଇଚା ପୁରା କିଦେଈ ଇଞ୍ଜି ସବୁ ଖେଡାଈ ଜାଲ୍ଦି ମାନି ଖାରିକିନିତ ମାଜି ଲାକେ ଚିନ୍ତା କିତାନ୍ନା, ହେଦାଂ କାଜିଂ ହେଞ୍ଜାନ୍ ପୁଞ୍ଜି ଜିସୁତି କାବାଆନି କାମାୟ୍ ବିସ୍ତେ ଲେକିକିତାନ୍ନା । ହାରିହାରା ହେଞ୍ଜାନ୍ ଓକ୍ଟୁ ପୁତର୍ ତ ନେକ୍ରି କାବୁର୍ ସୁଣାୟ୍ କିଦେଈ ର ଗାଜା ବଲ୍ ହୁକେ ଇ ନେକ୍ରି କାବୁର୍ ଲେକାତିଂ ଓସ୍ତାନ୍ନା ।

ପତି ବିସ୍ତେନି ରାହାଣ

- ୧. ମୁଞ୍ଜିନି ଜହନ୍ ଆରି ଜିସୁତି ବାପ୍ତିସିମ୍ ୧:୧-୧୩
- ୨. ଗାଲିଲିତ ଜିସୁତି ହେବାକାମାୟ୍ ୧:୧୪; ୯:୫୦
- ୩. ଜିରୁସାଲମ୍ପତ ଜିସୁତି ହାନାକା ଆରି ମନ୍ଦିରତ ହଣାକା ୧୦:୧; ୧୨:୪୪
- ୪. ଖାନି ବିସ୍ତେ ବେରଣ୍ ବାକ୍ଷାୟ୍ କିନି କାତା ୧୩:୧-୩୭
- ୫. ଜିସୁତି ହାକି, ନିଈନାକା ଆରି ଗାଜା ବଲ୍ ୧୪:୧; ୧୬:୨୦

ବାପ୍ତିସିମ୍ ହିନି ଜହନ୍ତି ସୁଣାୟ୍ କିନାକା
(ମାଡିଭ ୩:୧-୧୨; ଲୁକ ୩:୧୧-୧୮; ଜହନ୍ ୧:୧୯-୨୮)

୧ ଇସ୍ରାଏଲ ଯିଶୁ କ୍ରୀଷ୍ଟ ନେକ୍ରିକାବୁର୍ ଆରମ୍ଭ ।* ୨ ଜିସାୟ
ବେଶ୍‌ବାକ୍‌ଶାୟକିନାକାନ୍ତି ସାସ୍ତ୍ରତାକେ ଇନେସ୍ ଲେକା ଆତାଡ଼ନ୍ନା,

“ହୁଡ଼ାଟ୍, ଆନ୍ ନା ଦୁଡ଼ତିଂ ମି ଆଗେ ପଲ୍ଲାନାଙ୍ଗା,”

“ହେୱାନ୍ ମିଙ୍ଗେଙ୍ଗ୍ ହାଜି ରବ୍‌ତି ହିଦନାନ୍ ।”

୩ ବାଟାତ ବେସି ଗାଜାକାଟ୍ କିଜି ହିରବାନାକାନ୍ତି କାଟ୍,

“ମାପୁତି ହାଜି ରଟାଟ୍,

ହେୱାନ୍ତି ରାଜା ହାକ୍‌ଡ଼ି ହାଣ୍ଡକୁ କିୟାଟ୍ ।”

୪ ପାଚେ ବାପ୍ରିସିମ୍ ହିନି ଜହନ୍ ବାଲି ବାଟାତ ହାଲ୍‌ଜି ପାପ୍ କେମା କାଜିଂ ପାପ୍‌ତାଂ
ମାନ୍‌ବାଦ୍‌ଲାଇୟ କିନି† “ବାପ୍ରିସିମ୍ ସୁଶାୟ କିଦେଙ୍ଗ୍ ଲାଗାତାନ୍ ।” ୫ ହେବେ ସବୁ
ରାଜିନି ଜିହୁଦା ଦେସ୍ ଆରି ସବୁ ଜିରୁସାଲମ୍‌ନି ମାନାୟାଟ୍ ହସି ହେୱାନ୍ ଲାଗାୟ
ୱାଦେଙ୍ଗ୍ ଲାଗାତାଟ୍ ଆରି ଜାଟ୍ ଜାଟ୍ ପାପ୍ କିତାକା ମାନିକିଜି ହେୱାନ୍‌ତାଂ ଜର୍ଦନ୍
ନାଗୁଡ଼୍ ତାକେ ବାପ୍ରିସିମ୍ ଅତାଟ୍ ।

୬ ହେ ଜହନ୍ ଉର୍ ତଲ୍‌ନି ହେୟା ଉସ୍‌ସିୟ ମାଟାନ୍ ଆରି ତା ମ୍ଳେଙ୍ଗାଙ୍ଗ୍ ତଲ୍‌ନି
ନୁଶ୍‌କୁ ଡରି ଗାଟ୍‌ତି ମାଟାନ୍, ପାଚେ ପାମି ଆରେ ରାକ୍ରିପୁକି ହେୱାନ୍ତି କାଦି ମାଟାଟ୍
। ୭ ଜହନ୍ ସୁଶାୟ କିଜି ଝିଜାକାରିଂ ଉତର୍ ହିନାନ୍, “ନାଙ୍ଗ୍ ତାଙ୍ଗ୍; ଇନେର୍ ବେସି
ସାକ୍ତିକାଟାକାନ୍, ହେୱାନ୍ ନା ପାଚେ ୱାନାନା; ଆନ୍ ତା ସମାନ୍ ଆକାୟ ହେୱାନ୍ତି
ପାନାନ୍ ଡରି ପାଣ୍ଡାଙ୍ଗ୍ ରିକ୍‌ତେଂ ସମାନ୍ ଆକାୟ ।” † ଆନ୍ ମିଙ୍ଗେଙ୍ଗ୍ ଏକ୍ଲୁଂତାଂ
ବାପ୍ରିସିମ୍ ହିଡ଼ତାଂ, ମାତର୍ ହେୱାନ୍ ମିଙ୍ଗେଙ୍ଗ୍ ପୁଇପୁୟା ଜିବୁନ୍ତାଂ ବାପ୍ରିସିମ୍ ହିଦନାନ୍
।

ଜିସୁତି ବାପ୍ରିସିମ୍ ଆରି ପରିକ୍ୟା

(ମାତିଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ହେ ସମୁତ ଜିସୁ ଗାଲିଲିନି ନାଜରିତ୍‌ୟତାଂ ୱାଜି ଜର୍ଦନ୍ ନାଗୁଡ଼୍‌ତାକେ ଜହନ୍‌ତାଂ
ବାପ୍ରିସିମ୍ ଅନାନ୍ । ୧୦ ଆରେ ହେ ଦାପ୍ରେ ହେୱାନ୍ ଏକ୍ଲୁଂତାଂ ନିଙ୍ଗିଜି ୱାନି ୱେଡ଼ାଲିଂ
ବାଦାଡ଼୍ ଜେୟା ଆତାଡ଼୍ ଆରେ ପୁଇପୁୟା ଜିବୁନ୍‌ତିଂ ପାର୍‌ୱା ଲାକେ ତା ଜପି
ଜୁଦନାକା ହୁଡ଼ତାନ୍, ୧୧ *ଆରେ, ବାଦାଡ଼୍ ତାଙ୍ଗ୍ ଇ କାତା ଆତାଡ଼୍, “ଏନେଙ୍ଗ୍ ନା
ୱାରିନି ମାଜି, ନି ତାକେ ନାତାଂ ବେସି ୱାରି ମାନାଟ୍ ।”

୧୨ ହେ ଦାପ୍ରେ ପୁଇପୁୟା ଜିବୁନ୍ ହେୱାନ୍‌ି ବାଟାତ ଅଜି ହାଟାଟ୍ । ୧୩ ଜିସୁ ହେ
ବାଟାତ ଚାଲିସ୍ ଦିନ୍ ମାନ୍‌ଞ୍ଜି ହେବେ ହେୱାନ୍ ସୟତାନ୍ ହୁଦାଂ ପରିକ୍ୟା ଆନାନ୍ ।
ହେୱାନ୍ ରାନ୍ ଜାଡ଼ ଲାହାଙ୍ଗ୍ ମାଟାନ୍, ଦୁଡ଼କୁ ହେୱାନ୍‌ି ହେବା କିଜି ମାଟିକ୍ ।

ଜିସୁ ଚାରିଜାଣ୍ ମିନ୍‌କୁ ଆହ୍‌ନାକାରିଂ କୁକ୍‌ନାନ୍

(ମାତିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନ୍ ଜେଲ୍‌ଡ଼ ହାଟି ପାଚେ, ଜିସୁ ଗାଲିଲିତ ୱାଜି ଇସ୍ରାଏଲି ନେକ୍ରିକାବୁର୍ ଗାଜା
କାଟ୍‌ତାଂ ଇଞ୍ଜେଙ୍ଗ୍ ଲାଗାତାନ୍ । ୧୫ “ଜିସୁ ସୁଶାୟ କିଦେଙ୍ଗ୍ ଲାଗାତାନ୍, ଦିନ୍ ୱିଜେ
ୱାତାତେ, ଇସ୍ରାଏଲି ରାଜି ଲାଗାୟ ଆତାତେ; ପାପ୍‌ତାଂ ମାନ୍‌ବାଦ୍‌ଲାଇୟ କିୟାଟ୍ ଆରି
ନେକ୍ରିକାବୁର୍ ତାକେ ପାଟ୍ କିୟାଟ୍ ।”

୧୬ ଜିସୁ ଗାଲିଲି ହାମ୍‌ଦୁର୍ ପାଡ଼ିତିଂ ହାଲ୍‌ଜି ମାନି ସମୁତ ସିମନ୍ ଆରେ ତା ଚଣ୍ଡାହି
ଆହିୟଙ୍ଗ୍ ହାମ୍‌ଦୁର୍‌ତ ଜାଲ୍ ହୁହିନାକା ହୁଡ଼ତାନ୍, ଇତିସ୍ ହେୱାଟ୍ ମିନ୍‌କୁ ଆସି
ଜିନାକାଟ୍ ମାଟାଟ୍ । ୧୭ ଜିସୁ ହେୱାରିଂ ଇଟାନ୍, “ନା ପାଚେ ପାଚେ ୱାଡୁ, ଆନ୍

* ୧:୧ ୧:୧ କେତେକ୍ ପତିତ ଇସ୍ରାଏଲି ମାଜି ହିଲ୍‌ଡ଼ । † ୧:୪ ୧:୪ ଜହନ୍ ପାଟାତ ଚଞ୍ଜୟାତାନ୍, ବାପ୍ରିସିମ୍
ହିଜି ମାଟାନ୍ ଆରି ପର୍‌ଚାଟ୍ କିଜି ମାଟାନ୍; କେତେକ୍ ପତିତ ବାପ୍ରିସିମ୍ ହିନି ଜହନ୍ ବାଟାତ ଚଞ୍ଜୟାତାନ୍, ପର୍‌ଚାଟ୍
କିଜି ମାଟାନ୍ । * ୧:୧୧ ୧:୧୧ ମାତିଉ ୩:୧୭; ୧୨:୧୮; ମାର୍ଚ୍ଚ ୯:୭; ଲୁକ ୩:୨୨.

ମିଙ୍ଗେଇଁ ମାନାୟ ଆହୁନାକା ହିକାଇ କିଦ୍‌ନାଇଁ ।” ୧୮ ହେବେ ହେଝାର୍ ହେ ଦାପ୍ରେ ଜାଲ୍ ପିସ୍ତ୍ର ହେଝାନ୍ ପାଚେ ହାଚାର୍ ।

୧୯ ପାଚେ, ହେଝାନ୍ ଅଲପ୍ ଆଗେ ହାଲ୍‌ଜି ଜାକୁବ୍ ଆରି ଜହନ୍ ତରଦାକାନ୍ ଜେବ୍‌ଦିତି ମାଜି ଜାକୁବ୍ ଆରି ହେଝାନ୍ ଟଣ୍ଡାହି ଜହନ୍‌ତି ତଙ୍ଗାତ କୁର୍ଚି ହେଝାର୍‌ତି ଜାଲ୍ ଗାଡ଼ି କିଜି ମାଗାନ୍ । ୨୦ ହେ ଦାପ୍ରେ ହେଝାନ୍ ହେଝାରିଁ କୁକ୍‌ତାନ୍, ପାଚେ ହେଝେର୍ ହେଝାର୍ ଲାଡ୍ରାହି ଜେବ୍‌ଦିତି କାମ୍‌ଲିୟାର୍ ହୁକେ ତଙ୍ଗାତାକେ ପିସ୍ତ୍ର ହେଝାନ୍ ପାଚେ ହାଚାର୍ ।

ଜିସୁ ପୁଦା ଆହୁୟାତାକାନ୍ ଉଜ୍ କିତାନ୍
(ଲୁକ ୪:୩୧-୩୭)

୨୧ ପାଚେ ଜିସୁ ଆରି ଚେଲାର୍ କପର୍ନାହୁମ୍ ତାକେ ହାଚାର୍, ଆରେ ହେ ଦାପ୍ରେ ଜିହୁଦିର୍ ଜମନିବାର୍ ନାଜିଁ କୁର୍ତ୍ତମ୍ ଇଞ୍ଜ ହାଲ୍‌ଜିପା ହିକାୟ୍ କିଦେଇଁ ଲାଗାତାନ୍ । ୨୨ ମାନାୟାର୍ ହେଝାନ୍ ହିକ୍ୟାତ କାବା ଆଚାର୍, ଇନାକିଦେଁକି ହେଝାନ୍ ଦରମ୍ ଗୁରୁର୍ ଲାକେ ହିକାଇ କିଝାଦାଁ ଆଦିକାର୍ ପାୟା ଆତି ମାନାୟାର୍ ଲାକେ ହେଝାରିଁ ହିକ୍ୟା ହିଜି ମାଗାନ୍ ।

୨୩ ହେ ସମ୍ବତ ହେଝାର୍ ଜିହୁଦିର୍ କୁର୍ତ୍ତମ୍ ଇଞ୍ଜ ମାନି ରକାନ୍ ପୁଦା ଆହୁୟା ଆତାକାନ୍ କିକିରାତିଁ କିଜି ଗାଜା କାର୍‌ତାଁ ଇଚାନ୍ । ୨୪ “ଏ ନାଜରିତ୍‌ୟ ଜିସୁ, ନି ଲାହାଙ୍ଗ୍ ମାଦାଁ ଇନାକା ମାନାଡ଼ ? ଏନେଇଁ ମାଙ୍ଗେଇଁ ଓସ୍ତେଦେଁ ଝାତାଇନା ? ଏନେଇଁ ଇମ୍‌ଣାକାୟ ? ହେଦାଁ ଆନ୍ ପୁନାଙ୍ଗ୍, ଏନେଇଁ ଇସ୍‌ରତି ହେ ପୁଇପୁୟା ମାନାୟତି ।”

୨୫ ଜିସୁ ହେଝାନ୍ ଦାକା ହିଜି ଇଚାନ୍, “ଚିମ୍‌ରା ଆ ଇବେଶ୍ଟାଁ ହସି ହାଲା ।”

୨୬ ହେବେଶ୍ଟାଁ ହେ ବାନ୍‌ୟା ଜିରୁନ୍ ହେଝାନ୍ କିୟାୟ୍ କିଜି ଗାଜାକାର୍ ତାଙ୍ଗ୍ ଆଲା ଆଜି ହେଝାନ୍‌ତାଁ ହସି ହାଚାର୍ । ୨୭ ଇବେଶ୍ଟାଁ ଓଜିଚାର୍ ଏଚେକ୍ କାବା ଆଚାର୍ ଜେ, ହେଝାର୍ ହେଝାର୍‌ନେ ଇନ୍‌ବା ଆଚାର୍, “ଇଦାଁ ଇନାକା ? ଇଦାଁ ତ ଆଦିକାର୍ ପୁନ୍ ହିକିୟା, ହେଝାନ୍ ବାନ୍‌ୟା ଜିରୁନ୍‌ତିଁ ପା ବଲ୍ ହିନାନା, ଆରେ ହେଝାର୍ ହେଝାନ୍ତି ବଲ୍‌ବଚନ୍ ମାନି କିନିକ୍ ।”

୨୮ ହେବେ ହେଝାନ୍ ବିସ୍ତେ ବେରଣ୍ ହେ ଦାପ୍ରେ ଗାଲିଲିନିପ ଚାର୍‌ବେଶ୍‌ତିଁ ସବୁ ନାସ୍‌କୁକାଁ ଓଶ୍‌ଜି ହାଚାର୍ ।

ଜିସୁ ହେନି ମାନାୟାରିଁ ଉଜ୍ କିନାକା
(ମାତିଉ ୮:୧୪-୧୬; ଲୁକ ୪:୩୮-୪୧)

୨୯ ତା ପାଚେ ଚେଲାର୍ କୁର୍ତ୍ତମ୍ ଇଞ୍ଜ ହସି ଜାକୁବ୍ ଆରି ଜହନ୍ ଲାହାଙ୍ଗ୍ ହେ ଦାପ୍ରେ ସିମନ୍ ଆରି ଆନ୍ଦ୍ରିୟର୍ ଇଞ୍ଜ ହାଚାର୍ । ୩୦ ସିମନ୍ ପଦାହି ନମେର୍ ଆଜି କାଚେଲ୍‌ତ ହୁନ୍‌ଞ୍ଜି ମାଚାର୍, ଆରେ ହେଝାର୍ ହେ ଦାପ୍ରେ ହେଦେଲ୍ ବେରଣ୍ ଜିସୁଙ୍ଗ୍ ଝେର୍‌ଚାର୍ । ୩୧ ହେବେଶ୍ଟାଁ ହେଝାନ୍ ଲାଗାୟ୍ ହାଲ୍‌ଜି ହେଦେଲ୍‌ତି କେଇ ଆଜି ତାଙ୍ଗେଇଁ ନିକ୍‌ତାନ୍, ଆରେ ହେଦେଲ୍ ନମେର୍ ପିସ୍ତ୍ରାଡ଼, ଆରେ ହେଦେଲ୍ ହେଝାରିଁ ହେବା କିଦେଇଁ ଲାଗାତାଡ଼ ।

୩୨ ମିକାହାରେସ୍ ଝେଡ଼ା ହାତିପାଚେ ମାନାୟାର୍ ହେଝାନ୍ ତାକେ ନଚ୍‌ନାକାରିଁ ଆରେ ପୁଦା ଆହୁୟା ଆତାକାରିଁ ତାହିଝାଦେଁ ଲାଗାତାର୍ । ୩୩ ପାଚେ ସବୁ ଗାଡ଼ନିକାର୍ ଇଲ୍‌ନି ଦୁଝେର୍ ଲାଗାୟ୍ ରୁଣ୍ଡା ଆଚାର୍ । ୩୪ ହେବେ ଜିସୁ ବାରବିନି ରଗ୍ ଆହୁୟା ଆତାକାରିଁ ବେସି ରଗିରିଁ ଉଜ୍ କିତାନ୍, ଆରି ବେସି ପୁଦାଁ ପିହିକିତାନ୍, ପାଚେ ପୁଦାକାଁ ବେରଣ୍ କିଦେଇଁ ହିଝାତାନ୍, ହେଦାଁ କାଜିଁ ହେଝାନ୍ ଚିନ୍ କିଜି ମାଚିକ୍ ।

ଗାଲିଲିତ ଜିସୁତି ସୁଶାୟ କିନାକା
(ଲୁକ ୪:୪୨-୪୪)

୩୫ ଆକାଡ଼ ନାଜିଂ ପ୍ରାଙ୍ଗନି ଖେଡ଼ାଲିଂ ମାଜ୍‌ଗା ମାନୁ ମାନୁ ହେଖାନି ନିଙ୍ଗଜି ହସି ହାଚାନ ଆରି ର ସିଣିୟା ବାହାତ ହାଲ୍‌ଜି ହେବେ ପାର୍ତନା କିଦେଙ୍ଗ ଲାଗାତାନ । ୩୬ ଆରେ, ସିମନ୍ ଆରି ହେଖାନ ହାଙ୍ଗଦାକାର ହେଖାନିଂ ଇଟ୍‌କାଡ଼ କିଜି, ୩୭ ବେଟ୍‌ଗାଟ୍ ଆଜି ହେଖାନିଂ ଇଚାର, “ଝିଜାକାର ନିଙ୍ଗେଙ୍ଗ ଦାସ୍ତାନାରା ।”

୩୮ ହେବେଶ୍ଟାଂ ହେଖାନ ହେଖାରିଂ ଇଚାନ, ଖାତ ଆସେଙ୍ଗ “ବିନେନି ବାହାତ, ମାତର୍ ହାଲ୍‌ଜି ଲାଗେନି ନାସକ୍‌କା ହାନାସ; ହେବେ ପା ଆନ୍ ସୁଶାୟ କିନାଙ୍ଗ, ଇନେକିଦେଂକି ଆନ୍ ହେ ବେରଣ୍ କାଜିଂ ହଡ଼ତାନ୍ନା ।”

୩୯ ପାଚେ ହେଖାନ ସବୁ ଗାଲିଲିନିପ ପୁଞ୍ଜି ବୁଲା ଆଜି ହାଲ୍‌ଜି ହେଖାର ହେ କୁଟୁମ ଇଞ୍ଜ ସୁଶାୟ କିଚାର ଆରି ପୁଦାକାଂ ପିହିକିଚାର ।

ଜିସୁ ର ଗାଜା ରଗିଂ ଉଜ୍ କିତାନ
(ମାତିଉ ୮:୧-୪; ଲୁକ ୫:୧୨-୧୬)

୪୦ ଇବେତାଂ ର ଗାଜାରଗ୍ କାଟାକାନ ଜିସୁ ତାକେ ହେଖାନ ଖାଜି ମେଶ୍ଟାଂ କୁନ୍ଦିକିଜି ହେଖାନିଂ ଗଞ୍ଜାରି କିଜି ଇଚାନ, “ଏନେଙ୍ଗ ଜଦି ଇଚା କିତାୟତି, ତା ଆତିସ୍ ନାଙ୍ଗେଙ୍ଗ ସକଟ୍ କିଦନାୟ ।”‡

୪୧ ହେବେଶ୍ଟାଂ ହେଖାନ, କାର୍ମାଽ ଆଜି କେଇ ପେସଦି ହେଖାନିଂ ତୁତାନ ଆରି ଇଚାନ, “ଆନ୍ ଇଚା କିନାଙ୍ଗା ସକଟ୍ ଆ ।” ୪୨ ହେ ଦାପ୍ରେ ଗାଜାରଗ୍ ହେଖାଜି ହାଚାଡ଼ ଆରି ହେଖାନ ସକଟ୍ ଆଚାନ । ୪୩ ଆରେ, ଜିସୁ ହେଖାନିଂ ବେସି ଆଟ୍‌ଖା କିଜି ବଲ୍‌ହିଜି ହେ ଦାପ୍ରେ ପକ୍‌ଚି ଇଚାନ । ୪୪ ଜାଗ୍ରଡ଼ “ଇନାକା, ଇନେରିଂ ଇନ୍‌ମା, ମାତର୍ ହାଲା ମାପୁହେବାକିନାକାନ ତାକେ ଜାରତିଂ ଚଞ୍ଜୟା; ଆରେ ମସା ଇନା ଇନାକା ବଲ୍ ହିଡ଼ତାନ୍ନା ହେ ସବୁ ନିଜେ ନିର୍ମାଲ୍ ଲାକେ ହେଖାର ଲାଗାଂ ସାକି ହିନି କାଜିଂ ସର୍ପି ଆ ।”

୪୫ ମାତର୍ ହେଖାନ ହସି ହାଲ୍‌ଜି ହେ ବିସ୍ତେ ବେସି ସୁଶାୟ କିଦେଂ ଲାଗାତାନ ଜେ, ଜିସୁ ଆରି ଚଞ୍ଜୟା ଆଜି ମାଞ୍ଜେଙ୍ଗ ଆଡ଼ଖାତାନ, ମାତର୍ ବାର୍ତ ସିଣିୟା ବାହାତାକେ ମାଚାନ; ଆରେ ମାନାୟାର୍ ଚାରବେଶ୍‌ତାଂ ହେଖାନ ତାକେ ଖାଦେଙ୍ଗ ଲାଗାତାର୍ ।

୨

ଜିସୁ ହିରକଲ୍ ରଗିଂ ଉଜ୍ କିତାନ
(ମାତିଉ ୯:୧-୮; ଲୁକ ୫:୧୭-୨୬)

୧ ଏଚେକ୍ ଦିନ ପାଚେ, ଜିସୁ ଆରେ ରଗ କପର୍ନାହୁମ୍ ମାସଦି ଖାତାନ, ହେଖାନ ଇଞ୍ଜ ମାନାନ ଇଞ୍ଜ ଝିଜାର୍ ପୁଚାର୍ । ୨ ହେବେ ଏଚେକ୍ ମାନାୟାର୍ ରୁଣ୍ଡା ଆତାର୍, ଜେ, ଦୁଖେରତ ପା ବାହା ହିଲ୍‌ଖାତାଡ଼, ପାଚେ ହେଖାନ ହେଖାର ତାକେ ବେରଣ୍ ସୁଶାୟ କିଦେଙ୍ଗ ଲାଗାତାନ । ୩ ଇବେ ପା ମାନାୟାର୍ ର ହିରକଲ୍ ରଗିଂ ଚାରିଜାଣ୍ଡାତାଂ ପିଣ୍ଡଜି ଜିସୁ ଲାଗାଏ ତାସି ଖାତାର୍, ୪ ମାତର୍ ବିଡ଼୍ ଲାଗିଂ ଜିସୁତାକେ ତାସ୍ ଖାଦେଂ ଆଡ଼ଝିତିଲେ, ହେଖାନ ଇମ୍‌ଣି ବାହାତ ମାଚାନ, ହେବେନି ଚାଉଣି ଜେତାର୍ ଆରି ହେଦାଂ ତ୍ରିକ୍‌ଚି ହେ କାଟେଲ୍‌ତ ହିରକଲ୍ ଇଡ଼ିୟାତି ରଗି ହୁନ୍‌ଞ୍ଜି ମାଚାନ ହେଦାଂ ଜୁଡ଼ତାତାର୍ । ୫ ଜିସୁ ହେଖାର୍ ପାଚିଂ କିନାକା ହୁଡ଼ଜି ହେ ହିରକଲ୍ ରଗିଂ ଇଚାନ, “ଏ ବପା, ନି ପାପ୍ ସବୁ କେମା କିୟା ଆତାଡ଼ ।”

‡ ୧:୪୦ ୧:୪୦ ନାଙ୍ଗ ସକଟ୍ କିଦା, ଇ ରଗ୍ ରଖାନ ମାନାୟାତିଂ ବିଦି ଇସାପ୍ରେ ବିଚାଡ଼ କିଦନାନ୍ ଇଞ୍ଜ ଇନ୍‌ପାଜି ମାଚାର୍ । § ୧:୪୧ ୧:୪୧ କାର୍ମା; କେଚେକ୍ ପଡ଼ିତ ରିସା ମାଚାର୍ ।

୭ ମାତର ଦରମ୍ ଗୁରୁର ତାଙ୍କ କେତେଜାଣି ହେ ବାହାତ କୁର୍ଚି ନିଜେ ନିଜେତି ମାନ୍ତ ପୁସୁର ପାସାର ଆଜି ଖେଚପା ଆଜି ମାତାର । ୭ “ଇ ମାନାୟ ଇନେକିଦେଂ ଏଲେଙ୍ଗ୍ ଇନାନ୍ନା ? ହେଖାନ୍ ଇସ୍ବର ନିୟା କିନାନା ! ହେଦାଂ ରଖାନିଂ ପିସ୍ବି ଇଚିସ୍ବ ଇସ୍ବରତିଂ ପିସ୍ବି ଆରେ ଇନେନ୍ ପାପ୍ କେମା କିଦେଙ୍ଗ୍ ଆଡନାନ୍ !”

୮ ହେଖାର ଜେ, ମାନ୍ତ ମାନ୍ତ ଏଲେଙ୍ଗ୍ ଖେଚପା ଆନାରା, ହେଦାଂ ଜିସୁ ନିଜେ “ହେ ଦାପ୍ରେ ପୁଞ୍ଜି ହେଖାରିଂ ଇଚାନ, ଏପେଙ୍ଗ୍ ଜାର ଜାର ମାନ୍ତ ଇନେକିଦେଂ ଇ ସବୁ ଖେଚପା ଆନାଦେରା ?” ୯ “ଇନାକା ଆଡ଼଼଼ା ? ହିରକଲ୍ ରଗିଂ ନି ପାପ୍ ସବୁ କେମା କିୟା ଆଡ଼଼଼ାତ ଇଞ୍ଜି ଇନାକା, କି ନିଙ୍ଗା, ନି କାଚେଲ୍ ଆସ୍ବି ତାଙ୍ଗା ଇଞ୍ଜି ଇନାକା ?” ୧୦ ମାତର ପୁତ୍ର ତ ପାପ୍ କେମା କିଦେଙ୍ଗ୍ ମାନାୟ ମାଜି ଜେ ଆନ୍, ନା ଆଦିକାର ମାନାଡ଼଼଼, ଇଦାଂ ଏପେଙ୍ଗ୍ ପୁନାଦେର ଇଦାଂ କାଜିଂ ହେ ହିରକଲ୍ ରଗିଂ ଇଚାନ, ୧୧ “ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ନିଙ୍ଗା, ନି କାଚେଲ୍ ଆସ୍ବି, ମିଞ୍ଜି ହାଲା !”

୧୨ ହେବେତାଂ ହେଖାନ୍ ନିଙ୍ଗି ହେ ଦାପ୍ରେ କାଚେଲ୍ ଆଜି ଖିଜାକାର ମୁମ୍ଦାଂ ହସି ହାଚାନ; ହେବେ ଖିଜାର କାବା ଆଜି ଇସ୍ବରତିଂ ଗୁଣ୍ କେରଜି କେରଜି ଇଚାର, “ଆପେଂ ଏଲେଙ୍ଗ୍ ବାଡ଼଼଼ାକା ଇନାଖାଡ଼଼଼ାପା ହୁଡ଼଼଼ାଦାଂ ମାଚାପ୍ !”

ଜିସୁ ଲେବିଙ୍ଗ୍ କୁକ୍ତାନ
(ମାତିଉ ୯:୯-୧୩; ଲୁକ ୫:୨୭-୩୨)

୧୩ ହେଖାନ୍ ଆରେ ରଗ ଗାଲିଲି ହାମ୍ବୁର ଗୁଚିତ ହସି ହାଚାନ, ଆରେ ମାନାୟାର ତା ତାକେ ଖାତିଲେ, ହେଖାନ୍ ହେଖାରିଂ ହିକାୟ କିଦେଙ୍ଗ୍ ଲାଗାତାନ । ୧୪ ଆରେ, ହାଲୁ ହାଲୁ ହେଖାନ୍ ଆଲପିତି ମାଜି ଲେବିଙ୍ଗ୍ ନିନ୍ ସିସ୍ବୁନ୍ନାକାନ୍ ବାହାତ କୁର୍ଚି ମାନାକା ହୁଡ଼଼଼ି ହେଖାନିଂ ଇଚାନ, “ନା ପାଚେ ଖା” ହେବେଣ୍ଡାଂ ହେଖାନ୍ ତା ପାଚେ ହାଚାନ ।

୧୫ ଇଦାଂ ପାଚେ, ଜିସୁ ଲେବିର ଇଞ୍ଜ* ଚିଞ୍ଜେଙ୍ଗ୍ କୁର୍ଚି ଖେଡ଼ାଲିଂ ହେନି ସିସ୍ବୁନ୍ନାକାର ଆରି ପାପିର ହେଖାନ୍ ଆରି ଜିସୁ ଚେଲାହିର ହୁକେ କୁର୍ଚାନ; ଇନାକିଦେଂକି ହେଖାର ହେନି ମାଚାର, ଆରି ହେଖାନ୍ ପାଚେ ହାଲ୍ଜି ମାଚାର । ୧୬ ହେଖାନ୍ ପାପିର ଆରେ ସିସ୍ବୁନ୍ନାକାର ହୁକେ ତିନିଞ୍ଜି ମାଚାନ, ଇଦାଂ ହୁଡ଼଼଼ି ହେଖାନ୍ ପାରୁସି ଦଲ୍ଲନି ସାସ୍ବିର ହେଖାନ୍ ଚେଲାରିଂ ଇଞ୍ଜେଙ୍ଗ୍ ଲାଗାତାର, ଇଦାଂ ଇନାକା ? “ହେଖାନ୍ ଗାଚନାକାର ହୁକେ ଆରି ପାପିର ହୁକେ ରଚେ ତିନାନା ।”

୧୭ ଜିସୁ ହେଦାଂ ଖେନ୍ଞ୍ଜି ହେଖାରିଂ ଇଚାନ, “ଉଜ୍ ଆତାକାରିଂ ତାକ୍ତର ଲଡ଼ାଆକାୟ, ମାତର ଇନେର ନଚ୍ଚି ମାନାୟତିଂ ହେଖାରିଂ ତାକ୍ତର ଲଡ଼ା ମାନାଡ଼଼଼; ଆନ୍ ଦାମ୍ ଲଗାଂ କୁକ୍ତେଂ ଇଞ୍ଜି ଖାଖାତାଂନା, ମାତର ପାପିରିଙ୍ଗ୍ କୁକ୍ତେଂ ଖାତାଂନା ।”

ଜିସୁ ଉପାସ ବିସ୍ବେନି ପରସନ୍
(ମାତିଉ ୯:୧୪-୧୭; ଲୁକ ୫:୩୩-୩୯)

୧୮ ଜହନ୍ ଚେଲାହିର ଆରେ ପାରୁସିର ଉପାସ କିଜି ମାଚାର । “ଏଚେକ୍ଜାଣି ଖାଜି ଜିସୁଙ୍ଗ୍ ଇଚାର, ଜହନ୍ ଚେଲାହିର ଆରେ ପାରୁସିର ଚେଲାହିର ଉପାସ କିଚାର, ମାତର ନି ଚେଲାର ଉପାସ କିଉରୁ ଇନେକିଦେଂ ?”

୧୯ “ଜିସୁ ହେଖାରିଂ ଇଚାନ, ବିବାକିନାକାର ହୁକେ ବିବା ଦାଂଶେନ୍ ମାନି ସମ୍ବୁତ ହେଖାର ଇନାକା ଉପାସ କିଦେଙ୍ଗ୍ ଆଡନାନ୍ ? ବିବାଦାଂଶେନ୍ ଏଚେକ୍ ଖେଡ଼ାପାଚେକ୍ ହେଖାର ହୁକେ ମାନାନ୍, ହେ ପାଡ଼଼଼େକ୍ ହେଖାର ଉପାସ କିଦେଙ୍ଗ୍

* ୨:୧୫ ୨:୧୫ ଲେବିର ଇଞ୍ଜ; ନଲେ ତା (ତା, ଜିସୁତି) ଇଞ୍ଜ ।

ଆତ୍ମର । ୨୦ ମାତର ସମ୍ପୁ ଖାନାତ୍, ଏତେକାତ୍ତ୍ ହେଖାରତାଂ ବିବା ଦାଂଶେନିଂ ନିକ୍ତି ଅୟା ଆନାତ୍, ଆରି ହେବେଶ୍ଯାଂ ହେ ଦିନ୍ତ ହେଖାର ଉପାସ୍ କିତାର୍ ।

୨୧ ଇନେନ୍ ପୁନି ହେହାତ ପୁନି ହେହା ନୁଲ୍ ଡରୁନ୍; ଡର୍ତିସ୍ ପୁନି ହେହା ମେହାୟ୍ କିତିସ୍ ପୁନି ହେହାତାଂ ବେସି କେର୍ତି ଅନାତ୍ ଆରି ଆଦିକ୍ ଗାଜା ଆଜି କେନ୍ଞ୍ଜି ହାନାତ୍ । ୨୨ ଆରି, ଇନେନ୍ ପୁନି ଅଙ୍ଗୁର୍ ରାସ୍ ପୁନି ତଲ୍ ମଶାତ ଇଚୁର୍; ଇର୍ତିସ୍ ହେଦାଂ ତଲ୍ ମଶା ପାଟ୍ତି ତୁହିନାତ୍, ଆରେ ଅଙ୍ଗୁର୍ ରାସ୍ ଆରି ତଲ୍ ମଶା ରିଶ୍ଯାଂ ନସ୍ ଆନିକ୍ । ମାତର ପୁନି ଅଙ୍ଗୁର୍ ରାସ୍ ପୁନି ତଲ୍ ମଶାତ ଇଟ୍ନାକା ମାନାତ୍ ।”

ଜମନି ଦିନ୍ ନାଜିଂ ପରସନ୍
(ମାତିଉ ୧୨:୧-୮; ଲୁକ ୬:୧-୫)

୨୩ ଦିନେକ୍ ଜିସୁ ଜମନିବାର୍ ନାଜିଂ ଜମିପାଟି ନିପ ହାଲ୍ଲଜି ମାଚାନ୍, ଆରେ ତା ତେଲ୍ଲାହିର୍, ହାଲ୍ଲୁ ହାଲ୍ଲୁ ତାସନି ଜିକି ନାଟ୍ତେଙ୍ଗ୍ ଲାଗାତାର୍ । ୨୪ ଇବେଶ୍ଯାଂ ପାରୁସିର୍ ହେଖାନିଂ ଇଚାର୍, “ହୁଡ୍ଡା, ଜମନିବାର୍ ନାଜିଂ ଇନାକା କିନାକା ବିଦି ହିଲ୍ଲୁଡ୍, ତେଲ୍ଲାର୍ ଇନେକିଦେଂ ଆୟାଂ କିନାରା !”

୨୫ ଜିସୁ ହେଖାରିଂ ଇଚାନ୍, ଦାଉଦ୍ ନାସ୍ କି ଖେଡାଙ୍ଗ୍ ଏତେକାତ୍ତ୍ ହେଖାନ୍ ଆରି ତା ହାଙ୍ଗ୍ଦାକାର୍ ନାସ୍ କି ଆଜି ମାଚାର୍, ହେ ପାଦନା ହେଖାନ୍ ଇନାକା କିଜି ମାଚାନ୍, ହେଦାଂ ଏପେଙ୍ଗ୍ ଇନାଖାଡାଂ ପା ପଡ୍ଡି କିଖାତାଣ୍ଣା ?

୨୬ ଅବିୟାତର୍ ମୁଡ୍ ମାପୁହେବାକିନାକାର୍ ସମୁତ “ହେଖାନ୍ ଇନେସ୍ ଇସ୍ପର୍ତି ଇଞ୍ଜ ହାଲ୍ଲଜି ମାଚାନ୍, ଇମଣି ଦର୍ସନି ରୁଟି ଇସ୍ପର୍ତିଂ ହେବାକିନି ମୁଣିକା ପିସ୍ ଆରି ଇନେର୍ ତିନି ଆଦିକାର୍ ବିଦି ଆକାୟ୍, ହେଦାଂ ତିନ୍ଞ୍ଜି ମାଚାର୍, ପାଚେ ଜାର୍ ହାଙ୍ଗ୍ଦାକାରିଂ ପା ହିଜି ମାଚାନ୍ ।”

୨୭ ଆରି, ହେଖାନ୍ ହେଖାରିଂ ଇଚାନ୍, ଜମନିବାର୍ ଦିନ୍ ମାନାୟାର୍ କାଜିଂ ଆତାଡ୍ନା, “ମାନାୟାର୍ ଜମନିବାର୍ କାଜିଂ ଆଖାତାଣ୍ଣା । ୨୮ ଲାଗିଂ ମାନାୟ୍ ମାଜି ଜମନିବାର୍ ନାଜିଂ ପା ମାପୁ ଆନାନ୍ ।”

୩

ଜିସୁ ରକାନ୍ କଲ୍ଲା ମାନାୟତିଂ ଉଜ୍ କିତାନ୍
(ମାତିଉ ୧୨:୯-୧୪; ଲୁକ ୬:୬-୧୧)

୧ ପାଚେ ହେଖାନ୍ ଆରେ ରଗ କୁଟୁମ୍ ଇଞ୍ଜ ହାଚାନ୍, ହେବେ ରକାନ୍ ମାଚାନ୍, ହେଖାନ୍ତି ର କେଇ ଖାଜ୍ଜି ମାଚାତ୍ । ୨ ଆରେ, ହେଖାନ୍ ତାଙ୍ଗେଙ୍ଗ୍ ଇନେସ୍ କି ଜମନିବାର୍ତ୍ତ ଉଜ୍ କିନାନ୍, ହେଦାଂ ହୁଡ୍ଡନି କାଜିଂ ଇଞ୍ଜି ହେଖାର୍ ହେଖେନିଂ ହୁଡ୍ଡଜି ମାଚାର୍, ଇନେସ୍ ହେଖାର୍ ହେଖାନ୍ ବିରୁଦ୍ତ ଦାବା କିନାର୍ । ୩ ହେବେ ଇନେନ୍ କେଇ ଖାଜ୍ଜି ମାଚାତ୍ ହେଖାନିଂ ଜିସୁ ଇଚାନ୍, “ଖା ମାଦି ନିଲା ।” ୪ ପାଚେ, ହେଖାନ୍ ହେଖାରିଂ ଇଚାନ୍, “ଜମନିବାର୍ତ୍ତ ଇନାକା କିନାକା ବିଦି ମାନାତ୍ ? ହାର୍, କିନାକା କି ବାନ୍ୟା କିନାକା ? ଜିରୁନ୍ ରାକ୍ୟା କିନାକା କି ନସ୍ କିନାକା ? ମାତର୍ ହେଖାର୍ ଉତର୍ ହିଖାଦାଂ ତିମ୍ବରା ଆଜି ମାଚାର୍ ।”

୫ ହେବେ ହେଖାନ୍ ହେଖାରିଂ ମାନ୍ତ କୁର୍ ଲାଗିଂ ଦୁକ୍ ଆଜି ରିସାତାଂ ଚାର୍ବେଶ୍ଯାତାଂ ହେଖାରିଂ ହୁଡ୍ଡଜି ହେ ମାନାୟତିଂ ଇଚାନ୍, “କେଇ ଲାମାୟ୍ କିୟା ।” ହେଖାନ୍ କେଇ ଲାମାୟ୍ କିତାନ୍ ଆରି ହେଦାଂ ଆରେ ହାରା ଆତାତ୍ । ୬ ହେବେ ପାରୁସିର୍ ବାର୍ତ୍ତ ହାଲ୍ଲଜି ହେଖାନିଂ ବୁଡାୟ୍ କିଦେଙ୍ଗ୍ ଇଞ୍ଜି ହେଖାନ୍ ବିରୁଡ୍ତାଂ ହେରଦିୟାର୍ ରାଜା ଲାହାଙ୍ଗ୍ କୁର୍ କିଦେଙ୍ଗ୍ ଲାଗାଆତାର୍ ।

ହେନି ମାନାୟ୍ ଜିସୁ ପାଚେ ପାଚେ ହାଚାର୍

୭ ଇ ଖାତାଂ ଜିସୁ ତା ଚେଲାହିର ଲାହାଙ୍ଗ ବିନେ ଆଜି ଗାଲିଲି ହାମ୍‌ଦୁରତ ହାଚାର୍, ପାଚେ ଗାଲିଲିତାଂ ହେନି ମାନାୟାର୍ ତା ପାଚେ ପାଚେ ହାଚାର୍; ଆରେ ଜିହୁଦା ରାଜି, ୮ ଜିରୁସାଲମ୍, ଇଦମ୍, ଜର୍ଦନନି ଆଣ୍ଟି ପାଡ଼କା, ଆରେ ସୋର ଆରି ସିଦନନି ଚାରବେଣ୍ଡି ବେସି ମାନାୟାର୍ ହେଖାନ୍ତି ଓଜୁ କାମାୟନି ବେରଣ୍ଡି ଖେନଞ୍ଜି ତା ତାକେ ଖାତାର୍ । ୯ *ହେ ପାଦନା ବିଡ଼୍ କାଜିଂ, ମାନାୟାର୍ ଇନେସ୍ ହେଖାନ୍ ଜପି କୁସ୍‌ପିସ୍ ହାଲୁର୍, ଇଦାଂ କାଜିଂ ହେଖାନ୍ ନିଜ୍ ଚେଲାରିଂ ତା କାଜିଂ ର ହାରୁ ତଙ୍ଗା ଲାଗେ ଇଡ଼ଦେଂ ଇଚାନ; ୧୦ ଇନାକିଦେଂକି ହେଖାନ୍ ହେନି ମାନାୟାତିଂ ଉଜ୍ କିତିଲେ-ରଗିୟାର୍ ଓଜିକାର୍ ହେଖାନ୍ ତୁଦେଂ ଇଞ୍ଜି ହେଖାନ୍ ଜପି କୁସ୍‌ସିସ୍ ମାଚାର୍ । ୧୧ ଆରେ, ବାନ୍ୟା ଜିବୁନିଙ୍ଗ୍ ଆସ୍ତି ମାନି ଲଗାଙ୍ଗ୍ ହେଖାନ୍ତି ହୁଡ଼୍‌ଜି ମାଟିକ୍, ହେଖାଙ୍ଗ୍ ହେଖାନ୍ ତାରେନ୍ ଗୁରଜି କିକିରାତିଂ କିଜି ଇଞ୍ଜି ମାଟିକ୍, “ଏନେଙ୍ଗ୍ ଇସ୍‌ବର ମାଜିଡ଼ି ।”

୧୨ ହେବେତାଂ ତାଙ୍ଗେଙ୍ଗ୍ ଖେରଓଓି କାଜିଂ ହେଖାନ୍ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ ହିତାନ ।

ଜିସୁ ବାରଜାଣ୍ ଚେଲାରିଂ ବାଟିକିତାନ
(ମାତିଉ ୧୦:୧-୪; ଲୁକ ୬:୧୨-୧୬)

୧୩ ଜିସୁ ମାଡ଼ି ଜପି ହାଲୁଜି, ଇମ୍‌ଣାକାରିଂ ମାନ୍ କିତାନ, ହେଖାରିଂ ଲାଗେ କୁକ୍‌ତାନ ଆରେ ହେଖାର୍ ତା ଲାଗେ ଖାତାର୍ । ୧୪ ପାଚେ, ହେଖାନ୍ ବାର ଜାଣ୍ଡିଂ ବାଟିକିତାନ, ଇନେସ୍ ହେଖାର୍ ତା ହୁକେ ରଚେ ମାନାର୍ ଆରେ ହେଖାନ୍, “ହେଖାରିଂ ସୁଣାୟ୍ କିନି କାଜିଂ ପକ୍ୟାତାକାନ୍ । ୧୫ ଆରି ହେଖାନ୍ ହେଖାରିଂ ପୁଦାଂ ପିହି କିନାକା ଆଦିକାର୍ ହିତାନ ।”

୧୬ ଜିସୁ ଇ ବାର ଜାଣ୍ଡିଂ ବାଟିକିତାନ ଇଟିସ୍, ସିମନ୍ତିଂ, ହେଖାନ୍ ପିତର୍ ଇଞ୍ଜି, ଆରେ ର ତର୍ ହିତାନ । ୧୭ ଜେବ୍‌ଦି ମାଜି ଜାକୁବ୍ ଆରି ତା ଟଣ୍ଡେନ୍ ଜହନ୍, ଇନେରିଂ ହେଖାନ୍ ବିନେରିଗସ୍, ଇଟିସ୍ “ବାଦାଡ଼୍ ଗାର୍ଜାନି ମାଜି” ଇଞ୍ଜି ଆରେ ର ତର୍ ହିତାନ; ୧୮ ଆନ୍ଦ୍ରିୟ୍, ପିଲିପ୍, ବାର୍ତଲମି, ମାତିଉ, ତମା, ଆଲପିତି ମେହି ଜାକୁବ୍, ତଦିୟ୍, କିଣାନିୟ୍ ସିମନ୍, ୧୯ ପାଚେ ଇସ୍‌ବାରିୟ୍‌ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାଡୁ କେଇଦ ଆହି କିତାନ ।

ଜିସୁ ଆରି ବାଲ୍‌ଜିବୁଲ୍
(ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ପାଚେ ହେଖାନ୍ ଇଞ୍ଜି ଖାତାନ; ଆରେ ରଗ ହେନି ମାନାୟାର୍ ରୁଣ୍ଡା ଆଦେଂ ଲାଗାତାର୍ ଜେ, ହେଖାର୍ ଚିଞ୍ଜେଙ୍ଗ୍ ପା ଆଡ଼ଖାତାର୍ । ୨୧ ଏଚେକାଡ଼୍‌ଦ୍ ଜିସୁ ଲାତ୍ରା ଇଦାଂ ଖେଚାର୍ ହେଖାତାଂ ତାହିଖାଦେଂ ହାଚାର୍, ଇଟିସ୍ ତାଙ୍ଗେଙ୍ଗ୍ “ବାୟା ଆତାନ୍ନା !” ଇଞ୍ଜି ମାନାୟାର୍ କାତାବାର୍ତା ଆଜି ମାଚାର୍,

୨୨ *ଆରେ, ଜିରୁସାଲମ୍‌ତାଂ ଖାଜି ମାନି ଦରମ୍ ଗୁରୁର୍ ଇଚାର୍, “ଇଖାନ୍ତିଂ ବାଲ୍‌ଜିବୁଲ୍ ଲାଗା ଆତାଡ଼ନ୍ନା, ଆରେ ମୁଡ଼୍ ପୁଦାଂତାଂ ଗାଜା ସାକ୍ତି ହେଖାନ୍ ପୁଦାଂ ପିହିକିନାନ୍ ।”

୨୩ ଇବେଣ୍ଡାଂ ହେଖାନ୍ ହେଖାରିଂ ଲାଗେ କୁକ୍‌ଚି ଉତର୍‌ମୁଡ଼୍ କାତା ହେଖାରିଂ ଇଚାନ, “ସୟ୍‌ତାନ ଇନେସ୍ କିଜି ସୟ୍‌ତାନତିଂ ପିହିକିନାଡ଼୍ ?” ୨୪ ଜଦି ଇମ୍‌ଣି ରାଜି ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗନାଡ଼୍, ହେ ରାଜି ତିର୍ ଆଜି ମାଞ୍ଜେଙ୍ଗ୍ ଆଡୁଡ଼୍ । ୨୫ ଆରେ, ଜଦି ଇମ୍‌ଣି ଇଲ୍ ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗନାଡ଼୍, ବାଟିଙ୍ଗ୍ ହେ ଇଲ୍ ତିର୍ ଆଜି ମାଞ୍ଜେଙ୍ଗ୍ ଆଡୁଡ଼୍ । ୨୬ ହେ ଲାକେ, ସୟ୍‌ତାନନି ରାଜି ଜଦି ବିନେ

* ୩:୯ ୩:୯ ମାର୍କ ୪:୧; ଲୁକ ୫:୧-୩. ☆ ୩:୨୨ ୩:୨୨ ମାତିଉ ୯:୩୪; ୧୦:୨୫.

ଆଜି ନିଜ ବିରୁଦ୍ଧ ନିର୍ଦ୍ଦୋଷରେ, ଲାଗି ହେବା ତିର ଆଜି ମାଞ୍ଜେଇ ଆଡୁଡ଼, ମାତର ହେବା ଓଜୁ ହାକି ଗିଟା ଆତାତେ ।

୨୭ “ମାତର ଇନେର ପର୍ତ୍ତମ ସାକ୍ତି କାଟାକାନି ଗାଡ଼ଓଡ଼ିସ୍ ହେଖାନ ଇଞ୍ଜ ହଣ୍ଡି ହେଖାନ୍ତି ଆଡ଼ ଆତିୟାର କ୍ଷୁସ୍ତେଇ ଆଡୁନ; ହେଖାନି ଆଗେ ଗାଡ଼ିସ୍ ହିନା ହେଖାନ ତା ଇଞ୍ଜ ତର କିନାନ ।”

୨୮ “ଆନ ମିଙ୍ଗେଇ ହାଡ଼ପା ଖେଡ଼ଚାନାଙ୍ଗା, ମାନାୟ ମାଜିର ଓଜୁ ପାପ୍ ଆରି ହେଖାର ଓଜୁ କୁଟ କାତା ଇଞ୍ଜ ଇସ୍ପରତି ନିୟା କିତାର, ହେ ଓଜୁ କେମା କିୟାନାଡ଼; * ୨୯ ମାତର ଜେ ଇନେର ପୁଇପୁୟା ଜିବୁନତି ବିରୁଡ଼ତା ନିୟା କାତା ଇନାନ, ହେଖାନି ଇମ୍ଫଣି ଜୁଗତପା କେମା ହିଲୁଡ଼, ମାତର ହେଖାନ ଓଜୁ ପାପ୍ ଦସିଆନାନ ।”

୩୦ ଦର୍ମ ସାସ୍ତର “ହେଖାନି ବାନ୍ୟାପୁଦା ଆସ୍ତାଦନା, ଇଦା ହେଖାର ଇତିଲେ ହେଖାନ ଇ କାତା ଇଚାନ ।”

ଜିସୁ ତେହି ଆରେ ଟଣ୍ଡାହିର

(ମାତିଉ ୧୨:୪୭-୫୦; ଲୁକ ୮:୧୯-୨୧)

୩୧ ହେପାଦନା ଜିସୁ ତେହି ଆରି ଟଣ୍ଡାହିର ଖାଜି ବାରତ ନିଲ୍ଠି ହେଖାନି କୁକ୍ତେଂ ପକ୍ତାର । ୩୨ ହେବେ ତା ଚାରିବେଣ୍ଡା କୁଟି ମାତି ମାନାୟାର ହେଖାନି ଇଚାର, “ହୁଡ଼ା, ମିଞ୍ଜିୟା, ଟଣ୍ଡେନ୍ ଆରି ତଣ୍ଡେକ୍ ବାରତ ମାନଞ୍ଜି ନିଙ୍ଗେଇ ଦାସ୍ତାନାରା ।”

୩୩ ହେଖାନ ହେଖାରି ଉତର ହିତାନ; ମାଞ୍ଜିୟା ଆରେ ଟଣ୍ଡାର ଇନେର ? ୩୪ ଆରି, ହେଖାନ ଚାରିବେଣ୍ଡା କୁଟି ମାତି ମାନାୟାରି ହୁଡ଼ଜି ଇଚାନ, “ହୁଡ଼ାଟ, ଇଖାର ନା ଆୟା ଆରେ ନା ଟଣ୍ଡାର । ୩୫ ଇନେରପା ଇସ୍ପରନି ଇଚାତି ମାନିକିନାର, ହେଖାନ ନା ଟଣ୍ଡେନ୍, ତଣ୍ଡେକ୍ ଆରେ ଆୟା ।”

୪

ବିୟାନ ଓଡ଼ିନି ବିସ୍ତେ କାତା

(ମାତିଉ ୧୩:୧-୯; ଲୁକ ୮:୪-୮)

୧ *ଜିସୁ ଗାଲିଲି ହାମ୍ପୁର ଗୁଡ଼ିତ ଆରେ ରଗ ହିକାୟ ହିଦେଇ ଲାଗାତାନ, ଆରେ ହେନି ମାନାୟାର ତା ଲାଗା ରୁଣ୍ଡାଆତାର ଜେ ହେଖାନ ହାମ୍ପୁରତ ମାନି ର ତଙ୍ଗାତ ହାଲ୍ଠି କୁଟଚାନ ଆରି ମାନାୟାର ହାମ୍ପୁର ଲାଗା ର ବୁଇତ ମାଚାର । ୨ ହେବେଣ୍ଡା ହେଖାନ ଉତରମୁଡ଼ ହିଜି ହେଖାରି ବେସି କାତା ବିସ୍ତେ ହିକ୍ୟା ହିଦେ ଲାଗାତାନ, ପାଚେ ନିଜ ହିକ୍ୟା ବିସ୍ତେ ହେଖାରି ଇଚାନ ଖେନାଟ ।

୩ “ହୁଡ଼ାଟ, ରଖାନ ଓଡ଼ିନାକାନ ଓଡ଼େ ହଡ଼ତାନ । ୪ ହେଖାନ ଓଡ଼ି ଓଡ଼ି କେତେକ୍ ବିୟାନ ହାଜି କଚଣ୍ଡ ଆରନାଡ଼, ପାଚେ ପଟି ଖାଜି ହେଦା ତିନିକ୍ । ୫ ଆରେ କେତେକ୍ ଅଲପ୍ ଚିକ୍ଲା ମାନି କାଲ୍ଠକୁ କୁଡ଼ିତ ଆରନାଡ଼ ଆରି ବେସି ଚିକ୍ଲା ହିଲ୍ଠି କାଜି ହାଣ୍ଡେଲ୍ ନେସନାଡ଼ । ୬ ମାତର ଖେଡ଼ା ହଡ଼ତିସ୍ ମୁରଜା ଆନାଡ଼ ଆରେ ଚିରା ହାର କିଜି ହାଲ୍ଠି କାଜି ଖାଜି ହାଚାଡ଼ । ୭ ଆରେ କେତେକ୍ ଖାଡ଼ି କୁଡ଼ିକାଞ୍ ଆରନାଡ଼, ଆରେ ଖାଡ଼ିକୁଡ଼ି ନିଙ୍ଗି ଗାଜା ଆଜି, ହେଖାକା ତାବାୟ କିନିକ୍ ଆରି ଇନାକାପା ପାଡ଼ ଖାଡ଼ । ୮ ପାଚେ, ହାରଦି ମେଦନିତ ଆରନାଡ଼, ଆରି ନେସଦି ପାନଟି ନିଙ୍ଗି ରିକଡ଼ି ଦସ୍ ଗାଡ଼ହା, ତିନକଡ଼ି ଗାଡ଼ହା ଆରେ ପାଞ୍ଚକଡ଼ି ଗାଡ଼ହା ପାଚେକ୍ ପାଡ଼ ଆସ୍ତାଡ଼ ।”

୯ ପାଚେ ହେଖାନ ଇଚାନ, “ଇନେରିଂ ଖେଞ୍ଜେଇ କିଡୁଲ୍ ମାନାଡ଼, ହେଖାନ ଖେନେନ୍ ।”

* ୩:୨୮ ୩:୨୮ ହେଖାର ବାନ୍ୟା କାତା ଇଞ୍ଜେଇ ଆଡ଼ନାର; ନଲେ ହେଖାର ଇସ୍ପର ବିରୁଦ୍ଧ ବାନ୍ୟା କାତା ଇଞ୍ଜେଇ ଆଡ଼ନାର । ✪ ୪:୧ ୪:୧ ଲୁକ ୫:୧-୩.

ଜିସୁ କାତା ୱେର୍ଚି ବୁଜାୟ କିତାନ
(ମାତିଉ ୧୩:୧୦-୧୭; ଲୁକ ୮:୯-୧୦)

୧୦ ହେୱାନ ରକାନ ମାନିଝେଡାଲିଂ ତା ହାଙ୍ଗଦାକାର ବାରଜାଣ୍ ଚେଲାର ଲାହାଙ୍ଗ ହେୱାନିଂ ହେ ଉତର୍ମୁଡକୁ ବିସ୍ତେ ୱେନ୍‌ବେଦେଂ ଲାଗାତାର । ୧୧ “ହେବେଣ୍ଟା ହେୱାନ ହେୱାରିଂ ଇଚାନ,” ଇସ୍‌ରତି ରାଜିନି ଡକ୍ଟି କାତା, ପୁଞ୍ଜେଙ୍ଗ କାଜିଂ ମିଙ୍ଗେଙ୍ଗ ସାକ୍ତି ହିଦୟା ଆତାଡନା, “ମାତର୍ ହେ ବାରତି ମାନାୟାରିଂ ସବୁ ବିସ୍ତେ ଉତର୍ମୁଡ଼ ଇନ୍‌ମାନାତା, ୧୨ ଇନେସ୍ ହେୱାର ହୁଡ଼ଜି ହୁଡ଼ଜି ବୁଜାଆଦେଂ ଆଡୁର୍, ଆରି ୱେନ୍‌ ୱେନ୍‌ ପୁଞ୍ଜେଙ୍ଗ ଆଡୁର୍, କାତେହିନା ହେୱାର ଇସ୍‌ରତାକେ ୱାନାର୍ ଆରି କେମା ପାୟା ଆନାର୍ ।”

ଜିସୁ ବିୟାନ ଓଡନି କାତା ୱେର୍ଚିଚାନ
(ମାତିଉ ୧୩:୧୮-୨୩; ଲୁକ ୮:୧୧-୧୫)

୧୩ ହେୱାନ ଆରେ ହେୱାରିଂ ଇଚାନ, “ଏପେଙ୍ଗ ଇ କାତା ବୁଜା ଆଉଦେରା କି ? ଲାଗିଂ ଇନେସ୍ ବିନେନି ଓଡୁ ଉତର୍ମୁଡ଼ ବୁଜା ଆଦେଂ ଆଡୁନାଦେର୍ ? ୧୪ ଓଡନାକାନ ଇସ୍‌ରତି ବେରଣ୍ ଓଡନାନ । ୧୫ ଇନେର୍ ୱେନାର୍, ଆରେ ୱେର୍ଚି ଦାପ୍ରେ ସୟତାନ ୱାଜି ହେୱାର ତାକେ ଓଡତାକା ବେରଣ୍ କିସ୍ତି ଅନାଡ । ହେୱାର ବେରଣ୍ ଓଡତାଆତି ହାଜିନି ମେଦନି ଲାକେ । ୧୬ ହେ ଲାକେ, ଇନେର୍ ଆଏଡ ବେରଣ୍ ୱେର୍ଚି ଦାପ୍ରେ ୱାରୟା ଆଜି ହେଦାଂ ମାନି କିତାର୍, ୧୭ ମାତର୍ ହେୱାର ତାକେ ଚିରାବିତ୍ରେ ହାଲ୍‌ଓ କାଜିଂ ଅଲପ୍ ଦିନ୍ ତିର୍ ମାନଗାନାର୍, ପାଚେ ବେରଣ୍ କାଜିଂ ଦୁକ୍ କି ନିନ୍ଦା ୱାତିସ୍ ହେ ଦାପ୍ରେ ବାଦାପାୟା ଆନାର୍, ହେୱାର ଓଡିୟାତି କାଲ୍‌କୁଡିନି ମେଦନି ଲାକେ । ୧୮ ୱାଡି କୁଡିତ ଆର୍ତ ବିୟାନ ଲାକେ ହେ ନେକ୍ଟିକାବୁର୍ ଆରେ କେତେଜାଣ୍ ୱେନାର୍, ୧୯ ମାତର୍ ସଁସାରୁନି ଚିନ୍ତା, ଦାନ ଲବରା ଆରି ବାରବିନି ଲାବଡି ହେୱାର ମାନତିଂ ଗୁରାୟ କିନି କାଜିଂ ହେ କାତା ପାଡ ପାୟା ଆଉଡ । ୨୦ ଆରେ, ଇନେର୍ ବେରଣ୍ ୱେନଞ୍ଜି ହେଦାଂ ମାନିକିନାର୍ ଆରି ରିକଡିଦସ୍ ଗାଡହା, ତିନିକଡି ଗାଡହା, ଆରେ ପାଞ୍ଚକଡି ଗାଡହା ପାଡ ୱାନାଡ, ହେୱାର ଓଡିୟା ଆଜି ମାତି ହାଦ ମେଦନି ଲାକେ ।”

ମାଣ୍ ତାରେନ୍ ବଇଟା
(ଲୁକ ୮:୧୭-୧୮)

୨୧ ଆରେ ରଗ ହେୱାନ ହେୱାରିଂ ଇଚାନ, “ଇନେର୍ ଇନାଞାଡ଼ାଂ ବଇଟା ଆହି କିଜି ମାଣ୍ ତାରେନ୍ କି କାଟେଲ୍ ତାରେନ୍ ଇନାକା ଇଟ୍ୟା ଆନାଡ ? ବଇଟା ଇଚନି ବାହା ଜପି ଇଚଦେଂ ଇଞ୍ଜି ତାହି ୱାଞାକା ? ୨୨ ଇନାକିଦେଂକି ଚଞ୍ଜୟା ଆଞାକା ଇନାକା ଆକାୟ, ଆରେ ଜଦି ତୁକୁତାଡନା, ହେଦାଂ ବାର୍ତ ହଡତେଂ ଡକ୍ଟାତାଡନା । ୨୩ ଜଦି ଇନେରିଂ ୱେଞ୍ଜେଙ୍ଗ କିଡୁଲ୍ ମାନାଡ, ହେଞ୍ଜେନ୍ ୱେନେନ୍ !”

୨୪ ହେୱାନ ପାଚେ ହେୱାରିଂ ଇଚାନ, “ଇନାକା ୱେନାଦେରା, ହେ ବିସ୍ତେ ଜାଗ୍ରଡ । ଇମଣି ମାଣ୍‌ତାଂ ଲାଡନାୟ, ହେ ମାଣ୍‌ତାଂ ମିଙ୍ଗେଙ୍ଗ ଲାଜଜି ହିଦନାଡ, ଆରି ମିଙ୍ଗେଙ୍ଗ ଆଦିକ୍ ହିଦ୍ୟା ଆନାଡ । ୨୫ ଇନାକିଦେଂକି ଇନେରିଂ ମାନାଡ, ତାଙ୍ଗ୍ ହିୟାଆନାଡ; ଆରି ଇନେରିଂ ହିଲୁଡ, ତା ତାକେ ଇନାକା ମାନାଡ, ହେଦାଂ ଇସ୍‌ର ତାକେଣ୍ଟାଂ ଅନାନ ।”

ଗାଜାଆନି ବିୟାନି କାତା

☆ ୪:୨୨ ୪:୨୨ ମାତିଉ ୧୦:୨୭; ଲୁକ ୧୨:୨

୨୭ ଆରେ ରଗ ହେୱାନ ଇଚାନ, ଇସ୍ବରତି ରାଜି ଇ ଲାକେ, ରୱାନ ଜାର୍ ମେଦନିତ ବିୟାନ ଓଡ଼ନାନ । ୨୮ ପାଚେ, ରୱାନ ମାନାୟ ନାଣା ହୁନ୍‌ଞ୍ଜନାନ ଆରି ଅଜଡ଼ ଆତିସ୍ ଜାଗ୍ରତ୍ ଆନାନ, ଆରି ବିୟାନ ଇନେସ୍ କିଜି ନେସ୍‌ଇ ପାନ୍ତାଡ଼, ହେଦାଂ ହେୱାନ ପୁନୁନ୍ । ୨୯ ମେଦନି ନିଜେ ପାଡ଼ ଆହିକିନାଡ଼, ପର୍ତ୍ତୁମ୍ ଆକି, ପାଚେ କେୟା, ତା ପାଚେ ଜିକିତ ଗମ୍ ବାତ । ୩୦ ମାତର୍ ତାସ୍ ହେନ୍‌ତାଚେ ତାସ୍ ସମୁ ଖାତିସ୍ ହେୱାନ କଞ୍ଜେସ୍ ଲାହାଙ୍ଗ୍ ଡ୍ରେସନାନ ।

ହାରହୁ ବିୟାନ ନି ଉତର୍ମୁଡ଼
(ମାଡ଼ିଉ ୧୩:୩୧-୩୨, ୩୪; ଲୁକ ୧୩:୧୮-୧୯)

୩୧ ଜିସୁ ଆରେ ଇଚାନ, “ଆସେଙ୍ଗ୍ ଇନେର୍ ଲାହାଙ୍ଗ୍ ଇସ୍ବର ରାଜିତିଂ ତାଡ଼ାୟ କିନାସ୍ ? କି ଆରେ ଇମଣି ଉତର୍ମୁଡ଼ତ୍ ହେଦାଂ ବୁଜାୟ କିନାସ୍ ? ୩୨ ହେଦାଂ ରଞ୍ଜାଙ୍ଗ୍ ହାରହୁ ମାଞ୍ଜି ଲାକେ; ମେଦନିତ ଓଡ଼ିନି ଖାଡ଼ାଙ୍ଗ୍ ହେଦାଂ ପୁତର୍ ସବୁ ପାଡ଼ତାଂ ହାରୁ । ୩୩ ମାତର୍ ଓଡ଼ିସ୍ ହେଦାଂ ପାନତି ସବୁ କୁଚାତାଂ ଗାଜା ଆନାଡ଼, ପାଚେ ଡାଡ଼ ଏଲେଙ୍ଗ୍ ଆଜି ଗାଜା ଗାଜା ଆନିଂ ଜେ, ଆକାସ୍‌ନି ପଟିଂ ହେ ହିଡ଼ଡ଼ିତ ବାହା କିଦେଙ୍ଗ୍ ଆଡ଼ନିକ୍ ।”

୩୪ ହେୱାନ ଇ ଲାକେ ବେସି ଉତର୍ମୁଡ଼ ହୁଦାଂ ହେୱାରିଂ ଖେନ୍‌ଞ୍ଜେଙ୍ଗ୍ ବୁଜାଆନି ସାକ୍ତି ସମାନ ହେୱେର୍ ଲାଗେ ବେରଣ୍ ପର୍ଚାର୍ କିଜି ମାଚାନ, ୩୫ ଆରେ ଉତର୍ମୁଡ଼ ଖେର୍‌ଞ୍ଜାଦାଂ ହେୱାନ ହେୱାର୍ ତାକେ ଇମଣି ବେରଣ୍‌ପା ଇନ୍‌ଞ୍ଜାଦାଂ ମାଚାନ । ମାତର୍ ହେୱାନ ବିନେନିକାର୍ ହିଲ୍‌ଞ୍ଜି ଖେଡ଼ାଲିଂ କାତା ତାଙ୍ଗ୍ ହେ ଚେଲାରିଂ ସବୁ ବିସ୍ତେ ବୁଜାୟ କିଜି ମାଚାନ ।

ଜିସୁ ଗାଜା ଦୁକାତିଙ୍ଗ୍ ତିର୍ କିନାକା
(ମାଡ଼ିଉ ୮:୨୩-୨୭; ଲୁକ ୮:୨୨-୨୫)

୩୬ ହେଦାଂ କାଜିଂ ମିକାହାରେସ୍ ଆତିଲେ ଜିସୁ ହେୱାରିଂ ଇଚାନ, “ଖାଡୁ, ହାମ୍‌ଦୁର୍ ଆନତି ପାଡ଼କା ହାନାସ୍ ।” ୩୭ ହେବେତାଂ ହେୱାର୍ ମାନାୟାରିଂ ପିସି, ଜିସୁ ଇମଣି ଡଙ୍ଗାତ ମାଚାନ, ହେ ଲାକେ ହେୱାନ ଡଙ୍ଗା ଲାହାଙ୍ଗ୍ ଅଜି ହାଚାର୍, ପାଚେ ବିନ୍ ବିନ୍ ଡଙ୍ଗାଙ୍ଗ୍‌ପା ହେୱାନ ହୁକେ ମାଚିକ୍ । ୩୮ ଆରି, ତ୍ରିପକ୍ ହୁଜାଞ୍ଜାଣି ଆତାଡ଼, ପାଚେ ଲଡ଼ି ପଡ଼ନି କାଜିଂ ଡଙ୍ଗାତ ଏଜୁଂ ବାତର୍ ଆଦେଂ ଲାଗିତିକ୍ । ୩୯ ହେ ଏଚେକାଡ଼ଦ ହେୱାନ ଡଙ୍ଗାନି ପାବ୍‌ବାଗାଂ ଆକ୍‌ସା କାପଡ଼ା ପାଚାତ ତୁପତି ହୁନଜି ମାଚାନ; ଆରେ ହେୱାର୍ ହେୱାନିଂ ନିକଟି ଇଚାର୍, “ଏ ଗୁରୁ, ଆପେଂ ହାତାପ, ନିଙ୍ଗ୍ ଇନାକା ଚିନ୍ତା ହିଲୁଡ଼ ?”

୪୦ ଇବେଣ୍ଡାଂ ହେୱାନ ନିଙ୍ଗ୍‌ଜି ଦୁକାତିଙ୍ଗ୍ ଦାକା ହିଜି ଲଡ଼ିତିଂ ଇଚାନ, “ପୁକ୍ ଇନା, ତିମ୍‌ରା !” ହେବେଣ୍ଡାଂ ଦୁକା ମଦା ଆତାଡ଼ ଆରେ ସବୁ ତିର୍ ଆତାଡ଼ । ୪୧ ଆରେ, ହେୱାନ ହେୱାରିଂ ଇଚାନ, ଏପେଙ୍ଗ୍ “ଇନେକିଦେଂ ଏଚେକ୍ ଡ୍ରିକୁଣା କାଦେର୍ ? ଇଦାଂ ! ଇନାକା ମିଙ୍ଗେଙ୍ଗ୍ ପାତର୍ ହିଲୁଡ଼ ?”

୪୨ ହେବେ ହେୱାର୍ ବେସି ପାଣ୍ଡା ଆଜି ହେୱେର୍ ହେୱାର୍ ଖେର୍‌ପା ଆଦେଂ ଲାଗାତାର୍, “ଇଞ୍ଜାନ ଜେ ଇନେନ୍ ? ଦୁକା ଆରେ ହାମ୍‌ଦୁର୍ ରିଣ୍ଡାଂପା ଇଞ୍ଜାନ ବଲ୍ ମାନି କିନିକା !”



ଜିସୁ ରୱାନ ପୁଦା ତୁୟାଆତା କାନିଂ ଉଜ୍ କିତାନ
(ମାଡ଼ିଉ ୮:୨୮-୩୪; ଲୁକ ୮:୨୬-୩୯)

୯ ପାଚେ ଜିସୁ ଚେଲାହର୍ ଗାଲିଲି ହାମ୍‌ଦୁର୍ ଆନତି ପାଡ଼ାକା ଗରାସିୟର୍ ମାନି ନାସ୍ ଏକାତାର୍ । ୧୦ ଜିସୁ ଡଙ୍ଗାତାଂ ଜୁତି ଦାପ୍ରେ ର ବାନ୍ୟା ଜିବୁନ୍ ଆତାକାନ ଦୁଗେର୍

ତାଙ୍କ ହୃଦୟ ଆରେ ହେୱାନିଂ ଗିଟା ଆତାନ୍ । ୩ ହେୱାନ୍ ଦୁଗେରତ ବାହା କିଜି ମାତାନ୍, ହେୱାନିଂ ଆରେ ଇନେର ହିକ୍ତିଂ ଗାଟ୍‌ରେଙ୍ଗ୍ ଆଡ଼୍‌ୱାଦାଂ ମାତାର, ୪ ହେୱାନ୍ ବେସିହର୍ ହିକ୍ତିଂ ଆରେ କାଗଡ଼ା ଗାଟ୍‌ପିସ୍ ମାତାର, ହେୱାନ୍ ହିକ୍ତିଂ ନାଟ୍‌ଟି ଗନ୍ଦା ଗନ୍ଦା କିଜି ତ୍ରିପ୍‌କିସ୍ ମାତାନ୍, ଆରେ ହେୱାନିଂ ଇନେର ଗାଟ୍‌ରେଙ୍ଗ୍ ସାଲ୍ଲି ହିଲ୍‌ୱାତାଡ଼ ୫ ହେୱାନ୍ ନାଣା ୱେଡ଼ା ସବୁ ୱେଡ଼ାଙ୍ଗ୍ ଦୁଗେର ତାକେ ଆରେ ମାଡ଼ିଜ୍‌ପି ମାନଞ୍ଜି କିରଡ଼ିପାଡ଼ି କିଜି ମାତାନ୍, ପାଟେ କାଲ୍‌ହୁକେ ଜାର ଗାଗାଡ଼ିଂ ଗାୱାଦାୱ୍ କିଜି ମାତାନ୍ ।

୬ ହେୱାନ୍ ଜିସୁଙ୍ଗ୍ ଦେହାତାଂ ହୁଡ଼ଜି ହନ୍‌ଟି ୱାଜି ତାଙ୍ଗେଙ୍ଗ୍ ଜୱାର୍ କିତାନ୍, ୭ ଆରେ ଗାଜା କାଟ୍‌ତାଂ କିକିରାଡ଼ିଂ ଆଜି ଇଚାନ୍, “ଏ ସଡ଼ତି ଗାଜା ଇସ୍‌ସ୍‌ ମେହି ଜିସୁ ! ନି ହୁଦାଂ ନାଦି ଇନାକା ମାନାଡ଼ ? ନିଙ୍ଗେଙ୍ଗ୍ ଇସ୍‌ସ୍‌ ତରଦାଂ ରାଣ୍ ହିଦ୍‌ନାଙ୍ଗା, ନାଙ୍ଗେଙ୍ଗ୍ କସ୍ ହିଦ୍‌ମା !” । ୮ ଲାଗିଂ ଜିସୁ ହେୱାନିଂ ଇଞ୍ଜେଙ୍ଗ୍ ହାଲ୍‌ଜି ମାତାନ୍, “ଆଡେ ବାନ୍‌ୟା ପୁଦା, ଇ ମାନାୟ୍ ତାକେଣ୍ଡାଂ ହସି ହାଲା !”

୯ ଆରେ, ଜିସୁ ହେୱାନିଂ ୱେନ୍‌ବାତାନ୍, “ନି ତର ଇନା ତର ? ହେୱାନ୍ ତାଙ୍ଗେଙ୍ଗ୍ ଇଚାନ୍, ନା ତର ‘ବାହିନି’ ଲାଗିଂ ଆପେଂ ହେନି !” ୧୦ ପାଟେ, ହେୱାନ୍ ହେଦାଂ କାଜିଂ ହେୱାରିଂ ହେ ବାଟ୍‌ତ ଅଲ୍‌ଗା ନାସ୍ ପକ୍‌ୱାଦାଂ ମାତାନ୍, ହେଦାଂ କାଜିଂ ହେୱାନ୍ ତାଙ୍ଗେଙ୍ଗ୍ ବେସି ଗୱାରି କିତାନ୍ ।

୧୧ ହେବେ ମାଡ଼ି କନାତ ପାଞ୍ଜିଙ୍ଗ୍ ର ମାନ୍ଦା ହାରା ଆଜି ମାଟିକ୍ । ୧୨ ଆରେ, ହେୱାଙ୍ଗ୍ ଜିସୁଙ୍ଗ୍ ଗୱାରି କିଜି ଇଟିକ୍, “ହେ ପାଞ୍ଜିଙ୍ଗ୍ ବିତ୍ରେ ହଣିକାଜିଙ୍ଗ୍ ମାଙ୍ଗେଙ୍ଗ୍ ତା ତାକେ ପକ୍‌ତା ।” ୧୩ ହେୱାନ୍ ହେୱାରିଂ ହେଲ୍ ହିଡିଲେ, ବାନ୍‌ୟା ଜିବୁନିଙ୍ଗ୍ ହସି ପାଞ୍ଜିଙ୍ଗ୍ ବିତ୍ରେ ହଟିକ୍; ହେବେ ହେବେଣ୍ଡାଂ ହେ ମାନ୍ଦା ବେସି ତାନ୍ଦାତାଙ୍ଗ୍ ହନ୍‌ଟିହାଲ୍‌ଜି ହାମ୍‌ଦୁର୍ ଗୁଟିତାଂ ଆଜିଂ ମୁନ୍‌ଞ୍ଜି ହାଡିଙ୍ଗ୍ । ୱିଜୁ ପାଞ୍ଜିଙ୍ଗ୍ ଆନ୍‌ମାନ୍‌ତାଂ ରି ହାଜାର୍ ମାଟିକ୍ ।

୧୪ ହେୱାକାଂ ହାରାଲ୍ କିଜି ମାଟି ମାନାୟ୍ ହଞ୍ଚି ହାଲ୍‌ଜି ଗାଡ଼୍‌ ଆରେ ନାସ୍‌କୁକାଂ ୱେଟ୍‌ଟାର୍; ହେବେ ଲକ୍‌ ଇନାକା ଗିଟା ଆତାଡ଼ନ୍ନା ଇଞ୍ଜି ହୁଡ଼ଗ୍ନା ୱାତାର୍ । ୧୫ ଆରେ, ହେୱାର୍ ଜିସୁ ତାକେ ୱାଜି ହେ ପୁଦା ତୁୟାଆତାକାନ୍, ଇଟିସ୍, ଇନେରିଂ ହିଗ୍‌ଦ ବାହିନି ପୁଦା ତୁଜି ମାତାଡ଼, ହେୱାନ୍ ହେନ୍ଦା ଉସ୍‌ସିସ୍ ହାଦ୍ ମାନ୍ତ କୁଟ୍‌ଟି ମାନାକା ହୁଡ଼ଜି ପାଣ୍ଡା ଆତାର୍ । ୧୬ ଆରେ, ଇନେର ହୁଡ଼ଜି ମାତାର, ହେୱାର୍ ହେ ପୁଦା ଆହ୍‌ୟା ଆତାକାନ୍ କାଜିଂ ଇନାକା ଗିଟା ଆଜି ମାତାଡ଼, ହେଦାଂ ଆରି ପାଞ୍ଜିଙ୍ଗ୍ ବିସ୍ତେ ହେୱାର୍ ତାକେ ହାଲ୍‌ଜି ବେରଣ୍ ୱେଟ୍‌ରେଙ୍ଗ୍ ଲାଗାତାର୍ ।

୧୭ ହେବେଣ୍ଡାଂ ହେୱେର୍ ହେୱାର୍ ହାନ୍‌ତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗୱାରି କିଦେଙ୍ଗ୍ ଲାଗାତାର୍ ।

୧୮ ପାଟେ ହେୱାନ୍ ଡଙ୍ଗାତ ଦୁମ୍‌ନି ୱେଡ଼ାଲିଂ, ଇମ୍‌ଣି ମାନାୟ୍‌ଟି ଆଗେ ପୁଦା ଆସି ମାତାଡ଼, “ଜିସୁ ତା ଲାହାଂ ମାନି କାଜିଂ ଚାନେକ୍ ଚାନେକ୍ ଗୱାରି କିତାନ୍ !”

୧୯ ମାତର୍ ଜିସୁ ହେଲ୍ ହିୱାଦାଂ ତାଙ୍ଗେଙ୍ଗ୍ ଇଚାନ୍, “ମି ଇଞ୍ଜ, ମି ୱାସ୍‌ନିକାର୍ ତାକେ ହାଲା, ପାଟେ ମାପୁ ନି କାଜିଂ ଇନା ଇନାକା କାମାୟ୍ କିତାଡ଼ନା ଆରି ନି କାଜିଂ ଇମ୍‌ଣି ଦୟା ଚଟାତାଡ଼ନା, ହେ ସବୁ ହେୱାରିଂ ୱେଟା ।”

୨୦ ତା ପାଟେ ହେୱାନ୍ ହାଲ୍‌ଜି, ଜିସୁ ହେୱାନ୍ କାଜିଂ ଇମ୍‌ଣି ଇମ୍‌ଣି କାମାୟ୍ କିଜି ମାତାନ୍, ହେ କାମାୟ୍ ଦେକାପଲି, ଇଟିସ୍ ଦସ୍‌ଗଟା ଗାଡ଼୍‌ ସୁଣାୟ୍ କିଦେଙ୍ଗ୍ ଲାଗାତାନ୍, ହେବେ ୱିଜାକାର୍ ୱେନ୍‌ଞ୍ଜି କାବା ଆତାର୍ ।

ଜିସୁ ହାଡି ଗାଡ଼୍‌ରେଂ ଜିପ୍‌ତାନ୍, ଆରେ ର କଗ୍‌ଲେଂ ଉଜ୍ କିତାନ୍
(ମାଡିଉ ୯:୧୮-୨୬; ଲୁକ ୮:୪୦-୫୬)

୨୧ ଜିସୁ ତଜାତାଂ ନାସି ଆରେ ରଗ ଉଲଟି ଖାତାନ, ତା ପାଚେ ହାମ୍‌ଦୁର୍ ଗୁଟିତ ମାନି ସମୁତ ବେସି ହେନି ଲକୁ ତା ଲାଗେ ରୁଣ୍ଡା ଆତାର । ୨୨ ହେ ପାଦନା ନାଟି କୁଟୁମ୍ ଇଲ୍ ମୁଣିକା ବିତ୍ତେ ଜାଇରସ୍ ତରଦାକାନ ରକାନ ଖାଜି ହେଖାନିଂ ହୁଡ଼ଜି କାଲକୁ ତାରେନି ତାଣ୍ଡାହାଣ୍ଡି ମାକ୍‌ତାନ, ୨୩ “ଆରେ ବେସି ଗଞ୍ଜାରି କିଜି ଇଚାନ, ନା ଗାଡ଼ ହାତିଲାକେ, ହେଦେଲ୍ ଇନେସ୍ ରାକ୍ୟା ପାୟାଜି ଜିନାଡ଼, ହେଦାଂ କାଜିଂ ଏନେଜ୍ ଖାଜି ତାଜେଜ୍ କେଇ ତୁଝା ।”

୨୪ ଇବେଣ୍ଡାଂ ହେଖାନି ତା ହୁଦାଂ ହାଚାନ, ଆରି ବେସିହେନି ମାନାୟ୍ ହେଖାନ ପାଚେ ପାଚେ ହାଞ୍ଜେଜ୍ ଲାଗାତାର, ଆରେ ହେଖାର ତା ଜପି କୁସ୍‌ପିସ୍ ମାଗାର ।

୨୫ ହେ ପାଦନା ବାର ବାହୁଁ ପାଚେକ୍ ଗାଗାଡ଼ ନାଡ଼ଝି ରଗନି ର କଗ୍‌ଲେ, ୨୬ ଇନେସ୍‌କି ବେସି ତାକ୍‌ର ତାଂ ବେସି ଦୁକ୍‌ପାୟା ଆଜି ଦାନ ଝିସ୍‌ଲେପା ଅଲପ ପା ହାରା ଆଖାଦାଂ ତାଦେଲ୍ ଆଦିକ୍ ବେମାର୍ ଆଜି ମାଗାଡ଼ । ୨୭ ହେଦେଲ୍ ଜିସୁ ବେରଣ୍ ଝେନ୍‌ଞ୍ଜି ମାନାୟ୍ ବିତ୍ତେ ପାଡ଼ ବାଗାଜ୍ ଖାଜି ହେଖାନି ହେୟାନି ତେଲିଂ ତୁତାଡ଼, ଇନାକିଦେଂକି ହେଦେଲ୍ ଇଞ୍ଜି ମାଗାଡ଼, ୨୮ “ମାତରଜେ ହେ ହେୟା ତୁତାଂଟି ଆନି ଉଜ୍ ଆନାଜ୍ ।”

୨୯ ହେ ଦାପ୍ରେ ତା ନେତେର ହନାକା ଚେବା ଆତାଡ଼, ଆରେ ହେଦେଲ୍ ଜେ ରଗତାଂ ଉଜ୍ ଆତାଡ଼ନା, ଇଦାଂ ହେଦେଲ୍ ତା ଗାଗାଡ଼ତ ପୁଚାଡ଼ । ୩୦ ହେ ଦାପ୍ରେ ଜିସୁ ତାଜ୍ ସାକ୍ତି ହଜି ହାନାକା ମାତ୍ର ପୁଞ୍ଜି, ମାନାୟ୍ ବିତ୍ତେ ଜେଣ୍‌ପାଡ଼କା ମାସ୍‌ଦି ଇଚାନ, “ଇନେର ନା ହେୟା ତୁଡ଼ତାର ?”

୩୧ ତା ଚେଲାହିର୍ ହେଖାନିଂ ଇଚାର, “ଏନେଜ୍‌ତ ହୁଡ଼ନାୟା, ମାନାୟାର ନି ଜପି କୁସ୍‌ପା ଆଦନାରା, ଆରି ଏନ୍ ଇନାୟା, ଇନେର ନାଜ୍ ତୁଡ଼ତାର ?”

୩୨ ମାତର ଜେ ଇଦାଂ କିଜି ମାଗାଡ଼, ହେଦାଂ ହୁଡ଼ଦେଂ ହେଖାନି ଚାରିବେଣ୍‌ତାଂ କାଣକୁ କିଦେଜ୍ ଲାଗାତାନ । ୩୩ ହେବେଣ୍ଡାଂ ହେ କଗ୍‌ଲେ ତାଜେଜ୍ ସବୁ ଗିଟା ଆତାକା, ଆରେ ହେଦାଂ ପୁଞ୍ଜି ପାଣ୍ଡୁଡ଼ିଂ ତ୍ରିଗ୍‌ଜି ତ୍ରିଗ୍‌ଜି ଖାଜି ହେଖାନିଂ ତାଣ୍ଡାହାଡ଼ ମାଗ୍‌ଜି ଝିଜୁ ହାଡ଼ପା କାତା ହେଖାନିଂ ଝେଡ଼ଚାଡ଼ । ୩୪ ତା ପାଚେ ଜିସୁ ହେଦେଲିଂ ଇଚାନ, “ଏ କଇ, ନି ପାଚି ତାଂ ନିଜେଜ୍ ଉଜ୍ କିଜି ମାଞ୍ଜନାଡ଼ । ଏନ୍ ସୁସ୍ତାତାଂ ହାଲା, ଆରେ ନି ରଗତାଂ ଉଜ୍ ଆଜି ମାନା ।”

୩୫ ହେଖାନି ଇ ବେରଣ୍ ଇନିହିଜ୍, ତା ନାଟି ମୁଣିକା ଇଞ୍ଜି ଲକୁ ଖାଜି ଇଚାର, “ନି ଗାଡ଼ ହାତାଚେ । ଗୁରୁଜ୍ ଇନାକିଦେଂ ଆରେ କସ୍ ହିନାୟା ?”

୩୬ ମାତର ଜିସୁ ହେ ବେରଣ୍ ଝେନ୍‌ଞ୍ଜି ଝେନ୍‌ଝିତି ଲାକେ* ଆଜି ନାଟି ମୁଣିକାଂ ଇଚାନ, “ପାଣ୍ଡା ଆମା, ଜେ ମାତର ପାଚି କିୟା ।” ୩୭ ପାଚେ, ଜିସୁ ପିତର ଜାକୁର୍ ଆରେ ତା ଚଣ୍ଡାହି ଜହନ୍ ପିସ୍‌ସି ଆରେ ଇନେରିଂ ପା ତା ଲାହାଜ୍ ହାଞ୍ଜେଜ୍ ହିଝାତାନ । ୩୮ ହେଖାର କୁଟୁମ୍‌ନି ମୁଡ଼ଦାକାନ ଇଞ୍ଜି ଖାଜି, ହେଖାନି ଇଞ୍ଜି ଆଡ଼ାକୁକା ଆନାକା ଆରେ ବିଲ୍‌କି ଆଜି ଆଡ଼ାବାନାକା ହୁଡ଼ତାର, ୩୯ ଆରି ବିତ୍ତେ ହାଲ୍‌ଜି ହେଖାରିଂ ଇଚାନ, “ଇନାକିଦେଂ ଆଡ଼ାକୁକା ଆନାଦେରା ? କଇହିମଣା ହାଝାତାଡ଼ନା, ମାତର ହୁଞ୍ଜନାତା ହେବେ ହେଖାର ହେଖାନିଂ କିଜାୟ୍ କିଦେଜ୍ ଲାଗାତାର !”

୪୦ ମାତର ହେଖାନି ଝିଜାକାରିଂ ବାର୍ତ୍ତ ହପ୍‌ଟି କଇହିମଣା ତେହିଜ୍ ଲାଡ଼ାହିଜ୍ ଆରେ ତା ହାଜ୍‌ଦା କାରିଂ ଅଜି ହାଲ୍‌ଜି, କଇହିମଣା ଇମେତାକେ ମାଗାଡ଼, ହେ ବାହାତ ହଞ୍ଗାଗାଡ଼ାର, ୪୧ ଆରେ ହିମଣାତି କେଇ ଆସ୍ତି ହେଦେଲିଂ ଇଚାନ, “ଚଲିତାକୁମ୍,” ଇତିସ୍ “ଏ କଇ ହିମଣା, ଆନି ନିଜେଜ୍ ଇଞ୍ଜନାଜା, ନିଜା !”

୪୨ ହେ ଦାପ୍ରେ କଇହିମଣା ନିଜ୍‌ଜି ବୁଲାଆଦେଂ ଲାଗାତାଡ଼; ହେ କଇହିମଣା ବୟସ୍ ବାର ବାହୁଁ ଆଜି ମାଗାଡ଼ । ହେବେ ହେଖାର ଝିଜାକାର କାବା ଆଜି ହାଚାର

* ୫:୩୬ ୫:୩୭ ଝେନ୍‌ଞ୍ଜି ଝେନ୍‌ଝିତି ଲାକେ; ନଲେ ପାଣ୍ଡା ଆଖାଦାଂ ।

। ୪୩ ଆରେ, ଇନେରପା ଜେ ଇ ବିସ୍ତେ ପୁନୁର୍, ଇଦାଂ କାଜିଂ ହେଝାନ୍ ହେଝାରିଂ ତାଟ୍ କିଜି ବଲ୍ ହିତାନ୍, ଆରେ “ହେ କଇହିମଣାଂ ଇଚୁଟିଂ ତିନାକା ହିଦେଂ ଝେଟ୍ତାନ୍ ।”



ନାଜରିତ୍ତନି ଲକୁ ଜିସୁଙ୍ଗ୍ ମାନି କିଝାତାର୍
(ମାତିଉ ୧୩:୫୩-୫୮; ଲୁକ ୪:୧୭-୩୦)

୧ ହେ ବାହାତାଂ ଜିସୁ ଇମେତାକେ ଗାଜା ଆଜି ମାତାନ୍ ଜାର୍ ଗାଡ୍ଦ ଝାତାନ୍ ଆରେ ତା ଚେଲାହିର୍ ତା ପାତେ ପାତେ ଝାତାର୍ । ୨ ଜମ୍ନିବାର୍, ହେଝାନ୍ କୁଚୁମ୍ ଇଞ୍ଜି ହିକାଇ କିଦେଙ୍ଗ୍ ଲାଗାତାନ୍ । ଆରେ, ବେସି ଲକୁ ହେଝାନ୍ କାତା ଝେନଞ୍ଜି କାବା ଆଜି ଇଚାର୍, “ଇଝାନ୍ ଇ ସବୁ ଇମେତାଂ ପୁଚାନ୍ନା ?” ପାତେ, ଇଝାନ୍ ଇମଣି ବୁଦିହିୟା ଆତାଡ୍ନା ? “ଆରେ ଇମଣି ସାକ୍ତିନି କାମାୟ୍ ଇଝାନ୍ତି ତା କେଇ କାଜିଂ କାମାୟ୍ ଆନାତା, ଇ ସବୁ ଇନାକା ?” ୩ ଇଝାନ୍ ଜେ ହେ ବାତାୟ୍ ଆକାୟ୍ । ଇଝାନ୍ ହେ ମରିୟମ୍ ମେହି, ଆରି ଜାକୁବ୍, ଜସି, ଜିହୁଦା ଆରେ ସିମନ୍ ଚଣ୍ଡେନ୍ ଆକାୟ୍ ପାତେ, “ଇଝାର୍ ତଣ୍ଡେହିକ୍ ଇବେ ମା ଲାହାଙ୍ଗ୍ ରଚେ ହିଲ୍ଝିତିକ୍” ଆରେ ଇଦାଂ ଇଞ୍ଜି ତାଙ୍ଗେଙ୍ଗ୍ ପାତ୍ କିଝାତାର୍ ।

୪ *ହେବେତାଂ ଜିସୁ ହେଝାରିଂ ଇଚାନ୍, “ବିନେନିକାର୍ ରଝାନ୍ ବେଶ୍‌ବାକ୍‌ଶାୟ୍ କିନାକାନିଂ ଗଝାରି କିତାର୍, ମାତର୍ ହେ ନିଜେ ଗାଡ୍ନି ମାନାୟାର୍, ହେ ଲକ୍‌ବାକ୍ ଆରି ନିଜେ ଇଞ୍ଜି ଲକ୍‌ବାକ୍ ପିସ୍ତି ତାଙ୍ଗେଙ୍ଗ୍ ଗଝାରି କିଉର୍ ।”

୫ ପାତେ, ଅଲପ୍ କେତେକ୍ ରଗିୟାରିଂ ଜପି କେଇ ଇଡ୍ଡି ହେଝାରିଂ ଉଜ୍ କିନାକା ପିସ୍ତି ଅଲଗା ଇମଣି ସାକ୍ତିତାଂ କାମାୟ୍ କିଦେଙ୍ଗ୍ ଆଡ୍‌ଝା ତାନ୍‌ୟେ । ୬ ଆରେ, ହେଝାର୍‌ତି ପାତ୍ କିଝାକା କାଜିଂ କାବା ଆତାର୍ ।

ଜିସୁ ବାରଜାଣ୍ ଚେଲାରିଂ ପକ୍‌ତାନ୍
(ମାତିଉ ୧୦:୫-୧୫; ଲୁକ ୯:୧-୬)

୭ ପାତେ ହେଝାନ୍ ବାରଜାଣ୍ ଲାଗେ କୁକ୍‌ତି ହେଝାରିଂ ରିୟାର୍ ରିୟାରିଂ କିଜି ପକ୍ତେତେଂ ଆରାମ୍ କିତାନ୍ ଆରି ପୁଦାଂ ତୁୟାଆତି ମାନାୟାତିଂ ପିହିକିଦେଂ ଇଞ୍ଜି ହେଝାରିଂ ଆଦିକାର୍ ହିତାନ୍; ୮ ଆରେ, “ଏପେଙ୍ଗ୍ ହାନିହିଂ ମାତର୍ ଜେ ବାଡ୍‌ଗା ପିସ୍ତି ରୁଟି କି ଡରି ମଣାତ ତାରୁଙ୍ଗ୍ ଆମାଟ୍ ଇଞ୍ଜି ହେଝାରିଂ ବଲ୍ ହିତାନ୍; ୯ ମାତର୍ ହେଝାରିଂ କାଲ୍‌ଦ ପାଣ୍ଡାୟ୍‌ଙ୍ଗ୍ ତୁଜାର୍ ଇଚାନ୍, ରିଶ୍ଟାଂ ଆଙ୍ଗିଙ୍ଗ୍ ଆପେର୍‌ଦେଂ ମୁନା କିତାନ୍ ।” ୧୦ ଆରେ, ଜିସୁ ହେଝାରିଂ ଇଚାନ୍, “ଏପେଙ୍ଗ୍ ଇମଣି ଇଞ୍ଜି ହଶ୍‌ଗାନାଦେର୍, ହେ ବାହାତାଂ ପକ୍ତିଝି ପାତେକ୍ ହେବେ ମାନାଟ୍ । ୧୧ **ମାତର୍ ଇମଣି ନାସ୍‌ନି ମାନାୟ୍ ମିଙ୍ଗେଙ୍ଗ୍ ମାନ୍‌କିଦୁର୍, ଆରେ ମି ବେରଣ୍ ଝେନଞ୍ଜୁର୍, ହେ ବାହାତାଂ ହାନି ଝେଡାଙ୍ଗ୍ ହେଝାର୍ ତାକେ ସାକି ହିଦେଂ ମି କାଲ୍ ପାନାନି ଦୁଡ୍ଡି ଡାତାଟ୍ ।

୧୨ ହେବେ ହେଝାର୍ ବାଟ୍ ହାଲ୍‌ଜି ମାନ୍‌ବାଦ୍‌ଲାୟ୍ କିନାକା ଜେ ମାନାଡ୍, ଇଦାଂ ସୁଣାୟ୍ କିତାର୍, ୧୩ *ଆରେ ଆଦେକ୍ ପୁଦାଂ ପିହିକିତାର୍ ଆରେ ବେସି ହେନି ରଗି ଲାଗାଙ୍ଗ୍ ଚିକାଣ୍ କାଜିଂ ଉଜ୍ କିତାର୍ ।”

ବାପ୍ତିସିମ୍ ହିନି ଜହନ୍ତି ହାକି
(ମାତିଉ ୧୪:୧-୧୨; ଲୁକ ୯:୭-୯)

* ୬:୪ ୬:୪ ଜହନ୍ ୪:୪୪. * ୬:୧୧ ୬:୧୧ ପକ୍ୟାତାକା ୧୩:୫୧. * ୬:୧୧ ୬:୧୧ ଲୁକ ୧୦:୪-୧୧.
* ୬:୧୩ ୬:୧୩ ଜାକ୍‌ବ ୫:୧୪.

୧୪ ଜିସୁ ତରୁ ଓଁଶ୍ରୀତିଲେ ହେରଦ ରାଜା* । ହେୱାନ ବିସ୍ତେ ଷେଚାନ, ଆରେ ଲକୁ ଇଞ୍ଜି ମାଚାର, “ବାପ୍ତିସିମ୍ ଜହନ୍ ହାତି ତାକେଣ୍ଡା ନିଙ୍ଗତାନ୍ନା ! ହେ ଇ ଓଁଜୁ ଯାଞ୍ଜି ହେୱାନ ତାକେ କାମାୟ କିନାତା ।”

୧୫ ମାତରୁ ବିନେନିକାରୁ ଇଞ୍ଜି ମାଚାର, “ଆଗେଦିନି ରଖନ୍ ଏଲିୟ,” ପାଚେ ଆରେ ଇନେ ଇନେରୁ ଇଞ୍ଜି ମାଚାର, “ବେଣ୍ଡବାକ୍ଷାୟକିନାକାନ ତାଙ୍ଗ୍ ଇନାକାନ ଲାକେପା ଇୱାନ ରକାନ ବେରଣ୍ଡ ବାକ୍ଷାୟ କିନାକାନ ।”

୧୬ ମାତରୁ ହେରଦ ଇଦାଂ ଷେନ୍‌ଞ୍ଜି ଇଚାନ, “ଇମ୍‌ଣି ଜହନ୍‌ତିଂ ଆପେଂ କାପ୍‌ତା ରାସ୍‌ତାପ୍‌ନା, ହେୱାନ ନିଙ୍ଗତାନ୍‌ନା ।” ୧୭ ଲାଗିଂ ହେରଦ ତା ଟଣ୍ଡାହି ପିଲିପ୍‌ ଖାଣିଙ୍ଗ୍ ହେରଦିଆଙ୍ଗ୍ ବିବା କିତିଲେ ହେଦାଂ କାଜିଂ ନିଜେ ମାନାୟ ପକ୍‌ଚି ଜହନ୍‌ତିଂ ଆସ୍ତି ଆରେ ଗାଚ୍‌ଚି ଜେଲ୍ ଇଞ୍ଜି ତୁଇଜି ମାଚାର । ୧୮ ହେଦାଂ କାଜିଂ ଜହନ୍ ହେରଦ୍‌ତିଂ ଇଞ୍ଜି ମାଚାନ, “ନି ଟଣ୍ଡେନ୍ ଖାଣିଙ୍ଗ୍ ଡକ୍‌କି କିନାକା ନି ବିଦି ହିଲୁଡ୍ !”

୧୯ ହେବେତାଂ ହେରଦିୟା ଆକାରୁ ଆଜି ଜହନ୍‌ତିଂ ଅପ୍ରେଙ୍ଗ୍ ଇଞ୍ଜି ମାନ କିଜି ମାଚାନ, ମାତରୁ ଆଡ୍‌ୱାଦାଂ ମାଚାନ; ୨୦ ଇନାକିଦେଂକି ହେରଦ୍ ଜହନ୍‌ତିଂ ରଖାନ ଦାମ୍ ନିକାନ ଆରି ପୁଇପୁୟା ପୁଞ୍ଜି ପାଣ୍ଡା ଆଜି ମାଚାନ, ଆରେ ତାଙ୍ଗେଙ୍ଗ୍ ରାକ୍ୟା କିଦେଙ୍ଗ୍ ସେସ୍ କିଜି ମାଚାନ, ଆରେ ହେ କାତା ଷେନ୍‌ଞ୍ଜି ବେସି ରିସା ଆତିସ୍‌ପା ଖାରିତାଂ ହେଦାଂ ଷେନ୍‌ଞ୍ଜି ମାଚାନ ।

୨୧ ପାଚେ ହେରଦିୟାତି ପାଗ୍ ଦିନ୍ ଏକା ଖାତାଡ୍ । ହେରଦ୍‌ତି ଜଲମ୍ ଦିନ୍ ନାଜିଂ ପାଚ୍ ମଡ୍ଡି, ମୁଡ୍‌ମେଲ୍ୟା ଆରି ଗାଲିଲିନି ମୁଣିକାରୁ କାଜିଂ ମିକାଲିଂ ବଜି ଜାଲ୍‌ଦି କିତାନ । ୨୨ ଆରେ, ହେରଦିୟାଂ ତା ଗାଡ୍‌ହି ବିଡ୍ରେ ଖାଜି ଏନ୍‌ଦିପା, ହେରଦ୍ ଆରି ହେୱାନ ହୁକେ ବଜିତ କୁଚ୍‌ଚି ଲଗାଙ୍ଗ୍ ଗଞ୍ଜାରି କିତାଡ୍ । ହେବେ ହେରଦ୍ ରାଜା ଗାଡ୍‌ଚେଂ ଇଚାନ, “ଇନାକା ମାନ କିନାୟା, ଏନ୍‌ତା, ଆନ୍ ନିଙ୍ଗେଙ୍ଗ୍ ହେଦାଂ ହିଦ୍‌ନାଂ ।” ୨୩ ଆରେ, ହେୱାନ ତା ତାକେ ପାର୍ମାଣ୍ କିତାନ, “ଏନ୍ ନାଙ୍ଗେଙ୍ଗ୍ ଇନାକା ଏନ୍ତାନାୟ, ହେଦାଂ ନିଙ୍ଗେଙ୍ଗ୍ ରାଜିନି ବାଗେ ପାଚେକ୍ ଏନ୍ତିସ୍‌ପା ପା ଆନ୍ ହିଦ୍‌ନାଂ !”

୨୪ ତା ପାଚେ ହେଦେଲ୍ ହସି ହାଲ୍‌ଜି ତା ତେହିଙ୍ଗ୍ ଷେନ୍‌ବାତାଡ୍, “ଆନ୍ ଇନାକା ଏନ୍‌ନାଙ୍ଗ୍ ? ହେଦେଲ୍ ଇଚାଡ୍, ବାପ୍ତିସିମ୍ ଜହନ୍‌ତି କାପ୍‌ତା” ଏନା ।

୨୫ ହେ ଦାପ୍ରେ ହେଦେଲ୍ ରାଜା ଲାଗେ ଖାଜି ଇଦାଂ ଇଞ୍ଜି ଏନ୍ତାଡ୍, ତା ପାଚେ ତେହି ଇଚାଡ୍ ଜେ, “ଏନ୍ ବାପ୍ତିସିମ୍ ହିନି ଜହନ୍‌ତି କାପ୍‌ତା ର ତାଡ୍‌ୟାତ ହେ ଦାପ୍ରେ ହିଦା !”

୨୬ ଇବେ ରାଜା ଦୁକ୍ ଆତିସ୍‌ପା ଜାରୁ ପାର୍ମାଣ୍ ଆରି ବଜିତ କୁଚ୍‌ଚି ମାନାୟାରୁ ତାକେ ଆକାୟ ଇଞ୍ଜେଙ୍ଗ୍ ମାନ କିଖାତାନ । ୨୭ ଲାଗିଂ ରାଜା ହେ ଦାପ୍ରେ ର ଜାମାନ୍‌ତିଂ ପକ୍‌ଚି ହେୱାନ୍ତି କାପ୍‌ତା ତାସି ଖାଦେଙ୍ଗ୍ ଇଞ୍ଜି ବଲ୍ ହିତାନ । ହେବେଣ୍ଡାଂ ହେୱାନ ହାଲ୍‌ଜି ଜେଲ୍‌ତାଂ ଜହନ୍ତି କାପ୍‌ତା ରାସ୍‌ଦି ତାହିଖାତାନ, ୨୮ ଆରେ ହେଦାଂ ର ତାଡ୍‌ୟାତ ତାକେ ତାସି ଗାଡ୍‌ଚେଂ ହିତାନ, ଆରେ ଗାଡ୍‌ଚେ ହେଦାଂ ଅଜି ତା ତେହିଙ୍ଗ୍ ହିତାଡ୍ । ୨୯ ଜହନ୍ ଚେଲାହିର୍ ହେବେନି କାରୁର୍ ଷେନ୍‌ଞ୍ଜି ଖାତାରୁ ଆରି ହେୱାନ ମାଡା ଅଜି ଦୁଗେରଚ୍ ଇଚ୍‌ତାର ।

ଜିସୁ ପାଞ୍ଚ ହାଜାର ମାନାୟାରିଂ ଚିର୍‌ପାନାକା
(ମାତିଉ ୧୪:୧୩-୨୧; ଲୁକ ୯:୧୦-୧୭; ଜହନ୍ ୬:୧-୧୪)

୩୦ ପାଚେ ପକ୍ୟାତାକାରୁ ଜିସୁ ତାକେ ରୁଣ୍ଡା ଆଚାରୁ, ଆରି ହେୱାରୁ ଇନା ଇନାକା କିଜି ମାଚାରୁ ଆରେ ଇନା ଇନାକା ହିକିୟା ହିଜି ମାଚାନ, ହେ ଓଁଜୁ ହେୱାନିଂ ଷେଚ୍‌ପାଚାର । ୩୧ ହେବେତାଂ ହେୱାନ ହେୱାରିଂ ଇଚାନ, “ଜାଡୁ ଆସେଙ୍ଗ୍ ର ଚିମ୍‌ରା

* ୨:୧୪ ୨:୧୪ ରାଜା ହେରଦ୍; ହେରଦ୍ ଆଣ୍ଡିପସ୍, ଗାଲିଲିନି ସାସନ୍ କାରୟା । † ୨:୨୨ ୨:୨୨ ହରଦିଆତି ଗାଡ୍‌ହି; କେତେକ୍ ପତିତ ତା ଗାଡ୍‌ହି ହେରଦିୟା ।

ବାହାତ ଜମନାସ୍ । ଇନାକିଦେଂକି ହେନି ମାନାୟ୍ ହାନାକା ଖାନାକା ଆଜି ମାନି କାଜିଂ ହେଝାର୍ ଚିଞ୍ଚେଙ୍ଗ୍ ପା ପାବ୍ ଆଝାଦାଂ ମାଚାର୍ ।” ୩୨ ତା ପାଚେ ହେଝାର୍ ବିନେ ଆଜି ର ତଙ୍ଗାତ ଚିମ୍ବରା ବାହାତାକେ ହସି ହାଚାର୍ ।

୩୩ ମାତର୍ ହେନି ହେଝାରିଂ ହସି ହାନାକା ହୁଡ଼ତାର୍ ଆରି ଚିନ୍ କିତାର୍, ଆରେ ମାନାୟାର୍ ଝିଜାକାର୍ ଗାଡ଼ଦାଂ ତାଙ୍ଗି ହାଲ୍ଜି ହେବେ ରଚେ ହସ୍ତି ହାଲ୍ଜି ହେଝାର୍ ଆଗେ ଏକାତାର୍ । ୩୪ ହେଝାନ୍ ତଙ୍ଗାତାଂ ହସି ବେସି ହେନି ମାନାୟାରିଂ ହୁଡ଼ଜି ହେଝାର୍ କାଜିଂ କାର୍ମାତିଂ ତାଙ୍ଗି ମାନ୍ତ ରାସ୍ ଇଚାନ୍, ଇନାକିଦେଂକି ହେଝାର୍ ଗଡ଼ିୟା ହିଲ୍ଜି ମେଣ୍ଟାଂ ଲାକେ ମାଚାର୍, ପାଚେ, ହେଝାନ୍ ହେଝାରିଂ ଆଦିକ୍ ବିସ୍ତେ ହିକାଲ୍ ହିଦେଂ ଲାଗାତାନ୍ । ୩୫ ଝେଡ଼ା ଆଦିକ୍ ଆତିଲେ ତା ଚେଲାର୍ ତା କଚଣ୍ଡ ଝାଜି ଇଚାର୍, ଇ ବାହାତ ଚିମ୍ବରା, ଆରେ “ବେସି ଝେଡ଼ା ଆତାତେ । ୩୬ ମାନାୟାର୍ ଇନେସ୍ ଚାରିବେଣ୍ଡି ନାସ୍ତୁ ନିକାର୍ ଆରେ ନାଟ ହାଲ୍ଜି ଜାର୍ ଜାର୍ କାଜିଂ ତିନ୍ଝେଙ୍ଗ୍ ଇଞ୍ଜି ଇନାକା କଡ଼ନାର୍, ଇଦାଂ କାଜିଂ ହେଝାରିଂ ପକା ।”

୩୭ ମାତର୍ ହେଝାନ୍ ହେଝାରିଂ ଉତର୍ ହିତାନ୍, “ଏପେଙ୍ଗ୍ ହେଝାରିଂ ଚିପ୍ପାଟ୍ । ହେଝାର୍ ହେଝାନିଂ ଇଚାର୍, ଆସେଙ୍ଗ୍ ଇନାକା ସହେ ଟାକାନିଃ ରୁଟିଂ କଡ଼ଜି ଇଝାରିଂ ହିନାସ୍ ?”

୩୮ “ହେଝାନ୍ ହେଝାରିଂ ଇଚାନ୍, ମି ତାକେ ଏଚେଗଟା ରୁଟିଂ ମାନିକ୍ ? ହାଲ୍ଜି ହୁଡ଼ାଟ୍ ।” ହେଝାର୍ ବୁଜା ଆଜି ଝାଜି ହେଝାନିଂ ଇଚାର୍, “ପାଞ୍ଚ ଗଟା, ଆରେ ରିଣ୍ଟାଂ ମିନକୁ ।”

୩୯ ଜିସୁ ବଲ୍ ହିତାନ୍, ମାନାୟାରିଂ ବାଗାତ କଝାଣ୍ କାତ୍ରା ଜପି କୁଦା କୁଦା କିଜି କୁଚ୍ଚି କିୟାଟ୍ । ୪୦ ହେବେ ହେଝାର୍ ସଏ ସଏ ଜାଣ୍ ଆରେ ପଚାସ୍ ପଚାସ୍ ଜାଣ୍ ଆଜି କୁଦା କୁଦା ଆଜି କୁଚ୍ଚାର୍ । ୪୧ ପାଚେ ଜିସୁ ହେ ପାଞ୍ଚଗଟା ରୁଟିଂ ଆରେ ରିଣ୍ଟାଂ ମିନକୁ ଆସ୍ତି ସାଗେତ ହୁଡ଼ଜି ଆସିର୍ବାଦ୍ କିଜି ଇଚାନ୍ ଆରି ରୁଟିଂ ତ୍ରିପକିସ୍ ମାନାୟାରିଂ ପାସ୍ପେଦେଂ ଚେଲାରିଂ ହିତାନ୍ । ପାଚେ, ହେ ଲାକେ ରିଣ୍ଟାଂ ମିନକୁ ହେଝାରିଂ ବାଟା କିଜି ହିତାର୍ । ୪୨ ହେବେଣ୍ଟାଂ ଝିଜାକାର୍ ତିନ୍ଝେ ପଟ ପାନ୍ଚାର୍, ୪୩ ଆରେ ହେଝେର୍ ତ୍ରିଙ୍ଗିଟି ରୁଟିଂ ପେସ୍ଜିପା ବାର ଟପା ବାଟ୍ କିତାର୍ ଆରି ମିନକୁପା ଏଲେଙ୍ଗ୍ନେ ପେସ୍କାତାର୍ । ୪୪ ରୁଟି ତିନି ମାନାୟ୍ ପାଞ୍ଚ ହାଜାର୍ ଆଣ୍ଟିହିମ୍ଣାଂ ମାଚାର୍ ।

ଜିସୁ ଏଜୁଂ ଜପି ତାଂତାନ୍
(ମାତିଉ ୧୪:୨୨-୩୩; ଜହନ୍ ୬:୧୫-୨୧)

୪୫ ହେ ଦାପ୍ରେ ହେଝାନ୍ ତା ଚେଲାରିଂ ତଙ୍ଗାତ ଦୁମ୍ବଜି ବେଡ଼ସାଲଦା ନିପ ଆନ୍ଚି ପାଡ଼କା ଆଗେ ହାନ୍ଝେଙ୍ଗ୍ ଇଚାନ୍, ଆରେ ହେଝାନ୍ ଇବେଣ୍ଟାଂ ମାନାୟାରିଂ ଝିଜାରିଂ ହେଲ୍ ହିତାନ୍ । ୪୬ ଜିସୁ ହେଝାର୍ ତାକେଣ୍ଟାଂ ହେଲ୍ ଅତି ପାଚେ ଜିସୁ ପାର୍ତାନା କିନି କାଜିଂ ମାଡ଼ିଜପି ହାଚାନ୍ । ୪୭ ମିକାହାରେସ୍ ଆତିଲେ ତଙ୍ଗା ହାମ୍ବୁର୍ ମାଦି ମାଚାଟ୍ ଆରେ ହେଝାନ୍ ମେଦ୍ନିତ ରକାନ୍ ମାଚାନ୍ । ୪୮ ଲଡ଼ି ଦୁକା କାଜିଂ ହେଝାରିଂ ତଙ୍ଗା ଗାଟି କିଦେଙ୍ଗ୍ କସ୍ ପାୟା ଆନାକା ହୁଡ଼ଜି ହେଝାନ୍ ପୁରା ନାଣା କୁଜୁ କେପା ଝେଡ଼ାଙ୍ଗ୍ ହାମ୍ବୁର୍ ଜପି ତାଙ୍ଗି ଚେଲାର୍ ତାକେ ଝାତାନ୍, ଆରେ ହେଝାର୍ କଚଣ୍ଡତାଂ ଆଗେ ତାଂଦେଙ୍ଗ୍ ପା ସାସ୍ ମାଚାନ୍ । ୪୯ ମାତର୍ ହେଝାର୍ ତାଙ୍ଗେଙ୍ଗ୍ ହାମ୍ବୁର୍ ଜପି ତାଂନାକା ହୁଡ଼ଜି “ପୁଦା ଇଞ୍ଜି !” କିକିରାତିଂ କିତାର୍ । ୫୦ ଇନାକିଦେଂକି ହେଝାର୍ ତାଙ୍ଗେଙ୍ଗ୍ ହୁଡ଼ଜି ପାଣ୍ଟା ଆଜି ମାଚାର୍ । ମାତର୍ ଜିସୁ ହେ ଦାପ୍ରେ ହେଝାରିଂ ବେରଣ୍ କିଜି ହେଝାରିଂ ଇଚାନ୍, ପାତ୍ରା ଆମାଟ୍ “ସାସ୍ ଆଡୁ ଇଝାଙ୍ଗ୍ ତ ଆନ୍ ପାଣ୍ଟା ଆମାଟ୍ !”

‡ ୭:୩୭ ୭:୩୭ ରୁପା ଟାକାଂ; ର ରୁପା ଟାକାଂ ରଝାନ୍ ଦେସି ନାଟାକାନ୍ ତିନ୍ଦିନିକି କୁଲି ମାଚାଟ୍ ।

୫୧ ଆରେ, ହେୱାନ ହେୱାର ଲାଗାଁ ହାଲ୍‌ଜି ତଙ୍ଗାତ ଦୁମ୍‌ତାନ, ଆରେ ଦୁକା ତିର୍ ଆତାଡ଼ । ହେବେ ହେୱାର ମାନ୍ତ ମାନ୍ତ କାବା ଆଜି ହାତାର । ୫୨ ହେୱାର ପାଞ୍ଚ ହାଜାର ମାନାୟାରିଂ ରୁଟି ତିର୍‌ପିନି ବିସ୍ତେ ଅରଡ଼ ପୁନ୍‌ୱାଦାଂ ହିକାୱାଦାଙ୍ଗ ମାତାର ଇନାକିଦେଂକି ରୁଟି ନି ଗଟ୍‌ଣା ଖେଡ଼ାଙ୍ଗ ହେୱାରତି ବୁଦି ଆର୍‌ୱାଦାଂ ମାତାଡ଼, ଲାଗିଂ ହେୱାରିଂ ମାନ ଆର୍‌ୱା ଆଜି ମାତାଡ଼ ।

ଗିନେସର୍ ତାକେ ଜିସୁ ରଗି ଲଗାଂ ଉଜ୍ କିତାନ
(ମାତିଉ ୧୪.୩୪-୩୬)

୫୩ ହେୱାର ନାସି ଗିନେସରଡ଼ ନିପ ଏକିସ୍ ଗୁଟିତ ତଙ୍ଗା ଗାଟ୍‌ତାର । ୫୪ ଆରେ, ହେୱାର ତଙ୍ଗାତାଙ୍ଗ କୁଡିଲେ, ମାନାୟାର ହେ ଦାପ୍ରେ ତାଙ୍ଗ୍ ଚିନ୍ କିତାର, ୫୫ ହେ ଓଁଜୁ ରାଜି ନିକାର ଚାରିବେଣ୍‌ତାଂ ହନ୍‌ଟି ହାତାର, ଆରେ ଜିସୁ ଇମେ ଇମ୍‌ଣି ବାହାତ ମାନାନ୍ ଇଞ୍ଜି ଖେଚାର, ହେ ବାହାତ ରଗି ମାନାୟାରିଂ କାଟେଲ୍‌ତ ପିଣ୍ଡଜି ତାସି ୱାଦେଙ୍ଗ୍ ଲାଗାତାର । ୫୬ ଆରେ, ହେୱାନ ଇମେ ଇମ୍‌ଣି ନାସ୍, ଗାଡ଼୍‌ଦ କି ହାରୁନାସ୍‌ତ ହଟ୍‌ଟାର, ମାନାୟ ହେ ବାହାତ ଆର୍ ପାଦାଲାକେ ରଗି ଲଗାଙ୍ଗ୍ ଇଡ଼ଜି, ହେୱାର ଇନେସକି ଜିସୁ ହେୟାନି ତେଲିଂ ତୁନାର, ଇଦାଂ ଜିସୁଙ୍ଗ୍ ଗୱାରି କିଦେଙ୍ଗ୍ ଲାଗାତାର; ଆରି, ଏଚେକ୍ ଜାଣ୍ ତାଙ୍ଗେଙ୍ଗ୍ ତୁତାର, ଓଁଜାର ଉଜ୍ ଆତାର ।



ପାରୁସିରତି ରିତିନିତି
(ମାତିଉ ୧୫:୧-୯)

୧ ପାଚେ ପାରୁସିର୍ ଆରି ଜିରୁସାଲମ୍ ତାଙ୍ଗ୍ ୱାଜି ମାତି କେତେକ୍ ଦରମ୍ ଗୁରୁର୍ ତା ତାକେ ରୁଣ୍ଡା ଆତାର । ୨ ହେୱାର ହେୱାନ୍ତି ତେଲାର୍ ବିତ୍ରେ କେତେଜାଣ୍ ରାଡ଼ା, ଇତିସ୍ କେଇ ନୁସ୍‌ୱାଦାଂ ତିନାକା ହୁଡ଼୍‌ତାର ।

୩ ପାରୁସିର୍ ଆରେ ଓଁଜାର ଜିହୁଦି ଲକ୍ ପ୍ରାତିନାର ରିତି ନିତି ନିୟମ୍ କିଜି ହାର କିଜି କେଇ ନୁଜ୍‌ୱାତାରତି ତିନୁର୍, ୪ ପାଚେ ଆର୍ ବାଜାର ତାଙ୍ଗ୍ ୱାଜି ଜାର୍ ଜାର୍ ଜପି ଏଜୁଂ ଡ଼ଞ୍ଜୟା ଆଓଡିସ୍ କୁଲେର ଉଣୁର୍; * ଆରି ଗିନା, ମତା ଆରେ ପିତାଡ଼୍‌ତାଡ଼ିଆ ତ ଏଜୁଂ କୁପକିସ୍ ନୁଜ୍‌ନାକା, କାଟେଲ୍ ଜପି ଏଜୁଂ ତିର୍‌ନାକା ଇୱାଙ୍ଗ୍ ବିନ୍ ବିନ୍ ବେସି ରିତି ନିତି ମାନି କିଦେଙ୍ଗ୍ ଇଞ୍ଜି ହେୱାର୍ ବଲ୍ ପାୟା ଆତାଣ୍ଡା ।

୫ ଲାଗିଂ ପାରୁସିର୍ ଆରେ ଦରମ୍ ଗୁରୁର୍ ହେୱାନିଂ ଖେନବାତାର, ମି ତେଲାର୍ ପ୍ରାତିନାର ରିତି ନିତି ନିୟମ୍ ତାଙ୍ଗ୍ “ଇନାକିଦେଂ ବେବାର୍ କିୱାଦାଂ ରାଡ଼ା କେଇଦ ତିନାରା ?”

୬ ହେୱାନ ହେୱାରିଂ ଇଚାନ, ଆଡେ କାପ୍‌ଟିୟାର୍, ଜିସାୟ ମି ବିସ୍ତେ ସମାନ ବାବ୍ରେ ବେରଣି ଖେଟ୍‌ଚାତାନନା,

ଇନେସ୍ ଲେକାମାନାଡ଼, ଇ ଜାତି ମୁମ୍‌ଦ ମାଙ୍ଗେଙ୍ଗ୍ ୱାରି କିଦନାର୍, ମାତର୍ ହେୱାର୍ ମାନ ମା ତାଙ୍ଗ୍ ଦେହା ମାନାଡ଼ ।

୭ “ହେୱାର୍ ମାନାୟାର୍‌ତି ବିଦିଙ୍ଗ୍ ଦରମ୍ ବେରଣି ଇଞ୍ଜି ହିକ୍ୟା ହିନାନ ପଲ୍ୟା ମା ପାର୍ତାନା କିନାର୍ ।”

୮ “ଏପେଙ୍ଗ୍ ଇସ୍‌ରତି ବଲ୍ ପିସ୍ତି ମାନାୟାର୍‌ତି ରିତି ନିତି ଆସ୍ତି କୁଟ୍‌ଚା ଦେର୍‌ନା ।”

୯ ଆରେ, ଜିସୁ ହେୱାରିଂ “ଏପେଙ୍ଗ୍ ଜାର୍ ଜାର୍ ରିତି ନିତି ମାନି କିନି କାଜିଂ ଇସ୍‌ରତି ବଲ୍ ମାନି କିଡ଼ ଦେରା ।” ୧୦ ଇନାକିଦେଂକି ମସା ରିତି ନିୟମ୍ ହିଡ଼୍‌ତାନ୍ନା, “ଜାର୍ ଆବା ଆୟାକାଂ ୱାରି କିୟାଟ୍, ଆରେ ଇନେର୍ ତା ଆବା କି ଆୟାଂ ସାଇପ୍ ହିନାନ, ହେୱାନ

* ୭:୪ ୭:୪ ଇନାକାପା ଅଲପ୍ ଆର୍‌ବାଜାର୍‌ତାଂ ୱାନାଡ଼ ପର୍ତ୍ତୁମ୍ ହେୱାର୍ ନୁଜ୍‌ୟାୱାଦାଂ ପାଚେକ୍; ନଲେ ହେୱାର୍ ଆର୍ ବାଜାର୍‌ତ ୱାଜି ପର୍ତ୍ତୁମ୍ ନିଜେ ନୁଜ୍‌ୟାୱାଦାଂ ପାଚେକ୍ ।

ହାକି ତାଣ୍ଡ ପାୟା ଆନାନ୍ । ୧୧ ମାତର୍ ଏପେଙ୍ଗ୍ ଇନାର୍, ଇନେର୍ ଏଚେକାଡ୍‌ଦ ଆବା କି ଆୟାଂ ଇନାର୍, ନା ତାଙ୍ଗ୍ ଇନାକାପା ମି ଉପକାର୍ ଆତାମ୍, ହେଦାଂ କର୍ବାନ୍, ଇତିସ୍ ଅଡ୍‌ଗା ଆତାଡ୍‌ନା, ୧୨ ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ତାଞ୍ଜି ଆବା କି ଆୟାଂ ଅଲପପା ଉପକାର୍ କିଦେଙ୍ଗ୍ ହିଞ୍ଜାଦାଂ ମାଟିସ୍; ୧୩ ଇ ଲାକେ ଏପେଙ୍ଗ୍ ଚାଲାଆତି ବେରଣ୍ ରିତି ନିତି କାଜିଂ ଇସ୍‌ରତି ବଚନ୍ ପଲ୍ୟା କିନାଦେରା ଆରି ହେ ଲାକେ ବେସି ବିସ୍ତେ କିନାଦେରା ।”

ଇମ୍‌ଶାକା ମାନାୟ୍‌ତିଂ ବାନ୍‌ଧା କିନାଡ୍
(ମାତିଉ ୧୫:୧୦-୨୦)

୧୪ ଜିସୁ ଆରେ ରଗ ମାନାୟ୍‌ଗଲି କଚଣ୍‌ତ କୁକ୍‌ତି ହେଞ୍ଜାରିଂ ଇଚ୍‌ତି, “ଏପେଙ୍ଗ୍ ଝିଜାକାଦେର୍ ନା କାତା ଝେନାର୍ ଆରି ବୁଜାଆଡୁ । ୧୫ ମାନାୟ୍‌ରତି ବାର୍ତ୍ତ ଏପେଙ୍ଗ୍ ଇମ୍‌ଶା ବିସ୍ତେ ହିଲୁଡ୍, ଇନାକା କି ତା ବିତ୍ରେ ହଣ୍‌ଜି ତାଙ୍ଗେଙ୍ଗ୍ ବିଚାଡ୍ କିଦେଙ୍ଗ୍ ଆଡ୍‌ଦାତାଡ୍, ମାତର୍ ଇନା ଇନାକା ମାନାୟ୍ ତାଙ୍ଗ୍ ବାର୍ତ୍ତ ହନାଡ୍, ହେ ସବୁ ତାଙ୍ଗେଙ୍ଗ୍ ବିଚାଡ୍ କିନାଡ୍ ।”†

୧୬ “ଜଦି ଇନେରିଂ ଝେଞ୍ଜେଙ୍ଗ୍ କିତୁଲିଂ ମାନିଙ୍ଗ୍, ହେଞ୍ଜାନ୍ ଝେନେନ୍ !”

୧୭ ଆରେ, ହେଞ୍ଜାନ୍ ମାନାୟ୍ ତାକେଣ୍ଡାଂ ଇଲ୍ ବିତ୍ରେ ଝାତି ପାଚେ ତା ଚେଲାହିର୍ ତାଙ୍ଗେଙ୍ଗ୍ ଉତର୍‌ମୁଡ୍‌ନି ଅରଡ୍ ଝେନେବେଦେଂ ଲାଗାତାଡ୍ । ୧୮ ହେବେ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଙ୍ଗ୍ ପା ଇନାକା ହେ ଲାକେ ବୁଜାଆଉଦେରା ?” ଇନାକା ଆୟେଡ୍ ହଞ୍ଜେଡ୍ ମାନାୟ୍ ବାରତାଂ ବିତ୍ରେ ହଚିସ୍, ହେଦାଂ ତାଙ୍ଗ୍ ବିଚାଡ୍ କିଦେଙ୍ଗ୍ ଆଡୁଡ୍, ୧୯ “ଇନାକିଦେଂକି ତାଙ୍ଗେଙ୍ଗ୍ ହେ ମାନ୍ତ ହଣ୍‌ଜେଙ୍ଗ୍ ଆଡୁଡ୍, ମାତର୍ ପଚେତ ହାଲ୍‌ଜି ବାର୍ତ୍ତ ହନାଡ୍ ଆରେ ଏଲେଙ୍ଗ୍ ଆଜି ଝିଜୁ ତିନି କାଦି ସକର୍ ଆନାକା, ଇଦାଂ ଜିସୁ ଇଚାନ୍ ।”

୨୦ ଆରି, ଜିସୁ ଇଚାନ୍, “ଇନାକା ମାନାୟ୍ ତାକେଣ୍ଡାଂ ବାର୍ତ୍ତ ହନାଡ୍, ହେଦାଂ ନେ ତାଙ୍ଗେଙ୍ଗ୍ ବିଚାଡ୍ କିନାଡ୍ । ୨୧ ଇନାକିଦେଂକି ବିତ୍ରେତାଂ, ମାନାୟ୍ ମାନ୍‌ତାଂ, ବାନ୍‌ଧା ଚିନ୍ତା ବାର୍ତ୍ତ ହଡ୍‌ନାଡ୍ । ୨୨ ଦାରି, ଚରି, ନାର୍ ଅହ୍‌ନାକା, ଦାରିହାନାକା, ଲାବ୍‌ଡି, ଚୁଲ୍‌ଚୁଲା ବଡ୍‌ପାଣିୟା, ନାଙ୍ଗ୍‌ରା, ବେରୁହୁଡ୍‌ନାକା, ନିୟା, ଆକର୍, ଚେପର୍, ୨୩ ଇଦାଂ ଝିଜୁ ବାନ୍‌ଧା ବିସ୍ତେ ବିତ୍ରେତାଂ ହସି ମାନାୟ୍‌ତିଂ ବିଚାଡ୍ କିନାଡ୍ ।”

ର ସୁରପ୍ରେନିକିୟା କଗ୍‌ଲେତି ପାଚ୍ କିତାଡ୍
(ମାତିଉ ୧୫:୨୧-୨୮)

୨୪ ଇଦାଂ ପାଚେ ହେଞ୍ଜେନ୍ ହେବେଣ୍ଡାଂ ନିଙ୍ଗ୍‌ଜି ସର୍ ଗାଡ୍‌ଦ ନାସ୍‌କୁକାଂ ହାଚାନ୍, ଆରି ର ଇଞ୍ଜ ହଚାନ୍, ଇନେର୍ ଇନେସ୍ ତାଙ୍ଗେଙ୍ଗ୍ ପୁନ୍‌ର୍, ଇଦାଂ ମାନ୍ କିଜି ମାଚାନ୍, ମାତର୍ ହେଞ୍ଜାନ୍ ଡୁଲ୍‌ଜି ମାଞ୍ଜେଙ୍ଗ୍ ଆଡ୍‌ଝାତାନ୍ । ୨୫ ହେ ଦାପ୍ରେ ର କଗ୍‌ଲେ, ଇନେର୍ ଗାଡ୍‌ହିଙ୍ଗ୍ ବାନ୍‌ଧା ପୁଦା ଡୁଜି ମାଚାଡ୍, ହେଦେଲ୍ ହେଞ୍ଜେନ୍ ବିସ୍ତେ ନି ବେରଣ୍ ଝେନ୍‌ଞ୍ଜି ତା କାଲ୍‌କୁ ତାରେନ୍ ଝାଜି ତାଣ୍ଡାହାଡ୍ ମାଗତାଡ୍ । ୨୬ ହେଦେଲ୍ ସୁରପ୍ରେନିକିୟା ନିପ ରଞ୍ଜେଲ୍ ଗିକ୍ ଗାଡ୍‌ରେ ମାଚାଡ୍ । ତା ଗାଡ୍‌ହି ତାକେଣ୍ଡାଂ ପୁଦାଂ ପିହି କିନି କାଜିଂ ହେଦେଲ୍ ତାଙ୍ଗେଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାଡ୍ । ୨୭ ହେବେଣ୍ଡାଂ ଜିସୁ ହେଦେଲିଂ ଇଚାନ୍, “ପର୍ତ୍ତୁମ୍ ହିମ୍‌ଶାକାଂ ପଚ ପାଞ୍ଜି କିୟାର୍, ଇନାକିଦେଂକି ହିମ୍‌ଶାଙ୍ଗ୍‌ତି ଆରାଣ୍ ଅଜି ନିକୁଡ୍‌ଙ୍ଗ୍ କଚଣ୍‌ତ ତୁହିନାକା ହାର୍ ଆକାୟ୍ ।”

୨୮ ମାତର୍ ହେଦେଲ୍ ହେଞ୍ଜେନିଂ ଉତର୍ ହିତାଡ୍, ଆଁ, “ମାପୁ, ନିକୁଡ୍‌ଙ୍ଗ୍ ପା ପାଚା ତାରେନ୍ ଆର୍ତ୍ତାକା ହିମ୍‌ଶାଂତି ଆରାଣ୍ ଲିତାଂ ତିନିକ୍ !”

† ୭:୧୫ ୭:୧୫ କେତେକ୍ ପତିତ ୧୬ ପାଦ୍ ମେହାୟ୍ କିନାଡ୍; ଇନେର୍‌ତି ଝେନି କିତୁଲିଂ ମାନିକ୍, ହେଞ୍ଜେନ୍ ଝେନେନ୍ । (୪:୨୩ ହୁଡାଡ୍) ।

୨୯ “ହେବେ ଜିସୁ ତାଙ୍ଗେଙ୍ଗ ଇଚାନ, ଇ କାତା ଇଚିଲେ ଏନ୍ ହାଲା, ନି ଗାଡ଼ ତାଙ୍ଗ ପୁଦା ହସି ହାଚାତେ !” ୩୦ ଆରେ, ହେଦେଲ୍ ଇଞ୍ଜି ହାଲ୍ଲଜି କଇ ହିମ୍ପଣା କାଟେଲ୍ତ ତାଗଜି ମାନାକା ଆରି ପୁଦା ହସି ହାଲ୍ଲଜି ମାନାକା ହୁଡ଼ତାଡ଼ ।

ଜିସୁ ବୈରାଙ୍ଗ ଆରି ଗୁଲାଂ ଉଦ୍ କିତାନ

୩୧ ଆରେ ରଗ ହେଝାନ ସର ହାନ୍ଦିତାଂ ହାଲ୍ଲଜି ସିଦନ୍ ଆରେ ଦେକାପଲି ନି ହାନ୍ଦିମାଦିତିଂ ହାଲ୍ଲଜି ଗାଲିଲି ହାମ୍ପଦୁର୍ ଲାଗେ ଝାତାନ୍ । ୩୨ ଆରେ, ମାନାୟାର ରଝାନ ବୈରା ଆରି ଗୁଲାଂ ତା ଲାଗେ ତାଇଝାତାର୍ ତା ଜପି କେଇ ଇଡ଼ଦେଂ ଇଞ୍ଜି ତାଙ୍ଗେଙ୍ଗ ଗଝାରି କିତାର୍ । ୩୩ ଜିସୁ ତାଙ୍ଗେଙ୍ଗ ମାନାୟ ତାକେଣ୍ଟାଂ ବିନେ କିଜି ରଝାନିଂ ଅଜି ହାଲ୍ଲଜି ହେଝାନିଂ ରି କିତୁଲିକାଂ ତା ଝାଟକାଙ୍ଗ ଇଚ୍ଚତାନ୍ ଆରି ଏଝିଡ଼ିଂ ଚୁପ୍ଜି ତା ଝେନ୍ଦୁଲ୍ଲତ ହୁଡ଼ାନ୍, ୩୪ ଆରି ସାଗେଁ ହୁଡ଼ଜି ରାଗ୍ଦାଙ୍ଗ ନେନ୍ଦୁଞ୍ଜି ହେଝାନିଂ ଇଚାନ, “ଇପପତ, ଇଚିସ୍ ଜେୟା ଆୟେଡ଼ !”

୩୫ ହେବେଣ୍ଟାଂ ହେଝାନତି କିତୁଲିଂ ଜେୟା ଆତିକ୍ ଆରି ଝେନ୍ଦୁଲ୍ ଗାଚ୍ଯାତାକା ହେ ଦାପ୍ରେ ଜେୟା ଆତାଡ଼, ଆରେ ହେଝାନ ହାର୍ କିଜି ବେରଣ୍ ଇଞ୍ଜେଙ୍ଗ ଲାଗାତାନ୍ । ୩୬ ଆରେ, ଇ ବିସ୍ତେ ଇନେରିଂ ଝେଚ୍ଚମାଚ୍ ଇଞ୍ଜି ହେଝାନ ହେଝାରିଂ ଆଚ୍ଝା କିଜି ବଲ୍ଲ ହିତାନ୍; ମାତର୍ ହେଝାନ ହେଝାରିଂ ଏଚେକ୍ ମୁନାକିତାନ୍, ହେଝାର୍ ବେସି ହେଦାଂ ସୁଣାୟ୍ କିଦେଂ ଲାଗାତାର୍ । ୩୭ ଆରେ, ମାନାୟାର୍ ବେସି କାବା ଆଜି ଇଚାର୍, “ହେଝାନ ଝିଜୁ କାମାୟ୍ ହାର୍ କିଜି କିତାନ୍ନା ! ହେଝାନ ବଇରାରିଂ ଝେନି ସାଲ୍ଲି ଆରି ଗୁଲାରିଂ ବେଣ୍ କିନି ସାଲ୍ଲି ହିନାନା !”

୮

ଚାରି ହାଜାର୍ ମାନାୟତିଂ ଚିଚ୍ପାତାନ୍
(ମାତିଉ ୧୫:୩୨-୩୯)

୧ ହେଝାଡ଼ାଂ ହେନି ମାନାୟାର୍ ଆରେ ରଗ ରୁଣ୍ଟାଆତାର୍, ଆରେ ହେଝାର୍ ତାକେ ତିନାକା ଉଣାକା ଇନାକା ହିଲ୍ଲଝିତିଲେ ଜିସୁ ଚେଲାହିରିଂ ଲାଗେ କୁକ୍ଚି ହେଝାରିଂ ଝେଚ୍ଚଚାନ୍, ୨ “ହେନି ମାନାୟାର୍ କାଜିଂ ନାଙ୍ଗ୍ କାର୍ମା ହଚ୍ଚନାତା, ଇନାକିଦେଂକି ଇଝାର୍ ତିନି ଦିନ୍ ଆତାରେ ନା ହୁଦାଂ ମାନ୍ଦୁଞ୍ଜି ଝାନାରା ଆରେ ହେଝାର୍ ତାକେ ଇନାକାପା ତିନାକା ହିଲ୍ଲୁଡ଼,” ୩ ଜଦି ଆନ୍ ହେଝାରିଂ ନାସ୍କିତାଂ ଇଞ୍ଜି ପକ୍ତାଂଚି, ତା ଆତିସ୍ ହାସ୍ଦ ହେଝାର୍ ନାସ୍କି ବାଉଡ଼ା ଆନାର୍; ହେଝାର୍ ବିତ୍ତେ କେତେକ୍ ଦେହାତାଂ ଝାତାଣ୍ଟା ।

୪ ଚେଲାହିର୍ ତାଙ୍ଗ୍ ଝେନ୍ଦବାତାର୍, “ଇବେ ଇ ଚିମରା ବାହାତାକେ ଇନେର୍ ଇମେଣ୍ଟାଂ ରୁଚି ତାସି ଇଝାରିଂ ପଟପାଞ୍ଜି କିଦେଙ୍ଗ୍ ଆଡ଼ନାସ୍ ?”

୫ “ଜିସୁ ହେଝାରିଂ ଝେନ୍ଦବାତାନ୍, ମି ତାକେ ଏଚେଙ୍ଗ୍ ରୁଚିଂ ମାନିକ୍ ?” ହେଝାର୍ ଇଚାର୍, “ସାଡ଼ଗଟା ।”

୬ ହେବେତାଂ ଜିସୁ ମାନାୟାରିଂ ମେଦନିତ କୁଚ୍ଚେଂ ବଲ୍ଲ ହିତାନ୍; ଆରି, ହେଝାନ ହେଝାରିଂ ସାଡ଼ଗଟା ରୁଚିଂ ଅଜି ଇସ୍ପର୍ଚ୍ଚିଂ କୁଝାର୍ କିଜି ହେ ଝିଜୁ ତ୍ରିପ୍କିସ୍ ବାଟାକିଜି ହିଦେଙ୍ଗ୍ ଇଞ୍ଜି ହେ ଚେଲାହିରିଂ ହିତାନ୍ ଆରେ ହେଝାର୍ ମାନାୟାରିଂ ହେଦାଂ ପାସ୍ପିସ୍ ହିତାର୍ । ୭ ପାଚେ, ହେଝାର୍ ତାକେ ଅଲପ୍ ପାରାନ୍ଦେ କେଡ଼ ଗଟା ହିରୁ ମିନ୍କୁ ମାଚିକ୍; ହେଝାଙ୍ଗ୍ ଝିଜୁ ହେଝାନ ଇସ୍ପର୍ଚ୍ଚିଂ ଦନ୍ୟବାଦ୍ କିଜି ହେଝାରିଂ ବାଟା କିଦେଙ୍ଗ୍ ଇଞ୍ଜି ଇଚାନ । ୮ ହେବେ ହେଝାର୍ ତିନୁଞ୍ଜି ପଟ ପାନ୍ଗାର୍ ଆରେ ସାଡ଼ ଗଟା ହାଚ୍ଚି ତ୍ରିକ୍ଚି ରୁଚିଂ ନିକ୍ଚି ଅତାର୍ । ୯ ହେଝାର୍ ଆନ୍ମାନ୍ ତାଙ୍ଗ୍ ଚାରି ହାଜାର୍ ଲକୁ ମାଚାର୍ । ୧୦ ତା ପାଚେ ହେଝାନ ହେଝାରିଂ ପକ୍ତାନ୍ ଆରି ହେ ଦାପ୍ରେ ହେଝାନ ତା ଚେଲାଚ୍ ହୁଦାଂ ଡଙ୍ଗାତ ଦୁମ୍ପଜି ଦଲ୍ଲମନ୍ଦୁତା ନିପ ଝାତାର୍ ।

ପାରୁସିରତି ଚିନ୍ ଦାବା କିନାକା
(ମାତିଉ ୧୭:୧-୪)

୧୧ ପାଚେ ପାରୁସିର ବାର୍ତ୍ତ ଖାଜି ତା ଲାହା° ବେଶକିବାଦେ° ଲାଗାତାରୁ ଆରି ତାଜେଙ୍ଗ ପରିକ୍ୟା କିନି ବାବନାତ ଆକାସ୍ତି ର ଚିନ୍ ଏନ୍ତାର । ୧୨ ହେବେତା° ହେଖାନ୍ ଜିବୁନ୍ତ ଗାଜା ପୁଣ୍ଡା ହିଜି ନେନ୍ତାନ୍, “ନେଞ୍ଜେଝିଗାନି ନାରୁ ଇନାକିଦେ°କି ଚିନ୍ ଡେକନାରା ? ଆନ୍ ମିଜେଙ୍ଗ ହାଡ଼ପା ଇଞ୍ଜନାଜା, ନେଞ୍ଜେଝିଗାନି ନାରୁଦି° ଇନାକାପା ଚିନ୍ ହିୟା ଆଉଡ଼ !”

୧୩ ଆରେ, ହେଖାନ୍ ହେଝାରି° ପିସ୍ସି ଆରି ରଗ ତଜାତ ଦୁମ୍ବ୍ଜି ଆନ୍ତି ପାଡ଼ାକା ହାଚାନ୍ ।

ହେରଦ ଆରେ ପାରୁସିରତି ପାପ
(ମାତିଉ ୧୭:୫-୧୨)

୧୪ ଜିସୁତି ଚେଲାର ରୁଚି ଅଦେ° ବାଣା ଆତାରୁ; ତଜାତ ହେଝାରୁ ତାକେ ମାତରୁ ରଞ୍ଜାଙ୍ଗନେ ରୁଚି ମାଗାଡ଼ । ୧୫ *ପାଚେ ଜିସୁ ହେଝାରି° ଇଚାନ୍, “ଜାଗ୍ରତ୍ ଆଡୁ,” ହେରଦତି ଆରି “ପାରୁସିରତା° ଆରି ହେରଦତି ସାଦୁକିତ ହଇନିତା° ଜାଗ୍ରତ୍ ଆଜି ମାନାଟ୍ ।”

୧୬ ହେବେଣ୍ଡା° ହେଝେର ନିଜେ ନିଜେ ବେଶକିବା ଆଜି ଇଞ୍ଜେଙ୍ଗ ଲାଗାତାରୁ, “ମା ତାକେ ରୁଚି ହିଲୁଡ଼ ଇଞ୍ଜି ହେଝାରୁ ଇଦା° ଇଚାର ।”

୧୭ ଜିସୁ ହେଦା° ପୁଞ୍ଜି ହେଝାରି° ଇଚାନ୍, “ମି ତାକେ ରୁଚି ହିଲୁଡ଼ ଇଞ୍ଜି ଇନାକିଦେ° ହାରି ବେଶକିବା ଆନାଦେରା ? ଏପେଙ୍ଗ ଇନାକା ଇ ପାତେକ୍ ପୁନୁଦେରା କି ବୁଜା ଆଉଦେରା ? ଇନାକା ମି ମାନ୍ ଆଟ୍ଝା ଆତାଡ଼ନ୍ନା ୧୮ *ମି ମାନ୍ ଇନାକା କାଲିଲାକେ ଆତାଡ଼ନ୍ନା ? କାଣ୍ଟୁ ମାନ୍ଞି ମାନ୍ଞି ହୁଡ଼ୁଦେରା ? ଆରେ, କିତୁଲି° ମାନ୍ଞି ମାନ୍ଞି ଝେନୁଦେରା ? ୧୯ ହେ ପାଞ୍ଚ ହାଜାର ମାନାୟାରୁ ବିଡ୍ରେ ଆନ୍ ଏଚେକାଡ଼ଦ ପାଞ୍ଚଗଟା ରୁଚି° ଡ୍ରିକ୍ତି ମାଗାଙ୍ଗ ହେ ପାଦନା ଏପେଙ୍ଗ ବାତ ଏଚେ ଟପା କୁଦ୍ରି ଆତି ରୁଚି° ଅଜି ମାଗାଦେରୁ ହେଦା° ମିଜେଙ୍ଗ ଏଡ଼ ହିଲୁଡ଼ ?” ହେଝାରୁ ହେଝାନି° ଇଚାର, “ବାର ଦାଉଡ଼ା ।”

୨୦ ଆରେ, “ହେ ଚାରି ହାଜାର ମାନାୟାରୁ ବିଡ୍ରେ ଆନ୍ ଏଚେକାଡ଼ଦ ସାଡ଼ଗଟା ରୁଚି° ଡ୍ରିକ୍ତି ମାଗାଙ୍ଗ, ହେ ପାଦନା ଏପେଙ୍ଗ ପୁରା ଏଚେ ଟପା ଡ୍ରିଙ୍ଗତି କୁଦ୍ରି ନିକ୍ତି ଅଜି ମାଗାଦେରୁ ?” ହେଝାରୁ ଇଚାର, “ସାଡ଼ ଟପା ।”

୨୧ ହେବେ ଜିସୁ ହେଝାରି° ଇଚାନ୍, “ଏପେଙ୍ଗ ଇନାକା ନଙ୍ଗ ପାତେକ୍ ବୁଜା ଆଉଦେରା ।”

ବେଡ଼ସାଇଦା ତାକେ ର କାଣା ଲଗାଙ୍ଗ ଉଜ୍ କିତାନ୍

୨୨ ପାଚେ ହେଝାରୁ ବେଡ଼ସାଇଦାତ ଖାତାର । ଆରି, ଲକୁ ର କାଣାଙ୍ଗ ତା ଲାଗେ ତାଜି ତାଜେଙ୍ଗ ଦୁଦେ° ହେଝାନି° ଗଝାରି କିତାର । ୨୩ ଲାଗି° ହେଝାନ୍ କାଣାଙ୍ଗ କେଇ ଆଜି ତାଜେଙ୍ଗ ନାସ୍ ବାର୍ତ୍ତ ଅସି ହାଚାନ୍, ଆରେ ହେ କାଣ୍ଟୁକା° ଏଝିଡ଼ି° ଆରେ ତା ଜପି କେଇ ଇଡ଼ିଜି ତାଜେଙ୍ଗ ଝେନ୍ଦବାତାନ୍, “ଏନ୍ କି ଅଲପ୍ ହୁଡ଼ନାୟା ?”

୨୪ ହେଝାନ୍ ଜପି ହୁଡ଼ଜି ଇଚାନ୍, ଆନ୍ ମାନାୟତି° ତା°ନାକା ହୁଡ଼ନାଜା, ମାତରୁ “ଆନ୍ ମାରୁ ଲାକେ ଇନାକା ତା°ନାକା ହୁଡ଼ନାଜା ।”

୨୫ ତାପାଚେ ହେଝାନ୍ ଆରେ ରଗ ତା କାଣାଙ୍ଗାତ କେଇ ଦୁପ୍ତାନ୍; ହେବେ ହେଝାନ୍ ହାରୁ କିଜି ହୁଡ଼ତାନ୍ ଆରି ଉଜ୍ ଆଜି କାଣ୍ଟାମିଟ୍ ଇଡ଼ଝାଦା° ଝିଲୁ ହୁଡ଼ଦେ° ଲାଗାତାନ୍ । ୨୬ ପାଚେ ଜିସୁ ହେଝାନି° ଇଞ୍ଜ ପକ୍ତି ଇଚାନ୍, “ଇ ନାସ୍ ହାଲ୍ମା ମାତରୁ ଜାରୁ ଇଞ୍ଜ ହାଲା ।”

ପିତର ଜିସୁଙ୍କ କ୍ରିଷ୍ଟ ଇଞ୍ଜି ମାନି କିତାନ୍
(ମାତିଉ ୧୬:୧୩-୨୦; ଲୁକ ୯:୧୮-୨୧)

୨୭ ଇଦାଂ ପାଚେ ଜିସୁ ଆରି ତା ଚେଲାହିର କାଇସରିୟା ପିଲିପପି ନିପ ନାସକୁକାଂ ହାଚାର, ଆରି ହାନି ହାସପ ହେ ଚେଲାହିରିଂ ଜିସୁ ଖେନ୍‌ବେଦେଂ ଲାଗାତାନ୍, “ଆନ୍ ଇନେର୍ ଇଞ୍ଜି ଲକୁ ଇନାକା ଇଞ୍ଜି ବାବି କିମ୍ପାରା ?”

୨୮ ଇବେ ହେଖାର୍ ତାଙ୍ଗେଙ୍ଗ୍ ଇଚାର, “ବାପ୍ତିସିମହିନି ଜହନ୍,” ଆରେ ଇନେର୍ ଇନେର୍ ଏଲିୟ, ମାତର ଇନେର୍ ଇନେର୍ ଇନାର୍, ବେଣ୍‌ବାକଣାୟକିନାକାନ୍ ବିତ୍ତେ ରକାନ୍ ।

୨୯ ହେଖାନ୍ ହେଖାରିଂ ଖେନ୍‌ବାତାନ୍, ମାତର “ନାଙ୍ଗେଙ୍ଗ୍ ଇନେନ୍ ଇଞ୍ଜି ଏପେଙ୍ଗ୍ ଇନାକା ଇଞ୍ଜିନାଦେରା ?” ପିତର ହେଖାନିଂ ଉତର ହିତାନ୍, “ଏନ୍ ଆନାୟା ଇସ୍ପର ବାଚିକତି କ୍ରିସ୍ତତି ।”

୩୦ ମାତର ଜିସୁ ହେଖାରିଂ “ହେ ବିସ୍ତେ ଇନେରିଂକି ଇନାକା ଖେର୍‌ଖେଦେଂ ବଲ୍ଲ ହିତାନ୍ ।”

ଜିସୁ ହାନାକା ଆରି ନିଙ୍ଗନି ବିସ୍ତେ ଖେର୍‌ଚାନ୍
(ମାତିଉ ୧୬:୨୧-୨୮; ଲୁକ ୯:୨୨-୨୭)

୩୧ ଆରେ, ଜିସୁ ହେଖାରିଂ ହିକାଇ କିଦେଙ୍ଗ୍ ଲାଗାତାନ୍ ଜେ, “ମାନାୟ ମାଜି ଆତିସପା ବେସି ଦୁକପାୟା ଆଦେଂ ଆନାଡ୍ ଆରେ ପ୍ରାଚିନାର୍, ମୁଡ୍ ମାପୁହେବାକିନାକାନ୍ ଆରେ ସାସ୍ତିର୍‌ତି ହୁକେ ମୁନା କିୟାଜି ହାଦେଂ ଆନାଡ୍, ଆରେ ତିନ୍‌ଦିନ୍‌ତାଂ ନିଙ୍ଗନାକା ମାନାଡ୍ ।” ୩୨ ଇ ବେରଣ୍ ହେଖାନ୍ ପୁର୍‌ତେ ଇଚାନ୍ । ହେବେଣ୍ ପିତର ହେଖାନିଂ ର ବାହାତ ଅଜି ଗଡ୍‌କିଦେଂ ଲାଗାତାନ୍ । ୩୩ ମାତର ହେଖାନ୍ ମାସଦି ହୁଡ୍‌ଜି ତା ଚେଲାହିରିଂ ପିତରତିଂ ଗଡ୍‌କିଜି ଇଚାନ୍, “ନା ମୁମ୍‌ଦାଂ ଗୁଚା, ସୟତାନ୍,” ଲାଗିଂ “ଏନ୍ ଇସ୍ପର ବିସ୍ତେ ବାବି କିଖାଦାଂ ଏନ୍ ମାନାୟ ବିସ୍ତେ ବାବି କିନାୟା ।”

୩୪ ଧତା ପାଚେ ଜିସୁ ତା ଚେଲାରିଂ ଆରି ରୁଣ୍ଡାତି ମାନାୟାରିଂ କୁକ୍‌ଚି ଇଚାନ୍, “ଇନେର୍‌କି ନା ହୁଦାଂ ଖାଦେଙ୍ଗ୍ ଇଚା କିନାନ୍, ହେଖାନ୍ ଜାର୍‌ତିଂ ପିହେନ୍ ଆରି ଜାର୍‌ତି କୁସ୍ ଆସ୍ତି ନା ପାଚେ ପାଚେ ଖାୟେନ୍ ।” ୩୫ ଇନାକିଦେଂକି “ଇନେର୍ ଜାର୍ ଜିବୁନ୍ ବାଚାୟ କିଦେଙ୍ଗ୍ ଇଚା କିନାନ୍, ହେଖାନ୍ ହେଦାଂ ଆରାଇ କିନାନ୍; ମାତର ଇନେନ୍ ଜଦି ନା ନେକ୍ରିକାରୁର୍ କାଜିଂ ତା ଜିବୁନ୍ ଆରାଇ କିନାନ୍, ହେଖାନ୍ ତା ଜିବୁନ୍ ରାକ୍ୟା କିନାନ୍ । ୩୬ ଆରେ, ମାନାୟ ଖିଜୁ ପୁତ୍‌ତି ଲାବ୍‌କିଜି ଜାର୍ ଜିବୁନ୍ ହାଚ୍‌ନାନ୍, ହେଦାଂ ତାଙ୍ଗେଙ୍ଗ୍ ଇନା ଲାବ୍ ? ୩୭ ଆରେ, ମାନାୟ ଜାର୍ ଜିବୁନ୍ ବାଦୁଲ୍ ଇନାକା ହିଦେଂ ଆଡ୍‌ନାନ୍ ? ୩୮ ଲାଗିଂ ଇନେର୍ ଇ କାଡ୍‌ନି ଦାରିୟାର୍ ଆରି ପାପିର୍ ମାନାୟ ବିତ୍ତେ ନାଦାଂ ଆରି ନା ବଚନ୍ ବିସ୍ତେ ଲାଜା ଆନାନ୍, ମାନାୟ ମାଜି ଏଚେକାଡ୍‌ଦ ପୁଇପୁୟା ଦୁଡ୍‌ର୍ ଲାହାଙ୍ଗ୍ ନିଜେନି ଆବାତି ଜାଜ୍‌ମାଲ୍‌ତ ଆଜି ଖାନାନ୍, ହେବେତାଂ ହେଖାନ୍‌ପା ହେ ବିସ୍ତେ ଲାଜା ଆନାନ୍ ।”

୯

୯ ଆରେ ରଗ ଜିସୁ ହେଖାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ଇସ୍ପର ରାଜିତିଂ ସାକ୍ତି ହୁକେ ଏକା ଖାନାକା ହୁଡ୍‌ଖି ପାଚେକ୍ ଇବେ ନିଲ୍‌ଚି ମାନି ମାନାୟ ବିତ୍ତେ କେତେ ଜାଣି ଇନେସ୍ କିତିସ୍ ପା ହାକି ଦିନ୍ ହୁଡ୍‌ରୁ ।”

☆ ୮:୩୪ ୮:୩୪ ମାତିଉ ୧୦:୩୮; ଲୁକ ୧୪:୨୭. ☆ ୮:୩୫ ୮:୩୫ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

ଜିସୁ ପାଗମାସନାକା

(ମାତିଉ ୧୭:୧-୧୩; ଲୁକ ୯:୨୮-୩୭)

୨ *ତଥା ଦିନ ପାଚେ ଜିସୁ ପିତର, ଜାକୁବ୍ ଆରି ଜହନ୍ତି ହାଙ୍ଗ୍ ଅଜି ଅଲଗା ଆଜି ହେଝାରିଂ ର ପାନ୍ତି ମାଡ଼ିଜପି ଅଜି ହାଚାନ । ୩ ଆରେ, ହେଝାର ମୁମ୍ଦ ପାଗମାସବାତାନ, ତା ହେୟା ଏଲେଙ୍ଗ୍ ଅଜଡ଼୍ ଆରି ବେସି ଡ଼ିଞ୍ଜବାତାନ, ଜେ, ପୁତ୍ରି ନି ଇମଣି ଲଗୁପା ହେ ଲାକେ ଡ଼ିଞ୍ଜବେଦେଂ ଆଡୁର । ୪ ଆରି, ମସା ଆରି ଏଲିୟ ଜିସୁ ଲାହାଙ୍ଗ୍ ବେରଣ୍ କିନାକାର୍ ହେଝାରିଂ ରଞ୍ଜୟା ଆତାର୍ । ୫ ହେବେ ପିତର ଜିସୁଙ୍ଗ୍ ଉତର ହିତାନ, “ଏ ଗୁରୁ, ଆପେଂ ଜେ ଇ ବାହାତ ମାନାପ୍ !” ଇଦାଂ ହାରା ଆତାଡ଼୍; “ଆସେଙ୍ଗ୍ ଇବେ ତିନଗଟା ପୁଟ୍ଟକୁ ରଚନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।” ୬ ପିତର ଇନା ଉତର ହିଦନାନ୍ ଇଞ୍ଜି ପୁନ୍ଧାଦାଂ ମାଚାର୍, ହେଝାଡ଼ାଂ ହେଝାର୍ ପାଣ୍ଡା ଆଜି ମାଚାର୍ ।

୭ *ଆରେ, ଇଚୁଟିଂ ବାଦାଡ଼୍ ଖାଜି ହେଝାରିଂ ପାଡ଼ାକ୍ତାଡ଼୍, ଆରି ହେ ବାଦାଡ଼ାଂ ଇ କାତା ଆତାଡ଼୍, “ଇଞ୍ଜାନ ନା ଖାରିନି ମାଜି, ଇଞ୍ଜାନ୍ତି କାତା ଖେନାଟ୍ !” ୮ ଆରେ, ହାଚାଗ୍ରେ ହେଝାର୍ ଚାରିବେଶ୍ତାଂ ହୁଡ଼୍ଜି ହେଝାର୍ ହୁଦାଂ ଜିସୁଙ୍ଗ୍ ପିସ୍ତି ଆରେ ଇନେରିଂ ପା ହୁଡ଼୍ଖାତାର୍ ।

୯ ହେଝାର୍ ମାଡ଼ିତାଂ ଜୁନି ଖେଡ଼ାଲିଂ ଜିସୁ ହେଝାରିଂ ଆଟ୍ଝା ବଲ୍ ହିଜି ଇଚାନ, “ଏପେଙ୍ଗ୍ ଇନା ଇନାକା ହୁଡ଼୍ନାଦେରା, ହେଦାଂ ଖିଜୁ ହାଡ଼ି ମାନାୟ୍ ବିତ୍ରେତାଂ ମାନାୟ୍ ମାଜି ତାଙ୍ଗ୍ ନିଙ୍ଗ୍ଝି ପାତେକ୍ ଇନେରିଂ ପା ଖେଟ୍ମାଟ୍ ।”

୧୦ ହେବେଶ୍ତାଂ ହେଝାର୍ ହେ କାତା ଆଜି, “ହାତାକାର୍ ବିତ୍ରେ ଆରେ ନିଙ୍ଗ୍ନାକା ଜେ ଇନାକା ? ଜିସୁ ବିସ୍ତେ ଜାର୍ ଜାର୍ ବିତ୍ରେ କାତାବାଡ଼ା କିଦେଙ୍ଗ୍ ଲାଗାତାର୍ ।”

୧୧ *ହେଝାର୍ ଜିସୁଙ୍ଗ୍ ଖେନ୍ଦବାତାର୍, “ତେବେ ଏଲିୟ ପର୍ତ୍ତୁମ୍ ଖାନାନ୍, ଇଞ୍ଜି ଦରମ୍ ଗୁରୁର ଇ କାତା ଇନେସ୍ ଇନାର୍ ?”

୧୨ ହେବେଶ୍ତାଂ ଜିସୁ ହେଝାରିଂ ଇଚାନ, “ଏଲିୟ ପର୍ତ୍ତୁମ୍ ଖାଜି ସବୁ ବିସ୍ତେ ରଚନି କାତା ସଡ଼୍, ମାତର ମାନାୟ୍ ମାଜି ବେସି ଗିଣକିୟା ଆନାନ୍, ଇଦାଂ ଇନେସ୍ ହେଝାନ୍ ବିସ୍ତେ ଲେକା ଆତାଡ଼୍ନା ? ୧୩ ମାତର ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏଲିୟ ଖାତାନେ, ଆରେ ହେଝାନ୍ ବିସ୍ତେ ଇନେସ୍ ଲେକା ଆତାଡ଼୍ନା, ହେ ଲାକେ ପା ହେଝାର୍ ତା-କାଜିଂ ଇନାକା ଇଚା ହେଦାଂ କିତାନ୍ନା ।”

ପୁଦାଆସ୍ତି କାଡ଼୍ଦେ ହାରା ଆତାନ

(ମାତିଉ ୧୭:୧୪-୨୧; ଲୁକ ୯:୩୭-୪୩)

୧୪ ପାଚେ ହେଝାର୍ ଚେଲାର୍ ତାକେ ଖାଜି ହୁଡ଼୍ତାନ ହେଝାର୍ ଚାରିବେଶ୍ତାଂ ବେସିହେନି ମାନାୟ୍ ଆରେ ଦରମ୍ ଗୁରୁର ହେଝାର୍ ହୁକେ କାତାବାଡ଼ା କିନାରା । ୧୫ ମାନାୟାର୍ ହେଝାନିଂ ହୁଡ଼୍ଜି ଦାପ୍ରେ ବେସି କାବା ଆତାର୍ ଆରି ହନ୍ତି ଖାଜି ହେଝାନିଂ ଜଞ୍ଜାର୍ କିଦେଙ୍ଗ୍ ଲାଗାତାର୍ । ୧୬ ହେବେତାଂ ଜିସୁ ଚେଲାରିଂ ଖେନ୍ଦବାତାନ, “ଏପେଙ୍ଗ୍ ହେଝାର୍ ହୁକେ ଇନାକା ବେରଣ୍ବାଟ୍ କିନାଦେରା ?”

୧୭ ମାନାୟ୍ ବିତ୍ରେ ରଞ୍ଜାନ୍ ହେଝାନିଂ ଉତର ହିତାନ, “ଏ ଗୁରୁ ଆନ୍ ନା ମାଜିଙ୍ଗ୍ ନି ତାକେ ତାସି ମାଚାଙ୍ଗ୍; ତାଙ୍ଗେଙ୍ଗ୍ ର ଗୁଲ୍ଲା ପୁଦା ଆସ୍ତାଡ଼୍ନା, ୧୮ ଇମଣି ବାହାତପା ହେଦାଂ ତାଙ୍ଗେଙ୍ଗ୍ ଆହ୍ନାଡ଼୍, ତାଙ୍ଗେଙ୍ଗ୍ ତାରେନ୍ ଗୁଡ଼୍ତାନ୍ନା, ହେଝାନ୍ ଖେଇଦାଂ ପୁମେଲ୍ ହନାଡ଼୍ ଆରେ ଚାତାଙ୍ଗ୍ କାଟନାନା ଆରି ହେଝାନ୍ ଖାଜିଜି ହାନାନ୍; ତାଙ୍ଗେଙ୍ଗ୍ ପିହି କିନି କାଜିଂ ଆନ୍ ମି ଚେଲାରିଂ ଇଞ୍ଜି ମାଚାଙ୍ଗ୍, ମାତର ହେଝାର୍ ଆଡ଼୍ଝାତାର୍ ।”

* ୯:୨ ୯:୨ ୨ ପିତର ୧:୧୭,୧୮. * ୯:୭ ୯:୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨. * ୯:୧୧ ୯:୧୧ ମାତିଉ ୧୧:୧୪.

୧୯ ଜିସୁ ହେୱାରିଂ ଉତର ହିତାନ, “ଆଡେ ପାତର୍ କିଞ୍ଚି ଲାତ୍ରା ଏଚେକ୍ ଦିନ୍ ମି ହୁକେ ମାନାଙ୍ଗ୍ ? ଏଚେକ୍ ଦିନ୍ ମି ଚିନ୍ତା ଆଡ୍ ନାଂ ? କାଡ୍ ଦେଂ ନାତାକେ ତାଲ୍ ଖାତୁ !”
୨୦ ହେବେଣ୍ଡାଂ ହେୱାର୍ ତାଙ୍ଗେଙ୍ଗ୍ ହେୱାନ୍ ତାକେ ତାହି ଖାତାର୍ । ଆରି ହେୱାନ୍ ହୁଡ୍ଡି ଦାପ୍ରେ ହେ ପୁଦା ତାଙ୍ଗେଙ୍ଗ୍ ବେସି ମଡ୍ଡି କିତାଡ୍ ଆରି ହେ ମେଦ୍ ନିତ ଗୁରଜି ପୁମେଲ୍ ଉରଚି ତଣ୍ଡିଗୁରଦେଂ ଲାଗାତାନ ।

୨୧ ହେ କାଡ୍ ଦେ ହେୱାନ୍ ତା ଲାତ୍ରାହିଙ୍ଗ୍ ଖେନ୍ଦବାତାନ, “ଏଚେଦିନ୍ ଆତାଡ୍ ଇଞ୍ଚିନ୍ ଶ୍ରେଙ୍ଗ୍ ଆନାତା ?” ହେୱାନ୍ ଇଚାନ୍, “ହିରୁଖେଡାଙ୍ଗ୍ ତାଙ୍ଗ୍,”

୨୨ “ହେୱାନ୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଚି ବାର୍ ବାର୍ ନାଣିତ ଆରି ଏଜୁକାଂ ହୁହିହିତାଡ୍ ନା; ମାତର୍ ଏନ୍ ଜଦି ଇନାକା କିଦେଙ୍ଗ୍ ଆଡ୍ ନାୟ୍, ତା ଆଡିସ୍ ମା କାଜିଂ କାର୍ମା ଆଜି ଉପକାର୍ କିଦା ।”

୨୩ ହେବେ ଜିସୁ ତାଙ୍ଗେଙ୍ଗ୍ ଇଚାନ୍, “ଇନାକା ଇଚାୟ୍ ? ଜଦି କିଦେଙ୍ଗ୍ ଆଡ୍ ନାୟ୍ ! ପାତର୍ କିନାକାନ୍ ତାକେ ଖିଜୁ ଆନାଡ୍ ।”

୨୪ “ହେ ସାଙ୍ଗେ କାଡ୍ ଦେ ଲାତ୍ରାହି ଗାଜା କାଟ୍ ତାଂ ଇଚାନ୍, ଆନ୍ ପାତର୍ କିନାଙ୍ଗା, ନା ପାତର୍ କିଞ୍ଚାକା ବାତାୟ୍ କିଦା ।”

୨୫ ପାଚେ ଲକ୍ଷ୍ମ ରବେ ହନ୍ତି ଖାନାକା ହୁଡ୍ଡି ଜିସୁ ହେ ବାନ୍ୟା ପୁଦା ଜିବୁନ୍ତିଂ ଦାମ୍ କାୟ୍ କିଜି ଇଚାନ୍, “ଏ ଗୁଲା ଆରି ବୟିରା ଜିବୁନ୍ ଆନ୍ ନିଙ୍ଗେଙ୍ଗ୍ ବଲ୍ ହିଦ୍ ନାଙ୍ଗା, ଇବେଣ୍ଡାଂ ହସି ହାଲା, ଆରେ ରଗ ଇନାଖାଡାଂ ପା ଇଞ୍ଚାନ୍ ତାକେ ହଣ୍ଡୁୟ୍ ।”

୨୬ ହେବେ ହେଦାଂ କିରିଡ୍ ପାଡ୍ କିଜି ତାଙ୍ଗେଙ୍ଗ୍ ମଡ୍ଡିକିଜି ହସି ହାଚାଡ୍, ଆରେ କାଡ୍ ଦେ ହାଡିଲାକେ ଆତାନ, ଏଲେଙ୍ଗ୍ ଆଡି କାଜିଂ ଆଦେକ୍ ହେନି ଇଚାଡ୍, “ହେୱାନ୍ ହାତାନ ।” ୨୭ ମାତର୍ ଜିସୁ ତା କେଇ ଆସ୍ତି ତାଙ୍ଗେଙ୍ଗ୍ ନିକ୍ତାନ, ଆରେ ହେୱାନ୍ ନିଙ୍ଗ୍ ତାନ ।

୨୮ ଆରେ, ହେୱାନ୍ ଇଞ୍ଚି ଖାଡିଲେ, ହେୱାନ୍ “ଚେଲାହିର୍ ହେୱାନ୍ କାଲେତାଂ ଖେନ୍ଦବେଦେଂ ଲାଗାତାର୍, ଆପେଂ ପୁଦାଡିଙ୍ଗ୍ ଇନେକିଦେଂ ପିହିକିଦେଂ ଆଡ୍ ଖାତାପ୍ ?” ୨୯ ଜିସୁ ହେୱାରିଂ ଇଚାନ୍, “ପାର୍ତାନା ଆଡ୍ ଡିସ୍ ଆରି ଇମ୍ ଶି ବାନ୍ୟା ପୁଦା ପିହିକିୟା ଆଡ୍ ।”

ଜିସୁ ଆରେ ରଗ ନିଜେ ହାନି ବିସ୍ତେ ଇଚାନ୍

(ମାଡିଉ ୧୭:୨୨-୨୩; ଲୁକ ୯:୪୩-୪୫)

୩୦ ଜିସୁ ଆରି ଚେଲାର୍ ହେ ବାହାତ ପିସ୍ତି ଗାଲିଲି ନିପତିଂ ଆଜି ହାଚାର୍, ଆରି ଇନେର୍ ହେଦାଂ ପୁନ୍ ମେର୍ ଇଞ୍ଚି ମାନ୍ ହିଲ୍ ଖାତାଡ୍, ୩୧ ଇନାକିଦେଂ କି ହେୱାନ୍ ତା ଚେଲାରିଂ ଇ କାତା ଇଞ୍ଚି ହିକ୍ୟା ହିଜି ମାଚାନ୍, ହେୱାନ୍ ହେଖେରିଂ ଇଚାନ୍ । “ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆନାନ୍, ଆରେ ହେୱାର୍ ହେୱାନ୍ ଟ୍ରାକ୍ ନାର୍ ଆରେ ହେୱାନ୍ ହାଡି ପାଚେ ତିନ୍ ଦିନ୍ ତାଙ୍ଗ୍ ପାଚେ ଆରେ ନିଙ୍ଗ୍ ନାନ୍ ।”

୩୨ ମାତର୍ ଚେଲାର୍ ହେ କାତା ବୁଜା ଆଖାତାର୍ ଆରେ ହେୱାନ୍ ଖେନ୍ଦବେଦେଂ ପାଣ୍ଡା ଆଜି ମାଚାର୍ ।

ଜିସୁ ଇଚାନ୍ ଇନେର୍ ଗାଜାକାନ୍

(ମାଡିଉ ୧୮:୧୫; ଲୁକ ୯:୪୬-୪୮)

୩୩ ପାଚେ ହେୱାର୍ କପର୍ ନାହୁମ୍ ଖାତାର୍ । ଜିସୁ ଇଞ୍ଚି ଏକିସ୍ ହେୱାରିଂ ଖେନ୍ଦବାତାନ, “ଏପେଙ୍ଗ୍ ହାସ୍ ଦ ଇନାକା କାତା ବାର୍ତା କିଜି ମାଚାଦେର୍ ?”

୩୪ *ମାତର ହେୱାର ଚିମରା ଆଜି ମାତାର, ଇନାକିଦେଂକି ସାଗେ ରାଜିତ ଇନେର୍ ଗାଜା, ଇ କାତା ଆସି ହାସ୍ଦ ଗାଣ୍ଡୁ କିଜି ମାତାର । ୩୫ *ହେବେ ହେୱାନ୍ କୁଟ୍ଟି ବାରଜାଣ୍ ଚେଲାରିଂ କୁକ୍ତାନ୍ ଆରି ହେୱାରିଂ ଇଚାନ୍, “ଜଦି ଇନେର୍ ମୁଡ୍ ଆଦେଂ ଇଚା କିନାନ୍ ତାଆତିସ୍ ହେୱାନ୍ ଓଜାକାର୍ ତାଙ୍ ହାରୁକାନ୍ ଆରି ଓଜାକାରିଂ ହେବା କିନାକାନ୍ ଆୟେନ୍ ।” ୩୬ ଆରେ, ହେୱାନ୍ ର ହାରୁ କାଡ୍ଦେଂ ଆସି ହେୱାର୍ ମାଦି ନିଲି କିତାନ୍ ଆରେ ତାଙ୍ଗେଙ୍ଗ୍ ତନ୍ଝି ହେୱାରିଂ ଇଚାନ୍, ୩୭ * “ଇନେର୍ ନା ତର୍ଦ ଏଲେଙ୍ଗ୍ ହାରୁ ହିମଣା ବିତ୍ତେ ରକାନିଂ ଇଚ୍ଚନାର୍, ହେୱାନ୍ ନାଙ୍ଗେଙ୍ଗ୍ ଇଚ୍ଚନାନ୍, ଇନେର୍ ନାଙ୍ଗେଙ୍ଗ୍ ଇଚ୍ଚନାନ୍, ମାତର୍ ନା ପକ୍ତି ଆବାଙ୍ଗ୍ ମାନି କିନାନ୍ ।”

ମାଙ୍ଗେଙ୍ଗ୍ ବିରଦ୍ କିଓ ଲଗୁ ମା ନିଜ୍ ଲକୁ
(ଲୁକ ୯:୪୯-୫୦)

୩୮ ଜହନ୍ ଜିସୁଙ୍ଗ୍ ଇଚାନ୍, “ଏ ଗୁରୁ, ମା କୁଦା ତାକେ ରଖାନ୍ ହିଲ୍ଓଡି ଲଗାଙ୍ଗ୍ ନି ତର୍ଦାଂ ପୁଦା ପିହନାକା ହୁଡ୍ତାପ୍, ଆରେ ହେୱାନ୍ ମା କୁଦା ତ ହିଲ୍ଓଡିଲେ ମୁନାକିତାପ୍ ।”

୩୯ ମାତର୍ ଜିସୁ ଇଚାନ୍, “ତାଙ୍ଗେଙ୍ଗ୍ ମୁନା କିମାଟ୍; ଇନେକିଦେଂକି ନା ତର୍ଦ ସାକ୍ତିନି କାମାୟ୍ କିଜି ହାଚାଗ୍ରେ ନାଦାଂ ବାନ୍ୟା କିଦେଙ୍ଗ୍ ଆଡ୍ନାନ୍, ଏପେଙ୍ଗ୍ ଲଗୁ ଇନେର୍ ହିଲ୍ଓର୍; ୪୦ *ଇନେକିଦେଂକି ଇନେର୍ ମା ବିରୁଡ୍ ଆକାୟ୍, ହେୱାନ୍ ମାପାକ୍ୟା । ୪୧ *ଆନ୍ ମିଙ୍ଗେଙ୍ଗ୍ ହାଡ୍ପା ଇଞ୍ଜନାଙ୍ଗା, ଏପେଙ୍ଗ୍ କ୍ରିସ୍ତୁ ଲକୁ ଇଞ୍ଜି ଇନେର୍କି ମିଙ୍ଗେଙ୍ଗ୍ ର ଗିନା ଏଙ୍ଗ୍ ଉଣ୍ଡେଙ୍ଗ୍ ହିଡ୍ତିସ୍, ହେୱାନ୍ ଇନେସ୍ କିଜିପା ଜାର୍ ମୁକୁଟ୍ ଆରାୟ୍ କିଉନ୍ ।”

ପାତର୍ ତାକେ ପାପ୍ କିତାକା
(ମାତିଉ ୧୮:୬-୯; ଲୁକ ୧୭:୧-୨)

୪୨ “ଜିସୁ ଆରେ ଇଞ୍ଜେଙ୍ଗ୍ ଲାଗାତାନ୍, ଇନେର୍ ପାତର୍ କିଜି ମାନି ଇ ହାରୁକାର୍ ବିସ୍ତେ ରକାନିଂ ବାଦା ଆତିସ୍, ହେୱାନ୍ ହାକ୍ତ ର ଗାଜା ଜାତାକାଲ୍ ଡ଼ଇ କିଜି ହେୱାନ୍ ହାମ୍ପୁର୍ ତାକେ ଡ଼ଇ ହିଗିତିସ୍ ହେଦାଂ କାଜିଂ ହାରା ଆତାମ୍ । ୪୩ *ଆରେ, ମି କେଇ ଜଦି ମିଦାଙ୍ଗ୍ ବାଦା ଆନାଡ୍, ତାଙ୍ଗେଙ୍ଗ୍ କାଦ୍ଦି ତୁସି ହିୟାଟ୍, ଆରି ରି କେଇ ଅଜି ନରକ୍, ଇଚିସ୍ ହାଓିନାଣି ବିତ୍ତେ ହାନି ବାଟା ଟୁଟାଆଜି ଜିବୁନ୍ତ ହଣଗାନାକା ମି ପାକ୍ୟାତ ହାର୍ । ୪୪ ଇନାକିଦେଂକି ନାଣିତ ହେୱାର୍ତି ପ୍ଲିକୁ ଜିରା ଆଉକ୍, ଆରି ନାଣି ହାହୁଡ୍ । ୪୫ ଆରେ, ମି ପାନା ଜଦି ମିଙ୍ଗେଙ୍ଗ୍ ବାଦା ହିଦ୍ନାତା ହେଦେଲିଂ କାଦ୍ଦି ତୁସିହିୟାଟ୍, ରି ପାନାଙ୍ଗ୍ ତାସି ନରକ୍ତ ଦେହେନି ବାଟା ଚଟା ଆଜି ଜିବୁନ୍ତ ହାନାକା ମି ପାକ୍ୟାତ ହାର୍ । ୪୬ ଇନାକିଦେଂକି ନାଣିତ ହେୱାର୍ତି ପ୍ଲିକୁ ଜିରା ଆଉକ୍, ଆରି ନାଣି ମୁଡ୍ଡେକ ହାଉଡ୍ । ୪୭ *ଆରେ ମି କାଣ୍ଠା ଜଦି ମିଙ୍ଗେଙ୍ଗ୍ ବାଦା ହିଦ୍ନାତା, ଇଚିସ୍ ହେ କାଣ୍ଠାକାତିଂ ଉନ୍ଦି ତୁସି ହିୟାଟ୍, ରି କାଣ୍ଠା ଅଜି ନରକ୍ତ ତୁସିହିନି ବାଟା ର କାଣ୍ଠା ଅଜି ମାପୁ ରାଜିତ ହଣାକା ମି ପାକ୍ୟାତ ହାର୍ । ୪୮ ଇନାକିଦେଂକି ନାଣିତ ହେୱାର୍ତି ପ୍ଲି ଓଜୁଡ୍ ଆରି ନାଣି ହାଉଡ୍ ।”

୪୯ “ଲାଗିଂ ଓଜାର୍ ନାଣିତ ହର୍ ଲାକେ ହୱାଦ୍ । ହର୍ ହାଦ୍ଦାକା, ମାତର୍ ହର୍ ଜଦି କାର୍ଯ୍ୟା ଆନାଡ୍, ତା ଆତିସ୍ ହେଦେଲିଂ ଇନାକାତ ହୱାଦ୍ କିୟାନାଡ୍ ? ଏପେଙ୍ଗ୍ ଜାର୍ ବିତ୍ତେ ହର୍ ହୱାଦ୍ ସମାନ୍ ମାନାଟ୍ ଆରି ହାରି ଲାହାଂ ସୁସ୍ତାତ ମାନାଟ୍ ।”

* ୯:୩୪ ୯:୩୪ ଲୁକ ୨୨:୨୪. * ୯:୩୫ ୯:୩୫ ମାତିଉ ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬. * ୯:୩୬ ୯:୩୬ ମାତିଉ ୧୦:୪୦; ଲୁକ ୧୦:୧୬; ଜହନ୍ ୧୩:୨୦. * ୯:୪୦ ୯:୪୦ ମାତିଉ ୧୨:୩୦; ଲୁକ ୧୧:୨୩. * ୯:୪୧ ୯:୪୧ ମାତିଉ ୧୦:୪୨. * ୯:୪୩ ୯:୪୩ ମାତିଉ ୫:୩୦. * ୯:୪୭ ୯:୪୭ ମାତିଉ ୫:୨୯.

୫୦ ✨“ହର ହାରଦାକା, ଏଲେଙ୍ଗ ହର ଲାକେ ଆଖାତାଡ଼ି, ତା ଆତିସ୍ ଇନାକାତ ହେଖାନ୍ କିନାକା ? ଏପେଙ୍ଗ ଜାର ଜାର ତାକେ ହାର ଗୁଣ୍ ଇଟାଟ୍ ଆରେ ଖିଜାକାଦେନ୍ ପୁସ୍ତାତ ମାନାଟ୍ ।”

୧୦

ଡକ୍ଟିଂ ପିହ୍ନି ବିସ୍ତେ ଜିସୁ ହିକାଇ କିତାକା
(ମାତିଉ ୧୯:୧-୧୨; ଲୁକ ୧୭:୧୮)

୧ ଜିସୁ ହେ ବାହାତାଂ ହାଲ୍‌ଜି ପା ଜିହୁଦାନିପ ଆରି ଜର୍ଦନ୍ ନାଗୁଡ଼୍ ନାସି ଖାତାନ୍, ଆରେ ମାନାୟ୍ ତାକେ ଆରେ ରଗ ହେଦାଂ ମେହା ଆତାନ୍, ହେଖାନ୍ ନିଜେ ନି ନିତି ତାଙ୍ଗ୍ ହେଖାରିଂ ହିକାଇ କିଦେଙ୍ଗ ଲାଗାତାନ୍ ।

୨ ଇବେଣ୍ଡାଂ ପାରୁସିର୍ ତା ତାକେ ଖାଜି ତାଙ୍ଗେଙ୍ଗ୍ ପରିକ୍ୟା କିଜି ଖେନ୍‌ବାତାର୍, ମା “ବିଦି ହିଦ୍‌ନାତା କି ରଖାନ୍ ତା ଡକ୍ଟୁହିଂ ପିସ୍‌ସି ହେଦାଂ ଇନାକା ଆଣ୍ଡେନ୍ ତାକେ ନ୍ୟାୟ୍ ମାନାଡ଼କି ?”

୩ ଜିସୁ ହେଖାରିଂ ଉତର ହିତାନ୍, “ମସା ମିଙ୍ଗେଙ୍ଗ୍ ଇନା ବଲ୍ ହିଡ଼ତାନ୍ନା ?”

୪ ✨ହେଖାର୍ ଇଟାର୍, “ହେଲ୍ ଆକି ଲେକି କିଜି କଗ୍‌ଲେଂ ପିହ୍ନି କାଜିଂ ମସା, ହେଲ୍ ହିତାନ୍ନା ।”

୫ ହେବେ ଜିସୁ ହେଖାରିଂ ଇଚାନ୍, “ମି ମାନ୍ ଆଟ୍‌ଖା ହୁଡ଼ଜି ମସା ମି କାଜିଂ ଇ ବଲ୍ ଲେକି କିତାନ୍ନା । ୬ ମାତର୍ ଉବ୍‌ଜାଣ୍ ଆତି ଆରମ୍‌ତାଂ ଇସ୍‌ବର୍ ହେ ଲାକେ ହେଖାରିଂ ଆଣ୍ଡେନ୍ ଆରେ କଗ୍‌ଲେ କିଜି ଉବ୍‌ଜାଣ୍ କିତାନ୍ ।” ୭ “ଇଦାଂ କାଜିଂ ଆଣ୍ଡେନ୍ ଜାର ଆବା ଆୟାଂ ପିହିନାନ୍, ଆରି ହେଖାର୍ ଏକ୍ ଆନାର୍,* ୮ ଆରେ ହେଖାର୍ ରିକାର୍ ଆକାୟ୍, ମାତର୍ ର ଗାଗାଡ଼୍ ଆନାର୍ । ୯ ଲାଗିଂ ଇସ୍‌ବର୍ ଇମ୍‌ଣାକାରିଂ ମେହାୟ୍ କିତାନ୍ନା, ମାନାୟ୍ ହେଦାଂ ଏଡ଼ାୟ୍ କିମେର୍ ।”

୧୦ ପାଚେ ଚେଲାର୍ ଇଞ୍ଜ ହେଖାନିଂ ଇ ବିସ୍ତେ ଆରେ ରଗ ଖେନ୍‌ବେଦେଂ ଲାଗାତାର୍ । ୧୧ ✨ହେବେଣ୍ଡାଂ ହେଖାନ୍ ହେଖାରିଂ ଇଚାନ୍, “ଇନେର୍ ଜାର ଡକ୍ଟିଂ ପିସ୍ତ୍ର ବିନ୍‌ନିକାତିଂ ବିବାଆତିସ୍, ହେଖାନ୍ ତା ବିରୁଦ୍‌ତ ଦାରି ଆନାନ୍ । ୧୨ ଆରେ, ଜଦି କଗ୍‌ଲେ ଜାର ଡକ୍ଟାଙ୍ଗ୍ ପିସ୍ତ୍ର ବିନ୍‌ଲୁଗାଂ ବିବା ଆତିସ୍, ଲାଗିଂ ହେଦେଲ୍ ଦାରି ।”

ଜିସୁ ହିମ୍‌ଣାକାଂ ଖାରି କିନାନ୍
(ମାତିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହେଖାନ୍ ଇନେସ୍ ହିମ୍‌ଣାକାଂ ତୁଜି ଆସିର୍ବାଦ୍ କିନାନ୍, ଇଦାଂ କାଜିଂ ହେଖାରିଂ ହେଖାନ୍ ତାକେ ତାତେଙ୍ଗ୍ ଲାଗାତାର୍, ମାତର୍ ଚେଲାର୍ ହେଖାରିଂ ଦାକା କିଟାର୍ । ୧୪ ଜିସୁ ହେଦାଂ ହୁଡ଼ଜି ରିସା ଆଜି ହେଖାରିଂ ଇଚାନ୍, “ହିମ୍‌ଣାକାଂ ନା ତାକେ ଖାଦେଙ୍ଗ୍ ହିଆଟ୍, ହେଖାରିଂ ମୁନାକିମାଟ୍, ଇଦାଂ କାଜିଂ ଇସ୍‌ବର୍‌ତି ରାଜି ଇ ଲାକେ ମାନାୟାର୍‌ତି । ୧୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇନେର୍ ହିମ୍‌ଣାଂ ଲାକେ ଇସ୍‌ବର୍ ରାଜିତ ଆଖିତିସ୍, ହେଖାନ୍ ଇନେସ୍ କିଜି ପା ସାଗେଂ ରାଜିନିପ ହେବେ ହଣ୍ଡେଙ୍ଗ୍ ଆତୁନ୍ ।” ୧୬ ଆରେ, ହେଖାନ୍ ହେଖାରିଂ ତ୍ରକ୍‌ତି କେଇ ଇଡ଼ଜି ଆସିର୍ ବାଦ୍ କିତାନ୍ ।

ର ହାଖାକାର୍ ମାନାୟ୍ ବିସ୍ତେ
(ମାତିଉ ୧୯:୧୬-୩୦; ଲୁକ ୧୮:୧୮-୩୦)

✨ ୯:୫୦ ୯:୫୦ ମାତିଉ ୫:୧୩; ଲୁକ ୧୪:୩୪,୩୫. ✨ ୧୦:୪ ୧୦:୪ ମାତିଉ ୫:୩୧. * ୧୦:୭ ୧୦:୭ କେତେକ୍ ପତିତ ଆରି ତା ଡକ୍ଟୁହିକ ଲାହାଂ ମେହାନାର୍ । ✨ ୧୦:୧୧ ୧୦:୧୧ ମାତିଉ ୫:୩୨; ୧ କରକ୍ରିୟ ୭:୧୦,୧୧.

୧୭ ଜିସୁ ହାନିହିଁ ହାଞ୍ଜେଙ୍ଗ୍ ଆରାମ୍ କିନି ଖେଡ଼ାଲିଂ ରକାନ୍ ହନ୍ତି ଖାଜି ହେଞ୍ଜାନ୍ ଲାଗାଂ ମେଣ୍ଡାକୁନ୍ କିଜି ହେଞ୍ଜାନିଂ ଖେନ୍‌ବାତାନ୍, “ଏ ସତ୍ ଗୁରୁ, ଖିଜ୍‌ଖି ଜିରୁନ୍ ପାୟା ଆଦେଂ ଆନ୍ ଇନାକା କିନାଙ୍ଗ୍ ?”

୧୮ ହେବେଣ୍ଡାଂ ଜିସୁ ହେଞ୍ଜାନିଂ ଇଚାନ୍, “ନାଙ୍ଗେଙ୍ଗ୍ ହାର୍ ଇଞ୍ଜି ଇନେକିଦେଂ ଇଞ୍ଜନାୟା ?” ରଞ୍ଜାନ୍ ପିସି, ଇତିସ୍ “ଇସ୍‌ବର୍ ତାଙ୍ଗ୍ ଇନେର୍ ହାର୍‌କାର୍ ହିଲୁର୍ ।”

୧୯ ବଲ୍‌କୁ ତ ଏନ୍ ପୁଚାୟନା, ନାରତିଂ ଅହ୍‌ମାଟ୍, ଦାରି କିମାଟ୍, କୁଟ୍ କିମାଟ୍, ଜାର୍ ଆବା ଆୟାକାଂ ଖାରି କିୟାଟ୍ । ୨୦ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଏ ଗୁରୁ, ଇଦାଂ ଖିଜ୍ ନିୟମ୍ ହାରୁଝେଡ଼ାଙ୍ଗ୍‌ତାଂ ଆନ୍ ବେଣ୍ଡିୟା ଖେଡ଼ାତାଙ୍ଗ୍ ମାନି କିଜି ଖାନାଙ୍ଗା ।”

୨୧ ଜିସୁ ହେଞ୍ଜାନ୍ କାଜିଂ ରବେ ହୁଡ଼ଜି ହେଞ୍ଜାନିଂ ଜିଉନଜି ଆରେ ଇଚାନ୍, “ନିୟାଂ ର ବିସ୍ତେ ଉଣା ମାନାଟ୍, ଏନ୍ ହାଲ୍‌ଜି ନିଜେତି ସବୁ ପ୍ରସି ଅକ୍‌ଡ଼ ତାରିଙ୍ଗ୍ ଦାନ୍ ହିୟା, ଆରେ ଏନ୍ ସାର୍ଗେନି ଦାନ୍ ପାୟା ଆନାୟ୍; ଆରେ ଖାଜି ନା ପାଚେ ପାଚେ ଖା ।” ୨୨ ମାତର୍ ଇ କାତାତ ତା ମୁମ୍ ରାଡ଼ତାନ୍ ଆରେ ହେଞ୍ଜାନ୍ ଦୁକ୍ ଆଜି ହାଚାନ୍, ଇତିସ୍ ହେଞ୍ଜାନ୍ତି ବେସି ଦାନ୍ ମାଚାଟ୍ ।

୨୩ ପାଚେ ଜିସୁ ଚାରିବେଣ୍ଡତାଂ ହୁଡ଼ଜି ନିଜେତି ଚେଲାର୍ ଇଚାନ୍, “ଇନେର୍‌ତି ଦାନ୍ ମାନାଟ୍, ହେଞ୍ଜାର୍ କେତେକ୍ କସ୍‌ତାଂ ଇସ୍‌ବର୍ ରାଜିତ ହାନାର୍ ।”

୨୪ ଜିସୁତି କାତା ଖେନ୍‌ଞ୍ଜି ଚେଲାର୍ କାବା ଆଚାର୍, ମାତର୍ ଜିସୁ ଆରେ ରଗ ହେଞ୍ଜେରିଂ ଇଚାନ୍, “ବପାର୍ ଇସ୍‌ବର୍ ରାଜିତ ହାନାକା କେତେକ୍ କସ୍ !” ୨୫ ଇସ୍‌ବର୍ ରାଜିତ ମାଜାନିଂ ହାଣାକା ଇତିସ୍ ହୁଜା କାଣାତ ଉର୍ ହାଣାକା ଆଡ଼୍‌ଖା, ର ମାଜାନ୍ ସାର୍ଗେ ରାଜିତ ହାଣାକା ବେସି କସ୍ ।

୨୬ ଇଦାଂ ହେଞ୍ଜାର୍ ବେସି କାବା ଆଜି ହେଞ୍ଜାର୍ ହେଞ୍ଜାର୍‌ନେ ଇନ୍‌ବା ଆଚାର୍, “ଇତିସ୍ ଇନେର୍ ମୁକ୍ତି ପାୟା ଆନାନ୍ ?”

୨୭ ଜିସୁ ହେଞ୍ଜାରିଂ ସିଦା ହୁଡ଼ଜି ଇଚାନ୍, “ଇଦାଂ ମାନାୟ୍‌ତିଂ କିୟା ଆଖାକା, ମାତର୍ ଇସ୍‌ବର୍‌ତି ଆକାୟ୍; ଇତିସ୍ ଇସ୍‌ବର୍‌ତି ଖିଜ୍ ଆନାଟ୍ ।”

୨୮ ପିତର୍ ହେଞ୍ଜାନିଂ ଇଚାନ୍, “ହୁଡ଼ାଟ୍, ଆପେଂ ଖିଜେ ପିସ୍‌ସି ନି ପାଚେ ପାଚେ ଖାନାପା ।”

୨୯ ଜିସୁ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଖେଟ୍‌ଚାନାଙ୍ଗା, ଇମଣାକାନ୍ ନା ନେକ୍‌କାବୁର୍ କାଜିଂ ଇଲ୍ କି ଟଣ୍ଡେନ୍ କି ତଣ୍ଡେଲ୍ କି ଆୟା କି ଆବା କି ହିମ୍‌ଶାଖାକ୍‌ଡ଼ା କି ରୁମି ପିସ୍‌ୟାନ୍‌ନା । ୩୦ ଆରେ ଅଙ୍ଗୟ୍ ଇ କାଡ଼୍‌ଦ ଦୁକ୍ ସାଙ୍ଗେ ସାଙ୍ଗେ ପାଞ୍ଚକଡ଼ି ଗୁଣିତ ଇଲ୍, ଟଣ୍ଡେନ୍, ତଣ୍ଡେଲ୍, ଆୟା, ହିମ୍‌ଶାଖାକ୍‌ଡ଼ା ଆରେ ରୁମି, ଆରେ ପାଚେନି ଜୁଗ୍‌ତ ଖିଜ୍‌ଖି ଜିରୁନ୍ ପାୟା ଆଉନ୍, ଏଲେଙ୍ଗ୍ ବାତ୍ ମାନାୟ୍ ଇନେର୍ ହିଲୁର୍ । ୩୧ *ମାତର୍ ଆଗେ ମାନି ହେନି ମାନାୟାର୍ ପାଚେ ଆନାର୍ ଆରି ପାଚେ ମାନି ହେନି ମାନାୟାର୍ ହିଗ୍‌ଦ ଆନାର୍ ।”

ଜିସୁ ତା ହାନାକା ବିସ୍ତେ ତିନ୍‌ହର୍ ଖେଟ୍‌ଚାନ୍
(ମାତିଉ ୨୦:୧୭-୧୯; ଲୁକ ୧୮:୩୧-୩୪)

୩୨ ହେଞ୍ଜାର୍ ଜିରୁସାଲମ୍ ତାକେ ହାନିଖାଡ଼ାଂ ହାସ୍‌ଦ ମାଚାର୍ ଆରି ଜିସୁ ହେଞ୍ଜାର୍ ଆଗେ ଆଗେ ହାଲ୍‌ଜି ମାଚାନ୍, ଆରି, ଚେଲାର୍ କାବା ଆରି ପାଚେ ମାତି ଲଗାଂ ପାଣ୍ଡୁ ଆଜି ମାଚାର୍ । ଇଦାଂ କାଜିଂ ହେଞ୍ଜାନ୍ ଆରେ ବାରଜାଣାତିଂ ବିନେ କିଜି, ହେଞ୍ଜାନ୍ ବିସ୍ତେ ଇନା ଇନାକା ଜିରୁସାଲମ୍ ଗିଟା ଆଦେଂ ହାନାତା, ହେ ଖିଜେ ହେଞ୍ଜେରିଂ ଜାଣାଇ କିଦେଙ୍ଗ୍ ଲାଗାଆତାନ୍ । ୩୩ ହେଞ୍ଜେନ୍ ଇଚାନ୍, “ହୁଡ଼ାଟ୍, ଆପେଂ ଜିରୁସାଲମ୍‌ତ ହାନାପା; ମାନାୟ୍ ମାଜି ମୁଡ଼୍ ମାପୁ ହେବା କିନାକାନ୍ ଆରେ ଦରମ୍

* ୧୦:୩୧ ୧୦:୩୧ ମାତିଉ ୨୦:୧୭; ଲୁକ ୧୩:୩୦.

ଗୁରୁର କେଇଦ ହେଲାୟ ଆନାନ୍, ଆରେ ହେଝାର ହେଝେନିଂ ହାକିଦଣ୍ଡ ହିଜି ପାତର୍ କିଝି ଜିହୁଦିର କେଇଦ ହିନାର । ୩୪ ଆରେ ହେଝାର ହେଝେନିଂ କିଜାୟ କିନାର, ହେଝାନ୍ ଜପି ଏଝିଡିଂ ରୁପନାର, ହେଝେନିଂ କରତା ଇଡିନାର ଆରି ପାଗନାର, ଆରେ ତିନି ଦିନ ପାଚେ ହେଝାନ୍ ଆରେ ଜିବୁନ୍ ଆଜି ନିଙ୍ଗନାନ୍ ।”

ଜାକୁବ୍ ଆରି ଜହନ୍ ଗଝାରି କିନାକା
(ମାଡିଉ ୨୦:୨୦-୨୮)

୩୫ ପାଚେ ଜେବଦିତି ମାଜି ଜାକୁବ୍ ଆରି ଜହନ୍ ଜିସୁ ତାକେ ଝାଜି ଇଚାର, “ଏ ଗୁରୁ, ମା ଇଚା ଜେ, ଆପେଂ ନିବେଣ୍ଡାଂ ଇନାକାପା ଏଡ୍ଡାନାପ୍, ହେଦାଂ ମା କାଜିଂ ଏନ୍ କିୟା ।”

୩୬ ହେବେଣ୍ଡାଂ ହେଝାନ୍ ହେଝେରିଂ ଝେନ୍‌ବାତାନ୍, “ଆନ୍ ମି କାଜିଂ ଇନାକା କିନାଙ୍ଗ୍ ଇଞ୍ଜି ଏପେଙ୍ଗ୍ ମାନ୍ କିନାଦେରା ?”

୩୭ ହେଝେରୁ ହେଝେନିଂ ଇଚାର, “ଜାର ଜାଜମାଲ୍ ପାୟା ଆତିସ୍ ଇନେସ୍ ମା ତାଙ୍ଗ୍ ରକାନ୍ ନିଙ୍ଗ୍ ତିନି କଚଣ୍ଡତ ରକାନ୍ ତେବା କଚଣ୍ଡ କୁଚ୍‌ଚାନ୍ ମାଙ୍ଗେଙ୍ଗ୍ ଇ ବର୍ ହିଦା ।” ୩୮ *ମାତର୍ ଜିସୁ ହେଝେରିଂ ଇଚାନ୍, “ଏପେଙ୍ଗ୍ ଇନାକା ଏନ୍‌ନାଦେରା, ହେଦାଂ ପୁନ୍‌ଦେରା । ଆନ୍ ଇମଣି ଗିଲାସ୍‌ତ ଉଣ୍ଡି ମାନାଙ୍ଗ୍, ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ୍‌ନାଦେର କି ? ଇତିସ୍ ଆନ୍ ଇମଣି ବାପ୍ରିସିମ୍‌ତ ବାପ୍ରିସିମ୍ ଆନାଙ୍ଗା, ହେବେ କି ଏପେଙ୍ଗ୍ ବାପ୍ରିସିମ୍ ଆଦେଂ ଆଡ୍‌ନାଦେର କି ?”

୩୯ ହେଝାର ହେଝେନିଂ ଇଚାର, “ଆଡ୍‌ନାପ୍ ।” ଜିସୁ ହେଝେରିଂ ଇଚାନ୍, ଆନ୍ ଇମଣି ଗିଲାସ୍‌ତ ଉଣାଙ୍ଗା, ଏପେଙ୍ଗ୍ ହେ ଗିଲାସ୍‌ତ ଉଣାଦେର, ଆରେ ଆନ୍ ଇମଣି ବାପ୍ରିସିମ୍‌ତ ବାପ୍ରିସିମ୍ ଆନାଙ୍ଗା, ଏପେଙ୍ଗ୍ ହେବେ ବାପ୍ରିସିମ୍ ଆନାଦେର;

୪୦ ମାତର୍ ବୁଜ୍‌ଣି ବାଗାଙ୍ଗ୍ କି ତେବାବାଗାଙ୍ଗ୍ କୁଚ୍‌ଚେଂ ହିନାକା ନା ଆଦିକାର ବିସ୍ତେ ହିଲୁଡ୍, ଇସ୍‌ବ୍ ଆବା ଇମଣାକାର କାଜିଂ ବାହା ରଚି କିତାନ୍‌ନା, ହେଝାର କୁଚ୍‌ଚାର ।

୪୧ ବିନ୍ ଦାସ୍ ଜାଣ୍ ଇଦାଂ ଝେନ୍‌ଞ୍ଜି ଜାକୁବ୍ ଆରେ ଜହନ୍ ଜପି ରିସା ଆଦେଂ ଲାଗାତାର । ୪୨ ହେବେତାଂ ଜିସୁ ହେଝେରିଂ ରବେ କୁକ୍‌ଚି ଇଚାନ୍, “ଇମଣାକାର ପାତର୍ କିଝି ଜିହୁଦିରଂ ରାଜ୍ କିନାକାର ଲାକେ, ହେଝେର୍ ହେଝାର ଜପି ରାଜି କିନାନ୍ ଆରି ପାତର୍ କିଝି ଜିହୁଦିରଂ ଗାଜାଲଗୁ ହେଝାର ଜପି କାମାୟକି କିତାର, ଇଦାଂ ଏପେଙ୍ଗ୍ ପୁନାଟ୍ । ୪୩ *ମାତର୍ ମି ବିତ୍ରେ ହେ ଲାକେ ଆକାୟ, ମାତର୍ ମି ବିତ୍ରେ ଇନେର୍ ଗାଜାକାର ଆଦେଂ ଇଚା କିତାର, ହେଝାନ୍ ମି କାଜିଂ ହେବା କିନାକାନ୍ ଆୟେନ୍; ୪୪ ଆରେ ମି ବିତ୍ରେ ଇନେର୍ ଗାଜାକାନ୍ ଆଦେଂ ଇଚା କିନାନ୍, ହେଝାନ୍ ଝିଜାରିଂ ହଲ୍ୟା ଆୟେନ୍ । ୪୫ ଇନେକିଦେଂକି ମାନାୟ ମାଜି ପା ହେବା ପାୟା ଆଦେଂ ଝାଝାତାଂନା, ମତର୍ ହେବା କିଦେଙ୍ଗ୍ ଆରି ହେନି କାଜିଂ ମୁକ୍‌ଡାୟ କିନି ମୁଲ୍‌ଲାକେ ଜିବୁନ୍ ହିଦେଂ ଝାତାନ୍‌ନା ।”

ଜିସୁ ବାଚିମୟ କାଶାଙ୍ଗ୍ ଉଜ୍ କିତାନ୍
(ମାଡିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ପାଚେ ହେଝାର ଜିରିହ୍ ତାକେ ଏକାତାର, ଆରେ ଜିସୁ ଚେଲାହିର୍ ଲାହାଙ୍ଗ୍ ଆରି ବେସି ମାନାୟ ଲାହାଙ୍ଗ୍ ଜିରିହ୍‌ତ ପିସ୍ତ୍ ହାନିଝାଡ଼ାଂ ଚିମାୟର୍ ମେହି ବାର୍‌ଚର୍ ମୟ୍ ତର୍ ରକାନ୍ କାଶା ବିକାରି ହାଜି ଗୁଚିତ କୁଚ୍‌ଚି ମାଚାନ୍ । ୪୭ ହେଝାନ୍ ଜେ ନାଜରିତିୟନି ଜିସୁ, ଇଦାଂ ଝେନ୍‌ଞ୍ଜି ହେଝାନ୍ ଗାଜା ଝେଇଦାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ ମାଜି ଜିସୁ, ନାଙ୍ଗେଙ୍ଗ୍ ଦୟା କିଦା ।”

* ୧୦:୩୮ ୧୦:୩୮ ଲୁକ ୧୨:୫୦. * ୧୦:୪୩ ୧୦:୪୩ ମାଡିଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭.

୪୮ ଇବେତାଂ ବେସି ତାଙ୍ଗେଙ୍ଗ୍ ଆଲା ଆମା ଇଞ୍ଜି ଗଡ଼କିଦେଂ ଲାଗାତାର୍, “ମାତର୍ ହେଝାନ୍ ଆରି ଆଦିକ୍ ଗାଜା ଝେଇଦାଂ ଇଞ୍ଜେଙ୍ଗ୍ ଲାଗାତାନ୍, ଏ ଦାଉଦ୍ ମେହି, ନାଙ୍ଗେଙ୍ଗ୍ ଦୟା କିଦା ।” ୪୯ ହେବେତାଂ ଜିସୁ ନିଲ୍ଲତି ଝେଟ୍ଟଚାନ୍, “ହେଝାନ୍ ହିରବାର୍ ।” ହେଝାର୍ ହେ କାଣକୁ ହୁଡ଼ଝି ମାନାୟ୍ତିଂ ହିରବିସ୍ ଇଚାନ୍, “ସାସ୍ ଆ, ନିଲା, ନିଙ୍ଗେଙ୍ଗ୍ କୁଲ୍ଲାନାନା ।”

୫୦ ହେବେତାଂ ହେଝାନ୍ ନିଲ୍ଲତି ପା ହେୟା ତୁହିଜି ଜିସୁ ତାକେ ଝାତାନ୍ ।

୫୧ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇନାକା ଇଚା କିନାୟା ?” ହେ କାଣା ମାନାୟ୍ ହେଝାନ୍ ଇଚାନ୍, “ଏ ଗୁରୁ, ଆନ୍ ଇନେସ୍ ହୁଡ଼ଦେଂ ଆଡ଼ନାଂ ।”

୫୨ ଜିସୁ ତାଙ୍ଗେଙ୍ଗ୍ ଇଚାନ୍, “ହାଲା,” ନି ପାତର୍ କିନାକା ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନ୍ନା । ହେ ଦାପ୍ରେ ହେଝାନ୍ ହୁଡ଼ତାନ୍ ଆରେ ହାଜିତିଂ ହେଝାନ୍ ପାଚେ ପାଚେ ହାଚାନ୍ ।

୧୧

ଜିସୁ ଜିତା ଆଜି ହାନାକା

(ମାତିଉ ୨୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ଏଚେକାଡ଼ଦ୍ ହେଝାର୍ ଜିରୁସାଲମ୍ ଲାଗାୟ୍ ଝାଜି ଜିଡ଼ମାଡ଼ି ଲାଗେ ବେଡ଼ପାଗି ଆରି ବେଡ଼ନିୟା କଚଣତ ଝାତାର୍, ହେ ପାଦନା ଜିସୁ ନିଜ୍ ଚେଲାରିଂ ତାଙ୍ଗ୍ ରିୟାରିଂ ଇ କାତା ଝେଟ୍ଟି ପକ୍ତାନ୍, ୨ ମି ମୁମ୍ ହାଣକୁ ହେ ନାସ୍ତ ହାଲାର୍ । “ହେବେ ହଣି ସାଙ୍ଗେ ସାଙ୍ଗେ, ଇମ୍ଣାକା ଜପି ଇନେର୍ ଇନାଝାଡ଼ାଂ କୁର୍ଝାତାର୍ନା, ଏଲେଙ୍ଗ୍ ବାର୍ତାକା ର ଗଦ୍ ହିମ୍ଣାତିଂ ଗାର୍ଚାକା ହୁଡ଼ନାଦେର୍, ହେଦେଲିଂ ରିକ୍ତି ତାଇଝାଡୁ । ୩ ଆରେ, ଏଚେକାଡ଼ଦ୍ ଇନେନ୍ ମିଙ୍ଗେଙ୍ଗ୍ ଇନାକିଦେଂ ଏଲେଙ୍ଗ୍ କିନାଦେର୍ ଇଞ୍ଜି ଇନ୍ତିସ୍, ହେଦାଂ ଇନାଦେର୍, ଇଦାଂ ତାକେ ମାପୁତି* ଲଡ଼ା ମାନାଡ଼, ଆରେ ହେଝାନ୍ ଆରେରଗ ବେଗି ପଲ୍ଲାନାନ୍ ।”

୪ ହେଝାର୍ ହାଲ୍ଲି ଦୁଝେର୍ ଲାଗାୟ୍ ବାର୍ତ ହାକିଡ଼ିତ ର ଗଦ୍ ହିମ୍ଣା ଗାର୍ଚାକା ହୁଡ଼ଜି ହେଦେଲିଂ ରିଙ୍ଗାର୍ । ୫ ହେବେ ନିଲ୍ଲତିମାନି ମାନାୟାର୍ ବିତ୍ରେ ଇନେର୍ ଇନେର୍ ହେଝାରିଂ ଝେନ୍ବତାର୍, “ଗଦ୍ ହିମ୍ଣାତିଂ ରିକ୍ତି ଇନାକିନାଦେରା ?”

୬ ଜିସୁ ଇନେସ୍ ଝେଟ୍ଟି ମାଚାନ୍, ହେଝାର୍ ହେ ଲାକେ ହେଝାରିଂ ଉତର୍ ହିତାର୍, ପାଚେ ହେଝାର୍ ହେଝାରିଂ ପିସ୍ତ୍ରି ହିତାର୍ । ୭ ଜିସୁ ଲାଗାୟ୍ ଗଦ୍ ହିମ୍ଣାତିଂ ତାସି ହେଝାର୍ ତା ଜପି ନିଜ୍ ନିଜ୍ନି ହେୟା ପାସ୍ତାର୍, ଆରି ଜିସୁ ତା ଜପି କୁଟ୍ଚାନ୍ । ୮ ଆରେ ହେନି ହାସ୍ତ ଜାର୍ ଜାର୍ ହେୟା ପାସ୍ତାର୍ ଆରେ କେତେଜାଣ୍ ଜମିତାଂ ତାଡ଼୍ କାଦ୍ଦି ତାସି ପାସ୍ତାର୍ । ୯ ଆରେ, ଆଗେ ଆରି ପାଚେ ହାଲ୍ଲିମାନି ମାନାୟାର୍ ଗାଜାକାଟାଂ ଇଞ୍ଜେଙ୍ଗ୍ ଲାଗାତାର୍, “ହସାନ୍ନା ! ମାପୁତି ତର୍ଦ୍ଦ ଇନେନ୍ ଝାନାନା ଇସ୍ବର୍ ଆସିର୍ବାଦ୍ ହିଦ୍ନାନ୍ ! ୧୦ ମା ଆବା ଲାତ୍ରା ଦାଉଦ୍ତି ଇମ୍ଣା ରାଜି ଝାନାତା, ହେଦାଂ ଇସ୍ବର୍ ଆସିର୍ବାଦ୍ କିଦେନ୍ ! ଜପ୍ଣା ଲକାର୍ଡି ହସାନ୍ନା !”

୧୧ ପାଚେ ଜିସୁ ଜିରୁସାଲମ୍ ଝାଜି ମାନ୍ଦିର୍ତ୍ତ ହଚାନ୍, ଆରେ ଚାର୍ବେଣ୍ଡି ସବୁ ବିସ୍ତ୍ରେ ହୁଡ଼ଜି ମାଜା ଆତିଲେ ବାରଜାଣ୍ ହୁକେ ବେଡ଼ନିୟାତ ହସିହାଚାର୍ ।

ଜିସୁ ଇତିଲେ ତଗାମାର୍ ହାନାଡ଼

(ମାତିଉ ୨୧:୧୮-୧୯)

୧୨ ହେ ଆର୍କାଡ଼ ନାଜିଂ ହେଝାର୍ ବେଡ଼ନିୟାତାଂ ଝାଜି ମାତି ଝେଡ଼ାଲିଂ ଜିସୁ ନାସ୍କି ଆତାନ୍; ୧୩ ଆରେ, ହେଝାନ୍ ଦେହାତାଂ ଆକିଂ ମାନି ର ତଗା ମାର୍ ହୁଡ଼ଜି, ଇନେସ୍

* ୧୧:୩ ୧୧:୩ ମାପୁ: ନଲେ ଇଝାଡ଼ି ହାଉକାର୍ ।

ଆତିସ୍ ହେବେ ପାତ୍ର ଗାଟାଆଦନାତ୍, ଇ ଆହା କିଜି ଲାଗେ ହାତାନ୍ । ମାତର୍ ଲାଗେ
ୱାଜି ଆକିଂ ପିସ୍ତି ଆରି ଇନାକା ହୁଡ଼ଦେଂ ଆଡ଼ୱାତାନ୍, ଇନାକିଦେଂକି ହେ କାତ୍ଦ
ତଗାପାତ୍ରନ୍ ସମ୍ପୁ ହିଲ୍ୱାତାତ୍ । ୧୪ ହେବେଶ୍ଟାଂ ଜିସ୍ତୁ ମାର୍ଦିଙ୍ଗ୍ ଇତାନ୍, “ଆରେ
ମୁଡ଼କେ ନି ତାଂ ପାତ୍ର ଇନେର୍ ତିନମେର୍ !” ହେୱାନ୍ତି ଚେଲାର୍ ଇ କାତା ୱେଟାର୍

ଜିସ୍ତୁ ମାନ୍ଦିର୍ ତାକେ ହଟାନ୍

(ମାତିଉ ୨୧:୧୨-୧୭; ଲୁକ ୧୯:୪୫-୪୮; ଜହନ୍ ୨:୧୩-୨୨)

୧୫ ତାପାଚେ ହେୱାର୍ ଜିରୁସାଲମ୍ତ ୱାତାର୍, ଆରି ଜିସ୍ତୁ ମାନ୍ଦିର୍ ବିତ୍ରେ ହଣ୍ଡି
ହେୱାର୍ ପୁଜାକିଦେଂ କଡ଼ନାକାରିଂ ପନାକାରିଂ ହପ୍ତେଂ ଲାଗାତାନ୍, ଆରି ଟାକାଂ
ବେପ୍ରିୟାରିଂ ପାଟାଙ୍ଗ୍ ଆରି ପାଣ୍ଡକା ବେପ୍ରିୟାରିଂ କୁର୍ନି ବାହା ଉଲ୍ଟାୟ୍ କିତାନ୍,
୧୬ ଆରେ ମାନ୍ଦିର୍ ବିତ୍ରେ ଇନେରିଂ ପା ତାଡ଼ିଆ ଇନାକା ଅଦେଂ ହିୱାତାନ୍ । ୧୭ ଆରେ
ଜିସ୍ତୁ ହେୱାରିଂ ହିକ୍ୟା ହିଉ ହିଉ ଇତାନ୍, ଇଦାଂ ଲେକା ଆତାଡ଼ନ୍ନା, “ମା ଇଲ୍ ୱିଜ୍
ଜାତି କାଜିଂ ପାର୍ତାନା ଇଲ୍ ଇଞ୍ଜି ତାକ୍ପୁଟା ଆନାତ୍, ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚକ୍ତୁ
ଇଲ୍ କିତାଦେଶ୍ଟା !”

୧୮ ମୁଡ଼ ମାପୁହେବାକିନାକାନ୍ ଆରି ଦରମ୍ ଗୁରୁର୍ ଇଦାଂ ୱେନ୍‌ଞ୍ଜି ଜିସ୍ତୁଙ୍ଗ୍ ଇନେସ୍
କିଜି ନାସ୍ କିନାର୍ ହେଦାଂ ଉପାୟ୍ କିଦେଙ୍ଗ୍ ଲାଗାତାର୍; ଇନେକିଦେଂକି ଲକ୍ତୁ
ହେୱାନ୍ ହିକ୍ୟାତ କାବା ଆତିଲେ ହେୱାର୍ ହେୱାନିଂ ପାଣ୍ଡା ଆଜି ମାଟାର୍ ।

୧୯ ହେ ଦିନ୍ତ ମ୍ରିକା ଆତିଲେ ଜିସ୍ତୁ ଆରି ଚେଲାର୍ ଗାଡ଼ଦାଂ ହସି ହାଲ୍‌ଜି ମାଟାର୍ ।

ଜିସ୍ତୁ ତଗାମାତ୍ ବିସ୍ତେ ନି ସାକ୍ତି ଚଟତାନ୍

(ମାତିଉ ୨୧:୨୦-୨୨)

୨୦ ନାଡ଼ିହିଙ୍ଗ୍ ହେ ହାଜି ହିଜି ହାନି ୱେଡ଼ାଲିଂ ହେୱାର୍ ତଗା ମାର୍ ଚିରାତାଂ ୱାଜ୍‌ଜି
ହାଲ୍‌ଜି ମାଟାକା ହୁଡ଼ତାର୍ । ୨୧ ହେବେ ପିତର୍ ଆଗେନି କାତା ଏତୁ କିଜି ହେୱାନିଂ
ଇତାନ୍, “ଏ ଗୁରୁ, ହୁଡ଼ା, ଏନ୍ ଇମ୍‌ଣି ତଗା ମାର୍ଦିଂ ସାଇପ୍ ହିଜି ମାଟାୟ୍ ହେଦାଂ
ୱାଜ୍‌ଜି ହାଟାଚେ ।”

୨୨ ଜିସ୍ତୁ ଚେଲାର୍ ଉତର୍ ହିତାନ୍, “ଇସ୍ବର୍ ତାକେ ପାତ୍ କିୟାଟ୍ ।” ୨୩ ଆନ୍
ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇନେରପା ଇ ମାଡ଼ିତିଂ ନିଙ୍ଗା ଆରି ହାମ୍‌ଦୁର୍‌ତ ଆର୍‌ଗା
ଇତିସ୍ ଆରି ଜାର୍ ମାନ୍ ପାତ୍ କିତିସ୍ ଇନାକା ଇତିସ୍, ହେଦାଂ ଗିଟା ଆନାତ୍ ଇଞ୍ଜି
ପାତ୍ କିଜି, ହେୱାନ୍ କାଜିଂ ହେଦାଂ ଗିଟା ଆନାତ୍ । ୨୪ ଲାଗିଂ, ଆନ୍ ମିଙ୍ଗେଙ୍ଗ୍
ଇଞ୍ଜନାଙ୍ଗା ଏପେଙ୍ଗ୍ ଇନା ଇନାକା ପାର୍ତାନା କିନାଦେର୍ ଆରି ଏନ୍‌ନାଦେରା, ହେ ସବୁ
ଗାଟା ଆତାପ୍‌ନା ଇଞ୍ଜି ପାତ୍ କିୟାଟ୍ ହେବେନି ହେ ସବୁ ପାୟାନାଦେର୍ । ୨୫ ଆରେ,
ଏପେଙ୍ଗ୍ ଏଚେୱାଡ଼ାପା ପାର୍ତାନା କିଦେଙ୍ଗ୍ ନିଙ୍ଗାଟ୍ ଜଦି ଇନେର୍ ବେରୁତ ମି ଇନାକା
କାତା ମାଟିସ୍, ତା ଆତିସ୍ କେମା କିୟାଟ୍, ଇନେସ୍‌କି ମି ସାଗେନି ଆବାପା ମିୱାଙ୍ଗ୍
ପାପ୍ ସବୁ କେମା କିଦ୍‌ନାନ୍ ।

୨୬ ମାତର୍ ଏପେଙ୍ଗ୍ କେମା ହିୱିତିସ୍, ମି ସାଗେନି ନି ଆବାପା ମିଦାଙ୍ଗ୍ ବାନିୟାତାକା
କେମା କିଦୁନ୍ ।

ଜିସ୍ତୁତି ଆଦିକାର୍ ବିସ୍ତେ ପର୍‌ସନ୍

(ମାତିଉ ୨୧:୨୩-୨୭; ଲୁକ ୨୦:୧-୮)

୨୭ ଆରେ ରଗ ହେୱାର୍ ଆରି ଜିରୁସାଲମ୍ତ ୱାତାର୍, ଆରି, ଜିସ୍ତୁ ମାନ୍ଦିର୍ ବିତ୍ରେ
ବୁଲ୍‌ଆନି ୱେଡ଼ାଲିଂ ମୁଡ଼ ମାପୁ ହେବା କିନାକାର୍, ଦରମ୍ ଗୁରୁର୍ ଆରି ପ୍ରାଚିନାର୍

☆ ୧୧:୨୩ ୧୧:୨୩ ମାତିଉ ୧୭:୨୦; ୧ କରକ୍ତିୟ ୧୩:୨.

ତାକେ ଖାଜି ଝେନ୍‌ବାତାର୍, ୨୮ “ଏନ୍ ଇମଣି ଆଦିକାର୍ତ ଇ ସବୁ କିନାୟା ? କି ଇ ସବୁ କିଦେଙ୍ଗ୍ ନିଜେଙ୍ଗ୍ ଇନେର୍ ଆଦିକାର୍ ହିତ୍‌ତାର୍ ?”

୨୯ ମାତର୍ ଜିସୁ ହେଝାରିଂ ଇଚାନ୍, “ଆନ୍ ମିଜେଙ୍ଗ୍ ର କାତା ଝେନ୍‌ବା ଆଦ୍‌ନାଂ, ନାଜେଙ୍ଗ୍ ଉତର୍ ହିଦାଟ୍, ତାଆତିସ୍ ଆନ୍ ଇମଣି ଆଦିକାର୍ତାଂ ଇ ସବୁ କିନାୟା, ହେଦାଂ ମିଜେଙ୍ଗ୍ ଝେଚାନାଙ୍ଗ୍ । ୩୦ ଜହନ୍‌ତି ବାପ୍ତିସିମ୍ ସାର୍ଗେତାଂ କି ମାନାୟାର୍ତାଂ ଖାତାଟ୍ ?” ନାଜେଙ୍ଗ୍ ଉତର୍ ହିଦାଟ୍ ।

୩୧ ହେବେ ହେଝାର୍ ହାରି ବେଣ୍ ବାଟ୍ କିଦେଂ ଲାଗାତାର୍, ଜଦି ସାର୍ଗେତାଂ ଇତିସ୍, ତା ଆତିସ୍ ହେଝାନ୍ ଇଞ୍ଜନାନ୍, ତେବେ “ଏପେଙ୍ଗ୍ ଇନାକିଦେଂ ଜହନ୍ତି ପାତ୍ କିମ୍ପଦେରା ? ୩୨ ଆରେ ମାନାୟାର୍ତାଂ ଇଞ୍ଜି ଇନାକା ଇନାସ୍ ?” ହେଝାର୍ ମାନାୟାର୍ତାଂ ପାଣ୍ଡା ଆଜି ମାତାର୍; ଇନାକିଦେଂକି ଝିଜାକାର୍ ଜହନ୍‌ତିଂ ରକାନ୍, ବେଣ୍‌ବାକ୍‌ଶାୟ୍ କିନାକାନ୍ ଇଞ୍ଜି ମାନି କିଜି ମାତାର୍ । ୩୩ ଲାଗିଂ ହେଝାର୍ ଜିସୁଙ୍ଗ୍ ଉତର୍ ହିତାର୍, “ଆପେଂ ପୁନୁପ୍ ।” ଜିସୁ ହେଝାରିଂ ଇଚାନ୍ ତେବେ ଆନ୍ ଇମଣି ଆଦିକାର୍ତ ଇ ସବୁ କିନାୟା, ହେଦାଂ ଆନ୍ ମିଜେଙ୍ଗ୍ ଝେଚ୍‌ଚୁଙ୍ଗ୍ ।

୧୨

ଅଙ୍ଗୁର୍ ବାଡ୍‌ଦ ଆରି ବାଗ୍‌କିନି କାମ୍‌ଲିୟାର୍‌ନି କାତା
(ମାତିଉ ୨୧:୩୩-୪୬; ଲୁକ ୨୦:୯-୧୯)

୧ ଇଦାଂ ପାଚେ ହେଝାନ୍ ହେଝାରିଂ ଉତର୍‌ମୁଡ୍ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ର ଅଙ୍ଗୁର୍ ବାଡ୍ କିଜି ତା ଚାରିବେଣ୍‌ତାଂ ବାଡ୍ ଡ୍‌ଚ୍‌ଚାନ୍ ଆରି ଅଙ୍ଗୁର୍‌କୁଣ୍ଡି କାଚ୍ କାନାକାର୍ ମାଚା ରଚ୍‌ଚାନ୍, ଆରେ କାମାୟ୍ କିନାକାରିଂ ହେ ବାଡ୍ ବାଗ୍‌ରେ ହିଜି ରାଜି ହତାନ୍ । ୨ ପାଚେ କାମାୟ୍ କିନାକାର୍ତାଂ ଅଙ୍ଗୁର୍ ବାଡ୍‌ନି ପାଡ୍ ପାୟା ଆଦେଂ ଇଞ୍ଜି ହେଝାନ୍ ର ଆଡ୍‌ଏନିଂ ସମାନ୍ ଝେଡାଲିଂ ହେଝାର୍ ତାକେ ପକ୍‌ତାନ୍ । ୩ ମାତର୍ ହେଝାର୍ ହେଝାନିଂ ଆଜି ଗ୍ରାକ୍‌ତାର୍ ଆରି ଖାରା କେଇଦାଂ ପକ୍ତାର୍ । ୪ ହେଝାନ୍ ଆରି ରକାନିଂ ଆଡ୍‌ୟାଂ ପକ୍‌ତାନ୍; ହେଝାର୍ ହେଝାନ୍ତି ପା କାପ୍‌ଡା ପାଟ୍‌ତାର୍ ଆରି ହେଝାନିଂ ହିନସ୍ତା କିତାର୍ । ୫ ହେଝାନ୍ ଆରେ ରକାନିଂ ପକ୍‌ତାନ୍; ହେଝାର୍ ତାଜେଙ୍ଗ୍ ପା ଚୁଟାର୍ । ହେବେ ହେଝାନ୍ ଆରେ ହେନିତିଂ ପକ୍‌ତାନ୍; ହେଝାର୍ ତାଙ୍ଗ୍ ପା କେତେକ୍ ଜାଣ୍‌ତିଂ ହେଝାର୍ ଗ୍ରାକ୍‌ତାର୍ ଆରେ କେତେକ୍ ଜାଣ୍‌ତିଂ ଚୁଟାର୍ । ୬ ତା କଚଣ୍‌ତ ରକାନ୍ ମାତର୍ ମାଚାନ୍, ହେଝାନ୍ ତା ଖାରିନି ମାଜି । ନା ମାଜିଂ ହେଝାର୍ ମାନିକିନାର୍, ଇଦାଂ ଇଞ୍ଜି ହେଝାନ୍ ହାରିହାରା ହେଝାନିଂ ହେଝାର୍ ତାକେ ପକ୍‌ତାନ୍ । ୭ ମାତର୍ ହେ କୁଲିୟାର୍ ହେଝାର୍ ହେଝାର୍ ବେଣ୍‌କିବା ଆତାର୍ ଇଝାନ୍ତ ମୁଣିକା କାଡ୍‌ଦେ, ଝାଡ୍, ଇଝାନିଂ ଅହ୍‌ନାସ୍; ତା ଆତିସ୍ ମାଦାଂ ଆଦିକାର୍ ଆନାଟ୍ ! ୮ ହେବେଣ୍ଡାଂ ହେଝାର୍ ତାଜେଙ୍ଗ୍ ଆସ୍ତି ଅସ୍ତାର୍ ଆରି ଅଙ୍ଗୁର୍ ବାଡ୍ ବାର୍‌ତ ତୁହିତାର୍ ।

୯ “ହେବେ ଅଙ୍ଗୁର୍ ବାଡ୍‌ନି ହାଉକାର୍ ଇନାକା ଇନାନ୍ ?” ହେଝାନ୍ ଖାଜି କୁଲିୟାରିଂ ଚାଣ୍‌ତେ ଅହ୍‌ନାନ୍ ଆରି ବିନ୍ ଲଗାଂ ଅଙ୍ଗୁର୍ ବାଡ୍ ହିନାନ୍ । ୧୦ ଏପେଙ୍ଗ୍‌କି ଦରମ୍ ସାସ୍ତର୍

“ଇ ବଚନ୍ ପା ପଡ୍ କିଝାତାଦେଣ୍ଡା, ଇଲ୍ ରଚ୍‌ନାକାର୍ ଇମଣି କାଲ୍‌ଦିଂ ମୁନା କିତାର୍, ହେଦାଂ କନାନି ମୁଡ୍‌କାଲ୍ ଆତାଟ୍ ।

୧୧ ମାପୁତାଂ ଇଦାଂ ଆତାଟ୍, ଆରି ହେଦାଂ ମା କାଣ୍‌କୁକାଂ କାବା ଆନାକା ?”

୧୨ ଇବେଣ୍ଡାଂ ଜିହୁଦିର୍ ଜିସୁଙ୍ଗ୍ ଆସ୍ତେଙ୍ଗ୍ ହାଡୁର୍ କିତାର୍, ମାତର୍ ହେଝାର୍ ମାନାୟାର୍ତାଂ ପାଣ୍ଡା ଆତାର୍; ଇନାକିଦେଂକି ହେଝାନ୍ ହେ ଉତର୍‌ମୁଡ୍ ହେଝାରିଂ ଇଚ୍‌କାଡ୍ କିଜି ଇଞ୍ଜି ମାଚାନ୍ ଇଞ୍ଜି ହେଝାର୍ ବୁଜାଆତାର୍, ଆରେ ହେଝାର୍ ହେଝାନିଂ ପିସ୍‌ସି ହାଚାର୍ ।

ଜିହ୍ୱାଦିର ଜିସୁଙ୍କ ଡକ୍ଟାତ ହେଲି କିଦେଇଁ ଚାଲାଇ

(ମାତିଉ ୨୨:୧୫-୨୨; ଲୁକ ୨୦:୨୦-୨୬)

୧୫ ପାଚେ ହେୱାନ କାତାନି ଗାଣ୍ଡୁ ୱେନଞ୍ଜି ଆସ୍ତେଇଁ ଇଞ୍ଜି ହେୱାର୍ ପାରୁସିର୍ ଆରେ ହେରଦିୟା ଦାଡ଼ନି ମାନାୟାର ବିତ୍ତେ କେତେକ୍ ଜାଣ୍ଡି ହେୱାନ ଲାଗାଂ ପଲ୍ଲାର୍ । ୧୪ ହେୱାର୍ ୱାଜି ହେୱାନିଂ ଇଚାର୍, “ଏ ଗୁରୁ ଆପେଂ ପୁନାପ, ଏନ୍ ହାଡ଼ପା ସଡ଼ ଆରି ଇନେରିଂ ପାଣ୍ଡା ଆଉୟ୍, ଇନାକିଦେଂକି ଏନ୍ ମାନାୟତି ମୁକ୍ତେଟ୍ ହୁଡ଼ୟ୍ ମାତର୍ ହାଡ଼ପା ରଚେ ଇସ୍ୱର୍ତିଂ ହାଜି ହିକ୍ୟାହିନାୟ୍ । ମାଙ୍ଗେଇଁ ୱେଡ଼ଚା କାଇସର୍ ରାଜାଈ ସିସ୍ତୁ ହିନି ବିଦି କି ଆକାୟ୍ ?”

୧୫ ଆସ୍ତେଇଁ ହିନାସ୍ କି ଆକାୟ୍ ? “ମାତର୍ ହେୱାନ ହେୱାର୍ତି କୁର୍ ପୁଞ୍ଜି ହେୱାରିଂ ଇଚାନ, ଇନେକିଦେଂ ନାଙ୍ଗେଇଁ ପରିକ୍ୟା କିଦନାଦେରା ? ର ଟାକା ନା ଲାଗାୟ୍ ତାଡ଼ୁ, ଆନ୍ ହେଦାଂ ହୁଡ଼ନାଂ ।”

୧୬ ହେବେ ହେୱାର୍ ଅଦନି ତାହିୱାତାର୍ । ଜିସୁ ହେୱାରିଂ ୱେନଦାତାନ, “ଇ ପୁଡ଼ଡ଼ା ଆରି ତର୍ ଇନେର୍ତି ?” ହେୱାର୍ ହେୱାନିଂ ଇଚାର୍, “କାଇସର୍ତି ।”

୧୭ ହେବେ ଜିସୁ ହେୱାରିଂ ଇଚାନ, “କାଇସର୍ତି ଇନାକା, ହେଦାଂ ରମିୟ୍ ରାଜାଈ ହିୟାଟ୍ ଆରେ ଇସ୍ୱର୍ତିଂ ଇନାକା ହେଦାଂ ଇସ୍ୱର୍ତିଂ ହିୟାଟ୍ ।” ହେବେ ହେୱାର୍ ହେୱାନ କାତାତ କାବା ଆତାର୍ ।

ହାତିପାଚେ ନିଙ୍ଗନି ବିସ୍ତେ ପରସନ୍

(ମାତିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ଇଦାଂ ପାଚେ ଆରେ ନିଙ୍ଗନାକା ମୁନା କିତାର୍ ସାଦୁକିର୍ ହେୱାନ ଲାଗାଂ ୱାଜି ୱେନଦେଦେଂ ଲାଗାତାର୍, ୧୯ “ଏ ଗୁରୁ, ମସା ମାକାଜିଂ ଲେକିକିତାନ୍ନା ଜେ, ଜଦି ଇନେର୍ ଲକୁ ନି ଟଣ୍ଡେନ୍ ହାତିସ୍, ଆରି ତା ତକ୍ତୁହି ଜିବୁନ୍ତ ମାତିସ୍, ଆରେ ତାଦାଈ ଇନାକାପା ହିମ୍‌ଶାୱାକ୍ତା ହିଲ୍‌ୱିତିସ୍, ତା ଆତିସ୍ ତା ଟଣ୍ଡେନ୍ ତା ତକ୍ତୁହିଈ ଇଡ଼ଜି ତା ଟଣ୍ଡେନ୍ କାଜିଂ ହିମ୍‌ଶାୱାକ୍ତା ଉର୍‌ଜାଣ୍ କିନାନ୍ ।” ୨୦ ହୁଡ଼ାଟ୍, ସାଡ଼ ବାୟ୍ ଟଣ୍ଡାର୍ ମାଚାର୍; ଗାଜାକାନ୍ ର ତକ୍ତି ଇଟ୍‌ତାନ୍ ଆରି ହିମ୍‌ଶାୱାକ୍ତା ଆୱାଦାଂ ହାତାନ୍; ୨୧ ପାଚେ ଆରେ ରକାନ୍ ତାଙ୍ଗେଇଁ ଇଡ଼ଜିପା ହିମ୍‌ଶାୱାକ୍ତା ଆୱାଦାଂ ହାତାନ୍ । ଆରେ ରକାନ୍‌ପା ହେ ଲାକେନେ ଆଜି ହାତାନ୍, ୨୨ ଆରେ, ସାଡ଼ଜାଣ୍ ଜାକ ହିମ୍‌ଶାୱାକ୍ତା ଆୱାଦାଂ ହାତାର୍; ହାରିହାରା ହେ କଗଲେ ପା ହାତାଡ଼ । ୨୩ ହାଜି ଆରେ ନିଂନି ୱେଡ଼ାଲିଂ ଏଚେକାଡ଼୍‌ଦ ହେୱାର୍ ନିଙ୍ଗନାର୍, ହେ ଏଚେକାଡ଼୍‌ଦ ହେୱାର୍ ବିତ୍ତେ ହେଦେଲ୍ ଇନେର୍ ତକ୍ତି ଆନାଡ଼ ? ସାଡ଼ ଜାଣ୍ ଜାକ୍ ହେଦେଲିଂ ବିବା କିଜି ମାଚାର୍ ।

୨୪ ଜିସୁ ହେୱାରିଂ ଇଚାନ, “ଏପେଇଁ ଦରମ୍ ସାସ୍ୱର୍, ଆରେ ଇସ୍ୱର୍ ସାକ୍ତି ପୁନ୍‌ୱାଦାଂ କି ବାନ୍ୟା ହାଜିଦିଂ ହାନାଦେରା । ୨୫ ଜିସୁ ହାତାକାର୍ ବିତ୍ତେ ଆରେ ନିଙ୍ଗତି ପାଚେ ମାନାୟ୍ ବିବା କିଉର୍ କି ଇନେରିଂ ବିବାଆଦେଂ ହିଉର୍ । ମାତର୍ ସାଗେନି ଦୁଡ଼ ଲାକେ ମାନ୍‌ଗାନାର୍ । ୨୬ ମାତର୍ ହାତାକାର୍ ଜେ ନିଙ୍ଗନାର୍, ହେ ବିସ୍ତେ ଏପେଇଁ କି ମସାତି ସାସ୍ୱର୍ତ୍ତ ବୁଚାନି ବୁଜାଆନି କାତା ପଡ଼ି କିୱାତାଦେଣ୍ଡା ଜେ, ଇସ୍ୱର୍ ଇନେସ୍ ହେୱାନିଂ ଇଚାନ ଆପେଂ ଅଗ୍ରାହାମ୍‌ତି ଇସ୍ୱର୍, ଇସ୍‌ହାକ୍ତି ଇସ୍ୱର୍ ଆରି ଜାକୁବ୍‌ତି ଇସ୍ୱର୍ ? ୨୭ ହେୱାନ ହାତି ଲଗାର୍‌ତି ଇସ୍ୱର୍ ଆକାୟ୍ ମାତର୍, ଜିତାକାତ୍ । ଏପେଇଁ ବେସିବୁଜା ଆଉଦେରା !”

ମୁଡ଼୍ ବଲ୍

(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ହେ ଏଚେକାଡ଼ଦ ଦରମ୍ ଗୁରୁର ବିତ୍ରେ ରକାନ ଲାଗେ ଖାଜି ହେଖାର କାତାବାର୍ତା ଖେନଞ୍ଜି ଜିସୁ ଆରି ସାଦୁକିରି ହାଦ ଉତର ହିତାନା, ଇଦାଂ ପୁଞ୍ଜି ହେଖାନିଂ ଖେନବାତାନ, “ଓଁଜୁ ବଲ୍ ବିତ୍ରେ ଇନାବାନି ବଲ୍ ମୁଡ଼?”

୨୯ ଜିସୁ ଉତର ହିତାନ, ମୁଡ଼ବଲ୍ ଇଦାଂ, “ଏ ଇସ୍ରାଏଲ୍, ଖେନା, ମାପୁ ମାଜେଙ୍ଗ୍ ଇସ୍ବର ରକାନ ମାତର ଇସ୍ବର ଆନାନ; * ୩୦ ଆରେ, ଏପେଙ୍ଗ୍ ମି ଓଁଜୁ ଖାସ୍ମି, ଓଁଜୁ ପାରାଣ, ଓଁଜୁ ମାନ, ଆରି ମାନ ଓଁଜୁ ସାକ୍ତି ହିଜି ମାପୁ ଜାର ଇସ୍ବରତିଂ ଜିଉ ନଖାଟ୍ । ୩୧ ଆରେ ରଞ୍ଜାଙ୍ଗ୍ ଇଦାଂ, ଏନ୍ ନି ପାଡ଼ହା ଇଞ୍ଜି ଲଗାଂ ନି ଖାସ୍ମିଲାକେ ଜିଉ ନଖାଟ୍ । ଇ ବଲ୍ତିଂ ଆଦିକ୍ ଆରି ଇନାକାପା ସିଗ୍ ବଲ୍ ହିଲୁଡ଼ ।”

୩୨ ହେବେ ହେ ଦରମ୍ ଗୁରୁର ହେଖାନିଂ ଇଚାନ, “ଏ ଗୁରୁ, ହେଦାଂ ହାଡ଼ପା, ହେଖାନ ଜେ ରଞ୍ଜାଙ୍ଗ୍ ଆରି ହେଖାନ ଖାତିସ୍ ଆରି ଇନେର୍ ଆକାୟ୍, ଇଦାଂ ଏନ୍ ହାଡ଼ପା ରଚେ ଇଚାଇନା । ୩୩ ଆରେ, ଓଁଜୁ ଖାସ୍ମି, ଓଁଜୁ ବୁଦି ଆରି ଓଁଜୁ ସାକ୍ତି ହିଜି ହେଖାନିଂ ଜିଉ ନଖାଟ୍, ଆରି ପାଡ଼ହା ଇଞ୍ଜି ଲଗାଂ ଜାର ଜିବୁନ୍ ଲାକେ ଜିଉନନାକା ଓଁଜୁ ଗାରଣି ଆରି ପୁଜାତିଙ୍ଗ୍ ଗାଜାଟି ।”

୩୪ ହେଖାନ ବୁଦି ଲାହାଙ୍ଗ୍ ଉତର ହିଜି ମାନାକା ପୁଞ୍ଜି ଜିସୁ ହେଖାନିଂ ଇଚାନ, “ଇସ୍ବର ରାଜିତାଂ ଏନ୍ ଦେହା ଆକାୟ୍ । ଇଦାଂ ପାଚେ ଇନେନ୍ ହେଖାନିଂ ଆରେ ଇମ୍ଣି ପର୍ସନ୍ ଖେନବେଦେଂ ସାସ୍ କଖାତାର ।”

କ୍ରିସ୍ଟ ଦାଉଦତି ମାଜି
(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର ଜିସୁ ମନ୍ଦିରତ ହିକ୍ସା କିଜି ମାନି ସମୁତ ଖେନବାତାର, “କ୍ରିସ୍ଟ ଜେ, ଦାଉଦ ମାଜି, ଇଦାଂ ଦରମ୍ ଗୁରୁର ଇନେସ୍ ଇନାର୍ ? ୩୬ ନିଜେ ନେ ଦାଉଦ ପୁଇପୁୟା ଜିବୁନ୍ତାଂ ବାର୍ତି ଆଜି ଇଞ୍ଜି ମାଚାନ, ମାପୁ ନା ମାପୁତିଂ ଇଚାନ, ଆପେଂ ଜେ ନି ସାବୁରିଂ ନି ପାନା ତାରେନ୍ ଇଡ଼ଖାତାପ୍ନା, ହେ ପାଚେକ୍ ନା ବୁଜଣିପାଡ଼କା କୁଚ୍ଚି ମାନାର୍ ।”

୩୭ ନିଜେନେ ଦାଉଦ କ୍ରିସ୍ଟଙ୍ଗ୍ ମାପୁ ଇଞ୍ଜି ଇନାନ; “ଲାଗିଂ ଇସ୍ବର ବାଚିକିତି ରକ୍ୟାକାରିୟା କ୍ରିସ୍ଟ ଇନେସ୍ ବାର୍ତି ମାଜି ଆନାନ ?”

ଦର୍ମ ଗୁରୁର ବିସ୍ତେ ଜିସୁତି ଖେଚ୍ଚନାକା
(ମାତିଉ ୨୩:୧-୩୬; ଲୁକ ୨୦:୪୫-୪୬)

୩୮ ଓଁଜାକାର ମାନାୟାର୍ ଖାରିତାଂ ହେଖାନ ବେରଣ୍ ଖେନଞ୍ଜି ମାଚାର୍ । ଆରେ, ହେଖାନ ଜାର୍ତି ହିକ୍ୟା ବିତ୍ରେ ଇଚାନ, “ଦରମ୍ ସାସ୍ବରତାଂ ଜାଗ୍ରତ୍ !” ହେଖାର ତେଙ୍ଗା ଆଙ୍ଗି ଆପର୍ସ୍ ବୁଲା ଆନି କାଜିଂ, ଆରେ ଆଟ୍ ବାଜାର୍ତ, ଜଖାର ପାୟା ଆଦେଂ । ୩୯ “କୁଚ୍ଚୁମ୍ ଇଞ୍ଜି ଗାଜା ବାହା ଆରି ବଜିତ ଗାଜା ବାହା ପାୟା ଆଦେଂ ଖାରୟା ଆନାର୍; ୪୦ ହେଖାର ରାଣ୍ଡିକାଂ ଇଲ୍ ଓଁଜେ ନସ୍ କିତାର୍ ଆରି ଟକାୟ୍ କିଜି ଲାମା ପାର୍ତାନା କିନାର୍; ହେଖାର ଡାଣ୍ଡ ପାୟା ଆନାର୍ !”

ର ରାଣ୍ଡି ଆୟାତି ଦାନ
(ଲୁକ ୨୧:୧-୪)

୪୧ ପାଚେ ହେ ଗାଦ୍ୟା ଇଲ୍ ମୁମ୍ଦ କୁଚ୍ଚି ଲକାର୍ ଇନେସ୍ ଟାକାଂ ରୁଣ୍ଡାକକିତାର୍, ହେଦାଂ ହୁଡ଼ଜି ମାଚାନ । ଏଚେକାଡ଼ଦ ହେନି ମାନାୟାର୍ ମାଜାନିଂ ହେବେ ବେସି ଇଡ଼ତାର୍; ୪୨ ଆରି, ରଞ୍ଜେଲ୍ ଅକ୍ ଡ଼ ରାଣ୍ଡି ରି ଟାକା ଡାବୁଙ୍ଗ୍ ହେବେ ରାଡ଼ତାଡ଼ ।

* ୧୨:୨୯ ୧୨:୨୯ ମା ମାପୁ ଇସ୍ବର କେବଲ୍ ମାପୁ ଆନାନ; ନଲେ ମାପୁ ମା ଇସ୍ବର, ମାପୁ କେବଲ୍ ।

୪୩ ହେବେଣ୍ଡାଂ ଜିସୁ ନିଜତି ଚେଲାରିଂ ଲାଗେ କୁକଟି ଇଚାନ, “ଆନ୍ ମିଙ୍ଗେଙ୍ଗ୍ ହାଡ଼ପା
 ଇଞ୍ଜନାଙ୍ଗା, ଟାକାଂ ପେଡ଼ି ଇଡ଼ଜିମାନି ଝିଜାକାର୍ ତାକେଣ୍ଡାଂ, ଇ ଅକ୍ ଡ଼ ରାଣ୍ଡି ବେସି
 ଇଡ଼ିତାଡ଼ ନା । ୪୪ ଇନାକିଦେଂକି ଝିଜାକାର୍ ନିଜେ ନିଜେଡ଼ି ବେସି ଦାନଡ଼ ଅଲପ
 ଅଲପ ଦାନ ଇଡ଼ିତାର୍, ମାତର୍ ଇଦେଲ୍ ନିଜେଡ଼ି ଇନାକା ହିଲ୍‌ଝାଦାଂ ନିଜେଡ଼ି ଜିବୁନ୍
 ବାଚାୟ୍ କିଦେଙ୍ଗ୍ ହେଦେଲ୍‌ଡ଼ି ଇନାକା ମାଚାଡ଼, ହେ ଝିଜେ ରାଡ଼ତାଡ଼ ।”

୧୩

ମନ୍ଦିର୍ ବାଡ଼ହାଆନି ବିସ୍ତେ
 (ମାଡ଼ିଉ ୨୪:୧-୨; ଲୁକ ୨୧:୫-୬)

୧ ଜିସୁ ମନ୍ଦିର୍ ତାଙ୍ଗ୍ ହସି ହାନି ଝେଡ଼ାଲିଂ ତା ଚେଲାର୍ ତାଙ୍ଗେଙ୍ଗ୍ ରକାନ୍ ହେଝାନିଂ
 ଇଚାନ, “ଏ ଗୁରୁ, ହୁଡ଼ା; ଇନେସ୍ ଗାଜା ଗାଜା କାଲ୍‌କୁ ଆରି ଏଚେକ୍ ହଲ୍‌ନି ଇଲ୍ !”

୨ ହେବେ ଜିସୁ ହେଝାନିଂ ଇଚାନ, “ଏନ୍ ଇନାକା ଇ ଝିଜୁ ଇଲ୍ ହୁଡ଼ନାୟା ? ର କାଲ୍
 ଦିନ୍ କାଲ୍ ଜପି ମାନୁଡ଼, ଝିଜୁ ଦୁଡ଼ି ମାସନାଡ଼ ।”

ଜିସୁ ଜୁଗ୍‌ସେସ୍ ବିସ୍ତେ ଝେଡ଼ଚାନ
 (ମାଡ଼ିଉ ୨୪:୩-୧୪; ଲୁକ ୨୧:୭-୧୯)

୩ ପାଚେ ଜିସୁ ଜିଡ଼ମାଡ଼ି ଜପି ମନ୍ଦିର୍ ହାଣ୍ଡକୁ କୁଟ୍‌ରିଲେ ପିତର୍, ଜାକୁଦ୍, ଜହନ୍
 ଆରି ଆନ୍ଦ୍ରିୟ ହେଝାନିଂ କାଲେତାଂ ଝେନ୍‌ବେଦେଂ ଲାଗାତାର୍, ଇ ସବୁ ଇନାଝାଡ଼ାଂ
 ଗିଟା ଆନାଡ଼, ୪ “ଇମଣି ସମୁଦ ଇ ସବୁ ଗିଟା ଆନାଡ଼, ହେ ସମୁନି ଦିନ୍ ଚିନ୍ ଇନାକା,
 ହେଦାଂ ମାଙ୍ଗେଙ୍ଗ୍ ଝେଡ଼ଚା ।”

୫ ହେବେତାଂ ଜିସୁ ହେଝାରିଂ ଝେଡ଼ଚେଙ୍ଗ୍ ଲାଗାତାନ, “ଜାଗ୍ରଡ଼, ଇନେସ୍ ଇନେର୍
 ମିଙ୍ଗେଙ୍ଗ୍ ବାମ୍‌ଣ୍ଡାୟ୍ କିଦ୍‌ମେର୍ ।” ୬ ଆଦିକ୍ ମାନାୟାର୍ ନା ତର୍‌ଦ ଝାଜି, “ଆନ୍ କ୍ରିସ୍ଟୁ
 ! ଇଞ୍ଜି ହେଝାନ୍ ଇଞ୍ଜି ଚାକ୍ରାୟ୍ କିଦ୍‌ନାର୍ । ୭ ଲାଗାୟ୍ ଜୁଜିନି ସବ୍‌ଦ୍ କି ଦେହାନି
 ଜୁଜିନି କାରୁର୍ ଝେନ୍‌ଞ୍ଜି ଏପେଙ୍ଗ୍ ପାଣ୍ଡାଆମାଟ୍ । ଏଲେଙ୍ଗ୍ କେତେକ୍ ଗଟ୍‌ଣା ହାଡ଼ପା
 ଗିଟାନାଡ଼ । ମାତର୍ ଇଦାଂନି ଅରଡ଼ ଆକାୟ୍ ଜେ ଝିଜିନି ଦିନ୍ ଇକାଝାତାଡ଼ । ୮ ମାତର୍
 ଜାତି ବିରୁଡ଼ତ ଜାତି ଆରି ରାଜି ବିରୁଡ଼ତ ରାଜି ନିଙ୍ଗ୍‌ନାଡ଼, ଆରେ ବାହା ବାହାତ
 ମେଦ୍‌ନି ଦାଲ୍‌କା ଆନାଡ଼ ଆରି କାତାର୍ ଆର୍ନାଡ଼, ଇ ସବୁ ଆରମିନି ମୁଡ଼ଦାକା ।”

୯ ମାତର୍ “ଏପେଙ୍ଗ୍ ଜାର୍ ଜାର୍ ବିସ୍ତେ ଜାଗ୍ରଡ଼ ଆଜି ମାନାଟ୍, ମାନାୟାର୍ ମିଙ୍ଗେଙ୍ଗ୍
 ବିଚାଣ୍ଡା ବାହାତ ହେଲ୍‌ୟାୟ୍ କିଦ୍‌ନାର୍, ଆରି ଏପେଙ୍ଗ୍ କୁଟ୍‌ମ୍ ଇଞ୍ଜି ଟ୍ରାକ୍‌ୟା ଆନାଦେର୍,
 ଆରି ନା କାଜିଂ ରାଜି ଚାଲ୍‌ୟାୟ୍ କିନାକାନ୍ ଆରି ରାଜାର୍ ଲାଗେ ହେଝାର୍ କାଜିଂ
 ସାକି ହିଦେଂ କାଜିଂ ନିଲି କିଦ୍‌ନାର୍ । ୧୦ ଆରେ, ପର୍ତ୍ତୁମ୍ ସବୁ ଜାତି ତାକେ ଇସ୍‌ବର୍‌ଡ଼ି
 ନେକ୍‌କାରୁର୍ ସୁଣାୟ୍ କିୟା ଆନାଡ଼ । ୧୧ ଇଦାଂ କାଜିଂ ଏଚେକାଡ଼୍‌ଦ ମିଙ୍ଗେଙ୍ଗ୍ ଲକୁ
 ଆସ୍ତି ହେଲ୍‌ୟାୟ୍ କିଦ୍‌ନାର୍, ହେ କାଡ଼୍‌ଦ ଏପେଙ୍ଗ୍ ଇନାକା ଇନାଦେର୍, ହେ ବିସ୍ତେ
 ଆଗେନେ ଚିଞ୍ଚାକିମାଟ୍, ମାତର୍ ହେ ଝେଡ଼ାଲିଂ ମିଙ୍ଗେଙ୍ଗ୍ ଇନାକା ହିଦ୍ୟାଆନାଡ଼
 ହେଦାଂ ଇନାଟ୍, ଇନାକିଦେଂକି ଏପେଙ୍ଗ୍ ଇନାକାଦେର୍ ଆକାୟ୍ ମାତର୍ ପୁଇପୁୟା
 ଜିବୁନ୍ ଇନାକାନ୍ ମାନାନ୍ । ୧୨ ଟଣ୍ଡେନ୍ ଟଣ୍ଡେନ୍‌କ୍ ଆରି ଆବା ମାଜି ହାକି ବାହାତ
 ହେଲ୍‌ୟାୟ୍ କିତାର୍ ଆରେ ହିମଣାଙ୍ଗ୍ ଆବା ଆୟାକାଂ ବିରୁଡ଼ତ ନିଙ୍ଗ୍‌ଜି ଅହ୍‌ନାର୍
 । ୧୩ ଆରେ, ଏପେଙ୍ଗ୍ ନା ପାଚେଝାତି କାଜିଂ ଏପେଙ୍ଗ୍ ଝିଜାକାର୍‌ତାଂ ଗିଣ୍‌କିୟା
 ଆନାଦେର୍, ମତର୍ ଇନେର୍ ହାରିହାରା ପାଚେକ୍ ସାସ୍ ଆଜି ମାନାନ୍ ହେଝାନ୍ ସାଗେ
 ମୁକ୍ତି ପାୟା ଆନାନ୍ ।”

✧ ୧୩:୯ ୧୩:୯ ମାଡ଼ିଉ ୧୦:୧୭-୨୦; ଲୁକ ୧୨:୧୧,୧୨. ✧ ୧୩:୧୩ ୧୩:୧୩ ମାଡ଼ିଉ ୧୦:୨୨.

ଜିସୁ ନାସକିନି ବାନ୍ୟା ଗାତ୍ରା ବିସ୍ତେ ଇଚାନ
(ମାତିଉ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର୍ “ଏପେଙ୍ଗ ହେ ନାସକିନି ଗିଣ୍ ଜିନିସ୍ତିଠି, ଇମେ ତାକେ ମାନୁଞ୍ଜି କାତା ଲଡ଼ା,” ହେବେ ମାନାକା ହୁଡ଼ନାଦେର୍ ପଡ଼ିକିନାକାର ବୁଜାଆଏର୍, ଏଚେକାଡ଼ଦ ଇମଣାକାର ଜିହୁଦା ରାଜିତ ମାନାର, ହେଝାର ମାଡ଼ିତ ହନଟି ହାଲେର୍; ୧୫ *ଇନେର୍ ଜେଗନ୍ ଜପି ମାଟିସ୍, ତାରେନ୍ ଝାମେନ୍ ଆରି ଇଲ୍ ବିତ୍ରେ ଇନାକାପା ତାକେଦେଠ ହାଲ୍ଲମେନ୍; ୧୬ ଆରେ ଇନେର୍ କାମାୟ୍ ବାହାତ ମାଟିସ୍, ହେଝାନ୍ ତା ହେନ୍ଦ୍ରା ଅଦେଠ ଉଲ୍ଲଟି ଝାମେନ୍ । ୧୭ ହେଝାଡ଼ାଠ ଇନେର୍ ଏସ୍ ପିସ୍ତାକା ଆରି ମାୟ୍ ଉଚ୍ଚିନି ଆୟା, ଅୟ୍ ହେଝେକ୍ କସ୍ତୁନିକିକ୍ ! ୧୮ ମାତର୍ ଇଦାଠ ଇନେସ୍ ପିନି ମାସ୍ତ ଆମେଡ଼, ହେଦାଠ କାଜିଠ ଇସ୍ପରତାକେ ପାର୍ତାନା କିୟାଟ୍ । ୧୯ *ଇନାକିଦେଠକି ହେଝାଡ଼ାଠ ଇ ଲାକେ କସ୍ତୁଗିଟା ଆଦନାଡ଼ ଜେ, ମାପୁ କିତି ଉବ୍ଜାଣ୍ ଆରାମ୍ ତାଙ୍ଗ୍ ନେଜେଙ୍ଗ୍ ପାତେକ୍ ହେ ଲାକେ ଗିଟା ଆଝାତାଡ଼ନା, ଆରି ଇନାଝାଡ଼ାଠପା ଗିଟାଆଦୁଡ଼ । ୨୦ ଆରେ, ମାପୁ ହେ ସମୁଦିଙ୍ଗ୍ ଉଣା କିଝାଦାଠ ମାଟିସ୍, ତେବେ ଇମଣି ପୁତର୍ ପା ମୁକ୍ତି ପାୟା ଆଝାତାମା; ମାତର୍ ହେଝାନ୍ ଇନେରିଠ ବାଟି କିନାନା, ହେ ବାଟିକିତି ଲଗାଠ ସମୁଉଣା କିତାନ୍ନା ।

୨୧ ହେ ଏଚେକାଡ଼ଦ ହୁଡ଼ାଟ୍, କ୍ରିସ୍ଟ ଇବେ ! ଆଞ୍ଜିତିସ୍ “ହୁଡ଼ାଟ୍, ହେବେ ! ଇନେର୍ ଜଦି ମିଙ୍ଗେଙ୍ଗ୍ ଏଲେଙ୍ଗ୍ ଇନଟିସ୍ ତେବେ ହେଦାଠ ପାତର୍ କିମାଟ୍ । ୨୨ ଚାକ୍ରାୟ୍ କ୍ରିସ୍ଟୁର୍ ଆରି ଚାକ୍ରାୟ୍ ବେଶବାକ୍ଷାୟ୍ କିନାକାର ଏଲେଙ୍ଗ୍ ଚିନ୍ ଆରି କାବାନି କାମାୟ୍ ଚଚ୍ଚାନାର୍, ଇନେର୍ ଜଦି ଆଡିସ୍, ଲାଗିଠ ବାଟିକିତି ଲଗାଠ ବାମ୍ପଣ୍ଟାୟ୍ କିତାର୍ । ୨୩ ମାତର୍ ଏପେଙ୍ଗ୍ ଜାଲ୍ଲଦି ଆଜି ମାନାଟ୍; ଆନ୍ ପୁର୍ବେତାଠ ଇ ବିସ୍ତେ ମିଙ୍ଗେଙ୍ଗ୍ ଝେଡ଼ଚାତାଠ ।”

ମାନାୟ୍ ମାଜି ଆରେ ରଗ ଝାନାକା
(ମାତିଉ ୨୪:୨୯-୩୧; ଲୁକ ୨୧:୧୫-୨୮)

୨୪ * “ମାତର୍ ହେଝାଡ଼ାଠ ହେ ଦୁକ୍ ପାଚେ

ଝେଡ଼ା ମାଜଗା ଆନାଡ଼ ଆରି
ଲେଞ୍ଜ୍ ଅଜଡ଼୍ ହିଉଡ଼୍ ।

୨୫ * ପାଚେ ହୁକାଙ୍ଗ୍ ବାଦାଡ଼ତାଠ ଆର୍ଦେଠ ଲାଗିନିକ୍ ଆରି ବାଦାଡ଼ନି ସାକ୍ତି ଝିଜୁ ତ୍ରିଗଜି ହାନିକ୍ । ୨୬ * ହେଝାଡ଼ାଠ ମାନାୟ୍ ମାଜି ବାଦାଡ଼ତ ଜବର୍ ସାକ୍ତି ଆରି ପାଣ୍ଟୁକେ ବାଦାଡ଼ତ ଝାନାକା ହୁଡ଼ନାର୍ । ୨୭ ତା ବାଟିକିତି ମାନାୟାରିଠ ପୁତର୍ ନି ର ହାନ୍ଦିତାଠ ବିନ୍ ହାନ୍ଦି ପାତେକ୍ ଦାସ୍ପି ରୁଣ୍ଟାୟ୍ କିନି କାଜିଠ ହେଝାନ୍ ତା ସାଗେନି ଦୁଡ଼କୁକାଠ ଚାରବେଶତାଠ ପକ୍ତାନ୍ ।”

ତଗାମାର୍ଦିନି ହିକ୍ୟା
(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାର୍ଦିଠ ଉତର୍ମୁଡ଼୍ ହିକ୍ୟା କିୟାଟ୍, ଏଚେକାଡ଼ଦ ହେ କେଦାଠ ଆକିଠ ଗିଲ୍ଲନିଠ, ହେ ଏଚେକାଡ଼ଦ ଜେଟ୍ କାଡ଼ ଲାଗାଠ ଏକା ଝାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍; ୨୯ ହେ ଲାକେ ଏପେଙ୍ଗ୍ପା ଇ ସବୁ ଗଟ୍ଟା ହୁଡ଼ତିସ୍ ହେଝାନ୍ ଦୁଝେଡ଼ ଲାଗେ ଆତାତେ ଇଞ୍ଜି ପୁନାଟ୍ । * ୩୦ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜ୍ନାଙ୍ଗା, ଇ ସବୁ ଗିଟାଞ୍ଜି ପାତେକ୍ ନେଞ୍ଜେଞ୍ଜିଗାନି ନାର ଇନେସ୍ କିତିସ୍ ପା ବୁଡା ଆଉର୍ । ୩୧ ଆକାସ୍ ଆରି ପୁତର୍ ବୁଡା ଆନାଡ଼, ମାତର୍ ନା ବଚନ୍ ଝିଜେ ରୁଡା ଆଉଡ଼ ।

* ୧୩:୧୫ ୧୩:୧୫ ଲୁକ ୧୭:୩୧. * ୧୩:୧୯ ୧୩:୧୯ ହଡ଼ତି ୭:୧୪. * ୧୩:୨୪ ୧୩:୨୪ ହଡ଼ତି ୭:୧୨.
* ୧୩:୨୫ ୧୩:୨୫ ହଡ଼ତି ୭:୧୩. * ୧୩:୨୬ ୧୩:୨୬ ହଡ଼ତି ୧:୭. * ୧୩:୨୯ ୧୩:୨୯ ସମୁ ଲାଗାଠ,
ଆରମ୍ ଆଦେଠ ହାନାତା; ନଲେ ହେଝାନ୍ ଲାଗାଠ, ଝାଦେଠ ଜାଗ୍ରତ୍ ଆତାନ୍ନା ।

ଜିସୁତି ଖାନିଦିନ୍ ଇନେର୍ ପୁନୁର୍
(ମାତିଉ ୨୪:୩୬-୪୪)

୩୨ *ମାତର୍ ହେ ଦିନ୍ କି ସମୁ ବିସ୍ତେ ଇନେର୍ ପୁନୁର୍,” ସାଗେପୁରୁନି ଦୁଡ୍‌ର କି ମାଜିପା ପୁନୁନ୍; ମାତର୍ ନା ସାଗେନି ଆବା ପୁନାନ୍ । ୩୩ ଏପେଙ୍ଗ ଜାଲ୍‌ଦି ଆଜି ମାନାଟ୍, କାସି ମାନାଟ୍, ମାତର୍ ହେ ସମୁ ଇନାଖାଡ଼ା° ଆନାଟ୍ ହେଦା° ଏପେଙ୍ଗ ପୁନୁଦେର୍ । ୩୪ *ହେଦା° ଏଲେଙ୍ଗ ଇନେସ୍ ରକାନ୍ ମାନାୟ୍ ଇଲ୍ ପିସ୍ତ୍ର ବିଦେସ୍‌ତ ହାଲ୍‌ଜି ବାହା କିନାକାନ୍, ଆରି ହେ ଆଡ଼ିୟାରି° ଆଦିକାର୍ ହିଜି ଖିଜୁ କାମାୟ୍ ରଡ଼ିପା ଦୁଖେରତ ଜାଗ୍‌ଖାଡ଼ାରି° କାତେଙ୍ଗ ବଲ୍ ହିତାନ୍ । ୩୫ ଇତିସ୍ ଏଚେକାଡ଼ଦ ଇଲ୍ ହାଉକାର୍ ମିଙ୍ଗେଙ୍ଗ ଜାଗ୍ରତ ମାଖେଙ୍ଗ ଇଞ୍ଜନାନ୍, ମାତର୍ ହେଖାନ୍ ମିକା ହାରେସ୍ କୁଜୁ କ୍ଳେନି ସମୁଦ କି ନାଣାଙ୍ଗେ ହେ ପାଦନା ହେଖାନ୍ ଖାନାନ୍ ହେଦା° ଏପେଙ୍ଗ ପୁନୁଦେର୍ । ୩୬ ହେଖାନ୍ ବେଗି ଖାଜିପା ହାଖେଙ୍ଗ ଆଡ଼ନାନ୍ ଏପେଙ୍ଗ ଜଦି ସବୁଖେଡ଼ାଙ୍ଗ ଜାଗ୍ରତ ଆଜି ମାନାଦେର୍ ଲାଗି° ହେଖାନ୍ ମିଙ୍ଗେଙ୍ଗ ହୁଞ୍ଜନାକା ହୁଡ଼ଦେ° ଆଡ଼ଦୁନ୍ । ୩୭ ଆନ୍ ମିଙ୍ଗେଙ୍ଗ ଇନାକା ଇଞ୍ଜନାଙ୍ଗା, ହେଦା° ଖିଜାକାରି° ଇଞ୍ଜନାଙ୍ଗା, ଜାଗ୍ରତ ମାନାଟ୍ ।

୧୪

ଜିସୁଙ୍ଗ ଅସ୍ତେଙ୍ଗ ଇଞ୍ଜି ଜିହୁଦିର୍‌ତି ଉପାୟ୍
(ମାତିଉ ୨୬:୧-୫; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ହେ ନିସ୍ତାର୍ ପାର୍ସୁ ଆରି ହଇଖି ରୁଟି ପାର୍ସୁ ଆଦେ° ରି ଦିନ୍ ମାତାଡ଼ । ହେ ଖେଡ଼ାଲି° ମୁଡ଼ ମାପୁ ହେବା କିନାକାର୍ ଆରି ସାସ୍ତ୍ରିର ଇନେସ୍ ଜିସୁଙ୍ଗ ଚାଲାକି କିଜି ଆସ୍ତେଙ୍ଗ ଆଡ଼ନାଟ୍, ହେବେ ନି ଉପାୟ୍ ତେକ୍‌ତି ମାତାଟ୍ । ୨ “ଇନେକିଦେ°କି ହେଖାଟ୍ ଇଚାର୍,” ପାର୍ସୁ ଖେଡ଼ାଲି° ଆକାୟ୍, “ଏଚେକାଡ଼ଦ ମାନାୟ୍ ବିତ୍ତେ ଗଣ୍‌ଗଲ୍ ଆନାଟ୍ ।”

ଜିସୁ ବେଡ଼ନିଆତ ଚିକାଣ୍ କାସ୍‌ନାଟ୍
(ମାତିଉ ୨୬:୬-୧୩; ଜହନ୍ ୧୨:୧-୮)

୩ ଜିସୁ ବେଡ଼ନିୟାତ ଗାଜାରଗ୍‌ନି ସିମନ୍ ଇଞ୍ଜି ତିଖେଙ୍ଗ କୁଚ୍‌ତି ଖେଡ଼ାଲି° ର କଗଲେ ର କଣ୍ଡିତ ବେସି ହାଦାକା ଜଟାମା°ସି ବାସ୍‌ନା ଚିକାଣ୍ ତାସି ଜିସୁ କାପ୍‌ଡ଼ାତ ଚିକାଣ୍ କଣ୍ଡି ତ୍ରିକ୍‌ତି ଖାକ୍‌ତେଙ୍ଗ ଲାଗାତାଡ଼ ।

୪ ଆରେ କେତେକ୍ ହେବେ ମାତି ମାନାୟ୍ ରିସା ଆଜି ହେଖାଟ୍ ଖେଟ୍‌ପା ଆତାଟ୍, “ବାସ୍‌ନା ଚିକାଣ୍ ଇଦେଲ୍ ଇନେକିଦେ° ଆଲ୍‌ କିନାତା ? ୫ ଇ ବାସ୍‌ନା ଚିକାଣ୍‌ତ ତିନ୍‌ସ ଦିନ୍‌ତି ଚାକା* ଆଦିକ୍ ମଲ୍‌ତ ପ୍ରସି ହିଲ୍‌ଖାକାରି° ହିୟାତାଡ଼ମା । ଲାଗି° ହେଖାଟ୍ ହେ କଗଲେ ହିମାଣାତି କେଡ଼ତେଙ୍ଗ ଲାଗାତାଟ୍ ।”

୬ ମାତର୍ ଜିସୁ ଇଚାନ୍, “ଆଦେ°ଲି° ପିହାଟ୍, ଇନେକିଦେ° ତାଙ୍ଗେଙ୍ଗ କସ୍ ହିନାଦେରା ? ହେଦେଲ୍‌ତ ନା କାଜି° ହାଦା କାମାୟ୍ କିନାତା ।” ୭ ଇନେକିଦେ°କି ଅକ୍‌ତ୍ ଲଗୁ ସବୁଖେଡ଼ାଙ୍ଗ ମି “ଲାଗା° ମାନାଟ୍, ଆରି ମିଦାଙ୍ଗ ଏଚେକାଡ଼ଦ ଇଚା ହେ ଏଚେକାଡ଼ଦ ପା ହେଖାରି° ଉପକାର୍ କିଦେଙ୍ଗ ଆଡ଼ନାଦେର୍, ମତର୍ ଆନ୍ ସବୁଖେଡ଼ାଙ୍ଗ ମି ତାକେ ମାନୁଙ୍ଗ । ୮ ହେଦେଲ୍ ଏଚେକ୍ ଆଡ଼ଦାତାଡ଼, ହେଦା° ହେଦେଲ୍ କିତାଡ଼ନା; ହେଦେଲ୍ ଦୁଗେର୍ କାଜି° ନା ଗାଗାଡ଼ତି° ଆଗେନେ ଚିକାଣ୍ କାସ୍‌ଦାତାଡ଼ । ୯ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ଖିଜେ ପୁଟ୍ ତାକେ ଇମ୍‌ଣି

* ୧୩:୩୨ ୧୩:୩୨ ମାତିଉ ୨୪:୩୬. * ୧୩:୩୪ ୧୩:୩୪ ଲୁକ ୧୨:୩୬-୩୮. * ୧୪:୫ ୧୪:୫ ରୁପା ଚାକା° ୬:୩୭ ହୁଡ଼ାଟ୍ ।

ବାହାତ ପା ନେକ୍ରିକାବୁର ଖେଚ୍ଚିୟା ଆନାଡ଼, ହେ ବାହାତ ଇ କଗ୍ଲେ° ଏତୁ କିଦେଙ୍ଗ ତାଦେଲ୍ଲତି ଇ କାମାୟ୍ନି କାତା ପା ଇନିୟା ଆନାଡ଼ ।”

ଜିହୁଦା ଜିସୁଙ୍ଗ ସତୁ କେଇଦ ଆହିକିନାନ୍
(ମାତିଉ ୨୭:୧୪-୧୬; ଲୁକ ୨୨:୩-୬)

୧୦ ହେବେ ବାର ଚେଲାର୍ ବିତ୍ତେ ଇସ୍ପାରିୟ୍ତିୟ୍ ଜିହୁଦା ଇଞ୍ଜି ରକାନ୍ ହେଝାନ୍ ମୁଡ଼, ମାପୁହେବାକିନାକାର କେଇଦ ହେଲାୟ୍ କିଦେଙ୍ଗ କାଜି° ହେଝାର୍ ତାକେ ହାତାନ୍ । ୧୧ ହେଦା° ଖେନ୍ଞି ଖାରିୟା ଆତାର୍ ଆରି ହେଝାନି° ଟାକା° ହିଦେ° ଇଞ୍ଜି ପାର୍ମାଣ୍ କିତାର୍ । ହେବେତା° ହେଝାନ୍ ଜିସୁଙ୍ଗ ସୁବିଦା ହୁଡ଼୍ଲି ଇନେସ୍ ଆହିକିଦେ° ଆଡ଼ନାନ୍, ଇଦା° ଉପାୟ୍ ତେକ୍ତେ° ଲଗାତାନ୍ ।

ନିସ୍ପାର୍ ପାର୍ବୁନି ବଜି
(ମାତିଉ ୨୭:୧୭-୨୫; ଲୁକ ୨୨:୭-୧୪; ୨୧:୩; ଜହନ୍ ୧୩:୨୧-୩୦)

୧୨ ପାଚେ ହେ ହଇଞ୍ଜି ରୁଟି ପାର୍ବୁନି ପର୍ତ୍ତୁମ୍ ଦିନ୍ତ, ଇମ୍ଫଣି ଦିନ୍ ନିସ୍ପାର୍ ପାର୍ବୁନି ମେଣ୍ଡାହିମ୍ଫଣା ପୁଜାକିନାର୍, ହେ ଦିନ୍ ଜିସୁତି ଚେଲାର୍ ହେଝାନି° ଖେନ୍ବାତାର୍, “ଆସେଙ୍ଗ ହାଲ୍ଲଜି ନି କାଜି° ନିସ୍ପାର୍ ପାର୍ବୁ ତିଞ୍ଜେଙ୍ଗ ଜାଡ଼ନାୟ୍ କିନାପ୍ ଇଞ୍ଜି ନି ଇଚା କିନାୟା ?”

୧୩ ହେବେତା° ହେ ଚେଲାର୍ ବିତ୍ତେ ରିୟାରି° ଏଲେଙ୍ଗ ଖେଚ୍ଚି ପକ୍ତାନ୍ । “ଏପେଙ୍ଗ ଗାଡ଼ଦ ହାଲାର୍, ଆରି ରକାନ୍ ଗାଗ୍ରି ଆସ୍ତି ହାନି ମାନାୟ୍ ମିଙ୍ଗେଙ୍ଗ ବେଟା ଆଦନାନ୍, ତା ପାଚେ ପାଚେ ହାଲାର୍; ୧୪ ଇମ୍ଫଣି ଇଞ୍ଜି ହେଝାନ୍ ହଣାନ୍ । ହେ ଇଞ୍ଜି ନି ମୁଣିକାଙ୍ଗ ଇନାର୍, ଗୁରୁ ଖେନ୍ଦା ଆଦନାନା, ଆନ୍ ନା ଚେଲାର୍ ହୁକେ ଇମେତାକେ ନିସ୍ପାର୍ ପାର୍ବୁ ବଜି କିନାଙ୍ଗ, ଇମେଡ଼ ନା ହେ ଗତାଙ୍ଗବାହା ।” ୧୫ ହେଝାନ୍ ମିଙ୍ଗେଙ୍ଗ ହେବେ ଜାଡ଼ନାୟ୍ ଆରି ଜାଲ୍ଲଦି କିତି ଜପ୍ଫଣି ଗାଜା ବାକ୍ରା ଚଚାନାନ୍, ହେ ବାହାତ ମାକାଜି° ଜାଲ୍ଲଦି କିୟାର୍ ।

୧୬ ହେବେତା° ଚେଲାର୍ ହସି ଗାଡ଼ ବିତ୍ତେ ହଟାର୍, ଆରେ ଜିସୁ ହେଝାରି° ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ଼୍ଲି ନିସ୍ପାର୍ ପାର୍ବୁ ଦିନ୍ତ ବଜି ଜାଲ୍ଲଦି କିତାର୍ ।

୧୭ ମୁଡ଼ିଲେ ହେଝାନ୍ ବାରଜାଣ୍ ଚେଲାର୍ ହୁକେ ଖାତାନ୍ । ୧୮ ହେଝାର୍ କୁଚ୍ଚି ତିନି ସମ୍ପଦ ଜିସୁ ଇଚାନ୍, “ଆନ୍ ହାଡ଼ପା ଇଞ୍ଜିନାଙ୍ଗା, ମି ବିତ୍ତେ ରକାନ୍, ଇନେର୍କି ନା ହୁକେ ତିନାନା, ହେଝାନ୍ ନାଙ୍ଗେଙ୍ଗ ସାତୁ କେଇଦ ହେଲାୟ୍ କିଦନାନ୍ ।”

୧୯ ହେବେ ହେଝାର୍ ଦୁକ୍ ଆଜି ରକାର୍ ରକାର୍ କିଜି ହେଝାନି° ଖେନ୍ବାତାର୍, “ହେଝାନ୍ ଇନାକା ଆନ୍ ?”

୨୦ ଜିସୁ ହେଝାରି° ଇଚାନ୍, “ବାରଜାଣ୍ ବିତ୍ତେ ରକାନ୍, ଇନେର୍କି ନା ହୁକେ ତାଡ଼ିୟାତ ରୁଟି ଛୁକନାନ୍ ହେଝାନ୍ ।

୨୧ ମାନାୟ୍ ମାଜି ବିସ୍ତେ ସାସ୍ପୁର୍ ତାକେ ଇନେସ୍ ଲେକା ଆତାଡ଼ନ୍ନା, ହେ ଲାକେ ହାକି ତାଣ୍ ପାୟାଦେ° ହାନାନା, ମାତର୍ ମାନାୟ୍ ମାଜି ସତୁ କେଇଦ ହେଲାୟ୍ କିୟା ଆନାନ୍, ଆ ହେଝାନ୍ ଦାଣ୍ ପାୟା ଆନାନ୍ ! ହେଝାନ୍ ମାନାୟ୍ ଜଲମ୍ ଆଝାଦା° ମାତିସ୍ ହେଝାନ୍ ତା ପାକ୍ୟାତ ହାର୍ ଆତାମ୍ ।”

ଇସ୍ପୁର୍ତି ବଜି
(ମାତିଉ ୨୭:୨୬-୩୦; ଲୁକ ୨୨:୧୪-୨୦; ୧ କରନ୍ତ୍ରିୟ୍ ୧୧:୨୩-୨୫)

୨୨ ହେଝାର୍ ତିନି ଖେଡ଼ାଲି° ହେ ରୁଟି ଅସି ଆସିର୍ବାଦ୍ କିଜି ହେଝାରି° ହିତାନ୍ ଆରି ହେଦା° ଡ୍ରିକ୍ଚି ହେଝାରି° ହିଜି ଇଚାନ୍, “ଇନ୍ଦାର୍, ଇଦା° ନା ଗାଗାଡ଼୍ ।”

୨୩ ଆରେ, ହେଝାନ୍ କଲ୍ଲସି ଆସ୍ତି ଜୁଝାର୍ କିସି ହେଝାରି° ହିତାନ୍ “ଆରି ଖିଜାକାର୍ ହେବେଣ୍ଡା° ଉଟାର୍ ।” ୨୪ ଆରି, ଜିସୁ ହେଝାରି° ଇଚାନ୍, ଇମ୍ଫଣି ନିୟମ୍ନି ନେତେର୍

ବେସି ଲଗାଂ କାଜିଂ ରାକ୍ୟା ଆନାତା, ଇଦାଂ ନା “ହେ ନେତେର । ୨୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗ୍, ଆନ୍ ଏଚେକାଡ଼ଦ ପୁନି କିଜି ଇସ୍ବର ରାଜିତ ଅଙ୍ଗୁର ପାଡ଼ନି ରାସ୍ ଉଣାଙ୍ଗ୍, ହେ ଦିନ୍ ପାତେକ ଇଦାଂ ଆରି ଇନାଖାଡ଼ାଂପା ଉଣ୍ଡେଙ୍ଗ୍ କଙ୍ଗ୍ ।”

୨୬ ଆରେ, ହେଖାର କେରତି ପାଚେ ଜିଡ଼ମାଡ଼ିତ ହସି ହାଚାର ।

ଜିସୁ ପାଚେ ହାନାକାର ଝିଜାକାର ପିହନାର

(ମାତିଉ ୨୬:୩୧-୩୫; ଲୁକ ୨୨:୩୧-୩୫; ଜହନ୍ ୧୩:୩୬-୩୮)

୨୭ ହେ ଏଚେକାଡ଼ଦ ଜିସୁ ହେଖାରିଂ ଇଚାନ୍, ଏପେଙ୍ଗ୍ ଝିଜାକାଦେର୍ ବାଦାପାୟା ଆନାଦେର୍, ଇନେକିଦେଂକି ଲେକା ଆତାଡ଼ନ୍ନା,

“ଆସେଙ୍ଗ୍ ମେଣ୍ଡା ଗଡ଼ିୟାଙ୍ଗ୍ ଅସ୍ତିସ୍, ଆରି ମେଣ୍ଡାଂ ଜେଡ଼ କେଡ଼ ଆଜି ହାନିକ୍ ।”

୨୮ *ମାତର୍ ଆନ୍ ନିଙ୍ଗତି ପାଚେ ମି ଆଗେ ଗାଲିଲିତ ହାନାଙ୍ଗ୍ । ୨୯ ମତର୍ ପିତର୍ ହେଖାନିଂ ଇଚାନ୍, “ଝିଜାକାର ନିଙ୍ଗେଙ୍ଗ୍ ପିସ୍ତି ହାନିଚିସ୍ତା, ଆନ୍ ପିସ୍ତି ହାଞ୍ଜୁଙ୍ଗ୍ ।”

୩୦ ଜିସୁ ହେଖାନିଂ ଇଚାନ୍, “ଆନ୍ ନିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ଇନାଣା ରିହା କୁକୁ କ୍ଳେନି ଆଗେ ଏନ୍ ନାଙ୍ଗେଙ୍ଗ୍ ତିନିହର୍ ପାଚି କିଦୁୟ୍ ।”

୩୧ ମାତର୍ ହେଖାନ୍ ଆଟ୍‌ଖା କିଜି ଇଞ୍ଜେଙ୍ଗ୍ ଲାଗାତାନ୍, “ଜଦି ଆନ୍ ନି ହୁକେ ହାଦେଂ ଲାଗ୍‌ଦାନାଡ଼ ଆତିସ୍ ପା ଆନ୍ ନିଙ୍ଗେଙ୍ଗ୍ ମୁଡ଼କେ ଉଡ଼ା ଆଦୁଙ୍ଗ୍ । ଆରି ଝିଜାକାରପା ହେ ଲାକେ ଇଚାର !”

ଜିସୁ ଗେଡ଼ସିମନି ବାଡ଼ଦ ପାର୍ତାନା କିତାନ୍

(ମାତିଉ ୨୬:୩୬-୪୨; ଲୁକ ୨୨:୩୯-୪୬)

୩୨ ପାଚେ ହେଖାର ଗେଡ଼ସିମନି ଇନି ତର୍ ର ବାହାତ ଖାତାର, ଆରି ହେଖାନ୍ ହେ ଚେଲାରିଂ ଇଚାନ୍, “ଆନ୍ ପାର୍ତାନା କିନି ପାତେକ୍ ଏପେଙ୍ଗ୍ ଇବେ କୁଚି ମାନାଟ୍ ।”

୩୩ ଆରେ, ହେଖାନ୍ ପିତର୍, ଜାକୁବ୍ ଆରି ଜହନ୍‌ତିଂ ହାଙ୍ଗ୍ ଅଜି ଆଦିକ୍ କାବା ଆଜି ଆରି ବିପ୍ତି ଆଦେଂ ଲାଗାତାନ୍ । ୩୪ ହେବେ ଜିସୁ ହେଖାରିଂ ଇଚାନ୍, “ନା ଖାସ୍ତି ହାକି ଲାକେ ବେସି ଦୁକ୍ ଆନାତା; ଏପେଙ୍ଗ୍ ଇବେ ମାନ୍‌ଞ୍ଜି କାସି ମାନାଟ୍ ।”

୩୫ ଜଦି ଆନାଡ଼ ହେ ଦୁକ୍ ଇନେସ୍ ଦେହା ଆନାଡ଼ ହେବେତାଂ ହେଖାନ୍ ଅଲପ୍ ଦେହା ହାଲ୍‌ଜି ମେଦ୍‌ନିତ ଗୁରଜି, ପାର୍ତାନା କିଦେଙ୍ଗ୍ ଲାଗାତାନ୍ । ୩୬ ଆରି ଜିସୁ ଇଚାନ୍, “ଆବା, ଝିଜୁ ନି ପୁରା, ଇ ଉଣି ଗିନା ନା ତାଙ୍ଗ୍ ଦେହା ଇଚା, ଆତିସ୍‌ପା ନା ଇଚା ଆକାୟ୍, ମାତର୍ ନି ଇଚା ।”

୩୭ ଆରେ, ହେଖାନ୍ ଖାଜି ହେଖାରିଂ ହୁଞ୍ଜନାକା ହୁଡ଼ତାନ୍ ଆରି ପିତର୍‌ତିଂ ଇଚାନ୍, “ସିମନ୍, ଏପେଙ୍ଗ୍ ଇନାକା ହୁଞ୍ଜନାଦେରା ? ର ଗଣ୍ଡା କାତେଙ୍ଗ୍ ଆଡ଼ଖାତାଦେର୍ ?”

୩୮ “ପରିକ୍ୟାତ ଇନେସ୍ ଆରମାଟ୍, ଇଦାଂ କାଜିଂ କାସିମାଞ୍ଜି ପାର୍ତାନା କିୟାଟ୍, ଜିବୁନ୍ ଇଚା, ମାତର୍ ଗାଗାଡ଼୍‌ନାଦାର ।”

୩୯ ହେଖାନ୍ ଆରି ଆଗେ ଲାକେ ହାଲ୍‌ଜି କାତା ଇଞ୍ଜି ପାର୍ତାନା କିତାନ୍ । ୪୦ ଆରେ ରଗ ଖାଜି ଜିସୁ ହେଖାରିଂ ହୁଞ୍ଜନାକା ହୁଡ଼ତାନ୍, ଇନେକିଦେଂକି ହେଖାର ହୁଞ୍ଜକାଣ୍‌କୁଙ୍ଗ୍ ଜୁର୍‌ପିୟା ଆଜି ମାତିକ୍, ଆରି ହେଖାନିଂ ଇନା ଉତର୍ ହିନାର, ହେଦାଂ ପୁନ୍‌ଖାଦାଂ ମାଚାର ।

୪୧ ହେଖାନ୍ ତିନିହର୍ ଖାଜି ହେଖାରିଂ ଇଚାନ୍, “ଏପେଙ୍ଗ୍ ଇନାକା ଆରି ହୁନ୍‌ସ୍ତାଦେର୍ଣ୍ଣା ? ଜବର୍ ଆତାତେ ! ହୁଡ଼ାଟ୍, ମାନାୟ୍ ମାଜି ପାପିର୍ କେଇତାକେ ହେଲାୟ୍ ଆନାନା । ୪୨ ନିଙ୍ଗାଟ୍, ଆସେଙ୍ଗ୍ ହାନାସ୍; ହୁଡ଼ାଟ୍, ଇନେର୍ ନାଙ୍ଗେଙ୍ଗ୍ ସତୁ କେଇଦ ହେଲାୟ୍ କିଦ୍‌ନାନ୍ ହେଖାନ୍ ଲାଗାଂ ଖାତାନେ !”

* ୧୪:୨୮ ୧୪:୨୮ ମାତିଉ ୨୮:୧୭.

ଜିସୁ ଗାତ୍ୟା ଆତାନ୍

(ମାତିଉ ୨୭:୪୭-୫୭; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୩ ଆରେ ସାଙ୍ଗେ ସାଙ୍ଗେ, ହେୱାନ୍ କାତା ଇନି ୱାଡାଲିଂ ବାରଜାଣ୍ ବିତ୍ରେ ଜିହୁଦା ଇନି ରକାନ୍ ଆରି ହେନି ଲକୁ ହେୱାନ୍ ହୁକେ ମୁଡ୍ ମାପୁ ହେବା କିନାକାର୍, ସାସ୍ତ୍ରି ଆରି ପ୍ରାତିନାର୍ ତାଙ୍ ଲକୁ କାଣ୍ଡାଂ ଆରି ଟେଙ୍ଗାଙ୍ ଆଜି ୱାଡାର୍ । ୪୪ ଜିସୁଙ୍ ସତ୍ତୁ କେଇଦ ହେଲାୟ୍ କିନାକାନ୍ ଏଲେଙ୍ ଚର୍ଚି ହିଜି ଇଞ୍ଜି ମାତାନ୍ । “ଆନ୍ ଇନେରିଂ ତଞ୍ଜଗାନାଂ, ହେୱାନ୍ ହେୱେନ୍, ହେୱାନିଂ ଆସ୍ତି ଜାଗ୍ରତ୍ ତ ଅନାଦେର୍ ।”

୪୫ ଲାଗିଂ ହେୱାନ୍ ହେପାଦନା ହେୱାନ୍ ଲାଗେ ହାଲ୍ଜି, “ଏ ଗୁରୁ !” ଇଞ୍ଜି ହେୱାନିଂ ବେସି ତନ୍ତାନ୍ । ୪୬ ହେବେତାଂ ହେୱାର୍ ତା ଜପି କେଇ କିସି ଆସ୍ତାର୍ । ୪୭ ମାତର୍ ଲାଗେ ନିଲ୍ଚିମାନି ମାନାୟାର୍ ତାଙ୍ ରକାନ୍ କାଣ୍ଡା ହପ୍ତାନ୍ ଆରି ମୁଡ୍ ମାପୁ ହେବା କିନାକାନ୍ ଆଡିଏନିଂ କେଇ କିଜି ତା କିଡୁଲ୍ ହଣ୍ଡି ତୁହିତାନ୍ । ୪୮ ଜିସୁ ହେୱାରିଂ ଉତର୍ ହିତାନ୍, “ଚର୍କୁ ବିରୁଦ୍ତ ହତି ଲାକେ କାଣ୍ଡା ଆରି ଟେଙ୍ଗା ଆଜି ଇନାକା ନାଙ୍ଗେଙ୍ ଆସ୍ତେଙ୍ ୱାଡାଦେଣ୍ଡା ? ୪୯ ସବୁ ଦିନ୍ ଆନ୍ ମି ହୁକେ ମନ୍ଦିର୍ତ ମାନ୍ଞି ସିକ୍ୟା ହିଜି ମାତାଙ୍, ମାତର୍ ନାଙ୍ଗେଙ୍ ଏପେଙ୍ ଆସ୍ତାୱାଡାଦେର୍, ମାତର୍ ଦରମ୍ ସାସ୍ତ୍ରି କାତା ଗିଟାଆନି କାଦଲିଂ ଇଞ୍ଜି ଇ ସବୁ ଗିଟା ଆନାତା ।” ୫୦ ହେବେ ୱିଜାର୍ ଟେଲାର୍ ହେୱାନିଂ ହେ ଏଟେକାଡ୍ଦ ପିସ୍ତି ହତ୍ତାର୍ ।

୫୧ ମାତର୍ ରକାନ୍ ଦାଙ୍ଗଣା ହିମ୍ପେନି ତୁମ୍ପଣ୍ଡା କୱାଣ ହେନ୍ଦା ପରୁଚି ହେୱାନ୍ ପାଟେ ପାଟେ ହାଲ୍ଜି ମାତାନ୍, ହେୱାର୍ ହେୱାନିଂ ଆସ୍ତାର୍ । ୫୨ ମାତର୍ ହେୱାନ୍ ହେ କୱାଣ୍ ହେନ୍ଦା ପିସ୍ତି ତୁମ୍ପଣ୍ଡା ଗାଗାଡ୍ଡ ହନ୍ତାନ୍ ।

ଜିହୁଦି ସବାତ ଜିସୁତି ବିଚାର୍

(ମାତିଉ ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହନ୍ ୧୮:୧୩-୧୪; ୧୯:୨୪)

୫୩ ପାଟେ ହେୱାର୍ ଜିସୁଙ୍ ମୁଡ୍ ମାପୁହେବା କିନାକାର୍ ତାକେ ଅତାର୍, ଆରେ ମୁଡ୍ ମାପୁ ହେବା କିନାକାର୍, ପ୍ରାତିନାର୍ ଆରି ସାସ୍ତ୍ରି ୱିଜାକାର୍ ୱାଜି ରୁଣ୍ଡାଆତାର୍ । ୫୪ ପିତର୍ ଦେହା ମାନ୍ଞି ହେୱାର୍ ପାଟେ ପାଟେ ମୁଡ୍ ମାପୁ ହେବା କିନାକାର୍ ହାକ୍ତି ବିତ୍ରେ ହାଚାନ୍ ଆରି ପାଦ୍ ଆଦିକାରି ହୁକେ କୁଚ୍ଚି ନାଣି କାଲ୍ଜି ମାତାର୍ । ୫୫ ଇଦାଂ ପାଟେ ମୁଡ୍ ମାପୁହେବା କିନାକାନ୍ ଆରି ଜିହୁଦି ସବାନିକାର୍ ଜିସୁଙ୍ ବିରୁଦ୍ତ ସାକି ଡେକ୍ତେଂ ଲାଗାତାର୍, ମାତର୍ ଗାଟା ଆୱାଡାର୍; ୫୬ ଇଦାଂ କାଜିଂ ବେସି ମିର୍ ସାକି ହିତାର୍ ମାତର୍ ହେୱାର୍ ସାକି ଗାଟାୱାଡାର୍ ।

୫୭ ପାଟେ କେଡେକ୍ ଲଗୁ ନିଙ୍ଗି ହେୱାନ୍ ବେରୁତ ଇ ମିର୍ ସାକି ହିଜି ଇଞ୍ଜେଙ୍ ଲାଗାତାର୍ । ୫୮ “ଆପେଂ ଇୱାନ୍ ତାଙ୍ ଇ କାତା ଇନାକା ୱେଟାପନା, ‘ଆନ୍ ଇ କେଇଦାଂ ରଚ୍ଚି ମନ୍ଦିର୍ତିଂ ତ୍ରିକ୍ଚି ତିନ୍ଦିନ୍ ବିତ୍ରେ’ ଆରି ରଞ୍ଜାଙ୍ କେଇଦାଂ ରଚ୍ଚିତି ମନ୍ଦିର୍ ରଚ୍ଚନାଙ୍ ।” ୫୯ ମାତର୍ ଇବେପା ହେୱାର୍ ସାକି ଗାଟାୱାଡାର୍ ।

୬୦ ହେବେ ମୁଡ୍ ମାପୁ ହେବା କିନାକାନ୍ ମାଦି ନିଲ୍ଚି ଜିସୁଙ୍ ୱେନ୍ଦାତାନ୍, ନି ବିରୁଦ୍ତ ଇୱାର୍ ସାକି ହିନାରା, “ଏନ୍ ଇନାକାପା ଉତର୍ ହିତୟା ?”

୬୧ ମାତର୍ ହେୱାନ୍ ଦୟା ଆତାନ୍ ଆରି ଇନାକାପା ଉତର୍ ହିୱାତାନ୍ । ମୁଡ୍ ମାପୁ ହେବା କିନାକାନ୍ ଆରେ ରଗ ୱେନ୍ଦାତାନ୍ ହେୱାନ୍ “ଏନ୍ ଇନାକା ମଙ୍ଗଲ୍ ପାୟାନି ଇସ୍ପର୍ଚି ମାଜି କ୍ରିସ୍ଟ ?”

୬୨ ଜିସୁ ଇଚାନ୍, “ଆନ୍ ହେୱାନ୍,” ଆରି ଏପେଙ୍ “ଆନ୍ ଜେ ମାନାୟ୍ ମାଜିଙ୍ ସାକ୍ତିତାଂ ବୁଜ୍ଜି ବାଗାଙ୍ କୁଚ୍ଚନାକା ଆରି ଆକାସ୍ତି ବାଦାଡ୍ଡ ୱାନାକା ହୁଡ୍ନାଦେର୍ !”

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭.

୨୩ ହେବେ ତାଙ୍କ ମୁତ୍, ମାପୁ ହେବା କିନାକାନ୍ ତା ହେୟା କେବଟି ଇଚାନ୍, “ସାକିତାଂ ମାଦାଂ ଆରି ଇନାକା ଲଡ଼ା !” ୨୪ ଏପେଙ୍ଗ୍ ତ ଇସ୍ବରତି ନିନ୍ଦା ଖେଚାଦେର୍, ମି ବିଚାର କିନାକା ଇନାକା ?” ଇବେ ହେଖାର୍ ଖିଜାକାର୍ ହାକି ଦାଣ୍ଟ ପାୟା ଆନି ବିଦ ମାନାଡ଼ ଇଞ୍ଜି ଖିଜାକାର୍ ଇଚାର୍ ।

୨୫ ଆରେ ଇନେର୍ ଇନେର୍ ହେଖାନ୍ ଜପି ରୁବଦେଂ ଲାଗାତାର୍ ଆରି ହେଖାନ୍ ମୁମ୍ବ ଗୁଗୁର୍ ମୁଗି କିଜି ବିଦା ଇଡ଼ଜି ଇଞ୍ଜେଙ୍ଗ୍ ଲାଗାତାର୍, “ଏନ୍ କିନ୍ଦା ବେରଣ୍ ବାକ୍ଣାୟ୍ କିନାକାୟ୍ !” ପାର୍ମାଣ୍ ହିଦା । ଆରି ପାଦ୍ ଆଦିକାରିର୍ ରାପଡ଼ା ଇଡ଼ ଇଡ଼ ହେଖାନ୍ ଆସ୍ତି ଅତାର୍ ।

ପିତର ଜିସୁଙ୍ଗ୍ ପାତର୍ କିଖାତାନ୍

(ମାତିଉ ୨୭:୨୯-୩୫; ଲୁକ ୨୨:୫୭-୬୨; ଜହନ୍ ୧୮:୧୫-୧୮; ୨୧:୨୫)

୨୬ ଆରି ପିତର ତାରେନ୍ ହାକଡ଼ିତ ମାନିଖେତାଲିଂ ମୁତ୍, ମାପୁ ହେବା କିନାକାତର୍ ର ଆଡ଼ିଏଣି ଖାଜି ପିତର ନାଣି କାଈନାକା ହୁଡ଼ୁତାଡ଼, ୨୭ ଆରି ପିତରତିଂ ଇଚକାଡ଼ କିଜି ଇଚାଡ଼, “ଏନ୍ ପା ନାଜରିତିୟନି ଜିସୁ ହୁକେ ମାଚାୟ୍ ।”

୨୮ ମାତର ହେଖାନ୍ ଉଡ଼ା ଆଜି ଇଚାନ୍, “ଆନ୍ ହେଖାନ୍ ପୁନୁଙ୍ଗ୍, ଆରି ଏନ୍ ଇନାକା ଇନାୟା, ଆନ୍ ବୁଜା ଆଉଙ୍ଗା ।” ପାଚେ ହାକଡ଼ି ଦୁଖେର୍ତାଂ ହସି ହାଚାନ୍; କୁଜୁ କ୍ଳେତାଡ଼ ।†

୨୯ ଆରେ, ହେ ଆଡ଼ିଏଣି ହେଖାନ୍ ହୁଡ଼ଜି ଲାଗେ ନିଲ୍ଟି ମାନିଲୁଗାଂ ଆରି ରଗ ଇଞ୍ଜେଙ୍ଗ୍ ଲାଗାତାଡ଼, “ଇଖାନ୍ ହେଖାର୍ ବିତ୍ରେ ରକାନ୍ !” ୩୦ ମାତର ଆରେ ପାତର୍ କିଖାଦାଂ ଇଞ୍ଜେଙ୍ଗ୍ ଲାଗାତାନ୍ । ଆରେ ଅଲପ୍ ସମ୍ପୁ ପାଚେ ଲାଗାଂ ନିଲ୍ଟି ମାନି ଲଗୁ ପିତରତିଂ ଇଚାର୍, “ଏନ୍ ହାଡ଼ପାନେ ହେଖାର୍ ବିତ୍ରେ ରକାୟ୍, ଇଚିସ୍ ଏନ୍ ତ ଗାଲିଲିୟ୍ ଲଗୁ ।”

୩୧ “ମାତର ପିତର ନିଜେତିଙ୍ଗ୍ ରାଣ୍ କିଜି ଆରେ ପାର୍ମାଣ୍ କିଜି ଇଞ୍ଜେଙ୍ଗ୍ ଲାଗାତାନ୍, ଏପେଙ୍ଗ୍ ଇମ୍ଣି ମାନାୟ୍ କାତା ଇନାଦେରା, ଆନ୍ ହେଖାନ୍ ପୁନୁଙ୍ଗ୍ !”

୩୨ ହେ ପାଦନା କୁଜୁ ରିହା କ୍ଳେତାଡ଼, ଇବେତାଂ କୁଜୁ ରିହା କ୍ଳେନିହିଂ ଆଗେ ଏନ୍ “ନାଙ୍ଗେଙ୍ଗ୍ ତିନିହର୍ ପାତର୍ କିଦୁୟ୍,” ଇ ଇମ୍ଣି କାତା ଜିସୁ ପିତରତିଂ ଇଞ୍ଜି ମାଚାନ୍, ହେଦାଂ ପିତରତିଂ ଏତୁ ଖାତାଡ଼, ଆରି ହେଖାନ୍ ହେ କାତା ବାବିକିଜି ଆଡ଼ବେଦେଂ ଲାଗାତାନ୍ ।

୧୫

ପିଲାତ ଆଗେ ଜିସୁ

(ମାତିଉ ୨୭:୧-୨; ୧୧:୧୪; ଲୁକ ୨୩:୧-୫; ଜହନ୍ ୧୮:୨୮-୩୮)

୧ ଅଜଡ଼ ଆତି ଦାପ୍ରେ ସବୁ ଗାଜା ମିଟିଂ, ଇଚିସ୍ ପ୍ରାଚିନ୍ ଆରି ସାସ୍ପିରତି ହୁକେ ମୁତ୍, ମାପୁହେବାକିନାକାର୍ ସବା କିଜି ଜିସୁଙ୍ଗ୍ ଗାବ୍ଟି ଅଜି ପିଲାତ ତାକେ ହେଲାୟ୍ କିତାର୍ । ୨ ପିଲାତ ହେଖାନ୍ ଖେନ୍ବାତାନ୍, “ଏନ୍ କି ଜିହୁଦିର୍ ରାଜା ?” ଜିସୁ ହେଖାନ୍ ଉତର ହିଚାନ୍, “ଏନ୍ ଇନାୟା ।”

୩ ଆରେ, ମୁତ୍, ମାପୁହେବାକିନାକାର୍ ଜିସୁ ବିରୁଦ୍ଦତ ବେଜେକ୍ ଲାଗେଦେଂ ହାଙ୍ଗ୍ତାର୍ । ୪ ହେବେ ପିଲାତ ଆରେରଗ ହେଖାନ୍ ଖେନ୍ବାତାନ୍ “ଏନେଙ୍ଗ୍ ଇନାକା ଉତର ହିଚୟା ? ହୁଡ଼ା, ଇଖାର୍ ନି ବିରଡ଼ତ ଦସ୍ ବାଜେକ୍ କିସି ଲାଗ୍ଦାନାରା !”

୫ ମାତର ଜିସୁ ଇନାକା ପା ଉତର ହିଖାତାନ୍, ହେଦାଂ କାଜିଂ ପିଲାତ କାବା ଆତାନ୍ ।

† ୧୪:୨୮ ୧୪:୨୮ କେତେକ୍ ପଡ଼ିତ ଦାପ୍ରେ କୁଜୁ କ୍ଳେଖାତାଡ଼ ।

ଜିସୁତି ହାକି ତାଣ୍ଡ

(ମାତିଉ ୨୭:୧୫-୩୧; ଲୁକ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୨ ମତର୍ ନିସ୍ତାର ପାର୍ଶ୍ୱକ୍ଷେତ୍ରାଙ୍ଗ ମାନାୟାର ଇମଣି ଚରେନ୍ତିଙ୍ଗ ଏନ୍ତି ମାଚାର, ହେଖାନି ହେଖାନ ହେଖାର କାଜି ମୁକ୍ତାୟ କିଜି ମାଚାର । ୩ ଇମଣି କୁଟୁମ ବିରୁଦ୍ଧ ଗଡ଼ମେଲି କ୍ଷେତ୍ରାଲି ମାନାୟତି ଅଜି ମାଚାନ, ହେଖାର ହୁକେ ବାରବା ତରନି ରଖାନ ବନ୍ଦି ମାଚାନ । ୮ ଲାଗି ଲକୁ ଜପି ହାଲଜି ଜାର ରିତି ହୁଦା କିନି କାଜି ଗଞ୍ଜାରି କିଦେଙ୍ଗ ଲାଗାତାର । ୯ ହେବେତା ପିଲାତ ହେଖାରି ଉତର୍ ହିତାନ, “ଏପେଙ୍ଗ ଇନାକା ଇଚା କିନାଦେରା ? ଆନ ଇନାକା ମି କାଜି ଜିହୁଦିର୍ ରାଜାଙ୍ଗ ମୁକ୍ତାୟ କିନାଙ୍ଗ ?” ୧୦ ଇତିସ୍ ମୁଡ଼ ମାପୁହେବାକିନାକାର ଜେ କୁଟ୍ ହେଖାନି ହେଲାୟ କିଜି ମାଚାର, ହେଦା ହେଖାନ ବୁଜା ଆତାନ ।

୧୧ ମାତର୍ ହେଖାନ ଇନେସ୍ ହେଖାର କାଜି ବାରବାଙ୍ଗ ମୁକ୍ତାୟ କିନାନ, ହେଦା କାଜି ମୁଡ଼ ମାପୁହେବାକିନାକାର ଲକା ମାତାୟ କିତାର । ୧୨ ମାତର୍ ପିଲାତ ଆରେ ରଗ ହେଖାରି ଉତର୍ ହିତାନ, “ବାଟିଙ୍ଗ ଏପେଙ୍ଗ ଇନେରି ଜିହୁଦିର୍ ରାଜା ଇଞ୍ଜି ଇନାଦେରା, ହେଖାନ କାଜି ଆନ ଇନାକା କିନାଙ୍ଗ ?”

୧୩ ହେଖାର ପାଚେ କିର କିଜି ଇଚାର, “ହେଖାନି କୁସ୍ତ ଦୁପାଟ୍ !”

୧୪ ହେବେତା ପିଲାତ ହେଖାରି କ୍ଷେନବାତାନ, ଇନେକିଦେ, “ହେଖାନ ଇନା ଦସ୍ କିତାନନ୍ନା ?” ମାତର୍ ହେଖାର ଆଦିକ୍ କିର କିତାର, “ହେଖାନି କୁସ୍ତ ଦୁପାଟ୍ !”

୧୫ ଲାଗି ପିଲାତ ମାନାୟତି ସାରି କିଦେଙ୍ଗ ଇଚା କିଜି ହେଖାର କାଜି ବାରବାତି ମୁକ୍ତାୟ କିତାନ, ପାଚେ ଜିସୁଙ୍ଗ କରତା ଗ୍ରାକି କିସି କୁସ୍ତ ଦୁପଦେ ଇଞ୍ଜି ହେଲାୟ କିତାନ ।

ମେଲ୍ୟାର ଜିସୁଙ୍ଗ କିଜାୟ କିତାର

(ମାତିଉ ୨୭:୨୭-୩୧; ଜହନ୍ ୧୯:୨-୩)

୧୬ ହେବେତା ମେଲ୍ୟାର ହେଖାନି ହାକ୍ତି, ଇତିସ୍ ବାଙ୍ଗଲା ବିତ୍ରେ ଆସସି ପା ସବୁ ମେଲ୍ୟାରି କୁକ୍ତି ରୁଣ୍ଡାୟ କିତାର । ୧୭ ହେଖାର ହେଖାନି କିଜାୟ କିଦେଙ୍ଗ ଇଞ୍ଜି କାହରାତି ବାନି ହେନ୍ଦା ଉସ୍ତି କିତାର ଆରି ଖାଡ଼ି ମୁକ୍ତର୍ ରଚି କାପଡାତ ତୁଜି କିତାର; ୧୮ ଆରେ, “ଏ ଜିହୁଦିର୍ ରାଜା !” ଜଖାର, ଇଦା ଇଞ୍ଜି କିଜାୟ କିଦେଙ୍ଗ ଲାଗାତାର । ୧୯ ପାଚେ, ହେଖାର ର ପଲକା ନାଡ଼ା ଅସି କାପଡାତ ମାଟ୍ କିତାର ଆରି ହେଖାନ ଜପି ରୁପଡାର, କିଜାୟ କିଜି ଆରି ମେଣ୍ଡା କୁଦିକିଜି ଜଖାର କିଦେଙ୍ଗ ଲାଗାତାର । ୨୦ ହେଖାର ହେଖାନି କିଜାୟକିତି ପାଚେ ହେ କାହାତି ବାନି ହେନ୍ଦା କୁଡ଼ି ଅଜି ହେଖାନ୍ତି ଜାର ହେନ୍ଦା ଉସ୍ତି କିତାର । ପାଚେ, ହେଖାର ହେଖାନି କୁସ୍ ଜପି ଦୁପଦେ ବାର୍ତ ଅତାର ।

ଜିସୁଙ୍ଗ କୁସ୍ ଜପି ଦୁପଡାର

(ମାତିଉ ୨୭:୩୨-୪୪; ଲୁକ ୨୩:୨୪-୪୩; ଜହନ୍ ୧୯:୧୭-୨୭)

୨୧ ହେ ଏଚେକାଡ଼୍ ଦ ଆଲେକଜାଣ୍ଡର ଆରି ରୁପତି ଲାତ୍ରାହି ସିମନ୍ ତରନି ରକାନ କୁରିଣିୟ ମାନାୟ ଦେସିନାସ୍ତା ଖାଜି ହେ ହାଜିହିଜି ହାଲଜି ମାଚାନ, ହେଖାର ହେଖାନି ହେଖାନ୍ତି କୁସ୍ ପିଣ୍ଡଦେ ବଲକାର କିତାର । ୨୨ ଆରେ, ହେଖାର ହେଖାନି ଗଲଗତା ଇତିସ୍ “କାପଡାବାହା ତର୍ ବାହାତ ଅତାର ।” ୨୩ ଆରେ, ହେଖାର ହେଖାନି ଗାନ୍ଦାରାସ୍ ମିହାଆତାକା ଅଙ୍ଗୁର୍ ରାସ୍ ହିତାର, ମାତର୍ ହେଖାନ ହେଦା ଅଦେ କାଖାତାନ । ୨୪ ପାଚେ ହେଖାର ହେଖାନି କୁସ୍ତ ଦୁପଡାର, ଆରେ ଇନେର୍ ଇନାକା ଗାଟାଆନାନ, ହେଦା ଦରମଗୁଲି ହୁକେ ତିର୍ କିଜି ହେଖାନ୍ତି ହେନ୍ଦା ସବୁ ଜାର

☆ ୧୫:୨୧ ୧୫:୨୧ ରମିୟ ୧୭:୧୩.

ଜାର୍ତ୍ତାକେ ପାସ୍‌ପିସ୍ ଅତାର୍ । ୨୫ ଦିନ୍ ନଅଟା ଝେଡ଼ାଲିଂ ହେଝାର୍ ହେଝାନିଂ କୁସ୍‌ତ ଦୁପ୍‌ତାର୍ । ୨୬ ଆରେ ହେଝାନ୍ତି ତା ବିରୁଦ୍‌ତ ଇଦାଂ ଲେକା ଆଜି ମାତାତ୍, “ଜିହୁଦିର୍ ରାଜା ।” ୨୭ ଆରେ, ହେଝାନ୍ତି ବୁଜ୍‌ଜି ପାଡ଼କା ରକାନ ଆରି ତେବ୍ରି ପାଡ଼କା ରକାନିଂ, ଏଲେଙ୍ଗ୍ ରିକାର୍ ଚର୍କୁକାଂ ହେଝାର୍ ଜିସୁ ହୁକେ କୁସ୍ ତାକେ ଦୁପ୍‌ତାର୍ ।

୨୮ ହେବେ ଦରମ୍ ସାସ୍‌ର ଇ କାତା ପୁରାଆତାତ୍, ହେଝାନ୍ ଚର୍କୁ ହୁକେ ସମାନ୍ ଆତାନ୍ । ୨୯ * “ହେ ହାଜି ହିଜି ହାଲ୍‌ଜିମାନି ଲକୁ ଜାର୍ ଜାର କାପ୍‌ଡ଼ା ଜଲାୟ୍ କିଜି ହେଝାନିଂ ନିନ୍ଦା କିଦେଙ୍ଗ୍ ଲାଗାତାର୍, ଆରେ ର ମନ୍ଦିର୍ ଡ୍ରିକ୍‌ନି ଲଗୁ ଆରି ତିନି ଦିନ୍‌ତାଂ ଆରେ ରଚ୍‌ନାକାୟ୍ !” ୩୦ କୁସ୍‌ତାଂ ଜୁଦା ଜାର୍‌ତିଂ ରାକ୍ୟା କିୟା ।

୩୧ ମୁଡ୍ ମାପୁହେବାକିନାକାର୍ ପା ହେ ଲାକେ ସାସ୍‌ିର୍ ହୁକେ ହେଝାର୍ ହେଝାର୍ ବିତ୍ରେ ହେଝାନିଂ ଗୁଇଜି ଇଞ୍ଜେଙ୍ଗ୍ ଲାଗାତାର୍, “ହେଝାନ୍ ବିନ୍‌ଲୁଗାଂ ରାକ୍ୟାକିତାନ୍ ଜାର୍‌ତିଂ ରାକ୍ୟା କିଦେଙ୍ଗ୍ ଆତୁନା ! ୩୨ ଏନ୍ ଜଦି ହାଡ଼ପା ଇସ୍ରାଏଲ୍‌ନି ରାଜା କ୍ରିସୁ ବେଗି କୁସ୍ ତାଙ୍ଗ୍ ଜୁଜି ଝାୟେନ୍, ଇନେସ୍‌କି ହେଦାଂ ହୁଡ଼୍‌ଜି ଆପେଂ ପାତ୍ କିନାପ୍ । ଆରେ ଇନେର୍ ତା ହୁକେ କୁସ୍‌ତ ଦୁପ୍‌ୟା ଆଜି ମାତାତ୍, ହେଝାର୍ ପା ତାଙ୍ଗେଙ୍ଗ୍ ନିନ୍ଦାକିଦେଂ ଲାଗାତାର୍ !”

ଜିସୁତି ହାକି

(ମାତିଉ ୨୭:୪୫-୫୬; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୩୩ ବାର ଗଣ୍ଟା ଝେଡ଼ାଲିଂ ଦେସ୍ ଜାକ୍ ମାଜ୍‌ଗା ଆଜି ତିନି ଗଣ୍ଟା ପାତେକ୍ ମାତାତ୍ । ୩୪ ତିନି ଗଣ୍ଟା ଝେଡ଼ାଲିଂ ଜିସୁ ଗାଜାକାଟ୍‌ତାଂ କୁକ୍‌ତି ଇଚାନ୍, “ଏଲି, ଏଲି, ଲାମା ସାବାକ୍‌ତାନି ?” ଇଚିସ୍ “ଏ ନା ଇସ୍‌ର, ଏ ନା ଇସ୍‌ର, ଏନ୍ ନାଙ୍ଗେଙ୍ଗ୍ ଇନାକିଦେଂ ପିସ୍ତାତାୟ୍ ?”

୩୫ ଇଦାଂ ଝେନ୍‌ଞ୍ଜି ଲାଗାଂ ନିଲ୍‌ତି ମାନାୟାର୍ ବିତ୍ରେ ଇନେର୍ ଇନେର୍ ଇଚାର୍, ହୁଡ଼ାଟ୍, “ହେଝାନ୍ ଏଲିୟଙ୍ଗ୍ କୁକ୍‌ନାନା !” ୩୬ ଆରେ, ରକାନ ହନ୍‌ତିହାଲ୍‌ଜି ର ରୁଆ ତ କେନିରାସ୍ ବାତ୍ କିଜି ହେଦାଂ ର ନାଡ଼ାତ କିଜି ହେଝାନିଂ ଉଣ୍ଡେଙ୍ଗ୍ ହିଜି ଇଚାନ୍, “ମାନାଟ୍, ଏଲିୟ ଇଝାନିଂ ଜୁଡ଼େଂ ଝାନାନା କି ଆକାୟ୍, ହୁଡ଼୍‌ନାସ୍ !”

୩୭ ମାତର୍ ଜିସୁ ଗାଜାକାଟ୍ କିଜି ପାରାଣ୍ ପିସ୍ତାନ୍ ।

୩୮ ଆରେ, ମନ୍ଦିର୍‌ନି ପୁଇପୁୟା ବାହାତ ଟଣ୍ଡି ହେୟା ଜପିତାଂ ତାରେନ୍ ପାତେକ୍ ରି ପାଡ଼ା ଆଜି କେନ୍‌ଚାତ୍ । ୩୯ ହେଝାର୍ ମୁମ୍‌ଦ ନିଲ୍‌ତିମାତି ପାଞ୍ଚକଡ଼ି ମେଲ୍ୟାର୍ ଆଦିକାରି ହେଝାନ୍ତି ପାରାଣ୍ ପିହ୍‌ନାକା ହୁଡ଼୍‌ଜି ଇଚାର୍, * “ହାଡ଼ପାନେ, ଇଝାନ୍ ରକାନ ଇସ୍‌ର ମାଜି !” ମାତାନ୍ ।

୪୦ * କେତେକ୍ ଜାଣ୍ କଗ୍‌ଲେହିମ୍‌ଣାଂ ପା ଦେହାତାଂ ହୁଡ଼୍‌ଜି ମାତିକ୍; ହେଝେକ୍ ବିତ୍ରେ ମଗ୍‌ଦଲିନି ମରିୟ୍‌ମ୍, ହାରୁ ଜାକୁବ୍ ଆରି ଜସି ତେହି ମରିୟ୍‌ମ୍, ଆରେ ସଲମି ମାତିକ୍; ୪୧ ହେଝାନ୍ ଗାଲିଲିତ ମାନି ଝେଡ଼ାଲିଂ ହେଝେକ୍ ତା ପାତେ ପାତେ ହାଲ୍‌ଜି ହେଝାନିଂ ହେବା କିଜି ମାତିକ୍, ହେଝେକ୍ ହୁକେ ଜିରୁସାଲମ୍‌ତ ଝାଜିମାନି କଗ୍‌ଲେକ୍ ପା ହୁଡ଼୍‌ଜି ମାତିକ୍ ।

ଜିସୁତି ଦୁଗେର୍

(ମାତିଉ ୨୭:୫୭-୬୧; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୪୨ ଝେଡ଼ା ଆତିଲେ, ହେ ଦିନ୍ ଜୁତିପାତି କିନି ଦିନ୍, ଇଚିସ୍ ଜମ୍‌ନିବାର୍ ଆଗେନି ଦିନ୍ ମାତିଲେ, ୪୩ ହାରାମାତିୟାର୍‌ନି ଜସେପ୍ ଡର୍‌ନି ଜିହୁଦି ଗାଜା ସବାନି ରକାନ

* ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଜହନ୍ ୨:୧୯. * ୧୫:୩୯ ୧୫:୩୯ ହାଜି ମାଗାନ୍ କେତେକ୍ ପତିତ ଗାଜା କାଟ୍‌ତାଂ ଚେରା ଆଜି ମାଗାନ୍ ଆରି ହାଜି ମାଗାନ୍ ମାନାଟ୍ । * ୧୫:୪୦ ୧୫:୪୦ ଲୁକ ୮:୨୩.

ମାଜାନ୍ ମେମର୍, ଇନେନ୍ ନିଜେପା ଇସ୍ବରତି ରାଜିତିଂ କାସି ମାତାନ୍, ହେୱାନ୍ ସାସ୍ତାଙ୍ଗ ପିଲାତ ତାକେ ହାଲ୍ଲଜି ଜିସୁତି ଗାଗାଡ୍ ଶ୍ରୀମାନ୍ ।

୪୪ ମାତର୍ ଜେ ହାତାନେ ଇଦାଂ ୱେନ୍‌ଞ୍ଜି ପିଲାତ କାବା ଆତାନ୍, ଆରି ପାଞ୍ଚ କଡ଼ିନି ମେଲ୍ୟାର୍ ଆଦିକାରିଂ ଲାଗେ କୁକି କିଜି ହେୱାନ୍‌ଂ ୱେନ୍‌ବାତାନ୍, ହେୱାନ୍ ଇନାକା ବେସିଗାଡ଼ି ହାଜି ଆତାତେ ? ୪୫ ପାଞ୍ଚ କଡ଼ିନି ମେଲ୍ୟାର୍ ଆଦିକାର୍ ତାଙ୍ଗ ପୁନ୍‌ଞ୍ଜି ଜିସୁ ଗାଗାଡ଼ିଂ ଜସେପ୍ତିଂ ହିତାନ୍ । ୪୬ ହେୱାନ୍ ରଞ୍ଜାଙ୍ଗ କୱାଣ୍ ହେୟା କଡ଼ଜି ତାଙ୍ଗେଙ୍ଗ୍ ହୁଡ଼ତି ତାସି ହେବେ ହେୱାନ୍‌ଂ ହୁର୍ପାତାନ୍ ଆରି କାଲ୍ ରେଟି ମାଡ଼ିତ କାର୍ଡି ର ଦୁଗେରଡ଼ ହେୱାନ୍‌ଂ ଇଡ଼ଜି ଦୁଗେରନି ଦୁଝେରଡ଼ ଗାଜା କାଲ୍ ଗୁଡ଼ତାର୍ । ୪୭ ହେୱାନ୍‌ଂ ଇମ୍‌ଣି ବାହାତ ଇଡ଼ିତାର୍‌ନା, ହେଦାଂ ମଗ୍‌ଦଲିନି ମରିୟମ୍ ଆରି ଜସି ତେହି ମରିୟମ୍ ହୁଡ଼ଜି ମାଟିକ୍ ।



ଜିସୁତି ଆରେ ନିଙ୍ଗନାକା

(ମାଡ଼ିଉ ୨୮:୧-୮; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ହାଟିପାତେ ମଗ୍‌ଦଲିନି ମରିୟମ୍ ଜାକୁବ୍ ତେହି ମରିୟମ୍ ଆରି ସଲମି ବାସନା ଟିକାଣ୍ କଡ଼ତିକ୍, ଇନେସକି ହେୱାନ୍‌ଂ ହାଲ୍ଲଜି ଉତି କିଦେଙ୍ଗ୍ ଆଡ଼ନିକ୍ । ୨ ଆରେ, ରଇବାର୍ ନାଜିଂ ଉର୍‌ଲା ହାକାଡ଼େ ହେଝେକ୍ ଦୁଗେରଡ଼ ହାଟିକ୍, ହେପାଦନା ୱେଡ଼ା ହସି ମାଗାଡ଼ । ୩ ହେଝେକ୍ ହେଝେକ୍ ବିତ୍ରେ ବେଣ୍ କିବିସ୍ ମାଟିକ୍, ଇନେର୍ ମା କାଜିଂ ଦୁଗେରନି ଦୁଝେର୍ କାଲ୍ ଗୁଡ଼ତି ହିଦନାର୍ ? ଇନାକିଦେଂକି ହେଦାଂ ବେସି ଗାଜା କାଲ୍ ମାଗାଡ଼ । ୪ ଇ ଲାକେ ୱେଡ଼ାଲିଂ ହେଝେକ୍ ଏରି କିଜି ହୁଡ଼ତିକ୍ ଜେ, କାଲ୍ ଗୁଡ଼ତାକା । ୫ ହେଝେକ୍ ଦୁଗେର୍ ବିତ୍ରେ ହଣ୍ଡି ଡ଼ିଞ୍ଜିନି ଆଜି ଉସ୍‌ପାତାକାନିଂ ର ଦାଙ୍ଗ୍‌ଶାହିମ୍‌ଶା ବୁଜଣିବାଗାଂ କୁର୍‌ଚାକା ହୁଡ଼ଜି ବେସିକାବା ଆଡ଼ିକ୍ ।

୬ “ହେବେ ହେୱାନ୍ ହେୱାକାଂ ଇଚାନ୍,” କାବା ଆମାଟ୍, ଏପେଙ୍ଗ୍ କୁସ୍ତ ହାତି ନାଜରିତିୟନି ଜିସୁଙ୍ଗ୍ ତେକନାଦେରା; ହେୱାନ୍ ନିଙ୍ଗତାନ୍ନା, ହେୱାନ୍ ଇବେ ହିଲୁନ୍, ହୁଡ଼ାଟ୍, ଇ ବାହାତ ହେୱାର୍ ହେୱାନ୍‌ଂ ଇଡ଼ଜି ମାଗାର୍ । ୭ ମାତର୍ ଏପେଙ୍ଗ୍ ହାଲ୍ଲଜି ହେୱାନ୍ ଚେଲାରିଂ ଆରି ପିତରଡ଼ିଂ ବଲ୍ ହିତାନ୍, ଜିସୁ ମି ଆଗେ ଗାଲିଲିତ ହାତାନ୍‌ନା; ହେୱାନ୍ ମିଙ୍ଗେଙ୍ଗ୍ ଇନେସ୍ ଇଞ୍ଜି ମାନ୍‌ସାନ୍, ହେ ଲାକେ ଏପେଙ୍ଗ୍ ହେବେ ହେୱାନ୍‌ଂ ହୁଡ଼ନାଦେର୍ ।

୮ ହେବେଣ୍ଡାଂ ହେଝେକ୍ ହାଡ଼ପା ହୁଡ଼ଜି ଦୁଗେର୍ ତାଙ୍ଗ୍ ହସି ହକ୍ତିକ୍, ଇନେସ୍ ଲାକେ କି ହେଝେକ୍ ପାଡ଼ୁଡ଼ିଙ୍ଗ୍ ତ୍ରିଗ୍‌ଜି ମାଟିକ୍ ଆରି କାବା ଆଜି ମାଟିକ୍, ଆରେ ଇନେରିଂ ଇନାକା ଇନ୍‌ଝିତିକ୍, ଇନେକିଦେଂକି ହେଝେକ୍ ପାଣ୍ଡା ଆଜି ମାଟିକ୍ ।

ଜିସୁ ବେସି ଲଗାଂ ଚଞ୍ଜ୍ୟା ଆତାନ୍

(ମାଡ଼ିଉ ୨୮:୯-୧୦; ଜହନ୍ ୨୦:୧୧-୧୮)

୯ ସାଡ଼ ଦିନ୍‌ନି ପର୍ଡୁମ୍ ରଇବାର୍ ନାଜିଂ ଉର୍‌ଲା ହାକାଡ଼େ ଜିସୁ ନିଙ୍ଗଜି, ଇନେରଡ଼ାଂ ସାଡ଼ ପୁଦାଂ ପିହି କିଜି ମାଗାନ୍, ହେ ମଗ୍‌ଦଲିନି ମରିୟମ୍‌ତିଂ ପର୍ଡୁମ୍ ଚଞ୍ଜ୍ୟା ଆତାନ୍ । ୧୦ ହେଦେଲ୍ ହାଲ୍ଲଜି, ଇନେରକି ତା ହାଙ୍ଗ୍ ଆସି ମାଟିକ୍, ହେଝେକାଂ କାବୁର୍ ହିତାଡ଼, ହେଝେକ୍ ଦୁକ୍ ଆରି ଆଡ଼ବିସ୍ ମାଟିକ୍ । ୧୧ ହେୱାନ୍ ଜିବୁନ୍ ମାନାନ୍ ଆରି ହେଦେଲିଂ ଚଞ୍ଜ୍ୟାଆତାନ୍ନା, ଇଦାଂ ୱେନ୍‌ଞ୍ଜି ହେୱାର୍ ପାଟିଂ କିଞ୍ଜାତାର୍ ।

ଜିସୁ ରିୟାର୍ ଚେଲାରିଂ ଚଞ୍ଜ୍ୟାତାନ୍

(ଲୁକ ୨୪:୧୩-୩୫)

୧୨ ଇ ସବୁ ଗର୍ଣ୍ଣା ପାଚେ ହେୱାର୍ ବିତ୍ତେ ରିକାର୍ ର ନାସ୍ତ ହାଲ୍‌ଜିମାନି ଖେଡ଼ାଲିଂ ହେୱାନ୍ ଆରି ବିନ୍‌ମୁତ୍ ତ ହେୱାରିଂ ଚଞ୍ଜା ଆତାନ୍, ୧୩ ଆରେ ହେୱେକ୍ ହାଲ୍‌ଜି ବିନ୍‌ଲୁଗାଂ କାରୁର୍ ହିତିକ୍, ମାତର୍ ହେୱେକ୍ କାତା ପା ପାତ୍ କିୱାତାର୍ ।

ଏଗାର୍ ଜାଣ୍ ହୁକେ ଜିସୁତି କାତାବାର୍ତ୍ତା

(ମାତିଉ ୨୮:୧୬-୨୦; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୬-

୮)

୧୪ ଇଦାଂ ପାଚେ ଏଗାର୍ ଜାଣ୍ ଚେଲାର୍ ଚିଞ୍ଜେକ୍ କୁର୍ଚି ଖେଡ଼ାଲିଂ ଜିସୁ ହେୱାରିଂ ଚଞ୍ଜା ଆତାନ୍ ଆରି ହେୱାର୍‌ତି ପାତ୍ କିୱାକା ଆରି ମାନ୍ ଆଟ୍‌ଞ୍ଜା କାଜିଂ ହେୱାରିଂ ଲେଡ଼ତାନ୍, ମାତର୍ ଇନେର୍ ହେୱାନିଂ ଆରି ନିଙ୍‌ନାକା ହୁଡ଼୍‌ଜି ମାଚାର୍, ହେୱାର୍ କାତା ଖିଜାକାର୍ ପାତ୍ କିୱାଦାଂ ମାଚାର୍ । ୧୫ ଆରେ, “ଜିସୁ ହେୱାରିଂ ଇଚାନ୍, ଏପେକ୍ ଖିଜୁ ପୁତ୍ ତ ହାଲ୍‌ଜି ସବୁ ନାର୍ ଜାତି ତାକେ ନେକ୍ରିକାରୁର୍ ସୁଣାୟ୍ କିୟାର୍ । ୧୬ ଇନେର୍ ପାତ୍ କିଜି ବାପ୍ତିସିମ୍ ଅତିସ୍ ହେୱାନ୍ ରାକ୍ୟା ପାୟା ଆନାନ୍; ଆରେ ଇନେର୍ ପାତ୍ କିଉର୍, ହେୱାର୍ ଦାଣ୍ ପାୟା ଆନାର୍ । ୧୭ ଆରେ, ପାତ୍ କିନାକାର୍‌ତି ଇ ସବୁ ଚିନ୍ ପାୟା ଆନାନ୍, ହେୱାର୍ ନା ତର୍ଦ ପୁଦାଂ ପିହିକିନାର୍, ପୁନି ପୁନି ବେରଣିତ କାତା ଇନାର୍, ୧୮ କେଇଦ ରାଟ୍ ଆହ୍‌ନାର୍, ଆରେ ପାରାଣ୍‌ନାସ୍ ଅହ୍ ଉଟିସ୍ ହେୱାର୍‌ତି ଇନାକା ନସ୍ ଆଉଡ୍, ହେୱାର୍ ବେମାରିର୍ ଜପି କେଇ ଇର୍ଡିସ୍ ହେୱାର୍ ଉଜ୍ ଆନାର୍ ।”

ଜିସୁତି ସାଗେ ହାଚାନ୍

(ଲୁକ ୨୪:୫୦-୫୩; ପକ୍ୟାତାକା ୧:୯-୧୧)

୧୯ ଇ ଲାକେ ମାପୁ ଜିସୁ ହେୱାରିଂ କାତା ଇଚି ପାଚେ ସାଗେ ତାକେ ଅୟା ଆଜି ଇସ୍‌ରତି ବୁଜ୍‌ଣି କଚଣ୍‌ତ କୁର୍ଚାନ୍ । ୨୦ ମାତର୍ ହେୱାର୍ ହାଲ୍‌ଜି ଖିଜୁ ତାକେ ପର୍ଚାର୍ କିତାର୍, ଆରି ମାପୁ ହେୱାରିଂ ହାଙ୍‌ଦାଂ ଅସି ଚିନ୍‌କୁତାଂ ହେ କାତା ପାର୍ମାଣ୍ ସିଗ୍ କିତାନ୍ ।

ଲୁକ ଲିଖିତ ସୁସମାଚାର

ଲୁକ ଲେକିକିତି ନେକ୍ରିକାବୁର୍

ଲୁକ ପତି ବିସ୍ତେ ପାଦେକ୍

ଲୁକ ଲେକିକିତି ନେକ୍ରିକାବୁର୍ ଆତାଡ, ଜିସୁ କ୍ରିସ୍ତୁ ଜିବୁନ୍ ବିସ୍ତେ ଇଞ୍ଜି ମାନି ପୁନି ମେରା ଚାରିଗଟା ପତିଙ୍ଗ ବିତ୍ତେ ରଞ୍ଜାଙ୍ଗ । ହେଝାଙ୍ଗ ବିତ୍ତେ ଝିଜୁକାଙ୍ଗ “ନେକ୍ରିକାବୁର୍” ଇନାର୍, ଇମ୍ଫାଣାକା ଅରଡ “ନେକ୍ରିକାବୁର୍” ହେଝାଙ୍ଗ ଜିସୁ ହାତି ପାଚେ, ମାତିଉ, ମାର୍କ, ଲୁକ ଆରି ଜହନ୍ ତାଙ୍ଗ ଲେକାଆତାଡନା । ଲୁକ ଜିସୁତି ଜିବୁନ୍ ଗଟଣା ଲେକା ଲାହାଙ୍ଗ, ଜିସୁତି ହାକି ଆରି ଜିତି ପାଚେ ଜିସୁ ଚେଲାହିର୍ ଇମ୍ଫାଣି ବିସ୍ତେ ସବୁ କିତାର୍, ହେଦା° ପା ଲେକି କିତାର୍ଣ୍ଣା ହେ ପତିତି° ପକ୍ୟା ଆତାକାର୍ କାମାୟ୍ନି ବିସ୍ତେ ଇଞ୍ଜି ଇନ୍ୟା ଆନାଡ । ଲୁକ ପତି ଏଚେକାଡ୍ଦ ଆରି ଇମେତାକେ ଲେକା ଆତାଡନ୍ନା, ହେ ବିସ୍ତେ ହାଡ୍ପା ଇନେର୍ ପା ପୁନୁର୍ ମତର୍ ବେସି ଜାଣ୍ ପଣ୍ଡିତାର୍ ରାଜି ଆନାର୍ ଜେ, ଇଦା° ହାଡ୍ପା ଆତିସ୍ ଜିସୁ କ୍ରିସ୍ତୁ ଜିଲମ୍ ସବୁରି ବାହୁଁ ପାଚେ ଲେକା ଆତାଡନ୍ନା ।

ଲେକିକିତାକାନ୍ ଆତାନ୍ ଲୁକ, ଇନେନ୍କି ରଝାନ୍ ତାକ୍ତର୍ ମାଚାନ୍ । ତା ଲେକା ବାନି ଆରି ବାସା ଚିନ୍ତା ଚଟ୍ଟାଚାନ୍ତା ଜେ, ହିକାଆତି ମାନାୟ୍ ମାଚାନ୍ । ଜିସୁତି ଜିବୁନ୍ନି ଗଟଣା° ଗିଟା ଆତାକା କାରୁମ୍ ଲାକେ, ଲେକି କିଜି ସ୍ତର୍, ବାନି କିଦେଙ୍ଗ୍ ବାବିକିନାନ୍, ଇନେର୍କି ବିନେନିକାର୍ ହେଦା° ପତି କିଜି ଉପକାର୍ ପାୟ୍ ଆନାର୍ ୧:୧-୩ । ହେଝାନ୍ ରଝାନ୍ ଜିହୁଦି ହିଲ୍ଝାତାନ୍ କଲ୍ଝି ୪:୧୦-୧୪ ଆରି ହେଝାନ୍ ଇ ଲାକେ ବାବ୍ତେ ଲେକିକିତାନ୍ । ବିନ୍ଜାତି ଜିହୁଦିର୍ ବୁଜାଆଦେ° ଆଡ୍ନାର୍ । ହେ ଜିହୁଦି ରିତି ଝିଜୁ ବାନି କିନିହିଙ୍ଗ୍ ଇଦା° ଆସେଙ୍ଗ୍ ସାଡ୍ ହୁଡ୍ଦେ° ଆଡ୍ନାସ୍ୱେ:୮ ।

ଲୁକ ଲେକିକିତି ନେକ୍ରିକାବୁର୍, ମାତିଉ ଆରି ମାର୍କ ପତି ଲାହାଙ୍ଗ୍ ସମାନ୍ ଆନାଡ୍, ଇନାକିଦେ°କି ହେଝାର୍ ସମାନ୍ ବିସ୍ତେ ଆରି ସମାନ୍ ବାବ୍ତେ ହପ୍ନାର୍ । ତିନିଗଟା ପତି ବିତ୍ତେତା° ଲୁକ ବାପ୍ତିସ୍ମି ହିନି ଜହନ୍ତି ଜିଲମ୍ ବିସ୍ତେ ଆଦିକ୍ ବିସ୍ତେ ବାବି କିତାର୍ । ଆରି ଲୁକ ପାର୍ତାନ୍ନା ଜପି ଆଦିକ୍ କିତାର୍ ୩:୨୧, ୫:୧୭, ୬:୧୨, ୧୧:୧-୧୨; ୨୨:୩୨ ଆରି ହେଝାନ୍ କେମା ଜପି ପା ଆଦିକ୍ କିତାର୍ ୩:୩, ୧୧:୪, ୧୭:୩-୪, ୨୩:୩୪; ୨୪:୪୭ ।

ପତି ବିସ୍ତେନି ରାହାଣ୍

୧. ଲୁକ ଲେକିକିତି ନେକ୍ରିକାବୁର୍ ବିସ୍ତେ ଆରି ଲେକାନି ବାନି କିତାର୍ ୧:୧-୪
୨. ଜିସୁତି ଜିଲମ୍ ଆରି ହେଝାନ୍ ଇନେସ୍ ହେବାକାମାୟ୍ କାଜି° ଜାଲ୍ଦି ଆତାର୍ ୧:୫-୨:୫୨
୩. ଜିସୁତି କାମାୟ୍ ହାଣ୍ଡୁ, ଆଦିକ୍ ବାବ୍ତେ ହେଝାନ୍ ଏଟାକା କାବାଆନି କାମାୟ୍ ଆରି ତା ହିକ୍ୟା ବିସ୍ତେ ଇନାର୍ ୩:୧-୨୦ ଇଦା° ଆନାତା ନେକ୍ରି କାବୁର୍ନି ଗାଜା ବାଗ୍ ।
୪. ହାରିହାରା ରିଣ୍ଡି ବିତ୍ତେ, ଜିସୁ ଇନେସ୍ ହାତାନ୍ ମୁଟ୍ୟାଆତାନ୍ ଆରି ହାତାକାର୍ ବିତ୍ତେ ଜିତାନ୍ । ପତି ବିତ୍ତେ ଲେକାମାନାଡ୍ ୨୨:୨୪

ଜିସୁତି ଜିବୁନ୍ ବିସ୍ତେ ଲୁକ ଲେକିକିତାକା

୧ ଏ ତିଓପିଲସ୍, ଇମ୍ଫାଣାକାର୍ ମା ବିତ୍ତେ କିଜି ମାତି ଗଟଣା° ଝିଜୁ ବେସି ବିସ୍ତେ ରିତି ହୁକେ ଲେକିକିଦେ° ମାନ୍ କିତାର୍, ୨ ଆରମ୍ତା° ଇ ସବୁ ଗଟ୍ଟନା ହୁଡ୍ଡି ମାନି ମାନାୟ୍ ଇନେସ୍ ହାଦ୍ ନେକ୍ରିକାବୁର୍ ସୁଣାୟ୍କିନି ହେବାକାର୍ଣ୍ଣା ଆଡ, ହେ ଇସାବ୍ତେ ବାକି ବିସ୍ତେନିକି° ଲେକାତାଡ୍ନା । ୩ ଲାଗି°, ହେ ମାନିନି ତିୟପିଲ୍,

ଆରମ୍ଭତାଂ ଓଁଜୁ ବିସ୍ତେ ସମାନ୍ ବାବ୍ରେ ଦାସ୍ତି ହେବେନି ଆରମ୍ଭତାଂ ହାରିହାରାନି କାତା ମି କାଜିଂ ଲେକିକିଦେଂ ଆନ୍ ପା ମାନେ କିତାଂ, ୪ ଇନେସ୍କି ଏନ୍ ଇମ୍ଫଣି ଓଁଜୁ ହିକ୍ୟା ପାୟା ଆତାୟନା, ହେ ସବୁ ବିସ୍ତେ ବୁଦି ଆର୍ଜା ଆନାୟ,

ବାପ୍ତିସ୍ମା ହିନି ଜହନ୍ତି ଜଲମ

* ଜିହୁଦା ଦେସ୍ନି ରାଜା ହେରଦ୍ଦତି ୱାଡାଙ୍ଗ୍ “ଅବିୟତି ମାପୁହେବାକିନାକାନ୍ ଦଲ୍ଲନି ଜିକରିୟ୍ ଇନି ରକାନ୍ ମାପୁହେବାକିନାକାନ୍ ମାଚାନ୍; ହେ କଗଲେ ହାରଣ୍ ଲାତ୍ରାନିକା ମାଚାଡ୍, ହେଦେଲ୍ଡତି ତର ଏଲିସାବେଡ୍ । ୧ ହେଝାର୍ ରିକାର୍ ମାପୁତି ଓଁଜୁ ବଲ୍ ଆରି ବିଦି ହୁକେ କାମାୟ୍ କିଜି ଦସି ଆଝାଦାଂ ବେବାର୍ କିଜି ଇସ୍ବର୍ ମୁମ୍ଦ ଦାମ୍ ମାଚାର୍ । ୨ ମାତର୍ ହେଝାର୍ଡି ହିମ୍ଫାଝାକ୍ତା ହିଲ୍ଝାତାର୍, ଇନାକିଦେଂକି ଏଲିସାବେଡ୍ ବାଞ୍ଝଣି ମାଚାଡ୍, ହେଝାର୍ ଦସି ମାଚାର୍ ତାତାକେ ହିମ୍ଫା ଝାକ୍ତା ହିଲ୍ଝାତାର୍ ହେଝାର୍ ବୟସ୍ ଆଦିକ୍ ଆଜି ମାଚାଡ୍ ।

୮ ହେଝାନ୍ ହେ କୁଦାନି ପାଲିହୁକେ ଇସ୍ବର୍ ଲାଗାଂ ମନ୍ଦିରତ ମାପୁତି ମାପୁହେବାକିନାକାନ୍ କାମାୟ୍ କିନି ୱେଡାଲିଂ, ୯ ମାପୁହେବାକିନାକାନ୍ କାମାୟ୍ନି ରିତି ହୁକେ ଦରମ୍ଗୁଲି ହୁଦାଂ ତା ମାପୁ ମନ୍ଦିରତ ହଣଜିପା ଦୁପ୍ନି ହିଦେଂ ପଡାତାଡ୍, ୧୦ ଆରେ ଦୁପ୍ନି ହିନି ୱେଡାଲିଂ ଓଁଜାକାର୍ ବାର୍ଡ ମାନ୍ଝି ପାର୍ଡାନା କିଜି ମାଚାର୍ । ୧୧ ହେ ୱେଡାଲିଂ ମାପୁତି ର ଦୁଡ୍ ଦୁପ୍ନି ଗାର୍ଣିନି ତିନି ପାଡକାତ ନିଲ୍ଡି ହେଝାନ୍ ଚଞ୍ଝା ଆତାଡ୍ । ୧୨ ଜିକରିୟ୍ ହେଝାନ୍ ହୁଡ୍ଜି କାବା ଆତାନ୍ ଆରି ପାଣ୍ଡା ଆତାନ୍ । ୧୩ ମାତର୍ ଦୁଡ୍ ହେଝାନ୍ ଇଚାଡ୍, “ଜିକରିୟ୍, ପାଣ୍ଡା ଆମା, ଇନାକିଦେଂକି ନି ପାର୍ଡାନା କିନାକା ୱେଚାପ୍ନା, ଆରି ନି କଗଲେ ଏଲିସାବେଡ୍ ମି କାଜିଂ ର କାଡ୍ଦେ ଗାଗାଆନାଡ୍, ଆରେ ଏପେଙ୍ଗ୍ ହେ ତର୍ ଜହନ୍ ହିନାଦେର୍ । ୧୪ ହେଝାନ୍ ମି ୱାରି ଆରି ଉପାସ୍ ଆନାନ୍, ଆରେ ଆଦିକ୍ କାମାୟ୍ ତା ଜଲମତ କିତିତାକେ ୱାରି କିତାର୍ । ୧୫ ଲାଗିଂ ହେଝାନ୍ ମାପୁତି ଲାଗେ ଗାଜା ଆନାନ୍; ହେଝାନ୍ ଅଙ୍ଗୁର୍ ରାସ୍ କି କାଲିଂ ଇନାଝାଡାଂପା ଉଣ୍ଡୁନ୍, ଆରେ ଆୟା ପଟତାଂ ପୁଲ୍ପୁୟା ଜିବୁନ୍ତ ପୁରା ଆନାନ୍, ୧୬ ଆରେ ହେଝାନ୍ ଇସ୍ବାଏଲ୍ ହିମ୍ଫାଝାକ୍ତାକାଂ ପା ଆଦେକ୍ତିଂ ମାପୁ ହେଝାରିଂ ଇସ୍ବର୍ ନିପ ଲେଉଟାୟ୍ କିନାନ୍ । ୧୭ ଆବାର୍ଡି ମାନ୍ ହିମ୍ଫାଂ କାଜିଂ ଆରି ଅବୁଜା ଲଗାଂ ଦାମ୍ ଲଗାଂ ଗିଆନ୍ତାଂ ବେବାର୍ କିନି କାଜିଂ ତାହିଝାଦେଂ ଆରି ମାପୁ କାଜିଂ ଜାଲ୍ଦିନି ର ଲକୁ ମଣ୍ଡଲି ଜାଲ୍ଦିନି କିଦେଙ୍ଗ୍ ହେଝାନ୍ ଏଲିୟଙ୍ଗ୍ ଜିବୁନ୍ ଆରି ସାକ୍ତିତାଂ ହେଝାନ୍ ଆଗେ ହାନାନ୍ ।”

୧୮ ଇବେଣ୍ଡାଂ ଜିକରିୟ୍ ଦୁଡ୍ଡିଂ ଇଚାନ୍, “ଆନ୍ ଇମ୍ଫଣି ଚିନ୍ ଲାହାଙ୍ଗ୍ ଇଦାଂ ପୁନାଙ୍ଗ୍ ? ଇନାକିଦେଂକି ଆନ୍ତ ବୁଡ୍ହି, ଆରେ ନା ୱାଣିପା ଜବର୍ ବାହୁଁ ଆତାଡେ ।”

୧୯ “ଦୁଡ୍ ହେଝାନ୍ ଉତର୍ ହିତାନ୍, ଆନ୍ ଗାବ୍ରିଏଲ୍, ଇମ୍ଫଣି ଇସ୍ବର୍ ମିଙ୍ଗେଙ୍ଗ୍ ଇ ନେକ୍ତିକାବୁର୍ ୱେଡ୍ଡିନି କାଜିଂ ନାଙ୍ଗ୍ ପକ୍ୟାତାଂନା, ଆନ୍ ତା ମୁମ୍ଦ ନିଲ୍ଡି ମାନାଙ୍ଗ୍ । ୨୦ ହୁଡାଡ୍, ଇ ଓଁଜୁ ଗିଟାଓ୍ଡିନି ପାଡେକ୍ ଏପେଙ୍ଗ୍ ଗୁଲା ଲାକେ ବେଣ୍ଡିଦେଂ ଆଡୁଦେର୍, ଇନାକିଦେଂକି ନାଦାଂ ସବୁ ବଚନ୍ ସମାନ୍ ସମୁତ ପୁରା ଆନାଡ୍, ହେ ଓଁଜୁ ଏପେଙ୍ଗ୍ ପାଟ୍ କିଝାତାଦେର୍ ।”

୨୧ ଇବେତାଂ ମାନାୟାର୍ ଜିକରିୟ୍ କାସି ମାଚାର୍, ଆରେ ମନ୍ଦିରତ ହେଝାନ୍ତି ମାଲା ଆଡିଲେ ହେଝାର୍ କାବା ଆଜି ମାଚାର୍ । ୨୨ ମାତର୍ ହେଝାନ୍ ହସି ୱାଜି ହେଝାରିଂ ବେଣ୍ ଇଞ୍ଝେଙ୍ଗ୍ ଆଡ୍ଝାତାନ୍; ଇବେଣ୍ଡାଂ ହେଝାନ୍ ମନ୍ଦିରତ ଚଞ୍ଝାୟା ଆତାନ୍ନା ଇଞ୍ଝି ହେଝାର୍ ବୁଜାଆତାର୍, ଆରେ ହେଝାନ୍ ହେଝାରିଂ କେଇଚଡ୍ଡି ଇଞ୍ଝେଙ୍ଗ୍ ଲାଗାତାନ୍ ଆରି କନ୍ଦା ଆଜି ମାଚାନ୍ ।

୨୩ ପାଚେ ହେ ହେବା ପାଲିନି ଦିନ୍ ସବୁ ଓଁସ୍ତ୍ରଲେ, ହେଝାନ୍ ନିଜାର୍ ଇଞ୍ଜ ହାଚାନ୍ ।
 ୨୪ ହେ ପାଚେ ହେ ତକ୍ତୁହି ଏଲିସାବେଡ୍ ମାଞ୍ଜେଙ୍ଗ୍ ଆସ୍ତାଡ୍, ଆରେ ହେଦେଲ୍ ପାଞ୍ଜ୍
 ମାସ୍ ପାଚେକ୍ ଇନେରିଂ ଖେଡ୍‌ଝାଦାଙ୍ଗ୍ ମାଚାଡ୍, ୨୫ ତା ପାଚେ ହେଝାନ୍ ଇଚାନ୍,
 “ମାନାୟାର୍ ତାକେ ନା ଲାଜ୍ ହାଡ୍‌ଚେଦେଂ ଇଞ୍ଜି ମାପୁ ଦୟା କିଜି ନା କାଜିଂ ଏଲେଙ୍ଗ୍
 କିଡ୍‌ତାନ୍‌ନା ।”

ଜିସୁ କ୍ରିଷ୍ଟତି ଜଲମ୍ ବିସ୍ତେ ସୁଶାୟକିନାକା

୨୬ ଚଅ ମାସ୍ ପାଚେ ଗାବ୍ରିଏଲ୍ ଦୁଡ୍ ଇସ୍ବର୍ ମାପୁ ଲାଗାଂ ଗାଲିଲିନି ନାଜରିତୟ
 ତରଦି ଗାଡ୍‌ଦ ର ଗାଡ୍‌ଚେ ତାକେ ପକ୍ୟା ଆଚାନ୍; ୨୭ ଦାଉଦ୍ ଲାତ୍ରାନି ଜସେପ୍
 ତରଦାକାନ୍ ରଝାନ୍ ଆଣ୍ଡେନ୍ ଲାହାଙ୍ଗ୍ ହେଦେଲ୍ ମାଲାକିୟା ଆଜି ମାଚାଡ୍; ହେ
 ଜିପଲି ତର୍ ମରିୟମ୍; ୨୮ ହେଝାନ୍ ଇଞ୍ଜ ହଣଜି ହେ ଲାଗେ ଖାଜି ଇଚାନ୍, “ଆଗ
 ଦୟା ପାୟାଆତାକାୟ, ନିନ୍ଦାଂ ହାର୍ ଆଏଡ୍, ମାପୁ ନି ହୁଦାଂ ମାନାନ୍ ।”

୨୯ ମାତର୍ ହେଦେଲ୍ ଇ ବଚନ୍‌ତ କାବା ଆଜି ଇଦାଂ ଇନେସ୍ ବେରଣ୍ ଇଞ୍ଜି ମାଡ୍
 ବାବିକିଦେଂ ଲାଗାତାଡ୍ । ୩୦ ହେବେଣ୍ଟାଂ ଦୁଡ୍ ହେଦେଲିଂ ଇଚାଡ୍, “ଏ ମରିୟମ୍,
 ପାଣ୍ଡା ଆମା, ଇନାକିଦେଂକି ଏନ୍ ଇସ୍ବର୍ ଲାଗେ ଦୟା ପାୟା ଆତାୟନା । ୩୧ ଆରି
 ହୁଡାଡ୍ ଏନ୍ ଏସ୍ ପିସ୍ତ୍ରପା ର କାଡ୍‌ଦେଂ ଗାଟାଆନାଡ୍ ଆରି ହେଝାନ୍ ତର୍ ଜିସୁ ତର୍
 ହିନାଦେର୍ । ୩୨ ହେଝାନ୍ ସିଗ୍‌ଦାକାନ୍ ଆନାନ୍ ଆରି ଇସ୍ବର୍ ମାଜି ଇଞ୍ଜି ଡାକ୍‌ପୁଟା
 ଆନାନ୍; ମାପୁ ଇସ୍ବର୍ ହେଝାନ୍ ତାଞ୍ଜି ଆବା ଦାଉଦ୍‌ତି ଗାଦି ଦାନ୍ କିତାର୍, ୩୩ ହେଝାନ୍
 ଜାକୁର୍ ଲାତ୍ରା ଜପି ଜୁଗ୍ ଜୁଗ୍ ରାଜି କିନାନ୍ ଆରି ହେଝାନ୍ ରାଜିତ ଓଁଜୁଡ୍ ।”

୩୪ ମାତର୍ ମରିୟମ୍ ଦୁଡ୍‌ଙ୍ଗ୍ ଇଚାଡ୍, “ଇଦାଂ ଇନେସ୍ ଆନାଡ୍ ? ଆନ୍‌ତ
 ଆଣ୍ଡେନ୍‌ତିଂ ପୁନୁଙ୍ଗ୍ ।”

୩୫ ଦୁଡ୍ ତାଙ୍ଗେଙ୍ଗ୍ ଉତର୍ ହିତାଡ୍, “ନେକ୍ତି ଜିବୁନ୍ ନି ଜପି ଜୁଦ୍‌ନାଡ୍ ଆରି
 ସିଗ୍‌ଦାକାନ୍ ଇସ୍ବତ୍ ସାକ୍ତି ନିଙ୍ଗେଙ୍ଗ୍ ଆସ୍ତାନାଡ୍, ଲାଗିଂ ଇନେର୍ ଜଲମ୍ ଆନାନ୍,
 ହେଝାନ୍ ପୁଇପୁୟା ଜିବୁନ୍ ଆରି ଇସ୍ବର୍ ମେହି ଇଞ୍ଜି ଡାକ୍‌ପୁଟାଆନାନ୍ । ୩୬ ଆରେ
 ହୁଡାଡ୍, ମି ଇଞ୍ଜି ଏଲିସାବେଡ୍ ପା ବୁଡା ଖେଡାଲିଂ ର ମାଜିଂ ଗରବ୍‌ତ ଆସ୍ତାନ୍‌ନା
 । ଇନେର୍ ବାଞ୍ଜଣି ଇଞ୍ଜି ଡାକ୍‌ପୁଟା, ନଙ୍ଗ୍ ତାଙ୍ଗେଙ୍ଗ୍ ଚଅ ମାସ୍ ଆତାଡ୍‌ନା;
 ୩୭ ଇନାକିଦେଂକି ଇସ୍ବର୍ ମାପୁ ବଚନ୍ ତାକେ ସବୁ ବିସ୍ତେ ଆଞ୍ଜାକା ଆନାଡ୍ ।”

୩୮ “ଇବେଣ୍ଟାଂ ମରିୟମ୍ ଇଚାଡ୍,” ହୁଡାଡ୍, “ଆନ୍ ମାପୁତି ଆଡ୍‌ୟାଣି; ମି
 କାତାହୁକେ ନାଙ୍ଗେଙ୍ଗ୍ ଗିଟାଆଏଡ୍ ।” ହେଦାଂ ପାଚେ ଦୁଡ୍‌ତ ତା ତାକେଣ୍ଟାଂ ହାଚାଡ୍
 ।

ମରିୟମ୍ ଜିକିରିୟ ଆରି ଏଲିସାବେଡ୍ ତାକେ ହାଚାନ୍

୩୯ ଇଞ୍ଜାଡାଲିଂ ମରିୟମ୍ ନିଙ୍ଗଜି ମାଡ୍ ରାଜି ଜିହୁଦା ଦେସ୍‌ନି ର ଗାଡ୍‌ଦ ଦାପ୍ରେ
 ହାଚାଡ୍, ୪୦ ଆରେ ଜିକିରିୟ ଇଞ୍ଜ ହଣଜିପା ଏଲିସାବେଡ୍‌ତିଂ ଜୁଞ୍ଜାର୍ କିତାଡ୍ ।
 ୪୧ ଆରେ, ଏଲିସାବେଡ୍ ମରିୟମ୍‌ତିଂ ଜୁଞ୍ଜାର୍ ଖେଡି ଦାପ୍ରେ ହିମ୍‌ଣା ତା ପଟତ ଏନ୍‌ହି
 ନିଙ୍ଗତାନ୍, ପାଚେ ଏଲିସାବେଡ୍ ପୁଇପୁୟା ଜିବୁନ୍ ବାତ୍ ଆଜି ଇଚାଡ୍ ୪୨ ବେସି
 ଗାଜା କାଟ୍ ଆଜି ଇଚାଡ୍, “କଗ୍‌ଲେ ବିଡ୍ରେ ଏନ୍ ଦନ୍‌ସ୍‌ବାଦ୍ ନି ଗରବ୍‌ନି ପାଡ୍ ।
 ୪୩ ଆରେ, ନା ମାପୁ ତେହି ଜେ ନା ଲାଗେ ଖାନାଡ୍, ନାଦାଂ ଇ କାରୁମ୍ ଇମେଣ୍ଟାଂ
 ଆତାଡ୍ ? ୪୪ ଇନାକିଦେଂକି ହୁଡାଡ୍, ନି ଇଚି ବେରଣ୍ ଖେଡିଦାପ୍ରେ ହିମ୍‌ଣା ନା
 ପଟତ ମାନି କାଡ୍‌ଦେ ଖାର୍‌ୟା ଆଜି ଏନ୍‌ନାନ୍ । ୪୫ ଇନେର୍ ପାତ୍ କିତାର୍, ହେଝାନ୍
 ଦନ୍‌ସ୍, ଇନାକିଦେଂକି ମାପୁଡାଂ ତାଙ୍ଗେଙ୍ଗ୍ ଇନା ଇନାକା ଖେଡ୍‌ତାନ୍‌ନା, ହେ ସବୁ କାମ୍
 ଆନାଡ୍ ।”

☆ ୧:୩୧ ୧:୩୧ ମାଡିଉ ୧:୨୧.

ମରିୟମ୍ ଇସ୍‌ରାଏଲ୍ ନାମ୍ କିତାଡ଼

୪୭ ଇବେଣ୍ଡାଂ ମରିୟମ୍ ଇତାଡ଼,

“ନା ଖାୟି ମାପୁଞ୍ଜ କେରକଣ୍ କେରନାତା,”

୪୭ ଆରେ, “ନା ଜିବୁନ୍ ନାଞ୍ଜ ବାଗାୟକିଡ଼ି ଇସ୍‌ରାଏଲ୍ ମାପୁତାକେ ଖାରି ହଡ଼ନାତା;

୪୮ ଇନାକିଦେଂକି ହେଖାନ ନିଜ୍ ଆଡ଼ିୟାଣି ପାତିଦିନିଦୁକ୍ କାଜିଂ ହୁଡ଼ନାର୍ ।

ଆରେ ହୁଡ଼ାଟ୍, ମୁଡ଼ଦାଂ ଖିଜ୍‌ନି ପାତେକ୍ ଲାତ୍ରା ଖିଜାର୍ ନାଞ୍ଜେଞ୍ଜ ଦନ୍ୟ ଇଞ୍ଜି ଇଞ୍ଜିନାର୍;

୪୯ ଇନାକିଦେଂକି ଗାଜା ସାକ୍ରିକାଟାକାନ୍, ହେଖାନ ନା କାଜିଂ ଗାଜା କାମାୟ କିତାନନ୍ନା;

ହେଖାନ ତର ପୁଇପୁୟା ।

୫୦ ଆରେ ତାଞ୍ଜେଞ୍ଜ ପାଣ୍ଡା ଆନାକାର୍ କାଜିଂ ହେଖାନ୍ତି ଦୟା ଜୁଗ୍ ଜୁଗ୍ ମାନ୍‌ଗାନାଡ଼ ।

୫୧ ହେଖାନ ନିଜ୍ କେଇନି ବାପୁତାଂ ଚଟ୍‌ଚାନ୍ନା;

ଆକ୍ରିୟାରିଂ ହେଖାର୍ ମାନ୍‌ନି ମେହାଆନାକାରିଂ ଚିନ୍‌ବିନ୍ କିତାନନ୍ନା;

୫୨ ହେଖାନ ସାସନ୍ କାରୟାରିଂ ରାଜା ଗାଦିତାଂ ପିହିକିତାନ୍ନା, ଅକ୍ ଡ଼ ଲଗାଞ୍ଜ ନିକ୍‌ତାଣ୍ଡା,

୫୩ ହେଖାନ ନାସକି ଲଗାଂ ହାଦ୍ କାଦି ହିଜି ମାଚାନ୍, ହାଉକାର୍‌ରିକାଂ ଖାରି କେଇଦାଂ ପଞ୍ଜାନ୍‌ନା ।

୫୪ ମା ଦାଦି ଆକର୍ କାଜିଂ ତା ପାର୍ମାଣ୍ ହେଖାନ ରାକ୍ୟା କିତାନନ୍ନା ଆରି ତା ଆଡ଼ିଏନ୍ ଇସ୍ରାଏଲ୍‌ତିଂ ଦୟା କିତାନନା ।

୫୫ ହେଖାନ ଜୁଗ୍ ଜୁଗ୍ କାଜିଂ ଅବ୍ରାହାମ୍ ଆରି ତା ଖିଜାର୍ ଲାତ୍ରାନିକାରିଂ ଦୟା ଚଟ୍‌ଚି କିଦେଞ୍ଜ ବାଣାଖାତାଣ୍ଡା ।”

୫୬ ଆରେ, ମରିୟମ୍ ତିନିମାସ୍ ପାତେକ୍ ଏଲିସାବେଡ଼ ଲାହାଞ୍ଜ ମାନ୍‌ଞ୍ଜି ନିଜାର୍ ଇଞ୍ଜି ହାଚାଡ଼ ।

ବାପ୍ତିସ୍ମା ହିନି ଜହନ୍ତି ଜଲମ୍

୫୭ ପାଚେ ଏଲିସାବେଡ଼ ପାରହାଡ଼ ଆନି ଦିନ୍ ଏକାଖାତିଲେ, ହେଦେଲ୍ ର ମାଜି ଗାଟାଆତାଡ଼, ୫୮ ଆରେ ମାପୁ ଜେ ହେ କାଜିଂ ବେସି ଦୟା କିତାନନ୍ନା, ଇଦାଂ ଖେନ୍‌ଞ୍ଜି ତା ପାଡ଼ହା ଲଗୁ ଆରି ଖାୟିନିକାର୍ ତା ଲାହାଞ୍ଜ ଖାରି କିଦେଞ୍ଜ ଲାଗାତାର୍ ।

୫୯ ଆଟ୍ ଦିନ୍‌ତାଂ ହେଖାର୍ ହିମାଣାତିଂ ସୁନ୍‌ଡ଼ କିଦେଞ୍ଜ ଖାତାର୍ ଆରି ତା ଲାତ୍ରାହି ତର ଲାକେ ହେ ତର ଜିକରିୟ ଇଡ଼ଦେଂ ମାନ୍‌କିତାର୍ । ୬୦ ମାତର୍ ତା ତେହି ଇଚାଡ଼, “ଆକାୟ, ତା ତର ଜହନ୍ ଆନାଡ଼ ।”

୬୧ ହେଖାର୍ ତାଞ୍ଜେଞ୍ଜ ଇଚାର୍, “ନି ଖାୟିନିକାରିଂ ବିତ୍ରେ ତ ଇନେରିଂ ଇ ତର ହିଲୁଡ଼ ।” ୬୨ ଇବେଣ୍ଡାଂ “ତାଞ୍ଜେଞ୍ଜ ଇମ୍‌ଣି ତର ହିନାସ୍ ଇଞ୍ଜି ତାଞ୍ଜିଆବା ମାନ୍ କିନାନା, ହେଦାଂ ହେଖାର୍ ତାଞ୍ଜେଞ୍ଜ ଚାନ୍ୟା ଆଜି ଖେନ୍‌ବେଦେଂ ଲାଗାତାର୍ ।”

୬୩ ହେ ପାଚେ ହେଖାନ ର ଲେକିକିନି ପାଟା ଏନ୍‌ଚି ଲେକିକିତାନ୍; “ତା ତର ଜହନ୍ ।” ଇବେ ଖିଜାର୍ କାବା ଆତାର୍ । ୬୪ ଆରେ, ହେ ଦାପ୍ରେ ତା ଖେଇ ଆରି ଖେନ୍‌ଲୁ ଜେୟାଆତାଡ଼ ଆରି ହେଖାନ ବେଣ୍ ଇଞ୍ଜି ଇସ୍‌ରାଏଲ୍ ମାପୁ ଦନ୍ୟବାଦ୍ କିଦେଞ୍ଜ ଲାଗାତାନ୍ । ୬୫ ଇବେଣ୍ଡାଂ ହେଖାନ ତା ଲାଗେ ଲାଗେ ନିକାର୍ ଖିଜାର୍ ପାଣ୍ଡା ଆଜି ହାଚାର୍, ଆରେ ଇ ଖିଜୁ କାତା ଜିହୁଦା ଦେସନି ମାଡ଼ିରାଜିନି ସବୁନିପ ଲକୁ ଖେଟ୍‌ପାଖେଟ୍‌ପି ଆତାର୍, ୬୬ ଆରେ ଖେନାକାର୍ ଖିଜାର୍ ହେ ଖିଜୁ ନିଜ୍; ନିଜାର୍ ମାନ୍ତ ଇଡ଼ଜି ଇଚାର୍, “ଇ କାଡ଼ଦେ ଇନାକା ଆନାଡ଼ ?” ଇନାକିଦେଂକି ହାଡ଼ପାନେ ମାପୁ କେଇ ତା ହୁଦାଂ ମାନାଡ଼ ।

ଜିକରିୟ ଇସ୍ବରତିଂ ନାମ୍ କିତାନ

୨୭ ଆରେ, ତା ଲାତ୍ରାହି ଜିକରିୟ ପୁଇପୁୟା ଜିବୁନ୍ତ ବାରିତି ଆଜି . ଇ
ବେଶ୍ବାକ୍‌ଶାୟକିନାକାନ ଇଚାନ,

୨୮ ଦନ୍ୟ ମାପୁ, “ଇସ୍ରାଏଲ୍‌ନି ଇସ୍ବର ମାପୁଙ୍ଗ୍,”

ଇନାକିଦେଂକି ନିଜାର ଲଗାଂ ଦୟା ହୁଡ଼ଜି ହେଖାନ ମୁକ୍ତି କିତାନନ୍ନା;

୨୯ ହେଖାନ ନିଜାର ଆଡ଼ିଏନ୍ ଦାଉଦ୍‌ନି ଲାତ୍ରାନି

ରକାନ ସାକ୍ତିନିକାନ ମା କାଜିଂ ମୁକ୍ତି କିଦଦେଂ ମାଙ୍ଗେଙ୍ଗ୍ ହିଡ଼ନ୍ନା,

୩୦ ଆଗେନି ସମୁତାଂ ନିଜ୍ ପୁଇପୁୟା ବେଶ୍ବାକ୍‌ଶାୟକିନାକାର ଖେଇ ତାଙ୍ଗ୍ ଇନେସ୍
ଇଞ୍ଜି ମାଚାର

୩୧ ହେ ଲାକେ ମା ବିତ୍ରେ ସାତୁରତାଂ ଆରି

ମା ଝିଜାକାର ଗିଶ୍‌କାରିୟାର କେଇଦାଂ ମୁକ୍ତି ପାୟାତାୟନା,

୩୨ ହେଖାନ ଇଚାନ, ମା ଆକର୍ କାଜିଂ ଦୟା ଚର୍ଯ୍ୟାତାନନା,
ଆରି ତାଂ ପୁଇପୁୟା ନିୟମ୍ ହେଖାନ ନିତ୍ରେ ଏତୁ କିଜି ମାନେନ୍ ।

୩୩ ମା ଆବା ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ,

୩୪ ପାଚେ ଇନେସ୍ ସାତୁ କେଇଦାଂ ମୁକ୍ତା ଆଜି .

ପାଣ୍ଡା ଆଖାଦାଂ ଜିବୁନ୍ ମାନି ପାଚେକ୍ ହେଖାନ ଲାଗେ,

୩୫ ଇନେସ୍‌କି ଆସେଙ୍ଗ୍ ପୁଇପୁୟା ଆରି

ଦାମ୍ ଆଜି ତାତି ପାର୍ତାନା କିଦେଙ୍ଗ୍ ଇଞ୍ଜି ମାଙ୍ଗେଙ୍ଗ୍ ଆସିର୍ବାଦ୍ କିଦନାନ୍ ।

୩୬ “ଏ ନା ମାଜି ଏନ୍ ସିଗ୍‌ଦାକାନ ଇସ୍ବତ୍

ର ବେଶ୍ବାକ୍‌ଶାୟକିନାକାନ ଲାକେ ତାକ୍‌ପୁଟା ଆନାୟ ।

ଏନ୍ ମାପୁତି ରଖାୟ ଚାଣ୍ଡୁ ଦୁଡ଼ ଲାକେ ତା କାଜିଂ ତା ହାଜି ରଚ୍‌ନାୟ ।

୩୭ ପାପ୍ କେମା ପାୟା ଆନି କାଜିଂ ହେଖାର୍ ଜେ ମୁକ୍ତି ଆନାକା ଲାବ୍ ପାୟା ଆନାର୍
ତା ମାନାୟାରିଂ ଇ କାତା ଇଞ୍ଜେଙ୍ଗ୍ ହାନାନ୍,

୩୮ ମା ଇସ୍ବର୍ ଦୟାନିକାନ ଆରି ହୁଦାର୍ ଜିବୁନ୍,
ହେଖାନ ମା କାଜିଂ ମୁକ୍ତି ଆନାକା ମା କାଜିଂ ଖେଡ଼ା ହନାଡ଼,

୩୯ ଇମ୍‌ଶାକାର୍ ହାତିଲାକେ ମାଜ୍‌ଗା ହିଡ଼ଡ଼ିତ ବାହାକିନାର୍,

ସୁସ୍ତା ହାଜିଡ଼ ହେଖାରିଂ ଅଜି ହାଞ୍ଜେଙ୍ଗ୍ ଇଞ୍ଜି

ହେଖାନ ଝିଜାର୍ ଜପି ସାଗେଟାଂ ଅଜଡ଼୍ ହିଦେଙ୍ଗ୍ ଆଡ଼ନାନ୍ ।”

୮୦ ପାଚେ, କାଡ଼୍‌ଦେ ଗାଜା ଆଜି ଜିବୁନ୍‌ତ ସାକ୍ତି ଆଦେଂ ଲାଗାତାନ୍ ଆରେ
ଇସ୍ରାଏଲ୍ ଲାଗାଂ ପୁଟାଆଝି ପାଚେକ୍ ବାଚାତ ମାଚାନ ।

୨

ଜିସୁତି ଜଲମ୍

(ମାତିଉ ୧:୧୮-୨୫)

୧ ହେ ସମୁତ ରମିୟ ପୁତ୍‌ନି ଝିଜୁ ରାଜକିନାକାନ ମାନାୟାରିଂ ତର୍ ଲେକିକିନାକା
ଇଞ୍ଜି କାଇସର୍ ଅଗସ୍ତୁତାଂ ବଲ୍ ସୁଶାୟ କିତାର୍ । ୨ ସିରିୟାନି ରାଜକିନାକାନ
କିରଣିୟତି ସମୁତ ପଡ଼ୁମ୍ ଇ ଲକ୍‌କୁ ଗାଣାକିନାକା ତର୍ ଲେକା ଆଜି ମାଚାଡ଼ । ୩ ହେଦାଂ
କାଜିଂ ଝିଜାର୍ ତର୍ ଲେକିକିନାକା କିଦେଙ୍ଗ୍ ଜାର୍ ଜାର୍ ଗାଡ଼୍‌ଦ ହାଲ୍‌ଜି ମାଚାର୍ ।

୪ ଆରେ, ଜସେପ୍ ପା ତର୍ ଲେକିକିଦେଂ ଇଞ୍ଜି ମରିୟମ୍ ଲାହାଙ୍ଗ୍ ଗାଲିଲିନି
ନାଜରିତ୍‌ୟ ଗାଡ଼୍‌ତାଂ ଜିହୁଦା ରାଜିନି ବେଡ଼ଲିହିମ୍ ତର୍‌ଦି ଦାଉଦ୍‌ନି ଗାଡ଼୍‌ଦ ହାଚାର୍,
ଇନାକିଦେଂକି ହେଖାନ ଦାଉଦ୍ ଲାତ୍ରା ଆରି ଜାତିନି ଲକ୍ ମାଚାନ; ୫ ହେଖାନ ତା
ମାଲାକିୟା ଆଜି ମରିୟମ୍ ଲାହାଂ ତର୍ ଲେକିକିନି କାଜିଂ ହାଚାର୍ । ମରିୟମ୍ ଏସ୍‌ପିସ୍ତ୍ରୁ

ମାତାତ । ୬ ହେୱାର୍ ହେ ବାହାତ ମାନି ୱେଡ଼ାଲିଂ ହେଦେଲ୍ଲତି ଜଲମ୍ କିନି ସମ୍ମୁ ଏକାଞ୍ଚାତାତ୍ ୭ ପାତେ ହେଦେଲ୍ଲ ଜାର୍ ପାଣ୍ଡା ମାଜି ଚଞ୍ଚାନ ଆରି ହେୱାନିଂ ହେଦ୍ମାତ ହୁରୁପିସ୍ କତି ହାଡ଼ାନି ତଞ୍ଚାତ ତ୍ରେପ୍ତାର୍, ଇନାକିଦେଂକି ମାନି ଇଲ୍ଲ ହେୱାରିଂ ହିଲ୍ଲଞ୍ଚାତାତ୍ ।

ମେଣ୍ଡାଗଡ଼ିୟାର୍ ଜିସୁତି ଜଲମ୍ କାରୁର୍ ପାୟା ଆତାର୍

୮ ହେ ୱେଡ଼ାଲ୍ କେତେକ୍ ମେଣ୍ଡାଗଡ଼ିୟାର୍ ବାଟାତ ମାନ୍ଞ୍ଜି ନାଣା ହେୱାର୍ ତି ମେଣ୍ଡାଂ ମାନ୍ଦାତିଂ କାସି ମାତାର୍ । ୯ ମାପୁନି ରଞ୍ଚାନ୍ ଦୁଡ୍ ହେୱାର୍ ଲାଗେ ନିଲ୍ଲତାନ୍, ଆରେ ମାପୁତି, ଜାଜମାଲ୍ଲନି ଅଜଡ୍ ହେୱାର୍ ଚାରିବେଣ୍ଡାଂ ଆରତାତ୍ । ଆରି ହେୱାର୍ ବେସି ପାଣ୍ଡା ଆତାର୍ ୧୦ ହେବେଣ୍ଡାଂ ଦୁଡ୍ ହେୱାରିଂ ଇଚାନ୍, “ପାଣ୍ଡା ଆମାଟ୍; ହୁଡ଼ାଟ୍, ଆନ୍ ସବୁ ମାନାୟାରିଂ ବେସି ୱାରିନି ନେକ୍ଟିକାରୁର୍ ମିଜେକ୍ ୱେଚାନାଜା, ୧୧ ଇନାକିଦେଂକି ନେଞ୍ଜେକ୍ ଦାଉଦନି ଗାଡ୍ ଦ ମି କାଜିଂ ମୁକ୍ତି କାରିୟା ହେୱାନ୍ କ୍ରିସ୍ ମାପୁ ।” ୧୨ ଆରେ, ମି କାଜିଂ ଇଦାଂ ଚିନ୍ ଲାକେ ଆନାଡ୍, “ଏପେକ୍ ର କାଡ୍ ଦେଂ ହେଦ୍ମା ହୁରୁପିୟା ଆଜି କତି ହାଡ଼ାନି ତଞ୍ଚାତ ହୁନ୍ ଜି ମାନାକା ହୁଡ଼ନାଦେର୍ ।”

୧୩ ପାତେ, ହାଚାଗ୍ରେ ହେ ଦୁଡ୍ ହୁଦାଂ ସାଗେନି ଦଲ୍ ର ଗାଜାଦାଡ୍ ୱାତାର୍ ଇସ୍ପର ମାପୁକ୍ ପାର୍ତାନା କିଜି କିଜି କେର୍ତାର୍,

୧୪ “ଜପ୍ ଠି ନିକାରିଂ ଇସ୍ପର ମାପୁକ୍ ଜାଜମାଲ୍,

ଆରେ ପୁତ୍ ତ ହେୱାନ୍ତି ଏଚେକ୍ ସାରି ବିଞ୍ଚାହିଂ ମାନାୟା ବିତ୍ରେ ସୁସ୍ତା ଆଏଡ୍ ।”

୧୫ ଦୁଡକ୍ ହେୱାର୍ ତାକ୍ ସାଗେଚ୍ ହାତିପାତେ ମେଣ୍ଡାଗଡ଼ିୟାର୍ ହେୱେର୍ ହେୱାର୍ ଇନ୍ ବା ଆତାର୍ “ଞ୍ଚାତ ଆସେକ୍ ବେଡଲିହିମ୍ ପାତେକ୍ ହାଲ୍ଲଜି, ମାପୁ ମାଜେକ୍ ଇମ୍ ଠି ବଚନ୍ ନି ଗର୍ଣା ୱେର୍ଚାତାନ୍ନା, ହେଦାଂ ହୁଡ଼ନାସ୍ ।”

୧୬ ଇବେଣ୍ଡାଂ ହେୱାର୍ ବେଗିହାଲ୍ଲଜି ତେକ୍ ଚି ମରିୟମ୍ ଆରି ଜସେପ୍ତିଂ, ଆରି କତିହାଡ଼ା ତଞ୍ଚାତ କାଡ୍ ଦେଂ ତ୍ରେପ୍ତି ମାଚାକା ହୁଡ଼ତାର୍ । ୧୭ ହେୱାର୍ ତାଜେକ୍ ହୁଡ଼ଜି ହେ କାଡ୍ ଦେ ବିସ୍ତେ ହେୱେରିଂ ଦୁଡ୍ ଇମ୍ ଠି କାତା ଇଞ୍ଜି ମାଚାଡ୍, ହେଦାଂ ୱେର୍ଚାର୍, ୧୮ ପାତେ ଏଚେକ୍ ମାନାୟା ମେଣ୍ଡାଗଡ଼ିୟାର୍ ତାଂ ହେ ସବୁ ବେରଣ୍ ୱେଚାର୍, ହେୱାର୍ ୱିଜାର୍ ହେବେ କାବା ଆତାର୍ । ୧୯ ମାତର୍ ମରିୟମ୍ ଇ ୱିଜୁ କାତା ମାନ୍ତ ଇଡ଼ଜି ଗାଜା ଏଡ୍ କିଦେକ୍ ଲାଗାତାତ୍ । ୨୦ ଆରେ, ମେଣ୍ଡା ଗଡ଼ିୟାରିଂ ଇନେସ୍ ୱେର୍ଚି ମାଚାର୍, ହେ ଲାକେ ହେୱାର୍ ଇନା ଇନାକା ୱେଚାର୍ ଆରି ହୁଡ଼ତାର୍, ହେ ୱିଜୁଡ଼କ୍ ଇସ୍ପର ମାପୁ ନାୟା ଆରି କେର୍କଣ୍ କେର୍ଜି ଲେଉଟା ଆତାର୍ ।

ଜିସୁକ୍ ମନ୍ଦିରତ ଏକିକିତାର୍

୨୧ *ଆଟ୍ ଦିନ୍ ତାଂ ପାତେ ସୁନ୍ନଡ୍ କିଦେକ୍ ଜିସୁକ୍ ମନ୍ଦିରତ ଅଜି ହାଚାର୍ ତା ତର୍ ଜିସୁ ଇଡ଼ତାର୍; ଇ ତର୍ ତାଜେକ୍ ଏସ୍ ପିହ୍ ୱି ଆଗେ ଦୁଡ୍ ଇଞ୍ଜି ମାଚାଡ୍ ।

୨୨ ପାତେ ଏଚେକାଡ୍ ଦ ମସାତି ବିଦି ଇସାବ୍ରେ ଜସେପ୍ ଆରି ମରିୟମ୍ ଠି ସକର୍ ଆନି ସମ୍ମୁ ଏକା ୱାତାଡ୍, ହେୱାର୍ ମାପୁତି ଉଦେସ୍ତ କାଡ୍ ଦେଂ ପୁଜା କିନି କାଜିଂ ଜିରୁସାଲମ୍ ତ ଅତାର୍, ୨୩ ଇନେସ୍ କି ମାପୁତି ବିଦି ଲେକା ଆତି ଲାକେ “ଞ୍ଜିଜାର୍ ପର୍ଡୁମ୍ ଜନମ୍ ଆତି ଆଣ୍ଡା ହିମ୍ ଠାଂ ମାପୁ କାଜିଂ ପୁଇପୁୟା ଇଞ୍ଜି ହିସାବ ଆନାଡ୍,” ୨୪ ମାପୁତି ବିଦି ସାସ୍ପର୍ ତାକେ ଲେକାଆତି ଇ ବଲ୍ ହୁଦାଂ ହେୱାର୍ ହେୱେନିଂ ମାପୁକ୍ କାଜିଂ ପୁଜାହିନାକା ଇଞ୍ଜି ଆରି ମାପୁନି ସାସ୍ପର୍ ତ ଲେକାଆତାଡ଼ନା “ରିଣ୍ଡାଂ ପାର୍ଞାକ୍ ଆଞ୍ଜିତିସ୍ ରିଣ୍ଡାଂ ପାଣ୍ଡକା ହିମ୍ ଠାଂ ପୁଜାକିଦେକ୍ ଇଞ୍ଜି ତାଜେକ୍ ଜିରୁସାଲମ୍ ତ ଅତାର୍ ।”

* ୨:୨୧ ୨:୨୧ ଲୁକ ୧:୩୧.

ସିମିୟନ୍ ହାନା ଜିସୁଙ୍କ ଚଞ୍ଚା ଆତାନ୍

୨୫ ଆରେ ହୁଡ଼ାଟ୍, ଜିରୁସାଲମ୍‌ତ ସିମିୟନ୍ ତରଦାକାନ୍ ରଖାନ୍ ଦାମ୍ ଆରି ହାରଦିମାନାୟ ମାଚାନ୍; ହେଖାନ୍ ଇସ୍ରାଏଲ୍‌ନି ଦୁକ୍‌ସାରାୟ କିଦେଙ୍କ୍ କାସି ମାଚାନ୍, ଆରେ ପୁଇପୁୟା ଜିରୁନ୍ ତା ତାକେ ଜୁଜି ମାଚାଟ୍ । ୨୬ ମାପୁ କ୍ରିସ୍ଟୁଙ୍କ୍ ହୁଡ଼଼ିତିସ୍ ତାଙ୍ଗେଙ୍କ୍ ହେଖାନ୍ତି ହାକିଆଡ଼୍, ପୁଇପୁୟା ଜିରୁନ୍ ହୁକେ ତାଙ୍କ୍ ଇ ବାସ୍ ହିୟାଆଜି ମାଚାନ୍ । ୨୭ ହେଖାନ୍ ଜିରୁନ୍‌ତାଂ ବାଟ୍ ଆଜି ମନ୍ଦିରତ୍ ଖାତାନ୍, ଆରେ ହିମଣା ଜିସୁତି ଆବା ଆୟା ଏଚେକାଡ଼୍‌ଦ ହେ ବିସ୍ତେ ନି ବିଦିନି ହୁକେ କାମାୟ କିଦେଙ୍କ୍ ଇଞ୍ଜି ତାଙ୍ଗେଙ୍କ୍ ବିତ୍ରେ ତାଜାଡ଼ାର୍, ୨୮ ହେଖାଡ଼ାଂ ସିମିୟନ୍ ହିମଣାତିଂ ତ୍ରକ୍ତି ଆଜି ଇସ୍ପରତିଂ ଦନ୍‌ଏବାଦ୍ କିଜି ଇଚାନ୍,

୨୯ “ଏ ମାପୁ, ଅଙ୍ଗୟ ଏନ୍ ନି କାତା ଲାକେ

ନିଜ୍ ଆଡ଼ିୟାଙ୍କ୍ ସୁସ୍ତାତାଂ ତାଙ୍ଗଜି ହାଞ୍ଜେଙ୍କ୍ ହିନାୟ;

୩୦ ଇନାକିଦେଂକି ନା କାଣ୍‌ଙ୍ଗା ନି ମୁକ୍ତି ଆନାକା ହୁଡ଼ନାଙ୍ଗା,

୩୧ ଇମ୍‌ଣାକା ଏନ୍ ଓଜାର୍ ମାନାୟାର୍ ମୁମ୍‌ଦ ଜାଲ୍‌ଦି କିତାୟନା,

୩୨ ପାଟ୍ କିଓ୍ଵି ଜିହୁଦିର୍ କାଜିଂ ସତ୍ ହନି ଅଜଡ଼୍,

ଆରେ ମି ଲକ୍ ଇସ୍ରାଏଲ୍‌ନି ଜାଜ୍‌ମାଲ୍ ଲାକେ କିତାୟନା ।”

୩୩ ହେଖାନ୍ କାଜିଂ ଇତି ଓଜୁ ବିସ୍ତେ ହେ ଆବା ଆୟା ଖେନ୍‌ଞ୍ଜି କାବା ଆଜି ମାଚାଟ୍

। ୩୪ ଆରେ, ସିମିୟନ୍ ହେଖାରିଂ ଆସିର୍ବାଦ୍ କିଜି ହେଖାନ୍ ତେହି ମରିୟମ୍‌ତିଂ ଇଚାନ୍, ଇ କାଡ଼ଦେ ଇସ୍ରାଏଲ୍ ବିତ୍ରେ “ହେନିରତି ଆରେ ନିଙ୍ଗଜି ରୁଡାଆନି କାଜିଂ ଇସ୍ପର ହୁକେ ବାଚିକିୟା ଆତାନ୍, ଇମ୍‌ଣାକାର୍ ବିରୁଦ୍‌ତ ବେସି ମାନାୟ କାତା ଇନାର୍ ର ଚିନ୍ ଲାକେ ଆନାଟ୍ । ୩୫ ହେନି ତାଙ୍ଗେଙ୍କ୍ ବେରୁଆନାର୍ ନିଜେ ମାନ୍‌ନି ତ୍ଵକ୍ତି ବିଚାର୍ ସବୁ ହପ୍‌ନାନ୍ । ଦୁକ୍ ଲାକେ ର ଦାରାକାଣ୍ଡା ଜାର୍ ଖାସ୍ତିତିଂ ଚିରବିର୍ କିନାୟ ।”

୩୬ ଆରେ, ହାନ୍ନା ଇନି ରଞ୍ଜେଲ୍ ବେଶ୍‌ବାକ୍‌ଶାୟକିନାକାଦେଲ୍ ମାଚାଟ୍; ହେଦେଲ୍ ଆସେର୍ ଜାତିନି ପେନ୍‌ଏଲ୍ ଗାଡ଼୍‌ହି । ତାଦାଙ୍କ୍ ବୟସ୍ ବେସି ଆଜି ମାଚାଟ୍, ହେଦେଲ୍ ଜିପଲି ମାନି ପାଚେ ସାଡ଼ବାର୍ହୁ ଆଣ୍ଡେନ୍ ହୁକେ ବାହା କିଜି ମାଚାଟ୍ ଆରି ଚାରିକଡ଼ି ଚାରିବାର୍ହୁ ପାଚେକ୍ ଚାଣ୍ଡି ଆଜି ମାଚାଟ୍ । ୩୭ ହେଦେଲ୍ ବିରକ୍ତୁଲ୍ ମନ୍ଦିର୍ ପିହ୍‌ଖାଦାଙ୍କ୍ ଉପାସ୍ ଆରି ଗଞ୍ଜାରି ହୁକେ ଖେଡ଼ନାଣା ମାପୁଙ୍କ୍ ପାର୍ତାନା କିଜି ମାଚାଟ୍ । ୩୮ କାଡ଼ଦେ ଜିସୁ ମନ୍ଦିରତ୍ ଖାୟା ଆନିଖେଡ଼ାଂ ହାନ୍ନା ହେବେ ଏକିସ୍ ଇସ୍ପରତିଂ ଜୁଖାର୍ କିତାଟ୍ ଆରି ଇସ୍ପର ଜିରୁସାଲମ୍‌ତିଂ ମୁକ୍ତି କିନାନ୍ ଇଞ୍ଜି ଇମ୍‌ଣାକାର୍ ପାଟ୍ କିଜି କାସି ମାଚାଟ୍, ହେଖାନ୍ ଓଜାରିଂ କାଡ଼ଦେ ବିସ୍ତେ ଇଚାଟ୍ ।

ଜସେପ୍ ଆରି ମରିୟମ୍ ଇଞ୍ଜି ମାସ୍‌ଦି ହାଚାର୍

୩୯ ଧାଚେ ହେଖାର୍ ମାପୁତି ମସାତି ବିଦି ଇସାବ୍ରେ ଓଜୁ କାମାୟ ଓସ୍ତି ଗାଲିଲିତ୍, ଜାର୍ ଗାଡ଼୍‌ନାଜରିଡ଼ତ ଲେଉଟାତାର୍ । ୪୦ ଆରେ, କାଡ଼ଦେ ଗାଜା ଆଦେଂ ଲାଗାତାନ୍ ଆରି ଗିଆନ୍‌ତ ପୁରା ଆଉ ଆଉ ସାକ୍ତି ମାନାୟ ଆତାନ୍, ଆରେ ଇସ୍ପର୍ ଦୟା ହେ ଜପି ମାଚାଟ୍ ।

କାଡ଼ଦେ ଜିସୁ ମନ୍ଦିରତ୍

୪୧ ତା ତେହି ଲାତ୍ରାହି ପାତି ବାର୍ହୁ ନିସ୍ପାର୍ ପାର୍ହୁ ଖେଡ଼ାଲିଂ ଜିରୁସାଲମ୍‌ତ ହାଲ୍‌ଜି ମାଚାର୍ । ୪୨ ହେଖାନ୍ତି ବାର ବାର୍ହୁ ଖେଡ଼ାଲିଂ ହେଖାର୍ ପାର୍ହୁ ରିତି ଇସାବ୍‌ରେ ହେବେ ହାତିକ୍ । ୪୩ ପାର୍ହୁନି ସମୁ ଓସ୍ତି ଏଚେକାଡ଼୍‌ଦ ହେଖାର୍ ମାଜି ଖାଜି ମାଚାର୍, ହେ ଏଚେକାଡ଼୍‌ଦ କାଡ଼ଦେ ଜିସୁ ଜିରୁସାଲମ୍‌ତ ଚେବା ଆତାନ୍, ଆରେ ତା ତେହି ଲାତ୍ରାହି

☆ ୨:୩୯ ୨:୩୯ ମାତିଉ ୨:୨୩.

ହେଦାଂ ପୁନଃପୁନଃ ମାତାର । ୪୪ ମାତର ହେଖାନ ହାଙ୍ଗତାଂ ହାତାକାର ହୁକେ ମାନାନ
 ଇଞ୍ଜି ହେଖାର ଦିନେକନି ହାଜି ତାଙ୍ଗଜି ହାତାର, ଆରେ ଖାସ୍ତିନିକାର ଆରି ଜାଣାଟିନା
 ଲକାର ତାକେ ହେଖାର ତେକ୍ତେଂ ଲାଗାତାର, ୪୫ ଆରେ ହେଖାନିଂ ତେକ୍ତୁ ତେକ୍ତୁ
 ଗାଟାଆଞ୍ଜିତଲେ ଜିରୁସାଲମତ ଲେଉଟା ଆଜି ହାତାର । ୪୬ ତିନି ଦିନ ପାଚେ ହେଖାର
 ହେଖାନିଂ ମନ୍ଦିରତ ଗାଟାଆତାର; ହେଖାନ ପଣ୍ଡିତକୁର ବିତ୍ତେ କୁରତି ହେଖାର କାତା
 ଖେନ୍ଞି ମାତାନ ଆରି ହେଖାରିଂ ପରସନ୍ କିଜି ମାତାନ, ୪୭ ଆରେ ଏତେକ୍ ମାନାୟ
 ହେଖାନ କାତା ଖେନ୍ଞି ମାତାର, ଖିଜାକାର ହେଖାନ୍ତି ବୁଦି ଆରି ଉତରତ କାବା ଆବିସ୍
 ମାତାର । ୪୮ ହେଖାର ହେଖାନିଂ ହୁଡ଼ଜି କାବା ଆତାର, ଆରି ତା ତେହି ତାଙ୍ଗ ଇଗାଡ଼,
 “ବପା, ମାଙ୍ଗେଙ୍ଗ ଇନେକିଦେଂ ଏଲେଙ୍ଗ ଚିନ୍ତା କିଡ଼ତାୟ ? ହୁଡ଼ା, ମିଞ୍ଜିବା ଆରି ଆନ୍
 ବେସି ବିପ୍ରି ଆଜି ନିଙ୍ଗେଙ୍ଗ ତେକ୍ତାନାପା ।”

୪୯ ଇବେତାଂ ହେଖାନ ହେଖାରିଂ ଇଚାନ, ଇନେକିଦେଂ “ଏପେଙ୍ଗ ନାଙ୍ଗେଙ୍ଗ
 ତେକ୍ତୁ ମାଞ୍ଜାଦେର ? ମାଞ୍ଜି ଆବାର ଇଞ୍ଜି ମାନାକା ଜେ ନା କାମାୟ, ଇଦାଂ ଇନାକା
 ପୁନଃପୁନଃ ମାତାଦେର ?” ୫୦ ମାତର ହେଖାନ ହେଖାରିଂ ଇମ୍ଫଣି କାତା ଇଚାନ,
 ହେଦାଂ ହେଖାର ବୁଜାଖାତାର ।

୫୧ ପାଚେ ହେଖାନ ହେଖାର ହୁକେ ଲେଉଟା ଆଜି ନାଜରିତିୟତ ଖାତାନ ଆରି
 ହେଖାରିତି କାତା ମାନିକିଜି ମାତାନ; ଆରେ, ହେ ତେହି ଇ ସବୁ କାତା ଜାଗ୍ରତତାଂ
 ହେ ମାନ୍ତ ଇଟାଡ଼ । ୫୨ ଆରେ, ଜିସୁ ଗିଆନ୍ତ ଆରି ଗାଗାଡ଼ତ, ଆରେ ଇସ୍ତ
 ଆରି ମାନାୟାରିତି ଦୟାତ ଗାଜା ଆତାନ ।

୩

ବାପ୍ରିସିମ୍ ହିନି ଜହନ୍ ସୁଣାୟ କିନାକା
 (ମାତିଉ ୩:୧-୧୨; ମାର୍କ ୧:୧-୮; ଜହନ୍ ୧:୧୯-୨୮)

୧ ତିବିରିୟା କାଈସରିତି ରାଜ୍ କିନାକା ପନ୍ଦର ବାହୁଡ଼, ଏତେକାଡ଼ ପନ୍ତ୍ରିୟ
 ପିଲାତ, ଜିହୁଦା ରାଜିତ ରାଜ୍ କାମାୟ ଆରି ହେରଦ୍ ଗାଲିଲିନି ହାସିରାଜା ମାତାନ,
 ଆରେ ତା ଟଣ୍ଡାହି ପିଲପ୍ ଇଡୁରିୟା, ଆରି ତ୍ରାକନିତି ରାଜିନି, ଆରେ ଲୁସାନିୟା
 ଅବିଲିନି ନି ହାସି ରାଜା ମାତାନ,

୨ ଆରି ହାନାନ ଆରି କୟାପା ମୁଡ଼ ମାପୁହେବାକିନାକାର ମାତାର, ହେ
 ଏତେକାଡ଼ ଇସ୍ତ ବଚନ୍ ବାଟାତ ଜିକରିୟତି ମେହି ଜହନ୍ ତାକେ ଏକାଖାତାଡ଼
 । ୩ ହେବେତାଂ ବାପ୍ରିସିମ୍ ହିନି ଜହନ୍ ଜର୍ଦନି ଲାଗାୟ ଖିଜୁ ନାସକୁ ହାଲ୍ଜି ପାପ୍
 କେମା କାଜିଂ “ମାନବାଦଲାୟ କିନି ବାପ୍ରିସିମ୍ ସୁଣାୟ କିଦେଙ୍ଗ ଲାଗାତାନ ।”

୪ “ଇନେସକି ଜିସାୟ ବେଶବାକ୍‌ଶାୟକିନାକାନ ସାସ୍ତରତାକେ ଲେକାଆତାଡ଼ନା,
 ବାଟାତ ଗାଜା କାଟ୍ କିଜି ମାନି ରକାନ୍ତି କାଟ୍,
 ‘ମାପୁତି ହାଜି ଜାଲ୍‌ଦି କିୟାଟ୍,
 ହେଖାନ୍ତି ରାଜାହାଜି ହାଣ୍ଡକୁ କିୟାଟ୍;”

୫ ସବୁ ବାଟା ବାଟି କିୟା ଆନାଟ୍, ଆରେ ସବୁ,
 ମାଡ଼ିଙ୍ଗ ଆରି କୁପ୍‌ଲିଙ୍ଗ ହାରୁ କିୟା ଆନାଟ୍,
 ବାଙ୍ଗଟା ହାଜି ସଲକ୍ କିୟାଟ୍ ସବୁ ହାଣ୍ଡକୁ ଆନାଟ୍,
 ଆରେ ଉଚ୍ଚନିଟ୍ ବୁମି ସାରିଆ ହାଜିତ୍ ରଚିଆ ଆନାଟ୍;

୬ ଆରେ, ଖିଜୁ ପୁତ ଇସ୍ତ ମୁକ୍ତି ଆନାକା ହୁଡ଼ନାର ।”

୭ ଲାଗିଂ, ହେଖାନ ତା ତାକେଣ୍ଡାଂ ବାପ୍ରିସିମ୍ ଆଦେଂ କାଜିଂ ହସି ଖାନି ମାନାୟାରିଂ
 ଇଚାନ, “କାଲାଟିରାଚ୍‌ନି ଲାତ୍ରା,” ଖାନିଦିନ୍ ମାପୁତି ଚାକ୍ରିତାଂ ହନ୍ତେଙ୍ଗ କାଜିଂ ଇନେର

☆ ୩:୭ ମାତିଉ ୧୨:୩୪; ୨୩:୩୩.

ମିଙ୍ଗେଇଁ ଚେତନା ହିତତାନ୍ ? ି ଲାଗିଂ ମାନବାଦଲ୍ଲାଇଁ କିନି ହାଦଂ ପାଡ଼଼ ଉଦ୍‌ଜାଣି କିୟାଟ୍; ଆରେ, “ଅବ୍ରାହାମ୍ ତ ମା ଆବା, ଇଞ୍ଜି ମାନେ ମାନେ ଏପେଙ୍ଗ୍ ଇନ୍‌ମାଟ୍, ଇନାକିଦେଂକି ଆନ୍ ମିଙ୍ଗେଇଁ ଇଞ୍ଜିନାଙ୍ଗା, ଇସ୍‌ବର୍ ଇ କାଲ୍‌କୁକାଂ ପା ଅବ୍ରାହାମ୍ କାଜିଂ ମାଜି ଉଦ୍‌ଜାଣି କିଦେଙ୍ଗ୍ ଆଡ଼ନାନ୍ ।^୯ *ଆରେ, ନଙ୍ଗ୍ ପା ମାରକୁକାଂ ଦଲ୍‌ଦ କୁଡ଼େଲ୍ ଲାଗାତାଡ଼ନ୍ନା; ଇମ୍‌ଣି ମାରକୁ ହାର୍ ପାଡ଼଼ ଆହ୍‌ଞ୍ଜିତିସ୍, ହେଦାଂ କାଦଦି ନାଣିତ ତୁହିୟା ଆନାଡ଼ ।”

^{୧୦} ଇବେଣ୍ଟାଂ ମାନାୟାର୍ ଜହନ୍‌ତିଂ ଖେନ୍‌ବେଦେଂ ଲାଗାତାନ୍, “ତା ଆତିସ୍ ଆସେଙ୍ଗ୍ ଇନାକା କିନାସ୍ ?”

^{୧୧} ଜହନ୍ ହେଞ୍ଜାରିଂ ଉତର୍ ହିତାନ୍, “ଇନେରତି ରିଣ୍ଟାଂ ଆଙ୍ଗିଙ୍ଗ୍ ମାନିଙ୍ଗ୍, ହେଞ୍ଜାନ୍ ଇନେରତି ହିଲ୍ଲୁଡ଼, ହେଦାଂ ରଞ୍ଜାଙ୍ଗ୍ ହିଏନ୍; ଆରେ, ଇନେରତି କାଦି ମାନାଡ଼, ହେଞ୍ଜାନ୍ ହେ ଲାକେ କିଏନ୍ ।”

^{୧୨} ସିସ୍ତୁନ୍‌ନାକାର୍ ପା ବାପ୍ରିସିମ୍ ଅଦେଂ ଖାଜି ତାଙ୍ଗ୍ ଖେନ୍‌ବାତାର୍, “ଏ ଗୁରୁ, ଆପେଂ ଇନାକା କିନାପ୍ ?”

^{୧୩} ପାଚେ ଜହନ୍ ହେଞ୍ଜାରିଂ ଇଚାନ୍, “ମି କାଜିଂ ଏଚେକ୍ ଲଡ଼ା ଆତାଡ଼ନ୍ନା, ତା ତାଙ୍ଗ୍ ଆଦିକ୍ ଏନ୍‌ମାଟ୍ ।”

^{୧୪} ମେଲ୍ୟାର୍ ପା ହେଞ୍ଜାନିଂ ଖେନ୍‌ବେଦେଂ ଲାଗାତାର୍, ଆରେ, “ଆପେଂ ଇନାକା କିନାପ୍ ?”

ହେଞ୍ଜାନ୍ ହେଞ୍ଜାରିଂ ଇଚାନ୍, “ବାଡ଼କାସ୍‌ତାଂ କି ଚକାୟ୍ କିଜି ଇନେରତି ପାଣ୍ଟୁ କିମାଟ୍, ଆରେ ମି ଦାର୍ମାତାକେ ସାରିମାନାଟ୍ ।”

^{୧୫} ମାନାୟାର୍ କାସି ମାନି କାଜିଂ ଆରି ଜହନ୍ ଇନେସ୍‌କି କ୍ରିସ୍ଟୁ ଆନାନ୍, ଇଞ୍ଜି ଇଦାଂ ହେଞ୍ଜାନ୍ କାଜିଂ ଖିଜାକାର୍ ଜାର୍ ଜାର୍ ମାନ୍ତ ଗାଣ୍‌ଜୁ କିଜି ମାନ୍‌ବିତିଲେ, ^{୧୬} ଲାଗିଂ ଜହନ୍ ଖିଜାକାରିଂ ଉତର୍ ହିତାନ୍, “ଆନ୍ ହିନା ମିଙ୍ଗେଇଁ ଏଜୁଂତାଂ ବାପ୍ରିସିମ୍ ହିଦ୍‌ନାଙ୍ଗା, ମାତର୍ ନା ତାଙ୍ଗ୍ ଇନେର୍ ଆଦିକ୍ ସାଲ୍ଲିକାଟାକାନ୍, ଖାନାନା ହେଞ୍ଜାନ୍ ତା ପାଣ୍ଟାଈଙ୍ଗ୍ ଡରି ରିକ୍‌ଚେଂ ସମାନ୍ ଆନ୍ ଆକାୟ୍, ହେଞ୍ଜାନ୍ ମିଙ୍ଗେଇଁ ପୁଇପୁୟା ଜିବୁଡ଼ ଆରି ନାଣିତ ବାପ୍ରିସିମ୍ ହିନାନ୍ । ^{୧୭} ତା କେଇଦ ହେଚି ମାନାଡ଼, ଲାଗିଂ ବାରବାନି ତାସ୍ ନିର୍ମଲ୍ କିଜି ଟୁଣ୍ଡିତ ଗାଁମ୍ ରୁଣ୍ଡାୟ୍ କିଜି ଇଡ଼ଦେଂ ଇଞ୍ଜି ହେଞ୍ଜାନ୍ କେଇଦ ହେଚି ମାନାଡ଼, ମାତର୍ ପୁଟା ଖିଜୁ ହେଞ୍ଜାନ୍ ହାଞ୍ଜିନାଣିତ ଦେସ୍‌ଇ ତୁହିନାନ୍ ।”

^{୧୮} ହେଞ୍ଜାନ୍ ଇ ଲାକେ ବେସି ଉପ୍‌ଦେସ୍ ହିଜି, ଆରେ ବାରବିନି ଖାରି ବେରଣ୍ ଖେଚ୍‌ଚି ମାନାୟ୍ ଲାଗାଂ ନେକ୍ରିକାବୁର୍ ପରଚାର୍ କିଜି ମାଚାନ୍; ଆରି ମାନବାଦଲ୍ଲାଇଁ କିନି କାଜିଂ ମାନାୟାରିଂ ବୁଜାୟ୍ କିତାନ୍ ^{୧୯} ମାତର୍ ଜହନ୍ ହାୟି ରାଜା ହେରଦ୍‌ତିଂ ଆଦିକ୍ ଆଟ୍‌ଖା ଆଜି ଇଚାନ୍ ଇନାକିଦେଂକି ଜାର୍ ଟଣ୍ଡେନ୍ ଡକ୍ରିଂ ହେରଦିଆତିଂ ବିବା କିଜି ମାଚାନ୍, ଆରି ବେସି ବିସ୍ତେ ବାନ୍‌ୟା କାମାୟ୍ କିଜି ମାଚାନ୍, ^{୨୦} ହେ ଲାକେ ଆରେ ରଞ୍ଜାଙ୍ଗ୍ ହେରଦ୍ କାରାପ୍ କାମାୟ୍ କିତାନ୍, ଜହନ୍‌ତିଂ ବନ୍ଦିତ ଇଡ଼ତାର୍ ।

ଜହନ୍ ଜିସୁଙ୍ଗ୍ ବାପ୍ରିସିମ୍ ହିତାନ୍
(ମାତିଉ ୩:୧୩-୧୭; ମାର୍କ ୧:୯-୧୧)

^{୨୧} ଖିଜାର୍ ମାନାୟାର୍ ବାପ୍ରିସିମ୍ ଆତି ପାଚେ ଜିସୁ ପା ବାପ୍ରିସିମ୍ ଅତାନ୍ । ଆରେ ପାର୍ତାନା କିନି ଖେଡ଼ାଲିଙ୍ଗ୍ ବାଦାଡ଼ ଜେୟା ଆତାଡ଼, ^{୨୨} *ଆରି ପୁଇପୁୟା ଜିବୁନ୍ ଗାଗାଡ଼ତ ପାଣ୍ଟକା ଲାକେ ଜିସୁ ଜପି ଜୁଜି ଖାଜି ଜିସୁଙ୍ଗ୍ କୁଚ୍‌ଚାଡ଼; ଆରେ, ବାଦାଡ଼ତାଂ ଇ ବେରଣ୍ ଆତାଡ଼, “ଏନ୍ ମା ଖାରିନି ମାଜିଡ଼ି, ମି ତାକେ ମା ବେସି ଖାରି ।”

* ୩:୯ ୩:୯ ମାତିଉ ୭:୧୯. * ୩:୨୨ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ ୯:୩୫.

ଜିସୁତି ଲାତ୍ତାନି ପୁରାଣ
(ମାତିଉ ୧:୧-୧୭)

୨୩ ଜିସୁ କାମାୟ ହାଙ୍ଗନି ଖେଡାଲିଂ ତାଙ୍ଗେଙ୍ଗ୍ ତିରିସ୍ ବାହୁଁ ବୟସ୍ ଆଜି ମାଗାଡ଼; ଲକାର ମାଗ୍ରାଙ୍ଗ୍ ହେଖାନ ଜସେପ୍ ମେହି ମାଗାନ; ଜସେପ୍ ଏଲିତି ମେହି, ୨୪ ଏଲି ମତାତି ମେହି, ମତ୍ତତାତ ଲେବି ମେହି, ଲେବି ମଲ୍ଲକିତି ମେହି, ମଲ୍ଲକି ଜନ୍ମୟତି ମେହି, ଜନ୍ମୟ ଜସେପ୍ତି ମେହି, ୨୫ ଜସେପ୍ ମତିତ୍ୟାତି ମେହି, ମତିତ୍ୟା ଆମସ୍ତି ମେହି, ଆମସ୍ ନାହୁମତି ମେହି, ନାହୁମ୍ ହେଲସିତି ମେହି, ହେଲସି ନଗୟତି ମେହି, ୨୬ ନଙ୍ଗୟ ମହତତି ମେହି, ମହତ ମତିତ୍ୟାତି ମେହି, ମତିତ୍ୟା ସିମୟିତି ମେହି, ସିମୟି ଜସେକ୍ତି ମେହି, ଜସେକ୍ ଜଦାତି ମେହି, ୨୭ ଜଦା ଜହନ୍ତି ମେହି, ଜହନ୍ ରେସା ଜିରୁବବାବେଲ୍ତି ମେହି, ଜିରୁବବାବେଲ୍ ସଲ୍ଟିୟେଲ୍ ମେହି, ସଲ୍ଟିୟେଲ୍ ନେରିତି ମେହି, ୨୮ ନେରି ମଲ୍ଲକିତି ମେହି, ମଲ୍ଲକି ଅଦିତି ମେହି, ଅଦି କସାମ୍ତି ମେହି, କସାମ୍ ଏଲ୍ଲଦାନତି ମେହି, ଏଲ୍ଲଦାନ ଏରତି ମେହି, ୨୯ ଏର ଜିହସୁୟତି ମେହି, ଜିହସୁୟ ଏଲିୟାଜରତି ମେହି, ଏଲିୟେଜର୍ ଜରିମତି ମେହି, ଜରିମ୍ ମତାତି ମେହି, ମତାତ ଲେବିତି ମେହି, ୩୦ ଲେବି ସିମୟନ୍ତି ମେହି, ସିମୟନ୍ ଜିହୁଦାତି ମେହି, ଜିହୁଦା ଜସେପ୍ତି ମେହି, ଜସେପ୍ ଜନାମ୍ତି ମେହି, ଜନାମ୍ ଏଲିୟାକିମ୍ତି ମେହି, ୩୧ ଏଲିୟାକିମ୍ ମଲାହତି ମେହି, ମଲାହ ମନ୍ନାତି ମେହି, ମନ୍ନା ମତତାତି ମେହି, ମତତା ନାତନ୍ତି ମେହି, ନାତନ୍ ଦାଉଦ୍ତି ମେହି, ୩୨ ଦାଉଦ୍ ଜିସିୟତି ମେହି, ଜିସି ଓବେଦତି ମେହି, ଓବେଦ ବୟଜତି ମେହି, ବୟଜ ସେଲହତି ମେହି, ସେଲହ ନହସନ୍ତି ମେହି, ୩୩ ନହସନ୍ ଅମିନାଦବ୍ତି ମେହି, ଅମିନାଦାବ୍ ଅଦନି ମେହି, ଅଦନି ଅଣ୍ଟି ମେହି, ଅଣ୍ଟି ହେସ୍ପାତି ମେହି, ହେସ୍ପା ପେରସ୍ତି ମେହି, ପେରସ୍ ଜିହୁଦାତି ମେହି, ୩୪ ଜିହୁଦା ଜାକୁବ୍ତି ମେହି, ଜାକୁବ୍ ଇସହାକ୍ତି ମେହି, ଇସହାକ୍ ଅବ୍ରାହାମ୍ତି ମେହି, ଅବ୍ରାହାମ୍ ତେରହତି ମେହି, ତେରହ ନାହରତି ମେହି, ୩୫ ନାହର ସରୁଗତି ମେହି, ସରୁଗ ରଗୁତି ମେହି, ରଗୁ ପେଲଗତି ମେହି, ପେଲଗ ଏବର୍ତି ମେହି, ଏବର୍ ସେଲହତି ମେହି, ୩୬ ସେଲହ କେନାନ୍ତି ମେହି, କେନାନ୍ ଅର୍ପକ୍ୟଦତି ମେହି, ଅର୍ପକ୍ୟଦ ସେମ୍ତି ମେହି, ସେମ ନହତି ମେହି, ନହ ଲେମକତି ମେହି, ୩୭ ଲେମକ ମିତୁସିଲହତି ମେହି, ମିତୁସିଲହ ହନକତି ମେହି, ହନକ ଜେରଦତି ମେହି, ଜେରଦ ମହଲଲେଲତି ମେହି, ମହଲଲେଲ କେନାନ୍ତି ମେହି, ୩୮ କେନାନ୍ ଏନସତି ମେହି, ଏନସ୍ ସେତତି ମେହି, ସେତ ଆଦମ୍ତି ମେହି, ଆରମ୍ ଇସ୍ତ ମେହି ।

୪

ଜିସୁଙ୍ଗ୍ ସୟତାନ୍ ପରିକ୍ୟା କିତାଡ଼
(ମାର୍କ ୧:୧୨-୧୩; ଲୁକ ୪:୧-୧୨)

୧ ଜିସୁ ପୁରୁପୁୟା ଜିବୁନ୍ତ ବାଟି ଆଜି ଜର୍ଦ୍ଦନ ନାଗୁଡ଼ତାଂ ମାଜି ଖାତାନ୍, ଆରି ରିକଡ଼ି ଦିନ୍ ପାତେକ୍ ଜିବୁନ୍ ହୁଦାଂ ବାଟାତ ଚାଲାଆଜି ସୟତାନ୍ ତାଙ୍ଗେଙ୍ଗ୍ ପରିକ୍ୟା କିତାଡ଼ । ୨ ହେବେ ହେଖାନ ସୟତାନ୍ ହୁକେ ଚାଲିସ୍ ଦିନ୍ ପାତେକ୍ ପରିକ୍ୟା ଆତାନ୍ । ହେ ସମୁ ବିତ୍ତେ ହେଖାନ ଇନାକା ତିନ୍ଖାଦାଂ ମାଗାନ, ଲାଗିଂ ଚାଲିସ୍ ଦିନ୍ ଖିସ୍ତଲେ, ହେଖାନ ନାସ୍କି ଆତାନ୍ ।

୩ ହେବେ ସୟତାନ୍ ତାଙ୍ଗେଙ୍ଗ୍ ଇଗାଡ଼, “ଏନ୍ ଜଦି ଇସ୍ବର୍ ମାଜି, ବାଟିଙ୍ଗ୍ ଇ କାଲ୍ଲଦିଂ ରୁତି ଆଦେଂ ଇଞ୍ଜି ବଲ୍ ହିୟା ।”

୪ ଜିସୁ ହେଦେଲିଂ ଉତର୍ ହିତାନ୍, “ଦରମ୍ ସାସ୍ବରତ ଲେକା ମାନାଡ଼, ମାନାୟ କେବଲ୍ ରୁତିଂ ତିନଞ୍ଜି ବାଗା ଆଉନ୍ ।”

୫ ଆରେ, ସୟତାନ୍ ଜିସୁଜ୍ ଜପି ଅଜି ଅଲପ ସମ୍ପୁ ବିତ୍ରେ ପୁତ୍ରିନି ସବୁ ରାଜି ହେଖାନିଂ ଚଟ୍ଟାତ୍ । ୬ ଆରେ, ସୟତାନ୍ ତାଙ୍ଗ୍ ଇଚାତ୍, “ଆନ୍ ନିଙ୍ଗେଙ୍ଗ୍ ଇ ଝିଜୁ ଆଦିକାର୍ ଆରି ଇ ହଲ୍ଲନାକା ହିଦ୍ନାଂ, ଇନାକିଦେଂକି ନାଙ୍ଗେଙ୍ଗ୍ ଇଦାଂ ଝିଜୁ ଆଦିକାର୍ ହିଡ୍ଡାତ୍ନା, ଆରେ ଆନ୍ ଇନେରିଂ ଇଚା, ତାଙ୍ଗ୍ ହେଦାଂ ହିଦ୍ନାଂ ।” ୭ ଲାଗିଂ, “ଏନ୍ ଏଚେକାଡ୍ଦ ମା ମୁମ୍ଦ ପୁଜା କିଦ୍ନାୟ୍, ଲାଗିଂ ଝିଜୁ ନିୟାଂ ଆନାତ୍ ।”

୮ ଜିସୁ ଉତର୍ ହିତାନ୍, ସାସ୍ତର ଲେକା ମାନାତ୍, “ଏନ୍ କେବଲ୍ ମାପୁ ଇସ୍ପର୍ତିଂ ଜୁଝାର୍ କିନାୟ୍, ଆରେ ହେଖାନ୍ତି ପାର୍ତାନା କିନାୟ୍ ।”

୯ ଆରେ, ସୟତାନ୍ ହେଖାନିଂ ଜିରୁସାଲମ୍ତ ଅଜି ମନ୍ଦିରନି ଜେଗନ୍ ଜପି ନିଲି କିଜି ତାଙ୍ଗ୍ ଇଚାତ୍, “ଏନ୍ ଜଦି ଇସ୍ପର୍ ମାଜି, ତା ଆତିସ୍ ଇବେତାଂ ତାରେନ୍ ଗୁମା ।” ୧୦ ଇନାକିଦେଂକି ଦରମ୍ ସାସ୍ତରତ ଲେକା ମାନାତ୍, “ନିଙ୍ଗେଙ୍ଗ୍ ରାକ୍ୟା କିଦ୍ନି କାଜିଂ ହେଖାନ୍ ଜାର୍ ଦୁଡ୍ଡରିଂ ନି ବିସ୍ତେ ବଲ୍ ହିନାନ୍ । ୧୧ ଦରମ୍ ସାସ୍ତରତ ଲେକା ମାନାତ୍, ଏଚେକାଡ୍ଦ ନି ପାନା କାଲ୍ଦ ଆଡ୍ଦାନାତ୍, ଇଦାଂ କାଜିଂ ହେଖାର୍ ନି କେଇଦ ଆସ୍ତାନାର୍ ।”

୧୨ ଆରେ, ଜିସୁ ସୟତାନ୍ତିଂ ଉତର୍ ହିତାନ୍, ଦରମ୍ ସାସ୍ତରତ ଲେକାମାନାତ୍, “ଏନ୍ ମାପୁ ଜାର୍ ଇସ୍ପର୍ତିଂ ପରିକ୍ୟା କିଉୟ୍ ।

୧୩ ଜିସୁଜ୍ ସୟତାନ୍ ସବୁ ବାନି ପରିକ୍ୟା ଝିସ୍ତି ପାଚେ କେତେଦିନ୍ ପାଚେକ୍ ତାଙ୍ଗ୍ ପିସ୍ତି ହାଚାତ୍ ।”

ଗାଲିଲିତ ଜିସୁତି କାମାୟ୍ ଆରମ୍

(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ଇଦାଂ ପାଚେ ଜିସୁ ପୁଇପୁୟା ଜିରୁନ୍ନି ସାକ୍ତିତାଂ ଗାଲିଲିତ ଲେଉଟା ଆତାନ୍, ଆରେ ଚାରିବେଣ୍ଡାତାଂ ସବୁ ରାଜିତ ଇଞ୍ଜେଙ୍ଗ୍ ଲାଗାତାନ୍ । ୧୫ ଆରି, ହେଖାନ୍ ହେଖାତ୍ରି କୁଚୁମ୍ ଇଲ୍ ଲାଗେ ହିକ୍ୟା ହିଜି ଝିଜାର୍ତାଂ ଜାଜ୍ମାଲ୍ ପାୟା ଆଦେଂ ଲାଗାତାନ୍ ।

ଜିସୁଜ୍ ନାଜରିତ୍ ମାନିକିଝାତାର୍

(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଜିସୁ ଇମ୍ଣି ନାଜରିତୟ୍ ପାଲିକିୟା ଆଜି ମାଚାନ୍, ହେ ବାହାତ ହାରିହାରା ହାଚାନ୍ ଆରି ନିଜାର୍ ବିଦିତାଂ ଜମ୍ନିବାର୍ତ କୁଚୁମ୍ ଇଞ୍ଜ ହଚାନ୍, ଆରେ ସାସ୍ତର ପଡ୍ଡି କିଦେଙ୍ଗ୍ ଇଞ୍ଜି ନିଲ୍ତାନ୍ । ୧୭ ହେବେଣ୍ଡାଂ ଜିସାୟ୍ ବେଣ୍ଡବାକ୍ଣାୟ୍ କିନାକାନ୍ତି ପତି ତାଙ୍ଗେଙ୍ଗ୍ ହିତାର୍, ଆରେ ଜିସୁ ହେଦାଂ ଉନ୍ଦି, ଇମେତାକେ ଇ ବଚନ୍ ଲେକାଆତାତ୍ନା ହେଦାଂ ହୁଡ୍ଡାନ୍,

୧୮ ମାପୁତି ଜିରୁନ୍ ନା ତାକେ ଜୁଡ୍ଡାନ୍ନା,

“ଲାଗିଂ ଇନାକା ହିଲ୍ଲକାର୍ ଲାଗେ ନେକ୍ରିକାବୁର୍ ସୁଣାୟ୍ କିଦେଙ୍ଗ୍ ଇଞ୍ଜି ହେଖାନ୍ ନାଙ୍ଗେଙ୍ଗ୍ ସିଗ୍ଡିଡ୍ନା,

ଜଇଲ୍ ମାନାକାରିଂ ମୁକ୍ତି କିନାକା ଆରି

କାଣାର୍ତାକେ ଲାଗେ ହୁଡ୍ଡିକିଦେଂ ବିସ୍ତେ ସୁଣାୟ୍ କିଦେଙ୍ଗ୍,

ଆରେ କସ୍ପୁପାୟାଆନି ଲଗାଂ ମୁକ୍ତି କିଦେଙ୍ଗ୍,

୧୯ ଆରେ ମାପୁତି ଦୟାନିବାର୍ତ୍ତୁ ସୁଣାୟ୍ କିଦେଙ୍ଗ୍

ହେଖାନ୍ ନାଙ୍ଗେଙ୍ଗ୍ ପକ୍ତାତାନ୍ନା ।”

୨୦ ପାଚେ ହେଖାନ୍ ପତି ତାବାୟ୍ କିଜି ହେବା କିନାକାରିଂ ହେଦାଂ ହିଜି କୁଚ୍ଚାନ୍, ଆରେ କୁଚୁମ୍ ଇଞ୍ଜି ଝିଜାର୍ତି କାଣକୁ ହେଖାନ୍ ଜପି ହୁଡ୍ଡି ମାଚାର୍ । ୨୧ ପାଚେ,

“ହେୱାନ ହେୱେରିଂ ଇଞ୍ଜେଙ୍ଗ ଲାଗାତାନ, ନେଜେଙ୍ଗ ଦରମ୍ ସାସ୍ତର ଇ ବଚନ୍ ଏପେଙ୍ଗ ୱେଟିଲେ ହେଦାଂ ପୁରାଆତାତ୍ ।”

୨୨ ଆରେ, ଓଁଜାର୍ ହେୱାନ ବିସ୍ତେ ସାକି ହିଦେଂ ଲାଗାତାର୍ ଆରେ ହେ ୱେଇତାଂ ଇମ୍ଣି ଦୟାନି ବଚନ୍ତ ହିଜି ୱାଜି ମାତାତ୍; ଆରି ହେୱାର୍ ଇଞ୍ଜେଙ୍ଗ ଲାଗାତାର୍, “ଇୱାନ ଇନାକା ଜସେପ୍ ମେହି ଆକାୟ୍ ?”

୨୩ ହେବେଣ୍ଡାଂ ହେୱାନ ଉତର୍ମୁଡ୍ ହେୱେରିଂ ଇଚାନ, “ଏପେଙ୍ଗ ଇନେସ୍ କିତିସ୍ପା ନାଙ୍ଗେଙ୍ଗ ଇ ଟିକଲ୍ ବେରଣ୍ ୱେଟ୍ଟାନାଦେର୍, ହେ ଡାକ୍ତର ନିଜେ ନିଜ୍ଡିଂ ଉଜ୍ ଆ; ଆରେ ଇନାନ୍ କପର୍ନାହୁମ୍ ଇନା ଇନାକା ଗିଟା ଆତାଡ୍ନା ଇଞ୍ଜି ଆପେଂ ୱେଟ୍ଟାନାପ୍ନା, ହେ ସବୁ ଇ ବାହାତ ନିଜ୍ ଦେସ୍ ଗାଡ୍‌ଦପା କିୟା ।” ୨୪ *ଆରେ, ହେୱାନ ଇଚାନ, “ଆନ୍ ମିଙ୍ଗେଙ୍ଗ ହାଡ୍‌ପା ଇଞ୍ଜେନାଙ୍ଗ, ଇମ୍ଣି ବେଣ୍‌ବାକ୍‌ଶାୟ୍ କିନାକାନ୍ ନିଜ୍ ଗାଡ୍‌ଦ ମାନ୍ କିୟାଆଉନ୍ ।” ୨୫ “ମାତର୍ ଆନ୍ ମିଙ୍ଗେଙ୍ଗ ହାଡ୍‌ପା ଇଞ୍ଜିନାଙ୍ଗ, ଏଲିୟତି ସମୁଦ ଏଚେକାଡ୍‌ଦ ତିନିବାର୍‌ହୁ ଚଅମାସ୍ ପାତେକ୍ ଆକାସ୍ତାଂ ବାର୍‌ହା ଆଓଡିଲେ ସବୁ ଦେସ୍ତ କାତାର୍ ଆରତାଡ୍, ହେ ପାଦ୍‌ନା ଇସ୍ତାଏଲ୍ ବିତ୍ରେ ହେନି ରାଣ୍ଡିକ୍ ମାଟିକ୍; ୨୬ ଆତିସ୍ପା ଏଲିୟ ହେୱାର୍‌ତି ଇନେର୍ ତାକେପା ପକ୍ୟା ଆୱାଦାଂ କେବଲ୍ ସିଦନ୍ ଦେସ୍‌ନି ସାରିପଡ୍‌ତିଂ ର ରାଣ୍ଡି କର୍‌ଲେ ଲାଗେ ପକ୍ୟା ଆତାନ୍ । ୨୭ ପାଚେ, ବେଣ୍‌ବାକ୍‌ଶାୟ୍‌କିନାକାନ୍ ଇଲିସାୟ୍‌ନି ସମୁତ ଇସ୍ତାଏଲ୍ ବିତ୍ରେ ବେସି ଗାଜା ରଗ୍ୟାର୍ ମାତାର୍; ଆତିସ୍ପା ହେୱାର୍ ବିତ୍ରେ ଇନେର୍‌ପା ଉଜ୍ ଆୱାଦାଂ ମାତାର୍, କେବଲ୍ ସିରିୟା ଦେସ୍‌ନି ନାମାନ୍ ସକଟ୍ କିୟା ଆଜି ମାତାର୍ ।”

୨୮ କୁଟୁମ୍ ଇଞ୍ଜ ଇ ସବୁ ବେରଣ୍ ୱେନ୍ ଓଁଜାର୍ ରିସା ଆତାର୍, ୨୯ ଆରେ ହେୱାର୍ ନିଙ୍ଗି ତାଙ୍ଗେଙ୍ଗ ଗାଡ୍‌ତାଂ ହପତାତାର୍ ଆରି ହେୱାର୍‌ତି ଗାଡ୍ ଇମ୍ଣି ମାଡି ଜପି ରବ୍‌ଟିମାତାର୍, ହେ ୱେଡ୍‌ଙ୍ଗ ଦାରିଆ ବାହାତ ତାରେନ୍ ତୁଇଦେଙ୍ଗ ଇଞ୍ଜି ହେୱାନିଂ ହେବେ ଅଜି ହାଚାର୍; ୩୦ ମାତର୍ ଜିସୁ ହେୱାର୍ ବିତ୍ରେ ହିଜି ବୁଲ୍‌ଆଜି ହାଚାନ୍ ।

ଜିସୁ ପୁଦାଆହ୍‌ୟାତି ମାନାୟ୍‌ତିଂ ଉଜ୍ କିତାନ୍
(ମାର୍କ ୧:୨୧-୨୮)

୩୧ ହେୱାନ କପର୍ନାହୁମ୍ ତର୍‌ଦି ଗାଲିଲିତ ର ଗାଡ୍‌ଦ ୱାତାନ୍, ଜମ୍‌ନିବାର୍ ୱେଡ୍‌ଙ୍ଗ ମାନାୟ୍‌ରିଂ ହିକ୍ୟା ହିକାୟ୍ କିଦେଙ୍ଗ ଲାଗାତାନ୍, ୩୨ ଆରେ ହେୱାର୍ ହେୱାନତି ହିକ୍ୟାତ କାବା ଆତାର୍, ଇନାକିଦେଂକି ହେୱାନ୍ତି ବଚନ୍ ଆଦିକାର୍ ମେହା ମାତାତ୍ । ୩୩ ଦିନେକ୍ କୁଟୁମ୍ ଇଞ୍ଜ ରୱାନ ରାଡ୍‌ ପୁଦା ଆହିୟା ଆତାକାନ୍ ମାତାନ୍; ହେୱାନ ଗାଜାକାଟ୍‌ତାଂ ହିର୍‌ବାତାନ୍, ୩୪ “ଆ, ନାଜରିତୟ୍ ଜିସୁ, ମା ଲାହାଙ୍ଗ୍ ମିଦାଙ୍ଗ୍ ଇନାକା ମାନାତ୍ ? ଏନ୍ କି ମାଙ୍ଗେଙ୍ଗ ନସ୍ କିଦେଙ୍ଗ ୱାତାଇନା ? ଏନ୍ ଇନେର୍ ହେଦାଂ ଆନ୍ ପୁନାଙ୍ଗ୍; ଏନ୍ ଇସ୍‌ବର୍ ମାପୁତି ହେ ପୁଇପୁୟା ମାନାୟ୍ ।”

୩୫ ଜିସୁ ହେଦେଲିଂ ଦାକା ହିଜି ଇଚାନ, “ଟିମରା ଆ, ଇବେଣ୍ଡାଂ ହସି ହାଲା ।” ହେବେଣ୍ଡାଂ ହେ ବୁଡ୍ ହେୱେନିଂ ଓଁଜାର୍ ମୁମ୍‌ଦ ତୁହିଜି ହେୱାନ୍ତି ଇନାକା କସ୍‌ହିୱାଦାଂ ହେୱାନତାଂ ହସି ହାଚାତ୍ ।

୩୬ ଇବେଣ୍ଡାଂ ଓଁଜାର୍ କାବା ଆଜି ହେୱେର୍ ହେୱାର୍ ୱେଟ୍‌ପା ଆତାର୍, “ଇଦାଂ ଇନା ବେରଣ୍ ? ହେୱାନ ଆଦିକାର୍ ସାକ୍ତିତାଂ ହେୱାନ ବାନ୍ୟା ଜିବୁନ୍‌ଡିଂ ପା ବଲ୍ ହିନାନା, ଆରେ ହେୱାଙ୍ଗ୍ ହିଜି ହାନିକ୍ ।” ୩୭ ହେବେଣ୍ଡାଂ ହେୱାନ ବିସ୍ତେ ବେରଣ୍ ଚାରବେଣ୍ଡାଂ ନାସ୍‌କୁକାଂ ଓଁଜାଜି ହାଚାତ୍ ।

* ୪:୨୪ ୪:୨୪ ଜହନ୍ ୪:୪୪.

ଜିସୁ ବେସି ହେନିତିଂ ଉଜ୍ କିତାନ

(ମାତିଉ ୮:୧୪-୧୭; ମାର୍କ ୧:୨୯-୩୪)

୩୮ ପାଚେ ଜିସୁ କୁଚୁମ୍ ଇଞ୍ଜି ନିଙ୍ଗି ସିମନାର୍ ଇଞ୍ଜି ହାଚାନ । ସିମନ୍ ପଦାହିଙ୍ଗ୍ ବେସି ନମେର୍ ଆଜି ମାଚାଡ୍, ଆରେ ହେଞ୍ଜାର୍ ତା ବିସ୍ତେ ହେଞ୍ଜାନିଂ ଗଞ୍ଜାରି କିତାର୍ । ୩୯ ହେବେଣ୍ଡାଂ ହେଞ୍ଜାନ୍ ହେ ଲାଗାୟ୍ ନିଲ୍ଲି ନମେର୍ତିଂ ଦାକା ହିତାନ, ଆରି ହେଦେଲିଂ ନମେର୍ ପିସ୍ତାଡ୍, ପାଚେ ହେଦେଲ୍ ହେ ସାଙ୍ଗେ ସାଙ୍ଗେ ନିଙ୍ଗି ହେଞ୍ଜାର୍ତି ହେବା କିଦେଙ୍ଗ୍ ଲାଗାତାଡ୍ ।

୪୦ ଖେଡ଼ାହାନି ସମ୍ବତ, ଇନେର୍ ଲାଗାଂ ବାର୍ବିନ୍ ରଗ୍ ଆତି ମାନାୟାର୍ ମାଚାର୍, ହେଞ୍ଜାର୍ ଝିଜାର୍ ହେଞ୍ଜାରିଂ ଜିସୁ ଲାଗେ ତାଇଞ୍ଜାତାର୍ ଆରି ହେଞ୍ଜାନ୍ ଝିଜାର୍ ମାନାୟାଜପି କେଇ ଇଡ୍ଜି ହେଞ୍ଜାରିଂ ଉଜ୍ କିତାନ । ୪୧ ପାଚେ, ବୁଡ୍‌କୁପା କିକିରାତିଂ କିଜି କିଜି “ଏନ୍ ଇସ୍‌ର ମାଜି” ଇଞ୍ଜି ଖେନ୍‌ଞ୍ଜି ବେସି ଲାଗାର୍‌ତାଂ ହସି ହାତିକ୍ ଆରେ, ଜିସୁ ହେଞ୍ଜେରିଂ ଦାକା ହିଜି ବେରଣ୍ ଇଞ୍ଜେଙ୍ଗ୍ ହିଞ୍ଜାତାନ, ଇନାକିଦେଂକି ହେଞ୍ଜାନ୍ ଜେ କ୍ରିସ୍ଟୁ, ଇଦାଂ ହେଞ୍ଜାଙ୍ଗ୍ ପୁଞ୍ଜି ମାତିକ୍ ।

ଗୁଡି ଇଞ୍ଜି ଜିସୁତି ସୁଣାୟ୍ କିନାକା

(ମାର୍କ ୧:୩୫-୩୯)

୪୨ ନାଣାଙ୍ଗେ ଆନିହିଙ୍ଗ୍, ହେଞ୍ଜାନ୍ ଗାଡ଼ଦାଂ ହସି ର ଚିମରା ବାହାତ ହାଚାନ; ଆରି, ମାନାୟାର୍ ତାକେ ହେଞ୍ଜାନିଂ ଦାସ୍‌ତେଂ ହେ ଲାଗେ ଖାତାର୍, ଆରେ ହେଞ୍ଜାନ୍ ଇନେସ୍ ହେଞ୍ଜାର୍‌ତାଂ ହାଜେଙ୍ଗ୍ ଆଡୁନ୍, ହେଦାଂ କାଜିଂ ହେଞ୍ଜାନିଂ ଚେବାୟ୍ କିଦେଙ୍ଗ୍ ସେସ୍ତୁ କିତାର୍ । ୪୩ ମାଚର୍ ହେଞ୍ଜାନ୍ ହେଞ୍ଜାରିଂ ଇଚାନ, “ବିନ୍ ବିନ୍ ଗାଡ଼୍‌ପ ପା ନାଙ୍ଗେଙ୍ଗ୍ ଲଡ଼ା ମାପୁ ରାଜିନି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆନାଡ୍, ଇନାକିଦେଂକି ହେଦାଂ କାଜିଂ ଇସ୍‌ର ନାଙ୍ଗେଙ୍ଗ୍ ପକ୍‌ତାତାନ୍ନା ।”

୪୪ ପାଚେ, ହେଞ୍ଜାନ୍ ଜିହୁଦା ଦେସିନି କୁଚୁମ୍ ଇଞ୍ଜି ସୁଣାୟ୍ କିଦେଙ୍ଗ୍ ଲାଗାତାନ ।



ଜିସୁ ପର୍ତୁମ୍ ଚେଲାରିଂ କୁକ୍‌ତାନ

(ମାତିଉ ୪:୧୮-୨୨; ମାର୍କ ୧:୧୭-୨୦)

୧ *ଦିନେକ୍ ଜିସୁ ଗିନେସରଡ୍ ହମ୍‌ଦୁର୍ ଗୁଚିତ ନିଲ୍ଲି ମାଚାନ; ଆରି ମାନାୟାର୍ ଗହଲିତ ହେଞ୍ଜାନ୍ ଜପି ତବ୍‌ଗା ଆଜି ଇସ୍‌ର ମାପୁ ବଚନ୍ ଖେନ୍‌ଞ୍ଜି ମାଚାର୍, ୨ ଆରି, ହେଞ୍ଜାନ୍ ହାମ୍‌ଦୁର୍ ଗୁଚିତ ରିଣ୍ଡାଂ ତଙ୍ଗାଙ୍ଗ୍ ମାନାକା ହୁଡ୍‌ତାର୍; ମିନ୍‌କୁ ଆହ୍‌ନାକାର୍ ହେବେଣ୍ଡାଂ ଜୁଜି ଜାଲ୍ ନୁସ୍‌ଦି ମାଚାର୍ । ୩ ହେ ତଙ୍ଗାଙ୍ଗ୍ ବିଡ୍ରେତାଂ ଇମ୍‌ଣାକା ସିମନ୍‌ତି ମାଚାଡ୍, ହେବେ ହେଞ୍ଜାନ୍ ଦୁମ୍‌ଜି ମେଦ୍‌ନିତାଂ ଅଲପ୍ ଦେହା ହାଜେଙ୍ଗ୍ ଇଞ୍ଜି ହେଞ୍ଜାନିଂ ଗଞ୍ଜାରି କିତାନ; ଆରେ, ହେଞ୍ଜାନ୍ କୁଚ୍‌ତି ତଙ୍ଗାତାଂ ହେନି ମାନାୟାର୍‌ତ ହିକ୍ୟା ହିଦେଂ ଲାଗାତାନ ।

୪ ଜିସୁ ବେରଣ୍ ଖିସ୍ତି ସିମନ୍‌ତିଂ ଇଚାନ, “ଏଜୁଂ ବିଡ୍ରେ ହାଲ୍‌ଜି ମିନ୍‌କୁ ଆସ୍ତେଙ୍ଗ୍ ଇଞ୍ଜି ମିଞ୍ଜାଙ୍ଗ୍ ଜାଲ୍ ଇଡ଼ାଡ୍ ।”

୫ *ଇବେଣ୍ଡାଂ ସିମନ୍ ଉତର୍ ହିତାନ, “ଏ ଗୁରୁ, ଆପେଂ ହାର୍‌ତାନାଣା କାମାୟ୍ କିଜି ଇନାକା ଆହ୍‌ଞ୍ଜାତାମ୍; ମାଚର୍ ନି କାତାତାଂ ଆନ୍ ଜାଲ୍ ଇଡ଼ନାଙ୍ଗା ।” ୬ *ଆରି, ହେଞ୍ଜାର୍ ହେଦାଂ ଇଡ୍‌ଜି ବେସି ମିନ୍‌କୁ ଆସ୍ତାର୍, ପାଚେ ହେଞ୍ଜାର୍‌ତି ଜାଲ୍ ନାଡ୍‌ବେଦେଂ ଲାଗାତାଡ୍ । ୭ ହେବେଣ୍ଡାଂ ହେଞ୍ଜାର୍ ଇମ୍‌ଣି ତା ହାଙ୍ଗ୍‌ଦାକାର୍ ମାଚାର୍ ଅଲ୍‌ଗା ତଙ୍ଗାତାକେ ମାଚାର୍, ହେଞ୍ଜାର୍ ଇନେସ୍ ଖାଜି ହାଙ୍ଗ୍ କିତାର୍, ଇଦାଂ କାଜିଂ ହେଞ୍ଜାର୍

☆ ୫:୧ ୫:୧ ମାତିଉ ୧୩:୧,୨; ମାର୍କ ୩:୯,୧୦; ୪:୧. ☆ ୫:୫ ୫:୫ ଜହନ୍ ୨୧:୩. ☆ ୫:୭ ୫:୭ ଜହନ୍ ୨୧:୭.

ହେୱାରିଂ କୁନ୍ଦାର । ଇବେଣ୍ଡା ହେୱାର୍ ଖାଜି ରିଣ୍ଡା ତଙ୍ଗାକା ଏଲେଙ୍ଗ ବାତ କିତାର ଜେ, ହେୱାଙ୍ଗ ମୁଞ୍ଜିନି ଲାକେ ଆତାଡ଼ । ୮ ମାତର୍ ସିମନ୍ ପିତର୍ ଇଦା ହୁଡ଼ଜି ଜିସୁଙ୍ଗ କାଲୁକୁ ତାରେନ୍ ଦାଣ୍ଡହାଣ୍ ମାଗ୍ଜି ଇଚାନ୍, “ଏ ମାପୁ ନା ଲାଗେତା ହାଲା, ଲାଗି ଆନ୍ ରଖାଙ୍ଗ ପାପି ମାନାୟ ।”

୯ ଇନାକିଦେଂକି ହେୱାର୍ ହେ ବାହାତ ଏତେକ୍ ମିନ୍କୁ ଆସ୍ତାର୍ ଜେ ହେଦା ହୁଡ଼ଜି ହେୱାନ୍ ଆରେ ତା ହାଙ୍ଗଦାକାର୍ କାବା ଆତାର୍ । ୧୦ ଆରି, ଜେବ୍ଦିରୁନି ରିୟାର୍ ମାଜି ମାଚାର୍ ଜାକୁବ୍ ଆରି ଜହନ୍, ଇମ୍ଣାକାର୍ କି ସିମନ୍ତିଂ ମେହାୟକିଜି ମାଚାର୍, ହେୱାର୍ ବିତ୍ରେ ହେ ଲାକେ କାବା ଆତାର୍ । ଆରେ, ଜିସୁ ସିମନ୍ତିଂ ଇଚାନ୍, “ପାଣ୍ଡା ଆମା, ଆନ୍ ମିଙ୍ଗେଙ୍ଗ ମାନାୟ୍ ଆହ୍ନାକା ହିକାଜ କିଦ୍ନାଙ୍ଗ ।”

୧୧ ହେବେଣ୍ଡା ହେୱାର୍ ତଙ୍ଗାଙ୍ଗ ଗୁଟିତ ତାସି ଝିଜୁ ପିସ୍ତି ଜିସୁ ପାଚେ ପାଚେ ହାଚାର୍ ।

ଜିସୁ ର ଗାଜା ରଗିଙ୍ଗ ଉଜ୍ କିତାନ୍
(ମାତିଉ ୮:୧-୪; ମାର୍କ ୧:୪୦-୪୫)

୧୨ ରଗ ଜିସୁ ଗାଡ଼ଦ ମାନି ସମୁତ, ହୁଡ଼ା, ଗାଜାରଗ୍ କାଚାକାନ୍ ହେ ବାହାତ ମାଚାନ୍; ହେୱାନ୍ ଜିସୁଙ୍ଗ ହୁଡ଼ଜି ମୁମ୍ ତାରେନ୍ କିଜି ତାଙ୍ଗେଙ୍ଗ ଗଞ୍ଜାରି କିଜି ଇଚାନ୍, “ଏ ମାପୁ ଏନ୍ ଜପି ଇଚା କିନାୟ, ତା ଆତିସ୍ ନାଙ୍ଗେଙ୍ଗ ସକର୍ କିଦେଙ୍ଗ ଆଡ଼ଦାନାୟ ।”

୧୩ ହେବେଣ୍ଡା ହେୱାନ୍ କେଇ ଲାମାୟ କିଜି ହେୱାନ୍ ତୁବିସ୍ ଇଚାନ୍, “ଆନ୍ ଇଚା କିନାଙ୍ଗା, ସକର୍ ଆ ।” ହେ ଦାପ୍ରେ ଗାଜାରଗ୍ ତା ତାକେଣ୍ଡା ଦେହା ଆତାଡ଼ । ୧୪ ଆରେ, ଜିସୁ ତାଙ୍ଗେଙ୍ଗ ବଲ୍ ହିଜି ଇଚାନ୍ ଇନେରିଂପା ଝେବ୍ମା, ମାତର୍ “ହାଲ୍ଜି ମାପୁହେବାକିନାକାନ୍ ତାକେ ହାଲା ନିଜେ ଚର୍ୟା, ଆରି ମସାତି ବଲ୍ ଇସାବ୍ରେ ଜାର୍ତି ନିର୍ମଲ୍ ଲାକେ ହେୱାର୍ ଲାଗାଂ ସାକି ହିନି କାଜିଂ ପୁଜା କିୟା ।”

୧୫ ମାତର୍ ହେୱାନ୍ତି ବେଣ୍ଡି କାତା ଆରି ବେସି ଝିଣିତାଡ଼, ଆରି ବେସି ମାନାୟାର୍ ଝେଞ୍ଜେଙ୍ଗ ଇଞ୍ଜି ଆରେ ଜାର୍ ଜାର୍ ରଗ୍ତାଂ ଉଜ୍ ଆଦେଂ ଇଞ୍ଜି ରୁଣ୍ଡା ଆଦେଂ ଲାଗାତାର୍; ୧୬ ମାତର୍ ହେୱାନ୍ ଚିମ୍ବାର ବାହାକାଂ ମାନ୍ଞି ପାର୍ତାନା କିଜି ମାଚାନ୍ ।

ଜିସୁ ର ହିର୍କଲ୍ ରଗିଂ ଉଜ୍ କିତାନ୍
(ମାତିଉ ୯:୧-୧୮; ମାର୍କ ୨:୧-୧୨)

୧୭ ଦିନେକ୍ ଜିସୁ ହିକାୟ କିଜି ମାଚାନ୍, ଆରି ଗାଲିଲିନି ସବୁ ନାସକୁ, ଆରେ ଜିହୁଦା ଦେସ୍ ଆରେ ଜିରୁସାଲମତାଂ ଖାନାକାରିଂ ପାରୁସି ଆରେ ମସାତି ବିଦି ଗୁରୁର୍ ଲାଗେନେ କୁଚ୍ଚି ମାଚାର୍ । ଆରି, ହେୱାନ୍ ଇନେସ୍ ରଗିଂ ଉଜ୍ କିନାନ୍, ଇଦାଂ କାଜିଂ ମାପୁତି ସାଲ୍ଜି ହେବେ ମାଚାଡ଼ । ୧୮ ଆରେ ହୁଡ଼ାଟ୍, କେତେକ୍ ଲଗୁ ର ପାକା ଝାବ୍ଯାତି ରଗି ମାନାୟତିଂ କାଟେଲ୍ତ ପିଣ୍ଡିଜି ତାସି ବିତ୍ରେ ଅଦେଂ କାଜିଂ ଆରି ଜିସୁଙ୍ଗ ମୁମ୍ଦ ଇଡ଼ଦେଂ କାଜିଂ ସେସ୍ କିଜି ମାଚାର୍ । ୧୯ ମାତର୍ ବିଡ଼୍ ଲାଗିଂ ତାଙ୍ଗେଙ୍ଗ ବିତ୍ରେ ଅଦେଂ କାଜିଂ ହାଜି ଗାଗାଝାତିଲେ ହେୱାର୍ ଇଲ୍ ତାଉଣି ହାଲ୍ଜି ଜେଗନ୍ ଜେସ୍ସି କାଟେଲ୍ ହୁକେ ତାଙ୍ଗ୍ ମାଦଣି ବାହାତ ଜିସୁ ମୁମ୍ଦ ଜୁଡ଼ତାର୍ । ୨୦ ହେୱାନ୍ ହେୱାର୍ ପାତ କିନାକା ହୁଡ଼ଜି ଇଚାନ୍, “ଏ ମାନାୟ, ନି ଝିଜୁ ପାପ୍ କେମା କିୟା ଆତାଡ଼ନ୍ନା ।”

୨୧ ହେବେ ସାସ୍ତିର୍ ଆରି ପାରୁସିର୍ ଜାର୍ ଜାର୍ ବିତ୍ରେ ଏଲେଙ୍ଗ ଇଞ୍ଜେଙ୍ଗ ଲାଗାତାର୍, ଇଞ୍ଜାନ୍ ଜେ ଇସ୍ବର ନିୟା କିନାନା, “ଇଞ୍ଜାନ୍ ଇନାକାନ୍ ? କେବଲ୍ ଇସ୍ବର ପିସ୍ତି ଆରେ ଇନେର୍ ପାପ୍ କେମା କିଦେଙ୍ଗ ଆଡ଼ଦାନାନ୍ ?”

୨୨ ମାତର୍ ଜିସୁ ହେୱାର୍ତି କାତାବାର୍ତା ପୁଞ୍ଜି ହେୱାରିଂ ଉତର୍ ହିତାନ୍, “ଏପେଙ୍ଗ ଜାର୍ ଜାର୍ ମାନ୍ ଇନାକା କାତାବାର୍ତା କିନାଦେରା ? ୨୩ ଇନାକା ଆଡ଼ଝା ? ନି ଝିଜୁ

ପାପ ସବୁ କେମା କିୟା ଆତାତ୍ ଇଞ୍ଜି ଇନାକା, କି ନିଙ୍ଗା, ତାଙ୍ଗା ଇଞ୍ଜି ଇନାକା ?”
 ୨୪ ମାତର୍ ପୁତ୍ ତ ପାପ କେମା କିଦେଙ୍ଗ୍ ମାନାୟ୍ ମାଜିତି ଆଦିକାର୍ ମାନାତ୍, ଇଦାଂ
 ଇନେସ୍ ଏପେଙ୍ଗ୍ ପୁନାଦେର୍ ଇଦାଂ କାଜିଂ ହେଝାନ୍ ହିରକଲ୍ ଇଡ଼ୟାତି ରଗିଂ ଇଚାନ୍,
 “ଆନ୍ ନିଙ୍ଗ୍ ଇଞ୍ଜିନାଙ୍ଗା, ନିଙ୍ଗା, ନି କାଚେଲ୍ ଆସ୍ତି ଜାର୍ ଇଞ୍ଜି ହାଲା ।”

୨୫ ହେବେତାଂ ହେଝାନ୍ ଦାପ୍ରେ ହେଝାର୍ ମୁମ୍ପଦ୍ ନିଙ୍ଗ୍ଜି, ଇମ୍ଫାଣି କାଚେଲ୍ ଜପି
 ହେଝାନ୍ ହୁନ୍ଜି ମାଚାନ୍, ହେଦାଂ ଅଜି ଗାଜା ଇସ୍ପତ୍ କେର୍ଜି କିଜି କିଜି ଜାର୍ ଇଞ୍ଜି
 ହାଚାନ୍ । ୨୬ ହେବେ ଝିଜାକାର୍ କାବା ଆଜି ଇସ୍ପତ୍ କେର୍ଦେଙ୍ଗ୍ ଲାଗାତାର୍ ଆରି
 ବେସି ପାଣ୍ଡା ଆଜି ଇଚାର୍, “ନେଞ୍ଜେଙ୍ଗ୍ ଆପେଙ୍ଗ୍ କି କାବାଆନି ଗର୍ଶା ହୁଡ଼ତାପ୍ !”

ଜିସୁ ଲେବିଙ୍ଗ୍ କୁକ୍ତାନ୍
 (ମାତିଉ ୯:୯-୧୩; ମାର୍କ ୨:୧୩-୧୭)

୨୭ ଇବେଣ୍ଡାଂ ଜିସୁ ହସି ହାଲ୍ଜି ଲେବି ତର୍ଦାକାନ୍ ରଝାନ୍ ସିସ୍ତୁନ୍ନାକାନ୍ ଏନ୍ନି
 ବାହାତ କୁଚ୍ଚି ମାନାକା ହୁଡ଼ଜି ତାଙ୍ଗ୍ ଇଚାନ୍, “ନା ପାଚେ ଝା ।” ୨୮ ହେବେଣ୍ଡାଂ ଲେବି
 ଝିଜୁ ପିସ୍ତି ନିଙ୍ଗ୍ଜି ତା ପାଚେ ହାଞ୍ଜେଙ୍ଗ୍ ଲାଗାତାନ୍ ।

୨୯ ଆରେ, ଲେବି ଜାର୍ ଇଞ୍ଜି ହେଦାଂ କାଜିଂ ର ଗାଜାବଜି କିତାନ୍, ଆରେ ବେସି
 ହେନି ସିସ୍ତୁନ୍ନାକାର୍ ଆରି ବିନ୍ ବିନ୍ ଲକୁ ହେଝାର୍ ହୁକେ ଚିଞ୍ଜେଙ୍ଗ୍ କୁଚ୍ଚାର୍
 । ୩୦ ହେବେଣ୍ଡାଂ ପାରୁସିର୍ ଆରି ହେଝାର୍ କୁଦାନି ସାସ୍ତିର୍ ତା ଚେଲାର୍ ବିରୁଡ଼ତାଂ
 ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନେକିଦେଂ ସିସ୍ତୁନ୍ନାକାର୍ ଆରି ପାପିୟାର୍ ହୁକେ
 ତିନାଉଣା କିନାଦେରା ?”

୩୧ ଜିସୁ ହେଝାରିଂ ଉତର୍ ହିତାନ୍, “ଉଜ୍ ଆତାକାର୍ ତାକେ ତାକ୍ତରତିଂ ଲଡ଼ା
 ଆକାୟ୍, ମାତର୍ ଉଜ୍ ଆଝାତାକାରିଂ ଲଡ଼ା ମାନାତ୍ । ୩୨ ଆନ୍ ଦାମ୍ ଲଗାଙ୍ଗ୍
 କୁକ୍ତେଂ ଇଞ୍ଜି ଝାଝାତାଂନ୍ନା, ମାତର୍ ମାନ୍ବାଦ୍ ଲାୟ୍ କିନି କାଜିଂ ପାପିୟାରିଂ କୁକ୍ତେଂ
 ଝାଝାତାଂନ୍ନା ।”

ଉପାସ୍ କିନି ବିସ୍ତେ ପର୍ସନ୍
 (ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେଜାଣ୍ ଜିସୁଙ୍ଗ୍ ଇଚାର୍, “ଜହନ୍ତି ଚେଲାର୍ ଚାଣେକ୍ତିଂ ଚାଣେକ୍ ଉପାସ୍
 ଆରି ପାର୍ତାନା କିତାର୍, ପାରୁସିର୍ ଚେଲାର୍ ପା ହେ ଲାକେ କିତାର୍, ମାତର୍ ନି
 ଚେଲାର୍ ତିନାଉଣା କିତାର୍ ।”

୩୪ ହେବେଣ୍ଡାଂ ଜିସୁ ହେଝେରିଂ ଇଚାନ୍, “ବିବା ଇଞ୍ଜି ଝାତାକାର୍ ବିବାଦାଂଣେନ୍
 ମାନି ଝେଡ଼ାଲିଂ ଏପେଙ୍ଗ୍ କି ହେଝାରିଂ ଉପାସ୍ କିଇକିଦେଂ ଆଡ଼ନାଦେର୍ ? ମୁଡ଼କେ
 ଆକାୟ୍ ୩୫ ମାତର୍ ସମ୍ପ୍ ଝାନାତ୍; ଏଚେକାଡ଼ଦ୍ ହେଝେର୍ତାଂ ବିବାଦାଂଣେନିଂ ନିକ୍ତି
 ଅନାର୍, ହେ ପାଦ୍ନା ହେଝାଡ଼ାଂ ହେଝାର୍ ଉପାସ୍ କିତାର୍ ।”

୩୬ ଆରେ, ହେଝାନ୍ ହେଝେରିଂ ର ଉତର୍ମୁଡ଼ ଇଚାନ୍, “ଇନେର୍ ପୁନି ହେନ୍ଦାତାଂ
 ପୁନି ହେନ୍ଦାତ ଇଚୁନ୍; ଇଚ୍ଚିସ୍ ହେ ପୁନି ହେନ୍ଦାତିଂ କେଚ୍ଚି ଅନାତ୍, ଆରେ
 ପୁନିହେନ୍ଦା ପୁନି ହେନ୍ଦା ହୁକେ ମିହାଆଉଡ଼ । ୩୭ ଆରେ, ଇନେର୍ ପୁନି ଅଙ୍ଗୁର୍ ରାସ୍
 ପୁନି ତଲ୍ ମଣାତ ଇଚୁନ୍; ଇଚ୍ଚିସ୍ ପୁନି ଅଙ୍ଗୁର୍ ରାସ୍ ମଣାତିଙ୍ଗ୍ ପାଟ୍ନାତ୍, ଆରେ
 ମଣା ନସ୍ ଆନାତ୍ । ୩୮ ମାତର୍ ପୁନି ଅଙ୍ଗୁର୍ ରାସ୍ ପୁନି ମଣାତ ଇଚ୍ଚିନାକା ମାନାତ୍
 । ୩୯ ଆରେ, ଇନେର୍ ପୁନି ଅଙ୍ଗୁର୍ ରାସ୍ ଉଣ୍ଡି ପୁନି ଅଙ୍ଗୁର୍ ରାସ୍ ଉଣ୍ଡେଙ୍ଗ୍ ମାନ୍
 କିଉର୍, ଇନାକିଦେଂକି ହେଝାନ୍ ଇନାନ୍, ପୁନାକା ନେ ହାର୍ ।”



ଜିସୁ ବିଚାର ନାଞ୍ଜିଙ୍ଗନି ପରସନ୍

(ମାତ୍ରିଉ ୧୨:୧-୮; ମାର୍କ ୨:୨୩-୨୮)

୧ ରଗ ଜମନିବାର ନାଜିଂ ଜିସୁ ତାସବୁମି ହିଜି ହାଲ୍‌ଜି ମାନି ଖେଡ଼ାଲିଂ ତା ଚେଲାହିର ତାସନି ଜିକି ନାଡ଼ତି ନାଡ଼ତି କେଇଦ ରାମଦାୟ୍ କିଜି ତିଞ୍ଜି ମାଚାର ।

୨ ମାତର ପାରୁସିର ବିତ୍ରେ କେତେକ ଇଚାର, “ଜମନିବାରତ ଇନାକା କିନାକା ବିଦି ହିଲୁଡ଼, ହେଦାଂ ଏପେଙ୍ଗ ଇନେକିଦେଂ କିନାଦେରା ?”

୩ ଜିସୁ ହେଝାରିଂ ଉତର ହିତାନ୍, “ଦାଉଦ୍ ଆରି ତା ମାନାୟାର ନାସକି ମାନି ଖେଡ଼ାଲିଂ ଇନାକା କିଜି ମାଚାନ୍, ହେଦାଂକି ଏପେଙ୍ଗ ପଡ଼ି କିଞ୍ଜାତାଦେଣ୍ଟା ? ୪ ଦାଉଦ୍ ଇନେସ୍ ଇସ୍‌ର ଇଞ୍ଜ ହଣ୍‌ଜି, ଇମଣି ଦର୍ସନି ରୁଟି କେବଲ୍ ମାପୁହେବାକିନାକାର ପିସ୍ତ୍ର ଆରେ ଇନେର ଚିଞ୍ଜେଙ୍ଗ ବିଦି ହିଲୁଡ଼, ହେଦାଂ ଅଜି ତିଞ୍ଜି ମାଚାର, ଆରେ ଜାର ହାଙ୍ଗଦାକାରିଂ ପା ହିଜି ମାଚାନ୍ ।”

୫ ଆରେ, ହେଝାନ୍ ହେଝାରିଂ ଇଚାନ୍, “ମାନାୟ ମାଜି ଜମନିବାର ନାଜିଂ ପା ମାପୁ ଆନାନ୍ ।”

ଜିସୁ ଜମନିବାର ର ରଗିଂ ଉଜ୍ କିତାନ୍

(ମାତ୍ରିଉ ୧୨:୯-୧୪; ମାର୍କ ୩:୧-୬)

୬ ତାଝାନ୍ ଆରେ ର ଜମନିବାର ନାଜିଂ କୁରୁମ୍ ଇଞ୍ଜ ହଣ୍‌ଜି ହିକାୟକିଜି ମାଚାନ୍; ହେବେ ରକାନ୍ ମାନାୟ ମାଚାନ୍, ହେ ବୁଜ୍‌ଣି କେଇ ଝାଜ୍‌ଜି ହାଲ୍‌ଜି ମାଚାଡ଼ ।

୭ ଆରେ, ହେଝାନ୍ ଇନେସକି ଜମନିବାରତ ଉଜ୍ କିନାନ୍, ଇଦାଂ ହୁଡ଼ଦେଂ କାଜିଂ ସାସ୍ତ୍ର ଆରି ପାରୁସିର ତାଙ୍ଗ ଇଚକାଡ଼ କିଜି ଚେବା ଆଚାର, ଇନେସ୍ ହେଝାର ହେଝାନ୍ ବିରୁଦ୍‌ତ ଦାବା କିଦେଙ୍ଗ ଆଡ଼ନାର । ୮ ମାତର ହେଝାନ୍ ହେଝାର ମାନ୍‌ନି ଏଡ଼ ପୁଞ୍ଜି, ଇମଣି ମାନାୟତିଂ କେଇ ଝାଜ୍‌ଜି ମାଚାଡ଼, ତାଙ୍ଗେଙ୍ଗ ଇଚାନ୍, “ନିଙ୍ଗା, ମାଦି ନିଲା । ଆରେ, ହେଝାନ୍ ନିଙ୍ଗିଜି ନିଲ୍‌ତାନ୍ ।” ୯ ହେବେ ଜିସୁ ହେଝାରିଂ ଇଚାନ୍, “ଆନ୍ ମିଙ୍ଗେଙ୍ଗ ଝେନ୍‌ବାଦନାଙ୍ଗା, ଜମନିବାର ଇନାକା କିନାକା ବିଦି ହାର କିନାକା କି ବାନ୍ୟା କିନାକା ? ଜିବୁନ୍ ରାକ୍ୟା କିନାକା କି ନସ୍ କିନାକା ?” ୧୦ ଆରେ, ହେଝାନ୍ ଚାରିବେଣ୍ଟାଂ ଝିଜାକାରିଂ ହୁଡ଼ଜି ତାଙ୍ଗ ଇଚାନ୍, “ନି କେଇ ଲାମାୟକିଦା ।” ହେବେ ହେଝାନ୍ ହେଦାଂ କିତାନ୍, ଆରେ ତା କେଇ ହାରା ଆଚାଡ଼ ।

୧୧ ମାତର ହେଝାର ରିସା ଆଜି ବାଡ଼ ହାଲ୍‌ଜି, ଆରେ ଜିସୁଙ୍ଗ୍ ବେରୁତାଂ ଇନେସ୍ କିତିସ୍ ଆଡ଼ନାର,* ହେ ବିସ୍ତେ ହେଝାର ହେଝେର୍ କାତାବାଡ଼ା କିଦେଙ୍ଗ ଲାଗାତାର ।

ଜିସୁ ବାର ଚେଲାରିଂ ବାଟିକିତାନ୍

(ମାତ୍ରିଉ ୧୦:୧-୪; ମାର୍କ ୩:୧୩-୧୯)

୧୨ ହେଝାଡ଼ାଂ ହେଝାନ୍ ଦିନେକ୍ ପ୍ରାର୍ଥନା କିଦେଙ୍ଗ ଇଞ୍ଜି ମାଡ଼ିତ ହାଚାନ୍, ଇସ୍‌ର ତାକେ ପାର୍ଥନା କିଜି କିଜି ହାର୍ତନାଣା ମାଚାନ୍ । ୧୩ ଅଜଡ଼ ଆତିଲେ, ହେଝାନ୍ ହେ ଚେଲାରିଂ ଲାଗେ କୁକ୍‌ଟି ହେଝାର ବିତ୍ରେ ବାର ଜାଣ୍‌ତିଂ ବାଟି କିତାନ୍; ହେଝାନ୍ ପକ୍ୟାତାକାର ତର ଇଡ଼ତାନ୍; ୧୪ ହେଝାର ଆଚାର ସିମନ୍, ଇନେରିଂ ହେଝାନ୍ ପା ପିତର ତର ଇଡ଼ତାନ୍, ଆରି ହେ ଟଣ୍ଡାହି ଆହିୟ, ଜାକୁବ୍ ଆରି ଜହନ୍, ପିଲିପ୍ ଆରି ବାର୍ତଲମି, ୧୫ ମାତ୍ରିଉ ଆରି ତମା, ଆଲପିତି ମାଜି ଜାକୁବ୍ ଆରି ସିମନ୍, ଇନେରିଂ ମୁମ୍‌ଅଜଡ଼ ଇନାର, ୧୬ ଜାକୁବ୍‌ତି ମାଜି ଜିହୁଦା ଆରି ଇସ୍‌କାରିୟତିୟ ଜିହୁଦା, ଇନେର୍ ଜିସୁଙ୍ଗ୍ ସାତୁ କେଇଦ ହେଲାୟ କିତାନ୍ ।

* ୬:୧୧ ୬:୧୧ ଇଚାର; କେତେକ ପଡ଼ିତ ରିସାତାଂ ଇଚାକା ମାନାଡ଼

ଜିସୁ ହିକ୍ୟା ହିତାନ୍ ଆରି ଉଜ୍ କିତାନ୍

(ମାତିଉ ୪:୨୩-୨୫)

୧୭ ଆରେ, ହେୱାନ୍ ହେୱାର୍ ହୁକେ ମାଡ଼ିତାଂ ଜୁଜି ୱାତାର୍ ସାରିୟା ବାଟାତ ନିଲ୍ଲତାର୍, ଆରେ ତା ବେସିହେନି ଚେଲାର୍ ଆରି ୱିଜାର୍ ଜିହୁଦା ରାଜି ଜିରୁସାଲମ୍ ଆରେ ହାମ୍ବୁର୍ ଗୁଚିତମାନି ସର ଆରି ସିଦନ୍ ଗାଡ଼ତାଂ ବେସିହେନି ତା ଲାଗେ ଏକାୱାତାର୍; ୧୮ ହେୱାର୍ ହେ ବେରଣ୍ ଝେଞ୍ଜେଙ୍ଗ୍ ଆରି ଜାର୍ ଜାର୍ ରଗତାଂ ଉଜ୍ ଆଦେଂ ୱାତାର୍, ଆରେ ଇମ୍ନାକାର୍ ବାନ୍ୟା ଜିରୁନ୍କାଂ ତାଙ୍ଗ୍ କସ୍ ପାୟା ଆଜି ମାଚାର୍, ହେୱାର୍ ଉଜ୍ କିୟାଆତାର୍; ୧୯ ଆରେ ଲକୁ ତାଙ୍ଗ୍ ତୁଦେଂ ଇଞ୍ଜି ସେସ୍ କିଜି ମାଚାର୍, ଇନାକିଦେଂକି ତା ତାକେଣ୍ଟାଂ ସାକ୍ତି ହସି ୱିଜାକାରିଂ ଉଜ୍ କିଜି ମାଚାତ୍ ।

ଆସିର୍ବାଦ୍ ଆରି ଦୁକ୍

(ମାତିଉ ୫:୧-୧୨)

୨୦ ହେ ୱେଡ଼ାଙ୍ଗ୍ ହେୱାନ୍ ଜାର୍ ଚେଲାର୍ କାଜିଂ ହୁଡ଼ଜି ଇଚାନ୍,

“ହିଲ୍ଲିଞ୍ଜି କାକୁଲ୍ଡି ଲଗୁ ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ,

ଇନାକିଦେଂକି ଇସ୍ପତ୍ ରାଜି ମିଦାଙ୍ଗ୍ ।”

୨୧ “ନଙ୍ଗ୍ ନାସ୍ କି ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ,

ଇନାକିଦେଂକି ଏପେଙ୍ଗ୍ ପାଞ୍ଚାନ୍ନାଦେର୍ ।”

“ନଙ୍ଗ୍ ଆଡ଼ବାନାଦେର୍ ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ,

ଇନାକିଦେଂକି ଏପେଙ୍ଗ୍ ଗୁଇନାଦେର୍ ।”

୨୨ * “ମାନାୟାର୍ ଏଚେକାଡ଼ଦ୍ ମିଙ୍ଗେଙ୍ଗ୍ ଗିଣ୍ଡକିଦ୍ନାର୍ ଆରି ମାନାୟ୍ ମାଜି କାଜିଂ ବିନେ କିଦ୍ନାର୍, ଆରେ ନିନ୍ଦାକିଦ୍ନାର୍ ଆରି ମି ତରଦିଂ ବାନ୍ୟା ଇଞ୍ଜି ମୁନାକିନାର୍, ତେବେ ଏପେଙ୍ଗ୍ ଦନ୍ୟ । ୨୩ *ହେ ଦିନ୍ ୱାରି କିଜି ଏନ୍ଦାଟ୍, ଇନାକିଦେଂକି ହୁଡ଼ାଟ୍, ସାଗେଟ୍ ମିଦାଂ ଇନାମ୍ ଜବର୍; ଆରେ, ହେ ଲାକେ ତ ହେୱାର୍ ଆବାନି ଲାତ୍ରାର୍ ବେଣ୍ଡବାକ୍ଶାୟକିନାକାର୍ କାଜିଂ କିଜି ମାଚାର୍ ।”

୨୪ “ମାତର୍ ହାୟ୍, ତାଣ୍ଟ ପାୟା ଆନି ମାଜାନ୍ ଜେ ଏପେଙ୍ଗ୍,

ଇନାକିଦେଂକି ଏପେଙ୍ଗ୍ ଜାର୍ ଜାର୍ ସୁକ୍ ପାଇ କିନାଦେରା ।”

୨୫ “ହାୟ୍, ତାଣ୍ଟି କାଜିଂ ନେଜେଞ୍ଜିଗା ପାଞ୍ଚାଦେଣ୍ଟା ଜେ ଏପେଙ୍ଗ୍,

ଇନାକିଦେଂକି ଏପେଙ୍ଗ୍ ନାସ୍ କି ଆନାଦେର୍ ।”

“ହାୟ୍, ତାଣ୍ଟ ପାୟା ଆନାଦେର୍ ନେଜେଞ୍ଜିଗା ଗୁଇନାଦେର୍ ଜେ ଏପେଙ୍ଗ୍,

ଇନାକିଦେଂକି ଏପେଙ୍ଗ୍ ଦୁକ୍ ଆରି ଆଡ଼ବାନାଦେର୍ ।”

୨୬ “ଏଚେକାଡ଼ଦ୍ ୱିଜାର୍ ଲକୁ ମି ତର ଉପ୍ନାର୍, ହେ ଏଚେକାଡ଼ଦ୍ ହାୟ୍, ଏପେଙ୍ଗ୍ ତାଣ୍ଟ ପାୟାନି ଲଗୁ; ହେ ଲାକେ ତ ହେୱାର୍ଡି ଆବା ଲାତ୍ରାର୍ ଚାକ୍ରାୟ୍ ବେଣ୍ଡକିନାକାର୍ କାଜିଂ କିଜି ମାଚାର୍ ।”

ବେରିୟାରିଂ ଜିଉନ୍‌ୱାଟ୍

(ମାତିଉ ୫:୩୮-୪୮; ୭:୧୨)

୨୭ “ମାତର୍ ୱେନାଦେରା ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜିନାଙ୍ଗା, ମି ସାତୁରିଂ ୱାରି କିୟାଟ୍; ଇମ୍ନାକାର୍ ମିଙ୍ଗେଙ୍ଗ୍ ନିନ୍ଦା କିଦ୍ନାର୍, ହେୱେରିଂ ଜିଉନ୍‌ୱାଟ୍; ୨୮ ଇମ୍ନାକାର୍ ମିଙ୍ଗେଙ୍ଗ୍ ରାଣ୍ଡି ହିଦ୍ନାର୍, ହେୱେରିଂ ଆସିର୍ବାଦ୍ କିୟାଟ୍; ଇମ୍ନାକାର୍ ମିଙ୍ଗେଙ୍ଗ୍ ହିନ୍ସା କିଦ୍ନାର୍, ହେୱାର୍ କାଜିଂ ପାର୍ତାନା କିୟାଟ୍ । ୨୯ ଇନେର୍ ମିଙ୍ଗେଙ୍ଗ୍ ର କୁର୍‌ୱାତ ଚାପ୍ତା ଇଡ଼ିଦାନାର୍, ହେଦାଂ କାଜିଂ ଅଲ୍‌ଗା କୁର୍‌ୱା ଚଚା; ଆରେ, ଇନେର୍ ନି ହେୟା ଅନାର୍, ହେଦାଂ ନି ଉସ୍‌ପାନାକା ପା ଅଦେଂ ମୁନା କିମାଟ୍ ।

* ୭:୨୨ ୭:୨୨ ୧ ପିତର ୪:୧୪. * ୭:୨୩ ୭:୨୩ ପକ୍ୟାତାକା ୭:୫୨.

୩୦ ଇନେର୍ ନିଙ୍ଗେଙ୍ଗ ଏନ୍ତାନାର୍, ତାଙ୍ଗେଙ୍ଗ ହିୟାର୍; ଆରେ ଇନେର୍ ନି ଦାନ ଅନାର୍, ତାତାକେଣ୍ଡାଙ୍ଗ ହେଦାଂ ଆରେ ରଗ ଏନ୍‌ମାଟ୍ । ୩୧ *ମାନାୟାର୍ ମି କାଜିଂ ଇନେସ୍ ବାନି ବେବାର୍ କିଦ୍‌ନାର୍ ଇଞ୍ଜି ଇତା କିନାଦେର୍, ଏପେଙ୍ଗ ହେଝାର୍ କାଜିଂ ହେ ଲାକେ କିୟାଟ୍ ।”

୩୨ ଆରେ, ଇମ୍‌ଣାକାର୍ ମିଙ୍ଗେଙ୍ଗ ଜିଉନଦ୍‌ନାର୍, ହେଝାରିଂ ଜିଉନତିସ୍ ଏପେଙ୍ଗ ଇନା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିର୍ ପା ଜାର୍ ଜାର୍ ଜିଉନନାକାରିଂ ଜିଉନନାର୍ । ୩୩ ଆରେ, ଇମ୍‌ଣାକାର୍ ମିଦାଙ୍ଗ୍ ହାର୍ କିନାର୍, ଜଦି ଏପେଙ୍ଗ କେବଲ୍ ହେଝାରିଂ ହାର୍ କିନାଦେର୍, ତେବେ ଏପେଙ୍ଗ ଇନାକା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିୟାର୍ପା ହେଦାଂ କିନାରା । ୩୪ ପାରେ, ଇମ୍‌ଣାକାର୍‌ତାଂ ମିଦାଙ୍ଗ୍ ପାୟା ଆନି ଆହା ମାନାଟ୍, କେବଲ୍ ହେଝେରିଂ ରୁଣ୍ ହିତିସ୍ ଏପେଙ୍ଗ ଇନା ଆସିର୍ବାଦ୍ ପାୟା ଆନାଦେର୍ ? ପାପିର୍ ପା ସମାନନେ ପାୟାଦେଂ ଇଞ୍ଜି ପାପିରିଙ୍ଗ୍ ରୁଣ୍ ହିନାର୍ ୩୫ ମାତର୍ ମି ସାତୁକାଂ ଜିଉନଝାଟ୍ ଆରି ହେଝାରିଂ ହାର୍ କିୟାଟ୍, ଆରେ ଉଲ୍‌ଟି ରୁଣ୍ ଆହା କିଝାଦାଂ ରୁଣ୍ ହିଆଟ୍; ତା ଆତିସ୍ ମିଦାଙ୍ଗ୍ ଇନାମ୍ ବେସି ଆନାଟ୍ ଆରି ଏପେଙ୍ଗ ସିଗ୍‌ଦାକାନ୍ ମାପୁ ମେହି ଆନାଦେର୍, ଇନାକିଦେଂକି ହେଝାନ୍ ଲଡାଆଞ୍ଜି ଆରି ବାନ୍‌ୟାଙ୍ଗ୍ ପା ଦୟା କିନାନ୍ । ୩୬ ମିଞ୍ଜି ଆବା ଇନେସ୍ ଦାମ୍, ଏପେଙ୍ଗ ହେ ଲାକେ ଦାମ୍ ଆତ ।

ଅଲ୍‌ଗା ବିନେନିକାର୍ କାଜିଂ ବିଚାର୍ କିମାଟ୍
(ମାତିଉ ୭:୧-୫)

୩୭ “ଆରେ, ବିଚାର୍ କିମାଟ୍, ତା ଆତିସ୍ ଏପେଙ୍ଗ ବିଚାର୍‌କିୟା ଆଉଦେର୍; ଦସ୍ କିମାଟ୍, ତା ଆତିସ୍ ଏପେଙ୍ଗ ଦସି କିୟାଆଉଦେର୍ । କେମା କିୟାଟ୍, ତା ଆତିସ୍ ଏପେଙ୍ଗ କେମା କିୟା ଆନାଦେର୍; ୩୮ ଦାନ୍ କିୟାଟ୍, ହେଦାଂ ମିଙ୍ଗେଙ୍ଗ ଦାନ୍ ହିଦ୍‌ୟା ଆନାଟ୍; ଇସ୍‌ବ୍ ମାଣ୍‌ଦ ବାତ୍ କିଜି ହେଦେଲିଂ ଲେପ୍‌ଟି ଡିଉଡିଉ ମିଙ୍ଗେଙ୍ଗ୍ ମାଣ୍‌ଦ ହିଦ୍‌ନାର୍; ଇନାକିଦେଂକି ଇମ୍‌ଣି ମାଣ୍‌ଦ ଲାଟ୍‌ନାସ୍, ହେ ମାଣ୍‌ତାଂ ମିଙ୍ଗେଙ୍ଗ୍ ଆରେ ମାଣ୍‌ଦାଂ ହିଦ୍‌ଆ ଆନାଟ୍ ।”

୩୯ ଜିସୁ ହେଝେରିଂ ର ଉତ୍‌ର୍‌ମୁଡ୍ ପା ଇଚାନ୍, “କାଣା ଇନାକା କାଣାଂ ହାଜି ଚର୍‌ଚେଙ୍ଗ୍ ଆଡ୍‌ନାନ୍ ? ଜଦି ହେଝାନ୍ ହେ ଲାକେ କିନାନ୍, ଲାଗିଂ, ହେଝାର୍ ଇନାକା ରିୟାର୍ କ୍ଷୁଇଦ୍ ଆରୁର୍ ? ୪୦ *ଗୁରୁତାଂ ଚେଲା ଗାଜା ଆକାୟ୍; ମାତର୍ ଝିଜାର୍ ଚେଲା ହିକ୍ୟା ଝିସ୍‌ଆର୍‌ଟି ହାର୍ ଆଜି ନିଜାର୍ ଗୁରୁ ସମାନ୍ ଆନାଟ୍ ।”

୪୧ ଆରେ, ଇନେକିଦେଂ ନି ଟଣ୍‌ଣେନ୍ କାଣ୍‌ଙ୍ଗାତ ମାନି ଗାତ୍ରା ହୁଡ୍‌ନାୟା, ମାତର୍ ନି ନିଜ୍ କାଣ୍‌ଙ୍ଗାତ ଇମ୍‌ଣି ଝେଜ୍‌ଗୁ ଗାତ୍ରା ମାନାଟ୍, ହେଦାଂ ବାବିକିଦେଂ ଆତୁୟା ? ୪୨ ଏପେଙ୍ଗ ଜାର୍ କାଣ୍‌ଙ୍ଗାତ ମାନି ଦୁଲ୍‌ମ୍ ଗାତ୍ରା ହୁଡ୍‌ଝାଦାଂ ଇନେସ୍ ଜାର୍ ଟଣ୍‌ଣେନ୍ ଇଞ୍ଜେଙ୍ଗ୍ ଆଡ୍‌ନାୟ୍, ଟଣ୍‌ଣେନ୍, ଝା, ନି କାଣ୍‌ଙ୍ଗାତ ମାନି ଗାତ୍ରାତିଙ୍ଗ୍ ଉନ୍‌ଦି ହିଦ୍‌ନାଙ୍ଗ୍ ? ଆଡେ କାପ୍‌ଟିୟାର୍ ଆଗେ ଜାର୍ କାଣ୍‌ଙ୍ଗାତାଂ ଦୁଲ୍‌ମ୍ ଗାତ୍ରା ଉନ୍‌ଦିୟା ତା ପାରେ ନିଜ୍ ଟଣ୍‌ଣେନ୍ କାଣ୍‌ଙ୍ଗାତ ମାନି ଝେଜ୍‌ଗୁ ଗାତ୍ରା ଉନ୍‌ଦିନି କାଜିଂ ହାର୍‌ଦାଂ ହୁଡ୍‌ଦେଂ ଆଡ୍‌ନାନ୍ ।

ମାର୍ ଆରି ତା ପାଡ୍
(ମାତିଉ ୭:୧୭-୨୦; ୧୨:୩୩-୩୫)

୪୩ “ହାଦ୍ ମାର୍ ବାନ୍‌ୟା ପାଡ୍ ଝାଉଡ୍, ବାନ୍‌ୟା ମାର୍‌ତ ହାଦ୍ ପାଡ୍ ଆହୁଡ୍, ଇନେସ୍‌କି ହାର୍ ପାଡ୍ ଆହ୍‌ନାଟ୍ । ୪୪ ଇନାକିଦେଂକି ଝିଜୁ ମାର୍‌କୁ ଜାର୍ ପାଡ୍‌ଦାଂ ପୁନିୟା ଆନାଟ୍; ଝାଡିଙ୍ଗ୍ ବୁଟାତାଂତ ମାନାୟାର୍ ତଗା ଏଚୁର୍, କି ଝାଡିକ୍‌ଡିଙ୍ଗ୍‌ତାଂ

* ୭:୩୧ ୭:୩୧ ମାତିଉ ୭:୧୨. * ୭:୪୦ ୭:୪୦ ମାତିଉ ୧୦:୨୪,୨୫; ଜହନ୍ ୧୩:୧୭; ୧୫:୨୦.

ଅଙ୍ଗୁରପାତ୍ର ଏବଂ ଧୂସର । ୪୫ *ହାଦି ଲଗୁ ହାରଦି ଖାସ୍ତିତା ହାଦି ଆଡ଼ମାଡ଼ ହସନାନ । ଆରେ ବାନ୍ୟା ଲଗୁ ବାନ୍ୟା ଖାସ୍ତିତା ବାନ୍ୟା ଆଡ଼ମାଡ଼ ହସନାନ; ଇନାକିଦେକି ମାନ୍ତ ବାତ ଆତାଡ଼ନା ଖେଇ କାତା ଇନାଡ଼ ।”

ରିବାନି ଇଲ ରଦନାକା
(ମାତିଉ ୭:୨୪-୨୭)

୪୬ “ଆରେ, ଏପେଙ୍ଗ ଇନେକିଦେ ନାଙ୍ଗେଙ୍ଗ ମାପୁ, ମାପୁ ଇଞ୍ଜି କୁଲ୍ଲାନାଦେରା ମତର ନା ବରନ ପାଲି କିଉଦେରା ? ୪୭ ଇମଣାକାର ନା ଲାଗେ ଖାଜି ନା ବେରଣ୍ଡ ଖେନ୍ଞି ହେ ସବୁ ପାଲି କିନାନ, ହେଖାନ ଇନେର ସମାନ ଆନାନ, ହେଦା ଆନ ମିଙ୍ଗେଙ୍ଗ ଖେଚାନାଙ୍ଗ । ୪୮ ହେଖାନ ଇ ଲାକେ ରକାନ ଇଲ୍ ଡ୍ରିକ୍‌ନି ମାନାୟ ଲାକେ ଜେ ତେଙ୍ଗାକିଜି କାର କୁନାଦି କାଲ୍ ଜପି ଇଡ଼ଜି କୁଚିକିତାର; ଆରେ ପୁରଆତିଲେ ହୁଞ୍ଜାଟ ହେ ଇଞ୍ଜି ବେସି ଦକା ଇଡ଼ିତାଡ଼ ମାତର ହେଦା ଲେପ୍‌ପେଦେ ଆଡ଼ଖାତାଡ଼, ଇନାକିଦେକି ହେଦା ହାର କିଜି ରଚାକାମାତାଡ଼ । ୪୯ ମାତର ଜେ ଖେନ୍ଞି ପାଲି କିଉନ, ହେଖାନ କୁନାଦି କୁଚିକିଖାଦା ମେଦନି ଜପି ଇଲ୍ ରଚନି ମାନାୟ ଲାକେ; ଏଚେକାଡ଼ଦ ଇଲ୍‌ତି ବେସି ଦକା ଇଡ଼ିତିସ୍, ଉଲ୍‌କା ହେ ମଲ୍‌ଦି ବେସି ଦକା ଇଡ଼ିତିଲେ, ହେ ଦାପ୍ରେ ହେଦା ବାଡ଼ହା ଆତାଡ଼ ଆରେ ହେଦା ନାସ୍ ବଇଁଙ୍ଗାର ଆତାଡ଼ ।”

୭

ଜିସୁ ରଖାନ ରମିୟ ମାନାୟତି ଉଜ୍ କିତାନ
(ମାତିଉ ୮:୧୨)

୧ ଜିସୁ ମାନାୟରି ଖେଚରେଙ୍ଗ ମାନକିଜି ମାଚାନ ହେଖାନ ଖିଜାର କାତା ଖିସ୍ତି କପନାହୁମ୍ ହଣଗାତାନ । ୨ ହେଖାଡ଼ା ରଖାନ ପାଞ୍ଚକଡ଼ି ମେଲ୍ୟାର ମୁଡ଼ଦାକାନ ହଲ୍ୟାହି ବେମାର ଆଜି ମାଚାନ, ହେଖାନ ତାଙ୍ଗେଙ୍ଗ ବେସି ଜିଉନଜି ମାଚାନ । ୩ ହେଖାନ ଜିସୁ ବିସ୍ତେ କାରୁର ପୁଞ୍ଜି, ହେଖାନ ଇନେସ୍ ଖାଜି ହେ ହଲ୍ୟାହିତି ଜିରୁନ୍ ରାକ୍ୟା କିନାନ, ଇଦା କାଜି ତା ତାକେ ଜିହୁଦିତ କେତେଜାଣ୍ ବୁଡ଼ାଲୁରି ପକ୍ତି ତାଙ୍ଗେଙ୍ଗ ଗଞ୍ଜାରି କିତାନ । ୪ ହେଖାର ଜିସୁ କଚଣ୍ଡ ଖାଜି ତାଙ୍ଗେଙ୍ଗ ବେସି ଗଞ୍ଜାରି କିଦେଙ୍ଗ ଲାଗାତାର, ଏନ୍ ଜେ ହେଖାନ କାଜି ଇଦା କିନାୟ, “ହେଖାନ ହେବେନି ଦାୟିଡ଼ ଆନାନ; ୫ ଇନାକିଦେକି ଜିସୁ ମାଙ୍ଗେଙ୍ଗ ଜାତିତି ଜିଉନନାନ ଆରି ହେଖାନ ମା କାଜି କୁଚୁମ୍ ଇଞ୍ଜି ରଚି ହିଡ଼ନ୍ନା ।”

୬ ହେବେ ଜିସୁ ହେଖାର ଲାହାଙ୍ଗ ରଚେ ହାଚାନ । ହେଖାନ ଇଞ୍ଜାଙ୍ଗ ଅଲପ୍ ଦେହା ଆତିଲେ, ପାଞ୍ଚକଡ଼ି ମେଲ୍ୟାର ହାଙ୍ଗଦାକାରି ପକ୍ତି ତାଙ୍ଗେଙ୍ଗ ଇଚାର, “ମାପୁ କସୁ କିଦମା; ଇନାକିଦେକି ଏନ୍ ଜେ ମା ଇଞ୍ଜି କାଲ୍ ତଗନାୟ, ଆନ୍ ଏଲେଙ୍ଗ ବାରତି ଇନାକା ହିଲୁଡ଼; ୭ ଲାଗି ଆନ୍ ନି କଚଣ୍ଡ ହାଞ୍ଜେଙ୍ଗ ନିଜ୍ତି ଖାରୟା ଆଖାଦା ମାଚାଙ୍ଗ; ମାତର ପାଦେକ୍ ବଲ୍ କିଦା, ନା ଆଡ଼ିଏନ୍ ଉଜ୍ ଆନାନ । ୮ ଇନାକିଦେକି ଆନ୍ ରଖାନ ବାନ୍ୟା ମାନାଙ୍ଗ ଆତିସ୍ ପା ନା ତାରେନ୍ ମେଲ୍ୟାର ମାନାର; ଆରେ, ଆନ୍ ରଖାନି ଆଦିକାର୍ ହିତିସ୍ ହେଖାନ ହାନାନ; ଆରେ ରଖାନି ଖା ଇତିସ୍ ହେଖାନ ଖାନାନ; ମାତର ନା ହଲ୍ୟା ଇଦା କିୟା ଇତିସ୍ ହେଦା କିନାନ ।”

୯ ଜିସୁ ଇ ଖିଜୁ କାତା ଖେନ୍ଞି ହେ ବିସ୍ତେ କାବା ଆତାର, ଆରେ ମାସ୍‌ଦି ହେ ପାଚେ ଖାଜିମାନି ମାନାୟାରି ଇଚାନ, “ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇସ୍‌ଏଲ୍ ବିତ୍ରେ ପା ଏଚେକ୍ ଗାଜା ପାତ ପାୟାଆଖାତାନ୍ନା ।”

* ୭:୪୫ ୭:୪୫ ମାତିଉ ୧୨:୩୪.

୧୦ ଆରେ ପକ୍ୟାତାକାର୍ ମାନାୟ୍ ଇଞ୍ଜ ଲେଉଟା ଆଜି ହଲ୍ୟାହିଙ୍ଗ୍ ଉଜ୍ ଆତାକା ହୁଡ଼ାତ୍ ।

ଜିସୁ ର ରାଣ୍ଡିନି ହାତି ହିମଣାତିଂ ଜିପ୍ତାନ

୧୧ ଇଦାଂ ପାଚେ ହେଞ୍ଜାନ୍ ନାଇନ୍ ତରଦି ଗାଡ଼ଦ ହାଚାନ୍, ଆରି ହେଞ୍ଜାନ୍ ଚେଲାହିର୍ ଆରି ବେସିହେନି ମାନାୟ୍ ହେଞ୍ଜାନ୍ ହୁଦାଂ ହାଲ୍ଜି ମାଚାତ୍ । ୧୨ ହେଞ୍ଜାନ୍ ଗାଡ଼ନି ଦୁଞ୍ଜେର୍ ଲାଗେ ଏକାଞ୍ଜାତିଲେ, ହୁଡ଼ାଟ୍, ମାନାୟ୍ ରଞ୍ଜାନ୍ ହାତି ମାନାୟ୍ତିଂ ବାଟ୍ ପିଣ୍ଡଜି ତାସି ମାଚାତ୍, ହେଞ୍ଜାନ୍ ଜାର୍ ଆୟାନି ରଞ୍ଜାନ୍ ମତର୍ କାଡ଼ଦେ, ମାତର୍ ହେ କଗ୍ଲେ ରାଣ୍ଡି; ଆରେ ଗାଡ଼ନି ବେସିହେନିମାନାୟ୍ ତା ଲାହାଙ୍ଗ୍ ମାଚାତ୍ ।

୧୩ ହେଦେଲିଂ ହୁଡ଼ଜି ମାପୁ ତା କାଜିଂ କାର୍ମା ଆଜି ଦୁକ୍ ହୁଡ଼ଜି ତାଙ୍ଗେଙ୍ଗ୍ ଇଚାନ୍, “ଆଡ଼ବାମା ।” ୧୪ ଆରେ, ହେଞ୍ଜାନ୍ କଚଣତ ହାଲ୍ଜି ମାଚାତ ଦୁତାନ୍, ପାଚେ ପିଣ୍ଡତାକାର୍ ନିଲ୍ଜିଲେ ହେଞ୍ଜାନ୍ ଇଚାନ୍, ନିଲାଟ୍, ହେଞ୍ଜାନ୍ ଇଚାନ୍, “ଦାଙ୍ଗ୍‌ଶେନ୍, ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା ନିଙ୍ଗା ।” ୧୫ ହେବେତାଂ ହାତି ଲଗୁ ନିଙ୍ଗ୍‌ଜି କୁଟ୍‌ଚାନ୍, ଆରେ ବେଣ୍ କିଦେଙ୍ଗ୍ ଲାଗାତାନ୍, ଆରେ ହେଞ୍ଜାନ୍ ତା ତେହି କେଇଦ ହେଲାୟ୍ କିତାତ୍ ।

୧୬ ଇବେତାଂ ଖିଜାକାର୍ ପାଣ୍ଡା ଆଚାତ୍, “ଆରେ ଇସ୍ତର୍ ଗୁଣ୍ କେରଜି କିଉ କିଉ ଇଞ୍ଜେଙ୍ଗ୍ ଲାଗାତାତ୍,” ମା ବିତ୍ରେ ରଞ୍ଜାନ୍ ଗାଜା ବେଣ୍‌ବାକ୍‌ଶାୟ୍‌କିନାକାନ୍ ହନ୍‌ତାନ୍‌ନା “ଆରି ଇସ୍ତର୍ ଜାର୍ ଲଗାଂ କାଜିଂ ମୁଲ୍ଜି କିଦେଙ୍ଗ୍ ଖାତାନ୍‌ନା ।”

୧୭ ପାଚେ, ଜିସୁ ବିସ୍ତେ ଇ ବେରଣ୍ ଖିଜାର୍ ଜିହୁଦା ଦେସ୍ ଆରି ଚାରିବେଣ୍‌ତାଂ ଖିଜୁ ନାସ୍‌କୁକାଂ ଖିଣ୍‌ତାତ୍ ।

ବାପ୍ତିସ୍ମିନ୍ ଜହନ୍‌ତି ପରସନ୍
(ମାଡିଉ ୧୧:୨-୧୯)

୧୮ ପାଚେ ଜହନ୍ ଚେଲାହିର୍ ଇ ଖିଜୁ ବିସ୍ତେ ଖେଟ୍‌ଚାତ୍ । ୧୯ ହେବେ ଜହନ୍ ଜାର୍ ଚେଲାଟ୍ ବିତ୍ରେ ରିୟାରିଂ କଚଣତ କୁକ୍‌ଚି ମାପୁ ତାକେ ଇଦାଂ ଇଞ୍ଜି ପକ୍‌ତାନ୍, “ଇନେନ୍‌ତି ଖାନାକା ମାଚାତ୍, ହେ ମାନାୟ୍ ଏନ୍, କି ନଲେ ଆପେଂ ଆରେ ରଞ୍ଜାନ୍ କାସିମାନାପ୍ ?”

୨୦ ହେ ମାନାୟାର୍ ଜିସୁଙ୍ଗ୍ ଲାଗେ ହାଲ୍ଜି ଇଚାତ୍, “ବାପ୍ତିସ୍ମିନ୍ ହିନି ଜହନ୍ ମାଙ୍ଗେଙ୍ଗ୍ ନି ତାକେ ଏଲେଙ୍ଗ୍ ଇଞ୍ଜି ପକ୍‌ତାତାନ୍, ଇନେନ୍‌ତି ଖାନାକା ଆନାଟ୍, ହେ ମାନାୟ୍ କି ଏନ୍, କି ଆପେଂ ଆରକାନିଂ କାଜିଂ ମାନାପ୍ ?”

୨୧ ହେଞ୍ଜାତାଂ ହେଞ୍ଜାନ୍ ବେସିଲଗାଂ ରଗ୍, ବେମାର୍ ଆରି ବାନ୍ୟାପୁଦା ଉଜ୍ କିତାନ୍, ଆରି ହେନି କାଣାରିଂ କାଣକୁ ହୁଡ଼କିତାନ୍ । ୨୨ ଜିସୁ ହେଞ୍ଜାରିଂ ଉତର୍ ହିତାନ୍, ଏପେଙ୍ଗ୍ ହାଲ୍ଜି ଇନା ଇନାକା ହୁଡ଼ତାଦେର୍ ଆରି ଖେଚାଦେର୍, ହେଦାଂ ଖିଜୁ ଜହନ୍‌ତିଂ ଖେଚାଟ୍; “କାଣାର୍ କାଣକୁ ହୁଡ଼ନାର୍, ଚଟାର୍ ତାଂଦେଙ୍ଗ୍ ଆଡ଼ତାତ୍, ଗାଜା ରଗ୍ୟାର୍ ସକଟ୍ ଆଦେଂ ଆଡ଼ତାତ୍, ବଇରାର୍ ଖେଞ୍ଜେଙ୍ଗ୍ ଆଡ଼ତାତ୍, ହାତାକାର୍ ନିଙ୍ଗ୍‌ନାର୍, ହିଲ୍‌ଖାକାର୍ ତାକେ ନେକ୍‌କାଟ୍‌ରୁର୍ ସୁଣାୟ୍ କିତାତ୍; ୨୩ ଆରେ ଇମ୍‌ଣି ମାନାୟ୍ ନାତାକେଣ୍ଡାଂ ବାଦା ପାୟା ଆଉନ୍, ହେଞ୍ଜାନ୍ ଦନ୍‌ସ ।”

୨୪ ଜହନ୍‌ନି ଦୁତର୍ ହାତିପାଚେ ଜିସୁ ଜହନ୍ ବିସ୍ତେ ବେରଣ୍ ଇଞ୍ଜେଙ୍ଗ୍ ଲାଗାତାନ୍, ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହାଲ୍ଜି ମାନାଦେର୍ ? “ଇନାକା ଦୁକାତିଙ୍ଗ୍ ଜଲାଆନି ନାଡା ? ୨୫ ହେଦାଂ ଆଞ୍ଜିତିସ୍ ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ଦାମ୍‌ନି ହେୟା ଉସ୍ତିତ ର ମାନାୟ୍ତିଂ ? ହୁଡ଼ାଟ୍, ଇମ୍‌ଣାକାର୍ ଦାମ୍‌ନି ହେୟା ଉସ୍‌ପାତାନ୍ ବିସ୍ତେ ସୁକ୍‌ତାଙ୍ଗ୍ ଜିନାନ୍, ହେଞ୍ଜାନ୍ ରାଜା ଗାଦିତ ମାନ୍‌ଗାନାର୍ । ୨୬ ନାଙ୍ଗେଙ୍ଗ୍ ଇଞ୍ଜା, ହେଦାଂ ଆଞ୍ଜିତିସ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ରଞ୍ଜାନ୍ ବେଣ୍‌ବାକ୍‌ଶାୟ୍‌କିନାକାନିଂ ?

ଆନ୍ ମିଙ୍ଗେଙ୍ଗ ହାତ୍‌ପା ଝେଚାନାଙ୍ଗା, ବେଣ୍‌ବାକ୍‌ଶାୟ୍ କିନାକାନ୍ତାଙ୍ଗ ଆଦିକ୍ ଗାଜା ମାନାୟ୍‌ତି । ୨୭ ଇନେର୍ ବିସ୍ତେ ଇଦାଂ ଦରମ୍ ସାସ୍ତର ଲେକା ମାନାତ୍, ଇସ୍ତର ଇଚାନ ହୁଡାଟ୍, ଆପେଂ ମା ଦୁଡ୍‌ତି ମି ଆଗେ ପଲ୍ଲାନାପା, ହେଝାନ୍ ମି ଲାଗେ ମିଦାଙ୍ଗ ହାଜି ରଚ୍‌ଚି ହିଦନାନ୍, ଇଝାନ୍ ହେ ମାନାୟ୍ । ୨୮ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା,” କଗ୍‌ଲେ ପଟେ ଜଲମ୍ ଝିଜାରତାଂ ବିତ୍ରେ ଜହନ୍ ତାଙ୍ଗ ଗାଜାକାନ୍ ଇନେର୍ ହିଲୁର୍; ଆତିସ୍‌ପା ସାଗେ ରାଜିତ ଇନେନ୍ ହିରୁକାନ୍, “ହେଝାନ୍ ଜହନ୍ ତାଙ୍ଗ ପା ଗାଜାକାନ୍ ।”

୨୯ ଇମଣି ଇ ଝିଜୁ ବେରଣ୍ ଝେନ୍‌ଞ୍ଜି ମାଚାର୍, ହେଝାର୍, ହାତ୍‌ପାକିଜି ସିସ୍ତୁନ୍‌ନାକାର୍, ଇସ୍ତର ମାପୁଙ୍ଗ ହାଦ୍ ଦାବି ଝିଜୁ ପାତ୍ କିଜି ଜହନ୍ ତାଙ୍ଗ ବାପ୍ତିସିମ୍ ଅଜି ମାଚାନ୍; ୩୦ ମାତର୍ ପାରୁସିର୍ ଆରେ ଦରମ୍ ଗୁରୁର୍ ହେଝାର୍ ଜିବୁନ୍ କାଜିଂ ଇସ୍ତର ମାପୁ କାଜିଂ ଇଟା ଆଝାଦାଂ ତାତାଂ ବାପ୍ତିସିମ୍ ଆଝାଦାଂ ମାଚାନ୍ ।

୩୧ ଜିସୁ ଆରେ ରଗ ଇଚାନ ଇନେର୍ ଇ ଜୁଗ୍‌ଦି ମାନାୟାରିଂ ଆନ୍ ଇନେର୍ ହୁଦାଂ ତୁଲ୍‌ୟ୍ କିନାଙ୍ଗ, “ଆରେ ହେଝାର୍ ଇନେର୍ ଲାକେ ? ୩୨ ଇମଣି କାତ୍‌ଦେର୍ ଆଟ୍ ବାଜାର୍‌ତ କୁଚ୍‌ଚି ହେଝେର୍ ହେଝାର୍ କୁକ୍‌ଚି ଇନାର୍, ଆପେଂ ମି ଲାଗାଂ ହୁରୁଡ୍ ତୁବ୍‌ତାପ୍, ଏପେଙ୍ଗ ଏନ୍‌ଝାତାଦେର୍; ଆପେଂ ହାତି କେରକଣ୍ କେରତାପ୍, ଏପେଙ୍ଗ ଆଡ୍‌ବାଝାତାଦେର୍, ହେଝାର୍ ହେଝେର୍ ଲାକେ । ୩୩ ଇନାକିଦେଂକି ବାପ୍ତିସିମ୍‌ହିନି ଜହନ୍ ଝାଜି ରୁଚି ତିନ୍‌ଝାତାନ୍ କି ଆରେ ଅଙ୍ଗୁର୍ ରାସ୍ ଉଣୁଝାତାନ୍, ଆରେ ଏପେଙ୍ଗ ଇନାଦେରା, ହେଝାନ୍ ବୁଡ୍ ଆସ୍ତାଦନା । ୩୪ ମାନାୟ୍ ମାଜି ଝାଜି ତିନାଉଣା କିନାନ୍, ଆରେ ଏପେଙ୍ଗ ଇନାଦେରା, ହୁଡାଟ୍, ଇଝାନ୍ ରକାନ୍ ବାଡ୍‌ଝା ଆରି ମଦ୍‌ଝା, ସିସ୍ତୁନ୍‌ନାକାର୍ ଆରି ପାପିୟାର୍ ହାଙ୍ଗ୍‌ଦାକାନ୍ । ୩୫ ମାତର୍ ବୁଦି ନିଜାର୍ ଝିଜାର୍ ହିମ୍‌ଣାଂ ତାଙ୍ଗ ସମାନ୍ ଇଞ୍ଜି ପାମାଣ୍ ଆତାତ୍ ।”

ପାରୁସି ସିମନ୍ ଇଞ୍ଜି ଜିସୁ

୩୬ ଆରି, ପାରୁସିର୍ ବିତ୍ରେ ରଝାନ୍ ଜିସୁ ନିଜାର୍ ଲାହାଙ୍ଗ୍ ଚିଞ୍ଜେଙ୍ଗ୍ ତାଙ୍ଗେଙ୍ଗ୍ ଗଝାରି କିଜି କୁକ୍‌ତାନ୍ । ହେବେଣ୍‌ୟା ହେଝାନ୍ ପାରୁସି ଇଞ୍ଜି ହଣ୍‌ଜି ଚିଞ୍ଜେଙ୍ଗ୍ କୁଚ୍‌ଚାର୍ । ୩୭ ଆରେ ହୁଡାଟ୍, ହେ ଗାଡ୍‌ଦ ରଞ୍ଜେଲ୍ ପାପିୟାଣି କଗ୍‌ଲେ ମାଚାତ୍; ଜିସୁ ହେ ପାରୁସି ଇଞ୍ଜି ତିନି କାଜିଂ କୁଚ୍‌ଚାନ୍ନା, ଇଦାଂ ପୁଞ୍ଜି ହେଦେଲ୍ ର କଣ୍ଡିତ ବାସ୍‌ନା ଚିକାଣ୍ ତାସି ଝାତାତ୍, ୩୮ ପାଚ୍‌ବାଗାଂ ତା ପାନା ତାରେନ୍ ନିଲ୍‌ଚି ଆଡ୍‌ଜି ଆଡ୍‌ଜି କାଶେଲ୍‌ତାଂ ହେଝାନ୍ ପାନାତିଂ ଉଦିକିଜି ଜାର୍ କାପ୍‌ଡାନି ତେମ୍‌ଲ୍‌ତାଂ ହେଦାଂ ନେନ୍‌ଦେଂ ଲାଗାତାତ୍ । ଆରେ ଜିସୁ ପାନାତିଂ ତନ୍‌ଞ୍ଜି ତନ୍‌ଞ୍ଜି ବାସ୍‌ନା ଚିକାଣ୍ କାସ୍‌ତାତ୍ । ୩୯ ହେଦାଂ ହୁଡାଟ୍, ଇମଣି ପାରୁସି ତାଙ୍ଗେଙ୍ଗ୍ କୁକ୍‌ଚି ମାଚାନ୍, “ହେଝାନ୍ ମାନେ ମାନେ ଇଚାନ୍, ଇଝାନ୍ ଜଦି ବେଣ୍‌ବାକ୍‌ଶାୟ୍‌କିନାକାନ୍ ଆଜି ମାଚାନ୍‌ଚି, ତା ଆତିସ୍ ଇଝାନ୍‌ି ଜେ ତୁନାତା, ହେଦେଲ୍ ଇନ୍‌ଦେଲ୍ ଆରି ଇନେସ୍ ବାତ୍‌ନି କଗ୍‌ଲେ, ଇତିସ୍, ହେଦେଲ୍ ଜେ ପାପିୟାଣି, ଇଦାଂ ପୁଚାନ୍‌ମା ।”

୪୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ସିମନ୍, ନିଙ୍ଗେଙ୍ଗ୍ ଆନ୍ ଇନାକାପା ଇଞ୍ଜନାକା ମାନାତ୍ ।” ହେଝାନ୍ ଇଚାନ୍, “ଗୁରୁ ଇଞ୍ଜା ।”

୪୧ “ର ମାଜାନ୍‌ତାଂ ରିୟାର୍ ରିଣ୍ ଆଜି ମାଚାର୍; ରଝାନ୍ ପାଞ୍ଚସହ ଟାକାଂ ଆରି ଆରେ ରଝାନ୍ ରିକଡ୍‌ଦସ୍ ଟାକାଂ ରିଣ୍ ଅଜି ମାଚାନ୍ । ୪୨ ହୁଜାଆଦେଂ ହେଝାର୍‌ଚି ଇନାକା ହିଲ୍‌ଝିତିଲେ ହେଝାନ୍ ରିଆର୍‌ଚି କେମା କିତାନ୍ । ଲାଗିଂ ହେଝାର୍ ବିତ୍ରେ ଇନେର୍ ତାଙ୍ଗେଙ୍ଗ୍ ଆଦିକ୍ ଜିଉନନାନ୍ ?”

୪୩ ସିମନ୍ ଉତର୍ ହିତାନ୍, “ଆନ୍ ବାବିକିନାଙ୍ଗା, ହେଝାନ୍ ଇନେକିଦେଂ ଆଦିକ୍ ରୁଣ୍ ପିସ୍ତାନ୍, ହେଝାନ୍ । ହେଝାନ୍ ହେଝାରିଂ ଇଚାନ୍, ଏନ୍ ହାତ୍‌ପା ବିଚାର୍ କିତାୟ୍

୨:୩୭ ୭:୩୭ ମାତିଉ ୨୭:୭; ମାର୍କ ୧୪:୩; ଜହନ୍ ୧୨:୩।

।” ୪୪ ଆରେ, ହେୱାନ ହେ କଗ୍ଲେ କାଜିଂ ଖେଇ ମାସ୍ତି ସିମନ୍ତିଂ ଇଚାନ, “ଇ କଗ୍ଲେଂ ହୁଡ଼ନାୟା ? ଆନ୍ ମି ଇଞ୍ଜି ଖାତାଂ, ଏନ୍ ନା ପାନା କାଜିଂ ଏଜୁଂ ହିଦ୍‌ଖାତାୟ, ମାତର୍ ଇଦେଲ୍ କାଣେଲିଂ ଲାହାଙ୍ଗ୍ ନା ପାନା ଉଦିକିଜି ନିଜ୍‌ନି ତେମୁଲ୍‌ତାଂ ହେଦାଂ ନେନ୍ତାଡ଼ । ୪୫ ଏନ୍ ନାଙ୍ଗେଙ୍ଗ୍ ତଞ୍ଜି, ହିର୍‌ବା ଆଦ୍‌ଖାତାୟ ମାତର୍ ଆନ୍ ବିତ୍ତେ ଖାତି ସମୁତାଂ ଇଦେଲ୍ ନା ପାନା ତଞ୍ଜାନାକା ପିସୁତୁତ । ୪୬ ଏନ୍ ନା କାପ୍‌ଡ଼ାତ ଚିକାଣ୍ କାସ୍‌ଦାଖାତାୟ, ମାତର୍ ଇଦେଲ୍ ନା ପାନାତ ବାସ୍‌ନା ଚିକାଣ୍ କାସ୍‌ଦାତାଡ଼ । ୪୭ ଲାଗିଂ ଆନ୍ ନିଙ୍ଗେଙ୍ଗ୍ ଇଞ୍ଜିନାଙ୍ଗା, ଇଦେଲ୍‌ତି ଆଦିକ୍ ପାପ୍ କେମା ଆତାଡ଼ନ୍ନା, ଇନାକିଦେଂକି ହେଦେଲ୍ ବେସି ଜିଉନନାନ୍; ମାତର୍ ଇନେରିଂ ଅଲପ୍ କେମା ହିୟାଆନାଡ଼, ହେୱାନ ଅଲପ୍ ଲାଡ଼ କିନାନ୍ ।”

୪୮ ଆରି, ଜିସୁ ହେ କଗ୍ଲେଂ ଇଚାନ, “ନି ପାପ୍ ଓଜୁ କେମା ଆତାଡ଼ନ୍ନା ।”

୪୯ ହେବେଣ୍ଡାଂ ତା ଲାହାଙ୍ଗ୍ ତିନି କୁଚ୍‌ତି ମାନି ମାନାୟାର୍ ମାନେ ମାନେ ଇଞ୍ଜେଙ୍ଗ୍ ଲାଗାତାର୍, “ପାପ୍ ପା କେମା କିନାନା ଜେ, ଇଞ୍ଜାନ ଇନେନ୍ ?”

୫୦ ମାତର୍ ଜିସୁ ହେ କଗ୍ଲେଂ ଇଚାନ, “ନି ପାତ୍ ନିଙ୍ଗେଙ୍ଗ୍ ରାକ୍ୟା କିଡ଼ତାଡ଼ନ୍ନା; ସୁସ୍ତାତାଂ ହାଲା ।”

୮

ତେଲାର୍ ହୁଦାଂ ଜିସୁ ପାଚେ ପାଚେ ହାନିକିଙ୍ଗ୍ କଗ୍ଲେହିମ୍‌ଣାଂ

୧ ଇବେଣ୍ଡାଂ ଅଲପ୍ ସମୁ ପାଚେ ଜିସୁ ଗାଡ଼ଦ ଗାଡ଼ଦ ଆରେ ନାସକୁ ନାସକୁକାଂ ସୁଣାୟ କିଜି ମାପୁ ରାଜିନି ନେକ୍ରିକାରୁର୍ ସୁଣାୟ କିଜି ପୁଞ୍ଜେଙ୍ଗ୍ ଲାଗାତାର୍, ଆରେ ବାରଜାଣ୍ ତେଲାହିର୍ ତା ଲାହାଙ୍ଗ୍ ମାଚାର୍, ୨ ଆରେ କେତେ ଜାଣ୍ କଗ୍ଲେହିମ୍‌ଣା ପା ତା ଲାହାଙ୍ଗ୍ ହାଲ୍‌ଜି ମାଚିକ୍, ଇମ୍‌ଣି କଗ୍ଲେ ହିମ୍‌ଣାକାଂ ବାନ୍ୟାପୁଦାତାଂ ଉଜ୍ ଆଜି ମାଚିକ୍ ହେଖେକ୍‌ପା ତା ଲାହାଙ୍ଗ୍ ମାଚିକ୍, ମରିୟମ୍ ଇମ୍‌ଣାକା କି ତର୍ ମଗ୍‌ଦଲିନି ଇନାର୍ ତା ତାକେଣ୍ଡାଂ ସାଡ଼ଗଟା ପୁଦାଂ ହପ୍‌ତି ମାଚାର୍ । ୩ ହେରଦତି ଗୁମୁସ୍ତା କୁଜାତି ଖାଣି ଜହନା, ସସ୍‌ନା, ଆରେ ଆଦିକ୍ ହେନି କଗ୍ଲେକ୍ ତା ଲାହାଙ୍ଗ୍ ମାନ୍‌ଞ୍ଜି ଜାର୍ ଜାର୍ ଦାନ୍ ହିଜି ହେୱାର୍‌ତି ହେବା କିଜି ମାଚିକ୍ ।

ବିୟାନ୍ ଓଡ଼ନାକାନ୍ତି କାତା
(ମାତିଉ ୧୩:୧-୯; ମାର୍କ ୪:୧-୯)

୪ ବେସିହେନି ମାନାୟ ରୁଣ୍ଡା ଆନିହିଙ୍ଗ୍ ଆରି ଗାଡ଼ ଗାଡ଼ଦାଂ ମାନାୟ ତା ଲାଗେ ଖାତିହିଙ୍ଗ୍, ଜିସୁ ଇ ଉତର୍‌ମୁଡ଼ ହିଜି ଖେଚ୍‌ଚାନ,

୫ “ରଞ୍ଜାନ ଓଡ଼ନାକାନ୍ ନିଜାର୍ ବିୟାନ୍ ଓଡ଼ଦେଙ୍ଗ୍ ହଡ଼ତାନ୍ । ହେୱାନ ଓଡ଼ୁ ଓଡ଼ୁ କେତେକ୍ ହାଜି କଚଣ୍‌ତ ଆର୍‌ତାଡ଼ ଆରେ କାଲ୍ ତାରେନ୍ ଦୁଡ଼ି ଆଜି ହାତାଡ଼, ଆରେ ଆକାସ୍‌ନି ପଚିଂ ହେଦାଂ ଚିଚିକ୍ । ୬ ଆରେ କେତେକ୍ କାଲ୍‌କୁକୁଡ଼ି ଜପି ଆର୍‌ତାଡ଼, ପାଚେ ନେସ୍‌ଇ ଚିକ୍‌ଲା ଅଦା ହିଲ୍‌ଓଡିଲେ ଖାଡ଼ତାଡ଼ । ୭ ଆରେ କେତେକ୍ ଖାଡ଼ି ମାର୍ ବିତ୍ତେ ଆର୍‌ତାଡ଼, ଆରେ ଖାଡ଼ିଙ୍ଗ୍ ମାର୍‌କୁ ହେଦାଂ ହାଙ୍ଗେ ହାଙ୍ଗେ ଗାଜା ଆଜି ହେଞ୍ଜାକାଂ ଡାବାୟ କିଚିକ୍ । ୮ ଆଦେକ୍ କେତେକ୍ ହାଦ୍ ମେଦ୍‌ନିତ ଆର୍‌ତାଡ଼, ଆରେ ପାନ୍‌ଚି ପାଞ୍ଚକଡ଼ି ଗୁଣ୍ ପାଡ଼ ଆସ୍ତାଡ଼ ।”

ଜିସୁ ଏଲେଙ୍ଗ୍ ଇଞ୍ଜି ଇଞ୍ଜି ଗାଜା କାଚ୍‌ତାଂ ଇଚାନ, “ଇନେରିଂ ଖେଞ୍ଜେଙ୍ଗ୍ କିତୁଲିଂ ମାନିକ୍, ହେୱାନ ଖେନେନ୍ ।”

ଜିସୁତି ଉତର୍‌ମୁଡ଼
(ମାତିଉ ୧୩:୧୦-୧୭; ମାର୍କ ୪:୧୦-୧୭)

୯ ଜିସୁ ଚେଲାହିର୍ ଇ ଉତର୍ମୁଡ୍ ଅରଡ୍ ଇନାକା ଇଞ୍ଜି ୱେନ୍‌ବେଦେଂ ଲାଗାତାର୍ । ୧୦ ହେବେତାଂ ହେଞ୍ଜାନ୍ ଇଚାନ୍, “ଇସ୍‌ସୁଟ୍ ରାଜି ବିତ୍ରେନି ବିସ୍ତେ ପୁଞ୍ଜେଙ୍ଗ୍ ଇଞ୍ଜି ମିଙ୍ଗେଙ୍ଗ୍ ସାକ୍ତି ହିଦୟା ଆତାଡ୍‌ନା, ମାତର୍ ବିନେ ନିକାରିଂ ଉତର୍ମୁଡ୍‌ଦାଂ ୱେଡ୍‌ୟାନାଡ୍, ଇନେସ୍‌କି ହେଞ୍ଜାର୍ ହୁଡ୍‌ଜି ହୁଡ୍‌ଜି ହୁଡ୍‌ଦେଂ ଆଡ୍‌ର୍ ଆରି ୱେନ୍‌ ୱେନ୍‌ ବୁଜାଆଉର୍ ।”

ଜିସୁ ଓଡ୍‌ନାକାକ୍ତି ଅରଡ୍ ବୁଜାୟ୍ କିତାନ୍
(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉତର୍ମୁଡ୍‌ନି ଅରଡ୍ ଇଦାଂ । ବିୟାନ୍ ଇସ୍‌ସୁର୍ ମାପୁତି ବଚନ୍, ୧୨ ଆରେ ହାଜି କଚଣ୍ଡତ ମାନି ବିୟାନ୍ ଲାକେ ବୁଜାଆନାର୍, କଚଣ୍ଡତ ମାନି ବିୟାନ୍ ବୁଜାଆନାର୍, ହେଞ୍ଜାର୍ ବଚନ୍ ୱେନାର୍; ତା ପାଚେ ସୟତାନ୍ ଖାଜି, ଇନେସ୍‌କି ହେଞ୍ଜାର୍ ପାଟ୍ କିଜି ମୁକ୍ତି ଆଉର୍ ଇଦାଂ କାଜିଂ ହେଞ୍ଜାର୍ ମାନତିନି ବଚନ୍ ଉନ୍‌ଦି ଅନାଡ୍ । ୧୩ ଆରେ କାଲ୍‌କୁକୁଡ୍ ବୁଝିନି ବିୟାନ୍ ଆରତି ଲାଗ୍‌ଦି ମାନାୟାରିଂ ବୁଜାଆନାଡ୍, ହେଞ୍ଜାର୍ ବଚନ୍ ୱେନ୍‌ଞ୍ଜି ଖାରିତାଂ ଇଚ୍‌ନାର୍; ମାତର୍ ହେଞ୍ଜାର୍‌ତି ଚିରାହଲ୍‌ଞ୍ଜିତିଲେ ହେଞ୍ଜାର୍ ଅଲପ୍ ସମୁ ପାଟ୍ କିତାର୍ ଆରି ପରିକ୍ୟା ସମୁତ ଦରମ୍ ପିହ୍‌ନାର୍ । ୧୪ ଆରି ଖାଡ୍‌ ମାର୍‌କୁ ବିତ୍ରେ ଆର୍ତ୍ତାକା ବିୟାନ୍, ଏଲେଙ୍ଗ୍ ବୁଜାଆନାଡ୍, ଇମ୍‌ଣାକାର୍ ବଚନ୍ ୱେନ୍‌ଞ୍ଜି ରାଜିନି ଚିନ୍ତା, ଦାନ୍ ଆରି ସୁକ୍‌ବଗ୍‌ତାଙ୍ଗ୍ ମାନ୍‌ଞ୍ଜି ଜିବୁନ୍ ବିତାୟ୍ କିଜି କିଜି ତାବାୟ୍ କିୟା ଆନାର୍, ପାଚେ ହାଦ୍ ପାଡ୍ ଆହୁର୍ । ୧୫ ଆରି, ହାଦ୍ ମେଦ୍‌ନିତ ଆଜ୍ ମାତି ବିୟାନ୍ ଏଲେଙ୍ଗ୍ ବୁଜାଆନାଡ୍, ଇମ୍‌ଣାକାର୍ ହାର୍ ଆରି ଦାମ୍ ମାନ୍ତ ବଚନ୍ ୱେନ୍‌ଞ୍ଜି ହେଦାଂ ଆସ୍ତି ଇଚ୍‌ନାର୍ ଆରି ବାଡ୍‌କାସ୍‌ତାଂ ପାଡ୍ ଆନାର୍ ।”

ମାଣ୍ ତାରେନ୍ ବଇଟା
(ମାର୍କ ୪:୨୧-୨୫)

୧୬ “ଇନେର୍ ବଇଟା କାଚାୟ୍ କିଜି ମାଣ୍ ପୁକ୍ତି ଇଚୁନ୍, କି କାଚେଲ୍ ତାରେନ୍ ଇଚୁନ୍, ମାତର୍ ବଇଟା ଇଚ୍‌ନି ଜପି ଇଚ୍‌ନାନ୍, ଇନେସ୍‌କି ହଣ୍‌ଗା ଖାଜି ମାନାୟ୍ ର ଅଜିଡ୍ ହୁଡ୍‌ଦେଂ ଆଡ୍‌ନାର୍ ।”

୧୭ * “ଇନାକିଦେଂକି ଇନାକା ହଡ୍‌ଞ୍ଜାକା, ଇ ଲାକେ ଡ୍‌ଗୁତି ବିସ୍ତେ ଇନାକା ହିଲୁଡ୍, ଆଞ୍ଜିତିସ୍ ଇନାକା ପୁନ୍‌ଖାଦାଂ ହଞ୍ଜାକାହିଲୁଡ୍, ଇ ଲାକେ ଡ୍‌ଗୁତି ବିସ୍ତେ ଇନାକା ହିଲୁଡ୍ ।”

୧୮ * “ଏପେଙ୍ଗ୍, ଇନେସ୍ ୱେନାଦେରା ହେ ବିସ୍ତେ ଜାଗ୍ରଡ୍; ଇନାକିଦେଂକି ଇନେରିଂ ମାନାଡ୍, ହେଞ୍ଜାନିଂ ହିୟାନାଡ୍, ଆରେ ଇନେରିଂ ହିଲୁଡ୍, ହେଞ୍ଜାନ୍ ଇନାକା ଜାର୍‌ତି ମାନାଡ୍ ଇଞ୍ଜି ବାବି କିନାନ୍, ହେଦାଂ ପା ହେଞ୍ଜାନ୍ ତାଂ ଅୟାନାଡ୍ ।”

ଜିସୁ ତେହି ଆରେ ଡ୍‌ଣ୍ଡାହିର୍
(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁ ତେହି ଆରି ଡ୍‌ଣ୍ଡାହିର୍ ତା ଲାଗେ ଖାତାର୍, ମାତର୍ ମାନାୟାର୍ ଗହଲି ଲାଗିଂ ତା ଲାହାଙ୍ଗ୍ ମେହାଆଦେଂ ଆଡ୍‌ଞ୍ଜାଦାଂ ମାଚାର୍ । ୨୦ ଇନେର୍ ରଞ୍ଜାନ୍ ତାଙ୍ଗେଙ୍ଗ୍ ଇ କାବୁର୍ ହିତାର୍, “ମିଞ୍ଜିୟା ଆରି ଡ୍‌ଣ୍ଡାର୍ ନି ହୁକେ ବେଟାଆଦେଂ ଇଚା କିଜି ବାର୍‌ତ ନିଲ୍‌ତାଣ୍ଡା ।”

୨୧ ମାତର୍ ହେଞ୍ଜାନ୍ ହେଞ୍ଜାରିଂ ଉତର୍ ହିତାନ୍, “ଇମ୍‌ଣାକାର୍ ଇସ୍‌ସୁର୍‌ତି ବଚନ୍ ୱେନାର୍ ଆରି ମାନିକିନାର୍, ହେଞ୍ଜାର୍ ନା ଆୟା ଆରି ଡ୍‌ଣ୍ଡାର୍ ।”

* ୮:୧୭ ୮:୧୭ ମାତିଉ ୧୦:୨୭; ଲୁକ ୧୨:୨. * ୮:୧୮ ୮:୧୮ ମାତିଉ ୨୫:୨୯; ଲୁକ ୧୯:୨୭.

ଜିସୁ ହାମଦୁରତିଂ ଚିମରା କିତାନ

(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ ଜିସୁ ତା ଚେଲାହିର୍ ର ତଙ୍ଗାତ ଦୁମ୍‌ତାର୍, “ଆରେ ହେଝାନ ହେଝାରିଂ ଇଚାନ, ଝାଡୁ, ହାମଦୁରତି ଆନଟି ପାଡକା ହାନାସ ।” ହେବେତାଂ ହେଝାର ତଙ୍ଗା ରିଙ୍ଗାର । ୨୩ ମାତର୍ ହେଝାର ତଙ୍ଗା ଗାଟିକିଜି ହାନି ସମୁତ ଜିସୁ ହୁନ୍‌ଚାନ । ହେଝାଡ଼ାଂ ହାମଦୁରତ ତ୍ରିପକ୍ତ ହୁଜାଝାଣି ଆତାଡ, ଆରେ ହେଝାରତି ତଙ୍ଗା ଏଜୁକାଂ ବାତ୍ ଆଦେଂ ଲାଗାତାଡ ଆରି ହେଝାର ସନିତ ପଡ଼ାତାର୍ । ୨୪ ହେବେତାଂ ଚେଲାର୍ ଲାଗେ ଝାଜି ହେଝାନିଂ ନିକଟି ଇଚାର୍, “ଏ ଗୁରୁ, ଏ ଗୁରୁ, ଆପେଂ ହାତାପ ।”

ଇବେତାଂ ଜିସୁ ନିଙ୍ଗିଜି ଦୁକା ଆରି ଜବର୍ ଲଡ଼ିତିଂ ଦାକା ହିତାନ, ଆରି ହେ ସବୁ ଚିମରା ଆଜି ତିର୍ ଆତାଡ । ୨୫ ଆରେ, ହେଝାନ ହେଝାରିଂ ଇଚାନ, “ମିଦାଙ୍ଗ ପାତ୍ ଇମେଡ ?”

ମାତର୍ ହେଝାର ପାଣ୍ଡା ଆତାର ଆରି କାବା ଆଜି ହେଝାର ହେଝେର୍ ଇଞ୍ଜେଙ୍ଗ ଲାଗାତାର୍, ଇଝାନ ଇନେନ୍ ଜେ, ହେଝାନ ଦୁକା ଆରି ଏଜୁକାଂ ପା ବଲ୍ ହିତିସ, ହେଝାଙ୍ଗ ହେ ବଲ୍ ମାନିକିନିଙ୍ଗ ।

ଜିସୁ ରଝାନ ପୁଦାଆୟା ଆତାକାନିଂ ଉଜ୍ କିତାନ

(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପାଚେ ଜିସୁ ଆରି ତା ଚେଲାହିର୍ ଗାଲିଲିନି ଲାଗେ ହେ ପାଡ଼ାକାନି ଗରାସିୟର୍ ରାଜି ନିପ ଏକାତାର୍ । ୨୭ ହେଝାନ ତଙ୍ଗାତାଙ୍ଗ୍ ହସି ଗୁଟିତ ଜୁଜି, ହେ ଗାଡ଼ିନି ରକାନ ପୁଦାଂ ଆହୟାତାକାନ ହେଝାନିଂ ଗିଟାତାନ; ହେଝାନ ବେସି ବାହୁଁ ପାଚେକ ହେୟା ଉସପାଝାଦାଂ ଆରି ଇଞ୍ଜ ମାନଝାଦାଂ ଦୁଗେରତ ମାଚାନ । ୨୮ ହେଝାନ ଜିସୁଙ୍ଗ୍ ହୁଡ଼ଜି କିକିରାତିଂ କିଜି ହେଝାନ ସାରାଣ୍ ତାରେନ୍ ଆଜ୍ ଗାଜା କାଟ୍‌ତାଂ ଇଚାନ, “ଏ ଗାଜା ଇସ୍‌ବର୍ ମାପୁ ମାଜି ଜିସୁ, ନି ହୁକେ ନାଦାଂ ଇନାକା ମାନାଡ ? ଆନ୍ ନିଙ୍ଗେଙ୍ଗ ଗଝାରି କିଦନାଙ୍ଗା, ନାଙ୍ଗେଙ୍ଗ୍ କସୁହ୍‌ଦମା ।” ୨୯ ଇନାକିଦେଂକି ଜିସୁ ବାନ୍ୟା ଜିବୁନ୍‌ତିଂ ହେ ମାନାୟତିଂ ହସି ହାଞ୍ଜେଙ୍ଗ୍ ଇଞ୍ଜି ବଲ୍ ହିଜି ମାଚାନ । ହେ ଜିବୁନ୍ ବେସିହର୍ ତାଙ୍ଗେଙ୍ଗ୍ ଆସ୍ତି ମାଚାଡ, ଆରେ ମାନାୟର୍ ତାଙ୍ଗେଙ୍ଗ୍ ହିକ୍‌ତିଂ ଆରି କାଲ୍‌ଦ କାଗଡ଼ା ଲାହାଙ୍ଗ୍ ଗାଟି ଇଡ଼ଜି ମାଚାର୍, ମାତର୍ ହେଝାନ ଗାଟି କାଦଲିଂ ନାଡ଼ି ପୁଦା ହୁଦାଂ ତାଙ୍ଗେଙ୍ଗ୍ ବାଗାତ ଅଜି ମାଚାଡ ।

୩୦ ଜିସୁ ହେଝାନିଂ ଝେନ୍‌ବାତାନ “ନି ତର୍ ଇନାକା ?” ହେଝାନ ଇଚାନ, ବାହିନି; ଇନାକିଦେଂକି ଆଦିକ୍ ପୁଦାଂ ହେଝାନ ତାକେ ହଣ୍‌ଜି ମାଟିକ୍ । ୩୧ ଆରେ, ହେଝାନ ଇନେସ୍ ହେଝାକାଂ ଜମ୍‌ପୁର୍ ହାଞ୍ଜେଙ୍ଗ୍ ବଲ୍ ହିତନ୍, ଇଦାଂ କାଜିଂ ହେଝାଙ୍ଗ୍ ତାଙ୍ଗେଙ୍ଗ୍ ଗଝାରି କିଦେଙ୍ଗ୍ ଲାଗିତିକ୍ ।

୩୨ ହେବେ ମାଡ଼ି ଲାଗେ ର ଗାଜା ପାଞ୍ଜିଙ୍ଗ୍ ମାୟା ହାରାଆଜି ମାଟିକ୍, ଆରେ ହେଝାନ ଇନେସ୍ ହେଝାକାଂ ହେ ପାଞ୍ଜିଙ୍ଗ୍ ବିତ୍ରେ ହଣ୍‌ଣେଙ୍ଗ୍ ବଲ୍ ହିନାନ୍, ଇଦାଂ କାଜିଂ ହେଝାଙ୍ଗ୍ ତାଙ୍ଗେଙ୍ଗ୍ ଗଝାରି କିତିକ୍ । ୩୩ ଜିସୁ ହେଝାରିଂ ବଲ୍ ହିତିଲେ, ପୁଦାଂ ହେ ମାନାୟ୍ ତାକେଣ୍ଡାଂ ହସି ପାଞ୍ଜିଙ୍ଗ୍ ବିତ୍ରେ ହଟିକ୍; ହେବେ ହେ ମାଦାଂ ବେସିତାଦ୍ରାତାଂ ହସ୍ତି ହାଲ୍‌ଜି ହାମଦୁର୍ ଗୁଟିତାଂ ଆଜ୍ ମୁନ୍‌ଞ୍ଜି ହାତିକ୍ ।

୩୪ ହାରାଇ କିଜି ମାଟି ମାନାୟର୍ ହେ ଗଟ୍‌ଣା ହୁଡ଼ଜି ହସ୍ତି ହାଲ୍‌ଜି ଗାଡ଼୍‌ଦ ଆରେ ନାସ୍‌କୁକାଂ ହେଦାଂ ଝେର୍‌ଚାର୍ । ୩୫ ହେବେ ମାନାୟର୍ ହେ ଗଟ୍‌ଣା ହୁଡ଼ଦେଂ ହସି ଝାତାର୍; ଆରେ ହେଝାର ଜିସୁ କଚଣ୍‌ତ ଝାଜି, ଇମ୍‌ଣି ମାନାୟ୍ ତାକେଣ୍ଡାଂ ପୁଦାଂ ହସି ମାଟିକ୍, ତାଙ୍ଗେଙ୍ଗ୍ ହେୟା ଉସ୍ତିସ୍ ହାର୍ ମାନ୍ତାଙ୍ଗ୍ ଜିସୁ କାଲ୍‌କୁ ତାରେନ୍ କୁଟି ମାନାକା ହୁଡ଼ଜି ପାଣ୍ଡା ଆତାର୍ । ୩୬ ଆରି ଇନେର୍ ହୁଡ଼ଜି ମାଚାର୍, ହେଝାର ହେ ପୁଦାଆହୟା

ଆଜି ମାଟି ମାନାୟ ଇନେସ୍ ଆଜି ଉଜ୍ ଆତାନ୍, ହେଦାଂ ହେଝାରିଂ ଝେର୍ପାତାର୍ । ୩୭ ହେବେ ଗରାସିୟାର୍ ଦେସ୍ନି ଚାରିବେଣ୍ଡି ମାନାୟ ଝିଜାର୍ ହେଝାର୍ ହାନ୍ଦିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଝାରି କିତାର୍, ହେଝାର୍ ବେସି ପାଣ୍ଡା ଆଜି ମାତାର୍; ଆରେ, ହେଝାନ୍ ର ତଙ୍ଗାତ ଦୁମଜି ମାସ୍ଦି ଝାତାର୍ । ୩୮ ମାତର୍ ଇମ୍ଣି ମାନାୟ ତାକେଣ୍ଡାଂ ପୁଦାଂ ହସି ହାଲ୍ଜି ମାଟିକ୍,

“ହେଝାନ୍ ଜିସୁ ଲାଗାଂ ମାଞ୍ଜେଙ୍ଗ୍ ଗଝାରି କିତାନ୍ ।” ୩୯ “ମାତର୍ ହେଝାନ୍ ତାଙ୍ଗେଙ୍ଗ୍ ପକ୍ତି ଇଚାନ୍, ମିଞ୍ଜ ମାସ୍ଦି ହାଲା, ଆରେ ଇସ୍ପର୍ତି କାଜିଂ ଇମ୍ଣି କାମାୟ କିତାନ୍ନା, ହେଦାଂ ଝିଜୁ ମାନାୟତିଂ ଝେଚା ।”

ହେବେ ହେଝାନ୍ ତାଙ୍ଗି ହାଲ୍ଜି, ଜିସୁ ହେଝାନ୍ କାଜିଂ ଇମ୍ଣି କାମାୟ କିଜି ମାଚାନ୍, ହେଦାଂ ଝିଜୁ ଗାଡ୍ଦ୍ ସୁଣାୟ କିଦେଙ୍ଗ୍ ଲାଗାତାନ୍ ।

ଜାଇରସ୍ ଗାହ୍ଡିଙ୍ଗ୍ ଆରେ ର ରଗ୍ କଗ୍ଲେଂ ଉଜ୍ କିତାନ୍
(ମାଟିଉ ୯:୧୮-୨୬; ମାର୍କ ୫:୨୧-୪୩)

୪୦ ଆରେ ଜିସୁ ମାସ୍ଦି ଝାତିଲେ ମାନାୟାର୍ ଗହଲିତାଂ ତାଙ୍ଗେଙ୍ଗ୍, ଝାରିତାଂ ଇଚ୍ତାର୍, ଇନାକିଦେଂକି ଝିଜାର୍ ତାଙ୍ଗେଙ୍ଗ୍ କାସି ମାଚାର୍ । ୪୧ ଆରେ, ହୁଡାଃ; ଜାଇରସ୍ ତର୍ଦାକାନ୍ ରଝାନ୍ ଝାତାନ୍; ହେଝାନ୍ ରଝାନ୍ କୁଚୁମ୍ ଇଞ୍ଜି ମୁଡ୍ଦାକାନ୍ ମାଚାନ୍ । ହେଝାନ୍ ଜିସୁତି କାଲ୍ତାରେନ୍ ଗୁରଜି ଜାର୍ ଇଞ୍ଜି ଝାନି କାଜିଂ ଗଝାରି କିତାନ୍ । ୪୨ ଇନାକିଦେଂକି ତାତି ବାର ବାହୁଁ ବୟସ୍ନି ରଞ୍ଜେଲ୍ ମତର୍ ଗାଡ୍ଡେ ମାଚାଡ୍, ଆରେ ହେଦେଲ୍ ହାନି ଲାକେ ଆଜି ମାଚାଡ୍ ।

ମାତର୍ ହେଝାନ୍ ହାନି ସମୁତ ମାନାୟାର୍ ତା ଜପି କୁସ୍ପିସ୍ ମାଚାର୍ । ୪୩ ହେ ପାଦ୍ନା ବାର ବାହୁଁ ପାତେକ୍ ନେତେର୍ ନାଡ୍ଝାକା ରଗ୍ୟାଣି ର କଗ୍ଲେ, ମାଚାଡ୍ ଇନେସ୍କି ତା ଜିବୁନ୍ତ ସବୁ ଦାନ୍ ଝିସ୍ତି ମାଚାଡ୍ ପା ଉଜ୍ ଆଡ୍ଝାଦାଂ ମାଚାଡ୍, ୪୪ ହେଦେଲ୍ ପାଡ୍ ବାଗାଙ୍ଗ୍ ଝାଜି ହେଝାନ୍ତି ହେହାନ୍ ରିଚେଲିଂ ହୁଡାଡ୍, ଆରେ ହେ ସାଙ୍ଗେ ତାଙ୍ଗେଙ୍ଗ୍ ଗାଗାଡ୍ ଚେବା ଆତାଡ୍ । ୪୫ ହେବେଣ୍ଡାଂ ଜିସୁ ଇଚାନ୍, “ଇନେର୍ ନାଙ୍ଗେଙ୍ଗ୍ ହୁଡ୍ଡାଡ୍ ?”

ମାତର୍ ଝିଜାର୍ ପାତ୍ କିଝିହିଙ୍ଗ୍, ପିତର୍ ଇଚାନ୍, “ଏ ଗୁରୁ, ମାନାୟାର୍ ମେଲ୍ ମେଲ୍ ଆଜି ନି ଜପି କୁସ୍ପା ଆଦନାରା ।”

୪୬ ମାତର୍ ଜିସୁ ଇଚାନ୍, “ଇନେର୍ ରଝାନ୍ ନାଙ୍ଗେଙ୍ଗ୍ ହୁଡ୍ଡାଡ୍, ଇନାକିଦେଂକି ନାଙ୍ଗ୍ତାଂ ସାକ୍ତି ହସି ହାଟି ଲାକେ ଆନ୍ ପୁଚାଙ୍ଗ୍ ।” ୪୭ ଏଚେକାଡ୍ଦ୍ କଗ୍ଲେ ହୁଡ୍ଡାଡ୍ ଜେ, ହେଦେଲ୍ ତ୍ତଗୁଜି ମାଞ୍ଜେଙ୍ଗ୍ ଆଡ୍ଝାତାଡ୍, ହେ ଏଚେକାଡ୍ଦ୍ ହେଦେଲ୍ ତ୍ରିଗ୍ଜି ତ୍ରିଗ୍ଜି ଝାଜି ହେଝାନିଂ ତାଣ୍ଡାହାଡ୍ ମାଗ୍ଜି, ଇନାକିଦେଂ ତାଙ୍ଗେଙ୍ଗ୍ ହୁଡାଡ୍ ଆରି ଇନେସ୍ ସାଙ୍ଗେ ସାଙ୍ଗେ ଉଜ୍ ଆତାଡ୍ ହେଦାଂ ଝିଜାର୍ ମାନାୟ ମୁମ୍ଦ ଝେର୍ଚାଡ୍ । ୪୮ ହେବେଣ୍ଡାଂ ହେଦେଲିଂ ଇଚାନ୍, “ଏ ଗାଡ୍ଡେ ନି ପାତ୍ ନିଙ୍ଗେଙ୍ଗ୍ ଉଜ୍ କିଡ୍ଡାଡ୍ନା, ସୁସ୍ପାତାଂ ତାଙ୍ଗି ହାଲା ।”

୪୯ ହେଝାନ୍ ଇ ବେରଣି ଇଞ୍ଜିମାନିହିଂ କୁଚୁମ୍ ଇଞ୍ଜିନି ମୁଡ୍ଦାକାନ୍ ରଝାନ୍ ଝାଜି ଇଚାନ୍, “ନି ଗାଡ୍ ହାତାତେ, ଗୁରୁଙ୍ଗ୍ ଆରେ କସ୍ ହିମାଟ୍ ।”

୫୦ ମାତର୍ ଜିସୁ ଇଦାଂ ଝେନ୍ଝି ଜାଇରସ୍ତିଂ ଉତର୍ ହିତାନ୍, “ପାଣ୍ଡା ଆମା, କେବଲ୍ ପାତ୍ କିୟା, ଆରେ ହେଦେଲ୍ ଉଜ୍ ଆନାଡ୍ ।”

୫୧ ଆରେ, ହେଝାନ୍ ଇଞ୍ଜି ଝାଜି ପିତର୍, ଜହନ୍ ଆରି ଜାକୁବ୍, ଆରେ ଗାଡ୍ଡେ ଲାତ୍ରାହି ତେହିଙ୍ଗ୍ ପିସ୍ତି ଆରେ ଇନେରିଂ ତା ଲାହାଙ୍ଗ୍ ବିତ୍ରେ ହଣ୍ଡେଙ୍ଗ୍ କାଜିଂ ହିଝାତାର୍ । ୫୨ ମାତର୍ ଝିଜାକାର୍ ହେ କାଜିଂ ଆଡ୍ଡି ଆଡ୍ଡି ନେଞ୍ଜେତାକିତ ଇଡ୍ଡିୟା ଆଜି ମାଚାର୍ । ହେବେଣ୍ଡାଂ ହେଝାନ୍ ଇଚାନ୍, “ଆଡ୍ଡାମାଡ୍ଡୁ; ହେଦେଲ୍ ହାଝାତାଡ୍ନା, ମାତର୍ ହୁଞ୍ଜୁନାତା ।”

୫୩ ମାତର୍ ହେଦେଲ୍ ହାତାତେ ଇଞ୍ଜି ପୁନଞ୍ଜି ମାଚିଲେ ହେଝାର୍ ଜିସୁଙ୍ଗ୍ ଗ୍ରେର୍ଚେଂ ଲାଗାତାର୍ । ୫୪ ମାତର୍ ଜିସୁ ତା କେଇ ଆସ୍ତି ହିର୍ବିସ୍ ଇଚାନ, “ଏ ଗାଡ଼ତେ ନିଙ୍ଗା ।” ୫୫ ହେବେ ତା ଜିବୁନ୍ ଖାତାଡ଼, ଆରେ ହେଦେଲ୍ ହେ ଦାପ୍ରେ ନିଙ୍ଗିତାଡ଼, ଆରେ ଜିସୁ ତାଙ୍ଗେଙ୍ଗ୍ ଇଚୁଟିଂ ତିଞ୍ଜେଙ୍ଗ୍ ହିଦେଙ୍ଗ୍ ଇଞ୍ଜି ବଲ୍ ହିତାନ । ୫୬ ଇବେ ହେ ଲାତ୍ରାହି ତେହି ଟାଟ୍ଟା ଆତାର୍; ମାତର୍ ହେ ଗଟ୍ଟାନି କାତା ଇନେରିଂ ଖେଟ୍ପାମାଡୁ ଇଞ୍ଜି ବଲ୍ ହିତାନ ।

୯

ଜିସୁ ବାରଜାଣ୍ ଚେଲାରିଂ ପକ୍ତାନ

(ମାତିଉ ୧୦:୫-୧୫; ମାର୍କ ୬:୭-୧୩)

୧ ଇବେତାଂ ହେଝାନ ବାରଜାଣ୍ ଚେଲାରିଂ କୁକ୍ଟି ରବେ କିଜି ହେଝାରିଂ ସବୁ ପୁଦାଂ ପିହିକିଦେଂ, ଆରେ ରଗ୍ ଉଜ୍ କିଦେଙ୍ଗ୍ କାଜିଂ ସାକ୍ତି ଆରି ଆଦିକାର୍ ହିତାନ । ୨ ଆରେ, ହେଝାନ ହେଝାରିଂ ଇସ୍ତତ୍ ରାଜିନି ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଆରି ରଗ୍ୟାରିଂ ଉଜ୍ କିନି କାଜିଂ ପକ୍ତାନ, ୩ ଆରି, ହେଝାରିଂ ଇଚାନ, “ମି ହାନି କାଜିଂ ବାଡ଼ଗା କି ମଣା କି ରୁଟି କି ତାରୁଙ୍ଗ୍ ପା ଅମାଟ୍, ନଲେ ରିଣ୍ଡାଂ ଆଙ୍ଗିଙ୍ଗ୍ ରଚେ ଇଟ୍ମାଟ୍ । ୪ ଆରେ, ଏପେଙ୍ଗ୍ ଇମଣି ଇଞ୍ଜି ମାନିକିଦ୍ନାର୍, ହେ ବାହାତାଂ ହାଲ୍ଡି ପାତେକ୍ ହେବେ ମାନାଟ୍ । ୫ ଆରେ, ଏଚେକ୍ ଜାଣ୍ ମିଙ୍ଗେଙ୍ଗ୍ ମାନିକିଦୁର୍, ହେ ନାସ୍ତାଂ ଖାନିହିଂ ହେଝାର୍ ବିରୁଦ୍ଦତ ସାକି ହିନି କାଜିଂ ମି ପାନାନି ଦୁଡ଼ି ଡାଡ଼ତି ତୁହିୟାଟ୍ ।

୬ ହେବେଣ୍ଡାଂ ହେଝାର୍ ହାଲ୍ଡି ଖିଜୁ ବାହାତ ନେକ୍ତିକାରୁର୍ ସୁଣାୟ୍ କିତାର୍ ଆରି ଉଜ୍ କିଜି କିଜି ନାସ୍ତକୁ ନାସ୍ତକୁକାଂ ବୁଲ୍ଲାଆଦେଂ ଲାଗାତାର୍ ।”

ହେରଦ୍ ରାଜା ଗୁପା ଆତାନ

(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ଇବେଣ୍ଡାଂ ଗାଲିଲିନି ସାମନ୍ତ ରାଜା ହେରଦ୍ ଇ ଖିଜୁ ଗଟ୍ଟା ବିସ୍ତେ ଖେନ୍ଞ୍ଜି ବୁଦିଆୟାର୍ ଆତାନ, ଇନାକିଦେଂକି ବାପ୍ତିସମହିନି ଜହନ୍ ହାତି ତାକେଣ୍ଡାଂ ନିଂତାନ୍ନା ଇଞ୍ଜି ଇନେ ଇନେର୍ ଇଞ୍ଜି ମାଚାର୍ । ୮ ଆରେ, ଇନେ ଇନେର୍ ଏଲିୟ ଚଞ୍ଜ୍ୟା ଆତାନ୍ନା ଇଞ୍ଜି ଇଞ୍ଜି ମାଚାର୍ ଆରି ବିନ୍ଦିକାର୍ ଆଗେଦିକ୍ତି ବେଣ୍ଡାକ୍ଷାୟ୍ କିନାକ୍ତି ବିଚେ ରଝାନ୍ ଆରେ ନିଂତାନ୍ନା ଇଞ୍ଜି ଇଞ୍ଜି ମାଚାର୍ ।

୯ ମାତର୍ ହେରଦ୍ ଇଚାନ, “ଜହନ୍ତି କାପ୍ଡାତ ଆନ୍ ଚୁଟାଙ୍ଗ୍ନା, ମାତର୍ ଇନେର୍ ବିସ୍ତେ ଏଲେଙ୍ଗ୍ ବାନି କାତା ଖେନାପା, ଇଝାନ୍ ଇନେନ୍ ? ଆରେ, ହେଝାନ୍ ତାଙ୍ଗେଙ୍ଗ୍ ହୁଡ଼ଦେଂ ଇଞ୍ଜି ସେସ୍ତୁ କିଜି ମାଚାନ ।”

ଜିସୁ ପାଞ୍ଚ ହାଜାର୍ ମାନାୟ୍ତିଂ ଚିଟ୍ପାତାନ

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ପାଚେ ପକ୍ୟାତାକାର୍ ମାସଦି ଖାଜି, ଇନା ଇନାକା କିଜି ମାଚାର୍, ହେ ଖିଜୁ ତା ତାକେ ଖେଟ୍ପାତାର୍ । ଆରେ ହେଝାନ୍ ହେଝାରିଂ ରଚେ ଅଜି ହାଲ୍ଡି ବିନେ ଆଜି ବେଟ୍ସାଇଦା ଇନି ଗାଡ଼ଦ୍ ହାଚାର୍ । ୧୧ ମାତର୍ ମାନାୟାର୍ ହେଦାଂ ପୁଞ୍ଜି ହେଝାନ୍ ପାଚେ ହାଚାର୍; ଆରେ, ହେଝାନ୍ କାର୍ମା ଆଜି ହେଝାରିଂ ଅଜି ହାଲ୍ଡି ଇସ୍ତତ୍ ରାଜି ବିସ୍ତେ ହେଝାରିଂ ଖେଟ୍ପାଚେଙ୍ଗ୍ ଲାଗାତାନ, ଆରେ ଇନେର୍ଡି ଉଜ୍ ଆଦେଂ ଇଚା ମାଚାର୍, ହେଝାରିଂ ଉଜ୍ କିତାନ ।

୧୨ ଇଦାଂ ପାଚେ ଖେଡ଼ା ହାନିହିଂ; ହେବେ ବାରଜାଣ୍ ହେଝାନ୍ କଚଣ୍ଡ ଖାଜି ଇଚାର୍, “ମାନାୟାର୍ ଇନେସ୍ ଚାରିବେଣ୍ଡି ନାସ୍ତକୁ ଆରି ଗୁଡ଼ାନିକାର୍ ହାଲ୍ଡି

୫ ୯:୫ ୯:୫ ପକ୍ୟାତାକା ୧୩:୫୧. ୫ ୯:୫ ୯:୫ ଲୁକ ୧୦:୪-୧୧. ୫ ୯:୭ ୯:୭ ମାତିଉ ୧୭:୧୪; ମାର୍କ ୮:୨୮; ଲୁକ ୯:୧୯.

ମାଞ୍ଜେଇ ଆରି କାଦି ପାୟା ଆନାର୍, ହେଦାଂ କାଜିଂ ହେଝାରିଂ ପକାମ୍‌ଦେ, ଇନାକିଦେଂକି ଆସେଇଁ ଇବେ ଚିମ୍‌ରା ବାହାତ ମାନାୟ ।”

୧୩ ମାତର୍ ହେଝାନ୍ ହେଝାରିଂ ଇଚାନ୍, “ଏପେଇଁ ହେଝାରିଂ ଚିର୍‌ପାଟ୍ ।”

ହେଝାର୍ ଇଚାର୍, “ମା ତାକେ ପାଞ୍ଚଗଟା ରୁଚିଂ ଆରେ ରିଣ୍ଡାଂ ମିନ୍‌କୁ ତାଙ୍ ଆଗଡ଼ା ହିଲୁକ୍; ତାଆତିସ୍ ଆସେଇଁ ଇନାକା ହାଲୁଜି ଇ ଓଜାକାର୍ ମାନାୟ କାଜିଂ କାଦି କଡ଼ନାୟ ?” ୧୪ ଇନାକିଦେଂକି ହେଝାର୍ ଆନ୍‌ମାନ୍ ପାଞ୍ଚ ହାଜାର୍ ଆଣ୍ଡୁହିମ୍‌ଣାଂ ମାଚାର୍ ।

“ଆରି, ଜିସୁ ଜାର୍ ଚେଲାହିରିଂ ଇଚାନ୍, ଇସାବ୍ କିଜି ରିକଡ଼ିଦସ୍ ରିକଡ଼ି ଦସ୍‌ଜାଣ୍ କିଜି ହେଝାରିଂ ମାୟା ମାୟା କିଜି କୁଚିକିୟାଟ୍ ।”

୧୫ ହେବେଣ୍ଡାଂ ହେଝାର୍ ହେ ଲାକେ କିଜି ଓଜାରିଂ କୁଚିକିତାର୍ । ୧୬ ଆରେ, ଜିସୁ ହେ ପାଞ୍ଚଗଟା ରୁଚିଂ ଆରେ ରିଣ୍ଡାଂ ମିନ୍‌କୁ ଅଜି ବାଦାଡ଼ତିଂ ହୁଡ଼ଜି ହେ ଓଜୁକାଙ୍ ଆସିର୍ବାଦ୍ କିତାନ୍, ଆରେ ତ୍ରିପକିସ୍ ଓଜୁ ଲଗାଂ ଚିର୍‌ପି କିଦେଇଁ କାଜିଂ ଚେଲାରିଂ ହିଦେଂ ଲାଗାତାନ୍ । ୧୭ ହେବେ ଓଜାକାର୍ ତିନିଞ୍ଜି ପଟ୍ ପାଞ୍ଚାର୍, ଆରେ ହେଝେର୍ ହେଝାର୍ କଚଣ୍ ହାରତିକିଇଁ ବାର ଟପା ଡ୍ରିଙ୍ଗି କୁଦ୍ରି ପେସ୍‌ଜି ଅତାର୍ ।

ଜିସୁଇଁ ପିତର୍ ମାନିକିତାନ୍
(ମାତିଉ ୧୭:୧୩-୧୯; ମାର୍କ ୮:୨୭-୨୯)

୧୮ ରଗ ଜିସୁ ଚିମ୍‌ରାତାଂ ପାର୍ତାନା କିଜି ମାନିହିଂ ଚେଲାହିର୍ ତା ଲାହାଙ୍ ମାଚାର୍, ଆରେ ଜିସୁ ହେଝାରିଂ ଝେନ୍‌ବାତାନ୍, “ଆନ୍ ଇନେନ୍ ଇଞ୍ଜି ମାନାୟାର୍ ଇନାକା ଇଞ୍ଜିନାରା ?”

୧୯ * “ଇବେ ହେଝାର୍ ଉତର୍ ହିତାର୍, ବାପ୍ରିସିମ୍ ହିନି ଜହନ୍,” ମାତର୍ ଇନେର୍ ଇନେର୍ ଇନାର୍, “ଏଲିୟ, ଆରେ ଇନେର୍ ଇନେର୍ ଇନାରା, ଆଗେନି ଦିତି ବେଣ୍‌ବାକ୍‌ଣାୟ କିନାକାନ୍ ବିଡ୍ରେ ରଝାନ ଆରେ ନିଂତାକାନ୍ ଆତାନ୍ନା ।”

୨୦ * ଜିସୁ ହେଝାରିଂ ଝେନ୍‌ବାତାନ୍, “ମାତର୍ ଆନ୍ ଇନେନ୍ ଇଞ୍ଜି ଏପେଇଁ ଇନାକା ଇଞ୍ଜିନାଦେରା ?”

ପିତର୍ ଉତର୍ ହିତାନ୍, “ଇସ୍‌ତର୍ କ୍ରିସ୍ଟ୍ ।”

ଜିସୁ ନିଜେ ହାଜି ଆରେ ଜିବୁନ୍ ଝାନି ବିସ୍ତେ ନି ବେରଣ୍
(ମାତିଉ ୧୭:୨୦-୨୮; ମାର୍କ ୮:୩୦-୯:୧)

୨୧ ଆରେ ଜିସୁ ହେଝେରିଂ ଇଚାନ୍ ଇଦାଂ ଇନେରିଂ ଝେର୍‌ମାଟ୍ ଇଞ୍ଜି ହେଝାରିଂ ତାଟ୍ କିଜି ବଲ୍ ହିଜି ଇଚାନ୍, ୨୨ ଆରେ ହେଝାନ୍ ହେଝାରିଂ ଇଚାନ୍, “ମାନାୟ ମାଜିଂ ଆଦିକ୍ ଦୁକ୍‌ପାୟା ଆନାକା ମାନାଟ୍ ଆରେ ବୁଡ଼ାଲୁର୍, ମୁଡ୍ ମାପୁହେବାକିନାକାନ୍ ଆରି ସାସ୍ତିର୍ ହୁକେ ମୁନା କିୟା ଆଜି ହାନାକା ଆନାଟ୍, ଆରେ ତିନ୍‌ଦିନ୍‌ତାଂ ନିଞ୍‌ନାକା ମାନାଟ୍ ।”

୨୩ * ହେ ପାଦନା ଜିସୁ ଓଜାରିଂ ଝେର୍‌ଚାନ୍, “ଇନେନ୍ ଏଚେକାଡ଼ଦ୍ ନା ଲାହାଙ୍ ଝାଦେଇଁ ଇଚା କିନାନ୍, ଓଜୁ ପ୍ରିସି ସବୁଦିନା ହେଝାନ୍ କୁସ୍ ଆସ୍ତି ନା ଲାହାଙ୍ ଝାୟେନ୍ । ୨୪ * ଇନାକିଦେଂକି ଇନେନ୍ ଜାର୍ ଜିବୁନ୍ ରାକ୍ୟା କିଦେଇଁ ଇଚା କିନାନ୍, ହେଝାନ୍ ତା ଜିବୁନ୍ ଆରାୟ କିନାନ୍; ମାତର୍ ଇନେର୍ ଜଦି ନା କାଜିଂ ହେଝାନ୍ ଜିବୁନ୍ ଆରାୟ କିନାନ୍, ହେଝାନ୍ ହେଦାଂ ରାକ୍ୟା କିନାନ୍ । ୨୫ ଆରି, ମାନାୟ ଏଚେକାଡ଼ଦ୍ ଓଜୁ ପୁତର୍ ଚିଂ ଲାବ୍ କିଜି ଜାର୍ ଜିବୁନ୍ ଆରାୟ କିନାନ୍, ତେବେ ତାଦାଙ୍ ଇନା ଲାବ୍ ? ୨୬ ଲାଗିଂ ଇନେର୍‌କି ଜଦି ନା ଆରେ ନାଦାଂ ବେରଣ୍ ବିସ୍ତେ ଲାଜ୍‌କୁଡ଼ା ଆନାନ୍,

* ୯:୧୯ ୯:୧୯ ମାତିଉ ୧୪:୧୨; ମାର୍କ ୬:୧୪,୧୫; ଲୁକ ୯:୭,୮. * ୯:୨୦ ୯:୨୦ ଜହନ୍ ୬:୬୮,୬୯.
* ୯:୨୩ ୯:୨୩ ମାତିଉ ୧୦:୩୮; ଲୁକ ୧୪:୨୭. * ୯:୨୪ ୯:୨୪ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

ମାନାୟ ମାଜି ଏଚେକାଡ଼ଦ ଜାର୍ତି ଆରି ଆବାତି, ମତର ପୁଇପୁୟା ଦୁଡ଼ର ଜାଜମାଲ୍
ଖାନାନ୍, ହେଖେଡ଼ା° ହେଖାନ୍ ହେଦା° ବିସ୍ତେ ଲାଜା ଆନାନ୍ । ୨୭ ମାତର ଆନ୍
ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ତର ରାଜି ହୁଡ଼ଞ୍ଜି ପାତେକ୍ ଇବେ ନିଲ୍ଟିମାନି
ଲକୁ ବିତ୍ତେ ଏଚେକ୍‌ଜାଣ୍ ଇନେସ୍ କିଜିପା ହାକି ହୁଡ଼ରୁ ।”

ଜିସୁତି ପାଗମାସନାକା
(ମାତିର ୧୭:୧-୮; ମାର୍କ ୯:୨-୮)

୨୮ ଇ ଖିଜୁ ଗଟ୍‌ଶାନି ଆଟ୍ ଦିନ୍ ପାଚେ ହେଖାନ୍ ପିତର, ଜହନ୍ ଆରି ଜାକୁବ୍‌ତି°
ରଚେ ଅଜି ହାଲ୍‌ଜି ପାର୍ତନା କିନି କାଜି° ମାଡ଼ି ଜପି ହାଚାର । ୨୯ ଆରେ, ଜିସୁ ପାର୍ତନା
କିନି ଖେଡ଼ାଲି° ତା ମୁମ୍ ବାଦ୍‌ଲି ଆତାଡ଼ ଆରି ତା ହେନ୍ଦ୍ରା ତିନ୍‌ସ୍ତାଡ଼ ଆରି ଜବର୍ ଅଜଡ଼,
ଆତାଡ଼ । ୩୦ ଆରେ ହୁଡ଼ାଟ୍ ତ୍ରିପ୍‌କୁ, ମସା ଆରି ଏଲିୟ, ଇ ରିୟାର ହେଖାନ୍ ଲାହାଙ୍ଗ୍
ବେରଣ କିଦେଙ୍ଗ୍ ଲାଗାତାର; ୩୧ ହେଖାର ସାଗେ ପାଣତା° ଚଞ୍ଜୟା ଆଜି ମାଚାର,
ହେଖାନ୍ ଜିରୁସାଲମ୍‌ତ ଇନାଖାଡ଼ାଙ୍ଗ୍ ହାଞ୍ଜେଙ୍ଗ୍ ଜାଲ୍‌ଦି ଆଜି ମାନାର, ହେ ବିସ୍ତେ
ଇଞ୍ଜି ମାଚାର । ୩୨ ହେ ଖାଡ଼ାଙ୍ଗ୍ ପିତର ଆରି ତା ହାଙ୍ଗ୍‌ଦାକାର ହୁଡ଼କାଣ୍‌କୁ ହତିଲେ
ହୁନ୍‌ଞ୍ଜି ମାଚାର; ମାତର ହେଖାର ହୁନ୍‌ଜି ନିଙ୍ଗ୍‌ନିହି° ହେଖାନ୍ତି ଜାଜମାଲ୍ ଆରି ତା
ଲାହା° ନିଲ୍ଟି ମାନି ହେ ରିୟାରି° ହୁଡ଼ତାର । ୩୩ ପାଚେ ହେଖାର ତା ତାକେଣ୍ଡା°
ହାନିହି° ପିତର ଜିସୁଙ୍ଗ୍ ଇଞ୍ଜେଙ୍ଗ୍ ଲାଗାତାନ୍, “ଏ ଗୁରୁ, ଆପେ° ଜେ ଇ ବାହାତ
ମାନାପ୍, ଇଦା° ହାରଦାକା; ଆସେଙ୍ଗ୍ ତିନ୍‌ଗଟା ପୁଟ୍‌କୁ ରଚ୍‌ନାସ୍, ନି କାଜି° ରଞ୍ଜାଙ୍ଗ୍,
ମସା କାଜି° ରଞ୍ଜାଙ୍ଗ୍ ଆରେ ଏଲିୟ କାଜି° ରଞ୍ଜାଙ୍ଗ୍ ।” ମାତର ହେଖାନ୍ ଇନାକା
ଇନାନ୍ନା, ହେଦା° ପୁନ୍‌ଖାଦା° ମାଚାର ।

୩୪ ପିତର ଇଦା° ଇନ୍ତୁ ଇନ୍ତୁ ବାଦାଡ଼ ଖାଜି ହେଖାରି° ତାବାୟ କିତାଡ଼, ଆରେ
ହେଖାର ବାଦାଡ଼ତାକେ ହଶ୍‌ଗିନିହିଙ୍ଗ୍ ପାଣ୍ଡା ଆତାର । ୩୫ ପାଚେ ହେ ବାଦାଡ଼ତା°
ଇ କାତା ଆତାଡ଼, “ଇଖାନ୍ ନା ମାଜି, ମା ବାଟି କିତି ଇଞ୍ଜାନ୍ତି ବଚନ୍ ଖେନାଟ୍ ।”

୩୬ ଆରେ, ହେ କାତା ଆତି ପାଚେ ଜିସୁ ରଖାନ୍‌ନେ ଚନ୍‌ଞ୍ଜାତାନ୍ । ପାଚେ, ହେଖାର
ତିମ୍‌ରା ଆଜି ମାଚାର, ଆରେ ଇନା ଇନାକା ହୁଡ଼ଜି ମାଚାର, ହେବେଣ୍ଡା° ଇନା ବେରଣ୍
ହେଖାଡ଼ା° ଇନେରି° ଖେଡ଼ଞ୍ଜାତାର ।

ପୁଦା ଆୟାତି କାଡ଼ଦେ° ଜିସୁ ଉଜ୍ କିତାକା
(ମାତିର ୧୭:୧୪-୧୮; ମାର୍କ ୯:୧୪-୨୭)

୩୭ ମାହିଙ୍ଗ୍‌ନି ଦିନ୍ ଜିସୁ ଆରେ ତିନ୍‌ଜାଣ୍ ଚେଲାର ମାଡ଼ିତା° ଜୁଜି ଖାତିଲେ,
ବେସିହେନି ମାନାୟ ତା ଲାହାଙ୍ଗ୍ ବେଟା ଆତାର । ୩୮ ଆରେ ହୁଡ଼ାଟ୍, ମାନାୟ
ଗହଲି ବିତ୍ତେତା° ରଖାନ୍ ଗାଜା ଖେଇ କିଜି ଇଚାନ୍, “ଏ ଗୁରୁ, ଆନ୍ ନିଙ୍ଗେଙ୍ଗ୍ ଗଞ୍ଜାରି
କିଦ୍‌ନାଙ୍ଗା, ନା ମାଜି କାଜି° କାର୍ମା ହୁଡ଼ା, ଇନାକିଦେ°କି ହେଖାନ୍ ନା ରଖାନ୍ ଇଞ୍ଜି
ମାଜି; ୩୯ ହୁଡ଼ାଟ୍, ତାଙ୍ଗେଙ୍ଗ୍ ର ପୁଦା ଆହ୍‌ନାଡ଼, ଆରେ ହେଖାନ୍ ତ୍ରିପ୍‌କୁ କିରଡ଼ି
କିଜି ନିଙ୍ଗ୍‌ନାନ୍, ପାଚେ ହେଖାନ୍ ଏଲେଙ୍ଗ୍ ମଡ଼ିକିନାଡ଼ ଜେ, ତା ଖେଇଦି° ପେପ୍‌ଲା
ହଡ଼ନାଡ଼, ପାଚେ ହେଦା° ତାଙ୍ଗେଙ୍ଗ୍ ଚିରବିର୍ କିଜି ତା ତାକେଣ୍ଡା° କେତେ କସ୍‌ତା°
ହସି ହାନାଡ଼ । ୪୦ ତାଙ୍ଗେଙ୍ଗ୍ ପିହିକିଦେ° ଇଞ୍ଜି ଆନ୍ ନି ଚେଲାରି° କୁକ୍‌ତି ମାଚାଙ୍ଗ୍,
ମାତର ହେଖାର ଆଡ଼ଞ୍ଜାତାର ।”

୪୧ ଜିସୁ ଉତର ହିତାନ୍, “ଆଡ଼େ ପାଡ଼ି କିଖାକାଦେର୍ ଆରି ବାନ୍‌ସା ଲାଡ଼ାର,
ଏଚେକ୍ ଦିନ୍ ଆନ୍ ମି ଲାହାଙ୍ଗ୍ ରଚେ ମାନ୍‌ଞ୍ଜି ମି ଚିନ୍ତା ଏଚେକ୍ ହୁଞ୍ଜନାଙ୍ଗ୍ ? ମି ମାଜିଙ୍ଗ୍
ନା ତାକେ ତାଈଖାଡ଼ୁ ।”

* ୯:୩୫ ୯:୩୫ ମାତିର ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. * ୯:୩୫ ୯:୩୫ ୨ ପିତର ୧:୧୭,୧୮.

୪୨ କାତ୍ତ୍ୱେ ଖାଉ ଖାଉ ପୁଦା ତାଙ୍ଗେଙ୍ଗ ତାରେନ୍ ଗୁଡ଼ି ବେସି ରାଗଦାଂ ମଡ଼ିକିତାଡ଼, ମାତର୍ ଜିସୁ ବାନ୍ୟା ଜିବୁନ୍ତିଂ ଦାକା କିତାନ୍ ଆରି କାତ୍ତ୍ୱେଂ ଉଜ୍ କିଜି ତାଞ୍ଜିଆବା କେଇଦ ହିତାନ୍ ।^{୫୩} ହେବେ ଓଜାକାର୍ ଇସ୍ତ ଗାଜା ସାକ୍ତି କାଜିଂ କାବା ଆଜି ହାଚାର୍ । ମାତର୍ ହେଖାନ୍ କିତି ଓଜୁ କାମାୟ୍ କାଜିଂ ଓଜାକାର୍ ଚାନ୍ୟା ଆଜି ମାନି ଖେଡାଙ୍ଗ ଜିସୁ ତା ଚେଲାରିଂ ଇଚାନ୍ ।

ଜିସୁ ନିଜେ ହାନାକା ଖେଟ୍ଚାନ୍
(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ “ଇ ଓଜୁ ବେରଣ୍ ମି କିତୁଲିକାଂ ନେଟ୍ଚାଟ୍; ଇନାକିଦେଂକି ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆଦେଂ ହାନାନା ।”^{୫୫} ମାତର୍ ଚେଲାହିର୍ ହେ ଇ ବେରଣ୍ ବୁଜା ଆଖାଚାର୍, ଆରେ ହେଦାଂ ହେଖାଚାକେଣ୍ଟାଂ ତ୍ତୁଜି ମାଚାଡ଼, ଇନେସ୍ ହେଦାଂ ହେଖାଚି ଅବୁଜା ଆଉଡ଼, ଆରେ ହେଖାଚ୍ ହେ କାତା ବିସ୍ତେ ତାଙ୍ଗେଙ୍ଗ ଖେନ୍ବେଦେଂ ପାଣ୍ଟା ଆଜି ମାଚାର୍ ।

ଓଜୁ ତାଙ୍ଗ ଗାଜା ଓଜୁ ତାଙ୍ଗ ହିରୁ
(ମାତିଉ ୧୮:୧-୫; ମାର୍କ ୯:୩୩-୩୭)

୪୬ *ହେଖାଚ୍ ବିତ୍ତେ ଇନେନ୍ ଗାଜାକାନ୍, ହେ ବିସ୍ତେ ହେଖାଚ୍ ବିତ୍ତେ ଇନ୍ବା ଆଚାର୍ ।^{୫୭} ମାତର୍ ଜିସୁ ହେଖାଚି ମାନ୍ତ ବେଶାବାଟ୍ କିନାକା ପୁନ୍ତୁ ର ହିରୁକାନ୍ କାତ୍ତ୍ୱେଂ ଅଜି ଜାଚ୍ କଚଣ୍ଡ ନିଲି କିଜି ହେଖାଚିଂ ଇଚାନ୍,^{୫୮} *ଇନେଚ୍ ନା ତର୍ଦାଂ ଇ ହିରୁ ହିମ୍ଣାତିଂ ମାନିକିନାର୍, “ହେଖାଚ୍ ନାଙ୍ଗେଙ୍ଗ ମାନିକିଦନାର୍, ଆରେ ଇନେଚ୍ ନାଙ୍ଗେଙ୍ଗ ଇଚ୍ଦାନାର୍, ହେଖାଚ୍ ନା ପକ୍ତାତାକିନିଂ ମାନିକିନାର୍; ଇନାକିଦେଂକି ମି ଓଜାଦେଚ୍ ବିତ୍ତେ ଇନେନ୍ ହିରୁକାନ୍; ହେଖାଚ୍ ଗାଜାକାନ୍ ।”

ଇନେଚ୍ ବେରିୟାର୍ ଆକାୟ୍ ହେଖାଚ୍ ସାଇଜ କାରିୟାର୍

୪୯ ହେବେ ଜହନ୍ ଉତର୍ ହିତାନ୍, “ଏ ଗୁରୁ, ଆପେଂ ରଖାନିଂ ନି ତର୍ଦାଂ ପୁଦା ପିହି କିନାକା ହୁଡ଼ତାପ, ଆରେ ହେଖାନ୍ ମା ଦଲ୍ଦ ଖାଓିକାଜିଂ ତାଙ୍ଗେଙ୍ଗ ମୁନା କିତାପ ।”

୫୦ ମାତର୍ ଜିସୁ ତାଙ୍ଗେଙ୍ଗ ଇଚାନ୍, “ମୁନା କିମାଟ୍,” ଇନାକିଦେଂକି ମିଦାଙ୍ଗ ଆଣ୍ଟିପାକ୍ୟା ଆକାୟ୍, “ହେଖାଚ୍ ମି ପାକ୍ୟା ।”

ସମିରଣିନି ନାସ୍ତ ଜିସୁଙ୍ଗ ମାନିକିଖାଚାର୍

୫୧ ପାଚେ ଏଚେକାଡ଼ଦ ଜିସୁ ପୁତ୍ ପିସ୍ତ୍ର ସାଗେଁ ହାନି ଦିନ୍ ଲାଗେ ଖାଜି ମାଚାଡ଼, ହେଖାଡ଼ାଂ ହେଖାନ୍ ଜିରୁସାଲମ୍ତ ହାଞ୍ଜେଙ୍ଗ ତିୟାର୍ ଆଚାନ୍,^{୫୨} ହେଖାନ୍ ଆଗେ ଦୁଡ଼ତିଂ ପକ୍ତାନ୍ । ହେଖାଚ୍ ହାଲ୍ଜି ଜିସୁ କାଜିଂ ଜାଲ୍ଦି କିଦେଙ୍ଗ ସମିରଣିୟନି ତର୍ଦି ର ନାସ୍ତ ହାଙ୍ଗାତାର୍;^{୫୩} ମାତର୍ ହେଖାନ୍ ଜିରୁସାଲମ୍ତ ହାଞ୍ଜେଙ୍ଗ ମାନ୍ କିତାନ୍ନା ଇଞ୍ଜି ପୁଞ୍ଜି ହେଖାଚ୍ ତାଙ୍ଗେଙ୍ଗ ଇଚ୍ଖାଚାର୍ ।^{୫୪} ଇଦାଂ ହୁଡ଼ଜି ଜାକୁବ୍ ଆରେ ଜହନ୍, ଇ ରିୟାର୍ ଚେଲାହିର୍ ଜିସୁଙ୍ଗ ଇଚାର୍, ମାପୁ “ଏଲିୟ ପା ଇନେସ୍ କିଜି କିଜି ମାଚାନ୍, ହେ ଲାକେ ସାଗେଁତାଂ ନାଣି ଆଜ୍ ହେଖାଚିଂ ବୁତାଇ କିନାଡ଼, ଇଦାଂ ଆପେଂ ଇଞ୍ଜନାପ୍ ଇଞ୍ଜି ଇନାକା ନି ଇଚା ?”

୫୫ ମାତର୍ ହେଖାନ୍ ମାସ୍ଦି ହେଖାଚିଂ ଗଡ଼୍ କିତାନ୍ ଆରି ଇଚାନ୍, ଏପେଙ୍ଗ ଇନେସ୍ ବାତ୍ ଜିବୁନ୍ନି ମାନାୟ୍, ଇଦାଂ ପୁନ୍ନୁଦେରା । ମାନାୟ୍ ମାସ୍ଦି ମାନାୟ୍ତିଂ ଜିବୁନ୍ ନସ୍ତ କିଦେଙ୍ଗ ଖାଖାଦାଙ୍ଗ ରାକ୍ୟା କିଦେଙ୍ଗ ଖାଚାଂନା ।^{୫୬} ତା ପାଚେ ହେଖାଚ୍ ଆରେ ର ନାସ୍ତ ତାଙ୍ଗି ହାଚାର୍ ।

* ୯:୪୬ ୯:୪୭ ଲୁକ ୨୨:୨୪. * ୯:୪୮ ୯:୪୮ ମାତିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦.

ଜିସୁ ଚେଲାହି ଆନାକା ମାନାଡ଼
(ମାତିଉ ୮:୧୯-୨୨)

୫୭ ହେୱାର ହାସଦିଙ୍ଗ ହାନିହିଂ ରୱାନ ମାନାୟ ଜିସୁଙ୍ଗ ଇଚାନ, ଏନ୍ ଇମ୍ଫଣି ବାହାତ ହାନାୟ, “ଆନ୍ ନି ପାଚେ ପାଚେ ୱାନାଙ୍ଗ ।”

୫୮ ଜିସୁ ତାଙ୍ଗେଙ୍ଗ ଇଚାନ, କଲ୍ୟାତିଂ ପାରା ମାନାଡ଼, ଆକାସନି ଉମ୍ଫନି ପଚିତିଂ ଗୁଡା ମାନାଡ଼, ମାତର୍ ମାନାୟ ମାଜି କାପଡ଼ା ଇଡ଼ଦେଂ ବାହା ହିଲୁଡ଼ ।

୫୯ ଆରି, ହେୱାନ ଆରେ ରୱାନିଂ ଇଚାନ, “ନା ପାଚେପାଚେ ୱା ।”

ମାତର୍ ମାପୁ ଇଚାନ, “ପର୍ତ୍ତୁମ୍ ହାଲ୍‌ଜି ମାଞ୍ଜି ଆବାଂ ମୁଚେଙ୍ଗ ଇଞ୍ଜି ନାଙ୍ଗେଙ୍ଗ ବଲ୍ ହିଦା ।”

୬୦ ମାତର୍ ଜିସୁ ତାଙ୍ଗେଙ୍ଗ ଇଚାନ, “ହାତାକାରିଂ ଜାର୍ ଜାର୍ ହାତି ଲଗାଂ ମୁଚେଙ୍ଗ ପିସ୍ତି ହିୟାଟ୍, ମାତର୍ ଏପେଙ୍ଗ ହାଲ୍‌ଜି ଇସ୍‌ବ୍ ରାଜିତ ସୁଣାୟ କିୟାଟ୍ ।”

୬୧ ଆରେ ରୱାନ ପା ଇଚାନ, ମାପୁ, “ଆନ୍ ନି ପାଚେ ପାଚେ ୱାନାଙ୍ଗ, ମାତର୍ ପର୍ତ୍ତୁମ୍ ମା ଇଞ୍ଜି ମାନି ମାନାୟାର୍‌ତାଂ ଜୱାର୍ ଇଞ୍ଜି ନାଙ୍ଗେଙ୍ଗ ବଲ୍ ହିଦା ।”

୬୨ ମାତର୍ ଜିସୁ ତାଙ୍ଗେଙ୍ଗ ଇଚାନ, “ଇନେନ୍ ନାଙ୍ଗେଲ୍‌ତ କେଇଆଜି ଜେନ୍‌ପାଡ଼କା ହୁଡ଼ନାନ୍, ହେୱାନ ଇସ୍‌ବ୍ ରାଜିତ ହାଞ୍ଜେଙ୍ଗ ଆତୁନ୍ ।”

୧୦

ଜିସୁ ସତୁରି ଜାଣ୍ଡିଂ ବାଚିକିତାନ

୧ ଇଦାଂ ପାଚେ ମାପୁ ଆରେ ତିନକଡ଼ି ଦସଜାଣ୍ଡିଂ ବାଚି କିତାନ ଆରି ତା ଇମ୍ଫଣି ଗାଡ଼ ଆରି ବାହାକାଂ ହାନାକା ମାଗାଡ଼, ହେୱାନ ହାନି ଆଗେତାଂ ହେୱାରିଂ ରିୟାର୍ ରିୟାରିଂ କିଜି ହେବେ ପକ୍‌ତାନ । ୨ ଆରେ, ଜିସୁ ହେୱାରିଂ ଇଚାନ, “ତାସ୍ ହିନା ବେସି, ମାତର୍ କାମାୟ କିନାକାର୍ ଉଣା; ଲାଗିଂ ନି କାମାୟ ବାହାତ କାମାୟ କିନାକାରିଂ ପକ୍‌ନି କାଜିଂ ତାସି ଜମିନି ହାଉକାର୍ ତାକେ ପାର୍ତାନା କିୟାଟ୍ । ୩ ଏପେଙ୍ଗ ହାଲ୍‌ଗାଟ୍; ହୁଡ଼ାଟ୍, ହୁଣ୍ଡାଟ୍ ବୁର୍କାକାଂ ବିଡ୍ରେ ମେଣ୍ଡା ହିମ୍‌ଣାକାଂ ଲାକେ ଆନ୍ ମିଙ୍ଗେଙ୍ଗ ପଲ୍ଲାନାଙ୍ଗା । ୪ ଜାଲିୟା ମଣା ଆରି ପାଣ୍ଡାଙ୍ଗ ଆମାଟ୍, ଆରେ ହାସଦ ଇନେରିଂ ଜୱାର୍ କିମାଟ୍ । ୫ ଆରେ ଇମ୍ଫଣି ଇଞ୍ଜି ଏପେଙ୍ଗ ହଣ୍‌ଗାନାଦେର୍, ହିଗ୍‌ଦ ଇନାଟ୍, ଇ ଇଲ୍ କାଜିଂ ସୁସ୍ତା ଆୟେଟ୍ । ୬ ଆରେ, ହେ ବାହାତ ଇନେନ୍ ଜଦି ରୱାନ ସୁସ୍ତାନିକାନ୍ ମାତିସ୍, ତା ଆତିସ୍ ମି ତାକ୍‌ଣି ସୁସ୍ତା ହେ ଜପି ଦୁମ୍‌ନାଡ଼; ମାତର୍ ଜଦି ହିଲ୍‌ଞ୍ଜିତିସ୍, ତେବେ ହେଦାଂ ମିତାକେଣ୍ଡାଂ ମାଜି ୱାନାଡ଼ । ୭ ଆରେ, ହେୱାର୍ ତାକେ ଇନାକା ମାନାଡ଼, ତିନଞ୍ଜି ଉଣ୍‌ଜି ହେ ଇଞ୍ଜି ମାନାଟ୍, ଇନେକିଦେଂକି କାମାୟ କିନାକାଦେର୍ ତାରୁଙ୍ଗ ପାୟାନି ଜଗ୍ । ଇଲ୍‌କୁକାଂ ଇଲ୍‌କୁ ହାଲ୍‌ମାଟ୍ । ୮ ଆରେ, ଇମ୍ଫଣି ଗାଡ଼୍‌ଦ ଏପେଙ୍ଗ ହଣାଦେର୍ ଆରି ଲକୁ ମିଙ୍ଗେଙ୍ଗ ଇଡ଼ଦାନାର୍, ହେବେ ମିଙ୍ଗେଙ୍ଗ ଇନାକା ଚିଟ୍‌ପା ଆଦନାର୍, ହେଦାଂ ତିନାଟ୍, ୯ ହେ ବାହାତ ମାନି ରଗ୍ୟାରିଂ ଉଜ୍ କିୟାଟ୍, ଆରେ ହେୱାରିଂ ଇନାଟ୍, ଇସ୍‌ବ୍‌ରତି ରାଜି ମି ତାକେ ୱାତାତେ । ୧୦ *ମାତର୍ ଇମ୍ଫଣି ଗାଡ଼୍‌ଦ ଏପେଙ୍ଗ ହଣାଦେର୍ ଆରି ମାନାୟାର୍ ମିଙ୍ଗେଙ୍ଗ ଇଡ଼ଦୁର୍, ହେବେ ହୁଗିତାକେ ହସି ହାଲ୍‌ଜି ଇନାଟ୍, ୧୧ ମି ଗାଡ଼୍‌ନି ଇମ୍ଫଣି ଦୁଡ଼ି ମା ପାନାତ ଆଣ୍ଡାଟ୍‌ନା, ହେଦାଂ ପା ମି କାଜିଂ ଡାଡ଼ନାପା; ମାତର୍ ଇସ୍‌ବ୍‌ରତି ରାଜି ଜେ ଲାଗେ ୱାତାତେ, ଇଦାଂ ପୁନାଟ୍ । ୧୨ *ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ତା ବିଚାର୍ ନାଞ୍ଜିଙ୍ଗ ହେ ଗାଡ଼୍‌ନି ଦାଣ୍ଡ ବାଟା ସଦମ୍‌ନି ଦାଣ୍ଡ ପାୟାନାର୍ ।”

ପାତ୍ କିଞ୍ଜାକାର୍ ନାସ୍‌କୁନି ବିଚାର୍
(ମାତିଉ ୧୧:୨୦-୨୪)

* ୧୦:୧୦ ୧୦:୧୦ ପକ୍ୟାତାକା ୧୩:୫୧. * ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫.

୧୩ ହାୟ, ତାଣ୍ଡିନି କଣ୍ଠି କରାଜିନ୍, ହାୟ, ତାଣ୍ଡିନି କଣ୍ଠି ବେତ୍‌ସାଇଦା, ଇନାକିଦେଂକି ମି ବିତ୍ରେ ଇମ୍‌ଣି ଇମ୍‌ଣି ସାକ୍ତିନି କାମାୟ କିୟା ଆତାଡ଼ନା, ହେଦାଂ ଝିଜୁ ଇନାଖାଡ଼ାଂ ସର ଆରେ ସିଦନ୍ ତାକେ କିୟାଆତାଡ଼ମା, ଲାଗିଂ ହେଖାର ବେସିଦିନ୍ ପୁର୍ବେତାଂ ବାସ୍ତା ଉସ୍ସିସ୍ ନିସ୍ତାକେ କୁଚ୍‌ତି ମାନ୍‌ବାଦଲ୍ଲାଇ କିତାର୍ମା । ୧୪ ଆତିସ୍‌ପା ବିଚାଣ୍ଡାତ ମି ଦାଣ୍ଡ ବାଟା ସର ଆରି ସିଦନ୍‌ନି ଦାଣ୍ଡ ପାୟା ଆନାଡ଼ । ୧୫ ଆରେ, ଆଡେ କପନାହୁମ୍, ଏନ୍ ଇନାକା ସାଗେ ପାତେକ୍ ଲାମା ଆଦେଂ ଆଡ଼ନାୟ ? ପାତାଲ୍ ପାତେକ୍ ନିଜ୍ ଆଦା ହାଞ୍ଜେଜ୍ ଆଦନାଡ଼ ।

୧୬ *ଜିସୁ ଜାର୍ ଚେଲାରିଂ ଇଚାନ୍ ଇନେର୍ ମି ବେରଣ୍ ଝେନାର୍, “ହେଖାର୍ ନା କାତା ଝେନାନ୍, ଆରେ ଇନେର୍ ମିଜେଜ୍ ଇଡ଼ଦୁର୍, ହେଖାର୍ ନାଜେଜ୍ ଇଡ଼ଦୁର୍, ଆରେ ଇନେର୍ ନାଜେଜ୍ ଇଡ଼ଦୁର୍, ହେଖାର୍ ନା ପକ୍‌ତାତାକାନିଂ ଇଚୁର୍ ।”

ବାସ୍ତୁରିଜାଣ୍ଡିଂ ପିହ୍‌ୟାତାକାର୍

୧୭ ଇଦାଂ ପାଚେ ହେ ବାସ୍ତୁରି ଜାଣ୍ ଝାରିତାଂ ମାସ୍‌ଦି ଝାଜି ଇଚାନ୍, “ମାପୁ, ପୁଦାଂପା ନି ତରଦାଂ ମାଜେଜ୍ ମାନି କିଦ୍‌ନିକା ।”

୧୮ ମାତର୍ ଜିସୁ ହେଝାରିଂ ଇଚାନ୍, “ବିଜ୍‌ଲି ଲାକେ ସାଗେତାଂ ସୟ୍‌ତାନ୍‌ତିଂ ଆର୍ଦାନାକା ଆନ୍ ହୁଡ଼ଜି ମାଚାଜ୍ ।” ୧୯ “ହୁଡ଼ାଟ୍, ଆନ୍ ମିଜେଜ୍ ରାଟ୍ ଆରି କାଚାକୁପି ଜପି ତାଜ୍‌ଦେଂ ଆଦିକାର୍ ହିଡ଼ତାଜ୍‌ନା, ଆରେ, ସାତୁର୍ ଝିଜୁ ସାକ୍ତି ଜପି ଆଦିକାର୍ ହିଡ଼ତାଂନା, ଆରେ ଇନାକା ପା ଇମ୍‌ଣି ବାନି ମିଜେଜ୍ ନସ୍ କିଦୁଜ୍ । ୨୦ ଆତିସ୍‌ପା ବାନ୍‌ୟା ଜିରୁନିଂ ଜେ ମି ତାରେନ୍ ମାନିଜ୍, ଇବେ ଝାରି କିମାଟ୍, ମାତର୍ ମି ତର୍ ଜେ ସାଗେତ ଲେକାମାନାଡ଼, ଇବେ ଝାରି କିୟାଟ୍ ।”

ଜିସୁତି ଝାରି

(ମାତିଉ ୧୧:୨୫-୨୭; ୧୩:୧୬-୧୭)

୨୧ ହେ ଝେଡ଼ାଜ୍ ଜିସୁ ପୁଇପୁୟା ଜିରୁନ୍ତାଂ ଝାରିୟା ଆଜି ଇଚାନ୍, “ଆବା, ସାଗେ ଆରି ପୁତ୍‌ନି ମାପୁ, ଏନ୍ ଗିଆନି ଆରି ରୁଦ୍‌ୟାତି ଲକୁତାଜ୍ ଇ ଝିଜୁ ବିସ୍ତେ ଡ଼କୁତି ଇଡ଼ଜି ହିମ୍‌ଣାଜ୍‌ତାକେ ଝେଚ୍‌ଚାୟନା, ଇଦାଂ କାଜିଂ ନି ନାୟ୍ କିନାଜା; ଆଁ ଆବା, ଇନାକିଦେଂକି ଇଦାଂ ନି କାଣ୍‌କୁତାଂ ଏଚେକ୍‌ସାରି ଆତାଡ଼ନା ।”

୨୨ *ନା ଆବାତି ଝିଜୁ ବିସ୍ତେ ନାବେ ସର୍‌ପି ଆତାଡ଼ନା; ଆରେ ମାଜି ଇନେର୍, ଇଦାଂ ଆବାଂ ପିସ୍ତ୍ର ଇନେର୍ ପୁନୁର୍, ଆରେ ଆବା ଇନେର୍ ଇଦାଂ ମାଜି ପିସ୍ତ୍ର ଇନେର୍ ପୁନୁର୍, ଆରେ ମାଜି ଇନେର୍ ତାକେ ହେଝାନିଂ ଝେଚ୍‌ଚେଜ୍ ମାନ୍ କିନାନ୍, ହେଝାନ୍ ପୁନାନ୍ ।”

୨୩ ଆରେ, ଜିସୁ ଜାର୍ ଚେଲାରିଂ ମାସ୍‌ଦିହୁଡ଼ଜି ଇଚାନ୍, “ଏପେଜ୍ ଇନା ଇନାକା ହୁଡ଼ନାଦେରା, ହେ ଝିଜୁ ଇମ୍‌ଣି କାଣ୍‌କୁ ହୁଡ଼ନାଡ଼, ହେଦାଂ ଦନ୍‌ୟ । ୨୪ ଇନାକିଦେଂକି ଆନ୍ ମିଜେଜ୍ ଇଞ୍ଜନାଜା, ଏପେଜ୍ ଇନା ଇନାକା ହୁଡ଼ନାଦେରା, ହେଦାଂ ଝିଜୁ ହେନି ବେଶ୍‌ବାକ୍‌ଶାୟକିନାର୍ ଆରି ରାଜା ହୁଡ଼ଦେଂ ମାନ୍ କିତାନ୍, ମାତର୍ ହୁଡ଼ଦେଂ ଆଡ଼ଝାତାନ୍; ଆରେ, ଏପେଜ୍ ଇନା ଇନାକା ଝେନାଦେରା, ହେ ଝିଜୁ ହେଝାର୍ ଝେଞ୍ଜେଜ୍ ମାନ୍ କିତାର୍, ମାତର୍ ଝେନ୍‌ଝାତାର୍ ।”

ହାଦ୍‌ ସମିରଣିୟ ଉତର୍‌ମୁଡ଼

୨୫ ଆରେ ହୁଡ଼ାଟ୍, ରଝାନ୍ ଦରମ୍ ସାସ୍ତୁର୍ ନିକାନ୍ ନିଜ୍‌ଜି ତାଜେଜ୍ ପରିକ୍ୟା କିଜି ଝେନ୍‌ବାତାନ୍, “ଏ ଗୁରୁ, ଝିଜ୍‌ଝି ଜିରୁନ୍‌ନି ଆଦିକାର୍ ଆଦେଂ ଇଞ୍ଜି ଆନ୍ ଇନା କିନାଜ୍ ?”

* ୧୦:୧୬ ୧୦:୧୭ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ଜହନ୍ ୧୩:୨୦. ☆ ୧୦:୨୨ ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

୨୬ ହେବେଶ୍ଵାଂ ଜିସୁ ତାଙ୍ଗେଙ୍ଗ୍ ଇଚାନ, “ମସାତି ବିଦିତ ଇନାକା ଲେକା ମାନାତ୍ ? ଏପେଙ୍ଗ୍ ଇନେସ୍ ପଢ଼ିକିନାଦେରା ?”

୨୭ ହେଖାନ ଉତର ହିତାନ, “ଏପେଙ୍ଗ୍ ଝିଜୁ ଝାସ୍ମିତାଂ, ଝିଜୁ ପାରାଣ, ଝିଜୁ ସାଲ୍ଲି ଆରି ଝିଜୁ ମାନ ହିଜି ମାପୁ ଜାର୍ ଇସ୍ଵର୍ ମାପୁ ଜିଉନଝାଟ୍; ଆରେ, ଜାର୍ ପାଡ଼ହା ଇଞ୍ଜିନି ଲଗାଂ ଝାସ୍ମିଲାକେ ଜିଉନଝାଟ୍ ।”

୨୮ ହେବେ ଜିସୁ ତାଙ୍ଗେଙ୍ଗ୍ ଇଚାନ, ଏନ୍ ହାଡ଼ପାରଚେ ଉତର ହିତାୟନା, “ଏପେଙ୍ଗ୍ କିୟାଟ୍, ତା ଆତିସ୍ ଏପେଙ୍ଗ୍ ଜିବୁନ୍ ପାୟା ଆନାଦେର୍ ।”

୨୯ ମାତର୍ ବିଦିବିଦାଣି ସାସ୍ତର୍ ଜାର୍ତିଂ ଦାମ୍ ଇଞ୍ଜି ଚଟ୍ରେଙ୍ଗ୍ ଇଚା କିଜି ଜିସୁଙ୍ଗ୍ ଝେନ୍ଦବାତାର୍, “ଲାଗିଂ ନା ପାଡ଼ହାନିକାର୍ ଇନେର୍ ?”

୩୦ ଜିସୁ ହେ ବେରଣ୍ ଆସ୍ତି ଇଚାନ, ରଝାନ ମାନାୟ୍ ଜିରୁସାଲମ୍ତାଂ ଜିରିହତ ହାଲୁ ହାଲୁ ଚର୍କୁକାଂ ହାବଡ଼ତାକେ ପଡ଼ାତାନ । ହେଝାର୍ ତା ହେନ୍ଦାପାଟା ତୁସ୍ଦି ଅଜି ଆରି ଟ୍ରାକ୍ଟି ତାଙ୍ଗେଙ୍ଗ୍ ଦାରାମାସ୍ତା କାକୁଲ୍ଡି କିଜି ପିସ୍ତି ହାଚାର୍ । ୩୧ ଗଟ୍ଟା ପାଚେ ରଝାନ ମାପୁହେବାକିନାକାନ୍ ହେ ହାସ୍ଦିଙ୍ଗ୍ ହାଲ୍ଲି ମାଚାନ, ଆରେ ହେଝାନ୍ ତାଙ୍ଗେଙ୍ଗ୍ ହୁଡ଼ଜି ହେଝାନ୍ ଆରେ ର ହାସ୍ଦିଙ୍ଗ୍ ନାସି ହାଚାନ । ୩୨ ଏଲେଙ୍ଗ୍ ଆଜି ରଝାନ ଲେବିୟ ପା ହେ ବାହାତ ଝାଜି ହେଝାନିଂ ହୁଡ଼ଜି ହେଝାନପା ଆରେ ର ହାସ୍ଦିଙ୍ଗ୍ ନାସି ହାଚାନ । ୩୩ ମାତର୍ ରଝାନ ସମିରଣିୟ ତା କଚଣ୍ଡ ଝାଜି ତାଙ୍ଗେଙ୍ଗ୍ ହୁଡ଼ଜି କାର୍ମାତିଂ ଲବାୟ୍ କିତାନ, ୩୪ ଆରି ଲାଗେ ହାଲ୍ଲି ତାଙ୍ଗେଙ୍ଗ୍ ନନିତାକେ ଚିକାଣ୍ ଆରେ ଅଙ୍ଗୁର୍ ରାସ୍ ଝାକ୍ଟି ହେ ସବୁ ଗାଟ୍ଚାନ, ଆରେ ତାଙ୍ଗେଙ୍ଗ୍ ଜାର୍ ପସୁ ଜପି ଦୁପ୍ତି ଅଜି ର ତିନାକା ଉଣାକା ମାନି ବାହାତ ଅଜି ହାଲ୍ଲି ତାଙ୍ଗେଙ୍ଗ୍ ଜତନ୍ କିତାନ । ୩୫ ତା ପାଚେ ଆରେ ର ଦିନ୍ ହେଝାନ୍ ରିଶ୍ଵାଂ ଟାକାଂ ହପ୍ତି ହେବା ମାଲିକାରିଂ ହିଜି ଇଚାନ, ଇଝାନିଂ ଏନ୍ ହେବା କିୟା, ଆରେ ଇନାକା ଆଦିକ୍ କର୍ଚ୍ଚ କିନାୟ୍, ହେଦାଂ ଆନ୍ ମାସ୍ଦି ଝାନିହିଂ ମିଙ୍ଗେଙ୍ଗ୍ ହିଦ୍ନାଂ ।

୩୬ “ଇ ତିନ୍ ଜାଣ୍ ବିତ୍ରେ ଇନେନ୍ ଚର୍କୁକାଂ ତାକେ ଦାରାପଡ଼ା ଆତି ଲକ୍ତିଙ୍ଗ୍ ପାଡ଼ହାନିକାନ୍ ଇଞ୍ଜି ମାନ୍ତ କିନାଦେରା ?”

୩୭ ବିଦିବିଦାଣି ସାସ୍ତର୍ ଇଚାନ ଜେ ଏଲେଙ୍ଗ୍ କିଜି ଦୟା କିତାନ୍ ହେଝାନ, ଜିସୁ ତାଙ୍ଗେଙ୍ଗ୍ ଇଚାନ, “ହାଲାଟ୍, ଏପେଙ୍ଗ୍ ପା ହେ ଲାକେ କିୟାଟ୍ ।”

ଜିସୁ ମାର୍ତୀ ଆରେ ମରିୟମ୍ ଇଞ୍ଜି

୩୮ ଜିସୁ ତା ଚେଲାହିର୍ ହେଝାର୍ ହାନିହିଂ ହେଝାନ ର ନାସ୍ତ ହଣଗାତାନ ଆରି ମାର୍ତୀ ତରନ୍ ରଞ୍ଜେଲ୍ କଗ୍ଲେ ଜିସୁଙ୍ଗ୍ ନିଜାର୍ ଇଞ୍ଜି ଅଜି ହାତାଡ଼ । ୩୯ ମରିୟମ୍ ଇନି ତାଙ୍ଗେଙ୍ଗ୍ ରଞ୍ଜେଲ୍ ତଣ୍ଡେହି ମାଚାଡ଼, ହେଦେଲ୍ ମାପୁତି କାଲ୍ଲକୁ ତାରେନ୍ କୁଟ୍ଟି ତା ବଚନ୍ ଝେନ୍ଡ଼ି ମାଚାଡ଼ । ୪୦ ମାତର୍ ମାର୍ତୀ ହେବା କିନି ବିସ୍ଵେତିଂ ବେସି ତାନ୍ଦା ଆଜି ମାଚାଡ଼; ଲାଗିଂ ହେଦେଲ୍ ତା ଲାଗାଂ ଝାଜି ଇଚାଟ୍, “ଏ ମାପୁ, ନା ତଣ୍ଡେଲ୍ ଜେ ରଞ୍ଜେଲ୍ନେ ନା ଜପି ଝିଜୁ କାମାୟ୍ ହେଲାୟ୍ କିଡ଼ତାନ, ହେ ନିପ ଇନାକା ନିଙ୍ଗେଙ୍ଗ୍ ମାନହିଲୁଡ଼ ? ଲାଗିଂ ନାଙ୍ଗେଙ୍ଗ୍ ଉପକାର୍ କିଦ୍ନି କାଜିଂ ତାଙ୍ଗେଙ୍ଗ୍ ଇନା ।”

୪୧ ମାତର୍ ମାପୁ ତାଙ୍ଗେଙ୍ଗ୍ ଇଚାନ, “ମାର୍ତୀ, ମାର୍ତୀ, ଏନ୍ ବେସି ବିସ୍ଵେ ଚିନ୍ତା କିଜି ଆରେ ବେସି ତାନ୍ଦା ଆନାୟା, ୪୨ ମାତର୍ ଅଲପ୍ କେଡ଼ଗଟା, ଆତିସ୍ ରଞ୍ଜାଙ୍ଗ୍ ମାତର୍ ଲଡ଼ା; ମରିୟମ୍ତ ହାର୍ଦି ବାଗ୍ ବାଚି କିତାଡ଼ନା, ଆରେ ତା ତାକେଶ୍ଵାଂ ହେଦାଂ ଚାକ୍ଚରାଇ କିୟାଆଉଡ଼ ।”

୧୧

ପାର୍ଥନା ବିସ୍ତେନି ଜିସୁତି ହିକ୍ୟା
(ମାତିଉ ୬:୯-୧୩; ୭:୭-୧୧)

୧ ରଗ ହେୱାନ ଇମ୍ମଣି ର ବାହାତ ପାର୍ଥନା କିଜି ମାଚାନ; ହେୱାନ ପାର୍ଥନା ଓସ୍ତିଲେ, ତା ଚେଲାହିର୍ ବିତ୍ରେ ରୱାନ ତାଙ୍ଗେଙ୍ଗ ଇଚାନ, “ଏ ମାପୁ, ବାପ୍ତିସମ୍‌ହିନି ଜହନ୍ ଇନେସ୍ ଜାର୍ ଚେଲାରିଂ ପାର୍ଥନା କିଦେଙ୍ଗ୍ ହିକାଈକିତାନ, ଏନ୍ ପା ହେ ଲାକେ ମାଙ୍ଗେଙ୍ଗ୍ ପାର୍ଥନା କିଦେଙ୍ଗ୍ ହିକାଈକିଦା ।” ୨ ଇବେ ଜିସୁ ହେୱାରିଂ ଇଚାନ, “ଏଚେକାଡ୍‌ଦ ଏପେଙ୍ଗ୍ ପାର୍ଥନା କିନାଦେର୍, ହେୱାଡ୍‌ଂ ଇନାଟ୍,

ଆବା, ନି ତର୍ ପୁଇପୁୟା ଇଞ୍ଜି ମାନି ଆୟେଡ୍ ।
ନି ରାଜି ୱାୟେଡ୍ ।
୩ ନିତ୍ରେଦିନା ମାଙ୍ଗେଙ୍ଗ୍ ଲଡାନି କାଦି ହିଦା ।

୪ ମା ପାପ୍ ଓକ୍ତୁ କେମା କିଦା,
ଇନାକିଦେଂକି ଆପେଂ ପା ଜାର୍ ଜାର୍ତି ବେରୁତାଂ ପାପ୍ କେମା କିନାପ୍ ।”
“ପରିକ୍ୟାତ ମାଙ୍ଗେଙ୍ଗ୍ ତାହି ୱାଦମା ।”

୫ ଆରେ, ଜିସୁ ତା ଚେଲାରିଂ ଇଚାନ, “ମିଙ୍ଗେଙ୍ଗ୍ ଇନେରିଂ ଏଲେଙ୍ଗ୍ ବାତ୍ ନି ସାଙ୍ଗ ମାନାନ୍ କି, ଇନେର୍ ଲାଗେ ମାଦିମାଦାନାଣା ହେୱାନ ହାଲ୍‌ଜି ଇନାନ୍, ଏ ହାଈ, ନାଙ୍ଗେଙ୍ଗ୍ ତିନିଗଟା ରୁଟିଂ ଉଦାର୍ ହିଦା, ୬ ଇନାକିଦେଂକି ନା ରୱାନ ସାଙ୍ଗ ନା ତାକେ ୱାତାନ୍ନା, ତାଙ୍ଗେଙ୍ଗ୍ ବାଟା କିଜି ହିଦେଂ ନା ତାକେ ଇନାକା ହିଲୁଡ୍, ୭ ଆରେ ହେ ବିତ୍ରେତାଂ ଏଲେଙ୍ଗ୍ ଉତର୍ ହିନାନ୍, ନାଙ୍ଗେଙ୍ଗ୍ କସ୍ ହିଦମା; ଦୁଝେର୍ ଗେହ୍‌ୟା ଆତାତେ ଆରେ ନା ହିମ୍‌ଣାଂ ନା ଲାହାଙ୍ଗ୍ ହୁଞ୍ଜୁନାରା; ଆନ୍ ନିଙ୍ଗ୍‌ଜି ନିଙ୍ଗେଙ୍ଗ୍ ହିଦଦେଂ ଆଡ୍‌ଦୁଙ୍ଗ୍ । ୮ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ହେୱାନ ଆଡିସ୍‌ପା ତା ସାଙ୍ଗ ଆଡିଲେ ତାଙ୍ଗେଙ୍ଗ୍ ନିଙ୍ଗ୍‌ଜି ହିଉନ୍, ଆଡିସ୍‌ପା ହେୱାନ ଲାଜାଆୱାଦାଂ ଚାନେକ୍ ଚାନେକ୍ ଏନ୍ତିଲେ ହେୱାନ ନିଙ୍ଗ୍‌ଜି, ହେୱାନ୍ତି ଏଚେକ୍ ଲଡା ହେୱାନିଂ ହେ ଏଚେକ୍ ହିନାନ୍ । ୯ ଆନ୍ ପା ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏନାଟ୍, ହେବେ ମିଙ୍ଗେଙ୍ଗ୍ ହିଦନାନ୍; ତେକାଟ୍, ହେବେ ଏପେଙ୍ଗ୍ ଗାଟା ଆନାଦେର୍; ଦୁଝେର୍‌ରିଂ ଇଡାଟ୍, ହେବେ ମି କାଜିଂ ଜେସ୍‌ସି ହିଦନାର । ୧୦ ଇନାକିଦେଂକି ଇନେର୍ ଏନନାନ୍, ହେୱାନ ପାୟା ଆନାନ୍; ଇନେର୍ ତେକ୍‌ନାନ୍, ହେୱାନ ଗାଟାଆନାନ୍; ଆରେ, ଇନେର୍ ଦୁଝେର୍‌ରତ ଇଡ୍‌ନାନ୍, ହେୱାନ କାଜିଂ ଜେୟାନାଟ୍ । ୧୧ ଆରେ, ମି ବିତ୍ରେ ଏଲେଙ୍ଗ୍ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏନ୍ତିସ୍ ହେୱାନ ତାଙ୍ଗେଙ୍ଗ୍ ମିନ୍ ବାଦୁଲ୍ ରାଟ୍ ହିନାନ୍ ? ୧୨ ଆଡିସ୍‌ପା ରଣ୍ଡା ଏନ୍ତିସ୍ ହେୱାନ ତାଙ୍ଗେଙ୍ଗ୍ କାଚାକ୍‌ପି ହିନାନ୍ ? ୧୩ ଲାଗିଂ ଏପେଙ୍ଗ୍ କୁଲ୍‌କୁଲିଆ ଆଡିସ୍‌ପା ଏଚେକାଡ୍‌ଦ ଜାର୍ ଜାର୍ ହିମ୍‌ଣାକାଂ ହାଦ୍ ହାଦ୍ ଦାନ୍ ହିଦେଂ ପୁନାଟ୍, ଲାଗିଂ ଇମ୍ମଣି ଆବା ସାଗେଟାଂ ଦାନ୍ ହିଦନାନ୍, ହେୱାନ ତା ମୁମ୍‌ଦ ଏନ୍‌ନାସ୍ ମାନାୟାରିଂ କେତେକ୍ ଆଦିକ୍ ଲାକେ ପୁଇପୁୟା ଜିବୁନ୍ ହିଦନାନ୍ !”

ଜିସୁ ଆରେ ବାନ୍ୟା ଜିବୁନ୍
(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ରଗ ଜିସୁ ର ପୁଦା ପିହି କିଜି ମାଚାନ, ହେ ପୁଦା ଗୁଲି । ପୁଦା ହସି ହାଡିପାଚେ ଗୁଲା ମାନାୟ୍ ବେଣ୍ ଇଚାନ, ହେବେ ମାନାୟାର୍ କାବା ଆଜି ହାଚାର୍ । ୧୫ ମାତର୍ ହେୱାର୍ ବିତ୍ରେତାଂ ଇନେର୍ ଇନେର୍ ଇଚାର୍, “ଜିସୁ ମୁଣିକା ବାଲ୍‌ଜିବୁଲ୍ ସାକ୍ୟାତାଂ ପୁଦା ପିହିକିନାନ୍ ।”

୧୭ ବିନଲଗୁ ତାଙ୍ଗେଙ୍ଗ ଡକ୍ତାତ ହେଜି କିଦେଙ୍ଗ ଇଞ୍ଜି ମାନକିଜି ମାତାର । ଲାଗିଂ ଇସ୍ପର ଜେ ତା ସାଇଜ କାର୍ଯ୍ୟା ଇତାକାଂ ପରିକ୍ୟା କିଦେଙ୍ଗ ଆକାସ୍ତାଂ ର ତିନ୍ ଏନ୍ତାର । ୧୭ ମାତର ଜିସୁ ହେଝାରିଂ ମାନ୍ତିନି ବାବନା ପୁଞ୍ଜି ହେଝାରିଂ ଇଚାନ, “ଇମ୍ଫଣି ରାଜି ବାଗ୍ ଆଜି ଜାର୍ ବିରୁଦ୍ଦତ ନିଙ୍ଗତିସ୍, ହେଦାଂ ନସ୍ ଆଜି ହାନାଡ୍, ଆରେ ଇମ୍ଫଣି ଇଲ୍ ରିବାଗ୍ ଆନାଡ୍ ହେ ଇଲ୍ ଜପି ଲେଦି ଆଜି ନସ୍ ଆନାଡ୍ । ୧୮ ଆରେ, ସୟତାନ ପା ଜଦି ବାଗ୍ ଆଜି ଜାର୍ ବିରୁଦ୍ଦତ ନିଙ୍ଗନାଡ୍, ତା ଆତିସ୍ ତା ରାଜି ଇନେସ୍ ତିର ଆଜି ମାନାଡ୍ ? ଆନ୍ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାନା ଇଞ୍ଜି ଏପେଙ୍ଗ ତ ଇଞ୍ଜନାଦେରା ।” ୧୯ ମାତର ଆନ୍ ଇନାଝାଡାଂ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାଙ୍ଗ, ଲାଗିଂ ମି ହିମ୍ଫଣାଙ୍ଗ ଇନେର୍ ସାଇଜତାଂ ହେଝାକାଂ ପିହିକିନାର୍ ? ଲାଗିଂ ହେଝାର୍ ନେ ମିଙ୍ଗେଙ୍ଗ ବିଚାରକାରୟାର୍ ଆଦନାର୍ । ୨୦ ଆନ୍ ଆରି ଇସ୍ପର ସାକ୍ତି ସାଇଜତାଂ ଆନ୍ ପୁଦାକାଂ ପିହିକିନାଙ୍ଗ, ଆରି ଇଦାଂ ପାର୍ମାଣ୍ କିନାଡ୍ ଜେ, ଇସ୍ପର ରାଜି ମିଦାଙ୍ଗ ଲାଗେ ଆତାତେ ।

୨୧ “ସାକ୍ତି ଲଗୁ ଏଚେକାଡ୍ ପାତେକ୍ ଆଡ୍ ଆତିୟାର୍ ତା ହାକ୍ତିତ ଜାଲ୍‌ଦି ଆଜି ତା କାଲ୍ ରାକ୍ୟା କିନାନ୍, ହେ ପାତେକ୍ ତା ଦାନ୍ ଜାଗ୍ରତାଂ ମାନ୍‌ଗାନାଡ୍; ୨୨ ମାତର ଏଚେକାଡ୍ ତା ତାକେଣ୍ଡାଂ ଆଦିକ୍ ସାକ୍ତି ମାନାୟ୍ ତାଙ୍ଗେଙ୍ଗ ପାଣ୍ଡୁ କିଜି ଆବାର୍ ଆହ୍‌ନାନ୍, ହେଝାଡାଂ ଇମ୍ଫଣି ଆତିୟାର୍ ଜପି ତା ବାସ୍ ମାତାଡ୍, ହେଝାନ୍ତି ଝିଜୁ କିସ୍ତି ଅନାନ୍ ଆରେ ତାଦାଙ୍ଗ୍ ଚର୍ କିଜିମାନି ଦନ୍‌ସମ୍ପତି ବାଟାକିଜି ଅନାନ୍ ।

୨୩ *ଇନେର୍ ନା ପାକ୍ୟା ଆକାୟ୍, ହେଝାନ୍ ନା ବେରିୟା; ଆରେ, ଇନେର୍ ନା ଲାହାଙ୍ଗ୍ ରୁଣ୍ଡାୟ୍ କିଉନ୍, ହେଝାନ୍ ଜେଡେ କେଡେ କିନାନ୍ ।”

ବାନ୍ୟାପୁଦା ହସି ଝାତାଡ୍
(ମାତିଉ ୧୨:୪୩-୪୫)

୨୪ “ବାନ୍ୟା ଜିବୁନ୍ ରକାନ୍ ମାନାୟ୍‌ତିଂ ହସିହାତି ପାଚେ ଚିମ୍‌ରା ବାହା ଝିଜୁ ବୁଲ୍‌ଆଜି ଜମ୍‌ନାକା ଡେକନାଡ୍ ଆରେ ହେଦାଂ ଗାଟାଆଝିତିସ୍ ଇନାନ୍, ଆନ୍ ଇମ୍ଫଣି ଇଞ୍ଜାଙ୍ଗ୍ ହସିଝାଜି ମାଟାଙ୍ଗ୍, ଆନ୍ ହେ ଇଞ୍ଜ ଲେଉଟା ଆଜି ହାନାଂ; ୨୫ ଆରି, ହେଦାଂ ଝାଜି ହେଦାଂ ନିର୍ମାଲ୍ ଆରି ହାର୍‌ଦାକା ହୁଡ୍‌ନାଡ୍ । ୨୬ ହେପାଦନା ହେଦାଂ ହାଲ୍‌ଜି ଜାର୍‌ତାଂ ଆଦିକ୍ ବାନ୍ୟା ଆରେ ସାଡ୍‌ଗଟା ପୁଦାଂ ରଚେ ତାସି ଝାନାଡ୍, ଆରି ହେଝାଙ୍ଗ୍ ହଣ୍‌ଜି ହେବେ ବାହାକିନିକ୍, ଆରେ ହେ ମାନାୟ୍‌ତିଂ ପର୍ଡୁମ୍‌ ଦସା ବାଟା ହାରିହାନି ଦସା ଆଦିକ୍ ବାନ୍ୟା ଆନାଡ୍ ।”

ବଚନ୍ ପାଲି କିନାକାନ୍ ଦନ୍‌ସ

୨୭ ହେଦେଲ୍ ଇ ଝିଜୁ ବେରଣ୍ ଇନି ଝାଡାଙ୍ଗ୍ ମାନାୟାର୍ ବିଡେ ରଞ୍ଜେଲ୍ କଗ୍‌ଲେହିମଣା ଗାଜା କାଟାଂ ଇଚାଡ୍, ଦନ୍‌ସ ହେ ଗରବ୍, “ଇନାକା ନିଙ୍ଗେଙ୍ଗ୍ ଜଲମ୍ କିଡ୍‌ତାଡ୍ ଆରି ମାୟ୍ ହେବେତାଂ ଉଟାୟ୍ ।”

୨୮ ମତର ଜିସୁ ଇଚାନ୍, “ଆନ୍ ଆକାୟ୍, ଇମ୍ଫଣାକାର୍ ଇସ୍ପର ବେରଣ୍ ଝେନାର୍ ଆରି ମାନିକିନାର୍ ଇତିସ୍, ହେଝାର୍ ଦନ୍‌ସ ।”

କାବା କାମାୟ୍ ବିସ୍ତେ ଦାବା
(ମାତିଉ ୧୨:୩୮-୪୨; ମାର୍କ ୮:୧୨)

୨୯ *ବେସିହେନି ମାନାୟ୍ ମାୟା ମାୟା ଆଜି ଜିସୁ ତାକେ ରୁଣ୍ଡାଆନି ଝେଡାଙ୍ଗ୍ ଜିସୁ ଇଞ୍ଜେଙ୍ଗ୍ ଲାଗାତାନ୍, ଇ ନଙ୍ଗିନି ଆଣ୍ଡାହିମଣାଂ ବାନ୍ୟାନିକାର୍; ଇଝାର୍ ତିନ୍ ଡେକନାର୍, ମତର ଜୁନସ୍‌ତି ତିନ୍ ପିସ୍ତି ଅଲ୍‌ଗା ଇମ୍ଫଣି ତିନ୍ ହେଝାରିଂ ହିୟାଆଡ୍ ।

* ୧୧:୨୩ ୧୧:୨୩ ମାର୍କ ୯:୪୦. * ୧୧:୨୯ ୧୧:୨୯ ମାତିଉ ୧୨:୪; ମାର୍କ ୮:୧୨.

୩୦ ଇନାକିଦେଂକି ଜୁନସ୍ ଇନେସ୍ ନିନିବିୟତଂ କାଜିଂ ଚିନ୍ତଲାକେ ଆତାର୍, ମାନାୟ୍ ମାଜି ପା ହେ ଲାକେ ଇ ନଙ୍ଗନି ଆଣ୍ଡାହିମ୍‌ଣାଂ କାଜିଂ ଆନାତ୍ । ୩୧ ତିନିବାଗାଙ୍ଗନି ଦେସ୍‌ନି ରାଣି ବିଚାଣ୍ଡିତ ଇ ନଙ୍ଗନି ଆଣ୍ଡାହିମ୍‌ଣାଂ ମାନାୟାର୍ ଲାହାଙ୍ଗ୍ ନିଙ୍ଗଜି ନିନ୍ଦା କିନାତ୍, ଇନାକିଦେଂକି ହେୱାନ୍ ସଲମନ୍‌ତା ବୁଦିନି କାତା ୱେଞ୍ଜେଙ୍ଗ୍ ପୁତଂ ନି ବାହାତାଂ ୱାଜି ମାଚାତ୍; ଆରେ ହୁଡାଟ୍, ସଲମନ୍‌ତାଂ ଗାଜା ବିସ୍ତେ ଇ ବାହାତ ମାନାତ୍ । ୩୨ ନିନିବିନି ମାନାୟାର୍ ବିଚାଣ୍ଡିତ ଇ ନଙ୍ଗନି ଆଣ୍ଡାହିମ୍‌ଣାଂ ଲାହାଙ୍ଗ୍ ନିଙ୍ଗଜି ଇ ଜୁଗ୍‌ନି ମାନାୟାର୍ ଲାହାଙ୍ଗ୍ ନିଙ୍ଗଜି ହେୱାରିଂ ନିନ୍ଦା କିତାର୍, ଇନାକିଦେଂକି ହେୱାନ୍ ଜୁନସ୍‌ତି ସୁଣାୟ୍ କିନାକା ମାନ୍‌ବାଦଲ୍‌ଲାୟ୍ କିଜି ମାଚାତ୍; ଆରେ ହୁଡାଟ୍, ଜୁନସ୍‌ତି ଗାଜା ବିସ୍ତେ ଇ ବାହାତ ମାନାତ୍ ।

ଗାଗାଡ଼ନି ଅଜଡ଼୍
(ମାତିଉ ୫:୧୫; ୭:୨୨-୨୩)

୩୩ “ଇନେର୍ ବଇଟା ଆହି କିଜି ଡ଼କୁତି ବାହା ଇଲ୍ କି ମାଣ୍ ତାରେନ୍ ଇଚୁର୍, ମାତର୍ ବଇଟା ଇଚ୍‌ନି ଜପି ଇଚ୍‌ନାର୍, ଇନେସ୍‌କି ବିତ୍ରେ ହଣାକାର୍ ମାନାୟାର୍ ଅଜଡ଼୍ ହୁଡ଼ଦେଂ ଆଡ଼ନାର୍ । ୩୪ ମି କାଣ୍‌କୁ ଗାଗାଡ଼ନି ଅଜଡ଼୍ । ଏଚେକାଡ଼ଦ ମି କାଣ୍‌କୁ ଅଣ୍ଡାଙ୍ଗ୍ ମାଚିସ୍, ହେପାଦନା ମି ୱିଜୁ ଗାଗାଡ଼୍ ପା ଅଜଡ଼୍ ଲାକେ ଆନାତ୍; ମାତର୍ ଏଚେକାଡ଼ଦ ହେଦାଂ ବାନ୍‌ଧା ମାନାତ୍, ହେପାଦନା ମି ଗାଗାଡ଼୍ ପା ମାଜ୍‌ଗା ଆନାତ୍ । ୩୫ ଲାଗିଂ ଜାଗ୍ରଡ଼, ଇନେସ୍‌କି ମି ୱାସ୍‌ତିନି ଅଜଡ଼୍ ମାଜ୍‌ଗା ଆଉଡ଼ । ୩୬ ଲାଗିଂ ଜପି ମି ୱିଜୁ ଗାଗାଡ଼୍ ଅଜଡ଼୍ ଆଦନାତ୍ ଆରେ ହେବେ ଇମ୍‌ଣି ଆଦା ମାଜ୍‌ଗା ମାନ୍‌ଗୁଡ଼, ତା ଆଡିସ୍ ଅଜଡ଼୍ ଇନେସ୍ ବଇଟା ମିଙ୍ଗେଙ୍ଗ୍ ଅଜଡ଼୍ ହିଦନାତ୍, ହେ ଲାକେ ମି ୱିଜୁ ଗାଗାଡ଼୍ ଅଜଡ଼୍ ଆନାତ୍ ।”

ଜିସୁ ପାରୁସିନି ଆରି ଦାମଂ ନିକାରିଂ ନିନ୍ଦା କିତାର୍
(ମାତିଉ ୨୩:୧-୩୭; ମାର୍କ ୧୨:୩୮-୪୦)

୩୭ ଜିସୁ କାତା ଇନିୱାଡାଲିଂ ରୱାନ୍ ପାରୁସି ତାଙ୍ଗେଙ୍ଗ୍ ଜାର୍ ଇଞ୍ଜି ତିନି କାଜିଂ ଗୱାରି କିଜି କୁକ୍‌ତାନ୍, ଆରେ ହେୱାନ୍ ଇଞ୍ଜି ହଣ୍‌ଜିପା ଚିଞ୍ଜେଙ୍ଗ୍ କୁଚ୍‌ଚାନ୍ । ୩୮ ମତର୍ ତିନିହିଙ୍ଗ୍ ଆଗେ ହେୱାନ୍ ଜେ ପର୍ଡୁମ୍ ନୁସ୍‌ୱାଦାଂ ମାଚାନ୍, ଇଦାଂ ହୁଡ଼ଜି ହେ ପାରୁସି କାବା ଆତାନ୍ । ୩୯ ହେବେ ମାପୁ ତାଙ୍ଗେଙ୍ଗ୍ ଇଚାନ୍, “ଏପେଙ୍ଗ୍ ପାରୁସିକାଦେର୍ ହିନା ଗିନା ଆରେ ତାଡ଼ିୟାନ୍ ବାର୍ ବାଗାଙ୍ଗ୍ ସକର୍ କିଜି ମାନାଟ୍, ମତର୍ ମି ବିତ୍ରେ ନାଡ଼ାଇ କାମାୟ୍ ଆରି ପାଟ୍‌କାର୍ ବିତ୍ରେ ବାତଂ । ୪୦ ଏ ନିର୍ବୁଦିୟାର୍, ଇନେର୍ ବାର୍ତ୍ ରଚ୍‌ଚାନ୍, ହେୱାନ୍ ଜେ ବିତ୍ରେ ପା ରଚ୍‌ୱାତାନ୍ ? ୪୧ ଏପେଙ୍ଗ୍ ଲବ୍‌ତାଂ ଇନାକା ରୁଣ୍ଡାୟ୍ କିନାଦେରା ହେଦାଂ ଅକଂ ଡ଼ତାରିଂ ଦାନ୍ କିୟାଟ୍ ଲାଗିଂ ପୁରାପୁରି ସକର୍ ଆନାଦେର୍ ।”

୪୨ “ହାୟ୍ ଦାଣ୍ଡିନି ବାହା ପାରୁସିର୍, ଇନାକିଦେଂକି ଏପେଙ୍ଗ୍ ପଦିନା, ଆରୁଦ ଆରି ୱିଜୁ ଲାକେ କୁଚାନ୍ ଦାନ୍ ହିଜି ମାନାଟ୍, ଆରେ ନ୍ୟାୟ୍ ବିଚାର୍ ଆରି ଇସ୍‌ବର୍ ଜିଉନନିତ ଏଲ୍ଲା କିନାଦେରା; ମତର୍ ଇ ୱିଜୁ ମାନିକିନାସ୍ ଆରି ବିନେ ୱିଜୁ ଏଲ୍ଲା ଆୱାକା ମାନାତ୍ ।”

୪୩ “ହାୟ୍ ଦାଣ୍ଡିନି ବାହା ପାରୁସିର୍, ଇନାକିଦେଂକି ଏପେଙ୍ଗ୍ କୁଚୁମ୍ ଇଞ୍ଜି ମୁଡ଼ଦି ବାହା ଆରେ ଆଟ୍ ବାଜାର୍‌ତାକେ ଜୁୱାର୍ ପାୟା ଆଦେଂ ଜିଉନନାଦେର୍ ।

୪୪ ହାୟ୍, ଡାଣ୍ଡିନି, ଇନାକିଦେଂକି ଏପେଙ୍ଗ୍ ହୁଡ଼ୱିତି ଦୁଗେର୍ ଲାକେ; ତା ଜପି ହାନାକାଦେରେ ମାନାୟ୍ ହେଦାଂ ଦୁଗେର୍ ଇଞ୍ଜି ପୁନୁର୍ ।”

୪୫ ଇବେ ମସାତି ବିଦି ସାସ୍‌ବିର୍ ବିତ୍ରେ ରକାନ୍ ଜିସୁଙ୍ଗ୍ ଉତର୍ ହିତାନ୍, “ଏ ଗୁରୁ, ଇଦାଂ ଇଞ୍ଜି ଏନ୍ ମାଙ୍ଗେଙ୍ଗ୍ ପା ଲାଜୁ କିଦନାୟା ।”

୪୭ ଜିସୁ ଇଚ୍ଛାନ୍, ହାୟ, “ଦରମ୍ ସାସ୍ତ୍ର ଜେ ଏପେଙ୍ଗ୍ ଏପେଙ୍ଗ୍ ପା ଦାଣ୍ଟନି ବାହା, ଇନାକିଦେଂକି ଏପେଙ୍ଗ୍ ମାନାୟାର୍ ଜପି ବଜ୍ ଲାଦିକିନାଦେରା ଆରି ଜାର୍ ର ଝାଡ଼କାତାଂ ହିଜି ହେଦାଂ ତୁଜି ହାଙ୍ଗକିଦୁୟା । ୪୭ ହାୟ, ଏପେଙ୍ଗ୍ ତାଣ୍ଟନି ବାହା ଇନାକିଦେଂକି ଏପେଙ୍ଗ୍ ବେଣ୍ଟବାକ୍‌ଶାୟ୍ କିନାକାନ୍ତି ଦୁଗେର୍ ରଚ୍ଚି ମାନାଟ୍, ଇମ୍‌ଶାକାରିଂ ଦାଦିର୍‌ଆକର୍ ହେଝାରିଂ ଅଜି ମାଚାର୍ । ୪୮ ଲାଗିଂ, ମି ଦାଦିର୍‌ଆକର୍‌ତି କାମାୟ୍ ବିସ୍ତେ ଏପେଙ୍ଗ୍ ସାକି ଆନାଦେରା ଆରି ବାଟି କିନାଦେରା; ଇନାକିଦେଂକି ହେଝାର୍ ହିନା ହେଝେରିଂ ଅସ୍ତି ମାଚାର୍, ମତର୍ ଏପେଙ୍ଗ୍ ହେଝାର୍‌ତି ଦୁଗେର୍‌ବାହା ରଚ୍ଚି କିଜି ମାନାଟ୍ ।” ୪୯ ଲାଗିଂ ଇସ୍‌ବର୍ ପା ଜାର୍ ବୁଦିତାଙ୍ଗ୍ ଝେର୍‌ତାନାନ୍, ଆସେଙ୍ଗ୍ ହେଝାର୍ ତାକେ ବେଣ୍ଟବାକ୍‌ଶାୟ୍‌କିନାକାନ୍ ଆରି ପକ୍ୟାତାକାର୍‌ରିଂ; ପକ୍‌ନାପ୍ ହେଝାର୍ ବିତ୍ତେ ଇନେ ଇନେରିଂ ହେଝାର୍ ଗ୍ରାକ୍‌ନାର୍ ଆରି ଇନେ ଇନେରିଂ ନିୟା କିନାର୍, ୫୦ ଇନେସ୍ ହେ ବଲ୍‌ନି ନେତେର୍‌ତାଂ, ଇମ୍‌ଶା ଜିକିରିୟ୍ ଗାର୍‌ଶି ଆରି ମନ୍ଦିର୍‌ନି ପୁଇପୁୟା ବାହାନି ମାଦି ହାତାନ୍, ହେଝାନ୍ତି ନେତେର୍ ପାତେକ୍ ପୁତ୍‌ନି ଆରମ୍‌ତାଂ ଏତେକ୍ ବେଣ୍ଟବାକ୍‌ଶାୟ୍‌କିନାକାର୍‌ତି ନେତେର୍ ହାଚାତ୍‌ନା, ୫୧ ହେବଲ୍ ଚୁଟିତାଂ ଆରମ୍‌କିଜି ଜିକିରିୟ୍ ପାତେକ୍, ଇମ୍‌ଶାକାନ୍ତିଂ ଗାର୍‌ଶି ଆରି ପୁଇପୁୟା ବାହା ବିତ୍ତେ ଚୁଣ୍ଟି ମାଚାର୍ । ଆଁ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇ ଜୁଗ୍‌ନି ମାନାୟାର୍ ହେଝାନ୍ ଝିଜାର୍‌ତି କାଜିଂ ନେତେର୍‌ନି ଦାଣ୍ଟ ବଗି କିନାନ୍ ।

୫୨ “ହାୟ, ତାଣ୍ଟନି ବାହା ଦରମ୍ ସାସ୍ତ୍ର, ଇନାକିଦେଂକି ଏପେଙ୍ଗ୍ ବୁଦିନି କୁଟିକାତି ଆରାୟ୍ କିନାଦେର୍; ଏପେଙ୍ଗ୍ ନିଜେ ନିଜେ ହଣ୍ଡାତାଦେର୍, ଆରି ହଣ୍ଡି କାଜିଂ ମାନ୍‌କିତି ମାନାୟାରିଂ କସ୍ ହିତାଦେର୍ ।”

୫୩ ଆରି, ଜିସୁ ହେବେତାଂ ହସି ହାଟି ପାତେ ସାସ୍ତ୍ର ଆରି ପାରୁସିର୍ ବେସି ବେରୁଆଜି. ୫୪ ତା ଝେଇଦାଂ ଇନା ବେଣ୍ଟ ଆସ୍ତେଙ୍ଗ୍ ଇଞ୍ଜି ଡ଼କ୍‌କା ଉଚ୍ଚି ତାଙ୍ଗେଙ୍ଗ୍ ଆଦିକ୍ ବିସ୍ତେ ପର୍‌ସନ୍ ଝେନ୍‌ବେଦେଂ ଲଗାତାନ୍ ।

୧୨

କପଟିର୍ ତାଙ୍ଗ୍ ଜାଗ୍ରତ୍ ଆତୁ
(ମାତିଉ ୧୦:୨୭-୨୭)

୧ *ଇବେତାଂ ହେନି ମାନାୟ୍ ରୁଣ୍ଡା ଆଜି ହାରି ଜପି କୁସ୍‌ପା ଆଚାର୍; ହେ ପାଦ୍‌ନା ହେଝାନ୍ ପର୍ତ୍ତମ୍ ଜାର୍ ଚେଲାର୍ ଇଞ୍ଜେଙ୍ଗ୍ ଲାଗାତାନ୍, “ପାରୁସିର୍‌ତି ହଇନି ଲାଗ୍‌ଦି କୁଟ୍ ବିସ୍ତେ ଜାଗ୍ରତ୍ ଆଜି ମାନାଟ୍ । ୨ *ଇନାକା ଡ଼କ୍‌କାତା ହେଦାଂ ଚନ୍‌ଞ୍ଜାନାଟ୍ ଆରି ଝିଜୁ ଡ଼କ୍‌କାକା ବିସ୍ତେ ହପ୍‌ୟାନାଟ୍ । ୩ ଇଚିସ୍ ଏପେଙ୍ଗ୍ ଇନା ଇନାକା ମାଜ୍‌ଗାତାଂ ଇନାଦେରା, ହେଦାଂ ଝିଜୁ ଅଜଡ଼୍‌ତାକେ ଝେନ୍‌ୟାଆନାଟ୍, ଆରି ଇନାକା ଡ଼କ୍‌କା ବିତ୍ତେ କାଲେତାଂ ଇଚାଦେଣ୍ଡା, ହେଦାଂ ବାକ୍ରାତ ଜେଗନ୍ ଜପି ସୁଶାୟ୍ କିୟା ଆନାଟ୍ ।”

ଇନେରିଂ ପାଣ୍ଡା ଆନାଦେର୍
(ମାତିଉ ୧୦:୨୮-୩୧)

୪ “ମାତର୍ ନା ସାଙ୍ଗ୍ ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜିନାଙ୍ଗା, ଇମ୍‌ଶାକାର୍‌କି ଗାଗାଡ଼ିତି ଅହ୍‌ନାର୍, ମତର୍ ତା ପାତେ ଆରେ ବେସି ନସ୍ କିଦେଙ୍ଗ୍ ଆତୁର୍, ହେଝାରିଂ ପାଣ୍ଡା ଆମାଟ୍ । ୫ ମାତର୍ ଇନେରିଂ ପାଣ୍ଡା ଆନାଦେର୍, ହେଦାଂ ଆନ୍ ମିଙ୍ଗେଙ୍ଗ୍ ଝେର୍‌ତାନାଂ; ଅସ୍ତି ପାତେ ନରକ୍‌ତ ତୁସିହିନି କାସି ଇନେର୍‌ତି ଆଦିକାର୍ ମାନାଟ୍, ତାଙ୍ଗେଙ୍ଗ୍ ପାଣ୍ଡା ଆତୁ; ଆଁ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ତାଙ୍ଗେଙ୍ଗ୍ ପାଣ୍ଡା ଆତୁ ।”

☆ ୧୨:୧ ୧୨:୧ ମାତିଉ ୧୭:୬; ମାର୍କ ୮:୧୫. ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭.

୬ “ପାଞ୍ଚଗଟା କଢିହାଡ଼ା ପଟିଂ ଇନାକା ଦୁଇ ଟାକା ତାବୁକାଂ ପ୍ରୟାଆଉଡ଼ ? ଆରି, ହେଝାଙ୍ଗ ବିତ୍ରେତାଂ ରଞ୍ଜାଙ୍ଗ ପା ଇସ୍ବର ବାଣାଆଉନ୍ । ୭ ମାତର ମି କାପଡାନି ଝିଜୁ ତେମ୍ଲୁକ ଗାଣା କିଡ଼ତାନନା ପାଣ୍ଡା ଆମାଟ୍; ଏପେଙ୍ଗ ବେସି କଢିହାଡ଼ା ପଟିଂତାଂ ଆଦିକ୍ ଗାଜା ।”

କ୍ରିଷ୍ଟୁଙ୍ଗ ମାନିକିନାକା ଆରି ପିହ୍ନାକା
(ମାତିଉ ୧୦:୩୨-୩୩; ୧୨:୩୨; ୧୯-୨୦)

୮ “ଆରେ, ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇମ୍ବଣି ମାନାୟାରିଂ ମୁମ୍ବଦ ନାଙ୍ଗେଙ୍ଗ ଏତୁ କିଦନାଦେର, ମାନାୟ ମାଜି ପା ଇସ୍ବର ଦୁଡ଼ର ମୁମ୍ବଦ ତାଙ୍ଗେଙ୍ଗ ଏତୁ କିତାର; ୯ ମାତର ଜେ ଲକ୍ଷୁ ମୁମ୍ବଦ ନାଙ୍ଗେଙ୍ଗ ଏତୁ କିଦୁଦେର, ହେଝାନ୍ ଇସ୍ବରତି ଦୁଡ଼ର ମୁମ୍ବଦ ମାନି କିୟା ଆଉଦେର ।”

୧୦ “ଆରେ, ଇନେର ମାନାୟ ମାଜି ବିରଡ଼ତାଂ କାତା ଇନାଦେର, ତାଙ୍ଗେଙ୍ଗ କେମା ହିୟାନାଡ଼; ମତର ଜେ ପୁଇପୁୟା ଜିବୁନ୍ ବିରୁଡ଼ତାଂ ନିୟା କାତା ଇନାର, ତାଙ୍ଗେଙ୍ଗ କେମା ହିୟା ଆଉଡ଼ ।”

୧୧ “ଆରେ, ଏତେକାଡ଼ଦ ହେଝାର ମିଙ୍ଗେଙ୍ଗ କୁଟୁମ୍ ଇଞ୍ଜ, ସାସନ୍ କିନାକାର ଆରି ଆଦିକାର ପାୟା ଆତି ମାନାୟାରିଂ ଲାଗେ ତାହିଝାନାର ହେ ପାଦନା, ଏପେଙ୍ଗ ଜାର ପାକ୍ୟାତ ଇନେସ୍ କିଜି ଇନା କାତା ଉତର ହିନାନ୍ ଇଞ୍ଜି ଇନାକା ଇନାଦେର, ହେଝାନ୍ ବିସ୍ତେ ଚିନ୍ତା କିମାଟ୍; ୧୨ ଇନାକିଦେଂକି ଇନାକା ଇନୟା ଆନାଡ଼, ହେଦାଂ ପୁଇପୁୟା ଜିବୁନ୍ ହେପାଦନା ମିଙ୍ଗେଙ୍ଗ ହିକାକିଦନାନ୍ ।”

ମାଜାନ୍ ଆରେ ଅକର୍ ତ୍ତି ଝେଟ୍ଟନି କାବୁର

୧୩ ମାନାୟାର ବିତ୍ରେତାଂ ରଞ୍ଜାନ୍ ତାଙ୍ଗେଙ୍ଗ ଇଚାନ୍, “ଏ ଗୁରୁ, ନା ଟଣ୍ଡେନିଂ ନା ଲାହାଙ୍ଗ ଆବାତି ଦାନ୍ ବାଗ୍ କିଦେଙ୍ଗ ଇଞ୍ଜି ବଲ୍ ଇନା ।”

୧୪ ମାତର ହେଝାନ୍ ତାଙ୍ଗେଙ୍ଗ ଇଚାନ୍, “ଏ ଟଣ୍ଡେନ୍, ଇନେନ୍ ନାଙ୍ଗେଙ୍ଗ ମି ଜପି ବିଚାରକିନାକାନ୍ ଆରି ବାଟା କିନାକାନ୍ ମାଦି କିଜି ବାଚିକିତାନ୍ ?” ୧୫ ଆରେ, ହେଝାନ୍ ହେଝାରିଂ ଇଚାନ୍, “ଜାଗ୍ରଡ଼, ଝିଜୁ ବାନି କଟିତାଂ ଜାର ଜାରତିଂ ଦେହା ଇଟାଟ୍, ଇନାକିଦେଂକି ରଞ୍ଜାନ୍ ମାନାୟତିଂ ଜିବୁନ୍ ତା ଦାନ୍ ଆଦିକ୍ ଜପି ମାନ୍କିଉନ୍ ।”

୧୬ ଆରେ, ଜିସୁ ହେଝେରିଂ ଇ ଉତରମୁଡ଼ ଇଚାନ୍, “ରକାନ୍ ମାଜାନ୍ ମାନାୟତି ଜମିତାକେ ଆଦିକ୍ ପାତି ଆତାଡ଼ । ୧୭ ହେବେ ହେଝାନ୍ ମାନ୍ତ ମାନ୍ତ ଏଡ଼ କିଜି ଇଚାନ୍, ଇନାକା କିନାଙ୍ଗ ? ଇନାକିଦେଂକି ନା ପାତି ମଦାୟ କିଜି ଇଟ୍ଦେଂ ଇଞ୍ଜି ବାହା ହିଲୁଡ଼ । ୧୮ ଆରି, ହେଝାନ୍ ଇଚାନ୍, ଇଦାଂ କିନାଙ୍ଗ; ନା ଟୁଣ୍ଡିଙ୍ଗ ଡ୍ରିକ୍ଟି ଗାଜାଙ୍ଗ ଗାଜାଙ୍ଗ କିଜି ରଡ଼ନାଙ୍ଗ ଆରି ହେ ଝିଜୁ ତାକେ ନା ତାସ୍ ଆରି ଜିନ୍ସୁପାତି ଝିଜୁ ମଦାୟ କିଜି ଇଟ୍ନାଙ୍ଗ, ୧୯ ଆରି, ଆନ୍ ନା ଝାସ୍ତିତିଂ ଇନାଙ୍ଗ ଏ, ଜିବୁନ୍, ଆଦିକ୍ ବାହୁଁ କାଜିଂ ନିୟାଂ ଆଦିକ୍ ଜିନ୍ସୁ ରୁଣ୍ଡା ଆତାଡ଼ନ୍ନା, ଜମା, ତିନ୍ଞ୍ଜି ଉଣ୍ଡି, ଝାରି କିୟା; ୨୦ ମତର ଇସ୍ବର ହେଝାନିଂ ଇଚାନ୍, ଆଡେ ନିରବୁଦୟା, ନେଞ୍ଜେଙ୍ଗ ନାଣା ନି ଝାସ୍ତି ନିବେ ତାଙ୍ଗ୍ ଅୟାନାଡ଼; ହେବେତାଂ ଏନେଙ୍ଗ ଇନା ଇନାକା ଜାର କାଜିଂ ଜତନ୍ କିତାୟନା, ହେଦାଂ ଝିଜୁ ଇନେରତି ଆନାଡ଼ ?”

୨୧ ଇନେନ୍ ଜାର କାଜିଂ ଦାନ୍ ରୁଣ୍ଡାୟ କିନାନ୍, “ମାତର ଇସ୍ବର ଆଗେ ହାଉକାର ଆକାୟ, ହେଦାଂ କାଜିଂ ଇ ଲାକେ ଗିଟା ଆନାଡ଼ ।”

ମାପୁତାକେ ପାତର୍ କିନାକା
(ମାତିଉ ୬:୨୫-୩୪)

୨୨ ଜିସୁ ଜାର୍ ଚେଲାରିଂ ଇଚାନ, “ଇଦାଂ କାଜିଂ ଆନ ମିଜେଞ୍ଜ୍ ଇଞ୍ଜନାଙ୍ଗା, ଇନାକା ତିନାଦେର୍, ଇ ଲାକେ ମି ଜିବୁନ୍ କାଜିଂ ଆତିସ୍ ଇନାକା ଉସ୍ପାନାଦେର୍, ଇ ଲାକେ ମି ଗାଗାଡ୍ କାଜିଂ ପା ଚିନ୍ତା କିମାଟ୍ । ୨୩ ଇନାକିଦେଂକି କାଦିତାଂ ଜିବୁନ୍ ଆରି ହେନ୍ଦାତାଂ ଗାଗାଡ୍ ଗାଜା । ୨୪ ପଚିଂ ବିସ୍ତେ ହୁଡାଟ୍, ହେଞ୍ଜେକ୍ ଝିଡୁକ୍ କି ତ୍ରେସ୍ତୁକ୍ପା, ଆରି ହେଞ୍ଜେକ୍ତି ଇଲ୍ କି ଚୁଣ୍ଡି ହିଲୁଡ୍, ଆରେ ଇସ୍ବର ହେଞ୍ଜାକାଂ କାଦି ହିନାନ; ଏପେଙ୍ଗ୍ ପଚିଂତାଂ ଆଦିକ୍ ଗାଜା । ୨୫ ଆରେ, ମି ବିତ୍ରେପା ଇନେର୍ ଚିନ୍ତା କିଜି କିଜି ଜାର୍ ଆଁଇସ୍ ଲାମା କିଦେଙ୍ଗ୍ ଆଡନାନ ? ୨୬ ଆତିସ୍, ଏପେଙ୍ଗ୍ ଜଦି ଝିଲୁଡାଙ୍ଗ୍ ହିରୁ କାମାୟ୍ କିଦେଙ୍ଗ୍ ପା ଆଡୁୟ୍, ଲାଗିଂ ବିନେ ଝିଲୁ ବିସ୍ତେ ହେଦାଂ ଇନେକିଦେଂ ଚିନ୍ତା କିନାଦେରା ? ୨୭ ପୁଇକୁ ବିସ୍ତେ ବାବି କିଜି ହୁଡାଟ୍, ହେଞ୍ଜାଙ୍ଗ୍ ଇନେସ୍ ନୁଲ୍ ନାଚୁକ୍ କି ତ୍ଡୁକ୍; ଆତିସ୍ପା ଆନ ମିଜେଞ୍ଜ୍ ଇଞ୍ଜନାଙ୍ଗ୍, ସଲମନ୍ ପା ଜାର୍ ଝିଲୁ ହଲ୍ଲାନାକାତ ଇଞ୍ଜାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଞ୍ଜାଦାଂ ମାଚାନ । ୨୮ ମାତର୍ ଇମଣି କାତ୍ରା ନେଜେଙ୍ଗ୍ ବାଡଦ ମାନାଡ୍, ଆରି ଝିଗାଲିଙ୍ଗ୍ ହଲ୍ଲଦ ଦେହିୟା ଆନାଡ୍, ତାଜେଙ୍ଗ୍ ଇନାଞ୍ଜାତାଂ ଇସ୍ବର ଇ ଲାକେ ବେସ୍ ହିଦନାନ, ଲାଗିଂ, ହେ ଅଲପ୍ ପାତର୍ କିନାଦେର୍, ହେଞ୍ଜାନ ମିଜେଞ୍ଜ୍ ଏଚେକ୍ ଆଦିକ୍ ଲାକେ ହିଦୁନ୍ ।”

୨୯ ଆରେ, ଇନାକା ତିନାକା ଆରି ଇନାକା ଉଣାକା, ହେଦାଂ ଏପେଙ୍ଗ୍ ତେକ୍ତି ବୁଲାଆମାଟ୍ କି ମାନ ଦୁକ୍ କିମାଟ୍, ୩୦ ଇନାକିଦେଂକି ପୁତର୍ ନି ପାତର୍ କିଞ୍ଜି ଜିହୁଦିର୍ ଇ ଝିଲୁ ବିସ୍ତେ ତେକ୍ତି ବୁଲା ଆନାଟ୍; ମାତର୍ ଇ ଝିଲୁ ବିସ୍ତେ ଜେ ମିଦାଙ୍ଗ୍ ଲଡା, ହେଦାଂ ମି ସାଗେନି ଆବା ପୁଞ୍ଜନାନ । ୩୧ ଆତିସ୍ ଏପେଙ୍ଗ୍ ଇସ୍ବର ରାଜି ତେକାଟ୍, ଆରି ଇ ଝିଲୁ ବିସ୍ତେ ପା ମିଜେଞ୍ଜ୍ ହିଦନାନ ।

ସାଗେନି ଦାନ
(ମାତିଉ ୬:୧୯-୨୧)

୩୨ “ଏ ହିରୁ ମାନ୍ଦା, ପାଣ୍ଡା ଆମାଟ୍, ଇନେକିଦେଂ ମିଜେଞ୍ଜ୍ ତା ରାଜି ହିଦନି କାଜିଂ ମି ଆବାତି ବେସି ଝାରି ଆନାତା । ୩୩ ମିଜେଞ୍ଜ୍ ଇନାକା ମାନାଡ୍, ହେଦାଂ ପ୍ରସି ହିଲ୍ଝାକାରିଂ ଦାନ ହିୟାଟ୍; ଇନାକା ନସ୍ ଆଉଡ୍ ଇ ଲାକେ ମଣା ଜାର୍ ଜାର୍ କାଜିଂ ଜାଲ୍ଲଦି କିୟାଟ୍, ଇମେତାକେ ଚର୍ ଲାଗେ ଝାଉନ୍ କି ପ୍ଟିକୁ ନସ୍ କିଡକ୍, ଇ ଲାକେ ସାଗେନି ନସ୍ ଆଞ୍ଜି ଦାନ ଆଜା ଆତ । ୩୪ ଇନାକିଦେଂକି ଇମେତାକେ ମିଦାଙ୍ଗ୍ ଦାନ, ହେବେ ପା ମିଜେଞ୍ଜ୍ ମାନ ।”

ଜାଗ୍ରତ୍ ମାନି ଚେଲାର୍

୩୫ ☆“ମି ଦେଙ୍ଗାଙ୍ଗ୍ ଗାତ୍ୟା ଆଜି ମାନେଡ୍ ଆରି ଅଜଡ୍ ଆଜି ମାନେଡ୍; ୩୬ ଆରି, ମାପୁ ବିବା ଝେଡାଙ୍ଗ୍ ଲେଉଟା ଆଜି ଦୁଝେର୍ତ୍ତିଂ ଇଡିତପାଚେ ଇମଣି ମାନାୟାଟ୍ ହେଦାଂ କାଜିଂ ସାଜେ ସାଜେ ଦୁଝେର୍ ଜେଡ୍ତେଂ କାଜିଂ ମାନାଟ୍, ଏପେଙ୍ଗ୍ପା ହେଞ୍ଜାର୍ ଲାକେ ଆଜି ମାନାଟ୍ ।” ୩୭ ମାପୁ ଝାଜି ଇମଣି ଆଡିୟାରିଂ ଜାଗ୍ରତ୍ ହୁଡନାନ, ହେଞ୍ଜାର୍ ଦନ୍ୟ, “ଆନ ମିଜେଞ୍ଜ୍ ହାଡପା ଇଞ୍ଜନାଙ୍ଗା, ହେଞ୍ଜାନ ନିଜେ ମେଙ୍ଗାଙ୍ଗ୍ ଗାଟ୍ଟି ହେଞ୍ଜାରିଂ ତିନି ବାହାତ କୁଟି କିଜି ଲାଗେ ହାଲ୍ଲଜି ହେବା କିତାର୍ । ୩୮ ଆରି, ହେଞ୍ଜାନ ମାଦିମାଦାନାଣା ଅଜଡ୍ ଆନିହିଙ୍ଗ୍ ପା ଝାଜି ହେଞ୍ଜେରିଂ ହେ ଲାକେ ହୁଡନାନ, ତା ଆତିସ୍ ହେ ହଲ୍ୟାର୍ ଦନ୍ୟ । ୩୯ ☆ମାତର୍ ଇଦାଂ ପୁଞ୍ଜି ମାନାଟ୍, ଇମଣି ସମୁତ ଚରେନ୍ ଝାନାନ ଇଲ୍ ମୁଣିକା ଏଚେକାଡଦ ପୁନାନ, ତାଆତିସ୍ ହେଞ୍ଜାନ ଜାର୍ ଇଞ୍ଜ ଚର୍ କିଦେଂ ହିଉନ୍ । ୪୦ ଏପେଙ୍ଗ୍ ପା ଜାଗ୍ରତ୍ ଆଜି ମାନାଟ୍, ଇନାକିଦେଂକି ଇମଣି ସମୁତ ଏପେଙ୍ଗ୍ ବାବି କିଜି ମାନଗୁଦେର୍, ହେ ସମୁତ ମାନାୟ୍ ମାଜି ଝାନାନ ।”

☆ ୧୨:୩୫ ୧୨:୩୫ ମାତିଉ ୨୫:୧-୧୩. ☆ ୧୨:୩୯ ୧୨:୩୯ ମାତିଉ ୨୪:୪୩,୪୪.

ପାତ୍ର କିନାକାର ଆରେ ପାତ୍ର କିଞ୍ଜାକାର
(ମାତିଉ ୨୪:୪୫-୫୧)

୪୧ ହେବେତା ପିତର ଇଚ୍ଚାନ୍, “ଏ ମାପୁ, ଏନ୍ କେବଲ୍ ମାଜେକ୍ କି ଖିଜାରିଂ ଇ ଉତରମୁଡ୍ ଇଞ୍ଜନାନା ?”

୪୨ ମାପୁ ଉତର ହିତାନ୍, “ଲାଗିଂ ଜାର ଲକ୍‌ବାକତିଂ ସମାନ୍ ହିଦେଂ ଇଞ୍ଜି ମୁଣିକା ଇଲ୍ ତାଲାୟକିନା କାନିଂ ଦାଭଡ୍ ହିଜି ମାତାନ୍ ହେଞ୍ଜାନ୍ ସମାନ୍ ସମୁତ ବିନ୍ ହଲିୟାରିକ୍ ପା ଚିଞ୍ଜେକ୍ ହିଜି ମାନ୍‌ଞ୍ଜାତାନ୍ ? ୪୩ ମାପୁ ଖାଜି ଜାରତି ଇମ୍‌ଣି ଆଡିୟାକ୍ ହେ ଲାକେ କିନାକା ହୁଡ୍‌ନାନ୍, ହେଞ୍ଜାନ୍ ଦନ୍‌ମ । ୪୪ ଆନ୍ ମିଜେକ୍ ହାଡ୍‌ପା ଇଞ୍ଜନାକ୍, ହେଞ୍ଜାନ୍ ତାଜେକ୍ ଜାରତି ଖିଜୁ ଦାନ୍‌ତିକ୍ ଜପି ବାଟି କିଦନାନ୍ । ୪୫ ମାତର ଜଦି ହେ ଆଡିଏନ୍ ନା ମାପୁ ଖାନାକା ବିଲମ୍ ମାନାଡ୍ ଇଞ୍ଜି ମାନ୍ତ ମାନ୍ତ ଇଞ୍ଜି ହଲିୟା ଆଡିଏନ୍‌ଣିକାଂ ଅସ୍ତେକ୍ ଆରି ତିନ୍‌ଞ୍ଜିଉଣ୍ଡି ଏକ୍ ଆଦେଂ ଆରାମ୍ କିତାର୍, ୪୬ ତା ଆତିସ୍ ଇମ୍‌ଣି ଦିନ୍ ଆଡିୟା କାଜିଂ ମାଜେକ୍ ଆଡୁନ୍ ଆରି ଇମ୍‌ଣି ସମୁତ ହେଞ୍ଜାନ୍ ପୁଞ୍ଜି ମାନ୍‌ନ୍, ହେ ଦିନ୍ ଆରି ହେ ତାଣ୍ଡତ ତା ମାପୁ ଖାନାନ୍, ଆରେ ହେଞ୍ଜାନ୍ ତାଜେକ୍ ରିବାଗ୍ କିଜି ପାତ୍ର କିଞ୍ଜାକାର ଲାହାକ୍ ତା ବାଗ୍‌ତାକା ବାଟିକିନାର୍ ।”

୪୭ “ଆରେ, ଇମ୍‌ଣି ଆଡିୟା ଜାର ମାପୁ ମାନ୍ ପୁଞ୍ଜି ଜାଗ୍ରତ୍ ଆଜି ମାନ୍‌ନ୍ ଆଡିତିସ୍ ତା ଇଚ୍ଚାତାଂ କାମାୟ କିଜି ମାନ୍‌ନ୍, ହେଞ୍ଜାନ୍ ବେସି ମାଡ୍‌ତାକ୍ ମାଡ୍‌କିୟାଆନାନ୍; ୪୮ ମାତର ଇନେନ୍ ପୁନ୍‌ଞ୍ଜାଦାଂ ମାଡ୍‌ତିନି କାମାୟ କିଜି ମାନାନ୍, ହେଞ୍ଜାନ୍ ଅଲପ୍ ମାଡ୍‌ତାକ୍ ମାଡ୍‌କିୟାଆନାନ୍ । ଇନେରିଂ ବେସି ହିୟାଆତାଡ୍‌ନା, ତା ତାକେଣ୍ଡାଂ ବେସି ଦାବା କିୟାନାଡ୍ ଆରେ, ଲକ୍ ଇନେନ୍ ତାକେ ବେସି ହେଲାୟ କିୟାତାନ୍‌ନା, ତା ଲାଗାଂ ବେସି ଦାବା କିନାର୍ ।”

ଜିସୁ କାଜିଂ ରିବାଗ୍ ଆନାକା

୪୯ “ଆନ୍ ପୁତ୍ର ତ ନାଣି ଆହି କିଦେକ୍ ଖାତାଂନା, ଆରେ ହେଦାଂ ଜଦି ଆସ୍ତାତେ ତାଆତିସ୍ ନା ଆରେ ଇନାକା ମାନ୍, ୫୦ ମାତର ନାକ୍ ର ବାପ୍‌ସିମ୍‌ତ ବାପ୍‌ସିମ୍ ଆନାକା ମାନାଡ୍, ଆରି ହେଦାଂ ଖିଜୁ ପାତେକ୍ ଆନ୍ ଇନେସ୍ ଦୁକ୍ ମାନ୍ତ ବାଟିକିନାକା । ୫୧ ଆନ୍ ପୁତ୍ର ତିଂ ସୁସ୍ତା ହିଦେଂ ଖାତାଂନା ଇଞ୍ଜି ଇନାକା ଏପେକ୍ ଏଡ୍ କିନାଦେରା ? ଆକାୟ୍ ଆନ୍ ମିଜେକ୍ ଇଞ୍ଜନାକା, କୁଦାକୁଦା କିଦେକ୍ ଖାତାଂନା । ୫୨ ଇନାକିଦେଂକି ର ଇଞ୍ଜ ପାଞ୍ଜିକାଣ୍ ମାଟିସ୍ ରିୟାର୍ ବିରୁଡ୍‌ତାଂ ତିନ୍‌କାଣ୍ ଆରି ତିନ୍‌କାଣ୍ଡିଂ ବିରୁଦ୍‌ତ ରିୟାର୍ ବିନେ ବିନେ ଆନାର୍ । ୫୩ ମାଜି ବିରୁଦ୍‌ତ ଆବା, ଆବା ବିରୁଦ୍‌ତ ମାଜି, ଗାଡ୍‌ଚେ ବିରୁଦ୍‌ତ ଆୟା, ଆୟା ବିରୁଦ୍‌ତ ଗାଡ୍‌ଚେ, କଡିୟା ବିରୁଦ୍‌ତ ପଦାହି ଆରି ପଦାହି ବିରୁଦ୍‌ତ କଡିୟାଣିହି ବିନେ ଆନାଡ୍ ।”

ସମୁ ବୁଜାଆନାସ୍
(ମାତିଉ ୧୨:୨-୩)

୫୪ ଆରେ, ହେଞ୍ଜାନ୍ ମାନାୟାରିଂ ପା ଇଚ୍ଚାନ୍, ତେବା ପାଡ୍‌କାନି ବାଦାଡ୍ ନିକ୍‌ନାକା ହୁଡ୍‌ତିସ୍ ହେ ଦାପ୍ରେ ଏପେକ୍ ଇନାର୍, ବାର୍‌ହା ଖାନାଡ୍, ଆରେ ଏଲେକ୍ ଲାକେ ଗିଟା ଆଦ୍‌ନାଡ୍; ୫୫ ଆରେ, ତିନିପାଡ୍‌କାନି ବୁକା ଖାନାକା ହୁଡ୍‌ତିସ୍ ଏପେକ୍ ଇନାର୍, ଗାଜା କାରା ଖାନାଡ୍, ଆରେ ହେଦାଂ ଗିଟା ଆଦ୍‌ନାଡ୍ । ୫୬ ଆଡେ କାପ୍‌ଟିୟାର୍ କାଦେର୍, ଏପେକ୍ ପୁତ୍ର ତ ଆରେ ବାଦାଡ୍‌ତାଂ ହୁଡ୍‌ଜି ଖିଜୁ ବୁଜା ଆନାଦେରା, ମାତର ଇ ଦିନ୍ ତିନ୍ ହୁଡ୍‌ଜି ଖିଜୁ ଇନେସ୍ ବୁଜା ଆଉଦେରା ?

ସାତୁର୍ ହୁକେ ମେହାଆନାକା
(ମାତିଉ ୫:୨୫-୨୬)

୫୭ “ଆରେ, ଜାର୍ ଜାର୍ ଇନେକିଦେଂ ନ୍ୟାୟ ବିଚାର କିଉଦେରା ? ୫୮ ମି କୁରଲିୟା ହୁକେ ସାସନକିନାକାନ୍ କଚଣ୍ଡ ହାନିହିଂ ହାସ୍ଦ ପା ତା ଲାହାଙ୍ ମୁକ୍ତା ଆଦେଂ ଜାତୁନ୍ କିୟାଟ୍, ଏଚେକାଡ୍ଦ ହେଖାନ୍ ନିଂ ବିଚାରକାରୟା କଚଣ୍ଡ ଜେଲ୍ଜି ଅଦ୍ନାର୍, ଆରେ ବିଚାର କିନାକାନ୍ ମିଜେଙ୍ ମେଲ୍ୟାର୍ କେଇଦ ସର୍ପି କିଦ୍ନାର୍, ଆରେ ମେଲ୍ୟାର୍ ମିଜେଙ୍ ତାନାଈଞ୍ ବାତ୍ କିଦ୍ନାର୍ । ୫୯ ଆନ୍ ମିଜେଙ୍ ଇଞ୍ଜନାଙ୍, ଏପେଙ୍ ହାରିହାରା ତାବୁଙ୍ ହୁଜା ଆଞ୍ ପାତେକ୍ ହେ ବାହାତାଂ ଇନେସ୍ ଆଜି ହସିଞ୍ଜାଦେଙ୍ ଆତୁଦେର୍ ।”

୧୩

ପାପତାଂ ଖାତୁ ନଲେ ହାନାଦେର୍

୯ ହେ ସମୁତ କେଡ଼ଜାଣ୍ ମାନି କେଡେକ୍ ଲକ୍ ଜିସୁଙ୍ ଇଚାର୍ ଜେ ଲକ୍ ଖାଜି, ପିଲାତ ଇମଣି ଗାଲିଲିୟର୍ତ୍ତ ନେଡେର୍ ହେଞ୍ଜାଡ୍ତି ପୁଜା ଲାହାଙ୍ ମେହାୟକିଜି ମାଚାର୍, ହେଞ୍ଜାର୍ ବିସ୍ତେ ହେଞ୍ଜାନିଂ ଜାଣାଇ କିଚାର୍ । ୨ ହେବେତାଂ ଜିସୁ ହେଞ୍ଜାରିଂ ଉତର୍ ହିତାନ୍, “ଇଦାଂ ଖିଜୁ ବଗ୍ କିଦେଙ୍ ଇ ଗାଲିଲିୟର୍ ଜେକନି ଖିଜାର୍ ଗାଲିଲିୟର୍ ତାଙ୍ ଆଦିକ୍ ପାପିର୍ ଇଞ୍ଜି କି ଏପେଙ୍ ମାନେକିନାଦେରା ? ୩ କି ଆନ୍ ମିଜେଙ୍ ଖେଚନାଙ୍, ମାତର୍ ପାପ୍ ମାନବାଦଲ୍ୟାୟ କିଞ୍ଜିତିସ୍ ଏପେଙ୍ ଖିଜାକାଦେର୍ ହେ ଲାକେ ନସ୍ ଅନାଦେର୍ । ୪ ଇତିସ୍ ସିଲହତ ହେ ଅଟର ଜାଣ୍ ଜପି ମାଚା କାଡ୍ଜି ହେଞ୍ଜାଡ୍ତି ଜିବୁନ୍ ହାଚାଡ୍, ହେଞ୍ଜାର୍ ବିସ୍ତେ ଇନାକା ବାବି କିନାଦେର୍ ? ହେଞ୍ଜାର୍ ଖିଜାର୍ ଜିରୁସାଲମ୍ ତାଙ୍ ଆଦିକ୍ ପାପିର୍ ଇଞ୍ଜି କି ଏପେଙ୍ ମାନେ କିନାଦେରା ? ୫ ଆନ୍ ମିଜେଙ୍ ଖେଚନାଙ୍, ମାତର୍ ପାପତାଂ ମାନବାଦଲ୍ୟାୟ କିଞ୍ଜିତିସ୍ ଏପେଙ୍ ଖିଜାକାଦେର୍ ହେ ଲାକେ ନସ୍ ଅନାଦେର୍ ।”

ପାଡ଼ ଖାଞ୍ଜି ତଗାମାର୍ କାତା

୬ ଆରେ, ଜିସୁ ଇ ଉତର୍ମୁଡ଼ ଇଚାନ୍, “ରକାନ୍ତି ଅଙ୍ଗୁର୍ ବାଡ୍ଦ ର ତଗା ମାର୍ ରୁଜ୍ଜି ମାଚାନ୍ । ମାଲିକ୍ ଖାଜି ହେବେନି ପାଡ଼୍ ଡେକ୍ତାନ୍, ମାତର୍ ଗାଟା ଆଞ୍ଜାତାନ୍ । ୭ ଲାଗିଂ ହେଞ୍ଜାନ୍ କାନାକାନ୍ ଇଚାନ୍, ହୁଡ଼ା, ଇ ତିନି ବାହୁଁ ଆତାଡ଼୍ ଆନ୍ ଖାଜି ଇ ତଗା ମାର୍ତ୍ତି ପାଡ଼୍ ଡେକ୍ନାଙ୍, ମାତର୍ ଗାଟା ଆଞ୍ଜା, ଇଦେଲିଂ କାଦିତୁସିୟା, ଇଦାଂ ଇନେକିଦେଂ ମେଦ୍ନିତିଂ ଆବାର୍ ଆହ୍ନାତା ? ୮ ମାତର୍ ମାଲିକ୍ତିଂ ଉତର୍ ହିତାନ୍, ମାପୁ, ଇଦେଲିଂ ଇ ବାହୁଁ ପା ପିସ୍ତ୍ରିହିଦା, ଆନ୍ ଇବେତାଂ ଇଦାଂ ଚାରିବେଣ୍ଡାତାଂ କାଚ୍ ଗାଡ଼୍ ହିନାଙ୍, ୯ ଆରେ ପାଚେ ପାଡ଼୍ ଖାତିସ୍ ହାର୍, ଆଞ୍ଜିତିସ୍ ହେଦେଲିଂ କାଦ୍ଦି ତୁସିହିନାଙ୍ ।”

ଜିସୁ ଜମ୍ନିବାର୍ ନାଜିଂ ର କଗ୍ଲେଂ ଉଜ୍ କିତାନ୍

୧୦ ରଗ ଜିସୁ ଜମ୍ନିବାର୍ତ୍ତ ର କୁଟୁମ୍ ଇଞ୍ଜି ହିକ୍ୟା ହିଜିମାଚାନ୍ । ୧୧ ଆରେ ହୁଡ଼ାଟ୍, ଅଟର ବାହୁଁ ପାତେକ୍ ବାନ୍ୟା ଜିବୁନ୍ କାଜିଂ ପାପିୟା ର କଗ୍ଲେ ହେବେ ମାଚାଡ଼୍, ହେଦେଲ୍ କୁବ୍ଡି ଆଜି ଇନେସ୍ ଆଜି ପା ଜାରତିଂ ହାଣକୁ କିଦେଙ୍ ଆଡ଼ଞ୍ଜାଦାଂ ମାଚାଡ଼୍ । ୧୨ ଜିସୁ ହେଦେଲିଂ ହୁଡ଼ଜି ଲାଗାୟ କୁକ୍ତି ଇଚାନ୍, “ଏ କଗ୍ଲେ ନି ବେମାର୍ତାଂ ଉଜ୍ ଆତାୟ ।” ୧୩ ଆରେ, ଜିସୁ ହେ ଜପି କେଇ ଇଡ଼୍ତାନ୍, ହେବେତାଂ ହେଦେଲ୍ ହେ ଦାପ୍ତେ ହାଣକୁ ଆଜି ଇସ୍ପର୍ତିଂ ପାର୍ତାନା କିଦେଙ୍ ଲାଗାତାଡ଼୍ ।

୧୪ ମାତର୍ ଜିସୁ ଜମ୍ନିବାର୍ତ୍ତ ଉଜ୍ କିଦେଙ୍ କୁଟୁମ୍ ଇଲ୍ଲିନି ମୁଡ଼ଦାକାନ୍ ରିସା ଆଜି ମାନାୟାର୍ ତାକେ ଉତର୍ ହିତାନ୍, “କାମାୟ କିନି କାଜିଂ ତଅ ଦିନ୍ ମାନାଡ଼୍, ଲାଗିଂ ହେ ଖିଜୁନାଞ୍ଜିଙ୍ ଖାଜି ଉଜ୍ ଆତୁ, ଜମ୍ନିବାର୍ ଖାମାର୍ ।”

୧୫ ମାତର ମାପୁ ହେବାର ଉତର ହିତାନ, “ଏ କାପଟିୟାର, ଏପେଙ୍ଗ ଝିନ୍ତୁ ଇନାକା ଜମ୍‌ନିବାରତ ଜାର ଜାର ବାଡ଼ୁ କି ଗଦ ହାଡ଼ାତାଂ ରିକ୍ତି ତାସି ଏନ୍ତୁ ଉଟ୍‌ପାମାଡୁ ? ୧୬ ଲାଗିଂ ହୁଡ଼ାଟ୍, ଅଟର ବାହୁଁ ପାତେକ ସୟତାନ ଲାହାଙ୍ଗ ଇଟିସ୍ ଅରାହାମ୍ ଗାଡ଼ହି ଇ କଗଲେ ଇନାକା ଜମ୍‌ନିବାର ଜାର ଗାଟି ତାଙ୍ଗ ଉଜ୍ ଆନାକା ଇନାକା ହିଲ୍‌ଖାତାଡ଼ ?” ୧୭ ଆରେ, ଜିସୁ ଇ କାତା ଇଟିଲେ, ତାଙ୍ଗେଙ୍ଗ୍ ବେରିୟାର ଝିଜାର ଲାଜୁ କିଦେଙ୍ଗ୍ ଲାଗାତାର, ମାତର ମାନାୟାର ଜିସୁ ଇଞ୍ଜି ମାନି ଝିନ୍ତୁ ଜାଜମାଲ୍ ଗାଜା କାମାୟ୍ ସାକାତାଂ ଝାରି କିଦେଙ୍ଗ୍ ଲାଗାତାର ।

ହାରହୁ ମାଞ୍ଜିନି କାତା

(ମାତିଉ ୧୩:୩୧-୩୩; ମାର୍କ ୪:୩୦-୩୨)

୧୮ ହେବେତାଂ ଜିସୁ ଇଚାନ, “ଇସ୍‌ତଂ ରାଜି ଇନେର ଲାକେ ? ଆରି ଇନେର ହାଙ୍ଗତାଂ ଆନ୍ ହେଦାଂ ତୁଲାୟ୍ କିନାଙ୍ଗ ? ୧୯ ହେଦାଂ ଇ ଲାକେ ରଞ୍ଜାଙ୍ଗ୍ ହାରହୁ ମାଞ୍ଜି ଲାକେ, ହେଦାଂ ଅଜି ରକାନ ମାନାୟ୍ ଜାର ବାଡ଼ୁ ଝିଡ଼ତାନ, ଆରେ ହେଦାଂ ପାନଟି ମାର ଆତାଡ଼, ଆରି ବାଦାଡ଼ତାଂ ପଟିଂ ଝାଜି ହେ ତାଡ଼ୁ ବାହା କିତିଂ ।”

ହଇନିରୁଟି କାତା

(ମାତିଉ ୧୩:୩୩)

୨୦ ଜିସୁ ଆରେ ଇଚାନ, “ଆନ୍ ଇନେର ଲାହାଙ୍ଗ୍ ଇସ୍‌ର ରାଜିତିଂ ତୁଲାୟ୍ କିନାଙ୍ଗ ? ୨୧ ହେଦାଂ ହଇନିରୁଟି ଲାକେ, ର କଗଲେ ହେଦାଂ ତାସି ମଶାତ ମଇଦା ବିଡେ ପୁକ୍‌ଟି ଇଟ୍‌ତାଡ଼, ଆରେ ହାରିହାରା ଝିନ୍ତୁ ହଇନି ଲାକେ ଆତାଡ଼ ।”

ହାକାଡ଼ ଦୁଝେର୍

(ମାତିଉ ୭:୧୩-୧୪; ୨୧-୨୩)

୨୨ ଇବେତାଂ ହେଝାନ ଗାଡ଼ ଗାଡ଼ଦ ଆରି ନାସକୁ ନାସକୁ ବୁଲାଆଜି ହିକ୍ୟା ହିଉ ହିଉ ଜିରୁସାଲମ୍ ନିପ ହାଲ୍‌ଜି ମାଚାନ । ୨୩ ଆରେ, ରକାନ ତାଙ୍ଗେଙ୍ଗ୍ ଇଚାନ, “ମାପୁଙ୍ଗ୍, ମୁକ୍ତି ଆନାକା ପାୟା ଆନି ମାନାୟାର ହିସାବ୍ ଇନାକା ଅଲପ୍ ?

ହେବେତାଂ ହେଝାନ ହେଝାରିଂ ଇଚାନ, ” ୨୪ ହିରୁ ଦୁଝେର୍‌ତିଂ ହଣ୍ଡେଙ୍ଗ୍ କସ୍‌କିୟାର୍, ଇନେକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, “ବେସି ହେନି ହଣ୍ଡଗିନି କାଜିଂ ସେସ୍ଟୁ କିନାର, ମାତର ଆଡୁର୍ । ୨୫ ଇଲ୍ ମୁଣିକା ନିଞ୍ଜି କାପାଟ୍ ବୟ୍ କିତି ପାଟେ ଏଟେକାଡ଼ଦ ଏପେଙ୍ଗ୍ ବାଟ୍ ନିଲ୍‌ଟି ମାନାଦେର୍ ଆରି ଏ ମାପୁ, ମା କାଜିଂ ଦୁଝେର୍ ଜେତା, ଇଦାଂ ଇଞ୍ଜି କାପାଟ୍ ଇଡ଼ିଦେଂ ଲାଗାନାଦେର୍, ହେ ପାଦନା ହେଝାନ ମିଙ୍ଗେଙ୍ଗ୍ ଉତର ହିଦନାନ, ଏପେଙ୍ଗ୍ ଇମ୍‌ଣି ବାହାନି ମାନାୟ୍ ହେଦାଂ ଆନ୍ ପୁନୁଙ୍ଗ୍ ।” ୨୬ ହେ ସମୁତ ଏପେଙ୍ଗ୍ ଇଞ୍ଜେଙ୍ଗ୍ ଲାଗାନାଦେର୍, “ଆପେଂ ନି ମୁମ୍‌ଦ ଉଟାପ୍ ଚିଟାପ୍, ଆରି ଏନ୍ ମାଙ୍ଗେଙ୍ଗ୍ ହାକ୍ତିତ ହିକ୍ୟା ହିତାୟ୍ ।” ୨୭ ଆରେ, ହେଝାନ ମିଙ୍ଗେଙ୍ଗ୍ ଇଞ୍ଜନାନ, ଏପେଙ୍ଗ୍ ଇମ୍‌ଣି ବାହାନି ମାନାୟ୍, ହେଦାଂ “ଆନ୍ ପୁନୁଙ୍ଗ୍; ଏ ଅଦାମ୍ ଝିଜାକାଦେର୍ ନା କଟଣ୍‌ତାଂ ଦେହାଆଡୁ । ୨୮ ଏଟେକାଡ଼ଦ ଏପେଙ୍ଗ୍ ଅରାହାମ୍, ଇସ୍‌ହାକ୍, ଜାକୁବ୍, ଆରି ଝିଜାର ବେଣ୍‌ବାକ୍‌ଶାୟ୍‌କିନାକାରିଂ ଇସ୍‌ର ରାଜିତ ମାନି ଆରି ଜାର ଜାରତିଂ ବାରତ ତୁସିହିତାକା ହୁଡ଼ନାଦେର୍, ହେପାଦନା ହେବେ ଆଡ଼ବିସ୍ ଆରି ଗାଡ଼ାଙ୍ଗ୍ କାଟ୍‌ନାଦେର୍ । ୨୯ ଆରେ, ଝେଡ଼ାହଡ଼ନି ଆରି ଝେଡ଼ାହାନି ନିପ, ତିନିପାଡ଼କା ଆରି ଡେବାପାଡ଼କାନି ଲକ୍ଷ୍ ଝାଜି ଇସ୍‌ର ରାଜିତିଂ ତିଞ୍ଜେଙ୍ଗ୍ କୁଚନାର । ୩୦ ଆରେ ହୁଡ଼ାଟ୍, ଇମ୍‌ଣାକାର ନଙ୍ଗୟ୍ ପାଟେ ମାନି କେତେକ୍ ପର୍ଡୁମ୍ ଆନାର୍ ଆରି ପର୍ଡୁମ୍ ମାନି କେତେକ୍ ପାଟେ ଆନାର୍ ।”

☆ ୧୩:୨୮ ୧୩:୨୮ ମାତିଉ ୨୨:୧୩; ୨୫:୩୦. ☆ ୧୩:୨୮ ୧୩:୨୮ ମାତିଉ ୮:୧୧,୧୨. ☆ ୧୩:୩୦ ୧୩:୩୦ ମାତିଉ ୧୯:୩୦; ୨୦:୧୬; ମାର୍କ ୧୦:୩୧.

ଜିରୁସାଲମ୍ କାଜିଂ ଜିସୁତି ଦୁକ୍
(ମାତିଉ ୨୩:୩୭-୩୯)

୩୧ ହେ ପାଦନା କେତେକ୍ ପାରୁସିର୍ ଜିସୁ ଲାଗେ ଖାଜି ଇଚାର୍, “ଇ ବାହା ପିସ୍ତି ହସି ହାଲାଟ୍, ଇନାକିଦେଂକି ହେରଦ୍ ନିଜେକ୍ ଅସ୍ତେଦେଂ ମାନ୍ କିନାନା ।”

୩୨ ହେବେତାଂ ଜିସୁ ହେଝାରିଂ ଇଚାନ୍, “ଏପେକ୍ ହାଲ୍ଲଜି ହେ କଲ୍ୟାତିଂ ଖେଚାଟ୍, ହୁଡାଟ୍, ଆନ୍ ନେଖେକ୍ ଆରି ଖିଗା ପୁଦା ପିହିକିନାକ୍ ଆରି ଉକ୍ କିନାକ୍, ଆରେ ତିନି ଦିନ୍ତାଂ ଆନ୍ ପଡ଼କ୍ ଇନାକ୍ । ୩୩ ଇନାକା ଆୟେଡ଼, ନେଖେକ୍, ଖିଗା ଆରି ମାହିକ୍ ନାକେକ୍ ହାଖେକ୍ ଆନାଡ଼, ଇନାକିଦେଂକି ଜିରୁସାଲମ୍ ନି ବାଟ୍ ବେଶ୍‌ବାକ୍‌ଶାୟ୍‌କିନାକାର୍ ନାସ୍ ଆନାକା ହାର୍ ଆକାୟ୍ ।”

୩୪ “ଏ ଜିରୁସାଲମ୍, ଏ ଜିରୁସାଲମ୍, ବେଶ୍‌ବାକ୍‌ଶାୟ୍ କିନାକାର୍ତି ଚୁଶାକାୟ୍ ଆରି ଜାର୍ ତାକେ ପକ୍ୟାତାକାରିଂ କାଲ୍‌ଅହିୟାନ୍ । କୁଜୁ ଇନେସ୍ ମାରା ତାରେନ୍ ଜାର୍ ହିମ୍‌ଶାକାଂ ରବେ କିନାଡ଼, ହେ ଲାକେ ଆନ୍ ଏଚେହଟ୍ ନି ହିମ୍‌ଶାକାଂ ରବେ କିଦେକ୍ ମାନ୍ କିତାକ୍, ମାତର୍ ଏପେକ୍ ମାନ୍ କିଝାତାଦେର୍ । ୩୫ ହୁଡାଟ୍, ମି ଇଲ୍ ମି କେଇଦ୍ ପିସ୍ତାତାଶ୍ଟା; ଆରେ ଆନ୍ ମିଜେକ୍ ଇଞ୍ଜନାକ୍, ମାପୁ ତର୍ଦ୍ ଇନେନ୍ ଖାନାନା, ହେଝାନ୍ ଦନ୍ୟ, ଏପେକ୍ ଇମ୍‌ଣି ନାଜିଂ ଇ କାତା ଇନାଦେର୍, ହେ ଦିନ୍‌ଝାଝି ପାତେକ୍ ନାକ୍ ହାତେନେ ଆରେ ହୁଡ଼ୁଦ୍‌ଦେର୍ ।”

୧୪

ଜିସୁ ର ରଗ୍ୟାଂ ଉକ୍ କିତାନ୍

୧ ରଗ ଜିସୁ ଜମ୍‌ନିବାର୍ ନାଜିଂ ତିନି କାଜିଂ ର ପାରୁସିର୍ ମୁଣିକା ଇଞ୍ଜ ହଟିଲେ, ହେଝାର୍ ତାକ୍ ଇଟ୍‌କାଡ଼ କିଜି ମାଚାର୍ । ୨ ଆରେ ହୁଡାଟ୍, ହେଝାନ୍ ମୁମ୍‌ଦ୍ ରକାନ୍ କାଲ୍‌କୁ କେଇକୁ ପୁଲାଆତି ରଗ୍ୟା ନର୍‌ନି ମାନାୟ୍ ମାଚାନ୍ । ୩ ହେବେ ଜିସୁ ମସାତି ବିଦିନି ଗୁରୁର୍ ଆରି ପାରୁସିର୍ ଉତର୍ ହିତାନ୍, “ଜମ୍‌ନିବାର୍ ନାଜିଂ ଉକ୍ କିନାକା ବିଦି କି ଆକାୟ୍?” ମାତର୍ ହେଝାର୍ ତିମ୍‌ରା ଆଜି ମାଚାର୍ ।

୪ ଆରେ, ହେଝାନ୍ ତାକେକ୍ ଆସ୍ତି ଉକ୍ କିତାନ୍ ଆରି ପକ୍‌ତାନ୍ । ୫ ଆରେ, ହେଝାନ୍ ହେଝାରିଂ ଇଚାନ୍, “ମି ବିତ୍ରେତାଂ ଇନେର୍ ଜାର୍ ହିମ୍‌ଶାଂ କି ବାଡ଼ୁକୁ କୁଇତାକେ ଆତ୍ ସ୍ ଇନାକା ହେଦେଲିଂ ଜମ୍‌ନିବାର୍ ନାଜିଂ ହେ ଦାପ୍ରେ ନିକୁନ୍?”

୬ ଆରେ, ହେଝାର୍ ଇ ଖିଜୁ ବେରଶ୍‌ତ ଇନାକା ଉତର୍ ହିଦେଂ ଆଡ଼ଝାତାର୍ ।

ଦାମ୍ ଆନାକା ଆରେ ହେବା କିନାକା

୭ ଆରେ, କୁପ୍‌କାୟାତି ମାନାୟାର୍ ଇନେସ୍ ମୁଡ଼୍ ମୁଡ଼୍ ବାହା ବାତି କିଜି ମାଚାର୍, ଇଦାଂ ଇଟ୍‌କାଡ଼ କିଜି ହେଝାନ୍ ହେଝାରିଂ ଇ ଉତର୍‌ମୁଡ଼୍ ହିଜି ଇଚାନ୍, “ଏଚେକାଡ଼୍‌ଦ୍ ଏପେକ୍ ଇମ୍‌ଣି ଲକୁତାକ୍ ବିବାନି ବଜିତ କୁକ୍ୟାନାଦେର୍, ହେଝେଡ଼ାଂ ମୁଡ଼୍ ବାହାତ କୁଚ୍‌ମାଟ୍, କାତେହିନା ମିତାକ୍ ଆଦିକ୍ ଗାଜାଲକୁ ହେଝାନ୍‌ତାଂ କୁକ୍ୟା ଆଜି ମାନ୍‌ଗାନାନ୍, ୯ ଆରେ ଇନେର୍ ମିକ୍ ଆରି ତାକ୍ କୁକ୍‌ତାନ୍‌ତି, ହେଝାନ୍ ଖାଜି ମିକ୍ ଇଞ୍ଜାନାନ୍, ଇଝାନ୍ ବାହା ହିଆ; ଆରେ, ହେଝାଡ଼ାଂ ଏପେକ୍ ଲାଜୁତାଂ ତାରେନ୍ ବାହାତ କୁଚ୍‌ଚେଂ ହାନାଦେର୍ । ୧୦ ମାତର୍ ଏଚେକାଡ଼୍‌ଦ୍ ଏପେକ୍ କୁକ୍ୟା ଆନାଦେର୍, ହେଝେଡ଼ାଂ ହାଲ୍ଲଜି ତାରେନ୍‌ନି ବାହାତ କୁଚାଟ୍, ଇନେସ୍ ମି କୁକ୍ୟାତି ଲକୁ ଖାଜି ମିଜେକ୍ ଇଞ୍ଜାନାନ୍, ଏ ବୟ୍, ଜପ୍‌ଣି ବାହାତ ଖା ଇଞ୍ଜାନାନ୍, ହେଝାଡ଼ାଂ ମି ହୁକେ କୁଚ୍‌ତି ମାନି ଖିଜାକାର୍ ମାନାୟାର୍ ମୁମ୍‌ଦ୍ ମି ଜାଜମାଲ୍ ଆନାଡ଼ । ୧୧ ଇନାକିଦେଂକି ଇନେର୍ ଜାର୍ତିଂ ଗାଜା ଇଞ୍ଜି ଚଞ୍ଜିୟାଆନାନ୍, ତାକେକ୍ ହାରୁ ଆନାନ୍, ଆରେ ଇନେର୍ ଜାର୍ତିଂ ହାରୁ ଆନାନ୍, ହେଝାନ୍ ଉଚ୍ କିୟାନାଡ଼ ।”

* ୧୪:୫ ୧୪:୫ ମାତିଉ ୧୨:୧୧. * ୧୪:୧୧ ୧୪:୧୧ ମାତିଉ ୨୩:୧୨; ଲୁକ ୧୮:୧୪.

୧୨ ଆରି, ଜିସୁ ନିଜେ କୁକ୍ୟାତି ଲଗାଂ ପା ଇଚାନ, “ଝେଡ଼ା କି ନାଣା ବଜି ହିଜି ଜାର ବନ୍ଧୁ କି ଟଣ୍ଡେନ୍ କି ଖାସ୍ନିକାର କି ମାଜାନ ପାଡ଼ହାନିକାରିଂ କୁକ୍‌କି କିମାଟ୍, କାତେହିନା ହେଝାର ପା ଖାଜି ମିଙ୍ଗ୍ କୁକ୍‌କି କିଦନାର୍ ଆରି ଏପେଙ୍ଗ୍ ପ୍ରାତିପାଦ୍ ପାୟା ଆତାଦେର୍ । ୧୩ ମାତର୍ ବଜି ଜାଲ୍‌ଦି କିତିସ୍ ଅକ୍‌ଡ଼, ଟୁଟା, ଚଟା ଆରି କାଣାରିଂ କୁପ୍‌କାଟ୍; ୧୪ ତା ଆତିସ୍ ଏପେଙ୍ଗ୍ ଦନ୍‌ୟ ଆନାଦେର୍, ଇନେକିଦେଂକି ମିଙ୍ଗେଙ୍ଗ୍ ଆରେ ହିଦନି କାଜିଂ ହେଝାର୍‌ତି ଇନାକା ହିଲୁଡ଼; ଆରେ, ଦାମ୍‌ର୍ ଆରେ ନିଂନି ଝେଡ଼ାଲିଂ ମିଙ୍ଗେଙ୍ଗ୍ ଆରେ ହିଦ୍ୟାନାଡ଼ ।”

ର ଗାଜା ବଜିନି ଉତର୍‌ମୁଡ଼,
(ମାତିଉ ୨୨:୧-୧୦)

୧୫ ହେଦାଂ ଝେନ୍‌ଞ୍ଜି ଜିସୁହୁକେ ଚିଞ୍ଜେଙ୍ଗ୍ କୁଚ୍‌ଚି ମାନି ଲଗାଂ ବିତ୍ରେ ରକାନ ହେଝାନିଂ ଇଚାନ, ଇମ୍‌ଣି ଲଗୁ “ଇସ୍‌ପର୍ ରାଜିତ ତିନାନ, ହେଝାନ୍ ଦନ୍‌ୟ ।”

୧୬ ମାତର୍ ଜିସୁ ତାଙ୍ଗେଙ୍ଗ୍ ଇଚାନ, “ରକାନ ମାନାୟ୍ ମିକା ସମୁତ ଗାଜାବଜି ହିଦେଂ ଇଚା କିଜି ବେସି ଜାଣ୍‌ତିଂ କୁକତାନ; ୧୭ ଆରେ, ତିନି ସମୁ ଏକାଝାତିଲେ, ହେଝାନ କୁକ୍‌ତି ଲଗାଂ ଜାର୍ ଆଡ଼ିୟାତିଂ ପକ୍‌ଚି ଇଚାନ, ଏପେଙ୍ଗ୍ ଖାଡୁ, ଇନାକିଦେଂ ଝିଜୁ ଜାଲ୍‌ଦି ଆତାତେ । ୧୮ ମାତର୍ ଝିଜାକାର୍ ର ମାନ କିଜି କେମା ପାର୍ତୀନା କିଦେଙ୍ଗ୍ ଲାଗାତାର୍ । ପର୍ତ୍ତୁମ୍ ରକାନ ତାଙ୍ଗ୍ ଇଚାନ, ଆନ୍ ଇଚୁଚିଂ ବୁମି କଡ଼ତାଂନା, ନାଙ୍ଗ୍ ହେଦାଂ ହୁଡ଼ଦେଂ ଲାଗ୍‌ଦାନାଡ଼; ଗଝାରି କିଦନାଙ୍ଗା, ଆନ୍ କେମା ପାୟା ଆତାଙ୍ଗନା ଇଞ୍ଜି ବାବି କିୟା । ୧୯ ଆରେ ରକାନ ଇଚାନ, “ଆନ୍ ପାଞ୍ଚ ଆଡ଼ ବାଡ଼ଦୁଙ୍ଗ୍ କଡ଼ତାଂନା, ଆରେ ଆନ୍ ହେଝାକାଂ ପରିକ୍ୟା କିଦେଙ୍ଗ୍ ହାନାଙ୍ଗା; ଗଝାରି କିଦନାଙ୍ଗା, ଆନ୍ କେମା ପାୟାଆତାଂନା ଇଞ୍ଜି ବାବି କିୟା ।” ୨୦ ବିନ୍ ଲଗୁ ଇଚାନ, “ଆନ୍ ପୁନ୍ ବିବା ଆତାଙ୍ଗନା, ଲାଗିଂ ହାଞ୍ଜେଙ୍ଗ୍ ଆଡୁଙ୍ଗା ।”

୨୧ ଆରେ, ହେ ଆଡ଼ିଏନ୍ ଝାଜି ହେ ମାପୁଙ୍ଗ୍ ହେ ସବୁ ଝେଚ୍‌ଚାନ । ହେବେଣ୍ଡାଂ ଇଲ୍ଲ ମୁଣିକା ରିସା ଆଜି ଜାର୍ ଆଡ଼ିଏନିଂ ଇଚାନ, “ବେଗି ଗାଡ଼ିନି ହାକ୍‌ଡ଼ି ଆରି ଗଲିଗନ୍‌ଡିତ ହାଲ୍‌ଜି ଅକ୍‌ଡ଼, ଟୁଟା, କାଣା ଆରି ଚଟାରିଂ ଇବେ ତାହିଝାଡୁ ।” ୨୨ ପାଚେ ହେ, ଆଡ଼ିଏନ୍ ଇଚାନ, “ଏ ମାପୁ, ନି ବଲ୍‌ତାଂ କିୟାଆତାଙ୍ଗନା, ଆତିସ୍‌ପା ଆରେ ବାହା ମାନାଡ଼ ।” ୨୩ ହେବେତାଂ ମାପୁ ହେ ଆଡ଼ିଏନିଂ ଇଚାନ, “ରାଜାର୍ ହାଜି ଆରି ଅଙ୍ଗୁର୍ ବାଡ଼୍‌ମାର୍‌ତ ହାଲ୍‌ଜି, ନା ଇଲ୍ଲ ଇନେସ୍‌କି ପୁରା ଆନାଡ଼, ହେଦାଂ କାଜିଂ ମାନାୟାରିଂ ଝାନିକାଜିଂ ହିୟାଟ୍ । ୨୪ ଲାଗିଂ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ କୁକ୍ୟା ଆଜି ମାନି ମାନାୟାରିଂ ପା ଇନେର୍ ନା ବଜିନି ଗୁଣ୍ ମଦୁର୍ ପାୟା ଆଉର୍ ।”

ଚେଲା ଆଦେଂ ମାନାଡ଼
(ମାତିଉ ୧୦:୩୭-୩୮)

୨୫ ଦିନେକ୍ ବେସିହେନି ମାନାୟାର୍ ଜିସୁ ଲାହାଙ୍ଗ୍ ହାଲ୍‌ଜି ମାଚାର୍, ଆରେ ହେଝାନ୍ ଲେଉଟା ଆଜି ହେଝାରିଂ ଇଚାନ, ୨୬ “ଇନେର୍ ଜଦି ନା କଚଣ୍ ଝାଜି ଜାର୍ ଆବା, ଆୟା, ଡକ୍‌ଜି, ହିମ୍‌ଣା, ଟଣ୍ଡେନ୍ ଆରି ତଣ୍‌ଦେକାଂ, ଇ ଲାକେ ଜାର୍ ଜିବୁନ୍‌ତିଂ ପା ଆଦିକ୍ ଝାରି କିଝିତିସ୍, ଲାଗିଂ ହେଝାନ୍ ନା ଚେଲା ଆଦେଂ ଆଡୁନ୍ । ୨୭ ଇନେର୍ ଜାର୍‌ତି କୁସ୍ ପିଣ୍ଡିଜି ନା ତେଙ୍ଗ୍ ଝାଝାତାନ୍‌ଚି, ହେଝାନ୍ ନା ଚେଲା ଆଦେଂ ଆଡୁନ୍ । ୨୮ ଇନାକିଦେଂକି ମିଙ୍ଗେଙ୍ଗ୍ ବିତ୍ରେ ଇନେର୍ ମାଚା ରସ୍‌ତେଂ ଇଚା କିଜି ହେଦାଂ ଝିସ୍‌ପିସ୍ କିନାକା ତାବୁଙ୍ଗ୍ ସାଲ୍‌ଜି ମାନାଡ଼ କି ଆକାୟ୍, ଇଦାଂ ପର୍ତ୍ତୁମ୍ କୁଚ୍‌ଚି କର୍ଚ ଇସାବ୍ ହୁଡ଼ଚୁଦର୍ ? ୨୯ ହେ ଦିନ୍ତ ହେଝାନ୍ କୁନାଦି କୁଚି କିଜି ଝିସ୍‌ପେଙ୍ଗ୍ ଆଡ଼ିତିସ୍, ଏଚେଜାଣ୍

* ୧୪:୨୨ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.

ହେଦାଂ ହୁଡ଼ନାର୍ ଝିଜାର୍ ତାଙ୍ଗେଙ୍ଗ୍ ଗ୍ଲୁଇଦେଂ ଲାଗାନାର୍, ୩୦ ଇ ମାନାୟ୍ ରବ୍‌ଚେଂ ଆରାମ୍ କିଜି ଝିସ୍ତେଙ୍ଗ୍ ଆଡ଼ଝାତାନ ।” ୩୧ “ମାତର୍ ଇମ୍‌ଣି ରାଜା ଦସହାଜାର୍ ମେଲ୍ୟାରିଂ ଅଜି ବିନେ ରକାନ୍ ରାଜା ଲାହାଙ୍ଗ୍ ଜୁଜ୍ କିଦେଙ୍ଗ୍ ହାନି ଝେଡ଼ାଲିଂ, କଡ଼େ ହାଜାର୍ ମେଲ୍ୟାର୍ ଆସ୍ତ୍ରି ବିରୁଦ୍‌ତ ଝାଜିମାନି ରାଜା ଲାହାଙ୍ଗ୍ ଦସ୍ ହାଜାର୍ ମେଲ୍ୟାର୍ ଅଜି ଜୁଜ୍ କିଦେଙ୍ଗ୍ ଆଡ଼ନାଦେରା କି ଆକାୟ୍, ହେଦାଂ ପର୍ତ୍ତୁମ୍ କୁଚ୍‌ଚି ବିଚାର୍ କିଉର୍ ? ୩୨ ଜଦି ଆଡୁନ୍, ଲାଗିଂ ବିନେନି ରାଜା ଦେହା ମାନୁ ମାନୁ ହେଝାନ୍ ଦୁଡ଼ ପକ୍‌ଚି ହାନ୍ଦି ପାର୍ତାନା କିନାନ୍ । ୩୩ ହେ ଲାକେ ମିଙ୍ଗେଙ୍ଗ୍ ବିତ୍ରେ ଇନେର୍ ଜାର୍‌ତି ଝିଜୁ ପିହ୍‌ଝିତିସ୍, ହେଝାନ୍ ନା ଚେଲା ଆଦେଂ ଆଡୁନ୍ ।”

ଚିନ୍ତା କିଝି ହର୍

(ମାତିଉ ୫:୧୩; ମାର୍କ ୯:୫୦)

୩୪ “ହର୍‌ତ ହାର୍; ମାତର୍ ହର୍ ପା ଜଦି ହଝାଦ୍ ଆଉଡ଼, ବାଟିଙ୍ଗ୍ ହେଦାଂ ଇମେ କାର୍ଯ୍ୟା ଆନାଡ଼ ? ୩୫ ହେଦାଂ ମେଦ୍‌ନିତ କି ଗାଡ଼ଗାଦା କାଜିଂ ସମାନ୍ ଆକାୟ୍; ଲକୁ ହେଦାଂ ବାର୍ତ୍ତ ତୁସି ହିନାର୍ । ଇନେର୍ ଝେଝେଙ୍ଗ୍ କିତୁଲ୍ ମାନାଡ଼, ହେଝାନ୍ ଝେନେନ୍ ।”

୧୫

ଜାଙ୍ଗ୍‌ତି ମେଣ୍ଡା

(ମାତିଉ ୧୮:୧୨-୧୪)

୧ ଆରେ, ଦିନେକ୍ ସିସ୍ତ୍ରୟ୍‌ନାକାର୍ ଆରି ପାପିୟାର୍ ଝିଜାକାର୍ ହେଝାନ୍ ବଚନ୍ ଝେଝେଙ୍ଗ୍ କାଜିଂ ହେଝାନ୍ ତାକେ ଝାଜି ମାତାର୍ । ୨ ହେବେ ପାରୁସିର୍ ଆରି ସାସ୍ତ୍ରିର୍ ଗାଣ୍‌ଜୁ କିଜି କିଜି ଇଚାର୍, “ଇଝାନ୍ ରକାନ୍ ପାପିୟାରିଂ ଇଚ୍‌ନାନ୍ ଆରି ହେଝାର୍ ହୁକେ ତିନାନ୍ !” ୩ ହେବେ ହେଝାନ୍ ହେଝାରିଂ ଇ ଉତର୍‌ମୁଡ଼୍ ଝେଡ଼ଚାନ୍,

୪ “ମି ବିତ୍ରେ ଏପେଙ୍ଗ୍ ଇମ୍‌ଣି ମାନାୟ୍ ମାନାନ୍ ଜେ ହେଝାଡ଼ି ପାଞ୍ଚକଡ଼ି ମେଣ୍ଡାଂ ମାତିସ୍, ଆରେ ହେଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗ୍‌ତିସ୍, ଲାଗିଂ ହେ ଏକ୍ ଉଣା ପାଞ୍ଚକଡ଼ିକାଙ୍ଗ୍ ବାଟାତ ପିସ୍ତ୍ରି ହେ ଜାଙ୍ଗ୍‌ତି ମେଣ୍ଡା ଗାଟାଝି ପାତେକ୍ ହେଦେଲିଂ ତେକୁନ୍ ? ୫ ଆରେ, ଗାଟାଆତିସ୍ ହେଝାନ୍ ହେଦେଲିଂ ଝାରିତାଂ ପିଣ୍ଡଜି ଇଞ୍ଜି ତାହିଝାନାନ୍, ୬ ଆରେ ଜାର୍ ସାଙ୍ଗ୍ ପାଡ଼ହା ଇଞ୍ଜାକାରିଂ ରବେରୁଣ୍ଡାୟ୍ କିଜି ହେଝାରିଂ ଇନାନ୍, ନା ହୁକେ ଝାରି କିୟାଟ୍, ଲାଗିଂ ନା ଜାଙ୍ଗ୍‌ତି ମେଣ୍ଡା ଗାଟାତାଙ୍ଗ୍ । ୭ ଆନ୍ ମିଙ୍ଗ୍ ଇଞ୍ଜିନାଙ୍ଗା, ହେ ଲାକେ ଇନେର୍‌ତି ମାନ୍‌ବାଦ୍‌ଲାୟ୍ କିନି ଲଡ଼ା ଆକାୟ୍, ଏଲେଙ୍ଗ୍ ଏକଉଣା ପାଞ୍ଚକଡ଼ି ଦାମ୍ ମାନାୟାରିଂ ପିସ୍ତ୍ରି, ଇନେନ୍ ମାନ୍ ବାଦ୍‌ଲାୟ୍ କିନାନ୍, ଏଲେଙ୍ଗ୍ ରକାନ୍ ପାପ୍‌ନି କାଜିଂ ସାଗେତ ବେସି ଝାରି ଆନାଡ଼ ।”

ଜାଙ୍ଗ୍‌ତି ରୁପା ତାବୁ

୮ “ଆଝିତିସ୍ ଏଲେଙ୍ଗ୍ ଇମ୍‌ଣି କଗ୍‌ଲେଲଗୁ ମାନାଡ଼ ଜେ, ତାଝି ଜଦି ଦସ୍ ରୁପା ତାବୁଙ୍ଗ୍ ମାତିସ୍, ଆରେ ହେବେଣ୍ଡାଂ ରଞ୍ଜୁ ଜାଙ୍ଗ୍‌ତିସ୍, ଲାଗିଂ ହେଦେଲ୍ ବଇଟା ଆହି କିଜି ଇଲ୍ ପାପଡ଼ି କିଜି ଗାଟାଝି ପାତେକ୍ ଜତନ୍‌ତାଂ ତେକୁଡ଼ ? ୯ ଆରେ, ହେଦାଂ ଗାଟାଆତିସ୍ ହେଦେଲ୍ ହେ ହାଙ୍ଗ୍‌ଦାକାରିଂ ଆରି ପାଡ଼ହା ଇଞ୍ଜି ଲଗାଂ କୁକ୍‌ଚି ରୁଣ୍ଡାୟ୍ କିଜି ଇନାଡ଼, ନା ହୁକେ ଝାରି କିୟାଟ୍, ଲାଗିଂ ଇମ୍‌ଣି ଟାକା ଜାକ୍‌ଚି ମାତାଙ୍ଗ୍, ହେଦାଂ ଗାଟାଆତାଙ୍ଗ୍ । ୧୦ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ହେ ଲାକେ ଇନେର୍ ମାନ୍‌ବାଦ୍‌ଲାୟ୍ କିତାର୍, ଏଲେଙ୍ଗ୍‌ବାତ୍ ପାପି କାଜିଂ ଇସ୍‌ତ୍ ଦୁଡ଼ର୍ ମୁମ୍‌ଦ ଝାର୍‌ୟା ଆଡୁ ।”

ଜାଙ୍ଗ୍‌ତି କାଡ଼ଦେ

୧୧ ଜିସୁ ଆରେ ଇଚାନ, “ରଖାନିଂ ରିକାର୍ ମାଜି ମାଚାର୍ । ୧୬ ହେଝାର୍ ବିତ୍ତେ ହାରୁ ମାଜି ଇଚାନ, ଆବା, ଦାନ ଇମଣି ବାଗ୍ ନାଦାଂ ଆନାତା, ହେଦାଂ ନାଙ୍ଗ୍ ହିଦା ।” ହେବେଣ୍ଡାଂ ହେଝାନ୍ ଝିନ୍ତୁ ପାସ୍ପପସ୍ ହିତାନ । ୧୭ ଅଲପ୍ ଦିନ୍ ପାଚେ ହାରୁ କାଡ଼ଦେ ସବୁ ରବେ ରୁଣ୍ଡାୟ୍ କିଜି ରାଜି ହତାନ, ଆରେ ହେବେ ପାଟକାର୍ ଆଜି ହେ ଦାନ ଉପ୍ପାନ । ୧୫ ମାତର୍ ଝିନ୍ତୁ ଉପ୍ପତି ପାଚେ ଦେସ୍ତାକେ କାଚାର୍ ଆତ୍ ଲେ ତା ଅବାବ୍ ଆଦେଂ ଲାଗାତାଡ଼ । ୧୫ ହେବେଣ୍ଡାଂ ହେଝାନ୍ ହାଲ୍ଲଜି ହେ ଦେସ୍ନି ରକାନ୍ ଲକ୍ଷୁତାକେ ଆହ୍‌ର ଅତାନ, ଆରେ ହେଝାନ୍ ତାଙ୍ଗ୍ ପାଞ୍ଜିଙ୍ଗ୍ ହାରାୟ୍ କିଦେଂ ଜମିତ ପକ୍ତାନ; ୧୬ ଆରେ ପାଞ୍ଜିଙ୍ଗ୍ କାଦି ତିନଞ୍ଜି ମାଚିକ୍, ହେବେ ହେଝାନ୍ ତା ପଟପାଞ୍ଜି ଜିଜି ମାଚାନ, ମାତର୍ ଇନେର୍ ହେଝାନିଂ ଇନାକା ହିଝାଦାଂ ମାଚାର୍ । ୧୭ ମତର୍ ହେଝାନ୍ ଚେଡ଼ନା ଆଜି ଇଚାନ, “ମାଞ୍ଜି ଆବା ତାକେ କେତେକ୍ କାମ୍‌ଲିୟାତ୍ କାଦି ହାଜ୍ ହାନାତା, ମାତର୍ ଆନ୍ ଇବେ ନାସକି ହାନାଙ୍ଗା । ୧୮ ଆନ୍ ନିଙ୍ଗ୍‌ଜି ନା ସାଗେନି ଆବା ଲାଗେ ହାନାଙ୍ଗ୍” ଆରି ତାଙ୍ଗ୍ ଇନାଙ୍ଗ୍, “ଆବା, ଇସ୍ତ ବିରୁଦ୍‌ତ ଆରି ନି ନଞ୍ଜରତ ପାପ୍ କିତାଙ୍ଗ୍‌ନା; ୧୯ ନି ମାଜି ଇଞ୍ଜି କୁକ୍ୟା ଆଦେଂ ଆନ୍ ଆରେ ତର୍ ହିଲେଡ଼; ନାଙ୍ଗ୍ ମି କାମ୍‌ଲିୟାର୍ ଲାକେ ଇଡ଼ଦା ।” ୨୦ ହେବେଣ୍ଡାଂ ହେଝାନ୍ ନିଙ୍ଗ୍‌ଜି ନିଜେ ଲାତ୍ରାହି ତାକେ ହାଚାନ ।

“ମାତର୍ ହେଝାନ୍ ଦେହା ମାନୁ ମାନୁ ହେ ଲାତ୍ରାହି ତାଙ୍ଗ୍ ହୁଡ଼ଜି ଦୟାତ କାର୍ମା ଆତାନ ଆରି ହନ୍‌ଚିହାଲ୍ଲଜି ହେଝାନିଂ ପମଜି ତନ୍‌ଚାନ ।” ୨୧ କାଡ଼ଦେ ତାଙ୍ଗେଙ୍ଗ୍ ଇଚାନ, “ଆବା, ସାଗେନି ବିରୁଦ୍‌ତ ଆରି ନି ନଞ୍ଜରତ ଆନ୍ ପାପ୍ କିତାଙ୍ଗ୍, ନି ମାଜି ଇଞ୍ଜି କୁକ୍ୟାନି ଆନ୍ ତର୍ ଆକାୟ୍ ।” ୨୨ ମାତର୍ ଲାତ୍ରାହି ହେ ଆଡ଼ିୟାରିଂ ଇଚାନ, “ଝିନ୍ତୁଡ଼ି ହାଦ୍ ଆଙ୍ଗି ବେଗି ତାହିଝାଜି ଇଝାନିଂ ଆର୍ପି କିୟାଟ୍, ଇଝାନ୍ କେଇଦ ଝାଡ଼ୁସ୍ ଆରି ପାନାତ ପାଣ୍ଡାଲ୍ଲଜ୍ ହିୟାଟ୍, ୨୩ ଆରେ ଦୁମାଟି ଅହ୍‌ରି ତାସି ଅହାଟ୍; ଝାଡ଼ୁ ଆସେଙ୍ଗ୍ ତିନଞ୍ଜି ଝାରି କିନାସ୍, ୨୪ ଇନାକିଦେଂକି ନା ଇ ହିମ୍‌ଣା ହାଜି ମାଚାନ, ଆରେ ଜିତାନ୍ନା, ଜାଙ୍ଗ୍‌ଜି ମାଚାନ, ଆରେ ଗାଟାଆତାନ ।” ହେବେଣ୍ଡାଂ ହେଝାର୍ ଝାରି କିଦେଙ୍ଗ୍ ଲାଗାତାର୍ ।

୨୫ “ଏଚେକାଡ଼ଦ୍ ତା ଗାଜାକାନ୍ ମେହି ତାସ୍ ବାହାତ ମାଚାନ । ହେଝାନ୍ ଏଚେକାଡ଼ଦ୍ ଝାଜି ଇଲ୍ ଲାଗେ ଏକାଝାତାନ, ହେଝାଡ଼ାଂ ବାଜା ଆରି ଏହିନି ଗାଜାନାକା ଝେନ୍‌ଞ୍ଜି, ୨୬ ଆଡ଼ିୟାରିଂ ବିତ୍ତେ ରଝାନିଂ ଲାଗେ କୁକ୍‌ଚି ହେ ସବୁ ଇନାକା ଇଞ୍ଜି ଝେନ୍‌ବେଦେଂ ଲାଗାତାନ ।” ୨୭ ହେଝାନ୍ ତାଙ୍ଗେଙ୍ଗ୍ ଇଚାନ, “ନି ଚଣ୍ଡେନ୍ ଝାତାନ୍ନା, ଆରେ ମି ଆବା ହେଝାନିଂ ହାର୍‌ଦି ଗାଗାଡ଼ତ ଗାଟା ଆତିଲେ ଦୁମାଟି ଅହ୍‌ରି ଅସ୍ତାନ୍ନା ।” ୨୮ ହେବେତାଂ ହେଝାନ୍ ରିସା ଆଜି ବିତ୍ତେ ହାଞ୍ଜେଙ୍ଗ୍ ମାନ୍ କିଝାତାନ, ମାତର୍ ହେ ଲାତ୍ରାହି ବାଟ୍‌ଝାଜି ତାଙ୍ଗେଙ୍ଗ୍ ବେସି ଗଝାରି କିଦେଙ୍ଗ୍ ଲାଗାତାନ । ୨୯ ମତର୍ ହେଝାନ୍ ଆବାଂ ଉତର୍ ହିତାନ, ହୁଡ଼ା ଏଚେକ୍ ବାହୁଁ ଆତାଡ଼୍ ଆନ୍ ନିଙ୍ଗେଙ୍ଗ୍ ଆଡ଼ିଏନ୍ ଲାକେ କାମାୟ୍ କିଜି ଝାନାଙ୍ଗା, ଆରେ ଇନାଝାଡ଼ାଂ ପାନି ବଲ୍ଲ ଉଡ଼ା ଆଝାତାଂନା, ଆତିସ୍‌ପା ନା ହାଙ୍ଗ୍‌ଦାକାର୍ ହୁକେ ଝାରି କିଦେଙ୍ଗ୍ ଏନ୍ ନାଙ୍ଗେଙ୍ଗ୍ ଇନାଝାଡ଼ାଂପା ଅତା ହିମ୍‌ଣା ରଞ୍ଜାଙ୍ଗ୍ ହିଦ୍‌ଝାତାୟ୍‌ନ୍ନା; ୩୦ ମାତର୍ ନି ଇ ଇମଣି କାଡ଼ଦେ ଦାରିୟାର୍ ହୁକେ ନିୟାଂ ଝିନ୍ତୁ ଦାନ୍ ତିନଞ୍ଜି ଉପ୍ପାନ୍ନା, ଏଚେକାଡ଼ଦ୍ ହେଝାନ୍ ଝାତାନ, ହେ ଏଚେକାଡ଼ଦ୍ ଏନ୍ ହେଦାଂ କାଜିଂ ଦୁମା ଅହ୍‌ରି ଅସ୍ତାୟ୍ । ୩୧ ହେବେଣ୍ଡାଂ ହେଝାନ୍ ତାଙ୍ଗେଙ୍ଗ୍ ଇଚାନ, “ବପାହୟ୍, ଏନେଙ୍ଗ୍‌ତ ସବୁଝେଡ଼ାଙ୍ଗ୍ ନା ହୁକେ ମାନାୟା, ଆରେ ଇନାକା ସବୁ ନାଦାଂ ହେ ସବୁ ନିୟାଂ; ୩୨ ମାତର୍ ଇଝାନ୍ ଜେ ନି ଚଣ୍ଡେନ୍ ହାଜି ମାଚାନ, ଆରେ ରଗ ଜିତାନ, ଜାଙ୍ଗ୍‌ଜି ମାଚାନ, ଆରେ ଗାଟାଆଡ଼ତାନ, ହେଦାଂ କାଜିଂ ବଜି ଆରି ଝାରି କିନାକା ମାଚାଡ଼ ।”



ଚାତୁର ହଲିୟାହି

୧ ଜିସୁ ତେଲାରିଂ ପା ଇଚାନ, “ର ମାଜାନ ମାନାୟ ମାଚାନ, ତାଜେଙ୍ଗ୍ ରକାନ ଗୁମୁସ୍ତା ମାଚାନ, ଆରେ ହେଝାନ ହେ ଦାନ କାରାୟ କିନାନା ଇଞ୍ଜି ହେଦାଂ ବିସ୍ତେ ଝେନଞ୍ଜି ହେଝାନ ହେଝେନିଂ ହିରୁବିସ୍ ଇଚାନ, ୨ ଆନ୍ ମି ବିସ୍ତେ ଇଦାଂ କି କାତା ଝେନାଙ୍ଗା ?” ନି ଗୁମୁସ୍ତା କାମାୟ ନି ଇସାବ୍ ହିଦା ଇନେକିଦେଂ ଏନ୍ ଆରି ଗୁମୁସ୍ତା ଆଜି ମାଞ୍ଜେଙ୍ଗ୍ ଆତୁୟ । ୩ ହେବେତାଂ ହେ ଗୁମୁସ୍ତା ମାନେ ମାନେ ଇଚାନ, ଇନାକା କିନାଙ୍ଗ୍ ? ନା ମାପୁ ତ ନା ତାକେଣ୍ଡାଂ ଗୁମୁସ୍ତା ପାଦ୍ ପିହି କିଜି ଅନାନା । ଚିକ୍ଲା କାଦଦେଂ ନା ସାକ୍ତି ହିଲୁଡ୍, ଇସ୍ପିସ୍ ଚିଞ୍ଜେଙ୍ଗ୍ ନାଞ୍ଜେଙ୍ଗ୍ ଲାଜୁ ହଡନାତା । ୪ ଆନ୍ ଗୁମୁସ୍ତା ପାଦ୍ତାଙ୍ଗ୍ ପିସ୍ତି ପାଚେ ଲକୁ ଇନେସ୍କି ନାଞ୍ଜେଙ୍ଗ୍ ଜାର୍ ଜାର୍ ଇଞ୍ଜି ମାନ୍କିଦନାର୍, ଇଦାଂ କାଜିଂ ଇନାକା କିନାଙ୍ଗ୍, ହେଦାଂ ବୁଜା ଆନାଙ୍ଗା ।

୫ ଆରି, ହେଝାନ ଜାର୍ ମାପୁତି ଝିଜାକାରିଂ କାତକ୍ତିଂ ଲାଗେ ହିରୁବିସ୍ ପର୍ତୁମ୍ ରକାନିଂ ଇଚାନ, “ମି ଜପି ନାମାପୁତି ରୁଣ୍ ଅତାୟନା ? ଏଚେକ୍ ଚିକାଣ୍ ? ହେଝାନ ଇଚାନ, ପାଞ୍ଚକଡ଼ି ମାଣ୍ ଚିକାଣ୍ ।” ୬ ହେଝାନ ଇଚାନ, “ସହେ ସିପା ଚିକାଣ୍ । ବେବାର୍ କିନାକାନ ଇଚାନ, ଇଦାଂ ନି କାଗଜ୍, ଇବେ ପଚାସ୍ ଇଞ୍ଜି ଲେକିକିୟା । ୭ ତା ପାଚେ ହେଝାନ ଆରେ ରକାନିଂ ଇଚାନ, ଏନ୍ ଏଚେକ୍ ରୁଣ୍ ଅତାୟନା ?” ହେଝାନ ଇଚାନ, “ପାଞ୍ଚକଡ଼ି ମାଣ୍ ଗମ୍ । ହେଝାନ ତାଜେଙ୍ଗ୍ ଇଚାନ, ମି ଲେକିକିତି କାଗଜ୍ ଆସ୍ତି ଚାରକଡ଼ି ଇଞ୍ଜି ଲେକି କିୟା ।” ୮ ହେ ଅଦାମ୍ ଗୁମୁସ୍ତା ବୁଦି ଲାହାଙ୍ଗ୍ କାମାୟ କିଜିମାନି କାଜିଂ ମାପୁ ତାଜେଙ୍ଗ୍ ପାର୍ତାନା କିଚାନ, ଲାଗିଂ ଇ ଜୁଗ୍ନି ହିମ୍ଣାଂ ହେଝାର୍ ନିଜାର୍ ଜାତି ପାକ୍ୟାତ ଅଜଡ଼ନି ହିମ୍ଣାଙ୍ଗ୍ ବାଟା ଆଦିକ୍ ବୁଦିତି ।

୯ ଆନ୍ ପା ମିଜେଙ୍ଗ୍ ଝେଚାନାଙ୍ଗା, “ଅଦାମ୍ ଦାନ ଜାର୍ ଜାର୍ କାଜିଂ ସାଙ୍ଗ ଲାବ୍ କିୟା, ଇନେସ୍ ହେଦାଂ ଝିସ୍ତସ୍ ହେଝାର୍ ମିଜେଙ୍ଗ୍ ଝିଜ୍ଝି ଇଞ୍ଜି ମାନ୍ କିୟାଆନାଦେର୍ । ୧୦ ଇନେନ୍ ଅଲପ୍ ବିସ୍ତେ ପାଚିଂ କିନାକାନ, ହେଝାନ ଆଦିକ୍ ବିସ୍ତେ ପା ପାଚିଂ ଆନାନ, ଆରେ ଇନେର୍ ଆଦିକ୍ ବିସ୍ତେ ପାଚିଂ କିଝାକାନ ହେଝାନ ଆଦିକ୍ ବିସ୍ତେ ପା ପାଚିଂ କିଉନ୍ । ୧୧ ଜଦି ଏପେଙ୍ଗ୍ ଅଦାମ୍ ଦାନତ ପାଚିଂ ଆଝାତାଦେର୍, ଲାଗିଂ ଇନେର୍ ମିଜେଙ୍ଗ୍ ପାଚିଂ କିଜି ହାଡ଼ପା ଦାନ ମି କେଇଦ ସରପି କିଦନାନ୍ ? ୧୨ ଆରେ, ଜଦି ଏପେଙ୍ଗ୍ ପାଚେନି ଦାନ ବିସ୍ତେ ପାଚିଂ ଆଝାତାୟନା, ଲାଗିଂ ଇନେର୍ ମିଜେଙ୍ଗ୍ ମି ଜାର୍ ବିସ୍ତେ ହିଦନାର୍ ?”

୧୩ “ଇମ୍ଣା ଆଡ଼ିୟା ରି ମାପୁଙ୍ଗ୍ ହଲ୍ୟା ଆଦେଂ ଆତୁନ୍; ଇନାକିଦେଂକି ହେଝାନ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଲାଗିଂ ରକାନ କାଜିଂ କାର୍ମା ଆନାନ୍ ଆରି ବିନ୍ ରକାନିଂ ଆଲଗା କିନାନ୍ । ଏପେଙ୍ଗ୍ ଇସ୍ତର୍ ଦାନ ରିୟାର୍ଡି ଆଡ଼ିଏନ୍ ଆଦେଂ ଆତୁନ୍ ।”

ଜିସୁତି କେତେକ୍ କାତା

(ମାତିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଇ କାତା ଝେନଞ୍ଜି ଦାନ୍ଲବ୍ ପାରୁସିର୍ ପା ଜିସୁଙ୍ଗ୍ ନିନ୍ଦାକିଦେଂ ଲାଗାତାର୍ । ୧୫ ହେବେତାଂ ହେଝାନ ହେଝାରିଂ ଇଚାନ, “ଇମ୍ଣାକାର୍ ଜାର୍ ଜାର୍ଡିଂ ମାନାୟାର୍ କାଣ୍କୁକାଂ ଦାମ୍ ଇଞ୍ଜି ଚର୍ବନାର୍, ଏପେଙ୍ଗ୍ ହେ ଲାଗ୍ଦି ମାନାୟ, ମାତର୍ ଇସ୍ତର୍ ମିଦାଙ୍ଗ୍ ମାନ୍ ପୁନାନ୍; ଇନେକିଦେଂକି ଇନାକା ମାନାୟାର୍ ବିତ୍ରେ ଗାଜାଟି, ହେଦାଂ ମାପୁ କାଣ୍ଙାତ ଗିଣ୍ ।

୧୭ *ମସାତି ବିଦି ଆରେ ବେଶବାକ୍‌ଶାୟକିନାକାର ଦରମ୍ ସାସ୍ତର ଜହନ୍ ପାତେକ୍ ହସିମାତାତ୍ ହେ ସମୁତାଂ ସାଗେ ରାଜିନି ନେକ୍ତିକାରୁର୍ ସୁଶାୟକିଦେଂ ଆନାତା, ଆରେ ଝିଜାର୍ ଲକ୍ ସାଲ୍ଲିତାଂ ହେବେ ହଶାରା । ୧୭ * ମାତର୍ ମସାତି ବିଦିନି ର ଚପା ବୁତାଆନି ବାଟା ମତର୍ ବାଦାତ୍ ଆରି ପୁତ୍ ବୁତାନାକା ଆଡ଼ଝା ।”

୧୮ *“ଇନେରକି ଜାର୍ ଡକ୍ତିଂ ପିସ୍ତି ଆରେ ରଞ୍ଜେଲିଂ ବିବା ଆନାନ୍, ହେଝାନ୍ ଦାରି କିନାନ୍; ଆରି, ଇନେର୍ ଆଣ୍ଡେନ୍ କାଜିଂ ପିସ୍ତି ଡକ୍ତିଂ ବିବା ଆନାନ୍, ହେଝାନ୍ ଦାରି କିନାନ୍ ।”

ରଝାନ୍ ମାଜାନ୍ ଆରି ଲାଜାର୍

୧୯ “ର ମାଜାନ୍ ମାନାୟ୍ ମାଚାନ୍, ହେଝାନ୍ ମଲ୍ଲିନି ହେୟା ଆପ୍ ସ୍ ବେସି ବିଝାହିଂ ଝିଜୁଦିନ୍ ତିନ୍‌ଞ୍ଜି ଉଶିଜି ମାଚାନ୍; ୨୦ ମାତର୍ ତା ଦୁଝେର୍ କଚଣ୍ ଲାଜାର୍ ଇଞ୍ଜି ରଝାନ୍ ବିକାରି ମାନାୟ୍ ଗୁରଜି ମାଚାନ୍, ତା ଗାଗାଡ଼ତ୍ ଗାଅ ବାତ୍ ଆଜି ମାଚାତ୍; ୨୧ ଲାଜାର୍ ହେ ମାଜାନ୍ ମାନାୟ୍ ଟେବୁଲ୍‌ତାଂ ଆର୍ନି ଜୁଟା ତିନ୍‌ଞ୍ଜି ପଟ ପାଞ୍ଜିକିଦେଂ ଆହା କିଜି ମାଚାନ୍; ଆରେ ନିକୁଡ଼ିଂ ପା ଝାଜି ହେ ଗାଅ ଝିଜୁ ନାଞ୍ଝି ମାଚିଙ୍ । ୨୨ ଦିନେକ୍ ହେ ବିକାରି ହାତାନ୍ ଆରି ଦୁଡ଼ର୍ କାଜିଂ ଅବ୍ରାହାମ୍ ତାକେ ତ୍ରକ୍ୟାଆତାନ୍; ପାଚେ ହେ ମାଜାନ୍ ମାନାୟ୍ ପା ହାତାନ୍ ଆରେ ଦୁଗେର୍‌ତ ମୃତ୍ୟା ଆତାନ୍ । ୨୩ ଆରେ, ହେଝାନ୍ ନର୍କତ କଲ୍ ବଲ୍ ଆସ୍ତି ଜପି ହୁଡ଼ଜି ଦେହା ଅବ୍ରାହାମ୍ ଆରି ତା ତ୍ରକ୍ୟାଆତାକା ଲାଜାର୍‌ତିଂ ହୁଡ଼ତାନ୍ । ୨୪ ହେବେତାଂ ହେଝାନ୍ ହିରିବିସ୍ ଇଚାନ୍, ଏ ଆବା ଅବ୍ରାହାମ୍, ନାଞ୍ଜେଙ୍ଗ୍ ଦୟା କିଜି ଲାଜାର୍‌ତିଂ ପକ୍‌ତା, ଇନେସ୍‌କି ହେଝାନ୍ ଏଜୁଂ ତା ଝାବ୍‌କାତାଂ ଚିପ୍ କୁଡ଼କ୍‌ତି ନା ଝେଦୁଲ୍‌ତ ହିଡ଼ଡ଼ି କିଦେନ୍, ଇଚିସ୍ ଆନ୍ ଇ ନାଶିତ କଲ୍ ବଲ୍ ଅାନାଙ୍ଗା ।” ୨୫ ମାତର୍ ଅବ୍ରାହାମ୍ ଇଚାନ୍, “କାଡ଼ଦେ, ଏନ୍ ଜେ ଜିବୁନ୍ ମାନି ସମୁତ ନି ହାର୍ ବିସ୍ତେ ଝିଜୁ ପାୟା ଆତାୟ୍, ଆରେ ଲାଜାର୍ ହେ ଲାକେ କାରାପ୍ ବିସ୍ତେ ଝିଜୁ ଗାଟାଆତାନ୍, ଇଦାଂ ମାନେ କିୟା; ମାତର୍ ନଙ୍ ହେଝାନ୍ ଇ ବାହାତ ଦୁକ୍‌ସାରାୟ୍ ପାୟାତାନ୍ନା, ଆରେ ଏନ୍ ନଙ୍ କଲ୍ ବଲ୍ ଆନାୟା । ୨୬ ହେଦାଂ ପିସ୍ତି ମି ଆରି ମା ବିତ୍ତେ ବେସିଗାଜା ଦେହା ମାନାତ୍, ଇନେସ୍ ଇମ୍‌ଶାକାର୍ ଇ ବାହାତାଂ ମି ତାକେ ହାନି କାଜିଂ ମାନ୍‌କିନାନ୍, ହେଝାର୍ ହାଞ୍ଜେଙ୍ଗ୍ ଆଡୁର୍, କି ଆରି ହେ ବାହାତାଂ ଇନେର୍ ମା କଚଣ୍ ନାସି ଝାଦେଙ୍ଗ୍ ଆଡୁର୍ ।” ୨୭ ହେବେତାଂ ହେଝାନ୍ ଇଚାନ୍, “ଏ ଆବା ତା ଆତିସ୍ ଆନ୍ ନିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା, ହେଝାନିଂ ନା ଆବା ଇଲ୍‌ତ ପଞ୍ଚାନାୟ୍, ୨୮ ଇନାକିଦେଂକି ନା ପାଞ୍ଜିଜାଣ୍ ଟଣ୍ଡାର୍ ମାନାର୍; ହେଝାର୍ ପା ଇନେସ୍‌କି ଇ ବାଦା ବାହାତ ଝାଉର୍, ହେଦାଂ କାଜିଂ ହେଝାନ୍ ହେଝାର୍ କଚଣ୍ ସାକି ହିନାଦେର୍ ।”

୨୯ ମାତର୍ ଅବ୍ରାହାମ୍ ଇଚାନ୍, “ହେଝାର୍ କଚଣ୍‌ତ ମସା ଆରି ବେଶବାକ୍‌ଶାୟ କିନାକାର ଦରମ୍ ସାସ୍ତର ମାନାତ୍, ହେଝାଦେର୍ ହେଝାର୍ କାତା ଝେନାଟ୍ ।” ୩୦ ହେବେତାଂ ହେଝାନ୍ ଇଚାନ୍, “ଏ ଆବା ଅବ୍ରାହାମ୍, ହେଦାଂ ସାରି ଆକାୟ୍, ମତର୍ ଜଦି ହାତିମାନାୟ୍ କଚଣ୍‌ତାଂ ରକାନ୍ ହେଝାର୍ କଚଣ୍‌ତ ହାନାନ୍, ଏଲେଙ୍ଗ୍‌ତି ହେଝାର୍ ମାନ୍‌ବାଦଲ୍‌ଲାୟ୍ କିନାର୍ ।” ୩୧ ମାତର୍ ହେଝାନ୍ ତାଙ୍ଗେଙ୍ଗ୍ ଇଚାନ୍, “ଜଦି ହେଝାର୍ ମସା ଆରି ବେଶବାକ୍‌ଶାୟକିନାକାର୍ କାତା ଝେନ୍‌ଝାତାର୍‌ତି, ଏଲେଙ୍ଗ୍‌ତି ହାତିମାନାୟ୍‌ତାଂ ପା ରଝାନ୍ ମୁକ୍‌ଡା ଆଜି ହାଚିସ୍ ପା ହେଝାର୍ ପାତ୍ କିଉର୍ ।”

୧୭

ପାପ୍
(ମାତିଉ ୧୮:୭-୭; ୨୧-୨୨; ମାର୍କ ୯:୪୨)

* ୧୭:୧୭ ୧୭:୧୭ ମାତିଉ ୧୧:୧୨,୧୩. * ୧୭:୧୭ ୧୭:୧୭ ମାତିଉ ୫:୧୮. * ୧୭:୧୮ ୧୭:୧୮ ମାତିଉ ୫:୩୨; ୧ କରନ୍ତିୟ ୭:୧୦,୧୧.

୧ ଜିସୁ ତା ଚେଲାହିରିଙ୍ଗ୍ ଇଚାନ୍, ଇମଣି ସବୁ ବାଦା ହୁକେ ମାନାୟ ପାପତ ଆରନାନ୍ ହେ ଝିଜୁ “ହାତ୍‌ପା ଖାନାନ୍; ଜେ ଇ ସବୁନି କାରଣ୍ ଆନାତ୍, ତା ହାରିହାରା ଦସା ବେସି ବୟଙ୍ଗାର । ୨ ଇ ହାରୁକାର୍ ବିତ୍ରେତାଂ ରକାନ୍‌ନିଙ୍ଗ୍ ବାଦା ଆନି ବାଟା ଇଚିସ୍ ତା ଗାତେଲ୍‌ତ ର ଜାତା କାଲ୍ ଡ଼ଇ କିଜି ହେଝାନିଂ ହାମ୍‌ଦୁରତ୍ ତୁସି ହିନାକା ଇଚିସ୍ ତା କାଜିଂ ହାର୍ ଆତାମ୍ । ୩ ଶ୍ଲୀଗିଂ, ଏପେଙ୍ଗ୍ ଜାର୍ ଜାର୍ କାମାୟତ ବିସ୍ତେ ଜାଗ୍ରତ୍ ଆଜି ମାନାଟ୍ ।”

“ଜଦି ମି ଟଣ୍ଟେନ୍ ପାପ୍ କିତିସ୍, ଲାଗିଂ ହେଝାନିଂ ଗଡ୍ କିୟାଟ୍, ଆରେ ହେଝାନ୍ ଜଦି ମାନ୍‌ବାଦଲ୍‌ଲାୟ କିତିସ୍, ଲାଗିଂ ହେଝାନିଂ କେମା ହିୟାଟ୍ । ୪ ପାଚେ, ଜଦି ହେଝାନି ଦିନେକ୍ ବିତ୍ରେ ସାତ୍ ହଟ୍ ମି ବିରୁଡ୍‌ତ ପାପ୍ କିତିସ୍ ଆରି ସାତ୍ ହଟ୍ ମି ତାକେ ଖାଜି ଆନ୍ ମାନ୍‌ବାଦଲ୍‌ଲାୟ କିନାଙ୍ଗା ଇଞ୍ଜି ଇନାନ୍, ଲାଗିଂ ହେଝାନିଂ ଏପେଙ୍ଗ୍ କେମା ହିୟାଟ୍ ।”

ନି ପାତର୍ କିନାକା ବେସି ଆଟ୍‌ଖା

୫ ହେବେଣ୍ଟାଂ ପକ୍ୟାତାକାର୍ ମାପୁଙ୍ଗ୍ ଇଚାର୍, “ମା ପାତର୍ ବାତାୟ କିୟା ।”

୬ ମାପୁ ଇଚାନ୍, “ଜଦି ର ହାର୍‌ହୁ ମାଞ୍ଜି ଲାକେ ମିଦାଙ୍ଗ୍ ପାତର୍ ମାତିସ୍, ତା ଆତିସ୍ ଇ ତୁଡ୍‌ଖା ମାର୍‌ଦିଙ୍ଗ୍ ଏନ୍ ଦଲ୍‌ଦାଂ ଉଟ୍‌କା ଆଜି ହାମ୍‌ଦୁରତ୍ ରୁଜ୍‌ୟା ଆତ ଇଞ୍ଜି ଇଚିସ୍ ହେଦାଂ ମି ବଲ୍ ମାନିକିନାଟ୍ ।”

ରଝାନ୍ ହାର୍‌ଦିହଲ୍ୟା କାମାୟ

୭ “ମାତର୍ ମି ବିତ୍ରେ ଏଲେଙ୍ଗ୍ ମାନାୟ ଇନେନ୍ ମାନାନ୍, ଇନେର୍ ଆଡ଼ିୟାଏନ୍ ଆଡ୍ ବୁଲାଇ କିଜି କି ମେଣ୍ଟାଂ ହାରାୟ କିଜି ଖାତିସ୍ ହେଝାନ୍ ତାଙ୍ଗ୍ ଇନାନ୍, ଇ ଦାପ୍ରେ ଖାଜି କୁଚ୍‌ଚି ତିନା ?” । ହେଝାନ୍ ଇନାକା ହେଝାନିଂ ଇନୁନ୍, “ନା ତିନାକା ଜାଲ୍‌ଦି କିୟା, ଆରେ ଆନ୍ ତିଞ୍ଜି ଉଣ୍‌ଜି ଝିହ୍‌ଝି ପାତେକ୍ ନା ହେବା କିୟା, ତା ପାଚେ ଏନ୍ ତିନାୟ ଉଣାୟ ?” ୯ ଆଡ଼ିୟା ବଲ୍ କାମାୟ ଇନାକା ହେଝାନିଂ ଜୁଝାର୍ କିନାନ୍ ? ୧୦ ହେ ଲାକେ ଏପେଙ୍ଗ୍‌ପା ବଚନ୍‌ତାଂ ଝିଜୁ କାମାୟ କିତିପାଚେ ଇନାଟ୍, “ଆପେଂ ପୁନ୍‌ଝି ଆଡ଼ିୟାକାପ୍, ଇନା କାମାୟ କିନାକା ହେଦାଂ କେବଲ୍ କିତାପନ୍ନା ।”

ଜିସୁ ଦସଜାଣ୍ଡିଂ ଗାଜା ରଗ୍ୟାରିଂ ଉଜ୍ କିତାନ୍

୧୧ ଜିସୁ ଜିରୁସାଲମତ ହାନିଝାଡାଲିଂ ସମିରଣ୍ ଆରି ଗାଲିଲି ମାଦିତିଂ ହାଲ୍‌ଜି ମାଚାନ୍ । ୧୨ ଆରେ, ହେଝାନ୍ ଇମଣି ର ନାସ୍‌ତ ହଟାନ୍, ଦସଜାଣ୍ ଗାଜା ରଗ୍ୟାର୍ ହେଝାନ୍ ହୁକେ ବେଟା ଆତାର୍; ୧୩ ହେଝାର୍ ଦେହା ନିଲ୍‌ଚିପା ଗାଜାକାଟ୍‌ତାଂ ଇଚାର୍, “ଏ ଜିସୁ, ଗୁରୁ, ମା ଦୟା ହୁଡ୍‌ଦା ।”

୧୪ ପାଚେ ଜିସୁ ହେଝାରିଂ ହୁଡ୍‌ଜି ଇଚାନ୍, “ଏପେଙ୍ଗ୍ ହାଲ୍‌ଜି ଜାର୍ ଜାର୍‌ତିଂ ମାପୁହେବାକିନାକାରିଂ ଚଟାଟ୍ ।”

ଆରେ ହେଝାର୍ ହାଲ୍‌ଜୁ ହାଲ୍‌ଜୁ ସକଟ୍ ଆତାର୍ । ୧୫ ମାତର୍ ହେଝାର୍ ବିତ୍ରେ ରକାନ୍ ଜାର୍‌ତି ଉଜ୍ ଆନାକା ହୁଡ୍‌ଜି ଗାଜା କାଟ୍‌ତାଂ ଇସ୍‌ର୍ ଗୁଣ୍ କେର୍‌ଜି କେର୍‌ଜି ଲେଉଟା ଆଜି ଖାଜି, ୧୬ ଜିସୁତି କାଲ୍‌କୁ ତାରେନ୍ ଗୁରୁଜି ହେଝାନିଂ ଜୁଝାର୍ କିଦେଙ୍ଗ୍ ଲାଗାତାନ୍; ହେଝାନ୍ ରକାନ୍ ସମିରଣିୟନି ମାନାୟ । ୧୭ ହେବେ ଜିସୁ ଉତର୍ ହିତାନ୍, “ଦସଜାଣ୍ ଇନାକା ସକଟ୍ ଆଖାତାଣ୍ଟି ? ଲାଗିଂ ଆରେ ନଅଜାଣ୍ ଇମେର୍ ? ୧୮ ଲାଗିଂ ଆରେ ନଅ ଜାଣ୍ ଇମେର୍ ? ଇସ୍‌ର୍‌ତିଂ ଜାଜ୍‌ମାଲ୍ କିନି କାଜିଂ ଇ ପାତର୍ କିଝି ଜିହୁଦି ଲକ୍‌ତିଂ ପିସ୍ତି ଆରେ ଇନେର୍ ମାସ୍‌ଦି ଖାତାର୍ ?” ୧୯ ଆରେ, ଜିସୁ ହେଝାନିଂ ଇଚାନ୍, “ନିଙ୍ଗ୍‌ଜି ହାଲା, ନି ପାତର୍ ନିଙ୍ଗେଙ୍ଗ୍ ଉଜ୍ କିଡ୍‌ତାଡ୍‌ନା ।”

☆ ୧୭:୩ ୧୭:୩ ମାତିଉ ୧୮:୧୫.

ଇସ୍ରାଏଲ ରାଜି ଖାନାତା
(ମାତ୍ରି ୨୪:୨୩-୨୮; ୨୮:୨୦)

୨୦ ଇସ୍ରାଏଲ ମାତ୍ରି ରାଜି ଇନାଖାତା ଖାନାତା, ଇ ବିସ୍ତେ ପାରୁସିର ହେଖାନିଂ
ଖେନ୍ଦବିତିଲେ ହେଖାନ ହେଖାରିଂ ଉତର ହିତାନ, “ଇସ୍ରାଏଲ ହୁଡ଼ନାକା ଲାକେ
ଖାଉଡ଼; ୨୧ ମାତର ହୁଡ଼ାଟ୍, ଇବେ କି ହାବେ ଇଞ୍ଜି ମାନାୟାର ଇଞ୍ଜୁର ଇନାକିଦେଂକି
ହୁଡ଼ାଟ୍, ଇସ୍ରାଏଲ ରାଜି ମି ବିତ୍ରେ ମାନାତ୍ ।”

୨୨ ମାତର ଜିସୁ ହେଖାନ ଚେଲାହିରିଂ ଇଚାନ, “ଏଲେଙ୍ଗବାତ ସମୁ ଖାନାତ୍,
ଏଚେକାତ୍ତ୍ ଏପେଙ୍ଗ ମାନାୟ ମାଜି ଦିନକୁ ବିତ୍ରେ ର ଦିନ ହୁଡ଼ଦେଂ ଇଚା କିନାଦେର୍,
ମାତର ହୁଡ଼ଦେର୍ ।” ୨୩ ହୁଡ଼ା, “ହେବେ, ହୁଡ଼ାଟ୍” ଇବେ ଇଞ୍ଜି ମାନାୟାର ମିଙ୍ଗେଙ୍ଗ
ଇଞ୍ଜନାର୍, ମାତର ଏପେଙ୍ଗ ହାଲମାଟ୍ ।

୨୪ ଇନାକିଦେଂକି ବିଜଲି ଇଡ଼ଜି ଇନେସ୍ ବାଦାଡ଼ତ ର ପାଡ଼କାତାଂ ଆର ପାଡ଼କା
ପାତେକ୍ ଅଜଡ଼୍ ହିନାଡ଼, “ମାନାୟ ମାଜି ହେ ଦିନ୍ତ ହେ ଲାକେ ଚଞ୍ଜ୍ୟାୟାନାନ୍ ।
୨୫ ମାତର ପଡ଼ୁମ୍ ହେଖାନ ବେସି ଦୁକ୍‌ବଗି କିନାନ୍ ଆରି ଇ ଜୁଗ୍‌ତ ଲକୁ ତାଙ୍ଗ୍
ମୁନାକିନାର୍ । ୨୬ ଆରେ, ନହ ଖେଡ଼ାଲିଂ ଇନେସ୍ ଗିଗା ଆଜି ମାଚାଡ଼, ମାନାୟ ମାଜି
ଖେଡ଼ାଲିଂ ପା ହେ ଲାକେ ଗିଗା ଆନାଡ଼; ୨୭ ଜାଜ୍‌ତ ନହତି ହଣି ଖେଡ଼ାଲିଙ୍ଗ୍ ଦିନ୍
ପାତେକ୍ ମାନାୟାର ଚିନ୍‌ଜିଉଜ୍‌ଜି ଆରି ବିବା ଆନାକା ଆରି ବିବା ଆଦେଂ ଲୟା
ମାଚାର୍ କେ, କୁକ୍‌ନାକା ଖାଜି ଖିଜାକାରିଂ ନାସ୍ କିତାଡ଼ ।” ୨୮ ଲଟ ଖେଡ଼ାଲିଂ ପା ହେ
ଲାକେ ଗିଗା ଆଜି ମାଚାଡ଼, ଲକୁ ତିନାଉଣାକା, କଡ଼ନାକା ପ୍ରନାକା, ମାରକୁ ରୁଜ୍‌ନାକା,
ଆରି ଇଲ୍ ରଡ଼ଚେଂ ଲୟା ଆଜି ମାଚାର୍, ୨୯ ମାତର ଲଟ ସଦମ୍‌ତାଂ ହସି ହାନି ଦିନ୍
ସାର୍ଗେତାଂ ନାଣି ଆରି ଗନ୍‌କ୍ ବାରହା ଆଜି ଖିଜାକାରିଂ ନାସ୍ କିତାଡ଼ । ୩୦ ମାନାୟ
ମାଜି ଚଞ୍ଜ୍ୟାଆନି ଦିନ୍ ହେ ଲାକେ ଗିଗା ଆନାଡ଼ ।

୩୧ * “ହେ ଦିନ୍ ଜେ ଇନେର୍ ଜେଗନ୍ ଜପି ମାଚିସ୍, ହେଖାନ ଇଲ୍ ବିତ୍ରେ ମାନି ଜାର୍
ଆଡ଼ମାଡ଼ ଅନି କାଜିଂ ଜୁଜି ଖାମେନ୍; ହେ ଲାକେ ଜେ ବୁଇଁତାକେ ମାଚିସ୍, ହେଖାନ
ଲେଉଟି ଆଜି ହାଲମେନ୍ । ୩୨ ଲଟତି ଡକ୍ତି କାତା ଏଡୁ କିୟାଟ୍ । ୩୩ * ଇନେର୍ ଜାର୍
ଜିବୁନ୍ ବାଚାୟ କିଦେଙ୍ଗ୍ ସେସ୍ କିନାନ୍, ହେଖାନ ହେଦାଂ ଆରାୟ କିନାନ୍, ଆରେ
ଇନେର୍ ଜାର୍ ଜିବୁନ୍ ଆରାୟ କିନାନ୍, ହେଖାନ ହେଦାଂ ବାଚାୟକିନାନ୍ । ୩୪ ଆନ୍
ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ନାଣା ରିକାର୍ ର ଚାଟିତ ମାନ୍‌ଜାନାର୍, ରକାନିଂ ଇଟିୟା
ଆନାଡ଼ ଆରି ବିନ୍ ଲଗାଂ ପିହ୍‌ୟା ଆନାଡ଼ । ୩୫ ରିଣ୍ଡେକ୍ କଗଲେକ୍ ର ଜାତାତ ନୁସ୍‌ଦି
ମାନିକ୍, ରଞ୍ଜିଲିଂ ଇଟିୟା ଆନାଡ଼ ଆରି ରଞ୍ଜିଲିଂ ପିହ୍‌ୟାନାଡ଼ । ୩୬ ରିକାର୍ ଜମିତାକେ
ମାଚିସ୍, ରକାନିଂ ଇଟିୟା ଆନାଡ଼ ଆରି ରକାନିଂ ପିହ୍‌ୟାନାଡ଼ ।”

୩୭ ହେବେଣ୍ଡାଂ ଚେଲାର୍ ହେଖାନିଂ ଉତର ହିତାର୍, “ଏ ମାତ୍ରି, ଇମେତାକେ ?”

ଜିସୁ ହେଖାରିଂ ଇଚାନ, “ଇମେତାକେ ମାଡ଼ା, ହେବେ ରାମାଣିଙ୍ଗ୍ ପା ରୁଣ୍ଡା ଆନିକ୍
।”

୧୮

ରାଣ୍ଡି ଆରି ବିଚାର୍ କିନାକାନ୍ତି କାତା

୧ ଖାହ୍‌ଖାଦାଂ ତାୟନାଡ଼ ପାର୍ତାନା କିନାକା ଜେ ମାନାଡ଼, ଇ ବିସ୍ତେ ହେଖାନ
ହେଖାରିଂ ଉତରମୁଡ଼୍ ହିଜି ଇଚାନ, ୨ “ର ଗାଡ଼ଦ୍ ରଖାନ ବିଚାର୍‌କିନାକାନ୍ ମାଚାନ୍,
ହେଖାନ ଇସ୍ରାଏଲିଂ ପାଣ୍ଡା ଆଖାଦାଂ ମାଚାନ୍ କି ମାନାୟତିଂ ମାନିକିଖାଦାଂ ମାଚାନ୍
। ୩ ହେ ଗାଡ଼ଦ୍ ରଞ୍ଜେଲ୍ ରାଣ୍ଡି ମାଚାଡ଼, ହେଦେଲ୍ ଚାନେକ୍ ଚାନେକ୍ ହେଖାନ

* ୧୭:୩୧ ୧୭:୩୧ ମାତ୍ରି ୨୪:୧୭,୧୮; ମାର୍କ ୧୩:୧୫,୧୬. * ୧୭:୩୩ ୧୭:୩୩ ମାତ୍ରି ୧୦:୩୯; ୧୭:୨୫;
ମାର୍କ ୮:୩୫; ଲୁକ ୯:୨୪; ଜହନ୍ ୧୨:୨୫.

ତାକେ ହାଲୁକି ଇଞ୍ଜି ମାତାତ୍, ନା ଅନ୍ୟାୟ୍ରିଂ ବିଚାର୍ କିୟା ।” ୪ ଆରେ, ହେୱାନ୍ ଏଚେକ୍ ଖେଡ଼ାପାତେକ୍ ରାଜି ଆୱାଦାଂ ମାତାନ୍, ମାତର୍ ପାତେ ହେୱାନ୍ ମାନେ ମାନେ ଇଚାନ୍, ଆତିସ୍ପା “ଆନ୍ ଇସ୍ପର୍ତିଂ ପାଣ୍ଡା ଆଉଞ୍ଜ୍ କି ମାନ୍ୟାରିଂ ମାନି କିଉଞ୍, ୫ ଆତିସ୍ପା ଇ ରାଣ୍ଡି କଗଲେ ନାଞେଞ୍ କସ୍ ହିଦ୍ନି କାଜିଂ ଆନ୍ ହେଦାଂ କାଜିଂ କିତି ଅନ୍ୟାୟ୍ ସବୁ ବିଚାର୍ କିନାଞ୍, ନଲେ ହେଦେଲ୍ ସବୁଖେଡ଼ାଞ୍ ଖାଜି ନାଞ୍ ତାୟା କିଦ୍ନାତ୍ ।”

୬ ହେବେଣ୍ଡାଂ ମାପୁ ଇଚାନ୍, “ଇ ଅଦାମ୍ ବିଚାର୍ କିନାକାନ୍ ଇନାକା ଇନାନ୍ନା, ହେଦାଂ ଖେନା । ୭ ଲାଗିଂ ଇସ୍ପର୍ତିଂ ଇମଣି ବାଟିକିତି ଲକାର୍ ଖେଡ଼ା ନାଣା ହେୱାନ୍ କୁକ୍ତି ମାନାର୍, ହେୱାନ୍ କି ହେୱାର୍ କିତି କାମାୟ୍ ଅନ୍ୟାୟ୍ ବିଚାର୍ କିଉନ୍ ଆତିସ୍ପା ହେୱାନ୍ ହେୱାର୍ ସତୁରୁର୍ କାଜିଂ ବେସି ଦାମ୍ ଆନାନ୍ ? ୮ ଆନ୍ ମିଞେଞ୍ ଇଞ୍ଜନାଞା, ହେୱାନ୍ ବେଗି ହେୱାର୍ କିତି କାମାୟ୍ ଅନ୍ୟାୟ୍ ବିଚାର୍ କିନାନ୍ । ମାତର୍ ମାନାୟ୍ ମାଜି ଖାଜି ପୁତ୍ ତ ଇନାକା ପାତ୍ ହୁଡ଼ନାନ୍ ?”

ପାରୁସିର୍ ଆରି ଏନ୍ନାକାର୍ ଉତର୍ମୁଡ଼୍

୯ ଜାର୍ ଜାର୍ତିଂ ଦାମ୍ ମାନେ କିଜି ଆଲଗା ଓଜାକାରିଂ ଲାଜକୁଇ କିନାକାର୍ କେତେକ୍ ଜିବୁନ୍ତ ପାତ୍ ଲଗାଂ ଜିସୁ ଇ ଉତର୍ମୁଡ଼୍ ପା ଖେଚ୍ଚାନ୍, ୧୦ “ରିକାର୍ ମାନାୟ୍ ପାର୍ତାନା କିନି କାଜିଂ ମନ୍ଦିରତ୍ ହାଚାର୍, ରକାନ୍ ପାରୁସି ଆରି ଆରେ ରକାନ୍ ସିସୁ ଏନ୍ନାକାନ୍ । ୧୧ ପାରୁସି ନିଲ୍ତିପା ଜାର୍ ଲାଗେ ଇ ଲାକେ ପାର୍ତାନା କିଦେଞ୍ ଲାଗାତାନ୍, ଏ ଇସ୍ପର୍, ଆନ୍ ନିଞେଞ୍ ଡୁୱାର୍ ହିଦ୍ନାଞା ଜେ ଆନ୍ ବିନ୍ ଲକୁଲାକେ ପାଣ୍ଡୁକିନାକାଞ୍, ଅଦାମ୍, ନାଞ୍ରା କି ଇ ସିସୁ ଏନ୍ନାକାନ୍ ଲାକେ ପା ଆକାୟ୍; ୧୨ ଆନ୍ ରଇବାର୍ ଦିନ୍ତିଂ ରିହା ଉପାସ୍ କିନାଞା ଆରି ନା ଓଜୁ କମାୟ୍ କିତି ଦାନ୍ ଦସ୍ ବାଗ୍ ଦାନ୍ ହିନାଞା” ୧୩ ମାତର୍ ସିସୁ ଏନ୍ନାକାନ୍ ଦେହା ନିଲ୍ତି ସାଗେସ୍ ହୁଡ଼ଦେଂ ପା ସାସ୍ କିଖାତାନ୍, ମାତର୍ ତା ନେଞ୍ଜେତାକିତ ଇଡ଼ୟା ଆଜି ଇଞ୍ଜେଞ୍ ଲାଗାତାନ୍, “ଏ ଇସ୍ପର୍, ଆନ୍ ପାପି, ନାଞେଞ୍ ଦୟା କିଦା ।” ୧୪ ଆନ୍ ମିଞେଞ୍ ଇଞ୍ଜନାଞା, ହେୱାନ୍ ପାରୁସି ଆକାୟ୍ ମାତର୍ ହେ ସିସୁ ଏନ୍ନାକାନ୍ ଦାମ୍ ଆଜି ଜାର୍ ଇଞ୍ଜ ହାଚାନ୍; ଇନାକିଦେଂକି ଇନେର୍ ଜାର୍ତିଂ ଜପି ଇଞ୍ଜି ଚଞ୍ଜା ଆନାନ୍, ହେୱାନ୍ ତାରେନ୍ କିୟା ଆନାତ୍, ମାତର୍ ଜେ ଜାର୍ତିଂ ତାରେନ୍ କିନାନ୍, ହେୱାନ୍ ଉର୍ କିୟା ଆନାତ୍ ।

ଜିସୁ ହିମ୍ଣାକାଂ ଆସିର୍ବାଦ୍ କିତାନ୍

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଜିସୁ ଇନେସ୍ ହିମ୍ଣାକାଂ ତୁନାନ୍, ଇଦାଂ କାଜିଂ ଲକୁ ହେୱାରିଂ ପା ହେୱାନ୍ ତାକେ ତାତେଞ୍ ଲାଗାତାର୍, ମାତର୍ ଚେଲାର୍ ହେଦାଂ ହୁଡ଼ଜି ହେୱାରିଂ ଦାକା ହିଦେଂ ଲାଗାତାର୍ । ୧୬ ମାତର୍ ଜିସୁ ହେୱାରିଂ ଜାର୍ ଲାଗାଂ କୁକ୍ତି ଇଚାନ୍, ହିମ୍ଣାକାଂ ନା କଚଣ୍ଡତ୍ ଖାଦେଞ୍ ହିଆର୍, ଆରେ ହେୱାରିଂ ମୁନା କିମାଟ୍, ଇନାକିଦେଂକି ମାପୁତି ରାଜି ଏଲେଞ୍ବାତ୍ ହିମ୍ଣାଂ । ୧୭ ଆନ୍ ମିଞେଞ୍ ହାତ୍ପା ଇଞ୍ଜନାଞା, “ଇନେର୍ ହିମ୍ଣା ଲାକେ ଇସ୍ପତ୍ ରାଜି ଇଟ୍ଡିସ୍, ହେୱାନ୍ ଇନେସ୍ କିଜିପା ହେବେ ହଣ୍ଡେଞ୍ ଆତୁନ୍ ।”

ରକାନ୍ ମାଜାନ୍ ମାନାୟ୍

(ମାତିଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ରଞ୍ଜାନ୍ ଜିହୁଦି ନେତା ଜିସୁଞ୍ ଖେନ୍ବାତାନ୍, “ଏ ସତ୍ ଗୁରୁ, ଓଜ୍ଡି ଜିବୁନ୍ ପାୟାନି କାଜିଂ ଆନ୍ ଇନାକା କିନାଞ୍ ?”

୧୯ “ହେବେଣ୍ଡାଂ ଜିସୁ ତାଙ୍ଗେଙ୍ଗ୍ ଇଚାନ୍, ନାଙ୍ଗେଙ୍ଗ୍ ସତ୍ତ୍ଵ ଇଞ୍ଜି ଇନେକିଦେଂ ଇଞ୍ଜିନାୟା ? ଚକାନିଂ ପିସ୍ତ୍ର, ଇଚିସ୍, ଇସ୍ପରତିଂ ପିସ୍ତ୍ର ଆଲ୍ଗା ଇନେର୍ ପା ହାର୍ ଆକାୟ୍ । ୨୦ ବଲ୍ଲକ୍ତ ଏପେଙ୍ଗ୍ ପୁରାଦେଣ୍ଡା, ଦାରି କିମାଟ୍, ନାର୍ ଅହ୍ମାଟ୍, ଚର୍ କିମାଟ୍, ମିର୍ସାକି ହିମାଟ୍, ଜାର୍ ଆବା ଆୟାକାଂ ଜିଉନଝାଟ୍ ।”

୨୧ ହେଝାନ୍ ଇଚାନ୍, “ଇଦାଂ ଝିଜୁ ଆନ୍ ବେଣ୍ଡିୟା ଝେଡ଼ାତାଂ ମାନିକିଜି ଝାନାଙ୍ଗା ।”

୨୨ ଜିସୁ ଇଦାଂ ଝେନ୍ଝି ତାଙ୍ଗେଙ୍ଗ୍ ଇଚାନ୍, “ନିୟାଂ ଆରେ ରଞ୍ଜାଙ୍ଗ୍ ବିସ୍ତେ ଅଲପ୍ ମାନାଟ୍; ଏନ୍ ଜାର୍ତି ଝିଜୁ ପ୍ରସି ହିଲ୍ଝାକାରିଂ ଦାନ୍ ବାଟାକିଜି ହିଆ, ଆରେ ଏନ୍ ସାର୍ଗେତାଂ ଦାନ୍ ପାୟା ଆନାୟ୍; ପାରେ, ଝାଜି ନା ପାରେ ପାରେ ଝା ।” ୨୩ ମାତର୍ ହେଝାନ୍ ଇ ଝିଜୁ କାତା ଝେନ୍ଝି ବେସି ଦୁକ୍କିତାନ୍, ଇନାକିଦେଂକି ହେଝାନ୍ ବେସି ମାଜାନ୍ ମାଚାନ୍ ।

୨୪ ହେବେତାଂ ହେଦେଲ୍ ଦୁକ୍ ଆନାକା ହୁଡ଼ଜି ଜିସୁ ତାଙ୍ଗେଙ୍ଗ୍ ଇଚାନ୍, “ଇନେର୍ତି ଦାନ୍ ମାନାଟ୍, ହେଝାର୍ କେତେ କସ୍ତାଂ ମାପୁ ରାଜିତ ହଣାର୍ । ୨୫ ଇନାକିଦେଂକି ଇସ୍ପର ରାଜିତ ଦନିଲ୍ଗୁ ହଣିବାଟା ହୁଜାନି କାଣାତିଂ ଉର୍ ହଣାକା ଆଡ଼ଝା ।”

୨୬ ଇନେର୍ ଇ କାତା ଝେଚାର୍, ହେଝାର୍ ଇଚାର୍, “ଲାଗିଂ ଇନେର୍ ମୁକ୍ତି ପାୟା ଆଦେଂ ଆଡ଼ନାର୍ ?”

୨୭ ମାତର୍ ହେଝାନ୍ ହୁଡ଼ଜି ଇଚାନ୍, “ଇନାକା ମାନାୟ୍ତାକେ ଆଉଟ୍, ହେଦାଂ ଇସ୍ପର ତାକେ ଆନାଟ୍ ।”

୨୮ ହେବେଣ୍ଡାଂ ପିତର୍ ଇଚାନ୍, “ହୁଡ଼ା ଆପେଙ୍ଗ୍ ଜାର୍ ଜାର୍ତି ଝିଜୁ ପିସ୍ତ୍ରା ନି ପାରେ ପାରେ ଝାନାପା ।”

୨୯ ଜିସୁ ହେଝେରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଝେଡ଼ନାଙ୍ଗା, ଇମ୍ଫା ମାନାୟ୍ ମାପୁ ରାଜି କାଜିଂ ଇଲ୍ କି ତକ୍ତି ଚଣ୍ଡେନ୍ ଆବା ଆୟା ! ହିମ୍ଫାଝାକଡ଼ା ପିସ୍ତ୍ରାଣ୍ଡା, ୩୦ ହେଝାର୍ ଇ କାଡ଼ଦ ବେସିଗୁଣ୍ଡା ଆରି ପାରେନି କାଡ଼ଦ ଝିଜୁଜି ଜିବୁନ୍ ପାୟା ଆଉନ୍, ଏଲେଙ୍ଗ୍ବାତ୍ ମାନାୟ୍ ଇନେର୍ ହିଲୁର୍ ।”

ଜିସୁ ତିନିହର୍ ହାନିକାତା ଇଚାନ୍

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ପାରେ ହେଝାନ୍ ବାରଜାଣ୍ଡିଂ ବିନେ କିଜି ହେଝାରିଂ ଇଚାନ୍, “ହୁଡ଼ାଟ୍ ଆସେଙ୍ଗ୍ ଜିରୁସାଲମ୍ ହାନାସା, ଆରେ ବେଶବାକ୍‌ଶାୟ୍‌କିନାର୍ ମାନାୟ୍ ମାଜି ବିତ୍ତେ ଇମ୍ଫା ଝିଜୁ ବିସ୍ତେ ଲେକା ମାନାଟ୍, ହେ ଝିଜୁ ଜିତାଆନାନ୍; ୩୨ ଇନାକିଦେଂକି ଜିସୁ ପାତ୍ କିଝି ଜିହୁଦିର୍ କେଇଦ ହିୟାଆନାନ୍, ଆରେ ହେଝାର୍ ତାଙ୍ଗେଙ୍ଗ୍ ଲାଜ୍‌କୁଇ କିନାର୍, ହେଝାନିଂ ଗ୍ରେନ୍‌ନାର୍ ହେଝାନ୍ ଜପି ତୁପ୍‌ନାର୍ । ୩୩ ହେଝେନିଂ କର୍ତା ତିଜି ଅହ୍‌ନାର୍, ଆରେ ତିନ୍‌ଦିନ୍ ପାରେ ଆରେ ନିଂନାନ୍ ।”

୩୪ ମାତର୍ ହେଝାର୍ ଇ ଝିଜୁ ବିସ୍ତେ ଅଲପ୍‌ପା ବୁଜାଆଝାତାର୍, ଇ କାତା ହେଝାର୍‌ତାଂ ତୁଗୁଜି ମାଚାଟ୍, ଆରି ଇନା ଇନାକା ଇଞ୍ଜି ମାଚାନ୍, ହେ ଝିଜୁ ହେଝାର୍ ବୁଜାଆଝାଦାଂ ମାଚାର୍ ।

ଜିସୁ ର କାଣାଙ୍ଗ୍ ଉଜ୍ କିତାନ୍

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିହ୍‌ନି ଲାଗେ ଆନି ସମୁତ ର କାଣା ହାଜି ଗୁଟିତ କୁଚ୍‌ଟି ବିକ୍ୟା ଏନ୍‌ଟି ମାଚାନ୍ । ୩୬ ହେଝାନ୍ ମାନାୟ୍ ହାନିହିଂ ଆଲି ଝେନ୍ଝି କାତା “ଇନାକା ଇଞ୍ଜି ଝେନ୍‌ବେଦେଂ ଲାଗାତାନ୍ ?”

୩୭ ହେଝାର୍ ତାଙ୍ଗେଙ୍ଗ୍ ଇଚାର୍, “ନାଜରିତୟ୍ ଜିସୁ ଇ ହାଜି ହିଜି ହାନାନ୍ନା ।”

୩୮ ହେବେଣ୍ଡାଂ କାଣା ଗାଜା କାଟ୍‌ତାଂ ଇଚାନ୍, “ଏ ଜିସୁ, ଦାଉଦ୍ ମାଜି, ନାଙ୍ଗେଙ୍ଗ୍ ଦୟା କିଦା ।”

୩୯ ଫତର ଆଗେ ହାଲୁଜି ମାଟି ମାନାୟାର୍ ହେୱାନିଂ ଚିମରା ଆଦେଂ ଦାକା କିଦେଙ୍ଗ୍ ଲାଗାତାର୍, ଫତର ହେୱାନ୍ ଆଦିକ୍ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ତି ମାଜି, ନାଙ୍ଗେଙ୍ଗ୍ ଦୟା କିଦା ।”

୪୦ ହେବେତାଂ ଜିସୁ ନିଲ୍ଲଚି ହେୱାନିଂ ତା ଲାଗେ ତାତେଙ୍ଗ୍ ବଲ୍ଲ ହିତାନ୍; ଆରେ, ହେୱାନ୍ ଲାଗାଂ ଏକିତିଲେ, “ହେୱାନ୍ ତାଙ୍ଗେଙ୍ଗ୍ ୱେନ୍ଦାତାନ୍,” ୪୧ “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇଚା କିନାୟା ?”

ହେୱାନ୍ ଇଚାନ୍, “ଏ ମାପୁ ଆନ୍ ଇନେସକି ଆରେ କାଣ୍କୁ ହୁଡ୍ନାଂ ।”

୪୨ ଜିସୁ ତାଙ୍ଗେଙ୍ଗ୍ ଇଚାନ୍, “କାଣ୍କୁ ହୁଡ୍ନା; ନି ପାତ୍ କିନାକା ନିଙ୍ଗେଙ୍ଗ୍ ଉଜ୍ କିଡ୍ତାଡ୍ନା ।”

୪୩ ହେ ଦାପ୍ରେ ହେୱାନ୍ ହୁଡ୍ନି ଇସ୍ତର୍ କେରକଣ୍ କିଉ କିଉ ଜିସୁ ପାଚେ ପାଚେ ହାଞ୍ଜେଙ୍ଗ୍ ଲାଗାତାନ୍ ଆରି ଲକୁ ୱିଜାକାର୍ ହେଦାଂ ହୁଡ୍ନି ଇସ୍ତର୍ତି ପାର୍ତାନା କିତାର୍ ।

୧୯

ଜିସୁ ଆରି ଜକିୟ

୧ ପାଚେ ଜିସୁ ଜିରିହତ ହଣ୍ଡିପା ହେଦେଲିଂ ଆଜି ହାଲୁଜି ମାଚାର୍ । ୨ ଆରି ହୁଡ୍ନା, ଜକିୟ ତରନ୍ ରକାନ୍ ମାନାୟ ମାଚାନ୍, ହେୱାନ୍ ରକାନ୍ ମୁଡ୍ଦାକାନ୍ ସିସୁଧୁନ୍ନାକାନ୍ ଆରି ମାଜାନ୍ ମାନାୟ । ୩ ଜିସୁ ଇନେନ୍, ହେଦାଂ ହୁଡ୍ଦେଂ ହେୱାନ୍ ସେସ୍ତା କିଜି ମାଚାନ୍, ମାତର୍ ଲକୁ ଗହଲି କାଜିଂ ହୁଡ୍ଦେଂ ଆଡ୍ଡାଦାଂ ମାଚାନ୍, ଇନାକିଦେଂକି ହେୱାନ୍ କୁଜା ମାଚାନ୍ । ୪ ଲାଗିଂ ହେୱାନ୍ ମାନାୟ ଆଗେ ହସ୍ତି ହାଲୁଜି ହେୱାନିଂ ହୁଡ୍ନି କାଜିଂ ର ତଗାମାର୍ତ ଦୁମ୍ତାନ୍, ଇନାକିଦେଂକି ହେ ହାଜି ହିଜି ଜିସୁ ହାନାକା ମାଚାଡ୍ । ୫ ଜିସୁ ହେ ବାହାତ ୱାଜି ଜପି ହୁଡ୍ନି ହେୱାନିଂ ଇଚାନ୍, “ଜକିୟ ବେଗି ଜୁଜି ୱା, ଇନାକିଦେଂକି ନେଞ୍ଜେଙ୍ଗ୍ ନାଙ୍ଗେଙ୍ଗ୍ ମିଞ୍ଜି ହାଡ୍ପା ମାଞ୍ଜେଙ୍ଗ୍ ଲାଗଦାନାଡ୍ ।”

୬ ହେବେତାଂ ହେୱାନ୍ ବେଗି ଜୁଜି ୱାଜି ୱାରିତାଂ ଜିସୁଙ୍ଗ୍ ହେବା କିତାନ୍ । ୭ ହେଦାଂ ହୁଡ୍ନି ୱିଜାକାର୍ ଗାଣ୍ଡୁ କିଜି ଇଞ୍ଜେଙ୍ଗ୍ ଲାଗାତାର୍, “ହେୱାନ୍ ପାପିୟାର୍ ଇଞ୍ଜି ମାଞ୍ଜେଙ୍ଗ୍ ହାନାନା ।”

୮ ମାତର୍ ଜକିୟ ନିଲ୍ଲଚିପା ମାପୁଙ୍ଗ୍ ଇଚାନ୍, ଏ ମାପୁ, ହୁଡ୍ନା, “ନା ଦାନ୍ତାଂ ଆନ୍ ଆଦା ହିଲ୍ଡାକାରିଂ ଦାନ୍ ହିନାଙ୍ଗା, ଆରି ଜଦି ଅନ୍ୟାୟତାଂ ଇନେର୍ତାଂ ଅଲପ୍ ଅଜି ମାଟିସ, ଲାଗିଂ ଚାରିଗୁଣତାଂ ହେଦାଂ ଲେଉଟାୟ କିନାଙ୍ଗା ।”

୯ ହେବେଣ୍ଡାଂ ଜିସୁ ହେୱାନ୍ ବିସ୍ତେ ଇଚାନ୍, “ନେଞ୍ଜେଙ୍ଗ୍ ଇ ଇଞ୍ଜି ମୁକ୍ତିକିନାକା ଏକାଞ୍ଚାତାଡ୍ନା, ଲାଗିଂ ଇଞ୍ଚାନ୍ପା ଅଗ୍ରାହାମ୍ତି ରକାନ୍ ମାଜି; ୧୦ *ଇନାକିଦେଂକି ଇନାକା ଜାଙ୍ଗ୍ତାଡ୍ନା ହେଦାଂ ତେକ୍ତେଂ ରାକ୍ୟା କିଦେଙ୍ଗ୍ ମାନାୟ ମାଜି ୱାତାନ୍ନା ।”

ହନା ଟାକାନ୍ କାତା
(ମାତିଉ ୨୫:୧୪-୩୦)

୧୧ ଲକୁ ଇ ଉତର୍ମୁଡ୍ ୱିଜୁ ୱେନି ୱେଡାଲିଂ ହେୱାନ୍ ଆରି ରଞ୍ଜାଙ୍ଗ୍ କାତା ଇଚାନ୍, ଇନାକିଦେଂକି ହେୱାନ୍ ଜିରୁସାଲମ୍ନି ଲାଗେ ଆଜି ମାଚାନ୍ ଆରି ଇସ୍ତର୍ତି ରାଜି ବେଗି ମେଙ୍ଗିୟା ଆନାଡ୍ ଇଞ୍ଜି ହେୱାର୍ ବାବିକିଜି ମାଚାର୍ । ୧୨ ଲାଗିଂ ହେୱାନ୍ ଇଚାନ୍, “ରକାନ୍ ଗାଜାକାନ୍ ମାନାୟ ଜାର୍ ରାଜି କାଜିଂ ରାଜା ପାଦ୍ ପାୟା ଆଜି ଲେଉଟା ଆଦେଂ କାଜିଂ ଦେହା ଦେସ୍ତ ହାଚାନ୍ । ୧୩ ହେୱାନ୍ ତା ଦସ୍ ଜାଣ୍ ଆଡ୍ଡିୟାରିଂ କୁକ୍ଚି ହେୱାରିଂ ଦସ୍ଗଟା ତାବୁଙ୍ଗ୍ ହିଜି ଇଚାନ୍, ଆନ୍ ୱାନି ପାତେକ୍

* ୧୯:୧୦ ୧୯:୧୦ ମାତିଉ ୧୮:୧୧.

ବେପାର୍ କିୟାଟ୍ ।” ୧୪ ମାତର୍ ହେୱାନ୍ତି ଦେସନିକାର୍ ହେୱାନିଂ ଗିଣ୍ କିଜି ମାଗାର୍, ଆରି ହେୱାର୍ ହେୱାନ ପାଟେ ଦୁଡ୍ ପକ୍ତି ଇଚାନ, ଇୱାନ ଜେ ମା ଜପି ରାଜ୍ କିନାନ, “ଇଦାଂ ମା ଇଚା ଆକାୟ୍ ।”

୧୫ “ପାଟେ ହେୱାନ ରାଜା ପାଦ୍ ପାୟା ଆଜି ଲେଉଟା ଆଜି, ଇମ୍ଣି ଆଡ଼ିୟାରିଂ ତାରୁଙ୍ଗ୍ ହିଜି ମାଗାନ, ହେୱାର୍ ବିତ୍ରେ ବେପାର୍ କିଜି ଇନେର୍ ଏଚେକ୍ ଲାଦ୍ କିତାଣ୍ଟା, ହେଦାଂ ପୁନିକାଜିଂ ହେୱାରିଂ ଜାର୍ ରାଜି ଲାଗେ କୁକ୍ତି ତାହିୱାଦେଂ ବଲ୍ ହିତାନ ।” ୧୬ ହେବେଣ୍ଟାଂ ପର୍ତ୍ତୁମ୍ ମାନାୟ୍ ୱାଜି ଇଚାନ, “ମାପୁ, ନି ହିଡ୍ଡି ହନା ଟାକାଂ ଆରି ଦସଗଟା ତାରୁଙ୍ଗ୍ ଆନ୍ ଲାଦ୍ କିତାଙ୍ଗନା ।” ୧୭ ହେୱାନ ତାଙ୍ଗେଙ୍ଗ୍ ଇଚାନ, “ଏନ୍ ରକାୟ୍ ହାର୍ଦି ଆଡ଼ିୟା, ଏନ୍ ବେସି ଅଲପ୍ ବିସ୍ତେ ପାଟ୍ ଲାହାଂ କିତିଲେ ଏନ୍ ଦାସଗଟା ଗାଡ୍ ଜପି ଆଦିକାର୍ ପାୟା ଆ ।” ୧୮ ଆରେ ଆରେ ରକାନ ୱାଜି ଇଚାନ, “ମାପୁ, ନି ତାରୁଙ୍ଗ୍ ପାଞ୍ଚଗଟା ନାଦାଂ ଲାଦ୍ କିତାଙ୍ଗନା ।” ୧୯ ହେୱାନ ତାଙ୍ଗେଙ୍ଗ୍ ପା ଇଚାନ, “ଏନ୍ ପା ପାଞ୍ଚଗଟା ଗାଡ୍ ଜପି ଆଦିକାର୍ ପାୟା ଆ ।” ୨୦ ଆରେ ରକାନ ୱାଜି ଇଚାନ, “ମାପୁ, ହୁଡା, ଇଦାଂ ନି ତାରୁଙ୍ଗ୍, ଆନ୍ ଇଦାଂ ନା ତୁ଱ାଲ୍ଡ ଗାଡ୍ଡି ଇଡ୍ଡି ମାଗାଙ୍ଗ୍; ୨୧ ଇନାକିଦେଂକି ଆନ୍ ନିଙ୍ଗେଙ୍ଗ୍ ପାଣ୍ଟା ଆଡ୍ଡାଂ, ଲାଗିଂ ଏନ୍ ରକାୟ୍ କଟିମାନାୟ୍ତି, ଇନାକା ଇଟ୍ୱାତାଂମା, ହେଦାଂ ନିକ୍ତି ଅନାୟ୍, ଆରେ ଇନାକା ଝିଡ୍ୱାଦାଂ ମାନାୟ୍ ହେଦାଂ ତ୍ରେଜ୍ନାୟ୍ । ୨୨ ହେୱାନ ତାଙ୍ଗେଙ୍ଗ୍ ଇଚାନ, ଏଡେ ବାନ୍ୟା ଆଡ଼ିୟା, ନି ମୁମ୍ନି କାତାତିଂ ନି ବିଚାର୍ କିନାଙ୍ଗ୍ । ଆନ୍ ରକାଂ କଟି ଲଗ୍, ଇନାକା ଇଟ୍ୱାଦାଂ ମାନାଂ, ହେଦାଂ ନିକ୍ତି ଅନାଙ୍ଗ୍, ଆରେ ଇନାକା ଝିଡ୍ୱାଦାଂ ମାନାଂ, ହେଦାଂ ତ୍ରେଜ୍ନାଂ, ଇଦାଂ ଇନାକା ପୁଚାୟ୍ନା ?” ୨୩ ଲାଗିଂ, ବେକ୍ତ ଇନେକିଦେଂ ନା ହନା ଟାକାଂ ଇଟ୍ୱାତାୟ୍ ? ତାଆଡିସ୍ ଆନ୍ ୱାଜି କଲ୍ଡର ଲାହାଙ୍ଗ୍ ପାୟାଆତାଂମା । ୨୪ ଆରେ, ହେ କଟଣ୍ଡ ନିଲ୍ଡିମାନି ମାନାୟ୍ତିଂ ଇଚାନ, “ଇବେଣ୍ଟାଂ ଇ ତାରୁଙ୍ଗ୍ ଅଜି, ଇନେରିଂ ଦାସଗଟାକା ମାନିଙ୍ଗ୍, ହେୱାନିଂ ହିଆଟ୍ ।” ୨୫ ହେବେତାଂ ହେୱାର୍ ହେୱାନିଂ ଇଚାର୍, “ମାପୁ, ତାଦାଙ୍ଗ୍ ତ ଦାସ୍ ଗଟା ତାରୁଙ୍ଗ୍ ମାନିଙ୍ଗ୍ ।” ୨୬ *ଆନ୍ ମିଙ୍ଗେଙ୍ଗ୍ ୱେଟାନାଙ୍ଗା, “ଇମ୍ଣି ମାନାୟ୍ତିଂ ମାନାଡ୍, ହେୱାନିଂ ହିୟାଆନଡ୍; ମାତର୍ ଇନେର୍ଡି ହିଲୁଡ୍, ହେ କଟଣ୍ ଇନାକା ମାନାଡ୍, ହେଦାଂ ନେ ହେୱାନତାଂ ଅୟାନାଡ୍ । ୨୭ *ମାତର୍ ନା ଇମ୍ଣି ସାଡୁର୍ ଆନ୍ ହେୱାର୍ ଜପି ସାସନ୍ କିନାଙ୍ଗ୍ ଇଞ୍ଜି ଇଚା କିୱାଦାଂ ମାଗାଙ୍ଗ୍, ହେୱାରିଂ ଇବେ ତାସି ନା ମୁମ୍ଦ ଟୁଣାଟ୍ ।”

ଜିସୁ ଜିରୁସାଲମ୍ତ ହଣାକା

(ମାଡିଉ ୨୧:୧-୧୧; ମାର୍କ ୧୧:୧-୧୧; ଜହନ୍ ୧୨:୧୨-୧୯)

୨୮ ଇ ସବୁ କାତା ଇଞ୍ଜି ଜିସୁ ଆଗେ ହାଲ୍ଡି ଜିରୁସାଲମ୍ ନିପ ହାଞ୍ଜେଙ୍ଗ୍ ଲାଗାତାନ । ୨୯ ଆରେ, ଏଚେକାଡ୍ଡ ହେୱାନ ଜିଡ୍ମାଡି କଟଣ୍ଡ ବେଡ୍ପାଗି ଆରି ବେଡ୍ନିୟା ଲାଗାଂ ଏକାତାନ, ହେ ଏଚେକାଡ୍ଡ ହେୱାନ ହେ ଚେଲାର୍ ବିତ୍ରେତାଂ ରିକାରିଙ୍ଗ୍ ଇ କାତା ଇଞ୍ଜି ପକ୍ତାନ, ୩୦ “ମି ହାଣ୍ଡକୁ ହେ ନାସ୍ତ ହାଲାର୍, ହେବେ ହଣି ୱେଡାଲିଙ୍ଗ୍, ଇନାକା ଜପି ଇନେର୍ ଇନାୱାଡାଂ ଇନେର୍ କୁଟ୍ୱାତାନନ୍ନା, ଏଲେଙ୍ଗ୍ବାଡ୍ ଚ ଗଦ୍ ହିମ୍ଣା ଗାଡ୍ଡାକା ହୁଡ୍ନାଦେର୍, ହେଦେଲିଂ ରିକ୍ତି ତାହିୱାଡୁ । ୩୧ ଆରେ, ବାଟିଙ୍ଗ୍ ଇନେର୍ ମିଙ୍ଗେଙ୍ଗ୍ ଇନେକିଦେଂ ରିକ୍ନାଦେରା ଇଞ୍ଜି ୱେନ୍ବାଡିସ୍, ଏପେଙ୍ଗ୍ ଇନାଦେର୍, ଇନାକିଦେଂକି ଇଦାଂ ତାକେ ମାପୁଡି ଲଡା ମାନାଡ୍ ।”

୩୨ ହେବେ ପକ୍ୟାତି ମାନାୟାର୍ ହାଲ୍ଡିପା, ଜିସୁ ହେୱାରିଂ ଇନେସ୍ ଇଞ୍ଜି ମାଗାନ, ହେ ଲାକେ ହୁଡ୍ଡାଡ୍ । ୩୩ ଆରେ, ହେୱାର୍ ଗଦ୍ ହିମ୍ଣାତିଂ ରିକ୍ନିଞ୍ଜେଡାଲିଂ ହେ ହାଉକାର୍ ହେୱାରିଂ ୱେନ୍ବାଡାର୍, “ଇନେକିଦେଂ ଗଦ୍ ହିମ୍ଣାତିଂ ରିକ୍ନାଦେରା ?”

* ୧୯:୨୨ ୧୯:୨୭ ମାଡିଉ ୧୩:୧୨; ମାର୍କ ୪:୨୫; ଲୁକ ୮:୧୮. * ୧୯:୨୭ ୧୯:୨୭ ମାଡିଉ ୨୫:୧୪-୩୦.

୩୪ ହେୱାର୍ ଇଚାର୍, “ଇନାକିଦେଂକି ଇଦାଂ ତାକେ ମାପୁତି ଲଡ଼ା ମାନାଡ଼ ।”

୩୫ ଆରେ, ହେୱାର୍ ଗଦ ହିମ୍ଣାତିଂ ଜିସୁତାକେ ତାସି ତା ଜପି ଜାର୍ ଜାର୍ ହେୟା ପାସସି ଜିସୁଙ୍ଗ କୁଟିକିତାର୍ । ୩୬ ଆରେ, ଜିସୁ ହାନି ୱେଡ଼ାଲିଂ ମାନାୟାର୍ ହାସଦ ଜାର୍ ଜାର୍ ହେୟା ପାସସି ହିଦେଙ୍ଗ ଲାଗାତାର୍ ।

୩୭ ଆରେ, ଜିସୁ ଏଚେକାଡ଼ଦ ଜିଡ଼ମାଡ଼ିନି ଗାଡ଼ଗାଡ଼ା ବାହାତ ଲାଗାୟ ଆତାନ, ହେୱେଡ଼ାଲିଂ ସବୁ ଚେଲାର୍ ମାୟା ହୁଡ଼ଜି ମାଟି ୱିଜୁ ସାକ୍ତିନି କାମାୟ କାଜିଂ ୱାରିତାଂ ଗଜା କାଟ୍ କିଜି ଇସ୍ବର୍ ମାପୁତି ପାର୍ତାନା କିଜି ଇଚାର୍,

୩୮ “ମାପୁତି ତରଦ ଇମ୍ଣି ରାଜା ୱାନାନା, ଇସ୍ବର୍ ହେୱାନିଂ ଦନ୍ୟବାଦ୍ କିଏନ୍ ।

ସାର୍ଗେତ ସୁସ୍ତା ଆରି ଜପ୍ଣି ଲକାତ୍ ଜାଜମାଲ୍ ଆୟେଡ଼ ।”

୩୯ ହେବେଣ୍ଡାଂ ମାନାୟାର୍ ଗହଲି ବିତ୍ରେ କେତେକ୍ ପାରୁସିର୍ ତାଙ୍ଗେଙ୍ଗ୍ ଦାକା କିଜି ଇଚାର୍, “ଏ ଗୁରୁ, ନି ଚେଲାର୍ ଚିମ୍ବରା ଆଦେଂ ଇନା ।”

୪୦ ଜିସୁ ଉତର ହିତାନ, “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇୱାର୍ ଚିମ୍ବରା ଆତିସ୍, କାଲ୍‌କୁଙ୍ଗ୍ ଆଲାଆନିକ୍ ।”

ଜିସୁ ଜିରୁସାଲମ୍ କାଜିଂ ଆଡ଼ବାତାନ

୪୧ ଆରେ, ଏଚେକାଡ଼ଦ ଜିସୁ ଜିରୁସାଲମ୍ ଲାଗାୟ ୱାତାନ, ହେ ଏଚେକାଡ଼ଦ ଗାଡ଼ଦିଂ ହୁଡ଼ଜି ହେଦାଂ କାଜିଂ ଆଡ଼ବିସ୍ ଇଚାନ, ୪୨ “ଏନ୍, ଆଁ, ଏନ୍ ଜଦି ନେଞ୍ଜେଙ୍ଗ୍ ସୁସ୍ତାନି ବିସ୍ତେ ପୁନ୍‌ଞ୍ଜିମାରାୟତି ! ମାତର୍ ନଙ୍ଗନି କାଣ୍‌କୁକାଂ ତୁଗୁଜି ମାଚାଡ଼ନା । ୪୩ ସମ୍ବୁ ୱାନାତା ଏଚେକାଡ଼ଦ ମି ସାଡୁର୍ ନି ଚାରିବେଣ୍ଡାଂ କାଲ୍‌ଦ ଗାଟ୍ଟି ନିଙ୍ଗେଙ୍ଗ୍ ଚେବାୟ କିଦନାର୍, ଆରେ ମିଦାଙ୍ଗ୍ ୱିଜୁ ହାଜି ଗେସ୍‌ତାନାର୍ । ୪୪ ହେୱାର୍ ନିଙ୍ଗେଙ୍ଗ୍ ଆରି ନି ଲାହାଙ୍ଗ୍ ନି ବିତ୍ରେ ମାନି ୱିଜାର୍ ମାନାୟାର୍ ଚୁତାଇ କିଦନାର୍, ର କାଲ୍ ଜପି ଆରେ ର କାଲ୍ ଜପି ମାନୁଡ଼, ଇନାକିଦେଂକି ଏଚେକାଡ଼ଦ ନିଙ୍ଗେଙ୍ଗ୍ ମୁକ୍ତି କିଦଦେଂ ଇଞ୍ଜି ଇସ୍ବର୍ ମାପୁ ୱାତାନ, ଏପେଙ୍ଗ୍ ତାଙ୍ଗେଙ୍ଗ୍ ପୁନ୍‌ଞ୍ଜାତାଦେର୍ ।”

ଜିସୁ ମନ୍ଦିରତ ହାଚାନ

(ମାଡ଼ିଉ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଆରେ, ଜିସୁ ମନ୍ଦିରତ ହଣ୍ଡିପା ବେପାର୍ କିନି ଲଗାଂ ଇଦାଂ ଇଞ୍ଜି ହପ୍ତେଂ ଲାଗାତାନ, ୪୬ ଦରମ୍ ସାସ୍ବରତ ଲେକାଆତାଡ଼ନା, ଇସ୍ବର୍ ଇଚାନ “ମା ଇଲ୍ ପାର୍ତାନା ଇଲ୍ ଆନାଡ଼, ମାତର୍ ଏପେଙ୍ଗ୍ ଚକ୍ ଇଲ୍‌ନି ପାରା କିତାଦେଣ୍ଡା ।”

୪୭ *ଆରେ, ହେୱାନ ନିତ୍ରେ ମନ୍ଦିରତ ହିକ୍ୟା ହିଜି ମାଚାନ, ମାତର୍ ମୁଡ଼୍ ମାପୁହେବାକିନାକାନ, ସାସ୍ବିର୍ ମାନାୟାର୍‌ତି ନେତାର୍ ଲାହାଂ ହେୱାନିଂ ୱିସ୍‌ପେଦେଂ ସେସ୍ତା କିଜି ମାଚାର୍, ୪୮ ମାତର୍ ୱିଜୁ ଲଗୁ ର ମାଡ଼ ହେୱାନ ହିକ୍ୟା ୱେନ୍‌ଞ୍ଜି ମାଟିଲେ ହେୱାର୍ ଇନାକା କିନାପ୍ ଇଞ୍ଜି ତିର୍ କିଦେଙ୍ଗ୍ ଆଡ଼ୱାଦାଂ ମାଚାର୍ ।

୨୦

ଜିସୁଙ୍ଗ୍ ଆଦିକ୍ ବିସ୍ତେ ପରସନ୍

(ମାଡ଼ିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଇବେତାଂ ହେୱାନ ଦିନେକ୍ ଏଚେକାଡ଼ଦ ମନ୍ଦିରତ ମାନାୟାର୍ ହିକ୍ୟା ହିଜି ମାଚାନ ଆରି ନେକ୍ରିକାବୁର୍ ପରଚାର୍ କିଜି ମାଚାନ, ଏଚେକାଡ଼ଦ ମୁଡ଼୍ ମାପୁହେବା କିନାକାର୍ ଆରି ସାସ୍ବିର୍ ବୁଡ଼ାଲୁର୍ ହୁକେ ୱାଜି ତାଙ୍ଗ୍ ଇଚାର୍, ୨ “ଏନ୍ ଇମ୍ଣି ଆଦିକାର୍‌ତ ଇ ୱିଜୁ କିନାୟା, କି, ଇନେର୍ ନିଙ୍ଗ୍ ଇ ଆଦିକାର୍ ହିଡ଼ତାନ, ହେୱାନ ଇନେନ୍, ମାଙ୍ଗେଙ୍ଗ୍ ୱେର୍ଚା ।”

☆ ୧୯:୪୭ ୧୯:୪୭ ଲୁକ ୨୧:୩୭.

୩ ଫାତର ଜିସୁ ହେୱାରୀଂ ଉତର ହିତାନ, “ଆନ୍ ପା ମିଙ୍ଗେଙ୍ଗ୍ ର ବେରଣ୍ ଝେନ୍‌ବା ଆଦନାଂ, ନାଙ୍ଗ୍ ଝେଟ୍‌ଚାଟ୍, ୪ ବାପ୍ରିସିମ୍ ହିନି ଜହନ୍‌ତି ବାପ୍ରିସିମ୍ ସାରେତାଂ କି ମାନାୟ୍‌ତିଂ ଆତାତ୍ ?”

୫ ହେବେ ହେୱାର୍ ହେୱାର୍ ବିତ୍ରେ କାତାବାର୍ତ୍ତା କିଜି ଇଚାର୍, “ଜଦି ସାରେତାଂ ଇଞ୍ଜି ଇନାସ୍, ତା ଆତିସ୍ ହେୱାନ୍ ଇଞ୍ଜିନାନ୍, ଏପେଙ୍ଗ୍ ଇନେକିଦେଂ ତାଙ୍ଗ୍ ପାତ୍ କିଝାତାଦେର୍ ?” ୬ ଫାତର ଜଦି ମାନାୟ୍‌ତିଂ ଇଞ୍ଜି ଇନାସ୍, ବାଟିଙ୍ଗ୍ ଝିଜାକାର୍ ଲକୁ ମାଙ୍ଗ୍ କାଲକୁ ଇଡ୍‌ଜି ମାଟ୍‌କିଦନାର୍, ଇନାକିଦେଂକି “ଜହନ୍ ରକାନ୍ ଜେ ବେଣ୍‌ବାକ୍‌ଶାୟ୍ କିନାକାନ୍, ଇଦାଂ ହେୱାର୍ ପାତ୍ କିଜି ମାଟାର୍ ।” ୭ ଲାଗିଂ ହେଦାଂ ଇମେତାଂ ଆତାତ୍, “ଇଦାଂ ପୁନୁପ୍ ଇଞ୍ଜି ହେୱାର୍ ଉତର ହିତାର୍ ।”

୮ ଜିସୁ ହେୱାରୀଂ ଇଚାନ, “ଆନ୍ ଇମ୍‌ଣି ଆଦିକାର୍‌ତ ଇ ଝିଜୁ କିନାଙ୍ଗା, ହେଦାଂ ଆନ୍ ପା ମିଙ୍ଗେଙ୍ଗ୍ ଝେଟ୍‌ଚୁଙ୍ଗ୍ ।”

ଅଙ୍ଗୁର୍ ବାଡ୍‌ବାଗ୍ କିଜି ତିନାକାନ୍ କାତା
(ମାତିଉ ୨୧:୩୩-୪୬; ମାର୍କ ୧୨:୧-୧୨)

୯ ଇଦାଂ ପାଚେ ହେୱାନ୍ ମାନାୟ୍‌ରତି ଇ ଉତରମୁଡ୍ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ମାନାୟ୍ ର ଅଙ୍ଗୁର୍ ବାଡ୍ କିଜି ହେଦାଂ କାମ୍‌ଲିୟାରିଂ ଆଦି ହିଜି ବେସି ବାହୁଁ କାଜିଂ ବିଦେସ୍‌ତ ହାଚାନ୍ । ୧୦ ଆରେ, କାମ୍‌ଲିୟାର୍ ଇନେସ୍ ତାଙ୍ଗ୍ ଅଙ୍ଗୁର୍ ବାଡ୍‌ନି ପାତ୍ ତାଙ୍ଗ୍ ବାଗ୍ ହିନାର୍, ଇଦାଂ କାଜିଂ ହେୱାନ୍ ରକାନ୍ ଆଡ୍‌ଏନିଂ ହାଦ୍ ଝେଡ୍‌ଲିଂ ହେୱାର୍ ତାକେ ପକ୍‌ତାନ୍, ମାତର ହେ ଆଡ୍‌ୟାର୍ ତାଙ୍ଗେଙ୍ଗ୍ ମାଟ୍‌କିଜି ଝାରା କେଇଦାଂ ପଙ୍ଗାର୍ । ୧୧ ହେୱାନ୍ ପାଚେ ଆରେ ରକାନିଂ ଆଡ୍‌ୟାନିଂ ପକ୍‌ତାନ୍; ହେୱାର୍ ତାଙ୍ଗ୍ ପା ଗ୍ରାକ୍ତାର୍ ଆରି ଲାଜୁ କିଜି ଝାରା କେଇଦାଂ ପଙ୍ଗାର୍ । ୧୨ ପାଚେ ହେୱାନ୍ ଆରେ ରକାନିଂ ପା ପକ୍‌ତାନ୍; ମାତର ହେୱାର୍ ତାଙ୍ଗ୍ ପା ଗାଅଦାଅ କିଜି ବାଟ୍ ତୁହିତାର୍ । ୧୩ ହେବେଶ୍ଟାଂ ଅଙ୍ଗୁର୍ ବାଡ୍‌ନି ହାଉକାର୍ ଇଚାନ, ଆନ୍ ଇନାକା କିନାଙ୍ଗ୍ ? ନା ଝାରିନି ହିମ୍‌ଣାତିଂ ପକ୍‌ନାଂ, ଇନେସ୍ ଆତିସ୍ ହେୱାର୍ ତାଙ୍ଗ୍ ମାନି କିନାର୍ । ୧୪ ମତର ଆଡ୍‌ୟାର୍ ତାଙ୍ଗ୍ ହୁଡ୍‌ଜି ହେୱାର୍ ହେଝେର୍ କାତାବାର୍ତ୍ତା କିଜି ଇଞ୍ଜେଙ୍ଗ୍ ଲାଗାତାର୍, ‘ଇଝାନ୍ତ ମୁଣିକା, ଇଝାନିଂ ଅହ୍‌ନାସ୍, ଇନେସ୍ ମାଦାଂ ଆଦିକାର୍ ଆନାତ୍ ।’ ୧୫ ଆରେ, ହେୱାର୍ ତାଙ୍ଗ୍ ଅଙ୍ଗୁର୍ ବାଡ୍‌ଅସ୍ତି ବାଟ୍ ତୁହି ହିତାର୍ ।”

“ବାଟିଙ୍ଗ୍, ଅଙ୍ଗୁର୍ ବାଡ୍‌ନି ହାଉକାର୍ ହେୱାର୍ କାଜିଂ ଇନାକା କିନାନ୍ ? ୧୬ ହେୱାନ୍ ଝାଜି ଇ କାମ୍‌ଲିୟାରିଂ ନାସ୍ କିନାନ୍ ଆରି ବିନ୍ ଲଗାଂ ଅଙ୍ଗୁର୍ ବାଡ୍ ହିନାନ୍ ।”

ଇଦାଂ ଝେନ୍‌ଞ୍ଜି ହେୱାର୍ ଇଚାର୍, “ହେଦାଂ ଆମେଡ୍ ।” ୧୭ ମାତର ହେୱାନ୍ ହେୱାରୀଂ ଗାଣ୍‌ଗାଣ୍ ହୁଡ୍‌ଜି ଇଚାନ,

“ବାଟିଙ୍ଗ୍ ଇ ଇମ୍‌ଣି ବଚନ୍ ଲେକା ଆତାଡ୍‌ନ୍ନା, ତା ଅରଡ୍ ଇନାକା, ଇଲ୍ ରଚ୍‌ନାକାର୍ ଇମ୍‌ଣି କାଲ୍‌ଦିଂ ମୁନା କିତାର୍,

ହେଦାଂ କନାନି ମୁଡ୍‌କାଲ୍ ଆତାତ୍ ।

୧୮ ଇନେର୍ ହେ କାଲ୍ ଇନେର୍ ଜପି ଆର୍ନାର୍, ହେୱାନ୍ କୁଡ୍‌କୁଡ୍‌ଆ ଆନାର୍, ଆରେ ହେ କାଲ୍ ଇନେର୍ ଜପି ଆର୍ନାନ୍, ହେଦେଲିଂ ହେଦାଂ ବିରାୟ୍ କିନାତ୍ ।”

ହିନି ବିସ୍ତେ ପରସନ୍

(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ଇବେ ସାସ୍ତିର୍ ଆରି ମୁଡ୍ ମାପୁହେବାକିନାକାର୍ ହେ ଦାପ୍ରେ ଆସ୍ତେଙ୍ଗ୍ ସେସ୍ତୁ କିତାର୍, ମାତର ହେୱାର୍ ମାନାୟ୍‌ରିଂ ପାଣ୍ଟା ଆତାର୍, ଇନାକିଦେଂକି ହେୱାନ୍ ହେ ଉତରମୁଡ୍ ହେୱାରୀଂ ଇଟ୍‌କାଡ୍ କିଜି ଇଞ୍ଜି ମାଚାନ୍ ଇଞ୍ଜି ହେୱାର୍ ବୁଜାତାର୍ ।

୨୦ ହେବେଶ୍ଯା ହେଝାର ଜିସୁଙ୍ଗ ରାଜି ପାଲି କିନି କେଇଦ ଆରି ସାସନକିନାକାନ୍ ସାସନନି ଆଦିକାର ହେଲାଇ କିଦେଙ୍ଗ କାଜି ଉପାୟ ତେକ୍ତି ଜିସୁତି କାତାନି ବୁଲ୍ ଆହୁନି ଉଦେସ୍ତ ଇମ୍ଫାକାର କପଟା ଜାର ଜାରତି ଦାମ୍ ଇଞ୍ଜି ଚଞ୍ଜିୟାଆନି ଚକ୍ଟୁକା ପକ୍ତାର । ୨୧ ହେଝାର ତାଙ୍ଗ୍ ଝେନ୍ଦବାତାର, “ଏ ଗୁରୁ, ଆପେ ପୁନାପ, ଏନ୍ ହାଡ଼ପା ରଚେ କାତା ଇନାୟ ଆରି ହିକ୍ୟା ହିନାୟ, ଆରେ ଇନେରତି ମୁକ୍ତେଟ୍ ହୁଡ଼ଜି କିଉୟ, ମାତର୍ ହାଡ଼ପା ଲାକେ ଇସ୍ପରତି ହାଜି ବିସ୍ତେ ହିକ୍ୟା ହିନାୟ । ୨୨ ମାଜେଙ୍ଗ୍ ଇଞ୍ଜା, କାଇସ୍ପରତି ସିସ୍ତୁ ହିନାକା ମା ବିଦି ମାନାଡ଼ କି ଆକାୟ ?”

୨୩ ମାତର୍ ଜିସୁ ହେଝାରତି କାପ୍ଟି ପୁଞ୍ଜି ହେଝାରିଂ ଇଚାନ, ନାଙ୍ଗ୍ ର ଅଦନି ଚଟ୍ଟାଟ୍ । ୨୪ “ଇବେ ଇନେର୍ ଟାକା ପୁଡ଼ା ଆରି ତର୍ ମାନାଡ଼ ?”

“ହେଝାର ଇଚାର କାଇସ୍ପରତି ।”

୨୫ ହେବେ ଜିସୁ ହେଝାରିଂ ଇଚାନ, “ବାଟିଙ୍ଗ୍ କାଇସ୍ପରତି ଇମ୍ଫାକା, ହେଦା କାଇସ୍ପରତି ହିଆଟ୍, ଆରେ, ଇସ୍ପତ ଇମ୍ଫାକା, ହେଦା ଇସ୍ପରତି ହିଆଟ୍ ।”

୨୬ ଇବେଶ୍ଯା ହେଝାର ମାନାୟ ମୁମଦ ହେଝାନ୍ କାତାତ କୁନି ଆସ୍ତେଙ୍ଗ୍ ଆଡ଼ଝାତାର, ଆରେ ହେଝାର ହେଝାନ୍ ଉତର୍ତ କାବା ଆଜି ଚିମ୍ଫରା ଆଜି ମାଚାର ।

ଆରେ ନିଙ୍ଗିନି ବିସ୍ତେ ପରସନ୍

(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଇଦା ପାଚେ ଆରେ ନିନି ବିସ୍ତେ ଉଡ଼ାନାକାର କେତେକ୍ ସାଦୁକିର୍ ଜିସୁ ଲାଗେ ଝାଜି ଝେନ୍ଦବାତାର, ୨୮ “ଏ ଗୁରୁ, ମସା ମା କାଜି ଲେକିକିତାନ୍ନା ଇନେନ, ଜଦ ଇମ୍ଫାଣି ଲକ୍ଷୁତ ଟଣ୍ଡେନ୍, ତକ୍ତି ମାଞ୍ଜି ହିମ୍ଫାଝାକ୍ତା ଆଝାଦା ହାଡିସ୍, ତା ଆଡିସ୍ ତା ଟଣ୍ଡେନ୍ ତା ତକ୍ତୁହିଂ ଇଡ଼ଜି ଜାର ଟଣ୍ଡେନ୍ କାଜି ଲାତ୍ରା ଉଦ୍ଝାଣ୍ କିନାନ୍ । ୨୯ ଦିନେକ୍, ସାଡ଼ ବାୟ ଟଣ୍ଡାର ମାଚାର; ପର୍ଡ଼ମ୍ ର କଗ୍ଲେଂ ବିବା ଆତାନ୍ ଆରି ହିମ୍ଫାଝାକ୍ତା ଆଝାଦା ହାତାନ୍; ୩୦ ପାଚେ ଆରେ ମାଜିୟା ବିବା ଆତାନ୍ ତାଙ୍ଗ୍ ଇଡ଼ତାନ୍; ୩୧ ହେ ଲାକେ ସାଡ଼ ଜାଣ୍ ଜାକ୍ ହିମ୍ଫାଝାକ୍ତା ଆଝାଦା ହାତାର । ୩୨ ହାରିହାରା କଗ୍ଲେ ପା ହାତାଡ଼ । ୩୩ ବାଟିଙ୍ଗ୍, ଆରେ ନିନିହିଂ ହେଝାର ବିତ୍ରେ ହେଦେଲ୍ ଇନେର୍ ତକ୍ତି ଆନାଡ଼ ? ସାଡ଼ ଜାଣ୍ ଜାକ୍ ତାଙ୍ଗ୍ ବିବା ଆଜି ମାଚାର ।”

୩୪ ଜିସୁ ହେଝାରିଂ ଇଚାନ, “ଇ ଜୁଗିନି ମାନାୟାର ବିବା କିତାର ଆରି ବିବା ଆନିକ୍, ୩୫ ମାତର୍ ଇମ୍ଫାଣି ମାନାୟାର ହେ ସିସ୍ପାର ଆରି ହାତାକାର ବିତ୍ରେ ଆରେ ନିନାକା ପାୟାନି କାଜି ନିଜେ ଗାଣା କିୟାନାର, ହେଝାର ବିବା କିଉର୍ କି ବିବା ଆଉର୍; ୩୬ ଆରେ, ହେଝାର ଆରେ ହାଦେଂ ଆଡୁର୍, ଇନାକିଦେଂକି ହେଝାର ଦୁଡ଼କୁ ଲାକେ ମାନଙ୍ଗାନାର ଆରେ ନିଙ୍ଗିନି ଇସ୍ପତ ମାଜି ଗାଡ଼୍ ଆନାର । ୩୭ ମତର୍ ହାତାକାର ଜେ ନିଙ୍ଗାନାର, ଇଦା ମସା ପା ବୁଟାନି କାତା ମାପୁତି ଅବ୍ରାହାମ୍ତି ଇସ୍ପର୍, ଇସ୍ପହାକ୍ତି ଇସ୍ପର୍ ଆରି ଜାକୁବ୍ତି ଇସ୍ପର୍ ଇଞ୍ଜି ଚଟ୍ତି ହିନାର ।” ୩୮ ହେଝାନ୍ ତ ହାତାକାର ଇସ୍ପର୍ ଆକାୟ, ମତର୍ ଜିତାକାରିଂ; ଇନାକିଦେଂକି ଝିଜାର୍ ହେ ମୁମଦ ଜିବୁନ୍ ପାୟା ଆନାର ।

୩୯ ହେବେଶ୍ଯା ସାସ୍ପିର୍ ବିତ୍ରେ କେତେକ୍ ଜାଣ୍ ଉତର୍ ହିତାର, “ଏ ଗୁରୁ, ଏନ୍ ସଡ଼ ଇଚାୟ ।” ୪୦ ଇନାକିଦେଂକି ହେଝାର ତାଙ୍ଗ୍ ଇମ୍ଫାଣି ପରସନ୍ ଝେନ୍ଦବେଦେଂ ସାସ୍ କିଝାତାର ।

ଜିସୁ ଇନେର୍ ମାଜି ?

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ମାତର୍ ହେଝାନ୍ ହେଝାରିଂ ଝେନ୍ଦବାତାନ୍, “ଜିସୁ ଜେ ଦାଉଦ୍ ମାଜି, ଇଦା ଲକ୍ଷୁ ଇନାକା ଇନାର ? ୪୨ ଇନାକିଦେଂକି ନିଜେ ଦାଉଦ୍ ନାୟ ସାସ୍ପର୍ କିଜି ଇନାନ୍,

‘ମାପୁ ନା ମାପୁଙ୍କ ଇଚ୍ଚାନ୍,

୪୩ ଆପେ ଏତେକ୍ ପାତେକ୍ ମି ସାତୁରିଂ ମି ତଗ୍ନିବାହା କିଖାତାପ୍ନା,
ହେ ପାତେକ୍ ମା ବୁଜଣି ବାଗାଙ୍କ୍ କୁଚ୍ଚି ମାନାଟ୍ ।’

୪୪ ଲାଗିଂ, ଦାଉଦ୍ ତାଙ୍କ୍ ‘ମାପୁ’ ଇଞ୍ଜି ଇନାନ୍; ବାଟିଙ୍କ୍, ହେଖାନ୍ ଇନେସ୍ ତା ମାଜି
?”

ଜିସୁ ଦରମ୍ ଗୁରୁର୍ ବିରୁଦ୍ଧତ୍ ଚେତ୍ନା କିତାନ୍

(ମାତିଉ ୨୩:୧-୩୬; ମାର୍କ ୧୨:୩୮-୪୦; ଲୁକ ୧୧:୩୭-୫୪)

୪୫ ପାତେ ହେଖାନ୍ ସବୁଲଗାଂ ଝିଜାର୍ ମୁମ୍ଦ ଚେଲାର୍ ତାକେ ଇଚ୍ଚାନ୍,
୪୬ “ସାସ୍ତିରତାଂ ଜାଗ୍ରତ୍ ! ହେଖାର୍ ଲାମା ଆଜିଂ ଉସ୍ତସ୍ ବୁଲାଆଦେଂ, ଆରେ ଆଟ୍
ବାଜାରତ୍ ଜଖାର୍, କୁଟ୍ ମୁଟ୍ ଇଞ୍ଜି ମୁଟ୍ ବାହା ଆରି ବଜିତ ଆଗେନି ବାହା ଖାରିୟା
ଆନାର୍; ୪୭ ହେଖାର୍ ରାଣ୍ଡିକ୍ ଇଲକୁ ସବୁ ଚରି କିନାର୍ ଆରି ଲାମା ପାତ୍ନା କିନାର୍;
ହେଖାର୍ ବେସି ତାଣ୍ ପାୟା ଆନାର୍ ।”

୨୧

ର ରାଣ୍ଡିତି ଦାନ୍

(ମାର୍କ ୧୨:୪୧-୪୪)

୯ ଇଦାଂ ପାତେ ଜିସୁ ଚାରିବେଣତାଂ ହୁଡ୍ଜି ପା ମାଜାନିଂ ଗାଦ୍ୟାତାକେ ଜାର୍ ଜାର୍
ଦାନ୍ ଖାକ୍ନାକା ହୁଡ୍ଜାନ୍ । ୨ ଆରେ, ହେଖାନ୍ ର ହିଲ୍ଡି ରାଣ୍ଡିକାଂ ହେବେ ରି
ଚାକା ତାବୁଙ୍କ୍ ଇଚ୍ଚନାକା ହୁଡ୍ଜି ଇଚାନ୍, ୩ “ଆନ୍ ମିଲେଙ୍କ୍ ହାତ୍ପା ଇଞ୍ଜନାଙ୍ଗା, ଇ
ହିଲ୍ଡି ରାଣ୍ଡି ଝିଜାକାରତାଂ ଆଦିକ୍ ଇଚ୍ଚତାତନ୍ନା, ୪ ଇନାକିଦେଂକି ଇଖାର୍ ଝିଜାକାର୍
ଗାଦ୍ୟାତାଂ ଜାର୍ ଜାର୍ ଦାନ୍ତାଙ୍କ୍ ଅଲପ୍ ଅଲପ୍ ଇଚ୍ଚତାର୍, ମାତର୍ ଇଦେଲ୍ ତା
କସୁକିତାକା ଦାନ୍ ଜାର୍ ଜିବୁନ୍ ବାଚାୟକିଦେଂ କାଜିଂ ଇଦେଲ୍ତି ଇନାକା ମାଚାତ୍,
ହେ ସବୁ ଇଚ୍ଚତାତ୍ ।”

ଜିସୁ ମନ୍ଦିରତିଂ ଦୁଡ୍ଡିମାସ୍ନି ବିସ୍ତେ ଝେଚ୍ଚଚାନ୍

(ମାତିଉ ୨୪:୧-୨; ମାର୍କ ୧୩:୧-୨)

୫ କେତେଜାଣ୍ ଚେଲାର୍ “ମନ୍ଦିର ବିତ୍ତେ ବେଣକିଜି ମାଚାର୍ । ହେଖାର୍ ଇଞ୍ଜି
ମାଚାର୍ ହେବେ ମେହାୟକିଜି ମାଚି ହଲ୍ନି କାଲ୍ ଆରି ଇସ୍ବର୍ ମାପୁ କାଜିଂ ରଚ୍ଚି
ମାଚି ଇନାମିଙ୍କ୍ ଲାହାଙ୍କ୍ ମନ୍ଦିର ଅପ୍ରବଲ୍ ହଲ୍ନାତା ।” ୬ “ଏପେଙ୍କ୍ ଇ ଇନାକା ସବୁ
ହୁଡ୍ଜନାଦେରା, ସମ୍ବୁ ଝାନାଟ୍, ଏଚେକାଡ୍ ଚ କାଲ୍ ଆରେ ର କାଲ୍ ଜପି ମାନୁଟ୍,
ମାଚିସ୍ ଝିଜୁ ମେଦ୍ନି ଦୁଡ୍ଡି ମାସ୍ନାଟ୍ ।”

ଦୁକ୍ ଆରି ନିନ୍ଦା

(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ହେବେଣ୍ଡାଂ ହେଖାର୍ ତାଲେଙ୍କ୍ ଝେନ୍ଦବାଚାର୍, “ଏ ଗୁରୁ, ବାଟିଙ୍କ୍ ଇ ସବୁ
ଇନାଖାଡାଂ ଗିଟା ଆନାଟ୍ ? ଆରେ, ଇନାଖାଡାଲିଂ ଇ ସବୁ ଗଟ୍ଟା ଲାଗେ ଆନାଟ୍,
ହେ ସମ୍ବୁନି ଇଚ୍ଚକାଡ୍ ଇନାକା ?”

୮ ହେବେଣ୍ଡାଂ ଜିସୁ ଇଚାନ୍, “ଜାଗ୍ରତ୍, ଏପେଙ୍କ୍ ଚାକ୍ତାୟ କିୟାଆମାଟ୍;
ଇନାକିଦେଂକି ହେନି ନା ତର୍ଦ୍ଦ ଝାଜି, ଆନ୍ ହେଖାଙ୍କ୍ ଆରି ସମ୍ବୁ ଲାଗାଂ ଇଞ୍ଜି
ଇଞ୍ଜନାର୍, ହେଖାର୍ ପାତେ ହାଲ୍ମାଟ୍ । ୯ ମାତର୍ ଏପେଙ୍କ୍ ଏଚେକାଡ୍ ମେଲି ଆରି
ଗଣ୍ଡଗଲ୍ ବିସ୍ତେ ଝେନାଦେର୍, ହେ କାଡ୍ ପାଣ୍ଡା ଆମାଟ୍; ଇନାକିଦେଂକି ଇ ସବୁ
ଆତିସ୍ପା ପର୍ଡ୍ମ୍ ଗିଟା ଆନାଟ୍, ମାତର୍ ଦାପ୍ରେ ରାଜି ବୁଡାଆଡ୍ ।”

୧୦ ତା ପାଚେ ଜିସୁ ହେୱାରୀଁ ଇଚାନ, “ଜାତି ବିରୁଦ୍ଧତ ଜାତି ଆରି ରାଜି ବିରୁଦ୍ଧତ ରାଜି ନିଙ୍ଗନାଡ଼, ୧୧ ଆରେ ବେସିଗାଜା ମେଦ୍‌ନି ଦାଲ୍‌କା ଆନାଡ଼ ଆରେ ବାହା ବାହାତ ମାଡ଼ ଆରି କାତାର ଆର୍ନାଡ଼, ଆରେ ବାଦାଡ଼କାଁ ବେସି ଗାଜା ବାନା ଆରି ଗାଜା ଗାଜା ଚିନ୍‌କୁ ଚଞ୍ଜିୟାନିଂ ।” ୧୨ “ମାତର୍ ଇ ଝିଜୁ ଗର୍‌ଶା ଆଗେ ଲକୁ ମିଙ୍ଗେଙ୍ଗ୍ ଆସ୍ତାନାର ଆରି କୁଚୁମ୍ ଇଞ୍ଜ ଆରି ବନ୍ଦି ଇଞ୍ଜ ମିଙ୍ଗେଙ୍ଗ୍ ହେଲ୍‌ୟ କିଜି ଗିଶ୍ କିଦ୍‌ନାର, ଆରେ ନା ତର୍ କାଜିଂ ଏପେଙ୍ଗ୍ ରାଜା ଆରି ରାଜ୍ କିନାକାର୍ ତାକେ ଅୟା ଅନାଦେର୍, ୧୩ ଇଦାଂ ମି ପାକ୍ୟା ସାକି ଆନାଡ଼ । ୧୪ *ଆଝିତିସ୍, ନିଜେ ପାକ୍ୟାତାଂ ଇନାକା ଉତର୍ ହିନାଦେର୍, ହେ ବିସ୍ତେ ପୁର୍ବେତାଂ ଚିତା କିଝି କାଜିଂ ଜାର ଜାର ମାଡ଼ ତିର୍ କିୟାଟ୍ ! ୧୫ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇ ଲାକେ କାତା ଆରି ଗିଆନ୍ ହିଦ୍‌ନାଂ ଆଝିତିସ୍ ମି ଝିଜୁ ବେୟାର୍ ଝେଇ ମାସ୍ତେଦେଂ ଆଡ଼ଦୁର୍ । ୧୬ ଆରେ ଏପେଙ୍ଗ୍ ଆବା ଆୟା, ଚଣ୍ଡେନ୍, ଝାୟିନିକାର୍ ଆରି ବନ୍ଦୁ କୁଚୁମ୍‌ନିକାର୍ କାଜିଂ ପା ହେଲ୍‌ୟ ଅନାଦେର୍, ଆରେ ମିତାଙ୍ଗ୍ ଲକୁ ଇନେ ଇନେରିଂ ଅହ୍‌ନାର, ୧୭ ଆରେ ନା ତର୍ କାଜିଂ ଏପେଙ୍ଗ୍ ଝିଜାକାର୍ ତାକେ ଗିଶ୍‌କିୟା ଅନାଦେର୍ । ୧୮ ମାତର୍ ମି କାପ୍‌ଡାନି ତେମ୍‌ଲ୍ ପା ନସ୍ ଆଉଡ଼ ! ୧୯ ମାତର୍ ଏପେଙ୍ଗ୍ ସାସ୍ ମାଟିସ୍ ଜାର ଜାର ଝାୟି ଲାଦ୍ କିନାଦେର୍ ।”

ଜିସୁ ଜିରୁସାଲମ୍ ବାଡ଼ହା ଆନି ବିସ୍ତେ ଝେଚ୍‌ଚାନ
(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ ମାତର୍ “ଏପେଙ୍ଗ୍ ଏଚେକାଡ଼ଦ୍ ଜିରୁସାଲମ୍ ତାକେ ମେଲ୍ୟାର୍‌ତାଂ ବେଡ଼ିକିନାକା ହୁଡ଼ନାଦେର୍, ହେପାଦ୍‌ନା ହେଦାଂ ବାଡ଼ହାଆନାକା ଜେ ଲାଗେ, ଇଦାଂ ପୁନାଟ୍ । ୨୧ ଏଚେକାଡ଼ଦ୍ ଇନେର୍ ଜିହୁଦା ରାଜିତ ମାଟିସ୍, ହେୱାର୍ ଆତିସ୍‌ପା ମାଡ଼ିତ ହନ୍‌ଚି ହାଲେର୍, ଆରେ, ଇନେର୍ ଗାଡ଼ଦ୍ ବିତ୍ତେ ମାଟିସ୍, ହେୱାର୍ ଆତିସ୍‌ପା ହାଲେର୍; ଆରେ, ଇନେର୍ ନାସ୍‌କୁକାଂ ମାଟିସ୍, ହେୱାର୍ ଆତିସ୍‌ପା ଗାଡ଼ଦ୍ ହଶ୍‌ମେର୍; ୨୨ ଇନାକିଦେଂକି ଲେକାଆତି ବିସ୍ତେ ଝିଜୁ ଗିଗାଆନି କାଜିଂ ହେଦାଂ ଡାଣ୍ଡ୍ ସମ୍ । ୨୩ ହେ ଝେଡାଲିଂ ଇନେର୍ ଏସ୍ ପିସ୍ତାକା ଆରି ମାୟ୍‌ଉଚ୍‌ନି ଆୟା, ଆ, ହେଝେକ୍ ଦୁକ୍‌ନିକିକ୍ ! ଇନାକିଦେଂକି ପୁର୍ତ୍ତ ଗାଜା ବିପତି ଆରି ଇ ଇସ୍‌ର୍ ଜାତି କାଜିଂ ରିସା ଗିଗା ଆନାଡ଼, ୨୪ ଆରେ ହେୱାର୍ କାଣ୍ଡା ଦାରାତ ହାନାର୍ ଆରି ବନ୍ଦିଆଜି ଝିଜୁ ବିନ୍‌ଜାତି ତାକେ ମେହା ଆନାର୍, ଆରେ ପାଡ଼ କିଝି ଜିହୁଦିର୍‌ଚି ଦିନ୍‌ପୁରାଆଝି ପାଡେକ୍ ଜିରୁସାଲମ୍ ହେୱାର୍‌ଚି ପାନା ତାରେନ୍ ଆଜି ମାନାଡ଼ ।”

ମାନାୟ୍ ମାଜି ଝାନାକା
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ *ଆରେ “ଝେଡା, ଲେଞ୍ଜ ଆରି ହୁକାଙ୍ଗ୍‌ତ ଚିନ୍ ଚନ୍‌ଞ୍ଜାନାଡ଼, ଆରି ପୁର୍ତ୍ତ ଜାତି ବିତ୍ତେ ଗଡ଼୍‌ମେଲି ଆନାଡ଼, ହାମ୍‌ଦୁର୍ ଆରି ଲଡ଼ି ଗାର୍ଜାନ୍ କାଜିଂ ହେୱାର୍ ବୁଦିବାଶା ଆନାର୍, ୨୬ ଆରେ ପୁର୍ତ୍ତ ଜପି ଝାନି ଗର୍‌ଶା ଝିଜୁ କାସିପା ଲକୁ ଆପ୍ରାଂ ଆନାର୍, ଇନାକିଦେଂକି ଆକାସ୍‌ନି ସାକ୍ତି ସବୁ ପାଣ୍ଡା ଆନିଂ । ୨୭ *ହେ କାଡ଼ଦ୍ ଲକୁ ମାନାୟ୍ ମାଜି ଗାଜା ସାକ୍ତିତାଂ ଆରି ଗାଜା ପାଣ୍ଡାଙ୍ଗ୍ ଝାନାକା ହୁଡ଼ନାଦେର୍ । ୨୮ ମାତର୍ ଇ ସବୁ ଗର୍‌ଶା ହାଙ୍ଗ୍‌ତିସ୍ ଏପେଙ୍ଗ୍ କାପ୍‌ଡା ଜପି ହୁଡ଼ାଟ୍ ଆରି କାପ୍‌ଡା ତାରେନ୍ କିୟାଟ୍, ଲାଗିଂ ମିଦାଙ୍ଗ୍ ମୁକ୍‌ଡାନାକା ଲାଗେ ।”

ତଗା ମାର୍‌ନି ହିକ୍ୟା
(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

* ୨୧:୧୪ ୨୧:୧୪ ଲୁକ ୧୨:୧୧,୧୨. * ୨୧:୨୫ ୨୧:୨୫ ହଡ଼ତି ୬:୧୨,୧୩. * ୨୧:୨୭ ୨୧:୨୭ ହଡ଼ତି ୧:୭.

୨୯ ଆରି, ହେୱାନ ହେୱାରିଂ ର ଉତରମୁଡ଼ ଖେଚତାନ, ତଗା ମାର, ଆରେ “ଓଁଜୁ ମାରକୁ ବିସ୍ତେ ଚିନ୍ତା କିୟାଟ୍ ହୁଡ଼ାଟ୍; ୩୦ ଏଚେକାଡ଼ଦ ହେୱାଙ୍ଗ ଆକିଂ ଗିଲ୍ଲନିକ୍, ହେ ଏଚେକାଡ଼ଦ ଏପେଙ୍ଗ ହେଦାଂ ହୁଡ଼ଜି ଜେଟ୍‌କାଡ଼ ଏକାୱାତାଡ଼ ଇଞ୍ଜି ଜାର୍ ଜାର୍ ପୁଞ୍ଜି ମାନାଟ୍, ୩୧ ହେ ଲାକେ ଏଲେଙ୍ଗ ପା ଇ ସବୁ ଗଟ୍‌ଶା ହୁଡ଼ତିସ୍ ଇସ୍‌ସତ୍ ରାଜି ଏକାୱାତାଡ଼, ଇଦାଂ ପୁନାଟ୍ ।”

୩୨ “ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ଇ ଓଁଜୁଚିଟାଆଓି ପାତେକ୍ ଇ ନେଞ୍ଜେ ଓଁଗାନି ନାର୍ ଇନେସ୍ ବାନି ବୁଡା ଆଉର୍ । ୩୩ ଆକାସ୍ ଆରି ପୁତ୍ ଓଁଜୁନାଟ୍, ମାତର୍ ନା ବଚନ୍ ସବୁ ମୁଡ଼କେ ଓଁଜୁଡ଼ ।”

ସବୁ ଖେଡ଼ାଙ୍ଗ ଜାଲ୍‌ଦି ଆଜି ମାନାଟ୍

୩୪ ମାତର୍ ଏପେଙ୍ଗ ଜାର୍ ଜାର୍ ବିସ୍ତେ “ଜାଗ୍ରଡ଼ ଆଜି ମାନାଟ୍, ଏଚେକାଡ଼ଦ ନି ମାନ୍‌ମୁଞ୍ଜନାକା ଆରି କାଲିଂ ଗହନାକାତ, ଆରେ ଜିଦେଂ କାଜିଂ ଚିନ୍ତାତ ତେରେ ପେତେ ଆନାଟ୍, ଆରି ହେ ଦିନ୍ ହାଚାଗ୍ରେ ମି ଜପି ଆର୍ନାଟ୍; ୩୫ ଇନାକିଦେଂକି ହାଦାଙ୍ଗ ଡ଼କ୍‌କା ଲାକେ ସବୁ ପୁତ୍ ନି ଲକୁ ଓଁଜାକାର୍ ଜପି ୱାନାଟ୍ । ୩୬ ମାତର୍ ଏପେଙ୍ଗ ଇନେସ୍ ଇ ସବୁ ୱାନି ଦିନ୍ ଗଟ୍‌ଶାତାଂ ରାକ୍ୟା ପାୟା ଆଦେଂ ଆରି ମାନାୟ୍ ମାଜି ଲାଗେ ନିଲ୍‌ଡେଂ ବାଚିକିୟା ଆଡୁ, ଇଦାଂ କାଜିଂ ନିତ୍ରେ ପାର୍ତ୍ତନା କିଜି କାସି ମାନାଟ୍ ।”

୩୭ ☆ହେୱାନ ନିତ୍ରେ ମନ୍ଦିରତ ହିକାଇ କିଜି ମାଚାନ୍, ଆରେ ନିତ୍ରେ ନାଶା ହସି ହାଲ୍‌ଜି ଜିଡ଼ମାଡ଼ିତ ମାନ୍‌ଞ୍ଜି ମାଚାନ୍ । ୩୮ ଆରି, ଓଁଜୁଲଗୁ ମନ୍ଦିରତ ହେୱାଞ୍ଜି ହିକ୍ୟା ଖେନ୍‌ଞ୍ଜେଙ୍ଗ ଉଟ୍‌ଲା ହାକାଡେ ହେୱାନତାକେ ୱାଜି ମାଚାନ୍ ।

୨୨

ଜିସୁ ବିରୁଦ୍‌ତ କୁଟ୍

(ମାଡ଼ିଉ ୨୬:୧-୫; ୧୪:୧୬; ମାର୍କ ୧୪:୧-୨; ୧୦:୧୧; ଜହନ୍ ୧୧:୪୫-୫୩)

୧ ନିସ୍ତାର୍ ପାର୍ଟୁ ତର୍ ହଇଓ୍‌ରୁଟି ନି ପାର୍ଟୁ ଲାଗାଂ ଆଜି ୱାଜି ମାଚାଟ୍ । ୨ ଆରି, ମୁଡ଼ ମାପୁହେବାକିନାକାର୍ ଆରି ସାସ୍ତିର୍, ଇନେସ୍ ଜିସୁଙ୍ଗ ଡ଼ଗୁଜି ଅସ୍ତେଙ୍ଗ ଆଡ଼ନାର୍, ହେବେଣ୍ଡାଂ ଉପାୟ୍ ଡେକ୍‌ଚି ମାଚାଟ୍, ଇନାକିଦେଂକି ହେୱାର୍ ମାନାୟ୍‌ତିଂ ପାଣ୍ଡା ଆଜି ମାଚାଟ୍ ।

ଜିସୁଙ୍ଗ ଅହି କିଦେଙ୍ଗ ଇଞ୍ଜି ଜିହୁଦିତ୍ ରାଜି

(ମାଡ଼ିଉ ୨୬:୧୪-୧୬; ମାର୍କ ୧୪:୧୦-୧୧)

୩ ହେୱାଡ଼ାଂ ବାରଜାଣ୍ ଚେଲାର୍ ବିତ୍ରେ ଇସ୍ପାରିୟ୍‌ତିୟ୍ ଇନି ଜିହୁଦା ତାକେ ସୟ୍‌ତାନ୍ ହଟାଟ୍; ୪ ଆରି, ହେୱାନ ହାଲ୍‌ଜି, ଇନେସ୍ ଉପାୟ୍‌ତ ହେୱାନିଂ ମୁଡ଼ ମାପୁହେବାକିନାକାର୍ ତାକେ ଆରି ମେଲ୍ୟାର୍ କେଇଦ ହେଲାୟ୍ କିଦେଙ୍ଗ ଆଡ଼ନାନ୍, ହେଦାଂ ହେୱାର୍ ହୁକେ ବେଣ୍ କିତାନ୍ । ୫ ହେବେ ତାଙ୍ଗ୍ ହେୱାର୍ ୱାରିୟା ଆତାର୍ ଆରି ହେୱାନିଂ ଟାକାଂ ହିଦେଂ ଗଜା କିତାର୍ । ୬ ଆରି ହେୱାନ ରାଜି ଆଜି ଜିସୁଙ୍ଗ୍ ଆସ୍ତାର୍ ହେୱାନିଂ ହେୱାର୍ କେଇଦ ହେଲାୟ୍ କିଦେଙ୍ଗ କାଜିଂ ଡେକ୍‌ଚି ମାଚାନ୍ ।

ନିସ୍ତାର୍ ପାର୍ଟୁନି କାଦି ରଚ୍‌ନାକା ଜିସୁ ଜାଗ୍ରଡ଼

(ମାଡ଼ିଉ ୨୬:୧୭-୨୫; ମାର୍କ ୧୪:୧୨-୨୧; ଜହନ୍ ୧୩:୨୧-୩୦)

୭ ପାଚେ ଇମ୍‌ଣି ଦିନ୍ ନିସ୍ତାର୍ ପାର୍ଟୁନି ମେଣ୍ଡା ପୁଜାକିଦେଙ୍ଗ ଲାଗ୍‌ଦାନାଟ୍, ହଇଓ୍‌ ରୁଚିନି ପାର୍ଟୁ ହେ ଦିନ୍ ଏକାୱାତାଟ୍; ୮ ଆରେ, ହେୱାନ ପିତର୍ ଆରି ଜହନ୍‌ତିଂ ଇଦାଂ

☆ ୨୧:୩୭ ୨୧:୩୭ ଲୁକ ୧୯:୪୭.

ଇଞ୍ଜି ପକ୍ତାନ, ଆସେଙ୍ଗ୍ ଇନେସକି ତିନଞ୍ଜେଙ୍ଗ୍ ଆଡ଼ନାସ୍, ଇଦାଂ କାଜିଂ “ଏପେଙ୍ଗ୍ ହାଲ୍ଲଜି ମା କାଜିଂ ନିସ୍ତାର୍ ପାର୍ବୁ ବଜି ଜାଲ୍ଲଦି କିୟାଟ୍ ।”

୯ ହେବେତାଂ ହେଝାର୍ ହେଝାନିଂ ଝେନ୍‌ବାତାର୍, “ଆସେଙ୍ଗ୍ ଇଦାଂ ଇମ୍‌ଣି ବାହାତ ଜାଲ୍ଲଦି କିନାପ୍ ଇଞ୍ଜି ଏନ୍ ଇଚା କିନାୟ୍ ?”

୧୦ ଜିସୁ ହେଝାରିଂ ଇଚାନ, “ହୁଡ଼ାଟ୍ ଏପେଙ୍ଗ୍ ଗାଡ଼ଦ୍ ହଟିସ୍, ଏସ୍ ଗାଗ୍ରି ଅଜି ହାନି ରକାନ୍ ମାନାୟ୍ ମିଙ୍ଗେଙ୍ଗ୍ ବେଟାଆଦନାନ; ହେଝାନ୍ ଇମ୍‌ଣି ଇଞ୍ଜି ହଣାନ, ହେଝାନ୍ ପାଚେ ପାଚେ ହେ ଇଞ୍ଜି ହାଲ୍ଲଜି ଇଲ୍ଲନି ମୁଣିକାଙ୍ଗ୍ ଇନାଦେର୍, ୧୧ ‘ଗୁରୁ ନିଙ୍ଗେଙ୍ଗ୍ ଝେନ୍‌ବାଆଦନା, ଆନ୍ ନା ଚେଲାର୍ ଲାହାଙ୍ଗ୍ ଇମେତାକେ ନିସ୍ତାର୍ ପାର୍ବୁ ତିଞ୍ଜେଙ୍ଗ୍ ମାନି କିନାପ୍, ହେ ଗତାଙ୍ଗ୍ ଇଲ୍ଲ ଇମେଡ଼ ?’ ୧୨ ହେବେତାଂ ହେଝାନ୍ ମିଦାଙ୍ଗ୍ ହାରକିଜି ଜାଲ୍ଲଦି କିଡି ଜପଣି ଗାଜା ବାକ୍ତା ଚଟ୍‌ଚାନାନ୍, ହେ ବାହାତ ଜାଲ୍ଲଦି କିୟାଟ୍ ।”

୧୩ ଆରେ, ହେଝାର୍ ହାଲ୍ଲଜି, ଜିସୁ ହେଝାରିଂ ଇନେସ୍ ଇଞ୍ଜି ମାଚାନ, ହେ ଲାକେ ହୁଡ଼ଜି ନିସ୍ତାର୍ ପାର୍ବୁନି ବଜି ଜାଲ୍ଲଦି କିଡାର୍ ।

ମାପୁ ବଜ୍

(ମାଡିଉ ୨୬:୨୭-୩୦; ମାର୍କ ୧୪:୨୨-୨୬; ୧ କରନ୍ତ୍ରିୟ ୧୧:୨୩-୨୫)

୧୪ ଆରେ, ସମ୍ବୁ ଏକାଝାତିଲେ, ହେଝାନ୍ ବାରଜାଣ୍ ପକ୍ୟାତାକାର୍ ହୁକେ ଚିଞ୍ଜେଙ୍ଗ୍ କୁଟ୍‌ଚାର୍ । ୧୫ ଆରେ, ଜିସୁ ହେଝାରିଂ ଇଚାନ, “ନା ଦୁକ୍ ଆଗେ ଆନ୍ ମି ହୁକେ ଇ ନିସ୍ତାର୍ ବଜି ମାନି କିଦେଙ୍ଗ୍ ମାନ୍ତ ଇଚା କିଡାଙ୍ଗ୍; ୧୬ ଇନାକିଦେଂକି ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାପୁତି ରାଜିତ ଇଦାଂ ଅରଡ଼ ହାଡ଼ପା ପୁରା ଆଞ୍ଜି ପାଡେକ୍ ଆନ୍ ଆରେ ଇନାଝାଡ଼ାଂ ପା ମାନି କିଡଙ୍ଗ୍ ।”

୧୭ ଆରେ, ହେଝାନ୍ ଗିଲାସ୍ ଅଜି ଜୁଝାର୍ କିଜି ହିଜି ଇଚାନ, “ଇଦାଂ ଅଜି ଜାର୍ ଜାର୍ ବିଡ୍ରେ ବାଗ୍ କିୟାଟ୍,” ୧୮ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାପୁ ରାଜି ଝାଞ୍ଜି ପାଡେକ୍ ଆନ୍ ଅଙ୍ଗୁର୍ ରାସ୍ ନେଞ୍ଜେଙ୍ଗ୍ ତାଙ୍ଗ୍ ଇଦାଂ ଆରେ ଉଣୁଙ୍ଗ୍ ।

୧୯ ଆରେ, ହେଝାନ୍ ରୁଟି ଅଜି ଜୁଝାର୍ କିଜି ଆରି ହେଦାଂ ତ୍ରିକ୍ଟି ହେଝାରିଂ ହିଜି ଇଚାନ, “ମି କାଜିଂ ହିଡି ନା ଗାଗାଡ଼ ଇଦାଂ, ନାଙ୍ଗେଙ୍ଗ୍ ଏଡୁ କିଦେଙ୍ଗ୍ ଇଦାଂ କିୟାଟ୍ ।” ୨୦ ଚିଡି ପାଚେ ହେ ଲାକେ ହେଝାନ୍ ଗିଲାସ୍ ଅଜି ଇଚାନ, “ଇ ଗିଲାସ୍ ମି କାଜିଂ ରଟ୍‌ଚି ମାନି ନା ନେଡେଟ୍‌ତାଂ ରଟ୍‌ଚି ପୁନି ନିୟମ୍ ।”

୨୧ ମାଡର୍ ହୁଡ଼ାଟ୍, “ଇନେର୍ ନାଙ୍ଗେଙ୍ଗ୍ ସଡୁ କେଇଦ୍ ହେଲାୟ୍ କିଦ୍‌ନା, ତା କେଇ ନା ଲାହାଙ୍ଗ୍ ଟେବୁଲ୍ ଜପି ମାନାଡ଼ । ୨୨ ଇନାକିଦେଂକି ଇନେସ୍ ତିର୍ ଆତାଡ଼ନା, ମାନାୟ୍ ମାଜି ହେ ଲାକେ ହାକି ପାୟା ଆନାନ୍, ମାଡର୍ ଇମ୍‌ଣି ମାନାୟ୍‌ତିଂ ହେଝାନ୍ ସଡୁ କେଇଦ୍ ହେଲାୟ୍ କିୟା ଆନାନ୍, ହାୟ୍ ତାଣ୍ ପାୟା ଆନାନ୍ !”

୨୩ ଲାଗିଂ “ହେଝାର୍ ବିଡ୍ରେ ଇନେର୍ ଇଦାଂ କିଦେଙ୍ଗ୍ ହାନାରା, ହେ ବିସ୍ତେ ହେଝାର୍ ହେଝାର୍ ଝେଟ୍‌ପା ଆଦେଂ ଲାଗାତାର୍ ।”

ରକାନ୍ ଚାକର୍ ଲାକେ ଆଡୁ

୨୪ ✨ଆରେ, ହେଝାର୍ ବିଡ୍ରେ ଇନେର୍ ଗାଜା, ହେ ବିସ୍ତେ କେଡ଼ପା ଆଡାର୍ । ୨୫ ହେବେତାଂ ହେଝାନ୍ ହେଝାରିଂ ଇଚାନ, “ପାଡ଼ କିଞ୍ଜି ଜିହୁଦିର୍ ରାଜାର୍ ହେଝାର୍ ଜପି ଆଦିକାର୍ କିଡାର୍, ହେଝାର୍ ଲକୁ ହେବାନିକାର୍ ଇଞ୍ଜି ପୁଟାଆନାର୍ । ୨୬ ✨ମାଡର୍ ଏପେଙ୍ଗ୍ ହେ ଲାକେ ଆମାଟ୍, ମଡର୍ ମି ବିଡ୍ରେ ଇନେର୍ ଗାଜାକାନ୍, ହେଝାନ୍ ହାରୁକାନ୍ ଲାକେ ଆୟେନ୍, ଆରି ଇନେର୍ ନେତା, ହେଝାନ୍ ହେବାକାର୍‌ୟା ଲାକେ ଆୟେନ୍ । ୨୭ ✨ଇନାକିଦେଂକି ଇନେର୍ ଗାଜାକାନ୍ ? ଇନେର୍ ଚିଞ୍ଜେଙ୍ଗ୍

✨ ୨୨:୨୪ ୨୨:୨୪ ମାଡିଉ ୧୮:୧; ମାର୍କ ୯:୩୪; ଲୁକ ୯:୪୭. ✨ ୨୨:୨୬ ୨୨:୨୬ ମାଡିଉ ୨୩:୧୧; ମାର୍କ ୯:୩୫.
✨ ୨୨:୨୭ ୨୨:୨୬ ମାଡିଉ ୨୦:୨୫-୨୭; ମାର୍କ ୧୦:୪୨-୪୪. ✨ ୨୨:୨୭ ୨୨:୨୬ ଜହନ୍ ୧୩:୧୨-୧୫.

କୁଚରାନ୍ନା, କି ଜେ ହେବାକାରୟା ? ଇନେର ଚିଞ୍ଚେଇ କୁଚରାକାନ ହେଞ୍ଜାନ କି ଗାଜାକାନ ଆକାୟ ? ମାତର ଆନ ମି ବିତ୍ତେ ରକା ହେବାକାରୟା ଲାକେ ମାନା ।”

୨୮ ମାତର “ଏପେଇ ନା ଝିଲୁ ପରିକ୍ୟାତ ନା ଲାହାଙ୍ଗ ମାନଞ୍ଜି ଝାନାଦେରା; ୨୯ ଲାଗି ନା ଆବା ରାଜି ରଚରାନ୍ନା, ଆନ ପା ହେ ଲାକେ ମି କାଜି ରଚନାଙ୍ଗା, ୩୦ ଇନେସକି ଏପେଇ ନା ରାଜିତ ନା ଚେବୁଲତ ତିନଞ୍ଜି ଉଣ୍ଡି କିନାଦେର, ଆରେ ଗାଦିତ କୁଚି ଇସ୍ରାଏଲ୍‌ନି ବାର କୁଚୁମତି ରାଜ୍ କିନାନ ।”

ପିତରତି ଜିସୁଙ୍ଗ ପାତ କିଞ୍ଚି ଆଗେ ଝେଚନାକା

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜହନ୍ ୧୩:୩୬-୩୮)

୩୧ “ସିମନ୍, ସିମନ୍, ହୁଡ଼ା କାମଲିୟା, ଗମ୍ପତି ପୁଟା ଆଲଗା କିଦେଇ ଇଞ୍ଜି ହାଣେଲତ ଚାଲାୟକିନି ଲାକେ ସୟତାନ ପା ହାରଦିମାନାୟାରତା ବାନିୟାରିଙ୍ଗ ଆଲଗା କିଦେଇ ଇଞ୍ଜି ମିଙ୍ଗେଇ ପରିକ୍ୟା କିଦେଇ ଆଦିକାର ପାୟାଆତାନ୍ନା; ୩୨ ମାତର ନି ପାତ କିନାକା ଇନେସ୍ ତୁଗୁଡ଼, ଇଦା କାଜି ଆନ ନି ହୁଦା ପାର୍ତନା କିତାଙ୍ଗ; ଆରେ, ଏନ ଲେଉଟା ଆଜି ଝାନିହିଁ ଜାର ଟଣ୍ଡାରି ପୁସ୍ତା କିୟା ।”

୩୩ ମାତର ହେଞ୍ଜାନ ତାଙ୍ଗେଇ ଇଚାନ, “ଏ ମାପୁ, ଆନ ନି ଲାହାଙ୍ଗ ବଦି ଇଞ୍ଜି ହାଞ୍ଜେଇ ଆରି ହାଦେ ଜାଲ୍‌ଦି ଆତାଙ୍ଗନା ।”

୩୪ ମାତର ହେଞ୍ଜାନ ଇଚାନ, “ଏ ପିତର, ଆନ ନିଙ୍ଗେଇ ଝେଚନାଙ୍ଗା, ନେଞ୍ଜେଇ କୁଲୁ ଚେନିହିଁ ଆଗେ ଏନ ଜେ ପୁଞ୍ଜନାୟ, ଇଦା ତିନିହଚ ପାତ କିଦୁୟ ।”

ହାବଡ଼ କାଜି ଜାଲ୍‌ଦି ଆଜି ମାନାଟ୍

୩୫ ଆରେ, ହେଞ୍ଜାନ ହେଞ୍ଜାରି ଇଚାନ, “ଏଚେକାତଦ ଆନ ମିଙ୍ଗେଇ ବାଡି, ମଣା ଆରି କାଣ୍ଡା ପାଣ୍ଡାଲଙ୍ଗ ତୁସ୍‌ଝାଦାଙ୍ଗ ପକ୍ତି ମାନଞ୍ଜାଙ୍ଗ, ହେଞ୍ଜାଡା ମିଦାଙ୍ଗ ଇନାକା ଅବାବ୍ ଆଜି ମାତାଟ୍ ?” ହେଞ୍ଜାର ଇଚାର, ଇନାକା “ଆକାୟ ।”

୩୬ ହେବେତା ହେଞ୍ଜାନ ହେଞ୍ଜାରି ଇଚାନ, “ମାତର ନଙ୍ଗ, ଇନେରତି ବାଡି ମାନାଟ୍, ହେଞ୍ଜାନ ହେଦା ଅଞ୍ଜେନ୍, ହେ ଲାକେ ମଣା ପା ଅଞ୍ଜେନ୍, ଆରି ଇନେରତି ହିଲୁଡ଼, ହେଞ୍ଜାନ ହେ ହେୟା ରଞ୍ଜାଙ୍ଗ ପ୍ରସି କାଣ୍ଡା କଡେନ୍ ।” ୩୭ ଇନାକିଦେକି ଆନ ମିଙ୍ଗେଇ ଇଞ୍ଜନାଙ୍ଗା,

“ହେଞ୍ଜାନ ଅଦାମିର ଲାହା ଗାଣାକିୟା ଆତାନ,” ଇ କାତା ଲେକା ଆତାଡ଼ନ୍ନା, “ହେଦା ନା ତାକେ ପୁରାଆନାକା ମାନାଟ୍; ଲାଗି ନା ବିସ୍ତେ ପୁରା ଆତାଡ଼ନ୍ନା ।”

୩୮ ହେବେତା ହେଞ୍ଜାର ଇଚାର, ମାପୁ, ହୁଡ଼ା, “ଇବେ ରିଣ୍ଡା କାଣ୍ଡାଙ୍ଗ ମାନିକ୍ । ଆରେ, ହେଞ୍ଜାନ ହେଞ୍ଜାରି ଇଚାନ, ଏଚେକନେ ସାରି ।”

ଜିସୁ ଜିଡ଼ ମାଡ଼ିତ ମାପୁତି ପାର୍ତନା

(ମାତିଉ ୨୬:୩୬-୪୬; ମାର୍କ ୧୪:୩୨-୪୨)

୩୯ ଜିସୁ ଗାଡ଼ଦା ହସି ଜାର ରିତି ହୁକେ ଜିଡ଼ମାଡ଼ିତ ହାଚାର, ଆରି ଚେଲାର ପା ତା ପାଚେ ପାଚେ ହାଚାର । ୪୦ ହେ ବାହାତ ଏକିସ୍ ଜିସୁ ହେଞ୍ଜାରି ଇଚାନ, “ପରିକ୍ୟାତ ଇନେସ୍ ଆର୍‌ମାଟ୍, ଇଦା କାଜି ପାର୍ତନା କିୟାଟ୍ ।”

୪୧ ଆରେ, ହେଞ୍ଜାନ ହେଞ୍ଜାର ଆନମାନତା ପାଞ୍ଚକଡ଼ି ଆଡ଼ତା ଦେହା ହାଲ୍‌ଜି ମେଣ୍ଡାଙ୍ଗ କୁଦିକିଜି ଇ ପାର୍ତନା କିଦେଇ ଲାଗାତାର, ୪୨ “ଏ ଆବା,” ଜଦି ନି ଇଚା ମାନାଟ୍ ଲାଗି “ଇ ଦୁକ୍ ନା ତାଙ୍ଗ ଦେହା କିୟା, ଆତିସ୍ ପା ନା ଇଚା ଆକାୟ, ମାତର ନି ଇଚା ପୁରା ଆୟେଡ଼ ।” ୪୩ ଆରେ, ସାଚେତା ର ଦୁଡ଼ ଚଞ୍ଜୟା ଆଜି ତାଙ୍ଗେଇ ସାଲ୍‌ଜି

୨୨:୩୫ ୨୨:୩୫ ମାତିଉ ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪.

ହିତାନ । ୪୪ ଆରେ, ଜିସୁ ମାନ ବିତ୍ରେ ଦୁକତାଂ ଡିଙ୍ଗି ପାର୍ତାନା କିଦେଙ୍ଗ ଲାଗାତାନ ଆରି ତା ରୁମିଙ୍ଗ ନେତେର ଲାକେ ମେଦନିତ ଆରତିକ ।

୪୫ ଆରେ, ହେୱାନ ପାର୍ତାନାତାଙ୍ଗ ନିଙ୍ଗି ଚେଲାର୍ ଲାଗାଂ ୱାଜି ହେୱାରିଂ ଦୁକ କାଜିଂ ହୁନ୍‌ଆକାରିଂ ହୁଡ଼ତାନ; ୪୬ ଆରେ, ହେୱାନ ହେୱାରିଂ ଇଚାନ, “ଇନେକିଦେଂ ହୁଞ୍ଜନାଦେରା ? ପରିକ୍ୟାତ ଇନେସ୍ ଆର୍ମାଟ୍, ଇଦାଂ କାଜିଂ ନିଙ୍ଗି ପାର୍ତାନା କିୟାଟ୍ ।”

ଜିସୁ ସତ୍ତୁ କେଇଦ ହେଲାୟ୍ କିୟାତାନ
(ମାତିଉ ୨୨:୪୭-୫୨; ମାର୍କ ୧୪:୪୩-୫୦; ଜହନ୍ ୧୮:୩-୧୧)

୪୭ ଜିସୁ କାତା ଇନିୱାଡ଼ାଂ, ହୁଡ଼ାଟ୍ ଲକୁ ୱାଜି ଏକାୱାତାର୍, ଆରି ବାରଜାଣ୍ ବିତ୍ରେ ଜିହୁଦା ଇନି ରକାନ୍ ହେୱାର୍ ଆଗେ ଆଗେ ୱାଜି ଜିସୁଙ୍ଗ୍ ତନଞ୍ଜେଙ୍ଗ୍ ହେ କଚଣ୍ଡ ହାଚାନ । ୪୮ ମାତର୍ ଜିସୁ ହେୱାନିଂ ଇଚାନ, “ଏ ଜିହୁଦା ତନଞ୍ଜି ପା ମାନାୟ୍ ମାଜି ସତ୍ତୁ କେଇଦ ହେଲାୟ୍ କିଦନାୟା ?”

୪୯ ଇବେଣ୍ଟାଂ ଇନାକା ଗିଟା ଆନାଟ୍, ହେଦାଂ ହୁଡ଼ି ହାଙ୍ଗଦାକାର୍ ଇଚାର୍, “ମାପୁ, ଆପେଂ ଇନାକା କାଣ୍ଡାତ କାଡନାପ୍ ?” ୫୦ ଆରେ, ହେୱାର୍ ବିତ୍ରେ ରକାନ୍ ମୁଡ୍, ମାପୁହେବାକିନାକାନ ଆଡିୟାଙ୍ଗ୍ ମାଟ୍‌କିଜି ହେ ତିନି କିତୁଲ୍ ରାସଦି ତୁହିତାନ ।

୫୧ ମାତର୍ ଜିସୁ ଉତର୍ ହିତାନ, “ଏତେକ୍ ହୁନ୍‌ଜି ମାନାଟ୍,” ଆରେ, ହେୱାନ ହେ କିତୁଲ୍ ତୁଜି ତାଙ୍ଗେଙ୍ଗ୍ ଉଜ୍ କିତାନ ।

୫୨ ଆରେ, ଜିସୁ ହେୱାଡ଼ି ବିରୁଦ୍‌ତ ୱାଜି ମାତି ମୁଡ୍ ମାପୁହେବାକିନାକାର୍, ମନ୍ଦିରନି ମୁଡ଼ଜାମାନ ଆରି ବୁଡ଼ାଲୁରିଂ ଇଚାର୍, “ଚର୍କୁ ବିରୁଦ୍‌ତ ହତି ଲାକେ କାଣ୍ଡା ଆରି ଟେଙ୍ଗା ଆଜି ଏପେଙ୍ଗ୍ ଇନାକା ହସି ୱାତାଦେଣ୍ଡା ? ୫୩ ଆନ୍ ନିତ୍ରେ ମି ହୁକେ ମନ୍ଦିରତ ମାନିୱେଡ଼ାଲିଂ ଏପେଙ୍ଗ୍ ନା ବିରୁଦ୍‌ତ କେଇ କିଦ୍‌ୱାତାଦେର୍, ମାତର୍ ଇଦାଂ ମି ସମୁ ଆରି ମାଜ୍‌ଗାନି ଆଦିକାର୍ ।”

ପିତର୍ ଜିସୁଙ୍ଗ୍ ପାତ୍ କିୱାତାନ
(ମାତିଉ ୨୨:୫୭-୫୮; ୨୨:୬୯-୭୫; ମାର୍କ ୧୪:୫୩-୫୪; ୧୪:୬୬-୭୨; ଜହନ୍ ୧୮:୧୨-୧୮; ୧୮:୨୫-୨୭)

୫୪ ପାଚେ ହେୱାର୍ ହେୱାନିଂ ଆସି ଅଜି ମୁଡ୍ ମାପୁହେବା କିନାକାର୍ ଇଞ୍ଜ ତାହିୱାତାର୍; ମାତର୍ ପିତର୍ ଦେହା ମାନଞ୍ଜି ପାଚେ ପାଚେ ହାଚାନ । ୫୫ ଆରେ, ହେୱାର୍ ହାକ୍‌ଡିନି ମାଦି ବାହାତ ନାଣି ତୁଦ୍‌ଜି ରଚେ କୁଚ୍‌ଚିଲେ, ପିତର୍ ହେୱାର୍ ମାଦି କୁଚ୍‌ଚି ମାଚାନ । ୫୬ ରଞ୍ଜେଲ୍ ଆଡିଏଣି ହେୱାନ ନାଣି ଲାଗାଂ କୁଚ୍‌ଚି ମାନାକା ହୁଡ଼ି ହେୱାନିଂ ଇଟ୍‌କାଡ଼୍ କିଜି ହୁଡ଼ି ଇଚାଟ୍, “ଇୱାନ ପା ହେୱାନ ହୁକେ ମାଚାନ ।”

୫୭ ମାତର୍ ପିତର୍ ପାତ୍ କିୱାଦାଂ ଇଚାନ, “ଏ ଆୟାତାଡ଼ି, ଆନ୍ ହେୱାନିଂ ପୁନ୍‌ଙ୍ଗ୍ ।”

୫୮ ଅଲପ୍ ସମୁ ପାଚେ ଆରି ରଞ୍ଜେଲ୍ ହେୱାନିଂ ହୁଡ଼ି ଇଚାଟ୍, “ଏନେଙ୍ଗ୍ ପା ହେୱାର୍ ବିତ୍ରେ ରକାୟ୍ ।”

ମାତର୍ ପିତର୍ ଇଚାନ, “ଆକାୟ୍, ଟଣ୍ଡେନ୍, ଆନ୍ ଆକାୟ୍ ।”

୫୯ ର ଗଣ୍ଡା ପାଚେ ରକାନ୍ ଆଟ୍‌ୱା କିଜି ଇଞ୍ଜେଙ୍ଗ୍ ଲାଗାତାନ, “ଇ ମାନାୟ୍ ପା ହାଡ଼୍‌ପାନେ ତା ହୁକେ ମାଚାନ, ଇନାକିଦେଂକି ହେୱାନ ରକାନ୍ ଗାଲିଲିୟ୍ ମାନାୟ୍ ।”

୬୦ ମାତର୍ ପିତର୍ ଇଚାନ, “ଟଣ୍ଡେନ୍, ଏନ୍ ଇନାକା ଇନାୟା, ଆନ୍ ହେଦାଂ ପୁନ୍‌ଙ୍ଗ୍ ।”

ହେ ଦାପ୍ରେ ହେୱାନ କାତା ଇନ୍‌ ଇନ୍‌ କୁଜୁ ଚ୍ଚେତାଟ୍, ୬୧ ଆରେ ମାପୁ ପିତର୍‌ତିଂ ର କାଣ୍‌କୂତ ହୁଡ଼ତାନ; ହେବେ “ନେଞ୍ଜେଙ୍ଗ୍ କୁଜୁ ଚ୍ଚେନି ଆଗେ ଏନ୍ ନାଙ୍ଗେଙ୍ଗ୍ ତିନି ହଟ୍

ପାତର୍ କିମ୍ପୁୟ୍, ” ଇଦାଂ ଇମ୍ବି କାତା ମାପୁ ପିତର୍ତ୍ତି ଇଞ୍ଜି ମାତାନ୍, ୨୨ ହେଦାଙ୍ଗ୍ ତା ମାନ୍ତୁ ଖାତାତ୍, ଆରି ହେଖାନ୍ ବାର୍ତ୍ତ ହାଲ୍ଲଜି ବେସି ତାନ୍ତା ଆଜି ଆଡ଼ବାତାନ୍ ।

ଜିସୁଙ୍ଗ୍ ଗ୍ଲୁଇତାର୍

(ମାତିଉ ୨୨:୨୭-୨୮; ମାର୍କ ୧୪:୨୫)

୨୩ ଆରେ, ଇମ୍ବି ମାନାୟାର୍ ଜିସୁଙ୍ଗ୍ ଆସି ଇଡ଼ଜି ମାତାର୍, ହେଖାର୍ ହେଖାନିଂ ମାଡ଼ଜି କିଡ କିଡ ଲାଲୁ କିତାର୍, ୨୪ ଆରେ ହେ ମୁମ୍ବ ପାଡ଼ାକ୍ତି ହେଖାନିଂ ଖେନ୍ବେଦେଂ ଲାଗାତାର୍, “ଏନ୍ କିୟା ବେଣିବାକ୍ଶାୟ୍ କିନାକାୟ୍ ! ଇନାତ, ଇନେର୍ ନିଙ୍ଗେଙ୍ଗ୍ ମାଟ୍ କିଡ଼ତାର୍ ?” ୨୫ ଆରେ, ହେଖାର୍ ଆଦିକ୍ ବେସି କାତା ହେଖାନ୍ ବିରୁଦ୍ତ ଇଞ୍ଜି ହେଖାନିଂ ନିୟା କିଦେଙ୍ଗ୍ ଲାଗାତାର୍ ।

ଜିସୁଙ୍ଗ୍ ଗାଜା ସବାତାକେ ତାହିଖାତାର୍

(ମାତିଉ ୨୨:୫୯-୬୨; ମାର୍କ ୧୪:୫୫-୬୪; ଜହନ୍ ୧୮:୧୯-୨୪)

୨୬ ଅଜଡ଼ ଆତି ଦାପ୍ରେ ମାନାୟାର୍ତ୍ତି ପ୍ରାଚିନାର୍, ଆରେ ମୁଡ଼ ମାପୁହେବାକିନାକାର୍ ଆରି ସାସ୍ତ୍ରୁ ରୁଣ୍ଡା ଆଜି ଜାର୍ତ୍ତି ଗାଜା ମିଟିଙ୍ଗ୍ତାଂ ଅଜି ଇଚାର୍, “ଏନେଙ୍ଗ୍ ଜଦି କ୍ରିସ୍ଟ, ତେବେ ମାଙ୍ଗେଙ୍ଗ୍ ଖେଚ୍ଚା ।”

୨୭ ମାତର୍ ଜିସୁ ହେଖାରିଂ ଇଚାନ୍,

“ଆନ୍ ଜଦି କ୍ରିସ୍ଟ ମିଙ୍ଗେଙ୍ଗ୍ ଇଞ୍ଜିନାଙ୍ଗ୍, ଏପେଙ୍ଗ୍ ତ ପାତର୍ କିଡଦେର୍ ।” ୨୮ ଆରେ, ଆନ୍ ଖେନ୍ବା ଆତିସ୍, “ଏପେଙ୍ଗ୍ ଉତର୍ ହିଡଦେର୍ ।” ୨୯ ମାତର୍ ନଙ୍ଗ୍ତାଂ ମାନାୟ୍ ମାଜି ଇସ୍ତର୍ ସାକ୍ତିତାଂ ବୁଜଣି ବାଗାଙ୍ଗ୍ କୁଚ୍ଚନାନ୍ ।

୩୦ ହେବେଣ୍ଡାଂ ଖିଜାକାର୍ ଖେନ୍ବାତାର୍, “ବାଟିଙ୍ଗ୍ ଏନ୍ ଇନାକା ଇସ୍ତର୍ ମାଜି ?” ହେଖାନ୍ ହେଖାରିଂ ଇଚାନ୍, “ଆନ୍ ହେଖାନ୍ ଇଞ୍ଜି ଏପେଙ୍ଗ୍ ଇନାଦେରା ।”

୩୧ ଲାଗିଂ ହେଖାର୍ ଇଚାର୍, “ମାଦାଂ ଆରେ ସାକିନି ଲଡ଼ା ଆକାୟ୍ । ହେଖାନ୍ ଇନାକା ଇନାନା, ଆପେଂ ନିଜ୍ ହେଦାଂ ଖେଚାପନ୍ନା ।”

୨୩

ଜିସୁଙ୍ଗ୍ ପିଲାତ ତାକେ ତାହିଖାତାର୍

(ମାତିଉ ୨୨:୧୨; ୧୧:୧୪; ମାର୍କ ୧୫:୧-୫; ଜହନ୍ ୧୮:୨୮-୩୮)

୧ ପାଚେ ସବାନି ଖିଜାକାର୍ ନିଙ୍ଗି ଜିସୁଙ୍ଗ୍ ପିଲାତ ତାକେ ଅତାର୍ । ୨ ଆରେ, ହେଖାର୍ ଜିସୁ ବିରୁଦ୍ତ ଦାବା କିଦେଙ୍ଗ୍ ଲାଗାତାର୍, ଆପେଂ ହୁଡ଼ତାପ୍, ଇ ମାନାୟ୍ “ମା ଜାତିତିଂ ରାଜା ବିଦ୍ତ କିଦ୍ନାନା ଆରି କାଈସର୍ତ୍ତି ସିସୁ ହିଦେଂ ମୁନାକିନାନ୍ନା ଆରି ଜାର୍ତ୍ତି କ୍ରିସ୍ଟ ରାଜା ଇଞ୍ଜି ଇନାନ୍ନା ।”

୩ ଇବେଣ୍ଡାଂ ପିଲାତ ଜିସୁଙ୍ଗ୍ ଖେନ୍ବାତାନ୍, “ଏନ୍ କି ଜିହୁଦିର୍ ରାଜାତି ?”

ଜିସୁ ଉତର୍ ହିଚାନ୍, “ଏନ୍ ଇଞ୍ଜିନାୟା ।”

୪ ହେବେଣ୍ଡାଂ ପିଲାତ ମୁଡ଼ ମାପୁହେବାକିନାକାନ୍ ଆରି ମାନାୟାରିଂ ଇଚାନ୍, ଆନ୍ “ଇ ମାନାୟ୍ତଂ ଇନାକାପା ଦସ୍ ପାୟାଆଖାତାଂ ।”

୫ ମାତର୍ ହେଖାର୍ ଆରେ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ଇଖାନ୍ ଖିଜୁ ଜିହୁଦା ଦେସ୍ତ ହିକ୍ୟା ହିଜି ଗାଲିଲିତାଂ ଆରମ୍ କିଜି ଇ ବାହା ପାତେକ୍ ପା ଲକାଂ ମାତାୟ୍ କିନାନା ।”

ଜିସୁଙ୍ଗ୍ ହେରଦ୍ ଲାଗେ ପକ୍ତାନ୍

୬ ମାତର୍ ପିଲାତ ଇଦାଂ ଖେନ୍ଞି ଖେନ୍ବାତାନ୍, “ଇ ମାନାୟ୍ ଇନାକା ରକାନ୍ ଗାଲିଲିୟ୍ ମାନାୟ୍ କି ?” ୭ ଆରେ, ହେଖାନ୍ ଜେ ହେରଦ୍ତି ଆଦିକାର୍ ତାରେନ୍ ମାନାର୍, ଇଦାଂ ପୁଞ୍ଜି ହେଖାନ୍ତାଂ ହେରଦ୍ ଲାଗାଂ ପକ୍ତାନ୍, ଲାଗିଂ ହେଖାନ୍ ପା ଇ

ସମୁତ ଜିରୁସାଲମତ ମାତାନ । ୮ ହେରଦ୍ ଜିସୁଙ୍ଗ ହୁଡ଼୍ଜି ବେସି ଖାରୟା ଆତାନ, ଇନାକିଦେଂକି ହେଖାନ ହେ ବିସ୍ତେ ଖେନ୍ଝି ମାତିଲେ ତାଙ୍ଗେଙ୍ଗ୍ ବେସି ଦିନ୍ତାଂ ହୁଡ଼୍ଦେଂ ମାନ୍ କିଜି ମାତାନ, ଆରେ ହେଖାନ କାଜିଂ ଇମ୍ଫାଣାକା ପା କାବାଆନି କାମାୟ୍ ଆନାକା ହୁଡ଼୍ଦେଂ ଆହା କିଜି ମାତାନ । ୯ ଲାଗିଂ ହେଖାନତାଂ ବେସି କାତା ଖେନ୍ବେଦେଂ ଲାଗାତାନ, ମାତର ଜିସୁ ତାଙ୍ଗ୍ ଇନାକା ଇନ୍ଝାତାନ । ୧୦ ଆରେ, ମୁଡ଼୍ ମାପୁହେବାକିନାକାର୍ ଆରି ସାସ୍ତ୍ର ନିଲ୍ଠି ହେ ବିରୁଦ୍ତ ବେସି ଇଞ୍ଜେଙ୍ଗ୍ ଲାଗିସ୍ ମାତାର୍ । ୧୧ ଆରେ, ହେରଦ୍ ଜାର୍ ମେଲ୍ୟାର୍ ହୁକେ ତାଙ୍ଗ୍ ଲାଜ୍ କିଜି ନିୟା କିଜି ଜିଲିମିଲି ହେନ୍ଦା ଉସ୍ତି କିଜି ପିଲାତ ଲାଗେ ପକ୍ତି ତୁହିତାନ । ୧୨ ହେ ଦିନ୍ ହେରଦ୍ ଆରି ପିଲାତ ହାରି ହାଙ୍ଗ୍ଦାକାର୍ ଆତାର୍; ଇଦାଂ ଆଗେ ହେଖାର୍ ହାରି ହାଙ୍ଗ୍ଦାକାର୍ ବିତ୍ତେ ସତ୍ତୁର୍ ମାତାତ୍ ।

ଜିସୁତି ହାକି ତାଣ୍ଡିତାର୍

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜହନ୍ ୧୮:୩୯-୧୯:୧୬)

୧୩ ଇଦାଂ ପାଚେ ପିଲାତ ମୁଡ଼୍ ମାପୁହେବାକିନାକାର୍, ଗାଜାକାର୍ ଆରି ମାନାୟ୍ରିଂ କୁକ୍ତି ରୁଣ୍ଡାୟ୍ କିଜି ହେଖାରିଂ ଇଚାନ, ୧୪ ଇଖାନ ମାନାୟ୍ ବିଦ୍ଦାଦା କିନାନା ଇଞ୍ଜି “ଏପେଙ୍ଗ୍ ଇଖାନିଂ ନା ଲାଗାଂ ତାସି ମାତାଦେର୍; ଆରି ହୁଡ଼ାଟ୍, ଆନ୍ ମି ମୁମ୍ଦ ଇଖାନିଂ ପର୍ସନ୍ କିଜି, ହେ ବିରୁଦ୍ତ ଏପେଙ୍ଗ୍ ଜେ ଖିଜାକାଦେର୍ ଇଖାନ କାତା କିନାଦେରା, ହେ ଲାକେ ଇମ୍ଫାଣାକା ପା ଦସ୍ ଇଖାନ୍ତାଙ୍ଗ୍ ଗାଟାଆଖାତାପ୍ । ୧୫ ହେରଦ୍ ପା ଗାଟାଆଖାତାନ, ଇନାକିଦେଂକି ହେଖାନତାଂ ମା ତାକେ ଆରେ ପକ୍ତାତାନ; ଆରି ହୁଡ଼ାଟ୍, ଇଖାନ ହାକିତାଣ୍ଡି ପାୟା ଆନି ଇନାକାପା କାମାୟ୍ କିଖାତାନନା; ୧୬ ଲାଗିଂ ଆପ୍ ଇଖାନିଂ ଟ୍ରାକି କିଜି ମୁକ୍ତି କିନାପ୍ ।” ୧୭ ପାରୁଁ ଖେଡ଼ାଲିଂ ହେଖାର୍ କାଜିଂ ରକାନିଂ ମୁକ୍ତି କିଦେଙ୍ଗ୍ ଖାଜି ମାତାତ୍ ।

୧୮ ମାତର୍ ହେଖାର୍ ଖିଜାକାର୍ ରବେ କିକିରାତିଂ କିଜି ଇଚାର୍, “ଇଖାନିଂ ଅହାଟ୍, ମା କାଜିଂ ବାରବାଙ୍ଗ୍ ମୁକ୍ତାୟ୍ କିୟାଟ୍ ।” ୧୯ ଇ ବାରବା ଗାଡ଼୍ ଦ ଗିଟା ଆଜି ଇମ୍ଫାଣି ଗଡ଼ମେଲି କାଜିଂ ଆରି ନାର୍ ଅହିନି କାଜିଂ ବନ୍ଦି ଇଞ୍ଜି ଇଡ଼୍ଜି ମାତାତ୍ ।

୨୦ ମାତର୍ ପିଲାତ ଜିସୁଙ୍ଗ ମୁକ୍ତି କିଦେଙ୍ଗ୍ ମାନ୍କିଜି ହେଖାରିଂ ଆରେ ରଗ ବୁଜାୟ୍ କିତାନ । ୨୧ ମାତର୍ ହେଖାର୍ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ତାଙ୍ଗ୍ କ୍ଳସ୍ତ ଦୁପାଟ୍, କ୍ଳସ୍ତ ଦୁପାଟ୍ ।”

୨୨ ଆରେ, ଜିସୁ ହେଖାରିଂ ତିନି ହଟ୍ ଇଚାନ, “ଇନେକିଦେଂ, ହେଖାନ ଇନା ଦସ୍ କିତାନନା ? ଆପେଂ ତା ତାକେ ଇନାକାପା ହାକି ତାଣ୍ଡି ଗାଟା ଆଉପା; ଲାଗିଂ, ଆପେଂ ତାଙ୍ଗେଙ୍ଗ୍ ତାଣ୍ଡି ହିଜି ପିସ୍ତି ହିନାପ୍ ।”

୨୩ ମତର୍ ହେଖାନ କ୍ଳସ୍ତ ଦୁପାୟା ଆୟେନ୍ ଇଞ୍ଜି ଦାବା କିଜି ହେଖାର୍ ଗାଜା ଖେଇଦ୍ ଜିଦ୍ କିଦେଙ୍ଗ୍ ଲାଗାତାର୍, ଆରେ ହେଖାର୍ତି ଆଲି ଜିଣା ଆତାତ୍ । ୨୪ ଆରେ, ହେଖାର୍ତି ଦାବା ହୁଦାଂ କିୟାଆୟେଡ଼ ଇଞ୍ଜି ପିଲାତ ବଲ୍ ହିତାନ; ୨୫ ମାତର୍ ମାନାୟ୍ କାଜିଂ ନିଲ୍ଠି ଆରି ମାନାୟ୍ ଅସ୍ତି କାଜିଂ ଜଇଲ୍ଡ ଇଟ୍ୟାଜି ମାତି ଇମ୍ଫାଣି ମାନାୟ୍ କାଜିଂ ହେଖାର୍ ଦାବା କିଜି ମାତାର୍, ତାଙ୍ଗ୍ ହେଖାନ ମୁକ୍ତି କିତାନ, ଆରେ ଜିସୁଙ୍ଗ ହେଖାନ ହେଖାର୍ ମାନ୍ତାରେନ୍ ହେଲାୟ୍ କିତାନ ।

ଜିସୁଙ୍ଗ କ୍ଳସ୍ତ ହାସ୍ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜହନ୍ ୧୯:୧୭-୨୭)

୨୬ ହେଖାର୍ ଜିସୁଙ୍ଗ ଅନିଖେଡ଼ାଲିଂ ବିତ୍ତେ ନାସ୍ତାଂ ଖାଜି ମାନି ସିମନ୍ ଇନି ରକାନ୍ କୁରିଣିୟ୍ ଲାଗାଂ ଆସ୍ତି ଜିସୁତି ପାଚେ ପାଚେ କ୍ଳସ୍ ପିଣ୍ଡେଂ କାଜିଂ ହେଖାନ ନିପିତ ହେଦାଂ ଇଡ଼୍ତାର୍ ।

୨୭ ଆରେ, ମାନାୟାର୍ତ୍ତ ଆରି ହେୱାନ କାଜିଂ ନେଞ୍ଜେତାକିତ ଇଡ଼୍‌ୟାଆନି ଆଡ଼୍‌ବିନି ଲଗାଂ ବେସି କଗଲେହିମ୍‌ଣାଂ ହେୱାନ୍ତି ପାଚେ ପାଚେ ହାଲ୍‌ଜି ମାଡିକ୍ । ୨୮ ମାତର୍ ଜିସୁ ହେୱେକ୍ ନିପ ମାସ୍‌ଦି ପା ଇଚାନ, “ଗ ଜିରୁସାଲମ୍‌ନି ଗାଡ଼୍‌ଚେକ୍, ନା କାଜିଂ ଆଡ଼୍‌ବାମାଟ୍, ମତର୍ ଜାର୍ ଜାର୍ କାଜିଂ ଆରି ଜାର୍ ଜାର୍ ହିମ୍‌ଣାଂ କାଜିଂ ଆଡ଼୍‌ବାଟ୍; ୨୯ ଇନାକିଦେଂକି ହୁଡ଼ାଟ୍, ଇନେର୍ ବାଞ୍ଜିଣି, ଆରେ ଇନେର୍ ଇନାଝାଡ଼ାଂପା ଏସ୍ ପିହ୍‌ଝାଡ଼ାନ୍ନା ଆରି ମାୟ୍‌ଉଟ୍‌ଝା ତାଡ଼୍‌ନ୍ନା, ହେୱାକାଂ ଲକୁ ଏଚେକାଡ଼୍‌ଦ ଦନ୍‌ୟ ଦନ୍‌ୟ ଇଞ୍ଜି ଇନାର୍, ଏଲେଙ୍‌ଘାତ୍ ସମୁ ଝାନାତା । ୩୦ *ହେ ଏଚେକାଡ଼୍‌ଦ ଲକୁ ମାଡ଼ିକାଂ ଇଞ୍ଜେଙ୍‌ ଲାଗାନାର୍, ମା ଜପି ଆରଦା, ଆରେ କୁପଲିକାଂ ଇଞ୍ଜେଙ୍‌ ଲାଗାନାର୍, ମାଙ୍‌ଙ୍‌ ପୁକ୍‌ତା । ୩୧ ଇନାକିଦେଂକି ଲକୁ ଜଦି ଜିଡ଼୍ ମାର୍ କାଜିଂ ଏଲେଙ୍‌ କିତାର୍, ଝାଡ଼ି ମାର୍ କାଜିଂ ବାଟିଙ୍‌ ଇନାକା କିତର୍ ?”

୩୨ ଆରେ, ହାକି ଡାଣ୍ଟ ପାୟା ଆଦେଂ କାଜିଂ ରିକାରିଙ୍‌ କାରାପ୍ କାମାୟ୍ ପା ହେୱାନ ହୁକେ ଅୟା ଆଜି ମାଚାର୍ । ୩୩ ଆରେ, ହେୱାର୍ “ନିୟାଣ୍” ଇନି ବାହାତ ଏକିସ୍ ହେବେ ହେୱାନିଂ କୁସ୍‌ତ ଦୁପ୍‌ଡ଼ାର୍ ଆରି କାରାପ୍ କାମାୟ୍ କିନାକାର୍ ବିଡ୍‌ଡେତାଂ ରକାନିଂ ତିନାବାଗାଙ୍‌ ଆରେ ରକାନିଂ ଡେବା ବାଗାଙ୍‌ କୁସ୍‌ତ ଦୁପ୍‌ଡ଼ାର୍ । ୩୪ ହେ ଏଚେକାଡ଼୍‌ଦ ଜିସୁ ଇଚାନ, “ଆବା, ଇଝାରିଂ କେମା କିୟା, ଇନାକିଦେଂକି ଇଝାର୍ ଇନାକା କିନାରା, ହେଦାଂ ପୁନୁରା ।”

ଆରେ, ହେୱାର୍ ତା ହେୟା ସବୁ ବାଟା କିନି କାଜିଂ ଦରମ୍‌ଗୁଲି କିତାର୍ । ୩୫ ଆରେ, ମାନାୟାର୍ ନିଲ୍‌ତିପା ହୁଡ଼୍‌ଜିମାଚାର୍ । ଆରି, ମୁଡ଼୍‌ଦାକାର୍ ପା ତାଙ୍‌ ବିଦ୍‌ବାଦ୍ କିଜି ଇଞ୍ଜେଙ୍‌ ଲାଗାତାର୍, ହେୱାନ ବିନ୍ ଲଗାଂ ରାକ୍ୟା କିତାନ; “ହେୱାନ ଜଦି ଇସ୍‌ତ ବାଟିକିୟାତି କ୍ରିସ୍ଟୁ ବାଟିଙ୍‌ ନିଜ୍‌ତିଙ୍‌ ରାକ୍ୟା କିଏନ୍ ।”

୩୬ ଆରେ, ମେଲ୍ୟାର୍ ପା ହେ ଲାଗାଂ ଝାଜି କେନିରାସ୍ ହିଜି ତାଙ୍‌ ଗୁଜି କିଜି ଇଚାର୍, ୩୭ “ଏନ୍ ଜଦି ଜିହୁଦିତ ରାଜା, ତା ଆଡିସ୍ ନିଜ୍‌ତିଙ୍‌ ରାକ୍ୟା କିୟା ।”

୩୮ ଆରେ, ହେୱାନ ଜପି ଇ ଲେକା ପା ଲେକା ଆଜି ମାଚାଡ଼୍, “ଇଝାନ ଜିହୁଦିତ ରାଜା ।”

୩୯ ଆରେ, କୁସ୍‌ତ ଦୁପ୍‌ୟା ଆଜି ମାନି ଚର୍କୁକାଂ ତାଙ୍‌ ବିଡ୍‌ଡେ ରକାନ ହେୱାନିଂ ନିୟା କିଜି ଇଞ୍ଜେଙ୍‌ ଲାଗାତାନ, “ଏନ୍ ଇନାକା କ୍ରିସ୍ଟୁ ଆକାୟ୍ ? ନିଜ୍‌ତିଙ୍‌ ଆରି ମାଙ୍‌ଙ୍‌ ରାକ୍ୟା କିଦା ।”

୪୦ ମାତର୍ ଆରି ରକାନ ହେୱାନିଂ ଦାକା କିଜି ଉତର୍ ହିତାନ, ଏନ୍ ସମାନ୍ ଡାଣ୍ଟ ପାୟାଆନାୟା, “ଏନ୍ ଇସ୍‌ତ ଇନାକା ପାଣ୍ଟା ପା ଆଉୟା ? ୪୧ ଆରେ, ଆପେଂ ହିନା ନ୍ୟାୟ୍‌ତାଂ ଡାଣ୍ଟ ପାୟାଆନାପା, ଇନାକିଦେଂକି ନିଜ୍ ନିଜ୍ ବାନ୍‌ୟାକାମାୟ୍ ପାଡ଼୍ ପାୟାଆନାପା, ମାତର୍ ଇ ମୁଣିକା ଇନାକାପା ଦସ୍ କିଝାତାନନା ।” ୪୨ ଆରେ, ହେୱାନ ଇଚାନ, “ଏ ଜିସୁ, ଏନ୍ ଜାର୍ ରାଜିତ ହଟିସ୍ ନାଙ୍‌ଙ୍‌ ଏଡୁ କିଦ୍‌ନାୟ୍ ।”

୪୩ ହେବେଣ୍ଟାଂ ଜିସୁ ତାଙ୍‌ ଇଚାନ, “ଆନ୍ ନିଙ୍‌ଙ୍‌ ହାଡ଼୍‌ପା ଇଞ୍ଜିନାଙ୍‌, ନେଞ୍ଜେଙ୍‌ ଏନ୍ ନା ହୁକେ ସାଗେଂ ରାଜିତ ଏକାଝାନାୟ୍ ।”

ଜିସୁତି ହାକି

(ମାଡିଉ ୨୭:୪୫-୫୬; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

୪୪ ହେ ଏଚେକାଡ଼୍‌ଦ ହେ ପାଦ୍‌ନା ବାର ଗଣ୍ଟା ଝେଡ଼ାଲିଂ ଆଜି ମାଚାଡ଼୍, ଆରି, ଝେଡ଼ା ମାଜ୍‌ଗା ଆଡିଲେ ତିନି ଗଣ୍ଟା ପାଡେକ୍ ଦେସ୍ ଜାକ୍ ମାଜ୍‌ଗା ଆତାଡ଼୍, ୪୫ ଆରେ ମନ୍‌ର୍‌ନି ପାଦ୍‌ଦା ହେୟା ମାଦିତାଂ କେନ୍‌ଞ୍ଜି ହାଚାଡ଼୍ । ୪୬ ଆରେ, ଜିସୁ ଆଟ୍‌ଝା କିଜି

* ୨୩:୩୦ ୨୩:୩୦ ହଡ଼୍‌ତି ୭:୧୭.

କୁକ୍ଟି ଇଚ୍ଛନ୍ତି, “ଏ ଆବା, ନି କେଇଦ ନା ପାରାଣ୍ଟି ଜିବୁନ୍ ହେଲାୟ୍ କିଦ୍‌ନାଙ୍ଗା ।” ଇଦାଂ ଇଞ୍ଜି ହେଝାନ୍ ପାରାଣ୍ଟି ପିସ୍ତାନ୍ ।

୪୭ ପାଞ୍ଜି କଡ଼ି ମୁଡ଼ଦାକାନ୍ ମେଲ୍ୟା଼ର୍ ଜପି ଗାଜାକାନ୍ ଇ ଗଟଣା ହୁଡ଼ଜି ଇସ୍ପରତିଂ ଜାଜ୍‌ମାଲ୍ କିଜି ଇଚ୍ଛନ୍ତି, “ହାତେନେ ଇଝାନ୍ ଦାମ୍ ଲଗୁ ମାଚାନ୍ ।”

୪୮ ଆରେ, ଇମ୍‌ଣି ମାନାୟାର୍ ହୁଡ଼ଦେଂ ରୁଣ୍ଡାଆଜି ମାଚାର୍, ଝିଜାକାର୍ ହେଝାର୍ ହେ ସବୁ ହୁଡ଼ଜି ନେଞ୍ଜେଡାକିତ ଇଡ଼ିଆ ଆଜି ମାସ୍‌ଦି ହାଞ୍ଜେଙ୍ଗ୍ ଲାଗାତାର୍ । ୪୯ ମାତର୍ ହେଝାନ୍ତି ଚିନାଜାଣା ଝିଜାକାର୍ ଆରି ଗାଲିଲିତାଂ ରଚେ ମିହାଆଜି ଜିସୁଙ୍ଗ୍ ପାଚେ ପାଚେ ଝାଜି ମାନି କଗ୍‌ଲେକ୍ ଦେହା ନିଲ୍‌ତି ଇ ସବୁ ହୁଡ଼ଜି ମାଚିକ୍ ।

ଜିସୁଙ୍ଗ୍ ମୁଚ୍‌ଚାର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜହନ୍ ୧୯:୩୮-୪୨)

୫୦ ଆରେ ହୁଡ଼ାଟ୍, ଜିହୁଦିତ୍ ହାରାମାତିୟା ଗାଡ଼ନି ଜସେପ୍ ଇନି ରକାନ୍ ମାନାୟ୍ ଗାଜା ସବାନି ମେମର୍ ମାଚାନ୍; ହେଝାନ୍ ରକାନ୍ ହାର୍ ଆରି ଦାମ୍ ଲଗୁ, ୫୧ ଜିହୁଦାନି ହାରାମାତିୟା ତରୁନି ନାସ୍‌ତ ଜସେପ୍ ଇଞ୍ଜି ରଝାନ୍ ମାଚାନ୍ । ଜିହୁଦି ରକାନ୍ ଦାମ୍ ଆରି ମାନିନି ଲକ୍ ମାଚାନ୍ ଆରେ ଇସ୍ପରତି ରାଜିନି ଝାନାକାଦିଂ କାସି ମାଚାନ୍ । ଗାଜା ସବାନି ରଝାନ୍ ମୁଣିକା ମାଚିସ୍ ପା, ହେଝାନ୍ ହେଝାର୍‌ତି ଦାୟିତ୍ ଆରି କାମାୟ୍ ଲାହାଂ ଏକ୍‌ଜୁଟ୍ ହିଲାତାର୍ । ୫୨ ହେଝାନ୍ ପିଲାତ ତାକେ ହାଲ୍‌ଜି ଜିସୁତି ଗାଗାଡ଼୍ ଏନ୍ତାନ୍, ୫୩ ଆରେ ହେଦାଂ ଜୁଡ଼ତି ତାସି କଝାଣ୍ ହେନ୍ଦାତ ହୁର୍‌ପିସ୍, ଇମେତାକେ ଇନେର୍ ଇନାଝାଡ଼ାଂ ଇଟ୍ୟାଝାଦାଂ ମାଚାନ୍, ମାଡ଼ିତ କାଟ୍ ମାଚି ଏଲେଙ୍ଗ୍ ର ଦୁଗେର୍‌ତ ତାଙ୍ଗେଙ୍ଗ୍ ଇଡ଼ତାର୍ । ୫୪ ହେ ଦିନ୍ ଜାଲ୍‌ଦି କିନି ଦିନ୍ ମାଚାଡ଼୍, ଆରେ ଜମ୍‌ନିବାର୍ ଲାଗେ ଆଜି ଝାଜି ମାଚାଡ଼୍ ।

୫୫ ଆରେ ଗାଲିଲିତାଂ ହେଝାନ୍ ହୁକେ ଝାଜିମାନି କଗ୍‌ଲେହିମ୍‌ଣାଂ ପାଚେ ପାଚେ ହାଲ୍‌ଜି ଦୁଗେର୍ ଆରି ହେଝାନ୍ତି ଗାଗାଡ଼୍ ଇନେସ୍ ଇଡ଼ତାର୍‌ନ୍ନା, ହେଦାଂ ହୁଡ଼ତିକ୍, ୫୬ ଆରେ ହେଝେକ୍ ମାସ୍‌ଦି ହାଲ୍‌ଜି ଆରି ବାସ୍‌ନା ଚିକାଣ୍ ଜାଲ୍‌ଦି କିତିକ୍ ।

ମାତର୍ ବିଦି ଇସାବ୍ରେ ହେ ନାଜିଂ ଜମ୍‌ନିବାର୍ ମାଚିଲେ ହେଝାର୍ ଜମ୍‌ତାର୍ ।

୨୪

ଜିସୁ ହାତିତାକେଣ୍ଟାଂ ନିଙ୍ଗ୍‌ନାକା

(ମାତିଉ ୨୮:୧-୧୦; ମାର୍କ ୧୬:୧-୮; ଜହନ୍ ୨୦:୧-୧୦)

୧ ମାତର୍ ସାଡ଼୍ ଦିନିନି ରଇବାର୍ ଉଟ୍‌ଲା ହାକାଡ଼େ ହେଝେକ୍ ଜାଲ୍‌ଦି କିତି ହାର୍‌ଦି ବାସ୍‌ନା ସାମାନ୍ ଅଜି ଦୁଗେର୍ ତାକେ ହାଚିକ୍ । ୨ ଆରେ, ହେଝାର୍ ଦୁଗେର୍‌ତାଂ କାଲ୍ ଗୁଡ଼ତାକା ହୁଡ଼ତିକ୍, ୩ ମାତର୍ ବିତ୍ରେ ହାଲ୍‌ଜି ମାପୁ ଜିସୁତି ଗାଗାଡ଼୍ ଗାଟାଞ୍ଜିତିକ୍ । ୪ ଆରେ, ହେଝେକ୍ ହେଦାଂ କାଜିଂ ରୁଦିବାଣା ଆନିକା, ଏଲେଙ୍ଗ୍ ଝେଡ଼ାଙ୍ଗ୍ ହୁଡ଼ାଟ୍, ଅଜଡ଼୍ ହେନ୍ଦା ଉସ୍‌ସିସ୍ ରିକାର୍ ଲକ୍ ହେଝେକ୍ ତାକେ ଏକାତାର୍; ୫ ହେବେ ହେଝେକ୍ ପାଣ୍ଡା ଆଜି ମେଦ୍‌ନିତ ମୁମ୍ ଆତିଲେ, ହେଝାର୍ ହେଝେକାଂ ଇଚାର୍, “ହାତିଲକାର୍ ବିତ୍ରେ ଏପେଙ୍ଗ୍ ଇନେକିଦେଂ ଜିତାକାନିଂ ଡେକ୍‌ନାଦେରା ? ୬ ହେଝାନ୍ ଇବେ ହିଲୁନ୍, ମାତର୍ ନିଂତାନ୍ନା । ହେଝାନ୍ ଗାଲିଲିତ ମାନି ଝେଡ଼ାଲିଂ ମିଙ୍ଗେଙ୍ଗ୍ ଝେଡ଼ତି ମାନ୍‌ଞ୍ଚାନ୍, ହେଦାଂ ଏଡୁ କିୟାଟ୍ ।” ୭ ମାନାୟ୍ ମାଜି ପାପିୟାର୍ କେଇଦ କୁସ୍‌ତ ହାଦେଂ ଆରି ତିନି ଦିନ୍ ଆରି ନିଙ୍ଗ୍‌ଦେଙ୍ଗ୍ ଆନାଡ଼୍ ।

୬ ୨୩:୪୯ ୨୩:୪୯ ଲୁକ ୮:୨.୩. ୭ ୨୪:୬ ୨୪:୬ ମାତିଉ ୧୬:୨୧; ୧୬:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୮ ହେବେଣ୍ଡାଁ ହେଝାର୍ ହେଝାନ କାତା ଏତୁ କିତାର୍, ୯ ଆରେ ଦୁଗେର୍ତାଁ ମାସ୍‌ଦିହାଲ୍‌ଜି ଏଗାର୍ ଜାଣ୍ ଚେଲାର୍ ଆରି ବିନ୍ ଲଗାଁ ଇ ସବୁ କାରୁର୍ ଝେର୍ତାର୍ । ୧୦ ଇଝେକ୍ ମଗଦଲିନି ମରିୟ୍‌ମ୍ ଜହନା ଜାକୁର୍ ତେହି ମରିୟ୍‌ମ୍ ଆରି ଇଝେକ୍ ହାଙ୍ଗଦାଁ ମାନି ବିନ୍ କଗଲେକ୍, ଇଝେକ୍ ପକ୍ୟାତାକାର୍‌ରିଁ ଇ ବିତ୍ରେ କାତା ଝେର୍ତିକ୍ । ୧୧ ମାତର୍ ଇ ସବୁ କାତା ହେଝାର୍ ତାକେ କ୍ଲେଞ୍ଜକଣ୍ ଲାକେ ଲାଗାତାଡ୍, ଆରେ ହେଝାର୍ ହେଝେକାଁ ପାତର୍ କିଝାତାର୍ । ୧୨ ମାତର୍ ପିତର୍ ନିଞ୍ଜି ଦୁଗେର୍ ତାକେ ହନ୍ତି ହାଚାନ୍, ଆରେ ଚଡ୍‌ଜି ହୁଡ୍‌ତାନ୍ ମତର୍ ହାରୁ ହେହା ସବୁ ହୁଡ୍‌ତାନ୍, ଆରେ ହେଝାନ ହେ ଗର୍ଣା ବିସ୍ତେ କାବା ଆଜି ତା ଇଞ୍ଜ ହାଚାନ୍ ।

ରି ଚେଲାର୍ ଇମାନୁୟେଲ୍ ନାସ୍ତ ହାଚାର୍

(ମାର୍କ ୧୬:୧୨-୧୩)

୧୩ ଆରେ ହୁଡ୍‌ଡାଟ୍, ହେ ଦିନ୍ ହେଝାର୍ ବିତ୍ରେ ଚିକାର୍ ଜିରୁସାଲମ୍‌ତାଁ ବେସିଆଞ୍ଜିସ୍ ଏଗାର୍ କିଲମିଟର୍ ଦେହାତାଁ ଇମାୟ୍ ନାସ୍ତ ହାଲ୍‌ଜି ମାଚାର୍ ୧୪ ଆରି ଇ ଝିଜୁ ଗର୍ଣା ବିସ୍ତେ ହେଝାର୍ ହାଝେର୍ କାତାବାର୍ତା କିଜି ମାଚାର୍ । ୧୫ ହେଝାର୍ କାତାବାର୍ତା ଆରି ବେରଣ୍‌ଝେର୍ପା ଆନି ଝେଡାଲିଁ ଜିସୁ ଆପେ ହେଝାର୍ ତାକେ ଝାଜି ହେଝାର୍ ହୁକେ ତାଙ୍ଗଦେଁ ଲାଗାତାନ୍; ୧୬ ମାତର୍ ହେଝାର୍ କାଣ୍‌କୁ ଏଲେଙ୍ଗ୍ ଗେହ୍‌ୟା ଆଜି ମାଚାଡ୍ ଜେ, ହେଝାର୍ ଜିସୁଙ୍ଗ୍ ଚିନ୍‌କିଦେଁ ଆଡ୍‌ଝାତାର୍ । ୧୭ ଜିସୁ ହେଝାରିଁ ଝେନ୍‌ବାତାନ୍, “ଏପେଙ୍ଗ୍ ତାଙ୍ଗ୍ ତାଙ୍ଗ୍ ଇମଣି ଝିଜୁ ବିସ୍ତେ କାତାବାର୍ତା କିନାଦେରା, ହେ ଝିଜୁ ଇନାକା ?” ହେବେଣ୍ଡାଁ ହେଝାର୍ ବାଡ୍‌ୟା ଆଜି ନିଲ୍‌ଚି ମାଚାର୍ । ୧୮ ଆରେ ହେଝାର୍ ବିତ୍ରେ କେଲୟପା ଇନି ରକାନ୍ ହେଝାନିଁ ଉତର୍ ହିତାନ୍, “ଜିରୁସାଲମ୍‌ତ ବାହାକିନି ମାନାୟ୍ ବିତ୍ରେ ଏନ୍ ଇନାକା ରକାୟ୍ ହେ ବାହାନି ଏଚେକ୍ ଦିନ୍‌ନି ଗର୍ଣା ପୁନ୍‌ୟ ?”

୧୯ ଜିସୁ ହେଝାରିଁ ଝେନ୍‌ବାତାନ୍, “ଇନେସ୍ ଇନେସ୍ ବାନି ଗର୍ଣା ?” ହେଝାର୍ ତାଙ୍ଗେଙ୍ଗ୍ ଇଚାର୍, “ନାଜରିତୟାନି ଜିସୁତି ବିସ୍ତେ; ହେଝାନ ଇସ୍‌ବର୍ ଆରି ଝିଜୁ ଲକାର୍ କାଣ୍‌କୁତ କାମାୟ୍‌ତ ଆରି ବଚନ୍‌ତ ସାକ୍ତିକାଟାକାନ୍ ବେଶ୍‌ବାକ୍‌ଶାୟ୍‌କିନାକାନ୍ ମାଚାନ୍, ୨୦ ଆରେ ମୁଡ୍‌ମାପୁହେବାକିନାକାନ୍ ଆରି ମୁଡ୍‌ଦାକାର୍ ଇନେସ୍ ତାଙ୍ଗ୍ ହାକି ତାଣ୍ ଆଦେଁ ହେଲାୟ୍ କିଜି ତାଙ୍ଗ୍ କୁସ୍‌ତ ଅସ୍ତାର୍, ଇ ଝିଜୁ ବିସ୍ତେ । ୨୧ ମାତର୍ ଇନେର୍ ଇସ୍‌ଏଲ୍‌ତିଁ ମୁକ୍ତି କିନାନ୍, ହେଝାନ ଜେ ଇଝାନ୍, ହେଦାଁ ଆପେଁ ଆହା କିଜି ମାଚାପ୍; ମାତର୍ ଇଦାଁ ପିସ୍ତି ଇ ଝିଜୁ ଗର୍ଣାନି ନେଞ୍ଜେଙ୍ଗ୍ ତାଙ୍ଗ୍ ତିନି ଦିନ୍ ଆତାଡ୍ । ୨୨ ଆରେ ପା, ମା ବିତ୍ରେତାଁ କେତେକ୍ ଜାଣ୍ କଗଲେକ୍ ମାଙ୍ଗେଙ୍ଗ୍ କାବା କିଡ୍‌କନା; ହେଝେକ୍ ଉର୍‌ଲା ହାକାଡେ ଦୁଗେର୍ ତାକେ ହାଲ୍‌ଜି ମାଚିକ୍, ୨୩ ଆରେ ହେଝାନ୍ତି ଗାଗାଡ୍ ଗାଟାଝାଦାଙ୍ଗ୍ ଝାଜି ଇଚିକ୍ ଜେ, ହେଝେକ୍ ଦୁତରିଁ ପା ହୁଡ୍‌ଡିକ୍‌ନ୍ନା ଆରି ହେ ଦୁଡ୍‌କୁ ଇଚିକ୍ ଜେ, ହେଝାନ ଜିତାକାନ୍ ମାନାନ୍ । ୨୪ ଆରେ, ମା ହାଙ୍ଗଦାକାର୍ ବିତ୍ରେ ଇନେର୍ ଇନେର୍ ଦୁଗେର୍ ଲାଗେ ହାଲ୍‌ଜି, କଗଲେହିମ୍‌ଶାଁ ଇନେସ୍ ଇଞ୍ଜି ମାଚିକ୍, ହେ ଲାକେ ହୁଡ୍‌ଡିକ୍, ମାତର୍ ତାଙ୍ଗେଙ୍ଗ୍ ହୁଡ୍‌ଝିଡିକ୍ ।”

୨୫ ହେବେଣ୍ଡାଁ ହେଝେକାଁ ଇଚାନ୍, “ଏ ନିର୍‌ବୁଦିୟା କାଦେର୍ ଆରି ବେଶ୍‌ବାକ୍‌ଶାୟ୍‌କିନାକାର୍ ହୁକେ ଇଚି ଝିଜୁ ବେରଣ୍‌ତ ପାତର୍ କିଦେଙ୍ଗ୍ ହିଡ୍‌ଡି ମାନ୍ କାଦେର୍, ୨୬ ଇ ଝିଜୁ ଦୁକ୍ କିଜି ଜାର୍ ପାଣ୍ ହଣ୍ଡେଙ୍ଗ୍ ଇନାକା କ୍ରିସ୍‌ତି ଲଡା ହିଲ୍‌ଝାତାଡ୍ ?” ୨୭ ଆରେ, ମସା ଆରି ଝିଜାର୍ ବେଶ୍‌ବାକ୍‌ଶାୟ୍‌କିନାକାନ୍‌ତାଁ ହାଙ୍ଗ୍‌ଜି ଝିଜୁ ଦର୍‌ମ୍ ସାସ୍ତରତ୍ ଜାର୍ କାଜିଁ ବେରଣ୍ ହେଝାନ ହେଝାରିଁ ବୁଜାୟ୍ କିତାନ୍ ।

୨୮ ଆରେ, ହେଝାର୍ ଇମଣି ନାସ୍ତ ହାଲ୍‌ଜି ମାଚାର୍, ହେବେଣ୍ଡାଁ ଲାଗେ ଏକିନିହିଙ୍ଗ୍, ହେଝାନ ଆରେ ଆଗେ ହାଞ୍ଜେଙ୍ଗ୍ ଗାଟାୟ୍ କିତାନ୍ । ୨୯ ମାତର୍ ହେଝାର୍

ତାଙ୍କ ଚେରାୟ କିଛି ଇଚାର, “ମାହୁଦାଂ ମାନା, ଇନାକିଦେଂକି ମୁସି ଖାନାତା” ଆରି
 ଖେଡ଼ା ହାଚାତେ । ହେବେଣ୍ଟାଂ ହେଖାନ ହେଖେର୍ ହୁଦାଂ ମାଞ୍ଜେଙ୍ଗ୍ ଇଞ୍ଜ ହାଚାନ
 । ୩୦ ଆରେ, ହେଖାର ହୁକେ ଚିଞ୍ଜେଙ୍ଗ୍ କୁଚ୍ଚି ପାଚେ ହେଖାନ ରୁଚି ଅଜି ଆସିର୍ବାଦ
 କିତାନ, ଆରି ହେଦାଂ ତ୍ରିକ୍ଚି ହେଖାରିଂ ହିଦେଂ ଲାଗାତାନ । ୩୧ ହେବେ ହେଖାର
 କାଣକୁ ଜେୟାଆତିକ୍ ଆରି ହେଖାର ତାଙ୍ଗ୍ ଚିନ୍ କିତାର; ଆରେ, ହେଖାନ ହେଖାର
 ନଞ୍ଜରତାଂ ମାୟା ଆତାନ । ୩୨ ହେବେଣ୍ଟାଂ ହେଖାର ହେଖେର୍ ଇଚାର, “ଏଚେକାଡ଼ଦ
 ହାସଦ ହେଖାନ ମା ହୁକେ କାତାବାର୍ତା କିଛି ମାଚାନ ଆରି ମାଞ୍ଜେଙ୍ଗ୍ ଦରମ୍ ସାସ୍ତର
 ବୁଜାୟ କିଛି ମାଞ୍ଜାନ, ହେଖେଡ଼ାଂ ଇନାକା ମା ମାନ କେଦ୍‌ଖାଦାଂ ମାଚାଡ଼ ?”

୩୩ ଆରେ, ହେଖାର ହେପାଦନା ନିଙ୍ଗ୍ ଜିରୁସାଲମ୍‌ତ ଲେଉଟା ଆଜି ରବେ ରୁଣ୍ଡା
 ଆଜି ମାନି ଏଗାରଜାଣତିଂ ଆରି ହେଖାର ହଲ୍ୟାରିଂ ହୁଡ଼ତାନ; ୩୪ ହେଖେର୍ ଇଞ୍ଜି
 ମାଚାର, “ମାପୁ ହାଡ଼ପା ନିଂତାନ୍ନା ଆରି ସିମନ୍ତିଂ ଚଞ୍ଜୟା ଆତାନ ।”

୩୫ ଆରେ, ହେଖାରପା ହାଜିନି ସବୁ ଗଟଣା ଆରି ରୁଚି ତ୍ରିକ୍ଚି ସମୁତ ହେଖାନ
 ଇନେସ୍ ହେଖାର ହୁକେ ଚିନା ଆତାନ, ହେ ସବୁ ପୁଞ୍ଜେଙ୍ଗ୍ ଲାଗାତାର ।

ଜିସୁ ଜାର ଚେଲାରିଂ ଚଞ୍ଜୟାଆତାନ

(ମାତିର ୨୮:୧୭-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପକ୍ୟାତାକା ୧:୨-୮)

୩୬ ମାତର ହେଖାର ଇ ସବୁ ବେରଣ୍ ଇନିଖାଡ଼ାଲିଂ ମାପୁ ଜିସୁ ନିଜେ ହେଖାର
 ତାକେ ଏକାତାନ ଆରେ ଇଚାନ, “ମି କାଜିଂ ସୁସ୍ତା ଆୟେଡ଼ ।”

୩୭ ମତର ମାନାୟୟାର କାବା ଆଜି ବେସି ପାଣ୍ଡା ଆଜି ର ପୁଦା ହୁଡ଼ନାରା
 ଇଞ୍ଜି ବାବି କିତାର । ୩୮ ହେବେଣ୍ଟାଂ ଜିସୁ ହେଖାରିଂ ଇଚାନ, “ଇନେକିଦେଂ ପାଣ୍ଡା
 ଆନାଦେରା, ଆରେ, ମି ମାତ୍ର ଇନେକିଦେଂ ଗାଣଜୁ ନିଙ୍ଗନାତା ? ୩୯ ଇଞ୍ଜାଙ୍ଗ୍ ଜେ
 ଆନ୍, ନା କେଇ ଆରି ପାନା ହୁଡ଼ାଟ୍, ନାଙ୍ଗ୍ ତୁଜି ହୁଡ଼ାଟ୍, ଇନାକିଦେଂକି ନାଦାଂ
 ଇନେସ୍ ଜେଇ ଆରି ପ୍ଲେନ୍ ମାନାକା ଏପେଙ୍ଗ୍ ହୁଡ଼ନାଦେରା, ପୁଦାତିଙ୍ଗ୍ ହେ ଲାକେ
 ଆକାୟ ।”

୪୦ ଆରେ ହେଖାନ ଇଦାଂ ଇଞ୍ଜି ହେଖେରିଂ ଜାର କେଇ ଆରି ପାନା ଚଟ୍‌ଚାନ
 । ୪୧ ଲାଗିଂ ପା ହେଖାର ଖାରି କାଜିଂ ପାତ କିଞ୍ଜାଦାଂ କାବା ଆତିଲେ ହେଖାନ
 ହେଖାରିଂ ଖେନ୍‌ବାତାନ, “ଇବେ ମିବେ ଇନାକାତ ଇଚୁକ୍ କାଦି ମାନାଡ଼ ?”
 ୪୨ ହେବେଣ୍ଟାଂ ହେଖାର ତାଙ୍ଗେଙ୍ଗ୍ ରଞ୍ଜାଙ୍ଗ୍ ଖାସ୍ତି ମିନ୍ ହିତାର । ୪୩ ଆରେ, ଜିସୁ ଅଜି
 ହେଖାର ମୁମ୍‌ଦ ଚିଚାନ ।

୪୪ ଆରି, ହେଖାନ ହେଖାରିଂ ଇଚାନ ମସାତି ବିଦି ଆରି ବେଣ୍‌ବାକ୍‌ଣାୟକିନାକାର
 ଆରି ନାନ୍‌କେରନି ସାସ୍ତରତାକେ ନା ବିସ୍ତେ ଇନା ଇନାକା ଇନାକା ଲେକା ଆତାଡ଼ନ୍ନା,
 ହେ ସବୁ ପୁରା ଆନାକା ଲଡ଼ା, “ଆନ୍ ମି ହୁଦାଂ ରଚେ ମାନିହିଂ ମିଙ୍ଗେଙ୍ଗ୍ ଇ ସବୁ
 ବେରଣ୍ ଇଞ୍ଜିମାନଚାଙ୍ଗ୍ ।”

୪୫ ହେ ପାଦନା ହେଖାର ଇନେସ୍ ଦର୍ମ ସାସ୍ତର ବୁଜା ଆନାର, ହେଦାଂ କାଜିଂ
 ହେଖାନ ହେଖାରିଂ ବୁଦିନି ହାଜି ଜେତାନ; ୪୬ ଆରେ, ହେଖାନ ହେଖାରିଂ ଇଚାନ, ଇ
 ଲାକେ ଲେକା ମାନାଡ଼, “କ୍ରିସ୍ତୁ ପୁକ୍‌ବଗି କିନାନ୍ ଆରି ତିନି ଦିନତାଂ ହାକିତାକେତାଂ
 ନିଙ୍ଗନାନ୍, ୪୭ ଆରେ ଜିରୁସାଲମ୍‌ତାଂ ହାଙ୍ଗ୍‌ଜି ଖିଜୁ ଜାତି ତାକେ ହେଖାନ ତରଦ ପାପ୍
 କେମା କାଜିଂ ମାନ୍‌ବାଦ୍‌ଲାୟ ବେରଣ୍ ସୁଣାୟ କିତାର । ୪୮ ଏପେଙ୍ଗ୍ ଇ ଖିଜୁ ବିସ୍ତେ
 ସାକି ଆନାଦେର । ୪୯ * ଆରେ ହୁଡ଼ାଟ୍, ନା ଆବା ଇନାକା ରାଣ୍ ହିଡ଼ତାନ୍ନା, ହେଦାଂ
 ଆନ୍ ମି ତାକେ ପନ୍ଥାନାଙ୍ଗା, ମାତର ଜପିତାଂ ସାକ୍ତି ପାୟାଖି ପାତେକ୍ ଏପେଙ୍ଗ୍ ଇ
 ଗାଡ଼ଦ ମାନାଟ୍ ।”

* ୨୪:୪୯ ୨୪:୪୯ ପକ୍ୟାତାକା ୧:୪.

ଜିସୁଟି ସାଗେଁ ହାନାକା

(ମାର୍ଚ୍ଚ ୧୭:୧୯-୨୦; ପକ୍ୟାତାକା ୧:୯-୧୧)

୫୦ ☆ତା ପାଚେ ଜିସୁ ହେଝାରିଂ ବେଡ଼ନିୟା ହାନି ହାଜି ପାତେକ୍ ଅଜି ହାଚାର୍ ଆରି ଜାର୍ କେଇ ପେସ୍ଜି ହେଝେରିଂ ଆସିର୍ବାଦ୍ କିତାନ୍ । ୫୧ ଆରେ, ହେଝାରିଂ ଆସିର୍ବାଦ୍ କିଉ କିଉ ଜିସୁ ହେଝାର୍ ତାଙ୍ଗ୍ ଏଡ଼ା ଆଜି ସାଗେଁଜପି ହାଚାନ୍ । ୫୨ ଆରେ, ହେଝାର୍ ତାଙ୍ଗେଙ୍ଗ୍ ଜଝାର୍ କିଜି ବେସି ଝାରିତାଂ ଜିରୁସାଲମ୍ତ ଲେଉଟା ଆତାର୍, ୫୩ ଆରେ ହେଝାର୍ ନିତ୍ତେ ମାନ୍ଦିରତ ମାନ୍ଝି ଇସ୍ତର୍ ଦନ୍ୟବାଦ୍ କିଜି ମାଚାର୍ ।

ଯହନ ଲିଖିତ ସୁସମାଚାର ଜହନ୍ ଲେକିକିତି ନେକ୍ତିକାବୁର୍ ଜହନ୍ ଲେକିକିତି ବିସ୍ତେ ପାଦେକ୍

ଜିସୁ କ୍ରିଷ୍ଟି ଜିବୁନ୍ ବାତି କିଜି ମାନି ପୁନି ନିୟମନି ଚାରିଗଟା ପତିଙ୍ଗ ବିତ୍ତେ ଜହନ୍ ଲେକିକିତି ନେକ୍ତି କାବୁର୍ ରଞ୍ଜାଙ୍ଗ । ହେ ବିସ୍ତେକା° ନେକ୍ତି କାବୁର୍ ଇନାର, ଇମ୍ଫାକା ଅରଡ୍ “ନେକ୍ତି କାବୁର୍ ।” ହେଞ୍ଜାଙ୍ଗ ଇସ୍ପର୍ ହାତି ପାଚେ ମାତିଉ, ମାର୍କ, ଲୁକ, ଆରି ଜହନ୍ତା° ଲେକା ଆତାଡ୍ନା । ଜହନ୍ ଲେକିକିତି ନେକ୍ତି କାବୁର୍ କ୍ରିଷ୍ଟି ଜଲମ୍ ଚାରିକଡ଼ି ଦସ୍ ବାହୁଁ ପାଚେ ପକ୍ୟା ଆତି ଜହନ୍ ତାଙ୍ଗ ଲେକାଆତାଡ୍ନା । ଆତିସ୍ପା ଇ ନେକ୍ତି କାବୁର୍ତ ଇଦା° ଲେକି କିତାକାନ୍ ଜହନ୍ ଇଞ୍ଜି ହାରଦା° ଲେକା ଆଞ୍ଜାତାଡ୍ନା ମାତର୍ ଇ ନେକ୍ତି କାବୁର୍ ମେରା । ପର୍ତୁମ୍ ଜହନ୍ ଦୁଇ ଜହନ୍ ଆରି ତିନ୍ ଜହନ୍ ଲାହାଙ୍ଗ୍ ଆନ୍ ମାନ୍ତ ସମାନ୍ । କେତେକ୍ ପାନିପତି ଲେକିକିତାର୍ ପାତ୍ କିତାର୍ ଇ ନେକ୍ତି କାବୁର୍ ଏପିସିୟତା° ଲେକା ଆତାଡ୍ନା, ଇନାକିଦେ°କି ଇ ସମ୍ ଖେଡାଙ୍ଗ୍ ଜହନ୍ ଏପିସିୟତ ବାହା କିଜି ମାଚାନ୍ ।

ଜହନ୍ ସଡ୍ ବାବ୍ରେ ଇନାନ୍ “ଇସ୍ପର୍ ନେ କ୍ରିଷ୍ଟି ଜିବୁନ୍ ଇସ୍ପର୍ ମାଜି ।” ଜହନ୍ ୨୦:୩୧, ଇଦା° ପାତ୍ କିଦେଙ୍ଗ୍ ଇଞ୍ଜି ମାନାୟାରି° ହାଙ୍ଗ୍ କିନାକା ଆନାତା ଇ ନେକ୍ତି କାବୁର୍ନି ମୁଡ୍ଦାକା । ଇଦା° ପାତ୍ କିନି କାଜି° ଆସେଙ୍ଗ୍ ଇନେସ୍ ଜିବୁନ୍ ପାୟା ଆନାସ୍ । ଇ ନେକ୍ତି କାବୁର୍ ଜିହୁଦି ଆରି ପାତ୍ କିଞ୍ଜି ଜିହୁଦି ରିୟାର୍ କାଜି° ଲେକା ଆଜି ମାଚାଡ୍ । ଇ ନେକ୍ତି କାବୁର୍ତ ଜିସୁତି ଉତରମୁଡ୍ ତାଙ୍ଗ୍ ତା କାବାଆନି କାମାୟିଙ୍ଗ୍ ଆଦିକ୍ ଜର୍ ହିତାର୍ନା । ଜିସୁତି ବାପ୍ରିସମ୍ ଆରି ବାଟାତ ତା ପରିକ୍ୟା ଲାକେ କେତେକ୍ ଗର୍ଟା° ବିସ୍ତେ ଜହନ୍ ଇ ନେକ୍ତିବାର୍ତ ଇନାକା ଲେକିକିତନ୍ । ଇ ନେକ୍ତିବାର୍ ବିନ୍ ତିନିଗଟା ନେକ୍ତିକାବୁରି° ତାଙ୍ଗ୍ ବିନ୍ ।

ପତି ବିସ୍ତେନି ରାହାଣ

- ୧. ନେକ୍ତି କାବୁର୍ ଆରମ୍ ଜହନ୍ ୧:୧-୧୮
- ୨. ଜିସୁତି କେତେକ୍ କାବାଆନି କାମାୟିଙ୍ଗ୍ ଝିଜୁ ଜହନ୍ ୧:୧୯; ୧୨:୫୦
- ୩. ଜିସୁତି ଜିବୁନ୍, ହାତାକା ଆରି ଆରେ ରଗ ନି°ନାକା ଜହନ୍ ୧୩:୧; ୨୦:୩୧
- ୪. ଜିସୁତି ନିଙ୍ଗ୍ଜି ଚଞ୍ଜିୟାନାନ୍ ଜହନ୍ ୨୧:୧-୨୫

ଜିବୁନ୍ନି ବଚନ୍

୧ ହିଗ୍ଦ ବଚନ୍ ମାଚାନ୍, ବଚନ୍ ଇସ୍ପର୍ ଲାହାଙ୍ଗ୍ ମାଚାନ୍, ହେଞ୍ଜାନ୍ ଆରି ଇସ୍ପର୍ ଏକ୍ ମାଚାନ୍ । ୨ ହେଞ୍ଜାନ୍ ହିଗ୍ଦ ଇସ୍ପର୍ ଲାହାଙ୍ଗ୍ ମାଚାନ୍ । ୩ ତା ଲାହାଙ୍ଗ୍ ଇସ୍ପର୍ ଝିଜୁ ବିସ୍ତେ ଉଦ୍ଦାଣ୍ କିତାନ୍; ଆରେ ଜେ ଝିଜୁ ଉଦ୍ଦା ଆତାଡ୍ନା, ହେବେତା° ପା ରଞ୍ଜାଙ୍ଗ୍ ପା ହେଞ୍ଜାନ୍ ପିସ୍ତ୍ର ଉଦ୍ଦା ଆଞ୍ଜାତାଡ୍ନା । ୪ ହେଞ୍ଜାନ୍ ତାକେ ଜିବୁନ୍ ମାଚାଡ୍ ଆରି ହେ ଜିବୁନ୍ ମାନାୟାର୍ତ ଅଜଡ୍ । ୫ ହେ ଅଜଡ୍ ମାଜ୍ଗାତ ଅଜଡ୍ ଆଜି ଞ୍ଜାନାତା, ଆରେ ମାଜ୍ଗା ହେଦା° ମାନ୍ କିଞ୍ଜାତାଡ୍ ।

୬ ଇସ୍ପର୍ କଚଣିତ କାବୁର୍ ଖେଡ୍ନି ରଞ୍ଜାନ୍ ମାନାୟ୍ ଏକାତାନ୍; ହେଞ୍ଜାନ୍ ତର୍ ଜହନ୍ । ୭ ହେଞ୍ଜାନ୍ ଇନେସ୍ ଅଜଡ୍ ବିସ୍ତେ ସାକି ହିନାନ୍, ଆରେ ହେଞ୍ଜାନ୍ ଖେନ୍ଞି ଝିଜାର୍ ପାତ୍ କିତାର୍, ଇଦା° କାଜି° ହେଞ୍ଜାନ୍ ହିଦେ° ଇଞ୍ଜି ଞ୍ଜାତାନ୍ । ୮ ହେଞ୍ଜାନ୍

☆ ୧:୭ ୧:୭ ମାତିଉ ୩:୧; ମାର୍କ ୧:୪; ଲୁକ ୩:୧,୨.

ନିଜେ ହେ ଅଜଡ଼ ହିଲ୍‌ଖାତାନ୍, ମାତର ଅଜଡ଼ ବିସ୍ତେ ସାକି ହିଦେଂ ଇଞ୍ଜି ଖାତାନ୍ ।
୯ ଇମ୍‌ଣି ହାଡ଼ପା ଅଜଡ଼ ପୁତ ଖାଜି ଖିଜୁ ରାଜିନି ମାନାୟାରିଂ ଅଜଡ଼ କିନାଡ଼, ହେଦାଂ
ନେ ହାଡ଼ପା ଅଜଡ଼ ।

୧୦ ହେଖାନ୍ ପୁତ ତ ମାଗାନ୍ ଆରି ପୁତ ହେଖାନ୍ ହୁକେ ଉଦ୍‌ଜାଣ ଆତାଡ଼,
ଆତିସ୍‌ପା ପୁତ ତାଙ୍ଗେଙ୍ଗ୍ ଚିନ୍‌କିଦେଂ ଆଡ଼ଖାତାଡ଼ । ୧୧ ହେଖାନ୍ ଜାର ରାଜିତ
ଖାତାନ୍, ଆତିସ୍‌ପା ହେଖାନ୍ତି ଜାର ଲକୁ ତାଙ୍ଗେଙ୍ଗ୍ ମାନ୍ କିଖାତାର । ୧୨ ମତର
ଏଚେକ୍ ମାନାୟା ତାଙ୍ଗେଙ୍ଗ୍ ମାନ୍ କିତାର, ଇଚିସ୍ ଇମ୍‌ଣାକାର ହେଖାନ୍ ତରଦାଂ
ପାତ କିତାର, ହେଖାନ୍ ଖିଜାରିଂ ହେଖାନ୍ ଇସ୍‌ତ କାଡ଼ଦେ ଆଦେଂ ଇଞ୍ଜି
ଆଦିକାର ହିତାନ୍; ୧୩ ହେଖାର ନେତେରତାଂ, ଗାଗାଡ଼ନି ଇଚାତାଂ ନଲେ ମାନାୟା
ଇଚାତାଂ ଉଦ୍‌ଜା ଆଖାତାର, ଇଚିସ୍ ଇସ୍‌ରତାଂ ଉଦ୍‌ଜା ଆତାର ।

୧୪ ଆରେ, ହେ ବଚନ ମାନାୟା ଆତାନ୍, ଆରେ ଦୟା ଆରି ହାଡ଼ପାତ ବାତ ଆଜି
ମା ବିତ୍ରେ ବାହାକିତାନ୍, ଆରେ ଆବାତାଂ ଖାତି ଦୁଆଁ ମାଜିଙ୍ଗ୍ ପାଣ୍ ଲାକେ ଆପେଂ
ହେଖାନ୍ତି ପାଣ୍ ହୁଡ଼ତାପ୍ ।

୧୫ ଜହନ୍ ହେଖାନ୍ ବିସ୍ତେ ସାକି ହିଜି ଗାଜାକାର୍‌ତାଂ ଇଚାନ୍, “ଇନେନ୍ ନା ପାଚେ
ଖାନା, ହେଖାନ୍ ନାଙ୍ଗ୍ ତାଂ ଗାଜାକାନ୍ ଆତାନ୍ନା, ଇନାକିଦେଂକି ହେଖାନ୍ ନା ଆଗେ
ମାଗାନ୍, ଇମ୍‌ଣାକାନ୍ ବିସ୍ତେ ଆନ୍ ଇଦାଂ ଖେଚ୍‌ଚି ମାନ୍‌ଚାଙ୍ଗ୍, ହେଖାନ୍ ଇଖାନ୍ ।”

୧୬ ତା ଦୟାତାଂ ବାତ ହୁକେ ମାଙ୍ଗେଙ୍ଗ୍ ଖିଜାର ଆସିର୍‌ବାଦ୍ ପାୟା ଆତାସ୍‌ନା
। ଆଁ, ଆସିର୍‌ବାଦ୍ ଜପି ଆସିର୍‌ବାଦ୍ ପାୟା ଆତାସ୍‌ନା । ୧୭ ଇସ୍‌ର ବିଦି ମସା ହୁକେ
ଆତାଡ଼ନ୍ନା, ମାତର ଦୟା ଆରି ହାଡ଼ପା ଜିସ୍ କ୍ରିସ୍‌ତି ହୁକେ ଖାତାଡ଼ । ୧୮ ଇନେର୍
ଇନାଖାଡ଼ାଲିଂ ଇସ୍‌ରତିଂ ହୁଡ଼ଖାତାଣ୍ଡା, ଆବା ଖାକତ ମାନି କେବଲ୍ ତାଙ୍ଗେଙ୍ଗ୍ ପାଣ୍‌ଖା
ମାଜି ତାଙ୍ଗେଙ୍ଗ୍ ହପ୍‌ତାନ୍ ।

ବାପ୍ତିସ୍‌ମ୍ ହିନି ଜହନ୍ତି ସାକି

(ମାତିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଏନେଙ୍ଗ୍ ଇନେର୍, ଇଦାଂ ଜହନ୍ତିଂ ଖେନ୍‌ବିନି କାଜିଂ ଜିହୁଦିର୍ ଏଚେକାଡ଼ଦ
ଜିରୁସାଲମ୍‌ତାଂ ମାପୁହେବାକିନାକାନ୍ ଆରି ଲେବିୟରିଂ ତା ଲାଗାଂ ପଲ୍ଲାତାର,
“ହେପାଦ୍‌ନା ହେଖାନ୍ ଇ ସାକି ହିତାନ୍ ।”

୨୦ ହେଖାନ୍ ମାନି କିଖାଦାଂ, ହାର କିଜି ଖେଚ୍‌ଚାନ୍, “ଆନ୍ କ୍ରିସ୍‌ ଆକାୟା ।”

୨୧ ହେବେତାଂ ହେଖାର ତାଙ୍ଗେଙ୍ଗ୍ ଖେନ୍‌ବାତାର, “ବାଟିଙ୍ଗ୍, ଏନ୍ ଇନାକା ଏଲିୟ
?”

ହେଖାନ୍ ଇଚାନ୍, ଆନ୍ ଆକାୟା ।

“ଏନ୍ ଇନାକା ହେ ବେଣ୍‌ବାକ୍‌ଶାୟାକିନାକାନ୍ ?

ହେଖାନ୍ ଉତର ହିତାନ୍, ଆକାୟା ।”

୨୨ ହେବେତାଂ ହେଖାର ତାଙ୍ଗେଙ୍ଗ୍ ଇଚାର, ମାଙ୍ଗେଙ୍ଗ୍ ପଲ୍ଲିତି ମାନାୟାରିଂ ଇନେସ୍
ଉତର ହିଦେଂ ଆଡ଼ନାପ, ଇଦାଂ କାଜିଂ “ଏନ୍ ଇନେର୍ ? ଜାରତି ବିସ୍ତେ ଇନାକା
ଇନାୟା ?”

୨୩ ଜିସାୟା ବେଣ୍‌ବାକ୍‌ଶାୟାକିନାକାନ୍ ଇନେସ୍ ଇଞ୍ଜି ମାଗାନ୍, ହେ ଲାକେ ଜହନ୍
ଇଚାନ୍ ।

ଆନ୍ ହେ ଲାକେ ବାଲିବାଟାତ ଗାଜାକାର୍ କିଜି ମାନି ରଖାନ୍ତି କାର୍ ।

ମାପୁତି ହାଜି ହାଣ୍‌କୁ କିୟାର୍ ।

୨୪ ଆରେ, ପାରୁସିର୍ ପକ୍ତି ମାଟି କାବୁର୍ ହିନାକାର ତାଙ୍ଗେଙ୍ଗ୍ ଇଚାର
। ୨୫ ହେଖାର ତାଙ୍ଗେଙ୍ଗ୍ ଖେନ୍‌ବାତାର, “ଏନ୍ ଜପି କ୍ରିସ୍ କି ଏଲିୟ ହେ

ବେଶ୍‌ବାକ୍‌ଶାୟକିନାକାୟ ଆକାୟ, ହେଦାଂ ଆତିସ୍ ଇନେକିଦେଂ ବାପ୍ରିସିମ୍ ହିନାୟାୟା ?”

୨୬ ଜହନ୍ ହେଖେରିଂ ଉତରୁ ହିତାନ୍, “ଆନ୍ ଏଜୁଂତାଂ ବାପ୍ରିସିମ୍ ହିନାଜା; ଇମ୍‌ଶାକାନିଂ ଏପେଙ୍ଗ୍ ପୁନ୍‌ଦେର୍, ହେଖାନ୍ ମି ବିତ୍ରେ ମାନାନ୍; ୨୭ ହେଖାନ୍ ନା ପାଚେ ଖାନାନା, ତାଙ୍ଗ୍ ପାନାନି ପାଣ୍ଡାଈଙ୍ଗ୍ ତରି ରିକ୍‌ତେଂ ଆନ୍ ସମାନ୍ ଆକାୟ ।”

୨୮ ଜର୍ଦନ୍ ନାଗୁଡ୍ ଆଣ୍ଟିପାଡ଼କା ଇମ୍‌ଣି ବେଡ୍‌ନିୟାତ ଜହନ୍ ବାପ୍ରିସିମ୍ ହିଜି ମାଚାନ୍, ହେ ବାହାତ ଇ ଖିଜୁ ଗିଗା ଆତାଡ଼ ।

ଇସ୍‌ବତ୍ ମେଣ୍ଡାହିମ୍‌ଶା

୨୯ ଆକାଡ଼ ନାଜିଂ ହେଖାନ୍ ଜିସୁଙ୍ଗ୍ ଜାରୁ ଲାଗେ ଖାନାକା ହୁଡ଼ଜି ଇଚାନ୍, “ଏହେଁ ହୁଡ଼ା, ଇସ୍‌ବତ୍ ମେଣ୍ଡାହିମ୍‌ଶା, ଜେ ପୁତ୍ ନି ପାପ୍ ପିଣ୍ଡି ଅନାନ୍ । ୩୦ ନା ପାଚେ ଇନେନ୍ ଖାନାନା, ହେଖାନ୍ ନା ଗାଜାକାନ୍ ଆତାନ୍ନା, ଇନାକିଦେଂକି ହେଖାନ୍ ନା ଜଲମ୍ ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଇଞ୍ଜି ମାଚାଙ୍ଗ୍, ହେଖାନ୍ ଇ ମାନାୟ । ୩୧ ଆନ୍ ପା ତାଙ୍ଗେଙ୍ଗ୍ ଚିନ୍ କିଖାଦାଂ ମାଚାଙ୍ଗ୍, ମାତର୍ ହେଖାନ୍ ଇନେସ୍ ଇସ୍‌ଏଲ୍ ମାନାୟାରୁ ଲାଗେ ଚଞ୍ଜିୟା ଆନାନ୍, ଇ କାଜିଂ ଆନ୍ ଏଜୁଂତାଂ ବାପ୍ରିସିମ୍ ହିଦେଂ ଖାତାଙ୍ଗ୍‌ନା ।”

୩୨ ଆରେ, ଜହନ୍ ସାକି ହିଜି ଇଚାନ୍, “ଆନ୍ ଜିବୁନ୍‌ତିଂ ପାଣ୍ଡାକା ଲାକେ ବାଦାଡ଼ତାଂ ତା ଜପି ଜୁଦ୍‌ନାକା ହୁଡ଼ତାଙ୍ଗ୍‌ନା, ଆରେ ହେଦାଂ ତା ଜପି କୁବ୍‌ଚାଡ଼, ଏନେଙ୍ଗ୍ ନା ଖାରିନି ମାଜି, ନି ତାକେ ନାତାଂ ବେସି ଖାରି ମାନାଡ଼ ।” ୩୩ “ଆନ୍ ପା ତାଙ୍ଗେଙ୍ଗ୍ ଚିନ୍ କିଖାଦାଂ ମାଚାଙ୍ଗ୍, ମତର୍ ଜେ ନାଙ୍ଗେଙ୍ଗ୍ ଏଜୁଂତାଂ ବାପ୍ରିସିମ୍ ହିଦେଂ ପକ୍‌ତାନ୍, ହେଖାନ୍ ନାଙ୍ଗେଙ୍ଗ୍ ଇନ୍‌ଚାନ୍, ଇମ୍‌ଶାକାନ୍ ଜପି ଜିବୁନ୍‌ତିଂ ଜୁଦ୍‌ନାକା ହୁଡ଼ନାଦେର୍, ହେଖାନ୍ ହେ ମାନାୟ, ଜେ ପୁଇପୁୟା ଜିବୁନ୍‌ତାଂ ବାପ୍ରିସିମ୍ ହିନାନ୍ । ୩୪ ଆରେ, ଆନ୍ ହେଦାଂ ହୁଡ଼ତାଙ୍ଗ୍‌ନା, ଆରି ହେଖାନ୍ ଇସ୍‌ବତ୍ ମାଜି ଇଞ୍ଜି ସାକି ହିନାନା ।”

ଜିସୁତି ପର୍ତ୍ତମ୍ ଚେଲାର୍

୩୫ ପାଚେନି ନାଜିଂ ଆରେ ରଗ ଜହନ୍ ଆରି ହେ ଚେଲାର୍ ବିତ୍ରେ ରିକାର୍ ଲାହାଙ୍ଗ୍ ନିଲ୍‌ଚି ମାଚାର୍; ୩୬ ଆରେ, ହେଖାନ୍ ଜିସୁଙ୍ଗ୍ ହେ ହାଜି ହିଜି ହାନାକା ହୁଡ଼ଜି ତାଙ୍ଗେଙ୍ଗ୍ ଇଚାନ୍, “ଇଖାନ୍ ହୁଡ଼ାଟ୍, ଇସ୍‌ବତ୍ ମେଣ୍ଡାହିମ୍‌ଶା ।”

୩୭ ହେ ରିକାର୍ ଚେଲାର୍ ହେ ବେରଣ୍ ଖେନ୍‌ଞ୍ଜି ଜିସୁତି ପାଚେ ପାଚେ ହାଚାର୍ । ୩୮ ଜିସୁ ପାଚ୍‌ବାଗାଂ ମାସ୍‌ଦି ହେଖେରିଂ ପାଚେ ପାଚେ ଖାନାକା ହୁଡ଼ଜି ଖେନ୍‌ବାଚାନ୍, “ଏପେଙ୍ଗ୍ ଇନାକା ଦାହ୍‌ନାଦେରା ?”

ହେଖାର୍ ତାଙ୍ଗେଙ୍ଗ୍ ଉତରୁ ହିତାର୍, “ରାବ୍‌ବି ଇନାକା ଅରଡ଼ ଗୁରୁ, ଏନ୍ ଇମେତାକେ ମାନାୟା ?”

୩୯ ହେଖାନ୍ ହେଖେରିଂ ଇଚାନ୍, “ଖାତ, ହୁଡ଼ନାଦେର୍ ।” ହେବେଣ୍ଡାଂ ହେଖାର୍ ହାଲ୍‌ଜି ହେଖାନ୍ତି ବାହା ହୁଡ଼ତାର୍, ଆରେ ହେ ନାଜିଂ ତା ହୁଦାଂ ମାଚାର୍; ଇନେକିଦେଂକି ହେପାଦ୍‌ନା ମିକାହାରେସ୍ କମ୍‌ସେକମ୍ ଚାର୍‌ଚା ଆଜି ମାଚାଡ଼ ।

୪୦ ଇମ୍‌ଣି ରିକାର୍ ଜହନ୍‌ତି ବେରଣ୍ ଖେନ୍‌ଞ୍ଜି ଜିସୁତି ପାଚେ ପାଚେ ହାଲ୍‌ଜି ମାଚାର୍, ହେଖାର୍ ବିତ୍ରେ ରକାନ୍ ସିମନ୍ ପିତର୍ ଟଣ୍ଡାହି ଆନ୍‌ଦ୍ରିୟ ମାଚାନ୍ । ୪୧ ହେଖାନ୍ ପର୍ତ୍ତମ୍ ଜାରୁ ଟଣ୍ଡେନ୍ ସିମନ୍‌ତିଂ ଚଞ୍ଜା ଆଜି ତାଙ୍ଗେଙ୍ଗ୍ ଇଚାନ୍,

ଆପେଂ ମସିୟାତି ହୁଡ଼ତାପ୍‌ନା, “ଇମ୍‌ଶାକା ଅରଡ଼ କ୍ରିସ୍ଟ ।” ୪୨ ହେଖାନ୍ ତାଙ୍ଗେଙ୍ଗ୍ ଜିସୁ ଲାଗାୟ ତାହିଖାତାନ୍ । ଜିସୁ ହେଖାନିଂ ହୁଡ଼ଜି ଇଚାନ୍, “ଏନ୍ ଜହନ୍ ମେହି ସିମନ୍ ।” ଏନ୍ କେପା ସବଦ୍ ଅରଡ଼ ପିତର୍ ନଲେ କାଲ୍ ।

ଇସ୍ତର ପିଲିପି ଆରି ନିତନିୟେଲ୍‌ତିଂ କୁକନାନ

୪୩ ଆକାଡ଼ ନାଜିଂ ଜିସୁ ଗାଲିଲିତ ହସି ହାଜେଙ୍ଗ୍ ଇଞ୍ଜି ମାନ୍ କିତାନ୍, ଆରେ ହେଝାନ୍ ପିଲିପ୍‌ୟଙ୍ଗ୍ ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇଚାନ୍, “ନା ପାରେପାରେ ୱା ।” ୪୪ ପିଲିପ୍‌ୟ ବେତସାଇଦାନି ଲକ୍ ମାଚାନ୍, ହେଦାଂ ଆନ୍ଦ୍ରିୟ ଆରି ପିତରତି ଗାଡ଼୍ ମାଚାଡ଼ । ୪୫ ପିଲିପ୍‌ୟ ନିତନିୟେଲ୍‌ତି ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇଚାନ୍, “ଇମ୍‌ଣାକାନ୍ ବିସ୍ତେ ମସା ବିଦିନି ପଡିତ ଲେକିକିତାନ୍‌ନା, ଆରେ ବେଣ୍‌ବାକ୍‌ଣାୟିକିନାକାର ପା ଲେକିକିତାଣ୍ଟା, ଆସେଙ୍ଗ୍ ହେଝାନ୍ ଚଞ୍ଜ୍ୟା ଆତାସନା; ହେଝାନ୍ ଜସେପ୍ ମାଜି ନାଜରିତ୍‌ୟ ଜିସୁ ।”

୪୬ ନିତନିୟେଲ୍ ତାଙ୍ଗେଙ୍ଗ୍ ଖେନ୍‌ବାତାନ୍, “ନାଜରିତ୍‌ୟତାଂ କି ଇନାକାପା ହାର୍‌ଦି ବିସ୍ତେ ୱାଦେଙ୍ଗ୍ ଆଡ଼୍‌ଦାନାଡ଼ କି ?”

ପିଲିପ୍ ତାଙ୍ଗେଙ୍ଗ୍ ଇଚାନ୍, “ଝାଜି ହୁଡ଼ାଡ଼ ।”

୪୭ ଜିସୁ ନିତନିୟେଲ୍‌ତିଂ ଜାର ଲାଗେ ୱାନାକା ହୁଡ଼୍‌ଜି ହେ ବିସ୍ତେ ଇଚାନ୍, “ଇଦାଂ ହୁଡ଼ା ହାଡ଼୍‌ପାନେ ଇ ରକାନ୍ ଇସ୍ରାଏଲିୟ ମାନାୟ୍, ଇଝାନ୍ ତାକେ ଚିତ୍‌ଲି ହିଲୁଡ଼ ।”

୪୮ ନିତନିୟେଲ୍ ତାଙ୍ଗେଙ୍ଗ୍ ଖେନ୍‌ବାତାନ୍, “ଏନ୍ ନାଙ୍ଗେଙ୍ଗ୍ ଇନେସ୍ ଚିନ୍‌କିଡ଼ତାୟ୍ ?”

ଜିସୁ ତାଙ୍ଗେଙ୍ଗ୍ ଉତର ହିତାନ୍, “ପିଲିପ୍ ନିଙ୍ଗେଙ୍ଗ୍ କୁକତିନି ଆଗେ ଏନ୍ ଏଚେକାଡ଼୍‌ଦ ତଗା ମାର୍ ତାରେନ୍ ମାଚାୟ୍, ହେପାଦ୍‌ନା ଆନ୍ ନିଙ୍ଗେଙ୍ଗ୍ ହୁଡ଼୍‌ଜି ମାନ୍‌ଞ୍ଜାଙ୍ଗ୍ ।”

୪୯ ନିତନିୟେଲ୍ ତାଙ୍ଗେଙ୍ଗ୍ ଉତର ହିତାନ୍, “ଏ ଗୁରୁ, ଏନ୍ ଇସ୍ତର୍ ମାଜି, ଏନ୍ ଇସ୍ରାଏଲ୍‌ନି ରାଜା ।”

୫୦ ଜିସୁ ତାଙ୍ଗେଙ୍ଗ୍ ଉତର ହିତାନ୍, “ଆନ୍ ନିଙ୍ଗେଙ୍ଗ୍ ତଗା ମାର୍ ତାରେନ୍ ହୁଡ଼୍‌ଜି ମାନ୍‌ଞ୍ଜାଙ୍ଗ୍ ଇଞ୍ଜି ଇଚିଲେ କି ଏନ୍ ପାଟ୍ କିନାୟା ? ଏନ୍ ଇବେତାଂ ଆରେ ଗାଜା ଗାଜା ବିସ୍ତେ ହୁଡ଼୍‌ନାୟ୍ ।” ୫୧ ଆରେ, ହେଝାନ୍ ତାଙ୍ଗେଙ୍ଗ୍ ଇଚାନ୍, “ହାଡ଼୍‌ପା ହାଡ଼୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ସାଗେତ ଜେୟାନାଡ଼ ଆରି ଇସ୍ତର୍ ଦୁଡ଼୍‌ର ମାନାୟ୍ ମାଜିତି ଜପି ଦୁମ୍‌ନାକା ଆରି ଜୁଦ୍‌ନାକା ହୁଡ଼୍‌ନାଦେର୍ ।”

୨

କାନ୍ନା ନାସ୍ତ ବିବା

୧ ତିନ୍ ଦିନ୍ତ ଗାଲିଲିନି କାନାତ ର ବିବା ମାଚାଡ଼, ଆରେ ଜିସୁ ତେହି ହେବେ ମାଚାଡ଼; ୨ ଜିସୁ ପା ଜାର୍ ଚେଲାର୍ ଲାହାଙ୍ଗ୍ ହେ ବିବାତ କୁକ୍ୟା ଆତାନ୍ । ୩ ବଜି ଝିନ୍‌ଝିନ୍‌ହିଙ୍ଗ୍ ହେଝାର୍‌ତି ଅଙ୍ଗୁର୍ ରାସ୍ ଝିସ୍ତିଲେ ଜିସୁ ତେହି ଜିସୁଙ୍ଗ୍ ଇଚାଡ଼, “ହେଝାର୍‌ତି ଅଙ୍ଗୁର୍ ରାସ୍ ହିଲୁଡ଼ ।”

୪ ହେବେଣ୍ଟାଂ ଜିସୁ ତାଙ୍ଗେଙ୍ଗ୍ ଇଚାନ୍, ନି ଲାହାଙ୍ଗ୍ ନାଦି ଇନାକା ମାନାଡ଼ “ନାଙ୍ଗ୍ ଇନେକିଦେଂ ଇବେ ମିହାୟ୍ କିଦ୍‌ନାୟା ? ନା ସମ୍ ଅଙ୍ଗୟ୍ ପାତେକ୍ ଏକା ଆଝାତାଡ଼ନା ।”

୫ ହେ ତେହି ହେବା କିନାକାରିଂ ପାସ୍‌ପାନାକାରିଂ ଇଚାଡ଼, “ହେଝାନ୍ ମିଙ୍ଗେଙ୍ଗ୍ ଇନାକା ଇଞ୍ଜିନାନ୍, ହେଦାଂ କିୟାଡ଼ ।”

୬ ଆରେ, ହେବେ ଜିହୁଦିତ୍ ନିର୍ମାଲ୍ ଆନି ରିତି ଲାକେ ସହେ ଲିଟର୍ ଏଜୁଂ ଇଡ଼୍‌ଜି ଚଅଗା କାଲ୍‌କୁ କୁଣ୍ ଇଡ଼୍‌ଜି ମାଚାଡ଼ । ୭ ଜିସୁ ଆଡ଼ିୟାରିଂ ଇଚାନ୍, “କୁଣ୍‌କୁକାଂ ଏଜୁଂ ବାଟ୍ କିୟାଡ଼ ।” ହେବେଣ୍ଟାଂ ହେଝାର୍ ହେ ଝିନ୍‌ ଅଟି ପାତେକ୍ ବାଟ୍ କିତାଡ଼ । ୮ ଆରେ, ହେଝାନ୍ ହେଝାରିଂ ଇଚାନ୍, “ନଙ୍ଗୟ୍ ଉନ୍‌ଦି ଅଜି ବଜିନି ମୁଣିକାଂ ଲାଗେ ଅହାଡ଼ ।” ହେବେଣ୍ଟାଂ ହେଝାର୍ ଅଜି ହାଚାଡ଼ । ୯ ବଜିନି ମୁଣିକା ଅଙ୍ଗୁର୍ ରାସ୍ ଆଜି ମାଚି ହେ ଏଜୁଂ ଝେଣ୍‌ଜି ହେଦାଂ ଇମେତାଂ ଝାତିକ୍, ଇଦାଂ ପୁନ୍‌ଝାଦାଂ

ମାତିଲେ ମାତର ଇମଣି ହେବା କିନାକାର ଏଜୁଁ. ଉନ୍ଦି ମାଚାର, ହେଞ୍ଜାର ପୁନ୍ଝି ମାଚାର ବିବାଆନାକାନି କୁକ୍ତି ଇଚାର, ୧୦ “ଝିଜାକାର ପର୍ତ୍ତମତ ହାଦ ଅଜ୍ଞୁର ରାସ୍ ହିନାର, ଆରେ ମାନାୟାର ଉଣ୍ଡି ହର୍ତ୍ତି ପାଚେ ଜବାକାଲି ହିନାର; ଏପେଙ୍ଗ ଅଙ୍ଗୟ ପାଚେକ୍ ହାଦ ଅଜ୍ଞୁର ରାସ୍ ଇଡ଼ତାଦେଣ୍ଡା ।”

୧୧ ଜିସୁ ଇ ଲାକେ ଗାଲିଲିନି କାନାତ ପର୍ତ୍ତମ କାବାକିନି କାମାୟ ହାଞି ଜାର ପାଣ୍ଡ ଚଚ୍ଚାନ, ଆରେ ତା ଚେଲାର ତା ତାକେ ପାତ କିତାର ।

୧୨ ଇଦାଂ ପାଚେ ହେଞ୍ଜାନ ଜାର ଆୟାଂ, ଟଣ୍ଡାରବାଇ ଆରି ଚେଲାର ଲାହାଙ୍ଗ କପର୍ନାହୁମ୍ ତାକେ ହାଚାର; ପାଚେ, ହେଞ୍ଜାର ହେବେ ବେସି ଦିନ୍ ମାନୁଞ୍ଜାତାର ।

ଇସ୍ତର ଜିରୁସାଲମତ ମନ୍ଦିରତ ହାଚାନ
(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୭)

୧୩ ହେ ପାଦନା ଜିହୁଦିତ ନିସ୍ତାର ପାରୁଁ ଲାଗେ ଆଜି ମାଚାଡ଼, ଆରେ ଜିସୁ ଜିରୁସାଲମତ ହାଚାନ । ୧୪ ହେବେ ହେଞ୍ଜାନ ହୁଡ଼ତାନ, ମନ୍ଦିର ବିତ୍ତେ ମାନାୟ କଡ଼ିଙ୍ଗ, ମେଣ୍ଡା ଆରି ପାଣ୍ଡକା ବେପ୍ପରିୟାରି ଆରେ ତାରୁଙ୍ଗ ବେପ୍ପରିୟାରି କୁଚ ଜପି ଗାଡ଼ି କିଜି ମାନାକା ହୁଡ଼ତାନ । ୧୫ ହେବେ ହେଞ୍ଜାନ ଡରିତାଂ ର କରତା ରଚ୍ଚି କଡ଼ି ଆରି ମେଣ୍ଡାକାଂ ଝିଜାରି ମନ୍ଦିରତାଙ୍ଗ ବାରତ ହପ୍ପତାନ; ଆରେ, ତାରୁଙ୍ଗ ବେପ୍ପରିୟାର୍ଡି ତାରୁଙ୍ଗ ସରୁ ଡ଼ିଝିଜି ହେଞ୍ଜାର୍ଡି ଚେରୁଲି ଉଲ୍ଲଗାୟ କିଜି ତାରୁଙ୍ଗ ତାରେନ୍ ଡ଼ିଝିତାର; ୧୬ ଆରେ, ହେଞ୍ଜାନ ପାଣ୍ଡକା ବେପ୍ପରିୟାରି ଇଚାନ, “ଇଞ୍ଜାକାଂ ଇବେଣ୍ଡାଂ ଅହାଟ୍, ମାଞ୍ଜି ଆବା ଇଲ୍ଲଦିଂ ବେପ୍ପାର ଇଲ୍ଲ କିମାଟ୍ ।” ୧୭ “ମି ଇଲ୍ଲ କାଜିଂ ଇଚା ନାଙ୍ଗେଙ୍ଗ୍ ଝିସ୍ତାନାଡ଼ ଇଦାଂ ଲେକା ମାନାଡ଼ ଇଞ୍ଜି ତା ଚେଲାର ମାନ୍ତ ଏତୁ କିତାର ।”

୧୮ ହେବେ ଜିହୁଦିରତାଂ ଉତର ହିତାର, “ଏନ୍ ଇ ସରୁ କାମାୟ କିନି କାଜିଂ ଆଦିକାର ପାୟଆତାଂନା ଇଞ୍ଜି ଆପେଂ ଇନେସ୍ ପୁନାପ୍ ?” ଆରେ ଇମଣି ଚିନ୍ ହୁକେ ମାଙ୍ଗେଙ୍ଗ୍ ହେଦାଂ ଚଚ୍ଚାନାୟା ।

୧୯ *ଜିସୁ ହେଞ୍ଜେରିଂ ଉତର ହିତାନ, “ଏପେଙ୍ଗ ଇ ମନ୍ଦିରତିଂ ବାଡ଼ହାୟ କିୟାଟ୍, ଆରେ ତିନି ଦିନ୍ ବିତ୍ତେ ଆନ୍ ହେଦାଂ ରଚ୍ଚନାଙ୍ଗ୍ ।”

୨୦ ହେବେ ଜିହୁଦିର ଇଚାର, “ଇ ମନ୍ଦିର ରଚ୍ଚେଂ ଇଞ୍ଜି ରିକଡ଼ିଚ ବାହୁଁ ଲାଗାଆଡ଼ନା; ଆରେ ଏନ୍ ଇନାକା ହେଦେଲିଂ ତିନ୍ଦିନ୍ଦିତାଂ ରଚ୍ଚେଂ ଆଡ଼ନାୟ ?”

୨୧ ମାତର ହେଞ୍ଜାନ ନିଜାର ଗାଗାଡ଼ ବାର୍ତାକା ମନ୍ଦିରତିଂ ହୁଡ଼ଜି ଇଦାଂ ଇଞ୍ଜି ମାଚାନ । ୨୨ ଲାଗିଂ ହେଞ୍ଜାନ ହାତାକାର ବିତ୍ତେତାଂ ନିଙ୍ଗତି ପାଚେ ତା ଚେଲାର ହେଞ୍ଜାନ ଇଦାଂ ଇଞ୍ଜି ମାଚାନ ଇଞ୍ଜି ଏଡ଼ କିତାର; ପାଚେ, ହେଞ୍ଜାର ଦରମ୍ ସାସ୍ତର ଆରି ଜିସୁ ଇଞ୍ଜିମାତି ବଚନ୍ ପାତ କିତାର ।

ଜିସୁ ମାନାୟ ହାଡ଼ପା ପୁନାନ

୨୩ ନିସ୍ତାର ପାରୁଁ ସମୁତ ହେଞ୍ଜାନ ଜିରୁସାଲମତ ମାନିଞ୍ଜାଡ଼ାଙ୍ଗ୍ ହେନି ତାଙ୍ଗେଙ୍ଗ୍ କିତାକା କାବାଆନି କାମାୟିଙ୍ଗ୍ ହୁଡ଼ଜି ତା ତରଦାଂ ପାତ କିତାର, ୨୪ ମାତର ଜିସୁ ହେଞ୍ଜାର ଜପି ପାତ କିଞ୍ଜାଦାଂ ମାଚାନ ଇନାକିଦେଂକି ହେଞ୍ଜାର ମାନ୍ତ ପୁନ୍ଝି ମାଚାନ, ୨୫ ଆରେ, ଇମଣାକାନ ଜେ ମାନାୟ ବିସ୍ତେ ସାକି ହିନାନ, ଇଦାଂ ତାଦାଙ୍ଗ୍ ଲଡ଼ା ହିଲ୍ଲଞ୍ଜାତାଡ଼, ଲାଗିଂ ମାନାୟ ଞ୍ଜାସ୍ତିତ ଇନାକା ମାନାଡ଼, ହେଦାଂ ହେଞ୍ଜାନ ନିଜେ ପୁଞ୍ଜିମାଚାନ ।

* ୨:୧୯ ୨:୧୯ ମାତିଉ ୨୭:୭୧; ୨୭:୪୦; ମାର୍କ ୧୪:୫୮; ୧୫:୨୯.

୩

ଇସ୍ଵର ଆରି ନିକଦିମ୍

୧ ପାରୁସିର୍ ବିତ୍ରେ ନିକଦିମ୍ ତରଦାକାନ୍ ରୱାନ୍ ମାନାୟ୍ ମାତାନ୍, ହେୱାନ୍ ଜିହୁଦିର୍ ରୱାନ୍ ମୁଡ୍ଦାକାନ୍ । ୨ ହେୱାନ୍ ନାଣା ସମୁତ ଜିସୁତି ଲାଗେ ୱାଜି ତାଜେଙ୍କ୍ ଇଚାନ୍, “ଏ ଗୁରୁ, ଏନ୍ ଜେ ଇସ୍ଵରତାଂ ୱାଜି ମାତି ଗୁରୁ, ଇଦାଂ ଆପେଂ ପୁନାପ, ଇନାକିଦେଂକି ଏନ୍ ଇ ଇମଣି ଝିଜୁ କାବାଆନି କାମାୟ୍ କିତାୟ୍ନା, ଇସ୍ଵର ଲାହାଂ ହିଲ୍ଝିତିସ୍ ହେ ସବୁ ଇନେର୍ କିଦେଙ୍କ୍ ଆଡୁର୍ ।”

୩ ଜିସୁ ତାଜେଙ୍କ୍ ଉତର୍ ହିତାନ୍, “ହାଡ୍ପା ହାଡ୍ପା ଆନ୍ ନିଜେଙ୍କ୍ ଇଞ୍ଜନାଙ୍କ୍, ଆରେ ରଗ ଜଲମ୍ ଆଝିତିସ୍ ଇନେର୍ ଇସ୍ଵର ରାଜି ହୁଡ୍ପଦେଂ ଆଡୁନ୍ ।”

୪ ନିକଦିମ୍ ତାଜେଙ୍କ୍ ୱେନ୍ଦାତାନ୍, “ବୁଡ୍ ହି ଆତିସ୍ ମାନାୟ୍ ଇନେସ୍ କିଜି ଜଲମ୍ ଆନାନ୍ ? ହେୱାନ୍ ଇନାକା ରି ହାଜାର୍ ଆୟା ପଟତ ହଣ୍ଡି ଜଲମ୍ ଆଦେଂ ଆଡୁନାଂ ?”

୫ ଜିସୁ ଉତର୍ ହିତାନ୍, ହାଡ୍ପା ହାଡ୍ପା “ଆନ୍ ନିଜେଙ୍କ୍ ଇଞ୍ଜନାଙ୍କ୍,” ଏଜୁଂ ଆରି ଜିବୁନ୍ତାଂ ଜଲମ୍ ଆଝିତିସ୍ ଇନେର୍ ଇସ୍ଵର୍ ରାଜିତ ହଣ୍ଡେଙ୍କ୍ ଆଡୁନ୍ । ୬ ଗାଗାଡ୍ପାଂ ଇନାକା ଆତାଡ୍ନା, ହେଦାଂ ଗାଗାଡ୍; ଆରେ, ଜିବୁନ୍ତାଂ ଇନାକା ଆତାଡ୍ନା, ହେଦାଂ ଜିବୁନ୍ । ୭ ନିଜେଙ୍କ୍ ଆରେ ରଗ ଜଲମ୍ ଆନାକା ମାନାଡ୍ ଇଞ୍ଜି ଆନ୍ ଜେ ନିଜେଙ୍କ୍ ଇନ୍ତାଙ୍କ୍, ଇଦାଂ କାବା ଆମାଟ୍ । ୮ ତୁଜୁ ଇମଣି ବାଗାଙ୍କ୍ ମାନ୍ କିନାଡ୍, ହେ ବାଗାଙ୍କ୍ ହାନାଡ୍ ଆରେ ଏପେଙ୍କ୍ ତାଦାଙ୍କ୍ ଗାଜାର୍ ୱେନ୍ଞି ମାନାଦେର୍, ମାତର୍ ହେଦାଂ ଇମେତାଂ ୱାନାଡ୍ ଆରେ ଇମେ ନିପ ହାନାଡ୍, ହେଦାଂ ପୁନୁଦେର୍; ଜିବୁନ୍ତାଂ ଉବ୍ଜାଣ୍ ଝିଜାର୍ ମାନାୟ୍ ବିସ୍ଵେ ହେ ଲାକେ ।

୯ ନିକଦିମ୍ ତାଜେଙ୍କ୍ ଉତର୍ ହିତାନ୍, “ଇ ଝିଜୁ ଇନେସ୍ ଆନାଡ୍ ?”

୧୦ ଜିସୁ ତାଜେଙ୍କ୍ ଉତର୍ ହିତାନ୍, “ଏନ୍ ଇସ୍ଵାଏଲ୍ ନି ରକାୟ୍ ଗୁରୁ ଆଜି ପା ଇନାକା ଇ ସବୁ ବୁଜାଆଭୟା ? ୧୧ ଆନ୍ ନିଜେଙ୍କ୍ ହାଡ୍ପା ଇଞ୍ଜନାଙ୍କା, ଆପେଂ ଇମ୍ଣାକା ପୁନାପ, ହେଦାଂ ଇନାପ, ଆରେ ଇନାକା ହୁଡ୍ପାପନା, ତା ବିସ୍ଵେ ସାକି ହିନାପ, ଆରେ ଏପେଙ୍କ୍ ମାଦାଂ ସାକି ଇଚୁଦେରା । ୧୨ ଆନ୍ ମିଜେଙ୍କ୍ ପୁତ୍ ବିସ୍ଵେ ଇଞ୍ଜିସ୍ ଜଦି ଏପେଙ୍କ୍ ପାତ୍ କିଝିତିସ୍, ତେବେ ମିଜେଙ୍କ୍ ସାଗେ ବିସ୍ଵେ ଇଞ୍ଜିସ୍ ଇନେସ୍ ପାତ୍ କିନାଦେର୍ ? ୧୩ ଇମଣି ମାନାୟ୍ ମାଜି ସାଗେତାଂ ଜୁଡ୍ପାନ୍, ହେୱାନ୍ ପିସ୍ ଆରେ ଇନେର୍ ସାଗେ ହାଲ୍ଝାତାର୍ନା ।”

୧୪ ଆରେ, ମସା ଇନେସ୍ କି ବାଗାତ ପିତାଡ୍ ରାଡ୍ତିଂ ଜପି ପେସ୍ଜି ମାତାନ୍, ମାନାୟ୍ ମାଜି ପା ହେ ଲାକେ ଜପି ପେଜ୍ୟା ଆନାନ୍, ୧୫ ଇନେସ୍ ଇନେର୍କି ତା ତାକେ ପାତ୍ କିତାର୍, ହେୱାନ୍ ଝିଜ୍ଝି ଜିବୁନ୍ ପାୟା ଆନାନ୍ । ୧୬ ଇନାକିଦେଂକି ଇସ୍ଵର୍ ପୁତ୍ତିଂ ଏରେକ୍ ଜିଉନତାନ୍ ଜେ, ହେୱାନ୍ ଜାର୍ ପାଣ୍ଥାଁ ମାଜିଙ୍କ୍ ଦାନ୍ କିତାନ୍, ଇନେସ୍ ଇନେର୍କି ତା ତାକେ ପାତ୍ କିତାର୍, ହେୱାନ୍ ନସୁ ଆୱାଦାଂ ଝିଜ୍ଝି ଜିବୁନ୍ ପାୟା ଆନାନ୍ । ୧୭ ଇସ୍ଵର୍ ତା ମେହିଙ୍କ୍ ପୁତ୍ତିଂ ବିଚାର୍ କିନି କାଜିଂ ଆକାୟ୍, ମାତର୍ ପୁତ୍ତିଂ ଇନେସ୍ ତା ଲାହାଙ୍କ୍ ମୁକ୍ତି ଆନାନ୍ ହେଦାଂ କାଜିଂ ପକ୍ତାନ୍ନା ।

୧୮ ଇନେନ୍ ମାଜିତାକେ ପାତ୍ କିତାର୍, ହେୱାନ୍ ବିଚାର୍ କିୟାଆଉନ୍; ଇନେନ୍ ପାତ୍ କିଉନ୍, ହେୱାନ୍ ବିଚାର୍ କିୟାଆତାନେ, ଇନାକିଦେଂକି ହେୱାନ୍ ଇସ୍ଵର୍ ପାଣ୍ଥାଁ ମାଜି ତର୍ଦ୍ଦ ପାତ୍ କିଝାତାନ୍ନା । ୧୯ ଆରେ, ହେ ବିଚାର୍ ଇ, ପୁତ୍ତିଂ ଅଜଡ୍ ୱାତାଡ୍, ମାତର୍ ମାନାୟାର୍ ଅଜଡ୍ ପିସ୍ତ୍ରି ମାଜ୍ଗାତିଂ ଜିଉନତାର୍, ଇନାକିଦେଂକି ହେୱାନ୍ କାମାୟ୍ ସବୁ ବାନ୍ୟା । ୨୦ ଇନାକିଦେଂକି ଇନେର୍କି ବାନ୍ୟା କାମାୟ୍ କିନାନ୍, ହେୱାନ୍ ଅଜଡ୍ ଗିଣ୍ କିନାନ୍, ଆରେ କାତେହିନା ସଡ୍ କାମାୟ୍ ନି

ଦସ୍ ହନାଡ଼, ଇଦାଂ କାଜିଂ ହେଞ୍ଜାନ୍ ଅଜଡ଼୍ ଲାଗାଂ ଖାଉନ୍ । ୨୧ ମାତରୁ ଇନେନ୍‌କି ହାଡ଼ପା ବେବାର କିନାନ୍, ହେଞ୍ଜାନ୍ ଅଜଡ଼୍ ଲାଗାଂ ଖାନାନ୍, ଇନେସ୍ ହେଦାଂ ଓଁଜୁ କାମାୟ୍ ସବୁ ଇସ୍‌ର ତାକେ କିତାକା ଇଞ୍ଜି ହନାଡ଼ ।

ଜିସୁ ଆରି ଜହନ୍

୨୨ ଇଦାଂ ପାଚେ ଜିସୁ ଆରି ତା ଚେଲାର୍ ଜିହୁଦା ଦେସ୍‌ତ ହାଚାର୍, ଆରେ ହେଞ୍ଜାନ୍ ହେ ବାହାତ ହେଞ୍ଜେର୍ ଲାହାଙ୍ଗ୍ ମାନ୍‌ଞ୍ଜି ବାପ୍ରିସିମ୍ ହିଦେଂ ଲାଗାତାନ୍ । ୨୩ ଜହନ୍ ପା ସାଲମ୍ ଲାଗେ ଏନନ୍‌ତ ଜହନ୍ ବାପ୍ରିସିମ୍ ହିଜି ମାଚାନ୍, ଇନାକିଦେଂକି ହେ ବାହାତ ବେସି ଏଜୁଂ ମାଚିକ୍, ଆରେ ମାନାୟାର୍ ଖାଜି ବାପ୍ରିସିମ୍ ଅଜି ମାଚାର୍; ୨୪ *ଜହନ୍ ହେ ପାଚେକ୍ ଜଇଲ୍ ଇଞ୍ଜି ଗେହ୍‌ନାକା ଆଖାଦାଂ ମାଚାନ୍ ।

୨୫ ହେ ବିତ୍ରେ ନିର୍ମଲ୍ କାମ୍ ବିସ୍ତେ ଜହନ୍ କେତେକ୍ ଚେଲାର୍ ରଞ୍ଜାନ୍ ଜିହୁଦି ଲାହାଙ୍ଗ୍ ଉରଜି କିବାଆତାର୍ ୨୬ ଆରେ, ହେଞ୍ଜାର୍ ଜହନ୍ ଲାଗେ ହାଲ୍‌ଜି ତାଙ୍ଗେଙ୍ଗ୍ ଇଚାର୍, “ଏ ଗୁରୁ, ଜେ ଜର୍ଦନ୍‌ନି ଆଣ୍ଟିପାଡ଼କା ନି ଲାହାଙ୍ଗ୍ ମାଚାର୍, ଇନେନ୍ ବିସ୍ତେ ଏନ୍ ସାକି ହିତାୟ୍‌ନା, ହୁଡ଼ାଟ୍, ହେଞ୍ଜାନ୍ ବାପ୍ରିସିମ୍ ହିନାନା ଆରି ଓଁଜାକାର୍ ତା ଲାଗେ ହାନାରା ।”

୨୭ ଜହନ୍ ଉତର୍ ହିତାନ୍, “ସାଗେତାଂ ହିଦ୍ୟାଆଓଁତିସ୍ ମାନାୟ୍ ବିର୍କୁଲ୍ ପାୟା ଆଉନ୍ । ୨୮ ଆନ୍ ଜେ କ୍ରିସ୍ଟୁ ଆକାୟ୍, ମାତରୁ ତା ଆଗେ ପକ୍ୟା ଆତାଙ୍ଗ୍‌ନା, ଇଦାଂ ଆନ୍ ଇଞ୍ଜି ମାଚାଙ୍ଗ୍ ଇଞ୍ଜି ଏପେଙ୍ଗ୍ ନିଜ୍ ନିଜ୍ ନା ସାକି । ୨୯ ଇନେନ୍ ଗାଡ଼୍ ଇଚ୍‌ନାନ୍, ହେଞ୍ଜାନ୍ ବିବାଦାଂଶେନ୍, ମାତରୁ ବିବାଦାଂଶେନ୍‌ତି ଇମଣି ସାଙ୍ଗ୍ ଲାଗେ ନିଲ୍‌ତି ତା କାତା ଖେନାନ୍, ହେଞ୍ଜାନ୍ ବିବାଦାଂଶେନ୍‌ତି କାଚ୍ କାଜିଂ ବେସି ଖାରୟା ଆନାନ୍, ଇ ଲାକେ, ନା ଇ ଖାରି ବାତ୍ ଆତାଡ଼ନ୍ନା । ୩୦ ହେଞ୍ଜାନିଂ ଆତିସ୍‌ପା ବାତାନାକା ମାନାଡ଼, ମାତରୁ ନାଙ୍ଗେଙ୍ଗ୍ ଉଣାଆଦେଂ ମାନାଡ଼ ।”

ସାଗେତାଂ ଖାନାକା ର ମାନାୟ୍

୩୧ ଇନେନ୍ ସାଗେତାଂ ଖାନାନ୍, ହେଞ୍ଜାନ୍ ଓଁଜାର୍‌ତାଂ ଗାଜା; ଇନେନ୍ ପୁତ୍‌ତାଂ ଉବ୍‌ଜାଣ, ହେଞ୍ଜାନ୍ ପୁତ୍‌ନିକାନ୍, ଆରେ ହେଞ୍ଜାନ୍ ପୁତ୍‌ନି କାତା ଇନାନ୍; ଇନେନ୍ ସାଗେତାଂ ଖାନାନ୍, ହେଞ୍ଜାନ୍ ଓଁଜାର୍‌ତାଂ ଗାଜାକାନ୍ । ୩୨ ହେଞ୍ଜାନ୍ ଇନାକା ହୁଡ଼ତାନ୍‌ନା ଆରି ଖେଚାନ୍‌ନା, ହେଦାଂ ବିସ୍ତେ ହେଞ୍ଜାନ୍ ସାକି ହିନାନ୍, ମାତରୁ ତା ସାକି ଇନେର୍ ମାନ୍‌କିଉର୍ । ୩୩ ଇନେନ୍ ତା ସାକି ଇଡ଼ତାନ୍ନା, ଇସ୍‌ର ଜେ ହାଡ଼ପା, ଇଦାଂ ହେଞ୍ଜାନ୍ ଚିନ୍ ଇଡ଼ତାନ୍ନା । ୩୪ ଇନାକିଦେଂକି ଇସ୍‌ର ଇନେରିଂ ପକ୍‌ତି ମାଚାନ୍, ହେଞ୍ଜାନ୍ ଇସ୍‌ରତି ବଚନ୍ ଇନାନ୍, ଇନେକିଦେଂକି ହେଞ୍ଜାନ୍ ଇସ୍‌ରତି ଜିବୁନ୍‌ତ ବାତ୍ । ୩୫ *ଆବା ମାଜିଙ୍ଗ୍ ଜିଉନନାନ୍, ଆରେ ସବୁ ବିସ୍ତେ ତା କେଇଦ ହିତାନ୍‌ନା । ୩୬ ଇନେନ୍ ମାଜିଡ଼ାକେ ପାତ୍ କିନାନ୍, ହେଞ୍ଜାନ୍ ଓଁଜୁଞ୍ଜି ଜିବୁନ୍ ପାୟା ଆତାନ୍ନା, ମାତରୁ ଇନେନ୍ ମାଜିଙ୍ଗ୍ ମାନିକିଉନ୍, ହେଞ୍ଜାନ୍ ଜିବୁନ୍ ହୁଡ଼ନ୍, ମାତରୁ ହେଞ୍ଜାନ୍ ଇସ୍‌ତ କାକ୍ରିନି ଲକୁ ଆଜି ମାନାନ୍ ।

୪

ଜିସୁ ଆରି ସମିରଣିନି କଗଲେ

୧ ଜିସୁ ଜେ ଜହନ୍‌ତାଂ ଆଦିକ୍ ଚେଲା କିନାନା ଆରି ବାପ୍ରିସିମ୍ ହିନାନା ଇଞ୍ଜି ପାରୁସିର୍ ଖେଚାର୍ । ୨ ହାଡ଼ପା ଜିସୁ ନିଜେ ବାପ୍ରିସିମ୍ ହିଞ୍ଜାଦାଂ ମାଚାନ୍, ତା ଚେଲାର୍ ହିଜି ମାଚାର୍ । ୩ ଇଦାଂ ପାରୁସିର୍ ଇଞ୍ଜନାର୍ ଇଞ୍ଜି ଏଚେକାଡ଼ଦ ଜିସୁ ଖେଚାନ୍ । ହେଏଚେକାଡ଼ଦ ହେଞ୍ଜାନ୍ ଜିହୁଦା ଦେସ୍ ପିସ୍ତି ଆରେ ରଗ ଗାଲିଲିତ ହାଚାନ୍ ।

* ୩:୨୪ ୩:୨୪ ମାଡ଼ିଉ ୧୪:୩; ମାର୍କ ୬:୧୭; ଲୁକା ୩:୧୯, ୨୦. * ୩:୩୫ ୩:୩୫ ମାଡ଼ିଉ ୧୧:୨୭; ଲୁକା ୧୦:୨୨.

୪ ହେୱାନ ସମିରଣି ହାଜି ହିଜି ତାଙ୍ଗେଙ୍ଗ ହାଞ୍ଜେଙ୍ଗ ଲାଗାତାତ ।^୫ ଲାଗି ହେୱାନ ହାଲ୍‌ଜି ଜାକୁଦ୍ ଦାର୍ ମାଜି ଜସେପ୍‌ତି ଇମ୍‌ଣି ତାରେନ୍ ଇରୁକ୍ ଦାନ୍ କିଜି ମାତାନ୍, ହେବେତା ଲାଗାୟନି ସମିରଣି ସୁକାର୍ ତରଦିନି ର ଗାଡ୍‌ଦ ଏକାତାର୍; ^୬ ହେ ବାହାତ ଜାକୁବ୍‌ତି କୁଇ ମାତାତ । ଇତିସ୍, ଜିସୁ ହାସ୍‌ଦ ତାଙ୍ଗିଜି ୱାସ୍ତି ମାତିଲେ ହେ, କୁଇ ଲାଗେ କୁବ୍‌ତାନ୍ । ହେଏଚେକାଡ୍‌ଦ ମୁଣ୍ଡାବେଲା ଆଜି ମାତାତ ।

^୭ ଆରେ, ର ସମିରଣି କଗ୍‌ଲେ ଏଜୁ ଅଦେ ଝାତାତ । ଜିସୁ ତାଙ୍ଗେଙ୍ଗ ଇତାନ୍, “ନାଙ୍ଗେଙ୍ଗ ଏଜୁ ଉଣ୍ଡେଙ୍ଗ ହିଦା ।”^୮ ହେ ପାଦନା ତା ଚେଲାର୍ କାଦି କଡ୍‌ଦେ କାଜି ବସ୍ତିତ ହାଲ୍‌ଜି ମାତାତ ।

^୯ ହେବେ ସମିରଣିୟା କଗ୍‌ଲେ ଜିସୁଙ୍ଗ ଇତାତ, “ଏନ୍ ରଝାୟ ଜିହୁଦି ଆରେ ଆନ୍ ରଝାଙ୍ଗ ସମିରଣି କଗ୍‌ଲେ ଇନେସ୍ ନା କେଇଦି ଏଜୁ ଉଣ୍ଡେଙ୍ଗ ଏନ୍ତାନାୟା ?” ଇନାକିଦେକି ସମିରଣିରୁତି ଲାହାଙ୍ଗ ଜିହୁଦିରୁ ତୁବା ଆଉର୍ ।

^{୧୦} ଜିସୁ ତାଙ୍ଗେଙ୍ଗ ଉତର୍ ହିତାନ୍, “ଇସ୍‌ରୁତି ଦାନ୍ ଆରି ନା ଉଣ୍ଡେଙ୍ଗ ହିଦା ଇଞ୍ଜି ଇନେନ୍ ନି ଇଞ୍ଜନାରା, ହେୱାର୍ ଇନେର୍, ଏଲେଙ୍ଗ ଜଦି ଏନେ ପୁଚାୟମା, ତାଆତିସ୍ ଏନେ ତା ଏନ୍ତାୟମା, ଆରେ ହେୱାନ ନିଙ୍ଗେଙ୍ଗ ଜିବୁନ୍‌ନି ଏଜୁ ହିଡ୍‌ତାନ୍‌ମା ।”

^{୧୧} ହେ କଗ୍‌ଲେହିମଣା ତାଙ୍ଗେଙ୍ଗ ଇତାତ, “ଏ ମାପୁ,” ଏଜୁ ମୁକ୍‌ତେ ଇଞ୍ଜି ନି ତାକେ ଇମ୍‌ଣି ବାହା ହିଲୁଡ୍, ଆରେ କୁଇ ତ ତେଙ୍ଗା, “ବାଟିଙ୍ଗ ଏନ୍ ଇମେତା ହେ ଜିବୁନ୍‌ନି ଏଜୁ ପାୟା ଆତାୟନା ।^{୧୨} ମା ଇମ୍‌ଣି ଆକର୍ ଦାଦିର୍ ଜାକୁଦ୍ ମାଙ୍ଗେଙ୍ଗ ଇ କୁଇ ହିଜି ମାନ୍‌ତାନ୍, ଆରେ ନିଜେ, ଆରେ ତା ମାଜିର୍ ଆରି ପସୁରାହି ଇବେଣ୍ଡା ଉଣ୍ଡି ମାତିକ୍, ତା ତାକେଣ୍ଡା କି ଏନ୍ ଗାଜା ?”

^{୧୩} ଜିସୁ ତାଙ୍ଗେଙ୍ଗ ଉତର୍ ହିତାନ୍, “ଇନେର୍କି ଇ ଏଜୁ ଉଣାନ୍, ହେୱାନ ଆରେ ରଗ ଏସକି ଆନାନ୍; ^{୧୪} ମାତର୍ ଆନ୍ ଇମ୍‌ଣି ଏଜୁ ହିଦନା, ହେଦା ଇନେନ୍‌କି ଉଣାନ୍, ହେୱାନ ଇନାଝାଡା ପା ଏସକି ଆଉନ୍, ଆତିସ୍ ଆନ୍ ତା ଇମ୍‌ଣି ଏଜୁ ହିନା, ହେଦା ଝିଜ୍‌ଝି ଜିବୁନ୍ ଏଜୁଙ୍ଗି ଝିଜ୍‌ଝି ଲାକେ ତାତାକେ ଡିଜି ହାନି ।”

^{୧୫} କଗ୍‌ଲେହିମଣା ତାଙ୍ଗେଙ୍ଗ ଇତାତ, “ଏ ମାପୁ,” ହିର୍‌ଦ ଏଜୁ ହିଦା ଇନେସ୍ ଏସକି ଆନ୍ ଇନାଝାଡା ଏସକି ଆଉଙ୍ଗ, “ଆରେ ଏଜୁ ମୁକ୍‌ତେ ଇଞ୍ଜି ଏଚେକ୍ ହାଜି ଇବେ ୱାଦେଙ୍ଗ ଲାଗ୍‌ଦେମେଡ୍, ଇଦା କାଜି ନାଙ୍ଗେଙ୍ଗ ହେ ଏଜୁ ହିଦା ।”^{୧୬} “ଜିସୁ ତାଙ୍ଗେଙ୍ଗ ଇତାନ୍, ହାଲା, ନି ଆଣ୍ଡେନ୍ କୁକ୍‌ତି ଇବେ ୱା ।”

^{୧୭} କଗ୍‌ଲେହିମଣା ତାଙ୍ଗେଙ୍ଗ ଉତର୍ ହିତାତ, “ନା ଆଣ୍ଡେନ୍ ହିଲୁନ୍ ।”

ଜିସୁ ତାଙ୍ଗେଙ୍ଗ ଇତାନ୍, ଏନ୍ ନା ଆଣ୍ଡେନ୍ ହିଲୁନ୍ ଇଞ୍ଜି, ଇଦା ସଡ୍ ଇତାୟ; ^{୧୮} ମି ପାଞ୍ଜିଜାଣ୍ଡ ତକ୍‌ଦିର୍ ମାତାତ, ମାତର୍ ନଙ୍ଗୟ ଇନେର୍ ଲାହା ମାନାୟା, ହେୱାନ ନି ଆଣ୍ଡେନ୍ ଆକାୟ । ଇଦା ଆନେଙ୍ଗ ହାଡ୍‌ପା ଇଞ୍ଜନାଙ୍ଗା ।

^{୧୯} କଗ୍‌ଲେହିମଣା ତାଙ୍ଗେଙ୍ଗ ଇତାତ, “ଏ ମାପୁ,” ଏନ୍ ଜେ ରକାୟ ବେଣ୍‌ବାକ୍‌ଶାୟକିନାକାୟ, ଇଦା ଆନ୍ ପୁଞ୍ଜନାଙ୍ଗା ।

^{୨୦} “ମା ଆବା ଲାତ୍ରା ଇ ମାଡ୍‌ତିତ ପାର୍ତାନା କିତାର୍; ଆରେ, ଏପେଙ୍ଗ ଜିହୁଦି କାଦେର୍ ଇଞ୍ଜନାଦେରା, ଇମ୍‌ଣି ବାହାତ ପାର୍ତାନା କିନାକା ଲଡା, ହେଦା ଜିରୁସାଲମ୍‌ତ ମାନାତ ।”

^{୨୧} ଜିସୁ ତାଙ୍ଗେଙ୍ଗ ଇତାନ୍ ଏ କଗ୍‌ଲେ, “ନା ବେରଣ୍ ପାଡ୍ କିୟା, ଇ ସମ୍‌ ୱାନାତା ଇମ୍‌ଣି ସମୁତ ଏପେଙ୍ଗ ଇ ମାଡ୍‌ତିତ କି ଜିରୁସାଲମ୍‌ତ ପା ଆବାତି ପାର୍ତାନା କିତଦେର୍ । ^{୨୨} ଏପେଙ୍ଗ ସମିରଣି ନିକାଦେର୍ ହାଡ୍‌ପା ଇନେକିଦେ ପୁନୁଦେରା, ତାଙ୍ଗେଙ୍ଗ ପାର୍ତାନା କିଜି ମାନାଡ୍ ମାତର୍ ଆପେ ଜିହୁଦିର୍ ଇନେରି ପୁନାପ୍ ତା ପାର୍ତାନା କିନାପ୍, ଇନାକିଦେକି ମୁକ୍ତି ଆନାକା ଜିହୁଦିର୍ ବିତ୍ରେତା ଝାନାତ । ^{୨୩} ମାତର୍ ଇମ୍‌ଣି ସମୁତ

ହାତ୍‌ପା ପାର୍ତ୍ତନା କିନାକାର ଜିବୁନ୍ତ ଆରି ହାତ୍‌ପାତ ଆବାତି ପାର୍ତ୍ତନା କିତାର୍, ହେ ଲାଗ୍‌ଦି ସମ୍ମୁ ଖାନାତା; ଆରି, ନଙ୍ଗୟ୍ ପା ଏକାଖାତାତ୍; ଇନାକିଦେଂକି ଆବା ଏପେଙ୍ଗ୍ ବାନି ପାର୍ତ୍ତନା ମାନକିନାନ୍ । ୨୪ ଇସ୍‌ସୁତ୍ ଜିବୁନ୍ ଆନାନ୍, ଆରେ କେବଲ୍ ଜିବୁନ୍‌ନି ସାକ୍ତି ଆରି ହାତ୍‌ପା ହୁକେ ହେଖାନ୍ତି ପାର୍ତ୍ତନା କିତାର୍, ହେଖାର୍ ଜିବୁନ୍ତ ଆରି ହାତ୍‌ପାତ ପାର୍ତ୍ତନା କିନାକା ହେଖାର୍‌ତି ଲତ୍ ।”

୨୫ କଗ୍‌ଲେହିମ୍‌ଶା ତାଙ୍ଗେଙ୍ଗ୍ ଇଚାତ୍, ମସିୟା ଇମ୍‌ଶାକାନିଂ କ୍ରିସ୍ଟ ଇନାର୍, “ହେଖାନ୍ ଖାନାନା ଇଞ୍ଜି ଆନ୍ ପୁନାଙ୍ଗ୍; ଏଚେକାତ୍‌ଦ୍ ହେଖେନ୍ ଖାନାନ୍, ହେଖାନ୍ ମାଙ୍ଗେଙ୍ଗ୍ ସବୁ ବିସ୍ତେ ଜାଣାୟ୍ କିଦନାନ୍ ।”

୨୬ ଜିସୁ ତାଙ୍ଗେଙ୍ଗ୍ ଇଚାନ୍, “ମି ହୁଦାଂ ବେଶ୍‌କିଦନାଙ୍ଗା ଜେ ଆନ୍, ଆନ୍ ହେଖାଙ୍ଗ୍ ।”

୨୭ ଏଲେଙ୍ଗ୍‌ବାତ୍ ସମ୍ମୁତ ତା ଚେଲାର୍ ଖାଜି ତାଙ୍ଗେଙ୍ଗ୍ ର କଗ୍‌ଲେହିମ୍‌ଶା ଲାହାଙ୍ଗ୍ ବେଶ୍‌କିବାଆନାକା ହୁଡ୍‌ଜି କାବା ଆତାର୍, “ଇନାକା ଇଚା କିନାୟ୍,” ନଲେ ଇନେକିଦେଂ ହେଦାଂ ରଚେ ବେଶ୍‌କିନାନା, “ଇଦାଂ ଇନେର୍ ତାଙ୍ଗେଙ୍ଗ୍ ଖେନ୍‌ବେଦେଂ ସାସ୍ କିଖାତାର୍ ।”

୨୮ ହେବେତାଂ ହେ କଗ୍‌ଲେହିମ୍‌ଶା ଜାର୍ ଗାଗ୍ରି ଇଡ୍‌ଜି ବସ୍ତିତ ହାଲ୍‌ଜି ମାନାୟାରିଂ ଇଚାତ୍, ୨୯ “ଖାତୁ ରଖାନିଂ ହୁଡ୍‌ନାଦେର୍, ଆନ୍ ଇନା ଇନାକା କିତାଙ୍ଗ୍‌ନା, ହେ ଖିଜୁ ହେଖାନ୍ ନାଙ୍ଗେଙ୍ଗ୍ ଇନ୍‌ଚାନ୍; ହେଖାନ୍ ଇନେସ୍ ଆତିସ୍ କ୍ରିସ୍ଟ କାତେ ?” ୩୦ ଇବେଣ୍ଡାଂ ଲକୁ ବସ୍ତିତ ହସି ତା ଲାଗେ ହାଞ୍ଜେଙ୍ଗ୍ ଲାଗାତାର୍ ।

୩୧ ହେବେ ଚେଲାର୍ ତାଙ୍ଗେଙ୍ଗ୍ ଗଖାରି କିଜି ଇଚାର୍, “ଏ ଗୁରୁ, ଇଚୁକ୍ ଚିନ୍‌ଞ୍ଜେଙ୍ଗ୍ ଖା !”

୩୨ ମାତର୍ ଜିସୁ ହେଖେରିଂ ଉତର୍ ହିତାନ୍, “ତିନି କାଜିଂ କାଦି ନାତାକେ ମାନାତ୍ ତା ବିସ୍ତେ ଏପେଙ୍ଗ୍ ଇଚୁକ୍ ପୁନୁଦେର୍ ।”

୩୩ ଲାଗିଂ ଚେଲାର୍ ହେଖେର୍ ହେଖାର୍ ଇଞ୍ଜେଙ୍ଗ୍ ଲାଗାତାର୍, “ଇନେନ୍ ତାଙ୍ଗେଙ୍ଗ୍ କାଦି ତାହିହିତାନ୍‌ନା କି ?”

୩୪ ଜିସୁ ହେଖାରିଂ ଇଚାନ୍, ନା ପକ୍‌ତାତାକାନ୍ ମାନ୍ ପୁରାକିନାକା ଆରି ତା ହିତି କାମାୟ୍ ଖିହ୍‌ନାକା, “ଇଦାଂ ନେ ନା କାଦି ।” ୩୫ ଏପେଙ୍ଗ୍ ଇଞ୍ଜିନାଦେରା ପାତି ତ୍ରେସ୍‌ଦେଙ୍ଗ୍ ଇଞ୍ଜି ଆରେ ଚାରି ମାସ୍ ମାନାତ୍, ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା ପାତିଙ୍ଗ୍ ନିପହୁଡ୍‌ଟାଟ୍ ହେ ଖିଜୁ ତ୍ରେସ୍‌ଦେଙ୍ଗ୍ ଇଞ୍ଜି ହେନ୍‌ତାତେ । ୩୬ ନଙ୍ଗୟ୍ ପାତେକ୍ ତ୍ରେସ୍‌ନାକାନ୍ କୁଲି ପାୟାଆନାନା ମୁଡ୍ ପାୟାଆନାନା ଆରି ଖିଜ୍‌ଖି ଜିବୁନ୍ କାଜିଂ ପାଡ୍ ରୁଣ୍ଡାୟ୍ କିନାନା, ଇନେସ୍ ଖିଡ୍‌ନାକାନ୍ ଆରି ତ୍ରେସ୍‌ନାକାନ୍ ରିକାର୍ ମେହାଆଜି ଖାରି କିତାର୍ । ୩୭ ଇନାକିଦେଂକି ରକାନ୍ ଖିଡ୍‌ନାନ୍ ଆରି ଆରେ ରକାନ୍ ତ୍ରେସ୍‌ନାନ୍, ଇ ବେରଣ୍ ହାତ୍‌ପା । ୩୮ ଏପେଙ୍ଗ୍ ଇମ୍‌ଶାକାନ୍ କାଜିଂ କାମାୟ୍ କିଖାତାଦେଣ୍ଡା, ହେଦାଂ ତ୍ରେସ୍‌ଦେଙ୍ଗ୍ ଇଞ୍ଜି ଆନ୍ ମିଙ୍ଗେଙ୍ଗ୍ ପକ୍‌ତାତାଂ; ବିନ୍‌ଲଗୁ କାମାୟ୍ କିନାରା, ଆରେ ଏପେଙ୍ଗ୍ ହେଖାର୍‌ତି କାମାୟ୍ କିତି ଲାବ୍ ପାୟାଆନାଦେରା ।

୩୯ ଆନ୍ ଇନା ଇନାକା କିତାଙ୍ଗ୍‌ନା, ହେ ଖିଜୁ ହେଖାନ୍ ନାଙ୍ଗେଙ୍ଗ୍ ଇନ୍‌ଚାନ୍ ଇ କାତା ଇମ୍‌ଶା କଗ୍‌ଲେହିମ୍‌ଶା ସାକି ହିଜି ମାତାତ୍, “ତା ବେରଣ୍ କାଜିଂ ହେ ବସ୍ତିତ ସମିରଣ୍‌ୟର୍ ବିତ୍ରେ ହେନି ତାତାକେ ପାତ୍ କିତାର୍ ।” ୪୦ ଆରେ, ହେ ସମିରଣ୍‌ୟର୍ ତାଂ ଲାଗେ ଖାଜି ହେଖାର୍ ଲାହାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ଗଖାରି କିତାର୍, ଆରେ ହେଖାନ୍ ରି ଦିନ୍ ହେ ବାହାତ ମାଚାନ୍ ।

୪୧ ଆରେ, ଜିସୁତି ବଚନ୍ କାଜିଂ ଆରେ ହେନି ମାନାୟ୍ ପାତ୍ କିତାର୍; ୪୨ ଆରେ, ହେଖାର୍ ହେ କଗ୍‌ଲେହିମ୍‌ଶାତିଂ ଇଚାର୍, “ନଙ୍ଗୟ୍ ମି ବେରଣ୍ କାଜିଂ ଆପେଂ

ପାତକିଉପା, ମାତର ଆପେଂ ଜାର୍ ଜାର୍ ଝେନାପା, ଆରେ ଇଝାନ ଜେ ହାଡ଼ପାନେ ପୁତନି ମୁକ୍ତି କିଦନାକାନ, ଇଦାଂ ଆସେଙ୍ଗ ପୁରାସନା ।”

ରାଜ୍ କାମାୟକିନି ମାଜି ଉଜ୍ କିତାନ

୪୩ ରି ଦିନ୍ ପାଚେ ହେଝାନ ହେବେତାଂ ହସି ଗାଲିଲିତ ହାଚାନ । ୪୪ “ଇନାକିଦେଂକି ବେଣ୍ଟବାକ୍ଷାୟ କିନାକାନ ଜାର୍ ଦେସତ ମାନି ପାୟା ଆଉନ୍ ଇଞ୍ଜି ଜିସୁ ନିଜେ ସାକି ହିତାନ ।” ୪୫ *ପାଚେ, ହେଝାନ ଗାଲିଲିତ ଖାତିଲେ, ପାର୍ବୁ ସମୁତ ହେଝାନ ଜିରୁସାଲମତ ଇନା ଇନାକା କିଜି ମାଚାନ, ହେ ଝିଜୁ ହୁଡ଼ଝିମାତିଲେ ଗାଲିଲିତ ତାଙ୍ଗେଙ୍ଗ ମାନି କିତାର, ଲାଗିଂ ହେଝାର ପା ପାର୍ବୁତ ହାଲ୍ଲି ମାଚାର ।

୪୬ ଇଦାଂ ପାଚେ ଗାଲିଲିନି ଇମଣି କାନା ଗାଡ଼ଦ ହେଝାନ ଏଜୁକାଂ ଅଙ୍ଗୁର ରାସ୍ କିଜି ମାଚାନ, ହେ ବାହାତ ହେଝାନ ଆରେ ରଗ ହାଚାନ । ଆରେ ହେବେ ରକାନ ଗୁମୁସ୍ତା ମାଚାନ, ତା ମାଜି କପର୍ନାହୁମ ବିଡ଼ ଆଜି ମାଚାନ । ୪୭ ଜିସୁ ଜିହୁଦା ଦେସତାଂ ଗାଲିଲିତ ହସି ଖାତାନନା, ଇଦାଂ ଝେନ୍ଝି ହେଝାନ ତା ଲାଗେ ହାଲ୍ଲି ହେଝାନ ଇନେସ୍ ଖାଜି ତା ମାଜିଙ୍ଗ ଉଜ୍ କିନାନ, ଇଦାଂ କାଜିଂ ତାଙ୍ଗେଙ୍ଗ ଗଝାରି କିଦେଙ୍ଗ ଲାଗାତାର, ଇନାକିଦେଂକି ହେଝାନ ହାନି ଲାକେ ଆଜି ମାଚାନ । ୪୮ ହେବେତାଂ ଜିସୁ ତାଙ୍ଗେଙ୍ଗ ଇଚାନ, “ଚିନ୍ ଆରେ କାବାନି କାମାୟ ହୁଡ଼ଝିତିସ୍ ଏପେଙ୍ଗ ଇନେସ୍ କିତିସ୍ପା ପାତକିଉଦେର ।”

୪୯ ଗୁମୁସ୍ତା ତାଙ୍ଗେଙ୍ଗ ଇଚାନ, “ଏ ମାପୁ, ନା କାଡ଼ଦେ ହାନି ଆଗେ ଖା ।” ୫୦ ଜିସୁ ତାଙ୍ଗେଙ୍ଗ ଇଚାନ, ହାଲା, ମି ମାଜି ଜିତାନେ । “ଜିସୁ ହେ ମାନାୟତିଂ ଇମଣି ବଚନ୍ ଇଚାନ,

ହେଝାନ ହେଦାଂ ପାତକିଜି ମାସ୍ଦି ହାଚାନ ।” ୫୧ ପାଚେ, ହେଝାନ ହାଲୁ ହାଲୁ ତା ଆଡ଼ିୟାର୍ ତାଙ୍ଗେଙ୍ଗ ବେଟ୍ ଆଜି ନି କାଡ଼ଦେ ଜିତାନେ ଇଞ୍ଜି ଇଚାର ।

୫୨ ଇମଣି ସମୁତ ଉପକାର୍ ଆତାନ, ହେଦାଂ ହେଝାନ ହେଝେରିଂ ଝେନ୍ବାତାନ । “ହେବେତାଂ ହେଝାର ତାଙ୍ଗେଙ୍ଗ ଇଚାର, ନିହିଙ୍ଗ ଗନ୍ତେଝେଡ଼ାଙ୍ଗ ତାଙ୍ଗେଙ୍ଗ ନମେର ପିସ୍ତାତ ।” ୫୩ ଇବେତାଂ ଆବା ବୁଜାଆତାନ ଜେ, ଜିସୁ ଇମଣି ସମୁତ ନି ମାଜି ଜିତାନେ ଇଞ୍ଜି ତାଙ୍ଗେଙ୍ଗ ଝେଟ୍ଟି ମାଚାର, “ହାଡ଼ପା ହେ ସମୁତ ଇଦାଂ ଗିଟାଆଜି ମାଚାଡ଼ ।” ହେଝାନ ଆରି ତା ଝିଜାକାର କୁଟୁମ୍ ପାତକିତାର ।

୫୪ ଜିହୁଦାତାଂ ଆରେ ରଗ ଗାଲିଲିତ ଖାତି ପାଚେ ଇଦାଂ ଜିସୁତି ରିହା କାବାଆନି କାମାୟ କିତାନ ।

୫

ଜିସୁ ବାନ୍ ଲାଗାୟ ରଗ୍ୟାଙ୍ଗ ଉଜ୍ କିତାନ

୧ ଇଦାଂ ପାଚେ ଜିହୁଦିତର ପାର୍ବୁ ଏକାଝାତାଡ଼, ଆରେ ଜିସୁ ଜିରୁସାଲମତ ହାଚାନ । ୨ ଜିରୁସାଲମିନି ମେଣ୍ଡା ଦୁଝେର୍ କଚଣ୍ ର ବାନ୍ ମାନାଡ଼; ଏବି ବାସାତାଂ ତାଙ୍ଗେଙ୍ଗ ବେଡ଼ସାଈଦା ଇଞ୍ଜି ଇନାର, ହେ ବାନ୍ତ ପାଞ୍ଚଗଟା ମଣ୍ଡମ ମାନାଡ଼ । ୩ ହେ ମାଣ୍ଡମତ ହେନି ହେନି ସୁକ୍ ହିଲ୍ଝାକାର, କାଣା, ଚଟା, ଆରି ହିରକଲ୍ଲରଗି ମାଚାର । ହେଝାର ନାଗୁଡ଼ ଉଲ୍ଲକା ଆନାକା କାଜିଂ ମାଚାର; ୪ ଇନାକିଦେଂକି ଇନା ଇନା ଝେଡ଼ାଙ୍ଗ ମାପୁତି ରଝାନ ଦୁଡ଼ ବାନ୍ତ ଜୁଜି ନାଗୁଡ଼ ଉଲ୍ଲକାୟ କିଜି ମାଚାନ, ଆରେ ନାଗୁଡ଼ ଉଲ୍ଲକା ଆତି ସମୁତ ଇନେରକି ପର୍ଡୁମ୍ ହେବେ ହଣ୍ଡି ମାଚାନ, ହେଝାନ ଇନେସ୍ ବାତରଗ୍ ବେମାର୍ ମାଚାନ ପା ଉଜ୍ ଆଜି ମାଚାର । ୫ ହେବେ ତିରିସ୍ଆର୍ ବାହୁଁ ପାତେକ୍ ରଗ୍ୟା ରକାନ ମାନାୟ ମାଚାନ । ୬ ଜିସୁ ତାଙ୍ଗେଙ୍ଗ ମାଗ୍ଜିମାନାକା

* ୪:୪୫ ୪:୪୫ ଜହନ ୨:୨୩.

ହୁଡ଼ି ବେସିଦିନି ରଗ୍ୟା ଇଞ୍ଜି ପୁଞ୍ଜି ତାଙ୍ଗେଙ୍ଗ୍ ଖେନ୍ଦବାତାନ, “ଏନ୍ ଇନାକା ଉଜ୍ ଆଦେଂ ଇତା କିନାୟା ?”

୭ ରଗ୍ୟା ମାନାୟ୍ ଜିସୁଙ୍ଗ୍ ଉତର୍ ହିତାନ, “ଏ ମାପୁ, ଏଲୁଂ ଉଲ୍ଲକା ଆନି ସମୁତ ନାଙ୍ଗେଙ୍ଗ୍ ବାୟ୍ ବିତ୍ରେ ଅଜି ହାଞ୍ଜେଙ୍ଗ୍ ଇଞ୍ଜି ନାଙ୍ଗ୍ ଇନେର୍ ହିଲୁର୍; ଆରେ, ଆନ୍ ହାଲୁ ହାଲୁ ବିନେ ନିକାନ୍ ନା ଆଗେ ହାଗାନାନା ।”

୮ ଜିସୁ ତାଙ୍ଗେଙ୍ଗ୍ ଇତାନ, “ନିଙ୍ଗା, ନି କାଚେଲ୍ ଆସ୍ତି ତାଙ୍ଗା ।” ୯ ହେ ଦାପ୍ରେ ହେ ମାନାୟ୍ ଉଜ୍ ଆତାନ ଆରି ଜାର୍ କାଚେଲ୍ ଆସ୍ତି ତାଙ୍ଗ୍ଦେଂ ଲାଗାତାନ ।

ହେ ଦିନା ଜମ୍ନିବାର୍ ମାଚାଡ଼ । ୧୦ ହେବେତାଂ, ଜିହୁଦିର୍ ଉଜ୍ ଆତି ଲଗାଂ ଇଞ୍ଜେଙ୍ଗ୍ ଲାଗାତାର୍, “ନେଞ୍ଜେଙ୍ଗ୍ ଜମ୍ନିବାର୍, କାଚେଲ୍ ପିଣ୍ଡି ଅନାକା ନି ବିଦି ହିଲୁଡ଼ ।” ୧୧ ମାତର୍, ହେଝାନ୍ ହେଝାରିଂ ଉତର୍ ହିତାନ, “ଜେ ନାଙ୍ଗେଙ୍ଗ୍ ଉଜ୍ କିଡ଼ତାନ, ହେଝାନ୍ ନାଙ୍ଗେଙ୍ଗ୍ ଇନ୍ତାନ, ନି କାଚେଲ୍ ଆସ୍ତି ତାଙ୍ଗା ।”

୧୨ ହେଝାର୍ ତାଙ୍ଗେଙ୍ଗ୍ ଖେନ୍ଦବାତାର୍, “ନି କାଚେଲ୍ ଆସ୍ତି ତାଙ୍ଗା ଇଞ୍ଜି ଜେ ନିଙ୍ଗେଙ୍ଗ୍ ଇନ୍ତାନ, ହେ ଲକ୍ ଇନେନ୍ ?”

୧୩ ମାତର୍ ହେଝାନ୍ ଇନେନ୍, ହେଦାଂ ହେ ଉଜ୍ ଆତି ଲକ୍ ପୁନ୍ଝାଦାଂ ମାଚାନ, ଇନାକିଦେଂକି ହେ ବାହାତ ହେନି ମାନାୟାର୍ ମାନିକାଜିଂ ଜିସୁ ଏଡ଼ା ଆଜି ହାଲୁଜି ମାଚାନ ।

୧୪ ଇଦାଂ ପାଚେ ଜିସୁ ମନ୍ଦିର୍ତ ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇତାନ, “ହୁଡ଼ାଟ୍, ଏପେଙ୍ଗ୍ ଉଜ୍ ଆତାଦେଣ୍ଡା, ଆରେ ପାପ୍ କିମାଟ୍, ଇନେସ୍କି ମି କାଜିଂ ଆଦେକ୍ କସ୍ତୁ ଗିଟା ଆଦନାଡ଼ ।” ୧୫ ହେ ମାନାୟ୍ ତାଙ୍ଗ୍ଜି ହାଲୁଜି, ଇନେର୍ ତାଙ୍ଗେଙ୍ଗ୍ ଉଜ୍ କିଜି ମାଚାର୍, ହେଝାନ୍ ଜିସୁ ଇଞ୍ଜି ଜିହୁଦି ନେତାରିଂ ଇଚାନ । ୧୬ ଲାଗିଂ ଜିସୁ ଜମ୍ନିବାର୍ ନାଜିଂ ଇଦାଂ କିଜି ମାଚିଲେ ଜିହୁଦିର୍ ତାଙ୍ଗେଙ୍ଗ୍ ଗାଣ୍ଡୁ କିଦେଙ୍ଗ୍ ଲାଗାତାର୍ । ୧୭ ମତର୍ ଜିସୁ ହେଝାରିଂ ଉତର୍ ହିତାନ, “ମାଞ୍ଜି ଆବା ସବୁ ନାଞ୍ଜିଙ୍ଗ୍ କାମାୟ୍ କିନାନା, ଆରେ ଆନ୍ ପା କିନାଙ୍ଗା ।”

୧୮ ଇ ନିୟମ୍ତାଂ ଜିହୁଦିର୍ ତାଙ୍ଗେଙ୍ଗ୍ ଆସ୍ତେଙ୍ଗ୍ ଇଞ୍ଜି ଆରେ ଆଦେକ୍ ସେସ୍ତୁ କିଦେଙ୍ଗ୍ ଲାଗାତାର୍, ଇନାକିଦେଂକି ହେଝାନ୍ ଜମ୍ନିବାର୍ ନାଜିଂ ମାନିକିଞ୍ଚାତାନ କେବଲ୍ ଆକାୟ୍, ମତର୍ ଇସ୍ବର ଲାହାଙ୍ଗ୍ ଜାର୍ ଆବା ଇଞ୍ଜି ଇଞ୍ଜି ଜାର୍ଡିଂ ଇସ୍ବର ଲାହାଙ୍ଗ୍ ସମାନ କିଜି ମାଚାନ ।

ମାଜିଡି ଆଦିକାର୍

୧୯ ଲାଗିଂ ଜିସୁ ହେଝାରିଂ ଉତର୍ ହିତାନ, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାଜି ହେଝାନ୍ ନିଜେ କିଦେଙ୍ଗ୍ ଆଡୁନ୍ ତା ଆବା ଇନାକା କିନାନ୍ ହେଦାଂ ନେ ହୁଡ଼ଡ଼ସ୍, ମାଜିପା ହେଦାଂ କିନାନ୍ । ଇନାକିଦେଂକି ହେଝାନ୍ ଇନା ଇନାକା କିନାନ୍, ମାଜିପା ହେଦାଂ ଝିଲୁ ହେ ଲାକେ କିନାନ୍ । ୨୦ ଇନାକିଦେଂକି ଆବା ମାଜିଙ୍ଗ୍ ଜିଉନନାର୍, ଆରେ ନିଜେ ଇନାକା କିନାନ୍ ହେ ଝିଲୁ ତାଙ୍ଗେଙ୍ଗ୍ ଚର୍ଚନାନ୍ ଆରେ ଇବେତାଂ ଗାଜା କାମାୟିଙ୍ଗ୍ କିନି କାଜିଂ ହେଝାନ୍ ତାଙ୍ଗେଙ୍ଗ୍ ଚର୍ଚନାନ୍ ଆରେ ଏପେଙ୍ଗ୍ ଝିଜାଦେର୍ କାବା ଆନାଦେର୍ । ୨୧ ଲାଗିଂ ଆବା ଇନେସ୍ କିଜି ହାତି ଲଗାଂ ନିକ୍ତି ଆରେ ଜିବୁନ୍ ହିନାନ୍, ହେ ଲାକେ ମାଜି ପା ଇନେରିଂ ମାନ୍ କିନାନ୍, ହେଝାରିଂ ଜିବୁନ୍ ହିନାନ୍ । ୨୨ ଆରେ, ଆବା ପା ଇନାକାନ୍ ବିଚାର୍ କିଉନ୍, ବିଚାର୍ କିନି କାଜିଂ ହେଝାନ୍ ଜାର୍ ମାଜି ଆଦିକାର୍ ହିତାନନା । ୨୩ ହେବେତାଂ ଆବାଂ ମାନି କିତାର୍ ମାଜିଙ୍ଗ୍ ପା ହେ ଲାକେ ଝିଜାର୍ ମାନି କିତାର୍, ଇନେନ୍ ମାଜିଙ୍ଗ୍ ମାନିକିଉନ୍ ତା ପଲ୍ଲିତି ଆବାଂ ପା ହେଝାନ୍ ମାନିକିଉନ୍ ।”

୨୪ “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇନେର୍ ବଚନ୍ ଖେନ୍ଞି ନା ପକ୍ତାକାନ୍ ପାଟି କିନାନ୍, ହେଝାନ୍ ଝିଜି ଜିବୁନ୍ ପାୟା ଆତାନ୍ନା, ଆରେ ହେଝାନ୍

ବିଚାର କିୟାଆଉନ୍ ହାକିତିଂ ନାସି ହାଲ୍ଲଜି ଜିବୁନ୍ ତାକେ ହଟାନ୍ନା । ୨୫ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ସମ୍ବୁ ଖାନାତା, ଏଚେକାଡ଼୍ ଦ ହାତାକାର୍ ଇସ୍ବର୍ ମାଜି ୱେଇ ୱେନାର୍ ଆରି ଇନେର୍ ୱେନାର୍, ହେଝାର୍ ଜିବୁନ୍ ପାୟା ଆନାର୍ ଆରେ ଇ ଦିନ୍ତ ପା ଖାତାତେ । ୨୬ ଇନାକିଦେଂକି ଆବାଂ ଇନେସ୍ବି ନିଜେ ଜିବୁନ୍, ହେ ଲାକେ ହେଝାନ୍ ମାଜିଙ୍ଗ୍ ପା ନିଜେ ଜିବୁନ୍ ଆଦେଂ ହିତାନ୍ନା; ୨୭ ଆରେ, ହେଝାନ୍ ମାନାୟ୍ ମାଜି ଆନି କାଜିଂ ହେଝାନ୍ ତାଙ୍ଗେଙ୍ଗ୍ ବିଚାର୍ କିନାକା ଆଦିକାର୍ ହିତାନ୍ । ୨୮ ଇବେ କାବା ଆମାଟ୍, ଇ ସମ୍ବୁ ଖାନାତା ସମ୍ବୁତ ଦୁଗେର୍ତ୍ତ ଖିଜାକାର୍ ତା କାଟ୍ ୱେନାର୍, ୨୯ ହେଝାର୍ ଦୁଗେର୍ତ୍ତାଂ ନିଙ୍ଗ୍ଜି ଖାନାର୍, ଆରେ ଇମ୍ଫଣାକାର୍ ହାର୍ଦି କାମାୟ୍ କିତାୟ୍ ହେଝାର୍ ଆରେ ନିଂଜି ଜିବୁନ୍ ଆନାର୍, ବାନ୍ୟା କାମାୟ୍ କିନାକାର୍ ଆରେନିଂନାର୍ ଆରି ହେଝାର୍ ତାଣ୍ ପାୟା ଆନାର୍ ।”

ଜିସୁ ପାକ୍ୟାତାଂ ସାକି

୩୦ “ଆନ୍ ରଝାଙ୍ଗ୍ ଇନାକା କିଦେଙ୍ଗ୍ ଆଡୁଙ୍ଗ୍; କେବଲ୍ ଇସ୍ବର୍ ବଲ୍ତାଂ ଆନ୍ ବିଚାର୍ କିନାଙ୍ଗ୍ ଇନେସ୍ବି ୱେନାଙ୍ଗ୍, ହେ ଲାକେ ବିଚାର୍ କିନାଙ୍ଗ୍, ଆରେ ନା ବିଚାର୍ ସମାନ୍, ଇନାକିଦେଂକି ଆନ୍ ଜାର୍ ମାନ୍ ହୁଦାର୍ କିଦ୍ଦେଂ ସେସ୍ବୁ କିଝାଦାଂ ନା ପକ୍ତାତାକାନିଂ ଇଚା କିଦେଙ୍ଗ୍ ସେସ୍ବୁ କିନାଙ୍ଗ୍ ।”

୩୧ “ଜଦି ଆନ୍ ନିଜେ ବିସ୍ତେ ନିଜେ ସାକି ହିନାଙ୍ଗ୍, ତା ଆତିସ୍ ନା ସାକ୍ୟା ହାଡ଼ପା ଆକାୟ୍ । ୩୨ ନା ବିସ୍ତେ ଇନେନ୍ ରକାନ୍ ସାକି ହିନାନ୍, ହେଝାନ୍ ଆରେ ପୁନାନ୍; ଆରି, ନା ବିସ୍ତେ ତା ସାକି ଜେ ହାଡ଼ପା, ହେଦାଂ ଆନ୍ ପୁନାଙ୍ଗ୍ । ୩୩ ଏପେଙ୍ଗ୍ ଜହନ୍ ଲାଗାଂ ମାନାୟ୍ ପକ୍ତାଦେୟ୍ ଆରି ହେଝାନ୍ ହାଡ଼ପା ଲକାର୍ ସାକି ହିନାନ୍; ୩୪ ମାତର୍ ଆନ୍ ମାନାୟ୍ତିଂ ସାକି ମାନି କିଉଙ୍ଗ୍, ଇତିସ୍ ଏପେଙ୍ଗ୍ ଇନେସ୍ବି ମୁଲ୍ଲି ଆନାଦେର୍, ହେଦାଂ କାଜିଂ ଇ ସବୁ ଇଞ୍ଜନାଙ୍ଗା । ୩୫ ଜହନ୍ ଆହ୍ନି ଅଜଡ଼୍ ବଇଟା ଲାକେ ମାଚାନ୍, ଆରେ ଏପେଙ୍ଗ୍ ଅଲପ୍ ଦିନ୍ ତା ଅଜଡ଼୍ତ ଖାରି କିନି କାଜିଂ ଖାରିୟା ଆତାଦେର୍ । ୩୬ ମାତର୍ ଜହନ୍ତି ସାକି ତାଙ୍ଗ୍ ନାତାଙ୍ଗ୍ ସଲ୍ଲକେ ସାକି ମାନାଡ଼୍, ଇନାକିଦେଂକି ଆବା ନାଙ୍ଗେଙ୍ଗ୍ ଇମ୍ଫଣି ଇମ୍ଫଣି କାମାୟ୍ ଖିସ୍ତେଙ୍ଗ୍ ହିଡ଼ନ୍ନା, ଜେ ଖିଜୁ କାମାୟ୍ ଆନ୍ କିନାଙ୍ଗା, ଆବା ନାଙ୍ଗେଙ୍ଗ୍ ପକ୍ତାତାନ୍ନା ଇଞ୍ଜି ହେ ଖିଜୁ ନା ବିସ୍ତେ ସାକି ହିନାଙ୍ଗା । ୩୭ *ଆରେ, ଇମ୍ଫଣି ଆବା ନାଙ୍ଗେଙ୍ଗ୍ ପକ୍ତାତାନ୍ନା, ହେଝାନ୍ ନା ବିସ୍ତେ ସାକି ହିଡ଼ତାନ୍ନା । ଏପେଙ୍ଗ୍ ଇନାଖାତାଂ ତା କାଟ୍ ୱେନ୍ତୁଙ୍ଗେ କି ତା ମୁମ୍ ହୁଡ଼ୁଙ୍ଗ୍, ୩୮ ଆରେ ତା ବଚନ୍ ମି ଖାସ୍ତିତ ବହା କିଝାତାଡ଼ନା, ଇନାକିଦେଂକି ହେଝାନ୍ ଇନେରିଂ ପକ୍ତାତାନ୍ନା, ତାଙ୍ଗେଙ୍ଗ୍ ଏପେଙ୍ଗ୍ ପାତ୍ କିଉଦେରା । ୩୯ ଏପେଙ୍ଗ୍ ଦରମ୍ ସାସ୍ବର୍ ମାନିକିନାଦେରା, ଇନାକିଦେଂକି ହେବେ ଖିଜ୍ଝି ଜିବୁନ୍ ପାୟା ଆନାନ୍ ଇଞ୍ଜି ମାତ୍ କିନାଦେରା; ଆରେ, ହେ ଦରମ୍ ସାସ୍ବର୍ ନା ବିସ୍ତେ ସାକି ହିନାଙ୍ଗା । ୪୦ ମାତର୍ ଏପେଙ୍ଗ୍ ଜିବୁନ୍ ପାୟା ଆଦେଂ ଇଞ୍ଜି ନା କଚଣ୍ ଖାଦେଙ୍ଗ୍ ମାନ୍ କିଉଦେରା ।”

୪୧ “ଆନ୍ ମାନାୟାର୍ତାଂ ଜାଜ୍ମାଲ୍ ଇଚା କିଉଙ୍ଗା, ୪୨ ମାତର୍ ଆନ୍ ମିଙ୍ଗେଙ୍ଗ୍ ପୁଞ୍ଜାଙ୍ଗ୍ନା, ଏପେଙ୍ଗ୍ ଇନେସ୍ ବାତ୍ ମାନାୟ୍ ଆରେ ମି ଖାସ୍ତିତ ଇସ୍ବର୍ତି ଜିଉନନାକା ଆକାୟ୍ । ୪୩ ଆନ୍ ମାଞ୍ଜିଆବା ତର୍ଦାଂ ଖାତାଙ୍ଗ୍ନା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନ୍ କିପୁଦେରା; ବିନ୍ ନିକାନ୍ ଜଦି ନିଜେ ତର୍ଦାଂ ଖାନାନ୍, ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ମାନି କିନାଦେର୍ । ୪୪ ଏପେଙ୍ଗ୍ ନାଙ୍ଗ୍ ଇନେସ୍ ପାତ୍ କିଦ୍ନାଦେର୍ ? ଏପେଙ୍ଗ୍ ତ ରକାନ୍ ଆରେ ରକାନ୍ ତାଙ୍ଗ୍ ଜାଜ୍ମାଲ୍ ପାୟା ଆଦେଂ ମାନ୍ କିନାଦେରା, ଆରି ରଞ୍ଜାଙ୍ଗ୍ ମାତର୍ ଇସ୍ବର୍ତାଂ ଇମ୍ଫଣି ଜାଜ୍ମାଲ୍, ହେଦାଂ ଗାଗାଆନି କାଜିଂ ସେସ୍ବୁ କିଉଦେରା । ୪୫ ଆନ୍ ଜେ ଆବା ମୁମ୍ଦ ମି ବେରୁଡ଼ତାଂ ୱେନ୍ଦା ଆଦ୍ନାଂ, ଇଦାଂ

* ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨.

ମାତ୍ର କିମାତ୍; ଇମ୍ଫଣି ମସାତାକେ ଏପେଙ୍ଗ୍ ଆହା କିତାଦେଣ୍ଟା, ହେଞ୍ଜାନ୍ ମି ବିରୁତତାଂ
 ଝେନ୍ଦବା ଆଦନାରା । ୪୭ ଇନାକିଦେଂକି ଏପେଙ୍ଗ୍ ଜଦି ମସାଙ୍ଗ୍ ପାତ୍ କିନାଦେର୍,
 ଲାଗିଂ ନାଙ୍ଗେଙ୍ଗ୍ ପାତ୍ କିଦନାଦେର୍, ଲାଗିଂ ହେଞ୍ଜାନ୍ ନା ବିସ୍ତେ ଲେକି କିତାନ୍ନା ।
 ୪୭ ମାତର୍ ଏପେଙ୍ଗ୍ ଜଦି ମସା ଲେକିକିତି ବଚନ୍ ପାତ୍ କିଉଦେର୍, ଲାଗିଂ ଇନେସ୍
 ନା ବଚନ୍ ପାତ୍ କିନାଦେର୍ ?”



ପାଞ୍ଚଗଟା ରୁଟିଂ ରିଣ୍ଡାଂ ମିନକୁ

୧ ଇବେଣ୍ଡାଂ ଜିସୁ ଗାଲିଲି ହାମ୍ବୁର, ଇଚିସ୍, ତିବିରିୟା ହାମ୍ବୁର ଆନ୍ତି ପାଡ଼କା
 ହାଚାନ୍ । ୨ ଆରେ, ହେଞ୍ଜାନ୍ ରଗ୍ୟାର୍ କାଜିଂ ଇନା ଇନା କାବାଆନି କାମାୟ୍ କିଜି
 ମାଚାନ୍, ହେଦାଂ ଝିଜୁ ହୁଡ଼ଜି ହେନି ମାନାୟ୍ ତାପାଚେ ଝାଦେଙ୍ଗ୍ ଲାଗାତାର୍ ।
 ୩ ହେବେ ଜିସୁ ମାଡ଼ିଜପି ହାଲ୍ଜି ଜାର୍ ଚେଲାହିର୍ ଲାହାଙ୍ଗ୍ ହେବେ କୁଚ୍ଚାର୍ । ୪ ହେ
 ପାଦନା ଜିହୁଡିତ୍ ନିସ୍ତାର୍ ପାର୍ଟୁ ଏକା ଝାଜି ମାଚାତ୍ । ୫ ଆରେ, ଜିସୁ ଇଚ୍ଚକାଡ଼ କିଜି
 ବେସି ହେନି ମାନାୟାରିଂ ଜାର୍ କଚଣ୍ ଝାନାକା ହୁଡ଼ଜି ପିଲିପ୍ତିଂ ଇଚାନ୍, “ଇଝାର୍
 ତିନି କାଜିଂ ଆସେଙ୍ଗ୍ ଇମେତାକେ ଜବର୍ ରୁଟିଂ କଡ଼ନାସ୍ ?” ୬ ମାତର୍ ହେଞ୍ଜାନ୍
 ପିଲିପ୍ତିଂ ପରିକ୍ୟା କିନି ଉପାୟତାଂ ଏଲେଙ୍ଗ୍ ଇଚାନ୍, ଇନାକିଦେଂକି ହେଞ୍ଜାନ୍
 ଇନାକା କିଦେଙ୍ଗ୍ ହାନାନା, ହେଦାଂ ହେଞ୍ଜାନ୍ ନିଜେ ପୁଞ୍ଜି ମାଚାନ୍ ।

୭ ପିଲିପ୍ ତାଙ୍ଗେଙ୍ଗ୍ ଉତର୍ ହିତାନ୍, “ଝିଜାରିଂ ଅଲପ୍ ଚିଚ୍ପେଦେଂ ଇଝାର୍ କାଜିଂ
 ଦୁଇସ ଟାକାଂ ରୁଟିଂ, ଜବର୍ ଆକାୟ୍ ।”

୮ ସିମନ୍ ପିତର୍ ଟଣ୍ଡାହି ଆନ୍ଦ୍ରିୟ୍ ତର୍ଦାକାନ୍ ତା ଚେଲାର୍ ବିତ୍ତେତାଂ ରଞ୍ଜାନ୍
 ତାଙ୍ଗେଙ୍ଗ୍ ଇଚାନ୍, “ଇବେ ରଞ୍ଜାନ୍ କାଡ଼ଦେ ମାନାନ୍, ୯ ତା ତାକେ କୁଜା ପାଞ୍ଚଗଟା
 ରୁଟିଂ ଆରି ରିଣ୍ଡାଂ ଝାସ୍ତି ମିନକୁ ମାନିକ୍, ମାତର୍ ଏଚେକ୍ ହେନି କାଜିଂ ହେଦାଂ ଜବର୍
 ଆକାୟ୍ ।”

୧୦ “ଜିସୁ ଚେଲାରିଂ ଇଚାନ୍, ମାନାୟାରିଂ କୁଚିକିୟାଟ୍ ।” ହେ ବାହାତ ବେସି କାଡ଼ା
 ମାଚାତ୍ । ଲାଗିଂ ଆନ୍ମାନ୍ତାଂ ପାଞ୍ଚ ହାଜାର୍ ଆଣ୍ଡାହିମ୍ଫଣାଂ ମାଚାର୍ । ୧୧ ହେବେ
 ଜିସୁ ହେ ରୁଟି ଆସି ଜୁଝାର୍ କିଜି କୁଚ୍ଚି ମାନି ମାନାୟାରିଂ ହେଦାଂ ବାଟାକିଜି ହିତାନ୍,
 ହେ ଲାକେ ମିନକୁ ପା ହାସ୍ତିହିତାନ୍, ହେଝାର୍ ଏଚେକ୍ ଏନ୍ଦ୍ରିସ୍, ହେ ଏଚେକ୍ ହିତାନ୍
 । ୧୨ ଆରେ ହେଝେର୍ ପଚପାଞ୍ଚିଲେ, ହେଞ୍ଜାନ୍ ତା ଚେଲାରିଂ ଇଚାନ୍, “ଇନେସ୍କି
 ଅଲପ୍ କ୍ଳାଝାସ୍ ଆମେଡ୍, ଇଦାଂ କାଜିଂ ହାର୍ଜିମାନି ତ୍ରିକ୍ତି କୁଦ୍ରିଙ୍ଗ୍ ରବେ କିୟାଟ୍ ।”
 ୧୩ ହେବେ ହେଝାଙ୍ଗ୍ ହେଝାର୍ ଝିଜୁ ରବେ କିତାର୍, ଆରେ ମାନାୟାର୍ ଚିଚ୍ଚି ପାଚେ
 ହେ ପାଞ୍ଚ ଗଟା କୁଜା ରୁଟିଂ ଇମ୍ଫଣି ତ୍ରିକ୍ତି କୁଦ୍ରିଙ୍ଗ୍ ହାର୍ଜି ମାଚିକ୍, ହେବେ ହେଝାର୍
 ବାର ଟପା ବାତ୍ କିତାର୍ ।

୧୪ ଲାଗିଂ, ମାନାୟାର୍ ତା କିତି କାବାଆନି କାମାୟ୍ ହୁଡ଼ଜି ହେବେ ମାନି ମାନାୟାରିଂ
 ଇଞ୍ଜେଙ୍ଗ୍ ଲାଗାତାର୍, “ପୁତ୍ ଇମ୍ଫଣି ବେଶ୍‌ବାକଣାୟ୍ କିନାକାର୍ ଝାନାକା ମାଚାତ୍,
 ଇଞ୍ଜାନ୍ ହାଡ଼ପା ହେଞ୍ଜାନ୍ ।” ୧୫ ଲାଗିଂ, ହେଝାର୍ ଝାଜି ରାଜା କିନି କାଜିଂ ଜେ ତାଙ୍ଗେଙ୍ଗ୍
 ସାକ୍ତିକାଟାକାନ୍ ଆସ୍ତେଙ୍ଗ୍ ସାସ୍‌ମାନାଡ଼, ଇଦାଂ ପୁଞ୍ଜି ଜିସୁ ଆରେ ରଗ ଏଡା ଆଜି
 ରଞ୍ଜାନ୍ନେ ମାଡ଼ିତ ହସି ହାଚାନ୍ ।

ଜିସୁ ନାଗୁଡ଼୍ ଜପି ତାଙ୍ଗନାକା

(ମାଡ଼ିଉ ୧୪:୨୨-୨୩; ମାର୍କ ୬:୪୫-୫୨)

୧୬ ହେ ନାଜିଂ ମିଡ଼ିଲେ ତା ଚେଲାହିର୍ ହାମ୍ବୁର ଗୁଚିତ ହାଚାର୍ ୧୭ ଆରେ ତଙ୍ଗାତ
 ଦୁମ୍ଫଜି ହାମ୍ବୁର ଆନ୍ତି ପାଡ଼କା କପର୍ନାହୁମ୍ ନିପ ହାଞ୍ଜେଙ୍ଗ୍ ଲାଗାତାର୍ । ମାଜଗା

ଆଜି ହାତାଡ଼, ଆରେ ଜିସୁ ହେ ପାଦନା ପାତେକ୍ ହେଝାର୍ କରଣ୍ଡତ ଖାଝାଦାଙ୍ଗ୍ ମାଚାନ, ୧୮ ଆରେ ବେସି ଦୁକା କିତିଲେ ଏଜୁକାଂ ଲଡ଼ି ନିଙ୍ଗ୍ଜି ମାଚାଡ଼ । ୧୯ ଇବେପା ଚେଲାର୍ ପୁରା ପାଞ୍ଚ ଚଅ କିଲମିଟର୍ ତଙ୍ଗା କେଡ଼ା ଆଜି ହାତିପାଚେ ଜିସୁଙ୍ଗ୍ ଏଜୁ. ଜପି ତାଙ୍ଗ୍ଜି ତଙ୍ଗାତାକେ ଖାନାକା ହୁଡ଼ଜି ପାଣ୍ଡା ଆଚାର୍ । ୨୦ “ମାତର୍ ଜିସୁ ହେଝାରିଂ ଇଚାନ,” ଇଝାଙ୍ଗ୍ ତ ଆନ୍, “ପାଣ୍ଡା ଆମାର୍ ।” ୨୧ ଲାଗିଂ ହେଝାର୍ ତାଙ୍ଗେଙ୍ଗ୍ ତଙ୍ଗାତ ଅଦେଂ ମାନ୍ କିତାର୍, ଆରେ ହେଝାର୍ ଇମ୍ଣି ବାହାତ ହାଲ୍ଜି ମାଚାର୍, ତଙ୍ଗା ହେ ଦାପ୍ରେ ଗୁଟିତ ଏକାତାଡ଼ ।

ମାନାୟାର୍ ଜିସୁଙ୍ଗ୍ ତେଲ୍ଲାର୍

୨୨ ହେ ବାହାତ କେବଲ୍ ର ତଙ୍ଗା ମାଚାଡ଼, ଅଲ୍ଗା ଇମ୍ଣି ତଙ୍ଗା ହିଲ୍ଖାତାଡ଼, ଆରେ ହେବେ ଜେ ଜିସୁ ତା ଚେଲାହିର୍ ଲାହାଙ୍ଗ୍ ହାଲ୍ଖାଦାଂ ମାଚାନ, ମତର୍ କେବଲ୍ ତା ଚେଲାହିର୍ ହାଲ୍ଜି ମାଚାର୍, ଇଝାର୍ ଇମ୍ଣି ମାନାୟାର୍ ତା ଆକାଡ଼ ନାଜିଂ ହାମଦୁର୍ ଆନ୍ତି ପାଡ଼କା ନିଲ୍ଜି ମାଚାର୍, ହେଝାର୍ ହୁଡ଼ଜି ମାଚାର୍ । ୨୩ ମାପୁଙ୍ଗ୍ ଜୁଝାର୍ କିତି ପାଚେ ହେଝାର୍ ଇମ୍ଣି ବାହାତ ରୁଟି ତିଞ୍ଜି ମାଚାର୍, ହେ ବାହାତ ଡିବିରିୟାତାଂ ଆରେ କେଡ଼ଗଟା ତଙ୍ଗାଙ୍ଗ୍ ଖାତିକ୍; ୨୪ ଲାଗିଂ ଜିସୁ କି ତା ଚେଲାହିର୍ ଜେ ହେବେ ହିଲାତାର୍, ଇବେ ଏଚେକାଡ଼ଦ ମାନାୟାରିଂ ହୁଡ଼ତାର୍, ହେ ପାଦନା ହେଝାର୍ ଝିଜାର୍ ତଙ୍ଗାତ ଦୁମ୍ଜି ଜିସୁଙ୍ଗ୍ ତେକୁ ତେକୁ କପର୍ନାହୁମ୍ ଖାଚାର୍ ।

ଇସ୍ବର ଜିବୁନିଂ କାଦି

୨୫ ଆରେ, ହେଝାର୍ ହାମଦୁର୍ ଆଣ୍ଟିପାଡ଼କା ତାଙ୍ଗେଙ୍ଗ୍ ହୁଡ଼ଜି ଝେନ୍ବାତାର୍, “ଏ ଗୁରୁ, ଏନ୍ ଏଚେକାଡ଼ଦ ଇବେ ଖାତାୟ ?” ୨୬ ଜିସୁ ହେଝାରିଂ ଉତର୍ ହିତାନ, ହାଡ଼ପା “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କାବାଆନି କାମାୟ ହୁଡ଼ଦେଂ ଜେ ଏପେଙ୍ଗ୍ ନାଙ୍ଗ୍ ତେଲ୍ଲାନାଦେରା, ହେଦାଂ ଆକାୟ, ମତର୍ ରୁଟି ତିନ୍ଜି ପଟ ପାଞ୍ଜାଝାଦାଂ ନାଙ୍ଗେଙ୍ଗ୍ ତେଲ୍ଲାନାଦେରା । ୨୭ ଇମ୍ଣି କାଦି ନସ୍ ଆନାଡ଼, ହେଦାଂ କାଜିଂ ବେସି କସ୍ଜିମାର୍ । ମାତର୍ ଇମ୍ଣି କାଦି ଝିଜଝି ଜିବୁନ୍ ହିନାଡ଼, ହେଦାଂ କାଜିଂ କାମାୟ କିୟାର୍ । ଇ କାଦି ମାନାୟ ମାଜି ହିଦନାନ୍, ଇନାକିଦେଂକି ଆବା ଇସ୍ବର ହେଦାଂ କାଜିଂ ତାଙ୍ଗେଙ୍ଗ୍ ଇଡ଼ତାନ୍ନା ।”

୨୮ ହେବେ ହେଝାର୍ ତାଙ୍ଗେଙ୍ଗ୍ ଝେନ୍ବାତାର୍, “ଇସ୍ବରତି କାମାୟ ସବୁ କିନି କାଜିଂ ଆପେଂ ଇନାକା କିୟାଆନାଡ଼ ?”

୨୯ ଜିସୁ ହେଝାରିଂ ଉତର୍ ହିତାନ, “ଇନେକିଦେଂ ଇସ୍ବର ପକ୍ତାତାନ୍ନା, ତା ତାକେ ପାତର୍ କିନାକା ନେ ଇସ୍ବତର୍ କାମାୟ ଆନାଡ଼ ।”

୩୦ ହେବେ ହେଝାର୍ ଜିସୁଙ୍ଗ୍ ଝେନ୍ବାତାର୍, ହେଦାଂ ଆତିସ୍ ଏନ୍ ଚିନ୍ଲାକେ ଇନାକା କିଡ଼ୟନା ଜେ, “ହେଦାଂ ହୁଡ଼ଜି ଆପେଂ ନିଙ୍ଗେଙ୍ଗ୍ ପାତର୍ କିଦ୍ନାପ୍ ? ଝେଡ଼ଚା ଇନା କିଦେଙ୍ଗ୍ ଆଡ଼ନାୟ ? ୩୧ ମା ଆକର୍ ବାଚାତ ମାନ୍ନା ତିଞ୍ଜି ମାଚାର୍, ଇନେସ୍ ସାସ୍ବର୍ ଲେକା ମାନାଡ଼, ତିନି କାଜିଂ ହେଝାନ୍ ହେଝାରିଂ ସାଗେତାଂ କାଦି ହିତାନ ।”

୩୨ “ହେବେ ଜିସୁ ହେଝାରିଂ ଇଚାନ, ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମସା ମିଙ୍ଗେଙ୍ଗ୍ ସାଗେତାଂ କାଦି ହିଦ୍ଝାତାନନା, ମାତର୍ ମାଞ୍ଜି ଆବା ମିଙ୍ଗେଙ୍ଗ୍ ସାଗେତାଂ ହାଡ଼ପା କାଦି ହିନାନ୍ । ୩୩ ଇନାକିଦେଂକି ଇମ୍ଣି କାଦି ସାଗେତାଂ ଜୁଡ଼ତି ପୁତର୍ ତିଂ ଜିବୁନ୍ ହିନାନ୍, ହେଦାଂ ଇସ୍ବତର୍ କାଦି ।”

୩୪ ହେଝାର୍ ଜିସୁଙ୍ଗ୍ ଇଚାର୍, “ଏ ମାପୁ, ସବୁ ଝେଡ଼ାଙ୍ଗ୍ ମାଙ୍ଗେଙ୍ଗ୍ ଇ କାଦି ହିଦା ।”

୩୫ “ହେବେ ଜିସୁ ହେଝାରିଂ ଇଚାନ,” ଆନ୍ ହେ ଜିବୁନ୍ କାଦି, “ଇନେନ୍ ନା ଲାଗାଂ ଖାନାନ୍, ହେଝାନ୍ ଇନାଝାଡ଼ାପା ନାସ୍କି ଆଉନ୍, ଆରେ ଇନେନ୍ ନା ତାକେ

ପାତ୍ର କିନାନ୍, ହେୱାନ୍ ଇନାୱାଡ଼ା ଏସକି ଆଉନ୍ । ୩୭ ମାତର୍ ଏପେଙ୍ଗ ନାଙ୍ଗେଙ୍ଗ ହୁଡ଼ଜିପା ପାତ୍ର କିଦୁଦେରା, ଇଦାଂ ଆନ୍ ମିଙ୍ଗେଙ୍ଗ ଇନ୍‌ୱାଙ୍ଗନ୍ନା । ୩୮ ଆବା ଜେ ଝିଜାରିଂ ନାଙ୍ଗେଙ୍ଗ ଦାନ୍ କିଦନାନ୍, ହେୱାନ୍ ନା କଚଣ୍ଡତ୍ ଝାନାର୍; ଆରେ, ଇନେର୍ ନା ତାକେ ଝାନାନ୍, ତାଙ୍ଗେଙ୍ଗ ଇନେସ୍ କିତିସ୍‌ପା ବାର୍ଡ ହପୁଙ୍ଗ; ୩୯ ଇନାକିଦେଂକି ଆନ୍ ନିଜେ ମାନ୍ ମାନି କିଦେଙ୍ଗ ଜୁଦ୍‌ୱାଦାଂ, ଇତିସ୍ ନା ପକ୍ତାତାକାନିଂ ମାନ୍ ମାନି କିଦେଙ୍ଗ ସାଗେତାଂ ଜୁଡ଼ତାଙ୍ଗନା । ୪୦ ଆରେ, ନା ପକ୍ତାତାକାନ୍ ଜେ ଝିଜାରିଂ ନାଙ୍ଗେ ଦାନ୍ କିଦନାନ୍, ହେୱାନ୍ ବିତ୍ରେ ଇନେରିଂ ନେ ଇନେସକି ଆନ୍ ଆରାୟ୍ କିୱାଦାଂ, ମାତର୍ ହାରିହାରା ଦିନ୍ତ୍ ତାଙ୍ଗେଙ୍ଗ ଆରେ ରଗ ଜିପ୍‌ନାଙ୍ଗ, ଇଦାଂ ତାଦାଙ୍ଗ ମାନ୍ । ୪୧ ଇନାକିଦେଂକି ଇନେର୍‌କି ମାଜିଙ୍ଗ ହୁଡ଼ଜି ତା ତାକେ ପାତ୍ର କିତାର୍, ହେୱାନ୍ ଇନେସ୍ ଝିଜ୍‌ଝି ଜିବୁନ୍ ପାୟା ଆନାନ୍, ଇଦାଂ ନେ ମାଞ୍ଜି ଆବାତି ମାନ୍; ଆରେ, ଆନ୍ ତାଙ୍ଗେଙ୍ଗ ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ ।”

୪୨ “ଆନ୍ ସାଗେତାଂ ଜୁଜି ମାନ୍‌ତି କାଦି ଆନାଙ୍ଗ, ହେୱାନ୍ ଇଦାଂ ଇତିଲେ ଜିହୁଦିର୍ ତା ବେରୁତାଂ ନିୟା କିଦେଙ୍ଗ ଲାଗାତାର୍,” ୪୩ ଆରେ ଇଚାର୍ ଇୱାନ୍ ଜସେପ୍ ମେହି ଜିସୁ ଆକାୟ୍, “ଆରେ ଆପେଂ ଇନାକା ଇୱାନ୍ ଲାତ୍ରାହି ତେହିଙ୍ଗ ପୁନୁପ୍ ? ଲାଗିଂ ଆନ୍ ସାଗେତାଂ ଜୁଡ଼ତାଙ୍ଗନା ଇଞ୍ଜି ହେୱାନ୍ ନଙ୍ଗ ଇନେସ୍ ଇନାନ୍ନା ?”

୪୪ ଜିସୁ ହେୱାରିଂ ଉତର୍ ହିତାନ୍, ଜାର୍ ଜାର୍ ବିତ୍ରେ ନିୟା କିମାଟ୍ ? ୪୫ ଇମ୍‌ଣି ଆବା ନାଙ୍ଗ ପକ୍ତାତାନ୍ନା ହେୱାନ୍ ନାତାକେ ଚଞ୍ଜୟା ଆଦ୍‌ଝିତିସ୍ ଇନେର୍ ନା ଲାଗେ ଝାଦେଙ୍ଗ ଆତୁର୍ । ଇମ୍‌ଣାକାର୍ ଝାନାର୍ ହେୱାରିଂ ଆନ୍, ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ । ୪୬ ବେଣ୍‌ବାକ୍‌ଶାୟ୍‌କିନାକାର୍ ଦରମ୍ ସାସ୍ତର୍ ତାକେ ଲେକିକିତାଣ୍ଟା, ଝିଜାର୍ କେବଲ୍ ଇସ୍‌ତ ହିକ୍ୟା ପାୟା ଆନାର୍ । ଇନେର୍‌କି ଆବା ତାକେଣ୍ଟା ହିକ୍ୟା ଲାବ୍ କିତାନ୍‌ନା, ହେୱାନ୍ ନାତାକେ ଝାନାନ୍ । ୪୭ ଇନେନ୍ ଜେ ଆବା ହୁଡ଼ତାନ୍‌ନା, ହେଦାଂ ଆକାୟ୍; ଇନେର୍ ଇସ୍‌ତ ତାକେଣ୍ଟା ଝାତାନ୍‌ନା, ହେୱାନ୍ ଆବା ହୁଡ଼ତାନ୍‌ନା । ୪୮ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ଇନେନ୍ ପାତ୍ର କିନାନ୍, ହେୱାନ୍ ଝିଜ୍‌ଝି ଜିବୁନ୍ ପାୟା ଆନାନ୍ । ୪୯ ଆନ୍ ଜିବୁନ୍ ହିନି କାଦି । ୫୦ ମି ଆକର୍ ବାଚାତ ମାନ୍ନା ଚିଚାର୍, ଆତିସ୍‌ପା ହେୱାନ୍ ହାତାର୍ । ୫୧ ମାତର୍ ଇମ୍‌ଣି କାଦି ସାଗେତାଂ ଝାନାଟ୍, ତାଙ୍ଗେଙ୍ଗ ଇନେର୍ ତିନାନ୍ ହେୱାନ୍ ଝିଜ୍‌ଝି ଜିବୁନ୍ ପାୟା ଆନାନ୍ । ୫୨ ଆନ୍ ସାଗେତାଂ ଜୁଡ଼ତାଙ୍ଗ ହେ ଜିବୁନ୍ କାଦି; ଇନେର୍ ଜଦି ଇ କାଦି ତିନାର୍, ହେୱାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାର୍; ଆଁ, ଆନ୍ ଇମ୍‌ଣି କାଦି ହିଦ୍‌ନାଂ, ହେଦାଂ ନା ଜେଇ, ଆନ୍ ତା ପୁତ୍ରିଂ ବାଚାୟ୍‌କିଦେଂ ଇଞ୍ଜି ଜିବୁନ୍ ହିଦ୍‌ନାଂ ।

୫୩ ଇବେ ଜିହୁଦିର୍ ହେୱେର୍ ହେୱାନ୍ ରିସା ଆଜି ଇଞ୍ଜେଙ୍ଗ ଲାଗାତାର୍, ଇୱାନ୍ ଇନେସ୍ ମାଙ୍ଗେଙ୍ଗ ଜାର୍ ଜେଇ ତିଞ୍ଜେଙ୍ଗ ହିଦେଂ ଆଡ଼ନାନ୍ ?

୫୪ ହେବେ ଜିସୁ ହେୱାରିଂ ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ମାନାୟ୍ ମାଜିତି ଜେଇ ତିନ୍‌ଝିତିସ୍ ଆରି ତା ନେତେର୍ ଉଣ୍‌ଝିତିସ୍, ମି ତାକେ ଜିବୁନ୍ ହିଲୁଡ୍ । ୫୫ ଇନେର୍ ନା ଜେଇ ତିନାର୍ ଆରି ନା ନେତେର୍ ଉଣାର୍, ହେୱାନ୍ ଝିଜ୍‌ଝି ଜିବୁନ୍ ପାୟା ଆନାନ୍, ଆରେ ଆନ୍ ହାରିହାରା ନାଜିଂ ତାଙ୍ଗେଙ୍ଗ ଜିପିକିନାଙ୍ଗ । ୫୬ ଇନାକିଦେଂକି ନା ଜେଇ ହାଡ଼ପା କାଦି ଆରି ନା ନେତେର୍ ହାଡ଼ପା ଏଜୁଂ । ୫୭ ଇନେର୍‌କି ନା ଜେଇ ତିନାର୍ ଆରି ନା ନେତେର୍ ଉଣାର୍, ହେୱାନ୍ ନା ତାକେ ମାନେନ୍ ଆରି ଆନ୍ ତା ତାକେ ମାନାଙ୍ଗ । ୫୮ ଜିବୁନ୍‌ନି ଆବା ନାଙ୍ଗେଙ୍ଗ ପକ୍ତାତାନ୍ନା ଆରି ଆନ୍ ଆବା କାଜିଂ ଜିଜି ମାନାଂ, ହେ ଲାକେ ଜେ ନାଙ୍ଗେଙ୍ଗ ତିଞ୍ଜିନାର୍, ହେୱାନ୍ ପାନା କାଜିଂ ଜିଜି ମାନାନ୍ । ୫୯ ଇମ୍‌ଣି କାଦି ସାଗେତାଂ ଜୁଡ଼ତାନ୍ନା, ହେଦାଂ ଇ; ଆକର୍

ଇନେସ୍ ତିନିଞ୍ଜି ହାତାର୍, ହେ ଲାକେ ଆକାୟ୍; ଜେ ଇ କାଦି ତିନାର୍, ହେଞ୍ଜାନ ଜୁଗ୍ ଜୁଗ୍ ପାତେକ୍ ଜିଜି ମାନାନ ।”

୫୯ ହେଞ୍ଜାନ କପର୍ନାହୁମ୍ ର କୁରୁମ୍ ଇଞ୍ଜ ହିକ୍ୟା ହିନି ସମୁତ ଇ ଓଁଜୁ କାତା ଇଚାର୍ ।

ଓଁଜୁଓଁ ଜିବୁନନି ବଚନ୍

୬୦ ଲାଗିଂ, ତା ଚେଲାହିର୍ ବିତ୍ରେ ହେନି ଇଦାଂ ଖେନଞ୍ଜି ଇଚାର୍, “ଇ ହିକ୍ୟା ଖେଞ୍ଜେଞ୍ଜ୍ ବେସି କସ୍, ଇନେର୍ ଇଦାଂ ଖେଞ୍ଜେଞ୍ଜ୍ ଆଡୁନାର୍ ?”

୬୧ ମାତର୍ ଜିସୁ, ତା ଚେଲାର୍ ଇନେର୍ ହେ ବିସ୍ତେ ନିୟା କିନାରା ଇଞ୍ଜି, ତା ମାତ୍ର ପୁଞ୍ଜି ହେଞ୍ଜାରିଂ ଇଚାନ, ବାଦାନି କାରଣ୍ ଆନାତା ? ୬୨ ମାନାୟ୍ ମାଜି ଇମେତାଂ ଖାତାନନା, ହେବେ ତାଢେଞ୍ଜ୍ ହାନାକା ହୁଡ଼ତାନ ଇନା କିନାନ । ୬୩ କେବଲ୍ ଇସ୍ତତ୍ ଖାସ୍ତି ଜିବୁନ ହିଦେଂ ଆଡୁନାନ; ମାନାୟ୍ ଜେଇ ଇନାକା କିଦେଞ୍ଜ୍ ଆଡୁତ୍ ଇସ୍ତତ୍ ହେ ଜିବୁନ ହିନି ଖାସ୍ତିତିଂ ଏପେଞ୍ଜ୍ ଇନେସ୍ ପୁନାଦେର୍ ହେଦାଂ କାଜିଂ ଆନ୍ ଇ ଓଁଜୁ କାତା ଇଞ୍ଜନାଞ୍ଜା । ୬୪ ମାତର୍ ମି ବିତ୍ରେ ଇନେ ଇନେର୍ ପାତ୍ କିଉରା । ଇନାକିଦେଂକି ଇମ୍ଣାକାର୍ ଜିସୁଞ୍ଜ୍ ପାତ୍ କିଞ୍ଜାଦାଂ ମାଚାର୍ ଆରି ଇନେନ୍ ଜିସୁଞ୍ଜ୍ ସାତୁର୍ କେଇଦ ଇନେନ୍ ହେଲାୟ୍ କିନାନ, ହେଦାଂ ଇସ୍ତର୍ ଆଗେତାଂ ପୁଞ୍ଜି ମାଚାନ । ୬୫ ଜିସୁ ଆରେ ଇଚାନ, “ଇଦାଂ କାଜିଂ ଆନ୍ ମିଞ୍ଜେଞ୍ଜ୍ ଇନ୍‌ସାଞ୍ଜନ୍ନା, ଆବା ତାକେଣ୍ଟାଂ ପକ୍ୟା ଆଓଁତିସ୍ ଇନେର୍ ନା କଚଣ୍ ଖାଦେଞ୍ଜ୍ ଆଡୁର୍ ।”

୬୬ ହେ ସମୁତାଂ ତା ଚେଲାହିର୍ ବିତ୍ରେ ହେନି ବେଣ୍ଟକିଞ୍ଜାଦାଂ ହସି ହାଚାର୍, ଆରେ ତା ଲାହାଞ୍ଚ ଚାଲା ବୁଲା କିଞ୍ଜାତାର୍ । ୬୭ ହେବେ ଜିସୁ ବାରଜାଣ୍ଟିଂ ଖେନବାତାନ, “ଏପେଞ୍ଜ୍‌ପା ନାଞ୍ଜ୍ ପିସ୍ତି ହାଞ୍ଜେଞ୍ଜ୍ ଇଚା କିନାଦେରା ?”

୬୮ ସିମନ୍ ପିତର୍ ଜିସୁଞ୍ଜ୍ ଉତର୍ ହିତାର୍, ମାପୁ, ଇନେର୍ ତାକେ ହାନାପ୍ ? ନି ତାକେ ଓଁଜୁଓଁ ଜିବୁନନି ବଚନ୍ ମାନାତ୍; ୬୯ ଆରେ, ଏନ୍ ଜେ ଇସ୍ତତ୍ ହେ ପୁଇପୁୟା ମାନାୟ୍, “ଇଦାଂ ଆପେଂ ପାତ୍ କିତାପନ୍ନା ଆରି ପୁଚାପନା ।”

୭୦ ଜିସୁ ହେଞ୍ଜାରିଂ ଉତର୍ ହିତାନ, “ଆନ୍ ଇନାକା ମି ବାରଜାଣ୍ଟିଂ ବାଟି କିଞ୍ଜାତାଂନା କି ? ଆରେ, ମି ବିତ୍ରେ ର ସୟତାନ ।” ୭୧ ହେଞ୍ଜାନ ଇସ୍ତାରିୟ୍‌ତିୟ୍ ସିମନ୍ ମେହି ଜିହୁଦାଞ୍ଜ୍ ହୁଡ଼ଜି ଏପେଞ୍ଜ୍ ଇଚାନ, ଇନାକିଦେଂକି ହେଞ୍ଜାନ ବାରଜାଣ୍ଟି ବିତ୍ରେ ରଞ୍ଜାନ, ଆରେ ହେଞ୍ଜାନ ତାଢେଞ୍ଜ୍ ସାତୁର୍ କେଇଦ ହେଲାୟ୍ କିଦେଞ୍ଜ୍ ହାଲ୍‌ଜି ମାଚାନ ।



ଜିସୁ ଆରି ତା ଟଣ୍ଡାହିର୍

୯ ଇଦାଂ ପାଚେ ଜିସୁ ଗାଲିଲିତ ବୁଲାଆଦେଂ ଲାଗାତାନ, ଇନାକିଦେଂକି ଜିହୁଦିର୍ ତାଢେଞ୍ଜ୍ ଟାଣ୍ଡାତେ ଅହନି କାଜିଂ ସେସ୍ତା କିଜି ମାଟିଲେ, ହେଞ୍ଜାନ ଜିହୁଦା ଦେସ୍ତ ବୁଲାଆଦେଂ ମାନ କିଞ୍ଜାଦାଂ ମାଚାନ । ୨ ଜିହୁଦିର୍ କୁଡ଼ିୟା ବାହା ପାର୍ବୁନି ସମୁ ଲାଗେ ଖାଜି ମାଚାତ୍, ୩ ତା ଟଣ୍ଡାହିର୍ ତାଢେଞ୍ଜ୍ ଇଚାର୍, “ଏନ୍ ଜେ ଇନା କାମାୟ୍ କିତାୟ୍‌ନା, ହେ ଓଁଜୁ ଇନେସ୍‌କି ନି ଚେଲାର୍ ପା ହୁଡ଼ନାର୍, ଇଦାଂ କାଜିଂ ଇବେଣ୍ଟାଂ ହସି ହାଲ୍‌ଜି ଜିହୁଦା ଦେସ୍ତ ହାଲାର୍, ୪ ଇନାକିଦେଂକି ଇନେର୍ ଚଞ୍ଜିୟାଦେଂ ମାନ କିତାନ ଡ଼ଗୁଜି ଇନାକା କିଉନ୍ । ଏପେଞ୍ଜ୍ ଜଦି ଓଁଜାଦେର୍, କିନାଦେରା, ଲାଗିଂ ଜାର୍‌ତିଂ ପୁତ୍ ତାକେ ଚଚାର୍ ।” ୫ ଇନାକିଦେଂକି ତା ଟଣ୍ଡାହିର୍ ପା ତା ତାକେ ପାତ୍ କିଞ୍ଜାଦାଂ ମାଚାର୍ ।

୬ ହେବେ ଜିସୁ ହେଞ୍ଜାରିଂ ଇଚାନ, “ନା ସମୁ ନଞ୍ଜ୍ ପାତେକ୍ ଏକା ଖାଉତେ, ମାତର୍ ମି ସମୁ ଏକା ଖାତାତେ । ୭ ପୁତ୍ ମିଞ୍ଜେଞ୍ଜ୍ ଗିଣ୍ କିଦୁଡ୍, ମାତର୍ ନାଢେଞ୍ଜ୍ ଗିଣ୍ କିଦନାତ୍, ଇନାକିଦେଂକି ତା କାମାୟ୍ ଜେ କାରାପ୍, ଆନ୍ ଇ ସାକି ହିତାଞ୍ଜନା ।

“ଏପେଙ୍ଗ୍‌ ଇ ପାର୍ବୁତ ହାଲାର୍, ଆନ୍ ନଙ୍ଗ୍‌ ଇ ପାର୍ବୁତ ହାଲୁଙ୍ଗା, ଇନାକିଦେଂକି ନା ସମ୍ବୁ ଇ ପାତେକ୍ ଏକା ଖାଉତେ ।” ୯ ଜିସୁ ହେଝାରିଂ ଇ ଝିଜୁ କାତା ଇଞ୍ଜି, ଗାଲିଲିତ ମାତାନ ।

କୁଡ଼ିୟା ବାହା ପାର୍ବୁତ ଜିସୁ

୧୦ ମାତର୍ ତାଂ ଟଣ୍ଡାହିର୍ ପାର୍ବୁତ ହାଚି ପାତେ ହେଝାନ୍ ପା ହାଚାନ, ଚଞ୍ଜିୟାଆଝାଦାଂ ଆକାୟ୍, ମତର୍ ର ବାନି ଡଗୁଜି । ୧୧ ଲାଗିଂ ଜିହୁଦି ନେତାର୍ ପାର୍ବୁତ ତାଙ୍ଗେଙ୍ଗ୍‌ ତେକ୍‌ଚି ତେକ୍‌ଚି ଝେନ୍‌ବାତାର୍, “ହେଝାନ୍ ଜେ ?”

୧୨ ଆରେ, ତା ବିସ୍ତେ ମାନାୟାର୍ ବିତ୍ରେ ବେସି ହେଝାର୍ ହେଝେର୍ କାଲେ କାଲେ ବେଣ୍ କିଦେଙ୍ଗ୍‌ ଲାଗାତାର୍; “ଇନେ ଇନେର୍ ଇଚାର୍, ହେଝାନ୍ ରକାନ୍ ହାର୍ ଲଗୁ, ଆରେ ଇନେ ଇନେର୍ ଇଚାର୍, ଆକାୟ୍, ହେଝାନ୍ ମାନାୟାରିଂ ବୁଲକାୟ୍‌କିନାନା ।” ୧୩ ଆତିସ୍‌ପା ଜିହୁଦି ନେତାର୍ ପାଣ୍ଡୁଟ୍ଟିଂ ତା ବିସ୍ତେ ଝେର୍‌ଚେଙ୍ଗ୍‌ ଇନେର୍ ଇନାକା ଇନ୍‌ଝାଦାଂ ମାଚାର୍ ।

୧୪ ମାତର୍ ପାର୍ବୁନି ଆଦା ସମ୍ବୁ ହାଚି ପାତେ, ଜିସୁ ମନ୍ଦିରତ ହାଲୁଜି ହିକ୍ୟା ହିଦେଂ ଲାଗାତାନ । ୧୫ ଇବେ ଜିହୁଦି ନେତାର୍ କାବା ଆଜି ଇଚାର୍, “ଇଝାନ୍ ପାର୍ ପଡ଼ିକିଝାଦାଂ ଇନେସ୍ ପୁଚାନ ?”

୧୬ ଲାଗିଂ ଜିସୁ ହେଝାରିଂ ଉତର୍ ହିତାନ, “ନା ହିକ୍ୟା ନା ଜାର୍‌ତି ଆକାୟ୍, ମାତର୍ ନାଙ୍ଗ୍‌ ପକ୍‌ତାତାକାନ୍ତି ଇସ୍‌ବର୍‌ତାଂ ଝାନି ହିକ୍ୟା ହିନାଙ୍ଗା । ୧୭ ଇନେର୍ ଜଦି ଇସ୍‌ବର୍ ଇଚା ମାନି କିଦେଙ୍ଗ୍‌ ମାନକିନାନ, ତା ଆତିସ୍‌ ଇ ହିକ୍ୟା ଇସ୍‌ବର୍‌ତାଂ ଆତାଡ଼ନ୍ନା, କି ଆନ୍ ନି ତାକେଣ୍ଡାଂ ଇଞ୍ଜିନାଙ୍ଗା, ହେଦାଂ ହେଝାନ୍ ପୁନାନ୍ । ୧୮ ଇନେନ୍ ଜାର୍‌ତାଂ ଇନାନ୍, ହେଝାନ୍ ନିଜେ ଜାଜ୍‌ମାଲ୍ ପାୟା ଆଦେଂ ଦାହ୍‌ନାନ୍, ମାତର୍ ଇନେନ୍ ଜାର୍ ପକ୍‌ତାତାକାନିଂ ପାଦ୍ ପାୟା ଆଦେଂ ଦାହ୍‌ନାନ୍, ହେଝାନ୍ ହାଡ଼ପା ଇନାନ୍, ଆରେ ତାତାକେ ଇନାକାପା ଅଦାମ୍‌ ମିର୍ ହିଲୁଡ଼ । ୧୯ ମସା ଇନାକା ମିଙ୍ଗେଙ୍ଗ୍‌ ବିଦି ହିଦ୍‌ଝାତାନ୍ନା ? ଆତିସ୍‌ପା ମି ବିତ୍ରେ ରଝାନ୍ ପା ବିଦି ମାନି କିଉଦେରା । ଏପେଙ୍ଗ୍‌ ଇନାକିଦେଂ ନାଙ୍ଗେଙ୍ଗ୍‌ ଅସ୍ତେଦେଂ ସେସ୍‌ କିଦ୍‌ନାଦେରା ?”

୨୦ “ମାନାୟାର୍ ଉତର୍ ହିଚାର୍,” ନିଙ୍ଗେଙ୍ଗ୍‌ ପୁଦା ଆସ୍ତାତାନ୍ନା, “ଇନେର୍ ନିଙ୍ଗେଙ୍ଗ୍‌ ଅସ୍ତେଦେଂ ସେସ୍‌ କିନ୍ନାରା ?”

୨୧ ଜିସୁ ହେଝାରିଂ ଉତର୍ ହିତାନ, “ଆନ୍ କାବାଆନି କାମାୟ୍ କିତାଙ୍ଗ୍, ଆରେ ଏପେଙ୍ଗ୍‌ ଝିଜାଦେର୍ କାବା ଆତାଦେଣ୍ଡା । ୨୨ ଇ କାଜିଂ ମସା ମିଙ୍ଗେଙ୍ଗ୍‌ ସୁନ୍ନଡ଼ ବିଦି ହିଡ଼ତାନ୍ନା ଇଦାଂ ଜେ ମସାତାକେଣ୍ଡାଂ ଆତାଡ଼ନ୍ନା, ହେଦାଂ ଆକାୟ୍, ମାତର୍ ଆକର୍‌ତାଂ, ଆରେ ଏପେଙ୍ଗ୍‌ ଜମ୍‌ନିବାର୍ ନାଜିଂ କାଡ଼ଦେରିଂ ସୁନ୍ନଡ଼ କିନାଦେରା । ୨୩ ମସାତି ବିଦି ଝିଜ୍‌ଝି କାଜିଂ ଜଦି ଜମ୍‌ନିବାର୍ ନାଜିଂ କାଡ଼ଦେଂ ସୁନ୍ନଡ଼ ପାୟା ଆନାନ୍, ତା ଆତିସ୍‌ ଆନ୍ ଜମ୍‌ନିବାର୍ ନାଜିଂ ରଝାନ୍ କାଡ଼ଦେଂ ଝିଜୁ ଉଜ୍ କିତିଲେ ଏପେଙ୍ଗ୍‌ ଇନାକିଦେଂ ନା ଜପି ରିସା କିଦ୍‌ନାଦେରା ? ୨୪ ବାତ୍ ବିସ୍ତେ ହୁଡ଼ଜି ବିଚାର୍ କିଝାଦାଂ ନ୍ୟାୟ୍ ବିଚାର୍ କିୟାର୍ ।”

ଇଝାନ୍ ଇନାକା ମସିୟା

୨୫ ଇବେ ଜିରୁସାଲମ୍ ନିକାର୍ ବିତ୍ରେ ଇନେର୍ ଇନେର୍ ଇଞ୍ଜେଙ୍ଗ୍‌ ଲାଗାତାର୍, “ଜିହୁଦି ନେତାର୍ ହେଝାର୍ ଇନେକିଦେଂ ଅହ୍‌ନି କାଜିଂ ସେସ୍‌ କିଜି ମାଚାର୍, ଇଝାନ୍ ଇନାକା ହେଝାନ୍ ଆକାୟ୍ ? ୨୬ ଆରେ ହୁଡ଼ାଟ୍, ହେଝାନ୍ ହପ୍‌ଚି କାତା ଇଞ୍ଜିନାନା, ଆରେ ହେଝାର୍ ତାଙ୍ଗେଙ୍ଗ୍‌ ଇନାକା କିଉରା । ଇଝାନ୍ ଜେ କ୍ରିସ୍ଟ୍, ଇଝାନ୍ ଇନାକା ନେତାର୍ ହାଡ଼ପା ପୁଚାରେ ? ୨୭ ଇନାକା ଆୟେଡ଼, ଇଝାନ୍ତି ଆରମ୍ ଆସେଙ୍ଗ୍‌ ପୁନାସ୍, ମାତର୍ ମସିୟା ଏଚେକାଡ଼ଦ୍ ଝାନାନ୍, ହେ ପାଦ୍‌ନା ତା ଆରମ୍ ଇନେର୍ ପୁନ୍ନର୍ ।”

୨୮ ହେବେ ଜିସୁ ମନ୍ଦିରତ ହିକ୍ୟା ହିଉ ହିଉ ଗାଜା କାଟ୍‌ତାଂ ଇଚାନ୍, ଏପେଙ୍ଗ ନାଜେଙ୍ଗ ଆରି ନା ଉଦ୍‌ଜାଣ୍ ରିୟାଦେର୍ ପୁନାଦେର୍ ? ଆନ୍ ନିଜେତାଂ ଖାଖାତାଙ୍ଗନା, “ମାତର୍ ନା ପକ୍‌ତାତାକାନ୍ ହାଡ୍‌ପା, ତାଜେଙ୍ଗ୍ ଏପେଙ୍ଗ୍ ପୁନୁଦେରା । ୨୯ ଆନ୍ ତାଜେଙ୍ଗ୍ ପୁନାଙ୍ଗ୍, ଇନାକିଦେଂକି ଆନ୍ ତା ତାକେଣ୍ଡାଂ ଖାତାଙ୍ଗନା, ଆରେ ହେଖାନ୍ ନାଜେଙ୍ଗ୍ ପକ୍‌ତାତାନ୍ନା ।

୩୦ ହେବେ ହେଖାର୍ ତାଜେଙ୍ଗ୍ ଆସ୍ତେଙ୍ଗ୍ ସେସ୍ତା କିତାର୍; ମାତର୍ ଇନେର୍ ତା ଜପି କେଇ କିଖାତାର୍, ଇନାକିଦେଂକି ତା ସମୁ ହେ ପାତେକ୍ ଏକା ଖାଖାଦାଙ୍ଗ୍ ମାତାଡ୍ । ୩୧ ମାତର୍ ମାନାୟାର୍ ବିତ୍ତେ ହେନି ତାତାକେ ପାତ୍ କିଜି ଇଞ୍ଜେଙ୍ଗ୍ ଲାଗାତାର୍, ଇଖାନ୍ ଜେ ଖିଜାର୍ କାବାଆନି କାମାୟ୍ କିତାନ୍ନା, କ୍ରିସ୍ତୁ ଖାଜି ତା ତାକେଣ୍ଡାଂ ଇନାକା ଆଦିକ୍ କିନାନ୍ ?”

ଜିସୁଙ୍ଗ୍ ବନ୍ଦି କିଦେଙ୍ଗ୍ କାନାକାରିଂ ପନ୍ତାର୍

୩୨ ପାରୁସିର୍ ମାନାୟାର୍ ତା ବିସ୍ତେ ବେଶ୍‌କିବାଆନାକା ଖେନ୍‌ଞ୍ଜି ଆରେ ମୁଡ୍, ମାପୁହେବାକିନାକାନ୍ ଆରି ପାରୁସିର୍ ତାଜେଙ୍ଗ୍ ଆହ୍‌ନି କାଜିଂ କାନାକାରିଂ ପନ୍ତାର୍ । ୩୩ ହେବେ ଜିସୁ ଇଚାନ୍, “ଆନ୍ ଆରେ ଅଲପ୍ ସମୁ ମି ଲାହାଙ୍ଗ୍ ମାନ୍‌ଗାନାଙ୍ଗ୍ ଆରେ ପକ୍‌ତାତାକାନ୍ ତାକେ ହାନାଙ୍ଗା । ୩୪ ଏପେଙ୍ଗ୍ ନାଜେଙ୍ଗ୍ ଡେଲ୍‌ନାଦେର୍, ମତର୍ ଗାଟାଆଦୁଦେର୍; ଆରେ, ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଦୁଦେର୍ ।”

୩୫ ହେବେ ଜିହୁଦିର୍ ହେଖେର୍ ହେଖାର୍ ଇଚାର୍, “ଇଖାନ୍ ଇମେତାକେ ହାଞ୍ଜେଙ୍ଗ୍ ହତ୍‌ତାନ୍‌ନା ଜେ, ଆସେଙ୍ଗ୍ ତାଜେଙ୍ଗ୍ ଗାଟାଆଡସ୍ ? ଇଖାନ୍ ଇନାକା ଗ୍ରିକ୍‌ନିକାର୍ ବିତ୍ତେ ଜେଡ୍ କେଡ୍ ଜିହୁଦିର୍ ତାକେ ହାଲ୍‌ଜି ଗ୍ରିକ୍‌ନିକାରିଂ ହିକ୍ୟା ହିଦେଂ ହତ୍‌ତାନ୍‌ନା ? ୩୬ ଏପେଙ୍ଗ୍ ନାଜେଙ୍ଗ୍ ଡେଲ୍‌ନାଦେର୍, ମତର୍ ଗାଟା ଆଦୁଦେର୍, ଆରେ ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଦୁଦେର୍, ହେଖାନ୍ ଇ ଇମ୍‌ଣି କାତା ଇଚାନ୍, ହେ ଅରଡ୍ ଇନାକା ?”

ଜିରୁନ୍ ହିନି ଜଡ଼ି

୩୭ ଖିସ୍ତ୍ର ନାଜିଂ, ଇଚିସ୍, ପାରୁନି ଗାଜା ଦିନ୍ତ, ଜିସୁ ନିଲ୍‌ଚି ଗାଜା କାଟ୍‌ତାଂ ଇଚାନ୍, ଇନେର୍ ଜଦି ଏସକି ଆନାନ୍, “ଲାଗିଂ ହେଖାନ୍ ନା ତାକେ ଖାୟେନ୍ । ୩୮ ଦରମ୍ ସାସ୍ତ୍ର ଲେକାଆତାଡନା, ଇନେନ୍ ନା ତାକେ ପାତ୍ କିଜି ହେଖାନ୍ ଉଣେନ୍, ତା ଖାସ୍ତିତାଂ ଜିରୁନ୍‌ନି ଏଜୁଂ ଡିଜି ହାନିକ୍ ।” ୩୯ ତା ତାକେ ପାତ୍ କିଖାକାର୍ ଇମ୍‌ଣି ଜିରୁନ୍ ପାୟାନି କାଜିଂ ହାଲ୍‌ଜି ମାଚାର୍, ଜିସୁ ବିସ୍ତେ ହେଖାନ୍ ଏପେଙ୍ଗ୍ ଇଚାନ୍, ଇନାକିଦେଂକି ଜିସୁ ହେପାତେକ୍ ଜାଜ୍‌ମାଲ୍ ପାୟାଆଖି କାଜିଂ ହେଖାର୍ ପୁଇପୁୟା ଜିରୁନ୍ ପାୟା ଆଖାଦାଂ ମାଚାର୍ ।

ମାନାୟାର୍ ବିତ୍ତେ ବାଗ୍‌ଆନାକା

୪୦ ଲାଗିଂ ମାନାୟାର୍ ବିତ୍ତେ ଇନେ ଇନେର୍ ଇ କାତା ଖେନ୍‌ଞ୍ଜି ଇଞ୍ଜେଙ୍ଗ୍ ଲାଗାତାର୍, “ଇଖାନ୍ ହାଡ୍‌ପା ହେ ବେଶ୍‌ବାକ୍‌ଶାୟ୍‌କିନାକାନ୍ ।”

୪୧ ବିନେନିକାର୍ ଇଞ୍ଜେଙ୍ଗ୍ ଲାଗାତାର୍, “ଇଖାନ୍ କ୍ରିସ୍ତୁ ।”

ମାତର୍ ଇନେ ଇନେର୍ ଇଞ୍ଜେଙ୍ଗ୍ ଲାଗାତାର୍, “ଇନାକା ମସିୟା ଗାଲିଲିତାଂ ଖାଉନ୍ ! ୪୨ କ୍ରିସ୍ତୁ ଜେ ଦାଉଦ୍ ଲାତ୍ରାତାଂ ଆରି ଦାଉଦ୍ ନିକାର୍ ଇମେତାକେ ମାଚାର୍, ହେ ବେଡ୍‌ଲିହିମ୍ ନାସ୍‌ତାଂ ଖାନାନ୍, ଇଦାଂ ଇନାକା ଦରମ୍ ସାସ୍ତ୍ର ବଚନ୍ ଇନୁତା ?”

୪୩ ଲାଗିଂ ମାନାୟାର୍ ବିତ୍ତେ ତା କାଜିଂ ବାଗ୍‌ଆନାକା ଗିଟା ଆତାଡ୍ । ୪୪ ଆରେ, ହେଖାର୍ ବିତ୍ତେତାଂ କେତେ ଜାଣ୍ ଆସ୍ତେଙ୍ଗ୍ ଇଚା କିଜି ମାଚାର୍, ମାତର୍ ଇନେର୍ ତା ଜପି କେଇ କିଖାତାର୍ ।

ଜିହ୍ୱାଦି ନେତାର ପାତ କିମ୍ପାଦାଂ ମାଗାର

୪୫ ଓସ୍ତ୍ର ବିଦ୍ରେ କାନାକାର ମାସ୍ତ୍ର ଖାତିଲେ ମୁଡ଼୍ ମାପୁହେବାକିନାକାନ ଆରି ପାରୁସିର୍ ତାକେ ମାସ୍ତ୍ର ଖାତାର, ଆରେ ହେଖାର ହେଖାରିଂ ଖେନ୍ଦବାତାର, “ଏପେଙ୍ଗ୍ ଇନାକିଦେଂ ତାଙ୍ଗେଙ୍ଗ୍ ତାସ୍ତ୍ର ଖାଖାତାଦେର୍ ?”

୪୬ କାନାକାର ଉତର ହିତାର, “ଇ ମାନାୟ୍ ଇନେସ୍ତ୍ର କାତା ଇନାନ, ଇମ୍ଫାଣି ମାନାୟ୍ ଇନାଖାତାଂ ହେ ଲାକେ ଇନ୍ଫାତାଂନା ।”

୪୭ “ହେବେ ପାରୁସିର୍ ହେଖାରିଂ ଉତର ହିତାର,” ଏପେଙ୍ଗ୍ ପା ଇନାକା ବୁଲ୍‌କାଲ କିୟାତାଦେର୍ ? ୪୮ “ନେତାର ବିଦ୍ରେ କି ପାରୁସିର୍ ବିଦ୍ରେ ଇନାକା ଇନେର୍ ତା ତାକେ ପାତ କିନାରା, ଇଦାଂ ଏନ୍ ପୁନାୟ୍ ? ୪୯ ମାତର ଇ ଇମ୍ଫାଣି ଲଗୁ ମସାତି ବିଦି ପୁନୁର୍, ହେଦାଂ କାଜିଂ ଇଖାର ଓଜାର୍ ବାଗ୍‌ଇଟ୍‌ୟାଆତି ମାନାୟାର ।”

୫୦ *ଇମ୍ଫାଣି ନିକଦିମ୍ ଇଦାଂ ପାତେ ତା ତାକେ ଖାଜି ମାଗାନ ଆରି ଜେ ହେଖାର ବିଦ୍ରେ ରଖାନ, ହେଖାନ ହେଖାରିଂ ଖେନ୍ଦବାତାନ, ୫୧ “ର ମାନାୟ୍ ତାଙ୍ଗ୍ ପର୍ତୁମ୍ ଖେନ୍ଦାଦାଂ ଆରି ତା ମାନି ବିସ୍ତେ ପୁନ୍‌ଖାଦାଂ ମା ବିଦି ଇନାକା ତାଙ୍ଗେଙ୍ଗ୍ ଦସ୍ କିତାର ?”

୫୨ “ହେଖାର ତାଙ୍ଗେଙ୍ଗ୍ ଉତର ହିତାର,” ଏପେଙ୍ଗ୍‌ପା ଇନାକା ର ଗାଲିଲି ମାନାୟ୍ ? ଗାଲିଲିତାଂ ଇମ୍ଫାଣି ବେଶ୍‌ବାକ୍‌ଶାୟ୍‌କିନାକାନ ହତୁର୍, “ଇଦାଂ ଇଟ୍‌କାଡ଼୍ କିଜି ହୁଡ଼ାର୍ ।” ୫୩ ଆରେ ହେଖାର ଓଜାର୍ ଜାର୍ ଜାର୍ ଇଞ୍ଜ ହାଚାର୍ ।



ଦାରି କିନି କଗଲେ

୧ ମାତର ଜିସୁ ଜିଡ଼ମାଡ଼ିତ ହାଚାନ । ୨ ଆର୍କାଡ଼ ନାଜିଂ ହେଖାନ ଆରେ ରଗ ମନ୍ଦିରତ ଖାତାନ, ଆରେ ଓଜାର୍ ମାନାୟ୍ ତା କଚଣତ ଖାତିଲେ, ହେଖାନ କୁଟ୍‌ଟି ହେଖାରିଂ ହିକ୍ୟା ହିଦେଂ ଲାଗାତାନ । ୩ ଆରେ, ସାସିର୍ ଆରି ପାରୁସିର୍ ଦାରି କାମାୟ୍ ଦାରାପଡ଼ା ଆତି ର କଗଲେହିମ୍‌ଶାଂ ତାସ୍ତ୍ର ଖାଜି ହେଦେଲିଂ ମାଦି ବାହାତ ନିଲି କିଜି ଜିସୁଙ୍ଗ୍ ଇଚାର୍, ୪ “ଏ ଗୁରୁ, ଇ କଗଲେହିମ୍‌ଶାଂ ଦାରି କାମାୟ୍ କିନି ସମୁତ ଦାରାପଡ଼ା ଆତାଡ଼ । ୫ ଇ ଲାକେ କଗଲେକାଂ କାଲ୍‌କୁ ଇଡ଼ଜି ଅସ୍ତେଙ୍ଗ୍ ମସା ମାଙ୍ଗେଙ୍ଗ୍ ବିଦିତ ବଲ୍ ହିଡ଼ନା; ଲାଗିଂ ଏନ୍ ଇନାକା ଇଞ୍ଜନାୟା ?” ୬ ହେଖାର ଇନେସ୍ ତାଙ୍ଗେଙ୍ଗ୍ ବେରୁତାଂ ଇନାର୍ ଇନାକିଦେଂକି ଗାଟା ଆନାର୍, ଇଦାଂ କାଜିଂ ହେଖାର ତାଙ୍ଗେଙ୍ଗ୍ ପରିକ୍ୟା କିନି ବିସ୍ତେ ଇଦାଂ ଇଚାର୍ । ମାତର ଜିସୁ ଟଡ଼ଜି ଖାଟ୍‌କାଙ୍ଗ୍ ହୁକେ ମେଦ୍‌ନିତ ଲେକିକିଦେଂ ଲାଗାତାନ । ୭ ହେଖାର ହେବେ ନିଲ୍‌ଟି ଆରେ ଖେନ୍ଦିଦିଲେ, ହେଖାନ କାପଡ଼ା ନିକ୍‌ଟି ହେଖାରିଂ ଇଚାନ, ମି ବିଦ୍ରେତାଂ ଇନେର୍ ଇନାଖାତାଂ ପା ଇନା ପାପକିଖାତାନନା, “ହେଖାନ ପର୍ତୁମ୍ ଖାଜି କାଲ୍ ଇଡେନ୍ ।” ୮ ଆରେ ରଗ ହେଖାନ ଟଡ଼ଜି ମେଦ୍‌ନିତ ଲେକିକିଦେଂ ଲାଗାତାନ । ୯ ହେଦାଂ ଖେନ୍‌ଞ୍ଜି ହେଖାର ପ୍ରାତିନାର ତାଂ ଆରମ୍ କିଜି ରଖାନ ରଖାନ ଆଜି ଓଜାର୍ ହସି ହାଞ୍ଜେଙ୍ଗ୍ ଲାଗାତାର, ଆରେ କେବଲ୍ ଜିସୁ ଆରି ମାଦି ହେ କଗଲେହିମ୍‌ଶାଂ ମାଟିକ୍ । ୧୦ “ଆରେ ଜିସୁ କାପଡ଼ା ନିକ୍‌ଟି ତାଙ୍ଗେଙ୍ଗ୍ ଇଚାନ,” ଏ କଇ, ହେଖାର ଇମେର୍ ? ଇନେର୍ ଇନାକା ନିଙ୍ଗେଙ୍ଗ୍ ଦାଣ୍ଡ ଇଞ୍ଜି ବିଚାର୍ କିଖାତାର୍ କି ?

୧୧ “ହେଦେଲ୍ ଇଚାଡ଼, ଇନେର୍ ହିଲୁର୍ ମାପୁ ।”

ହେବେ ଜିସୁ ଇଚାନ, “ଆନ୍ ପା ନିଙ୍ଗେଙ୍ଗ୍ ଦାଣ୍ଡ ହିଦ୍‌ନାଂ ଇଞ୍ଜି ବିଚାର୍ କିଦୁଙ୍ଗା; ହାଲା, ନେଞ୍ଜେଙ୍ଗ୍ ତାଙ୍ଗ୍ ଆରେ ପାପ କିମା ।”

ଜିସୁ ପୁତ୍‌ନି ଅଜଡ଼୍

☆ ୭:୫୦ ୭:୫୦ ଜହନ ୩:୧,୨.

୧୨ ଜିସୁ ଆରେ ରଗ ପାରୁସିରିଂ ଇଚାନ୍, “ଆନ୍ ପୁତର୍ ନି ଅଜଡ଼” ଇନେର୍ ନା ପାଚେ ଖାନାର୍, “ହେଝାନ୍ ଇନାଝାଡ଼ାଂ ପା ମାଜଗାତ ବୁଲା ଆଉନ୍, ଇତିସ୍ ଜିବୁନ୍ନି ଅଜଡ଼, ପାୟା ଆନାନ୍ ।”

୧୩ *ହେବେ ପାରୁସିର୍ ତାଙ୍ଗେଙ୍ଗ୍ ଇଚାର୍, “ଏପେଙ୍ଗ୍ ଜାର୍ ଜାର୍ତିଂ ବିସ୍ତେ ସାକି ହିନାଦେରା, ମି ସାକି ହାଡ଼ପା ଆକାୟ୍ ।”

୧୪ ଜିସୁ ହେଝାରିଂ ଉତର୍ ହିତାନ୍, ଆନ୍ ଜଦି ନିଜେ ବିସ୍ତେ ସାକି ହିଜିମାନାଂ, ଲାଗିଂ ପାନା ସାକି ହାଡ଼ପା, ଇନାକିଦେଂକି ଆନ୍ ଇମ୍ଣି ବାହାତାଂ ଖାତାଙ୍ଗନା ଆରି ଇମ୍ଣି ବାହାତାକେ ହାନାଙ୍ଗା, ହେଦାଂ ପୁନାଙ୍ଗ୍, “ମାତର୍ ଆନ୍ ଇମ୍ଣି ବାହାତାଂ ଖାନାଙ୍ଗ୍ କି ଇମ୍ଣି ବାହାତ ହାନାଙ୍ଗ୍, ହେଦାଂ ଏପେଙ୍ଗ୍ ପୁନୁଦେର୍ । ୧୫ ଏପେଙ୍ଗ୍ ମାନାୟାର୍ ବାବ୍ରେ ବିଚାର୍ କିଜି ମାନାଟ୍, ଆନ୍ ଇନେରିଂ ବିଚାର୍ କିଉଙ୍ଗ୍ । ୧୬ ମାତର୍ ଆନ୍ ଜଦି ବିଚାର୍ କିନାଙ୍ଗ୍, ଲାଗିଂ ପାନା ବିଚାର୍ ହାଡ଼ପା; ଇନାକିଦେଂକି ଆନ୍ ରଝାଙ୍ଗ୍ ଆକାୟ୍, ମତର୍ ନାଙ୍ଗ୍ ପକ୍ତାତାକାନ୍ ଆବା ନା ଲାହାଙ୍ଗ୍ ମାନାନ୍ । ୧୭ ଆରେ, ରିୟାର୍ତି ସାକି କାତା ସମାନ୍ ଆତିସ୍ ହେଝାର୍ ଇନାକା ଇନାରା ହେଦାଂ ହାଡ଼ପା, ଇଦାଂ ମି ବିଦିତ ପା ଲେକା ମାନାଟ୍ । ୧୮ ନା ନିଜେ କାଜିଂ ଆନ୍ ସାକି ହିନାଙ୍ଗା, ଆରେ ନାଙ୍ଗ୍ ପକ୍ତିତି ଆବା ନା ବିସ୍ତେ ସାକି ହିନାନା ।”

୧୯ ହେବେ ହେଝାର୍ ତାଙ୍ଗେଙ୍ଗ୍ ଖେନ୍ବେଦେଂ ଲାଗାତାର୍, “ମି ଆବା ଇମେନ୍ ?” ଜିସୁ ଉତର୍ ହିତାନ୍,

“ଏପେଙ୍ଗ୍ ନାଙ୍ଗେଙ୍ଗ୍ ପୁଞ୍ଜୁଦେର୍ କି ମାଞ୍ଜି ଆବାଂ ପା ପୁନୁଦେର୍ ଜଦି ନାଙ୍ଗ୍ ପୁନ୍ତିସ୍, ଲାଗିଂ ମାଞ୍ଜି ଆବାଂ ପା ପୁଚାଦେମା ।”

୨୦ ମନ୍ଦିର୍ନି ଦାନ୍ ଇର୍ଦି ପେଡ଼ିଙ୍ଗ୍ ଇଡ଼ଜି ମାଚି ଇଞ୍ଜି ଜିସୁ ଇ ଖିଜୁ କାତା ବିସ୍ତେ ହିକ୍ୟା ହିଜି ମାଚାନ୍, ଆରେ ଇନେର୍ପା ତାଙ୍ଗେଙ୍ଗ୍ ଗେହ୍ନାକା କିଝାତାର୍ ଇନାକିଦେଂକି, ତା ସମ୍ପୁ ଏକାଝାଝାଦାଂ ମାଚାଟ୍ ।

ଜିସୁ ହାନି ବିସ୍ତେ ବେଶ୍ବାକ୍ଶାୟ୍ କିନାକା

୨୧ ଜିସୁ ଆରେ ରଗ ହେଝାରିଂ ଇଚାନ୍, “ଆନ୍ ହାନାଙ୍ଗା, ଆରେ ଏପେଙ୍ଗ୍ ନାଙ୍ଗ୍ ତେଙ୍ଗାନାଦେର୍ ମାତର୍ ଏପେଙ୍ଗ୍ ଜାର୍ ଜାର୍ ପାପତ ହାନାଦେର୍, ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର୍ ।”

୨୨ ଜିହୁଦି ନେତାର୍ ଇଞ୍ଜେଙ୍ଗ୍ ଲାଗାତାର୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁର୍, ଇଝାନ୍ ଇନାକା କକ୍ଲାପାଟିୟା ଆଦେଂ ବାବି କିନାନା କି ।”

୨୩ ହେବେ ଜିସୁ ହେଝାରିଂ ଇଚାର୍, “ଏପେଙ୍ଗ୍ ଇ ପୁତର୍ ତ ଜଲମ୍ ମାତର୍ ଆନ୍ ସାର୍ଗେତାଂ ଖାତାଙ୍ଗନା ଏପେଙ୍ଗ୍ ଇ ପୁତର୍ ନିକାଦେର୍ ମାତର୍, ଆନ୍ ଇ ପୁତର୍ ନିକାଂ ଆକାୟ୍ । ୨୪ ଲାଗିଂ ଏପେଙ୍ଗ୍ ଜେ ଜାର୍ ଜାର୍ ପାପତ ହାନାଦେର୍, ଆନ୍ ମିଙ୍ଗେଙ୍ଗ୍ ଇଦାଂ ଇନ୍ଚାଙ୍ଗ୍; ଇନାକିଦେଂକି ଆନ୍ ହେଝାଙ୍ଗ୍ ମାନାୟ୍, ଇଦାଂ ଏପେଙ୍ଗ୍ ପାତର୍ କିଦ୍ଝା ତାଦେର୍ ।”

୨୫ ହେବେ ହେଝାର୍ ତାଙ୍ଗେଙ୍ଗ୍ ଖେନ୍ବାତାର୍, “ଏନ୍ ଇନେନ୍ ?”

ଜିସୁ ହେଝାରିଂ ଇଚାନ୍, “ହେ କାତା ଆରମ୍ ତାଙ୍ଗ୍ ଇଞ୍ଜି ଖାନାଙ୍ଗା ? ୨୬ ମି ବିସ୍ତେ ଇଞ୍ଜେଙ୍ଗ୍ ଆରି ବିଚାର୍ କିଦେଙ୍ଗ୍ ଆନ୍ ମି ବିସ୍ତେ ବେସି ଇଞ୍ଜନାକା ମାନାଟ୍; ଇନେସ୍ ଆୟେଡ଼୍, ନାଙ୍ଗ୍ ପକ୍ତାତାକାନ୍ ହାଡ଼ପା, ଆରେ ଆନ୍ ତା ତାକେଣ୍ଡାଂ ଇନା ଇନାକା ଖେଚାଙ୍ଗନା, ହେଦାଂ ଖିଜୁ ପୁତର୍ ତିଂ ଖେଚ୍ଚନାଙ୍ଗା ।”

୨୭ ଜିସୁ ଜେ ଆବା ବିସ୍ତେ ହେଝାରିଂ ଇଞ୍ଜି ମାଚାନ୍, ଇଦାଂ ହେଝାର୍ ବୁଜାଆଝାତାର୍ । ୨୮ ଜିସୁ ଇଚାନ୍, “ଏଚେକାଡ଼ଦ୍ ଏପେଙ୍ଗ୍ ମାନାୟ୍ ମାଜି ଜପି ପେସ୍ନାଦେର୍, ହେ ପାଦ୍ନା ଆନ୍ ଜେ ହେ ମାନାୟ୍ ଆରି ଆନ୍ ନିଜେ ଆଦିକାର୍ ଇନାକା କିଝାଦାଂ ଇତିସ୍

☆ ୮:୧୩ ୮:୧୩ ଜହନ୍ ୫:୩୧.

ଆବା ନାଜେଙ୍ଗ୍ ଇନେସ୍ ହିକ୍ୟା ହିଡ଼ତାନ୍, ହେ ଲାକେ ଇ ଓଁଜୁ କାତା ଜେ ଇଞ୍ଜନାଙ୍ଗା, ଇଦାଂ ଏପେଙ୍ଗ୍ ବୁଜାଆନାଦେର୍ । ୨୯ ନା ପକଡ଼ାତାକାନ୍ ହେଝାନ୍ ନା ଲାହାଙ୍ଗ୍ ମାନାନ୍; ହେଝାନ୍ ନାଜେଙ୍ଗ୍ ରଝାନିଂ ପିସ୍ତ୍ର ହାଞ୍ଜାତାନ୍, ଇନାକିଦେଂକି ତାଦାଙ୍ଗ୍ ଇନାକା ମାନ୍ ହେଦାଂ ଆନ୍ କିନାଙ୍ଗ୍ ।”

୩୦ ଜିସୁତି ଇ ଓଁଜୁ କାତା ଝେନ୍ଝି, ତା ତାକେ ପାତଂ କିତାର୍ ।

ହାଡ଼ପା ମିଜେଙ୍ଗ୍ ମୁକଡ଼ାୟ୍ କିଦନାଡ଼

୩୧ ଲାଗିଂ, ଜିସୁ ତାଜେଙ୍ଗ୍ ପାତଂ କିଜି ମାନି ଜିହୁଦିରିଂ ଇଚାନ୍, “ଜଦି ଏପେଙ୍ଗ୍ ନା ହିକ୍ୟାତ ପାତଂ କିଦନାଦେର୍ ତା ଆତିସ୍, ଲାଗିଂ ଏପେଙ୍ଗ୍ ହାଡ଼ପା ନା ଚେଲା କାଦେର୍, ୩୨ ଆରେ ଏପେଙ୍ଗ୍ ହାଡ଼ପା ପୁନାଦେର୍ ଆରି ହେ ହାଡ଼ପା ମିଜେଙ୍ଗ୍ ମୁକଡ଼ାୟ୍ କିଦନାଡ଼ ।”

୩୩ “ହେଝାର୍ ତାଜେଙ୍ଗ୍ ଉତର୍ ହିତାର୍,” ଆପେଂ ଅବ୍ରାହାମ୍‌ନି ଲାତ୍ରା, ଇନାଝାଡ଼ାଂ ଇନେର୍ ଆଡ଼ିଏନ୍ ଆଝାତାଇନା, “ଲାଗିଂ ଏପେଙ୍ଗ୍ ମୁକଡ଼ା ଆନାଦେର୍ ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ? ଇ ଅରଡ଼ ଇନାକା ?”

୩୪ ଜିସୁ ହେଝାରିଂ ଉତର୍ ହିତାନ୍, “ହାଡ଼ପା ହାଡ଼ପା ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ଇନେର୍‌କି ପାପ୍ କିତାର୍, ହେଝାନ୍ ପାପ୍‌ନି ହଲ୍ୟା । ୩୫ ହଲ୍ୟା ଜାଇଜୁଗ୍ ଇଞ୍ଜି ମାନ୍‌ଗୁନ୍, ମାତର୍ ମାଜି ଜୁଗ୍ ଜୁଗ୍ ମାନ୍‌ଗାନାନ୍ । ୩୬ ଲାଗିଂ, ମାଜି ଜଦି ମିଜେଙ୍ଗ୍ ମୁକଡ଼ାୟ୍ କିଦନାନ୍, ତା ଆତିସ୍ ଏପେଙ୍ଗ୍ ହାଡ଼ପାରଚେ ମୁକଡ଼ା ଆନାଦେର୍ । ୩୭ ଏପେଙ୍ଗ୍ ଜେ ଅବ୍ରାହାମ୍‌ନି ଲାତ୍ରା, ହେଦାଂ ଆନ୍ ପୁନାଙ୍ଗ୍; ମାତର୍ ନା ବଚନ୍ ମି ଝାସ୍ତିତ ହିଲ୍‌ଝିତିଲେ ଏପେଙ୍ଗ୍ ନାଜେଙ୍ଗ୍ ଅସ୍ତେଦେଂ ସେସ୍ତୁ କିଦନାଦେରା । ୩୮ ମାଞ୍ଜି ଆବା ତାକେ ଇନା ଇନାକା ହୁଡ଼ତାଙ୍ଗ୍‌ନା, ହେଦାଂ ଆନ୍ ଇଞ୍ଜନାଙ୍ଗା, ମାତର୍ ମି ଆବା ଇଞ୍ଜିନି ଲାକେ ଏନ୍ କାମାୟ୍ କିନାୟା ।”

ସୟତାନ୍ ମେହି

୩୯ ହେଝାର୍ ତାଜେଙ୍ଗ୍ ଉତର୍ ହିତାର୍, “ଅବ୍ରାହାମ୍ ମା ଆବା ଆଦନାନ୍ ।” ଜିସୁ ହେଝାରିଂ ଇଚାନ୍,

“ଜଦି ଏପେଙ୍ଗ୍ ଅବ୍ରାହାମ୍ ମେହି, ତା ଆତିସ୍ ଲାଗିଂ ଅବ୍ରାହାମ୍‌ତି କାମାୟ୍ କିତା ଦେର୍‌ମା; ୪୦ ମାତର୍ ଇନେର୍ ଇସ୍‌ବର୍ ତାକେଣ୍ଡାଂ ଝେନ୍ଝି ମାନି ହାଡ଼ପା ପିସ୍ତ୍ର ମିଜେଙ୍ଗ୍ ଇଞ୍ଜୁଙ୍ଗା, ଏଲେଙ୍ଗ୍‌ବାତଂ ମାନାୟ୍ ଜେ ଆନ୍, ନାଜେଙ୍ଗ୍ ଏପେଙ୍ଗ୍ ନଙ୍ଗ୍ ଅସ୍ତେଙ୍ଗ୍ ସେସ୍ତୁ କିଦନାଦେରା; ଅବ୍ରାହାମ୍ ଏଲେଙ୍ଗ୍ କାମାୟ୍ କିଝାଦାଂ ମାଚାନ୍ । ୪୧ ଏପେଙ୍ଗ୍ ମି ଆବାତି କାମାୟ୍ ସବୁ କିନାଦେରା ।”

“ହେଝାର୍ ତାଜେଙ୍ଗ୍ ଇଚାର୍, ଆପେଂ ଦାରିତାଂ ଜଲମ୍ ଆଝାତାପ୍‌ନା; ମା ରଝାନ୍ ମତର୍ ଆବା, ହେଝାନ୍ ଇସ୍‌ବର୍ ।”

୪୨ ଜିସୁ ହେଝାରିଂ ଇଚାନ୍, “ଇସ୍‌ବର୍ ଜଦି ହାଡ଼ପା ମି ଆବା, ତାଆତିସ୍ ଏପେଙ୍ଗ୍ ନାଜେଙ୍ଗ୍ ଜିଉ ନଡ଼ତାଦେର୍‌ମା; ଇନାକିଦେଂକି ଆନ୍ ଇସ୍‌ବର୍ ତାକେଣ୍ଡାଂ ଝାତାଙ୍ଗ୍‌ନା; ଆନ୍ ନିଜେ ତାଙ୍ଗ୍ ଝାଝାତାଙ୍ଗ୍‌ନା, ମାତର୍ ହେଝାନ୍ ନାଜେଙ୍ଗ୍ ପକଡ଼ାତାନ୍ । ୪୩ ଆନ୍ ଇନାକା ଇଞ୍ଜନାଙ୍ଗ୍ ଏପେଙ୍ଗ୍ ଇନାକିଦେଂ ବୁଜା ଆଉଦେରା ? ଇନେକିଦେଂକି ଏପେଙ୍ଗ୍ ନା ହିକ୍ୟା ଝେନ୍ଝି ଇଚ୍‌ଦେଂ ଆଡୁଦେରା । ୪୪ ଏପେଙ୍ଗ୍ ମି ଆବା ସୟତାନ୍ ତାଙ୍ଗ୍ ହଡ଼ତାନ୍‌ନା, ଆରେ ମି ଆବାତି କାମାୟ୍ ମାନି କିଦେଙ୍ଗ୍ ମିଜେଙ୍ଗ୍ ମାନ୍ । ହେଝାନ୍ ଆଗେତାଂ ନାଉଅହ୍‌ନାକାନ୍, ଆରେ ହେଝାନ୍ ହାଡ଼ପା ମାନୁନ୍, ଇନାକିଦେଂକି ତା ତାକେ ସଡ଼ ହିଲୁଡ଼ । ହେ ପାଦନା ହେଝାନ୍ ମିଚ୍ ଇନାନ୍, ହେ ପାଦନା ହେଝାନ୍ ଜାର୍‌ତାଂ ଇନାନ୍; ଇନାକିଦେଂକି ହେଝାନ୍ ମିଚ୍‌ଝା ଆରି ମିଚ୍ ଇନି ଆବା । ୪୫ ମାତର୍ ଆନ୍ ହାଡ଼ପା ଇଞ୍ଜିଲେ ଏପେଙ୍ଗ୍ ନାଜେଙ୍ଗ୍ ପାତଂ କିଦୁଦେରା । ୪୬ ନା ତାକେ ପାପ୍

ମାନାଡ଼ ଇଞ୍ଜି ମି ବିଦ୍ରେତାଂ ଇନେର ସାକି ହିନାନା ? ଆନ୍ ଏଚେକାଡ଼ଦ ହାଡ଼ପା ଇନାଙ୍ଗ, ଲାଗିଂ ଏପେଙ୍ଗ ଇନାକିଦେଂ ନାଙ୍ଗେଙ୍ଗ ପାତ କିଦୁଦେରା ? ୪୭ ଇନେର ଇସ୍ବର ତାକେଣ୍ଡାଂ ଜଲମ୍ ଆତାନ୍ନା, ହେଞ୍ଜାନ୍ ଇସ୍ବର ବଚନ୍ ଖେନାନ୍; ଇଦାଂ କାଜିଂ ଏପେଙ୍ଗ ଖେନୁଦେରା, ଇନାକିଦେଂକି ଏପେଙ୍ଗ ଇସ୍ବରତାଂ ଜଲମ୍ ଆଞ୍ଜାତାଦେଣ୍ଡା ।”

ଜିସୁ ଆରେ ଅଗ୍ରାହାମ୍

୪୮ ଜିହୁଦିର୍ ତାଙ୍ଗେଙ୍ଗ ଖେନବାତାର, “ଏନ୍ ଜେ ରଞ୍ଜାୟ ସମିରଣିୟତି ଆରି ନିଙ୍ଗେଙ୍ଗ ଜେ ପୁଦା ତୁଡ଼ତାଡ଼ନା, ଇଦାଂ ଇନାକା ଆପେଂ ସମାନ୍ ଇଞ୍ଜାଦାଂ ମାନ୍ତାପ୍ କି ?”

୪୯ ଜିସୁ ଉତର ହିତାନ୍, “ନାଙ୍ଗେଙ୍ଗ ପୁଦା ତୁଡ଼ତାଡ଼ନା,” ମାତର୍ ଆନ୍ ମାଞ୍ଜି ଆବାଂ ମାନି କିନାଙ୍ଗା, ଆରେ ଏପେଙ୍ଗ ନାଙ୍ଗେଙ୍ଗ ମାନିକିଦୁଦେରା । ୫୦ ମାତର୍ ଆନ୍ ନିଜେ ଜାର୍ତିଂ ଜାଜମାଲ୍ ଦାସ୍ତେଂ କଙ୍ଗ; ମାତର୍ ଇ କାତା ଆନେଂ ଦାହନାଙ୍ଗା ଆରି ବିଚାର୍ କିଜଙ୍ଗା, ଏପେଙ୍ଗ ଆରେ ରଞ୍ଜାନ୍ ମାନ୍କିନାନ୍ ହେଞ୍ଜାନ୍ ଇଞ୍ଜି ମାନାନ୍ । ୫୧ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଜଦି ଇନେର ନା ବଚନ୍ ପାଲି କିନାନ୍, ତା ଆତିସ୍ ହେଞ୍ଜାନ୍ ମୁଡ଼କେ ହାଉନ୍ ।

୫୨ ଜିହୁଦିର୍ ତାଙ୍ଗେଙ୍ଗ ଇଚାର୍, “ନଙ୍ଗ୍ ଆପେଂ ପୁନ୍ତାପ୍ ଜେ, ହାଡ଼ପା ନିଙ୍ଗେଙ୍ଗ ପୁଦା ତୁଡ଼ତାଡ଼ନା, ଅଗ୍ରାହାମ୍ ଆରି ବେଣ୍ବାକ୍‌ଶାୟକିନାକାର୍ ହାତାରେ, ଆରେ ଏନ୍ ମୁଡ଼କେ ହାଉୟି । ୫୩ ଏନ୍ ଇନାକା ମା ଆବା ଅଗ୍ରାହାମ୍ ତାଙ୍ଗ୍ ଗାଜା ? ହେଞ୍ଜାନ୍ ତ ହାତାନେ, ବେଣ୍ବାକ୍‌ଶାୟକିନାକାନ୍ ପା ହାତାନେ, ଏନ୍ ଜାର୍ତିଂ ଇନେର ଇଞ୍ଜି ଇନାୟା ?”

୫୪ ଜିସୁ ଉତର ହିତାନ୍, “ଆନ୍ ଜଦି ଜାର୍ତିଂ ପାଦ୍ କିତାଙ୍ଗମା, ଲାଗିଂ ନା ଜାଜମାଲ୍ ଇନାକା ଆକାୟ; ଇନେର ନାଙ୍ଗ୍ ପାଦ୍ ପାୟା ଆନି କାଜିଂ ନା ଆବା ଇନେରିଂ ଏପେଙ୍ଗ ମି ଇସ୍ବର ଇଞ୍ଜି ଇନାଦେରା; ୫୫ ଏପେଙ୍ଗ ଇନାଞ୍ଜାତାଂ ତାଙ୍ଗେଙ୍ଗ ପୁନୁଦେରା, ଆନ୍ ତାଙ୍ଗେଙ୍ଗ ପୁନାଙ୍ଗ୍ । ଆନ୍ ତାଙ୍ଗେଙ୍ଗ ପୁନୁଙ୍ଗ୍ ଇଞ୍ଜି ଜଦି ଇନାଙ୍ଗ୍, ମି ଲାକେ ଆନ୍ ପା ମିଚ୍‌ଞ୍ଜା ଆନାଙ୍ଗ୍, ମାତର୍ ହାଡ଼ପା ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ ଆରି ତା ବଚନ୍ ପାଲି କିନାଙ୍ଗ୍ । ୫୬ ମିଦାଙ୍ଗ୍ ଆବା ଅଗ୍ରାହାମ୍ ନା ଖାନାକା ହୁଡ଼ଦେଂ ଆଡ଼ଦାନାଂ ଇଞ୍ଜି ଆହା କିଜି ଅଗ୍ରାହାମ୍ ଖାରୟା ଆତାନ୍, ଆରେ ହେଞ୍ଜାନ୍ ହେଦାଂ ହୁଡ଼ଜି ଖାରି କିତାନ୍ ।”

୫୭ ହେବେ ଜିହୁଦିର୍ ତାଙ୍ଗେଙ୍ଗ ଇଚାର୍, “ନିଙ୍ଗ୍ ତ ନଙ୍ଗ୍ ପାତେକ୍ ପରାସ୍ ବାହୁଁ ବୟସ୍ ଆଞ୍ଜାତାଡ଼ନା, ଏନ୍ ଇନାକା ଅଗ୍ରାହାମ୍‌ତି ହୁଡ଼ତାୟନା ?”

୫୮ “ଜିସୁ ହେଞ୍ଜାରିଂ ଇଚାନ୍,” ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, “ଅଗ୍ରାହାମ୍ ଜଲମ୍ ପୁର୍ବେତାଂ ଆନ୍ ମାନାଙ୍ଗ୍ ।”

୫୯ ହେବେ ହେଞ୍ଜାର୍ ତା ଜପି ଇଡ଼ଦେଂ କାଲ୍‌କୁ ପେସ୍ବାର୍, ମାତର୍ ଜିସୁ କାଲେ ମନ୍ଦିରତାଙ୍ଗ୍ ହସି ହାଚାନ୍ ।



ଜଲମ୍ କାଣାଂ ଉଦ୍ କିତାନ୍

୧ ଜିସୁ ହାନି ସମୁତ ର ଜଲମ୍ କାଣାଂ ହୁଡ଼ତାନ୍ । ୨ ଆରେ, ତା ଚେଲାହିର୍ ତାଙ୍ଗେଙ୍ଗ ଖେନବାତାର, “ଏ ଗୁରୁ ଇନେର ପାପ୍ କିତିଲେ ଇଞ୍ଜାନ୍ କାଣା ଆଜି ଜଲମ୍ ଆତାନ୍ ? ନିଜେ କି ଇଞ୍ଜାନ୍ ଆବା ଆୟା ପାପ୍ କାଜିଂ ?”

୩ ଜିସୁ ଉତର ହିତାନ୍, “ଇଞ୍ଜାନ୍ କି ଇଞ୍ଜାନ୍ ଆବା ଆୟା ପାପ୍ କିଞ୍ଜାତାର୍, ମାତର୍ ଇସ୍ବର ସାକ୍ତି କାମାୟ ଇନେସକି ଇଞ୍ଜାନ୍ ତାକେ ହପ୍‌ନାଡ଼, ଇଦାଂ କାଜିଂ କାଣା ଆଜି ଜଲମ୍ ଆତାନ୍ନା । ୪ ଦିନ୍ ମାନ୍ ମାନ୍ ନା ପକ୍‌ତାତାକାନ୍ କାମାୟ କିନାକା ଦାକଡ଼;

ଇମ୍ମାନୁଏଲ୍ ସମ୍ପୂର୍ଣ୍ଣ ଏପେକ୍ଷା ନାଶା ଖାନାତା ଇନେର୍ କାମାୟ୍ କିଦେକ୍ ଆଡୁର୍ । ୫ ଶୁଭ ପୁତ୍ର ତ ମାନି ପାତେକ୍, ଆନ୍ ପୁତ୍ର ନି ଅଜଡ୍ ।”

୬ ଇଦାଂ ଇଞ୍ଜି ହେଖାନ୍ ଚିକ୍ଲିତ ରୁପ୍ତାନ ହେ ଏଞ୍ଜିଡିଂତାଂ ଚିକ୍ଲି କିତାନ୍, ଆରେ ତା ରି କାଣ୍ଟକୁକାଂ ଚିକ୍ଲି କାସ୍ତାନ୍ ଆରି ତାଙ୍ଗେକ୍ ଇଚାନ୍ ହାଲା, ୭ “ସିଲହ ଅନୁବାଦ କିତାନ୍, ଇଦାଂ ଅରଡ୍ ପକ୍ୟାତାକା ବାନ୍ତ ନୁସ୍ୟାୟା ଆ । ହେବେ ହେଖାନ୍ ହସି ହାଲ୍ଲି ନୁସ୍ୟାୟା ଆତାନ୍ । ଆରି କାଣ୍ଟକୁ ହୁଡ୍ଜି ହାଚାନ୍ ।”

୮ ଲାଗିଂ ହାଙ୍ଗ୍ଦାକାର୍, ଆରେ ଇମ୍ମାନୁଏଲ୍ ତାଙ୍ଗେକ୍ ଆଗେତାଂ ରଖାନ୍ ବିକାରି ଇଞ୍ଜି ହୁଡ୍ଜି ମାଚାର୍, ହେଖାନ୍ ଝେନ୍ଦବାତାର୍, “ଇନେନ୍ କୁଚ୍ଚି ବିକ୍ୟା ଏନ୍ଚି ମାଚାନ୍, ଇଞ୍ଜାନ୍ ଇନାକା ହେଖାନ୍ ଆକାୟ୍ ?”

୯ ଇନେ ଇନେର୍ ଇଚାର୍, “ଇଞ୍ଜାନ୍ ହେଖାନ୍, ଆରେ ଇନେ ଇନେର୍ ଇଚାର୍, ଆକାୟ୍, ଇଞ୍ଜାନ୍ ତା ଲାକେ ।”

ମାତର୍ ହେଖାନ୍ ଇଚାନ୍, “ଆନ୍ ହେ ମାନାୟ୍ ।”

୧୦ “ହେବେ ହେଖାନ୍ ତାଙ୍ଗେକ୍ ଇଚାର୍, ତା ଆତିସ୍ ନି କାଣ୍ଟକୁ ଇନେସ୍ ହୁଡ୍ଜାୟ୍ ?”

୧୧ ହେଖାନ୍ ଉତର୍ ହିତାନ୍, “ଇନେରିଂ ଜିସୁ ଇଞ୍ଜି ଇନାର୍, ହେ ମାନାୟ୍ ଚାଟ୍କାୟ୍ କିଜି ନା ରି କାଣ୍ଟକୁକାଂ କାସ୍ତାତାନ୍, ଆରେ ନାଙ୍ଗେକ୍ ଇଚାନ୍, ସିଲହତ ହାଲ୍ଲି ନୁସ୍ୟାୟା; ଲାଗିଂ ଆନ୍ ହସି ହାଲ୍ଲି ନୁସ୍ୟାୟା ଆତାଙ୍ଗ୍ ଆରି କାଣ୍ଟକୁ ହୁଡ୍ଜାଙ୍ଗ୍ ।”

୧୨ “ହେଖାନ୍ ତାଙ୍ଗେକ୍ ଝେନ୍ଦବାତାର୍,” ହେଖାନ୍ ଜେ ?
ହେଖାନ୍ ଇଚାନ୍, “ଆନ୍ ପୁନୁଙ୍ଗ୍ ।”

ପାରୁସିର୍ ଇ କାମାୟ୍ ଦାସ୍ତାର୍

୧୩ ଇନେନ୍ ଜଲମ୍ କାଣା ମାଚାନ୍, ହେଖାନ୍ ତାଙ୍ଗେକ୍ ପାରୁସିର୍ ତାକେ ତାହିଖାତାର୍ । ୧୪ ଜିସୁ ଇମ୍ମାନୁଏଲ୍ ଦିନା ଚାଟ୍କାୟ୍ କିଜି ତା କାଣ୍ଟକୁ ଉଜ୍ କିଜି ମାଚାନ୍, ହେ ଦିନା ଜମିନିବାର୍ । ୧୫ ଲାଗିଂ, ହେଖାନ୍ ଇନେସ୍ କାଣ୍ଟକୁ ହୁଡ୍ଜାନ୍, ଇଦାଂ ପାରୁସିର୍ ପା ତାଙ୍ଗେକ୍ ଆରେ ରଗ ଝେନ୍ଦବେଦେଂ ଲାଗାତାର୍ । ହେବେ ହେଖାନ୍ ହେଖାରିଂ ଇଚାନ୍, “ହେଖାନ୍ ନା କାଣ୍ଟକୁକାଂ ଚିକ୍ଲି କାସ୍ତାତାନ୍, ପାଚେ ଆନ୍ ନୁସ୍ୟାୟା ଆତାଙ୍ଗ୍ ଆରି ହୁଡ୍ଜେଂ ଆଡୁନାଂ ।”

୧୬ ତା ପାଚେ ପାରୁସିର୍ ପା ଇନେ ଇନେର୍ ଇଚାର୍, “ହେ ମାନାୟ୍ ଇସ୍ତର୍ ତାକେ ଖାଖାତାନ୍ନା, ଇନାକିଦେଂକି ହେଖାନ୍ ଜମିନିବାର୍ ପାଲି କିଖାତାନନା ।”

ଆରେ, ଇନେ ଇନେର୍ ଇଚାର୍, “ପାପି ଲଗୁ ଇନେସ୍ ଇ ଲାକେ କାବାଆନି କାମାୟ୍ ସବୁ କିଦେକ୍ ଆଡୁନାନ୍ ?” ଏଲେକ୍ ବାଚେ ହେଖାନ୍ ବିତ୍ରେ ଇନ୍ଦବା ଆତାର୍ ।

୧୭ ଲାଗିଂ ହେଖାନ୍ ଆରେ ରଗ ହେ କାଣା ଲଗାଂ ଝେନ୍ଦବାତାର୍, “ହେଖାନ୍ ଜେ ନି କାଣ୍ଟକୁ ଉଜ୍ କିଡ୍ତାନ୍, ଇବେ ଏନ୍ ତା ବିସ୍ତେ ଇନାକା ଇନାୟ୍ ?”

“ହେଖାନ୍ ଇଚାନ୍,” ହେଖାନ୍ ରଖାନ୍ ବେଶ୍ବାକ୍ଷାୟ୍ କିନାକାନ୍ ।

୧୮ ହେଖାନ୍ ଜେ କାଣା ମାଚାନ୍ ଆରେ କାଣ୍ଟକୁ ହୁଡ୍ଜାନ୍ନା, ହେ କାଣ୍ଟକୁ ପାୟା ଆତି ଲକ୍ ଆବା ଆୟାଂ କୁକ୍ଚି ଝେନ୍ଦବିଞ୍ଚି ପାତେକ୍ ଜିହୁଦ୍ ନେତାର୍ ତା ବିସ୍ତେ ଇଦାଂ ପାତ୍ କିଖାତାର୍ । ୧୯ ହେଖାନ୍ ହେଖାରିଂ ଝେନ୍ଦବାତାର୍, “ମି ଇମ୍ମାନୁଏଲ୍ କାଡ୍ଦେ କାଣା ଆଜି ଜଲମ୍ ଆଜି ମାଚାନ୍ ଇଞ୍ଜି ଇନାଦେରା, ଇଞ୍ଜାନ୍ ଇନାକା ମି ହେ କାଡ୍ଦେ ? ତା ଆତିସ୍ ହେଖାନ୍ ଇନେସ୍ ନଙ୍ଗ୍ ହୁଡ୍ଜେଂ ଆଡୁନାନ୍ ?”

୨୦ ହେବେ ତା ଆବା ଆୟା ଉତର୍ ହିତାର୍, “ଇଞ୍ଜାନ୍ ଜେ ମା ମାଜି ଆରି ଇଞ୍ଜାନ୍ ଜେ କାଣା ଆଜି ଜଲମ୍ ଆଜି ମାଚାନ୍, ଇଦାଂ ଆପେଂ ପୁନାପ୍; ୨୧ ମାତର୍ ହେଖାନ୍ ଇନେସ୍ ନଙ୍ଗ୍ ହୁଡ୍ଜାନ୍ନା, ହେଦାଂ ପୁନୁଦେରା, କି ଇନେର୍ ତା କାଣ୍ଟକୁ ଉଜ୍ କିତାନ୍, ହେଦାଂ ପା ଆପେଂ ପୁନୁପା; ତାଙ୍ଗେକ୍ ଝେନ୍ଦବାଟ୍, ହେଖାନ୍ ତ ବେଣ୍ଡିୟା, ହେଖାନ୍

୫ ୯:୫ ୯:୫ ମାତିର ୫:୧୪; ଜହନ୍ ୮:୧୨.

ଜାର କାତା ନିଜେ ଇନାନ ।” ୨୨ ତା ଆବା ଆୟା ଜିହୁଦିରଠି ପାଣ୍ଡା ଆନି କାଜିଂ ଇ ଖିଜୁ କାତା ଇଚାର, ଇନାକିଦେଂକି ଜଦି ଇନେର୍ ତାଜେଙ୍ଗ୍ କ୍ରିସ୍ ଇଞ୍ଜି ପାତର୍ କିନାନ, ତା ଆତିସ୍ ହେଝାନ କୁଟୁମ୍ ପାଗ୍ରି କିୟାଆନାତ୍ ଇଞ୍ଜି ଇବେଣ୍ଡାଂ ଜିହୁଦିର ର କାତା କିଜି ମାଚାର । ୨୩ ହେଦାଂ କାଜିଂ, ତା ଆବା ଆୟା ଇଚାର, “ହେଝାନ ବେଣ୍ଡିୟା, ତାଜେଙ୍ଗ୍ ଖେନ୍ଦାଟ୍ ।”

୨୪ ହେବେ ଆଗଦ କାଣା ମାଟି ମାନାୟତିଂ ହେଝାର ରିହା କୁକଟି ଇଚାର, ଇସ୍ବରତିଂ ପାଦ୍ ହିୟାଟ୍, “ହେ ମାନାୟ ଜେ ପାପି, ଇଦାଂ ଆପେଂ ପୁନାପ୍ ।”

୨୫ “ହେବେ ହେଝାନ ଉତର୍ ହିତାନ,” ହେଝାନ ପାପି କି ଆକାୟ, “ଆନ୍ ହେଦାଂ ପୁନୁଙ୍ଗ୍; ଆନ୍ ର ବିସ୍ତେ ପୁନାଙ୍ଗ୍, ଆନ୍ କାଣା ମାଚାଙ୍ଗ୍, ନଙ୍ଗ୍ ହୁଡ୍ଦେଂ ଆଡ୍ନାଂ ।”

୨୬ “ଲାଗିଂ ହେଝାର୍ ତାଜେଙ୍ଗ୍ ଇଚାର, ହେଝାନ ନିଜେଙ୍ଗ୍ ଇନାକା କିଡ୍ତାନ ? ହେଝାନ ଇନେସ୍ କିଜି ନି କାଣ୍ଟକୁ ଉଜ୍ କିଡ୍ତାନ ?”

୨୭ “ହେଝାନ ହେଝାରିଂ ଉତର୍ ହିତାର,” ଆନ୍ ଖେଚ୍ଚତାଂ, “ଆରେ ଏପେଙ୍ଗ୍ ଖେନ୍ଦାଝାତାଦେର୍; ଇନାକିଦେଂ ଆରେ ରଗ ଖେଞ୍ଜେଙ୍ଗ୍ ମାନକିନାଦେରା ? ଏପେଙ୍ଗ୍ ପା ଇନାକା ତା ଚେଲାହିର୍ ଆପେଂ ମାନ୍ କିନାଦେରା ?”

୨୮ ହେବେ ହେଝାର୍ ତାଜେଙ୍ଗ୍ ବାଗ୍ ଇଡ୍ଡିଜି ଇଚାର, “ଏନ୍ ହେଝାଡ୍ଡି ଚେଲା, ମାତର୍ ଆପେଂ ମସା ଚେଲାକାପ୍ । ୨୯ ଆପେଂ ପୁନାପ୍ ଜେ ଇସ୍ବର୍ ମସାଙ୍ଗ୍ କାତା ଇଚାନା, ମାତର୍ ଇ ମାନାୟ ଇମେଣ୍ଡାଂ ଝାତାନନା, ହେଦାଂ ପା ଆପେଂ ପୁନୁପ୍ ।”

୩୦ ହେ ମାନାୟ ହେଝାରିଂ ଉତର୍ ହିତାନ, “ହେଝାନ ନା କାଣ୍ଟକୁ ଉଜ୍ କିଡ୍ତାନ, ଆରେ ହେଝାନ ଇମେଣ୍ଡାଂ ଝାତାନା, ହେଦାଂ ଏପେଙ୍ଗ୍ ପୁନୁଦେର୍, ଇଦାଂ ତ କାବାଆନି କାତା । ୩୧ ଇସ୍ବର୍ ଜେ ପାପିର୍ କାତା ଖେନ୍ନୁନ୍, ଇଦାଂ ଆପେଂ ପୁନାପ୍, ମାତର୍ ଜଦି ଇନେର୍ ଇସ୍ବର୍ ହେବା କିନାକାନ୍ ଆଜି ତା ଇଚା ମାନି କିନାନ, ତା ଆତିସ୍ ହେଝାନ ତା କାତା ଖେନାର । ୩୨ ଆରମ୍ ସମୁତାଂ ଇନେନ୍ ଜଲମ୍ କାଣା କାଣ୍ଟକୁ ଉଜ୍ କିଜି ମାଚାନ୍, ଇଦାଂ ତ ଇନାଝାଡ୍ତାଂ ପା ଖେନ୍ୟା ଆଝାଦାଂ ମାଚାତ୍ । ୩୩ ଇଝାନ ମାନାୟ ଇସ୍ବର୍ ତାକେଣ୍ଡାଂ ଝାଝାଦାଙ୍ଗ୍ ମାଟିସ୍ ଲାଗିଂ ଇ କାମାୟ କିଦେଙ୍ଗ୍ ଆଡ୍ଝାତାନମା ।”

୩୪ ହେଝାର୍ ତାଜେଙ୍ଗ୍ ଉତର୍ ହିତାର, “ଏନ୍ ତ ନିଜେ ପାପ୍ତ ଜଲମ୍ ଆତାୟ, ଆରେ ପାପ୍ତ ଗାଜା ଆତାୟ ଏନ୍ ମାଜେଙ୍ଗ୍ ହିକ୍ୟା ହିଦନାୟା ?” ହେବେ ହେଝାର୍ ତାଜେଙ୍ଗ୍ ବାରି କିଚାର ।

ଜିରୁନ୍ କାଣ୍ଟକୁ ହୁଡ୍ଝାକା

୩୫ ହେଝାର୍ ଜେ ତାଜେଙ୍ଗ୍ ଗୁଡି ଇଞ୍ଜାଙ୍ଗ୍ ବାରି କିଚାର ଇଞ୍ଜି, ଜିସୁ ଇଦାଂ ଖେନ୍ଞି ତାଜେଙ୍ଗ୍ ବେଟା ଆଜି ଇଚାନ, “ଏନ୍ ଇନାକା ମାନାୟ ମାଜିଡାକେଣ୍ଡାଙ୍ଗ୍ ପାତର୍ କିନାୟା ?”

୩୬ ହେଝାନ ଉତର୍ ହିତାନ, “ଏ ମାପୁ, ହେଝାନ ଇନେନ୍ ଖେଚ୍ଚତା, ଇନେସ୍ ଆନ୍ ତା ତାକେ ପାତର୍ କିନାଙ୍ଗ୍ ?”

୩୭ ଜିସୁ ତାଜେଙ୍ଗ୍ ଇଚାନ, “ଏନ୍ ତାଜେଙ୍ଗ୍ ହୁଡ୍ନାୟା, ଆରେ ଇନେନ୍ ନି ଲାହାଙ୍ଗ୍ ବେଣ୍ ଇନାନ୍ନା, ଇଝାନ ହେଝାନ ।”

୩୮ “ହେବେ ହେଝାନ ଇଚାନ,” ମାପୁ ଆନ୍ ପାତର୍ କିନାଙ୍ଗା; ଆରେ, ହେଝାନ ତାଜେଙ୍ଗ୍ ଜଝାର୍ କିଚାନ ।

୩୯ ଆରେ ଜିସୁ ଇଚାନ, ହୁଡ୍ଝି “ମାନାୟାର ଇନେସ୍ ହୁଡ୍ନାର୍ ଆରି ହୁଡ୍ନି ମାନାୟାର ଇନେସ୍କି ହୁଡ୍ରୁ, ଇ ବିଚାର୍ କାଜିଂ ଆନ୍ ପୁତର୍ ତ ଜଗତ୍ତ ଝାତାଙ୍ଗନା ।”

୪୦ ପାରୁସିର୍ ବିତ୍ରେ ଇମ୍ଘାକାର୍ ତା ଲାହାଙ୍ଗ୍ ମାଚାର, “ହେଝାର୍ ଇଦାଂ ଖେନ୍ଞି ତାଜେଙ୍ଗ୍ ଇଚାର, ଆପେଂ ପା ଇନାକା କାଣା ?”

୪୧ ଜିସୁ ହେୱାରିଂ ଇଚାନ, ଜଦି “କାଣା ଆଜି ମାଟିସ, ତା ଆତିସ ଏପେଙ୍ଗ ପାପ୍ ଆତାମ୍ବା । ମାତର୍ ଆପେଂ ହୁଡ୍‌ନାପା, ଇଦାଂ ନଙ୍ଗ ଇନାଦେରା; ଏପେଙ୍ଗ ପାପ୍‌ତ ମାନାଦେର୍ ।”

୧୦

ମେଣ୍ଡା ଗଡ଼ିୟାନ୍ତି କାତା

୧ ହାଡ଼ପା ହାଡ଼ପା, “ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇନେର୍ ଦୁଝେର୍‌ତିଂ ମେଣ୍ଡାହାଡ଼ା ତାକେ ହଣ୍ଡାଗିଞ୍ଜିତିସ, ମତର୍ ବିନେ ଇମଣି ହାଜି ଦୁମଜି ହଣାନ୍, ହେୱାନ୍ ଚର୍ ଆରି ତାକୁ; ୨ ଇନେନ୍ ଦୁଝେର୍‌ତିଂ ହଣାନ୍, ହେୱାନ୍ ମେଣ୍ଡାଙ୍ଗି ଗଡ଼ିୟା । ୩ ହଲ୍ୟାହି ତା କାଜିଂ ଦୁଝେର୍ ଜେସି ହିନାନ୍, ପାଚେ ମେଣ୍ଡାଂ ତା କାଟ୍ ଝେନ୍‌ଞ୍ଜି, ଆରେ ହେୱାନ୍ ତା ମେଣ୍ଡାକାଂ ତର୍ ଆଜି କୁକ୍‌ତି ବାର୍ତ୍ତ ହପ୍‌ତି ତାଇ ଖାନାନ୍ । ୪ ହେୱାନ୍ ତା ମେଣ୍ଡାଂ ଝିଜୁ ହପ୍‌ତି ହେୱାକାଂ ଆଗେ ଆଗେ ମେଣ୍ଡା ଗଡ଼ିୟା ତାଙ୍ଗନାନ୍ ଆରି ମେଣ୍ଡାଂ ତା ପାଚେ ପାଚେ ତାଙ୍ଗନିକ୍, ଇନାକିଦେଂକି ହେୱାଙ୍ଗ୍ ତା କାଟ୍ ପୁନିକ୍; ୫ ମାତର୍ ହେୱାଙ୍ଗ୍ ଚିନ୍‌ହିଲ୍‌ଖାକାର୍ ପାଚେ ପାଚେ ଇନାଖାଡ଼ାଂ ପା ହାଲୁକ୍, ମତର୍ ତା ଲାଗାଂତିଂ ହନ୍‌ତି ହାନିକ୍, ଇନାକିଦେଂକି ହେୱାଙ୍ଗ୍ ଚିନ୍‌ହିଲ୍‌ଖାକାର୍ କାଟ୍ ଆଣ୍‌ଗା ଆଉକ୍ ।”

୬ ଜିସୁ ହେୱାରିଂ ଇ ଉତର୍‌ମୁଡ୍ ଇଚାନ, ମାତର୍ ହେୱାନ୍ ହେୱାରିଂ ଇନା ଇନାକା ଇଞ୍ଜି ମାଚାର୍, ହେ ସବୁ ଇନାକା ଇଞ୍ଜି ହେୱାର୍ ବୁଜା ଆଖାତାର୍ ।

ହାଦ୍ ମେଣ୍ଡା ଗଡ଼ିୟା ଇସ୍‌ର୍

୭ ଲାଗିଂ ଜିସୁ ଆରେ ରଗ ଇଚାନ, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଆନ୍ ମେଣ୍ଡାଂ ଦୁଝେର୍ । ୮ ଇମଣାକାର୍ ନା ଆଗେ ଖାନାରା, ହେୱାର୍ ଝିଜାର୍ ଚର୍ଣ୍ଣୁ ଆରି ତାକୁର୍, ମାତର୍ ମେଣ୍ଡାଂ ଝିଜୁ ହେୱାର୍ କାତା ଝେନ୍‌କ୍ । ୯ ନା ଦୁଝେର୍, ଜଦି ଇନେର୍ ନାଙ୍ଗ୍ ହିଜି ହଣାର୍, ତା ଆତିସ ହେୱାନ୍ ରାକ୍ୟା ପାୟା ଆନାନ୍ ଆରି ବିତ୍ତେ ଖାଜି ଆରି ବାର୍ତ୍ତ ହାଲୁଜି ଚାରା ଗାଟା ଆନାନ୍ । ୧୦ ଚର୍ କେବଲ୍ ଖାନାନ୍ ଚର୍ କିଦେଙ୍ଗ୍, ଅସ୍ତେଙ୍ଗ୍ ଆରି ନସ୍ କିନି କାଜିଂ; ହେୱାର୍ ଇନେସ୍‌କି ଜିବୁନ୍ ପାୟା ଆନାର୍ ଆରି ବେସି ପାୟା ଆନାର୍, ଇଦାଂ କାଜିଂ ଆନ୍ ଖାତାଙ୍ଗନା ।”

୧୧ “ଆନ୍ ହାଦ୍ ମେଣ୍ଡା ଗଡ଼ିୟା ଆନାଙ୍ଗ୍; ମେଣ୍ଡାଂ କାଜିଂ ଆନ୍ ଜିବୁନ୍ ହିନାଙ୍ଗ୍ । ୧୨ ଇନେନ୍ ମେଣ୍ଡା ଗଡ଼ିୟା ଆକାୟ୍, ମତର୍ କାମ୍‌ଲିୟା, ମେଣ୍ଡାଂ ଇମ୍‌ଣିକିଙ୍ଗ୍ ନିଜାର୍‌ତି ଆକାୟ୍, ହେୱାନ୍ ହୁଣ୍ଡେର୍‌ରୁର୍‌କା ଖାନାକା ହୁଡ୍‌ଜି ମେଣ୍ଡାକାଂ ପିସି ହନ୍‌ନାନ୍, ଆରେ ହୁଣ୍ଡାର୍ ବୁର୍‌କା ହେୱାକାଂ ଆସି ଚିର୍‌ବିର୍ କିନିକ୍ । ୧୩ ଆଦି ଅଜି ମେଣ୍ଡାଂ କାଜିଂ ମାନାନ୍ ହେୱାନ୍ ହାନାନ୍, ଇନାକିଦେଂକି ହେୱାନ୍ ରଖାନ୍ କାମ୍‌ଲିୟା ମତର୍ ମେଣ୍ଡାଂ କାଜିଂ ଚିନ୍ତା କିଉନ୍ । ୧୪ ଆନ୍ ହାଦ୍ ମେଣ୍ଡା ଗଡ଼ିୟା । ଆବା ଇନେସ୍‌କି ନାଙ୍ଗେଙ୍ଗ୍ ପୁଞ୍ଜନାନ୍ ଆରି ଆନ୍ ଆବାଂ ପୁନାଙ୍ଗ୍, ୧୫ ଆନ୍ ହେ ଲାକେ ପୁନାଙ୍ଗ୍ ଆନ୍ ନା ଜାର୍ ମେଣ୍ଡାକାଂ ପୁନାଙ୍ଗ୍, ଆରେ ହେୱାନ୍ ନା ଜାର୍‌ତି ମେଣ୍ଡାଂ ନାଙ୍ଗେଙ୍ଗ୍ ପୁଞ୍ଜନିକ୍, ଆରେ ମେଣ୍ଡାଂ କାଜିଂ ଆନ୍ ନା ଜିବୁନ୍ ହିଦେଂ ରେଡି । ୧୬ ଇମ୍‌ଣି ମେଣ୍ଡାଂ ଇ ମେଣ୍ଡାହାଡ଼ାତ ଆକାୟ୍, ନା ଏଲେଙ୍ଗ୍ ଆଲଗା ମେଣ୍ଡାଂ ମାନିକ୍, ହେୱାକାଂ ପା ନାଙ୍ଗ୍ ତାହିଝାଦେଂ ଆନାଡ୍, ଆରେ ହେୱାଙ୍ଗ୍ ନା କାଟ୍ ଝେଞ୍ଜିନିକ୍; ହେବେ ର ଦାଡ୍ ଆରି ର ମାୟା ଆନିକ୍ ।”

୧୭ “ଆନ୍ ନା ଜିବୁନ୍ ଦାନ୍ କିନାଙ୍ଗ୍ ମାନ୍ କିନାଙ୍ଗା ଆବା ନାଙ୍ଗେଙ୍ଗ୍ ଜିଉନନାନ୍, ଆରେ ଆନ୍ ନା ଜିବୁନ୍ ଆରେ ରଗ ମାନିକିନି କାଜିଂ ହେଦାଂ ଦାନ୍ କିଡ୍‌ତାନ୍ । ୧୮ ଇନେର୍ ନା ତାକେଣ୍ଡାଂ ହେଦାଂ ଅଦେଂ ଆଡୁର୍, ମତର୍ ଆନ୍ ନିଜେ ହେଦାଂ ଦାନ୍ କିନାଙ୍ଗ୍ । ହେଦାଂ ଦାନ୍ କିଦେଙ୍ଗ୍ ନା ଆଦିକାର୍ ମାନାଡ୍ ଆରି ହେଦାଂ ଆରେ ରଗ

ମାନି କିଦେଈ ନା ଆଦିକାର୍ ମାନାତ୍ । ଆନ୍ ମାଞ୍ଜି ଆବାତାଂ ଇ ବଲ୍ ପାୟା ଆତାଈନା ।”

୧୯ ଇ ଝିଜୁ ବେଣ୍ କାଜିଂ ଜିହୁଦିର୍ ବିତ୍ରେ ଆରେ ରଗ ପାଗ୍ରି କିତାର୍ । ୨୦ ହେଝାର୍ ବିତ୍ରେ ହେନି ଇଞ୍ଜେଈ ଲାଗାତାର୍, “ତାଈଈଈ ପୁଦା ତୁତାତନା, ହେଝାନ୍ ପାଗ୍ରିଲା, ଇନାକିଦେଂ ତା କାତା ଝେନାଦେରା ?”

୨୧ ବିନେନିକାର୍ ଇତାର୍, “ଇ ଝିଜୁ କାତା ତ ପୁଦା ତୁୟାଆତି ମାନାୟତିଂ ଆକାୟ୍; ପୁଦା ଇନାକା କାଶାଂ କାଶିଈ ଉଜ୍ କିଦେଈ ଆତ୍ନାନ ?”

ଜିସୁଈ ମାନି କିଝାତାର୍

୨୨ ହେ ସମୁ ପିନିମାସ୍ ମାଚାତ୍, ହେଝାତାଂ ଜିରୁସାଲମ୍ ତ ମନ୍ଦିର୍ ରବ୍ନି ପାର୍ବୁ ଆତାତ୍; ୨୩ ଆରେ ଜିସୁ ମନ୍ଦିରତ ସଲମନ୍ ମଣ୍ଡମ୍ତ ବୁଲାଆଜି ମାଚାର୍ । ୨୪ ହେବେ ଜିହୁଦିର୍ ତାଈଈଈ ଚାରିବେଣ୍ତାଂ ବେଡ଼ିକିଜି ଝାସ୍ମିନି କାତା ଝେନ୍ବେଦେଂ ଲାଗାତାର୍, “ଆରେ ଏଚେକାତ୍ତଦ୍ ଦିନ୍ ମାଈଈଈ ହାବଡ଼ତ ଇଡ଼ଦାନାୟ୍ ? ଜଦି ଏନ୍ କ୍ରିସ୍ଟୁ ତା ଆତିସ୍ ମାଈଈଈ ହାର୍ କିଜି ଝେଚ୍ଚରା ।”

୨୫ ଜିସୁ ହେଝାରିଂ ଉତର୍ ହିତାନ୍, ଆନ୍ ମିଈଈଈଈ ଇଞ୍ଜନାଈ, ମାତର୍ ଏପେଈ ପାତ୍ କିଉଦେରା; ମା ଆବା ତର୍ଦାଂ ଆଦିକାର୍ ପାୟା ଆତାଈନା ଆନ୍ ଇମ୍ଣି ଇମ୍ଣି କାମାୟ୍ କିନାଈ, ହେ ସବୁ ନା ବିସ୍ତେ ସାକି ହିନାଈ; ୨୬ ମାତର୍ ଏପେଈ ପାତ୍ କିଉଦେରା, ଇନାକିଦେଂକି ଏପେଈ ନା ମେଣ୍ଡାଂ ଆକାୟ୍ । ୨୭ ନା ମେଣ୍ଡାଂ ଝିଜୁ ନା କାଟ୍ ଝେନିକ୍ ଆରି ଆନ୍ ହେଝାକାଂ ପୁନାଈ, ଆରେ ହେଝାଈ ନା ପାଚେ ପାଚେ ଝାନିକ୍, ୨୮ ଆରେ ଆନ୍ ହେଝାକାଂ ଝିଜ୍ଝି ଜିହୁନ୍ ହିନାଈ, ଆରେ ହେଝାଈ ଇନାଝାତାଂ ପା ବୁଡାଆଉକ୍, ଆରେ ଇନେର୍ ନା କେଇତାଂ ହେଝାକାଂ କ୍ରିସ୍ତି ଅଦେଂ ଆତୁର୍ । ୨୯ ମା ଆବା ନାଈଈଈଈ ଇନାକା ହିତନ୍ନା, ହେଦାଂ ସବୁ ତାକେଣ୍ଡାଂ ବେସି ଦାମ୍, ଆରେ ଆବା କେଇଦାଂ ଇନେର୍ ହେଦାଂ କ୍ରିସ୍ତି ଅଦେଂ ଆତୁର୍ । ୩୦ ଆବା ଆରି ଆନ୍ ଏକ୍ ।

୩୧ ଇ କାତା ଝେନ୍ଞି ଆରେ ଜିହୁଦିର୍ ତାଈଈଈଈ ଇଡ଼ଦେଂ କାଜିଂ ଆରେ ରଗ କାଲ୍କୁ ପେସ୍ତାର୍ । ୩୨ ଜିସୁ ହେଝାରିଂ ଉତର୍ ହିତାନ୍, “ଆନ୍ ଆବା ତାକେଣ୍ଡାଂ ବେସି ହାଦ୍ କାମାୟ୍ ମିଈଈଈଈ ଚର୍ଚାତାଂନା; ହେ ସବୁ କାମାୟ୍ ବିତ୍ରେ ଇମ୍ଣି କାମାୟ୍ କାଜିଂ ନାଈ ଅସ୍ତେଦେଂ କାଲ୍କୁ ଡେକନାଦେରା ?” ୩୩ ଜିହୁଦିର୍ ତାଈଈଈଈ ଉତର୍ ହିତାର୍, “ହାଦ୍ କାମାୟ୍ କାଜିଂ ଆପେଂ ନିଈଈଈଈ କାଲ୍ ଇଡ଼ଦୁପା, ମାତର୍ ଇସ୍ପର୍ତିଂ ନିୟା କାଜିଂ, ଆରେ ଏନ୍ ମାନାୟ୍ ଆଜି ଜାର୍ତିଂ ଇସ୍ପର୍ ବଲାୟ୍ଆନାୟା ।”

୩୪ ଜିସୁ ହେଝାରିଂ ଉତର୍ ହିତାନ୍, “ମି ମସାତି ବିଦିତ ଇଦାଂ ଇନାକା ଲେକା ହିଲୁଡ୍, ଇସ୍ପର୍ ଇଚାନ୍, ଏପେଈ ଇସ୍ପର୍ ? ୩୫ ଆପେଂ ପୁନାପ୍ ସାସ୍ପର୍ ବଚନ୍ ଜୁଗ୍ ଜୁଗ୍ ହାତ୍ପା । ଇସ୍ପର୍ତି ବେରଣ୍ ଇମ୍ଣାକାର୍ ତାକେ ହତାତନା, ହେଝାରିଂ ଇବେ ଇସ୍ପର୍ ଇଚାନ୍ନା । ୩୬ ତା ଆତିସ୍ ଇନେରିଂ ଇସ୍ପର୍ ପୁଇପୁୟା କିଜି ପୁତ୍ ତ ପକ୍ତାନ୍, ତାଈଈଈଈ ଇନାକା ଏପେଈ, ଆନ୍ ଇସ୍ପର୍ତି ମାଜି, ଇଦାଂ ଆନ୍ ଇଞ୍ଜିଲେ, ଏନ୍ ଇସ୍ପର୍ତିଂ ନିୟା କିନାୟା ଇଞ୍ଜି ଇନାଦେରା ? ୩୭ ଜଦି ଆନ୍ ମାଞ୍ଜି ଆବାତି କାମାୟ୍ ସବୁ କିଝିତିସ୍, ତାଆତିସ୍ ନାଈଈଈଈ ପାତ୍ କିଦ୍ମାଟ୍; ୩୮ ମାତର୍ ଜଦି ଆନ୍ ତା ଇଚା ମାନି କିନାଈ, ତା ଆତିସ୍ ପାତ୍ କିଝିତିସ୍ ପା, ନା କାମାୟ୍ ହୁଡ଼ଜି ପାତ୍ କିୟାଟ୍ ଲାଗିଂ ଏପେଈ ହାତ୍ପା ବାବ୍ରେ ପୁଞ୍ଜେଈ ଆତ୍ନାଦେର୍, ନା ଆବା ଇସ୍ପର୍ ନା ତାକେ ମାନାନ୍ ।”

୩୯ ହେବେଣ୍ଡାଂ ହେଝାର୍ ତାଈଈଈଈ ଆସ୍ତେଈ ଇଞ୍ଜି ଆରେ ରଗ ସେସ୍ଟା କିଦେଈଈ ଲାଗାତାର୍, ମାତର୍ ହେଝାନ୍ ହେଝାର୍ କେଇଦ୍ ଆହ୍ଯା ଆଝାଦାଂ ହସି ହାଚାନ୍ ।

୪୦ *ଇଦାଂ ପାଚେ ଇସ୍‌ବର ଆରେ ରଗ ଜର୍ଦନନି ଆନ୍ତି ପାଡ଼କା ହାଲ୍‌ଜି, ଜହନ୍ ଇମ୍‌ଣି ବାହାତ ହିଗ୍‌ଦ ବାପ୍‌ସିମ୍ ହିଜି ମାଚାନ୍, ହେ ବାହାତ ହାଲ୍‌ଜି ହେବେ ମାନ୍‌ଗାତାନ୍ । ୪୧ ଆରେ, ହେନି ତା ତାକେ ଖାଜି ଇଚାର, “ଜହନ୍ ହିନା ଇନାକାପା କାବାଆନି କାମାୟ୍ କିଞ୍ଜାତାନ୍,” ମାତର୍ ଇ ମୁଣିକା ବିସ୍ତେ ଜହନ୍ ଜେ ଖିଜୁ କାତା ଇଚାନ୍, “ହେଦାଂ ସବୁ ହାଡ଼ପା ।” ୪୨ ଆରେ, ହେ ବାହାତ ହେନି ମାନାୟ୍‌ର୍ ତା ତାକେ ପାଚି କିଚାର ।

୧୧

ଲାଜାରତି ହାକି

୧ *ବେତ୍‌ନିୟା ନିକାନ୍ ଲାଜାର୍ ତର୍‌ଦାକାନ୍ ରଖାନ୍ ମାନାୟ୍ ବେମାର୍ ମାଚାନ୍; ମରିୟମ୍ ଆରି ତା ତଣ୍‌ଦେହି ମାର୍ତ୍ତା ହେ ନାସ୍ତ ମାଚିକ୍ । ୨ *ଇ ମରିୟମ୍ ମାପୁଙ୍ଗ୍ କାଲ୍ ଜପି ବାସନା ଚିକାଣ୍‌ତାଂ ନେନ୍‌ଦି ତା ତେମୁଲ୍‌ତାଂ ତା ପାନା ନୁଜ୍‌ଜି ମାଚାତ ତା ଚଣ୍ଡାହି ଲାଜାର୍ ବେମାର୍ ମାଚାନ୍, ୩ ଲାଗିଂ ହେ ତଣ୍‌ଦେକ୍ ତା ତାକେ କାରୁର୍ ପକ୍ତିକ୍, “ମାପୁ, ହୁଡ଼ା, ଇନେରିଂ ଏନ୍ ଖାରି କିନାୟା, ହେଖାନ୍ ବେମାର୍‌ତ ମାନାନ୍ ।”

୪ ଇ କାରୁର୍ ଜିସୁ ଖେନଞ୍ଜି ଇଚାନ୍, “ଇ ରଗ୍‌ତ ଲାଜାର୍ ହାଉନ୍, ମାତର୍ ମାପୁତି ଜାଜ୍‌ମାଲ୍ କାଜିଂ, ଇନେସ୍‌କି ଇ ଲାକେ ଇସ୍‌ବର୍ ମାଜି ଜାଜ୍‌ମାଲ୍ ପାୟା ଆନାର୍ ।”

୫ ଜିସୁ ମାର୍ତ୍ତା, ମରିୟମ୍ ତା ତଣ୍‌ଦେହି ଆରେ ଲାଜାର୍‌ତିଂ ଜିଉ ନଜି ମାଚାନ୍ । ୬ ଆତିସ୍‌ପା, ଲାଜାର୍ ବେମାର୍‌ତ ମାନାନ୍ ଇଞ୍ଜି ଏଚେକାଡ଼୍‌ଦ ହେଖାନ୍ ଖେଚାନ୍, ହେ ପାଦନା ହେଖାନ୍ ଇମ୍‌ଣି ବାହାତ ମାଚାନ୍, ହେ ବାହାତ ଆରେ ରି ଦିନ୍ ମାଚାନ୍ । ୭ ତା ପାଚେ ଜିସୁ ଚେଲାରିଂ ଇଚାନ୍, “ଜାତ ଆସେଙ୍ଗ୍ ଆରେ ରଗ ଜିହୁଦା ଦେସ୍‌ତ ମାସ୍‌ଦି ହାନାସ୍ ।”

୮ ଚେଲାର୍ ଜିସୁଙ୍ଗ୍ ଇଚାର, “ଏ ଗୁରୁ,” ଜିହୁଦିର୍ ନିଙ୍ଗେଙ୍ଗ୍ କେଡ଼ଦିନ୍ ଆଗେ ଇଡ଼କାଦେଂ ସେସ୍ଟା କିଜି ମାନ୍‌ଚାର, “ଆରେ ଏନ୍ ଆରି ରଗ ହେବେ ହାନାୟା ?”

୯ ଜିସୁ ଉତର୍ ହିଚାନ୍, “ଖେଡ଼ାଲିଂ ଇନାକା ବାର ଗଣ୍ଟା ଆକାୟ୍ ? ଇନେର୍ ଖେଡ଼ାଲିଂ ତାଙ୍ଗ୍‌ତିସ୍ ଉଜ୍‌ର, ଇନାକିଦେଂକି ହେଖାନ୍ ଇ ପୁର୍‌ତି ଅଜଡ଼୍ ହୁଡ଼ନାନ୍; ୧୦ ମାତର୍ ନାଶା ତାଙ୍ଗ୍‌ତିସ୍ ହେଖାନ୍ ଉଜ୍‌ନାନ୍, ଇନାକିଦେଂକି ଖାସ୍‌ତି ଅଜଡ଼୍ ହିଲୁଡ଼ ।” ୧୧ ଜିସୁ ଇ ଖିଜୁ କାତା ଇଚି ପାଚେ ହେଖାରିଂ ଆରେ ଇଚାନ୍, “ମା ବୟ୍ ଲାଜାର୍ ହୁଞ୍ଜନାନା, ମାତର୍ ତାଙ୍ଗ୍ ହୁନ୍‌ଚାକାନିଂ ନିକ୍‌ନି କାଜିଂ ଆନ୍ ହାନାଙ୍ଗା ।”

୧୨ ହେବେତାଂ ଚେଲାହିର୍ ତାଙ୍ଗ୍ ଇଞ୍ଜି ମାଚାର୍, ମାପୁ, “ଜଦି ହେଖାନ୍ ହୁନ୍‌ଚାନ୍‌ନା ତା ଆତିସ୍ ହେଖାନ୍ ଉଜ୍ ଆନାନ୍ ।”

୧୩ ଜିସୁ ଲାଜାର୍ ହାତି ବିସ୍ତେ ଇଚାନ୍, ମାତର୍ ହେଖାନ୍ ହୁନ୍‌ଞ୍ଜିନି ବିସ୍ତେ ଇଚାନ୍ ଇଞ୍ଜି ହେଖାର୍ ବାବିକିଚାର । ୧୪ ହେଦାଂ କାଜିଂ ଜିସୁ ହେ ପାଦନା ହେଖାରିଂ ହାରଦାଂ ଇଚାନ୍, “ଲାଜାର୍ ହାତାନ୍‌ନା; ୧୫ ଆରେ, ଆନ୍ ଜେ ହେବାତ ହିଲ୍‌ଖିତିସ୍, ଇଦାଂ ଲାଗିଂ ମି କାଜିଂ ଖାରି କିନାଙ୍ଗା, ଇନେସ୍‌କି ଏପେଙ୍ଗ୍ ପାଚି କିନାଦେର୍; ମାତର୍ ଜାତୁ, ଆସେଙ୍ଗ୍ ତା କଚଣ୍ ହାନାସ୍ ।”

୧୬ ହେବେତାଂ ତମା, ଇନେରିଂ ଦିଦୁମ୍ ଇଞ୍ଜି ଇନାର୍, ହେଖାନ୍ ଜାର୍ ହାଙ୍ଗ୍ ଚେଲାହିରିଂ ଇଚାନ୍, “ଜାତୁ ଆସେଙ୍ଗ୍ ପା ଗୁରୁ ଲାହାଙ୍ଗ୍ ହାଲ୍‌ଜି ତା ଲାହାଂ ହାନାସ୍ ।”

ଜିସୁ ଆରେ ରଗ ନିଙ୍ଗି ଜିନାନ୍

୧୭ ଜିସୁ ବେତ୍‌ନିୟାତ ଏକିସ୍ ଖେଚାନ୍ ଜେ, ହେଖାନ୍ ଦୁଗେର୍‌ତ ଇଡ଼ଜି ଚାରି ଦିନ୍ ଆତାଡ଼ ଦୁଗେର୍‌ତ ଇଟ୍ୟା ଆତାନେ । ୧୮ ବେତ୍‌ନିୟା ଜିରୁସାଲମ୍ କଚଣ୍‌ତ ମାଚାଡ଼,

* ୧୦:୪୦ ୧୦:୪୦ ଜହନ୍ ୧:୨୮. * ୧୧:୧ ୧୧:୧ ଲୁକ ୧୦:୩୮, ୩୯. * ୧୧:୨ ୧୧:୨ ଜହନ୍ ୧୨:୩.

ଆନୁମାନତାଂ ତିନି କିଲମିଟର ଦେହା; ୧୯ ଆରେ, ଜିହ୍ୱଦି ଦେସ୍ନି ହେନି ମାନାୟ ବିତ୍ତେ ମାର୍ତ୍ତା ଆରି ମରିୟମ୍ତିଂ ହେଞ୍ଜାରତି ଟଣ୍ଡେନ୍ ବିସ୍ତେ ଦୁକ୍ତାଣାଣ କିଦେଞ୍ଜ କାଜିଂ ହେଞ୍ଜାର କଚଣ୍ ଖାଜି ମାଚାର ।

୨୦ ହେବେତାଂ ଜିସୁ ଖାନାନା ଇଞ୍ଜି ଏଚେକାଡ୍ଦ ମାର୍ତ୍ତା ଖେଚାଡ୍, ହେ ପାଦନା ହେଦେଲ୍ ବେଟାଆଦେଂ ହାତାଡ୍, ମାତର୍ ମରିୟମ୍ ଇଞ୍ଜି ମାଚାନ ୨୧ ମାର୍ତ୍ତା ଜିସୁଞ୍ଜ ଇଚାଡ୍, “ମାପୁ ଜଦି ଏନ୍ ଇବେ ଖାଜି ମାତିସ୍, ତା ଆତିସ୍ ନା ଟଣ୍ଡେନ୍ ହାଞ୍ଜାତାନମା, ୨୨ ମାତର୍ ନଞ୍ଜ ପା ଆନ୍ ପୁନାଞ୍ଜ, ମାତର୍ ଏନ୍ ଇସ୍ୱରତିଂ ଇନାକାପା ଏନ୍ନାୟ, ଇସ୍ୱର୍ ଜେ ହେଦାଂ ନିଞ୍ଜେଞ୍ଜ ହିଦନାନ୍ ।”

୨୩ ଜିସୁ ତାଞ୍ଜେଞ୍ଜ ଇଚାନ, “ମି ଟଣ୍ଡେନ୍ ଆରେ ଜିବୁନ୍ ପାୟା ଆଜି ନିଞ୍ଜନାନ୍ ।”

୨୪ ମାର୍ତ୍ତା ଜିସୁଞ୍ଜ ଇଚାଡ୍, “ହେଞ୍ଜାନ୍ ଜେ ହାରିହାରା ଦିନ୍ତ ଆରେ ନିଂନି ସମୁତ ନିଞ୍ଜନାନ୍ ଇଦାଂ ଆନ୍ ପୁନାଞ୍ଜ ।”

୨୫ ଜିସୁ ତାଞ୍ଜେଞ୍ଜ ଇଚାନ, “ଆନ୍ ଆରେ ନିଂନାକାଂ ଆରି ଜିବୁନ୍, ଇନେର୍ ନା କଚଣ୍ ପାତ କିଦନାନ୍, ହେଞ୍ଜାନ୍ ଜଦି ହାନାନ୍, ଆତିସ୍ପା ହେଞ୍ଜାନ୍ ଜିନାନ୍, ୨୬ ଆରେ ଇନେର୍କି ଜିନାନ୍ ଆରି ନାବେ ପାତ କିନାନ୍, ହେଞ୍ଜାନ୍ ମୁଡ୍ଡକେ ହାତନ୍; ଇଦାଂ ଇନାକା ପାତ କିନାଦେରା ?”

୨୭ ମାର୍ତ୍ତା ହେଞ୍ଜାନିଂ ଇଚାଡ୍, “ଆଁ, ମାପୁ, ଇନେର୍କି ପୁତ ତ ଖାନାକା ମାଚାଡ୍, ଏନ୍ ଜେ ଇସ୍ୱତ ମାଜି ହେ କ୍ରିସ୍ଟ ଇଦାଂ ନା ପାତ ।”

ଜିସୁ ଆଡ଼ବାତାନ

୨୮ ଇଦାଂ ଇଚି ପାଚେ ମାର୍ତ୍ତା ହାଲ୍ଲଜି ଜାର୍ ତଣ୍ଡେଲ୍ ମରିୟମ୍ତିଂ ଡଗୁଜି କୁକ୍ତି ଇଚାଡ୍, “ଗୁରୁ ଖାତାନେ ଆରେ ନିଞ୍ଜେଞ୍ଜ କୁଞ୍ଜାନାମା ।” ୨୯ ହେଞ୍ଜାନ୍ ଇଦାଂ ଖେନ୍ଞି ବେଗି ନିଞ୍ଜଜି ତା କଚଣ୍ ହାଚାର । ୩୦ ଜିସୁ ହେ ପାଦନା ନାସ୍ତୁ ବିତ୍ତେ ଖାଞ୍ଜାଦାଞ୍ଜ ମାଚାନ, ମାତର୍ ମାର୍ତ୍ତା ହେଞ୍ଜେନିଂ ଇମ୍ଫଣି ବାହାତ ବେଟା ଆଜି ମାଚାଡ୍, ହେପାଚେକ୍ ହେଞ୍ଜାନ୍ ହେ ବାହାତ ମାଚାଡ୍ । ୩୧ ବାଟିଞ୍ଜ ଇମ୍ଫଣି ଜିହ୍ୱଦିର୍ ତା ଲାହାଞ୍ଜ ଇଞ୍ଜି ମାନ୍ଞି ତାଞ୍ଜ କ୍ଷୁପ୍ତିସ୍ ମାଚାର, ହେଞ୍ଜାର ମରିୟମ୍ତିଂ ବେଗି ନିଞ୍ଜଜି ହସିହାନାକା ହୁଡ୍ଡଜି, ହେଦେଲ୍ ଦୁଗେର୍ କଚଣ୍ ଆଡ୍ଡିନି କାଜିଂ ହାନାରା, ଇଦାଂ ମାନେ କିଜି ହେ ପାଚେ ପାଚେ ହାଚାର ।

୩୨ ହେବେତାଂ ଜିସୁ ଇମ୍ଫଣି ବାହାତ ମାଚାନ, ମରିୟମ୍ ହେ ବାହାତ ଏକିସ୍ ତାଞ୍ଜେଞ୍ଜ ହୁଡ୍ଡଜି ହେ କାଲ୍ଲକୁ ତାରେନ୍ ଗୁରୁଜି ଇଚାଡ୍, “ଏ ମାପୁ, ଜଦି ଏନ୍ ଇବେ ଏକାଞ୍ଜାତାୟ୍ତି, ତା ଆତିସ୍ ନା ଟଣ୍ଡେନ୍ ହାଞ୍ଜାତାନମା ।”

୩୩ ଲାଗିଂ, ଜିସୁ ତାଞ୍ଜ ଆରି ତା ଲାହାଞ୍ଜ ଖାଜି ମାତି ଜିହ୍ୱଦିରିଂ ଆଡ଼ବାନାକା ହୁଡ୍ଡଜି ଜିବୁନ୍ତାଂ ରାସ୍ ଇଚାନ, ଆରେ କାମାୟ ପୁରା କିନି କାଜିଂ ହିର୍ଜାଆଜି ଖେନ୍ଦବାତାନ, ୩୪ “ତାଞ୍ଜେଞ୍ଜ ଇମେତାକେ ଇଡ୍ଡାଦେର୍ଣ୍ଣା ?”

ହେଞ୍ଜାର ତାଞ୍ଜେଞ୍ଜ ଇଚାର, “ମାପୁ ଖାଜି ହୁଡ୍ଡା ।”

୩୫ ଜିସୁ ଆଡ଼ବାତାନ । ୩୬ ହେବେତାଂ ଜିହ୍ୱଦିର୍ ଇଚାର, “ହୁଡ୍ଡାଟ୍ ହେଞ୍ଜାନ୍ ତାଞ୍ଜେଞ୍ଜ ଇନେସ୍ ଜିଉନଜି ମାଚାନ ।”

୩୭ ମାତର୍ ହେଞ୍ଜାର ବିତ୍ତେ ଇନେର୍ ଇନେର୍ ଇଚାର, “ଇ ଇମ୍ଫଣି ମାନାୟ୍ ହେ କାଣାଂ କାଣ୍ କୁ ସାକ୍ତି ହିଞ୍ଜାଦାଂ ମାଚାନ କି ? ହେଞ୍ଜାନ୍ ଇନାକା ଇଞ୍ଜାନ୍ତି ହାକି ପା ଜିପ୍ତେଞ୍ଜ ଆଡ଼ଞାତାନମା ?”

ଜିସୁ ଲାଜାରତିଂ ହାକିତାଂ ନିକ୍ତାନ

୩୮ ହେବେତାଂ ଜିସୁ ଆରେ ରଗ ଖାସ୍ତିତାଂ ରିସା ଆଜି ଦୁଗେର୍ କଚଣ୍ଡତ ଖାତାନ, ହେଦାଂ ରଞ୍ଜାଙ୍ଗ ପାରା, ଆରେ ତା ମୁମ୍ଦ ରଞ୍ଜାଙ୍ଗ କାଲ୍ ମାଚାଡ଼ । ୩୯ ଜିସୁ ବଲ୍ ହିତାନ ଇ କାଲ୍ ଗୁଚାୟ କିୟାଡ଼ । ହାତି ମାନାୟତିଂ ତଣ୍ଡଦେହି,

ମାର୍ତୀ ତାଙ୍ଗେଙ୍ଗ୍ ଇଚାଡ଼, “ମାପୁ, ହେଖେନ୍ ଗାନ୍ଦାଆତାନେ, ଇନାକିଦେଂକି ହେଖେନ୍ ଚାରି ଦିନ୍ ଆତାଡ଼ ହାତାନେ ।”

୪୦ ଜିସୁ ତାଙ୍ଗେଙ୍ଗ୍ ଇଚାନ, “ଜପି ଏନ୍ ପାତର୍ କିନାୟା, ତା ଆତିସ୍ ଇସ୍ତର୍ ଜାଜ୍ମାଲ୍ ହୁଡ଼ନାଦେର୍, ଇଦାଂ ଇନାକା ଆନ୍ ମିଙ୍ଗେଙ୍ଗ୍ ଖେଡ଼ଖାତାଙ୍ଗ୍ ।” ୪୧ ହେବେତାଂ ହେଖାର୍ କାଲ୍ ନେକ୍ତାର୍ ଆରେ, ଜିସୁ ଜପି ହୁଡ଼ଜି ଇଚାନ, “ଆବା, ଏନ୍ ନା ପାର୍ତାନା ଖେଚାୟ ଇଞ୍ଜି ଆନ୍ ନିଙ୍ଗେଙ୍ଗ୍ ଜୁଖାର୍ ହିଦନାଙ୍ଗା । ୪୨ ଏନ୍ ଜେ ନିତ୍ରେ ନା ପାର୍ତାନା ଖେଚଞ୍ଜି ମାନାୟା, ଇଦାଂ ଆନ୍ ପୁଚାଙ୍ଗନା; ମାତର୍ ଇମ୍ଣି ମାନାୟାର୍ ଚାରିବେଣ୍ଡତାଂ ନିଲ୍ତାଣ୍ଣା, ଏନ୍ ନାଙ୍ଗେଙ୍ଗ୍ ପକ୍ତାତାୟନା ଇଞ୍ଜି ହେଖାର୍ ଇନେସ୍କି ପାତର୍ କିଦନାର୍, ଇଦାଂ ଲାଗିଂ ହେଖାର୍ କାଜିଂ ଆନ୍ ଇଦାଂ ଇନ୍ଚାଙ୍ଗ୍ ।” ୪୩ ଇଦାଂ ଇତି ପାଚେ ହେଖାନ୍ ଇଦାଂ ଇଞ୍ଜି ଗାଜା କାଚ୍ତାଂ ହିରବାତାନ, “ଲାଜାର୍, ହସି ଖା ।” ୪୪ ହେଖାନ୍ ହସି ଖାତାନ; ତା କେଇ ଆରି ପାନା ଦୁଗେର୍ ହେନ୍ଦାତାଂ ଗାଚ୍ୟା ଆଜି ମାଚାଡ଼, ଆରେ, ତା ମୁମ୍ଦ ଇଚୁକ୍ ତୁଖାଲ୍ ହୁରପିସ୍ ମାଚାଡ଼ । ଜିସୁ ହେଖାରିଂ ଇଚାନ, “ଇଖାନ୍ତି ଗାଚ୍ଚାକା ରିକ୍ତି ତାଙ୍ଗ୍ଜି ହାଞ୍ଜେଙ୍ଗ୍ ହିୟାଡ଼ ।”

ଜିସୁତି ବିରୁଦ୍ଧତ କୁଚ୍

(ମାତିଉ ୨୬:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଆରେ, ଜିହୁଦିର୍ ବିତ୍ରେ ଆଦେକ୍, ଇଚିସ୍ ଇମ୍ଣାକାର୍ ମରିୟମ୍ କଚଣ୍ଡ ଖାଜି ମାଚାଡ଼, ହେଖାର୍ ଜିସୁତି କାରୁମ୍ ହୁଡ଼ଜି ମାଚାଡ଼, ଆରି ହେଖାର୍ ତାତାକେ ପାତର୍ କିତାର୍; ୪୬ ମାତର୍, ହେଖାର୍ ବିତ୍ରେ ଇନେର୍ ଇନେର୍ ପାରୁସିର୍ କଚଣ୍ଡ ହାଲ୍ଜି, ଜିସୁ ଇନାକା ଇନାକା କିଜି ମାଚାନ, ହେଖିଜୁ ହେଖାରିଂ ଜାଣାୟ କିତାର୍ । ୪୭ ହେବେତାଂ ମୁଡ଼୍ ମାପୁହେବାକିନାକାନ ଆରି ପାରୁସିର୍ ଗାଜା କୁଚୁମ୍ କୁକ୍ତି ଇଚାଡ଼, “ଆସେଙ୍ଗ୍ ଇନାକା କିତାସନା ? ଇ ମାନାୟ ତ ଆଦିକ୍ କାବା କାମାୟ କିନାନା । ୪୮ ଜପି ଆସେଙ୍ଗ୍ ହେଖାନିଂ ଇ ଲାକେ ପିସିହିନାସ୍, ତା ଆତିସ୍ ଖିଜାର୍ ତା ତାକେ ପାତର୍ କିତାର୍, ଆରେ ରମିୟର୍ ଖାଜି ମାଦାଂ ଇ ମଦିର୍ ଆରି ଜାତିତିଂ ରି କୁଦାତିଂ ନସ୍ କିତାର୍ ।”

୪୯ ମାତର୍ ହେଖାର୍ ବିତ୍ରେ ହେ ବାହୁଁ କାଜିଂ, ବାଚିକିୟା ଆଜି ମାତି ମୁଡ଼୍ ମାପୁହେବାକିନାକାନ କୟାପା ଇଚାନ, “ଏପେଙ୍ଗ୍ ଏଚେକ୍ ବକ୍ଖା ! ଏପେଙ୍ଗ୍ ଇଦାଂ ବୁଜା ଆଉଦେରା; ୫୦ ଖିଜୁ ଜାତି ଖିଜାଦାଂ ମାନାୟାର୍ ବିତ୍ରେ ରକାନ୍ ଜେ ହାନାକା ମି ପାକ୍ୟାତାଂ ହାଚ୍, ଇଦାଂ ପା ଏପେଙ୍ଗ୍ ବୁଜା ଆଉଦେରା ।” ୫୧ କୟାପା ଇଦାଂ ନିଜେ ମାନ୍ତ ଇନ୍ଧାଦାଂ ମାଚାନ ମାତର୍ ହେଖାନ୍ ହେ ବାହୁଁନି ମୁଡ଼୍ ମାପୁହେବାକିନାକାନ ଆଜି ମାଚିଲେ ଇ ବେଣ୍ଡବାକ୍ଷାୟକିନାକାନ ତା ଖେଇଦାଂ ଇଞ୍ଜି ମାଚାନ, ଜିସୁ ଖେଚ୍ଚି ମାଚାନ ଜେ ରାଜିନି ଜିହୁଦି ଜାତିନି ଇଚିସ୍, ୫୨ ଆରେ କେବଲ୍ ହେ ଜାତି କାଜିଂ ଆକାୟ, ମତର୍ ଇସ୍ତର୍ ଚିନ୍ଦିନ୍ ହିମ୍ଣାକାଂ ପା ରୁଣ୍ଡାୟ କିଜି ରବେ କିନି କାଜିଂ ହାଦେଂ ହାନାନା, ଇଦାଂ କାଜିଂ ଇ ବେଣ୍ଡବାକ୍ଷାୟକିନାକା ଇଚାନ ।

୫୩ ଲାଗିଂ ହେ ନାଜିଂତାଂ ଜିହୁଦି ନେତାର୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି କୁଚ୍ କିତାର୍ । ୫୪ ଲାଗିଂ, ଜିସୁ ଜିହୁଦିର୍ ବିତ୍ରେ ଆରେ ଡିହାଆଖାଦାଂ ବୁଲାଚାଲା ଆଖାତାନ, ମାତର୍ ହେଖାନ୍ ହେ ବାହାତାଂ ହସିହାଲ୍ଜି ବାଚାନି କଚଣ୍ଡ ମାନି ନିପ ଏପ୍ରିୟମ୍ ତର୍ଦି ର ବସ୍ତିତ ହାଚାନ, ଆରେ ହେଖେନ୍ ଚେଲାର୍ ଲାହାଙ୍ଗ୍ ହେବେ ମାନ୍ଗାତାନ ।

୫୫ ଜିହୁଦିତ୍ “ନିସ୍ୱାର୍” ପାର୍ସୁ ଲାଗେ ମାତାତ୍, ଆରେ ରାଜିତ ମାନି ମାନାୟ୍ ଆଦିକ୍ ଜାର୍ ଜାର୍ତିଂ ସକଟ୍ କିନି କାଜିଂ ନିସ୍ୱାର୍ ପାର୍ସୁ ଆଗେ ଜିରୁସାଲମତ ହାତାର୍ । ୫୬ ହେବେତାଂ ହେଝାର୍ ଜିସୁଙ୍ଗ୍ ତେକୁ ତେକୁ ମନ୍ଦିରତ ନିଲ୍ଲିତି ମାନି ସମୁତ ରକାନ୍ ଆରେ ରକାନିଂ ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନାକା ମାନେ କିନାଦେରା ? ହେଝେନ୍ ପାର୍ସୁତିଂ ଖାନାନ୍ କି ଆକାୟ୍ ?” ୫୭ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାଙ୍ଗେଙ୍ଗ୍ ଆହ୍ନି କାଜିଂ ହେଝେନ୍ ଇମେତାକେ ମାନାନ୍, ଇଦାଂ ଜଦି ଇନେର୍ ପୁନାର୍, ହେଦାଂ ହପ୍ତେଂ ବଲ୍ଲ ହିଜିମାତାନ୍ ।

୧୨

ମରିୟମ୍ ଜିସୁଙ୍ଗ୍ ଆସିର୍ବାଦ୍

(ମାତିଉ ୨୬:୬-୧୩; ମାର୍କ ୧୪:୩-୯)

୧ ଓସ୍ତି ବିତ୍ରେ ନିସ୍ୱାର୍ ପାର୍ସୁନି ତଅ ଦିନ୍ ଆଗେ ଜିସୁ ବେଡ୍‌ନିୟା ହାତାନ୍; ଇମ୍‌ଣି ଲାଜାର୍ତିଂ ଜିସୁ ହାତାକାର୍ ବିତ୍ରେ ନିକ୍ତି ମାତାନ୍, ହେଝେନ୍ ହେ ବାହାତ ମାତାନ୍ । ୨ ଲାଗିଂ ହେଝେର୍ ହେ କାଜିଂ ହେ ବାହାତ ର ନାଣାବଜି ଜାଲ୍‌ଦି କିତାର୍; ମାର୍ତା ହେବା ହିନାକା ଦାଇଡ୍ ମାତାତ୍, ଆରେ ଇମ୍‌ଣାକାର୍ ହେଝାର୍ ଲାହାଂ ତିନିହିଙ୍ଗ୍ କୁଚ୍‌ତି ମାତାର୍, ଲାଜାର୍ ହେଝାର୍ ବିତ୍ରେତାଂ ରକାନ୍ ମାତାନ୍ ।

୩ ହେ ପାଦନା ମରିୟମ୍ ଆଦା ଲିଟର୍ ଆଦିକ୍ ଦାମ୍‌ନି ହାର୍‌ଦାକା ଜଟାମାଂସି ଚିକାଣ୍ ତାସ୍ ଜିସୁ ପାନାତ ହେଦାଂ ଖାକ୍‌ତାତ୍ ଜାର୍ ତେମୁଲ୍‌ତାଂ ହେ ପାନା ନୁସ୍‌ତାତ୍, ଆରେ ଚିକାଣ୍ ବାସ୍‌ନାତିଂ ଇଲ୍ ବାସ୍‌ନା ଆତାତ୍ । ୪ ମାତର୍ ଜିସୁ ଚେଲାହିର୍ ବିତ୍ରେ ଇସ୍ପାରିୟତିୟ ଜିହୁଦା ତର୍‌ଦାକାନ୍ ଇମ୍‌ଣି ଚେଲା, ଇନେନ୍ ତାଙ୍ଗେଙ୍ଗ୍ ସାତୁ କେଇଦ ସର୍‌ପି କିଦେଙ୍ଗ୍ ହାଲ୍‌ଜି ମାତାନ୍, ହେଝାନ୍ ଇତାନ୍, ୫ “ଇ ବାସ୍‌ନା ଚିକାଣ୍ ତିନ୍‌ସ ରୁପା ଟାକାଂ ପ୍ରସି ଇନେକିଦେଂ ହିଲାଖାକାରିଂ ହିୟାଆଖାତାତ୍ ?” ୬ ହେଝାନ୍ ଜେ ହିଲ୍‌ଖାକାରିଂ କାଜିଂ ଚିନ୍ତା କିଜି ମାତାନ୍ ଇଞ୍ଜି ଇଦାଂ ଇତାନ୍, ହେଦାଂ ଆକାୟ୍, ମାତର୍ ହେଝାନ୍ ରକାନ୍ ଚର୍, ଆରେ ହେ କଟଣ୍ ତାବୁଙ୍ଗ୍‌ମଣା ମାତିଲେ, ହେବେ ଇନା ଇନାକା ଇଡ୍‌ଜି ମାତାକା, ହେଦାଂ ହେଝାନ୍ ଚର୍ କିଜି ଅଜି ମାତାନ୍ ।

୭ ମାତର୍ ଜିସୁ ଇତାନ୍, “ଇଦେଲିଂ ପିସ୍ତି ହିୟାଟ୍, ଇନେସ୍‌କି ନା ହାକି ଦିନ୍ କାଜିଂ ହେଦେଲ୍ ଇଦାଂ ଇଡ୍‌ଦେଂ ଆଡ୍‌ନାତ୍ । ୮ କାକୁଲ୍‌ତିୟାର୍ ତ ସବୁ ନାଞ୍ଜିଙ୍ଗ୍ ମି କଟଣ୍ ମାନାର୍, ମତର୍ ଆନ୍ ସବୁ ନାଞ୍ଜିଙ୍ଗ୍ ମି କଟଣ୍ ମାନ୍‌କୁଙ୍ଗ୍ ।”

ଲାଜାର୍ ବିରୁଦ୍‌ତ କୁଟ୍

୯ ଇବେତାଂ ବେସିହେନି ଜିହୁଦିର୍ ମାନାୟ୍ ହେଝାନ୍ ବେଡ୍‌ନୟାତ ମାନାନ୍ ଇଞ୍ଜି ପୁଞ୍ଜି କେବଲ୍ ଜିସୁ କାଜିଂ ଆକାୟ୍, ମତର୍ ଇମ୍‌ଣି ଲାଜାର୍ତିଂ ହେଝାନ୍ ହାତାକାର୍ ବିତ୍ରେ ନିକ୍ତି ମାତାନ୍, ତାଙ୍ଗେଙ୍ଗ୍ ହୁଡ୍‌ନି କାଜିଂ ପା ଖାତାର୍ । ୧୦ ହେବେ ଲାଜାର୍ତିଂ ପା ଅହ୍‌ନାସ୍ ଇଞ୍ଜି ମୁଡ୍ ମାପୁହେବାକିନାକାନ୍ ଝେର୍‌ପା ଆତାର୍, ୧୧ ଇନାକିଦେଂକି ହେଦାଂ କାଜିଂ ଜିହୁଦିର୍ ବିତ୍ରେତାଂ ଆଦିକ୍ ହେଝାରିଂ ମାନିକିଝାଦାଂ ମାତାର୍ ଜିସୁ ତାକେ ପାତ୍ କିଜି ମାତାର୍ ।

ଜିସୁ ଜିରୁସାଲମତ ହଶାକା

(ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତା ଆର୍‌କାଡ୍ ନାଜିଂ ନିସ୍ୱାର୍ ପାର୍ସୁତିଂ ଖାଜି ମାତି ହେନି ମାନାୟାର୍ ଜିସୁ ଜିରୁସାଲମତ ଖାନାନା ଇଞ୍ଜି ଝେଟାର୍ । ୧୩ ହେଦାଂ କାଜିଂ କାଜ୍‌ରି ତାଡ୍ ଆସି ତାଙ୍ଗେଙ୍ଗ୍ ବେଟାଆନି କାଜିଂ ହସି ହାତାର୍ “ଆରି ଗାଜା କାଟ୍‌ତାଂ ଇଞ୍ଜେଙ୍ଗ୍ ଲାଗାତାର୍,

ହସାନ୍ନା ଇସ୍ବରତି ଦନ୍ୟବାଦ କିୟାତ୍ । ମାପୁ ତରଦାଂ ଇନେର୍ ଖାନାରା, ହେଖାନ ଦନ୍ୟ; ଦନ୍ୟ ଇସ୍ବାଏଲ୍‌ନି ରାଜା ।”

୧୪ ଆରେ, ଜିସୁ ର ଗଦହିମ୍‌ଣା ଜପି କୁଚ୍‌ତି ଖାଜି ମାଚାନ, ଇଦାଂ ଦରମ୍ ସାସ୍ବରତ ଇନେସ୍ ଲେକା ଆତାଡ୍‌ନା,

୧୫ “ଏ ସିୟନ୍‌ନି ଗାଡ୍! ପାଣ୍ଡୁ ଆମା,

ହୁଡାଟ୍, ମି ରାଜା ଖାନାନା,

ହେଖାନ ଗଦ ହିମ୍‌ଣା ଜପି କୁଚି ଖାନାନା ।”

୧୬ ହେ ଚେଲାହିର୍ ପର୍ତୁମ୍ ଇ ଖିଜୁ ବିସ୍ବେ ବୁଜା ଆଖାତାର୍, ମାତର୍ ଜିସୁ ଜାଜ୍‌ମାଲ୍ ପାୟା ଆତି ପାଚେ ଇ ଖିଜୁ ବିସ୍ବେ ଜେ ହେ ବିସ୍ବେ ଲେକା ଆଜି ମାଚାଡ୍, ଆରେ ହେଦାଂ କାଜିଂ ହେଖାର୍ ଜେ ଇ ଖିଜୁ କିଜି ମାଚାର୍, ହେଦାଂ ହେଖାର୍ ମାତ୍ର ଏତୁଖାତାଡ୍ ।

୧୭ ଆରେ, ହେଖାନ ଲାଜାର୍‌ତିଂ ଦୁଗେର୍‌ତାଂ ହିର୍‌ବିସ୍ ହାତାକାର୍ ବିତ୍ରେ ନିଜ୍‌ନି ଖେଡାଲିଂ ଇମ୍‌ଣି ମାନାୟାର୍ ହେ ଲାହାଙ୍ଗ୍ ମାଚାର୍, ହେଖାର୍ ସାକି ହିଦେଂ ଲାଗାତାର୍ । ୧୮ ଇଦାଂ କାଜିଂ ମାନାୟାର୍ ତାଙ୍ଗେଙ୍ଗ୍ ମିହାଆଦେଂ ହାଲ୍‌ଜି ମାଚାର୍, ଇନାକିଦେଂକି ହେଖାନ ଇ କାବାଆନି କାମାୟ୍ କିତାନ୍‌ନା ଇଞ୍ଜି ହେଖାର୍ ଖେନ୍‌ଞ୍ଜି ମାଚାର୍ । ୧୯ ହେବେତାଂ ପାରୁସିର୍ ହେଖେର୍ ହେଖାର୍ ଇନ୍‌ବା ଆତାର୍, “ହୁଡ୍‌ନାଦେରା ତ, ଆପେଂ ଇନା କିଦେଙ୍ଗ୍ ଆତୁପା ମା ଖିଜାର୍ ସେସ୍ଟୁ କାମାୟ୍ ଆଉତା; ହୁଡାଟ୍, ପୁତ୍ ଜାକ୍ ତା ପାଚେ ହାଚାଚେ ।”

ଜିସୁଙ୍ଗ୍ ଦାସ୍‌ତେଂ କେତେଜାଣ୍ ଗ୍ରିକ୍ ମାନାୟ୍

୨୦ ପାର୍ବୁ ସମୁତ ପ୍ରାର୍ଥନା କିନି କାଜିଂ ଖାଜି ମାନି ମାନାୟାର୍ ବିତ୍ରେ କେତେକ୍ ଗ୍ରିକ୍ ମାନାୟାର୍ ମାଚାର୍ । ୨୧ ହେଖାର୍ ଗାଲିଲିନି ବେଡ୍‌ସାଈଦାନିକାନ୍ ପିଲିପ୍ ତାକେ ଖାଜି ତାଙ୍ଗ୍ ଗଖାରି କିଜି ଇଚାର୍, “ମାପୁ, ଜିସୁଙ୍ଗ୍ ହୁଡ୍‌ଦେଂ କାଜିଂ ମା ଇଚା ।”

୨୨ ପିଲିପିପ ହାଲ୍‌ଜି ଆହିୟଙ୍ଗ୍ ଇଚାନ, ଆରେ ଆହିୟ୍ ଆରି ପିଲିପ୍ ହାଲ୍‌ଜି ଜିସୁଙ୍ଗ୍ ଖେଚ୍‌ଚାର୍ । ୨୩ ଜିସୁ ହେଖାରିଂ ଉତର୍ ହିତାନ, “ମାନାୟ୍ ମାଜି ଜାଜ୍‌ମାଲ୍ ପାୟା ଆନି କାଜିଂ ସମୁ ଏକାଖାତାଡ୍ । ୨୪ ହାଡ୍‌ପା ହାଡ୍‌ପା ମିଙ୍ଗେଙ୍ଗ୍ ଇଞ୍ଜ୍‌ନାଙ୍ଗା, ଗମ୍ ମାଞ୍ଜି ଜଦି ଚିକ୍‌ଲା ଆଜ୍ ହାଞ୍ଜିତିସ୍, ତା ଆତିସ୍ ହେଦାଂ ରଞ୍ଜି ମତର୍ ମାନ୍‌ଗାନାଡ୍ ମାତର୍ ଜଦି ହାନାଡ୍ ତା ଆତିସ୍ ଆଦିକ୍ ପାଡ୍ ଆହ୍‌ନାଡ୍ । ୨୫ ଇନେର୍ ଜାର୍ ଜିବୁନ୍‌ତିଂ ଜିଉ ଗିଆନ୍ କିନାନ୍ । ହେଖେନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍‌ତିଂ ଇ ପୁତ୍ ଗିଣ୍ କିନାନ୍, ହେଖାନ ହେଦାଂ ଖିଜ୍‌ଖି ଜିବୁନ୍ କାଜିଂ ରାକ୍ୟା କିନାନ୍ । ୨୬ ଇନେର୍ ଏଚେକାଡ୍‌ଦ୍ ହେବା କାରିୟା, ଲାଗିଂ ହେଖାନ୍ ନା ଲାହାଙ୍ଗ୍ ଖାୟେନ୍; ଆରେ ଆନେଙ୍ଗ୍ ଇମେତାକେ ମାନ୍‌ଗାନାଙ୍ଗ୍, ନା ହେବା କାରିୟା ପା ହେବେ ମାନ୍‌ଗାନାନ୍; ଇନେର୍ ଏଚେକାଡ୍‌ଦ୍ ନାଙ୍ଗ୍ ହେବା କିଦ୍‌ନାନ୍, ଲାଗିଂ ଆବା ହେଖାନିଂ ସସ୍ କିନାନ୍ ।”

ଜିସୁତି ସଡ୍ ବେରଣ୍

୨୭ “ନଙ୍ଗ୍ ନା ଖାସ୍ମି ଦକ୍‌ଦକ୍ ଆଦ୍‌ନାତା, ଆରେ ଆନ୍ ଇନାକା କିନାଂ ? ବାଞ୍ଜା ନାଙ୍ଗ୍ ଇ ସମୁତାଂ ରାକ୍ୟା କିଦା ? ମାତର୍ ଇଦାଂ କାଜିଂ ତ ଆନ୍ ଇ ସମୁ ବିତ୍ରେ ଖାତାଂନା । ୨୮ ବାଞ୍ଜା, ଜାର୍ ତର୍ ଜାଜ୍‌ମାଲ୍ କିୟା ।”

ହେବେଣ୍ଟାଂ ବାଦାଡ୍‌ତାଂ ଇ ବେରଣ୍ ଆତାଡ୍, “ଆନ୍ ହେଦାଂ ପାଣ୍ କିତାଂନା, ଆରେ ରଗ ପାଣ୍ କିନାପ୍ ।”

୨୯ ଲାଗିଂ ଲାଗେ ନିଲ୍‌ଚି ମାନି ଲକୁ ଇଦାଂ ଖେନ୍‌ଞ୍ଜି, ବାଦାଡ୍ ଗାର୍ଜା ଆତାଡ୍ ଇଞ୍ଜି ଇଚାର୍ ବିନ୍ ଲଗୁ ଇଚାର୍, “ରଖାନ୍ ଦୁଡ୍ ଇଖାନିଂ ବେଣ୍ ଇଚାଙ୍ଗ୍‌ନା ।”

୩୦ ଜିସୁ ଉତର ହିତାନ, “ନା କାଜିଂ ଇ ବେରଣ୍ ଆଖାତାତ୍‌ନା, ମତର୍ ମି କାଜିଂ ଆତାତ୍‌ନା । ୩୧ ନଙ୍ ଇ ପୁତ୍ ତ ବିଚାର୍ଣା ଏକାଖାତାତ୍; ନଙ୍ ଇ ପୁତ୍ ନି ମୁତ୍‌ଦାକାର୍ ବାତ୍ ତୁହିୟା ଆନାନ୍ । ୩୨ ଆରେ, ଆନ୍ ଜଦି ପୁତ୍ ତାଂ ଜଦି ନିଙ୍‌ନାଂ, ତା ଆତିସ୍ ଖିଜାକାରିଂ ନିଜାର୍ ତାକେ ଜେଲ୍‌ନାଙ୍ ।” ୩୩ ହେଖାନ୍ ଇମ୍‌ଣି ବାନି ହାକି କିଦେଙ୍ ହାନାନା, ହେବେନି କାରୁଲ୍ ହିଜି ଇଦାଂ ଖେଟ୍‌ଚାନ୍ ।

୩୪ ହେବେଣ୍ଟାଂ ମାନାୟାର୍ ତାଙ୍ ଉତର ହିତାର୍, “କ୍ରିସ୍ ସବୁ ଦିନ୍ କାଜିଂ ମାନାନ୍ ଇଞ୍ଜି ଆପେଂ ମସାତି ବିଦିତାଂ ଖେଟ୍‌ଚାପ୍‌ନା, ବାଟିଙ୍ ମାନାୟ୍ ମାଜି ଆଖିତିସ୍ତା ଜଦି ନିଂନାନ୍ ଇଞ୍ଜି ଏନ୍ ଇନେସ୍ ଇନାୟା ? ଇ ମାନାୟ୍ ମାଜି ଇନେର୍ ?”

୩୫ ହେବେଣ୍ଟାଂ ଜିସୁ ହେଖାରିଂ ଇଚାନ୍, “ଆରେ ଅଲପ୍ ସମ୍ ମତର୍ ଅଜଡ୍‌ମି ବିତ୍ରେ ମାନାତ୍ । ମାଜ୍‌ଗା ଇନେସ୍ ମିଙ୍ ଚିଞ୍ଚେତ୍, ଇଦାଂ କାଜିଂ ମି ତାକେ ଅଜଡ୍‌ମାନୁ ମାନୁ ବୁଲାବୁଲି କିୟାଟ୍; ଜେ ମାଜ୍‌ଗାତ ବୁଲାବୁଲି କିନାନ୍, ହେଖାନ୍ ଇମେତାକେ ହାନାନା, ହେଦାଂ ହେଖାନ୍ ପୁନୁନ୍ । ୩୬ ଏପେଙ୍ ଇନେସ୍ ଅଜଡ୍‌ମି ହିମ୍‌ଣାଂ ଆତ, ହେଦାଂ କାଜିଂ ଅଜଡ୍‌ମି ତାକେ ମାନୁ ମାନୁ ଅଜଡ୍‌ତ ପାତ୍ କିୟାଟ୍ । ଜିସୁ ଇ ସବୁ କାତା ଇଞ୍ଜି ହାଚାନ୍ ଆରି ହେଖାଟାଂ ତ୍‌ଗୁଜି ମାଚାନ୍ ।”

ମାନାୟାର୍ ଜିସୁଙ୍ ପାତ୍ କିଞ୍ଜାକା

୩୭ ମାତର ହେଖାର୍ ମୁମ୍‌ଦ ଇସ୍‌ର୍ ଏଚେକ୍ କାବା କାମାୟ୍ କିଜି ମାଚାନ୍, ଆତିସ୍‌ପା ହେଖାର୍ ହେଖାନ୍ ତାକେ ପାତ୍ କିଞ୍ଜାଦାଂ ମାଚାର୍, ୩୮ ଇନେସ୍‌କି ବେଣ୍‌ବାକ୍‌ଶାୟ୍ କିନାକାନ୍ ଜିସାୟ୍‌ତି କାଜିଂ ଲେକାଆତି ଇ ବଚନ୍ ପୁରାଆନାତ୍,

“ଏ ମାପୁ, ମା କାରୁର୍ ଖେନ୍‌ଞ୍ଜି ଇନେର୍ ପାତ୍ କିତାର୍‌ନା ?

ଆରେ ଇନେର୍ ମାପୁତି ମାରା ତାକେ ହତାତ୍‌ନା ?”

୩୯ ଇଦାଂ କାଜିଂ ଜିସାୟ୍ ଆରେ ଇନାନ୍ନା,

ହେଖାର୍ ପାତ୍ କିଦେଙ୍ ଆଡ୍‌ଖାଦାଂ ମାଚାର୍, ଲାଗିଂ ଜିସାୟ୍ ଆରେ ଇଚାଙ୍‌ନା,

୪୦ “ଜିସୁ ହେଖାଟି କାଣ୍‌କୁ କାଣା କିତାନ୍‌ନା,

ଆରେ ହେଖାଟି ମାନ୍ ଆଟ୍‌ଖା କିତାନ୍‌ନା, ଇନେସ୍ ହେଖାର୍ କାଣ୍‌କୁତାଂ ହୁଡ୍‌ଦେଂ ଆଡ୍‌ର୍

ଆରି ମାନ୍ତ ବୁଜା ଆଦେଂ ଆଡ୍‌ର୍, ଆରେ ମାସ୍‌ଦି ଖାଡ୍‌ର୍,

ଆରେ ଆପେଂ ହେଖାରିଂ ଉଜ୍ କିଉପ୍ ।”

୪୧ ଜିସାୟ୍ ଇ ସବୁ ଇଚାନ୍, ଇନାକିଦେଂକି ହେଖାନ୍ ହେ ଗାଜା ପାଣ୍ ହୁଡ୍‌ତାନ୍ ଆରେ ହେ ବିସ୍ତେ ଇଚାନ୍ ।

୪୨ ଆତିସ୍‌ପା ମୁତ୍‌ଦାକାର୍ ବିତ୍ରେ ପା ଆଦେକ୍ ତାତାକେ ପାତ୍ କିତାର୍, ମାତର୍ ଏଚେକାତ୍‌ଦ କୁଟ୍‌ମ୍ ପାଗ୍ରି ଆନାର୍, ପାଣ୍‌ଟ୍ରିଂ ଇଦାଂ କାଜିଂ ପାରୁସିର୍ କାଜିଂ ହେଦାଂ ମାନିକିଞ୍ଜାଦାଂ ମାଚାର୍, ୪୩ ଇନାକିଦେଂକି ହେଖାର୍ ଇସ୍‌ଟାଂ ପାଣ୍ ବାଟା ଇତିସ୍ ମାନାୟାର୍‌ତାଂ ଜାଜ୍‌ମାଲ୍ ଜିଉ ନତାନ୍ ।

ଜିସୁତି କାତାତାଂ ମାନାୟାରିଙ୍ ବିଚାର୍‌କିନାତ୍

୪୪ ଜିସୁ ଗାଜା କାଟ୍‌ତାଂ ଇଚାନ୍, “ଇନେର୍ ନା ତାକେ ପାତ୍ କିତାର୍, ହେଖାନ୍ କେବଲ୍ ନା ତାକେ ପାତ୍ କିଉନ୍, ମତର୍ ନା ପଞ୍ଚିତି ହାଉକାର୍‌ତାକେ ପାତ୍ କିତାର୍; ୪୫ ଆରେ, ଜେ ନାଙ୍ ହୁଡ୍‌ଦାତାନ୍‌ନା, ହେଖାନ୍ ନା ପଞ୍ଚିତି ହାଉକାର୍‌ତିଂ ପା ହୁଡ୍‌ତାନ୍‌ନା । ୪୬ ଆନ୍ ପୁତ୍ ତାକେ ଅଜଡ୍‌ ଆଜି ଖାତାଂନା, ଇନେର୍ ନା ତାକେ ପାତ୍ କିତାର୍, ହେଖାନ୍ ଇନେସ୍ ମାଜ୍‌ଗାତ ବାହା କିଉନ୍ । ୪୭ ଇନେର୍ ଜଦି ନା ବଚନ୍ ଖେନ୍‌ଞ୍ଜି ମାନିକିଉନ୍, ତା ଆତିସ୍ ଆନ୍ ତାଦାଙ୍ ବିଚାର୍ କିଉଙ୍;”

ଇନାକିଦେଂକି ଆନ ଜଗତ୍ତାକେ ବିଚାର୍ କିଦେଙ୍ଗ୍ ଖାଖାଦାଂ ଇଚିସ୍ ପୁତ୍ ତିଂ ମୁଲ୍ଲି କିଦେଙ୍ଗ୍ ଖାତାଂନା । ୪୮ ଜେ ନାଙ୍ଗ୍ ମୁନା କିଦନାର୍ ଆରି ନା ବଚନତିଂ ମାନିକିଉର୍, ନା ମୁମ୍ଦ ତା ବିଚାର୍ ଆନାତ୍; ଆନ ଇମ୍ଣି ବଚନ ଇଚାଙ୍ଗ୍ନା, ହେଦାଂ ହାରିହାରା ଦିନ୍ତ ହେଖାନ୍ତି ବିଚାର୍ଣ୍ଣା କିନାନ୍ । ୪୯ ଇନାକିଦେଂକି ଆନ ନା ତାକେଣ୍ଡାଂ ଜାର୍ ଆଦିକାର୍ ତାଙ୍ଗ୍ ଇନ୍‌ଖାତାଂନା, ମତର୍ ଆନ ଇନାକା ଇନାଂ ଆରି ଇନାକା ହପ୍ନାଂ, ହେଦାଂ ନା ପଲ୍ଲିତି ହାଉକାର୍ ବାଖା ନାଙ୍ଗେଙ୍ଗ୍ ବଲ୍ଲ ହିଡ଼ତାନ୍ନା; ୫୦ ଇଚିସ୍ ଆନ ପୁନାଙ୍ଗ୍ ହେ ବଲ୍ଲ ଖିଜ୍ଝି ଜିବୁନ୍ ହିଦନାନ୍ ମାଞ୍ଜିଆବା ନାଙ୍ଗେଙ୍ଗ୍ ଇନାକା ଇଞ୍ଜେଙ୍ଗ୍ ବଲ୍ଲ ହିଡ଼ନ୍ନା କେବଲ୍ଲ ଏଚେକ୍ ଆନ ଇନାଙ୍ଗା ।”

୧୩

ଜିସୁ ଚେଲାର୍ ପାନା ନୁଜ୍ଜି ହିତାନ୍

୯ ନିସ୍ତାର୍ ପାର୍ଟୁ ଆନି ଆଗେ ଜିସୁ ଇ ପୁତ୍ ତାଂ ଆବା ତାକେ ଜାର୍ ହାନି ସମୁ ଏକାଖାତାକା ପୁଞ୍ଜି, ପୁତ୍ ତ ମାନି ଜାର୍ନି ଇମ୍ଣି ମାନାୟ୍ରିଂ ହେଖାନ୍ ଜିଉ ନଜି ଖାଜି ମାଚାନ୍, ହେଖାର୍ କାଜିଂ ବେସି ଜିଉନତାନ୍ ।

୧୦ ଆରେ, ନାଣାବଜି ସମୁତ, ଏଚେକାଡ଼୍ ସୟତାନ୍ ସିମନ୍ତି ଇସ୍ପାରିୟତିୟ ମେହି ଜିହୁଦା ମାନତ ଜିସୁଙ୍ଗ୍ ସତ୍ତୁ କେଇଦ ହେଲାଇୟ କିଦେଙ୍ଗ୍ କାଜିଂ କାରୁର୍ କିଜି ମାଚାନ୍, ୧୧ ହେ ଏଚେକାଡ଼୍, ଆବା ଜେ ଖିଜ୍ଝୁ କେଇଦ ଖିଜ୍ଝୁ ବିସ୍ତେ ହେଲାଇୟ କିତାନ୍ନା ଆରି ହେଖାନ୍ ଜେ ଇସ୍ପରତାଂ ଖାତାନ୍ନା, ଆରେ ଇସ୍ପର ତାକେ ହାନାନା ଇଦାଂ ପୁଞ୍ଜି ମାଚାନ୍, ୧୨ ଇଦାଂ ପୁଞ୍ଜି ହେଖାନ୍ ଚିଞ୍ଜେଙ୍ଗ୍ କୁର୍ଚି ତାକେଣ୍ଡାଂ ନିଙ୍ଗି ଜାର୍ ହେୟା ଉନ୍ଦି ର ତୁଆଲ୍ ଅଜି ଜାର୍ ମ୍ପେଙ୍ଗାତ ଗାଚ୍ୟା ଆତାନ୍ । ୧୩ ହେ ପାଚେ ହେଖାନ୍ ବାହାତ ଏଜୁଂ ଖାକ୍ତାନ୍, ଆରେ ଚେଲାର୍ତି ପାନାଙ୍ଗ୍ ନୁସ୍ଜି ଜାର୍ ମ୍ପେଙ୍ଗାତ ଗାଚ୍ୟା ଆଜି ମାଚି ତୁଆଲ୍ ହୁଦାଂ ନେନ୍ଦେଂ ଲାଗାତାନ୍ । ୧୪ ଜିସୁ ସିମନ୍ ପିତର୍ ତାକେ ଖାତାନ୍; ଇନେନ୍ ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ଇନାକା ନା ପାନା ନୁଜ୍ଜାତାଇନା ?”

୧୫ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ ଇନାକା କିନାଙ୍ଗା, ହେଦାଂ ନଙ୍ଗ୍ ପୁନୁଦେର୍, ମାତର୍ ପାଚେ ବୁଜାନାଦେର୍ ।”

୧୬ ପିତର୍ ହେଖାନ୍ ଇଚାନ୍, “ଏନ୍ ମୁଡ଼କେ ଇନାଖାତାଂ ପା ନା ପାନା ନୁଜ୍ଜି ହିଦୁୟ୍ ।” ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଜଦି ଆନ ମିଙ୍ଗ୍ ନୁସ୍ପିଡ଼ିସ୍, ତା ଆତିସ୍ ନା ହୁକେ ମିଦାଙ୍ଗ୍ ଇନାକା ବାଗ୍ ହିଲୁଡ଼ ।”

୧୭ ସିମନ୍ ପିତର୍ ତାଙ୍ଗେଙ୍ଗ୍ ଇଚାନ୍, “ମାପୁ, କେବଲ୍ ନା ପାନା ଆକାୟ୍, ମତର୍ ନାଦାଂ କେଇ ଆରି କାପ୍ତା ପା ।”

୧୮ ଜିସୁ ତାଙ୍ଗ୍ ଇଚାନ୍, “ଇନେନ୍ ଇବାତାନ୍ନା, ହେଖାନ୍ତି ପାନା ନୁସ୍ପି ପିସ୍ତି ଆରେ ଇନାକା ଲିଡ଼ା ଆକାୟ୍, ହେଖାନ୍ ହାତେ ସକର୍; ଏପେଙ୍ଗ୍ ସକର୍ କାଦେର୍, ମାତର୍ କେବଲ୍ ରକାନ୍ ଆକାୟ୍ ।”

୧୯ ଇନାକିଦେଂକି ଇନେର୍ ତାଙ୍ଗ୍ ସତ୍ତୁ କେଇଦ ହେଲାଇୟ କିନାନ୍, ଜିସୁ ହେଖାନ୍ତିଂ ପୁଞ୍ଜି ମାଚାନ୍; ପାଚେ ହେଖାନ୍ ଇଚାନ୍, “ଏପେଙ୍ଗ୍ ରଖାନ୍ତିଂ ପିସ୍ତି ଖିଜାକାଦେର୍ ସକର୍ ।”

୨୦ ହେ ପାଚେ ଜିସୁ ହେଖାନ୍ତି ପାନା ନୁଜ୍ଜି ହିଜି ଜାର୍ ହେୟା ଉସ୍ପିସ୍ ଆରେ ରଗ ଜାର୍ ଗାଦିତ କୁର୍ଚି ପାଚେ ହେଖାରିଂ ଖେନ୍‌ବାତାନ୍, “ଆନ ମି କାଜିଂ ଇନାକା କିତାଂନା, ହେଦାଂକି ଏପେଙ୍ଗ୍ ବୁଜା ଆତାଦେଣ୍ଣା ?” ୨୧ “ଏପେଙ୍ଗ୍ ନାଙ୍ଗେଙ୍ଗ୍ ଗୁରୁ ଆରି ମାପୁ ଇଞ୍ଜି କୁଞ୍ଚାନାଦେରା, ଆରେ ହାଡ଼ପା ଇନାଦେରା; ଇନାକିଦେଂକି ଆନତ ହେଖାଙ୍ଗ୍ ।” ୨୨ ଆରେ, ମାପୁ ଆରି ଗୁରୁ ଜେ ମିଖାଙ୍ଗ୍ ଆନ, ଆନ ଜଦି ମିଖାଙ୍ଗ୍ ପାନା ନୁଜ୍ଜି ହିଡ଼ତାଂନା, ତେବେ ମିଦାଙ୍ଗ୍ ପା ରକାନ୍ ଆରେ ରକାନ୍ତି ପାନା ନୁସ୍ନାକା ଲିଡ଼ା । ୨୩ ଇନାକିଦେଂକି ମି କାଜିଂ ଆନ ଇନେସ୍ କିତାଂନା, ଏପେଙ୍ଗ୍ ପା ହେ ଲାକେ କିୟାଟ୍,

ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ର ଉତ୍ତରମୁତ୍ତ ଚର୍ଚ୍ଚାତାଂନା । ୧୭ ଶ୍ଵାତ୍ଵା ହାତ୍ଵା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆଡ଼ିଏନ୍ ଜାର୍ ହାଉକାର୍ତା ଆଦେକ୍ ମୁତ୍ତଦାକାନ୍ ଆକାୟ୍, ଆଞ୍ଜିତିସ୍ ପକ୍ୟାତାକାର୍ ଜାର୍ ପକ୍ତାକାନ୍ତାଂ ମୁତ୍ତଦାକାନ୍ ଆକାୟ୍ । ୧୭ ନଙ୍ଗ୍ ଏପେଙ୍ଗ୍ ଇ ସତ୍ ପୁରାଦେରୁତି, ତେବେ ହେ ଲାକେ କିତିସ୍ ଏପେଙ୍ଗ୍ ଦନ୍ୟ ।

୧୮ “ଆନ୍ ମିଙ୍ଗ୍ ଓଜାକାର୍ ବିସ୍ତେ ଆନ୍ ଇ କାତା ଇଞ୍ଜୁଙ୍ଗା; ଆନ୍ ଇମଣାକାରିଂ ବାତି କିତାଙ୍ଗନା, ହେଞ୍ଜାରିଂ ଆନ୍ ପୁନାଙ୍ଗ୍ ମାତର୍ ସାସ୍ତୁରନ୍ ଇ ବଚନ୍ ହାତ୍ଵା ସତ୍ ଆନାତ୍ । ହେବେ ଏଲେଙ୍ଗ୍ ଗିଟାନାତା, ଇନେନ୍ ନା ଆରାଣ୍ ତିନାନ୍, ହେଞ୍ଜାନ୍ ନା ବିରୁଦ୍ଧତ ଲାତ୍ ତଗ୍ନାନ୍ । ୧୯ ହେଦାଂ ଗିଟାନି ସମୁତ୍, ଆନ୍ ହେଞ୍ଜାନ୍ନେ ଇଞ୍ଜି ଏପେଙ୍ଗ୍ ଇନେସ୍ ପାତ୍ କିନାଦେର୍, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଷ୍ଠେଚ୍ଚାନାଙ୍ଗା ଆନ୍ ଜେ ହେଞ୍ଜାଙ୍ଗ୍ । ୨୦ ଶ୍ଵାତ୍ଵା ହାତ୍ଵା ଆନ୍ ମିଙ୍ଗ୍ ଷ୍ଠେଚ୍ଚାନାଙ୍ଗା, ଇନେର୍ ନା ପକ୍ତି ଲଗାଂ ଇଚ୍ଚନାର୍, ହେଞ୍ଜାର୍ ନାଙ୍ଗ୍ ଇତ୍ତଦାନାର୍ ଆରି ଇନେର୍ ନାଙ୍ଗ୍ ଇତ୍ତଦାନାର୍, ହେଞ୍ଜାନ୍ ନାଙ୍ଗ୍ ପକ୍ତିତି ହାଉକାର୍ତିଂ ଇଚ୍ଚନାର୍ ।”

ବିସାସତାକେ ବିସ୍ତହିନାକା ବିସ୍ତେ ଜିସୁ ପୁରାନ୍

(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇ ଓଜୁ କାତା ଷ୍ଠେଚ୍ଚି ପାଚେ ଜିରୁଚ୍ଚ ଦୁକ୍ କିତାନ୍ ଆରି ଚଞ୍ଜିୟାଆଜି ସାକି ହିଜି ଇଚାନ୍, “ହାତ୍ଵା ହାତ୍ଵା ଆନ୍ ମିଙ୍ଗ୍ ଇଞ୍ଜନାଙ୍ଗା, ମି ବିତ୍ତେ ରକାନ୍ ନାଙ୍ଗ୍ ସତ୍ତ୍ଵେ କେଇଦ୍ ହେଲାଇୟ୍ କିଦ୍ନାନ୍ ।”

୨୨ ଜିସୁ ହେ ବିସ୍ତେ ଷ୍ଠେଚ୍ଚାନ, ହେ ବିସ୍ତେ ବୁଦି ବାମ୍ବୁଆ ଆଜି ଚେଲାର୍ ହାରି ହୁତ୍ତକାଆଦେଂ ଲାଗାତାର୍ । ୨୩ ଜିସୁ ଚେଲାର୍ ବିତ୍ତେ ରଞ୍ଜାନ୍ ଇନେରିଂ ଜିସୁ ଜିଉନଜି ମାଚାନ୍ ହେଞ୍ଜାନ୍ ଜିସୁ ତିନାବାଗାଂ କୁଚ୍ଚି ତିନଜି ମାଚାନ୍ । ୨୪ ଇଚିସ୍ ସିମନ୍ ପିତର୍ ହେଞ୍ଜାନିଂ ଚର୍ଚ୍ଚି କିଜି ଇଚାନ୍, “ହେଞ୍ଜାନ୍ ଇନେର୍ କାତା ଇନାନ୍ନା, ହେଦାଂ ଷ୍ଠେଚ୍ଚବାଚ୍ ।”

୨୫ ହେଞ୍ଜାନ୍ ହେ ଲାକେ କୁଚ୍ଚି ମାନ୍ଞି ଜିସୁ ନେଞ୍ଜେତାକିତ ଇଡ଼ିୟା ଆଜି ତାଙ୍ଗ୍ ଷ୍ଠେଚ୍ଚବାଚାନ୍, “ମାପୁ, ହେଞ୍ଜାନ୍ ଇନେର୍ ?”

୨୬ ଲାଗିଂ ଜିସୁ ଉତ୍ତର ହିତାନ୍, “ଇନେର୍ କାଜିଂ ଆନ୍ ଇ ରୁଚି ରଞ୍ଜି କୁକ୍ନାଂ ଆରି ଇନେରିଂ ହେଦାଂ ହିନାଂ, ହେଞ୍ଜାନ୍ ।” ହେବେ ହେଞ୍ଜାନ୍ ହେ ରୁଚିଂ କୁକ୍ଚି ହେଦାଂ ଅଜି ସିମନ୍ ଇସ୍ପାରିୟତିୟ୍ ମେହି ଜିହୁଦାଙ୍ଗ୍ ହିତାନ୍ । ୨୭ ହେଞ୍ଜାନ୍ ରୁଚି ପାୟା ଆତି ପାଚେ ସୟ୍ତାନ୍ ତାଙ୍ଗ୍ ବିତ୍ତେ ହଟାତ୍ । ହେବେ ଜିସୁ ତାଙ୍ଗ୍ ଇଚାନ୍, “ଇନାକା କିନାକା ମାନାତ୍, ହେଦାଂ ବେଗି କିୟା ।” ୨୮ ମାତର୍ ହେଞ୍ଜାନ୍ ତା ଇଦାଂ ଇନାକିଦେଂ ଇଚାନ୍ ତାଙ୍ଗ୍ ଇ କାତା ଇଞ୍ଜି ମାଚାନ୍, ହେଦାଂ ତିଞ୍ଜେଙ୍ଗ୍ କୁଚ୍ଚି ମାଚି ଲକୁ ବିତ୍ତେ ଇନେର୍ ପୁନ୍ଞାଚାର୍ । ୨୯ ଇନାକିଦେଂକି ଜିହୁଦା ତାକେ ତାବୁଙ୍ଗ୍ମଣା ମାଚିଲେ, ପାର୍ବୁ କାଜିଂ ଇନା ଇନାକା ଲଡା, ହେଦାଂ କଡ୍ଦେଂ ଆଞ୍ଜିତିସ୍ ଅକ୍ ତାରିଂ ଅଲପ୍ ଦାନ୍ ହିଦେଂ ଜିସୁ ତାଙ୍ଗ୍ ଇଚାନ୍ ଇଞ୍ଜି ଇନେ ଇନେର୍ ବାବି କିତାର୍ ।

୩୦ ତା ପାଚେ ଇସ୍ପାରିୟତିୟ୍ ହେଞ୍ଜାନ୍ ରୁଚି ତିନଞ୍ଜି ହେଞ୍ଜାନ୍ ହେ ସାଙ୍ଗେ ହସି ହାଚାନ୍, ହେ ଏଚେକାତ୍ତ୍ଵ ନାଣା ସମୁ ।

ଜିସୁତି ପୁନି ବଲ୍

୩୧ ହେଞ୍ଜାନ୍ ହସି ହାଚି ପାଚେ ଜିସୁ ଇଚାନ୍, “ନଙ୍ଗ୍ ମାନାୟ୍ ମାଜି ଜାଜ୍ମାଲ୍ ପାୟା ଆତାନ୍ ଆରି ତା ତାକେ ଇସ୍ତର୍ ପା ପାଦ୍ପାୟାଆତାନ୍ । ୩୨ ଜଦି ଇସ୍ତର୍ ତା ତାକେ ପାଦ୍ପାୟାଆତିସ୍, ତେବେ ଇସ୍ତର୍ ପା ତାଙ୍ଗେଙ୍ଗ୍ ଜାର୍ତାକେ ପାଦ୍ ପାୟାନାକା କିନାନ୍, ଆରେ ବେଗି ହେଞ୍ଜାନିଂ ଜାଜ୍ମାଲ୍ କିନାନ୍ ।” ୩୩ ଶ୍ଵାତ୍ଵା ଇଚାନ୍ “ଏ ବପାର୍,”

☆ ୧୩:୧୭ ୧୩:୧୭ ମାତିଉ ୧୦:୨୪; ଲୁକ ୬:୪୦; ଜହନ୍ ୧୫:୨୦. ☆ ୧୩:୨୦ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭. ☆ ୧୩:୩୩ ୧୩:୩୩ ଜହନ୍ ୭:୩୪.

ଆନ୍ ଆରେ ଅଲପ୍ ସମ୍ମୁ ଚି ହୁକେ ମାନା° । ଏପେଙ୍ଗ ନାଙ୍ଗ ଡେଲାନାଦେର୍; ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ଏପେଙ୍ଗ ହେ ବାହାତ ହାଞ୍ଜେଙ୍ଗ ଆଡୁଦେର୍, ଇଦା° ଆନ୍ ଇନେସ୍ ଜିହୁଦି ନେତାର୍ ଇଚାର୍, ହେ ଲାକେ ନଙ୍ଗ୍ ଏପେଙ୍ଗ ପା ଇନାଦେରା । ୩୪ “ଏପେଙ୍ଗ ରକାନ୍ ଆରେ ରକାନି° ଜିଉନଝାଟ୍, ଇ ପୁନି ବଲ୍ ଆନ୍ ମିଙ୍ଗ୍ ହିଦ୍‌ନାଙ୍ଗା; ଆନ୍ ଇନେସ୍ ମିଙ୍ଗ୍ ଜିଉ ନଡ଼ତା°ନା, ଏପେଙ୍ଗ ପା ହେ ଲାକେ ରକାନ୍ ଆରେ ରକାନି° ଜିଉନନାକା ମାନାଟ୍ । ୩୫ ଜଦି ମିଦାଙ୍ଗ୍ ରକାନ୍ ଆରେ ରକାନ୍ ତାକେ ଜିଉନବାନାକା ମାଟିସ୍, ତା ଆତିସ୍ ଏପେଙ୍ଗ ଜେ ନା ଚେଲା, ଇଦା° ଝିଜାକାର୍ ହେଦା° ପୁଞ୍ଜେଙ୍ଗ୍ ଆଡୁନାର୍ ।”

ପିତର୍ ପାତ୍ କିଞ୍ଜି ବିସ୍ତ୍ରେ

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ୍ ପିତର୍ ତା° ଝେନ୍‌ବାତାନ୍, “ମାପୁ, ଏନ୍ ଇମେତାକେ ହାନାୟା ?” ଜିସୁ ଉତର୍ ହିତାନ୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ ନଙ୍ଗ୍ ନା ପାତେ ପାତେ ହାଞ୍ଜେଙ୍ଗ୍ ଆଡୁଦେର୍ ? ଆନ୍ ନି କାଜି° ଜାର୍ ଜିରୁନ୍ ହିନାଙ୍ଗ୍ ।”

୩୭ ପିତର୍ ହେଝାନି° ଝେନ୍‌ବାତାନ୍, “ମାପୁ, ଆନ୍ ନଙ୍ଗ୍ ଇନେକିଦେ° ନି ପାତେ ପାତେ ହାଞ୍ଜେଙ୍ଗ୍ ଆଡୁଙ୍ଗ୍ ? ଆନ୍ ନି କାଜି° ଜାର୍ ଜିରୁନ୍ ହିଦେ° ଆଡୁନା° ।”

୩୮ ଜିସୁ ଉତର୍ ହିତାନ୍, “ଏନ୍ ଇନାକା ନା କାଜି° ଜାର୍ ଜିରୁନ୍ ହିନାୟା ? ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ଝେଡ଼ଚାନାଙ୍ଗା, ଗାଞ୍ଜା କୁଜୁ କ୍ଲେନିହି° ଏନ୍ ନାଙ୍ଗ୍ ତିନିହର୍ ପାତ୍ କିଦୁୟା ।”

୧୪

ଇସ୍‌ବର୍ ନେ ହାଜି .

୧ “ମି ମାନ୍ ବିଲ୍‌କି ଆମେଡ୍, ଏପେଙ୍ଗ ଇସ୍‌ବର୍ ତାକେ ପାତ୍ କିୟାଟ୍, ନା ତାକେ ପା ପାତ୍ କିୟାଟ୍ ।” ୨ ନା ଆବାର୍ ଇଞ୍ଜ ଜବର୍ ବାହା° ମାନି°; ଜଦି ହଲ୍‌ଝିତିସ୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଝେଡ଼ଚାତା°ମା, ଆନ୍ ମି କାଜି° ବାହା ଜାଲ୍‌ଦି କିଦେଙ୍ଗ୍ ହାନାଙ୍ଗା; ୩ ଆରେ, ଆନ୍ ହାଲ୍‌ଜି ମି କାଜି° ବାହା ଜାଲ୍‌ଦି କିତିସ୍ ଆରେ ରଗ ଝାନାଙ୍ଗ୍, ଆରେ ଆନ୍ ଇମ୍‌ଣି ବାହାତ ମାନା°, ଏପେଙ୍ଗ ପା ଇନେସ୍ ହେ ବାହାତ ମାନାଦେର୍, ହେଦା° କାଜି° ମିଙ୍ଗ୍ ଜାର୍‌ତାକେ ଅଜି ହାଞ୍ଜିନା° । ୪ ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ହେ ହାଜି ଏପେଙ୍ଗ ପୁନାଦେର୍ ।

୫ ତମା ଜିସୁଙ୍ଗ୍ ଝେନ୍‌ବାତାନ୍, “ମାପୁ, ଏନ୍ ଇମ୍‌ଣି ବାହାତ ହାନାୟା, ହେଦା° ଆପେ° ପୁନୁପ୍; ହାଜି ଇନେସ୍ ପୁଞ୍ଜେଙ୍ଗ୍ ଆଡୁନାପ୍ ?”

୬ ଜିସୁ ତାଙ୍ଗ୍ ଇଚାନ୍, “ଆନ୍ ହାଜି, ହାଡ଼ପା ଆରି ଜିରୁନ୍; ନା ହିଜି ହାଲ୍‌ଝିତିସ୍ ଇନେର୍ ଆବା ତାକେ ହାଲ୍‌ଜି । ୭ ଜଦି ଏପେଙ୍ଗ ନାଙ୍ଗ୍ ପୁଞ୍ଜିମାଞ୍ଜିସ୍, ତା ଆତିସ୍ ନା ଆବା° ପା ପୁଚାଦେମା; ନଙ୍ଗ୍ ତାଙ୍ଗ୍ ତାଙ୍ଗେଙ୍ଗ୍ ପୁନାଦେରା ଆରି ତାଙ୍ଗ୍ ହୁଡ଼ତାଦେର୍ଣ୍ଣା ।”

୮ ପିଲିପ୍ ଜିସୁଙ୍ଗ୍ ଇଚାନ୍, “ମାପୁ, ମାଙ୍ଗେଙ୍ଗ୍ ଆବା° ଚଞ୍ଜିୟା ଆୟିକିଦା, ହେଦା° ମା କାଜି° ସାରି ।”

୯ ଜିସୁ ହେଝାନି° ଇଚାନ୍, “ପିଲିପ୍, ଏଚେକ୍ ଦିନ୍ ଆନ୍ ମି ହୁଦା° ମାନାଙ୍ଗା, ଆରେ ଏନ୍ ଇନାକା ନାଙ୍ଗ୍ ପୁଞ୍ଜୁଝାତାଦେର୍ ? ଇନେର୍ ନାଙ୍ଗ୍ ହୁଡ଼ଦାତାର୍‌ନା, ହେଝାନ୍ ଆବା° ହୁଡ଼ତାନ୍‌ନା; ମାଙ୍ଗେଙ୍ଗ୍ ଆବା° ଚଟିକିଦା ଇଞ୍ଜି ଏପେଙ୍ଗ ଇନେସ୍ ଇନାଦେରା ?

୧୦ ଆନ୍ ଜେ ଆବା ତାକେ ମାନା° ଆରି ଆବା ନା ତାକେ ମାନାନ୍, ଇ କାତା ଇନାକା ପାତ୍ କିଉଦେରା ? ଆନ୍ ମିଙ୍ଗ୍ ଜେ ଝିଜୁ ବଚନ୍ ଇନାଟ୍,” ହେ ସବୁ ନା ଜାର୍‌ତା° ଇନୁଙ୍ଗ୍, “ମାତର୍ ଆବା ନା ତାକେ ମାନ୍‌ଞ୍ଜି ଜାର୍ କାମାୟ କିନାନା । ୧୧ ଆନ୍ ଜେ

ଆବା ତାକେ ମାନା° ଆରି ଆବା ଜେ ନା ତାକେ ମାନାନ, ନା ଇ କାତା ପାତର୍ କିୟାଟ୍, ଆଞ୍ଜିତିସ୍ ନା କାମାୟ୍ ହୁଡ଼ଜି ପାତର୍ କିୟାଟ୍ । ୧୭ ହାଡ଼ପା ହାଡ଼ପା ଆନ୍ ମିଙ୍ଗ୍ ଇଞ୍ଜନାଙ୍ଗା, ନା ତାକେ ଇନେର୍ ପାତର୍ କିତାର୍, ଆନ୍ ଇମ୍‌ଣି ଇମ୍‌ଣି କାମାୟ୍ କିନାଙ୍ଗା, ହେଞ୍ଜାନ୍ ପା ହେ ସବୁ କିନାନ୍, ଆରେ ହେ ସବୁ ବାଟା ଆଦିକ୍ ଗାଜା କାମାୟ୍ କିନାନ୍, ଇନାକିଦେ°କି ଆନ୍ ଆବା ତାକେ ହାନାଙ୍ଗା । ୧୮ ଆରେ, ଆବା ଇନେସ୍ ମାଜି ତାଙ୍ଗ୍ ଜାଜ୍‌ମାଲ୍ ପାୟା ଆନାନ୍, ଇଦା° କାଜି° ଏପେଙ୍ଗ୍ ନା ତରଦ ଇନାକା ପା ଏନ୍ତିତିସ୍, ହେଦା° ଆନ୍ ହିଦନା° । ୧୯ ଜଦି ଏପେଙ୍ଗ୍ ନା ତରଦ ଇନାକାପା ବିସ୍ତେ ନାଙ୍ଗ୍ ଏନ୍ତାନାଦେର୍, ଆନ୍ ହେଦା° କିନାଙ୍ଗ୍ ।”

ପୁଇପୁୟା ଜିବୁନ୍ ଦାନ୍‌ନି ବେଣ୍‌ହିନାକା

୧୫ “ଜଦି ଏପେଙ୍ଗ୍ ନାଙ୍ଗ୍ ଜିଉନଦନାଦେର୍, ତା ଆତିସ୍ ନା ବଲ୍ ସବୁ ମାନିକିନାଦେର୍ । ୧୬ ଆରେ, ଆନ୍ ଆବା° ଗଞ୍ଜାରି କିନା°, ଆରେ ମି ହୁଦା° ସବୁ ଦାନ୍ ମାନି କାଜି° ହେଞ୍ଜାନ୍ ମିଙ୍ଗ୍ ଆରେ ରକାନ୍ ଉପକାର୍ କିଦନାକାନି° ହିଦନାନ୍, ୧୭ ହେଞ୍ଜାନ୍ ଆନାନା ହାଡ଼ପାନି ଜିବୁନ୍ତି° ହିଦନାନ୍ । ପୁତର୍ ତାଙ୍ଗ୍ ଇଡ଼ଦେ° ଆଡୁଡ଼, ଇନାକିଦେ°କି ପୁତର୍ ତାଙ୍ଗ୍ ହୁଡ଼ତୁ କି ପୁନ୍ନୁଡ଼; ମାତର୍ ଏପେଙ୍ଗ୍ ତାଙ୍ଗ୍ ପୁନାଟ୍, ଇନାକିଦେ°କି ହେଞ୍ଜାନ୍ ମି ହୁକେ ମାନ୍‌ଗାନାନ୍, ଆରେ ହେଞ୍ଜାନ୍ ମି ଖାସ୍ତିତ ମାନ୍‌ଗାନାନ୍ ।”

୧୬ “ଆନ୍ ହାତି ପାଚେ ମିଙ୍ଗ୍ ଚୁରା ହିମ୍‌ଣା କିଜି ପିସ୍ତି ହାଞ୍ଜୁଙ୍ଗ୍, ଆନ୍ ମି ତାକେ ମାସ୍‌ଦି ଖାନାଙ୍ଗ୍ । ୧୯ ଅଲପ୍ ମାତର୍ ସମ୍ ମାନାଡ଼, ପୁତର୍ ନାଙ୍ଗ୍ ଆରେ ହୁଡ଼ତୁଡ଼; ମତର୍ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଇନାକିଦେ°କି ଆନ୍ ଜିତାକା°, ଏପେଙ୍ଗ୍ ପା ଜିତାକାଦେର୍ ମାନାଦେର୍ । ୨୦ ଆନ୍ ଜେ ନା ଆବା ତାକେ ଆରେ ଏପେଙ୍ଗ୍ ଜେ ନା ତାକେ ଆରି ଆନ୍ ମି ତାକେ ମାନା°, ଇଦା° ହେ ଦିନ୍ ଖାତିସ୍ ଏପେଙ୍ଗ୍ ପୁନାଦେର୍ ।”

୨୧ “ଇନେର୍ ନା ବଲ୍ ସବୁ ଝେନ୍‌ଞ୍ଜି ମାନିକିନାର୍, ହେଞ୍ଜାନ୍ ନାଙ୍ଗ୍ ଜିଉ ନଦନାନ୍, ଆରେ ଇନେର୍ ନାଙ୍ଗେଙ୍ଗ୍ ଜିଉ ନଦନାନ୍, ନା ବାଞ୍ଜା ତାଙ୍ଗ୍ ଜିଉ ନନାନ୍, ଆରେ ଆନ୍ ହେଞ୍ଜାନି° ଜିଉ ନନା° ଆରି ତା ଲାଗା° ଜାର୍‌ତି° ହପନାଙ୍ଗ୍ ।”

୨୨ ଜିହୁଦା, ଇସ୍‌ପାରିୟତିୟ ଜିହୁଦା ହିଲ୍‌ଖାତାନ୍ ହେଞ୍ଜାନି° ଝେନ୍‌ବାତାନ୍, “ଏ ମାପୁ, ଇଦା° ଇନେସ୍ ଆନାଡ଼ ? ଜାର୍‌ତି° ପୁତର୍ ତାକେ ଝେର୍‌ୟାଞ୍ଜାଦା° ମା ତାକେ ଇନେସ୍ ହପନାଦେର୍ ?”

୨୩ ଜିସୁ ହେଞ୍ଜାନି° ଉତର୍ ହିତାନ୍, “ଜଦି ଇନେର୍ ନାଙ୍ଗ୍ ଜିଉନଦନାନ୍, ତା ଆତିସ୍ ହେଞ୍ଜାନ୍ ନା ବଚନ୍ ମାନିକିନାନ୍, ଆରେ ନା ଆବା ହେଞ୍ଜାନି° ଜିଉ ନନାନ୍, ଆରେ ଆପେ° ହେ କଚଣ୍ ଖାଜି ଆବା ଆରି ଆନ୍ ବାହା କିନାପ୍ । ୨୪ ଇନେର୍ ନାଙ୍ଗ୍ ଜିଉ ନଦୁନ୍, ହେଞ୍ଜାନ୍ ନା ବଚନ୍ ମାନିକିଉନ୍, ଆରେ ଇମ୍‌ଣି ବଚନ୍ ଏପେଙ୍ଗ୍ ଝେନାଦେରା, ହେଦା° ନାଦା° ଆକାୟ୍, ମତର୍ ନା ପଲ୍ଲିତି ମୁଣିକା ଆବାତି ।”

୨୫ “ଆନ୍ ମି ଲାହାଙ୍ଗ୍ ମାନ୍‌ଞ୍ଜି ମାନ୍‌ଞ୍ଜି ମିଙ୍ଗ୍ ଇ ଝିଜୁ କାତା ଇନ୍‌ଞ୍ଜାଙ୍ଗ୍‌ନା । ୨୬ ହେ ଉପକାର୍ କିଦନାକାନ୍, ଇତିସ୍ ଇମ୍‌ଣି ପୁଇପୁୟା ଜିବୁନ୍ତି° ବାଞ୍ଜା ନା ତରଦ ପଲ୍ଲାନାନ୍, ହେଞ୍ଜାନ୍ ମିଙ୍ଗ୍ ଝିଜୁ ବିସ୍ତେ ହିକ୍ୟା ହିଦନାନ୍, ଆରେ ଆନ୍ ମିଙ୍ଗ୍ ଇନା ଇନାକା ଇଞ୍ଜାଙ୍ଗ୍‌ନା, ହେ ସବୁ ମିଙ୍ଗେଙ୍ଗ୍ ଏଡୁକିୟ୍ କିଦନାନ୍ ।”

୨୭ “ଆନ୍ ମିଙ୍ଗ୍ ନା ସୁସ୍ତା ହିଜି ହାନାଙ୍ଗା, ନା ଜାର୍‌ତି ସୁସ୍ତା ମିଙ୍ଗ୍ ଦାନ୍ କିଦନାଙ୍ଗା; ପୁତର୍ ଇନେସ୍‌କି ଦାନ୍ କିଦନାଡ଼, ଆନ୍ ମିଙ୍ଗ୍ ହେ ଲାକେ ଦାନ୍ ହିଦୁଙ୍ଗା । ମି ମାନ୍ ଦୁକ୍ କି ପାଣ୍ଡା ଆମେଡ଼ ।”

୨୮ “ଆନ୍ ଜେ ହାନାଙ୍ଗା ଆରି ମି ତାକେ ମାସ୍‌ଦି ଖାନାଙ୍ଗ୍, ନା ଇ କାତା ତ ଝେଚାଦେଣ୍ଟା । ଜଦି ଏପେଙ୍ଗ୍ ନାଙ୍ଗ୍ ଜିଉନଜି ମାନ୍‌ଞ୍ଜିସ୍, ତା ଆତିସ୍ ଆନ୍ ନା ଆବା

କରଣ ହାନାଙ୍ଗା ଇଞ୍ଜି ଖାରି କିତାଦେର୍ମା, ଇନାକିଦେଂକି ବାଞ୍ଜା ନା ତାଙ୍ଗା ଗାଜାକାନ୍ । ୨୯ ଆରେ, ହେଦାଂ ଗିଟାଆନି ସମୁତ ଏପେଙ୍ଗ ଇନେସ୍ ପାତଂ କିନାଦେର୍, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ଗା ମିଙ୍ଗା ଝେର୍ଚାତାଂନା । ୩୦ ଆନ୍ ମି ଲାହାଙ୍ଗା ଆରେ ଆଦିକ୍ ସମୁ କାତାବାର୍ତ୍ତା କିଦୁଙ୍ଗା, ଇନାକିଦେଂକି ପୁତଂ ନି ମୁଡ଼ଦାକାନ୍ ଖାନାନା; ଆରେ, ନା ତାକେ ତାଦାଙ୍ଗା ଇନାକା ହିଲୁଡ଼; ୩୧ ମାତର୍ ଆନ୍ ଜେ ବାଞ୍ଜାଙ୍ଗା ଜିଉ ନନାଂ ଆରି ବାଞ୍ଜାତି ବଲ୍ଲ ଲାହାଂ କାମାୟ୍ କିନାଙ୍ଗା, ଇଦାଂ ଇନେସ୍ ପୁତଂ ପୁଞ୍ଜେଙ୍ଗା ଆଡ଼ଦାତାଡ଼, ଇଦାଂ କାଜିଂ ଇ ଲାକେ ପୁଞ୍ଜନାଡ଼ ।”

“ଖାଡୁ, ଆସେଙ୍ଗା ଇ ବାହାତାଂ ହାନାସ୍ ।”

୧୫

ହାଡ଼ପା ଅଙ୍ଗୁର୍ କୁଡ଼ି ଜିସୁ

୧ “ଆନ୍ ହାଡ଼ପା ଅଙ୍ଗୁର୍ କୁଡ଼ି, ଆରେ ନା ଆବା କାମ୍ଲିୟା । ୨ ନା ତାକେ ମାନି ଇମ୍ଫା କେନ୍ଦାଂ ପାଡ଼୍ ଆହ୍ଫିତିସ୍, ହେଦାଂ ହେଞ୍ଜାନ୍ କାଦ୍ଦି ତୁହିନାନ୍; ଆରେ ଇମ୍ଫା କେନ୍ଦାଂ ପାଡ଼୍ ଆହ୍ଫନାଡ଼, ଆଦିକ୍ ପାଡ଼୍ ଆହ୍ଫନି କାଜିଂ ହେଞ୍ଜାନ୍ ହେଦାଂ ନିର୍ମଲ୍ କିନାନ୍ । ୩ ଆନ୍ ମିଙ୍ଗେଙ୍ଗା ଇମ୍ଫା ବିରେଣ୍ ଇନ୍ଞାଙ୍ଗାନ୍ନା, ହେଦାଂ କାଜିଂ ଏପେଙ୍ଗା ସକର୍ ଆତାଦେର୍ଣ୍ଣା । ୪ ନା ତାକେ ମାନାଟ୍, ହେବେ ଆନ୍ ମି ତାକେ ମାନାଂ । କେନ୍ଦାଂ ଇନେସ୍ ଅଙ୍ଗୁର୍ କୁଡ଼ିତ ମାନ୍ଫିତିସ୍ ଜାର୍ତାଂ ପାଡ଼୍ ଆସ୍ତେଙ୍ଗା ଆଡୁଡ଼, ହେ ଲାକେ ଏପେଙ୍ଗା ପା ନା ତାକେ ମାନ୍ଫିତିସ୍ ପାଡ଼୍ ଆସ୍ତେଙ୍ଗା ଆଡୁଦେର୍ ।”

୫ “ଆନ୍ ଅଙ୍ଗୁର୍ କୁଡ଼ି, ଏପେଙ୍ଗା କେନ୍ଦାଂ, ଇନେର୍ ନା ତାକେ ମାନ୍ଞାମାନ୍ ଆରି ଆନ୍ ଇନେର୍ ତାକେ ମାନାଂ, ହେଞ୍ଜାନ୍ ବେସି ପାଡ଼୍ ଆହ୍ଫନାନ୍; ଇନାକିଦେଂକି ନା ପିସ୍ତି ଏପେଙ୍ଗା ଇନାକା କିଦେଙ୍ଗା ଆଡୁଦେର୍ । ୬ ଇନେର୍ ଏଚେକାଡ଼ଦ ନା ତାକେ ମାନ୍ଫିତିସ୍, ତା ଆତିସ୍ ହେଦାଂ କାଡ଼ଦି କେନ୍ଦାଂ ଲାକେ ବାର୍ତ୍ତ ତୁହିୟା ଆନାଡ଼ ଆରି ଖାଜ୍ଜି ହାନାଡ଼, ଆରେ ଲକୁ ହେଞ୍ଜାକାଂ ରୁଣ୍ଡାୟ୍ କିଜି ନାଣିତ ତୁହିନାର୍ ଆରି ହେଞ୍ଜାଙ୍ଗା କାଡ଼ଜିହାନିକ୍ ।” ୭ “ଏପେଙ୍ଗା ଜଦି ନା ତାକେ ମାନାଦେର୍, ଆରେ ନା ବଚନ୍ ମି ତାକେ ମାତିସ୍, ତା ଆତିସ୍ ଇମ୍ଫା ବିସ୍ତେ ଇଚା କିନାଦେର୍, ହେଦାଂ ଏନାଟ୍, ଆରେ ମି କାଜିଂ ହେଦାଂ ହିଦନାନ୍ । ୮ ଏପେଙ୍ଗା ବେସି ପାଡ଼୍ ଆସ୍ତିସ୍ ନା ଆବା ଜାଜ୍ମାଲ୍ ପାୟା ଆନାନ୍, ଆରେ ଏନେଙ୍ଗା ନା ହାଡ଼ପା ଚେଲା ଆନାୟ୍ । ୯ ଆବା ଇନେସ୍ ନାଙ୍ଗା ଜିଉନତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ଗା ଜିଉନଡ଼ତାଙ୍ଗା; ନା ଜିଉନଦ୍ନିତ ତିର୍ ଆଜି ମାନାଟ୍ । ୧୦ ଆନ୍ ଇନେସ୍ ନା ଆବାତି ବଲ୍ଲ ମାନି କିଜି ତାଦାଙ୍ଗା ଜିଉନନିତାକେ ତିର୍ ଆଜି ମାନାଙ୍ଗା, ହେ ଲାକେ ଏପେଙ୍ଗା ଏଚେକାଡ଼ଦ ନା ବଲ୍ଲ ମାନିକିନାଦେର୍, ତା ଆତିସ୍ ନା ଜିଉନନିତାକେ ତିର୍ ଆଜି ମାନାଦେର୍ ।”

୧୧ “ନା ଖାରି ଇନେସ୍ ମି ତାକେ ମାନାଡ଼, ଆରେ ମି ଖାରି ଇନେସ୍ ବାତଂ ଆନାଡ଼, ଇଦାଂ କାଜିଂ ଆନ୍ ଇ ଝିଲୁ ମିଙ୍ଗେଙ୍ଗା ଝେର୍ଚାତାଙ୍ଗା । ୧୨ ଆନ୍ ଇନେସ୍ ମିଙ୍ଗେଙ୍ଗା ଜିଉନଡ଼ତାଂନା, ଏପେଙ୍ଗା ରକାନ୍ ଆରେ ରକାନିଂ ବିତ୍ତେ ଜିଉନବାଆଡୁ, ଇଦାଂ ନା ବଲ୍ଲ । ୧୩ ଜାର୍ ହାଙ୍ଗାଦାକାରିଂ କାଜିଂ ଜାର୍ ଜିବୁନ୍ ହିନି ବାଟା ଇନେର୍ଡି ଆରେ ଆଦିକ୍ ଗାଜା ଜିଉନନାକା ହିଲୁଡ଼ । ୧୪ ଆନ୍ ମିଙ୍ଗେଙ୍ଗା ଇମ୍ଫା ବଲ୍ଲ ହିଦନାଙ୍ଗା, ହେଦାଂ ଜଦି ମାନିକିନାଦେର୍, ତେବେ ଏପେଙ୍ଗା ନା ହାଙ୍ଗାଦାକାଦେର୍ । ୧୫ ଆନ୍ ମିଙ୍ଗେଙ୍ଗା ଆରେ ଆଡ଼ିଏନ୍ ଇଞ୍ଜି ଇଞ୍ଜୁଙ୍ଗା, ଇନାକିଦେଂକି ହାଉକାର୍ ଇନାକା କିନାନ୍, ଆଡ଼ିଏନ୍ ହେଦାଂ ପୁନ୍ନୁନ୍, ମାତର୍ ଆନ୍ ମିଙ୍ଗେଙ୍ଗା ହାଙ୍ଗାଦାକାର୍ ଇଞ୍ଜି ଇଞ୍ଜାଙ୍ଗାନ୍ନା, ଇନାକିଦେଂକି ଆନ୍ ନା ଆବାତାଂ ଇନା ଇନାକା ଝେଚାଙ୍ଗା, ହେ ସବୁ ମିଙ୍ଗେଙ୍ଗା ଝେର୍ଚାତାଙ୍ଗା । ୧୬ ଏପେଙ୍ଗା ନାଙ୍ଗା ବାଟି କିଦ୍ଝାତାଦେର୍ଣ୍ଣା, ମାତର୍ ଆନ୍ ମିଙ୍ଗେଙ୍ଗା ବାଟି କିଡ଼ତାଙ୍ଗାନ୍ନା, ଆରେ ଏପେଙ୍ଗା ଇନେସ୍ ହାଲ୍ଲି ପାଡ଼୍ ଉବ୍ଜାଣ୍ କିନାଦେର୍

ଆରି ମିଖାଙ୍କ ପାତ୍, ତିରମାନଙ୍ଗାନାତ୍, ଇଦାଂ କାଜିଂ ମିଙ୍ଗେଙ୍ଗ ବାଟି କିଡ଼ତାଙ୍ଗନ୍ନା । ହେବେ ଏପେଙ୍ଗ ନା ତରଦ ଆବାଂ ଇନାକା ଏନ୍ନାଦେର, ହେଞ୍ଜାନ୍ ହେଦାଂ ମିଙ୍ଗେଙ୍ଗ ହିଦନାନ୍; ୧୭ ଏପେଙ୍ଗ ଇନେସ୍ ରକାନ୍ ଆରେ ରକାନିଂ ଜିଉନଞ୍ଜାଟ୍, ଇଦାଂ କାଜିଂ ଆନ୍ ମିଙ୍ଗେଙ୍ଗ ଇ ଓଁଜୁ ବଲ୍ ହିଦନାଙ୍ଗା ।”

ପୁତ୍ ତିଂ ଗିଣ୍

୧୮ “ଜଦି ମିଙ୍ଗେଙ୍ଗ ପୁତ୍ ଗିଣ୍ କିଡ଼ତିସ୍, ତେବେ ମିଙ୍ଗେଙ୍ଗ ଗିଣ୍ କିଦନି ଆଗେ ହେଦାଂ ଜେ ନାଙ୍ଗ ଗିଣ୍ କିଡ଼ତାଡ଼ନ୍ନା, ଇଦାଂ ପୁନାଟ୍ । ୧୯ ଏପେଙ୍ଗ ଜଦି ପୁତ୍ ତାଂ ଉବ୍‌ଜାଣ୍ ଆତାଦେମ୍‌ନା, ତେବେ ପୁତ୍ ମିଙ୍ଗେଙ୍ଗ ଜାର ଲକ୍‌କୂର୍ ପୁଞ୍ଜି ଜିଉ ନତାମ୍‌ନା; ମାତର୍ ଏପେଙ୍ଗ ପୁତ୍ ତାଂ ଉବ୍‌ଜାଣ୍ ଆଞ୍ଜାତାୟନା, ନଲେ ଆନ୍ ମିଙ୍ଗେଙ୍ଗ ପୁତ୍ ତାଂ ବାଟି କିଡ଼ତାଡ଼ନ୍ନା, ଇଦାଂ କାଜିଂ ପୁତ୍ ମିଙ୍ଗ ଗିଣ୍ କିଦନାଡ଼ ।” ୨୦ *ଆଡ଼ିଏନ୍ ଜାର ହାଉକାର୍‌ତାଙ୍ଗ ଗାଜା ଆକାୟ୍, ଆନ୍ ମିଙ୍ଗ ଇ ଇମ୍‌ଣି ବଚନ୍ ଖେଟ୍‌ଚାତାଙ୍ଗନା, ହେଦାଂ ଏତୁ କିୟାଟ୍ । ହେଞ୍ଜାର ଜଦି ନାଙ୍ଗ ଇଣ୍ କିଡ଼ତାର୍‌ନା, ତା ଆଡ଼ିସ୍ ମିଙ୍ଗ ପା ଇଣ୍ କିଦନାର୍, ହେଞ୍ଜାର ଜଦି ନା ବଚନ୍ ମାନିକିତାଣ୍ଣା, ତା ଆଡ଼ିସ୍ ମି ବଚନ୍ ପା ମାନିକିନାର୍ । ୨୧ ମାତର୍ ହେଞ୍ଜାର ନା ପଲ୍ଲି ହାଉକାର୍‌ତିଂ ପୁନ୍‌ଞ୍ଜାଦାଂ ମାଟିଲେ ନା ତର୍ କାଜିଂ ମିଙ୍ଗ ପା ଇ ସବୁ କିଦନାର୍ । ୨୨ ଜଦି ଆନ୍ ଖାଜି ହେଞ୍ଜାରିଂ ଇନ୍‌ଞ୍ଜାଦାଂ ମାଟିସ୍, ତା ଆଡ଼ିସ୍ ହେଞ୍ଜାର୍‌ତି ପାପ୍ ଆଞ୍ଜାତାମ୍‌ନା; ମାତର୍ ନଙ୍ଗ ହେଞ୍ଜାର୍‌ତି ପାପ୍ ବିସ୍ତେ ହେଞ୍ଜାର ଇନେର୍ ପା ଚତା କିଦେଙ୍ଗ ଆଡୁର୍ । ୨୩ ଇନେର୍ ନାଙ୍ଗ ଗିଣ୍ କିଦନାର୍, ହେଞ୍ଜାନ୍ ନା ଆବାଂ ପା ଗିଣ୍ କିନାନ୍ । ୨୪ ଇମ୍‌ଣି କାମାୟ୍ ଓଁଜୁ ଆରେ ଇନେର୍ କିତାତାଣ୍ଣା, ଆନ୍ ଜଦି ହେ ଓଁଜୁ ହେଞ୍ଜାର୍ ବିତ୍ରେ କିଞ୍ଜାଦାଂ ମାଟିସ୍, ତା ଆଡ଼ିସ୍ ହେଞ୍ଜାର୍‌ତି ପାପ୍ ଆଞ୍ଜାତାମ୍‌ନା; ମାତର୍ ନଙ୍ଗ ହେଞ୍ଜାର୍ ହୁଡ଼୍‌ତାର୍‌ନା, ଆରେ ନାଙ୍ଗ ଆରି ନା ଆବା ରିୟାରିଂ ଗିଣ୍ କିଡ଼ତାର୍‌ନା । ୨୫ ମାତର୍ ହେଞ୍ଜାର୍ ବିନାସୁନ୍‌ରେ ନାଙ୍ଗ ଗିଣ୍ କିଡ଼ତାର୍, ହେଞ୍ଜାର୍‌ତି ମସାତି ବିଦିତ ଲେକାଆତି ଇ ବଚନ୍ ଇନେସ୍ ପୁରା ଆନାଡ଼, ଇଦାଂ କାଜିଂ ଏଲେଙ୍ଗ ଗିଟା ଆନାତା ।

୨୬ “ଆବାଟି ତାକେଣ୍ଣାଂ ଆନ୍ ମି ଲାଗାଂ ଇମ୍‌ଣି ଉପ୍‌କାର୍ କିଦନାକାନିଂ ପଲ୍ଲାନାଂ, ଆବା ତାକେଣ୍ଣାଂ ହତି ହେ ହାଡ଼ପାନି ଜିବୁନ୍ ଖାଡ଼ିସ୍ ନା ବିସ୍ତେ ସାକି ହିଦନାନ୍; ୨୭ ଆରେ, ଏପେଙ୍ଗ ପା ସାକି, ଇନାକିଦେଂକି ଏପେଙ୍ଗ ଆରମ୍‌ତାଂ ନା ହୁକେ ମାନାଦେରା ।”

୧୭

୧ “ଏପେଙ୍ଗ ଇନେସ୍ ପାତ୍ କିଉଦେର୍, ଇଦାଂ କାଜିଂ ଆନ୍ ମିଙ୍ଗେଙ୍ଗ ଇ କାତା ଇଞ୍ଜନାଙ୍ଗା । ୨ ମିଙ୍ଗେଙ୍ଗ ଲକ୍‌କୂ ହେଞ୍ଜାର୍ କୁଟୁମ୍ ଇଞ୍ଜାଙ୍ଗ ପାଗ୍ରି କିଦନାର୍ । ଏଲେଙ୍ଗ୍‌ବାତ୍ ସମ୍‌ନୁ ଖାନାତା ଏତେକାଡ଼୍‌ଦ ବାବିକିଦନାର୍ ଜେ ମିଙ୍ଗେଙ୍ଗ ଅସ୍ତ୍ରିନି କାଜିଂ ହେଞ୍ଜାର୍ ଇସ୍‌ରତିଂ ହେବା କିନାରା । ୩ ଆରେ, ହେଞ୍ଜାର୍ ଇଦାଂ ଓଁଜୁ କିନାର୍, ଇନାକିଦେଂକି ହେଞ୍ଜାର୍ ଆବାଂ କି ନାଙ୍ଗ ପୁଞ୍ଜିଞ୍ଜାତାଣ୍ଣା । ୪ ମାତର୍ ଇ ସବୁ ଗିଟାଆନି ସମ୍‌ନୁ ଏକାଞ୍ଜାଡ଼ିସ୍, ଆନ୍ ଜେ ମିଙ୍ଗେଙ୍ଗ ଖେଟ୍‌ଚି ମାନ୍‌ଞ୍ଜାଙ୍ଗ, ଇଦାଂ ଇନେସ୍ ଏପେଙ୍ଗ ଏତୁ କିନାଦେର୍, ଇଦାଂ କାଜିଂ ଆନ୍ ଇ ଓଁଜୁ କାତା ମିଙ୍ଗେଙ୍ଗ ଖେଟ୍‌ଚାତାଂନ୍ନା ।”

ପୁଇପୁୟା ଜିବୁନ୍‌ନି କାମାୟ୍

୫ ମାତର୍ ନଙ୍ଗ ଆନ୍ ନା ପଲ୍ଲିତି ହାଉକାର୍‌ତାକେ ହାନାଙ୍ଗା, ଆରେ ଏପେଙ୍ଗ “ଇମ୍‌ଣି ବାହାତ ହାନାୟା” ଇଞ୍ଜି ମି ବିତ୍ରେ ଇନେର୍ ନାଙ୍ଗ ଖେନ୍‌ବା ଆଦୁଦେରା । ୬ ମାତର୍ ଆନ୍ ମିଙ୍ଗେଙ୍ଗ ଇ ଓଁଜୁ କାତା ଇଞ୍ଜି ମାଟିଲେ ମି ମାନ୍ ଦୁକ୍‌ତ ବାତ୍

* ୧୫:୨୦ ୧୫:୨୦ ମାଟିଉ ୧୦:୨୪; ଲୁକ ୭:୪୦; ଜହନ ୧୩:୧୭.

ଆତାତୁନା ।^୭ ମାତରୁ ଆନ୍ ମିଙ୍ଗେଙ୍ଗ ହାତ୍‌ପା ଇଞ୍ଜନାଙ୍ଗା, ନା ହାନାକା ମି କାଜିଁ ହାଋ, ଇନାକିଦେଂକି ଆନ୍ ହାଲ୍‌ଝିତିସ୍ ହେ ଉପକାର କିନାକାନ୍ ମି ତାକେ ଖାଉନ୍, ମତରୁ ଆନ୍ ହାତିସ୍ ହେଝାନିଁ ମି ତାକେ ପଲ୍ଲାନାଁ ।^୮ “ହେଝାନ୍ ଖାଜିଁ ପାପ, ଦାମ୍ ଆରି ବିଚାର ବିସ୍ତେ ପୁତ୍ ତିଁ ହାତ୍‌ପା ପାର୍ମାଣ୍ ହିନାନ୍; ^୯ ହେଝାନ୍ ଖେଚଚାନାନ୍ ଜେ ନା ତାକେ ପାତ୍ କିଝାକାର ନେ ପାପ; ^{୧୦} ଦାମ୍ ବିସ୍ତେ ହେଝାରୁ ବୁଲ୍ ଇନାକିଦେଂକି ଆନ୍ ଆବା ତାକେ ହାନାଙ୍ଗା ଆରି ଏପେଙ୍ଗ ନାଙ୍ଗ ଆରେ ହୁଡ଼ୁଦୁଦେର୍; ^{୧୧} ବିଚାର୍ଣ୍ଣା ବିସ୍ତେ ହେଝାରୁ ବୁଲ୍ ଇନାକିଦେଂକି ଇ ଜଗତ୍‌ତ ମୁଡ଼ଦାକାନ୍ ବିଚାର୍ଣ୍ଣା ଆତାତେ ।”

^{୧୨} “ଆନ୍ ମିଙ୍ଗେଙ୍ଗ ଆଦିକ୍ କାତା ଇଞ୍ଜନାକା ମାନାତ୍, ମତରୁ ଏପେଙ୍ଗ ନଙ୍ଗ ହେ ସବୁ ହୁନ୍‌ଞ୍ଜେଙ୍ଗ ଆତୁଦେର୍ । ^{୧୩} ମାତରୁ ହେଝାନ୍, ହାତ୍‌ପା ଜିବୁନ୍ ଖାତିସ୍ ହେଝାନ୍ ଝିଲ୍ ହାତ୍‌ପା ବୁଜାଆଦେଂ ସାଲ୍ଲି ହିଦନାନ୍, ହେଝାନ୍ ଜାରୁ ଆଦିକାର ସାଲ୍ଲିତାଁ ଇନାକା ଇଞ୍ଜୁନ୍ ଇସ୍‌ର ତାକେ ଇନାକା ଖେଚଚାନା ଏଚେକ୍ ହେଝାନ୍ ଚଚନାନ୍ ଇନାକା ଗିଟା ଆଦେଂ ହାନାତା, ହେଦାଁ ମିଙ୍ଗେଙ୍ଗ ଖେଚଚାନାନ୍ । ^{୧୪} ହେଝାନ୍ ନାଙ୍ଗ ଜାଜ୍‌ମାଲ୍ ହିଦନାନ୍, ଇନାକିଦେଂକି ହେଝାନ୍ ନା ବିସ୍ତେ ସବୁ କାତା ଅଜି ମିଙ୍ଗେଙ୍ଗ ଜାଣାୟ୍ କିଦନାନ୍ । ^{୧୫} ଇନା ଇନାକା ଆବାତି, ହେ ସବୁ ନାଦାଂ; ଇଦାଂ କାଜିଁ ଆନ୍ ଇଚାଂ, ପୁଇପୁୟା ଜିବୁନ୍ ହେଝାନ୍ ନା ବିସ୍ତେ ଅଜି ମିଙ୍ଗେଙ୍ଗ ଜାଣାୟ୍ କିଦନାନ୍ ।”

ଦୁକ୍ ଆରି ଖାରି

^{୧୬} “ମତରୁ ଅଲପ୍ ସମ୍ ମାନାତ୍, ଏପେଙ୍ଗ ଆରେ ନାଙ୍ଗ ହୁଡ଼ୁଦୁଦେର୍, କେଡ଼ଦିନ୍ ପାଚେ ଏପେଙ୍ଗ ନାଙ୍ଗେଙ୍ଗ ହୁଡ଼ଦାନାଦେର୍ ।”

^{୧୭} ହେବେଣ୍ଣାଁ ତା ଚେଲାହିର୍ ବିତ୍ରେତାଁ ଇନେ ଇନେର୍ ରକାନ୍ ଆରେ ରକାନ୍ ଇଚାର, “ଅଲପ୍ ମତରୁ ସମ୍ ମାନାତ୍, ଏପେଙ୍ଗ ନାଙ୍ଗେଙ୍ଗ ହୁଡ଼ୁଦୁଦେର୍, କେଡ଼ଦିନ୍ ପାଚେ ଏପେଙ୍ଗ ନାଙ୍ଗେଙ୍ଗ ହୁଡ଼ଦାନାଦେର୍ ଆରି ଆନ୍ ଆବାତି ଲାଗେ ହାନାଙ୍ଗା, ଇ ଇମ୍‌ଣି କାତା ହେଝାନ୍ ମାଙ୍ଗେଙ୍ଗ ଇଞ୍ଜନାକା, ଇଦାଂ ଇନାକା ?” ^{୧୮} “ଅଲପ୍ ସମ୍ ଇଞ୍ଜି ହେଝାନ୍ ଇନାକା ଇନାନ୍ ? ହେଝାନ୍ ଇନାକା ଇନାନ୍, ଆପେଂ ବୁଜାଆଦେଂ ଆତୁପା ।”

^{୧୯} ହେଝାରୁ ତାଙ୍ଗ ଖେନ୍‌ବେଦେଂ ଇଚା କିନାରା ଇଞ୍ଜି ପୁଞ୍ଜି ଜିସୁ ହେଝାରିଁ ଇଚାନ୍, “ଅଲପ୍ ମତରୁ ସମ୍ ମାନାତ୍, ଏପେଙ୍ଗ ନାଙ୍ଗ ହୁଡ଼ୁଦୁଦେର୍, ଆରେ ରଗ ଅଲପ୍ ସମ୍ ପାଚେ ଏପେଙ୍ଗ ନାଙ୍ଗ ହୁଡ଼ଦାନାଦେର୍, ଆନ୍ ଇ ଇମ୍‌ଣି କାତା ଇନ୍‌ସାଙ୍ଗ୍, ହେ ବିସ୍ତେ ଅଜି ଏପେଙ୍ଗ ଇନାକା ରକାନ୍ ରିକାର ବେଣ୍‌ବାଟ୍ କିନାଦେରା ? ^{୨୦} ଆନ୍ ହାତ୍‌ପା ମିଙ୍ଗେଙ୍ଗ ଇଞ୍ଜନାଙ୍ଗା, ଏପେଙ୍ଗ ଆଡ଼୍‌ବାନାଦେର୍ ଆରି ଦୁକ୍ କିନାଦେର୍, ମାତରୁ ପୁତ୍ ଖାରି କିନାତ୍; ଏପେଙ୍ଗ ଦୁକ୍ ଆନାଦେର୍, ମାତରୁ ମିଦାଙ୍ଗ ଦୁକ୍ ଖାରିତାଁ ବାତ୍ ଆନାତ୍ । ^{୨୧} କନାତ କୁଚ୍‌ଚେଂ ସମ୍ ଏକାଝାତିସ୍ କଗ୍‌ଲେ ପାୟା ଆନାତ୍; ମାତରୁ ହେଦେଲ୍ ହିମ୍‌ଣା ଗାଟାଆତି ପାଚେ ପୁତ୍ ରକାନ୍ ମାନାୟ୍ ଜଲମ୍ ଆତାନ୍ନା, ଇ ଖାରି କାଜିଁ ଆରେ କସ୍‌ତିଁ ଏତୁ କିଉଡ୍ । ^{୨୨} ହେ ଲାକେ ଏପେଙ୍ଗ ନଙ୍ଗ ଦୁକ୍ ପାୟାଆନାଦେରା, ମାତରୁ ଆନ୍ ଆରେ ରଗ ମିଙ୍ଗେଙ୍ଗ ଚଞ୍ଜିୟାଆଦନାଂ, ଆରେ ମିଦାଙ୍ଗ ଖାସ୍ତିତାଁ ଖାରୟା ଆନାତ୍ ଆରି ଇନେର୍ ମିତାଙ୍ଗ ମିଙ୍ଗେଙ୍ଗ ଖାରି ଜେଲ୍‌ଜି ଅଦୁର୍ ।”

^{୨୩} “ହେ ଦିନ୍ ନାଙ୍ଗ ଇନାକା ଖେନ୍‌ବା ଆଦୁଦେର୍ । ହାତ୍‌ପା ହାତ୍‌ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଜଦି ଏପେଙ୍ଗ ଆବାଂ ଇନାକାପା ଏନ୍‌ନାଦେର୍, ବାଟିଙ୍ଗ୍ ନା ତରଦ ହେଝାନ୍ ମିଙ୍ଗେଙ୍ଗ ହେଦାଁ ହିଦନାନ୍ । ^{୨୪} ଇ ପାତେକ୍ ଏପେଙ୍ଗ ନା ତରଦ ଇନାକା ଏନ୍ତାଝାତାଦେର୍ଣ୍ଣା, ନଙ୍ଗ ଏନାଟ୍ ଏପେଙ୍ଗ ହେଦାଁ ପାୟାନାଦେର୍ ମିଦାଙ୍ଗ ଖାରି ଇନେସ୍ ବାତ୍ ଆନାତ୍ ।”

ପୁତ୍ର ଜପି ଜିଣାନାକା

୨୫ “ଆନ୍ ମିଙ୍ଗେଙ୍ଗ୍ ଖାଚ୍‌କା ଚର୍ଚ୍ଚି ଇ ସବୁ କାତା ଇଞ୍ଜାଙ୍ଗ୍‌ନ୍ନା; ସମ୍ବୁ ଖାନାତା, ଏଚେକାଡ଼ଦ ଆନ୍ ଆରେ ଖାଚ୍‌କାଙ୍ଗ୍ ଚର୍ଚ୍ଚି ମିଙ୍ଗେଙ୍ଗ୍ ଖେଚ୍‌ଚୁଙ୍ଗ୍, ମାତର୍ ଆବାତି ବିସ୍ତେ ପୁଚ୍‌ଚେରଚେ ମିଙ୍ଗେଙ୍ଗ୍ ଜାଣାୟ୍ କିଦନା” । ୨୬ ହେ ଦିନ୍ ଏପେଙ୍ଗ୍ ନା ତରଦ ତାଙ୍ଗେଙ୍ଗ୍ ଏନ୍ତାନାଦେର୍, ଆରେ, ଆନ୍ ଜେ ମିଦାଙ୍ଗ୍ ପାକ୍ୟାତ ଆବାଂ ଗଞ୍ଜାରି କିନାଙ୍ଗ୍, ଇଦାଂ ଆନ୍ ମିଙ୍ଗେଙ୍ଗ୍ ଇଞ୍ଜୁଙ୍ଗା; ୨୭ ଇନାକିଦେଂକି ଆବା ନିଜେ ମିଙ୍ଗେଙ୍ଗ୍ ଜିଉନଦନାନ୍, ଲାଗିଂ ଏପେଙ୍ଗ୍ ନାଙ୍ଗେଙ୍ଗ୍ ଜିଉନଦନାଦେରା ଆରି ଆନ୍ ଜେ ଇସ୍‌ବର୍ ତାକେଣ୍ଟାଂ ଖାତାଙ୍ଗ୍‌ନା, ହେଦାଂ ଏପେଙ୍ଗ୍ ପାତ୍ର କିତାଦେଣ୍ଟା । ୨୮ ଆନ୍ ଆବାତାଂ ଜଗଡ଼ତାକେ ଖାତାଙ୍ଗ୍‌ନା; ଆରେ ରଗ ଆନ୍ ପୁତ୍ର ପିସ୍ତି ଆବା ତାକେ ହାନାଙ୍ଗା ।”

୨୯ ଇ କାତା ଖେନ୍‌ଞ୍ଜି ଚେଲାହିର୍ ଇଚାର୍, “ହୁଡ଼ା, ନଂ ଏନ୍ ରାକୁକିଜି ଖେଚ୍‌ଚାନାୟା ଆରି ଖାଚ୍‌କା ଚର୍ଚ୍ଚି କାତା ଆରେ ଇନ୍‌ୟା । ୩୦ ନଙ୍ଗ୍ ଆପେଂ ଇଦାଂ ପୁନାପ୍ ଜେ ଏନ୍ ଜେ ସବୁ ବିସ୍ତେ ପୁନାୟ୍ ଆରେ ଇନେରିଂ ଖେନ୍‌ବେଦେଂ ଲଡ଼ା ଆକାୟ୍, ହେଦାଂ ନଙ୍ଗ୍ ଆପେଂ ପୁତାପ୍; ଇସ୍‌ବର୍ ତାକେଣ୍ଟାଂ ଏନ୍ ଖାତାୟ୍‌ନ୍ନା ଇଞ୍ଜି ଆପେଂ ଇଦାଂ ହୁକେ ପାତ୍ର କିନାପା ।”

୩୧ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ନଙ୍ଗ୍ ପାତ୍ର କିନାଦେରା କି ? ୩୨ ହୁଡ଼ାଚ୍, ସମ୍ବୁ ଖାନାତା, ଆଁ, ଖାତାତେ, ଏଚେକାଡ଼ଦ ଏପେଙ୍ଗ୍ ତିନ୍‌ବିନ୍ ଆଜି ଝିଜାକାଦେର୍ ଜାର୍ ଜାର୍ ଇଞ୍ଜି ହନ୍‌ଚି ହାନାଦେର୍, ଆରେ ନାଙ୍ଗେଙ୍ଗ୍ ରଞ୍ଜାନିଂ ପିସ୍ତି ହାନାଦେର୍; ଆତିସ୍‌ପା ରକାଂ ଆକାୟ୍, ଇନାକିଦେଂକି ଆବା ନା ହୁକେ ମାନାନ୍ । ୩୩ ଏପେଙ୍ଗ୍ ଇନେସ୍‌ନା ତାକେ ମାନ୍‌ଞ୍ଜି ସୁସ୍ତା ପାୟା ଆଡୁ, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ସବୁ ବିସ୍ତେ ଇନ୍‌ଞ୍ଜାଙ୍ଗ୍‌ନ୍ନା । ପୁତ୍ର ତ ମି କାଜିଂ ଦୁକ୍ ମାନାଡ଼, ମାତର୍ ସାସ୍ ଆହାଚ୍; ଆନ୍ ପୁତ୍ର ତିଂ ଜିଣା ଆତାଙ୍ଗ୍‌ନା ।”



ଜିସୁଙ୍ଗ୍ ମାପୁହେବାକିନାକାନ୍ ପାର୍ତାନା

୧ ଜିସୁ ଇ ଝିଲୁ ବେରଣ୍ ଇଞ୍ଜି ସାଗେନିପ ଜପି ହୁଡ଼ଜି ଇଚାନ୍, “ଆବା, ସମ୍ବୁ ଏକା ଖାତାତେ; ନି ମାଜିଙ୍ଗ୍ ଜାଜ୍‌ମାଲ୍ କିୟା, ଇନେସ୍ ମାଜି ମିଙ୍ଗେଙ୍ଗ୍ ପାଣ୍ କିଦନାନ୍, ୨ ଏପେଙ୍ଗ୍ ତାଙ୍ଗେଙ୍ଗ୍ ଝିଜାର୍ ମାନାୟାରିଂ ଆଦିକାର୍ ହିତାୟ୍‌ନା, ହେଞ୍ଜେରିଂ ଝିଜ୍‌ଝି ଜିବୁନ୍ ହିଦେଂ ଇଞ୍ଜି ତାଙ୍ଗେଙ୍ଗ୍ କେଇଦ ଝିଲୁ ବଜ୍ ଜପି ଆଦିକାର୍ ହିତାଦେର୍ । ୩ ଆରେ, ରକାନ୍ ମତର୍ ହାଡ଼ପା ଇସ୍‌ବର୍ ଜେ, ଏନ୍ ମିଙ୍ଗେଙ୍ଗ୍ ଆରି ମି ପକ୍ୟାତାକାନ୍ ଜିସୁ କ୍ରିସ୍‌ଟ୍ ପୁନାକା ନେ ଝିଜ୍‌ଝି ଜିବୁନ୍ ଆନାନ୍, ୪ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣି କାମାୟ୍ କିଦେଙ୍ଗ୍ ହିଡ଼ତାଦେଣ୍ଟା, ହେଦାଂ ଆନ୍ ଝିସ୍ତି ପୁତ୍ର ତ ମିଙ୍ଗେଙ୍ଗ୍ ଜାଜ୍‌ମାଲ୍ କିଦନାଙ୍ଗା । ୫ ଆରେ ନଙ୍ଗ୍‌ୟ୍ ଏ ଆବା, ପୁତ୍ର ନି ଉବ୍‌ଜାଣ୍ ଆଗେ ମି ହୁଦାଂ ନା ଇମ୍‌ଣି ପାଣ୍ ମାଗାଡ଼, ତା ପାଚେ ଏପେଙ୍ଗ୍ ନାଙ୍ଗେଙ୍ଗ୍ ନି ଜାଜ୍‌ମାଲ୍ ନାଙ୍ଗ୍ ହିଦା ।”

୬ “ଏପେଙ୍ଗ୍ ନାଙ୍ଗେଙ୍ଗ୍ ପୁତ୍ର ବିତ୍ରେ ଇମ୍‌ଣି ମାନାୟାରିଂ ଦାନ୍ କିନାଦେର୍, ଆନ୍ ହେଞ୍ଜାର୍ ଲାଗେ ନି ତର୍ ଖେଚ୍‌ପାତାନ୍; ହେଞ୍ଜାର୍ ମିଞ୍ଜାର୍ ମାଗାର୍ ଆରି ଏପେଙ୍ଗ୍ ହେଞ୍ଜାରିଂ ନାଙ୍ଗେଙ୍ଗ୍ ଦାନ୍ କିଡ଼ତାୟ୍, ଆରେ ହେଞ୍ଜାର୍ ନି ବଲ୍ ପାଲି କିନାରା । ୭ ଏପେଙ୍ଗ୍ ନାଙ୍ଗେଙ୍ଗ୍ ଇନା ଇନାକା ଦାନ୍ କିଡ଼ତାଦେଣ୍ଟା, ହେ ଝିଲୁ ଜେ ନିଙ୍ଗ୍ ତାଙ୍ଗ୍ ଆତାଡ଼୍‌ନ୍ନା, ଇଦାଂ ହେଞ୍ଜାର୍ ନଙ୍ଗ୍‌ୟ୍ ବୁଜାଆତାଣ୍ଟା; ୮ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍ ଜେ ଝିଲୁ ବଚନ୍ ଦାନ୍ କିନାଦେର୍, ଆନ୍ ହେଞ୍ଜେରିଂ ହେ ସବୁ ଦାନ୍ କିତାଙ୍ଗ୍‌ନା, ଆରେ ହେଞ୍ଜାର୍ ଇଡ଼ତାର୍‌ନ୍ନା, ଆରେ ଆନ୍ ଜେ ମିତାଙ୍ଗ୍ ଖାନାଙ୍ଗା, ହେଦାଂ

ହାତ୍‌ପାରତେ ପୁରାଣ୍ଡା ଆରି ଏପେଙ୍ଗ୍ ନାଙ୍ଗେଙ୍ଗ୍ ପକ୍‌ତାତାୟନା ଇଞ୍ଜି ପାତ୍ କିନାୟା ।”

୯ “ଆନ୍ ହେୱାର୍ କାଜିଂ ଗୱାରି କିନାଙ୍ଗା; ପୁତ୍ ତିଂ ଇଞ୍ଜି ପାର୍ତାନା କିତଙ୍ଗା, ମାତର୍ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣାକାରିଂ ହିତାଦେରନା, ହେୱାର୍ କାଜିଂ ପାର୍ତାନା କିନାଙ୍ଗା, ଇନାକିଦେଂକି ହେୱାର୍ ମିୱାର୍; ୧୦ ଇନା ଇନାକା ନାଦାଂ, ହେ ଓଁଜୁ ମିଦାଙ୍ଗ୍, ଆରେ ଇନା ଇନାକା ମିଦାଙ୍ଗ୍, ହେ ଓଁଜୁ ନାଦାଂ; ଆରେ, ଆନ୍ ହେୱାର୍ ତାକେ ଜାଙ୍‌ମାଲ୍ ପାୟା ଆତାଙ୍ଗନା । ୧୧ ଆନ୍ ଆରେ ଇ ପୁତ୍ ତ ମାନୁଙ୍ଗା, ମାତର୍ ଇୱାର୍ ପୁତ୍ ତ ମାନାର୍; ଆରେ, ଆନ୍ ସାକ୍ତି କାଜିଂ ମି ଲାଗେ ହାନାଙ୍ଗା । ପୁଇପୁୟା ଆବା, ମି ତରଦ ହେୱାରିଂ ରାକ୍ୟା କିୟା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିତ୍‌ତାୟନା, ହେ ଲାକେ ଆପେଂ ଇନେସକି ଏକ୍, ହେୱାର୍ ହେ ଲାକେ ଏକ୍ ଆନାର୍ ।”

୧୨ * “ହେୱାର୍ ଲାହାଙ୍ଗ୍ ମାନି ସମୁତ ଆନ୍ ହେୱାରିଂ ମି ତରଦାଂ ରାକ୍ୟା କିଜି ୱାତାଙ୍ଗନା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିତ୍‌ତାଦେଣ୍ଡା, ଆରେ ଆନ୍ ହେୱାରିଂ ଜାଗ୍ରତ୍‌ତାଂ ରାକ୍ୟା କିତାଙ୍ଗନା ଆରି ସାସ୍ତରତ ଇନେସ୍ ଜିତା ଆନାତ୍, ଇଦାଂ କାଜିଂ ନାସ୍ ଆନି କାତ୍‌ଦେ ପିସ୍ତି ହେୱାର୍ ବିତ୍ରେ ରୱାନ୍ ଇନେନ୍ ନସ୍ ଆୱାତାଣ୍ଡା । ୧୩ ମାତର୍ ଅଙ୍ଗୟ୍ ଆନ୍ ମି ଲାଗେ ହାନାଙ୍ଗା, ଆରେ ହେୱାର୍ ୱାସ୍ତିତ ନା ୱାରି ଇନେସ୍ ବାତ୍ ଆନାତ୍, ହେଦାଂ କାଜିଂ ପୁତ୍ ତ ମାନୁ ମାନୁ ଆନ୍ ଇ ସବୁ ଇଞ୍ଜିନାଙ୍ଗା । ୧୪ ଆନ୍ ହେୱାରିଂ ନି ବଚନ୍ ହିତ୍‌ତାଙ୍ଗନା, ଆରେ ପୁତ୍ ହେୱାରିଂ ଗିଣ୍ କିନାତା, ଇନାକିଦେଂକି ଆନ୍ ଇନେସ୍ ଇ ପୁତ୍ ତ ଆକାୟ୍, ହେୱାର୍ ହେ ଲାକେ ଇ ପୁତ୍ ତାଂ ୱାୱାତାଙ୍ଗନା । ୧୫ ଏପେଙ୍ଗ୍ ହେୱାରିଂ ପୁତ୍ ତାଙ୍ଗ୍ ଅୱାଟ୍ ଇଞ୍ଜି ଆନ୍ ପାର୍ତାନା କିନାଙ୍ଗା, ମାତର୍ ହେୱାରିଂ ସୟ୍‌ତାନ୍ ତାଙ୍ଗ୍ ରାକ୍ୟା କିୟା ଇଞ୍ଜି ଗୱାରି କିନାଙ୍ଗା । ୧୬ ଆନ୍ ଇନେସ୍ ପୁତ୍ ତ ଆୱାତାଂନା, ହେୱାର୍ ହେ ଲାକେ ପୁତ୍ ତାଂ ଆକାୟ୍ । ୧୭ ହାତ୍‌ପା କାଜିଂ ହେୱାରିଂ ପୁଇପୁୟା କିୟାଟ୍, ମିଦାଙ୍ଗ୍ ବଚନ୍ ନେ ସତ୍ । ୧୮ ଏନ୍ ନାଙ୍ଗେଙ୍ଗ୍ ଇନେସ୍ ପୁତ୍ ତ ପକ୍‌ତାତାୟନା, ଆନ୍ ପା ହେୱେରିଂ ହେ ଲାକେ ପୁତ୍ ତ ପକ୍‌ତାଙ୍ଗନା । ୧୯ ଆରେ, ହେୱାର୍ ପା ଇନେସ୍ ହାତ୍‌ପା ହୁକେ ପୁଇପୁୟା ଆନାର୍, ଇଦାଂ କାଜିଂ ଆନ୍ ହେୱାରିଂ କାଜିଂ ନିଙ୍ଗେଙ୍ଗ୍ ପୁଇପୁୟା କିଦ୍‌ନାଙ୍ଗ୍ ।”

୨୦ “ଆନ୍ କେବଲ୍ ଇୱାର୍ କାଜିଂ ଗୱାରି କିଜି ପାର୍ତାନା କିତଙ୍ଗା, ମାତର୍ ଇୱାର୍ ବଚନ୍ ହୁକେ ଇମ୍‌ଣାକାର୍ ନା ତାକେ ପାତ୍ କିତାର୍, ହେୱାର୍ କାଜିଂ ପା ପାର୍ତାନା କିନାଙ୍ଗା, ୨୧ ହେୱାନ୍ ଓଁଜାର୍ କାଜିଂ ପା ପାର୍ତାନା କିଜି ମାତାନ୍ । ହେୱାର୍ ଓଁଜାକାର୍ ଏକ୍ ଆନାର୍; ଇଦାଂ ନା ପାର୍ତାନା । ଆବା, ଏନ୍ ଇନେସକି ନା ତାକେ ଆରି ଆନ୍ ନି ତାକେ ମାନାଙ୍ଗ୍, ହେୱାର୍ ପା ହେ ଲାକେ ଇନେସକି ଏନ୍‌ନାଙ୍ଗ୍ ପକ୍‌ତାତାନ୍ ଇଞ୍ଜି ପୁତ୍ ପାତ୍ କିଦ୍‌ନାତ୍ । ୨୨ ଆରେ, ଏନ୍ ନାଙ୍ଗେଙ୍ଗ୍ ଇମ୍‌ଣି ପାଣ୍ ହିତ୍‌ତାୟନା, ଆନ୍ ହେୱାରିଂ ହେଦାଂ ହିତାଙ୍ଗନା, ଇନେସ୍ ଆପେଂ ଇନେସକି ଏକ୍, ହେୱାର୍ ହେ ଲାକେ ଏକ୍ ଆନାର୍; ୨୩ ଆନ୍ ହେୱାର୍ ତାକେ, ଆରେ ଏନ୍ ନା ତାକେ, ଇନେସ୍ ହେୱାର୍ ହାର୍ ଆଜି ଏକ୍ ଆନାର୍, ଇନେସ୍ ପୁତ୍ ବୁଜାଆନାତ୍ ଜେ, ଏନ୍ ନାଙ୍ଗେଙ୍ଗ୍ ପକ୍‌ତାତାୟ୍, ଆରେ ନାଙ୍ଗେଙ୍ଗ୍ ଇନେସକି ଜିତ୍‌ନତାୟ୍, ହେୱାରିଂ ପା ହେ ଲାକେ ଜିତ୍‌ନତାୟ୍ ।”

୨୪ “ଏ ଆବା, ଏନ୍ ନାଙ୍ଗେଙ୍ଗ୍ ଇମ୍‌ଣାକାରିଂ ହିତ୍‌ତାୟନା, ଆନ୍ ଇମେତାକେ ମାନେଙ୍ଗ୍, ହେୱେର୍ ପା ଇନେସ୍ ହେବେ ନା ଲାହାଙ୍ଗ୍ ମାନେର୍ ଆରି ପୁତ୍ ଓଁଜୁନ୍‌ନି ଆଗେ ଏନ୍ ନାଙ୍ଗେଙ୍ଗ୍ ଜିତ୍‌ନଜି କିଦ୍‌ନି କାଜିଂ ନାଙ୍ଗେଙ୍ଗ୍ ଇମ୍‌ଣି ପାଣ୍ ହିତ୍‌ତାୟନା, ନା ହେ ପାଣ୍ ହେୱାର୍ ଇନେସ୍ ହୁଡ୍‌ନାର୍, ଇଦାଂ ନା ମାନ୍ । ୨୫ ଏ ଦାମ୍ ଆବା, ପୁତ୍ ନିଙ୍ଗେଙ୍ଗ୍ ପୁଞ୍ଜୁୱାତାଦ୍‌ନା, ମାତର୍ ଆନ୍ ନିଙ୍ଗେଙ୍ଗ୍ ପୁଞ୍ଜାଙ୍ଗନା; ଆରେ, ଇଦାଂ

* ୧୭:୧୨ ୧୭:୧୨ ଜହନ୍ ୧୩:୧୮.

ଜେ ନାଲୋଙ୍ଗ ପକ୍ତାତାୟ, ହେଦାଂ ଇଞ୍ଜାର ପୁରାଣ୍ଡା; ୨୬ ଆରେ ଏନ୍ ନାଲୋଙ୍ଗ ଇମ୍‌ଣି ଜିଉଡ଼ ଜିଉନତାୟନା, ହେଦାଂ ଇନେସ୍ ହେଞ୍ଜାର ତାକେ ମାନାଡ଼ ଆରି ଆନ୍ ହେଞ୍ଜାର ତାକେ ମାନଗାନାଙ୍ଗ, ଇ କାଜିଂ ଆନ୍ ହେଞ୍ଜାରିଂ ନି ତର୍ ଖେଚ୍‌ଚାତାଂନା ଆରି ଖେଚ୍‌ନାଙ୍ଗ ।”

୧୮

ଜିସୁ ସାତୁର୍ କେଇଦ ଆହ୍‌ୟା ଆତାନ

(ମାତିଉ ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇ ପାର୍ତାନା ଖିଜୁ କାତା ଇଞ୍ଜି ଜାର୍ ତେଲାର୍ ଲାହାଙ୍ଗ କିଦ୍ରଣ ନାଗୁଡ଼ କନାନି ଆଣ୍ଟିପାଡ଼କାତ ହସି ହାଚାର । ହେବେ ରଞ୍ଜାଙ୍ଗ ବାଡ଼୍‌ମାଚାଡ଼, ଆରେ ହଞ୍ଜାନ୍ ଆରେ ତା ଚେଲାହିର୍ ହେବେ ହଟାର । ୨ ଇମ୍‌ଣି ଜିହୁଦା ତାଲୋଙ୍ଗ ସତୁ କେଇଦ ହେଲାୟ କିତାନ, ହେଞ୍ଜାନ୍‌ପା ହେ ବାହା ପୁଞ୍ଜି ମାଚାନ୍, ଇନାକିଦେଂକି ଜିସୁ ବେସିହର୍ ଜାର୍ ଚେଲାହିର୍ ଲାହାଙ୍ଗ ହେ ବାହାତ ହାଲ୍‌ବିସ୍ ମାଚାର । ୩ ଲାଗିଂ, ଜିହୁଦା ମେଲ୍ୟାର୍ ଆରେ ମୁଡ଼୍ ମାପୁହେବା କିନାକାର୍ ଆରି ପାରୁସିର୍‌ତାଂ ପାୟାତାକାର୍ ମନ୍ଦିର୍ କାନାକାର୍ ବଇଟା, ଜୁଜରା ଆରି ଆତିୟାର୍ ଆସି ହେବେ ଖାତାନ୍ । ୪ ହେବେତାଂ ଜିସୁ, ହେ କାଜିଂ ଇନା ଇନାକା ଗିଟା ଆଦେଂ ହାନାତା, ହେ ଖିଜୁ ପୁଞ୍ଜି ଆଗେ ଖାଜି ହେଞ୍ଜାରିଂ ଖେନ୍‌ବାତାନ୍, “ଏପେଙ୍ଗ ଇନେରିଂ ତେକ୍‌ନାଦେରା ?”

୫ ହେଞ୍ଜାର୍ ଜିସୁଙ୍ଗ ଉତର୍ ହିତାର୍, “ନାଜରିତିୟ ଜିସୁଙ୍ଗ ।”

ହେଞ୍ଜାନ୍ ହେଞ୍ଜାରିଂ ଇଚାନ୍, “ଆନ୍ ହେଞ୍ଜାନ୍ ।”

ଇମ୍‌ଣି ଜିହୁଦା ତାଙ୍ଗ ସାତୁ କେଇଦ ସର୍ପି କିତାନ୍, ହେଞ୍ଜାନ୍‌ପା ହେଞ୍ଜାର ଲାହାଙ୍ଗ ନିଲ୍‌ଚି ମାଚାନ୍ । ୬ ଜିସୁ ଏଚେକାଡ଼ଦ ହେଞ୍ଜାରିଂ ଖେଚ୍‌ଚାନ୍, “ଆନ୍ ହେଞ୍ଜାନ୍,” ହେ ପାଦନା ହେଞ୍ଜାର୍ ପାର୍ ଗୁଟା ଆଜି ମେଦନିତ ଗୁରତାର୍ । ୭ ହେବେଣ୍ଡାଂ ହେଞ୍ଜାନ୍ ହେଞ୍ଜାରିଂ ଆରେ ରଗ ଖେନ୍‌ବାତାନ୍, “ଏପେଙ୍ଗ ଇନେରିଂ ତେକ୍‌ନାଦେରା ?” ହେଞ୍ଜାର୍ ଇଚାର୍, “ନାଜରିତିୟ ଜିସୁଙ୍ଗ ।”

୮ ଜିସୁ ଉତର୍ ହିତାନ୍, “ଆନ୍ ଜେ ହେଞ୍ଜାନ୍, ଇଞ୍ଜାନ୍ ଆନ୍ ମିଲୋଙ୍ଗ ଖେଚ୍‌ଚାତାଂ । ଲାଗିଂ ଏପେଙ୍ଗ ଜଦି ନାଙ୍ଗ୍ ତେକ୍‌ନାଦେରା, ତା ଆତିସ୍ ଇଞ୍ଜାରିଂ ହାଞ୍ଜେଙ୍ଗ ପିସି ହିୟାର୍ ।” ୯ ଜିସୁ ଇଦାଂ ଇଚାନ୍, ଇନେସ୍ ତା ଲେକାଆତି ବଚନ୍ ପୁରା ଆନାଡ଼, “ଏନ୍‌ନାଙ୍ଗ ଇନେରିଂ ହିଡ଼ତାୟନା, ହେଞ୍ଜାର୍ ବିତ୍ରେ ଆନ୍ ରକାନିଂ ପା ଆରାୟ କିଞ୍ଚାତାଂନା ।”

୧୦ ସିମନ୍ ପିତର୍ ଲାଗାଂ କାଣ୍ଡା ମାଚିଲେ ହେଞ୍ଜାନ୍ ହେଦାଂ ହପ୍‌ଚି ମୁଡ଼୍ ମାପୁହେବାକିନାକାନ୍ ଆଡ଼ିଏନିଂ ଡତାନ୍ ଆରି ତା ତିନି କିଡୁଲ୍ ନାଟ୍‌ଚି ତୁହିତାନ୍; ହେ ଆଡ଼ିଏନ୍‌ଚି ତର୍ ମାଲ୍‌କ । ୧୧ *ହେବେଣ୍ଡାଂ ଜିସୁ ପିତର୍‌ଚିଂ ଇଚାନ୍, “କାଣ୍ଡା ଇଚ୍‌ନିତାକେ ଇଟା; ଆବା ନାଙ୍ଗ ଇମ୍‌ଣି ବାହା ହିଡ଼ନ୍ନା, ଆନ୍ ଇନାକା ହେବେ ଗସ୍‌ତେଙ୍ଗ୍ ଆଡୁଙ୍ଗ୍ ?”

ହାନାନ ମୁମ୍‌ଦ ଇସ୍‌ବର୍

(ମାତିଉ ୨୬:୬୯-୭୦; ମାର୍କ ୧୪:୬୭-୭୮; ଲୁକ ୨୨:୫୫-୫୬)

୧୨ ଇଦାଂ ପାଚେ ରମିୟ ନେତାର୍‌ନି ମେଲ୍ୟାର୍, ମୁଡ଼୍‌ମେଲ୍ୟା, ଆରେ ଜିହୁଦିର୍ ମେଲ୍ୟାର୍ ଜିସୁଙ୍ଗ୍ ଆସି ଗାଚ୍‌ଚାର୍ । ୧୩ ଆରେ ତାଲୋଙ୍ଗ ଗାଚ୍‌ଚି ପର୍ଡୁମ୍ ହାନାନ ତାକେ ଅଚାର୍, କୟାପା ପଡ଼ଲେହି ମାଚାନ୍ ଇନାକିଦେଂକି ହେଞ୍ଜାନ୍ ହେ ବାହୁନି ମୁଡ଼୍ ମାପୁହେବା କିନାକାର୍ ମାଚାନ୍ । ୧୪ *ମାନାୟାର୍ ବିତ୍ରେ ରକାନ୍ ହାନାକା ହାର୍ ଇଞ୍ଜି ଜିହୁଦିରିଂ ଜେ ଖେଚ୍‌ଚି ମାଚାନ୍, ଇଞ୍ଜାନ୍ ହେ କୟାପା ।

* ୧୮:୧୧ ୧୮:୧୧ ମାତିଉ ୨୬:୩୯; ମାର୍କ ୧୪:୩୬; ଲୁକ ୨୨:୪୭. * ୧୮:୧୪ ୧୮:୧୪ ଜହନ୍ ୧୧:୪୯,୫୦.

ପିତର ଜିସୁଙ୍ଗ ପାତ୍ କିଞ୍ଚାତାନ୍

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୫ ସିମନ୍ ପିତର ଆରି ଆରେ ରକାନ୍ ଚେଲାହି ଜିସୁ ପାଚେ ପାଚେ ହାଲୁଜି ମାଚାର୍ । ହେ ଚେଲା ମୁଡ୍ ମାପୁହେବାକିନାକାନିଂ ଚିନା ଜାଣା ମାଚାନ୍ ଆରି ଜିସୁତି ହୁକେ ମୁଡ୍ ମାପୁହେବାକିନାକାନ୍ ହାକଡିତ ହଟାର୍; ୧୬ ମାତର୍ ପିତର୍ ବାର୍ତ ଦୁଝେରତ ଲାଗେ ନିଲ୍ଚି ମାଚାନ୍ । ଲାଗିଂ, ହେ ଇମଣି ବିନ୍ ଚେଲା ମୁଡ୍ ମାପୁହେବାକିନାକାନ୍ ମେହାଣ୍ ମାଚାନ୍, ହେଞ୍ଚାନ୍ ବାର୍ତ ହାଲୁଜି ଦୁଝେର କାନାକାନିଂ ଝେଚ୍ଚି ପିତର୍ତିଂ ବିତ୍ରେ ତାହିଞ୍ଚାତାନ୍ । ୧୭ ହେବେ ହେ ଦୁଝେରତ କାନାକାଦେଲ୍ ଆଡ଼ିଏଣି ପିତର୍ତିଂ ଇଚାଡ୍, “ଏନ୍ ପା ଇନାକା ଇ ମାନାୟ୍ତିଂ ଚେଲାଚ୍ ବିତ୍ରେ ରକାୟ୍ ଆକାୟ୍ ?”

ପିତର ଇଚାନ୍, “ଆନ୍ ଆକାୟ୍ ।”

୧୮ ପିନି କାଜିଂ ଆଡ଼ିୟା ଆରି କାନାକାର୍ ନାଣିଆହି କିଜି ହେବେ ନିଲ୍ଚି କାଈଜି ମାଚାର୍; ପିତର୍ ପା ହେଞ୍ଚାର୍ ଲାହାଙ୍ଗ ନିଲ୍ଚି ନାଣି କାଈଜି ମାଚାନ୍ ।

ମୁଡ୍ ମାପୁହେବାକିନାକାର୍ ଜିସୁଙ୍ଗ ପରସନ୍ କିତାନ୍

(ମାତିଉ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୭-୭୧)

୧୯ ମୁଡ୍ ମାପୁହେବାକିନାକାନ୍ ଜିସୁଙ୍ଗ ତା ଚେଲାହିର୍ ବିସ୍ତେ ଆରି ହେ ହିକ୍ୟା ବିସ୍ତେ ଝେନ୍ଦବାଚାର୍ । ୨୦ ଜିସୁ ତାଙ୍ଗେଙ୍ଗ ଉତର୍ ହିତାନ୍, “ଆନ୍ ପୁଚ୍ ତାକେ ହପ୍ତି କାତା ଇଚାଙ୍ଗନା; ଇମେତାକେ ଝିଜାର୍ ଜିହୁଦିର୍ ରୁଣ୍ଡା ଆନାର୍, ଇ ଲାକେ କୁଟୁମ୍ ଇଞ୍ଜ ଆରି ମନ୍ଦିରତ ଆନ୍ ନିତ୍ରେ ହିକ୍ୟା ହିନାଙ୍ଗା; ଆନ୍ ଲୁକାମ୍ରେ ଇନାକା ହିଞ୍ଚାତାନ୍ନା ୨୧ ନାଙ୍ଗ ଇନେକିଦେଂ ଝେନ୍ଦବା ଆଦନାଦେରା ? ଆନ୍ ହେଞ୍ଚାରିଂ ଇନାକା ଇଚାଙ୍ଗନା, ଇନେର୍ ଝେଚାଚନା, ହେଞ୍ଚାରିଂ ଝେନ୍ଦବାଚ୍; ହୁଡାଚ୍, ଆନ୍ ଇନା ଇନାକା ଇଚାଙ୍ଗନା ହେଞ୍ଚାର୍ ହେଝିଜୁ ପୁନାର୍ ।”

୨୨ ଜିସୁ ଇଦାଂ ଇଚିଲେ ମେଲ୍ୟାର ବିତ୍ରେ ରକାନ୍ ଜିସୁଙ୍ଗ ଚାପଡା ଇଡ଼୍ଜି ଇଚାନ୍, “ଏନ୍ ମୁଡ୍ ମାପୁହେବାକିନାକାନିଂ ଏନେଙ୍ଗ ଉତର୍ ହିନାୟା ?”

୨୩ ଜିସୁ ତାଙ୍ଗେଙ୍ଗ ଉତର୍ ହିତାନ୍, “ଜଦି ଆନ୍ ବାନ୍ୟା ଇଚାଂ, ତା ଆତିସ୍ ଝିଜାରିଂ ମୁମ୍ଦ ବାନ୍ୟା ପାର୍ମାଣ୍ ହିୟା; ମାତର୍ ଜଦି ହାର୍ ଇନ୍ଚାଙ୍ଗ, ତା ଆତିସ୍ ଇନେକିଦେଂ ନାଙ୍ଗେଙ୍ଗ ମାଡ଼୍ଜି କିଦନାୟା ?”

୨୪ ହେବେ ହାନାନ୍ ତାଙ୍ଗେଙ୍ଗ ଗାଚ୍ୟା ଆତାକାନିଂ ମୁଡ୍ ମାପୁହେବାକିନାକାର୍ କୟାପା ଲାଗେ ପକ୍ତାନ୍ ।

ପିତର ଜିସୁଙ୍ଗ ଆରେ ରଗ ପାତ୍ କିଞ୍ଚାତାନ୍

(ମାତିଉ ୨୬:୬୧-୬୫; ମାର୍କ ୧୪:୨୯-୩୨; ଲୁକ ୨୨:୫୮-୬୨)

୨୫ ଝିସ୍ତି ବିତ୍ରେ ସିମନ୍ ପିତର ନିଲ୍ଚି ନାଣି କାଈଜି ମାଚାନ୍ । ହେବେଣ୍ଡାଂ ହେଞ୍ଚାର୍ ତାଙ୍ଗେଙ୍ଗ ଝେନ୍ଦବାଚାର୍, “ଏନ୍ ପା ଇନାକା ହେ ଚେଲାଚ୍ ବିତ୍ରେ ରଞ୍ଚାୟ୍ ଆକାୟ୍ ?” ମାତର୍ ପାତ୍ କିଞ୍ଚାଦାଂ ଇଚାନ୍, “ଆକାୟ୍ ଆନ୍ ଆକାୟ୍ ।”

୨୬ ମୁଡ୍ ମାପୁହେବା କିନାକାନ୍ ଆଡ଼ିୟାର୍ ବିତ୍ରେ ରଞ୍ଚାନ୍, ଇଚିସ୍ ପିତର୍ ଇନେର୍ଚି କିତୁଲ୍ ରାସ୍ଦି ମାଚାନ୍, ତା ହାଙ୍ଗଦାକାନ୍ ରକାନ୍ ଇଚାନ୍, “ଆନ୍ ଇନାକା ନିଙ୍ଗ୍ ତା ଲାହାଙ୍ଗ ବାଡ଼ଦ ହୁଡ଼୍ଜି ମାଞ୍ଜଞ୍ଚାତାଂ ?”

୨୭ ହେବେଣ୍ଡାଂ ପିତର୍ ଆରେ ରଗ ପାତ୍ କିଞ୍ଚାତାନ୍; ଆରେ ହେ ଦାପ୍ତେ କୁଜୁ କ୍ଳେତାଚ୍ ।

ପିଲାତ ମୁମ୍ଦ ଜିସୁ

(ମାତିଉ ୨୭:୧-୨; ୧୧:୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ପାତେ ହେୱାର୍ ଜିସୁଙ୍କ କୟାପାଙ୍କ ଲାଗାଂ ବାଙ୍କଲାତ ଅତାର୍ ନାଡ଼ିସ୍ ଆଜି ମାତାତ୍; ଆରେ, ହେୱାର୍ ଇନେସ୍ ବିଚାଡ଼ ଆୱାଦାଂ ନିସ୍ତାର୍ ପାର୍ବୁନି ବଜି ମାନିକିଦେଂ ଆଡ଼ନାର୍, ଇଦାଂ କାଜିଂ ନିଜେ ବାଙ୍କଲା ବିତ୍ରେ ହଣ୍ଡାତାର୍ । ୨୯ ଲାଗିଂ, ପିଲାତ ହେୱାର୍ତାଂ ହସି ୱାଜି ୱେନ୍‌ବାତାନ୍, “ଇ ମାନାୟ୍ ବିରୁଦ୍‌ତ ଏପେଙ୍ଗ୍ ଇମ୍‌ଣି କାତା ତାହିୱାନାଦେରା ?”

୩୦ ହେୱାର୍ ତାଙ୍କ୍ ଉତର୍ ହିତାର୍, “ଇ ମାନାୟ୍ ଜଦି ପାପ୍ୟା ଆୱାଦାଂ ମାତିସ୍, ତା ଆତିସ୍ ଆପେଂ ତାଙ୍ଗେଙ୍ଗ୍ ନି କେଇଦ୍ ହେଲାୟ୍ କିଦ୍‌ୱାତାପ୍‌ମା ।”

୩୧ ହେବେଣ୍ଡାଂ ପିଲାତ ହେୱାରିଂ ଇଚାନ୍, “ଏପେଙ୍ଗ୍ ଇୱାନିଂ ଅଜି ହାଲ୍‌ଜି ମି ବିଦି ଲାହାଙ୍ଗ୍ ଇୱାନ୍ତି ବିଚାର୍ କିୟାଟ୍ ।” ଜିହୁଦିର୍ ହେୱାନିଂ ଇଚାର୍, “ଇନେରିଂ ପାରାଣ୍ଡି ତାଣ୍ଡି ହିଦେଂ ମା ଆଦିକାର୍ ହିଲ୍‌ଜୁ ।”

୩୨ ✠ଜିସୁ ଇମ୍‌ଣି ବାନି ହାକି କିଦେଙ୍ଗ୍ ହାନାନା, ହେବେତାଂ ୱେର୍‌ତି ହେୱାନ୍ ଇମ୍‌ଣି ବଚନ୍ ଇଚାନ୍ ହେଦାଂ ଇନେସ୍ ପୁରା ଆନାଡ଼, ଇଦାଂ କାଜିଂ ହେୱାର୍ ଇଦାଂ ଇଚାର୍ ।

୩୩ ପିଲାତ ବାଙ୍କଲା ବିତ୍ରେ ହଣ୍ଡି ଜିସୁଙ୍କ୍ କୁକ୍‌ତି ତାଙ୍କ୍ ୱେନ୍‌ବାତାନ୍, “ଏନ୍ ଇନାକା ଜିହୁଦିର୍ ରାଜା ?”

୩୪ ଜିସୁ ଉତର୍ ହିତାନ୍, “ଏନ୍ ଇନାକା ନିଜ୍‌ତାଙ୍କ୍ ଇଦାଂ ଇଚାୟ୍‌ନା, କି ବିନ୍‌ଲଗୁ ନା ବିସ୍ତେ ନିଙ୍ଗ୍ ଇଦାଂ ଇୱାଚ୍‌ନା ?”

୩୫ ପିଲାତ ଉତର୍ ହିତାନ୍, “ଆନ୍ ଇନାକା ରକାଂ ଜିହୁଦି ? ନି ଜାତିନିକାର୍ ଆରି ମୁଡ଼୍ ମାପୁହେବାକିନାର୍ ନିଙ୍ଗେଙ୍ଗ୍ ମା କେଇଦ୍ ହେଲାୟ୍ କିଦ୍‌ତାଣ୍ଡା; ଏନ୍ ଇନାକା କିତାୟ୍‌ନା ?”

୩୬ ଜିସୁ ଉତର୍ ହିତାନ୍, “ନା ରାଜି ଇ ପୁତ୍ ବିସ୍ତେ ଆକାୟ୍; ଜଦି ନା ରାଜି ଇ ପୁତ୍ ବିସ୍ତେ ଆତାମା, ତା ଆତିସ୍ ଆନ୍ ଇନେସ୍ ଜିହୁଦି ନେତାର୍ କେଇଦ୍ ହେଲାୟ୍ ଆୱାତାଂମା, ହେଦାଂ କାଜିଂ ନା ହେବା କିନାକାର୍ ଜୁଜ୍ କିତାମା; ମାତର୍ ନା ରାଜି ହାଡ଼ପା ବିସ୍ତେ ଆକାୟ୍ ।”

୩୭ ହେବେଣ୍ଡାଂ ପିଲାତ ହେୱାନିଂ ୱେନ୍‌ବାତାନ୍, “ତା ଆତିସ୍ ଏନ୍ ରୱାୟ୍ ରାଜା କି ?” ଜିସୁ ଉତର୍ ହିତାନ୍, “ଏନ୍ ତ ଇଞ୍ଜିନାୟା, ଆନ୍ ରକାଂ ରାଜା । ଆନ୍ ଇନେସ୍ ହାଡ଼ପା ପାକ୍ୟାତ ସାକି ହିନାଙ୍ଗ୍, ଇଦାଂ କାଜିଂ ଆନ୍ ଜଲମ୍ ଆତାଙ୍ଗ୍‌ନା ଆରି ପୁତ୍ ୱାତାଙ୍ଗ୍‌ନା । ଇନେନକି ହାଡ଼ପାନି ମାଜି, ହେୱାନ୍ ନା କାତା ୱେନାନ୍ ।”

୩୮ ପିଲାତ ଜିସୁଙ୍କ୍ ଇଚାନ୍, “ହାଡ଼ପା ଇନାକା ?”

ଇଦାଂ ଇଞ୍ଜି ପିଲାତ ଆରେ ଜିହୁଦି ତାକେ ବାଡ଼ ହାଲ୍‌ଜି ହେୱାରିଂ ଇଚାନ୍, “ଆପେଂ ଇବେ ଇନାକାପା ଦସ୍ ପାୟା ଆଉପା ।”

ଜିସୁ କାଜିଂ ହାକି ରାଜି

(ମାତିଉ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୯ ମାତର୍ ନିସ୍ତାର୍ ପାର୍ବୁ ୱେଡାଲିଂ ମି କାଜିଂ ରୱାନିଂ ମୁକ୍‌ଡାୟ୍ କିନାପ୍, ଇଦାଂ ମି ରିତି ନିତି ମାନାଡ଼; ଲାଗିଂ, “ଜିହୁଦିର୍ ରାଜାଙ୍ଗ୍ ଆପେଂ ମି କାଜିଂ ମୁକ୍‌ଡାୟ୍ କିଜି ହିଦ୍‌ନାପ୍ ଇଞ୍ଜି ଇନାକା ମି ମାନ୍ କିନାଦେରା କି ?”

୪୦ ହେବେ ହେୱାର୍ ଆରେ ରଗ କିକିରାଡ଼ିଂ କିଜି ଇଚାର୍, “ଇ ମାନାୟ୍ ଆକାୟ୍, ମାତର୍ ବାରବାଙ୍ଗ୍ ।” ଇ ବାରବା ରକାନ୍ ତରେନ୍ ମାଚାନ୍ ।

୧୯

୧ ତା ପାଚେ ପିଲାତ ଜିସୁଙ୍କ ଅଜି ହାଲୁଜି କରତା ଗ୍ରାକି କିତାନ୍ । ୨ ଆରେ, ମେଲ୍ୟାର୍ ଖାଡ଼ି ମୁକୁଟ୍ ରତ୍ତି ତା କାପଡ଼ାତ ତୁଜି କିତାର୍ ଆରି ହେଖାନିଂ କାହରାତି କାଲାର୍ ବାନି ଆଜି ଉସ୍ତି କିତାର୍; ୩ ହେଖାର୍ ତା ତାକେ ଖାଜି ଇଚାର୍, “ଏ ଜିହୁଦିର୍ ରାଜା, ଜୁଗ୍ ଜୁଗ୍ ମାନା” ଆରେ, ହେଖାର୍ ହେଖାନିଂ ଚାପଡ଼ା ଇଡ଼ଦେଂ ଲାଗାତାର୍ ।

୪ ପିଲାତ ଆରେ ରଗ ବାର୍ତ୍ତ ହାଲୁଜି ହେଖାରିଂ ଇଚାନ, ହୁଡ଼ାଟ୍, “ଆପେଂ ଜେ ତା ତାକେ ଇନାକାପା ଦସ୍ ପାୟା ଆଉପା,” ଇଦାଂ ଇନେସ୍ ଏପେଙ୍ଗ୍ ପୁନାଦେର୍, “ଇଦାଂ କାଜିଂ ଆପେଂ ତାଙ୍ଗେଙ୍ଗ୍ ମି ତାକେ ହପ୍ତି ତାଡ଼ପ୍ନା ।” ୫ ହେବେଣ୍ଡାଂ ଜିସୁ ହେ ଖାଡ଼ି ମୁକୁଟ୍ ଆରି କାହରାତି କାଲାର୍ ବାନାନି ଆଜି ଉସ୍ତିସ୍ ବାର୍ତ୍ତ ଖାତାନ । ପିଲାତ ହେଖାରିଂ ଇଚାନ, ହୁଡ଼ାଟ୍, ଇଖାନ “ହେ ମାନାୟ୍ !” ୬ ହେବେଣ୍ଡାଂ ମୁଡ଼୍ ମାପୁହେବାକିନାକାନ ଆରି ମଦିର୍ କାନାକାର୍ ତାଙ୍ଗେଙ୍ଗ୍ ହୁଡ଼ଜି କିକିରାତିଂ କିଜି ଇଚାର୍, “କୁସତ ଦୁପାଟ୍, କୁସତ ଦୁପାଟ୍ ।” ପିଲାତ ହେଖାରିଂ ଇଚାନ, “ଏପେଙ୍ଗ୍ ହେଖାନିଂ ଅଜି କୁସତ ଦୁପାଟ୍, ଇନାକିଦେଂକି ଆପେଂ ତା ତାକେ ଇନାକାପା ଦସ୍ ପାୟା ଆଉପା ।”

୭ ଜିହୁଦିର୍ ତାଙ୍ଗେଙ୍ଗ୍ ଉତର୍ ହିତାର୍, “ମାଦାଂ ରଞ୍ଜାଙ୍ଗ୍ ବିଦି ମାନାନ୍ ଆରି ହେ ରିତି ହୁକେ ହେଖାନ୍ ହାନି ଲଡ଼ା, ଇନାକିଦେଂକି ହେଖାନ୍ ଜାର୍ତିଂ ଇସ୍ପର୍ ମାଜି ଇଞ୍ଜି ଇନାନ୍ନା ।”

୮ ହେବେଣ୍ଡାଂ ପିଲାତ ଇ କାତା ଖେନଞ୍ଜି ଆଦିକ୍ ପାଣ୍ଡା ଆତାନ; ୯ ଆରେ, ହେଖାନ ଆରେ ରଗ ବାଙ୍ଗଲାତ ହଶ୍ତିସ୍ ଜିସୁଙ୍କ ଖେନବାତାନ, “ଏନ୍ ଇମେଣ୍ଡାଂ ଖାତାୟନା ?”

ମାତର୍ ଜିସୁ ତାଙ୍ଗେଙ୍ଗ୍ ଉତର୍ ହିଖାତାନ । ୧୦ ହେବେଣ୍ଡାଂ ପିଲାତ ତାଙ୍ଗେଙ୍ଗ୍ ଇଚାନ, “ନାଙ୍ଗେଙ୍ଗ୍ କାତା ଇଞ୍ଜୁୟା ? ନିଙ୍ଗେଙ୍ଗ୍ ମୁକ୍ତାୟ୍ କିଦେଙ୍ଗ୍ ମା ଆଦିକାର୍ ମାନାଡ଼ ଆରି ନିଙ୍ଗେଙ୍ଗ୍ କୁସତ ଦୁପତେଦେଂ ମା ଆଦିକାର୍ ମାନାଡ଼, ଇଦାଂ କି ଏନ୍ ପୁନୁୟା ?”

୧୧ ଜିସୁ ଉତର୍ ହିତାନ, “ଜଦି ଇସ୍ପର୍ ତାଙ୍ଗ୍ ହଡ଼ଖାଦାଙ୍ଗ୍ ମାଟିସ୍, ତା ଆତିସ୍ ନା ବିରୁଦ୍ଦତ୍ ନିନ୍ଦାଂ ଇନାକାପା ଆଦିକାର୍ ମାନଂଖାତାଡ଼ମା, ଲାଗିଂ ଜେ ନାଙ୍ଗେଙ୍ଗ୍ ନି କେଇଦ ହେଲାୟ୍ କିତାଙ୍ଗ୍ନା, ତା ପାପ୍ ଅଲପ୍ ।”

୧୨ ହେବେଣ୍ଡାଂ ପିଲାତ ଜିସୁଙ୍କ ମୁକ୍ତାୟ୍ କିଦେଙ୍ଗ୍ ସେସ୍ପା କିତାନ, ମାତର୍ ଜିହୁଦିର୍ କିକିରାତିଂ କିଜି ଇଚାର୍, “ଜଦି ଏନ୍ ଇ ମାନାୟ୍ତିଂ ମୁକ୍ତାୟ୍ କିନାୟ୍, ତା ଆତିସ୍ ଏନ୍ ସମ୍ପରାଟ୍ତିଂ ସାଙ୍ଗ୍ ଆକାୟ୍; ଇନେରକି ଜାର୍ତିଂ ରାଜା ଇଞ୍ଜି ଇନାନ୍, ହେଖାନ କାଈସର୍ତିଂ ବିରୁଡ଼ତାଂ କାତା ଇନାନ୍ ।”

୧୩ ପିଲାତ ଇ ଖିଜୁ କାତା ଖେନଞ୍ଜି ଜିସୁଙ୍କ ହପ୍ତି ତାସି “କାଲକ୍ମମଣ୍ଡମ୍,” ଇନେରିଂ ଏବ୍ରି ବାସାତ “ଗବ୍ବତା,” ଇଞ୍ଜି ଇଚାନ, ହେ ବିଚାର୍ କିନି ବାହାତ କୁଚଚାନ । ୧୪ ହେ ଦିନ୍ ନିସ୍ପାର୍ ପାର୍ବୁନି ଜାଲ୍ଦି କିନି ଦିନ୍, ଆରେ ହେଖାଡ଼ାଂ ବେସିଆଉତିସ୍ ଖେଡ଼ାଲିଂ ସମ୍ପୁ ଆଜି ମାଚାଡ଼ । ଆରେ, ପିଲାତ ଜିହୁଦିରିଂ ଇଚାନ, “ହୁଡ଼ାଟ୍, ମି ରାଜା !” ୧୫ ହେବେଣ୍ଡାଂ ହେଖାର୍ କିର କିତାର୍, “ତାଙ୍ଗେଙ୍ଗ୍ ଅହାଟ୍, ଅହାଟ୍, କୁସତ ଦୁପାଟ୍ ।” ପିଲାତ ହେଖାରିଂ ଇଚାନ, ଆପ୍ ଇନାକା ମି ରାଜାଙ୍ଗ୍ କୁସତ ଦୁପନାପ୍ କି ? ମୁଡ଼୍ ମାପୁହେବାକିନାକାର୍ ଉତର୍ ହିତାର୍, “କାଈସର୍ତିଂ ପିସ୍ତି ମାଙ୍ଗେଙ୍ଗ୍ ଆରେ ରାଜା ଇନେର୍ ହିଲୁନ୍ ।” ୧୬ ହେବେଣ୍ଡାଂ ହେଖାନ ଇନେସ୍ କୁସତ ଦୁପୟା ଆତାନମା, ଇଦାଂ କାଜିଂ, ହେଖାନ ହେଖାନିଂ ହେଖାର୍ ଇଚାତାଂ ହେଲାୟ୍ କିତାନ, ତା ପାଚେ ଜିସୁଙ୍କ ଅଜି ହାଚାର୍ ।

ଜିସୁଙ୍କ କ୍ରସ୍ତ ଦୁପ୍ତାର

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଆରେ, ଜିସୁ ନିଜେ କ୍ରସ୍ତ ପିଣ୍ଡାଜି ନିନ୍ଦାଣ୍ ତରୁନି ବାହାତ ହାଚାନ, “ଇମ୍ପାଣାକା ଏବ୍ରି ବାସାତାଂ ଗଲ୍ଗତା ଇଞ୍ଜି ଇନାର୍, ହେବେ ହସି ହାଚାର ।” ୧୮ ହେବେ ହେଖାର ଜିସୁଙ୍କ କ୍ରସ୍ତ ଦୁପ୍ତାର ଆରି ତା ଲାହାଙ୍ ଆରେ ରିୟାରିଂ ଦୁପ୍ତାର, ରିକଣ୍ଡାଂ ରିକାରିଙ୍ ଆରି ମାଦି ଜିସୁଙ୍କ । ୧୯ ଆରେ, ପିଲାତ ର ଦାବା କାଗଜ୍ ପା ଲେକିକିଜି କ୍ରସ୍ ଜପି ତାଚ୍ଚାନ । “ହେବେ ଲେକା ମାଚାଡ୍, ନାଜରିତୟ ଜିସୁ, ଜିହୁଦିର୍ ରାଜା । ୨୦ ଜିହୁଦିର୍ ବିତ୍ରେ ହେନି ଇ ଦାବା କାଗଜ୍ ପଡି କିତାର୍, ଇନାକିଦେଂକି ଇମ୍ପାଣି ବାହାତ ଜିସୁଙ୍କ କ୍ରସ୍ତ ଦୁପ୍ତାରି ମାଚାର୍, ହେଦାଂ ଗାଡ଼ନି ଲାଗେ ମାଚାଡ୍; ଆରେ, ହେ କାଗଜ୍ ଏବ୍ରି, ଲାଟିନ୍, ଆରି ଗ୍ରିକ୍ ବାସାତ ଲେକା ଆଜି ମାଚାଡ୍ । ୨୧ ଲାଗିଂ ଜିହୁଦିର୍ ମୁଡ୍, ମାପୁହେବାକିନାକାର୍ ପିଲାତଂ ଇଚାର୍, ଜିହୁଦିର୍ ରାଜା ଇଞ୍ଜି ଲେକିକିଖାଦାଂ ଇଚିସ୍ ଆନ୍ ଜିହୁଦିର୍ ରାଜା ଇଞ୍ଜି ହେଖାନ୍ ଇଚାନ, ଇଦାଂ ଲେକିକିୟାଡ୍ ।”

୨୨ ପିଲାତ ଉତର୍ ହିତାନ୍, “ଆପେଂ ଇମ୍ପାଣାକା ଲେକିକିତାପ୍ନା, ଲେକିକିତାପ୍ନା ।”

୨୩ ମେଲ୍ୟାର୍ ଜିସୁଙ୍କ କ୍ରସ୍ତ ଦୁପ୍ତାରି ପାଚେ ହେଖାନ୍ତି ଆଙ୍ଗି ଅଜି ଚାରି ବାଟା କିତାର୍, ଝିଜାକାର୍ ମେଲ୍ୟାର୍ କାଜିଂ ର ର ବାଟା, ଆରେ ହେଖାର୍ ହେଖାନ୍ତି ଆଙ୍ଗି ପା ଅତାର୍ । ହେ ଆଙ୍ଗି ତ୍ରିଆ ଆଖାଦାଂ ଜପିତାଂ ତାରେନ୍ ପାଚେକ୍ ଝିଜୁ ଡ଼ରୟା ଆଜି ମାଚାଡ୍ । ୨୪ ଲାଗିଂ ମେଲ୍ୟାର୍ ରକାନ୍ ଆରେ ରକାନିଂ ଇଚାର୍, “ଇଦାଂ ହେୟା କେଚୁସ୍, ମାତର୍ ଇଦାଂ ଇନେର୍ଚି ଆନାଡ୍, ହେଦାଂ କାଜିଂ ଦରମ୍ଗୁଲି କିନାସ୍,” ଇନେସ୍ କି ଦରମ୍ ସାସ୍ତ୍ରତାକେ ଇ ବଚନ୍ ପୁରା ଆନାଡ୍, ହେଖାର୍ ଜାର୍ ଜାର୍ ବିତ୍ରେ ନା ଆଙ୍ଗି ବାଟା କିତାର୍, “ଆରେ ନା ଆଙ୍ଗି କାଜିଂ ଦରମ୍ଗୁଲି କିତାର୍ । ଲାଗିଂ ମେଲ୍ୟାର୍ ଇ ସବୁ କିତାର୍ ।”

୨୫ ମାତର୍ ଜିସୁତି କ୍ରସ୍ ଲାଗେ ହେ ତେହି ମରିୟମ୍, ହେଖାନ୍ ତେହି ତଣ୍ଡେହି, କଲପାତି ତକ୍ରୁହି ମରିୟମ୍, ଆରି ମଗ୍ଦଲିନି ମରିୟମ୍ ନିଲ୍ଚି ମାଚିକ୍ । ୨୬ ଜିସୁ ଜାର୍ ଆୟା ଆରି ଇମ୍ପାଣି ଚେଲାଂ ଜିଉନଜି ମାଚାନ, ହେ ଲାଗାଂ ନିଲ୍ଚି ମାନାକା ହୁଡ଼ଜି ତାଡ଼ିଙ୍ ଇଚାନ, “ହୁଡ଼ା ନି ମାଜି !”

୨୭ ତା ପାଚେ ହେଖାନ୍ ହେ ଚେଲାଂ ଇଚାନ, ହୁଡ଼ାଡ୍, “ଇଦେଲ୍ ମିଞ୍ଜି ଆୟା !” ଆରେ, ହେ ସମ୍ପତାଂ ହେ ଚେଲା ତାଙ୍ଗେଙ୍ ଜାର୍ ଇଞ୍ଜି ଅଜି ହାଚାନ ।

ଜିସୁତି ହାକି

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଦାଂ ପାଚେ ଜିସୁ ଦରମ୍ ସାସ୍ତ୍ର ବଚନ୍ ଇନେସ୍ ପୁରା ଆନାଡ୍, ଇଦାଂ କାଜିଂ ଝିଜୁ ବିସ୍ତେ ନଂଗୟ ଝିସ୍ତାଡନା ଇଞ୍ଜି ପୁଞ୍ଜି ଇଚାନ, “ନାଙ୍ଗେଙ୍ ଏସ୍ କିଦନାତା ।”

୨୯ ହେବେ କେନିରାସ୍ ବାଚ୍ ର ବାହା ମାଚାଡ୍; ଲାଗିଂ ହେଖାର୍ କେନିରାସ୍ ବାଚ୍ ର ରୁଆ ଉଚୁଟିଂ ଏଜପନାଲତ ତେଙ୍ଗା ବେଡ଼ଗା ଆହି କିଜି ତାଙ୍ ମୁମ୍ ଲାଗାଂ ହିତାର୍ । ୩୦ ହେବେଣ୍ଡାଂ ଜିସୁ ହେ କେନିରାସ୍ ଉଣ୍ଡି ଇଚାନ, ଝିସ୍ତାଡ୍; ଆରେ, ହେଖାନ୍ କାପ୍ଡା ତାରେନ୍ କିଜି ଜିବୁନ୍ ପିସ୍ତାନ୍ ।

ଜିସୁଙ୍କ କଟଣ୍ଡ ବାଲ୍ୟାକୁନ୍ଦନାକା

୩୧ ହେ ଦିନ୍ ଜାଲ୍ଦି କିନି ଦିନ୍ ମାଚିଲେ, ଗାଗାଡ୍ ଇନେସ୍ ଜମନିବାର୍ ନାଜିଂ କ୍ରସ୍ ଜପି ମାନ୍ଗୁଡ଼ ଇନାକିଦେଂକି ହେ ଜମନିବାର୍ ଗାଜା ଦିନ୍ ମାଚାଡ୍, ହେଦାଂ କାଜିଂ ହେଖାଚି କାଲ୍କୁ ଡ୍ରିକ୍କାଚ୍ ଆରି ହେଖାରିଂ କ୍ରସ୍ତ ତାଙ୍ ତାରେନ୍ ଜୁଡ଼ତାଚ୍ ବିନ୍ ବାହାତ ଅୟାଆୟେର୍ ଇଞ୍ଜି ଜିହୁଦି ନେତାର୍ ପିଲାତଂ ଗଖାରି କିତାର୍ । ୩୨ ଲାଗିଂ

ମେଲ୍ୟାର୍ ଖାଜି ପର୍ତ୍ତୁମ୍ ନିକାନିଂ କାଲ୍ ଆରି ତା ହୁଦାଂ ଇମ୍‌ଣି ରକାନ୍ କୁସ୍‌ତ ଦୁପ୍‌ୟା ଆଜି ମାଚାନ୍, ତା କାଲ୍ ପା ତ୍ରିକ୍‌ତାର୍ । ୩୩ ମତର୍ ହେଝାର୍ ଜିସୁତି ଲାଗେ ଖାଜି ହେଝାନ୍ ହାତାନ୍‌ନେ ଇଞ୍ଜି ହୁଡ୍‌ଜି ହେଝାନ୍ତି କାଲ୍ ତ୍ରିକ୍‌ଖାତାର୍, ୩୪ ମେଲ୍ୟାର୍ ବିତ୍ରେ ରକାନ୍ ବାଲାତାଂ ହେଝାନିଂ କଟଣତ କୁନ୍‌ତାନ୍, ଆରେ ଦାପ୍ରେ ନେତେର୍ ଆରି ଏକ୍ତୁଂ ହଡ୍‌ତିକ୍ । ୩୫ ଇନେର୍ ହୁଡ୍‌ତାର୍‌ନା, ହେଝାନ୍ ସାକି ହିନାନା, ଇନେସକି ଏପେଙ୍ଗ୍ ପା ପାତର୍ କିୟାଟ୍; ଆରେ, ହେଝାନ୍ତି ସାକି ହାଡ୍‌ପା, ଆରେ ହେଝାନ୍ ଜେ ହାଡ୍‌ପା ଇନାନ୍ନା, ଇଦାଂ ହେଝାନ୍ ପୁନାନ୍ । ୩୬ ଇନାକିଦେଂକି ଦରମ୍ ସାସ୍ତର୍ ଇ ବଚନ୍ ପୁରା ଆଦେଂ କାଜିଂ ଇ ଖିଜୁ ବିସ୍ତେ ଗିଟା ଆତାଡ୍, “ହେଝାନ୍ତି ଉରୁକ୍ ପା ପ୍ରେନ୍ ତ୍ରିକ୍‌ତା ।” ୩୭ ଆରେ ରଗ ଦରମ୍ ସାସ୍ତର୍ ଆରେ ର ବଚନ୍ ଇଦାଂ ଲେକାଆତାଡ୍‌ନା, ହେଝାର୍ ଇନେରିଂ ଅସ୍ତାର୍, ହେଝାନ୍ କାଜିଂ ହୁଡ୍‌ନାନ୍ ।

ଜିସୁତି କବର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇ ସବୁ ଗଟ୍‌ଣା ପାଚେ, ଇମ୍‌ଣି ହାରାମାତିୟାତି ଜସେପ୍ ଜିସୁତି ରକାନ୍ ଚେଲା ମାଚାନ୍, ମାତର୍ ଜିହୁଦି ନେତାର୍ ପାଣ୍ଡୁଠିଂ ଡଗୁଜି ମାଚାନ୍, ହେଝାନ୍ ଜିସୁତି ଗାଗାଡ୍ ଅଦେଂ କାଜିଂ ପିଲାତଂ ଗଝାରି କିତାନ୍ । ହେବେ ପିଲାତ ପିସ୍ତ୍ରି ହିତାନ୍ । ଲାଗିଂ ହେଝାନ୍ ଖାଜି ହେଝାନ୍ତି ଗାଗାଡ୍ ଅତାର୍ । ୩୯ ଇମ୍‌ଣି ନିକଦିମ୍ ପର୍ତ୍ତୁମ୍ ନାଣା ସମୁତ ହେ ଲାଗାୟ୍ ଖାଜି ମାଚାନ୍, ହେଝାନ୍ ପା କମ୍‌ସେକମ୍ ତିରିସ୍ କେଜି ବାସନା ଚିକାଣ୍ ମିହାଆତି ଅଙ୍ଗୁର୍ ତାହିଝାତାନ୍ । ୪୦ ହେଝାର୍ ଜିସୁତି ଗାଗାଡ୍ ଅଜି ଜିହୁଦିତର୍ ମାଡା ମୁର୍ନି ବିଦି ଲାକେ ହେଦାଂ ହାର୍‌ଦି ବାସନା ଜିନିସ୍ ହୁକେ କଝାଣ୍ ହେନ୍ଦାତ ହୁର୍ପାତାର୍ । ୪୧ ହେଝାନ୍ ଇମ୍‌ଣି ବାହାତ କୁସ୍ ଦୁପ୍‌ୟା ଆଜି ମାଚାନ୍, ହେ ବାହାତ ର ବାଡ୍ ମାଚାଡ୍, ଆରେ ହେ ବାଡ୍‌ଦ ର ପୁନି ଦୁଗେର୍ ମାଚାଡ୍, ହେବେ ଇନେର୍ ଇନାଝାଡାଂ ଇଟ୍ୟା ଆଝାଦାଂ ମାଚାଡ୍ । ୪୨ ଆରେ, ଜିହୁଦିତର୍ ଜାଲ୍‌ଦି କିନି ଦିନ୍ କାଜିଂ ହେ ବାହାତ ହେଝାର୍ ଜିସୁଜ୍ ଇଟ୍‌ତାର୍, ଇନାକିଦେଂକି ହେ ଦୁଗେର୍ ଲାଗାୟ୍ ମାଚାଡ୍ ।

୨୦

ଝାରାକା ଦୁଗେର୍

(ମାତିଉ ୨୮:୧-୧୦; ମାର୍କ ୧୬:୧-୮; ଲୁକ ୨୪:୧-୧୨)

୧ ସାଡ୍ ଦିନ୍‌ନି ପର୍ତ୍ତୁମ୍ ରଇବାର୍ ନାଜିଂ ନାଣାଜେ ମାଜ୍‌ଗା ମାନ୍ତୁ ମାନ୍ତୁ ମଗ୍‌ଦଲିନି ମରିୟମ୍ ଦୁଗେର୍ ଲାଗେ ହାଲ୍‌ଜି ହେବେତାଂ କାଲ୍ ଗୁର୍‌ଆତାକା ହୁଡ୍‌ତିକ୍ । ୨ ଲାଗିଂ ହେଦେଲ୍ ହଞ୍ଚି ହାଲ୍‌ଜି ସିମନ୍ ପିତର୍ ଆରି ଜିସୁ ଇନେରିଂ ଜିଉନଜି ମାଚାନ୍, ହେ ବିନ୍ ଚେଲା ଲାଗେ ଖାତାଡ୍, ଆରେ ହେଝାରିଂ ଇଚାଡ୍, “ହେଝାର୍ ଦୁଗେର୍‌ତାଂ ମାପୁଙ୍ଗ୍ ଅଜି ହାଗାଣ୍ଟା, ଆରେ ତାଙ୍ଗେଙ୍ଗ୍ ଇମେତାକେ ଇଡ୍‌ତାର୍‌ନା, ହେଦାଂ ଆପେଂ ପୁନ୍‌ଝାତାପ୍‌ନା ।”

୩ ହେବେତାଂ ପିତର୍ ଆରି ହେ ବିନ୍ ଚେଲା ଦୁଗେର୍ ଲାଗେ ହାଚାର୍ । ୪ ହେଝାର୍ ରିୟାର୍ ରସମାନ୍ ହଡ୍‌ଜେଙ୍ଗ୍ ଲାଗାତାର୍, ଆରେ ହେ ବିନ୍ ଚେଲା ପିତର୍‌ତିଂ ପାଚେ କିଜି ଆଗେ ଦୁଗେର୍ ତାକେ ଏକାତାନ୍, ୫ ଆରେ, ଗଡ୍‌ଜି ବିତ୍ରେ ହୁଡ୍‌ତାନ୍ ହାରୁ କଝାଣ୍ ହେନ୍ଦା ଖିଜୁ ଆର୍ତାକା ହୁଡ୍‌ତାନ୍, ଆତିସ୍‌ପା ହେଝାନ୍ ବିତ୍ରେ ହଞ୍‌ଝାତାନ୍ । ୬ ପାଚେ ସିମନ୍ ପିତର୍ ପା ତାପାଚେ ପାଚେ ଖାଜି ଏକାଝାତାର୍ ଆରି ଦୁଗେର୍ ବିତ୍ରେ ହଞ୍‌ଜି ହୁଡ୍‌ତାର୍ ଜେ, ହାରୁ କଝାଣ୍ ହେନ୍ଦାଙ୍ଗ୍ ଆର୍‌ତିକ୍‌ନା, ୭ ଆରି ତା କାପ୍‌ଡାତ ଇମ୍‌ଣି

☆ ୧୯:୩୭ ୧୯:୩୭ ହଡ୍‌ତି ୧:୭. ☆ ୧୯:୩୯ ୧୯:୩୯ ଜହନ୍ ୩:୧,୨.

ତୁଖାଲ ଗାତ୍ୟା ଆଜି ମାତାନ୍ ହେଦାଂ ହାରୁ କଖାଣ୍ ହେୟା ଲାହାଙ୍ ମାନ୍‌ଖାଦାଂ ବିନ୍ ର ବାହାତ ତାବା ଆଜି ମାତାତ୍ ।^୮ ହେପାଦନା ଇମଣି ବିନ୍ ତେଲା, ଇମଣାକାନ୍ ଆଗେ ଦୁଗେର୍ ଲାଗେ ଖାଜି ମାତାନ୍ ହେଖାନ୍ ପା ବିତ୍ରେ ହଣ୍ଡି ହୁଡ଼ତାନ୍ ଆରି ପାତ କିତାନ୍;^୯ ଇନାକିଦେଂକି ହାତାକାର ବିତ୍ରେ ହେଖାରିଂ ଜେ ନିଜି କିୟାଆନାତ୍, ସାସ୍ତର୍ ଇ ବଚନ୍ ହେଖାର୍ ହେପାତେକ୍ ବୁଜାଆଖାଦାଂ ମାତାର୍ ।^{୧୦} ପାତେ ତେଲାର୍ ହେଖାର୍ ଇଞ୍ଜ ହାତାର୍ ।

ଜିସୁ ମୁଗ୍‌ଦଲିନି ମରିୟମ୍‌ତିଂ ଚଞ୍ଜିୟାଆତାନ୍
(ମାତିଉ ୨୮:୯-୧୦; ମାର୍କ ୧୬:୯-୧୧)

^{୧୧} ମାତର୍ ମରିୟମ୍ ଆଡ଼ଜି ଆଡ଼ଜି ବାରତ ଦୁଗେର୍ ଲାଗେ ନିଲ୍‌ତି ମାତାତ୍; ପାତେ, ଆଡ଼ଜି ଆଡ଼ଜି ହେଦେଲ୍ ଚଡ଼ଜି ଦୁଗେର୍ ବିତ୍ରେ ହୁଡ଼ତାତ୍,^{୧୨} ଆରେ ଜିସୁତି ଗାଗାଡ଼ ଇମଣି ବାହାତ ଇଡ଼ଜି ମାତାର୍, ହେବେନି କାପଡ଼ା ଲାଗାଂ ରଖାନ୍ ଆରି ପାନା ଲାଗାଂ ଇ ଲାକେ ରିୟାର୍ ଡ଼ିଞ୍ଜିନି ହେୟା ଉସ୍ତିତି ଦୁଡ଼ତିଂ କୁଚ୍‌ତି ମାନାକା ହୁଡ଼ତାର୍ ।^{୧୩} ହେଖାର୍ ତାଙ୍ଗେଙ୍ ଇଚାର୍, “ଏ ଆୟା, ଇନେକିଦେଂ ଆଡ଼ବାନାୟା ?”

ହେଦେଲ୍ ହେଖାରିଂ ଇଚାତ୍, “ଇମଣାକାର ନା ମାପୁଙ୍ ଅଜି ହାଚାଣ୍ଡା, ଆରେ ତାଙ୍ଗେଙ୍ ଇମଣି ବାହାତ ଇଡ଼ତାରନ୍ନା, ହେଦାଂ ଆନ୍ ପୁନୁଙ୍ ।”

^{୧୪} ହେଦେଲ୍ ଇଦାଂ ଇଞ୍ଜି ପାଚ୍‌ବାଗାଂ ବୁଲାଆଜି ଜିସୁଙ୍ ନିଲ୍‌ତାକା ହୁଡ଼ତିକ୍, ମାତର୍ ହେଖାନ୍ ଜେ ଜିସୁ, ହେଦାଂ ପୁନ୍‌ଡ଼ତିକ୍ ।^{୧୫} ଜିସୁ ତାଙ୍ଗେଙ୍ ଇଚାନ୍, “ଏ ଆୟା, ଇନେକିଦେଂ ଆଡ଼ବାନାୟା ? ଇନେରିଂ ଦାହ୍‌ନାୟା ?”

ହେଦେଲ୍ ତାଙ୍ଗେଙ୍ ବାଡ଼ନି ହାଉକାର ଇଞ୍ଜି ବାବି କିଜି ମାତାତ୍, ମାନିନି, “ଏନ୍ ଜଦି ତାଙ୍ଗେଙ୍ ଅଜି ହାଚାୟନା, ତା ଆତିସ୍ ତାଙ୍ଗେଙ୍ ଇମଣି ବାହାତ ଇଡ଼ତାଦେଣ୍ଡା, ନାଙ୍ଗେଙ୍ ଖେଚ୍‌ଚାଚ୍, ଆରେ ଆନ୍ ତାଙ୍ଗେଙ୍ ଅଜି ହାନାଂ ।”

^{୧୬} ଜିସୁ ତାଙ୍ଗେଙ୍ ଇଚାନ୍, “ମରିୟମ୍ ।”

ହେଦେଲ୍ ବୁଲାଆଜି ଏବ୍ରି ବେରଣ୍‌ତାଂ ତାଙ୍ଗେଙ୍ ଇଚାତ୍, “ରାବ୍‌ବୁନି” ଇତିସ୍ ଏ ଗୁରୁ ।

^{୧୭} ଜିସୁ ତାଙ୍ଗେଙ୍ ଇଚାନ୍, “ନାଙ୍ଗେଙ୍ ଆସ୍ତି ମାଞ୍ଜିମାଚ୍,” ଇନାକିଦେଂକି ଆନ୍ ଇ ପାତେକ୍ ଆବା ଲାଗାଂ ହାଲୁଙ୍ଗେ, “ମାତର୍ ନା ଚଣ୍ଡାର୍ ଲାଗେ ହାଲ୍‌ଜି ଇନାଚ୍, ଆନ୍ ନା ଆବାଂ ଆରି ମିଞ୍ଜି ଆବାଂ, ନା ଇସ୍‌ବର୍ ଆରି ମି ଇସ୍‌ବର୍ ଲାଗାଂ ଦୁମ୍‌ନାଙ୍ ।”

^{୧୮} ମଗ୍‌ଦଲିନି ମରିୟମ୍ ହାଲ୍‌ଜି, ଆନ୍ ମାପୁଙ୍ ହୁଡ଼ତାଙ୍‌ନା, ଆରେ ହେଖାନ୍ ନାଙ୍ଗେଙ୍ ଇ ସବୁ ଖେଚ୍‌ଚାତାନ୍ନା ଇଞ୍ଜି ତେଲାରିଂ କାବୁର୍ ଖେଚ୍‌ଚାତ୍ ।

ଜିସୁ ହେ ତେଲାରିଂ ଚଞ୍ଜିୟାଆତାନ୍
(ମାତିଉ ୨୫:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

^{୧୯} ହେ ନାଜିଂ, ଇତିସ୍ ସାତ୍ ଦିନ୍‌ନି ପର୍ତ୍ତୁମ୍ ରଇବାର ନାଜିଂ ମ୍ବିକା ସମୁତ ଏତେକାଡ଼୍‌ତେ ତେଲାର୍ ଇମଣି ଇଞ୍ଜି ମାତାର୍, ହେବେ ଦୁଖେର୍‌ଙ୍ ଜିହୁଦିର୍ ପାଣ୍ଡୁତିଂ ବନ୍ ମାତାତ୍, ହେ ପାଦନା ଜିସୁ ଖାଜି ମାଦି ନିଲ୍‌ତି ହେଖେରିଂ ଇଚାର୍, “ମିଦାଙ୍ ସୁସ୍ତା ଆଏଡ଼ ।”^{୨୦} ଆରେ, ଇଦାଂ ଇଞ୍ଜି ହେଖାନ୍ ହେଖେରିଂ ଜାଚ୍ କଚଣ୍ ଆରି ପାନା ଚଚ୍‌ଚାନ୍ । ହେବେତାଂ ତେଲାର୍ ମାପୁଙ୍ ହୁଡ଼ଜି ଖାୟା ଆତାର୍ ।^{୨୧} ଜିସୁ ହେଖେରିଂ ଆରେ ରଗ ଇଚାନ୍, “ମିଦାଙ୍ ସୁସ୍ତା ଆଏଡ଼; ଆବା ଇନେସ୍‌କି ନାଙ୍ଗେଙ୍ ପକ୍‌ତାତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ ପକ୍‌ନାଙ୍ ।”^{୨୨} ହେଖାନ୍ ଇଦାଂ ଇଞ୍ଜି ହେଖାର୍ ଜପି ନେନ୍‌ଜି ହେଖେରିଂ ଇଚାନ୍, “ପୁଇପୁୟା ଜିବୁନ୍‌ତିଂ ଇଟ୍ୟା ।”^{୨୩} ☆ଏପେଙ୍

☆ ୨୦:୨୩ ୨୦:୨୩ ମାତିଉ ୧୬:୧୯; ୧୮:୧୮.

ଜଦି ଇନେରିଂ ପାପ୍ କେମା କିନାଦେର୍, “ତାଦାଂ ପାପ୍ କେମା ଆନାଡ଼; ଆରି, ଜଦି ଇନେରିଂ ପାପ୍ କେମା କିଉଦେର୍, ତାଦାଂ ପାପ୍ କେମା ଆଉଡ଼ ।”

ଜିସୁ ଆରି ତମା

୨୪ ମାତର୍ ଜିସୁ ଏଚେକାଡ଼ଦ୍ ଖାଜି ମାଚାନ୍, ହେପାଦନା ବାରଜାଣ୍ ବିତ୍ରେ ତମା ତରଦାକାନ୍ ରକାନ୍, ଇମ୍ଣାକାନିଂ “ଦିଦୁମ୍” ଇନାର୍ ହେଖାନ୍ ହେଖାର୍ ଲାହାଙ୍ ହିଲ୍ଖାତାନ୍ । ୨୫ ଲାଗିଂ, ବିନ୍ ଚେଲାର୍ ତାଙ୍ଗେଙ୍ଗ୍ ଇଚାର୍, “ଆପେଂ ମାପୁଙ୍ଗ୍ ହୁଡ଼ତାପ୍ନା ।”

ତମା ହେଖାନ୍ ହେଖେରିଂ ଇଚାନ୍, “ତା କେଇଦ୍ ଖାଡ଼ିଙ୍ଗ୍ ଚିନ୍ସରୁ ହୁଡ଼ଓଡ଼ିସ୍ ଆରି ହେ ସରୁ ବାହାତ ନା ଖାଚକାଙ୍ ହୁଡ଼ଓଡ଼ିସ୍ ଆରି ହେ କାଲ୍କୁ ନା କେଇ ହୁଡ଼ଓଡ଼ିସ୍ ଆନ୍ ଇନାଖାଡ଼ାଂପା ପାତର୍ କିଉଙ୍ଗ୍ ।”

୨୬ ଆର୍ ଦିନ୍ ପାଚେ ତା ଚେଲାର୍ ଆରେ ରଗ ବିତ୍ରେ ମାଚାର୍ ଆରି ତମା ହେଖାର୍ ଲାହାଙ୍ ମାଚାନ୍ । କାପାଟ୍ ସରୁ ବନ୍ଦ୍ ମାନି ସମୁତ ଜିସୁ ଖାଜି ମାଦି ନିଲ୍ଚି ଇଚାନ୍, “ମିଦାଙ୍ ସୁସ୍ତା ଆଏଡ଼ ।” ୨୭ ପାଚେ ହେଖାନ୍ ତମାଙ୍ ଇଚାନ୍, “ଇନ୍ଚାଙ୍ କେଇ ଲାମାୟକିଦା ନା କେଇ ହୁଡ଼ା, ନା କାଲ୍କୁ ହୁଡ଼ା; ପାତର୍ କିଖକାର୍ ଆଜି ପାତର୍ କିୟାଟ୍ ।”

୨୮ ତମା ତାଙ୍ଗେଙ୍ଗ୍ ଉତର୍ ହିତାନ୍, “ନା ମାପୁ, ନା ଇସ୍ବର୍ ।”

୨୯ ଜିସୁ ତାଙ୍ଗେଙ୍ଗ୍ ଇଚାନ୍, “ଏନ୍ ଇନାକା ନାଙ୍ ହୁଡ଼ଜି ପାତର୍ କିଦନାୟା ? ଇମ୍ଣାକାର୍ ହୁଡ଼ଓଡ଼ାଂ ପାତର୍ କିଚାର୍, ହେଖାର୍ ଦନ୍ୟ ।”

ଇ ପତିନି ଉଦେସ୍

୩୦ ଜିସୁ ଚେଲାର୍ ମୁମ୍ଦ ଇ ଲାକେ ବେସି ଆରି ବିନ୍ବିନ୍ ବାନି କାବାଆନି କାମାୟ କିତାନ୍ନା, ହେ ଓଡ଼ୁ ଇ ପତିତ ଲେକା ଆଖାତାଡ଼ନା । ୩୧ ମାତର୍ ଏପେଙ୍ଗ୍ ଇନେସ୍ ପାତର୍ କିନାଦେର୍ ଜେ ଜିସୁ ଇସ୍ବର୍ ମାଜି କ୍ରିସ୍ଟ୍ ଆତାନ୍ନା, ଆରେ ପାତର୍ କିଜି ଇନେସକି ଏପେଙ୍ଗ୍ ହେ ତର୍ଦାଂ ଜିବୁନ୍ ପାୟା ଆନାଦେର୍, ଇଦାଂ କାଜିଂ ଇ ଓଡ଼ୁ ଲେକାଆତାଡ଼ନା ।

୨୧

ସାଡ଼ ଜାଣ୍ ଚେଲାରିଂ ଜିସୁ ଚଞ୍ଜୟା ଆତାନ୍

୧ ଇଦାଂ ପାଚେ ଜିସୁ ତିବିରିୟା ହାମ୍ବୁର୍ ଗୁଚିତ ବାରଜାଣ୍ ଚେଲାରିଂ ଆରେ ରଗ ଚଞ୍ଜୟାଆତାନ୍ । ହେଖାନ୍ ଇ ଲାକେ ଚଞ୍ଜୟାଆତାନ୍; ୨ ସିମନ୍ ପିତର୍, ତମା, ଇମ୍ଣାକାନିଂ ଦିଦୁମ୍ ଇନାର୍, ଗାଲିଲିନି କାନାନିକାନ୍ ନିତନିୟେଲ୍, ଜେବ୍ଦି ମାଜିର୍ ଆରି ତା ଚେଲାର୍ ବିତ୍ରେତାଂ ଆରେ ରିକାର୍ ରବେ ମାଚାର୍ । ୩ ସିମନ୍ ପିତର୍ ହେଖାରିଂ ଇଚାର୍, “ଆନ୍ ମିନ୍କୁ ଆସ୍ତେଙ୍ଗ୍ ହାନାଙ୍ ।”

ହେଖାର୍ ତାଙ୍ଗେଙ୍ଗ୍ ଇଚାର୍, “ଆପେଂ ପା ମି ଲାହାଙ୍ ହାନାପ୍ ।” ହେଖାର୍ ହସି ହାଲ୍ଜି ତଙ୍ଗାତ କୁଚ୍ଚାର୍, ଆରେ ହେ ମିକା ବିର୍କୁଲ୍ ଆସ୍ତେଙ୍ଗ୍ ଆଡ଼ଓଡ଼ାଟାର୍ । ୪ ମାତର୍ ଅଜଡ଼୍ ଆତି ପାଚେ ଜିସୁ ଗୁଚିତ ନିଲ୍ତାନ୍; ଆତିସପା ହେଖାନ୍ ଜିସୁ ଇଞ୍ଜି ଚେଲାର୍ ପୁନ୍ଖାତାର୍ । ୫ ଜିସୁ ହେଖେରିଂ ଇଚାନ୍, “ହିମ୍ଣାଂ, ମି ତାକେ ଇନାକା ଇଚୁକ୍ ତିନାକା ମାନାଡ଼ ?”

ହେଖାର୍ ତାଙ୍ଗେଙ୍ଗ୍ ଉତର୍ ହିତାର୍, “ହିଲ୍ଚୁ ।”

୬ ଜିସୁ ହେଖେରିଂ ଇଚାନ୍, “ତଙ୍ଗାନି ତିନିପାଡ଼କା ଲାଗାୟ ଜାଲ୍ ଇଡ଼ାଟ୍, ଆରେ ଏପେଙ୍ଗ୍ ପାୟା ଆନାଦେର୍ ।” ହେବେଣ୍ଡାଂ ହେଖାର୍ ଜାଲ୍ ଇଡ଼ିତାର୍, ଆରେ ଏଚେକ୍ ମିନ୍କୁ ହେସତିକ୍ ଜେ, ହେଖାର୍ ହେଦାଂ ଜେଲ୍ଦେଂ ସାଲ୍ଜି ହିଲାତାଡ଼ ।

୭ ହେବେତାଂ ଜିସୁ ଇମ୍ମଣି ଚେଲାହିଂ ଜିଉନଜି ମାଚାନ, ହେୱାନ ପିତରୁତିଂ ଇଚାନ, “ଇଖାନ୍ତ ମାପୁ ।” ସିମନ୍ ପିତର ଇଖାନ୍ତ ମାପୁ ଇଞ୍ଜି ୱେନ୍‌ଞ୍ଜି ତୁମ୍ଭା ଗାଗାଡ଼ ଆଜି ମାଚିଲେ ଜାର ହେୟା ପରତି ହାମ୍‌ଦୁରତ ଗୁମ୍‌ତାନ; ି ମାତର ବିନ୍ ଚେଲାର ମିନକୁ ବାତ ଆଜି ମାଚି ଜାଲ ଜେଲଜି ଜେଲଜି ହାରୁ ତଙ୍ଗାତ ୱାତାର, ଇନାକିଦେଂକି ହେୱାର ଗୁଚିତାଂ ଆଦିକ୍ ଦେହା ହିଲ୍‌ଝାତାର, କେବଲ୍ ଆଦେକ୍ ଦୁଇସ ଆଡ଼ ଦେହା ମାଚାର । ୯ ହେୱାର ଗୁଚିତ ଜୁଜି ହେବେ ରିକାଙ୍ଗ ନାଣି, ଆରେ ହେ ଜପି ୱାସ୍ତି ମିନ୍ ଆରି ରୁଚି ଇଡ଼ଜି ମାଚାକା ହୁଡ଼ତାର ।

୧୦ ଜିସୁ ହେୱେରିଂ ଇଚାନ, “ଏପେଙ୍ଗ୍ ନଙ୍ଗୟ୍ ଇମ୍ମଣି ମିନ୍ ଆସ୍ତାଦେଣ୍ଟା, ହେବେଣ୍ଟାଂ ଉଚୁଙ୍ଗ୍ ତାଡୁ ।”

୧୧ ସିମନ୍ ପିତର ହାଲଜି ସହେ ପଚାସ୍‌ତିନ୍ ଗାଜା ଗାଜା ମିନକୁତ ବାତ ଆଜି ମାଚି ଜାଲ ଗୁଚିତ ଜେଲଜି ତାତାର; ଆରେ ଏଚେକ୍ ମିନକୁକାଂ ପା ଜାଲ ନାଡ଼ଝାତାଡ଼ । ୧୨ ଜିସୁ ହେୱେରିଂ ଇଚାନ, “ଝାଜି ତିନାଟ୍ ।” ଚେଲାର ବିତ୍ରେ ଇନେନ୍ “ଏନ୍ ଇନାକାୟ୍” ଇଞ୍ଜି ତାଙ୍ଗେଙ୍ଗ୍ ୱେନ୍‌ବେଦେଂ ସାସ୍ କିଝାଦାଂ ମାଚାର, ଇନାକିଦେଂକି ହେୱାନ ଜେ, ମାପୁ, ଇଦାଂ ହେୱାର ପୁଞ୍ଜିମାଚାର । ୧୩ ଜିସୁ ୱାଜି ରୁଚି ଆସ୍ତି ହେୱେରିଂ ହିତାନ, ଆରେ ହେ ଲାକେ ମିନକୁ ପା ହିତାନ ।

୧୪ ହାତାକାର ବିତ୍ରେ ନିଙ୍ଗତି ପାଚେ ଜିସୁ ଚେଲାରିଂ ଇଝାନ ତିନି ହଟ୍ ଚଞ୍ଜିୟାଆଚାନ ।

ଜିସୁ ଆରି ପିତର

୧୫ ହେୱାର ଚିଚିପାଚେ ଜିସୁ ସିମନ୍ ପିତରୁତିଂ ୱେନ୍‌ବାତାନ, “ଏ ଜହନ୍‌ତି ମାଜି ସିମନ୍, ଏନ୍ ଇନାକା ନାଙ୍ଗେଙ୍ଗ୍ ଇଝାରତାଂ ବେସି ଜିଉନଦ୍‌ନାୟା ?”

ସିମନ୍ ତାଙ୍ଗେଙ୍ଗ୍ ଇଚାନ, “ଆଁ, ମାପୁ, ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା ।”

ହେଦାଂ ଏନ୍ ପୁନାୟ୍ । “ହେୱାନ ତାଙ୍ଗେଙ୍ଗ୍ ଇଚାନ, ନା ମେଣ୍ଟାକାଂ ହାରାୟ୍‌କିୟା ।”

୧୬ ହେୱାନ ଆରେ ରଗ ରିହା ତାଙ୍ଗେଙ୍ଗ୍ ୱେନ୍‌ବାତାନ, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗ୍ ଜିଉନଦ୍‌ନାୟା ?”

ହେୱାନ ତାଙ୍ଗେଙ୍ଗ୍ ଇଚାନ, “ଆଁ, ମାପୁ, ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା ।”

ହେଦାଂ ଏନ୍ ପୁନାୟ୍ । ହେୱାନ ତାଙ୍ଗେଙ୍ଗ୍ ଇଚାନ, “ନା ମେଣ୍ଟାକାଂ ହାରାୟ୍‌କିୟାଟ୍ ।” ୧୭ ଜିସୁ ତିନତର ତାଙ୍ଗେଙ୍ଗ୍ ୱେନ୍‌ବାତାନ, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗେଙ୍ଗ୍ ୱାରି କିଦ୍‌ନାୟା ?”

ଏନ୍ ଇନାକା ନାଙ୍ଗେଙ୍ଗ୍ ୱାରି କିଦ୍‌ନାୟା, ଇଦାଂ ଇଞ୍ଜି ହେୱାନ ତିନତର ପିତରୁତିଂ ୱେନ୍‌ବିତିଲେ ହେୱାନ ଦୁକ୍ ଆଜି ତାଙ୍ଗେଙ୍ଗ୍ ଇଚାନ, “ମାପୁ, ଏନ୍ ୱିଜୁ ବିସ୍ତେ ପୁନାୟ୍; ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା, ହେଦାଂ ଏନ୍ ପୁନାୟ୍ ।”

ଜିସୁ ତାଙ୍ଗେଙ୍ଗ୍ ଇଚାନ, “ନା ମେଣ୍ଟାକାଂ ହାରାୟ୍‌କିୟା ।” ୧୮ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ବେଣ୍ଟିୟା ମାନି ସମୁତ ଏନ୍ ଜାର ଗାଚ୍ୟା ଆଜି ଇମେନିପ ମାନ୍, ହେ ନିପ ବୁଲାଆଜି ମାଚାୟ୍, ମାତର ବୁଡ଼ାଆତିସ୍ ଏନ୍ ଜାର କେଇ ଲାମାୟ୍ କିନାୟ୍ ଆରି ବିନ୍ ନିକାନ୍ ନିଙ୍ଗ୍, ଗାଚ୍‌ଚି, ଇମେନିପ ନି ମାନ୍ ମାନ୍‌ଗୁଡ଼, ହେନ୍‌ଚାଂ ନିଙ୍ଗେଙ୍ଗ୍ ଅଜି ହାଞ୍ଜନାର । ୧୯ ହେୱାନ ଇନେସ୍ ବାନି ହାକିଦାଣ୍ଟ ହୁକେ ଇସ୍‌ରୁତିଂ ଜାଜ୍‌ମାଲ୍ କିନାନ୍, ହେବେ ଚଚ୍‌ଚି ହିଜି ହେୱାନ ଇଦାଂ ଇଚାନ । ଇଦାଂ ୱେଚ୍‌ଚି ପାଚେ ହେୱାନ ତାଙ୍ଗେଙ୍ଗ୍ ଇଚାନ, “ନା ପାଚେ ପାଚେ ୱାଡ଼ ।”

ଜିସୁ ଆରି ତା ୱାରିନି ଚେଲା

୨୦ *ଜିସୁ ଇମ୍ମଣି ଚେଲାହିଂ ଜିଉନଜି ମାଚାନ ଆରି ଜେ ମ୍ଠିକା କୁଲେରୁଉଣି ସମୁତ

* ୨୧:୨୦ ୨୧:୨୦ ଜହନ୍ ୧୩:୨୫.

ତାଙ୍କେଇଁ ନେଞ୍ଜେଡାକିତ ଇଡ଼ିୟା ଆଜି. “ମାପୁ, ନିଙ୍ଗେଇଁ ଇନେନ୍ ବେରିୟାର୍ କେଇଦ ହେଲାୟ୍ କିଦ୍‌ନାନ୍ ଇଞ୍ଜି ଖେନ୍‌ବିସ୍ ମାଚାନ୍, ହେ ଚେଲାଇଁ ପିତର୍ ମାସ୍‌ଦି ପାଚେ ଖାଜି ମାନାକା ହୁଡ଼ତାନ୍ ।”^{୨୧} ପିତର୍ ତାଙ୍କେଇଁ ହୁଡ଼ଜି ଜିସୁଇଁ ଖେନ୍‌ବାତାନ୍, “ମାପୁ, ଇଖାନ୍ ବିସ୍ତେ ଇନାକା ଇଞ୍ଜିନାୟା ?”

^{୨୨} ଜିସୁ ତାଙ୍କେଇଁ ଇଚାନ୍, ନା, ଖାନି ପାଚେକ୍ ହେଖାନ୍ ମାନେନ୍ ଇଞ୍ଜି “ଜଦି ଆନ୍‌ମାନ୍ କିନାଇଁ, ତା ଆତିସ୍ ହେବେ ମିଦାଇଁ ଇନାକା ମାନାଡ଼ ? ଏପେଇଁ ନା ପାଚେ ଖାଡ଼ି ।”

^{୨୩} ହେବେଶ୍ଟାଂ ହେ ଚେଲା ଜେ ହାଉନ୍ ଇଞ୍ଜି, ଟଣ୍ଡାର୍ ବିଡ୍ରେ ଇ ବେରଣ୍ ଓଶ୍‌ଜି ହାତାଡ଼, ମାତର୍ ହେଖାନ୍ ହାଉନ୍ ଇଞ୍ଜି ଜିସୁ ତାଙ୍କେଇଁ ଖେର୍‌ଖାଦାଇଁ, ମାତର୍ “ନା ଖାନି ପାଚେକ୍ ହେଖାନ୍ ମାନେନ୍ ଇଞ୍ଜି ଜଦି ଆନ୍‌ମାନ୍ କିନାଇଁ, ତା ଆତିସ୍ ହେବେ ମିଦାଇଁ ଇନାକା ମାନାଡ଼ ଇଞ୍ଜି ଇଞ୍ଜି ମାଚାନ୍ ।”

^{୨୪} ଜେ ଇ ଓଜୁ ବିସ୍ତେ ସାକି ହିନାନା ଆରି ଇ ଓଜୁ ଲେକିକିତାନ୍‌ନା, ହେଖାନ୍ ହେ ଚେଲା; ଆରେ, ହେ ସାକି ଜେ, ହାଡ଼ପା, ହେଦାଂ ଆପେଂ ପୁନାପ୍ ।

ଓସ୍ତି କାତା

^{୨୫} ଆରେ, ଜିସୁ ଆରି ବେସି ବେସି କାମାୟ୍ ପା କିଜି ମାଚାନ୍; ହେଖାଇଁ ଓଜୁ ଜଦି ରଞ୍ଜାଇଁ ରଞ୍ଜାଇଁ କିଜି ଲେକା ଆତାମ୍, ତା ଆତିସ୍ ଏଚେକ୍ ପତିଇଁ ଲେକା ଆତିକ୍‌ମା ଜେ, ନା ବାବ୍‌ନାତ ଓଜୁ ପୁଡ଼ିତ ପା ହେ ଓଜୁ ଇର୍‌ନି କାଜିଂ ବାହା ଆଖାତାମ୍ ।

ପ୍ରେରିତ ଶିଷ୍ୟମାନଙ୍କର କାର୍ଯ୍ୟଗୁଡ଼ିକ ପଦ୍ୟାତାକାନ୍ଦ କାମାୟ ପଦ୍ୟାତାକାନ୍ଦ ପତି ବିଷ୍ଣୁ ପାଦେକ

ପଦ୍ୟାତି ପତି ଆନାତା ମଣ୍ଡଲିନି ଆରମ୍ଭ ଆରି ଇନେସ୍ ଇଦାଂ ଜିରୁସାଲମତାଂ, ଜିହୁଦା, ସମରିଆ ଆରି ବାର୍ତ୍ତ ଇନେସ୍ ମେଙ୍ଗତାଡ଼ ଇଦାଂ ଜିସୁତି ସାଗେ ଦୁମ୍ନି ଆଗେତାଂ ତା ଚେଲାରୁରିଂ ଇଞ୍ଜି ମାଚାନ୍ । ୧:୮ ପଦ୍ୟାତି ପତି ଲୁକ ତାଂ ଲେକାତାଡ଼ନ୍ନା ଇନେରକି ଲୁକ ଲେକିକିତି ନେକ୍ରିକାବୁର୍ ପା ଲେକିକିଜି ମାଚାନ୍ । ହେଝାନ୍ ରଝାନ୍ ତାକ୍ତର୍ ମାଚାନ୍ ଆରି ବୁଲ୍ କିଝାଦାଂ ଲେକିକିନାକାନ୍ ୧:୧ଲେକିକିନିତ ବେସି ତ୍ରିକାଡ଼ ମାଚାନ୍ । ହେଝାନ୍ ରିଣ୍ଡି ନେକ୍ରିକାବୁର୍ ଆରି ପଦ୍ୟାତି ପତିତ ତିଅପିଲତିଂ ଲେକିକିନାନା ଇନେରକି ହେଝାନ୍ ରଝାନ୍ ଗ୍ରିକ୍ ମାଚାନ୍, ପତିତିଂ ରିଣ୍ଡି ଗ୍ରିକ୍ ଆରି ଜିହୁଦି କୁର୍ମୁ କାଜିଂ ମାଚାଡ଼ । ଇତିସ୍ ପଦ୍ୟାତି ପତି ଜିସୁ କ୍ରିସ୍ତୁତି ଜଲମ୍ ପାଚେ ୬୦ ତାଂ ୬୪ ବିଡେ ଲେକା ଆଜି ମାଚାଡ଼, ଇନେକିଦେଂକି ପାଉଲ୍ଡି ବନ୍ଦିମୁଲ୍ଡି ଆଗେତାଂ ପତି ଲେକିକିନି କାମାୟ ସେସ୍ ଆଜି ମାଚାଡ଼ । ଲୁକ ପା ପଦ୍ୟାତି ପାଉଲ୍ ଲାହାଂ ବୁଲାନାର୍ ଆରି ପଦ୍ୟାତି ପତି ଆକ୍ତିଆତାଂ ଲେକା ଆଜି ମାନ୍ଗାନାଡ଼ । ପଦ୍ୟାତି ପତି ଲୁକ ନେକ୍ରିକାବୁର୍ ଚାଲାନି କାମାୟ ଆନାଡ଼ ଆରି ଜିସୁତି ସାଗେ ଦୁମ୍ନାକା ଆରମ୍ଭ ଆନାଡ଼ । ଲୁକ ଲେକିକିତି ନେକ୍ରିକାବୁର୍ ଉଦେସ୍ତ ପଦ୍ୟାତି ଲେକାନି ଉଦେସ୍ ଲାହାଂ ସମାନ୍ ଆନାଡ଼ । ହେଝାନ୍ ତିଅପିଲତିଂ ଆରି ବୁଦିପାୟାନି କ୍ରିସ୍ତୁୟାନରିଂ ହାଡ଼ପା ଆଦେଂ ଇଚାକିନାର୍ ଇନାକା ହେଝାରିଂ ହିକ୍ୟା ହିଜିମାତି ବିଷ୍ଣୁ ଜିସୁ କ୍ରିସ୍ତୁତି ଜିବୁନ୍ ଆରି ମେଙ୍ଗଜି ଲାବ୍ କିଜି ମାଚିଲେ କ୍ରିସ୍ତୁୟାନରିଂ ନେକ୍ରିକାବୁର୍ ବୁଲ୍ କିଝାଦାଂ ଇସାବ୍ କିଜି ଇଚ୍ଚନାର୍ । ପଦ୍ୟାତି ପତିତ ଆଗେନି ମଣ୍ଡଲି କ୍ରିସ୍ତୁ ତାକେ ପାତର୍ ଇଚ୍ଚନି କାଜିଂ ମା କାଜିଂ ଉତର୍ମୁଡ଼ ଜାଣାୟକିନାଡ଼ । ପଦ୍ୟାତାକାର୍ତ୍ତ ଉତର୍ମୁଡ଼ତାଂ ମାଙ୍ଗେଙ୍ଗ୍ ପୁନ୍ୟାନାଡ଼ ଜେ, ଇନେସ୍ ପୁଇପୁୟା ଜିବୁନ୍ତିଂ ମାନି କିତାର୍ ବିନ୍ଲକାର୍ ତାକେ ନେକ୍ରିକାବୁର୍ ବେରଣ୍ ହପ୍ପାୟାନାଡ଼ ।

ପତି ବିଡେନି ରାହାଣ୍

- ୧. ପୁଇପୁୟା ଜିବୁନ୍ ଜୁଦନାକା ଆରି ମଣ୍ଡଲି ବାତାନାକା । ୧:୧-୮:୧
- ୨. ମଣ୍ଡଲିନି ଇଣ୍ଡି ଆରି ନେକ୍ରିକାବୁର୍ ମେଙ୍ଗଜି ଲାବ୍ କିନାଡ଼ । ୮:୨-୧୨:୨୩
- ୩. ପାଉଲ୍ଡି ପର୍ଡୁମ୍ ମିସିନାରି ଜାତ୍ରା । ୧୨:୨୪-୧୪:୨୮
- ୪. ପୁନ୍ ପାତର୍ କିନାକାରିଂ ଲଡ଼ା ଆରି ଜିରୁସାଲମତ ସବା । ୧୫:୧-୩୫
- ୫. ପାଉଲ୍ ରିଣ୍ଡି ମିସିନାରି ଜାତ୍ରା କିନାନ୍ । ୧୫:୩୬-୧୮:୨୨
- ୬. ପାଉଲ୍ଡି ତିନି ମିସିନାରି ଜାତ୍ରା କିନାନ୍ । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମତ ବନ୍ଦି ଆନାନ୍ । ୨୧:୨୭
- ୮. ପାଉଲ୍ଡିଂ ରମ୍ତ ଜାତ୍ରା । ୨୭:୨୮

ପୁଇପୁୟା ଜିବୁନ୍ତିଂ ପାର୍ମାଣ୍

୧ ✠୩ ଝାରିନି ତିୟପିଲ୍,

ଇମ୍ପଣି ଦିନ୍ ଜିସୁ ଜାର୍ ବାତିକିତି ପଦ୍ୟାତାକାରିଂ ପୁଇପୁୟା ଜିବନ୍ ଲାହାଙ୍ଗ୍ ବଲ୍ ହିଜି ଜପି ଅୟାତାନ୍, ୨ ବାଦାଡ଼ତ୍ ଦୁମ୍ନି ପାତେକ୍ ଇମ୍ପଣି ସବୁ କାମାୟ କିଜି ।

✠ ୧:୧ ୧:୧ ଲୁକ ୧:୧-୪.

ମାତାର ଆରି ବଲ୍ଲ ହିଜି ମାତାର, ହେ ଓଁଜୁ ବିସ୍ତେ ଲେକିକିଜି ମାତାଙ୍ଗ । ବାଦାଡ଼ତ ଦୁମ୍ନି ଆଗେ ଇମ୍ନାକାରିଂ ହେଝାନ୍ ଜାର ପକ୍ୟାତାକାର ଲାକେ ବାଟି କିଜି ମାତାନ୍, ହେଝାରିଂ ହେଝାନ୍ ପୁଇପୁୟା ଜିବୁନ୍ ସାଲିତାଂ ବଲ୍ଲ ହିଜି ମାତାନ୍ । ୩ ଜିସୁ ପା ଜାର ଦୁକ୍‌ବର୍ଗ ପାଚେ ଆଦେକ୍ ପାର୍ମାଣ୍ ହୁକେ ହେଝାର୍ ତାକେ ଜାରତିଂ ଜିଜି ମାନାକା ଚର୍ଚାନ, ଆରେ ରିକଡ଼ି ଦିନ୍ ପାଚେକ୍ ତାଇନାଡ଼ ହେଝାରିଂ ଚଞ୍ଜ୍ୟା ଆଜି ଇସ୍‌ବର୍ତି ରାଜିନି ବିସ୍ତେ ଇଚାନ । ୪ ରଗ ହେଝାର୍ ହୁକେ ଚିଞ୍ଜେଙ୍ଗ୍ କୁଚ୍‌ନି ଖେଡ଼ାଲିଂ ଜିସୁ ହେଝାରିଂ ଇ ବଲ୍ଲ ହିଜି, “ଏପେଙ୍ଗ୍ ଜିରୁସାଲମ୍‌ତାଂ ହାଲ୍‌ମାର୍, ମାତର୍ ଆବାତି ଇମ୍ନାଣି ପାର୍ମାଣ୍ ବିସ୍ତେ ନା ତାଙ୍ଗ୍ ଖେଚାଦେଣ୍ଟା, ହେବେ କାସିମାନାର୍; ୫ * ଇନେକିଦେଂକି ଜହନ୍ ଏସ୍‌ତ ବାପ୍ରିସିମ୍ ହିତାନ୍ ସଡ଼, ମାତର୍ ଅଲପ୍ ଦିନ୍ ବିସ୍ତେ ପୁଇପୁୟା ଜିବୁନ୍‌ତ ବାପ୍ରିସିମ୍ ଆନାଦେର୍ ।”

ଜିସୁତି ବାଦାଡ଼ତ ଦୁମ୍ନାକା
(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ଲାଗିଂ ହେଝାର୍ ରବେ ରୁଣ୍ଡା ଆଜି ହେଝାନିଂ ଗଝାରି କିଦେଙ୍ଗ୍ ଲାଗାତାର୍; “ଏ ମାପୁ, ଏନ୍ ଇନାକା ଇ ସମୁତ ଇସ୍ତାଏଲ୍ କେଇଦ୍ ଆରେରଗ ରାଜିନି ବଜ୍ ହେଲ୍ଲୟ୍ କିନାୟା ?”

୭ ହେଝାନ୍ ହେଝାରିଂ ଇଚାନ, “ଇମ୍ନାଣି ଓଁଜୁ କାଡ଼ କି ସମୁ ଆବା ଜାର ଆଦିକାର୍ ତାରେନ୍ ଇଡ଼ତାନ୍ନା ହେଦାଂ ମିଦାଙ୍ଗ୍ ପୁନି ବିସ୍ତେ ଆକାୟ୍ । ୮ ମାତର୍ ପୁଇପୁୟା ଜିବୁନ୍ ମି ଜପି ଜୁଜି ଖାତିସ୍, ଏପେଙ୍ଗ୍ ସାଲି ପାୟାନାଦେର୍, ଆରେ ଜିରୁସାଲମ୍ ଓଁଜୁ ଜିହୁଦା ରାଜି ଆରି ସମିରଣ୍ ଆରେ ପୁତ୍‌ନି ହାରିହାରା ହାୟି ପାଚେକ୍ ପା ନା ସାକି ଆନାଦେର୍ ।” ୯ *ହେଝାନ୍ ଇ ଓଁଜୁ କାତା ଇଚି ପାଚେ ହେଝାର୍ ହୁଡ଼ ହୁଡ଼ ହେଝାନ୍ ଜପି ଅୟାତାନ୍, ଆରେ ଅଲପ୍ ବାଦାଡ଼ତ ହେଝାନିଂ ହେଝାର୍ ନଞ୍ଜରତାଂ ଦେହା ଆତାନ୍ ।

୧୦ ଜିସୁ ହାଲ୍ଲୁ ହାଲ୍ଲୁ ହେଝାର୍ ବାଦାଡ଼ ନିପ ମିଚ୍‌କିଝାଦାଂ ହୁଡ଼ନାରା, ଇ ଲାକେ ସମୁତ, ହୁଡ଼ାର୍, ଡିଞ୍ଜିନି ହେନ୍ଦା ଉସ୍ତାତାକାର୍ ରିକାର୍ ଆଣ୍ଡାଙ୍ଗ୍ ହେଝାର୍ ଲାଗାଂ ଇକାଝାତାର୍, ୧୧ ଆରେ ହେଝାର୍ ଇଚାର୍, “ଏ ଗାଲିଲିୟର୍ ଲକୁ, ଇନାକିଦେଂ ଏପେଙ୍ଗ୍ ବାଦାଡ଼ ନିପ ହୁଡ଼ଜି ନିଲ୍‌ତାଦେଣ୍ଟା ? ଇ ଇମ୍ନାଣି ଜିସୁ ମିତାଙ୍ଗ୍ ବାଦାଡ଼ତ ଅୟାତାନ୍, ହେଝାନିଂ ଏପେଙ୍ଗ୍ ଇନେସ୍ ବାନି ବାଦାଡ଼ତ ହାନାକା ହୁଡ଼ତାଦେର୍, ହେଝାନ୍ ହେ ଲାକେ ମାଜ୍‌ଦି ଝାନାନ୍ ।”

ଜିହୁଦାତି ବାହାତ ମାତିଆତି ପୁରାକିନାକା
(ମାତିଉ ୨୭:୩-୧୦)

୧୨ ଇଦାଂ ପାଚେ ପକ୍ୟାତାକାର୍ ଜିଡ଼ ଇନି ମାଡ଼ିତାଂ ଜିରୁସାଲମ୍‌ତ ମାସ୍‌ଦି ଝାତାର୍ । ହେ ଜିରୁସାଲମ୍ ଲାଗେ, ର ଜମ୍‌ନିବାର୍‌ନି ହାଜି ର କିଲମିଟର୍ ଦେହା ମାତାଡ଼ । ୧୩ *ହେଝାର୍, ଇଚିସ୍ ପିତର୍, ଜହନ୍, ଜାକୁବ୍, ଆନ୍ଦ୍ରିୟ୍, ପିଲିପ୍, ତମା, ବାର୍ତଲମି, ମାତିଉ, ଆଲପିତି ମେହି ଜାକୁବ୍, ତିରକାଡ଼ ସିମନ୍ ଆରି ଜାକୁବ୍‌ତି ମେହି ଜିହୁଦା, ଜିରୁସାଲମ୍ ଗାଡ଼ ବିଡ୍ରେ ହଣ୍ଡି, ଇମ୍ନାଣି ଜପଣି ବାକ୍ରାତ ହେଝାର୍ ବାହା କିଜି ମାତାର୍, ହେବେ ହାଚାର୍ । ୧୪ ଇଝାର୍ ଓଁଜାର୍ କଗ୍‌ଲେରାହିଂ ହୁକେ ଆରି ଜିସୁତି ତେହି ମରିୟମ୍ ଆରି ହେଝାର୍‌ତି ଟଣ୍ଡାର୍ ଲାହାଙ୍ଗ୍ ର ମାନ୍ତ ପାର୍ତାନାତ ଲାଗା ଆଜି ମାତାର୍ ।

* ୧:୫ ୧:୫ ମାତିଉ ୩:୧୧; ମାର୍କ ୧:୮; ଲୁକ ୩:୧୬; ଜହନ୍ ୧:୩୩. * ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦, ୫୧. * ୧:୧୩ ୧:୧୩ ମାତିଉ ୧୦:୨-୪; ମାର୍କ ୩:୧୬-୧୯; ଲୁକ ୬:୧୪-୧୬.

୧୫ ହେ ପାର୍ତ୍ତନା ଖେଡ଼ାଲିଂ ପିତରୁ ତରୁଦି ଟଣ୍ଡାରୁ ବିତ୍ରେ ମାଦି ଇଞ୍ଜ ଇଚାନ୍ ହେବେ ଜିସୁ ଆନମାନ୍ତାଂ ଚକଡ଼ି ଜାଣି ରବେ ମାଚାରୁ, ୧୬ “ଟଣ୍ଡାରୁ, ଆରେ ତଣ୍ଡେକ୍ ଇମଣି ଇସ୍ପାରିଡ଼ ଜିହୁଦା ଜିସୁଙ୍ଗ ଆହନି ମାନାୟାରିଂ ହାଜି ଚତ୍ତି ମାଚାନ୍, ହେ ବିସ୍ତେ ପୁଇପୁୟା ଜିରୁନ୍ ପୁର୍ବେତାଂ ଦାଉଦତି ଖେଇଦାଂ ଇନାକା ଇଞ୍ଜି ମାଚାରୁ, ହେ ସାସ୍ତର ବଚନ୍ ପୁରାଦେଂ ଲଡ଼ା ମାଚାଡ଼; ୧୭ ଇନାକିଦେଂକି ହେଖାନ୍ ମା ଦଲ୍ଦ ରଖାନ୍ ଇଞ୍ଜି ଗାଣାକିୟାଜି ମାଚାନ୍ ଆରି ହେବା ପାଦ୍ତ ମେହାଆଜି ମାଚାନ୍ ।”

୧୮ ଇ ମାନାୟା ଜିହୁଦା ଅଦାମିଂ ମଲ୍ ହୁକେ ର ବୁମି କଡ଼ଜି ମାଚାନ୍, ଆରେ, ହେଖାନ୍ କାପଡ଼ା ଇଡ଼ୟାଜି ଆତ ଲେ ହେଖାନ୍ତି ପଟ ପାଡ଼ତାଡ଼ ଆରି ଖାହିଂ ହସି ହାଚିକ୍; ୧୯ ଆରେ, ଇଦାଂ ଜିରୁସାଲମ୍ ଗାଡ଼ଦ ବାହାକିତି ଓଜାକାର ପୁଟିଲେ ହେ ବୁମି ହେଖାନ୍ତି ଜାର ବେରଣ୍ଡତ “ହକଲ୍ଦମା” ଇଚିସ୍ “ନେତେର୍ ବୁମି” ଇଞ୍ଜି ପୁଟାତାଡ଼ ।

୨୦ “ଆରେ ପତିତ ଲେକାମାନାଡ଼,
‘ହେଖାନ୍ତି ବାହା ମେଲାୟେଡ଼,

ହେବେ ଇନେର୍ ବାହା କିମେନ୍ ।’

ଆରି ହେଖାନ୍ କାମାୟତ ଆରେ ବିନ୍ନିକାନ୍ ପାୟାୟେନ୍ ।”

୨୧ * “ଲାଗିଂ, ମାପୁ ଜିସୁ ଜହନ୍ ହୁକେ ବାପ୍ତିସିମ୍ ଅନି ସମୁତାଂ ଆରମ୍ କିଜି, ମା ଲାଗାଂ ଜପିତାଂ ଅୟାଜି ଦିନ୍ ପାତେକ୍ ଏଚେକ୍ ସମୁ ମା ବିତ୍ରେ ବୁଲା ଚାଲା ଆଜି ମାଚାରୁ । ୨୨ ହେ ସମୁ ଇମଣି ମାନାୟାରୁ ମା ହାଙ୍ଗଦାକାର ଆତାଣ୍ଟା, ହେଖାନ୍ ବିତ୍ରେତାଂ ଜହନ୍ ବାପ୍ତିସିମ୍ ଅଜି ମା ଲାହାଂ ହେଖାନ୍ତି ଆରେ ନିଂନାକା ସାକି ଆଦେଂ ଲଡ଼ା ।”

୨୩ ହେବେ ହେଖାନ୍ ରିୟାରିଂ, ଇଚିସ୍ ଜସେପ୍ତିଂ, ଇନେରିଂ ବର୍ସବା ଇଞ୍ଜି ଇନାରୁ ଆରି ଇନେରୁତ କୁକନି ତରୁ ଜୁସ୍, ଆରି ମତିୟ ବିନେ ତରୁ ହିତାରୁ, ୨୪ ଇ ପାର୍ତ୍ତନା କିତାରୁ, “ମାପୁ ସବୁ ଲକାର୍ତି ଚିନ୍ତା ପୁନି ମାପୁ ଇ ରିୟାରୁ ବିତ୍ରେତାଂ ମି ହୁକେ ଇନେର୍ ବାଟି କିୟାତାନ୍ ମାଙ୍ଗେଙ୍ଗ୍ ଖେଚଟାଡ଼, ୨୫ ଇ ମାନାୟା, ଜିହୁଦାତି ବାହାତ ପଦ୍ୟାତି ହେବା ପାଦ୍ କାମାୟା କିନାନ୍ ।” ୨୬ ଆରେ, ହେଖାନ୍ ହେ ରିୟାରୁ କାଜିଂ ଦରମଗୁଲି କିତାରୁ, ଆରେ ମତିୟ ତରୁଦ ଦରମଗୁଲି ନିଂତାଡ଼; ହେବେ ହେଖାନ୍ ଏଗାରୁ ଜାଣି ପଦ୍ୟାତାକାର ଲାହାଂ ମିହାତାନ୍ ।

୨

ପୁଇପୁୟା ଜିରୁନ୍ତି ଜୁଦନାକା

୧ ଜିହୁଦିରୁତି ପେଣ୍ଟିକସ୍ ପାର୍ବୁ ଦିନ୍ ଏକାଖାତିଲେ, ଓଜାରୁ ର ବାହାତ ରୁଣ୍ଡାଜି ମାଚାରୁ । ୨ ଆରେ, ହାଚାଗ୍ରେ ବେସି ଦୁକାନି ଗାର୍ଜାନ୍ ଲାକେ ର ଗାର୍ଜାନ୍ ହାଚାଗ୍ରେ ବାଦାଡ଼ତାଂ ଖାଜି, ଇମଣି ଇଞ୍ଜ ହେଖାନ୍ କୁଚ୍ଚି ମାଚାରୁ, ହେ ଇଲ୍ଲିନି ଓଜେନିପ ମେଙ୍ଗ୍ତାଡ଼, ୩ ଆରେ ନାଣି ଲାକେ ଖେୟୁଲିଂ ହେଖାନ୍ତି ନଞ୍ଜରୁ ଆଜି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେଖାନ୍ତି ଓଜାରିଂ ଜପିତାଂ ତୁତାଡ଼ । ୪ ହେବେ ଓଜାକାର ପୁଇପୁୟା ଜିରୁନ୍ତି ବାତ ଆଚାରୁ, ଆରେ ଜିରୁନ୍ ହେଖାରିଂ ଇନେସ୍ ଇଞ୍ଜେଙ୍ଗ୍ ସାକ୍ତି ହିତାଡ଼, ହେ ଲାକେ ହେଖାନ୍ ବିନ୍ ବିନ୍ ବେରଣ୍ଡତ କାତା ଇଞ୍ଜେଙ୍ଗ୍ ଲାଗାତାରୁ ।

୫ ଇ ସମୁତ ପେଣ୍ଟିକସ୍ ପାର୍ବୁ ପାଲି କିନି ଉଦେସ୍ତ ବାଦାଡ଼ ତାରେନ୍ ମାନି ସବୁ ଜାତିତାଂ ପୁଜାରିର୍ ଜିହୁଦିର୍ ଖାଜି ଜିରୁସାଲମ୍ତ ବାହା କିଜି ମାଚାରୁ; ୬ ଆରେ, ହେ ଗାର୍ଜାନ୍ ଖେଟିଲେ, ହେନି ଲକୁ ରୁଣ୍ଡା ଆଜି କ୍ରିସ୍ଟଙ୍ଗ୍ ପାତ କିନାକାରୁ ଜାଣିକେ ଜାରୁ ଜାରୁ ବେରଣ୍ଡତ ହେଖାରିଂ କାତା ଇନାକା ଖେନ୍ଞ୍ଜି କାବା ଆଚାରୁ । ୭ ଆରେ,

* ୧:୨୧ ୧:୨୧ ମାତିଉ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧.

“ହେୱାର କାବା ଆରି ବକ୍ଷା ଆଜି ଇଞ୍ଜେଙ୍ଗ ଲାଗାତାର୍, ହୁଡ଼ାଟ୍, ଇ ଇମ୍ଫାଣି
 ମାନାୟାର୍ କାତା ଇନାରା, ହେୱାର୍ ଓଜାର୍ ଇନାକା ଗାଲିଲିୟର୍ ଆକାୟ୍ ?
 ୮ ୱାଟିଙ୍ଗ୍, ଆସେଙ୍ଗ୍ ଇନେସ୍ ଜାଣକେ ଇନାକା ଜାର୍ ଜାର୍ ବାସା ବେରଣ୍ କାତା
 ୱେନାସା ? ୯ ପାତର୍ ଯା, ମାଦିୟା ଆରି ଏଲାନି, ଆରେ ମେସପଟାମିଆ, ଜିହୁଦା
 ଦେସ୍ ଆରି କାମ୍ପାଦକିଆ, ପନ୍ଥ ଆରି ଆସିଆ, ୧୦ ପୁଗିଆ ଆରି ପଂପୁଲିଆ, ମିସର୍
 ଆରି କୁରିଣି ଲାଗେନି ଲିବିଆ ନିପନି ଲକୁ, ଆରି ରମ୍ପାତଂ ୱାଜି ମାନି ଜିହୁଦି ଆରି
 ଜିହୁଦି ଦରମକିନାକାର୍, ୧୧ ଆରେ କ୍ରିଡିୟ୍ ଆରି ଆରବିୟ୍ ଲକୁ ଜେ ଆସେଙ୍ଗ୍,
 ଆସେଙ୍ଗ୍ ଜାର୍ ଜାର୍ ବାସାତ ଜିହୁଦିରିଂ ଇସ୍ପୁରତି ଗାଜା ଗାଜା ସାକ୍ତି କାମାୟ୍ନି କାତା
 ଇନାକା ୱେନାସା ।” ୧୨ ଆରେ, ଓଜାକାର୍ କାବା ଆରି ବୁଦିବାଣା ଆଜି ହାରି ଇଞ୍ଜେଙ୍ଗ୍
 ଲାଗାତାର୍, “ଇଦଂ ଅରଡ଼ ଇଟିସ୍ ଇନାକା ?”

୧୩ ମାତର୍ ବିନ୍ଲଗୁ ପାତର୍ କିନାକାରିଂ ଗ୍ଲୁଜି ଇଚାର୍, “ଇଞ୍ଜେର୍ ପୁନି ଅଙ୍ଗୁର୍
 ରାସ୍ତ ହର୍ଚାଣ୍ଟା ।”

ପିତରତି ପରଚାର୍

୧୪ ମାତର୍ ପିତର୍ ଏଗାର୍ ଜାଣ ହୁକେ ଇଞ୍ଜ ଗାଜା କାଟ୍ତାଂ ହେୱାର୍ ତାକେ ଇଞ୍ଜି
 ଇଚାନ, ଏ ଜିହୁଦିର୍ ଲଗୁ ଆରି ଜିରୁସାଲମ୍ନି ଓଜାକାଦେର୍, ଏପେଙ୍ଗ୍ ଇଦଂ ପୁନାଟ୍
 ଆରି ନା ବଚନ୍ ୱେନାଟ୍ । ଆନ୍ ଇ ବିସ୍ତେ ବୁଜାୟ୍ କିଦନାଙ୍ । ୧୫ ଇନାକିଦେଂକି
 ଏପେଙ୍ଗ୍ ଇନେସ୍ ବାବି କିନାଦେରା, ଇୱାର୍ ହେ ଲାକେ ହର୍ୱାତାଣ୍ଟା, ଲାଗିଂ
 ନଙ୍ଗ୍ ସମୁ ନାଡ଼ିହିଂ ନଅ ଗଣ୍ଟା ମତର୍ । ୧୬ ମାତର୍ ଜୟେଲ୍ ଇଞ୍ଜି ମାଚାନ,
 ବେଣ୍ବାକ୍‌ଶାୟ୍‌କିନାକାର୍ ତାଙ୍ଗ୍ ଇନାକା ଲେକାମାନାଡ଼, ଇଦଂ ହେ ବିସ୍ତେ ।

୧୭ “ଇସ୍ପୁର୍ ଇନାନ,

ସେସ୍ କାଡ଼ଦ ଏଲେଙ୍ଗ୍ କିନାଙ୍,

ଆନ୍ ଓଜାର୍ ଜପି ନା ଜିରୁନ୍ ବେସି ବାବ୍ରେ ହିନାଙ୍,

ହେବେ ମି ହିମ୍‌ଶା ୱାକ୍‌ଡ଼ାର୍ ବେଣ୍ବାକ୍‌ଶାୟ୍‌କିନାକାନ,

ଆରେ ମି ଦାଙ୍ଗ୍‌ଶାର୍ ହୁଡ଼ନାର୍,

ଆରେ ମି ପ୍ରାତିନାର୍ କ୍ଲେଞ୍ଜନାର୍,

୧୮ ଆଁ, ହେ କାଡ଼ଦ ଆସେଙ୍ଗ୍ ଆଡ଼ିୟାଣି,

ଆଣ୍ଟାଙ୍ଗ୍ ଆରି କଗ୍‌ଲେହିମ୍‌ଶାଂ,

ଜପି ଜାର୍ ଜିରୁନ୍ ହିନାଙ୍, ହେବେ ହେୱାର୍ ବେଣ୍ବାକ୍‌ଶାୟ୍‌କିନାକାର୍ ।

୧୯ ଆସେଙ୍ଗ୍ ଜପିନି ବାଦାଡ଼ତ୍ ବାର୍‌ବିନ୍ କାବାନି କାମାୟ୍,

ଆରେ ତାରେନି ପୁତର୍ ତ ବାର୍‌ବିନ୍ ଚିନ୍‌କୁ, ନେତେର୍,

ନାଣି ଆରି ବେସି କଦା ଚର୍ଚାନାପ୍ ।

୨୦ ମାପୁତି ସିଗ୍ ଆରି ଜାଜ୍‌ମାଲ୍‌ନି ଦିନ୍

ୱାନି ଆଗେ, ୱେଡ଼ା ମାଜ୍‌ଗା ଆନାଡ଼,

ଆରି ଲେଞ୍ଜ ନେତେର୍ ଆନାଡ଼ ।

୨୧ ଆରେ, ଏଲେଙ୍ଗ୍ ଗିଟାନାଡ଼ ଜେ,

ଇନେର୍ ମାପୁତି ତର୍ଦ୍ଦ ପାର୍ତ୍ତନା କିନାନ, ହେୱାର୍ ରାକ୍ୟା ପାୟା ଆନାନ ।”

୨୨ “ଏ ଇସ୍ରାଏଲିୟନି ଲକୁ, ଇ ଓଜୁ କାତା ୱେନାଟ୍ । ନାଜରିତିୟ୍ ଜିସୁ ବାର୍‌ବିନ୍
 ସାକ୍ତିନି କାମାୟ୍, କାବାନି କାମାୟ୍ ଆରି ଚିନ୍‌କୁ ହୁକେ ମି ଲାହଂ ଇସ୍ପୁରତି ପଦ୍ୟାତି
 ମୁଣିକା ଇଞ୍ଜି ପାର୍ମାଣ୍ ଆତାନ୍ନା, ହେୱାନତଂ ଇସ୍ପୁର୍ ଜେ ମିଙ୍ଗେଙ୍ଗ୍ ପା ଇ ଓଜୁ କାମାୟ୍
 କିତାନ୍‌ନା, ଇଦଂ ଏପେଙ୍ଗ୍ ଇଦଂ ପୁନାଟ୍ ଇନାକିଦେଂକି ମି ବିତ୍ରେ ଇ ଓଜୁ ଗର୍‌ଶା

ବାତ ଆତାତନ୍ନା” ୨୩ ଧୂଳସ୍ୱର ତା ଉପାୟ ଇସାବ୍ରେ ଜିସୁଂ ମି କେଇଦ ହେଲାଇ କିନି
 କାଜିଂ ତିର କିଜି ମାତାନ୍ ଆରେ ଏପେଙ୍ଗ୍ ତାଙ୍ଗେଙ୍ଗ୍ ଅଦାମ୍ ହୁକେ କୁରୁସ୍ତ ଦୁପ୍ତି
 ଅସ୍ତି ମାତାଦେର; ୨୪ ଧୂଳସ୍ୱର ହାକିତାଂ ମୁକ୍ତାୟ କିଜି ଇସ୍ୱର ହେଞ୍ଜାନିଂ
 ନିକ୍ତାନ୍ନା, ଇନାକିଦେଂକି ହେଞ୍ଜାନ୍ ଜେ ହାକିତାଂ ଗାନ୍ୟାନାନ୍ ହେଦାଂ ମୁଡ଼େଆକାୟ
 । ୨୫ ଦାଉଦ୍ ତ ହେଞ୍ଜାନ୍ତି ବିସ୍ତେ ଇଚାନ୍ନା,

“ନା ମୁମ୍ଦ ନିତ୍ରେ ମାପୁଙ୍ଗ୍ ହୁଡ଼ତାଂ, ଇନାକିଦେଂକି ଆନ୍ ଇନେସ୍ ବିପ୍ତି ଆମେଙ୍ଗ୍,
 ହେଦାଂ କାଜିଂ ହେଞ୍ଜାନ୍ ନା ବୁଜ୍ଜି ପାଡ଼କାତ ମାନାନ୍ ।”

୨୬ ଲାଗିଂ ନା ମାନ୍ତୁ ଖାରି,

ଆରି ନା ଖେନ୍ଦୁଲ୍ ସାର୍ଦା ଆତାଡ଼,

“ଆରେ ନା ଗାଗାଡ଼୍ ପା ବାସ୍ତ ବାହା କିନାଡ଼,

ନା ବାସ୍ତ ବାହା କିନାଡ଼ ।

୨୭ ଇନାକିଦେଂକି ଏନ୍ ନା ଖାସ୍ତିଂ ପାତାଲ୍ତ ପିସ୍ତୁୟ,

କି ଜାର୍ ପୁଇପୁୟା ହେବାକାରିୟାଂ ଜିରା ଆଦେଂ ହିଉୟ ।

୨୮ ଏନ୍ନାଙ୍ଗ୍ ଜିବୁନ୍ନି ହାଜି ଚତ୍ତାତାୟନା, ଏନ୍ ଲାଗେ ମାନାକା

ଏନ୍ ଜାର୍ ଲାଗେ ନାଂ ଖାରିତ ବାତ୍ କିଦ୍ନାୟ ।”

୨୯ “ଏ ଇସ୍ତାଏଲ୍ ଟଣ୍ଡାର୍ ଆରି ତଣ୍ଡେକ୍, ଆବା ଲାତ୍ରା ମୁଣିକା ଦାଉଦ୍ତି ବିସ୍ତେ
 ଆନ୍ ମିଙ୍ଗେଙ୍ଗ୍ ପୁର୍ତ୍ତେ ଇଞ୍ଜେଙ୍ଗ୍ ଆଡ଼ନାଂ ଜେ, ହେଞ୍ଜାନ୍ ହାତାନ୍, ଆରେ ଦୁଗେର୍
 ପାୟାତାନ୍, ଆରେ ହେଞ୍ଜାନ୍ତି ଦୁଗେର୍ ନେଞ୍ଜେଙ୍ଗ୍ ପାତେକ୍ ମା ବିତ୍ରେ ମାନାଡ଼ ।”

୩୦ ରାଜା ଦାଉଦ୍ ରଞ୍ଜାନ୍ ବେଣ୍ଟବାକ୍ଷାୟକିନାକାର୍ ବାବ୍ରେ ହେଞ୍ଜାନ୍ତି ନେତେର୍ତାଂ
 ଗାଗାତି ରଞ୍ଜାନିଂ ହେଞ୍ଜାନ୍ତି ଗାଦିତ ରାଜା କିଜି କୁଟି କିନି କାଜିଂ ଇସ୍ୱର ହେଞ୍ଜାନିଂ
 ପାର୍ମାଣ୍ କିଜି ମାତାନ୍ ଇଞ୍ଜି ପୁନ୍ଞି ମାତାନ୍, ୩୧ ଇଦାଂ ପୁଟିଲେ ହେଞ୍ଜାନ୍

ଆଗେନିକା କେଞ୍ଜନାକା ହୁକେ କ୍ରିସ୍ତୁତି ଆରେ ନିନାକା ବିସ୍ତେ ଇଚାନ୍,

ଇନାକିଦେଂକି ହେଞ୍ଜାନ୍ ପାତାଲ୍ତ ତୁହିକିୟା ଆଖାତାନ୍, କି ହେଞ୍ଜାନ୍ତି ଗାଗାଡ଼୍
 କି ଗାଗାଡ଼୍ ଜିରା ଆଖାତାନ୍ ।

୩୨ ଇ ଜିସୁତି ଇସ୍ୱର ନିକ୍ତାନ୍ନା, ହେ ବିସ୍ତେ ଆସେଙ୍ଗ୍ ଝିଜାକାସ୍ ସାକି । ୩୩ ଜିସୁ
 ତା ଆବା ଇସ୍ୱରତି ବୁଜ୍ଜି ବାଗାଙ୍ଗ୍ ଆରେ ନିଙ୍ଗ୍ତାନ୍ନା, ଆରି ଆବାତି ପାର୍ମାଣ୍
 ଇସାବ୍ରେ ହେଞ୍ଜାନିତାଂ ପୁଇପୁୟା ଜିବୁନ୍ ପାୟାତାନ୍ନା, ଏପେଙ୍ଗ୍ ନଙ୍ଗ୍ୟ ହୁଡ଼ନାଦେରା
 ଆରି ଝେନାଦେରା ହେଦାଂ ତା ଦାନ୍ । ୩୪ ଇନାକିଦେଂକି ଦାଉଦ୍ ନିଜେ ବାଦାଡ଼୍ତ
 ଦୁମ୍ପାଦାଂ ମାତାନ୍,

ମତର୍ ହେଞ୍ଜାନ୍ ନିଜେ ଇନାନ୍ନା,

ମାପୁ ନା “ମାପୁଙ୍ଗ୍ ଇଚାନ୍,

୩୫ ଆନ୍ ଇମଣି ପାତେକ୍ ମି ସାତୁରିଂ ମି ପାନା ତାରେନ୍ ଇଟ୍ଝାତାପନା,

ହେ ପାତେକ୍ ମା ବୁଜ୍ଜିତ କୁଟି ମାନାଟ୍ ।”

୩୬ “ଲାଗିଂ, ଝିଜୁ ଇସ୍ତାଏଲ୍ ପୁନେର୍ ଜେ, ଇମଣି ଜିସୁଙ୍ଗ୍ ଏପେଙ୍ଗ୍ କୁସ୍ତ
 ଅସ୍ତାଦେର୍, ହେଞ୍ଜାନିଂ ଇସ୍ୱର, ମାପୁ ଆରି କ୍ରିସ୍ତୁ ରି ପାଦ୍ତ ବାଟିକିତାନ୍ନା ।”

୩୭ ଇ କାତା ଝେନ୍ଦୁଞ୍ଜି ହେଞ୍ଜାର୍ତି ମାନ୍ତୁ ରାସ୍ ଆଜି ହାଗାଡ଼୍, ଆରେ ହେଞ୍ଜାର୍ ପିତର୍
 ଆରି ବାକି ପଦ୍ୟାତାକାର୍ ଇଚାର୍, “ଟଣ୍ଡାର୍, ଆସେଙ୍ଗ୍ ଇନାକା କିନାସ୍ ?”

୩୮ ହେବେ ପିତର୍ ହେଞ୍ଜାରିଂ ଇଚାନ୍, “ଏପେଙ୍ଗ୍ ମାନ୍ ବାଦ୍ଲାଇୟ୍ କିୟାଟ୍, ଆରେ
 ଜାର୍ ଜାର୍ ପାପ୍ କେମା କାଜିଂ ସବୁଜାଣ୍ ଜିସୁ କ୍ରିସ୍ତୁତି ତର୍ଦ ବାପ୍ତିସିମ୍ ଆଡୁ; ତା
 ଆତିସ୍ ଏପେଙ୍ଗ୍ ପୁଇପୁୟା ଜିବୁନ୍ତି ଦାନ୍ ପାୟାନାଦେର୍ । ୩୯ ଇନାକିଦେଂକି ଇ

☆ ୨:୨୩ ୨:୨୩ ମାଡିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହନ୍ ୧୯:୧୮. ☆ ୨:୨୪ ୨:୨୪ ମାଡିଉ ୨୮:୫,୬; ମାର୍କ ୧୭:୬; ଲୁକ ୨୪:୫.

ଇସ୍‌ସୁରତି ପାର୍ମାଣ୍ ମି କାଜିଂ, ମି ହିମ୍‌ଣାଝାକଡ଼ା କାଜିଂ, ଆରେ ଇସ୍‌ସୁରତି କୁକ୍ୟାତି ଦେହା ଦେହାତାଂ ମାନି ଏତେକ୍ ମାନାୟାରିଂ ମାପୁ ମା ଇସ୍‌ସୁର ତା ତାକେ କୁକ୍‌ତାନାନ୍, ହେ ଝିଜାକାର୍ କାଜିଂ ଆନାତ୍ ।”

୪୦ ଆରି ବିନ୍‌ବିନ୍ ବେସି କାତା ହୁକେ ସାକି ହିଦେଂ ଲାଗାତାନ୍ ଆରି ହେଝାରିଂ ଉପଦେସ୍ ହିଜି ଇଚାନ୍, “ଇ ଇଲ୍ ଲାତ୍ରାତାଂ ଏପେକ୍ ରାକ୍ୟା ପାୟା ଆତୁ ।” ୪୧ ହେବେ ଇମ୍‌ଣାକାର୍ ହେଝାନ୍ତି ବଚନ୍ ଝାସ୍ତିତ ଇଡ଼ତାର୍, ହେଝାର୍ ବାପ୍ରିସିମ୍ ଅତାର୍, ଆରେ ହେ ଦିନ୍ ଆନାର୍ କିୟା ତିନ୍‌ହାଜାର୍ ଲକୁ ଦଲ୍ ହୁକେ ମେହା ଆତାର୍ । ୪୨ ହେଝାର୍ ପକ୍ୟାତାକାର୍ ହିକ୍ୟା ମେହାବିଡ଼ାତ, ରୁଟି ତ୍ରିକ୍‌ନିତ ଆରି ପାର୍ତ୍ତାନାତ ର ମାନ୍ ଆଜି ମାଚାର୍ ।

ପାତର୍ କିନାକାତର୍ ନିତ୍ରେନି ଜିବୁନ୍

୪୩ ଆରେ, ଲକୁ କାବାନି କାମାୟ ପାଣ୍ଡାଦେଂ ଲାଗାତାର୍, ପକ୍ୟାତାକାର୍ ହୁଦାଂ ପା ଆଦେକ୍ କାବା କାମାୟ ଆରି ତିନ୍‌କୁ ଆଦେଂ ଲାଗାତାତ୍ । ୪୪ ଫତର୍ ଇମ୍‌ଣାକାର୍ ପାତର୍ କିତାର୍, ହେଝାର୍ ହାରିତିଂ ଝିଜାକାର୍ ରବେ ମାନ୍‌ଞ୍ଜି ସବୁ ଜିନ୍‌ସ୍ ସିଦାସାଦା ସମ୍ପତି ଇଞ୍ଜି ଗିୟାଣ୍ କିଜି ମାଚାର୍ । ୪୫ ଆରେ ହେଝାର୍ ଜାର୍ ଜାର୍ ସମ୍ପତି ପ୍ରହି, ଇନେରତର୍ ଇନେସ୍ ଲଡ଼ା, ହେ ଲାକେ ଝିଜାକାରିଂ ପାସ୍‌ପିସ୍ ହିଦେଂ ଲାଗାତାର୍ । ୪୬ ଆରେ, ହେଝାର୍ ର ମାନ୍ ଆଜି ନିତ୍ରେ ମନ୍ଦିରତ ମେହାଜି ମାଚାର୍ ଇଲ୍‌କୁ ଇଲ୍‌କୁ ରୁଟି ତ୍ରିକ୍‌ତି ଝାରିତାଂ ଆରି ହୁଦାର୍ ମାନ୍ତ ତିନାଉଣା କିଜି ୪୭ ଇସ୍‌ସୁରତିଂ ଦନ୍‌ସାଦ୍ କିଜି ମାଚାର୍ ଆରି ଝିଜାକାର୍ ମାନାୟାରିତି ଲାଡ଼ ଆଜି ମାଚାର୍ । ଆରେ, ମାପୁ ରାକ୍ୟା ଗାଟାତି ଲକାଂ ନିତ୍ରେ ମଣ୍ଡଲି ଦଲ୍ ହୁକେ ପାତର୍ ମେହାୟ କିଦେକ୍ ଲାଗାତାର୍ ।

୩

ପିତର୍ ରଝାନିଂ ଚଟା ବିକାରିଂ ଉଜ୍ କିତାନ୍

୯ ଦିନେକ୍ ପାର୍ତ୍ତାନାନି ସମାନ୍ ସମୁତ, ଇତିସ୍ ମିକାହାରେସ୍ ତିନ୍ ଗଣ୍ଡା ଝେଡ଼ାଲିଂ, ପିତର୍ ଆରି ଜହନ୍ ମନ୍ଦିରତ ହାଲ୍‌ଜି ମାଚାର୍ । ୧୦ ଏଲେକ୍ ଝେଡ଼ାଲିଂ ଜଲ୍‌ମତାଂ ଚଟା ରଝାନ୍ ମାନାୟା ପିଣ୍ଡାୟା ଆଜି ହାଲ୍‌ଜି ମାଚାନ୍, ମନ୍ଦିରତ ହଣାକାର୍ ମାନାୟାର୍‌ତାଂ ବିକ୍ୟା ଏନ୍‌ନି କାଜିଂ ଲକୁ ହେଝାନିଂ ନିତ୍ରେ ହେବେ ହଲ୍‌ନି ତର୍ ନି ଦୁଝେରତ ଇଡ଼ବିସ୍ ମାଚାର୍ । ୧୧ ହେଝାନ୍ ପିତର୍ ଆରି ଜହନ୍‌ତିଂ ମନ୍ଦିରତ ହଣ୍ଡେକ୍ ହାନିହିଂ ହୁଡ଼ଜି ଗଝାରି କିଜି ବିକ୍ ଏନ୍‌ଜେ ଲାଗାତାନ୍ । ୧୨ ପିତର୍ ଆରି ଜହନ୍‌ତାକ୍ ର ଲୟାତ ହୁଡ଼ତାର୍, ଆରେ ପିତର୍ ଇଚାନ୍, “ମା ନିପ ହୁଡ଼ଦା ।” ୧୩ ହେବେ ହେଝାନ୍ ହେଝାର୍ ତାକ୍ ଅଲ୍‌ପ୍ ଗାଟାନି ଆହାତ ହେଝାର୍ ନିପ ହୁଡ଼ଜି ମାଚାନ୍ । ୧୪ ମତର୍ ପିତର୍ ଇଚାନ୍, “ରୁପା କି ହନା ନାଦାଂ ହିଲ୍‌ଡ଼, ମତର୍ ନାଦାଂ ଇନାକା ମାନାତ୍, ହେଦାଂ ଆନ୍ ନିଂ ହିଦ୍‌ନାକା, ନାଜରିତିୟ ଜିସୁ କ୍ରିସ୍‌ତି ତରଦ ତାକା ।” ୧୫ ଆରେ, ହେଝାନ୍ ତା ତିନା କେଇ ଆସ୍ତି ହେଝାନିଂ ନିକ୍‌ତାନ୍, ହେବେଶ୍ଟାଂ ଦାପ୍ରେ ହେଝାନ୍ତି ପାନା ଆରି କାଲ୍‌ନି ଗାଟିଂ ସବୁ ବାଡ଼କାସ୍ ଆତାନ୍, ୧୬ ହେଝାନ୍ ତଗ୍‌ଜି ନିଲ୍‌ତାନ୍, ଆରେ, ତାକ୍‌ଦେଂ ଲାଗାତାନ୍, ଆରେ ହେଝାନ୍ ତାକ୍ ତାକ୍ ଆରି ତଗ୍‌ଜି ତଗ୍‌ଜି, ଆରେ ଇସ୍‌ସୁରତିଂ ପାର୍ତ୍ତାନା କିଉ କିଉ ହେଝାର୍ ହୁକେ ମନ୍ଦିରତ ହଚାନ୍ । ୧୭ ହେବେ ମାନି ମାନାୟାର୍ ଝିଜାକାର୍ ହେଝାନିଂ ତାଂନାକା ଆରି ଇସ୍‌ସୁରତିଂ ଜୁଝାର୍ କିନାକା ହୁଡ଼ତାର୍; ୧୮ ଆରେ ଇମ୍‌ଣି ରଝାନ୍ ମନ୍ଦିରନି ହଲ୍‌ନି ଦୁଝେର ଲାଗେ କୁଡ଼ି ବିକ୍ ଏନ୍‌ତି ମାଚାନ୍, ଇଝାନ୍ ହେ ଲକୁ ଇଞ୍ଜି ହେଝାର୍ ତିନ୍‌କିତାର୍, ଆରେ ତାକ୍ ଇନାକା ଗିଟାତାଡ଼୍‌ନା, ହେଦାଂ ହୁଡ଼ଜି ହେଝାର୍ ବେସି ବକ୍‌ଝା ଆରି କାବା ଆଜି ହାଚାର୍ ।

୧୦ ୨:୪୪ ୨:୪୪ ପକ୍ୟାତାକା ୪:୩୨-୩୫.

ଉପାସ୍ୟ ମନ୍ଦିରତ ପିତରତି ପରଚାର

୧୧ ହେୱାନ ପିତର ଆରି ଜହନତି ଆସି ମାନି ୱେଡାଲିଂ ଲକୁ ଓଜାକାର ବେସି କାବା ଆଜି ସଲମନ୍ତି ମଣ୍ଡମତ ହୁଡ଼ଜି ହେୱାରତି ଲାଗେ ରଚେ ହନତି ୱାତାର । ୧୭ ପିତର ହେଦାଂ ହୁଡ଼ଜି ମାନାୟାରିଂ ଉତର ହିତାନ, “ଏ ଇସ୍ତାଏଲିୟର ଲକୁ, ଏପେଙ୍ଗ ଇନେକିଦେଂ ଇ ମାନାୟ ବିସ୍ତେ କାବା ଆନାଦେରା ? କି ଆସେଙ୍ଗ ଇନେସ୍ ଜାର ସାଲ୍ଲି କି ଲବାୟ ବାଡ଼କାସ୍ତାଂ ଇୱାନିଂ ତାଂଦେଂ ସାଲ୍ଲି ହିତାପ୍ନା, ହେଦାଂ ବାବି କିଜି ମା କାଜିଂ ଇନେକିଦେଂ ମାପ ହୁଡ଼ଦାନାଦେରା ? ୧୩ ଅବ୍ରାହାମ୍, ଇସ୍ତାକ୍ ଆରି ଜାକୁବ୍ତି ଇସ୍ବର, ମା” ବୁତାତ ଇସ୍ବର, ଜାର ଆଡ଼ିଏନ୍ ଜିସୁଙ୍ଗ ଓଜୁଓଜି ଜାଜମାଲ୍ କିତାନନ୍ନା; ମାତର ଏପେଙ୍ଗ ହେୱାନିଂ ମୁଡ଼ ତାକେ ହେଲ୍ଲାୟ କିନାଦେର । ଏଲେଙ୍ଗ କି ବିଚାର କାରୟା ହେୱାନିଂ ମୁକ୍ତି କିଦେଙ୍ଗ ତର କିଜି ମାଚାନ ପା ହେୱାନିଂ ପିଲାତ ମୁମ୍ବ ପାତ କିୱାତାଦେର । ୧୪ ଏପେଙ୍ଗ ହେ ପୁଇପୁୟା ଆରି ଦାମ୍ ଲଗାଂ ପାତ କିନାଦେର, ଆରେ ରୱାନ ନାରମାରୁଙ୍ଗ ଇନେସ୍ ମି କାଜିଂ କେମା କିୟାନାଡ଼, ଇଦାଂ ପାର୍ତାନା କିତାଦେର, ୧୫ ମାତର ଜିବୁନ୍ନି ହାଜି ଚଚନାକାନିଂ ଅସ୍ବାର, ହେୱାନିଂ ଇସ୍ବର ହାତାକାର ବିତ୍ରେ ନିକ୍ତାନା, ଆପେଂ ହେବେନି ସାକି । ୧୬ ଆରେ, ହେୱାନ୍ତି ତରଦ ପାତ କିତିଲେ ଇ ଇମ୍ବି ମାନାୟତିଂ ଏପେଙ୍ଗ ହୁଡ଼ନାଦେରା ଆରି ପୁଚାଦେଣ୍ଟା, ଇୱାନିଂ ଜିସୁ ତରଦ ବାଡ଼କାସ୍ କିତାନ୍ନା; ଆଁ, ହେୱାନ୍ତି ହୁଦାଂ ହିଡ଼ତି ପାତ ମି ଓଜାକାର ମୁମ୍ବ ଇୱାନିଂ ପୁରା ଉଜ କିତାନ୍ନା ।

୧୭ “ଆରେ ନଙ୍ଗ, ଏ ଇସ୍ତାଏଲ୍ ଚଣ୍ଡାର ଆରି ତଣ୍ଡେକ୍, ମି ମୁଣିକାର ଇନେସ୍, ଏପେଙ୍ଗ ପା ହେ ଲାକେ ଗିୟାନ୍ହିଲ୍ଓ କାଜିଂ ଇଦାଂ କିତାଦେଣ୍ଟା ଇଞ୍ଜି ଆନ୍ ପୁନାଙ୍ଗ । ୧୮ ମାତର ଇସ୍ବର ଜାର କ୍ରିଷ୍ଟ ଦୁକ୍ବଗ୍ ବିସ୍ତେ ଓଜାକାର ବେଶ୍ବକ୍ଷାୟକିନାକାର ୱେଇଦାଂ ଇନା ଇନାକା ପୁବେତାଂ ସୁଣାୟ କିଜି ମାଚାର, ହେ ସବୁ ହେୱାନ ଇ ବାନି ପୁରା କିତାନନ୍ନା । ୧୯ ଲାଗିଂ, ଇନେସ୍ ମିଦାଂ ପାପ୍ କେମା ଆନାଡ଼, ଇଦାଂ କାଜିଂ ମାନବାଦଲ୍ଲାୟ କିଜି ଇସ୍ବର ନିପ ମାଜ୍ଡି ୱାଡୁ, ୨୦ ତା ଆତିସ୍ ମାପୁତି ଲାଗାଂ ସୁସ୍ତାନି ସମ୍ବ ଇକାୱାନାଡ଼; ଆରେ, ମି କାଜିଂ ଆରେନିଂତି କ୍ରିସ୍ଟଙ୍ଗ, ଇତିସ୍ ଜିସୁଙ୍ଗ ହେୱାନ ପକ୍ତାନାନ୍ । ୨୧ ଓଜୁ ବିସ୍ତେ ଆରେ କିଦେଙ୍ଗ ଇମ୍ବି ସମ୍ବିନି କାତା ବେସି ପ୍ଲୁଡ଼ନିକାଡ଼ଦାଂ ଇସ୍ବର ଜାର ପୁଇପୁୟା ବେଶ୍ବକ୍ଷାୟକିନାକାର ୱେଇ ହୁଦାଂ ୱେଚ୍ଚାନା, ହେ ସମ୍ବ ଏକାୱାଓ ପାତେକ୍ ହେୱାନିଂ ହାତେ ବାଦାଡ଼ ଇଟ୍ୟା ଆଦେଂ ଆନାଡ଼ । ୨୨ ଇ ବିସ୍ତେ ମସା ଇଞ୍ଜି ମାଚାନ, ମି ମାପୁ ଇସ୍ବର ମିଙ୍ଗେଙ୍ଗ ଚଣ୍ଡାର ବିତ୍ରେ ନା ଲାକେ ରୱାନ ବେଶ୍ବକ୍ଷାୟକିନାକାର ପକ୍ତାନାନ୍ । ହେୱାନ ଜାର ମାନାୟାରିଂ ବିତ୍ରେତାଂ ରୱାନ ଆନାନ୍ ହେୱାନ ମିଙ୍ଗ ଇନାକା ୱେଚ୍ଚାନାନ୍, ହେ ସବୁ ବିସ୍ତେ ଏପେଙ୍ଗ ପାଲି କିନି ଲଡ଼ା । ୨୩ ମାତର ଏଲେଙ୍ଗ ଗିଚାନାଡ଼ ଜେ, ଇମ୍ବି ୱାସ୍ ହେ ବେଶ୍ବକ୍ଷାୟକିନାକାର ବଚନ୍ ୱେନ୍ନୁନ୍, ଇସ୍ବରତି ମାନାୟାର ବିତ୍ରେ ନସ୍ ଆନାନ୍ । ୨୪ ଆଁ, ସାମୁୟେଲ୍ ଆରି ହେୱାନ୍ତି ପାଚେନି ସମ୍ବତାଂ ଏଚେକ୍ ବେଶ୍ବକ୍ଷାୟକିନାକାର କାତା ଇଚାଣ୍ଟା, ହେୱାର, ଓଜାକାର ପା ଇ କାଡ଼ ବିସ୍ତେ ବେଶ୍ କିତାଣ୍ଟା । ୨୫ ଏପେଙ୍ଗ ହେ ବେଶ୍ବକ୍ଷାୟକିନାକାର ହିମ୍ବିଶାଂ, ଆରେ ମି ଲାଡ଼ା ହୁକେ ପୁଡ଼ିନି ଓଜୁ କୁଚୁମ୍ ଆସିବାଦ୍ ପାୟାନାର, ଇ ବଚନ୍ ଇସ୍ବର ଅବ୍ରାହାମ୍ତି ଇଞ୍ଜି ମି ବୁଡ଼ାଲୁର ହୁକେ ଇମ୍ବି ନିୟମ୍ ରଚି ମାଚାନ, ଏପେଙ୍ଗ ହେ ନିୟମ୍ନି ହିମ୍ବିଶାକାଦେର । ୨୬ ଇସ୍ବର ପର୍ଡୁମ୍ ମି କାଜିଂ ଜାର ହେ ଆଡ଼ିଏନ୍ନିଂ ବାଚି କିତାନ, ଓଜାରିଂ ବାନ୍ୟା ହାଜିତାଂ ମାସ୍ନି ଆସିବାଦ୍ ହିନାନ୍ ଇଞ୍ଜି ପକ୍ତାନ ।”

୪

ଜିହ୍ଵଦି ଗାଜା ସବାତ ପିତରୁ ଆରି ଜହନ୍

୯ ହେଝାର୍ ମାନାୟାର୍ ଲାଗେ କାତା ଇ ଝାଡ଼ାଲିଂ ମାପୁହେବାକିନାକାନ୍ ମନ୍ଦିରୁନି ମୁଡ଼ମେଲ୍ୟା ଆରି ସାଦୁକିର୍ ହେଝାର୍ ଲାଗେ ଏକାଝାତାର୍; ୧୦ ହେଝାର୍ ରିସା ଆଜି ମାଚାର୍, ଇନାକେଂକି ଜିସୁ ଇଚାନ୍ ପଦ୍ୟାତାକାର୍ ଲକ୍ଵୁରିଂ ହିକ୍ୟା ହିଜି ହାତାକାର୍ ଆରେ ନିଂନାକା ଇଞ୍ଜି ପାର୍ମାଣ୍ କିଜି ମାଚାର୍ । ୧୧ ଆରେ, ହେଝାର୍ ହେଝାରିଂ ଆସ୍ତି ଆର୍କାଡ଼ ଦିନ୍ ପାତେକ୍ ଜଲଲ୍ ଇଞ୍ଜି ଇଚ୍ଚତାର୍, ଇନାକିଦେଂକି ହେ ଝେଡ଼ାଙ୍ଗ୍ ମୁକାହାରେସ୍ ଆଜି ମାଚାଡ଼ । ୧୨ ମାତର୍ ହେଝାର୍ତି ହିକ୍ୟା ଝେନ୍ଞି ମାନି ବେସି ହେନି ମାନାୟାର୍ ହେବେ ପାତର୍ କିତାର୍, ହେଝାର୍ତି ବାତାନାକା ଲମର୍ ପାଞ୍ଚ ହାଜାର୍ ଆତାର୍ ।

୧୩ ତା ଆର୍କାଡ଼ ନାଜିଂ ଜିହ୍ଵଦି ମୁଣିକାର୍, ପ୍ରାଚିନ୍ ଆରି ସାସ୍ତ୍ର ଗୁରୁ ଜିରୁସାଲମତ ରୁଣ୍ଡାତାର୍; ୧୪ ହେଝାର୍ ମୁଡ଼ ମାପୁହେବାକିନାକାନ୍ ହାନାନ, କୟାପା, ଜହନ୍, ଆଲେକ୍ଜାଣ୍ଡର, ଆରେ ମାପୁହେବାକିନାକାନ୍ ନି ବସ୍ତିନି ଝିଜାର୍ ଲକ୍ଵୁ ମାଚାର୍ । ୧୫ ହେଝାର୍ ପଦ୍ୟାତାକାରିଂ ମାଦ୍ଘି ବାହାତ ନିଲି କିଜି ଝେନ୍ବେଦେଂ ଲାଗାତାର୍, ଇନେସ୍ ସାକ୍ତିତ କି ଇମ୍ଘି ତରଦ୍ “ଏପେଙ୍ଗ୍ ଇଦାଂ କିତାଦେଣ୍ଡା ?”

୧୬ ହେବେ ପିତରୁ ପୁଇପୁୟା ଜିରୁନ୍ତ ବାତର୍ ଆଜି ହେଝାରିଂ ଇଚାନ୍, “ଏ ମାନାୟାତର୍ ମୁଣିକା ଆରି ପ୍ରାଚିନାର୍,” ୧୭ ନେଞ୍ଜେଙ୍ଗ୍ ଜଦି ରଝାନ୍ ରଗ୍ୟା କାଜିଂ କିଜି ମାଚି ହାଦର୍ କାମାୟ ବିସ୍ତେ ମାଂ ପରସନ୍ ଝେନ୍ବିତିସ୍ ଜେ, ଇ ମାନାୟ ଇନା ଉପାୟତ ଉଜ୍ ଆତାନ୍ନା, ୧୮ ତା ଆତିସ୍ ଏପେଙ୍ଗ୍ ଝିଜାକାଦେର ଆରି ଝିଜୁ ଇସ୍ତାଏଲ୍ ଲକ୍ଵୁ ପୁନାଟ୍, ଇମ୍ଘି ନାଜରିତିୟ ଜିସୁ କ୍ରିସ୍ଟଙ୍ଗ୍ ଏପେଙ୍ଗ୍ କ୍ଵସ୍ତ ଅସ୍ତାଦେର୍, ଇନେରିଂ ଇସ୍ତର ହାକିତାଂ ବିତ୍ତେ ନିକତାନ୍ନା, ହେଝାକ୍ତି ତରଦାଂ ଆଁ ହେଝାକ୍ତି ହୁକେ ଇ ମାନାୟ ଉଜ୍ ଆଜି ମି ମୁମ୍ଦ ନିଲ୍ତାନ୍ନା । ୧୯ ଇଲ୍ ରଚନାକାଦେର୍,

ଇମ୍ଘି କାଲ୍ ଇଚ୍ଝାତାର୍ ହେ କାଲ୍ନେ,
ଇଲ୍ନି ମୁଡ଼କାଲ୍ ଆତାଡ଼ ।

୨୦ ହେଝାନିଂ ପିସ୍ତି ଆରେ ଇନେର୍ ତାକେ ମୁକ୍ତି ହିଲୁଡ଼, ଇନାକିଦେଂକି ଇମେତାଂ ମାଂ ମୁକ୍ତି ଗାଟାଦେଂ ଆନାଡ଼, ବାଦାଡ଼ତ ତାରେନ୍ ମାନାୟ ବିତ୍ତେ ଆରେ ଇନାକାପା ତର ହିୟାଝାତାଡ଼ନା ।

୨୧ ହେଝାର୍ ପିତରୁ ଆରି ଜହନ୍ ସାସ୍ ହୁଡ଼ଜି ଆରି ହେଝାର୍ ଜେ ଅସିକ୍ତି ଆରି ଗିୟାନ୍ ହିଲ୍ଝି ଲଗୁ, ଇଦାଂ ବୁଜାଜି କାବା ଆତାର୍, ଆରେ ହେଝାର୍ ଜିସୁତି ହୁଦାଂ ମାଚାର୍ ଇଞ୍ଜି ହେଝାରିଂ ଚିନିକିତାର୍, ୨୨ ଆରେ ହେ ଉଜ୍ ଆଜି ମାଚି ମାନାୟତିଂ ହେଝାର୍ ହୁକେ ଇଞ୍ଜି ମାନାକା ହୁଡ଼ଜି, ବିରୁଦ୍ଦତ ମୁଡ଼େ ଇଞ୍ଜେଙ୍ଗ୍ ଆଡ଼ଝାତାର୍ । ୨୩ ପାଚେ ହେଝାରିଂ ସବାତାଂ ହସି ହାଞ୍ଜେଙ୍ଗ୍ ବଲ୍ ହିଜି ହେଝାର୍ ରକାନ୍ ଆରେ ରକାନ୍ ବିତ୍ତେ ବୁଜାବୁଜି କିଜି ଇଞ୍ଜେଙ୍ଗ୍ ଲାଗାତାର୍, ୨୪ ଇ ମାନୟାରିଂ ଇନାକା କିନାସ୍ “ଇନାକିଦେଂକି ଇଝାର୍ତାଂ ଜେ, ର ଗାଜା କାବା କାମାୟ ଆତାଡ଼ନ୍ନା, ଇଦାଂ ଜିରୁସାଲମ୍ ନିକାରିଂ ତାକେ ଝିଶତାଡ଼ନ୍ନା, ଆରେ ଆସେଙ୍ଗ୍ ହେଦାଂ ପାତର୍ କିଝାଦାଂ ଆଡୁସ୍; ୨୫ ମାତର୍ କାତା ଇନେସ୍ ମାନାୟ ବିତ୍ତେ ଆରେ ବେସି ମେଙ୍ଗ୍ମେଡ଼, ଇଦାଂ କାଜିଂ ଜିସୁ ତରଦ୍ ଇମ୍ଘି ମାନାୟତିଂ ଆରେ ମୁଡ଼କେ ଇନ୍ଝି କାଜିଂ ହେଝାରିଂ ଚିମ୍ଠା କିନାନ୍ ।”

୨୬ ପାଚେ ପିତରୁ ଜହନ୍ତିଂ କୁକ୍ତି ଜିସୁତି ତର ମୁଡ଼କେ କାତା ଇନ୍ଝି କାଜିଂ ଆରି ହିକ୍ୟା ହିଝି କାଜିଂ ଡାଟ୍ ବଲ୍ ହିତାନ୍ । ୨୭ ମାତରୁ ପିତରୁ ଆରି ଜହନ୍ ହେଝାରିଂ ଉତରୁ ହିତାର୍, “ଇସ୍ତରତି କାତା ଝେନି ବାଟା ମି କାତା ଝେନାକା ଇସ୍ତରତି କାଣ୍ଠକୃତ ଦାମ୍

କି ମିତ୍, ହେଦାଂ ଏପେଙ୍ଗ ବିଚାର୍ କିୟାତ୍ । ୨୦ ଇନାକିଦେଂକି ଆପେଂ ଇନାକା ଇନାକା ହୁଡ଼ତାପନ୍ନା ଆରି ଖେଟାପନ୍ନା, ହେ ସବୁ ଇନ୍‌ଖାଦାଂ ମାଞ୍ଜେଙ୍ଗ ଆଡୁପ୍ ।” ୨୧ ହେବେ ହେଖାର୍ ଲକୁ କାଜିଂ ହେଖାରିଂ ତାଣ୍ ହିଦେଂ ଇମ୍‌ଣାକା ପା ହାଜି ଗାଟାଞ୍ଜିତିଲେ ହେଖାରିଂ ଆଦିକ୍ ପାଣ୍ଡୁ ଚୁଚ୍‌ତି ପିସ୍ତ୍ରି ହିତାର୍, ଖାଟିଙ୍ଗ୍ ଇନାକା ଗିଟାଜି ମାଟାଡ଼, ହେଦାଂ କାଜିଂ ଲକୁ ଖିଜାର୍ ଇସ୍‌ବରତି ଜାଜ୍‌ମାଲ୍ କିଦେଙ୍ଗ୍ ଲାଗାତାର୍, ୨୨ ଇମ୍‌ଣି ମାନାୟ୍ ତାକେ ହେ ଉଜ୍ ଆନାକା କାବା କାମାୟ୍ କିୟାଜି ମାଟାଡ଼, ହେଖାନ୍ତି ରିକଡ଼ି ବାହୁଡ଼ାଂ ଆଦିକ୍ ଆଜି ମାଟାଡ଼ ।

ପାତର୍ କିନାକାର୍‌ତି ସାସ୍ କାଜିଂ ପାର୍ତନା

୨୩ ହେଖାର୍ ମୁକ୍ତା ଆଜି ଜାର୍ ହାଙ୍ଗଦାକାର୍ ଲାଗେ ହାଚାର୍ ଆରି ମୁଡ୍ ମାପୁହେବାକିନାକାନ୍ ଆରି ପ୍ରାଟିନାର୍ ହେଖାରିଂ ଇନାକା ଇନାକା ଇଞ୍ଜି ମାଟାଡ଼, ହେ ସବୁ ଖେଚ୍‌ଚାର୍ । ୨୪ ପାତର୍ କିନାକାର୍ ହେଦାଂ ଖେନ୍‌ଞ୍ଜି ରମାନ୍ତ ଇସ୍‌ବରତି ଲାଗେ ଗାଜାକାଟାଂ ପାର୍ତନା କିଜି ଇଚାର୍, “ଏ ମାପୁ ଏନ୍ ବାଦାଡ଼ତ, ପୁତର୍, ହାମ୍‌ଦୁର୍ ଆରି ହେ ସବୁ ବିତ୍ରେ ଖିଜୁ ବିସ୍ତେ ଉବ୍‌ଜାଣ୍ କିତାୟ୍‌ନା ୨୫ ଏନ୍ ଜାର୍ ଆଡ଼ିଏନ୍ ମା ଆବା ଦାଉଦତି ଖେଇ ହିଜି ପୁଇପୁୟା ଜିବୁନ୍ ହୁଦାଂ ଇ କାତା ଇଚାୟ୍‌ନା, ପାତର୍ କିଖି ଜିହୁଦି ଇନେକିଦେଂ ରିସା କିଚାର୍,

ଆରେ ମାନାୟାର୍ ଇନେକିଦେଂ ଖାରାକା ବିସ୍ତେ ହାୟାୟ୍ କିଚାର୍ ?

୨୬ ମାପୁତି ବିରୁଦ୍‌ତ ଆରି ହେଖାନ୍ତି ସିଗ୍‌ଆତାକାର୍ ବିରୁଦ୍‌ତ,

ପୁତର୍ ନି ରାଜାର୍ ଜାଲ୍‌ଦି ଆଚାର୍,

ଆରେ ମୁଣିକାର୍ ରବେ ରୁଣ୍ଡାତାର୍ ।

୨୭ *ଇନାକିଦେଂକି ମି ଇମ୍‌ଣି ପୁଇପୁୟା ଆଡ଼ିଏନ୍ ଜିସୁଙ୍ଗ୍ ଏନ୍ ସିଗ୍ କିତାୟ୍, ହାଡ଼ପାନେ ହେଖାନ୍ତି ବିରୁଦ୍‌ତ ହେରଦ୍ ଆରି ପକ୍ତିୟ୍ ପିଲାତ ରିକାର୍ ପାତର୍ କିଖି ଜିହୁଦି ଆରି ଇସ୍ରାଏଲ୍ ଲକୁ ହୁଦାଂ ଇ ଗାଡ଼ଦ, ୨୮ ନି ଜଜନା ହୁଦାଂ ଜେ ଖିଜୁ ଗିଟନାଡ଼ ଇଞ୍ଜି ପୁର୍ବେତାଂ ବାଟି ଆଜି ମାଟାଡ଼, ହେଦାଂ କିଦେଙ୍ଗ୍ ରବେରୁଣ୍ଡା ଆଚାର୍ । ୨୯ ଆରେ ନଙ୍ଗ୍, ଏ ମାପୁ, ହେଖାର୍‌ତି ପାଣ୍ଡୁନିକାରିଂ ମେହା; ଆରେ, ନି ଆଡ଼ିୟାରିଂ ପୁରା ସାସ୍ ହୁକେ ନି ବଚନ୍ ଇଞ୍ଜେଙ୍ଗ୍ ସାଲ୍ଲି ହିଦା, ୩୦ ଆରେ ହେ ସାଙ୍ଗେ ସାଙ୍ଗେ ନି ପୁଇପୁୟା ଆଡ଼ିଏନ୍ ଜିସୁତି ତରଦ ଉଜ୍ କିଦେଙ୍ଗ୍ କାଜିଂ ଆରି ଚିନ୍‌କୁ ଆରି କାବାନି କାମାୟ୍ କିଦେଙ୍ଗ୍ କାଜିଂ ନି କେଇ ଲାମାୟ୍ କିଦା ।”

୩୧ ହେଖାର୍ ପାର୍ତନା କିତି ପାଟେ, ଇମ୍‌ଣି ବାହାତ ରବେ ରୁଣ୍ଡାଜି ମାଟାଡ଼, ଇମ୍‌ଣି ବାହାତ ରବେ ମାଟାଡ଼, ହେଦାଂ କମ୍‌ପାତାଡ଼, ଆରେ ଖିଜାକାର୍ ପୁଇପୁୟା ଜିବୁନ୍‌ତ ପୁରା ଆଜି ସାସ୍‌ତ ଇସ୍‌ବରତି କାବୁର୍ ଇଞ୍ଜେଙ୍ଗ୍ ଲାଗାତାର୍ ।

ପାତର୍ କିନାକାର୍ ଦାନ୍ ବାଟାକିତାର୍

୩୨ *ପାତର୍ କିନାକାରିଂ ଲକୁ ର ଖାସ୍ତି ଆରି ର ପାରାଣ୍ଡତ ମାଟାଡ଼; ହେଖାର୍‌ତି ବିତ୍ରେ ଇନେର୍‌ପା ଜାର୍ ସଂପତିତାଂ ଇଚୁକ୍ ଜାତର୍ ଇଞ୍ଜି ଇନ୍‌ଖାଦାଂ ମାଟାଡ଼, ମତର୍ ହେଖାର୍‌ତି ଖିଜୁ ବିସ୍ତେ ସିଦାସାଦା ମାଟାଡ଼ । ୩୩ ପକ୍ୟାତାକାର୍ ଗାଜା ସାଲ୍ଲି ହୁକେ ମାପୁ ଜିସୁତି ଆରେ ନିନାକା ବିସ୍ତେ ସାକି ହିଦେଂ ଲାଗାତାର୍, ଆରେ ଇସ୍‌ବର ଖିଜାକାର୍ ଜପି ବେସି ଦୟା କିଜି ମାଟାଡ଼ । ୩୪ ଲାଗିଂ ହେଖାର୍ ବିତ୍ରେ ଇନେରିଂ ଇନାକାପା ଅବାଦ୍ ହିଲ୍‌ଖାତାଡ଼, ଇନାକିଦେଂକି ଏତେକ୍ ଲକାତର୍ ବୁମି କି ଇଲ୍ ମାଟାଡ଼, ହେଖାର୍

☆ ୪:୨୭ ୪:୨୭ ଲୁକ ୨୩:୭-୧୧; ମାଟିଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଜହନ୍ ୧୮:୨୮,୨୯. ☆ ୪:୩୨ ୪:୩୨ ପକ୍ୟାତାକା ୨:୪୪,୪୫.

ହେଦାଂ ପ୍ରସି ଦନନି ମଲ୍ ତାସି, ୩୫ ଆରେ ଜାଣକେ ରଞ୍ଜାନିଂ ତାଦି ଅବାଦ୍ ହୁଡ଼ଜି ପକ୍ୟାତାକାର୍ ତେଲାରିଂ ପାସପିସ୍ ମାଚାର୍ ।

୩୬ ଆରେ, ଜସେପ୍ ତରନି ବାହାତ ଜଲମ୍ ଆଜି ମାନି ଲେବି ଲାତ୍ରାନି ରଞ୍ଜାନ ସାଇପସ୍ ଜାତିନି ଲକୁ, ଇନେରିଂକି ପକ୍ୟାତାକାର୍ ବର୍ଣ୍ଣବା ଇଞ୍ଜି କୁକ୍ନି ତରୁ ହିଜି ମାଚାର୍ ଅନୁବାଦ୍ କିତିସ୍ “ଇଦାଂ ନି ଅରଡ୍ ଦୁକ୍ସାରାୟନି ମାଜି,” ୩୭ ହେଞ୍ଜାନ୍ତି ରଞ୍ଜି ବୁମି ମାଚାଡ଼; ହେଞ୍ଜାନ୍ ହେଦାଂ ପ୍ରସି ହେବେନି ଟାକାଂ ତାସି ପକ୍ୟାତାକାର୍ତି ପାନା ତାରେନ୍ ଇଡ଼ତାନ୍ ।

୫

ହନନିୟ ଆରି ସପିରା

୧ ହନନିୟ ତରଦାକାନ ରଞ୍ଜାନ ମୁଣିକା ଜାର୍ ତକ୍ତି ସପିରା ଲାହାଂ ଅଲପ୍ ଜମି ପ୍ରତାର୍, ୨ ମାତର୍ ତକ୍ତୁହି ର ମାନ କିଜି ହେବେନି ମଲ୍ତାଂ ଅଲପ୍ ତକ୍ତୁତି ଇଡ଼ଜି ବାଗ୍ ମତର୍ ତାହି ପକ୍ୟାତାକାର୍ତି ମୁମ୍ଦ ଇଡ଼ତାନ୍ । ୩ ହେବେ ପିତର୍ ଇଚାନ, ଏ “ହନନିୟ, ପୁଇପୁୟା ଜିବୁନ୍ ଲାଗେ ମିର୍ ଇଞ୍ଜେଙ୍ଗ୍ ଆରି ବୁମିନି ମଲ୍ଦାଂ ଅଲପ୍ ତକ୍ତୁତି ଇଡ଼ଦେଂ ଇନାକିଦେଂ ସୟତାନ୍ ନି ମାନ୍ତ ପୁରା ଆଦିକାର୍ କିଡ଼ତାଡ଼ନା ? ୪ ପ୍ରଞ୍ଜି ଆଗେ ହେଦାଂ ଇନାକା ଆଞ୍ଜାଦାଂ ମାଚାଡ଼ ? ଆରେ, ପ୍ରତି ପାଚେ ହେବେନି ମଲ୍ କି ନି ନିଜନି ଆଦିକାର୍ ହିଲ୍ଞାତାଡ଼ ? ଖାଟିଙ୍ଗ୍ ଏନ୍ ଇନେସ୍ ଜାର୍ ମାନ୍ତ ଇନାକିଦେଂ ଇ ବିସ୍ତେ ବାବି କିତାୟ୍ ? ଏନ୍ ଜେ ମାନାୟ୍ ଲାଗେ ମିର୍ ଇଚାୟ୍, ହେଦାଂ ଆକାୟ୍, ମତର୍ ଇସ୍ପରତି ଲାଗେ ମିର୍ ଇଚାୟ୍ ।” ୫ ଇ କାତା ଖେନ୍ଞି ସାଙ୍ଗେ ସାଙ୍ଗେ ହନନିୟ ତୁହିୟାଜି ପାରାଣ୍ ପିସ୍ତାନ୍ । ହେବେ ଏଚେକ୍ ଲକୁ ଇଦାଂ ଖେଚାର୍, ଖିଜାକାର୍ ବେସି ପାଣ୍ଡା ଆତାର୍ । ୬ ଆରେ, ଦାଂଶାର୍ ନିଂଜି ହେଞ୍ଜାନିଂ ହେୟାତ ହୁର୍ପାତାର୍ ଆରି ବାଡ଼ ଅଜି ହାଲ୍ଜି ମୁର୍ଚାର୍ ।

୭ ତିନି ଗଣ୍ଡା ପାଚେ ହେଞ୍ଜାନ୍ତି ତକ୍ତୁହି ଖାତାଡ଼, ମତର୍ ଇନାକା ଗିଚାତାଡ଼ନା, ହେଦାଂ ହେଦେଲ୍ ପୁନ୍ଞାଦାଂ ମାଚାଡ଼ । ୮ ଆରେ, ପିତର୍ ହେଦେଲିଂ ଖେନ୍ଦାତାନ, ଖେଚ୍ଚାତ ତ, “ଏପେଙ୍ଗ୍ ଇନାକା ଏଚେକ୍ ଟାକାକାଂ ବୁମି ପ୍ରତାଦେର୍ ?”

ହେଦେଲ୍ ଇଚାଡ଼, “ଆଁ, ଏଚେକ୍ନେ ।”

୯ ହେବେ ପିତର୍ ହେଦେଲିଂ ଇଚାନ, ମାପୁତି “ଜିବୁନ୍ତିଙ୍ଗ୍ ପରିକ୍ୟା କିଦେଙ୍ଗ୍ କାଜିଂ ଏପେଙ୍ଗ୍ ଇନାକିଦେଂ ର ମାନ୍ତ ବେଣ୍ କିତାଦେର୍, ହୁଡ଼ାଡ଼, ଇନେର୍ ନି ତକ୍ରାଂ ମୁର୍ଚାଣ୍ଡା, ହେଞ୍ଜାର୍ ଦୁଖେର୍ ଲାଗେ ଇକାଞ୍ଜାତାରେ, ଆରେ ହେଞ୍ଜାର୍ ନିଂ ବାଡ଼ ପିଣ୍ଡୁଜି ଅଜି ହାଞ୍ଜନାର୍ ।” ୧୦ ହେଦାପ୍ରେ ହେଦେଲ୍ ହେଞ୍ଜାନ୍ତି ପାନା ତାରେନ୍ ତୁହିଆ ଆଜି ପାରାଣ୍ ପିସ୍ତାଡ଼, ଆରେ, ଦାଂଶାର୍ ବିତ୍ତେ ଖାଜି ହେଦେଲିଂ ହାତାକା ହୁଡ଼ଜି ବାଡ଼ ଅତାର୍ ଆରି ହେଦେଲ୍ ତକ୍ରାହି ଲାଗେ ହେଦେଲିଂ ମୁର୍ଚାର୍ । ୧୧ ହେବେ ଖିଜୁ ମଣ୍ଡୁଲି ଆରି ଏଚେକ୍ ଲକୁ ଇ ସବୁ ବିସ୍ତେ ଖେଚାର୍, ହେଞ୍ଜାର୍ ଖିଜାକାର୍ ବେସି ପାଣ୍ଡା ଆତାର୍ ।

ଚିନ୍ କାମାୟ୍ ଆରି କାବାନି କାମାୟ୍

୧୨ ପକ୍ୟାତାକାର୍ତି ହୁଦାଂ ମାନାୟାର୍ ବିତ୍ତେ ବେସି ଆଡ଼ଞ୍ଜି ଆରି କାବାନି କାମାୟ୍ ଆଦେଂ ଲାଗାତାଡ଼, ଆରେ ଖିଜୁ ମଣ୍ଡୁଲି ରମାନ ସଲମନ୍ତି ମଣ୍ଡୁମ୍ତ ରୁଣ୍ଡାଜି ମାଚାର୍, ୧୩ ମାତର୍ ମାନାୟ୍ ବିତ୍ତେତାଂ ଇନେର୍ ହେଞ୍ଜାର୍ ହୁଦାଂ ମେହାଆଦେଂ ସାସ୍ କିଞ୍ଜାଦାଂ ମାଚାର୍; ଆତିସ୍ ପା ବିନ୍ ଲକୁ ହେଞ୍ଜାରିଂ ଖାରି କିଜି ମାଚାର୍, ୧୪ ମାତର୍, ଆରେ ଆଦିକ୍ତାଂ ଆଣ୍ଡାଂ ଆରି କଗଲେକ୍ ମାପୁ ତାକେ ପାତ କିଜି ଇ ଦଲ୍ଦ ମେହାଆଦେଂ ଲାଗାତାର୍, ୧୫ ଏଲେକି, ପିତର୍ ଖାନି ଖେଡ଼ାଲିଂ କେବଲ୍ ହେଞ୍ଜାନ୍ତି ଡିଗା ଇନେସ୍ ରଗ୍ୟାର୍ ତାକେ ଇନେର୍ ଇନେର୍ ଜପି ଆର୍ନାଡ଼, ଇଦାଂ କାଜିଂ ଲକୁ ହେଞ୍ଜାରିଂ

ହାକଡ଼ିତ ପିଣ୍ଡି ଆଜି, ଚାଟି ଆରି କାଟେଲତ ଇଡ଼ବିସ୍ ମାଚାର । ୧୭ ଜିରୁସାଲମ୍‌ତ ଚାରିବେଣ୍ଡି ବସିତାଂ ମାନାୟାର୍ ପା ରଗ୍ୟାରିଂ ଆରି ବାନ୍ୟା ଜିରୁନ୍ ହୁଦାଂ ଆହ୍ୟାତି ଲୁଗାରିଂ ତାହି ରୁଣ୍ଡା ଆଜି ମାଚାର୍, ଆରେ ହେଝାର୍ ଝିଜାକାର୍ ଉଜ୍ ଆତାର୍ ।

ପକ୍ୟାତାକାର୍ କାଜିଂ ଇଣ୍

୧୭ ପାରେ ମୁଡ୍ ମାପୁହେବାକିନାକାନ୍ ଆରି ହେଝାର୍‌ତି ହାଙ୍ଗଦି ଝିଜାକାର୍, ଇତିସ୍ ସାଦୁକିର୍ କୁଦା, ପକ୍ୟାତାକାର୍ ଜପି ଆକାର୍‌ତ ରିସା ଆଜି ନିଂତାର୍ ୧୮ ଆରି ପକ୍ୟାତାକାର୍‌ରିଂ ଆସ୍ତି ଗାଟ୍‌ତି ସାଦା ଜଇଲ୍‌ତ ଇଟ୍‌ତାର୍ । ୧୯ ମାତର୍ ରଝାନ୍ ମାପୁତି ଦୁଡ୍, ନାଣାଝେଡ଼ାଲିଂ ଜଇଲ୍‌ନି ଦୁଝେର୍‌ରିଂ ରିକ୍‌ତାଡ୍ ଆରି ହେଝାରିଂ ହପ୍‌ତି ତାସି ଇଚାଡ୍, ୨୦ “ହାଲାର୍, ମନ୍ଦିର୍ ବିଡ୍ରେ ଇଞ୍ଜ ମାନାୟାରିଂ ଇ ପୁନି ଜିରୁନ୍‌ନି ବିସ୍ତେ ଝିଜୁ ବଚନ୍ ଇନାଟ୍ ।” ୨୧ ଇଦାଂ ଝେନ୍‌ଞ୍ଜି ହେଝାର୍ ନାଡ଼ିହିଂ ମନ୍ଦିର୍‌ତ ହଣ୍ଡି ହିକ୍ୟା ହିଦେଂ ଲାଗାତାର୍ ।

ଝିସ୍ତି ବିଡ୍ରେ ମୁଡ୍ ମାପୁହେବାକିନାକାନ୍ ଆରି ପକ୍ୟାତାକାରିଂ ତା ତେଲାର୍ ଝାଜି ଗାଜା ସବା ଆରି ଇସ୍ତାଏଲ୍ ହିମ୍‌ଣାଂତି ପ୍ରାଟିନାର୍ କୁକ୍‌ତି ରବେ କିତାର୍, ଆରେ, ହେଝାରିଂ ତାଇଝାନି କାଜିଂ ଜଇଲ୍‌ତ ଲକାଂ ପକ୍ତାର୍ । ୨୨ ମାତର୍ ହେବା କିନାକାର୍ ହାଲ୍‌ଜି ଜଇଲ୍ ଇଞ୍ଜ ହେଝାରିଂ ଗାଟାଝାଦାଂ ମାସଦି ଝାଜି ଇଚାର୍, ୨୩ “ଆପେଂ ହୁଡ୍‌ତାପ୍, ଜଇଲ୍ ଇଞ୍ଜ ଆଟ୍‌ଝା କିଜି ଗେସ୍ତାକା ମାନାଡ୍ ଆରି ଦୁଝାରିଂକାଂ ଜାଗଝାଡ଼ାର୍ ନିଲ୍‌ତାଣ୍ଡା, ମତର୍ ଦୁଝେର୍ ଜେତିଲେ, ଜଇଲ୍ ଇଲ୍ ଆପେଂ ଇନେରିଂ ଗାଟାଝାତାପ୍ ।” ୨୪ ଇ ସବୁ କାତା ଝେନ୍‌ଞ୍ଜି ମନ୍ଦିର୍‌ନି ଜାଗଝାଡ଼ାର୍ ଆରି ମୁଡ୍ ମାପୁହେବାକିନାକାନ୍ ଇବେନି ଦସା ଇନାକା ଏଡ୍ କିଜି ପକ୍ୟାତାକାର୍ ବିସ୍ତେ କାବା ଆଦେଂ ଲାଗାତାର୍ । ୨୫ ଏଲେଙ୍ଗ୍ ଝେଡ଼ାଲିଂ ରଝାନ୍ ମାନାୟ୍ ଝାଜି ହେଝାରିଂ କାରୁର୍ ହିତାନ୍, “ହୁଡ଼ାଟ୍, ଏପେଙ୍ଗ୍ ଇମ୍‌ଣି ଲୁଗାଂ ଜଇଲ୍ ଇଞ୍ଜ ଇଡ଼ଜି ମାଚାଦେର୍, ହେଝାର୍ ମନ୍ଦିର୍ ଇଞ୍ଜ ମାନାୟାର୍‌ତି ହିକ୍ୟା ହିନାରା ।” ୨୬ ମନ୍ଦିର୍‌ନି ମେଲ୍ୟାର୍ କାମ୍‌ଲିୟାର୍ ଲାହାଙ୍ଗ୍ ହାଲ୍‌ଜି ପକ୍ୟାତି ତେଲାରିଂ ଆରେରଗ ତେୟ୍ ଝାତାର୍ । ହେଝାର୍ ଇନେସ୍‌ବାନି ପା ପାଣ୍ଡା ଆଝାତାର୍, ଇନାକିଦେଂକି ହେଝାରିଂ ପାଣ୍ଡା ମୁଚାଡ୍ ଜେ ମାନାୟାର୍ ହେଝାର୍ ଜପି କାଲ୍‌କୁ ଇଡ଼ନାର୍ ।

୨୭ ହେଝାର୍ ହେଝାରିଂ ତାହି ଗାଜା ସବା ମୁମ୍‌ଦ ନିଲି କିୟକିତାର୍ । ହେବେଣ୍ଡାଂ ମୁଡ୍ ମାପୁହେବାକିନାକାନ୍ ହେଝାରିଂ ଝେନ୍‌ବାତାନ୍, ୨୮ “ଆପେଂ ମିଙ୍ଗେଙ୍ଗ୍ ଇ ତର୍‌ଦ ହିକ୍ୟା ହିଦେଂ ବେସି ଆଟ୍‌ଝା ଲାକେ ମୁନାକିଜି ମାନ୍‌ଝାପ୍, ମାତର୍ ହୁଡ଼ାଟ୍, ଏପେଙ୍ଗ୍ ଇନାକିନାଦେରା ମି ହିକ୍ୟାତ ଜିରୁସାଲମ୍ ପୁରା କିଜି ହେ ମାନାୟାତି ନେଡେର୍‌ନି ଦସ୍ ମା ଜପି ଲାଦି କିଦେଂ ମାନ୍‌କିନାଦେରା ।”

୨୯ ମାତର୍ ପିତର୍ ଆରି ଆଦେକ୍ ପକ୍ୟାତାକାର୍ ଉତର୍ ହିତାର୍, “ଆପେଂ ଇସ୍‌ବର୍‌ତିଂ ମାନିକିନାପ୍ ମାନାୟାରିଂ ମାନି କିଡପ୍ । ୩୦ ଇମ୍‌ଣି ଜିସ୍‌ଙ୍ଗ୍ ଏପେଙ୍ଗ୍ କୁସ୍‌ତ ଡ଼ଇ କିଜି ଅସ୍ତି ମାଚାଦେର୍, ମା ବୁଡାତ୍ ଇସ୍‌ବର୍ ହେଝାନିଂ ହାକିତାଂ ନିକ୍‌ତାନ୍ନା । ୩୧ ଆରେ, ହେଝାନ୍ ଇନେସ୍ ଇସ୍ତାଏଲ୍‌ତିଂ ମାନ୍‌ବାଦ୍‌ଲାୟ୍ ଆରି ପାପ୍ କେମା ଦାନ୍ କିନାନ୍, ଇଦାଂ କାଜିଂ ଇସ୍‌ବର୍ ଜାର୍ ବୁଜ୍‌ଣି କେଇ ହୁଦାଂ ହେଝାନିଂ ଗାଜାକାନ୍ ଆରି ମୁକ୍ତିକିନାକାନ୍ ଲାକେ ଗାଜା କିତାନ୍‌ନା । ୩୨ ଆରେ, ଆପେଂ ଇ ଝିଜୁ କାତା ବିସ୍ତେ ସାକି, ଆରେ ଇମ୍‌ଣି ପୁଇପୁୟା ଜିରୁନ୍ ଇସ୍‌ବର୍ ହେଝାନ୍ତି ବଲ୍ ମାନିକିନାକାରିଂ ହିଡ଼ତାନ୍ନା, ହେଝାନ୍ ପା ସାକି ।”

୩୩ ଇ କାତା ଝେନ୍‌ଞ୍ଜି ଗାଜା ସବାନି ମାନାୟାର୍ ବେସି ରିସା ଆତାର୍ ଆରି ପକ୍ୟାତାକାରିଂ ଅହ୍‌ନି କାଜିଂ ରୁହାୟ୍ କିଦେଙ୍ଗ୍ ଲାଗାତାର୍ । ୩୪ ମାତର୍ ଗମ୍‌ଲିୟେଲ୍ ତର୍‌ନି ରକାନ୍ ପାରୁସି, ଇନେନ୍‌କି ସାସ୍‌ବର୍ ଗୁରୁ ଆରି ଝିଜାକାର୍ ଲାଗେ ସନ୍‌ମାନ୍

☆ ୫:୨୮ ୫:୨୮ ମାତିର ୨୭:୨୫.

ପାୟାଜି ମାଚାନ୍, ହେୱାନ୍ ଗାଜା ସବାତ ନିଲ୍ଲଟି ପକ୍ୟାତାକାରିଂ ଅଲପ୍ ସମ୍ପୁ କାଜିଂ ହପ୍ତେଂ ବଲ୍ ହିତାନ୍, ୩୫ ଆରେ ହେୱାନ୍ ହେୱାରିଂ ଇଚାନ୍, “ଏ ଇସ୍ତାଏଲିୟନି ଲକୁ, ଇୱାର୍ କାଜିଂ ଏପେଙ୍ଗ୍ ଇନାକା କିଦେଙ୍ଗ୍ ଜାଲ୍ଦି ଆନାଦେରା, ହେ ବିସ୍ତେ ଜାଗ୍ରତ୍ ଆତୁ । ୩୬ ଇନାକିଦେଂକି ଇଦାଂ ଆଗେ ତିଉଦା ନିଂଜି ଜାର୍ଡିଂ ରୱାନ୍ ଗାଜା ମାନାୟ୍ ଇଞ୍ଜି ଇଚାନ୍, ଆରେ ଚାର୍ସ ଲକୁ ତା ହୁଦାଂ ମେହା ଆତାର୍, ଆସା କିତାର୍ ହେୱାନ୍ ହାତାନ୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିତାର୍, ହେୱାର୍ ଝିଜାର୍ ଜେଡେକେଡ୍ ଆତାର୍ ଆରି କାମାୟ୍ କିଦେଙ୍ଗ୍ ଆଡ଼ୱାତାର୍ । ୩୭ ହେ ମାନାୟ୍ ପାଚେ ଲକୁ ଗାଣାକିନାକା ୱେଡାଲିଂ ଗାଲିଲିୟ ଜିହୁଦା ନିଂଜି ମାନାୟାରିଂ ତା ପାଚେ ଜେଲ୍ଜି ଅଜି ଗଣ୍ଡଗଲ୍ କିୟକିତାନ୍; ହେୱାନିଂ ଅସ୍ତାର୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିଜି ମାଚାର୍, ହେୱାର୍ ଝିଜାକାର୍ ଜେଡେକେଡ୍ ଆଜି ହାଚାର୍ । ୩୮ ନଙ୍ଗ୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଇ ଲକୁ କାଜିଂ ଇନାକା କିୱାଦାଂ ହେୱାରିଂ ପିସ୍ତ୍ରୁ ହିଆର୍, ଇନାକିଦେଂକି ଇ ରୁହାୟ୍ କି ଇ କାମାୟ୍ ଜଦି ମାନାୟତାଂ ଆଜି ମାଚିସ୍, ତା ଆତିସ୍ ହେଦାଂ କ୍ଲାୱାସ୍ ଆଜି ହାନାଡ୍; ୩୯ ମାଚର୍ ଜଦି ହେଦାଂ ଇସ୍ପୁରତାଂ ଆଜି ମାଚିସ୍, ତା ଆତିସ୍ ଏପେଙ୍ଗ୍ ହେୱାରିଂ ନସ୍ତୁ କିଦେଙ୍ଗ୍ ବାସ୍ ଆଦେଂ ଆତୁଦେର୍, ଏଚେକାଡ୍ ଏପେଙ୍ଗ୍ ଇସ୍ପୁରତି ବିରୁଦ୍ ଜୁଜି କିନାଦେରା ଇଞ୍ଜି ଚଞ୍ଜ୍ୟାନାଦେର୍ ।”

ଗାଜା ସବାନି ମାନାୟାର୍ ଗମଲିୟାତି କାତା ମାନି କିତାର୍ ୪୦ ହେୱାର୍ ହେୱାଜି କାତାତ ବାସ୍ ଆତାର୍, ଆରେ ପକ୍ୟାତାକାର୍ରିଂ ଲାଗାଂ କୁକ୍ଟି ହେୱାରିଂ କର୍ତ୍ତା ତାଂ ଟ୍ରାକ୍ତାର୍ ଆରି ଜିସ୍ତୁତି ତର୍ଦ୍ଦ କାତା ଇନ୍ଦ୍ରି କାଜିଂ ବଲ୍ ହିଜି ପିସ୍ତ୍ରାର୍ । ୪୧ ହେବେ ହେୱାର୍ ଜେ ଜିସ୍ତୁ ତର୍ କାଜିଂ ଅପ୍ମାନ୍ ବଗ୍ କିଦେଙ୍ଗ୍ ଲଡ଼ା ଇଞ୍ଜି ଇନ୍ୟାଜି ମାଚାର୍, ହେଦାଂ କାଜିଂ ହେୱାର୍ ୱାରି କିଉ କିଉ ଗାଜା ସବାତାଂ ହସି ହାଚାର୍; ୪୨ ଆରେ ହେୱାର୍ ନିତ୍ରେ ମନ୍ଦିରତ୍ ଆରି ହିକ୍ୟା ହିଦେଂ ଆରି ଜିସ୍ତୁ ଜେ କ୍ରସ୍, ଇ ନେକ୍ଟିକାବୁର୍ ସୁଣାୟ୍ କିଦେଙ୍ଗ୍ ଚେବା ଆୱାତାର୍ ।



ସାଡ୍ ଜାଣ୍ ହାଂୱାର୍

୧ ଇ ୱେଡାଲିଂ, ଏଚେକାଡ୍ ଚେଲାର୍ ବାତା ଆଜି ମାଚାର୍, ହେୱାଡ଼ାଂ ଗ୍ରିକ୍ ବାସାନିକାର୍ ଜିହୁଦିର୍ ଏବ୍ରିୟ୍ ବାସାନି ଜିହୁଦି ବିରୁଦ୍ତ ନିୟା କିଦେଙ୍ଗ୍ ଲାଗାତାର୍, ଇନାକିଦେଂକି ନିତ୍ରେ ହେବା କିଦେଙ୍ଗ୍ ହେୱାର୍ଡି ରାଣ୍ଡିକାଂ ପାଚାରି କିୱାଦାଂ ମାଚାର୍ । ୨ ହେବେ ବାର୍ ଜାଣ୍ ଚେଲାର୍ ପାଚ୍ କିନାକାର୍ ଲାଗାୟ୍ କୁକ୍ଟି ଇଚାର୍, “ଇସ୍ପୁରତି ବଚନ୍ ପର୍ଚାର୍ ପିସ୍ତ୍ରୁ କାଦି ପାସ୍ପେଦେଂ ମା ହେବାତ ମାନାକା ହାର୍ ଆକାୟ୍ । ୩ ଲାଗିଂ ଏ ଟଣ୍ଡାର୍ ଆରି ତଣ୍ଡାଦେକ୍, ଇମଣାକାରିଂ ଆସେଙ୍ଗ୍ ଇ କାମାୟ୍ତ ବାଚି କିଦେଙ୍ଗ୍ ଆଡ଼ନାସ୍, ଏପେଙ୍ଗ୍ ତାକ୍ପୁଟାତାକାର୍ ଆରି ଜିରୁନ୍ ଆରି ଗିୟାନ୍ତ ପୁରା ସାଡ୍ ଜାଣ୍ଡିଂ ମି ବିତ୍ରେ ସାକି ହିନାକାରିଂ ବାଚି କିଜି ତିର୍ କିୟାଡ୍; ୪ ମାଚର୍ ଆସେଙ୍ଗ୍ ପାର୍ଡାନାତ ଆରି ବଚନ୍ ପର୍ଚାର୍ ହେବା କାମାୟ୍ତ ରଲାକେ ଲାଗା ଆଜି ମାନାସ୍ ।”

୫ ଇ କାତା ଝିଜୁ ମାନାୟାର୍ ନଞ୍ଜରତ୍ ହାର୍ ଚଞ୍ଜାନାଡ୍, ଆରେ ହେୱାର୍ ପାଚ୍ ଆରି ପୁଇପୁୟା ଜିରୁନ୍ତ ବାଚ୍ ସ୍ତ୍ରୀପାନ୍ ତର୍ନି ରୱାନ୍ ମୁଣିକାଂ, ଆରେ ପିଲିପ୍, ପ୍ରକର, ନିକାନର୍, ତିମନ, ପାର୍ମନା ଆରି ପର୍ଡୁମ୍ ଆକ୍ଟିୟକିଆନି ପାଚ୍ କିଞ୍ଜି ଜିହୁଦି ନିକଲାୟତିଂ ବାଚି କିଜି, ୬ ପକ୍ୟାତାକାର୍ଡି ମୁମ୍ପ ଏକାତାର୍, ଆରେ ହେୱାର୍ ହେୱାର୍ଡି କାପ୍ଡା ଜପି କେଇ ଇଡ୍ଡି ପାର୍ଡାନା କିତାର୍ ।

୭ ଇଦାଂ ପାଚେ ଇସ୍ଵରତି ବଚନ ଆଦିକ୍ ମେଞ୍ଜତାତ୍ ଆରେ ଜିରୁସାଲମ୍ବତ ଚେଲାର୍ ଲମ୍ବର ବାତାଦେଂ ଲାଗାତାତ୍; ଆରେ, ମାପୁହେବାକିନାକାନ୍ ବିଦ୍ରେତାଂ ବେସି ହେନି କ୍ରିଷ୍ଣୁଞ୍ ପାତ୍ କିନାକାର୍ ଆତାର୍ ।

ସ୍ତ୍ରିପାନ୍ ବନ୍ଦି କିତାର୍

୮ ସ୍ତ୍ରିପାନ୍ ଦୟା ଆରି ସାକ୍ଷିତ ବାତ୍ ଆଜି ଲକ୍ଷୁ ବିଦ୍ରେ ଗାଜା ଗାଜା କାବାନି କାମାୟ ଆରି କାମାୟ କିଦେଞ୍ ଲାଗାତାନ୍ । ୯ ମାତର୍ ଲିବତ୍ ନ, କୁରିଣିୟ ଆରି ଆଲେକ୍‌ଜାଣ୍ଡ୍ରିୟ ଗାଡ୍‌କୁକାଂ ବାହା କିନାକାର୍ ତରଦ୍ ତାକ୍‌ପୁଟା ଜିହୁଦିରତି ପାର୍ତ୍ତନା ଇଲ୍‌ନି କେତେ ଜାଣ, ଆରେ କିଲିକିୟା ଆରି ଆସିଆ ନିକାର୍ କେତେକ୍ ଲକ୍ଷୁ ନିଞ୍ଜି ସ୍ତ୍ରିପାନ୍ ହୁଦାଂ କାତା ବାର୍ତ୍ତା କିଦେଞ୍ ଲାଗାତାର୍ । ୧୦ ମତର୍ ହେଝାନ୍ ଇମ୍‌ଣି ଗିୟାନ୍ ଆରି ଜିରୁନ୍‌ତିଂ ସାକ୍ଷିତ କାତା ଇଞ୍ଜି ମାତାନ୍, ହେଝାର୍ ହେଦାଂ ବିରଦ୍ କିଦେଞ୍ ଆଡ୍‌ଝାତାର୍ । ୧୧ ହେବେ ହେଝାର୍ ମାନାୟାର୍‌ରିଂ ଲାଞ୍ଜ୍ ହିଜି ପୁସ୍‌ରାୟ କିତାର୍, ଆରେ ହେଝାର୍ ଇଚାର୍, “ଆପେଂ ଇଦାଂ ମସା ଆରି ଇସ୍ଵରତି ବିରୁଦ୍‌ତ ନିୟା ବଚନ ଇନାକା ଝେନାପା ।” ୧୨ ଆରେ, ହେଝାର୍ ମାନାୟାରିଂ, ଆରେ ପ୍ରାତିନ୍ ଆରି ସାସ୍ତର୍ ପୁରୁରିଂ ରିସା କିଜି ହେଝାନିଂ ମାତିବହାତାର୍ ଆରି ହେଝାନିଂ ବାଡ୍‌କାସତାଂ ଆଜି ଗାଜା ପଞ୍ଚାଦିତ ତାହିଝାତାର୍, ୧୩ ଆରେ ମିଡ୍ ସାକିରିଂ ନିଲି କିତାର୍; ହେଝାର୍ ଇଚାର୍, “ଇ ମାନାୟ” ଇ ପୁଇପୁୟା ବାହା ଆରି ମସାତି ବିଦି ବିରୁଦ୍‌ତ ବଚନ ଇଞ୍ଜେଞ୍ ଲାଗାତାନ୍, ୧୪ ଇନାକିଦେଂକି ନାଜରିତିୟ ହେ ଜିସୁ ଇ ମନ୍ଦିର୍ ସେସ୍ କିନାନ୍, ଆରେ ମସା ମାଂ ଇନା ଇନା ରିତିନିତି ହିଡ୍‌ତାନ୍ନା, ହେ ସବୁ ବାଦ୍‌ଲାଇ କିନାନ୍ ଇଞ୍ଜି ହେଝାନ୍ ଇନାକା ଆପେଂ ଝେଚାପ୍ପା । ୧୫ ହେ ଏଚେଝେଡାଲିଂ ଗାଜା ପଞ୍ଚାଦିତ କୁଚ୍‌ତି ମାନି ଝିଜାର୍ ତାଞ୍ଜ୍ ହୁଡ୍‌ଜି ସ୍ତ୍ରିପାନ୍ ମୁମ୍ ବାଦାଡ୍‌ତ ଦୁଡ୍‌ତି ମୁମ୍ ଲାକେ ହୁଡ୍‌ତାର୍ ।



ସ୍ତ୍ରିପାନ୍‌ତି ପରଚାର୍

୯ ହେବେ ମୁଡ୍ ମାପୁହେବାକିନାକାନ୍ ଝେନ୍‌ବାତାନ୍, “ଇଦାଂ ଝିଜୁ ଦାବା ହାଡ୍‌ପା କି ?”

୧୦ ସ୍ତ୍ରିପାନ୍ ଇଚାନ୍, “ଏ ଟଣ୍ଡାର୍ ଆରି ଆବାର୍, ଝେନାବ୍ । ମା ଆବା ଅବ୍ରାହାମ୍ ହାରଣ୍ ଗାଡ୍‌ଦ୍ ବାହା କିନି ଆଗେ ଏଚେକାଡ୍‌ଦ୍ ହେଝାନ୍ ମେସପଟାମିଆତ ଦେସ୍‌ତ ମାତାନ୍, ହେ ଏଚେକାଡ୍‌ଦ୍ ହେଝାନ୍ ଜାଜ୍‌ମାଲ୍‌ନି ଇସ୍ଵର୍ ହେଝାନିଂ ଚଞ୍ଜ୍ୟା ଆଜି ଇଚାନ୍, ୧୧ ଏନ୍ ପାର୍ତ୍ତନା ଜାର୍ ଦେସ୍‌ତାଂ ଆରି ଜାର୍ ଝାସ୍‌ନିକାରିଂ ବିଦ୍ରେ ହସି ଝା, ଆରେ ଆପେଂ ନିଂ ଇମ୍‌ଣି ଦେସ୍ ଚଚ୍‌ଚାନାପ, ହେ ଦେସ୍‌ତ ହାଲା ।” ୧୨ ହେବେ କଲ୍‌ଦିୟର୍ ଦେସ୍‌ତାଂ ହସି ହେଝାନ୍ ହାରଣ୍‌ତ ବାହା କିତାନ୍, ଆରେ ତା ଆବାତି ହାତି ପାଚେ, ହେବେତାଂ ଏପେଞ୍ ନଞ୍ଜ୍ ଇମ୍‌ଣି ଦେସ୍‌ତ ବାହା କିତାଦେର୍‌ନା, ଇ ଦେସ୍‌ତିଂ ଇସ୍ଵର୍ ହେଝାନିଂ ତାସି ଝାତାନ୍, ୧୩ ଆରେ, ହେଝାନ୍ ହେଝାନିଂ ହେବେ ଇମ୍‌ଣାକା ପା ଆଦିକାର୍ ହିଝାତାନ୍, କି, ର ପାନା ଇଡ୍‌ଦେଂ ଅଲପ୍ ରୁମି ହିଝାତାନ୍, ଆରେ ହେ ଏଚେକାଡ୍‌ଦ୍ ଅବ୍ରାହାମ୍‌ତି ହିମ୍‌ଣାଂ ହିଲ୍‌ଝିତିସ୍ ପା ହେଝାନ୍ ହେଝାନିଂ ଆରି ହେଝାନ୍ତି ଝାନିବାର୍ହୁନି ଲାତ୍ରାତିଂ ହେଦାଂ ଆଦିକାର୍ କିଦେଞ୍ କାଜିଂ ହିନାଂ ଇଞ୍ଜି ପାର୍ମାଣ୍ କିତାନ୍ । ୧୪ ଇସ୍ଵର୍ ଇ ଲାକେ ଇଚାନ୍, “ହେଝାନ୍ତି ଲାତ୍ରା ବିଦେସ୍‌ତ ବାହା କିତାର୍ ଆରି ହେ ବାହାତ ଲକ୍ଷୁ ହେଝାରିଂ ଚାଲିସ୍ ବାର୍ହୁ ପାତେକ୍ ଆଡ୍‌ୟାତ ଇଡ୍‌ଜି ହେଝାର୍ କାଜିଂ ଉଡ୍‌ପାଡ୍ କିତାର୍ । ୧୫ ଆରେ, ଇସ୍ଵର୍ ଇଚାନ୍, ହେଝାର୍ ଇମ୍‌ଣି ଜାତିତ ହେବା କିନାକାନ୍ ଆନାନ୍, ଆନ୍ ତାତି ବିଚାର୍ କିନାଂ; ତା ପାଚେ ହେଝାର୍ ହେ ଦେସ୍‌ତାଂ ହସି ଝାଜି ଇ ବାହାତ ମା ପାର୍ତ୍ତନା କିତାର୍ ।” ୧୬ ଆରେ, ହେଝାନ୍ ହେଝାରିଂ ସୁନ୍‌ଡ୍ ନିୟମ୍ ହିତାନ୍, ଆରେ

ତାହୁଁଦାଂ ଅବ୍ରାହାମ ଇସହାକତିଂ ଜଲମ୍ ହିଜି ଆବ୍ ଦିନତାଂ ହେଝାନିଂ ସୁନ୍ନତ୍ କିତାନ୍; ଇସାହାକ୍ ଜାକୁବ୍‌ଜ୍, ଆରେ ଜାକୁବ୍‌ତି ବାର ଆବାଲାତ୍ରାରିଂ ଜଲମ୍ ହିଜି ହେ ଲାକେ ସୁନ୍ନତ୍ କିତାନ୍ ।

୯ “ଜାକୁବ୍‌ତି ହିମ୍‌ଶାଂ ହେଝାର୍ ଟଣ୍ଡାର୍ ଜସେପ୍‌ତିଂ ତାରା ଆଜି ମିସର୍‌ତ ଅନି କାଜିଂ ହେଝାନିଂ ପ୍ରତାର୍, ମତର୍ ଇସ୍‌ବ୍ ହେଝାନ୍ ହୁଦାଂ ମାତାନ୍, ୧୦ ଆରେ, ହେଝାନ୍ତି ସବୁ ଦୁକ୍ତାଂ ହେଝାନିଂ ଉଦାର୍ କିଜି ମିସର୍‌ନି ରାଜା ପାର ମୁମ୍‌ଦ ହେଝାନିଂ ଦୟା ଆରି ଗିୟାନ୍ ହିତାନ୍; ହେବେ ପାର ହେଝାନିଂ ମିସର୍ ଆରି ଜାର୍‌ତି ଖିଜୁ ଇଲ୍‌କୁନି ସାସନକାର୍‌ୟା ବାବ୍ରେ ବାଟି କିତାନ୍ । ୧୧ ପାଚେ ସବୁ ମିସର୍ ଆରି କିଶାନ୍‌ତ କାତାର୍ ଆର୍‌ତାତ୍, ଆରେ ବେସି ଦୁକ୍ ଗିଟାତାତ୍, ଆରେ ମା ଆଗେନି ବୁଡାଲୁର୍ କାଦି ପାୟା ଆଞ୍ଜାତାର୍ । ୧୨ ମାତର୍ ମିସର୍‌ତ କାଦି ମାନାତ୍ ଇଞ୍ଜି ଖେନ୍‌ଞ୍ଜି, ଜାକୁବ୍ ତା ମେହିରିଂ ପର୍ତୁମ୍ ପକ୍‌ତାନ୍ । ୧୩ ହେବେ ହେଝାର୍ ଆରେ, ରିହା ହାନି ଖାଡାଲିଂ ଜସେପ୍ ତା ଟଣ୍ଡାର୍ ଲାଗାଂ ଜାଣାଟିନା ଆତାନ୍, ଆରେ ପାର ଜସେପ୍‌ତି ପାର୍ତାନାନି ଜାଣାଟିନା ଆତାର୍ । ୧୪ ତା ପାଚେ ଜସେପ୍ ତା ଲାତ୍ରାହି ଜାକୁବ୍ ଆରି ତିନିକଡ଼ି ପନ୍ଦର ଜାଣ୍ ଖାସ୍ତି ପାର୍ତାନା ଖିଜାକାରିଂ କୁକିକିଦେଂ ମାନ୍ କିତାନ୍ । ୧୫ ହେବେ ଜାକୁବ୍ ଆରେ ମିସର୍‌ତ ହାଟି ପାଚେ, ହେଝାନ୍ ନିଜେ ଆରି ମା ଆବା ଲାତ୍ରାର୍ ହାତାର୍, ୧୬ ଆରେ, ହେଝାର୍ ହାଟି ମଡ଼୍ ସିକିମତ ଅୟାଜି ଅବ୍ରାହାମ୍ ହେବେ ହମର ହିମ୍‌ଶାଖାକ୍‌ଡା ତାଜ୍ ଇମ୍‌ଶି ଦୁଗେର୍ ରୁପା ମଲ୍ ହିଜି କଡ଼ଜି ମାତାନ୍, ହେବେ ମୁର୍‌ୟାତାନ୍ ।”

୧୭ “ମାତର୍ ଇସ୍‌ବ୍ ଅବ୍ରାହାମ୍ ଲାଗେ ଇମ୍‌ଶି ପାର୍ମାଣ୍ କିଜି ମାତାନ୍, ହେ ପାର୍ମାଣ୍ ପୁରା ଆନି ଖେଡାଲିଂ ଲାଗେ ଆତିଲେ, ମା ଲକୁ ମିସର୍ ଦେସ୍‌ତ ବାତାଜି ବେସି ଆଜି ନିଂତାର୍ । ୧୮ ଖିସ୍ତି ପାଚେ ମିସର୍‌ତ ଆରେ ରଝାନ୍ ରାଜା ଆତାନ୍, ହେଝାନ୍ ଜସେପ୍‌ତିଂ ପୁନ୍‌ଖାଦାଂ ମାତାନ୍ । ୧୯ ହେଝାନ୍ ମା ଜାତି କାଜିଂ ଟକ୍‌ଲିଆ ଚିନ୍ତା କିତାନ୍, ଆରେ, ମା ଆବା ଲାତ୍ରାର୍ ଇନେସ୍ ଜାର୍ ଜାର୍ ହିମ୍‌ଶାଂ ଜିଜି ମାନ୍‌ଖି କାଜିଂ ବାର୍ତ୍ତ ତୁହିନାନ୍ । ୨୦ ହେ ସମୁତ ମସା ଜଲମ୍ ଆତାନ୍, ହେଝାନ୍ ଇସ୍‌ବ୍‌ତି କାଶକୁକାଂ ବେସି ହଲ୍‌ଜି ମାତାନ୍ ଆରି ତିନି ମାସ୍ ପାଚେକ୍ ତା ଲାତ୍ରାହି ଇଞ୍ଜି ପହାକିୟା ଆଜି ମାତାନ୍ । ୨୧ ପାଚେ ହେଝାନ୍ ଏଚେକାଡ଼୍‌ଦ ବାର୍‌ତ ତୁହିୟା ଆତାନ୍, ହେ ଏଚେକାଡ଼୍‌ଦ ପାରତି ଗାଡ଼୍‌ହି ହେଝାନିଂ ନିକ୍‌ତି ଅଜି ତା ହିମ୍‌ଶା ଲାକେ ପହା କିତାତ୍ । ୨୨ ଆରେ, ମସା ମିସରିୟର୍‌ତି ସବୁ ବିଦ୍ୟାତ ସିକିଡ଼ ଆଜି ବଚନ୍ ଆରି କାମାୟ୍‌ତ ଜାଣାଟିନା ଆତାନ୍ ।

୨୩ ମସାତି ରିକଡ଼ି ବାହୁଁ ପୁରାନି ଖେଡାଲିଂ ତା ଟଣ୍ଡାର୍, ଇଟିସ୍ ଇସାଏଲ୍ ହିମ୍‌ଶାକାଂ ହେବା କିନି କାଜିଂ ହେଝାନ୍ତି ମାନ୍ତ ଉବ୍‌ଜା ଆତାତ୍ । ୨୪ ହେଝାର୍ ବିତ୍ରେ ରକାନ୍ କାଜିଂ ରଝାନ୍ ମିସରିୟର୍ ଅନ୍ୟାୟ୍ କିଜି ମାନାକା ହୁଡ଼ଜି, ମସା ତା ରାକ୍ୟାକିଦେଂ ମିସରିୟ୍ ରଝାନ୍ କାଜିଂ ପାର୍ମାଣ୍ ଅଜି ହେଝାନିଂ ଅସ୍‌ବାର୍ ।” ୨୫ ହେଝାନ୍ତି କେଇ ହୁଦାଂ ଇସ୍‌ବ୍ ଜେ ହେଝାନ୍‌ତି ଟଣ୍ଡାର୍‌ରିଂ ମୁକ୍ତି କିନାନା, ଇଦାଂ ହେଝାର୍ ବୁଜାନାର୍ ଇଞ୍ଜି ହେଝାନ୍ ବାବି କିଜି ମାତାନ୍, ମତର୍ ହେଝାର୍ ବୁଜାଖାତାର୍ । ୨୬ ଆର୍କାତ୍ ନାଜିଂ ହେଝାନ୍ ରିୟାର୍ ଇସାଏଲିୟର୍ ଗଣ୍ଡଗଲ୍ କିଜି ମାନାକା ହୁଡ଼ତାନ୍ ଆରି ହେଝାର୍ ବିତ୍ରେ ସୁସ୍ତା ମେହାୟ୍ କିଦେକ୍ ସେସ୍ତୁ କିତାନ୍ । ହେଝାନ୍ ଇଚାନ୍, “ଖେନାଟ୍, ଏପେକ୍ ରିୟାଦେର୍‌ତ ଇସାଏଲିୟ୍ ଟଣ୍ଡାର୍ । ଇନେକିଦେଂ ଏଲେକ୍ ଅନ୍ୟାୟ୍ କିନାଦେରା ?” ୨୭ ମାତର୍ ଇମ୍‌ଶି ପାଡ଼୍‌ହା ଇଞ୍ଜି କାଜିଂ ଅନ୍ୟାୟ୍ କିଜି ମାତାନ୍, ହେଝାନ୍ ମସାକ୍ ଡିଗ୍‌ଜି ଇଚାନ୍, “ଇନେର୍ ନିଂ ମା ଜପି ମୁଶିକା ଆରି ବିଚାରକାର୍‌ୟା ଲାକେ ବାହି ହିଡ଼ତାନ୍ ?” ୨୮ “ନିହିଂ ଇନେସ୍ ହେ ମିସରିୟର୍‌ତିଂ ଅସ୍ତି ମାଚାୟ୍, ହେ ଲାକେ ନାକ୍ ଅସ୍ତେଦେଂ ମାନ୍ କିଦ୍‌ନାୟା ?” ୨୯ ଇ କାତା ଖେନ୍‌ଞ୍ଜି ମସା ମିଦିୟନ୍ ଦେସ୍‌ତ ବାହା କିତାନ୍; ହେବେ ହେଝାନ୍ତି ରିଆର୍ ହିମ୍‌ଶାଂ ଜଲମ୍ ଆତାର୍ ।

୩୦ ପାଚେ “ରିକଡ଼ି ବାହୁଁ ବାତ ~ ଆତିଲେ, ସିନୟ୍ ମାଡ଼ିନି ବାଟାତ ରଞ୍ଜାନ୍ ଇସ୍ବରତି ଦୁତର୍ ବୁଟାତ ନାଣିଅଜଡ଼ତ ହେଖାନିଂ ଚଞ୍ଜାତାନ୍ । ୩୧ ମସା ହେଦାଂ ହୁଡ଼ଜି କାବା ଆତାନ୍, ଆରେ ହାର୍ ଲାକେ ହୁଡ଼ଦେଂ କାଜିଂ ଲାଗେ ହାନି ଖେଡ଼ାଲିଂ ମାପୁତ ଇ କାତା ଖେଚାନ୍ ।” ୩୨ “ଆନ୍ ମି ବୁଡ଼ାଆକତ ~ ଇସ୍ବର, ଅହାହାମ, ଇସ୍ବହାକ୍ ଆରି ଜାକୁବତି ଇସ୍ବର । ହେବେ ମସା ଡ଼ିଗ୍ଜି ହାର୍ ହୁଡ଼ଦେଂ ସାସ୍ କିଞ୍ଜାତାନ୍ ।” ୩୩ ତା ପାଚେ ମାପୁ ହେଖାନିଂ ଇଚାନ୍, “ନି ପାନାତାଂ ପାଣ୍ଡାଈଜ୍ ଉୟା, ଇନାକିଦେଂକି ଏନ୍ ଇମ୍ଣି ମେଦନିତ ନିଲ୍ତାୟନା, ହେଦାଂ ପୁଇପୁୟା ମେଦନି । ୩୪ ମିସରତ ମା ଇମ୍ଣି ଲକୁ ମାନାର୍, ଆପ୍ ହେଖାରତି ଦୁକ୍ ହୁଡ଼ତାପନ୍ନା ଆରି ହେଖାରତି ଆଡ଼ାକୁକା ଖେଚାପନ୍ନା, ଆରେ ହେଖାରିଂ ଉଦାର୍ କିନି କାଜିଂ ଜୁଡ଼ତାପନ୍ନା; ଆରେ ନଂ ଖା, ଆନ୍ ନିଂ ମିସରତ ପଞ୍ଚାନାଂ ।”

୩୫ “ଇନେର୍ ନିଂ ମୁଡ଼ଦାକାନ୍ ଆରି ବିଚାରକାରୟା ଲାକେ ବାଟି କିଡ଼ତାନ୍ ଇଞ୍ଜି ଇଞ୍ଜି ଇ ଇମ୍ଣି ମସାଜ୍ ହେଖାର୍ ମାନିକିଞ୍ଜାଦାଂ ମାଚାର୍, ହେଖାନିଂ ଇସ୍ବର ବୁଟାତ ଚଞ୍ଜା ଆଜି ଦୁଡ଼ତି ଉପକାରତାଂ ସାସନ୍ ଆରି ଉଦାରକାରୟା କିଜି ପକ୍ତାନ୍ । ୩୬ ଇ ମୁଣିକା ମିସର ଦେସ୍, ନେତେର୍ ହାମ୍ବୁର୍ ଆରି ରିକଡ଼ି ବାହୁଁ ପାଚେକ୍ ବାଟାତ ବାର୍ବିନି କାବାନି କାମାୟ୍ ଆରି ତିନକୁ ସାଦନ୍ କିଜି ହେଖାରିଂ ହପ୍ତି ତାହିଞ୍ଜାତାନ୍ । ୩୭ ମସା ନିଜେ ଇସ୍ବାଏଲ୍ ନି ମାନାୟାରିଂ ଇଞ୍ଜି ମାଚାନ୍, ଇସ୍ବର ନାଂ ଇନେସ୍ ପଞ୍ଚାତାନ୍ ହେ ଲାକେ ମି ଲାଗାଂ ରଞ୍ଜାନ୍ ବେଶ୍ବାକ୍ଷାୟକିନାକାର୍ ପଞ୍ଚାନାନ୍, ହେଖାନ୍ ମି ଜାର୍ ଚଣ୍ଡାର୍ ବିତ୍ରେ ରଞ୍ଜାନ୍ ଆନାନ୍ ।” ୩୮ ଇ ମୁଣିକା ମଣ୍ଡଲି ବିତ୍ରେ ମାନ୍ଞି ସିନୟ୍ ମାଡ଼ିତ ହେଖାନ୍ ହୁକେ କାତା ଇଞ୍ଜିମାଟି ଦୁଡ଼ତି ଆରି ମା ଆକର୍ ବିତ୍ରେ ମାଦ୍‌ଶାକାନ୍ ମାଚାନ୍; ହେଖାନ୍ ମିଜ୍ ଦାନ୍ କିଦ୍ଦେଂ କାଜିଂ ଜିଜି ମାନାକା ବଚନ୍ ପାୟାତାନ୍ ।

୩୯ “ମାଦାଂ ଆବାରଲାତ୍ରା ହେଖାର୍ ହେଖାନ୍ତି କାତା ମାନିକିଞ୍ଜାଦାଂ ହେଖାନିଂ ମାନ୍ କିଞ୍ଜାତାର୍, ଆରେ ଜାର୍ ଜାର୍ ମାନ୍ତ୍ର ମିସର ଦେସ୍ତ ମାସ୍ଦି ହାଲ୍ଲି ହାରଣ୍‌ଜ୍ ଇଚାର୍, ୪୦ ହେଦାଂ ହେଖାର୍ ହାରଣ୍‌ଜ୍ ଇଚାର୍, ମା ଆଗେ ଆଗେ ହାନି କାଜିଂ ମା କାଜିଂ ପେନ୍‌କୁକାଂ ରଚା, ଇନାକିଦେଂକି ଇ ଇମ୍ଣି ମସା ମାଜେଜ୍ ମିସର ଦେସ୍ତାଂ ହପ୍ତି ତାଈଞ୍ଜାଡ଼ତାନ୍, ତା କାଜିଂ ଇନାକା ଗିଟାତାଡ଼ନ୍ନା, ହେଦାଂ ଆପେଂ ପୁନ୍‌ପୁ ।” ୪୧ ଆରେ, ହେ ସମୁତ ହେଖାର୍ ର ବାଟି ରଚ୍ଚାର୍ ଆରି ହେ ପୁଡ଼ଡ଼ା ଇସାବରେ ପୁଜାକିଦେଜ୍ ଜାର୍ ଜାର୍ କେଇ ରଚ୍ଚି ଆଡ଼ମାଡ଼ତିଂ ବଜି କିଜି ଖାରି କିଦେଜ୍ ଲାଗାତାର୍ । ୪୨ ମାଚର୍ ଇସ୍ବର ମାସ୍ଦି ହେଖାରିଂ ବାଦାଡ଼ତ ହୁକାକାଂ ପାର୍ତାନା କିଦେଜ୍ ପିସ୍ତ୍ରି ହିତାର୍, ଇନେସ୍ ବେଶ୍ବାକ୍ଷାୟକିନାକାର୍ ପତିତ ଲେକା ମାନାଡ଼, “ଏ ଇସ୍ବାଏଲ୍ ଲାତ୍ରା !

ବାଟାତ ରିକଡ଼ି ବାହୁଁ ପାଚେକ୍,
ଏପେଜ୍ ମା କାଜିଂ ପସୁ ପୁଜା ଆରି ଆକାଡ଼ କିଞ୍ଜାଦାଂ ମାଚାଦେର୍ ।

୪୩ ଲାଗିଂ ଏପେଜ୍ ପାର୍ତାନା କିନି କାଜିଂ ଇମ୍ଣି ପୁଡ଼ଡ଼ାଂ ରଚ୍ଚି ମାଚାର୍,
ମଲକର୍ ତୁମ୍ ଆରି ରମ୍ପା ପେନ୍‌କୁନି ହୁକାତିଂ ଏପେଜ୍ ଅଜି ପୁଜା କିତାର୍ ।”
ଲାଗିଂ ଆପ୍ ବାବିଲନ୍‌ତ,
ଆନ୍‌ଚି ବାଗାଜ୍ ପଞ୍ଚାନାଜ୍ ।

୪୪ “ବାଟାତ ମା ଆଗେନି ଆବାରଲାତ୍ରା ଲାହାଂ ଇସ୍ବରତି ମାନାକା ତାକେ ସାକି ତୁମ୍ ମାଚାଡ଼ । ଇସ୍ବର ମସାଜ୍ ଇନେସ୍ ରଚ୍ଚି ଖେଚ୍ଚି ମାଚାନ୍ ଆରି ମସାଂ ଇମ୍ଣି ହାଦାକା ଚଚ୍ଚି ମାଚାନ୍, ଇଦାଂ ହେ ଲାକେ ରଚ୍ଚୟାଜି ମାଚାଡ଼ । ୪୫ ଆରେ, ମା ଆକର୍ ହେଦାଂ ଗାଟାଜି, ଇସ୍ବର ହେଖାର୍ ମୁମ୍‌ଦାଂ ଇମ୍ଣି ଜାତିରିଂ ହପ୍ତି ତୁହିତାର୍, ହେ ଜାତିରିଂ ଆଦିକାରତ ହେଖାର୍ ଜିହସ୍ତୁୟତି ଇତି ହଣ୍ଡି ହେଦାଂ ଦାଉଦତି ଖେଡ଼ାଂ ପାଚେକ୍ ଇଡ଼ତାନ୍ । ୪୬ ହେଖାନ୍ ଇସ୍ବର କାଣ୍‌କୃତ ଦୟା ପାୟାଜି ଜାକୁବତି ଇସ୍ବର କାଜିଂ ର

ଇଲ୍ଲ ରବ୍ବନ୍ କାଜିଂ ପାର୍ତ୍ତାନା କିତାନ୍ । ୪୭ ମାତର୍ ସଲମନ୍ ହେଞ୍ଜାନ୍ତି କାଜିଂ ର ମନ୍ଦିର୍
ଇଲ୍ଲ ରବ୍ବତାନ୍ ।”

୪୮ “ଆତିସ୍ପା ଇନେର୍ ସିଗଦାକାନ୍ ଇସ୍ବର୍, ହେଞ୍ଜାନ୍ କେଇଦ ରବ୍ବି ଇଲ୍ଲ ବାହା
କିଉନ୍ ! ଇନେସ୍କି ବେଶ୍‌ବାକ୍‌ଶାୟ୍‌କିନାକାର୍ ଲେକିକିତାନ୍ନା ।”

୪୯ ମାପୁ ଇଚାନ୍ “ବାଦାଡ୍‌ତ ମା ଗାଦି,

ପୁତ୍ ମା ପାନା ତାରେନ୍, ମାପୁ ଇଚାନ୍ନା,

ଏପେଙ୍ଗ୍ ମା କାଜିଂ ଇନେସ୍‌ବାନି ଇଲ୍ଲ ରବ୍ବନାଦେର୍ ?

କି ମା ଜମ୍‌ନି ବାହା ଇମେଡ୍ ?

୫୦ ମା କେଇ ଇନାକା ଇ ଓଁଜୁ ବିସ୍ତେ ଉଦ୍‌ଜାଣ୍ କିଞ୍ଜାତାଂନା ?”

୫୧ ସ୍ତ୍ରିପାନ୍ ଆରେ ଇଚାନ୍ “ଏପେଙ୍ଗ୍ ଏଚେକ୍ ଅମାନ୍ୟା । ମି ମାନ୍ତ ଏଚେକ୍ ଅସୁନ୍ନତ୍
। ଇସ୍ବର୍‌ତି ବଚନ୍ କାଜିଂ ଏପେଙ୍ଗ୍ ଝେନ୍‌ଞ୍ଜାକାଦେର୍ । ଏପେଙ୍ଗ୍ ସମାନ୍ ମି ଆଗେନି
ଆବା ଲାଡ୍‌ତା ଲାକେ; ଏପେଙ୍ଗ୍ ତାଇନାଡ୍ ପୁଇପୁୟା ଜିବୁନ୍‌ତିଂ ବିରଦ୍ କିନାଦେରା
। ୫୨ ବେଶ୍‌ବାକ୍‌ଶାୟ୍‌କିନାକାର୍ ବିତ୍ତେ ଇନେରିଂ ମି ଆକର୍ କେତେଞ୍ଜାଦାଂ ମାଚାର୍
? ଇନେର୍ ହେ ଦାମ୍ ମୁଣିକା ଖାନି ବିସ୍ତେ ଆଗେତାଂ ଝେବ୍‌ଚି ମାଚାର୍, ହେଞ୍ଜାରିଂ
ହେଞ୍ଜାର୍ ଅସ୍ତ୍ୱାର୍; ନଙ୍ଗ୍ ଏପେଙ୍ଗ୍ ହେଞ୍ଜାନିଂ ସାତୁ କେଇଦ ହେଲ୍ଲାୟ୍ କିଜି ଅସ୍ତ୍ୱାଦେର୍;
୫୩ ଏପେଙ୍ଗ୍ ଦୁଡ୍‌ର୍ ହୁଦାଂ ଆଗେନି ବିଦିତାଂ ଗାଟାଜି ମାଚାଦେର୍, ମତର୍ ବିଦି ପାଲି
କିଞ୍ଜାତାଦେର୍ ।”

ସ୍ତ୍ରିପାନ୍‌ତି ହାକି

୫୪ ଗାଜା ସବାନି ମାନାୟାର୍ ଓଁଜୁ କାତା ଝେନ୍‌ଞ୍ଜି ହେଞ୍ଜାର୍ ମୁମ୍‌ରାଡ୍‌ତାର୍, ଆରେ
ହେଞ୍ଜାନ୍ କାଜିଂ ଟାତାଙ୍ଗ୍ ରେତି କିଦେଙ୍ଗ୍ ଲାଗାତାର୍ । ୫୫ ମାତର୍ ହେଞ୍ଜାନ୍ ପୁଇପୁୟା
ଜିବୁନ୍‌ତ ବାତ୍ ଆଜି ବାଦାଡ୍‌ତ ର କାଶ୍‌ଗାତ ହୁଡ୍‌ତାନ୍, ଆରି ଇସ୍ବର୍‌ତିଂ ଜାଜ୍‌ମାଲ୍
ଆରି ଜିସୁଙ୍ଗ୍ ଇସ୍ବର୍‌ତି ବୁଜ୍‌ଣି ପାଡ୍‌କା ନିଲ୍‌ଚି ମାନାକା ହୁଡ୍‌ଜି ଇଚାର୍, ୫୬ ହେଞ୍ଜାନ୍
ଇଚାନ୍ “ହୁଡ୍‌ର୍, ଆନ୍ ବାଦାଡ୍‌ତ ଜେୟାତି ଆରି ମାନାୟ୍ ମାଜିଙ୍ଗ୍ ଇସ୍ବର୍‌ତି ବୁଜ୍‌ଣି
ବାଗାଙ୍ଗ୍ ନିଲ୍‌ଚି ମାନାକା ହୁଡ୍‌ନାଙ୍ଗା ।”

୫୭ ମତର୍ ହେଞ୍ଜାର୍ ଗାଜାକାଟ୍‌ତାଂ କିକିରାତିଂ କିଜି ଜାର୍ ଜାର୍ କିତୁଲ୍‌ତିଂ
ଗେସ୍‌ତାର୍, ଆରେ ପାଡ୍‌କାତାଙ୍ଗ୍ ଆଜି ହେଞ୍ଜାନ୍ତି ଜପି ମାତିବହା ଆଚାର୍, ୫୮ ଆରେ,
ହେଞ୍ଜାର୍ ହେଞ୍ଜାନିଂ ଗାଡ୍‌ଦାଂ ହପ୍‌ଚି କାଲ୍‌କୁ ଇଡ୍‌ଦେଂ ଲାଗାତାର୍; ଆରେ, ମିଚ୍
ସାକିର୍ ସାଉଲ୍ ଇନି ରଞ୍ଜାନ୍ ଦାଂଶେନ୍‌ତି ପାନା ଲାଗାୟ୍ ଜାର୍ ଜାର୍ ହେନ୍ଦ୍ରାଙ୍ଗ୍
ଇଡ୍‌ତାର୍ । ୫୯ ହେଞ୍ଜାତାଂ ହେଞ୍ଜାର୍ ସ୍ତ୍ରିପାନ୍‌ତିଂ କାଲ୍‌କୁ ଇଡ୍‌ଜି ମାଚାର୍, ହେଞ୍ଜାତାଂ
ହେଞ୍ଜାନ୍ ପାର୍ତ୍ତାନା କିଜି ଇଚାନ୍, “ଏ ମାପୁ ଜିସୁ, ନା ଜିବୁନ୍‌ତିଂ ଇଚା ।” ୬୦ ଆରେ,
ହେଞ୍ଜାନ୍ ମେଣ୍ଡାଙ୍ଗ୍ କୁନ୍‌କିଜି ଗାଜାକାଟ୍‌ତାଂ କୁକ୍‌ଚି ଇଚାନ୍, “ଏ ମାପୁ, ଇ ପାପ୍ ଇଞ୍ଜାର୍
ବିରୁଦ୍‌ତ ଗାଶା କିମା ।” ହେଞ୍ଜାନ୍ ଇଦାଂ କାଶ୍‌କୁ ଜୁବ୍‌ଚି ହାତାନ୍ ।

୮

ପାତ୍ କିନାର୍ ମଣ୍ଡଲି ଜପି ସାଉଲ୍‌ତି ନିନ୍ଦା

୧ ସାଉଲ୍ ହେଞ୍ଜାନ୍ତି ପାରାଶ୍ ନାସ୍ତ ରାଜି ମାଚାନ୍ । ସାଉଲ୍ ମଣ୍ଡଲି ଜପି ନିନ୍ଦା କିନାକା

ହେ ଦିନ୍ ଜିରୁସାଲମ୍‌ତ ମାନି ମଣ୍ଡଲି କାଜିଂ ବେସି ନିନ୍ଦା ଆଚାଡ୍, ହେବେ
ପକ୍ୟାତାକାର୍‌ତି ପିସ୍ତ୍ରି ଆଦେକ୍ ଓଁଜାକାର୍ ଜିହୁଦା ରାଜି ଆରି ସମିରଣ୍ ନିପ
ଚାରିବେଶ୍‌ତାଂ ଚିନ୍‌ବିନ୍ ଆଜି ହାଚାର୍ । ୨ ଆତିସ୍ପା କେତେ ଜାଣ୍ ହୁଦାର୍ ଲଗୁ
ସ୍ତ୍ରିପାନ୍‌ତିଂ କବର୍ ହିଜି ହେଞ୍ଜାନ୍ କାଜିଂ ବେସି ଦୁକ୍ କିତାର୍ ।

୩୩ ମତରୁ ସାଉଲ ଇଲକୁ ଇଲକୁ ହଣ୍ଡି ଆଣ୍ଡାରି ଆରି କଗଲେକାଂ ଜେଲ୍ଲି ତାହି ଜଇଲ୍ ଇଞ୍ଜ ହେଲାୟ୍ କିଜି ମଣ୍ଡଲିତିଂ ବୁଡାୟ୍ କିଦେଙ୍ଗ୍ ଲାଗାତାନ୍ ।

ସମିରଣତ ନେକ୍ରିକାବୁର୍ ପରଚାର୍

୪ ହେବେ ପାତର୍ କିନାକାର୍ ଜେଡେକେଡେ ଆଜି ମାଚାର୍, ହେଞ୍ଜାର୍ ଚାରିବେଣ୍ଡାଂ ବୁଲା ଆଜି ନେକ୍ରିକାବୁର୍ନି ବଚନ୍ ସୁଣାୟ୍ କିଦେଙ୍ଗ୍ ଲାଗାତାର୍ । ୫ ଆରେ, ପିଲିପ୍ ସମିରଣତ ମୁଡ୍ ଗାଡ୍ଦ୍ ହାଲ୍ଲି ମାନାୟାର୍ ଲାଗେ କ୍ରିସ୍ତୁତି ନେକ୍ରିକାବୁର୍ ସୁଣାୟ୍ କିଦେଙ୍ଗ୍ ଲାଗାତାର୍ । ୬ ଆରେ, ମାନାୟାର୍ ପିଲିପ୍ତି କାତା ଖେନ୍ଞ୍ଜି ଆରି ହେଞ୍ଜାନ୍ତି କିତି କାବା କାମାୟ୍ ସବୁ ହୁଡ୍ଡି ରମାନ୍ତ ହେଞ୍ଜାନ୍ତି କାତା ମାନ୍ ହିଜି ମାଚାର୍ । ୭ ଇନାକିଦେଂକି ବାନ୍ୟା ଜିବୁନ୍ ବେସି ଲକୁଡାଂ ହେ ଜିବୁନ୍ ଗାଜାକାଟ୍ କିକିରାତିଂ କିଜି ହସି ଖାଦେଂ ଲାଗିତିକ୍; ଆରେ ବେସି ହିରକୁଲ୍ଲରଗ୍ୟାର୍ ଆରି ଚଟାର୍ ଉଜ୍ ଆତାର୍ । ୮ ହେବେ ଗାଡ୍ଦ୍ ବେସି ଖାରିୟା ଆତାଡ୍ ।

୯ ମାତରୁ ସିମନ୍ ତରୁନି ରକାନ୍ ମାନାୟ୍ ଇଦାଂ ଆଗେ ହେ ଗାଡ୍ଦ୍ ଜତରୁ କାମାୟ୍ କିଜି ଜାରୁତିଂ ରକାନ୍ ଗାଜା ମାନାୟ୍ ଇଞ୍ଜି ଇଞ୍ଜି ସମିରଣିୟ୍ ଜାତିତିଂ କାବା କିଜି ମାଚାନ୍; ୧୦ ଇସ୍ପୁରତି “ଇମ୍ବଣି ସାକ୍ତିତିଂ ଗାଜା ଇଞ୍ଜି ଇନ୍ୟାନାଡ୍, ହାରୁକାର୍ତାଂ ଗାଜା ପାତେକ୍ ଖିଜାକାର୍ ଇଞ୍ଜାନ୍ ହେଞ୍ଜାନ୍ ଇଞ୍ଜି ହେଞ୍ଜାନ୍ ମାନି କିଜି ମାଚାର୍ ।” ୧୧ ହେଞ୍ଜାର୍ ହେଞ୍ଜାନ୍ ମାନି କିନାକା ଇଦାଂ ଜେ, ହେଞ୍ଜାନ୍ ବେସି ଦିନ୍ ଆତାଡ୍ ଜାରୁ ଜତରୁ କାମାୟ୍ ହୁଦାଂ ହେଞ୍ଜାରିଂ କାବା କିଜି ମାଚାନ୍ । ୧୨ ମାତରୁ ପିଲିପ୍ ଇସ୍ପୁରତି ରାଜି ଆରି ଜିସ୍ତୁ କ୍ରିସ୍ତୁତି ତରୁ ବିସ୍ତେ ନେକ୍ରିକାବୁର୍ ସୁଣାୟ୍ କିତିଲେ ହେଞ୍ଜାର୍ ଏଚେକାଡ୍ଦ୍ ହେଞ୍ଜାନ୍ତି କାତାତ ପାତର୍ କିତାର୍, ହେ ଏଚେକାଡ୍ଦ୍ ଆଣ୍ଡାଙ୍ଗ୍ ଆରି କଗଲେକ୍ ଖିଜାରୁ ବାପ୍ରିସିମ୍ ଅଦେଂ ଲାଗାତାର୍ । ୧୩ ଆରେ, ସିମନ୍ ନିଜେ ପା ପାତର୍ କିଜି ବାପ୍ରିସିମ୍ ଅତାନ୍ ଆରି ପିଲିପ୍ତି ହାଙ୍ଗ୍ ହାଙ୍ଗ୍ ମାଚାନ୍, ଆରେ ବାର୍ବିନ୍ ତିନ୍କୁ ଆରି ଗାଜା ଗାଜା ସାକ୍ତିନି କାମାୟ୍ ହୁଡ୍ଡି କାବା ଆଦେଂ ଲାଗାତାନ୍ ।

୧୪ ସମିରଣିୟ୍ ଲକୁ ଜେ ଇସ୍ପୁରତି ତରୁଦାଂ ବଚନ୍ ମାନି କିତାଣ୍ଡା, ଇଦାଂ ଏଚେକାଡ୍ଦ୍ ଜିରୁସାଲମତ ମାନି ପଦ୍ୟାତାକାର୍ ଖେଚାର୍, ହେ ଏଚେକାଡ୍ଦ୍ ହେଞ୍ଜାର୍ ପିତରୁ ଆରି ଜହନ୍ତିଂ ହେଞ୍ଜାର୍ ଲାଗେ ପଞ୍ଚାର୍ । ୧୫ ହେଞ୍ଜାର୍ ହାଲ୍ଲି, ହେ ଲକୁ ଇନେସ୍ ପୁଇପୁୟା ଜିବୁନ୍ ପାୟାନାର୍, ଇଦାଂ କାଜିଂ ହେଞ୍ଜାର୍ କାଜିଂ ପାର୍ତାନା କିତାର୍, ୧୬ ଇନାକିଦେଂକି ଇ ପାତେକ୍ ହେଞ୍ଜାନ୍ ହେଞ୍ଜାର୍ ବିଡ୍ରେ ଇନେର୍ ଜପି ପା ପୁଇପୁୟା ଜିବୁନ୍ ଜୁଦ୍ଞାଦାଂ ମାଚାଡ୍, କେବଲ୍ ହେଞ୍ଜାର୍ ମାପୁ ଜିସ୍ତୁତି ତରୁଦ ବାପ୍ରିସିମ୍ ଆଜି ମାଚାର୍ । ୧୭ ହେ ଏଚେଖେଡାଲିଂ ପିତରୁ ଆରି ଜହନ୍ ହେଞ୍ଜାର୍ ହେଞ୍ଜାର୍ତି ଜପି କେଇ ହିତାନ୍, ଆରେ ହେଞ୍ଜାର୍ ପୁଇପୁୟା ଜିବୁନ୍ ଗାଟା ଆତାର୍ ।

୧୮ ପଦ୍ୟାତାକାର୍ତି କେଇ ହିତି ହୁଦାଂ ଜିବୁନ୍ ଖାନାକା ହୁଡ୍ଡି, ସିମନ୍ ହେଞ୍ଜାରିଂ ଟାକାଂ ହିଜି ଇଚାନ୍, ୧୯ “ନାଙ୍ଗ୍ ପା ଇ ସାକ୍ତି ହିଦାଟ୍, ଇନେସ୍ ଆନ୍ ଇମ୍ବଣାକାନ୍ ମାନାୟ୍ ତାରେନ୍ କେଇ ହିନାଙ୍ଗ୍, ହେଞ୍ଜାନ୍ ପୁଇପୁୟା ଜିବୁନ୍ ଗାଟାନାନ୍ ।”

୨୦ ମାତରୁ ପିତରୁ ହେଞ୍ଜାନ୍ ଇଚାନ୍, ନି ଟାକାଂ “ନି ହୁଦାଂ କର୍ତ୍ ଆୟେକ୍, ଇନାକିଦେଂକି ନି ଟାକାଂ ହୁଦାଂ ଇସ୍ପୁରତି ଦାନ୍ କଡ୍ଦେଂ ବାବି କିତାୟ୍ । ୨୧ ଇ ବିସ୍ତେ, ନି ବାଗ୍ ହିଲୁଡ୍ କି ଆଦିକାର୍ ହିଲୁଡ୍, ଇନାକିଦେଂକି ଇସ୍ପୁରତି ମୁମ୍ଦ ନି ମାନ୍ତ ହୁଦାର୍ ଆକାୟ୍ । ୨୨ ଲାଗିଂ, ନି ଇ ବାଡ୍ପାଣ୍ଡାଂ ମାନ୍ବାଦ୍ଲାୟ୍ କିଜି ମାପୁତି ତାକେ ପାର୍ତାନା କିୟା, ଇନେସ୍ ଆଡିସ୍ତି ନି ମାନ୍ତ ହାନ୍ଦାୟ୍ କିନାକା କେମା ଆଦ୍ନାଡ୍ । ୨୩ ଇନାକିଦେଂକି ନି ଅଦାମ୍ ବିସ୍ତେ ବାତର୍ ଆଜି ପାପ୍ ତାକେ ଗାଟା ଆତାଡ୍ନା ଇଞ୍ଜି ଆନ୍ ହୁଡ୍ଡନାଙ୍ଗ୍ ।”

୨୪ ହେବେ ସିମନ୍ ଜହନ୍ ଆରି ପିତରୁତିଂ ଇଚାନ୍, ଏନ୍ ଇନାକା ଇନାକା ଇଞ୍ଚାୟ୍, ହେବେତାଂ ଇମ୍ମଣାକା ପା ବିସ୍ତେ ଇନେସ୍ ନା କାଜିଂ ପଡ଼ାମେଡ଼, ଇଦାଂ କାଜିଂ “ଏପେଙ୍ଗ୍ ନା କାଜିଂ ମାପୁତି ଲାଗେ ପାର୍ତାନା କିୟା ।”

୨୫ ଇ ବାନି ହେଞ୍ଜାର୍ ସାକି ହିଜି ଆରି ମାପୁତି ବଚନ୍ ଇଞ୍ଜି ସମିରଣିୟାରୁତି ଆଦେକ୍ ନାସ୍କୁକାଂ ନେକ୍ରିକାବୁର୍ ସୁଣାୟ୍ କିଉ କିଉ ଜିରୁସାଲମ୍ତ ମାସ୍ଦି ହାଚାର୍ ।

ପିଲିପି ଆରି ଇତିଓପିଆ ବେଜୁର୍

୨୬ ପାଚେ ମାପୁତି ରଞ୍ଜନ୍ ଦୁଡ଼ ପିଲିପିତିଂ ଇଚାଡ଼, “ନିଙ୍ଗା, ବୁଜ୍ଣି ବାଗାଙ୍ଗ୍ ଇମ୍ମଣି ହାଡ଼ାକ୍ ଜିରୁସାଲମ୍ତାଂ ଇଦାଂ ଗଜ୍ଜା ନିପ ହାଲ୍ଲଜି ମାନା,” ହେ ନିପ ହାଡ଼ାକ୍ ହାଲ୍ଲ । ହେଦାଂ ଚିମ୍ବରା ବାହା ମାଚାଡ଼ । ନେଜେଞ୍ଜିଗା ଚିନ୍ତା କିୟାଆଉତା । ୨୭ ହେବେତାଂ ହେଞ୍ଜାନ୍ ନିଂଜି ହାଚାନ୍ । ଆରେ ହୁଡ଼ାଡ଼, ଇତିଓପିଆ ଦେସିୟାତ୍ କଣ୍ଡାକି ତରୁନି ରାଣିତି ତାରେନ୍ ରଞ୍ଜେଲ୍ ଗାଜା ପାଦ୍ ପାୟାତି ଇତିଓପିଆନି ବେଜୁ, ଇନେର୍ ତାଦେଲ୍ଲତି ଝିଜୁ ଦନକଟିନି ସାସନ୍ କାରୟା ମାଚାନ୍, ହେଞ୍ଜାନ୍ ପାର୍ତାନା କିନି କାଜିଂ ଜିରୁସାଲମ୍ତ ଝାଜି ମାଚାନ୍ । ୨୮ ହେଞ୍ଜାନ୍ ମାସ୍ଦି ହାଲ୍ଲ ହାଲ୍ଲ ଜାର୍ ହାଗାଡ଼ତ କୁଚ୍ଚି ଜିସାୟ୍ ବେଶ୍ବାକ୍ଶାୟ୍କିନାକାର୍ ସାସ୍ତର୍ ଗାଜାକାଚ୍ତାଂ ପଡ଼ି କିଜି ମାଚାର୍ । ୨୯ ହେଞ୍ଜେଡ଼ାଂ ପୁଇପୁୟା ଜିବୁନ୍ ପିଲିପିତିଂ ଇଚାଡ଼, “ଲାଗେ ହାଲ୍ଲଜି ଇ ହାଗାଡ଼ ହୁଦାଂ ମାନା ।” ୩୦ ହେବେ ପିଲିପି ହଞ୍ଜିହାଲ୍ଲଜି ହେଞ୍ଜାନ୍ ଜିସାୟ୍ ବେଶ୍ବାକ୍ଶାୟ୍କିନାକାର୍ ସାସ୍ତର୍ ପଡ଼ି କିନାକା ଝେନ୍ଞି ଝେନ୍ଦାତାନ୍, “ଏନ୍ ଇନାକା ପଡ଼ି କିନାୟା, ହେଦାଂ ଇନାକା ବୁଜାନାୟା ?”

୩୧ ହେଞ୍ଜାନ୍ ଇଚାନ୍, “ଇନେର୍ ନାଙ୍ଗ୍ ବୁଜାୟ୍ ହିଦ୍ଝିତିସ୍ ଆନ୍ ଇନେସ୍ ବୁଜାଦେଂ ଆଡ଼ନାଂ ?” ଆରେ, ହେଞ୍ଜାନ୍ ପିଲିପି ଦୁମ୍ମଜି ଝାଜି ତା କଚଣ୍ଡତ କୁଚ୍ଚେଙ୍ଗ୍ ଗଞ୍ଜାରି କିତାନ୍ । ୩୨ ସାସ୍ତର୍ନି ଇମ୍ମଣି ବାଗ୍ ହେଞ୍ଜାନ୍ ପଡ଼ି କିଜି ମାଚାନ୍, ହେଦାଂ ଇଦାଂ, ହେଞ୍ଜାନ୍ ମେଣ୍ଡା ଲାକେ “ହାନି କାଜିଂ ଅୟାତାନ୍, ଆରେ ତଲ୍ଲ ଉୟନି ମୁମ୍ପଦ ମେଣ୍ଡାହିମ୍ମଣା ଇନେସ୍ ପୁକ ମାନଙ୍ଗାନାଡ଼, ହେ ଲାକେ ହେଞ୍ଜାନ୍ ତା ମୁମ୍ ଜେୟା ଆଞ୍ଜାତାନ୍ ।”

୩୩ ହେଞ୍ଜାନ୍ତି ଅପମାନ୍ ଆନିହିଙ୍ଗ୍ ହେଞ୍ଜାନ୍ତି ତାଣ୍ ମାସ୍ଦି ହାଚାଡ଼ ।

ହେଞ୍ଜାନ୍ତି ଲାତ୍ରା ଇନେର୍ ହାୟାୟ୍ କିଦେଙ୍ଗ୍ ଆଡ଼ନାର୍ ?
ଇନେକିଦେଂକି ହେଞ୍ଜାନ୍ତି ଜିବୁନ୍ନି ପୁତ୍ତାଂ ମାସ୍ଦି ହାଚାଡ଼ ।

୩୪ ବେଜୁ ଉତର୍ ହିଜି ପିଲିପିତିଂ ଇଚାନ୍, ଆନ୍ ନିଂ ପାର୍ତାନା କିଦନାଂ, “ବେଶ୍ବାକ୍ଶାୟ୍କିନାକାର୍ ଇନେର୍ ବିସ୍ତେ ଇ ବେରଣ୍ ଇଚାନ୍ନା ? ଜାର୍ ବିସ୍ତେ କି ଆରେ ଇନେର୍ ବିସ୍ତେ ?” ୩୫ ହେବେ ପିଲିପି ଝେଇ ଜେସି ସାସ୍ତର୍ ଇ ବଚନ୍ତାଂ ହାଂଜି ହେଞ୍ଜାନ୍ ତାକେ ଜିସୁତି ନେକ୍ରିକାବୁର୍ ପରଚାର୍ କିତାନ୍ । ୩୬ ଆରେ, “ହେଞ୍ଜାର୍ ହାସ୍ଦ ହାଲ୍ଲ ହାଲ୍ଲ ର ଏଜୁଂ ମାନି ଲାଗେ ଏକାତାର୍; ହେବେ ବେଜୁ ଇଚାନ୍,” ଇବେ ତ ଏଜୁଙ୍ଗ୍ ମାନିକ୍, ନା ବାପ୍ରିସିମ୍ ଆନି କାଜିଂ ଇନାକା ବାଦା ମାନାଡ଼ କି ? ୩୭ ପିଲିପିପ ଇଚାନ୍, ଏନ୍ ଝିଜୁ ଝାସ୍ଦି ହୁଦାଂ ଜଦି ପାତ୍ କିନାୟ୍, ତା ଆତିସ୍ ହେବେ ହେଞ୍ଜାନ୍ ଉତର୍ ହିତାନ୍, ଜିସୁ କ୍ରିସ୍ତୁ ଜେ ଇସ୍ତୁତି ମାଜି, ଇଦାଂ ଆନ୍ ପାତ୍ କିନାଙ୍ଗା । *

୩୮ ଆରେ, ହେଞ୍ଜାନ୍ ହାଗାଡ଼ ନିଲି କିଦେଙ୍ଗ୍ ବଲ୍ ହିତାନ୍, ଆରେ ପିଲିପିପ ଆରି ବେଜୁ ରିୟାର୍ ଏଜୁଙ୍ଗ୍ ବିତେ ଜୁଜି ହାଚାର୍, ଆରେ ପିଲିପି ହେଞ୍ଜାନ୍ ବାପ୍ରିସିମ୍ ହିତାନ୍ । ୩୯ ହେଞ୍ଜାର୍ ଏଜୁଙ୍ଗ୍ ବିତେତାଂ ନିଂଜି ଝାଜି, ମାପୁତି ଜିବୁନ୍ ପିଲିପିତିଂ ଅଜି ହାଚାଡ଼, ଆରେ ବେଜୁ ହେଞ୍ଜାନ୍ ଆରେ ହୁଡ଼ଞ୍ଜାତାନ୍; ଆତିସ୍ପା ହେଞ୍ଜାନ୍ ଝାରି କିଉ କିଉ ଜାର୍ ହାସ୍ଦି ହାଚାନ୍ । ୪୦ ମାତର୍ ପିଲିପି ଅସ୍ଦଦ୍ ତରୁନି ଗାଡ଼ଦ୍ ଚଞ୍ଜାଆ ଆତାନ୍, ଆରେ

* ୮:୩୭ ୮:୩୭ ଏପେଙ୍ଗ୍ ଜଦି ମାତ୍ର ପାତ୍ କିନାଦେର୍ ତା ଆତିସ୍ ଏଜୁଡ଼ାଂ ବାପ୍ରିସିମ୍ ଅଦେଂ ଆଡ଼ନାଦେର୍ ।

ହେୱାନ ହାଲୁ ହାଲୁ ଗାଡ଼୍‌ ଗାଡ଼୍‌ ନେକ୍ରିକାବୁର୍ ସୁଣାୟ କିଜି କାଇସରିୟା ଦେସ୍‌ତ ହାଲୁଜି ଏକାତାର ।



ସାଉଲ୍‌ତି ମାନବାଦ୍‌ଲାଇ କିନାକା
(ପଦ୍ୟାତାକା ୨୨:୭-୧୭; ୨୭:୧୨-୧୮)

୧ ମାତର୍ ସାଉଲ୍‌ ଇ ପାତେକ୍ ପା ମାପୁତି ଚେଲାର୍ ବିରୁଦ୍‌ତ ପାଣ୍ଡୁ ଆରି ପାରାଣ୍‌ନାସ୍ କାତା ଇଞ୍ଜି ମୁଡ଼୍ ମାପୁହେବାକିନାକାନ୍ ଲାଗେ ହାଚାନ, ୨ ଆରେ, ଇ ହାଜିନି ଇମ୍‌ଣି ଆଣ୍ଡେନ୍ କି କଗ୍‌ଲେକ୍ ଚଞ୍ଜ୍ୟା ଆତିସ୍, ହେୱାରିଂ ଇନେସ୍ ଗାଡ଼୍‌ତି ଜିରୁସାଲମ୍‌ତ ତାତେକ୍ ଆଡ଼ନାନ୍, ଇଦାଂ କାଜିଂ ଦମ୍‌ସେକ୍‌ନି ଓଁଜୁ ପାର୍ତାନା ଇଲ୍ ଲାଗେ ହେୱାନତାଂ ଆକି ଏନ୍ତାର ।

୩ ପାତେ ହେୱାନ ହାଲୁ ହାଲୁ ଦମ୍‌ସେକ୍‌ନି ଲାଗାୟ ଆତିଲେ, ହାଚାଚେ ବାଦାଡ଼ତାଂ ଅଜଡ଼୍ ହେୱାନ ଚାରିବେଶତିଂ ତ୍ରିପୁକି ନିଂତାଡ଼ । ୪ ହେବେ ହେୱାନ ମେଦନିତ ଗୁର୍ଜି ହେୱାନ କାଜିଂ ଇ କାଚ୍ ଖେଚାନ, “ଏ ସାଉଲ୍, ଏ ସାଉଲ୍, ଇନାକିଦେଂ ନାଈ ନିନ୍ଦା କିଦନାୟା ?”

୫ ହେୱାନ ଇଚାନ, “ଏ ମାପୁ, ଏନ୍ ଇମ୍‌ଣାକାୟ ?”

ଆରେ ହେୱାନ ଇଚାନ, ଇନେରିଂ ଏନ୍ ନିନ୍ଦା କିଦନାୟା ହେୱାନ ଆନ୍ ହେ ଜିସୁ ? ୬ “ମାତର୍ ନିଈ, ଗାଡ଼୍‌ ହଶ୍‌ଗା, ଆରେ ନିଂ ଇନାକା କିଦେକ୍ ଆନାଡ଼, ହେଦାଂ ଖେଚ୍‌ୟାନାଡ଼ ।”

୭ ଇମ୍‌ଣି ଲକୁ ହେୱାନ ହୁକେ ହାଲୁଜି ମାଚାର୍, ହେୱାର୍ ହେ ଗାର୍ଜାନ ଆନାକା ଖେନ୍‌ଞ୍ଜି ଇନେରିଂ ହୁଡ଼୍‌ଓଡିଲେ କାବା ଆଜି ନିଲ୍‌ତି ମାଚାର୍ । ୮ ଆରେ, ସାଉଲ୍ ମେଦନିତାଂ ନିଈଜି ଏଚେକାଡ଼୍‌ଦ ଜାର୍ କାଶକୁ ମେସ୍‌ତାନ, ହେ ଏଚେକାଡ଼୍‌ଦ ହେୱାନ ମୁଡ଼େ ହୁଡ଼୍‌ଦେଂ ଆଡ଼ଞ୍ଜାତାନ । ଲାଗିଂ ହେୱାର୍ ସାଉଲ୍‌ତି କେଇ ଆଜି ହେୱାନିଂ ଦମ୍‌ସେକ୍‌ତ ଅଚାର୍ । ୯ ଆରେ, ହେୱାନ ତିନି ଦିନ୍ ପାତେକ୍ କାଶା ଆଜି ମାଚାନ, ଆରେ ହେ ସମୁତ ହେୱାନ ମୁଡ଼େ ତିନ୍‌ଞ୍ଜାତାନ କି ଉଶ୍‌ଞ୍ଜାତାନ ।

୧୦ ଦମ୍‌ସେକ୍‌ତ ହନନିୟ୍ ତରୁନି କ୍ରିସ୍‌ତି ଚେଲା ମାଚାନ, ମାପୁ ହେୱାନିଂ ଚଞ୍ଜ୍ୟା ଆଜି ଇଚାନ, “ହନନିୟ୍ ।”

“ହେୱାନ ଇଚାନ, ଏ ମାପୁ, ଇଚାନ ।”

୧୧ ହେବେଶ୍‌ୱାଂ ମାପୁ ହେୱାନିଂ ଇଚାନ, “ନିଈ, ହାଶକୁ ତରୁନି ହାଜିଡ଼ ହାଲୁଜି ଜିହୁଦା ଇଞ୍ଜି ତାର୍ସ ଗାଡ଼୍‌ନି ସାଉଲ୍‌ ତରୁନି ରଞ୍ଜାନ ମୁଣିକାତିଂ ଆନ୍‌ମାନ୍ କିୟା; ହେୱାନ ପାର୍ତାନା କିନାନା; ୧୨ ଆରେ, ହେୱାନ ଇନେସ୍ ନଂଜର୍ ଗାଟାନାନ୍, ଇଦାଂ କାଜିଂ ହନନିୟ୍ ତରୁନି ରଞ୍ଜାନ ମାନାୟ୍ ଖାଜି ହେୱାନ ଜପି କେଇ ହିଡ଼ତାନ ଇଞ୍ଜି କେଚ୍‌କଶ୍ ହୁଡ଼ତାନନ୍ନା ।”

୧୩ ମାତର୍ ହନନିୟ୍ ଉତର୍ ହିତାନ, “ମାପୁ ଜିରୁସାଲମ୍‌ତ ମି ପୁଇପୁୟାର୍ କାଜିଂ ଇ ମାନାୟ୍ ଜେ ଏଚେକ୍ ବିଦ୍‌ବାଦ୍ କିତାନନ୍ନା, ହେଦାଂ ଆନ୍ ଆଦେକ୍‌ତାଂ ଇ ମାନାୟ୍ ବିସ୍ତେ ଖେଚାଈନା । ୧୪ ଆରେ, ଇ ବାହାତ ଏଚେକ୍ ଲଗୁ ନି ତରୁଦ ପାର୍ତାନା କିନାରା, ହେୱାରିଂ ଗାଡ଼୍‌ନି କାଜିଂ ହେୱାନ ମୁଡ଼୍ ମାପୁହେବାକିନାକାନ୍ ତାରେନ୍‌ତାଂ ଆଦିକାର୍ ଗାଟାତାନନ୍ନା ।”

୧୫ ମାତର୍ ମାପୁ ହେୱାନିଂ ଇଚାନ, “ହାଲା, ଇନାକିଦେଂକି ହେୱାନ ପାତ୍ କିଓ୍ ଜିହୁଦି, ରାଜା ଆରି ଓଁଜାର୍ ଇସ୍ରାଏଲ୍‌ନି ହିମ୍‌ଣାଂ ମୁମଦ ମା ତର୍ ପିଣ୍ଡିନି କାଜିଂ ମା ରଞ୍ଜାନ ବାଚିକିତି ଲଗୁ; ୧୬ ଲାଗିଂ ନା ତର୍ କାଜିଂ ହେୱାନିଂ ଜେ ବେସି ଦୁକ୍ ବଗ୍ କିଦେକ୍ ଆନାଡ଼, ହେଦାଂ ଆନ୍ ନିଜେ ତାଈ ଖେଚ୍‌ନାଈ ।”

୧୭ ହେବେଶ୍ଵାଂ ହନନିୟ ହାଲ୍ଲଜି ହେ ଇଞ୍ଜ ହଣଗାତାନ୍, ଆରେ ହେଞ୍ଜାନ୍ତି ଜପି କେଇ ହିଜି ଇଚାନ୍, “ସାଉଲ୍ ଟଣ୍ଡେନ୍,” ମାପୁ, ଇଚିସ୍ ଇମଣି ଜିସୁ ନି ଖାନି ହାସ୍ଦ ନିଂ ଚଞ୍ଜାତାନ୍, ଏନ୍ ଇନେସ୍ ହୁଡ଼ଦେଂ ଆଡ଼ନାୟ୍ ଆରି ପୁଇପୁୟା ଜିରୁନ୍ଦ ପୁରା ଆ, ଇଦାଂ କାଜିଂ ହେଞ୍ଜାନ୍ ନାଈ ପକ୍ଷାତାନ୍ନା । ୧୮ ହେ ଦାପ୍ରେ ସାଉଲ୍ତି କାଣ୍ଗାତାଂ ମିନ୍ ପାଡ଼ିଂ ଲାକେ ଇନାକା ହଡ଼ତାଡ଼ ଆରି ହେଞ୍ଜାନ୍ ହୁଡ଼ତାନ୍; ଆରେ, ହେଞ୍ଜାନ୍ ନିଈଜି ବାପ୍ରିସିମ୍ ଅତାନ୍, ୧୯ ଆରେ ହେଞ୍ଜାନ୍ ତିନ୍ଞ୍ଜି ବାଡ଼କାସ୍ ଅତାନ୍ । ଇଦାଂ ପାଚେ ହେଞ୍ଜାନ୍ ଦନ୍ନେସକ୍ତ ମାନି ଚେଲାର୍ ହୁକେ କେଡେକ୍ ଦିନ୍ ମାଚାନ୍ ।

ଦାମେସକସ୍ତ ସାଉଲ୍ତି ପର୍ଚାର୍

୨୦ ଆରେ, ଜିସୁ ଜେ ଇସ୍ପୁର୍ତି ମାଜି, ଇଦାଂ ହେଞ୍ଜାନ୍ ମାଲାଞ୍ଜାଦାଂ କୁଟୁମ୍ ଇଞ୍ଜ ଲାଗାଂ ସୁଣାୟ୍ କିଦେଈ ଲାଗାତାନ୍ ।

୨୧ ଆରେ, ଇମ୍ଫାକାର୍ ହେଞ୍ଜାନ୍ତି କାତା ଖେଚାର୍, ହେଞ୍ଜାର୍ ଖିଜାକାର୍ କାବା ଆଜି ଇଞ୍ଜେଈ ଲାଗାତାର୍, ଇ ତର୍ ଆଜି ପାର୍ତାନା କିନି ମାନାୟାର୍ତିଂ ଜେ “ଜିରୁସାଲମ୍ତ ଦାଣ୍ଡ୍ ହିଜି ମାଚାନ୍, ଆରେ ଇନେସ୍ ହେଞ୍ଜାରିଂ ଗାଡ଼ି ମୁଡ଼୍ ମାପୁହେବାକିନାକାନ୍ ଲାଗେ ଅଦେଂ ଆଡ଼ନାନ୍, ହେ କାମାୟ୍ତିଂ ଇ ବାହାତ ଖାଜି ମାଚାନ୍, ଇଞ୍ଜାନ୍ କି ହେଞ୍ଜାନ୍ ଆକାୟ୍?”

୨୨ ମାତର୍ ସାଉଲ୍ ବେସି ହର୍ ସାଲ୍ଲିତାଂ ନିଈଜାନ୍, ଆରେ ଇଞ୍ଜାନ୍ ଜେ କ୍ରିସ୍ଟ୍ ଇଦାଂ ପାର୍ମାଣ୍ କିଜି ଦନ୍ନେସକ୍ ନିକାରିଂ ଜିହୁଦିରିଂ ଉତର୍ ହିଦେଂ ଆଡ଼ଞ୍ଜାତାର୍ ।

୨୩ *ବେସି ଦିନ୍ ହାଚି ପାଚେ ଜିହୁଦିର୍ ସାଉଲ୍ତିଂ ଅହ୍ନି କାଜିଂ ହୁଡୁର୍ କିତାର୍; ୨୪ ଆତାର୍ ହେଞ୍ଜାର୍ତି ଗାଣ୍ଡୁ ସାଉଲ୍ତି କିଡୁଲ୍ତ ଖାତାଡ଼ । ଆରେ, ହେଞ୍ଜାର୍ ଇନେସ୍ ତାଈ ଅସ୍ତେଈ ଆଡ଼ନାର୍, ଇଦାଂ କାଜିଂ ଖେଡ଼ାନାଣା ପା ଗାଡ଼ନି ଦୁଖେର୍ତ ସବୁ କାସି ମାନ୍ବାତାର୍, ୨୫ ମାତର୍ ହେଞ୍ଜାନ୍ତି ଚେଲାର୍ ନାଣାଲିଂ ତାଈ ଅଜି ର ଟପାତ କୁଞ୍ଜାଡ଼୍ ହିଜି ତାରେନ୍ ଜୁଡ଼ତାର୍ ।

ଜିରୁସାଲମ୍ତ ସାଉଲ୍

୨୬ ପାଚେ ହେଞ୍ଜାନ୍ ଜିରୁସାଲମ୍ତ ହାଲ୍ଲଜି ଚେଲାର୍ ହୁକେ ମିହାଦେଂ ସେସ୍ଟ୍ କିଜି ମାଚାନ୍; ମତର୍ ହେଞ୍ଜାନ୍ ଜେ ରଞ୍ଜାନ୍ ଚେଲା, ଇଦାଂ ପାଚି କିଞ୍ଜାଦାଂ ଖିଜାକାର୍ ତାଈ ପାଣ୍ଡାଜି ମାଚାର୍ । ୨୭ ମାତର୍ ବର୍ଣ୍ଣବା ତାଈ ରଚେ ଅଜି ପକ୍ୟାତାକାର୍ତି ଲାଗେ ତାହିଞ୍ଜାତାନ୍, ଆରେ ହାସ୍ଦ ହେଞ୍ଜାନ୍ ଇନେସ୍ ମାପୁତି ଚଞ୍ଜାତାକା ଆରି ହେଞ୍ଜାନ୍ ଜେ ହେଞ୍ଜାନ୍ ହୁକେ କାତାବାର୍ତା କିଜି ମାଚାନ୍, ଆରେ ଇନେସ୍ବାନି ହେଞ୍ଜାନ୍ ଦନ୍ନେସକ୍ତ ଜିସୁତି ତର୍ଦ ସାସ୍ତାଂ ପର୍ଚାର୍ କିଜି ମାଚାନ୍, ଇ ସବୁ ହେଞ୍ଜାନ୍ ହେଞ୍ଜାର୍ତି ଲାଗେ ବାକ୍ଷାୟ୍ କିତାନ୍ । ୨୮ ଆରେ, ସାଉଲ୍ ପକ୍ୟାତାକାର୍ ଲାହାଂ ମାଚାନ୍ ଆରି ଖିଜୁ ଜିରୁସାଲମ୍ତ ଚାର୍ବେଣତାଂ ହାଲ୍ଲଜି ସାସ୍ ଲାହାଂ ମାପୁତି ତର୍ ବିସ୍ତେ ପର୍ଚାର୍ କିତାର୍ ୨୯ ମାପୁତି ତର୍ ସାସ୍ ହୁକେ ପର୍ଚାର୍ କିଦେଈ ଲାଗାତାନ୍, ଆରେ ହେଞ୍ଜାନ୍ ଗ୍ରିକ୍ ବେଣ୍ଟିକାର୍ ଜିହୁଦିର୍ ହୁକେ କାତାବାର୍ତା ଆରି ବେଣ୍ଟିବାର୍ କିଜି ମାଚାନ୍, ମତର୍ ହେଞ୍ଜାର୍ ତାଈ ଅସ୍ତେଈ କାଜିଂ ସେସ୍ଟ୍ କିଦେଈ ଲାଗାତାର୍ । ୩୦ ହେଦାଂ ପୁଞ୍ଜେଈ ଆଡ଼ିଲେ ପାଚି କିନି ଟଣ୍ଡାର୍ ତାଈ କାଈସରିୟାତ ଅଜି ହାଲ୍ଲଜି ତାର୍ପତ ପକ୍ତିଡୁହିତାର୍ ।

୩୧ ଇ ବାନି ସାର୍ତେ ଜିହୁଦା ରାଜିତ, ଗାଲିଲି ଆରି ସମିରଣ୍ଡ ମଣ୍ଡୁଲି ସାସ୍ନି ବାଲ୍ବଲ୍ଲାୟ୍ ପାୟାଜି ଆରି ମାପୁତି ପାଣ୍ଡୁ ବେବାର୍ କିଜି ସୁସ୍ତା ବଗି କିତାର୍, ଆରେ ପୁଇପୁୟା ଜିରୁନ୍ ଉପକାର୍ତାଂ ବାତାଦେଂ ଲାଗାତାର୍ ।

☆ ୯:୨୩ ୯:୨୩ ୨କରକ୍ରିୟ ୧୧:୩୨,୩୩.

ଲୁଦ ଆରି ଜପ୍‌ପାତ ପିତର

୩୨ ନଙ୍ଗ ପିତର ସବୁ ନିପ ବୁଲୁଆଜି ଲୁଦନିକାର ପୁଇପୁୟାର ଲାଗେ ପା ଖାତାର । ୩୩ ହେ ବାହାତ ହେଖାନ ଏନିୟ ତରୁନି ରଖାନି ହୁଡ଼ତାନ, ହେଖାନ ଆଟ୍ ବାହୁଁ ପାତେକ୍ କାଟେଲ୍‌ତ ହୁଞ୍ଜି ମାଗାନ; ତାଙ୍ଗ ହିରକଲ୍ ଆଜି ମାଗାତ । ୩୪ ପିତର ହେଖାନି ଇଚାନ, “ଏନିୟ, ଜିସୁ କ୍ରିସ୍ଟ ନିଂ ଉଜ୍ କିଡ଼ତାନନା; ନିଙ୍ଗା, ନି ଟାଟି ଜାଲ୍‌ଦି କିୟା । ହେବେ ହେଖାନ ଦାପ୍ରେ ନିଙ୍ଗତାନ ।” ୩୫ ଆରେ, ଲୁଦ ଆରି ସାରଣିନିକାର ଝିଜାର ତାଙ୍ଗ ହୁଡ଼ଜି ମାପୁନିପ ଲେଉଟାତାର ।

୩୬ ଜାପତ ଟାବିତା ତରୁନି ରଞ୍ଜେଲ୍ ଆଡ଼ୟାଣି ମାଗାତ୍, ତାଦାଂ ଗ୍ରିକ୍ ତର ଅରତ୍ ଦର୍କା । ଇତିସ୍ “ହରିଣି” ମାଗାତ୍, ହେଦେଲ୍ ତା ସବୁ ସମୁ ହାରଦି କାମାୟତ ଆରି ହିଲ୍‌ଖାକାରିଂ ହେବା କିଜି ମାଗାତ୍ । ୩୭ ହେଝେଡାଲିଂ ହେଦେଲ୍ ବେମାର୍ ଆଜି ପାରାଣ୍ ପିସ୍ତାତ୍, ହେବେ ହେଖାର ତାଙ୍ଗ ଇଡ଼ପିସ୍ ଜପ୍‌ଣି ବାକ୍ରାତ ହୁଡ଼ପାତାର । ୩୮ ଆରେ, ଲୁଦ ଜାପନି ଲାଗେ ମାଟିଲେ ତେଲାର ପିତର ଲୁଦତ ମାନାନ୍ ଇଞ୍ଜି ଝେନ୍‌ଞ୍ଜି, “ରିୟାର ମାନାୟତିଂ ହେଖାନ ଲାଗେ ପକ୍ତି ଇଦାଂ ଗଞ୍ଜାରି କିତାର, ମା ଲାଗେ ବେଗି ଖା ।” ୩୯ ଲାଗିଂ ପିତର ନିଙ୍ଗଜି ହେଖାର ହୁକେ ହାଚାନ । ହେଖାନ ଖାତିଲେ, ହେଖାର ହେଦେଲିଂ ହେ ଜପ୍‌ଣି ବାକ୍ରାତ ଅଜି ହାଚାର, ଆରେ ରାଣ୍ଡିକ୍ ଝିଜେକିକ୍ ତାଙ୍ଗ ହେଦେଲିଂ ବେଡ଼ି କିଜି ଆଡ଼ବିସ୍ ଆଡ଼ବିସ୍ ଦର୍କା ହେଖାର ହୁକେ ମାନି ଝେଡାଲିଂ ଇମଣି ସବୁ ଆଙ୍ଗି ଆରି ହେନ୍ଦାଙ୍ଗ୍ ରଡ଼ଟି ମାଗାର୍, ହେ ସବୁ ଚଡ଼ଚେଂ ଲାଗିତିକ୍ । ୪୦ ମାତର, ପିତର ଝିଜାରିଂ ହପ୍‌ଟି ମେଣ୍ଡାଙ୍ଗ୍ କୁନ୍‌କିଜି ପାର୍ଡାନା କିତାନ, ଆରେ ହାତି ଗାଗାଡ଼୍ ନିପ ମାସ୍‌ଦି ଇଚାନ, “ଟାବିତା, ନିଙ୍ଗା ।” ହେବେ ହେଦେଲ୍ କାଣକୁ ମେଲା କିତାତ୍, ଆରେ ପିତରତିଂ ହୁଡ଼ଜି ନିଂଜି କୁଡ଼ଚାତ୍ । ୪୧ ଆରେ, ହେଖାନ କେଇ ଲାମାୟ କିଜି ହେଦେଲିଂ ନିକ୍‌ତାନ ଆରି ସାଦୁରିଂ ଆରି ରାଣ୍ଡିକାଂ କୁକ୍‌ଟି ହେଦେଲିଂ ଜିଜି ମାନାକା ଚଡ଼ଚାନ ୪୨ ଇ କାତା ଜାପତ ସବୁନିପ ଜାଣାତାତ୍ ଆରି ଆଦେକ୍ ମାପୁ ତାକେ ପାତ୍ କିତାର୍ । ୪୩ ଆରେ, ପିତର ବେସି ଦିନ୍ ଜାପତ ସିମନ୍ ତରୁନି ରଖାନ ତଲ୍ ରଡ଼ନାକାନ୍ ଇଞ୍ଜି ବାହା କିତାନ ।

୧୦

ପିତର ଆରି କର୍ଣ୍ଣୁଲିୟ

୧ କାଈସରିୟା ଲକ୍ କର୍ଣ୍ଣୁଲିୟ ତରୁନି ରଖାନ ମୁଣିକା ମାଗାନ, ହେଖାନ “ଇତାଲିକ୍ ତରୁନି ମେଲ୍ୟାତ୍ ରଖାନ ପାଞ୍ଚକଡ଼ି ମୁଡ଼ମେଲ୍ୟାର ମାଗାନ ।” ୨ ହେଖାନ ରଖାନ ହୁଦାର, ଆରେ ଇଞ୍ଜିବାହାୟ ଇସ୍‌ବରତିଂ ପାଣ୍ଡାଜି ମାଗାର୍ । ହେଖାନ ଜିହୁଦି ଗରିବରିଂ ବେସି ଦାନ ହିଜି ମାଗାନ, ଆରେ ତାଈନାଡ଼ ଇସ୍‌ବରତି ଲାଗେ ପାର୍ଡାନା କିଜି ମାଗାର୍ । ୩ ଦିନେକ୍ ମିକାହାରେସ୍ ତିନ୍ ଗଣ୍ଡା ଝେଡାଲିଂ ହେଖାନ ହାଡ଼ପା ରତେ ର କେଟ୍‌କଣ୍ଡ ହୁଡ଼ତାନ, ଇନେସ୍ ଇସ୍‌ବରତି ରଞ୍ଜେଲ୍ ଦୁଡ଼ ହେଖାନ ଲାଗେ ଖାଜି ଇନାତା, “ଏ କର୍ଣ୍ଣୁଲିୟ ।”

୪ ହେଖାନ ବାଦାଡ଼ତ ଦୁଡ଼ ହୁଡ଼ଜି ପାଣ୍ଡାଜି ଇଚାନ, “ଏ ମାପୁ, ଇନାକା ?”

ହେଖାନ ହେଖାନିଂ ଇଚାନ, ନି ପାର୍ଡାନା ଆରି ଦାନ ସବୁ ଏଡ଼ କିଜି ପୁଜା ଲାକେ ଜପି ଇସ୍‌ବରତି ଲାଗେ ନିଂତାଡ଼ନା । ୫ ନଙ୍ଗ ଏନ୍ ଜାପତ ମାନାୟ ପକ୍ତି ସିମନ୍ ପିତରତିଂ କୁକ୍‌ଟି ତାହିଖା, ହେଖାନ୍ତି ବିନ୍ ତର ପିତର, ୬ ହେଖାନ ସିମନ୍ ତରୁନି ରଖାନ ତଲ୍ ରଡ଼ନାକାନ୍ ଗତେନ୍ ଲାକେ ବାହା କିନାନା, ହେଖାନ୍ତି ଇଲ୍ ହାମ୍‌ବୁର୍ ଗୁଟିତ । ୭ ହେଖାନ ହୁଦାଂ ବେଣ୍ ଇଞ୍ଜି ମାଟି ଦୁଡ଼ ହାଟି ପାତେ ହେଖାନ ଜାର୍ ଇଲ୍‌ନି ଆଡ଼ୟାର୍ ବିତ୍ରେ ରିୟାରିଂ, ଆରେ ହେଖାନ୍ତି ହେବା କିଜିମାନି ମେଲ୍ୟାର ବିତ୍ରେ ରଖାନ ଦାମ୍

ମେଲ୍ୟାଙ୍ଗ କୁକ୍ତାନ, ି ଆରେ ହେଞ୍ଜାରିଂ ଓଜୁ କାତା ବୁଜାୟ କିଜି ଜାପତ ପକ୍ତାନ ।

୯ ଆର୍କାତ୍ ନାଜିଂ ହାଲୁ ହାଲୁ ଏଚେକାତ୍ତଦ ଗାଡ଼ନି ଲାଗେ ଆତାର, ହେପାଦନା ପିତର ଖେଡ଼ା ବାର ଗଣ୍ଡା ଖେଡ଼ାଲିଂ ପାର୍ତନା କିନି କାଜିଂ ଜେଗନ୍ ଜପି ହାଚାନ୍, ୧୦ ଆରେ ହେଞ୍ଜାନ୍ ନାସକି ଆଜି ଚିଞ୍ଜେଙ୍ଗ୍ ମାନ୍ କିତାନ୍, ମତର ହେଞ୍ଜାର କାଦି ଜାଲୁଦି କିନି ଖେଡ଼ାଲିଂ ହେଞ୍ଜାନ୍ କେଚକଣ୍ ହୁଡ଼ତାନ୍; ୧୧ ହେଞ୍ଜାନ୍ ହୁଡ଼ତାନ୍ ବାଦାଡ଼ତ ଜେୟାତାଡ଼ନା, ଆରେ ର ତାଡ଼ିୟା ତାରେନ୍ ଖାନାତା, ଇନେସ୍ ର ଗାଜା ହେୟା ଚାରି କନାତ ଆହୟା ଆଜି ପୁତ୍ ଜପି ଜୁଡ଼ୟାଦ୍ନାତା; ୧୨ ହେବେ ପୁତ୍ ନି ସବୁବାନି ଚାର ଗଡ଼ିଆ ଜାଡ଼କୁ, ରାଜାନିକିଂ ଆରି ବାଦାଡ଼ନି ପଚିଙ୍ଗ୍ ମାନିଙ୍ଗ୍ । ୧୩ ଆରେ, ହେଞ୍ଜାନ୍ କାଜିଂ ଇ କାତା ଆତାଡ଼, “ଏ ପିତର, ନିଙ୍ଗା, ପାଗ୍ଜି ତିନା ।”

୧୪ ମାତର ପିତର ଇଚାନ୍, “ଆକାୟ, ମାପୁ, ଆନ୍ ଇନାଞ୍ଜାତାଂ ପା ଇମ୍ଫଣି ପୁଇପୁୟା ହିଲୁଞ୍ଜାକା ଆରି ରାଡ଼ା ଆତାକା ଜିନସ୍ତିଂ ତିନ୍ଞାତାଂନା ।”

୧୫ ଆରେ ରିହା ହେଞ୍ଜାନ୍ କାଜିଂ ଇ କାତା ଆତାଡ଼, “ଇସ୍ବର ଇନାକା ସକଟ୍ କିତାନ୍ନା, ହେଦାଂ ଏନ୍ ବିଚାଡ଼ ଇଞ୍ଜି ଇନ୍ମା ।” ୧୬ ଇ ବାନି ତିନ୍ହଟ୍ ଆତାଡ଼, ଆରେ ହେ ଦାପ୍ରେ ହେଦାଂ ଉଲ୍ଲଟି ବାଦାଡ଼ତ ନିକଟି ଅୟାତାଡ଼ ।

୧୭ ପିତର ଇମ୍ଫଣି ଦର୍ସନ୍ ଗାଟାଜି ମାଚାନ୍, ହେବେନି ଅରଡ଼ ଇନାକା, ହେଦାଂ ବାବି କିଜି ବୁଦିବାମତା ଆନି ଖେଡ଼ାଲିଂ, ହୁଡ଼ାଟ୍, କର୍ଣ୍ଣଲିୟତି ପଦ୍ୟାତି ଲକୁ ସିମନ୍ତି ଇଲ୍ଲ ଡେକଟି ଦୁଖେର ଲାଗେ ନିଲ୍ଲଟି ମାଚାନ୍, ୧୮ ହେଦାଂ କୁକ୍ତି ହେଞ୍ଜାର ଖେନ୍ବାତାର ପିତର କୁକ୍ତି ତର “ସିମନ୍ ହେବେ ଗତେନ୍ ଲାକେ ବାହା କିନାନା କି ଆକାୟ ?”

୧୯ ପିତର ହେ କେଚକଣ୍ ବିସ୍ତେ ବାବି କିନି ଖେଡ଼ାଲିଂ ପୁଇପୁୟା ଜିବୁନ୍ ତାଙ୍ଗ ଇଚାଡ଼, “ହୁଡ଼ା, ତିନ୍ ଜାଣ୍ ଲକୁ ନିଂ ଡେକ୍ତାନାରା । ୨୦ ନିଙ୍ଗା ଜାଲୁଦି ଆଜି ତାରେନ୍ ହାଲା ଆରି ହେଞ୍ଜାର ଲାହାଂ ହାଜେଙ୍ଗ୍ ଚିନ୍ତା କିମା, ଇନାକିଦେଂକି ଆନ୍ ହେଞ୍ଜାରିଂ ପକ୍ତାତାଂନା ।” ୨୧ ହେବେ ପିତର ହେ ମାନାୟାର ଲାଗେ ହାଲୁଜି ଇଚାନ୍, ହୁଡ଼ାଟ୍, ଏପେଙ୍ଗ୍ ଇନେରିଂ ଡେକ୍ନାଦେରା, “ଆନ୍ ହେଞ୍ଜେନ୍ । ଏପେଙ୍ଗ୍ ଇନା ଲଡ଼ାଡ଼ିଂ ଖାତାଦେଣ୍ଡା ?”

୨୨ ହେଞ୍ଜାର ଇଚାର, “କର୍ଣ୍ଣଲିୟ ତରନି ରଞ୍ଜାନ୍ ପାଞ୍ଚକଡ଼ି ମେଲ୍ୟାର ମୁଡ଼ଦାକାନ୍, ହେଞ୍ଜାନ୍ ଦାମ୍ ଲଗୁ ଆରି ଇସ୍ବରତିଂ ପାଣ୍ଡା ଆନାକାନ୍, ଆରେ ଓଜୁ ଜିହୁଦି ଜାତିର ଲାଗେ ତାକପୁଟାଲଗୁ ହେଞ୍ଜାନ୍ ଜାର ଇଞ୍ଜି ନିଂ କୁକିକିଦେଂ ପକ୍ତି ନି ତାଙ୍ଗ୍ ସାକି କାତା କାଜିଂ ପୁଇପୁୟା ଦୁଡ଼ ହୁଦାଂ ସିଦାବଲ୍ ଗାଟାତାନ୍ନା ।” ୨୩ ହେବେ ହେଞ୍ଜାନ୍ ହେଞ୍ଜାରିଂ ବିଡ୍ରେ କୁକ୍ତି ଅଜି ହେଞ୍ଜାରିଂ ହେବା କିତାନ୍ ।

ତା ଆର୍କାତ୍ ନାଜିଂ ହେଞ୍ଜାନ୍ ନିଂଜି ହେଞ୍ଜାର ହୁକେ ହାଚାନ୍, ଆରେ ଜାପତ ନି ପାତ୍ କିନି ଟଣ୍ଡାର ବିଡ୍ରେ କେଡେକ୍ ଜାଣ୍ ହେଞ୍ଜାନ୍ ହୁଦାଂ ହାଚାର । ୨୪ ଆର୍କାତ୍ ନାଜିଂ ହେଞ୍ଜାର କାଇସରିୟାତ ହଟାର, ଆରେ, କର୍ଣ୍ଣଲିୟ ଜାର ଖାୟି ଆରି ଲାଗେନି ହାଙ୍ଗଦାକାରିଂ କୁକ୍ତି ରୁଣ୍ଡାୟ କିଜି ହେଞ୍ଜାରିଂ କାସି ମାଚାନ୍ । ୨୫ ପିତର ହଟିଲେ କର୍ଣ୍ଣଲିୟ ହେଞ୍ଜାନିଂ ଗିଟାଜି ସାରାଣ୍ ତାରେନ୍ ଆଜି ହେଞ୍ଜାନିଂ ଜଞ୍ଜାର କିତାନ୍ । ୨୬ ମାତର ପିତର ହେଞ୍ଜାନିଂ ନିକଟି ଇଚାନ୍, “ନିଲା ଆନ୍ ପା ରଞ୍ଜାଙ୍ଗ୍ ମାନାୟ ।” ୨୭ ହେବେ ହେଞ୍ଜାନ୍ ହେଞ୍ଜାନ୍ ହୁଦାଂ କାତା କିଉ କିଉ ବିଡ୍ରେ ହାଲୁଜି ହୁଡ଼ତାନ୍, ଜବର ଲକୁ ରୁଣ୍ଡା ଆତାଣ୍ଡା, ୨୮ ଆରେ ହେଞ୍ଜାନ୍ ହେଞ୍ଜାରିଂ ଇଚାନ୍, ବିନ୍ ଜାତିନି ଇମ୍ଫଣି ଲକୁ ହାଙ୍ଗ୍ ମେହାନାକା ନଲେ ତା ଲାଗେ ବାନ୍ୟା ଜିହୁଦି ମାନାୟ ପାଦ୍ୟାତ ଇନେସ୍ ବିଦି ହିଲୁଡ଼, ହେଦାଂ “ଏପେଙ୍ଗ୍ ପୁଟାଦେଣ୍ଡା; ଆଡିସ୍ପା ଇମ୍ଫଣି ଲକୁରିଂ ରାଡ଼ା କି ସକଟ୍ ଆକାୟ ଇଞ୍ଜି ଇନ୍ଞି କାଜିଂ ଇସ୍ବର ନାଙ୍ଗ୍ ଚଟ୍ଟାତାନ୍ନା । ୨୯ ହେଦାଂ କାଜିଂ

ନାଙ୍କ କୁକ୍ତାତାନ୍ନା ଆନ୍ ପା ଆପତି କିଞ୍ଚାଦାଂ ଖାତାଂ । ଲାଗିଂ ଆନ୍ ଖେନ୍ଦବାଆଦନାଂ,
ଇନାକିଦେଂ ଏପେଙ୍ଗ ନାଙ୍ଗେଙ୍ଗ କୁକିକିତାଦେଣ୍ଣା ?”

୩୦ କର୍ଣ୍ଣଲିୟ ଇଚାନ୍, “ତିନି ଦିନ୍ ଆଗେ ସମାନ୍ ଇ ଖେଡାଲିଂ ଆନ୍ ଜାର୍ ଇଞ୍ଜ
ମିକାହାରେସ୍ ତିନ୍ ଗଣ୍ଣା ଖେଡାଲିଂ ପାର୍ତାନା କିଜି ମାଚାଙ୍ଗ; ତ୍ରିପ୍ପୁକୁ, ଡିଞ୍ଜିନି ହେନ୍ଦା
ଉସ୍ତାତାକାନ୍ ରଞ୍ଚାନ୍ ମୁଣିକା ନା ମୁମ୍ପଦ ଇଞ୍ଜ ଇଚାନ୍, ୩୧ କର୍ଣ୍ଣଲିୟ, ନି ପାର୍ତାନା
ଖେନ୍ଦ୍ୟା ଆତାଡନ୍ନା; ଆରେ, ନି ଦାନ୍ ସବୁ ଇସ୍ପରତି ମୁମ୍ପଦ ଏତାୟ କିୟାତାଡନ୍ନା ।
୩୨ ଲାଗିଂ, ଜାପତ ଲକୁ ପକ୍ତି ପିତର୍ ତରନ୍ କୁକ୍ତି ସିମନ୍ ଲାଗାଂ କୁକ୍ତି ତାହିଞ୍ଚା,
ହେଞ୍ଚାନ୍ ହାମପୁର୍ ଗୁଟିତ ସିମନ୍ ତଲ୍ ରଚନାକାନ୍ ଇଞ୍ଜ ଗତେନ୍ ଲାକେ ବାହା
କିତାନ୍ନା । ୩୩ ଇଦାଂ କାଜିଂ ଆନ୍ ମାଲାୟ କିଞ୍ଚାଦାଂ ନି ତାକେ ଲକୁ ପକ୍ତାତାଂ,
ଆରେ ଏନ୍ ଜେ ଖାତାୟନା, ହାର୍ କିତାୟନା । ଲାଗିଂ, ମାପୁ ନିଂ ଇନାକା ସବୁ ବଲ୍
ହିଡ଼ତାନ୍ନା, ହେଦାଂ ଖେଞ୍ଜେଙ୍ଗ କାଜିଂ ଆପେଂ ଖିଜାପ୍ ଇସ୍ପରତି ମୁମ୍ପଦ ଏକାଞ୍ଚାତାପ୍
।” ୩୪ “ହେବେ ପିତର୍ ମୁମ୍ ରିକ୍ତି ଇଚାନ୍, ହାଡ଼ପାନେ ଇସ୍ପର୍ ଜେ ମୁକ୍ମେଟ୍ କିତନ୍
।

ପିତରତି ପରଚାର

୩୫ ମତର୍ ଖିଜେ ଜାତିତ ଜେ ଇନେର୍ ହେଞ୍ଚାନ୍ ପାଣ୍ଡାଜି ଦାରୁମ୍ କାମାୟ କିତର୍,
ହେଞ୍ଚାନ୍ ଜେ ହେଞ୍ଚାନ୍ତି ଲାଗେ ଇଚ୍ୟାନାର୍, ଇଦାଂ ଆନ୍ ସଡ଼ କାମାୟ । ୩୬ ହେଞ୍ଚାନ୍ତ
ଜିସୁ କ୍ରିସ୍ତତି ହୁକେ ସୁସ୍ତାନି ନେକ୍ତିକାରୁର୍ ପରଚାରକିଇ କିଜି ଇସ୍ତାଏଲ୍ ମାଜିର୍ ଲାଗାଂ
ଇ ବଚନ୍ ପକ୍ତାନ୍; ହେ ଜିସୁ କ୍ରିସ୍ତ ଖିଜାର୍ ମାପୁ । ୩୭ ଏପେଙ୍ଗ ପୁନାଦେର୍ ଜେ
ବାପ୍ତିସମ୍ ଜହନ୍ତି ସମୁତାଂ ହେ ନେକ୍ତିକାରୁର୍ ଗାଲିଲିତାଂ ଆରମ୍ କିଜି ସବୁ ଜିହୁଦାତି
ବଚନ୍ ପରଚାର ଆତାଡନ୍ନା, ୩୮ ନାଜରିତୟ ଜିସୁତି କାତା, ଇନେସ୍ ଇସ୍ପର୍ ହେଞ୍ଚାନ୍
ପୁଇପୁୟା ଜିବୁନ୍ ଆରି ସାକ୍ତିତ ସିଗ୍ କିତର୍, ଆରେ ହେଞ୍ଚାନ୍ ହାର୍ କିତ୍ କିତ୍ ଆରି
ସୟତାନ୍ କିତି ବେମାର୍ ଖିଜୁ ଲୁଗାଂ ଉଜ୍ କିତ୍ କିତ୍ ଖିଜେ ବୁଲାତାନ୍, ଇନାକିଦେଂକି
ଇସ୍ପର୍ ହେଞ୍ଚାନ୍ ଆତାଜି ମାଚାନ୍ । ୩୯ ଆରେ, ହେଞ୍ଚାନ୍ ଜିହୁଦିରତି ଦେସ୍ ଆରି
ଜିରୁସାଲମତ ଇନାକା ଇନାକା କିତାନ୍, ଆସେଙ୍ଗ ହେ ସବୁନି ସାକି; ହେଞ୍ଚାନ୍
ହେଞ୍ଚାର୍ କୁସ୍ତ ତସି ଅସ୍ତାର୍ । ୪୦ ହେଞ୍ଚାନ୍ ଇସ୍ପର୍ ତିନି ଦିନ୍ତାଂ ଆରେ ନିକ୍ତାନ୍ନା;
ଆରେ ହେଞ୍ଚାନ୍ ମାନାୟାର୍ ତାକେ ଚଞ୍ଜୟାତାନ୍; ୪୧ ଖିଜାର୍ ଲକୁ ସିଦା ଆଦେଂ
ହିଞ୍ଚାତାନ୍, ମତର୍ ଇସ୍ପରତି ହୁଦାଂ ଆଗେ କିତି ସାକି ଜେ ଆସେଙ୍ଗ, ମା ସିଦା ଆଦେଂ
ହିତାନ୍ । ହେଞ୍ଚାନ୍ ହାକିତାକେଣ୍ଣାଂ ନିଂତି ପାଚେ ଆପେଂ ହେଞ୍ଚାନ୍ତି ଲାହାଙ୍ଗ୍ ତିନାଉଣା
କିତାପ୍, ୪୨ ଆରେ ମାନାୟାର୍ ଲାଗେ ସୁଣାୟ କିଦେଙ୍ଗ୍, ଆରେ ହାତି ଆରି ଜିଜି
ମାନାୟାତ ବିଚାରକାରୟା ଆଦେଂ କାଜିଂ ଇସ୍ପର୍ ହେଞ୍ଚାନ୍ ବାତି କିତାନ୍ନା ଇଞ୍ଜ
ସାକିହିଦେଂ ହେଞ୍ଚାନ୍ ମାଂ ବଲ୍ ହିଡ଼ତାନ୍ । ୪୩ ଇନେରକି ହେଞ୍ଚାନ୍ ତାକେ ପାତ
କିତର୍, ହେଞ୍ଚାନ୍ ଜେ ହେଞ୍ଚାନ୍ତି ତରନ୍ ସାକ୍ତିତ ପାପ୍ କେମା ପାୟାନାନ୍, ଇଦାଂ ଖିଜୁ
ବେଶ୍‌ବାକ୍‌ଶାୟକିନାକାର୍ ହେଞ୍ଚାନ୍ତି ବିସ୍ତେ ସାକି ହିନାର୍ ।”

ପାତ କିଞ୍ଚି ଜିହୁଦିର୍ ପୁଇପୁୟା ଜିବୁନ୍ ଗାଚାତାର

୪୪ ପିତର୍ ଇ ସବୁ ହିକ୍ୟା ହିନି ଖେଡାଲିଂ ଏତେକାଡ଼୍ ଲଗୁ ବଚନ୍ ଖେନ୍‌ଞ୍ଜି
ମାଚାର୍, ହେ ଖିଜାର୍ ଜପି ପୁଇପୁୟା ଜିବୁନ୍ ଜୁଡ଼ତାତ୍ । ୪୫ ହେବେ ପିତର୍ ହୁଦାଂ ଖାତି
ସୁନ୍ନତ୍ ପାତ କିନାକାର୍ ଖିଜାର୍ ପାତ କିଞ୍ଚି ଜିହୁଦିର୍ ଜପି ପା ପୁଇପୁୟା ଜିବୁନ୍
ହିନାକା ହୁଡ଼ଜି କାବା ଆତାର୍; ୪୬ ଇନାକିଦେଂକି ହେଞ୍ଚାର୍ ଜିହୁଦି ପାତ କିନାକାର୍
ବାର୍‌ବିନ୍ ବେଶତ କାତା ଇନାକା ଆରି ଇସ୍ପରତି ଦନ୍ୟବାଦ୍ କିଜି ମାନାକା ଖେନ୍‌ଞ୍ଜି
ମାଚାର୍, ହେପାଦନା ପିତର୍ ଉତର୍ ହିତାନ୍ । ୪୭ “ଇ ଇମ୍‌ଣି ଲକୁ ମା ଲାକେ ପୁଇପୁୟା
ଜିବୁନ୍ ପାୟା ଆତାଣ୍ଣା, ଇଞ୍ଚାର୍ ଇନେସ୍ ବାପ୍ତିସମ୍ ଆଉର୍, ହେଦାଂ କାଜିଂ କି ଇନେର୍

ଏଜୁକ୍ସ ମୁନା କିଦେକ୍ସ ଆଡୁର୍ ?” ୪୮ ଆରେ, ହେଝାନ୍ ହେଝାରିଂ ଜିସୁ କ୍ରିସ୍ତୁତି ତରଦ ବାପ୍ତିସିମ୍ ହିନି କାଜିଂ ବଲ୍ ହିତାନ୍ । ପାଚେ ହେଝାର ଅଲପ୍ ଦିନ୍ ମାଞ୍ଜେକ୍ କାଜିଂ ହେଝାନିଂ ଗଝାରି କିତାର୍ ।

୧୧

ଜିରୁସାଲମ୍ ମଣ୍ଡଲିତ ପିତରତି କାରୁର୍ ଖେର୍ନାକା

୧ ପାତର୍ କିଝି ଜିହୁଦିର୍ ପା ଜେ ଇସ୍ବରତି ବଚନ୍ ଇଡ଼ତାରନା, ଇଦାଂ ପକ୍ୟାତାକାର୍ ଆରି ଜିହୁଦା ରାଜିତ ମାନି ପାତର୍ କିନି ଟଣ୍ଡାର୍ ଖେଚାର୍ । ୨ ଆରେ, ଏଚେକାଡ଼ଦ ପିତର ଜିରୁସାଲମ୍ତ ଖାତାନ୍, ହେ ଏଚେକାଡ଼ଦ ସୁନ୍ନତ ଆତି ଚେଲାର୍ ହେଝାନ୍ ହୁଦାଂ ବିଚାର୍ କିଜି ଇଚାର୍, ୩ “ଏନ୍ ପାତର୍ କିଝି ଜିହୁଦି ଲକାରିଂ ଇଞ୍ଜ ହର୍ପିସ୍ ହେଝାର୍ ହୁକେ ଚିଚାୟନା ।” ୪ ମାତର୍ ପିତର୍ ସବୁ କାତାତିଂ ବୁଜାୟ କିଦେକ୍ ଆରମ୍ କିଜି ଇଚାନ୍,

୫ “ଆନ୍ ଜାପ ଗାଡ଼ଦ ପାର୍ତାନା କିଜି ମାଚାକ୍ ଆରି ଦର୍ସନ୍ ଗାଚାତାଂ, ର ପାଡ଼କାତାକ୍ ଖାନାତା, ଇନେସ୍ ର ଗାଜା ହେନ୍ଦା ଚାରି କନାତ ଆସ୍ତି ବାଦାଡ଼ତାଂ ହେଦାଂ ହୁଡ଼ତାଂ, ହେଦାଂ ନା” ଲାଗାଂ ଚେବାଡ଼ତ୍, ୬ ଆରେ ବାଦାଡ଼ତାଂ ହେଦାଂ ନା ପାଚେକ୍ ଖାତାଡ଼; ଆନ୍ ହେଦାଂ ହୁଡ଼ଜି ଚିନ୍ତା କିଦେକ୍ ଲାଗାତାଂ ଆରି ହେବେ ପୁତର୍ ନି ଚାରିଗଡ଼ିୟା ଜାଡ଼, ରାକ୍ତି ପସୁ, ରାବ୍ କୁ ପାଣା ଆରି ପୁତିନି ପଟିକ୍ ସବୁ ହୁଡ଼ତାଂ, ୭ ଆରେ, ନାକ୍ ଇଞ୍ଜିମାଞ୍ଜି ର କାତା ପା ଆନ୍ ଖେଚାକ୍, ଏ ପିତର୍, “ନିକ୍ସା, ପାଗ୍ଜି ତିନା ।” ୮ ମାତର୍ ଆନ୍ ଇଚାକ୍, ଆକାୟ, ମାପୁ, ରାଡ଼ା କି ସକର୍ ହିଲ୍ଝି ଜିନିସ୍ ନା ମୁମ୍ଦ ଇନାଖାଡ଼ାଂ ହର୍ପି କିଖାତାଂନା । ୯ ମାତର୍ ରିହା ବାଦାଡ଼ତାଂ ର କାଟ୍ ଉତର୍ ହିଡ଼ତାଡ଼, “ଇସ୍ବର ଇନାକା ସକର୍ କିତାନ୍ନା, ଏନ୍ ହେଦାଂ ବିଚାଡ଼ ଇଞ୍ଜି ଇନ୍ମା ।” ୧୦ ଇ ବାନି ତିନି ହର୍ ଆତାଡ଼, ପାଚେ ଝିଜୁ ଆରେରଗ ବାଦାଡ଼ତ ଅୟାତାଡ଼ । ୧୧ ଆରେ ହୁଡ଼ାଟ୍, ଦାପ୍ରେ ତିନ୍ ଜାଣ୍ ମାନାୟ, ଆପେଂ ଇମ୍ଣି ଇଞ୍ଜ ମାଚାପ୍, ହେବେନି ମୁମ୍ଦ ଖାଜି ନିଲ୍ଡତାର୍, ହେଝାର୍ କାଈସରିୟାତାଂ ନା ତାକେ ପକ୍ୟାଜି ମାଚାର୍ । ୧୨ ଆରେ, ମୁଡେ ଆନ୍ମାନ କିଖାଦାଂ ହେଝାର୍ ହୁଦାଂ ହାଞ୍ଜେକ୍ କାଜିଂ ପୁଇପୁୟା ଜିବୁନ୍ ନାକ୍ ଖେର୍ଚାତାଡ଼ । ଆରେ, ଇ ଚଅ ଜାଣ୍ ପାତର୍ କିନି ଟଣ୍ଡାର୍ ପାନା ହୁଦାଂ ତାରେନ୍ ହାଚାର୍, ଆରେ ଆପେଂ ହେ କର୍ଣ୍ଣଲିୟା ଇଲ୍ ହଟାପ୍ । ୧୩ ହେଝାନ୍ ଇନେସ୍ ରଖାନ୍ ଦୁଡ଼ ତାକେ ଦର୍ସନ୍ ପାୟାଜି ମାଚାନ୍, ହେଦାଂ ମାଞ୍ଜେକ୍ ଖେର୍ଚାତାନ୍, ହେ ଦୁଡ଼ ଇନେସ୍ ହେଝାକ୍ତି ଇଞ୍ଜ ଇଚାନ୍, ଜାପତ ଲକୁ ପକ୍ତି ପିତର କୁକ୍ତି ତର୍ ସିମନ୍ତିଂ କୁକ୍ତି ତାହିଝାଡ଼; ୧୪ ଇନେର୍ ଝିଜାର୍ ବଚନ୍ ହୁଦାଂ ଏପେକ୍ ଆରି ମି ଝିଜାର୍ ଇଲ୍ଲିକାର୍ ରାକ୍ୟା ଆନାର୍, ହେଝାନ୍ ମିଞ୍ଜେକ୍ ହେ ସବୁ ଖେର୍ଚାନାନ୍ । ୧୫ ପାଚେ ଆନ୍ କାତା ଇଞ୍ଜେକ୍ ଆରମ୍ ଖେଡ଼ାଲିଂ ପୁଇପୁୟା ଜିବୁନ୍ ଆଗ୍ଦ ମା ଜପି ଜୁଡ଼ତି ଲାକେ ହେଝାର୍ ଜପି ପା ଜୁଡ଼ତାଡ଼ । ୧୬* ହେପାଦନା ମାପୁତି ଇ ବଚନ୍ ନା ଏଡୁ ଖାତାଡ଼, ଜହନ୍ ଝିଜାକାରିଂ ଉତର୍ ହିତାନ୍, “ଜହନ୍ ହିନା ଏସଡ଼କ୍ତାଂ ବାପ୍ତିସିମ୍ ହିତାନ୍ ହାଡ଼ପା ମତର୍ ଏପେକ୍ ପୁଇପୁୟା ଜିବୁନ୍ତାଂ ବାପ୍ତିସିମ୍ ଆନାଦେର୍ ।” ୧୭ ଲାଗିଂ, ଆସେକ୍ ମାପୁ ଜିସୁ କ୍ରିସ୍ତୁତି ତାକେ ପାତର୍ କିନି ଖେଡ଼ାଲିଂ ଇସ୍ବର ଇନେସ୍ ଦାନ୍ ହିଜି ମାଞ୍ଜାନ୍, ହେ ଲାକେ ଏଚେକାଡ଼ଦ ହେଝାରିଂ ପା ହାରି ଦାନ୍ ହିତାନ୍, ଆନ୍ ଇନେର୍ ଜେ ଇସ୍ବରତିଂ ବାଦା ହିଦେଂ ଆଡ଼ତାଂମା ?

* ୧୧:୧୭ ୧୧:୧୭ ପକ୍ୟାତାକା ୧:୫.

୧୮ ଇ ସବୁ କାତା ଝେଟିଲେ ହେଞ୍ଜାର ଚିମରା ଆତାର ଆରି ଇସ୍ବରତି ଜାଜମାଲ୍ କିଜି ଇଚାର, “ଝାଟିଙ୍ଗ” ଇସ୍ବର ପାତ କିଝି ଜିହୁଦିର ପା ପୁଇପୁୟା ଜିବୁନ୍ ପାୟାନି କାଜିଂ ମାନବାଦଲ୍ଲୟ ଦାନ କିତାନନ୍ତା ।

ଆନ୍ତ୍ରିୟକିଆ ମଣ୍ଡଲି

୧୯ *ଝିସ୍ତ୍ରି ବିତ୍ରେ ସ୍ତ୍ରିପାନ କାଜିଂ ଗିଟାଜି ମାତି ବୁକ୍ କାଜିଂ ଇମ୍ଣାକାର୍ ଜେଡେକେଡ୍ ଆଜି ମାଚାର, ହେଞ୍ଜାର ପୈନିକିଆ, କୁପ୍ ଆରି ଆନ୍ତ୍ରିୟକିଆ ପାତେକ୍ ବୁଲା ଆଜି ଆପକା ଜିହୁଦିର ପିସ୍ତ୍ରି ଆରେ ଇନେର୍ ତାକେ ବଚନ୍ ପରଚାର କିଝାଦାଂ ମାଚାର । ୨୦ ମାତର୍ ହେଞ୍ଜାର୍ତି ବିତ୍ରେ କେତେକ୍ ସାଇପ୍ରସ୍ ଆରି କୁରିଣିୟ ଲକୁ ଆନ୍ତ୍ରିୟକିଆତାଂ ଝାଜି ଗ୍ରିକ୍ ତାକେ ପା କାତା ଇଞ୍ଜି ମାପୁ ଜିସୁତି ନେକ୍ଟିକାରୁର୍ ପରଚାର କିଦେଙ୍ଗ୍ ଲାଗାତାର । ୨୧ ଆରେ, ହେଞ୍ଜାର ଲାହାଂ ମାପୁତି କେଇ ମାଚାଡ୍, ଆରେ ବେସି ମାନାୟ ପାତ କିଜି ମାପୁନିପ ମାସ୍ଦି ଝାତାର ।

୨୨ ହେଞ୍ଜାର୍ତି ବିସ୍ପେତି କାରୁର୍ ଜିରୁସାଲମ୍ ମଣ୍ଡଲିତ ଝେନ୍ୟାତାଡ୍, ହେବେ ହେଞ୍ଜାର୍ ଆନ୍ତ୍ରିୟକିଆ ପାତେକ୍ ବର୍ଣ୍ଣବାଙ୍ଗ୍ ପଲ୍ଲାର । ୨୩ ହେଞ୍ଜାନ୍ ଏକିସ୍ ଇସ୍ବରତି ଦୟା ହୁଡ଼ଜି ଝାରୟା ଆତାନ୍, ଆରେ ଇନେସ୍ ହେଞ୍ଜାର ମାନନି ର ମାନ୍ତ୍ର ମାପୁତି କାଜିଂ ଜେଲୟା ଆଜି ମାନାର, ହେଦାଂ କାଜିଂ ଝିଜାରିଂ ଝାରିକିୟ କିତାର୍; ୨୪ ଇନାକିଦେଂକି ବର୍ଣ୍ଣବା ରଞ୍ଜାନ୍ ହାରଦି ମୁଣିକା, ଆରେ ପୁଇପୁୟା ଜିବୁନ୍ ଆରି ପାତ ତ ବାତ ମାଚାନ୍ । ଇ ବାନି ବେସି ବେସି ମାନାୟ ମାପୁ ତାକେ ମେହା ଆତାର ।

୨୫ ପାଚେ ହେଞ୍ଜାନ୍ ସାଉଲ୍ତିଂ ତେକ୍ନି କାଜିଂ ତାର୍ଯତ ହସି ହାଚାନ୍, ୨୬ ଆରେ, ହେଞ୍ଜାନ୍ ହେଞ୍ଜାନିଂ ଗାଟାଜି ଆନ୍ତ୍ରିୟକିଆତ ତାହିଝାତାନ୍ । ହେଞ୍ଜାର୍ ବାତ ର ବାହୁଁ ପାତେକ୍ ମଣ୍ଡଲି ହୁଦାଂ ମାନଞ୍ଜି ବେସି ଲୁଗାଙ୍ଗ୍ ହିକ୍ୟା ହିତାନ୍, ଆରେ ଆନ୍ତ୍ରିୟକିଆତ ତେଲାର୍ ପର୍ତୁମ୍ କ୍ରିସ୍ଟିୟାନ୍ ଇଞ୍ଜି ଇନ୍ୟା ଆତାର ।

୨୭ ହେ ଝେଡ଼ାଲିଂ କେତେକ୍ ଜାଣ୍ ବେଣବାକ୍ଣାୟକିନାକାର୍ ଜିରୁସାଲମ୍ତାଂ ଆନ୍ତ୍ରିୟକିଆତ ଝାତାର । ୨୮ *ହେଞ୍ଜାର୍ ବିତ୍ରେ ଆଗାବ ତର୍ନି ରଞ୍ଜାନ୍ ମୁଣିକା ନିଂଜି ସବୁ ପୁତ ତ ବେସି କାତାର ଆଣ୍ଡାଡ୍ ଇଞ୍ଜି ଜିବୁନ୍ ହୁଦାଂ ଝେଚ୍ଚାନ୍; ହେଦାଂ କ୍ଲାଉଦିଅତି ସମ୍ ମାନି ଝେଡ଼ାଲିଂ ଗିଟାତାଡ୍ । ୨୯ ହେବେ ଚେଲାର୍ ସବୁ ଜାଣ୍ ଜାର୍ ସାକ୍ତି ହୁଦାଂ ଜିହୁଦା ରାଜି ନିକାର୍ ପାତ କିନି ଟଣ୍ଡାର୍ କାଜିଂ ହେବା ପଲ୍ଲେଙ୍ଗ୍ ତିର୍ କିତାର୍, ୩୦ ଆରେ ହେଞ୍ଜାର୍ ପା ହେଦାଂ କିଜି ବର୍ଣ୍ଣବା ଆରି ସାଉଲ୍ତି କେଇଦ୍ ପ୍ରାତିନାର୍ତି ଲାଗେ ପଲ୍ଲାର ।

୧୨

ଆଦିକ୍ କସ୍ ପାୟାନାକା

୧ ଆନମାନ୍ରେ ହେ ଝେଡ଼ାଲିଂ ହେରଦ୍ ରାଜା ମଣ୍ଡଲିନି କେତେକ୍ ଜାଣ୍ତିଂ ହରବର୍ କିନି କାଜିଂ କେୟ କିତାନ୍ । ୨ ହେଞ୍ଜାନ୍ ଜହନ୍ତି ଟଣ୍ଡେନ୍ ଜାକୁବ୍ଙ୍ଗ୍ କାଣ୍ଡାତାଂ ଅସ୍ତାନ୍ । ୩ ଆରେ ଜିହୁଦିର ହେବେ ସତକ୍ ଆନାକା ହୁଡ଼ଜି ହେଞ୍ଜାନ୍ ପିତର୍ତିଂ ପା ଗେସ୍ତାର୍ । ହେ ଝେଡ଼ାଲିଂ ହଇଝି ରୁଟିନି ପାର୍ବୁ ମାଚାଡ୍ । ୪ ପାଚେ ହେରଦ୍ ତାଙ୍ଗ୍ ଆସ୍ତି ଜଇଲ୍ତ ଇଡ଼ତାନ୍, ଆରେ, ନିସ୍ବାର୍ ପାର୍ବୁ ପାଚେ ହେଞ୍ଜାନ୍ ତାଙ୍ଗ୍ ମାନାୟାର ଲାଗେ ହପ୍ତି ତାହିଝାଦେଂ କାଜିଂ ମାନ୍ କିଜି ଝିଜୁ କୁଦାନି ଚାରି ଜାଣ୍ ଲାକେ ମାଞ୍ଜି ଚାର୍ଗଟା ମେଲ୍ୟା କୁଦା ଲାଗେ ତାଙ୍ଗ୍ କାଚେଂ ଇଞ୍ଜି ହେଲ୍ଲୟ କିତାନ୍

* ୧୧:୧୯ ୧୧:୧୯ ପଦ୍ୟାତାକା ୮:୧-୪. * ୧୧:୨୮ ୧୧:୨୮ ପଦ୍ୟାତାକା ୨୧:୧୦.

। ୫ ଲାଗି, ପିତର ଜଇଲତ ଗେହ୍ୟା ଆଜି ମାତାନ୍, ମତର ତା କାଜି ମଣ୍ଡଲି ହୁଦାଂ
ରମାନ୍ତ ଇସ୍ଵରତି ଲାଗେ ପାର୍ତ୍ତନା କିଜି ମାତାନ୍ ।

ଜଇଲ ଇଲତାଂ ପିତରତି ମୁକ୍ତାନାକା

୨ ପାଚେ ହେରଦ ଇମ୍ଫଣି ଦିନ୍ ପିତରତିଂ ହପ୍ତି ତାତେଙ୍ଗ ହାଲ୍ଲଜି ମାତାନ୍, ହେ
ଆକାଡ଼ ନାଣାଲିଂ ରିଣ୍ଡି ହିକ୍ତିଂତାଂ ଗାତ୍ୟା ଆଜି ରି ମେଲ୍ୟାତଂ ବିତ୍ତେ ହୁଞ୍ଜି ମାତାନ୍,
ଆରେ ଜାଗ୍ଝାଡ଼ାର ଦୁଝେର ମୁମ୍ଵଦ ଜଇଲ ରାକ୍ୟା କିଜି ମାତାନ୍ । ୩ ଆରେ ହୁଡ଼ାଟ୍,
ତ୍ରିପ୍ତକୁ ମାପୁତି ରଞ୍ଜାନ୍ ଦୁଡ଼ ଏକାତାଡ଼, ଆରେ ବାକ୍ତା ଅଜଡ଼ ଆତାଡ଼, ଆରେ ଦୁଡ଼
ପିତର ତିଙ୍ଗ ନେଞ୍ଜେତାକିତ ଇଡ଼ଜି ତାଙ୍ଗ ନିକ୍ତି ଇଚାନ୍, “ବେଗି ନିଙ୍ଗା ।” ହେବେ ତା
କେଇଦାଂ ହିକ୍ତିଂ କ୍ଷୁସ୍ଵଦି ହାଚିକ୍ । ୪ ଆରେ, ଦୁଡ଼ ତାଙ୍ଗ ଇଚାଡ଼, “ମ୍ଫେଙ୍ଗାଙ୍ଗ ଗାତ୍ୟା
ଆରି ପାଣ୍ଡାୟ ତୁଜା ।” ପିତର ହେ ଲାକେ କିତାନ୍ ! ଆରେ ଦୁଡ଼ ତାଙ୍ଗ ଇଚାନ୍,
“ଗାଗାଡ଼ତ୍ ହେନ୍ଦା ତୁହିଜି ନା ପାଚେ ପାଚେ ଖା ।” ୫ ପିତର ହସି ହେଞ୍ଜାନ୍ତି ପାଚେ
ପାଚେ ହାଚାନ୍, ମାତର ଦୁଡ଼ତାଂ ଇନାକା କିୟାତାଡ଼, ହେଦାଂ ଜେ ହାଡ଼ପା, ହେଞ୍ଜାନ୍
ହେଦାଂ ବୁଜାଞ୍ଜାଦାଂ କେଚକଣ୍ଠ ହୁଡ଼ନାନା ଇଞ୍ଜି ବାବି କିଜି ମାତାନ୍ । ୬ ଏଚେକାଡ଼ଦ
ହେଞ୍ଜାର ପର୍ତ୍ତମ ଆରି ରିଣ୍ଡି ଜାଗ୍ଝାଡ଼ାର କୁଦା ନାସି, ଇମ୍ଫଣି ଲଞ୍ଜା ଦୁଞ୍ଜାର ହିଜି ଗାଡ଼ଦ
ହାଞ୍ଜେଙ୍ଗ ଆନାଡ଼, ହେଦାଂ ଲାଗେ ଖାତାଟ୍, ହେ କାଡ଼ଦ ହେ ଦୁଝେର ଜାର ମାଡ଼ିଙ୍ଗ
ହେଞ୍ଜାର କାଜିଂ ମେଲ୍ୟା ଆଜି ହାଚାଡ଼, ଆରେ ହେଞ୍ଜାର ହସିହାଲ୍ଲଜି ର ହାକ୍ତିତ
ହାରିହାରା ପାଚେକ୍ ହାଚାର, ଆରେ ଦାପ୍ତେ ହେ ଦୁଡ଼ ତା ତାକେଣ୍ଡାଂ ମାୟା ଆଜି
ହାଚାଡ଼ ।

୧୧ ହେଞ୍ଜାତାଂ ପିତର ଚେଡ଼ନା ଆଜି ଇଚାନ୍, ମାପୁ ଜେ ଜାର ଦୁଡ଼ତିଂ ପକ୍ତି
ହେରଦ କେଇଦାଂ ଆରି ଜିହୁଦିର ଲକ୍ଷ୍ମତାଂ ଷ୍ଟିଲୁ ଆହାତାଂ ନାଂ ଉଦାର୍ କିଡ଼ତାନା,
“ଇଦାଂ ଆନ୍ ନଙ୍ଗ ହାଡ଼ପା ପୁଚାଙ୍ଗ ।”

୧୨ ହେଞ୍ଜାନ୍ ଇ କାତା ଜାଗ୍ଝାଡ଼ ଆଜି ମାର୍କ କୁକ୍ତି ଜହନ୍ତି ତେହି ମରିୟମ୍ ଇଞ୍ଜ
ଞ୍ଜାତାନ୍; ହେ ବାହାତ ବେସି ରୁଣ୍ଡା ଆଜି ପାର୍ତ୍ତନା କିଜି ମାତାନ୍ । ୧୩ ପିତର ବାତଂ
ଦୁଝେରତ ଇଡ଼ତିଲେ, ରଦା ତରନି ରଞ୍ଜେଲ ଆଡ଼ିଏଣି ଇନେର ଇଞ୍ଜି ଷ୍ଟେନ୍‌ବେଦେଂ
ହାଚାଡ଼ । ୧୪ ହେଞ୍ଜାନ୍ ପିତରତି କାଟ୍ ବେସି ଖାରି କାଜିଂ ଦୁଝେର ଜେଞ୍ଜାଦାଂ ବିତ୍ତେ ହଞ୍ଜି
ହାଲ୍ଲଜି, ଦୁଝେର ଲାସେଙ୍ଗ ପିତର ନିଲ୍‌ତାନ୍ନା ଇଞ୍ଜି ଇଚାଡ଼ । ୧୫ ହେଞ୍ଜେକ୍ ହେଦେଲିଂ
ଇଚିକ୍, “ଏନ୍ ବାଇରି । ମାତର ହେଞ୍ଜେକ୍ ହେଦାଂ ସଡ଼ ଇଞ୍ଜି ଆର୍ଝା ଲାକେ ଇଞ୍ଜେଙ୍ଗ
ଲାଗିତିକ୍ । ହେଞ୍ଜେକ୍ ଇଚିକ୍ ଇଞ୍ଜାନ୍ ହେଞ୍ଜାନ୍ତି ଦୁଡ଼ ।”

୧୬ ମାତର ପିତର ଦୁଞ୍ଜାରତ ତାୟନାଡ଼ ଇଡ଼ଜି ମାତାନ୍, ଆରେ ହେଞ୍ଜେକ୍ ଜେସି
ହେଞ୍ଜାନିଂ ହୁଡ଼ଜି କାବା ଆତିକ୍ । ୧୭ ମାତର ହେଞ୍ଜାନ୍ ହେଞ୍ଜାରିଂ ଚିମରା ଆଜି ମାଞ୍ଜେଙ୍ଗ
କାଜିଂ କେଇ ଜିଞ୍ଜି, ମାପୁ ଇନେସ୍ ତାଙ୍ଗ ଜଇଲ ତାଂ ହପ୍ତି ତାହିଞ୍ଜାତାନ୍ନା, ହେଦାଂ
ହେଞ୍ଜେକ୍ ଲାଗେ ହାନ୍ଦାୟ କିତାନ୍ । ଆରେ ହେଞ୍ଜାନ୍ ଇଚାନ୍, “ଇ ଷ୍ଟିଲୁ କାତା ଜାକୁବ୍
ଆରି ପାତଂ କିନି ଟଣ୍ଡାର୍‌ରିଂ ଷ୍ଟେଚାଟ୍ । ଆରେ, ହେଞ୍ଜାନ୍ ହାଲ୍ଲଜି ବିନ୍ ବାହାତ ତାଂଜି
ହାଚାନ୍ ।”

୧୮ ନାଡ଼ିସ୍ ଆତି ପାଚେ ପିତର ଇମେ ହାଚାନ୍ ଇଞ୍ଜି ମେଲ୍ୟାର ବିତ୍ତେ ବେସି
ଞ୍ଜିତାଡ଼ । ୧୯ ଆରେ ହେରଦ ହେଞ୍ଜାନିଂ ତେକ୍ତି ଗାଟାଞ୍ଜିତିଲେ ଜାଗ୍ଝାଡ଼ାରିଂ
ପରସନ୍ କିତି ପାଚେ ହେଞ୍ଜାରିଂ ଅସ୍ତେଙ୍ଗ କାଜିଂ ବଲ୍ଲ ହିତାନ୍ ।

ପାଚେ ହେଞ୍ଜାନ୍ ଜିହୁଦା ରାଜିତାଂ କାଈସରିୟାତ ହାଲ୍ଲଜି ହେବେ ମାନ୍‌ଗାତାନ୍ ।

ହେରଦତି ହାକି

୨୦ ହେ ଏଚେକାଡ଼ଦ ହେରଦ ରାଜା ସର ଆରି ସିଦନ୍ ଲକ୍ଷ୍ମ ଜପି ବୟଙ୍ଗାର ରିସା
ଆଜି ମାତାନ୍, ଲାଗି ହେଞ୍ଜାର ବିତ୍ତେତାଂ ର ଦଲ୍ଲ ହେଞ୍ଜାନିଂ ଚଞ୍ଜୟା ଆଦେଂ ହାଚାର

। ପର୍ତ୍ତୁମ୍ ହେୱାର୍ ହୁଞ୍ଜନି ଇଲ୍ଲତ ଦାୟିତ୍ୱତ ମାନି ରୁାସ୍ତତିଂ ବୁଜାୟ୍ କିଜି ତା ଉପକାର୍ ପାୟାତାର୍ । ତା ପାଚେ ହେୱାର୍ ହେରଦତି ଲାଗାଂ ହାଲ୍ଲଜି ସୁସ୍ତା ବିକ୍ୟା କିତାର୍, ଇନେକିଦେଂକି ହେରଦତି ରାଜିତାଂ ହେୱାର୍ତି ଦେସତାଂ ଗାଦି ଗାଦି ଆଡ଼ମାଡ଼, ହାଲ୍ଲଜି ମାଚାଡ଼ ।

୨୧ ଲାଗିଂ ର ତିର୍ କିତି ନାଜିଂ ହେରଦ ରାଜା ହେୟା ଉସ୍ତସ୍ ଗାଦିତ କୁଚ୍ତି ହେୱାର୍ତି ଲାଗେ ସୁଶାୟ୍ କିତାନ୍, ୨୨ ହେବେ ମାନାୟାର୍ ଆଲା ଆଜି ଇଞ୍ଜେଙ୍ଗ୍ ଲାଗାତାର୍, “ଇଦାଂ ତ ଇସ୍ୱରତି କାଟ୍, ମାନାୟତି କାଟ୍ ଆକାୟ୍ ।” ୨୩ ହେ ଦାପ୍ତେ ମାପୁତି ରଞ୍ଜେଲ୍ ଦୁଡ଼ ହେରଦତିଂ ମାଡ଼ଜି କିତାଡ଼, ଇନାକିଦେଂକି ହେୱାନ୍ ଇସ୍ୱରତିଂ ଜାଜ୍ମାଲ୍ ହିଞ୍ଜାତାନ୍, ଆରେ ହେୱାନ୍ ପ୍ତୁ ହୁଦାଂ ତିନ୍ୟା ଆଜି ପାଚାଗ୍ ପିସାନ୍ ।

୨୪ ମାତର୍ ଇସ୍ୱରତି ବଚନ୍ ଆଦିକ୍ ମେଙ୍ଗ୍ଦେଂ ଲାଗାତାଡ଼ ।

୨୫ ପାଚେ ବର୍ଣ୍ଣବା ଆରି ସାଉଲ୍ ଜାର୍ତି ଲକାରିଂ ହେବାକାମାୟ୍ ଝିସ୍ତି ଜହନ୍ତିଂ କୁକ୍ନି ତର୍ ମାର୍କ ହାଙ୍ଗ୍ ଅଜି ଜିରୁସାଲମତ ଲେଉଟା ଆଜି ହାଚାର୍ ।

୧୩

ବର୍ଣ୍ଣବା ଆରି ସାଉଲ୍ ପକ୍ୟାତି ଚେଲା ଲାକେ ବାଚିକିୟା ଆତାନ୍

୧ ହେପାଦନା ଆକ୍ରିୟକିଆନି ମଣ୍ଡଲିତ ବର୍ଣ୍ଣବା, ସିମିୟନ୍, ଇନେରିଂ ନିଗର ଇଞ୍ଜି ଇନାର୍, କୁରିଶିୟ ଲୁକିୟ, ସାମନ୍ତରାଜା ହେରଦତି ରଚେ ପହାକିତି ମନହେମ ଆରି ସାଉଲ୍, ହେୱାର୍ ବେଶବାକ୍ଶାୟକିନାକାର୍ ଆରି ଗୁରୁର୍ ମାଚାର୍ । ୨ ହେୱାର୍ ମାପୁତି ହେବା ଆରି ଉପାସ୍ କିନି ଝେଡାଲିଂ ପୁଇପୁୟା ଜିବୁନ୍ ଇଚାଡ଼, “ଇମ୍ମଣି କାମାୟ୍ କାଜିଂ ଆପ୍ ବର୍ଣ୍ଣବା ଆରି ସାଉଲ୍ତିଂ ବାଚି କିତାପନ୍ନା, ହେଦାଂ କାଜିଂ ହେୱାରିଂ ବିନେ କିୟାଟ୍ ।”

୩ ହେବେ ହେୱାର୍ ଉପାସ୍ ଆରି ପାର୍ତାନା କିତି ପାଚେ ହେୱାର୍ ଜପି କେଇ ହିଜି ହେୱାରିଂ ହେଲ ହିଚାର୍ ।

ସାଇପ୍ରସ୍ତ ହେବାକାମାୟ୍

୪ ଇ ବାନି ବର୍ଣ୍ଣବା ଆରି ସାଉଲ୍ ପୁଇପୁୟା ଜିବୁନ୍ ହୁଦାଂ ପକ୍ୟା ଆଜି ସେଲୁକିଆତ ହାଚାର୍; ହେବେତାଂ ହେୱାର୍ ହାମଦୁର୍ ଜାଜ୍ତ ଦୁମ୍ମଜି କୁପ୍ରତ ହାଚାର୍ । ୫ କାମଲିୟାର୍ ସାଲାମି ବସ୍ତିତ ଏକିତି ପାଚେ ଜିହୁଦିରତି ଝିଜୁ ପାର୍ତାନା ଇଲ୍ଲତ ଇସ୍ୱରତି ବଚନ୍ ପୁଚାର୍ କିଦେଙ୍ଗ୍ ଲାଗାତାର୍; ଆରେ, ଜହନ୍ ମାର୍କ ପା ହେବାକାରୟା ଲାକେ ହେୱାର୍ ହୁକେ ମାଚାନ୍ ।

୬ ଆରେ, ହେୱାର୍ ଝିଜୁ ଏସ୍କୁପ୍ଲି ବୁଲା ଆଜି ପାପତ ଝାଜି ରଞ୍ଜାନ୍ ଚୁଟ୍ କି ଚାକ୍ରାୟ୍ ବେଶବାକ୍ଶାୟକିନାନ୍ନିଂ ହୁଡ଼ତାର୍; ହେୱାନ୍ ରଞ୍ଜାନ୍ ଜିହୁଦି, ଆରେ ତା ତର୍ ବଜ୍ ସୁ । ୭ ହେୱାନ୍ ସାସନ୍ କାରୟା ସେଗ୍ ଯ ପାଉଲ୍ ସାଙ୍ଗ୍ ମାଚାନ୍, ହେ ସାସନ୍କାରୟା ରଞ୍ଜାନ୍ ବୁଦିକାରୟା ମୁଣିକା । ହେୱାନ୍ ଇସ୍ୱରତି ବଚନ୍ ଝେଞ୍ଜେଙ୍ଗ୍ ମାନ୍ କିଜି ବର୍ଣ୍ଣବା ଆରି ସାଉଲ୍ତିଂ ଲାଗାଂ କୁକ୍ତାନ୍ । ୮ ମାତର୍ ହେ ଚୁଟ୍ କି ଅଲ୍ଲିମା ଇଦାଂ ତା ଗ୍ରିକ୍ ତର୍ । ହେୱାରିଂ ବାଦା ହିତାଡ଼ ଇନାକିଦେଂକି ହେୱାନ୍ ସାସନ୍କାରୟାଙ୍ଗ୍ କ୍ରିସ୍ଟ ପାତ୍ କିନାକାର୍ କାଜିଂ ଅଲ୍ଗା କିଜି ଇଡ଼ଦେଂ ଚେସ୍ଟୁ କିଜି ମାଚାର୍ । ୯ ମତର୍ ସାଉଲ୍, ଇନେରିଂ ପାଉଲ୍ ପା ଇନାର୍, ପୁଇପୁୟା ଜିବୁନ୍ତ ବାତ୍ ଆଜି ତାଙ୍ଗ୍ ମିଟ୍ କିଞ୍ଜାଦାଂ ହୁଡ଼ଜି ଇଚାନ୍, ୧୦ ଏ “ସୟତାନ୍ ମାଜି, ଝିଜୁ ବାନି ଟକ୍ ଝା ଆରି କାପ୍ତିତ ମାନ୍ତ ବାତ୍, ଆରେ ଝିଜୁ ବାନି ଦାମ୍ତିଂ ନି ସାଡୁରିଂ, ଏପେଙ୍ଗ୍ ମାପୁତି ସିଦା ହାଜିତିଂ ବାଂଟା କିଦେଙ୍ଗ୍ କାମାୟ୍ କିନାୟା ? ୧୧ ଆରେ ନଙ୍ଗ୍ ହୁଡ଼ାଟ୍,

ମାପୁତି କେଇ ମି ଜପି ମାନାଡ଼, ଏପେଙ୍ଗ କାଣା ଆଜି ଏତେକ ଗାଡ଼ି ପାତେକ୍ ଖେଡ଼ା ହୁଡ଼ୁଦର୍ ।”

ହେ ଦାପ୍ତେ ଗୁକ୍ଟା ଆରି ମାଜ୍‌ଗା ତାଙ୍ଗ୍ ତାବାୟ୍ କିତାଡ଼, ଲାଗିଂ ତାଙ୍ଗ୍ କେଇ ଆସି ହାଜି ଚତେଂ କାଜିଂ ହେଖାନ୍ ଇନ୍‌ଟିଂ ହାନ୍‌ଟିଂ ବାଇବିକଲ୍ ଆଜି ମାନାୟ୍‌ତିଂ ତେକ୍‌ତେଂ ଲାଗାତାନ୍ । ୧୭ ହେ ସାସନ୍‌କାରୟା ଇ ଗଟ୍‌ଣା ହୁଡ଼ୁଜି ପାତ୍ କିତାନ୍ ଇନାକିଦେଂକି ମାପୁତି ସିକ୍ୟା ଖେନ୍‌ଞ୍ଜି କାବା ଆଜି ପାତ୍ କିତାନ୍ ।

ଆନ୍ତ୍ରିୟକିଆତ ପିସିଦିଆନି ହେବାକାମାୟ୍

୧୩ ପାଚେ ପାଉଲ୍ ଆରି ତା ହାଙ୍ଗ୍‌ଦାକାର୍ ପାପ୍ ତରୁନି ବାହା ଏକ୍‌କାଂ ହାଲ୍‌ଜି ପଂପୁଲିଆନି ପଗ୍‌ତ ଖାତାନ୍; ଜହନ୍ ତରୁନି ମାର୍କ୍ ହେଖାରିଂ ଇବେତାଂ ପିସି ଜିରୁସାଲମ୍‌ତ ମାସ୍‌ଦି ହାଚାନ୍ । ୧୪ ହେଖାର୍ ପଗ୍‌ତାଂ ହସି ଖାଜି ପିସିଦିଆନି ଆନ୍ତ୍ରିୟକିଆତ ଇକାତାର୍, ଆରେ ଜମ୍‌ନିବାର୍‌ତ କୁଚୁମ୍ ଇଞ୍ଜି ହାଲ୍‌ଜି କୁଚ୍‌ଚାର୍ । ୧୫ ଆରେ, ବିଦି ଆରି ବେଶ୍‌ବାକ୍‌ଶାୟ୍‌କିନାକାର୍ ସାସ୍‌ର ପଡ଼ିକିତି ପାଚେ ପାର୍ତାନା ଇଲ୍‌ନି ମୁଣିକାର୍ ହେଖାରିତି ତାକେ ସାସ୍ ହିଜି ଇଦାଂ ଖେଡ଼ିତି ପକ୍‌ତାନ୍, “ଟଣ୍ଡାର୍, ଦୁକ୍‌ସାରାୟ୍ କିନାକା ଲକାର୍ କାଜିଂ ଜଦି ଏପେଙ୍ଗ୍ ଇମ୍‌ଣି ବୁଜାନି କାତା ମାନାଡ଼, ଲାଗିଂ ଖେଡ଼ଚାର୍ ।” ୧୬ ହେବେ ପାଉଲ୍ ନିଲ୍‌ଟି କେଇଦାଂ ଖାଡ଼କା ଚଡ଼ି ଇଞ୍ଜେଙ୍ଗ୍ ଲାଗାତାନ୍,

“ଏ ଇସ୍ରାଏଲିୟ ଲକୁ ଆରି ଇସ୍‌ରତିଂ ପାଣ୍ଡା ଆନାକାର୍, ପାତ୍ କିଞ୍ଜି ଜିହୁଦି ନା କାତା ଖେନାଟ୍ । ୧୭ ଇ ଇସ୍ରାଏଲ୍ ଜାତିନି ଇସ୍‌ର ମା ଆବାଲାତ୍ରାରିଂ ବାଟି କିତାନ୍, ଆରେ ହେଖାର୍ ମିସ୍‌ର୍ ଦେସ୍‌ତ ବାହା କିଜିମାନି ଖେଡ଼ାଲିଂ ହେଖାରିଂ ନିକ୍‌ତାନ୍, ଆରେ ସାଲ୍‌ଜିନି ବାପାଙ୍ଗ୍ ହୁଦାଂ ମିସ୍‌ରତାଂ ହେଖାରିଂ କାତାୟ୍ କିଜି ତାହିଞ୍ଜାତାନ୍ । ୧୮ ପାଚେ ରିକଡ଼ି ବାହୁଁ ପାତେକ୍ ବାଟାତ ହେଖାନ୍ ହେଖାରିଂ ଚିନ୍ତା ହୁଞ୍ଚାନ୍, ୧୯ ଆରେ କିଶାନ୍ ଦେସ୍‌ତ ସାଡ଼ଗଗା ଜାତିତିଂ ବୁତାୟ୍ କିଜି ତା ବାଟିକିତି ମାନାୟାରିଂ ହେ ଦେସ୍ ହିତାନ୍ ।” ୨୦ ଇଦାଂ ପାଚେ ବେଶ୍‌ବାକ୍‌ଶାୟ୍‌କିନାକାର୍ ସାମୁୟେଲ୍ ପାତେକ୍ ବିଚାର୍‌କାରୟାରିଂ ବାଟି କିତାର୍ ।

“ଇଦାଂ ପାଚେ ବେଶ୍‌ବାକ୍‌ଶାୟ୍‌କିନାକାନ୍ ସାମୁଏଲ୍‌ତି ପାତେକ୍ ବିଚାର୍‌କାରୟାରିଂ ବାଟି କିତାନ୍ । ୨୧ ତା ପାଚେ ହେଖାର୍ ର ରାଜା ଗାଟାଦେଂ କାଜିଂ ପାର୍ତାନା କିତାର୍, ଆରେ ଇସ୍‌ର ରିକଡ଼ି ବାହୁଁ ପାତେକ୍ ବିନ୍‌ୟାମିନ୍ କୁଚୁମ୍‌ନି କିସ୍ତି ମେହି ସାଉଲ୍‌ତିଂ ହେଖାନ୍ ହିତାନ୍ । ୨୨ ପାଚେ ଇସ୍‌ର ହେଖାନ୍ ଗାଦିତାଂ କୁଡ଼ିତି ହେଖାରିତି ରାଜା ଆଦେଂ କାଜିଂ ଦାଉଦ୍‌ତିଂ ନିକ୍‌ତାନ୍; ହେଖାନ୍ ପା ତା ବିସ୍ତେ ସାକି ହିଜି ଇଚାନ୍, ଆନ୍ ଜିସିୟତି ମେହି ଦାଉଦ୍ ଗାଟାତାପ୍‌ନା, ହେଖାନ୍ ମା ମାନ୍ତ୍ର କାତା ଇନାନ୍, ହେଖାନ୍ ଖିଜୁ ବିସ୍ତେ ହାଂଜି ନା ଇଚା ମାନି କିନାନ୍ ।” ୨୩ ତା ଲାତ୍ରାତାଂ ଇସ୍‌ର ପାର୍ମାଣ୍ ହୁଦାଂ ଇସ୍ରାଏଲ୍ କାଜିଂ ରଖାନ୍ ମୁଲ୍‌କିନାକାନ୍ ଇତିସ୍ ଜିସୁତିଂ ଉବ୍‌ଜାଣ୍ କିତାନ୍‌ନା । ୨୪ ✽ ଜିସୁ ତା କାମାୟ୍ ଆରମ୍ କିନି ଆଗେ ଜହନ୍ ସବୁ ଇସ୍ରାଏଲ୍ ଲକୁତାକେ ଆକ୍‌ତୁ ମାନ୍‌ବାଦ୍‌ଲୟ୍‌ନି ବାପ୍‌ସିମ୍ ସୁଶାୟ୍ କିଜି ମାଚାନ୍; ୨୫ ✽ଆରେ, ଜହନ୍ ଜାର୍ କିତି କାମାୟ୍ କିଉ କିଉ ଇଚାନ୍, “ଆନ୍ ଇନେନ୍ ଇଞ୍ଜି ଏପେଙ୍ଗ୍ ବାବି କିନାଦେରା, ଆନ୍ ହେଖାଙ୍ଗ୍ ଆକାୟ୍ । ମତର୍ ହୁଡ଼ାଟ୍, ନା ପାନାନି ପାଣ୍ଡାଈଙ୍ଗ୍ ଡରି ରିକ୍‌ତେଂ ଆନ୍ ସମାନ୍ ଆକାୟ୍ ।”

୨୬ “ଏ ଟଣ୍ଡାର୍, ଅବ୍ରାହାମ୍‌ତି ଲାତ୍ରାନି ହିମ୍‌ଶାଖାକ୍‌ଡ଼ା ଆରି ମି ବିତ୍ରେତାଂ ଇସ୍‌ରତିଂ ପାଣ୍ଡା ଆନାକାର୍ ମା ଲାଗେ ଇ ମୁଲ୍‌ଜିନି ବଚନ୍ ପଦ୍ୟା ଆତାଡ଼ନା । ୨୭ ଇନାକିଦେଂକି ହେଖାନ୍ ଜେ ମୁକ୍‌ଡ଼ାତି ମୁଣିକା ଇଲ୍ ପୁନ୍‌ଖାଦାଂ ମାଚାର୍ ଜିରୁସାଲମ୍‌ତ ବାହା

✽ ୧୩:୨୪ ୧୩:୨୪ ମାର୍କ୍ ୧:୪; ଲୁକ୍ ୩:୩. ✽ ୧୩:୨୫ ୧୩:୨୫ ଜହନ୍ ୧:୨୦; ମାତିଉ ୩:୧୧; ମାର୍କ୍ ୧:୭; ଲୁକ୍ ୩:୧୬; ଜହନ୍ ୧:୨୭.

କିନାକାର ଆରେ ହେଝାରତି ବିଚାର କାରୟା ହେଝାନିଂ, ଆରେ ନିତ୍ରେ ଜମନିବାରତ ପାଟ ପଡ଼ିକିନାକା ବେଶ୍‌ବାକ୍‌ଶାୟକିନାକାର ବଚନ୍ ସବୁ ପୁନ୍‌ଝିତିଲେ ହେଝାନିଂ ଦସି କିଜି ହେ ଝିଜୁ ପୁରା କିତାନ୍, ୨୮ *ଆରେ, ହେଝାନ୍ତି ପାରାଶ୍ ତାଣ୍ଡନି ଇମ୍‌ଶାକା ପା ନିଂ ଗାଟାଝିତିଲେ ହେଝାନିଂ ଅସ୍ତେଙ୍ଗ କାଜିଂ ପିଲାତଙ୍ଗ ଗଝାରି କିତାର । ୨୯ *ଆରେ, ହେଝାନ୍ତି ବିସ୍ତେ ଦର୍ମ ସାସ୍ତରତ ଇନାକା ସବୁ ଲେକା ଆତାତନ୍ନା, ହେ ଝିଜୁ ହେଝାର ପୁରା କିତି ପାଟେ ହେଝାନିଂ କୁସ୍‌ତାଂ ଜୁଡ଼ତି ତାହି ଦୁଗେରତ ମୁଚ୍‌ତାର । ୩୦ ମାତର୍ ଇସ୍‌ବର୍ ହେଝାନିଂ ହାତାକାରତାଂ ନିକ୍‌ତାନ୍ନା, ୩୧ *ଆରେ, ଇମ୍‌ଶାକାର ହେଝାନ୍ତି ହୁଦାଂ ଗାଲିଲିତାଂ ଜିରୁସାଲମତ ଝାଜି ମାଚାର, ହେଝାର ବେସି ଦିନ୍ ପାଟେକ୍ ହେଝାନିଂ କେଚ୍‌କଣ୍ ପାୟାତାର; ହେଝାର ନଙ୍ଗ ଇସ୍ରାଏଲ୍ ମାନାୟାର ଲାଗାଂ ହେଝାନ୍ତି ସାକି ଆନାପ୍ । ୩୨ ଆରେ, ଆବାଲାତ୍ରାତି ଲାଗେ କିତି ପାର୍ମାଣ୍ ବିସ୍ତେ ଆପେଂ ମିଜେଙ୍ଗ୍ ଇ ନେକ୍ରିକାବୁର୍ ଝେଚ୍‌ତାନାପା, ୩୩ ଇସ୍‌ବର୍ ଜିସୁଙ୍ଗ୍ ନିକ୍‌ଚି ହେଝାରତି ହିମ୍‌ଶାଂ ଜେ ଆସେଙ୍ଗ୍, ମା କାଜିଂ ହେ ପାର୍ମାଣ୍ ପୁରା କିତାନ୍ନା, ଇନେସ୍ ଗିତ ସଂଗିତା ଦୁଇ ବାଗ୍‌ତ ନାନ୍ଦ୍‌ତ ପା ଲେକାମାନାତ୍,

ଏନ୍ ନା ମାଜି,

ନେଜେଙ୍ଗ୍ ଆନ୍ ନିଂ ଆବା ଆତାଂନା ।”

୩୪ ଆରେ ଦୁଗେରତ ବୁତାଦେଂ ପିସ୍‌ସି ହିଝାଦାଂ ହେଝେନିଂ ହାକିତାଂ ନିକ୍‌ଚେଂ ଇସ୍‌ବର୍ ଇ କାତା ଇଚାନ୍;

ଦାଉଦ୍ ହିଜି ମାନି ପାଟି ଇସାବ୍ରେ

ଆନ୍ ମିଜେଙ୍ଗ୍ ପୁଇପୁୟା ଆରି ହାତ୍‌ପା ଦୟା ଦାନ୍ କିଦ୍‌ନାଙ୍ଗ୍ ।

୩୫ ଆରେ, ହେଝାନ୍ ପା ଆରେ ରଞ୍ଜାଙ୍ଗ୍ ନାନ୍ଦ୍‌ତ ଇଚାନ୍ନା,

“ଏନ୍ ଜାର୍ ପୁଇପୁୟା ହେବାକାର୍‌ରିଂ ନସ୍‌ଆଦେଂ ହିଉୟ୍ ।”

୩୬ ଦାଉଦ୍ ତ ଜାର୍ ହାରି ଝେଡାନି ମାନାୟାର ବିତ୍ରେ ଇସ୍‌ବର୍‌ତି କିତି ଆଗେ ହୁଦାଂ ହେବାକିନାକା କାମାୟ୍ କିତିପାଟେ କାଶ୍‌କୁଜୁଆନ୍ ଆରି ଜାର୍ ଆବା ଲାତ୍ରାର ଲାଗେ କବର୍ ପାୟା ଆଜି ଜିରା ଆତାନ୍; ୩୭ ମାତର୍ ଇନେରିଂ ଇସ୍‌ବର୍ ନିକ୍‌ତାନ୍ନା, ହେଝାନ୍ ନସ୍‌ଆଝାତାନ୍ନା । ୩୮ ଲାଗିଂ, ଏ ଚଣ୍ଡାର୍ ଏପେଙ୍ଗ୍ ପୁନାଟ୍, ମସାତି ଲାହାଂ ମୁକ୍‌ତା ଆଦେଂ ଆଡ଼ଝାତାର୍, ମାପୁ ଜିସୁ ହୁକେ କେବଲ୍ ପାପ୍ କେମାନି ଆପେଂ ପର୍‌ଚାର୍ କିୟା ଆନାତା । ୩୯ ମସାତି ବିଦି ହୁଦାଂ ପାପ୍ କେମା ପାୟାଝିତି ଝିଜାର୍ ହେ ଜିସୁ ହୁକେ ପାଟି କିନି କାଜିଂ ହେ ପାପ୍ କେମା ପାୟାନାର୍ ଇଦାଂ ଏପେଙ୍ଗ୍ ବୁଜାନି ଲଡା । ୪୦ ଲାଗିଂ ଜାଗ୍ରତ୍, ଏଚେକାତ୍‌ଦ୍ ବେଶ୍‌ବାକ୍‌ଶାୟକିନାକାର ସାସ୍ତରତ ଇନାକା ଇନ୍ୟାତାତନ୍ନା, ହେଦାଂ ଇନେସ୍ ମି କାଜିଂ ଗିଟାମେଡ୍,

୪୧ “ଏ ମାନିକିଝି ଲଗୁ,

ଏପେଙ୍ଗ୍ ହୁଡ଼ଜି, ଆରେ କାବା ଆଜି ନସ୍‌ଆତୁ;

ଲାଗିଂ ଆନ୍ ମି ଝେଡାଲିଂ ର କାମାୟ୍ ପୁରା କିତାନ୍ନା,

ଜଦି ଇନେର୍ ହେ କାମାୟ୍ ମି ତାକେ ହାନ୍ଦାୟ୍ କିତିସ୍,

ଝାଟିଙ୍ଗ୍ ଏପେଙ୍ଗ୍ ମୁଡ଼କେ ହେଦେଲିଂ ପାଟି କିମାଟ୍ ।”

୪୨ ପାଉଲ୍ ଆରି ବର୍ଣ୍ଣବା ହସି ହାନି ଝେଡାଲିଂ, ଇନେସ୍ ଆକାତ୍ ଜମନିବାରତ ହେ ସବୁ ବଚନ୍ ହେଝାରିଂ ଇନ୍ୟାନାତ୍ ? ଇଦାଂ କାଜିଂ ହେଝାର୍ ଗଝାରି କିଦେଙ୍ଗ୍ ଲାଗାତାର୍ । ୪୩ ମିଟିଂ ଇଲ୍ ଝିଜୁତି ପାଟେ ଜିହୁଦି ଆରି ଜିହୁଦି ମାଡ଼ଶିୟାର୍ ପାଟି କିଝି ଜିହୁଦିର୍ ବିତ୍ରେ ବେସି ପାଉଲ୍ ଆରି ବର୍ଣ୍ଣବାତି ପାଟେ ପାଟେ ହାଚାର୍,

☆ ୧୩:୨୮ ୧୩:୨୮ ମାଡ଼ିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହନ୍ ୧୯:୧୫. ☆ ୧୩:୨୯ ୧୩:୨୯ ମାଡ଼ିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨. ☆ ୧୩:୩୧ ୧୩:୩୧ ପଦ୍ୟାତାକା ୧:୩.

ହେୱାର୍ ପଦ୍ୟାତାକାରିଂ ହୁକେ କାତାବାର୍ତ୍ତା କିଜି ଇସ୍ୱରତି ଦୟାତ ତିର୍ ଆଜି
ମାଞ୍ଜେଙ୍ଗ୍ ହେୱାରିଂ ରାଜି କିକିତାର୍ ।

୪୪ ଆରେ, ଆର୍କାଡ୍ ଜମ୍ବିନିବାର୍ତ୍ତ ଓଜାକାର୍ ଗାଡ୍ମି ଲକୁ ମାପୁତି ବଚନ୍ ଖେଞ୍ଜେଙ୍ଗ୍
କାଜିଂ ରୁଣ୍ଡା ଆତାର୍ । ୪୫ ମାତର୍ ଜିହୁଦିର୍ ମାନାୟାରିଂ ହୁଡ୍ମି ରିସାତ ବାତ୍
ଆତାର୍, ଆରେ ନିୟା କିଉ କିଉ ପାଉଲ୍ତି କାତାତ ଆଡୁଙ୍ଗ୍ ଆଦେଂ ଲାଗାତାର୍ ।
୪୬ ହେବେଣ୍ଡାଂ ପାଉଲ୍ ଆରି ବର୍ଣ୍ଣବା ସାସ୍ତାଂ ଇଚାର୍, ଆଗେ ମି ଲାଗେ ଇସ୍ୱରତି
ବଚନ୍ ଇନାକା ମାଚାଡ୍; ଏପେଙ୍ଗ୍ ହେଦାଂ ମୁନାକିଜି ଜାର୍ ଜାର୍ତିଂ ଓଜ୍ଝି ଜିବୁନ୍ନି
ଆଟ୍ଟକାଡ୍ ଇଞ୍ଜି ବିଚାର୍ କିଜି ମାଚିଲେ, ହୁଡ୍ମାଟ୍, ଆପେଂ ପାତ୍ କିଓ୍ଝି ଜିହୁଦି ତାକେ
ହାନାପା, ୪୭ ଇନାକିଦେଂକି ମାପୁ ମାଂ ଇ ବାନି ବଲ୍ ହିଡ୍ତାଣ୍ଡା,

“ଆପେଂ ପାତ୍ କିଓ୍ଝି ଜିହୁଦି ଅଜଡ୍ ଲାକେ ମିଙ୍ଗ୍ ରଚ୍ଚାତାପନ୍ନା,
ଇନେସ୍ ଏପେଙ୍ଗ୍ ପୁତ୍ ନି ହାନ୍ଦି ପାତେକ୍ ମୁକ୍ତିନି ଲାକେ ଆନାଦେର୍ ।”

୪୮ ପାତ୍ କିଓ୍ଝି ଜିହୁଦିର୍ ଇଦାଂ ଖେନ୍ଝି ଖାର୍ଯ୍ୟା ଆତାର୍; ଆରେ, ମାପୁତି ବଚନ୍ନି
ଜାଜ୍ମାଲ୍ କିଦେଙ୍ଗ୍ ଲାଗାତାର୍, ଆରେ ଏଚେକ୍ ମାନାୟା ଓଜ୍ଝି ଜିବୁନ୍ନି କାଜିଂ
ବାଚିକିୟା ଆଜି ମାଚାଦେର୍, ହେୱାର୍ ପାତ୍ କିତାର୍,

୪୯ ଆରେ ଓଜ୍ଝି ନିପ ମାପୁତି ବଚନ୍ ମେଙ୍ଗ୍ଜି ହାତାଡ୍ । ୫୦ ମାତର୍ ଜିହୁଦି ଦରମ୍
ପାତ୍ କିଓ୍ଝି ଜିହୁଦିର୍ ଗାଜା କଗ୍ଲେକାଂ ଆରି ଗାଡ୍ମି ମୁଡ୍ମି ମୁଡ୍ମି ମୁଣିକାରିଂ
ଜିହୁଦିର୍ ଚେଗାୟା କିତାର୍, ଆରେ ପାଉଲ୍ ଆରି ବର୍ଣ୍ଣବାତି ଜପି ନିୟା ଗିଟାୟା
କିଜି ଜାର୍ ହାନ୍ଦିତାଂ ହେୱାରିଂ ହପ୍ତି ତୁହିତାର୍ । ୫୧ ହେବେଣ୍ଡାଂ ପଦ୍ୟାତାକାର୍
ଜାର୍ ଜାର୍ ପାନାନି ଦୁଡ୍ ହେୱାର୍ ବିରୁଦ୍ତ ଡାଡ୍ତି ଇକନିୟତ ହାଚାର୍, ୫୨ ଆରେ
ଆଡ୍ଡିକିୟା ଚେଲାର୍ ଖାରିତ ଆରି ପୁଇପୁୟା ଜିବୁନ୍ନତ ବାତ୍ ଆଦେଂ ଲାଗାତାର୍ ।

୧୪

ଇକନିୟତ ହେବାକାମାୟା

୧ ଇକନିୟତ ପା ହେ ଲାକେ ଗିଟାତାଡ୍; ପାଉଲ୍ ଆରି ବର୍ଣ୍ଣବା ଜିହୁଦିର୍ ପାର୍ତାନା
ଇଞ୍ଜି ହଣ୍ଡି ଏଲେଙ୍ଗ୍ ପରଚାର୍ କିତାର୍ ଜେ, ଜିହୁଦି ଆରି ଗ୍ରିକ୍ତି ବିତ୍ରେ ବେସି
ଲକୁ ପାତ୍ କିତାର୍ । ୨ ମାତର୍ ଇମ୍ଫଣି ଜିହୁଦିର୍ ପାତ୍ କିଓ୍ଝିତାର୍, ପଦ୍ୟାତାକାର୍
ପାତ୍ କିଓ୍ଝି ଜିହୁଦି ଖାୟିତିଂ ଚିଉଲାୟା କିଜି ଚଣ୍ଡାର୍ ବିରୁଦ୍ତ ବାନ୍ୟା ବାବ୍ନା ହପ୍ତି
ହିତାର୍ । ୩ ପାଉଲ୍ ଆରି ବର୍ଣ୍ଣବା ବେସି ଦିନ୍ ପାତେକ୍ ହେ ବାହାତ ମାନ୍ଝି ମାପୁତି
ଜପି ବାସ୍ କିଜି ସାସ୍ତାଂ ପରଚାର୍ କିତାର୍; ଆରେ, ହେୱାର୍ତି କେଇ ହୁଦାଂ
ବାର୍ବିନ୍ ଚିନ୍କୁ ଆରି କାବାନି କାମାୟା କିଜି ଜାର୍ ଦୟାନି ବଚନ୍ ପାକ୍ୟାତ ସାକି
ହିତାର୍ । ୪ ମାତର୍ ଗାଡ୍ମି ଲକୁ ରିବାଗ୍ ଆତାର୍, ହେୱାର୍ ବିତ୍ରେତାଂ କେଡ୍ଜାଣ୍ଡ
ଜିହୁଦିରିଂ ଆରି କେତେକ୍ ପଦ୍ୟାତାକାର୍ରିଂ ବାଚି କିତାର୍ ।

୫ ଏଚେକାଡ୍ ପାତ୍ କିଓ୍ଝି ଜିହୁଦିର୍ ଆରି ଜିହୁଦିର୍ ହେୱାର୍ତି ମୁଣିକା ହୁଦାଂ
ହେୱାତ୍ ଉଡ୍ପାଡ୍ କିଦେଙ୍ଗ୍ ଆରି କାଲ୍କୁ ଇଡ୍ଦେଂ ତିର୍ କିତାର୍, ୬ ହେ
ଏଚେକାଡ୍ ପଦ୍ୟାତାକାର୍ ହେଦାଂ ପୁଞ୍ଜି ଲୁକାୟନିଆନି ଲୁସ୍ତା ଆରି ଦବ୍ ଗାଡ୍,
ଆରେ ଚାରିବେଣ୍ଡି ନିପ ହନ୍ତି ହାଚାର୍, ୭ ଆରେ ହେୱାର୍ ନେକ୍ରିକାବୁର୍ ସୁଣାୟା
କିଦେଙ୍ଗ୍ ଲାଗାତାର୍ ।

ଲୁସ୍ତା ଆରି ଦବ୍ ତ ପାଉଲ୍ ଆରି ବର୍ଣ୍ଣବା

* ୧୩:୫୧ ୧୩:୫୧ ମାଡିଉ ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

୮ ଲୁସ୍ତାତ ରଞ୍ଜନ ମାନାୟ ମାତାନ୍, ହେଞ୍ଜାନ୍ତି ପାନା ବେମାର୍, ହେଞ୍ଜାନ୍ ଆୟା ପଟତାଂ ଚଟା, ଆରେ ହେଞ୍ଜାନ୍ ଇନାଞ୍ଜାତାଂ ତାଂଞ୍ଜାଦାଂ ମାତାନ୍ । ୯ ହେ ମାନାୟ ପାଉଲ୍ଲତି ପରଚାର୍ ଝେନ୍ଝି ମାତାନ୍ । ପାଉଲ୍ଲ ତାଙ୍ ମିଟ୍ଟକିଞ୍ଜାଦାଂ ହୁଡ୍ଝି ଉଜ୍ ଆନି କାଜିଂ ତା ପାତ୍ ମାଟିଲେ ହୁଡ୍ଝି ଗାଜା କାଟ୍ତାଂ ଇଚାନ୍ । ୧୦ ପାଉଲ୍ଲ ଗାଜାକାଟ୍ତାଂ ଇଚାନ୍ “ପାନାତ ବଜ୍ ହିଜି ହାଣକୁ ଆଜି ନିଲା ।” ହେବେ ହେଞ୍ଜାନ୍ ଚାର୍ବେଣ୍ଡତାଂ ତାଂଦେଂ ଲାଗାତାନ୍ । ୧୧ ପାଉଲ୍ଲ ଇନାକା କିତାନ୍ନା, ଲକୁର୍ ହେଦାଂ ହୁଡ୍ଝି ଲୁକାୟନିଆ ବାସାତ ଗାଜାକାଟ୍ତ ଇଞ୍ଜେଙ୍ଗ୍ ଲାଗାତାନ୍, “ପେନ୍କୁ ମାନାୟ ଲାକେ ମା ବିତ୍ତେତାଂ ଜୁଜି ଞ୍ଜାତାନ୍ନା ।” ୧୨ ହେଞ୍ଜାର୍ ବର୍ଣ୍ଣବାତିଂ ଜିଅସ୍ ନଲେ ପେନ୍କୁ ଆରି ପାଉଲ୍ଲ ମୁଡ୍ଝଦକାନ୍ ମାଟିଲେ ହେଞ୍ଜାନିଂ ହେରମିସ୍ ନଲେ ବାଗ୍ ପେନ୍ ଇଞ୍ଜି ଇଚାର୍ । ୧୩ ଗାଡ୍ ମୁନ୍ଦ ମାନି ଜିଅସ୍ ମନ୍ଦିରତ ମାପୁହେବକିନାକାନ୍ କେତେକ୍ ସଣ୍ ଆରି ପୁଇମାଡ୍ ନି ଦୁଞ୍ଜେର୍ ଲାଗେ ତାହି ଞ୍ଜାଜି ପଦ୍ୟାତାକାର୍ ହୁଦାଂ ପୁଜା ହିଦେଂ ମାନ୍ କିଜି ମାଚାର୍ ।

୧୪ ମାତର୍ ପଦ୍ୟାତାକାର୍, ଇତିସ୍ ବର୍ଣ୍ଣବା ଆରି ପାଉଲ୍ଲ ଇଦାଂ ଝେନ୍ଝି ଜାର୍ ଜାର୍ତିଂ ହେୟା କେଟ୍ଟି ଲକୁ ବିତ୍ତେ ବେଗି ହଞ୍ଜିହାଲ୍ଲଜି ଗାଜାକାଟ୍ତାଂ ଇଞ୍ଜେଙ୍ଗ୍ ଲାଗାତାର୍; ୧୫ “ଏ ଗାଜାକାଦେର୍, ଇନାକିଦେଂ ଇ ଝିଜୁ କିନାଦେରା ? ଆପେଂ ପା ମି ଲାକେ ମାନାୟକାପ୍, ମି ଲାଗାଂ ଇ ନେକ୍ଟିକାରୁର୍ ପରଚାର୍ କିତାପ୍, ଇନେସ୍ ଏପେଙ୍ଗ୍ ଇ ସବୁ ଆହାର୍ ଆଡ୍ଝାଡ୍ଝାତାଂ ମାସ୍ଦି ଜିଜି ମାନାକା ଇସ୍ପୁଟି କାଜିଂ ମାସ୍ଦାନାର୍ । ହେଞ୍ଜାନ୍ ବାଦାଡ୍ଝ ସବୁ, ପୁତ୍, ହାମ୍ଦୁର୍ ଆରି ହେ ସବୁତ ମାନି ଝିଜୁ ଉବ୍ଜାଣ୍ କିତାନ୍ନା; ୧୬ ହେଞ୍ଜାନ୍ ଆଗେତାଂ ଆଣ୍ଟାଂ ଦାରାମେରା ଝିଜୁ ଜାତିନି ଲଗାଂ ଜାର୍ ଜାର୍ ହାସ୍ଦ ତାଂଦେଂ ପିସ୍ତି ହିଜି ମାତାନ୍ । ୧୭ ଆଡିସ୍ପା ହେଞ୍ଜାନ୍ ଜାର୍ତିଂ ସାକି ହିଲ୍ଝି କାଜିଂ ଇଟ୍ଝାତାନ୍ନା, ଇନାକିଦେଂ ହେଞ୍ଜାନ୍ ହାର୍ କିତାନ୍ନା, ଆରେ ଆକାସ୍ତାଂ ବାହା ଆରି ପାଡ୍ଝିନି କାଡ୍ ହିଜି ଇଟ୍ଟକାଡ୍ ଆରି ଞ୍ଜାରିତାଂ ମିଙ୍ଗେଙ୍ଗ୍ ମାଡ୍ ସାରି କିତାନ୍ନା ।” ୧୮ ଇ ସବୁ କାତା ଇଞ୍ଜି ହେଞ୍ଜାର୍ ବେସି କସ୍ତ ହେଞ୍ଜାର୍ କାଜିଂ ପୁଜା କିତିଲେ ଲକୁରିଂ ଚିମ୍ବାରା କିତାନ୍ ।

୧୯ ମାତର୍ ଆନ୍ତିୟକିଆ ଆରି ଇକନିୟତାଂ ହେବେ ଜିହୁଦିର୍ ଞ୍ଜାଜି ଲକୁରିଂ ବୁଜାୟ କିଚାର୍, ଆରେ ପାଉଲ୍ଲତିଂ କାଲ୍କୁ ଇଡ୍ଝି ହେଞ୍ଜାନ୍ ହାତାନ୍ନା ଇଞ୍ଜି ବାବି କିଜି ବାଟ୍ ଜେଲ୍ଲଜି ଅଚାର୍ । ୨୦ ମତର୍ ଚେଲାର୍ ହେଞ୍ଜାନିଂ ଚାର୍ବେଣ୍ଡତାଂ ନିଲ୍ଲତିଲେ ହେଞ୍ଜାନ୍ ନିଂଜି ଗାଡ୍ଦ ହଚାନ୍ । ଆକାଡ୍ ନାଜିଂ ବର୍ଣ୍ଣବାତି ହୁଦାଂ ଦବ୍ ତ ହସି ହାଚାର୍ ।

ସିରିଆନି ଆନ୍ତିୟକିଆତ ମାସ୍ଦି ଞ୍ଜାନାକା

୨୧ ପାଉଲ୍ଲ ଆରି ବର୍ଣ୍ଣବା ହେ ଦବ୍ ତ ନେକ୍ଟିକାରୁର୍ ସୁଣାୟ କିଜି ଆରି ହେନିରିଂ ଚେଲା ଆତାକା ପାଚେ ଲୁସ୍ତା, ଇକନିୟ ଆରି ଆନ୍ତିୟକିଆତ ମାସ୍ଦି ଞ୍ଜାଚାର୍, ୨୨ ଆରେ, ହେ ବାହାକାଂ ଚେଲାର୍ଡି ଞ୍ଜାସ୍ତିଂ ସୁସ୍ତା କିଚାର୍ ଆରି ପାତ୍ ତ ଡାଟ୍ ମାନି କାଜିଂ ହେଞ୍ଜାରିଂ ଞ୍ଜାରିକିୟ୍ କିଜି ଇଚାର୍, ବେସି ଦୁକ୍ କସ୍ ପା ହିଜି ମାଂ “ଇସ୍ପୁଟି ରାଜିତ ହଣ୍ଡେଙ୍ଗ୍ ଆନାଡ୍ ।” ୨୩ ଆରେ, ହେଞ୍ଜାର୍ ହେଞ୍ଜାର୍ କାଜିଂ ଜାଣ୍ଡକେ ମଣ୍ଡଲିତ ପ୍ରାଚିନାରିଂ ବାଟି କିଜି ଉପାସ୍ ହୁଦାଂ ପାର୍ତାନା କିଚାର୍, ଆରେ ଇମ୍ଝି ମାପୁ ତାକେ ହେଞ୍ଜାର୍ ପାତ୍ କିଜି ମାଚାର୍, ହେଞ୍ଜାନ୍ତି କେଇଦ ହେଞ୍ଜାରିଂ ହେଲାୟ କିଚାର୍ ।

୨୪ ପାଚେ ହେଞ୍ଜାର୍ ପିସିଦିଆ ନିପ ହିଜି ପଂପୁଲିଆତ ଞ୍ଜାଚାର୍, ୨୫ ଆରେ ପଗ୍ ତ ବଚନ୍ ପରଚାର୍ କିଜି ଆତାଲିଆତ ହାଚାର୍ । ୨୬ ହେବେତାଂ ଜାଜ୍ତ ଦୁମ୍ଝି ହେଞ୍ଜାର୍ ଆନ୍ତିୟକିଆତ ମାସ୍ଦି ଞ୍ଜାଚାର୍, ହେଞ୍ଜାର୍ ଇମ୍ଝି କାମାୟ କିଜି ମାଚାର୍, ହେଦାଂ କିନି କାଜିଂ ଇସ୍ପୁଟି ଦୟାତ ହେଲାୟ କିୟା ଆଜି ହେ ବାହାତାଂ ହସି ମାଚାର୍ ।

୨୭ ହେୱାର୍ ଆନ୍ତକିଆତ ଏକିସ୍ ମଣ୍ଡଲିନି ମାନାୟାରିଂ ରବେ କିତାର୍, ଇସ୍ବର ହେୱାର୍ କାଜିଂ ଇନାକା ସବୁ କିଜି ମାତାତ୍ ଆରି ପାତ୍ କିଝି ଜିହୁଦିର୍ କାଜିଂ ପାତ୍ ନି ଦୁଝେର୍ ଇନେସ୍ ଜେସି ମାତାତ୍ ହେ ସବୁ ହେୱେକାଂ ଝେର୍ତାର୍ । ୨୮ ଆରେ, ହେୱାର୍ ଚେଲାର୍ ହୁଦାଂ ବେସି ଦିନ୍ ପାତେକ୍ ମାତାତ୍ ।

୧୫

ଜିରୁସାଲମ୍ ମଣ୍ଡଲିତ ସେବା

୯ ଇଦାଂ ବିତ୍ରେ ଏଚେକ୍ ଲାକୁ ଜିହୁଦା ରାଜିତାଂ ୱାଜି ପାତ୍ କିନି ଟଣ୍ଡାର୍ରିଂ ଇ ହିକ୍ୟା ହିଦେଂ ଲାଗାତାର୍, “ମସାତି ବିଦି ଇସାପ୍ରେ ଏପେଙ୍ଗ୍ ସୁନ୍ନତ୍ ଆଝିତିସ୍ ରାକ୍ୟା ପାୟାଦେଂ ଆତୁଦେର୍ ।” ୨ ଇବେ ପାଉଲ୍ ଆରି ବର୍ଣ୍ଣବାତି ହେୱାର୍ ହୁକେ ବେସି ଜିକାଟାଣା ଆରି କାତାତ ଜିକାଜିକି ଆତିଲେ ଟଣ୍ଡାର୍ ପାଉଲ୍ ବର୍ଣ୍ଣବବା ଆରି ଜାର୍ ବିତ୍ରେ ଆରେ ଏଚେକାଣ୍ ଇ ପର୍ସନ୍ ଅଜି ଜିରୁସାଲମ୍ତ ପକ୍ୟାତାକାର୍ ଆରି ପ୍ରାତିନାର୍ ଲାଗେ ହାଲେର୍ ଇଞ୍ଜି ତିର୍ କିତାର୍ ।

୩ ଲାଗିଂ, ମଣ୍ଡଲି ହେୱାରିଂ ହାଜି ଚର୍ଚ୍ଚି ହେଲ ହିତି ପାଚେ ହେୱାର୍ ପୈନିକିଆ ଆରି ସମିରଣ୍ ହିଜି ହାଲୁ ହାଲୁ ପାତ୍ କିଝି ଜିହୁଦିର୍ ମାନ୍ବାଦ୍ଲାଇୟ ବିସ୍ରେ ହାନ୍ଦାୟ କିଜି ଝିଜାର୍ ଟଣ୍ଡାର୍ଟି ବେସି ୱାରିହପ୍ତାତାର୍ । ୪ ପାଚେ ହେୱାର୍ ଜିରୁସାଲମ୍ତ ଇକିସ୍ ମଣ୍ଡଲି, ଆରେ ପକ୍ୟାତାକାର୍ ଆରି ପ୍ରାତିନାର୍ ହୁଦାଂ ବାନ୍ଦାୟ ପାୟାତାର୍, ଆରେ ଇସ୍ବର ହେୱାର୍ ଲାହାଙ୍ଗ୍ ମାନ୍ଝି ଇନେସ୍ ଝିଜୁ କାମାୟ କିଜି ମାତାନ୍, ହେ ସବୁ ହାନ୍ଦାୟ କିତାର୍ । ୫ ମାତର୍ ପାରୁସି କୁଦାନି କେତେକ୍ ଜାଣ୍ ପାତ୍ ନିକାର୍ ନିଂଜି ଇଚାର୍, “ପାତ୍ କିଝି ଜିହୁଦିର୍ ଚେଲାର୍ ସୁନ୍ନତ୍ କିନାସ୍ ଆରି ମସାତି ବିଦି ମାନି କିଦେଙ୍ଗ୍ କାଜିଂ ହେୱାରିଂ ବଲ୍ ହିନାକା ଲଡା ।”

୬ ପାଚେ ଇ ବିସ୍ରେ କାତାବାର୍ତା କିନି କାଜିଂ ପକ୍ୟାତାକାର୍ ଆରି ପ୍ରାତିନାର୍ ରୁଣ୍ଡା ଆତାର୍ । ୭ ବେସି କାତାବାର୍ତା ଆତି ପାଚେ ପିତର୍ ନିଂଜି ହେୱାରିଂ ଇଚାନ୍, “ଏ ଟଣ୍ଡାର୍, ତଣ୍ଡେକ୍ ଏପେଙ୍ଗ୍ ପୁଟାଦେଣ୍ଡା ଜେ, ନା ଝେଜ ହୁଦାଂ ପାତ୍ କିଝି ଜିହୁଦିର୍ ଇନେସ୍ ନେକ୍ଟିକାବୁର୍ ଝେନ୍ଝି ପାତ୍ କିତାର୍, ଇଦାଂ କାଜିଂ ବେସି ଦିନ୍ ଆଗେ ଇସ୍ବର ବିତ୍ରେତାଂ ନାଙ୍ଗ୍ ବାତି କିଡତାନ୍ନା । ୮ ୱାସ୍ମି ପୁନି ଇସ୍ବର ମାଂ ଇନେସ୍ ପୁଇପୁୟା ଜିବୁନ୍ ହିଡତାନ୍ନା, ପାତ୍ କିଝି ଜିହୁଦିର୍ ପା ହେ ଲାକେ ହିଜି ହେୱାର୍ ପାକ୍ୟାତ ସାକି ହିନାନ୍ନା । ୯ ଆରେ, ହେୱାନ୍ ମାଂ ଆରି ହେୱାର୍ ବିତ୍ରେ ଇନାକାପା ବିନ୍ ତାରେନ୍ ଇଟ୍ଝାଦାଂ ପାତ୍ ହୁକେ ହେୱାର୍ ମାନ୍ତ ସକର୍ କିତାନ୍ନା । ୧୦ ଲାଗିଂ ଇମ୍ଝି ଜୁଝାଣ୍ଡତ ମାଂ ଆବା ଲାଡ୍ରା ଆରି ଆସେଙ୍ଗ୍ ପିଣ୍ଡେଂ ସାକ୍ତି ହିଲୁଡ୍, ହେ ଜୁଝାଣ୍ଡ ଚେଲାର୍ ନିପିତ ହିଜି ଇନାକିଦେଂ ଏପେଙ୍ଗ୍ ଇସ୍ବରଟିଂ ପରିକ୍ୟା କିନାଦେରା ? ୧୧ ଆକାୟ ଇଦାଂ ସମାନ୍ ଆକାୟ ହେୱାର୍ ଇନେସ୍ ପାତ୍ କିଜି ରାକ୍ୟା ଆତାଣ୍ଡା, ଆପେଂ ପା ସମାନ୍ ହେ ଲାକେ ପାତ୍ କିଜି ମାପୁ ଜିସୁତି ଉପକାର୍ ଦୟା ପାୟାତାପ୍ନା ।”

୧୨ ଇବେ ସବାନିକାର୍ ଚିମ୍ପା ଆତାର୍, ଆରେ ବର୍ଣ୍ଣବା ଆରି ପାଉଲ୍ ହୁଦାଂ ପାତ୍ କିଝି ଜିହୁଦିର୍ ବିତ୍ରେ ଇସ୍ବର ଇନେସ୍ ଝିଜୁ ଚିନ୍କୁ ଆରି କାବାନି କାମାୟ କିଜି ମାତାନ୍, ହେୱାର୍ ତାଙ୍ଗ୍ ହେବେନି ବିସ୍ରେ ଝେଞ୍ଜେଙ୍ଗ୍ ଲାଗାତାର୍ । ୧୩ ହେୱାର୍ କାତା ଝିସ୍ତି ପାଚେ ଜାକୁବ୍ ଉତର୍ ହିଜି ଇଚାନ୍, “ଏ ଟଣ୍ଡାର୍, ଆରି ତଣ୍ଡେକ୍ ନା କାତା ଝେନାଟ୍ । ୧୪ ଇସ୍ବର ଜାର୍ ତର୍ କାଜିଂ ପାତ୍ କିଝି ଜିହୁଦିର୍ ବିତ୍ରେତାଂ କୁଦା ମାନାୟା

☆ ୧୫:୨ ୧୫:୭ ପକ୍ୟାତାକା ୧୦:୧-୪୩. ☆ ୧୫:୮ ୧୫:୮ ପକ୍ୟାତାକା ୧୦:୪୪; ୨:୪.

ଇଚ୍ଚଦେଂ ଇଞ୍ଜି ଇନେସ୍ ପର୍ତ୍ତୁମ୍ ହେଞ୍ଜାର୍ କାଜିଂ ଦୟା ହୁଡ଼ଜି ମାତାନ୍, ହେଦାଂ ସିମନ୍
ବୁଜାୟ୍ କିତାନ୍ନା । ୧୫ ଆରେ, ବେଶ୍‌ବାକ୍‌ଶାୟ୍‌କିନାକାର୍ ବଚନ୍ ଇଦାଂ ସବୁ ପୁରା
ବାବ୍ରେ ମେହା ଆନାତା, ଇନେସ୍ ସାସ୍ତରତ ଲେକାମାନାତ୍,

୧୬ 'ମାପୁ ଇନାନ୍'

ଇଦାଂ ପାଚେ ଆନ୍ ମାସ୍‌ଦି ଖାନାଙ୍ ଥାରି ଦାଉଦ୍‌ତି ମୁନ୍‌ଚି ଇଲ୍ ଆରେ
ରଚ୍‌ନାଙ୍,

ଆନ୍ ତାଦାଂ ଦୁଡ଼ି ମାସ୍‌ତାକା ସବୁ

ଆରେ ରଚ୍‌ଚି ହେଦାଂ ଆରେ ରଗ ସାକ୍ତି କିନାଙ୍ ।

୧୭ ସବୁ ମାନାୟ୍ ଜାତି ନା ଲାଗାୟ୍ ପାର୍ତାନା କିଦେଙ୍ ଖାନାର୍, ଇମ୍‌ଣି ପାତ୍ କିଞ୍ଜି
ଜିହୁଦି ମା ତରଦ ତାକ୍‌ପୁଟା ହେଞ୍ଜାର୍ ମାପୁଙ୍ ତେକ୍‌ନାର୍,
ସବୁ ସାଦନ୍ କାର୍‌ୟା ମାପୁ ଇଦାଂ ଇନାନ୍ ।

୧୮ ପ୍ଲୁନି ସମୁତାଂ ଇସ୍‌ବ୍ ଜାର୍ ଖିଜୁ କାମାୟ୍ ଖେଚ୍‌ଚାତାନ୍ନା ।”

୧୯ ଲାଗିଂ, “ନା ବିଚାର୍ ଇଦାଂ,” ପାତ୍ କିଞ୍ଜି ଜିହୁଦିର୍ ବିତ୍ରେ ଇମ୍‌ଣାକାର୍ ଇସ୍‌ବ୍
ନିପ ମାସ୍‌ଦାନାର୍, ହେଞ୍ଜାରିଂ ଆପ୍ କସ୍ ହିଉପ୍, ୨୦ ମତର୍ ପୁଡ଼ତାକାଂ ପୁଜାକିନାକା
ବିସ୍ତେ ବିଚାଡ଼, ଲକାର୍ ଦାରି, ଆତାକା ହୁଦାଂ ହାତି ପାରାଣିଙ୍ ଥାରି ନେତେଚ୍‌ତାଂ
ବିନେ ମାନି କାଜିଂ ଆପ୍ ହେଞ୍ଜାରିଂ ଲେକି କିନାପ୍ । ୨୧ ଇନାକିଦେଂକି ପ୍ଲୁନି କାଡ଼୍‌ଦାଂ
ସବୁ ଗାଡ଼୍‌ଦ ମସାତି ବିଦି ସୁଣାୟ୍ କିଦେଙ୍ ମାନାର୍, ଲାଗିଂ ପାତି ଜମ୍‌ନିବାଚ୍‌ତ
ପାର୍ତାନା ଇଲ୍ ଖିଜୁ ହେଞ୍ଜାକ୍ତି ବିଦି ପାଟ୍ ସୁଣାୟ୍ କିୟାନାତା ।

ପାତ୍ କିନାତ୍ ଜିହୁଦିର୍ ଲାଗେ ଆକି

୨୨ ହେପାଦ୍‌ନା ପଦ୍ୟାତାକାର୍ ଆରି ପ୍ରାଚିନାର୍ ଖିଜାର୍ ମଣ୍ଡଲି ହୁଦାଂ ଜାର୍‌ତି ବିତ୍ରେ
ମାନାୟାର୍, ଇଚିସ୍ ଟଣ୍ଡାର୍ ବିତ୍ରେ ଆଦିକ୍ ବର୍ସବା ତରଦ ତାକ୍‌ପୁଟ ଜିହୁଦା ଆରି
ସିଲାତିଂ ବାଚି କିଜି ପାଉଲ୍ ଆରି ବର୍ଣ୍ଣବା ଲାହାଙ୍ ଆନ୍ତିୟକିଆତ ପକ୍‌ତେଂ ବାଚି
କିତାର୍, ୨୩ ଆରେ, ପାତ୍ କିନାକାରିଂ ହେଞ୍ଜାର୍‌ତି କେଇଦ ଇଦାଂ ଲେକି କିଜି ପକ୍ତାର୍
।

“ଆନ୍ତିୟକିଆ, ପାତ୍ କିନାର୍ ସିରିୟା ଆରି କିଲିକିୟାନି ପାତ୍ କିଞ୍ଜି ଜିହୁଦି
ଟଣ୍ଡାର୍‌ରି ପଦ୍ୟାତାକାର୍ ଆରି ପ୍ରାଚିନ୍ ଟଣ୍ଡାର୍‌ରି ଜଞ୍ଜାର୍ । ୨୪ ଆପେଂ ଖେଚାପ୍‌ନା
ଜେ, ଆପେଂ ଇମ୍‌ଣି ମାନାୟାରିଂ ଇମ୍‌ଣାକା ପା ବଲ୍ ହିଉପେ, ମା ବିତ୍ରେ ଇବାନି
ଏଚେକ୍ ଲଗୁ କାତା ହୁଦାଂ ମି ଖାସ୍ତିତିଂ ତିର୍ କିଞ୍ଜାଦାଂ ମିଙ୍ କସ୍ କିଡ଼ତାଣ୍ଡା; ୨୫ ଲାଗିଂ
ଆସେଙ୍ ଖିଜାସ୍ ରବେ ଆଜି କେଡ୍ ଜାଣ୍ କାବୁର୍ ଅନାକାରିଂ ବାଚି କିଜି ମି ତାକେ
ପକ୍‌ତିନି କାଜିଂ ତିର୍ କିନାପା । ହେଞ୍ଜାର୍ ମା ଖାରିନି ହାଙ୍‌ଖାରି ବର୍ଣ୍ଣବା ଆରି
ପାଉଲ୍‌ତି ଲାହାଂ ହାନାର୍ । ୨୬ ଇ ଟଣ୍ଡାର୍ ମାପୁ ଜିସୁ କ୍ରିସ୍‌ଟି ହେବାତ ଜାର୍ ଜିବୁନ୍‌ତିଂ
ବିପଦ୍ କିତାଣ୍ଡା । ୨୭ ଲାଗିଂ ଆପେଂ ଜିହୁଦା ଆରି ସିଲାତିଂ ମି ତାକେ ପକ୍ତାନାପା ।
ଆପେଂ ଇନାକା ଲେକିକିତାପ୍‌ନା ହେଦାଂ, ହେଞ୍ଜାର୍ ହାର୍ ବାବ୍ରେ ହେଦାଂ ମିଙ୍‌ଜେଙ୍
ଖେଚ୍‌ଚାନାର୍ । ୨୮ ଇନାକିଦେଂକି ପୁଡ଼ତା ଲାଗେ ପୁଜାକିତି ଆକାଡ଼, ନେତେଚ୍,
ନେଞ୍ଜି ହୁଦାଂ ହାତି ପାରାଣିତି ଜେ ଆରି ଲକାର୍ ଦାରିତାଂ ବିନେ ମାନାକା, ଇ ଏଚେକ୍
ଲଡାନି ବିସ୍ତେ ପିସ୍ତି ମି ଜପି ଆରେ ଆଦିକ୍ ବଜ୍ ହିଦ୍‌ଖାଦାଂ ପୁଇପ୍‌ୟା ଜିବୁନ୍ ଆରି ମା
ନଂ‌ଜର୍‌ତ ବେସି ଇଚା ଆତାଡ଼, ୨୯ ହେ ଏଚେଗଟା ନିୟ୍‌ମ୍ ଆତାଡ଼ ପୁଡ଼ତାକାଂ ଉଦେସ୍
ତାଂ ପୁଜାକିତି ଇମ୍‌ଣାକା କାଦି ତିନୁଦେର୍, ନେତେଚ୍ ଉଣୁଦେର୍, ଗାତେଲ୍ ଛୁପ୍‌ଚି
ଇମ୍‌ଣି ଜିବୁନିକାଂ ଜେଇ ତିନୁଦେର୍ ଆରି ଦାରିତାଂ ଦେହା ମାନାଟ୍ । ଇ ସବୁ କାମାୟ୍
କିଞ୍ଜାଦାଙ୍ ଜାଗ୍ରତ୍ ମାଚିସ୍, ମିଦାଙ୍ ହାରା ଆନାଡ଼ । ମା ବାୟାୟ୍ ଇଚାଟ୍ ।”

୩୦ ହେବେ କାରୁର ହିନାକାର ହେଲଖେୟ ଅଜି ଆକ୍ରିୟକିଆତ ଖାତାର, ଆରେ ତେଲାରିଂ ରୁଣ୍ଡାୟ କିଜି ଚିଚି ହିତାର । ୩୧ ହେଖାର ହେଦାଂ ପଡ଼ି କିଜି ଦୁକ୍‌ସାରାୟ ଗାଟାଜି ଖାରୟା ଆତାର । ୩୨ ଆରେ, ଜିହୁଦା ଆରି ସିଲା ନିଜ୍ ନିଜ୍ ପା ବେଶ୍‌ବାକ୍‌ଶାୟକିନାକାର ମାତିଲେ ଆଦେକ୍ କାତା ହୁଦାଂ ଟଣ୍ଡାରରିଂ ଖାରିକିୟ କିଜି ହେଖାରିଂ ସୁସ୍ତା କିତାର । ୩୩ ଆରେ, ହେଖାର ହେବେ ଏଚେକ୍ ଦିନ୍ ମାତି ପାଚେ ହେଖାର ପକ୍ତି ମାତି ଲକୁ ଲାଗାୟ ମାସ୍‌ଦି ହାଞ୍ଜେକ୍ ପାତ୍ କିନି ଟଣ୍ଡାରତାଂ ସୁସ୍ତାତ ହେଲ ଅତାର, ୩୪ ମାତର୍ ସିଲା ହେବେ ମାଞ୍ଜେକ୍ ହାର ବାବି କିତାନ ।

୩୫ ପାଉଲ୍ ଆରି ବର୍ଣ୍ଣବା ଆକ୍ରିୟକିଆତ ମାନଞ୍ଜି ଆରେ ବିନ୍ ବିନ୍ ଆଦେକ୍ ଲକୁ ଲାହାକ୍ ପା ମାପୁତି କାତା ହିକ୍ୟା ହିଜି ନେକ୍ରିକାରୁର୍ ସୁଣାୟ କିଦେକ୍ ଲାଗାତାର ।

ପାଉଲ୍ ଆରି ବର୍ଣ୍ଣବାତି ବିତ୍ରେ ବିନେ

୩୬ କେତେକ୍ ଦିନ୍ ପାଚେ ପାଉଲ୍ ବର୍ଣ୍ଣବାକ୍ ଇଚାନ, ଆସେକ୍ ଇମ୍‌ଣି ସବୁ ଗାଡ୍‌ଦ ମାପୁତି କାତା ପରଚାର କିଜି ମାଚାସ୍, ହେ ଝିକୁ ଗାଡ୍‌ଦ “ନକ୍ ମାସ୍‌ଦି ହାଲ୍‌ଜି ଟଣ୍ଡାରିଂ ବେଟାଜି, ହେଖାର ଇନେସ୍ ମାନାର ହୁଡ୍‌ନାସ୍ ।” ୩୭ ହେବେ ଜହନ୍ ମାର୍କ ତରନ୍ତି ତାକ୍‌ପୁଟା ଜହନ୍‌ତିଂ ପା ହାକ୍ ଅଦେଂ କାଜିଂ ବର୍ଣ୍ଣବାତି ମାନ ମାଚାଡ୍; ୩୮ ମାତର୍ ହେଖାନ ହେଖାରିଂ ପିସ୍ତି ପଂପୁଲିଆତ ଖାଜି ମାଚାନ ଆରି ହେଖାର ଲାହାକ୍ କାମାୟତ ହାଲ୍‌ଖାଦାଂ ମାଚାନ, ହେଖାନିଂ ହାକ୍‌ଦ ଅଦେଂ ପାଉଲ୍ ହାର ବାବି କିଖାତାନ । ୩୯ ହେବେ ବେସି ଗଣ୍ଡଗଲ୍ ଆତିଲେ ହେଖାର ହାରି ବିନେ ଆତାର, ବର୍ଣ୍ଣବା ମାର୍କକ୍ ହାକ୍ ଅଜି ଜାଜତ କୁଚ୍‌ଚି କୁପ୍‌ତ ହାଚାର, ୪୦ ମାତର୍ ପାଉଲ୍ ସିଲାକ୍ ବାତି କିଜି ଟଣ୍ଡାର ହୁଦାଂ ମାପୁତି ଦୟାତ ହେଲାୟ ଆଜି ହାଚାର, ୪୧ ଆରେ ହେଖାନ ସିରିୟା ଆରି କିଲିକିୟା ହିଜି ହାଲୁ ହାଲୁ ମଣ୍ଡଲିକାଂ ବାଡ୍‌କାସ୍ କିତାର ।

୧୭

ପାଉଲ୍ ଆରି ସିଲାତି ହୁଦାଂ ତିମତିତି ହାନାକା

୧ ପାଚେ ପାଉଲ୍ ଦବ ଆରି ଲୁସ୍ତାତ ପା ଖାତାର, ଆରେ ହୁଡ୍‌ଡାଟ୍, ହେ ବାହାତ ତିମତି ତରଦ ରଖାନ ଚେଲା ମାଚାନ, ହେଖାନ ରଖାନ ପାତ୍ ନି ଜିହୁଦି କଗଲେନି ମାଜି ମାତର୍ ହେଖାନତି ଆବା ରଖାନ ଗ୍ରିକ୍ ଲଗୁ । ୨ ଲୁସ୍ତା ଆରି ଇକନିୟତ ମାନି ପାତ୍ କିନି ଟଣ୍ଡାର ହେଖାକ୍ତି ସାକି ତାକ୍‌ପୁଟାୟ କିଜି ମାଚାର । ୩ ତାଙ୍ଗେକ୍ ହାକ୍‌ଦ ଅଦେଂ ପାଉଲ୍ ଇଚା କିତାନ, ଆରେ ହେ ସବୁ ନିପ ମାନି ଜିହୁଦିର୍ କାଜିଂ ତାକ୍ ଅଜି ସୁନ୍ନଡ୍ କିତାନ; ଇନାକିଦେଂକି ତିମତି ଲାତ୍ରାହି ରଖାନ ଗ୍ରିକ୍ ଲଗୁ ଇଞ୍ଜି ଝିଜାକାର ପୁଞ୍ଜି ମାଚାର । ୪ ଆରେ, ହେଖାର ବିନ୍ ବିନ୍ ବସ୍ତି ହିଜି ହାଲୁ ହାଲୁ ଜିରୁସାଲମ୍‌ନି ପକ୍ୟାତାକାର ଆରି ପ୍ରାଚିନାର ହୁଦାଂ ରଚ୍‌ଚି ବଲ୍ ବିଚାର୍ ସବୁ ମାନି କିଦେକ୍ ପାତ୍ କିନାକାର ଲାଗେ ହେଲାୟ କିବିସ୍ ମାଚାର । ୫ ଇ ବାନି ମଣ୍ଡଲି ନିକାର ପାତ୍ ତ ତାଟ୍ ଆଜି ଦିନ୍‌ତିଂ ଦିନ୍ ଇସାବ୍‌ରେ ବାଡାଦେଂ ଲାଗାତାଡ୍ ।

ତ୍ରୟାତ ପାଉଲ୍‌ତି କେଚ୍‌କଣ

୬ ପୁଇପୁୟା ଜିରୁନ୍ ହେଖାର ଆସିଆ ଦେସ୍‌ତ ପରଚାର କିଦେକ୍ ମୁନା କିଚ୍‌ଲେ ହେଖାର ପୁଗିଆ ଆରି ଗାଲାତିୟ ନିପ ହାଚାର, ୭ ଆରେ, ହେଖାର ମୁସିଆ ଲାଗାୟତ ଏକିସ୍ ବିତୁନିଆତ ହାଞ୍ଜେକ୍ କାଜିଂ ସେସ୍ କିତାର, ମତର୍ ଜିସ୍ତି ଜିରୁନ୍ ହେଖାରିଂ ହାଞ୍ଜେକ୍ ହିଖାତାଡ୍ । ୮ ଲାଗିଂ ହେଖାର ମୁସିଆ ଲାଗେ ହିଜି ତ୍ରୟାତ ଖାତାର । ୯ ଆରେ, ନାଶାଲିଂ ପାଉଲ୍ ର କେଚ୍‌କଣ ଗାଟାତାନ, ମାକିଦନିଆନି ରଖାନ ମାନାୟ

* ୧୫:୩୮ ୧୫:୩୮ ପକ୍ୟାତାକା ୧୩:୧୩.

ଇଞ୍ଜ ତାଙ୍ଗ ଗଞ୍ଜାରି କିଜି ଇନାନ୍ନା, ମାକିଦନିଆ ନାସି “ଝାଜି ମାଂ ଉପକାର୍ କିଦା ।”
 ୧୦ ପାଉଲ୍ ଇ କେବକଣା ଗାଟାତି ପାଟେ ଆପେଂ ଦାପ୍ରେ ମାକିଦନିଆତ ହାଞ୍ଜେଙ୍ଗ୍
 ଜାଲ୍ଦି କିତାପ୍, ଇନାକିଦେଂକି ହେଝାର୍ ଲାଗାୟ୍ ନେକ୍ତିକାରୁର୍ ପର୍ତାର୍ କିଦେଙ୍ଗ୍
 ଇସ୍ପର୍ ମାଂ କୁକ୍ତାନ୍ନା ଇଞ୍ଜି ଆପେଂ ବୁଜାତାପ୍ ।

ପିଲିପ୍ପିତ ଲୁଦିଆତି ମାନବାଦଲ୍ଲୟ୍

୧୧ ଲାଗିଂ ତ୍ରୟାତାଂ ଜାଜ୍ତ ଆପେଂ ହାଣ୍ଡକୁ ହାସ୍ଦ ସାମତ୍ରାକିତ ହାଟାପ୍ ଆରି
 ଆର୍କାଡ୍ ନାଜିଂ ନିୟାପଲିତ ଏକାତାପ୍ । ୧୨ ହେବେତାଂ ପିଲିପ୍ପିତ ହାଟାପ୍, ଇଦାଂ
 ମାକିଦନିଆନି ହେ ରାଜି ର ମୁଡ୍ ଗାଡ୍, ଆରେ ର ରମିୟ୍ କଲ୍ନି, ହେ ଗାଡ୍ଦ୍ ଆପେଂ
 କେତେକ୍ ଦିନ୍ ମାଟାପ୍ । ୧୩ ଜମ୍ନିବାର୍ତ ଆପେଂ ଗାଡ୍ ଦୁଝାର୍ତାଂ ହସି ନାଗୁଡ୍,
 ଗୁଚିତ ହାଟାପ୍, ହେବେ ପାର୍ତନାନି ବାହା ମାନାଡ୍ ଇଞ୍ଜି ଆପେଂ ବାବି କିଜି ମାଟାପ୍,
 ଆରେ ଆପେଂ କୁଚି ରୁଣ୍ଡାଜି ମାନି ଆୟାତାଡ୍ଟିକାଂ କାତା ଇଞ୍ଜେଙ୍ଗ୍ ଲାଗାତାପ୍ ।
 ୧୪ ଆରେ, ତ୍ରୟାତିରା ଗାଡ୍ଦ୍ ଝାଙ୍ଗାବାତ୍ ହେୟା ପ୍ରନି ଲୁଦିଆ ତର୍ନି ରଞ୍ଜେଲ୍
 ତାଡ୍ଟି ମାଟାଡ୍, ହେଦେଲ୍ ଜେ ଇସ୍ପର୍ତିଂ ପାର୍ତନା କିନାକାଦେଲ୍ ମାଟାଡ୍, ହେଦେଲ୍
 ମା କାତା ଝେନ୍ଝି ମାଟାଡ୍ । ହେଦେଲ୍ ଇନେସ୍ ପାଉଲ୍ତି ଇତି ବିସ୍ତେ କାଜିଂ ମାନ୍ତ
 ଦିଆନ୍ କିତାଡ୍, ଇଦାଂ କାଜିଂ ମାପୁ ହେଦେଲିଂ ମାନ୍ ଜେସି ହିତାନ୍ । ୧୫ ଆରେ,
 ହେଦେଲ୍ ଆରି ତାଦେଲ୍ତି ପାର୍ତନା ବାପ୍ତିସିମ୍ ଆତି ପାଟେ ହେଦେଲ୍ ମାଂ ଗଞ୍ଜାରି
 କିଜି ଇନ୍ଝାଡ୍, ଏପେଙ୍ଗ୍ ଜଦି ନାଙ୍ଗ୍ “ମାପୁତି ଲାଗେ ପାତ୍ ଇଞ୍ଜି ବିଚାର୍ କିଜି
 ମାଞ୍ଜିସ୍, ଝାଟିଙ୍ଗ୍ ନା ଇଞ୍ଜି ଝାଜି ବାହା କିୟାର୍” ଆରେ, ହେଦେଲ୍ ମାଂ ଅସି ହାଞ୍ଜାଡ୍
 ।

ପିଲିପ୍ପିନି ଜଲ୍ଲତ ପାଉଲ୍ ଆରି ସିଲା

୧୬ ଦିନେକ୍ ଆପେଂ ପାର୍ତନା ବାହାତ ହାଲ୍ଜି ମାନି ଝାଡାଙ୍ଗ୍ ର ବାନ୍ୟା ଜିବୁନ୍
 କଡ୍ଡି ଆଡିଏଣି ଗାଡ୍ଡେଂ ବେଟା ଆତାପ୍ । ତା ବିଡ୍ରେ ମାନି ପୁଦାନି ସାଲ୍ଜି ହୁକେ
 ହେଦେଲ୍ ଆଗେନି କାତା ଇଞ୍ଜି ମାଟାଡ୍ । ହେଦେଲ୍ ମାନାୟାଡ୍ଟି କାରୁମ୍ ଗାଣାକିଜି,
 ହାଉକାରିଂ କାଜିଂ ବେସି ଟାକାଂ ଆଦାୟ୍ କିଜି ମାଟାଡ୍ । ୧୭ ହେଦେଲ୍ ପାଉଲ୍ ଆରି
 ମା ପାଟେ ପାଟେ ଝାଜି କିକିରାତିଂ କିଜି ଇଞ୍ଜେଙ୍ଗ୍ ଲାଗାତାଡ୍, “ଇ ମୁଣିକାର୍ ର
 ଇସ୍ପର୍ତି ଆଡିୟାର୍, ହେଝାର୍ ମିଙ୍ଗ୍ ମୁକ୍ତିନି ହାଜି ଜାଣାୟ୍ କିଦନାରା ।” ୧୮ ହେଦେଲ୍
 ବେସି ଦିନ୍ ପାଟେକ୍ ଇଦାଂ କିତାଡ୍ । ମତର୍ ପାଉଲ୍ ରିସା ଆଜି ମାସ୍ଦି ହେ
 ଜିବୁନ୍ତିଙ୍ଗ୍ ଇଟାନ୍, ତା ତାଙ୍ଗ୍ ହସି ହାଞ୍ଜେଙ୍ଗ୍ ଆନ୍ ନିଂ “ଜିସୁ କ୍ରିସ୍ଟି ତର୍ଦ୍ଦ ବଲ୍
 ହିଦନାଙ୍ଗା ।” ଇବେଣ୍ଡାଂ ହେଦେଲ୍ ହେ ଦାପ୍ରେ ହସି ହାଟାଡ୍ । ୧୯ ମତର୍ ତା ମାପୁ
 ମୁଣିକାତ୍ ଜାର୍ତିଂ ଲାବ୍ ଆହା ହାଟାକା ହୁଡ୍ଜି ପାଉଲ୍ ଆରି ସିଲାତିଂ ଆଜି
 ହେଝାରିଂ ଚକ୍ ବାହାତ ସାସନ୍ଦକାର୍ଯ୍ୟାତ୍ ଲାଗେ ଜାଲ୍ଜି ଅତାର୍ । ୨୦ ଆରେ,
 ହେଝାର୍ ହେଝାରିଂ ବିଚାର୍କାର୍ଯ୍ୟାତ୍ ଲାଗେ ତାହି ଇଟାର୍, “ଇ ମାନାୟାର୍ ଜିହୁଦି,
 ଇଝାର୍ ମା ଗାଡ୍ଦ୍ ଗଣ୍ଡଗଲ୍ କିନାରା । ୨୧ ମା, ରମିୟ୍ ଲକାର୍ତି ଇମ୍ଣି ସବୁ ରିତିନିତି
 ଇନାକା କି ମାନି କିନାକା ବିଦି ଆକାୟ୍, ହେଦାଂ ଇଝାର୍ ପର୍ତାର୍ କିନାରା ।”
 ୨୨ ହେବେ ଲକୁ ପା ହେଝାର୍ତି ବିରୁଦ୍ଦ୍ ନିଂତାର୍,

ଆରେ ବିଚାର୍କାର୍ଯ୍ୟା ପାଉଲ୍ ଆରି ସିଲାତି ହେୟା ଉନ୍ଦି ହେଝାରିଂ
 ବାଡ୍ଗେମାଡ୍ କିଦେଙ୍ଗ୍ କାଜିଂ ବଲ୍ ହିଟାର୍ । ୨୩ ହେଝାର୍ ହେଝାରିଂ ବେସି ଟ୍ରାକି
 କିୟକିତି ପାଟେ ଜଲ୍ଲ ଇଞ୍ଜି ଇଡ୍ଜି ହେଝାରିଂ ଜାଗ୍ରତାଂ ରାକ୍ୟା କିନି କାଜିଂ ଜଲ୍ଲ
 ଇଟନାକାନିଂ ଆଟ୍ଝା ବଲ୍ ହିଟାର୍ । ୨୪ ହେଝାନ୍ ଇ ବାନି ଆଟ୍ଝା ବଲ୍ ଗାଟା ଆଜି
 ହେଝାରିଂ ବିଡ୍ରେ ଜଲ୍ଲ ଇଞ୍ଜି ଇଡ୍ଜି ହେଝାର୍ତି ପାନାତ ଗାଜା କୁଟ୍ଟା ଗାଟ୍ଟାର୍ ।

୨୫ ମାତର ମାଦିମାଦାନାଣା ପାଉଲ୍ ଆରି ସିଲ୍ଲା ଇସ୍ବରତି ଲାଗାୟ ପାର୍ତନା ଆରି ଗୁଣ୍ମାଣି କିଜି ମାତର, ଆରେ ବନ୍ଦିର ଝେନ୍ଝି ମାତର । ୨୬ ହେ ଏଚେକାତ୍ତ୍ବ ହାଚାଗ୍ରେ ଏଲେଙ୍ଗ୍ ଗାଜା ମେଦ୍ନି ଦାଲ୍ଲକା ଆତାତ୍ ଜେ, ଜଇଲ୍ଲ ଇଲ୍ଲିନି କୁନାଦି ତ୍ରିଙ୍ଗ୍ଦେଂ ଲାଗାତାତ୍, ଆରେ ଦାପ୍ରେ ଝିନ୍ତୁ ଜଇଲ୍ଲ ଦୁଝେର୍ ଜେୟା ଆତାତ୍, ଆରେ ସବୁ ଜାଣ୍ଡି ହିକ୍ତି ଗାଟି ରିଂଜି ହାଟିକ୍ । ୨୭ “ଇବେ ଜଇଲ୍ଲ ଇଲ୍ଲ ଇଚ୍ଚନାକାନ୍ ହୁଚ୍କାଣ୍ଡୁତାଂ ନିଂଜି ଜଇଲ୍ଲ ଇଲ୍ଲିନି ଦୁଝେର୍ ମେଲ୍ଲା ଆତାକା ହୁଡ୍ଜି ବନ୍ଦିର ହନ୍ତି ହାଚାଣ୍ଡା ଇଞ୍ଜି ବାବି କିଜି, କାଣ୍ଡା ହପ୍ତି ଜାର୍ତି ଅହ୍ୟାଦେଂ ହାଲ୍ଲଜି ମାଚାନ୍ ।” ୨୮ ମାତର ପାଉଲ୍ ବେସି ଗାଜାକାଚ୍ଚତାଂ କୁକ୍ତି ଇଚାନ୍, “ଜାର୍ତିଂ ଇମ୍ମଣାକା ପା ନସ୍ବୁ କିମା, ଇନାକିଦେଂକି ଆପେଂ ଝିଜାକାପ୍ ଇବେ ମାନାପ୍ ।”

୨୯ ହେବେ ହେଝାନ୍ ବଇଚା ତାତେଙ୍ଗ୍ ଇଞ୍ଜି ଗୁମ୍ଜି ପାଣ୍ଡୁଡ୍ ତ୍ରିଗ୍ଜି ତ୍ରିଗ୍ଜି ପାଉଲ୍ ଆରି ସିଲ୍ଲାତି ମୁମ୍ଦ ଗୁର୍ତାନ୍, ୩୦ ଆରେ ହେଝାରିଂ ବାର୍ତ୍ତ ତାହି ଇଚାନ୍, “ମାପୁର୍, ରାକ୍ୟା ପାୟାଦେଂ କାଜିଂ ନାଙ୍ଗ୍ ଇନାକା କିଦେଙ୍ଗ୍ ଆନାତ୍ ?”

୩୧ ହେଝାର୍ ଇଚାର୍, “ମାପୁ ଜିସୁ ତାକେ ପାତ୍ କିୟାଟ୍, ତା ଆତିସ୍ ଏପେଙ୍ଗ୍ ଝିନ୍ତୁ କୁଚ୍ଚୁମ୍ ରାକ୍ୟା ପାୟାନାଦେର୍ ।” ୩୨ ପାଚେ ହେଝାର୍ ତାଙ୍ଗ୍ ଆରି ତା ଇଞ୍ଜି ମାନି ଝିଜାରିଂ ମାପୁତି ବଚନ୍ ଇଚାନ୍ । ୩୩ ଆରେ, ହେଝାନ୍ ହେଝାରିଂ ନାଣା ହେ ସମୁତ ଅଜି ହେଝାର୍ତି ଟ୍ରାକ୍ୟାତି ଗାଝ୍ ସବୁ ନୁସ୍ତାନ୍, ଆରେ, ହେଝାନ୍ ଆରି ହେଝାନ୍ତି ପାର୍ତନା ହେ ଦାପ୍ରେ ବାପ୍ତିସିମ୍ ଆତାର୍ । ୩୪ ହେବେ ହେଝାନ୍ ହେଝାରିଂ ଜାର୍ ଇଞ୍ଜି ଅସି ହାଲ୍ଲଜି କାଦି ଚିଚ୍ପାତାନ୍, ଆରେ ଝିନ୍ତୁ ପାର୍ତନା ହୁକେ ଇସ୍ବର ତାକେ ପାତ୍ କିଜି ଜବର୍ ଝାର୍ୟା ଆତାର୍ ।

୩୫ ନାଡ୍ଡିସ୍ ଆତିଲେ ବିଚାରକାର୍ୟାର୍ ଜାମାନିରିଂ ଇଦାଂ ଇଞ୍ଜି ପନ୍ତାର୍, “ହେ ଲକୁରିଂ ପିହାଟ୍ ।”

୩୬ ଇବେଣ୍ଡାଂ ଜଇଲ୍ ଇଲ୍ ପାଉଲ୍ତିଂ ଇ କାତା ଇଞ୍ଜି ଝେଚ୍ଚଚାନ୍, ମିଙ୍ଗେଙ୍ଗ୍ ପିସ୍ତ୍ରୁ ହିଦେଂ କାଜିଂ “ବିଚାରକିନାକାର୍ ଲକୁ ପନ୍ତାତାଣ୍ଡା । ଲାଗିଂ ନଙ୍ଗ୍ ହସି ଝାଜି ସୁସ୍ତାତ ତାଂଜି ହାଲାଟ୍ ।”

୩୭ ମାତର ପାଉଲ୍ ହେଝାରିଂ ଇଚାନ୍, “ରମିୟ ଲକୁ ଜେ ଆପେଂ, ମା ବିଚାର କିଝାଦାଂ ହେଝାର୍ ରିସାରେ ମାଂ ଟ୍ରାକ୍ତି ପାଚେ ଜଇଲ୍ତ ତୁହିଦାତାଣ୍ଡା, ଆରେ ନଙ୍ଗ୍ କି ଲୁକାମ୍ରେ ମାଂ ପିସ୍ସି ହିଦ୍ନାରା ? ହେଦାଂ ଆଉଟ୍, ମତର୍ ହେଝାର୍ ନିଜେ ଝାଜି ମାଂ ବାର୍ତ୍ତ ଅଦେର୍ ।”

୩୮ ଇବେଣ୍ଡାଂ ଜାମାନିର୍ ବିଚାରକାର୍ୟାରିଂ ଇ ଝିନ୍ତୁ ବଚନ୍ ଜାଣାୟ କିତାର୍, ଆରେ ହେଝାର୍ ଜେ ରମିୟ ଲକୁ, ଇଦାଂ ଝେନ୍ଝି ହେଝାର୍ ପାଣ୍ଡା ଆତାର୍, ୩୯ ଆରେ, ହେଝାର୍ ଝାଜି ହେଝାରିଂ ଗଝାରି କିତାର୍, ଆରେ ହେଝାରିଂ ଜଇଲ୍ ଇଞ୍ଜାଙ୍ଗ୍ ହପ୍ତି ତାସି ଗାତ୍ଦାଂ ହସିହାଞ୍ଜେଙ୍ଗ୍ କାଜିଂ ହେଝାରିଂ ଗଝାରି କିତାର୍ । ୪୦ ହେବେଣ୍ଡାଂ ପାଉଲ୍ ଆରି ସିଲ୍ଲା ଜଇଲ୍ ତାଂ ହସିହାଲ୍ଲଜି ଲୁଦିଆତି ଇଲ୍ଲଦ ହଚାର୍, ଆରେ ଟଣ୍ଡାର୍ ଲାହାଙ୍ଗ୍ ବେଚା ଆଜି ହେଝାରିଂ ଝାରିକିୟକିନି ପାଚେ ହାଚାର୍ ।

୧୭

ତେସଲନିକିତ ହେବାକାମାୟ

୧ ପାଚେ ହେଝାର୍ ଆଂପିପଲି ଆରି ଆପଲନିଆ ହିଜି ହାଲ୍ଲଜି ତେସଲନିକିତ ଝାତାର୍; ହେବେ ଜିହୁଦିଚ୍ଚି ର ପାର୍ତନା ଇଲ୍ ମାଚାତ୍ । ୨ ପାଉଲ୍ ତା ରିତି ଇସାବ୍ରେ ହେଝାର୍ ଲାଗାଂ ହାଚାନ୍, ଆରେ ତିନି ଗଟା ଜମ୍ନିବାର୍ ପାଚେକ୍ ସାସ୍ତର୍ ବଚନ୍ ଅଜି ହେଝାରିଂ ବୁଜାୟ କିତାନ୍, ୩ ଆରେ, କ୍ରିସ୍ତୁଜି ଜେ ଦୁକ୍ବଗ୍ ଆରି ହାତାକାର୍ ବିଚ୍ଚେ

ନିନାକା ଲତା ମାତାତ୍, ଆରେ ହେଞ୍ଜାନ୍ ଇମ୍ଫଣି ଜିହ୍ଵୁଙ୍ଗ୍ ହେଞ୍ଜାର୍ ଲାଗାଂ ସୁଶାୟ କିନାନା, ହେଞ୍ଜାନ୍ କ୍ରିସ୍, ଇବେନି ନିର୍ମଲ୍ ପାର୍ମାଣ୍ ହିତାନ୍ । ୪ ହେବେଣ୍ଡାଂ ହେଞ୍ଜାର୍ ବିତ୍ରେ କେତେକ୍ ଜାଣ୍ ପାତ୍ କିଜି ପାଉଲ୍ ଆରି ସିଲାତି ଲାହାଙ୍ଗ୍ ମେହା ଆତାନ୍; ଆରେ, ଜିହ୍ଵୁଦି ପାର୍ତାନା କିନାକାର୍ ଗ୍ରିକ୍ତି ବିତ୍ରେ ହେନି ଲକୁ ଆରି ଆଦେକ୍ କଗ୍ଲେକ୍ ହେଞ୍ଜାର୍ ଲାହାଙ୍ଗ୍ ମେହାତିକ୍ ।

* ମାତର୍ ଜିହ୍ଵୁଦିର୍ ଆକାର୍ତ ରିସା ଆଜି ବାଜାଣ୍ କେତେକ୍ ବାନ୍ୟା ମାନାୟାର୍ ଲାହାଙ୍ଗ୍ ଅଜି ଲକୁ ଗହଲି କିଜି ଗାଡ୍ଦ ଗଣ୍ଡଗଲ୍ କିୟକିତାର୍, ଆରେ ଜାସୋନତିଂ ଇଞ୍ଜ ମାତିବହା ଆଜି ହେଞ୍ଜାରିଂ ମାନାୟାର୍ ଲାଗାୟ୍ ହପ୍ତି ତାତେଙ୍ଗ୍ କାଜିଂ ସେସ୍ଵା କିତାର୍ । ୬ ମାତର୍ ହେଞ୍ଜାରିଂ ଗାଟାଞ୍ଜିତିଲେ ହେଞ୍ଜାର୍ ଜାସୋନ ଆରି କେତେକ୍ ଟଣ୍ଡାର୍ ଗାଡ୍ଦି ସାସନକାର୍ଯ୍ୟାର୍ ଲାଗାୟ୍ ଜେଲ୍ଜି ତାହି ଗାଜାକାଟ୍ତାଂ କୁକ୍ତି ଇତାର୍, “ଇଞ୍ଜାର୍ ଇମ୍ଫଣି ମାନାୟାର୍ ପୁତ୍ତିଂ ଉଲ୍ଟାପଲ୍ଟା କିଜି ତୁହିତାରେ, ହେଞ୍ଜାର୍ ଇବେ ପା ଖାତାଣ୍ଡା; ହେଞ୍ଜାରିଂ ଜେସନ୍ ଇଡ୍ତାନ୍ନା । ୭ ଜାସୋନ ହେଞ୍ଜାର୍ ଇଲ୍ ଇଡ୍ତାନ୍ନା । ଜିସ୍ଵ ତର୍ଦ ଆରେ ରଞ୍ଜାନ୍ ରାଜା ମାନାନ୍ ଇଞ୍ଜି ଇଞ୍ଜି ଇଞ୍ଜାର୍ ଞ୍ଜିଜାର୍ କାଈସର୍ତ୍ତି ବଲ୍ ମାନିକିନାରା ।” ୮ ହେଞ୍ଜାର୍ତ୍ତି ଇ କାତା ଞ୍ଜେନ୍ଞି ଲକୁ ସରୁ ଆରି ସାସନକାର୍ଯ୍ୟାର୍ ରିସା ଆଜି ଗଣ୍ଡଗଲ୍ କିତାର୍ । ୯ ପାତେ ହେଞ୍ଜାର୍ ଜାସୋନ ଆରି ହେଞ୍ଜାନ୍ତି ହାଂଙ୍ଞାଟ୍ତାଂ ଜାମ୍ଲି ଅଜି ହେଞ୍ଜାରିଂ ପିସ୍ତି ହିତାର୍ ।

ବେରିଆତ ହେବାକାମାୟ୍

୧୦ ଆରେ, ଟଣ୍ଡାର୍ ଆରି ତଣ୍ଡେକ୍ ମାଲାଞ୍ଜାଦାଂ ପାଉଲ୍ ଆରି ସିଲାଙ୍ଗ୍ ନାଶାକାଡ୍ଦ ବେରିୟାତ ପକ୍ତିହିତାର୍; ହେଞ୍ଜାର୍ ହେ ବାହାତ ଏକିସ୍ ଜିହ୍ଵୁଦିର୍ତ୍ତି ପାର୍ତାନା ଇଞ୍ଜ ହାତାର୍ । ୧୧ ତେସ୍ଲନିକିତ ମାନି ଜିହ୍ଵୁଦିର୍ତ୍ତାଂ ଇଞ୍ଜାର୍ ହାଦାକାର୍ ମାତାର୍ । ଇଞ୍ଜାର୍ ପୁରା ଖାରିତାଂ ବଚନ୍ ଇଡ୍ତାର୍, ଆରେ ଇ ଞ୍ଜିଲ୍ ହାଡ୍ପା କି ଆକାୟ୍, ହେଦାଂ ପୁଞ୍ଜେଙ୍ଗ୍ କାଜିଂ ଦିନ୍କେ ସାସ୍ତ୍ରନ୍ ପରସନ୍ ତେକ୍ତି ମାତାର୍ । ୧୨ ଲାଗିଂ ହେଞ୍ଜାର୍ତ୍ତି ବିତ୍ରେ ଆଦେକ୍ ଆରି ଗ୍ରିକ୍ତି ବିତ୍ରେ ଆଦେକ୍ ମୁସ୍ତିଦାର୍ ତାଡ୍ଡିକ୍ ଆରି ଆଣ୍ଡା ହିମ୍ଣାଂ ପା ପାତ୍ କିତାର୍ । ୧୩ ମାତର୍ ଏତେକାଡ୍ଦ ତେସ୍ଲନିକିୟ୍ ଜିହ୍ଵୁଦିର୍ ପୁରା ଜେ, ଇସ୍ତର୍ତ୍ତି ବଚନ୍ ପାଉଲ୍ତି ହୁଦାଂ ବେରିୟାତ ପା ପରଗାର୍ ଆନାତା, ହେ ଏତେକାଡ୍ଦ ହେଞ୍ଜାର୍ ହେ ବାହାତାଂ ପା ଖାଜି ଲକୁରିଂ ଟିଉଲାୟ୍ ଆରି ରିସା କିତାର୍ । ୧୪ ହେବେଣ୍ଡାଂ ଟଣ୍ଡାର୍ ମାଲାଞ୍ଜାଦାଂ ପାଉଲ୍ତିଂ ହାମ୍ଡୁର୍ ନିପ ହାନି କାଜିଂ ପଲ୍ଲାର୍, ଆରେ ସିଲା ଆରି ତିମତି ହେ ବେରିଆତ ମାତାର୍ । ୧୫ ମାତର୍ ଇମ୍ଫଣାକାର୍ ପାଉଲ୍ତିଂ ଏତେନ୍ସ୍ ଅଜି ହାତାର୍, ହେଞ୍ଜାର୍ ତାଙ୍ଗ୍ ଏତେନ୍ସ୍ ପାତେକ୍ ତାଈଞ୍ଜାତାର୍, ଆରେ ସିଲା ଆରି ତିମତି ଇନେସ୍ ବେଗି ତା ଲାଗାୟ୍ ଖାନାର୍, ଇ ବଲ୍ ଗାଟାଜି ହେଞ୍ଜାର୍ ହାତାର୍ ।

ଆତିନିସ୍ତ ପାଉଲ୍ତି ହେବାକାମାୟ୍

୧୬ ଏତେନ୍ସ୍ତ ପାଉଲ୍ ହେଞ୍ଜାର୍ କାଜିଂ ମାନି ଞ୍ଜେଡାଲିଂ ହେ ଗାଡ୍ଦ ପୁଡ୍ଡାତ ବାତ୍ ହୁଡ୍ଡି ତା ଜିବୁନ୍ତ ରିସା ଆଜି ନିତାନ୍ । ୧୭ ଲାଗିଂ ହେଞ୍ଜାନ୍ ପାର୍ତାନା ଇଞ୍ଜ ଜିହ୍ଵୁଦିର୍ ଲାହାଂ ଇସ୍ତର୍ତ୍ତି ପାର୍ତାନା କିନାକାନ୍ ପାତ୍ କିଞ୍ଜି ଜିହ୍ଵୁଦି ଲାହାଂ ଇ ବିସ୍ତେ ସରୁ ନାଞ୍ଜିଙ୍ଗ୍ କାତା ବାର୍ତା କିଦେଙ୍ଗ୍ ଲାଗାତାର୍ । ବସ୍ତି ବାଜାର୍ ଚକ୍ତି ବାହାକାଂ ବୁଲ୍ଗାଲା ଆଜି ମାନି ପାତିଦିନ୍ ଇମ୍ଫଣାକାର୍ ହୁଦାଂ ହୁଡ୍ଡକା ଆଜି ମାତାର୍, ହେଞ୍ଜାରିଂ ଉପ୍ଦେସ୍ ହିଜି ମାତାନ୍ । ୧୮ ହେବେଣ୍ଡାଂ “ଏପିକୁରିୟ୍ ଆରି ସ୍ତ୍ରିୟିକ” କେତେକ୍ ହୁଡ୍ଡନାକାର୍ ପା ତା ହୁଦାଂ କାତାବାର୍ତା କିଦେଙ୍ଗ୍ ଲାଗାତାର୍, ଆରେ ଇନେର୍ ଇନେର୍ ଇତାର୍, “ଇ କାଡ୍ଦେ ଇନାକା ଇଞ୍ଜେଙ୍ଗ୍ ଇତା କିନାନା ?”

ଆରେ ଇନେର୍ ଇନେର୍ ଇଚାର୍, ହେୱାନ୍ ପୁଦାଙ୍ଗତି ବିସ୍ତେ ପରଚାର୍ କିନାକାନ୍ ଲାକେ ପୁନ୍ୟାନାତା । ଇନାକିଦେଂକି ହେୱାନ୍ ଜିସୁ ଆରି ଆରେ ନିଂନାକା ବିସ୍ତେନି ନେକ୍ତିକାରୁର୍ ପରଚାର୍ କିଜି ଫାଚାନ୍ ହେୱାର୍ ଇଦାଂ ଇଚାର୍ ୧୯ ପାଚେ ହେୱାର୍ ପାଉଲ୍ତିଂ ଆରିୟପାଗତ ଗାଜା ସବାତ ଅସି ହାଲ୍ଲଜି ଇଚାର୍, ଇଦାଂ ଜେ ପୁନି ହିକ୍ୟା “ଏନ୍ ହିନାୟା, ହେଦାଂ ଇନାକା ଇଞ୍ଜି ଆପେଂ ପୁଞ୍ଜେଙ୍ଗ୍ ଆଡନାପ୍ କି ? ୨୦ ଇନାକିଦେଂକି ଏନ୍ କେତେକ୍ କାବା ବିସ୍ତେ ଫାଂ କିତୁଲ୍ତ ପୁନି କିଡ଼ତାୟନା, ଲାଗିଂ, ଇ ଓଁଜୁ କାତାନି ଅରଡ଼ ଇନାକା, ଆପେଂ ହେଦାଂ ପୁଞ୍ଜେଙ୍ଗ୍ ଇଚା କିନାପା !” ୨୧ ଆତିନିୟ ଲକ୍ତୁ ଓଁଜାର୍ ଆରି ହେବେ ବାହାକିନି ବିଦେସିର୍ କେବଲ୍ ଇମ୍ଫଣାକା ପୁନି କାତା ଇନାକା ଆରି ଝେନାକା ପିସ୍ତି ଆରେ ଇନାକାତ ବେସି ସମ୍ପୁ ବିତାୟ କିଞ୍ଜାଦାଂ ଫାଚାର୍ ।

୨୨ ଇବେଣ୍ଡାଂ ପାଉଲ୍ ଆରିୟପାଗନି ଫାଦ୍‌ଣି ବାହାତ ନିଲ୍ଲଟି ଇଚାନ୍, “ଆତିନିୟ ଲଗ୍ତୁ ଏପେଙ୍ଗ୍ ଜେ ଓଁଜୁ ବିସ୍ତେ ଗାଜା ଦେବି ଲବାୟ କିନାଦେରା, ଇଦାଂ ଆନ୍ ହୁଡ଼ନାଙ୍ଗା ।” ୨୩ ଇନାକିଦେଂକି ଆନ୍ ବୁଲାନି ସମ୍ପୁତ ମି ପୁଜାକିତି ଓଁଜୁ ଦିନିସ୍ ହୁଡ଼ ହୁଡ଼ ର ଗାରଣି ପା ହୁଡ଼ତାଂ, ଇମ୍ଫଣି ଜପି ଇ କାତା ଲେକା ଆତାଡ଼ନ୍ନା, “ପୁନ୍‌ଓଁତି ଇସ୍ପରତି ଉଦେସ୍ତ ପେନ୍‌କୁତି କାଜିଂ ! ଲାଗିଂ, ଏପେଙ୍ଗ୍ ପୁନ୍‌ଞ୍ଜାଦାଂ ଇନେରିଙ୍ଗ୍ ପୁଜା କିନାଦେରା, ଆନ୍ ତାଙ୍ଗ୍ ମି ଲାଗାୟ ପରଚାର୍ କିନାଙ୍ଗା ।” ୨୪ ଇମ୍ଫଣି ଇସ୍ପର ପୁତ୍ ଆରି ତାରେନ୍‌ନିକା ଓଁଜୁ ଆଡ଼ମାଡ଼ ଉବ୍‌ଜାଣି କିତାନନ୍ନା, ହେୱାନ୍ ବାଦାଡ଼ତ୍ ଆରି ପୁତ୍ ମି ଫାପୁ ଆତିଲେ କେଇରଡ଼ି ମନ୍ଦିରତ ବାହା କିଉନ୍, ୨୫ କି ହେୱାର୍ତି ଇମ୍ଫଣାକା ଅବାବ୍ ଫାତିଲେ ଫାନାୟ କେଇ ହୁଦାଂ ଉଜ୍ କିଜି ହେୱାନ୍ ହେବା କିୟା ଆଉନ୍, ଲାଗିଂ ହେୱାନ୍ ନିଜେ ଓଁଜାରିଂ ଜିବୁନ୍‌ନି, ନେନ୍‌ଞ୍ଜେଙ୍ଗ୍ ଆରି ଓଁଜୁ ଆଡ଼ମାଡ଼ ଦାନ୍ କିଦ୍‌ନାନ୍ । ୨୬ ରଞ୍ଜାନ୍ ଫାନାୟତାଂ ହେୱାନ୍ ନାର୍ ଜାତିତିଂ ଉବ୍‌ଜାୟ କିତାନନା ଆରି ତା କାତାଂ ହେୱାର୍ ପୁତ୍ ନି ବିନ୍ ବିନ୍ ବାହାତ ବାହା କିନାରା ଆଗେ ଇସ୍ପର ବାତି କିତାନନ୍ନା । ୨୭ ହେୱାର୍ତି ଉଦେସ୍ ଫାଚାଡ଼, ଓଁଜାର୍ ଇନେସ୍ ହେୱାର୍ତି ଦାସ୍ତି ପାୟନାର୍ । ଫାତର୍ ହାଡ଼ପା ଇସ୍ପର ଇନେର୍ତାଂ ଦେହା ଆକାୟ । ୨୮ ଇନାକିଦେଂକି “ହେୱାନ୍ତି ତାକେ ମା ପ୍ରେନ୍, ହାନାକା ଆରି ଜିଜି ଫାନାକା ।”

ଇନେସ୍ ମା ଜାର୍ କେଣ୍ଟାକାତ୍ ବିତ୍ରେ ପା କେତେକ୍ ଜାଣି ଇଚାଣ୍ଟା,
 “ଇନାକିଦେଂକି ଆପେଂ ପା ହେୱାନ୍ତି ଲାତ୍ରା ।”

୨୯ ଓଁଜାଙ୍ଗ୍, ଆପେଂ ଇସ୍ପରତି ଲାତ୍ରା ଆତିଲେ ଇସ୍ପରତି ତିନ୍ ଲାକେ ଫାନାୟ ରଚନାକାନ୍ ଆରି ହାୟାୟ କିନାକାନ୍ ଇସାପ୍ରେ ବଲକ୍‌ଚାର୍ କିଜି ହନା କି ରୁପା କି କାଲ୍ ଲାକେ ବାବିକିନାକା ମା ଲଡ଼ା ଆକାୟ । ୩୦ ଫାନାୟାର୍ ଇସ୍ପରତିଂ ପୁନ୍‌ଓଁ ଝେଡ଼ାଲିଂ ହେୱାନ୍ ଦସ୍ ଆହ୍‌ଞ୍ଜାଦାଂ ଫାଚାନ୍, ଫାତର୍ ନଙ୍ଗ୍ ହେୱାନ୍ ସବୁତିଂ ଓଁଜାକାରିଂ ହେୱାରିଂ ପାପ୍ ହାଜିତାଂ ଫାନ୍‌ବାଦ୍‌ଲାୟ କିଦେଙ୍ଗ୍ ବଲ୍ ହିନାଙ୍ଗା । ୩୧ ଇନାକିଦେଂକି ଇମ୍ଫଣି ନାଜିଂ ହେୱାନ୍ ଜାର୍ କିତି ମୁଣିକାର୍ ହୁଦାଂ ଦାମ୍ ନି ପୁତ୍ ନି ବିଚାର୍ କାମାୟ କିନାନ୍, ଏପେଙ୍ଗ୍ ର ନାଜିଂ ତିର୍ କିତାନନ୍ନା, ଆରେ ହେଦେଲିଂ ହାକିତାକେଣ୍ଡାଙ୍ଗ୍ ବିତ୍ରେ ନିକ୍ତାନ୍ନା ଇ ବିସ୍ତେ ଓଁଜାତ୍ ଲାଗେ ଜାଣାୟ କିତାନ୍ନା ।

୩୨ ହାତାକାର୍ ଆରେ ନିଂନାକା କାତା ଝେନ୍‌ଞ୍ଜି ଇନେର୍ ଇନେର୍ ଗ୍ଲୁଇଦେଂ ଲାଗାତାର୍ ଆରେ ଇନେର୍ ଇନେର୍ ଇଚାର୍, ଆପେଂ ଆରେ ରଗ “ମିତାଙ୍ଗ୍ ଇ ବିସ୍ତେ ଝେନାସ୍ ।” ୩୩ ଇ ବାନି ପାଉଲ୍ ହେୱାର୍ ବିତ୍ରେତାଂ ହସି ହାଚାନ୍ । ୩୪ ଫାତର୍ ଇନେର୍ ଇନେର୍ ଲକ୍ତୁ ତା ପାକ୍ୟା ଆଜି ପାତ୍ କିତାର୍; ହେୱାର୍ତି ବିତ୍ରେ ଏରିୟପାଗିୟ ଦିୟନ୍‌ସିୟ, ସବାନି ରଞ୍ଜାନ୍ ଦାମାରି ତର୍‌ନି ରଞ୍ଜେଲ୍ ତାଡ଼ି ଆରି ହେୱାର୍ ହୁଦାଂ ଆରେ କେତେକ୍ ଲକ୍ତୁ ଫାଚାର୍ ।

☆ ୧୭:୨୪ ୧୭:୨୪ ପଦ୍ୟାତାକା ୭:୪୮.

୧୮

କରିନ୍ତିୟ ବସ୍ତିତ ପାଉଲ୍ଲତି ହେବାକାମାୟ

୧ ଇ ଝିନ୍ନୁ ଗଟ୍ଟଣା ପାଚେ ହେଝାନ୍ ଏତେନ୍ସତା ହାଲ୍ଲଜି କରନ୍ତିତ ଖାତାନ୍ ।
୨ ଆରେ, ହେଝାନ୍ ଆକ୍ଲିଲା ତରନ୍ ରଝାନ୍ ଜିହୁଦିଙ୍ଗ୍ ବେଟା ଆତାନ୍, ପନ୍ତ ହେଝାନ୍ତି
ଜଲମ୍ ବାହା; ହେଝାନ୍ ଅଲପ୍ ଦିନ୍ ଆତାତ୍ ଜାର୍ କଗ୍ଲେ ପ୍ରିସ୍ଲିଲ୍ଲା ଲାହାଙ୍ଗ୍
ଇତାଲିଆତାଂ ଖାଜି ମାଚାର୍, ଇନାକିଦେଂକି କ୍ଲାଉଦିଅ ଝିଜାର୍ ଜିହୁଦିର୍ ରମ୍ତାଂ ହସି
ହାଞ୍ଜେଙ୍ଗ୍ ବଲ୍ଲ ହିଜି ମାଚାନ୍ । ହେଝାନ୍ ହେଝାର୍ ଲାହାଙ୍ଗ୍ ବେଟାୟ୍ କିଦେଙ୍ଗ୍ ହାଚାନ୍,
୩ ଆରେ, ହାରିବେପାରିର୍ ମାଚିଲେ ହେଝାର୍ ହୁକେ ବାହା କିତାର୍, ଆରେ ହେଝାର୍
କାମାୟ୍ କିଦେଙ୍ଗ୍ ଲାଗାତାର୍, ଇନାକିଦେଂକି ବେପାର୍ତ୍ ହେଝାର୍ ତୁମ୍ ରତ୍ନାକାର୍
ମାଚାର୍ । ୪ ଆରେ, ପାତି ଜମ୍ନିବାର୍ତ ହେଝାନ୍ ପାର୍ତାନା ଇଲ୍ଲ ଆଲ୍ଲଚାନା ହିଜି ଜିହୁଦି
ଆରି ଗ୍ରିକ୍ରିଂ ପାଚ୍ ବାତାୟ୍ କିଦେଙ୍ଗ୍ ସେସ୍ତ୍ କିତାନ୍ ।

୫ ଏଚେକାତ୍ତଦ ସିଲ୍ଲା ଆରି ତିମତି ମାକିଦନିଆତାଂ ଖାତାର୍, ହେ ଏଚେକାତ୍ତଦ
ପାଉଲ୍ଲ ବଚନ୍ ପରଚାର୍ତ ବେସି ମାନ୍ଦିଆନ୍ ମାନ୍ଦିଞ୍ଜି, ଜିସୁ ଜେ କ୍ରିସ୍ଟ୍ ଆନାନ୍, ଇଦାଂ
ଜିହୁଦିର୍ତ୍ତ ଲାଗାୟ୍ ସାକି ହିବିସ୍ ମାଚାନ୍ । ୬ ମତର୍ ହେଝାର୍ ଆପତି ଆରି ନିନ୍ଦା
କିତଲେ ହେଝାନ୍ ଜାର୍ ହେୟା ଡାତ୍ତତି ହେଝାରିଂ ଇଚାନ୍, “ମି ନେତେର୍ ମି କାପ୍ତା
ଜପି ଆରେଡ୍, ଆନ୍ ପାପି ଆକାୟ୍ ନଙ୍ଗ୍ ପାଚ୍ କିଝି ଜିହୁଦିର୍ ଲାହାଙ୍ଗ୍ ହାନାଂ ।”
୭ ହେବେଣ୍ଡା ହେଝାନ୍ ହେ ବାହାତାଂ ହାଲ୍ଲଜି ତିତସ୍ ଜୁସ୍ତ୍ ତରନ୍ ରଝାନ୍ ଇସ୍ପର୍ତ୍ତି
ପୁଜା କିନାକାନ୍ ଇଞ୍ଜ ହାଚାନ୍, ହେଦାଂ ପାର୍ତାନା ଇଲ୍ଲତିଙ୍ଗ୍ ଲାଗାଜି ମାଚାତ୍ । ୮ ମତର୍
ପାର୍ତାନା ଇଲ୍ଲନି ମୁଣିକା କ୍ରିସ୍ଟ୍ ଆରି ଇଲ୍ଲନିକାର୍ ମାପୁ ତାକେ ପାଚ୍ କିତାର୍, କରନ୍ତିୟ
ବିତ୍ତେ ଆଦେକ୍ ଝେନ୍ଦିଞ୍ଜି ପାଚ୍ କିଦେଙ୍ଗ୍ ଲାଗାତାର୍ ଆରି ବାପ୍ରିସିମ୍ ଆଚାର୍ ।

୯ ଆରେ, ମାପୁ ନାଶା ହୁଡ୍ନାକା ହୁଦାଂ ପାଉଲ୍ଲତିଂ ଇଚାନ୍, “ପାଣ୍ଡା ଆମା, ତିମରା
ଆଝାଦାଂ ପରଚାର୍ କିୟା, ୧୦ ଇନାକିଦେଂକି ଆପ୍ ମି ଲାହାଙ୍ଗ୍ ମାନାପ୍, ଇମ୍ଣି ଲଗୁ
ପା ମି କେତି କିଦେଙ୍ଗ୍ ନିଂ ମାତିବହା ଆଦୁନ୍, ଲାଗିଂ ମାଝାର୍ ଆଦେକ୍ ଲକ୍ଷୁ ଇ
ଗାତ୍ତଦ ମାନାର୍ ।” ୧୧ ଆରେ, ହେଝାନ୍ ହେଝାର୍ ଲାଗାୟ୍ ଇସ୍ପର୍ତ୍ତି ବଚନ୍ ହିକ୍ୟା
ହିଜି ବାହେକ୍ ଆଦା ହେବେ ବାହା କିତାନ୍ ।

୧୨ ମତର୍ ଗାଲ୍ଲିୟନ୍ ଆକାୟାନ୍ ରମିୟ ସାସନ୍କାରୟା ମାନି ଝେଡାଲିଂ ଜିହୁଦିର୍
ପାଉଲ୍ଲତି ବିରୁଦ୍ଧତ ର ମାନ୍ ଆଜି ନିଂଜି ତାଙ୍ଗ୍ ଗାଦି ଲାଗାୟ୍ ତାହି ଇଚାର୍, ୧୩ “ଇ
ମାନାୟ୍” ବିଦିନି ଉଲ୍ଲଟା ବାବ୍ରେ ଇସ୍ପର୍ତ୍ତି ପାର୍ତାନା କିଦେଙ୍ଗ୍ ଲକାରିଂ ଟିଉଲ୍ଲାୟ୍
କିନାକା ।

୧୪ ମତର୍ ପାଉଲ୍ଲ ମୁମ୍ ରିକ୍ତି କାତା ଇଞ୍ଜେଙ୍ଗ୍ ଜାଲ୍ଲଦି ଆତିହିଂ, ଗାଲ୍ଲିୟନ୍
ଜିହୁଦିର୍ ଇଚାନ୍, ଇନେସ୍କିତିସ୍ପା ଅନ୍ୟାୟ୍ କି ବାନ୍ୟା କାମାୟ୍ ଜପି ଆଜି ମାତିସ୍
ଝାଟିଙ୍ଗ୍, ହେ ଜିହୁଦିର୍, କାଲେତାଂ ମି କାତା ଝେନାକା ହାରାଝାତାତ୍ତମା; ୧୫ ମତର୍ ଜପି
ଇ ସବୁ ଆପ୍କା ବଚନ୍, ତର୍ ଆରି ମି ବିଦି ବିସ୍ତେ କିର ଆନାତ୍, ଝାଟିଙ୍ଗ୍ ଏପେଙ୍ଗ୍ ନିଜେ
ହେଦାଂ ବୁଜାନାଦେର୍; ଆନ୍ ଇ ସବୁ ବିସ୍ତେ ବିଚାର୍କାରୟା ଆଦେଂ ଇଚା କିଉଙ୍ଗା ।
୧୬ ଆରେ, ଇଦାଂ ଇଞ୍ଜି ହେଝାନ୍ ଗାଦି ବାହାତାଂ ପେସ୍ତାର୍ । ୧୭ ହେବେଣ୍ଡା ଝିଜାର୍
ପାର୍ତାନା ଇଲ୍ଲନି ମୁଣିକା ସସ୍ତନାତିଂ ଆସ୍ତି ଗାଦି ବାହାତ ଗ୍ରାକ୍ତେଂ ଲାଗାତାର୍; ମତର୍
ଗାଲ୍ଲିୟନ୍ ହେ ଝିନ୍ନୁ ବିସ୍ତେ ହୁଡ୍ଝାତାନ୍ ।

ସିରିନି ଆନ୍ତିୟକିଆତ ପାଉଲ୍ଲ ମାସ୍ଦି ଖାତାନ୍

୧୮ ପାଉଲ୍ଲ ବେସି ଦିନ୍ ପାଚ୍ କିନି ଟଣ୍ଡାର୍ ଆରି ତଣ୍ଡେକ୍ ଲାହାଂ ଇଦାଂ ପାଚେ
ପାଉଲ୍ଲ ବେସି ଦିନ୍ ବାହା କିତାନ୍ । ତା ପାଚେ ହେଝାନ୍ ପିସ୍ତ୍ ପ୍ରିସ୍ଲିଲ୍ଲା ଆରି ଆକ୍ଲିଲା
ଲାହାଂ ସିରିୟାନ୍ ଏସ୍ ଜାଜ୍ତ ହାଚାର୍ । କେକ୍ଲେୟାତାଂ ଏସ୍ ଜାଜ୍ ଆରମ୍ କିନି

ଆଗେ ତାଙ୍ଗେଙ୍ଗ୍ ର ମାତ୍ର ଇସାବେ ହେଝାନ୍ତି କାପଡ଼ା କୁରାୟ କିୟକିତାର୍ । ୧୯ ପାଚେ ହେଝାର୍ ଏପିସତ ଝାତାର୍, ଆରେ ହେଝାନ୍ ହେ ବାହାତ ହେଝାରିଂ ପିସ୍ ନିଜେ ପାର୍ତାନା ଇଞ୍ଜ ହଣଜି ଜିହୁଦିରିଂ ଲାହାଙ୍ଗ୍ ଆଲ୍‌ଗାନା କିତାର୍ । ୨୦ ଆରେ, ହେଝାର୍ ତାଙ୍ଗ୍ ଆଦିକ୍ ସମ୍ମୁ ମାଞ୍ଜେଙ୍ଗ୍ ଗଝାରି କିତିଲେ, ହେଝାନ୍ ରାଜି ଆଝାତାନ୍ । ୨୧ ମତର୍ ହେଝାନ୍ ହେଲ ଅଜି ଇଚାନ୍, “ଇସ୍‌ରତି ଇଚା ଆତିସ୍ ଆରେ ରଗ ମି ତାକେ ମାସ୍‌ଦି ଝାନାଙ୍ଗ୍” ହେଝାନ୍ ଜାଜତ ହାଲ୍‌ଜି ଏପିସତ ମାସ୍‌ଦି ହାଚାନ୍ ।

୨୨ କାଇସରିୟାତ ଏକିସ୍ ହେଝାନ୍ ଜାଜ୍ ତାଂ ଜୁତାନ୍, ଆରେ ହାଲ୍‌ଜି ମଣ୍ଡଲିତିଂ ମେହାଜି ଆକ୍ତିୟକିଆତ ତାଂଜି ହାଚାନ୍ । ୨୩ ହେ ବାହାତ କେତେକ୍ ସମ୍ମୁ ମାଟି ପାଚେ ହେଝାନ୍ ହାଚାନ୍, ଆରେ ଦାଡିତାଂ ଗାଲ୍‌ତିୟ ନିପ ଆରି ପୁଗିଆ ହିଜି ହାଲ୍‌ଜୁ ହାଲ୍‌ଜୁ ଚେଲ୍‌ୟ ଝିଜାରିଂ ସୁସ୍ତା କିଜି ମାଚାନ୍ ।

ଏପିସସ୍ ଆରି କରନ୍ତିତ ଆପଲ୍

୨୪ ଝିସ୍ତ୍ରି ବିତ୍ରେ ଆପଲ୍ ତରନ୍ ରଝାନ୍ ଜିହୁଦି ଏପିସତ ଝାତାନ୍, ହେଝାନ୍ତି ଜଲମ୍ ବାହା ଆଲେକ୍‌ଜାଣ୍ଡ୍ରିୟ; ହେଝାନ୍ ହାର୍ ବେରଣ୍ କିନାକାନ୍ ଆରି ଦରମ୍ ସାସ୍‌ରତ ଆଡ଼ନାକାନ୍ ମାଚାନ୍ । ୨୫ ଇ ମୁଣିକା ମାପୁତି ହାଜି ବିସ୍ତେ ସିକ୍ୟା ପାୟା ଆଜି ମାଚାନ୍, ଆରେ ଜିବୁନ୍‌ତ ରିସାଜି ଜିସୁତି ବିସ୍ତେ ହାରଦି ହିକ୍ୟା ହିଜି ମାଚାନ୍, ମାତର୍ ହେଝାନ୍ ଆପ୍‌କା ଜହନ୍‌ତି ବାପ୍ରିସିମ୍ ବିସ୍ତେ ପୁଞ୍ଜି ମାଚାନ୍; ୨୬ ହେଝାନ୍ ପାର୍ତାନା ଇଲ୍ ସାସ୍ ଲାହାଙ୍ଗ୍ କାତା ଇଞ୍ଜେଙ୍ଗ୍ ଲାଗାତାନ୍ । ମତର୍ ପ୍ରିସ୍‌ଲ୍ଲା ଆରି ଆକ୍‌ଲା ତା କାତା ଝେନ୍‌ଞ୍ଜି ତାଙ୍ଗ୍ ଜାର୍‌ତି ଲାହାଙ୍ଗ୍ ଇଡ଼ଜି ଆଦିକ୍ ଟିକିନିକି ବାବ୍ରେ ଇସ୍‌ରତି ହାଜି ବିସ୍ତେ ତାଙ୍ଗ୍ ହିକ୍ୟା ହିତାର୍ । ୨୭ ହେଝାନ୍ ଆକାୟା ଦେସ୍‌ତ ହାନି କାଜିଂ ଇଚା କିତିଲେ ଟଣ୍ଡାର୍ ତାଙ୍ଗ୍ ବାସ୍ ହିଜି ତାଙ୍ଗ୍ ଇଚିନି କାଜିଂ ଚେଲ୍‌ୟ ଲେକିକିତାନ୍ । ହେଝାନ୍ ହେବେ ଏକିସ୍, ଇମ୍‌ଶାକାର୍ ପାଚ୍ କିଜି ମାଚାର୍, ଇସ୍‌ରତି ଦୟା ହୁଦାଂ ହେଝାର୍‌ତି ବେସି ଉପ୍‌କାର୍ କିତାନ୍, ୨୮ ଇନାକିଦେଂକି ଜିସୁ ଜେ କ୍ରିସ୍ଟ୍ ଇଦାଂ ଦରମ୍ ସାସ୍‌ରତ ହୁଦାଂ ପାର୍ମାଣ୍ କିଜି ହେଝାନ୍ ହପ୍‌ନି ସାଲ୍‌ଜି ଲାହାଙ୍ଗ୍ ଜିହୁଦିରତି ଜିକାଚାଣା ସବୁ ଆରାୟ୍ କିଦେଙ୍ଗ୍ ଲାଗାତାନ୍ ।

୧୯

ଏପିସ୍‌ତ ପାଉଲ୍

୧ ଆପଲ୍ କରନ୍ତିତ ମାନି ଝେଡାଲିଂ ପାଉଲ୍ ଝେଡାହନି ବିତ୍ରେ ହିଜି ହାଲ୍‌ଜି ଏପିସ୍ ଗାଡ୍‌ଦ ଏକାତାନ୍ ହେବେ ହେଝାନ୍ କେତେକ୍ ଚେଲ୍‌ୟିଂ ଚଞ୍ଜାଧାତାନ୍ । ୨ ହେଝାନ୍ ହେଝାରିଂ ଝେନ୍‌ବାତାନ୍, “ପାଚ୍ କିନି ଝେଡାଲିଂ ଇନାକା ପୁଇପୁୟା ଜିବୁନ୍‌ତିଂ ଗାଗାଜି ମାଚାଦେର୍ କି ?”

ହେଝାର୍ ତାଙ୍ଗ୍ ଉତର୍ ହିତାର୍, ଆକାୟ୍ “ପୁଇପୁୟା ଜିବୁନ୍ ଜେ ମାନାଡ୍, ଇଞ୍ଜି ଆପେଂ ଝେନ୍‌ଝାତାପ୍ଲା ।”

୩ ଲାଗିଂ ହେଝାନ୍ ଝେନ୍‌ବାତାନ୍, “ଝାଟିଙ୍ଗ୍ ଏପେଙ୍ଗ୍ ଇନାକାତ ବାପ୍ରିସିମ୍ ଆଜି ମାଚାଦେର୍ ?”

“ହେଝାର୍ ଇଚାର୍, ଜହନ୍‌ତି ବାପ୍ରିସିମ୍‌ତ ।”

୪ *ହେବେଣ୍ଡାଂ ପାଉଲ୍ ଇଚାନ୍, “ଜହନ୍ ମାନବାଦ୍‌ଲାଇୟ୍ କିନି ବାପ୍ରିସିମ୍‌ତ ବାପ୍ରିସିମ୍ ହିଜି ଜିସୁ ପାଚେ ଇନେର୍ ଝାନାନ୍, ହେଝାନ୍ ତାକେ, ଇତିସ୍ ଜିସୁତି ତାକେ ପାଚ୍ କିଦେଙ୍ଗ୍ ଆନାଡ୍ ଇଞ୍ଜି ଜହନ୍ ଇସ୍‌ଏଲ୍ ଲକୁରିଂ ଇଞ୍ଜି ମାଚାନ୍ ।”

* ୧୯:୪ ୧୯:୪ ମାତିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହନ୍ ୧:୨୭,୨୭.

୫ ହେୱାର୍ ଇଦାଂ ଖେନଞ୍ଜି ମାପୁ ଜିସୁତି ତରଦ ବାପ୍ରିସିମ୍ ଆତାର୍, ୬ ଆରେ ପାଉଲ୍ ହେୱାର୍ ଜପି କେଇ ଇଟ୍‌ତିଲେ, ପୁଇପୁୟା ଜିରୁନ୍ ହେୱାର୍ ଜପି ଜୁଡ଼ତାନ, ଆରେ ହେୱାର୍ ବାର୍‌ବିନ୍ ବାସାତ କାତା ଇଞ୍ଜେଙ୍ଗ୍ ଆରି ବେଣ୍‌ବାକ୍‌ଶାୟ୍‌କିନାକାନ୍ ପା ଇଞ୍ଜେଙ୍ଗ୍ ଲାଗାତାନ୍ । ୭ ହେୱାର୍ ଓଜାର୍ ଆନ୍ ମାନ୍ତ ବାର୍ ଜାଣ୍ ଆଣ୍ଡୁହିମ୍‌ଶାଂ ମାଗାର୍ ।

୮ ପାଚେ ହେୱାନ ପାର୍ତାନା ଇଞ୍ଜ ହଣ୍‌ଜି ତିନ୍ ମାସ୍ ପାଚେକ୍ ସାସ୍ ଲାହାଙ୍ଗ୍ ଇସ୍‌ସ୍‌ରତି ରାଜି ବିସ୍ତେ ଉପ୍‌ଦେସ୍ ହିଜି ପାଚ୍ ବାତାୟ୍ କିଦେଂ ସେସ୍ କିଦେଙ୍ଗ୍ ଲାଗାତାନ୍ । ୯ ମତର୍ ହେ ଏଚେକାଡ଼ଦ ଏଚେକ୍ ଲକୁ ଆର୍‌ଝା ଆରି ଅମାନାଆ ଆଜି ଲକୁର୍ ମୁମ୍‌ଦ ହେ ହାଜି ବିସ୍ତେ ନିନ୍ଦା କିଦେଙ୍ଗ୍ ଲାଗାତାର୍, ହେ ଏଚେକାଡ଼ଦ ହେୱାନ ହେୱାରିଂ ପିସ୍ତି ଚେଲାରିଂ ବିନେ କିତାନ୍, ଆରେ ନିତ୍ରେ ତୁରାନ୍‌ନି ଇଲ୍ ଆଲ୍‌ତାନା କିଦେଙ୍ଗ୍ ଲାଗାତାର୍ । ୧୦ ଇ ବାନି ରି ବାର୍‌ହୁଁ ପାଚେକ୍ ଆତାଡ଼; ହେବେ ଆସିଆ ନିକାର୍ ଜିହୁଦି ଆରି ଗ୍ରିକ୍ ଓଜାର୍ ମାପୁତି ବଚନ୍ ଖେଚାର୍ ।

ସ୍ଲୋବାନି ହିମ୍‌ଶାଂ

୧୧ ଆରେ, ଇସ୍‌ସ୍‌ର ପାଉଲ୍‌ତିଂ କେଇ ହୁଦାଂ ଆବିଓଡି ସାଲ୍‌ଜି କାମାୟ୍ କିଜି ମାଗାନ୍, ୧୨ ଏଲେଂକି ପାଉଲ୍ ତା ଗାଗାଡ଼ତାଂ ରୁମାଲ୍ କି ତୁଝାଲ୍ ରଗ୍ୟାର୍ ଲାଗେ ତାହିଓଡିସ୍, ହେୱାର୍ ତାଙ୍ଗ୍ ରଗ୍ ପିସ୍ତି ହାଲ୍‌ଜି ମାଗାଡ଼ ଆରି ବାନ୍ୟାପୁଦା ହସି ହାଲ୍‌ଜି ମାଟିକ୍ । ୧୩ ମତର୍ ବୁଲାନି ଜିହୁଦିର୍ ରୁଟ୍‌କିଆର୍ ବିତ୍ରେ କେଚେକ୍ ଜାଣ୍‌ତିଂ ବାନ୍ୟାପୁଦା ଲାଗାଜି ମାଟି ଲକୁର୍ ଜପି ମାପୁ ଜିସୁତି ତର୍ ଇଚିଲେ କସ୍ ଆଜି ଇଚିକ୍, ଇମ୍‌ଶି ଜିସୁଙ୍ଗ୍ “ପାଉଲ୍ ସୁଶାୟ୍ କିଦେଙ୍ଗ୍ ଲାଗାନାନା, ଆନ୍ ମିଙ୍ଗ୍ ହେୱାନ୍ତି ବଲ୍ ହିଦ୍‌ନାଙ୍ଗା ।” ୧୪ ଆରେ, ସ୍ଲୋବା ତରନ୍ ରଝାନ୍ ଜିହୁଦି ମୁଡ଼୍ ମାପୁହେବା କିନାକାନ୍‌ଡି ସାଡ଼ଜାଣ୍ ମାଜିର୍ ଇ ଲାକେ କିଜି ମାଗାର୍ ।

୧୫ ହେବେ ବାନ୍ୟାପୁଦା ହେୱାରିଂ ଉତର୍ ହିତାନ୍, “ଆପ୍ ଜିସୁଙ୍ଗ୍ ପୁନାପ୍ ଆରି ପାଉଲ୍‌ତିଂ ଚିନିକିତାପ୍‌ନା; ମତର୍ ଏପେଙ୍ଗ୍ ଇମ୍‌ଶାକାଦେର୍ ?”

୧୬ ହେ ଏଚେକାଡ଼ଦ ବାନ୍ୟାପୁଦା ଆହ୍ୟାତି ଲଗୁ ହେୱାର୍‌ଡି ଜପି ଗୁମ୍‌ଜି ସାଲ୍‌ଜିତାଂ ହେୱାନ ରିୟାରିଂ ଆରାୟ୍ କିଜି ହେୱାରିଂ ଦାକା କିତାଡ଼ ଜେ, ହେୱାର୍ ନାଗଡ଼ା ଆରି ଗାଅଦାଆ ଆଜି ହେ ଇଲ୍‌ତାଙ୍ଗ୍ ହସି ହାଚାର୍ । ୧୭ ଇ କାତା ଏପିସ ନିକାର୍ ଜିହୁଦି ଆରି ଗ୍ରିକ୍ ଓଜାର୍ ପୁଚାର୍ । ହେବେ ଓଜାର୍ ପାଣ୍ଡୁ ଆତାର୍, ଆରେ ମାପୁ ଜିସୁତି ତର୍ ଜାଜ୍‌ମାଲ୍ ଆଦେଂ ଲାଗାତାଡ଼ । ୧୮ ଆରେ, ପାଚ୍ ନିକାର୍ ବିତ୍ରେ ଆଦେକ୍ ଖାଜି ଜାର୍ ଜାର୍ କାମାୟ୍ ମାନିକିତାର୍ ଆରି ଖେଚ୍‌ଚେଂ ଲାଗାତାର୍, ୧୯ ଆରେ ମନ୍ତର୍ କାମାୟ୍ କିନାକାର୍ ଆଦେକ୍ ଜାର୍ ଜାର୍ ପତି ତାହିଓଡି ରୁଣ୍ଡାୟ୍ କିଜି ଓଜାକାର୍ ମୁମ୍‌ଦ ହୁଡ଼ଜି ତୁହିତାର୍; ହେୱାର୍ ହେ ସବୁନି ମଲ୍ ହିସାବ୍ କିତିଲେ ହେଦାଂ ରିକଡ଼ି ଦସ୍ ହାଜାର୍ ରୁପା ଟାକାଂ ଇଞ୍ଜି ହୁଡ଼ତାର୍ । ୨୦ ଇ ଲାକେ ମାପୁତି ବଚନ୍ ସାଲ୍‌ଜିତାଂ ବାତାଦେଂ ଆରି ଆଦିକ୍ ସାଲ୍‌ଜି ଆଦେଂ ଲାଗାତାଡ଼ ।

ଏପିସତ ଲାଗାଜଡ଼ା

୨୧ ଇ ଓଜୁ ବିସ୍ତେ ଓସ୍ତି ପାଚେ ପାଉଲ୍ ମାକିଦନିଆ ଆରି ଆକାୟା ହିଜି ଜିରୁସାଲ୍‌ମତ ହାଞ୍ଜେଙ୍ଗ୍ ମାନ୍‌ଡି ତିର୍ କିଜି ଇଗାନ୍, “ହେବେ ହାଚି ପାଚେ, ନାଙ୍ଗ୍ ରମ୍‌ତ ପା ହାଞ୍ଜେଙ୍ଗ୍ ଆନାଡ଼ ।” ୨୨ ଆରେ, ଇମ୍‌ଶାକାର୍ ହେୱାନ୍ତି ହେବା କିଜି ମାଗାର୍, ହେୱାର୍ ବିତ୍ରେ ତିମତି ଆରି ଏରାସ୍ ଇ ରିୟାରିଂ ମାକିଦନିଆତ ପକ୍ତି ହେୱାନ ନିଜେ ଅଲ୍‌ପ୍ କାଡ଼ ପାଚେକ୍ ଆସିଆ ଦେସ୍‌ତ ମାଗାନ୍ ।

୨୩ ହେ ଖେଡ଼ାଲିଂ ଇ ହାଜି ବିସ୍ତେ ବେସି ଅଜି ଏପିସତ ବେସି ଗଣ୍‌ଗଲ୍ ଆତାଡ଼ । ୨୪ ଇନାକିଦେଂକି ଦିମିତ୍ରିୟ୍ ତରନ୍ ରଝାନ୍ ହନାରି ଆର୍ଡେମିନି ରୁପା ମନ୍ଦିର୍ ରଚ୍‌ତି

ମାତାନ୍, ଆରେ ବାନାରତ୍ନାକନ୍ ଦେସି ଲାବ୍ କିଜି ମାତାର । ୨୫ ହେଞ୍ଜାନ୍ ହେଞ୍ଜାରିଂ ଆରି “ହେ ବେପ୍ରିୟାର ବାନାରତ୍ନାକାରିଂ କୁକ୍ତି ଇଚାନ୍, ମାପୁର୍, ଇ ବେପାର୍ ହୁଦାଂ ଆପେଂ ଦନ୍ ପାୟାନାପ୍ ଇଞ୍ଜି ଏପେଙ୍ଗ୍ ପୁନାଦେରା; ୨୬ ଆରେ, କେଇରତ୍ତି ପୁଡ଼ାଂ ଇସ୍ତର୍ ଆକାୟ୍ ଇଞ୍ଜି ଇଞ୍ଜି ଇ ପାଉଲ୍ କେବଲ୍ ଏପିସତ ଆକାୟ୍, ମତର୍ ଓଁଲୁ ଆସିଆତ ଦେସ୍ତ ଜବର୍ ମାନାୟ୍ତିଂ ବୁଜାୟ୍ କିୟ୍ କିଜି ଇନାନା, ଇଦାଂ ଏପେଙ୍ଗ୍ ହୁଡ଼ନାଦେରା ଆରି ଖେନାଦେରା । ୨୭ ଇବେ ଜେ କେବଲ୍ ମା ଇ ବେପାର୍ନି ବାନାପା ତର୍ ଆନାକା ପାଣ୍ଡୁ ମାନାଡ଼, ହେଦାଂ ଆକାୟ୍, ମତର୍ ଇମଣି ଗାଜା ପେନ୍ ଆର୍ଡେମିତି ଓଁଲୁ ଆସିଆ ଆରି ପୁତ୍ ଜାକ୍ ପାର୍ତାନା କିତାର୍, ହେଞ୍ଜାନ୍ତି ମନ୍ଦିର୍ ପା ଉଣା ଆନାକା ଆରି ତାଦାଂ ସନ୍ମାନ ନସୁ ଆଦେଂ ପା ଗିଟାନି ପାଣ୍ଡୁ ମାନାଡ଼ ।”

୨୮ ଇ କାତା ଖେନ୍ଞ୍ଜି ହେଞ୍ଜାର୍ ରିସାତ ବାତ୍ ଆଜି ରାଟୁ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍ତି “ଆର୍ଡେମି ଗାଜା ପୁଡ଼ା ଜୟ୍ ଆଏଡ଼ ।” ୨୯ ଇବେଣ୍ଡାଂ ଗାଡ଼୍ କିରତ ବାତ୍ ଆତାଡ଼, ଆରେ ହେଞ୍ଜାର୍ ର ମାନ୍ତାଂ ପାଉଲ୍ତି ରତେ ହାଚାକାନ୍ ମାକିଦନିଆନି ଗାୟ୍ ଆରି ଆରିସ୍ପାର୍କିତିଂ ଆସ୍ତି ମେଲ୍ୟାର୍ ବୁମିତ ହନ୍ଞ୍ଜି ହାଚାର୍ । ୩୦ ଇବେ ପାଉଲ୍ ଲକୁ ବିତ୍ରେ ହାଞ୍ଜେଙ୍ଗ୍ ଇଚା କିତାନ୍, ମତର୍ ତେଲାର୍ ତାଙ୍ଗ୍ ହାଞ୍ଜେଙ୍ଗ୍ ହିଞ୍ଜାତାର୍ । ୩୧ ଆରେ, ଆସିଆନି ମୁଡ଼୍ କାମାୟ୍ କିନାକାର୍ ବିତ୍ରେତାଂ ପା ଏତେକ୍ ଜାଣ୍ ହେଞ୍ଜାନ୍ତି ହାଙ୍ଗ୍ଦାକାର୍ ମାଟିଲେ ଲକୁ ପକ୍ତି ମେଲ୍ୟାର୍ ବୁମି ବିତ୍ରେ ସାସ୍ ହିଲ୍ଞାଦାଂ ହାଲ୍ଞି କାଜିଂ ତାଙ୍ଗ୍ ଗଞ୍ଜାରି କିତାନ୍ । ୩୨ ହେ ଏଚେକାଡ଼ଦ ଇନେର୍ ଇନେର୍ ଇ କାତା, ଇନେର୍ ଇନେର୍କି ହେ କାତା ଇଞ୍ଜି କିକିରାତିଂ କିଜି ମାତାର୍, ଇନାକିଦେଂକି ସବା ରାଟୁତ ବାତ୍ ଆଜି ମାତାଡ଼, ଆରେ ହେଞ୍ଜାର୍ ଜେ ଇନାକିଦେଂ ରବେରୁଣ୍ଡା ଆତାଣ୍ଡା, ହେଦାଂ ଆଦେକ୍ ପୁନ୍ଞାଦାଂ ମାତାର୍ । ୩୩ ଆରେ, ଜିହୁଦିର୍ ଆଲେକ୍ଜାଣ୍ଡ୍ରିତିଂ ଆଗେ ହପ୍ତି ତାହିଞ୍ଜାତିଲେ ଲକୁ ବିତ୍ରେତାଂ ଇନେର୍ ଇନେର୍ ତାଙ୍ଗ୍ ଚିଉଲ୍ଲାୟ୍ କିତାର୍; ହେବେ ଆଲେକ୍ଜାଣ୍ଡ୍ରି କେଇଦାଂ ଚତ୍ତି ଲକୁର୍ ଲାଗାୟ୍ ହେଞ୍ଜାର୍ତି ପାକ୍ୟାଜି ଇଞ୍ଜେଙ୍ଗ୍ ଇଚା କିତାନ୍ । ୩୪ ମତର୍ ହେଞ୍ଜାନ୍ ରଞ୍ଜାନ୍ ଜିହୁଦି ଇଞ୍ଜି ହେଞ୍ଜାର୍ ପୁଚାର୍, ହେ ଏଚେକାଡ଼ଦ ଓଁଜାର୍ କାଟ୍ତ ରି ଗଣ୍ଡା ପାତେକ୍ କିକିରାତିଂ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍ତି “ଆର୍ଡେମି ଗାଜା ପୁଡ଼ା ଜୟ୍ ଆଏଡ଼ ।”

୩୫ ପାଚେ ଗାଡ଼ନି ମୁସ୍ତିଦାର୍ ଲକୁ ଓଁଲୁଡ଼ିଂ ସୁସ୍ତା କିଜି ଇଚାର୍, “ଏ ଏପିସିୟନି ଲକୁର୍, ଏପିସ ଗାଡ଼୍ ଜେ ଗାଜା ପୁଡ଼ା ଆର୍ଡେମି ମନ୍ଦିର୍ ଆରି ବାଦାଡ଼୍ ତାଂ ଜୁଜି ଖାଜିମାନି ପୁଡ଼ା ମନ୍ଦିର୍ନି କାର୍ନିୟା, ଇଦାଂ ଇନେର୍ ପୁନ୍ଞାତାଣ୍ଡା ? ୩୬ ଇନେର୍ ମାନିକିଉର୍ ଇ ସବୁ କାତା ତ୍ରିଙ୍ଗ୍ଓତିଲେ ମିଦାଙ୍ଗ୍ ସୁସ୍ତା ଆନାକା ଆରି ବାବିକିଓଁ କାମାୟ୍ କିଓଁ କାତା । ୩୭ ଇନାକିଦେଂକି ଇ ଇମଣି ଲକୁର୍ ଏପେଙ୍ଗ୍ ତାହିଞ୍ଜାତାଦେଣ୍ଡା, ଇଞ୍ଜାର୍ତ ମନ୍ଦିର୍ ଚରି କିନାକାର୍ ଆକାୟ୍ କି ମା ଦେବିତିଂ ନିୟା କିନାକାର୍ ଆକାୟ୍ । ୩୮ ଲାଗିଂ ଜଦି ଇନେର୍ତ୍ତି ବିରୁଦ୍ଦତ୍ତି ଦିମିତ୍ରିୟ୍ ଆରି ତା ହାଞ୍ଗ୍ଦାକାନ୍ ବାନାରତ୍ନାକାତ୍ ଇନାକାପା କାତା ମାଟିସ୍, ତା ଆତିସ୍ ବିଚାଣ୍ଡା ଇଲ୍ ଜେତାକା ମାନାଡ଼ ଆରି ସାସନ୍କାର୍ୟାର୍ ମାନାଡ଼; ହେଞ୍ଜାର୍ ହାରି ବିରୁଦ୍ଦତ୍ତି ଦାବା କିଏର୍ । ୩୯ ମତର୍, ଜଦି ମିଦାଙ୍ଗ୍ ବିନ୍ ଇମଣି ଦାବା ମାଟିସ୍, ଖାଚିଙ୍ଗ୍ ନିୟମ୍ କିତି ର ସବାତ ତା ରୁଜୁକ୍ ଆନାଡ଼ । ୪୦ ଇନାକିଦେଂକି ହାଡ଼ପାନେ ନେଞ୍ଜେଙ୍ଗ୍ନି କିର ଅଜି ମା ବିରୁଦ୍ଦତ୍ତି ଦାବା ଆନି ପାଣ୍ଡୁ ମାନାଡ଼; ଆପେଂ ଇ କିର ଇମଣି କାରଣି ଚତ୍ତେଙ୍ଗ୍ ଆଡୁପ୍ ।” ୪୧ ଇଦାଂ ଇଞ୍ଜି ହେଞ୍ଜାନ୍ ସବାନି ଓଁଜାରିଂ ହେଲ୍ଞେୟ୍ ହିତାନ୍ ।

୧ ହେ ଗଣ୍ଡଗଲ୍ ଚିମ୍ବରା ଆତି ପାଚେ ପାଉଲ୍ ଚେଲାରିଂ କୁକ୍ତି ହେଝାରିଂ
 ଝାରିକିୟକିନି ପାଚେ, ଆରେ ହେଝାର୍ ତାଙ୍ଗ୍ ହେଲଖେୟ୍ ଅଜି ମାକିଦନିଆତ ହାଚାର୍
 । ୨ ହେଝାନ୍ ଇମଣି ନିପ ହିଜି ହାଲ୍ଲଜି ହେଝାନ୍ ମାନାୟାରିଂ ବେସି ଝାରିକିୟକିନି
 ପାଚେ ଗ୍ରିସ୍ତ ଝାତାନ୍ । ୩ ହେଝାନ୍ ହେ ବାହାତ ତିନ୍ ମାସ୍ ମାଞ୍ଜି ଏଚେକାଡ୍ତ୍ ଜାଜ୍ତ
 ଦୁମ୍ବଜି ସିରିୟାତ ହାଞ୍ଜେଙ୍ଗ୍ ସେସ୍ତ୍ କିତାନ୍, ଏଚେଝାଡ୍ତାଂ ଜିହୁଦିର୍ ପାଉଲ୍ଲତିଂ ବିରୁଦ୍ତ
 ହାଡ୍ତୁର୍ କିତିଲେ ହେଝାନ୍ ମାକିଦନିଆ ହିଜି ମାସ୍ଦିହାଞ୍ଜେଙ୍ଗ୍ ବାବି କିତାନ୍ । ୪ ଆରେ
 ବେରିୟାନିକାର୍ ପୁରତି ମାଜି ସପାତ୍ତ, ତେସ୍ଲନିକିୟ ନିକାର୍ ବିତ୍ତେ ଆରିସ୍ତାର୍କ ଆରି
 ସେକ୍ସୁୟ୍, ଦବ୍ ନି ଗାୟ୍, ତିମତି, ଆରେ ଆସିଆନି ଲକୁ ବିତ୍ତେ ତୁକିକ ଆରି ତ୍ରପିମ
 ତା ହାଙ୍ଗ୍ଦାଂ ହାଚାର୍ । ୫ ଇଝାର୍ ଝିଜାର୍ ଆଗେ ହାଲ୍ଲଜି ତ୍ରୟାତ ମାଞ୍ଜେଙ୍ଗ୍ କାସି
 ମାନସ୍ତାନ୍ । ୬ ଆରେ, ହଇଝି ରୁଟିନି ପାର୍ସୁ ପାଚେ ଆପେଂ ଜାଜ୍ତ ଦୁମ୍ବଜି ପିଲିପିତାଂ
 ହାଜି ଆସ୍ତାପ୍, ଆରେ ପାସ୍ତ୍ ଦିନ୍ତ୍ ତ୍ରୟାତ ହେଝାର୍ ଲାଗାୟ୍ ଝାତାପ୍; ହେ ବାହାତ
 ଆପେଂ ସାଡ୍ ଦିନ୍ ମାଚାପ୍ ।

ତ୍ରୟାତ ପାଉଲ୍ଲତି ହାରିହାରା ହାନାକା

୭ ଆପେଂ ସାଡ୍ନି ପର୍ତୁମ୍ ରଇବାର୍ ନାଜିଂ ଏଚେକାଡ୍ତ୍ ତିଞ୍ଜେଙ୍ଗ୍ ରବେରୁଣ୍ଡା ଆଜି
 ମାଚାପ୍, ପାଉଲ୍ ହେ ଏଚେଝାଡ୍ତାଂ ଆର୍କାଡ୍ ନାଜିଂ ହାନାନ୍ ଇଞ୍ଜି ଜାଲ୍ଲଦି ଆଜି ମାଚିଲେ
 ହେଝାରିଂ ଉପ୍ଦେସ୍ ହିଦେଂ ଲାଗାତାନ୍ ଆରି ଆଦାନାଣା ପାଚେକ୍ ଲାମା କାତା
 ହିତାନ୍ । ୮ ଇମଣି ଜପ୍ତାଣି ବାକ୍ରାତ ଆପେଂ ରବେ ରୁଣ୍ଡାଜି ମାଚାସ୍, ହେ ବାକ୍ରାତ
 ବେସି ବଇଟାଂ କାଚା ଆଜି ମାଚିକ୍ । ୯ ଆରେ, ଚିଟ୍ଟକି ଜପି ଇଉତୁକ୍ ତରୁନି ରଝାନ୍
 ଦାଂଶେନ୍ ଲଗୁ କୁଚ୍ଚି ମାଚାନ୍, ହେଝାନିଂ ବେସି ହୁଚ୍କାଣ୍କୁ ହସି ମାଚିକ୍; ଆରେ
 ପାଉଲ୍ ଆରେ ତେଙ୍ଗା ଉପ୍ଦେସ୍ କିତିଲେ ହେଝାନ୍ ହୁଚ୍କାଣ୍କୁ ମାୟାତାଂ ତିନି
 ପାଉଚ୍ତାଂ ତାରେନ୍ ଆର୍ଡାନ୍, ଆରେ ତାଙ୍ଗ୍ ନିକ୍ତି ଝେଡାଲିଂ ହେଝାନ୍ ହାତାନ୍ନା ଇଞ୍ଜି
 ପୁନ୍ୟାତାଡ୍ । ୧୦ ହେବେ ପାଉଲ୍ ତାରେନ୍ ଜୁଜି ଝାଜି ତାଙ୍ଗ୍ ପମ୍ବଜି ଇଚାନ୍, “ତିନ୍ତା
 କିମା, ଇନାକିଦେଂକି ଇଝାନ୍ ତାକେ ଜିରୁନ୍ ମାନାଡ୍ ।” ୧୧ ପାଚେ ହେଝାନ୍ ଜପି
 ହାଲ୍ଲଜି ରୁଟି ତ୍ରିକ୍ଚି ଚିଚାନ୍, ଆରେ ହେଝାର୍ ଲାହାଙ୍ଗ୍ ନାଡ୍ଡିହିଙ୍ଗ୍ ଆନି ପାଚେକ୍ ବେସି
 କାତାବାର୍ତା କିଜି ହାଜି ଆସ୍ତାନ୍ । ୧୨ ଆରେ, ହେଝାର୍ ହେ କାଡ୍ଦେଙ୍ଗ୍ ଜିଜି ମାନାକା
 ଗାଟାଜି ଆଦିକ୍ ଝାରିକିୟକିନି କାଜିଂ ହେଝାର୍ ଆଦିକ୍ ହେଝାରିଂ ଆରି ଇଞ୍ଜ ଅସି
 ହାଚାର୍ ।

ତ୍ରୟାତା ମିଲିଟସ୍ତ ହାନାକା

୧୩ ମଡର୍, ଆପେଂ ଆକ୍ତୁ ଜାଜ୍ତ ଦୁମ୍ବଜି ଆସସ୍ତ ହାଚାପ୍, ହେବେତାଂ
 ପାଉଲ୍ଲତିଂ ଅସି ହାନି କାଜିଂ ବାବି କିଜି ମାଚାପ୍, ଇନାକିଦେଂକି ହେଝାନ୍ ନିଜେ
 ହାଜିଡ୍ ହାଞ୍ଜେଙ୍ଗ୍ କାଜିଂ ଇଚା କିଜି ହେ ବାନି ତିର୍ କିଜି ମାଚାନ୍ । ୧୪ ଏଚେକାଡ୍ତ୍
 ହେଝାନ୍ ମାଂ ଆସସ୍ତ ବେଟା ଆଡ୍ତାନ୍, ଆପେଂ ତାଙ୍ଗ୍ ଜାଜ୍ତ ଅଜି ମିତୁଲିନିତ
 ଏକାତାପ୍, ୧୫ ଆରେ ହେ ବାହାତାଂ ଜାଜ୍ ରିକ୍ତି ଆପେଂ ଆର୍କାଡ୍ ନାଜିଂ କିୟସ୍ ମୁମ୍ବ
 ଏକାଝାତାପ୍, ରି ଦିନ୍ତାଙ୍ଗ୍ ଜାଜ୍ ସାମତ ତୁକାୟକିତାପ୍ ଆରି ଆର୍କାଡ୍ ଦିନା ମିଲିତତ
 ଏକାତାପ୍ । ୧୬ ଇନାକିଦେଂକି ପାଉଲ୍ଲତି ଆସିଆତ ଇନେସ୍ ସମୁ ମାଞ୍ଜେଙ୍ଗ୍ ଆମେଡ୍,
 ଇଦାଂ କାଜିଂ ହେଝାନ୍ ଏପିସ ପିସ୍ତ୍ରି ହାଞ୍ଜେଙ୍ଗ୍ ବିଚାର୍ କିଜି ମାଚାନ୍, ଲାଗିଂ ଆତିସ୍
 କାଚେ ପେଣ୍ଟିକସ୍ ନାଜିଂ ଜିରୁସାଲମ୍ତ ଏକିନି କାଜିଂ ହେଝାନ୍ ତିରକାଡ୍ ଆଦିସ୍
 ମାଚାନ୍ ।

ଏପିସିୟ ମଣ୍ଡଲିନି ପାଉଲ୍ଲତି ହାନି ପର୍ଚାର୍

୧୭ ମିଲିତତାଂ ପାଉଲ୍ ଏପିସତ ଲକୁ ପକ୍ତି ମଣ୍ଡଲିନି ପ୍ରାଚିନାରିଂ ଜାର୍ ଲାଗେ
 କୁକ୍ତି ତାହିଝାତାନ୍ । ୧୮ ହେଝାର୍ ତା ଲାଗାୟ୍ ଏକିତିଲେ ହେଝାନ୍ ହେଝାରିଂ ଇଚାନ୍,

ରମିୟ ରାଜିନି “ଆସିଆତ ମାନି ପର୍ତ୍ତୁମ୍ ଦିନ୍ତାଂ ଆନ୍ ଝିଜୁ ସମୁ ମି ବିତ୍ତେ ଇନେସ୍ ଚିନ୍ତା କିତାଂ, ୯୯ ପୁରାବାତ ହୁଦାର୍ ମାନ୍ତ ମେଣ୍ଡାଙ୍ଗକୁନ୍ଦି ହୁଦାଂ ଜିହୁଦିରତି ବାର୍ବିନ୍ କୁର୍ କାଜିଂ ନାଙ୍ଗ୍ ଇମଣି ଇମଣି ପରିକ୍ୟା ଗିଗାଜି ମାଗାଡ୍, ହେ ସବୁ ପା ଇନେସ୍ ମାପୁତି ହେବା କିଜି ମାଗାଙ୍ଗ୍, ୨୦ ଏପେଙ୍ଗ୍ ପୁନାଟ୍ ଜେ, ଆନ୍ ମାନାୟାର୍ ଲାଗାଂ ପରଗାର୍ କିନି ସମୁତ ଆରି ମି ଇଲ୍ ଉପ୍ଦେସ୍ ହିନି ସମୁତ ମି ଉପକାର୍ ଆନି ଲାକେ ଇମଣାକା ପା ବିସ୍ତେ ଝେଟ୍ଟେ, ବନ୍ଦ୍ କିଝାଦାଂ ମାଗାଙ୍ଗ୍ ୨୧ ହିକ୍ୟା ହିଦେଂ ମଦାଝାଦାଂ ଇସ୍ପର୍ ତାକେ ମାନବାଦଲ୍ଲୟ୍ ଆରେ, ମା ମାପୁ ଜିସୁତି କାଜିଂ ପାତ୍ ନି ବିସ୍ତେ ଜିହୁଦି ଆରି ଗ୍ରିକ୍ତି ଲାଗାୟ୍ ସାକି ହିଜି ମାଗାଙ୍ଗ୍ ହେଦାଂ ଏପେଙ୍ଗ୍ ପୁନାଟ୍ । ୨୨ ନଙ୍ଗ୍ ହୁଡାଟ୍, ଆନ୍ ପୁଇପୁୟା ଜିବୁନ୍ତ ତଦେସ୍ ପାୟାଜି ଜିରୁସାଲମ୍ତ ହାନାଙ୍ଗା, ହେ ବାହାତ ନା କାଜିଂ ଇନାକା ସବୁ ଗିଗାନାଡ୍, ହେଦାଂ ଆନ୍ ପୁନୁଙ୍ଗ୍, ୨୩ ନା କାଜିଂ ଜେ ହିକ୍ତି ଗାର୍ନାକା ଆରି ଦୁକ୍ ମାନାଡ୍, କେବଲ୍ ଏଚେକ୍ ପୁନାଙ୍ଗ୍, ଇଦାଂ ପୁଇପୁୟା ଜିବୁନ୍ ଗାଡ୍ଦ ବସ୍ତିତ ସାକି ହିଡ୍ତାନ୍ନା । ୨୪ ମାତର୍ ଆନ୍ ଇନେସ୍ ନା ସମାନ୍ ହାଜିନି ହାରିହାରା ପାତେକ୍ ହନ୍ତେଙ୍ଗ୍ ଆଡ୍ନାଙ୍ଗ୍, ଆରେ ଇସ୍ପର୍ତ୍ତି ଦୟାନି ନେକ୍ରିକାରୁର୍ ପାକ୍ୟାତ ସାକି ହିନି କାଜିଂ ମାପୁ ଜିସୁତାଂ ଇମଣି ହେବାନି କାମାୟ୍ ପାୟାତାନ୍ନା, ହେଦାଂ ଇନେସ୍ ପୁରାକିଦେଂ ଆଡ୍ନାୟ୍, ଇଦାଂ କାଜିଂ ଆନ୍ ଜାର୍ ଜିବୁନ୍ତି ହାଦାକା କିଝାଦାଂ ହେଦାଂ ହାରୁ କିନାଙ୍ଗା ।”

୨୫ ଆରେ ନଙ୍ଗ୍ ହୁଡାଟ୍, ଇମଣାକାର୍ ବିତ୍ତେ ଆନ୍ “ଇସ୍ପର୍ତ୍ତି ରାଜି ସୁଣାୟ୍ କିଦେଙ୍ଗ୍ ଇଞ୍ଜି ବୁଲାଆତାଂ, ଏଲେଙ୍ଗ୍ ଜେ ଏପେଙ୍ଗ୍ ଝିଜାକାଦେର୍, ଆରେ ହୁଡାଟ୍ ନା ମୁମ୍ ହୁଡ୍ଡେଦର୍ ଇଞ୍ଜି ଆନ୍ ପୁନାଙ୍ଗ୍ । ୨୬ ଲାଗିଂ ଆନ୍ ଜେ ଝିଜାକାତ୍ ନେତେର୍ନି ପାପି ଆକାୟ୍, ଇଦାଂ ଆନ୍ ନେଞ୍ଜେଙ୍ଗ୍ ମିଙ୍ଗ୍ ସାକି ହିଦ୍ନାଙ୍ଗା । ୨୭ ଆନ୍ ଇସ୍ପର୍ତ୍ତି ଇତା ଝିଜୁ କିତାକା ମିଙ୍ଗେଙ୍ଗ୍ ଜାଣାୟ୍ କିଦେଂ ମଦାଝାଦାଂ ମାଗାଙ୍ଗ୍ । ୨୮ ଏପେଙ୍ଗ୍ ଜାର୍ ଜାର୍ ବିସ୍ତେ, ଆରେ ଇମଣି ମଣ୍ଡଲିତିଂ ଇସ୍ପର୍ ଜାର୍ ଜାର୍ ନେତେର୍ତ୍ତ କଡ୍ଡାଟ୍ନା, ତା ହେ ମଣ୍ଡଲିତିଂ ପାଲି କିଦେଙ୍ଗ୍ କାଜିଂ, ପୁଇପୁୟା ଜିବୁନ୍ ଜେ ମିଙ୍ଗେଙ୍ଗ୍ ଝିଜୁ ମାୟା ବିତ୍ତେ ମୁଣିକା ଲାକେ ବାଟି କିତାଣ୍ଟା, ହେଝାଟ୍ଟି ବିସ୍ତେ ଜାଗ୍ରତ୍ ମାନାଟ୍ । ୨୯ ଆନ୍ ପୁନାଙ୍ଗ୍, ଆନ୍ ହାନି ପାତେ ମି ବିତ୍ତେ ବଇଁକାର୍ ହୁଣ୍ଡାୟ୍ ବୁକାଙ୍ଗ୍ ଝାନିକ୍ ଆରି ମାୟାତିଂ ଚିର୍ବିର୍ କିଝାଦାଂ ପିହୁକ୍ । ୩୦ ଆରେ, ଲକ୍ ମି ବିତ୍ତେତାଂ ପା ନିଂଜି ଚେଲାର୍ ଜାର୍ତିଂ ପାତେ ଜାଲ୍ଜି ଅଦେଂ କାଜିଂ ଉଲ୍ଟା କାତାଂ ଇନାର୍, ଇଦାଂ ଆନ୍ ପୁନାଙ୍ଗ୍ । ୩୧ ଲାଗିଂ, ଏପେଙ୍ଗ୍ କାସି ମାନାଟ୍, ଆରେ ଆନ୍ ତିନି ବାହୁଁ ପାତେକ୍ ଝେଡ୍ନାଣା ମେଣ୍ଡାଙ୍ଗ୍ କୁନ୍ଦିକିଜି ଜାଣକେ ରଝାନିଂ ଚେଡ୍ନା ହିଦେଂ ଜେ ଜମ୍ଝାଦାଂ ମାଗାଙ୍ଗ୍, ଇଦାଂ ଏତୁ କିୟାଟ୍ ।”

୩୨ “ନଙ୍ଗ୍ ଆନ୍ ମିଙ୍ଗ୍ ମାପୁ ତାକେ ଆରି ହେଝାକ୍ତି ଦୟାନି ବଚନ୍ ଲାଗେ ହେଲ୍ଲୟ୍ କିଦ୍ନାଙ୍ଗା, ହେଝାନ୍ ମିଙ୍ଗ୍ ହାର୍ କିଦ୍ନି କାଜିଂ ଆରି ପୁଇପୁୟା କିଦ୍ଦେଂ ଝିଜାର୍ ବିତ୍ତେ ଆଟ୍ଝା କିଦ୍ନି ଆରି ଇସ୍ପର୍ତ୍ତି ମାନାୟାରିଂ ସବୁ ଦୟା ମିଙ୍ଗେଙ୍ଗ୍ ହିଦ୍ଦେଂ ରାଜି । ୩୩ ଆନ୍ ଇନେରିଂ ରୁପା କି ହନା କି ହେୟା ଲବ୍ କିଝାଦାଂ ମାଗାଙ୍ଗ୍ । ୩୪ ନା ଇ କେଇ ରିଣ୍ଡାଂ ଜେ ନାଝାଙ୍ଗ୍ ଆରି ନା ହାଙ୍ଗ୍ଦାକାର୍ତ୍ତି ଅବାବ୍ ବାତ୍ କାଜିଂ ହେବାକିନାକା କିଜି ଝାନାଙ୍ଗା, ଇଦାଂ ଏପେଙ୍ଗ୍ ନିଜେ ପୁନାଟ୍ । ୩୫ ଗାଟାନି ତାଂ ଦାନ୍ ହିନାକା ଆଦିକ୍ ଝାରି ମାନ୍ଗାନାଡ୍, ନିଜେ ମାପୁ ଜିସୁତି ଇ ବଚନ୍ତିଂ ଏତୁ କିଜି ଇ ବାନି କସ୍ତୁ କାମାୟ୍ ହୁଦାଂ ଆସେଙ୍ଗ୍ ନାଦାର୍ ଲକୁରିଂ ଉପକାର୍ କିନି ଲଡା, ଇ ବିସ୍ତେ ସବୁ ଝେଡ୍ନାଂ ମିଂ ହାଦାକା ଚଡ୍ଚାତାଂନା ।”

☆ ୨୦:୨୪ ୨୦:୨୪ ୨ ତିମତି ୪:୭.

୩୭ ଇ ସବୁ କାତା ଇଚି ପାଚେ, ହେଝାନ୍ ମେଣ୍ଡାଙ୍ଗ୍ କୁନ୍ଦିକିଜି ଝିଜାର୍ ଲାହାଙ୍ଗ୍ ହେଝାର୍ ପାତୀନା କିତାନ୍, ୩୭ ଆରେ, ହେଝାର୍ ବେସି ଆଡ଼ବିସ୍ ପାଉଲ୍ଲତିଂ ପମ୍ଜି ହେଝାନିଂ ତନ୍ନଞ୍ଜେଙ୍ଗ୍ ଲାଗାତାର୍, ୩୮ ହେଝାର୍ ହେଝାନ୍ତି ମୁମ୍ ଆରେ, ଆରେ ରଗ ହୁଡ଼ରୁ ଇଞ୍ଜି ପାଉଲ୍ ଇମଣି କାତା ଇଞ୍ଜି ମାଚାନ୍, ହେଦାଂ କାଜିଂ ବେସି ଦୁକ୍ କିତାର୍ । ପାଚେ ହେଝାର୍ ତାଙ୍ଗ୍ ଜାଜ୍ ପାଚେକ୍ ଅସି ହାଚାର୍ ।

୨୧

ପାଉଲ୍ ଜିରୁସାଲମତ ହାନାକା

୧ ହେଝାର୍ତାଂ ହେଲ ଅସି ଆପେଂ ଜାଜତ ଦୁମଜି ହାଣକୁ ହାଜିତ କସ୍ତ ଝାତାପ୍, ଆକାଡ଼ ନାଜିଂ ରଦାତ, ଆରେ ହେ କାଟାକାଟା ହାଲ୍ଲଜି ପାତାର୍ତ ଝାତାପ୍ । ୨ ହେବେତାଂ ଆପେଂ ପୈନିକିଆତ ନାସି ହାଲ୍ଲଜି ମାନି ର ଜାଜ୍ ଗାଟାଜି ଆପେଂ ହେବେ ଦୁମଜି ଚାଲାତାପ୍ । ୩ ପାଚେ କୁପ୍ ହୁଡ଼ଝିତିଲେ ଆପେଂ ତେବ୍ରି ବାଗାଙ୍ଗ୍ ପିସ୍ତି ସିରିୟାତ ଚାଲାଜି ଚାୟର ଇକାତାପ୍, ଇନାକିଦେଂକି ହେବେ ଜାଜତାଂ ଜିନିସ୍ ଜୁଡ଼ନାକା ମାଚାଡ଼ । ୪ ହେବେତାଂ ଚେଲାରିଂ ତେକ୍ଚି ହେଝାରିଂ ବେଟା ଆଜି ସାଡ଼ ଦିନ୍ ହେବେ ମାଚାପ୍, ଆରେ, ପାଉଲ୍ ଇନେସ୍କି ଜିରୁସାଲମତ ହାଲ୍ଲନ୍, ଇଦାଂ କାଜିଂ ହେଝାର୍ ଜିରୁନ୍ତାଂ ହେଝାନିଂ ଇଚାର୍ । ୫ ହେ ସାଡ଼ ଦିନ୍ ମାଚି ପାଚେ ହେ ବାହାତାଂ ହାଚାପ୍, ଆରେ ହେଝାର୍ ଝିଜାର୍ କଗ୍ଲେ ଆରି ହିମ୍ଣାଝାକ୍ଡା ହୁକେ ମାଙ୍ଗେଙ୍ଗ୍ ଗାଡ଼ନି ବାଟ୍ ପାଚେକ୍ ମାଙ୍ଗେଙ୍ଗ୍ ପିସ୍ତେଙ୍ଗ୍ ଝାତାର୍, ଆରେ, ଆପେଂ ହାମ୍ଡୁର୍ ଗୁଟିତ ମେଣ୍ଡାଙ୍ଗ୍କୁନ୍ଦି କିଜି ପାତୀନା କିତାପ୍, ୬ ପାଚେ ଆପେଂ ଜାଜତ ଦୁମତାପ୍, ଆରେ ହେଝାର୍ ଇଞ୍ଜି ମାସ୍ଦି ହାଚାର୍ ।

୭ ଆପେଂ ଚାୟରତାଂ ଏସ୍ଜାଜତାଂ ହାନାକା ଝିସ୍ତି ପାତଲ୍ମାଇତ ଏକାତାପ୍ ଆରି ଚଣ୍ଡାର୍ରିଂ ଜଝାର୍ କିଜି ର ଦିନ୍ ହେଝାର୍ ହୁକେ ମାଚାପ୍ । ୮ *ଆକାଡ଼ ନାଜିଂ ଆପେଂ କାଇସିରିୟାତ ହାଚାପ୍, ଆରେ ସାଡ଼ ଜାଣିତି ବିଡ୍ରେ ମାନି ନେକ୍ଟିକାବୁର୍ ପରଚାର୍ କିନାକାନ୍ ପିଲିପତି ଇଞ୍ଜି ହାଣ୍ଡି ହେଝାନ୍ ହୁକେ ମାଚାପ୍ । ୯ ହେଝେକ୍ ଚାରି ଜାଣ୍ ଜିପଲିକ୍ ଗାଡ଼ଚେକ୍, ବେଣ୍ଡାବକ୍ଣାୟକିନିକିକ୍ ମାଚିକ୍ । ୧୦ *ହେ ବାହାତ ଆପେଂ ବେସି ଦିନ୍ ମାଚି ପାଚେ ଆଗାବ ତରୁନି ରଝାନ୍ ବେଣ୍ଡାବକ୍ଣାୟକିନାକାର୍ ଜିହୁଦା ରାଜିତାଂ ଝାତାନ୍ । ୧୧ ହେଝାନ୍ ମା ଲାଗାୟ ଝାଜି ପାଉଲ୍ଲତି ମ୍ଲେଙ୍ଗାଙ୍ଗ୍ ଗାଟ୍ୟାନାକା ତରି ଅଜି ଜାର୍ କେଇଦ ଗାଟ୍ଟି ଇଚାନ୍, “ପୁଇପୁୟା ଜିରୁନ୍ ଇଦାଂ ଇନାନ୍, ଇ ମ୍ଲେଙ୍ଗାଙ୍ଗ୍ ଗାଟ୍ୟାତି ବେଲ୍ଟ୍ ମୁଣିକାତିଂ ଜିରୁସାଲମ୍ ନିକାର୍ ଜିହୁଦିର୍ ଏପେଙ୍ଗ୍ ଗାଟ୍ଟି ପାଚ୍ କିଝି ଜିହୁଦିର୍ କେଇଦ ହେଲାୟ କିତାର୍ ।”

୧୨ ଇ ଝିଜୁ କାତା ଝେନ୍ଞି ଜିରୁସାଲମତ ହାଲ୍ଲଝି କାଜିଂ ଆପେଂ ଆରି ହେ ବାହାନି ଲକୁ ତାଙ୍ଗ୍ ଗଝାରି କିତାପ୍ । ୧୩ ହେବେ ପାଉଲ୍ ଉତର୍ ହିତାନ୍, “ଏପେଙ୍ଗ୍ ଆଡ଼ବିସ୍ ଆରି ମାନ୍ତ କସ୍ ହିଜି ଇନାକା କିନାଦେରା ? ଇନାକିଦେଂକି ଆନ୍ ମାପୁ ଜିସ୍ତି ତର୍ କାଜିଂ ଜିରୁସାଲମତ କେବଲ୍ ଗାଚ୍ୟା ଆପେଂ ଜାଲ୍ଦି, ହେଦାଂ ଆକାୟ, ମତର୍ ହାଦେଂ ପା ଜାଲ୍ଦି ମାନାଂ ।”

୧୪ ଆପେଂ ହେଝାରିଂ ବୁଜାୟ କିକିୟ କିଦେଙ୍ଗ୍ ଆଡ଼ଝାଦାଂ ହେବେ ରିସା ଆଜି ଇଚାପ୍, “ମାପୁତି ଇଚା ପୁରା ଆୟେଡ଼ ।”

୧୫ ଆପେଂ ଇ କେତେକ୍ ଦିନ୍ ପାଚେ ଆଡ଼ମାଡ଼୍ ଅଜି ଜିରୁସାଲମତ ଚାଲାତାପ୍ । ୧୬ ଆରେ, ମା ହାଙ୍ଗ୍ଦାଂ କାଇସିରିୟାତ ପା କେତେକ୍ ଜାଣ୍ ଚେଲାର୍ ହାଚାର୍,

☆ ୨୧:୮ ୨୧:୮ ପଦ୍ୟାତାକା ୭:୫; ୮:୫. ☆ ୨୧:୧୦ ୨୧:୧୦ ପଦ୍ୟାତାକା ୧୧:୨୮.

ହେୱାର୍ ସାଇପ୍ସ୍ ମନାସୋନ ତରୁନି ରଞ୍ଜନ ପୁନି ତେଲ୍ ହାଙ୍ଗ୍‌ଦାଂ ତାହିଞ୍ଜାତାର୍, ହେୱାନ୍ତି ଇଞ୍ଜ ମାଦାଂ ମାନାକା ମାତାତ୍ ।

ଜାକୁବ୍ ଲାହାଙ୍ଗ୍ ମେହାଣ୍

୧୭ ଆପେଂ ଜିରୁସାଲମତ୍ ଏକିତିଲେ, ପାତର୍ କିନି ଟଣ୍ଡାର୍ ମାଂ ଖାରିତାଂ ଇଡ଼ଦାତାର୍ । ୧୮ ଆର୍କାତ୍ ନାଜିଂ ପାଉଲ୍ ମାହୁଦାଂ ଜାକୁବ୍ ଇଞ୍ଜ ହାତାନ୍, ଆରେ ହେ ବାହାତ ଝିଜାର୍ ପ୍ରାତିନାର୍ ରୁଣ୍ଡାତାର୍ । ୧୯ ହେୱାନ୍ ହେୱାରିଂ ଜଞ୍ଜାର୍ କିତି ପାରେ, ଇସ୍ପର୍ ପାତର୍ କିଝି ଜିହୁଦିର୍ ବିତ୍ରେ ଇମ୍‌ଣି ସବୁ କାମାୟ୍ ହେୱାନ୍ତି ହେବା କାଜିଂ ସାଦନ୍ କିଜି ମାତାନ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେ ସବୁ ହେୱାର୍ ଲାଗାଂ ଝେର୍ଡି ମାତାନ୍ । ୨୦ ହେୱାର୍ ହେଦାଂ ଝେନ୍‌ଞ୍ଜି ଇସ୍ପର୍ଡିଂ ଜାଜ୍‌ମାଲ୍ କିଦେଙ୍ଗ୍ ଲାଗାତାର୍, ଆରେ ତାଙ୍ଗ୍ ଇଚାର୍, “ଏ ଟଣ୍ଡେନ୍, ଜିହୁଦିର୍ ବିତ୍ରେ ଜେ ଏଚେକ୍ ହାଜାର୍ ପାତର୍ କିନାର୍, ଇଦାଂ ଏପେଙ୍ଗ୍ ହୁଡ଼ନାଦେରା, ହେ ଝିଜୁ ମସାତି ବିଦି ପାକ୍ୟାତ ଆଗେ । ୨୧ ଆରେ, ପାତର୍ କିଝି ଜିହୁଦିର୍ ବିତ୍ରେ ବାହା କିନାକାର୍ ଝିଜାର୍ ଜିହୁଦିର୍ ଜାର୍ ଜାର୍ ହିମ୍‌ଣାକାଂ ସୁନ୍‌ଡ଼ କିଝି ଆରି ବିଦିବିଦାଣି ଲାହାଙ୍ଗ୍ ଚାଲାଞ୍ଜାଦାଂ ଇଞ୍ଜି, ମସାତି ବିଦି ପିସ୍ତେଙ୍ଗ୍ କାଜିଂ ଏପେଙ୍ଗ୍ ଜେ ହେୱାରିଂ ହିକ୍ୟା ହିଜି ମାନାଟ୍, ମି ବିସ୍ତେ ଇ କାରୁର୍ ହେୱାର୍ ହିଡ଼ତାଣ୍ଟି । ୨୨ ଲାଗିଂ ଇନାକା କିୟାନାତ୍ ? ଏପେଙ୍ଗ୍ ଖାତାଦେଣ୍ଟି ଇଞ୍ଜି ହେୱାର୍ ହାତେ ଝେନାର୍ । ୨୩ ଲାଗିଂ ଆପେଂ ମିଙ୍ଗ୍ ଇନାକା ଝେର୍ଡଚାନାପା, ହେଦାଂ କିୟାଟ୍ । ମା ଲାଗେ ଚାରି ଜାଣ୍ ଲକ୍ ମାନାର୍, ହେୱାର୍ ରଞ୍ଜାଙ୍ଗ୍ ଅଡ଼ଗା ଆତାଣ୍ଟି; ୨୪ ହେୱାରିଂ ଅଜି ହେୱାର୍ ହୁକେ ଜାର୍ଡିଂ ସକଟ୍ କିୟାଟ୍, ଆରେ ହେୱାର୍ଡି କାପ୍‌ଡା ହେନ୍‌ନାକା ଲସ୍ କାଉଡି ପିଣ୍ଡାଟ୍, ତା ଆତିସ୍ ହେୱାର୍ ମି ବିସ୍ତେ ଇମ୍‌ଣି ସବୁ କାରୁର୍ ଗାଗାତାଣ୍ଟି, ହେବେତାଂ ଜେ ମୁଡେ ହାଡପା ଆକାୟ୍, ଆଝିତିସ୍ ଏପେଙ୍ଗ୍ ଜେ ନିଜେ ପା ମସାତି ବିଦି ମାନି କିଜି ଚିନ୍ତା କିନାଦେରା, ଇଦାଂ ଝିଜାକାର୍ ପୁନାର୍ । ୨୫ ମତର୍ ଇମ୍‌ଣି ପାତର୍ କିଝି ଜିହୁଦିର୍ ପାତର୍ କିତାଣ୍ଟି, ହେୱାର୍ ଲାଗାଂ ଆପେଂ ର ଆକି ଲେକିକିଜି ବଲ୍ ହିତାପ୍‌ନା ଜେ, ମା ରାଜି ଇସାବ୍ରେ ହେୱାର୍ ପୁଡ଼ଡା ଲାଗାଂ ପୁଜାକିତି ଆତାତ୍ ତିନୁର୍, ନେତେର୍ ଉଣୁର୍, ହାକ୍‌ମଡିକିତି ଜାତ୍ ଜାଇ ତିନୁର୍ ଆରି ଦାରିତାଂ ଦେହା ମାନ୍‌ଗାନାର୍, ଆପେଂ ଇଦାଂ ବିଚାର୍ କିଜି ଲେକି କିତାପନ୍ନା ।”

୨୬ ପାଉଲ୍ ହେବେଣ୍ଟାଂ ହେ ଲାଗାଂ ଅଜି ଆର୍କାତ୍ ନାଜିଂ ହେୱାର୍ ହୁକେ ଜାର୍ଡିଂ ସକଟ୍ କିଜି ମାୟିର୍ ବିତ୍ରେ ହଟାନ୍, ଆରେ ହେୱାର୍ଡି କେଡ଼ଜାଣ୍ଡିଂ କାଜିଂ ଆକାତ୍ ପୁଜା ଆନି ପାତେକ୍ ସକଟ୍ କାମାୟ୍‌ତ କେତେକ୍ ଦିନ୍ ଲାଗାନାତ୍, ହେଦାଂ ଝେର୍ଡଚାନ୍

ପାଉଲ୍ ମାୟିର୍ ବିତ୍ରେ ଆହ୍‌ୟା ଆତାନ୍

୨୭ ହେ ସାଡ଼ ଦିନ୍ ପୁରା ଆଜି ଖାତାନ୍, “ଆସିଆନି ଜିହୁଦିର୍ ମାୟିର୍‌ତ ପାଉଲ୍‌ତିଂ ହୁଡ଼ଜି ଲାକୁରିଂ ଟିଉଲାୟ୍ କିତାର୍, ଆରେ ହେୱାନିଂ ଆସ୍ତି କିକିରାତିଂ ଆଜି ଇଞ୍ଜେଙ୍ଗ୍ ଲାଗାତାର୍, ୨୮ ଏ ଇସ୍ରାଏଲିୟନି ଲକୁ, ସାଇଜ କିଦାଟ୍; ସବୁ ବାହାତ ଇମ୍‌ଣି ମାନାୟ୍ ମା ଜାତି, ମସାତି ବିଦି ଆରି ଇ ବାହା ବିରୁଦତ୍ ଝିଜାରିଂ ହିକ୍ୟା ହିନାନ୍, ହେୱାନ୍ ଇଞ୍ଜାନ୍; ଆରେ ପା ଗ୍ରିକ୍‌କାରିଂ ପା ମାୟିର୍ ବିତ୍ରେ ତାସି ପୁଈପୁୟା ବାହାତ ବିଚାଡ଼ କିତାନ୍‌ନା ।” ୨୯ *ଇନାକିଦେଂକି ହେୱାର୍ ଆଗେ ଗାଡ଼୍ ବିତ୍ରେ ପାଉଲ୍ ଲାହାଙ୍ଗ୍ ଏପିସିୟନି ତ୍ରପିମତିଂ ହୁଡ଼ଜି ମାଚାର୍, ଆରେ ପାଉଲ୍ ହେୱାନିଂ ମାୟିର୍ ବିତ୍ରେ ତାହିଞ୍ଜାନାର୍ ଇଞ୍ଜି ଇଟ୍‌କାତ୍ କିଜି ମାଚାର୍ ।

୩୦ ଇବେଣ୍ଟାଂ ଗାଡ଼୍ ସବୁ ଝିଣ୍ଡାତାଡ଼, ଲକୁ ରବେ ହଟାର୍, ଆରେ ହେୱାର୍ ପାଉଲ୍‌ତିଂ ଆସ୍ତି ମାୟିର୍ ବାଡ଼ ଜେଲ୍‌ଜି ତାହିଞ୍ଜାତାର୍; ଆରେ ହେ ଦାପ୍ରେ ଦୁଝେର୍ ସବୁ ଗେସ୍‌ତାର୍

* ୨୧:୨୯ ୨୧:୨୯ ପଦ୍ୟାତାଳୀ ୨୦:୪.

। ୩୧ ଆରେ, ହେୱାନିଂ ହେୱାର ଗ୍ରାକ୍ତେଂ କାଜିଂ ସେୟୁ କିତିଲେ, ଝିଜାର ଜିରୁସାଲମ୍ ଗଣ୍ଡଗଲ୍ତ ବାତ ଆତାଡନ୍ନା ଇଞ୍ଜି ରମିୟ୍ ମେଲ୍ୟାର ହାଜାର ମୁସ୍ତିଦାର୍ ଲାଗେ କାରୁର୍ ଝାତାଡ୍ । ୩୨ ହେବେଣ୍ଡାଂ ହେ ଦାପ୍ରେ ମେଲ୍ୟା ଆରି ପାଞ୍ଚକଡ଼ି ମେଲ୍ୟାର ଅସି ହେୱାର ଲାଗେ ହନ୍ତାର୍ । ହେୱାର ହାଜାର ମୁସ୍ତିଦାର୍ ଆରି ମେଲ୍ୟାରିଂ ହୁଡ଼ଜି ପାଉଲ୍ତିଂ ଗ୍ରାକ୍ତେଂ ବନ୍ କିତାର୍ । ୩୩ ହେ ଏଚେକାଡ଼ଦ ହାଜାର ମୁସ୍ତିଦାର୍ ଲାଗେ ଝାଜି ହେୱାନିଂ ଆସ୍ତି ରିଣ୍ଡି ହିକ୍ଡିଂତାଂ ହେୱାନିଂ ଗାଟ୍ଚେଂ ବଲ୍ ହିତାନ୍, “ଆରେ ହେୱାନ୍ ଇନେନ୍ ଆରି ଇନାକା କିତାନ୍ନା ଇଞ୍ଜି ଝେନ୍ଦବାତାନ୍ ।” ୩୪ ହେବେ ଲକୁ ବିତ୍ରେ ଇନେର୍ ଇ କାତା, ଇନେର୍ ଇନେର୍ ହେ କାତା ଇଞ୍ଜି କିକିରାତିଂ କିଦେଙ୍ଗ୍ ଲାଗାତାର୍ । ଆରେ, ହେ ଗଣ୍ଡଗଲ୍ନି ଇନାକିଦେଂକି ହାତେନେ ମୁଡ୍ରେ ପୁଞ୍ଜେଙ୍ଗ୍ ଆଡ଼ତିଲେ ହେୱାନିଂ ମେଲ୍ୟାର ମାନି ବାହାତ ଅଦେଂ କାଜିଂ ବଲ୍ ହିତାନ୍ । ୩୫ ଆରେ, ଏଚେକାଡ଼ଦ ହେୱାନ୍ ପାଉଜ୍ ଜପି ଝାତାନ୍, ହେ ଏଚେକାଡ଼ଦ ଲକୁ ରିସା କାଜିଂ ମେଲ୍ୟାର ପାଉଲ୍ତିଂ ପିଣ୍ଡି ଅଦେଂ ଲାଗାତାର୍, ୩୬ ଇନାକିଦେଂକି ତାଙ୍ଗ୍ ଅହାଟ୍ ଇଞ୍ଜି ବେସି ଲକୁ ପାଚେ ହାଲୁ ହାଲୁ କିକିରାତିଂ କିଜି ଅହାଟ୍, “ଅହାଟ୍ ଇଞ୍ଜି ମାଚାର୍ ।”

ପାଉଲ୍ ଜାର ଜିରୁନ୍ ପାକ୍ୟା ଇଚାନ

୩୭ ହେୱାର ପାଉଲ୍ତିଂ ବାହା ବିତ୍ରେ ଅଦେଂ କାଜିଂ ଜାଲ୍ଦି କିନି ଝେଡାଲିଂ ହେୱାନ୍ ହାଜାର ମେଲ୍ୟାରିଂ ଇଚାନ, “ଆନ୍ ମିଙ୍ଗ୍ ଇନାକା ଇଞ୍ଜେଙ୍ଗ୍ ଆଡ଼ନାଂ କି ?”

ହେବେଣ୍ଡାଂ ହେୱାନ୍ ଇଚାନ, “ଏନ୍ କି ଗ୍ରିକ୍ ପୁନାୟ୍ ?” ୩୮ ଲାଗିଂ, “ଇ ଆଗେ ଇମ୍ଣି ମିସରିୟର୍ ଲକୁ ରାଟୁ କିଜି ଚାରି ହାଜାର କାଙ୍ଗାରୁଙ୍ଗ୍ ବାଟାତ ଅଜି ମାଚାର୍, ଏନ୍ କି ହେୱାନ୍ ଆକାୟ୍ ?”

୩୯ ହେବେଣ୍ଡାଂ ପାଉଲ୍ ଇଚାନ, “ଆନ୍ତ ରଝାନ୍ ଜିହୁଦି, ତାର୍ସ ଗାଡ଼ନି ଲକୁ, କିଲିକିୟାନି ର ଗାଜା ଗାଡ଼ନି ମାନାୟ୍; ଇ ଲକୁରିଂ କାତା ଇଞ୍ଜେଙ୍ଗ୍ କାଜିଂ ନାଙ୍ଗ୍ ଦାଇଡ୍ ହିଦେଂ କାଜିଂ ଆନ୍ ନିଂ ଗଝାରି କିଦନାଙ୍ଗା ।”

୪୦ ହେୱାନ୍ ଦାଇଡ୍ ହିତିଲେ ପାଉଲ୍ ପାଉଜ୍ ଇଞ୍ଜି ଲକୁରିଂ କେଇ ହୁଦାଂ ଚଟ୍ଚାନ; ଆରେ, ଝିଜାର୍ ଚିମ୍ବା ଆତି ପାଚେ ହେୱାନ୍ ଏବ୍ରି ବେରଣ୍ଡ ହେୱାରିଂ ଇଞ୍ଜେଙ୍ଗ୍ ଲାଗାତାନ୍ ।

୨୨

୧ ଚଣ୍ଡାର୍ ଆରି ଆବାକାଦେର୍, “ଆନ୍ ନଙ୍ଗ୍ ମି ଲାଗେ ଇମ୍ଣି ନା ପାକ୍ୟାତାଂ ସାକି କାତା ଇଞ୍ଜନାଙ୍ଗା, ହେଦାଂ ଝେନାଟ୍ ।” ୨ ହେୱାନ୍ ହେୱାର୍ ଲାଗେ ଏବ୍ରି ବେରଣ୍ଡ କାତା ଇନାକା ଝେନ୍ଞି ହେୱାର୍ ଆଦିକ୍ ଚିମ୍ବରା ଆଜି ମାଚାର୍ । ହେବେଣ୍ଡାଂ ହେୱାନ୍ ଇଚାନ,

୩ “ଆନ୍ ରକାଂ ଜିହୁଦି, କିଲିକିୟାନି ତାର୍ସତ ନାଦାଂ ଜଲମ୍, ମତର୍ ଆନ୍ ଇ ଗାଡ଼ଦ ପହାପାଲି ଆତାଙ୍ଗନା, ମା ଆବାଲାତ୍ରାତି ହାରୁ ବିଦି ଲାହାଙ୍ଗ୍ ଗମଲିୟେଲ୍ତି ମୁମ୍ଦ ତାରେନ୍ କୁଚ୍ଚି ହିକ୍ୟା ପାୟାତାଂନା, ଏପେଙ୍ଗ୍ ଝିଜାକାଦେର୍ ନେଞ୍ଜେଙ୍ଗ୍ ଇନେସ୍ ଝାରି କାଦେର୍, ଇସ୍ପୁଚ୍ଚି ପାକ୍ୟାତ ଆନ୍ ପା ହେ ଲାକେ ଆଗେ ମାଚାଙ୍ଗ୍; ୪ ଆନ୍ ଇ ମାପୁତି ହାଜିଡ୍ । ଆଣ୍ଡେନ୍ ଆରି କଗଲେ ଝିଜାରିଂ ଗାଟ୍ଚି ଜଇଲ୍ତ ତୁହିଜି ହାନି ପାଚେକ୍ କସ୍ପୁ ହିଜି ମାଚାଙ୍ଗ୍ । ୫ ନା ଇ କାତା ଜେ ହାଡ଼ପା, ମୁଡ୍ ମାପୁହେବାକିନାକାନ୍ ଆରି ଗାଜା ସବାନି ବୁଡାଲୁର୍ ଇଦାଂ ନି ସାକି । ଇ ମାନାୟାରିଂ ବନ୍ଦି କିଜି ଆରି ହିକ୍ଡିଂତାଂ ଗାଟ୍ଚି ଦାଣ୍ଡି କିନି କାଜିଂ ଜିରୁସାଲମ୍ତ ତାସି ଝାନି କାଜିଂ ଆନ୍ ମୁଡ୍ ମାପୁହେବାକିନାକାନ୍ତାଂ ଜିନାଜାଣା ଆକି ଅଜି ଦମ୍ବେସକ୍ତ ମାନି ଜିହୁଦି ଚଣ୍ଡାର୍ ଲାଗାଂ ହାଚାଙ୍ଗ୍ ।”

☆ ୨୨:୪ ୨୨:୪ ପକ୍ୟାତାକା ୮:୩; ୨୭:୯-୧୧.

ପାଉଲ ତା ମାନ ବାଦଲାୟ ବିସ୍ତେ ହାୟାୟ କିତାନ
(ପଦ୍ୟାତାଳୀ ୯:୧-୧୯; ୨୭:୧୨-୧୮)

୨୭ ମତର୍ “ଆନ୍ ହାଲୁ ହାଲୁ ଦମ୍ବେସକ୍ତି ଲାଗେ ଆତିଲେ, ଆତିସ୍ ମୁଣ୍ଡାମେଦାନତ ହାଚାଗ୍ରେ ନା ଚାରିବେଣ୍ଡତା° ବାଦାଡ଼ତା° ଗାଜା ଅଜଡ଼ ଆତାଡ଼ । ୨୮ ହେବେ ଆନ୍ ମେନ୍ଦିତ ଗୁର୍ତ୍ତାଙ୍ଗ, ଆରେ ନା କାଜି° ଇ ବଚନ୍ ଖେଚାଙ୍ଗ, ସାଉଲ, ସାଉଲ, ଇନାକିଦେ° ନାଙ୍ଗ ଇଣ୍ କିଦନାୟା ?” ୨୯ ଆନ୍ ଉତର୍ ହିତା°, “ମାପୁ, ଏନ୍ ଇମଣାକାୟ ?” ଲାଗି° ହେଖାନ୍ ଇନ୍‌ସାନ୍, “ଏନ୍ ଇମଣି ନାଜରିତିୟ ଜିସୁତି° ନିୟା କିନାୟା, ଆନ୍ ହେଖାଙ୍ଗ ।” ୩୦ ଇମଣାକାର ନା ଲାହାଙ୍ଗ ମାଚାର, ହେଖାର ହେ ଅଜଡ଼ ହୁଡ଼ତାର ହାଡ଼ପା, ମତର୍ ଇନେର୍ ନାଙ୍ଗେଙ୍ଗ କାତା ଇସ୍ତାର, ହେଖାନ୍ତି କାଟ୍ ଖେନ୍‌ଖାତାର । ୩୧ ହେବେ ଆନ୍ ଇଚାଙ୍ଗ, “ମାପୁ ଇନାକା କିନାଙ୍ଗ ?” ଲାଗି° ମାପୁ ନାଙ୍ଗ ଇସ୍ତାନ୍, “ନିଙ୍ଗା, ଦମ୍ବେସକ୍ତି ହାଲା, ଇସ୍ତର୍ ଇମଣି ଖିଜୁ କାମାୟ କିନି କାଜି° ନି° କିଆତାଡ଼ନା, ହେ ସବୁ ନି° ହେବେ ଇନାମାଡ଼ ।” ୩୨ ହେ ଅଜଡ଼ନି ଜାଜମାଲ କାଜି° ଆନ୍ ହୁଡ଼ଦେ° ଆଡ଼ଖିତିଲେ, ନା ଲାହାଙ୍ଗ ମାନି ଲକୁ ହୁଦା° ତା°ଜି ଦମ୍ବେସକ୍ତି ତାଇଖାତାର ।

୩୩ “ହେ ଗାଡ଼ଦ ହନନିୟ ତର୍ ନି ସାକି ମାନାୟ ମାଚାନ୍ । ହେଖାନ୍ ମା ବିଦି ପାଲି କିଜି ମାଚାନ୍ ଆରି ହେବେ ବାହା କିଜିମାନି ଜିହୁଦିର୍ ଖିଜାକାର ତାଙ୍ଗେଙ୍ଗ ମାନି କିଜି ମାଚାର । ୩୪ ନା ଲାଗେ ଖାଜି ଲାଗେ ନିଲ୍‌ଚି ନାଙ୍ଗ ଇସ୍ତାନ୍, ସାଉଲ ‘ଟଣ୍ଡେନ୍, ହୁଡ଼ନି ସାକ୍ତି ଗାଗା ଆ ।’ ହେ ପାଦନା ଆନ୍ ହେଖାନି° ହୁଡ଼ତା° ।” ୩୫ ଆରେ, ହେଖାନ୍ ଇସ୍ତାନ୍, “ମା ଆବାଲାତ୍ରାତି ଇସ୍ତର୍ ହେଖାନ୍ତି ଇଚା ପୁଞ୍ଜେଙ୍ଗ କାଜି° ଆରି ହେ ଦାମ୍ ଲଗା° ହୁଡ଼ଦେ° କାଜି°, ଆରେ ହେଖାନ୍ତି ଖେଇଦା° କାତା ଖେଞ୍ଜେଙ୍ଗ କାଜି° ନି° ବାତି କିଡ଼ତାନନା, ୩୬ ଇନାକିଦେ°କି ଏନ୍ ଇନା ଇନାକା ହୁଡ଼ତାୟନା ଆରି ଖେଚାୟନା, ହେ ସବୁ ବିସ୍ତେ ଖିଜୁ ଲକୁ ଲାଗେ ହେଖାନ୍ତି ସାକି ଆତାୟ । ୩୭ ଆରେ, ନଙ୍ଗ ଏନ୍ ଇନାକିଦେ° ମାଲା ଆନାୟା ? ନିଙ୍ଗା, ବାପ୍ତିସିମ୍ ଆ, ଆରେ ହେଖାନ୍ତି ତର୍ଦ ପାର୍ତନା କିଜି ଜାର ପାପ୍ ସବୁ ନୁଜିତୁହିୟା ।”

ଇସ୍ତର୍ ପର୍ଚାର କାଜି° ପାଉଲ୍‌ତି° କୁକ୍‌ନାକା

୩୮ “ଇଦା° ପାଚେ ଆନ୍ ଜିରୁସାଲମତ ମାସ୍‌ଦି ଖାଜି ମାନ୍ଦିର୍ତ ପାର୍ତନା କିନି ଖେଡ଼ାଲି° କେବକଣ୍ଡ ହୁଡ଼ତା° । ୩୯ ମାପୁଙ୍ଗ କେବକଣ୍ଡ ହୁଡ଼ତା°, ହେଖାନ୍ ନାଙ୍ଗେଙ୍ଗ ଇସ୍ତାନ୍, ମାଲା ଆଖାଦା° ବେଗି ଜିରୁସାଲମତା° ହସିହାଲା, ଇନାକିଦେ°କି ହେଖାର ନା ବିସ୍ତେନି ସାକି ଇଡ଼ତୁର୍ ।” ୪୦ ହେବେଣ୍ଡା° ଆନ୍ ଇଚାଙ୍ଗ, “ମାପୁ ଆନ୍ ଜେ ନି ତାକେ ପାଟି° କିନାକାରି° ପାର୍ତନା ଲଲୁ ଆସ୍ତି ବନ୍ଦିତ ତୁହିଜି ମାଚାଙ୍ଗ ଆରି ଗ୍ରାକ୍ତି ମାଚାଙ୍ଗ, ଇଦା° ହେଖାର ନିଜେ ପୁନାର, ୪୧ ଆରେ, ଏଚେକାଡ଼ଦ ନି ସାକି ସ୍ତିପାନ୍ତି° ନେତେର୍ ହପୟା ଆଜି ମାଚାଡ଼, ହେ ପାଦନା ଆନ୍ ପା ଲାଗେ ନିଲ୍‌ଚି ହେଦା° ରାଜି ମାଚାଙ୍ଗ, ଆରେ ଅସ୍ତାକାର ହେନ୍ଦା ଇଡ଼ଜି କାସି ମାଚାଙ୍ଗ ।” ୪୨ ହେବେଣ୍ଡା° ମାପୁ ନାଙ୍ଗେଙ୍ଗ ଇସ୍ତାନ୍, “ହାଲା ଇନାକିଦେ°କି ଆପ୍ ନି° ଦେହା ପାଟି° କିଖି ଜିହୁଦିର୍ ଲାଗେ ପଞ୍ଜାନାପ୍ ।”

୪୩ ମାନାୟାର ଇ ପାତେକ୍ ହେଖାନ୍ତି କାତା ଖେନ୍‌ଞ୍ଜି ଗାଜା ଖେଇଦା° ଇଚାର, “ଏପେଙ୍ଗ ତାଙ୍ଗେଙ୍ଗ ପୁଟି° ଦେହା କିୟାଟ୍, ଇନାକିଦେ°କି ତାଦା° ଜିଜି ମାନି ଲଡ଼ା ଆକାୟ ।” ୪୪ ଆରେ, ଏଚେକାଡ଼ଦ ହେଖାର କିକିରାତି° କିଜି ଜାର ଜାର ହେନ୍ଦା ତୁହିଜି ବାଦାଡ଼ ନିପ ଦୁଡ଼ି ତୁହିଦେ° ଲାଗାତାର, ୪୫ ହେ ଏଚେଖେଡ଼ାଲି° ହାଜାର ମେଲ୍ୟାର ହେଖାନି° ଗାଡ଼ ବିତ୍ରେ ଅଦେ° ବଲ୍ ହିତାନ୍, ଆରେ, ଲକୁ ଇନାକିଦେ° ତା ବିରୁଦ୍ଧତ ଏପେଙ୍ଗ କିକିରାତି° କିନାରା, ଇଦା° ପୁଞ୍ଜେଙ୍ଗ କାଜି° କର୍ତା ଇଡ଼ନି

☆ ୨୨:୨୦ ୨୨:୨୦ ପଦ୍ୟାତାଳୀ ୭:୫୮.

ହୁଦାଂ ତା ପରିକ୍ୟା କିନି କାଜିଂ ବଲ୍ଲ ହିତାନ୍ । ୨୫ ମାତର ହେଞ୍ଜାର ହେଞ୍ଜାନିଂ ତରି ଗାବନି ସମୁତ ପାଉଲ୍ଲ ହେବେ ମାନି ରଞ୍ଜାନ ମୁସ୍ତିଦାରତିଂ ଇଚାନ, “ଇମ୍ମଣି ପାପ୍ତ ଇ ପାତେକ ବିଚାର କିୟାଞ୍ଜାଦାଂ ମାନି ରଞ୍ଜାନ ରମିୟ ଦାଞ୍ଜଣେନ୍ତିଂ କରତା ଇଡ଼ନାକା ଇନାକା ବିଦି ?”

୨୬ ହେ ପାଞ୍ଜକଡ଼ି ମୁସ୍ତିଦାର ଇଦାଂ ଖେନ୍ଞି ହାଜାର ମୁସ୍ତିଦାରତ ଲାଗେ ହାଲ୍ଲଜି ତାଞ୍ଜ ହେ କାତା ଖେବ୍ତି ଇଚାନ, “ଏନ୍ ଇନାକା କିଦେଞ୍ଜ ହାନାୟା ? ଇଞ୍ଜାନ୍ତ ରଞ୍ଜାନ ରମିୟ ।”

୨୭ ହେବେଶ୍ଟାଂ ହାଜାର ମୁସ୍ତିଦାର ଖାଜି ତାଞ୍ଜ ଇଚାନ, ନାଞ୍ଜ ଖେବ୍ତା, “ଏନ୍ କି ରକାୟ ରମିୟ ?

ପାଉଲ୍ଲ ଇଚାନ ଆଁ ।”

୨୮ ହେବେଶ୍ଟାଂ ହାଜାର ମୁସ୍ତିଦାର ଉତର ହିତାନ୍, “ବେସି ତାରୁଞ୍ଜ ହିଜି ଇ ପାଦ ପାୟାତାଂନା ।

ପାଉଲ୍ଲ ଇଚାନ, ମତର ଆନ୍ ଜଲମତାଂ ରମିୟ ଦାଂଶାର ।”

୨୯ ଖାଟିଞ୍ଜ ଇମଣାକାର ତାଞ୍ଜ ପରିକ୍ୟା କିଦେଞ୍ଜ ସେସ୍ତୁ କିଜି ମାଚାର, ହେଞ୍ଜାର ହେ ଦାପ୍ତେ ହେବେତାଂ ତିମ୍ମା ଆଚାର, ଆରେ ହାଜାର ମୁସ୍ତିଦାର ପା ହେଞ୍ଜାନ ଜେ ରଞ୍ଜାନ ରମିୟ, ଇଦାଂ ବୁଜାତିଲେ ଆରି ତାଞ୍ଜ ଗାବ୍ତେଂ ପାଶ୍ଟୁ ଆଚାର ।

ଗାଜା ସବା ମୁମ୍ଦ ପାଉଲ୍ଲ

୩୦ ମତର ଇନାକିଦେଂ ହେଞ୍ଜାନ ଜିହୁଦିରତି ହୁଦାଂ ଦାବା ଆତାନ୍ନା, ହେଦାଂ ହାଡ଼ପା ରଚେ ପୁଞ୍ଜେଞ୍ଜ ଇଚାତ ହେଞ୍ଜାନ ତା ଆର୍କାଡ଼ ନାଜିଂ ହେଞ୍ଜାନ୍ତ ଗାଟି ରିକ୍ତି ମୁଡ଼ ମାପୁହେବାକିନାକାନ୍ ଆରି ସବୁ ଗାଜା ସବାତିଂ ରବେ ଖାନି କାଜିଂ ବଲ୍ଲ ହିତାନ୍, ଆରେ ପାଉଲ୍ଲତିଂ ଅସି ହେଞ୍ଜାର ମୁମ୍ଦ ନିଲି କିତାର ।

୨୩

୧ ଆରେ, ପାଉଲ୍ଲ ଗାଜା ସବା କାଜିଂ ସମାନ୍ ହୁଡ଼ଜି ଇଚାନ, “ଟଣ୍ଡାର, ଆନ୍ ଇ ଦିନ୍ ପାତେକ ପୁରା ହାରଦି ଚିନ୍ତା ଇସ୍ପରତି ସାକ୍ୟତ ଆଚାର ବେବାର କିଜି ଖାତାଂନ୍ନା ।”

୨ ହେବେଶ୍ଟାଂ ମୁଡ଼ ମାପୁହେବାକିନାକାନ୍ ହାନାନ ପାଉଲ୍ଲ ଲାଗେ ନିଲ୍ଲତି ମାନି ଲୁଗାଂ ତା ମୁମ୍ଦ ଇଡ଼ଦେଂ କାଜିଂ ବଲ୍ଲ ହିତାନ୍ । ୩ ହେ ଏଚେକାଡ଼ଦ ପାଉଲ୍ଲ ତାଞ୍ଜ ଇଚାନ, “ଏ ତିଞ୍ଜିନି ବାଡ଼, ଇସ୍ପର ନିଂ ଇଡ଼ଦାନାନ୍, ଏନ୍ ରଞ୍ଜେମାଡ଼ ମସାତି ବିଦି ଇସାପ୍ରେରେ ନା ବିଚାର କିଦେଞ୍ଜ କୁବ୍ତି ମସାତି ବିଦି ବିରୁଦ୍ଧ ନାଞ୍ଜ ଇଡ଼କିଦନି କାଜିଂ କି ବଲ୍ଲ ହିନାୟା ?”

୪ ହେବେ ଲାଗେ ନିଲ୍ଲତି ମାନି ଲକୁ ଇଚାର, “ଏନ୍ କି ଇସ୍ପରତି ମୁଡ଼ ମାପୁହେବାକିନାକାନ୍ନିଂ ନିନ୍ଦା କିନାୟା ?”

୫ ଆରେ ପାଉଲ୍ଲ ଇଚାନ, “ଏ ଇସ୍ରାଏଲ୍ଲିନି ଟଣ୍ଡାର, ହେଞ୍ଜାନ ମୁଡ଼ ମାପୁହେବାକିନାକାନ୍ ଇଞ୍ଜି ଆନ୍ ପୁନ୍ଞାଦାଂ ମାଚାଞ୍ଜ; ଇନାକିଦେଂକି ଦରମ୍ ସାସ୍ପରତ ଲେକା ମାନାଡ଼, ଏପେଞ୍ଜ ଜାର ଲକ୍ତି ମୁଣିକାତିଂ ସାଈପ୍ ହିଉଦେର୍ ।”

୬ ମତର ପାଉଲ୍ଲ ର ବାଗ୍ ସାଦୁକି ଆରେ ଆଣ୍ଟି ବାଗ୍ ପାରୁସି ଇଞ୍ଜି ପୁଞ୍ଜି ଗାଜା ସବାତ ଗାଜାକାବ୍ତାଂ ଇଚାନ, “ଏ ଇସ୍ରାଏଲ୍ଲିନି ଟଣ୍ଡାର, ଆନ୍ ରଞ୍ଜାଞ୍ଜ ପାରୁସି ଆରି ପାରୁସିତି ମେହି; ଆରେ ଇ ବାସ୍, ଇଚିସ୍ ହାତାକାତ ଆରେ ନିନାକା ବିସ୍ତେ ଆନ୍ ବିଚାର କିଆନାଞ୍ଜା ।”

୭ ହେଞ୍ଜାନ ଇ କାତା ଇଚିଲେ ପାରୁସି ଆରି ସାଦୁକିର ବିତ୍ତେ ଗଣ୍ଡଗଲ୍ଲ, ଆରି ସବାତ କୁଦାଗଡ଼ ଗିଗାତାଡ଼ । ୮ ଇନାକିଦେଂକି ସାଦୁକିର ଆରେ ନିନାକା, ବାଦାଡ଼ତ ଦୁଡ଼

☆ ୨୩:୩ ୨୩:୩ ମାତିଉ ୨୩:୨୭,୨୮.

କି ପୁରୁପୁରା ଜିବୁନ୍ ହିଲୁଡ଼ ଇଞ୍ଜି ଇନାର୍, ମତର ପାରୁସିର ହାରି ମାନି କିତାର୍ ।
 ୯ ଇବେ ବେସି ଗଣ୍ଡଗଲ୍ ଗିଟାତାଡ଼, ଆରେ ପାରୁସିରତି କୁଦାନି କେତେକ୍ ସାସ୍ତର
 ଗୁରୁର ନିଞ୍ଜି ଜିକାଟାଣା କିଜି ଇଟାର୍, “ଆପେଂ ଇ ମାନାୟତାକେ ଇମଣାକା ପା ଦସ୍
 ହୁଡ଼ପୁା, ପୁନ୍ଝାକା ଇମଣାକା ଜିବୁନ୍ କି ବାଦାଡ଼ତ୍ ଦୁଡ଼ ହେଝାନ୍ ହୁଦାଂ କାତା ଇଟାନ୍ନା
 ।”

୧୦ ଇ ବାନି ବେସି ଗଣ୍ଡଗଲ୍ ଆତିଲେ, ଏଚେକାଡ଼ଦ ପାଉଲ୍ ହେଝାର୍ ହୁଦାଂ
 ଗାଣ୍ଡା ଗାଣ୍ଡା ଆନାନ୍, ଇ ପାଣ୍ଡାଜି ହାଜାର୍ ହାଜାର୍ ମେଲ୍ୟାର୍ ହେଝାର୍ ବିତ୍ରେ ତାଙ୍ଗ୍
 ବଲଡ଼କାର୍ କିଜି ଗାଡ଼୍ ବିତ୍ରେ ଅଜି ତାତେଙ୍ଗ୍ କାଜିଂ ମେଲ୍ୟାରିଂ ହାଞ୍ଜେଙ୍ଗ୍ ବଲ୍ ହିତାନ୍
 ।

୧୧ ହେ ନାଣା ମାପୁ ତା ଲାଗେ ଇଞ୍ଜି ଇଚାନ, “ସାସ୍ ଆହା, ଇନାକିଦେଂକି ଏନ୍
 ଇନେସ୍ ଜିରୁସାଲମତ ମା ବିସ୍ତେ ସାକି ହିତାୟନା, ହେ ଲାକେ ନିଂ ରମତ ପା
 ସାକିହିଦେଂ ଆନାଡ଼ ।”

ପାଉଲ୍ତିଂ ଅହନି କାଜିଂ ଉପାୟ

୧୨ ଦିନ୍ ଆତିଲେ, ଜିହୁଦିର କୁଦା କୁଦା ଆଜି ପାଉଲ୍ତିଂ ଅହ୍ଝି ପାତେକ୍ କାଦିପିଦି
 ତୁତିସ୍ ସାଇପ୍ ଆନାପ୍ ଇଞ୍ଜି ରାଣ୍ଡତ ଜାର୍ ଜାର୍ତିଂ ଇଡ଼ତାର୍ । ୧୩ ଇ ହାତୁର୍ କିଜିମାନି
 ଲକୁ ରିକଡ଼ି ଜାଣତାଂ ଆଦିକ୍ ମାଟାର୍ । ୧୪ ହେଝାର୍ ମୁଡ଼୍ ମାପୁହେବକିନାକାନ୍ ଆରି
 ପ୍ରାଟିନାର୍ ଲାଗେ ଝାଜି ଇଟାର୍, “ଆପେଂ ପାଉଲ୍ତିଂ ଅହ୍ଝି ପାତେକ୍ ମୁଡ଼େ ତିଞ୍ଜେଙ୍ଗ୍
 କପ୍ ଇଞ୍ଜି ଜାର୍ ଜାର୍ତିଂ ଆଡ଼ଝା ରାଣ୍ଡ ଅତାପନ୍ନା । ୧୫ ଇତିସ୍, ଏପେଙ୍ଗ୍ ଆଦିକ୍ ହାର୍
 କିଜି ହେଝାନ୍ତି ବିଚାର୍ କିଦେଙ୍ଗ୍ ମାନ୍ କିନାନା ଇଞ୍ଜି ହାତୁର୍ କିଜି ତାଙ୍ଗ୍ ମି ଲାଗେ
 ତାତେଙ୍ଗ୍ କାଜିଂ ନଙ୍ଗ୍ ଗାଜା ସବା ଲାହାଙ୍ଗ୍ ହାଜାର୍ ମୁସ୍ତିଦାର୍ତିଂ ଝାରି କିୟାର୍ ।
 ହେଝାନ୍ ମି ଲାଗେ ତାନି ଆଗେ ଆପେଂ ହେଝାନିଂ ଅସ୍ତେଙ୍ଗ୍ ଜାଲ୍ଦି ମାନାପ୍ ।”

୧୬ ମତର ପାଉଲ୍ ବାଣ୍ଡା ମେଲ୍ୟାର୍ ତୁଗୁଜି ମାନାକା କାତା ଝେନ୍ଝି ଝାଜି
 ବସ୍ତି ବିତ୍ରେ ହଣ୍ଡି ପାଉଲ୍ତିଂ ଝେଡ଼ଚାନ । ୧୭ ହେବେଣ୍ଡାଂ ପାଉଲ୍ ରଝାନ୍ ହାଜାର୍
 ମୁସ୍ତିଦାର୍ତିଂ କୁକ୍ଚି ଇଚାନ, “ଇ ଦାଂଶେନ୍ତିଙ୍ଗ୍ ହାଜାର୍ ମୁସ୍ତିଦାର୍ ଲାଗେ ଅହାଡ଼,
 ଇନାକିଦେଂକି ତାଙ୍ଗ୍ ଝେଡ଼ଚେଙ୍ଗ୍ କାଜିଂ ଇଝାନ୍ତି ଅଲପ୍ କାତା ମାନାଡ଼ ।” ୧୮ ଲାଗିଂ
 ହେଝାନ୍ ହେଝାନିଂ ହାଜାର୍ ମୁସ୍ତିଦାର୍ ଲାଗାୟ୍ ଅସି ହାଲ୍ଜି ଇଚାନ, “ବନ୍ଦି ପାଉଲ୍
 ଜାର୍ ଲାଗେ ନାଙ୍ଗ୍ କୁକ୍ଚି ନି ଲାଗେ ଇ ଦାଂଶେନ୍ତିଙ୍ଗ୍ ତାହିଝାଦେଂ କାଜିଂ ଗଝାରି
 କିଡ଼ତାନ୍, ନିଂ ଇଞ୍ଜେଙ୍ଗ୍ କାଜିଂ ଇଝାନ୍ତି ଅଲପ୍ କାତା ମାନାଡ଼ ।”

୧୯ ହାଜାର୍ ମୁସ୍ତିଦାର୍ ହେଝାନିଂ କେଇ ଆସ୍ତି ତାଙ୍ଗ୍ ମାନାୟାର୍ ଲାଗାୟ୍ ଅଜି
 ଝେନ୍ଦବାତାନ୍, “ନାଙ୍ଗ୍ ଝେଡ଼ଚିନି କାଜିଂ ନିୟାଂ ଇନାକା ମାନାଡ଼ ?”

୨୦ ହେଝାନ୍ ଇଚାନ, ପାଉଲ୍ ବିସ୍ତେ ଆଦିକ୍ ହାର୍ କିଜି ତେକନି କାଜିଂ କପଟାଂ
 “ଜିହୁଦିର ତାଙ୍ଗ୍ ନିହିଂ ଗାଜା ସବା ଲାଗାୟ୍ ତାହିଝାଦେଂ କାଜିଂ ନିଂ ଗଝାରି କିଦନି
 କାଜିଂ ରମାନ୍ ଆତାଣ୍ଡା । ୨୧ ମାତର ହେଝାର୍ତି କାତା ରାଜି ଆମାଟ୍; ଇନାକିଦେଂକି
 ରିକଡ଼ି ଜାଣତାଂ ଆଦିକ୍ ଲକୁ ହେଝାନିଂ ଅହ୍ଝି ପାତେକ୍ ତିନା ଉଣା କିଡ଼ପ୍ ଇଞ୍ଜି
 ପାର୍ମାଣ୍ କିଜି ତୁଗୁଜି ମାଟାର୍ । ନଙ୍ଗ୍ ହେଝାର୍ ନି ବୁଜାୟ୍ କିନାକା କାସି ଜାଲ୍ଦି ଆଜି
 ମାଟାର୍ ।”

୨୨ ହେବେଣ୍ଡାଂ ହାଜାର୍ ମୁସ୍ତିଦାର୍ ହେ ଦାଂଶେନ୍ତିଙ୍ଗ୍ ହେଲଝେୟ୍ ହିଜି ତାଙ୍ଗ୍ ବଲ୍
 ହିତାନ୍, “ଏନ୍ ଜେ ଇ ଝିଜୁ କାତା ନାଙ୍ଗ୍ ଝେଡ଼ଚାତାୟନା, ହେଦାଂ ଇନେରିଂ ଝେଚୁୟ୍
 ।”

ପାଉଲ୍ତିଂ କାଇସରିୟାତ ପଲ୍ଲାର୍

୨୩ ପାଚେ ହେଝାନ୍ ରିକାର୍ ପାଞ୍ଚକଡ଼ି ମୁସ୍ତିଦାର୍ତିଂ କୁକ୍ଚି ଇଚାନ, କାଇସରିୟା
 ପାତେକ୍ “ହାନି କାଜିଂ ନାଣା ନଅ ଗଣ୍ଡା ସମୁତ ଦସ୍ କଡ଼ି ମେଲ୍ୟାର୍, ତିନକଡ଼ି ଦସ୍

ଜାଣି ଗଡ଼ା ଦୁମନାକାରୁ ଆରି ଦସକଡ଼ି ବାଲାସ୍ତାକାରିଂ ଜାଲୁଦି କିୟାଟ୍ । ୨୪ ଆରେ, ହେୱାରୁ ଇନେସ୍ ପାଉଲ୍ ପସ୍ତୁ ଜପି କୁଟି କିଜି ସାସନ୍‌କାରୟା ପେଲିକସ୍ତି ଲାଗାୟ ରାକ୍ୟା ହିଲ୍‌ଖାଦାଂ ଅସି ହାନାର୍, ଇଦାଂ କାଜିଂ ହେଦାଂ ଜାଲୁଦି କିନି କାଜିଂ ହେୱାନୁ ବଲ୍ ହିତାନୁ ।” ୨୫ ଆରେ, ହେୱାନୁ ଇ ଲାକେ ର ଆକି ଲେକିକିତାନୁ ।

୨୬ “ଗାଜା ସାଏବ୍ ସାସନ୍ କାରହା ପେଲିକସ୍ତିଂ କ୍ଲୀଉଦିଆ ଲୁସିୟାତି ଜୱାରୁ । ୨୭ ଜିହୁଦିରତି ଇ ଲକ୍ତିଂ ଆସ୍ତି ଅସ୍ତେଜ୍ ହାନି ସମୁତ ଆନ୍ ମେଲ୍ୟାତ ହୁଦାଂ ହାଲୁଜି ହେୱାନୁ ରୱାନୁ ରମିୟ ଇଞ୍ଜି ପୁଞ୍ଜି ଇୱାନିଂ ଉଦାର କିତାଂ । ୨୮ ଇମ୍‌ଣି କାରଣତାଂ ହେୱାରୁ ଇୱାନୁ ବିରୁଦ୍‌ତ ଦସି କିନାରା, ହେଦାଂ ପୁଞ୍ଜେଜ୍ ମାନୁ କିଜି ଆନ୍ ଇୱାନିଂ ହେୱାରୁତି ଗାଜା ସବା ଲାଗାୟ ଅସି ହାତାଜ୍ । ୨୯ ପାରାଣ୍ ତାଣ୍ କି ହକ୍ତି ଗାତ୍ୟାନି ଜର୍ ଇମ୍‌ଣାକା ପା ବିସ୍ତେ ଇୱାନିଂ ବିରୁଦ୍‌ତ ଦାବା କିୱାଦାଂ ହେୱାରୁତି ବିଦି ବାବ୍ରେ ଗଣ୍‌ଗଲ୍ ବିସ୍ତେ ଦାବା କିୟାତାଦନ୍ନା ଇଞ୍ଜି ଆନ୍ ବୁଜାତାଂ । ୩୦ ଇ ଲକ୍ ବିରୁଦ୍‌ତ ମାନୁ ପାଟିକିତାର ଇଞ୍ଜି ନାଜ୍ କାରୁର୍ ହିଡ୍‌ତିଲେ ଆନ୍ ଇୱାନିଂ ମାଲା ଆୱାଦାଂ ନି ଲାଗାୟ ପଞ୍ଚାତାଂ, ଇୱାନ୍ତି ଦାବାକିନାକାରିଂ ପା ନି ମୁମ୍‌ଦ ଇୱାନୁ ବିରୁଦ୍‌ତ ସାକି ହିଦେଂ ବଲ୍ ହିତାଂ ।”

୩୧ ହେବେଶ୍ଟାଂ ମେଲ୍ୟାର ପାୟାତି ବଲ୍‌ତାଂ ପାଉଲ୍‌ତିଂ ଅଜି ମାଜ୍‌ଗାତ ତାଜ୍ ଆନ୍ତିପାତ୍ରିତ ତାହିୱାତାର । ୩୨ ଆର୍କାଡ୍ ନାଜିଂ ମେଲ୍ୟାରୁ ଗଡ଼ା ଦୁମନାକାରିଂ ତା ହୁଦାଂ ହାନି କାଜିଂ ଗାଡ୍‌ଦ ମାସ୍‌ଦି ହାଚାର୍ । ୩୩ ପାଚେ ଗଡ଼ା ଦୁମନାକାରୁ କାଈସରିୟାତ ୱାଜି ସାସନ୍‌କାରୟାଜ୍ ଆକି ହିତାର୍, ଆରେ ପାଉଲ୍‌ତିଂ ପା ହେୱାନୁ କେଇଦ ହେଲ୍‌ୟା କିତାର୍ । ୩୪ ହେ ଆକି ପଡ଼ି କିତି ପାଚେ, ହେୱାନୁ ଇମ୍‌ଣି ରାଜିନି ଲଗୁ ଇଞ୍ଜି ୱେନ୍‌ବାତାନୁ, ଆରେ, ହେୱାନୁ ଜେ କିଲିକିୟାନି ଲଗୁ, ଇଦାଂ ପୁଞ୍ଜି ୩୫ ଆରେ ହେୱାନୁ ଇଚାନୁ, ନି ଦାବାକାରିୟାର ପା ଇକାୱାତାର୍, “ଆନ୍ ନି କାତା ୱେନାଜ୍ ।” ଆରେ ହେୱାନୁ ହେରଦ୍‌ତି ବାଜ୍‌ଲାତ ତାଜ୍ ଇଡ୍‌ଦେଂ କାଜିଂ ବଲ୍ ହିତାନୁ ।

୨୪

ପାଉଲ୍ ଜିହୁଦିରତି ହୁଦାଂ ଦାବାକିୟାତାନୁ

୧ ପାଞ୍ଚ ଦିନ୍ ପାଚେ ହାନାନ ମୁଡ୍ ମାପୁହେବାକିନାକାନୁ କେତେକ୍ ପ୍ରାତିନାରିଂ ଆରି ତର୍ତ୍ତୁଲ୍ ତର୍ ନି ରୱାନୁ ଅକିଲ୍ ହୁଦାଂ କାଈସରିୟାତ ୱାତାନୁ, ଆରେ ହେୱାରୁ ପାଉଲ୍‌ତି ବିରୁଦ୍‌ତ ସାସନ୍‌କାରୟା ଲାଗେ ଦାବା କିତାର୍ । ୨ ହେୱାନିଂ କୁକିକିତିଲେ ତର୍ତ୍ତୁଲ୍ ହେୱାନିଂ ଦାବା କିଜି ଇଞ୍ଜେଜ୍ ଲାଗାତାନୁ,

“ଏ ଗାଜା ସାଏବ୍ ପେଲିକସ୍, ନି ହୁଦାଂ ଆପେଂ ଜେ ମି ରାଜି ବେସି ସୁସ୍ତା ପାୟାତାପ୍‌ନା, ଆରେ ନି ପ୍ରାତିପାଡ୍‌ଦ ଇ ଜାତି କାଜିଂ ବାରବିନ୍ କାମାୟ ଆତାଦନ୍ନା, ୩ ଇଦାଂ ଆପେଂ ସବୁ ବାବ୍ରେ ଆରି ସବୁ ବାହାତ ବାଟି ପେଲିକସ୍ତିଂ ୱାରି ଲାହାଜ୍ ମାନି କିତାପନ୍ନା । ୪ ମତର୍ ଆନ୍ ଇନେସ୍ ଆଦିକ୍ ୱାହି କିଦୁଜ୍, ଇଦାଂ କାଜିଂ ଏନ୍ ଜାରୁ ଦୟା ଗୁଣ୍‌ତ ମାଦାଂ ଏଚେଗଟା କାତା ୱେଞ୍ଜେଜ୍ କାଜିଂ ଆନ୍ ନିଂ ଗୱାରି କିଦ୍‌ନାଜା । ୫ ଇନାକିଦେଂକି ଆସେଜ୍ ଇ ଲକ୍ତିଂ ମାର୍‌ଡି ଲାକେ ପୁତ୍‌ନି ୱିଜୁ ୱିଜାରୁ ଜିହୁଦିରତି ବିତ୍ରେ କୁଲ୍ କିବାନାକାନୁ ଆରି ନାଜରିତିୟ କୁଦାନି ରୱାନୁ ମୁଡ୍ ନେତା ଇଞ୍ଜି ପୁଚାପନ୍ନା; ୬ ଆରେ ପା ଇୱାନୁ ମନ୍ଦିର୍ ବିଗାଡ୍ କିଦେଜ୍ ସେସ୍ତା କିଜି ମାଚାନୁ, ମତର୍ ଆପେଂ ଇୱାନିଂ ଆସ୍ତାପ୍ ଆରେ ମି ବିଦି ଇସାପ୍ରେ ଇୱାନ୍ତି ବିଗାରୁ କିଦେଜ୍ ଇଚା କିଜି ମାଚାପ୍ । ୭ ମତର୍ ହାଜାର ମୁସ୍ତିଦାରୁ ଲୁସିୟା ୱାଜି ଜବର୍ ବଲ୍‌ଡ୍‌କାରତାଂ ଇୱାନିଂ ମା କେୟଦାଂ କିସ୍ ଅତାନୁ, ୮ ଆରେ, ଇୱାନ୍ତି ଦାବାକାରୟାରିଂ ନି ମୁମ୍‌ଦ ଇକାୱାନି କାଜିଂ ବଲ୍ ହିତାନୁ । ଇ ଇମ୍‌ଣି ୱିଜୁ ବିସ୍ତେ ଆପେଂ ତେକ୍‌ତି ଇଦାଂ ବିରୁଦ୍‌ତ

ଦାବା କିନାପା, ଏନ୍ ନିଜେ ଇଞ୍ଜାନିଂ ପରସନ୍ କିତିସ୍ ହେ ସବୁ ପୁଞ୍ଜେଙ୍ଗ୍ ଆଡ଼ନାୟ ।”
୯ ଜିହୁଦିର୍ ପା ଦାବାତ ମିହାଜି ଇ ଖିଜୁ କାତା ହାଡ଼ପା ଇଞ୍ଜି ଇଞ୍ଜାର ।

ପେଲିକସ୍ତି ମୁମ୍ଦ ପାଉଲ୍ତି ଖାସ୍ତିହିତାନ୍

୧୦ ହେବେଣ୍ଡାଂ ସାସନ୍କାରୟା କାତା ଇନି କାଜିଂ ପାଉଲ୍ତିଂ ଚଚ୍ଚିଲେ, ହେଞ୍ଜାନ୍
ଉତର୍ ହିତାନ୍,

“ଏନ୍ ଆଦିକ୍ ବାହୁଁ ଆତାଡ଼ ଇ ଜାତିନି ବିଚାରକାରୟା ମାନାନ୍ ଇଞ୍ଜି ପୁନିକାଜିଂ
ଆନ୍ ସାସ୍ତ ନା ପାକ୍ୟା ବାଚି କିନାଙ୍ଗା । ୧୧ ବାର ଦିନ୍ତାଂ ଆଦିକ୍ ଆଉଡ଼ ଆନ୍
ପାର୍ତାନା କିନି କାଜିଂ ଜିରୁସାଲମ୍ତ ହାଲ୍ଜି ମାଚାଙ୍ଗ୍, ଇଦାଂ ଏନ୍ ପୁଞ୍ଜେଙ୍ଗ୍ ଆଡ଼ନାୟ
। ୧୨ ଆରେ, ଇଞ୍ଜାର ମନ୍ଦିରତ କି ପାର୍ତାନା ଇଞ୍ଜି କି ଗାଡ଼ଦ ନାଙ୍ଗେଙ୍ଗ୍ ଇନେର୍ ହୁଦାଂ
ଗଣ୍ଡଗଲ୍ କିନାକା କି ଲକାଂ ଚିଉଲ୍ଲୟା କିନାକା ହୁଡ଼ଦାଞ୍ଜାତାଣ୍ଡା, ୧୩ ଆରେ, ନଙ୍ଗ୍
ଇଞ୍ଜାର ନା ବିରୁଦ୍ତ ଇମ୍ଣି ଖିଜୁ ବିସ୍ତେ ଅଜି ଦାବା କିନାରା, ହେ ସବୁ ନି ଲାଗେ
ପାର୍ମାଣ୍ କିଦେଙ୍ଗ୍ ଆଡୁର୍ । ୧୪ ମତର୍ ଇଞ୍ଜାର ଇନେରିଂ ର ବିନ୍ଦମ୍ କୁଦା ଇଞ୍ଜି
ଇନାର୍, ଆନ୍ ହେ ହାଜି ଇସାପ୍ତେ ମା ଆବା ଲେତ୍ରାତି ଇସ୍ପର୍ତି ପାର୍ତାନା କିଜି ମାନାଂ;
ଇନା ଇନାକା ମସାତି ବିଦି ଇସାପ୍ତରେ ଆରି ଇନା ଇନାକା ବେଣ୍ଡବାକଣାୟକିନାକାର୍
ସାସ୍ପର୍ତ ଲେକା ମାନାଡ଼, ହେ ସବୁ ଆନ୍ ପାତ୍ କିନାଙ୍ଗ୍; ୧୫ ଆରେ, ଦାମ୍ ଆରି
ଅଦାମ୍ ରିୟାର୍ ଆରେ ନିନାକା ଆନାଡ଼ ଇଞ୍ଜି ଇନାକା ଇଞ୍ଜାର ନିଜେ କାସି ମାନାର୍,
ଆନ୍ ପା ଇସ୍ପର୍ତାଂ ହେ ଲାକେ ବାସ୍ ଇଡ଼ତାଂନା ଇଞ୍ଜି ନି ଲାଗେ ମାନି କିନାଙ୍ଗା ।
୧୬ ଇ ଏଡ଼ ତାଂ ଆନ୍ ପା ନିଜେ ନିତ୍ତେ ଇସ୍ପର୍ତି ଆରି ମାନାୟତି କାଜିଂ ଦସି ହିଲ୍ଡି
ଚିନ୍ତା ରାକ୍ୟା କିଦେଙ୍ଗ୍ ଜାଡୁନ୍ କିଜି ମାନାଙ୍ଗା ।”

୧୭ ☆“ବେସି ବାହୁଁ ପାଚେ ଆନ୍ ନା ଜାତି ଲାଗେ ଦାନ୍ ତାଚେଙ୍ଗ୍ କାଜିଂ ଆରି ପୁଜା
ହିନି କାଜିଂ ଜିରୁସାଲମ୍ତ ହାଲ୍ଜି ମାଚାଙ୍ଗ୍ । ୧୮ ହେ ଖେଡ଼ାଲିଂ ଇଞ୍ଜାର ନାଙ୍ଗେଙ୍ଗ୍
ମନ୍ଦିରତ ସକର୍ ଆଜି ମାନାକା ହୁଡ଼ଜି ମାଞ୍ଜାର୍; ଆନ୍ ଇମ୍ଣାକା ପା ଲକୁରିଂ ନଲେ
ଗଣ୍ଡଗଲ୍ତ ମେହା ଆଞ୍ଜାଦାଂ ମାଚାଙ୍ଗ୍ । ୧୯ ମାତର୍ ଆସିଆନି କେତେକ୍ ଜିହୁଦିର୍
ମାଚାର୍; ଜଦି ହେଞ୍ଜାର୍ତି ନା ବିରୁଦ୍ତ ଇମ୍ଣାକା ପା କାତା ମାଚିସ୍, ତାଆତିସ୍ ନି
ମୁମ୍ଦ ଏକିସ୍ ଦାବା କିନାକା ହେଞ୍ଜାର୍ତି ହାର୍ ଆତାମ୍ । ୨୦ ଆରେରଗ ଆନ୍ ଗାଜା
ସବା ମୁମ୍ଦ ଇଞ୍ଜି ମାଚାଙ୍ଗ୍ ଆନ୍ ଇମ୍ଣା ପାପ୍ତ ବାନ୍ୟା ଆଜି ମାଚାଙ୍ଗ୍, ହେଦାଂ ଇବେ
ମାନି ଇ ମାନାୟାର୍ ଇଞ୍ଜେର୍ । ୨୧ ଆତିସ୍ପା ଆନେଙ୍ଗ୍ ର କାତା ଇଞ୍ଜି ମାଚାଙ୍ଗ୍,
ହେଞ୍ଜାର୍ ବାହାତ ଇଞ୍ଜି ମାନି ସମୁତ ଆନ୍ ଆର୍ଞ୍ଜା କିଜି ଇଞ୍ଜି ମାଚାଙ୍ଗ୍, ହାକିର୍ ଆରେ
ନିନାକା ଇଞ୍ଜି ଆନ୍ ପାତ୍ କିଜି ମାଚିଲେ ନେଞ୍ଜେଙ୍ଗ୍ ନି ହୁଦାଂ ବିଚାର୍ କିୟାନାଙ୍ଗା
।”

୨୨ ମତର୍ “ପେଲିକସ୍ ହେ ହାଜି ବିସ୍ତେ ଏଚେକ୍ ଆଦିକ୍ ହାଡୁର୍ ପୁଞ୍ଜି ମାଚିଲେ
ବିଚାର୍ ଟେବାୟ କିଜି ଇଚାନ୍, ହାଜାର୍ ମୁସ୍ତିଦାର୍ ଲୁସିୟା ଖାତିସ୍ ଆପ୍ ମିଦାଙ୍ଗ୍ ବିସ୍ତେ
ଡିର୍ କିନାପ୍ ।” ୨୩ ଆରେ, ହେଞ୍ଜାନ୍ ପାଞ୍ଚକଡ଼ି ମୁସ୍ତିଦାର୍ତି ହେଞ୍ଜାନ୍ତି ଇମ୍ଣାକା ପା
ଖାସ୍ତିନି ଜାର୍ ଲଗାଂ ହେଞ୍ଜାନ୍ତି ହେବାକିନାକା କାଜିଂ ମୁନା କିଞ୍ଜାଦାଂ, ଆରେ ତା ବନ୍ଦି
ଲାକେ ରାକ୍ୟା କିଜି ତା କାଜିଂ କଞ୍ଜାଣ୍ ଚିନ୍ତା କିଦେଙ୍ଗ୍ ବଲ୍ ହିତାନ୍ ।

ପେଲିକସ୍ ଆରି ଦୁସିଲାତି ମୁମ୍ଦ ପାଉଲ୍

୨୪ କେତେକ୍ ଦିନ୍ ପାଚେ ପେଲିକସ୍ ଦୁସିଲା ତରନି ଜାର୍ ଜିହୁଦିୟା ଡକ୍ତୁହି
ଲାହାଙ୍ଗ୍ ଖାଜି ପାଉଲ୍ତିଂ କୁକ୍ତି କ୍ରିସ୍ଟୁ ଜିସ୍ତୁତାକେ ପାତ୍ ବିସ୍ତେ ହେଞ୍ଜାନ୍ ତାକେ
ଖେଚାନ୍ । ୨୫ ମତର୍ ହେଞ୍ଜାନ୍ ଦାମ୍, ଖାସ୍ତିଂ ଆରି ଖାନିଦିନ୍ତି ବିଚାର୍ କାମାୟ ବିସ୍ତେ

☆ ୨୪:୧୭ ୨୪:୧୭ ପଦ୍ୟାତାକା ୨୧:୧୭-୨୮.

କାତା ଇନି ସମୁତ ପେଲିକସ ପାଣ୍ଡା ଆଜି ଉତର ହିତାନ୍, “ନଙ୍ଗ ଏପେଙ୍ଗ ହାଲାର୍, ସୁବିଦା ସମ୍ପ ପାୟାତିସ୍ ଆପ୍ ମିଙ୍ଗ କୁକିକିନ୍ନାପ୍ ।” ୨୭ ଆରେ ପା ପାଉଲ୍ ତାଙ୍ଗ ଟାକା ହିଦନାଂ ଇଞ୍ଜି ହେଝାନ୍ ଆହା କିଜି ମାଚାନ୍; ହେଦାଂ କାଜିଂ ରଗତିଂ ରଗ ତାଙ୍ଗ କୁକ୍ତି ତା ଲାହାଙ୍ଗ କାତାବାର୍ତା କିବିସ୍ ମାଚାନ୍ ।

୨୭ ମାତର୍ ଦୁଇ ବାହୁଁ ବାତ୍ ଆତି ପାରେ ପକ୍ ଯ ପେସ୍ ପେଲିକସ୍ତି ପାଦ୍ତ ବାତି କିୟାତାନ୍, ଆରେ ପେଲିକସ୍ ଜିହୁଦିର୍ତି ବଲ୍ବଲ୍ଲାୟ୍ ଆଦେଂ ଇଚା କିଜି ପାଉଲ୍ତିଂ ବନ୍ଦି ଅବସ୍ତାତ ଇଡ୍ଡି ହାଚାନ୍ ।

୨୫

କାଈସରିୟାତି ଲାଗେ ପାଉଲ୍ତି ଗଞ୍ଜାରି

୯ ହେବେଣ୍ଡାଂ ପେସ୍ ଆଦିକାର୍ ପାଦ୍ ଇଚି କିଜି ତିନି ଦିନ୍ ପାରେ କାଈସରିୟାତାଂ ଜିରୁସାଲମ୍ତ ହାଚାନ୍, ୨ ଆରେ, ମୁଡ୍ ମାପୁହେବାକିନାକାନ୍ ଆରି ଜିହୁଦିର୍ତି ମୁଡ୍ ମୁଣିକାର୍ ପାଉଲ୍ତି ବିରୁଦ୍ତ ତା ଲାଗେ ଗଞ୍ଜାରି କିଚାର୍, ୩ ଆରେ ହେଝାନ୍ ଇନେସ୍ ତାଙ୍ଗ ଜିରୁସାଲମ୍ତ କୁକ୍ତି ପଞ୍ଚାନାନ୍, ଇଦାଂ କାଜିଂ ଗଞ୍ଜାରି ଆଗେ ତା ବିରୁଦ୍ତ ଇ ଦୟା ପାର୍ତାନା କିଚାର୍, ଆରେ, ହେଝାର୍ ତାଙ୍ଗ ହାସ୍ଦ ଅହି କିନି କାଜିଂ ଡ୍ରୁଜି କୁଚାର୍ । ୪ ହେବେ ପେସ୍ ଉତର ହିତାନ୍, “ପାଉଲ୍ କାଈସରିୟାତ ଗେହ୍ୟାଜି ମାନାନା, ଆରେ ଆନ୍ ପା ବେଗି ହେବେ ହାନାଙ୍ଗ । ୫ ଲାଗିଂ, ମି ବିତ୍ରେ ଇମ୍ଫାକାର୍ ସାକ୍ତିକାଟାକାନ୍, ହେଝାର୍ ମା ଲାହାଙ୍ଗ ହାଲ୍ଜି ହେ ଲକ୍ନି ଜଦି ଇମ୍ଫାକା ପା ଦସ୍ ମାତିସ୍, ତେବେ ତା ବିରୁଦ୍ତ ଦାବା କିୟାଟ୍ ।”

୬ ପାରେ ହେଝାନ୍ ହେଝାର୍ ବିତ୍ରେ ଆଟ୍ କି ଦସ୍ ଦିନ୍ତାଂ ଆଦିକ୍ ମାନ୍ଝାଦାଂ କାଈସରିୟାତ ମାସଦି ହାଚାର୍, ଆରେ ଆର୍କାଡ୍ ନାଜିଂ ଗାଦିତ କୁଚ୍ତି ପାଉଲ୍ତିଂ ତାନି କାଜିଂ ବଲ୍ ହିତାନ୍ । ୭ ପାଉଲ୍ ଖାତିଲେ ଜିରୁସାଲମ୍ତାଂ ଖାତାକାର୍ ଜିହୁଦିର୍ ହେଝାନ୍ତି ଚାରିବେଣ୍ଡାଂ ବେଡି କିଜି ନିଲ୍ତାର୍ ଆରି ତା ବିରୁଦ୍ତ ବେସି ଗାଜା ଦାବା କିଚାର୍ । ମତର୍ ହେଝାର୍ ଇ ସବୁ ପାର୍ମାଣ୍ କିଦେଙ୍ଗ ରାଜି ଆଞ୍ଜାତାର୍ । ୮ ହେବେ ପାଉଲ୍ ଜାର୍ ପାକ୍ୟା ପାଡ୍କା କିଜି ଝେଚ୍ଚଚାନ୍, “ଜିହୁଦିର୍ନି ମସାତି ବିଦି ବିରୁଦ୍ତ କି ମନ୍ଦିର୍ ବିରୁଦ୍ତ କି କାଈସର୍ତି ବିରୁଦ୍ତ ଆନ୍ ଇନାକାପା ପାପ୍ କିଞ୍ଜାତାଂନ୍ନା ।”

୯ ମତର୍ ପେସ୍ ଜିହୁଦିର୍ତି ଦୟା ଆଦେଂ ଇଚା କିଜି ପାଉଲ୍ତିଂ ଉତର ହିତାନ୍, “ଏନ୍ କି ଜିରୁସାଲମ୍ତ ହାଲ୍ଜି ହେ ବାହାତ ମା ମୁମ୍ଦ ଇ ସବୁ ବିସ୍ତେ ଅଜି ବିଚାର୍ ଆଦେଂ ଇଚା କିନାୟା ?”

୧୦ ମତର୍ ପାଉଲ୍ ଇଚାନ୍, “ଆନ୍ କାଈସର୍ତି ଗାଦି ତାରେନ୍ ନିଲ୍ତାଂନ୍ନା, ହେ ବାହାତ ବିଚାର୍ ଆନାକା ମାନାଡ୍ । ଆନ୍ ଜିହୁଦିର୍ତି କାଜିଂ ଇନାକାପା ଅନ୍ୟାୟ୍ କିଞ୍ଜାତାଂନ୍ନା, ଏନ୍ ପା ହେଦାଂ ଏଚେକ୍ ହାର୍ ଇଞ୍ଜି ପୁନାୟ୍ । ୧୧ ଖାଟିଙ୍ଗ୍, ଜଦି ଆନ୍ ଅନ୍ୟାୟ୍ କିତାକାଂ ଆଜି ମାତିସ୍ ଆରି ହାକି ଜଗ୍ ଇନାକାପା କାମାୟ୍ କିଜି ମାତିସ୍, ତା ଆତିସ୍ ଆନ୍ ହାକି ବଗ୍ କିଦେଙ୍ଗ୍ ମୁନା କିଦୁଙ୍ଗା; ମତର୍ ଇଞ୍ଜାର୍ ନା ବିରୁଦ୍ତ ଇନାକା ସବୁ ଦାବା କିନାରା, ହେ ସବୁ ବିତ୍ରେ ଜଦି ପାଦେକ୍ ପା ସଡ୍ ଆକାୟ୍, ତା ଆତିସ୍ ଇମ୍ଫା ମାନାୟ୍ ପା ହେଝାର୍ କେଇଦ ନାଙ୍ଗ୍ ହେଲ୍ଲାୟ୍ କିଦେଙ୍ଗ୍ ଆଡୁର୍ । ଆନ୍ କାଈସର୍ତି ସାରାଣ୍ଡ ବିଚାଣ୍ଡା ଆଦେଂ କାଜିଂ ପାର୍ତାନା କିନାଙ୍ଗା ।”

୧୨ ହେବେ ପେସ୍ ମଡ୍ରିମଣ୍ଡଲ୍ ଲାହାଙ୍ଗ୍ ବୁଜାୟ୍ଜା କିଜି ଉତର ହିତାନ୍, ଏନ୍ “କାଈସରିୟାତି ସାରାଣ୍ଡ ବିଚାଣ୍ଡା ଆଦେଂ କାଜିଂ ପାର୍ତାନା କିତାୟ୍ନା, ଏନ୍ କାଈସର୍ ଲାଗେ ହାନାୟ୍ ।”

ଆଗ୍ରିପା ଆରି ବଣ୍ଟି କିତି ମୁମ୍ଦ ପାଉଲ୍

୧୩ କେତେକ ଦିନ ହାତ ପାଚେ ରାଜା ଆଗ୍ରିପ୍ପା ଆରି ବଣ୍ଟିକି କାଈସରିୟାତ
 ଖାଜି ପେସ୍ତୁତି ବେଟା ଆତାର । ୧୪ ହେଝାର ବେସି ଦିନ ହେ ବାହାତ ମାତିଲେ,
 ରାଜା ଆଗେ ପେସ୍ତୁ ପାଉଲ୍‌ତି କାତା ଝେଟ୍‌ତି ଇଚାନ, “ପେଲିକସ୍ ରଝାନ ଲଗା
 ବନ୍ଦି କିଜି ଇଡ଼ଜି ହାଚାନା । ୧୫ ଆନ୍ ଜିରୁସାଲମ୍‌ତ ମାନି ସମୁତ ଜିହୁଦିର୍‌ତି ମୁଡ଼
 ମାପୁହେବାକିନାକାନ୍ ଆରି ପ୍ରାଚିନାର ତା ବିସ୍ତେ ନା ଲାଗେ ଗଝାରି କିଜି ତା ବିରୁଦ୍‌ତ
 ଦଣ୍ଡବଲ୍ ପାଚାନା କିତାର । ୧୬ ଆନ୍ ହେଝାରି ଉତର୍ ହିତା, ଇନାକାନ୍ ଆରି
 କାତା ନାହାୟ୍ ମୁକାମୁକି ଆଝି ପାତେକ୍, ଆରେ କାତା ନାହାତି ବିରୁଦ୍‌ତ ବିଚାର
 କିଜିମାନି ଦାବା ସମୁତ ଝାସ୍‌ପାକ୍ୟା ପାଡ଼କା କିନି ସୁବିଦା ପାୟାଝି ପାତେକ୍ ହେଝାନି
 ହେଲାୟ୍ କିନାକା ରମିୟର୍‌ତି ବିଦି ଆକାୟ୍ । ୧୭ ଲାଗି ହେଝାର ନା ହାଙ୍ଗ୍‌ଦା ଇ
 ବାହାତ ଝାତିଲେ, ଆନ୍ ମାଲାଝାଦା ଆକାଡ଼ ନାଜି ଗାଦିତ କୁଟ୍‌ତି ହେ ମାନାୟ୍‌ତି
 ତାତେଙ୍ଗ୍ କାଜି ବଲ୍ ହିତା । ୧୮ ଦାବାକାରିର୍ ଇଞ୍ଜ, ଆନ୍ ଇନେସ୍‌ବାନି ଦସ୍‌ନି କାତା
 କାସି ମାଚାଙ୍ଗ୍, ହେ ଲାକେ ଇନାକାପା ଦାବା ହେଦା ବିସ୍ତେ ତାଝାତାର । ୧୯ ମତର୍
 ହେଝାର୍‌ତି ଜାର୍ ଦାରୁମ୍ ଆରେ ଜିସୁ ତର୍ ନି ରଝାନ ହାତି ମୁଣିକା, ଇନେରି ପାଉଲ୍
 ଜିଜି ମାଚାନ୍ ଇଞ୍ଜ ଇଞ୍ଜ ମାଚାନ୍, ହେ ସବୁ ବିସ୍ତେ ତା ବିରୁଦ୍‌ତ ହେଝାର୍‌ତି ଏଚେକ୍
 କୁଲ୍ ମାଚାଡ଼ । ୨୦ ଇ ଝିଜୁ ବିସ୍ତେ ଇନେସ୍‌ବାନି ତେକ୍‌ନାଙ୍ଗ୍ ଇଞ୍ଜି ଆନ୍ ବୁଦିବାଣା
 ଆଜି, ହେଝାନ ଜିରୁସାଲମ୍‌ତ ହାଲ୍‌ଜି ହେବେ ଇ ଝିଜୁ ବିସ୍ତେ ବିଚାର ଆଦେ କାଜି
 ଇଚା କିନାନ୍ କି ଆକାୟ୍, ଇଦା ଝେନ୍‌ବାତା । ୨୧ ମତର୍ ପାଉଲ୍ ରାଜାର୍‌ତା ରାଜା
 ବିଚାର କାଜି ଇଟ୍ୟାନି କାଜି ପାଚାନା କିତିଲେ, ଆନ୍ ତାଙ୍ଗେଙ୍ଗ୍ କାଈସର୍‌ତି ଲାଗେ
 ପକ୍‌ଝି ପାତେକ୍ ବନ୍ଦି କିଜି ଇଡ଼ଦେ ବଲ୍ ହିତା ।”

୨୨ ହେବେଣ୍ଡା ଆଗ୍ରିପ୍ପା ପେସ୍ତୁତି ଇଚାନ, “ଆପେ ପା ନିଜେ ହେ ଲକ୍‌ନି କାତା
 ଝେଞ୍ଜେଙ୍ଗ୍ ଇଚା କିନାପା ।”

ହେଝାନ ଇଚାନ, “ଝିଗା ଏପେଙ୍ଗ୍ ତାଦି କାତା ଝେନାଦେର୍ ।”

୨୩ ଲାଗି, ଆକାଡ଼ ନାଜି ଆଗ୍ରିପ୍ପା ଆରି ବଣ୍ଟିକି ଗାଜା ବିଡ଼୍‌ତ ଝାଜି ମୁଡ଼୍‌ ମୁଡ଼୍
 ମେଲ୍ୟାର ଆରି ଗାଡ଼ନି ମୁଡ଼୍ ମୁଡ଼୍ ମୁଣିକାର ହୁଦା ବିଚାଣ୍ଡା ବାହାତ ହଟିଲେ ପେସ୍ତୁତି
 ବଲ୍ ଇସାବ୍‌ରେ ପାଉଲ୍‌ତି ତାହିଝାୟାତାନ୍ । ୨୪ ହେବେ ପେସ୍ତୁ ଇଚାନ, “ଏ ରାଜା
 ଆଗ୍ରିପ୍ପା ଆରି ମାହୁଦା ଇ ବାହାତ ମାତି ଗାଜାଲଗୁ କାଦେର୍, ଏପେଙ୍ଗ୍ ଇ ଲକ୍‌ତି
 ହୁଡ଼ନାଦେରା, ଇଝେନ୍ ବିରୁଦ୍‌ତ ଜିରୁସାଲମ୍‌ତ ଆରି ଇ ବାହାତ ପା ଜିହୁଦି ଲକୁ
 ମା ଲାଗେ ଗଝାରି କିଜି ତାଦା ଆରେ ଜିଜି ମାନାକା ହାର୍ ଆକାୟ୍ ଇଞ୍ଜି ଚେରା
 ଆତାର । ୨୫ ମାତର୍ ହେଝାନ ହାକି ଜଗ୍ ଇନାକାପା କାମାୟ୍ କିଝାତାନ୍ ଇଞ୍ଜି ଆନ୍
 ବୁଜାତା, ଆରେ ହେଝାନ ନିଜେ ଜାରାର୍‌ତା ରାଜା ଲାଗେ ବିଚାର୍ ଆନି କାଜି
 ପାଚାନା କିତିଲେ ଆନ୍ ତାଙ୍ଗ୍ ପକ୍‌ନି କାଜି ତିର୍ କିତାଙ୍ଗ୍ । ୨୬ ନା ମାପୁତି ଲାଗେ
 ତା ବିସ୍ତେ ଲେକିକିନି କାଜି ନାଦା ଇନାକାପା ସଡ଼ ବିସ୍ତେ ଆକାୟ୍ । ଲାଗି ବିଚାର୍
 କିଜି ଇନେସ୍ ଆନ୍ ଲେକିକିନି କାଜି ଇଚୁଟି ପାୟାଦେ ଆଡ଼ନାଙ୍ଗ୍, ହେଦା କାଜି
 ତାଙ୍ଗ୍ ମିବେ, ବେସିନି, ଏ ରାଜା ଆଗ୍ରିପ୍ପା, ମି ମୁମ୍‌ଦ ତାତାନ୍ନା; ୨୭ ଇନାକିଦେକି
 ବନ୍ଦିତ ପକ୍‌ନି ସମୁତ ତା ବିରୁଦ୍‌ତ ଦାବାକା ଇନ୍‌ଝି କାଜି ନାଙ୍ଗେଙ୍ଗ୍ ମେହାଆଝି
 ଲାକେ ବୁଜା ଆଦନାତା ।”

୨୭

ଆଗ୍ରିପ୍ପାତି ମୁମ୍‌ଦ ପାଉଲ୍‌ତି ଜାର୍‌ତି ହେଲାୟ୍ କିନାକା

୧ ହେବେଣ୍ଡା ଆଗ୍ରିପ୍ପା ପାଉଲ୍‌ତି ଇଚାନ, “ନିଙ୍ଗେଙ୍ଗ୍ ଜାର୍ ପାକ୍ୟାତ କାତା ଇନି
 କାଜି ହେଲ୍ ହିଆତାଡ଼ । ହେ ଏଚେକାଡ଼୍‌ଦ ପାଉଲ୍ କେଇ ମେଲାୟ୍ କିଜି ଜାର୍
 ପାକ୍ୟାତ ଇଞ୍ଜେଙ୍ଗ୍ ଲାଗାତାନ୍,”

୨ “ଏ ରାଜା ଆଗ୍ରିପା, ଜିହୁଦିର୍ ନା ବିରୁଦ୍ଧତ ଇମଣି ଓଁଜୁ ଦାବା କିନାରା, ହେ ବିସ୍ତେ ଆନ୍ ଜେ ନେଞ୍ଜେଙ୍ଗ୍ ନି ଲାଗେ ଜାତ ିଙ୍ଗ୍ ଖେଚ୍ଚେଙ୍ଗ୍ ପାବ୍ ପାୟାତାଂନା, ଇଦାଂ କାଜିଂ ଆନ୍ ଜାରତିଂ ଖାରି ବାବି କିନାଙ୍ଗା, ୩ ବେସିଆତିସ୍ ଇ ଇନାକିଦେଂକି ଜେ, ଏନ୍ ଜିହୁଦିର୍ ବିତ୍ରେ ଚାଲାତି ସବୁ ରିତିନିତି ଆରି ମାନ୍ ବିସ୍ତେ ବେସି ପୁନାୟ୍; ଇଦାଂ କାଜିଂ ସାସ୍ ଆଜି ନା କାତା ଖେଞ୍ଜେଙ୍ଗ୍ କାଜିଂ ଆନ୍ ନିଂ ଗଞ୍ଜାରି କିଦନାଙ୍ଗା ।

୪ ବେଣ୍ଡୁଆ କାଡ଼ତାଂ ଆଗେତାଂ ଜାର୍ ଜାତି ବିତ୍ରେ ଆରି ଜିରୁସାଲମତ ନା ଆଚାର୍ ଚିନ୍ତା ଜିହୁଦିର୍ ଓଁଜାକାର୍ ପୁନାର୍; ୫ ହେଞ୍ଜାର୍ ନାଙ୍ଗେଙ୍ଗ୍ ପର୍ତ୍ତୁମତାଂ ପୁନଞ୍ଜି ମାତିସ୍ ଜଦି ଇଚା କିନାନ୍, ଖାଟିଙ୍ଗ୍ ସାକି ହିଜି ଆଡ଼ନାର୍ ଜେ, ଆନ୍ ମା ଦରମ୍ନି ସବୁତାଂ ଆଚ୍ଞା ମାନ୍ ଇସାପ୍ରେ ପାରୁସିଆଜି ଜିଜି ମାଚାଂ ।” ୬ ଆରେ, ମା ଆବା ଲାତ୍ରା ଲାଗାଙ୍ଗ୍ ଇସ୍ବର ଇମଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍ ବାସ ିକାଜିଂ ଆନ୍ ବିଚାର୍ ଆନି କାଜିଂ ନଙ୍ଗ୍ ନିଲ୍ତାଂନା । ୭ ମା ବାର୍ ପାର୍ତାନା ହେ ପାର୍ମାଣ୍ ପାଡ଼୍ ଗାଟାନି ଆହାତ ଖେଡ଼ାନାଣା ର ମାନ୍ତ ଇସ୍ବରତି ପାର୍ତାନା କିନାରା । ଏ ରାଜା, ବାସ ିକାଜିଂ ଆନ୍ ଜିହୁଦିର୍ ରିତି ହୁଦାଂ ଦାବା ଆନାଙ୍ଗା । ୮ ଇସ୍ବର ଜେ ହାତାକାରିଙ୍ଗ୍ ନିକ୍ତାନ୍ନା, ହେଦାଂ ଇନାକିଦେଂ ଏପେଙ୍ଗ୍ ବିଚାର୍ ପାତ ିଞ୍ଜାକାଦେର୍ ଇଞ୍ଜି ବୁଜା ଆନାତା ?

୯ “ନାଜରିତିୟ ଜିସୁତି ତର୍ ବିରୁଦ୍ଧତ ନାଦାଂ ଆଦିକ୍ କାମାୟ୍ ଜେ ମାନାଡ଼୍, ଇଦାଂ ଆନ୍ ନିଜେ ବାବି କିଜି ମାଚାଙ୍ଗ୍ । ୧୦ ଆରେ, ଜିରୁସାଲମତ ଆନ୍ ଇଦାଂ ପା କିଜି ମାଚାଙ୍ଗ୍, ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ପାୟା ଆଜି ପୁଇପୁୟାର୍ ବିତ୍ରେ ଆଦେକ୍ତି ଜଇଲ୍ତ ଗେସ୍ସି କିଜି ମାଚାଙ୍ଗ୍, ଆରେ, ହେଞ୍ଜାର୍ ପାରାଣ୍ ଦାଣ୍ ସମୁତ ଆନ୍ ପା ହେଞ୍ଜାର୍ତି ବିରୁଦ୍ଧତ ନା ମାନ୍ ପାକ୍ୟାତାଂ ହିଜି ମାଚାଙ୍ଗ୍, ୧୧ ଆରେ ଓଁଜୁ କୁଟୁମ୍ ଇଞ୍ଜ ରଗତିଂ ରଗ ହେଞ୍ଜାରିଂ ତାଣ୍ ହିଜି ଜିସୁତିଂ ନିୟା କିନି କାଜିଂ ହେଞ୍ଜାରିଂ ବଲକାର୍ କିଜି ମାଚାଙ୍ଗ୍, ଆରେ ହେଞ୍ଜାର୍ତି ବିରୁଦ୍ଧତ ବେସି ବାତା ଆଜି ବିଦେସ୍ନି ଗାଡ଼କୁ ପାତେକ୍ ପା ହେଞ୍ଜାରିଂ ନିୟା କିଜି ମାଚାଙ୍ଗ୍ ।”

ନିଜତିଂ ବାଦ୍ଲୟାଆନି ବିସ୍ତେ ପାଉଲ୍ତି ଇନାକା
(ପଦ୍ୟାତାକା ୯:୧-୧୯; ୨୨:୭-୧୬)

୧୨ “ଇ ଇସାପ୍ରେ ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ଆରି ବଲ୍ ଆକି ଅଜି ଦମ୍ବେସକ୍ତ ହାନି ସମୁତ, ୧୩ ଏ ଏଗ୍ରିପା ରାଜା, ମୁଣ୍ଡାମେଦାନ୍ କାଡ଼ଦ ହାଜି ବିତ୍ରେ ଆକାସ୍ତାଂ ଆଦିକ୍ ଓଁଞ୍ଜନାକା ଅଜଡ଼୍ ଆରି ନା ଉପକାର୍ ନିକାରିରିଂ ଚାରିବେଣ୍ଡାତାଂ ଚଞ୍ଜାନାକା ହୁଡ଼ତାଂ । ୧୪ ଆପେଂ ଓଁଜାପ୍ ମେଦ୍ନିତ ଗୁତ ିଲେ, ଆନ୍ ଏବ୍ରି ବାସାତ ନା କାଜିଂ ଇ ବେଣ୍ଡୁ ଖେଚାଙ୍ଗ୍, ସାଉଲ୍, ସାଉଲ୍, ଇନାକିଦେଂ ମାଂ ଇଣ୍ କିଦନାୟା ? ତିତ୍ରି ବେଡ଼ଗାତ ଲାଡ଼ ଇଡ଼ନାକା ନି ପାକ୍ୟାତ କସ୍ ।” ୧୫ ହେବେଣ୍ଡାଂ ଆନ୍ ଇଚାଙ୍ଗ୍, “ମାପୁ, ଏନ୍ ଇମ୍ଣାକାୟ୍ ?” ଲାଗିଂ ମାପୁ ଇଞ୍ଜାନ୍, “ଇମ୍ଣା ଜିସୁଙ୍ଗ୍ ଏନ୍ ଇଣ୍ କିନାୟା, ଆପ୍ ହେଞ୍ଜାଙ୍ଗ୍ । ୧୬ ମତର୍ ନିଙ୍ଗା, ପାନାତ ସାକ୍ତି ହିଜି ନିଲା, ଇନାକିଦେଂକି ଆପ୍ ନିଙ୍ଗେଙ୍ଗ୍ ମା ହେବା କିନାକାର୍, ଆରେ ଏନ୍ ମା ଇମ୍ଣା ଇମ୍ଣାକା ହୁଡ଼ତାୟାନା ପାୟା ଆତାଇନା ଆରି ଗାଟାନାୟ୍, ହେ ଓଁଜୁ ବିସ୍ତେ ସାକି ଲାକେ ବାତି କିଦ୍ନି ଇସାପ୍ରେ ନିଂ ଚଞ୍ଜା ଆଡ଼ତାପ୍ । ୧୭ ଇମ୍ଣା ଜିହୁଦି ଆରି ପାତ ିଞ୍ଜି ଜିହୁଦିର୍ ମାନାୟାର୍ ତାକେ ଆନ୍ ମିଙ୍ଗେଙ୍ଗ୍ ପକତାନାଂ, ହେଞ୍ଜାର୍ତାକେଣ୍ଡାଂ ଆନ୍ ମିଙ୍ଗେଙ୍ଗ୍ ଉଦାର୍ କିଦନାଙ୍ଗ୍ । ୧୮ ଇନେସ୍ ମାଜ୍ଗାତାଂ ଅଜଡ଼୍ କାଜିଂ ଆରି ସୟ୍ତାନୁନି ସାକ୍ତିତାଂ ଇସ୍ବରତି ନିପ ମାସ୍ଦାନାର୍, ଆରେ ପାପ୍ କେମା ଆରି ମା ତାକେ ପାତ ିହୁଦାଂ ପୁଇପୁୟା କିତି ଲକୁ ବିତ୍ରେ ଆଦିକାର୍ ପାୟା ଆନାର୍,” ହେଦାଂ କାଜିଂ ହେଞ୍ଜାର୍ତି କାଣ୍ଡକୁ ହୁଡ଼ିକିନି କାଜିଂ

✧ ୨୭:୫ ୨୭:୫ ପଦ୍ୟାତାକା ୨୩:୭; ପିଲିପିୟ ୩:୫. ✧ ୨୭:୯ ୨୭:୯ ପଦ୍ୟାତାକା ୮:୩; ୨୨:୪,୫.

ଆପ୍ ନିଂ ହେଞ୍ଜାଋତି ତାରେନ୍ ପକ୍ତାନାପା, ଆରେ ଆପ୍ ନିଂ ହେଞ୍ଜାଋ ତାଙ୍ଗ୍ ରାକ୍ୟା କିଦନାପ୍ ।

ଜାଋତିଂ କାମାୟ୍ ବିସ୍ତେ ପାଋଲ୍ଲତି ବାକ୍ଶାୟ୍

୧୯ “ଲାଗିଂ, ଏ ରାଜା ଆଗ୍ରିପ୍ପା, ଆନ୍ ହେ ସାରେନି ଚଞ୍ଚ୍ୟାନାକା ଉଡ଼ାଦେଂ ଆଡ଼ଞ୍ଜାଦାଂ, ୨୦ ଫତର୍ ପର୍ତ୍ତୁମ୍ତ ଦନ୍ନେସକ୍ନି ଆରି ଜିରୁସାଲମ୍ନି ମାନାୟାର୍ ଲାଗାଂ, ପାଚେ ଜିହୁଦା ରଜିନି ଝିଲ୍ଲୁ ନିପ, ଆରେ ପାଚ୍ କିଞ୍ଜି ଜିହୁଦିର୍ ଲାଗାଂ ପା ସୁଶାୟ୍ କିଦେଙ୍ଗ୍ ଲାଗାତାଂ, ଇନେସ୍ ହେଞ୍ଜାଋ ମାନ୍ବାଦଲ୍ଲାୟ୍ କିଜି ଇସ୍ବରତି କାଜିଂ ମାସ୍ଦି ଖାନାର୍ ଆରି ମାନ୍ବାଦଲ୍ଲାୟ୍ନି ହାଦ୍ କାମାୟ୍ କିନାନ୍ । ୨୧ ଇ କାରଣ୍ଡାତାଂ ଜିହୁଦିର୍ ମନ୍ଦିର୍ ବିତ୍ରେ ନାଙ୍ଗ୍ ଆସ୍ତି ଅସ୍ତେଦେଂ ସେସ୍ତ୍ କିଜି ମାଚାର୍ । ୨୨ ଲାଗିଂ, ଇସ୍ବରତି ତାକେ ସାୟ୍ଜ ପାୟାଜି ଆନ୍ ନେଞ୍ଜେଙ୍ଗ୍ ପାଚେକ୍ ହାରୁ ଆରି ଗାଜା ଝିଜାର୍ ଲାଗାୟ୍ ସାକି ହିଜି ଖାନାଙ୍ଗା, ଆରେ ବେଶ୍ବାକ୍ଶାୟ୍କିନାକାର୍ ଆରି ମସାଂ ଇନାକା ଇନାକା ଗିଚାନାଡ଼ ଇଞ୍ଜି ଇଚାଣ୍ଟା, ହେ ସବୁ ପିସ୍ତି ଆରେ ଇନାକାପା ଇନୁଙ୍ଗା, ୨୩ ଇତିସ୍ କ୍ରିସ୍ଟୁ ନିଜେ ଦୁକ୍ବଗ୍ କିଜି ଆରେ, ପର୍ତ୍ତୁମ୍ ହାତାକାର୍ ବିତ୍ରେତାଂ ଆରେ ନିଂନାକା ଜିହୁଦି ଆରି ପାଚ୍ କିଞ୍ଜି ଜିହୁଦିର୍ ଲାଗାୟ୍ ମୁକ୍ତାନି ଅଜଡ଼୍ ହପ୍ତାନ ।”

୨୪ ଇ ଲାକେ ହେଞ୍ଜାନ୍ ଝାସ୍ତିପାକ୍ୟାନି କିଜିମାନି ସମ୍ବତ ପେସ୍ଟ୍ ଗାଜା କାଟ୍ତାଂ ଇଚାନ, “ପାଋଲ୍ଲ ଏନ୍ ବାୟାତି; ବେସି ବିଦ୍ୟା ନିଙ୍ଗେଙ୍ଗ୍ ବାୟା କିଦନାତା ।”

୨୫ ମତର୍ ପାଋଲ୍ଲ ଇଚାନ, ଏ ଗାଜାଲଗୁ ପେସ୍ଟ୍, “ଆନ୍ ବାୟା ଆକାୟ୍, ମତର୍ ହାଡ଼ପାନେ ଆରି ତିର୍ ବୁଦିନି ବଚନ୍ ବାକ୍ଶାୟ୍ କିନାଙ୍ଗା । ୨୬ ରାଜା ତ ଇ ଝିଲ୍ଲୁ ବିସ୍ତେ ପୁନାନ୍, ଆରେ ଆନ୍ ତା ଲାଗେ ପା ସାସ୍ତ କାତା ଇନାଙ୍ଗା, ଇନାକିଦେଂକି ଇ ଝିଲ୍ଲୁ ବିସ୍ତେ ଇମ୍ନାକା ପା କାତା ହେଞ୍ଜାନ୍ତି ପୁନ୍ଝାତାକା ଆକାୟ୍ ଇଞ୍ଜି ନା ପାଚ୍ ; ଇଦାଂ ତ ଡଗୁଜି କିୟା ଆଞ୍ଜାତାଡ଼ନା । ୨୭ ଏ ରାଜା ଆଗ୍ରିପ୍ପା, ଏନ୍ ଇନାକା ବେଶ୍ବାକ୍ଶାୟ୍କିନାକାର୍ ପାଚ୍ କିନାୟା ? ଏନ୍ ପାଚ୍ କିନାୟା ଇଞ୍ଜି ଆନ୍ ପୁନାଙ୍ଗା ।”

୨୮ ହେବେଶ୍ଟାଂ ଆଗ୍ରିପ୍ପା ପାଋଲ୍ଲତିଂ ଇଚାନ, “ଅଲପ୍ ସମ୍ବତ ଏନ୍ ମାଙ୍ଗେଙ୍ଗ୍ କ୍ରିସ୍ଟୁୟାନ୍ କିଦେଙ୍ଗ୍ ଆଡ଼ନାୟ୍ ଇଞ୍ଜି ବାବି କିନାୟା ।”

୨୯ ପାଋଲ୍ଲ ଇଚାନ, “ଅଲପ୍ ଆୟେଡ଼୍ କି ବେସି ଆୟେଡ଼୍, କେବଲ୍ ଏନ୍ ଆକାୟ୍, ମତର୍ ଏଚେକ୍ ଲଗୁ ନେଞ୍ଜେଙ୍ଗ୍ ନା କାତା ଝେନାରା, ଇନେସ୍ ହେଞ୍ଜାଋ ଝିଜାର୍ ପା ଇ ଗାଟି ପିସ୍ତି ନା ଲାକେ ଆନାର୍, ଆତିସ୍ ପା ହିକ୍ଡିଂତାଂ ଗାଋୟା ଆଏର୍ ଇଦାଂ ଆନ୍ ଇସ୍ବରତି ଲାଗାୟ୍ ପାର୍ତାନା କିନାଙ୍ଗା ।”

୩୦ ହେବେଶ୍ଟାଂ ରାଜା, ସାସନ୍କାର୍ୟା, ବଣ୍ଟି କି ଆରି ହେଞ୍ଜାଋ ହୁଦାଂ କୁଚ୍ଚି ମାନି ମୁଣିକାର୍ ନିଙ୍ଗ୍ଜି ହାଲ୍ଲଜି ମାଚାର୍ ୩୧ ବିନେ ଆଜି ହାରି କାତାବାର୍ତ୍ତା କିଉ କିଉ ଇଚାର୍, “ଇ ମାନାୟ୍ ହାକି କି ହିକ୍ଡି ଗାଚ୍ୟାନି ଜଗ୍ ଇମ୍ନାକା ପା କାମାୟ୍ କିଞ୍ଜାତାନ୍ନା ।” ୩୨ ଆରେ, ଆଗ୍ରିପ୍ପା ପେସ୍ଟ୍ ଇଚାନ, “ଇ ଲକ୍ ଜଦି କାଈସ୍ବରତି ମୁମଦ ବିଚାଣ୍ଟା ଆନି କାଜିଂ ପାର୍ତାନା କିଞ୍ଜାଦାଂ ମାଟିସ୍, ତେବେ ମୁକ୍ତାୟ୍ କିଦେଙ୍ଗ୍ ଆତ୍ୟାତାଡ଼ନା ।”

୨୭

ପାଋଲ୍ଲତିଂ ଏସ୍ ଜାଜ୍ତାଂ ରମତ ହାନାକା

୧ ଏଚେକାଡ଼୍ ଆପେଂ ଜାଜ୍ତ ପୁମ୍ଜି ଇତାଲିଆତ ହାନି କାଜିଂ ବିଚାର୍ ମାଚାଡ଼୍, ହେ ଏଚେକାଡ଼୍ ପାଋଲ୍ଲ ଆରି ବିନେ ଏଚେକ୍ ଗାଋୟାତି “ରାଜାଣ୍ଟି ମେଲ୍ୟାଋ କୁଦାନି ଜୁଲିଅ ତର୍ନି ରଞ୍ଜାନ୍ ପାଞ୍ଚକଡ଼ି ମୁସ୍ତିଦାର୍ଡି କେଇଦ ହେଲ୍ଲାୟ୍ ଆତାନ୍

୨୭:୨୦ ୨୭:୨୦ ପଦ୍ୟାତାକା ୯:୨୦,୨୮,୨୯.

୧୮ ହେବେଶ୍ଵାଂ ଆସିଆ ହାରୁ ଗୁଚିତ ବାରବିନି ବାହାତ ହାନି କାଜିଂ ହତ୍ତତି ର ଆଦ୍ରାମୁତିୟ ଜାଜତ ଆପେଂ ଦୁମ୍ଫଜି ଜାଜ ରିକ୍ତି ତୁହିତାପ୍; ଆରେ, ମାକିଦନିଆନି ଆରିସ୍ଵାର୍କ ତରୁନି ରଞ୍ଜନ୍ ତେସଲନିକିୟ ଲଗୁ ମା ଲାହାଙ୍ଫ ମାଚାନ୍ । ୧୯ ଆର୍କାତ୍ ନାଞ୍ଜିଙ୍ଫ ଆପେଂ ସିଦନ୍ତ ଏକାତାପ୍, ଆରେ ଜୁଲିଅ ପାଉଲ୍ତି କାଜିଂ ଦୟା ଚିନ୍ତା କିଜି ଜାର ହାଙ୍ଫଦାକାର ଇସ୍ଵର ଲାଗେ ହାଲ୍ଜି ହେବା ପାୟାଦେଂ କାଜିଂ ହେଲ ହିତାନ୍ । ୨୦ ହେ ବାହାତାଂ ଜାଜ ରିକ୍ତି ଉଲ୍ଟି ଦୁକା ଆତିଲେ ଆପେଂ କୁପ୍ରିନି ଗୁଚି ଗୁଚି ଚାଲାଜି ୧୧ କିଲିକିୟା ଆରି ପଂପୁଲିଆ ହାଣ୍ଡକୃତ ହାମଦୁର୍ ନାସି ଲୁକିଆନି ମୁରାତ ଗାଡ୍ଦ୍ ଖାତାପ୍ । ୨୨ ହେବେ ପାଞ୍ଚକଡ଼ି ମୁସ୍ତାଦାର ଇତାଲିଆତ ହାଲ୍ଜି ମାନି ର ଆଲେକ୍ଜାଣ୍ଡ୍ରିୟ ବାହାନି ତର ଜାଜ ଗାଟାଜି ହେବେତାଂ ମାଙ୍ଗେଙ୍ଫ ଦୁପ୍ତାତାତ୍ ।

୨୩ ପାଚେ ଆଦେକ୍ ଦିନ୍ ପାଚେକ୍ କାଲେ କାଲେ ହାଲ୍ଜି କସ୍ତ ଏସ୍ତୁପଲି କ୍ଳିଦର୍ ହାଣ୍ଡକୃତ ଏକିସ୍ ଦୁକା ମାଙ୍ଗେଙ୍ଫ ଆଗେ ହାଞ୍ଜେଙ୍ଫ ପିସ୍ତି ହିଦ୍ଫିତିଲେ ସାଲ୍ଲାନିନି ହାଣ୍ଡକୃ ହିଜି କ୍ରିତିନି ଗୁଚି ଗୁଚି ହାଚାପ୍, ୨୪ ଆରେ କସ୍ତ ଗୁଚି ଗୁଚି ହାଲ୍ଜି “ହଲ୍ଜିନି ବାନ୍ଦିନି ତରୁନି ର ବାହାତ ଖାତାପ୍, ଲାସାୟା ବସ୍ତି ହେବେଶ୍ଵାଂ ଲାଗେ ମାଚାତ୍ ।”

୨୫ ଇ ଲାକେ ଆଦେକ୍ ସମ୍ଵ ଝିସ୍ତାତ୍, ଆରେ ଏସ୍ତାଲା ଆଦେଂ ନଙ୍ଫ ଦୁକ୍ତି ଦିନ୍ ପଡ଼ାତାତ୍, ଇନାକିଦେଂକି ହେ ଏଚେକାଡ୍ଦ୍ ଉପାସ୍ ପାର୍ବୁ ଝିସ୍ତି ମାଚାତ୍ । ଲାଗିଂ ପାଉଲ୍ ହେଞ୍ଜାରିଂ ଜାଗ୍ରତ୍ କିଜି ଇଚାନ୍, ୨୬ “ଗାଜା ଲକୁର୍, ଇ ଏସ୍ତୁକାଂ ହାନିହିଂ ଜେ କେବଲ୍ ମାଲ୍ ଆରି ଜାଜନି ନସ୍ତୁ ଆନାତ୍, ହେଦାଂ ଆକାୟ୍, ମତର୍ ମା ଜିବୁନ୍ତ ପା ଜେ ନସ୍ତୁ ଆରି ପର୍ବୁ ଆନାତ୍, ଇଦାଂ ଆନ୍ ପୁନାଙ୍ଫା ।” ୨୭ ମାତର୍ ମେଲ୍ୟା ପାଉଲ୍ତି କାତାତ ପାତ୍ କିଞ୍ଜାଦାଂ ଜାଜନି ଗୁମ୍ଵାସ୍ତା ଆରି ଜାଜନି ହାଉକାର କାତାତ ରାଜି ଆତାର୍ । ୨୮ ଆରେ, ହେ ଜାଜ ଟେବାନି ବାନ୍ଦି ପିନି କାଡ୍ ହାଚିକିଦେଂ କାଜିଂ ସୁବିଦା ହିଲ୍ଫିତିଲେ ଇନେସ୍ପା ବାନିତ ପୈନିକ୍ସତ୍ ଏକିସ୍ ହେବେ ପିନି କାଡ୍ ହାଚ୍ଚେଙ୍ଫ କାଜିଂ ହେବେତାଂ ଜାଜ୍ ପିସ୍ତେଙ୍ଫ ଆଦେକ୍ ଲଗୁ ବୁଜାମ୍ଵା କିତାତ୍; ହେ ପୈନିକ୍ସ କ୍ରିତିନି ର ଜାଜ ଟେବାନି ବାନ୍ଦି, ହେଦାଂ ଦିଗ୍-ଝେଡ଼ାହାନି ଆରି ଝେଡ଼ାହାନି ଝେଡ଼ାହାନି ନିପ ।

ହାମ୍ଵରତ ଦୁକା

୨୯ ପାଚେ ଦିଗିନି ଦୁକା କାଲେ କାଲେ ଆତିଲେ ହେଞ୍ଜାର୍ ଜାର୍ ଜାର୍ତି ମାନ୍ତାକା ପୁରା ଆତାତ୍ ଇଞ୍ଜି ମାନେ କିଜି ଗୁଲ୍ପେଟି ଗାଚ୍ୟାସି ମାନି ଗାଜା ତରିତାଂ ତଙ୍ଫାତିଂ ଜେଲ୍ନାକା ଗେଙ୍ଫଜି କ୍ରିତିନି ଗୁଚିତ ବେସି ଲାଗେ ହିଜି ହାଞ୍ଜେଙ୍ଫ ଲଗାତାର୍ । ୩୦ ମତର୍ ଅଲପ୍ ସମ୍ଵ ପାଚେ, ଇନେରିଂ ଇଉରକ୍ଲିଲ ଇଞ୍ଜି ଇନାର୍, ହେ ଜବର୍ ଦୁକା ଗୁଚିତ ହାଲ୍ଜି ବାଦା କିଦେଙ୍ଫ ଲାଗାତାତ୍ । ୩୧ ଜାଜ୍ ତ୍ଵଲ୍ଡୁତ ଆଜିଂ ଦୁକାନି ମୁକାମୁକି ଆଦେଂ ଆଡ଼ଝିତିଲେ ଆପେଂ ତାଙ୍ଗେଙ୍ଫ ବଡ଼ାଜି ହାଞ୍ଜେଙ୍ଫ ପିସ୍ତିହିତାପ୍ । ୩୨ ଆରେ, କ୍ଲାଉଦ୍ ତରୁନି ର ହାରୁ ଏସ୍ତୁପଲିନି ଜମ୍ଫିନି ବାହାତ ହାଲ୍ଜି କସ୍ତାଂ ଜାଜନି ତଙ୍ଫାମୁଣ୍ଡିତିଂ ଆସ୍ତି ରାକ୍ୟା କିଦେଙ୍ଫ ଆଡ଼ତାପ୍, ୩୩ ଆରେ ହେଞ୍ଜାର୍ ହେଦେଲିଂ ନିକ୍ତି ଅତି ପାଚେ ବେସି ଉପାୟ୍ତ ଜାଜ୍ତି ତାରେନ୍ ଅଜି ହାଲ୍ଜି ଗାଚ୍ଚାର୍, ଆରେ ଏଚେକାଡ୍ଦ୍ ହେଞ୍ଜାର୍ ସୁତ୍ ତରୁନି ବାଲିତ ଲାଗାନାତ୍ ଇଞ୍ଜି ପାଣ୍ଡୁଜି ପାଟାଂ ତୁହିଜି ବଡ଼ାଦେଂ ଲାଗାତାର୍ । ୩୪ ତ୍ଵଲ୍ଡୁତ ମାଦାଂ ବେସି କସ୍ତୁ ଆତିଲେ ତା ଆର୍କାତ୍ ନାଜିଂ ଗାଚ୍ଝାଡ଼ାର୍ ଜିନିସ୍ ତୁହିଦେଂ ଲାଗାତାର୍, ୩୫ ଆରେ ଆର୍କାତ୍ ନାଜିଂ ଜାର୍ କେଇଦ୍ ଜାଜନି ଜିନିସ୍ସିଂ ସବୁ ତୁହିତାର୍ । ୩୬ ବେସି ଦିନ୍ ପାଚେକ୍ ଝେଡ଼ା କି ହୁକାଂ ଚଞ୍ଜିଝିତିଲେ, ଆରେ ଜବର୍ ହୁଜାଞ୍ଜାଣି ଲାଗାଜି ମାଚିଲେ ହାରିହାରା ମା ରାକ୍ୟା ପାୟାନାକା ଝିଜୁ ବାସ୍ ଗୁଗାଆତାତ୍ ।

୨୧ ଆରେ, ଓଜାକାର ବେସି ଦିନ୍ ପାତେକ ନାସକି ମାନି ପାତେ ପାଉଲ୍ ହେଝାର୍ ବିତ୍ତେ ଇଞ୍ଜ ଇଚାନ, “ଗାଜାଲକୁ, ନା କାତା ଆସ୍ତି କ୍ରିତିତାଂ ଜାଜ୍ ରିକ୍‌ଝାଦାଂ, ଆରେ ଇ ନାହାଁତାକା ଆରି କର୍ତ୍ତ ପୁରାୟ୍ କିନାକା ମାଦାଂ ମାଚାତ୍ । ୨୨ ଇନାକା ଆୟେଡ୍, ନଜ୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ସାସ୍ ଆହାଟ୍, ଇନାକିଦେଂକି ମି ବିତ୍ତେ ଇନେରତ୍ ଜିବୁନ୍ ନାସ୍ ଆଉଡ୍, କେବଲ୍ ଜାଜ୍ ନସ୍ ଆନାତ୍ । ୨୩ ଲାଗିଂ ଆନ୍ ଇମ୍‌ଣି ଇସ୍‌ସ୍‌ରତି ଲଗ୍, ଆରେ ଇନେରତ୍ ବିତ୍ତେ ଆନ୍ ପାର୍ତାନା କିନାଙ୍ଗ୍, ହେଝାନ୍ତି ରଞ୍ଜେଲ୍ ଦୁଡ୍ ଇ ନାଣାତ ନା ଲାଗାୟ୍ ଇଞ୍ଜ ଇସ୍ତାନ, ୨୪ ‘ପାଉଲ୍ ପାଣ୍ଡା ଆମା; କାଇସ୍‌ରତି ମୁମ୍‌ଦ ନିଂ ନିଲ୍‌ତେଂ ଆନାତ୍, ଆରେ ହୁଡ୍, ନି ହାଂହାନାକାର୍ ଓଜାରିଂ ଇସ୍‌ସ୍‌ ମିଙ୍ଗ୍ କେମା କିଡ୍‌ତାନନା ।’ ୨୫ ଲାଗିଂ, ଟଣ୍ଡାର୍, ସାସ୍ ଆହାଟ୍, ଇନାକିଦେଂକି ଇସ୍‌ସ୍‌ ତାକେ ନା ପାତ୍ ମାନାତ୍ ଜେ, ନାଙ୍ଗେଙ୍ଗ୍ ଇନେସ୍ ଇନୟା ଆତାଡ୍‌ନା, ସମାନ୍ ହେ ଲାକେ ଗିଟାନାତ୍ । ୨୬ ମତର୍ ମାଂ ଇମ୍‌ଣାକା ପାର ଏସ୍‌କୁପ୍‌ଲିତ ହାଲ୍‌ଜି ଲାଗାୟ୍ କିତାର୍ ।”

୨୭ ଇ ଲାକେ ଆପେଂ ଆଦ୍ରିଆ ହାମ୍‌ଦୁରତ ଇଣ୍ଟିଙ୍ଗ୍ ହାଣ୍ଟିଙ୍ଗ୍ ଚାଲା ଆଉ ଆଉ ଏଚେକାଡ୍‌ଦ ଚଉଦ ଦିନ୍ ନାଣା ଏକାଝାତାତ୍, ହେ ଏଚେକାଡ୍‌ଦ ମାଦିମାଦା ନାଣା ସମୁତ ଗାଟ୍‌ଝାଡାର୍ ଇମ୍‌ଣି ବାଟାତ ଲାଗେ ଆନାରା ଇଞ୍ଜି ଆନ୍‌ମାନ୍ କିତାର୍ । ୨୮ ଲାଗିଂ ହେଝାର୍ ଲାଜ୍‌ଜି ସହେ କୁଡ୍‌ତେ ପୁଟ୍ ଏଜୁଙ୍ଗ୍ ଗାଟାତାର୍, ଆରେ ଅଲପ୍ ଆଗେ ହାଲ୍‌ଜି ଆରେ ରଗ ଲାଜ୍‌ଜି ନବେ ପୁଟ୍ ଏଜୁଙ୍ଗ୍ ଗାଟାତାର୍ । ୨୯ ଏଚେକାଡ୍‌ଦ ଆସେଙ୍ଗ୍ ଇମ୍‌ଣି କାଲ୍‌କୁକୁଡ୍ ରୁମିତ ହାଲ୍‌ଜି ଆରନାସ୍, ଇ ପାଣ୍ଡାଜି ହେଝାର୍ ପାଟ୍‌ପାଡ୍‌କାତାଂ ଚାରଗଟା ଆକ୍‌ସା ତୁହିଜି ମେଦାନ୍ ପାର୍ତାନା କିଜି ମାଚାର୍ । ୩୦ ଆରେ, ଗାଟ୍‌ଝାଡାର୍ ଜାଜ୍‌ନି ହାଣ୍ଟିକ୍‌ବାଗ୍‌ତାଂ ଆକ୍‌ସା ତୁହିନି ଚାଲାକିତ ତଙ୍ଗାମୁଣ୍ଡିତାଂ ହାମ୍‌ଦୁରତ ଜୁଡ୍‌ତି ଜାଜ୍‌ତାଂ ହନ୍‌ତି ହାଞ୍ଜେଙ୍ଗ୍ କାଜିଂ ସେସ୍‌ କିତାର୍, ୩୧ ପାଉଲ୍ ମୁସ୍ତିଦାର୍ ଆରି ମେଲ୍ୟାରିଂ ଇଚାନ, “କେଉଟାର୍ ଜାଜ୍‌ତ ମାନ୍‌ଓଡିସ୍ ଏପେଙ୍ଗ୍ ରାକ୍ୟା ପାୟାଦେଂ ଆଡୁଦେର୍ ।” ୩୨ ହେବେଣ୍ଡାଂ ମେଲ୍ୟାର୍ ତଙ୍ଗାନି ଡରି ସବୁ ରାସ୍‌ଦି ହେଦେଲିଂ ଏଜୁଙ୍ଗାଂ ତୁହିତାର୍ ।

୩୩ ଆରେ, ଝେଡ୍‌ଡା ଆଜି ଝାଜିମାନି ପାତେକ ପାଉଲ୍ ହେଝାରିଂ ଅଲପ୍ ଚିଞ୍ଜେଙ୍ଗ୍ କାଜିଂ ଝାରିକିୟ୍ କିଜି ଇଚାନ, “ନେଞ୍ଜେଙ୍ଗ୍‌ତାଂ ଚଉଦ ଦିନ୍ ଆତାତ୍ ଏପେଙ୍ଗ୍ କାସି ମାନ୍‌ଞ୍ଜି ମୁଡ୍‌ତେ ତିନ୍‌ଝାଦାଂ ନାସକି ମାନାରା । ୩୪ ଲାଗିଂ କାଦି କିନି କାଜିଂ ଆନ୍ ମିଙ୍ଗେଙ୍ଗ୍ ଉପଦେସ୍ ହିଦ୍‌ନାଙ୍ଗା, ଇନେକିଦେଂକି ହେଦାଂ ମି ମୁଲ୍‌ଜି କାଜିଂ ଲଡା; ଲାଗିଂ ମିଦାଂ ଇନେରତି କାପ୍‌ଡାନି ର ତେମୁଲ୍ ନସ୍ ଆଉଡ୍ ।” ୩୫ ପାଉଲ୍ ଇ ସବୁ କାତା ଇଞ୍ଜି ରୁଟି ଅଜି ଓଜାକାର୍ ମୁମ୍‌ଦ ଇସ୍‌ସ୍‌ରତିଂ ଦନ୍‌ସ୍‌ବାଦ୍ ହିଜି ହେଦାଂ ତ୍ରିକ୍‌ଟି ଚିଞ୍ଜେଙ୍ଗ୍ ଲାଗାତାର୍ । ୩୬ ହେବେ ହେଝାର୍ ଓଜାର୍ ସାସ୍ ପାୟା ଆଜି ଜାର୍ ଜାର୍ ପା ଚିତାର୍ । ୩୭ ଆପେଂ ଜାଜ୍‌ତ ଓଜାକାପ୍‌ ତେରକଡ୍‌ତି ସଉଲ୍ ଜାଣ୍ ଲକୁ ମାଚାପ୍ । ୩୮ ହେଝାର୍ ସାରି ଚିତି ପାତେ ହାମ୍‌ଦୁରତ ଗାଁମ୍ ତୁହିଜି ଜାଜ୍‌ତିଂ ଉସାସ୍ କିଦେଙ୍ଗ୍ ଲାଗାତାର୍ ।

ଜାଜ୍ ବିପଦ

୩୯ ଝେଡ୍‌ଡା ଆତିଲେ, ହେ ଦେସ୍ ହେଝାର୍ ଚିନା ଆଡ୍‌ଝାଡାର୍, ମତର୍ ହେଝାର୍ ବାଲିଗୁଟି ମାନି ରଞ୍ଜାଙ୍ଗ୍ କଡ୍‌ୟ୍ ହୁଡ୍‌ଜି ଇନେସ୍‌ପା ଲାକେ ହେବେ ଜାଜ୍ ଟେବାୟ୍ କିଦେଙ୍ଗ୍ ଇଞ୍ଜି ସେସ୍‌ କିତାର୍ । ୪୦ ଲାଗିଂ ହେଝାର୍ ଆକ୍‌ସା ସବୁ ରାସ୍‌ଦି ହେଝାକାଂ ହାମ୍‌ଦୁରତ ପିସ୍ତାର୍, ଆରେ ହାଙ୍ଗେ ହାଙ୍ଗେ ମୁଣ୍ଡିନି ଡରି ସବୁ ରିକ୍‌ଟି ଦୁକା ନିପ ହାଞ୍ଜେଙ୍ଗ୍ ସେସ୍‌ କିତାର୍ । ୪୧ ମାତର୍ ହେଝାର୍ ରି ହାମ୍‌ଦୁର୍ ମିହାଜି ମାନି ବାହାତ ହାଲ୍‌ଜି ଆତ୍‌ଲେ, ଜାଜ୍ ଆକ୍‌ସା କୁଇଦ ଲାଗାତାତ୍; ତା ହାଣ୍ଟିକ୍‌ନି ବାଗ୍ ଲାଗାଜି ଚାଲାଝାତାତ୍‌ଦେ, ମତର୍ ପାଟ୍ ବାଗ୍‌ନି ଲଡ୍‌ତି ବେସି କାଜିଂ ତ୍ରିଙ୍ଗ୍‌ଦେଂ ଲାଗାତାତ୍ ।

୪୨ ହେ ଏଚେକାତ୍ୱଦ ଗେହ୍ୟାତାକାର ବିଦ୍ରେତାଂ ଇନେର ଉମ୍ଭି ହାନାର, ଇଦାଂ କାଜିଂ ହେଞ୍ଜାରିଂ ଅସ୍ତେଞ୍ଜ କାଜିଂ ମେଲ୍ୟାର ବିଚାର କିତାର, ୪୩ ମତର୍ ପାଞ୍ଚକତି ମୁସ୍ତିଦାର ପାଞ୍ଚଲ୍ଲ ଋକ୍ୟା କିଦେଞ୍ଜ ଇତା ହେଞ୍ଜାରିତି ବାଦନାତ ହେଞ୍ଜାରିଂ ଚେବାଞ୍ଜାଦାଂ ବଲ୍ଲ ହିତାନ୍ ଜେ, ଇମ୍ଘାକାର ଉମ୍ଭେଦଂ ଆତ୍ଵନାର, ହେଞ୍ଜାର ହାମ୍ଭୁରତ ଗୁମ୍ଘି ପର୍ତ୍ତୁମ୍ ମେଦନିତ ହାଲେର, ୪୪ ଆରେ ବାକିନିକାର ବିଦ୍ରେ ଇନେ ଇନେର ପାଟାଂ ଆରି ଆରେ ଇନେ ଇନେର ଜାଜ୍ଝି ଇନା ଇନାକା ତ୍ରିଂତାକା ଆସ୍ତି ହାଲେର । ଇ ବାନି ଝିଜାର ଋକ୍ୟା ହିଲ୍ଝି ମେଦନିତ ଏକାତାର ।

୨୮

ମାଲ୍ଵତି ଏସ୍ତୁପଲିତ ପାଞ୍ଚଲ୍

୧ ଆପେଂ ଋକ୍ୟା ପାୟାତି ପାଚେ ହେ ଏସ୍ତୁପଲି ମେଲିତି ଇଞ୍ଜି ପୁଟାପ୍ । ୨ ଆରେ, ବିଦେସି ମା କାଜିଂ ବେସି ଦୟା ଚଚ୍ଚାତାନ୍, ଇନାକିଦେଂକି ବାହାଂ ଆରି ପିନି ଆଜି ମାଟିଲେ ହେଞ୍ଜାର ନାଣି ଆହି କିଜି ମା ଝିଜାରିଂ ଜିଉନତ୍ତାର । ୩ ମତର୍ ପାଞ୍ଚଲ୍ ପେଣ୍ଠା ଝେଜ୍ଞୁରୁ ଗୁଣ୍ଠାୟ କିଜି ନାଣି ଜପି ତୁହିତିଲେ, କେଦନି କାଜିଂ ର କାଲ୍ଵାଟିରାଟ୍ ହସି ହେଞ୍ଜାନିଂ କେଇଦ କାପ୍ତି ହୁର୍ପିସ୍ ମାଚାଟ୍ । ୪ ବିଦେସି ହେଞ୍ଜାନ୍ କେଇଦ ହେ ଜାତ୍ ଜଲ୍ଵାଜି ମାନାକା ହୁଡ୍ଢି ହାରି ଇଞ୍ଜେଞ୍ଜ ଲାଗାତାର, “ଇ ଲକ୍ ହାତ୍ପା ନାର ଅସ୍ତାକାନ୍, ହାମ୍ଭୁରତାଂ ଋକ୍ୟା ପାୟାତିସ୍ ପା ଦାରୁମ୍ ଇଞ୍ଜାନିଂ ଜିଜି ମାଞ୍ଜେଞ୍ଜ ହିଞ୍ଜାତାଟ୍ ।” ୫ ମତର୍ ହେ ଜାତ୍ତିଂ ତାତ୍ତି ନାଣିତ ତୁହିତାନ୍, ଆରେ ହେଞ୍ଜାନ୍ତି ମୁଡ୍ରେ ନସ୍ତୁ ଆଞ୍ଜାତାଟ୍ । ୬ ହେଞ୍ଜାନ୍ ଜେ ପୁଲ୍ଵାଆନାନ୍ କି ହାଚାଟ୍ରେ ହାନାନ୍, ଇଦାଂ ହେଞ୍ଜାର କାସି ମାଚାଟ୍; ମତର୍ ବେସି ଝେଡ଼ା ପାଚେକ୍ କାସି ମାଚାଟ୍ ପାଚେ ହେଞ୍ଜାନ୍ତି ଇମ୍ଘାକା ପା ନସ୍ତୁ ଆଞ୍ଜାକା ହୁଡ୍ଢି ହେଞ୍ଜାର ଜାର ଜାର ମାନ୍ ବାଦଲ୍ଵାୟ କିଜି ଇଚାର, “ଇଞ୍ଜାନ୍ ରଞ୍ଜାନ୍ ମାପୁ ।”

୭ ହେ ବାହିନି ଲାଗେ ପୁଲ୍ଵିୟ ତରୁନି ହେ ଏସ୍ତୁପଲିନି ମୁଡ୍ ମୁଣିକାତ୍ ଇଲ୍ ଆରି ତାରେନ୍ ମାଚାଟ୍; ହେଞ୍ଜାନ୍ ମାଞ୍ଜେଞ୍ଜ ଇଡ୍ଢିଜି ତିନି ଦିନ୍ ପାଚେକ୍ ଝାରିତାଂ ଗୁଣ୍ କିଜି ମାଂ ବେବାର କିଡ୍ତାର । ୮ ହେ ସମୁତ ପୁଲ୍ଵିୟତି ଲାତ୍ରାହି ନମେର୍ ଆରି ବାଦାଣ୍ଡିଂ ନାଦାର ଆଜି ହୁଞ୍ଜି ମାଚାନ୍, ଆରେ ପାଞ୍ଚଲ୍ ବିଦ୍ରେତାଂ ତା ଲାଗେ ହାଲ୍ଵାଜି ପାର୍ତ୍ତାନା କିତାନ୍ ଆରି ହେଞ୍ଜାନ୍ତି ଜପି କେଇ ଇଡ୍ଢିଜି ହେଞ୍ଜାନିଂ ଉଜ୍ କିତାନ୍ । ୯ ଇ ଗର୍ଦ୍ଦନା ପାଚେ ହେ ଏସ୍ତୁପଲିତ ମାନି ବାକି ବେମାରିର୍ ପା ଝାଜି ଉଜ୍ ଆଚାର; ୧୦ ହେଞ୍ଜାର ପା ମାଞ୍ଜେଞ୍ଜ ବେସି ସନ୍ମାନ୍ ହୁଦାଂ ଝାରି କିଡ୍ତାର, ଆରେ, ମାଦାଂ ହାନି ଝେଡ଼ାଲିଂ ମା ଲତାନି ଜିନିସିଂ ସବୁ ହିଡ୍ତାର ।

ମାଲ୍ଵତିତାଂ ରମତ

୧୧ ତିନ୍ ମାସ୍ ପାଚେ ଆପେଂ ର ଆଲେକ୍ଜାଣ୍ଡ୍ରିୟ ଜାଜ୍ତ ଦୁମ୍ଘି ହାଚାପ୍, ହେ ଜାଜ୍ ଇ ଏସ୍ତୁପଲିତ ପିନି କାଡ୍ କାଟି କିଜି ମାଚାଟ୍, ତା ତର୍ “ମିଡ୍ଢୁନ୍ ।” ୧୨ ସୁରାକ୍ଷାତ ଏକିସ୍ ଆପେଂ ହେବେ ତିନି ଦିନ୍ ମାଚାପ୍, ୧୩ ଆରେ ହେ ଏସ୍ ଜାଜ୍ତ ବୁଲ୍ଵାଜି ରେଗିୟତ ଏକାତାପ୍ । ର ଦିନ୍ ପାଚେ ତିନିବାଗାଞ୍ଜିନି ଦୁକା ଇଡ୍ଡିଲେ ରି ଦିନ୍ତାଂ ପୁଡ୍ରେଅଲିତ ଏକାତାପ୍; ୧୪ ହେ ବାହାତ ଆପେଂ ଟଣ୍ଡାରୁରିଂ ବେର୍ ଆତାପ୍, ଆରେ ହେଞ୍ଜାର ଲାହାଂ ସାତ୍ ଦିନ୍ ମାଞ୍ଜେଞ୍ଜ କାଜିଂ ହେଞ୍ଜାର ମାଂ ଗଞ୍ଜାରି କିଡ୍ତାର; ଇ ଲାକେ ଆପେଂ ରମତ ଏକାତାପ୍ । ୧୫ ରମ୍ଝି ପାତ୍ କିନି ଟଣ୍ଡାରୁ ଆରି ତଣ୍ଡେକ୍ ମାଂ କାବୁର୍ ଗାଟାଜି ହେ ବାହାତାଂ “ଆପ୍ପିୟତି ଆଟ୍ ଆରି ତିନି ଦରମ୍ପାଲ୍ଵା ଇଲ୍ ପାଚେକ୍ ମାଂ ବେଟାଆଦେଂ କାଜିଂ ଝାଚାର, ଆରେ ପାଞ୍ଚଲ୍ ହେଞ୍ଜାରିଂ ହୁଡ୍ଢି ଇସ୍ପୁରିତଂ ଦନ୍ୟବାଦ୍ କିଜି ସାସ୍ ପାୟାତାର ।”

ରମ୍ ଗାଡ଼ଦ ପାଉଲ୍

୧୭ ଆରେ, ଆପେ ରମ୍ତ ଏକିତିଲେ, ପାଉଲ୍ ଜାର୍ କାନି ମେଲ୍ୟାର୍ ଲାହାଁ ବିନେ ବାହା କିଦେଙ୍ଗ୍ କାଜିଂ ହେଲ ପାୟାତାନ୍ ।

୧୭ ତିନି ଦିନ୍ ପାଚେ ହେଖାନ୍ ଜିହୁଦିରତି ମୁଡ଼, ମୁଡ଼, ମୁଣିକାରିଂ କୁକ୍ତି ରବେ କିତାନ୍, ଆରେ ହେଖାର୍ ରୁଣ୍ଡା ଆତିଲେ, ପାଉଲ୍ ହେଖାରିଂ ଇଚାନ୍, “ଏ ଇସ୍ରାଲ୍ ନି ଚଣ୍ଡାର୍, ଜଦି ଆନ୍ ନିଜ୍ ଜାତି ବିରୁଦ୍ଧ କି ମା ଆବା ଲେତ୍ରାତି ରିତିନିତି ବିରୁଦ୍ଧ ମୁଡ଼େ କିଖାଦାଂ ମାଚାଙ୍ଗ୍, ଆତିସ୍ପା ଜିରୁସାଲମତାଂ ଗେହ୍ୟାତି ଲାକେ ରମ୍ପିୟରତି କେଇଦ ହେଲ୍ଲୟ୍ ଆତାଙ୍ଗ୍ । ୧୮ ହେଖାର୍ ନା ବିଚାର୍ କିଜି ନା ତାକେଣ୍ଡାଁ ପାରାଣ୍ ଦାଣ୍ଡିନି ଇନା କାରଣ୍ ଖେନ୍ଦବିସ୍ ଡେକ୍ତି ହିଲ୍ଲିଖିତିଲେ ନାଂ ମୁଲ୍ଲି କିଦେଂ ଇଚା କିଜି ମାଚାର୍; ୧୯ ମତର୍ ଜିହୁଦିର ହେବେନି ବିରୁଦ୍ଧ ଇଚିଲେ ଆନ୍ କାଇସର୍ତ୍ତି ଲାଗେ ବିଚାଣ୍ଡାଁ ଆନି କାଜିଂ ପାର୍ତାନା କିଦେଙ୍ଗ୍ ବାୟ୍ଦ୍ ଆତାଂ; ନାଦାଂ ଜେ ନିଜ୍ ଜାତି ବିରୁଦ୍ଧ ଦାବା କିନାକା ଅଲପ୍ ମାଚାଡ଼, ହେଦାଂ ଆକାୟ୍ । ୨୦ ଲାଗିଂ, ଇ କାରଣ୍ତାଂ ଆନ୍ ମିଙ୍ଗେଙ୍ଗ୍ ନା ଲାହାଁ ବେଟାଜି ଆରି କାତାବାର୍ତା କିଦେଙ୍ଗ୍ ଗଞ୍ଜାରି କିତାଙ୍ଗ୍, ଇନାକିଦେଂକି ଇସ୍ରାଏଲ୍ ନି ମାନାୟାର୍ ବାସ୍ କାଜିଂ ଆନ୍ ଇ ହିକ୍ତିଂତାଂ ଗାଚ୍ୟାତାଂନା ।”

୨୧ ହେବେଣ୍ଡାଁ ହେଖାର୍ତାଂ ଇଚାର୍, “ନି ବିସ୍ପେ ଜିହୁଦା ଦେସ୍ତାଂ ଆପେଂ ଇମ୍ପାକା ପା ଆକି ପାୟାଖାତାପ୍ନା, କି ଚଣ୍ଡାର୍ ବିତ୍ରେ ଇନେର୍ ଇବେ ଖାଜି ନି ବିସ୍ପେ ଇମ୍ପାକାର୍ପା ବାନ୍ୟା କାରୁର୍ ହିଦ୍ଝାତାଣ୍ଡାଁ କି ଇନ୍ଝାତାଣ୍ଡାଁ । ୨୨ ମତର୍ ନି ବାଦ୍ନା ଇନାକା, ହେଦାଂ ଆପେଂ ନିତାଂ ଖେଞ୍ଜେଙ୍ଗ୍ ଇଚା କିନାପା; ଇନାକିଦେଂକି ଇ କୁଦା ବିସ୍ପେ ଆପେଂ ପୁନାପ୍ ଜେ, ଖିଜେ ହେଖାନ୍ ବିରୁଦ୍ଧ କାତା ଇନ୍ୟାନାତା ।”

୨୩ ଇବେଣ୍ଡାଁ ହେଖାର୍ ତା ଲାହାଁ ର ଦିନ୍ ତିର୍ କିଜି ବେସି ଲଗ୍ ହେଖାନ୍ ବାହାତ ଖାତାର୍, ଆରେ ହେଖାନ୍ ନାଡ଼ିସ୍ତାଂ ମୁକାହାରେସ୍ ପାଚେକ୍ ହେଖାର୍ତି ଲାଗେ ଗାଣ୍ଡା କିଜି ଇସ୍ପର୍ତ୍ତି ରାଜି ବିସ୍ପେ ସାକି ହିତାନ୍, ଆରେ ମସାତି ବିଦି ଆରି ବେଣ୍ଡାକ୍ଷାୟ୍ କିନାକାର୍ ସାସ୍ପର୍ ଅଜି ଜିସୁତି ବିସ୍ପେ ହେଖାର୍ତି ପାତ୍ ବୁଡାୟ୍ କିଦେଙ୍ଗ୍ ସେସ୍ପା କିତାନ୍ । ୨୪ ହେବେଣ୍ଡାଁ ଇନେ ଇନେର୍ ଇଚି ବିସ୍ପେ ପାତ୍ କିଖାତାର୍, ମତର୍ ଇନେ ଇନେର୍ ପାତ୍ କିଖାତାର୍ । ୨୫ ଆରେ, ହେଖାର୍ ଜାର୍ ଜାର୍ ବିତ୍ରେ ରମାନ୍ ଆଖିତିଲେ ହେଲଖେୟ୍ ଅତାର୍; ହେଖାର୍ ହାନି ଆଗେ ପାଉଲ୍ ଇ ର ବଚନ୍ ଇଚାନ୍, ମି ଆବାଲାତ୍ରାତି ବେଣ୍ଡାକ୍ଷାୟ୍ କିନାକାର୍ ଜିସାୟ୍ତି ହୁଦାଂ “ପୁଇପୁୟା ଜିବୁନ୍ ହାତେରତେ ଇଞ୍ଜି ମାଚାର୍, ୨୬ ଇ ମାନାୟାର୍ ଲାଗେ ହାଲ୍ଲି ଇନାକା,

ଏପେଙ୍ଗ୍ ଖେନ୍ଦୁ ଖେନ୍ଦୁ ଖେନାଦେର୍,

ମତର୍ ଇମ୍ପାଣି ପ୍ରକାର୍ ବୁଜା ଆଉଦେର୍,

ଆରେ, ହୁଡ଼ଜି ହୁଡ଼ଜି ହୁଡ଼ନାଦେର୍, ମତର୍ ଇନେସ୍ କିତିସ୍ପା ପୁଞ୍ଜେଙ୍ଗ୍ ଆତୁଦେର୍;

୨୭ ଇନାକିଦେଂକି ଇ ଲକୁତ୍ ନିରବୁଦିୟା,

ହେଖାର୍ କିତୁଲ୍ତ କସ୍ତ ଖେଚାର୍ ଆରି ଜାର୍ ଜାର୍ କାଣ୍କୁ ଜୁଚ୍ଚାର୍,

ଇନେସ୍ ହେଖାର୍ କାଣ୍କୁତ ହୁଡ଼ରୁ ଆରି କିତୁଲ୍ତ ଖେନ୍ଦୁର୍,

ଆରେ ମାନ୍ତ ବୁଜା ଆଉର୍,

ଆରେ ମାସ୍ଦି ଖାଉର୍,

ଆରେ ଆପ୍ ହେଖାରିଂ ଉଜ୍ କିଉପ୍ ।”

୨୮ “ହାରିହାରା ପାଉଲ୍ ଇଚାନ୍ ଏପେଙ୍ଗ୍ ପୁନ୍ଞ୍ଜି ମାନାଟ୍, ମୁଲ୍ଲି ଇସ୍ପର୍ ପାତ୍ କିଖି ଜିହୁଦିର୍ ଲାଗାଂ ପକ୍ଷାତାଂନା ହେଖାର୍ ହେଦାଂ ଖେନାର୍ ।”

୨୯ ଆରେ, ହେଞ୍ଜାନ୍ ଇ, ସବୁ କାତା ଇଚିଲେ, ଜିହୁଦିର୍ ଜାର୍ ଜାର୍ ବିତ୍ରେ
 କାତାବାର୍ତା କିଉ କିଉ ହେବେତାଂ ହାଚାର୍ । ୩୦ ପାଉଲ୍ ର ଇଲ୍ ବାଡ଼ା ଅଜି ଦୁଇ ବାହୁଁ
 ପାତେକ୍ ମାଚାନ୍ ଆରି ତାଂ ହୁଡ଼ନି କାଜିଂ ଖାଜିମାନି ଖିଜାରିଂ ହେବେ କୁକ୍ତି ମାଚାନ୍ ।
 ୩୧ ସାସ୍ତ ଆରି ବାଦାଞ୍ଜାଦାଂ ଇସ୍ପରତି ରାଜିନି କାତା ସୁଣାୟ୍ କିଦେଙ୍ଗ୍ ଲାଗିସ୍ ମାଚାନ୍
 ଆରି ମାପୁ ଜିସୁ କ୍ରିଷ୍ଟି ବିସ୍ତେ ସବୁ ହିକ୍ୟା ହିଜି ମାଚାନ୍ ।

ରମିୟ ମଣ୍ଡଳୀ ନିକଟରେ ପ୍ରେରିତ ପାଉଲଙ୍କ ପତ୍ର ରମିୟ ମଣ୍ଡଳୀ ତାଙ୍କେ କୁକ୍ୟାତି ପାଉଲ୍‌ତି ଆକି ରମିୟ ମଣ୍ଡଳୀ ବିଷ୍ଣେ ପାଦେକ୍

ରମିୟ ପତି ଆସ୍ତି ମାନଗାନାତ୍ ପକ୍ୟାତାକାନ୍ତି ପାଉଲ୍‌ତି ହୁଦାଂ ୫୪ ତାଂ ୫୮ ବିତ୍ତେ ଜିସୁକ୍ରିସ୍ତୁତି ଜଲମ୍ ପାଚେ ଲେକା ଆଜି ମାଚାତ୍ । ପାଉଲ୍ ରମ୍‌ତ ହାନି ଆଗେତାଂ ରି ଜିହୁଦି ଆରି ପାତ୍ ହିଲ୍‌ଝି ଜିହୁଦି କ୍ରିସ୍ତୁୟାନ୍‌ରିଂ ବଲ୍ ହିଦେଂ ଇ ଆକି ଲେକିକିଜି ମାଚାନ୍ । ଓଡୁ ଜାତି ଇନେସ୍ ଜିସୁ କ୍ରିସ୍ତୁତିଂ ପାତ୍ ଆରି ମାନି କିତାର୍ ୧୭:୨୭ ଇଦାଂ କାଜିଂ ହେଞ୍ଜାନ୍ କରନ୍ତି ଗାଡ଼ଦ ମାନି ଖେଡ଼ାଲିଂ ରମିୟ କ୍ରିସ୍ତୁୟାନ୍‌ରିଂ ବଲ୍ ହିନି କାଜିଂ ଇ ଆକି ଲେକିକିଜି ମାଚାନ୍ ।

ଜାଣ୍‌କେ ବାହାତ ଜାଣ୍‌କେ ଖେଡ଼ାଲିଂ କ୍ରିସ୍ତୁୟାନ୍‌ତାତ୍ କାଜିଂ ରମିୟ ପତି ରଞ୍ଜାଙ୍ଗ୍ ବେସିଗାଜା ପତି, ଇନେକିଦେଂକି ଆସେଙ୍ଗ୍ ଇନେସ୍ ଜିସୁ କ୍ରିସ୍ତୁତି ହୁଦାଂ ମୁଲ୍ଲି ପାୟାଦେଂ ଆଡ଼ନାସ୍ ପାଉଲ୍ ବୁଲ୍‌କିଞ୍ଜାଦାଂ ଆରି ନିର୍ମଲ୍ ବାବ୍ରେ ବୁଜାୟ୍ ହିନାନା । ପାଉଲ୍ ପୁନି ନିୟମ୍‌ତିଂ ପା ଜିସୁକ୍ରିସ୍ତୁତି ନେକ୍ରିକାବୁର୍ ଲାହାଂ ମିହାୟ୍ କିନାନ୍ । ପତିନି ୧:୧୭ ପାଦ୍ ଅଜି ବେସି ପଣ୍ଡିତ୍‌କୁର୍ ଜିକାଟାଣା କିଜି ଇନାର୍ ଜେ, ଇଦାଂ ବେସିଗାଜା କିଜି । ଇନାକା ଇବେ ଇନପାନାତ୍, “ଆନ୍ ନେକ୍ରିକାବୁର୍ କାଜିଂ ଲାଜା ଆଉଙ୍ଗ୍ ଇନେକିଦେଂକି ଇମ୍‌ଣାକାର୍ ପାତ୍ କିତାର୍ ଜାଣ୍‌କେତି କାଜିଂ ଇଦାଂ ଇସ୍‌ରତି ସାକ୍ରିକାଟାକା । ପ୍ରତୁମ୍ ଜିହୁଦି ପାଚେ ପାତ୍ କିଝି ଜିହୁଦିର୍ କାଜିଂ ପା ।” ପ୍ରତୁମ୍ ବାଗ୍‌ତ ୧:୧୨ ତେଙ୍ଗା ଇସ୍‌ରତି ବଚନ୍ ଆରି ରିବାଗ୍ ୧୩-୧୫ କ୍ରିସ୍ତୁୟାନ୍ ଜିବୁନ୍‌ନି ବେସି ବେବାର୍‌କିନି ବଲ୍ ଆନାତ୍ ।

ପତି ବିଷ୍ଣେନି ରାହାଣ୍

- ୧. ପାଉଲ୍‌ଦିକୟା ଆତିସ୍ ଜାର୍‌ତିଂ ଜାଣା କିଜି, ଇନେରିଂ ଆକି ଲେକିକିନାନା ହେଦାଂ ଇଞ୍ଜି ଆକି ଆରମ୍ କିନାନ୍ । ୧:୧-୧୫
- ୨. ନାର୍ ଜାତିନି ରାଜି ଆରି ଜିସୁକ୍ରିସ୍ତୁତି ହୁକେ ମୁଲ୍ଲି ଆନାତ୍ । ୧:୧୭-୧୧:୩୭
- ୩. କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ଆଦେକ୍ ବେବାର୍ ବଲ୍ । ୧୨:୧-୧୫; ୧୩
- ୪. ହେଞ୍ଜାନ୍ ରମିୟ ଲଗୁରିଂ ବେସି ବାୟାୟ୍ ଜାଣାୟ୍ ଲେକା ଓଡ଼ନ୍ । ୧୭

ପାଉଲ୍‌ତି ବନ୍ଦାଣି

୧ ପାଉଲ୍, କ୍ରିସ୍ତୁ ଜିସୁତି ଆଡ଼ିଏନ୍ ଆରି କୁକ୍ୟାତି ରଞ୍ଜାନ୍ ପକ୍ୟାତାକାନ୍, ଆରେ ଇସ୍‌ର ଜାର୍ ମାଜି ମା ପାପୁ କ୍ରିସ୍ତୁତି ବିଷ୍ଣେ ଜାର୍ ଇମ୍‌ଣି ନେକ୍ରିକାବୁର୍ ଦରମ୍ ସାସ୍‌ରତ୍ ଜାର୍ ବେଣ୍‌ବାକ୍‌ଣାୟ୍‌କିନାକାନ୍ ହୁକେ ଆଗେ ରାଣ୍ କିଜି ମାଚାନ୍, ହେ ନେକ୍ରିକାବୁର୍ କାଜିଂ ବିନେ ଆଜି ମାନି ପାଉଲ୍‌ତି ଆକି ।

୨ ପୁଇପୁୟା ଦରମ୍ ସାସ୍‌ର ଲେକାଜି ମାନି ଇସାବ୍ରେ ଇ ନେକ୍ରିକାବୁର୍ ବିଷ୍ଣେ ଇସ୍‌ରତି ବେସି ପାନି କାଡ଼ତାଂ ହେଞ୍ଜାନ୍ତି ବେଣ୍‌ବାକ୍‌ଣାୟ୍‌କିନାକାନ୍ତି ହୁକେ ପାର୍ମାଣ୍ କିଜି ମାଚାନ୍ । ୩ ହେ ଜିସୁ କ୍ରିସ୍ତୁ ଗାଗାଡ଼ ବିଷ୍ଣେ ମାନାୟ୍ ଲାକେ ହେଞ୍ଜାନ୍ ଦାଉଦ୍‌ତି ଲାତ୍ରା, ୪ ମାତର୍ ଦାରୁମ୍‌ନି ପୁଇପୁୟା ଜିବୁନ୍ ବିଷ୍ଣେ ହାତାକାର୍ ବିତ୍ତେତାଂ ଆରେ ନିନାକା ହୁକେ ଇସ୍‌ତ ମାଜି ମାପୁ ଜିସୁ ଇଞ୍ଜି ସାକ୍ରି ଲାହାଙ୍ଗ୍ ଚଞ୍ଜୟାତାନ୍; ୫ କ୍ରିସ୍ତୁତି ଲାଗିଂ ଇସ୍‌ର ନାଙ୍ଗ୍ ପକ୍ୟାତି ତେଲା ଲାକେ ବାଟି କିଜି ସ୍‌ବୁ ଜାତିନି ମାନାୟାର୍ ଲାଗାଂ ପରଗାର୍ କିଦେଙ୍ଗ୍ ପାଦ୍ ହିତାଣ୍-ଇନେସ୍ ହେଞ୍ଜାର୍ କ୍ରିସ୍ତୁ ଜିସୁତାକେ ପାତ୍ କିଜି ତା

ବଲ୍ଲ ମାନିକିଞ୍ଜାକାର୍ ଆନାର୍ । ୬ ରମ୍ବନି ଆଦିବାସି ! ଏପେଙ୍ଗ ପା ଜିସୁ କ୍ରିସ୍ଟ ପାତେ ହାଞ୍ଜେଙ୍ଗ କାଜିଂ କୁକ୍ୟା ଆତାର୍ଣ୍ଣା । ୭ ଇତିସ୍ ରମ୍ବନି ଇନେରିଂ ଇସ୍ବର୍ ଖାରିକିନାନ୍ ଆରି ହେଞ୍ଜାନ୍ତି ଜାର୍ ଲକୁ ହେବା କିନି କାଜିଂ କୁକ୍ୟା ଆତାନ୍ନା, ହେ ଓଜାରିଂ ଚିଟି ଲେକି କିନାଙ୍ଗା । ମାପୁ ଜିସୁ କ୍ରିସ୍ଟତାଂ ଦୟା ଆରି ସୁସ୍ତା ସାଦୁର୍ କାଜିଂ ଆଏଡ୍ ।

ଦନ୍ୟବାଦ୍ ପାର୍ତାନା

୮ ପର୍ତୁମତ, ମି ପାତର୍ ନି ନେକ୍ରିକାବୁର୍ ଜେ ସବୁ ଜଗତ୍ତ ଖେନ୍ୟାଆନାତା, ଇଦାଂ କାଜିଂ ଆନ୍ ମି ଓଜାର୍ କାଜିଂ ଜିସୁ କ୍ରିସ୍ଟି ହୁଦାଂ ନା ଇସ୍ବରତିଂ ଜଞ୍ଜାର୍ କିନାଙ୍ଗା । ୯ ଓଜୁ ଖାସ୍ତିତ ଇମ୍ବଣି ଇସ୍ବରତିଂ ହେବା କିନାଙ୍ଗା ଆରି ଇମ୍ବଣି ଇସ୍ବର ମାଜିଡି ନେକ୍ରିକାବୁର୍ ଖେନିକିନାକା ମାନାଡ୍, ହେ ଇସ୍ବର ନା ସାକି, ପାର୍ତାନା ଆନ୍ ଇନାକା ଇନାଙ୍ଗା ହେଦାଂ ହାଡ୍ପା, ୧୦ ପାର୍ତାନା କିନି ଖେଡାଲିଂ ଆନ୍ ନିତ୍ରେ ମିଂ ଏଡ୍ କିଦନାଙ୍ଗ୍ ଆରି ମି ଲାଗାଂ ଖାନି କାଜିଂ ନାଂ ପାବ୍ ଗାଟାଦେଂ ଇସ୍ବରତିଂ ଗଞ୍ଜାରି କିଜି ଖାନାଙ୍ଗା । ୧୧ ଲାଗିଂ ଏପେଙ୍ଗ ଇନେସ୍ ତିର ଆଜି ମାନାଦେର, ହେଦାଂ କାଜିଂ ଆନ୍ ମିଙ୍ଗେଙ୍ଗ ଇମ୍ବଣି ଆମିକ୍ ଦାନ୍ ହିଦ୍ନି କାଜିଂ ମି ଲାହାଂ ତଞ୍ଜୟା ଆଦେଂ ବେସି ଇଚା କିନାଙ୍ଗା, ୧୨ ଆଓଡିସ୍ ଇନେସ୍ ମିଦାଂ ଆରି ନାଦାଂ, ରିୟାର୍ ପାକ୍ୟାତ ପାତର୍ ହୁକେ ଆନ୍ ମି ବିତ୍ରେତାଂ ମି ଲାହାଂ ଖାରି ପାୟନାଙ୍ଗା ।

୧୩ ଏ ଟଣ୍ଡାର୍ ଆରେ ତଣ୍ଡାଦେକ୍, ବାକି ପାତର୍ କିଓ ଜିହୁଦିର୍ ବିତ୍ରେ ଇନେସ୍, ମି ବିତ୍ରେ ପା ହେବାନି ଆନ୍ ଇନେସ୍ ଅଲପ୍ ପାଡ୍ ପାୟନାଙ୍ଗା, ହେଦାଂ କାଜିଂ ମି ଲାଗାଂ ହାନି କାଜିଂ ଆନ୍ ଜେ ଚାନେକ୍ ଚାନେକ୍ ମାନ୍ କିଜି ମାଟାଂ ମାତର୍ ଇ ପାତେକ୍ ବାଦା ପାୟା ଆଜି ଖାନାଙ୍ଗା ହେ ବିସ୍ତେ ଜେ ଏପେଙ୍ଗ ପୁଞ୍ଜି ମାନାଡ୍, ଇଦାଂ ନା ଇଚା ଆକାୟ୍ । ୧୪ ଗ୍ରିକ୍ କି ବୁଦି ହିଲ୍ଲଞ୍ଜାକାର୍, ପଡିକିତାକାର୍ କି ପଡିକିଞ୍ଜାତାକାର୍ ଓଜାର୍ ଲାଗାଂ ଆନ୍ ରିଶ୍ । ୧୫ ଲାଗିଂ ରମ୍ବନିକାର୍ ଜେ ଏପେଙ୍ଗ, ମି ଲାଗାଂ ପା ନେକ୍ରିକାବୁର୍ ସୁଶାୟ୍ କିଦେଙ୍ଗ୍ ଆନ୍ମାନ୍ କିତାଂନା ।

ନେକ୍ରିକାବୁର୍ନି ସାକ୍ତି

୧୬ ଇନେକିଦେଂକି ଆନ୍ ନେକ୍ରିକାବୁର୍ ବିସ୍ତେ ଲାଜୁ ଆଉଙ୍ଗା, ଲାଗିଂ ହେଦାଂ ଓଜାର୍ ପାତର୍ କିନାକାର୍ ପାକ୍ୟାତ ମୁକ୍ତା ଆନି କାଜିଂ ଇସ୍ବତର୍ ସାକ୍ତି ଆନାଡ୍, ପର୍ତୁମ୍ ଜିହୁଦି ପା ଗ୍ରିକ୍ ପାକ୍ୟାତ । ୧୭ ହେବେ ତ ଇସ୍ବରହିତି ଦାମ୍ ହନାତା, ହେଦାଂ ପାତର୍ ଆରି ପାତର୍ ଲାକେ, ଇନେସ୍ ଲେକାମାନାଡ୍, “ଦାମ୍ ପାତର୍ ହୁକେ ଜିନାନ୍ ।”

ପାପ୍ କାଜିଂ ଇସ୍ବରତି ରିସା

୧୮ ଇନେକିଦେଂକି ଇମ୍ବଣି ମାନାୟାର୍ ଅଦାମ୍ ତ ହାଡ୍ପାତିଂ ମୁନା କିତାର୍, ହେଞ୍ଜାର୍ତି ଓଜୁ ପୁଇପୁୟା ଆଞ୍ଜାଦାଂ ଆରି ଅଦାମ୍ ବିରୁଡ୍ତ ସାଗେତାଂ ଇସ୍ବତର୍ ରିସା ହନାତା, ୧୯ ଲାଗିଂ ଇସ୍ବତର୍ ବିସ୍ତେ ଇନାକା ମାନାଡ୍, ହେଦାଂ ହେଞ୍ଜାର୍ ଖାସ୍ତିତ ହନାତା; ଇସ୍ବର ହେଞ୍ଜାରିଂ ତାଣ୍ଡି ହିନାନ୍ । ୨୦ ଇସ୍ବର ଜଗତ୍ତ ଉଦ୍‌ଜାଣି କିନି ସମୁତାଂ, ହେଞ୍ଜାନ୍ତି ଡକ୍ତୁତି ଗୁଣ୍ ଇତିସ୍ ତା କାବା କିନି ଅବ୍ୟାସ୍ ଓଜୁଓ ସାକ୍ତି ସମାନ୍ ବାବ୍ରେ ହସି ଖାନାଡ୍ ହେଦାଂ ଉପଜାଣି ବିସ୍ତେକାଂ ହେଦାଂ ପୁନ୍ୟାନାଡ୍ । ଲାଗିଂ ହେଞ୍ଜାର୍ ପୁନ୍‌ଖାତାର୍ଣ୍ଣା ଇଞ୍ଜି ଆବ୍ଡ ଚୁଚ୍‌ଚେଙ୍ଗ୍ ଆଡୁର୍ । ୨୧ ଇନେକିଦେଂକି ହେଞ୍ଜାର୍ ଇସ୍ବରତିଂ ପୁନ୍‌ଞ୍ଜି ତାଙ୍ଗେଙ୍ଗ୍ ଇସ୍ବର ଇଞ୍ଜି ଜାଜ୍‌ମାଲ୍ କିଞ୍ଜାତାର୍ କି ଦନ୍ୟବାଦ୍ କିଞ୍ଜାତାର୍, ମାତର୍ ଜାର୍ ଜାର୍ ବାନିୟା ଗାଣ୍‌ଜୁତ ମେହାତାର୍ ଆରି ହେଞ୍ଜାର୍ତି ବୁଜାଓ ମାନ୍ ମାଜ୍‌ଗା ଆତାଡ୍; ୨୨ ହେଞ୍ଜାର୍ ନିଜ୍‌ତିଂ ଗିଆନି ଇଞ୍ଜି ମାନେ କିତାର୍,

☆ ୧:୧୩ ୧:୧୩ ପକ୍ୟାତାକା ୧୯:୨୧. ☆ ୧:୨୧ ୧:୨୧ ଏପିସିୟ ୪:୧୭,୧୮.

ମାତର ହାତ୍‌ପାନେ ହେୱାର ମୁରୁକ୍ । ୨୩ ଜିରାଓି ଇସ୍‌ତ ଜାଜ୍‌ମାଲ୍ ପୁଜା କିୱାଦା° ହେୱାର ହାତି ମାନାୟତି°, ଜାଡ୍, ପତି°, କି ରାବ୍‌କୁକା° ପୁଡ଼ା° ରବ୍‌ତି ହେୱାକା° ପୁଜା କିନାରା । ୨୪ ଲାଗି° ଇସ୍‌ବର ହେୱାରତି ମାନନି ଆରି ହେୱାର ଜାର ଜାତ୍ ବାନ୍ୟାକାମାୟ ଇସାପ୍ରେ ବିଚାଡ୍ କାମାୟତ ମୁଞ୍ଚାଣ୍ଟା-ହେୱାର ଗାଗାଡ୍ ହାରି ହୁଦା° ଲାଜନିକା ଲାହାଙ୍ଗ୍ ଇଟନାର । ୨୫ ଇନେକିଦେ°କି ହେୱାର ଇସ୍‌ତ ସତ୍ ପିସ୍‌ସି ମିର୍ ମାନିକିତାର ଆରି ମାପୁଙ୍ଗ୍ ପିସ୍‌ସି ଉବ୍‌ଜାଣ୍ ଆତି ଜିନିସ୍‌ନି ପୁଜା ଆରି ଆସିର୍ବାଦ୍ ହେବା କିତାର; ହେୱାନ୍ ଜୁର୍ ଜୁର୍ ଦନ୍ୟ । ଆମେନ୍ । ୨୬ ଇ କାରଣ୍ତା° ଇସ୍‌ବର ହେୱାରି° ଲାଜୁ ପାପ୍ ଓଜୁ ହେଲାୟ କିତାନ୍, ଇନେକିଦେ°କି ହେୱାରତି କଗଲେକ୍ ହାର ବେବାର୍ ପିସ୍ତି ବାନ୍ୟା ବେବାର୍ କିତିକ୍, ୨୭ ଆଣ୍ଟାହିମ୍‌ଶା° ପା ମାଜ୍‌ଜିଙ୍ଗ୍ କଗଲେ ଲାହା° ସାରି ଆୱାଦା° ପାତି ବାନ୍ୟା କାମାୟତ ହଣାରା । ଆଣ୍ଟାଙ୍ଗ୍ ହାରି ଗିଣ୍ ବେବାର୍ କିନାରା ଆରି ଇନାକାକି ବାନ୍ୟା କାମାୟ କାଜି° ତାଣ୍ ପାୟାନାରା । ୨୮ ଇ ମାନାୟାର ଇସ୍‌ତ ବିସ୍ରେ ହାର୍ ଚିନ୍ତା କିଦେଙ୍ଗ୍ ଇଚା କିଓିତିଲେ, ଇସ୍‌ବର ହେୱାରି° ପିସ୍ତାନ୍ନା ଆରି ହେୱାର ବିଚାଡ଼ମାନ୍ ଆଜି ମାନାୟମାନ୍ ବେବାର୍ କିତରା । ୨୯ ହେୱାର ସବୁ ବାନି ଅଦାମ୍, ରୁଲ୍‌ରୁଲିୟା, ବାନ୍ୟା, ଲବ୍, ଆରି ବାନ୍ୟାକାମାୟତ ବାତ୍ । ହେୱାର୍ ତାରା, ନାର୍‌ମାରୁ, କୁଲ୍ ଆ, ବାଣାୟକିନାକାନ୍ ଆରି ଜାଡ୍‌କୁ, ହେୱାର ଲକାତ୍ ଗାଣ୍‌ଜୁ କିନାର; ୩୦ ହେୱାର୍ ରୁଗ୍‌ଲିୟା, ନିୟାନିକାନ୍, ଇସ୍‌ବରତି ଗିଣ୍, ନାର୍‌ମାରୁ, କୁଲ୍ ଯା, ଆକ୍ରିୟା, ବାନ୍ୟାକାମାୟ କିନାକାନ୍, ୩୧ ଆବା ଆୟା ବଲ୍ ମାନିକିୱାକା, ବୁଦିହିଲ୍‌କା, ନିୟମ୍ ତ୍ରିକ୍‌ନାକାନ୍, ସମାନ୍ ଦୟା ଆରି ବୁଦିହିଲ୍‌କାନ୍ ମାନାର । ୩୨ ଇମ୍‌ଶାକାର୍ ଇ ଲାକେ ବେବାର୍ କିତାର୍, ହେୱାର୍ ଜେ ହାକିନି ଜଗାୟ, ଇସ୍‌ବରତି ଇ ବିଦି ହେୱାର୍ ପୁଟିସ୍‌ପା କେବଲ୍ ଇନେନ୍ ଇ ଲାକେ ବେବାର୍ କିତାର୍ ହେଦା° ଆକାୟ, ମାତର ଇ ଲାକେ ବେବାର୍ କିଜି ମାନି ମାନାୟାର୍‌ତି ପାକ୍ୟା ୱାରିତା° ବାତି କିତାର୍ ।

୨

ଇସ୍‌ତ ନିୟାୟ ବିଚାର

୧ ଟଣ୍ଟାର୍ ଆରି ତଣ୍ଡେକ୍, ଏପ୍ ଇନାକା ଲକାତ୍ ବିଚାର୍ କିନାଦେରା ? ଏପ୍ ଇମ୍‌ଶାକା ପା ମୁଣିକା ଆତିସ୍‌ପା, ଇଦା° ମି ପାକ୍ୟାତ କିନାକା ହାର୍ ଆକାୟ । ଲକାର୍‌ତି ଦସ୍ ଆସ୍ତି ଏପ୍ ଜଦି ନିଜେ ହେଦା° କିଜି ମାଟିସ୍, ହେଦା° ହୁଦା° ଏପ୍ ଜାର୍‌ତି° ଦସି କିନାଦେରା । ୨ ଆପ୍ ପୁନାପ୍, ଇସ୍‌ବର ଏଲେ° କିଜିମାନି ମାନାୟାର୍‌ତି ହାତ୍‌ପା ବିଚାର୍ କିନାନ୍ । ୩ ଇମ୍‌ଶା ବାନ୍ୟାକାମାୟ କାଜି° ଏପ୍ ଲକାରି° ଦସ୍ କିନାଦେରା, ହେଦା° ଜଦି ନିଜେ କିଜି ମାନାଦେର, ଏପ୍ ଇସ୍‌ବରତି ବିଚାର୍ ମୁମ୍‌ଦ ହାଲୁପ୍ ଇଞ୍ଜି ଇନାକା ବାବି କିନାଦେରା ? ୪ ଆଜି ମାନ୍‌ଗାନାଡ୍, ଏପ୍ ଇସ୍‌ତ୍ ବେସି ଦୟା ଆରି ହୁଦାର୍‌ତି° ଉଡ଼ା ଆନାଦେରା । ଏପ୍ ଆତିସ୍‌ପା ପୁଚାଦେଣ୍ଟା ଜେ, ଏପ୍ ମାନ୍‌ବାଦ୍‌ଲାୟ କିଦେଙ୍ଗ୍ ଇଞ୍ଜି ଇସ୍‌ବର ଏଚେକ୍ ଦୟା କିଡ଼ତାନ୍‌ନା । ୫ ମାତର ଏପେଙ୍ଗ୍ ଗର୍‌ୟା ଆରି ଆଡ଼୍‌ୱା ମାନ୍ । ଲାଗି° ହାରିହାରା ଦିନନି ନ୍ୟାୟବିଚାର୍ ଷ୍ଟେଡାଲି° ଏପ୍ ଇସ୍‌ବରତି ରିସାନି ଲକୁ ଆଜି ବେସି ତାଣ୍ ପାୟାନାଦେର । ୬ ହେୱାନ୍ ଓଜୁର ମାନାୟାରି° ନିଜ୍ ନିଜ୍ କାମାୟ ଇସାବେ ପାଡ୍ ହିଦ୍‌ନାନ୍; ୭ ଇମ୍‌ଶାକାର୍ ସାସ୍ ଲାହା° ହାର୍‌ଦି କାମାୟ କିଜି ଜାଜ୍‌ମାଲ୍, ସନ୍‌ମାନ୍ ଆରି ହାୱାକା ଦାହ୍‌ନାର୍, ହେୱାରି° ଓଜୁଓି ଜିବୁନ୍ ହିନାନ୍ । ୮ ମାତର ଇନେର୍ ଜାର୍‌ତି° ହୁଡ଼ନାକାର୍, ହାତ୍‌ପା ହାଜି ପିସ୍ତି, ମତର ଅଦାମ୍ କାତାତ ଆହ୍‌ନାର୍ । ହେୱାର୍‌ତି କାଜି° କାକ୍ରି ଆରେ କପ୍ ଗିଟାନାଡ୍ । ୯ ପର୍ତ୍ତୁମତ ଜିହୁଦି ଆରି ପା ଗ୍ରିକ୍, ଓଜୁରାି° ବାନ୍ୟା କାମାୟ କିନି ମାନାୟ ୱାସ୍ତି ଜପି

କଷ୍ଟ ଆରି ହାବଡ଼ ଗିଚାନାଡ଼, ୧୦ ମାତର ଇମଣାକାର ହାର କାମାୟ କିତାର, ହେଞ୍ଜାର ଜିହୁଦି ଆଏର କି ଗିକ୍ ଆଏର, ଇସ୍ବର ହେଞ୍ଜାରିଂ ସନ୍ମାନ, ଜାଜ୍ମାଲ୍ ଆରି ସୁସ୍ତା ହିନାନ୍ । ୧୧ ଇନେକିଦେଂକି ଇସ୍ବରତି ଲାଗାଂ ମୁକ୍ମେଟ୍ ହିଲୁଡ଼ ।

୧୨ ଲାଗିଂ ଏଚେକ୍ ବିଦି ହିଲୁଞ୍ଜି ଆଜି ପାପ୍ କିତାରନା, ହେଞ୍ଜାର ପା ବିଦି ପିସ୍ସି ନସ୍ତୁ ଆନାର; ଆରେ, ଏଚେକ୍ ବିଦି ପାୟା ଆଜି ପାପ୍ କିତାରନା, ହେଞ୍ଜାର ବିଦି ଇସାବେ ବିଚାର କିୟାନାର, ୧୩ ଇନେକିଦେଂକି ବିଦିନି ଖେନାକାର ଇସ୍ବର ମେହାଣ୍ଡ ଦାମ୍ ଫର ଆକାୟ, ମାତର ବିଦି ପାଲିକିନାକାର ଦାମ୍ ଫ ଗାଣାକିୟାନାର । ୧୪ ଲାଗିଂ ପାତ୍ କିଞ୍ଜି ଜିହୁଦିରତି ହେ ବିଦି ମାନ୍ଞିତିସ୍ ପା, ଏଚେକାଡ଼୍ ହେଞ୍ଜାର ହାର ବାବ୍ରେ ବିଦି ଲାକେ କାମାୟ କିତାର, ହେପାଦନା ହେଞ୍ଜାର ବିଦି ପାୟା ଆଞ୍ଜିତିସ୍ତା ନିଜେ ଜାର୍ ଜାର୍ କାଜିଂ ବିଦି ପାଲି କିତାର୍ଣ୍ଣ; ୧୫ ହେଞ୍ଜାରତି କାମାୟ ହୁଦାଂ ଇଦାଂ ପୁନ୍ୟାନାତା ଜେ, ବିଦିନି ନିୟମକୁ ହେଞ୍ଜାରତି ମାନ୍ତ ଲେକା ଅତାନ୍ନା । ଇ କାତାନି ହାଡ଼ପା ହେଞ୍ଜାରତି ବୁଦି ହୁଦାଂ ପାର୍ମାଣ୍ ସଡ଼ ଚିନ୍ତା କିନିଞ୍ଜେଡ଼ାଲିଂ ବୁଦି ହେଞ୍ଜାରିଂ ପକ୍ୟା ଆନାଡ଼, ବିନ୍ଚିନ୍ତା ଞ୍ଜେଡ଼ାଲିଂ ଦସି କିନାଡ଼ । ୧୬ ଇମ୍ଣି ଦିନ୍ତ ଇସ୍ବର ନା ନେକ୍ରିକାବୁର ଇସାବେ ଜିସ୍ବୁ କ୍ରିସ୍ବୁତି ହୁକେ ମାନାୟାରତି ଡ଼କୁଡ଼ ବିସ୍ତେ ବିଚାର କିନାନ୍, ହେ ଦିନ୍ ଇଦାଂ ହନାଡ଼ ।

ଜିହୁଦି ଆରି ବିଦି

୧୭ ଏପେଙ୍ଗ୍ ଜାରତିଂ ଜିହୁଦି ଇନ୍ୟାନାଦେରା, ବିଦି ଜପି ବାସ୍ କିଜି ଆରି ଇସ୍ବର ଲାହାଂ ନିଜେ ଜିଣା ଆଜି ଗରବ୍ କିନାଦେରା; ୧୮ ମି କାଜିଂ ଇସ୍ବରତି ଇଚା ପୁଚାଦେଣ୍ଣା ଆରି, ବିଦିତାଂ ସଡ଼ ଆରି ବାନ୍ୟା ଗିଆନ୍ ପାୟା ତାଦେଣ୍ଣା; ୧୯ ହାଡ଼ପା ରଚେ ପୁଚାଦେଣ୍ଣା, ଜେ ଏପେଙ୍ଗ୍ ମାଜ୍ଗାନି ହାଜି ଚର୍ନାକାଦେର, ମାଜ୍ଗାତ ମାନି ମାନାୟାର କାଜିଂ ଅଜଡ଼ ଲାକେ, ୨୦ ବୁଦିହିଲ୍ଞାକାରତି ବୁଜାୟକିନାକାର, ପୁନ୍ଞାକାତ୍ ଗୁରୁ । ମି ପାତ୍ ଜେ, ବିଦିତାଂ ଏପେଙ୍ଗ୍ ବାତ୍ ହାଡ଼ପା ଆରି ଗିଆନ୍ ଲାବ୍ କିତାଦେଣ୍ଣା । ୨୧ ତେବେ ଲକାଂ ହିକ୍ୟା ହିନାଦେରା ଜେ ଏପ୍, ଏପ୍ ଇନାକା ଜାରତିଂ ହିକ୍ୟା ହିଉଦେରା ? ଚରି କିମାଟ୍ ଇଞ୍ଜି ପରଚାର୍ କିଜି ଏପ୍ କି ଚରି କିନାଦେରା ? ୨୨ ଦାରି କିମାଟ୍ ଇଞ୍ଜି ଞ୍ଜେଡ଼ି ଏପେଙ୍ଗ୍ କି ଦାରି କିନାଦେରା ? ପୁଡ଼ଡ଼ା ପୁଜାତିଂ ଗିଣ କିନାଦେରା ଜେ ଏପେଙ୍ଗ୍, ଏପ୍ ଇନାକା ମିନ୍ଦି ଚରି କିନାଦେରା ? ୨୩ ଏପେଙ୍ଗ୍ ଇସ୍ବରତି ବିଦି ପାୟା ତାଦେଣ୍ଣା ଇଞ୍ଜି ଗରବ୍ କିନାଦେରା, ମାତର ହେଦେଲିଂ ଉଡ଼ାଜି ଇସ୍ବରତିଂ ଅପ୍ମାନ୍ କିନାଦେରା କି ? ୨୪ ଇନେକିଦେଂକି ଇନେସ୍ ଲେକା ମାନାଡ଼, “ମି କାଜିଙ୍ଗ୍ ପାତ୍ କିଞ୍ଜି ଜିହୁଦିର ବିତ୍ରେ ଇସ୍ବତ୍ ତର ନିନ୍ୟାନାତା ।”

୨୫ ଜଦି ଏପେଙ୍ଗ୍ ବିଦି ପାଲି କିନାଦେର, ତେବେ ହାଡ଼ପାତ ସୁନ୍ନଡ଼ ଆନି ଲଡ଼ା, ମାତର ବିଦି ମାନି କିଞ୍ଜିତିସ୍, ତେବେ ମି ସୁନ୍ନଡ଼ ଅସୁନ୍ନଡ଼ ମେହା ଆନାଡ଼ । ୨୬ ଲାଗିଂ ଜଦି ସୁନ୍ନଡ଼ ଆଞ୍ଜିତି ମାନାୟ ବିଦିନି ବିଦିବିଦାଣି ପାଲି କିତାର, ବାଟିଙ୍ଗ୍ ହେଞ୍ଜାନ୍ତି ସୁନ୍ନଡ଼ ଆଞ୍ଜାତାକା ଇନାକା ସୁନ୍ନଡ଼ ଇଞ୍ଜି ଗାଣା କିୟାଉନ୍ ? ୨୭ ଆରେ, ତରଦିଂ ସୁନ୍ନଡ଼ ଆଞ୍ଜାତାକାର ମାନାୟ ଜଦି ବିଦି ପାଲି କିତାର, ବାଟିଙ୍ଗ୍ ଲେକିକିତି ବିଦି ଆରି ସୁନ୍ନଡ଼ନି ବିଦି ପାୟା ଆଜି ପା ବିଦି ମାନିକିଉଦେରା ଜେ ଏପେଙ୍ଗ୍ ହେଞ୍ଜାନ୍ ମି ବିଚାର କିଦନାନ୍ । ୨୮ କେବଲ୍ ଗାଗାଡ଼୍ ବାବ୍ରେ ସୁନ୍ନଡ଼ ଆଜି ଜପି ଜିହୁଦି ଇଞ୍ଜି ଜାଣା ଆଜି ମାନି ଲଗୁ ହାଡ଼ପାରଚେ ଜିଉଦି ଆକାୟ; ୨୯ ମାତର ଞ୍ଜାୟିତ ଇନେନ୍ ଜିହୁଦି, ହେଞ୍ଜାନ୍ ଜିହୁଦି, ଆରେ ସମାନ୍ ବାବ୍ରେ ଆକାୟ, ମତର ଜିବୁନ୍ନିକା ବାବ୍ରେ ଗାଗାଡ଼୍ ଇନେନ୍ ସୁନ୍ନଡ଼ ହେଦାଂ ହାଡ଼ପା ସୁନ୍ନଡ଼ । ଇ ବାତ୍ ଲକ୍ ମାନାୟାରତାଂ ଞ୍ଜାରି ପାୟା ଆଉର, ମାତର ଇସ୍ବରତାଂ ପାୟାନାର ।

୩

୧ ବାଟିଙ୍ଗ୍ ଜିହୁଦି ଲକ୍ଷ୍ମି ଇନାକା ? ସୁନ୍ଦର କି ଉପକାର ଇନାକା ? ସବୁ ବାନି
 ବେସି । ୨ ପୂର୍ତ୍ତମ୍, ଇସ୍ବର ବଚନ୍ ହେଝାର୍ ତାକେ ହେଲ୍ଲାୟ୍ ଆଜି ମାନାନ୍ । ୩ ଆଞ୍ଜିତିସ୍
 ଏଚେ ଜାଣ୍ ପାତର୍ କିଝାକାର୍ ଆଜି ମାନଗାନାର୍ । ମାତର୍ ହେଦାଂ ଇଞ୍ଜି ଇନାକା
 ଇସ୍ବରତି ପାତର୍ କିନାକା ଇନାକା ପଲ୍ୟା ଆନାତ୍ ? ୪ ମୁଡେ ଆକାୟ୍ । ମାନାୟାର୍
 ଝିଜାର୍ ମିଡ଼ଝାର୍ ଆତିସ୍ପା, ଇସ୍ବର ହାଡ଼ପା । ସାସ୍ବରତି ଲେକାମାନାତ୍, “ନି ବଚନ୍
 ହୁକେ ଏନ୍ ସମାନ୍ ଇଞ୍ଜି ପାର୍ମାଣ୍ ଆତ, ଏପେଙ୍ଗ୍ ବିଚାର୍ଣ୍ଣା ଆତିହିଂ ଏନ୍ ଜିତା ଆ ।”
 ୫ ମାତର୍ ଜଦି ମା ଅଦାମ୍ ଇସ୍ବତ୍ ଦାମ୍ ର୍ ସମାନ୍ ପାର୍ମାଣ୍ କିନାତ୍, ବାଟିଙ୍ଗ୍
 ଆପ୍ ଇନାକା ଇନାୟ୍ ? ଇମଣି ଇସ୍ବର ତାଣ୍ଡତାଂ କିତି ପାଡ଼୍ ହିଦ୍ନାନ୍, ହେଝାନ୍ କି
 ଦାମ୍ ହିଲ୍ଲାନାନ୍ ? ଆନ୍ ମାନାୟ୍ ବାବ୍ରେ ଇଞ୍ଜିନାଙ୍ଗା । ୬ ହେଦାଂ ଇନାଝାଡ଼ାଂ ପା
 ଆମେଡ଼; ଇନେକିଦେଂକି ହେଦାଂ ଆତିସ୍ ବିଚାର୍ କାର୍ହା ଆଞ୍ଜିତିସ୍, ଇସ୍ବର ଇନେସ୍
 ପୁତର୍ ତ ନିଆୟ୍ ବିଚାର୍ କିନାନ୍ । ୭ ମାତର୍ ଜଦି ନାଦାଂ ମିଡ଼ ହୁକେ ଇସ୍ବତ୍ ହାଡ଼ପା
 ହେଝାନ୍ତି ଜାଜ୍ମାଲ୍ କାଜିଂ ବେସି ବାବ୍ରେ ବାଡା ଆତାଡ଼, ତାଆତିସ୍ ଆନ୍ ପା ଆରେ
 ଇନେକିଦେଂ ପାପି ଇଞ୍ଜି ବିଚାର୍ କିୟାନାନା ? ୮ ଆସେଙ୍ଗ୍ ଇନେକିଦେଂ ଇନ୍ଦୁସ୍, “ଝାଡ଼
 ବାନ୍ୟାକାମାୟ୍ କିନାସ୍, ଏବେଣ୍ଡାଂ ହାର୍ପାଡ଼୍ ଗାଟାଆଦନାତ୍ ? ଆନ୍ ସମାନ୍ ଏଲେଂ
 କାତା ଇନାଙ୍ଗା ଇଞ୍ଜି ଦାବା କିଜି ଏଚେକ୍ ଜାଣ୍ ନାଂ ନିୟା କିଦ୍ନାରା । ହେଝାର୍ ଇଦାଂ
 କାଜିଂ ବିଚାର୍ ପାୟାନି କାତା, ନିତୟ୍ ପାୟାନାର୍ ।”

ଇନେର୍ ଦାମ୍ ଆକାୟ୍

୯ ବାଟିଙ୍ଗ୍ ଇନାକା ଜିହୁଦିତ୍ ଅବସ୍ତା ଗ୍ରିକ୍ତାଂ ଆଦିକ୍ ହାର୍ ? ମୁଡେ ଆକାୟ୍ ।
 ଆନ୍ ଆଗେତାଂ ଇଚାଂନା ଜେ ରି କୁଦା ପା ଜିହୁଦି ଆରି ଗ୍ରିକ୍ ପାପ୍ତ ତାରେନ୍ ମାନାର୍,
 ୧୦ ଇନେସ୍ ଲେକାମାନାତ୍, “ଦାମ୍ ର୍ ଇନେର୍ ହିଲ୍ଲୁର୍, ଆକାୟ୍, ରଝାନ୍ ପା ଆକାୟ୍
 ।”

୧୧ ରଝାନ୍ ପା ଗିୟାନି କି ଇସ୍ବରତି ହାଡ଼ପା ହେବା କିନାକାନ୍ ହିଲ୍ଲୁନ୍ ।

୧୨ ହେଝାର୍ ଝିଜାର୍ ହାଦେଂ ହାଚାର୍ଣ୍ଣା, ରଚେ ବହା ଆତାର୍ଣ୍ଣା; ଇନେର୍ ଦୟା କାମାୟ୍
 କିତାର୍, ଇ ଲାକେ ଇନେର୍ ଆକାୟ୍, ଆକାୟ୍ ଇ ଲାକେ ଇନେର୍ ଆକାୟ୍ ।

୧୩ ହେଝାର୍ତି ବଚନ୍ତ୍ ଆବଡ଼ତ୍ଟି ଗାଣ୍ଡୁ, ଝେଇଦାଂ ମିଡ଼ ଜାରାଣ୍ ହାନାକା, ଅତି
 ତାରେନ୍ କାଲ୍ଲାଟି ରାଡ଼ିନି ବିସ୍ ମାନାତ୍ ।

୧୪ ହେଝାର୍ତି କାଣ୍ଡକ୍ତ ଇସ୍ବରତି ଅଲପ୍ ପା ପାଣ୍ଡୁ ହିଲ୍ଲୁଡ଼ ।

୧୫ ହେଝାର୍ତି ପାନା ନେତେର୍ କିଦେଙ୍ଗ୍ ତିକ୍ତିକା;

୧୬ ହେଝାର୍ ଇମେତାକେ ହାନାର୍, ହେବେ ନାସ୍ ଆରି ଦୁକ୍ ଉବ୍ଜାଣ୍ ଆନାତ୍,

୧୭ ଆରେ ସୁସ୍ତାନି ହାଜି ହେଝାର୍ ପୁନ୍ଦର୍ ୧୮ ହେଝାର୍ତି ଇସ୍ବତ୍ ପାଣ୍ଡୁ
 ହେଝାର୍ କାଣ୍ଡକୁ ଆଗେ ମାନଗୁଡ଼ ।

୧୯ ଆରେ, ଆପ୍ତ ପୁନାପ୍ ଜେ, ବିଦି ଇନା ଇନାକା ଇନାତ୍, ହେ ସବୁ
 ବିଦିବିଦାନ୍ ତାରେନ୍ ମାନି ମାନାୟାରିଂ ଇନାତ୍, ଇନେସ୍ ଝିଜୁ ଝେଇ ବନ୍ଦ୍ ଆନାତ୍
 ଆରି ଝିଜୁ ପୁତର୍ ଇସ୍ବତ୍ ବିଚାର୍ତ ତାଣ୍ଡ ଆନାତ୍; ୨୦ ଇନେକିଦେଂକି ମସାତି
 ବିଦିନି କିତିକାମାୟ୍ ହୁକେ ଇମଣି ମାନାୟ୍ ତା ମୁମ୍ଦ ଦାମ୍ ଗାଣ୍ଡି ଆଉର୍,
 ଇନେକିଦେଂକି ମସାତି ବିଦି ହୁକେ ପାପ୍ନି ଗିଆନ୍ ଜଲମ୍ ଆନାତ୍ ।

ପାତର୍ ତ ଦାମ୍ ର୍ ଗାଣାକିଆନାତ୍

୨୧ ଇସ୍ବର ମାଂ ଦାମ୍ କିଦେଙ୍ଗ୍ ବିଦି ମାତର୍ ନଙ୍ଗ୍ ବିଦି ପିସ୍ତି ଇସ୍ବତ୍ ଦାମ୍
 ହତାଡ଼ନା, ଆରେ ହେଦାଂ ବିସ୍ତେ ବିଦି ଆରି ବେଶ୍ବାକ୍ଷାୟ୍ କିନାକାର୍ ଦରମ୍ ସାସ୍ବର

ସାକି ହିନାତା, ୨୨ *କେବଳ ଜିସୁ କ୍ରିଷ୍ଟ ତାକେ ପାତ୍ କିନି କାଜିଂ ଲକ୍ଷୁ ଇସ୍‌ରତି କାଣ୍‌କ୍ଷୁତ ଦାମ୍ ଗାଣା କିଆନାନ୍ । ଇସ୍‌ର ଇନେରିଂ ମୁକ୍‌ମେଟ୍ କିଝାଦାଂ କ୍ରିଷ୍ଟତାକେ ପାତ୍ କିନାକାର୍ ଓଜାକାରିଂ ପାବ୍ ହିନାନ୍ ।

୨୩ ଓଜାକାର୍ ପାପ୍ କିତାରନା, ଆରେ ଇସ୍‌ତ ଜାଜ୍‌ମାଲ୍‌ନି ବାତ୍ ତାଂ ଉଣା ଆତାଣ୍ଟା, ୨୪ ମାତର୍ ଇସ୍‌ର କ୍ରିଷ୍ଟ ଜିସୁତି ହୁଦାଂ ମଲ୍‌ଆଝାଦାଂ ଇମଣି ଦୟାନି ଦାନ୍ କିତ୍‌ତାନନା, ହେଦାଂ ଇନେର୍ ଇଡ୍‌ନାର୍, ହେଝାର୍ ମାପୁ ଜିସୁ ମୁକ୍‌ତାନାକା ହିନାନ୍ ଆରି ହେଝାର୍ ଇସ୍‌ର କାଣ୍‌କ୍ଷୁତ ଦାମ୍ ଆନାର୍ । ୨୫ ଇସ୍‌ର ଜିସୁଙ୍ଗ୍ ଦାନ୍ ହିତ୍‌ତାନ୍, ଇନେସ୍ ହେଝାନ୍ତି ହାକି, ହେଝାନ୍ତି ତାକେ ନେତେରତ ପାତ୍ କିଜି ମାନି ଲକ୍ଷୁ ପାପ୍ କେମାନି ଉପାୟ୍ ଆନାଡ୍ । ଇସ୍‌ର ଜାର୍ ଦାମ୍ ତିଂ ହପ୍‌ତେଂ ଇଦାଂ କିତାନ୍, ଇସ୍‌ର ହୁଦାର୍ ଆଜି ଆଗେ କିତି ପାପ୍ ଆହ୍‌ଝାତନ୍ନା, ୨୬ ଆରେ ନଙ୍ଗି କାଡ୍‌ଦ୍ ଜାର୍ ଦାମ୍ ହପ୍‌ନି କାଜିଂ ହେଝାନ୍ ଇଦାଂ କିତାନ୍ନା, ଇନେସ୍ ହେଝାନ୍ ନିଜେ ଦାମ୍ ଆରି ଜିସୁତି ତାକେ ପାତ୍ କିନାକାରିଂ ଦାମ୍ ଗାଣାକିଆନାକାର୍ ଇଞ୍ଜି ଚଞ୍ଜାନାର୍ ।

୨୭ ବାଟିଙ୍ଗ୍ ଗରବ୍ ଇମେ ତାକେ ? ହେଦାଂ ଦେହା ଆତାଡ୍ । ଇନେସ୍‌ବାତ୍ ବିଦି ହୁକେ ? ଇନାକା କିନି କାମାୟ୍ ବିଦି ହୁକେ ? କି ପାତ୍ ନି ବିଦି ହୁକେ । ୨୮ ବାଟିଙ୍ଗ୍ ମା ବୁଜାନାକା ଇଦାଂ, ମାନାୟ୍ ବିଦିତ କିତି କାମାୟ୍ ପିସ୍‌ପି ପାତ୍ ହୁକେ ଦାମ୍ ଗାଣାକିୟାନାନ୍ । ୨୯ କି ଇସ୍‌ର କି କେବଲ୍ ଜିହୁଦିରତି ଇସ୍‌ର ? ହେଝାନ୍ କି ପାତ୍ କିଝି ଜିହୁଦିରତି ପା ଇସ୍‌ର ଆକାୟ୍ ? ଆଁ ପାତ୍ କିଝି ଜିହୁଦିରତି ପା । ୩୦ *ଇନେକିଦେଂକି ଇସ୍‌ର ତ ରଝାନ୍, ଆରେ ହେଝାନ୍ ପାତ୍ କାଜିଂ ସୁନ୍‌ଡ୍‌ତି ଆରି ପାତ୍ କାଜିଂ ଅସୁନ୍‌ଡ୍‌ତି ଦାମ୍ ଗାଣାକିନାନ୍ । ୩୧ ବାଟିଙ୍ଗ୍ ଆପ୍ କି ପାତ୍ ହୁକେ ବିଦିତିଂ ଓହ୍‌ନାପା ? ହେଦାଂ ଇନାଝେଡ଼ାଂ ପା ଆମେଡ୍ ଇତିସ୍ ଆପ୍ ପାତ୍ ହୁକେ ବିଦିନି କୁନାଦି ତାଟ୍ କିନାସା ।

୪

ଅବ୍ରାହାମ୍‌ତି ପାତ୍ ନି ଦାମ୍

୧ ଝାଟିଂ ଗାଗାଡ୍ ବାବ୍ରେ ମା ଆକର୍ ଅବ୍ରାହାମ୍ ଇନାକା ପାୟା ଆତାନ୍ ଇଞ୍ଜି ଇନାସ୍ ? ୨ ଇନାକିଦେଂକି ଅବ୍ରାହାମ୍ ଜଦି କିନି କାମାୟ୍‌ନି ଦାମ୍ ଇଞ୍ଜି ଗାଣା କିୟାତାନ୍, ଲାଗିଂ ତା ଗରବ୍ କିନାକା ମାନାଡ୍, ମାତର୍ ଇସ୍‌ରତି ଲାଗାଂ ହିଲେଡ୍ । ୩ *ଇନେକିଦେଂକି ସାସ୍‌ର ଇନାକା ଇନାଡ୍ ? “ଅବ୍ରାହାମ୍ ଇସ୍‌ର ତାକେ ପାତ୍ କିତାନ୍, ଆରେ ଇ ପାତ୍ କାଜିଂ ଇସ୍‌ର ହେଝାନିଂ ଦାମ୍ କିଜି ଇଡ୍‌ତାନ୍ । ୪ ଇନେର୍ କାମାୟ୍ କିନାନ୍, କୁଲି ତାବୁଂ ତା ପାୟାନାକା-ଇନେର୍ତାଂ ଦାନ୍ ଲାକେ ହେଝାନ୍ ପାୟା ଆଉନ୍ । ୫ ମାତର୍ ଇନେର୍ କାମାୟ୍ ଜପି ପାତ୍ କିତନ୍, ମତର୍ ଦାମ୍ ହିଲାକାନିଂ ଦାମ୍ ଇଞ୍ଜି ଇନେର୍ ଗାଣାକିନାର୍, ହେଝାନ୍ ତାକେ ପାତ୍ କିନାନ୍, ହେଝାନ୍ ପାକ୍ୟାତ ହେଝାନ୍ତି ପାତ୍ ଦାମ୍ ଇଞ୍ଜି ଗାଣାନାଡ୍ । ୬ ଇମଣି ମାନାୟ୍‌ତି କାମାୟ୍ କାବାଡ୍ ନିପ୍ ହୁଡ୍‌ଝାଦାଂ ଇସ୍‌ର ହେଝାନିଂ ଦାମ୍ ଇଞ୍ଜି ଇଟ୍‌ନାନ୍, ହେଝାନିଂ ଝାରିକିୟ୍ କିଜି ଦାଉଦ୍ ଇଚାନ୍ନା ।

୭ ଇମ୍‌ଣାକାର୍‌ତି ଅପ୍‌ରାଦ୍ ସବୁ କେମା ଆତାଡ୍‌ନ୍ନା, ଆରେ ଇମ୍‌ଣାକାର୍‌ତି ପାପ୍ ସବୁ କେମା ପାୟାତାନ୍ନା, ହେଝାର୍ ଦନ୍ୟ । ୮ ମାପୁ ଇମ୍‌ଣାକାରିଂ ଦନ୍ୟ ଇଞ୍ଜି ମାନାୟ୍‌ତି ପାପ୍ ଗାଣା କିତନ୍, ହେଝାନ୍ ଦନ୍ୟ ।”

* ୩:୨୨ ୩:୨୨ ଗାଲାତିୟ ୨:୧୭. * ୩:୩୦ ୩:୩୦ ଗାଲାତିୟ ୩:୨୦. * ୪:୩ ୪:୩ ଗାଲାତିୟ ୩:୭.

୯ ଇବେ ଦାଉଦ୍ ଇନେରିଂ ଦନ୍ୟ ଇଞ୍ଜି ଇଚାନ୍ନା, ହେଞ୍ଜାର୍ ଇନାକା କେବଲ୍ ସୁନ୍ନତ୍ ଲଗୁ ମାଚାର୍ ? କି, ଅସୁନ୍ନତ୍ ଲଗୁ ପା ଦନ୍ୟ ଆଦେଂ ଆଡ୍ନାର୍ । ଆସ୍ ଇନାସା-ଅବ୍ରାହାମ୍ ପାତ୍ ହୁକେ ଦାମ୍ ଇନ୍ୟା ଆତାନ୍ । ୧୦ ବାଟିଙ୍ଗ୍, ହେଦାଂ ଇମ୍ଫଣି ସମୁ ଶ୍ଵେତାଲିଂ ଗିଚାଜି ମାଚାଡ୍ ? ଅବ୍ରାହାମ୍ ସୁନ୍ନତ୍ ଆନି ପାଚେ ଆକାୟ୍, ତା, ଆଗେତାଂ ପାଚେ ଆକାୟ୍ । ୧୧ ଆରେ, ହେଞ୍ଜାନ୍ ସୁନ୍ନତ୍ ଆଞ୍ଜି ଅବସ୍ତାତ ପାତ୍ ଇସାବ୍ତ ଦାମ୍ ଗାଣାକିୟାଜି ହେବେନି ଚିନ୍ ଇର୍ଯ୍ୟାନି ଇସାବେ ସୁନ୍ନତ୍ ଚିନ୍ ପାୟାତାନ୍, ଇନେସ୍ ସୁନ୍ନତ୍ ଆଞ୍ଜି ଅବସ୍ତାତ ମାନି ଖିଜାର୍ ପାତ୍ କିନାକାର୍ ପାକ୍ୟାତ ଦାମ୍ ଗାଣାକିୟାନି କାଜିଂ ହେଞ୍ଜାନ୍ ହେଞ୍ଜାର୍ତି ଆବା ଆନାନ୍, ୧୨ ଆରେ, ଇନେସ୍ ହେଞ୍ଜାନ୍ ସୁନ୍ନତ୍ ଆତାକାରିଂ ଆବା ଆନାନ୍, ଇଚିସ୍ ଇମ୍ଫଣାକାର୍ ସୁନ୍ନତ୍ ପାୟାତାର୍, କେବଲ୍ ହେଞ୍ଜାର୍ତି ଆକାୟ୍, ମତର୍ ସୁନ୍ନତ୍ ଆଞ୍ଜାତାକାର୍ତି ସମୁତ ମା ଆବା ଅବ୍ରାହାମ୍ତି ଇମ୍ଫଣି ପାତ୍ ମାଚାଡ୍, ହେବେନି ପାଦ୍ ଚିନ୍ ହିଜି ଇମ୍ଫଣାକାର୍ ହାନାର୍ ହେଞ୍ଜାର୍ତି ଆବା ।

ପାତ୍ କିନାକାରିଂ ଇସ୍ତାଂ ପାର୍ମାଣ୍

୧୩ ଇନେକିଦେଂକି ଅବ୍ରାହାମ୍ ବିଦି ପାଲି କିଜି ମାନି କାଜିଂ ଆକାୟ୍ । କେବଲ୍ ହେଞ୍ଜାନ୍ତି ପାତ୍ କାଜିଂ ଇସ୍ତରତି ହୁକେ ଦାମ୍ ଲାକେ ଆଦିକାର୍ ପାୟାତାନ୍ ଆରି ହେଦାଂ କାଜିଂ ହେଞ୍ଜାନ୍ ହେଞ୍ଜାନ୍ତି ଲାତ୍ରାର୍ ପୁତ୍ ଆଦିକାର୍ ଆନାର୍ ଇଞ୍ଜି ରାଣ୍ କିଜି ମାଚାନ୍ ୧୪ ଲାଗିଂ ଜଦି ବିଦି ପାଲି କିଚାର୍, କେବଲ୍ ହେଞ୍ଜାର୍ ଜଦି ଇସ୍ତରତି ଦାନ୍ ଗାଗାତିସ୍, ତେବେ ମାନାୟ୍ତି ପାତ୍ ପଲ୍ୟା, ଇସ୍ତରତି ରାଣ୍ ପା ୧୫ ଇନାକିଦେଂକି ବିଦି ଉଡାନି ହୁଦାଂ ମାନାୟ୍ ଇସ୍ତରତି ରିସାନି ଲଗୁ ଆନାନ୍ । ମାତର୍ ଇମେତାକେ ବିଦି ହିଲୁଡ୍, ହେବେ ବିଦି ଉଡାନାକା ପର୍ଯ୍ୟନ୍ ନିଲୁଡା । ୧୬ ଲାଗିଂ ଇ ପାର୍ମାଣ୍ ପାତ୍ କାଜିଂ ପାୟାନାନ୍, ଇନେସ୍ ହେଦାଂ ଦୟା ଇସାବେ ଆନାଡ୍, ଆରେ ତାପାଚେ ସବୁ ଲାତ୍ରା ପାକ୍ୟାତ, କେବଲ୍ ମସାତି ବିଦି ଲାତ୍ରା ପାକ୍ୟାତ ଆକାୟ୍, ମତର୍ ଅବ୍ରାହାମ୍ତି ପାତ୍ କିନି ଲାତ୍ରା ପାକ୍ୟାତ ପା ହେ ପାର୍ମାଣ୍ ତିର୍ ମାଚାଡ୍ । ୧୭ ଇ ବିସ୍ତେ ସାସ୍ତରତ ଲେକାମାନାଡ୍, “ନିଂ ଆପ୍ ବେସି ଜାତିନି ଆବା କିଦ୍ନାପ୍,” ଇସ୍ତରତି କାଣକୂତ ଇ ପାର୍ମାଣ୍ ହାଡ୍ପା ମାଚାଡ୍, ଇନେକିଦେଂକି ଇମ୍ଫଣି ଇସ୍ତରତିଂ ଅବ୍ରାହାମ୍ ପାତ୍ କିଜି ମାଚାନ୍, ହେଞ୍ଜାନ୍ତି ବଚନ୍ ହାକିତଂ ଜିବୁନ୍ କିନାଡ୍ ଆରି ଖାରାକାଦଲିଙ୍ଗ୍ ଖିଜୁ ବିସ୍ତେ ଉବ୍ଜାୟ୍ କିନାଡ୍ । ୧୮ “ଆହା କିନି କାଜିଂ ଇମ୍ଫଣାକା ପା କାରଣ୍ ହିଲ୍ଵିତିସ୍ ପା ଅବ୍ରାହାମ୍ ପାତ୍ କିଜି ଆହାଲାବ୍ଡି ଆତାନ୍ । ଲାଗିଂ ହେଞ୍ଜାନ୍ ବେସି ଜାତିନି ଆବା ଆତାନ୍, ଇନେକିଦେଂକି ସାସ୍ତର୍ ଇସାପ୍ତେ ହେଞ୍ଜାନିଂ ପାର୍ମାଣ୍ ଗାଗାଜି ମାଚାଡ୍; ୧୯ ଅବ୍ରାହାମ୍ ବୟସ୍ ପାଞ୍ଚକଡି ବାହୁଁ ଆତିଲେ ହେଞ୍ଜାନ୍ ଜାର୍ ଗାଗାଡ୍ତିଂ ଜିବୁନ୍ ପାଗ୍ନାକା ଆରି ସାରାତି ପଟେଂ ହାକି ଇଞ୍ଜି ବାବି କିଚାର୍ ପା ପାତ୍ ନାଦାର୍ ଆଞ୍ଜାତାର୍, ୨୦ ଇଚିସ୍ ଇସ୍ତରତି ପାର୍ମାଣ୍ କାଜିଂ ହୁଡ୍ଜି ପାତ୍ କିଞ୍ଜାକା ହୁକେ ପାତ୍ କିଞ୍ଜାତାନ୍, ହେଞ୍ଜାନ୍ ଇସ୍ତରତିଂ ଜାଜ୍ମାଲ୍ କିଚାର୍ । ୨୧ ମାତର୍ ଇସ୍ତର୍ ଇନାକା ପାର୍ମାଣ୍ କିତାନ୍ନା, ହେଦାଂ ମାନି କିଦେଙ୍ଗ୍ ପା ହେଞ୍ଜାନ୍ ଜେ ଆଡ୍ନାନ୍, ହେଞ୍ଜାନ୍ ପୁରା କିନାନ୍ ଇଞ୍ଜି ପାତ୍ ବାଡ୍କାସ୍ ଆତାନ୍ । ୨୨ ଇଦାଂ କାଜିଂ ପା ଇଦାଂ ହେଞ୍ଜାନ୍ତି ପାକ୍ୟାତ ଦାମ୍ ଇଞ୍ଜି ଗାଣା କିୟାତାନ୍; ୨୩ ତା ପାକ୍ୟାତ ଜେ ଗାଣା କିୟାତାନ୍, ଇଦାଂ ଇନାକା ହେଞ୍ଜାନ୍ତି କାଜିଂ ଲେକା ଆଞ୍ଜାତାଡ୍ନା, ୨୪ ମତର୍ ମା କାଜିଂ ପା ଲେକା ଆତାଡ୍ନା; ଇନେକିଦେଂକି ଜେ ମା ମାପୁ ଜିସୁ ହାତାକାର୍ ବିତ୍ରେ ନିଂତାନ୍ନା, ହେଞ୍ଜାନ୍ ତାକେ ପାତ୍ କିନାପା ଜେ ଆପେଂ, ମା ପାକ୍ୟାତ ପା ହେଦାଂ ଗାଣା କିୟାତାଡ୍;

୨୫ ହେ ଜିସୁ ମା ପାପ କାଜିଂ ହେଲାୟ୍ କିୟାତାନ୍, ଆରେ ଇସ୍ବରତି ଲାଗାୟ୍ ମାଜେଙ୍ଗ୍ ଦାମ୍ କିଦେଙ୍ଗ୍ ଇଞ୍ଜି ଆରେ ନିଂତାନ୍ନା ।”



ପାତ୍ ହୁଦାଂ ଇସ୍ବରତି ଲାହାଂ ହାର୍ମେହାଣ

୧ ନଂ ପାତ୍ ହୁକେ ଆସେଙ୍ଗ୍ ଇସ୍ବରତି କାଣକ୍ବତ ଦାମ୍ ଆତାପ୍ନା ଆରି ମାପୁ ଜିସୁ କ୍ରିସ୍ଟକାଜିଂ ଇସ୍ବରତି ଲାହାଂ ସୁସ୍ତାତ ମାନାୟ୍ । ୨ ଇମ୍ବଣି ଉପକାରନି ଅବସ୍ତା ବିତ୍ରେ ଆପ୍ ମାନାୟ୍, ହେବେ ହେଞ୍ଜାନ୍ ହୁକେ ପାତ୍ ତ ହଣ୍ଡେଙ୍ଗ୍ ପା ଆଡ଼ତାପ୍; ଆରେ, ଆପ୍ ଇସ୍ବତ୍ ଜାଜ୍ମାଲ୍ଲନି ବାସ୍ତ ଗରବ୍ କିନାପା । ୩ କେବଲ୍ ହେଦାଂ ଆକାୟ୍, ଝିନ୍ଦୁ ବାନି ଦୁକ୍ତ, କସ୍ତ ପା ଗରବ୍ କିନାପା, ଲାଗିଂ ଦୁକ୍ତାଂ ସାସ୍, ସାସ୍ତାଂ ପୁନାକା, ୪ ଆରେ, ବାବ୍ନାତାଂ ବାସ୍ ଜେ ଜଲ୍ମ୍ ଆନାଡ଼, ଇଦାଂ ଆସେଙ୍ଗ୍ ପୁନାୟ୍ । ୫ ଆରେ, ବାସ୍ ଲାଜ୍ କିଦୁଡ଼, ଇନେକିଦେଂକି ଇସ୍ବର ହିଡ଼ି ପୁଇପୁୟା ଜିରୁନ୍ ହୁକେ ମା ଖାସ୍ତିତ ଇସ୍ବରତି ଜିଉନନାକା ମେଙ୍ଗ୍ୟା ଆତାନ୍ନା ।

୬ ଇନେକିଦେଂକି ଏଚେକାଡ଼ପ୍ ଆପ୍ ଉପାୟ୍ ହିଲ୍ଖାକା ମାଗାପ୍, ହେପାଦ୍ନା କ୍ରିସ୍ଟ ସମାନ୍ ସମୁତ ପାତ୍ କିଞ୍ଜାକାର୍ କାଜିଂ ହାତାନ୍ । ୭ ଦାମ୍ ର୍ ମାନାୟ୍ କାଜିଂ ଆରେ ରଞ୍ଜାନ୍ ଜାର୍ତି ପାଗାଣ୍ ହିନାକା ବେସି ହୁଡ଼ୟା ଆଉଡ଼ । ଆତିସ୍ ଇମ୍ବଣାକାନ୍ ପା ହାର୍ କାଜିଂ ଇନେର୍ ହିଦେଂ ଜାଲ୍ଦି ଆଦେଂ ଆଡ଼ନାନ୍ । ୮ ମାତର୍ ଆପ୍ ପାପି ମାନି ସମୁତ ପା କ୍ରିସ୍ଟ ଜେ ମା କାଜିଂ ହାତାନ୍, ହେବେ ଇସ୍ବର୍ ମା କାଜିଂ ଜାର୍ ଜିଉନନାକା ହପ୍ତାନ୍ନା । ୯ ଲାଗିଂ, ଇଦାଂ ଆରେ ହାଡ଼ପା ଜେ, ଆପ୍ ନଙ୍ଗ୍ୟ ହେଞ୍ଜାନ୍ତି ନେତେର୍ ହୁକେ ଦାମ୍ ଗାଣାକିୟାନାକା ଆତିଲେ ହେଞ୍ଜାନ୍ ହୁକେ ଇସ୍ବରତି ରିସାତାଂ ରାକ୍ୟା ପାୟାନାୟ୍ । ୧୦ ଇନେକିଦେଂକି ଆପ୍ ସାଡୁ ମାନି ସମୁତ ଜଦି ଇସ୍ବର ଲାହାଙ୍ଗ୍ ହେଞ୍ଜାନ୍ତି ମାଜିତି ହାକି ହୁକେ ମେହା ଆତାପ୍, ତା ଆତିସ୍ ଇଦାଂ ଆଦିକ୍ ହାତେନେ ଜେ, ଆପ୍ ମେହାଜି ହେଞ୍ଜାନ୍ତି ଜିରୁନ୍ ହୁକେ ମୁଲ୍ଲି ଆନାୟ୍ । ୧୧ ଆରେ, କେବଲ୍ ହେଦାଂ ଆକାୟ୍, ମାତର୍ ମା ଇମ୍ବଣି ମାପୁ ଜିସୁ କ୍ରିସ୍ଟି ହୁକେ ଆପ୍ ନଙ୍ଗ୍ ମେହାଜି ଲାବ୍ କିତାପ୍ନା; ହେଞ୍ଜାନ୍ତି ହୁକେ ଆପ୍ ଇସ୍ବର୍ ତାକେ ଗରବ୍ ପା କିନାପା ।

ଆରମ୍ ଆରି କ୍ରିସ୍ଟ

୧୨ ଲାଗିଂ, ଇନେସ୍ ରଞ୍ଜାନ୍ ମାନାୟ୍ ହୁକେ ପାପ୍ ଆରି ପାପ୍ ହୁକେ ହାକି ପୁଡ଼ିତ ହଟାଡ଼, ଆରେ ହେ ବାନି ହାକି ଝିଜାର୍ ମାନାୟ୍ କାଜିଂ ଗିଟାତାଡ଼, ଲାଗିଂ ଝିଜାର୍ତ ପାପ୍ କିତାର୍ । ୧୩ ବିଦି ହିନି ପୁର୍ବେତାଂ ଜଗଡ଼ତ ପାପ୍ ମାଟାଡ଼, ମାତର୍ ବିଦି ହିଲ୍ଝି ଝେଡ଼ାଲିଂ ପାପ୍ନି ଇସାବ୍ ଇଟ୍ୟାଞ୍ଜାଦାଂ ମାଟାଡ଼ । ୧୪ ଆଦମ୍ ସମୁତାଂ ମସାତି ସମୁ ପାତେକ୍ ଇନେର୍ ଆରମ୍ ଲାକେ ବଲ୍ ମାନିକିଞ୍ଜାଦାଂ ପାପ୍ କିଞ୍ଜାଦାଂ ମାତିସ୍ ପା, ଝିଜାର୍ ହାକିନି ତାରେନ୍ ଆତାର୍ ।

ଇନେରତି ଖାନାକା ଆଜି ମାଟାଡ଼, ଆରମ୍ ହେଞ୍ଜାନ୍ତି ର ହାରି ମୁମ୍; ୧୫ ମାତର୍ ପାପ୍ ଇନେସ୍, ଉପକାର୍ ଦାନ୍ ପା ଜେ ହେ ଲାକେ, ହେଦାଂ ଆକାୟ୍, ଇନେକିଦେଂକି ଜଦି ରଞ୍ଜାନ୍ତି ପାପ୍ ହୁକେ ହେନି ହାତାର୍, ତା ଆତିସ୍ ଇସ୍ବତ୍ ଉପକାର୍ ଆରି ରଞ୍ଜାନ୍ ମାନାୟ୍ତିଂ, ଇତିସ୍ ଜିସୁ କ୍ରିସ୍ଟି ଉପକାର୍ ହିତି ଦାନ୍ ହେନି କାଜିଂ ଆଦିକ୍ ବେସି ଆତାଡ଼ । ୧୬ ଆରେ, ରଞ୍ଜାନ୍ ପାପ୍ କିତିଲେ ଇନେସ୍ ପାଡ଼ ଆତାଡ଼, ଇ ଦାନ୍ନି ପାଡ଼ ହେ ଲାକେ ଆକାୟ୍; ଇନେକିଦେଂକି ରଞ୍ଜାନ୍ କାଜିଂ ଇମ୍ବଣି ବିତାର୍, ହେବେନି ପାଡ଼ ଦାଣ୍ଟ ବଲ୍ ଆତାଡ଼, ମାତର୍ ହେନିରତି ପାପ୍ ତାରେନ୍ ଇମ୍ବଣି ଉପକାର୍ ଦାନ୍, ହେବେନି ପାଡ଼ ଦାମ୍ ଗାଣାତାଡ଼; ୧୭ ଲାଗିଂ ଜଦି ରଞ୍ଜାନ୍ ପାପ୍ତ ହେ ରଞ୍ଜାନ୍ ହୁକେ

ହାକି ରାଜ୍ କିତାଡ଼, ବାଟିଙ୍ଗ୍ ଇମ୍ପାଣାକାର୍ ଉପକାର୍ ଆରି ଦାମ୍ ଦାନନି ବେସି ଅୟାନାର୍ ହେଝାର୍ ର ମାନାୟ୍, ଇତିସ୍ ଜିସୁ କ୍ରିସ୍ଟି ହୁକେ ଆରେ ଆଦିକ୍ ଜିରୁନ୍ତ ରାଜ୍ କିତାଡ଼ ।

୧୮ ଲାଗିଂ, ରଝାନ୍ ପାପୁନି ପାଡ଼୍ ଲାକେ ଇନେସ୍ ଝିଜାର୍ ମାନାୟାତ୍ କାଜିଂ ଦାଣ୍ଟ ବଲ୍ ଗିଟାତାଡ଼, ହେ ଲାକେ ପା ରଝାନ୍ତି ଦାମ୍ କାତା କାରୁମ୍ନି ପାଡ଼୍ ଲାକେ ଝିଜାର୍ ମାନାୟାତ୍ କାଜିଂ ଜିରୁନ୍ ହିଦ୍ନି ଦାମ୍ ଗାଣା କିୟାନାକା ଗିଟାତାଡ଼ । ୧୯ ଇନେକିଦେଂକି ଇନେସ୍ ରଝାନ୍ତି ବଲ୍ ମାନିକିଝାଦାଂ ହୁକେ ହେନି ପାପିର୍ ଆତାର୍, ହେ ଲାକେ ରଝାନ୍ତି ବଲ୍ ମାନିକିତିଲେ ଝିଜାର୍ ଇସ୍ପର୍ ମୁମ୍ଦ ଦାମ୍ ଆନାର୍ ।

୨୦ ଇଦାଂ ପିସ୍ତ୍ରି ବିଦି ପା ହଟାଡ଼, ଇନେସ୍ ପାପ୍ ଆଦିକ୍ ଆନାଡ଼; ମାତର୍ ଇମେତାକେ ପାପ୍ ଆଦିକ୍ ଆତାଡ଼, ହେବେ ଉପକାର୍ ଆରେ ବେସି ଆଦିକ୍ ଆତାଡ଼, ୨୧ ଇନେସ୍ ପାପ୍ ଇନେସ୍‌ବାନି ହାକିତ ରାଜ୍ କିଜି ମାତାଡ଼, ହେ ଲାକେ ଉପକାର୍ ପା ମା ମାପୁ ଜିସୁ କ୍ରିସ୍ଟି ହୁକେ ଝିଜ୍ଝି ଜିରୁନ୍ ଲାକେ ଦାମ୍ ଦାନ କିଜି ରାଜ୍ କିନାଡ଼ ।



ପାପ୍ କାଜିଂ ହାକି; ମାତର୍ କ୍ରିସ୍ଟି ଲାହାଙ୍ଗ୍ ମେହାନି ହୁକେ ଜିନାନ୍

୧ ବାଟିଙ୍ଗ୍, ଆସେଙ୍ଗ୍ ଇନାକା କିନାସ୍ ? ଉପକାର୍ ଇନେସ୍ ବେସି ଆନାଡ଼, ଇଦାଂ କାଜିଂ କି ପାପ୍ତ ମାନାସ୍ ? ୨ ହେଦାଂ ଇନାଝାଡ଼ାଂ ପା ଆମେଡ଼ । ପାପ୍ କାଜିଂ ହାକି ଜେ ଆପ୍, ଆପ୍ ହେବେ ଇନେସ୍ ଆରେ ଜିରୁନ୍ କାଟି କିନାସ୍ ? ୩ ଆପ୍ ଏଚେକ୍ ମାନାୟ୍ ଜିସୁ କ୍ରିସ୍ଟି ତାକେ ବାପ୍ରିସିମ୍ ଆତାପନା, ଝିଜାର୍ ଜେ ହେଝାନ୍ତି ହାକିତ ବାପ୍ରିସିମ୍ ଆତାପନା, ଇଦାଂ କି ଏପେଙ୍ଗ୍ ପୁନୁଦେର୍ ? ୪ *ଲାଗିଂ, ଆପ୍ ବାପ୍ରିସିମ୍ ହୁକେ ହାକିତ ହେଝାନ୍ ଲାହାଙ୍ଗ୍ ମୁର୍ୟା ଆତାସ୍ନା, ଇନେସ୍ କ୍ରିସ୍ଟି ଆବାତି ଜାଜ୍‌ମାଲ୍ ହୁକେ ହାତାକାର୍ ବିତ୍ରେ ଇନେସ୍ ନିଙ୍ଗ୍‌ତାନ୍, ଆସେଙ୍ଗ୍ ପା ହେ ବାନି ଜିରୁନ୍ନି ପୁନି ବାବ୍ରେ ବେବାର୍ କିନାସ୍ ।

୫ ଇନେକିଦେଂକି ଜଦି ଆପ୍ ହେଝାନ୍ତି ହାକିନି ଲାକେ ହାତିସ୍ ହେଝାନ୍ତି ଲାହାଙ୍ଗ୍ ଏକ୍ ଆତାପନା, ତା ଆତିସ୍ ହାଡ଼ପା ହେଝାନ୍ତି ଆରେ ନିନାକା ଲାକେ ପା ନିଙ୍ଗ୍‌ଜି ହେଝାନ୍ତି ଲାହାଙ୍ଗ୍ ଏକ୍ ଆନାସ୍ । ୬ ଇନେସ୍ ଆସେଙ୍ଗ୍ ଆରେ ପାପୁନି ଆଡ଼ିଏନ୍ ମାନୁସ୍, ଇଦାଂ କାଜିଂ ପାପୁନି ଗାଗାଡ଼୍ ନସ୍ ଆନି କାଜିଂ ମା ପ୍ସୁନି ଗୁଣ୍ ଜେ ହେଝାନ୍ତି ଲାହାଙ୍ଗ୍ କ୍ରିସ୍ତ ହାତାନ୍ନା, ୭ ଇଦାଂ ତ ଆପ୍ ପୁନାପ୍, ଇନେକିଦେଂକି ଇନେର୍ ହାତାନ୍ନା, ହେଝାନ୍ ପାପ୍ତାଂ ମୁକ୍ତା ଆତାନ୍ନା । ୮ ମାତର୍ ଆପ୍ ଜଦି କ୍ରିସ୍ଟି ଲାହାଙ୍ଗ୍ ହାତାସ୍ନା, ତା ଆତିସ୍ ଆପ୍ ଜେ ହେଝାନ୍ତି ଲାହାଙ୍ଗ୍ ପା ଜିନାସ୍, ଇଦାଂ ଆପ୍ ପାତ୍ କିନାସ୍ । ୯ କ୍ରିସ୍ଟି ହାତାକାର୍ ବିତ୍ରେତାଂ ନିଙ୍ଗ୍‌ତିଲେ ଜେ ଆରେ ଇନାଝାଡ଼ାଂ ହାଉର୍, ଇଦାଂ ତ ଆପ୍ ପୁନାପ୍; ହେଝାନ୍ତି ଜପି ହାକିନି ଆରେ ରାଜ୍ କିଡ଼ । ୧୦ ଇନେକିଦେଂକି ହେଝାନ୍ ଇନେସ୍ ହାତାନ୍, ତା ପାଚେ ହେଝାନ୍ ରଗ ପାପ୍ କାଜିଂ ହାତାନ୍; ମାତର୍ ହେଝାନ୍ ଇମ୍ପାଣି ଜିରୁନ୍ତି ଜିତାକାନ୍, ହେବେ ହେଝାନ୍ ଇସ୍ପର୍ କାଜିଂ ଜିତାକାନ୍ ମାନ୍‌ଗାନାନ୍ । ୧୧ ହେ ବାନି ଏପେଙ୍ଗ୍ ପା ଜାର୍ ଜାର୍ତିଂ ପାପ୍ କାଜିଂ ହାକି, ଏପେଙ୍ଗ୍ ନଂ କ୍ରିସ୍ଟି ଜିସ୍ଟି ହୁଦାଂ ଜିରୁନ୍ତି ଇସ୍ପର୍ତି ଲାହାଂ ମେହା ଆତାଦେର୍ଣ୍ଣା ।

୧୨ ଇଦାଂ କାଜିଂ ପାପ୍ ମି ହାକି ଗାଗାଡ଼ତ ରାଜ୍ କିମେଡ଼, ହେଦାଂ କିତିସ୍, ଏପେଙ୍ଗ୍ ହେବେନି ବାନ୍ୟା ଲାଲ୍‌ସାତ ମୁଞ୍ଜି ହାଲ୍‌ମାଟ୍; ୧୩ ଏପେଙ୍ଗ୍ ଜାର୍ତିଂ ଇମ୍ପାଣାକା ପା ପାପ୍ ଲାଗାଂ ହେଲାୟ୍ ଆଜି ଅଦାମ୍ ନି ଆତିୟାର୍ ଲାକେ ବେବାର୍ ଆମାଟ୍ । ନଲେ ହାକିତାଂ ରାକ୍ୟା ପାୟାଜି ଜିରୁନ୍ ଗାଗା ଆଜି ମାଟିଲେ ଏପେଙ୍ଗ୍ ସଡ଼କାମାୟ୍ ପୁରାୟ୍ କିଦେଙ୍ଗ୍ ଜାର୍ ଜାର୍ତିଂ ପୁରା ଇସ୍ପର୍ତାକେ ହେଲାୟ୍ କିୟାଟ୍ । ୧୪ ଇନେକିଦେଂକି

* ୭:୪ ୭:୪ କଲସିୟ ୨:୧୨.

ପାପ ମି ଜପି ରାଜ କିଦମେଡ଼, ଲାଗି ଏପେଙ୍ଗ ବିଦିନି ତଲ୍ୟା ଆକାୟ, ମତର୍ ଇସ୍ପର୍ ଉପକାରତ ତାରେନ୍ ମାନାଟ୍ ।

ଦାମର୍ ତର୍ ଆଡ଼ିଏନ୍

୧୫ ବାଟିଙ୍ଗ୍ ଇନାକା ? ଆପ୍ ଜେ ବିଦି ତାରେନ୍ନିକାପ୍ ଆକାୟ, ମତର୍ ଉପକାରନି ତାରେନ୍ନିକାପ୍, ଇଦାଂ କାଜିଂ କି ପାପ୍ କିନାସ୍ ? ହେଦାଂ ଇନିଝାଡ଼ାଂ ପା ଆମେଡ଼ । ୧୬ ହାକିନି ପାପ୍ କି ଦାମର୍ ନିକାର୍ ବଲ୍ତାଂ, ଇଦାଂ ବିତ୍ରେତାଂ ଇମ୍ଣାକା ଲାଗାଂ ଏପେଙ୍ଗ୍ ବଲ୍ ମାନି କିନି କାଜିଂ ଜାର୍ ଜାର୍ତିଂ ଆଡ଼ିଏନ୍ ଲାକେ ହେଲାୟ୍ ଆନାସ୍, ଇତିସ୍ ଇମ୍ଣାକାର୍ ବଲ୍ ମାନିକିନାଦେର୍, ହେଝାଡ଼ି ଜେ ଏପେଙ୍ଗ୍ ଆଡ଼ିୟାକାଦେର୍, ଇନାକା ପୁନୁଦେର୍ ? ୧୭ ମାତର୍ ଇସ୍ପତ୍ ଜୁଝାର୍ ଆଏଡ଼୍ ଜେ, ଏପେଙ୍ଗ୍, ଇମ୍ଣାକାର୍ କି ହିଗ୍ଦ ପାପ୍ନି ଆଡ଼ିଏନ୍ ମାଗାଦେର୍, ନଙ୍ଗ୍ ଇମ୍ଣା ହିକ୍ୟାନି ହାର୍ଦାକା ଲାଗାଂ ହେଲାୟ୍ କିୟା ଆତାଦେର୍ଣ୍ଣା, ଝାସ୍ ଲାହାଙ୍ଗ୍ ହେବେନି ବଲ୍ ମାନି କିତାଦେର୍ଣ୍ଣା, ୧୮ ଆରେ ପାପ୍ତାଂ ମୁକ୍ତା ଆଜି ଦାମର୍ ଆଡ଼ିୟା ଆତାଦେର୍ଣ୍ଣା । ୧୯ ମି ଗାଗାଡ଼୍ ନାଦାର୍ କାଜିଂ ଆନ୍ ମାନାୟ୍ ବାବ୍ରେ ଇଞ୍ଜନାଙ୍ଗା; ଏପେଙ୍ଗ୍ ଇନେସ୍ ବାନ୍ୟା କାଜିଂ ଜାର୍ ଜାର୍ କେଇଗାଲ୍ ବିଗାଡ଼୍ ଆରି ଅଦାମର୍ ଲାଗାଂ ଆଡ଼ିଏନ୍ ଲାକେ ହେଲାୟ୍ କିୟାଜି ମାଗାଦେର୍, ହେ ଲାକେ ନଙ୍ଗ୍ ଜାର୍ ଜାର୍ କେଇଗାଲ୍ ପୁଇପୁୟା କାଜିଂ ଦାମର୍ ଲାଗାଂ ଆଡ଼ିଏନ୍ ଲାକେ ହାର୍କିଜି ହେଲାୟ୍ ଆତ ।

୨୦ ଇନେକିଦେଂକି ଏପେଙ୍ଗ୍ ପାପ୍ନି ଆଡ଼ିଏନ୍ ମାନି ସମୁତ ଦାମର୍ ବିସ୍ତେ ଡିଲା ମାଗାଦେର୍ । ୨୧ ବାଟିଙ୍ଗ୍, ହେ ସମୁତ ମିଦାଂ କି ପାଡ଼୍ ମାଗାଡ଼୍ ? ଜେ ଝିଜୁ ବିସ୍ତେ ଏପେଙ୍ଗ୍ ନଙ୍ଗ୍ ଲାଜ୍ କୁଇ କିନାଦେରା, ହେବେଣ୍ଣା ଇନାକା ଲାବ୍ ଗାଟାତାୟ୍; ହେ ଝିଜୁନି ଇସାପ୍ତ ହାକି । ୨୨ ମାତର୍ ନଙ୍ଗ୍ ପାପ୍ନି ତାରେନ୍ତାଂ ମୁକ୍ତା ଆଜି ଇସ୍ପତ୍ ଆଡ଼ିୟା ଆତିଲେ ଏପେଙ୍ଗ୍ ପୁଇପୁୟା ଉଦେସ୍ ପାଡ଼୍ ପାୟାନାଦେରା, ଆରେ ଇବେନି ଇସାପ୍ ଝିଜୁ ଜିବୁନ୍ । ୨୩ ଇନେକିଦେଂକି ପାପ୍ନି କୁଲି ତାରୁଙ୍ଗ୍ ହାକି, ମାତର୍ ଇସ୍ପତ୍ ଉପକାର୍ ଦାନ୍ ମା ମାପୁ କ୍ରିସ୍ଟ ଜିସୁତି ମେହାଣ୍ଡତ ଝିଜୁ ଜିବୁନ୍ ଆନାଟ୍ ।



ବିବା ଉତର୍ମୁଡ଼୍

୧ ଏ ଟଣ୍ଡାର୍ ଆରି ତଣ୍ଡେକ୍, ମାନାୟ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ ବିଦି ଜେ ତା ଜପି ରାଜ୍ କିନାଟ୍, ଇଦାଂ ଏପେଙ୍ଗ୍ ଇନାକା ପୁନୁଦେର୍ ? ଆନ୍ତ ବିଦି ପୁନି ମାନାୟାରିଂ ଇନାଙ୍ଗା । ୨ ଆଣ୍ଡେନ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ କଗ୍ଲେ ଆଣ୍ଡେନ୍ ଲାହାଙ୍ଗ୍ ବିଦି ହୁକେ ଗାଟାୟାତାଡ଼ନା, ମାତର୍ ଆଣ୍ଡେନ୍ ହାତିସ୍ କଗ୍ଲେ ଆଣ୍ଡେନ୍ ବିଦିତାଂ ମୁକ୍ତା ଆନାଟ୍ । ୩ ଲାଗିଂ, ଆଣ୍ଡେନ୍ ଜିଜି ମାନୁ ମାନୁ କଗ୍ଲେ ଜଦି ବିନ୍ ମାନାୟ୍ ଲାହାଙ୍ଗ୍ ମେହା ଆନାଟ୍, ତା ଆତିସ୍ ତାଙ୍ଗେଙ୍ଗ୍ ଦାରିୟାଣି ଇଞ୍ଜି ଇନ୍ୟାନାଟ୍; ମାତର୍ ଜଦି ଆଣ୍ଡେନ୍ ହାତିସ୍, ତେବେ କଗ୍ଲେ ବିଦିତାଂ ମୁକ୍ତା ଆନାଟ୍, ଆରେ ଜଦି ବିନ୍ ମାନାୟ୍ ଲାହାଙ୍ଗ୍ ମେହାନାଟ୍, ତା ଆତିସ୍ ହେଦେଲ୍ ଦାରିୟାଣି ଆଉଡ଼୍ । ୪ ଲାଗିଂ ଏ ନା ଟଣ୍ଡାର୍ ଆରି ତଣ୍ଡେକ୍, କ୍ରିସ୍ଟି ଗାଗାଡ଼୍ ହୁକେ ଏପେଙ୍ଗ୍ ପା ବିଦି କାଜିଂ ହାତାଦେର୍ଣ୍ଣା, ଇନେସ୍ ଏପେଙ୍ଗ୍ ବିନ୍ନିକାନ୍ ଲାହାଙ୍ଗ୍ ମେହାନାଦେର୍, ଇତିସ୍ ଆପ୍ ଇସ୍ପର୍ କାଜିଂ ପାଡ଼୍ ଉବ୍ଜାୟ୍ କିନି କାଜିଂ ଜେ ହାକିତାଂ ନିଙ୍ଗ୍ତାର୍ନା, ହେଝାନ୍ତି ଲାହାଙ୍ଗ୍ ମେହା ଆତ । ୫ ଇନେକିଦେଂକି ଏଚେକାଡ଼୍ଦ ଆପ୍ ଗାଗାଡ଼୍ ତାରେନ୍ ମାଗାସ୍, ହେପାଦନା ବିଦି ହୁକେ ପାପ୍ ଆହାନିକିଂ ମା କେଇଗାଲ୍ ବିତ୍ରେ ହାକି କାଜିଂ ପାଡ଼୍ ଉବ୍ଜାୟ୍ କିଦେଙ୍ଗ୍ କାମାୟ୍ କିଜି ମାଗାପ୍, ୬ ମାତର୍ ଇମ୍ଣାକା ହୁକେ ଆପ୍ ଗାଟାଜି ମାଗାପ୍, ହେଦାଂ କାଜିଂ ହାଜି ଆପ୍ ନଙ୍ଗ୍

ବିଦିତାଂ ମୁକ୍ତା ଆତାପନା; ଲାଗିଂ ଆପ୍ ଲେକିକିତି ପୁନି ବାବ୍ରେ ଆଡ଼ିଏନ୍ କାମାୟ୍ କିଞ୍ଜାଦାଂ ଜିବୁନିଂ ପୁନି ବାବ୍ରେ ଆଡ଼ିଏନ୍ କାମାୟ୍ କିନାପା ।

ବିଦି ଆରି ପାପ୍

୭ ବାଟିଙ୍ଗ୍ ଆପ୍ ଇନାକା ଇନାସ୍ ? ବିଦି ଇନାକା ପାପ୍ ? ହେଦାଂ ଇନାଞ୍ଜାଡ଼ାଂ ପା ଆମେଡ୍ । ଇଟିସ୍ ପାପ୍ ଇନାକା, ହେଦାଂ ବିଦି ପିସ୍ତ୍ରି ଆନ୍ ପୁନ୍‌ଞ୍ଜାତାଂମା; ଇନେକିଦେଂକି ଲବ୍ତା ଆମାଟ୍, ବିଦି ଇଦାଂ ଇନ୍‌ଞ୍ଜାଦାଂ ମାଟିସ୍, ଲବ୍ତା ଇନାକା, ହେଦାଂ ଆନ୍ ପୁନ୍‌ଞ୍ଜାତାଂମା । ୮ ମାତର୍ ପାପ୍ ଉପାୟ୍ ପାୟ୍‌ଜି ବଲ୍ ହୁକେ ନା ତାକେ ସବୁ ବାନି ଲବ୍ ଉଦ୍‌ଜାତାଡ୍; ଇନେକିଦେଂକି ବିଦି ପିସ୍ତ୍ରି ପାପ୍ ହାକି । ୯ ଆରେ, ଆନ୍ ର ସମୁତ୍ ବିଦି ପିସ୍ତ୍ରି ଜିବୁନ୍ ମାଟାଂ, ମାତର୍ ବଲ୍ ଖାତିଲେ ପାପ୍ ଜିତାଡ୍, ଆରେ ଆନ୍ ହାତାଙ୍ଗ୍; ୧୦ ହେବେ ଜିବୁନ୍‌ନି ଇମ୍‌ଣି ବଲ୍, ହେଦାଂ ନା ପାକ୍ୟାତ୍ ଜିବୁନ୍‌ନି ହାକି ଇଞ୍ଜି ଜାଣାତାଡ୍ । ୧୧ ଇନେକିଦେଂକି ପାପ୍ ଉପାୟ୍ ହୁଡ୍‌ଜି ବଲ୍ ହୁକେ ନାଙ୍ଗ୍ ଜାଟାୟ୍ କିଡ୍‌ତାଡ୍, ଆରେ ହେଦାଂ ହୁକେ ନାଙ୍ଗ୍ ଅସ୍ତାତାଡ୍ ।

୧୨ ଲାଗିଂ, ବିଦି ପୁଇପୁୟା, ଆରେ ତାଦି ବଲ୍ ପୁଇପୁୟା, ସମାନ୍ ଆରି ହାରଦାକା । ୧୩ ତା ଆଡିସ୍, ଇନାକା ହାରଦାକା ହେଦାଂ ଇନାକା ନା ହାକିନି କାରଣ୍ ଆଜି ମାଟାଡ୍ ? ମୁଡ୍ଡେ ଆକାୟ୍ । ପାପ୍ ନେ ହେଦାଂ କିତାଡ୍ । ହାଦ୍ ବିଦିତିଂ ବେବାର୍ କିଜି ପାପ୍ ନାଦାଂ ହାକି ଗିଟାୟ୍ କିଡ୍‌ତାଡ୍ । ହେଦାଂ ଲାହାଂ ପାପ୍‌ନି ହାଡ୍‌ପା ଲାଗ୍‌ଦାକା ଚଞ୍ଜାନାଡ୍ । ଲାଗିଂ ବଲ୍ ହୁକେ ପାପ୍‌ନି ବେସି ବୟ୍‌କାର୍‌ନି ଜାଣାନାଡ୍ ।

ମାନାୟ୍ ମାତ୍ର ଗାବ୍

୧୪ ଲାଗିଂ, ବିଦି ଜେ ଆମ୍‌କ୍, ଇଦାଂ ଆପ୍ ପୁନାପ୍; ମାତର୍ ଆନ୍ ଗାଗାଡ୍‌ନି, ପାପ୍‌ନି କଡ୍‌ଡି ଆଡ଼ିଏନ୍ । ୧୫ ଇନେକିଦେଂକି ଆନ୍ ଇନାକା କିନାଙ୍ଗ୍, ହେଦାଂ ପୁନୁଙ୍ଗ୍; ଲାଗିଂ ଆନ୍ ଇନାକା ଇଟା କିନାଙ୍ଗ୍, ହେଦାଂ କିଉଙ୍ଗ୍, ଇଟିସ୍ ଇନାକା ଆନ୍ ଗିଣ୍ କିନାଙ୍ଗ୍ ହେଦାଂ ନେ କିନାଙ୍ଗ୍ । ୧୬ ମାତର୍ ଇନାକା ଆନ୍ ଇଟା କିଉଙ୍ଗ୍, ହେଦାଂ ଜଦି କିନାଙ୍ଗ୍, ବାଟିଙ୍ଗ୍ ବିଦି ଜେ ହାରଦାକା, ହେଦାଂ ଆନ୍ ମାନି କିନାଙ୍ଗ୍ । ୧୭ ଲାଗିଂ ଆନ୍ ଆରେ ହେଦାଂ କିଉଙ୍ଗା, ମାତର୍ ନା ତାକେ ବାହାକିତି ପାପ୍ ହେଦାଂ କିନାଙ୍ଗା । ୧୮ ଇନେକିଦେଂକି ନା ତାକେ ଇଟିସ୍, ନା ଗାଗାଡ୍‌ତ୍ ଜେ ଇମ୍‌ଣି ହାର୍‌ଦି ବିସ୍ତ୍ରେ ବାହା କିଞ୍ଜାତାଡ୍‌ନା, ଇଦାଂ ଆନ୍ ପୁନାଙ୍ଗ୍, ଲାଗିଂ ଆନ୍ ଇଟା କିଦେଙ୍ଗ୍ ଆଡ୍‌ନାଙ୍ଗ୍, ମାତର୍ ଇନାକା ହାରଦାକା, ହେଦାଂ କିନି କାଜିଂ ନା ସାକ୍ତି ହିଲୁଡ୍ । ୧୯ ଇନେକିଦେଂକି ଇମ୍‌ଣି ହାର୍‌ଦି କାମାୟ୍ କିଦେଙ୍ଗ୍ ଆନ୍ ଇଟା କିନାଙ୍ଗ୍, ହେଦାଂ କିଉଙ୍ଗ୍, ମାତର୍ ଇମ୍‌ଣି ବାନିୟା କାମାୟ୍ କିଦେଙ୍ଗ୍ ଆନ୍ ଇଟା କିଉଙ୍ଗ୍, ହେଦାଂ କିନାଙ୍ଗ୍ । ୨୦ ମାତର୍ ଇନାକା ଆନ୍ ଇଟା କିଉଙ୍ଗ୍, ହେଦାଂ ଜଦି କିନାଙ୍ଗ୍, ତେବେ ଆନ୍ ନିଜେ ହେଦାଂ ଆରେ କିଉଙ୍ଗ୍, ମାତର୍ ନା ବିତ୍ରେ ବାହାକିତି ପାପ୍ ହେଦାଂ କିନାଡ୍ ।

୨୧ ଲାଗିଂ, ହାର୍‌ଦି କାମାୟ୍ କିଦେଙ୍ଗ୍ ଇଟା ଜେ ଆନ୍, ନା ଲାଗାଂ ଜେ ବାନିୟା ଏକାଞ୍ଜାନାଡ୍, ଇ ବିଦି ଆନ୍ ହୁଡ୍‌ନାଙ୍ଗା । ୨୨ ଇନେକିଦେଂକି ବିତ୍ରେନି ମାନାୟ୍‌ତି ବାବ୍‌ନା ଇସାବେ ଆନ୍ ଇସ୍‌ତ୍ ବିଦିତ ପାଲି କିନାକା ନା ଇଟା, ୨୩ ମାତର୍ ଆନ୍ ନା କେଇ ଗାଲ୍‌ପାତ ର ବିନ୍ ଅବସ୍ତା ହୁଡ୍‌ନାଙ୍ଗ୍, ହେଦାଂ ନା ମାନ୍‌ନି ବିଦି ବିନ୍ ପାକ୍ୟାତ୍ ଜୁଜ୍ କିନାଡ୍, ଆରେ ନା କେଇ ଗାଲ୍‌ପାତ ଇମ୍‌ଣି ପାପ୍‌ନି ବିଦି ମାନାଡ୍, ନାଙ୍ଗ୍ ହେବେନି ବୟ୍ କିଦ୍‌ନାଡ୍ । ୨୪ ହାୟ୍, କାରୁମ୍ ହିଲ୍‌ଞ୍ଜି ମାନାୟ୍ ଜେ ଆନ୍, ନାଙ୍ଗ୍ ଇ ହାକିନି ଗାଗାଡ୍‌ତାଂ ଇନେର୍ ମୁକ୍ତାୟ୍ କିଦ୍‌ନାନ୍ ? ୨୫ ଜୁଞ୍ଜାର୍ ଇସ୍‌ବ୍, ମା ମାପ୍ ଜିସ୍ତ୍ କ୍ରିସ୍ତ୍ ହୁକେ ଇଦାଂ ହେଞ୍ଜାନ୍ ପୁରା କିତାନ୍ନା ।

☆ ୭:୧୫ ୭:୧୫ ଗାଲାତିୟ ୫:୧୭.

ଝାଟିଙ୍ଗ, ଇଦାଂ ଆନାତା ନା ଅବସ୍ତା । ଇସ୍ୱରତି ବିଦି କେବଲ୍ ଆନ୍ ନା ମାନ୍ତ ମାନି କିଦେଙ୍ଗ ଆଡ଼ନାଙ୍ଗ । ମାତର ନା ଗାଗାଡ଼ ଇସାବେ ନାଂ ପାପ୍ନି ଆଡ଼ିଏନ୍ ଆଦେଂ ଜବରଦସ୍ତି କିଦନାତା ।

୮

ଆମ୍ବିକ୍ ଜିବୁନ୍

୧ ଲାଗିଂ ଇମ୍ଫଣାକାର୍ କ୍ରିଷ୍ଟ ଜିସୁତି ତାକେ ମାନାର୍, ହେଝାର୍ କାଜିଂ ନଙ୍ଗ ଇମ୍ଫଣି ଦାଣ୍ଟ ହିଲୁଡ଼ । ୨ ଇନେକିଦେଂକି ଜିନି ଜିବୁନ୍ ବିଦି କ୍ରିଷ୍ଟ ଜିସୁତି ମେହାଣ୍ଡତି ମିଙ୍ଗେଙ୍ଗ ପାପ୍ ଆରି ହାତିବାରତି ବିଦିତାଂ ମୁକ୍ତାୟ୍ ଆତାପ୍ନା । ୩ ମାନାୟ୍ତି ବେବାର୍ ନାଦାର୍ କାଜିଂ ମସା ହିଡ଼ତି ବିଦି ଇନାକା ପୁରା କିଦେଙ୍ଗ ଆଡ଼ଝାତାଡ଼, ଇସ୍ୱର ହେଦାଂ କିତାନ୍ନା । ମାନାୟ୍ ଜିବୁନ୍ ପାପ୍ତିଂ ଦାଣ୍ଟ କିନି କାଜିଂ ହେଝାନ୍ ଜାର୍ ମାଜିଙ୍ଗ ପାପ୍ୟା ମାନାୟ୍ ଲାକେ ପଲ୍ଲୀତାନ୍ ଆରି କ୍ରିଷ୍ଟ ଜିସୁ ପାପ୍ନି ସାଲ୍ଲି ବୁଡାୟ୍ କିତାନ୍ । ୪ ଇନେସ୍ ଗାଗାଡ଼ ବାବନା ଇସାବେ ଚିନ୍ତା କିଝାଦାଂ ପୁଇପୁୟା ଜିବୁନ୍ ଇସାବେ ଚିନ୍ତା କିଜି ମାନାସ୍ ଜେ ଆସେଙ୍ଗ, ମା ତାକେ ବିଦିନି ଦାରୁମ୍ ବିଦି ପୁରା ଆନାଡ଼ ।

୫ ଇନେକିଦେଂକି ଇମ୍ଫଣାକାର୍ ଗାଗାଡ଼ମାନ୍, ହେଝାର୍ ଗାଗାଡ଼ ବିସ୍ତେ ମାନ୍ଦ୍ୟାନ୍ କିତାର୍, ମାତର ଇମ୍ଫଣାକାର୍ ଆମ୍ବିକ୍ତ ମାନ୍, ହେଝାର୍ ପୁଇପୁୟା ଜିବୁନ୍ ବିସ୍ତେ ବାବି କିତାର୍ । ୬ ଇନେକିଦେଂକି ଗାଗାଡ଼ନି ମାନ୍ ହାତାକା, ମାତର ଆମ୍ବାନି ବାବନା ଜିବୁନ୍ ଆରି ସୁସ୍ତାନିକା; ୭ ଲାଗିଂ ଗାଗାଡ଼ନି ମାନ୍ ଇସ୍ୱରତି ବିରୁଦ୍ଧ ସାତୁ; ଇନେକିଦେଂକି ହେଦାଂ ଇସ୍ୱରତି ବିଦିନି ତଲ୍ୟା ଆକାୟ୍, ତଲ୍ୟା ଆନାକା ଆଡୁନ୍; ୮ ଇମ୍ଫଣାକାର୍ ଗାଗାଡ଼ନି ତାରେନ୍ ମାନାର୍, ହେଝାର୍ ଇସ୍ୱତ୍ ସାରି ଆଦେଂ ଆଡୁର୍ ।

୯ ମାତର ଇସ୍ୱତ୍ ପୁଇପୁୟା ଜିବୁନ୍ ଜଦି ମି ତାକେ ବାହା କିନାଡ଼, ତା ଆଡ଼ିସ୍ ଏପେଙ୍ଗ ଗାଗାଡ଼ ତାରେନ୍ ଆକାୟ୍, ମତର ଜିବୁନ୍ ତାରେନ୍ ମାନାଦେର୍ । ଜଦି ଇନେର୍ କ୍ରିଷ୍ଟି ଜିବୁନ୍ ପାୟାଜି ମାନ୍ଗୁନ୍, ତେବେ ହେଝାନ୍ ହେଝାନ୍ତି ଆକାୟ୍ । ୧୦ ମାତର ଜଦି କ୍ରିଷ୍ଟି ମି ତାକେ ବାହା କିଜି ମାନ୍ଗାନାନ୍, ମି ଗାଗାଡ଼ ପାପ୍ତି ବୁଡା ଆଦେଂ ହାଲ୍ଲି ମାଟିସ୍ ପା, ପୁଇପୁୟା ଜିବୁନ୍ ମିଙ୍ଗେଙ୍ଗ ଜିବୁନ୍ ହିଦ୍ନାନ୍, ଇନେକିଦେଂକି ଇସ୍ୱରତି କାଣକୁତ ଏପେଙ୍ଗ ଦାମ୍ ଗାଣା କିଆତାଦେଣ୍ଟା ୧୧ ଆରେ ଇନେର୍ ହାତାକାର୍ ବିତ୍ରେତାଂ ଜିସୁଙ୍ଗ ନିକ୍ତାନ୍, ହେଝାନ୍ତି ଜିବୁନ୍ ଜଦି ମି ତାକେ ବାହା କିନାଡ଼, ତେବେ ଜେ ହାତାକାର୍ ବିତ୍ରେତାଂ କ୍ରିଷ୍ଟଙ୍ଗ ନିକ୍ତାର୍, ହେଝାନ୍ ମି ତାକେ ବାହା କିଜିମାନି ଜାର୍ ଜିବୁନ୍ ହୁକେ ମି ହାତି ଗାଗାଡ଼ତି ପା ଜିବୁନ୍ କିଦନାନ୍ ।

୧୨ ଲାଗିଂ, ଏ ଟଣ୍ଡାର୍ ଆରି ତଣ୍ଡେକ୍, ଆସେଙ୍ଗ ରିଣି ମା କାମାୟ୍ ଆତାଡ଼ ମାନାୟ୍ ଲାକେ ଜିବୁନ୍ ଜିଉଣା କିଉସ୍, ଇନେକିଦେଂକି ହେଦାଂ କିତିସ୍ ହାନାଦେର୍; ୧୩ ମାତର ଜଦି ପୁଇପୁୟା ଜିବୁନ୍ତି ଉପକାର୍ତାଂ ଜାର୍ ପାପ୍ ଗାଗାଡ଼ତି ବୁଡାୟ୍ କିଜି ଆରେ ପାପ୍ କାମାୟ୍ କିଝିତିସ୍, ତେବେ ଏପେଙ୍ଗ ଜିନାଦେର୍ । ୧୪ ଲାଗିଂ ଏତେକ୍ ମାନାୟ୍ ଇସ୍ୱତ୍ ଜିବୁନ୍ ହୁକେ ଚାଲାନାର୍, ହେଝାର୍ ଇସ୍ୱତ୍ ମାଜିର୍ ।

୧୫ ଇନେକିଦେଂକି ଇସ୍ୱର ହିଡ଼ତି ହେ ଜିବୁନ୍ ମିଙ୍ଗେଙ୍ଗ ଆଡ଼ିଏନ୍ତାଂ ମୁକ୍ତାୟ୍ କିଡ଼ତାନା, ଏପ୍ ଆରେ ପାଣ୍ଡାନାକା ଲଡ଼ା ଆକାୟ୍ । ନଲେ ପୁଇପୁୟା ଜିବୁନ୍ ମିଙ୍ଗେଙ୍ଗ ଇସ୍ୱରତି ହିମ୍ଫାଙ୍ଗ୍ ଆଦେଂ ପାବ୍ ହିଡ଼ତାନ୍ନା । ହେଝାନ୍ତି ସାଲ୍ଲି ପୁଞ୍ଜେଙ୍ଗ୍ ଆଡ଼ଜି ଆସେଙ୍ଗ ନଂ ଇସ୍ୱରତିଂ “ଆବା” ଇଞ୍ଜି ଇନାସା । ୧୬ ଆପ୍ ଇସ୍ୱତ୍ ମାଜିର୍ ଇଞ୍ଜି ହେ ଜିବୁନ୍ ନିଜେ ମା ଜିବୁନ୍ ଲାହାଙ୍ଗ୍ ସାକି ହିନାନ୍, ୧୭ ଆରେ ଜଦି ମାଜି, ବାଟିଙ୍ଗ୍ ଆଦିକାର୍ ପାୟାତାକାନ୍, ଇତିସ୍ ଜଦି କ୍ରିଷ୍ଟି ଲାହାଙ୍ଗ୍ ଜାଜିମାଲ୍ ପା ଆନି କାଜିଂ ଆପ୍

☆ ୮:୧୧ ଟ:୧୧ ୧ କରନ୍ତୟ ୩:୧୭. ☆ ୮:୧୫ ଟ:୧୫ ଗାଲତିୟ ୪:୫-୭. ☆ ୮:୧୫ ଟ:୧୫ ମାର୍କ ୧୪:୩୭; ଗାଲତିୟ ୪:୨.

ହେୱାନ ଲାହାଙ୍ଗ ଦୁକ୍‌ବର୍ଗ କିନାପ, ବାଟିଙ୍ଗ ଇସ୍‌ତ ଆଦିକାର୍ ପାୟାତାକାନ ଆରି କ୍ରିଷ୍ଟି ଆଦିକାର୍ ପାୟାତାକାନ ଆନାପ ।

ୱାନିଦିକ୍ତ ଜାଙ୍‌ମାଲ୍

୧୮ ଇମ୍‌ଣି ଜାଙ୍‌ମାଲ୍ ମା କାଜିଂ ହନାଡ଼, ହେଦାଂ ତୁଲାଇୟ କିଜି ଇ ନଙ୍‌ନି କାଡ଼୍‌ଦ ଦୁକ୍‌ବର୍ଗ ଇନାକାପା ଆକାୟ୍ । ୧୯ ଲାଗିଂ ଉବ୍‌ଜାଣ୍‌ନି ୱାରି ଲାହାଂ ଇସ୍‌ବର୍ତ୍ତି ହିମ୍‌ଣାଂତି ହପ୍‌ନି କାଜିଂ କାନାଙ୍ଗା । ୨୦ ଇନେକିଦେଂକି ଉବ୍‌ଜାଣ୍ ପଲ୍ୟା ତଲ୍ୟା ଆତାଡ଼, ତା ନିଜ୍ ଇତାତାଂ ଆକାୟ୍, ମାତର୍ ଇନେର୍ ହେଦେଲିଂ ତଲ୍ୟା କିତାନ୍, ହେୱାନ ଆହାତାଂ; ୨୧ ଆରେ ହେଦାଂ ବାସ୍ ମେହା ଆଜି ତଲ୍ୟା ଆତାଡ଼, ଲାଗିଂ ଉବ୍‌ଜାଣ୍ ନିଜେ ପା ଇସ୍‌ତ ହିମ୍‌ଣାଂତି ଜାଙ୍‌ମାଲ୍ ପାୟାତି ଅବସ୍ତା ବିସ୍ତେ ନିଜ୍ ଇତା ପାୟାତି କାଜିଂ ବୁଡାତି ଆଡ଼ିଏନ୍‌ତାଂ ମୁକ୍‌ଡା ଆନାନ୍ । ୨୨ ଇନେକିଦେଂକି ୱିଜୁ ଉବ୍‌ଜାଣ୍ ଜେ ନେଞ୍ଜେଙ୍ଗ୍ ପାତେକ୍ ରତେ ଆଡ଼୍‌ବାନାତା ଆରି ଜଲମ୍ କିନିନନାକାତ ବିଲକି ଆନାତା, ଇଦାଂ ଆପ୍ ପୁନାପ୍ । ୨୩ ଆରେ, କେବଲ୍ ହେଦାଂ ଆକାୟ୍, ମାତର୍ ଆସେଙ୍ଗ୍ ଇସ୍‌ବର୍ତ୍ତି ପର୍ଡୁମ୍ ପାଡ଼୍ ଲାକେ ଜିବୁନ୍‌ତିଂ ପାୟାତାପ୍‌ନା ଜେ ଆପେଂ, ଆପ୍ ନିଜେ ନିଜେ ପା ମାଜି, ଇତିସ୍ ଜାର୍ ଜାର୍ ଗାଗାଡ଼ିନି ମୁକ୍‌ଡାନାକା କାଜିଂ କାସି ମାନୁ ମାନୁ ଜାର୍ ଜାର୍ ୱାସ୍‌ତି ଆଡ଼୍‌ବାନାସା । ୨୪ ଇନେକିଦେଂକି ବାସ୍ ତ ଆସେଙ୍ଗ୍ ମୁଲ୍ଲି ଆତାସ୍‌ନା; ମାତର୍ ହୁଡ଼ି ଇମ୍‌ଣି ଆହା, ହେଦାଂ ଆହା ଆକାୟ୍, ଲାଗିଂ ଇନାକା ରୱାନ ହୁଡ଼ନାନା, ହେଦାଂ କାଜିଂ ହେୱାନ ଇନେକିଦେଂ ଆରେ ଆହା କିନାନ୍ ? ୨୫ ମାତର୍ ଇନାକା ହୁଡ଼ସ୍ତା, ଜଦି ହେଦାଂ କାଜିଂ ବାସ୍ କିନାସ୍, ତା ଆତିସ୍ ସାସ୍‌ତାଂ କାସି ମାନାସ୍ ।

୨୬ ଆସେଙ୍ଗ୍ ନାଦାର୍, ମାତର୍ ପୁଇପୁୟା ଜିବୁନ୍ ମାଂ ଉପକାର୍ କିଦନାନ୍ । ଇନେସ୍ ପାର୍ତାନା କିଦେଙ୍ଗ୍ ଆନାଡ଼, ହେଦାଂ ଆସେଙ୍ଗ୍ ପୁନୁସ୍ । ଲାଗିଂ ପୁଇପୁୟା ଜିବୁନ୍ ଇନ୍‌ୱି ବେରଣ୍‌ତ ମା କାଜିଂ ଇସ୍‌ବର୍ତ୍ତିଂ ଗୱାରି କିନାନ୍ । ୨୭ ଆରେ, ଇନେର୍ ମା ୱାସ୍‌ସି ଦାହ୍‌ନାନ୍, ହେୱାନ ମାନ୍‌ନି ବାବ୍‌ନା ଇନାକା, ହେଦାଂ ପୁନାନ୍, ଇନେକିଦେଂକି ହେୱାନ ପୁଇପୁୟା ଇସ୍‌ତ ଇତା ଇସାବେ ସାଦୁର୍ କାଜିଂ ଗୱାରି କିନାନ୍ । ୨୮ ଇମ୍‌ଣାକାର୍ ଇସ୍‌ବର୍ତ୍ତିଂ ଜିଉନନାର୍, ଇମ୍‌ଣାକାର୍ ହେୱାନ୍ତି ଇତା ଇସାବେ କୁକ୍ୟାତାଣ୍ଟା, ଇସ୍‌ବର୍ ଜେ ୱିଜୁ ବିସ୍ତେ ହେୱାବର୍ତ୍ତି ହାର୍ କିନାନ୍, ଇଦାଂ ଆପ୍ ପୁନାପ୍ । ୨୯ ଇନେରିଂ ଇସ୍‌ବର୍ ବାଟି କିତାନ୍ନା, ହେୱାରିଂ ହେୱାନ୍ତି ମାଜିଡ଼ି ଲାକେ ଆଦେଂ କାଜିଂ ଆଗେତାଂ ବାଟି କିତାନ୍ନା । ତାଆତିସ୍, ଇସ୍‌ବର୍ତ୍ତି ମାଜି ହେୱାବର୍ତ୍ତି ଗାଜା ଚଣ୍ଡେନ୍ ଆନାନ୍ । ୩୦ ଇମ୍‌ଣାକାର୍ ଏଲେଙ୍ଗ୍ ବାଟି କିୟା ଆଜି କୁକ୍ୟାତାଣ୍ଟା, ହେୱାର୍ ଇସ୍‌ବର୍ତ୍ତି କାଣ୍‌କୁତ ଦାମ୍ ଇନ୍‌ପାଜି ଜାଙ୍‌ମାଲ୍ ଆତାଣ୍ଟା ।

ଜିସ୍ କ୍ରିଷ୍ଟ ତାକେ ଇସ୍‌ବର୍ତ୍ତି ଜିଉନନାକା

୩୧ ବାଟିଙ୍ଗ୍ ଇ ୱିଜୁ କାଣ୍‌କୁତ ଆପ୍ ଇନାକା ଇନାସ୍ ? ଜଦି ଇସ୍‌ବର୍ ମା ପାକ୍ୟା, ବାଟିଙ୍ଗ୍ ମା ବିନ୍ ପାକ୍ୟା ଇନେର୍ ? ୩୨ ଇନେର୍ ଜାର୍ ମାଜିଙ୍ଗ୍ ପା କେମା କିୱାତାନ୍, ମତର୍ ମା ୱିଜାର୍ କାଜିଂ ହେୱାନିଂ ହେଲାଇୟ କିତାର୍, ହେୱାନ ଇନେସ୍ ହେୱାନ ଲାହାଙ୍ଗ ପା ୱିଜୁ ବିସ୍ତେ ମାଙ୍ଗେଙ୍ଗ୍ ଉପକାର୍‌ତ ଦାନ୍ କିତନ୍ ? ୩୩ ଇସ୍‌ତ ବାଟିକିତି ମାନାୟାବର୍ତ୍ତି ବିରୁଡ଼ତ ଇନେର୍ ଦାବା କିତାର୍ ? ହେୱାରିଂ ଦସିଆକାୟ୍ ଇଞ୍ଜି ନିଜେ ଇସ୍‌ବର୍ ପୁଟାୟ୍ କିତାନ୍ନା । ୩୪ ଇନେର୍ ଦାଣ୍ଟ ବଲ୍ ହିଦନାନ୍ ? କ୍ରିଷ୍ଟ ଜିସ୍‌ତ ହାତାନ୍, ଇତିସ୍ ହେୱାନ ନିଙ୍ଗ୍‌ତାନ୍, ହେୱାନ ଇସ୍‌ତ ତିନିବାଗାଂ ମାନାନ୍, ହେୱାନ ପା ମା କାଜିଂ ମାଜାୟ୍‌ନିକା ପାର୍ତାନା କିନାନା । ୩୫ କ୍ରିଷ୍ଟି ଜିଉନନିତାଂ ଇନେର୍ ମାଙ୍ଗେଙ୍ଗ୍

* ଟ:୨୩ ଟ:୨୩ ୨କରକ୍ରିୟ ୫:୨-୪.

ଆଲ୍ଲାଗା କିଦନାର ? କି ଦୁକ୍, କି କଷ୍ଟ, କି ଇଣ୍ଡ, କି କାତାର, କି ନାଗଡ଼ା, କି ବିପଦ, କି କାଣ୍ଡା ? ୩୭ ଇନେସ୍ ସାସ୍ତରତ ଲେକାତାତନା,

“ମି କାଜିଂ ଆପେଂ ସବୁ ଦିନ୍ ହାନାପା; ଆସେଙ୍ଗ

ଅହ୍ମାତି ମେଣ୍ଡା ଲାକେ ଗାଣା କିୟାତାପନା ।”

୩୭ ଆତିସପା ଇନେର୍ ମାଲେଙ୍ଗ୍ ଜିଉନତତାନ, ହେଝାନତି ହୁକେ ଆପ୍ ଇ ଓଜୁ ବିସ୍ତେ ସବୁତାକେ ଜିତା ଆତାପନା । ୩୮ ଆନ୍ ହାତପା ପୁନାଙ୍ଗ୍ ଜେ ହେଝାନ ଜିଉନନିତାଂ ଆସେଙ୍ଗ୍ ଇନାଝାଡ଼ାଂ ବିନେ ଆଉସ୍ । ହାକି କି ଜିବୁନ୍, ସରଗ୍ ଦୁଡ୍ କି ଆକାସ୍ନି ଇମ୍ଫାକା ପା ଆଦିକାରି କି ସାଲ୍ଲି, ନଂ କି ଝାନିଦିନ୍, ୩୯ ଜପିନି ବିସ୍ତେ କି ବୁଇନି ବିସ୍ତେ କି ବିନ୍ ଇମ୍ଫା ଉଦ୍‌ଜାତି ଜିନିସ୍ ମା ମାପୁ କ୍ରିସ୍ଟ ଜିସୁତି ହୁକେ ହତି ଇସ୍ତ ଜିଉନନିତାଂ ଜେ ମାଲେଙ୍ଗ୍ ବିନେ କିଦେଙ୍ଗ୍ ଆଡୁଡ୍ ।



ଇସ୍ତର ଆରି ହେଝାନ୍ତି ମାନାୟାର

୧ ଇଦାଂ ଆନ୍ କ୍ରିସ୍ଟି ମୁମ୍ଦ ହାତପା ଇଞ୍ଜିନାଙ୍ଗା, ମିଡ୍ ଇନୁଙ୍ଗା, ନା ଚିନ୍ତା ପୁଇପୁୟା ଜିବୁନ୍ତି ସାଲ୍ଲିତାଂ ନା ଲାହାଙ୍ଗ୍ ସାକି ହିଦନାନା, ୨ ଆନ୍ ଜେ ଏଚେକ୍ ବିପ୍ତି ଆରି ବେସି ଦୁକ୍ତ ନା ଝାସ୍ତି ଏଚେକ୍ ଝାସ୍ତାତନା, ଇ କାତା ଆନ୍ ପଲ୍ୟା ଇନୁଙ୍ଗା । ୩ ଇନେକିଦେଂକି ଇମ୍ଫାକାର୍ ଗାଗାଡ୍ ବାଗ୍ରେ ନା ଜିହୁଦିର୍ ଟଣ୍ଡାର, ତଣ୍ଡେକ୍ କାଜିଂ ଆନ୍ ନିଜେ କ୍ରିସ୍ଟାଂ ବିନେ ଆଜି ଇସ୍ତରତି ହୁକେ ସାଇପ୍ କାଜିଂ ଇତା । ୪ ଇସ୍ତର ହେଝାରିଂ ଜାରତିଂ ଇସ୍ତାଏଲିୟ ମାଜି ଲାକେ ଇଡ୍‌ଜି ହେଝାର୍ ଲାଗାଂ ଜାରତି ଜାଜ୍‌ମାଲ୍ ନିୟମ୍ ହପ୍ତି ମାଗାର୍; ହେଝାର୍ ଲାହାଂ ଲାଗାଜି ହେଝାରିଂ ବିଦି ହିଜି ମାଗାଙ୍ଗ୍, ହେଝାର୍ ହାତପା ପାର୍ତାନା କିନାର୍; ହେଝାର୍ ଇସ୍ତରତାଂ ଜାଣା ପାୟାତାଣ୍ଡା । ୫ ଆକର୍ ଦାଦିର୍ ହେଝାରିତି, ଆରେ ଗାଗାଡ୍ ବାଗ୍ରେ ହେଝାର୍ ବିତ୍ରେତାଂ କ୍ରିସ୍ଟ ହତତାନନା; ହେ ଦୟାନି ଇସ୍ତର ଜୁଗ୍ ଜୁଗ୍ ଦନ୍ୟ, ଆମେନ୍ ।

୬ ଇସ୍ତର ରାଣ୍ ଆଝାତାତନା ଇଞ୍ଜି ଆନ୍ ଇନୁଙ୍ଗା, ଇନେକିଦେଂକି ଇସ୍ତାଏଲ୍ ଓଜାର୍ ଇସ୍ତରତି ଲକୁ ଆକାୟ୍, ୭ ନଲେ ଅବ୍ରାହାମ୍ ଲାତ୍ରା ଇଞ୍ଜି ଜେ ଓଜାର୍ ମାଜିର୍, ହେଦାଂ ଆକାୟ୍; ମାତର୍ “ଇସ୍ତହାକ୍ ତାକେ ମି ଲାତ୍ରା ତାକ୍‌ପୁଟା ଆନାଡ୍ ।” ୮ ଇବେନି ଅରଡ୍ ଇଦାଂ, ଗାଗାଡ୍ ବାଗ୍ରେ ଇମ୍ଫା ମାଜିର୍ ହେଝାର୍ ଜେ ଇସ୍ତର ମାଜିର୍, ହେଦାଂ ଆକାୟ୍ ମାତର୍ ପାର୍ମାଣ୍ କିତି ମାଜିର୍ ଲାତ୍ରା ଲାକେ ଗାଣାକିୟାନାର୍ । ୯ ଇନେକିଦେଂକି ଇଦାଂ ତ ପାର୍ମାଣ୍ କିତି ବଚନ୍, ଇ ଦିନ୍ତ ଆପେଂ ଝାନାକା, ଆରେ ସାରା ର ମାଜି ଗାଟା ଆଜି ମାନ୍‌ଗାନାଡ୍ । ୧୦ ଆରେ କେବଲ୍ ହେଦାଂ ଆକାୟ୍, ମାତର୍ ରିବିକା ପା ରଝାନ୍ ମାନାୟ୍ ହୁଦାଂ, ଇତିସ୍ ମା ଆକର୍ ଇସ୍ତହାକ୍ ହୁଦାଂ ମାଜେଙ୍ଗ୍‌ଆସ୍ତି ପାଚେ, ୧୧ ଏଚେକାଡ୍‌ଦ୍ ହିମ୍‌ଣାଂ ଜଲମ୍ ଆଝାଦାଂ ମାଗାର୍, ଆରେ ହାର୍ ନଲେ ବାନ୍ୟା କିଝାଦାଂ ମାଗାର୍, ହେପାଦନା କାମାୟ୍ କାଜିଂ ଆକାୟ୍, ମାତର୍ କୁକ୍ୟାତାର୍ତି ଇତା କାଜିଂ ବାଚି କିତି ଇସାବେ ଇସ୍ତର ଇତା ଇନେସ୍ ତିର୍ ମାନ୍‌ଗାନାଡ୍, ୧୨ ଇଦାଂ କାଜିଂ ଇ କାତା ତାଙ୍ଗ୍ ଇନ୍ୟା ଆଜି ମାଗାର୍, “ଗାଜାକାନ୍ ହାରୁକାନ୍ତି ଆଡ୍‌ଏନ୍ ଆନାନ୍; ୧୩ ଇନେସ୍ ଲେକାମାନାଡ୍, ଜାକୁବ୍ ଆପ୍ ଜିଉନତାପ୍, ମାତର୍ ଏସୌତିଙ୍ଗ୍ ଗିଣ୍ କିତାପ୍ ।”

୧୪ ବାଟିଙ୍ଗ୍ ଆସେଙ୍ଗ୍ ଇନାକା ଇନାସ୍ ? “ଇସ୍ତର ତାକେ କି ଇନାକା ଅନ୍ୟାୟ୍ ମାନାଡ୍ ? ହେଦାଂ ଇନାଝାଡ଼ାଙ୍ଗ୍ ପା ଆମେଡ୍ ।” ୧୫ ଇନେକିଦେଂକି ହେଝାନ୍ ମସାଙ୍ଗ୍ ଇନାନା, “ଇନାକା ଜପି ମା ଦୟା ମାନାଡ୍, ହେଦେଲିଂ ଆସେଙ୍ଗ୍ ଦୟା କିନାସ୍, ଆରେ ଇନାକା ଜପି ମା କାର୍ମା ମାନାଡ୍, ହେଝାନିଂ ଆସେଙ୍ଗ୍ କାର୍ମା ଆନାପ୍ ।” ୧୬ ଲାଗିଂ, ଇନେର୍ ମାନ୍ କିନାନ୍, କି ଇନେର୍ ସେସ୍ଟା କିନାନ୍, ହେଦାଂ ତାଂ ଇଦାଂ ଆଉଡ୍, ମାତର୍

ଦୟାଲୁ ଇସ୍‌ରାଏଲ ଆନାତ୍ । ୧୭ ଲାଗିଂ ସାସ୍‌ର ପାରଙ୍ଗତିଂ ଇନାତ୍, ଆପ୍ ଇନେସ୍ ମି ତାକେ ମା ସାକ୍ତି ଚର୍‌ନାସ୍, “ଆରେ ଇନେସ୍ ଖିଲୁ ପୁତ୍ ତ ମା ତର୍ ଚଞ୍ଜିୟା ଆନାତ୍, ଇ ଇଦାଂ କାଜିଂ ତ ଆପ୍ ମିଙ୍ଗେଙ୍ଗ୍ ନିଲ୍ଲାତାପ୍ ।” ୧୮ ଲାଗିଂ, ହେୱାନ ଇନେରିଂ ମାନ କିନାନ, ହେୱାନିଂ ଦୟା କିନାନ, ଆରେ ଇନେରିଂ ଇଚା କିନାନ, ହେୱାନିଂ ଆର୍‌ୱା କିନାନ ।

ମାପୁତି ରିସା ଆରି ଦୟା

୧୯ ଇବେ ଏପ୍ ନାଙ୍ଗ୍ ଇଞ୍ଜିନାଦେରା, “ତେବେ ହେୱାନ ଆରେ ଦସ୍ ଆସ୍ତାନାର୍ ଇନେକିଦେଂ ? ଇନେକିଦେଂକି ହେୱାନ୍ତି ଇଚା ଇନେର୍ ବିରୁଦ୍ କିଦେଙ୍ଗ୍ ଆଡ୍‌ନାର୍ ?” ୨୦ ମାତର୍ ଏ ମାନାୟ୍, ଏନେଙ୍ଗ୍ ଇନାକାୟ୍ ଜେ ଇସ୍‌ରାଏଲିଂ ବିରୁଦ୍ କିନାଦେର୍ ? ରଚ୍‌ତି ଆଡ୍‌ମାଡ୍ କି ରଚ୍‌ଚାକାନିଂ ଇନାଦେର୍, ନାଙ୍ଗ୍ ଇଲାକେ ରଚ୍‌ଚାତାଦେର୍ ଇନାକିଦେଂ ? ୨୧ କି ର ଚିକ୍‌ଲାତାଂ ର ବାହା ସସ୍ କାଜିଂ ଆରି ବିନିନିକା ସସ୍‌କିଞ୍ଜି କାଜିଂ ରଚ୍‌ନି କାଜିଂ କି ଚିକ୍‌ଲା ଜପି କୁମ୍‌ରେନ୍ ଆଦିକାର୍ ଆକାୟ୍ ?

୨୨ ମାତର୍ ଇସ୍‌ର ଜାର୍ ରିସା ଚର୍‌ନି କାଜିଂ ଆରି ଜାର୍ ସାକ୍ତି ଜାଣାୟ୍‌କିନି କାଜିଂ ଇଚା କିତିସ୍ ପା ଜଦି ନାସ୍ ଜାଲ୍‌ଦି ଆଜି ମାଟି ରିସାନି ବାହାନିକିଂ କାଜିଂ ଲାମାହୁଦାର୍ ଲାହାଙ୍ଗ୍ ସାସ୍ ଆସ୍ତାତାର୍ଣ୍ଣା, ୨୩ ଆରେ, ଜଦି ଜାଜ୍‌ମାଲ୍ କାଜିଂ ହେୱାନ୍ତି ହୁକେ ଆଗେତାଂ ରଚ୍‌ୟାଜି ମାନାକା ଦୟାନି ଲଗୁ ଜେ ଆସେଙ୍ଗ୍, ମା ଲାଗାଂ ଜାଜ୍‌ମାଲ୍ ଲାକେ ଦାନ୍ ହପ୍‌ନି କାଜିଂ ହେଦାଂ କିତାର୍‌ନା; ତା ଆଡିସ୍ ଏପେଙ୍ଗ୍ ଇନାକା ଇନାଦେର୍ ? ୨୪ ହେଦାଂ କାଜିଂ ତ ହେୱାନ୍ କେବଲ୍ ଜିହୁଦିର୍ ବିତ୍ରେତାଂ ଆକାୟ୍, ମତର୍ ପାତ୍ କିଞ୍ଜି ଜିହୁଦିର୍ ବିତ୍ରେତାଂ ପା ମାଙ୍ଗେଙ୍ଗ୍ କୁକ୍‌ତାତାନ୍ନା, ୨୫ ଇନେସ୍ ହେୱାନ ହସେୟତି ପତିତ ପା ଇନାନ୍,

“ଇମ୍‌ଗାକାର୍ ମା ଲକ୍ ହିଲ୍‌ୱାତାର୍,

ହେୱାରିଂ ନିଜ୍‌ତି ମା ଲକ୍ ବାବ୍ରେ କୁକ୍‌ନାପ୍ ।”

ଇମ୍‌ଗା ଜାତିତିଂ ଆପ୍ ଜିଉନୱାଦାଂ ମାଚାପ୍, ହେୱାନିଂ

ମା ୱାରିନିକାନ୍ ଇଞ୍ଜି ଇନାସ୍; ୨୬ “ଆରେ, ଇମ୍‌ଗା ବାହାତ ଏପେଙ୍ଗ୍ ମା ଲକ୍ ଆକାୟ୍ ଇଞ୍ଜି ହେୱାରିଂ ଇନୟାଜି ମାଚାତ୍, ହେ ବାହାତ ହେୱାର୍ ଜିତି ଇସ୍‌ତ୍ ମାଜିର୍ ଇଞ୍ଜି ଡାକ୍‌ପୁଟା ଆନାର୍ ।”

୨୭ ଆରେ, ଜିସାୟ୍ ଇସ୍ରାଏଲ୍ ବିସ୍ରେ ଗାଜା କାର୍‌ତାଂ ଇନାର୍, “ଇସ୍ରାଏଲିୟାର୍ ମାଜିର୍‌ତି ଗିଶ୍‌ନି ହାମ୍‌ଦୁର୍‌ନି ବାଲି ଲାକେ ଆଡିସ୍ ପା କେବଲ୍ ବାକି ମୁକ୍ତି ଆନାକା ପାୟା ଆନାର୍ ।” ୨୮ “ଲାଗିଂ ମାପୁ ପୁତ୍ ତ ଜାର୍ ବଚନ୍‌ତ ବାତ୍ କିନାନ, ହେୱାନ ହେଦାଂ ପୁରା ଲାକେ ଅଲପ୍ କିନାନ ।” ୨୯ ଆରେ, ଇନେସ୍ ଜିସାୟ୍ ଆଗେ ଇଚାନ୍ନା, “ବୁଡ୍‌କୁ ମାପୁ ଜଦି ମା କାଜିଂ ର ବାକି ଇଡ୍‌ୱାତାନ୍‌ମା, ବାଟିଙ୍ଗ୍ ଆସେଙ୍ଗ୍ ସଦମ୍ ଲାକେ ଆତାସ୍‌ମା, ଆରି ଗମରା ସମାନ କିୟା ଆତାସ୍‌ମା ।”

ଇସ୍ରାଏଲ୍ କାଜିଂ ପାଉଲ୍‌ତି ପାର୍‌ନା

୩୦ ବାଟିଙ୍ଗ୍, ଆସେଙ୍ଗ୍ ଇନାକା ଇନାସ୍ ? ଇମ୍‌ଗା ପାତ୍ କିଞ୍ଜି ଜିହୁଦିର୍ ଦାମ୍ ଆଦେଂ ମାନ କିଞ୍ଜାଦାଂ ମାଚାର୍, ହେୱାର୍ ଦାମ୍, ଇ ଲାକେ କି ପାତ୍ ଲାକେ ଦାମ୍, ଲାବ୍ କିତାର୍‌ନା । ୩୧ ମାତର୍ ଇସ୍ରାଏଲ୍ ଦାମ୍ ମସାତି ବିଦି ପାଚେ ହାଲୁ ହାଲୁ ହେ ମସାତି ବିଦି ପାଚେକ୍ ଏକାଞ୍ଜାତାନ୍ । ୩୨ ଇନେକିଦେଂ ? ଇନେକିଦେଂକି ହେୱାର୍ ପାତ୍ ହୁକେ ହେଦାଂ ଦାହ୍‌ୱାଦାଂ କାମାୟ୍ ହୁକେ ଦାସ୍ତି ମାଚାର୍ । ହେୱାର୍ ହେ ବାଦା ହିଜି ମାନି କାଲ୍‌ଦ ବାଦା ପାୟାଜି ଉଜ୍‌ଡାର୍, ୩୩ ଇନେସ୍ ଲେକାମାନାତ୍, “ହୁଡ୍‌ର୍ ଆସେଙ୍ଗ୍ ସିୟନ୍‌ତ

ର ବାଦା ବାର୍‌ତି କାଲ୍ ଆରି ବାଦା ବାର୍‌ତି କାଲ୍ ରଚ୍‌ପ୍‌ନା,

ଆରେ ଇନେର ତାତାକେ ପାତ୍ କିନାନ୍, ହେୱାନ୍ ଲାଜା ଆଉନ୍ ।”

୧୦

୧ ଏ ଟଣ୍ଡାର ଆରି ତଣ୍ଡେକ୍, ହେୱାର୍ ଇନେସ୍ ମୁକ୍ତାଦେଂ ଆଡ୍‌ନାର୍, ଇଦାଂ ନା ୱାସ୍‌ନି ଆହା ଆରି ହେୱାର୍ କାଜିଂ ଇସ୍‌ତ ଲାଗେ ନା ପାର୍ତାନା । ୨ ଇନେକିଦେଂକି ଇସ୍‌ତ ବିସ୍ତେ ଜେ ହେୱାର୍‌ତି ଇଚା ମାନାଡ୍, ଇଦାଂ ଆନ୍ ହେୱାର୍ ପାକ୍ୟାତ ସାକି ହିନାଜା, ମାତର୍ ହେ ଇଚା ଗିଆନ୍‌ମେହା ଆକାୟ୍ । ୩ ଲାଗିଂ ମାନାୟ୍‌ତି ଦାମ୍ କିଜି ଇଡ୍‌ଦେଂ କାଜିଂ ଇସ୍‌ତ ହିଡ୍‌ତି ଦାମ୍ କାତା ବିସ୍ତେ ପୁନ୍‌ୱାଦାଂ ଆରି ଜାର୍ ଜାର୍ ଦାମ୍ କାତା ରଡ୍‌ଚେଜ୍ ସେସ୍ କିଜି ହେୱାର୍ ଇସ୍‌ତ୍‌ହିଡ୍‌ତି ଦାମ୍ କାତା ପୁନ୍‌ୱାତାୟ୍ । ୪ ଇନେକିଦେଂକି ଜାଣକେ ପାତ୍ କିନାକାର୍ ପାକ୍ୟାତ ଦାମ୍ ଗାଣାକିୟା ଆନି କାଜିଂ କ୍ରିସ୍ଟ୍ ବିଦିନି ହାରିହାରା ।

ଝିଜାର୍ କାଜିଂ ମୁକ୍ତାନାକା

୫ ଇନେକିଦେଂକି ମସା ଲେକିକିତାନ୍‌ନା, ଇମଣି ମାନାୟ୍ ବିଦିନି ଦାମ୍ ପାଲି କିନାନ୍, ହେୱାନ୍ ତା ହୁକେ ଜିନାନ୍ । ୬ ମାତର୍ ପାତ୍ ବାର୍‌ତି ଦାମ୍ ଏଲେଜ୍ ଇନାଡ୍, “ମାନ୍ତ ମାନ୍ତ ଇନ୍‌ମାଟ୍ ‘ଇନେର୍ ସାଗେ ଦୁମ୍‌ନାର୍’ ଇଚିସ୍ କ୍ରିସ୍ଟ୍ ଜୁଡ୍‌ତି ତାନି କାଜିଂ ?” ୭ କି ‘ଇନେର୍ ପାତାଲ୍‌ତ ଜୁନାନ୍’ ଇଚିସ୍, କ୍ରିସ୍ଟ୍ ହାତାକାର୍ ବିତ୍ରେତାଂ ନିକ୍ତି ତାହିୱାନି କାଜିଂ ?” ୮ ଇନେକିଦେଂକି ସାସ୍ତର୍ ଇସାପ୍ରେ, “ଇସ୍‌ତ୍‌ତି କାତା ମି ଲାଗେ, ମି ମୁମ୍ ଆରି ମାନ୍ତ ମାନାଡ୍ ।” ପାତ୍ ବିସ୍ତେ ଇ କାରୁର୍ ନେ ଆପ୍ ସୁଣାୟ୍ କିନାପା । ୯ ଲାଗିଂ ଏପେଜ୍ ଜଦି ୱାଇଦାଂ ଜିସୁ ମାପୁ ଇଞ୍ଜି ମାନି କିନାଦେର୍, ଆରେ ଇସ୍‌ତ୍ ହେୱାନିଂ ହାତାକାର୍ ବିତ୍ରେତାଂ ନିକ୍ତାନା ଇଞ୍ଜି ୱାସ୍‌ତ ପାତ୍ କିନାଦେର୍, ବାଟିଜ୍ ମୁକ୍ତି ଆନାକା ପାୟାନାନ୍; ୧୦ ଇନେକିଦେଂକି ଦାମ୍ କାତା ପାୟାନି କାଜିଂ ମାନାୟ୍ ୱାସ୍‌ତ ପାତ୍ କିନାନ୍ ଆରି ମୁକ୍ତାନାକା ପାୟାନି କାଜିଂ ୱେଇଦାଂ ମାନି କିନାନ୍ । ୧୧ ଲାଗିଂ ସାସ୍ତର୍ ଇନାଡ୍, ଇମ୍‌ଣାକାର୍ ହେୱାନ୍ ତାକେ ପାତ୍ କିତାର୍, ହେୱାନ୍ ଲାଜା ଆଉନ୍ । ୧୨ ଇନେକିଦେଂକି ଜିହୁଦି ଆରି ଗ୍ରିକ୍ ବିତ୍ରେ ଇନାକାପା ବିନେ ଆକାୟ୍, ଲାଗିଂ ଝିଜାର୍‌ତି ତ ର ମାପୁ, ଆରେ ଏଚେକ୍ ଲକ୍ ହେୱାନ୍‌ତି ଲାଗାଂ ପାର୍ତାନା କିତାର୍, ହେୱାନ୍ ଝିଜାର୍ କାଜିଂ ହେୱାନ୍ ଉପକାର୍‌ନି ଦାନ୍‌ଲାକେ । ୧୩ ଇନେକିଦେଂକି ଇମ୍‌ଣାକାର୍ ମାପୁତି ତର୍ ଆସ୍ତି ପାର୍ତାନା କିନାନ୍, ହେୱାନ୍ ମୁକ୍ତି ଆନାନ୍ ।

୧୪ ବାଟିଜ୍ ଇନେରିଂ ହେୱାର୍ ପାତ୍ କିୱାତାୟ୍, ହେୱାନ୍ ଲାଗାଂ ଇନେସ୍ ପାର୍ତାନା କିତାର୍ ? ଆରେ ଇନେର୍‌ତି କାତା ହେୱାର୍ ୱେନ୍‌ୱାତାୟ୍, ଇନେସ୍ ହେୱାନ୍‌ତାକେ ପାତ୍ କିତାର୍ ? ଆରେ ସୁଣାୟ୍‌କିନାକାର୍ ପିସ୍ତି ହେୱାର୍ ଇନେସ୍ ୱେନାର୍ ? ୧୫ ଆରେ ପକ୍ୟାତାକାନ୍ ଆଞ୍ଜିତିସ୍ ଇନେସ୍ ସୁଣାୟ୍ କିନାର୍ ? ଇନେସ୍ ଲେକାମାନାଡ୍, “ଇମ୍‌ଣାକାର୍ ନେକ୍ତି ବିସ୍ତେନି ନେକ୍ତିକାରୁର୍ ତାନାର୍, ହେୱାର୍‌ତି ପାନା ଇନେସ୍ ହାର୍‌ମେହାଣ୍ ।” ୧୬ ମାତର୍ ଝିଜାର୍ ହେ ନେକ୍ତିକାରୁର୍ ମାନିକିୱାତାୟ୍ । ଇନେକିଦେଂକି ଜିସାୟ୍ ଇନାନ୍, “ଏ ମାପୁ, ମା କାରୁର୍ ୱେନ୍‌ଞ୍ଜି ଇନେର୍ ପାତ୍ କିତାର୍‌ନା ?” ୧୭ ଲାଗିଂ, ନେକ୍ତିକାରୁର୍ ୱେନି ହୁକେ ପାତ୍ ଉର୍‌ଜା ଆନାଡ୍ ଆରି କ୍ରିସ୍ଟ୍‌ତି ବଚନ୍ ପର୍‌ତାର୍ କିନାକା ନେ ହେ ନେକ୍ତିକାରୁର୍ ।

୧୮ ମାତର୍ ଆନ୍ ଇନାଜ୍, ହେୱାର୍ କି ୱେନ୍‌ୱାତାୟ୍ ? ଆଁ ହାଡ୍‌ପା ସାସ୍ତର୍‌ତ ଲେକାମାନାଡ୍;

“ସବୁ ପୁତ୍ ତ ହେୱାର୍‌ତି କାଟ୍,

ଆରେ ପୁତ୍ର ନି ହାନ୍ଦି ପାତେକ୍ ହେୱାର୍ତ୍ତ ବଚନ୍ ଓଷ୍ଟିଜି ହାଗାତ୍ତନା ।”
 ୧୯ ମାତର୍ ଆନ୍ ଇନାଙ୍ଗ୍, ଇସ୍ରାଏଲ୍ ଇନାକା ପୁନ୍‌ଖାତାଣ୍ଡା ? ପର୍ତ୍ତମତ ମସା ଇନାନ୍,
 “ଆସେଙ୍ଗ୍ ଗାଣା କିଆଓ୍ତ
 ଜାତିର୍ ହୁକେ ମି ତାରା ଉଦ୍‌ଜାୟ୍ କିନାପ୍,
 ର ବୁଦିହିଲ୍‌ଓ୍ତ ଜାତି ହୁକେ ମିଙ୍ଗେଙ୍ଗ୍ ରିସାକିୟ୍ କିନାପ୍ ।”
 ୨୦ ତାପାତେ ଜିସାୟ୍ ସାସତାଂ ଇନାନ୍,
 “ଇମ୍‌ଣାକାର୍ ମାଙ୍ଗ୍ ଦାସ୍ରାଓ୍ତାଦାଂ ମାଟାର୍, ହେୱାର୍ ମାଙ୍ଗେଙ୍ଗ୍ ପାୟା ଆତାର୍;
 ଇମ୍‌ଣାକାର୍ ମା ବିସ୍ତେ ସୁଣାୟ୍ କିଓ୍ତାଦାଂ ମାଟାର୍, ହେୱାର୍ ଲାଗାଂ ଆସେଙ୍ଗ୍
 ଚଞ୍ଜିୟା ଆତାସ୍ ।”
 ୨୧ ମାତର୍ ହେୱାନ୍ ଇସ୍ରାଏଲ୍ ବିସ୍ତେ ଇନାନା, “ଆସେଙ୍ଗ୍ ବଲ୍ ମାନିକିଓ୍ତାଦାଂ ଆରି
 ଓଷ୍ଟିଜୁ କୁଟୁମ୍ ମାନାୟାର୍ କାଜିଂ ଖେଡାବୁତି କେଇ ଲାମାୟ୍ କିନାପା ।”

୧୧

ଇସ୍ରାଏଲ୍‌ନିକାର୍ କାଜିଂ ଇସ୍ପରତି ଦୟା

୧ *ତେବେ ଆନ୍ ଇନାଙ୍ଗ୍, ଇସ୍ପର କି ଜାର୍ ଲକାରିଂ ପିସ୍ରାନ୍ନା ? ହେଦାଂ ଇନାଓ୍ତାଙ୍ଗ୍
 ଆମେଡ୍, ଇନେକିଦେଂକି ଆନ୍ ପା ଅଦ୍ରାହାମ୍ ଲାତ୍ରା ଉଦ୍‌ଜାଣ୍ ବିନ୍‌ଧାମିନ୍ କୁଟୁମ୍‌ନି
 ରଓ୍ତାନ୍ ଇସ୍ରାଏଲ୍‌ୟ୍ ଲକ୍ । ୨ ଇସ୍ପର ଜାର୍ତ୍ତ ଇମ୍‌ଣି ମାନାୟାରିଂ ଆଗେତାଂ ପୁନ୍‌ଞ୍ଜି
 ମାଟାନ୍, ହେୱାରିଂ ପିହିଓ୍ତାଦାଂ ମାଟାନ୍ । ଏଲିୟତି ଲେକାତ ସାସ୍ପର୍ ଇନାକା ଇନାଡ୍,
 ହେଦାଂକି ଏପେଙ୍ଗ୍ ପୁନ୍‌ଦେର୍ ? ହେୱାନ୍ ଇନେସ୍ ଇସ୍ରାଏଲ୍ ବିରୁଡ୍‌ତ ଇସ୍ପରତି
 ତାକେ ଗଓ୍ତାରି କିନାନ୍, ୩ “ମାପୁ, ହେୱାର୍ ମି ବେଶ୍‌ବାକ୍‌ଶାୟ୍‌କିନାକାରିଂ ଅସ୍ରାଣ୍ଡା,
 ମି ଗାର୍‌ଣିଙ୍ଗ୍ କାର୍‌ତାର୍‌ନା, ଆରେ ଆନ୍ ରଓ୍ତାଙ୍ଗ୍ ବାକି ମାନାଙ୍ଗ୍, ଆରେ ହେୱାର୍
 ନା ଜିବୁନ୍ ଅଦେଂ ଦାସ୍ରାନାରା ।” ୪ ଏଲିୟଙ୍ଗ୍ ଇସ୍ପର ଇନା ଉତର୍ ହିଜି ମାନାନ୍
 ? “ବାମ୍‌ଶ୍ରାୟ୍‌କିନି ପେନ୍ ବାଆଲ୍ ପୁଡ୍‌ଡାତିଂ ପୁଜା କିଜି ମାନ୍‌ଓ୍ତ ସାଡ୍ ହାଜାର୍
 ମାନାୟତିଂ ମା କାଜିଂ ଇଡ୍‌ତାପ୍‌ନା ।” ୫ ନଂ ସମାନ୍ ହେ ଲାକେ ଗିଟାତାତ୍‌ନା । ଇସ୍ପର
 ଉପ୍‌କାର୍ କିଜି ଇମ୍‌ଣାକାରିଂ ବାଟି କିଜି ମାଟାନ୍, ହେୱାର୍ତ୍ତ ବିତ୍ରେତାଂ ଅଲପ୍ ଏଚେକ୍
 ଜାଣ୍ ବାକି ମାନାର୍ । ୬ ଇସ୍ପର ହେୱାରିଂ ବାଟି କିତାନ୍‌ନା ଜାର୍ ଉପ୍‌କାର୍ କାଜିଂ ।
 ଜଦି ହେୱାର୍ତ୍ତ ସଡ୍ କାମାୟ୍ ଲାଗିଂ ଇସ୍ପର ହେୱାରିଂ ବାଟି କିଜି ମାଟିସ୍, ହେୱାର୍ତ୍ତ
 ଉପ୍‌କାର୍ ହାଡ୍‌ପା ଉପ୍‌କାର୍ ଆଓ୍ତାତାମ୍ ।

୭ ଓ୍ତାଟିଂ ଇନାକା ଆତାଡ୍ ? ଇସ୍ରାଏଲ୍‌ୟର୍ ଇନାକା ତେକ୍‌ତି ମାଟାର୍, ହେଦାଂ
 ଗାଟା ଆଓ୍ତାତାର୍ । କେବଲ୍ ଇସ୍ପର ବାଟି କିତି ରଞ୍ଜାଙ୍ଗ୍ ହାରୁ କୁଦା ତାଦାଂ ଗାଟା
 ଆତାନ୍ । ବିନ୍ ଲଗୁ ଇନେର୍ ଇସ୍ପରତି କୁକ୍‌ତାକା କାଜିଂ ଦିଆନ୍ ହିଓ୍ତାତାର୍ । ୮ ଇନେସ୍
 ଲେକାମାନାଡ୍, “ଇସ୍ପର ନେଞ୍ଜେଙ୍ଗ୍ ପାତେକ୍ ହେୱାରିଂ ଆଡ୍‌ଓ୍ତାନ୍ ଜିବୁନ୍ ହିତାର୍‌ନା,
 ଇ ଲାକେ କାଣ୍‌କୁ ହିତାର୍‌ନା, ଇନେସ୍ ହେୱାର୍ ହୁଡ୍‌ରୁ, ଆରେ ଇ ଲାକେ କିଡୁଲ୍
 ହିତାର୍‌ନା, ଇନେସ୍ ହେୱାର୍ ଖେନ୍‌ରୁ ।” ୯ ହେୱାର୍ତ୍ତ ବିସ୍ତେ ଦାଉଦ୍ ଲେକିକିତାନ୍ନା;
 “ହେୱାର୍ ଓ୍ତାରିକିନି ଖେଡାଲିଂ ଡ୍‌କୁାତ ଆରେ ।

ବୁଡା ଆଜି ତାଣ୍ ବଗ୍ କିଏର୍ ।”

୧୦ ଇନେସ୍ ହେୱାର୍ କାଣାଙ୍ଗ୍ ଆଜି ହୁଡ୍‌ଦେଂ ଆଡ୍‌ମେର୍,
 ତାଇନାଡ୍ ଦୁକ୍ କସ୍ ବଗ୍ କିଜି କିଜି ହେୱାର୍ତ୍ତ ମ୍ପେଙ୍ଗାଙ୍ଗ୍ ଗଂଜି ହାଲେଡ୍ ।
 ୧୧ ଲାଗିଂ ଆନ୍ ଇଞ୍ଜନାଙ୍ଗ୍, ହେୱାର୍ ଇନାକା ନସ୍‌ଆନି କାଜିଂ ଅସ୍ରାର୍ ? ହେଦାଂ
 ଇନାଓ୍ତାଙ୍ଗ୍ ପା ଆମେଡ୍, ହେୱାର୍ ପାପ୍ କିତିଲେ, ହେୱାରିଂ ଆକର୍ ଆନି କାଜିଂ
 ପାତ୍ କିଓ୍ତ ଜିହୁଦିର୍ ମୁକ୍‌ତାନାକାନି ଆଦିକାରି କିଆତାଡ୍ । ୧୨ ଜିହୁଦିତ୍ ପାପ୍,

* ୧୧:୧ ୧୧:୧ ପିଲିପିୟ ୩:୫.

ଜଗତ୍‌ତ ବିନ୍ ଲଗାଂ କାଜିଂ ବେସି ଆସିର୍ବାଦ୍ ତାହିଝାତାତ୍‌ନା । ଜିହୁଦିର୍ ଆମିକ୍ ଅକର୍ତ୍ତ କାଜିଂ ପାତର୍ କିଝି ଜିହୁଦିର୍ ଆସିର୍ବାଦ୍‌ନି ଦାନ୍ ଲାବ୍ କିତାଣ୍ଣା । ଜଦି ଝିଜାର୍ ଜାତି ରାକ୍ୟା ପାୟାଦେଂ ଆଡ୍‌ତାତର୍, ତାଆତିସ୍ ତାହୁଦାଂ ଆରେ ଏଚେକ୍ ଆଦିକ୍ ଆସିର୍ବାଦ୍ ଗାଟା ଆଉଡ୍ ?

ପାତର୍ କିଝି ଜିହୁଦିର୍‌ତି ମୁକ୍ତାନାକା

୧୩ ମାତର୍ ବିନ୍‌ଜାତି ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା । ଆନ୍ ପାତର୍ କିଝି ଜିହୁଦିର୍ କାଜିଂ ପକ୍ୟାତାକାନ୍ ନା ହେବା ପାଦ୍‌ନି ଜାଜ୍‌ମାଲ୍ କିନାଙ୍ଗା, ୧୪ ଇନେସ୍ ଇନେସ୍‌ବାନି ନା ନିଜାର୍ ଜାତିରିଂ ତିରକାଡ୍ କିୟ୍‌କିଜି ହେଝାର୍ ବିତ୍ରେତାଂ ଏଚେକ୍ ଜାଣିତିଂ ମୁକ୍ତି କିଦେଙ୍ଗ୍ ଆଡ୍‌ନାଂ । ୧୫ ଇନେକିଦେଂକି ଜଦି ହେଝାର୍‌ତି ଦେହାକିନି ହୁକେ ପୁତର୍ ତ ମେହାନାକା ଗିଟାତାଡ୍, ତେବେ ହେଝାର୍‌ତି ଇଟ୍‌ନାକା ହୁକେ ଇନାକା ହାଡ୍‌ପା ହାତାକାର୍ ବିତ୍ରେତାଂ ଜିବୁନ୍ ଲାବ୍ ଆଉଡ୍ ?

୧୬ ରୁଟିତାଂ ଇଚୁଟିଂ ଇସ୍‌ବ୍ ତରଦାଂ ପୁଜା କିଜି ମାତିସ୍ ପୁଇପୁୟା, ସବୁ ରୁଟି ପା ପୁଜା କିତାକା ଇନ୍‌ମ୍ୟାନାଡ୍ । ରଞ୍ଜାଙ୍ଗ୍ ମାର୍‌ଦିଂ ଦଲ୍ ପୁଜା ଆଜି ମାତିସ୍, ତା କେନ୍ଦାଙ୍ଗ୍ ତାଡ୍ ପା ପୁଜା ଆକାଡ୍ ହିଆତାନ୍‌ନା ଇଞ୍ଜି ବାବି କିଦେଙ୍ଗ୍ ଆନାଡ୍ । ୧୭ ମାତର୍ ଜଦି କେତେକ୍ କେନ୍ଦାଂ ତ୍ରିଙ୍ଗ୍‌ତିକ୍ ଆରି ଏପେଙ୍ଗ୍ ରାନ୍ତି ଜିଡ୍ ମାର୍‌ନି କେନ୍ଦାଂ ଆତିସ୍‌ପା ହେ ସବୁ ବିତ୍ରେ କଲମ୍‌ଫ କିତାର୍, ଆରେ ହେଝାର୍ ଲାହାଙ୍ଗ୍ ଜିଡ୍‌ମାର୍ ଦଲ୍‌ନି ରାସ୍‌ନି ମେହା ଆତାର୍, ୧୮ ଲାଗିଂ ହେ ତାଡ୍ ବିରୁଡ୍‌ତ ଗରବ୍ କିମାଟ୍; ମାତର୍ ଜଦି ଗରବ୍ କିୟାଟ୍, ଏପେଙ୍ଗ୍ ଜଦି ଦଲ୍‌ତିଂ ଆହ୍‌ଝାତାଦେଣ୍ଣା, ମତର୍ ଦଲ୍ ମିଙ୍ଗେଙ୍ଗ୍ ଆସ୍ତାଡ୍‌ନା, ଇଦାଂ ପୁନ୍‌ଞ୍ଜି ମାନାଟ୍ ।

୧୯ ଏପ୍ ଇଞ୍ଜେଙ୍ଗ୍ ଆଡ୍‌ନାଦେର୍, “ଆଁ, ମାତର୍ ନାଂ ବାହା ହିଦ୍‌ନି କାଜିଂ ତ ହେ କେନ୍ଦାଂ କାତ୍ୟା ଆଜି ମାଟାଡ୍ ।” ୨୦ ହେଦାଂ ହାଡ୍‌ପା । ହେଝାର୍ ପାତର୍ କିଝାକା ହୁକେ ହେଝାର୍ କାଟି କିତାର୍, ଏପେଙ୍ଗ୍ କେବଲ୍ ପାତର୍ ହୁଦାଂ ହେ ବାହା ଆଦିକ୍‌ତାଂ ଆଦିକ୍ କିତାଦେଣ୍ଣା । ମାତର୍ ଗରବ୍ କିଝାଦାଂ ପାଣ୍ଡା ଆତ । ୨୧ ଜଦି ମାର୍‌ନି ସବୁ କେନ୍ଦାଙ୍ଗ୍ ଲାକେ ଇହୁଦିରିଂ ଇସ୍‌ବ୍ ତାଣ୍ଣ୍ ହିଝାଦାଂ ପିସ୍ତ୍ରି ହିଝାତାନ୍, ମିଙ୍ଗେଙ୍ଗ୍ ଇନାକା ହେଝାନ୍ ପିସ୍ତ୍ରି ହିଦ୍‌ନାନ୍ ? ୨୨ ଲାଗିଂ, ଇସ୍‌ବ୍ ଦୟା ଆରି ତାଟ୍ ବୁଜା ଆତ; ଇମ୍‌ଣାକାର୍ ମୁଞ୍ଜିତାର୍, ହେଝାର୍ କାଜିଂ ଆଟ୍‌ଝା, ମାତର୍ ଏପେଙ୍ଗ୍ ଜଦି ଇସ୍‌ବ୍ ଦୟାତି ସାରାଣ୍ ଆଜି ମାନାଟ୍, ତା ଆତିସ୍ ମି କାଜିଂ ହେଝାନ୍ତି ଦୟା; ନଲେ ଏପେଙ୍ଗ୍ ପା କାତ୍ୟାନାର୍ । ୨୩ ଆରେ, ହେଝାର୍ ଜଦି ପାତର୍ କିଝାକାତ ମାନ୍ତୁର୍, ବାଟିଙ୍ଗ୍ ହେଝାର୍ ପା କଲମ୍ କିୟାନାର୍, ଇନେକିଦେଂକି ହେଝାରିଂ ଆରେ ରଗ କଲମ୍ କିନି କାଜିଂ ଇସ୍‌ବ୍ କିଦେଙ୍ଗ୍ ଆଡ୍‌ନାନ୍ । ୨୪ ପାତର୍ କିଝି ଜିହୁଦିର୍ ରାନ୍ତି ଜିଡ୍‌ମାର୍‌ନି କେନ୍ଦାଙ୍ଗ୍ ଲାକେ । ହେଦାଂ କାତ୍ୟା ଆଜି ମିର୍ ବାଗ୍ରେ ବାଡ୍‌ନି ଜାଗ୍ରଡ୍ କିତି ଜିଡ୍ ମାର୍ ଲାହାଂ ମେହାୟ୍ କିଆତାନ୍‌ନା । ଜିହୁଦି ଜାତି ବାଡ୍‌ନି ଜାଗ୍ରଡ୍ କିତି ଜିଡ୍‌ମାର୍ ଲାକେ । ଇ ମାର୍‌ନି କାଡ୍‌ତି କେନ୍ଦାଂ ଆରେରଗ ମାର୍ ଲାହାଂ ମେହାୟ୍ କିନି ଇସ୍‌ବ୍‌ତି ପାକ୍ୟାତ ଆଡ୍‌ଝା ।

ଝିଜାର୍ କାଜିଂ ଇସ୍‌ବ୍ ଦୟା

୨୫ ଇନେକିଦେଂକି ଏ ଟଣ୍ଡାର୍ ଆରି ତଣ୍ଡାଦେକ୍, ଏପେଙ୍ଗ୍ ଇନେସ୍ ଜାର୍ ଜାର୍‌ତିଂ ବୁଦ୍ୟାର୍ ଇଞ୍ଜି ମାନେ କିଡ୍‌ଦେର୍ ଇଦାଂ କାଜିଂ ଏପେଙ୍ଗ୍ ଜେ ଇ ଡ୍‌କ୍ରିହାଡ୍‌ପା ବିସ୍ତ୍ରେ ପୁନ୍‌ଝାଦାଂ ମାନାସ୍, ଇଦାଂ ନା ଇଟା ଆକାୟ୍, ଇତିସ୍, ଏଚେକ୍ ପାତେକ୍ ପାତର୍ କିଝି ଜିହୁଦିର୍ ବାତର୍ ଗିଣ୍ଡ ହଞ୍ଜାତାର୍‌ନା, ହେ ପାତେକ୍ ଇସ୍‌ବ୍‌ଲ୍ ବାଗ୍‌ତ ଆଟ୍‌ଝା ଆତାଡ୍‌ନ୍ନା; ୨୬ ଆରେ, ଇବାନି ଝିଜାର୍ ଇସ୍‌ବ୍‌ଲ୍ ମୁକ୍ତା ଆନାର୍, ଇନେସ୍ ଲେକାମାନାଡ୍, “ସିୟନ୍‌ତାଂ ମୁକ୍ତିକିନାକାନ୍ ଜୁଦ୍‌ନାନ୍,

ହେୱାନ ଜାକୁବତା ଅଦାମ ଦେହା କିନାନ ।”

୨୭ ଆରେ, ଏତେକାଡ଼ଦ ଆସେଙ୍ଗ ହେୱାର୍ତି ପାପ ସବୁ ଚରି କିନାସ, ହେପାଦନା
ଇଦା ହେୱାର୍ ଲାହାଙ୍ଗ ମା ନିୟମ୍ ଆନାଡ଼ ।

୨୮ ନେକ୍ତିକାରୁର ବିସ୍ତେ ବିଚାର କିତିସ୍ ହେୱାର୍ ମି କାଜିଂ ବିରୁଡ଼ ଆଦନାର୍, ମାତର୍
ବାଚିକିତି ବିସ୍ତେ ବିଚାର କିତିସ୍ ଦାଦି ଅଜାର୍ କାଜିଂ ହେୱାର୍ ୱାରିନି ମାଜି ।

୨୯ ଇନେକିଦେଂକି, ଇସ୍ତ ଦାନ ସବୁ ଆରି କୁକ୍ନାକା ପଲ୍ୟା ଆଉଡ଼ । ୩୦ ଲାଗିଂ
ଏପେଙ୍ଗ ଇନେସ୍ ଆଗେ ଇସ୍ତ ବଲ୍ ମାନି କିୱାଦାଂ ମାଚାଦେର୍, ମାତର୍ ନଙ୍ଗ୍
ହେୱାର୍ତି ବଲ୍ ମାନିକିୱାଦାଂ ହୁକେ ଦୟା ପାୟା ତାଦେର୍ଣ୍ଣା, ୩୧ ହେ ଲାକେ ଇୱାର୍
ପା ନଙ୍ଗ୍ ବଲ୍ ମାନିକିୱାକାର୍ ଆତାଣ୍ଣା, ଇନେସ୍ ମି କାଜିଂ ହଡ଼ତାର୍ ଦୟା ହୁକେ
ଇୱାର୍ ପା ନଙ୍ଗ୍ ଦୟା ଅୟାନାର୍ । ୩୨ ଇନେକିଦେଂକି ୱିଜାରିଂ ଦୟା କିନି କାଜିଂ
ଇସ୍ତର୍ ୱିଜାରିଂ ବଲ୍ ମାନିକିୱାଦାଂ ହେଲାୟ୍ କିତାନନା ।

ଇସ୍ତ ଜାଜ୍ମାଲ୍

୩୩ ଆ ! ଇସ୍ତ ବୁଦି ଆରି ଗିଆନ୍ ଲାକେ ଦାନ କେତେ ସିମା ହିଲୁଡ଼ ! ହେୱାନ୍ତି
ବିଚାର ସବୁ ଇନେସ୍ ବେସି ବୁଦି ଆରି ହେୱାନ୍ତି ହାଜି ସବୁ ଇନେସ୍ ବୁଜାଆଉର୍ !
୩୪ ଇନେକିଦେଂକି,

ମାପୁତି ମାନ ଇନେର୍ ପୁଚାଣ୍ଣା ?

କି ହେୱାନ୍ତି ବୁଜାୟ୍ କିନାକାନ ଇନେର୍ ଆତାଣ୍ଣା ?

୩୫ ନଲେ ଇନେର୍ ହେୱାନିଂ ପର୍ତୁମ୍ତ ଦାନ କିତାନନା,

ଆରେ ତାଙ୍ଗେଙ୍ଗ ଇନାମ୍ ଦାନ କିୟାନାଡ଼ ?

୩୬ ଲାଗିଂ ୱିଜୁ ବିସ୍ତେ ହେୱାନତାଂ, ହେୱାନ ହୁକେ ଆରି ହେୱାନତି କାଜିଂ; ଜୁଗ୍ ଜୁଗ୍
ଜାଜ୍ମାଲ୍ ହେୱାନ୍ତି । “ଆମେନ୍ ।” *

୧୨

ଇସ୍ତରତି ହେବାତ ଜିବୁନ୍

୧ ଲାଗିଂ, ଏ ଟଣ୍ଡାର୍, ଆନ୍ ମିଙ୍ଗେଙ୍ଗ ଇସ୍ତରତି ଦୟା କାଜିଂ ଗୱାରି କିଦନାଙ୍ଗା,
ଏପେଙ୍ଗ ଜାର୍ ଜାର୍ ଗାଗାଡ଼ତିଂ ଜିବୁନ୍, ପୁଇପୁୟା ଆରି ଇସ୍ତରତି ହାର୍ ଇଟନାକା
ପୁଜାଲାକେ ଆକାଡ଼ ହିୟାଟ୍, ଇଦାଂ ତ ମିଦାଂ ହାର୍ଦାକା ପାର୍ତାନା । ୨ ଏପେଙ୍ଗ ଇ ନଙ୍ଗ୍
ଜୁଗ୍ନି ପାଚେ ହାଲ୍ମାଟ୍, ମାତର୍ ଇନେସ୍ ଏପେଙ୍ଗ ଇସ୍ତ ଇଚା ଇନାକା ଇତିସ୍
ହାର୍ଦାକା, ହାର୍ ଇଟନାକା ଆରି ହାର୍ଦାକା ବିସ୍ତେ ଇନାକା, ଇଦାଂ ପରିକ୍ୟା କିଜି
ବୁଜାନାଦେର୍, ଇଦାଂ କାଜିଂ ଜାର୍ ଜାର୍ ମାନନି ପୁନାକା ହୁକେ ବାଦଲି ଆତ ।

୩ ଇନେକିଦେଂକି ନାଙ୍ଗ୍ ହିଡ଼ତି ଉପକାର୍ ହୁକେ ଆନ୍ ମି ବିତ୍ରେ ମାନି ୱିଜୁ ଜାଣ୍ଡିଂ
ଇଞ୍ଜନାଙ୍ଗା, ଜାର୍ ବିସ୍ତେ ଇନେସ୍ ବାବି କିମାଟ୍, ତା ତାଂ ଜାର୍ତିଂ ଆଦିକ୍ ଗାଜା ଇଞ୍ଜି
ବାବି କିମାଟ୍; ମାତର୍ ଇସ୍ତର ଇନେରିଂ ଇମ୍ଣି ଇସାବ୍ରେ ପାତ୍ ରଡ଼ତାଦେର୍ଣ୍ଣା,
ହେ ଇସାବ୍ରେ ୱିଜୁ ଜାଣ୍ ବୁଦିକାର୍ଯ୍ୟା ଲାକେ ଜାର୍ ବିସ୍ତେ ବାବି କିୟାଟ୍ ।
୪ ଇନେକିଦେଂକି ଇନେସ୍ ର ଗାଗାଡ଼ତ ମାଦାଂ ବେସି କେଇଗାଲ୍ ମାନାଡ଼, ମାତର୍
ୱିଜୁ ଗାଗାଡ଼ ସବୁନି କାମାୟ୍ ର ବାନି ଆକାୟ୍, ୫ ହେ ଲାକେ ବେସି ଜେ ଆସେଙ୍ଗ୍,
ଆସେଙ୍ଗ୍ କ୍ରିସ୍ତାକେ ର ଗାଗାଡ଼ ଆରି ଜାଣ୍ଡକେ ହାରି କେଇଗାଲ୍ । ୬ ଆରେ,
ମାଙ୍ଗେଙ୍ଗ ହିଡ଼ତି ଉପକାର୍ ଇସାବ୍ରେ ଆପେଂ ବାରବିନି ଦାନ ପାୟାତାପନା; ଲାଗିଂ
ହେ ଦାନ ଜଦି ବେଣ୍ଟବାକ୍ଣାୟ୍ କିନାକା ଆନାଡ଼, ୱାଡ଼ ଆସେଙ୍ଗ୍ ପାତ୍ ନି ଏଚେକ୍

* ୧୧:୩୬ ୧୧:୩୭ ଇନାକା ଆନାକା ଆଏଡ଼ ଇଞ୍ଜି ଇନାସ୍ ଇଦିଲି, “ଆମେନ୍” ☆ ୧୨:୪ ୧୨:୪ ୧ କରକ୍ରିୟ ୧୨:୧୨. ☆ ୧୨:୭ ୧୨:୭ ୧ କରକ୍ରିୟ ୧୨:୪-୧୧.

ଇସାବେ ବେଶ୍‌ବାକ୍‌ଶାୟ କିନାସ୍; ୭ କି ହେଦାଂ ଜଦି ହେବାକାରୟା କାମାୟ ଆନାଡ୍, ତା ଆତିସ୍ ଖାତ, ମା ହେବାକାରୟା କାମାୟତ ଲାଗିସ୍ ମାନାସ୍; ୮ ନଲେ ଇନେର୍ ହିକ୍ୟା ହିନାନାନ୍, ହେଖାନ୍ ସିକ୍ୟାଦାନ୍ତ କି ଇନେର୍ ଖାରିକିୟ କିନାନ୍, ହେଖାନ୍ ଉପଦେସ୍ ଦାନ୍ତ ଲାଗିସ୍ ମାନେନ୍, ଇନେର୍ ଜାତୁନ୍ ଅନାନ୍, ହେଖାନ୍ ହୁଦାର୍ ବାବ୍ରେ ଦାନ୍ କିଏନ୍; ଇନେର୍ ହାର୍ ମାନ୍ତାଜ୍ ହେଖାନ୍ ଜାତୁନ୍ତାଂ କିଏନ୍; ଇନେର୍ ଦୟା କିନାନ୍, ହେଖାନ୍ ପୁରାମାନ୍ତାଂ ହେଦାଂ କିଏନ୍ ।

୯ ଜିଉନନାକା କାପ୍‌ଟିୟା ଆଏଡ୍ । ଇନାକା ବାନିୟା, ହେଦାଂ ଗିଶ୍ କିୟାଟ୍; ଇନାକା ହାର୍, ହେବେ ଲାଗିସ୍ ମାନାଟ୍; ୧୦ ଟଣ୍ଡାର୍ ଜିଉତ ହାରି କାଜିଂ ଜିଉ ନନାକାଦେର୍ ଆତ; ଖାରିତ ହାରିତିଂ ଗାଜା ଗିଆନ୍ କିୟାଟ୍; ୧୧ ତ୍ରିକାଡ୍‌ତ କାକାର୍ ଆମାଟ୍, ଜିବୁନ୍ତ ଗରମ୍ ଆତ; ପୁରା ବକ୍ତିତାଂ ମାପୁତି ହେବା କିୟାଟ୍; ୧୨ ବାସ୍ ିତ ଖାରି କିୟାଟ୍; ଦୁକ୍ତ ହୁଦାର୍ ଆତ; ପାର୍ତନାତ ଏକା ସମାନ୍ ଲାଗିସ୍ ମାନାଟ୍ । ୧୩ ସାଦୁରତି ଅବାଦ୍ ଉପକାର୍ କିୟାଟ୍; ସସ୍ ହିନିତ ମେହା ଆତ ।

୧୪ *ଇମ୍‌ଶାକାର୍ ମିଜେଜ୍ ଇଶ୍ କିଦନାର୍, ହେଖାରିଂ ଆସିର୍ବାଦ୍ କିୟାଟ୍; ଆସିର୍ବାଦ୍ କିୟାଟ୍ ରାଶ୍ ହିମାଟ୍ । ୧୫ ଇମ୍‌ଶାକାର୍ ଖାରି କିନାର୍, ହେଖାର୍ ଲାହାଜ୍ ଖାରି କିୟାଟ୍; ଇମ୍‌ଶାକାର୍ ଆଡ୍‌ବାନାର୍, ହେଖାର୍ ଲାହାଜ୍ ଆଡ୍‌ବାଟ୍ । ୧୬ ହାରି କାଜିଂ ରମାନ୍ ଆତ; ବାନ୍ୟାମାନାୟ ଆଖାଦାଂ ହିଲ୍‌ଖାକାରିଂ ମେହା ଆତ । ଜାର୍ ଜାର୍ ବୁଦିତ ବାବି କିମାଟ୍ ।

୧୭ ବାନିୟା ବାଦୁଲ୍ ଇନେରିଂ ବାନିୟା କିମାଟ୍; ଓଜାର୍ ମାନାୟରିଂ କାଶ୍‌କୁତ ଇନା ଇନାକା ହାର୍‌ଦାକା, ହେ ସବୁ ଚିନ୍ତା କିୟାଟ୍; ୧୮ ଆଡ୍‌ତିସ୍, ମିଦାଂ ଏଚେକ୍ ପାତେକ୍ ଆଡ୍‌ନାଦେର୍, ଓଜାର୍ ମାନାୟାର୍ ଲାହାଜ୍ ସୁସ୍ତାତ ମାନାଟ୍ । ୧୯ ଏ ଖାରିନିକାଦେର୍, ଏପେଜ୍ ନିଜେ ନିଜେ ବାଦଲି ଅମାଟ୍, ମାତର୍ ରିସା କାଜିଂ ବାହା ପିସ୍ତ୍ରି ହିୟାଟ୍; ଇନେକିଦେଂକି ଲେକାମାନାଡ୍, “ମାପୁ ଇନାନ୍, ବାଦଲି ଅନାକା ମା ଆଦିକାର୍, ଆପ୍ ତା କାମାୟନି ପାଡ୍ ହିନାପ୍ ।” ୨୦ ଇତିସ୍ ଜଦି ମି ସାତୁ ନାସ୍‌କି, ଲାଗିଂ ତାଜ୍ ଚିଟ୍‌ପାଟ୍; “ଜଦି ହେଖାନ୍ ଏସ୍‌କି ତାଜ୍ ଉଟ୍‌ପାଟ୍; ଇନେକିଦେଂକି ଏଲେଜ୍ କିତିସ୍ ଏପେଜ୍ ତା କାପ୍‌ଡା ଜପି ଆହ୍‌ନି ଗତାଂ ଗାଦି କିନାଦେର୍ ।” ୨୧ ବାନିୟା କାମାୟତ୍ ଆରା ଆମାଟ୍ ଓଜୁ ବାନ୍ୟା ବିସ୍ତେ ହାର୍‌ଦି ବେବାର୍ ହୁକେ ଜିତା ଆତ ।

୧୩

ସାସନ୍ କିନାକାର୍ କାଜିଂ କାମାୟ

୧ ଜାଣକେ ଜାଶ୍ ଆଦିକାର୍ ଗାଟାତି ସାସନ୍‌କାର୍‌ଆତି ତଲ୍ୟା ଆନାସ୍, ଇନେକିଦେଂକି ଆଦିକାର୍ କେବଲ୍ ଇସ୍‌ବ୍‌ତାଂ ଖାନାଟ୍, ଆରେ ଇନେନ୍ ଓଜୁ ଲକୁ ଆଦିକାର୍ ପାୟାତି ସାସନ୍‌କାରୟା ମାନାନ୍, ହେଖାର୍ ଇସ୍‌ବ୍‌ତି ହୁଦାଂ ବାଟିକିୟାତାକାର୍ । ୨ ଲାଗିଂ, ଇନେନ୍ ଆଦିକାର୍ ଟେବାୟ କିନାନ୍, ହେଖାନ୍ ଇସ୍‌ବ୍‌ ରଟ୍‌ଚାକାଦଲିଂ ଟେବାୟ କିନାନ୍, ଆରେ ଇମ୍‌ଶାକାର୍ ଟେବାୟ କିନାର୍, ହେଖାର୍ ଜାର୍ ଜାର୍ ଜପି ତାଶ୍ ଗିରାୟକିନାର୍ । ୩ ଇନେକିଦେଂକି ମୁଡ୍‌ଦାକାର୍ ହାର୍ କାଜିଂ ପାଶ୍ଟାନାକାର୍ ଆକାୟ, ମାତର୍ ବାନ୍ୟା କାମାୟ କାଜିଂ ପାଶ୍ଟା ଆନାଦେର୍ । ଏପେଜ୍ କି ଆଦିକାର୍ ପାୟାତି ସାସନ୍‌କାରୟା ଲାଗାଂ ପାଶ୍ଟା ଆଖାଦାଂ ଇଟା କିନାଦେର୍ ? ବାଟିଜ୍ ହାଦ୍ କାମାୟ କିୟାଟ୍, ତା ଆତିସ୍ ହେଖାନ୍‌ତାଂ ଖାରିକିୟକିଆ ଆନାଦେର୍, ୪ ଏନେଜ୍ ହାର୍ କିଦେଜ୍ କାଜିଂ ହେଖାନ୍ ଇସ୍‌ବ୍‌ତି ବାଟିକିୟାତାକାନ୍ । ମାତର୍ ଏପେଜ୍ ଜଦି ବାନ୍ୟାକାମାୟ କିଜି ମାନାଟ୍, ଖାଟିଂ ସାସନ୍‌କାରୟା ଲାହାଂ ପାଶ୍ଟା ଆତ, ଇନେକିଦେଂକି ମିଜେଜ୍ ତାଶ୍ ହିନି କାଜିଂ ହାପ୍‌ରତେ ହେଖାନ୍ତି କେମ୍‌ତା ମାନାଟ୍

* ୧୨:୧୪ ୧୨:୧୪ ମାଡିଉ ୫:୪୪; ଲୁକ ୬:୨୮.

। ହେୱାନ ଇସ୍‌ରୂତି ବାଟିକିତି ହେବାକାରୟା । ବାନ୍ୟା କାମାୟ୍ କିନାକାରିଂ ସାସନ୍ କିଦେଙ୍ଗ ହେୱାନ ଇସ୍‌ରୂତି ବଲ୍ ପାଲି କିନାନ୍ । * ଲାଗିଂ ଏପେଙ୍ଗ ସାସନ୍‌କାରୟାତି ବଲ୍ ମାନିକିନାକା ଲଡ଼ା-କେବଲ୍ ଇସ୍‌ରୂତି ଦାଣ୍ଡ ପାଣ୍ଡୁତୁଂ ଆକାୟ୍, ମତର୍ ନିଜେ ତିନ୍ତାନି ନାସତାଂ ରାକ୍ୟା ପାୟାନି କାଜିଂ । † ଲାଗିଂ ଇ କାରଣତାଂ ଏପେଙ୍ଗ ସିସ୍‌ ପା ହିଜି ମାନାଦେର୍, ଇନେକିଦେଂକି ହେୱାର୍ ଇସ୍‌ରୂତି ହେବାକାରି ଲାକେ ଇ କାମାୟ୍‌ତ ଲାଗିସ୍ ମାନାର୍ । ‡ ଇନେରିଂ ଇନାକା ଗାଟାନାଡ଼, ହେୱାନିଂ ସିସ୍‌ ହିଆର୍; ଇନେରିଂ ହିଦେଂ ଆନାଡ଼, ହେୱାନିଂ ହିଆର୍, ଇନେରିଂ ଟିକସ୍ ହିଦେଂ ଆନାଡ଼, ହେୱାନିଂ ସିସ୍‌ ହିଆର୍, ଇନେରିଂ ପାଣ୍ଡା ଆୟାନାଡ଼, ହେୱାନିଂ ପାଣ୍ଡୁ ଆଡୁ, ଇନେରିଂ ୱାରିଆନାଡ଼, ହେୱାନିଂ ୱାରିକିଆର୍ ।

ଟଣ୍ଡେନ୍ ଲାକେ ଜିଉନଝାଟ୍

୮ ହାରିତିଂ ଜିଉନନାକା ପିସ୍ତି ଆରେ ଇନେର୍ ତାକେ ରିଣୟା ଆମାଟ୍, ଇନେକିଦେଂକି ଇନେର୍ ବିନ୍ ଲଗାଙ୍ଗ୍ ଜିଉନନାନ୍, ହେୱାନ ବିଦି ପୁରା କିନି ଲଡ଼ା । ୯ “ଇନେକିଦେଂକି ଦାରି କିମାଟ୍, ନାର୍‌ତିଂ ଟୁଣ୍‌ମାଟ୍, ଚରି କିମାଟ୍, ଲାବ୍‌ଡି ଆମାଟ୍, ଆରେ ଜଦି ଆରେ ଇମ୍‌ଣାକା ପା ବଲ୍ ମାଟିସ୍, ହେଦାଂ ସାର୍ ବାବ୍ରେ ଇ ବଚନ୍‌ନି ମାନାକାନ୍ ଆନାନ୍, ଲାଗିଂ, ପାଡ଼ହା ଇଞ୍ଜାକାରିଂ ୱାୟ୍‌ଲାକେ ଜିଉନଝାଟ୍ । ୧୦ ଏନେଙ୍ଗ୍ ରଝାନିଂ ଜିଉନଜି ମାଟିସ୍, ହେୱାନ କାଜିଂ ଇନାଝାଡ଼ାଂ ପା ଅନ୍ୟାୟ୍ କିଉଦେର୍ । ଲାଗିଂ ଜିଉନନାକା ହୁକେ ନେ ୱିଜୁ ବିଦି ମାନି କିୟାନାଡ଼ ।

୧୧ ଆରେ, ନଙ୍ଗ୍ ମି ହୁଟ୍‌କାଣ୍‌କୁତାଂ ଜାଗ୍ରତ୍ ଆନି ସମୁ ଜେ ଇକାଝାତାଡ଼, ଇଦାଂ ପୁନ୍‌ଞ୍ଜି ଇ ସବୁ କିୟାଟ୍; ଇନେକିଦେଂକି ମା ପାତ୍ କିନି ଦିନତାଂ ନଂ ମୁକ୍‌ତାନାକା ମାଦାଂ ଆଦିକ୍ ଲାଗେ । ୧୨ ନାଣା ଅଜଡ଼୍ ଆନାତା, ଦିନ୍ ଲାଗେ; ଲାଗିଂ ୱାଡୁ, ଆସେଙ୍ଗ୍ ମାଜ୍‌ଗାନି କାମାୟ୍ ସବୁ ପିସ୍ତି ଅଜଡ଼୍‌ନି ଆତିୟାର୍ ଲାକେ ଜାଲ୍‌ଦି କିଜି ଉସ୍‌ପାନାସ୍ । ୧୩ ରଙ୍ଗ୍‌ରାସ୍‌ଆ ଆରି କାଲିଂ ଉଣାକା, ବାନ୍ୟାକାମାୟ୍ ଆରି ଦାରିକାମାୟ୍, ଗଣ୍ଡଗଲ୍ ଆରି ରିସାତ ଚିନ୍ତା କିଝାଦାଂ ୱାଡୁ, ଆସେଙ୍ଗ୍ ଦିନ୍‌ନି ହାର୍‌ଦାଂ ଚିନ୍ତା କିନାସ୍ । ୧୪ ଆରେ ମାପୁ ଜିସୁ କ୍ରିସ୍‌ଟିଂ ଏପେଙ୍ଗ୍ ହେୟା ଲାକେ ଉସ୍‌ପାଟ୍, ଆରେ ବାନ୍ୟାଆହା ହପ୍‌ପିସ୍ ଗାଗାଡ଼୍ କାଜିଂ ଜାଲ୍‌ଦି କିମାଟ୍ ।”

୧୪

ଟଣ୍ଡେନ୍‌ତି ଦସ୍ ଆହ୍‌ମାଟ୍

୧ *ପାତ୍ ତ ଇନେର୍ ନାଦାର୍, ତାଙ୍ଗ୍ ଇଟାଟ୍, ମାତର୍ ବିନ୍ ବିନ୍ ମାନ୍ତି ବିସ୍ତେ ଗାଣ୍ଡୁ କିନି କାଜିଂ ହେଦାଂ କିମାଟ୍ । ୨ ସବୁ ଜିନିସ୍ ତିନି କାଜିଂ ରଝାନ୍ ମାନାୟ୍ ପାତ୍ ମାନାଡ଼, ମାତର୍ ଇନେର୍ ପାତ୍ ତ ନାଦାର୍, ହେୱାନ କେବଲ୍ କୁଟା ତିନାନ୍ । ୩ ଇନେନ୍ ତିନାନ୍, ହେୱାନ ଲାୟ୍ ତିନ୍‌ଝି ମାନାୟ୍‌ତିଂ ବେକାର୍ ଇନ୍‌ମା; ଆରେ, ଇନେନ୍ ଲାୟ୍ ତିନ୍‌ନ୍, ହେୱାନ ଲାୟ୍ ତିନି ଲକ୍ଷ୍‌ତି ବିଚାର୍ କିମେନ୍, ଇନେକିଦେଂକି ଇସ୍‌ର ତାଙ୍ଗ୍ ଇଡ଼ତାନ୍ନା । ୪ ଏପ୍ ଇନେର୍ ଜେ ବିନ୍ ଆଡିଏନ୍‌ନି ବିଚାର୍ କିନାଦେରା ? ହେୱାନ ଜାର୍ ମାପୁ ଲାଗାଂ ତିର୍ ମାନାନ୍ କି ମୁଞ୍ଜନାନ୍; ଆଁ, ତାଙ୍ଗେଙ୍ଗ୍ ତିର୍ କିୟାନାଡ଼, ଇନେକିଦେଂକି ତାଙ୍ଗେଙ୍ଗ୍ ତିର୍ କିଦେଙ୍ଗ୍ ମାପୁତି ସାକ୍ତି ମାନାଡ଼ ।

* ରଝାନ୍ ମାନାୟ୍ ର ଦିନ୍ ବାଟା ବିନ୍ ଦିନ୍‌ତିଂ ଆଦିକ୍ ଇଜଡ଼୍ କିନାନ୍, ଆରେ ରଝାନ୍ ସବୁନାଜିଂ ସମାନ୍ ଲାକେ ଇଜଡ଼୍ କିନାନ୍ । ୱିଜାର୍ ମାନାୟ୍ ଜାର୍ ମାନ୍ତି ବିଚାର୍ କିଏନ୍ । ୨ ଇନେର୍ ହାର୍ ଦିନ୍ ବାବି କିନାନ୍, ହେୱାନ ମାପୁତି ଉଦେସ୍ ହେଦାଂ ମାନି କିନାନ୍; ଆରେ ଇନେର୍ ତିନାନ୍, ହେୱାନ ମାପୁତି ଉଦେସ୍ ତିନେନ୍, ଇନେକିଦେଂକି

☆ ୧୪:୧ ୧୪:୧ କଲସିୟ ୨:୧୭.

ହେୱାନ ଇସ୍‌ରାଏଲ୍ ଦନ୍ୟବାଦ ହିନାନ; ଆରେ ଇନେର୍ ତିନୁନ୍, ହେୱାନ ମାପୁତି ଉଦେସ୍ ତିନୁନ୍ ଆରି ଇସ୍‌ରାଏଲ୍ ଦନ୍ୟବାଦ ହିନାନ । ୭ ଇନେକିଦେଂକି ମା ବିତ୍ରେତାଂ ଇନେର୍ ଜାର୍ କାଜି ଜିଉନ୍, ଆରି ଜାର୍ କାଜି ହାଉନ୍ । ୮ ଲାଗି, ଜଦି ଆସେଙ୍ଗ୍ ଜିନାସ୍, ତେବେ ମାପୁତି କାଜି ଜିନାସ୍, କି ଜଦି ହାନାସ୍, ବାଟିଙ୍ଗ୍ ମାପୁତି କାଜି ହାନାସ୍ । ଇତିସ୍, ଜଦି ଆସେଙ୍ଗ୍ ଜିନାସ୍ କି ହାନାସ୍, ଆସେଙ୍ଗ୍ ମାପୁତି ଆନାସ୍ । ୯ ଇନେକିଦେଂକି କ୍ରିସ୍ ଇନେସ୍ ହାକି ଆରି ଜିବୁନ୍ ରିୟାଉତି ମାପୁ ଆନାନ୍, ହେଦାଂ କାଜି ହେୱାନ ହାତାନ୍, ଆରେ ଆରେ ଜିତାନ୍ । ୧୦ *ମାତର୍ ଏପେଙ୍ଗ୍ ଇନେକିଦେଂ ଜାର୍ ଟଣ୍ଡେନ୍‌ନିଂ ବିଚାର୍ କିନାଦେରା ? କି ଏପେଙ୍ଗ୍ ଇନେକିଦେଂ ଜାର୍ ଟଣ୍ଡେନ୍‌ନିଂ ଅଲ୍‌ଗା ହୁଡ଼ନାଦେରା ? ଆପେଂ ଓଜାକାପ୍ ତ ଇସ୍‌ରାଏଲ୍ ବିଚାର୍ ବାହାନି ମୁମ୍‌ଦ ନିଲ୍‌ନାସ୍ । ୧୧ ଲାଗି ଲେକାମାନାଡ଼,

“ମାପୁ ଇନାନ୍, ଆପ୍ ଜିବୁନ୍ ମାନି ପାତେକ୍,
 ଓଜାର୍ ମେଣ୍ଟାଂ ମା ମୁମ୍‌ଦ ତାଣ୍ଟାହାଣ୍ ମାଗ୍‌ନାକା,

ଆରେ ଓଜୁ ଖେନ୍‌ଲ୍ ଇସ୍‌ତ କେରନାଡ଼ ।

୧୨ ଲାଗି, ମାଦାଂ ଓଜାର୍ ମାନାୟାରିଂ ଇସ୍‌ରାଏଲ୍ ମୁମ୍‌ଦ ଜାର୍ ଜାର୍‌ତି ଇସାବ୍ ହିୟାନାଡ଼ ।”

ଟଣ୍ଡେନ୍‌ତି ବୁଡାୟ କିମାଟ୍

୧୩ ଲାଗି ଖାତ, ଆପ୍ ଆରେ ହାରି ବିଚାର୍ କିଉସ୍; ମତର୍ ଇନେର୍ ଇନେସ୍ ଜାର୍ ଟଣ୍ଡେନ୍‌ତି ହାଜିଡ଼ ବାଦା ଲାଗଦି ନଲେ ବୁଡାନାକା ବିସ୍ତେ ଇଟୁନ୍ ଇଦାଂ ଏପେଙ୍ଗ୍ ବିଚାର୍ କିୟାଟ୍ । ୧୪ ଆନ୍ ପୁନାଙ୍ଗ୍ ଆରି ମାପୁ ଜିସୁତି ତାକେ ହାଡ଼ପା ଗିଆନ୍ କିନାଙ୍ଗ୍ ଜେ, ଇମ୍‌ଣାକା ପା ବିସ୍ତେ ନଜେ ସକଟ୍ ଆକାୟ୍, ମାତର୍ ଇମ୍‌ଣାକାର୍ ଇମ୍‌ଣାକା ପା ଜିନିସ୍‌ତିଂ ସକଟ୍ ଆକାୟ୍ ଇଞ୍ଜି ପାତ କିନାନ୍, କେବଲ୍ ହେଦେଲିଂ କାଜି ହେଦାଂ ସକଟ୍ ଆକାୟ୍ । ୧୫ ଇନେକିଦେଂକି ମି ଟଣ୍ଡେନ୍ ଜଦି କାଦି କାଜି ଦୁକ୍ ଆନାନ୍, ତା ଆତିସ୍ ଏପେଙ୍ଗ୍ ଆରେ ଜିଉନିତିଂ ବେବାର୍ କିଉଦେରା । ଇମ୍‌ଣାକା କାଜି କ୍ରିସ୍ ହାତାନ୍, ହେଦାଂ ଏପେଙ୍ଗ୍ ମି କାଦି ହୁକେ ନସ୍ କିମାଟ୍ । ୧୬ ଏପେଙ୍ଗ୍ ଇନେରିଂ ହାର୍ ଇଞ୍ଜି ମାନେ କିନାଦେରା, ତାହୁଦାଂ ମିଦାଂ ତର୍ ନିୟା ଆମେଡ଼ । ୧୭ ଇନେକିଦେଂକି ଇସ୍‌ତ ରାଜି ତିନାକା ଉଣାକା ଆକାୟ୍, ମାତର୍ ଦାମ୍, ସୁସ୍ତା ଆରି ପୁଇପୁୟା ଜିବୁନ୍‌ତି ତାକେ ଖାରି ଆନାଡ଼ । ୧୮ ଲାଗି ଇନେର୍ ଇ ବିସ୍ତେ କ୍ରିସ୍‌ତି ହେବା କିନାନ୍, ହେୱାନ ଇସ୍‌ରାଏଲ୍ ଲାଗାଂ ଇଟ୍ୟାନାକାନ୍ ଆରି ମାନାୟାର୍ ଲାଗାଂ ପରିକ୍ୟାସିଦ୍ ଆନାନ୍ ।

୧୯ ଇତିସ୍ ଖାତ, ଇମ୍‌ଣି ଇମ୍‌ଣି ବିସ୍ତେ ସୁସ୍ତାନିକା, ଆରେ ଇମ୍‌ଣି ଇମ୍‌ଣି ବିସ୍ତେ ହୁକେ ହାରି ହାର୍ ରଡ଼ନାସ୍, ହେ ସବୁନି ଆସେଙ୍ଗ୍ ପାରେ ପାରେ ହାନାସ୍ । ୨୦ କାଦି କାଜିଂ ଇସ୍‌ତ କାମାୟ୍ ନସ୍ କିମାଟ୍ । ଓଜୁ ବିସ୍ତେ ଆତିସ୍‌ପା ସକଟ୍; ଆତିସ୍‌ପା ଇମ୍‌ଣି ମାନାୟ୍ ଇନାକା ତିନାକା ବାଦା ପାୟାନାନ୍, ହେଦାଂ ପାକ୍ୟାତ ହେଦାଂ ବାନିୟା । ୨୧ ଜେଇ ତିନାକା କି ଅଙ୍ଗୁର୍ ରାସ୍ ଉଣାକା କି ଇମ୍‌ଣି ବିସ୍ତେ ମି ଟଣ୍ଡେନ୍‌ତି ବାଦା ଆତିସ୍, ହେଦାଂ କିଓତିସ୍ ହାର୍ । ୨୨ ମି ଇମ୍‌ଣି ପାତ ମାନାଡ଼, ହେଦାଂ ଏପେଙ୍ଗ୍ ଇସ୍‌ରାଏଲ୍ ମୁମ୍‌ଦ ଜାର୍ ଖାୟିତାଂ ଆସ୍ତି ମାନାଟ୍ । ଇନେର୍ ଇନାକା ପରିକ୍ୟାସିଦ୍ ଇଞ୍ଜି ବାବିକିନାନ୍, ହେୱାନ ଜଦି ହେବେ ଜାର୍‌ତିଂ ଦସି କିଉନ୍, ତେବେ ହେୱାନ ଦନ୍ୟ । ୨୩ ମାତର୍ ଇନେର୍ ରିମାନାଜି ତିନାନ୍, ହେୱାନ ଦାଣ୍ ପାୟାନାନ୍, ଇନେକିଦେଂକି ହେୱାନ ପାତ ତିନୁନ୍; ଆରେ ଇନାକା ଉଚୁତିଂ ପାତ ତାଂ ଆଉଡ଼, ହେଦାଂ ପାପ୍ ।

* ୧୪:୧୦ ୧୪:୧୦ ୨କରକ୍ରିୟ ୫:୧୦.

୧୫

ବିନେନିକାରିଂ ଖାରିକିୟ କିୟାଟ୍ ଜାର୍ତିଂ ଆକାୟ୍

୧ ଇନେର୍ ପାତର୍ ତ ଆର୍ଖା, ହେଞ୍ଜାର ନାଦାର୍ ପାତର୍ ଟଣ୍ଡେନିଂ ଦସ୍ ନାଦାର୍ କାଜିଂ କ'ଆଣ୍ ଆଏର୍ । ଇନେର୍ କେବଲ୍ ଜାର୍ତିଂ ଖାରି କିନି କାଜିଂ ଇଟା କିଫେନ୍ ।
 ୨ ନଲେ ବିନିନିକାର୍ ହାର୍ କାଜିଂ ଆରି ହେଞ୍ଜାର୍ତି ପାତର୍ ବାପୁ କିନି କାଜିଂ ହେଞ୍ଜାରିଂ ଖାରି ଇଟନାକା ମା ଲଡା । ୩ କ୍ରିଷ୍ଟ ଜାର୍ତି ସୁକ୍ କାଜିଂ ମୁଡେ କିଞ୍ଜାଦାଂ ମାତାନ୍ । ନଲେ ସାସ୍ତର୍ ବଚନ୍ ଇସାପ୍ରେ, “ହେଞ୍ଜାର୍ ମିଙ୍ଗେଙ୍ଗ୍ ହିଜିମାଞ୍ଜିନି ଅପ୍ମାନ୍ ଆନ୍ ହୁଞ୍ଜନାଙ୍ଗା ।” ୪ ଆରେ ଆସେଙ୍ଗ୍ ଇନେସ୍ ସାସ୍ତର୍ ଇସାବ୍ରେ ସାସ୍ ଆରି ଦୁକ୍ସାରାୟ୍ ହୁକେ ବାସ୍ ପାୟା ଆନାସ୍, ଇଦାଂ କାଜିଂ ଆଗେ କାଡ଼ଦ୍ ଇନା ଇନାକା ଲେକା ଆଜି ମାତାଡ଼, ହେ ସବୁ ମା ହିକ୍ୟା କାଜିଂ ଲେକା ଆତାଡ଼ନ୍ନା । ୫ କ୍ରିଷ୍ଟ ଜିସୁତି ଖାରିନି ପାତେ ଲାକେ ଖିଜାର୍ତି ହେ ବାନି ମାନ୍ ବାବ୍ନା ଆନି କାଜିଂ ସାସ୍ ଆରି ଖାରିନି ଆଦାର୍ ଇସ୍ତର୍ ମିଙ୍ଗେଙ୍ଗ୍ ବାପୁ କିଦେନ୍ । ୬ ଇନେସ୍ ର ମାନ୍ଦାଂ ର ଖାଈଦାଂ ଏପେଙ୍ଗ୍ ଇସ୍ତର୍ ଆରି ମା ମାପୁ ଜିସୁ କ୍ରିସ୍ତ ଆବାତି ଜାଜ୍ମାଲ୍ କିୟାଟ୍ ।

ପାତର୍ କିଞ୍ଜି ଜିହୁଦିର୍ତି କାଜିଂ ହାର୍ଦି କାବୁର୍

୭ ଲାଗିଂ ଇସ୍ତର୍ ଜାଜ୍ମାଲ୍ କାଜିଂ କ୍ରିଷ୍ଟ ଇନେସ୍ ମିଙ୍ଗେଙ୍ଗ୍ ଇଡ଼ଦାତାନ୍, ଏପେଙ୍ଗ୍ ପା ହେ ଲାକେ ହାରିତିଂ ଇଟାଟ୍ । ୮ ଇନେକିଦେଂକି ଆନ୍ ଇଞ୍ଜନାଙ୍ଗ୍, କ୍ରିଷ୍ଟ ଇସ୍ତର୍ ହାଡ଼ପା କାଜିଂ ସୁନ୍ନଡ଼ ମାନାୟାରିଂ ହେବାକାରୟା କିୟା ଆତାଡ଼ନ୍ନା, ଇନେସ୍ ହେଞ୍ଜାନ୍ ଆକର୍ଦାଦିର୍ ହିଡ଼ତି ପାର୍ମାଣ୍ ହାଜି ତିର୍ କିନାନ୍, ୯ ଆରେ, ଇନେସ୍ ପାତର୍ କିଞ୍ଜି ଜିହୁଦିର୍ ଇସ୍ତର୍ ଦୟା କାଜିଂ ହେଞ୍ଜାନ୍ତି ଜାଜ୍ମାଲ୍ କିତାଟ୍; ଇନେସ୍ ଲେକା ମାନାଟ୍, “ଇଦାଂ କାଜିଂ ଆନ୍ ପାତର୍ କିଞ୍ଜି ଜିହୁଦିର୍ ବିତ୍ରେ ନିଂ ଖାରିକିୟ କିଦନାଙ୍ଗ୍, ଆରେ ନି ତର୍ ଖାରିକିୟ କିନାଙ୍ଗ୍ ।”

୧୦ ଆରେ ହେଞ୍ଜାନ୍ ଇନାନ୍, ଏ ପାତର୍ କିଞ୍ଜି ଜିହୁଦିର୍, ଏପେଙ୍ଗ୍ ହେଞ୍ଜାନ୍ତି ମାନାୟାର୍ ଲାହାଙ୍ଗ୍ ଖାରି କିୟାଟ୍ । ୧୧ ଆରେ, “ଏ ପାତର୍ କିଞ୍ଜି ଜିହୁଦିର୍ ଖିଜାଦେର୍ ମାପୁଙ୍ଗ୍ ଖାରିକିୟ କିୟାଟ୍, ଆରେ, ମାନାୟ୍ ଖିଜାର୍ ହେଞ୍ଜାନ୍ତି ଖାରିକିୟ କିୟାଟ୍ ।”

୧୨ ଆରେ ଜିସିୟ ଇନାନ୍, “ଜିସାୟତି ଦଲ୍ ମାନ୍ଗାନାଟ୍, ଆରେ, ଇନେର୍ ପାତର୍ କିଞ୍ଜି ଜିହୁଦିର୍ ଜପି ସାସନ୍ କିଦେଙ୍ଗ୍ ନିଙ୍ଗନାଟ୍, ପାତର୍ କିଞ୍ଜି ଜିହୁଦିର୍ ହେଞ୍ଜାନ୍ ଜପି ବାସ୍ କିତାଟ୍ ।”

୧୩ ଖିଜୁ ବାସ୍ ନି ଆଦା, ଇସ୍ତର୍ ମିଙ୍ଗେଙ୍ଗ୍ ପାତର୍ କାଜିଂ ମିଙ୍ଗେଙ୍ଗ୍ ଖାରି ଆରି ସୁସ୍ତାତ ବାତର୍ କିଦେନ୍ । ପୁଇପୁୟା ଜିବୁନ୍ ସାକ୍ତିତ ମିଦାଂ ବାସ୍ ନି ବାତା ଆୟେଡ଼

ପାଉଲ୍ ପାତର୍ କିଞ୍ଜି ଜିହୁଦିର୍ କାଜିଂ ଜିସୁତି ହେବାକାମାୟ୍

୧୪ ଆରେ ଏ ନା ଟଣ୍ଡାର୍ ଆରି ତଣ୍ଡେକ୍, ନା ପାତର୍, ଏପେଙ୍ଗ୍ ଖିଜାକାଦେର୍ ସଡ଼ଗୁଣ୍, ଆରେ ଗିଆନ୍ତ ବାତର୍ ଆରି ହାରିତିଂ ହିକ୍ୟା ହିଦେଂ ଆଡ଼ନାଦେର୍ । ୧୫ ଆତିସ୍ପା ନାଙ୍ଗ୍ ଇସ୍ତର୍ତି ଦାଇଡ଼ ହିୟାଜି ମାନି ଦୟା କାଜିଂ ଆନ୍ ମିଙ୍ଗେଙ୍ଗ୍ ଆରେରଗ ଏଡୁକିୟ କିଦନି କାଜିଂ କେତେକ୍ ଇସାବ୍ ଆଦିକ୍ ସାସ୍ ଲାହାଂ ମି ଲାଗାଂ ଲେକିକିନାଙ୍ଗା । ୧୬ ଇନେକିଦେଂକି ପାତର୍ କିଞ୍ଜି ଜିହୁଦିର୍ ଇନେସ୍ ପୁଇପୁୟା ଜିବୁନ୍ ହୁକେ ପୁଇପୁୟା କିୟା ଆଜି ଆକାଟ୍ ଲାକେ ହାର୍ ଇଟ୍ୟା ଆନାର୍, ଇଦାଂ କାଜିଂ ହେଞ୍ଜାର୍ ଲାଗାଂ କ୍ରିଷ୍ଟ ଜିସୁତି ହେବାକାରିୟା ଆଜି ଇସ୍ତର୍ ନେକ୍ରିକାବୁର୍ ପର୍ତାଟ୍ କିନି କାଜିଂ ନାଙ୍ଗ୍ ହେ ଉପକାର୍ ହିଡ଼ତାଡ଼ନା । ୧୭ ଲାଗିଂ କ୍ରିଷ୍ଟ ଜିସୁତି ଲାହାଂ ମେହାଜି ଇସ୍ତର୍ତି କାଜିଂ ଇ ହେବାକାମାୟ୍ କିଜି ମାଟିଲେ ଆନ୍ ଗର୍ବେ ବାବି କିନାଙ୍ଗା ।

୧୮ ଇନେକିଦେଂକି ପାତର୍ କିଞ୍ଚି ଜିହୁଦିର ବଲ୍ଲ ମାନି କିନି କାଜିଂ କ୍ରିସ୍ଟ ନା ହୁକେ ବଚନତ ଆରି କାମାୟତ, ଇତିସ୍ ବିନ୍‌ବିନ୍ ତିନ୍ ଆରି କାବାନି କାମାୟତ, ପୁଇପୁୟା ଜିବୁନ୍ ସାକ୍ତିତ ଇନା ଇନାକା କିଞ୍ଚାତାନନା, ଏଲେଙ୍ଗ୍ ଇମ୍‌ଣାକା ପା ବିସ୍ତେ କିଦେଙ୍ଗ୍ ଆନ୍ ସାସ୍ କିଉଙ୍ଗ୍ । ୧୯ ଇଦାଂ ହେଞ୍ଜାନ୍ ଇଚାନ୍ନା, ବଚନ୍ ଆରି କାମାୟ ହୁଦାଂ ଆରି ଇସ୍‌ବରତି ପୁଇପୁୟା ଜିବୁନ୍‌ତି ସାକ୍ତିତ ତିନ୍‌କୁ ଆରେ କାବାନି କାମାୟ । ଲାଗିଂ ଆନ୍ ଜିରୁସାଲମତାଂ ଇଲ୍ଲୁରିକ୍‌ତ ହାନି ଝେଡାଲିଂ ହାଜିତ କ୍ରିସ୍ଟି ନେକ୍ରିକାରୁର୍ ବେସିକିଜି ପୁଣାୟ କିତାଂନା । ୨୦ ଇମ୍‌ଣି ବାହାକାଂ ମାନାୟାର୍ କ୍ରିସ୍ଟି ବିସ୍ତେ ଝେନ୍‌ଞ୍ଚାତାଣ୍ଟା, ହେବେ ହେଞ୍ଚାକ୍ରି ନେକ୍ରିକାରୁର୍ ପରଚାର୍ କିନାକା ନା ଇଚ୍‌କାଡ୍, ଇନେକିଦେଂକି ବିନ୍‌ଲଗ୍‌କୁ କୁନାଦି କିତିତାକେ ଇଲ୍ଲ ରଚ୍‌ଚେଙ୍ଗ୍ ଆନ୍‌ମାନ୍ କିଉଙ୍ଗା । ୨୧ ଇନେସ୍ ଲେକାମାନାଡ୍,

“ଇମ୍‌ଣାକାର୍ ହେଞ୍ଚାକ୍ରି କାରୁର୍ ପାୟାଞ୍ଚାତାଣ୍ଟା,

ହେଞ୍ଚାର୍ ହୁଡ୍‌ନାର୍, ଆରେ ଇମ୍‌ଣାକାର୍ ଝେନ୍‌ଞ୍ଚାତାଣ୍ଟା, ହେଞ୍ଚାର୍ ବୁଜାଆନାର୍
।” ଜିସାୟ ୫୨:୧୫ ।

ରମ୍ ହାନି କାଜିଂ ପାଉଲ୍‌ତି ଇଚା

୨୨ *ବେସିହର୍ ମି ଲାଗାଂ ଖାନି କାଜିଂ ନା ଇଚା ପଲ୍ୟା ଆତାନ୍ । ୨୩ ମାତର୍ ନଙ୍ଗ୍ ଇ ସବୁ ପାଚିନିପ କାମାୟ କିଦେଙ୍ଗ୍ ଆରେ ବାହା ହିଲ୍‌ଞ୍ଚିଲେ ଆରେ, ବେସି ବାହୁଁ ଆତାଡ୍ ମି ଲାଗାଂ ହାନି କାଜିଂ ଆହା କିଜି ଖାଜି ମାଚିଲେ, ୨୪ ଆନ୍ ସ୍ପେନ୍‌ତିଂ ହାନି ସମୁତ ଖାନାଙ୍ଗ୍; ଇନେକିଦେଂକି ହାସ୍‌ଦ ମିଙ୍ଗେଙ୍ଗ୍ ମେହାଜି ପର୍ତୁମ୍ ମି ମେହାଣ୍ଡ କେତେକ୍ ହିସାବ୍‌ରେ ପାଞ୍ଜି ଲାବ୍ କିତି ପାଚେ ହେ ବାହାତ ହାନି କାଜିଂ ଏପେଙ୍ଗ୍ ନାଙ୍ଗ୍ ହାଜି ଝେଡ୍‌ଚାନାଦେର୍ ଇଞ୍ଜି ଆହା କିନାଙ୍ଗା । ୨୫ *ଇ ଦାପ୍ରେ ପୁଇପୁୟା ଇସ୍‌ବରତି ଲକୁରିଂ ହେବା କିଦେଙ୍ଗ୍ ଜିରୁସାଲମ୍ ହାଞ୍ଜେଙ୍ଗ୍ ହତାଂନା । ୨୬ ଇନେକିଦେଂକି ଜିରୁସାଲମତ ପୁଇପୁୟା ସାଦୁର୍ ବିତ୍ରେ ଇମ୍‌ଣାକାର୍ ହିଲ୍ଲକାର୍, ହେଞ୍ଚାର୍ କାଜିଂ ମାକିଦନିଆ ଆରି ଆକାୟାନି ମଣ୍ଡଲିକାଂ ମେହାଣ୍ଡ ଚର୍‌ନି ଅଲପ୍ ଦାନ୍ ରୁଣ୍ଡାୟ କିଦେଙ୍ଗ୍ ହାର୍ କିତାଣ୍ଟା । ୨୭ ଅଁ ହେଞ୍ଚାର୍ ଇଦାଂ ହାର୍ ବୁଜାଆତାଣ୍ଟା ସଡ୍, ହେଲ୍ ହେଞ୍ଚାର୍ ହେଞ୍ଚାର୍‌ତି ଲାଗାଂ ରିଶ୍ ପା ଲଡା; ଇନେକିଦେଂକି ଜଦି ପାତର୍ କିଞ୍ଚି ଜିହୁଦିର ହେଞ୍ଚାର୍‌ତି ଖାସ୍ତି ବିସ୍ତେ ମେହା ଆତାଣ୍ଟା, ତେବେ ହେଞ୍ଚାର୍ ସଁସାର୍ ବିସ୍ତେ ପା ହେଞ୍ଚାର୍‌ତି ହେବା କିନି କାଜିଂ ରିଶ୍ । ୨୮ ଲାଗିଂ, ଇକାମାୟ ପୁରା କିତି ପାଚେ ଆରି ଇ ରୁଣ୍ଡାୟ କିଜି ଇଡ୍‌ତି ଦାନ୍ ଲାଗ୍‌ଦି ପାଡ୍ ହେଞ୍ଚାର୍‌ତି କେଇଦ୍ ହେଲ୍ଲାୟ କିତି ପାଚେ ମି ଲାଗାଂ ହିଜି ସ୍ପେନ୍‌ତ ହାନାଙ୍ଗ୍ । ୨୯ ଆରେ ଆନ୍ ପୁନାଙ୍ଗ୍, ଏଚେକାଡ୍‌ଦ୍ ଆନ୍ ମି ଲାଗାଂ ଏକା ଖାନାଙ୍ଗ୍, ହେପାଦନା କ୍ରିସ୍ଟି ଆସିର୍ବାଦନି ବାଚ୍‌ତି ଏକାନାଂ ।

୩୦ ଏ ଟଣ୍ଡାର୍ ଆରି ଟଣ୍ଡାର୍, ଆନ୍ ମା ମାପୁ ଜିସ୍ କ୍ରିସ୍ଟି କାଜିଂ ଆରି ଜିବୁନ୍ ଜିଉନନି କାଜିଂ ନା କାଜିଂ ଇସ୍‌ବର୍ ଲାଗାଂ ନା ଲାହାଙ୍ଗ୍ ଜାଡ୍‌ନତାଂ ପାତାନା କିନି କାଜିଂ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ୩୧ ଇନେସ୍ ଆନ୍ ଜିହୁଦା ରାଜିତ ବଲ୍ଲ ମାନିକିଞ୍ଚି ମାନାୟାର୍‌ତାଂ ରାକ୍ୟା ପାୟାନାଙ୍ଗ୍, ଆରେ ଜିରୁସାଲମ୍ କାଜିଂ ନା ଇମ୍‌ଣି ହେବା, ହେଦାଂ ଇନେସ୍ ପୁଇପୁୟା ସାଦୁର୍ ଲାଗାଂ ହାର୍ ଇଚ୍ୟାନାଡ୍, ୩୨ ଆରେ, ଇସ୍‌ବର୍ ଇଚାତ ଆନ୍ ଇନେସ୍ ଖାରିତାଂ ମି ଲାଗାଂ ଏକା ଖାଜି ମି ଲାହାଙ୍ଗ୍ ଆରାମ୍ ପାୟାଆନାଙ୍ଗ୍ । ୩୩ ସୁସ୍‌ସାହିନାକାନ୍ ଇସ୍‌ବର୍ ମି ଖିଜାର୍ ଲାହାଙ୍ଗ୍ ମାନେନ୍ । ଆମେନ୍ ।



ପାଉଲ୍‌ତି ବନ୍ଦାଣି

୧ କେଙ୍କେୟା ମଣ୍ଡଲିନି ରଞ୍ଜେଲ୍ ହେବା କିନାକାଦେଲ୍ ମା ତଣ୍ଡେଲ୍ ପୌବିତି ପାକ୍ୟାତ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ୨ ଏପେଙ୍ଗ୍ ସାଦୁର୍ତି ଆଡ୍‌ନି ସମାନ୍ ବାବ୍ରେ ତାଙ୍ଗେଙ୍ଗ୍ ମାପୁତି ତରଦ୍ ଇଚ୍‌ନାଦେର୍, ଆରେ ଇମ୍‌ଣାକା ପା ବିସ୍ତେ ମିତାଁ ହେଞ୍ଜାନ୍ତି ଉପକାର୍ ଲଡ଼ା ଆନାଡ୍, ହେ ବିସ୍ତେ ତାଙ୍ଗ୍ ଉପକାର୍ କିନାଦେର୍; ଇନେକିଦେଂକି ହେଞ୍ଜାନ୍ ନିଜେ ପା ହେନିର୍ତି ଆରି ନା ନିଜାର୍ତି ଉପକାର୍ କିତାର୍‌ନା ।

୩ *କ୍ରିଷ୍ଟୁ ଜିସୁତି କାମାୟତ ନା ହାଙ୍ଗ୍‌ଦାକାର୍ ପ୍ରିସ୍ତା ଆରି ଆକ୍‌ଲୀତିଂ ଜୁଞ୍ଜାର୍ ଖେଚାଟ୍; ୪ ହେଞ୍ଜାର୍ ନା ପାରାଣ କାଜିଂ ଜାର୍ ଜାର୍ ଜିରୁନ୍ତିଂ ଆପଡ୍ କିତାର୍; କେବଲ୍ ଆନ୍ ଜେ ହେଞ୍ଜାରିଂ ଦନ୍‌ଏବାଦ୍ କିନାଙ୍ଗା, ହେଦାଂ ଆକାୟ୍, ମାତର୍ ପାତର୍ କିଞ୍ଜି ଜିହୁଦିର୍ ମଣ୍ଡଲି ଲାଗାଂ ପା ହେଞ୍ଜାରିଂ ଦନ୍‌ଏବାଦ୍ ହିନାରା; ୫ ଆରେ ହେଞ୍ଜାର୍ ଇଞ୍ଜ ମାନି ମଣ୍ଡଲିତିଂ ଜୁଞ୍ଜାର୍ ଖେଚାଟ୍ ।

ନା ଖାରିନି ଏପାଇନେତତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ କ୍ରିଷ୍ଟି କାଜିଂ ଆସିଆନି ପର୍ତୁମ୍ ପାଡ୍ ଲାକେ । ୬ ମରିୟମ୍‌ତିଂ ଜୁଞ୍ଜାର୍ ଖେଚାଟ୍, ହେଦେଲ୍ ମି କାଜିଂ ବେସି କସ୍ କିଜି ମାଚାଡ୍ । ୭ ନା ନିଜ୍‌ଜାତି ଆରି ରଚେବାନ୍ଦି ଆୟୁନିକ୍ ଆରି ଜୁନିୟାତିଂ ଜୁଞ୍ଜାର୍ ଖେଚାଟ୍; ହେଞ୍ଜାର୍ ପକ୍ୟାତାକାର୍ ବିତ୍ରେ ଡାକ୍‌ପୁଟା ଆରି ନା ଆଗ୍‌ଦ ପା କ୍ରିଷ୍ଟି ଦୟାପାୟା ଆତାଣ୍ଟା ।

୮ ମାପୁତାକେ ନା ଖାରିନି ବନ୍ଦୁ ଆମ୍‌ୟାତାନିଂ ଜୁଞ୍ଜାର୍ ଖେଚାଟ୍ । ୯ କ୍ରିଷ୍ଟି ହେବାତ ନା ହାଙ୍ଗ୍‌ଦାକାର୍ କାମାୟ କିନାକାନ୍ ଉର୍ବାଣତିଂ ଆରି ନା ଖାରିନି ସ୍ତାକୃତିଂ ଜୁଞ୍ଜାର୍ ଖେଚାଟ୍ । ୧୦ କ୍ରିଷ୍ଟୁତାକେ ପରିକ୍ୟାସିଦ୍ ଆପେଲ୍‌ଙ୍ଗ୍ ଜୁଞ୍ଜାର୍ ଖେଚାଟ୍ । ଆରିସ୍ତୁଲ୍‌ତିଂ କୁର୍ତ୍ତମ୍‌ନି ମାନାୟାରିଂ ଜୁଞ୍ଜାର୍ ଖେଚାଟ୍ । ୧୧ ନା ନିଜ୍‌ଜାତିରିଂ ହେରଦିୟନ୍ତିଂ ଜୁଞ୍ଜାର୍ ଖେଚାଟ୍ । ନାକ୍ ସଙ୍ଗ୍‌ତିଂ କୁର୍ତ୍ତମ୍ ବିତ୍ରେ ଇମ୍‌ଣାକାର୍ ମାପୁତି ଆସିର୍ବାଦ୍ ପାୟାତାଣ୍ଟା, ହେଞ୍ଜାରିଂ ଜୁଞ୍ଜାର୍ ଖେଚାଟ୍ ।

୧୨ ମାପୁତି କାମାୟତ କସ୍ କିଜି ମାନି କୁପେଣା ଆରି କୁପସାତିଂ ଜୁଞ୍ଜାର୍ ଖେଚାଟ୍ । ଖାରିନି ପସ୍‌ତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ ମାପୁତି କାମାୟତ ବେସି କସ୍ କିତାନ୍‌ନା । ୧୩ ମାପୁତି ବାଟିକିତି ରୁପ୍ତିଂ ଆରି ତାଁ ତେହିଙ୍ଗ୍ ଜୁଞ୍ଜାର୍ ଖେଚାଟ୍, ହେଦେଲ୍ ପା ନା ଆୟା ଲାକେ । ୧୪ ଅସୁଙ୍ଗ୍‌ଡ୍, ପ୍ରେଗନ୍, ହର୍ମ୍‌ସ୍, ପାତ୍ରବା, ହର୍ମ୍‌ସ୍, ଆରେ ହେଞ୍ଜାର୍‌ତି ହାଙ୍ଗ୍‌ଦାଂ ମାନି ଟଣ୍ଡାରିଂ ଆରି ତଣ୍ଡେକ୍‌କାଂ ଜୁଞ୍ଜାର୍ ଖେଚାଟ୍ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତା ତଣ୍ଡେଲ୍; ଆରେ ଅଲୁମ୍‌ପା ଆରି ହେଞ୍ଜାର୍‌ତି ଲାହାଂ ମାନି ଖିଜାର୍ ସାଦୁରିଂ ଜୁଞ୍ଜାର୍ ଖେଚାଟ୍ ।

୧୬ ପୁଇପୁୟା ତଞ୍ଜନାକା ହିଜି ହାରିତିଂ ଜୁଞ୍ଜାର୍ କିୟାଟ୍ । କ୍ରିଷ୍ଟି ଖିଜୁ ମଣ୍ଡଲି ମିଙ୍ଗେଙ୍ଗ୍ ଜୁଞ୍ଜାର୍ ଖେଚ୍‌ଚାନାରା ।

ପାଉଲ୍‌ତି ହାରିହାରା ବଲ୍

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଇମ୍‌ଣି ହିକ୍ୟା ପାୟାତାଣ୍ଟା, ହେବେନି ପାଲ୍‌ଟା ଇମ୍‌ଣାକାର୍ ଦଲ୍‌ଗଣ୍‌ଗଲ୍ ଆରି ବାଦାନି କାରଣ୍ ଗିଟାୟ୍ କିତାର୍, ହେଞ୍ଜାରିଂ ତିନ୍ ଇଡ୍‌ଜି ହେଞ୍ଜାର୍‌ତାଂ ବିନେ ମାଞ୍ଜେଙ୍ଗ୍ କାଜିଂ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା । ୧୮ ଇନେକିଦେଂକି ଇ ଲାକେ ମାନାୟାର୍ ମା ମାପୁ କ୍ରିଷ୍ଟି ଆଡ୍‌ଏନ୍ ଆକାୟ୍, ମାତର୍ ଜାର୍ ଜାର୍ ବାତର୍ ଆଡ୍‌ଏନ୍ ଆତାଣ୍ଟା, ଆରେ ମିର୍‌ବଚନ୍ ଆରି ଚିକ୍‌ଣିତ ହୁଦାର୍ ମାନ୍ ମାନାୟାର୍‌ତି ମାନ୍ ବୁଲ୍‌ୟାକିନାର୍ । ୧୯ ଲାଗିଂ ମି ବଲ୍‌ତାଂ କାତା ଖିଜୁ ଲକାର୍‌ତି ବିତ୍ରେ ମେଙ୍ଗ୍‌ୟାତାଡ୍; ଇତିସ୍ ଆନ୍ ମି କାଜିଂ ଖାରି କିନାଙ୍ଗା, ମାତର୍ ଏପେଙ୍ଗ୍ ଇନେସ୍

* ୧୭:୩ ୧୭:୩ ପକ୍ୟାତାକା ୧୮:୭.

ହାର୍ଦ୍ଦି ବିସ୍ତେ ଗିଆନ୍ ଆରି ସତ୍‌କିଞ୍ଚି ବିସ୍ତେ ଅମାନ୍ୟା ଆମାଟ୍, ଇଦାଂ ନା ମାନ୍ ।
 ୨୦ ଆରେ ସୁସ୍ତାହିନାକାନ୍ ଇସ୍‌ବର୍ ସୟତାନ୍ତିଂ ବେଗି ମି ପାନା ତାରେନ୍ ଝିହ୍‌ନାନ୍ ।

ମା ମାପୁ ଜିସୁ କ୍ରିସ୍ତୁତି ଉପକାର ମି ଲାହାଙ୍ଗ୍ ଆଏଡ୍ ।

୨୧ *ନା ହାଙ୍ଗ୍‌ଦାକାନ୍ ତିମତି, ଆରେ ନା ନିଜ୍‌ଜାତିର୍ ଲୁକିୟ, ଜାସନ୍ ଆରି
 ସସିପାତ୍ର ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାରା ।

୨୨ ଇ ଆକି ଲେକିକିନାକାନ୍ ଜେ ଆନ୍ ତତ୍‌ୟ, ଆନ୍ ମାପୁତି ତରଦ ମିଙ୍ଗେଙ୍ଗ୍
 ଜୁଝାର୍ ଝେର୍‌ଚାନାନା ।

୨୩ ନା ଆରି ଝିଜୁ ମଣ୍ଡଲିନି ଗତାଂ ହେବା କିନାକାନ୍ ଗାୟ୍ ମିଙ୍ଗେଙ୍ଗ୍ ଜୁଝାର୍ ଜାଣାୟ୍
 କିଦ୍‌ନାନା । ଇ ଗାଡ୍‌ନି ଆଦିକାର୍ ଏରାସୁ ଆରି ଟଣ୍ଡେନ୍ କ୍ୱାର୍ଟ ମିଙ୍ଗେଙ୍ଗ୍ ଜୁଝାର୍
 ଜାଣାୟ୍ କିଦ୍‌ନାରା । ୨୪ ମା ମାପୁ ଜିସୁ କ୍ରିସ୍ତୁତି ଉପକାର ମି ଝିଜାର୍ ଲାହାଙ୍ଗ୍ ଆଏଡ୍
 । ଆମେନ୍ ୨୫ ଇମଣି ଇସ୍‌ବର୍ ନା ନେକ୍ରିକାରୁର୍ ଆରି ଜିସୁ କ୍ରିସ୍ତୁତି ବିସ୍ତେନି ସୁଣାୟ୍‌କିନି
 ଇସାବ୍‌ରେ, ଇତିସ୍ ଇମଣି ହାର୍ଦ୍ଦାକା ଝିଜ୍‌ଝି କାଡ୍‌ତାଂ ଡଗୁଜି ମାଗାଡ୍ ।

ପାର୍ତାନା ଆରି ଝାରି ଲାହାଂ ଆକି ଝିଜ୍‌ନାକା

୨୬ ମତର୍ ନଙ୍ଗ୍ ହତାଡ୍‌ନା, ଆରେ ପାତ୍ କିଜି ବଲ୍‌ମାନି ଆନି କାଜିଂ ଝିଜ୍‌ଝି
 ମାପୁ ଇସ୍‌ବର୍‌ତିଂ ବଲ୍ ଇସାବ୍‌ରେ, ବେଣ୍‌ବାକ୍‌ଶାୟ୍‌କିନାକାର୍‌ତି ସାସ୍‌ବର୍ ଉପକାର୍‌ତାଂ
 ଝିଜୁ ଜାତିର୍ ମାନାୟାର୍ ଲାଗାଂ ପୁନି କିତାର୍‌ନା, ହେ ବିଡ୍ରେନି ହତି ଇସାବ୍‌ରେ
 ମିଙ୍ଗେଙ୍ଗ୍ ସୁସ୍ତାକିଦେଂ ଆଡ୍‌ନାନ୍, ୨୭ ଜିସୁ କ୍ରିସ୍ତୁତି ହୁକେ ଜୁଗ୍ ଜୁଗ୍ ହେ ରଝାନ୍ ମତର୍
 ଗିଆନ୍‌ବାନ୍ ଇସ୍‌ବର୍ ଜାଜ୍‌ମାଲ୍ ଆଏଡ୍ । ଆମେନ୍ ।

କରନ୍ତିୟ ମଣ୍ଡଳୀରେ ପାଉଲଙ୍କ ପ୍ରଥମ ପତ୍ର ମା ମଣ୍ଡଳି ତାଙ୍କେ ପାଉଲଟି ପର୍ତୁମ୍ ଆକି ପାଦେକ୍

ପର୍ତୁମ୍ କରନ୍ତିନି ଆକି ପକ୍ୟାତି ପାଉଲଟି ହୁଦାଂ ଜିସୁ କ୍ରିସ୍ତୁତି ଜଲମ୍ନି ରିକତି ପନ୍ଦର ୫୫ ବାହୁଁ ପାରେ ଲେକା ଆଜି ମାତାତ୍ ୧:୧ । ପାଉଲଟି ହୁଦାଂ ଲେକା ଆଜି ମାତି ରିଣ୍ଡି ଆକି ବିତେତାଂ ଇଦାଂ ଆନାତା ପର୍ତୁମ୍ ଆକି । ହେଖାନ୍ ଆଜି ମାତାତ୍ ଇ ଆକି ଏପିସିତ ମାନି ଖେଡାଲିଂ ଲେକି କିଜି ମାତାନ୍ । ମାସିଦନିୟାତାଂ କରନ୍ତିତ ମାନି ପୁର୍ବେତାଂ ଲେକି କିତାନ୍ନା ୧୭:୫-୯ ।

ପାଉଲ୍ ଇ ଆକିତ ମଣ୍ଡଳି ବିତେ କୁଦା ବାଗ୍‌ଆନାକା ଆରି କିଞ୍ଜିକାମାୟତ ଆହା ହୁଦାଂ ବାରବିନି ବାନ୍ୟା କାମାୟ ଚାଲା ଆଜି ମାତି ବିସ୍ତେ ମଣ୍ଡଳିନି କୁଚୁମ୍‌ତିଂ ତାଙ୍ ଖେନ୍‌ଞ୍ଜି ଉତର୍ ହିନିତ ଦିୟାନ୍ ହିନାନ୍ । କରନ୍ତି ଗାଡ୍ କିଞ୍ଜିକାମାୟ ଆହା ବିସ୍ତେ ଜାଣାୟୁଣା ମାତାତ୍ । ଲାଗିଂ ମଣ୍ଡଳି ଇ ଆବ୍‌ଡକ୍‌ ଗିଟା ଆଜି ମାତାତ୍ ଇବେ କାବା ଆନାକା ମୁଡେ ଆକାୟ । ପର୍ତୁମ୍ କରନ୍ତି ଜିଉନନାକା ଜପି ରଞ୍ଜାଙ୍ ଡାକ୍‌ପୁଟା ଆନାତ୍ ।

ଇ ପତି ବିସ୍ତେନି ରାହାଣ୍

- ୧. ପାଉଲ୍ କରନ୍ତିୟରିଂ ବନ୍ଦାୟ କିତାର୍ ଆରି ହେଖାରିତି କାଜିଂ ଇସ୍‌ବର୍‌ତିଂ ଜଞ୍‌ବର୍ ହିନାନ୍ । ୧:୧-୯
- ୨. ପାଉଲ୍ କରନ୍ତି ମଣ୍ଡଳିତାଂ ପାୟାତି ମଣ୍ଡଳି ବିନେ ବିନେ ବିସ୍ତେ ହିକ୍ୟା ହିନାନା । ୧:୧୦-୪:୨୧
- ୩. ବିନେନିକା ହେ କିଞ୍ଜି କାମାୟ ଆହା ଆରି ରଞ୍ଜାନ୍ ବିନେ ଲଗାଂ ଦାଜ୍‌ତ ଅନି ବିସ୍ତେ ଲେକି କିନାନା । ୫-୬
- ୪. ପାରେ ବିବା ବିସ୍ତେ, ପୁଡ଼ଡାତିଂ ପୂଜାକିନାକା, ଉପ୍‌ପିୟା ପାର୍ତାନା କିନାକା, ପୁଇପୁୟାତି ଦାନ୍ ଆରି ଆରେ ନିଂନାକା ଲେକି କିନାନା । ୭-୧୫
- ୫. ହାରିହାରା ହେଖାନ୍ ଏଚେକ୍ ଚିନ୍ତାକିନାକା ଆରି ଜାର୍ ବିସ୍ତେ ଲେକି କିଜି ଞ୍ଜିହ୍‌ନାନା । ୧୬

୧ ଆନ୍ ପାଉଲ୍, ଇସ୍‌ବର୍ ଇଚାତ କ୍ରିସ୍ତୁ ଜିସୁତି କୁକ୍ୟାତି ରଞ୍ଜାନ୍ ପକ୍ୟାତାକାନ୍, ମା ଚଣ୍ଡେନ୍ ସସ୍ତିନା,

୨ କରନ୍ତି ବସ୍ତିତ ଇସ୍‌ବର୍ ମଣ୍ଡଳିତ ଆପେଂ ଲେକିକିନାପା; ଇମ୍‌ଣାକାର୍ ଇସ୍‌ବର୍ ପୁଇପୁୟା ମାନାୟ ଆନି କାଜିଂ କୁକ୍ୟାତାକାର୍ ଆରି ଇସ୍‌ବର୍ କ୍ରିସ୍ତୁ ଲାହାଙ୍ ମେହା ହୁକେ ଇସ୍‌ବର୍ ଆଜି ଞ୍ଜିଜ୍‌ଞ୍ଜି ଆରି ସବୁ ମା ମାପୁ ଜିସୁତି ପାର୍ତାନା କିତାର୍ ।

୩ ମି କାଜିଂ ମା ଆବା ଇସ୍‌ବର୍ ଆରି ମାପୁ ଇସ୍‌ବର୍ କ୍ରିସ୍ତୁ ଜିସୁତି ତାଙ୍ ଉପକାର୍ ଆରେ ସୁସ୍ତା ଆଏଡ୍ ।

କ୍ରିସ୍ତୁତି ହୁକେ ଆସିର୍ବାଦ୍

୪ ଇନାକିଦେଂକି ଏନ୍ କ୍ରିସ୍ତୁ ଜିସୁ ଲାହାଙ୍ ମେହାଆନି କାଜିଂ ଇସ୍‌ବର୍ ମିଙ୍ଗେଙ୍ ଇମ୍‌ଣି ଉପକାର୍, ହିଡ଼ନ୍ନା ହେଦାଂ କାଜିଂ ଇସ୍‌ବର୍‌ତିଂ ଜୁଞ୍‌ବର୍ ହିନାଙ୍, ୫ ଇନାକିଦେଂକି ତା ତାକେ ଞ୍ଜିଜ୍ ବିସ୍ତେ, ବେସି ଇସ୍‌ବର୍ ସବୁ ବାନି ହିକ୍ୟା ହିନିତ ଆରି ସବୁ ବାନିନି ଗିଆନ୍ ଏପେଙ୍ ହାଉକାର୍ ଆତାଦେଣ୍ଡା । ୬ ଇ ବାନି କ୍ରିସ୍ତୁତି ସାକି ମି ବିତେ ତିର୍ ଆତାଡ଼ନ୍ନା । ୭ ହେଦାଂ କାଜିଂ ମାପୁ ଜିସୁ କ୍ରିସ୍ତୁତି ହତାକାତିଂ କାସି ମାନି ଖେଡାଲିଂ ମିଦାଂ

ଇମ୍ପାଣାକାପା ଆମ୍ବିକ ଆସିବାଦନି ଅସୁବିଦା ଆଦୃଷ୍ଟାତାଦନା । ୮ ମା ମାପୁ ଜିସୁ କ୍ରିଷ୍ଟି ଅଜଡ଼ତ ଇନେସକି ଏପେଙ୍ଗ ଇଦାଂ କାଜିଂ ହେଞ୍ଜାନ ପା ମିଙ୍ଗେଙ୍ଗ ହାରିହାରା ପାତେକ ଆଡ଼ଞ୍ଜା ଲାହାଙ୍ଗ କିଦନାନ ପାତେ ମାପୁ ଜିସୁ କ୍ରିଷ୍ଟି ଖାନି ଦିନ୍ତ ଦସିକିଖାତାକାନ ବାଟିକିୟାନାନ । ୯ ଇମଣି ଇସ୍ବର ତା ମାଜି ମାପୁ ଜିସୁ କ୍ରିଷ୍ଟି ମେହାବିଡ଼ା ଆନି କାଜିଂ ମିଙ୍ଗେଙ୍ଗ କୁକ୍ତାତାନନା ହେଞ୍ଜାନ ସବୁଞ୍ଜେଡ଼ାଙ୍ଗ ପାତ ନିକାନ ।

ମଣ୍ଡଲିତ ବାଗବାଗ

୧୦ ଏ ଟଣ୍ଡାର, ଆରି ଟଣ୍ଡେଦକାଦେର ମା ମାପୁ ଜିସୁ କ୍ରିଷ୍ଟି ତରଦ ଆନ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗା, ଇନ୍ଦବା ଆନି ସମୁତ ର ମାନ ଇନାଟ, ତା ଆତିସ ମି ବିତ୍ରେ ଇମ୍ପାଣାକା ଗଡ଼ମାର ଆଉଡ଼, ମତର ଏପେଙ୍ଗ ର ମାନତାଂ ଆରି ର ବାଦନାତ ମେହାଆଡୁ । ୧୧ ଏ ନା ଟଣ୍ଡାର, ଆରେ ତଣ୍ଡେଦକ, କୁୟିତି ଲକ୍ବକତାଂ ମି ବିସ୍ତେ ନା ତାକେ ଇଦାଂ ହତାଦନା ଜେ, ମି ବିତ୍ରେ ଗଡ଼ମାର ମାନାଡ଼ । ୧୨ ନା କାତା ବାବିକିୟାଟ ଇ, ମି ବିତ୍ରେତାଂ ଇନେ ଇନେର ଇନାର, ଆନ ପାଉଲ୍ଡି, ଇନେ ଇନେର ଇନାର, ଆନ ଆପଲ୍ଡି, ଇନେ ଇନେର ଇନାର, ଆନ କେପାତି, ଆରେ ଇନେ ଇନେର ଇନାର ଆନ କ୍ରିଷ୍ଟି । ୧୩ କ୍ରିଷ୍ଟ କି ରିବାଗ୍ ଆତାନ୍ନା ? ମି କାଜିଂ କି ପାଉଲ୍ କୁସ୍ତ ହାଜି ମାତାନ ? ଇତିସ ଏପେଙ୍ଗ କି ପାଉଲ୍ ତରଦ ବାପ୍ରିସିମ ଆଜି ମାତାଦେର ? ୧୪ ଇସ୍ବରତି ଦନସବାଦ ହିନାଙ୍ଗା ଜେ କ୍ରିଷ୍ଟ ଆରି ଗାୟତି ପିସି ମି ବିତ୍ରେତାଂ ଆନ ଇନେରିଂ ବାପ୍ରିସିମ୍ ହିଞ୍ଜାତାଙ୍ଗନା । ୧୫ ଲାଗିଂ ନା ଚେଲା ଲାକେ ବାପ୍ରିସିମ୍ ଅତାଣ୍ଡା ଇଞ୍ଜି ମି ବିତ୍ରେ ଇନେ ଇନେର ଇଞ୍ଜେଙ୍ଗ ଆଡୁର । ୧୬ ଆଁ ଆନ ସିପାନ କୁଦାନିକାରିଂ ପା ବାପ୍ରିସିମ୍ ହିତାଙ୍ଗନା; ଇଦାଂ ପିସି ଆନ ଆରେ ଇନେରିଂ ପା ବାପ୍ରିସିମ୍ ହିତାଙ୍ଗନା ଇଞ୍ଜି ନା ଏତୁ ଖାଉତା । ୧୭ ଇନାକିଦେକି କ୍ରିଷ୍ଟ ନାଙ୍ଗେଙ୍ଗ ବାପ୍ରିସିମ୍ ହିନି କାଜିଂ ପଲ୍ଲାଖାତାନନା, ମତର ନେକ୍ତିକାବୁର ସୁଣାୟ କିନି କାଜିଂ ପଲ୍ଲାତାନ୍ନା; ହେଦାଂ ପା ବଚନ୍ ତାଟତାଙ୍ଗ ଆକାୟ, କାତେହିନା କ୍ରିଷ୍ଟି କୁସ୍ ପଲ୍ୟା ଆନାଡ଼ ।

ଇସ୍ବତ ସାକ୍ତି ଆରି ଗିୟାନି କାଦି କ୍ରିଷ୍ଟ

୧୮ ଇନାକିଦେକି ବୁତା ଆନି ଲକୁ କାଜିଂ କୁସ୍ ଜପି କ୍ରିଷ୍ଟି ହାକିନି କାତା ମୁକ୍ତାୟା ମତର, ମତର ମୁକ୍ତି ଆନାକା ପାୟାଜିମାନି ମା କାଜିଂ ହେଦାଂ ଇସ୍ବତ ସାକ୍ତି ଆନାଡ଼ । ୧୯ ଲାଗିଂ ଇଦାଂ ସାସ୍ବର ଲେକା ମାନାଡ଼, “ଆନ ଗିୟାନିର୍ତାଂ ଗିଆନ ନାହାୟ କିନାଙ୍ଗ, ଆରେ ବୁଦିନିକାରିଙ୍ଗ ବୁଦି ଇଟୁପ ।

୨୦ ଗିଆନିର୍ ଇନେର ? ସାସ୍ବର ଇନେର ? ଇ ଜୁଗନି ବେରଣିୟା ଇନେର ? ଇସ୍ବର କି ପୁତ ନି ଗିଆନତିଂ ମୁକ୍ତାୟା ଇଞ୍ଜି ହପ୍ଜାତାଣ୍ଡା ? ୨୧ ଇସ୍ବର ତା ଗାଜା ଗିଆନତ ତିର କିଜି ମାତାନ ଜେ ମାନାୟ ଜଗଡ଼ ଜାର ଗିଆନ ହୁକେ ଇସ୍ବରତିଂ ପୁଞ୍ଜେଙ୍ଗ ଆଡୁସ୍ ବିନ୍ ପାକ୍ୟାତ ଆସେଙ୍ଗ ସୁଣାୟକିନାକା ଇତିସ ବୁଦି ହିଲ୍ଖାକାର ନେକ୍ତିକାବୁରତ ପାତ କିନି ମାନାୟାରିଂ ରାକ୍ୟା କିନି ଇସ୍ବର ଇତା କିତାନନ୍ନା । ୨୨ ଇନାକିଦେକି ଜିହୁଦିର ତିନ୍ ତେକ୍ନାର, ଆରେ ଗ୍ରିକ୍ ଲକୁ ଗିଆନ ତେକ୍ନାର, ୨୩ ମତର ଆସେଙ୍ଗ କୁସ୍ତ ହାକି କ୍ରିଷ୍ଟିଂ ସୁଣାୟ କିନାୟ, ହେଞ୍ଜାନ ଜିହୁଦିର କାଜିଂ ବାଦାଲାକେ ଆରି ପାତ କିଞ୍ଜି ଜିହୁଦିର କାଜିଂ ମୁକ୍ତାୟା ଲାକେ, ୨୪ ମତର ଜିହୁଦି ଆରି ଗ୍ରିକ୍, ଇନେର କୁକ୍ୟାଆତାଣ୍ଡା, ହେଞ୍ଜାର କାଜିଂ କ୍ରିଷ୍ଟ ଇସ୍ବତ ସାକ୍ତି ଆରି ଇସ୍ବତ ଗିଆନ ଲାକେ ଆନାଡ଼ । ୨୫ ଲାଗିଂ ଇସ୍ବତ ମୁରୁକ୍ ବିସ୍ତେ ମାନାୟନି

* ୧:୧୨ ୧:୧୨ ପକ୍ୟାତାକା ୧୮:୨୪. * ୧:୧୪ ୧:୧୪ ପକ୍ୟାତାକା ୧୮:୮; ପକ୍ୟାତାକା ୧୯:୨୯; ରମିୟ ୧୭:୨୩. * ୧:୧୭ ୧:୧୭ ୧ କରକ୍ରିୟା ୧୭:୧୫.

ଗିଆନତା ଆଦିକ୍ ଗିଆନବାତ^୮, ଆରେ ଇସ୍‌ସତ^୯ ନାଦାର୍ ବିସ୍ତେ ମାନାୟତି ସାକ୍ତିତା^{୧୦} ଆଦିକ୍ ବାଡ଼କାସ୍ ।”

୨୭ ଏ ଟଣ୍ଡାର, ଆରି ତଣ୍ଡାଦେକାଦେର୍ ଏତେକାଡ଼ଦ ଇସ୍‌ସର୍ କୁକ୍‌ତିନି ସମୁତ ଏପେଙ୍ଗ୍ ଇନେସ୍ ମାଚାଦେର୍, ସଁସାର୍‌ନି ବାବ୍‌ନାରେ ଆଦେକ୍ ଗିୟାନି, ଆଦେକ୍ ସାକ୍ତିକାଟାକାର୍ କି ଆଦେକ୍ ଗାଜାବ୍‌ସ୍ କୁକ୍ୟାଖାତାଣ୍ଡା; ୨୮ ଇସ୍‌ସର୍ ଗିଆନିରିଂ ଲାଜ୍‌କିଦେଂ କାଜିଂ ପୁତ^{୧୧} ହୁକେ ମୁରୁକ୍ ମାନାୟାରିଂ ବାତି କିତାନ; ୨୯ ଇଦାଂ କାଜିଂ ଇସ୍‌ସର୍ ଗିଆନିରିଂ ଲାଜ୍‌କିନି କାଜିଂ ପୁତ^{୧୨} ନି ମୁରୁକ୍ ବିସ୍ତେ ସବୁ ବାତି କିତାନ, ଆରେ ସାକ୍ତି ବିସ୍ତେ ସବୁ ଲାଜ୍‌କିନି କାଜିଂ ଇସ୍‌ସର୍ ପୁତ^{୧୩} ନି ନାଦାର୍ ବିସ୍ତେ ସବୁ ବାତି କିତାନ, ୩୦ ଆରେ ଇନାକା ପୁତ^{୧୪} କାଣ୍‌କୁକାଙ୍ଗ୍ ମାନିନି ମାନାୟ, ହେ ସବୁତିଂ ପଲ୍ୟା କିନି କାଜିଂ ଇସ୍‌ସର୍ ପୁତ^{୧୫} ନି ହାରୁକାନ ଆରି ଗ୍ଲାଇନି ବିସ୍ତେନିକିଂ, ଆଁ, ଗାଣାକିଦେଂଆଡ଼଼ି ବିସ୍ତେନିକିଂ ବାତି କିତାନ । ୩୧ ମତର୍ ଇସ୍‌ସର୍ କାଜିଂ ଏପେଙ୍ଗ୍ କ୍ରିସ୍ଟ ଜିସ୍ତୁତି ତାକେ ମାନାଦେର୍, ହେଖାନ ଇସ୍‌ସର୍ତାଂ ମା କାଜିଂ ଗିଆନ, ତା ହୁକେ ମୁମ୍‌ଦ ଆପେଂ ଦାମ୍, ପୁଇପୁୟା ଲକ୍ ଆଜି ମୁକ୍‌ଡାନାକା ଲାକେ ଆତାପନା । ୩୧ ଲାଗିଂ, ଦରମ୍ ସାସ୍ତର୍ ଇନେସ୍ ଲେକା ମାନାଡ଼, “ଇନେନ୍ ଗରବ୍ କିନାନ, ହେଖାନ ମାପୁତାକେ ଗରବ୍ କିଏନ୍ ।”

୨

କ୍ରସ୍‌ନି କ୍ରିସ୍ତୁତି ବିସ୍ତେ କାରୁର୍

୧ ଲାଗିଂ, ଏ ଟଣ୍ଡାର, ଆରି ତଣ୍ଡାଦେକାଦେର୍ ଏତେକାଡ଼ଦ ଆନ୍ ମି ତାକେ ଖାଜି ମାଚାଙ୍ଗ୍, ହେ ପାଦନା ଇସ୍‌ସତ^{୧୬} ହାଡ଼ପା ବଚନ୍ ଇଞ୍ଜିମାଚାଂ କି ଗିଆନ୍‌ନି ହାର୍‌ଦାକା ଲାହାଙ୍ଗ୍ ଜେ ମି ତାକେ ସୁଣାୟ କିଜି ମାଚାଙ୍ଗ୍, ହେଦାଂ ଆକାୟ । ୨ ଇନାକିଦେଂକି ଜିସ୍ତୁ କ୍ରିସ୍ଟ, ଇତିସ୍ କ୍ରସ୍‌ସତ ହାତି ଜିସ୍ତୁ କ୍ରିସ୍ଟଙ୍ଗ୍ ପିସ୍ତି ମି ବିତ୍ରେ ଆରେ ଇନା ବିସ୍ତେ ପୁନ୍‌ଞ୍ଜି କାଜିଂ ଆନ୍‌ମାନ କିତାଙ୍ଗ୍ । ୩ *ଆରେ, ଆନ୍ ନାଦାର୍, ପାଣ୍ଡୁତିଂ ଆରି ତ୍ରିଗ୍‌ଜି ମି ଲାହାଙ୍ଗ୍ ମାଚାଙ୍ଗ୍; ୪ ନା ହିକ୍ୟା ଆରି ନେକ୍ରିକାରୁର୍, ମାନାୟାର୍ ଗିଆନ୍ ଜପି କୁଟ୍‌ଖାଦାଂ ଇସ୍‌ସତ^{୧୭} ସାକ୍ତି ଜପି କୁଟ୍‌ନାଡ଼, ୫ ଇଦାଂ କାଜିଂ ନା ମି ପାତ^{୧୮} ହିକ୍ୟା ଆରି ନା ସୁଣାୟ କିନାକା, ଗିଆନ୍‌ନି ହଲ୍‌ନାକା ବଚନ୍ ସମାନ୍ ଆଖାଦାଂ ଇସ୍‌ସର୍ତି ଆରି ସାକ୍ତିନି ପାର୍ମାଣ୍ ସମାନ୍ ଆଜି ମାଚାଡ଼ ।

ଇସ୍‌ସତ^{୧୯} ଗିଆନ୍

୬ ଆମ୍‌କ୍ ବାବ୍ରେ ହେଟ୍ଟାକାର୍ ଲକ୍ସୁ ବିତ୍ରେ ଗିଆନ୍‌ନି କାତା ଇନାପ, ମତର୍ ହେଦାଂ ଇ ଜୁଗ୍‌ନି ଗିଆନ୍ ଆକାୟ କି ଇ ଜୁଗ୍‌ନି କୁଟ୍‌ଇନି ମୁଡ଼ଦାକାର୍ତି ଗିଆନ୍ ଆକାୟ, ୭ ମତର୍ ଆପେଂ ହାଡ଼ପା କାତା ଗିଆନ୍ ଲାକେ ଇସ୍‌ସତ^{୨୦} ଗିଆନ୍‌ନି କାତା ଇନାପା; ହେଖାନ ଡ଼କ୍ସୁତି ଗିଆନ୍ ଇସ୍‌ସର୍ ମାଦାଂ ଜାଜ୍‌ମାଲ୍ କାଜିଂ ସଁସାର୍‌ନି ଆଗେ ତିର୍ କିଜି ମାଚାନ୍ । ୮ ଇ ଜୁଗ୍‌ଦି ମୁଡ଼ଦାକାର୍ ବିତ୍ରେ ଇନେର୍ ହେଦାଂ ପୁନ୍‌ଖାତାଣ୍ଡା, ଇନାକିଦେଂକି ହେଖାର୍ ହେଦାଂ ପୁଞ୍ଜି ମାଟିସ୍ ଜାଜ୍‌ମାଲ୍‌ନି ମାପୁତି କ୍ରସ୍‌ସତ ଦୁପି କିଖାତାର୍ମା; ୯ ମତର୍ ଇନେସ୍ ଲେକା ମାନାଡ଼, “କାଣ୍‌କୁ ଇନାକା ହୁଡ଼଼ିତିକ୍‌ନା, କିତୁଲିଂ ଇନାକା ଖେନ୍‌ଞ୍ଜିତିକ୍‌ନା, ଆରେ ମାନାୟ ଖାସ୍ତିତ ଇନାକା ଉବ୍‌ଜାଣ୍ ଆଖାତାନ୍, ଜେ ସବୁ ବିତ୍ରେ ଇସ୍‌ସର୍ ଜାର୍ ଜିଉନି ଲକ୍ସୁ କାଜିଂ ଜାଲ୍‌ଦି କିତାନନ୍ନା । ୧୦ ମତର୍ ଇସ୍‌ସର୍ ମା କାଜିଂ ଖାସ୍ତି ହୁଦାଂ ହେଖାନ ଖିଜୁ ବିସ୍ତେ ଖେଟ୍‌ଚାନ; ଲାଗିଂ ଖାସ୍ତି ଖିଜୁ ବିସ୍ତେ, ଆଁ, ଇସ୍‌ସତ^{୨୧} ବିତ୍ରେନି ବିସ୍ତେ ସବୁ ତେକ୍‌ନାନ୍ । ୧୧ ମାନାୟ

ବିସ୍ତେ ସବୁ ମାନାୟାର୍ତ୍ତତାକେ ମାନି ଖାସ୍ତି ପିସ୍ତି ଆରେ ଇନେର୍ ପୁନାର୍ ? ହେ ଲାକେ ପା ଇସ୍ତର୍ ବିସ୍ତେ ସବୁ ଇସ୍ତର୍ ଖାସ୍ତି ପିସ୍ତି ଆରେ ଇନେର୍ ପୁନର୍ । ୧୭ ଇନେସ୍ତି ଇସ୍ତର୍ ହୁଦାଂ ମା ଉପକାରତ ହିଦ୍ୟାତି ବିସ୍ତେନିକିଂ ଆପେଂ ପୁଞ୍ଜେଙ୍ଗ୍ ଆଡୁନାପ୍, ଇଦାଂ କାଜିଂ ଆପେଂ ପୁତ୍ରିଂ ଜିରୁନ୍ ଗାଟାଝାଦାଂ ଇସ୍ତର୍ ଜିରୁନ୍ ପାୟାତାପନା ।”

୧୩ ହେ ସବୁ ବିସ୍ତେ ପା ଆପେଂ ମାନାୟାର୍ ଗିଆନ୍ ହୁଦାଂ ହିକାତି ବଚନ୍ତାଂ ଇନ୍‌ଝାଦାଂ ମାନାପ୍, ମତର୍ ଖାସ୍ତିନି ବିସ୍ତେ ସବୁ ଖାସ୍ତିନି ବିସ୍ତେ ହୁଦାଂ ବୁଜାୟ୍ ଆମ୍ବିକ୍ ହୁଦାଂ ହିକାତି ବଚନ୍ ଇଞ୍ଜି ମାନାପ୍ । ୧୪ ହାଡପା ମାନାୟ୍ ଇସ୍ତର୍ ଖାସ୍ତି ବିସ୍ତେନିକିଂ ଇରୁର୍, ଇନାକିଦେଂକି ହେ ସବୁ ତା ତାକେ ମୁରୁକ୍‌ନିକା, ଆରେ ହେଝାନ୍ ହେ ସବୁ ବୁଜାଆଦେଂ ଆଡୁନ୍, ଲାଗିଂ ହେ ସବୁତିଙ୍ଗ୍ ଆମ୍ବିକ୍ ଜିରୁନ୍ ହୁକେ ବିଚାର୍ କିୟାନାଡ୍ । ୧୫ ମତର୍ ଇନେନ୍ ଆମ୍ବିକ୍, ହେଝାନ୍ ଝିଜୁ ବିସ୍ତେ ବିଚାର୍ କିନାକାନ୍, ଆତିସ୍ପା ଇନେର୍ ତାଦାଂ ବିଚାର୍ କିଉନ୍ । ୧୬ ଇନାକିଦେଂକି ଇନେନ୍ ମାପୁତି ମାନ୍ ପୁଚାନ୍‌ନା ଜେ, ହେଝାନ୍ ତାଙ୍ଗେଙ୍ଗ୍ ହିକ୍ୟା ହିଦେଂ ଆଡୁନାନ୍ ? ମତର୍ ଆପେଂ କ୍ରିସ୍ତି ମାନ୍ ପାୟାତାପନା ।

୩

ଇସ୍ତର୍ତି ହେବା କିନାକାନ୍

୧ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଆମ୍ବିକ୍ ଲଗାଂ ଇନି ଲାକେ ମିଙ୍ଗେଙ୍ଗ୍ ଇଞ୍ଜେଙ୍ଗ୍ ଆଡୁଦାଝାତାଂ, ମତର୍ ଗାଗାଡ୍ ମାନାୟ୍‌ତିଂ ଆରି କ୍ରିସ୍ତ ତାକେ ହିମ୍‌ଣାକାଂ ଇତି ଲାକେ ମିଙ୍ଗେଙ୍ଗ୍ ଇନ୍‌ଚାଙ୍ଗ୍ । ୨ *ଆନ୍ ମିଙ୍ଗେଙ୍ଗ୍ ପାଲ୍ ଉର୍‌ପିସ୍ ବିନ୍ କାଦି ହିଦ୍‌ଝାତାଙ୍ଗ୍‌ନା, ଇନାକିଦେଂକି ଏପେଙ୍ଗ୍ ହେଦାଂ ଇଡ୍‌ଦେଂ ମାନ୍ କିଝାତାଦେର୍, ଆରେ ନଙ୍‌ପା ମାନ୍ କିଉଦେରା, ୩ ଲାଗିଂ, ନଙ୍ ପାତେକ୍ ଏପେଙ୍ଗ୍ ସିଂସାର୍‌ନି ମାନାୟାର୍ ଲାକେ ଚିନ୍ତା କିନାଦେରା ଇନାକିଦେଂକି ଏଚେକାଡ୍‌ଦ ମି ବିସ୍ତେ ରିସା ଆନାକା ଆରି କେଡନାକା ମାନାଡ୍, ଏପେଙ୍ଗ୍ କି ପଚତିଂ ହୁଡନା କାଦେର୍ ଆକାୟ୍ ଆରି ମାନାୟ୍‌ନି ଗୁଣ୍ ଇସାପ୍‌ତାଂ କି ଚିନ୍ତା କିଉଦେରା ? ୪ *ଇନେନ୍ ଏଚେକାଡ୍‌ଦ ରଝାନ୍ ଇନାନ୍, ଆନ୍ ପାଉଲ୍‌ତିଂ ଦାହ୍‌ନାକାଂ, ଲାଗିଂ ଆରେ ରକାନ୍ ଆକାୟ୍, ଆନ୍ ଆପଲ୍‌ତିଂ ଦାହ୍‌ନାକାଂ, ହେ ପାଦନା ଏପେଙ୍ଗ୍ କି ସିଂସାର୍‌ନି ଲକୁ କାଦେର୍ ଆକାୟ୍ ?

*ଆପଲ୍ ଇନେନ୍ ? ପାଉଲ୍ ପା ଇନେନ୍ ? ହେଝାର୍ ତ ହେବାକାର୍‌ୟା ମତର୍ ଇମ୍‌ଣାକାର୍ ହୁକେ, ଝିଜାରିଂ ମାପୁ ଇନେସ୍ ହିଡ୍‌ତାଡନ୍‌ନା, ହେଦାଂ କାଜିଂ ପାତ୍ କିତାଦେଣ୍ଟା । ୬ *ଆନ୍ ରୁସ୍‌ସାଂନା, ଆପଲ୍ ଏସ୍ ତିର୍‌ନାନ୍, ମତର୍ ଇସ୍ତର୍ ବାତାୟ୍ କିନାନା । ୭ ଲାଗିଂ, ଇନେନ୍ ରୁଜ୍‌ନାନ୍ ଆରେ ଇନେନ୍ ଏସ୍ ହିନାନ୍, ହେଝାନ୍ ମୁଲେ ଆକାୟ୍, ମତର୍ ଗାଜାୟ୍ କିନାକାନ୍ ଜେ ଇସ୍ତର୍, ହେଝାନ୍ ଗାଜାକାନ୍ । ୮ ଇନେନ୍ ରୁଜ୍‌ନାନ୍ ଆରି ଇନେନ୍ ଏସ୍ ହିନାନ୍, ହେଝାର୍ ରିୟାର୍ ଏକ୍, ଇନାକିଦେଂକି ଇସ୍ତର୍ ଜାଣିକେତିଂ ଜାର୍ ଜାର୍ କାମାୟ୍ ଇସାପ୍‌ତାଂ ଇନାମ୍ ପାୟାନାନ୍ । ୯ ଇନାକିଦେଂକି ଆପେଂ ଇସ୍ତର୍ ହାଙ୍ଗ୍‌ଦାକାର୍; ଏପେଙ୍ଗ୍ ଇସ୍ତର୍ ତାରେନ୍, ଇସ୍ତର୍ ଇଲ୍ । ୧୦ ନାଙ୍ଗେଙ୍ଗ୍ ହିୟାଆଡ୍‌ତି ଇସ୍ତର୍ ଦୟା ଲାକେ ଆନ୍ ରଝାଙ୍ଗ୍ ବୁଦିନିକାଂ ଇଲ୍ ରଚ୍‌ନାକାଂ ଲାକେ କୁନାଦି ରଚ୍‌ଚାଙ୍ଗ୍‌ନା, ବିନ୍ ନିକାନ୍ ତା ଜପି ରଚ୍‌ଚାନ୍‌ନା । ମତର୍ ଝିଜାକାର୍ ତା ଜପି ଇନେସ୍ ଇଚ୍‌ଚାଣ୍ଟା, ହେ ବିସ୍ତେ ଜାଗ୍ରତ୍ ଆୟେନ୍ । ୧୧ ଇନାକିଦେଂକି ଇମ୍‌ଣି ମୁଡ୍‌କୁନାଦି ରଚ୍‌ଚାନ୍‌ନା, ତା ପିସ୍ତି ବିନ୍ ମୁଡ୍‌କୁନାଦି ଇନେର୍ ରଚ୍‌ଚେଂ ଆଡୁର୍, ହେ ମୁଡ୍‌କୁନାଦି ଜିସ୍ତ୍ କ୍ରିସ୍ତ୍ । ୧୨ ମାତର୍ ଜପି ଇନେର୍ ହେ ମୁଡ୍‌କୁନାଦି ଜପି ହନା,

* ୩:୨ ୩:୨ ଏକ୍ରି ୫:୧୨,୧୩. * ୩:୪ ୩:୪ ୧ କରକ୍ରିୟା ୧:୧୨. * ୩:୬ ୩:୬ ପକ୍ୟାତାକା ୧୮:୪-୧୧; ପକ୍ୟାତାକା ୧୮:୨୪-୨୮.

ରୁପା, ବେସି ଦାମ୍ବି କାଲ, ଝେଜଗୁ, କାରା ନଲେ ପିରି ହିଜି ରଚ୍ଚନାନ୍, ୧୩ ତା ଆତିସ୍ ଝିଜାକାର କାମାୟ୍ ଇନେସ୍, ହେଦାଂ ହନାଡ୍, ଇନାକିଦେଂକି ହେ ଦିନ୍ ହେଦାଂ ହନାଡ୍, ଲାଗିଂ ହେ ନାଜିଂ ନାଣି ଲାହାଙ୍ଗ୍ ହନାଡ୍, ଆରେ ଝିଜାକାର କାମାୟ୍ ଇନେସ୍, ହେଦାଂ ନାଣିତ ପରିକ୍ୟା କିନାନ୍ । ୧୪ ଇନେନ୍ ଇନାକା ଇଚ୍ଚାନ୍ନା, ତାଦାଙ୍ଗ୍ ହେ କାରୁମ୍ ଜଦି ମୁଡ୍ କୁନାଦି ମାନାଡ୍, ଝାଟିଙ୍ଗ୍ ହେଝାନ୍ ଇନାମ୍ ପାୟାନାନ୍; ୧୫ ଜଦି ଇନେରତି କାମାୟ୍ କାଡ୍ନାଡ୍, ତାଦାଂ ବୁତାନାଡ୍, ଆତିସ୍ପା ହେଝାନ୍ ନିଜେ ରାକ୍ୟା ପାୟାନାନ୍, ମତର୍ ହେଦାଂ ନାଣି ଜପି ହିଜି ହାଟି ଲାକେ ଆନାଡ୍ ।

୧୬ ଏପେଙ୍ଗ୍ ନିଜେ ପୁନୁଦେରା ଜେ, ଏପେଙ୍ଗ୍ ଇସ୍ତର୍ ମନ୍ଦିର୍, ଆରେ ଇସ୍ତର୍ତି ଝାସ୍ତି ମି ଝାସ୍ତିତ ବାହା କିଡ୍ତାନ୍; ୧୭ ଜଦି ଇମ୍ଫାଣି ଲଗୁ ଇସ୍ତର୍ ମନ୍ଦିର୍ତି ବୁତାୟ୍ କିନାନ୍, ଝାଟିଙ୍ଗ୍ ଇସ୍ତର୍ ତାଙ୍ଗେଙ୍ଗ୍ ବୁତାୟ୍ କିନାନ୍, ଇନାକିଦେଂକି ଇସ୍ତର୍ ମନ୍ଦିର୍ ପୁଇପୁୟା, ହେ ମନ୍ଦିର୍ ଏପେଙ୍ଗ୍ ।

୧୮ ଇନେର୍ ଜାରତିଂ ଟେପର୍ କିମେନ୍ । ମି ବିତ୍ରେ ଜଦି ଇମ୍ଫାଣି ଲଗୁ ଇ ଜୁଗ୍ତ ଜାରତିଂ ବୁଦିୟା ଇଞ୍ଜି ମାନେ କିନାନ୍, ଝାଟିଙ୍ଗ୍ ହେଝାନ୍ ଇନେସ୍ କି ବୁଦିୟା ଆଦେଂ ଆଡ୍ନାନ୍, ଇଦାଂ କାଜିଂ ହେଝାନ୍ ମୁରୁକ୍ ଆୟେନ୍ । ୧୯ ଇନାକିଦେଂକି ଇ ପୁତ୍ ନି ଗିଆନ୍ ଇସ୍ତର୍ ତାକେ ମୁରୁକ୍ନିକା । ଲାଗିଂ ଦରମ୍ ସାସ୍ତର୍ତ୍ତ ଲେକା ମାନାଡ୍, ହେଝାନ୍ ଗିଆନିରିଂ ହେଝାନ୍ତ ହାତୁରତାଂ ଆହ୍ନାନ୍; ୨୦ ଆତିସ୍ପା, ସାସ୍ତର୍ତ୍ତ ପା ଲେକା ମାନାଡ୍ “ମାପୁ ପୁନାନ୍ ଜେ ଗିଆନିତ୍ ଚିନ୍ତା ବାଦ୍ନା ପଲ୍ୟା । ୨୧ ଲାଗିଂ, ଇନେର୍ ମାନାୟ୍ତାକେ ଗରବ୍ କିମେନ୍; ୨୨ ଇନାକିଦେଂକି ଝିଜୁ ବିସ୍ତେ ମିଦାଙ୍ଗ୍; ପାଉଲ୍ ଇନାଟ୍ କି ଆପଲ୍ ଇନାଟ୍ କି କେପା ଇନାଟ୍, ପୁତ୍ ଇନେଡ୍ କି ଜିବୁନ୍ ଇନେଡ୍, କି ହାକି ଇନେଡ୍, ନଙ୍ଗ୍ ବିସ୍ତେ ଇନେନ୍କି ଝାନିଦିତି ବିସ୍ତେ ଇନେନ୍, ଝିଜୁନେ ମିଦାଙ୍ଗ୍, ୨୩ ମତର୍ ଏପେଙ୍ଗ୍ କ୍ରିସ୍ତୁତି, ଆରେ କ୍ରିସ୍ତୁ ଇସ୍ତର୍ ।

୪

ପକ୍ୟାତାକାରତି ହେବାକାମାୟ୍

୧ ମାନାୟାର୍ ମାଙ୍ଗେଙ୍ଗ୍ କ୍ରିସ୍ତୁତି ହେବା କିନାକାର୍, ଆରେ ଇସ୍ତର୍ତିଂ ହାର୍ଦିଗିଆନ୍ନି ଇଲ୍ଲକାର୍ନିୟା ଇଞ୍ଜି ମାନେ କିଦେର୍ । ୨ ଆରେ, ଇଲ୍ଲକାର୍ନିୟା ବିସ୍ତେ ଇଦାଂ ନିଜେ ମାନାକା ମାନାଡ୍, ଇନେସ୍ କି ପାତ୍ ଚଞ୍ଜାନାଡ୍ । ୩ ମତର୍ ମି ହୁଦାଂ ନଲେ ଇମ୍ଫାଣାକା ପା କାବାଆନି ବିଚାର୍ ସବା ହୁକେ ବିଚାଣ୍ଣା ଆନାକା ନା ପାକ୍ୟାତ ବେସି ଆଡ୍ଝା ବିସ୍ତେ, ଏଲେଙ୍ଗ୍ କି ଆନ୍ ନିଜେ ପା ଜାରତି ବିଚାର୍ କିଉଙ୍ଗା । ୪ ଇନାକିଦେଂକି ଆନ୍ ଜାର୍ ବିରୁଦ୍ତ ଇନାକା ପୁନୁଙ୍ଗ୍ । ଆତିସ୍ପା ଇବେ ଆନ୍ ଦସି ଇଞ୍ଜି ପାର୍ମାଣ୍ ଆହ୍ୟାଝାତାଂନା । ମାତର୍ ଜେ ନା ବିଚାର୍ କିନାନ୍ ହେଝାନ୍ ମାପୁ । ୫ ଲାଗିଂ ସମୁନି ଆଗେ ମାପୁତି ଝାଞ୍ଜି ପାତେକ୍ ଇନାକାପା ବିସ୍ତେ ବିଚାର୍ କିମାଟ୍; ହେଝାନ୍ ମାଜ୍ଗାନି ତ୍ତୁତି ବିସ୍ତେ ନିକିଙ୍ଗ୍ ଅଜଡ୍ତ ଚଚ୍ଚାନାନ୍, ଆରେ ମାନ୍ତ କିତାକା ସବୁ ଝେଚ୍ଚନାନ୍; ହେ ପାଦ୍ନା ଝିଜାକାର ଇସ୍ତର୍ ତାକେ ବଲ୍ଲବଲ୍ଲାୟ୍ ପାୟାନାର୍ । ୬ ଏ ଟଣ୍ଡାର୍, ଆରେ ତଣ୍ଡେକ୍ ଆନ୍ ମିଙ୍ଗେଙ୍ଗ୍ ହିକ୍ୟା କାଜିଂ ଇ ସବୁ କାତା ନା ନିଜେତିଂ ଆରି ଆପଲ୍ତିଂ ଇଚ୍ଚାଡ୍ ଜିସୁ ଉତର୍ମୁଡ୍ ହିଡ୍ତାଂ, ଇନେସ୍ କି ଇନାକା ସାସ୍ତର୍ତ୍ତ ଲେକା ମାନାଡ୍, ହେଦାଂ ଆଗେ ହାନାକା ବିଦି ହିଲ୍ଲୁଡ୍; ଇଦାଂ ଏପେଙ୍ଗ୍ ମାତାଂ ହିକ୍ୟା କିୟାଟ୍, ଆରେ ଇନେସ୍ ମିତାକେଣ୍ଟାଂ ଇନେନ୍ ରଝାନ୍ ପାକ୍ୟା ଆରି ବିନ୍ନିକାନିଂ ପାକ୍ୟା ଆଜି ଗାବ୍ ଆମାଟ୍ । ୭ ଇନାକିଦେଂକି ଇନେନ୍ ମିଙ୍ଗେଙ୍ଗ୍ ଗାଜା କିଡ୍ତାନ୍ନା, ଆରେ ଇନାକା ଏପେଙ୍ଗ୍, ଦାନ୍ ଲାକେ ପାୟାଝାତାଦେଣ୍ଣା, ଇଦାଂ

୬ ୩:୧୭ ୩:୧୭ ୧ କରକ୍ରିୟା ୬:୧୯; ୨ କରକ୍ରିୟା ୬:୧୭.

ମିଦାଙ୍କୁ ଇନାକା ମାନାଡ଼ ? ମତର ଜଦି ଏପେଙ୍ଗ ହେଦାଂ ଇସ୍ତଦ୍ ଦାନ ଲାକେ ପାୟା ତାଦେଶ୍ଟା ଖାଟିଙ୍ଗ ହେଦାଂ ଦାନ ଲାକେ ପାୟାଆଞ୍ଜିତି ଲାକେ ଇନାକିଦେଂ ଗରବ୍ କିନାଦେରା ?

୮ ଓଁସ୍ତପାଚେ ଏପେଙ୍ଗ ଇନାକା ସାରି ଆଜି ହାତାଦେରେ ? ଇଦାଂ ବିତ୍ରେ ଏପେଙ୍ଗ ଇନାକା ହାଉକାର୍ ଆତାଦେର ? ମାଙ୍ଗ ପିସ୍ତ୍ର ଏପେଙ୍ଗ ଇନାକା ରାଜା ଆତାଦେଶ୍ଟା ? ଆଁ, ଏପେଙ୍ଗ ରାଜା ଆଜି ମାଟିସ୍ ହାରା ଆତାମ୍ବା, ଇନେସ୍ ଆପେଂ ପା ମି ଲାହାଙ୍ଗ ରାଜି କିଦେଙ୍ଗ ଆଡ଼ତାପମା । ୯ ଇନାକିଦେଂକି ନାଦି ମାନେ ଆନାତା, ପକ୍ୟାତାକାପ୍ ଜେ ଆପେଂ, ମା ଇସ୍ତର ହାତି ମୁମ୍ବଦ ହେଲ୍ଲାଇ କିତି ସବୁତିଂ ହାରିହାରା ମାନାୟାରିଂ ଲାକେ ହୁଡ଼ିକିତାନନା, ଲାଗିଂ ଆପେଂ ପୁତ୍, ଦୁଡ଼, ଆରି ମାନାୟାର୍ ଲାଗେ ଗ୍ଲୁକିଆନି ବିସ୍ତେ ଆତାପନା । ୧୦ ଆସେଙ୍ଗ କ୍ରିସ୍ତୁତି କାଜିଂ ମୁକ୍ ଯା, ମତର ଏପେଙ୍ଗ କ୍ରିସ୍ତୁତି ମେହାଣ୍ ତାକେ ଏପେଙ୍ଗ ବୁଦି ମାନାକାଦେର; ଆପେଂ ନାଦାର୍ ମତର ଏପେଙ୍ଗ ବାଡ଼କାସ୍; ଏପେଙ୍ଗ ଜାଜ୍ମାଲ୍ ପାୟାତାକାଦେର, ମତର ଆପେଂ ମାନି ହିଲ୍ଲୁଖାକାପ୍ । ୧୧ ଇ ସମୁ ପାତେକ୍ ପା ଆପେଂ ନାସ୍ କିନିକାପ୍ ଆରି ଏସ୍ମିନିକାପ୍, ବାଡ଼କାସ୍ ହିଲ୍ଲାକାପ୍ ଆରି ଗ୍ରାକ୍ ଯାନାପା, ଆରେ ଆହ୍ୱର ହିଲ୍ଲାଦାଂ ବୁଲ୍ଲାଆଜି ବୁଲ୍ଲାଆଜି ୧୨ ଧଜାର୍ କେଇଦ କସ୍ କିନାପା, ନିନ୍ଦାକିୟା ଆଜି ଆସିର୍ବାଦ୍ କିନାପା, ନିନ୍ଦା ପାୟା ଆଜି ହୁଞ୍ଜନାପା, ୧୩ ଲାଜକୁଗିସ୍ ମେହାନି ବେଶ୍ କିନାପା; ଇ ପାତେକ୍ ପା ଆପେଂ ପୁତ୍ ନି ଗାତ୍ରା, ଓଁଜାକାତ୍ ପ୍ରାଲ୍ ଲାକେ ଆତାପନା । ୧୪ ଆନ୍ ମିଙ୍ଗେଙ୍ଗ ଲାଜକୁଇ କିଦେଂ ଇ ସବୁ ବିସ୍ତେ ଲେକିକିଉଙ୍ଗା ମତର ନା ଖାରିନି ମାଜି ଇଞ୍ଜି ଏଡୁ ଜିସୁ ମିଙ୍ଗେଙ୍ଗ୍ ଚେଡ଼ନା ହିଦ୍ନି କାଜିଂ ଇ ସବୁ ଲେକିକିନାଙ୍ଗା । ୧୫ ଇନାକିଦେଂକି ଜଦିପା କ୍ରିସ୍ତୁତି ବିସ୍ତେ ମିଦାଙ୍ଗ୍ ଦସ୍ ହାଜାର୍ ଗୁରୁର୍ ମାଟିସ୍, ଆତିସ୍ପା ମିଙ୍ଗେଙ୍ଗ୍ ହେନି ଆବାର୍ ହିଲ୍ଲୁର୍; ଇନାକିଦେଂକି କ୍ରିସ୍ତୁ ଜିସୁ ତାକେ ଆନ୍ ମିଙ୍ଗେଙ୍ଗ୍ ନେକ୍ରିକାରୁର୍ କାଜିଂ ଜଲମ୍ ହିଡ଼ତାଙ୍ଗନା । ୧୬ ଧଲ୍ଲାଗିଂ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ଏପେଙ୍ଗ ନା ପାଚେ ଖାଡୁ । ୧୭ ଇଦାଂ କାଜିଂ ଆନ୍ ମି ତାକେ ତିମତିଙ୍ଗ୍ ପକ୍ତାତାଙ୍ଗନା, ମାପୁ ତାକେ କ୍ରିସ୍ତୁ ଜିସୁ ତାକେ ମାନ୍ଞି ନା ଖାରିନିକାନ୍ ଆରି ପାତ୍ ନି ମାଜି, ଇନେସ୍ କି ଆନ୍ ଓଁଜୁ ତାକେ ସବୁ ମାଣ୍ଡଲିତ ହିକ୍ୟା ହିଜି ମାନାଙ୍ଗ, ହେ ଲାକେ ହେଞ୍ଜାନ୍ ମିଙ୍ଗେଙ୍ଗ୍ ନା କ୍ରିସ୍ତୁତି ଚିନ୍ତା ସବୁ ଏଡୁ କିକିକିଦନାନ୍ । ୧୮ ଆନ୍ ମି ତାକେ ହାଲୁଙ୍ଗ୍ ଇଞ୍ଜି ଏଡୁ କିଜି ଜିସୁ ଇନେ ଇନେର୍ ଗରବ୍ତ ବାତ୍ ଆତାନ୍ନା । ୧୯ ମତର ଜଦି ମାପୁ ମାନ୍ କିନାନ୍ ଆନ୍ ମି ତାକେ ବେଗି ଖାନାଙ୍ଗ, ଆରେ ଇନେର୍ ଗରବ୍ କିନାରା, ହେଞ୍ଜାରିତ୍ ବଚନ୍ ଆକାୟ୍, ମତର ସାକ୍ତ ବୁଜା ଅନାଙ୍ଗ ! ୨୦ ଇନାକିଦେଂକି ଇସ୍ତଦ୍ ରାଜି କେବଲ୍ କାତାନି ବିସ୍ତେ ଆକାୟ୍ ମତର ବେସି ସାକ୍ତ ବିସ୍ତେ । ୨୧ ମି ମାନ୍ ଇନାକା, ଆନ୍ ବାଡ଼ଗା ଆସ୍ତି ମି ଲାଗେ ହାନାଙ୍ଗ୍ କି ଜିଉନନାକା ଆସ୍ତି ଆରି କାଲେତାଙ୍ଗ୍ ଅଜି ହାନାଙ୍ଗ୍ ?



ମଣ୍ଡଲିତ ବାନ୍ୟା ଚିନ୍ତା

୧ ହାଡ଼ପାଚେ ଖେନ୍ୟାନାନାତା ଜେ, ମି ବିତ୍ରେ ଦାରି ମାନାଡ଼, ଆରେ ଏପେଙ୍ଗ ଦାରି, ଇନାକା କି ପାତ୍ କିଓଁ ଜିହୁଦିର୍ ବିତ୍ରେ ପା ଆଉଡ଼, ଏଲେଙ୍ଗକି ରଞ୍ଜାନ୍ ଜାର୍ ଆବାନି ଡକ୍ଟିଂ ଇଡ଼ତାନ୍ନା । ୨ ଆରେ ଇନେର୍ ଇ କାମାୟ୍ କିତାନ୍ନା ହେଞ୍ଜାନ୍ ଇନେସ୍ ମି ବିତ୍ରେତାଂ ଦେହା କିୟା ଆୟେନ୍ ଇଦାଂ କାଜିଂ ଆଡ଼ବାଞ୍ଜାଦାଂ ଇତିସ୍ କି ଗରବ୍ କିନାଦେରା । ୩ ମତର ନା ଗାଗାଡ଼ତ ଖାଓଁତିସ୍ ପା ଜିବୁଡ଼ ଏକାଞ୍ଜାଦାଂ ମାନ୍ଞି ଏଲେଙ୍ଗ୍ବାନି କାମାୟ୍ କିନାନା ଏକିସ୍ ମାଟି ଲାକେ ଆନ୍ ମାପୁ ତା ବିଚାର୍

☆ ୪:୧୨ ୪:୧୨ ପକ୍ୟାତାକା ୧୮:୩। ☆ ୪:୧୭ ୪:୧୭ ୧ କରକ୍ରିୟା ୧୧:୧; ପିଲିପିୟ ୩:୧୭.

କିଛି ଝିପ୍ପାତାଂନା, ୪ ଇତିସ, ଏପେଙ୍ଗ ଆରି ନା ଝାସ୍ମି ମା ମାପୁ ଜିସୁତି ତରଦ ସାଲି ଉପକାରତାଂ ରୁଣ୍ଡା ଆଜି ଇଦାଂ ତିର କିତାପନ୍ନା ଜେ, ୫ ଇନେସ୍ ମାନାୟାରିଂ ଗାଗାଡ୍‌ନି ନାସ୍ କାଜିଂ ସୟତାନ୍ କେଇଦ ହେଲାୟ୍ କିନି ଲଡ଼ା, ଇନେସ୍ ମାପୁ ଜିସୁତି ଦିନ୍ତ ତା ଜିବୁନ୍ ରାକ୍ୟା ପାୟାନାନ୍ । ୬ *ମିଦାଙ୍ଗ ଏପେଙ୍ଗ ଗରବ୍ କିନାକା ହାର୍ ଆକାୟ୍ । ଏପେଙ୍ଗ କି ପୁନୁଦେରା ଜେ, ଅଲପ୍ ଇଞ୍ଜି ହୈନାକା ସବୁ ହାରାୟ୍ ହୈନାକା କିନାଡ୍ ? ୭ ଏପେଙ୍ଗତ ହୈନାକା ସକଟ୍ ମାନାୟ୍, ଲାଗିଂ ଇନେସ୍ ଏପେଙ୍ଗ ପୁନି ହାରାୟ୍ ଆଦେଂ ଆଡ୍‌ନାଦେର୍ ଇଦାଂ କାଜିଂ ପ୍ଲାନି ପାସ୍ ତୁହି ହିଆର୍; ଇନାକିଦେଂକି ମା ନିସ୍ତାର୍ ପାର୍ଟୁ ମେଣ୍ଡାହିମ୍‌ଣା ଇତିସ୍ କ୍ରିସ୍ଟ ମା କାଜିଂ ପୁଜାଲାକେ କୁସ୍ତ ହାତାନ୍‌ନା । ଲାଗିଂ ଝାଡୁ, ଆସେଙ୍ଗ୍ ପୁନି ହୈନାକା କି ବାନ୍‌ୟା ଆରି ବାନ୍‌ୟାକାମାୟ୍ ହୈନାକା ହୁଦାଂ ପାର୍ଟୁ ପାଲି କିଝାଦାଂ ହୁଦାର୍ ଆରି ହାଡ୍‌ପାଲାକେ ହଇଝି ରୁଟି ହୁଦାଂ ପାର୍ଟୁ ପାଲି କିନାସ୍ । ୯ ଦାୟାର୍ ହୁଦାଂ ମେହାଝାଝି କାଜିଂ ଆନ୍ ମିଙ୍ଗ୍ ନା ଆକିତ ଲେକିକିଜି ମାଗାଙ୍ଗ୍ ମାଗାଙ୍ଗ୍; ୧୦ ଇ ଜଗଡ୍‌ନି ଦାରି କି ଦାନ୍ ଲାହାର୍ କି ଲକାର୍ ଜିନିସ୍ ଚଣ୍ଟାର୍ କି ପୁଡ୍‌ଡା ପୁଜାକିନାକାର୍ ଲାହାଙ୍ଗ୍ ଜେ ମୁଡେ ମେହାଣ୍ ଆଉନ୍ । ହେଦାଂ ଆକାୟ୍; ତା ଆତିସ୍ ମିଙ୍ଗ୍ ଜଗଡ୍‌ତାଂ ବାର୍ଡ ହାଞ୍ଜେଙ୍ଗ୍ ଲଡ଼ା । ୧୧ ମତର୍ ନା ଲେକିକିନି ବାଦ୍‌ନା ଇଦାଂ ମାଗାଡ୍ ଜେ, ଜଦି ଇମ୍‌ଣି ଲଗୁ ଚଣ୍ଟେନ୍ ଇଞ୍ଜି ଡାକ୍‌ପୁଟା ଆଜି ଦାରି କି ଦାନ୍ ଲାହା କି ପୁଡ୍‌ଡା ପୁଜାକିନାକାର୍ କି ବାନ୍‌ୟା କି ମଦୁଆ କି ଲକାର୍ ଜିନିସ୍ ଚଣ୍ଟା ଆନାନ୍, ଝାଟିଙ୍ଗ୍ ଏପେଙ୍ଗ୍ ଲକୁ ଲାହାଙ୍ଗ୍ ମେହାଆମାଟ୍, ଆରେ ହେଝାନ୍ ଲାହାଙ୍ଗ୍ ତିନ୍‌ମାଟ୍ । ୧୨ ଇନାକିଦେଂକି ବାର୍ଡି ମାନାୟାର୍ତ୍ ବିଚାର୍ କିନାକାଙ୍ଗ୍ ଆନ୍ ଇନେନ୍ ? ମତର୍ ମଣ୍ଡଲିନିକାରିଙ୍ଗ୍ ବିଚାର୍ କିନି ଦାଉଡ୍ ମାଦାଂ ଇନାକା ଆକାୟ୍ ? ୧୩ ମତର୍ ଇମ୍‌ଣାକାର୍ ବାର୍ଡ ମାନାର୍, ହେଝାର୍ଡି ବିଚାର୍ ଇସ୍‌ର୍ କିନାନ୍ । ହେ ବାନ୍‌ୟା ଲଗାଙ୍ଗ୍ ମି ବିଡେତାଂ ହପାଟ୍ ।



କ୍ରିସ୍ଟିୟାନ୍ ଟଣ୍ଡାର୍ ବିରୁଦ୍‌ତ ଗଣ୍ଡଗଲ୍

୧ ମି ବିଡେତାଂ ଇନେରଡି ବିନ୍ ଲଗାଂ ବିରୁଦ୍‌ତ କାତା ମାଟିସ୍ ହେଝାନ୍ କି ବିଚାର୍ କାଜିଂ ପୁଇପୁୟା ସାଦୁର୍ ଲାଗାଂ ହାଲ୍‌ଝାଦାଂ ଅଦାମ୍ ିର୍ ଲାଗାଂ ହାନି କାଜିଂ ସାସ୍ କିନାନ୍ ? ୨ କି ସାଦୁର୍ ଜେ ଜଗଡ୍‌ନି ବିଚାଣ୍ଟା କିତାର୍, ଇ କାତା କି ଏପେଙ୍ଗ୍ ପୁନୁଦେର୍ ? ଆରେ ଜଦି ପୁଟ୍ ମି ପୁଇପୁୟା ହୁଦାଂ ବିଚାଣ୍ଟା ଆନାଡ୍, ଝାଟିଙ୍ଗ୍ ଏପେଙ୍ଗ୍ କି ଅଲପ୍ ଅଲପ୍ ବିସ୍ତେ ବିଚାଣ୍ଟା କିଦେଙ୍ଗ୍ ଆଡୁଦେର୍ ? ୩ ଆସେଙ୍ଗ୍ ଜେ ଦୁଡ୍‌ରଡି ବିଚାର୍ କିନାକା, ଇଦାଂ କି ଏପେଙ୍ଗ୍ ପୁନୁଦେର୍ ? ୪ ଝାଟିଙ୍ଗ୍ ସଁସାର୍ ଜିବୁନ୍ କାତା କି ଇନାକା ? ଲାଗିଂ, ଜଦି ବିଚାର୍ କାଜିଂ ମିଦାଙ୍ଗ୍ ସଁସାର୍ ଜିବୁନ୍ ବିସ୍ତେ ଇମ୍‌ଣି ବିସ୍ତେ ମାଟିସ୍, ଝାଟିଙ୍ଗ୍ ମଣ୍ଡଲିତ ଇମ୍‌ଣାକାର୍ ବୁଜାଆଉର୍, ହେଝାରିଂ ବିଚାଣ୍ଟା କିଦେଙ୍ଗ୍ ବାଟି କିୟାଟ୍ ? ୫ ଆନ୍ ମିଙ୍ଗ୍ ଲାଜ୍ ହିଦ୍‌ନି କାଜିଂ ଇଦାଂ ଇଞ୍ଜନାଙ୍ଗା । ଟଣ୍ଡାର୍ ଟଣ୍ଡାର୍ ବିଡେ ଗଣ୍ଡଗଲ୍ କିଦେଙ୍ଗ୍ ଆଡ୍‌ନାଦେର୍, ଏପେଙ୍ଗ୍ ଇନାକା ରଝାନ୍ ଇଞ୍ଜି ଗିଆନି ଲଗୁ ହାଡ୍‌ପା ବିଡେ ବିଚାର୍ କିନାକାନ୍ ହିଲୁନ୍ ? ୬ ମତର୍ ଟଣ୍ଡାର୍ ଟଣ୍ଡାର୍ ବିରୁଦ୍‌ତ ବିଚାଣ୍ଟା ଇଞ୍ଜ ଦାବା କିନାନ୍, ହେଦାଂ ଆରେ ପାଟ୍ କିଝାକାର୍ ଲାଗାଂ ।

୭ ଏପେଙ୍ଗ୍ ଜେ ହାରି ବିରୁଦ୍‌ତ ବିଚାର୍ ଇଞ୍ଜ ଦାବା କିନାଦେରା, ହେବେ ଏପେଙ୍ଗ୍ ହାଡ୍‌ପା ଦସି । ନଲେ ଇନେକିଦେଂ ଅନ୍‌ୟାୟ୍ ହୁଞ୍ଜୁଦେରା ? ଇତିସ୍ ଇନେକିଦେଂ ଅନ୍‌ୟାୟ୍ ମାନିକିଉଦେରା ? ଇତିସ୍ ଇନାକିଦେଂ ନସ୍ତୁ ମାନି କିଉଦେରା ? । ମତର୍

* ୫:୭ ୫:୭ ଗାଲାତିୟ ୫:୯.

ଏପେଙ୍ଗ ଜାର୍ ଜାର୍ ଅନ୍ୟାୟ ଆରି ନସ୍ତୁ କିନାଦେରା, ଆରେ ହେଦାଂ ଟଣ୍ଡାର୍ ଆରି ତଣ୍ଡେକ୍ କାଜିଂ କିନାଦେରା । ୯ କି ଅଦାମିଂ ର୍ ଜେ ଇସ୍ତୁତ୍ ରାଜିତ ଆଦିକାର୍ ଆଉର୍, ଇଦାଂ କି ଏପେଙ୍ଗ ପୁନୁଦେରା ? ବୁଲ୍‌କା ଆମାଟ୍, ଦାରି କି ପୁଡ଼ଡ଼ା ପୁଜାକିନାକାର୍ କି ଲକାର୍‌ଦାରି କି କଗଲେ ଚିନ୍ତା ଦାରୁଲ୍ଲା ୧୦ କି ମୁଟିଇଡ଼ନାକାନ୍ କି ଚରେନ୍ କି ଦାନ୍ ଲକ୍ତା କି ମଦ୍‌ଝା କି ବାନ୍ୟା ଲକାତ୍ ଜିନିସ୍ ତରି କିନାକାନ୍ ଇଝାର୍ ଇସ୍ତୁତ୍ ରାଜିତ ହେଝାର୍ ବାଗ୍ ପାୟା ଆଉର୍ । ୧୧ ଆରେ, ମି ବିତ୍ତେ ଇନେର୍ ଇନେର୍ ଏପେଙ୍ଗ ମାଟାଦେର୍; ମତର୍ ମାପୁ ଜିସୁ କ୍ରିସ୍ତୁତି ତରଦ୍ ଆରି ମା ଇସ୍ତୁତ୍ ହୁଦାଂ ଏପେଙ୍ଗ ନୁଜ୍‌ୟା ଆତାଦେର୍ଣ୍ଣା, ପୁଇପୁୟା କିୟା ଆତାଦେର୍ଣ୍ଣା ଆରି ଦାମିଂ ଇଞ୍ଜି ଗାଣ୍ଡି ଆତାଦେର୍ଣ୍ଣା ।

ଜାର୍ ଗାଗାଡ଼ିଂ ଇସ୍ତୁତ୍ ଜାଜ୍‌ମାଲ୍ କାଜିଂ ଚିନ୍ତା କିୟାଟ୍

୧୨ ଓଜୁ ବିସ୍ତେ ଆଡ଼ଦେଂ ନା ଦାଇଡ଼ ହିଡ଼ତାଣ୍ଣା, ମତର୍ ଓଜୁ ବିସ୍ତେ ହାର୍‌ଦାକା ଆକାୟ୍ । ଓଜୁ ବିସ୍ତେ ଆଡ଼ଦେଂ ନା ଆଦିକାର୍ ମାନାଡ଼, ମତର୍ ଆନ୍ ଇମଣି ବିସ୍ତେ ତାରେନ୍ ଆଉଙ୍ଗ୍ ୧୩ ବିନ୍‌ନିକାର୍ ଇଞ୍ଜେଙ୍ଗ୍ ଆଡ଼ନାର୍” କାଦି ପଟ୍ କାଜିଂ, ଆରେ ପଟ୍ କାଜିଂ, ମତର୍ ଇସ୍ତୁର୍ ହାରିତିଂ ବୁତାୟ୍ କିନାନ୍ । ଗାଗାଡ଼ିଂ ଦାରି କାଜିଂ ଆକାୟ୍, ମତର୍ ମାପୁତି କାଜିଂ, ଆରେ ମାପୁ ଗାଗାଡ଼ିଂ କାଜିଂ; ୧୪ ଇସ୍ତୁର୍ ମାପୁଙ୍ଗ୍ ହାକିତାଂ ନିକ୍‌ତାନ୍, ଆରେ, ଜାର୍ ସାକ୍ତି ହୁଦାଂ ମାଙ୍ଗେଙ୍ଗ୍ ପା ନିକ୍‌ତାନାନ୍ ।

୧୫ ମି ଗାଗାଡ଼ିଂ ଜେ କ୍ରିସ୍ତୁତି ଗାଗାଡ଼ିଂ ଲାକେ, ଇଦାଂ କି ପୁନୁଦେରା ? ଝାଟିଙ୍ଗ୍ ଆନ୍ ଇନାକା କ୍ରିସ୍ତୁତି ଗାଗାଡ଼ିଂ ଅଜି ଦାରିଆତି ଗାଗାଡ଼ିଂ କିନାଙ୍ଗ୍ ? ହେଦାଂ ଇନାଝାଡ଼ାଂ ପା ଆମେଡ଼ । ୧୬ କି ଇନେର୍ ଦାରିଆ ଲାହାଙ୍ଗ୍ ମେହାନାନ୍, ହେଝାନ୍ ତା ଲାହାଙ୍ଗ୍ ର ଗାଗାଡ଼ିଂ ଆନାନ୍, ଇଦାଂ କି ଏପେଙ୍ଗ ପୁନୁଦେର୍ ? ଇନାକିଦେଂକି ଲେକା ମାନାଡ଼, “ହେଝାର୍ ରିଆର୍ ଏକ୍ ଆନାର୍ ।” ୧୭ ମତର୍ ଇନେର୍ ମାପୁତି ଲାହାଙ୍ଗ୍ ଝାସ୍ତି ମେହା ଆନାର୍, ହେଝାନ୍ ହେଝାକ୍ତି ଲାହାଙ୍ଗ୍ ର ଜିବୁନ୍ ଆନାଡ଼ ।

୧୮ ଦାରିତାଂ ଦେହା ହାଲାଟ୍ । ମାନାୟ୍ ବିନ୍ ଇମ୍‌ଣାକା ପା ପାପ୍ କିତିସ୍, ହେଦାଂ ଗାଗାଡ଼ିଂ ବାଟ୍‌ହତାକା; ମତର୍ ଇନେର୍ ଦାରି କିତାନ୍, ହେଝାନ୍ ଜାର୍ ନିଜ୍ ଗାଗାଡ଼ିଂ ବିରୁଦ୍‌ତ୍ ପାପ୍ କିନାନ୍ । ୧୯ ଏପ୍ ଇନାକା ପୁନୁଦେରା କି ଜେ ମି ଗାଗାଡ଼ିଂ ପୁଇପୁୟା ଜିବୁନିଂ ମନ୍ଦିର୍, ଇନାକା ଏପେଙ୍ଗ ଇସ୍ତୁର୍ତାଂ ପାୟା ଆତାଦେର୍ଣ୍ଣା ? ଆରେ, ଏପେଙ୍ଗ ଜାର୍ ଜାର୍‌ତିଂ ଆକାୟ୍; ୨୦ ଇନାକିଦେଂକି ଏପେଙ୍ଗ ଜବର୍ ମଲ୍‌ଦ କଡ଼ୟାତାଦେର୍ଣ୍ଣା; ଲାଗିଂ ମି ଗାଗାଡ଼ିଂ ଇସ୍ତୁତ୍ ଜାଜ୍‌ମାଲ୍ ହପାଟ୍ ।



ବିବା ବିସ୍ତେନି ପର୍‌ସନ୍

୧ ଏପେଙ୍ଗ ଇମ୍‌ଣି ସବୁ ବିସ୍ତେ ଲେକି କିତାଦେର୍‌ନା, ହେ ସବୁନି ଉତର୍ ଇଦାଂ, କଗଲେ ହିମ୍‌ଣାକାଂ ତୁଝାକା ଆଣ୍ଡାଙ୍ଗ୍ ପାକ୍ୟାତ୍ ହାର୍; ୨ ମତର୍ ଦାରି ପାଣ୍ଡୁ କାଜିଂ ଜାଣିକେ ଆଣ୍ଡାଙ୍ଗ୍‌ତି ଜାର୍‌ତିଂ କଗଲେ ମାନେଡ଼, ଆରେ ଜାଣିକେ କଗଲେକ୍‌ନି ଜାର୍‌ତିଂ ଆଣ୍ଡେନ୍ ମାନେନ୍ । ୩ ଆଣ୍ଡେନ୍ କଗଲେତି ପାୟାଏଡ଼, ଆରେ ହେ ଲାକେ ପା କଗଲେ ଆଣ୍ଡେନିଂ ପାୟାଏଡ଼ । ୪ କଗଲେତି ଜାର୍ ଗାଗାଡ଼ିଂ ଜପି କେମ୍‌ତା ଆକାୟ୍, ମତର୍ ଆଣ୍ଡେକ୍ତି ମାନାଡ଼; ହେ ବାନି ପା ଆଣ୍ଡେକ୍ତି ଜାର୍ ଗାଗାଡ଼ିଂ ଜପି ଆଦିକାର୍ ଆକାୟ୍, ମତର୍ କଗଲେତି ମାନାଡ଼ । ୫ ହାରିତିଂ ଆବ୍‌ଡ଼ୁ କିମାଟ୍, ଏଚେକାଡ଼ିଂ ପାର୍ତାନା କାଜିଂ ପାବ୍ ଗାଗାନି କାଜିଂ ଦୁଲ୍‌ମାତାର୍ ର ବୁଜାମାଣା ଆଜି ଅଲପ୍ କାଡ଼ି

ବିନେ ମାଞ୍ଜେଙ୍ଗ୍ ଆଡ଼ନାଦେର୍; ଆରେ, ମିଦାଙ୍ଗ୍ ମାନ୍ ଦାବାୟ୍ ଅବାବ୍ ଲାଗିଂ ସୟ୍ତାନ୍ ଇନେସ୍ ମିଙ୍ଗେଙ୍ଗ୍ ପରିକ୍ୟା କିଦୁଡ଼, ଇଦାଂ କାଜିଂ ଆରେ ରଗ ରୁଣ୍ଡା ଆଡୁ ।

୬ ମତର୍ ଆନ୍ ବଲ୍ ହିଡ଼ତି ଲାକେ ଇଞ୍ଜିଝାଦାଂ ବୁଜାୟ୍ କିଡ଼ତି ଲାକେ ଇଦାଂ ଇଞ୍ଜନାଙ୍ଗା । ୭ ଆଡିସ୍ପା, ଇନେସ୍ ସବୁ ଲଗୁ ନା ଲାକେ ଆନାର୍, ଇଦାଂ ନା ଇଚା । ମତର୍ ଇନେର୍ ଏପେଙ୍ଗ୍, ଇନେର୍ ହେ ଏଲେଂ, ଜାଣିକେ ଇସ୍ପର୍ତାଂ ଦାନ୍ ପାୟାତାଣ୍ଟା ।

୮ ମତର୍ ଆନ୍ ଖାଟା ଆରି ରାଣ୍ଡିକାଂ ଇନାଙ୍ଗା, ହେଝେକ୍ ନା ଲାକେ ମାତିସ୍ ହେଝେକ୍ ପାକ୍ୟାତ ହାର୍ । ୯ ମତର୍ ଜଦି ହେଝେକ୍ ମାନ୍ତଂ ସାମାଲି କିଦେଙ୍ଗ୍ ଆଡ଼ଝିତିସ୍, ଖାଟିଙ୍ଗ୍ ହେଝେକ୍ ବିବା ଆୟେକ୍; ଇନାକିଦେଂକି କାମାୟ୍ତ ତାହାନି ବାଟା ବିବା ଆନାକା ହାର୍ ।

୧୦ ମତର୍ ଇଲା ଆତାକାରିଂ ଆନ୍ ବଲ୍ ହିନାଂ, ଆନ୍ ଆକାୟ୍, ମତର୍ ମାପୁ ବଲ୍ ହିନାନ୍, କଗଲେ ଜାର୍ ତକ୍ରାତାଂ ବିନେ ଆମେଡ଼, ୧୧ ମତର୍ ଜଦି ହେଦେଲ୍ ବିନ୍ ବିନ୍ ଆଡିସ୍, ଖାଟିଙ୍ଗ୍ ହେଦେଲ୍ ଆରେ ବିବା କିମେଡ଼, ଆଝିତିସ୍ ଜାର୍ ଆଣ୍ଡେନ୍ ଲାହାଙ୍ଗ୍ ମେହା ଆୟେଡ଼, ଆରେ ଆଣ୍ଡେନ୍ ଜାର୍ କଗଲେଂ ପିହ୍ମେନ୍ ।

୧୨ ମତର୍ ବିନ୍ ଲଗାଂ ଝିଜାରିଂ ଆନ୍ ଇନାଂ ମାପୁ ଇନୁନ୍, ଜଦି ଇମ୍ଫା ଚଣ୍ଡେନ୍ ତାକେ ପାତ୍ ହିଝି ତକ୍ତି ମାତିସ୍, ଆରେ ହେଝାନ୍ ତା ଲାହାଙ୍ଗ୍ ବାହା କିଦେଙ୍ଗ୍ ରାଜି ଆଏନ୍, ତା ଆଡିସ୍ ହେଝାନ୍ ହେଦେଲିଂ ପିହ୍ମେନ୍ । ୧୩ ଆରେ, ଇନେର୍ ତକ୍ତି ତାକେ ପାତ୍ କିଝାକାନ୍ ଆଣ୍ଡେନ୍ ମାତିସ୍, ଆରେ ହେଝାନ୍ ଲାହାଙ୍ଗ୍ ବାହା କିଦେଙ୍ଗ୍ ରାଜି ଆଏଡ଼, ହେଦେଲ୍ ତା ତକ୍ରାହିଂ ପିହ୍ମେଡ଼ । ୧୪ ଇନାକିଦେଂକି ପାତ୍ କିଝି ଆଣ୍ଡେନ୍ ପାତ୍ କିନି ତକ୍ତି ଲାହାଙ୍ଗ୍ ସକର୍ କିୟାଆନାତାଡ଼ନା, ଆରେ ପାତ୍ କିଝି ତକ୍ତି ପାତ୍ କିନି ଆଣ୍ଡେନ୍ କାଜିଂ ସକର୍ କିୟାଆନାତାଡ଼ନା; ହେଦାଂ ଆଝିତିସ୍ ମି ହିମ୍ଫାଂ ରାଡ଼ା ଆତାର୍ମା, ମାତର୍ ନଙ୍ଗ୍ ହେଝାର୍ ସକର୍ । ୧୫ ଆଡିସ୍ପା ଜଦି ପାତ୍ କିଝାକା ବିନେ ଆଦେଂ ଇଚା କିତିସ୍, ଖାଟିଙ୍ଗ୍ ହେଦେଲ୍ ବିନେ ଆୟେଡ଼; ଏଲେଙ୍ଗ୍ ବାହାତ ହେ ଚଣ୍ଡେନ୍ କି ତଣ୍ଡେଲ୍ ହୁର୍ପିୟା ଆଝାତାଣ୍ଟା, ଇସ୍ପର୍ ମିଙ୍ଗ୍ ସୁସ୍ତାତ ବେବାର୍ କିଦଦେଂ ଆସ୍ତାତାନ୍ନା । ୧୬ ଲାଗିଂ ଏ କଗଲେ, ଏପେଙ୍ଗ୍ ଜେ ଜାର୍ ପାତ୍ ତକ୍ରାତି ମୁକ୍ତିନି କାରଣ୍ ଆନାଦେର୍, ଇଦାଂ ଇନାକା ପୁନୁୟ୍ ? କି ଏ ଆଣ୍ଡାଙ୍ଗ୍, ଏପେଙ୍ଗ୍ ଜେ ଜାର୍ କଗଲେତ ମୁକ୍ତାନି କାରଣ୍ ଆନାଦେର୍, ଇଦାଂ ଇନାକା ପୁନାଦେର୍ ?

ଇନେସ୍ କୁକ୍ତାକା ହେ ଏଲେଙ୍ଗ୍ ଚିନ୍ତା

୧୭ କେବଲ୍ ମାପୁ ଇନେରିଂ ଦାନ୍ ପାସ୍ତାତାନ୍ନା, ଇସ୍ପର୍ ଝିଜାରିଂ ଇନେସ୍ କୁକ୍ତାନ୍ନା ହେଝାନ୍ ହେ ଲାକେ ଚିନ୍ତା କିଏନ୍ । ଆନ୍ ସବୁ ମଣ୍ଡଲିତ ଏଲେଙ୍ଗ୍ ବାନି ବଲ୍ ହିନାଂ । ୧୮ ଇନେନ୍ କି ସୁନ୍ତ୍ ଲାକେ ଇସ୍ପର୍ ହୁକେ କୁକ୍ୟାତାନ୍ନା ? ହେଝାନ୍ ସୁନ୍ତ୍ ଆକାୟ୍ ଲାକେ ଚଞ୍ଜୟା ଆଦେଂ ସେସ୍ତା କିମେନ୍ । ଇନେ ଇନେନ୍ କି ସୁନ୍ତ୍ ଆକାୟ୍ ଲାକେ କୁକ୍ୟାତାନ୍ନା ? ହେଝାନ୍ ସୁନ୍ତ୍ ଆମେନ୍ । ୧୯ ସୁନ୍ତ୍ ଆନାକା କି, ଆରେ ସୁନ୍ତ୍ ଆକାୟ୍ ମୁଡେ ଆକାୟ୍, କେବଲ୍ ଇସ୍ପର୍ ବଲ୍ ପାଲି କିନାକା ନେ ଗାଜା । ୨୦ ଇସ୍ପର୍ ଖାଡିଲେ ହେ ଇମ୍ଫା ଅବସ୍ତାତ କୁକ୍ୟାତାଦେଣ୍ଟା, ହେଝାନ୍ ହେବେ ମାନେନ୍ । ୨୧ ଏପେଙ୍ଗ୍ କି ଆଡିଏନ୍ ଆଜି କୁକ୍ୟାତାଦେଣ୍ଟା ? ଚିନ୍ତା କିମାଟ୍; ମତର୍ ଏଚେକାଡ଼୍ ମୁକ୍ତା ଆଦେଂ ଆଡ଼ନାଦେର୍, ତେବେ ନଲେ ସୁବିଦା ହୁଡ଼ାଟ୍ । ୨୨ ଇନାକିଦେଂକି ଇନେର୍ ଆଡିଏନ୍ ଆଜି ମାପୁତାକେ କୁକ୍ୟାତାନ୍ନା, ହେଝାନ୍ ମାପୁତି ମୁକ୍ତାତି ଲଗୁ; ହେ ଲାକେ ଇନେର୍ ମୁକ୍ତା ଆଜି କୁକ୍ୟାତାନ୍ନା, ହେଝାନ୍ କ୍ରିସ୍ତତି ଆଡିଏନ୍ । ୨୩ ଏପେଙ୍ଗ୍ ବେସି ମଲ୍ଦ କଡ଼ୟାତାଦେଣ୍ଟା, ମାନାୟ୍ନି ଆଡିଏନ୍ ଆମାଟ୍

। ୨୪ ଏ ଟଣ୍ଡାର, ଆରି ତଣ୍ଡାଦେକ ଜାଣକେ ଇମଣି ଅବସ୍ଥାତ କୁକ୍ୟାତାଦେଣ୍ଡା; ହେଝାନ ଜସ୍ତତ ରତେ ମାନଞ୍ଜି ହେ ଅବସ୍ଥାତ ମାନେନ୍ ।

ଝାଟା ଆରି ରାଣ୍ଡିକ୍ ବିସ୍ତେ ପର୍ସନ୍

୨୫ ଗାଡ଼ଚେକ୍ଟି ବିସ୍ତେ ଆନ୍ ମାପୁତାଂ ଇମଣାକା ପା ବଲ୍ ଗାଟାଝାତାଂନା; ମତର୍ ମାପୁତି ଦୟାତାଂ ପାତ ଲଗୁ ଆଜି ଜାର୍ତିଂ କାତା ହିନାଜା ।

୨୬ ଆନ୍ ବାବି କିନାଜା ଜେ, ମାନାୟ୍ ଇନେସ୍ ମାନାନ୍, ସୁନ୍ନତ୍ ଆଞ୍ଜି କସୁ ଲାଗିଂ ହେ ଲାକେ ମାନାକା ହାର୍ । ୨୭ ଏପେଙ୍ଗ୍ ଜେ ତକ୍ତି ହୁଦାଂ ମାନାଦେର୍ ? ଲାଗିଂ ମୁକ୍ତା ଆନି କାଜିଂ ସେସ୍ତୁ କିମାଟ୍ । ଏପେଙ୍ଗ୍ ଜେ ତକ୍ତିହୁଦାଂ ମୁକ୍ତାନାଦେର୍ ? ତେବେ ତକ୍ତି ଗାଟାନି କାଜିଂ ସେସ୍ତୁ କିମାଟ୍ । ୨୮ ମତର୍ ଜଦି ଏଲେଙ୍ଗ୍ ବିବା କିତାଦେଣ୍ଡା, ତା ଆତିସ୍ପା ପାପ୍ କିଝାତାଦେଣ୍ଡା; ଆରେ ଜଦି ଜିପଲି ବିବା କିତାଦେଣ୍ଡା, ତା ଆତିସ୍ ହେଦେଲ୍ ପାପ୍ କିଝାତାଦେଣ୍ଡା । ଆତିସ୍ପା ଏଲେଙ୍ଗ୍ ଲଗୁ ଗାଗାଡ଼କସ୍ ବଗ୍ କିନି କାଜିଂ; ଆରେ ଏପେଙ୍ଗ୍ ଇନେସ୍ କି ହେବେତାଂ ରାକ୍ୟା ପାୟାତୁ, ଇଦାଂ ନା ମାନ୍ ।

୨୯ ମତର୍ ଏ ଟଣ୍ଡାର, ନା କାତା ମାନ୍ ଏଲେଙ୍ଗ୍, ସମ୍ପୁ ବେସି ଉଣା, ଲାଗିଂ ଇମଣାକାତ ତକ୍ତି ମାନାଡ଼, ହେଝାର୍ ତକ୍ତି ହିଲ୍ଡି ଲାକେ ଆଏର୍ । ୩୦ ଆରେ, ଇନେର୍ ଆଡ଼ବାନାର୍, ହେଝାର୍ ଆଡ଼ବାଝାକାର୍ ଲାକେ ଆଏର୍; ଆରେ, ଇନେର୍ ଦୁକ୍ କିତାର୍, ହେଝାର୍ ଦୁକ୍ କିଝାକାର୍ ଲାକେ ଆଏର୍; ଇନେର୍ କଡ଼ନାର୍, ହେଝାର୍ କଡ଼ଝାକାର୍ ଲାକେ ଆଏର୍; ୩୧ ଆରେ, ଇନେର୍ ସିଂସାର୍ ବିସ୍ତେ ବଗ୍ କିତାର୍, ହେଝାର୍ ବଗ୍ କିଝାକାର୍ ଲାକେ ଆଏର୍ । ଇନାକିଦେଂକି ଇ ଜଗଡ଼ନି ବାନା ବାଦ୍ଲା ଆନାତା ।

୩୨ ମତର୍ ଏପେଙ୍ଗ୍ ଇନେସ୍ କି ଚିନ୍ତା କିମାଟ୍, ଇଦାଂ ନା ଇଟା । ଇନେନ୍ ଝାଟା, ହେଝାନ୍ ଇନେସ୍ କି ମାପୁତି ମାନ୍ସତକ୍ ଆନାଦେର୍, ହେଦାଂ କାଜିଂ ମାପୁନି ବିସ୍ତେ ଆସ୍ତି ଚିନ୍ତା ଆତୁ; ୩୩ ମତର୍ ଇନେନ୍ ଇଲା ଆତାକାନ୍, ହେଝାନ୍ ଇନେସ୍ ଜାର୍ ତକ୍ତିତି ମାନ୍ସତକ୍ ଲଗୁ ଆନାନ୍, ହେଦାଂ କାଜିଂ ହେଝାନ୍ ପୁତ ବିସ୍ତେ ଆସ୍ତି ଚିନ୍ତା କିନାନ୍, ଆରେ ତା ମାନ୍ ବିନେବିନେ ଆନାଡ଼ । ୩୪ ଲାଗିଂ ହେଝାନ୍ତୁ ମାନ୍ ରିବାଗ୍ ଆୟେଡ଼ ଡିଣ୍ଡା କଗ୍ଲେ ଆରି ଜିପଲି ମାପୁ କାମାୟ୍ ଗାଗାଡ଼ତ ଆରି ଜିବୁଡ଼ ପୁଇପୁୟା ଆନି କାଜିଂ ମାପୁତି ବିସ୍ତେ ଅଜି ଚିନ୍ତା ଆନାର୍; ମତର୍ ଇନ୍ଦେଲ୍ ଇଲା ଆତାକା, ହେଦେଲ୍ ଇନେସ୍ ଜାର୍ ଆଣ୍ଡେକ୍ତି ମାନ୍ସତକ୍ କଗ୍ଲେ ଆନାଡ଼, ହେଦାଂ କାଜିଂ ପୁତ ବିସ୍ତେ ଅଜି ଚିନ୍ତା ଆତୁ ।

୩୫ ଇ କାତା ଆନ୍ ମିଦାଙ୍ଗ୍ ଜାର୍ ହାର୍ କାଜିଂ ଇଞ୍ଜନାଜା, ମିଙ୍ଗ୍ ଗାଟିତି ଆସ୍ତେଙ୍ଗ୍ ଇଞ୍ଜୁଜା, ମତର୍ ଏପେଙ୍ଗ୍ ଇନେସ୍ ହାର୍ ଚିନ୍ତା ଜିସୁ ର ମାନ୍ତ ମାପୁ ତାକେ ଲାଗାଜି ମାନାଟ୍, ଇଦାଂ କାଜିଂ ଇଞ୍ଜନାଜା ।

୩୬ ମତର୍, ଝାଟିଙ୍ଗ୍ ଇମଣି ମାନାୟ୍ ଜାର୍ ଗାଡ଼ଚେନି ଜିପଲି ଅବସ୍ଥା ହାଟାଦନା, ଆରେ ହେଦେଲ୍ ତା କାଜିଂ କିଝାକା ଚିନ୍ତା କିନାତା ଇଞ୍ଜି ବାବି କିନାଡ଼, ତେବେ ଲଡାନିମାନ୍ କିତିସ୍ ହେଦେଲ୍ ଇନାକା ଇଟା, ହେଦାଂ କିଏଡ଼; ହେବେ ପାପ୍ ଆକାୟ୍; ହେଝେକ୍ ବିବା ଆୟେକ୍ । ୩୭ ମତର୍ ଜେ ଝାସ୍ତିତ ତିର୍ ମାନାଡ଼, ଆରେ ଲଡା କିଝିତିସ୍, ଆରେ ଇନେର୍ଡି ଜାର୍ ଇଟା ଲାହାଙ୍ଗ୍ କିଦେଙ୍ଗ୍ ଆଦିକାର୍ ମାଟିସ୍, ଆରେ ଇନେର୍ ଜାର୍ ଗାଡ଼ଚେଂ ଜିପଲି ଇଡ଼ଦେଂ କାଜିଂ ଝାସ୍ତିତ ତିର୍ କିତାନ୍ନା, ହେଦେଲ୍ ହାର୍ କିତାଦେଣ୍ଡା । ୩୮ ଲାଗିଂ ଇନେର୍ ଜାର୍ ଜିପଲି ବିବା କିନାନ୍, ହେଝାନ୍ ହାର୍ କିନାନ୍, ଆରେ ଇନେର୍ ବିବା କିଡନ୍, ହେଝାନ୍ ଆରେ ହାର୍ କିନାନ୍ ।

୩୯ ଆଣ୍ଡେନ୍ ଜିଜି ମାନି ପାତେକ୍ କଗ୍ଲେ ଗାଟ୍ୟାଜି ମାନାଡ଼; ମତର୍ ଆଣ୍ଡେନ୍ ହାତିସ୍, ଝାଟିଙ୍ଗ୍ କଗ୍ଲେ ମାପୁତି ତାକେ ପାତ ନିକା ଇନେରିଂ ମାନ୍, ହେଝାନିଂ ବିବା କିଦେଙ୍ଗ୍ ଜାର୍ମାନ୍ । ୪୦ ମତର୍ ହେଦେଲ୍ ହେ ଲାକେ ମାଟିସ୍ ଆଦିକ୍ ସୁକ୍ ଆନାଡ଼,

ଇଦାଂ ନା ଇନାକା, ଆରେ ଆନ୍ ପା ଇସ୍ତ ତ୍ ଜିବୁନ୍ ପାୟାତାଂନା ଇଞ୍ଜି ବାବି କିନାଙ୍ଗ ।

୮

ପେନ୍ ଆକାଡ଼ ବିସ୍ତେ

୧ ପେନ୍ ପୁଜାକିତି ଆକାଡ଼ ବିସ୍ତେ ନା ଉତର୍ ଇଦାଂ, ମାଦାଂ ଝିଜାକାତ୍ ଗିୟାନ୍ ମାନାଡ଼ ଇଞ୍ଜି ଏପେଙ୍ଗ ଇନାକା ଇନାଦେରା, ହେଦାଂ ଆପ୍ ପୁନାପ୍ । ଗିୟାନ୍ ଆକାଡ଼ ଉବ୍‌ଜାଣ କିନାଡ଼, ମତର୍ ଜିଉନନିତାଂ ହାର୍‌ଦାକା ହନାଡ଼ । ୨ ଜଦି ଇନେର୍ ଇମ୍‌ଣି ବିସ୍ତେ ପୁନାନ୍ ଗିଆନି ଇଞ୍ଜି ବାବି କିଡାର୍, ଲାଗିଂ ହେଝାନ୍ତି, ଇନେସ୍ ପୁନାକା ଲଡ଼ା ହେଝାନ୍ ଇ ପାତେକ୍ ପୁନ୍‌ଝାତାନ୍ନା; ୩ ମତର୍ ଜଦି ଇନେର୍ ଇସ୍ତର୍ତିଂ ଜିଉନନାର୍, ଇସ୍ତର୍ ତାଙ୍ଗେଙ୍ଗ୍ ପୁଚାନ୍‌ନା । ୪ ଲାଗିଂ ପେନ୍ ପୁଜାକିତି ଆକାଡ଼ ତିନି ବିସ୍ତେ ଆସେଙ୍ଗ୍ ପୁନାସ୍ ଜେ, ପୁତ୍ ପେନ୍‌କୁ ଇଞ୍ଜି ଇନାକା ମୁଲ୍ୟ ହିଲେଡ଼, ଆରେ ର ଇସ୍ତର୍ ପିସ୍‌ସି ରିଶ୍ଟାଂ ହିଲେକ୍ । ୫ ଇନାକିଦେଂକି ସାଗେତ ଆୟେଡ଼ କି ପୁତ୍ ଆୟେଡ଼, ଇମ୍‌ଣାକାରିଂ ପେନ୍ ଇଞ୍ଜି ଇନାର୍, ଆତିସ୍‌ପା ହେଝେକ୍ ମାନ୍‌ଗିନିକ୍‌ପା ଇ ଲାକେ ତ ହେନି ପେନ୍‌କୁ ଆରି ବେସି ମାପୁ ମାନିକ୍, ୬ ମତର୍ ମା ରଝାନ୍ ମତର୍ ଇସ୍ତର୍, ଇତିସ୍ ଇମ୍‌ଣି ଆବା ତାକେଶ୍ଟାଂ ସବୁ ବିସ୍ତେ ଉବ୍‌ଜା ଆତାଡ଼ନ୍ନା, ଆରେ ଆସେଙ୍ଗ୍ ହେଝାନ୍ତି କାଜିଂ ଉପ୍‌ଜା ଆତାସ୍‌ନା ଆରେ ରଝାନ୍ ମତର୍ ମାପୁ, ଜିସୁ କ୍ରିସ୍ଟ ହେଝାନ୍ତି ହୁକେ ଝିଜୁ ବିସ୍ତେ ଆତାଡ଼ନ୍ନା, ଆରେ ହେଝାନ୍ତି ହୁକେ ଆସେଙ୍ଗ୍ ଆତାସ୍‌ନା ।

୭ ଆତିସ୍‌ପା ଝିଜାକାର୍‌ତି ଇ ଗିଆନ୍ ହିଲୁଡ଼; ମାତର୍ କେତେକ୍ ଲକୁ ଇ ପାତେକ୍ ପେନ୍ ମାନାଡ଼ ଇଞ୍ଜି ପୁନ୍‌ଞ୍ଜି ପେନ୍ ପୁଜାକିତି ଆକାଡ଼ ତିନାର୍, ଆରେ ହେଝାର୍‌ତି ବାବ୍‌ନା ନାଦାର୍ ମାତିସ୍ ଦସି ଆନାର୍ । ୮ ମତର୍ ତିନାକାଉଣାକା ମାଙ୍ଗେଙ୍ଗ୍ ଇସ୍ତ ଲାଗାଂ ଇଟ୍‌ନାକା କି ଇଟ୍‌ୟାଝାକା କିୟା ଆଉଡ଼; ତିନ୍‌ଝିତିସ୍ ମାଦାଂ ନସ୍ ଆଉଡ଼ କି ଚିତିସ୍ ମାଙ୍ଗେଙ୍ଗ୍ ଲାବ୍ ଆଡୁଡ଼ ।

୯ ମତର୍ ଜାଗ୍ରଡ଼, ଏଚେକାଡ଼ଦ ମିଦାଙ୍ଗ୍ ଇ ଜାର୍ ଆଦିକାର୍ ନାଦାରିଂ ଉସ୍‌ନାକା ଆନାଡ଼ । ୧୦ ଇନାକିଦେଂକି ଗିଆନି ଜେ ଏପେଙ୍ଗ୍, ମିଙ୍ଗେଙ୍ଗ୍ ଜଦି ଇନେର୍ ମନ୍‌ିର୍ ଇଞ୍ଜି ତିନିତାକେ କୁଟ୍‌ନାକା ହୁଡ଼ଦାନାର୍, ଲାଗିଂ ହେଝାନ୍ ନାଦାର୍ ଆଜି ମାତିସ୍ ହେଝାନ୍ତି ବାବ୍‌ନା ଇନାକା ପେନ୍‌କୁ ଆକାଡ଼ ଚିଜେଙ୍ଗ୍ ସାସ୍ ଆଉନ୍ ? ୧୧ ଲାଗିଂ ଇମ୍‌ଣି ନାଦାର୍ ଟଣ୍ଡେନ୍ କାଜିଂ କ୍ରିସ୍ଟ ହାତାନ୍, ହେଝାନ୍ “ମି ଗିୟାନ୍” ହୁକେ ନସ୍ ଆନାତା । ୧୨ ଇ ଲାକେ ଟଣ୍ଡାର୍ ବିରୁତାଂ ପାପ୍ ଜିସୁ ଆରି ହେଝାର୍‌ତି ନାଦାର୍ ବାବ୍‌ନାତିଂ ଗାଅ ଜିସୁ ଏପେଙ୍ଗ୍ କ୍ରିସ୍ଟ ବିରୁଦ୍‌ତ ପାପ୍ କିନାଦେରା । ୧୩ ଲାଗିଂ ଜଦି ତିନାକା ଉଣାକା ନା ଟଣ୍ଡେନ୍ ବାଦାନି କାରଣ୍ ଆତିସ୍, ଝାଟିଙ୍ଗ୍ ନା ଟଣ୍ଡେନ୍ ଇନେସ୍ ନା ହୁଦାଂ ବାଦା ପାୟା ଆଉନ୍, ଇଦାଂ କାଜିଂ ଆନ୍ ମୁଡ଼ ପା ଜାଇ ତିନୁଙ୍ଗ୍ ।

୯

ପକ୍ୟାତାକାର୍‌ତି ଆଦିକାର୍ ଆରି କାମାୟ୍

୧ ଏପେଙ୍ଗ୍ ଇନାକା ଜାର୍‌ତାରେନ୍ ମାନାୟ୍ ଆକାୟ୍ ? ଆନ୍ ଇନାକା ରଝାଙ୍ଗ୍ ପକ୍ୟାତାକାନ୍ ଆକାୟ୍ ? ଆନ୍ ଇନାକା ମା ମାପୁ ଜିସୁଙ୍ଗ୍ ଟଞ୍ଝୟା ଝାତାଂନା ? ଏପେଙ୍ଗ୍ ଇନାକା ମାପୁ ତାକେ ନା କିତି କାମାୟ୍ ଆକାୟ୍ ? ୨ ଜଦି ଆନ୍ ବିନ୍‌ନିକାର୍ ଲାଗାଂ ରଝାଙ୍ଗ୍ ପକ୍ୟାତାକାନ୍ ଆକାୟ୍, ଆତିସ୍‌ପା ମି ଲାଗାଂ ଆତିସ୍‌ପା ରଝାନ୍ ପକ୍ୟାତାକାନ୍, ଇନାକିଦେଂକି ମାପୁତାକେ ଏପେଙ୍ଗ୍ ନା ପକ୍ୟାତି ପାଦ୍‌ତ ଚିନ୍‌ଲାକେ ।

୩ ନା ବିଚାର୍ କିନାକାରିଂ ନା ଉତର୍ ଇଦାଂ । ୪ ତିନାଉଣା କିଦେଙ୍ଗ୍ ଇନାକା ମା ଆଦିକାର୍ ଆକାୟ୍ ? ୫ ବିନ୍‌ ଝିଜାର୍ ପକ୍ୟାତାକାର୍, ମାପୁତି ଟଣ୍ଡାର୍ ଆରି ତଣ୍‌ଦେକ୍

କେପାତି ଲାକେ ପାତ୍ କିନି କଗଲେ ବିବା କିଜି ରଚେ ଅଜି ହାଞ୍ଜେଙ୍ଗ୍ ଇନାକା ମା ଆଦିକାର୍ ଆକାୟ୍ ? ୬ କି ଜିନି ଜପି କସ୍ ପିସ୍ତେ ଇନାକା କେବଲ୍ ଆନ୍ ଆରି ବର୍ଣ୍ଣବା ଆଦିକାର୍ ଆକାୟ୍ ? ୭ ଇନେନ୍ ଜାର୍ କର୍ତ୍ତ ଇନାଞ୍ଜାତାଂ ମେଲ୍ୟା ବୁର୍ତ୍ତି କିନାନ୍ ? ଇନେନ୍ ଅଙ୍ଗୁର ବାଡ୍ କିଜି ହେବେନି ପାଡ୍ ତିନୁନ୍ ? ନଲେ ଇନେନ୍ ପସୁମାନ୍ ପାଲି କିଜି ମାନ୍ ପାଲ୍ ଉଣୁନ୍ ?

୮ ଆନ୍ ମାନାୟ୍ ବାବ୍ରେ ଇନାକା ଇ ସବୁ କାତା ଇନାଙ୍ଗା ? ମସାତି ବିଦି ପା ଇନାକା ଇ ସବୁ କାତା ଇନୁଡ୍ ? ୯ *ଇନାକିଦେଂକି ମସାତି ବିଦିତ ଇଦାଂ ଲେକା ମାନାଡ୍, “କଚେରତ ବୁଲାନି ବଇଲ୍ଲତି ମୁଡ୍ଲୀତ ଗାଚ୍ମାଚ୍ । ଇସ୍ବର ଇନାକା ବଇଲ୍ଲା ବିସ୍ତେ ଚିତା କିନାନ୍ ? ୧୦ ହେଞ୍ଜାନ୍ ଇନାକା କେବଲ୍ ମା କାଜିଂ ଇଦାଂ ଇନୁନ୍ ? ଆଁ ମା କାଜିଂ ଇଦାଂ ଲେକି କିୟାଆତାଡ୍ନା, ଇନେସ୍ ଇନେନ୍ ତାସ୍ କିନାନ୍, ଆହାତ ହେଞ୍ଜାନ୍ତି ତାସ୍ କିନି ଲଡା, ଆରେ ଇନେନ୍ ବେଙ୍ଗ୍ଲା ଗାଚ୍ମାନ, ବାଗ୍ ପାୟାନି ଆହାତ ତ ବେଙ୍ଗ୍ଲା କିନି ଲଡା । ୧୧ *ଜଦି ଆପେଂ ମି କାଜିଂ ହାଦ୍ ବିୟାନ୍ ଝିଡ୍ନାପା, ଲାଗିଂ ମିଦାଙ୍ଗ୍ ଇ ବାର୍ତ୍ତି ତାସ୍ ତ୍ରେସ୍ତି ଇନାକା ଅଲପ୍ତନି ବିସ୍ତେ ? ୧୨ ଜଦି ବିନିକାର୍ ମିଙ୍ଗେଙ୍ଗ୍ ବାଗ୍ ଆଦିକାର୍ ମାନାର୍, ତେବେ ଆପେଂ ଇନାକା ଆରେ ଆଦିକ୍ ଆକାୟ୍ ?

ଆତିସପା ଆସେଙ୍ଗ୍ ହେ ଆଦିକାର୍ ବେବାର୍ କିଉପା; ମାତର ଇନେସ୍ ଆପେଂ କ୍ରିସ୍ତତି ନେକ୍ରିକାବୁର୍ ଇମ୍ମଣି ବାଦା ଉବ୍ଜାୟ୍ କିମେଡ୍, ଇଦାଂ କାଜିଂ ଝିଜାପ୍ ହୁଞ୍ଜାପା । ୧୩ ଇମ୍ମଣାକାର୍ ମନ୍ଦିରତ ହେବା କିତାର୍, ହେଞ୍ଜାର୍ ଜେ ମନ୍ଦିରତାଂ କାଦି ପାୟାନାର୍, ଆରେ ଇମ୍ମଣାକାର୍ ଗାଚ୍ମାନି ବାଗି ଆନାର୍, ଇଦାଂ ଇନାକା ପୁନୁଦେରା ? ୧୪ *ହେ ଲାକେ ଇମ୍ମଣାକାର୍ ନେକ୍ରିକାବୁର୍ ସୁଣାୟ୍ କିତାର୍, ହେଞ୍ଜାର୍ ଜେ ନେକ୍ରିକାବୁର୍ ହୁକେ ଜିନି ଚିନ୍ତା କିତାର୍, ଇଦାଂ ମାପୁ ବଲ୍ଲ ହିତାନ୍ନା ।

୧୫ ମତର୍ ଆନ୍ ଇ ସବୁ ବିସ୍ତେ ଇନାକା ଚିନ୍ତା କିଉଙ୍ଗା, ଆରେ ନା କାଜିଂ ଇନେନ୍ ଏପେଙ୍ଗ୍ କିନାନ୍, ଇଦାଂ କାଜିଂ ଆନ୍ ଇ ସବୁ ଲେକି କିଉଙ୍ଗା; ଇନାକିଦେଂକି ଇନେର୍ ନା ଇ ଗରବ୍ ପଲ୍ୟା ବାଟା ଇଚିସ୍ ନା ହାନାକା ହାର୍ । ୧୬ ଇନାକିଦେଂକି ଆନ୍ ଜଦି ନେକ୍ରିକାବୁର୍ ସୁଣାୟ୍ କିନାଙ୍ଗ୍, ହେବେ ନା ଗରବ୍ କିନାକା ଇନାକା ଆକାୟ୍, ଲାଗିଂ ହେଦାଂ କିନି କାଜିଂ ଆନ୍ ପାକା; ଆରେ ଜଦି ଆନ୍ ନେକ୍ରିକାବୁର୍ ସୁଣାୟ୍ କିଉନ୍, ଲାଗିଂ ହାୟ୍, ନା ଡଣ୍ଡିନି ବାହା । ୧୭ ଇନାକିଦେଂକି ଜଦି ଆନ୍ ନିଜେ ଏଲେଙ୍ଗ୍ କିନାଙ୍ଗ୍, ଲାଗିଂ ନା ଇନାମ୍ ମାନାଡ୍; ମତର୍ ଜଦି ନିଜେ କିଉଙ୍ଗ୍, ଲାଗିଂ ନେ ଗୁମୁସାନି ବଜ୍ ନା ତାକେ ହେଲ୍ଲାୟ୍ ଆତାଡ୍ନା । ୧୮ ଲାଗିଂ ନା ଇନାମ୍ ଇନାକା ? ହେଦାଂ ଇଦାଂ ଜେ, ଇନେସ୍ ଆନ୍ ନେକ୍ରିକାବୁର୍ତ ମାନି ନା ଆଦିକାର୍ ଚିନ୍ତା କିଞ୍ଜାଦାଂ ନେକ୍ରିକାବୁର୍ ସୁଣାୟ୍ କିଉ କିଉ ହେ ନେକ୍ରିକାବୁର୍ତିଂ ମଲ୍ଲିଲ୍ଲିଝି ବିସ୍ତେ କିନାନ୍ ।

୧୯ ଇନାକିଦେଂକି ଇନେସ୍ ଆନ୍ ଆଦିକ୍ ହେନି ମାନାୟ୍ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ଇନେର୍ ତାରେନ୍ ଆଞ୍ଜିତିସ୍ତା ଜାର୍ତିଂ ଝିଜାର୍ ଆଡ୍ମା କିତାଙ୍ଗ୍ । ୨୦ ଇନେସ୍ ଆନ୍ ଜିହୁଦିରିଙ୍ଗ୍ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଜିହୁଦିର୍ ଲାଗାଂ ଆନ୍ ଜିହୁଦି ଲାକେ ଆତାଙ୍ଗ୍; ଇନେସ୍ ବିଦି ତାରେନ୍ ମାନି ମାନାୟାରିଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ବିଦିନି ତାରେନ୍ ଆଞ୍ଜିତିସ୍ତା ବିଦି ତାରେନ୍ ମାନାୟାର୍ ଲାଗାଂ ବିଦି ବୁଇନି ଲାକେ ଆତାଙ୍ଗ୍ । ୨୧ ହେ ଲାକେ ମସାତି ବିଦିଞ୍ଜିସ୍ତି ଲାବ୍ କିନି କାଜିଂ ଆନ୍ ହେଞ୍ଜାର୍ ବିତ୍ରେ କାମାୟ୍ କିନି ଝାଡାଙ୍ଗ୍ ପାତ୍ କିଞ୍ଜି ଜିହୁଦିର୍ ଲାକେ ବିଦି ବାର୍ତ୍ତ ବେବାର୍ କିନାଙ୍ଗା । ଇ ଅରଡ୍ ଆକାୟ୍ ଜେ, ଆନ୍ ଇସ୍ବରତି ନିୟମ୍ ପାଲି କିଉଙ୍ଗ୍ । ହାଡ୍ପାତ ଆନ୍ କ୍ରିସ୍ତତି ବିଦି ତାରେନ୍ ଆତାଂ । ୨୨ ଇନେସ୍ ଆନ୍ ନାଦାରିକାଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ନାଦାର୍ତ ଲାଗାଂ

* ୯:୯ ୯:୯ ଡିମତି ୫:୧୮. * ୯:୧୧ ୯:୧୧ ରମିୟ ୧୫:୨୭. * ୯:୧୪ ୯:୧୪ ମାତିଉ ୧୦:୧୦; ଲୁକ ୧୦:୭.

ନାଦାର୍ ଲାକେ ଆତାଙ୍ଗ; ଇନେସ୍ ଆନ୍ ଇମଣିବାନି କେତେଜାଣତିଂ ରାକ୍ୟା କିଦେଙ୍ଗ୍ ଆଡ଼ନାଙ୍ଗ, ଇଦାଂ କାଜିଂ ଆନ୍ ଝିଜାର୍ ଲାଗାଂ ସବୁବାନି ଆତାଙ୍ଗନା ।

୨୩ ଆନ୍ ଇନେସ୍ ନେକ୍ତିକାରୁରୁନି ଆସିର୍ବାଦତ ମେହା ଆନାଙ୍ଗ, ଇଦାଂ କାଜିଂ ଆନ୍ ନେକ୍ତିକାରୁର କାଜିଂ ସବୁ କିନାଙ୍ଗ । ୨୪ ଇମଣାକାର କାତ୍ରା ବୁଇଁତ ହନନାର୍, ହେଝାର୍ ଝିଜାର୍ ହନନାର୍ ସତ୍, ମତର୍ କେବଲ୍ ରଝାନ୍ ଜେ ଇନାମ୍ ପାୟାନାନ୍, ଇଦାଂ କି ଏପେଙ୍ଗ୍ ପୁନୁଦେରା ? ଏପେଙ୍ଗ୍ ଇନେସ୍ ଇନାମ୍ ପାୟାନାଦେର୍, ଇଦାଂ କାଜିଂ ହେ ଲାକେ ହନାଟ୍ । ୨୫ ଇନେନକି କ୍ରାସନିତ ବାଗଅନାର୍, ହେଝାନ୍ ସବୁ ବିସ୍ତେ ବାଗ୍ ଅନାନ୍; ହେଝାର୍ ଅଲପ୍ କାଜିଂ ମୁକୁଟ୍ ପାୟାନି କାଜିଂ ହେଦାଂ କିନାନ୍; ମତର୍ ଆସେଙ୍ଗ୍ ଜିରାଝି ମୁକୁଟ୍ ପାୟାନି କାଜିଂ ହେଦାଂ କିନାସ୍ । ୨୬ ଲାଗିଂ ଆନ୍ ହନନାଙ୍ଗା, ମତର୍ ଇଟ୍ କାଡ଼ତାଂ ଆକାୟ୍, ଆନ୍ ଇଞ୍ଜିଜୁଜ୍ କିନାଙ୍ଗା, ମତର୍ ଝାରିକିନିବାହାତ ଗାଅ କିନାକା ଲକୁ ଲାକେ ଆକାୟ୍ । ୨୭ ଆନ୍ କସ୍ ହୁନଞ୍ଜି ଗାଗାଡ଼ତିଂ ଆଟ୍ ଝା କିତାଂନା ଆରି ଜାର୍ତିଂ ତାରେନ୍ ଇଡ଼ତାଙ୍ଗନା । ଇନାକିଦେଂକି ବିନ୍ ମାନାୟାର୍ ଲାଗାଂ ନେକ୍ତିକାରୁର ସୁଣାୟ୍ କିଜି ମାଟିସ୍ ପା ଆନ୍ ଜାର୍ତିଂ ଇନେସ୍ ଆନ୍ ପିସ୍ତ୍ର ଇନାମ୍ ଆତଡ଼ ।

୧୦

ପଟ୍ କୁ ବିରୁଦତ ଜାଗରଡ଼

୧ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକ୍ ମା ଆକର ଝିଜାର୍ ବାଦାଡ଼ ତାରେନ୍ ମାଟାର୍, ୨ ଆରେ ଝିଜାକାର ହାମ୍ ଦୁର୍ ନାସି ହାଟାର୍, ଆରେ ଝିଜାର୍ ବାଦାଡ଼ ଆରି ହାମ୍ ଦୁର୍ତ ମସାତି ଇସାପତାଂ ବାପ୍ତିସିମ୍ ଆତାର୍, ୩ ଆରେ ଝିଜାର୍ ର ହାଦ୍ କାଦି ଚିଟାର୍ ୪ ଆରି ଝିଜାର୍ ର ହାଦ୍ କା ଉଟାର୍ ଲାଗିଂ ହେଝାର୍ ଝିଜାରିଙ୍ଗ୍ ପାଞ୍ଜିନି ହାମାନ୍ନି ସମାନ୍ତାଂ ଉଣ୍ଡି ମାଟାର୍, ଆରେ ହେ ସମାନ୍ କ୍ରିସ୍ଟୁ ୫ ଆତିସ୍ପା ହେଝାର୍ ବିତ୍ରେ ଆଦେକାର୍ ତାକେ ଇସ୍ତ ଫାନ୍ ହିଲ୍ ଝାତାଡ଼, ଲାଗିଂ ହେଝାର୍ ବାଟାତ ହାଟାର୍, ସବୁ କାତା ଜେ ଏପେଙ୍ଗ୍ ପୁନ୍ ଝାଦାଂ ମାନାଦେର୍, ଇଦାଂ ନା ଇଟା ଆକାୟ୍ ।

୬ ହେଝାର୍ ଇନେସ୍ ବାନି ବାନ୍ୟା ବିସ୍ତେ ଆହା ଆଜି ମାଟାର୍, ଆସେଙ୍ଗ୍ ଇନେସ୍ କି ହେ ଲାକେ ଆହା ଆଉସ୍, ଇଦାଂ କାଜିଂ ଇ ସବୁ ବିସ୍ତେ ମା ପାକ୍ୟାତ ଉତର୍ମୁଡ଼ ଲାକେ ଆତାଡ଼ନା । ୭ ଇନେସ୍ ହେଝାର୍ ବିତ୍ରେ କେଡ଼ଜାଣ୍ ପୁଡ଼ଡ଼ା ପୁଜା କିଟାର୍, ହେ ଲାକେ ଏପେଙ୍ଗ୍ ପୁଡ଼ଡ଼ା ପୁଜାକିନାକାର୍ ଆମାଟ୍; ସାସ୍ତ୍ରତ ଇନେସ୍ ଲେକା ମାନାଡ଼, ମାନାୟାର୍ ତିଞ୍ଜେଙ୍ଗ୍ କୁଟିସ୍, ଆରେ ବିନ୍ କାମାୟ୍ତ ହଟ୍ଟାର୍ । ୮ ହେ ବାର୍ତି ଆସେଙ୍ଗ୍ ପାପ୍ କିଉସ୍ ଇନେସ୍ କି ହେଝାର୍ ବିତ୍ରେ କେଡ଼ଜାଣ୍ ଦାରି କିଜି ରଞ୍ଜେ ନାଜିଂ କଡ଼େତିନ୍ ହାଜାର୍ ହାଟାର୍, ହେ ଲାକେ ଆସେଙ୍ଗ୍ ଦାରି କିଉସ୍ । ୯ ଇନେସ୍ ହେଝାର୍ ବିତ୍ରେ କେଡ଼ଜାଣ୍ ମାପୁତିଂ ପରିକ୍ୟା କିଜି ରାଟ୍ ତାଙ୍ଗ୍ ବୁଡା ଆତାର୍, ହେ ଲାକେ ଆସେଙ୍ଗ୍ ମସିୟା ମାପୁଙ୍ଗ୍ ପରିକ୍ୟା କିଉସ୍ । ୧୦ ଇନେସ୍ କି ହେଝାର୍ ବିତ୍ରେ କେଡ଼ ଜାଣ୍ କାତା ଇଞ୍ଜି ମାନାୟାର୍ ହୁଦାଂ ବୁଡା ଆତାର୍, ହେ ଲାକେ ଏପେଙ୍ଗ୍ କାତା ଇନ୍ମାଟ୍ ।

୧୧ ଇ ଝିଜୁ କାତା ଲାକେ ହେଝାର୍ କାଜିଂ ଗିଟା ଆତାଡ଼, ଆରେ ଇମଣାକାର୍ ଜୁଗ୍ ଝିଜୁନି କାଡ଼ ବାହା କିତାସ୍ନା, ଏଲେଙ୍ଗ୍ ଜେ ଆସେଙ୍ଗ୍ ମା ଚେଡ଼ନା କାଜିଂ ହେ ଝିଜୁ ଲେକା ଆତାଡ଼ନା ।

୧୨ ଲାଗିଂ ଇନେନ୍ ଜାର୍ତିଂ ତିର୍ ଇଞ୍ଜି ମାନେ କିନାନ୍, ହେଝାନ୍ ଇନେସ୍ ଦେହା ମୁର୍ୟା ଆଉନ୍, ଇଦାଂ କାଜିଂ ହେଝାନ୍ ଜାଗରଡ଼ ଆଏନ୍ । ୧୩ ମାନାୟାର୍ କାଜିଂ ଇନେସ୍ ବାନି ପରିକ୍ୟା ଆନାକାପା, ହେଦାଂ ପିସ୍ତ୍ର ବିନ୍ବାନି ପରିକ୍ୟା ମି କାଜିଂ ଗିଟାଆଡ଼ୁଡ଼; ମତର୍ ଇସ୍ତ୍ରତି ପାଟ୍ ନିକାନ୍, ହେଝାନ୍ ମିଙ୍ଗେଙ୍ଗ୍ ଇନେସ୍ ଆତିସ୍ପା ପରିକ୍ୟାତ ପରିକ୍ୟା ଆଦେଂ ହିଦୁନ୍, ମତର୍ ଇନେସ୍ ଏପେଙ୍ଗ୍ ମାନିକିଦେଙ୍ଗ୍

ଆଡୁନାଦେର, ଇଦାଂ କାଜିଂ ପରିକ୍ୟା ଗିଟାଆନି ସାଙ୍ଗେ ସାଙ୍ଗେ ହେଞ୍ଜାନ ବାର୍ତ୍ତି ହାଜି ପା ରଚ୍ଚନାନ୍ ।

୧୪ ଲାଗିଂ, ଏ ନା ଖାରିନିକାଦେର, ପୁତ୍ରତା ପୁଜାତାଂ ହାଲାଟ୍ । ୧୫ ଆନ୍ ବୁଦିକାରୟା ମାନାୟତିଂ ଇନି ଲାକେ ଇଞ୍ଜନାଙ୍ଗା; ଆନ୍ ଇନାକା ଇଞ୍ଜନାଙ୍ଗା, ହେଦାଂ ଏପେଙ୍ଗ ନିଜେ ବିଚାର କିୟାଟ୍ । ୧୬ *ଇମଣି ଆସିର୍ବାଦନି ବାହାତିଂ ଆସେଙ୍ଗ ଆସିର୍ବାଦ କିନାସ, ହେଦାଂକି କ୍ରିସ୍ତତି ନେତେରନି ମେହାଣ୍ ଆକାୟ୍ ? ଇମଣି ରୁଟି ଆସେଙ୍ଗ ଡ୍ରିକନାସ, ହେଦାଂକି କ୍ରିସ୍ତତି ଗାଗାଡୁନି ମେହାଣ୍ ଆକାୟ୍ ? ୧୭ ଇନାକିଦେଂକି ରୁଟି ରଞ୍ଜାଙ୍ଗ ଆତିଲେ ଆସେଙ୍ଗ ହେନି ଆତିସ୍ପା ରଞ୍ଜେ ଗାଗାଡୁ ଆନାସ, ଲାଗିଂ ଆସେଙ୍ଗ ଓଜାର୍ ହେ ରଞ୍ଜେ ରୁଟିନି ବାଗି ।

୧୮ ଇମଣାକାର ଇସ୍ରାଏଲ୍‌ନି ଲକୁ ବିସ୍ତେ ବାବି କିୟାଟ୍, ହେଞ୍ଜାରିଂ ହୁଡାଟ୍; ଇମଣାକାର ପୁଜାକିତି ଜେଇ ତିନାର୍, ହେଞ୍ଜାର୍ କି ଇସ୍ତ ଗାରଣିତ ମେହାଆଉର୍ ? ୧୯ ଲାଗିଂ ପେନ୍ ଆକାଡ୍ ଇଞ୍ଜି ଜେ ଇନାକା ମାନାଡ୍ ଆରି ପୁତ୍ରତା ଇଞ୍ଜି ଜେ ଇନାକା ମୂଲ୍ୟ ମାନାଡ୍, ଇଦାଂ କି ଆନ୍ ଇଞ୍ଜନାଙ୍ଗା ? ୨୦ ଆକାୟ୍, ମତର୍ ଆନ୍ ଇଞ୍ଜନାଙ୍ଗା ଜେ, ଇନା ଇନାକା ହେଞ୍ଜାର୍ ପୁଜାଲାକେ ହିନାର୍, ହେ ସବୁ ହେଞ୍ଜାର୍ ଇସ୍ତ ଉଦେସ୍ତ କିଞ୍ଜାଦାଂ ବୁଡକୁ ଉଦେସ୍ତ କିତାର୍, ଆରେ ଏପେଙ୍ଗ ଜେ ବୁଡକୁ ମେହା ଆଡ, ଇଦାଂ ନା ମାନ୍ ଆକାୟ୍ । ୨୧ ଏପେଙ୍ଗ ମାପୁତି ଉଣିବାହା ଆରି ବୁଡକୁ ଉଣିବାହା ରିବେ ଉଣେଙ୍ଗ ଆଡୁଦେର; ଏପେଙ୍ଗ ମାପୁତି ପାଟା ଆରି ବୁଡକୁତି ପାଟା ରିବେ ବାଗି ଆଦେଂ ଆଡୁଦେର । ୨୨ ଆଓଡିସ୍ ଆପେଂ ଇନାକା ମାପୁତି ବେରୁ ହସ୍ତନାସ୍ ? ଆସେଙ୍ଗ କି ତାତାକେଣ୍ଡାଙ୍ଗ ସାକ୍ରିନିକାସ୍ ?

୨୩ ଓଜୁ ବିସ୍ତେ ଜାଗ୍ରତ୍ କିଦେଙ୍ଗ ଆଦିକାର୍ ମାନାଡ୍, ମତର୍ ଓଜୁ ବିସ୍ତେ ହାର୍ ଆକାୟ୍ । ଓଜୁ ବିସ୍ତେ ମାନି କିଦେଙ୍ଗ ଜାର୍ତାରେନ୍ ମାନାଡ୍, ମତର୍ ଓଜୁ ବିସ୍ତେତାଂ ବାନ୍ୟା ଉବଜା ଆଡଡ୍ । ୨୪ ଇନେର୍ ନିଜାର୍ତିଂ ସେସ୍ତୁ କିମେନ୍, ମତର୍, ଓଜାକାର୍ତି ବିନିକାନତି ହାର୍ ସେସ୍ତୁ କିଏନ୍ ।

୨୫ ବାଜାର୍ତ ଇନାକା ବେପାର୍ ଆନାଡ୍, ବାବନା କାଜିଂ ଇନାକା ପର୍ସନ୍ ଖେନ୍‌ବାଞ୍ଜାଦାଂ ହେଦାଂ ତିନାର୍, ୨୬ ଇନାକିଦେଂକି ସାସ୍ତର୍ତ୍ତ ଲେକା ମାନାଡ୍ ପୁତ୍ ଆରି ହେବେ ମାନି ଓଜୁ ବିସ୍ତେ ମାପୁତି ।

୨୭ ପାତ୍ କିଞ୍ଜାକାର୍ତି ବିତ୍ରେତାଂ ଇନେର୍ ଜଦି ମିଙ୍ଗେଙ୍ଗ୍ ଚିଞ୍ଜେଙ୍ଗ୍ କୁଲ୍ଲାନାର୍, ଆରେ ଏପେଙ୍ଗ ହାଞ୍ଜେଙ୍ଗ୍ ଇଚା କିନାଦେର୍, ଲାଗିଂ ଇନାକା ଆୟେଡ୍ ମିଙ୍ଗେଙ୍ଗ୍ ବାଟାହିଦ୍‌ନାର୍, ବାବନା କାଜିଂ ଇନାକା ପର୍ସନ୍ ଖେନ୍‌ବାଞ୍ଜାଦାଙ୍ଗ୍ ହେଦାଂ ତିନାର୍ । ୨୮ ମତର୍ ଇନେର୍ ଜଦି ମିଙ୍ଗେଙ୍ଗ୍ ଇଞ୍ଜନାର୍, ଇଦାଂ ପୁଜାଈସାତ୍ରେ ଆକାଡ୍ ହିୟା ଆତାଡ୍‌ନା, ଖାଟିଙ୍ଗ୍ ଜେ ଇଦାଂ ପୁନିକିଡ୍‌ତାଡ୍, ତା କାଜିଂ ପୁଜା ଆତାଡ୍ ବାବନା କାଜିଂ ହେଦାଂ ତିନିମାର୍ ୨୯ ମି ଜାର୍ ବାବନା କାଜିଂ ଇଞ୍ଜି ଆନ୍ ଇଞ୍ଜୁଙ୍ଗା, ମତର୍ ହେଞ୍ଜାଡି ବାବନା କାଜିଂ ।

ନା ଜାର୍ ତାରେନ୍ ଇନେକିଦେଂ ବିନେନି ବାବନା ହୁଦାଂ ବିଚାଣ୍ଡା ଆନାଡ୍ ? ୩୦ ଜଦି ଆନ୍ ଇସ୍ତର୍ତିଂ ଜୁଞ୍ଜାର୍ ହିଜି ତିନାଙ୍ଗ୍, ଖାଟିଙ୍ଗ୍ ଇସ୍ତର୍ତିଂ ଜୁଞ୍ଜାର୍ ହିନି ବିସ୍ତେ, ତା କାଜିଂ ନିନ୍ଦାକିୟାଆନାଂ ଇନାକିଦେଂ ?”

୩୧ ହେଦାଂ କାଜିଂ, ଏପେଙ୍ଗ୍ ତିନାର୍ କି ଉଣାଟ୍ କି ଇନାକାପା କିୟାଟ୍, ଇସ୍ତ ଜାଜ୍‌ମାଲ୍ କାଜିଂ ସବୁ କିୟାଟ୍ । ୩୨ ଜିହୁଦି ଆରେ ଜିହୁଦି ଆକାୟ୍ କି ଗ୍ରିକ୍ କି ଇସ୍ତ ମଣ୍ଡଲି, ଇନେର୍ ଅଡ୍‌ଜା ଆନାକା ଇନାକିଦେଂକି ଆନାଦେର୍, ୩୩ ଏପେଙ୍ଗ୍ ନା ଲାକେ

* ୧୦:୧୭ ୧୦:୧୭ ମାଡିଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

ଚିନ୍ତା କିୟାଟ୍ ଆନ୍ ସବୁ ବିସ୍ତେ ଓଜାରିଂ ପଟପାଞ୍ଜି କିଦେଙ୍ଗ ସେଷ୍ଟୁ କିନାଙ୍ଗା । ଜାଟ୍ ଚିନ୍ତା କିଞ୍ଜାଦାଂ, ବିନ୍ଲକାର୍ତ୍ତି ମୁକ୍ତି ଲାବ୍ ଉଦେସ୍ତ ଓଜାରିଂଟି ମିଙ୍ଗଲ୍ କିନାଙ୍ଗା ।

୧୧

୧ ଆନ୍ ଇନେସକି କ୍ରିସ୍ତୁତି ପାଚେପାଚେ ହାନାଙ୍ଗ୍, ଏପେଙ୍ଗ୍ ପା ହେ ଲାକେ ନା ପାଚେପାଚେ ଖାନାକାଦେର୍ ଆତ ।

ପାର୍ତନାତ କାପଡାତ ମୁଗ୍ନାକା

୨ ଏପେଙ୍ଗ୍ ଜେ ଓଜୁ ବିସ୍ତେ ନାଙ୍ଗେଙ୍ଗ୍ ଏତୁ ଜିସୁ ମାଞ୍ଜାଟ୍ ଆରି ଆନ୍ ମିଙ୍ଗେଙ୍ଗ୍ ଜେ ଓଜାର୍ ବିଦି ହିତାଙ୍ଗନା, ହେ ଓଜୁ ପାଲି କିନାଦେରା, ଇଦାଂ କାଜିଂ ଆନ୍ ମିଦାଙ୍ଗ୍ ଜୁଞ୍ଜାର୍ । ୩ ମତର୍ କ୍ରିସ୍ତୁ ଜେ ଓଜାର୍ ଆଣ୍ଡାଙ୍ଗନି କାପଡା ଲାକେ ଆରି ଆଣ୍ଡାଙ୍ଗ୍ ଜେ କଗ୍ଲେ କାପଡା ଲାକେ ଆରି ଇସ୍ବର୍ ଜେ କ୍ରିସ୍ତୁତି କାପଡା ଲାକେ, ଇଦାଂ ଏପେଙ୍ଗ୍ ପୁନାଟ୍ ଇଞ୍ଜି ନା ଇଚା । ୪ ଇମ୍ପଣାକାନ୍ ପା ଆଣ୍ଡେନ୍ ଜାର୍ କାପଡା ଗୁଗୁର୍ମୁଗ୍ଜି ପାର୍ତନା କିନାନ୍ କି ବେଣ୍ଟବାକ୍‌ଶାୟ୍ କିନାନ୍, ହେଞ୍ଜାନ୍ ଜାର୍ କାପଡାନି ଇନେନ୍ କ୍ରିସ୍ତୁ ଅପ୍ମାନ୍ କିନାନ୍ । ୫ ଏପେଙ୍ଗ୍ ବାନି କଗ୍ଲେ ଜେ କାପଡା ଟାଙ୍ଗ୍‌ରିଂ ଲାକେ ଅପ୍ମାନ୍ କିନାନ୍, ଗୁଗୁର୍ ମୁଗ୍‌ଖାଦାଂ ପାର୍ତନା କିନାଟ୍ କି ବେଣ୍ଟବାକ୍‌ଶାୟ୍ କିନାଟ୍, ହେଦେଲ୍ ଜାର୍ କାପଡାନି ଅପ୍ମାନ୍ କିନାଟ୍, ଲାଗିଂ ହେଦାଂ ତା କାପଡା ହେନ୍ୟାଆତି ହୁକେ ସମାନ୍ । ୬ ଇନାକିଦେଂକି ଜଦି କଗ୍ଲେ କାପଡାତ ଗୁଗୁର୍ ମୁଗ୍‌ଓଡିସ୍, ଖାଟିଙ୍ଗ୍ ହେଦେଲ୍ ତେମୁଲ୍ ପା ଆହିକିଏଡ୍; ମତର୍ ଜଦି କଗ୍ଲେ ପାକ୍ୟାତ ତେମୁଲ୍ ଆହିକିନାକା କି କାପଡା ହେନ୍ୟାନାକା ଲାଜୁ, ତା ଆତିସ୍ ହେଦେଲ୍ କାପଡାତ ପ୍ଲକ୍ୟା ଆୟେଡ୍ । ୭ ଆଣ୍ଡାଙ୍ଗ୍ ଇସ୍ବର୍ ଡିଗା ଆରି ଜାଜ୍‌ମାଲ୍ ଲାକେ ଆତିଲେ ହାଡପାନେ ତାଦାଂ କାପଡା ପ୍ଲକ୍‌ନାକା ଲଡା ଆକାୟ୍, ମତର୍ କଗ୍ଲେ ଆଣ୍ଡେନ୍ତି ଜାଜ୍‌ମାଲ୍ ଲାକେ । ୮ ଇନାକିଦେଂକି ଆଣ୍ଡେନ୍ କଗ୍ଲେ ତାଙ୍ଗ୍ ଉବ୍‌ଜାଣ୍ ଆଖାତାନ୍ନା, ମତର୍ କଗ୍ଲେ ଆଣ୍ଡେନ୍‌ତାଂ ଉବ୍‌ଜାଣ୍ ଆତିକ୍‌ନା । ୯ ଆରେ କଗ୍ଲେ କାଜିଂ ତ ଆଣ୍ଡେନ୍ତି ଉବ୍‌ଜାଣ୍ ଆଖାତାନ୍ନା; ମତର୍ ଆଣ୍ଡେନ୍ କାଜିଂ କଗ୍ଲେ ଉବ୍‌ଜାଣ୍ ଆତାଡ୍‌ନ୍ନା । ୧୦ ଇଦାଂ କାଜିଂ ଦୁଡ୍ କାଜିଂ କଗ୍ଲେ ଜାର୍ କାପଡାତ ଆଦିକାର୍‌ନି ଚିନ୍ ପ୍ଲକି କିୟାନାକା ଲଡା । ୧୧ ହେ ଇନାକା ଆଏଡ୍ ମାପୁତାକେ ଆଣ୍ଡେନ୍‌ତାଂ କଗ୍ଲେ ଆଲ୍‌ଗା ଆକାୟ୍ କି କଗ୍ଲେ ତାଙ୍ଗ୍ ଆଣ୍ଡେନ୍ ଆଲ୍‌ଗା ଆକାୟ୍ । ଇନାକିଦେଂକି କଗ୍ଲେ ଇନେସ୍ ଆଣ୍ଡେନ୍‌ତାଂ ଉବ୍‌ଜାଣ୍, ୧୨ ଇନାକିଦେଂକି ଆଣ୍ଡେନ୍ ପା ହେ ଲାକେ କଗ୍ଲେ ହୁକେ ଉବ୍‌ଜାଣ୍; ମତର୍ ଓଜୁ ବିସ୍ତେ ଇସ୍ବର୍‌ତାଂ ଉବ୍‌ଜାଣ୍ ।

୧୩ ଏପେଙ୍ଗ୍ ନିଜେ ନିଜେ ବିଚାର୍ କିୟାଟ୍, କାପଡା ପ୍ଲକ୍‌ଖାଦାଙ୍ଗ୍ ଇସ୍ବର୍ ଲାଗେ ପାର୍ତନା କିନି କଗ୍ଲେ ପାକ୍ୟାତ ଇନାକା ହାର୍ ? ୧୪ ସଁସାର୍ ନିଜେ କି ମିଙ୍ଗେଙ୍ଗ୍ ହିକ୍ୟା ହିଦୁଡ୍ ଜେ, ଆଣ୍ଡେନ୍ ତେଙ୍ଗା ତେମୁଲ୍ ଇଟ୍‌ଟିସ୍ ତା ପାକ୍ୟାତ ହେଦାଂ ଲାଜୁ, ୧୫ ମତର୍ କଗ୍ଲେ ତେଙ୍ଗା ତେମୁଲ୍ ଇଟ୍‌ଟିସ୍ ତା ପାକ୍ୟାତ ହେଦାଂ ଜାଜ୍‌ମାଲ୍‌ନିକା ? ଇନାକିଦେଂକି କାପଡା ଗୁଗୁର୍ମୁଗ୍‌କ୍ତି ଲାକେ ତା ତେମୁଲ୍ ତାଙ୍ଗେଙ୍ଗ୍ ହିୟାଆତାଡ୍‌ନା । ୧୬ ମତର୍ ଇନେର୍ ଗାଣ୍‌ଜୁ କିଦେଙ୍ଗ୍ ମାନ୍ କିତିସ୍ ହେଞ୍ଜାନ୍ ପୁନେନ୍ ଜେ, ମାଦାଂ ଏଲେଙ୍ଗ୍ ଅଲ୍‌ଗା ନିତି ହିଲୁଡ୍, କି ଇସ୍ବର୍ ମଣ୍ଡଲିତ ଇନାକା ହିଲୁଡ୍ ।

ମାପୁତି ବଜ୍

(ମାତିଉ ୨୬:୨୬-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମତର୍ ମିଦାଙ୍ଗ୍ ରୁଣ୍ଡନାକା ଜେ ବାନ୍ୟା ଆଖାଦାଂ ଇତିସ୍ ବାନ୍ୟା ଆନାତା, ଇବେ ଆନ୍ ମିଦାଙ୍ଗ୍ ଜୁଞ୍ଜାର୍ ହିଦେଂ ଆଡ୍‌ଖାଦାଂ ଇ ବଲ୍ ହିଦ୍‌ନାଙ୍ଗା । ୧୮ ଇନାକିଦେଂକି ପର୍ତୁମ୍ ଆନ୍ ଖେଚାଙ୍ଗନା ଜେ, ମଣ୍ଡଲି ଲାକେ ମିଦାଙ୍ଗ୍ ଲକ୍ତୁ ବିଡ୍‌ଖେଡାଲିଂ ମି ବିଡ୍‌ତେ

କୁଦାକୁଦା କେତ୍‌ପାନାକା ଗିଟା ଆଜି ମାନାଡ଼, ଆରେ ଆନ୍ ଏଚେକ୍ ଇସାପ୍‌ତାଂ ଇଦାଂ ପାତ୍ କିନାଙ୍ଗା । ୧୯ ଇନେସ୍ ମି ବିତ୍ରେ ପରିକ୍ୟାସିଦ୍ ମାନାୟାର୍ ହତ୍‌ନାର୍, ଇଦାଂ କାଜିଂ ମି ବିତ୍ରେ ତ କୁଦାକୁଦା କେତ୍‌ପାନାକା ହାତେନେ ଗିଟାନାଡ଼ । ୨୦ ମିଦାଙ୍ଗ୍ ର ଦଲ୍ ଲାକେ ରଚେମାନଞ୍ଜି ଇମ୍‌ଣି ତିନିତାକେ ମେହାନାଦେରା ହେଦାଂ ମାପୁବନ୍ ଆକାୟ୍ । ୨୧ ଇନାକିଦେଂକି ତିନି ସମୁତ ଜାଣ୍‌କେ ଆଲ୍‌ଗାନିକାରିଂ କାଞ୍ଜାଦାଂ ଜାର୍ କାଦି ତିନାନ୍, ହେଦାଂ କାଜିଂ ରଞ୍ଜାନ୍ ନାସକି ମାନାନ୍ ଆରି ରଞ୍ଜାନ୍ ହତ୍‌ନାନ୍ । ୨୨ ଇନାକା ? ମିଦାଙ୍ଗ୍ କି ତିନାକାଉଣାକା କିନି କାଜିଂ ଇଲ୍ ହିଲୁଡ଼ ? କି ଏପେଙ୍ଗ୍ ଇନାକା ଇସ୍‌ତ୍ ମିଶ୍‌ଲିତିଂ ଏଲା ଆନାଦେରା, ଆରେ ଇମ୍‌ଣାକାର୍‌ତି ହିଲୁଡ଼, ହେଞ୍ଜାରିଂ ଲାଜୁ କୁଗାନାଦେରା ? ଆନ୍ ମିଙ୍ଗେଙ୍ଗ୍ ଇନାକା ଇଞ୍ଜନାଙ୍ଗ୍ ? ଇନାକା ମିଦାଙ୍ଗ୍ ଜୁଞ୍ଜାର୍ ? ବିରକ୍‌ଲ୍ ଆକାୟ୍ ।

୨୩ ଇନାକିଦେଂକି ଆନ୍ ମାପୁତାକେ ପାୟାତି ଇମ୍‌ଣି ହିକ୍ୟା ମିଙ୍ଗେଙ୍ଗ୍ ହିତ୍‌ତାଂନା, ହେଦାଂ ଇ, ସାତୁ କେଇଦ ହେଲାୟ୍ କିଆନି ନାଣାଲିଙ୍ଗ୍ ମାପୁ ଜିସୁ ରୁଟି ଅଜି, ୨୪ ଇସ୍‌ରତିଂ ଜୁଞ୍ଜାର୍ ହିଜି, ହେଦାଂ ତ୍ରିକ୍‌ତି ଇଚାନ୍, “ଇଦାଂ ମି କାଜିଂ ନା ଗାଗାଡ଼; ନାଙ୍ଗେଙ୍ଗ୍ ଏତୁକିଦନି କାଜିଂ ଇଦାଂ କିୟାର୍ । ୨୫ ହେ ଲାକେ ଚିଚି ପାଚେ ହେଞ୍ଜାନ୍ ଉଣି ବାହା ପା ଆସ୍ତି ଇଚାନ୍, ଇ ଉଣି ବାହା ନା ନେତେରତାଂ ରଚ୍‌ଚି ଇସ୍‌ତ୍ ପୁନି ନିୟମ; ଏପେଙ୍ଗ୍ ଏଚେ ହର୍ ଇବେତାଂ ଉଣାଦେର୍, ହେ ଏଚେ ହର୍ ନାଙ୍ଗେଙ୍ଗ୍ ଏତୁ କିଦେଂ କାଜିଂ ଇଦାଂ କିୟାର୍ ।”

୨୬ ଇନାକିଦେଂକି ଏଚେ ହର୍ ଏପେଙ୍ଗ୍ ଇ ରୁଟି ତିନାଦେର୍ ଆରି ଇ ଉଣି ବାହାତାଂ ଉଣାଦେର୍, ହେଏଚେ ହର୍ ଏପେଙ୍ଗ୍ ମାପୁତି ଖାନି ପାଚେକ୍ ହେଞ୍ଜାନ୍ତି ହାକି କାରୁର୍ ସୁଣାୟ୍ କିନାଦେର୍ । ୨୭ ଲାଗିଂ, ଇନେର୍ ଜଗ୍‌ହିଲ୍‌ଞ୍ଜି ବାବ୍ରେ ମାପୁତି ଇ ରୁଟି ତିନାନ୍ କି ଇ ବାହାତାଂ ଉଣାନ୍, ହେଞ୍ଜାନ୍ ମାପୁତି ଗାଗାଡ଼ନି ଆରି ନେତେରନି ବେରୁତ ପାପ୍ କିନାନ୍ । ୨୮ ମତର୍ ମାନାୟ୍ ଜାର୍‌ତିଂ ପରିକ୍ୟା କିଏନ୍, ଆରେ ହେ ଏଲେଙ୍ଗ୍ ବାବ୍ରେ ଇ ରୁଟି ତିନେନ୍ ଆରେ ଇ ବାହାତାଂ ଉଣେନ୍ । ୨୯ ଇନାକିଦେଂକି ଇନେନ୍ ମାପୁ ଗାଗାଡ଼ତିଂ ହାଡ଼ପା ଅରଡ଼ ପୁନ୍‌ଞ୍ଜାଦାଂ ତିନାନ୍ ଆରି ଉଣାନ୍, ହେଞ୍ଜାନ୍ ଜାର୍ ତାଣ୍ କାଜିଂ ତିନାନ୍ ଆରି ଉଣାନ୍ । ୩୦ ଇଦାଂ କାଜିଂ ମି ବିତ୍ରେ ବେସି ନାଦାରିଂ ଆରି ନର୍‌ନାକା, ଆରେ ହେନି ହାତାଣ୍ଟା । ୩୧ ମତର୍ ପର୍ତୁମ୍ ଜଦି ଆସେଙ୍ଗ୍ ଜାର୍ ଜାର୍‌ତି ବିଚାର୍ କିନାର୍, ତେବେ ଇସ୍‌ତ୍ ବିଚାଣ୍ଟା ଆମେର୍ । ୩୨ ମତର୍, ପୁତ୍‌ନି ଝିସ୍ତି ଲକ୍ ଲାହାଙ୍ଗ୍ ଇନେସକି ଦାଣ୍ ପାୟା ଆଉସ, ଇଦାଂ କାଜିଂ ମାପୁତି ହୁକେ ବିଚାଣ୍ଟା ଆଜି ଆସେଙ୍ଗ୍ କସ୍ ବଗ୍ କିନାସା ।

୩୩ ଲାଗିଂ, ନା ଟଣ୍ଡାର୍, ଏପେଙ୍ଗ୍ ମାପୁତି ତିନି କାଜିଂ ରୁଣ୍ଡାଆନି ଝେଡ଼ାଲିଂ ହାରି କାଜିଂ ମାନାର୍ । ୩୪ ମି ରୁଣ୍ଡାନାକା ଇନେସ୍ ଇସ୍‌ତ୍ ତାଣ୍ କାରଣ୍ ଆଉଡ଼, ଇଦାଂ କାଜିଂ ଜଦି ଇନେର୍ ନାସକି, ଖାଚିଙ୍ଗ୍ ହେଞ୍ଜାନ୍ ଇଞ୍ଜ ତିନେନ୍, ବାକି ଝିଜୁ ବିସ୍ତେ ଆନ୍ ହାଚିସ୍ ବୁଜାନାଙ୍ଗ୍ ।

୧୨

ପୁଇପୁୟା ଜିବୁନ୍‌ନି ଦାନ୍

୧ ଏ ଟଣ୍ଡାର୍ ଆରି ତଣ୍‌ଦେକ୍ ଆମିକ୍ ଦାନ୍ ବିସ୍ତେ ଜେ ଏପେଙ୍ଗ୍ ପୁନାର୍ ଇଞ୍ଜି, ଇଦାଂ ନା ମାନ୍ ଆକାୟ୍ । ୨ ଏପେଙ୍ଗ୍ ପୁନାର୍ ଜେ, ଏଚେକାଡ଼ଦ୍ ଏପେଙ୍ଗ୍ ପାତ୍ କିଞ୍ଜି ଜିହୁଦିର୍ ମାଚାଦେର୍, ହେ ପାଦନା ଇନେସ୍ ପୁନ୍‌ୟା ଆଜି ମାଚାଦେର୍, ହେ ଲାକେ ଚାକ୍ରାୟ୍ ବାବ୍ରେ ଚାଲା ଆଜି ପେନ୍ ପୁଦା ଲାହାଂ ମାଚାଦେର୍ ୩ ହେଦାଂ କାଜିଙ୍ଗ୍ ଆନ୍ ମିଙ୍ଗେଙ୍ଗ୍ ଝେଚ୍‌ଚାନାଙ୍ଗା, ଇସ୍‌ତ୍ ଜିବୁନ୍ ପାୟା ଆଜି କାତା ଇନାକା ଇମ୍‌ଣି ଲଗୁ

ସାଇପ୍ରିକାନ୍ ଇଞ୍ଜି ଇନ୍ଦୁନ୍, ଆରେ ଇମ୍ବି ମାନାୟ ପୁଇପୁୟା ଜିବୁନ୍ ପାୟା ଆଖାଦାଂ ଜିସୁ ମାପୁ ଇଞ୍ଜି ଇଞ୍ଜେଙ୍ଗ୍ ଆଡୁନ୍ ।

୪ *ଉପକାର ଦାନ୍ କେତେକ୍ ବାନି, ମାତାର୍ ଜିବୁନ୍ ରଞ୍ଜାଙ୍ଗ୍; ୫ ହେବା କେତେକ୍ ବାନି, ଆରେ ମାପୁ ରଞ୍ଜାଙ୍ଗ୍; ୬ କାମାୟ ବିନ୍ବିନ୍ ବାନି, ମତର୍ ଇସ୍ବର୍ ରଞ୍ଜାଙ୍ଗ୍, ହେଖାନ୍ ଓଜାକାର୍ ତାକେ କାମାୟ କିନାନ୍ । ୭ ଓଜାର୍ତି ହାର୍ କାମାୟ କିନି କାଜିଂ ଜାଣକେ ମାନାୟ ବିତ୍ରେ ପୁଇପୁୟା ଜିବୁନ୍ତି ସାଲ୍ତି ବିନ୍ବିନ୍ ବାବ୍ରେ ହନାଡ୍ । ୮ ଇନାକିଦେଂକି ରଞ୍ଜାନିଂ ଜିବୁନ୍ ହୁଦାଂ ବୁଦିନି ବଚନ୍, ବିନ୍ ନିକାନିଂ ହେ ଜିବୁନ୍ନି ହିକ୍ୟା ଇସାପ୍ରେ ଗିଆନି ବଚନ୍, ୯ ଆରେ ର ରଞ୍ଜାନିଂ ହେ ଜିବୁନ୍ ହୁଦାଂ ପାତ୍ କିନି ଦାନ୍ ହିଦ୍ନାନ୍, ଆରେ ରଞ୍ଜାନିଂ ହେ ରଞ୍ଜେ ଜିବୁନ୍ତି ହୁଦାଂ ଉଜ୍ କିନାକା ସାଲ୍ତି ହିନାନ୍, ୧୦ ବିନ୍ ନିକାନିଂ ବାର୍ବିନ୍ ସାଲ୍ତିନି କାମାୟ ପୁରା କିଦେଙ୍ଗ୍, ଆରେ ରଞ୍ଜାନିଂ ବେଣ୍ବାକ୍‌ଶାୟକିନାକା ଇଞ୍ଜେଙ୍ଗ୍, ବିନ୍ ନିକାନିଙ୍ଗ୍ ବିନେ ବିନେନି ଜିବୁନ୍ ଚିନ୍କିଦେଙ୍ଗ୍, ଆରେ ରଞ୍ଜାନିଂ ବାର୍ବିନ୍ ପୁନି ଲକାର୍ ବେରଣ୍ ଇଞ୍ଜେଙ୍ଗ୍, ଆରେ ରଞ୍ଜାନିଂ ବେରଣ୍ ଅରଡ୍ ଷ୍ଟେନ୍ ସାଲ୍ତି ଦାନ୍ କିୟାଆନାଡ୍ । ୧୧ ମତର୍ ହେଖାନ୍ ର ମତର୍ ଜିବୁନ୍ ଜାର୍ ଇଚା ଇସାପ୍ତାଂ ଜାଣକେ ଜାର୍ତିଂ ବିନେ ବିନେ ଲାକେ ଦାନ୍ ପାସ୍ପିସ୍ ହିଜି ଇ ଓଜୁ କାମାୟ ପୁରା କିନାନ୍ ।

କ୍ରିଷ୍ଟି ଗାଗାଡ୍

୧୨ *କ୍ରିଷ୍ଟ ବେସି କେଇଗାଲ୍ ର ଗାଗାଡ୍ ଲାକେ, ଆରେ ହେବେନି କେଇଗାଲ୍ ମତର୍, ଗାଗାଡ୍‌ନି ଓଜୁ କେଇଗାଲ୍ ବେସି ଆଡିସ୍ପା, ରଞ୍ଜି ଗାଗାଡ୍ ଆନାଡ୍ ହେ ଲାକେ ପା କ୍ରିଷ୍ଟ । ୧୩ ଲାଗିଂ ଆସେଙ୍ଗ୍ ଜିହୁଦି କି ପାତ୍ କିଖାକାର୍ କି ଗ୍ରିକ୍ ଆସସ୍, ଆଡିସ୍‌ନ୍ ଆସସ୍ କି ଜାର୍ ତାରେନ୍ ଆସସ୍, ଓଜାକାର୍ ତ ରଞ୍ଜି ଜିବୁନ୍ ହୁଦାଂ ରଞ୍ଜି ଗାଗାଡ୍ ଆନି ଇସାପ୍ତାଂ ବାପ୍ରିସିମ୍ ଆତାସ୍‌ନା; ଆରେ ଓଜାୟ୍ ରଞ୍ଜି ଜିବୁନ୍ତି ଉଟାସ୍‌ନା ।

୧୪ ଇନାକିଦେଂକି ଗାଗାଡ୍ ତ ର କେଇଗାଲ୍ ଆକାୟ୍, ମତର୍ ବେସି । ୧୫ ପାନା ଜଦି ଇନାଡ୍, “ଆନ୍ କେଇ ଆକାୟ୍” ଲାଗିଂ ଗାଗାଡ୍ କେଇଗାଲ୍ ଆକାୟ୍, ତେବେ ଇଦାଂ କାଜିଂ ହେଦାଂ ଜେ ଗାଗାଡ୍‌ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୬ ଆରେ କିତୁଲ୍ ଜଦି ଇନାଡ୍, ଆନ୍ କାଣଙ୍ଗା ଆକାୟ୍, ଲାଗିଂ ଗାଗାଡ୍ କେଇଗାଲ୍ ଆକାୟ୍, ଖାଟିଙ୍ଗ୍ ଇଦାଂ କାଜିଂ ହେଦାଂ ଜେ ଗାଗାଡ୍‌ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୭ ଓଜୁ ଗାଗାଡ୍ ଜଦି କାଣ୍‌କୁ ଆନାଡ୍, ଖାଟିଙ୍ଗ୍ ଷ୍ଟେନାକା ଇମେତାକେ ? ଓଜୁ ଗାଗାଡ୍ ଜଦି କିତୁଲ୍ ଆନାଡ୍, ଖାଟିଙ୍ଗ୍ ମୁଞ୍ଜନାକା ଇମେନିକା ? ୧୮ ମତର୍ ଇସ୍ବର୍ କେଇଗାଲ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଗାଗାଡ୍‌ତ ଜାର୍ ଇଚା ଇସାପ୍ତାଂ ବିଡାୟ୍ କିତାନନ୍ନା । ୧୯ ଆରେ, ଜଦି ହେ ଓଜୁ ରଞ୍ଜି କେଇଗାଲ୍ ଆଜି ମାଟିସ୍, ଖାଟିଙ୍ଗ୍ ଗାଗାଡ୍ ଇମେ ତାକେ ? ୨୦ ମତର୍ ହାଡ୍‌ପାତ କେଇଗାଲ୍ ବେସି, ମତର୍ ଗାଗାଡ୍ ରଞ୍ଜାଙ୍ଗ୍ ।

୨୧ “ନି ତାକେ ନା ଲଡା ଆକାୟ୍ ଇଞ୍ଜି କାଣଙ୍ଗା କେଇଦିଙ୍ଗ୍ ଇଞ୍ଜେଙ୍ଗ୍ ଆଡୁଡ୍, କି ନି ତାକେ ନା ଲଡା ଆକାୟ୍ ଇଞ୍ଜି କାପ୍‌ଡା ପାନାତିଂ ଇଞ୍ଜେଙ୍ଗ୍ ଆଡୁଡ୍ ।” ୨୨ ଆଡ୍‌ତିସ୍ ବିନ୍ ପାକ୍ୟାତ ଗାଗାଡ୍‌ନି ଜେ ଓଜୁ କେଇଗାଲ୍ ଆଦିକ୍ ନାଦାର୍ ଇଞ୍ଜି ବୁଜା ଆନାଡ୍, ହେ ସବୁ ରଲାକେ ଲଡା; ୨୩ ଆରେ, ଗାଗାଡ୍ ଇମ୍ବି ସବୁ କେଇଗାଲ୍ ଆଦିକ୍ ଇନାକାହିଲ୍‌ଖାକା ଇଞ୍ଜି ମାଙ୍ଗେଙ୍ଗ୍ ପୁନ୍ୟାଦ୍‌ନାଡ୍, ହେ ସବୁ କେଇଗାଲ୍‌ତିଂ ଆସେଙ୍ଗ୍ ଆଦିକ୍ ହଟ୍ ଖାରିକିନିତାକେ ବେସି ରଞ୍ଜି କିନାୟ୍; ଆରେ ମା ହଲ୍‌ଓ କେଇଗାଲ୍‌ତିଂ ଆଦିକ୍ ହଟ୍ ହଲ୍‌ନାଡ୍, ୨୪ ଇଚିସ୍ ଗାଗାଡ୍‌ନି ହଲ୍‌ନି କେଇଗାଲ୍ କାଜିଂ ଆସେଙ୍ଗ୍ ଏତେକ୍ ଦିଆନ୍ ହିଜି ମାନୁସ୍ । ଇସ୍ବର୍ ନିଜେ ଗାଗାଡ୍‌ତିଂ ଇ ବାବ୍ରେ ରଡ୍‌ତାନ୍ ଜେ, ଇମ୍ବି କେଇଗାଲ୍ ଜାଡୁନ୍ ଲଡା, ହମାନ୍ ହେଖାଙ୍ଗ୍ ଆଦିକ୍ ଲଡା । ୨୫ ମତର୍

☆ ୧୨:୪ ୧୨:୪ ରମ୍ବିୟ ୧୨:୭-୮. ☆ ୧୨:୧୨ ୧୨:୧୨ ରମ୍ବିୟ ୧୨:୪,୫.

ଇନେସ୍ ଗାଗାଡ଼୍ ବିତ୍ତେ ଗଡ଼ମାର୍ ଗିଗାଞ୍ଜିତିସ୍, ନଲେ କେଇଗାଲ୍ ସମାନ୍ ବାବ୍ରେ ହାରି ହାର୍ ଚିତା କିନିକ୍, ଇଦାଂ କାଜିଂ ଇସ୍ପୁର୍ ଇନାକାହିଲ୍ଝି କେଇଗାଲ୍ଝିଂ ଆଦିକ୍ ହର୍ ଦୁକ୍‌କିନାକା ହିଜି ଗାଗାଡ଼୍ଝିଂ ରବେ କିତାନ୍‌ନା । ୨୭ ଆରେ, ରଞ୍ଜି କେଇଗାଲ୍ ଦୁକ୍‌ବଗ୍ କିତିସ୍ ଝିଜୁ କେଇଗାଲ୍ ତା ଲାହାଙ୍ଗ୍ ଦୁକ୍‌ବଗ୍ କିନିକ୍, ନଲେ ର କେଇଗାଲ୍ ଜାଜ୍‌ମାଲ୍ ପାୟାତିସ୍ ଝିଜୁ କେଇଗାଲ୍ ତା ଲାହାଙ୍ଗ୍ ଝାରି କିନିକ୍ ।

୨୭ ଏପେଙ୍ଗ୍ କ୍ରିସ୍ତୁତି ଗାଗାଡ଼୍, ଆରେ ର ର ଜାଣି ର ର କେଇଗାଲ୍ ଲାକେ । ୨୮ ଆରେ, ଇସ୍ପୁର୍ ମଣ୍ଡଲିତ ପର୍ତ୍ତୁମତ ପକ୍ୟାତାକାନ୍, ଜେତାକା ବେଶ୍‌ବାକ୍‌ଶାୟକିନାକାନ୍, ତିନତାକେ ହିକ୍ୟା ଗୁରୁ, ଇ ଲାକେ ବାର୍‌ବିନ୍ ମାନାୟତିଙ୍ଗ୍ ବାଟି କିତାନ୍‌ନା; ପାତେ ସାକ୍ତିନି କାମାୟ୍, ତା ପାତେ ଉଜ୍ କିନି ସାକ୍ତି, ଲକାର୍ ଉପ୍‌କାର୍, ଚାଲାନି କେମ୍‌ତା ଆରି ବାର୍‌ବିନ୍ ବାସା ଦାନ୍ କିତାଣ୍ଟା । ୨୯ ଝିଜାକାର୍ କି ପକ୍ୟାତାକାର୍ ? ଝିଜାକାର୍ କି ବେଶ୍‌ବାକ୍‌ଶାୟକିନାକାର୍ ? ଝିଜାକାର୍ କି ଗୁରୁର୍ ? ଝିଜାର୍ କାବା କିନି ସାକ୍ତି ଝିଜାର୍ ତାକେ ହିଲୁଡ଼ ? ୩୦ ଝିଜାକାର୍ ଉଜ୍ କିନି ଦାନ୍ ପାୟାତାଣ୍ଟା କି ? ଝିଜାର୍ ଲକାର୍ ବାସାତ ବେଶ୍ କିତାର୍ କି ? ଝିଜାର୍ ବାସାନି ଅରଡ଼ କିତାର୍ କି ? ୩୧ ମତର୍ ନିୟାନ୍ ଦାନ୍ ଝିଜୁ ପାୟାନି କାଜିଂ ଲାଗିସ୍ ସେସ୍ଟୁ କିୟାଟ୍ । ଆଦିକ୍‌ତାଂ ଆନ୍ ମିଙ୍ଗେଙ୍ଗ୍ ର ବାଲ୍‌ନି ହାଜି ଚଟ୍‌ତାନାଙ୍ଗା ।

୧୩

ପର୍ତ୍ତୁମ୍ ଜାଣାଚିନା

୧ ଜଦି ଆନ୍ ମାନାୟାରିଂ ଆରି ଦୁଡ଼ର୍ଡ଼ି ବାସାତ କତା ଇନାଙ୍ଗ୍, ମାତର୍ ନା ଜିଉନନାକା ମାନ୍‌ଗୁଡ଼୍, ତେବେ ଆନ୍ ଗାଜ୍ରାନି ଗଣ୍ଟା ନଲେ ତମ୍ ତମ୍ ଗାଜ୍ରାନି କେଇ ତାପଡ଼ିଙ୍ଗ୍ ଲାକେ ଆନାତା । ୨ *ଆରେ, ଜଦି ନା ବେଶ୍‌ବାକ୍‌ଶାୟକିନାକା ସାକ୍ତି ମାଟିସ୍ ଆରି ଆନ୍ ଝିଜୁ ନେକ୍ତି କାତା ଆରି ସବୁ ଗିୟାନ୍ତ ଆଡ଼ବେଂ ଆଜି ମାଟିସ୍, ଆରେ ମାଡ଼ିତିଂ ଗୁଚାୟ୍ କିନି କାଜିଂ ନା ପୁରା ପାତ୍ ମାଟିସ୍, ମତର୍ ନା ଜିଉନନାକା ହିଲ୍‌ଝିତିସ୍, ଝାଟିଙ୍ଗ୍ ଆନ୍ ମୁଡ଼େ ଆକାୟ୍ । ୩ ଆରେ, ଜଦି ଆନ୍ ଅକ୍‌ଡ଼ ଲଗାଂ ତିଟ୍‌ପି କିନି କାଜିଂ ନା ଝିଜେ ହିବେଂ କିନାଙ୍ଗ୍, ଆରେ ଜଦି ଆନ୍ ନାଦାଂ ଗାଗାଡ଼୍ଝିଂ ହୁଡ଼୍‌ଜି ଆନି କାଜିଂ ହେଲାୟ୍ କିନାଙ୍ଗ୍, ମତର୍ ନା ଜିଉନନାକା ହିଲ୍‌ଝିତିସ୍, ଝାଟିଙ୍ଗ୍ ନାଦି ମୁଡ଼କେ ଲାବ୍ ଆକାୟ୍ । ୪ ଜିଉନନାକା ସାହାସ୍ ଆହ୍‌ନାକା ଆରି ସମାଲିକିନାକା । ଜିଉନନାକା ବାନ୍ୟା, ତାରା କିଉନ୍, ଜିବୁନ୍ ବାଲ୍‌ବଲାୟ୍ କିଉନ୍, ତାରା କିଉନ୍, ୫ ଇନେରିଂ ଇନ୍‌ଝି ଚିନ୍ତା କିଉନ୍, ନିଜ୍‌ତିଂ ସେସ୍ଟୁ କିଉନ୍, ରିସା ଆଉନ୍, ନାହାୟକିନି ଏଡୁତ ଇରୁନ୍, ୬ ଅଦାମ୍‌ତ ଝାରି କିଉନ୍, ମତର୍ ହାଡ଼୍‌ପାତ ଝାରି କିନାନ୍; ୭ ଝିଜୁ ହୁଞ୍ଜନାନ୍, ଝିଜୁ ପାତ୍ କିନାନ୍, ଝିଜୁ ବାସ୍ କିନାନ୍, ଝିଜୁ ବିସ୍ତେ ସାସ୍ ଆସ୍ତି ମାନାନ୍ ।

୮ ଜିଉନନାକା ମୁଡ଼େ ଝିଜୁଡ଼୍; ମତର୍ ଜଦି ଇସ୍ପୁର୍ ତାଙ୍ଗ୍ କାରୁର୍ ସୁଣାୟ୍ କିନି ସାକ୍ତି ମାନାଡ଼୍, ହେଦାଂ ବୁଡାନାଡ଼୍, ଜଦି ଲକାର୍ ବାସା ମାଟିସ୍, ହେ ସବୁ ଚିମ୍‌ନାଡ଼୍, ଜଦି ଗିୟାନ୍ ମାଟିସ୍, ହେଦାଂ ବୁଡା ଆନାଡ଼୍ । ୯ ଇନାକିଦେଂକି ଆସେଙ୍ଗ୍ ଅଲପ୍ ବାବ୍ରେ ପୁନାସ୍ ଆରି ଅଲପ୍ ବାବ୍ରେ ବେଶ୍‌ବାକ୍‌ଶାୟ କିନାସ୍ । ୧୦ ମତର୍ ସବୁ ବିସ୍ତେ ଇକାଞ୍ଜାତିସ୍ ଅଲପ୍ ବିସ୍ତେ ବୁଡାନାଡ଼୍ ।

୧୧ ହିମ୍‌ଣା ମାନି ସମ୍‌ତ ଆନ୍ ହିମ୍‌ଣା ଲାକେ ବେଶ୍ ଇଞ୍ଜି ମାତାଙ୍ଗ୍, ହିମ୍‌ଣା ଲାକେ ବାବି କିଜି ମାତାଙ୍ଗ୍, ହିମ୍‌ଣା ଲାକେ ବିଚାର୍ କିଜି ମାତାଙ୍ଗ୍, ବୈସ୍ ଆତିଲେ ଆନ୍ ହିମ୍‌ଣା ବିସ୍ତେ ସବୁ ପିସ୍ତାଙ୍ଗ୍ । ୧୨ ଇନାକିଦେଂକି ନଙ୍ଗ୍ ଆସେଙ୍ଗ୍ ଚିକିନିକି ବଚନ୍‌ଲାଗ୍‌ଦି ଦାର୍ପାଣ୍‌ନି ଉପ୍‌କାର୍‌ତାଂ ହୁଡ଼୍‌ନାପା, ମତର୍ ହେ ପାଦ୍‌ନା ହାରିମ୍‌ମ୍‌ଦ ଆଜି ହୁଡ଼୍‌ନାସ୍;

* ୧୩:୨ ୧୩:୨ ମାଡ଼ିଉ ୧୭:୨୦, ୨୧:୨୧; ମାର୍କ ୧୧:୨୩.

ଏଚେଞ୍ଜେଡାଲିଂ ଆନ୍ ଅଲପ୍ ବାବ୍ରେ ପୁନାଙ୍ଗା, ମତର୍ ହେ ପାଦ୍ନା, ଆନ୍ ଇନେସ୍ ଜାଣା, ହେ ଲାକେ ପା ଜାଣା ପାୟାନାଙ୍ଗ୍ ।

୧୩ ଇଚିସ୍ ପାତ୍, ବାସ୍, ଜିଉନନାକା, ଇ ତିନି ତିର୍ ଆନାଡ୍, ଆରେ ଇଝାର୍ ବିତ୍ରେ ଜିଉନନାକା ଗାଜା ।

୧୪

ବେଶ୍‌ବାକ୍‌ଶାୟକିନାକା ଆରି ବିନ୍‌ବାସା

୧ ଜିଉନନାକା ଇଚ୍‌କାଡ୍ କିୟାଟ୍, ଆରେ ଆମ୍ବିକ୍ ଦାନ୍‌ସବୁ ପାୟାନ୍ କାଜିଂ, ବେସି ଇନେସ୍ ବେଶ୍‌ବାକ୍‌ଶାୟ ଇଞ୍ଜେଙ୍ଗ୍ ଆଡ୍‌ନାଦେର୍, ଇଦାଂ କାଜିଂ ରବେ ସେସ୍ଟୁ କିୟାଟ୍ । ୨ ଇନାକିଦେଂକି ଇନେନ୍ ଲକାର୍ ବାସା କାତା ଇନାନ୍, ହେଝାନ୍ ମାନାୟତିଙ୍ଗ୍ ବେଶ୍ ଇନୁନ୍, ମତର୍ ଇସ୍‌ରତିଂ ଇନାନ୍, ଲାଗିଂ ଇନେର୍ ହେଦାଂ ବୁଜାଆଡନ୍, ମତର୍ ହେଝାନ୍ ଜିବୁନ୍ ହୁଦାଂ ଟିକିନିକି ବିସ୍ତେ ଇନାନ୍ । ୩ ମତର୍ ଇନେନ୍ ବେଶ୍‌ବାକ୍‌ଶାୟ କିନାନ୍ ଇସ୍‌ତ୍ ବଚନ୍ ପର୍‌ଚାର୍ କିନାନ୍, ହେଝାନ୍ ହେଦାଂ ମାନାୟରିଂ ଇନାନ୍, ତାପାଚେ ହେଝାରିଂ ରଚ୍‌ନାସ୍, ଝାରିକିୟ କିନାକାନ୍ ଆରି ଦୁକ୍‌ସାରାୟ ବେଶ୍ ଇନାନ୍ । ୪ ଇନେନ୍ ଲକାର୍ ବାସାତ କାତା ଇନାନ୍, ହେଝାନ୍ ନିଜାର୍‌ତି ହାର୍‌ଦାକା ହପ୍‌ନାନ୍, ମତର୍ ଇନେନ୍ ବେଶ୍‌ବାକ୍‌ଶାୟ ଇନାନ୍, ହେଝାନ୍ ମଣ୍ଡଲିନି ହାର୍‌ଦାକା ହପ୍‌ନାନ୍ ।

୫ ଏପେଙ୍ଗ୍ ଝିଜାଦେର୍ ଜେ ବିନ୍ ବାସାତ କାତା ଇନାଦେର୍, ଇଦାଂ ନା ଇଚା, ମାତର୍ ଏପେଙ୍ଗ୍ ଜେ ବେଶ୍‌ବାକ୍‌ଶାୟ ଇନାଦେର୍, ଇଦାଂ ନାଦି ଆଦିକ୍ ଇଚା; ଇନେନ୍ ବିନ୍ ବାସାତ କାତା ଇନାନ୍, ହେଝାନ୍ ଜଦି ମଣ୍ଡଲି ରଚ୍‌ନାନ୍ ପାୟାନ୍ କାଜିଂ ବାସାନ୍ ଅରଡ୍ କିଉନ୍, ଝାଟିଙ୍ଗ୍ ହେଦାଂ ବାଟା ଜେ ବେଶ୍‌ବାକ୍‌ଶାୟ କିନାନ୍, ହେଝାନ୍ ଗାଜାକାନ୍ । ୬ ଏପେଙ୍ଗ୍ ଇବେ ଏ ଟଣ୍ଡାର୍, ଆନ୍ ଜଦି ମି ଲାଗାଂ ହାଲ୍‌ଜି ହଡ୍ ବଚନ୍, କି ବୁଦି, କି ବେଶ୍‌ବାକ୍‌ଶାୟ କିନାକା, କି ହିକ୍ୟାନ୍ କାତା ଇନ୍‌ଝାଦାଂ କେବଲ୍ ବିନ୍‌ବାସାତ କାତା ଇନାନ୍, ଲାଗିଂ ହେବେ ଆନ୍ ମିଦାଙ୍ଗ୍ ଇନାକା ଉପ୍‌କାର୍ କିଦ୍‌ନାଙ୍ଗ୍ ?

୭ ହୁର୍‌ଡି ଆଏଡ୍ କି ଗମଣ୍ ଆଏଡ୍, ଜିବୁନ୍‌ହିଲ୍‌ଝି ବାଜା ଆଡ୍‌ତିସ୍ ପା ଜଦି କାଟ୍‌ତ ସମାନ୍ ମାନ୍‌ଗୁଡ୍, ଲାଗିଂ ହୁର୍‌ଡିତ ଇନାକା ଆଡ୍‌ନାତା କି ଗମଣ୍ ଇନାକା ଆଡ୍‌ନାତା, ହେଦାଂ ଇନେସ୍ ପୁନ୍‌ଆନାଡ୍ ? । ଆରେ, ମରି ଜଦି ବୁଜାଆଝି କାଟ୍, ଲାଗିଂ ଇନେନ୍ ଜୁଜ୍ କାଜିଂ ରଞ୍ଜନାନ୍ ? ୯ ହେ ଲାକେ ଏପେଙ୍ଗ୍ ପା ଜଦି ଝେୟୁଲ୍ ହୁକେ ଆଡ୍‌ଝା ଇନି କାତା ଇନୁସ୍, ଲାଗିଂ ଇନାକା ଇନାଦେରା, ହେଦାଂ ଇନେସ୍ ପୁନ୍‌ଆନାଡ୍ ? ଇନାକିଦେଂକି ଏପେଙ୍ଗ୍ ଝାରାକାଦ୍‌ଲିଂ ଇନାକା ଲାକେ ଆନାଡ୍ । ୧୦ ପୁତ୍‌ତ ବେସି ବାନ୍ ବାସା ମାନାଡ୍, ଆରେ ଇମ୍‌ଣି ସବଦ୍ ଅରଡ୍ ଝାରାକା ଆକାୟ୍ । ୧୧ ଲାଗିଂ ଆନ୍ ଜଦି ହେ ସବଦ୍‌ନି ଅରଡ୍ ବୁଜାଆଝିତିସ୍, ଲାଗିଂ ଇନେନ୍ ଇନାର୍, ଆନ୍ ତା କାଜିଂ ବିଦେସି ଲାକେ ଆନାଙ୍ଗ୍, ଆରେ ହେଝାନ୍ ନା ଲାଗାଂ ଅଚିନା ଲାକେ ଆନାନ୍ । ୧୨ ହେ ମାନାୟ୍ ଏପେଙ୍ଗ୍ ପା ଆମ୍ବିକ୍ ଦାନ୍ ସବୁ ପାୟାଦେଂ ର ସେସ୍ଟୁ କିଜି ମାଟିଲେ ମଣ୍ଡଲି ରଚ୍‌ନାସ୍ ପାତ୍ କିନାକାନ୍ କାଜିଂ ହେ ସବୁ ବେସି ପାୟା ଆଦେଂ ସେସ୍ଟୁ କିୟାଟ୍ ।

୧୩ ଲାଗିଂ, ଇନେନ୍ ଲକାର୍ ବାସାତ କାତା ଇନାନ୍, ହେଝାନ୍ ଇନେସ୍ ଅରଡ୍ କିଦେଙ୍ଗ୍ ଆଡ୍‌ନାନ୍, ଇଦାଂ କାଜିଂ ପାର୍‌ତାନା କିଏନ୍ । ୧୪ ଇନାକିଦେଂକି ଆନ୍ ଜଦି ବିନ୍ ବାସାତ ପାର୍‌ତାନା କିନାଙ୍ଗ୍, ଲାଗିଂ ନା ଜିବୁନ୍ ପାର୍‌ତାନା କିନାଡ୍, ମତର୍ ନା ବୁଦି ପାଡ୍ ଆହ୍‌ଝାକା ଆନାଡ୍ । ୧୫ ଲାଗିଂ ନା କିନାକା ଇନାକା ? ଆନ୍ ଜିବୁନ୍ ହୁକେ ପାର୍‌ତାନା କିନାଙ୍ଗ୍; ଆରେ ବୁଦି ଲାହାଙ୍ଗ୍ ପା ପାର୍‌ତାନା କିନାଙ୍ଗ୍; ଜିବୁନ୍ ହୁକେ କେରନାଙ୍ଗ୍, ଆରେ ବୁଦି ଲାହାଙ୍ଗ୍ ପା କେରନାଙ୍ଗ୍ । ୧୬ ହେଦାଂ ଆଝିତିସ୍ ଏପେଙ୍ଗ୍ ଜଦି ମି ଜିବୁନ୍ ହୁକେ ଜୁଝାର୍ ହିୟାଟ୍, ଲାଗିଂ ସାଦାସିଦା ମାନାୟ୍ ମି କାତା ବୁଜା ଆଝିତିସ୍ ଇନେସ୍

ମି ଦନ୍ୟବାଦତ ଆମେନ୍ ଇନାଦେର୍ ? ୧୭ ଲାଗି ଏପେଙ୍ଗ୍ ହାର୍ ଲାକେ ଜୁଝାର୍ ହିନାଦେରା ସତ୍, ମତର୍ ହେ ବିନ୍ନିକାନ୍ତି ହାର୍ ଆମାଟ୍ ।

୧୮ ଆନ୍ ମି ଓଜାଦେର୍ ତାଙ୍ଗ୍ ଆଦିକ୍ ଲାକେ ଲକାର୍ ବାସାତ କାତା ଇନାଙ୍ଗ୍ ଇଞ୍ଜି ଇସ୍ପୁର୍ତିଂ ଜୁଝାର୍ ହିନାଙ୍ଗା; ୧୯ ଆତିସ୍ପା ଆନ୍ ଇନେସ୍କି ବିନ୍ନିକାରିଂ ପା ହିକ୍ୟା ହିଦେଂ ଆଡ୍ନାଙ୍ଗ୍, ଇଦାଂ କାଜିଂ ମଣ୍ଡୁଲିତ ଲକାର୍ ବାସାତ ଦସ୍ ହାଜାର୍ ବେଣ୍ ଇନ୍ନି ବାଟା ଇତିସ୍ ବୁଦି ଲାହାଙ୍ଗ୍ ପାଞ୍ଚଗଟା ବେଣ୍ ଇଞ୍ଜେଙ୍ଗ୍ ମାନ୍ କିନାଙ୍ଗ୍ ।

୨୦ ଏ ଟଣ୍ଡାର୍, ବୁଦିତ ହିମ୍ଣା ଲାକେ ଆମାଟ୍, ଇତିସ୍ ବାନ୍ୟା ବିସ୍ତେ ହିରୁହିମ୍ଣା ଲାକେ ଆଡୁ, ମତର୍ ବୁଦିତ ଏପେଙ୍ଗ୍ ଗାଜାକାର୍ ଆଡୁ । ୨୧ ମସାତି ବିଦିତ ଲେକାମାନାଡ୍,

ମାପୁ ଇନାନ୍, ବିଦେସ୍ନି ବେଣ୍ଈକାନକାର୍ ହୁକେ ଆରି ବିଦେସ୍ନିକାର୍ତ୍ତି ଖେୟ୍ ହୁକେ
ଆସେଙ୍ଗ୍ ଇ ମାନାୟାରିଂ କାତା ଇନାସ୍,
ତା ଆତିସ୍ ପା ହେଝାର୍ ମା କାତା ଖେଞ୍ଜୁର୍ ।

୨୨ ଲାଗିଂ ଲକାର୍ ବାସାତ କାତା ଇନାକା ପାତ୍ ନିକାର୍ତି କାଜିଂ ତିନ୍ ଲାକେ ଆକାୟ୍, ମତର୍ ପାତ୍ କିଝାକାର୍ତ୍ତି କାଜିଂ ତିନ୍ ଲାକେ; ବିନ୍ ପାକ୍ୟାତ ବେଣ୍ଈବାକ୍ଷାୟକିନାକା ଇନାକା ପାତ୍ କିଝାକାର୍ତ୍ତି କାଜିଂ ତିନ୍ ଲାକେ ଆକାୟ୍, ମତର୍ ପାତ୍ କିନାକାର୍ତ୍ତି କାଜିଂ ତିନ୍ ଲାକେ ।

୨୩ ଆରେ ପା ସବୁ ମଣ୍ଡୁଲିଂ ଜଦି ମେହା ଆନିକ୍ ଆରି ଓଜାର୍ ଲକାର୍ ବାସାତ ବେଣ୍ ଇନାର୍, ଆରେ ସଲ୍ଲକେ କି ପାତ୍ କିଝି ମାନାୟାର୍ ଝାନାର୍, ତା ଆତିସ୍ ଏପେଙ୍ଗ୍ ପାଗ୍ଲା ଇଞ୍ଜି ଇନାକା ହେଝାର୍ ଇନୁର୍ ? ୨୪ ମତର୍ ଜଦି ଓଜାର୍ ବେଣ୍ଈବାକ୍ଷାୟକିନାକା ଇନାର୍, ଆରେ ରଝାନ୍ ପାତ୍ କିଝାକାନ୍ କି ସଲ୍ଲକେନି ଲକ୍ ଝାନାନ୍, ଲାଗିଂ ହେଝାନ୍ ଓଜାର୍ତ୍ତି ହୁକେ ଦସି ଇଞ୍ଜି ପାର୍ମାଣ୍ ଆନାଡ୍, ଓଜାର୍ତ୍ତି ହୁକେ ବିଚାର୍ ଆନାଡ୍, ୨୫ ତା ଝାସ୍ନି ଡକ୍ତୁତି ବିସ୍ତେ ସବୁ ହନାଡ୍; ହେବେ ହେଝାନ୍ ମୁମ୍ ତାରେନ୍ କିନାନ୍ ଆରି ଇସ୍ପୁର୍ ଜେ ହାଡ୍ପା ମି ବିତ୍ତେ ମାନାନ୍, ଇଦାଂ ମାନି କିଜି ତାଙ୍ଗେଙ୍ଗ୍ ଜୁଝାର୍ କିନାଦେର୍ ।

ମଣ୍ଡୁଲି ସୁସା

୨୬ ଏ ଟଣ୍ଡାର୍, ଆରେ ତଣ୍ଡେକ୍ ତେବେ କାମାୟ୍ ଇନାକା ? ଏପେଙ୍ଗ୍ ମେହାଆନି ସମୁତ କେରକଣ୍, କି ହିକ୍ୟା, କି ହତି ବଚନ୍, କି ପରବାସା କି ବାସାନି ଅରଡ୍, ଏଲେଙ୍ଗ୍ ଓଜାର୍ତ୍ତି ଇନାକା କି ଇନାକା ମାନାଡ୍ । ଓଜୁ ବିସ୍ତେ ରଚ୍ଚନି କାଜିଂ କିୟାଆୟେଡ୍ । ୨୭ ଜଦି ଇନେର୍ ଲକାର୍ ବାସାତ କାତା ଇନାନ୍, ଲାଗିଂ ରିୟାର୍ ନଲେ ଆଦିକ୍ ଆତିସ୍ ତିନ୍ ଜାଣ୍ ପାଲି ଇସାପ୍ତାଂ ଇନାର୍, ଆରେ ରଝାନ୍ ଅରଡ୍ କିଏନ୍ । ୨୮ ମତର୍ ଜଦି ଇମ୍ଣି ଅରଡ୍ ଇନାକାନ୍ ମାନୁନ୍, ତା ଆତିସ୍ ହେଝାନ୍ ମଣ୍ଡୁଲିତ ତିମ୍ବରା ମାନେନ୍ ଆରି ମାନେମାନେ ଇସ୍ପୁର୍ତିଂ ଇନେନ୍ । ୨୯ ଆରେ, ରିୟାର୍ କି ତିନ୍ ଜାଣ୍ ବେଣ୍ଈବାକ୍ଷାୟକିନାକା ଇନେର୍, ଆରେ ବିନ୍ନିକାର୍ ବିଚାର୍ କିଏର୍ । ୩୦ ମତର୍ କୁଟ୍ଟାକାର୍ ବିନେ ଇନେର୍ କାଜିଂ ଜଦି ଇମ୍ଣି ବଚନ୍ ହନାଡ୍, ତା ଆତିସ୍ ପର୍ତ୍ତୁମ୍ ନିକାନ୍ ତିମ୍ବରା ଆୟେନ୍ । ୩୧ ଇନାକିଦେଂକି ଇନେସ୍ ଓଜାର୍ ହିକ୍ୟା ପାୟାନାର୍, ଆରେ ଓଜାର୍ ଗିୟାନ୍ ପାୟା ଆନାର୍, ଇଦାଂ କାଜିଂ ଏପେଙ୍ଗ୍ ଓଜାଦେର୍ ରଝାନ୍ ରଝାନ୍ ଜିସୁ ବେଣ୍ଈବାକ୍ଷାୟକିନାକା ଇଞ୍ଜେଙ୍ଗ୍ ଆଡ୍ନାଦେର୍ । ୩୨ ବେଣ୍ଈବାକ୍ଷାୟକିନାକାନ୍ ଜିବୁନ୍ ବେଣ୍ଈବାକ୍ଷାୟକିନାକାର୍ ମେହାଣ୍ । ୩୩ ଇନାକିଦେଂକି ଇସ୍ପୁର୍ ରାଚୁନି ଇସ୍ପୁର୍ ଆକାୟ୍, ମତର୍ ହେଝାନ୍ ସୁସା ଝାରିନି ଇସ୍ପୁର୍ ।

ଇସ୍ଵରତି ବିନ୍ଦବିନ୍ଦ ସାଦୁର ପାର୍ତ୍ତନା ମଣ୍ଡଳିତ ଇନେସ୍ । ୩୪ ସାଦୁରତି ଓଁଦୁ
 ମଣ୍ଡଳିତ ଇନେସ୍ ଆଜି ମାନାଡ଼, ହେ ଲାକେ କରଲେହିମ୍‌ଣାଂ ମଣ୍ଡଳିତ ଚିମରା
 ଆଜି ମାନେକ୍, ଲାଗିଂ ବେଣ୍ ଇନି କାଜିଂ ହେଝେକ୍ ହେଲ ପାୟାଓଡ଼ିକ୍‌ନା, ଇତିସ୍
 ବିଦିନି ନିତି ଇସାପ୍‌ତାଂ ହେଝେକ୍ ମେହାଜି ମାନେକ୍ । ୩୫ ହେଝେକ୍ ଜଦି ଇମ୍‌ଣି
 ବିସ୍ତେ ବୁଜାଆଦେଂ ମାନକିନିକ୍, ତେବେ ଇଞ୍ଜ ଜାର୍ ଜାର୍ ଆଣ୍ଡାକାଂ ଝେନବେକ୍,
 ଇନାକିଦେଂକି ମଣ୍ଡଳି ବିତ୍ତେ ବେଣ୍ ଇନାକା କରଲେକ୍ ପାକ୍ୟାତ ଲାଜୁ ।

୩୬ ଇନାକା ? ଇସ୍ଵତ୍ ବଚନ୍ କି ମିତାକେଣ୍ଡାଙ୍ଗ୍ ହତ୍‌ତାତ୍‌ନା ? କି କେବଲ୍
 ମିଦାଙ୍ଗ୍ ଲାଗାଂ ଝାତାତ୍‌ନା ? ୩୭ ଇନେର୍ ଜଦି ଜାର୍‌ତିଂ ବେଣ୍‌ବାକ୍‌ଣାୟକିନାକାନ୍ କି
 ଆମିକ୍ ଦାନ୍ ପାୟାତାଙ୍ଗ୍‌ନା ଇଞ୍ଜି ମାନେ କିତାର୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଇନା
 ଇନାକା ଲେକିକିନାଙ୍ଗା, ହେ ସବୁ ଜେ ମାପୁଡ଼ି ବଲ୍, ଇଦାଂ ହେଝାନ୍ ପୁନେନ୍ ।
 ୩୮ ମତର୍ ଜଦି ହେଝାନ୍ ପୁଞ୍ଜେଙ୍ଗ୍ ଆଡୁନ୍, ତେବେ ହେଝାନ୍ ପୁଞ୍ଜେଙ୍ଗ୍ ଆଡ଼ଝାକାନ୍
 ମାନେନ୍ ।

୩୯ ଲାଗିଂ ଏ ନା ଟଣ୍ଡାର୍, ବେଣ୍‌ବାକ୍‌ଣାୟକିନାକା ଇଞ୍ଜେଙ୍ଗ୍ ହାଡ଼ପା ସେସ୍ଵା କିୟାଟ୍;
 ଆରେ, ଲକାର୍ ବାସାତ ବେଣ୍ ଇଞ୍ଜେଙ୍ଗ୍ ମୁନା କିମାଟ୍ । ୪୦ ମତର୍ ଓଁଦୁ ହାଡ଼ପା ବାବ୍ରେ
 ହାର୍ ଇସାବ୍‌ରେ କିୟାଆଏଡ଼ ।

୧୫

କ୍ରିସ୍ତୁତି ଆରେ ନିନାକା

୧ ହେ ଟଣ୍ଡାର୍, ଆନ୍ ମି ଲାଗାଂ ଇମ୍‌ଣି ନେକ୍ରିକାରୁର୍ ସୁଣାୟ୍ କିଜି ମାଚାଙ୍ଗ୍,
 ଇମ୍‌ଣାକା ଏପେଙ୍ଗ୍ ଇଡ଼ଜି ମାଚାଦେର୍, ତା ପାଚେ ପା ତିର୍ ଆଜି ମାନାଦେରା, ଆନ୍
 ଇମ୍‌ଣି ବାନି ମି ଲାଗାଂ ହେଦାଂ ସୁଣାୟ୍ କିଜି ମାଚାଙ୍ଗ୍, ଇଦାଂ ମିଙ୍ଗେଙ୍ଗ୍ ଏଡୁକି
 କିଦ୍‌ନାତା; ୨ ଜଦି ଏପେଙ୍ଗ୍ ହେଦାଂ ନେକ୍ରିକାରୁର୍ ଆର୍‌ଝା ବାବ୍ରେ ଆଜି ମାନାଟ୍,
 ତେବେ ହେଦାଂ ହୁକେ ମୁଲ୍ଲି ଆନାଦେରା, ଆଓଡ଼ିସ୍ ତ ଏପେଙ୍ଗ୍ ବେକାରେ ପାତ୍
 କିନାକାଦେର୍ ଆଜି ମାଚାଦେର୍ ।

୩ ଇନାକିଦେଂକି ଇମ୍‌ଣି ଇମ୍‌ଣି ହିକ୍ୟା ଆନ୍ ପାୟା ଆଜି ମାଚାଙ୍ଗ୍, ହେ ବିତ୍ତେତାଂ
 ଇ ମୁଡ଼୍ ହିକ୍ୟା ମିଙ୍ଗେଙ୍ଗ୍ ହିଜି ମାନ୍‌ଚାଙ୍ଗ୍ ଇତିସ୍, କ୍ରିସ୍ତୁତି ସାସ୍ତର୍ ଇସାବ୍‌ବ୍ରେ ମା ପାପ୍
 କାଜିଂ ହାତାନ୍, ୪ *ମୁର୍‌ୟାତାନ୍ ଆରି ସାସ୍ତର୍ ଇସାପ୍‌ତାଂ ତିନି ଦିନତାଂ ନିଙ୍ଗାତାନ୍;
 ୫ *ହେଝାନ୍ କେପା, ଆରେ, ତା ପାଚେ ବାରଜାଣ୍ଡିଂ ଚଞ୍ଜୟା ଆତାନ୍; ୬ ଇଦାଂ
 ପାଚେ ରଞ୍ଜେମାଟ୍ ପାଞ୍ଚସ୍ ତାଙ୍ଗ୍ ଆଦିକ୍ ଟଣ୍ଡାରିଂ ଚଞ୍ଜୟା ଆତାନ୍; ହେଝାର୍ ବିତ୍ତେଣ୍ଡାଂ
 ଆଦେକାର୍ ନେଜେଙ୍ଗ୍ ପାତେକ୍ ଜିବୁନ୍ ମାନାର୍, ମତର୍ ଇନେର୍ ଇନେର୍ ହାତାରେ
 । ୭ ତା ପାଚେ ହେଝାନ୍ ଜାକୁବ୍‌ତିଂ, ଆରେ, ଓଁଜାର୍ ପକ୍ୟାତାକାର୍‌ରିଂ ଚଞ୍ଜୟା ଆତାନ୍
 ।

୮ *ହାରିହାରା ବେକାର୍ ଲାକେ ରଝାନ୍ ଜେ ଆନ୍, ହେଝାନ୍ ନାଙ୍ଗେଙ୍ଗ୍ ପା ଚଞ୍ଜୟା
 ଆତାନ୍ । ୯ *ଇନାକିଦେଂକି ଇସ୍ଵତ୍ ମଣ୍ଡଳିତିଂ ଇଣ୍ ଜିସୁ ମାଚିଲେ ପକ୍ୟାତାକାର୍
 ବିତ୍ତେ ଆନ୍ ହିରୁକାଂ, ଆରେ ପକ୍ୟାଆତାର୍ ତର୍‌ଦ୍ ତାକ୍‌ପୁଟା ଆଦେଂ ଜର୍ ଆକାୟ୍
 । ୧୦ ମତର୍ ଆନ୍ ଇନାକା ଆତାଙ୍ଗ୍‌ନା, ହେଦାଂ ଇସ୍ଵତ୍ ଉପ୍‌କାର୍‌ତ ଆତାଙ୍ଗ୍‌ନା,
 ଆରେ ନା ହିଡ଼ତି ହେଝାନ୍ତି ହେ ଉପ୍‌କାର୍ ପଲ୍ୟା ଆଝାତାତ୍‌ନା । ମତର୍ ଆନ୍ ହେ
 ଓଁଜାର୍ ତାଙ୍ଗ୍ ଆଦିକ୍ କସ୍ କିତାଂନା, ଆତିସ୍‌ପା ଆନ୍ ଆକାୟ୍, ମତର୍ ନା ଲାହାଙ୍ଗ୍
 ମାନି ଇସ୍ଵତ୍ ଉପ୍‌କାର୍ ହେଦାଂ କିଡ଼ତାନ୍‌ନା । ୧୧ ଲାଗିଂ ଆନ୍ ଆନାଂ, କି ହେଝାର୍

* ୧୫:୪ ୧୫:୪ ମାଡ଼ିଉ ୧୨:୪୦; ପକ୍ୟାତାକା ୨:୨୪-୩୨. * ୧୫:୫ ୧୫:୫ ଲୁକ ୨୪:୩୪; ମାଡ଼ିଉ ୨୮:୧୭, ୧୭;
 ମାର୍କ ୧୬:୧୪; ଲୁକ ୨୪:୩୬; ଇହନ୍ ୨୦:୧୯. * ୧୫:୮ ୧୫:୮ ପକ୍ୟାତାକା ୯:୩-୭. * ୧୫:୯ ୧୫:୯
 ପକ୍ୟାତାକା ୮:୩.

ଆୟେର୍, ଇ ଲାକେ ଆସେଙ୍ଗ୍ ସୁଣାୟ୍ କିଜି ଫାନାସ୍, ଆରେ ଇ ଲାକେ ଏପେଙ୍ଗ୍ ପାତ୍ କିନାକାଦେର୍ ଆତାଦେଣ୍ଣା ।

ମାଦାଂ ଆରେ ନିଂନାକା

୧୨ ଲାଗିଂ କ୍ରିସ୍ତୁ ଜେ ହାତାକାର୍ ବିତ୍ତେତାଂ ଆରେ ନିଂନାକା, ଇଦାଂ ଜଦି ସୁଣାୟ୍ କିୟାନାତା, ଲାଗିଂ ହାତାକାର୍ତି ନିଙ୍ଗ୍ନାକା ଆକାୟ୍ ଇଞ୍ଜି ମି ବିତ୍ତେ ଇନେର୍ ଇନେର୍ ଇନେସ୍ ଇନାର୍ ? ୧୩ ଜଦି ହାତାକାର୍ତି ଆରେ ଆରେ ନିଂନାକା ଆକାୟ୍, ତେବେ କ୍ରିସ୍ତୁ ପା ନିଙ୍ଗ୍ନାତାନନା; ୧୪ ଆରେ, ଜଦି କ୍ରିସ୍ତୁ ନିଙ୍ଗ୍ନାତାନନା, ତେବେ ତ ମା ସୁଣାୟ୍ କିନାକା ପଲ୍ୟା, ମି ପାତ୍ ପା ବେକାର୍, ୧୫ ଆରେ, ଆସେଙ୍ଗ୍ ଇସ୍ତର୍ ବିସ୍ତେ ଇନେନ୍ ମିର୍ ସାକି, ଇଦାଂ ହନାଡ୍ । ଇନାକିଦେଂକି ଆପେଂ ଇସ୍ତର୍ ବିରୁଦ୍ଧ ସାକି ହିଜି ମାନେନ୍ ଜେ ହେଞ୍ଜାନ୍ କ୍ରିସ୍ତୁଙ୍ଗ୍ ନିକ୍ତାନନା; ମତର୍ ଜଦି ହାତାକାର୍ ନିଙ୍ଗ୍ନାତସ୍, ତେବେ ହେଞ୍ଜାନ୍ ହେଞ୍ଜାନିଂ ନିକ୍ତାନନା । ୧୬ ଲାଗିଂ ଜଦି ହାତାକାର୍ ନିଙ୍ଗ୍ନାତେ, ଲାଗିଂ କ୍ରିସ୍ତୁ ପା ନିଙ୍ଗ୍ନାତାନନା; ୧୭ ଆରେ, ଜଦି କ୍ରିସ୍ତୁ ନିଙ୍ଗ୍ନାତାନନା, ଲାଗିଂ ମି ପାତ୍ ପଲ୍ୟା, ଆରେ ଏପେଙ୍ଗ୍ ଇ ପାତେକ୍ ଜାର୍ ଜାର୍ ପାପତ ମାନାଦେରା । ୧୮ ତା ଆତିସ୍ ଇମ୍ଫାକାର୍ କ୍ରିସ୍ତୁତାକେ ହାତାନନା, ହେଞ୍ଜାର୍ ପା ବୁଡା ଆତାଣ୍ଣା । ୧୯ ଜଦି କେବଲ୍ ଇ ଜିବୁନ୍ କାଜିଂ ଆସେଙ୍ଗ୍ କ୍ରିସ୍ତୁତାକେ ବାସ୍ କିତାପନା, ଲାଗିଂ ଖିଜାକାର୍ ମାନାୟାର୍ତାଂ ଆସେଙ୍ଗ୍ ଦୟା ନିକାପ୍ ।

୨୦ ମତର୍ ହାତ୍ପାତ କ୍ରିସ୍ତୁ ହାତାକାର୍ ମାନାୟାର୍ ପର୍ତ୍ତୁମ୍ ପାତ୍ ଲାକେ ମି ବିତ୍ତେତାଂ ନିଙ୍ଗ୍ନାତାନନା । ୨୧ ଇନାକିଦେଂକି ମାନାୟ୍ ହୁକେ ହାକି ଏକାଞ୍ଜାତିଲେ ମାନାୟ୍ ହୁକେ ପା ହାତାକାର୍ତି ଆରେ ନିଂନାକା ଏକାଞ୍ଜାତାନନା । ୨୨ ଲାଗିଂ ଆଦମ୍ ହୁକେ ମାନି ଇନେସ୍ ଖିଜାର୍ ହାନାର୍, ହେ ଲାକେ ପା କ୍ରିସ୍ତୁତି ହୁକେ ଖିଜାର୍ ଜିନାର୍ । ୨୩ ଇନାକିଦେଂକି ଖିଜାକାର୍ ଜାର୍ ଜାର୍ ଦାଡିତ ପର୍ତ୍ତୁମ୍ ପାତ୍ ଲାକେ କ୍ରିସ୍ତୁ ପାତେ କ୍ରିସ୍ତୁତି ଖାନି ସମ୍ପତ୍ତ ହେଞ୍ଜାନ୍ତି ଆସିର୍ବାଦ୍ ପାୟାତାକାର୍; ୨୪ ତା ପାତେ ଜୁଗ୍ ଏକାଞ୍ଜାନାଡ୍, ହେ ସମ୍ପତ୍ତ ହେଞ୍ଜାନ୍ ଖିଜାର୍ ଆଦିକାରି, ଖିଜୁ ଆଦିକାର୍ ଆରି ସାକ୍ତି ବୁଡାୟ୍ କିତି ପାତେ ଆବା ଇସ୍ତର୍ତିଂ ରାଜି ରାଜକିନାକା ହେଲ୍ଲାୟ୍ କିନାନ୍ । ୨୫ ଇନାକିଦେଂକି ହେଞ୍ଜାନ୍ ଖିଜୁ ଯାତୁରିଂ ନିଜ୍ ପାନା ତାରେନ୍ ଇର୍ଡ଼ି ପାତେକ୍ ତାଙ୍ଗେଙ୍ଗ୍ ଆତିସ୍ପା ରାଜ୍ କିଦେଙ୍ଗ୍ ଆନାଡ୍ । ୨୬ ହାରିହାରା ସାତୁ ଲାକେ ହାକିତିଂ ବୁଡାୟ୍ କିୟାନାଡ୍; ୨୭ ଇନାକିଦେଂକି ଖିଜୁ ବିସ୍ତେ କ୍ରିସ୍ତୁତି ପାନା ତାରେନ୍ ମେହାୟ୍ କିତାନ୍ । ଏତେକାତ୍ତ୍ ହେଞ୍ଜାନ୍ ଇନାନ୍, ଖିଜୁ ବିସ୍ତେ ମେହାୟ୍ କିୟାଆତାତନା, ଇଦାଂ ହାକିତାକା ଖିଜୁ ବିସ୍ତେ ଜେ ହେଞ୍ଜାନ୍ତି ମେହାୟ୍ କିତାର୍, ହେଞ୍ଜାନ୍ ହେ ସବୁନି ହେବେନିକାର୍ ଆକାୟ୍ । ୨୮ ଆରେ ଖିଜୁ ବିସ୍ତେ ମାଜିତି ତଲ୍ୟା କିୟାତି ପାତେ, ଜେ ଖିଜୁ ବିସ୍ତେ ହେଞ୍ଜାନ୍ତି ତଲ୍ୟା କିତାନ୍, ନିଜେ ମାଜି ପା ହେଞ୍ଜାନ୍ତି ତଲ୍ୟା ଆନାନ୍, ଇନେସ୍ ଇସ୍ତର୍ ସର୍ବେ ସର୍ବା ଆନାନ୍ ।

୨୯ ହାତାକାର୍ କାଜିଂ ଇମ୍ଫାକାର୍ ହାତାକାର୍ କାଜିଂ ବାପ୍ରିସିମ୍ ଆନାର୍, ହେଞ୍ଜାର୍ ଇନାକା କିନାର୍ ? ଜଦି ହାତାକାର୍ ମୁଡେ ନିଙ୍ଗ୍ନାତ୍, ଲାଗିଂ ହେଞ୍ଜାର୍ କାଜିଂ ହେଞ୍ଜାର୍ ଇନେକିଦେଂ ବାପ୍ରିସିମ୍ ଆନାର୍ ? ୩୦ ଆପେଂ ପା ଇନେକିଦେଂ ଖିଜୁ ସମ୍ପତ୍ତ ସନି ଗିଟା ଆଏଡ୍ ? ୩୧ ଏ ଟଣ୍ଡାର୍, ଆରି ତଣ୍ଡେକ୍ ମାପୁ ଜିସୁ କ୍ରିସ୍ତୁତାକେ ମି ବିସ୍ତେ ଆନ୍ ଇମ୍ଫା ଗରବ୍ କିତାଙ୍ଗ୍ତି, ହେବେ ରାଣ କିଜି ଇଞ୍ଜିନାଙ୍ଗା, ଆନ୍ ସବୁନାଜିଂ ହାନାଙ୍ଗା । ୩୨ ଜଦି ଆନ୍ କେବଲ୍ ମାନାୟାର୍ ଇର୍କାଡ୍ ଇସାପ୍ତାଂ ଆନ୍ ଏପିସତ ରାନ୍ ପସୁଙ୍ଗ୍ ଲାହାଙ୍ଗ୍ ଜୁଜ୍ କିନାଙ୍ଗା, ତେବେ ହେବେ ନା ଲାବ୍ ଇନାକା ? ଜଦି ହାତାକାର୍ ନିଙ୍ଗ୍ନାତ୍, ଲାଗିଂ “ଞ୍ଜାତ, ଆସେଙ୍ଗ୍ ତିନାସ୍ତାୟ୍ ଇନାକିଦେଂକି ଖିଗାଲିଂ ଆସେଙ୍ଗ୍ ହାନାସ୍ ।

୩୩ ଏପେଙ୍ଗ ଚାକ୍ରାୟ ଆମାଟ୍, ବାନ୍ୟା ଲାଗାଜଡ଼ାତ ହାରଦି ଗୁଣତିଂ ନାହାୟ କିୟାନାତ୍ । ୩୪ ସମାନ୍ ବାହେ ଜାଗ୍ରତ୍ ଆତ, ପାପ୍ କିମାଟ୍; ଇନାକିଦେଂକି ଇନେର୍ ଇନେର୍ ଇସ୍ତତ୍ ବିସ୍ତେ ଗିଆନ୍ ହିଲୁଟ୍; ଆନ୍ ମିଙ୍ଗେଙ୍ଗ ଲାଜୁ କାଜିଂ ଇ କାତା ଇଞ୍ଜନାଙ୍ଗା । ”

ଆରେ ନିଙ୍ଗତି ଗାଗାଡ୍,

୩୫ ମତର୍ ଇନେର୍ ଇନାର୍, ହାତାକାର ଇନେସ୍ ନିଙ୍ଗନାର୍ ? ଇନେସ୍ ବାତ୍ ଗାଗାଡ଼ତ ହେଞ୍ଜାର୍ ଖାନାର୍ ? ୩୬ ଏ ବୁଦିହିଲ୍‌ଖାକାଦେର୍, ଏପେଙ୍ଗ ନିଜେ ଇନାକା ଓଡ଼ାଟ୍, ହେଦାଂ ହାଓଡ଼ିସ୍ ଜିବୁନ୍ ଆଉଡ୍, ୩୭ ଆରେ, ଇମଣି ଗାଗାଡ୍ ଆନାଡ୍, ହେଦାଂ ଏପେଙ୍ଗ ଓଡ଼ମାଟ୍, ମତର୍ ଗିଆଏଡ୍ କି ବିନ ଇମଣି ତାସ୍ ଆୟେଡ୍, ହେଦାଂ କେବଲ୍ ମାଞ୍ଜି ମାତର୍; ୩୮ ମତର୍ ଇସ୍ବର ଜାର୍ ଇଚା ଇସାପ୍ତାଂ ତାଙ୍ଗେଙ୍ଗ୍ ଦଲ୍ ହିନାନ୍, ଆରେ ଓଡ଼ୁ ବିୟାନ୍ ବିତ୍ରେତାଂ ଓଡ଼ୁକାଂ ତା ନିଜେ ଗାଗାଡ୍ ହିନାନ୍ ।

୩୯ ଓଡ଼ୁ ଗାଗାଡ୍ ଇବାନି ଗାଗାଡ୍ ଆକାୟ୍, ମତର୍ ମାନାୟାରିତି ରବାନି ଗାଗାଡ୍, ପସୁକ୍ତି ବିନ୍‌ବାନି ଗାଗାଡ୍, ଆରେ ପଟିଂତି ଆରେ ରବାନି ଗାଗାଡ୍ ଆରି ମିନ୍‌କୁତି ବିନ୍‌ବାନି ଗାଗାଡ୍ ।

୪୦ ସାଗେନି ଗାଗାଡ୍ ମାନାଡ୍, ପୁତ୍ ଗାଗାଡ୍ ପା ମାନାଡ୍, ମତର୍ ଆକାସ୍‌ନି ଗାଗାଡ୍ ରବାନି ଜେଞ୍ଜେନାକା, ଆରେ ପୁତ୍ ନି ଗାଗାଡ୍‌ନି ହଲ୍‌ନାକା ବିନ୍‌ବାନି । ୪୧ ଖେଡ଼ା ରବାନି କାରା, ଲେଞ୍ଜିନି ବିନ୍‌ବାନି କାରା, ଆରି ହୁକାଂନି ବିନ୍‌ବାନି ଜେଞ୍ଜେନାକା; ଇନାକିଦେଂକି ଜେଞ୍ଜେନିତ ର ହୁକା ହଲ୍‌ନାକା ବିନ୍ ହୁକା ତାଙ୍ଗ୍ ବିନେ ।

୪୨ ହାତାକାର୍‌ତି ଆରେ ନିଂନାକା ପା ହେ ଲାକେ ମାଡ଼ାତାଂ ଓଡ଼ୟାନାଡ୍, ଲସ୍‌ଖାଦାଂ ନିଙ୍ଗନାଡ୍; ୪୩ ନାଡ଼ଖାଦାଂ ଓଡ଼ୟାନାଡ୍, ଜାଜ୍‌ମାଲ୍ ଆଜି ନିଙ୍ଗନାଡ୍; ନାଦାର୍‌ତାଂ ଓଡ଼ୟାନାଡ୍, ସାକ୍ତି ଆଜି ନିଙ୍ଗନାଡ୍; ୪୪ ହାଡ଼ପା ଗାଗାଡ୍ ଓଡ଼ୟାନାଡ୍, ଆମିକ୍ ଗାଗାଡ୍ ନିଙ୍ଗନାଡ୍ । ଜଦି ହାଡ଼ପା ଗାଗାଡ୍ ମାନାଡ୍, ଖାଟିଙ୍ଗ୍ ଆମିକ୍ ଗାଗାଡ୍ ପା ମାନାଡ୍ । ୪୫ ଏଲେଙ୍ଗ୍ ପା ଲେକା ମାନାଡ୍, ପର୍ତ୍ତୁମ୍ ମାନାୟ୍ ଆଦମ୍ ଜିତି ପାରାଣ୍ ଲାକେ ଉବ୍‌ଜାଣ୍ ଆଜି ମାରାନ୍ । ହାରିହାରା ଆଦମ୍ ଖାସ୍ତି ବାତ୍ ଜିବୁନ୍ ଆତାନ୍ । ୪୬ ମତର୍ ଇନାକା ଆମିକ୍, ହେଦାଂ ପର୍ତ୍ତୁମ୍ ଆକାୟ୍, ମତର୍ ଇନାକା ହାଡ଼ପା, ହେଦାଂ ପର୍ତ୍ତୁମ୍, ପାଚେ ଆମିକ୍ । ୪୭ ପର୍ତ୍ତୁମ୍ ମାନାୟ୍ ପୁତ୍ ନିକା, ଚିକ୍‌ଲାତାଂ ରଡ଼ୟାତାକାନ୍, ଦୁଇନି ମାନାୟ୍ ସାଗେତାଂ ଖାତାକାନ୍ । ୪୮ ଇମ୍‌ଶାକାର୍ ଚିକ୍‌ଲାତାଂ ରଚ୍ୟାତାର୍‌ନା, ହେଞ୍ଜାର୍ ଚିକ୍‌ଲାତାଂ ରଚ୍ୟାୟାତାକାର୍ ହେ ମାନାୟ୍ ଲାକେ, ଆରେ ଇମ୍‌ଶାକାର୍ ସାଗେନିକାର୍, ହେଞ୍ଜାର୍ ସାଗେତାଂ ଖାତାକାର୍ ହେ ମାନାୟ୍ ଲାକେ । ୪୯ ଆରେ ଆପେଂ ଇନେସ୍‌କି ଚିକ୍‌ଲାତ ରଚ୍ୟାତାକାପ୍ ହେ ମାନାୟ୍‌ତି ତ୍ରିଗା ଆସ୍ତାପ୍‌ନା, ହେ ଲାକେ ହେ ସାଗେନି ମୁଣିକାତି ତ୍ରିଗା ପା ଆହ୍‌ନାସ୍ ।

୫୦ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇଦାଂ ଇଞ୍ଜନାଙ୍ଗା, ନେତେର୍ ଜେଜ ଇସ୍ତତ୍ ରାଜି ଆଦିକାର୍ କିଦେଙ୍ଗ୍ ଆଡୁଡ୍, କି ଲସ୍ ଲସ୍‌ଖାଦାଂ ଆଦିକାର୍ କିଡ୍ । ୫୧ ହୁଡ଼ାଟ୍, ଆନ୍ ମିଙ୍ଗେଙ୍ଗ୍ ର ହାଦ୍ ବେରଣ୍ ଇଞ୍ଜନାଙ୍ଗା, ମତର୍ ଆସେଙ୍ଗ୍ ଓଡ଼ିଜାକାସ୍ ହୁଞ୍ଜୁସ୍, ୫୨ ମାତର୍ ର ମାନ୍ତ, କାଣ୍‌ଙ୍ଗାମିଟ୍ ଇଡ଼୍‌ଖାଦାଂ, ହାରିହାରା ମରି ଗାଜାର୍‌ତ୍ ଆସେଙ୍ଗ୍ ଓଡ଼ିଜାକାସ୍ ମାନ୍‌ବାଦ୍‌ଲାୟ୍ କିନାସ୍; ଇନାକିଦେଂକି ମରି ଆଡ଼ନାଡ୍, ଆରେ ହାତାକାର୍ ଜିରାଓଡ଼ି ବାଚାଆଜି ନିଙ୍ଗନାର୍, ଆରେ ଆସେଙ୍ଗ୍ ବାଦ୍‌ଲା ଆନାସ୍ । ୫୩ ଇନାକିଦେଂକି ଇନାକା ଜିରାନି ଗାଗାଡ଼ତିଂ ଜିରାଆଓ ଲାଗ୍‌ଦି ଉସ୍‌ପେଦେଂ ଆନାଡ୍, ଆରେ ଇ ଗଟ୍‌ନାତ ଗାଗାଡ଼ତିଂ ନାସ୍‌ଖାଓଲାଗ୍‌ଦି ହେୟା ଉସ୍‌ପେଦେଂ ଲାଗ୍‌ଦାନାଡ୍ । ୫୪ ମତର୍

☆ ୧୫:୫୧ ୧୫:୫୧ ୧ ତେସ୍‌ଲନିକି ୪:୧୫-୧୭.

ଇ ନୟ ଆନି ଗାଗାଡ଼୍ ନୟୁଖାଞ୍ଜି ହେନ୍ଦ୍ରା ଆରି ଇ ହାତି ଗାଗାଡ଼୍ ବୁଡାଆଞ୍ଜି ହେନ୍ଦ୍ରା ଉସ୍ଥିତି ପାଚେ ଇ ଲେକିକିତି ବଚନ୍ ପୁରାନାଡ଼୍, “ଜୟ ହାକିତିଂ ଶ୍ରେସ୍ତାଡ଼୍ନା,
 ୫୫ ଆଡେ ହାକି, ଇମେଡ଼ ନିନ୍ଦାଂ, ଜୟ ହାକି
 ଇମେଡ଼ ନିନ୍ଦାଂ ସାଲ୍ଲି ।”

୫୬ ହାକିନି ସାତୁ ପାପ, ଆରେ ପାପନି ସାଲ୍ଲି ବିଦି; ୫୭ ମତର୍ ଇମଣି ଇସ୍ବର୍ ମା ମାପୁ ଜିସୁ କ୍ରିସ୍ଟି ହୁକେ ମାଂ ଜୟ ଦାନ୍ କିତାର୍, ହେଖାନ୍ତି ଜୁଞ୍ଜାର୍ ଆୟେଡ଼ ।

୫୮ ଲାଗିଂ, ଏ ନା ଖାରିନି ଟଣ୍ଡାର୍ ଆରି ତଣ୍ଡେକ୍, ମାପୁତି ହେବାତ ମି କସ୍ ପଲ୍ୟା ଆକାୟ୍, ଇଦାଂ ପୁଞ୍ଜି ମାପୁତି କାମାୟ୍ତ ସୁସ୍ତାତାଂ ଆରି ତିର୍ ମାନାଟ୍ ନିତ୍ରେ ଆଦିକ୍ତାଂ ଆଦିକ୍ ଜାତୁନ୍ ଆତୁ ।

୧୭

ଜିସୁ ମାନାୟାର୍ କାଜିଂ ତାବୁଞ୍ଜ ସାଇଜ

୧ ପୁଞ୍ଜପୁୟାର୍ କାଜିଂ ଦାନ୍ ରୁଣ୍ଡାଈକିନି ବିସ୍ତେ ଇନେସ୍ବକି ଆନ୍ ଗାଲାତିଆନି ବାଗାତ ମାନି ମଣ୍ଡଲିଂ ବଲ୍ଲ ହିନାଞ୍ଜା, ଏପେଞ୍ଜ ପା ହେ ଲାକେ କିୟାଟ୍ । ୨ ଆନ୍ ହାତିସ୍ ଇନେସ୍ ଦାନ୍ ରୁଣ୍ଡାୟ୍ କିଦେଞ୍ଜ ଲାଗ୍ଦୁଡ଼୍, ଇଦାଂ କାଜିଂ ସାଡ଼ ଦିନିନି ପର୍ତ୍ତୁମ୍ ରଇବାର୍ ଦିନା ଏପେଞ୍ଜ ଖିଜାକାଦେର୍ ଜାର୍ ଜାର୍ ସୁବିଦା ଇସାପ୍ତାଂ ନିଜେ ନିଜେ ତାକେ ଇନା ଇନାକା ରୁଣ୍ଡାୟ୍ କିଜି ବିନେ ଇଟାଟ୍ । ୩ ଆରେ, ଆନ୍ ଏକିତିସ୍ ଏପେଞ୍ଜ ଇମଣାକାରିଂ ଜଗ୍ ମାନେ କିନାଦେର୍, ଆନ୍ ହେଖାରିଂ ଗଜା ହିଜି ଜିରୁସାଲମ୍ତ ମିଞ୍ଜେଞ୍ଜ ଦାନ୍ ଅନି କାଜିଂ ପଲ୍ଲାନାଂ; ୪ ଆରେ, ଜଦି ନାଦାଂ ପା ହାନାକା ସମାନ୍ ଆନାଡ଼୍, ଲାଗିଂ ହେଖାର୍ ନା ଲାହାଞ୍ଜ ହାନାର୍ ।

ପାଉଲ୍ଲତି ହାନି ଜଜ୍ନା

୫ *ମତର୍ ଆନ୍ ମାକିଦନିଆ ହିଜି ହାତି ପାଚେ ମି ଲାଗାଂ ହାନାଞ୍ଜ; ଲାଗିଂ ଆନ୍ ମାକିଦନିଆ ହିଜି ହାନାଞ୍ଜ; ୬ ଆରେ, କାତେ ହିନା ମି ଲାହାଞ୍ଜ କେତେକ୍ ଦିନା ମାନାଞ୍ଜ, କି ପିନିମାସ୍ ପା ଜିଉଣା କିନାଞ୍ଜ, ଇନେସ୍ବକି ଆନ୍ ଇମଣି ବାହାତ ହାନାଞ୍ଜ, ହେ ବାହାତ ହାନି କାଜିଂ ଏପେଞ୍ଜ ନାଞ୍ଜ ହାଜି ଚଟ୍ଟାନାଦେର୍ । ୭ ଇନାକିଦେଂକି ନଞ୍ଜ ହାଜିଡ଼ ହାନି ସମୁତ ମି ଲାହାଞ୍ଜ ବେଟ୍ ଆଦ୍ଦେଂ ଆନ୍ ଇଟା କିଉଞ୍ଜା, ଲାଗିଂ ମାପୁ ପିସ୍ତ୍ର ହିତିସ୍ ମି ଲାହାଞ୍ଜ ବେସି ଦିନା ମାଞ୍ଜେଞ୍ଜ ଆହା କିନାଞ୍ଜା ।

୮ *ମତର୍ ଆନ୍ ପେଣ୍ଟିକସ୍ ପାର୍ଟୁ ପାଚେକ୍ ଏପିସତ ମାନାଞ୍ଜ; ୯ ଇନାକିଦେଂକି ପାଡ଼୍ ଆହ୍ନି କାମାୟ୍ କାଜିଂ ନା କାଜିଂ ଅହାର୍ ଦୁଞ୍ଜେର୍ ଜେୟାତାଡ଼୍ନା, ପାକ୍ୟା ହିଲ୍ଖାକାର୍ ପା ହେନି ମାନାର୍ ।

୧୦ *ଜଦି ତିମତି ହାନାନ୍, ତେବେ ଇନେସ୍ ପାଣ୍ଡାଞ୍ଜାଦାଂ ମି ବିତ୍ରେ ମାନାନ୍, ହେ ବିସ୍ତେ ମାନ୍କିୟାଟ୍, ଇନାକିଦେଂକି ଆନ୍ ଇନେସ୍, ହେଖାନ୍ ପା ହେ ଲାକେ ମାପୁତି କାମାୟ୍ କିନାନ୍, ୧୧ ଲାଗିଂ ଇନେର୍ ତାଞ୍ଜେଞ୍ଜ ଅଲ୍ଗା ହୁଡ଼ମେନ୍ । ମତର୍ ହେଖାନ୍ ଇନେସ୍ ନା ଲାଗାଂ ଖାଦେଞ୍ଜ ଆଡ଼୍ନାନ୍, ଇଦାଂ କାଜିଂ ତାଞ୍ଜ ସୁସ୍ତାତାଂ ହାଜି ଚଟାଟ୍; ଇନାକିଦେଂକି ହେଖାନ୍ ଟଣ୍ଡାର୍ ଲାହାଞ୍ଜ ଖାନାନ୍ ଇଞ୍ଜି ଆନ୍ କାନାଞ୍ଜା ।

୧୨ ମତର୍ ଟଣ୍ଡେନ୍ ଆପଲ୍ଲତି ବିସ୍ତେ ଇନାଞ୍ଜା, ଟଣ୍ଡାର୍ ଲାହାଞ୍ଜ ମି ଲାଗାଂ ହାନି କାଜିଂ ଆନ୍ ତାଞ୍ଜ ବେସି ଗଞ୍ଜାରି କିତାଞ୍ଜ, ମତର୍ ନଞ୍ଜ ହାଞ୍ଜେଞ୍ଜ ହେଖାନିଂ ମୁଡେ ଇଟା ହିଲ୍ଲୁଡ଼୍, ମତର୍ ଉପାୟ୍ ଆତିସ୍ ହେଖାନ୍ ହାନାନ୍ ।

ହାରିହାରାନି କାତା

* ୧୭:୫ ୧୭:୫ ପକ୍ୟାତାକା ୧୯:୨୧. * ୧୭:୮ ୧୭:୮ ପକ୍ୟାତାକା ୧୯:୮-୧୦. * ୧୭:୧୦ ୧୭:୧୦ ୧ କରକ୍ରିୟ ୪:୧୭.

୧୩ ଏପେକ୍ଷା ଜାଗ୍ରତ୍ ମାନୁଷ୍ୟ ପାତକ ଚିତ୍ତ ଆଜି ମାନାନ୍ତ, ସାଧନିକାନ୍ ଆଜି ସାକ୍ଷି ଆତ୍ମ । ୧୪ ମିଦାକ୍ଷ ସବୁ କାମାୟ ଜିଉନନିତ ସମାନ୍ ଆୟେତ୍ ।

୧୫ ଏ ଟଣ୍ଡାର, ଆରି ତଣ୍ଡେକ୍ ଆନ୍ ଗଞ୍ଜାରି କିଦନାକ୍ଷା ସ୍ତ୍ରୀପାନ୍ତି ଜାରଲଗୁ ଜେ ଆକାୟାନି ପୁରୁପୁୟାତ ପାତକ କିନାକାନ୍ ଲାକେ; ଆରେ, ସାଦୁରତି ହେବାତ ବାତ ଆତାଣ୍ଡା, ଇଦା ଏପେକ୍ଷା ପୁନାନ୍ତ; ୧୬ ଏଲେକ୍ଷାବାନି ମାନାୟତିକ୍ଷ, ଆରେ, ଝିଜାର ହାକ୍ଷଦାକାର୍ ଆରି କସ୍ତୁକିନି ମାନାୟାର୍ ମେହା ଆତ୍ମ, ମିକ୍ଷେକ୍ଷ ଇ ଗଞ୍ଜାରି କିଦନାକ୍ଷା ।

୧୭ ସ୍ତ୍ରୀପାନ୍, ପର୍ତ୍ତୁନାତ ଆରି ଆକାୟାତି ଜୁଦନିତ ଆନ୍ ଝାରି କିନାକ୍ଷା, ଇନାକିଦେକ୍ ମି ଝାଞ୍ଜିତି କାଜି ନା ଇମଣି ଅବାଦ୍ ମାତାତ୍, ହେଦା ହେଝାର୍ ବାତ କିତାଣ୍ଡା, ୧୮ ଲାଗି ହେଝାର୍ ନାଦା ଆରି ମି ଜିରୁକ୍ଷିକ୍ଷ ଜଡାୟ କିତାଣ୍ଡା; ଲାଗି ଏପେକ୍ଷା ଏଲେକ୍ଷାବାନି ମାନାୟାରି ଜଗ୍ ପୁଞ୍ଜି ମାନି କିୟାତ୍ ।

୧୯ ଆସିଆନି ରାଜିନି ମଣ୍ଡଲି ଲାଗା ମିକ୍ଷେକ୍ଷ ଜଝାର୍ କିଦ୍ନାରା । ଆକ୍ଷିଲା ଆରି ପ୍ରିସ୍ତା ହେଝାର୍ ଇଲ୍ ଲାଗେ ମଣ୍ଡଲି ଲାହାକ୍ ମାପୁତାକେ ମିକ୍ଷେକ୍ଷ ବେସି ବେସି ଜଝାର୍ କିଦ୍ନାରା । ୨୦ ଇବେନି ଟଣ୍ଡାର୍ ଆରି ତଣ୍ଡେକ୍ ପାତକ କିନାକାଦେତ୍ ।

ଝିଜାଦେତ୍ ମିକ୍ଷେକ୍ଷ ଜଝାର୍ କିଦ୍ନାରା । ପୁରୁପୁୟାତା ତଞ୍ଜିନି କାଜି ହାରି ଜୁଝାର୍ ଜାଣାୟ କିୟାତ୍ ।

୨୧ ଆନ୍ ପାଉଲ୍ ନିଜେ କେଇଦ ଲେକିକିଜି ଜଝାର୍ କିଦନାକ୍ଷା ।

୨୨ ଜଦି ଇନେତ୍ ମାପୁକ୍ଷି ଜିଉନତନ୍, ତେବେ ହେଝାନ୍ ରାଚ୍ଲାକେ ଆଏନ୍ ।

୨୩ ମାପୁ ଜିସୁତି ଉପକାର୍ ମି ଲାହାକ୍ ଆଏତ୍ ।

୨୪ କ୍ରିସ୍ତ ଜିସୁତି ତାକେ ନା ଜିଉନନାକା ମି ଝିଜାଦେରି ଆଏତ୍ ।

କରକ୍ରିୟା ମଣ୍ଡଳୀ ନିକଟକୁ ପାଉଲଙ୍କ ଦ୍ଵିତୀୟ ପତ୍ର କରକ୍ରିୟା ମଣ୍ଡଳି ଲାଗାଂ ପାଉଲ୍‌ତି ରିଣ୍ଡି ଆକି ୨ କରକ୍ରିୟା ପତ୍ରିନି ପାଦେକ୍

ରି କରକ୍ରିୟା ପକ୍ୟାତି ପାଉଲ୍ ହୁଦାଂ ଆଜି ମାଟିସ୍ ଜିସୁ କ୍ରିସ୍ତୁତି ଜଲମ୍‌ନି ଆତିସ୍ ରିକଡ଼ି ପଦର-ରିକଡ଼ି ସୌଉଲ୍ ୫୫ ତାଂ ୫୬ ବାହୁଁ ପାତେ ଲେକା ଆଜି ମାଟାଡ଼ । ମା ଲାଗେ ମାନି କରକ୍ରିୟା ମଣ୍ଡଳିତିଂ ଲେକା ଆଜି ମାନି ଆକି ବିତ୍ରେତାଂ ଇଦାଂ ଆନାତା ପାଉଲ୍‌ତି ରି ଆକି । ପଣ୍ଡିତାର୍ ପାତ୍ କିନାର୍ ଜେ, ଇଦାଂ ପୁର୍ବେତାଂ ପାଉଲ୍ କରକ୍ରିୟା ମଣ୍ଡଳି ଲାଗାଂ ଆବଡ଼ନିକା ଆକି ଲେକି କିଜି ମାଟାନ୍ ୨:୩-୪ ପାଦ୍ତ ହେଝାନ୍ ଇନାକା ଇନାନ୍ନା, ହେବେନି ଇମାଣାକା ପା ଲେକି କିତାକା ମା ଲାଗାୟ୍ ହିଲୁଡ଼ । ଆଜି ମାଟାଡ଼ ପାଉଲ୍ ମାକିଦନିୟାତ ମାନି ଝେଡ଼ାଲିଂ ରି କରକ୍ରିୟା ଲେକି କିଜି ମାଟାନ୍ ୨:୧୩ ।

ରି କରକ୍ରିୟା ଆନାତା ରଞ୍ଜାଙ୍ଗମତର, ହେଦାଂ ବେସି ଜାର୍ଡି ଆରି ମାନ୍ତ ଚିନ୍ତାକିନାକା । କରକ୍ରିୟାତ ମାନି ମଣ୍ଡଳି ବିସ୍ତେ ତିତସ୍‌ତି ତାଂ ନେକ୍ରିକାବୁର୍ ପାୟା ଆଜି ପାଉଲ୍ ଝାରି କିନାନ୍ । ଇ ଆକିତ ପୁନି ନିୟମ୍‌ନି ହୁଡ଼ନିତାଂ ଦାନ୍ ବିସ୍ତେ ହିକ୍ୟା ପାୟା ଆଜି ମାଟାସ୍ । ଇ ଆକିତ, ଇମେତାକେ ପାଉଲ୍ ଜିରୁସାଲମ୍‌ନି ପାତ୍ କିନାକାରିଂ ଉପକାର୍ କିନି କାଜିଂ ଟାକାଂ ରୁଣ୍ଡାୟ୍ କିଦେଙ୍ଗ୍ ଝେଡ଼ନାନ୍ ୮:୯ । ଇଦାଂ ପୁନ୍ୟାନାତା ଜେ, ମଣ୍ଡଳି ବାର୍ତାଂ ଏତେକ୍ ମିର୍ ପକ୍ୟାତାକାର୍, ହେଝାର୍ ଜାର୍ଡିଂ ପାଦ୍ ବାତାୟ୍ କିଦେଙ୍ଗ୍ ପାଉଲ୍‌ତି ବିରୁଦ୍‌ତ ମଣ୍ଡଳିନି ଏତେକ୍ ମାନି ମାନାୟାରିଂ ରିସା ଆନାନା । ହେଝାର୍ ପାଉଲ୍‌ତି ଆଦିକାର୍ଡିଂ ପାତ୍ କିଦେଙ୍ଗ୍ ଆଡୁରା । ଇନାକାକି ରି କରକ୍ରିୟା ହାରିହାରାତ ହେଝାନ୍ ରଞ୍ଜାନ୍ ଜିସୁ କ୍ରିସ୍ତୁତି ଆଦିକାର୍ଡିଂ ରଞ୍ଜାନ୍ ପକ୍ୟାତାକାନ୍ ଇଞ୍ଜି ତାର୍ ଲାହାଙ୍ଗ୍ ପାର୍ମାଣ୍ କିନାନା ।

୨ କରକ୍ରିୟା ପତ୍ରି ବିସ୍ତେନି ରାହାଣ

- ୧. ପାଉଲ୍ ଆକିନି ମୁଡ଼ଦ୍ ବାୟାୟ୍ କିନାନ୍ ୧:୧-୬
- ୨. ପାଉଲ୍ ହେଝାନ୍ତି ହାନି ଜାଲ୍‌ଦିତ ବାଦ୍‌ଲାୟ୍‌କିନାକା ଆରି ହେଝାର୍ଡି ବିସ୍ତେ ରୁଜୁକ୍ ଆରି ହେଝାନ୍ତି ଆକି ବିସ୍ତେ ହେଝାର୍ଡି ଜବାକ୍ ୧:୮-୭:୧୬
- ୩. ପାଉଲ୍ ଜିରୁସାଲମ୍‌ନି ପାତ୍ କିଞ୍ଜାକାର୍ କାଜିଂ ଦାନ୍ ରୁଣ୍ଡାୟ୍ କିନି ବିସ୍ତେ ଝେଡ଼ନାନା ୮:୧-୯:୧୫
- ୪. ହାରିହାରା ପାଉଲ୍ ହେଝାନ୍ତି ପକ୍ୟାତି ପାଦ୍ ହାର୍ ଇଡ଼ନାନ୍ ଆରି ଆରେ ହାଞ୍ଜେଙ୍ଗ୍ କାଜିଂ ଜାଗ୍ରଡ଼କି କିନାନ୍ ୧୦:୧-୧୩:୧୪

୧ *ଆନ୍ ପାଉଲ୍, ଇସ୍‌ବର୍ ଇଚାତ କ୍ରିସ୍ତୁ ଜିସ୍ତୁତି ରଞ୍ଜାନ୍ ପକ୍ୟାତାକାନ୍, ଆରେ ଟଣ୍ଡେନ୍ ତିମତି କରକ୍ରିୟାତ ମାନି ପୁଇପୁୟା ଇସ୍‌ବର୍ ମଣ୍ଡଳି, ଆରେ ସବୁ ଆକାୟାତ ମାନି ସବୁ ସାଦୁର୍ ଲାଗାଂ ଗଜା ଲେକିକିନାପା;

୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁତାଂ ଉପକାର୍ ଆରି ସୁସ୍ତା ମି କାଜିଂ ଆଏଡ଼ ।

ପାଉଲ୍ ମାପୁଙ୍ଗ୍ ଜୁଞ୍ଜାର୍ କିନାନା

୩ ମା ମାପୁ ଜିସୁ କ୍ରିସ୍ତୁତି ଇସ୍‌ବର୍ ଆରି ଆବା ଜୁଞ୍ଜାର୍ କିୟାଟ୍, ହେଝାନ୍ ଦୟା ଆନି ଆବା ଆରି ଝିଜୁ ଦୁକ୍‌ସାରାୟ୍ କିନି ଇସ୍‌ବର୍; ୪ ଇସ୍‌ବର୍ ହୁକେ ଇମ୍‌ଣି ଦୁକ୍‌ସାରାୟ୍‌ତ

* ୧:୧ ୧:୧ ପକ୍ୟାତାକା ୧୮:୧.

ଆପ୍ ଦୁକ୍‌ସାରାୟ୍ ଆନାପା, ହେ ଦୁକ୍‌ସାରାୟ୍ ହୁକେ ଇନେସ୍ ସବୁବାନି କସ୍ ବଗକିନି ମାନାୟାରିଂ ଦୁକ୍‌ସାରାୟ୍ ହିଦେଂ ଆଡ୍‌ନାଦେର୍, ଇଦାଂ କାଜିଂ ହେଞ୍ଜାନ୍ ମା ଖିନ୍ତୁ କସ୍ତୁତ ମାଜେଙ୍ଗ୍ ଦୁକ୍‌ସାରାୟ୍ ହିଇ କିଦ୍‌ନାର୍ । ୫ ଇନାକିଦେଂକି କ୍ରିସ୍ତୁତି କାଜିଂ ମା ଦୁକ୍‌ବଗ୍ ଇନେସ୍ ବେସି, ହେ ଲାକେ ଇସ୍‌ବର୍ ହୁକେ ମା ଦୁକ୍‌ସାରାୟ୍ ପା ବେସି । ୬ ମତର୍ ଆସେଙ୍ଗ୍ ଦୁକ୍‌ବଗ୍ କିତିସ୍ ହେଦାଂ ମି ଦୁକ୍‌ସାରାୟ୍ ଆରି ମୁକ୍‌ଡାନି କାଜିଂ; କି ଆସେଙ୍ଗ୍ ଦୁକ୍‌ସାରାୟ୍ ପାୟା ଆତିସ୍ ହେଦାଂ ମି ଦୁକ୍‌ସାରାୟ୍ କାଜିଂ; ଆପେଂ ଇମ୍‌ଣି ବାନି ଦୁକ୍‌ବଗ୍ କିନାସ୍, ହେ ବାନି ଦୁକ୍‌ବଗ୍ ସାସ୍ ଲାହାଙ୍ଗ୍ ହୁଞ୍ଜେଙ୍ଗ୍ ହେ ଦୁକ୍‌ସାରାୟ୍ କାମାୟ୍ ପୁରା କିନାନା । ୭ ଆରେ, ମି ବିସ୍ତେନି ମା ବାସ୍ ଡିର୍, ଲାଗିଂ ଏପେଙ୍ଗ୍ ଇନେସ୍ ଦୁକ୍‌ବଗ୍‌ନି ମେହାଆଜି, ହେ ଲାକେ ପା ଦୁକ୍‌ସାରାୟ୍ କିଜି ଜେ ମେହା ଆତାଦେଣ୍ଟା, ଇଦାଂ ଆସେଙ୍ଗ୍ ପୁନାସ୍ ।

୮ *ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ଆସିଆ ଦେସ୍‌ତ ମା ଜପି ଗିଟାଆଜି ମାଟି କସ୍ ବିସ୍ତେ ଏପେଙ୍ଗ୍ ଜେ ପୁଟାଦେଣ୍ଟା, ଇଦାଂ ମା ଇଟା ଆକାୟ୍; ଆପ୍ ମା ସାକ୍ରିତାଂ ବେସି ଲାକେ ଖାଜି ମାଟାପ୍, ଏଲେଙ୍ଗ୍‌ବାଟି ଜିବୁନ୍‌ନି ଆହା ପା ପିସ୍ତି ମାଟାପ୍; ୯ ଆଁ ଆପ୍ ଦାଣ୍ଡଦେସ୍ ହେଲାୟ୍ କିୟା ଆତାପ୍‌ନା ଇଞ୍ଜି ଜାର୍ ଜାର୍ ମାନ୍ତ ଅହ୍ୟା ଆଜି ମାଟାପ୍, ଇନେସ୍ ଆପ୍ ଜାର୍ ଜାର୍ ଜପି ବାସ୍ ହିଞ୍ଜାଦାଂ ଇତିସ୍ ଇମ୍‌ଣି ଇସ୍‌ବର୍ ହାତାକାରିଂ ନିକ୍‌ନାନ୍, ତା ଜପି ଦିଆନ୍ କିନାସ୍; ୧୦ ହେଞ୍ଜାନ୍ ମାଜେଙ୍ଗ୍ ଏପେଙ୍ଗ୍ ବେସି ହାକିତାଂ ବାଟାୟ୍ କିତିସ୍, ଆରି ବାଟାୟ୍ କିଦ୍‌ନାନ୍, ଆରେ ହେଞ୍ଜାନ୍ ଜେ ଖାନିକାଡ୍‌ଦ ବାଟାୟ୍ କିଦ୍‌ନାନ୍, ତା ଜପି ମା ଇ ବାସ୍ ମାନାଡ୍ । ୧୧ ଏପେଙ୍ଗ୍ ତ ମାଦି ବାହା ଆସ୍ତି ପାର୍ତ୍ତାନାତ ମା ଉପ୍‌କାର୍ କିଦ୍‌ନାଦେରା, ଇନେସ୍ ମାଜେଙ୍ଗ୍ ଇମ୍‌ଣି ଉପ୍‌କାର୍ ଦାନ୍ କିଡ୍‌ତାର୍‌ନା, ହେଦାଂ କାଜିଂ ବେସି ଲକାର୍ ଖାଇଦାଂ ମା କାଜିଂ ବେସି ଲକ୍ ଇସ୍‌ବର୍‌ତିଂ ଜୁଞ୍ଜାର୍ ହିନାର୍ ।

ପାଉଲ୍‌ତି ଉପାୟ୍‌ନି ବାଦ୍‌ଲି

୧୨ ପୁତ୍‌ତ, ବେସି ମି କାଜିଂ, ଆପେଂ ସଁସାର୍‌ନି ଗିଆନ୍‌ତ ଚିନ୍ତା କିଞ୍ଜାଦାଂ ଇତିସ୍ ଇସ୍‌ବର୍ ଉପ୍‌କାର୍‌ତ, ତା ପୁଇପୁୟା ଆରି ସଲ୍‌କେ ବାବ୍ରେ ଲାକେ ଚିନ୍ତା କିଜି ମାଟାପ୍ ଇଞ୍ଜି ମା ବୁଦି ଜେ ସାକି ହିନାତା, ଇଦାଂ ମା ଗର୍‌ବେ ବିସ୍ତେ । ୧୩ ଇନାକିଦେଂକି ଏପେଙ୍ଗ୍ ଇନା ଇନାକା ପଡ଼ି କିଜି ବୁଜା ଆନାଦେର୍, ହେ ସବୁ ପିସ୍ତି ଆପ୍ ମି ଲାଗାଂ ଆରେ ଇନାକା ଲେକି କିଉପା, ୧୪ ଆରେ, ମା ମାପୁ ଜିସ୍ତୁତି ଦିନ୍ତ ଏପେଙ୍ଗ୍ ଇନେସ୍ ବାନି ମା ଗରବ୍ କାରଣ, ହେ ଲାକେ ଆପେଂ ଜେ ମି ଗରବ୍‌ନି କାରଣ, ଇଦାଂ ଏପେଙ୍ଗ୍ ଇନେସ୍‌କି ମା ବିସ୍ତେ ଅଲପ୍ ବାବ୍ରେ ବୁଜା ଆତାଦେଣ୍ଟା, ହେ ଲାକେ ହାରିହାରା ପାତେକ୍ ବୁଜାଆତାଦେଣ୍ଟା ଇଞ୍ଜି ଆନ୍ ବାସ୍ କିନାଙ୍ଗା ।

୧୫ ଆରେ, ଏପେଙ୍ଗ୍ ଇନେସ୍ ରିହା ଉପ୍‌କାର୍ ଲାବ୍ କିଦେଂ ଆଡ୍‌ନାଦେର୍, ୧୬ *ଆରେ, ମି ଲାଗାଂ ହିଜି ମାକିଦ୍‌ନିଆତ ହାଲ୍‌ଜି ଆରି ଆରେ ରଗ ମାକିଦ୍‌ନିଆତାଂ ମି ଲାଗାଂ ଖାଜି ମି ଉପ୍‌କାର୍‌ତ ଜିହୁଦା ଦେସ୍‌ତ ହାଞ୍ଜେଙ୍ଗ୍ ଆଡ୍‌ନାନ୍, ଇଦାଂ କାଜିଂ ଆନ୍ ହେ ପାତ୍‌ତ ପର୍ତ୍ତୁମ୍ ମି ଲାଗାଂ ହାନି କାଜିଂ ମାନ୍ କିଜି ମାଟାଙ୍ଗ୍ । ୧୭ ଖାଟିଙ୍ଗ୍ ଏଲେଙ୍ଗ୍ ବାନି ମାନ୍ କିଦେଂ ଆନ୍ ଇନାକା ଅଲପ୍ ବାବ୍ରେ ମାନ୍ କିଜି ମାଟାଙ୍ଗ୍ ? ନଲେ ଆନ୍ ଇନାକା ଉପାୟ୍ କିତାଙ୍ଗ୍, ହେଦାଂ ଇନାକା ତାଣ୍ଡୁନି ବାବ୍ରେ କିଜି ମାଟିସ୍ ଜେ ନା କାତା “ଆଁ,” ଆରି ଆକାୟ୍ ହାରି ଆନାଡ୍ । ୧୮ ମତର୍ ଆତିସ୍‌ପା ଇସ୍‌ବର୍ ପାତ୍‌ତ ଆନାନ୍, ଲାଗିଂ ମି କାଜିଂ ମାଦାଂ ଆପେଂ ଇମ୍‌ଣି ବଚନ୍ ହିଦ୍‌ନାପା ହେଦାଂ ଆଁ ଆରି ଆକାୟ୍ ଆଉଡ୍ । ୧୯ ଇନାକିଦେଂକି ଇସ୍‌ବର୍ ମାଜି କ୍ରିସ୍ତୁ ଜିସ୍ତୁ, ଜେ ମା

* ୧:୮ ୧:୮ ୧ କରକ୍ରିୟା ୧୫:୩୨. * ୧:୧୭ ୧:୧୭ ପକ୍ୟାତାକା ୧୯:୨୧.

ହୁଦାଂ, ଇଚିସ୍, “ନା” ହୁକେ ଆରି ସିଲ୍ଲାନ ଆରି ତିମତି ହୁକେ ମି ବିତ୍ରେ ସୁଶାୟ କିୟା ଆତାନ, ହେୱାନ “ଆଁ” ଆରି ଆକାୟ ଇନ୍ୟା ଆୱାତାନ, ଇଚିସ୍ ଇସ୍ବର ତାକେ “ଆଁ” ଇଚାନା । ୨୦ ଲାଗିଂ ଇସ୍ବତ୍ ଏଚେକ୍ ପାର୍ମାଣ୍, ହେୱାନ ଓଜାର୍ତି “ଆଁ” ତାତାକେ ମାନାଡ଼; ଇଦାଂ କାଜିଂ ପା ତା ହୁକେ ଇସ୍ବତ୍ ଜାଜମାଲ୍ ହିସାବେ ଆପ୍ “ଆମେନ୍” ଇଞ୍ଜି ମାନାପ୍ । ୨୧ ନିଜେ ଇସ୍ବର, ଜେ ମାଜେକ୍ ମି ଲାହାକ୍ କ୍ରିସ୍ତାକେ ତିର କିନାନ୍, ଆରେ ମାଜେକ୍ ସିଗକିତାଣ୍ଟା ହେୱାନ ଇସ୍ବର; ୨୨ ହେୱାନ ମାଜେକ୍ ବିନେ କିଡ଼ତାନା ଆରି ମା ଜିବୁନ୍ତ ତା ପୁଇପୁୟା ଜିବୁନ୍ତିଂ ରବ୍ତାତାନା । ପୁଇପୁୟା ଜିବୁନ୍ ଆନାନା, ମା ଜପି ଇସ୍ବରତି ଆଦିକାରନି ତିନ୍ ଆରି ୱାନି ଦିନ୍ତ ଆସେକ୍ ଇନାକା ଗାଟା ଆନାସ୍ ତାଦି ମାଲିକ୍ ଲାକେ ।

୨୩ ମତର୍ ଆନ୍ ଇସ୍ବରତିଂ ସାକି ମାନିକିଜି ନା ୱାସ୍ମି ପାର୍ମାଣ୍ କିତାକ୍ନା ଜେ, ମି କାଜିଂ ଦୟା ପିଣ୍ଡୁଜି ଆନ୍ କରକ୍ରିତି ଆରେ ରଗ ହାଲ୍ୱା ତାକ୍ନା । ୨୪ ଏପେକ୍ ଇମ୍ବିଶି କାତାତ ପାତ୍ ଜପି ଜେ, ମାଦାଂ ମାନାଡ଼, ହେଦାଂ ଆକାୟ, ଇଚିସ୍ ମି ୱାରି କାଜିଂ ମି ହାକ୍ଦାକାର୍ ଆନାପ୍; ଲାଗିଂ ପାତ୍ ଏପେକ୍ ତିର୍ ଆଜି ମାନାଦେରା ।

୨

୧ ମତର୍ ମି ଲାଗାଂ ନା ହାନାକା ଇନେସ୍ ଆରେ ରଗ ଦୁକ୍ ଆଉଡ଼, ଇଦାଂ ଆନ୍ ମାନ୍ତ ତିରକିତାଂ । ୨ ଲାଗିଂ ଆନ୍ ଜଦି ମିଜେକ୍ ଦୁକ୍ କିଦନାଂ, ଲାଗିଂ ଇନେରିଂ ଆନ୍ ଦୁକ୍ ହିନାଂ, ହେଦାଂ ପିସ୍ ଆରେ ଇନେର୍ ନାକ୍ ଦୁକ୍ କିନାକା ହିଦନାନ୍ ? ୩ ଆରେ, ଇମ୍ବିଶାକାର୍ ତାଂ ନା ଦୁକ୍ କିନାକା ପାୟାନାକା ଲଡ଼ା ହେୱାର୍ତାଂ ଆନ୍ ୱାଜି ଇନେସ୍ ଦୁକ୍ ପାୟା ଆଉନ୍ । ଇଦାଂ କାଜିଂ ଆନ୍ ଇ କାତା ଲେକିକିଜି ମାଚାକ୍, ଲାଗିଂ ନା ୱାରିତାଂ ଇନେନ୍ ମି ୱାରି, ଇଦାଂ ମି ଓଜାର୍ ବିସ୍ତେ ନା ପାତ୍ । ୪ ଇନାକିଦେଂକି ବେସି କସ୍ ଆରି ୱାସ୍ମିନି ନନାକାତ ବେସି କାଶେଲ୍ ଲାହାକ୍ ଆନ୍ ମିଜେକ୍ ଲେକି କିଜି ମାଚାକ୍; ଇନେସ୍ ଏପେକ୍ ଦୁକ୍ ଆଡୁ, ଏପେକ୍ ଆକାୟ, ମତର୍ ମି କାଜିଂ ନାଦାଂ ଜେ ଆଦିକ୍ ବେସି ଜିଉନନାକା ମାନାଡ଼, ଇଦାଂ ଇନେସ୍ ଏପେକ୍ ଦୁଜାଆଡୁ ।

ଦସି ଲଗାଂ କେମା ହିୟାଟ୍

୫ ମତର୍ ଜଦି ଇନେର୍ ଦୁକ୍ ହିଦନାନ୍, ହେୱାନ ନାଜେକ୍ ଦୁକ୍ ହିଦ୍ୱାତାନନା, ମତର୍ ଏଚେକ୍ ତାକେ ଆନ୍ ଆଦିକ୍ ଆଟ୍ୱା ଆଦେଂ ମାନ୍ କିଉକ୍ ମି ଓଜାରିଂ ଦୁକ୍ ହିଦନାକ୍ । ୬ ଆଦେକ୍ ହୁକେ ଏପେକ୍ ଲକ୍ ଇମ୍ବିଶି କସ୍ ପାୟାନାକ୍, ହେଦାଂ ତା ପାକ୍ୟାତ ସାରି, ୭ ଲାଗିଂ ଏଚେକାଡ଼ଦ୍ ଏପେକ୍ ମାନାୟ ବେସି ଦୁକ୍ତ ମୁଜନାନ୍, ଇଦାଂ କାଜିଂ ଏପେକ୍ ତାଜେକ୍ ଇଚିସ୍ କେମା କିୟାଟ୍ ଆରି ଦୁକ୍ସାରାୟ କିୟାଟ୍ । ୮ ଇଚିସ୍, ହେଦାଂ କାଜିଂ ଜିଉନନାକା ଚିନ୍ତା ରଚି କିଦେକ୍ ଆନ୍ ମିଜେକ୍ ଗୱାରି କିଦନାକ୍ । ୯ ଇନାକିଦେଂକି ଏପେକ୍ ଓଜୁ ବିସ୍ତେ ଜେ ଆଁ ଇନାଦେର୍ ମି ବିସ୍ତେ ହେବେନି ପାର୍ମାଣ୍ ଇନେସ୍ ଆନ୍ ପାୟାନାକ୍, ଇସାପ୍ତ ଆନ୍ ବଲ୍ ପାଲି କିନି କାଜିଂ ହେ ଗଜା ପା ଲେକିକିଜି ମାଚାକ୍ । ୧୦ ମତର୍ ଏପେକ୍ ଇନେର୍ତି ଇନାକା କେମା କିୟାଟ୍, ଆନ୍ ପା ତାଜେକ୍ କେମା କିନାକ୍; ଇନାକିଦେଂକି ଆନ୍ ଜଦି ଇନାକା କେମା କିତାଂନା, ତେବେ ଇନାକା କେମା କିତାଂନା, ହେଦାଂ କ୍ରିସ୍ତି ମୁମ୍ବ୍ ମି କାଜିଂ କେମା କିତାଂନା, ୧୧ ଇନେସ୍ ସୟତାନ୍ ମା ବେରୁତ ଇନାକିଦେଂ ଆଡୁଦୁଡ଼ ମତର୍ ବେଗି ପାୟା ଆଉଡ଼ । ଇନାକିଦେଂକି ଆପ୍ ତା ଓଜୁ ହାୟାୟ ବିସ୍ତେ ଗିଆନ୍ ହିଲୁଡ଼ ।

୧୨ ଆରେ, କ୍ରିସ୍ତି ନେକ୍ରିକାରୁର୍ ସୁଶାୟ କିନି କାଜିଂ ଆନ୍ ତ୍ରୟାତାଂ ୱାତି ପାଚେ ମାପୁତି କାମାୟ କାଜିଂ ପାଗ୍ ଲାକେ ଦୁଖେର୍ ଜେୟା ଆତିସ୍ପା ୧୩ ନା ଚଣ୍ଡେନ୍

ତିତସ୍ତଂ ହୁଡ଼଼ାଦାଂ ଜିବୁନ୍ତ ଚିନ୍ତା କିତାଙ୍ଗ ହେଞ୍ଜାରତାଂ ହେଲ ଅଜି ମାକିଦନିଆତ ହଗାଙ୍ଗ ।

ଜିସୁ କ୍ରିଷ୍ଟ ହୁକେ ଜିତାନାକା

୧୪ ମତର ଇସ୍ତ ଡୁଞ୍ଜାର ଆଏଡ଼, ହେଞ୍ଜାନ ସବୁ ନାଜିଂ ମାଙ୍ଗେଙ୍ଗ ଅଜି କ୍ରିଷ୍ଟତାକେ ଜିତାନି ହାଜି କିତାନ୍ନା, ଆରେ ସବୁ ବାହାତ ତା ଗିଆନ୍ ଲାକେ ହୁଞ୍ଜିନି ବାହା ମା ହୁଦାଂ ଚରଗାତାନ୍ନା, ୧୫ ଇନାକିଦେଂକି ମୁକ୍ତି ଆନାକା ପାୟାନାକା ଆରି ବୁଡା ଆଜି ମାନି ମାନାୟାର ବିତ୍ରେ ଆସେଙ୍ଗ ଇସ୍ତର କାଣ୍ଗାତ କ୍ରିଷ୍ଟି ହାରଦିଗାଦା ଲାକେ ମାନାପ୍ । ୧୬ ର ପାକ୍ୟାନି ମାନାୟାର କାଜିଂ ହାତି ଲାକେ ଆରି ବିନ୍ ପାକ୍ୟାନି ମାନାୟାର କାଜିଂ ଜିବୁନ୍ ବାସନା ଲାକେ । ଆରେ ଇ ଓଡୁ କାଜିଂ ଇନେର୍ ଏପେଙ୍ଗ କାମାୟ କିଦେଙ୍ଗ ଆଡନାନ୍ ? ୧୭ ହେ ହେନି ମାନାୟାର ଇନେସ୍ ଇସ୍ତ ବତନ୍ ବାତାୟ କିତାର, ଆପ୍ତ ହେଞ୍ଜାର ଲାକେ କିଉପା, ମତର ସୁସାର ବାବ୍ରେ ଇସ୍ତ ବଲ୍ ଲାକେ, ତା ସାକିତ ଆପ୍ କ୍ରିଷ୍ଟତାକେ ସଡନିକା ହୁଦାଂ ମାନଞ୍ଜି କାତା ଇନାପା ।

୩

ପୁନି ମେରାନି ଆଡ଼ୟାର

୧ ଆପ୍ କି ଆରେ ରଗ ଜିବୁନ୍ତ ପାର୍ତାନା କିଦେଙ୍ଗ ହାଙ୍ଗନାପା ? କି ଇନେର୍ ଇନେର୍ତି ଲାକେ ଇନାକା ମି ଲାଗାଂ ନଲେ ମି ଲାଗାଂତାଂ ମା ପାର୍ତାନାନି ଆକି ଲଡ଼ା ? ୨ ଏପେଙ୍ଗ ତ ମା ମାନ୍ତ ଲେକାତାଡନା ଆରେ ଓଡିଜାର ମାନାୟାର ପୁଞ୍ଜି ଆରି ପଡ଼ି କିଜି ମା ଗଜା ଲାକେ ୩ ଆରେ, ଏପେଙ୍ଗ ଜେ ମା ହେବାତ ଲେକାତି କ୍ରିଷ୍ଟି ଆକି ଲାକେ, ଇଦାଂ ହନାତା ହେଦାଂ ଖାରାକାତ ଲେକାଞାତାଡନା, ମତର ଜିବୁନ୍ ଇସ୍ତ ଜିବୁନ୍ ହୁକେ ଲେକା ଆତାଡନା, କାଲ୍ ପାଗାତ ଆକାୟ, ମତର ଜେଇ ମାନି ଜିବୁନ୍ ବାତ ପାଗାତ ।

୪ ଆରେ, କ୍ରିଷ୍ଟି ହୁକେ ଇସ୍ତର ଜପି ଆହା ଇଡ଼ଜି ମା ଇ ବାନି ବାସ ମାନାଡ଼ । ୫ ଆପ୍ ଜେ ଜାରତାଂ ଇନାକା ହପ୍ତେଂ ମାନ୍, ଏପେଙ୍ଗ ଆକାୟ, ମତର ମା ବାପୁ ଇସ୍ତରତାଂ; ୬ ହେଞ୍ଜାନ୍ ତ ମାଙ୍ଗେଙ୍ଗ ଅକରନି ହେବାକାରୟା କିତାନନା, ମତର ଜିବୁନ୍ତିଂ ଇତିସ୍ ପୁନି ନିୟମନି ହେବାକାରୟା ଆଦେଂ ବାପୁ ହିତାନନା; ଇନାକିଦେଂକି ଅକର ହାତାକା, ମତର ଜିବୁନ୍ ହେ ଜିବୁନ୍ ଲାକେ ।

୭ ଆରେ, ଜଦି ଅକରତ ପାଗା କାଲ୍ ଜପି କାରତି ହାତି ଲାକେ ମସାତି ବିଦିନି ହେବାକାମାୟ ଏଲେଙ୍ଗ ଜାଜମାଲ୍ତ ହସି ମାଗାଡ଼ ଜେ, ଇସ୍ରାଏଲ୍ ହିମ୍ଣାଂ ମସାତି ମୁମ୍ଦ ଚାଣେକ୍ତିଂ ଅଜଡ଼ କାଜିଂ ହେଞ୍ଜାନ୍ତି ମୁମ୍ ଇଚ୍ଚକାଡ଼ କିଜି ହୁଡ଼ଦେଂ ଆଡ଼ଞାତାର, ୮ ଲାଗିଂ ପାର୍ତାନା ହେବାକାମାୟ ଏଚେକ୍ ଆଦିକ୍ ଜାଜମାଲ୍ ଇସ୍ତର ତାକେ ମେହା ଆଞାତାମ୍ ? ୯ ଇନାକିଦେଂକି ଜଦି ଦାଣ୍ଟ ଗିଆନ୍ନି ହେବାକାମାୟ ଜାଜମାଲ୍ ତେବେ ଦାମ୍ନି ହେବାକାମାୟ ଇତିସ୍ ଆରି ଆଦିକ୍ ଜାଜମାଲ୍ ମେହା । ୧୦ ଲାଗିଂ ପୁନି ଜାଜମାଲ୍ ମେହାଆଜି ମାଗାଡ଼, ହେଦାଂ ହେବେତାଂ ବେସି ଆଦିକ୍ ଜାଜମାଲ୍ ମେହା ବିସ୍ତେନି ପିସ୍ତ ପୁନି ଜାଜମାଲ୍ ଆଞ୍ଜିତି ଲାକେ ଆତାସନା । ୧୧ ଇନାକିଦେଂକି ଜଦି ଅଲପ୍ ବିସ୍ତେ ଜାଜମାଲ୍ ମେହାଆତାଡ଼, ତେବେ ଜୁଗ୍ ଜୁଗ୍ ବିସ୍ତେ ଆରେ ଆଦିକ୍ ଜାଜମାଲ୍ତ ମାନାଡ଼ ।

୧୨ ଆଡିସ୍ପା, ଏଲେଙ୍ଗବାତ ବାସ ପାୟା ଆଜି ଆପେଂ ବେସି ସାସକାପ୍ ଆନାପ୍, ୧୩ ଆରେ, ଇସ୍ରାଏଲ୍ ହିମ୍ଣାଂ ଇନେସ୍ ହେ ଅଲପ୍ କାଜିଂ ଜାଜମାଲ୍ ବୁଡାନି ବାହା କାଜିଂ ତିର୍ ହୁଡ଼ରୁ, ହେଦାଂ କାଜିଂ ମସା ଇନେସ୍ ବାନି ଜାର ମୁମ୍ଦ ତାବାୟ ଆଜି ମାଗାଡ଼, ଆପ୍ ହେ ବାନି କିଉପା । ୧୪ ମତର ହେଞ୍ଜାରତି ଗିଆନ୍ କାଣ୍ଟୁ ଆରତିକନା, ଇନାକିଦେଂକି ନେଜେଙ୍ଗ ପାତେକ୍ ଲାମା ନିୟମ୍ତ ପାଟ୍ ସମୁତ

ହେ ତାବାୟ୍ କିୟାତାକା ଆଗେ ଲାକେ ମାନାତା, ଆରେ କ୍ରିଷ୍ଣତାକେ ହେ ତାବାୟ୍ କିୟାତାକା ଜେ ବୁଡା ଆନାତ୍, ଇଦାଂ ହଉଡା । ୧୫ ମତର୍ ନେଜେଙ୍ଗ୍ ପାତେକ୍ ମସାତି ବିଦି ପାଟ୍ ପଡ଼ିକିନି ସମୁତ ହେଝାର୍ ନେଞ୍ଜେଡାକି ତାବାୟ୍ କିୟାତାକା ହାର୍ ମାନଗାନାତ୍, ୧୬ ମତର୍ ଦରମ୍ ସାସ୍ତର୍ ଇନାତ୍ ଇମଣାକାର୍ ମାପୁନିପ ହାନାତ୍ ହେଝାର୍ ତାବାୟ୍ କିୟାତାକା ଜେୟାନାତ୍ । ୧୭ ମାପୁ ଜିବୁନ୍ ଆନାନ୍; ଆରେ ଇମେତାକେ ମାପୁତି ଜିବୁନ୍ ହେବେ ଜାର୍ ମାନ୍ । ୧୮ ମତର୍ ଆସେଙ୍ଗ୍ ଝିଜାସ୍ ପ୍ୟୁକ୍ୟାତି ମୁମ୍ ଦାର୍ପାଣତ ହୁଡ଼ତି ଲାକେ ମାପୁତି ଜାଜ୍ମାଲ୍ ହୁଡ଼ ହୁଡ଼ ଜାଜ୍ମାଲ୍ ମେହାତି ଅବସ୍ତାତାଂ ଆଦିକ୍ ଜାଜ୍ମାଲ୍ ମେହାତି ଅବସ୍ତା ଗାଗାଜି ହେଝାନ୍ତି ହେ ପୁଡ଼ତା ବାଦଲା ଆତାସ୍ନା; ଲାଗିଂ ମାପୁ ଇନେନକି ଜିବୁନ୍, ହେଝାନ୍ ତାଂ ଇ ସବୁ ଆନାତା ।

୪

ତିକ୍ଲା ଚାଣ୍ଡିତାଂ ସାଗେନି କାବୁର୍

୧ ଲାଗିଂ, ଆପ୍ ଦୟା ପାୟା ଆଜି ଇ ହେବାକାର୍ୟା ପାପ୍ ପାୟା ଆଦେଂ ସାସ୍ ହିଲ୍ଝାକା ଆକାୟ୍, ୨ ମତର୍ ଆପ୍ ଲାଜୁ ଡ଼କୁତି ବିସ୍ତେ ସବୁ ପିସ୍ତାପ୍ନା; ଲାଗିଂ ଆପ୍ ବାନାଧାତାଂ ଚିନ୍ତା କିଉପା ନଲେ ଇସ୍ତର୍ ବଚନ୍ ଚାଡୁରତାଂ ଚିନ୍ତା କିଉପା, ମତର୍ ହାଡ଼ପାତାଂ ହପ୍ନି ହୁକେ ଇସ୍ତର୍ ସାକିତ ଜାଣକେ ମାନାୟାର୍ତି ଗିଆନ୍ ଲାଗାଂ ଜାର୍ ଜାର୍ତି ହାର୍ଦାକା ଚର୍ନାପା । ୩ ମତର୍ ଆତିସ୍ପା ମାଦାଂ ନେକ୍ରିକାବୁର୍ ପ୍ୟୁକ୍ୟା ଆତାଡ଼ ହେଦାଂ ବୁଡାତାକାରିଂ ପାକ୍ୟାତ ପ୍ୟୁକ୍ୟାତାଡ଼; ୪ ଇସ୍ତର୍ ଗାଗାଡ଼୍ ଜେ କ୍ରିଷ୍ଣ ତା ଜାଜ୍ମାଲ୍ ଲାକେ ନେକ୍ରିକାବୁର୍ ଅଜଡ଼୍ ଇନେସ୍ ଇବାନି ମାନାୟାର୍ କାଜିଂ ହମେଡ଼୍, ଇଦାଂ କାଜିଂ ଇ ସଁସାର୍ନି ପାତ୍ କିଝାକାର୍ତି ଗିଆନ୍ କାଣ୍ଡୁ କାଣା କିତାଡ଼ନା । ୫ ଇନାକିଦେଂକି ଆପ୍ ଜାର୍ତି ସୁଣାୟ୍ କିଉପା, ମତର୍ କ୍ରିଷ୍ଣ ଜିସୁ ଜେ ମାପୁ ଆରେ ଜିସୁତି କାଜିଂ ଆପ୍ ଜେ ମି ଆଡ଼ିୟା, ଇଦାଂ ସୁଣାୟ୍ କିନାପ୍ । ୬ ଇନାକିଦେଂକି ଇମ୍ଫା ଇସ୍ତର୍ ଇଞ୍ଜି ମାଚାନ୍ “ମାଜଗାତାଂ ଅଜଡ଼୍ ହଞ୍ଜେଡ଼ ଇଞ୍ଜି ବଲ୍ ହିଜି ମାଚାନ୍ ।” ଇମ୍ଫା ଇସ୍ତର୍, ହେଝାନ୍ ଜିସୁ କ୍ରିଷ୍ଣତି ମୁମ୍ଦ ହତି ଇସ୍ତର୍ ଜାଜ୍ମାଲ୍ନି ଗିଆନ୍ନି ଅଜଡ଼୍ ଚର୍ନି କାଜିଂ ମା ଝାସ୍ତ ଅଜଡ଼୍ ହପ୍ତାନନା ।

୭ ମତର୍ ଗାଜା ସାକ୍ତି ଜେ ଇସ୍ତର୍ତି, ଆରେ ହେଦାଂ ଜେ ମା ତାଂ ଉବ୍ଜାଣ ଆକାୟ୍, ଇଦାଂ ଇନେସ୍ ହନାଡ଼୍, ଇଦାଂ କାଜିଂ ଆପ୍ ଇ ଦାନ୍ ତିକ୍ଲା ଚାଣ୍ଡିତ ପାୟାତାପ୍ନା; ୮ ଆପ୍ ସବୁବାନି ଦୁକ୍ବଗ୍ କିନାପା, ଆତିସ୍ପା ମାନ୍ବାଙ୍ଗାୟ୍ କିଝାତାପ୍ନା; ହାତି ଗିଆନ୍ ଆତାପ୍ନା, ଆତିସ୍ପା ମାନ୍ବାଙ୍ଗାୟ୍ କିଝାତାପ୍ନା । ୯ ହିଣ୍ପାୟାତାପ୍ନା, ଆତିସ୍ପା ପିହ୍ୟା ଆଝାତାପ୍ନା; ଆଦା ମୁର୍ୟାତାପ୍ନା, ଆତିସ୍ପା ବୁଡା ଆଝାତାପ୍ନା; ୧୦ ଆପେଂ ନିତ୍ରେ ଜିସୁତିଂ ହାତି ଗାଗାଡ଼୍ତ୍ ଏଡୁ କିନାପା, ଇନେସ୍ ଜିସୁତି ଜିବୁନ୍ ପା ମା ଗାଗାଡ଼୍ତ୍ ହଞ୍ଜେଡ଼ । ୧୧ ଇନାକିଦେଂକି ଜିସୁତି ଜିବୁନ୍ ଇନେସ୍ ମା ହାତି ଗାଗାଡ଼୍ତ୍ ହନାଡ଼୍, ଇଦାଂ କାଜିଂ ଆପ୍ ଜିବୁନ୍ ଆତିସ୍ପା ନିତ୍ରେ ଜିସୁତି କାଜିଂ ହାକି ମୁମ୍ଦ ହେଲ୍ଲାୟ୍ କିଝାତାପ୍ନା । ୧୨ ଇ ବାନିତ ମା ତାକେ ହାକି, ମତର୍ ମି ତାକେ ଜିବୁନ୍ କାମାୟ୍ ମାନି କିନାଙ୍ଗା ।

୧୩ “ଆନ୍ ପାତ୍ କିତାଙ୍ଗ୍ ଲାଗିଂ କାତା ଇଚାଂ ।” ଇ ଲେକିକିତି ବଚନ୍ ଲାକେ ହେ ପାତ୍ ଲାଗ୍ଦି ଜିବୁନ୍ ପାୟା ଆଜି ମାଟିଲେ ଆପ୍ ପା ପାତ୍ କିନାସ୍ ଲାଗିଂ କାତା ଇନାସ୍; ୧୪ ଇନାକିଦେଂକି ଆପ୍ ପୁନାସ୍ ମାପୁ ଜିସୁଙ୍ଗ୍ ଇନେର୍ ନିକ୍ତାର୍ ହେଝାନ୍ ମାଙ୍ଗେଙ୍ଗ୍ ପା ଜିସୁତି ଲାହାଙ୍ଗ୍ ନିକ୍ତାନାନ୍ ଆରି ତା ମୁମ୍ଦ ନି ଲାହାଙ୍ଗ୍ ମାନ୍ଗାନାନ୍ । ୧୫ ଲାଗିଂ ସବୁ ବିସ୍ତେ ମି କାଜିଂ ଆନାତା, ଇନେସ୍ ହେନି ମାନାୟାର୍ତାକେ ଉପ୍କାର୍ ବେସି ବାଡା ଆଜି ଇସ୍ତର୍ ଜାଜ୍ମାଲ୍ତ ବେସି ଜୁଝାର୍ କାରଣ୍ ଆନାତ୍ ।

ପାତ୍ର ନି ଜିବୁନ୍

୧୭ ଲାଗି ଆପ୍ ଖାହୁପା ମତର ମା ବାରିତି ମାନାୟାର କିତି ପାୟା ଆଞ୍ଜିତିସ୍ତା ମା ଖାସ୍ତିନି ମାନାୟାର ଦିନ୍ତି ଦିନ୍ ପୁନାକା ଆନାତା । ୧୭ ଇନାକିଦେକି ଇ ଅଲପ୍ କାଡ୍ କାଜି ଲକୁ ଦୁକ୍ ବେସି ବଞ୍ଚାଡ୍ ଲାକେ ମା କାଜି ଓଜ୍ଜି କାଡ୍ ପାତେକ୍ ଗାଜା ଇ ଜାଜ୍ମାଲ୍ ମାନକିନାପା; ୧୮ ଲାଗି ଆପେ ହୁଡ୍ନି କାଜି ଇଚ୍ଚକାଡ୍ କିଞ୍ଚାଦା ହୁଡ୍ନି ବିସ୍ତେ କାଜି ଇଚ୍ଚକାଡ୍ କିନାପା ଇନାକିଦେକି ବାହା ବିସ୍ତେ ଅଲପ୍ କାଡ୍ କାଜି ମତର ବାହା ହୁଡ୍ନି ବିସ୍ତେ ଓଜ୍ଜି କାଡ୍ ପାତେକ୍ ।



୧ ଇନାକିଦେକି ଜଦି ମା ଇ ତୁମ୍ ଲାକେ ଦିନେକ୍ନି ଗାଗାଡ୍ ଇଲ୍ ଡ୍ରିଞ୍ଜି ହାନାଡ୍, ଖାଟିଞ୍ଜି ଇସ୍ବର ରଚ୍ଚି କାଇଦା ରଚ୍ଚି ମା ର ଓଜ୍ଜିକାଡ୍ ପାତେକ୍ ଇଲ୍ ଜେ ସାଗେତି ମାନାଡ୍, ଇଦା ଆସେଞ୍ଜି ପୁନାସ୍ । ୨ ଲାଗି ଆପେ ତ ମା ସାଗେତି ଇଲ୍ ଲାକେ ହେନ୍ଦାତ ଉସ୍ପେଦେ ବେସି ଇଚା କିଜି ଇଞ୍ଜି ମାନୁ ମାନୁ ଆଡ୍ବାନାପା;

୩ ଇ ଲାକେ ଉସ୍ପିତିସ୍ ଆସେଞ୍ଜି ନାଗଡା ଚଞ୍ଚୁସ୍ । ୪ ଇନାକିଦେକି ଆସେଞ୍ଜି ଇ ତୁମ୍ତ ବାହା କିଜି ଖାସ୍ତି ଆଡ୍ବାନାସା । ଲାଗି ଆପ୍ ଜେ ଉସ୍ପେଦେ ପିସ୍ତେଞ୍ଜି ମାନ କିନାସ୍, ହେଦା ଆକାୟ୍, ମତର ଜିବୁନ୍ ଇନେସ୍ ପୁତ୍ତି ଗୁହନାଡ୍, ଇଦା କାଜି ଇ ହେନ୍ଦା ଜପି ବିନ୍ ହେନ୍ଦା ଉସ୍ପେଦେ ଆସେଞ୍ଜି ଇଚା କିନାସା । ୫ ଆରେ ଜେ ଇଦା କାଜି ମାଞ୍ଜେଞ୍ଜି ଜାଲ୍ଦି କିଡ୍ତାନନା, ହେଞ୍ଜାନ୍ ଇସ୍ବର, ହେଞ୍ଜାନ୍ ମାଞ୍ଜେଞ୍ଜି ହାଡ୍ପା ଲାକେ ଜିବୁନ୍ ପା ଦାନ୍ ହିଡ୍ନା ।

୬ ଇଚିସ୍ ଆସେଞ୍ଜି ନିତ୍ତେ ସାହାସିକାପ୍, ଆରେ ଇ ଗାଗାଡ୍ତ ଏଚେକାଡ୍ଦ ଦିନା ପାତେକ୍ ବାହା କିନାପା, ହେ ପାତେକ୍ ଇନେର୍ ମାପୁତା ଇଞ୍ଜାଞ୍ଜି ଦେହା ବାହାକିନାପା, ଇଦା ପୁନାସ୍ । ୭ ଇନାକିଦେକି ଆପ୍ ବାହା ବିସ୍ତେ ହିଜି ଜିବୁନ୍ ଜିଉଣା କିଞ୍ଚାଦା ପାତ୍ର ଜିବୁନ୍ ଜିଉଣା କିନାସ୍ । ୮ ଆଁ ଆସେଞ୍ଜି ସାସ୍ତିକାପ୍, ଆରେ, ଗାଗାଡ୍ତା ଦେହା ବାହା ଜିସୁ ଆରି ମାପୁ ଲାଗା ବାହା କିଦେଞ୍ଜି ମା ଆଦିକ୍ ସାରି । ୯ ଲାଗି ପା ନିଜ୍ ଇଞ୍ଜାକାର୍ ଆଏର୍ କି ବିନ୍ ଇଞ୍ଜି ଆଏର୍, ତା ଲାଗା ସାରି ଆନି ମା ଇଚା । ୧୦ ଇନାକିଦେକି ହାର୍ ଆଏଡ୍ ନଲେ ବାନ୍ୟା ଆଏଡ୍ ଓଜ୍ଜାକାର୍ ପୁତ୍ତି ଗାଗାଡ୍ ହୁକେ କିତି କାମାୟ୍ ଲାକେ ପାଡ୍ ପାୟାନି କାଜି କ୍ରିସ୍ତୁତି ବିଚାର୍ ମୁମ୍ଦ ମା ଓଜ୍ଜାରି ଚଞ୍ଚୟାନାକା ମାନାଡ୍ ।

କ୍ରିସ୍ତୁତି ଲାହା ମେହାଜି ହେବାକିନାକା

୧୧ ଲାଗି, ମାପୁ ବିସ୍ତେନି ପାଣ୍ଡାନାକା ପୁଚିଲେ ଆପ୍ ମାନାୟାରି ପୁସ୍ବରାଈ କିନାସା, ମତର ଆପ୍ ଇସ୍ତ୍ର ଗୁମ୍ଦ ହତାକାପ୍, ଆରି ମି ଚିନ୍ତା ସାଲ୍ଲି ଲାଗାପା ଜେ ହତାପନା ଇଦା ଆନ୍ ଆହା କିନାଞ୍ଜି । ୧୨ ଆପ୍ ଆରେ ଗର ମି ଲାଗା ଜିବୁନ୍ ଦୁକ୍କିନାକା କିଉପା, ମତର ଇମ୍ମାକାର୍ ଖାସ୍ତିତା ବିସ୍ତେନି ଗରବ୍ କିଞ୍ଚାଦା, ବାରିତି ବିସ୍ତେ ଗରବ୍ କିତାର୍, ହେଞ୍ଜାରି ଇନେସ୍ ଉତର୍ ହିଦେ ଆଡ୍ନାଦେର୍, ଇଦା କାଜି ମା ପାକ୍ୟାତ ଗରବ୍ କିନି କାଜି ମିଞ୍ଜେଞ୍ଜି ସୁବିଦା ହିଦ୍ନାପା । ୧୩ ଲାଗି ଜଦି ଆପ୍ ବୁଦିହିଲ୍ଖାକାପ୍, ହେଦା ଇସ୍ତ୍ର କାଜି; ନଲେ ଜଦି ହାଦ୍ ଗିଆନିର୍, ହେଦା ମି କାଜି । ୧୪ ଇନାକିଦେକି କ୍ରିସ୍ତୁତି ଜିଉନନାକା ମାଞ୍ଜେଞ୍ଜି ଲାଡ୍ଡାତ ଇଡ୍ଜି ଚଲାଇକିଦନାନା, ଲାଗି ଆପ୍ ଇ ବିଚାର୍ କିତାପ୍ନା ଜେ ରଞ୍ଜାନ୍ ଓଜ୍ଜାରି କାଜି ହାନି ବଗ୍ ଜିସୁ ମାଚିଲେ ଓଜ୍ଜାରି ହାତାର୍; ୧୫ ଆରେ ହେଞ୍ଜାନ୍ ଓଜ୍ଜାରି କାଜି ହାକି ବଗ୍ କିତାନ୍, ଇନେସ୍ ଇମ୍ମାକାର୍ ଜିତାକାର୍, ହେଞ୍ଜାର୍ ଆରେ ଜାର୍ ଜାର୍ କାଜି ଜିବୁନ୍

* ୫:୧୦ ୫:୧୦ ରମିୟ ୧୪:୧୦.

ଜିଉଣା କିଞ୍ଚିଦାଂ ଇତିସ୍ତ ଜେ ହେଞ୍ଜାର କାଜିଂ ହାକି ବଗ୍ କିତାର୍ ଆରେ ନିଞ୍ଚତାନ୍, ତା କାଜିଂ ଜିବୁନ୍ ଜିଉଣା କିତାର୍ ।

୧୬ ଲାଗିଂ ନେଜେଜ୍ଜତାଂ ଆପ୍ ଗାଗାଡ୍ ଇସାବେ ଇନେରିଂ ବିଚାର୍ କିତପା, ଆତିସ୍ପପା କ୍ରିସ୍ତତିଂ ଗାଗାଡ୍ ଇସାବେ ଆପ୍ ବିଚାର୍ କିନାପା, ଆତିସ୍ପପା ନଞ୍ଚ ଆରେ ତାଜେଜ୍ଜ ହେ ଲାକେ ବିଚାର୍ କିତପା । ୧୭ ଲାଗିଂ ଜପି ଇନେର୍ କ୍ରିସ୍ତତାକେ ମାନାନ୍, ଖାଟିଞ୍ଚ ହେଞ୍ଜାନ୍ ପୁନି ଉବ୍ଜାଣ୍ ଆତାନ୍ନା; ଲାମା ବିସ୍ତେ ସବୁ ବୁଡା ଆତାଡ୍ନା, ହୁଡାଟ୍, ପୁନି ବିସ୍ତେ ସବୁ ଆତାଡ୍ନା । ୧୮ ମତର୍ ଓଞ୍ଜୁ ବିସ୍ତେ ଇସ୍ପରତାଂ ଆତାଡ୍ନା; ହେଞ୍ଜାନ୍ କ୍ରିସ୍ତତି ହୁକେ ଜାର୍ ଲାହାଞ୍ ମାଜେଜ୍ଜ ମେହାୟ୍ କିତତାନ୍ନା ଆରି ହେ ସୁସ୍ତାନି ହେବା ପାଦ୍ ମାଜ୍ ହିତତାନ୍ନା । ୧୯ ହେ ସୁସ୍ତାନି ବଚନ୍ ଆନାତା, ଇସ୍ପର୍ କ୍ରିସ୍ତତି ହୁକେ ପୁତ୍ ନି ମାନାୟାର୍ ଜାତିତିଂ ତା ଲାହାଂ ଆରେ ମେହାୟ୍ କିଦେଜ୍ ବିଦି ହିତାଣ୍ । ତା ବିରୁଦ୍ଦତ ହେଞ୍ଜାଡ୍ତି ପାପ୍ ସବୁ ହେଞ୍ଜାନ୍ ଆରେ ତା ହିସାବ୍ରେ ଇନ୍ଦ୍ଞାତାନ୍ନା । ଆରେ ଇ ଆରେ ମେହାୟ୍ତ କାତା ସୁଣାୟ୍ କିନି ଦାୟିତ୍ ମା ଜପି ହେଲାୟ୍ କିତତାନ୍ନା ।

୨୦ ଲାଗିଂ ଇସ୍ପର୍ ମା ହୁଦାଂ କୁକ୍ତି ମାଟିଲେ ଆପ୍ କ୍ରିସ୍ତତି ପାକ୍ୟାତ ରାଜ୍ଦୁତ୍ତନି କାମାୟ୍ କିନାପା; କ୍ରିସ୍ତତି ପାକ୍ୟାତ ତାଜ୍ ଆପ୍ ଗଞ୍ଜାରି କିଦ୍ନାପା, ଏପେଜ୍ ଇସ୍ପର୍ ଲାହାଂ ମେହାଆଡ୍ । ୨୧ ଇନାକାନ୍ତାକେ ପାପ୍ ଇନାକାପା ହିଲ୍ଖାତାଡ୍ ତାଜେଜ୍ ହେଞ୍ଜାନ୍ ମା କାଜିଂ ପାପ୍ ଲାକେ କିତାନ୍ ଇନେସ୍ ଆପ୍ ତାହୁଦାଂ ଇସ୍ପତ୍ ଦାମ୍ ଲାକେ ଆନାସ୍ ।



୧ ଆରେ ପା ଇସ୍ପତ୍ ଉପକାର୍ ପାୟାତି ଇନେସ୍ ମି ତାକେ ପଲ୍ୟା ଆଡ୍ଡ, ଇଦାଂ କାଜିଂ ତା ଲାହାଞ୍ ରବେ କାମାୟ୍ କିଜି, ଜିସୁ ଆପେଂ ଗଞ୍ଜାରି କିଦ୍ନାପା । ୨ ଇନାକିଦେଂକି “ହେଞ୍ଜାନ୍ ଇନାନ୍, ଆପ୍ ଉପକାର୍ନି ସମୁତ ମି ପାର୍ତାନା ଖେଚାପ୍, ଆରେ ମୁକ୍ତାନି ଦିନ୍ତ ଆପ୍ ମି ହେବା କିତାପ୍ ।” ଖେନାଟ୍ ନଞ୍ଚ ବେସି ଉପକାର୍ନି “ସମ୍ବୁ ହୁଡାଟ୍, ନଞ୍ଚ ମୁକ୍ତାନି ଦିନ୍ ।”

୩ ଇନେସ୍ ମା ହେବା ପାଦ୍ ଦସ୍ ଆମେଡ୍, ହେଦାଂ କାଜିଂ ଆପ୍ ଇମ୍ଫଣି ବିସ୍ତେ ବାଦା ହିଦ୍ମେଡ୍, ୪ ଇତିସ୍ ଆପେଂ ସବୁ ଅବସ୍ତାତ ଜାର୍ତିଂ ଇସ୍ପର୍ ହେବାକାର୍ଯ୍ୟା ଲାକେ ଜାଣା କିଇକିଦ୍ନାପା । ଓଞ୍ଜୁ କାମାୟ୍ ଲାହାଞ୍ ଆପ୍ ସବୁ ବାନି ଦୁକ୍, ଅବାବ୍ ଆରି କସ୍ ହୁଞ୍ଚାପ୍ନା; ୫ ମାନତାଂ, ଜଲ୍ଲଞ୍ଜାଞ୍ ମାନିହିଂ, ଗଣ୍ଡଗଲ୍ତାଂ, କସ୍ତାଂ, ଚେଡ୍ନାତାଂ, ଉପାସ୍ତାଂ, ୬ ପୁଇପୁୟାତାଂ, ଗିଆନ୍ତାଂ, ଲାମାହୁଦାର୍ତାଂ, ଦୟା, କଞ୍ଜାଣ୍ ବାବ୍ରେ, ପୁଇପୁୟା ଜିବୁନ୍ତାଂ, କାପ୍ଟିୟା ଆଞ୍ଜାଦାଂ, ଜିଉନନାକା, ୭ ସଡ୍ ବଚନ୍ତ ଇସ୍ପତ୍ କାରୁରୁନି ସାକ୍ତିତ ବୁଜ୍ଣି ଆରି ତେବ୍ଟି କେଇଦ୍ ଦାମ୍ ଆଡ୍ ଆତିୟାର୍ ହୁକେ, ୮ ଜାଜ୍ମାଲ୍ ଆରି ଖାରି କିଞ୍ଚାକାର୍ ହୁକେ ତାକ୍ପୁଟାଆଞ୍ଜାକା ଆରି ତାକ୍ପୁଟା ଆନାକା ହୁକେ, ମିର୍ଞ୍ଜା ଲାକେ ଆଞ୍ଜିତିସ୍ ହାଡ୍ପା ଇନାକାନ୍, ୯ ଅଚିନା ଲାକେ, କି ଜାଣାଚିନା, ହାତିଲାକେ, କି ହୁଡାଟ୍ ଆପ୍ ଜିତାପ୍ନା, ତାଣ୍ପାୟାତି ଲକ୍ ଲାକେ ହାଞ୍ଜାତାପ୍ନା, ୧୦ ଆଞ୍ଜିତିସ୍ ହାତି ଲାକେ, ଅକ୍ତ୍ ଲାକେ, ମତର୍ ନିତ୍ରେ ଦୁକ୍କିନାକା, ଇନାକା ହିଲ୍ଖାକାର୍ ଲାକେ, ମତର୍ ହେନି କାଜିଂ ଦାନ୍ ହିନି ଲକ୍ ଲାକେ, ମୁଡ୍କେ ପୁନ୍ଦ୍ଞାତାକା ଲାକେ, ଆଞ୍ଜିତିସ୍ ଓଞ୍ଜୁତିଂ ଆଦିକାରି; ଇ ଓଞ୍ଜାର୍ତ ଆପ୍ ଇସ୍ପତ୍ ହେବାକାରିୟାର୍ ଲାକେ ଜାର୍ ଜାର୍ତି ଜଗ୍ ଇଞ୍ଜି ହପ୍ନାପା ।

୧୧ ଏ କରନ୍ତଃ, ଖାରିନି ଟଣ୍ଡାର୍ ଆରି ତଣ୍ଡେକ୍ ମି କାଜିଂ ମା ଖେଇ ଜେୟା ଆତାଡ୍ନା, ମା ଖାସ୍ତି ଅହାର୍ ଆତାଡ୍ନା । ୧୨ ମି କାଜିଂ ମା ଜିଉନନାକା ଉଚୁଟିଂ ଆକାୟ୍, ମତର୍ ମି ଜିଉନନାକା ଉଚୁଟିଂ । ୧୩ ଜାର୍ ମାଜିରିଂ ଇନି ଲାକେ ଆନ୍

* ୨:୫ ୬:୫ ପକ୍ୟାତାକା ୧୭:୨୩.

ଇଞ୍ଜିନାଙ୍ଗା, ଜିଉନନାକା ଲାକେ ଦାନ ହିଦେଂ କାଜିଂ ଏପେଙ୍ଗ ପା ଅହାର୍ ମାନ ଆତ
 ।

ଜିତି ଇସ୍‌ସୁର୍ତି ମନ୍ଦିର

୧୪ ପାତ କିଞ୍ଜାକାର ଲାହାଙ୍ଗ ସମାନ ଆଞ୍ଜି ଲାକେ ଜାଚାୟ୍ କିୟାମାଟ୍, ଇନେକିଦେଂକି ଦାମ୍ ଆରି ଅଦାମ୍ ବିତ୍ରେ ଇନାକା ମେହାଣ୍ ? ନଲେ ମାଜ୍‌ଗା ଲାହାଂ ଅଜଡ୍ ଇନାକା ମେହାଣ୍ ?

୧୫ ବିଲିୟାର୍ ଲାହାଙ୍ଗ କ୍ରିସ୍ତୁତି କି ମେହାଣ୍ ? ନଲେ ପାତ କିଞ୍ଜାକାନ ଲାହାଙ୍ଗ କି ପାତ କିନାକାନ ଇନାକା ମେହାଣ୍ ? ୧୬ *ପୁତୁଡା ଲାହାଙ୍ଗ ଇସ୍‌ସୁର୍ତି ମନ୍ଦିରନି କି ମେହାଣ୍ ? ଇନାକିଦେଂକି ଆନ୍ ଜିତି ଇସ୍‌ସୁର୍ତି ମନ୍ଦିର ଆନାଙ୍ଗ, ଇନେସ୍ ଇସ୍‌ସୁର୍ ଇଚାନ୍ନା,

“ଆପ୍ ହେଞ୍ଜାର୍ ବିତ୍ରେ ବାହା କିନାସ୍; ଆରେ ହେଞ୍ଜାର୍ ବିତ୍ରେ ବୁଲାଆନାସ୍; ଆନ୍ ହେଞ୍ଜାର୍ତି ଇସ୍‌ସୁର୍ ଆନାସ୍, ଆରେ ହେଞ୍ଜାର୍ ମା ଲକୁ ଆନାର୍ ।”

୧୭ “ଲାଗିଂ ମାପୁ ଇଦାଂ ଇନାନ, ଏପେଙ୍ଗ ହେଞ୍ଜାର୍ ବିତ୍ରେତାଂ ହସି ଖାଡ, ଆରେ ବିନେ ଆଡ, ଆରେ, ରାଡା ଆଡଫାଡ୍ ଡୁମାଟ୍; ଆରେ, ଆପ୍ ମିଙ୍ଗେଙ୍ଗ ଇଡ଼ଦାନାପ୍ ।”

୧୮ “ଆନ୍ ମି ଆବା ଆନାଙ୍ଗ, ଆରେ, ଏପେଙ୍ଗ ମା ମାଜି ଗାଡ୍ ଆନାଦେର୍, ଇଦାଂ ସବୁ ସାକ୍ତିକାଟି ମାପୁ ଇନାନ ।”



୧ ଇଚିସ୍ ଏ ଖାରିନି ଟଣ୍ଡାର୍, ଆରି ତଣ୍ଡାଦେକ୍ ଇ ଝିଜୁ ରାଣ୍ ପାୟାଦେଂ ଖାଡ, ଗାଗାଡ୍ ଆରି ଜିବୁନ୍‌ନି ସବୁ ସକଟାଂ ଜାର୍ ଜାର୍ତିଂ ପୁଇପୁୟା କିନାସ୍, ଆରି ଇସ୍‌ସୁର୍ତିଂ ପାଣ୍ଡୁଆଜି ପୁଇପୁୟାତାଂ ହାର୍ ଆନାସ୍ ।

ପାଉଲ୍‌ତି ଖାରି

୨ ମି ଜିବୁନ୍‌ତ ମାଙ୍ଗେଙ୍ଗ ବାହା ହିଦାଟ୍; ଆପ୍ ଇନେର୍ ଅନ୍ୟାୟ୍ କିଉପା, ଇନେରିଂ ନସ୍ କିଉପା, ଇନେର୍‌ତି ଝିହି କିଉପା । ୩ ଆନ୍ ମିଙ୍ଗେଙ୍ଗ ଦସ୍ ହିଦ୍‌ନି କାଜିଂ ଇଦାଂ ଇଞ୍ଜୁଙ୍ଗା; ଇନାକିଦେଂକି ଆନ୍ ଆଗେ ଇନ୍‌ଚାଙ୍ଗନା, ଏପେଙ୍ଗ ମା ଖାସ୍ତିତ ଏପେଙ୍ଗ ବାହା ପାୟା ଆତାଦେଣ୍ଟା ଜେ, ହାଡିସ୍ ଆପ୍ ରଚେ ହାନାସ୍, ଆରେ ଜିତିସ୍ ରଚେ ଜିନାସ୍ । ୪ ମି ତାକେ ନା ପୁରା ପାତ ମାନାଟ୍, ମି ବିସ୍ରେ ନା ବେସି ଗରବ୍; ଆନ୍ ଦୁକ୍‌ସାରାୟ୍‌ତ ବାତ୍, ମା ଝିଜୁ ଦୁକ୍‌ତ ନା ଦୁକ୍‌କିନାକା ତ୍ତିଜି ହାନାତା ।

୫ ଇନାକିଦେଂକି ମାକିଦନିଆତ ଏକିତି ପାଚେ ପା ବାର୍ଡ ଜୁଜ୍ ଆରି ବିତ୍ରେ ପାଣ୍ଡୁ ଇ ଲାକେ ସବୁ ବାନି ଦୁକ୍‌ବଗ୍ କିତିଲେ ମା ଗାଗାଡ୍ ପା ଜମ୍‌ଖାତାଡ୍ । ୬ ଆତିସ୍‌ପା ତ୍ରିକାଡ୍ କିନାକାରିଂ ଦୁକ୍‌ସାରାୟ୍ କିନାନ୍ ଜେ ଇସ୍‌ସୁର୍, ହେଞ୍ଜାନ୍ ତିତସ୍ ଖାନାକା ହୁକେ ମାଙ୍ଗେଙ୍ଗ ଦୁକ୍‌ସାରାୟ୍ କିଦନାନ୍, ୭ ଆରେ, କେବଲ୍ ତିତସ୍ ଖାନାକା ହୁକେ ଆକାୟ୍, ମତର୍ ଇମ୍‌ଣି ଦୁକ୍‌ସାରାୟ୍ ହୁକେ ହେଞ୍ଜାନ୍ ମି ବିସ୍ରେ ଦୁକ୍‌ସାରାୟ୍ ପାୟା ଆଜି ମାଚାନ୍, ତା ହୁକେ ପା ଦୁକ୍‌ସାରାୟ୍ କିତାନ୍, ଇନାକିଦେଂକି ହେଞ୍ଜାନ୍ ମି ତ୍ରିକାଡ୍ ଆନାକା, ମି ଆଡ଼ବାନାକା, ନା ପାକ୍ୟାତ ମି ଖାରିନି ବିସ୍ରେ ମାଙ୍ଗେଙ୍ଗ ଖେର୍‌ଚାତାନ୍ନା; ହେବେ ଆନ୍ ଆରେ ଆଦିକ୍ ଖାରି ଆତାଙ୍ଗ ।

୮ ଲାଗିଂ ନା ଆକି ହୁକେ ଆତିସ୍‌ପା ଆନ୍ ମିଙ୍ଗେଙ୍ଗ ଦୁକ୍ କିଡ଼ତାଂ, ଆତିସ୍‌ପା ଆନ୍ ହେଦାଂ କାଜିଂ ଦୁକ୍ ଆକାୟ୍; ହେ ଆକି ମିଙ୍ଗେଙ୍ଗ ଅଲପ୍ କାଡ୍ କାଜିଂ ପା ଦୁକ୍ ଜିସ୍

* ୭:୧୭ ୭:୧୭ ୧ କରକ୍ତିୟ ୩:୧୭; ୭:୧୯.

ମାଟିଲେ ହୁଡ଼ଜି ଆନ୍ ଦୁକ୍ ଆଜି ମାଟିସ୍ ପା ୯ ନଙ୍କ ଦୁକ୍‌କିନାକା କିନାଙ୍ଗା, ଏପେଙ୍ଗ୍ ଜେ ଦୁକ୍ ଆତିସ୍, ହେଦାଂ କାଜିଂ ଆକାୟ୍, ମତର୍ ମି ଦୁକ୍ ଜେ ମି ମାନ୍‌ବାଦ୍‌ଲାୟ୍ କିନି କାରଣ୍ ଆତାଡ଼, ଇଦାଂ କାଜିଂ; ଲାଗିଂ ମା ହୁକେ ମିଦାଂ ଇନେସ୍ ଇନାକାପା ନସ୍ ଆତଡ଼, ହେଦାଂ କାଜିଂ ଏପେଙ୍ଗ୍ ଇସ୍‌ତର୍ ଇଚା ଲାକେ ଦୁକ୍ ପାୟା ଆତାଡ଼ । ୧୦ ଇନାକିଦେଂକି ଇସ୍‌ତର୍ ଇଚା ଲାକେ ଇମ୍‌ଣି ଦୁକ୍, ହେଦାଂ ମୁକ୍‌ଡାନି କାଜିଂ ଏପେଙ୍ଗ୍ ମାନ୍‌ବାଦ୍‌ଲାୟ୍ ହପ୍‌ନାଡ଼, ଇନାକା କାଜିଂ ଏଡୁକିଦେଂ ଲାଗୁଡୁଡ଼; ମତର୍ ଜଗଡ଼ନି ଦୁକ୍ ହାକି ହପ୍‌ତାନାଡ଼ । ୧୧ ଲାଗିଂ ହୁଡ଼ାଟ୍, ଇସ୍‌ତର୍ ଇଚା ଲାକେ ଏପେଙ୍ଗ୍ ଇ ଇମ୍‌ଣି ଦୁକ୍ ପାୟାତାଦେର୍, ହେଦାଂ ମି ତାକେ କେତେକ୍ ଖାରି, ଆଁ, କେତେକ୍ ଦାବା ଖିସ୍ତାଦେର୍, ଆଁ କେତେକ୍ ରିସା, ଆଁ କେତେକ୍ ପାଣ୍ଡୁ ଆଁ କେତେକ୍ ମାନ୍, ଆଁ କେତେକ୍ ଖାରି, ଆଁ କେତେକ୍ ଉପାୟ୍ ହପ୍‌ତାଡ଼ନା । ଇ ବିସ୍ତେ ଏପେଙ୍ଗ୍ ପୁରା ଅନ୍ୟାୟ୍ ଇଞ୍ଜି ସାକି ହିନାୟା ।

୧୨ ଲାଗିଂ ଆତିସ୍‌ପା ମି ଲାଗାଂ ଲେକିକିତାଂ, ଆତିସ୍‌ପା ଜେ ଅନ୍ୟାୟ୍ କିତାଂନା, ନଲେ ଇନେନ୍ ଅନ୍ୟାୟ୍ ହୁଞ୍ଜିନାନା, ହେଦାଂ କାଜିଂ ଜେ ଲେକିକିତାଂ, ହେଦାଂ ଆକାୟ୍, ମତର୍ ମା କାଜିଂ ମି ମାନ୍ ଇନେସ୍ ଇସ୍‌ତର୍ ମୁମ୍‌ଦ ମି ବିସ୍ତେ ହନାଡ଼ ହେଦାଂ କାଜିଂ ଲେକିକିତାଂ । ୧୩ ଆରେ ମା ଦୁକ୍‌ସାରାୟ୍ ଲାଗିଂ ଆପ୍‌ବେସି ଖାରି, ହେଦାଂ ଖେଡ଼ଦେଂ ଆନ୍ ଆକି ଲେକିକିତାଙ୍ଗନା ।

ଆପ୍ କେବଲ୍ ଖାରିୟା ଆଖାତାପ୍‌ନା । ଏପେଙ୍ଗ୍ ତିତସ୍‌ତିଂ ସବୁ ବାନିନି ଉପ୍‌କାର୍ କିଜି ଇନେସ୍ ବାବ୍ରେ ଖାରି କିତାଦେଣ୍ଡା, ହେଦାଂ ତା ଜିବୁନ୍ ମାଙ୍ଗେଙ୍ଗ୍ ଖାରି କିଡ଼ତାଡ଼ । ୧୪ ଲାଗିଂ ଜଦି ଇମ୍‌ଣି ବିସ୍ତେ ତିତସ୍ ଲାଗାଂ ମି ବିସ୍ତେ ଆନ୍ ଗରବ୍ କିତାଙ୍ଗନା, ଖାଟିଙ୍ଗ୍ ଲାଜାଆଖାତାଂନା, ଇତିସ୍ ଇନେସ୍ ଆପେଂ ସବୁ ବିସ୍ତେ ମିଙ୍ଗେଙ୍ଗ୍ ହାଡ଼ପା ଇଞ୍ଜି ମାନ୍‌ତାପ୍, ହେ ଲାକେ ତିତସ୍ ମୁମ୍‌ଦ ମା ଗରବ୍ ପା ହାଡ଼ପା ଇଞ୍ଜି ଜାଣା ଆତାଡ଼ନା । ୧୫ ଆରେ, ଇନେସ୍ ପାଣ୍ଡୁ ଆରି ତ୍ରିପ୍‌କିସ୍ ଏପେଙ୍ଗ୍ ତାଙ୍ଗ୍ ମାନି କିଜି ଖିଜାଦେର୍ ତାଙ୍ଗ୍ ମାନିକିନାଦେର୍, ଇଦାଂ ଏଡୁ କିଜି ମି କାଜିଂ ତା ଖାସ୍‌ନି ଜିଉନନାକା ଆଦିକ୍ ବାତାଆନାତା । ୧୬ ଆନ୍ ଜେ ସବୁ ବିସ୍ତେ ମି ତାକେ ପୁରା ପାତର୍ କିତିଲେ, ଇଦାଂ କାଜିଂ ବେସି ସୁକ୍ ଆନାଙ୍ଗା ।

୮

କ୍ରିସ୍ଟିୟାନ୍ ଦାନ୍

୧ ☆ଏ ଟଣ୍ଡାର୍, ଆରି ତଣ୍ଡଦେକ୍ ମାକିଦନିଆନି ମଣ୍ଡଲିନିକାର୍ ବିତ୍ରେ ଇସ୍‌ତର୍ ହଡ଼ତାଡ଼ନା ଇମ୍‌ଣି ଉପ୍‌କାର୍ ହଡ଼ାଡ଼ନା, ହେଦାଂ ଆପ୍ ମିଙ୍ଗେଙ୍ଗ୍ ଜାଣାୟ୍‌କିଦ୍‌ନାପା । ୨ ହେଖାର୍ ବେସି ଦୁକ୍ ଲାକେ ପରିକ୍ୟାତ ଆର୍‌ତିସ୍‌ନେ ହେଖାର୍‌ତି ବେସି ଦୁକ୍‌କିନାକା ବେସି ନାସ୍‌କି ବିତ୍ରେ ପା ବେସି ବାବ୍ରେ ଆଦିକ୍ ଦାନ୍ ହିଜି ଉର୍‌ଜାଣ୍ ଆତାଡ଼ନା । ୩ ଇନାକିଦେଂକି ଆନ୍ ସାକି ହିନାଙ୍ଗା ଜେ, ହେଖାର୍‌ତି ସାକ୍ତି ଇସାବ୍‌ରେ, ଇତିସ୍ ହେଖାର୍‌ତି ସାକ୍ତିନି ବେସି ବାବ୍ରେ ହେଖାର୍ ଦାନ୍ କିତାଡ଼; ୪ ସାଦୁର୍ ହେବାତ ମେହାଣ୍‌ତାଂ ଉପ୍‌କାର୍ ପାୟାନି କାଜିଂ ହେଖାର୍ ମାନ୍ତ ବେସି ଗଞ୍ଜାରି ଲାହାଂ ମାଙ୍ଗ୍ ଗଞ୍ଜାରି କିତାଡ଼ । ୫ ଇବେଣ୍ଡାଂ ହେଖାର୍ ଜେ କେବଲ୍ ମା ଆହା ଇସାପ୍ରେ କିତାଡ଼, ହେଦାଂ ଆକାୟ୍ ମତର୍ ଇସ୍‌ତର୍ ମାନ୍ ହୁକେ ଚାଲା ଆଜି ପର୍ତ୍ତୁମ୍ ଜାର୍ ଜାର୍‌ତିଂ ମାପୁତି ଲାଗାଂ ଆରି ମା ଲାଗାଂ ହେଲାୟ୍ କିଡ଼ତାଡ଼ । ୬ ଗଞ୍ଜାରି ହେବାକାମାୟ୍ କାଜିଂ ତିତସ୍ ମି ବିତ୍ରେ ଇ ଉପ୍‌କାର୍ କାମାୟ୍ ଇମ୍‌ଣି ବାନି ହାଙ୍ଗ୍‌ଜି ମାତାର୍ ହେ ଲାକେ ହେଦାଂ ଇନେସ୍ ଖିସ୍‌ସ୍ ପା, ଇଦାଂ କାଜିଂ ତାଙ୍ଗେଙ୍ଗ୍ ଖାରି କିତାପ୍ । ୭ ଆରେ ପାତର୍ ,

☆ ୮:୧ ୮:୧ ରମିୟ ୧୫:୨୭.

କାତାପାଣୟା, ଗିଆନ୍ ଆରି ସବୁବାନି ତ୍ରିକାଡ଼, ଆରେ ମି କାଜିଂ ମା ଜିଉନନିତ, ଇ ଲାକେ ଝିଜୁ ବିସ୍ତେ ଇନେସ୍ ମି ତାକେ ବେସି ବାବେ ଚଞ୍ଚୟାନାତା, ହେ ଲାକେ ଇ ଉପକାର କାମାୟ ପା ମି ତାକେ ବେସି ବାବେ ଚଞ୍ଚୟା ଆଏଡ଼ ।

୮ ଆନ୍ ବଲ୍ ହିଦ୍‌ନି ଲାକେ ଇଞ୍ଜୁଙ୍ଗା, ମତର୍ ବିନ୍‌ନିକାରତି ତ୍ରିକାଡ଼ ଲେକି କିଜି ମି ଜିଉନନାକା ହାଦ୍‌ଦାମ୍ ପା ହାଡ଼ପା ପାର୍ମାଣ୍ କିନି କାଜିଂ ଇଞ୍ଜନାଙ୍ଗା । ୯ ଇନାକିଦେଂକି ମା ମାପୁ ଜିସୁ କ୍ରିସ୍ତତି ଉପକାର ଏପେଙ୍ଗ୍ ପୁନାଟ୍, ଏପେଙ୍ଗ୍ ଇନେସ୍ ତା ଅକ୍ ଡ଼ ହୁକେ ମାଜାନ୍ ଆଡ଼, ଇଦାଂ କାଜିଂ ହେଝାନ୍ ମାଜାନ୍ ଆତିସ୍‌ପା ଇନେସ୍ ମି କାଜିଂ ଅକ୍ ଡ଼ ଆତାନ୍ ।

୧୦ ଇ ବିସ୍ତେ ନା ଇନାକା ଇଦାଂ, ହେଦାଂ ତ ମି କାଜିଂ ହାଡ଼ଦାକା, ଲାଗିଂ ହାତି ବାହୁଡ଼ାଂ ଏପେଙ୍ଗ୍ ଜେ ପର୍ଡୁମ୍ କିଜି କାମାୟ କିଦେଙ୍ଗ୍ ହାଙ୍ଗ୍‌ତାଦେର୍, ହେଦାଂ ଆକାୟ, ମତର୍ ଇଦାଂ କିନି କାଜିଂ ପର୍ଡୁମ୍‌ତ ଇଚା ପା କିଜି ମାଚାଦେର୍; ୧୧ ଲାଗିଂ କାମାୟ କିଜି ହାଲାଟ୍ ଆରି ମି ପାବ୍‌ହୁଡ଼ଜି ହେଦାଂ ଝିହାଟ୍ । ଉପାୟ ମାନିକିନି ସମୁତ ମି ଇମ୍‌ଣି ମାନ୍ ମାଚାଡ଼ କାମାୟ ଝିଜୁନି ପାତେକ୍ ହେଦାଂ ଇଡ଼ଜି ମାନାଟ୍ । ୧୨ ଇନାକିଦେଂକି ଜଦି ଦୁକ୍‌କିନାକା ମାଚିସ୍, ଲାଗିଂ ହେଦାଂ ରଝାନ୍‌ତି ଅବାବ୍ ଲାକେ ହାର୍ ଇଚ୍‌ନାକା ଆକାୟ, ନଲେ ହେଝାନ୍ତି ଇନାକା ମାନାଡ଼, ହେ ହିସାବେ ହାର୍ ଇଚ୍‌ପାନାଡ଼ ।

୧୩ ଲାଗିଂ ବିନ୍‌ନିକାର ଇନେସ୍ ସୁକ୍‌ପାୟାନାଟ୍, ଆରେ ଏପେଙ୍ଗ୍ ଦୁକ୍ ପାୟା ଆନାଦେର୍, ଇଦାଂ କାଜିଂ ଆନ୍ ଇଦାଂ ଇଞ୍ଜୁଙ୍ଗା; ୧୪ ମତର୍ ସମାନ୍ ବାବ୍‌ନା ଚଞ୍ଚୟାନି କାଜିଂ ନଙ୍ଗିନି ସମୁତ ମି ଦାନ୍‌ତାଂ ହୁକେ ହେଝାନ୍ତି ଅବାବ୍ ବାତ୍ ଆନାତା, ଇନେସ୍ ହେଝାନ୍ତି ଦାନ୍ ପା ମିଦାଂ ଅବାବ୍ ବାତ୍ କିନାଡ଼, ଆରେ ଇ ଲାକେ ସମାନ୍ ବାବ୍‌ନା ଚଞ୍ଚୟାନାଡ଼, ୧୫ ଦରମ୍ ସାସ୍‌ରର୍ ଲେକାମାନାଡ଼, “ଇନେର୍ ବେସି ରୁଣ୍ଡାୟ କିତାନ୍, ତାଦାଂ ହାଡ଼ଝାତାଡ଼, ଆରେ ଇନେର୍ ଅଲପ୍ ରୁଣ୍ଡାୟ କିତାନ୍, ତାଦାଂ ଅବାବ୍ ଆଝାତାଡ଼ ।”

ତିତସ୍ ଆରି ତା ହାଙ୍ଗ୍‌ଦାକାର୍

୧୬ ଇସ୍‌ତ୍ ଜୁଝାଟ୍ ଆଏଡ଼, ହେଝାନ୍ ମି କାଜିଂ ତିତସ୍‌ତି ମାନ୍ତ ଉପକାର କିଦେଙ୍ଗ୍ ତ୍ରିକାଡ଼ ଉବ୍‌ଜାଣ୍ କିତାନ୍‌ନ୍ନା; ୧୭ ଇନାକିଦେଂକି ହେଝାନ୍ ଜେ କେବଲ୍ ମା ଗଝାରି ଇଡ଼ତାନ୍, ହେଦାଂ ଆକାୟ, ମତର୍ ହେଝାନ୍ ନିଜେ ବେସି ଝାରି ଜିସୁ ନିଜ୍ ଇଚାତ ମି ଲାଗାଂ ହାନାନା । ୧୮ ଆରେ, ତା ଲାହାଙ୍ଗ୍ ଆପ୍ ଆରେ ରଝାନ୍ ଟଣ୍ଡେନ୍‌ନିଂ ପକ୍‌ତାନାପା; ନେକ୍ରିକାରୁର୍ ପରଚାର ବିସ୍ତେ ତା କେର୍‌କଣ୍ ସବୁ ମଣ୍ଡଲିତ ମେଙ୍ଗ୍‌ଜି ହାନାତା, ୧୯ କେବଲ୍ ଏତେକ୍ ଆକାୟ, ମାପୁତି ଜାଜ୍‌ମାଲ୍ ଆରି ମା ବାନ୍‌ାଣି ହପ୍‌ନି କାଜିଂ ଇମ୍‌ଣି ଦୟାନି କାମାୟ ଆପେଂ ମାନିକିତାପ୍‌ନା, ହେବେ ମା ସାଙ୍ଗ୍ ଆନି ହେବା କାଜିଂ ବିନ୍‌ବିନ୍ ମଣ୍ଡଲିତାଂ ବାତି କିୟାତାନ୍ନା ।

୨୦ ମା ହୁକେ ଆତି ଇ ହେବା ଲାକେ ବେସି ଦାନ୍ ବିସ୍ତେ ଇନେର୍ ଇନେସ୍ ମାଙ୍ଗେଙ୍ଗ୍ ଦସି କିଦୁର୍, ହେଦାଂ କାଜିଂ ଜାଗ୍ରଡ଼ ଆନାପା; ୨୧ ଇନାକିଦେଂକି କେବଲ୍ ମାପୁତି ମୁମ୍‌ଦ୍ ଆକାୟ, ମତର୍ ମାନାୟାଟ୍ ମୁମ୍‌ଦ୍ ପା ଇନାକା ସବୁ ନେକ୍ତାକା, ହେଦାଂ ଝିଜୁ ଆପ୍ ଏଡ଼ କିନାପ୍ ।

୨୨ ଆରେ, ଆପ୍ ମା ଆରେ ରଝାନ୍ ଟଣ୍ଡେନ୍‌ନିଂ ପା ହେଝାଟ୍ ଲାହାଙ୍ଗ୍ ପକ୍‌ତାନାପା, ତାଙ୍ଗେଙ୍ଗ୍ ଆପ୍ ବେସି ବିସ୍ତେ ବେସିହଟ୍ ପରିକ୍ୟା କିଜି ତ୍ରିକାଡ଼ ଇଞ୍ଜି ପାର୍ମାଣ୍ ଝେଚାପ୍‌ନା, ଆରେ ମି ତାକେ ଆଟ୍‌ଝା ପାତ୍ କିତିଲେ ହେଝାନ୍ ନଙ୍ଗ୍ ଆରେ ଆଦିକ୍ ତ୍ରିକାଡ଼ ଆତାନ୍ନା ।

୨୩ ଚିତସ୍ତତି ବିସ୍ତେ ଜଦି ଇନେର ଝେନ୍ଦବାତିସ୍, ହେଞ୍ଜାନ୍ ନା ମେହାଣ୍ଡ; ଆରି ମି କାଜିଂ ନା ହାଙ୍ଗଦାକାନ୍ କି ନଲେ ମା ଟଣ୍ଡାର ବିସ୍ତେ ଝେନ୍ଦବା ଆତିସ୍, ହେଞ୍ଜାର ମଣ୍ଡଲି ନିକାର୍ ହୁକେ ପକ୍ୟାତାକାନ୍, ଆରେ କ୍ରିସ୍ତତି ଜାଜ୍ମାଲ୍ ଲାକେ । ୨୪ ଲାଗିଂ ମି ଜିଉନନାକା ଆରି ମି ବିସ୍ତେ ମା ଗରବ୍ ପାର୍ମାଣ୍ ମଣ୍ଡଲି ନିକାର୍ ଲାଗାଂ ହେଞ୍ଜାରିଂ ଚରାଟ୍ ।

୯

ବିନ୍ ମଣ୍ଡଲିନି କ୍ରିସ୍ତୟାରିଂ କାଜିଂ ଉପକାର୍

୧ ହାତେନେ ସାଦୁରତି ହେବା ବିସ୍ତେ ମି ଲାଗାଂ ଲେକିକିନାକା ନା ପାକ୍ୟାତ ଆଦିକ୍ ମତର; ୨ ଇନାକିଦେଂକି ଆନ୍ ମି ଇଚା ପୁନାଙ୍ଗ୍, ଆରେ ହେ ବିସ୍ତେ ମାକିଦନିଆ ଲକୁ ଲାଗାଂ ମି ବିସ୍ତେ ଆନ୍ ଗରବ୍ କିନାଂ ଜେ, ଆକାୟା ହାତି ବାହୁତାଂ ଜାଲୁଦି ଆତାତେ, ଆରେ ମି ଇଚା ହେଞ୍ଜାର ବିତ୍ତେତାଂ ଆଦେକ୍ ଲକୁତାଂ ଝାରିକିକିତାଂ । ୩ ଆତିସ୍ପା ଆନ୍ ଟଣ୍ଡାରିଂ ପନ୍ଥାନାଙ୍ଗା, ଇନେସ୍ ଇ ବିସ୍ତେ ମି ବିସ୍ତେ ମା ଗରବ୍ ପଲ୍ୟା ଆମେଡ୍, ଆରେ ନା କାତା ଇସାବରେ ଏପେଙ୍ଗ୍ ଦାନ୍ ଲାହାଙ୍ଗ୍ ଜାଲୁଦି ଆଡ୍, ୪ ଏଚେକାଡ୍ଦ ମାକିଦନିଆନି ଇମ୍ଣାକାନ୍ ପା ଏଚେକାଡ୍ଦ ନା ଲାହାଙ୍ଗ୍ ଝାଜି ମିଙ୍ଗେଙ୍ଗ୍ ଜାଲୁଦି ଆଝାକା ହୁଡ୍ଡିସ୍, ତେବେ ମି କାତା ହେବେ ମାନେଡ୍, ଆପେଂ ଇ ଆଟ୍ଝା ପାତ୍ ବିସ୍ତେ ଲାଜା ଆନାସ୍ । ୫ ଲାଗିଂ ମିଦାଙ୍ଗ୍ ଆଗେ ପାର୍ମାଣ୍ ଦାନ୍ ଇନେସ୍ ସାରି ବିସ୍ତେ ଆଝାଦାଂ ସଡ୍ ବିସ୍ତେ ଆନାଡ୍, ଇଦାଂ କାଜିଂ ଆଗେତାଂ ହେ ଦାନ୍ ରୁଣ୍ଡାୟ୍ କିଜି ଜାଲୁଦି କିଦେଙ୍ଗ୍ ଆଗେ ମି ଲାଗାଂ ହାନି କାଜିଂ ଆନ୍ ଟଣ୍ଡାରିଂ ଗଝାରି କିଦେଙ୍ଗ୍ ମାନ୍ କିତାଂ ।

୬ ମତର ଇଦାଂ ହାଡ୍ପା, ଇନେର ଅଲପ୍ ଝିଡ୍ନାନ୍, ହେଞ୍ଜାନ୍ ପା ଅଲପ୍ ତ୍ରେସ୍ନାନ୍; ଆରେ ଇନେନ୍ ବେସି ଝିଡ୍ନାନ୍, ହେଞ୍ଜାନ୍ ପା ବେସି ତ୍ରେସ୍ନାନ୍ । ୭ ଝିଜାକାର୍ ଜାର୍ ଝାସ୍ତିତ ଇନେସ୍ ରିମାନ୍ୟା କିତାନ୍ନା, ହେ ଲାକେ କିଏନ୍, ଲବରା ବାବ୍ରେ ଆକାୟ୍ ଇତିସ୍ ଟାଟାୟ୍ ଲାକେ ଆକାୟ୍; ଇନାକିଦେଂକି ଇସ୍ବର୍ ରମାନ୍ୟା ମୁଣିକାଂ ଜିଉନନାନ୍ । ୮ ଆରେ, ଝିଜୁ ବିସ୍ତେ ନିତ୍ରେ ସାରି ଲାକେ ପାୟାଜି ଏପେଙ୍ଗ୍ ଇନେସ୍ ଝିଜୁ ହାରଦି କାମାୟ୍ କାଜିଂ ଆଦିକ୍ତାଂ ଆଦିକ୍ ତର ଦାନ୍ କିଦେଙ୍ଗ୍ ଆଡ୍ନାଦେର, ଇଦାଂ କାଜିଂ ଇସ୍ବର୍ ମିଙ୍ଗେଙ୍ଗ୍ ସବୁବାନି ଉପକାର୍ ବେସି ବାବ୍ରେ ହିଦେଂ ରାଜି ଆତାନ୍ନା, ୯ ଇନେସ୍ ଦରମ୍ ସାସ୍ବରତ ଲେକା ଆତାଡ୍ନା,

“ହେଞ୍ଜାନ୍ ମେଲା କେଇଦ ପାସ୍ପାତାନ୍ନା, ହେଞ୍ଜାନ୍ ନାସ୍କିନିକାରିଂ ଦାନ୍ ହିନାନା, ତା ଦାମ୍ କାତା ଜୁଗ୍ ଜୁଗ୍ କାଡ୍ ପାତେକ୍ ।”

୧୦ ଆରେ, ଇନେର ବିୟାନ୍ ଝିଡ୍ନାକାରିଂ ବିୟାନ୍ ଆରି ତିନି କାଜିଂ କାଦି ହିଦ୍ନାନ୍, ହେଞ୍ଜାନ୍ ଝିଡ୍ନି କାଜିଂ ମିଙ୍ଗେଙ୍ଗ୍ ବିୟାନ୍ ହିଦ୍ନାନ୍ ଆରି ହେଦାଂ ବାଡାୟ୍ କିଦ୍ନାନ୍, ଆରେ, ମି ଦାମ୍ ନି ପାଡ୍ ବାଡାୟ୍ କିଦ୍ନାନ୍; ୧୧ ଇ ଲାକେ ଏପେଙ୍ଗ୍ ସବୁ ବିସ୍ତେ ମାଜାନ୍ ଆଜି ସବୁବାନି ମୁକ୍ତାୟ୍ତାଂ ଚଟ୍ଟେଙ୍ଗ୍ ଆଡ୍ନାଦେର, ଆରେ ହେଦାଂ ମା ହୁକେ ଇସ୍ବର୍ ମିଙ୍ଗେଙ୍ଗ୍ ଦନ୍ୟବାଦ୍ ନିକାନ୍ କିଦ୍ନାର୍ । ୧୨ ଇନାକିଦେଂକି ଇ ଦାନ୍ ଲାକେ ହେବା ଜେ କେବଲ୍ ସାଦୁରତି ବାକି ବାଡ୍ କିନାଙ୍ଗା, ହେଦାଂ ଆକାୟ୍, ମତର ତାପାତେ ପା ଇସ୍ବରତି ଉଦେସ୍ତ ବେସି ଜୁଝାର୍ ଡିଜି ହାନାତା, ୧୩ ଇତିସ୍ ଇ ହେବା କାମାୟ୍ନି ପାର୍ମାଣ୍ ପାୟାଜି ଲକୁ ମି ମାନି କାଜିଂ କ୍ରିସ୍ତତି ନେକ୍ରିକାବୁର୍ କାଜିଂ ଟାଟାୟ୍, ଆରେ ସାଦୁରତି ଆରି ଝିଜାର୍ କାଜିଂ ମି ମେହାଣ୍ଡତ୍ ହୁଦାର୍ କାଜିଂ ଇସ୍ବର୍ ପାଣ୍ ପାର୍ତାନା କିନାରା, ୧୪ ଆରେ, ମି କାଜିଂ ଇସ୍ବର୍ ବେସି ଉପକାର୍ କାଜିଂ ହେଞ୍ଜାର୍ ପା ମି କାଜିଂ ପାର୍ତାନା କିଉ କିଉ ମି କାଜିଂ ଦୟାତ ଏଡୁ କିଦ୍ନାର୍ । ୧୫ ଇସ୍ବର୍ ହାୟାୟ୍କିନି ଦାନ୍ କାଜିଂ ତାଦି ଜୁଝାର୍ ଆଏଡ୍ ।



ପଲ୍ୟା ସୁଶାୟ କିନି ପାଉଲ୍‌ତି ଉତର

୧ ମି ମୁମ୍‌ଦ ମି ବିତ୍ରେତା° ହୁଦାର, ମାତର ଚଞ୍ଜୟା ଆଦ୍‌ଝାଦା° ମି କାଜି° ସାସ୍‌ନିକା° ଜେ ଆନ୍ ପାଉଲ୍, ଆନ୍ ନିଜେ କ୍ରିସ୍‌ତି ହୁଝାଦ୍ ଆରି ଦୟା ବାବ୍ରେ ଏଡୁ କିଜି ମିଜେଙ୍ଗ୍ ଗଞ୍ଜାରି କିଦନାଙ୍ଗା; ୨ ଆଁ ଆନ୍ ପାର୍ତ୍ତାନା କିନାଙ୍ଗା ଜେ, ଆପ୍ ଗାଗାଡ୍ ହିସାବେ ଚିନ୍ତା କିନାପା ଇଞ୍ଜି ଇମ୍‌ଣାକାର ମାନେ କିତାର, ଏପେଙ୍ଗ୍ ଇନେ ଇନେରତି ବିରଦ୍ ସାସ୍ ଚର୍ଚ୍ଚେଙ୍ଗ୍ ଇଞ୍ଜି ଆନ୍ ଇମ୍‌ଣି ବିଚାର କିତାଙ୍ଗା, ଏକାଞ୍ଜାଜି ଇନେସ୍ ନାଜେଙ୍ଗ୍ ହେବାନି ସାସ୍ ଚର୍ଚ୍ଚେଙ୍ଗ୍ ଆଉଡ୍; ୩ ଇନାକିଦେ°କି ଆପ୍ ପୁତ୍ ତ ବାହା କିନାକା ହାଡ୍‌ପା, ମତର ଆପ୍ ସଁସାର୍ ମାନାୟ ବାବ୍ରେ ଜୁଜ୍ କିଞ୍ଜାତାପ୍‌ନା, ୪ ଲାଗି° ମା ଜୁଜ୍‌ନି ଆଡ୍ ଆଡିୟାର ସଁସାର୍‌ତ ଆକାୟ, ମତର ସାଡ୍‌ତୁର ଆଡ୍‌ଝା ଗାଡ୍‌ଦୁଡ୍‌ମାଜି କିନି କାଜି° ଇସ୍‌ପତ୍ ମୁମ୍‌ଦ ହେ ଓଜୁ ସାକ୍ତି ଆତାଦେଣ୍ଡା; ୫ ଆପ୍ ଗାଣ୍‌ଜୁ ସବୁ ଆରି ଇସ୍‌ପତ୍ ଗିଆନ୍ ବିରୁଦ୍‌ତ ହଡ୍‌ତି ଓଜୁ ଲାମା ବିସ୍ତେ ଦୁଡ୍‌ମାଜି କିନାସ୍, ଆରେ ଜାଣ୍‌କେ ହାନ୍‌ନ୍ୟାୟ କିଜି କ୍ରିସ୍‌ତି ବଲ୍ ମାନିକିନାକାସ୍ ଆନାସ୍, ୬ ଆରେ, ଏଚେକାଡ୍‌ଦ ଏପେଙ୍ଗ୍ ପୁରା ମେହାଆନାଦେର୍, ହେ ପାଦନା ଓଜାର ପାଟ୍‌କାର୍ ଆନି କାଜି° ଆପ୍ ଜାଲ୍‌ଦି ମାନାପ୍ ।

୭ ଏପେଙ୍ଗ୍ ଚାରିବେଣ୍ଡା° ଇନାକା ଗିଟା ଆଦ୍‌ନାତା ହୁଡ୍‌ଡାର୍ । ଜଦି ଇନେର୍ ଜାର୍‌ତି° କ୍ରିସ୍‌ତି ଇଞ୍ଜି ପାତ୍ କିନାନ୍, ନଲେ ହେଞ୍ଜାନ୍ ଇନେସ୍ କ୍ରିସ୍‌ତି, ଆପ୍ ପା ଇନେର୍ ହେ ଲାକେ କ୍ରିସ୍‌ତି, ଇଦା° ହେଞ୍ଜାନ୍ ଆରେ ନିଜେ ଏଡୁ କିଏନ୍ । ୮ ଇନାକିଦେ°କି ମା ଆଦିକାର ବିସ୍ତେ ଆନ୍ ଅଲପ୍ ଆଦିକ୍ ଗରବ୍ କିଡିସ୍ ପା ଲାଜ୍ ପାୟା ଆଉଙ୍ଗ୍; ମିଜେଙ୍ଗ୍ ଦୁଡ୍‌ମେହାୟ୍ କିଦ୍‌ନି କାଜି° ମାପୁ ମାଜେଙ୍ଗ୍ ଇ ଆଦିକାର ହିଦ୍‌ଝାଦା° ମିଦାଙ୍ଗ୍ ରଚ୍‌ନି କାଜି° ହିଡ୍‌ନ୍ୟା; ୯ ନା ଆକି ହୁକେ ଆନ୍ ମିଜେଙ୍ଗ୍ ପାଣ୍ଡୁ ମତର ଚର୍ଚ୍ଚାନାଙ୍ଗା ଇଞ୍ଜି ପାଣ୍ଡା ଆମାଟ୍ । ୧୦ ଇନାକିଦେ°କି “ଇନେର୍ ଇନେର୍ ଇନାର୍, ତାଦି ପାଉଲ୍‌ତି ଆକି° ସବୁ ହାର୍‌ଦିକି° ଆରି ଗାଜା ସାକ୍ତି, ମତର ମେହାଣ୍ଡତ ତା ଗାଗାଡ୍ ନାଦାର୍ ଆରି ତା ବଚନ୍ ବାନ୍‌ଧା ।” ୧୧ ଆପ୍ ଖାଜି ମାନ୍‌ଡି ସମୁତ ଆକି ହୁଦା° ବଚନ୍‌ତ ଇନେସ୍, ଏକାଞ୍ଜାଜି ମାନି ସମୁତ କାମାୟ୍‌ତ ପା ଜେ ହେ ଲାକେ, ଇଦା° ଇ ଲାକେ ମାନାୟ୍‌ର ବଜ୍ ଆଏର୍ ।

୧୨ ଇନାକିଦେ°କି ଇମ୍‌ଣାକାର ଜିରୁନ୍‌ତ ଖାରିକିକିନାକା, ହେଞ୍ଜାର୍ ବିତ୍ରେତା° ଇନେ ଇନେରତି ରଚେ ଜାର୍ ଜାର୍‌ତି° ଇସାବ୍ ନଲେ ତୁଲ୍‌ୟାୟ୍ କିଦେଙ୍ଗ୍ ଆପ୍ ସାସ୍ କିତପା; ମତର ହେଞ୍ଜାର୍ ନିଜେ ନିଜେ ଜାର୍ ଜାର୍ ଲାଗା° ହୁକେ ଜାର୍ ଜାର୍‌ତି ଆଡ୍‌ନାକା ଆରି ଜାର୍ ଜାର୍ ଲାହାଙ୍ଗ୍ ଜାର୍ ଜାର୍‌ତି ତୁଲ୍‌ୟାୟ୍ କିଜି ଆହ୍‌ରତା° ଚର୍ଚ୍ଚନାର୍ । ୧୩ ମତର ଆପ୍ ହାନ୍‌ଦି ମାନିକିଞ୍ଜାଦା° ଗରବ୍ କିତପ; ମତର ଏପେଙ୍ଗ୍ ପା ମା ହାନ୍‌ଦିନିକାପ୍ ଆନି କାଜି° ଇସ୍‌ପ୍ ମା କାଜି° ନିଲ୍‌ତାନ୍‌ନା ଇମ୍‌ଣି ହାନ୍‌ଦି ରଚ୍‌ଚାଦେଣ୍ଡା, ହେବେନି ଆଡ୍‌ନାକା ଲାକେ ଗରବ୍ କିନାପ୍ । ୧୪ ଇନାକିଦେ°କି ଏପେଙ୍ଗ୍ ମା ହାନ୍‌ଦିନି ମେହା ଆଞ୍ଜାଦା° ମାତି ଲାକେ ଆପ୍ ଜେ ହାନ୍‌ଦି ମାନିକିଞ୍ଜାତାସ୍‌ନା, ହେଦା° ଆକାୟ୍, ଲାଗି° କ୍ରିସ୍‌ତି ନେକ୍ରିକାରୁର୍ ସୁଶାୟ୍ କିତ୍ କିତ୍ ଆପ୍ ମି ପାତେକ୍ ପା ପର୍ଡୁମ୍ ହାଲ୍‌ଜି ମାତାପ; ୧୫ ଆପ୍ ହାନ୍‌ଦି ଜିତା ଆଜି ଆରେ ରକାନ୍ତି କସ୍ ବିସ୍ତେ ଗରବ୍ କିତପା, ମତର ମି ପାତ୍‌ନି ବାଡ୍‌ନାକା ସାଜେ ସାଜେ ମା ବାସ୍ ହିସାବେ ମା କାମାୟ୍ ମି ହୁକେ ଇନେସ୍ ଜବର୍‌ତା° ଆଦିକ୍ ତର ମେଙ୍ଗ୍‌ୟା ଆନାଡ୍, ୧୬ ଆରେ, ଆପ୍ ଆରେ ରଞ୍ଜାନ୍ ହାନ୍‌ଦି ବିତ୍ରେ ତା କିତି କାମାୟ୍ ବିସ୍ତେ ଗରବ୍ କିଞ୍ଜାଦା° ମି ପାଡ୍‌ହା ନାସ୍‌କୁକା° ଇନେସ୍ ନେକ୍ରିକାରୁର୍ ସୁଶାୟ୍ କିଦେଙ୍ଗ୍ ଆଡ୍‌ନାକା, ଇଦା° ବାସ୍ କିନାପା ।

୧୭ ସାସ୍ତ୍ରରୁ ଲେକାମାନାଡ଼ “ମତରୁ ଇନେର ଗରବ୍ କିନାନ, ହେଖାନ ମାପୁ କିତି କାମାୟ କାଜିଂ ଗରବ୍ କିଏନ୍ ।” ୧୮ ଇନାକିଦେଂକି ଇନେର ଜାର୍ତି ଖାରି କିନାନ, ହେଖାନ ପରିକ୍ୟାସିଦ୍ ଆକାୟ, ମତରୁ ମାପୁ ଇନେରତି ଖାରି କିନାନ, ହେଖାନ ପରିକ୍ୟାସିଦ୍ ।

୧୧

ପାଉଲ୍ ଆରି ବୁଲ୍‌କାୟକିନି ପକ୍ୟାତାକାନ

୧ ଏପେଙ୍ଗ୍ ଜଦି ନାଦାଂ ଅଲୟ୍ ଅବୁଜା ହୁଞ୍ଚାଦେରମା ! ଆଁ ଏପେଙ୍ଗ୍ ତ ନା କାଜିଂ ହୁଞ୍ଚନାଦେରା । ୨ ଇନାକିଦେଂକି ଇସ୍ତର୍ ବିସ୍ତେ ତ୍ରିକାଡ଼୍ ଆନ୍ ମି କାଜିଂ ଇଟା, ଲାଗିଂ ଆନ୍ ମିଙ୍ଗେଙ୍ଗ୍ ଦାମ୍ ଜିପଲି ହିସାବେ ର ଆଣ୍ଡାତାକେ, ଇତିସ୍ କ୍ରିସ୍ତୁତି ତାକେ, ସରପି କିନି କାଜିଂ ପାର୍ମାଣ୍ କିତାନନ୍ନା । ୩ ମତରୁ ରାଡ଼୍ ଜାର୍ ଚାଲାଇତାଂ ହବା ଇନେସ୍ ବୁଲ୍‌କାୟକିତାଡ଼୍, ହେ ଲାକେ ଏଚେକାଡ଼୍ ମି ମାନ କ୍ରିସ୍ତୁତି କାଜିଂ ଦାମ୍ ଆରି ପୁଇପୁୟାତାଂ ବୁଲ୍‌କାନାର୍, ଇଦାଂ ନାଙ୍ଗ୍ ପାଣ୍ଡୁ ହୁଡ଼ନାତା । ୪ ଇନାକିଦେଂକି ଇମ୍‌ଣି ଜିସୁଙ୍ଗ୍ ଆସେଙ୍ଗ୍ ପରଚାର୍ କିଞ୍ଚାତାସ୍, ଏପେଙ୍ଗ୍ ବିନ୍ ଜିସୁଙ୍ଗ୍ ଜଦି ଇନେର ଖାଜି ପରଚାର୍ କିତାର୍, କି ଇମ୍‌ଣି ପୁଇପୁୟା ଜିବୁନ୍‌ତ ଏପେଙ୍ଗ୍ ଗାଟାଞ୍ଚାତାଦେର୍, ଏପେଙ୍ଗ୍ ର ବିନ୍ ଜିବୁନ୍ ଗାଟା ଆଡୁ, କି ଇମ୍‌ଣି ନେକ୍ରିକାବୁର୍ ଏପେଙ୍ଗ୍ ଅଞ୍ଚାତାଦେର୍, ଏପେଙ୍ଗ୍ ର ବିନ୍ ନେକ୍ରିକାବୁର୍ ଗାଟା ଆଡୁ, ତା ଅତିସ୍ ଏପେଙ୍ଗ୍ ତ ବେସି ହୁଦାର୍ ।

୫ ଇନାକିଦେଂକି ହେ ମୁଡ଼ଦି ପକ୍ୟାତାକାର୍ତାଂ ଆନ୍ ଜେ ଇନେସ୍‌ପା ହାରୁ ଆକାୟ, ଇଦାଂ ବାବି କିନାଙ୍ଗା । ୬ ମତରୁ ଆତିସ୍‌ପା ଆନ୍ କାତା ଇଞ୍ଜେଙ୍ଗ୍ ଆଡୁଙ୍ଗ୍, ଆତିସ୍‌ପା ଗିୟାନ୍ତ ପାଚେ ଆକାୟ; ହାଡ଼ପାତ ଆସେଙ୍ଗ୍ ଖିଜୁ ବାନିତ ଖିଜୁ ବିସ୍ତେ ମି କାଜିଂ ଇଦାଂ ହପ୍ପାପ୍ ।

୭ ନଲେ ଏପେଙ୍ଗ୍ ଇନେସ୍ ପୁନାଦେର୍, ଇଦାଂ କାଜିଂ ଆନ୍ ଜାର୍ତିଂ ହୁଦାର୍ କିଜି ଜେ ମଲ୍‌ହିଲ୍‌ଖାଦାଂ ମି ଲାସେଙ୍ଗ୍ ଇସ୍ତର୍ ନେକ୍ରିକାବୁର୍ ପରଚାର୍ କିତାଙ୍ଗ୍, ଇବେ ଇନାକା ପାପ୍ କିତାଂ ? ୮ ମି ହେବା କିନି କାଜିଂ ଆନ୍ ବିନ୍‌ବିନ୍‌ନି ମଣ୍ଡଲି ଲାଗାଂ ଦାର୍ମା ଅଜି ହେଞ୍ଚାରିଂ ଚର କିତାଂ, ୯ ମତରୁ ଆନ୍ ମି ବିଡ୍ରେ ମାନି ଖେଡ଼ାଲିଂ ଏଚେକାଡ଼୍ ଅବାବ୍ ଆଜି ମାଚାଙ୍ଗ୍, ହେ ଏଚେଞ୍ଚାଡ଼ାଂ ଆନ୍ ଇମ୍‌ଣାକାକ୍ତି ବଜ୍ ଲାକେ ଆଞ୍ଚାଦାଂ ମାଚାଙ୍ଗ୍, ଇନାକିଦେଂକି ମାକିଦନିଆତାଂ ଚଣ୍ଡାର୍ ଖାଜି ନା ଅବାବ୍ ପୁରା କିଜି ମାନଚାର୍, ଆରେ ଇମ୍‌ଣାକା ପା ବିସ୍ତେ ମି ବଜ୍ ଲାକେ ଆଞ୍ଚାଦାଂ ଜାର୍ ବିସ୍ତେ ଜାଗ୍ରଡ଼୍ ଆଜି ମାଚାଙ୍ଗ୍, ଆରେ ଜାଗ୍ରଡ଼୍ ଆଜି ମାନାଂ । ୧୦ ନା ତାକେ ମାନି କ୍ରିସ୍ତୁତି ହାଡ଼ପାତିଂ ସାକି ମାନିକିଜି ଆନ୍ ଇନାଙ୍ଗା ଜେ, ଆକାୟାନି ନିପ ନାଦାଂ ଇ ଗରବ୍ ଇନେର ବାଙ୍ଗାୟ କିଦେଂ ଆଡୁର୍ । ଇନେକିଦେଂ ? ୧୧ ଆନ୍ ଇନାକିଦେଂ ଏପେଙ୍ଗ୍ ଇନାଙ୍ଗା ? ଆନ୍ ଇନାକା ମିଙ୍ଗେଙ୍ଗ୍ ଜିଉ ନବୁଙ୍ଗା ? ଇସ୍‌ର ପୁନାନ, ମିଙ୍ଗେଙ୍ଗ୍ ଆନ୍ ଏଚେକ୍ ଜିଉନଦନାଙ୍ଗା ।

୧୨ ମତରୁ ଗରବ୍‌ନି ବିସ୍ତେ ମା ଲାକେ ଚଞ୍ଜିନି କାଜିଂ ଇମ୍‌ଣାକାର୍ ହାଜି ଡେକ୍‌ନାର୍, ଆନ୍ ଇନେସ୍ ହେଞ୍ଚାରିଂ ହାଜି ହିଉଙ୍ଗ୍, ଇଦାଂ କାଜିଂ ଆନ୍ ଇନାକା କିନାଙ୍ଗା, ହେଦାଂ କିଜି ମାନାଂ । ୧୩ ଇନାକିଦେଂକି ଏପେଙ୍ଗ୍ ଲଗୁ ଚାକ୍‌ୟ ପକ୍ୟାତାକାର୍ ଆରି ମିଡ଼ଞ୍ଚା କାମ୍‌ଲିୟା, ହେଞ୍ଚାର୍ କ୍ରିସ୍ତୁତି ପକ୍ୟାତାକାର୍ତି ବେସି ଆହ୍‌ନାର୍ । ୧୪ ଆରେ ଇଦାଂ କାବାନାକା ଆକାୟ, ଇନାକିଦେଂକି ସୟ୍‌ତାନ୍ ନିଜେ ଅଜଡ଼୍‌ନି ସାଗେ ଦୁଡ଼୍ ବେସି ଆହ୍‌ନାଡ଼୍ । ୧୫ ଲାଗିଂ, ଜଦି ତାଦାଂ ହେବା କିନିକିକ୍ ପା ଦାମ୍ ନି ହେବା କିନାକାତ୍ ବେସି ଆହ୍‌ନିକ୍, ଖାଟିଙ୍ଗ୍ ହେଦାଂ ଗାଜା ବିସ୍ତେ ଆକାୟ; ହେଞ୍ଚାର୍ତି ସେସ୍ ଦସା ହେଞ୍ଚାର୍ତି କାମାୟ ଇସାପ୍ରେ ଗିଟାନାଡ଼୍ ।

ପକ୍ୟାତାକାତ ଚେଲାଲାକେ ପାଉଲ୍‌ତି ଦୁକ୍‌ବଗ

୧୭ ଆନ୍ ଆରେ ରଗ ଇଞ୍ଜନାକା, ଇନେର୍ ନାକ୍ ବୁଦିହିଲ୍‌ଖାକାନ୍ ଇଞ୍ଜି ବାବି କିଦ୍‌ମେର୍; ମତର୍ ଜଦି ଏପେକ୍ ଇନେସ୍ ବାବି କିନାଦେର୍, ଖାଟିକ୍ ପାନାକ୍ ବୁଦିହିଲ୍‌ଖାକାନ୍ ଲାକେ ଇଡ଼ଦାନାଦେର୍, ଇନେସ୍ ଆନ୍ ପା ଅଲପ୍ ଗରବ୍ କିଦେକ୍ ଆଡ଼ନାକ୍ । ୧୮ ଆନ୍ ଇନାକା ଇଞ୍ଜନାକା, ହେଦାଂ ମାପୁତି ଇନି ଇସାପ୍ରେ ଇନୁକା, ମତର୍ ବୁଦିହିଲ୍‌ଖାକାନ୍ ଲାକେ ଏଲେକ୍ ବେସି ସାସ୍ତ ଗରବ୍ କିଜି ଇନାକା । ୧୯ ଆଦେକ୍ ସିସାର୍‌ନି ବାବ୍ରେ ଗରବ୍ କିଜି ମାଟିଲେ ଆନ୍ ପା ଗରବ୍ କିନାକା । ୨୦ ଇନାକିଦେଂକି ଏପେକ୍ ବୁଦିକାର୍‌ୟା ଆଡ଼ିଏନ୍ ଇଞ୍ଜି ହିନା ଖାରିତାକ୍ ନିର୍ବୁଦିୟାତ କାଜିଂ ହୁଦାର୍ ଆନାଦେରା । ୨୧ ଲାଗିଂ ଜଦି ଇନେର୍ ଆଡ଼ିଏନ୍ କିଜି ଇଡ଼ତିସ୍, ମି ଦାନ୍ କେତି କିନାନ୍, ମିକ୍ ଡ଼କ୍‌ତା ହେଜି କିଜି ଆସ୍ତାନାଡ଼, ଆକାର୍ କିଦନାନ୍ କି ମି କୁର୍‌ଖାତ ଚାପଡ଼ା ଇଡ଼ଦାନାନ୍, ଖାଟିକ୍ ଏପେକ୍ ହେଦାଂ ହୁଞ୍ଜନାଦେର୍ । ୨୨ ଆନ୍ ଲାଜୁ ଲାହାକ୍ ମାନି କିନାକା ଜେ, ଆପେଂ ତ “ନାଦାର୍” ଆତାସ୍‌ନା ।

ଆତିସ୍‌ପା ଇମ୍‌ଣାକା ପା ବିସ୍ତେ ଇନେର୍ ସାସି ଆନାର୍ ଆନ୍ ରିସା ଆଜି ଇନାକା, ଆନ୍ ପା ସାସି । ୨୩ ହେଖାର୍ କି ଏବ୍ରିୟର୍ ? ଆନ୍ ପା ଏବ୍ରିୟ । ହେଖାର୍ କି ଇସ୍ତାଏଲିୟର୍ ? ଆନ୍ ପା ଇସ୍ତାଏଲିୟ । ହେଖାର୍ କି ଅବ୍ରାହାମ୍‌ତି ମାଜିର୍ ? ଆନ୍ ପା ଅବ୍ରାହାମ୍‌ତି ମାଜି । ୨୪ *ହେଖାର୍ କି କ୍ରିସ୍ତୁତି ହେବାକାର୍‌ୟା ? ଆନ୍ ବାୟରା ଲାକେ ଇନାକା, ଆନ୍ ଆଦିକ୍ ରତେ କ୍ରିସ୍ତୁତି ହେବାକାର୍‌ୟା, ଆଦିକ୍ କସ୍ କିନିତ, ଆଦିକ୍ ଜୟଲ୍ ହାନିତ, ବେସି ମାଡ଼ ହୁଞ୍ଜନିତ, ତାଜନାଡ଼ ହାକି ମୁମ୍‌ଦ ଆଦେଂ; ୨୫ ଆନ୍ ଜିହୁଦିତ ପାସ୍ତ ହର୍ ଏକ୍‌ଉଣା ରିକଡ଼ି ମାଡ଼ ପାୟାତାଂନ୍ନା, ୨୬ *ରମିୟର୍ ହୁକେ ତିନି ହର୍ ବାଡ଼ଗେ ମାଡ଼, ରଗ କାଲ୍‌କୁ ମାଡ଼, ତିନି ହର୍ ଜାଜ୍‌ଡ୍ରିନାକା ହୁଞ୍ଜାକ୍‌ନା, ଡେକା ଏଜୁକାଂ ଖେଡ଼ାନାଣା ଚବିସ୍ ଗନ୍‌ଟା ହୁଞ୍ଜାକ୍‌ନା, ୨୭ *ବେସିହର୍ ହାନିହିଂ, ନାଗୁଡ଼ନି ଆପଡ଼ତ, ଚକ୍‌ ଆପଡ଼ତ, ଜାର୍ ଜାତିରତାଂ ଆପଡ଼ତ, ଜିହୁଦି ଆରି ପାତ କିଞ୍ଜି ଜିହୁଦି ତାକ୍ ଆପଡ଼ତ, ଗାଡ଼ନି ଆପଡ଼ତ, ବାଟାନି ଆପଡ଼ତ, ହାମ୍‌ଦୁଣ୍ଟି ଆପଡ଼ତ, ୨୮ ବାମ୍‌ଗ୍‌ୟାୟକିନି ଟଣ୍ଡାରତାଂ ଆପଡ଼ତ, କସ୍ତୁ ଆରି କସ୍ ବଗ୍‌ତ, ବେସିହର୍ ହୁଞ୍ଜାଦାଂ, ନାସକି ଆରି ଏସକି, ବେସିହର୍ ଉପାସ୍‌ତ, ପିନି ଆରି ନାଗ୍‌ଡ଼ାତ । ୨୯ ବାକି ଖିଜୁ ବିସ୍ତେ ପିସ୍ତ ଆରେ ର ବିସ୍ତେ ନିଡ୍ରେ ନା ଜପି ଦୁମ୍‌ଦାନାତା, ଇତିସ୍ ମଣ୍ଡଲି ସବୁ କାଜିଂ ଚିଡ଼ା ହଡ଼ନାତା । ୩୦ ଇନେର୍ ନାଦାର୍ ଆତିସ୍ ଆନ୍ ଇନାକା ନାଦାର୍ ଆକାୟ ? ଇନେର୍ ବାଦା ପାୟାତିସ୍ ଆନ୍ ଇନାକା ଦୁକ୍ ଆଉକ୍ ?

୩୧ ଜଦି ନାଦି ଗରବ୍ କିନାକା ଲଡ଼ା ଆତିସ୍, ଖାଟିକ୍ ଆନ୍ ନା ନାଦାର୍ ବିସ୍ତେ ନା ଗରବ୍ କିନାକା ମାନାଡ଼ । ୩୨ ଆନ୍ ଜେ ମିର୍ ଇନୁକା, ଇଦାଂ ମାପୁ ଜିସ୍ତୁତି ଇସ୍‌ର୍ ଆରି ଆବା ପୁନାନ୍; ହେଖାନିଂ ଜୁଗ୍ ଜୁଗ୍ ଜଖାର୍ । ୩୩ *ଦମ୍‌ସେକ୍‌କ୍ ହାରେତା ରାଜାତି ସାସନ୍‌କାର୍‌ୟା ନାକ୍ ଆସିନି କାଜିଂ ହେ ଗାଡ଼ନି ଦୁଖେର୍ ଜାଗ୍‌ଖାଡ଼ାରିଂ କାୟ କିଜି ମାଟାନ୍, ୩୪ ଆରେ ଟପାତ ର ଚିଟ୍‌କି ହିଜି କୁଖାଡ଼ ହିଜି ନାକ୍ ଜୁଡ଼ତାର୍, ଆରେ, ଆନ୍ ହେଖାଡ଼ି କେଇଦାଂ ରାକ୍ୟା ପାୟାତାଂ ।

୧୨

ପାଉଲ୍‌ତି ହାର୍‌ଦାକା ହୁଡ଼ନାକା

୧ ଆତିସ୍‌ପା ଗରବ୍ କିନାକା ନେକ୍ରାକା ଆକାୟ, ଆତିସ୍‌ପା ଲାଗିଂ ନାକେକ୍ ଗରବ୍ କିଦେକ୍ ଲାଗ୍‌ତାନାତା; ଆନ୍ ମାପୁତିକ୍ “ହୁଡ଼ଦେଂ” ଆରେ ଚଞ୍ଜୟା ଆନି ବିସ୍ତେ

* ୧୧:୨୩ ୧୧:୨୩ ପକ୍ୟାତାକା ୧୭:୨୩. * ୧୧:୨୫ ୧୧:୨୫ ପକ୍ୟାତାକା ୧୭:୨୨; ପକ୍ୟାତାକା ୧୪:୧୯.
* ୧୧:୨୭ ୧୧:୨୭ ପକ୍ୟାତାକା ୯:୨୩; ପକ୍ୟାତାକା ୧୪:୫. * ୧୧:୩୨ ୧୧:୩୨ ପକ୍ୟାତାକା ୯:୩୭-୩୮.

ଇନାଙ୍ଗ । ୨ ଆନ୍ କ୍ରିଷ୍ଣ ଡାଂ ମାନି ଲଗାଂ ରଖାନିଂ ପୁନାଙ୍ଗ, ହେୱାନ ଚଉଦ ବାହୁଁ ଆଗେ ତିନ୍ ସାଗେ ପାତେକ୍ ଅଜି ମାଚାନ୍ । ହେୱାନ ଗାଗାଡ଼ତ ମାଚାନ୍ କି ଗାଗାଡ଼ନି ବାଚ୍ ମାଚାନ୍, ଆନ୍ ପୁନୁଙ୍ଗ; ଇସ୍ବର ପୁନାନ୍ । ୩ ଆଁ, ଆନ୍ ଇ ଲାକେ ରଖାନ ମାନାୟତିଙ୍ଗ ପୁନାଙ୍ଗ, ହେୱାନ ଜିରୁନ୍ ମାନି ଦେସ୍ତ ଅଜି ମାଚାର ହେୱାନ ଗାଗାଡ଼ତ ମାଚାନ୍ କି ଗାଗାଡ଼ ବାଚ୍ ମାଚାନ୍, ଆନ୍ ପୁନୁଙ୍ଗ ଇସ୍ବର ପୁନାନ୍ । ୪ ହେବେ ହେୱାନ କାତାତ ଇଞ୍ଜେଙ୍ଗ ଆଡ଼ୱାଦାଂ ଆରି ଇଞ୍ଜେଙ୍ଗ ଆଡ଼ୱାଦାଂ ଲାକେ କାତା ୱେନ୍‌ଞ୍ଜି ଆଦିକାର୍ ହିଲୁଡ଼ । ୫ ଇ ଲାକେ ରଖାନ ବିସ୍ତେ ଆନ୍ ଗରବ୍ କିନାଙ୍ଗ, ଇନାକିଦେଂକି ଆନ୍ ଜାର ବିସ୍ତେ ନା ନାଦାର୍ ପିସ୍ତି ଆରେ ବିନ୍ ବିସ୍ତେ ଗରବ୍ କିଉଙ୍ଗ । ୬ ଆରେ ଗରବ୍ କିଦେଙ୍ଗ ଇଚା କିତାନ୍ ଆଁ ବୁଦି ହିଲୁଞ୍ଜି ଲାକେ ଆଉଙ୍ଗ ଲାଗିଂ ଆନ୍ ହାଡ଼ପା ଇନାଙ୍ଗ; ଇନାକିଦେଂକି କାତେ ଇନେର୍ ନାଙ୍ଗେଙ୍ଗ ଇନେସ୍ ହୁଡ଼ଦାନାର୍ କି ନାତାଙ୍ଗ ଇନେସ୍, ୱେନାର୍ ନା କାଜିଂ ହତି ବିସ୍ତେ ଆଦିକ୍ ଗାଜା କାଜିଂ ଇନେସ୍ ନା ବିସ୍ତେ ଆଦିକ୍ ବୁଜା଱ାଦାଂ, ଇଦାଂ କାଜିଂ ଆନ୍ ଇଞ୍ଜେଙ୍ଗ ୱାହ୍‌ନାଙ୍ଗା ।

୭ ଲାଗିଂ ଆନ୍ ଇନେସ୍ ଆଦିକ୍ ଗରବ୍ ଆଉଙ୍ଗ, ଇଦାଂ କାଜିଂ ନାଙ୍ଗେଙ୍ଗ କସ୍ବ କିଦେଙ୍ଗ ନା ଗାଗାଡ଼ତ ସୟତାନ୍ ଦୁଡ଼ ଲାକେ ଦୁକ୍ ହିଦ୍ୟାତାଡ଼, ଆଁ ଇନେସ୍ ଆନ୍ ଆଦିକ୍ ଗରବ୍ ଆଉଙ୍ଗ, ଇଦାଂ କାଜିଂ ହେଦାଂ ହିଦ୍ୟାତାଡ଼ । ୮ ଇନେସ୍ ହେଦାଂ ନାତାଂ ଦେହା ଆଡୁ, ଇଦାଂ କାଜିଂ ଆନ୍ ମାପୁଙ୍ଗ ହେ ବିସ୍ତେ ତିନ୍‌ହଟ୍ ଗଞ୍ଜାରି କିତାଂ । ୯ ଆରେ, ହେୱାନ ନାଙ୍ଗେଙ୍ଗ ଇସ୍ତାନ୍ନା, ମା ଉପକାର୍ “ମି କାଜିଂ ସାରି, ଇନାକିଦେଂକି ନାଦାର୍ ତାଙ୍ଗ ମା ସାକ୍ତି ହାର୍ ଆନାଡ଼ ।” ଲାଗିଂ ଇନେସ୍ କ୍ରିଷ୍ଣତି ସାକ୍ତି ନା ଜପି ବାହା କିନାଡ଼, ଇଦାଂ କାଜିଂ ଆନ୍ ବେସି ୱାରିତାଂ ଇତିସ୍ ନା ନାଦାର୍ ତାଙ୍ଗ ଗରବ୍ କିନାଙ୍ଗ । ୧୦ ଲାଗିଂ କ୍ରିଷ୍ଣ କାଜିଂ ନାଦାର୍ ତାଙ୍ଗ, ଅପମାନ୍ତ, କସ୍ବତ, ଇଣ୍ଡତ, ହିଲୁଞ୍ଜିଂ ଆନ୍ ସାରି ଆନାଙ୍ଗ; ଇନାକିଦେଂକି ଏତେକାଡ଼ଦ୍ ଆନ୍ ନାଦାର୍, ହେ ପାଦନା ଆନ୍ ସାକ୍ତି ।

କରନ୍ତଃନି ଲକ୍ଷ୍ମ କାଜିଂ ପାଉଲ୍‌ତି ଏଡୁ

୧୧ ଆନ୍ ବୁଦିହିଲୁଞ୍ଜାକାଂ ଆତାଙ୍ଗନା, ଏପେଙ୍ଗ ନାଙ୍ଗ ଚାଟାୟ୍ କିଡ଼ତାଦେର୍, ଇନାକିଦେଂକି ନା ୱାରି କିନାକା ମିଦାଙ୍ଗ ମାଚାଡ଼; ଲାଗିଂ ଆତିସ୍ପା ଆନ୍ ଇନାକା ଆକାୟ୍, ଆତିସ୍ପା ଇମଣି ବିସ୍ତେ ହେ “ଗାଜାକାନ୍ ପକ୍ୟାତାକାର୍‌ରିଂ” ତାଙ୍ଗ ଉଣା ଆକାୟ୍ । ୧୨ ହେ ୱିଲୁ ତିନ୍ ଆରି କାବାନି କାମାୟ୍ ଆରେ ସାକ୍ତିନି କାମାୟ୍ ପକ୍ୟାତାକାର୍‌ତି ଇଟ୍‌କାଡ଼ ଇସାବ୍, ହେ ସବୁ ହାଡ଼ପାତ ମି ବିଡ୍ରେତାଂ ପୁରା ବେସି ସାସ୍ ଲାହାଙ୍ଗ ଆତାଡ଼ନ୍ନା । ୧୩ ଇନାକିଦେଂକି ଆନ୍ ତାରୁଙ୍ଗ ଏନ୍ତ୍ରିନି କାଜିଂ ମି ଜପି ବଜ୍ ଲାକେ ଆଞ୍ଜାତାଂନା, ଇଦାଂ ରଞ୍ଜାଙ୍ଗ ବିସ୍ତେ ପିସ୍ତି ବାକି ଅଦାମ୍ ମଣ୍ଡଲିତାଂ ଏପେଙ୍ଗ ଇନାକାତ ହାର୍ କିତାଦେର୍ଣ୍ଣା ? ନାଦାଂ ଇ ଦସ୍ କେମା କିଦା ।

୧୪ ହୁଡ଼ାବ୍, ଆନ୍ ମି ଲାଗାଂ ହାନି କାଜିଂ ଇ ତିନ୍ ହଟ୍ ଜାଲ୍‌ଦି ମାନାଙ୍ଗ, ଆରେ ଆନ୍ ମି ବଜ୍ ଲାକେ ଆଉଙ୍ଗ, ଇନାକିଦେଂକି ଆନ୍ ମି ଦାନ୍ ଦାହ୍‌ୱାଦାଂ ମିଙ୍ଗେଙ୍ଗ ଦାସ୍ତାନାଙ୍ଗା । ଲାଗିଂ ହିମ୍‌ଣାଂଞ୍ଜାକ୍‌ଡ଼ାଂତି ଆୟା ଆବାର୍‌ତି କାଜିଂ ରୁଣ୍ଡାୟ୍ କିନାକା ଲଡ଼ା ଆକାୟ୍, ମତର୍ ହିମ୍‌ଣାଂଞ୍ଜାକ୍‌ଡ଼ାଂ କାଜିଂ ଆବାର୍ ଆୟାକ୍‌ତି ରୁଣ୍ଡାୟ୍ କିନି ଲଡ଼ା । ୧୫ ଆରେ, ଆନ୍ ମି ୱାସ୍ତି କାଜିଂ ବେସିଞ୍ଜାରିତାଂ ଉପକାର୍ କିଦନାଙ୍ଗ, ଆଁ, ନା ଜିରୁନ୍ ପା ଉପକାର୍ କିନାଙ୍ଗ । ଆନ୍ ମିଙ୍ଗେଙ୍ଗ ଆଦିକ୍ ବେସି ବାବ୍ରେ ଜିଉନଦନାଙ୍ଗା ଇଞ୍ଜି ଇନାକା ଅଲପ୍ ଜିଉନନାକା ପାୟାନାଦେରା ?

୧୬ ମତର୍ ଇନେସ୍ ଆଏଡ଼, ଆନ୍ ନିଜେ ମିଙ୍ଗେଙ୍ଗ ୱାଞ୍ଜି କିଦ୍‌ୱାତାଂନା, ମତର୍ ଚାଲାକି ଆଜି ଆନ୍ ମିଙ୍ଗେଙ୍ଗ ଚାଡୁର୍‌ରେ ଆସ୍ତାତାଂ ! ୧୭ ଆନ୍ ମି ଲାଗାଂ ଇମ୍‌ଣାକାରିଂ ପକ୍‌ତାତାଙ୍ଗନା, ହେୱାର୍ ବିଡ୍ରେତାଂ ଇମ୍‌ଣି ମାନାୟ୍ ହୁକେ କି ମିଙ୍ଗ୍‌ତାଂ ଅଲପ୍ ଲାବ୍ କିତାଙ୍ଗନା ? ୧୮ ଆନ୍ ତିତସ୍‌ତିଂ ହାନି କାଜିଂ ଗଞ୍ଜାରି କିଜି ମାନ୍‌ଚାଙ୍ଗ ଆରେ ତା

ଲାହାଙ୍କ ହେ ଚଣ୍ଡେନିଂ ପକ୍ତିମାନୁଚାଙ୍କ । ତିତସ୍ କି ମିତାଂ ଅଲପ୍ ଲାଭ୍ କିତାର୍ଣ୍ଣା ? ଆସେଙ୍କ ଇନାକା ର ମାନ୍ତ ଚିନ୍ତା କିଞ୍ଜାତାସନା ? ଆସେଙ୍କ ଇନାକା ର ପାଦ୍ ଚିନ୍ତ ହାଲ୍‌ଖାତାସନା ?

୧୯ ଇ ପାତେକ୍ ଏପେଙ୍କ୍ ଏତୁ କିନାଦେରା ଜେ, ଆପେଂ ମି ଲାଗାଂ ଦସ୍ କାଟିକିନାପା । ଇସ୍ତତ୍ ସାକିତ କ୍ରିସ୍ତୁତି ହେବା କାରିୟା ଲାକେ ଆପେଂ କାତା ଇନାପା । ମାତର୍ ଏ ଖାରିନିକାଦେର୍, ସବୁ ବିସ୍ତେ ମି ରଚ୍ନି କାଜିଂ ଇଞ୍ଜନାପା । ୨୦ ଇନାକିଦେଂକି ଏଚେକାଡ୍‌ଦ ଇତିସ୍ ଆନ୍ ଏକାଞ୍ଜାତିସ୍, ମିଙ୍ଗେଙ୍କ୍ ଇନେସ୍ ହୁଡ୍‌ଦେଂ ମାନ୍ କିଦ୍‌ନାଙ୍ଗା, ହେ ଲାକେ ମିଙ୍ଗେଙ୍କ୍ ହୁଡ୍‌ଦୁଂ, ଆରେ, ଏପେଙ୍କ୍ ନାଙ୍ଗେଙ୍କ୍ ଇନେସ୍ ହୁଡ୍‌ଦେଂ ମାନ୍ କିଡ୍‌ଦେର୍, ହେ ଲାକେ ନାଙ୍ଗ୍ ହୁଡ୍‌ଦାଟ୍, ଇଦାଂ କାଜିଂ ଆନ୍ ପାଣ୍ଡା ଆନାଙ୍ଗା; ଏଚେକାଡ୍‌ଦ ଇତିସ୍ ଗଣ୍ଡଗଲ୍, କୁଟ୍, ରିସା, ବାଡ୍‌ପାଣିୟା, ଲକାର୍‌ନିୟା, କିତୁଲ୍‌ତ ଇନ୍‌ବା ଆନାକା, ମଲ୍‌କାତା, ଗଣ୍ଡଗଲ୍ ଆନାଡ୍; ୨୧ ଏଚେକାଡ୍‌ଦ ଆନ୍ ଆରେ ରଗ ଏକାଞ୍ଜାତିସ୍ ନା ଇସ୍‌ର୍ ମି ବିସ୍ତେ ନାଙ୍ଗେଙ୍କ୍ ଆରେ ରଗ ବାଟି କିଦ୍‌ନାନ୍, ଆରେ, ଇମ୍‌ଣାକାର୍ ଆଗେ ପାପ୍ କିତାର୍ଣ୍ଣା, ଆରେ ଜାର୍ ଜାର୍ କିତି ବିଟାଡ୍, ଦାରି ଆରି ଲାଡ୍‌ସା କାଜିଂ ମାନ୍‌ବାଦ୍‌ଲ୍ୟାୟ୍ କିଞ୍ଜାତାର୍ଣ୍ଣା, ଏପେଙ୍କ୍ ହେନି ମାନାୟାର୍ କାଜିଂ ଆନ୍ ଆଡ୍‌ବାନାଙ୍ଗା ।

୧୩

ହାରିହାରା ଦାବା ଆରି ଜୁଞ୍ଜାର୍

୧ ଇ ତିନ୍ ହର୍ “ଆନ୍ ମି ଲାଗାଂ ଖାନାଙ୍ଗା ସାସ୍ତର ଇନେସ୍ ଇନାଡ୍ । ରିୟାର୍ କି ତିନ୍‌ଜାଣ୍ ସାକିରିଂ ମୁମ୍‌ଦ ଝିଲ୍ ଦାବା କାତା ତିର୍ କିୟାନାଡ୍ ।” ୨ ଇମ୍‌ଣାକାର୍ ଆଗେ ପାପ୍ କିଜି ମାଚାର୍, ହେଞ୍ଜାରିଂ ଆରି ବାକି ଝିଜାରିଂ ଆନ୍ ଇନେସ୍ ଆଗେ ରିହା ଏକିସ୍ ମାନି ସମ୍‌ତ ଇଞ୍ଜି ମାଚାଙ୍ଗ୍, ନଙ୍ଗ୍ ମାନ୍‌ଝିଙ୍ଗିଙ୍ଗ୍ ହେ ଲାକେ ଆଗେତାଂ ଇଞ୍ଜନାଙ୍ଗା ଜେ, ଜଦି ଆନ୍ ଆରେ ରଗ ହାନାଙ୍ଗ୍, ତା ଆତିସ୍ ହେଞ୍ଜାର୍ ତାଣ୍ଡତାଂ ପିହୁଙ୍ଗ୍; ୩ ଲାଗିଂ ଇମ୍‌ଣି କ୍ରିସ୍ଟୁ ନା ତାକେ କାତା ଇଞ୍ଜନାନା, ଏପେଙ୍କ୍ ତା ପାମ୍‌ାଣ୍ ତେକ୍‌ନାଦେରା; ହେଞ୍ଜାନ୍ ମି କାଜିଂ ନାଦାର୍ ଆକାୟ୍, ମତର୍ ମି ବିତ୍ତେ ସାକ୍ତିକାଗାକାନ୍ ଆତାନ୍ନା । ୪ ଇନାକିଦେଂକି ଆତିସ୍‌ପା ହେଞ୍ଜାନ୍ ନାଦାର୍ କାଜିଂ କ୍ଲସ୍‌ତ ଦୁମ୍‌ତାନ୍, ଆତିସ୍‌ପା ଇସ୍ତତ୍ ସାକ୍ତି କାଜିଂ ହେଞ୍ଜାନ୍ ଜିତାନ୍‌ନା । ଆସେଙ୍କ୍ ପା ତା ତାକେ ନାଦାର୍, ମତର୍ ଇସ୍ତତ୍ ସାକ୍ତି କାଜିଂ ଆପ୍ ମି କାଜିଂ ତା ଲାହାଙ୍କ୍ ଜିବୁନ୍ ଆନାସ୍ ।

୫ ମି ପାତ୍‌ତ ମାନାଦେର୍ କି ଆକାୟ୍, ହେ ବିସ୍ତେ ଜାର୍ ଜାର୍‌ତିଂ ପରିକ୍ୟା କିୟାଟ୍, ଜାର୍ ଜାର୍‌ତି ବିଚାର୍ କିୟାଟ୍ ନଲେ ଜିସ୍ଟୁ କ୍ରିସ୍ଟୁ ଜେ ମି ତାକେ ମାନାନ୍, ଇଦାଂ କି ଏପେଙ୍କ୍ ଜାର୍ ଜାର୍ ବିସ୍ତେ ପୁନ୍‌ଦେର୍ ? ଜଦି ଇଦାଂ ଆଡ୍‌ଡ୍, ତା ଆତିସ୍ ଏପେଙ୍କ୍ ପୁରା ବାବ୍ରେ ଆରା ଆତାଦେର୍ଣ୍ଣା । ୬ ମତର୍ ଆନ୍ ବାସ୍ କିନାଙ୍ଗ୍, ଆସେଙ୍କ୍ ଜେ ପରିକ୍ୟା ହାର୍, ଇଦାଂ ଏପେଙ୍କ୍ ପୁନାଦେର୍ । ୭ ମତର୍ ଏପେଙ୍କ୍ ଇନେସ୍ ଇମ୍‌ଣାକାପା ବାନ୍‌ୟା କାମାୟ୍ କିମାଟ୍, ଇଦାଂ କାଜିଂ ଆପେଂ ଇସ୍ତତ୍ ଲାଗାଂ ପାର୍ତାନା କିନାପା; ଆସେଙ୍କ୍ ଇନେସ୍ ପରିକ୍ୟାସିଦ୍ ଇଞ୍ଜି ଚଞ୍ଜୟା ଆନାସ୍, ଇଦାଂ କାଜିଂ ପାର୍ତାନା କିଡ୍‌ସା, ମତର୍ ପରିକ୍ୟାସିଦ୍ ଆଞ୍ଜି ଲାକେ ଚଞ୍ଜୟା ଆତିସ୍ ପା ଇନେସ୍ ଏପେଙ୍କ୍ ହାର୍‌ଦି କାମାୟ୍ କିୟାଟ୍, ଇଦାଂ କାଜିଂ ପାର୍ତାନା କିନାପା । ୮ ଇନାକିଦେଂକି ଆପେଂ ହାଡ୍‌ପା ବିସ୍ତେ ଇନାକା କିଦେଙ୍କ୍ ଆଡ୍‌ପା, ମତର୍ ହାଡ୍‌ପା ବେରୁତ କିଦେଙ୍କ୍ ଆଡ୍‌ନାପ୍ । ୯ ଲାଗିଂ ଆପେଂ ଏଚେକାଡ୍‌ଦ ନାଦାର୍ ଆରି ଏପେଙ୍କ୍ ଆଟ୍‌ଞ୍ଜା, ହେ ପାଦ୍‌ନା ଆସେଙ୍କ୍ ଖାରି କିନାସ୍; ଏପେଙ୍କ୍ ଇନେସ୍ ହାର୍ ଆଡ୍, ଇଦାଂ ପା ଆପେଂ ପାର୍ତାନା କିନାସ୍ । ୧୦ ଇଦାଂ କାଜିଂ ମାନ୍‌ଞ୍ଜାଦାଂ ଆନ୍ ଇ ସବୁ ଲେକି କିନାଙ୍ଗା, ଇନେସ୍ ଏକିସ୍, ମାପୁ ନାଙ୍ଗେଙ୍କ୍

ଇମ୍ପାଣି ଆଦିକାର୍ ବାଜ୍ୟାୟ କିମି କାଜିଂ ହିଦ୍‌ଝାଦାଂ ଗାଡ଼ି କିମି କାଜିଂ ହିଦ୍‌ନା, ହେ
ଆଦିକାର୍ ଇସାବେସ୍ତେ ବେସି ବେବାର୍ କିଦେଇଁ ନାଇଁ ଆଉଡ଼ ।

୧୧ ହାରିହାରା, ଏ ଟଣ୍ଡାର୍, ଆରି ତଣ୍ଡେକ୍ ଖାରି କିୟାଟ୍, ହାଦ୍‌କା ଆତ, ହାରି
ଖାରିକିୟା କିୟାଟ୍, ରମାନ୍ ଆତ, ସୁସ୍ତାତ ବାହାକିୟାଟ୍, ଆରେ ଜିଉନନାକା ଆରି
ସୁସ୍ତାନି ଇସ୍‌ର ମି ଲାହାଙ୍ଗ୍ ମାନ୍‌ଗାନାନ୍ ।

୧୨ ପୁଇପୁୟାତ ତନ୍‌ଞ୍ଜି ହାରି ଜୁଝାର୍ କିୟାଟ୍ ।

ଝିଜାର୍ ସାଦୁର୍ ମିଙ୍ଗେଇଁ ଜୁଝାର୍ କିୟାଟା ।

୧୩ ମାପୁ ଜିସୁ କ୍ରିସ୍ତୁ ଉପକାର୍, ଇସ୍‌ତ ଜିଉନନାକା ଆରି ପୁଇପୁୟା ଜିବୁନ୍
ମେହାଣ୍ ମି ଝିଜାର୍ ଲାହାଙ୍ଗ୍ ଆଏଡ଼ ।

ଗାଲାତିୟ ମଣ୍ଡଳୀ ନିକଟକୁ ପ୍ରେରିତ ପାଉଲକ ପତ୍ର ଗାଲାତିୟ ମଣ୍ଡଳି ଲାଗାଂ ପକ୍ୟାତି ପାଉଲତି ଆକି ଗାଲାତିୟ ପତି ବିସ୍ତେ ପାଦେକ୍

ଗାଲାତିୟ ଆକି ପକ୍ୟାତି ପାଉଲତି ହୁକେ ଲେକାତାତନା । ୧:୧ ଇ ଆକି ଗାଲାତିୟ ମଣ୍ଡଳିନି ପାତର୍ କିନାକାରିଂ ଜିସୁ କ୍ରିସ୍ତୁତି ଜଲମ୍ ୪୮ ତାଂ ୫୭ ବାହୁଁ ବିତ୍ତେ ଲେକାଜି ମାତାତ୍ ଗାଲାତିୟାର ରମ୍ ଦେସ୍‌ନି ଗାତିୟାତ ବାହା କିଜି ମାତାର । ପାଉଲ ଇ ଆକି ଲେକିକିନି ଖେଡ଼ାଙ୍ଗ୍ ଇମେତାକେ ମାତାନ ଇବେ ପଣ୍ଡିତାର ସମାନ ହିଲୁର୍, ମାତର୍ ଏପିସି କି କରନ୍ତିତ ଇ ରିବାହା ଆଜି ମାନଗାନାତ୍ ଇଞ୍ଜି ଇନାର । ପାଉଲ ଗାଲାତିୟ ମଣ୍ଡଳିନି ରିୟାର ଜିହୁଦି ଆରି ପାତର୍ କିଞ୍ଜି ଜିହୁଦି କ୍ରିସ୍ତୁୟାନାତର୍ ନା ହିଜି ଆକି ଲେକିକିନାନ । ହେଞ୍ଜାନ ହାତ୍‌ପା ବାରେ ମିର୍ ହିକ୍ୟାତିଂ ଲଡି କିନି କାଜିଂ ଲେକିକିଜି ମାତାନ, ହେଦାଂ କ୍ରିସ୍ତୁୟାନର୍ ପ୍ଲାନି ନିୟମ୍‌ନି ଜିହୁଦି ବିଦିତିଂ ଚାଲାନାକା ଇନପାନାତା, ହାତ୍‌ପା ରତେ ସୁନ୍ନତ୍ ବିଦି ବିସ୍ତେ । କ୍ରିସ୍ତୁୟାରିଂ ବିତ୍ତେ କେତେକ୍ ଦଲ୍ ମାତାର ଇମ୍‌ଗାକାରିଂ ଜୁଡ଼ାୟ୍ ଜମ୍ ଇଞ୍ଜି ମାତାର ହେଞ୍ଜାର ପାତର୍ କିଞ୍ଜି ଜିହୁଦି କ୍ରିସ୍ତୁୟାରିଂ ସୁନ୍ନତ୍ ବିଦି ପାଲି କିଦେଙ୍ଗ୍ ଇଞ୍ଜି ମାତାର । ହେଞ୍ଜାର ପା ପାଉଲତି ପକ୍ୟାଜି ମାତି ଆଦିକାର୍ ବିସ୍ତେ ପର୍ସନ୍ କିଜି ମାତାର । ପାଉଲ୍ ଏତେଗଟା କାତାଙ୍ଗ୍ ବିସ୍ତେ ତା ପକ୍ୟାଜି ମାତି ବିସ୍ତେ ଇଞ୍ଜି ହେଞ୍ଜାରିଂ ବୟ୍ କିନାନ ୧:୧୧୨:୧୪ ଆରି ଜିସୁ କ୍ରିସ୍ତୁଙ୍ଗ୍ ପାତର୍ କିନି କାସି ମୁକ୍ତାନାକା ଇଦାଂ ବୁଜାୟ୍ କିଜି ନେକ୍ରିକାବୁର୍ତ୍ତିଂ ରାକ୍ୟା କିତାର୍ ୨:୧୭ । ଇନାକା ଇସ୍‌ବର୍ ଦୟାତାଂ ଆଜି ମାନାତ୍ ମାନାୟ୍ ଇନାକା କିଜି ମାନାନ ହେବେତାଂ ଆକାୟ୍ ।

ପତି ବିସ୍ତେନି ରାହାଣ

- ୧. ପାଉଲତି ବାନ୍ଦାୟ୍ ୧:୧-୫
- ୨. ପାଉଲତି ନଙ୍ଗିନି ଜିବୁନ୍, ତା ହିକ୍ୟା ହିନାକା ଆଦିକାର୍, ବିଦିନି କାମାୟ୍ ବିସ୍ତେ ୧:୨୨:୨୧
- ୩. ବିଦିନି କାମାୟ୍, ଆରି ଇସ୍‌ବର୍ତ୍ତି ଦୟାତାଂ ମୁକ୍ତାନି ବିସ୍ତେ୩:୪
- ୪. ହାତ୍‌ପା କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ଖେର୍ନାକା ୫:୧-୬:୧୦
- ୫. ପାଉଲତି ଇନାକା, ଆରି ଇସ୍‌ବର୍ତ୍ତି ହୁକେ ଜିବୁନ୍ ମାନବାଦଲାନାକା ଲଡ଼ା । ୬:୧୧-୧୮

୧ ଆନ୍ ପକ୍ୟାତାକାନ୍ ତେଲା ପାଉଲ୍, ମାନାୟ୍‌ତାଂ ଆକାୟ୍, କି ମାନାୟ୍ ହୁକେ ଆକାୟ୍, ମାତର୍ ଜିସୁ କ୍ରିସ୍ତୁ ହୁକେ ଆରି ଇମ୍‌ଣି ଆବା ଇସ୍‌ବର୍ ତାଙ୍ଗେଙ୍ଗ୍ ହାତାକାର୍ ବିତ୍ତେତାଂ ନିକ୍ତାନ, ହେ ଜିସୁ କ୍ରିସ୍ତୁତାଂ ପାୟାତାନ୍ନା । ୨ ଆରେ ନା ଲାହାଙ୍ଗ୍ ମାନି ପାତର୍ କିନି ଟଣ୍ଡାର୍ ଆରି ତଣ୍ଡେକ୍ ଖିଜାର୍ ଗାଲାତିଆ ମାନି ମଣ୍ଡଳିକାଂ ଜଞ୍ଜାର୍ ଜାଣାୟ୍ କିନାଙ୍ଗା ।

୩ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁ ମିଙ୍ଗେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେତ୍ ।

୪ ହେଞ୍ଜାନ ମା ଆବା ଇସ୍‌ବର୍ ଇଗାତାଂ ଇ ପାପ୍‌ନି ସଁସାର୍‌ତାଂ ମାଙ୍ଗେଙ୍ଗ୍ ଉଦାର୍ କିଦ୍‌ନି କାଜିଂ ମା ପାପ୍ କାଜିଂ ଜାର୍‌ତିଂ ହେଲ୍‌ୟାୟ୍ କିତାନ; ୫ ଜୁଗ୍ ଜୁଗ୍ ଇସ୍‌ବର୍ତ୍ତି ଜାଜ୍‌ମାଲ୍ ଆୟେତ୍ । ଆମେନ୍ ।

ରଞ୍ଜାଙ୍ଗ୍ ମାତର୍ ନେକ୍ରିକାବୁର୍

୬ କ୍ରିଷ୍ଣତି ଉପକାରତ ଇନେର୍ ମିଙ୍ଗ୍ କୁନ୍ଧାତାନ୍, ଏତେକ୍ ବେଗି ଏପେଙ୍ଗ୍ ତାଙ୍ଗ୍ ପିସ୍ସି ବିନ୍ ର ନେକ୍ରିକାବୁର୍ କାଜିଂ ୱାରିୟା ଆନାଦେରା, ଇବେ ଆନ୍ କାବା ଆନାଙ୍ଗା; ୭ ହାଡ଼ପାତ “ବିନ୍ ଇମ୍ଫାଣି ନେକ୍ରିକାବୁର୍” ଆକାୟ୍, ମାତର୍ ଆନ୍ ଏଲେଙ୍ଗ୍ ଇଞ୍ଜନାଙ୍ଗା, ଇନେକିଦେଂକି କେତେକ୍ କ୍ରିଷ୍ଣତି ନେକ୍ରିକାବୁର୍ ବିନ୍ ବାଦ୍ଲାୟ୍ କିଜି ସେସ୍ସୁ କିନାରା ମିଙ୍ଗେଙ୍ଗ୍ ଇଣ୍ଟିଙ୍ଗ୍ ହାଣ୍ଟିଙ୍ଗ୍ କିଦେଙ୍ଗ୍ ସେସ୍ସୁ କିନାରା । ୮ ମାତର୍ ଇମ୍ଫାଣି ନେକ୍ରିକାବୁର୍ ଆପେଂ ମି ଲାଗାଂ ପର୍ତାର୍ କିଜି ମାଟାପ, ଜଦି ହେଦାଂ ତାଂ ବିନ୍ ର ନେକ୍ରିକାବୁର୍ ଆପେଂ ଜାର୍ ନଲେ ସାଗେଂ ଦୁଡ଼ ପର୍ତାର୍ କିନାଡ଼, ଲାଗିଂ ହେଦେଲ୍ ତାଆତିସ୍ ହେଞ୍ଜାନ୍ ରାଣ୍ ପାୟା ଆଏଡ଼ । ୯ ଇନେସ୍ ଆପ୍ ପୁର୍ବେତାଂ ଇଞ୍ଚାପ୍ନା, ହେ ଲାକେ ଆନ୍ ନଙ୍ଗ୍ ଆରେ ରଗ ଇଞ୍ଜନାଙ୍ଗା, ଇମ୍ଫାଣି ନେକ୍ରିକାବୁର୍ ଏପେଙ୍ଗ୍ ଇଡ଼ଜି ମାଟାଦେର୍, ଇଦାଂ ବିନ୍ ଜଦି ଇମ୍ଫାଣି ଲଗୁ ବିନ୍ ନେକ୍ରିକାବୁର୍ ମି ଲାଗାୟ୍ ପର୍ତାର୍ କିନାନ୍, ୱାଟିଙ୍ଗ୍ ହେଞ୍ଜାନ୍ ରାଣ୍ ପାୟା ଆଏଡ଼ ।

୧୦ ଇଦାଂ ୱେନ୍‌ଞ୍ଜି ଏପେଙ୍ଗ୍ ଇନାକା ମାନେ କିନାଦେରା ଜେ ଆନ୍ ମାନାୟାବୁଡ଼ି ରାଜି ଲାବ୍ କିନି କାଜିଂ ସେସ୍ସୁ କିନାଙ୍ଗା ? ଆକାୟ୍ ମୂଲେ ଆକାୟ୍ । ଆନ୍ ଇଚା କିତିସ୍ କେବଲ୍ ଇସ୍ପୁରତି ରାଜି । ଆନ୍ ଇନାକା ମାନାୟାବୁର୍ ୱାରି ଆନି କାଜିଂ ଇଚା କିନାଙ୍ଗା ? ଆନ୍ ଜଦି ଇ ପାତେକ୍ ମାନାୟାବୁର୍ ୱାରି ଆଦେଂ ସେସ୍ସୁ କିଜି ମାନାର୍, ଲାଗିଂ ଆନ୍ କ୍ରିଷ୍ଣତି ଆଡ଼ିୟା ଆଜି ମାନ୍‌ଗୁନ୍ ।

ପାଉଲ୍ ଇନେସ୍ ପକ୍ୟାତି ତେଲା ଆତାନ୍

୧୧ ଇନାକିଦେଂକି, ଏ ଟଣ୍ଡାର୍ ଆରି ତଣ୍ଡାଦେକ୍, ଇମ୍ଫାଣି ନେକ୍ରିକାବୁର୍ ନା ହୁଦାଂ ପର୍ତାର୍ ଆତାଡ଼ନ୍ନା, ହେ ବିସ୍ତେ ମିଙ୍ଗ୍ ୱେଡ଼ଚାନାଙ୍ଗା ଜେ, ହେଦାଂ ମାନାୟାବୁଡ଼ି ୱେୟ୍‌ତାଂ ଆକାୟ୍; ୧୨ ଆନ୍ ଇମ୍ଫାଣି ହେ ମାନାୟାବୁଡ଼ି ହେଦାଂ ଗାଟା ଆଞ୍ଜାତାଂନା କି ଇନେର୍ ନାଙ୍ଗେଙ୍ଗ୍ ହିକ୍ୟା ହିଦ୍‌ଞ୍ଜାତାଂନା, ମତର୍ ଜିସୁ କ୍ରିଷ୍ଣତି ହୁଦାଂ ଗାଟାତାଂନା ।

୧୩ ଜିହୁଦି ଦରମ୍ କାଜିଂ ପାତ୍ କିଜି ମାନି ସମୁତ ଆନ୍ ଇନେସ୍ ଆଚାର୍ ବେବାର୍ କିଜି ମାଟାଙ୍ଗ୍, ଇନେସ୍ ମାନ୍ ଦିୟାନ୍ ବାବ୍ରେ ଇସ୍ପୁରତି ପାର୍ତାନା କିନି ମଣ୍ଡଲିତିଂ ନିୟା କିଜି ମାଟାଙ୍ଗ୍ ଆରି ହେଦାଂ ନାସ୍ କିଦେଙ୍ଗ୍ ସେସ୍ସୁ କିଜି ମାଟାଙ୍ଗ୍, ଇ ସବୁ ବିସ୍ତେ ମିଙ୍ଗେଙ୍ଗ୍ ୱେଡ଼ିୟାତାଡ଼ନା ୧୪ *ଜିହୁଦି ଦରମ୍ ମାନିକିନାକା ସମାନ୍‌ଞ୍ଜେଡ଼ାଂ ଜିହୁଦିର୍ ବିତ୍ତେ ଆନ୍ ଆଗେ ମାଟାଙ୍ଗ୍ ଆରି ମା, ଆବାଲାତ୍ରାତି ଆଦିକ୍ ରିତିନିତି କାଜିଂ ବେସି ତାଟ୍ ମାଟାଙ୍ଗ୍ ।

୧୫ *ମତର୍ ଇସ୍ପୁର୍ ତା ଉପକାରତ ନା ଜଲମ୍ ଆଗେତାଂ ନାଂ ବାଟିକିଜି ମାନ୍‌ଚାନ୍ ଆରି ତା ହେବା କିନି କାଜିଂ ନାଙ୍ଗ୍ କୁକ୍ଟି ମାନ୍‌ଚାନ୍ । ୧୬ ଆରେ ପାତ୍ କିଞ୍ଜି ଜିହୁଦିର୍ ଲାଗାଂ ନେକ୍ରିକାବୁର୍ ପର୍ତାର୍ କିନି କାଜିଂ ଏତେକାଡ଼ନ୍ ନା ଲାଗାଂ ହେଞ୍ଜାନ୍ ତା ମାଜିଂ ହପ୍‌ତାନ୍, ଇ ବିସ୍ତେ ବୁଜାୟ୍ କିନି କାଜିଂ ଆନ୍ ବିନ୍ ମାନାୟ୍ ଲାଗାଂ ହାଲ୍‌ଞ୍ଜାଦାଂ ମାଟାଙ୍ଗ୍ । ୧୭ ଇ ଲାକେ କି ନା ଆଗେତାଂ ଇମ୍ଫାଣାକାର୍ ପକ୍ୟାତାକାନ୍ ତେଲା ଆଜି ମାଟାନ୍ ହେଞ୍ଜାର୍ ଲାହାଂ ପା ବେଟ୍ ଆଦେଂ ଜିରୁସାଲମ୍‌ତ ହାଲ୍‌ଞ୍ଜାଦାଂ ମାଟାଙ୍ଗ୍ । ଇତିସ୍ ଆନ୍ ସାଙ୍ଗେ ସାଙ୍ଗେ ଆରବ୍ ଦେସ୍‌ତ ହାଲ୍‌ଜି ମାଟାଙ୍ଗ୍ ଆରି ତା ପାତେ ଦମ୍ପ୍ରେସକ୍ତ ମାସ୍‌ଦିଞ୍ଜାତାଂ । ୧୮ *ତା ପାତେ ତିନି ବାହୁଁ ହାଟିପାତେ ଆନ୍ ପିତର୍ ଲାହାଙ୍ଗ୍ ବେଟ୍ ଆନି କାଜିଂ ଜିରୁସାଲମ୍‌ତ ହାଟାଙ୍ଗ୍ ଆରି ତା ଲାହାଙ୍ଗ୍ ପନ୍ଦର ଦିନ୍ ମାଟାଙ୍ଗ୍ । ୧୯ ମାତର୍ ମାପୁତି ଟଣ୍ଡେନ୍ ଜାକୁବ୍‌ତିଂ ପିସ୍ସି ଆନ୍ ବିନ୍ ଇମ୍ଫାଣି ପକ୍ୟାତାକାନ୍ ତେଲା ଲାହାଂ ବେଟା ଆଞ୍ଜାଦାଂ ମାଟାଙ୍ଗ୍ ।

* ୧:୧୪ ୧:୧୪ ପକ୍ୟାତାକା ୨୨:୩। * ୧:୧୫ ୧:୧୫ ପକ୍ୟାତାକା ୯:୩-୬; ୨୨:୬-୧୦; ୨୭:୧୩-୧୮। * ୧:୧୮ ୧:୧୮ ପକ୍ୟାତାକା ୯:୨୭-୩୦।

୨୦ ଆନ୍ ଇନାକା ଲେକିକିନାକା, ହେଦାଂ ହାଡ଼ପା; ଇସ୍ବର ପୁନାନ୍, ଆନ୍ ମିଚ୍ ଇନୁକା ।

୨୧ ଇଦାଂ ପାଚେ ଆନ୍ ସିରିୟା ଆରି କିଲିକିୟାନି ବେସି ବାହାତ ହାଲ୍ଲି ମାଚାକ୍ ।

୨୨ ହେ ସମୁତ ଜିହୁଦା ଦେସ୍ ମାନି କ୍ରିଷ୍ଟିୟାନ୍ ମଣ୍ଡଲିନି ପାଚ୍ କିନାକାର ନାକ୍ ଜାର୍ତି ବିସ୍ତେ ପୁନ୍‌ଖାଦାଂ ମାଚାର୍; ୨୩ ନା ବିସ୍ତେ ବିନ୍‌ନିକାର ଇନାକା ଇଞ୍ଜି ମାଚାର୍, ହେଞ୍ଜାର୍ କେବଲ୍ ହେ ଏଚେକ୍ ପୁନ୍‌ଞ୍ଜି ମାଚାର୍, “ବିନ୍‌ନିକାରତାଂ ହେଞ୍ଜାର୍ ଖେନ୍‌ଞ୍ଜି ମାଚାର୍, ଇମ୍‌ଣି ମାନାୟ୍ ମାଂ ଇଣ୍ କିଜି ମାଞ୍ଚାନ୍, ଆରି ମେହାଜି ଦରମ୍‌ତିଂ ନାସ୍ କିଦେକ୍ ସେସ୍ଟୁ କିଜି ମାଚାନ୍, ନକ୍ ହେଞ୍ଜାନ୍ ହେ ଇମ୍‌ଣି ପାଚ୍ ନେକ୍ରିକାରୁର୍ ପରଚାର୍ କିନାନା ।”

୨୪ ଆରେ ହେଞ୍ଜାର୍ ନା କାଜିଂ ଇସ୍ବରତିଂ ଜାଜ୍‌ମାଲ୍ କିଜି କେରଜି ମାଚାର୍ ।

୨

ପାଉଲ୍ ଆରି ବିନ୍ ପକ୍ୟାତି ତେଲାର୍

୧୦୦୦ ପାଚେ ଚଉଦ ବାର୍ଷ୍ଟ ହାତିପାଚେ, ଆନ୍ ବର୍ଣ୍ଣବା ଲାହାକ୍ ଆରେ ଜିରୁସାଲମ୍‌ତ ହାଚାକ୍, ତିତସ୍‌ତିଂ ପା ହାକ୍‌ଦାଂ ଅଜି ହାଲ୍ଲି ମାଚାପ୍ । ୨ ହେବେ ହାନାକା ମାନାଡ଼ ଇଞ୍ଜି ଇସ୍ବରତାଂ ବିନ୍‌ଦେସ୍‌ତ ପାୟାଜି ହାଲ୍ଲି ମାଚାପ୍ । ପାଚ୍ କିଞ୍ଜି ଜିହୁଦିର୍ ଲାଗାଂ ଆନ୍ ଇମ୍‌ଣି ନେକ୍ରିକାରୁର୍ ସୁଣାୟ୍ କିଜି ମାନାକ୍, ଜିରୁସାଲମ୍‌ନି ନେତାରିଂ ର ଇଞ୍ଜିନି ସବାତ ହେଦାଂ ବୁଜାୟ୍ କିଜି ମାଚାକ୍ । ଆଗେନିକା ନଲେ ନକ୍‌ନିକା ସମୁନି କାମାୟ୍ ଇନେସ୍ ପଲ୍ୟା ଆଉଡ଼ ହେଦାଂ କାଜିଂ ହୁଡ଼ଜି ମାଚାକ୍ । ୩ ମାଚର ନା ହାକ୍‌ଦି ତିତସ୍, ରଞ୍ଜାନ୍ ଗ୍ରିକ୍ ଲଗୁ ଆଜି ମାଚିସ୍‌ପା, ହେଞ୍ଜାନିଂ ସୁନ୍‌ଡ଼ ଆନି କାଜିଂ ଜବରଦସ୍ତିତ କିଞ୍ଜାଦାଂ ମାଚାର୍; ୪ ଆତିସ୍‌ପା କେଡ଼ଜାଣ୍ ମାନାୟ୍ ହେଞ୍ଜାନିଂ ସୁନ୍‌ଡ଼ କିଦେକ୍ ଇଚା କିଜି ମାଚାର୍ । ହେଞ୍ଜାର୍ ପାଚ୍ କିନାକାର୍ ଟଣ୍ଡେନ୍ ଇଞ୍ଜି ଚାଲାକି କିଜି ଡ଼କ୍‌କ୍‌ତି ଚରେନ୍ ଲାକେ ଦାଡ଼୍ ଏକିସ୍ ମାଚାନ୍ । କ୍ରିଷ୍ଟ ଜିସୁ ଲାହାଂ ମେହାନାକା ହୁକେ ଆପେଂ ଇମ୍‌ଣି ଜାର୍‌ତାରେନ୍ ଲାବ୍ କିନାପା, ତାଦାଂ ଡେକ୍‌ନାକା ହେଞ୍ଜାର୍‌ତି ଉଦେସ୍ ମାଚାଡ଼, ମାକ୍‌କେକ୍ ଆରେରଗ ବିଦିନି ଆଡ଼ିଏନ୍ ଆଦେଂ ହେଞ୍ଜାର୍ ଇଚା କିଜି ମାଚାର୍ । ୫ ମାଚର ମି କାଜିଂ ନେକ୍ରିକାରୁର୍ ହାଡ଼ପାତିଂ ଚାଲା ଆଜି ମାନି କାଜିଂ ଆସେକ୍ ହେ ପରଚାର୍ କିନାକାରିଂ ଚାନେକ୍ ମତର ପାବ୍ ହିଞ୍ଜାଦାଂ ମାଚାର୍ ।

୬ ମାଚର ଇମ୍‌ଣାକାର୍ ନେତା ଇଞ୍ଜି ଡାକ୍‌ପୁଟା ଆଜି ମାଚାର୍, ହେଞ୍ଜାର୍ ଜେ ଇନେର୍ ଆନାର୍, ହେବେ ନାଦାଂ ଇନାକା ହାଲେଡ଼ କି ହାଲ୍‌ମେଡ଼; ଇନେକିଦେଂକି ବାର୍ତି ବେବାର୍ ହୁଡ଼ଜି ଇସ୍ବର ଇନେର୍ ବିଚାର୍ କିଜନ୍, ହେ ନେତାର୍ ନାକ୍ ଇମ୍‌ଣାକା ପା ପୁନି ହିକ୍ୟା ହିଦ୍‌ଞ୍ଜାଦାଂ ମାନଚାର୍ । ୭ ଇତିସ୍ ବିନ୍ ପାକ୍ୟାତ, ଏଚେକାଡ଼୍ ହେଞ୍ଜାର୍ ହୁଡ଼ଜି ମାଚାର୍ ଜେ, ପିତରତିଂ ଇନେସ୍ ସୁନ୍‌ଡ଼ ପାୟାତି ମାନାୟାର୍ ବିତ୍ରେ, ନାକ୍ ହେ ଲାକେ ସୁନ୍‌ଡ଼ ପାୟାଞ୍ଜିତି ବିତ୍ରେ ନେକ୍ରିକାରୁର୍ ପଚାର୍ କିନି ବଜ୍ ହେଲାୟ୍ କିତାଣ୍ଟା, 「ଇନାକିଦେଂକି ସୁନ୍‌ଡ଼ ପିତର ଇନେସ୍ ଇସ୍ବରତି ସାକ୍ରି ହୁଦାଂ ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଚିକିୟାଜି ମାଚାନ୍, ଆନ୍ ପା ସମାନ୍ ହେ ଲାକେ ଇସ୍ବରତି ସାକ୍ରି ହୁକେ ପାଚ୍ କିଞ୍ଜି ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଚିକିୟାତାଂ । ୯ ମୁଣ୍ଡା ଲାକେ ବାଚିକିୟାତି ଜାକ୍‌ବ୍, ପିତର ଆରି ଜହନ୍ ମାନିକିଜି ମାଚାର୍ ଜେ, ଇସ୍ବର ନାକ୍ ଇ ବିସ୍ତେ ଦୟା କାମାୟ୍‌ନି ବଜ୍ ହିଡ଼ତାନ୍‌ନା । ଲାଗିଂ ହେଞ୍ଜାର୍ ନାକ୍ ଆରି ବର୍ଣ୍ଣବା ହାକ୍‌ଦାକାନ୍ ଲାକେ ଖାରିତାଂ ଇଟ୍ୟାଜି ମାଚାନ୍ । ବର୍ଣ୍ଣବା ଆରି ଆନ୍ ପାଚ୍ କିଞ୍ଜି ଜିହୁଦିର୍ ବିତ୍ରେ କାମାୟ୍ କିନାପ୍ ଆରି ହେଞ୍ଜାର୍ ସୁନ୍‌ଡ଼ ବିତ୍ରେ କାମାୟ୍ କିନାପ୍ ଇଞ୍ଜି ରମାନ୍ କିଜି ମାଚାପ୍ । ୧୦ ହେଞ୍ଜାର୍ କେବଲ୍ ଏଚେକ୍ ଗଞ୍ଜାରି କିଜି ମାଚାନ୍ ଜେ,

୧୦୧ ୨:୧ ପକ୍ୟାତାକା ୧୧:୩୦; ୧୫:୨.

ଆପେଂ ହେୱାରିଂ ଦଲ୍ଲଦ ମାନି ହିଲାକାରିଂ ଏଡ଼ କିନାସ୍, ହେ ବିସ୍ତେ କାଜିଂ ନେ ନା
ଇଚା ମାଚାଡ଼ ।

ଆନ୍ତିୟକିଆତ ପିତରଂ ପାଉଲ୍ତି ଗଡ଼୍

୧୧ ମାତର୍ ପିତର୍ ଆନ୍ତିୟକିଆତ ୱାଜି ମାନିହିଂ ଆନ୍, ହେପାଦନା ଆନ୍ ମୁମ୍ ଜପି
ହେୱାନିଂ କେଡ଼ତାଂ, ଇନାକିଦେଂକି ହେୱାନ୍ ଦସି କାମାୟ୍ କିଜି ମାଚାନ୍ । ୧୨ ଜାକୁବ୍
ହୁକେ ପକ୍ୟାତି କେଡ଼ଜାଣ୍ ମାନାୟ୍ ହେବେ ୱାନି ପୁର୍ବେ, ପିତର୍ ପାତ୍ କିଞ୍ଜି ଜିହୁଦିର୍
ଚଣ୍ଡାର୍ ଆରି ତଣ୍ଡେକ୍ ଲାହାଂ ଚିନ୍ତ୍ଜି ମାଚାନ୍, ମାତର୍ ପାଣ୍ଡାତାର୍ । ହେୱାର୍ ଲାହାଂ
ହେୱାନ୍ ଆରେ ତିନ୍ତ୍ଜାତାନ୍, ଇନେକିଦେଂକି ପାତ୍ କିଞ୍ଜି ଜିହୁଦିର୍ ସୁନ୍ନଡ଼୍ ଆଦେଂ
ଲଡ଼ା ଇଞ୍ଜି ଇମ୍ନାକାର୍ ଇଞ୍ଜି ମାଚାର୍, ହେୱାନ୍ ହେୱାରିଂ ପାଣ୍ଡାଜି ମାଚାନ୍ । ୧୩ ବିନ୍
ଜିହୁଦି ଚଣ୍ଡାର୍ ପିତର୍ତି ଲାହାଂ ଏକିସ୍ କାପ୍ପୁୟା ଲାକେ ବେବାର୍ କିଜି ମାଚାର୍,
ଏଲେଙ୍ଗ୍ ଲାକେ କି ବର୍ଣ୍ଣବା ପା ହେୱାର୍ କୁଚ୍ତ ଆର୍ତାନ ୧୪ ମାତର୍ ଏତେକାଡ଼ଦ୍ ଆନ୍
ହୁଡ଼ତାଂ ଜେ, ନେକ୍ରିକାଚୁରନ୍ ହାଡ଼ପା ଇସାପ୍ରେ ହେୱାର୍ ହୁଦାର୍ ବେବାର୍ କିଉରା,
ଆନ୍ ହେୱାର୍ ମୁମ୍ଦ ପିତର୍ତିଂ ଇଞ୍ଜି ମାଚାଙ୍ଗ୍, “ଜଦି ଏନ୍ ଜିହୁଦି ଆଜି ପାତ୍ କିଞ୍ଜି
ଜିହୁଦିର୍ ଲାକେ ଜିବୁନ୍ ଜିଉଣା କିନାଦେରା, ୱାଟିଙ୍ଗ୍ ଏପେଙ୍ଗ୍ ଇନେସ୍ ପାତ୍ କିଞ୍ଜି
ଜିହୁଦିର୍ ଲାକେ ଚିନ୍ତା କିଦେଙ୍ଗ୍ କାଜିଂ ବଲକ୍ଚାର୍ କିନାଦେରା ?”

ପାତ୍ ହୁଦାଂ ମୁକ୍ତାନାକା

୧୫ ହାଡ଼ପା ଆପେଂ ଜଲମ୍ତାଂ ଜିହୁଦି, “ଆତିସପା ପାପିର୍ ପାତ୍ କିଞ୍ଜି ଜିହୁଦିର୍”
ଆକାୟ୍, ୧୬ ଆତିସପା ଆସେଙ୍ଗ୍ ପୁନାସ୍, ବିଦିନି ଗଡ଼୍ କିନାକା ସବୁ ପାତ୍ କିନି
କାଜିଂ ଆକାୟ୍, ମାତର୍ କେବଲ୍ ଜିସୁ କ୍ରିସ୍ତାକେ ପାତ୍ କିନି ହୁଦାଂ ରୱାନ୍ ଇସ୍ବର୍
କାଣ୍ଡକ୍ଚାଂ ଦାମ୍ ଇଞ୍ଜି ଇନ୍ୟାନାନ୍ ଆସେଙ୍ଗ୍ ଆରେ ବିଦି ଜପି ବେବାର୍ କିୱାଦାଂ
ଜିସୁ କ୍ରିସ୍ତତି ତାକେ ପାତ୍ କିନାସା, ଇନେକିଦେଂକି କେବଲ୍ ବିଦି ପାଲି କିନି ହୁଦାଂ
ମାନାୟ୍ ଇସ୍ବର୍ ମୁମ୍ଦ ଦାମ୍ ଗାଣାକିୟାଦେଂ ଆଡୁନ୍ । ୧୭ ମାତର୍ କ୍ରିସ୍ତତି ହୁଦାଂ
ମେହାଜି ଇସ୍ବର୍ କାଣ୍ଡକ୍ଚାଂ ଦାମ୍ ଆନି କାଜିଂ ସେସ୍ବୁ କିନିଖେଡ଼ାଂ, ଜଦି ଆସେଙ୍ଗ୍
ପା ପାତ୍ କିଞ୍ଜି ଜିହୁଦିର୍ ଲାକେ “ପାପି” ଆଜି ମାନାସା, ଇଦାଂ କାଜିଂ କ୍ରିସ୍ତ ଦାଇ ?
ଆକାୟ୍, ଇଦାଂ ଇନାୱାଡ଼ାଙ୍ଗ୍ ଆକାୟ୍ । ୧୮ ଇନାକିଦେଂକି ଇମ୍ନା ବିଦିନି ଗାଡ଼ଚାକା
ଆନ୍ ନାଚ୍ନାଙ୍ଗା ହେଦାଂ ଆରେ ରଚ୍ନାଙ୍ଗା ହାଟିସ୍ ଆନ୍ ଅପାରାଦି ଆନାଙ୍ଗା । ୧୯ ବିଦି
କାଜିଂ ଆନ୍ ବାତ୍ ହାକି ହେ ବିଦି ହୁକେ ନେ ଆନ୍ ହାତାଙ୍ଗ୍ନା ମାତର୍ ଆନ୍ ନଙ୍ଗ୍
ଇସ୍ବର୍ କାଜିଂ ଜିବୁନ୍ । କ୍ରିସ୍ତ ଲାହାଂ ତା କୁସ୍ତ ଜପି ଆନ୍ ପା ହାତାଙ୍ଗ୍ନା । ୨୦ ଲାଗିଂ
ନଙ୍ଗ୍ ହାଡ଼ପାତ୍ ଆନ୍ ଆରେ ଜିବୁନ୍ ଆକାୟ୍, ନା ତାକେ କ୍ରିସ୍ତନେ ଜିବୁନ୍ । ଆନ୍
ଗାଗାଡ଼ତ ମାନ୍ତ୍ଜି ନଂ ଇମ୍ନା ଜିବୁନ୍ ଜିଉଣା କିନାଙ୍ଗା ହେଦାଂ କେବଲ୍ ଇସ୍ବର୍ତି
ମାଜିତି ଜପି ନା ପାତ୍ ହୁକେ ଆତାଡ଼ନ୍ନା ଇନେର୍ ନାଙ୍ଗେଙ୍ଗ୍ ଜିଉନଜି ନା କାଜିଂ
ତା ଜିବୁନ୍ ଦାନ୍ କିତାନ୍ନା । ୨୧ ଇଦାଂ କାଜିଂ ଇସ୍ବର୍ତି ଉପକାର୍ତି ଆନ୍ ଇନାଖେଡ଼ାଂ
ପା ପଲ୍ୟା କିଦେଙ୍ଗ୍ ଆଡୁଙ୍ଗ୍ । ଇନାକିଦେଂକି କେବଲ୍ ବିଦି ହୁଦାଂ ଜଦି ରୱାନ୍ ଇସ୍ବର୍
କାଣ୍ଡକ୍ଚାଂ ଦାମ୍ ଆଦେଂ ଆଡ଼ନାନ୍, ଲାଗିଂ କ୍ରିସ୍ତତି ହାନାକା ମୁଲ୍ହିଲାକା ଇଞ୍ଜି
ଇଞ୍ଜେଙ୍ଗ୍ ଆନାଡ଼ ।

୩

ବିଦି ନଲେ ପାତ୍

୧ ଏ ବୁଜାଞ୍ଜି ଗାଳାତିୟାର୍ ! ଇନେର୍ ମି ଜପି ଗାଜାକିଡ଼ତାନ୍ ? ମି କାଣ୍ଡକୁ ମୁମ୍ଦ
ତ କୁସ୍ତ ହାତି ଜିସୁ କ୍ରିସ୍ତତି ବାନା ରଚ୍ନାଜି ମାଚାଡ଼ । ୨ ର କାତା ନାଙ୍ଗ୍ ଇଞ୍ଜା, ବିଦି

ପାଲି କିନି କାଜିଂ ଏପେଙ୍ଗ ପୁଇପୁୟା ଜିବୁନ୍ତିଂ ପାୟାତାୟନା, ଆକାୟ ନେକ୍ତିକାବୁର୍
 ଝେନ୍ଝି ହେବେ ପାତ୍ କିନି ହୁକେ ? ୩ ଏପେଙ୍ଗ ଇନାକା ଅବୁଜାକାଦେର୍
 ଆନାଦେରା ଇନେସ୍ ? ମାପୁତି ସାକ୍ତିତ ଇମଣି ଜିବୁନ୍ତ ହାକ୍ତାଦେଣ୍ଣା, ନିନ୍ ସାକ୍ତିତାଂ
 ଇନାକା ହେଦେଲିଂ ଗାଗାଡ଼ତ ବାତ୍ କିଦେଙ୍ଗ ଇତା କିନାଦେରା ? ୪ ଇଦାଂ କାଜିଂ
 ମି ଝିଜୁ ବାଦନା ଇନାକା, ମଲ୍ ହିଲାକା ହେବେଣ୍ଣାଂ ଇନାକା ହିକ୍ୟା କିଝାତାୟନା ?
 ୫ ଏପେଙ୍ଗ କେବଲ୍ ବିଦିତ ପାତ୍ କିଜିମାତିଲେ ଇନାକା ଇସ୍ବର୍ ମିଙ୍ଗେଙ୍ଗ ହେଝାନ୍ତି
 ଜିବୁନ୍ ହିଦନାନ୍ ଆରି ମି ବିତ୍ରେ ସାକ୍ତିନି କାମାୟ ସବୁ କିଦେଙ୍ଗ ଆଡ଼ନାର୍, ଆକାୟ,
 ଏପେଙ୍ଗ ନେକ୍ତିକାବୁର୍ ଝେନ୍ଝି ହେବେ ପାତ୍ କିନାଦେରା ଇଞ୍ଜି ?

୬ ଅବ୍ରାହାମ୍ କାତା ଏତୁ କିୟାଟ୍ । ସାସ୍ବରତ ଲେକାମାନାଡ଼ “ହେଝାନ୍ ଇସ୍ବରତାଂ
 ପାତ୍ କିତାନ୍ ଆରି ହେଝାନ୍ତି ପାତ୍ କାଜିଂ ଇସ୍ବର ତାଙ୍ଗ୍ ଦାମ୍ ଲାକେ
 ମାନିକିତାନ୍ । ୭ ଇଦାଂ ଏପେଙ୍ଗ ପୁନ୍ଝି ମାନାଟ୍, ଇମଣାକାର୍ ପାତ୍ କିଦେଙ୍ଗ
 ରାଜି, ହେଝାର୍ ଅବ୍ରାହାମ୍ତି ହାଡ଼ପା ଲାତ୍ରା ଇଦାଂ ମିଙ୍ଗେଙ୍ଗ୍ ବେବାର୍ କିଦେଙ୍ଗ୍
 ଆନାଟ୍ । ୮ ଆଗେତାଂ ଦରମ୍ ସାସ୍ବରତ ଲେକାତାଡ଼ନା, ପାତ୍ ହୁଦାଂ ଇସ୍ବର
 ପାତ୍ କିଝି ଜିହୁଦିରିଙ୍ଗ୍ ପା ଦାମ୍ ଇଞ୍ଜି ବାଚି କିନାନ୍ । ଅବ୍ରାହାମ୍ ଲାଗାଂ ଇ ବେରଣ୍
 ପର୍ତ୍ତମ୍ ସୁଣାୟ କିୟାଜି ମାଗାଟ୍, ମି ହୁକେ ଇସ୍ବର ପୁତ୍ ନି ଝିଜାର୍ ଜାତିତିଂ ଆସିର୍ବାଦ୍
 କିନାନ୍ ।” ୯ ଅବ୍ରାହାମ୍ ପାତ୍ କିଜି ଆସିର୍ବାଦ୍ ପାୟାଜି ମାଗାର୍ ଲାଗିଂ ଇମ୍ଣାକାର୍
 ପାତ୍ କିନାର୍, ହେଝାର୍ ଅବ୍ରାହାମ୍ତି ଲାକେ ଆସିର୍ବାଦ୍ ଗାଟା ଆନାର୍ ।

୧୦ ଇମ୍ଣାକାର୍ ବିଦି ପାଲି କିନି ଜପି ବାସ୍ କିତାର୍, ହେଝାର୍ ସାଇପ୍ତିନିକାର୍
 ବିତ୍ରେ ଜିବୁନ୍ ଜିପ୍ତକା କିତାର୍ । ଇନେକିଦେଂକି ଦରମ୍ ସାସ୍ବରତ ଲେକାମାନାଡ଼,
 “ମସାତି ବିଦି ପତିତ ଇନାକା ସବୁ ଲେକା ଆତାଡ଼ନ୍ନା, ଜପି ଇନେର୍ ପୁରାବାବେ
 ହେଦାଂ ପାଲି କିତନ୍, ହେଝାନ୍ ଇସ୍ବରତି ସାଇପ୍ ପାୟା ଆନାଦେର୍ ।” ୧୧ ମସାତି ବିଦି
 ହୁଦାଂ ଇନେର୍ ଜେ ଇସ୍ବତ୍ ମୁମ୍ଦ ଦାମ୍ ଗାଣାକିୟାଡ଼ନ୍, ଇଦାଂ ତ ହାର୍କିଜି,
 “ଇନାକିଦେଂକି ଦାମ୍ ଲଗୁ ପାତ୍ ହୁଦାଂ ଜିନାନ୍ ।” ୧୨ ମାତର୍ ବିଦି ଲାହାଂ
 ପାତ୍ ନି ଇନାକାପା ମେହାଣ୍ ଆକାୟ । ଦରମ୍ ସାସ୍ବରତ ଲେକାତାଡ଼ନା, “ଇମ୍ଣା
 ମାନାୟ ବିଦିନି ଦାବି ଲାହାଂ କାମାୟ କିନାନ୍ ହେଝାନ୍ ଜିନାନ୍ ।”

୧୩ ମତର୍ କ୍ରିଷ୍ଟ ମା କାଜିଂ ସାଇପ୍ ପାୟାଜି ବିଦିତ ଲେକାତି ରାଣ୍ଡାଂ ମାଙ୍ଗେଙ୍ଗ୍
 ମୁକ୍ତାୟ କିଡ଼ତାନ୍ନା । ଦରମ୍ ସାସ୍ବରତ ଲେକା ମାନାଟ୍, “ଇନେର୍ ମାର୍ଡି କୁସ୍ତ
 ହାନାନ୍, ହେଝାନ୍ ଇସ୍ବର ହୁକେ ସାଇପ୍ ଆନାନ୍ ।” ୧୪ ଇସ୍ବର ଅବ୍ରାହାମ୍ତି ଇମ୍ଣା
 ଆସିର୍ବାଦ୍ ହିନି କାଜିଂ ପାର୍ମାଣ୍ କିଜି ମାଗାନ୍, ପାତ୍ କିଝି ଜିହୁଦିର୍ ପା ଇନେସ୍
 ହେଦାଂ ଲାବ୍ କିଦେଙ୍ଗ୍ ଆଡ଼ନାର୍, ଇଦାଂ କାଜିଂ ଜିସୁ କ୍ରିଷ୍ଟ କାମାୟ କିନାନ୍ । ଲାଗିଂ
 ପାତ୍ ହୁକେ ଆସେଙ୍ଗ୍ ପା ଇସ୍ବରତି ତାଟ୍ ଇସାବ୍ରେ ପୁଇପୁୟା ଜିବୁନ୍ ଲାବ୍ କିଦେଙ୍ଗ୍
 ଆଡ଼ନାସ୍ ।

ବିଦି ଆରି ପାର୍ମାଣ୍

୧୫ ଏ ଟଣ୍ଡାର୍ ଆରି ତଣ୍ଡେକ୍, ଆନ୍ ର ସଲ୍ଲକେନି ଉତ୍ତର୍ମୁଡ଼୍ ହିଦନାଙ୍ଗା
 । ଏଚେକାଡ଼ଦ୍ ରିୟାର୍ ଇମଣି ବିସ୍ତେ ର ଗଜା ସାକି କିନାରା, ଇନେର୍ ହେ
 ଗଜା ବାଙ୍ଗାୟ କିଦେଙ୍ଗ୍ ଆଡୁନ୍ କି ହେବେ ଇନାକା ମେହାୟ କିଦେଙ୍ଗ୍ ଆଡୁର୍ ।
 ୧୬ ଅବ୍ରାହାମ୍ ଆରି ହେଝାନ୍ତି ଲାତ୍ରା ଲାଗାଂ ଇସ୍ବର ହେଝାନ୍ତି ପାର୍ମାଣ୍ କିଜି ମାଗାନ୍ ।
 ମାତର୍ ଇ ବିସ୍ତେ “ମି ଲାତ୍ରାରିଂ କାଜିଂ” ଇତିସ୍ ବେସି ମାନାୟାର୍ କାଜିଂ ଇଞ୍ଜି ସାସ୍ବର
 ଲେକାଝାତାଡ଼ନା । କେବଲ୍ “ମି ଲାତ୍ରା କାଜିଂ” ଇଞ୍ଜି ଲେକାତାଡ଼ନା । ଲାଗିଂ ହେ

☆ ୩:୭ ୩:୭ ରମିୟ ୪:୩. ☆ ୩:୭ ୩:୭ ରମିୟ ୪:୧୭.

ସାସ୍ତ୍ରରତି କେବଳ ରଖାନ୍ ମାନାୟ, ଇତିସ୍ “କ୍ରିଷ୍ଟ କାଜିଂ ଆନାକା ମାନାତ୍ ।” ୧୭ ନାଦାଂ ଇନାକା ଅରତ୍ ଆନାତା, ଇସ୍ତର ଅବ୍ରାହାମ୍ ଲାହାଂ ର ନିୟମ୍ ରଚ୍ଚି ମାତାନ୍ ଆରି ହେଦାଂ ରାକ୍ୟା କିନି କାଜିଂ ପାର୍ମାଣ୍ କିଜି ମାତାନ୍ । ତାରସ୍ ତିରିସ୍ ବାହୁଁ ପାତେ ହିଦ୍ୟାତାତ୍, ହେଦାଂ ହେ ଗଜାତିଂ ତ୍ରିକ୍ଟି ଇସ୍ତରତି ପାର୍ମାଣ୍ ମୁନା କିଦେଙ୍ଗ୍ ଆତୁତ୍ । ୧୮ ଇସ୍ତରତି ପାର୍ମାଣ୍ ଆସିର୍ବାଦ୍ ପାୟାଜି ଜଦି ବିଦି ପାଲି କିନି ଜପି ବେବାର୍ କିତାର୍, ତେବେ ହେଦାଂ ତା ପାର୍ମାଣ୍ନି ପାତ୍ ଇଞ୍ଜି ଆରେ ଇନ୍ୟା ଆଉତ୍ । ଲାଗିଂ ଇସ୍ତର କେବଳ ତା ପାର୍ମାଣ୍ ଇସାବ୍ରେ ହେ ଆସିର୍ବାଦ୍ ଅବ୍ରାହାମ୍ତି ହିତାନ୍ ।

୧୯ ତାଆତିସ୍ ବିଦି ଇନେକିଦେଂ ହିଦ୍ୟାତାତ୍ ? ମାନାୟତି ସତ୍ତ୍ଵିଲ୍ଲ୍ଵି କାମାୟ୍ ସବୁ ଚଚ୍ଚି ହିନାକା ହେଦାଂ ଉଦେସ୍ ମାତାତ୍ ଆରି ଅବ୍ରାହାମ୍ ଇମ୍ଣି ଲାତ୍ରାରିଂ ଇଚ୍ଚକାତ୍, କିଜି ଲେକାତି ଇସ୍ତର ପାର୍ମାଣ୍ କିଜି ମାତାନ୍, ହେ ମାନାୟତି ଖାନି ପାତେକ୍ ବିଦିନି ଲଡା ମାତାତ୍ । ରଖାନ୍ ମାନାୟତି ମାଦ୍‌ଶାକାନ୍ତି ସାଗେଁ ଦୁତ୍‌ଚ୍ କାଜିଂ ବିଦି ହିୟାଜି ମାତାତ୍ । ୨୦ ମାଦ୍‌ଶାକାନ୍ତି ର ପାକ୍ୟା ନେତା ଆକାୟା, ମାତର୍ ରଖାନ୍ ଇସ୍ତର ।

ବିଦିନି ଉଦେସ୍

୨୧ ଇଦାନ୍ ଅରତ୍ ଇନାକା ? ବିଦି ଇନାକା ଇସ୍ତର୍ ପାର୍ମାଣ୍ ବିରୁଦ୍ କିନାତ୍ ? ଆକାୟ୍ ମୁଲେ ଆକାୟ୍ ! ଇନେକିଦେଂକି ମାନାୟତିଂ ଜିବୁନ୍ ହିନି ଲାକେ ଜଦି ର ବିଦି କିତିସ୍, ଲାଗିଂ ହେଦାଂ ପାଲି କିଦେଙ୍ଗ୍ ହୁକେ ନେ ମାନାୟ୍ ଇସ୍ତରତି କାଶକ୍ତ ଦସ୍‌ହିଲ୍ଲ୍ଵାକାନ୍ ଆତାନ୍‌ମା । ୨୨ ମାତର୍ ଦରମ୍ ସାସ୍ତ୍ରତ ଲେକାମାନାତ୍, ରାଜିନି ନାର୍ ଜାତି ପାପ୍ ସାଲ୍ଲିତାଂ ତାରେନ୍, ଲାଗିଂ ଇନେସ୍ ଜିସୁ କ୍ରିଷ୍ଟ ତାକେ ପାତ୍ ନି ପାତ୍, ଲାକେ ପାର୍ମାଣ୍ନି ଆସିର୍ବାଦ୍ କ୍ରିଷ୍ଟ୍ ପାତ୍ କିନାକାର୍ ପାୟାନ୍‌ର ।

୨୩ ପାତ୍ ନି ଜୁର୍ ଖାନି ଆଗେ, ଆରି ହତେଙ୍ଗ୍ ହାଲ୍‌ଜିମାନି ପାତେକ୍ ବିଦି ମା ଓଜାରିଂ ଗେହ୍ୟାଜି ଇତ୍ୟା ଆଜି ମାତାସ୍ । ୨୪ କ୍ରିଷ୍ଟି ଖାନି ପାତେକ୍ ବିଦି ମା ତାରେନ୍ ମାତାତ୍; ମାତର୍ ତା ପାତେ କେବଳ ପାତ୍ ହୁକେ ଆସେଙ୍ଗ୍ ଇସ୍ତର ମୁମ୍‌ଦ ଦାମ୍ ହିଲ୍‌ଖାକାନ୍ ଇଞ୍ଜି ଇନ୍ୟାନାନ୍ । ୨୫ ମାତର୍ ନଙ୍ଗ୍ ହେ ପାତ୍ ଏକିତି ପାତେ ଆସେଙ୍ଗ୍ ଆରେ ବିଦିନି ତାରେନ୍ ଆକାୟ୍ ।

୨୬ ପାତ୍ ହୁକେ କ୍ରିଷ୍ଟ ଜିସୁତି ଲାହାଂ ବାଚିକିୟାଜି ଏପେଙ୍ଗ୍ ଓଜାକାଦେର୍ ଇସ୍ତରତି ହିମ୍‌ଶାଂ ଆତାଦେର୍ଣ୍ଣା । ୨୭ ବାପ୍ତିସିମ୍ ହୁକେ ଏପେଙ୍ଗ୍ କ୍ରିଷ୍ଟ ଲାହାଂ ଏକ୍ ଆତାଦେର୍ଣ୍ଣା ଆରି ନଙ୍ଗ୍ ଜିସୁ କ୍ରିଷ୍ଟି ଜିବୁନ୍ ଲାକେ ହେୟା ଉସ୍ତାତାଦେର୍ଣ୍ଣା । ୨୮ ଲାଗିଂ ଜିହୁଦି ଆରି ପାତ୍ କିଓ୍ ଜିହୁଦି, ଗ୍ରିକ୍, ଆଡିଏନ୍ କି ଜାର୍‌ତାରେନ୍, ଆଣ୍ଡ୍‌ନି କି କଗ୍‌ଲେ, ମି ବିତ୍ରେ ମୁଡ୍‌ପା ବିନେ ଆକାୟ୍ । ଏପେଙ୍ଗ୍ ଓଜାର୍ ଜିସୁ କ୍ରିଷ୍ଟ ଲାହାଂ ମେହାଜି ଏକ୍ ଆତାଦେର୍ଣ୍ଣା । ୨୯ ଆରେ ଜଦି ଏପେଙ୍ଗ୍ କ୍ରିଷ୍ଟି ମାନାୟର୍ ଲାଗିଂ ଅବ୍ରାହାମ୍ତି ଲାତ୍ରା ଆରି ଇସ୍ତର ଇନାକା ପାର୍ମାଣ୍ କିତାନ୍‌ନା, ହେଦାଂ ଲାବ୍ କିନାଦେର୍ ।

୪

୧ ମାତର୍ ଆନ୍ ଇଞ୍ଜିନାଙ୍ଗା, ମାଜି ଆବାତି ସବୁ ଦନ୍‌ନି ହାଉକାର୍, ମାତର୍ ସବୁ ବିସ୍ତେ ଆଦିକାର୍ ଆଦେଂ ପା ପାୟାଓତି ବୁଝସ୍ ମାନି ପାତେକ୍ ହେଖାନ୍ ଆଡିଏନ୍ ଲାକେ ମାନ୍‌ଗାନାନ୍, ୨ ହିମ୍‌ଶା ଅବସ୍ତାତ, ତା ଆବାତି ସମାନ୍ ସମ୍ ପାତେକ୍ ଗୁମ୍‌ସ୍ତା ଜାତୁନ୍ ଅନାର୍ ଆରି ସବୁ ବିସ୍ତେନି ହପ୍‌ତାନାନ୍ । ୩ ସମାନ୍ ହେ ଲାକେ ଆପେଂ ପା ଆଦିକ୍ ବାବ୍ରେ ପାୟାତି ବୁଝସ୍ ଆଗେ, ପୁତ୍ ଜପି ରାଜ୍ କିଜି ମାନି ସାଲ୍ଲିନିକାର୍ତି ଆଡ୍‌ୟା ମାତାସ୍; ୪ ହାରିହାରା ଏତେକାଡ୍‌ସ୍ ସମାନ୍ ସମ୍ ଖାତିଲେ, ଇସ୍ତର ଜାର୍ ମାଜିଂ ପକ୍‌ତାନ୍ । ରଞ୍ଜେଲ୍ ହୁଦାର୍ କଗ୍‌ଲେ ପଟ୍‌ତାଂ ଉଦ୍‌ଜାତି ଜିହୁଦି ବିଦିନି

ତାରେନ୍ ଜିବୁନ୍ ଜିପକା କିତାନ୍, * ଇନେସ୍ ହେଞ୍ଜାନ୍ ଲଡାନି ମଲ୍ ହିଜି ହେ ବିଦିନି ଗାଡ଼ୟାତିତାଂ ବିନ୍ ଲଗାଂ ମୁକଡାୟ କିନାକା ଆରି ହେଞ୍ଜାରିଂ ଇସ୍ବରତି ମାଜି ଆନି ଉପାୟ ହିନାକା ତା ଜିବୁନ୍ତନି ଉଦେସ୍ ମାଚାଡ଼ ।

୨ ଏପେଙ୍ଗ୍ ଜେ ଇସ୍ବରତି ମାଜି, ଇଦାଂ ପାର୍ମାଣ୍ କିନି କାଜିଂ, ଇସ୍ବର ତା ମାଜିତି ପୁଇପୁୟା ଜିବୁନ୍ତିଂ ମା ଖାସ୍ତିତିଂ ପକ୍ତାତାନ୍ନା । “ହେ ପୁଇପୁୟା ଜିବୁନ୍ ଗାଜା କାଟ୍ତାଂ ଇନାତା, ଆବା ଏ ନା ଆବା !” ୧ ଲାଗିଂ ଏପେଙ୍ଗ୍ ଆରେ କଡ଼କା ଆଡ଼ିୟାର୍ ଆକାୟ, ମାତର୍ ମାଜି କି । ଏପେଙ୍ଗ୍ ତା ମାଜି ଆଜି ମାଟିଲେ, ଇସ୍ବର ତା ମାଜିଚାଡ଼ କାଜିଂ ଇନାକା ଇଡ଼ତାନ୍ନା, ହେ ସବୁ ମିଙ୍ଗେଙ୍ଗ୍ ଦାନ୍ କିଦନାନ୍ ।

ଗାଳାତିୟାତଂ କାଜିଂ ପାଉଲ୍ତି ଚିନ୍ତା

୮ ମାତର୍ ଆଗତୁ ଏପେଙ୍ଗ୍ ଇସ୍ବରତିଂ ପୁନ୍ଝାଦାଂ ମାଚାଦେର୍, ଲାଗିଂ ଇମଣାକାର୍ ହାତେନେ ଇସ୍ବର ଆକାୟ, ହେ ଲାକେ ମିର୍ ପେନ୍ ପୁଦାତିଂ ଆଡ଼ିୟା ମାଚାଦେର୍; ୯ ମାତର୍ ନଙ୍ଗୟ୍ ଏପେଙ୍ଗ୍ ଇସ୍ବରତିଂ ପୁଚାଦେର୍ଣ୍ଣା ଆନ୍ ଇଞ୍ଜନାଙ୍ଗ୍, ନଙ୍ଗୟ୍ ଇସ୍ବର ମିଙ୍ଗେଙ୍ଗ୍ ପୁନ୍ଚାନନା । ଖାଟିଂ ଇଦାଂ ଇନେସ୍ ଆନାଡ଼ ଜେ, ଏପେଙ୍ଗ୍ ଆରେ ରଗ ହେ ନାଦାର୍ ବପୁ, ଦାଣ୍ଡିନି ପେନ୍ ପୁଦାଂ ଲାଗାଂ ମାସ୍ବି ହାଞ୍ଜେଙ୍ଗ୍ ମାନ୍ କିନାଦେରା ? ଏପେଙ୍ଗ୍ ଇନେକିଦେଂ ଆରେରଗ ହେଞ୍ଜାରିତି ଆଡ଼ିଏନ୍ ଆଦେଂ ଇଚା କିନାଦେରା ? ୧୦ ଦୁକ୍ତିନି କାତା, ଏପେଙ୍ଗ୍ ଏଚେଗଗା ହାଦଂ ଦିନ୍, ମାସ୍ ପାଗ ଆରି ବାହୁଁ କାଜିଂ ବେସି ମାନ୍ ହିନାଦେରା । ୧୧ ମି କାଜିଂ ଆନ୍ ଇମ୍ଣି କସ୍ବ କିନାଙ୍ଗା, ଏଚେକାଡ଼୍ଦ ହେଦାଂ ପଲ୍ୟା ଆନାଡ଼, ମି ବିସ୍ତେ ନାଦାଂ ଇ ପାଣ୍ଡୁ ।

୧୨ ଏ ଚଣ୍ଡାର୍, ଆରି ତଣ୍ଡେକ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ଏପେଙ୍ଗ୍ ନା ଲାକେ ଆଡ଼ । ଆନ୍ ମି ଲାକେ ଆତାଙ୍ଗନା ଆରି ଏପେଙ୍ଗ୍ ନା କାଜିଂ ଇମଣାକା ପା ଅନ୍ୟାୟ୍ କିଞ୍ଚାତାଦେର୍ଣ୍ଣା । ୧୩ ଆନ୍ ପର୍ତୁମ୍ ହର୍ ଇନେକିଦେଂ ମି ଲାଗାଂ ନେକ୍ତିକାରୁର୍ ପର୍ଚାଚ୍ କିଜି ମାଚାଙ୍ଗ୍, ହେଦାଂ ଏଡ଼ୁ କିୟାଟ୍ । ହେପାଦନା ଆନ୍ ଗାଗାଡ଼୍ ନାଦାର୍ ମାନି କାଜିଂ ଇଦାଂ କିଜି ମାଚାଡ଼ । ୧୪ ମାତର୍ ନା ଗାଗାଡ଼ିନି ଅବସ୍ତା ମି ପାକ୍ୟାତ ରିସା ଆତିସ୍ପା, ଏପେଙ୍ଗ୍ ନାଙ୍ଗ୍ ଗୁଇଦାଞ୍ଚାତାଦେର୍ କି ଗିଣ୍ କିଞ୍ଚାତାଦେର୍, ଇତିସ୍ ଇସ୍ବର ନାଙ୍ଗ୍ ର ସାଗେଁ ଦୁଡ଼ ଲାକେ ଇଟ୍ୟାଜି ମାନ୍ଚାନ୍ । କ୍ରିସ୍ବ ଜିସ୍ବୁତି ଏପେଙ୍ଗ୍ ଇନେସ୍ ମାନି କିତାଦେର୍ମା ହେ ଲାକେ ନାଙ୍ଗେଙ୍ଗ୍ ପା ମାନି କିଜି ମାନ୍ଚାଦେର୍ । ୧୫ ଏପେଙ୍ଗ୍ ଏଚେକ୍ ଖାରିଞ୍ଚାଦାଂ ମାଚାଦେର୍ ! ମାତର୍ ନଙ୍ଗ୍ ଇନାକା ଆତାଦେର୍ଣ୍ଣା ? ମି ମେହାବିଡ଼ା ଆନ୍ ଇ ସାକି କାତା ତାଟ୍ ବାବ୍ରେ ଇଞ୍ଜେଙ୍ଗ୍ ଆଡ଼ନାଙ୍ଗ୍ ଜେ, ଆଜି ମାଟିସ୍, ଏପେଙ୍ଗ୍ ଜାଚ୍ ଜାଚ୍ତି କାଣ୍ଗା ଉନ୍ଦି ତାଈଞ୍ଜାଜି ହିତାଦେର୍ମା । ୧୬ ଲାଗିଂ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଚିଲେ ମିଂ ଇନାକା ସାତୁ ଆତାଂନା ?

୧୭ ହେ ବିନ୍ନିକାର୍ ମି ହାର୍ କାଜିଂ ବେସି ଖାରିନିକାନ୍ ଇଞ୍ଜି ଚଞ୍ଜୟାନାନ୍ । ମତର୍ ଇବେ ହେଞ୍ଜାରିତି ସଡ଼ ଉଦେସ୍ ହିଲୁଡ଼ । ହେଞ୍ଜାରିତି ରଞ୍ଜାଙ୍ଗ୍ ମତର୍ ଇଚା, ଇନେସ୍ ଏପେଙ୍ଗ୍ ନା କାଜିଂ ବିନେ ଆଜି ହେଞ୍ଜାର୍ କାଜିଂ ମାନ୍ହିୟାଟ୍ । ୧୮ ମାତର୍ ସବୁ ସମୁତ ଆନ୍ ମି ଲାହାଙ୍ଗ୍ ମାନି ଖେଡ଼ାଲିଂ ଆକାୟ, ମତର୍ ସବୁ ଖେଡ଼ାଲିଂ ହାଦଂ ବିସ୍ତେ ଜିବୁନ୍ ହିନାକା ହାର୍ । ୧୯ ଏ ନା କାଡ଼ଦେର୍, ଏଚେକ୍ ପାଚେକ୍ ମି ତାକେ କ୍ରିସ୍ବ ଲାକେ ଆଞ୍ଚାତାଦେର୍ଣ୍ଣା, ହେ ପାଚେକ୍ ମି କାଜିଂ ଆରେ ରଗ କୁଚ୍ଚିତି ବିପ୍ରି ଆନାତା । ୨୦ ଆନ୍ ଇନେସ୍ ନଙ୍ଗ୍ ମି ଲାଗେ ଏକିସ୍ ବିନ୍ ବାବ୍ରେ କାତା ଇଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ ନା ମାନ୍; ଇନାକିଦେଂକି ଆନ୍ ମି ବିସ୍ତେ ବୁଦିବାଣା ଆନାଙ୍ଗା ।

ହାଗାରା ଆରି ସାରାତି ଉତ୍ତର୍ମୁଡ଼

* ୪:୫ ୪:୫ ରମିୟ ୮:୧୫-୧୭.

୨୧ ଇମ୍ଫାଣାକାର୍ ବିଦିତ ମାନି କାଜିଂ ଇଚା କିତାର୍ ଏପେଙ୍ଗ୍, ନାଙ୍ଗ୍ ଖେଡ଼ଚାଡ଼ ତ, ଏପେଙ୍ଗ୍ ଇନାକା ବିଦିନି ବଚନ୍ ଖେନୁଦେରା ? ୨୨ ଇନାକିଦେଂକି ଲେକା ମାନାଡ଼, ଅଦ୍ରାହାମ୍ତି ରିଆର୍ ହିମ୍ଫାଂ ମାଚାର୍, ରଖାନ୍ କଡ଼କା ଆଡ଼ିଏଣି ତାଙ୍ଗ୍ ଆରେ ରଖାନ୍ ଜାର୍ କଗଲେ ତାଂ ଚଞ୍ଚାକାନ୍ । ୨୩ ଇନେର୍ ଆଡ଼ିଏଣିତି ମେହି, ହେଖାନ୍ ଗାଗାଡ଼ନି ମାସବେଲ୍ ଚଞ୍ଚାନ୍; ମାତର୍ ଇନେର୍ ଜାର୍ କଗଲେନି ମେହି, ଇସ୍ପୁର୍ତି ପାର୍ମାଣ୍ ସାକ୍ତିତ ଚଞ୍ଚାନ୍ । ୨୪ ଇ ଖିଜୁ କାତାନି ର କାତା ପୁନାକା ମାନାଡ଼, ଇନାକିଦେଂକି ଇ କଗଲେକ୍ ରି ନିୟମ୍ନି ଲାକେ; ର ନିୟମ୍ ସିନୟ୍ ମାଡ଼ିତାଂ ଉବ୍ଜାଣ, ହେଦାଂ ଆଡ଼ିଏନ୍ କାଜିଂ ହିମ୍ଫାଂ ଗାଟାଆନାକାଦେଲ୍, ହାଗାରା ହେବେନି ରଞ୍ଜେଲ୍ । ୨୫ ହାଗାରା, ଲାକେ ଇ ବେରଣ ଆରବ୍ତ ସିନୟ୍ ମାଡ଼ିତିଂ ଆଣ୍ଗାନାଡ଼, ଆରେ, ହେଦାଂ ନଙ୍ଗ୍ନି ଜିରୁସାଲମ୍ ସମାନ୍ ଲାକେ, ଇନାକିଦେଂକି ଇ ଜାର୍ ହିମ୍ଫାଂ ହୁଦାଂ ଆଡ଼ିଏନ୍ତ ମାଚାନ୍ନା । ୨୬ ମାତର୍ ସାଗେତାଂ ଜିରୁସାଲମ୍ କୁଲ୍ଲାସ୍, ଆରି ହେଦେଲ୍ ମା ତାଡ଼ି ।

୨୭ ଇନେକିଦେଂକି ସାସ୍ପୁର୍ତ ଲେକାମାନାଡ଼,
 “ଆଗ ବାଞ୍ଜି, କଗଲେ, ଏପେଙ୍ଗ୍ ଖାରି କିୟାଟ୍
 ଇନାଖାଡ଼ାଙ୍ଗ୍ କୁଟ୍ନି ନଦନାକା ଏଡ଼କିଖାଦାଂ ମାଟିସ୍ପା, ଖାରି କିୟାଟ୍ ।
 ଇନେକିଦେଂକି ଆଣ୍ଡେନ୍ ଲାହାଂ ବାହା କିଜି ମାନି କଗଲେ ଲାକେ
 ରଖାନ୍ ପିସିକଗଲେନି ହିମ୍ଫାଂ ଲମର୍ ଆଦିକ୍ ।”

୨୮ ଏ ଟଣ୍ଡାର୍, ଏପେଙ୍ଗ୍ ଇସ୍ପହାକ୍ ଲାକେ ପାର୍ମାଣ୍ ହିମ୍ଫାଂ । ୨୯ ମାତର୍ ଗାଗାଡ଼ନି ହେଦହବାୟ୍ ଇସାପ୍ରେ ଇନେର୍ ଜଲମ୍ ଆତାନ୍, ହେଖାନ୍ ଇନେସ୍ ହେଖେଡ଼ାଲିଂ ପୁଇପୁୟା ଜିରୁନ୍ ପାର୍ମାଣ୍ ଇସାପ୍ରେ ଇନେର୍ ଜଲମ୍ ଆତାଣ୍ଡା, ଇସ୍ପୁର୍ତିଂ ନିୟା କିଜି ମାଚାଡ଼ । ୩୦ ମାତର୍ ସାସ୍ପୁର୍ ଇନାକା ଇନାଡ଼ ? “କଡ଼ତି ଆଡ଼ିଏଣି ଆରି ତା ମେହିଙ୍ଗ୍ ପିସ୍ତି ତୁହିୟାଟ୍; ଇନାକିଦେଂକି ଆଡ଼ିଏଣି ମେହି ଜାର୍ତିଂ କଗଲେନି ମେହି ଲାହାଙ୍ଗ୍ ଆଦିକାର୍ ଆଉନ୍ ।” ୩୧ ଲାଗିଂ, ଟଣ୍ଡାର୍ ଆରି ତଣ୍ଡେକ୍ ଆସେଙ୍ଗ୍ କଡ଼କା ଆଡ଼ିଏଣି ହିମ୍ଫାଂ ଆକାୟ୍, ମତର୍ ଜାର୍ କଗଲେନି ହିମ୍ଫାଂ ।

୫

କ୍ରିସ୍ଟ ତାକେ ମି ଉଦାର୍

୧ ଆପ୍ ଜାର୍ତାରେତିଂ । କ୍ରିସ୍ଟ ମାଙ୍ଗେଙ୍ଗ୍ ଜାର୍ତାରେନ୍ କିଡ଼ତାନ୍ନା । ଲାଗିଂ ଏପେଙ୍ଗ୍ ଜାର୍ତାରେନ୍ତ ତିର୍ ମାନାଟ୍ । ଆରେରଗ ଆଡ଼ିଏନ୍ ଜୁଖାଣ୍ ଗାଡ଼ୟାତି ରବେ ଆନି କାଜିଂ ଜାର୍ତିଂ ଜାଚା ଆମାଟ୍ ।

୨ ଆନ୍ ପାଉଲ୍, ଇନାକା ଇଞ୍ଜନାଙ୍ଗା ଖେନାଟ୍, ଏପେଙ୍ଗ୍ ଜଦି ସୁନ୍ନଡ଼ ବିଦି ପାଲି କିୟାଟ୍, ତା ଅରଡ଼ ଆନାଡ଼, ମି କାଜିଂ କ୍ରିସ୍ଟି ଇମଣି ଲଡ଼ା ଆକାୟ୍ । ୩ ଆନ୍ ସୁନ୍ନଡ଼ ପାୟାନି ଜାଣ୍କେତିଂ ଆରେ ରଗ ସାକି ହିନାଙ୍ଗା ଜେ, ହେଖାନ୍ ଖିଜୁ ବିଦି ପାଲି କିନି କାଜିଂ ଦାୟିଡ଼ । ୪ ମି ବିତ୍ରେତାଂ ଇମ୍ଫାଣାକାର୍ ବିଦି ପାଲି କିନି ହୁକେ ଇସ୍ପୁର୍ତି କାଣ୍ଡୁତ ଦାମ୍ ବାଟିକିୟାଦେଂ ଆନି କାଜିଂ ସେସ୍ଟା କିନାରା, ହେଖାର୍ ଜାର୍ ଜାର୍ତିଂ କ୍ରିସ୍ଟାଂ ଚିର୍ବିର୍ କିତାର୍ନା, ହେଖାର୍ ଇସ୍ପୁର୍ତି ଉପକାର୍ତ ଦେହାଆତାଣ୍ଡା । ୫ ମାତର୍ ଆପ୍ ଆହା କିନାପା ଜେ ଇନାକିଦେଂକି ଆସେଙ୍ଗ୍ ପୁଇପୁୟା ଜିରୁନ୍ ହୁଦାଂ ପାତ୍ କାଜିଂ ଦାମ୍ କାତା ଗାଟାନି ଆହାତ କାନାସା । ୬ ଇନେକିଦେଂକି କ୍ରିସ୍ଟ ଜିସ୍ପୁତି ଲାହାଂ ମେହାଜି ଜିରୁନ୍ ଜିଉଣା କିତାନ୍, ସୁନ୍ନଡ଼ କି ସୁନ୍ନଡ଼ଆଡ଼ି ମୁଡ଼େ ଆକାୟ୍, ରଖାନ୍ ମତର୍ ଲଡ଼ାନି ବିସ୍ତେ ଆନାତା, ପାତ୍ ତିର୍ ମାନ୍ଞି ଜିଉନନିତ କିନାକା ସାଦନ୍ କିନାସ୍ ।

୭ ଏପେଙ୍ଗ୍ତ ହାର୍ ଲାକେ ଆଗେ ତାଙ୍ଗ୍ଜି ମାଚାଦେର୍ । ହାଡ଼ପା ହାଜିଡ଼ ହାନିହିଙ୍ଗ୍ ଇନେର୍ ମିଙ୍ଗେଙ୍ଗ୍ ବାଦା ହିଜି ମାନ୍ଚାର୍, ମିଙ୍ଗେଙ୍ଗ୍ ବୁଲ୍ ହାଜିଡ଼ ହାଞ୍ଜେଙ୍ଗ୍ ହେଖାନ୍

ଇନେସ୍ ଷ୍ଟେଟାତାନ ? 「 ମିଙ୍ଗେଙ୍ଗ୍ କୁକ୍‌ତିନି ଇସ୍‌ବରତାଂ ଇ ବୁଜାୟ୍ କିନାକା ଆଞ୍ଜାତାତ୍‌ନା । ୯୯ କାତାତ ମାନାତ୍, ଚାଟ୍‌କାୟ୍‌କିତି ମଇଦାଗୁଣ୍ଡାତିଂ ପୁଲାଇକିନି କାଜିଂ “ଅଲପ୍ ମତର୍ ହଇନାକା ଲତା ।” ୧୦ ହେଦାଂ ଇନେସ୍ ଆଏଡ୍, ଇ ପାତେକ୍ ମି ଜପି ନା ଆହା ମାନାତ୍ । ଇନେସ୍‌କି ଆସେଙ୍ଗ୍ ଷ୍ଟିଜାର୍ ମାପୁ ଲାହାଂ ମେହାତାସ୍‌ନା, ନା ତାଟ୍ ପାତ୍, ଏପେଙ୍ଗ୍ ନା ଚିନ୍ତାତାଂ ବିରୁଦ୍ କିଦୁଦେର୍ । ଆରେ ଇମ୍‌ଣି ମାନାୟ୍ ମିଙ୍ଗେଙ୍ଗ୍ ଚାକ୍ରାୟ୍ କିଦ୍‌ନାନା, ହେଞ୍ଜାନ୍ ଇନେର୍ ଆଏର୍ ଇନେକିଦେଂ ତାଙ୍ଗେଙ୍ଗ୍ ଇସ୍‌ବର ହାଡ୍‌ପା ତାଣ୍ଡ୍ ହିନାନ୍ ।

୧୧ ମାତର୍ ଏ ଟଣ୍ଡାର୍, ତଣ୍ଡେକ୍, ଆନ୍ ଜଦି ନେଜେଙ୍ଗ୍ ପାତେକ୍ ସୁନ୍ନଡ୍ ଲତାନି ପାକ୍ୟାତ ପରଚାର୍ କିନାଙ୍ଗା, ଖାଟିଙ୍ଗ୍ ଆନ୍ ନଙ୍ଗ୍ ପା ଇନେକିଦେଂ ନିୟା ପାୟାନାଙ୍ଗା ? ଜଦି ଆନ୍ ହେଦାଂ କିଜି ମାନାଙ୍ଗ୍, ତା ଆତିସ୍ ହେ ସାଙ୍ଗେ ସାଙ୍ଗେ କ୍ରିସ୍‌ତୁତି କ୍ରସ୍ ବିସ୍ତେ ବାଦା କିନାକା ହୁକେ ନାଦାଂ ଇନାକା ଅସୁବିଦା ଆଞ୍ଜାତାମ୍ । ୧୨ ଇମ୍‌ଣାକାର୍ ମିଙ୍ଗେଙ୍ଗ୍ ତିର୍ ଆଞ୍ଜାଦାଂ କିଡ୍‌ତାର୍‌ନା, ହେଞ୍ଜାର୍ ପୁରା ସାକ୍ରି ହିଲିଞ୍ଜିତି ଲାକେ ଆତିସ୍, ହାର୍ ଆତାମ୍ ।

୧୩ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକାଦେର୍, ଏପେଙ୍ଗ୍ ଜାର୍‌ତାରେନ୍ କାଜିଂ କୁକ୍ୟା ଆତାଦେଣ୍ଡା; ମାତର୍ ଜାଗ୍ରଡ୍, କେବଲ୍ ଗାଗାଡ୍‌ନି ଆହା ବେବାର୍ କିନି କାଜିଂ ହେ ଜାର୍‌ତାରେନ୍ ଇନେସ୍ ହାଡୁର୍ ଲାକେ ବେବାର୍ କିମାଟ୍ । ଇତିସ୍ ଜିଉନି ହୁକେ ଚାଲାକିୟାଜି ଏପେଙ୍ଗ୍ ହାରି ହେବା କିୟାଟ୍ । ୧୪ ଇନାକିଦେଂକି ରଞ୍ଜାଙ୍ଗ୍ ମତର୍ ବଲ୍‌ତ ଡିଜୁ ବିଦିତ ଇ ବଚନ୍ ବାତ୍ ଆନାଡ୍, “ଏପେଙ୍ଗ୍ ଜାର୍ ପାଡ୍‌ହା ଇଞ୍ଜି ଲଗାଂ ଖାସ୍‌ଲିକେ ଜିଉନଞ୍ଜାଟ୍ ।” ୧୫ ମତର୍ ଏପେଙ୍ଗ୍ ଜଦି ପସୁ ଲାକେ ବେବାର୍ କିଜି ହାରିତିଂ ନସ୍ କିଜି ମାନାଦେର୍ ଆରେ ହାରି ନସ୍ କିଜି ମାନାଦେର୍, ଲାଗିଂ ଜାଗ୍ରଡ୍ ଆଡ୍, ଆଞ୍ଜିତିସ୍ ଏପେଙ୍ଗ୍ ହାରିତିଂ ପୁରା ନାସ୍ କିନାଦେରା ।

ପୁଇପୁୟା ଜିବୁନ୍ ଆରି ମାନାୟ୍‌ତି ଅବ୍ୟାସ୍

୧୬ ନା ଇନାକା କାତା ଆତାଡ୍, ପୁଇପୁୟା ଜିବୁନ୍ ମି ଜିବୁନ୍‌ତିଂ ଚାଲାୟ୍‌କିଏଡ୍ । ତା ଆତିସ୍ ଏପେଙ୍ଗ୍ ଆରେ ମାନାୟ୍‌ତି ଅବ୍ୟାସ୍ ଆହା ବାତ୍ କିଜଦେର୍ ୧୭ ମାନାୟ୍ ଅବ୍ୟାସ୍ ପୁଇପୁୟା ଜିବୁନ୍‌ନି ଇଚାନି ବିରୁଦ୍ । ହେ ଲାକେ ପୁଇପୁୟା ଜିବୁନ୍‌ତି ଇଚା, ମାନାୟ୍ ଅବ୍ୟାସ୍ ବିରୁଦ୍ । ଇଞ୍ଜାଙ୍ଗ୍ ହାରି ସତ୍ । ଲାଗିଂ ଏପେଙ୍ଗ୍ ଇନାକା କିଦେଙ୍ଗ୍ ଇଚା କିନାଦେର୍, ହେଦାଂ କିଦେଙ୍ଗ୍ ରାଜି ଆକାୟ୍ । ୧୮ ଜଦି ପୁଇପୁୟା ଜିବୁନ୍ ମିଙ୍ଗେଙ୍ଗ୍ ତାଜିକିତିସ୍, ଲାଗିଂ ଏପେଙ୍ଗ୍ ଆରେ ମସାତି ବିଦିନି ତାରେନ୍ ଆକାୟ୍ ।

୧୯ ମାନାୟ୍‌ନି ଗାଗାଡ୍‌ନି କାମାୟ୍ ହାର୍ କିଜି ପୁଚାଦେଣ୍ଡା; ଦାରି, ବିଟାଡ୍, ୨୦ ଦାରିକାମାୟ୍, ପୁଡ୍‌ଡା ପୁଜା, ଗୁଣ୍ୟା, ସତ୍, ଗଣ୍ଡଗଲ୍, ଆକାର୍, ରିସା, ମଡ୍, ଦଲ୍‌ରାଟ୍, ୨୧ ତାରା, ହେଞ୍ଜାର୍ ମଦୁଞ୍ଜା ରଙ୍ଗ୍‌ରସ୍ ଖାରି ଆରି ହେ ଲାକେ ବିନ୍‌ବିନ୍ ବାନ୍ୟାତ ବାତ୍ ମାନାର୍ । ଆନ୍ ଆଗେ ଲାକେ ନଙ୍ଗ୍ ପା ମିଙ୍ଗେଙ୍ଗ୍ ଜାଗ୍ରଡ୍ କିଦ୍‌ନାଙ୍ଗା । ଇମ୍‌ଣାକାର୍ ଏଲେଙ୍ଗ୍‌ବାତ୍ କାମାୟ୍ ସବୁ କିତାର୍, ହେଞ୍ଜାର୍ ଇସ୍‌ବରତି ରାଜିନି ଆଦିକାର୍ ଆଦେଂ ଆଡୁର୍ ।

୨୨ ମାତର୍ ଜିବୁନ୍ତି ପାଡ୍ ଜିଉନନାକା, ଖାରି, ସୁସ୍ତା, ସାସ୍, ଦୟା, ସଡ୍‌ଗୁଣ୍, ପାତ୍ କିନାକା, ହୁଦାର୍, ୨୩ ହୁଦାର୍, ହଞ୍ଜାଦ୍ ଆରି ଜିବୁନ୍‌ମେହାଣ୍ ଇ ସବୁ ବିରୁଦ୍‌ତ ଇମ୍‌ଣି ମସାତି ବିଦି ହିଲୁଡ୍ । ୨୪ ଇମ୍‌ଣାକାର୍ ଜିସୁ କ୍ରିସ୍‌ତୁତି, ତାକେ ପାତ୍ କିଜି ହେଞ୍ଜାର୍ ଗାଗାଡ୍‌ନି ଆହା ଆରି କାମାୟ୍ ଆହା ହୁଦାଂ ମାନାୟ୍ ହାଡ୍‌ପାତିଂ କ୍ରସ୍‌ତ ହାତାଣ୍ଡା । ୨୫ ପୁଇପୁୟା ଜିବୁନ୍ ମାଙ୍ଗେଙ୍ଗ୍ ଜିବୁନ୍ ଦାନ୍ କିଡ୍‌ତାତ୍‌ନା, ହେଦେଲ୍ ମା କାଜିଂ

☆ ୫:୯ ୫:୧୧ କରକ୍ରିୟ ୫:୭. ☆ ୫:୧୭ ୫:୧୭ ରମିୟ ୭:୧୫-୨୩।

ଜିବୁନ୍ତୀ ପା ଚାଲାୟ କିଦନାତ । ୨୭ ଲାଗି ଆସେଇ ଗରବ୍ କିନାକା କି ହାରି କାକ୍ତି ଆଉସ୍ ଆରି ହାରିତି ବେରସ୍ ଆଉସ୍ ।



ହାରିତି ବଜ ପିଣ୍ଡନାସ୍

୧୪ ଶଶ୍ୱାର୍ ଆରି ତଣ୍ଡେକ୍, ଜଦି ଇନେର୍ ଇମ୍ଣା ବାନି ପାପ୍ ହିଲ୍ଡି କାମାୟତ ଦାରାପଡ଼ା ଆନାନ୍, ଆମ୍ବିକ୍ ମି ବିତ୍ରେତାଂ ଇମ୍ଣାକାର୍ ପୁଇପୁୟା ଜିବୁନ୍ ହୁକେ ଚାଲାନାତା, ହେଝାର୍ ହେଦେଲିଂ ବୁଜାୟ୍ କିନି ଲଡ଼ା, ମାତର୍ ଏପେଇଁ ଇ କାମାୟତ ହଝାଦ୍, ହୁଦାର୍ ବାରେ କିନି ଲଡ଼ା, ଆରେ ଜାଗ୍ରତ୍, ଜାର୍ ଇନେସ୍ ହେ ଲାକେ ପରିକ୍ୟାତ କାମାୟ କିଦେଇଁ ତାୟା ଆମାଟ୍ । ୨ ହାରିତି ବଜ ପିଣ୍ଡି କାଜିଂ ଉପକାର୍ କିୟାଟ୍, ଇଦାଂ କିନି ହୁକେ କ୍ରିସ୍ତୁଟି ମସାତି ବିଦି ପାଲି କିନାଦେର୍ । ୩ ଜଦି ଇମ୍ଣା ଲଗୁ ଆହାର୍ ଆତିସ୍ପା ଜାର୍ତିଂ ଗାଜା ଇଞ୍ଜି ମାନେ କିନାନ୍, ଲାଗିଂ ହେଝାନ୍ ଜାର୍ତିଂ ନିୟା କିନାନ୍ । ୪ ମାତର୍ ଜାଣକେ ଜାର୍ ଜାର୍ତି ବେବାର୍ତିଂ ପରିକ୍ୟା କିଜି ହୁଡ଼ିନି ଲଡ଼ା । ଜଦି ହେଦାଂ ହାଦାକା ଆଜି ମାନାତ୍, ହେଦାଂ କାଜିଂ ହେଝାନ୍ କାମାୟ୍ ମାନେ କିଏର୍, ଆରି ବିନେନି କାମାୟ ଲାହାଙ୍ଗ୍ ଜାର୍ତିଂ କାମାୟ୍ ତୁଲାୟ୍ କିଜି ଗରବ୍ କିମେନ୍ । ୫ ଇନାକିଦେଂକି ଝିଜାକାର୍ ଜାର୍ ବଜ ପିଣ୍ଡେଂ ଲାଗଦାନାତ୍ ।

୬ କ୍ରିସ୍ତୁୟାନ୍ ନେକ୍ତିକାରୁର୍ ହିକ୍ୟା କିନିଝେଡ଼ାଂ, ହିକ୍ୟାହିନାକାନ୍ ଗୁରୁଇଁ ଜାର୍ ପୁନ୍ଝି ମାନି ଝିଜୁ ହାରଦି ବିସ୍ତେନି ବାଗ୍ ଅଦେଂ ଲଡ଼ା ।

୭ ଚାକ୍ରାୟ୍ ଆମାଟ୍; ଇସ୍ୱର୍ ବିଗ୍ଡ଼ାତି ଲଗୁ ଆକାୟ୍; ଇନାକିଦେଂକି ମାନାୟ୍ ଇନାକା ଝିଡ଼ନାନ୍, ହେଦାଂ ତ୍ରେସ୍ନାନ୍ । ୮ ଇନେର୍ ଜାର୍ ଗାଗାଡ଼୍ ଉଦେସ୍ ଝିଡ଼ନାନ୍; ହେଝାନ୍ ଗାଗାଡ଼ତାଂ ହଡ଼ତି ଚାନେକ୍ତି ତାସ୍ ତ୍ରେସ୍ନାନ୍; ମାତର୍ ଇନେର୍ ପୁଇପୁୟା ଜିବୁନ୍ତ ଉଦେସ୍ ଝିଡ଼ନାନ୍, ହେଝାନ୍ ପୁଇପୁୟା ଜିବୁନ୍ତାଂ ହଡ଼ତି ଝିଜ୍ଝି ଜିବୁନ୍ତାତାଂ ତାସ୍ ତ୍ରେସ୍ନାନ୍ । ୯ ଆସେଇଁ ହାର୍ କାମାୟ୍ କିଦେଇଁ ଝାହୁସ୍; ଇନାକିଦେଂକି ଝାଝିଦାଂ କାମାୟ୍ କିତିସ୍ ସମାନ୍ ସମୁତ ତାସ୍ ତ୍ରେସ୍ନାସ୍ । ୧୦ ଲାଗିଂ, ଏଚେ ହଟ୍ ପାବ୍ ପାୟାନାସା, ସବୁଝେଡ଼ାଙ୍ଗ୍ ଝିଜାର୍ତି, ହାରିହାରା ଇମ୍ଣାକାର୍ ମା ପାତ୍ କିନାକାର୍ କୁଟୁମ୍, ହେଝାର୍ତି ହାର୍ କିନାକା ମାଙ୍ଗ୍ ଲଡ଼ା ।

ହାରିହାରା ଜାଗ୍ରତ୍ କାତା ଆରି ବାୟାୟ୍

୧୧ ହୁଡ଼ାଟ୍, ଇନେସ୍ ଗାଜା ଗାଜା ଅକର୍ତ୍ତ ଜାର୍ କେଇଦ୍ ଆନ୍ ମି ଲାଗାୟ୍ ଲେକିକିନାଙ୍ଗା । ୧୨ ଇମ୍ଣାକାର୍ ମାନାୟ୍ ବାତ୍ ବିସ୍ତେ ଚଞ୍ଜୟାନାର୍ ଆରି ଉସକାୟ୍ କିତାର୍, ହେଝାର୍ ନେ ହେଝାରିଂ ସୁନ୍ନତ୍ ଆନି କାଜିଂ ଜବର୍ଦସ୍ତ୍ କିନାରା । କ୍ରିସ୍ତୁଟି କ୍ଲସ୍ କାଜିଂ ନିୟା ବଗ୍ କିଝି ଉଦେସ୍ତ ହେଝାର୍ ଇଦାଂ କିନାରା । ୧୩ ଇନାକିଦେଂକି ଇମ୍ଣାକାର୍ ସୁନ୍ନତ୍ ନିୟମ୍ ପାଲି କିନାର୍, ହେଝାର୍ ନିଜେ ପା ମସାତି ବିଦି ପାଲି କିଜି ମାନୁର୍ । ଏପେଇଁ ସୁନ୍ନତ୍ ଆତ ଇଞ୍ଜି ହେଝାର୍ ଇଚା କିନାରା । ଇ ଗାଗାଡ଼୍ ବିଦି ପାଲି କିଦେଇଁ ମିଜେଇଁ ଝେର୍ଚେଦେଂ ଆଡ଼ଦିତିସ୍ ହେଝାର୍ ଗରବ୍ କିତାର୍ । ୧୪ ମାତର୍ ଆନ୍ କେବଲ୍ ମା ମାପୁ ଜିସୁ କ୍ରିସ୍ତୁଟି କ୍ଲସ୍ ବିସ୍ତେ ଗରବ୍ କିନାଙ୍ଗା; ଇନେକିଦେଂକି ତା କ୍ଲସ୍ ଲାହାଂ ଜଗଡ୍ ନା କାଜିଂ ହାତାଡ଼୍ ଆରି ଆନ୍ ଜଗଡ୍ କାଜିଂ ହାତାଙ୍ଗ୍ । ୧୫ ଇନେର୍ ସୁନ୍ନତ୍ କି ସୁନ୍ନତ୍ ଆଝି, ହେବେ ଇନାକା ଆଏଡ୍ କି ଆମେଡ୍, ପୁନି ଉବ୍ଜାଣ୍ ନେ ସାର୍ ବିସ୍ତେ । ୧୬ ଇମ୍ଣାକାର୍ ଜାର୍ ଜିବୁନ୍ତ ଇ ରିତି ଦାହ୍ନାର୍ ହେଝାର୍ ଝିଜାର୍ ଆରି ଇସ୍ୱର୍ତି ମାନାୟାର୍ ଇସ୍ୱାଏଲ୍ ଝିଜାର୍ ଜିବୁନ୍ନି ସୁସ୍ତା ଆରି ଦୟା ଆୟେଡ୍ ।

୧୭ ହାରିହାରା, ନା ଏଚେକ୍ ଇନି କାତା, ନାଜ୍ ଇନେର୍ ଆରେ ଦୁକ୍ ହିଦ୍‌ମେର୍ ।
 ଇନାକିଦେଂକି ନା ଗାଗାଡ୍‌ତ ଇମ୍‌ଣି ସବୁ ଗାଞ୍ଜାତି ଚିନ୍‌କୁ ମାନିକ୍, ହେବେଣ୍ଡାଂ ହନାଡ୍
 ଜେ ଆନ୍ ଜିସୁ କ୍ରିସ୍ଟି ଆଡିଏନ୍ ।

୧୮ ଏ ଟଣ୍ଡାର୍ ଆରି ତଣ୍‌ଦେକାଦେର୍, ମା ମାପୁ ଜିସୁ କ୍ରିସ୍ଟି ଉପ୍‌କାର୍ ମି ଝିଜାର୍
 ଲାଗାଂ ଜିରୁନ୍‌ନି ଉପ୍‌କାର୍ ମାନେଡ୍ । ଆମେନ୍ ।

ଏପିସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଏପିସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଏପିସିୟ ପତିନି ପାଦେକ୍

ଏପିସିୟ ମଣ୍ଡଳି ତାକେ ପାଉଲ୍‌ତି ଆକି ପାଉଲ୍‌ତି ଆନଫାନତାଂ ୭୦ ବାହୁଁ ବିତ୍ରେ କଲସିୟ ମଣ୍ଡଳି ଲାଗାଙ୍ଗ୍ ଲେକିକିନି ସମୁ ଲେକା ଆଜି ମାତାତ୍ । ଲେକିକିନାକାନ୍ ହେୱାନ୍ ନିଜେ ପକ୍ୟାତି ପାଉଲ୍ ଇଞ୍ଜି ଜାଣାଚିଣା ହିନାନ୍ ୧:୧ ଜଦି କଲସିୟ ପତିତ ନିଜେ ମେହାଣ୍ ହିଲ୍‌ଝିତିସ୍ ପା କେତେକ୍ ପଣ୍ଡିତାର୍ ଏପିସିୟ ପତିତ ପାଉଲ୍ ଲେକିକିତାନ୍ନା ଇଞ୍ଜି ପାତ୍ କିନାର୍ । ଇ କାରଣତାଂ ଆଜି ମାନାତ୍ ସବୁ ମଣ୍ଡଳିକାଂ ଆକି ପକ୍‌ନି ଇସାପ୍ ଆସ୍ତି ଲେକାଜି ମାନଗାନାତ୍ । ପାଉଲ୍ ଇଦାଂ ପା ଚତ୍‌ତି ହିନାନ୍ ଜେ ହେୱାନ୍ ଇ ଆକି ଲେକିକିନି ସମୁତ ହେୱାନ୍ ବନ୍ଦି ମାତାନ୍ ୩:୧୪:୧ ଆରେ ୬:୨୦ ପାଉଲ୍ ତୁକିକଂ ଏପିସିୟ ମଣ୍ଡଳିତ ପକ୍‌ତି ତା କେଇଦ ଇ ଆକି ପକ୍‌ତି ମାତାନ୍ । ୬:୨୧-୨୨ ।

ଏପିସିୟ ଏସିଆତ ମାନି ରଞ୍ଜାଙ୍ଗ୍ ଆକି ଗାତ୍ ଆରି ରାଜଦାନି ମାତାତ୍ । ଏପିସିୟ ଗ୍ରିକ୍ ପେନ୍ ଅରତ୍‌ନି ଉପାସ୍ ଆରି ଇଦାଂ ନି ମନ୍ଦିର କାଜିଂ ଝିନ୍‌ନାତ୍ । ପକ୍ୟାତାକା ୬:୨୩-୨୪ । ଏପିସିୟ ମଣ୍ଡଳି ପର୍ତୁଗ୍ ଡାଟ୍ ମାତାତ୍ । ମାତର୍ ପାତେ ହାଲ୍‌କାଜି ଝାତାତ୍ । ହତ୍‌ତାକା ୨:୧-୭ । ପାଉଲ୍ ତା ଲେକାନି ଆଦା ବାଗ୍‌ତ ଇସ୍‌ବର୍ ଇନେସ୍‌କି ତା ମାନାୟାରିଂ କୁକ୍‌ତାନ୍ ଆରି ଇନେସ୍ ଜିସୁଙ୍ଗ୍ ହିଜି ପାପ୍‌ତାଂ ରାକ୍ୟା କିତାନ୍ ହେଦାଂ ବୁଜାୟ୍ କିତାନ୍ ।

ପାଉଲ୍ ମଣ୍ଡଳିତିଂ ଗାଗାତ୍ ହୁଦାଂ ତୁଲ୍‌ୟା କିଜି କ୍ରିଷ୍ଟ ଇ କାପ୍‌ଡା ଆରି କନାନି ମୁଡ୍‌କାଲ୍ ଆନାନ୍ ଇନାକା ଲାହାଙ୍ଗ୍ ମେହାଜି ରବେ ବାତାନାର୍ । ପାଉଲ୍‌ତି ଆକି ଆଦା ବାଗ୍‌ତ କ୍ରିଷ୍ଟ ଜିବୁନ୍ ବିସ୍ତେ ଇନାନ୍ ।

ପତି ବିସ୍ତେନି ରାହାଣ୍

- ୧. ପାଉଲ୍‌ତି ବାନ୍ଦାଣି ଆରି ଜାଣାଚିଣାନି ମୁଡ୍ ୧:୧-୨
- ୨. କ୍ରିଷ୍ଟ ଲାହାଂ ମଣ୍ଡଳିନି ଜାଣାଚିଣା ୧:୩୩:୨୧
- ୩. କ୍ରିଷ୍ଟିୟାନ୍ ଜିବୁନ୍ ଜିପ୍‌କା କିନି ଉପାୟ୍ ୪:୧-୬:୨୦
- ୪. ପାଉଲ୍‌ତି ହାରିହାରା ଝିସ୍ତାନ୍ ୬:୨୧-୨୪

୧ * ଇସ୍‌ବର୍ ଇତା ଇସାପ୍ରେ କ୍ରିଷ୍ଟ ଜିସୁତି ରଞ୍ଜାନ୍ ପକ୍ୟାତାକାନ୍ ତେଲ୍‌ଲା ଲାକେ ବାଚି କିୟାତି ପାଉଲ୍, ଜିସୁ କ୍ରିଷ୍ଟ ଲାହାଂ ମେହାଆଜି ପାତ୍ ଜିବୁନ୍ ଜିପ୍‌କା କିଜି ମାନି ଏପିସିତ ଇସ୍‌ବର୍‌ତି ପୁଇପୁୟା ଲକୁ ହେବା କିନାକାର୍ ଲାଗାଂ ଲେକିକିତି ଇ ଆକି ।
 ୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିଷ୍ଟ ମି ଉପ୍‌କାର୍ ଆରି ସୁସ୍ତା ମି କାଜିଂ ଆଏଡ୍ ।

ଆମ୍‌କ୍ ଆସିର୍ବାଦ୍

୩ ଦନ୍ୟ ମା ମାପୁ ଜିସୁ କ୍ରିଷ୍ଟି ଆବା ଇସ୍‌ବର୍ । ଇନେକିଦେଂକି ହେୱାନ୍ ମାଙ୍ଗେଙ୍ଗ୍ କ୍ରିଷ୍ଟି ଲାହାଂ ମେହାୟକିଜି ସାଗେ ଲକୁନି ଝିଜାରିଂ ସାଗେନି ଆମ୍‌କ୍ ଆସିର୍ବାଦ୍ କିଡ୍‌ତାନ୍ନା, ୪ କ୍ରିଷ୍ଟି ତାକେ ମେହାଜି ଆପେଂ ଇନେସ୍ ଇସ୍‌ବର୍‌ତି ଆତାପ୍ ହେଦାଂ ଜଗତ୍ ଉବ୍‌ଜାଣ୍ ଆନି ଆଗେ ବାଚି କିଡ୍‌ତାନ୍ନା ।

ଇନେସ୍‌କି ଜିଉନନିତ ତା ମୁମ୍‌ଦ ପୁଇପୁୟା ଆରି ଦସ୍‌ହିଲ୍‌ଝାକା ଆନାସ୍ ।

* ୧:୧ ୧:୧ ପକ୍ୟାତାକା ୧୮:୧୯-୨୧; ୧୯:୧.

୫ ଜିସୁ କ୍ରିଷ୍ଟି ହୁକେ ହେୱାନ ମାଜେଙ୍ଗ ତା ମେହି ଲାକେ ଇଡ଼ଦେଦେଂ ବାଟି କିଜି ମାଚାନ; ଇଦାଂ ନେ ମାଚାଡ଼ ତା ୱାରି ଆରି ଇଚା । ୬ ଇସ୍ଵରତି ଜାଜମାଲାନି ଦୟା କାଜିଂ ଆରି ତା ଜିଉନନି କାଜିଂ ପିସ୍ତ୍ର ମଲ୍ତ ଦାନ ଇସାବ୍ରେ ପାୟାତି କାଜିଂ, ଆପ୍ ଇସ୍ଵରତିଂ ଦନ୍ୟବାଦ୍ କିନାପା । ୭ *କ୍ରିଷ୍ଟି ହାକି କାଜିଂ ଆପେଂ ମୁକ୍ତାନାକା, ଇତିସ୍ ମା ସବୁ ନେତେରତାଂ ପାପ୍ କେମା ଆତାଡ଼ନ୍ନା । ଇସ୍ଵରତି ଉପକାର୍ ଏଚେକ୍ ଗାଜା ! ି ହେ ଉପକାର୍ ହେୱାନ ସବୁ ବାନି ଗିଆନ୍ ଆରି ବାଦ୍ନା ହିଜି ମା କାଜିଂ ବେସି ବାବ୍ରେ ହିଡ଼ତାରନା । ୯ ଇସ୍ଵର ତା ଆଦିକ୍ ଗିଆନ୍ ଆରି ୱାସ୍ତୁହୁଡ଼ନି ଲାହାଂ ଇନାକା ବାବି କିଜି ମାଚାନ, ହେଦାଂ ପୁରା କିତାନନା ଆରି ତାଜେଙ୍ଗ୍ କ୍ରିଷ୍ଟି ଉପକାର୍ତ ପୁରା କିନି କାଜିଂ ହେୱାନ ଇମ୍ନାକା ଡ଼କ୍ଟି ହେ ଲାକେ ହାନ୍ଦାୟ୍ କିଜି ମାଚାନ, ହେଦାଂ ମା ଲାଗାଂ ହପ୍ତାନନା । ୧୦ ହେ ଲାକେ ହାନ୍ଦାୟ୍ ଇସାବ୍ରେ ସାଗେଂ ଆରି ପୁତ୍ନି ସବୁ ରବ୍ଟି ବିସ୍ତ୍ରେ ରଞ୍ଜାଙ୍ଗ୍ ଆନାଡ଼ ଆରି କ୍ରିଷ୍ଟ ହେୱାନ ୱିଜାରିଂ କାପ୍ତା ଲାକେ ମାନାନ । ଇ ଲାକେ ହାନ୍ଦାୟ୍ କିଜି ସମାନ ସମୁତ ପୁରା କିନାନ ।

୧୧ ସବୁ ବିସ୍ତ୍ରେ ଇସ୍ଵରତି ଲାକେ ହାନ୍ଦାୟ୍ ଆରି କେମ୍ତା ଇସାପ୍ରେ ସମାନ ଆତିସ୍; ଆଗେତାଂ ବାଟିକିୟାଜି ଜାର୍ ଉଦେସ୍ତ ପୁରା କାଜିଂ କ୍ରିଷ୍ଟି ହୁକେ ତା ନିଜେ ଲକ୍ତୁ ଆନି କାଜିଂ ଇସ୍ଵର ମାଙ୍ଗ୍ ବାଟିକିଡ଼ତାନ୍ନା । ୧୨ ୱାଡ଼, ଇମ୍ନାକାର୍ ସବୁ ପରଡ଼ୁମ୍ କ୍ରିଷ୍ଟି ତାକେ ବାସ୍ କିଜି ମାଚାପ୍, ୱିଜାକାସ୍ ଇସ୍ଵରତି ପାଣ୍ କେରନାସ୍ ।

୧୩ ଏପେଙ୍ଗ୍ ପା ଏଚେକାଡ଼ଦ୍ ମୁକ୍ତାନାକା ହିନି ଇ ନେକ୍ତିକାରୁରନି ସଡ଼ କାରୁର ୱେଚାଦେର୍, ହେ ସମୁତାଂ ଇସ୍ଵରତି ଆତାଦେଣ୍ଟା । ଏପ୍ କ୍ରିଷ୍ଟଙ୍ଗ୍ ପାତ୍ କିନାଦେରା, ଇସ୍ଵର ତା ପାର୍ମାଣ୍ ଇସାପ୍ରେ ପୁଇପୁୟା ଜିବୁନ୍ତିଂ ଦାନ କିଜି ମି ଜପି ତା ଇଚା ଚିନ୍ ଇଡ଼ତାତାନନା । ୧୪ ଇସ୍ଵରତି ଜାଜମାଲାନି ୱାରିକିନି କାଜିଂ ହେୱାକ୍ତି ଜାର୍ତ୍ତି ମୁକ୍ତାନାକା ଉଦେସ୍ତ ହେୱାନ ମା ଆଦିକାର୍ନି ଜାମଲି ଲାକେ ।

ପାଉଲ୍ତି ପାର୍ତାନା

୧୫ ଇ କାରଣତାଂ ମାପୁ ଜିସୁତି ତାକେ ମି ଇମ୍ଣି ପାତ୍ ଆରି ଇସ୍ଵରତି ଲକ୍ତୁ କାଜିଂ ମି ପୁଇପୁୟାତାଂ ଜିଉନନାକା ମାନାଡ଼ । ୧୬ ମି କାଜିଂ ପାର୍ତାନାତ ଏଡୁ କିଜି ଇସ୍ଵରତିଂ ଦନ୍ୟବାଦ୍ ହିଜି ୱାନାଙ୍ଗା ଆନ୍ ପାନା ପାର୍ତାନାତ ମିଙ୍ଗ୍ ଦିନକେ ଏଡୁ କିଦନାଙ୍ଗା । ୧୭ ଆରେ ଜାଜମାଲାନି ଆବା, ମା ମାପୁ ଜିସୁ କ୍ରିଷ୍ଟି ଇସ୍ଵରତିଂ ପାର୍ତାନା କିନାନ ଇନେସ୍ ହେୱାନ ମିଜେଙ୍ଗ୍ ପୁଇପୁୟା ଜିବୁନ୍ ହିଦନାନ । ହେ ଜିବୁନ୍ ମିଙ୍ଗ୍ ବୁଦିକାରୟା କିଦନାନ ଆରି ଇସ୍ଵରତିଂ ମି ଲାଗାଂ ୱେଚଚାନାନ । ତା ଆତିସ୍, ଏପେଙ୍ଗ୍ ତାଜେଙ୍ଗ୍ ପୁଞ୍ଜେଙ୍ଗ୍ ଆଡ଼ନାଦେର୍ । ୧୮ ଆନ୍ ଗ଱ାରି କିଦନାଂ, ଇନେସ୍ ତା ଅଜଡ଼ ହୁଡ଼ନି କାଜିଂ ମିତାକେନି ୱାସ୍ତୁ ହୁଡ଼ନାକା ସାରି ଆନାଡ଼ । ପାଚେ ଇମ୍ଣି ବାସ୍ ଜାଜମାଲାନି ଦାନ ପୁଇପୁୟା ଲକ୍ତାଂ ଜେ ସବୁ ଏପେଙ୍ଗ୍ ତା ହୁକେ କୁକ୍ୟାତାଦେଣ୍ଟା ହେଦାଂ ପୁନାଦେର୍ । ୧୯ ତା ମାନାୟାର୍ କାଜିଂ ତା ପାର୍ମାଣ୍ ଗାଜା ଆସିବାଦ୍ ଜେ ଏଚେକ୍ ବେସି ଆରି ମା ଲାକେ ପାତ୍ କିନାକାର୍ ବିତ୍ରେ ତା ଗାଗାଡ଼ନି ସାକ୍ତି ଜେ ଏଚେକ୍ ଗାଜା, ହେଦାଂ ଏପେଙ୍ଗ୍ ପୁଞ୍ଜେଙ୍ଗ୍ ଆଡ଼ନାଦେର୍ । ୨୦ ନଙ୍ଗ୍, ମା ବିତ୍ରେ ଗାଗାଡ଼ତ ମାନି ହେ ସାକ୍ତି କାଜିଂ ନେ ଇସ୍ଵର କ୍ରିଷ୍ଟଙ୍ଗ୍ ହାକିତାଂ ଆରେ ନିକ୍ତି ତା ସାଗେତ ଜାର୍ ତିନି ବାଗାଙ୍ଗ୍ ଜପି କୁଟିକିତାନନା । ୨୧ କ୍ରିଷ୍ଟ ୱିଜୁ ସାଗେନି ସାସନ୍କାରିୟା, କେମ୍ତା ପୁରା ଆଦିକାର୍, ସାକ୍ତିତ ଆରି ଆଦିକାରିଂ ଜପି ସାସନ୍ କିନାର୍, ଇ ଜୁଗ୍ନି ମାନି କାଡ଼୍ କି ହାନି କାଡ଼୍ କେମ୍ତା ଚର୍ଚ୍ଚି ପାଦ୍ ପିସ୍ତ୍ର ତା ପାଦ୍ ବାଡ଼କାସ୍ । ୨୨ * ଇସ୍ଵର ସବୁ ବିସ୍ତ୍ରେ କ୍ରିଷ୍ଟି ପାନା ତାରେନ୍ ଇଡ଼ତାଣ୍ଟା ଆରି ୱିଜୁ

* ୧:୭ ୧:୭ କଲସିୟ ୧:୧୪. * ୧:୨୨ ୧:୨୨ କଲସିୟ ୧:୧୮.

ବିସ୍ତେ ଜପିତାଂ ସବୁ ବାନିତ ମାପୁ ଲାକେ ମଣ୍ଡଲିତିଂ ଦାନ କିତାର । ୨୩ ହେ ମଣ୍ଡଲି କ୍ରିଷ୍ଣତି ଗାଗାଡ଼, ମଣ୍ଡଲି କାଜିଂ କ୍ରିଷ୍ଣତି କାମାୟ ପୁରା ସମାନ ଆନାଡ଼; ଆରେ କ୍ରିଷ୍ଣ ସବୁ ବିସ୍ତେ ପୁରା କନାନ ।

୨

ହାକିତାଂ ଜିବୁନ୍ ପାୟାନାସ

୧ *ମିଦାଂ ଅମାନ୍ୟ ଆରି ପାପ କାଜିଂ ପାଚେନିକାଡ଼ଦ ଆଗେନି ପୁଇପୁୟା ବାବ୍ରେ ହାଜି ମାଚାଦେର୍ । ୨ ହେ ସମୁତ ଏପେଙ୍ଗ ଇ ଜଗତ୍‌ନି ସଡ଼ହିଝି ହାଜି ଦାହାଟ୍, ଗାଜା ଆକାସ୍ତ ଗାଗାଡ଼ହିଝି ଆଦିକାର ଜିବୁନ୍ ତଲ୍ୟା ମାଚାଦେର୍ । ହେ ମୁଡ଼ଦାକାନ୍ ନଂ ଇସ୍‌ରତି ବଲ୍ ପିହ୍‌ନି ଲକ୍ଷୁ ଜପି ସାସନ୍ କନାନା । ୩ ହାଡ଼ପାତ ଆପେଂ ଝିଜାକାପ୍ ହେଝାର ଲାକେ ମାଚାପ୍ ଆରି ଗାଗାଡ଼ ଆରି ମାନନ୍ ପିହ୍‌ନାକା ଚାଲାବୁଲା କିଜି ଜିବୁନ୍ ଜିପ୍‌କା କିଜି ମାଚାପ୍ । ହାର ବାବ୍‌ନା, ବିନେନିକାର ଲାକେ ଆପ୍ ପା ବେବାର କାକ୍ରିନି ସାରାଣ୍ ବଗି କିଦେଙ୍ଗ ହାନାପା ।

୪ ମାଚର୍ ଇସ୍‌ରତି ଦୟା ଏଚେକ୍ ବେସି ଆରି ମା କାଜିଂ ତା ଜିଉନନାକା ଏଚେକ୍ ଗାଜା ଜେ, ମା ଉଡ଼ପାତ୍ୟା କାଜିଂ ଆସେଙ୍ଗ୍ ଆମିକ୍ ବାବ୍ରେ ହାଜି ମାନି ସମୁତ ହେଝାନ୍ କ୍ରିଷ୍ଣତି ଲାହାଂ ମାଙ୍ଗେଙ୍ଗ୍ ଜିବୁନ୍ କିଡ଼ତାନନା । ଇସ୍‌ରତି ଦୟା ହୁକେ ନେ ଏପେଙ୍ଗ୍ ମୁକ୍‌ଡାତାଣ୍ । ୫ ମା ବାନ୍ୟା କାଜିଂ ମା ଆମିକ୍ ହାକି ମାନି ଝାଡ଼ାଂ ହେଝାନ୍ କ୍ରିଷ୍ଣତି ଲାହାଙ୍ଗ୍ ମାଙ୍ଗେଙ୍ଗ୍ ମେହାୟ୍ କିଡ଼ତାନ୍ । ଇସ୍‌ରତି ଉପ୍‌କାର ହୁକେ ନେ ଏପେଙ୍ଗ୍ ମୁକ୍ତି ପାୟାତାଦେଣ୍ । ୬ କ୍ରିଷ୍ଣ ଜିସ୍‌ତି ଲାହାଂ ଏକ୍ ଆନି ହୁକେ ତା ଲାହାଂ ସାଗେତ ରାଜକିନି କାଜିଂ ହେଝାନ୍ ମାଂ ପା ନିକତାତାନନା । ୭ ଆରି କ୍ରିଷ୍ଣ ଜିସ୍‌ତାଂ ହେଝାନ୍ ମା କାଜିଂ ଦୟା କିଜି ଝାନି ଜୁଗତ୍ ଜାର ଉପ୍‌କାର୍‌ନି ଆଦିକ୍ ବେସି ଦାନ୍ ହପ୍‌ନାନ୍ । ୮ ଇନାକିଦେଂକି ଉପ୍‌କାର୍‌ତ ପାତ୍ ହୁକେ ଏପେଙ୍ଗ୍ ମୁକ୍ତି ଆତାଦେଣ୍; ହେଦାଂ ମିତାଂ ଆଝାତାଡ଼ନା, ହେଦାଂ ଇସ୍‌ତ୍ ଦାନ୍ ଆନାଡ଼, ୯ ଲାଗିଂ ଇ ବିସ୍ତେ ଇନେର୍ ଗରବ୍ କିଦେଙ୍ଗ୍ ଆଡୁର୍ । ୧୦ ଆପେଂ ଇନାକା ଆତାପ୍‌ନା, କେବଲ୍ ଇସ୍‌ର ନେ ହେଦାଂ କିତାନନା; ଇମ୍‌ଣି ହାର୍‌ଦି କାମାୟ୍ ଆସେଙ୍ଗ୍ କିନାସ୍ ଇଞ୍ଜି ଇସ୍‌ର ଆଗେତାଂ ବାଚିକିଜି ମାଚାନ୍, ଆସେଙ୍ଗ୍ କ୍ରିଷ୍ଣ ଜିସ୍ ଲାହାଂ ମେହାନି କାଜିଂ ମା ଜିବୁନ୍‌ତ ହେଦାଂ ଆଦେଂ ଆତାଡ଼ନ୍ନା ।

କ୍ରିଷ୍ଣତାକେ ଏକ୍ ଆନାସ

୧୧ ଜାର୍‌ତି ପାଚେନି ଅବସ୍ତା ଏଡୁ କିୟାଟ୍ । ଏପେଙ୍ଗ୍ ପାତ୍ କିଝି ଜିହୁଦି ମାଚାଦେର୍, ଜାର୍‌ତିଂ “ସୁନ୍‌ଡ଼” ଇଞ୍ଜି ମାନି ପାତ୍ କିଝି ଜିହୁଦିର୍ ହୁକେ ସୁନ୍‌ଡ଼ ଆକାୟ୍ ଇଞ୍ଜି ମାଚାର୍, ଇଦାଂ କେବଲ୍ ର ଗାଗାଡ଼ ଅବସ୍ତାତିଂ ବୁଜାନାଡ଼ । ୧୨ ଆଗେ ଏପେଙ୍ଗ୍ କ୍ରିଷ୍ଣତାଂ ଦେହା ମାଚାଦେର୍, ଇସ୍‌ଏଲ୍ ବିଦେସିୟା ମାଚାଦେର୍ ଆରି ଇସ୍‌ରତି ବାଚିକିତି ମେହାଝାଦାଂ ମାଚାଦେର୍, ଇସ୍‌ର ତା ଲକ୍ଷୁ କାଜିଂ କିଜିମାନି ପାର୍ମାଣ୍ ଜପି ରଡ଼ତି ନିୟମ୍‌ତ ମି ଇମ୍‌ଣାକା ପା ବାଗ୍ ହିଲ୍‌ଝାତାଡ଼ । ବାସ୍ ହିଲ୍‌ଝାକା ଆରି ଇସ୍‌ର ହିଲ୍‌କାନ୍ ଆଜି ଏପେଙ୍ଗ୍ ଜଗତ୍‌ତ ବାହା କିଜି ମାଚାଦେର୍ । ୧୩ ଆଗେ ଏପେଙ୍ଗ୍ ଦେହା ମାଚାଦେର୍, ମାଚର୍ ନଙ୍ଗ୍ ଜିସ୍‌ତି ଲାହାଂ ଏକ୍ ଆଜି କ୍ରିଷ୍ଣତି ହେଝାନ୍ତି ନେତେର୍ ହୁକେ ଲାଗାଂ ଆତାଦେଣ୍ । ୧୪ ଇନାକିଦେଂକି ଜିହୁଦି ଆରି ପାତ୍ କିଝି ଜିହୁଦିର୍ ଏକ୍ କିଜି, କ୍ରିଷ୍ଣ ନିଜେ ମା ବିତ୍ରେ ସୁସ୍ତା ରଡ଼ତାନନା । ହେଝାରିଂ ବିନେ କିଜି ହାରି ସଡୁ ଲାକେ ଇର୍‌ନି ଅଙ୍ଗ୍‌ର ବାଡ଼ ହେଝାନ୍ ହେଝାନ୍ତି ନିଜ୍ ଗାଗାଡ଼ ହୁକେ ତ୍ରିକ୍‌ତାନ୍ । ୧୫ * ହେଝାନ୍ ଜିହୁଦିର୍‌ତି ଝିଜୁ ବିଦିବିଦାଣି ବଲ୍ ମସାତି ବିଦିତିଂ ହପ୍‌ତି ଜିହୁଦି

* ୨:୧ ୨:୧ କଲସିୟ ୨:୧୩. * ୨:୧୫ ୨:୧୫ କଲସିୟ ୨:୧୪.

ଆରି ପାତ୍ର କିଞ୍ଚି ଜିହୁଦି ବିତ୍ରେତାଂ ହେଞ୍ଜାନତି ଉପକାର ସୁକ୍ଷ୍ମବଗ୍ କିଜି ମାନି ର ପୁନି ନାର ଜାତି ଉବ୍ଜାୟ କିତାନନା । ଇବେ ପୁତ୍ର ତ ସୁସ୍ତା ରୟାନାତ୍ । ୧୭ * କ୍ରସ୍ତ ହେଞ୍ଜାନ୍ତି ହାକି ହୁକେ କ୍ରସ୍ତ ହେ ଜିହୁଦି ପାତ୍ର କିଞ୍ଚି ଜିହୁଦି ବିତ୍ରେ ମାନି ସାତୁରିଂ ବୁତାୟ କିତାନ; କ୍ରସ୍ତ ହୁକେ ହେଞ୍ଜାନ ରି ଜାତିତିଂ ମେହାୟକିଜି ର ଗାଗାଡ୍ ଲାକେ କିଡ଼ତାନନା ଆରି ଇସ୍ବର ଲାଗାଂ ହେଞ୍ଜାରିଂ ତାଇଞ୍ଜାତାନା । ୧୮ ହେଦାଂ କାଜିଂ କ୍ରସ୍ତ ଖାଜି ମାତାନ ଆରି ଇସ୍ବରତାଂ ଦେହା ହାଲଜି ମାନି ପାତ୍ର କିଞ୍ଚି ଜିହୁଦି ଆରି ତା ଲାଗାଂନି ଜିହୁଦିର ବିତ୍ରେ ସୁସ୍ତାନି ନେକ୍ରିକାରୁର ସୁଶାୟ କିଜି ମାତାନ । ୧୯ କ୍ରସ୍ତ ହୁକେ ନେ ଜିହୁଦି ଆରି ପାତ୍ର କିଞ୍ଚି ଜିହୁଦି ଖିଜାର ର ଜିବୁନ୍ତା ଆବା ମୁମ୍ବଦ ଖାନି କାଜିଂ ଇଡ଼ତାପନା ।

୧୯ ଲାଗିଂ, ଏପେଙ୍ଗ ନଙ୍ଗ ବିଦେସିୟା କି ଜାର ଦେସ୍ନି ମାନାୟ ଆକାୟ ମାତର ସାଦୁର ଲାହାଂ ଏପେଙ୍ଗ ଇସ୍ବରତି ପୁଇପୁୟା ଲକୁ ଲାହାଂ ଏପେଙ୍ଗ ପା ତା ରାଜିନି ବାହା କିନାକାନ ଆରି ଇସ୍ବରତି କୁଟୁମ୍ ଆତାଦେଣ୍ଟା । ୨୦ ଏପେଙ୍ଗ ପା ପକ୍ୟାତାକାନ୍ ତେଲା ଆରି ବେଶ୍ବବାକ୍ଶାୟକିନାକାତ୍ର ହୁକେ ରଚ୍ଚି କୁନାଦି ଜପି ରଚ୍ୟାତି ଇଲକୁ ଲାକେ । ହେ ଇଲଜି କନାନି କାଲ୍ ନିଜେ କ୍ରସ୍ତ ଜିସୁ । ୨୧ ହେଞ୍ଜାନ କେବଲ୍ ଇ ଇଲତିଂ ମେହାୟକିଜି ଇଟ୍ନାନ ଆରି ମାପୁତି କାଜିଂ ର ପୁଜାକିନି ପୁଇପୁୟା ମନ୍ଦିର ଲାକେ ବାତାୟ କିତାନ । ୨୨ ହେଞ୍ଜାନତି ଉପକାରତ ଏପେଙ୍ଗ ପା ବିନ୍ ଖିଜାରିଂ ଲାହାଂ ଜିବୁନ୍ ଲାଗିଦି ଇସ୍ବର କୁଚ୍ଚି କାଜିଂ ର ବାକ୍ରା ଲାକେ ରୟାନାତା ।

୩

ପାତ୍ର କିଞ୍ଚି ଜିହୁଦିରତି କାଜିଂ ପାଉଲତି କାମାୟ

୧ ଇ କାରଣତାଂ ମି ଲାକେ ପାତ୍ର କିଞ୍ଚି ଜିହୁଦିର କାଜିଂ କ୍ରସ୍ତ ଜିସୁ ହୁକେ ବନ୍ଦି ଆଜି ମାନି ଆନ୍ ପାଉଲ, ଇସ୍ବର ତାକେ ପାର୍ତାନା କିନାଙ୍ଗା । ୨ ମି ହାର କାଜିଂ ଇସ୍ବର ତା ଦୟାତ ନାଙ୍ଗ ଇନେର ଇ କାମାୟ କିଦେଙ୍ଗ ହିଡ଼ତାଣ୍ଟା, ଇଦାଂ ହାତେନେ ଖେଚାଦେଣ୍ଟା । ୩ ଇସ୍ବର ତା ଡକ୍ଟି କାତା ହପି ନାଙ୍ଗେଙ୍ଗ ଖେଚାଚାନ୍ତା । ଇ ବିସ୍ତେ ଆନ୍ ହାରୁକିଜି ଲେକିକିନାଙ୍ଗା । ୪ *ହେଦାଂ ପଡ଼ିକିତିସ୍ କ୍ରସ୍ତ ଡକ୍ଟି କାତା ବିସ୍ତେ ଆନ୍ ଇନାକା ବୁଜାଆତାଂନା ହେଦାଂ ଏପେଙ୍ଗ ପୁଞ୍ଜେଙ୍ଗ ଆଡ଼ନାଦେର । ୫ ଆଗେନି କାଡ଼ଦ ମାନାୟ ଜାତିତିଂ ଇ ଡକ୍ଟି କାତା ବିସ୍ତେ ଇନ୍ୟାଖାଦାଂ ମାତାତ୍ । ମାତର ଇସ୍ବର ନଙ୍ଗିନି ତା ପୁଇପୁୟା ପକ୍ୟାତାକାନ୍ ତେଲାଙ୍ଗ ଆରି ବେଶ୍ବବାକ୍ଶାୟକିନାକାର ଜିବୁନ୍ ହୁଦାଂ ଇଦାଂ ହପ୍ତାନନା । ୬ ହେ ଡକ୍ଟି କାତା ଆନାତା, ନେକ୍ରିକାରୁର କାଜିଂ ଜିହୁଦିର ଲାହାଂ ପାତ୍ର କିଞ୍ଚି ଜିହୁଦିର ପା ଇସ୍ବରତି ଆସିର୍ବାଦତ ମେହା ଆତାଣ୍ଟା । ହେଞ୍ଜାର ହେ ର ଗାଗାଡ଼ନି କେଇଗାଲ୍ ଆରି ଜିସୁ କ୍ରସ୍ତ ଉପକାରତାଂ ଇସ୍ବର ହିଡ଼ତି ପାର୍ମାଣ୍ଡତ ମେହା ଆନାଦେର ।

୭ ଇସ୍ବତ୍ର ତା ସାକ୍ତି ହିଜି ନାଙ୍ଗ ଇମଣି ଦୟା ଦାନ୍ ହିତାନନା ହେଦାଂ କାଜିଂ ଆନ୍ ନେକ୍ରିକାରୁରନି ପରଚାର ହେବାକାରୟା ଆନାଙ୍ଗା । ୮ ଆନ୍ ଇସ୍ବରତି ସାଦୁର ବିତ୍ରେ ଖିଜାରତାଂ ହାରୁ, ଆତିସ୍ପପା ପାତ୍ର କିଞ୍ଚି ଜିହୁଦିର ଲାଗାଂ କ୍ରସ୍ତ ବିସି ଦାନ୍ନି ନେକ୍ରିକାରୁର ଅନି କାଜିଂ ନାଙ୍ଗ ଇସ୍ବର ସମୁ ହିଡ଼ତାଡନା । ୯ ଇସ୍ବରତି ହେ ପୁନି ସମୁନି ଡକ୍ଟି ଉପାୟ ଇନେସ୍ କାମାୟ ଆଦେଂ ଆଡ଼ନାତ୍, ହେଦାଂ ଖିଜାରିଂ ଜାଶାୟ କିଦେଙ୍ଗ ନି କାମାୟ ଆନ୍ ଲାବ୍ କିତାଂନା । ସବୁ ବିସ୍ତେନି ରାକ୍ୟାକାରିୟା ଇସ୍ବର ଆଗେ ସବୁ ଜୁଗ୍ତ ତା ଡକ୍ଟି କାତାତିଂ ଡକ୍ଟି ଇଡ଼ଜି ମାତାର, ୧୦ ଇନେସ୍ ନଙ୍ଗିନି ସମୁତ କ୍ରସ୍ତୟାନ୍ ମଣ୍ଡଲିନି କାମାୟ ହୁକେ ସାଗେନି ଆଦିକାର ଆରି ସାକ୍ତିକାଚାକାନ

* ୨:୧୭ ୨:୧୭ କଲସିୟ ୧:୨୦. * ୩:୪ ୩:୪ କଲସିୟ ୧:୨୭,୨୭.

ଇସ୍ଵରତି ବେସି ଗିଆନ୍ ବିସ୍ଵେ ହିକ୍ୟା କିଜି ବୁଜାନାସ୍ । ୧୧ ଇସ୍ଵର ତା ଝିଜ୍ଝି ସମ୍ପୁ ଉଦେସ୍ ଇସାବ୍ରେ ମା ମାପୁ କ୍ରିଷ୍ଟ ଜିସୁତି ହୁକେ ଇଦାଂ ପୁରା କିତାଣ୍ଟା । ୧୨ କ୍ରିଷ୍ଟି ଲାହାଂ ମେହାଜି ମାଟିଲେ ଆରି ତା ତାକେ ପାତ୍ କିଜି ମାଟିଲେ ବାସ୍ ଲାହାଙ୍ଗ ଇସ୍ଵର ଲାଗାଙ୍ଗ ହାନି କାଜିଂ ମାଦାଂ ନଙ୍ଗ୍ ସାସ୍ ମାନାଡ଼ । ୧୩ ଇଦାଂ କାଜିଂ ନାଦି ଗଞ୍ଜାରି, ମି କାଜିଂ ନା ଦୁକ୍‌ବଗ୍ କାଜିଂ ନିସ୍‌ତାୟ୍ ଆମାଟ୍, ଇନାକିଦେଂକି ଇଦାଂ ସବୁ ମିଦାଙ୍ଗ୍ ଜାଜ୍‌ମାଲ୍ କାଜିଂ ଆତାଡ଼ନ୍ନା ।

କ୍ରିଷ୍ଟି ଜିଉନନାକା

୧୪ ହେଦାଂ କାଜିଂ ଆବା ମୁମ୍‌ଦ ଆନ୍ ମେଣ୍ଟାଙ୍ଗ୍‌କୁନ୍‌କିଜି ପାର୍ତାନା କିନାଙ୍ଗା, ୧୫ ଇନେରିଂ ସାଗେ ଆରି ପୁତ୍ ଜାଣକେ କୁଚୁମ୍‌ତା ଆକର ଦାଦିର ତର୍ ପାୟାତାଂନା । ୧୬ ଇନେସ୍ ହେଞ୍ଜାନ୍ ଜାର୍ ଜାଜ୍‌ମାଲ୍ ଲାକେ ଦନ୍ ଇସାବ୍ରେ ଜାର୍ ଜିବୁଡ୍ଡି ହୁକେ ମିଙ୍ଗେଙ୍ଗ୍ ଜାର୍ ମାନାୟ୍‌ତାଂ ସାକ୍ତି ପାୟା ଆଜି ବାପୁ ଆଦେଂ ହିଦ୍‌ନାନ୍ ହେଦାଂ କାଜିଂ ପାର୍ତାନା କିନାଙ୍ଗା, ୧୭ ଆନ୍ ପାର୍ତାନା କିନାଙ୍ଗ୍, ଇନେସ୍ ମି ପାତ୍ ହୁକେ କ୍ରିଷ୍ଟି ମି ଝାସ୍ତିତ ବାହା କିନାନ୍, ଆନ୍ ପାର୍ତାନା କିନାଙ୍ଗ୍, ଇନେସ୍‌କି ମି ମୁଡ୍ କୁନାଦି ଜିଉନନିତ ରଚ୍ଚି ବେସିଆଟ୍‌ଞ୍ଜା ଆନାଡ଼ । ୧୮ କ୍ରିଷ୍ଟି ଝାରି ଜେ ଏତେକ୍ ଲାମା ଆରି ଅହାର୍, ଏତେକ୍ ପାତ୍ତାକା, ଏପେଙ୍ଗ୍ ଇସ୍ଵରତି ପୁଇପୁୟା ମାନାୟାର୍ ଲାହାଂ ବୁଜାନି ସାକ୍ତି ଗାଟାଆଏଡ଼ । ଇନେସ୍‌କି ଏପେଙ୍ଗ୍ ଇଦାଂ ପା ବୁଜାଦେଂ ଆଡ଼ନାଦେର୍ ଜେ, ହେ ଝାରି ଏତେକ୍ ଅହାର୍ । ୧୯ ଆଁ ଏପେଙ୍ଗ୍ ତା ଜିଉନନି କାତା ପୁଞ୍ଜେଙ୍ଗ୍ ଆଡ଼ନାଦେର୍, ଆତିସ୍‌ପା ଇଦାଂ ଇନାଞ୍ଜାଡ଼ାଙ୍ଗ୍ ପା ପୁରାତାଂ ପୁନ୍ୟା ଆଉଡ଼ । ଏଲେଙ୍ଗ୍ ବାନି ଏପେଙ୍ଗ୍ ଇସ୍ଵରତି ଗୁଣ୍ ବାତ୍ ପୁଞ୍ଜେଙ୍ଗ୍ ଆଡ଼ନାଦେର୍ । ୨୦ ଇସ୍ଵର ମା ଝାସ୍ତିତ କାମାୟ୍ ପୁରା କିନି ଜାର୍ ସାକ୍ତି ଇସାବ୍ରେ ମା ଏନ୍‌ନାକା କି ବାବିକିନି ତାଂ ଆଦିକ୍ ହଟ୍ ପୁରା କିଦେଙ୍ଗ୍ ଆଡ଼ନାସ୍; ୨୧ ମଣ୍ଟଲି ହୁକେ ଆରି କ୍ରିଷ୍ଟି ଜିସୁତି ହୁକେ ଜୁଗ୍ ଜୁଗ୍ ଝିଜ୍ଝି କାଡ଼ ପାତେକ୍ ହେ ଇସ୍ଵରତି ଜାଜ୍‌ମାଲ୍ ଆଏଡ଼ । ଆମେନ୍ ।

୪

ଗାଗାଡ଼୍‌ଏକ୍

୧ ମାପୁତି ହେବା କିଜିମାନି କାଜିଂ ଗେହ୍ୟାଜିମାନି ଆନ୍ ପାଉଲ୍ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାଙ୍ଗା, ଇନେସ୍ ଜିବୁନ୍ ଜିଉଣା କିନି କାଜିଂ ଇସ୍ଵର ମିଙ୍ଗେଙ୍ଗ୍ କୁକ୍‌ତାତାନ୍ନା ତାଲାକେ ବେବାର୍ କିୟାଟ୍, ୨ *ସବୁଝେଡ଼ାଙ୍ଗ୍ ହୁଦାର୍, ହିଡ଼ଡ଼ି ଆରି ସାହାସ୍ ଆତ । ହାରି ଲାମାହୁଦାର୍ ଆଜି ଜିଉନନିତ ହାରି କାଜିଂ ହୁଞ୍ଜନାକାଦେର୍ ଆତ; ୩ ପୁଇପୁୟା ଜିବୁନ୍‌ତ ଉପକାରତାଂ ସୁସ୍ତାତାଂ ବାହାକିନି ହୁକେ ମି ବିତ୍ରେ ଇମ୍‌ଣି ରବେ ରଚ୍ଚାଦେଣ୍ଟା, ହେଦେଲିଂ ରାକ୍ୟା କିନି କାଜିଂ ଜାତୁନ୍ ଆତ । ୪ ମା ଗାଗାଡ଼୍‌ରଞ୍ଜାଙ୍ଗ୍, ଜିବୁନ୍ ପା ରଞ୍ଜାଙ୍ଗ୍ । ଆରି ର ବାସ୍ ହିଜି ଇସ୍ଵର ମାଙ୍ଗେଙ୍ଗ୍ କୁକ୍‌ତାତାନ୍ନା । ୫ ର ମାପୁ, ର ପାତ୍, ର ବାପ୍ରିସିମ୍, ୬ ଝିଜାର୍ ନାର୍ ଜାତିନି ଇସ୍ଵର ଆରି ଆବା ରଞ୍ଜାନ୍; ହେଞ୍ଜାନ୍ ଝିଜାର୍ ମାପୁ, ଝିଜାର୍ ବିତ୍ରେ ଆରି ଝିଜାର୍ ଝାସ୍ତିତ ମାନାନ୍ ।

୭ କ୍ରିଷ୍ଟି ହିଜିମାନତି ଅଲପ୍‌ନେ ଆସେଙ୍ଗ୍ ଜାଣକେ ରଞ୍ଜାଙ୍ଗ୍ ରଞ୍ଜାଙ୍ଗ୍ ଦୟା ଦାନ୍ ପାୟାତାସ୍‌ନା । ୮ ଦର୍ମ ସାସ୍ତ୍ରତ ଇ ବିସ୍ଵେ ଲେକା ଆତାଡ଼ନ୍ନା

“ଏତେକାଡ଼୍‌ଦ ହଞ୍ଜାନ୍ ଜପି ଦୁମ୍‌ତାନ୍,
 ତା ଲାହାଂ ହେନି ବନ୍‌ରିଂ ହେଞ୍ଜାନ୍ ଅତାନ୍,
 ଆରେ ନାର୍ ଜାତିତିଂ ବେସି ବର୍ ଦାନ୍ ହିତାନ୍ ।”

* ୪:୨ ୪:୨ କଲସିୟ ୩:୧୨,୧୩.

୯ “ହେୱାନ ଜପି ଦୁମ୍‌ତାନ,” ଇଞ୍ଜି ଇନାକା ଅରଡ଼ ଇନାକା ? ଇଦାଂ ନି ଅରଡ଼, ପର୍ତ୍ତମ୍ ହେୱାନ ପୁତର୍‌ନି ତାରେନ୍ ବାହାକାଂ ଜୁଡ଼ତାନ । ୧୦ ଲାଗିଂ ଇନେନ୍ ଜୁଡ଼ତାନ, ହେୱାନ ରାଜିନି ପୁତର୍‌ତିଂ ହେୱାନ୍ତି ମାନିହିଂ ବାତର୍‌ କିନି କାଜିଂ ହେୱାନ ଆରେ ସାରେନି ଜପିତିଂ ଦୁମ୍‌ତାନ । ୧୧ ହେୱାନ ନେ ନାର୍ ଜାତିତିଂ ବେସି ବର୍ ଦାନ ହିଜି ହାଚାନନା । ଇନେରିଂ ପକ୍ୟାତାକାନ ଚେଲା, ଆରେ ଇନେରିଂ ବେଣ୍‌ବାକ୍‌ଶାୟ୍‌କିନାକାର୍, ଇନେ ଇନେରିଂ ନେକ୍ତିକାରୁର୍ ସୁଣାୟ୍‌କିନାକାର୍, ଆରେ ଇନେ ଇନେରିଂ ପାସ୍‌ବେର୍ ଆରି ଗୁରୁ ଲାକେ ବାଟି କିତାନନ୍ନା; ୧୨ କ୍ରିସ୍ତୁତି ହେ ଗାଗାଡ଼୍ ରଡ଼ନି ଉଦେସ୍‌ତ କ୍ରିସ୍ତୁୟାନ୍ ହେବାକାମାୟ୍ କାଜିଂ ଇସ୍‌ବ୍ ସାଦୁରିଂ ଜାଲ୍‌ଦି କିଦେଙ୍ଗ୍ ହେୱାନ ଇଦାଂ କିତାନନା । ୧୩ ହେଦାଂ କାଜିଂ ଆସେଙ୍ଗ୍ ଖିଜାର୍ ପାତର୍‌ତ ଆରି ଇସ୍‌ବ୍‌ରତି ମାଜି ବିସ୍ତେ ଗିଆନ୍‌ତ ରବେ ଆନାପ୍, କ୍ରିସ୍ତୁତି ପୁରାପାୟାଜି ଆପେଂ ପୁନିବୁଡ଼ାର୍ ଆନାପ୍ । ୧୪ ତଲୁ ତାଲାନିତ ଆରି ଲଡ଼ି ତୁକାନିତ ଏନେତେନେ ଆନି ହିମ୍‌ଶାଂ ଲାକେ ଆସେଙ୍ଗ୍ ଆରେ ତିର୍ ଆଉସ୍ । ବିନ୍‌ନିକାରିଂ ବିନେ ହାଞ୍ଜେଙ୍ଗ୍ ଗାଣ୍‌ଚୁଟିର୍‌ତି ଚାଲାକି ହିକ୍ୟାତ ଆସେଙ୍ଗ୍ ଏନେତେନେ ଆଉସ୍ । ୧୫ ଇତିସ୍ ଜିଉନନିତ ହାଡ଼ପା ଇଞ୍ଜି ସବୁ ବିସ୍ତେ କାପ୍‌ଡ଼ା ଲାକେ କ୍ରିସ୍ତୁତି ଲାକେ ଆନାସ୍ । ୧୬ *ହେୱାନ୍ତି ଗାଗାଡ଼ିନି ବିନ୍‌ବିନ୍ ହାୟିନି ଉପ୍‌କାର୍ ହୁକେ ଆରେ, ଜାଣ୍‌କେ ବାଗ୍‌ନି କାମାୟ୍‌କିନି ସାକ୍ତି ଇସାବ୍ରେ ମେହାଜି ଆରି ମେହାଜି ଜିଉନନିତ ଜାର୍ ହାର୍ କାଜିଂ ଜାର୍‌ତି ବାତାଦେଂ ରଡ଼ୟାନାଡ଼ ।

କ୍ରିସ୍ତୁତାଂ ପୁନି ଜିବୁନ୍

୧୭ ଲାଗିଂ ମାପୁତି ତରଦ ବେସି ଗଞ୍ଜାରି କିଜି ଇଞ୍ଜିନାଙ୍ଗା, ପାତର୍‌କିଞ୍ଜି ଜିହୁଦିର୍ ଜିବୁନ୍ ଜିପ୍‌କା କିମାଟ୍ ଇନେସ୍ ଜାର୍ ଜାର୍ ମାନିନି ମାଲ୍ୟା ପଲ୍ୟା କିତାର୍, ଏପେଙ୍ଗ୍ ହେ ଲାକେ ବେବାର୍ କିମାଟ୍; ୧୮ ଆରି ହେୱାର୍‌ତି ମାନ୍ ମାଜ୍‌ଗା । ଇସ୍‌ବ୍ ହିଡ଼ତି ଜିବୁନ୍‌ତ ହେୱାର୍‌ତି ଇମ୍‌ଶାକାସ୍ ମେହାଣ୍ ଆକାୟ୍ । ଇନେକିଦେଂକି ହେୱାର୍ ପୁରା ଅଗିଆନ୍ ଆରି ଅମାନ୍ୟା ମାନାୟ୍ । ୧୯ ହେୱାର୍ ନିଲାଜି, ଲାଜ୍ ହିଲ୍‌ଖାକାର୍, ଆରି ଲତ୍ତା ବାବ୍ରେ ସବୁ ବାନି ବିଟାଡ଼୍ କାମାୟ୍‌ତ ବାତର୍‌ ।

୨୦ ଇ ସବୁ ଏପେଙ୍ଗ୍ କ୍ରିସ୍ତୁତି ବିସ୍ତେ ହିକ୍ୟା କିଜି ମାନି ବିସ୍ତେ ଆକାୟ୍ । ୨୧ ଏପେଙ୍ଗ୍‌ତ ହେୱାନ୍ତି ବିସ୍ତେ ଖେଚାଦେଣ୍‌ଶ୍ଟା ଆରି ହେୱାନ ପାଚେହାନି ଲାକେ ଜିସ୍ତୁତି ବିସ୍ତେ ହାଡ଼ପା ହିକ୍ୟା ପାୟା ଆତାଦେଣ୍‌ଶ୍ଟା । ୨୨ *ଲାଗିଂ ଇମ୍‌ଶି ପୁନାକା ବେବାର୍ ଅଜି ଏପେଙ୍ଗ୍ ଜିବୁନ୍ ଜିପ୍‌କା କିଜି ମାଚାଦେର୍, ହେଦାଂ ପିହାଟ୍, ଇନେକିଦେଂକି ତା ଚାକ୍ରାୟ୍ କାମାୟ୍ ହୁକେ ମି ଜିବୁନ୍ ନସ୍ ଆଜି ମାଚାଡ଼ । ୨୩ ଆରେ ମି ମାନ୍ତ ଆରି ମାନିନି ପୁରା ପୁନାକା ଆଦେଂ ଲଡ଼ା । ୨୪ *ଇମ୍‌ଶି ପୁନି ଅବ୍ୟାସ୍ ଇସ୍‌ବ୍‌ରତି ଲାକେ ଉଦ୍‌ଜାଣ୍ ଦାମ୍‌କାତା ଆରି ହାଡ଼ପାନି ପୁଇପୁୟାତ ରଡ଼ୟା ଆତାଡ଼ନ୍ନା, ହେଦାଂ ଉସ୍‌ପେଦେଂ ହିକା ଆତାଦେଣ୍‌ଶ୍ଟା ।

୨୫ ଆରେ ମିର୍ ଇନ୍‌ମାଟ୍ । କ୍ରିସ୍ତୁଙ୍ଗ୍ ପାତର୍‌ କିନାର୍ ହାରିତିଂ ସଡ଼ ଇନାକା ମାନାଡ଼୍; ଇନେକିଦେଂକି ଆପେଂ କ୍ରିସ୍ତୁତି ଗାଗାଡ଼୍ କେଇଗାଲ୍ । ୨୬ ଏପେଙ୍ଗ୍ ରିସା ଆଜି ପାପ୍ କିମାଟ୍ । ଖେଡ଼ା ହାଲ୍‌ଖିହିଂ ମି ରିସା ଉଶା ଆଏଡ଼ । ୨୭ ଆରେ ସୟ୍‌ତାନତିଂ ବାହା ହିମାଟ୍ । ୨୮ ଇତିସ୍ ହିଲ୍‌ଖାକାନ ଲକୁରିଂ ଦାନ କିନି କାଜିଂ ଇନେସ୍ ତା ତାକେ ଅଲପ୍ ମାନ୍‌ଗାନାଡ଼, ଇଦାଂ କାଜିଂ ଜାର୍ କେଇଦ ହାର୍‌ଦି କାମାୟ୍ କିଜି କସ୍ କିଏନ୍ । ୨୯ ମି ଖେଇଦାଂ ଇମ୍‌ଶାକା ପା ବାନ୍ୟା ବଚନ୍ ହଡ଼ମେଡ଼, ଆଞ୍ଜିତିସ୍ ଲଡ଼ା ଇସାପ୍ରେ ରଡ଼ନି ବଚନ୍ ହଡେଡ଼, ଇନେସ୍ ହେଦାଂ ଖେନାକାତର୍ ଉପ୍‌କାର୍ ପାକ୍ୟାତ ଉପ୍‌କାର୍ ଆନାଡ଼

* ୪:୧୭ ୪:୧୭ କଲସିୟ ୨:୧୯. ✪ ୪:୨୨ ୪:୨୨ କଲସିୟ ୩:୯. ✪ ୪:୨୪ ୪:୨୪ କଲସିୟ ୩:୧୦.

। ୩୦ ଇସ୍ରାଏଲୀ ପୁଅପୁଅ ଯିବୁନ୍ତି ଦୁକ୍ ହିଉଡ଼ । ଇନେକିଦେଂକି ପୁଅପୁଅ ଯିବୁନ୍ତି
 ମି ଜପି ଇସ୍ରାଏଲୀ ଆଦିକାରନି ତିନ୍ ଇଡ଼ଦିତି ଲାକେ ଆରି ଇସ୍ରାଏଲୀ ଜେ ଦିନେକ୍ ମିଦାଂ
 ମୁକ୍ତାନାକା ପୁରା କିଦନାର୍, ଇଦାଂ ହାଡ଼ପା । ୩୧ ଓଁଜୁ ବାନି କୁଟ୍ ବାଦନା, ରିସା,
 ଚାଣି, କୁଲ୍ ଆରି ଲକାର୍ ନିୟା ଆରେ ସବୁ ବାନି ଆକାର୍ ମିତାକେଣ୍ଟା ଦେହା
 ଆଏଡ଼ । ୩୨ ଆରେ, ହାରି କାଜିଂ ଦୟା ଆଡ଼, କଞ୍ଜାଣ୍ ମାନ୍ ଆଡ଼, ଆରି କ୍ରିସ୍ତୁତି କାଜିଂ
 ଇସ୍ରାଏଲୀ ଇନେସ୍ ମିଜେଙ୍ଗ୍ କେମା କିଡ଼ତାନ୍, ହେ ଲାକେ ହାରିତିଂ କେମା କିୟାଟ୍ ।



ଅଜଡ଼ନି ଜିବୁନ୍

୧ ଏପେଙ୍ଗ୍ ଇସ୍ରାଏଲୀ ଖାରିନି ମାଜିକାଦେର୍, ଇତିସ୍ ତା ପାଚେ ହାଞ୍ଜେଙ୍ଗ୍ ସେସ୍ତୁ
 କିୟା । ୨ କ୍ରିସ୍ତୁ ଇନେସ୍ ମାଜେଙ୍ଗ୍ ଜିଉନଡ଼ତାନ୍, ଆରି ଇସ୍ରାଏଲୀ ସାରି କାଜିଂ ଜାର୍
 ଜିବୁନ୍ତିଂ ମା କାଜିଂ ହାଦ୍ ଆକାଡ଼ ଆରି ପୁଜାଲାକେ ହିତାନ୍, ମି ଜିବୁନ୍ ପା ହେ
 ଲାକେ ଜିଉନନାକା ହୁକେ ଚାଲା ଆଏଡ଼ ।

୩ ଇସ୍ରାଏଲୀ ପୁଅପୁଅ ଲକ୍ଷ୍ମ ଆଜି ମାତିସ୍ ମି ବିତ୍ରେ ଦାରି, ବିଚାଡ଼କି ଲାବଡ଼ି, ହେଦାଂ
 ସାଦୁର୍ ଲାଗାଂ ହାଡ଼ ଆକାୟ୍ । ୪ ମି ପାକ୍ୟାତ ହଞ୍ଜାଦ୍ ବେରଣ୍, ଅରାହିଲ୍ଡି କାତା କି
 ଆହାର୍ କାତା ବେବାର୍ କିନାକା ପା ଲଡ଼ା ଆକାୟ୍ । ଇତିସ୍ ମି କାତାବାର୍ତାତ ଇସ୍ରାଏଲୀ
 ଦନସ୍ବାଦ୍ ହିଜି ମାନାଟ୍ । ୫ ଇନେକିଦେଂକି ଏପେଙ୍ଗ୍ ହାଡ଼ପା ଇଞ୍ଜି ପୁନ୍ଞି ମାନାଟ୍,
 ଇମ୍ବି ଦାରୁଲା କି ରାଡ଼ା ମାନାୟ୍ ନଲେ ଲବ୍ରା ହେଞ୍ଜାନ୍ ତ ପୁଡ଼ତା ପୁଜାକିନାକାନ୍
 ଇଞ୍ଜାରିତି, କ୍ରିସ୍ତୁ ଆରି ଇସ୍ରାଏଲୀ ରାଜିନି ଆଦିକାର୍ ଆଦେଂ ଆଡ଼ୁର୍ ।

୬ ପଲ୍ୟା କାତା ଇଞ୍ଜି ଇନେର୍ ମିଜେଙ୍ଗ୍ ଟକାୟ୍ କିଦମେନ୍ । ଇ ସବୁ
 ବାନ୍ୟାକାମାୟ୍ ହୁକେ ଇମ୍ବିକାର୍ ଇସ୍ରାଏଲୀ ବଲ୍ ମାନି କିଉର୍, ହେଞ୍ଜାଟ୍ କାଜିଂ
 ତା ରିସା ପଲ୍ୟା ଆନାଡ଼ । ୭ ଏଲେଙ୍ଗ୍ ବାନି ମାନାୟ୍ ଲାହାଙ୍ଗ୍, ଇମ୍ବି ତାକେପା
 ମେହାଣ୍ ଆମାଟ୍, ୮ ଏପେଙ୍ଗ୍ ଦିନେକ୍ ମାଜଗାତ ମାଚାଦେର୍, ମତର୍ ନଙ୍ଗ୍ ମାପୁତି
 ଲକ୍ଷ୍ମ ଆଜି ମାତିଲେ ଅଜଡ଼ନି ହିମ୍ବିଶାଂ ଲାକେ ବେବାର୍ କିୟାଟ୍, ୯ ଇନାକିଦେଂକି
 ଅଜଡ଼ ନେ ସବୁ ବାନି ସଡ଼ଗୁଣ, ଦାମ୍ ଆରି ହାଡ଼ପା ଲାକେ ପାଡ଼ ଉବଜା ଆନାଡ଼
 । ୧୦ ମାପୁତିଂ ବୁଜା ଆଦେଂ କାଜିଂ ହିକ୍ୟା କିୟାଟ୍ । ୧୧ ମାଜଗାନି ମାଲ୍ୟା କାମାୟ୍
 ସବୁତାକେ ମେହାଆମାଟ୍, ଇତିସ୍ ସବୁନି ଦସିନେ ଚଗାଟ୍ । ୧୨ ଇନାକିଦେଂକି ହେଞ୍ଜାର୍
 ଇନାକା ସବୁ ଡ଼ଗୁଜି କିତାର୍, ହେ ସବୁ କାତା ଇନାକା ପା ଲାଜୁ, ୧୩ ଏଚେକାଡ଼ଦ୍
 ଓଁଜୁ ବିସ୍ତେ ଅଜଡ଼ତ୍ ତାଈଞ୍ଜାନାର୍, ହେପାଦନା ହେଞ୍ଜାକାଂ ହାଡ଼ପା ଲାକେ ହନାଡ଼ ।
 ୧୪ ଇନେକିଦେଂକି ଅଜଡ଼ ଓଁଜୁ ବିସ୍ତେ ଅଜଡ଼ ଆନାଡ଼ । ହେଦାଂ କାଜିଂ ଏଲେଙ୍ଗ୍ ଲେକା
 ଆତାଡ଼ନ୍ନା ।

“ଏ ହୁଞ୍ଜାକାଦେର୍, ନିଙ୍ଗାଟ୍, ହାତାକାର୍ ବିତ୍ରେତାଂ ନିଙ୍ଗାଟ୍,
 ଆରେ କ୍ରିସ୍ତୁ ମି ତାକେ ଅଜଡ଼ ଆନାନ୍ ।”

୧୫ ଲାଗିଂ ଏପେଙ୍ଗ୍ ଇନେସ୍ ବେବାର୍ କିନାଦେର୍, ହେଞ୍ଜାନ୍ ବିସ୍ତେ ଜାଗ୍ରଡ଼ ମାନାଟ୍,
 ଅଗିଆନି ଲାକେ ଆଞ୍ଜାଦାଂ ଗିଆନି ଲାକେ ବେବାର୍ କିୟାଟ୍, ୧୬ ଇଜାଣ୍ଡକେ ଉପାୟ୍ନି
 ସଡ଼ ବେବାର୍ କିୟାଟ୍, ଇନାକିଦେଂକି କାଡ଼ ବାନ୍ୟା ଦିନ୍ ଏକାଞ୍ଜାନାଡ଼ । ୧୭ ଲାଗିଂ
 ବୁଦିହିଲ୍ଡି ଲାକେ ଆମାଟ୍, ମାତର୍ ମାପୁତି ଇଚା ଇନାକା, ହେଦାଂ ବୁଜାଆଦେଂ
 ସେସ୍ତୁ କିୟାଟ୍ । ୧୮ କାଲିଂ ଅଙ୍ଗୁର୍ ରାସ୍ ହଡ଼ମାଟ୍, ଇନେକିଦେଂକି ହେଦାଂ କେବଲ୍
 ମିଜେଙ୍ଗ୍ ନାସ୍ କିଦନାଡ଼, ମାତର୍ ପୁଅପୁଅ ଯିବୁନ୍ତି ବାଡ଼ ଆଡ଼, ୧୯ ନାୟ୍,
 ଦନସ୍ବାଦ୍ ନାୟ୍, ଆରି ବକ୍ତି ନାୟ୍, ହୁକେ ହାରିତିଂ ଖାରିକି କିୟାଟ୍ । ମାତ୍ର ଇଚା ଲାହାଂ

* ୪:୩୨ ୪:୩୨ କଲସିୟ ୩:୧୩. ✪ ୫:୧୭ ୫:୧୭ କଲସିୟ ୪:୫. ✪ ୫:୧୯ ୫:୧୯ କଲସିୟ ୩:୧୭,୧୭.

ମାପୁତି ଉଦେସତ କେରକଣ ଆରି କେରକଣ କେରାଟ୍ । ୨୦ ନିତ୍ରେ ଖିଜୁ ବିସ୍ତେ କାଜିଂ ମା ମାପୁ ଜିସୁ କ୍ରିସ୍ତ ତରଦ ଆବା ଇସ୍ପରତିଂ ଦନ୍ୟବାଦ ହିଆଟ୍ ।

ଆଣ୍ଟେନ୍ ଆରି କଗଲେ

୨୧ ଆରେ କ୍ରିସ୍ଟୁଙ୍ଗ ପାଣ୍ଡୁ ଆଜି ଏପେଙ୍ଗ ହାରି ତାରେନ୍ ଆଡୁ ।

୨୨ ଏ କଗଲେକାଦେର୍, ଏପେଙ୍ଗ ଇନେସ୍ ମାପୁତି ତଲ୍ୟା ଆଡୁ, ହେ ଲାକେ ଜାର୍ ଜାର୍ ଆଣ୍ଟେନ୍ ତଲ୍ୟା ଆଡୁ, ୨୩ ମଣ୍ଡଲି ଜପି କ୍ରିସ୍ତୁ ଆଦିକାର୍ ଲାକେ କଗଲେ ଜପି ଆଣ୍ଟେନ୍ ଆଦିକାର୍ ମାନାଡ୍; ଆରେ କ୍ରିସ୍ତୁନେ ତା ଗାଗାଡ୍ ଲାକେ ମଣ୍ଡଲିନି ମୁକ୍ତିକିନାକାନ୍ । ୨୪ ମଣ୍ଡଲି ଇନେସ୍ କ୍ରିସ୍ତୁତି ତାକେ ତଲ୍ୟା, ଆଣ୍ଟୁଂ ସମାନ୍ ହେ ଲାକେ ଜାର୍ ଜାର୍ ଆଣ୍ଟେନ୍ ଲାଗାଂ ପୁରା ତଲ୍ୟା ଆଏକ୍ ।

୨୫ ଏ ଆଣ୍ଟାକାଦେର୍, କ୍ରିସ୍ଟୁ ଇନେସ୍ ମଣ୍ଡଲିତିଂ ଜିଉନତାନ୍, ତା କାଜିଂ ଜାର୍ ଜିବୁନ୍ ହିତାନ୍, ଏପେଙ୍ଗ ସମାନ୍ ହେ ଲାକେ ଜାର୍ ଜାର୍ କଗଲେକାଂ ଜିଉନଖାଟ୍ । ୨୬ ଇନେସ୍ ବଚନ୍ ଆରି ଏଜୁଙ୍ଗତାଂ ନୁସ୍ୟାନି କାଜିଂ ହେଖାନ୍ ତାଙ୍ଗ୍ ସକଟ୍ କିଜି ପୁଇପୁୟା କିଦନାନ୍, ୨୭ ଇନେସ୍ ମଣ୍ଡଲି ପୁଇପୁୟା, ପ୍ରାଲ୍‌ହିଲ୍‌ଖାକା ବୁଲ୍‌ହିଲ୍‌କାନ୍ ଆରି ସବୁ ବାନି ଦସ୍‌ହିଲ୍‌ଖି ଆଜି ପୁଇପୁୟା ଆରି ହୁଞ୍ଜିଖାକା ଆନାଡ୍, ଆରେ ହେ ଲାକେ ଜାଜ୍‌ମାଲ୍ ଅବସ୍ତାତ ହେଖାନ୍ ତାଙ୍ଗ୍ ଜାର୍ ଲାଗାଂ ନିଲି କିନାନ୍ । ୨୮ ଆଣ୍ଟାଂ ଜାର୍ ଗାଗାଡ୍ ଲାକେ ବାବି କିଜି ଜାର୍ କଗଲେଂ ଜିଉନନାକା ଲଡା । ଇନେନ୍ ଜାର୍ କଗଲେଂ ଜିଉନନାନ୍, ହେଖାନ୍ ଜାର୍‌ତିଂ ଜିଉନନାନ୍; ୨୯ ଇନେର୍ ଇନାଖାଡାଂ ଜାର୍ ଗାଗାଡ୍‌ତିଂ ଗିଣ୍ କିଉନ୍ । ଇତିସ୍ ଗାଗାଡ୍ ପହାପାଲି କିନାନ୍ ଆରି ତାଙ୍ଗ୍ ଜାଡୁନ୍ କିନାନ୍, କ୍ରିସ୍ଟୁ ଇନେସ୍ ମଣ୍ଡଲିନି ଜାଡୁନ୍ କିନାନ୍ । ୩୦ ଇନେକିଦେଂକି ଆସେଙ୍ଗ୍ ହେଖାନ୍ତି ଗାଗାଡ୍‌ନି କେଇଗାଲ୍ । ୩୧ ଦରମ୍ ସାସ୍ତର୍ ଇଞ୍ଜି ମାନି ଇସାବେ, “ଇ କାରଣତାଂ ମାନାୟ୍ ଜାର୍ ଆବା ଆୟାଂ ପିସ୍ତି ଜାର୍ କଗଲେ ଲାହାଂ ମେହା ଆନାନ୍ ଆରି ହେଖାନ୍ ରିୟାର୍ ମେହାଜି ର ଗାଗାଡ୍ ଆନାଡ୍ ।” ୩୨ ସାସ୍ତର୍ନି ଇ ବାଗ୍‌ତ ର ତୁକ୍ତି କାତା ହତାଡନା; ଇଦାଂ କ୍ରିସ୍ଟୁ ଆରି ମଣ୍ଡଲି କାଜିଂ ଇଦାଂ ବେବାର୍ ଇଞ୍ଜି ବୁଜାନାଙ୍ଗା । ୩୩ ମାତର୍ ଇଦାଂ ମି କାଜିଂ ପା ବେବାର୍ । ଜାଣ୍‌କେ ଆଣ୍ଟେନ୍ କଗଲେଂ ଖାସ୍ତିଲାକେ ଜିଉନଖେନ୍ ଆରି ଜାଣ୍‌କେ କଗଲେକ୍ ନିଜ୍ ଆଣ୍ଟେନ୍ ମାନି କିଏଟ୍ ।



ଆବା ଆୟା ଆରି ହିମଣାଙ୍ଗ୍

୧ ହିମଣାଙ୍ଗ୍, ମାପୁ କାଜିଂ ଆବା ଆୟାକ୍ତି ବଲ୍ ମାନି କିନାକା ମି କ୍ରିସ୍ଟିୟାନ୍ କାମାୟ୍, ଇନେକିଦେଂକି ଇଦାଂ ନେ ସମାନ୍ ବେବାର୍ । ୨ “ମି ଆବା ଆୟାକାଂ ମାନି କିୟାଟ୍ ।” କେବଲ୍ ଇ ବଲ୍‌ତ ରଞ୍ଜାଙ୍ଗ୍ ପାର୍ମାଣ୍ ମେହାୟ୍ କିୟାଜି ଇତ୍ୟାତାଡନା । ୩ “ଇନେସ୍‌କି ମିଦାଙ୍ଗ୍ ହାର୍ ଆନାଡ୍, ଆରି ଏପେଙ୍ଗ୍ ପୁତ୍ ତ ବେସି ଦିନ୍ ଜିନାଦେର୍ ।” ୪ ଏଆବା ଆୟାକ୍, ହିମଣାକାଂ ରିସା କିନାକା ଇଞ୍ଜି ଇନାକାପା ବେବାର୍ କିମାଟ୍, ଇତିସ୍ ମାପୁତି ହିକ୍ୟାତ ହେଖାରିଂ ମାନି କିୟାଟ୍ ।

କଡକାଆଡିଏନ୍ ଆରି ହାଉକାର୍

୫ କଡକାଆଡିୟାର୍, ଏପେଙ୍ଗ୍ କ୍ରିସ୍ତୁତି ହେବା କିନାଦେରା ଇଞ୍ଜି ଖାସ୍ତି ବାବ୍ରେ ପାଣ୍ଡୁତିଂ ତ୍ରିଗ୍‌ଜି ସାସ୍ତର୍ନି ହାଉକାରିକାଂ ବଲ୍ ମାନିକିୟାଟ୍ । ୬ କେବଲ୍ ହାଉକାର୍ ମିଙ୍ଗ୍ ଇଟ୍‌କାଡ୍ କିଜିମାନି ସମୁତ ତା ସାରି ଆଜି ହେବା କାଜିଂ ଇଦାଂ କିଖାଦାଂ, କ୍ରିସ୍ତୁତି

☆ ୫:୨୨ ୫:୨୨ କଲସିୟ ୩:୧୮; ୧ ପିତର୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପିତର୍ ୩:୭. ☆ ୬:୪ ୬:୪ କଲସିୟ ୩:୨୧. ☆ ୬:୫ ୬:୫ କଲସିୟ ୩:୨୨-୨୫.

କଡ଼କାଆଡ଼ିଏନ୍ ଲାକେ ମି ଝିଜୁ ଖ୍ରୀସ୍ତି ହିଜି ଇସ୍ତର୍ ଇଚା ମାନି କିୟାଟ୍ ।^୭ କେବଲ୍ ମାନାୟାର୍ତି ହେବା କିନାଜା ଇଞ୍ଜି ବାବିକିଝାଦାଂ ମାପୁତି ହେବା କିନି ଲାକେ ଖାରିତାଂ ହେଦାଂ କିୟାଟ୍ ।^୮ ମନ୍ତ୍ର ଇଚାଟ୍, ହେଝାନ୍ କଡ଼କାଆଡ଼ିଏନ୍ ଆଏନ୍ କି ଜାର୍ ଇଚାତ ଆଏନ୍ ମାପୁ ଝିଜାରିଂ ତାଦି ହାରଦି କାମାୟ୍ କାଜିଂ ଇନାମ୍ ହିଦନାନ୍ ।

^୯ଆରେ ଏ ହାଉକାରକାଦେର୍, ମି କଡ଼କାଆଡ଼ିୟାର୍ କାଜିଂ ଜାର୍ ଲାକେ ବେବାର୍ କିୟାଟ୍, ଦାକା ହିମାଟ୍ । ମାନ୍ତ୍ର ଇଚାଟ୍, ଏନ୍ ଆରି ମି କଡ଼କାଆଡ଼ିୟାର୍ ଝିଜାକାର୍ ସାରେନି ମାପୁତି ତଲ୍ୟା । ହେଝାନ୍ ଜାଣକେତିଂ ମୁକ୍ତେଟ୍ ହୁଡ଼ଦାଝାଦାଂ ସମାନ୍ ବାବ୍ରେ ବିଚାର୍ କିନାନ୍ ।

ଇସ୍ତର୍ କାଜିଂ ଜୁଜନି ହାଜ

^{୧୦} ହାରିହାରା, ମାପୁ ଲାହାଙ୍ଗ୍ ମେହାଜି ତା ଜବର୍ ସାକ୍ତିତାଂ ବାଡ଼କାସ୍ ଆତ ।
^{୧୧} ଇସ୍ତର୍ହିତି ସବୁ ଜୁଜତ ଜାଲ୍ଦି ଜାଗ୍ରତ୍ ଆତ, ଇନେସ୍ ସୟତାନନି ବାନ୍ୟା ଚିନ୍ତାତ ମେହାଆନି କାଜିଂ ଜାଗ୍ରତ୍ ଆତ ।
^{୧୨} ଇନାକିଦେଂକି ମା ଜୁଜ୍ ମୈଡ଼ପୁରନି ମାନାୟ୍ ବିରୁଦ୍ତ ଆକାୟ୍, ମତର୍ ଜଗତ୍ ଆଦିକାର୍ ବିରୁଦ୍ତ ଆକାୟ୍, ଆଦିକାରି ବିରୁଦ୍ତ, ଇ ମାଜ୍ଗାନି ସାରେନି ଆଦିକାରି ବିରୁଦ୍ତ ଆରେ ଆକାସ୍ନି ବାନ୍ୟାଜିବୁନିଂ ବିରୁଦ୍ତ ଜୁଜ୍ କିନାପା; ^{୧୩} ଲାଗିଂ ନଙ୍ଗ୍ ଇସ୍ତର୍ ହିଡ଼ତି ଜୁଜହାଜ ଉସ୍ପାଟ୍; ତା ଆତିସ୍ କସ୍ତୁଦିନ୍ ସମୁତ ଏପେଙ୍ଗ୍ ସତୁ କାଗ୍ରାନାକା ବନ୍ଦକିଦେଂ ଆଡ଼ନାଦେର୍ ଆରି ହାରିହାରା ପାତେକ୍ ଜୁଜ୍ କିଜି ପା ତାଟ୍ ମାନ୍ଗାନାଟ୍ ।

^{୧୪} ଲାଗିଂ, ସତ୍ ଲାଗ୍ଦି ମ୍ଲେଙ୍ଗାଙ୍ଗ୍ ଗାଟ୍ନାକା ଦାମ୍ କାତା ଲାକେ ଗାଗାଡ଼ହାଜ ଉସ୍ପାଟ୍ । ^{୧୫} ଆରେ ସୁସ୍ତାନି ନେକ୍ଟିକାରୁର୍ କାଜିଂ ଜାଲ୍ଦିଆତି ପାଣ୍ଡାୟ୍ ପାନାତ ତୁସ୍ଜି ଲେମ୍ଝାଦାଂ ମାନାଟ୍; ^{୧୬} ନିତ୍ରେ ପାତର୍ ତ ଜାର୍ତିଂ ରାକ୍ୟାକିନାକା ପିଣ୍ଡାଟ୍, ଇଦାଂ ଉପକାର୍ତାଂ ସୟତାନ୍ ହୁକେ ତୁହ୍ୟାତାକା ଝିଜୁ ଜୟବାଣ୍ଡିଂ ପାଗ୍ଦେଂ ଏପେଙ୍ଗ୍ କିଦେଙ୍ଗ୍ ଆଡ଼ନାଦେର୍ । ^{୧୭} ଆରେ, ମୁକ୍ତି ଟପ୍ଟି ମୁଗାଟ୍ ଆରି ଜିବୁନ୍ନି କାଣ୍ଡା ଇତିସ୍ ଇସ୍ତର୍ ବଚନ୍ ଆହାଟ୍; ^{୧୮} ଇସ୍ତର୍ତି ଉପକାର୍ ବିକ୍ୟା କିଜି ପାର୍ତାନା ଲାହାଂ ଇଦାଂ ସବୁ କିୟାଟ୍ । ସବୁ ନିତିତ ପୁଇପୁୟା ଜିବୁନ୍ତିଂ ଚାଲାନି ଇସାପ୍ରେ ପାର୍ତାନା କିୟାଟ୍ । ଜାଗ୍ରତ୍ ମାନାଟ୍, ଇନାଝାଡ଼ାଂ ଝାହ୍ମାଟ୍ । ଇସ୍ତର୍ତି ମାନାୟାର୍ କାଜିଂ ତାଜନାଟ୍ ପାର୍ତାନାତ ଜାଗ୍ରତ୍ ଆସି ମାନାଟ୍ । ^{୧୯} ନା କାଜିଂ ପା ପାର୍ତାନା କିୟାଟ୍, ଇନେସ୍କି ନେକ୍ଟିକାରୁର୍ ଡ଼କ୍ଟି କାତା ଝେଟ୍ରେଙ୍ଗ୍ ଆରି ପାଣ୍ଡାଝାଦାଂ ହେଦାଂ ଇଞ୍ଜେଙ୍ଗ୍ ଇସ୍ତର୍ ନା ଝେଇଦ ସମାନ୍ କାତା ହିଦନାନ୍ । ^{୨୦} ନଙ୍ଗ୍ପା ବନ୍ଦି ଆସି ମାଟିସ୍ପା ଆନ୍ ନେକ୍ଟିକାରୁର୍ କାଜିଂ ର ରାଜାଦୁଡ଼ । ପାର୍ତାନା କିୟାଟ୍, ଇନେସ୍ ଆନ୍ ସାସ୍ ହୁଦାଂ ସମାନ୍ ବାବ୍ରେ ନେକ୍ଟିକାରୁର୍ ସୁଣାୟ୍ କିଦେଙ୍ଗ୍ ଆଡ଼ନାଙ୍ଗ୍ ।

ହାରିହାରାନି ବନ୍ଦାଣି

^{୨୧} ନା ଅବସ୍ତା ବିସ୍ତ୍ରେ ଏପେଙ୍ଗ୍ ଇନେସ୍ ପୁଞ୍ଜେଙ୍ଗ୍ ଆଡ଼ନାଦେର୍, ହେଦାଂ କାଜିଂ ମା ଖାରିନି ଟଣ୍ଡେନ୍ ଆରି ମାପୁତି କାମାୟ୍ କିଜି ମାନି ପାତର୍ ନି ହେବାକାରୟା ତୁକିକ ନା ବିସ୍ତ୍ରେ ମିଙ୍ଗେଙ୍ଗ୍ ସବୁ କାତା ଇଞ୍ଜନାନ୍ । ^{୨୨} ଆସେଙ୍ଗ୍ ସବୁ ଇନେସ୍ ମାନାସ୍, ହେ ବିସ୍ତ୍ରେ ଝେଟ୍ଟି ମିଙ୍ଗେଙ୍ଗ୍ ଖାରିକିୟ୍ କିନି କାଜିଂ ଆନେଙ୍ଗ୍ ତାଙ୍ଗେଙ୍ଗ୍ ମି ଝାସ୍ତି ହେଝାନ୍ତି ହୁକେ ଖାରି କିୟା ଆନାନ୍ ।

^{୨୩} ଆବା ଇସ୍ତର୍ ଆରି ମାପୁ ଜିସ୍ତୁ କ୍ରିସ୍ତୁ ପାତର୍ କିନି ଟଣ୍ଡାର୍ ଆରି ତଣ୍ଡେକାଂ ସୁସ୍ତା ଆତ, ଜିଉନନାକା ଆରି ପାତର୍ ଲାହାଙ୍ଗ୍ ବାତାୟ୍ କିଏନ୍ । ^{୨୪} ଏଚେକ୍ ଲକୁ ମା ମାପୁ

* ୨:୨୧ ୨:୨୧ ପକ୍ୟାତାକା ୨୦:୪; ୨ ତିମତି ୪:୧୨. * ୨:୨୧ ୨:୨୧ କଲସିୟ ୪:୭,୮.

ଜିସୁ କ୍ରିଷ୍ଟଙ୍କ ସବୁକ୍ଷେତ୍ରୀନି ଜିଉନନିତ ଝିଉଝାକା, ଜିସୁତି ଉପକାର ହେ ଝିଜାକାର
ଲାହାଙ୍ଗ ଆୟେଡ଼ ।

ପିଲିପିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିପିୟ ମଣ୍ଡଳି ତାଙ୍କେ ପକ୍ୟାତି ପାଉଲଟି ଆକି ଇ ପତି ବିସ୍ତେନି ପାଦେକ୍

ଜିସୁ କ୍ରିଷ୍ଟୁଟି ଜଲମ୍ ଆଜି ମାନଗାନାଡ଼ ୬୧ ବାହୁଁ ପାଚେ ପାଉଲ୍ ପିଲିପିୟ ମଣ୍ଡଳିନି ପାଚି କିନାକା ତାଙ୍କେ ଆକି ଲେକିକିତାନୁ । ଇନେସ୍‌କି ପାଉଲ୍ ରମ୍‌ତ ବନ୍ଦି ମାନିହିଙ୍ଗ୍ ଇ ଆକି ଲେକିକିଜି ମାଚାନୁ ୧:୧୩ ।

ପିଲିପିୟ ଗାଡ଼୍ ବିତ୍ରେ ଆଁ ରଚ୍‌ଚି ମଣ୍ଡଳି ତାଙ୍କେ ଇ ଆକି ଲେକା ଆଜି ମାଚାଡ଼ । ଆପେ ପକ୍ୟାତି ପତିତ ପା ଏଚେକ୍ ବିସ୍ତେ ପିଲିପିୟ ପତି ବିସ୍ତେ ପୁଞ୍ଜେଙ୍ଗ୍ ଆଡ଼ନାସ୍ । ପିଲିପିୟ ମାକିଦନିୟା ଦେସ୍‌ତ ରାଜାର୍ ଗାଡ଼୍ ମାଚାଡ଼ । ଇଦାଂ ମାକିଦନିୟାତ ରଚ୍‌ଚି ପର୍ତୁମ୍ ମଣ୍ଡଳି ମାଚାଡ଼ । ପାଉଲ୍ ଆରି ସିଲା ମେହାଜି ଇ ମଣ୍ଡଳି ଆରମ୍ କିଜି ମାଚାଡ଼ ଆରେ ପା ହେବେ ମାନି ସମୁତ ର ନାଶା କାଜିଂ ହେଝାରିଂ ଜଲ୍‌ଲତ ଇଟ୍ୟାଜି ମାଚାଡ଼ ପକ୍ୟାତାକା ୧୭ ।

ଆଜି ମାନଗାନାଡ଼ ପାଉଲ୍ ଇ ଆକି ଲେକିକିନି କାଜିଂ କେତେକ୍ ଉଦେସ୍ ମାନଗାନାଡ଼ । ହେଝାନ୍ ବନ୍ଦି ମାନି ବିସ୍ତେ ଝେନ୍‌ଞ୍ଜି ମଣ୍ଡଳିନି ମାନାୟାର୍ ଦାନୁ ରୁଣ୍ଡାୟ୍ କିଜି ପକ୍‌କିଲେ ମଣ୍ଡଳିତିଂ ଦନ୍‌ସବାଦ୍ ହିନି ଇସାବ୍‌ରେ ଇଡ଼ଜି ଆକି ଲେକିକିନାନା ୪:୧୦-୧୯ । ହେଝାନ୍ ପା ତା ବନ୍ଦି ଅବସ୍ତାତ ହୁଦାଂ ମଣ୍ଡଳିତ ତିମତି ଆରି ଏପାପ୍ରାତିତିଂ ଗାଟ୍‌ନାର୍, ପାଚି କିନାକାର୍ ଇନେସ୍‌କି ହେଝାରିଂ ମାନି କିଜି ଜୁଝାର୍ ଜାଣାୟ୍ କିତାର୍ ଆରି ତା ସତ୍‌ତାଂ ସନ୍‌ମାନୁ ହିନାର୍ ୨:୧୯-୩୦ ।

ପତି ବିସ୍ତେନି ରାହାଣ୍

- ୧. ପିଲିପି ମଣ୍ଡଳିତିଂ ପାଉଲ୍‌ତି ଜାଣାୟ୍‌କିନାନୁ ୧:୧-୨
- ୨. ପାଉଲ୍‌ତି ଅବସ୍ତା ଆରି ତା ଚିନ୍ତା ହୁକେ ୧:୩; ୨:୩୦
- ୩. ପାଚି କିନାକାରିଂ କ୍ରିସ୍ତୁନ୍ ଜିବୁନ୍ ଜିପ୍‌କା କାଜିଂ ପାଉଲ୍‌ତିଂ ଦସ୍‌ଆକାୟ୍ ୩:୧; ୪:୯
- ୪. ପାଉଲ୍ ଦାନୁ କାଜିଂ ପିଲିପିୟ ମଣ୍ଡଳିତିଂ ଜୁଝାର୍ ଜାଣାୟ୍‌କିନାନୁ ୪:୧୦-୨୩

ବାନ୍ଦାୟ୍ ଆରି ପାଉଲ୍‌ତି ପାର୍ତ୍ତାନା

୧ *ପାଉଲ୍ ଆରି ତିମତି, କ୍ରିସ୍ଟୁ ଜିସୁଟି ରିୟାର୍ ଆଡ଼ିୟାର୍, ପିଲିପିତ ମାନି କ୍ରିସ୍ଟୁ ଜିସୁଟି ମାନି ଝିଜାର୍ ସାଦୁର୍ ଲାଗାଂ ଆରେ, ମୁଣିକା ଆରି ହେବା କାର୍‌ୟାର୍ ଲାଗାଂ; ୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ଟୁ ମିଙ୍ଗେଙ୍ଗ୍ ଉପ୍‌କାର୍ ଆରି ସୁସ୍ତା ମି କାଜିଂ ଆୟେଡ଼ ।

୩ ଆନ୍ ମିଙ୍ଗେଙ୍ଗ୍ ଏଚେକ୍ ହର୍ ଏଡୁ କିଦ୍‌ନାଙ୍ଗ୍, ହେଏଚେକ୍ ହର୍ ଆନ୍ ଇସ୍‌ବର୍‌ତିଂ ଦନ୍‌ସବାଦ୍ ହିଜି ମାନାଙ୍ଗ୍ । ୪ ଆରେ ସବୁ ନାଞ୍ଜିଙ୍ଗ୍ ମି କାଜିଂ ଝାରିକିଜି ପାର୍ତ୍ତାନା କିନି ସମୁତ, ୫ ଇନେକିଦେଂକି ମି ପାଚି ଆରମ୍ ଦିନ୍‌ତାଂ ନଙ୍ଗ୍ ପାଚେକ୍ ନେକ୍ରିକାବୁର୍ କାମାୟ୍‌ତ ଏପେଙ୍ଗ୍ ନାଙ୍ଗ୍ ଉପ୍‌କାର୍ କିଦ୍‌ଦେଂ ଝାତାଦେଣ୍ଡା । ୬ ଲାଗିଂ ଆନ୍ ଇ ବିସ୍ତେତିଂ ହାଡ଼ପା ଜେ, ଇମ୍‌ଣି ମାପୁ ମି ତାଙ୍କେ ଇ ହାବ୍‌ଦି କାମାୟ୍ ଆରମ୍ କିତାନ୍ନା, କ୍ରିସ୍ଟୁ ଜିସୁଟି ଆରେଝାନି ଦିନ୍ତ ଇଦାଂ ଝିଜନ୍ତି ପାଚେକ୍ ହେଝାନ୍ ହେଦାଂ ପାଚି କିନାନୁ । ୭ ଏପେଙ୍ଗ୍ ସବୁଝେଡ଼ାଙ୍ଗ୍ ନା ଝାସ୍ତିତ ମାନାଦେର୍; ଲାଗିଂ ମି ବିସ୍ତେ ବାବି କିନାକା ନା ପାକ୍ୟାତ ହାବ୍ ଆକାୟ୍ । ଆନ୍ ମାନୁଇଚା ମାନି ଝେଡ଼ାଲିଂ ଆରି ନଂ ଇ ବନ୍ଦି

* ୧:୧ ୧:୧ ପକ୍ୟାତାକା ୧୭:୧୨.

ଅବସ୍ଥାତ ନେକ୍ରିକାବୁରନି ନ୍ୟାୟ ହାଙ୍ଗଡାକା ଆରି ରାକ୍ୟା କାଜିଂ କାମାୟ କିଦେଙ୍ଗ୍
ଇସ୍ପର ନାଂ ଇମ୍ଫଣି ପାବ୍ ହିଡ଼ତାନ୍ନା, ଏପେଙ୍ଗ୍ ଝିଜାଦେର୍ ଇବେ ମେହା ଆତାଦେଣ୍ଡା
। ୮ ଇନେକିଦେଂକି କ୍ରିଷ୍ଟୁ ଜିସୁତି ଜିଉନନି ବାତ୍ ଦୟାତ ଆନ୍ ମି ଝିଜାଡ଼ି କାଜିଂ
ଇନେସ୍ ବାନି ଇଚା, ଇ ବିସ୍ତେ ଇସ୍ପର ନା ସାକି ।

୯ ଆନ୍ ପାର୍ଥାନା କିନାଙ୍ଗା, ଇନେସ୍ ହାଡ଼ପା ଗିଆନ୍ ଆରି ନ୍ୟାୟ ବିଚାର ଲାହାଂ
ମିଦାଂ ଜିଉନନାକା, ଆଦିକ୍ତାଂ ଆଦିକ୍ ବାତା ଆନାଡ଼ । ୧୦ ଆରେ ଏପେଙ୍ଗ୍ ଇନେସ୍
ବେସି ବିସ୍ତେ ସବୁ ବାଟିକିଦେଂ ଆଡ଼ନାଦେର୍ । ତା ଆତିସ୍ ଏପେଙ୍ଗ୍ କ୍ରିସ୍ଟି ଝାନି ଦିନ୍ତ
ହାଦାକା ଆରି ନିୟାଝାଦାଂ ମାନ୍‌ଗାନାଦେର୍ । ୧୧ ଆରି ଇସ୍ପରତି ଜାଜ୍‌ମାଲ୍ ଆରି
ଝାରିକିୟ କାଜିଂ ମି ଜିବୁନ୍ ଜିସୁ କ୍ରିସ୍ଟି ହିଡ଼ତାକା ଝିଜୁ ଦାମ୍ ତ ବାତ୍ ଆନାଦେର୍
।

ବାଚାଆନାକା ଅରଡ଼ କ୍ରିଷ୍ଟୁ

୧୨ ଏ ଟଣ୍ଡାର୍ ଆରି ତଣ୍ଡେକ୍ ! ଆନ୍ ମିଂ ଝେଡ଼ରେଦେଂ ମାନ୍ କିନାଙ୍ଗ୍ ଜେ, ନା
କାଜିଂ ଇନା ଇନାକା ଗିଟା ଆତାଡ଼ନ୍ନା, ହେଦାଂ ନେକ୍ରିକାବୁର ବାତାନାକା ଉପକାର୍
କିନାତା । ୧୩ ଲାଗିଂ ନା ଗାଡ଼ୟାଜି ଜେ କ୍ରିଷ୍ଟୁ କାଜିଂ, ଇଦାଂ ବାଙ୍ଗ୍‌ଲାତ ସବୁ ମେଲ୍ୟା
ଦାଡ଼୍ ଆରି ବିନ୍‌ବିନ୍ ଝିଜାର୍ ଲାଗାଂ ହତାଡ଼୍; ୧୪ ମାତର୍ ଆନ୍ ବନ୍ଦି ଆଜି ମାଟିଲେ
ହେନି ଟଣ୍ଡାର୍ ଆରି ତଣ୍ଡେକ୍ ମାପୁତି କାଜିଂ ଆଦିକ୍ ପାତ୍ ଜଲମ୍ ଆତାଡ଼ନ୍ନା,
ଆରେ ଇଦାଂ କାଜିଂ ପାଣ୍ଡା ଆଝାଦାଂ ଇସ୍ପତ୍ ବଚନ୍ ସୁଣାୟ କିନି କାଜିଂ ହେଝାର୍ତି
ସାସ୍ ବାତା ଆତାଡ଼ନ୍ନା ।

୧୫ ଆତିସ୍‌ପା ହେଝାର୍ ବିତ୍ରେତାଂ କେତେକ୍‌ଜାଣ୍ ଗଣ୍ଡଗଲ୍‌ଝାରି ଆରି ତାରା ଆଜି
କ୍ରିଷ୍ଟୁଙ୍ଗ୍ ପରତାର୍ କାମାୟତ ନଙ୍ଗ୍ ଲାଗାତାରନା । ମାତର୍ ବିନ୍‌ନିକାର୍ ମାନ୍‌ଦିୟାନ୍
ଲାହାଂ ହେଦାଂ କିନାରା । ୧୬ ଇଝାର୍ ନା କାଜିଂ ଜିଉନନି କାଜିଂ ହେଦାଂ କିତାର୍ ।
ଇନେକିଦେଂକି ହେଝାର୍ ପୁନାର୍ ଜେ, ଇସ୍ପର ନାଙ୍ଗେଙ୍ଗ୍ ନେକ୍ରିକାବୁରନି ରାକ୍ୟା କାଜିଂ
ଦାଇଡ଼୍ ହିଡ଼ତାନ୍ନା ୧୭ ବିନ୍‌ନିକାର୍ ପାତ୍ ବାବ୍ରେ କ୍ରିସ୍ଟି ବଚନ୍ ପରତାର୍ କିଝାଦାଂ
ଜାର୍ ଇଚା ବାବ୍ରେ ଅଜି ହେଦାଂ କିତାଣ୍ଡା । ଆନ୍ ବନ୍ଦି ଇଝ ମାନିହିଂ ନା ମାତ୍ର ଆଦିକ୍
ଦୁକ୍ ହିଦେଂ ହେଝାର୍ ହେଦାଂ କିତାଣ୍ଡା ।

୧୮ ହେଦାଂ ଝାୟେଡ଼୍ କି ଝାମେଡ଼୍ । ହାଦ୍ ଉଦେସ୍‌ତ ଆୟେଡ଼୍ କି ସଡ଼୍‌ଆଝି
ଉଦେସ୍‌ତ ଆୟେଡ଼୍, ଇମ୍ଫଣାକା ପା ଉପାୟତ କ୍ରିସ୍ଟି ବଚନ୍ ପରତାର୍ ଆତିସ୍ ହେବେ
ନା ଝାରି । ଆନ୍ ଝାରି କିଜି ମାନ୍‌ଗାନାଂ । ୧୯ ଇନାକିଦେଂକି ଆନ୍ ପୁନାଙ୍ଗ୍ ମି ପାର୍ଥାନା
ଆରି ଜିସୁ କ୍ରିସ୍ଟି ଜିବୁନ୍‌ନି ଉପକାର୍ ହୁକେ ଆନ୍ ମୁକଡ଼ା ଆନାଙ୍ଗ୍ । ୨୦ ଜିବୁନ୍‌ତ
କି ହାକିତ, ନା କାମାୟତ କି ଏଲାଝାଦାଂ ସବୁ ଝେଡ଼ାଲିଂ ଆରି ବେସି କିଜି ଇ କସ୍
ଝେଡ଼ାଲିଂ ବାସ୍ କିଜି ବାତ୍ ବାବ୍ରେ ଇନେସ୍ ଆନ୍ କ୍ରିସ୍ଟିଂ ନା ଗାଗାଡ଼ତ ଜାଜ୍‌ମାଲ୍
କିନାଙ୍ଗ୍ । ୨୧ ହାଡ଼ପାନେ ନା ଜିବୁନ୍‌ତ କ୍ରିସ୍ଟିନେ ଝିଜେନିକାନ୍ । ଲାଗିଂ ନା ପାକ୍ୟାତ
ହାକି ଆଦିକ୍ ଲାବ୍ ଆନାଡ଼ । ୨୨ ମାତର୍ ଗାଗାଡ଼ତ ଜଦି ଜିଜି ମାନ୍‌ଝି ଆନ୍ ଆଦିକ୍
ପାଡ଼୍‌ଲାବ୍‌ନିକା କାମାୟ କିଦେଙ୍ଗ୍ ଆଡ଼ନାଙ୍ଗ୍, ତେବେ ଜିବନ୍ କି ହାକି ଇନେରିଂ ମାନ୍
କିନାଙ୍ଗ୍, ଆନେଙ୍ଗ୍ ସମାନ୍ କିଦେଙ୍ଗ୍ ଆଡୁଙ୍ଗା । ୨୩ ଆନ୍ ରିକଣ୍ଡାଂ ରିଣ୍ଡି ବିସ୍ତେ ହର୍‌ବର୍
ଆନାଙ୍ଗା । ଇ ଜିବୁନ୍ ପିସ୍ କ୍ରିସ୍ଟୁ ଲାହାଂ ମାଝେଙ୍ଗ୍ ନାଙ୍ଗ୍ ବେସି ଇଚା । ଆତିସ୍‌ପା ଇଦାଂ
ହାଦାକା । ୨୪ ମାତର୍ ମି କାଜିଂ ନା ଜିଜି ମାନାକା ବେସି ଲଡ଼ା । ୨୫ ଆରେ ଆନ୍ ଆର୍‌ଝା
ଲାକେ ଇଦାଂ ପୁନାଙ୍ଗ୍ ଜେ, ଆନ୍ ଜିଜି ମାନାଙ୍ଗ୍ । ମି ପାତ୍ ତ ମିଦାଂ ବାତାନାକା ଆରି
ଝାରି କାଜିଂ ମି ଲାହାଙ୍ଗ୍ ମାନାଂ, ୨୬ ତା ଆତିସ୍, ଏପେଙ୍ଗ୍ ଜିବୁନ୍‌ତ କ୍ରିଷ୍ଟୁ ଜିସୁତି ଲାହାଂ
ମିହାଆଜି ନା କାଜିଂ ଆଦିକ୍ ଗରବ୍ ବାବି କିଦେଙ୍ଗ୍ ଆଡ଼ନାଦେର୍ ।

୨୭ ଆନ୍ ମିଙ୍ଗେଙ୍ଗ ହୁଡ଼ନି କାଜିଂ ହାଞ୍ଜେଙ୍ଗ ରାଜି ଆନାଙ୍ଗ କି ଆଉଙ୍ଗ, ନଙ୍ଗ ମୁଡ଼, ବିସ୍ତେ ଆନାତା, ମି ଖାସ୍ମି ଆତାର ବେବାର ଇନେସ୍ କ୍ରିସ୍ତୁତି ନେକ୍ରିକାବୁରନି ହନାଡ଼ ଆନ୍ ଇନେସ୍ ଖେନାଙ୍ଗ, ଏପେଙ୍ଗ ର ଉଦେସ୍ ଅଜି ତାଟ୍ ଲାକେ ନିଲ୍ଲତି ଆରି ର କାତା ଅଜି ନେକ୍ରିକାବୁର ପାତ୍ କାଜିଂ ରବେ ଜୁଜ୍ କିନାପା । ୨୮ ଆରେ, ସାତୁରିଂ ପାଣ୍ଡା ଆମାଟ୍, ସାସ୍ତ ତାଟ୍ ମାନାଟ୍ । ତା ଆତିସ୍, ହେଖାର ପୁଞ୍ଜେଙ୍ଗ ଆଡ଼ନାର ଜେ, ହେଖାରତି ଆରାନାକା ସଡ଼ ଆରି ଏପେଙ୍ଗ ଜିଣାନାଦେର୍, ଇନେକିଦେଂକି ଇସ୍ବର୍ ନେ ମିଙ୍ଗେଙ୍ଗ ଜିଣାଆନି ମୁକ୍ତି କିଦନାନ୍ । ୨୯ କେବଲ୍ କ୍ରିସ୍ତୁ ତାକେ ପାତ୍ କିନି କାଜିଂ ଆକାୟ୍, ତା କାଜିଂ ଦୁକ୍ବଗ୍ କିନି କାଜିଂ ମିଙ୍ଗେଙ୍ଗ କ୍ରିସ୍ତୁତି ହେବା କିନି କାଜିଂ ପାବ୍ ହିୟାଆତାଡ଼ନା । ୩୦ *ନଙ୍ଗ ଇ ଜୁଜ୍ତ ଏପେଙ୍ଗ ନା ବାଗ୍ ଇଟ୍ୟାଦେଂ ଆଡ଼ନାଦେର୍ । ଆଗେ ଏପେଙ୍ଗ ନାଙ୍ଗ ଇମ୍ଫଣି ଜୁଜ୍ କିନାକା ହୁଡ଼ଜି ମାଟାଦେର୍, ନଙ୍ଗ ପା ଆନ୍ ହେ ଜୁଜ୍ତ ଲାଗାତାନ୍ନା ଇଞ୍ଜି ଏପେଙ୍ଗ ଖେନ୍ଞି ମାନାଦେର୍ ।

୨

କ୍ରିସ୍ତୁତି ହୁଦାର ଆରି ବେସି ଗାଜାକାନ୍

୧ କ୍ରିସ୍ତୁତି ଲାହାଂ ମେହାଆନାକା ହୁକେ ଏପେଙ୍ଗ ଜିବୁନ୍ତ ବାଡ଼କାସ୍ ଆତାଦେଣ୍ଡା, ଆରେ ହେଖାକ୍ରି ଜିଉନନାକା ମିଙ୍ଗେଙ୍ଗ ଦୁକ୍ସାରାୟ୍ କିଦନାତା । ଏପେଙ୍ଗ ପୁଇପୁୟା ଜିବୁନ୍ ଉପକାରତାଂ ସୁକେ ଜିନାଦେରା ଆରି ହାରି କାଜିଂ ମି ଜିଉନନିତ ବେସି ଦୟାତ ମାନାଟ୍, ୨ ଲାଗିଂ ଆନ୍ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗ, ର ଚିନ୍ତା ହୁଦାଂ ମାନ୍ କିଜି, ର ଜିଉତ ମେହା ଆଜି ମାନ୍ ଆରି ଜିବୁନ୍ତ ଏକ୍ ଆଜି ଏପେଙ୍ଗ ନାଙ୍ଗେଙ୍ଗ ପୁରାବାବେ ଖାରି କିଦାଟ୍ । ୩ ନିଜେତିଂ ବାବିକିନାକାନ୍ କାଜିଂ ନଲେ ପଲ୍ୟା ଗରବ୍ କାଜିଂ ଇନାକା କାମାୟ୍ କିମାଟ୍, ଇତିସ୍ ହୁଦାର ଆଜି ଝିଜାକାର ବିନ୍ଲଗାଂ ଜାର୍ ତାଙ୍ଗ ଗାଜା ମାନେ କିୟାଟ୍; ୪ ଝିଜାକାର କେବଲ୍ ଜାର୍ ବିସ୍ତେ ମାନ୍ଦିଆନ୍ କିଖାଦାଂ ବିନ୍ନିକାନିଂ ବିସ୍ତେ ପା ମାନ୍ଦିଆନ୍ ଆତ । ୫ କ୍ରିସ୍ତୁ ଜିସୁତି ଇନେସ୍ ମାନ୍ ମାଟାଟ୍, ମିଦାଙ୍ଗ୍ ହେ ଲାକେ ଚିନ୍ତା ଆଏଡ଼;

- ୬ ହେଖାନ୍ ଇସ୍ବର୍ ଆତିସ୍ପା ଇସ୍ବର୍ ଲାହାଙ୍ଗ୍
 - ୭ ସମାନ୍ ଆଜି ମାନାକା ଜାର୍ କାଜିଂ ଆସ୍ତି ଇଟ୍ୟାନି ବିସ୍ତେ ବାବି କିଖାତାଂ,
 - ୮ ଇତିସ୍ ନିଜ୍ ଇଗାତାଂ ତା ସବୁ ପିସ୍ତି ଆଡ଼ିଏନ୍ ଲାକେ ଆତାନ୍ ।
 - ୯ ମାନାୟ୍ ଲାକେ ଆଜି ମାନାୟ୍ ଲାକେ ଖାତାନ୍ ।
 - ୧୦ ହେଖାନ୍ ଗଞ୍ଜାରି ଆରି ହୁଦାର ଆଜି ହାକି ପାତେକ୍, କ୍ରୁସ୍ ହାକି ପାତେକ୍ ବଲ୍ ମାନିକିନାକାନ୍ ଆତାନ୍ ।
 - ୧୧ ଇଦାଂ କାଜିଂ ଇସ୍ବର୍ ତାଙ୍ଗେଙ୍ଗ୍ ବେସି ଉର୍ କିତାନ୍ନା,
 - ୧୨ ଆରେ ଝିଜୁ ତର୍ ବାଟା ଝିଜେତିଂ ହାଦ୍ ତର୍ ତାଙ୍ଗ୍ ହିତାନ୍ନା,
 - ୧୩ ଲାଗିଂ ଜିସୁତି ତର୍ନି ଇନେସ୍ ସାଗେ, ବିତ୍ରେପୁର୍ ଆରି
 - ୧୪ ପାତାଲ୍ତ ମାନି ସବୁ ମାନାୟାର୍ ଜିସୁତି ମୁମ୍ଦ ମେଣ୍ଡାକୁୟିକିଜି ଜଞ୍ଜାର୍ କିତାର୍ ।
 - ୧୫ ଆରେ, ଆବା ଇସ୍ବର୍ତି ଜାଜ୍ମାଲ୍ କାଜିଂ ଝିଜାକାରତି ଖେୟୁଲ୍
 - ୧୬ ଜିସୁ କ୍ରିସ୍ତୁଙ୍ଗ୍ ମାପୁ ଇଞ୍ଜି ମାନି କିନିକ୍ ।

ପୁତ୍ ଅଜଡ଼ ଲାକେ ଆତ

୧୭ ଲାଗିଂ, ଏ ନା ଖାରିନିକାଦେର୍, ଆନ୍ ମି ଲାହାଂ ମାନିଖାଡ଼ାଲିଂ ଏପେଙ୍ଗ ଇନେସ୍ ଦିନକେ ନା ବଲ୍ମାନି କିତାଦେଣ୍ଡା, ନଙ୍ଗ ଆନ୍ ମିଙ୍ଗତାଂ ଦେହା ମାନି ଖାଡ଼ାଲିଂ ଆଦିକ୍

* ୧:୩୦ ୧:୩୦ ପକ୍ୟାତାକା ୧୭:୧୯-୪୦.

ପାତ୍ର ବାବୁ ନା ଜଜାୟ ଆଦେଂ ମିଙ୍ଗ ଲଡ଼ା । ମି ମୁକ୍ତା ଆନାକା ଇନେସ୍ ପୁରା ଆନାଡ଼, ଇଦାଂ କାଜିଂ ପାଣ୍ଡୁ ଆରି ତ୍ରିଗ୍ଜି କାମାୟ କିଜି ମାନାଟ୍ । ୧୩ ଇନାକିଦେଂକି ମିଙ୍ଗେଙ୍ଗ୍ ହେଝାନତି ଉଦେସ୍ତ ପୁରା କିନି କାଜିଂ ଇଟା ଆରି ରାଜି କିଦେଙ୍ଗ୍ ନିଜେ ଇସ୍ବର୍ ମି ବିତ୍ରେ ନିତ୍ରେ କାମାୟ କିନାନା ।

୧୪ ଆପତି ଆରି ବେଶ୍‌ବାଟ୍ କିଝାଦାଂ ସବୁ କାମାୟ କିୟାଟ୍, ୧୫ ଇନେସ୍ ଏପେଙ୍ଗ୍ ଦସି ଆଝାଦାଂ ଆରି ହୁଦାର୍ ଆଜି ଡକ୍ତୁତି ହାଜି ବାଣାତି ଲାତ୍ରା ବିତ୍ରେ ଇସ୍ବର୍ତ୍ତି ପୁଇପୁୟା ହିମ୍‌ଶାଝାକ୍ତା ଆତ; ହେଝାର୍ ବିତ୍ରେ ଏପେଙ୍ଗ୍ ଜିବୁନ୍‌ନି ବଚନ୍ ଆସି ଜଗଡ଼ତ ଅଜଡ଼ ଲାକେ ଆନାଦେରା; ୧୬ ବିନ୍‌ଲଗାତ୍ ଲାଗାୟ ଜିବୁନ୍ ହିଦିନି କାରୁର୍ ପରଚାର୍ କିନିଝେଡ଼ାଲିଂ ଏପ୍ ଆକାସ୍ତିଂ ଅଜଡ଼ କିନି ହୁକାଂ ଲାକେ ପଙ୍ଗନାକା ଲଡ଼ା । ଏପେଙ୍ଗ୍ ଜଦି ଏଲେଙ୍ଗ୍ ଆତିସ୍, “କ୍ରିସ୍ତୁତି ଝେଡ଼ାଲିଂ” ମି ବିସ୍ତେ ଆନ୍ ଗରବ୍ କିଦେଙ୍ଗ୍ ଆଡ଼ନାଂ, ଇନେକିଦେଂକି ଇବେଣ୍ଡାଂ ପାର୍ମାଣ୍ ଆନାତା ଜେ, ନା ଝିଜୁ କସ୍‌ଆରି କାମାୟ ପଲ୍ୟା ଆଝାତାଡ଼ନା ।

୧୭ ଇସ୍ବର୍ତ୍ତି ଉଦେସ୍ତ ମି ପାତ୍ର ବାତ୍ର ପୁଜାକିନିତ ଆଜି ମାନଗାନାଡ଼ ନା ଜିବୁନ୍‌ନି ନେତେର୍ ଝାକ୍ତି ହିଦେଂ ଆନାଡ଼ । ଇଦାଂ କାଜିଂ ଆନ୍ ଝାର୍‌ୟାନାକା ଆରି ନା ଇଝାରିତ ମିଂ ମେହାୟ କିଦେଙ୍ଗ୍ ଆନ୍ ଇଟା କିନାଙ୍ଗା । ୧୮ ଏପେଙ୍ଗ୍ ପା ହେ ଲାକେ ଝାରି କିୟାଟ୍ ଆରି ହେ ଝାରିତାଂ ନା ଲାହାଙ୍ଗ୍ ପା ଝାରି କିୟାଟ୍ ।

ତିମତି ଆରି ଏପାପ୍ତିତ

୧୯ ମାପୁତି ଇଟା ମାତିସ୍, ମି ଲାଗାୟ ତିମତିଂ ବେଗି ପଲ୍ଲାନାଙ୍ଗ୍ ଇଞ୍ଜି ମାପୁ ଜିସ୍ତୁତିଂ ଆନ୍ ଆହା କିନାଙ୍ଗା । ତା ଆତିସ୍, ମି କାରୁର୍ ଗାଟାଜି ଆନ୍ ବେସି ଝାର୍‌ୟା ଆନାଙ୍ଗା । ୨୦ କେବଲ୍ ହେଝାନ୍ତି ମାନ୍‌ବାବ୍‌ନା ନା ଲାକେ ମାନାଡ଼ ହେଝାନ୍ ହାଡ଼ପାତ ମି କାଜିଂ ମାନ୍‌ଦିଆନ୍ କିନାଙ୍ଗା । ୨୧ ବିନ୍ ଝିଜୁ ଜିସ୍ତୁ କ୍ରିସ୍ତୁତି କାଜିଂ ସେସ୍ତା କିଝାଦାଂ ଜାର୍ତି ସେସ୍ତା କିତାର୍ । ୨୨ ତିମତି ଜେ ପରିକ୍ୟା କିୟାତାକାନ୍ ମାନାୟ, ଇଦାଂ ଏପେଙ୍ଗ୍ ପୁନାଟ୍; ମାଜି ଆବାତି ହେବା କିତି ଲାକେ ହେଝାନ୍ ତ ନେକ୍ରିକାରୁର୍ କାମାୟତ ନା ଲାହାଙ୍ଗ୍ ହେବା କିଜି ମାଟାନ୍ । ୨୩ ଲାଗିଂ, ନା କାଜିଂ ଇନାକା ଗିଟାଆଦେଂ ହାନାତା, ହେଦାଂ ପୁଞ୍ଜେଙ୍ଗ୍ ମତର୍ ହେଝାନିଂ ପଲ୍ଲାନାଂ ଇଞ୍ଜି ଆହା କିନାଙ୍ଗା; ୨୪ ମାତର୍ ଆନ୍ ମାପୁତି ତାକେ ପାତ୍ର କିନାଙ୍ଗା ଜେ, ଆନ୍ ନିଜେ ବେଗି ପା ମି ଲାଗାଂ ହାନାଙ୍ଗା ।

୨୫ ମାତର୍ ନା ଟଣ୍ଡେନ୍, ହାଙ୍ଗ୍‌ଦାକାର୍, ହାଙ୍ଗ୍‌ଦି ମେଲ୍ୟାୟାର୍ ଆରି ନା ଅବାବ୍ ବାତ୍ର କିନି କାଜିଂ ମି ପକ୍ୟାତାକାନ୍ ଆରି ହେବାକାରିୟା ଏପାପ୍ତିଦିଡ଼ିଂ ମି ଲାଗାଂ ଆନ୍ ପଲ୍ଲିନି କାଜିଂ ଲଡ଼ା ବାବି କିତାଙ୍ଗା; ୨୬ ଇନାକିଦେଂକି ହେଝାନ୍ ମି ଝିଜାରିଂ ହୁଡ଼ିନି କାଜିଂ ବେସି ଇଟା କିନାନା, ଆରେ ହେଝାନ୍ ନାଦାର୍ ମାନାନ୍ ଇଞ୍ଜି ଏପେଙ୍ଗ୍ ଝେନ୍‌ଞ୍ଜି ମାତିଲେ ହେଝାନ୍ତି ଦୁକ୍; ୨୭ ହାଡ଼ପାନେ ହେଝାନ୍ ହାତି ଲାକେ ନାଦାର୍ ଆଜି ମାଟାନ୍, ମାତର୍ ଇସ୍ବର୍ ତାଙ୍ଗେଙ୍ଗ୍ ଦୟା କିତାନ୍, ଆରେ କେବଲ୍ ତାଙ୍ଗେଙ୍ଗ୍ ଆକାୟ, ମତର୍ ଇନେସ୍ ନା କାଜିଂ ଦୁକ୍ ଜପି ଦୁକ୍ ଗିଟା ଆଡ଼ଡ଼, ଇଦାଂ କାଜିଂ ନା ଜପି ପା ଦୟା କିଡ଼ତାନ୍ । ୨୮ ଲାଗିଂ ଏପେଙ୍ଗ୍ ଇନେସ୍ ହେଝାନିଂ ଆରେ ରଗ ହୁଡ଼ି ଝାରି କିୟାଟ୍ ଆରି ନା ଦୁକ୍ ଇନେସ୍ ଉଣା ଆନାଡ଼, ଇଦାଂ କାଜିଂ ଆନ୍ ହେଝାନିଂ ପକ୍‌ନି କାଜିଂ ଆଦିକ୍ ଜାତୁନ୍ ଆତାଙ୍ଗା । ୨୯ ଲାଗିଂ, ମାପୁ କ୍ରିସ୍ତୁତି ପାତ୍ର କିନି ଟଣ୍ଡେନ୍ ବାବୁ ଏପେଙ୍ଗ୍ ହେଝାନିଂ ଝାରିତାଂ ଇଟାଟ୍, ଆରେ ଇ ଲାକେ ଗୁଣ୍‌ନିକାନ୍ ମୁଣିକାଂ ବଲ୍ଲି କିୟାଟ୍; ୩୦ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣି ଉପକାର୍ ହିଦେଂ ଆଡ଼ଝାତାଦେର୍, କ୍ରିସ୍ତୁତି କାମାୟ ପୁରା କାଜିଂ ହେଝାନ୍ ହେଝାନ୍ତି ନା କାଜିଂ କିଦେଙ୍ଗ୍ ହାଲ୍‌ଜି ନିଜ୍ ଜିବୁନ୍‌ତଂ ରାଡ଼ ଆରି ହାକିନି ମୁମ୍‌ଦ ଆଜି ମାଟାନ୍ ।

୩

ହାତ୍‌ପା ଦାମ୍

୧ ହାରିହାରା, ଏ ନା ଟଣ୍ଡାର୍ ଆରି ତଣ୍‌ଦେକାଦେର୍, ମାପୁତି ଲାହାଁ ମେହାଜିମାଟିଲେ ଏପେଙ୍ଗ୍ ଖାରିୟା ଆତ । ଆଗେତାଁ ଇନାକା ଲେକିକିତାଙ୍ଗ୍‌ନା, ହେଦାଁ ବାର୍‌ବାର୍ କିଦେଙ୍ଗ୍ ଆନ୍ ଖାହ୍‌ନାକା ବାବି କିଉଙ୍ଗା, ଇନେକିଦେଂକି ମି ହାର୍‌ମାନାକା କାଜିଁ ଇଦାଁ ଉପକାର୍ କିଦ୍‌ନାତ୍ । ୨ ଇମ୍‌ଣାକାର୍ ବାନ୍‌ଧା କାମାୟ୍‌ତ ମୁଞ୍ଜିଚାଣ୍ଟା, ଇମ୍‌ଣାକାର୍ ଗାଗାଡ଼ତିଁ ସୁନ୍‌ଡ୍ ଆତାକାର୍ କାଜିଁ ଜିଦ୍ ଆହ୍‌ନାର୍, ହେ ନିକୁଡ଼ିଁ ଲାଗେତାଁ ଜାଗ୍ରତ୍ । ୩ ଇନାକିଦେଂକି ଆସେଙ୍ଗ୍ ହାତ୍‌ପାନେ ସୁନ୍‌ଡ୍ ପାୟାଆତାକାସ୍, ହେଝାର୍ ଆକାୟ୍ । ଆସେଙ୍ଗ୍ ପୁଇପୁୟା ଜିବୁନ୍ ଉପକାର୍‌ତାଁ ଇସ୍‌ରତି ପାର୍ତାନା କିନାସା ଆରି କ୍ରିସ୍ଟୁ ଜିସୁତି ଲାହାଁ ମେହାଜି ଖାରିୟାନାସା । ବାତ୍ ରିତିନିତି ଜପି ମା ବାସ୍ ଆକାୟ୍ । ୪ ଆତିସ୍‌ପା ହେ ସବୁ ଜପି ଆହା ଇଚ୍‌ନାକା ନା ପାକ୍ୟାତ ହାର୍ ଆତାମ୍ । ଜଦି ଇନେର୍ ବାତ୍ ରିତିନିତିନି ଲଡ଼ା ଜପି ମାନ୍ ଦ୍ୟାନ୍ ହିତାଙ୍ଗ୍‌ମା, ହେ ଲାକେ କିଦେଙ୍ଗ୍ କାଜିଁ ନା ଜବର୍ ଉପାୟ୍ ମାନାତ୍ । ୫ ଆନ୍ ଆଟ୍ ଦିନ୍‌ତାଁ ସୁନ୍‌ଡ୍ ପାୟାଆତାକାଁ, ଇସ୍‌ପାଏଲ୍ ଲାତ୍ରା ଜଲମ୍, ବିନ୍‌ଧାମିନ୍ କୁରୁମ୍, ଏବ୍ରିୟ ନେତେରତ୍ ଜଲମ୍ ରଖାନ୍ ଏବ୍ରିୟ, ଜିହୁଦି ବିଦି ପାଲି କିନି ଇସାପ୍ରେ ରଖାନ୍ ପାରୁସି ମାଚାଙ୍ଗ୍, ୬ ଆରି ନା କାଜିଁ ଇଚା ବିସ୍ତେ ମଣ୍ଟଲିନି ରଖାନ୍ କୁଲ୍ ଆ ମାଚାଙ୍ଗ୍, ଆରେ ବିଦି ହାଟି ଦାମ୍ ବିସ୍ତେ ଦସି ଆଖାଦାଁ ଚଞ୍ଜି ମାଚାଙ୍ଗ୍ । ୭ ମାତର୍ ଇମ୍‌ଣି ଝିଜୁ ବିସ୍ତେ ଲାବ୍ ଇଞ୍ଜି ଆନ୍ ବାବି କିଜି ମାଚାଙ୍ଗ୍, ହେଦେଲିଁ ନଙ୍ଗ୍ କ୍ରିସ୍ଟୁତି କାଜିଁ ଲାସ୍ ଇଞ୍ଜି ବାବି କିନାଙ୍ଗା । ୮ ଆଁ ହାତ୍‌ପା ଆନ୍ ନା ମାପୁ କ୍ରିସ୍ଟୁ ଜିସୁତି ଗିଆନ୍‌ନି ହାର୍ କାଜିଁ ଝିଜୁ ବିସ୍ତେ ନସ୍ ଇଞ୍ଜି ଗାଣା କିନାନ୍; ହେଝାନ୍ କାଜିଁ ଆନ୍ ଝିଜୁ ବିସ୍ତେନି ନସ୍ ହୁଞ୍ଜାଙ୍ଗ୍, ଆରେ, ହେ ଝିଜୁ ଗାତ୍ରା ଲାକେ ଗାଣା କିନାନ୍, ଇନେସ୍ ଆନ୍ କ୍ରିସ୍ଟୁଙ୍ଗ୍ ଲାବ୍ କିଦେଙ୍ଗ୍ ଆଡ଼ନାସ୍ ଆରି ହେଝାନ୍‌ତି ଇଞ୍ଜି ପୁନ୍‌ଧାନାତ୍, ୯ ଆରି ମସାତି ବିଦି ପାଲି କିନିକାଜିଁ ଜାର୍ ଦାମ୍ ପାୟାଖାଦାଁ ଇଚିସ୍ ଇନେସ୍‌କି କ୍ରିସ୍ଟୁତାକେ ପାତ୍ ହୁଦାଁ ଇସ୍‌ରତି ପାତ୍ କିନି ମୁଡ୍ ଦାମ୍ ବିଦି ପାଲି କିୟାଟ୍ । ୧୦ ନଂ ନାଦାଁ ବେସି ମାନ୍ ଆନ୍ ଇନେସ୍ କ୍ରିସ୍ଟୁଙ୍ଗ୍ ପୁନାଙ୍ଗ୍ ଆରି ହେଝାନ୍ତି ଆରେ ନିନ୍‌ସାଲ୍ଟି ବାବି କିନାଙ୍ଗ୍; ହେଝାନ୍ତି ଦୁକ୍ ବର୍ଗିନି ମେହାବିଡ଼ା ଏତୁ କିଜି ହାକିତ ପା ତା ଲାକେ ଆନାଙ୍ଗ୍ । ୧୧ ହାତାକାର୍ ବିତ୍ତେ ଆରେ ନିଙ୍ଗ୍‌ନାକା ପାୟା ଆଦେଂ ବାସ୍ ଲାବ୍ କିନାଙ୍ଗ୍ ।

ଇଚ୍‌କାତ୍ ବାହାତ ହନ୍‌ନାସ୍

୧୨ ଆନ୍ ଜେ ନଙ୍ଗ୍ ହେ ଝିଜୁ ପାୟା ଆତାଙ୍ଗ୍‌ନା କି ବାତ୍ ଲାବ୍ କିତାଁନା, ହେଦାଁ ଆକାୟ୍, ମାତର୍ ଆନ୍ କ୍ରିସ୍ଟୁ ଜିସୁତି ହୁକେ କୁକ୍ୟାଜିମାଟିଲେ ହଡେଙ୍ଗ୍ ଲାଗାତାଁନା । ନିଜେ କ୍ରିସ୍ଟୁ ନାଁ ଆସ୍ତି ତାସି ଇବେ ବାଟି କିଡ଼ତାନ୍‌ନା । ୧୩ ଏ ଟଣ୍ଡାର୍, ଆରି ତଣ୍‌ଦେକ୍ ଆନ୍ ଇପାତେକ୍ ଏକାଝାତାଁନା । ମାତର୍ ର କାମାୟ୍‌ତ ଆନ୍‌ମାନ୍ ଦିଆନ୍ କିତାଙ୍ଗ୍‌ନା; ପାଚେ ପିସ୍ତି ଖାଜିମାନି ବିସ୍ତେକାଁ ବାଣାଜି, ମୁମ୍‌ଦ ମାନି ବିସ୍ତେକାଁ ଗାଟାଦେଂ ଜିବୁନ୍‌ଲାଗାୟ୍ କିଜି ସେସ୍ଟା କିନାଙ୍ଗା । ୧୪ ପାଚେନି ବିସ୍ତେ ଝିଜୁ ମାନ୍‌ତାଁ ପିସ୍ତି ମୁମ୍‌ଦ ମାନି ବିସ୍ତେକାଁ କାଜିଁ ଇଡ଼ଜି କ୍ରିସ୍ଟୁ ଜିସୁତି ତାକେ ଇସ୍‌ତ୍ ସାଗେନି କୁକ୍ୟାତି ପାତ୍ ପାୟାନ୍ କାଜିଁ ଜିବୁନ୍‌ଲାଗାୟ୍ କିଜି ଏକିନି ବାହାତ ହନ୍‌ନାଙ୍ଗା ।

୧୫ ମା ବିତ୍ତେ ଇମ୍‌ଣାକାର୍ ଆମିକ୍ ବାବ୍ରେ ହେଝାର୍ ଏଲେଙ୍ଗ୍, ମାନ୍‌ବାବ୍‌ନା ମାନାକା ମାନାତ୍ । ଜଦି ମି ବିତ୍ତେତାଁ ଇନେର୍‌ତି ବିନେ ମାନ୍ ବାବ୍‌ନା ମାତିସ୍, ଇସ୍‌ର ମିଙ୍ଗେଙ୍ଗ୍ ସବୁ କାତା ହାର୍ କିଜି ଝେଡ଼ଚାନାନ୍ । ୧୬ ହେଝାନ୍ ଇନେସ୍ ଆଏନ୍, ନେଞ୍ଜେଙ୍ଗ୍

* ୩:୭ ୩:୭ ପକ୍ୟାତାକା ୮:୩; ୨୨:୪; ୨୭:୯-୧୧.

ପାତେକ ଆସେଙ୍ଗ୍ ଇମ୍ବଣି ନିୟମ୍ ମାନି କିଜି ୱାନାସା, ହେ ଇସାବ୍ରେ ନଂ ଆଗେ ହାନି ଲଡ଼ା ।

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ରତେ ମିହାଜି ନା ପାତେ ୱାଡୁ, ଆରେ ମା ଜିବୁନ୍ ତାକେ ଇମ୍ବଣି ହାରଦାକା ହୁଡ଼ନାଦେରା, ଇମ୍ବଣାକାର୍ ହେ ଲାକେ ବେବାର୍ କିତାର୍ ହେଞ୍ଜାରିଂ ହୁଡ଼ାଟ୍ । ୧୮ ଆଗେତାଂ ବେସିହଟ୍ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜାଙ୍ଗ୍ନା, ଆରେ ନଙ୍ଗ୍ ପାତେକ୍ ଆଡ଼ବି ଆଡ଼ବି ଆରେ ରଗ କିନାସ୍; ବେସି ଜାର୍ ଜାର୍ ଜିବୁନ୍ତ କ୍ରିସ୍ତୁ କ୍ରିସ୍ତୁ ହାକିତ ସାଡୁ ବେବାର୍ କିନାରା । ୧୯ ନରକ୍ତ ହେଞ୍ଜାରିତି ଜିବୁନ୍ନି ନାସ୍ ଆଦେଂ ହାନାତା, ଇନେକିଦେଂକି ଗାଗାଡ଼୍ ଆହା ନେ ହେଞ୍ଜାରିତି ପେନ୍ । ଇନାକା ଲାଜୁ, ହେଞ୍ଜାର୍ ହେବେ ଗରବ୍ କିତାର୍; କେବଲ୍ ସିସାର୍ ଜିନିସିଂ କାଜିଂ ହେଞ୍ଜାର୍ ଚିନ୍ତା କିତାର୍ । ୨୦ ହେଞ୍ଜାନ୍ ଇନେସ୍ ଆଏଡ଼୍, ଆପେଂ ସାର୍ଗେ ରାଜିନି ପାର୍ଜା, ସାର୍ଗେତାଂ ମା ମୁଲ୍ଲିକାରିୟା ମାପୁ ଜିସୁ କ୍ରିସ୍ତୁ ଖାନାକା ଆପେଂ ଖାରିତାଂ କାନାପା । ୨୧ ଇମ୍ବଣି ସାଲ୍ଲି ବାପୁତାଂ ହେଞ୍ଜାନ୍ ଖିଜୁ ବିସ୍ତେତିଂ ଜାର୍ ତାରେନ୍ କିଦେଙ୍ଗ୍ ଆଡ଼ନାନ୍, ହେ ସାଲ୍ଲି ବାପୁ ଚଟ୍ଟି ହେଞ୍ଜାନ୍ ମା ନାଦାର୍ ନା ଗାଗାଡ଼୍ତିଂ ତା ଜାଜ୍ମାଲ୍ଲିନି ଗାଗାଡ଼୍ ଲାକେ କିନାନ୍ ।

୪

ଞ୍ଜେଟ୍ଟନାକା ଆରି ହିକ୍ୟା

୧ ଲାଗିଂ, ଏ ନା ଖାରିନି ଟଣ୍ଡାର୍ ଆରି ତଣ୍ଡେକ୍, ମିଙ୍ଗେଙ୍ଗ୍ ହୁଡ଼ଦେଦେଂ କାଜିଂ ନାଦାଂ ବେସି ଇତା । ମିଂ ଅଜି ଆନ୍ ବେସି ଖାରିନି ମୁକୁଟ୍ । ମି କାଜିଂ ନାଦାଂ ବେସି ଗରବ୍ । ଖାରିନି ଟଣ୍ଡାର୍ ଆରି ତଣ୍ଡେକ୍, ନା ହିକ୍ୟା ଇସାପ୍ରେ ମାପୁତି ତାକେ ତିର୍ ମାନ୍ଜି ଜିବନ୍ ଜିପ୍କା କିୟାଟ୍ ।

୨ ମାପୁ ତାକେ ତଣ୍ଡେକ୍ ଲାକେ ରଞ୍ଜି ମାନ୍ ଆଏକ୍, ଆନ୍ ଇୟଦିୟା ଆରି ସୁନ୍ତୁକ୍ରି ରିଣ୍ଡେକାଂ ପା ଗଞ୍ଜାରି କିନାଙ୍ଗା । ୩ ଆରେ ଏ ହାଡ଼ପାନି ହାଙ୍ଗ୍ଦାକାନ୍, ଇ କଗଲେକାଂ ଉପକାର୍ କିନି କାଜିଂ ମିଙ୍ଗେଙ୍ଗ୍ ପା ଗଞ୍ଜାରି କିଦନାଙ୍ଗା, ଇନେକିଦେଂକି ଇଞ୍ଜାର୍ କ୍ଲେମେନ୍ସ୍ ଆରି ନା ବିନ୍ ହାଙ୍ଗ୍ଦାକାର୍ ଲାହାଂ ନେକ୍ରିକାରୁର୍ କାମାୟତ ନା ଲାହାଙ୍ଗ୍ କସୁ କିନାରା; ହେ ହାଙ୍ଗ୍ଦାକାର୍ ତର୍ “ଜିବୁନ୍ ପତିତ” ମାନାଡ଼୍ ।

୪ ନିତ୍ରେ ମାପୁ ତାକେ ଖାରି କିୟାଟ୍, ଆରେ ଞ୍ଜେଟ୍ଟନାକା, ଖାରି କିୟାଟ୍ ।

୫ ଖିଜାକାର୍ ଲାଗାଂ ମି ହୁଦାର୍ ହପାଟ୍ । ମାପୁତି ଖାନାକା ଲାଗାଂ । ୬ ଇନାକା ବିସ୍ତେ ଚିନ୍ତା କିମାଟ୍, ମାତର୍ ଇନାକା ଲଡ଼ା, ପାର୍ତାନା ଆରି ଗଞ୍ଜାରି ହୁକେ ଜୁଞ୍ଜାର୍ ଲାହାଙ୍ଗ୍ ମି ଗଞ୍ଜାରି ସବୁ ଇସ୍ବର୍ ଲାଗାଂ ଞ୍ଜେଟାଟ୍ । ୭ ହେବେ ମାନାୟାରିତି ବୁଜାନାକା କସୁ ଜେ ଇସ୍ବତ୍ ସୁସ୍ତା କ୍ରିସ୍ତୁ ଜିସ୍ତୁତି ମେହାଣ୍ଡ ମି ଜିବୁନ୍ ଆରି ମାନ୍ଦିଂ ଜାଲ୍ଲଦି କିଜି ଇଡ଼ଦାନାଡ଼୍ । ୮ ହାରିହାରା, ଏ ଟଣ୍ଡାର୍ ଇନା ଇନାକା ହାଡ଼ପା, ଇନା ଇନାକା ଲଡ଼ା, ଇନା ଇନାକା ଦସି, ଇନା ଇନାକା ହାଦାକା, ଇନା ଇନାକା ଖାରିନିକା, ଇନାକା ତାକ୍ପୁଟାମେହା, ଇମ୍ବଣାକା ପା ସଡ଼ଗୁଣ୍ ଆରି ଖାରିକିୟକିନି ବିସ୍ତେ ମାନାଡ଼୍, ହେ ଖିଜୁ ବିସ୍ତେ ବିଚାର୍ କିୟାଟ୍ । ୯ ଏପେଙ୍ଗ୍ ଜେ ଖିଜୁ ବିସ୍ତେ ନା ତାକେ ହିକାଆତାଦେଣ୍ଡା, ପାୟା ତାଦେଣ୍ଡା, ଞ୍ଜେଟାଦେଣ୍ଡା, ଆରି ନା ତାକେ ହୁଡ଼ତାଦେଣ୍ଡା, ହେ ସବୁ କାମାୟତ ପୁରା କିୟାଟ୍; ହେବେ ସୁସ୍ତାହିଦନାକାନ୍ ଇସ୍ବର୍ ମି ଲାହାଙ୍ଗ୍ ମାନାନ୍ ।

ଦାନ୍ କାଜିଂ ଜଞ୍ଜାର୍

୧୦ ମାପୁତି ଲାହାଂ ମିହାଆଜି ଜିବୁନ୍ ଜିପ୍କା କିନି ଞ୍ଜେଡାଲିଂ, ନା ଖାରି ଜେ, ଏପେଙ୍ଗ୍ ଚିନ୍ତା କାଜିଂ ମାନ୍ଦିଆନ୍ କିତାଦେର୍ । ବେସି ଦିନ୍ ପାତେ ଆରେ ରଗ ଚିନ୍

☆ ୩:୧୭ ୩:୧୭ ୧ କରନ୍ତୁୟ ୪:୧୭; ୧୧:୧.

ଚର୍ଚ୍ଚାଦେଣ୍ଡା । ଆନ୍ ଇଞ୍ଜୁଙ୍ଗା ଜେ, ଏପେଙ୍ଗ୍ ଝିସ୍ତ୍ରି ବିତ୍ରେ ନା କାଜିଂ ଆରେ ମାନ୍ଦିଆନ୍ ହିଞ୍ଜାଦାଂ ମାତାଦେର୍ କେବଲ୍ ହେଦାଂ ହପ୍ରେଙ୍ଗ୍ ପାବ୍ ପାୟାଞ୍ଜାଦାଂ ମାତାଦେର୍ । ୧୧ ଆନ୍ ଜାତଂ ଏଲା ବାବି କିଜି ଇ କାତା ଇନୁଙ୍ଗା, ଇନେକିଦେଂକି ନାଦାଂ ଇନାକା ମାନାଡ଼, ହେ ଏଚେକ୍ନେନ ସାରି କିଦେଙ୍ଗ୍ ଆନ୍ ହିକ୍ୟା କିତାଂନା । ୧୨ ଅବାବ୍ ଆୟେଡ଼, ଦନ୍ ବେସି ଆୟେଡ଼, ଇନେସ୍ ତା ମୁମ୍ଦ ହାଞ୍ଜେଙ୍ଗ୍ ଆନାଡ଼, ହେଦାଂ ଆନ୍ ପୁଚାଙ୍ଗ୍ନା । ଲାଗିଂ ଇମ୍ଫଣାକା ପା ଝେଡ଼ାଲିଂ, ନାସ୍କିତ ମାନି ଝେଡ଼ାଲିଂ ଇନେସ୍, ସାରି ଆତି ପାଚେ ପା ହେ ଲାକେ, ଅବାବ୍ ଆନି ଝେଡ଼ାଲିଂ, ଆରେ ବେସି ବିତ୍ରେ ପା ସବୁଝେଡ଼ାଙ୍ଗ୍ ଆନ୍ ସାରି । ୧୩ ନା ସାଲ୍ତ୍ରି ହିଦ୍‌କାନ୍ କ୍ରିସ୍ତ୍ରି ଉପକାରତାଂ ଆନ୍ ସବୁ କିଦେଙ୍ଗ୍ ଆଡ଼ନାଙ୍ଗ୍ ।

୧୪ ଆତିସ୍ପା ଏପେଙ୍ଗ୍ ନା ଦୁକ୍‌ବଗ୍ ଝେଡ଼ାଲିଂ ନାଙ୍ଗେଙ୍ଗ୍ ମେହାଆନି କାଜିଂ ହାର୍ କିତାଦେଣ୍ଡା । ୧୫ ଏ ପିଲିପିନି ଟଣ୍ଡାର୍ ଆରି ତଣଦେକ୍, ମିଙ୍ଗେଙ୍ଗ୍ ହାର୍‌କିଜି ମାନ୍ତ ମାନାଡ଼, ନେକ୍ରିକାବୁର୍ ସୁଣାୟକିନି ହାଙ୍ଗ୍ତି ସମ୍ପୁତ, ଏଚେକାଡ଼୍‌ଦ ଆନ୍ ମାକିଦନିଆତାଂ ହାଚାଙ୍ଗ୍, ହେ ଝେଡ଼ାଲିଂ ମି ମଣ୍ଡଲି ନାଂ ଉପକାର୍ କିଜି ମାଞ୍ଜାଡ଼, କେବଲ୍ ଏପେଙ୍ଗ୍ ନା ଲାବ୍ ଆରି ଲାସ୍ ମେହା ଆଜି ମାତାଦେର୍ । ୧୬ ଆନ୍ ତେସ୍‌ଲନିକିତ ମାନିହିଂ ଏପେଙ୍ଗ୍ ବେସିହର୍ ନା ଲାଗାଂ ଲଡ଼ାନି ଉପକାର୍ ପକ୍ତି ମାଞ୍ଜାଦେର୍ । ୧୭ ମାତର୍ ମିତାଂ କେବଲ୍ ଦାନ୍ ଅନି କାଜିଂ ଆନ୍ ଇଚା କିଉଙ୍ଗ୍, ଇଦାଂ କାଜିଂ ଏପେଙ୍ଗ୍ ଇନେସ୍ ଆଦିକ୍‌ତାଂ ଆଦିକ୍ ଲାବ୍ ଆଡ଼, ଇଦାଂ ନା ଇଚା । ୧୮ ମିତାଂ ଆନ୍ ଗାଟା ଆଜି ମାନି ଝିଜୁ ଦାନ୍ କାଜିଂ ପାୟାତାକା ମାନିକିଜି ଜାଣାୟକିଦ୍‌ନାଙ୍ଗା । ହେଦାଂ ନା କାଜିଂ ସାରିତାଂ ଆଦିକ୍ ଅତାନ୍ନା । ଏପାପ୍ରାଦିତ୍ତି କେଇଦ ଏପ୍ ପକ୍ତି ମାତି ଦାନ୍ ନାଦାଂ ସବୁ ଅବାବ୍ ପୁରାୟ କିତାଂନା । ହେଦାଂ ଇସ୍‌ବ୍‌ତି କାଜିଂ ପୁଜାକିତି ହାଦ୍ ଗାନ୍ଦା ଗାର୍‌ଣି ଆରି ତାଦି ଇଟ୍ୟାତାକା ଇତିସ୍ ସାରିନି ପୁଜାଲାକେ । ୧୯ କ୍ରିସ୍ତ୍ ଜିସ୍ତ୍ରି ହୁକେ ନା ଇସ୍‌ବ୍ ହେଞ୍ଜାନ୍ତି ବେସି ହଲ୍‌ନାକାତ ମିଦାଂ ଝିଜୁ ଲଡ଼ାନିକା ତାସି କିଦ୍‌ନାନ୍ । ୨୦ ଜୁଗ୍ ଜୁଗ୍ ଆବା ଇସ୍‌ବ୍‌ତି ଜାଜ୍‌ମାଲ୍ ଆଏଡ଼ । ଆମେନ୍ ।

ହାରିହାରା କାତା

୨୧ କ୍ରିସ୍ତ୍ ଜିସ୍ତ୍ରି ତର୍ଦାଂ ସବୁ ସାଦୁରିଂ ଜଞ୍ଜାର୍ ଜାଣାୟ କିୟାଡ଼ । ନା ହାଙ୍ଗ୍‌ଦି ଟଣ୍ଡାର୍ ମିଙ୍ଗେଙ୍ଗ୍ ଜଞ୍ଜାର୍ ଜାଣାୟ କିଦ୍‌ନାରା । ୨୨ ଇବେ ମାନି ଇସ୍‌ବ୍‌ତି ପୁଇପୁୟା ମାନାୟାର୍, ଝିଜାର୍ ବିସ୍ତ୍ରେ କାଈସର୍ ଇଞ୍ଜ ମାନାର୍, ସାଦୁର୍ ମିଙ୍ଗେଙ୍ଗ୍ ଜଞ୍ଜାର୍ କିନ୍ନାରା ।

୨୩ ମାପୁ ଜିସ୍ତ୍ରି କ୍ରିସ୍ତ୍ରି ଉପକାର୍ ମି ଜିବୁନ୍ ଝିଜାର୍ ଲାହାଙ୍ଗ୍ ଆଏଡ଼ ।

କଲସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି କଲସିୟ ବିସ୍ତେନି ପାଦେକ୍

କଲସିୟ ତାକେ ଲେକାତି ଆକି ଆନାତା ପାଉଲ୍ ଲେକିକିତି ଆକି ୧:୧ । ପାଉଲ୍‌ତି ଆତିସପା ଜିସୁ କ୍ରିସ୍ତୁତି ଜଲମ୍ ପାଚେ ଆଦିକ୍ ଆତିସ୍ ୭୦ ବାହୁଁ ରମ୍ଦ୍ ଜଇଲ୍ ମାନି ସମୁତ ହେଖାନ୍ ଇ ଆକି ଲେକିକିଜି ମାଚାନ୍ । କଲସିୟ ଆକି ଲାହାଂ ଏପିସିୟ ପିଲିପିୟ ଆକିତିଂ ଜଇଲ୍‌ନି ଆକି ଇଞ୍ଜି ଇନାର୍ । ଇନେକିଦେଂକି ପାଉଲ୍ ଜଇଲ୍‌ତ ମାନି ସମୁତ ଇ ଆକି ଲେକିକିଜି ମାଚାନ୍ । ହେଖାନ୍ କଲସିୟ ବସ୍ତିତ ମାନି ମଣ୍ଡଳି ଲାଗାଂ ଇ ଆକି ଲେକିକିଜି ମାଚାନ୍ ।

ପାଉଲ୍ ହେଖାନ୍ ଇ ମଣ୍ଡଳିତିଂ ଆରମ୍ କିଞ୍ଜାଦାଂ ମାଚାନ୍ ଇନାକାକି ୨:୧୧ ଲେକାତାତ୍‌ନା, ମତର୍ ବେସି ହେବେ ତା ଦାୟିତ୍ ମାନାକା କାତା ଏତୁ କିତାନ୍ନା । ଏପାପ୍ରସ ଇ ମଣ୍ଡଳି ରଚ୍ତି ମାଚାନ୍ ଲାଗିଂ ହେଖାନ୍ କଲସିୟ ମାନାୟ୍ ମାଚାନ୍ । ପାଉଲ୍ କଲସିୟ ମଣ୍ଡଳିତ କେତେକ୍ ମିର୍ ହିକ୍ୟା ବିସ୍ତେ ଚିନ୍ତା କିତାନ୍ । ହେଖାନ୍ ଇଦାଂ ବିସ୍ତେ ଆକି ଲେକିକିନି କାଜିଂ ବେସି ସମୁ ଲାଗାତାତ୍‌ନା । ଇବେ ଆତିସପା ଜିହୁଦି କ୍ରିସ୍ତୁୟାନ୍ ଇମ୍‌ଣାକାର୍ କି ବିନ୍ କ୍ରିସ୍ତୁୟାନ୍‌ରିଂ ପ୍ଲୁନି ନିୟମ୍ ଜିହୁଦି ବିଦିତିଂ ସମାନ୍ ବାବ୍ରେ ସୁନ୍ନତ୍ ବିଦି ପାଲି କିନି କାଜିଂ ଟାଟାୟ୍ କିଦେଂ ସେସ୍ତା କିଜି ମାଚାର୍ । ପାଉଲ୍ ସମାନ୍ ବାବ୍ରେ ଲଡା ହିଲ୍‌ଞ୍ଜି କ୍ରିସ୍ତୁୟାନ୍ ବିସ୍ତେ ଲେକିକିଜି ମାଚାନ୍, ଇନେର୍ ଆତିସପା କ୍ରିସ୍ତୁଙ୍କ୍ ପିସ୍ତି ଇସ୍‌ବର୍ ଲାଗାଂ ଇଟ୍ୟା ଆଉକ୍ ୧:୧୫-୨୦ ଆରି ମାନାୟ୍‌ତି ଜିକାଟାଣା ହୁକେ ରଚ୍ତି ହିକ୍ୟା ମଲ୍ ଆକାୟ୍ ୨:୮ ।

ପତି ବିଚ୍ଚେନି ରାହାଣ

- ୧. କଲସିୟ ମଣ୍ଡଳିନି ପାଉଲ୍‌ତି ବାନ୍ଦାୟ୍ ୧:୧-୨
- ୨. କ୍ରିସ୍ତୁତି ଗାଜା ଆରି ମିର୍ ହିକ୍ୟା ଜପି ପାଉଲ୍‌ତି ଜବାବ୍ ୧:୩-୩:୪
- ୩. ହାଦ୍ କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ପାଉଲ୍‌ତି ବଲ୍ ୩:୫-୪:୪
- ୪. ପାଉଲ୍ ଇ ଆକିତିଂ ବିନ୍ ମଣ୍ଡଳିତ ପା ପାଟ୍ ପଡିକିଦେଂ ଇଞ୍ଜି ବାନ୍ଦାୟ୍ ଜାଣାୟ୍‌କିଜି ଓହ୍‌ନାନା ୪:୭-୧୮

କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି

୧ ଇସ୍‌ବର୍ ଇଚା ଇସାବ୍‌ରେ କ୍ରିସ୍ତୁ ଜିସୁତି ରଞ୍ଜାନ୍ ପକ୍ୟାତାକାନ୍ ତେଲା ପାଉଲ୍ ଆରି ଟଣ୍ଡେନ୍ ତିମତି ୨ ତିମତି କଲସିତ ମାନି ସାଦୁ ଆରି କ୍ରିସ୍ତୁତି ତାକେ ପାଟ୍ କିନି ଟଣ୍ଡାର୍ ଲାଗାୟ୍ ଲେକିକିନାନା; ମା ଆବା ଇସ୍‌ବର୍‌ତାଂ ଉପକାର୍ ଆରି ସୁସ୍ତା ମି କାଜିଂ ଆୟେତ୍ ।

ଦନ୍ୟବାଦ୍ ପାର୍ତ୍ତାନା

୩ ଆପ୍ ମି କାଜିଂ ପାର୍ତ୍ତାନା କିନି ସମୁତ ମା କ୍ରିସ୍ତୁ ଜିସୁତି ଆବା ଇସ୍‌ବର୍‌ତିଂ ନିତ୍ରେ ଦନ୍ୟବାଦ୍ ହିନାପା । ୪ ଇନେକିଦେଂକି ଆପେଂ କ୍ରିସ୍ତୁ ଜିସୁତି ତାକେ ମି ପାଟ୍ ଆରି ଇସ୍‌ବର୍‌ତି ପୁଇପୁୟା ଓହ୍‌ର ମାନାୟାର୍ କାଜିଂ ମି ଜିଉନନାକା ବିସ୍ତେ ଖେଚାପ୍‌ନା । ୫ ଏଚେକାଡ୍‌ଦ୍ ନେକ୍ତିକାରୁର୍ ସଡ୍ କାରୁର୍ ମି ଲାଗାଂ ପର୍ତ୍ତମ୍ ଖାତାଡ୍, ଏପେଙ୍ଗ୍ ହେଦାଂ ହୁଦାଂ ହିଡ୍‌ତି ବାସ୍ କାତା ଖେନ୍‌ଞ୍ଜି ମାଚାଦେର୍ । ଏପେଙ୍ଗ୍ ଇନାକା ବାସ୍ କିନାଦେର୍, ଇନାକା ମି କାଜିଂ ସାଗେତ୍ ହାର୍‌ମାନାନ୍, ତା ଜପି ମି ପାଟ୍ ଆରି

ଜିଉନନାକା ମାନାଡ଼ । ୬ ଇମଣି ନେକ୍ରିକାରୁର୍ ପରତାର୍ କାଜିଂ ଏପେଙ୍ଗ ପର୍ତୁମ୍ ଇସ୍ବର ଉପକାର ବିସ୍ତେ ଖେଚାଦେର୍ ଆରି ଇଦାଂ ହାଡ଼ପା ଏଡୁ କିତାଦେର୍, ହେ ନେକ୍ରିକାରୁର୍ ନଙ୍ଗ ସବୁ ଜଗତ୍ତ ମେଙ୍ଗଜି ଲାବ୍ କିନାତା ଆରି ଆସିର୍ବାଦ୍ ରର୍ଯ୍ୟାତାଡ଼ । ୭ ମା ପାକ୍ୟାତାଂ କ୍ରିସ୍ତୁତି ପାତର୍ କିନି ହେବାକାର୍ଯ୍ୟା ଆରି ମା ଖାରିନି ହାଙ୍ଗଦାକାନ ଏପାପ୍ରାଙ୍ଗତାଂ ଏପେଙ୍ଗ ଇସ୍ବରତି ଇ ଉପକାର ବିସ୍ତେ ଜାଣାୟ୍ କିୟାତାଦେଣ୍ଟା । ୮ ପୁଇପୁୟା ଜିବୁନ୍ତ ମି ହିଜିମାଞ୍ଜି ଜିଉନନାକା ବିସ୍ତେ ମାଙ୍ଗେଙ୍ଗ ଖେଚାତାନନା ।

୯ ଇ କାର୍ଣତାଂ ମି ବିସ୍ତେ ଖେନି ସମୁତାଂ ଆପେଂ ସବୁଖେଡ଼ାଙ୍ଗ୍ ମି କାଜିଂ ପାର୍ତାନା କିନାପା । ପୁଇପୁୟା ଜିବୁନ୍ ହିଡ଼ତି ଖିଜୁ ଗିଆନ୍ ବୁଜାନ ଆମିକ୍ ସାକ୍ତି ହୁକେ ଇସ୍ବରତି ଇଚା ପୁରା ଲାକେ ଏପେଙ୍ଗ ଇନେସ୍ ପୁଞ୍ଜେଙ୍ଗ୍ ଆଡନାଦେର୍, ଇଦାଂ ମି କାଜିଂ ଆପେଂ ପାର୍ତାନା କିନାପା । ୧୦ ତା ଆତିସ୍, ଏପେଙ୍ଗ୍ ମାପୁତି ଇଚା ଲାକେ ଜିବୁନ୍ ଜିପକା କିଦେଙ୍ଗ୍ ଆଡନାଦେର୍ ଆରି ତା ସାରିଆନି କାମାୟ୍ କିଦେଙ୍ଗ୍ ଆଡନାଦେର୍ । ଏପେଙ୍ଗ୍ ଜିବୁନ୍ତ ସବୁ ବାନି ହାର୍ଦି କାମାୟ୍ କିଦେଙ୍ଗ୍ ଆଡନାଦେର୍ ଆରି ଇସ୍ବରତି ବିସ୍ତେ ମି ଗିୟାନ୍ ବାତାନାଡ଼ । ୧୧ ଲାଗିଂ ସବୁ ବିସ୍ତେ ସାସି ଆରି ହୁଦାର୍ ଆଦେଂ କାଜିଂ ହେଖାନ୍ତି ଜାଜ୍ମାଲ୍ଲିନି ସାକ୍ତିକାଟାକାନ ଇସାବରେ ଖିଜୁ ସାକ୍ତିତ ସାକ୍ତିକାଟାକାଦେର୍ ଆଡ, ୧୨ ଆବା ଇସ୍ବର ରାଜିତ ତା ପୁଇପୁୟା ମାନାୟାରିଂ କାଜିଂ ଇନାକା ରୁଣ୍ଡାୟ୍ କିତାଣ୍ଟା, ତା ମେହାଆନି କାଜିଂ ହେଖାନ୍ ଜେ ମିଙ୍ଗ୍ ବାଟି କିଡ଼ତାନନା, ଇଦାଂ କାଜିଂ ଖାରିତାଂ ତାଙ୍ଗେଙ୍ଗ୍ ଦନ୍ୟବାଦ୍ ହିୟାର୍ । ୧୩ ହେଖାନ୍ ମାଜ୍ଗାନି ଆଦିକାର୍ତାଂ ମାଙ୍ଗେଙ୍ଗ୍ ରାକ୍ୟା କିତାନନା ଆରି ଆପଡ଼ ହିଲ୍ଲଖାକା ମାଙ୍ଗେଙ୍ଗ୍ ଜିଉନନି ମାଜିଡ଼ି ରାଜିତ ତାଈଖାତାନ୍ନା । ୧୪ ହେ ମାଜି କାଜିଂ ଆପେଂ ମୁକ୍ତାତାପନ୍ନା, ଇତିସ୍ ମା ପାପ୍ କେମା ଆତାଡ଼ନ୍ନା ।

କ୍ରିସ୍ତୁ ଆରି ତା କାମାୟ୍

୧୫ କ୍ରିସ୍ତୁ ହୁଡ଼଼ି ଇସ୍ବତର୍ ହୁଡ଼ନି ଜାତିମୁତର୍ । ହେଖାନ୍ ପର୍ତୁମ୍ ଉବ୍ଜାତି ମାଜି ଆରି ଖିଜୁ ଉବ୍ଜାଣ୍ ଆନି ବିସ୍ତେତାଂ ମୁଡ଼ଦାକାନ । ୧୬ ଇନାକିଦେଂକି ହୁଡ଼ନାକା ଆରି ହୁଡ଼଼ାକା, ସାରୋନି ଖିଜୁ ବିସ୍ତେ ହେଖାନ୍ ହୁକେ ଉବ୍ଜା ଆତାଡ଼, ଗାଦି କି ସାସନ୍ କିନାକାନ କି ଆଦିକାର୍ କି ମୁଣିକା, ଖିଜାର୍ ହେଖାନ୍ ହୁକେ ଆରି ହେଖାନ୍ କାଜିଂ ଉବ୍ଜା ଆତାଡ଼ନ୍ନା । ୧୭ ଖିଜୁ ବିସ୍ତେ ଉବ୍ଜାଣ୍ ଆନି ଆଗେ କ୍ରିସ୍ତୁ ମାନାନ୍ ଆରି ହେଖାନ୍ ତା ଲାହାଂ ମେହାନି କାଜିଂ ଖିଜୁ ବିସ୍ତେନି ଗାଟିମୁଟି ମାନାଡ଼ । ୧୮ ହେଖାନ୍ ତା ହେବା କିନାକାର୍ ମଣ୍ଡଲି ଲାକେ ଗାଗାଡ଼ନି କାପଡ଼ା; ହେ ଗାଗାଡ଼ନି ହେଖାନ୍ ଜିବୁନ୍ ସାକ୍ତି । ଖିଜୁ ବିସ୍ତେ ପର୍ତୁମ୍ ବାହା ପାୟାନି କାଜିଂ ହେଖାନ୍ ହାକିତାଂ ପର୍ତୁମ୍ ଆରେ ନିଙ୍ଗତାନ୍ନା । ୧୯ ଇନାକିଦେଂକି ଇସ୍ବର ଇଚା ଇସାବ୍ରେ ମାଜି ନିଜେ ଇସ୍ବରତି ବାତର୍ ଗୁଣ୍ଲାକେ କିତାନନା । ୨୦ ମାଜି ହୁକେ ଇସ୍ବର ଖିଜୁ ପୁତର୍ତିଂ ଜାର୍ ଲାଗାଂ ଲେଉଟାୟ୍ କିଜି ତାଈଖାନି କାଜିଂ ତିର୍ କିତାନ । କୁସ୍ତ ତା ମାଜିଡ଼ି ନେତେର୍ ହୁକେ ଇସ୍ବର ସୁସ୍ତା ରଚ୍ଚନାନ୍ ଆରି ପୁତର୍ ଆରି ସାରୋତ ମାନି ଖିଜୁ ବିସ୍ତେ ଜାର୍ ଲାଗାଂ ମେହାୟ୍କିଜି ତାଈଖାତାନ୍ନା ।

୨୧ ର ସମୁତ ବାନ୍ୟା ମାନ୍ ଆରି ବାନ୍ୟା କାମାୟ୍ କିଜି ମାନି ଇସ୍ବରତାଂ ଏପେଙ୍ଗ୍ ଦେହା ମାଚାଦେର୍ ଆରି ହେଖାନ୍ତି ସାତୁ ମାଚାଦେର୍, ୨୨ ମାଚର୍ ନଙ୍ଗୟ୍ ଇସ୍ବର ମିଙ୍ଗ୍ ପୁଇପୁୟା, ବାତର୍ ଆରି ଦସିହିଲ୍ଲଖାଦାଂ ଲାକେ ତା ମୁମ୍ଦ ତାଈଖାନି କାଜିଂ ତା ମାଜିଂ ଗାଗାଡ଼ନି ହାକି କାଜିଂ ମିଙ୍ଗେଙ୍ଗ୍ ଜାର୍ ଲାହାଙ୍ଗ୍ ଆରେ ମେହାୟ୍ କିତାନ୍ନା । ୨୩ ଏପେଙ୍ଗ୍ ର ତାଟ୍ ଆରି ହାଡ଼ପା କୁନାଦି ଜପି ଖିସ୍ତି ରଚ୍ଚୟାଜି ମାନାଟ୍ ଆରି

* ୧:୧୪ ୧:୧୪ ଏପିସିୟ ୧:୭. * ୧:୧୮ ୧:୧୮ ଏପିସିୟ ୧:୨୨,୨୩. * ୧:୨୦ ୧:୨୦ ଏପିସିୟ ୨:୧୭.

ନେକ୍ରିକାରୁର ଖେନି ସମୁତ ଇମଣି ବାସି ଲାବ କିଜି ମାତାଦେର, ହେବେଶ୍ଟା ଏନେତେନେ ଆନି କାଜି ପାବ ହିମାଟ୍ । ହେ ନେକ୍ରିକାରୁର ନେ ଆକାସନି ଓଜାର ଲାଗା ପରଚାର ଆନାତା ଆରି ଆନ୍ ପାଉଲ, ହେଖାନ୍ତି ରଖାଙ୍ ପାତ କିନାକା ହେବାକାରୟା ।

ମଣ୍ଡଲିତ ପାଉଲଟି କାମାୟ

୨୪ ଆନ୍ ମି କାଜି ଇମଣି ସବୁ ଦୁକ୍‌ବଗ୍ କିନାଙ୍ଗା, ହେବେ ନଙ୍ ଖାରି କିନାଙ୍ଗା, ଆରେ କ୍ରିସ୍ତ ଇମଣି ଦୁକ୍‌ବଗ୍ ବାକି ମାନାଡ୍, ହେଦା ଆନ୍ ହେଖାନ୍ତି ଗାଗାଡ୍‌ନି ଲାଗଦି ମଣ୍ଡଲି କାଜି ନା ଗାଗାଡ୍‌ତ ବାତ କିନାଙ୍ଗା; ୨୫ ଇସ୍‌ବର ନାଙ୍‌ଙ୍ ଇମଣି ହେବାକାରୟା ପାଦ ମି କାଜି ହିଡ୍‌ତାନା, ହେ ଇସାପ୍ରେ ଆନ୍ ହେ ମଣ୍ଡଲିନି ରଖାଙ୍ ହେବାକାରୟା ଆତା'ନା, ଇନେସ୍ ଆନ୍ ଇସ୍‌ବର ବଚନ୍ ପୁରା ସୁଣାୟକିଦେ ଆଡ୍‌ନା । ୨୬ ହେ ଡ଼ଲ୍‌କା ଆଗେନି ସମୁ ଆରି ଆଗେନି ଆକର୍ ଦାଦିରତା ଡ଼ଗୁଜି ମାତାଡ୍, ମାତର୍ ନଙ୍ ହେଖାନ୍ତି ସାଦୁର ଲାଗା ହତାଡ୍‌ନା । ୨୭ ପାତ କିଓ ଜିହୁଦିର୍ ବିତ୍ରେ ହେ ହାଦ କାତାନି ଜାଜ୍‌ମାଲ୍ ଲାଗଦି ଦାନ୍ ଜେ ଇନାକା, ହେଦା ଇସ୍‌ବର ଜାର ସାଦୁର ବିତ୍ରେ ଚଞ୍ଚୟା ଆଦେ ଇଚା କିତାନ୍; ହେ ହାଦ କାତା ଇଦା, ମି ବିତ୍ରେ କ୍ରିସ୍ତ ହେଖାନ୍ ଜାଜ୍‌ମାଲ୍‌ନି ବାସି ଲାକେ; ୨୮ ଇଦା କାଜି ଆପେ ଓଜାର ଲାଗା କ୍ରିସ୍ତ ପରଚାର କିନାପା । ଓଜାର କ୍ରିସ୍ତ ଲାହା ମେହାଜି ର ପୁରାବାତ ମାନାୟ ଲାକେ ଇସ୍‌ବର ମୁମ୍‌ଦ କୁଟିକିନି କାଜି, ମା ଓଜୁ ବୁଦି ଗିଆନ୍ ଚାଲାୟ କିଜି, ଓଜାରି ଚେଡ୍‌ନା ଆରି ହିକ୍ୟା ହିନାପା । ୨୯ ଇଦିଲି ଜିଦ୍ କିନି କାଜି ନା ତାକେ କାମାୟ କିଜିମାନି କ୍ରିସ୍ତ ହିଡ୍‌ତି ଜବର୍ ସାକ୍ତିତ ବେବାର କିଜି ଆନ୍ ହାଜିରିଜି ସେସ୍‌ଆରି କସ୍ କିନାଙ୍ଗା ।

୨

୧ ମି କାଜି, ଲାଅଦିକିଆନିକାର୍ ଆରି ନା ଜାରତି କାଜି ଚିନ୍‌କିଝାଦା ମାଟିକ୍ ଓଜାର ମାନାୟାର କାଜି ଆନ୍ ଜେ ଏଚେକ୍ ବେସି କସ୍ କିନାଙ୍ଗା, ହେଦା ଏପେଙ୍ ପୁନାଟ୍ ଇଞ୍ଜି ନା ଇଚା । ୨ ଏପେଙ୍ ଓଜାଦେର୍ ଇନେସ୍ ହେଖାନ୍ତି ଝାସ୍ ଝାରିୟା ଆନାଦେର୍ ହାରି ଲାହା ଜିଉନନିତ ରବେ ମାନାଦେର୍, ଆରି ହାଡ୍‌ପାନେ ଗିଆନ୍ ଲାବ କିଜି ହାଡ୍‌ପା ବାସି ଲାକେ ପୁରା ସମ୍‌ତିନି ଆଦିକାରି ଆନାଦେର୍, ଇଦା ନା ଇଟ୍‌କାଡ୍ । ଇଦା ହୁକେ ଏପ୍ ପୁନାଦେର୍ ଜେ, ଜିସ୍ତ କ୍ରିସ୍ତେନେ ଇସ୍‌ବରତି ହେ ଡ଼ଲ୍‌ବଚନ୍ । ୩ ଜିସ୍ତ କ୍ରିସ୍ତ ଆନାନା ହେ କୁଟି କାଡି, ଇନାକା ଇସ୍‌ବରତି ବୁଦି ଆରି ଗିୟାନ୍ ଲାକେ ଓଜୁ ଡ଼ଲ୍‌ ଦାନ୍ ସମ୍‌ତିନି ଗାଦ୍ୟା ଜେସି ହିଦ୍‌ନାନ୍ ।

୪ ଇନେର୍ ମି ଇନେସ୍ ଇନି ଚାଲାକିତା ବୁଲାୟ କିଦ୍‌ମେର୍, ହେଦା କାଜି ଆନ୍ ଇଦା ଇଞ୍ଜନାଙ୍ । ୫ ଇନାକିଦେକି ଆଡିସ୍‌ପା ଆନ୍ ଗାଗାଡ୍‌ତ ଝାଝାଦାଙ୍ ମାଟିସ୍‌ପା, ଜିବୁନ୍ ବାବ୍ରେ ଆନ୍ ମି ଲାହା ମାନାଙ୍ । କ୍ରିସ୍ତ ଜପି ତାଟ୍ ପାତ ଇଡ୍‌ଜି ଏପେଙ୍ ଇନେସ୍ ହାସ୍‌ସ୍‌ୟା ଆତାନ୍, ହେଦା ହୁଡ୍‌ଜି ଆନ୍ ଖାରି ।

କ୍ରିସ୍ତାକେ ଜିବୁନ୍

୬ ଇନେସ୍‌କି ଏପେଙ୍ କ୍ରିସ୍ତ ଜିସ୍ତ ମାପୁ ଲାକେ ଇଡ୍‌ତାଦେର୍ଣ୍ଣା, ତା ଲାହାଙ୍ ମେହାଜି ଜିବୁନ୍ ଜିପକା କିୟାଟ୍ । ୭ ମିଦା ମୁଡ୍‌କ୍‌ନାଦି ତା ଜପି ଆଟ୍‌ଝା ଲାକେ ରଡ୍‌ତି ଜିବୁନ୍ ରଚାଟ୍ ଆରି ଏପେଙ୍ ଗାଟାତି ହିକ୍ୟା ଇସାବ୍ରେ ପାତ ଉ ଆଦିକ୍ ବାଡ୍‌କାସ୍ ଆତ । ମି ଜିବୁନ୍ ପାତ ପୁରା ଆଏଡ୍ ।

୮ ଜାଗ୍ରଡ୍, ଇନେର୍ ଇନେସ୍ ମି ମାନାୟାନ୍ତି ଅରଡ୍ ହିଲ୍‌ଓ ଆହାର୍ ଗିଆନ୍ ହୁକେ ତଲ୍ୟା କିଦୁଡ୍ । ହେ ସବୁ ପଲ୍ୟା ଗିୟାନ୍ କ୍ରିସ୍ତ ହିକ୍ୟାତା ଝାଝାଦା ମାନ୍‌ଗାନାଡ୍ । ହେଦା ମାନାୟ କୁଟୁମ୍‌ନି ଚାଲାଆଜି ଝାଜି ମାନି ହିକ୍ୟା ଆରି ପୁତ ଜପି କାମାୟ

କିଛି ମାନି ହାୟାୟକିନି ସାକ୍ତିନି ହିକ୍ୟାନି ପାଡ଼ । ୯ କେବଲ୍ ନାର୍ ଲାକେ କ୍ରିଷ୍ଟି ତାକେ ଇସ୍ପରତି ଜାତିମୁତ ପୁରାବାତ ମାନାଡ଼ । ୧୦ ହେଝାନ ଲାହାଂ ମେହାଣ୍ ମାନି କାଜିଂ ଏପ୍ ଜିବୁନ୍ ପୁରା ଲାବ୍ କିଦେଙ୍ଗ୍ ଆଡ଼ନାଦେର୍ । ବିନ୍ ଝିଜୁ ସାକ୍ତି ଆରି ଆଦିକାରି ଜପି କ୍ରିଷ୍ଟି ରାଜ୍ ନେ ମୁଡ଼ଦାକା ।

୧୧ କ୍ରିଷ୍ଟି ଲାହାଂ ମେହାତି ଜିବନ୍ ନେ ମି ସୁନ୍ନଡ଼ ଲାକେ । ଇ ସୁନ୍ନଡ଼ ମାନାୟ୍ କିତାକା ଆକାୟ୍, ହେଦାଂ କ୍ରିଷ୍ଟି ଲାହାଂ ପୁରା ଆତାକା । ହେଦାଂ ମାନାୟ୍ତିଂ ପାପ୍ ବାତ ଝିଜୁ ଗାଗାଡ଼ ମୁକ୍ତାୟ୍ କିନାଡ଼ । ୧୨ *ଇନେକିଦେଂ କି ବାପ୍ତିସିମତ ଅନି ହୁଦାଂ ଏପେଙ୍ଗ୍ କ୍ରିଷ୍ଟି ଲାହାଂ ମୁରିୟା ଆଜି ମାଗାଦେର୍ ଆରି ଜିସୁ କ୍ରିଷ୍ଟିଂ ଆରେ ନିକ୍ନାକା ଇସ୍ପରତି ଜାରତି କାମାୟ୍ ସାକ୍ତିତ ପାତ କିନି ହୁକେ କ୍ରିଷ୍ଟି ଲାହାଂ ଏପେଙ୍ଗ୍ ପା ଆରେ ନିଂତାଦେଣ୍ଟା । ୧୩ *ମି ପାପ୍ ଆରି ଗାଗାଡ଼ ଆହା କାଜିଂ ଆରି ଏପେଙ୍ଗ୍ ବିଦିତ ବିନେ ଆଜି ପାତ କିଝି ଜିହୁଦି ମାରିଲେ ଦିନେକ୍ ଏପେଙ୍ଗ୍ ମାପୁ ଗିଆନ୍ତ ହାଜି ମାଗାଦେର୍; ମାତର୍ ଇସ୍ପର ନଂ କ୍ରିଷ୍ଟି ଲାହାଂ ମିଂ ହାର୍ କିଜି ଇଡ଼ତାନ୍ନା । ଇସ୍ପର ମା ଝିଜୁ ପାପ୍ କେମା କିଦନାନ୍ । ୧୪ *ହେଝାନ ମା ବିରୁଦ୍ଦତ ମାନାକା ବିଦି ଦାବାଆକି ଆରି ଇଦାଂ ବିଦିବିଦାଣିତି କୁସ୍ତ ନାସକିଜି ମାଙ୍ଗ୍ତାଂ ଦେହା କିତାନ୍ନା । ୧୫ ଆରେ ହେ କୁସ୍ ଜପି କ୍ରିଷ୍ଟି ଝିଜୁ ବାନି ସାକ୍ତି ଆରି ଆଦିକାରି ଜାରତିଂ ମୁକ୍ତାୟ୍ କିତାନ୍ନା ଆରି ହେଝାରିଂ ବନ୍ଦି କିଜି ଜାର୍ ବିସ୍ତେ ହାର୍ ହାନିତ ଝିଜାକାର୍ ମୁମ୍ଦ ହେଝାରିଂ ଗ୍ଲାୟ୍ତାନ୍ନା ।

ମାନାୟ୍ ରଚ୍ଚି ନିୟମକାଂ ମାନିକିମାଟ୍

୧୬ *ଲାଗିଂ, ଇନେର୍ ତିନାଉଣା କି ପୁଇପୁୟା ନାଞ୍ଜିଙ୍ଗ୍ କି ଉଆଁସ୍ ପାର୍ବୁ, କି ଜମ୍ନିବାର୍ ବିସ୍ତେ ଇମ୍ନାକାପା ବିଚାର୍ ଜାଲ୍ଦି କିମେନ୍ । ୧୭ ହେ ସବୁ କେବଲ୍ ଝାନି ଦିନ୍ନି ଗିଟାନି ବିସ୍ତେନି ତ୍ରିଗା ଲାକେ ମତର୍, କ୍ରିଷ୍ଟିନେ ଝିଜୁ ହାଡ଼ପାନି ଝିଜେନିକା । ୧୮ ଆରେ ଇମ୍ନାକାର୍ ଦାମ୍ ଆରି ଦୁଡ଼ର୍ ପୁଜାତ ହାର୍ ପାୟାଜି କ୍ଲେଞ୍ଜକଣ୍ ହୁଡ଼ଜି ମାନି ବିସ୍ତେନିକିଂ ଦାସ୍ତି ଆରି ଜାର୍ ସଁସାର୍ନି ମାନାୟ୍ ମାନ୍ ହୁକେ ପଲ୍ୟା ଗାବ୍ ଆଜି କାପ୍ତା ଲାକେ ଇନେନ୍ କ୍ରିଷ୍ଟି ହେଝାନିଂ ଆହ୍ଝାଦାଂ ଇନାମତାଂ ମିଙ୍ଗେଙ୍ଗ୍ ବାତାୟ୍ କିଦମେଡ଼; ୧୯ *ଗାଗାଡ଼ନି କାପ୍ତା ଲାକେ କ୍ରିଷ୍ଟି ତାଂ ହେଝାର୍ ଏଡ଼ା ଆତାଣ୍ଟା । ତା ବଲ୍ଦାଂ କେଇଗାଲ୍କୁ ହାୟ୍ଣି ଆରି ଚିରାଂ ହୁକେ ହାରି ଲାହାଂ ମିହାଜି ପୁରା ସାକ୍ତି ଆନାଡ଼ ଆରି ଗାଗାଡ଼ ଇସ୍ପରତି ଇଚା ଇସାପ୍ତେ ବାତା ଆନାଡ଼ ।

କ୍ରିଷ୍ଟି ଲାହାଂ ହାନାସ୍ ଆରି ଜିନାସ୍

୨୦ ଏପେଙ୍ଗ୍ କ୍ରିଷ୍ଟି ଲାହାଙ୍ଗ୍ ହାତାଦେଣ୍ଟା ଇ ପୁତ ଜପି ରାଜକିନି ସାକ୍ତିତାଂ ମୁକ୍ତି ଲାବ୍ କିତାଂନା । ମାନାୟ୍ ଲାକେ ଜିବୁନ୍ କାଟିକିନାଦେରା ? ଇନେକିଦେଂ ଏପେଙ୍ଗ୍ ଏଲେଙ୍ଗ୍ବାତ ନିୟମିକାଂ ମାନି କିନାଦେରା । ୨୧ “ଇଦାଂ ଆହ୍ମାଟ୍, ହେଦାଂ ତିନ୍ମାଟ୍, ହେଦାଂ ତୁମାଟ୍ ?” ୨୨ ଇ ସବୁ ବିସ୍ତେ ଚାନେକ୍ନିକା । ଇଦାଂ ବେବାର୍ ଆନି ସାଙ୍ଗେ ସାଙ୍ଗେ ମଲ୍ହିଲ୍ଝାକା ଆଜି ହାନାଡ଼ । ଇଝାଙ୍ଗ୍ କେବଲ୍ ମାନାୟ୍ ରଚ୍ଚି ନିୟମ୍ ଆରି ହିକ୍ୟା । ୨୩ ନିଜେ ସାର୍ଗେଦୁଡ଼ ପୁଜା, ମିଡ଼ ହୁଦାର୍ ଆରି ଜାତ ବାଦା ହିନାକା କାଜିଂ କିୟ୍କିଦେଂ ଇ ସବୁ ନିୟମ୍ ବେସି ଗିଆନ୍ତ ରଚ୍ଚାକା ଇଞ୍ଜି ବାବି କିନାନ୍, ମାତର୍ ଗାଗାଡ଼ କାମାୟ୍ତିଂ ମେହାୟ୍ କିଦେଙ୍ଗ୍ ଆଡ଼ଝାକା ।

* ୨:୧୨ ୨:୧୨ ରମିୟ ୬:୪. * ୨:୧୩ ୨:୧୩ ଏପିସିୟ ୨:୧-୫. * ୨:୧୪ ୨:୧୪ ଏପିସିୟ ୨:୧୫.
* ୨:୧୬ ୨:୧୬ ରମିୟ ୧୪:୧-୬. * ୨:୧୯ ୨:୧୯ ଏପିସିୟ ୪:୧୭.

୩

୧ ଏପେଙ୍ଗ ଏଚେକାଡ଼ଦ କ୍ରିଷ୍ଟି ଲାହାଙ୍ଗ ହାକିତାଂ ନିଂତାଦେଣ୍ଡା । ଲାଗିଂ ସାଗେନି ବିସ୍ତେତିଂ ମାନଦ୍ୟାନ କିୟାଟ୍, ଇନେକିଦେଂକି କ୍ରିଷ୍ଟି ସାଗେତ ଇସ୍ତତ୍ ଚୁଣି ବାଗାଙ୍ଗ କୁଚାନ୍ନା । ୨ ପୁତ୍ରିଂ ବିସ୍ତେ ଆହା କିଞ୍ଚାଦାଂ ସାଗେ ବିସ୍ତେ ଚିନ୍ତା କିୟାଟ୍ । ୩ ଇନାକିଦେଂକି ଏପେଙ୍ଗ ହାତାଦେଣ୍ଡା, କ୍ରିଷ୍ଟି ଲାହାଂ ମି ଜିରୁନ୍ ଇସ୍ତତ୍ ତାକେ କ୍ରିଷ୍ଟି ଲାହାଙ୍ଗ ତୁଲ୍ଲାତାଡନା । ୪ ମା ଜିରୁନ୍ ଲାକେ ଜେ କ୍ରିଷ୍ଟି, ଏଚେକାଡ଼ଦ ହେଞ୍ଚାନ୍ ଚଞ୍ଚୟା ଆନାନ୍, ହେ ପାଦନା ଏପେଙ୍ଗ ପା ହେଞ୍ଚାନ୍ ଲାହାଙ୍ଗ ଜାଜମାଲତ ଚଞ୍ଚୟା ଆନାଦେର୍ ।

ପୁନାକା ଆରି ପୁନି ଜିରୁନ୍

୫ ଲାଗିଂ, ମିଦାଙ୍ଗ ଗାଗାଡ଼ନି କେଇଗାଲନି ବାନ୍ୟା ଚିନ୍ତା ଇଚିସ୍ ଦାରି, ବିଟାଡ଼, ପୁତ୍ରିଂ କାମାୟ, ବାନ୍ୟା ଆହା, ଆରେ ପୁତ୍ତା ପୁଜାଲାକେ ଲାବ୍ଡି, ଇ ସବୁ କାଜିଂ ହାତ; ୬ ଇ ସବୁ କାଜିଂ ମୁନ୍ଜି ମାନଜି ଇମଣାକାର ଇସ୍ତରତି ମାନିକିଡର୍, ହେଞ୍ଚାର ଜପି ଇସ୍ତର ରିସା ଆରନାଡ଼ । ୭ ଦିନେକ୍ ଏପେଙ୍ଗ ଇସବୁ ବାନ୍ୟା ଆହା ମେହାଜି ଜିରୁନ୍ ଜିପକା କିଜି ମାତାଦେର୍ ।

୮ ମାତର ନଙ୍ଗୟ ଏପେଙ୍ଗ ପା ଇ ସବୁ ବିସ୍ତେ, ଇଚିସ୍ ରିସା, ମୁକ୍ ଆ, ଆକ୍ରିୟା, ନିନ୍ୟା, ଝେଇଦାଂ ବଟାୟ ବଚନ୍ ଇ ସବୁ ପିହାଟ୍ । ୯ ହାରିତିଂ ମିଚ୍ ଇନ୍ମାଟ୍; ଇନେକିଦେଂକି ଏପେଙ୍ଗ ତ ପୁନି ବାଦନା ଆରି ତା ବେବାର କିମାଟ୍ । ୧୦ ହେବେନି ଝିଜୁ କାମାୟ ପିସ୍ତି ପୁନି ଆଗାର ବେବାର ଉସ୍ତାଦେଣ୍ଡା । ହେ ପୁନି ଆଗାର ବେବାର ଜାର ଉବ୍ଜାୟ କିତି ମୁଣିକାତି ଜାତିମୁତ୍ ଇସାବ୍ରେ ପୁରା ଗିଆନ୍ ପାୟାନି କାଜିଂ ପୁନାକାଦେର୍ ଆନାଦେରା । ୧୧ ଇ ଲାକେ ବାହାତ ଗ୍ରିକ୍ ଆରି ଜିହୁଦି ଆରି ପାତ୍ କିଞ୍ଚି ଜିହୁଦି, ସୁନ୍ନଡ଼ ଆରି ସୁନ୍ନଡ଼ ଆଞ୍ଚାତାକାର, ଲେକାରାଜ୍ୟା, ସ୍ୱାଟ୍ରିୟ, ଆଡ଼ିଏନ୍, ମାନ୍ଇଚାଲଗ୍, ଇଞ୍ଚାର ବିତ୍ରେ ଅଲପ୍ପା ଆଲ୍ଗା ହିଲେଡ଼, ମତର୍ କ୍ରିଷ୍ଟି ସବୁତ ସବୁ ଆନାନ୍, ଆରେ ଝିଜାକାର ତାକେ ବାହା କିନାନ୍ ।

୧୨ ଏପେଙ୍ଗ ଇସ୍ତରତି ଲକୁ । ହେଞ୍ଚାନ୍ ମିଙ୍ଗେଙ୍ଗ ଜିଉନନାକା ନିଜାର ପୁଇପୁୟା ଲକୁ କାଜିଂ ବାଚିକିୟାତାନ୍ନା । ଲାଗିଂ ଏପେଙ୍ଗ ମାନ୍, ଦୟା, ହୁଦାର, ସୁସାର ଆରି ସାସ୍ ଲାକେ ହେନ୍ଦା ଉସ୍ପାଟ୍ । ୧୩ ହାରି କାଜିଂ ହୁଞ୍ଚନାକାଦେର୍ ଆଡ଼, ଆରେ ଜଦି ଇନେର୍ ଇନେର୍ ବିରୁଦ୍ ତ ଇମଣି କାତା ମାଚିସ୍, ତେବେ ରଞ୍ଚାନ୍ ଆରେରଞ୍ଚାନିଙ୍ଗ କେମା କିୟାଟ୍; ମାପୁ ଇନେସ୍ ମିଙ୍ଗେଙ୍ଗ କେମା କିଡ଼ତାନ୍ନା, ଏପେଙ୍ଗ ପା ହେ ଲାକେ କିୟାଟ୍ । ୧୪ ଆରେ, ଇ ଝିଜୁ ଗୁଣ୍ ଲାହାଂ ଜିଉତିଂ ମେହାୟ କିୟାଟ୍ । ଜିଉନନାକା ଝିଜୁ ବିସ୍ତେତିଂ ବାତ୍ କିଜି ରବେ କିନାଡ଼ । ୧୫ ଆରେ, କ୍ରିଷ୍ଟି ହିତି ଇମଣି ସୁସ୍ତା ବଗ୍ କିନି କାଜିଂ ଏପେଙ୍ଗ ର ଗାଗାଡ଼ ଲାକେ କୁକ୍ୟା ଆତାଦେଣ୍ଡା, ହେଦାଂ ମି ଝାସ୍ତିତ ବାହା କିୟେଡ଼; ଆରେ ଏପେଙ୍ଗ ସବୁନାଜିଂ ଦନ୍ୟବାଦ୍ ହିୟାଟ୍ । ୧୬ କ୍ରିଷ୍ଟି ବଚନ୍ ବେସି ବାବ୍ରେ ମି ଝାସ୍ତିତ ବାହା କିଏଡ଼; ଏପେଙ୍ଗ ହାରିତିଂ ପୁରା ଗିୟାନ୍ ହୁଦାଂ ହିକ୍ୟା ଆରି ଚେଡ଼ନା ହିୟାଟ୍, ଆରେ ଇସ୍ତର କାଜିଂ କେକର୍ଣା, ମାଣି ଆରି ଜିରୁନ୍ନି ନାୟ୍ ହୁଦାଂ ଜୁଞ୍ଚାର ହୁଦାଂ କେରାଟ୍ । ୧୭ ଆରେ, ବଚନ୍ କି କାମାୟତ ଏପେଙ୍ଗ ଇନାକା କିୟାଟ୍, ହେଞ୍ଚାନ୍ ଝିଜୁ ମାପୁ ଜିସୁ ତରଦାଂ କିଜି ହେଞ୍ଚାନ୍ତି ହୁଦାଂ ଆବା ଇସ୍ତରତିଂ ଦନ୍ୟବାଦ୍ କିୟାଟ୍ ।

ପୁନି ଜିରୁନ୍ତ ଜାରତି ଜାଣାଚିନା

☆ ୩:୯ ୩:୯ ଏପିସିୟ ୪:୨୨. ☆ ୩:୧୦ ୩:୧୦ ଏପିସିୟ ୪:୨୪. ☆ ୩:୧୨ ୩:୧୨ ଏପିସିୟ ୪:୨. ☆ ୩:୧୩ ୩:୧୩ ଏପିସିୟ ୪:୩୨. ☆ ୩:୧୬ ୩:୧୬ ଏପିସିୟ ୫:୧୯, ୨୦.

୧୮ *ଏ କଗଲେକାଦେର୍, ମାପୁତି ମେହାଣ୍ଡ ସମାନ ବେବାର ଲାକେ ଜାର୍ ଜାର୍ ଆଣ୍ଡାକାଂ ତଲ୍ୟା ଆତୁ ।

୧୯ *ହେ ଆଣ୍ଡାକାଦେର୍, ଜାର୍ ଜାର୍ କଗଲେକାଂ ଜିଉନଂଝାଟ୍, ହେଝେକ୍ ହୁଦାଂ ବାଦିକିନି ଲାକେ ଚିନ୍ତା କିମାଟ୍ ।

୨୦ *ଏ ହିମ୍‌ଶାଙ୍ଗ୍, ନିତ୍ରେ ମି ଆବା ଆୟା ତଲ୍ୟା ଆତୁ । ଇଦାଂ ମି କ୍ରିସ୍ଟିୟାନ୍ କାମାୟ୍, ଇନେକିଦେଂକି ଇବେ ଇସ୍‌ସର୍ ସାରି ଆନାନ୍ ।

୨୧ *ଏ ଆବା ଆୟାକାଦେର୍, ଜାର୍ ଜାର୍ ହିମ୍‌ଶାକାଂ ରିସା କିମାଟ୍, ଇନେସ୍‌କି ହେଝାର୍ ଝାରିକିୟା ଆମେର୍ ।

୨୨ *ଏ କଡ଼କାଆଡ଼ିୟାର୍, ସବୁ ବିସ୍ତେ ମି ମାନାୟାରିଂ ବଲ୍ ମାନିକିୟାଟ୍ । କେବଲ୍ ହେଝାର୍ ମି ଜପି କାଣ୍ଡକୁଇଡ଼ନି ମାନ୍ତି ଝାଡ଼ାଲିଂ ହେଝାରିଂ ସାରି କିନି କାଜିଂ ଆକାୟ୍, ମାତର୍ ମାପୁତି କାଜିଂ ମିଦାଂ ପାଣ୍ଡୁ କାଜିଂ ହୁଦାର୍ ମାନ୍ତି ଇଦାଂ କିୟାଟ୍ । ୨୩ ଏପେଙ୍ଗ୍ ଇନାକା କିନାଦେର୍, ହେଦାଂ ମାନାୟ୍ କାଜିଂ କିଝାଦାଂ ମାପୁତି କାଜିଂ କିନାଦେରା ଇଞ୍ଜି ବାବି କିଜି ବାତ୍ ଝାସ୍ତିତ କିୟାଟ୍ । ୨୪ ମାନ୍ତି ଇଟାଟ୍, ଇସ୍‌ସର୍ ତା ଲକୁ କାଜିଂ ଇନାକା ଇଟାନ୍ନା, ହେଦାଂ ହେଝାନ୍ ମିଙ୍ଗେଙ୍ଗ୍ ଇନାମ୍ ଲାକେ ହିଦନାନ୍ । ଇନେକିଦେଂକି କ୍ରିସ୍ଟୁନେ ମି ହାଡ଼ପା ମାପୁ, ଇନେରୁତି ହେବା ଏପ୍ କିନାଦେରା । ୨୫ *ଇନାକିଦେଂକି ଇନେନ୍ ଅନ୍ୟାୟ୍ କିନାନ୍, ହେଝାନ୍ ଜାର୍ ଅନ୍ୟାୟ୍‌ନି ପ୍ରାତ୍ ପାଡ଼୍ ଗାଟାନାନ୍; ହେ ବିସ୍ତେ ଇନାକାପା ଉଡ଼ାଆଝାକା ମାନାଟ୍ ।

୪

୧ *ଏ ହାଉକାର୍, ସାଗେତ ମିଦାଙ୍ଗ୍ ପା ହାଉକାର୍ ମାନାନ୍ ଇଞ୍ଜି ପୁଞ୍ଜି ଜାର୍ ଜାର୍ ଆଡ଼ିୟାର୍ କାଜିଂ ନ୍ୟାୟ୍ ଆରି ସମାନ୍ ବେବାର୍ କିୟାଟ୍ ।

ବିନ୍‌ବିନ୍ ହିକ୍ୟା

୨ ସବୁଝେଡ଼ାଙ୍ଗ୍ ପାର୍ଡାନତ ଜିରୁନ୍ ଜିପକା କିୟାଟ୍ ଆରି ଇସ୍‌ସର୍ତିଂ ଦନ୍‌ସବାଦ୍ କିଜି ପାର୍ଡାନାତ ଜାଗ୍ରତ ମାନାଟ୍ । ୩ ମା କାଜିଂ ପା ପାର୍ଡାନା କିୟାଟ୍, ଇନେସ୍ ବଚନ୍ ଝେଟ୍‌ନି କାଜିଂ ଇସ୍‌ସର୍ ମା କାଜିଂ କାପାଟ୍ ଜେଡ଼ନାନ୍ । ଆରେ, କ୍ରିସ୍ଟି ଇମ୍‌ଣି ବଚନ୍ କାଜିଂ ଆନ୍ ଗେହ୍ୟା ଆତାଙ୍ଗ୍‌ନା, ୪ ପାର୍ଡାନା କିୟାଟ୍ ଇନେସ୍‌କି ଆନ୍ ସମାନ୍ ବାବ୍ରେ ଆରି ହାର୍ ବାବ୍ରେ ହେଦାଂ ପର୍‌ଟାର୍ କିଦେଙ୍ଗ୍ ଆଡ଼ନାଦେର୍ ।

୫ *ପାଗିନି ସଡ଼ ବେବାର୍ କିୟାଟ୍, ପାତ୍ କିଝାକାର୍ ଲାଗାଂ ଗିୟାନ୍ ଲାହାଙ୍ଗ୍ ବେବାର୍ କିୟାଟ୍ । ୬ ମି ବଚନ୍ ସବୁଝେଡ଼ାଙ୍ଗ୍ ହଝାଦ୍ ଆରେ, ହର୍‌ତ ଦୟାମେହା ଆଏଡ଼୍, ଇନେସ୍ ଇନେରିଂ ଇନେସ୍ ଉତର୍ ହିୟାନାଟ୍, ହେଦାଂ ପୁଞ୍ଜେଙ୍ଗ୍ ଆଡ଼ନାଦେର୍ ।

ହାରିହାରା ବନ୍ଦାଣି

୭ *ଝାରିନି ଟଣ୍ଡେନ୍, ମାପୁତି କାମାୟ୍‌ତ ପାତ୍ ନି ହେବାକାର୍‌ୟା ଆରି ହାଙ୍ଗ୍‌ଦାକାନ୍ ଆଡ଼ିଏନ୍ ଜେ ତୁକିକ, ହେଝାନ୍ ନା ଝିଜୁ ବିସ୍ତେ ମିଙ୍ଗେଙ୍ଗ୍ ଝେଟ୍‌ଚାନାନ୍; ୮ ଆପେଂ ଇନେସ୍ ମାନାପ୍, ସବୁ ବିସ୍ତେ ଇଞ୍ଜି ମି ଝାସ୍ତି ତା ହୁକେ ଝାରି କିଦେଙ୍ଗ୍ କାଜିଂ ଆନ୍ ତାଙ୍ଗେଙ୍ଗ୍ ମି ଲାଗାଂ ପକ୍‌ତାନାଙ୍ଗା । ୯ *ହେଝାନ୍ ହାଙ୍ଗ୍‌ଦାଂ ଆନ୍ ପାତ୍ ଆରି ଝାରିନି ଟଣ୍ଡେନ୍ ଅନିସିମତିଂ ପକ୍‌ତାଂ, ହେଝାନ୍ ମି ବିତ୍ରେତାଂ ରଝାନ୍ । ହେଝାର୍ ଇ ବାହାନି ଝିଜୁ ବିସ୍ତେ ମିଙ୍ଗେଙ୍ଗ୍ ଝେଟ୍‌ଚାନାର୍ ।

* ୩:୧୮ ୩:୧୮ ଏପିସିୟ ୫:୨୨; ୧ ପିତର୍ ୩:୧. * ୩:୧୯ ୩:୧୯ ଏପିସିୟ ୫:୨୫; ୧ ପିତର୍ ୩:୭. * ୩:୨୦ ୩:୨୦ ଏପିସିୟ ୬:୧. * ୩:୨୧ ୩:୨୧ ଏପିସିୟ ୬:୪. * ୩:୨୨ ୩:୨୨ ଏପିସିୟ ୬:୫-୮. * ୩:୨୫ ୩:୨୫ ଏପିସିୟ ୬:୯. * ୪:୧ ୪:୧ ଏପିସିୟ ୬:୯. * ୪:୫ ୪:୫ ଏପିସିୟ ୫:୧୭. * ୪:୭ ୪:୭ ପକ୍ୟାତାକା ୨୦:୪; ୭ ପିମତି ୪:୧୨. * ୪:୭ ୪:୭ ଏପିସିୟ ୬:୨୧,୨୨. * ୪:୯ ୪:୯ ପିଲିମନ୍ ୧:୧୦-୧୨.

୧୦ ✨ନା ଲାହାଂ ରଚେ ଗେହ୍ୟା ଆତାକାନ୍ ଆରିସ୍ତାର୍କ ଆରେ ବର୍ଣ୍ଣବା କୁରୁମ୍‌ନି ଚଣ୍ଡେନ୍ ମାର୍କ ଇଞ୍ଜାନ୍ ବିସ୍ତେ ଏପେଙ୍ଗ୍ ବଲ୍ ପାୟାତାଦେର୍ଣ୍ଣା; ହେଞ୍ଜାନ୍ ଜଦି ମି ଲାଗାଂ ଖାନାନ୍, ଖାଟିଙ୍ଗ୍ ତାଙ୍ଗ୍ ଇଟାଟ୍ ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାନା, ୧୧ ଆରେ, ଜୁସ୍ତ ତରଦ୍ ଡାକ୍‌ପୁଟା ଜିସୁ ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାନା; ସୁନ୍‌ଡ଼ରିଂ ବିତ୍ରେତାଂ କେବଲ୍ ଇଞ୍ଜାର୍ ଇସ୍ତର୍ ରାଜି କାଜିଂ ନା ହାଙ୍ଗ୍‌ଦାକାର୍ କାମାୟ୍‌କିନି ମାନାୟ୍, ଇଞ୍ଜାର୍ ନା ଦୁକ୍‌ସାର୍‌ୟ୍ କିନାକାର୍ ଆତାଣ୍ଣା ।

୧୨ ✨ଏପାପ୍ତା, ଜେ ମି ବିତ୍ରେତାଂ ରଞ୍ଜାନ୍, ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାନା, ଏଞ୍ଜାନ୍ତ କ୍ରିସ୍ତୁ ଜିସୁତି ଆଡ଼ିୟା ଆରି ଜାର୍ ପାର୍ତ୍ତନାତ ମି କାଜିଂ ନିତ୍ରେ ଜିରୁନ୍ ହିନାନା, ଇନେସ୍ ଏପେଙ୍ଗ୍ ବାତର୍ ଆରି ଇସ୍ତର୍ ଓଁଜୁ ଇଚା ବିସ୍ତେ ପୁରା ପାତର୍ ଆଜି ଡାଟ୍ ମାନାଟ୍ । ୧୩ ଇନାକିଦେଂକି ହେଞ୍ଜାନ୍ ମି କାଜିଂ ଆରେ ଲାଅଦିକିଆ ଆରି ହିଏରାପଲି ନିକାରିଂ କାଜିଂ ଇନେର୍ ଆଦିକ୍ କସ୍ତୁ ପାୟାତାଣ୍ଣା, ହେଞ୍ଜାନ୍ ପାକ୍ୟାତ ଆନ୍ ଇ ସାକି ହିନାଙ୍ଗା । ୧୪ ✨ଞ୍ଜାରିନି ଡାକ୍ତର ଲୁକ ଆରି ଦିମା ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାନା ।

୧୫ ଲାଅଦିକିଆତ ମାନି ଚଣ୍ଡାର୍ ଆରି ତଣ୍ଡେକାଦେର୍, ନୁମ୍‌ପା ଆରି ହେଞ୍ଜାନ୍ ଇଞ୍ଜ ମାନି ମଣ୍ଡୁଲିତିଂ ଜୁଞ୍ଜାର୍ ପକାଟ୍ । ୧୬ ଆରେ, ମି ବିତ୍ରେ ଇ ଆକି ପଡ଼ା ଆତି ପାଚେ ଲାଅଦିକିଆ ମଣ୍ଡୁଲିତ ପା ଇନେସ୍ ପଡ଼ା ଆନାଟ୍, ଆରେ ଲାଅଦିକିଆତାଂ ଇମ୍‌ଣି ଆକି ଖାନାଟ୍, ହେଦାଂ ଏପେଙ୍ଗ୍ ପା ଇନେସ୍ ପଡ଼ିକିନାଦେର୍, ଇଦାଂ କାଜିଂ ଜାଡୁନ୍ କିୟାଟ୍ । ୧୭ ✨ଆକର୍ ପ୍ତିଂ ଖେରାଟ୍, ଏପେଙ୍ଗ୍ “ମାପୁତି କାମାୟ୍‌ତ ଇମ୍‌ଣି ହେବାନି ପାଦ୍ ପାୟା ଆତାଦେର୍ଣ୍ଣା, ହେଦାଂ ପୁରା କିଦେଙ୍ଗ୍ ଜାଗ୍ରତ୍ ଆଜି ମାନାଟ୍ ।”

୧୮ ଆନ୍ ପାଉଲ୍ ନା ନିଜେ କେଇଦ ଇ ଜୁଞ୍ଜାର୍ ଲେକିକିନାଙ୍ଗା । ନା ଗାଟ୍‌ୟାତାକା ଏତୁ କିୟାଟ୍ ।

ଇସ୍‌ବର୍ତି ଉପକାର୍ ମି ଲାହାଙ୍ଗ୍ ଆଏଡ୍ ।

✨ ୪:୧୦ ୪:୧୦ ପକ୍ୟାତାକା ୧୯:୨୯; ୨୭:୨; ପିଲିମନ୍ ୧:୨୪; ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯.
 ✨ ୪:୧୨ ୪:୧୨ କଲସିୟ ୧:୭; ପିଲିମନ୍ ୧:୨୩. ✨ ୪:୧୪ ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୨ ତିମତି ୪:୧୦; ପିଲିମନ୍ ୧:୨୪. ✨ ୪:୧୭ ୪:୧୭ ପିଲିମନ୍ ୧:୨.

**ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ
ପ୍ରଥମ ପତ୍ର**
**ତେସଲନିକିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି
ପର୍ତ୍ତୁମ୍ ଆକି**
୧ ତେସଲନିକିୟ ପତି ବିସ୍ତେ ପାଦେକ୍

ପରତୁମ୍ ତେସଲନିକିୟ ପକ୍ୟାତି ପାଉଲ୍‌ତି ହୁକେ ଲେକା ଆଜି ମାଚାଡ୍ । ଇଦାଂ ଆଜି ମାନଗାନାଡ୍ ପାଉଲ୍‌ତି ହୁଦାଂ ପରତୁମ୍ ଆକି ଲେକା ଆଜି ମାଚାଡ୍ ଆରି ହେଦାଂ ବାଇବଲ୍‌ନି ରଞ୍ଜାଙ୍ ବାଗ୍ ଆତାଡ୍‌ନା । ଇଦାଂ ଜିସୁ କ୍ରିସ୍ଟୁତି ଜଲମ୍‌ନି ଲାଗେ ଲାଗେ ଆଜି ମାନଗାନାଡ୍ ରିକଡ୍‌ତି ଏଗାର୍ ୫୧ ବାହୁଁ ପାଚେ ଲେକା ଆଜି ମାଚାଡ୍ । ପାଉଲ୍ ଏଚେକାଡ୍‌ଦ ତେସଲନିକିୟ ମଣ୍ଡଳିତିଂ ଆକି ଲେକିକିତାନ୍, ହେଝାଡାଲିଂ ହେଝାନ୍ କରନ୍ତି ମଣ୍ଡଳିତ ମାଚାନ୍ । ଇମ୍‌ଣି ମଣ୍ଡଳିତିଂ ହେଝାନ୍ ରିହା ମିସେନେରି ହାଜି ହାନିଝାଡାଲିଂ ହେ ମଣ୍ଡଳି ରଚ୍‌ତି ମାଚାନ୍ ପକ୍ୟାତାକା ୧:୧-୧୦ ଇଦାଂ ପକ୍ୟାତି ପତିତ ଇନ୍‌ପାତାନ୍ନା ଜେ, ଇଦାଂ ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ଡ ଇଞ୍ଜି ମାନି ମାନାୟାର୍ ହୁଦାଂ ରଚ୍ୟା ଆଜି ମାଚାଡ୍ ।

ପାଉଲ୍ ମଣ୍ଡଳି ରଚ୍‌ତି ପାଚେ ହେଝାନ୍ ବେସି ଦିନ୍ ତେସଲନିକିୟତ ମାଞ୍ଜେଙ୍ଗ୍ ଆଡ୍‌ଝାତାନ୍ । ଲାଗିଂ ହାରିହାରା ହେବେ ମାନି ପାଚ୍ କିନାକାରିଂ ସାସ୍ ହିଦେଂ ହେଝାନ୍ ଇ ଆକି ପକ୍‌ତାନ୍ । ରଝାନ୍ କ୍ରିସ୍ଟିୟାନ୍ ଇନେସ୍ ଜିଦେଂ ଆନାଡ୍, ଇ ଆକିତ ବେସି ବିସ୍ତେ ଆରି ବାରବିନି ଷ୍ଟେଡ୍‌ନାକା ମାନାଡ୍ ।

ପାଉଲ୍ କେତେଗଟାତ ରିହା ଖାନି ବିସ୍ତେ ମାନ୍ ଦିଆନ୍ ହିନାନ୍ । ଆଜି ମାନଗାନାଡ୍ ତେସଲନିକିୟ ମଣ୍ଡଳି ନି ପାଚ୍ କିଝାକାର୍ ବିନ୍ ବାବ୍ରେ ଇ ବିସ୍ତେ ତିରକାଡ୍ ମାଚାଡ୍ । ପାଉଲ୍ ରିହା ଖାନି ବିସ୍ତେ ଇଞ୍ଜି ଇନେସ୍ ଇସ୍‌ପୁରତିଂ ଦୁକ୍‌କିନାକା କିନି ଲାକେ ଜିବୁନ୍ ଜିଉଣା କିନି କାଜିଂ ପକ୍‌ତାନ୍ ୫:୭-୮ ।

୧ ତେସଲନିକିୟ ପତି ବିସ୍ତେନି ରାହାଣ୍

- ୧. ପାଉଲ୍ ମଣ୍ଡଳିତିଂ ବାନ୍ଦାୟ୍ କିନାନ୍ ଆରି ଇସ୍‌ପୁରତିଂ ଜଝାର୍ କିଜି ଇ ଆକି ଆରମ୍ କିତାନ୍‌ନା ୧ ପାର୍ତୁ ।
- ୨. ପାଚେ ହେଝାନ୍ ତିମତି ତାହିଝାତି କାବୁର୍ ଆରି ହେଝାନ୍ତି କାମାୟ୍ ବିସ୍ତେ ଷ୍ଟେଡ୍‌ଚାନ୍ ୨ ଆରି ୩ ପାର୍ତୁ ।
- ୩. ପାଉଲ୍ ବଲ୍ ହିନାନ୍ ଜେ, କ୍ରିସ୍ଟିନାର୍ ଜିସୁ କ୍ରିସ୍ଟୁତି ରିହା ଖାନାକା ଅଜଡ୍‌ତ ଇନେସ୍ ଜିବୁନ୍ ଜିପ୍‌କା କିନାକା ମାନାଡ୍ ୪:୧-୫ ।
- ୪. ପାଉଲ୍ ଆଚେ ରଗ ମଣ୍ଡଳିତ ବାନ୍ଦାୟ୍ କିନାନ୍ ଆରି ହେଝାରିଂ ହାଡ୍‌ପା ବାବ୍ରେ ଚିଟି ପଡ୍‌କିଦେଂ ଇଞ୍ଜି ଓହ୍‌ନାନ୍ ୫:୧୭-୨୮ ।

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ପୁର୍ ଆରି ମାପୁ ଜିସୁ କ୍ରିସ୍ଟୁତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିନାନ୍ । ଦୟା ଆରି ସୁସ୍ତା ମି କାଜିଂ ଆଏଡ୍ ।

ତେସଲନିକିୟନିକାର୍‌ତି କାଜିଂ ଦନ୍‌ପବାଦ୍ ଆଏଡ୍

୨ ମା ଇସ୍‌ବର ଆରି ଆବାତି ଲାଗାଂ ଆସେଙ୍ଗ୍ ମି ପାତର୍ନି କାମାୟ୍, ଜିଉନନି କସ୍‌ ଆରି ମା ମାପୁ ଜିସୁ କ୍ରିସ୍‌ଟି ବିସ୍ରେ ମି ବାସର୍ତ ପାର୍ତାନା ବିସ୍ରେ ସବୁଝେଡ଼ାଙ୍ଗ୍ ଏଡୁ କିଜି, ୩ ମା ଆବା ଇସ୍‌ବରତି ଲାଗାଂ ଏଡୁ କିଜି ମାନାୟ୍, ଇନେସ୍ ଏପେଙ୍ଗ୍ ଜାର୍ ପାତର୍ନି କାମାୟ୍‌ତ ମେହାୟ୍ କିନାଦେରା, ଜିଉନନିତ ମେହାଜି ଇନେସ୍ କସ୍‌ କାମାୟ୍ କିନାଦେରା ଆରି ମା ମାପୁ ଜିସୁ କ୍ରିସ୍‌ଟି ତାକେ ମି ବାସର୍ ଇନେସ୍ ତାଟ୍ । ୪ ଇନାକିଦେଂକି ଏ ଇସ୍‌ବର୍ତ ଜିଉନନି ଟଣ୍ଡାର୍ ଆରେ ତଣ୍ଡେକ୍ ଆପେଂ ପୁନାପ୍ ଜେ, ଏପେଙ୍ଗ୍ ବାଟିକିୟାତି ଲକ୍ସୁ, ୫ ନେକ୍ରିକାରୁର୍ କେବଲ୍ ବଚନ୍ ଆକାୟ୍, ମତର୍ ସାକ୍ତି ପୁଇପୁୟା ଜିବୁନ୍ ଆରି ଆଦିକ୍ ହାଡ଼ପା ଲାହାଙ୍ଗ୍ ମି ଲାଗାଂ ଏକାଞ୍ଜାତାଡ଼; ମି ବିତ୍ରେ ମାନି ସମୁତ ମି କାଜିଂ ଆପେଂ ଇନେସ୍ କିଜି ଚିନ୍ତା କିଜି ମାନଚାପ୍, ହେଦାଂ ତ ଏପେଙ୍ଗ୍ ପୁନାଟ୍ । ୬ ଆରେ ଏପେଙ୍ଗ୍ ବେସି କସ୍‌ ବଗି କିନି ବିତ୍ରେ ପୁଇପୁୟା ଜିବୁନ୍‌ତାଂ ପାୟାତି ଦୁକ୍‌କିନାକା ଲାହାଙ୍ଗ୍ ହେ ନେକ୍ରିକାରୁର୍ ମାନି କିଜି ମାଙ୍ଗେଙ୍ଗ୍ ଆରି ମାପୁତି ପାଚେହାନାକା ଆଜି ମାଚାଦେର୍, ୭ ଇ ଲାକେ କି ଏପେଙ୍ଗ୍ ମାକିଦନିଆ ଆରି ଆକାୟାତ ମାନାକାର୍ ଝିଜାର୍ ପାତର୍ନି କିନାକାର୍ କାଜିଂ ହାର୍ ଲାକେ ଆଜି ମାଚାନ୍ । ୮ ମିତାଂ ମାପୁତି କାତା ଜେ କେବଲ୍ ମାକିଦନିଆ ଆରି ଆକାୟାତ ସୁଣାୟ୍ କିୟାତାଡ଼ନା, ହେଦାଂ ଆକାୟ୍, ମତର୍ ଇସ୍‌ବର୍ତ କାଜିଂ ମି ପାତର୍ନି ବିସ୍ରେ ସବୁ ବାହାତ ଏପେଙ୍ଗ୍ ମେଙ୍ଗ୍‌ତାଡ଼ନା ଜେ, ହେ ବିସ୍ରେ ମାଦାଂ ଇନାକା ଇନି ଲଡ଼ା ଆକାୟ୍ । ୯ ଲାଗିଂ ଲକ୍ସୁ ଜାର୍ ଜାର୍ ମା ବିସ୍ରେ ଇଞ୍ଜି ମାନାର୍ ଜେ, ମି ବିତ୍ରେତ ମା ଝାନାକା ସମୁତ ଇନାକା ଗିଟା ଆଜି ମାଚାଡ଼, ଆରେ ଇନେସ୍ ଏପେଙ୍ଗ୍ ପୁଡ଼ଡ଼ା ପୁଜା ସବୁ ପିସ୍ତି ପୁଇପୁୟା ଜିବୁନ୍ ଆରି ହାଡ଼ପା ଇସ୍‌ବର୍ତ ହେବା କିନି କାଜିଂ ଝାତାଦେର୍, ୧୦ ଆରେ, ହେଝାନି ଜାର୍ ଇମଣି ମାଜିଙ୍ଗ୍ ହାତାକାର୍ ବିତ୍ରେତାଂ ନିକ୍ତି ମାଚାନ୍, ଝାନି ରିସାତାଙ୍ଗ୍ ମାଙ୍ଗେଙ୍ଗ୍ ରାକ୍ୟାକିଦେଂ ହେ ଜିସୁତି ସାଗେତାଂ, ଝାନାକା ମାନି କାଜିଂ ଇସ୍‌ବର୍ ନିପ ଝାତାଦେର୍ ।

୨

ଚେସ୍‌ଲନିକିୟାତ ପାଉଲ୍‌ତି କାମାୟ୍

୧ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ତ ନିଜେ ପୁନାଦେର୍ ଜେ, ମି ଲାଗାଂ ମା ଝାନାକା ପଲ୍ୟା ଆଞ୍ଜାତାଡ଼ନା; ୨ ମତର୍ ଇନେସ୍ ଏପେଙ୍ଗ୍ ପୁନାଟ୍, ଆପେଂ ତା ଆଗେ ପିଲିପିପିତ ଦୁକ୍ ଆରି ଅପ୍‌ମାନ୍ କିତି ପାଚେ ମି ତାକେ ବେସି ଜିବୁନ୍ ଜିପ୍‌କା କିଜି ଇସ୍‌ବରତି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଇଞ୍ଜି ମା ଇସ୍‌ବରତି ହୁଦାଂ ସାସ୍ ପାୟା ଆଜି ମାଚାପ୍ । ୩ ଇନାକିଦେଂକି ମା ଉପ୍‌ଦେସ୍ ବାଣାୟ୍‌କିନାକା ନୟେଲେ ବିଟାଡ଼ ଲାକେ ନୟେଲେ ଚାକ୍ତାୟ୍‌କିନାକା ଆକାୟ୍, ୪ ମତର୍ ମା କେଇଦ ନେକ୍ରିକାରୁର୍ ସୁଣାୟ୍‌କିନି ବଜ୍ ହେଲାୟ୍ ଆଦ୍‌ନି କାଜିଂ ଆପେଂ ଇନେସ୍‌କି ଇସ୍‌ବରତି ହୁକେ ଜଗ୍ ଗାଣା କିୟାତାପ୍‌ନା, ହେ ଲାକେ ଆସେଙ୍ଗ୍ ସୁଣାୟ୍ କିନାସ୍; ଲାଗିଂ ମା ମାକ୍ତି ପରିକ୍ୟା କିନାକାନ୍ ଜେ ଇସ୍‌ବର୍, ହେଝାନିଂ ସାରି କିଦେଙ୍ଗ୍ କାଜିଂ ହେଦାଂ କିନାସ୍ । ୫ ଏପେଙ୍ଗ୍ ତ ପୁନାଦେର୍ ଜେ, ଆସେଙ୍ଗ୍ ଇମଣି ସମୁତ ମାତି କିନାକାନ୍ ଚିନ୍ତା କିଞ୍ଜାତାପ୍‌ନା ନଇଲେ ଲବ୍‌ତିଂ ଡକ୍ସୁନି କାଜିଂ ନାଡ଼ାୟ୍ କିଞ୍ଜାତାପ୍‌ନା, ଇସ୍‌ବର୍ ଇବେନି ସାକି । ୬ ଆତିସ୍‌ପା କ୍ରିସ୍‌ଟି ପକ୍ୟାତି ଲାକେ ଆସେଙ୍ଗ୍ ମାନିନି ଦାବା କିଦେଙ୍ଗ୍ ଆଡ଼ଡ଼ାପ୍‌ନା, ଆତିସ୍‌ପା ମିତାଙ୍ଗ୍ ଆୟେଡ଼ ନଲେ ବିନେ ଇନେର୍ ତାଙ୍ଗ୍ ଆୟେଡ଼, ଇମଣି ମାନାୟ୍‌ତାଂ ଜାଜ୍‌ମାଲ୍ ଗାଟାଦେଂ ଉପାୟ୍ କିଞ୍ଜାତାପ୍‌ନା । ୭ ଜଦି କ୍ରିସ୍‌ଟି ପକ୍ୟାତାକାସ୍ ମତର୍ ଆସେଙ୍ଗ୍ ମି ବିତ୍ରେ ହୁଦାର୍ ଆଜି, ଆୟା ଇନେସ୍ ଜାର୍ ହିମ୍‌ଣାକାଂ ପହାପାଲି କିନାଡ଼, ୮ ମି କାଜିଂ ମାଦାଂ ଝାରି ମାତିସ୍ ଆପ୍ ହେ ଲାକେ ମିଙ୍ଗେଙ୍ଗ୍ ଇସ୍‌ବରତି

ନେକ୍ରିକାବୁର୍ କେବଲ୍ ଆକାୟ୍, ମତର୍ ଜାର୍ ଜାର୍ ଖାସ୍ତି ପା ହିଦେଂ ମାନ କିଜିମାଗାପ୍, ଇନାକିଦେଂକି ଏପେଙ୍ଗ୍ ମା ଖାରିନିକାଦେର୍ ଆଜି ମାଗାଦେର୍ । ୯ ଏ ଟଣ୍ଡାର୍, ଆରି ତଣ୍ଡେକ୍ ମା କସ୍ ଆରି ଆର୍ଖା କାମାୟ୍ ମି ଏଡ୍‌ତ ମାନାଡ୍, ଇନେସ୍ ଆପେଂ ମି ବିତ୍ରେ ଇନେରିଂ ବଜଲ୍ୟାକେ ଆଉପ୍, ଇଦାଂ କାଜିଂ ଖେଡ୍‌ନାଣା ବେସି କସ୍ କିଜି ଇସ୍‌ସ୍‌ରତି ନେକ୍ରିକାବୁର୍ ମି ତାକେ ସୁଣାୟ୍ କିଜି ମାଗାପ୍ ।

୧୦ ଏପେଙ୍ଗ୍ ଆରି ନିଜେ ଇସ୍‌ସ୍‌ର ମା ସାକି ମି ଲାକେ ପାତର୍ କିନାକାର୍ ଲାଗାଂ ମା ବେବାର୍ ନିର୍ମାଲ୍ ନ୍ୟାୟ୍‌ନିକା ଦସ୍ ହିଲ୍‌ଖାତାଡ୍ । ୧୧ ଆରେ ଏପେଙ୍ଗ୍ ତ ପୁନାଦେର୍, ଆବା ଇନେସ୍ ଜାର୍ ମାଜିରିଂ, ହେ ଲାକେ ଆପେଂ ମି ଜାଣ୍‌କେତିଂ ବୁଜାୟ୍‌କିଜି ଆରି ଉସ୍‌କାୟ୍ ଜିସ୍ ଜବର୍ ଗଞ୍ଜାରି କିଜି ମାନାପ୍ । ୧୨ ଆପ୍ ମିଜେଙ୍ଗ୍ ଖାରି କିଜି ମାନାପ୍, ଦୁକ୍‌ସାରାୟ୍‌ତ ଗଞ୍ଜାରି କିଜି ମାନାପ୍ ଇନେସ୍ ମିଜେଙ୍ଗ୍ କୁକ୍‌ତିତି ଇମଣି ଇସ୍‌ସ୍‌ର, ଜିବୁନ୍ ହେଖାନ୍ତି ରାଜି ଆରି ସବୁ ନାଜିଂ ବାଡା ଆନାର୍ ଜାଜ୍‌ମାଲ୍‌ତ ମେହାଆନି କାଜିଂ ଏପେଙ୍ଗ୍ ହେଖାନ୍ତି ହାଦର୍ ଚିନ୍ତା କିୟାଟ୍ ।

୧୩ ଆରେ, ଇନେକିଦେଂକି ଆପ୍ ପା ଲାଗିସ୍ ଇସ୍‌ସ୍‌ରତି ଜଞ୍ଜାର୍ କିନାପା ଜେ, ଏଚେକାଡ୍‌ଦ୍ ଏପେଙ୍ଗ୍ ମାହୁଦାଂ ସୁଣାୟ୍‌କିତି ଇସ୍‌ସ୍‌ରତି କାତା ଇଟ୍‌ତାଦେର୍, ହେ ଏଚେଖେଡ୍‌ଆ ହେଦାଂ ମାନାୟ୍‌ତି କାତାଲାକେ ଇଟ୍‌ଖାଦାଂ ନଲେ ଇସ୍‌ସ୍‌ରତି କାତାଲାକେ ଇଡ୍‌ଜି ମାଗାଦେର୍, ଆରେ ହାଡ୍‌ପାନେ ହେଦାଂ ଇସ୍‌ସ୍‌ରତି କାତା ଆନାଡ୍, ଆରେ ପାତର୍ କିନାକାଦେର୍ ଜେ ଏପେଙ୍ଗ୍, ମି ଖାସ୍ତିତ ହେଦାଂ ପା କାମାୟ୍ କିନାତା । ୧୪ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ କ୍ରିସ୍ ଜିସ୍‌ତି ତାକେ ମାନି ଜିହୁଦା ଦେସ୍‌ନି ଇସ୍‌ସ୍‌ର ମଣ୍ଡଲି ସବୁନି ହୁଡ୍‌ଦେଂ ଲାକେ ଆତାଦେଣ୍ଡା, ଲାଗିଂ ହେଖାର୍ ଜିହୁଦିତ୍ ହୁକେ ଇମଣି ସବୁ ଦୁକ୍‌ବଗ୍ କିଜି ମାଗାର୍, ଏପେଙ୍ଗ୍ ପା ଜାର୍ ଜାତିତ୍ ହୁଦାଂ ହେ ସବୁ ଦୁକ୍‌ବଗ୍ କିତାଦେଣ୍ଡା । ୧୫ ହେ ଜିହୁଦିର୍ ମାପୁ ଜିସ୍‌ଜେ, ଆରେ ଇସ୍‌ସ୍‌ରତି ବେଣ୍‌ବାକଣାୟ୍‌କିନାକାରିଂ ପା ଅଜି ମାଗାର୍, ଆରେ ମାଙ୍ଗ୍ ନିନ୍ଦା କିଡ୍‌ତାର୍, ହେଖାର୍ ଇସ୍‌ସ୍‌ରତି ମାନ୍ତ୍ରାଲ୍‌ଖି ଲଗୁ ଆରି ଖିଜୁ ମାନାୟ୍ ଜାତିତି ସାତୁ, ୧୬ ଇନାକିଦେଂକି ଇସ୍‌ସ୍‌ରତିଂ ପାତର୍ କିଖି ଜିହୁଦିର୍‌ତି ମୁକ୍ତି ଆନାକା କାଜିଂ ହେଖାର୍ ଲାଗାଂ ସୁଣାୟ୍ କିଦେଙ୍ଗ୍ ହେଖାର୍ ମାଜେଙ୍ଗ୍ ବାଦା ହିଡ୍‌ତାର୍‌ନା; ଇ ଲାକେ ହେଖାର୍ ନିତ୍ରେ ଜାର୍ ଜାର୍‌ତିଂ ପାପ୍ ବାତର୍ କିତାଣ୍ଡା; ମତର୍ ହେଖାର୍‌ତି ଜପି ରିସା ପୁରାବାତର୍ ଆର୍‌ତାତେ ।

ଆରେ ହାଞ୍ଜେଙ୍ଗ୍ ଇଞ୍ଜି ପାଉଲ୍‌ତି ଖାରି

୧୭ ମତର୍, ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମାନ୍ତ୍ର ଆକାୟ୍, ମତର୍ ଗାଗାଡ୍‌ତ ଅଲପ୍ ସମୁ କାଜିଂ ମିଜେଙ୍ଗ୍‌ତାଂ ବିଗ୍‌ଡା ଆଜି ମାଟିଲେ ମି ମୁମ୍ ହୁଡ୍‌ଦେଂ ବେସି ଇଚା ହୁକେ ଆଦିକ୍ ସେସ୍ କିଜି ମାଗାପ୍ । ୧୮ ଇଦାଂ କାଜିଂ ଆପେଂ ମି ଲାଗାଂ ହାନି କାଜିଂ ମାନ କିଜି ମାଗାପ୍, ଆନ୍ ପାଉଲ୍ ରଗ, ରିହା ମାନ କିଜି ମାଗାଂ, ମତର୍ ସୟ୍‌ତାନ୍ ମାଜେଙ୍ଗ୍ ବାଦା ହିଡ୍‌ତାଡ୍ । ୧୯ ଇନାକିଦେଂକି ମାଙ୍ଗ୍ ମାପୁ ଜିସ୍‌ତି ଖାନି ସମୁତ ତା କଚଣ୍ଡତ ମା ଆହା, ଦୁକ୍‌କିନାକା କି ଗରବ୍‌ନି ମୁକୁର୍ ଇନାକା ? କି ଏପେଙ୍ଗ୍ ଆକାୟ୍ ? ୨୦ ଏପେଙ୍ଗ୍ ତ ମା ଜାଜ୍‌ମାଲ୍ ଆରି ଖାରିକିନିତ କାରଣ୍ ଆନାଦେର୍ ।

୩

୧ *ଇଦାଂ କାଜିଂ ଆପେଂ ଆରେ ହୁଞ୍ଜେଙ୍ଗ୍ ଆଡ୍‌ଓଡିଲେ ଏଚେନସ୍‌ତ ରଞ୍ଜାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ଡିର୍ କିତାଙ୍ଗ୍; ୨ ଆରେ, ମି ପାତର୍ ବିସ୍ତେ ମିଂ ଖାରିକିୟ୍ କିଦେଂ ଆରି ମିଜେଙ୍ଗ୍ ସୁସ୍ତା କିଦେଂ, କ୍ରିସ୍‌ତି ନେକ୍ରିକାବୁର୍ କାମାୟ୍‌ତ ଇସ୍‌ସ୍‌ରତି ହାଙ୍ଗ୍‌ଦାକାର୍

* ୨:୧୫ ୨:୧୫ ପକ୍ୟାତାକା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. * ୩:୧ ୩:୧ ପକ୍ୟାତାକା ୧୭:୧୫.

ଚଣ୍ଡେନ୍ ତିମତିଙ୍ଗ ପକ୍ତାତାପ । ୩ ଇନେସକି ଇନେର ଇ ଝିଜୁ କସ୍ତୁ ବିତ୍ରେ ଏନେତେନେ ଆମାଟ୍ । ଆସେଙ୍ଗ୍ ହେଦାଂ କାଜିଂ ବାଟିକିୟାତାସନା ଇଞ୍ଜି ଏପେଙ୍ଗ୍ ତ ନିଜେ ପୁନାଦେର୍ ଲାଗିଂ ଏପେଙ୍ଗ୍ ଇସ୍ତୁରତି ମାନ୍ । ୪ ଇନାକିଦେଂକି ମାଙ୍ଗେଙ୍ଗ୍ ଜେ କସ୍ତୁ ବଗି କିଦେଙ୍ଗ୍ ଆନାଡ୍, ଇଦାଂ ଆପେଂ ମି ଲାହାଂ ମାନି ସମୁତ ମିଙ୍ଗେଙ୍ଗ୍ ପୁର୍ବେତାଂ ଚାନେକ୍ତିଂ ଚାନେକ୍ ଝେଟ୍ଟି ମାନ୍‌ଚାପ୍, ଆରେ ହେ ଲାକେ ଗିଟା ଆତାଡ୍, ଆରେ ଏପେଙ୍ଗ୍ ହେଦାଂ ପୁନାଟ୍ । ୫ ଇଦାଂ କାଜିଂ, ଏଚେକାଡ୍‌ଦ ସୟତାନ୍ ମିଙ୍ଗେଙ୍ଗ୍ ପରିକ୍ୟା କିଜି ମାନ୍‌ଞ୍ଜାନାନ୍ ଆରି ମା କାମାୟ୍ ପଲ୍ୟା ଆଜି ମାନାଡ୍, ଇଦାଂ ପାଣ୍ଡାଜି ଆନ୍ ପା ଆରେ ହୁଞ୍ଜେଙ୍ଗ୍ ଆଡ୍‌ଝାଦାଂ ମି ପାତ୍ କିନି ବିସ୍ତେ ପୁଞ୍ଜେଙ୍ଗ୍ କାଜିଂ ମାନାୟ୍ ପକ୍ତାତାଂ ।

୬ ଇଦାଂ ପାଚେ ମି ଲାଗାଂତାଂ ମାସ୍‌ଦି ଝାଜି ତିମତି ମି ପାତ୍ ଆରି ଜିଉନନି ବିସ୍ତେ ହାର୍ ନେକ୍ତିକାରୁର୍ ତାଜାତାଣ୍ଟା । ହେଝାନ୍ ମାଙ୍ଗେଙ୍ଗ୍ ଝେଟ୍ଟିଚାତାନ୍ ଜେ, ଏପେଙ୍ଗ୍ ନିତ୍ରେ ମାଦାଂ ହାର୍ କାମାୟ୍ କିନାଦେରା ଆରି ଆପ୍ ଇନେସ୍ ମିଙ୍ଗେଙ୍ଗ୍ ହୁଡ୍‌ଦେଂ ଇଚା, ଏପ୍ ପା ହେ ଲାକେ ମାଙ୍ଗେଙ୍ଗ୍ ହୁଡ୍‌ଦେଂ ଇଚା କିନାଦେରା । ୭ ଇଦାଂ କାଜିଂ, ଏ ଚଣ୍ଡାର୍, ଆରି ତଣ୍ଡେକ୍ ମି ପାତ୍ କିନି କାଜିଂ ଆପେଂ ମା ଝିଜୁ ହାବଡ୍‌ତ ଆରି କସ୍ତୁ ବଗିକିନିତ ମି ବିସ୍ତେ ଦୁକ୍‌ସାରାୟ୍ କିୟା ଆତାପ୍‌ନା; ୮ ଇନାକିଦେଂକି ଆପେଂ ନଂ ଜିତାପ୍‌ନା ଜଦି ଏପେଙ୍ଗ୍ ମାପୁ ତାକେ ବିଝାହିଂ ଆଜି ମାନାଟ୍ । ୯ ଆଁ, ମା ଇସ୍ତୁରତି ଲାଗେ ମି କାଜିଂ ଆପେଂ ଜେ ଝିଜୁ ଝାରିତ ଝାରି ଆନାପା । ହେବେନି ବାଦୁଲ୍ ଲାକେ ମି କାଜିଂ ନଙ୍ଗ୍ ଇସ୍ତୁରତିଂ ଜୁଝାର୍ କିଦେଙ୍ଗ୍ ଆଡ୍‌ନାନ୍ । ୧୦ ମି ପାତ୍ ତ ଇନାକା ଉଣା ମାନାଡ୍, ହେଦାଂ ପୁରାୟ୍ କିଦେଙ୍ଗ୍ ଇଞ୍ଜି ଆପେଂ ମି ଲାହାଂ ଇନେସ୍ ମେହାଆଦେଂ ଆଡ୍‌ନାସ୍, ଇଦାଂ କାଜିଂ ଝେଡ୍‌ତା ନାଣା ବେସି ପାଠୀନା କିନାପା ।

୧୧ ମା ଆବା ଇସ୍ତୁର ନିଜେ ଆରେ ମା ମାପୁ ଜିସୁ ମି ଲାଗାଂ ମା ହାନି ହାଜି ରଚ୍‌ନାନ୍ । ୧୨ ଆରେ, ମି କାଜିଂ ମାଦାଂ ଇନେସ୍ ଜିଉନନାକା, ହେ ଲାକେ ହାରିତିଂ ଆରି ଝିଜାର୍ କାଜିଂ ଜିଉନନିତ ମାପୁ ମିଙ୍ଗେଙ୍ଗ୍ ଆରେ ଆଦିକ୍ ଲାକେ ବାତାୟ୍ କିଦେନ୍ । ୧୩ ହେଝାନ୍ ମି ଝାସ୍ତି ସୁସ୍ତା କିଜି ଇଚାଟ୍, ଇନେସ୍ ମା ମାପୁ ଜିସୁ ଜାର୍ ଝିଜୁ ଦାମ୍‌ର୍ ଲାହାଂ ଝାନାକା ସମୁତ ଏପେଙ୍ଗ୍ ମା ଇସ୍ତୁର ଆରି ଆବାତି ଲାଗାଂ ପୁଞ୍ଜପୁୟାତାଂ ଦସି ଆଝାଦାଂ ଚଞ୍ଜୟାନାଦେର୍ । ଆମେନ୍ ।

୪

ଇସ୍ତୁର ମୁମ୍‌ଦ ସାରିନିକା ଜିବୁନ୍

୧ ଏ ଚଣ୍ଡାର୍, ଆରି ତଣ୍ଡେକ୍ ହାରିହାରାତ ଇନେସ୍ ଲାକେ ଚିନ୍ତା କିଜି ଇସ୍ତୁରତିଂ ସାରି କିନାକା ମାନାଡ୍, ହେ ବିସ୍ତେ ଏପେଙ୍ଗ୍ ମା ତାଙ୍ଗ୍ ଇନେସ୍ ହିକ୍ୟା ଗାଟାତାଦେଣ୍ଟା, ଆରେ ଏପେଙ୍ଗ୍ ପା ଇନେସ୍ ଜିବୁନ୍ ଜିପ୍‌କା କିନାଦେରା, ତା ଲାକେ ଆରେ ଆଦିକ୍ ଝାଦେଂ କାଜିଂ ଆପେଂ ମାପୁ ଜିସୁତି ତରଦ ମିଙ୍ଗ୍ ଗଝାରି କିଜି ଝାରି କିଦ୍‌ନାପା । ୨ ଆପେଂ ମାପୁ ଜିସୁତି ଆଦିକାର୍ ମିଙ୍ଗେଙ୍ଗ୍ ଇନା ଇନା ବଲ୍ ହିଜି ମାନ୍‌ଚାପ୍, ହେଦାଂ ତ ଏପେଙ୍ଗ୍ ପୁନାଦେର୍ । ୩ ଇନାକିଦେଂକି ଏପେଙ୍ଗ୍ ଇନେସ୍ ପୁଞ୍ଜପୁୟା ଆନାଦେର୍, ଇଦାଂ ଇସ୍ତୁର୍ ଇଚା, ଇନାକିଦେଂକି ଏପେଙ୍ଗ୍ ଇନେସ୍ ଦାରିତାଂ ଦେହା ମାନାଟ୍, ୪ ଜାଣକେ ପୁଞ୍ଜପୁୟା ଆରି ହାରି ଦୁକ୍‌କିନାକା ବାବ୍ରେ ଜାର୍ ଜାର୍ କାଜିଂ କଗ୍‌ଲେ ଇଡ୍‌ଦେଂ ପୁନାଦେର୍, ୫ ଆରେ, ଇନେସ୍ ଇସ୍ତୁର୍ ବିସ୍ତେ ପୁନ୍‌ଝାତାକାଦେର୍ ଇସ୍ତୁରତିଂ ପାତ୍ କିଝି ଜିହୁଦିର୍ ଲାକେ ବାନ୍ୟାକାମାୟ୍‌ତ ହାଲ୍‌ଝାଦାଂ, ୬ ଆରେ, ଇନେସ୍ ଇନେର୍ ଇ ବିସ୍ତେ ହାସି ନାସି ଜାର୍ କ୍ରିସ୍ତୁ ଚଣ୍ଡେନିଙ୍ଗ୍ ନିୟା କିଝାତାନ୍‌ତି, ଲାଗିଂ

☆ ୩:୨ ୩:୭ ପକ୍ୟାତାକା ୧୮:୫.

ମାପୁ ଇ ଝିନ୍ତୁ ବିସ୍ତେ ଦାଣ୍ଡହିଦନାକାନ, ଇନେସ୍ ଆପେଂ ପୁର୍ବେ ପା ମିଙ୍ଗେଙ୍ଗ୍ ଝେଡ଼ତି ସାକି ହିଜି ମାଞ୍ଜାପ । ୭ ଇନାକିଦେଂକି ଇସ୍‌ର ମାଙ୍ଗେଙ୍ଗ୍ ବିଟାଡ଼ତ ଜିବୁନ୍ ଜିପକା କିଦେଙ୍ଗ୍ କାଜିଂ କୁକତାଞ୍ଜାଦାଂ ପୁଇପୁୟା ଆନି କାଜିଂ କୁକତାତାନ୍ନା । ୮ ଲାଗିଂ, ଇନେନ୍ ଇଦାଂ ଇଚୁଞ୍ଜାତାନ୍, ହେଞ୍ଜାନ୍ ମାନାୟତିଂ ଇଚ୍ଚତାନ୍, ମତର୍ ଇମ୍‌ଣି ଇସ୍‌ର ମି ଝାସ୍ତିତ ଜାର ପୁଇପୁୟା ଜିବୁନ୍ ହିଡ଼ତାନ୍ନା, ହେଞ୍ଜାନିଂ ଇଚୁନ୍ ।

୯ କ୍ରିସ୍ଟ ପାତର୍ ବିସ୍ତେ ମି ଲାଗେ ଲେକିକିନାକା ଲଡ଼ା ଆକାୟ, ଇନାକିଦେଂକି ଏପେଙ୍ଗ୍ ଜାଣକେତିଂ ଜିଉନନି କାଜିଂ ଇସ୍‌ରତି ହୁଦାଂ ନିଜେ ହିକିଡ଼ ଆତାଦେଣ୍ଟା, ୧୦ ଆରେ, ହାଡ଼ପାନେ ଝିନ୍ତୁ ମାକିଦନିଆତ ମାନି ଝିଜାର ଟଣ୍ଡେନ୍ କାଜିଂ ଏପେଙ୍ଗ୍ ହେଦାଂ କିନାଦେରା । ଆତିସ୍‌ପା ଏ ଟଣ୍ଡାର, ଏପେଙ୍ଗ୍ ଇନେସ୍ ଆରି ଆଦିକ୍ ଲାକେ ହେଦାଂ କିନି କାଜିଂ ଗଞ୍ଜାରି କିନାଦେରା, ୧୧ ଆରେ, ମିଙ୍ଗ୍ ହିଡ଼ତି ମା ବଲ୍‌ଇସାପେ ଏପେଙ୍ଗ୍ ଇନେସ୍ ସୁସ୍ତାରେ ବାହା କିଜି ଜାର ଜାର କାମାୟତ ଲାଗାଆଦେଂ ଆରି ଜାର ଜାର କେଇଦ କାମାୟ କିଦେଙ୍ଗ୍ ମର୍ଜଦା ବିସ୍ତେ ବାବି କିନାଦେରା, ଇଦାଂ କାଜିଂ ଆସେଙ୍ଗ୍ ମିଙ୍ଗେଙ୍ଗ୍ ଗଞ୍ଜାରି କିଦନାପା । ୧୨ ଇ ବାନି କିନି ହୁକେ ଇନେସ୍ ବାଡ଼ତି ଲକୁ କାଜିଂ ଏପେଙ୍ଗ୍ ହାଦର୍ ମାନ୍ କିୟାଟ୍, ଆରେ ମିଦାଙ୍ଗ୍ ଇମ୍‌ଣାକା ଅବାବ୍ ଆଡ଼ ।

ମାପୁତି ଝାନାକା

୧୩ ଏ ଟଣ୍ଡାର, ଆରି ତଣ୍ଡେକ୍ ବାସର୍ ହିଲ୍‌ଝି ବିନ୍ ଝିଜାକାର ଲାକେ ଏପେଙ୍ଗ୍ ଇନେସ୍ ଦୁକ୍ ଆମାଟ୍, ଇଦାଂ କାଜିଂ ହାତି ଲଗାତର୍ ବିସ୍ତେ ଏପେଙ୍ଗ୍ ଜେ ପୁନ୍‌ଞ୍ଜାଦାଂ ମାନାଦେର୍, ଇଦାଂ ମା ଇଚା ଆକାୟ । ୧୪ ଇନାକିଦେଂକି ଜଦି ଆସେଙ୍ଗ୍ ପାତର୍ କିନାସ୍ ଜେ, ଜିସୁ ହାଜି ଆରେ ରଗ ନିଙ୍ଗ୍‌ତାନ୍ନା, ଝାଟିଙ୍ଗ୍ ଇସ୍‌ର ଜେ ଜିସୁତି କ୍ରିସ୍ଟ ତାକେ ପାତର୍ କିଜି ମାଟି ମାନାୟ ହାତାକାର ମାନାୟାରିଂ ହେ ଲାକେ ତା ଲାହାଙ୍ଗ୍ ତାନାନ୍, ଇଦାଂ ପା ପାତର୍ କିନି ଲଡ଼ା ।

୧୫ ଲାଗିଂ ଆପେଂ ମାପୁତି କାତା ଇସାପରେ ମିଙ୍ଗ୍ ଇଦାଂ ଇଞ୍ଜନାପା, ଆପେଂ ଏଚେକ୍ ମାନାୟ ମାପୁତି ଝାନି ପାତେକ୍ ଜିଜି ମାନ୍‌ଞ୍ଜି ବାକି ମାନାପ, ଆପେଂ ଇନେସ୍‌ପା ହାତାକାର ମାନାୟାତର୍ ନିପ ହାଲୁପ । ୧୬ ଇନାକିଦେଂକି ମାପୁ ଆପେ ବଲ୍ ହିଜି ମୁଡ଼ ଦୁଡ଼ତିଂ କାଟ୍ ଆରି ଇସ୍‌ତର୍ ମରି ବାଜା ହୁଦାଂ ସାରେତାଂ ଜୁଦନାନ୍, ହେବେତାଂ ଇମ୍‌ଣାକାର କ୍ରିସ୍ଟତାକେ ମାନ୍‌ଞ୍ଜି ହାତାଣ୍ଟା, ହେଞ୍ଜାର ପର୍ଡୁମ୍ ନିଙ୍ଗ୍‌ନାର; ୧୭ ପାତେ ଆସେଙ୍ଗ୍ ଏଚେକ୍ ମାନାୟ ଜିଜି ମାନ୍‌ଞ୍ଜି ବାକି ମାନାସ୍, ମାପୁତି ଲାହାଙ୍ଗ୍ ବେଟ୍ ଆଦେଂ କାଜିଂ ଆସେଙ୍ଗ୍ ହେଞ୍ଜାର୍‌ତି ହୁକେ ବାଦାଡ଼ତ ଝାରି ପୁତର୍ ତ ଜୁଦନାସ୍; ଇ ଲାକେ ଆସେଙ୍ଗ୍ ନିତ୍ତେ ମାପୁତି ଲାହାଙ୍ଗ୍ ମାନାସ୍ । ୧୮ ଲାଗିଂ ଇ ଝିଜାର ବତନ୍ ହୁଦାଂ ଏପେଙ୍ଗ୍ ହାରି ଦୁକ୍‌ସାରାୟ କିୟାଟ୍ ।



ମାପୁତି ଆରେ ଝାନି କାଜିଂ ଜାଲ୍‌ଦି ଆଡୁ

୧ ମତର୍, ଏ ଟଣ୍ଡାର, ଆରି ତଣ୍ଡେକ୍ କାଡ଼ ଆରି ସମାନ୍ ଝେଡ଼ାଲିଂ ବିସ୍ତେ ଇନାଞ୍ଜାଡ଼ାଲିଂ ଇମ୍‌ଣି ସମୁତ ଗିଟା ଆଦନାଡ଼ ମି ଲାଗାଂ ଲେକିକିନାକା ଲଡ଼ା ଆକାୟ, ୨ ଇନାକିଦେଂକି ନାଣା ଚର୍ ଝାତି ଲାକେ ମାପୁତି ଦିନ୍ ଜେ ଝାନାଡ଼, ଇଦାଂ ଏପେଙ୍ଗ୍ ହାରକିଜି ପୁନାଦେର୍ । ୩ ଏଚେକାଡ଼ଦ ଲକୁ ସୁସ୍ତା ଆରି ହାର ଆକାୟ ଇଞ୍ଜି ଇଞ୍ଜି ମାନାର, ହେ ଏଚେକାଡ଼ଦ ଏସ୍‌ପିସ୍ତି କୁର୍ନିକସୁ ଲାକେ ହାଚାଟ୍ରେ ହେଞ୍ଜାର୍‌ତି ନାସ୍ ଏକାଞ୍ଜାନାଡ଼, ଆରେ ହେଞ୍ଜାର ଇନେସ୍‌ପା ବାନି ରାକ୍ୟା ପାୟା ଆଦେଂ ଆଡୁର୍ ।

* ୫:୨ ୫:୨ ମାଡିର ୨୪:୪୩; ଲୁକ ୧୨:୩୯; ୨ ପିତର୍ ୩:୧୦.

୪ ମତର୍ ଏ ଟଣ୍ଡାର୍, ଆରି ତଣ୍ଡାଦେକ୍ ଏପେଙ୍ଗ୍ ମାଜ୍‌ଗାତ୍ ଆକାୟ୍ ଜେ ହେ ଦିନ୍ ଚର୍ ଲାକେ ପୁନ୍‌ଝିଲାଡେ ମି ଲାଗାଂ ଏକାଞ୍ଜାନାନ୍, ୫ ଇନାକିଦେଂକି ଏପେଙ୍ଗ୍ ଝିଜାଦେର୍ ଅଜଡ୍ ଆରି ଝେଡାନି ହିମ୍‌ଣାଂ । ଆସେଙ୍ଗ୍ ନାଣା କି ମାଜ୍‌ଗାନି ହିମ୍‌ଣାଂ ଆକାୟ୍; ୬ ଲାଗିଂ ଝାଡୁ, ଆସେଙ୍ଗ୍ ବିନ୍‌ନିକାର୍ ଲାକେ ହୁଞ୍ଜିଝାଦାଙ୍ଗ୍, ମତର୍ ଜାଗ୍ରଡ୍ ଆଜି ଚେଡନା ଆଜି ମାନାସ୍ । ୭ ଲାଗିଂ ଇମ୍‌ଣାକାର୍ ହୁନ୍‌ଞ୍ଜି ହାନାର୍, ହେଝାର୍ ନାଣା ହୁଞ୍ଜି ହାନାର୍, ଆରେ ଇନେର୍ ମଦୁଆ ଆନାର୍, ହେଝାର୍ ନାଣା ହର୍‌ନାର୍ । ୮ *ମତର୍ ଝାଡ, ଆସେଙ୍ଗ୍ ଝେଡାନି ହିମ୍‌ଣାଂ ଆତିଲେ ପାତର୍ କିନାକାର୍ ଆରି ଜିଉନନି ଲାକେ ମୁକ୍‌ଡାନାକା ଚପ୍ତି ଆପର୍ସ୍ ଆରି ମୁକ୍‌ଡାତି ବାସର୍ ଲାକେ କାପ୍‌ଡା ଆତିୟାର୍ କାପ୍‌ଡାତ୍ ହିଜି ଜାଗ୍ରଡ୍ ମାନାସ୍ । ୯ ଇନାକିଦେଂକି ଇସ୍‌ବର୍ ମାଜେଙ୍ଗ୍ କାକ୍‌ଜିନି ବାହା ଆଦେଂ କାଜିଂ ବାଚି କିଦ୍‌ଝାଦାଂ ମତର୍ ମାଂ ମାପୁ ଜିସୁ କ୍ରିସ୍‌ତି ହୁଦାଂ ମୁକ୍‌ଡାନାକା ଗାଗାଆଦେଂ କାଜିଂ ବାଚି କିତାନ୍‌ନା; ୧୦ କ୍ରିସ୍‌ ମା କାଜିଂ ହାତାନ୍ ଇନେସ୍ ଆସେଙ୍ଗ୍ ଜାଗ୍ରଡ୍ ମାନଞ୍ଜି କି ହୁଞ୍ଜିଝାଦାଙ୍ଗ୍ ମାନଞ୍ଜି ତା ଲାହାଙ୍ଗ୍ ଜିବୁନ୍ ମାନ୍‌ଝାଦାଂ କି ଜିବୁନ୍ ମାନ୍‌ଗାନାପ୍ । ୧୧ ଲାଗିଂ ଇନେସ୍ କିତାପ୍‌ନା, ହେ ଲାକେ ହାରିତିଂ ଦୁକ୍‌ସାରାୟ୍ କିୟାର୍, ଆରେ ହାରି ହାର୍ ଇଟାଟ୍ ।

ହାରିହାରା ହିକ୍ୟା ଆରି ନେକ୍‌ଜିକାରୁର୍

୧୨ ଏ ଟଣ୍ଡାର୍, ଆରି ତଣ୍ଡାଦେକ୍ ଆପେଂ ମିଜେଙ୍ଗ୍ ଗଝାରି କିଦ୍‌ନାପା, ଇମ୍‌ଣାକାର୍ ମି ବିତ୍ରେ କସ୍ କିତାର୍ ଆରି ମାପୁତି ହେବାତ୍ ମି ମୁଡ୍‌ଦାକାନ୍ ଲାକେ ବାଚିକିୟା ଆଜି ମିଜେଙ୍ଗ୍ ଚେଡନା ହିଦ୍‌ନାନ୍, ହେଝାରିଂ ଝାରି କିୟାର୍, ୧୩ ଆରେ, ହେଝାର୍ କାମାୟ୍ କାଜିଂ ହେଝାରିଂ ଜିଉନନିତ୍ ବେସି ଜିଉ ନଝାଟ୍ । ହାରି ରଚେ ସୁସ୍ତାତ୍ ମାନାଟ୍ ।

୧୪ ଏ ଟଣ୍ଡାର୍, ଆରି ତଣ୍ଡାଦେକ୍ ଆପେଂ ମିଜେଙ୍ଗ୍ ଗଝାରି କିଦ୍‌ନାପା; ଅରାହିଲ୍‌ଝି ଚିନ୍ତା କିନି ମାନାୟ୍‌ତିଂ ଜାଗ୍ରଡ୍ କିୟାର୍, ସାସ୍ ହିଲ୍‌ଝାକାରିଂ ଦୁକ୍‌ସାରାୟ୍ କିୟାର୍, ନାଦାର୍‌ରିଂ ଉପକାର୍ କିୟାର୍, ଝିଜାର୍ କାଜିଂ ହୁଦାର୍ ଆଡୁ । ୧୫ ଜାଗ୍ରଡ୍, ଇନେର୍ ଇମ୍‌ଣାକାର୍‌ତି କାଜିଂ ଅନ୍‌ୟାୟ୍ ବାଦୁଲ୍ ଅନ୍‌ୟାୟ୍ କିମେନ୍, ଇଚିସ୍ ଏପେଙ୍ଗ୍ ନିତ୍ରେ ହାରିତିଂ ଆରି ଝିଜାର୍‌ତି ହାର୍ କିଦେଙ୍ଗ୍ ଜାଲ୍‌ଦି ଆଡୁ ।

୧୬ ସବୁଝେଡାଲିଂ ଦୁକ୍‌ସାରାୟ୍ କିନାକା ହାରି କିୟାର୍ । ୧୭ ନିତ୍ରେ ପାର୍ତ୍ତାନା କିୟାର୍ । ୧୮ ସବୁ ଝେଡାଲିଂ ଜୁଝାର୍ ହିୟାର୍; ଇନାକିଦେଂକି ମି ବିସ୍ତେ କ୍ରିସ୍‌ ଜିସୁ ସୁକ୍‌ତାକେ ଇଦାଂ ଇସ୍‌ତର୍ ଇଟା ।

୧୯ ପୁଇପୁୟା ଜିବୁଡିଙ୍ଗ୍ ପାଗି କିମାଟ୍ । ୨୦ ନିତ୍ରେ ମାପୁ ତାକେ ବେଣ୍‌ବାକ୍‌ଶାୟ୍‌କିନାକା ପଲ୍ୟା ଇନ୍‌ମାଟ୍ । ୨୧ ମତର୍ ଝିଜୁ ବିସ୍ତେ ପରିକ୍ୟା କିଜି ହୁଡାଟ୍; ଇନାକା ନେକ୍‌ଜାକା, ହେଦାଂ ଆସ୍ତି ଇଟାଟ୍; ୨୨ ଝିଜୁ ବାନି ବାନ୍ୟାତାଙ୍ଗ୍ ବିନେ ମାନାଟ୍ ।

୨୩ ସୁସ୍ତାହିଦ୍‌ନି ଇସ୍‌ବର୍ ତାଝେନ୍ ମାଜେଙ୍ଗ୍ ପୁରାପୁରି ପୁଇପୁୟା କିଦେନ୍, ଆରେ ମା ମାପୁ ଜିସୁ କ୍ରିସ୍‌ତି ଝାନି କାଜିଂ ମି ଝାସ୍ତି, ପାରାଣ, ଗାଗାଡ୍ ବାତର୍ ଦସ୍‌ଆଝାଦାଂ ଇଟ୍‌ୟାୟେଡ୍ । ୨୪ ଇନେନ୍ ମିଜେଙ୍ଗ୍ କୁକ୍‌ତାନାନ୍, ହେଝାନ୍ ପାତର୍ ନିକାନ୍, ହେଝାନ୍ ହେଦାଂ ପା ପୁରାକିଦେଂ ଆଡୁନାନ୍ ।

୨୫ ଏ ଟଣ୍ଡାର୍, ଆରି ତଣ୍ଡାଦେକ୍ ମା କାଜିଂ ପାର୍ତ୍ତାନା କିୟାର୍ ।

୨୬ ଝିଜାର୍ ଟଣ୍ଡାରିଂ ପୁଇପୁୟାତ୍ ତନ୍‌ଞ୍ଜି ଜୁଝାର୍ କିୟାର୍ ।

୨୭ ଝିଜାର୍ ଟଣ୍ଡାର୍ ଆରି ତଣ୍ଡାଦେକ୍ ତାକେ ଇ ଆକି ପାଟ୍ କିୟକିନି କାଜିଂ ଆନ୍ ମାପୁତି ଆଦିକାର୍ ମିଜେଙ୍ଗ୍ ହିଦ୍‌ନାଙ୍ଗା ।

୨୮ ମା ମାପୁ ଜିସୁ କ୍ରିସ୍‌ତି ଦୟା ମି ଲାହାଙ୍ଗ୍ ଆଏଡ୍ ।

* ୫:୮ ୫:୮ ଏପିସିୟ ୬:୧୩-୧୭.

ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ତେସଲନିକି ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ରିଣ୍ଣି ଆକି ପତି ବିସ୍ତେନି ପାଦେକ୍

ତେସଲନିକିୟ ମଣ୍ଡଳି ଲାଗାଂ ରି ଆକି ପକ୍ୟାତି ପାଉଲ୍‌ତି ହୁଦାଂ ଲେକା ଆଜି ମାତାତ୍ ୧:୧ । ପର୍ତ୍ତୁମ୍ ତେସଲନିକିୟନି ଅଲପ୍ ସମୁ ପାତେ ପାତେ କ୍ରିସ୍ତୁତି ଜଲମ୍‌ନି ରିକତି ଏଗାର୍ ୫୧ ବାର୍ତ୍ତୁ ପାତେ ଇ ଆକି ଲେକି କିଜି ମାତାନ୍ । ପାଉଲ୍ ଏଚେକାତ୍‌ଦ ତେସଲନିକିୟ ମଣ୍ଡଳିତ ଆକି ଲେକି କିତାନ୍, ହେ ପାଦ୍‌ନା ହେଞ୍ଜାନ୍ କରନ୍ତିୟ ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳି ହେଞ୍ଜାନ୍ ରି ମିସ୍‌ନେରି ହାନିହିଂ ରଚ୍‌ତି ମାତାନ୍ ପକ୍ୟାତାକା ୧୭:୧-୧୦ ।

ପକ୍ୟାତି ପତିତ ଇନ୍‌ପାନାତ୍ ଜେ, ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ ଇଞ୍ଜି ମାନି ମାନାୟାର୍ ହୁକେ ଇ ତେସଲନିକିୟ ମଣ୍ଡଳି ରଚ୍‌ତି ମାତାର୍ । ତେସଲନିକିୟ ମଣ୍ଡଳି ଲାଗାୟ ଲେକା ଆଜି ମାତି ଆକିତ କ୍ରିସ୍ତୁତି ଖାନାକା ଆରି ହାରିହାରା ସମୁ ବିସ୍ତେ ଲେକା ଆତାତ୍‌ନା । ଇନାକିଦେଂକି ପାଉଲ୍ ହାରି ଆକିତ ତେସଲନିକିୟ ମଣ୍ଡଳି ଲାଗାୟ ଇଦାଂ ରିହା ଖାନାକା ବିସ୍ତେ ବେସି ବିସ୍ତେ ଲେକି କିତାନ୍‌ନା । ରି ତେସଲନିକିୟତ ଲେକାତି ବିସ୍ତେ ଆଦିକ୍ ଆତିସ୍ ହାରିହାରା ସମୁ ବିସ୍ତେ ଆନାତ୍ । ପାଉଲ୍ ପା ଆତ୍‌ସାୟ ବିସ୍ତେ ଜାଲ୍‌ଦି କିୟକିତାନ୍ । ଜାଣ୍‌କେ ମାନାୟ ହେଞ୍ଜାର୍‌ତି କାଦି କାଜିଂ କାମାୟ କିନି ଲଡା ୩:୬-୧୦

୨ ତେସଲନିକିୟ ପତି ବିସ୍ତେନି ରାହାଣ୍

- ୧. ପାଉଲ୍ ତା ଆକିତ ଜାର୍ ଆରି ହାଙ୍ଗ୍‌ଦାକାର୍ ଜାଣାତିନା ହିଜି ହାଂନାନ୍ ୧:୧-୨
- ୨. ଆରି ତେସଲନିକିୟ ମଣ୍ଡଳି କାଜିଂ ଇସ୍‌ରତିଂ ଜଞ୍ଜାର୍ ହିନାନ୍ ଆରି ପାର୍ତାନା କିନାନ୍ ୧:୩-୧୨
- ୩. ରି ପାର୍ତୁତ ଜଗତ୍‌ନି ହାରିହାରା ସମୁ ବିସ୍ତେ ଇନାନ୍ ।
- ୪. ଆରି ହେଞ୍ଜାନ୍ ଆତ୍‌ସାୟ ବିରୁତ୍‌ତ ଆରି କସ୍ କିନି ବିସ୍ତେ ଇନାନ୍ ୩:୧-୧୫
- ୫. ପାଉଲ୍ ଆରେ ରଗ ମଣ୍ଡଳିନି ମାନାୟାର୍ ବାନ୍ଦାୟ କିଜି ଓହ୍‌ନାନ୍ ୩:୧୬-୧୮

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ର ଆରି ମାପୁ ଜିସୁ କ୍ରିସ୍ତୁତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିତାନ୍‌ନା । ଦୟା ଆରି ସୁସ୍ତା ମି କାଜିଂ ଆଏତ୍ । ୨ ଆବା ଇସ୍‌ର ଆରି ମାପୁ ଜିସୁ କ୍ରିସ୍ତୁ ତାଙ୍ ଦୟା ଆରି ସୁସ୍ତା ମି କାଜିଂ ଆଏତ୍ ।

କ୍ରିସ୍ତୁତି ଆରେ ଖାନାକା ବିଚାର୍

୩ ଏ ଗଣ୍ଡାର୍, ଆରି ତଣ୍‌ଦେକ୍ ମି କାଜିଂ ଇସ୍‌ରତିଂ ସରୁଞ୍ଜେଡାଙ୍ଗ୍ ଜୁଞ୍ଜାର୍ ହିନାକା ମା ଲଡା, ଆରେ ହେଦାଂ କିନାକା, ଆରେ ହେଦାଂ ହାଦ୍‌ବାକା, ଇନାକିଦେଂକି ମି ପାତ୍ କିନାକା ଆଦିକ୍ ବାତା ଆନାତା, ଆରେ ହାରି କାଜିଂ ମି ଓଜାର୍ ଜାଣକେତି ଜିଉନମାକା ବାତାନାତା, ୪ ଏଲେଙ୍ଗ୍‌କି ଏପେଙ୍ଗ୍ ଇମ୍‌ଣି ଓଜୁ ଇଣ୍ ଆରି ଦୁକ୍‌ବର୍ କିନାଦେରା, ହେବେ ପା ମି ହୁଦାର୍ ଆରି ପାତ୍ କାଜିଂ ଆସେଙ୍ଗ୍ ନିଜେ ଇସ୍‌ରତି ମଣ୍ଡଳି ତାକେ ମି ବିସ୍ତେ ଗରବ୍ କିଜି ମାନାୟ ।

୫ ଇସ୍‌ସୁତ ଇମ୍‌ଣି ରାଜି କାଜିଂ ଏପେଙ୍ଗ ଦୁକ୍‌ବଗ୍ କିନାଦେରା, ହେବେନି ଜଗ୍ ଇଞ୍ଜି ଗାଣାକିୟା ଆଦେଂ କାଜିଂ ଇଦାଂ ତ ଇସ୍‌ସୁତ ସମାନ୍ ବିଚାର୍ ଓଁଜୁ ପାର୍ମାଣ୍ ।
 ୬ ଇନାକାକି ନ୍ୟାୟନିକା, ଇନେକିଦେଂକି ମାପୁ ଜିସୁ ଏଚେକାଡ୍‌ଦ ଜାର୍ ସାକ୍ତିକାଟି ଦୁତର୍ ଲାହାଂ ଆସ୍ତି ମାନି ନାଣି ଲାହାଂ ସାଗେତାଂ ହଡ୍‌ନାଡ୍, ୭ ଇସ୍‌ସୁର୍ ମିଙ୍ଗ୍ ଦୁକ୍ ଗିଟାଈ କିଜି ମାଙ୍ଗ୍ ପା ସାସ୍ତି କିଦ୍‌ନାନ୍ । ଇସ୍‌ସୁର୍ ଇ କାମାୟ୍ କିନାନ୍, ଏଚେକାଡ୍‌ଦ ମାପୁ ଜିସୁ ହେଞ୍ଜାନ୍ତି ଗାଜା ସାକ୍ତି ଦୁତର୍‌ତ ଲାହାଙ୍ଗ୍ ସାଗେତାଂ ଜୁଦ୍‌ନାନ୍ ।
 ୮ ଇମ୍‌ଣାକାର୍ ଇସ୍‌ସୁର୍‌ତିଂ ପୁନୁର୍ ଆରି ମା ମାପୁ ଜିସୁତି ନେକ୍ତିକାବୁର୍ ମାନିକିଡ୍‌ର, ହେଞ୍ଜାରିଂ ହେଞ୍ଜାନ୍ ମାପୁ ଜିସୁ ଜାର୍ ସାକ୍ତିକାଟାକାନ୍ ଦୁତର୍ ହୁଦାଂ ନାଣି ଲାହାଂ ସାଗେତାଂ ଚଞ୍ଜା ଆଦ୍‌ନାନ୍; ହେ ଏଚେକାଡ୍‌ଦ ତାଣ୍ ହିନାନ୍, ୯ ହେ ନାଞ୍ଜିଙ୍ଗ୍ ହେଞ୍ଜାର୍ ତାଣ୍ ପାୟାନ୍‌ର, ଇତିସ୍ ମାପୁତି ଲାଗେ ତାଙ୍ଗ୍ ଆରି ସାକ୍ତିତ ଜାଜ୍‌ମାଲ୍‌ତାଂ ଦେହା ଆଜି ଓଁଜୁଓଁ ନାସ୍ ବଗ୍ କିଡାର୍ ।
 ୧୦ ମତର୍ ହେ ନାଞ୍ଜିଙ୍ଗ୍ ତା ମାନାୟାନ୍‌ତାଂ ସମାନ୍ ଜାଜ୍‌ମାଲ୍ ପାୟାନ୍‌ନାନ୍ ଇତିସ୍ ଇମ୍‌ଣି ନାଞ୍ଜିଙ୍ଗ୍ ହେଞ୍ଜାନ୍ ଜାର୍ ହୁଦାର୍ ହୁଦାଂ ଜାଜ୍‌ମାଲ୍ ଆଦେଂ ଆରି ପାତ୍ କିଜି ମାନି ପୁଇପୁୟା ମାନାୟାନ୍ ଓଁଜାର୍ କାଜିଂ କାବାତାଂ ଚଞ୍ଜି ଲାକେ ଆଦେଂ ଖାନାନ୍ ଇନାକିଦେଂକି ମି ଲାଗାୟ୍ ମା ସାକି ଏପେଙ୍ଗ୍ ପାତ୍ କିତାଦେଣ୍ଟା ।

୧୧ ଲାଗିଂ ମା ଇସ୍‌ସୁର୍ ଇନେସ୍ ମିଦି ଜାର୍ କୁକ୍ୟାତିତ ସଡ୍‌ଗୁଣ୍ ଇଞ୍ଜି ଗାଣା କିନାନ୍, ଆରେ ସବୁ ସଡ୍ ଇତା ଆରି ପାତ୍ ନି କାମାୟ୍ ସାକ୍ତିତ ବାତ୍ କିନାନ୍, ହେଦାଂ କାଜିଂ ପା ଆପେଂ ନିତ୍ରେ ମି କାଜିଂ ପାର୍ତାନା କିନାପା; ୧୨ ତା ଆତିସ୍ ମା ଇସ୍‌ସୁର୍ ଆରି ମାପୁ ଜିସୁ କ୍ରିସ୍‌ତ ଦୟା ଲାକେ ମା ମାପୁ ଜିସୁତି ତର୍ ମିତାକେ ଜାଜ୍‌ମାଲ୍‌ତ ଆନାଡ୍ ଆରେ ଏପେଙ୍ଗ୍ ତା ତାକେ ଜାଜ୍‌ମାଲ୍ ଆନାଦେର୍ ।

୨

ବାନ୍ୟା କାମାୟ୍ କିନାକାନ୍

୧ *ଏ ଚଣ୍ଡାର୍, ଆରି ତଣ୍‌ଦେକ୍ ମା ମାପୁ ଜିସୁ କ୍ରିସ୍‌ତ ଖାନିଦିନ୍ ଆରି ହେଞ୍ଜାନ୍ତି ଲାଗାଂ ତା ତାକେ ମା ରୁଣ୍ଡାନ୍ ବିସ୍ତେ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାପା, ୨ ମାପୁତି ଦିନ୍ ଏକା ଖାତାତେ ଇଞ୍ଜି ଏପେଙ୍ଗ୍ ଇମ୍‌ଣି ଖାସ୍ତିନି କାତା କି ମାହୁଦାଂ ଲେକାତାଡ୍‌ନା ଇଞ୍ଜି ବାବି କିଜି ଇମ୍‌ଣି ଚିଟି ହୁଦାଂ ବେଗି ଏନେତେନେ କି ଗାବ୍‌ରା ଆମାଟ୍ ।
 ୩ ଇନେର୍ ଇମ୍‌ଣି ବାନି ମିଦାଂ ବାମ୍‌ଣ୍ଡାନାକା ଜଲ୍‌ମ୍‌କିଦ୍‌ଞ୍ଜାଦାଂ, ଇନାକିଦେଂକି ପର୍ତୁମ୍ ହାରିହାରା ଦରମ୍ ପିହ୍‌ନାକା ଗିଟାନାଡ୍, ଆରେ ନାସ୍‌ନି ହିମ୍‌ଣା ହେ “ବାନ୍ୟା ମାନାୟ୍” ଚଞ୍ଜାନାକା ଲଡା; ଆଓତିସ୍ ମାପୁ ଦିନ୍ ଏକାଞ୍ଜାଡ୍ । ୪ ହେଞ୍ଜାନ୍ ହେ ଦାରୁମ୍ ହିଲ୍‌ଓଁ ମାନାୟ୍ ଜେ ଦୁକ୍‌ନିକାନ୍ ଇସ୍‌ସୁର୍‌ତି ବେରୁ କିନାନ୍, ଓଁଜାର୍‌ତାଂ ଜାର୍‌ତିଂ ଆଦିକ୍ ଖାରି କିନାନ୍ ଇନେସ୍‌କି ଇସ୍‌ସୁର୍‌ତି ମନ୍‌ଡିର୍‌ତ କୁଟ୍‌ଟି ହେଞ୍ଜାନ୍ ଜାର୍‌ତିଂ ଇସ୍‌ସୁର୍ ଇଞ୍ଜି ଚଞ୍ଜାୟା ଆନାନ୍ ।

୫ ଆନ୍ ମି ଲାହାଂ ମାନିଞ୍ଜେଡାଲିଂ ଇ ସବୁ ବିସ୍ତେ ଜେ ମିଙ୍ଗେଙ୍ଗ୍ ରଗତିଂ ରଗ ଞ୍ଜେର୍‌ତି ମାନ୍‌ଞ୍ଜାଙ୍ଗ୍, ହେଦାଂ ଇନାକା ମି ଏଡ୍ ହିଲ୍‌ଡ୍ ? ୬ ଆରେ ହେଞ୍ଜାନ୍ ଦାରୁମ୍ ହିଲ୍‌ଓଁ ମାନାୟ୍ ସମାନ୍ ସମୁତ ଚଞ୍ଜାୟା ଆଦେଂ କାଜିଂ ଇନାକା ବାଦା ହିଦ୍‌ନାତା, ହେଦାଂ ଏପେଙ୍ଗ୍ ପୁନାଦେର୍ । ୭ ଇନାକିଦେଂକି ବାନ୍ୟା ଡ୍‌କୁତି କାତା ନଙ୍ଗାୟ୍ ପା କାମାୟ୍ କିନାତା, ବାଦା ହିନି ମାନାୟ୍ ହାଲ୍‌ଓଁ ପାତେକ୍ ହେଦାଂ କାମାୟ୍ କିଜି ମାନାଡ୍ । ୮ ହେ ଏଚେକାଡ୍‌ଦ ହେ ଅଦାମ୍ ମାନାୟ୍ ଚଞ୍ଜାୟାନ୍, ତାଙ୍ଗେଙ୍ଗ୍ ମାପୁ ଜିସୁ ଜାର୍ ଖେଇନି ପୁଣ୍ଡା ହୁଦାଂ ଅହ୍‌ନାନ୍ ଆରି ଜାର୍ ଖାନାକା ହପ୍‌ନି ହୁଦାଂ ନାସ୍ କିନାନ୍ । ୯ ସୟ୍‌ତାନ୍ ସାକ୍ତି ଲାକେ ଓଁଜୁ ବାନି ମିଡ୍ ସାକ୍ତି, ଚିନ୍, ଆରି କାବାନି କାମାୟ୍, ଆରେ ନାସ୍

☆ ୨:୧ ୨:୧ ୧ ଚେସ୍‌ଲନିକି ୪:୧୫-୧୭.

ବାହାନ ଲାଗେ ଓଜୁ ବାନିନି ଅଦାମ ଟକାୟକିନି ହୁଦାଂ ହେ ଅଦାମ ମାନାୟତି
 ଖାନାକା ଆନାଟ୍, ୧୦ ଇନେକିଦେଂ ଅଦାମ ଟ୍ ମୁକ୍ତି ପାୟାଦେଂ ହେଖାର ହାତ୍‌ପା
 କାଜି ଜିଉନନାକା ପାୟା ଆଖାତାଣ୍ଣା । ୧୧ ଆରେ, ଇଦାଂ କାଜିଂ ହେଖାର ଇନେସ୍
 ମିଚ୍‌ତ ପାତ୍ କିନାର୍, ହେଦାଂ କାଜିଂ ଇସ୍‌ବର୍ ହେଖାର୍‌ତି ଲାଗାଂ ବାମ୍‌ତାନାକା ସାକ୍ତି
 ପକ୍‌ତାତାନ୍ନା, ୧୨ ଇନେସ୍‌କି ଇମଣାକାର୍ ହାତ୍‌ପାତିକ୍ ପାତ୍ କିଖାଦାଂ ଅଦାମ ଟ
 କାମାୟତ ସାରି ଆତାଣ୍ଣା, ହେଖାର୍ ଓଜାର୍ ଡାଣ୍ଡିନି ଲକୁ ଆନାର୍ ।

ଏପେକ୍ ମୁକ୍‌ତାନାକା କାଜିଂ ବାଟିକିୟାତାଦେଣ୍ଣା

୧୩ ମତର୍, ଏ ମାପୁତି ଜିଉନନି ଟଣ୍ଡାର୍, ଆରି ତଣ୍ଡେକ୍ ମି କାଜିଂ ସବୁଖେଡାକ୍
 ଇସ୍‌ବର୍‌ତିଂ ଜୁଖାର୍ ହିନାକା ମା ଲଡା, ଇନାକିଦେଂକି ଇସ୍‌ବର୍ ଜିବୁନ୍‌ତିଂ ପୁଇପୁୟା
 ଆରି ହାତ୍‌ପାତ ପାତ୍ କିନାକା କାଜିଂ ମୁକ୍‌ତା ଆଦେଂ କାଜିଂ ମିଜେକ୍ ପର୍ତ୍ତୁମ୍ ବାଟି
 କିଚ୍‌ତାନନା; ୧୪ ହେଦାଂ କାଜିଂ ପା ହେଖାନ୍ ମା ନେକ୍‌କାବୁର୍ ହୁକେ ମା ମାପୁ ଜିସୁ
 କ୍ରିସ୍‌ତି ଜାଜ୍‌ମାଲ୍ ପାୟାନି କାଜିଂ ମିଜେକ୍ କୁକ୍‌ତାତାଂନା । ୧୫ ଲାଗିଂ, ଏ ଟଣ୍ଡାର୍,
 ଆରି ତଣ୍ଡେକ୍ ତିର୍ ମାନାଟ୍, ଆରେ ମା କାତା କି ଚିଟି ହୁଦାଂ ଏପେକ୍ ଇମଣି ହିକ୍ୟା
 ପାୟାତାଦେଣ୍ଣା, ହେ ସବୁ ଆସ୍ତି ମାନାର୍ ।

୧୬ ଆପ୍ ନିଜେ, ମାପୁ ଜିସୁ କ୍ରିସ୍‌ତୁ ଆରେ ମା ଇମଣି ଆବା ଇସ୍‌ବର୍ ମାଜେକ୍ ଜିଉନଜି
 ଦୟାତ ମାଜେକ୍ ଓଜୁଓ ଦୁକ୍‌ସାରାୟ କିଜି ଆରି ହାର୍‌ଦି ଆହା ହିଚ୍‌ନ୍ନା, ୧୭ ହେଖାନ୍
 ନିଜେ ମିଜେକ୍ ମାନତିଂ ଦୁକ୍‌ସାରାୟ କିଜି ଓଜୁ ହାର୍‌ଦି କାମାୟ ଆରି କାତାତ
 ଆଟ୍‌ଖା କିଦେନ୍ ।

୩

ମା କାଜିଂ ପାର୍ତାନା କିୟାଟ୍

୧ ଏ ଟଣ୍ଡାର୍, ଆରି ତଣ୍ଡେକ୍ ମା କାଜିଂ ପାର୍ତାନା କିୟାଟ୍, ଇନେସ୍ ମାପୁତି କାତା ମି
 ବିତ୍ରେ ଇନେସ୍ ଲାକେ, ହେ ଲାକେ ନିତ୍ରେ ବେଗି ମେକ୍‌ଜି ଜାଜ୍‌ମାଲ୍ ପାୟାନାଦେର୍,
 ୨ ଆରେ, ଇନେସ୍ ଆସେକ୍ ବାବି କିଓି ଲକୁ ଆରି ଚାପ୍‌ବାର୍‌ତାଂ ରାକ୍ୟା ପାୟାନାସ୍,
 ଇନାକିଦେଂକି ଓଜାକାତ୍ ପାତ୍ ହିଲୁଟ୍ ।

୩ ମତର୍ ମାପୁ ପାତ୍ କିନାନ୍, ହେଖାନ୍ ମିଜେକ୍ ତିର୍ କିଜି ସୟ୍‌ତାନତାଂ ରାକ୍ୟା
 କିଦନାନ୍ । ୪ ଆସେକ୍ ଇମଣି ସବୁ ବଲ୍ ହିଚ୍‌ତାନ୍, ହେ ଓଜୁ ଜେ ଏପେକ୍ କିନାଦେରା
 ଆରି କିନାଦେର୍, ଇଦାଂ ମି ବିତ୍ରେ ମାପୁତାକେ ମା ବାସ୍ ।

୫ ଆରେ ମାପୁ ମି ମାନତିଂ ଇସ୍‌ବର୍‌ତି ଜିଉନନାକା ଆରି କ୍ରିସ୍‌ତି ସାସ୍‌ଲାକେ ହାଜିଚ୍
 ହାଞ୍ଜେକ୍ କିୟାକିଏନ୍ ।

ଓଜାର୍ କାମାୟ କିନି ଲଡା

୬ ଏ ଟଣ୍ଡାର୍, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍‌ତି ତର୍ଦ୍ଦ ଆପେଂ ମିଜେକ୍
 ଇ ବଲ୍ ହିଦନାପା, ଇମଣାକାର୍‌ପା ଟଣ୍ଡେନ୍ ମା ତାକ୍ ପାୟାତି ହିକ୍ୟା ଇସାପ୍‌ରେ
 ଚିନ୍ତା କିଖାଦାକ୍ ଆଡ୍‌ସିୟା ଚିନ୍ତା କିନାନ୍, ତା ତାକେଣ୍ଡାଂ ଜାର୍ ଜାର୍‌ତିଂ ବିନେ କିୟାଟ୍
 । ୭ ଇନାକିଦେଂକି ଇନେସ୍ ମାକ୍ ପାତେହାଲ୍‌ଜି ମିଦାଂ ଆନାଟ୍, ହେଦାଂ ଏପେକ୍
 ନିଜେ ପୁନାଦେରା; ଲାଗିଂ ଆସେକ୍ ମି ବିତ୍ରେ ଆଡ୍‌ସିୟା ଚିନ୍ତା କିଖାଦାଂ ମାଗାପ୍, ୮ କି
 ମଲ୍‌ହିଲ୍‌ଖାଦାଂ ଇନେର୍‌ତି ଆରାଣ୍ଡି ତିନ୍‌ଖାଦାଂ ମାଗାପ୍ ଲାଗିଂ ମି ବିତ୍ରେ ଇନେର୍‌ତି
 ବଜ୍‌ଲାକେ ଆଓିକାଜିଂ ବେସିକସ୍ ଆରି ଦୁକ୍ ହୁଦାଂ ଖେଡାନାଣା କାମାୟ କିଜି
 ମାଗାପ୍; ୯ ମି ତାକ୍ ଅଲପ୍ ଅନାକା ଜେ ମା ଆଦିକାର୍ ହିଲୁଟ୍, ହେଦାଂ ଆକାୟ୍,
 ମତର୍ ଇନେସ୍ ଏପେକ୍ ମା ପାତେ ଖାଡୁ; ଇଦାଂ କାଜିଂ ଆପେଂ ମି ଲାଗେ ଜାର୍

ଜାର୍‌ଡିଂ ହାର୍ କିଜି ଚର୍ଚ୍ଚେଦେଂ କାଜିଂ ହେ ଲାକେ କିତାପ୍ । ୧୦ ଇନାକିଦେଂକି ମି ଲାହାଂ ମାନିହିଂ ନେ ଆପେଂ ମିଲେଞ୍ଜ୍ ଇ ବଲ୍ ହିଡ଼ତାପ୍, “ଇମ୍‌ଣାକାନ୍ କାମାୟ୍ କିଦେଞ୍ଜ୍ ମାନ୍ କିଉନ୍, ହେଝାନ୍ ତିଞ୍ଜେଞ୍ଜ୍ ପା କାମେନ୍ ।

୧୧ ଲାଗିଂ ମି ବିତ୍ରେ ଇନେର୍ ଇନେର୍ ଆଡ଼ସାୟ୍ ଚିନ୍ତା କିନାରା ଆରି ଇମ୍‌ଣାକା କାମାୟ୍ ଦୁକ୍‌ହିନାକା ବିପ୍ରି ଆନାରା ଇଞ୍ଜି ଆପେଂ ଝେନାପା । ୧୨ ଇ ବାନି ମାନାୟାରିଂ ସୁସ୍ତା ବାବ୍ରେ କାମାୟ୍ କିଜି ଜାର୍ ଜାର୍‌ଡିଂ ଆରାଣ୍ ତିଞ୍ଜେଞ୍ଜ୍ ଆପେଂ ମାପୁ ଜିସୁ କ୍ରିସ୍ଟି ତର୍ଦ ବଲ୍ ଆରି ଗଞ୍ଜାରି ଚେଡ଼ନା ହିଦ୍‌ନାପା ।

୧୩ ଏ ଟଣ୍ଡାର୍, ଆରି ତଣ୍ଡେକ୍ ହାଡ଼ପା କାମାୟ୍ କିନିତାକେ ଏପେଞ୍ଜ୍ ଝାହ୍‌ମାଟ୍ । ୧୪ ଆରେ ଏଚେକାଡ଼୍‌ଦ ଇନେର୍ ଇ ଚିଟିତ ଲେକିକିତି ମା କାବୁର୍ ମାନିକିଉନ୍, ଝାଟିଞ୍ଜ୍ ହେ ଲଗାଂ ଚିନି କିଜି ଇଟାଟ୍, ଆରେ ହେଝାନ୍ ଇନେସ୍ ଲାଜ୍ କୁଗାନାନ୍, ଇଦାଂ କାଜିଂ ତା ଲାହାଞ୍ ମେହାମାଟ୍; ୧୫ ଆତିସ୍‌ପା ତାଞ୍ଜେଞ୍ଜ୍ ସାତୁ ଇଞ୍ଜି ବାବି କିମାଟ୍, ମତର୍ ତାଞ୍ଜ ଟଣ୍ଡେନ୍ ଇଞ୍ଜି ବାବି କିଜି ଚେଡ଼ନା ହିୟାଟ୍ ।”

ହାରିହାରା କାତା

୧୬ ସୁସ୍ତାହିଦ୍‌ନି ମାପୁ ନିଜେ ମିଲେଞ୍ଜ୍ ନିତ୍ରେ ଆରି ସବୁ ବାନି ସୁସ୍ତା ହିଦେନ୍ । ମାପୁ ମି ଝିଜାଦେରିଂ ଆୟେଡ୍ ।

୧୭ ଆନ୍ “ପାଉଲ୍ ନା ନିଜେ କେଇଦ ଲେକିକିଜି ଜୁଝାର୍ ଜାଣାୟ୍‌କିଦ୍‌ନାଞ୍ଜା; ଝିଜୁ ଚିଟିତ ଇଦାଂ ଚିନ୍ ଲାକେ, ଆନ୍ ଇଦାଂ ଲେକିକିତାଂନା ।

୧୮ ମା ମାପୁ ଜିସୁ କ୍ରିସ୍ଟି ଦୟା ମି ଝିଜାଦେର୍ ଲାହାଂ ଆଏଡ୍ ।”

ତିମତି ନିକଟକୁ ପ୍ରେରିତ ପାଉଲଙ୍କ ପର୍ଯ୍ୟନ୍ତ ପତ୍ର ତିମତି ଲାଗାଂ ପକ୍ୟାତି ପାଉଲ୍‌ତି ପର୍ତ୍ତୁମ୍ ଆକି ପର୍ତ୍ତୁମ୍ ତିମତି ପତି ବିସ୍ତେ ପାଦେକ୍

ପର୍ତ୍ତୁମ୍ ତିମତି ପତି ର ଆକି, ପକ୍ୟାତି ପାଉଲ୍‌ତାଂ ତା ଚେଲା ତିମତିଂ ଲେକା ଆତାଡ଼ନ୍ନା । ପର୍ତ୍ତୁମ୍ ତିମତି ଆଜି ମାନଗାନାଡ଼ ୬୨-୬୪ କ୍ରିଷ୍ଟି ଜଲମ୍ ପାଚେ ଲେକା ଆତାଡ଼ନ୍ନା । ଆଜି ମାନଗାନାଡ଼ ଇଦାଂ ଆଜି ମାନଗାନାଡ଼ ପାଉଲ୍‌ତି ଜିବୁନ୍ନି ହାରିହାରା ସମ୍ପୁ ଆନାଡ଼ । ପାଉଲ୍‌ତି ହାଙ୍ଗଦାକାନ୍ ତିମତି ବେସି ମେହାଣ ମାଗାଡ଼, ହେଝାନ୍ ବେସି ଖେଡ଼ାଲିଂ ତିମତିଂ ମାଜି ଇଞ୍ଜି ଇଞ୍ଜି ମାଗାନ୍ ପିଲିପିୟ ୨:୨୨ ୧ ତିମତି ୧:୨୧:୧୮ । ଇଦାଂ ପାଉଲ୍‌ତି ହୁଦାଂ ଲେକାତି ଚାରି ଗଟା ନିଜାର୍ ଅଲ୍‌ଗା ପତିଂ ବିତ୍ରେ ଇଦାଂ ରଞ୍ଜାଙ୍ଗ୍ ଇମେତାକେ କି ମଣ୍ଡଲି ପିସ୍ତ୍ରି ରଞ୍ଜାନ୍ ମୁଣିକାତି ଜାଣା କିନାନ୍ । ବିନ୍ ତିନଗଟା ପତିଂ ଜେତି ତିମତି, ତିତସ୍, ଆରି ପିଲିମନ୍ ଆନାଡ଼ । ପର୍ତ୍ତୁମ୍ ତିମତି ମଣ୍ଡଲିନି ଆଦେକ୍ ହେଦା କିନି ଦାରା ବିସ୍ତେ ମାନାଡ଼ ୨:୧-୫ । ଇବେ ମଣ୍ଡଲିନି ନେତାର୍‌ତି ସାକ୍ତି ବିସ୍ତେ ହୁଡ଼ନାସ୍ ୩:୧-୧୩ ଆରି ମିର୍ ଗୁରୁରତି ବିରୁଦ୍‌ତ ଜାଗ୍ରତ୍ ଇନାକା ମନାଡ଼ ୧:୩-୧୧୪:୧-୫୬:୨-୫ ମଣ୍ଡଲି ବିତ୍ରେ ତିମତି ଇନେସ୍ ବାନି ରଞ୍ଜାନ୍ ନେତା ଆନି ଲଡ଼ା ହେଦାଂ ପାଉଲ୍ ହିକ୍ୟା ହିନି ବିସ୍ତେ ଚନ୍‌ନାନ୍ । ପର୍ତ୍ତୁମ୍ ତିମତିତ ନଂନି ନାଟିନି ମଣ୍ଡଲିନି କାମାୟ୍ ଚାଲାୟ୍‌କିନି କାଜିଂ ମା ଜୁଗ୍‌ନି ମଣ୍ଡଲିନି ନେତାରିଂ ଆଦିକ୍ ବେସି ମୁଡ଼୍ ହପ୍‌ନାକା ଆହ୍‌ନାଡ଼ ।

୧ ତିମତି ପତି ବିସ୍ତେନି ରାହାଣ

- ୧ ପାଉଲ୍ ତିମତିଂ ବାନ୍ଦାୟ୍ କିଜି ଲେକା ହାଙ୍ଗଦାନ୍ନା । ୧:୧-୨
- ୨ ପାଉଲ୍ ତିମତିଂ ମିର୍ ଗୁରୁର୍ ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୧୧
- ୩ କ୍ରିଷ୍ଟ ତାକେ ପାଉଲ୍‌ତି ଖାରିକିଜି ଆକି ଲେକି କିତାନ୍ । ୧:୧୨-୧୯
- ୪ ପାଉଲ୍ ମଣ୍ଡଲିନି ହେବାକାମାୟ୍ ଆରି ନେତାର୍‌ତି ବିସ୍ତେ ତିମତିଂ ଟାଣ୍ଡନାନ୍ । ୨:୩
- ୫ ପାଉଲ୍ ତିମତିଂ ଏଚେଗଟା ହାରିହାରା ଟାଣ୍ଡି ଲେକା ଖିସ୍ତାନ୍ । ୪:୬

୧ ଆନ୍ ପାଉଲ୍, ମାଙ୍ଗ୍ ମୁଲ୍‌କିଦ୍‌ନି ଇସ୍‌ବ୍ ଆରି ବାସ୍‌ନି ଆହା କ୍ରିଷ୍ଟ ଜିସୁଙ୍ଗ୍ ବଲ୍ ଇସାପ୍‌ରେ କ୍ରିଷ୍ଟ ଜିସୁତି ରଞ୍ଜାନ୍ ପକ୍ୟାତାକାନ୍, ^୨ପାତ୍‌ତ ଜାର୍ ଦରମ୍ ମାଜି ତିମତି ଲାଗାଂ ଆକି ଲେକିକିନାଙ୍ଗା, ଆବା ଇସ୍‌ବ୍ ଆରି ମା ମାପୁ କ୍ରିଷ୍ଟ ଜିସୁତାଂ ଉପକାର୍, ଦୟା, ଆରି ସୁସ୍ତା ମି କାଜିଂ ଆଏଡ଼ ।

ବୁଲ୍‌କାୟ୍‌କିନି ହିକ୍ୟା କାଜିଂ ଜାଗ୍ରତ୍

୩ ଆନ୍ ମାକିଦନିଆତ ହାନିହିଙ୍ଗ୍ ନିଙ୍ଗେଙ୍ଗ୍ ଇନେସ୍‌କି ଗଞ୍ଜାରି କିଜି ମାନ୍‌ଚାଙ୍ଗ୍, ହେ ଲାକେ ଏପେଙ୍ଗ୍ ଏପିସିତ ମାନାଡ଼ । ହେବେ କେତେଜାଣ୍ ବୁଲ୍ ହିକ୍ୟା ହିନାରା । ହେଝାରିଂ ବନ୍ଦ୍ କିୟାଡ଼ ଇନାଡ଼ । ^୪କି ହାନ୍ଦାୟ୍ କାତା ଆରି ଖିଜ୍‌ଖି ଲାତ୍ରାଡ଼ି ମାନ୍‌ଦ୍ୟାନ୍ କିଉର୍, ଇଦାଂ କାଜିଂ ହେଝାରିଂ ବଲ୍ ହିୟାଡ଼; ହେ ଖିଜୁ ପାତ୍‌ ବିସ୍ତେ ଇସ୍‌ବ୍‌ତି କାମାୟ୍‌ନି ଉପକାର୍ ଆଖାଦାଙ୍ଗ୍ ନଲେ ଜିକାଟାଣା ଉଦ୍‌ଜାୟ୍ କିନାଡ଼ । ^୫ମାତର୍ ହାର୍‌ଦି ମାନ୍, ସକର୍ ବାଦ୍‌ନା ଆରି କାପଟିୟା ପାତ୍‌ତାଂ ହଡ଼ତି ଇମ୍‌ଣି ଜିଉନନାକା, ଜାଗ୍ରତ୍ କିଦେଂ ଆନ୍ ଇ ହିକ୍ୟା ହିନାଙ୍ଗା । ^୬ହେଦାଂ ମସାତି ବିଦିନି

୫ ୧:୨ ୧:୨ ପକ୍ୟାତାକା ୧୭:୧.

ଇସାବ୍ ଆନାତ୍; ଇନେ ଇନେର୍ ଇସବୁ ବିସ୍ତେ କାଜିଂ ଇଟ୍‌କାଡ୍ ହୁଡ଼୍‌ଝାଦାଙ୍ ଆହାର୍ କାତାତ ଆହା ଆଜି ହାଜି ବାଣାନାରା ।^୭ ହେଝାର୍ ବିଦିତ ଗୁରୁ ଆଦେଙ୍ ଇଚା କିତାର୍, ମାତର୍ ଇମ୍‌ଣି ବିସ୍ତେ ଆଟ୍‌ଝା ହିକ୍ୟା ହିନାର୍, ହେଦାଂ ନିଜେ ବୁଜାଆଉର୍ ।

୮ ଆପ୍ ପୁନାପ୍ ଜେ, ବିଦି ସମାନ୍ ବାବ୍ରେ ପାଲି କିତିସ୍, ହେଦାଂ ହାର୍ ।^୯ ମାତର୍ ବିଦି ଅଦାମ୍ ଆରି ପାପିୟା, ବିଚାଡ୍ ଆରି ଦୟା ହିଲ୍‌ଝାକାନ୍, ଆବାଙ୍ ଅହନାକାନ୍ ଆରି ଆୟାଙ୍ ଅହନାକାନ୍, ନାର୍‌ଅହନାକାନ୍, ଦାରି, ମୁଟିଇଡ଼ିନାକାନ୍, ମାନାୟ୍ ଚର୍, ମିର୍ ଇନାକାର୍ ଆରି ମିର୍ ପାର୍ମାଣ୍ କିନାକାର କାଜିଂ, ଆରେ ହାର୍‌ଦି ହିକ୍ୟାନ୍ ଉଲ୍‌ଟା ଜେ ଇମ୍‌ଣାକା ବିସ୍ତେ ମାନାତ୍ ହେଦାଂ କାଜିଂ ଜେ ସମାନ୍ ଆତାନ୍ନା, ^{୧୦} ଇଦାଂ ପୁନ୍‌ଞ୍ଜି ଜଦି ଇନେର୍ ବିଦିନି ହାର୍‌ଦି ବେବାର୍ କିନାନ୍, ତେବେ ହେଦାଂ ଜେ ହାର୍‌ଦାକା, ଇଦାଂ ଆପ୍ ପୁନାପ୍, ^{୧୧} ଇଦାଂ ତ ନା ତାକେ ହେଲ୍‌ୟା କିୟାତାଡ଼ନା ହାର୍‌ଦାକା ଦନ୍ୟ ଇସ୍‌ତ୍ ଜାଜ୍‌ମାଲ୍ ନେକ୍ରିକାରୁର୍ ସୁଣାୟ୍ କିନି ହିକ୍ୟା ହୁକେ ଆନାତ୍ ।

ଇସ୍‌ତ୍ ଦୟା କାଜିଂ ଜୁଆର୍

^{୧୨} ମାଦାଙ୍ ଇମ୍‌ଣି ମାପୁ କ୍ରିସ୍ଟ୍ ଜିସୁ ନାଙ୍ଗେଙ୍ ସାକ୍ତି ହିଡ଼ତାନ୍ନା, ତାଙ୍ଗେଙ୍ ଆନ୍ ଜୁଆର୍ କିନାଙ୍ଗା ଜେ, ହେଝାନ୍ ନାଙ୍ଗେଙ୍ ପାତ୍ କିଜି ହେବାକାରୟା ପାଦ୍‌ତ ବାଟି କିଡ଼ତାନ୍ନା, ^{୧୩} ଆତିସ୍‌ପା ଆନ୍ ଆଗେ ନିନ୍ଦାନିକାଙ୍, କସୁହିନାକାନ୍ ଆରି ହର୍‌ବର୍‌କିନାକାଂ ମାଚାଂ; ମାତର୍ ଆନ୍ ପାତ୍ କିଝାକା ହୁକେ ଗିଆନ୍ ହିଲ୍‌ଝି ଲାକେ ହେଦାଂ କିଜି ମାଚାଙ୍ ଇଞ୍ଜି ଦୟା ପାୟାତାଙ୍; ^{୧୪} ଆରେ, ମା ମାପୁତି ଦୟା କ୍ରିସ୍ଟ୍ ଜିସୁତି ଲାହାଙ୍ ପାତ୍ ଆରି ଜିଉନନାକା ହୁଦାଂ ନା କାଜିଂ ବେସି ଆତାଡ଼; ^{୧୫} ପାପିୟାରିଙ୍ ମୁକ୍ତି କିନି କାଜିଂ କ୍ରିସ୍ଟ୍ ଜିସୁ ଜେ ପୁତ୍ ତ ଜୁଡ଼ତାନ୍, ଇ କାତା ପାତ୍ ଆରି ଇଟ୍‌ୟାନିଜଗ୍; ହେ ପାପିୟାର୍ ବିଡ୍ରେତାଂ ଆନ୍ ମୁଡ଼ଦାକାଂ । ^{୧୬} ଆତିସ୍‌ପା ଇମ୍‌ଣାକାର୍ ଝାନିଦିନ୍ତ କାଡ଼୍‌ଦ ଝିଜ୍‌ଝି ଜିବୁନ୍ ପାୟା ଆନି କାଜିଂ ଜିସୁ କ୍ରିସ୍ଟାକେ ପାତ୍ କିତାର୍, ହେଝାର୍ ତାକେ ଉତ୍‌ର୍‌ମୁଡ଼୍‌ଲାକେ ଆନି କାଜିଂ ମୁଡ଼ଦି ପାପିୟା ଜେ ଆନ୍, ନା ତାକେ ହେଝାନ୍ ଇନେସ୍‌କି ଜାର୍ ବାତ୍ ଦୟା କିଦନାନ୍, ଇଦାଂ କାଜିଂ ଆନ୍ ଦୟା ପାୟା ଆତାଂ । ^{୧୭} ଜିରାଝି, ଚଞ୍ଜିୟାଆଝି, ରଝାନ୍ ମତର୍ ଇସ୍‌ବର୍ ଜେ ଝିଜ୍‌ଝି କାଡ଼ନି ରାଜା, ତା ପାଣ୍ ଆରି ଜାଜ୍‌ମାଲ୍ ଜୁଗ୍ ଜୁଗ୍ ଆଏଡ଼ । ଆମେନ୍ ।

^{୧୮} ଏ କାଡ଼ଦେ ତିମତି, ନି ବିସ୍ତେ ପୁର୍ବେ ଇ ଝିଜୁ ବେଶ୍‌ବାକ୍‌ଶାୟ୍‌କିନି ହୁଦାଂ ଆନ୍ ନିଙ୍ଗେଙ୍ ଇ ବଲ୍ ହିଦନାଙ୍, ଇନେସ୍‌କି ଏପେଙ୍ ହେ ସବୁ ବେଶ୍‌ବାକ୍‌ଶାୟ୍‌କିନାକା ଉପ୍‌କାରତାଂ ହାର୍‌ଦାଂ ଜୁଜ୍ କିଦେଙ୍ ଆଡ଼ନାଦେର୍; ^{୧୯} ପାତ୍ ଆରି ହାର୍‌ଦି ଚିନ୍ତା ସାକ୍ତି ଆସ୍ତି ଇଚାଟ୍; ହେଦାଂ ପିସ୍ତିଲେ କେତେଜାଣ୍ତି ପାତ୍ ବାଙ୍ଗାଆତାଡ଼; ^{୨୦} ହେଝାର୍ ବିଡ୍ରେତାଂ ହୁମନାୟ୍ ଆରି ଆଲେକ୍‌ଜାଣ୍ଟୁର୍ ରିକାର୍; ଇଝାର୍ ଇନେସ୍ ସାସନ୍ ପାୟା ଆଜି ଇସ୍‌ବର୍ ନିନ୍ଦା କିଉର୍, ଇଦାଂ କାଜିଂ ଆନ୍ ଇଝାରିଙ୍ ସୟ୍‌ତାନ୍ କେଇଦ ହେଲ୍‌ୟା କିତାଂ ।

୨

ମଣ୍ଡଲିତ ପାର୍ତାନା କିନି ବିଦି

^୧ ଆନ୍ ପର୍ତୁମ୍ ଗଝାରି କିନାଙ୍, ପାର୍ତାନା କିନିଝେଡ଼ାଂ ଝିଜାର୍ କାଜିଂ ଇସ୍‌ବର୍‌ତି ତାକେ ପାର୍ତାନା କିୟାଟ୍, ପାର୍ତାନା, ଗଝାରି, ଦନ୍ୟବାଦ୍ ଝେଚାଟ୍ । ^୨ ବିନ୍‌ବିନ୍ ରାଜା ଆରି ସାସନ୍‌କାରିୟା ଆରେ ସବୁ ସାଦୁର୍ କାଜିଂ ଇସ୍‌ବର୍‌ତିଂ ପାର୍ତାନା, ଗଝାରି ଆରି ଦନ୍ୟବାଦ୍ ଜାଣାୟ୍ କିନାଦେର୍, ଆପେଂ ଇନେସ୍ ଇସ୍‌ବର୍ ଦିୟାନ୍ତ ପାଣ୍ଟା ଆଉପ୍ ଆରି ବିନେନିକାର୍ କାଜିଂ ସବୁଝେଡ଼ାଙ୍ ସୁକ୍ ସୁସ୍ତାତ ଜିବୁନ୍ ଜିପ୍‌କା କିଦେଙ୍ ଆଡ଼ନାପ୍ ।

୩ ଇ ବାନି ପାର୍ଥନା ମା ମୁକ୍ତି କିତ୍ତକାନ୍ ଇସ୍ବତ୍ କାଣକ୍ବୁତ ହାର୍ ଆରି ଇଚ୍ୟାନାକା । ୪ ଓଜାର୍ ଇନେସ୍ ମୁକ୍ତି ଆନାର୍ ଆରି ହାତ୍ପା ବିସ୍ତେ ଗିୟାନ୍ ପାୟା ଆନାର୍, ଇଦାଂ ହେଖାନ୍ ମାନ୍ କିନାନ୍ । ୫ ଇନାକିଦେଂକି ରଖାନ୍ ମତର୍ ଇସ୍ବର୍ ମାନାନ୍, ଆରେ ଇସ୍ବର୍ ଆରି ମାନାୟାର୍ ବିତ୍ରେ ରଖାନ୍ ମତର୍ ମାଦ୍‌ଶାକାନ୍ ମାନାନ୍, ହେଖାନ୍ ଆନାନା ମାନାୟ୍ ଜିସୁ କ୍ରିସ୍ତୁ: ୬ ଜିସୁ ଓଜାକାତ୍ ମୁକ୍ତାନି ମାଲ୍ ଲାକେ ଜାର୍‌ତିଙ୍ଗ୍ ଦାନ୍ କିଜି ସମାନ୍ ଖାଡ଼ାଲିଙ୍ଗ୍ ହେବେନି ସାକି ହିତାନ୍ନା । ୭ *ହେଦାଂ କାଜିଂ ଆନେଙ୍ଗ୍ ରଖାଙ୍ଗ୍ ସୁଣାୟ୍ କିନାକାଙ୍ଗ୍, ପକ୍ୟାତାକାନ୍, ଆରେ ପାତ୍ ଆରି ସତ୍ ବିସ୍ତେ ପାତ୍ କିଓ ଜିହୁଦିରତ ରଖାଙ୍ଗ୍ ଗୁରୁ ଲାକେ ବାଟିକିୟା ଆତାଂନା, ଆନ୍ ହାତ୍ପା ଇଞ୍ଜନାଙ୍ଗା, ମିଚ୍ ଇଞ୍ଜାଙ୍ଗା ।

୮ ଆନ୍ ଇଚା କିତିସ୍ ଜେ ପାର୍ଥନାତ ପୁଇପୁୟା କେଇ ଲାମାୟ୍ କିଜି ଓଜାର୍ ମାନାୟାର୍ ପାର୍ଥନା କିଏର୍, ମାତ୍ର ଓଜୁ ବାନି କାକ୍ତି ଆରି ତାରାନାକା ପିହାଟ୍ । ୯ *ହେ ଲାକେ ପା କଗଲେ ହିମ୍‌ଶାକାଂ କହାବଲିଂ ଗାଟ୍‌ମେକ୍ ଆରି ହନା କି ମୁକ୍ତା କି ଦାମନି ହେନ୍ଦାତ ଜାର୍ ଜାର୍‌ତିଂ ଗାଡ଼ିକିଖାଦାଂ ଲାଜ୍ ଆରି ହାର୍‌ଦି ବୁଦି ହୁକେ, ଜାଗ୍ରତ୍ କିଜି ଉସ୍‌ପାଟ୍ ୧୦ ହାର୍‌ଦି କାମାୟ୍ କାଜିଂ ଜାର୍‌ତି ଦାମ୍ କଗଲେକ୍‌କାଂ ଲଡ଼ାନି ହାତ୍ପା କାମାୟ୍ ଲାକେ ରଞ୍ଜି ଜାର୍ ଜାର୍‌ତିଂ ରଞ୍ଜାଟ୍ । ୧୧ କଗଲେ ବାତ୍ ତଲ୍ୟା ମାନି କିଜି ଚିମରାଆଜି ହିକ୍ୟା ଇଚେଟ୍ । ୧୨ ଆନ୍ କଗଲେଙ୍ଗ୍ ହିକ୍ୟାହିଦେଙ୍ଗ୍ କି ଆଣ୍ଡେନ୍ ଜପି ରାଜ୍ କିଦେଙ୍ଗ୍ ଆଦିକାର୍ ହିଉଙ୍ଗା ମାତର୍ ହେଦେଲ୍ ମଦା ଆଜି ଖେନେଟ୍ । ୧୩ ଇନେକିଦେଂକି ପର୍ତ୍ତୁମ୍ ଆଦମ୍ ଉଦ୍‌ଜାତାନ୍ ତାପାଚେ ହବା । ୧୪ ଆରେ ଆଦମ୍ ଟକଆଜି ମାନ୍‌ଖାଦାଂ ମାଚାନ୍, ମାତର୍ କଗଲେ ଟକତ୍ ଆଜି ବଲ୍ ମାନିକିଖାଦାଂ ଦସ୍‌ତ ଦସି ଆତାଟ୍ । ୧୫ ମାତର୍ କଗଲେକ୍ ହାର୍‌ଦିବୁଦି ଲାହାଙ୍ଗ୍ ପାତ୍, ଜିଉନନାକା ଆରି ପୁଇପୁୟାତାଂ ତିର୍ ମାଟିସ୍, ହେଦେଲ୍ ହିମ୍‌ଶା ଜଲମ୍ କିନି ସମ୍ବୁତ ମୁକ୍ତି ପାୟା ଆନାଟ୍ ।

୩

ମଣ୍ଡଲି ତାକେ ଚାଲାୟ୍ କିନାକା

୧ ଇ କାତା ସତ୍, ଇନେନ୍ ଜଦି ମୁଣିକା ପାଦ୍ ଦାଇଟ୍ ଆଦେଙ୍ଗ୍ ଇଚା କିନାନ୍, ଲାଗିଂ ହେଖାନ୍ ହାର୍ କାମାୟ୍ ମାନ୍ କିଏନ୍ । ୨ *ଲାଗିଂ, ମୁଣିକାତି ଦସିଆଖାଦାଂ ମାନାକା ମାନାଟ୍ ହେଖାନ୍ ଆତିସ୍ ର ତକ୍ରିନି ତକ୍ରା, ଜାର୍‌ତିଂ ସମାଲି କିନାକା, ହାର୍‌ଦିବୁଦି, ସବୁଖେଡ଼ାଙ୍ଗ୍, ଏଚେକ୍ ଖାରିତ ଆରି ହିକ୍ୟାଦାନ୍‌ତ ବାତ୍ ଆନାର୍, ୩ ମଦ୍‌ଖା କି କୁରୁଲିୟା ଆଖାଦାଙ୍ଗ୍ ଇତିସ୍ ଦାମ୍ ମତର୍ ସୁସ୍ତା, ହୁଦାର୍, ବେରୁଆଖାଦାଂ, ଆରି ଦନ୍ ଲବ୍ରା ଆଉନ୍ । ୪ ଜାର୍ କୁରୁମ୍‌ତିଙ୍ଗ୍ ହାର୍ ଲାକେ ଜାତୁନ୍ କିନାନ୍, ତା ହିମ୍‌ଶାକାଂ ହିକ୍ୟା କିଜି ମାନାନ୍ । ୫ ଇନେନ୍ ଇନାଖାତାଙ୍ଗ୍ ଜାର୍ କୁରୁମ୍‌ତିଂ ଚାଲାୟ୍ କିଦେଙ୍ଗ୍ ପୁନାନ୍, ହେଖାନ୍ ଇନେସ୍ ଇସ୍ବତ୍ ମଣ୍ଡଲିତିଂ ଜାତୁନ୍ କିଦେଂ ଆତ୍‌ନାନ୍ ? ୬ ହେଖାନ୍ ପାତ୍ ତ ହେନ୍‌ତି ମାନାକା ମାନାଟ୍; ପୁନି ପାତ୍ କିନାକାନ୍ ଆଖାଦାଙ୍ଗ୍ ମାନାନ୍, ଏଚେକାତ୍‌ଦ ଆହାର୍ ଗାବ୍ ଆଜି ସୟ୍‌ତାନ୍ ଲାକେ ତାଣ୍ ପାୟା ଆନାନ୍ । ୭ ହେଖାନ୍ତି ପା ବାତ୍ ଲକ୍ଷ୍ମ ତାଙ୍ଗ୍ ସନ୍‌ମାନ୍ ପାୟାନାକା ଲଡ଼ା, ମାନାଟ୍, ଏଚେକାତ୍‌ଦ ହେଖାନ୍ ନିୟା ପାୟା ଆଜି ସୟ୍‌ତାନ୍‌ନି ତକ୍ରାତ ହେଜେନାନ୍ ।

ମଣ୍ଡଲିନି ହେବାକାର୍‌ୟା

* ୨:୨ ୨:୭ ୨ ତିମତି ୧:୧୧. ✧ ୨:୯ ୨:୯ ୧ ପିତର୍ ୩:୩. ✧ ୩:୨ ୩:୨ ତିତସ୍ ୧:୬-୯.

୮ ହେ ଲାକେ ହେବାକାରିୟାର୍ତ୍ତି, ହାଦ^୮ ବାଦନାତ ପାତ^୮ ନି ତୁଲ୍ଲି ଗିୟାନ୍ ଦାସ୍ତି
 ସମାନ୍ ବେବାର ଚକ୍ଲି ଆଖାଦାଙ୍ଗ, ଅଙ୍ଗୁର ରାସ୍ ଉଖାଦାଙ୍ଗ ମାନାନ୍ ଆରି କାମାୟ
 ଦନ୍ ଲାବ୍ଡି ଆମେର୍; ୯ ମା ଦାରୁମ୍ ପାତ^୮ ନି ବେରଣି^୯ ହତାକା ହାଡ଼ପାକା^୯ ହେଖାର
 ସକଟ୍ ଚିନ୍ତା ସାକ୍ତିତା^୯ ତାଟ୍ ବାବ୍ରେ ପାତ^୮ କିଜି ମାନଗାନାର । ୧୦ ହେଖାର ପା
 ପର୍ତ୍ତମ୍ ପରିକ୍ୟାକିୟା ଆୟେର୍, ଆରେ ଦସି ଆଖାଦା^{୧୦} ଚଞ୍ଜିୟା ଆତାନ୍, ହେବାକାରୟା
 ପାଦତ ବାଚିକିୟାୟେନ୍ । ୧୧ ହେ ଲାକେ କଗଲେକ୍ ପା ଲକାରନିୟା ଆଖାଦାଙ୍ଗ
 କାଲେତା^{୧୧}, ମିଟ୍ ଇନାକାଦେଲ୍ ଆରି ସବୁ ବିସ୍ତେ ପାତ^୮ କିନାକାଦେଲ୍ ଆନାକା
 ମାନାତ୍ । ୧୨ ହେବା କିନାକାର ର ର କଗଲେନି ଆଣ୍ଡା ଆୟେର୍, ଆରି ଜାର୍ ଜାର୍
 ହିମ୍‌ଶାକାଙ୍ଗ ଆରି କୁଟୁମ୍‌ତିଙ୍ଗ ହାର ଲାକେ ଚାଲାୟ୍ କିଏନ୍ । ୧୩ ଇନେକିଦେ^{୧୩}କି
 ଇନେର୍ ହାର କିଜି ହେବାକାରୟା କାମାୟ୍ କିତାଣ୍ଡା, ହେଖାର ଜାର୍ ଜାର୍ କାଜି^{୧୩}
 ତାକ୍‌ପୁଟାଆଜି ଆରି କ୍ରିଷ୍ଣ ଜିସୁତି ତାକେ ପାତ^୮ ହୁଦା^{୧୩} ବେସି ସାସ୍ ଲାବ୍ କିତାର୍ ।

ପାତ^୮ ନି ହାଡ଼ପା

୧୪ ଇ ଆକି ଲେକିକିନିହି^{୧୪} ଆନ୍ ବେଗି ମି ତାକେ ହାନାଙ୍ଗ ଇଞ୍ଜି ଆହା କିନାଙ୍ଗା;
 ୧୫ ମତର୍ ଏତେକାଡ଼ଦ ନାଦା^{୧୫} ମାଲାଆନାଡ଼, ତେବେ ଇସ୍ତ^{୧୫} ଇଞ୍ଜି, ଇତିସ୍
 ହାଡ଼ପାନି ମୁଣ୍ଡା ଆରି ମୁଡ଼କୁନାଦି ଲାକେ ଜିତି ଇସ୍ତ^{୧୫} ମଣ୍ଡଲିତ, ଇନେସ୍ ବେବାର
 କିୟାଆନାଡ଼, ହେଦା^{୧୫} ଇନେସ୍ ଏପେଙ୍ଗ ପୁନାଟ୍, ଇଦା^{୧୫} କାଜି^{୧୫} ଇ ଝିଜୁ ମି ଲାଗା^{୧୫}
 ଲେକିକିଦନାଙ୍ଗା । ୧୬ ଇସ୍ତର୍ ହେବାକାରି ବିତ୍ରେନି ଅରଡ଼ ଜେ ଗାଜା କାତା ଇଦା^{୧୬}
 ଝିଜାର୍ ମାନି କିତାର୍ । ହେଦା^{୧୬} ଇ,
 କ୍ରିଷ୍ଣ ମାନାୟ ଗାଗାଡ଼ ଆଜି ଚଞ୍ଜିୟା ଆତାନ୍, ଜିବୁନ୍‌ତ ଦାମ^{୧୬} ଇଞ୍ଜି ତାକ୍‌ପୁଟାତାନ୍,
 ଦୁଡ଼ତକ୍ କାଜି^{୧୬} ଚଞ୍ଜିୟାତାନ୍,
 ଜାତିର୍ ବିତ୍ରେ ସୁଣାୟ କିୟାତାନ୍, ପାଣ୍ଡତ ଇନ୍ୟାତାନ୍ ।
 ପୁତ^{୧୬}ତ ପାତ^୮ କିୟାଆଜି ଜାଜ୍‌ମାଲ୍‌ତ ରର୍‌ୟାତାନ୍ ।

୪

ମିଟ୍ ହିକ୍ୟାହିନାକାନ୍

୧ ପୁଇପୁୟା ଜିବୁନ୍ ପୁଟ୍‌ତେ ଇଞ୍ଜିନାତା, ପାଚେନି କାଡ଼ଦ ଇନେ ଇନେର୍
 ବାନ୍ୟାମାନ୍ ମିଟ୍‌ଖା ଲଗାଙ୍ଗ କୁଟ୍‌କିନିତାକେ, ଚାକ୍ରାୟ ଜିବୁନି^୧ କାଜି^୧ ଆରି ପୁଦାଙ୍ଗ
 ହିକ୍ୟା କାଜି^୧ ମାନ୍ କିଜି ପାତ^୮ ପିହନାର୍; ୨ ଇଖାର କେଡ଼ଜାଣ୍ ଚାକ୍ରାୟ ଆରି କୁଟ୍
 ଆନାର୍ ହେଖାର ଚିନ୍ତା ସାକ୍ତିତ ହାତାକାର୍ । ୩ ହେ ମିଟ୍‌ଖାର ବିବାଆନାକା ମୁନା
 କିତାର୍, ଆରେ ବାରବିନି କାଦି କାଜି^୩ ବିନେ ମାଞ୍ଜେଙ୍ଗ ହିକ୍ୟା ହିନାର୍ । ପାତ^୮ ନିକାନ୍
 ଆରି ହାଡ଼ପା ପୁନ୍‌ଞ୍ଜି ମାନି ମାନାୟାର୍ ହୁଦା^୩ ଦନ୍‌ସବାଦ୍ ହୁକେ ଚିଞ୍ଜେଙ୍ଗ କାଜି^୩ ଇସ୍ତର୍
 ଇ ସବୁ ତ ଉଦ୍‌ଜାଣ୍ କିତାନ୍‌ନା । ୪ ଇନେକିଦେ^୪କି ଇସ୍ତ^୪ ସବୁ ଉଦ୍‌ଜାଣ୍ ଦିନିସ୍
 ହାରଦାକା, ଆରେ ଜଖାର୍ ହୁକେ ଅତିସ୍ ଇମ୍‌ଣି ବିସ୍ତେ ଇଟ୍ୟା ଆଡ଼ତ୍, ୫ ଲାଗି^୫
 ଇସ୍ତ^୫ କାତା ଆରି ପାର୍ତ୍ତନା ହୁଦା^୫ ହେଦା^୫ ପୁଇପୁୟା କିୟାଆନାଡ଼ ।

କ୍ରିଷ୍ଣ ଜିସୁଙ୍ଗ ହାରଦି ହେବାକାରୟା

୬ ଇ ସବୁ ବିସ୍ତେ ଏପେଙ୍ଗ ଟଣ୍ଡାରିଙ୍ଗ ଆରି ତଣ୍ଡେକା^୬ ହିକ୍ୟା ହିତିସ୍ କ୍ରିଷ୍ଣ ଜିସୁତି
 ରଖାନ୍ ହାରଦି ହେବା କିନାକାନ୍ ଆନାନ୍, ଆରେ ଏପେଙ୍ଗ ଇମ୍‌ଣି ପାତ^୮ ଆରି
 ହାରଦି ହିକ୍ୟାତ ଦାସ୍ତି ଖାତାଦେଣ୍ଡା, ହେ ବଚନ୍ ହୁଦା^୬ ସାକ୍ତି ଆନାଡ଼; ୭ ଇସ୍ତର୍ତି^୭
 ଅଦାମ^୭ ଅପ୍‌ମାନ୍ କିଜି ମାନି ମଲ୍‌ହିଲ୍‌ଝି କାତା^୭ ପିସ୍ତି, ଦାରୁମ୍ ଜିବୁନ୍‌ତି^୭ ବାଡ଼କାସ୍
 କିଦେଙ୍ଗ ଅବ୍ୟାସ୍ କିୟାଟ୍ । ୮ ଇନେକିଦେ^୮କି ଗାଗାଡ଼ନି କ୍ରାସ୍‌ଜି ଅଲପ୍ ବିସ୍ତେ

ଲାବ୍‌ଆଦନାଡ଼, ମାତର ଇସ୍‌ରୂତି ହେବାତ ଇ କାଡ଼ଦାଙ୍ଗ ଆରି ପାଚେକାଡ଼ଦାଙ୍ଗ ପାର୍ମାଣ୍ କିୟା ଆଜି ଓଁଜୁ ବିସ୍ତେ ଜିରୁନ୍ ଲାବ୍‌ଆଦନାଡ଼ । ୯ ଇ ବେରଣ୍ ପାଚ୍ ଆରି ସବୁତାକେ ଇର୍‌ୟାନିଜଗ; ୧୦ ଇଦାଂ କାଜିଂ ତ ଆସେଙ୍ଗ୍ କାମାୟ ଆରି ମାନଦ୍ୟାନ କିଜି କସ୍‌କିନାସା, ଇନେକିଦେଂକି ଇମ୍‌ଣି ଜିତି ଇସ୍‌ର ଓଁଜୁ ମାନାୟତିଂ ଇତିସ୍ ପାଚ୍ କିନାକାରିଂ ମୁକ୍ତି କିନାକାନ୍ତି ହେଖାନ୍ତି ତାକେ ମା ବାସ୍ ମାନାଡ଼ ।

୧୧ ଏପେଙ୍ଗ୍ ଇ ସବୁ ବିସ୍ତେ ବଲ୍ ହିଜି ହେଖାରିଂ ହିକ୍ୟା ହିୟାଡ଼ । ୧୨ ମି ବେଣ୍ଡିୟା ଖାଡ଼ାଙ୍ଗ୍ ଇନେର୍ ମିଙ୍ଗେଙ୍ଗ୍ ପଲ୍ୟା ଇଞ୍ଜେମେର୍, ମାତର କାତାତ, ବେବାର୍ଡ, ଜିଉନନିତ, ପାଚ୍ ତ ଆରି ପୁଇପୁୟାତ ପାଚ୍ କିନାକା ହାର୍ ଉତର୍‌ମୁଡ଼ ଲାକେ ଆଡୁ । ୧୩ ଆନେଙ୍ଗ୍ ମି ଲାଗାଂ ଖାନି ପାଚେକ୍ ସାସ୍‌ରନି ପାଟ୍, ବୁଜାୟକିନାକା ଆରି ହିକ୍ୟାହିନିତାକେ ମାନଦ୍ୟାନ କିୟାଡ଼ । ୧୪ ମଣ୍ଡୁଲି ବୁଡ଼ାଲୁର୍ ନେତାର ମିଙ୍ଗେଙ୍ଗ୍ ଇସ୍‌ରୂତି ଖେନି କିଜି ନି ଜପି କେଇ ଇର୍‌ନିହିଂ ଏପ୍ ଇମ୍‌ଣି ମାପୁତି ଦାନ୍ ସାକ୍ତି ଲାବ୍ କିଜି ମାଚାଦେର୍, ହେଦେଲିଂ ଏଲାମାଟ୍ । ୧୫ ମି ନିଂନାକା ଇନେସ୍‌କି ଓଁଜୁର ତାକେ ହନାଡ଼, ଇଦାଂ କାଜିଂ ଇ ସବୁ ବିସ୍ତେ ମାନ୍ତ ଇଟାଟ୍, ହେ ଓଁଜୁ ତାକେ ଦିଆନ୍ ଆଡୁ । ୧୬ ଜାର୍ ବିସ୍ତେ ଆରି ଜାର୍ ହିକ୍ୟା ବିସ୍ତେ ଜାଗ୍ରଡ଼ ଆଡୁ, ଇ ସବୁ ବିସ୍ତେ ଲାଗିସ୍ ମାନାଟ୍, ଇନେକିଦେଂକି ହେଦାଂ କିତିସ୍ ଏପେଙ୍ଗ୍ ଜାର୍ ମୁକ୍ତି ଆଦେଂ ଆରି ମି ଖେନାକାର୍‌ତି ମୁକ୍ତାୟ କିଦେଙ୍ଗ୍ ପା ଆଡନାଦେର୍ ।

୫

ପାଚ୍ କିନାକାର୍ କାଜିଂ କାମାୟ କିନାକା

୧ ଏପେଙ୍ଗ୍ ପ୍ରାଚିନାର ଇନସ୍ତା କିମାଟ୍, ମାତର ତାଙ୍ଗେଙ୍ଗ୍ ଆବା ଇଞ୍ଜି ବାବି ଗଞ୍ଜାରି କିୟାଡ଼; ବେଣ୍ଡିୟାରି ଟଣ୍ଡାର ଲାକେ, ୨ ପ୍ରାଚିନାର କଗଲେକାଂ ଆୟା ଆରି ଜିପଲିକାଂ ପୁଇପୁୟା ବାବେ ତଣ୍ଡାଦେଲ୍ ଇଞ୍ଜି ଗିଆନ୍ କିଜି ହେ ଲାକେ ବେବାର୍ କିୟାଡ଼ ।

୩ ଆହ୍‌ର ହିଲ୍‌ଓଁ ରାଣ୍ଡିକାଂ ଜାତୁନ୍ ଅଖାଟ୍ । ୪ ମାତର ଏଚେକାଡ଼୍ ଇମ୍‌ଣି ରାଣ୍ଡିତି କାଡ଼ଦେ ଗାଡ଼ଚେ କି ନାତିନାତିଣି ମାତିସ୍, ବାଟିଙ୍ଗ୍ ହେଖେକ୍ ପର୍ତ୍ତୁମ୍ ଜାର୍ କୁଟୁମ୍ କାଜିଂ ବକ୍ତି ଚର୍‌ଚେଙ୍ଗ୍ ଆରି ଆୟାଆବା କାଜିଂ ଉପକାର୍ କିଦେଙ୍ଗ୍ ହିକ୍ୟା କିଏର୍; ଇନେକିଦେଂକି ଇଦାଂ ତ ଇସ୍‌ରୂତି କାଣ୍‌କୁତାଂ ହାର୍‌ଇଟ୍ୟା ଆନାର୍ । ୫ ଇମ୍‌ଣି ରାଣ୍ଡି ଆହ୍‌ରହିଲ୍‌ଖାକା ଆନାଡ଼ ଆରି ସାକାହିଲ୍‌ଖାକା, ହେଦେଲ୍ ଇସ୍‌ର ଜପି ବାସ୍ ଇଡ଼ଜି ଖେଡ଼ାନାଣା ଗଞ୍ଜାରି ଲାହାଂ ପାର୍ତ୍ତାନାତ ଲାଗିସ୍ ମାନେଡ଼; ୬ ମାତର ଇମ୍‌ଣି ରାଣ୍ଡିକ୍ ସୁକ୍‌ବଗି କିନିକ୍ ଆହା, ହେଖେକ୍ ଜିରୁନ୍ ମାତିସ୍ତା ହାତିକ୍‌ନ୍ନା । ୭ ହେଖେକ୍ ଇନେସ୍ ଦସିଆଖାଦାଂ ଆନିକ୍, ଇଦାଂ କାଜିଂ ଇ ସବୁ ପା ହେଖେକାଂ ବଲ୍ ହିୟାଡ଼ । ୮ ମାତର ଜଦି ଇନେର୍ ଜାର୍ ଖାସ୍‌ନି, ବେସିକିଜି ଜାର୍ କୁଟୁମ୍‌ନି ଜାତୁନ୍ ଅଓଁତିସ୍, ହେଖାନ୍ ପାଚ୍ କିଞ୍ଜାକାର୍‌ତାଂ ପାଚ୍ କିଉନ୍, ଆରେ ହେଖାନ୍ ପାଚ୍ କିଞ୍ଜାକାନ୍‌ତାଂ ଦରମ୍ ହିଲାକାନ୍ ଆନାନ୍ ।

୯ ଇମ୍‌ଣି ରାଣ୍ଡିନି ବୈସ୍ ସାଚେ ବାହୁଁ ତାଙ୍ଗ୍ ଉଣା ଆକାୟ, ୧୦ ଆରେ ଇଦେଲ୍ ର ଆଣ୍ଡେନ୍‌ନି କଗଲେ ଆରି ହାର୍‌ଦି ପୁଇପୁୟା କାମାୟ କାଜିଂ ତାକ୍‌ପୁଟାଆଜି, ଇତିସ୍, ହେଦେଲ୍ ଜଦି ହିମ୍‌ଣାକାଙ୍ଗ୍ ପହାକିଜି, ଓଁଜାରିଂ ସସ୍, ଚେଲାରିଂ ପାନା ନୁଜ୍‌ନାକା, ଦୁକ୍‌ଲୁଗାଚ୍ ବଜ୍ ପିଣ୍ଡି କିଜି ମାନାଡ଼, ଆରେ ଓଁଜୁ ହାଡ଼ପା କାମାୟତ ତିକ୍‌ତିକା ଆଜି ମାନାଡ଼, ବାଟିଙ୍ଗ୍ ହେଦେଲ୍‌ତି ତର୍ ରାଣ୍ଡି ଇଞ୍ଜି ଲେକାଏଟ୍ ।

୧୧ ମାତର ଉଣା ବାହୁଁନି ଜିପଲି ରାଣ୍ଡିକାଂ ପିହାଟ୍, ଇନାକିଦେଂକି ହେଖେକ୍ ବାନ୍ୟାକାମ୍ ଆହାତିଂ ମାନ୍ କିଜି କ୍ରିସ୍ତ ତାକେନ୍‌ଣ୍ଡାଙ୍ଗ୍ ଏଡ଼ା ଆଜି ବିବା କିଦେଙ୍ଗ୍ ଇତା କିନିକ୍; ୧୨ ହେଖେକ୍ ହେଖେକ୍‌ତି ଆଗେ ପାର୍ମାଣ୍ ପିହିନି କାଜିଂ ତାଣ୍ଡପାୟାନିକ୍ ।

୧୩ ଆରେ ପା ହେଖେକ୍ ଇଲକୁ ଇଲକୁ ବୁଲାଇ ଆଡ଼ସିୟା ଆଦେକ୍ ହିକାଆନିକ୍, ଆରେ କେବଲ୍ ଆଡ଼ସିୟା ଆକାୟ୍, ମତର୍ ଆହାର୍ କାତା ଆରି ଲକାର୍ ଗାଣ୍ଡୁ କିଜି ଅରାହିଲ୍‌ଖି କାତାବାର୍ତ୍ତା କିନିକ୍ ୧୪ ଲାଗିଂ, ନା ଇଚା, ଜିପଲି ରାଣ୍ଡିକ୍ ବିବା ଆୟେକ୍, ହିମ୍‌ଣା ଗାଗାଆୟେକ୍, ଇଲକାମାୟ୍ ଚଲାୟ୍‌କିୟେକ୍, ନିୟା କିନି କାଜିଂ ସାତୁକ୍ ଇନାକାପା ଉପାୟ୍ ହିମେକ୍; ୧୫ ଇନେକିଦେଂକି ନକ୍ ପା ଇନ୍ଦେକ୍ ଇନ୍ଦେକ୍ କ୍ରିସ୍ତୁତାକେ ଦେହା ଆଜି ସୟ୍‌ତାନି ପାଚେ ହାନିକା । ୧୬ ଜଦି ଇମ୍‌ଣି ପାତର୍ ନିକାଦେଲ୍ କଗଲେକ୍ ଇଞ୍ଜି ରାଣ୍ଡିକ୍ ମାନିକ୍, ଲାଗିଂ ହେଦେଲ୍ ହେଖେକ୍‌ତି ଦୁକ୍ ପଚିକିଏକ୍, ଆରେ ମଣ୍ଡଲି ଜପି ବଜ୍ ଆମେଡ୍, ଇନେସ୍‌କି ମଣ୍ଡଲି ଆହର୍ ହିଲ୍‌ଖି ରାଣ୍ଡିକା ଦୁକ୍ ପଚି କିଦେକ୍ ଆଡ଼ନାଡ଼ ।

୧୭ ଇମ୍‌ଣି ପ୍ରାଚିନାର୍ ହାର୍ ଚାଲାୟ୍ କିତାର୍, ବେସି କିଜି ଇମ୍‌ଣାକାର୍ ବଚନ୍ ପରଚାର୍ ଆରି ହିକ୍ୟାତ କସ୍ କିତାର୍, ହେଖାର୍ ରି ଗୁଣ୍ ଖାରି ପାୟାନି ଜଗ୍ ଇଞ୍ଜି ଗାଣା କିୟା ଆନାର୍, ୧୮ ଇନେକିଦେଂକି ଦରମ୍ ସାସ୍ତର୍ ଇନାତା, “ତାସ୍ ତ୍ରେସ୍‌ନି ଖାଡ଼ାଂ ବଇଲା ଖେଇଦ କତ୍ରା ଗାଟ୍‌ମାଟ୍ ।” ଆରେ କାମାୟ୍ କିନାକାନ୍ ଜାର୍ କୁଲି ତାରୁଂ ପାୟାନି ହକ୍ । ୧୯ ରିୟାର୍ କି ତିନିଜାଣ୍ ସାକି ପସ୍‌ସି ଇମ୍‌ଣି ପ୍ରାଚିନାର୍ ବିରୁଡ଼ତ କାତା ମାନି କିମାଟ୍ । ୨୦ ମାତର୍ ଇନେର୍ ପାପ୍ କିଜି ମାନାର୍, ହେଖାରିଂ ଖିଜାର୍ ତାକେ କେତାଟ୍, ଇନେସ୍‌କି ଅଲ୍‌ଗା ଲଗୁ ପା ପାଣ୍ଡୁ ଆନାର୍ ।

୨୧ ଇସ୍‌ରତି ସାକି ଇଡ଼ଜି, କ୍ରିସ୍ତୁ ଜିସ୍ତୁତି ଆରି ବାଚିକିତି ଦୁତକ୍ ମୁମ୍‌ଦ ଆନ୍ ଆଟ୍‌ଖା ଲାକେ ବଲ୍ ହିଦନାକ୍, ଏପେକ୍ ଆଗେନି ଦାରା ମେରା ହୁକେ ଚାଲାଖାଦାଂ ଇ ଖିଜୁ ପାଲି କିୟାଟ୍, ଆରେ, ତାରା ବାବ୍ରେ ଇମ୍‌ଣି କାମାୟ୍ ପା କିମାଟ୍ । ୨୨ ତ୍ରିପ୍‌କୁ ଇନେର୍ ଜପି କେଇ ଇଟ୍‌ମାଟ୍, କି ଦସିନିକାର୍ ପାପ୍‌ତ ମେହାଆମାଟ୍; ଜାର୍‌ତିଂ ପୁଇପୁୟା କିଜି ଇଟାଟ୍ ।

୨୩ ଆରେ କେବଲ୍ ଏସୁକ୍ ଉଣ୍‌ଖାଦାକ୍ ମି ପଚନି ରଗ୍ ଆରି ନିତ୍ରେ ବେମାର୍ କାଜିଂ ଅଲପ୍ ଅକ୍ସୁର୍ ରାସ୍ ଉଣାଟ୍ ।

୨୪ କେତେକ୍ ଜାଣ୍ଡି ବାନ୍ୟା କାମାୟ୍ ଅଲପ୍‌ତିଂ ହନାଡ଼, ହେଖାର୍ ହେଦାଂ କାଜିଂ କରଟ୍‌ନି ମୁମ୍‌ ମାମ୍ ଆଦେଂ ଆନାଡ଼, ଆରେ କେତେକ୍ ଅପ୍‌ଚାର୍‌ଦତି ବେସି ବିଲମ୍‌ତାଂ ଦାରାପଡ଼ା ଆନାର୍ । ୨୫ ହେ ଲାକେ ପା ହାଡ଼ପା କାମାୟ୍ ହିଗ୍‌ଦାକ୍ ହନାଡ଼, ଆରେ ଇନାକା ହଉଡ଼, ହେଦାଂ ତ୍ରିକ୍ଷୁତି ଇଟ୍ୟାଜି ମାଖେକ୍ ଆଡ଼ତ୍ ।



୧ କ୍ରିସ୍ତୁକ୍ ପାତର୍ କିନାକାର୍ ଏତେକ୍ ଲଗୁ ଆଡ଼ିୟା ଲାକେ ଜୁଖାଣ୍ଡିନି ତାରେନ୍ ମାନାନ୍, ହେଖାର୍ ଜାର୍ ଜାର୍ ହାଉକାରିକ୍ ଏତେକ୍ ଲଡ଼ାନି ପାୟାନାକା ଜଗ୍ ଇଞ୍ଜି ପୁନାଟ୍, ଇନେସ୍‌କି ଇସ୍‌ତର୍ ତର୍ ଆରି ହିକ୍ୟାତ ନିୟା ଆମେଡ୍ । ୨ ଆରେ ଇମ୍‌ଣାକାର୍ ହାଉକାର୍ ପାତର୍ ନିକାନ୍, ହେଖାର୍ ହେଖାରିଂ ଟଣ୍ଡେନ୍ ଇଞ୍ଜି ବାବି କିଜି ଲାଜ୍ କିମେର୍ ଖାଟିଂ ଆଦିକ୍ ଜତନ୍‌ତାଂ ଉପ୍‌କାର୍‌ତାଂ ହେବା କିଏର୍, ଇନେକିଦେଂକି ଇନେର୍ ହେବା ହୁଦାଂ ଉପ୍‌କାର୍ ଅୟାନାର୍, ହେଖାର୍ ପାତର୍ କିନାର୍ ଆରି ଖାରିନିକାର୍ । ଇ ଖିଜୁ ବିସ୍ରେ ହିକ୍ୟା ଆରି ଉପ୍‌ଦେସ୍ ହିୟାଟ୍ ।

ଚାକ୍‌ରାଇ କିନି ହିକ୍ୟା ଆରେ ହାଡ଼ପା ଦନ୍

୩ ଇନେର୍ ଜଦି ବିନ୍ ହିକ୍ୟା ହିଜି ମା ମାପୁ ଜିସ୍ତୁ କ୍ରିସ୍ତୁତି ନେକ୍ରିବେରଣ୍ ବଚନ୍ ଆରି ଇସ୍‌ରତି ହୁଦାଂ ହିକ୍ୟା ମାନିକିଉର୍, ୪ ବାଚିକ୍ ହେଖାନ୍ ଅହାର୍‌ଗାବ ଆ ଆରି ଗିଆନ୍‌ହିଲ୍‌ଖି, ଆରେ କାତାବାର୍ତ୍ତା ଆରି ଗଣ୍ଡଗଲିଆତ ଲାଗାନାର୍; ହେବେତାଂ ତାରା, କିର, ଲକାର୍ ନିୟା, ବାନ୍ୟା ଆନ୍‌ମାନ୍, ୫ ଆରେ ଇନେର୍ ଇସ୍‌ର ତାକେ ଲାବ୍ ଉପାୟ୍

☆ ୫:୧୮ ୫:୧୮ ମାଡିଉ ୧୦:୧୦; କୁକ ୧୦:୭.

ଇଞ୍ଜି ମାନେ କିତାର୍, ଏଲେଙ୍ଗ କାରାପ୍ମାନ ଆରି ସତ୍ ପିସ୍ତି ଲକାର୍ତି ଦିନକେ ବିରୁତ୍ତ ଜଲମ୍ ଆତାକାର୍ ।

୭ ଦାମ୍ ଲଗୁ ଇନେକିଦେଂକି ତାଦାଂ ଏଚେକ୍ ମାନାଡ୍, ହେଏଚେକ୍ ହେଞ୍ଜାନ୍ ସାରି; ୮ ଇନେକିଦେଂକି ଆସେଙ୍ଗ୍ ଜଗତ୍ତ ଇନାକା ତାଞ୍ଜାତାସ୍ନା, ଆରେ ଇବେତାଂ ଇନାକାପା ଅଦେଂ ଆଡୁସ୍; ୯ ଲାଗିଂ କାଦି ହେୟା ମାଟିସ୍ ମା କାଜିଂ ସାରି । ୧୦ ମତର୍ ଇନେର୍ ମାଜାନ୍ ଆଦେଙ୍ଗ୍ ଇଚା କିତାର୍, ହେଞ୍ଜାର୍ ପରିକ୍ୟାତ ଆରି ତ୍ତୁକ୍ତ, ଆରେ କେତେକ୍ ବାନି ବାନ୍ୟାତ ଆରି ଲାସ୍ଆବୁତ୍ ଲାଲ୍ସାତାକେ ଆର୍ଣ୍ଣାର୍, ଇଦାଂ ଝିଜୁ ମାନାୟ୍ତିଂ ସବୁ ନାସ୍ ଆରି ବୁତାନି ଲାକେ ହାମ୍ବୁରତ୍ ମୁଚନାଡ୍ । ୧୧ ଇନେକିଦେଂକି ଦାନ୍ ଲବ୍ ଝିଜୁ ନସୁନି ଦଲ୍; ଇନେ ଇନେର୍ ହେବେ ଆହା ଆଜି ପାତ୍ ପିସ୍ତି ହାଜି ବାଶାତାର୍ଣ୍ଣା, ଆରେ ବେସି ଦୁକ୍ତାଂ ଜାର୍ ଜାର୍ ମାନ୍ତିଂ ଦୁକ୍ କିତାର୍ଣ୍ଣା ।

ହାରିହାରାନି ବେରଣ

୧୧ ମାତର୍ ଏ ତିମତି ଏନ୍ ରକାୟ୍ ଜିସୁ ଲକୁ, ଏନ୍ ଇ ଝିଜୁ ତାଙ୍ଗ୍ ହାଲ୍ଜି ଦାମ୍, ଇସ୍ବରତାକେ, ପାତ୍, ଜିଉନନିତ, ସାସ୍ ଆରି ହୁଦାର୍ନି ପାଚେ ସିଦାସାଦା ବାତ୍ ଆଦେଂ ସେସ୍ କିୟା । ୧୨ କ୍ରିସ୍ଟୁ ପାତ୍ ନି ହାଦ୍ ଜୁର୍ତାକେ ମାନ୍ପାରାଣ୍ କିୟା, ଝିଜୁ ଜିବୁନ୍ ଆସ୍ତି ଇଟା; ହେଦାଂ କାଜିଂ ତ ଏପେଙ୍ଗ୍ କୁକ୍ୟାତାଦେର୍ଣ୍ଣା ଆରି ବେସି ସାକିର୍ ମୁମ୍ଦ ହାଦ୍ ସାକି ହିତାୟ୍ନା । ୧୩ ଝିଜୁରତି ଜିବୁନ୍ ହିଦ୍ନି ଇସ୍ବତ୍ ବେଟାନିତ, ଆରେ ପକ୍ରିୟ ପିଲାତତି ମୁମ୍ଦ ହାଦ୍ ସାକି ହିଦ୍ନାକାନ୍ କ୍ରିସ୍ଟୁ ଜିସୁତି ବେଟାନିତ ଆନ୍ ନିଙ୍ଗେଙ୍ଗ୍ ବଲ୍ ହିଦ୍ନାଙ୍ଗା, ୧୪ ମାପୁ ଜିସୁ କ୍ରିସ୍ଟୁ ଆରେଞ୍ଜାନି ପାଚେକ୍ ମିଙ୍ଗେଙ୍ଗ୍ ହିୟାଜି ମାନ୍ତି ବଲ୍କୁ ପାତ୍ କିଜି ପାଲି କିୟାର୍ । ୧୫ ହେଞ୍ଜାନ୍ ପରମ୍ ଦନ୍ୟ ରଞ୍ଜାନ୍ ମତର୍ ସାସନ୍ କାର୍ୟା, ହେଞ୍ଜାନ୍ ରାଜାର୍ ଜପି ରାଜା ଆରି ମାପୁ ତାଙ୍ଗ୍ ମାପୁ, ୧୬ ଇନେର୍ ରଞ୍ଜାନ୍ ମତର୍ ହାଞ୍ଜାକାନ୍ ଆରି ହାଞ୍ଜେଙ୍ଗ୍ ଅଜତ୍ତ ବାହାକିନାକାନ୍, ଇନେନିଙ୍ଗ୍ ଇମ୍ଣି ମୟେଡ୍ପୁର୍ ଇନାଞ୍ଜାତାଙ୍ଗ୍ ହୁଡ୍ଝାତାନ୍ନା, କି ହୁଡ୍ଝେଙ୍ଗ୍ ଆଡୁତ୍, ହେଞ୍ଜାନ୍ ସମାନ୍ ଞ୍ଜାତାଙ୍ଗ୍ ହେଦାଂ ଚନ୍ନାନ୍; ଝିଜୁକାଡ୍ ପାଚେକ୍ ହେଞ୍ଜାନ୍ତି ମାନିନି ଆରି ସାକ୍ତିକାଟାକାନ୍ ହଞ୍ଜେଡ୍ । ଆମେନ୍ ।

୧୭ ଇମ୍ଣାକାର୍ ଇ କାଡ୍ ମାଜାନ୍, ହେଞ୍ଜାର୍ ଇନେସ୍କି ଆକ୍ରିୟା ଆମେର୍ ଆରି ଝିଜୁନ୍ ଦାନ୍ ଜପି ବାସ୍ କିମେର୍, ଇଚିସ୍ ଦୁକ୍ବଗ୍ କାଜିଂ ସବୁ ବିସ୍ତେ ବେସିତାଂ ମାଙ୍ଗ୍ ଦାନ୍ କିଦ୍ନାନ୍ ଇମ୍ଣି ଇସ୍ବର୍, ହେଞ୍ଜାନ୍ତି ଜପି ବାସ୍ କିନାର୍; ତା ପାଚେ ବଗିକିଦେଂ ମା ସବୁ ବିସ୍ତେ ହେଞ୍ଜାନ୍ ମାଙ୍ଗେଙ୍ଗ୍ ହିଦ୍ନାନ୍ । ୧୮ ଆରେ ବିନ୍ ଲକାର୍ ବାଗ୍ କିଜି ଝିଜୁ ହାର୍ କାମାୟ୍ତ ମାଜାନ୍ ଆନାର୍; ଆରେ ମେଲା କେଇଦାଂ ଆରି ଉଦାର୍ ବାବ୍ରେ ଦାନ୍ କିନାର୍, ଇଦାଂ କାଜିଂ ହେଞ୍ଜାରିଂ ବଲ୍ ହିୟାଟ୍; ୧୯ ତା ଆତିସ୍, ଇ ଅବିନସ୍ବର୍ ଚୁଣ୍ଡି ଉବ୍ଜାୟ୍ କିଜି ଜାର୍ତି ପାଚେନି କାଜିଂ ହେଞ୍ଜାର୍ ଆଟ୍ଝା କୁନାଦି ରଚ୍ନାର୍ ଆରି ହାରିହାରା ହେଞ୍ଜାର୍ ହାଡ୍ପାନି ଜିବୁନ୍ ଲାବ୍ କିତାର୍ ।

୨୦ ଏ ତିମତି, ନି ତାକେ ଇନାକା ହିୟା ଆଡ୍ତାତ୍ନା, ହେଦାଂ ରାକ୍ୟା କିୟା; ଆହାର୍ ଜାକ୍ଡା ଆରି ବେଣ୍ ବେଣ୍ଡ “ଗିୟାନ୍ନି” ଜିକାଟାଣାତାଂ ବିନେ ଆଡୁ ।

୨୧ ଇନେ ଇନେର୍ ହେଦାଂ ପାଲି କିଞ୍ଜାଦାଂ ପାତ୍ ବିସ୍ତେ ହାଜିବାଣା ଆତାର୍ଣ୍ଣା । ଇସ୍ବରତି ଉପ୍କାର୍ ଆରି ଦୟା ମିଙ୍ଗେଙ୍ଗ୍ ସମାନ୍ବାତ୍ ଆୟେଡ୍ । ଆମେନ୍ ।

☆ ୬:୧୩ ୬:୧୩ ଜହନ୍ ୧୮:୩୭.

ଫିଲମନଙ୍କ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି ପିଲିମନ୍ ଆକି ବିସ୍ତେ ପାଦେକ୍

ଇହୁ ପିଲିମନ୍ ଆକି ପକ୍ୟାତି ପାଉଲ୍‌ତି ହୁକେ ଲେକା ଆଜି ମାଗାଡ଼ ୧:୧ ଏତେକାଡ଼୍‌ଦ ଇଦାଂ ଲେକିକିତାନ୍ ହେଝାନ୍ ଜଇଲ୍ ଇଞ୍ଜି ଗେହ୍‌ୟା ଆଜି ମାଗାନ୍, ଇନାକା ଅରଡ଼ ଆଜି ମାନ୍‌ଗାନାଡ଼ ହେଝାନ୍ ରମ୍‌ତାଂ ଇଦାଂ ଲେକିକିତାନ୍ନା । ଜଦି ହେଝାନ୍ ରମ୍‌ତ ମାଗାନ୍ କ୍ରିସ୍ତୁତି ଜଲମ୍‌ନି ଆଦିକ୍ ଆତିସ୍ ତିନକଡ଼ି ଏକ୍ ୬୧ ବାହୁଁ ପାଟେ ଇ ଆକି ଲେକି କିଜି ମାନ୍‌ଗାନାନ୍ । ଇନାକା ହେ ସମାନ୍‌ଖେଡ଼ାଲିଂ କଲସିୟ ମଣ୍ଡଲିତିଂ ଲେକି କିଜି ମାନ୍‌ଗାନାନ୍ ।

ହେଝାନ୍ ଇ ଆକି ପିଲିମନ୍ ତର୍‌ନି ରଝାନ୍ ମାନାୟ୍‌ତିଂ ଲେକିକିତାନ୍ନା । ପିଲିମନ୍ ରଝାନ୍ ମଣ୍ଡଲି ମେମର୍ ଆରି ଆଡ଼ିଏନ୍ ହାଉକାର୍ ମାଗାନ୍ । ପାଉଲ୍ ଲେକିକିନାନ୍ ଜେ, ହେଝାନ୍ ଅନିସିମସତିଂ ଦାଣ୍ଟ ହିମେର୍, ଇନେରକି ପିଲିମନ୍ ତାଂ ମୁସି ଦେହା ହନ୍ତି ମାଗାନ୍ । ରମ୍‌ନି ବିଦି ଇସାବ୍‌ରେ ପିଲିମନ୍ ଅନିସିମସତିଂ ହାକି ଦାଣ୍ଟ ହିନି ଆଦିକାର୍ ମାଗାଡ଼ ।

ଅନିସିମସତିଂ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ନି କାଜିଂ ଇନେସ୍ ରାଜି ଆନାର୍ ହେଦାଂ କାଜିଂ ପିଲିମନ୍‌ତିଂ ପାଉଲ୍ ଗଞ୍ଜାରି କିତାନ୍ନା । ପାଉଲ୍ ଅନିସିମସତିଂ ତା ବାହାତ ହେବାକାମାୟ୍ କିନି କାଜିଂ ଆଦିକାର୍ ହିନି କାଜିଂ ବୁଜାୟ୍ କିତାନ୍ ୧:୧୩-୧୪

ପିଲିମନ୍ ଆକି ବିସ୍ତେନି ରାହାଣ୍

- ୧ ପାଉଲ୍ ପିଲିମନ୍‌ତିଂ ବାନ୍ଦାୟ୍ କିନାନ୍ ୧:୧-୩
- ୨ ପାଉଲ୍ ଅନିସିମସତି ତାପଣ୍ଡାଙ୍ଗ୍ ପିଲିମନ୍‌ତିଂ ରଞ୍ଜାଙ୍ଗ୍ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ଦେଂ ଇନାନ୍ ୧:୪-୨୧
- ୩ ପାଉଲ୍ ହେଝାନ୍‌ତି ଆରେ ରଗ ହାନି ବିସ୍ତେ ମାନ୍‌ବାବ୍‌ନା ଆରି ବାନ୍ଦାୟ୍ କିଜି ଝିହ୍‌ନାନ୍ ୧:୨୨-୨୫

ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି

୧ କ୍ରିସ୍ତୁ ଜିସୁତି କାଜିଂ ବନ୍ଦି ଆଜି ମାଟିଲେ ଆନ୍ ପାଉଲ୍, ଟଣ୍ଡେନ୍ ତିମତି ମା ଖାରିନିକାନ୍ ଆରି ହାଙ୍ଗ୍‌ଦାକାନ୍ ପିଲିମନ୍ ତାଂ ଆକି ଲେକି କିନାଙ୍ଗା, ୨ ଆରେ, ତଣ୍ଡେଲ୍ ଆପ୍‌ପିୟା ଆରି ମା ହୁଦାଂ ମେଲ୍ୟା ଆକି ପ୍‌ପ ଆରି ମି ଇଞ୍ଜି ନି ମଣ୍ଡଲି ଲାଗାଂ ଆକି ଲେକିକିନାଙ୍ଗା ।

୩ ମା ଆବା ଇସ୍‌ବ୍ ଆରି ମାପୁ ଜିସୁ କ୍ରିସ୍ତୁତାଙ୍ଗ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

ପିଲିମନ୍‌ତି ଜିଉନନାକା ଆରି ପାତ

୪ ଟଣ୍ଡେନ୍ ପିଲିମନ୍ ନା ପାର୍ତ୍ତନାତ ନି ତର୍ ଲେକି କିଜି ସବୁ ଖେଡ଼ାଙ୍ଗ୍ ନା ଇସ୍‌ବ୍‌ତିଂ ଜଝାର୍ କିନାଙ୍ଗା, ୫ ଇନାକିଦେଂକି ଆନ୍ ଖେରାଙ୍ଗ୍‌ନା, ମାପୁ ଜିସୁତାକେ ମିଦାଂ ଏତେଜାଣ୍ ପାତ ଆରି ଇସ୍‌ବ୍‌ତିଂ ମାନିକିନି ସାଦୁର୍ କାଜିଂ ମିଦାଂ ଏତେକ୍ ଖାରି ! ୬ ଇନେସ୍ ମି ପାତ ନି ମେହାଣ୍, ମାଙ୍ଗେଙ୍ଗ୍ ହିୟାଜି ମାନି ଝିଜୁ ହାୟ୍‌ଦି ବିସ୍ତେ ମେହାତି ଗିଆନ୍ ହୁକେ କ୍ରିସ୍ତୁତି ପାକ୍ୟାତ କାମାୟ୍ ଆନାଙ୍ଗା । ୭ ଇନାକିଦେଂକି, ଏ ଟଣ୍ଡେନ୍, ପୁଇପୁୟା ସାଦୁର୍‌ତି ଜିବୁନ୍‌ତ ମି ହୁକେ ବାଡ଼କାସ୍ ପାୟା ଆଜି ଆନ୍ ନି ଜିଉନନାକା ବେସି ଦୁକ୍‌ସାରାୟ୍ ଆରି ଖାରି ଆନାଙ୍ଗା ।

ଅନିସିମଙ୍ଗଳି କାଜିଂ ଗଞ୍ଜାରି

୮ ଲାଗିଂ ଇନାକା ହାରଦାକା, ହେ ବିସ୍ତେ ମିଙ୍ଗେଙ୍ଗ୍ ବଲ୍ ହିନି କାଜିଂ କ୍ରିସ୍ତୁତି ଆଡ଼ିଏନ୍ ଲାକେ ଆତିସ୍ପା ନା ବାତ୍ ସାସ୍ ମାନାଡ଼, ୯ ଆତିସ୍ପା ଆନ୍ ବୁଡ଼ହି ପାଉଲ୍, ଜିଉନିନି କାଜିଂ ମିଙ୍ଗ୍ ଗଞ୍ଜାରି କିଦନାଙ୍ଗା, କ୍ରିସ୍ତୁ ଜିସ୍ତୁତି କାଜିଂ ନଙ୍ଗ୍ ଗେହ୍ମା ଆତାଙ୍ଗନା ଜେ ଆନ୍, ୧୦ ନାଦାଂ ଏଲେଙ୍ଗ୍ ଗାଚ୍ମା ଆତି ଅବସ୍ତାତ ନାତାଙ୍ଗ୍ ହଡ଼ତି ନା ବପା ଅନିସିମ୍ କାଜିଂ ମିଙ୍ଗ୍ ଗଞ୍ଜାରି କିଦନାଙ୍ଗା । ୧୧ ହେ ଆଗେ ମି କାଜିଂ କାମାୟ୍ ଆଡ଼ଞ୍ଜାକାନ୍ ମାଚାନ୍, ମତର୍ ନଙ୍ଗ୍ମ୍ ମିଦାଙ୍ଗ୍ ଆରି ନାଦାଂ ହାରି ଉପକାର୍ ଆନାତା ।

୧୨ ହେଞ୍ଜାନ୍ ତ ନା ଜିରୁନ୍ତ ଲାକେ; ଆନ୍ ତାଙ୍ଗେଙ୍ଗ୍ ମି ତାକେ ମାସ୍ତି ପଞ୍ଜାନାଙ୍ଗା । ୧୩ ନେକ୍ରିକାବୁର୍ କାଜିଂ ଗାଚ୍ଚିତିହିଂ ତାଙ୍ଗେଙ୍ଗ୍ ନି ବାହାତ ନା ହେବା କିନି କାଜିଂ ଲାଗେ ଇଡ଼ିଦେଂ ନା ମାନ୍ ଆନାତା, ୧୪ ମତର୍ ମି ଦାନ୍ ଅଞ୍ଜାଦାଂ ଆନ୍ ଇନାକା କିଦେଙ୍ଗ୍ ମାନ୍ କିଞ୍ଜାତାଂ, ଇନେସ୍ ମି ହାର୍ଦି କାମାୟ୍ ବଲ୍ଡକାର୍ କିତି ଲାକେ ଆଞ୍ଜାଦାଂ ଜାର୍ମାନତାଂ ଆଏଡ଼ ।

୧୫ ଇନାକିଦେଂକି ଆନାଡ଼ପା, ଇନେସ୍ ଏପେଙ୍ଗ୍ ତାଙ୍ଗେଙ୍ଗ୍ ଆରେ ଆଡ଼ିଏନ୍ ଲାକେ ଗାଟାଞ୍ଜାଦାଂ ନଲେ ଆଡ଼ିଏନ୍ତାଂ ଗାଜାକାନ୍, ଇତିସ୍, ରଞ୍ଜାନ୍ ଞ୍ଜାରିନି ଟଣ୍ଡେନ୍ ଲାକେ ଝିଜ୍ଝି କାଡ଼ ପାୟାଦେଂ ଆଡ଼ନାଦେର୍, ଇଦାଂ କାଜିଂ ଅନିସିମସ୍ ଅଲପ୍ କାଡ଼ କାଜିଂ ମିଂ ତାଂ ବିନେ ଆଜି ମାଚାନ୍; ୧୬ ବେସିକିଜି ଆଡ଼ିୟା ନାଞ୍ଜାନ୍ ରଞ୍ଜାନ୍ ଞ୍ଜାରିନି ଟଣ୍ଡେନ୍, ଲାଗିଂ, ଗାଗାଡ଼ତ ଆରି ପା ମାପୁତାକେ ମି କାଜିଂ ଆଞ୍ଜିତିସ୍ ଏଚେକ୍ ଆଦିକ୍ ଲାଡ଼ ଆଉଡ଼ ।

୧୭ ଲାଗିଂ ଜଦି ଏପ୍ ନାଙ୍ଗେଙ୍ଗ୍ ରଞ୍ଜାନ୍ ମେହାଣ୍ ଇଞ୍ଜି ବାବି କିୟା, ତା ଆତିସ୍ ନାଙ୍ଗେଙ୍ଗ୍ ଇଡ଼ିଦିତି ଲାକେ ହେଦେଲିଂ ଇଟାଟ୍ । ୧୮ ଜଦି ହେଞ୍ଜାନ୍ ମି କାଜିଂ ଇନାକା ଅନ୍ୟାୟ୍ କିଜି ମାନାନ୍ କି ମି ତାକେ ରିଣ୍ ଆଜି ମାନାନ୍, ତେବେ ହେଦାଂ ନା ଇସାବତ୍ ଲେକିକିୟା; ୧୯ “ଆନ୍ ପାଉଲ୍ ଜାର୍ କେଇଦାଂ ଇଦାଂ ଲେକି କିଜି ହିଦନାଙ୍ଗା, ଆନ୍ ହେଦାଂ ହୁଜା ଆନାଙ୍ଗ୍,” ଏପେଙ୍ଗ୍ ନିଜେ ଜେ ନା ଲାଗାୟ୍ ସବୁ ଦିନ୍ନି ରିଣ୍, ଇ ବିସ୍ତେ ଆନ୍ ଇଞ୍ଜେଙ୍ଗ୍ ମାନ୍ କିଉଙ୍ଗା ମି ଜିରୁନ୍ ନା ତାକେ ରିଣ୍ । ୨୦ ଆଁ, ଟଣ୍ଡେନ୍, ମାପୁ ଲାହାଂ ରଚେମାଞ୍ଜି ମି ହୁକେ ନା ଲାବ୍ ଆଏଡ଼, କ୍ରିସ୍ତୁ ତାକେ ନା ଜିରୁନ୍ତ ସୁସ୍ତା ହିଦା । ୨୧ ନି ବଲ୍ଡାଂ ନା ପାତ୍ ମାଚିଲେ ଆନ୍ ନିଙ୍ଗେଙ୍ଗ୍ ଲେକିକିଦନାଙ୍ଗା; ଆନ୍ ପୁନାଙ୍ଗ୍ ଜେ, ଆନ୍ ଇନାକା ଇଞ୍ଜନାଙ୍ଗା ଏପେଙ୍ଗ୍ ତା ତାକେଣ୍ଡାଂ ଆଦିକ୍ ପା କିନାଦେର୍ । ୨୨ ହେ ହାଙ୍ଗେ ହାଙ୍ଗେ ନା ମାନି ବାହା ପା ରଚ୍ଚି ଇଟାଟ୍, ଇନାକିଦେଂକି ମି ପାଡ଼ାନା ହୁକେ ଏପେଙ୍ଗ୍ ନାଙ୍ଗେଙ୍ଗ୍ ମାସ୍ତି ଗାଟାନାଦେର୍, ଆନ୍ ଇଦାଂ ଆହା କିନାଙ୍ଗା ।

ହାରିହାରା ଜୁଞ୍ଜାର୍

୨୩ କ୍ରିସ୍ତୁ ଜିସ୍ତୁତି କାଜିଂ ତାଙ୍ଗେଙ୍ଗ୍ ନା ହାଙ୍ଗ୍ଦାକାନ୍ ରଚେ ଗାଟ୍ୟା ଆତାକାନ୍ ଏପାପ୍ତା ଆରି ନା ହାଙ୍ଗ୍ଦାକାର୍ ୨୪ କ୍ରିସ୍ତୁ ଜିସ୍ତୁ କାଜିଂ ନା ହାଙ୍ଗ୍ଦି ବନ୍ଦି ଏପାପ୍ତା ଆରି ନା ହାଙ୍ଗ୍ଦାକାର୍ ଇନେନ୍ ମାର୍କ, ଆରିସ୍ତାର୍କ, ଦିମା ଆରି ଲୁକ ନିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦନାନା ।

୨୫ ମା ମାପୁ ଜିସ୍ତୁ କ୍ରିସ୍ତୁତି ଉପକାର୍ ମି ଝିଜାକାର୍ ଜିରୁନ୍ତ ଆଏଡ଼ ।

☆ e:୧୦ e:୧୦ କଲସିୟ ୪:୯.

ହିବୁମାନଙ୍କୁ ଲିଖିତ ପତ୍ର ଏହିରିଂ ଲେକିକିତି ଆକି । ଏହି ଆକି ବିସ୍ତେ ପାଦେକ୍

ପ୍ଲାନି ନିୟମନ୍ତି ବାର୍ଦ୍ଦିନ୍ ବେଶ୍‌ବାକ୍‌ଶାୟକିନାକା ସବୁ ବାତ୍ ଆତାକା ବିସ୍ତେ ଇବେ ଗାଟାନାସ୍ । ଇବେ ଆଦିକ୍ ଅତିସ୍ ୭୦ ତାଂ ଆଦିକ୍ ପ୍ଲାନି ନିୟମନ୍ତି ପାଟ୍ ମାନାଡ୍ । ଇନାକା ଜିସୁ କ୍ରିଷ୍ଟ ଇନେସ୍ ବାତ୍ରେ ବେଶ୍‌ବାକ୍‌ଶାୟକିତାକା ଆରି ଜିହୁଦି ମାପୁହେବାକିନାକାତ୍ କାମାୟ୍ ବାତ୍ କିତାନ୍ ଇବେ ଆସେକ୍ ପାୟା ଆନାସ୍ ।

ଇ ବିସ୍ତେତାଂ ଇଦାଂ ଜିହୁଦିର କ୍ରିଷ୍ଟିୟାରିଂ ସାସ୍ ହିନି ପତି । ଏହି ପତି ଜିସୁ ବିଦି ଓହିନି କାଜିଂ ମାପୁହେବାକିନାକାନ୍ ଆରେରଗ ଇନାଖାଡ଼ାଂ ପୁଜାକିନାକା ଲଡ଼ା ଆକାୟ୍ । ଜିସୁ କ୍ରିଷ୍ଟ ଆନାନା ଓହି ପାପନି ପୁଜା ହିଆତାନ୍ ରଞ୍ଜେମାଡ୍ ସବୁଖେଡ଼ାକ୍ କାଜିଂ । ନଙ୍ଗନି ଜୁଗନି କ୍ରିଷ୍ଟିୟାର କାଜିଂ ଏହି ଆକିତ ସାସ୍ ହୁଡ଼ୟା ଆନାଡ୍ । କେବଲ୍ କ୍ରିଷ୍ଟ ମା ଇସ୍‌ରତିଂ ବାସ୍ କିନି କାଜିଂ ଆଡ଼ନାସ୍ । ଆରେ ପା ହେଖାନ୍ ତାକେ ବାସ୍ କିଜି ଚାଲାନାସ୍ ୧୨:୨ ।

ଏହି ପତି ଇନେର୍ ଲେକିକିତାଣ୍ଟା ପୁନ୍ୟାଉତା, ମାତର୍ ପଣ୍ଡିତାର୍ ଇନାରା, ପକ୍ୟାତି ପାଉଲ୍, ଲୁକ, କି ବର୍ଣ୍ଣିବା ଆଜି ମାନଗାନାର୍ । ଇବେନି ଲେକା ପା ପୁନ୍ୟାଉତ ମାତର୍ କେତେକ୍ ଜାଣ୍ ପାତ୍ କିତାର୍ ଜେ, ଇଦାଂ ଜିସୁ କ୍ରିଷ୍ଟି ଜଲମ୍ ପାତେ ୭୦ ତ ଲେକା ଆତାନ୍ । ଜିରୁସାଲମ୍ ମନ୍ଦିର୍ ୭୦ ତ ନାସ୍ ଆତାଡ୍ ମାତର୍ ଇ ଆକିନି ଲେକିକିନାକାନ୍ ଇଦାଂ ନାସ୍ ଆଓଡି ଲାକେ ଇନାନ୍ । ଏହି ଆକି ଆଜି ମାନଗାନାଡ୍ ରମିୟ ଗାଡ୍‌ଦ ଲେକାଜି ମାତାଡ୍ ୧୩:୨୪ ଆରି ବାର୍ଦ୍ଦିନ୍ ମଣ୍ଡଲିତ ପାସ୍‌ପିସ୍ ହିତାଣ୍ଟା ।

ଏହି ଆକି ବିସ୍ତେନି ରାହାଣ୍

୧. ଲେକିକିନାକାନ୍ ଇନାନ୍ ଜେ, ଜିସୁ କ୍ରିଷ୍ଟ ଆନାନା ଇସ୍‌ରତି ବେଶ୍‌ବାକ୍‌ଶାୟକିନାକାନ୍ ଆରି ଦୁତକ୍ ତାଂ ପା ଗାଜାକାନ୍ । ୧:୧-୪:୧୩
୨. ଜିରୁସାଲମ୍‌ତ ହେବା କିନି ମାପୁହେବାକିନାକାର୍ ତାଂ ପା ଜିସୁ କ୍ରିଷ୍ଟ ଗାଜାକାନ୍ ଇଞ୍ଜି ଲେକିକିନାକାନ୍ ଇନାନା । ୪:୧୪-୭:୨୮
୩. ମସାତି ହୁଦାଂ ମାନାୟାରିଂ ହିୟାଜି ମାତି ବିଦି ନି ପାନି ଗଜା ଜିସୁତି ହେବାକାମାୟ୍ ଗାଜାକାନ୍ । ୮:୧-୧୦:୩୧
୪. ଜିସୁକ୍ ଓହିତାକେ ଗାଜାକାନ୍ । ୧୦:୩୨-୧୩:୧୭
୫. ଲେକିକିନାକାନ୍ ଇ ଆକିତ ଏତେଗଟା ସାସ୍‌ନି ବୁଜାୟ୍ କିଜି ଲେକା ଓହିନାନ୍ । ୧୩:୧୮-୨୫

ମାଜିତି ଇସ୍‌ର୍ ହିଡ଼ି କାବୁର୍

୧ ଇସ୍‌ର୍ ଆଗେକାଡ଼୍‌ଦ ବିନ୍‌ବିନ୍ ବାଗ୍‌ତ ଆରି ବିନେବିନେ ବାନି ବେଶ୍‌ବାକ୍‌ଶାୟକିନାକାର୍ କାଜିଂ ବୁଡ଼ାରିକ୍ କାତା ଇଞ୍ଜି ମାତାର୍ ୨ ଇ ହାରିହାରା କାଡ଼୍‌ଦ ମାଜି କାଜିଂ ମାଜେକ୍ କାତା ଇଞ୍ଜାଣ୍ଟା; ତାଜେକ୍ ହେ ସବୁ ବିସ୍ତେନି ଆଦିକାର୍ କିଜି ବାଟି କିତାନ୍, ତା ହୁକେ ପା ସବୁ ଜଗଡ଼ ଉବ୍‌ଜାଣ୍ କିତାନ୍; ୩ ହେଖାନ୍ ତାକେ ଇସ୍‌ରତି ଜାଜ୍‌ମାଲ୍‌ନି ଅଜଡ଼୍ ଆରି ତାଦାଂ ପୁରା, ହଲନାକା ଆତାଡ଼ନ୍ନା । ଆରେ ହେଖାନ୍ ଜାଡ଼ି ବଚନ୍ କାଜିଂ ପୁତ୍ ନି ଜଗଡ଼ି ତାବେ କିତାନ୍ । ହେଖାନ୍ ମାନାୟ୍ ଜାତି କାଜିଂ ପାପ୍ ନିର୍ମାଲ୍ କିଜି ସାଗେତ ସାଲିକାଟି ଇସ୍‌ର୍ ବୁଜଣି ବାଗାକ୍ କୁଡ଼ତାନ୍ନା ।

ଇସ୍ଵରତି ମାଜି ମୁଡ଼ଦାକାନ

୪ ହେୱାନ ଇମ୍‌ଣି ଇସାପତ ସାଗେନି ଦୁଡ଼କୁକାଂ କାଜିଂ ଆଦେକ୍ ନେକ୍ରି ତରୁଦି ଆଦିକାର୍ ଆତାଣ୍ଣା, ହେ ଇସାପତ ହେୱାନ ହେୱାକ୍‌ତାଂ ଆଦିକ୍ ମୁଡ଼ଦାକାନ ଆତାନ୍ନା, ୫ ଇନାକିଦେଂକି ଇସ୍ଵର୍ ଦୁଡ଼କୁ ବିତ୍ରେ ଇନେରିଂ ଇନାୱାତାଂ ଏଲେଙ୍ଗ୍ ଇନ୍‌ୱାତାନ୍ନା ।

“ଏନେଙ୍ଗ୍ ମା ମାଜି,

ନେଞ୍ଜେଙ୍ଗ୍‌ତାଂ ଆନ୍ ନିଂ ଜଲମ୍ ହିଡ଼ତାଙ୍ଗ୍‌ନା ?”

ଇସ୍ଵର୍ ପା ଇଚାନ୍, ଆରେ

“ଆପ୍ ମି ଆବା ଆନାପ୍,

ଆରେ ହେୱାନ ମା ମାଜି ଆନାନ୍ ?”

୬ ଆରେ, ଇମ୍‌ଣି ସମୁତ ହେୱାନ ପର୍ତ୍ତୁମ୍ ଗାଗାଡ଼୍‌ଆସ୍ତି ମାଜି ଆରେରଗ ପୁତ୍ ବିତ୍ରେ ନେଚ୍‌କାନାର୍, ହେ ସମୁତିଙ୍ଗ୍ ଇଚ୍‌କାଡ଼୍ କିଜି ହେୱାନ ଇନାନ୍ ।

“ଇସ୍ଵରନିକାର୍ ଖିଜାର୍ ଦୁଡ଼ ତାଙ୍ଗେଙ୍ଗ୍ ଜୱାର୍ କିଏଡ଼ ।”

୭ ମାତର୍ ର ପାକ୍ୟାତ ହେୱାନ ଦୁଡ଼କୁ ବିସ୍ତେ ଇଞ୍ଜାନାନ୍,

“ହେୱାନ ଜାର୍ ଦୁତରିଂ ଡ଼ଲୁଲ୍‌କେ କିନାନ୍,

ଆରେ ଜାର୍ ହେବାକାରିରିଂ ନାଣିନି ପଙ୍ଗ୍‌ନିଲ୍‌କେ କିନାନ୍,”

୮ ବିନ୍ ପାକ୍ୟାତ ହେୱାନ ମାଜିତି ବିସ୍ତେ ଇନାନ୍,

“ଏ ଇସ୍ଵର୍, ନି ଗାଦି ଜୁଗ୍ ଜୁଗ୍,

ଆରେ ନିୟାୟନି ଦାଣ୍ଟ୍ ମି ରାଜିନି ଦାଣ୍ଟ୍ ଆନାଡ଼ ।”

୯ “ଏପ୍ ଦାମ୍ ଚିଂ ଜିଉନତାୟନା ଆରି ଅଦାମ୍ କାତାତିଂ ବାନ୍‌ୟା କିତାୟନା,

ଲାଗିଂ ହେଦାଂ ଏ ଇସ୍ଵର୍ ମି ଇସ୍ଵର୍ ମିଙ୍ଗେଙ୍ଗ୍ ବାଚିକିଡ଼ତାନ୍ନା,

ମି ହାଙ୍ଗ୍‌ଦାକାର୍ ବାଟା ନିଙ୍ଗେଙ୍ଗ୍ ଆଦିକ୍ ୱାରି ଲାକେ ଚିକାଣ୍ଡାଂ ସିଗ୍‌କିତାନ୍ନା ।”

୧୦ ହେୱାନ ଆରେ ପା ଇଚାନ୍ନା,

“ଏ ମାପୁ, ଏନ୍ ମୁଡ଼ଦାଂ ପୁତ୍ ତ କୁନାଦି ରଚ୍‌ଚି ମାଚାୟ୍,

ଆରେ ଆକାସ୍‌କାଂ ନି କେଇଦାଂ ରଚ୍‌ଚି କାମାୟ୍ ।”

୧୧ “ହେ ସବୁ ବୁଡାନିକ୍, ମତର୍ ଏନ୍ ନିତ୍ରେତିର୍,

ଆରେ ହେ ସବୁ ଆଙ୍ଗିଙ୍ଗ୍ ଲାକେ ଜିରା ଆଜି ହାନିଙ୍ଗ୍ ।”

୧୨ “ଆରେ ଏନ୍ ହେୟା ଲାକେ, ଆଁ ଆଙ୍ଗିଙ୍ଗ୍ ଲାକେ ହେ ସବୁ ପରିକିଦ୍‌ନାଡ଼, ଆରେ ହେ ସବୁ ବାଦ୍‌ଲାନାଡ଼ ।

ମତର୍ ଏନ୍ ନିତ୍ରେ ସମାନ୍, ଆରେ ନି ଜିବୁନ୍ ସବୁ ଇନିୱାତାଂ ଖିଜୁଡ଼ ।”

୧୩ “ଆରେ ଆପ୍ ଏଚେକ୍ ପାତେକ୍ ମି ସାତୁରିଂ ମି ପାନା ତାରେନ୍ ଇଡ଼ୱାତାପ୍‌ନା ।

ହେପାତେକ୍ ମା ତିନାକେଇ ନିପ କୁଚ୍‌ଚି ମାନାଡ଼,

ଇଦାଂ ହେୱାନ ଦୁଡ଼ର୍ ବିତ୍ରେ ଇନେରିଂ ଇନାୱାତାଂ ଇନ୍‌ୱାତାନ୍ନା ।”

୧୪ ଲାଗିଂ ସାଗେଦୁଡ଼ ଇନେର୍ ? ହେୱେକ୍ ଆନିକା ଇସ୍ଵରତି ହେବାକାରି, ମୁକ୍‌ଡାନି ମାନାୟାର୍‌ତି ଉପକାର୍ କାଜିଂ ଇସ୍ଵର୍ ହୁକେ ପକ୍ୟାତି ଜିବୁନିଂ ।

୨

ଗାଜା ମୁକ୍‌ଡାନାକା

୧ ଲାଗ୍, ୱେଚି କାତାତିଂ ଆଦିକ୍ ମାନ୍ ଦିଆନ୍ ଇଚ୍‌ନାକା ମା ଲଡ଼ା, ନଲେ ଏଚେକାଡ଼୍‌ଦ ମା ଇଚ୍‌କାଡ଼୍ ବାଙ୍ଗାନାଡ଼ । ୨ ଇନାକିଦେଂକି ପର୍ତ୍ତୁମ୍ ଇସ୍ଵର୍ ସାଗେନି ଦୁଡ଼ର୍ ଲାହାଂ ଇମ୍‌ଣି କାରୁର୍ ୱେଚ୍‌ଚାତାଣ୍ଣା ହେଦାଂ ହାଡ଼ପା ଇଞ୍ଜି ପାର୍‌ମାଣ୍

ଇମ୍ପାଣ୍ଟାକାର ଅମାନ୍ୟା ଆଜି ପାଲି କିଭରା ହେଖାର ପାୟାନି ନିୟାୟ ପାୟାତାଣ୍ଣା ।
 ୩ ଖାଟି ଏଲେଙ୍ଗ ଗାଜା ମୁକ୍ତି ଆନାକା ଏଲା କିତିସ୍ ଆସେଙ୍ଗ ଇନେସ୍ ରାକ୍ୟା
 ପାୟାନାସ୍ ? ହେଦା ତ ପର୍ତ୍ତମ୍ ମାପୁତି ହୁଦା ଇନ୍ୟା ଆଜି ଖେତି ଲୁଗାତ ହୁଦା ମା
 ଲାଗାୟ ପାର୍ମାଣ୍ ପୁରା ଆତାଡ଼; ୪ ହେ ବିସ୍ତେ ଇସ୍ତର ପା ଜାର ଇତା ଇସାପ୍ତେ ବାରବିନି
 ତିନ୍ ଆରି କାବାନି କାମାୟ ଆରେ ବାରବିନି ସାକ୍ତିନି କାମାୟ ଆରି ପୁଇପୁୟା ଜିବୁତି
 ଆଦେକ୍ ଦାନ ହୁଦା ସାକି ହିତ୍ତାନା ।

ଜିସୁ ବାତ ଗାଗାଡ଼ ଆସ୍ତାନ

୫ ଇନାକିଦେକି ଇମ୍ପାଣ୍ଟି ଏତୁ ପୁତ୍ ନି କାତା ଆସେଙ୍ଗ ଇନାସା, ହେଦା ହେଖାନ
 ଦୁଡ଼କ୍ତି ତଲ୍ୟା କିଦ୍‌ଖାତାନା । ୬ ଇନେକିଦେକି ଦରମ୍ ସାସ୍ତରତ ଲେକାତାଡ଼ନା,
 ଇମ୍ପାଣ୍ଟି ବାହାତ ଇ କାତା ଇଞ୍ଜି ସାକି ହିତାନା ମାନାୟ ଇନେର୍ ।

ଜେ ଏପେଙ୍ଗ ହେଖାନି ଏଡ଼ କିଜି ମାନାଦେର୍ ?

ମାନାୟ ମାଜି ଇନେର୍ ଜେ,
 ଏପେଙ୍ଗ ହେଖାନ୍ତି ଜାତୁନ୍ ଅନାଦେରା ?

୭ ଏପେଙ୍ଗ ଦୁଡ଼ରତା ତାଙ୍ଗେଙ୍ଗ ଅଲପ୍ ତଲ୍ୟା କିତାଦେଣ୍ଣା ।

ଏପେଙ୍ଗ ହେଖାନି ଜାଜ୍‌ମାଲ୍ ଆରି ସନ୍‌ମାନି ମୁକୁର୍ ଲାକେ ତୁଜି କିତାଦେଣ୍ଣା,
 「ଝିଜୁ ବିସ୍ତେ ଜପି ଏପେଙ୍ଗ ହେଖାନ ପାନା ତାରେନ୍ ଇଡ଼ତାଦେଣ୍ଣା ।」

ହାପ୍ପାରତେ ହେ “ଝିଜୁ ବିସ୍ତେ” ହେଖାନ୍ତି ତଲ୍ୟା କିଦେଙ୍ଗ ଇମ୍ପାଣ୍ଟି ବିସ୍ତେ ହେଖାନ୍ତି
 ତଲ୍ୟା କିଖାଦା ପିହାତାନା ।” ଆପେ ଇ ପାତେକ୍ ଝିଜୁ ବିସ୍ତେ ହେଖାନ୍ତି ତାରେନ୍
 ଆନାକା ହୁଡ଼ଝାତାପା ହାଡ଼ପା, ୯ ଆପେ ହୁଡ଼ନାପା ଇନେସ୍ ଜିସୁ ଦୁଡ଼କୁତା ଅଲପ୍
 ତଲ୍ୟା ଆଜି ମାଚାର୍, ହେଖାନି ଇତିସ୍ ଜିସୁ ହାକିନି ଦୁକ୍‌ବଗ୍ କାଜି ଜାଜ୍‌ମାଲ୍
 ଆରି ମାନିନି ଲାକେ ମୁକୁର୍ ଉସପିସ୍ ମାନାକା ହୁଡ଼ନାପା, ଇନେସ୍ ଇସ୍ତରତି ଦୟାତ
 ଜାଣ୍‌କେ ମାନାୟ କାଜି ହେଖାନ ହାକିତି ହୁଡ଼ତାନା । ୧୦ ଇନାକିଦେକି ଇନେର୍ତି
 କାଜି ଆରି ଇନେର୍ତି ହୁଦା ଝିଜୁ ବିସ୍ତେ ଉବ୍‌ଜାଣ୍ ଆତାଡ଼ନା, ଆଦେକ୍ ହିମ୍ପାକା
 ଜାଜ୍‌ମାଲ୍‌ତା ହର୍‌ପେଦେ ହେଖାନ୍ତି ମୁକ୍‌ତାୟକିନି ମୁଣିକା ଦୁକ୍‌ବଗ୍ ହୁଦା
 ବାତ କିନାକା ହେଖାନ୍ତି ହାର୍ ମାଚାଡ଼ । ଜିସୁ ନେ ମୁକ୍‌ତାନି ହାଜି ଚର୍‌ଚାନାନା ।

୧୧ ଲାଗି ଜିସୁ ଆରି ଇମ୍ପାଣ୍ଟାକାରି ପୁଇପୁୟା ଆନାର୍, ହେଖାର୍ ଝିଜାର୍ ର
 ଆବାର୍ତି ହିମ୍ପାକା; ହେଦା କାଜି ହେଖାନ ହେଖାରି ଟଣ୍ଡେନ୍ ଆରି ତଣ୍ଡେକ୍
 ଇଞ୍ଜେଙ୍ଗ ଲାଜୁ ଆଉନ୍, ୧୨ “ହେଖାନ ଇସ୍ତରତି ଇନାନା,”

“ଆନ୍ ଜାର୍ ଟଣ୍ଡାର୍ ଆରି ତଣ୍ଡେକ୍ ଲାଗାୟ ନି ତର୍ ସୁଣାୟ କିନାଙ୍ଗ,
 ମଣ୍ଡଲି ବିତ୍ତେ ନି ଖାରିକିୟ୍ କେର୍‌କଣ୍ କେର୍‌ନାଙ୍ଗ ।”

୧୩ ହେଖାନ ଇଦା ଇଚାନା “ଆନ୍ ଇସ୍ତରତାକେ ପାତ ଇଡ଼ନାଙ୍ଗ ।” ଆରେରଗ,
 ଇଦା ହୁଡ଼ାଟ୍, ଆନ୍ ଆରି “ଇସ୍ତର ହିତ୍ତି ନା ହିମ୍ପାକାଙ୍ଗ ।”

୧୪ ହେଖାନ ଇମ୍ପାଣ୍ଟାକାରି, ହିମ୍ପାକାଙ୍ଗ ଇଞ୍ଜି ଇନାରା, ନେତେର୍ ଜେଇନି
 ମେହାତିଲେ ହେଖାନ ପା ନିଜେ ହେ ଲାକେ ହେବେନି ମିହାତାନ, ଇନେସ୍ ହାକି
 ହୁଦା ହାକିନି ଆଦିକାର୍ତି, ଇତିସ୍ ସୟ୍‌ତାନତି ନାସ୍ କିନାନ ୧୫ ଆରେ ହାକିନି
 ପାଣ୍ଡୁତି ଇମ୍ପାଣ୍ଟାକାର୍ ସବୁଖେଡ଼ାଙ୍ଗ ଆଡ଼ିଏନ୍ ମାଚାର୍, ହେଖାରି ହେଖାନ ଉଦାର୍
 କିନାନ । ୧୬ ଇନାକିଦେକି ହାଡ଼ପାନେ ହେଖାନତ ସାଗେ ଦୁଡ଼ରତି ଜାତୁନ୍ ଅଖାଦା
 ଅବ୍ରାହାମତି ଲାତ୍ରା ହିମ୍ପାକା ଉପକାର୍ କିତାର୍ । ୧୭ ଲାଗି, ଝିଜୁ ବିସ୍ତେ ଜାର୍
 ଟଣ୍ଡାର୍ତି ଲାକେ ଆନାକା ହେଖାନ୍ତି ଲଡ଼ା ମାଚାଡ଼, ଇନେସ୍ ହେଖାନ ମାନାୟାତ
 ପାପ୍‌ନି କେମା କାଜି ଇସ୍ତରତି ହେବା ବିସ୍ତେ ରଖାନ ଦୟା ନିକାନ ଆରି ପାତ୍ ନି ମୁଡ଼

ମାପୁହେବାକିନାକାନ ଆନାନ୍ । ୧୮ ଇନାକିଦେଂକି ହେଞ୍ଜାନ୍ ନିଜେ ପରିକ୍ୟାକିୟାଜି ଦୁକ୍‌ବଗ୍ କିଜିମାଟିଲେ ପରିକ୍ୟାକିୟା ଆଜି ମାନି ମାନାୟତି ଉପକାର୍ କିନି କାଜିଂ ଆଡ଼ନାନ୍ ।

୩

ଜିସୁ ମସାତାଂ ଗାଜାକାନ

୧ କ୍ରିସ୍ଟୁଙ୍ଗ୍ ପାତର୍ କିନି ଟଣ୍ଡାର୍ ଆରି ତଣ୍ଡେକ୍ ଲାଗିଂ, ହେଞ୍ଜାନ୍ ସାଚେନି କୁକ୍ୟାତିତ ମେହାଜି ପୁଇପୁୟା ଟଣ୍ଡାର୍ ଆରି ତଣ୍ଡେକାଦେର୍, ମା ପାତର୍ ନି ଇସାବରେ ପକ୍ୟାତାକାନ ଆରି ମୁଡ଼ ମାପୁହେବାକିନାକାନ ଜିସୁତି ବିସ୍ତେ ଏଡୁ କିଜି ହୁଡ଼ାଟ୍; ୨ ମସା ଇନେସ୍ ଇସ୍‌ବୁଟି ଇଲ୍ ବିତ୍ରେ ପାତର୍ କିନାକାନ ମାଚାନ୍, ଜିସୁ ହେ ଲାକେ ଜାର୍ ବାଟିକିତି ମୁଣିକା କାଜିଂ ପାତର୍ ମାଚାନ୍ । ୩ ଇଲ୍ ବାଟା ଇଲ୍‌ନି ରଟି ମୁଣିକା ଇନେସ୍ ଆଦିକ୍ ଝାରିକିୟା ଆନାନ୍, ହେ ଲାକେ ହେଞ୍ଜାନ୍ ମସାତି ବାଟା ଜିସୁ ଆଦିକ୍ ଜାଜ୍‌ମାଲ୍‌ନି ଜଗ୍ ଇଞ୍ଜି ଗାଣା କିୟାତାନ୍ନା । ୪ ଲାଗିଂ ଜାଣ୍‌କେ ଇଲ୍ ଇମ୍‌ଶାକା ପା କି ଇମ୍‌ଶି ଲଗୁତି ହୁଦାଂ ରଟଟାକା, ମତର୍ ଝିଜୁ ବିସ୍ତେ ଜେ ରଟିମୁଣିକା, ହେଞ୍ଜାନ୍ ଇସ୍‌ବୁ । ୫ ହେବାକାର୍‌ୟା ବାବ୍ରେ ପାଟେ ଇତି ବିସ୍ତେ ସାକି ହିନି କାଜିଂ ମସା ହେଞ୍ଜାନ୍ ଇଲ୍ ପା ହେବା କିନାକାନ ଲାକେ ହାଡ଼ପାରତେ ପାତର୍ ମାଚାନ୍ । ଆରି ହେଞ୍ଜାନ୍ କାମାୟ ଇସ୍‌ବୁ ପାଟେନି ଦିନ୍ତୁ ଝେଡ଼ଟି ମାଚାନ୍ ୬ ମତର୍ କ୍ରିସ୍ଟୁ ମାଜି ଲାକେ ଇସ୍‌ବୁଟି ଇଲ୍ ଜପି ମାଜି ଲାକେ ପାତର୍ ଲାକେ; ଜଦି ଆସେଙ୍ଗ୍ ମାଦାଂ ସାସ୍ ଆରେ ଗରବ୍‌ନି କାରଣ୍ ଜେ ମା ବାସ୍, ହେଦାଂ ଆଟ୍‌ଝା ବାବ୍ରେ ହାରିହାରା ପାଟେକ୍ ଆସି ଇଡ଼ନାସ୍, ତା ଆଡିସ୍ ଆସେଙ୍ଗ୍ ତ ହେଞ୍ଜାନ୍ ଇଲ୍ ଲାକେ ଆନାସ୍ ।

ଇସ୍‌ବୁଟି ମାନାୟାତର୍ କାଜିଂ ଜମ୍‌ନାକା

୭ ଲାଗିଂ ପୁଇପୁୟା ଜିବୁନ୍ ଇନେସ୍ ଇନାନ୍, ନେଞ୍ଜେଙ୍ଗ୍ “ଜଦି ଏପେଙ୍ଗ୍ ଇସ୍‌ବୁଟି କାତା ଝେନାଦେର୍,”
 ୮ ଇନେସ୍ ରିସା କିୟକିନି ବାହାତ ଆରି ବାଟାତ ପରିକ୍ୟା ନାଜିଂ ଗିଟାଜି ମାଚାଟ୍, ହେ ଲାକେ ଜାର୍ ଜାର୍ ମାନ୍ତିଂ ଆଟ୍‌ଝା କିମାଟ୍;
 ୯ ଇସ୍‌ବୁ ଇନାନ୍, ହେ ବାଟାତ ମି ଆବା ଲାତ୍ରାର୍ ଇସ୍‌ବୁ ମାଙ୍ଗ୍ ସାକ୍ତି ଆରି କାମାୟ ପରିକ୍ୟା କିଜି ହୁଡ଼ତାନ୍,
 ଆରେ ରିକଡ଼ି ବାହୁଁ ପାଟେକ୍ ମା କାମାୟ ହୁଡ଼ତାନ୍ ।
 ୧୦ ଲାଗିଂ ଆପ୍ ଇ ବସ୍ କାଜିଂ ରିସା ଆଜି ଇଟାପ୍,
 ହେଞ୍ଜାର୍ ନିତ୍ରେ ମାନ୍ତ ବୁଲ୍‌କା ଆତାଣ୍ଟା,
 ହେଞ୍ଜାର୍ ମା ହାଜି ସବୁ ପୁନ୍‌ଝାତାଣ୍ଟା ।
 ୧୧ ଆନ୍ ରିସାତ ପାର୍ମାଣ୍ କିତାଙ୍ଗ୍,
 ଆନ୍ ଇମ୍‌ଶି ଦେସ୍‌ତ

ହେଞ୍ଜାରିଂ ଜମ୍‌ଦେଂ ହିତାଙ୍ଗ୍‌ନା ହେ ଦେସ୍‌ତ ହେଞ୍ଜାର୍ ମୁଡ଼େ ହଣ୍ଡେଙ୍ଗ୍ ଆଡୁର୍ ।

୧୨ ଏ ଟଣ୍ଡାର୍ ଆରି ତଣ୍ଡେକ୍, ଜାଗ୍ରଡ଼ଆଡ଼, ମି ବିତ୍ରେତାଂ ଇନେରଟି ଝାସ୍ ଇନେସ୍ ପାପ୍ ଆରି ପାତର୍ କିଞ୍ଜାକାତ ବାତର୍ ଆଜି ଜିବୁନ୍‌ତି ଇସ୍‌ବୁଟି କାଜିଂ ଦେହା ଆମାଟ୍ । ୧୩ ମତର୍ ଏଟେକାଡ଼୍‌ ପାପ୍‌ନି ଟକାୟ ହୁଦାଂ ମି ବିତ୍ରେ ଇନେର୍ ଆଟ୍‌ଝା ମାନ୍ ଆଡିସ୍, ଇଦାଂ କାଜିଂ “ନେଞ୍ଜେଙ୍ଗ୍” ପାଗ୍ରା ମାନ୍ ମାନ୍ ସବୁ ଦିନ୍ ହାରି ଝାରି କିୟାଟ୍, ୧୪ ଇନାକିଦେଂକି ଆରମ୍‌ତାଂ ମାଦାଂ ଇମ୍‌ଶି ପାତର୍ ମାଚାଟ୍, ହେଦାଂ ଜଦି ହାରିହାରା ପାଟେକ୍ ଆଟ୍‌ଝା କିଜି ଆସି ଇଡ଼ନାସ୍, ତା ଆଡିସ୍ କ୍ରିସ୍ଟୁତି ମେହାଜି ମାନାସ୍ ।

୧୫ ଏ ପାତ୍ର କିନ୍ତି ଚଣ୍ଡାର, ଜାଗ୍ରତ୍, ମି “ବିଦ୍ରେତାଂ ଇନେରତି ଜିରୁନ୍ ଇନେସ୍ ପାପ୍ ଆରି ପାତ୍ର କିଞ୍ଜାଦାଂ ବାତ୍ର ଆଜି ଜିରୁନ୍ ଇସ୍ପୁରତି କାଜିଂ ଦେହା ଆମାଟ୍ ।”

୧୬ ଖାଟିଂ ଇମ୍ନାକାର ଇସ୍ପୁରତି କାରୁର୍ ଖେନଞ୍ଜି ରିସା ଉଦ୍‌ଜାୟ କିତାର୍ ? ମସାତି ହୁଦାଂ ମିସର୍ ଦେସ୍‌ତାଂ ଇନେର ହସି ଖାଜି ମାଚାର୍, ହେ ଖିଜାକାର ଇନାକା ହେଞ୍ଜାର୍ ଆକାୟ୍ ? ୧୭ ଆରେ ଇନେରତି ଜପି ରିକଡ଼ି ବାହୁଁ ପାତେକ୍ ହେଞ୍ଜାନ୍ ରିସା ଆଜି ମାଚାନ୍ ? ଇମ୍ନାକାର ପାପ୍ କିଜି ମାଚାର୍, ଇମ୍ନାକାତ୍ର ମାଡ୍ ବାଗାତ ଆଜି ମାଚାଡ୍, ଇନାକା ହେଞ୍ଜାର୍ ଆକାୟ୍ ? ୧୮ ଇସ୍ପୁର ଏତେକାଡ୍‌ଦ ପାର୍ମାଣ୍ କିଜି ଇଞ୍ଜି ମାଚାନ୍ ଜେ, ହେଞ୍ଜାର୍ ହେଞ୍ଜାର୍‌ତି ଜମ୍ନିତ ଇମ୍ନାକାର୍ ଅମାନ୍ୟା ଆଜି ମାଚାର୍, ହେଞ୍ଜାରିଂ ପିସ୍ତ୍ର ଆରେ ଇମ୍ନାକାର୍ ବିରୁଦ୍‌ତ ହେଞ୍ଜାନ୍ ପାର୍ମାଣ୍ କିଜି ମାଚାର୍ ଜେ, “ହେଞ୍ଜାର୍ ହେଞ୍ଜାନ୍ତି ଜମ୍ନିତାକେ ହଣ୍‌ଗୁର୍ ?” ୧୯ ଲାଗିଂ ଆସେଙ୍ଗ୍ ହୁଡ୍‌ନାସ୍ ଜେ, ପାତ୍ର କିଞ୍ଜାକାର୍ କାଜିଂ ହେଞ୍ଜାର୍ କିଶାନ୍ ଦେସ୍‌ତ ହଣ୍‌ଶେଙ୍ଗ୍ ଆଡ୍‌ଞ୍ଜାତାର୍ ।

୪

୧ ମାଙ୍ଗେଙ୍ଗ୍ ଇମ୍ନାକା ଜମ୍ନାକା ହିଦ୍‌ନାନ୍ ଇଞ୍ଜି ଇସ୍ପୁର ଇଞ୍ଜି ମାଚାନ୍, ହେଦାଂ ଆପେଂ ପାୟାନ୍‌ପା ଇଞ୍ଜି ଇସ୍ପୁର ପାର୍ମାଣ୍ କିତାନ୍‌ନା ଲାଗିଂ ଆସେଙ୍ଗ୍ ପାଣ୍ଡୁ ଆନାସ୍, ଏତେକାଡ୍‌ଦ ଇସ୍ପୁର ଜମ୍ନିତ ହଣ୍‌ଶେଙ୍ଗ୍ ପାର୍ମାଣ୍ ମାନି ବାହାତ ପା ମି ବିଦ୍ରେ ଇନେର ହେବେଣ୍ଡାଂ ଉଣା ଆତି ଲାକେ ଚଞ୍ଜୟାନ୍‌ନାର୍ । ୨ ଇନାକିଦେଂକି ହେଞ୍ଜାର୍‌ତି ଲାଗେ ଇନେସ୍, ମା ଲାଗାୟ୍ ପା ହେ ଲାକେ ନେକ୍ରିକାରୁର୍ ସୁଣାୟ୍ କିତାକା ଖେଚାପ୍, ଖେନାକାର୍ ପାତ୍ର ହୁଦାଂ ହାଦ୍ର କାତା ଲାଗେ କିଞ୍ଜାଦାଂ ହେଦାଂ ହେଞ୍ଜାର୍‌ତି ପାକ୍ୟାତ ଲାବ୍ ଆଞ୍ଜାତାଡ୍ । ୩ ଲାଗିଂ ପାତ୍ର କିନାସା ଜେ ଆସେଙ୍ଗ୍, କେବଲ୍ ଆସେଙ୍ଗ୍ ହେ ଜମ୍ନିତାକେ ହଣାସ୍, ଇନେସ୍ ଇସ୍ପୁର ଇଞ୍ଜାନ୍ନା,

ଲାଗିଂ “ଆପ୍ ଜାର୍ ରିସାତ ପାର୍ମାଣ୍ କିତାପ୍,

ହେଞ୍ଜାର୍ ମା ଜମ୍ନିତାକେ ହଣ୍‌ଶେଙ୍ଗ୍ କଉର୍ ।” ଜପି ଇ ଜମ୍ନାକା ଜଗଡ୍‌ନି ଉଦ୍‌ଜାଣ୍ ସମ୍ବୁତାଂ ଜାଗ୍ରତ୍ ଆତାଡ୍‌ନ୍ନା ।

୪ ଇନାକିଦେଂକି ଖିଜୁ ଦିନ୍ ବିସ୍ତେ ହେଞ୍ଜାନ୍ ଇମ୍ନାକା ପା ବାହାତ ଇ ବାନି ଇଞ୍ଜାନ୍ନା, “ଇସ୍ପୁର ସାଡ୍ ଦିନ୍ତ ଜାର୍‌ତିଂ ଖିଜୁ କାମାୟ୍‌ତାଂ ଜମ୍‌ତାନ୍ ।” ୫ ଆରେ ଇ ବିସ୍ତେ ଦିନ୍ ବାହାତ ଲେକାତାଡ୍‌ନା ଇସ୍ପୁର ଆରେରଗ ଇଚାନ୍ନା, “ହେଞ୍ଜାର୍ ମା ଜମ୍ନିତାକେ ହଣ୍‌ଗୁର୍ ।” ୬ ଇମ୍ନାକାର୍ ପର୍ଡୁମ୍ ନେକ୍ରିକାରୁର୍ ଖେନଞ୍ଜି ମାଚାର୍, ଜାର୍‌ତି ପାତ୍ର କିଞ୍ଜି କାଜିଂ ହେ ପାତ୍ର ଲାବ୍ କିଦେଙ୍ଗ୍ ଆଡ୍‌ଞ୍ଜାଦାଂ ମାଚାର୍ । ନଙ୍ଗ୍ ଦିନ୍‌ନିକାର୍ ହେ ଆରେ ଇମ୍ନାକାତ୍ର ଲାଗାୟ୍ ନେକ୍ରିକାରୁର୍ ଆଗେ ପରଚାର୍ ଆଜି ମାଚାଡ୍, ହେଞ୍ଜାର୍ ଅମାନ୍ୟା କାଜିଂ ହଣ୍‌ଖିତିଲେ ହେଞ୍ଜାନ୍ ଆରେ ରଗ ୭ ଆରେ ର ଦିନ୍, ଇତିସ୍ “ନେଞ୍ଜେଙ୍ଗ୍” ତିର କିଜି ଏଚେକ୍ କାଡ୍ ପାଚେ ଦାଉଡ୍‌ତି ପତିତ ଇନାନ୍ନା, ଇନେସ୍ ଆଗେ ଇନ୍ୟା ଆତାଡ୍‌ନ୍ନା,

“ନେଞ୍ଜେଙ୍ଗ୍ ଜପି ଏପେଙ୍ଗ୍ ଇସ୍ପୁରତି କାରୁର୍ ଖେନାଦେର୍,

ଜାର୍ ଜାର୍ ମାନ୍‌ତିଂ ଆଡ୍‌ଞ୍ଜା କିମାଟ୍ ।”

୮ ଇନାକିଦେଂକି ଜପି ଜିହସ୍ପୁୟ ମାନ୍‌ୟାରିଂ ଇସ୍ପୁରତି ପାର୍ମାଣ୍ ଜମି କିତାନ୍‌ମା, ଖାଟିଂ ଇସ୍ପୁର ପାଚେ ଦିନ୍ ର ଜମ୍ନାକା କାତା ଲେକି କିଞ୍ଜାତାନ୍‌ମା । ୯ ଲାଗିଂ ଇଦାଂ ବୁଜାନ୍‌କା ଜେ, ସାଡ୍ ଦିନ୍‌ତ ଇସ୍ପୁର ଜମ୍ନି ଲାକେ, ତା ଲକୁ କାଜିଂ ର ଜମ୍ନିବାର୍ ସମ୍ବୁ ଇଟ୍ୟାତାଡ୍‌ନା । ୧୦ ଇସ୍ପୁର ଇନେସ୍ କାମାୟ୍‌ତାଂ ଜମ୍‌ତାନ୍ ଇନେରକି ଇସ୍ପୁରତି ଜମ୍ନିତାକେ ହଚାଣ୍ଡା, ହେଞ୍ଜାର୍ ଜାର୍‌ତି କାମାୟ୍ ଖାହ୍‌ନିତାଂ ଜମ୍‌ତାର୍‌ନା । ୧୧ ଲାଗିଂ ମା ବିଦ୍ରେତାଂ ଇନେର ଇନେସ୍ ଜାର୍‌ତି ପାତ୍ର କିଞ୍ଜି କାଜିଂ ହେ ମାନ୍‌ୟାର୍ ଲାକେ ହେବେନି ଜମ୍ନିତାଂ ଜିଉନ୍ ଇଦାଂ କାଜିଂ ଆସେଙ୍ଗ୍ ହେ ଜମ୍ନିତାକେ ହଣ୍‌ଶେଙ୍ଗ୍

ଜାତୁନ୍ କିନାସ, ଇନେସ ଇମ୍‌ଣି ଲଗୁ ଅମାନ୍ୟା ତାଦାଂ ହେ ଉତରମୁତ୍ ଇସାପ୍ରେ ନସ୍ତୁ ଆଉତ୍ ।

୧୨ ଇନାକିଦେଂକି ଇସ୍‌ସ୍‌ରତି ବଚନ୍ ଜିବୁନ୍‌ନିକା ଆରି କାମାୟନିକା, ଆରେ ରି ଦାରା କାଣ୍ଡାତାଂ ଦାରା, ଆରେ ଖାସ୍ତି ଆରି ଜିବୁନ୍, ଗାଟି ଆରି ପ୍ରେନ୍ ମୁଟି ଆଲଗା ପାତେକ୍ ହଟାକା ଆରି ମାନତିନି ଚିତା ଆରି ବାବନାନି ହାରୁଗାଜା ବିଚାରକାରୟା । ୧୩ ଇସ୍‌ସ୍‌ରତି ମୁମ୍‌ଦ ଇମ୍‌ଣାକା ପା ତ୍‌ଗୁୟାଆଉତ୍, ମତର୍ ଇନାକାନ ଲାଗେ ମାଜେଜ୍ ନାସ୍ ଆଦେଂ ଆନାତ୍, ହେଖାନ୍ତି କାଣ୍ଡାତ ଓଜୁ ବିସ୍ତେ ନାଗ୍‌ତା ଆରି ତ୍‌ମ୍‌ତାନାକା ।

ଜିସୁ ମୁତ୍‌ଦି ମାପୁହେବାକିନାକାନ

୧୪ ଲାଗିଂ ସାଗେନି ଓଜୁ ପା ହିଜି ହାଟିକନ୍ନା ଜେ ଇସ୍‌ସ୍‌ରତି ମାଜି ଜିସୁ, ହେଖାନ ମା ମୁତ୍, ମାପୁହେବାକିନାକାନ ଆତିଲେ ଖାତୁ, ଆସେଜ୍ ମା ପାତ୍ ଚିଂ ଆଟ୍‌ଖା ବାବ୍ରେ ଇଡ୍‌ନାସ୍ । ୧୫ ଇନାକିଦେଂକି ଇନେନ୍ ମା ବାଡ଼କାସ୍‌ହିଲ୍‌ଓତ ମା କାଜିଂ ଦୟା ଚର୍‌ଚେଜ୍ ଆତୁସ୍, ମାଦାଂ ଏଲେଜ୍ ମୁତ୍‌ମାପୁହେବାକିନାକାନ ହିଲ୍‌ନ୍, ଆଓଡିସ୍ ହେଖାନ ପାପ୍ ହିଲ୍‌ଖାକାନ ଆଜି ମା ଲାକେ ଓଜୁତାକେ ପରିକ୍ୟାକିୟା ଆତାନ । ୧୬ ଆଓଡିସ୍ ଖାତୁ, ଦୟାପାୟନି କାଜିଂ ଆରେ ସମାନ୍ ଖେଡାଲିଂ ଉପକାର୍ ଆନି ସୁସ୍ତାତିଂ ଗାଟାନି କାଜିଂ ଆସେଜ୍ ସାସ୍‌ତାଂ ସୁସ୍ତାନି ଗାଦି ଲାଗେ ହାନାସ୍ ।



୧୭ ଇନାକିଦେଂକି ଜାଣକେ ମୁତ୍‌ମାପୁହେବାକିନାକାର ଇନେସ ପାପ୍ କାଜିଂ ଆତାତ୍ ଆରି ପୁଜା ହିନାକା, ହେଦାଂ କାଜିଂ ହେଖାନ ମାନାୟାତ୍ ବିତ୍ରେତାଂ ଖାଜି ଇସ୍‌ସ୍‌ରତି ହେବା ବିସ୍ତେ ମାନାୟ ପାକ୍ୟାତାଂ ବାଟି କିୟାଆନାନ୍ । ୧୮ ହେଖାନ ପୁନ୍‌ଖାକାର୍ ଆରି ବାମ୍‌ତାନି ଲକାର୍ କାଜିଂ ଦୟା ଚର୍‌ଚେଜ୍ ଆଡ୍‌ନାନ୍, ଇନାକିଦେଂକି ହେଖାନ ନିଜେ ବିନ୍ ବିନ୍ ବାନିନି ଦସ୍ ନାଦାର୍ ବାତ୍ ଆଜି ମାତାନ, ୧୯ ଇଦାଂ କାଜିଂ ଲକାର୍ କାଜିଂ ଇନେସ, ଜାର୍ କାଜିଂ ପା ହେ ଲାକେ ପାପ୍‌ନି ପୁଜା ହିନାକା ହେଖାନ୍ତି ଲଡା । ୨୦ ଆରେ ଇନେର୍ ଇ ମୁତ୍‌ମାପୁହେବାକିନାକାନ ପାପ୍ ନିଜେ ଇଚୁର୍, ମତର୍ ହାରଣ୍ ଇନେସ୍ କୁକ୍ୟାଆତାନ, ହେ ଲାକେ ଇସ୍‌ସ୍‌ଟି କିତି କୁଲ୍ୟା ଆନାକା ଲଡା ।

୨୧ ହେ ଲାକେ କ୍ରିସ୍‌ପା ମୁତ୍‌ମାପୁହେବାକିନି ପାପ୍‌ନି ଜାଜ୍‌ମାଲ୍ ନିଜେ ତେକ୍‌ଖାଦାଂ ମାତାନ, ମତର୍ ଇସ୍‌ସ୍‌ର ହେଖାନିଂ ହେ ଜାଜ୍‌ମାଲ୍ ପାପ୍ ହିଜି ମାତାନ, ଇନାକିଦେଂକି ଇସ୍‌ସ୍‌ର ହେଖାନିଂ ବାଟିକିଜି ଇଞ୍ଜି ମାତାନ,

“ଏନ୍ ମା ମାଜି, ନେଞ୍ଜେଜ୍ ଆପ୍ ନି ଆବା ଆତାପ୍ ।”

୨୨ ଆରେ ହେଖାନ ବିନ୍ ବାହାତ ପା ଇଚାନ୍ନା,

“ଏନ୍ ମଲ୍‌କିସେଦକ୍‌ତି ଲାକେ

ଓଜୁଓ ପାତେକ୍ ମାପୁ ହେବାକିନାକାନ ଆତାୟନା ।”

୨୩ ଇନେର୍ ହେଖାନିଂ ହାକିତାଂ ରାକ୍ୟା କିଦେଜ୍ ଆଡ୍‌ନାନ୍, ହେଖାନ୍ତି ଲାଗାୟ ହେଖାନ ଜାର୍ ପୁତ୍ ନି ଜିବୁନ୍ ମାନି ଖେଡାଲିଂ ବେସି ଆଡ୍‌ଜି ଆରି କାଣେଲିଂ ହୁକେ ପାର୍ତାନା ଆରି ଗଞ୍ଜାରି କିଜି ମାତାର୍, ଆରେ ଉତର୍ ଲାକେ ଆପଦତାଂ ରାକ୍ୟା ପାୟାଜି ହେଖାନ ହୁଦାର୍ ଆରି ଦାମ୍ ମାଟିଲେ ଇସ୍‌ସ୍‌ର ଖେଚାନ୍ । ୨୪ ଜଦି ଇସ୍‌ସ୍‌ରତି ମାଜି ମାତାନ ହେଖାନ ଇସ୍‌ସ୍‌ର ମାଜି ଆଡିସ୍‌ପା ଦୁକ୍‌ବଗ୍ ହୁଦାଂ ବଲ୍‌ମାନି କିଜି ହିକ୍ୟା କିତାନ, ୨୫ ଇ ଲାକେ ହାଦ୍‌କାନ ଆଜି ହେଖାନ ହେଖାନିଂ ବଲ୍ ମାନିକିନାକାର୍ କାଜିଂ ଓଜୁଓ ମୁକ୍ତି ବାଟିକିୟାତାନ । ୨୬ ଆରେ ହେଖାନ ଇଦାଂ କାଜିଂ ହେଖାନ ଇସ୍‌ସ୍‌ରତି କିତି ମଲ୍‌କିସେଦକ୍ ମୁଣିକାପାପ୍ ଲାକେ ମୁତ୍‌ମାପୁହେବାକିନାକାନ ଇଞ୍ଜି ତର୍ ଗାଟା ଆତାନ ।

ପାତ ଆରାୟ କିନି ଅବସ୍ଥା

୧୧ ଇ ବିସ୍ତେ ମାଦାଂ ବେସି କାତା ଇଞ୍ଜେଙ୍ଗ୍ ମାନକିନାପା, ଆରେ ଏପେଙ୍ଗ୍ ଖେଞ୍ଜେଙ୍ଗ୍ ହିଡ଼ଡ଼ି ଆଜି ମାଟିଲେ ହେବେନି ଅରଡ଼ ବୁଜାୟକିଦେଂ କସ୍ । ୧୨ ଇନାକିଦେଂକି ଆତିସପା ଏଚେକ ସମୁ ବିଡ୍ରେ ଏପେଙ୍ଗ୍ ମିଦାଂ ହିକିଡ଼ ଆନି ଲଡ଼ା ମାତାଡ଼, ଆତିସପା ଇସ୍ପରତି ବଚନ୍ତ ମୁଡ଼ୁଦି ହାଦଂ ହୁଡୁରିଂ ଇନେର ଜେ ହିକ୍ୟା ହିନାନ୍, ଇଦାଂ ଆରେ ରଗ ମିଦାଂ ଲଡ଼ା ମାନାଡ଼; ଗାଜାକାର୍ ତିନି କାଦି ପାୟାନି ଲଡ଼ା ଆଖାଦାଂ ପାଲ୍ ମିଦାଂ ଲଡ଼ା ମାନାଡ଼ । ୧୩ ଇନେନ୍ ପାଲ୍ ଉଶାନ୍, ହେଞ୍ଜାନ୍ ଦାମଂ କାଡ଼ଦେ ଲାକେ ବଲ୍ଲମ୍ ବିସ୍ତେ ଗିଆନ୍ ଆକାୟ । ୧୪ ମତର ବୁଡ଼ା ଲଗୁ, ଇତିସ୍ ଇମ୍‌ଶାକାର୍ ଗିୟାନ୍‌ବୁଦିକାଂ ଅବ୍ୟାସ୍ ହୁଦାଂ ବଲ୍ଲମ୍ କିଦେଙ୍ଗ୍ ଆଡ଼ନାଦେର୍, ହେଞ୍ଜାର୍ କାଜିଂ ବେସି ତିନାକା ଲଡ଼ା ।



୧ ଲାଗିଂ, ଆସେଙ୍ଗ୍ କ୍ରିସ୍ତୁତି ବିସ୍ତେ ପର୍ତ୍ତମ୍‌ନି ହିକ୍ୟା ପିସ୍ତ୍ର ହାକି କାରୁମ୍‌ତାଂ ମାନବାଦଲ୍ଲୟ କିଜି, ଇସ୍ପର ତାକେ ପାତଂ କିଜି, ୨ ବାରବିନି ବାପ୍ତିସିମ୍ ବିସ୍ତେ ହିକ୍ୟା, କେଇହିନାକା, ହାତାକାତଂ ଆରେ ନିଂନାକା ଆରି ଝିଙ୍ଗ୍‌ଝି ବିଚାର୍ ଲାକେ କୁନାଦି ଆରେ ରଗ କୁଟିକିଞ୍ଜାଦାଂ ବାତଂ ଲାବ୍ କିନି କାଜିଂ ହାନାସ୍ । ୩ ଆଁ, ଇସ୍ପର ଇନାକା ବଲ୍ଲ ହିଡ଼ତାନ୍ନା ଖେଚ୍ଚିତିସ୍ ଆସେଙ୍ଗ୍ ଇଦାଂ କିନାସ୍ ।

୪ ଇନାକିଦେଂକି ଇମ୍‌ଶାକାର୍ ରଗ ଅଜଡ଼ ଗାଟା ଆତାଣ୍ଟା, ସାଗେନି ଦାନ୍ ଖେଣ୍ଡାନ୍ନା, ପୁଇପୁୟା ଜିବୁନ୍‌ନି ମେହାଣ୍ ଆତାନ୍ନା, ୫ ଇସ୍ପରତି ହାଦଂ ବଚନ୍ ଝାନି କାଡ଼ନି ଜୁଗ୍ ସାଲ୍ଲିତିଂ ଖେଣ୍ଡାନ୍ନା, ୬ ଆତିସପା ହେଞ୍ଜାର୍ ପାତଂ ପିସ୍ତାଣ୍ଟା ଲାଗିଂ ଆରେରଗ ମାନବାଦଲ୍ଲୟ କାଜିଂ ଆରେ ରଗ ପୁନି କିୟକିଦେଂ ଅମାନାସା, ଲାଗିଂ ହେଞ୍ଜାର୍ ଜାର୍ ଜାର୍ତି ନାସ୍ କାଜିଂ ଇସ୍ପରତି ମାଜି, ଆରେ କ୍ଲସ୍ତ ହେଲ୍ଲୟ ଆତି ଜିସ୍ ହୁଡ଼କ୍ଲୁତ ହେଞ୍ଜାନିଂ ନିନ୍ଦା ଲକ୍ଲୁ କିତାର୍ ।

୭ ଇମ୍‌ଶା ମେଦନି ଜାର୍ ଜପି ରଗତିଂ ରଗ ବୁଡ଼ାତି ବାହାଁ ଏଜୁଙ୍ଗ୍ ଉଶାଡ଼, ଆରେ ଇମ୍‌ଶାକାତଂ କାଜିଂ ହେଦାଂ ତାସ୍ କିତିସ୍, ହେଞ୍ଜାର୍‌ତି ବାଡ଼ଦି କୁଚାଙ୍ଗ୍ ଉପଜା ଆନାଡ଼, ହେଦାଂ ଇସ୍ପରତାଂ ଆସିର୍ବାଦ୍ ଗାଟା ଆନାଡ଼ । ୮ ମତର ମେଦନି ଜଦି ଝାଡ଼ିକ୍ଲୁଡ଼ି ଆରି କାରା ଆନାଡ଼, ଲାଗିଂ ହେଦାଂ ଇନାକାପା ମଲ୍ଲ ହିଲ୍‌ଝାକା । ହେଦାଂ ଇସ୍ପରତି ସାଇପ୍ ଆନାଡ଼ ଆରି ନାଶିତ କାଡ଼ନାଡ଼ ।

୯ ମତର ଏ ଝାରିନିକାଦେର୍, ମାଦାଂ ଆତିସପା ଏଲେଙ୍ଗ୍ ଇନାସା, ଆତିସପା ମି ଅବସ୍ଥା ଜେ ତା ତାଂ ନେକ୍ରାକା ଆରି ମୁକ୍‌ଡ଼ାନାକା ପାୟାଦେଂ ମା ଆହା ମିହାତାକା, ଇଦାଂ ଆପେଂ ହାର୍ କିଜି ପାତଂ କିନାପା । ୧୦ ଇସ୍ପର ଅନ୍ୟାୟ କିଉନ୍ । ମି କାମାୟ, ବେସି କିଜି ସାଦୁରିଂ ହେବା କିଜି ଇସ୍ପର ତର କାଜିଂ ଏପେଙ୍ଗ୍ ଇମ୍‌ଶା ଝାରି ହପ୍‌ତି ଝାନାଦେରା ହେଦାଂ ହେଞ୍ଜାନ୍ ବାଣା ଆଉନ୍ । ୧୧ ମତର ମାଦାଂ ରଞ୍ଜାଙ୍ଗ୍ ଇଚା ଜେ, ଏପେଙ୍ଗ୍ ଜାଣକେ ହାରିହାରା ପାତେକ୍ ପା ତାଟ୍ ବାସଂ ଲାହାଙ୍ଗ୍ ହେ ଲାକେ ଜାତୁନ୍ ଆଡୁ, ୧୨ ତା ଆତିସ୍ ଏପେଙ୍ଗ୍ ଇନାଞ୍ଜାଡ଼ା ହିଡ଼ଡ଼ି ଆଖାଦାଂ, ଆଟ୍‌ଝା ପାତଂ ସାସ୍ ହୁଦାଂ ପାର୍ମାଣ୍‌ତାଂ ଆଦିକାରି, ନଲେ ହେଞ୍ଜାର୍‌ତି ଆଦିକାରି ଆଡୁ ।

ଇସ୍ପତଂ ପାର୍ମାଣ୍ ଗୁଚାଞ୍ଜାକା

୧୩ ଇନାକିଦେଂକି ଇସ୍ପର ଏଚେକାଡ଼ଦ ଅଗ୍ରାହାମ୍ ଲାଗାୟ ପାର୍ମାଣ୍ କିଜି ମାଗାନ୍, ହେ ଏଚେକାଡ଼ଦ ହେଞ୍ଜାନ୍ ଆରେ ଇମ୍‌ଶାକା ପା ଗାଜା ତର୍ ଗାଟାଞ୍ଜିତିଲେ ଜାର୍ ତରଦାଂ ପାର୍ମାଣ୍ କିଜି ଇଞ୍ଜି ମାଗାନ୍, ୧୪ ହେଞ୍ଜାନ୍ ଇଚାନ୍ “ଆପ୍ ନିଙ୍ଗେଙ୍ଗ୍ ଆସିର୍ବାଦ୍ କିଦନାପ୍ ଆରି ନି ବସ୍‌ତେଂ ବେସି ବାଡ଼ାୟ କିନାପ୍ ।” ୧୫ ଆରେ ଏଲେଙ୍ଗ୍ ବାନି

ଲୀମାହୁଦାର୍ ଆଜି ଅବ୍ରାହାମ୍ ପାର୍ମାଣ୍ଡି ପାତ୍ ଗାଗାଜି ମାଚାନ୍ । ୧୭ ମାନାୟାର୍ ତି
 ଗାଜା ତରଦ ପାର୍ମାଣ୍ କିଜି ମାନାର୍, ଆରେ କାତା ତିର୍ କିନି କାଜିଂ ହେଝାର୍ତି
 ଝିଜୁ ଗଣ୍ଡଗଲ୍ଲିନି ତିର୍ ପାର୍ମାଣ୍ ହୁଦାଂ ଆନାତ୍ । ୧୭ ଲାଗିଂ ଇସ୍ବର୍ ପାର୍ମାଣ୍ଡି
 ଆଦିକାରିର୍ ଲାଗାୟ୍ ଜାର୍ ବେରଣ୍ଡି ଆଟ୍ଝା ଆଦିକ୍ ମେଲାତ ହପ୍ତେଂ ମାନ୍
 କିଜି ପାର୍ମାଣ୍ ଲାହାଂ କିଜି ମାଚାନ୍, ୧୮ ଇନେସ୍ ଇମ୍ଝା ରିଣ୍ଡି ବାଦ୍‌ଲାଆଝି ବିସ୍ତେ
 ଇସ୍ବର୍ତି ମିର୍ ଇନାକା ଆତ୍ତ, ତା ହୁଦାଂ ମୁମ୍ଦ ମାନି ବାସ୍ତିତଂ ଆହ୍ନି କାଜିଂ
 ଆସ୍ତା ବାହାତ ହଟ୍ଟାପନ୍ନା ଜେ ଆସେଙ୍ଗ୍, ଆସେଙ୍ଗ୍ ତାଟ୍ ଝାରିକିୟା ଆନାସ୍ । ୧୯ ହେ
 ବାସ୍ତି ମା ଝାସ୍ତିନି ଆକ୍‌ସା ଲାକେ ପୁଞ୍ଜେଙ୍ଗ୍ । ଇଦାଂ ଟେବାୟ୍ କିନି ହିକ୍ତିଂ
 ଲାକେ, ଆରେ ସାଗେଁ ମନ୍ଦିର୍ନି ହେୟା ଆତି ଲାକେ ଗାଜା ପୁଇପୁୟା ବାହାତ
 ଏକାତାତ୍‌ନା, ୨୦ ମାଦାଂ ଆରେ ଜିସୁ ହେ ବାହାତ ମଲ୍‌କିସେଦକ୍ତି ଲାକେ ଝିଜ୍ଝି
 କାତ୍ତ୍ ମୁଡ୍‌ମାପୁହେବାକିନାକାନ୍ ଆଜି ମା ଆଗେ ଝାତିଲାକେ ହଟାନ୍ନା ।



ମଲ୍‌କିସେଦକ୍ତି ମାପୁହେବାକିନାନ୍ ପାଦ୍

୧ ଇ ମଲ୍‌କିସେଦକ୍ ସାଲେମ୍‌ନି ରାଜା ଆରି ରଝାନ୍ ମତର୍ ଇସ୍ବର୍ତି
 ମାପୁହେବାକିନାକାନ୍ ମାଚାନ୍ । ଅବ୍ରାହାମ୍ ଆରି ତା ହାଙ୍ଗ୍‌ଝାରି ଚାରି ଜାଣ୍ ରାଜାରିଂ
 ଅସ୍ତି ମାସ୍ତି ହାନି ଝେଡାଲିଂ, ମଲ୍‌କିସେଦକ୍ ହେଝାନ୍ତି ଲାହାଂ ବେଟ୍ ଆଜି ଆସିର୍ବାଦ୍
 କିଜି ମାଚାନ୍; ୨ ଅବ୍ରାହାମ୍ ପା ହେଝାନିଂ ଝିଜୁ ଜୁଜ୍‌ନି ଦାନ୍‌ତାଂ ଦସ୍‌ବାଗ୍ ହିଜି ମାଚାନ୍ ।
 ବିଡାୟ୍ କିତିସ୍ ମଲ୍‌କିସେଦକ୍ତି ଇଝାନ୍ତି ତରନି ଅରତ୍ “ଦାମ୍ ରାଜା,” ସାଲେମ୍‌ତି
 ରାଜା, ଇତିସ୍, “ସୁସ୍ତା ରାଜା ।” ୩ ମଲ୍‌କିସାଦକ୍ତି ଆବା କି ଆୟା କି ବସ୍ତିତ କି ଆଇସ୍
 ଆରମ୍ ଆରି ଜିବୁନି ଝିଜ୍‌ନାକା ମୁଡ୍ ଜାଣା ଆକାୟ୍; ହେଝାନ୍ ଇସ୍ବର୍ତି ମାଜି
 ଲାକେ କିୟାଆଜି ଝିଜ୍ଝି କାତ୍ ମାପୁହେବାକିନାକାନ୍ ଆଜି ମାନ୍‌ଗାତାନ୍ନା ।

୪ ଲାଗିଂ ବାବି କିଜି ହୁଡାଟ୍, ଇ ମୁଣିକା ଇନେସ୍ତିଂ ଗାଜାକାନ୍ । ଆବା ଲାତ୍ରା କାଜିଂ
 ଅବ୍ରାହାମ୍ ହେଝାନିଂ ଝିଜୁତିଂ ହାଦ୍ ଚର୍ କିତି ଦନ୍ ପା ଦସ୍ ବାଗ୍ ହିଜି ମାଚାନ୍ ।
 ୫ ଲେବିର୍ତି ହିମ୍‌ଶାଙ୍ଗ୍ ବିଡ୍ରେ ଇମ୍‌ଶାକାର୍ ମାପୁହେବାକିନାକାର୍ ପାଦ୍ ପାୟାନ୍‌ର,
 ହେଝାର୍ ମସାତି ବିଦି ଇସାପ୍ରେ ଲକାର୍‌ତାଂ ଇତିସ୍ ହେଝାର୍ତି ଟଣ୍ଡାଟାଂ ଦସ୍ ବାଗ୍
 ଅଦେଂ ବଲ୍ ପାୟାତାଣ୍ଡା, ହେଝାର୍ ଅବ୍ରାହାମ୍‌ତି ନେତେର୍ତ୍ତ ଜଲମ୍ ଆତିସ୍ ପା
 ହେଝାର୍‌ତାଂ ଇଦାଂ ଇଡ୍‌ନାର୍, ୬ ମାତର୍ ମଲ୍‌କିସେଦକ୍ ଲେବି ଲାତ୍ରାନି ହିଲିତିସ୍ ପା,
 ହେଝାନ୍ ଇସ୍ବର୍ତାଂ ପାର୍ମାଣ୍ଡି ଅବ୍ରାହାମ୍‌ତାଂ ର ଦସ୍ ବାଗ୍ ଅଜି ଆସିର୍ବାଦ୍ କିଜି ମାଚାନ୍
 । ୭ ଆସିର୍ବାଦ୍ ପାୟାନି ମାନାୟାତାଂ ଏତେକ୍ ଗାଜାକାନ୍ ଇବେ ପାତ୍ କିଝାତାଂ । ୮ ର
 ଦସ୍ ବାଗ୍ ଇଟ୍‌ନାକା ମାପୁହେବାକିନାକାର୍ ହାନି ମାନାୟାର୍ ମାତର୍ ମଲ୍‌କିସେଦକ୍
 ସାକି ହିନାନ୍ ହେଝାର୍‌ତାଂ ଗାଜାକାନ୍ ଇନେକିଦେଂକି ସାସ୍ତର୍ ଇସାପ୍ରେ ହେଝାନ୍
 ନଙ୍ଗ୍ ପା ଜିତାନ୍ । ୯ ଆରେ ଇଞ୍ଜେଙ୍ଗ୍ ହାତିସ୍ ଇମ୍‌ଣି ଲେବି ଦସ୍ ବାଗ୍ ଅନାର୍,
 ହେଝାନ୍ ପା ଅବ୍ରାହାମ୍‌ତି ହୁଦାଂ ଦସ୍ ବାଗ୍ ହିତାଣ୍ଡା; ୧୦ ଇନାକିଦେଂକି ମଲ୍‌କିସେଦକ୍
 ଲାହାଂ ଅବ୍ରାହାମ୍ ବେଟ୍ ଆନି ଲେବି ଜଲମ୍ ଆଝାଦାଂ ହେଝାନ୍ତି ଝାଜ୍ ମାଚାନ୍ ।

୧୧ ଇ ଲେବିୟର୍ତି ମାପୁହେବା କିନାକାନ୍‌ତି ପିସ୍ତି ଇସ୍ତାଏଲ୍ ଜାତିତିଂ ତା ବିଦି
 ହିୟାଜି ମାଚାତ୍ । ଲେବିୟର୍ତି କାମାୟ୍ ଜଦି କୁଲ୍ୟାସ୍ ଆତାମ୍, ତେବେ ହାରଣ୍ଡି
 ମାଜି ଇ ଲେବିୟ୍ ମାପୁହେବାକିନାକାରିଂ ପିସ୍ତି, ମଲ୍‌କିସେଦକ୍ତି ମାଜି ଲାକେ
 ବିନ୍ ର ମାପୁହେବାକିନାକାର୍ କୁଟ୍‌ମି ଲଡା ହିଲ୍‌ଝାତାତ୍ । ୧୨ ଇନାକିଦେଂକି
 ମାପୁହେବାକିନି କାମାୟ୍ ଜଦି ବାଦ୍‌ଲା ଆନାତ୍, ଝାତିଂ ମସାତି ବିଦି ପା ବାଦ୍‌ଲା
 ଆନାତ୍ । ୧୩ ଲାଗିଂ ଇନେର୍ତି ବିସ୍ତେ ଇ ଝିଜୁ ଇନ୍ୟାତିସ୍, ହେଝାନ୍ ବିନେନି ରଝାନ୍

କୁଟୁମ୍ବି ଲଗୁ, ଇମ୍ବି କୁଟୁମ୍ବି ଇନେର୍ ଗାର୍ଣିନି ମାପୁହେବାକିନାକାନ୍ କାମାୟ କିଞ୍ଚାତାର୍ଣ୍ଣା । ୧୪ ଇନାକିଦେଂକି ଇଦାଂ ପୁନ୍ୟାନାତ୍ ଜେ, ମା ମାପୁ ଜିହୁଦା କୁଟୁମ୍ବତାଂ ଉଦ୍‌ଜାଣ୍ ଆତାନ୍ନା, ଇମ୍ବି କୁଟୁମ୍ବି ମାପୁହେବାକିନାକାନ୍ ବିସ୍ତେ ମସା ଇନାକା ଇନ୍‌ଞ୍ଚାତାନ୍ନା ।

ମଲ୍ଲକିସେଦକ୍ତି ଲାକେ ରଞ୍ଚାନ୍ ମାପୁହେବାକିନାକାନ୍

୧୫ ଆରେ ଇଦାଂ ଇବେ ପା ଆରେ ଆଦିକ୍ ପୁନ୍ୟାନାତା, ମଲ୍ଲକିସେଦକ୍ ଲାକେ ଆରେ ରଞ୍ଚାନ୍ ମାପୁହେବାକିନାକାନ୍ ଉଦ୍‌ଜାଣ୍ ଆତାନ୍ନା, ୧୬ ହେଞ୍ଚାନ୍ ଗାଗାଡୁନି ମସାତି ବିଦି ବଲ୍ ଇସାପରେ ବାଟିକିୟାଞ୍ଚାଦାଂ ଓଜ୍‌ଓ ଜିବୁନ୍ ସାକ୍ତି ମାପୁହେବାକିନାକାନ୍ ବାଟି କିଆତାନ୍ନା । ୧୭ ଇନାକିଦେଂକି ହେଞ୍ଚାକ୍ତି ବିସ୍ତେ ଇ ସାକି ହିଆନାତ୍, “ଏନ୍ ମଲ୍ଲକିସେଦକ୍ତି ମୁଣିକା ଲାକେ ଜୁଗ୍ ଜୁଗ୍‌ନି ମାପୁହେବାକିନାକାନ୍ ଆନାୟ ।” ୧୮ ଇବେ ର ପାକ୍ୟାତ ଆଗେନି ବଲ୍ ନାଦାର୍ ଆରି ଲେମ୍‌ଓଡିଲେ ହେଦାଂ ବୁଡା ଆତାତ୍ ୧୯ ଇନାକିଦେଂକି ବିଦି ଇମ୍‌ଣାକା ପା ବିସ୍ତେ ବାତ୍ ଲାଦ୍ କିଞ୍ଚାଦାଂ ମାଗାତ୍ ବିନ୍ ପାକ୍ୟାତ ନିଜେନି ବାସ୍ ହଟାଡୁନା, ତାହୁଦାଂ ଆସେଙ୍ଗ୍ ଇସ୍‌ରତି ଲାଗାୟ ଆନାସ୍ ।

୨୦ ଆଦିକ୍‌ତାଂ ମା କାଜିଂ ଇସ୍‌ର ପାର୍ମାଣ୍ ପା ମାନାତ୍ । ହାରଣ୍ ଆରେ ଇଦାଂ ଇନେସ୍‌ବାନି ପିସ୍ତି ପାର୍ମାଣ୍‌ତ ଆଞ୍ଚାତାତ୍ ୨୧ ମତର୍ ଇନେର୍ ହେଞ୍ଚାକ୍ତି ବିସ୍ତେ ଇଦାଂ ଇତାନ୍ନା,

“ମାପୁ ପାର୍ମାଣ୍ କିତାନ୍‌ନ୍ନା, ଆରେ ହେଞ୍ଚାନ୍ ମାନ୍ତ୍‌ଏଡ୍ କିତନ୍,

ଏନ୍ ଓଜ୍‌ଓ କାଡୁନି ମାପୁ ହେବା କିନାକାୟ, ଆନାୟ ହେଞ୍ଚାକ୍ତି ହୁଦାଂ ହେଞ୍ଚାନ୍ ପାର୍ମାଣ୍ ଲାହାଙ୍ଗ୍ ମାପୁହେବାକିନାକାନ୍ ଆତାନ୍ନା ।”

୨୨ ଇ ପାର୍ମାଣ୍ କାଜିଂ ଜିସୁ ର ମୁଡ୍‌ଦାକା ନିୟମ୍ ହାଡ୍‌ପାନେ ହିନାନ୍ ।

୨୩ ପୁନି ନିୟମ୍ ବିନ୍ ମାପୁହେବାକିନାକାର୍ ତ ଜବର୍ତ୍ତ ବାଟିକିୟା ଆତାର୍ଣ୍ଣା, ଇନାକିଦେଂକି ହାକି ହେଞ୍ଚାରିଂ ନିତ୍ରେ ଜିଦେଂ ହିଞ୍ଚାତାତ୍, ୨୪ ମାତର୍ ଜିସୁ ଓଜ୍‌ଓ କାଡ୍ ଜିବୁନ୍ । ଇଟିସ୍ ହେଞ୍ଚାକ୍ତି ମାପୁହେବାକିନାକାନ୍ ପାଦ୍‌ତ ବିନେ ଇନେର୍ ବାଟି କିୟାଦେଂ ପର୍‌ସନ୍ ଆକାୟ । ୨୫ ଲାଗିଂ ହେଞ୍ଚାକ୍ତି ହୁଦାଂ ଇମ୍‌ଣାକାର୍ ଇସ୍‌ରତି ଲାଗେ ଆନାର୍, ହେଞ୍ଚାରିଂ ହେଞ୍ଚାନ୍ ଓଜ୍‌ରତେ ମୁକ୍ତି କିଦେଙ୍ଗ୍ ଆଡୁନାକାନ୍ ଆତାନ୍ନା, ଇସ୍‌ରତି ଲାଗାଂ ହେଞ୍ଚାର୍ କାଜିଂ ପାର୍ତାନା କିନି କାଜିଂ ହେଞ୍ଚାନ୍ ନିତ୍ରେ ଜିବୁନ୍‌ନିକାନ୍ ।

୨୬ ଇନାକିଦେଂକି ଏଲେଙ୍ଗ୍ ବାନି ମୁଡ୍‌ମାପୁହେବାକିନାକାନ୍ ମା ପାକ୍ୟାତ ହାଦ୍‌କାନ୍, ଇନେନ୍‌କି ପୁଇପୁୟା, ଦସ୍‌ହିଲ୍‌ଞ୍ଚାକାନ୍, ପ୍ରାଲ୍‌ହିଲ୍‌ଞ୍ଚାକାନ୍, ପାପିର୍‌ତାଂ ବିନେ, ଆରେ ଆକାସିଂ ଜପି ଉଡ୍‌ନିକାନ୍ । ୨୭ ହେ ମୁଡ୍‌ମାପୁହେବାକିନାକାନ୍ ଲାକେ ଦିନ୍‌କେ ପର୍ତ୍ତମତ୍ ଜାର୍ ପାପ୍ କାଜିଂ ଆରି ପାଚେ ଲକାର୍ ପାପ୍ କାଜିଂ ପୁଜାକିନାକା ହୁଦାଂ ହେଞ୍ଚାନ୍ ରଞ୍ଜେ ମାଡ୍ ଇଦାଂ କିତାନ୍‌ନ୍ନା । ୨୮ ଲାଗିଂ ମସାତି ବିଦି ନାଦାର୍‌ନିକା ମାନୟାରିଂ ମୁଡ୍‌ମାପୁହେବାକିନାକାନ୍ ପାଦ୍‌ତ ବାଟି କିତାନ୍, ମତର୍ ଇମ୍‌ଣି ପାର୍ମାଣ୍‌କାତା ବିଦି ପାଚେ ଆଜି ମାଗାତ୍, ହେଦାଂ ଓଜ୍‌ଓ କାଡ୍‌ପାଚେକ୍ ବାତ୍ ପାୟାତି ମାଜିଙ୍ଗ୍ ବାଟି କିନାତ୍ ।

୮

କ୍ରିସ୍ଟ ମା ମୁଡ୍‌ମାପୁହେବାକିନାକାନ୍

୧ ମା ନେକ୍ରିକାରୁର୍‌ନି ରାହାଣ୍ ଇଦାଂ ଇନାକା ଇନାପା, ହେବେନି ମୁଡ୍‌ବିସ୍ତେ ଇଦାଂ, ମା କାଜିଂ ଏଲେଙ୍ଗ୍ ରଞ୍ଚାନ୍ ମୁଡ୍‌ମାପୁହେବାକିନାକାନ୍ ମାନାନ୍, ଇନେନ୍ ସାଚେଟ୍ ଗାଜା ଜାଜ୍‌ମାଲ୍ ଇସ୍‌ରତି ଗାଦିନି ତିନା ବାଗାଙ୍ଗ୍ କୁଟ୍‌ଚାନ୍ନା; ୨ ହେଞ୍ଚାନ୍ ଗାଜା

ପୁରୁଷା ବାହାତ ଆରେ ଇମଣି ହାତପା ତୁମ୍ ଫାନାୟ ହୁଦାଂ ରଞ୍ଜାଦାଂ ମାପୁତି ହୁଦାଂ ରତ୍ୟା ଆତାତ୍ନା, ହେବେନି ହେବାକାରି ଆତାନ୍ନା ।

୩ ଇନାକିଦେଂକି ଜାଣକେ ମୁଡ଼ମାପୁହେବାକିନାକାର ଦାନ ଆରି ପୁଜା ରିଣ୍ଡୁଆକାଡ଼ କିଦେଙ୍ଗ ବାଚି କିଆନିକ୍, ଲାଗିଂ ମା ମୁଡ଼ମାପୁହେବାକିନାକାତ୍ ପା ହେ ଲାକେ ଇଚୁଟିଂ ପୁଜାକିନି କାଜିଂ ଲଡ଼ା । ୪ ହେଞ୍ଜାନ୍ ଏଚେକାଡ଼୍ ପୁତ୍ ତ ମାଚିସ୍, ତା ଆଚିସ୍ ମାପୁହେବାକିନାକାନ୍ ପା ଆଦେଂ ଆଡ଼ଞ୍ଜାତାମା, ଇନାକିଦେଂକି ଜିହୁଦିର୍ ବିଦି ଇସାବରେ ଦାନ ହିନାର୍, ଏଲେଙ୍ଗ୍ ମାପୁହେବାକିନାକାର ମାନାର୍; ୫ ହେଞ୍ଜାର୍ ଇନେରିଂ ପୁଜା କିତାର୍, ହେଦାଂ ସାଗେ ବିସ୍ତେନିକିଙ୍ଗ୍ ଉତ୍ତର୍ମୁଡ଼ ଆରି ତ୍ରିଗା ମତର୍, ତୁମ୍ ରଚ୍ଚି କିନି କାଜିଂ ଜାଲ୍ଦି ଆନି ଖେଡ଼ାଲିଂ ମସା ଇନେସ୍ ବଲ୍ ପାୟା ଆଜି ମାଚାନ୍, ଇନାକିଦେଂକି ଇସ୍ବର ଇଞ୍ଜି ମାଚାନ୍, “ଜାଗ୍ରଡ଼, ମାଡ଼ିତ ନିଙ୍ଗେଙ୍ଗ୍ ଇନେସ୍ ବାର୍ତ୍ତାକା ରଚ୍ଚି ହିଦ୍ୟା ଆଜି ମାଚାଡ଼, ହେ ଇସାପ୍ରେ ରଚାଟ୍ ।” ୬ ମାତର୍ ନଙ୍ଗ୍ ଇମଣି ଇସାପ୍ରେ କ୍ରିଷ୍ଣ ହାଦାକା ପାର୍ମାଣ୍ଣିଂ ଜପି ରଚ୍ଚି ଗାଜା ନିୟମିନି ମାଦଣାକାନ୍ ଆତାଣ୍ଣି, ହେ ଇସାବରେ ପା ହାର୍ ହେବା କିନାକାନ୍ ପାଦ୍ ପାୟା ତାଦେଣ୍ଣି ।

୭ ଇନାକିଦେଂକି ପର୍ତ୍ତୁମ୍ ନିୟମ୍ ଜଦି ଦସି ଆଜି ମାଚାଡ଼ତି, ଖାଟିଂ ଜେତି ନିୟମ୍ କାତା ଲଡ଼ା ଆଦଞ୍ଜାତାଡ଼ମା । ୮ ମାତର୍ ଇସ୍ବର ତା ମାନାୟାର୍ ଦସ୍ ହପ୍ତି ହେଞ୍ଜାରିଂ ଇନାନ୍,

“ମାପୁ ଇନାନ୍, ହୁଡ଼ାଟ୍, ସମୁ ଖାନାତା,

ଏଚେକାଡ଼୍ ଆନ୍ ଇସ୍ବାଏଲ୍ ଇଚିସ୍ ଜିହୁଦାନି ମାନାୟାର୍ ଲାହାଂ

ର ପୁନି ନିୟମ୍ ରଚ୍ଚନାପ୍;

୯ ଇମଣି କାଡ଼୍ ଆପ୍ ହେଞ୍ଜାରିତି ଆବାଲାତ୍ତାରିଂ କେଇ ଆସ୍ତି

ମିସର୍ ଦେସ୍ତାଂ ହପ୍ତି ତାହିଞ୍ଜାଜିମାଚାପ୍, ହେ ଖେଡ଼ାଲିଂ ହେଞ୍ଜାରିତି ଲାହାଂ

ଆପ୍ ଇମଣି

ପୁନି ନିୟମ୍ କିଜି ମାଚାପ୍,

ଇ ନିୟମ୍ ଇସାପ୍ରେ ଆକାୟ୍,

ଲାଗିଂ ହେଞ୍ଜାର୍ ମା ମେରାତ୍ ତିର୍ ଆଜି ମାଞ୍ଜେଙ୍ଗ୍ ଆଡ଼ଞ୍ଜାତାର୍,

ଆରେ ଆପ୍ ହେଞ୍ଜାରିତି କାଜିଂ ମାନ୍ଦିଆନ୍ କିଞ୍ଜାତାପ୍, ଇଦାଂ ମାପୁ ଇନାନ୍ ।

୧୦ ଇନାକିଦେଂକି ମାପୁତି କାତା ଇଦାଂ,

ହେ ସମୁ ପାଚେ ଆପ୍ ଇସ୍ବାଏଲ୍ ବସ୍ ଲାହାଂ ଇମଣି ନିୟମ୍ ରଚ୍ଚନାସ୍, ହେଦାଂ ଇଦାଂ,

ଆପ୍ ହେଞ୍ଜାରିତି ମାନ୍ତ ଜାର୍ ମସାତି ବିଦି ହିନାସ୍,

ହେଞ୍ଜାରିତି ମାନ୍ତ ହେ ସବୁ ଲେକିକିନାସ୍, ଆନ୍ ହେଞ୍ଜାରିତି ଇସ୍ବର ଆନାଙ୍ଗ୍, ହେଞ୍ଜାର୍

ନା ଲକୁ ଆନାର୍ ।

୧୧ ଆପ୍ ହେଞ୍ଜାରିତି ଇସ୍ବର ଆନାସ୍, ହେଞ୍ଜାର୍ ମା ଲକୁ ଆନାର୍;

ଆରେ, ମାପୁଙ୍ଗ୍ ପୁନାଟ୍ ଇଞ୍ଜି ଇଞ୍ଜି ହେଞ୍ଜାର୍ ଜାଣକେ ଜାର୍ ଜାର୍ ରଚେ ମାନି

ଗାଡ଼ଦାକାରିଂ,

ଆରେ ଜାଣକେ ଜାର୍ ଜାର୍ ଟଣ୍ଡାରିଂ ହିକ୍ୟା ହିଉର୍,

ଲାଗିଂ ହାରୁତାଂ ଗାଜା ପାଚେକ୍

ହେଞ୍ଜାର୍ ଖିଜାକାର୍ ମାଂ ପୁଞ୍ଜନାର୍ ।

୧୨ ଇନାକିଦେଂକି ଆପ୍ ହେଞ୍ଜାରିତି ଅଦାମ୍ କାଜିଂ କାର୍ମା ଆନାସ୍,

ଆରେ, ହେଞ୍ଜାରିତି ପାପ୍ ସବୁ ଆରେ ଏଡ଼ତ୍ ତାଉସ୍ ।

୧୩ ହେଞ୍ଜାନ୍ ପୁନି ନିୟମ୍ ଇଞ୍ଜି ଇଞ୍ଜିନାକା ହୁଦାଂ ପର୍ତ୍ତୁମ୍ତିଂ ପୁନାକା କିତାନ୍ନା, ଆରେ ଇନାକା ପୁନାକା ଆରି ବୁଡ଼ା ଆଜି ହାନାତା, ହେଞ୍ଜାଡ଼ି ଖାସ୍ତିତାଂ ତ୍ବୁଜି ଆନାକା ସମୁ ଲାଗେ ।”



ପାର୍ଥନା-ପୁତ୍ରିକା ଆରି ସାର୍ବେନିକା

୧ ହାତ୍‌ପାରରେ ହେ ପର୍ତ୍ତୁମ୍ ନିୟମ୍ ପା ପାର୍ଥନା ବିସ୍ତେ ବାର୍‌ବିନି ବିଦିବିଦାଣି ଆରି ର ପୁତ୍ରିକା ପୁରୁପୁୟା ବାହା ମାତାତ୍ । ୨ ଇନାକିଦେଂକି ର ତୁମ୍ ରତ୍ୟା ଆଜି ମାତାତ୍, ହେବେନି ପର୍ତ୍ତୁମ୍ ବାଗତ ବଇଟା ଇର୍ନାକା, ପାଗା ଆରି ହୁଡ୍‌ନି ରୁଟି ମାତାତ୍; “ହେଦେଲିଂ ପୁରୁପୁୟା ବାହା ଇଞ୍ଜି ଇନାର୍ ।” ୩ ଆରେ, ଜେତି ଡ଼ତି ହେୟା ପାଚେ ତୁମ୍‌ନି ଇମ୍‌ଣି ବାଗ୍ ମାତାତ୍, ହେଦେଲିଂ ଗାଜା ପୁରୁପୁୟା ବାହା ଇଞ୍ଜି ଇନାର୍; ୪ ହେବେ ହନାନି ଦୁପ୍‌ନିଗାର୍‌ଣି ଆରି ଚାରିବେଣ୍‌ତାଂ ହନା ତାଙ୍ଗ୍ ରଚ୍‌ଚି ନିୟମ୍‌ସିନ୍‌କୁକ୍ ମାତାତ୍ । ହେ ନିୟମ୍ ସିନ୍‌କୁକ୍ତ “ମାନ୍ନା ମାନି ର ହନା ବାହା ଇଡ୍‌ଜିମାନି ର ହନାନି ବାହା, ହାରଣ୍‌ତି ବାଡ୍‌ଗାନି ହାଜିଡ୍ ହାନି ବାଡ୍‌ଗା ଆରି ଇସ୍‌ରତି ବଲ୍ ଲେକିକିତାକା ବଲ୍ ରି କାଲ୍‌ପାଟା ମାତାତ୍, ୫ ଆରେ ତା ଜପି ପାପ୍ ତାବାୟ୍ କିତାକାଲ୍‌ଲ୍ ହିଡ୍‌ଡି କିଜି ମାନି ଇସ୍‌ତ୍ ଜାଜ୍‌ମାଲ୍ ରଚ୍‌ଚି ରିଣ୍ଡି ପାରାଣିଂ ମାତିକ୍, ହେ ସବୁ ବିସ୍ତେ ନଙ୍ଗ୍ ଆସେଙ୍ଗ୍ ହାର୍ କିଜି ଇଞ୍ଜେଙ୍ଗ୍ ଆଡ୍‌ସ୍ ।”

୬ ଇ ସବୁ ଇବାନି ଜାଲ୍‌ଦି ଆଜି ମାତିଲେ ମାପୁ ହେବାକିନାକାର୍ ପାର୍ଥନା କିନି କାଜିଂ ତୁମ୍‌ନି ପର୍ତ୍ତୁମ୍ ବାଗତ ନିତ୍ରେ ହଣ୍‌ଜି ମାନାର୍, ୭ ମତର୍ ରି ବାଗତ କେବଲ୍ ମୁଡ୍‌ମାପୁହେବାକିନାକାନ୍ ବାହେକତିଂ ରଗ ବେସି ପୁରୁପୁୟା ବାହାତ ହଣ୍‌ଗାର୍, ଆରେ ହେଞ୍ଜାନ୍ ଜାର୍‌ତିଂ ଆରି ଲକୁତ୍ ପୁନ୍‌ଞ୍ଜି କିଜି ମାନି ପାପ୍ କାଜିଂ ପୁଜାକିନି ନେତେର୍ ଅଞ୍ଜାଦାଂ ହଣ୍‌ଗୁର୍ । ୮ ଇବେ ପୁରୁପୁୟା ଜିବୁନ୍ ଇଦାଂ ହପ୍‌ନାନ୍ ଜେ, ପର୍ତ୍ତୁମ୍ ତୁମ୍ ମାନି ପାଚେକ୍ ପୁରୁପୁୟା ବାହାତ ହଣ୍‌ ହାଜିଡ୍ ହଞ୍ଜାତାଡ୍‌ନା । ୯ ଇ ପର୍ତ୍ତୁମ୍ ତୁମ୍ ନଙ୍ଗ୍ ସମ୍ କାଜିଂ ଉତର୍‌ମୁଡ୍ ଲାକେ, ଆରେ ତା ଇସାପ୍ରେ ଦାନ୍ ଆରି ପୁଜା ରିବେ ପୁଜା କିଜି ମାତାତ୍, ମତର୍ ଇ ସବୁ ପାର୍ଥନାତିଂ ଚିନ୍ତା ସାକ୍ତି ହାତି ବାଡ୍ ଦାନ୍ କିଦେଙ୍ଗ୍ ଆଡ୍‌ର; ୧୦ ଇ ଞ୍ଜି ଆରେ କାଦି, ଏଜୁଂ, ଆରି ବାର୍‌ବିନି ସକର୍ କାମାୟ୍ ଆରେ ରଚ୍‌ନି ସମ୍ ପାଚେକ୍ ପାଲି କିନାକା ଗାଗାଡ୍‌ନିକା ବିଦିବିଦାଣି ମତର୍ ।

୧୧ “ମତର୍ କ୍ରିଷ୍ଟ ନଙ୍ଗ୍ ହାର୍‌ଦି ବିସ୍ତେ ମୁଡ୍‌ମାପୁହେବାକିନାକାନ୍ ଲାକେ ଏକା ଖାଜି ଇ ଉପ୍‌ଜାଣ୍‌ତିଂ ବିନ୍ କେଇଦାଂ କିଞ୍ଜିତି ମତର୍ତିଂ ଆରି ମୁଡ୍‌ଦି ତୁମ୍ ହିଜି ହାଲ୍‌ଜି ଅଡା ଆରି କଡିତି ନେତେର୍ ଆକାୟ୍, ୧୨ ମତର୍ ଅଡା ଜାର୍‌ତିଂ ଅହ୍‌ରି ନେତେର୍ ଅଜି ରଞ୍ଜେମାଡ୍ ମୁଡ୍‌ନିପୁରୁପୁୟା ବାହାତ ହଣ୍‌ଜି ଞ୍ଜିଞ୍ଜି ମୁକ୍‌ଡାୟ୍ କିଡ୍‌ତାନ୍‌ନା ।” ୧୩ ଇମ୍‌ଣାକାର୍ କିନି କାରୁମ୍ ମାନି କିଞ୍ଜି କାଜିଂ ବିଟାଡ୍, ହେଞ୍ଜାଙ୍ଗ୍ ଜପି ସଣ୍ କି ଅଡା ନେତେର୍ ଆରି କଡି ତିର୍‌ୟା ଆଡିସ୍, ହେଞ୍ଜାଚ୍‌ଚି ପୁରୁପୁୟା ଦେହାଜି ମାନାତ୍ । ୧୪ ଖାଟିଂ ଇମ୍‌ଣି କ୍ରିଷ୍ଟ ଞ୍ଜିଞ୍ଜି ଜିବୁନ୍‌ଡି ହୁଦାଂ ଜାର୍‌ତିଂ ଦସିହଲ୍‌ଞ୍ଜି ପୁଜାଲାକେ ଇସ୍‌ରତି ଲାଗାୟ୍ ପୁଜା କିତାନ୍, ହେଞ୍ଜାକ୍ତି ନେତେର୍ ଏଚେକ୍ ଆଦିକ୍ ପାଚେକ୍ ଜିତାକା ଇସ୍‌ରତି ହେମାଣ୍ କିନି କାଜିଂ ହାତି କାମାୟ୍‌ତାଂ ମାଙ୍ଗେଙ୍ଗ୍ ଚିନ୍ତା ସାକ୍ତିତିଂ ସକର୍ କିଡ୍‌ଡ୍ !

୧୫ ଆରେ ଇ କାରଣ୍‌ତାଂ କ୍ରିଷ୍ଟ ପୁନି ନିୟମିନି ମାଦ୍‌ଶାକାନ୍ ଆତାନ୍ନା, ଇନେସ୍ ପର୍ତ୍ତୁମ୍ ନିୟମ୍‌କାଡ୍‌ନି ଅପ୍‌ରାଦ୍ ମତର୍ ମୁକ୍‌ଡାକା ହାକିବଗ୍ କିୟା ଆଜି ମାତିଲେ କୁକ୍ୟାତି ଲକୁ ଞ୍ଜିଞ୍ଜିତି ଆଦିକାର୍ ବିସ୍ତେ ପାର୍ମାଣିନି ପାଡ୍ ପାୟା ଆନାର୍ ।

୧୬ ରଞ୍ଜାଙ୍ଗ୍ କି ଦାନ୍ ହିନି ଲଗୁନି ବିଦି ଇସାବ୍ରେ, ତା କାମାୟ୍ ଆନି କାଜିଂ ଉଇଲ୍ କିଜି ମାନି ମୁଣିକାଡି ହାକି ପାର୍ମାଣ୍ ଆନି ଲଡା । ୧୭ ଇନେକିଦେଂକି ଉଇଲ୍ କିଜି ମାନି ମୁଣିକା ବାତାଜି ହାନାନ୍, ର ଇଲ୍‌ନି ମଲ୍ ଆକାୟ୍ କେବଲ୍ ତା ହାତି ପାଚେ ହେଦାଂ କାମାୟ୍ ଆନାତ୍ । ୧୮ ଇଦାଂ କାଜିଂ ପର୍ତ୍ତୁମ୍ ନିୟମ୍ ପା ନେତେର୍ ଆଞ୍ଜାଦାଂ ହେଲାୟ୍ ଆଞ୍ଜାଦାଂ ମାତାତ୍ । ୧୯ ଇନାକିଦେଂକି ମସା ମାନାୟାର୍ ତାକେ ମସାତି ବିଦି

ଇସାଏ ପ୍ରେ ସବୁ ବଲ୍ଲ ହପ୍ତି ପାଚେ ଏଜୁକ୍ଟ, କାର୍ଣ୍ଣା ଗେରୁ ମେଣ୍ଟାବୁରା ଆରି ର ମାର୍ଦ୍ଦନି ଆକି ଲାହାଂ କଡ଼ିହିମଣା ଆରି ଅହରି ନେତେର୍ ଅଜି ନିୟମ୍ ପତି ଆରି ଓଜୁ ଲକୁ ଜପି କେନିରାସ୍ ତିରତି ଇଚାନ, ୨୦ ଆରେ ହେଖାନ ଇଚାନ, ଇସ୍ବର୍ ମି ବିସ୍ବେ “ଇମ୍ଣି ନିୟମ୍ ବଲ୍ଲ କିଡ଼ତାନନା, ହେ ନିୟମ୍ନି ନେତେର୍ ଇଦାଂ ।” ୨୧ ଆରେ ପା ହେଖାନ ତୁମ୍ ମନ୍ଦିର ଆରି ଦାରୁମ୍ ହେବା ଆକ୍ରାନି ଓଜୁ ବାହା ଜପି ହେ ଲାକେ ନେତେର୍ ତର୍ତାନ । ୨୨ ଜିନିସ୍, ବିଦି ଇସାବରେ ଓଜୁ ବିସ୍ବେ ନେତେର୍ ହୁଦାଂ ସକଟ୍ ଆନାଡ଼, ଆରେ ନେତେର୍ ହୁକେ ନେ ପାପ୍ କେମା ଆନାଡ଼ ।

କ୍ରିଷ୍ଟି ପୁଜାହିନାକା ପାପ୍ ଦେହା କିନାଡ଼

୨୩ ଲାଗିଂ, ସାଗେନି ବିସ୍ବେକାଂ ଉତର୍ମୁଡ଼, ଓଜୁ ଇ ସବୁ ହୁଦାଂ ସକଟ୍ ଆନି ଲଡ଼ା ମାଚାଡ଼, ମତର୍ ସାଗେନି ବିସ୍ବେକାଂ ତ ଇ ସବୁତାଂ ମୁଡ଼ଦି ପୁଜାନି ନେତେର୍ ହୁଦାଂ ସକଟ୍ ଆନି ଲଡ଼ା । ୨୪ ଇନାକିଦେଂକି ହାଡ଼ପା ବିସ୍ବେକାଂ ଡିଗାପୁଡ଼ା ଜେ କେଇଦାଂ କିତି ମୁଡ଼ନି ପୁଇପୁୟା ବାହା, ହେବେ କ୍ରିଷ୍ଟ ହେଖାଦାଂ ନଲେ ମା କାଜିଂ ନକ୍ ଇସ୍ବର୍ତି ମୁମ୍ଦ ଏକାଖାଦେଂ ଆନି କାଜିଂ ସାଗେତ ହଟାନ୍ନା । ୨୫ ଜିହୁଦି ମୁଡ଼ମାପୁହେବାକିନାକାନ ଇନେସ୍ ବିନେନିକାକ୍ତି ନେତେର୍ ଅଜି ବାହେକ୍ତିଂ ବାହୁଁ ମୁଡ଼ନି ପୁଇପୁୟା ବାହାତ ହଣାର, ହେ ଲାକେ ହେଖାନ ଜେ ରଗତିଂ ରଗ ଜାରତିଂ ପୁଜା କିନାନ, ହେଦାଂ ଆକାୟ, ୨୬ ତା ଆତିସ୍ ଜଗଡ଼ ବୁଡାନି ପାତେକ୍ ରଗତିଂ ରଗ ହେଖାନିଂ ହାକି ବଗ୍ କିଦେକ୍ ଆତାମ୍, ମତର୍ ନକ୍ ହେଖାନ ଜୁଗଓଜିଜି ଖେଡ଼ାଲିଂ ଜାରତିଂ ପୁଜାକିନାକା ହୁଦାଂ ପାପ୍ ଦେହା କିଦେକ୍ ହସିଖାତାନ୍ନା । ୨୭ ମାନାୟାର କାଜିଂ ଇନେସ୍ ରଗ ମତର୍ ହାକି, ତା ପାଚେ ଇସ୍ବର୍ତି ବିଚାର୍ ମାନାଡ଼ । ଆରେ, ହେଦାଂ ପାଚେ ବିଚାର୍ଣ୍ଣା ଆନାକା ସମ୍ ମାନାଡ଼, ୨୮ ହେ ଲାକେ କ୍ରିଷ୍ଟ ପା ଆଦେକ୍ତି ପାପ୍ ପିଣ୍ଡିନି କାଜିଂ ରଗ ମତର୍ ପୁଜା କିୟା ଆଜି ରିହା ପାପ୍ କାଜିଂ ଆକାୟ, ନଲେ ଇମ୍ଣାକାର୍ ହେଖାନିଂ କାଜିଂ ମାଚାର୍ଣ୍ଣା, ହେଖାର୍ତି ମୁକ୍ଡାନି କାଜିଂ ଚଞ୍ଜୟା ଆନାନ ।

୧୦

୧ ଇନାକିଦେଂକି ମସାତି ବିଦି ଖାନିଦିକ୍ତ ହାର୍ଦି ବିସ୍ବେ ଡିଗା ଲାକେ ଆଜି ହେ ସବୁ ବିସ୍ବେ ତିରିଓରି ପୁଡ଼ାଂ ଆଓତିଲେ ମାପୁହେବାକିନାକାତ ବାହୁଁତି ବାହୁଁ ନିତ୍ରେ ହେ ରବାନି ପୁଜାକିନି କାଜିଂ ପାର୍ତାନା କିନାକାରିଂ ମୁଡ଼େ ବାଡ଼ କିଦେକ୍ ଆଡୁନ୍ । ୨ ଜଦି ଆଡ଼ତାଡ଼ତି, ଖାଟିକ୍ ପୁଜାକିନାକାର ରଗ ସକଟ୍ ଆଜି ଚିକ୍ତା ସାକ୍ତିତ ଆରେ ପାପ୍ତିଂ ପୁନ୍ଖାଦାଂ ହେ ସବୁ ପୁଜା ଇନାକା ବାନ୍ ଆଖାତାମ୍ ? ୩ ମାତର୍ ହେ ଲାକେ ଆଖାଦାଂ ବାହୁଁତିଂ ବାହୁଁ ପୁଜା ହିନାକା ହୁକେ ମାନାୟତିଂ କେବଲ୍ ତା ପାପ୍ ବିସ୍ବେ ଏଡ଼ କିୟକିନ୍ନାଡ଼; ୪ ଇନାକିଦେଂକି ସଣ୍ ଆରି ଅଡାନି ନେତେର୍ ଜେ ପାପ୍ ହାଲି କିଦେକ୍ ଆଡ଼ନାଡ଼, ଇଦାଂ କସ୍ମିନିକା ।

୫ ହେଦାଂ କାଜିଂ କ୍ରିଷ୍ଟ ପୁଡ଼ି ତ ଖାନି ଆଗେ ଇସ୍ବର୍ତିଂ ଇଞ୍ଜି ମାଚାନ,
 “ପୁଜା ଆରି ଆତାଡ଼ତ ଏନ୍ ସାରି ଆକାୟ,
 ମାତର୍ ଏନ୍ ନା କାଜିଂ ର ଗାଗାଡ଼ ଜାଲ୍ଦି କିନାଦେର୍;

୬ କାଟ୍ପୁଜା ଆରି ପାପ୍ନି
 ପୁଜାତ ଏପ୍ ସାରି ଆଖାତାୟ ।”

୭ ହେ ଏରେକାଡ଼୍ ଆନ୍ ଇଚାକ୍, ହୁଡ଼ାଟ୍,
 ସାସ୍ବର୍ତ ପତିତ ନା ବିସ୍ବେ ଲେକା ମାନାଡ଼,
 “ଏ ଇସ୍ବର୍, ନି ଇଚା ପୁରା କିଦେକ୍ ଆନ୍ ଖାତାଂନା ।”

୮ ପର୍ତ୍ତମ କ୍ରିଷ୍ଣ ଇଚାନ୍, “ପୁଜା, ଆତାତ୍, କାଟ୍‌ପୁଜା ଆରି ପାପ୍‌ନି ପୁଜା ଏପ୍ ତେକ୍‌ଖାତାଦେର୍, କି ହେବେ ମିଦାଂ ସାରି ହିଲ୍‌ଖାତାତ୍” ଇନାକା ସବୁ ବିଦି ଇସାପ୍ରେ ପୁଜା କିଆନାତ୍, ୯ ତା ପାଚେ “ହେଖାନ୍ ଇନାନ୍, ହୁଡ଼ାଟ୍, ନି ଇଚା ପୁରା କିଦେଙ୍ଗ୍ ଆନ୍ ଖାତାଂନା । ଜେତି ନିୟମ୍ ତିର କିନି କାଜିଂ ପର୍ତ୍ତମ୍ ନିକାଦିଂ ବୁଡ଼ାୟ୍ କିତାନ୍‌ନା ।” ୧୦ ଜିସୁ କ୍ରିଷ୍ଟି ଗାଗାଡ଼୍ ରଞ୍ଜେ ମାଡ଼ ପୁଜା ଆନି କାଜିଂ ହେ ଇଚା କାଜିଂ ଆସେଙ୍ଗ୍ ପୁଇପୁୟା କିୟା ଆତାସ୍‌ନା ।

୧୧ ଆରେ ପା, ଜାଣକେ ଜିହୁଦି ମାପୁ ହେବାକିନାକାନ୍ ପାତିଦିନ୍ ହେମାଣ୍ କିନି କାଜିଂ ଆରି ରଗତିଂ ରଗ ହେ ରବାନି ପୁଜାକିନି କାଜିଂ ନିଲ୍‌ତି ମାନ୍‌ଗାନାର୍, ଇ ସବୁ ପାପ୍ ଅଦେଂ ଆଡ଼ୁତ୍ । ୧୨ ମତର୍ କ୍ରିଷ୍ଣ ପାପ୍ କାଜିଂ କେବଲ୍ ର ପୁଜାକିତି ପାଚେ ଇସ୍‌ତ୍ ବୁଜ୍‌ଣି ବାଗାଙ୍ଗ୍ ସବୁଦିନ୍ କାଜିଂ କୁଟ୍‌ଚାନ୍; ୧୩ ଇସ୍‌ର ହେଖାନ୍ତି ସାତୁର୍ ହେଖାନ୍ତି ପାନା ତାରେନ୍ କିଖି ପାଚେକ୍ ହେଖାନ୍ କାସି ମାନାନ୍ । ୧୪ ଇନାକିଦେଂକି ଇମ୍‌ଣାକାର୍ ପାପ୍‌ତାଂ ପୁଇପୁୟା କିୟା ଆଜି ସକଟ୍ ଆତାଣ୍ଟା, ହେ ରଞ୍ଜାଙ୍ଗ୍ ମତର୍ ପୁଜା ହୁଦାଂ ହେଖାରିଂ ହେଖାନ୍ ସବୁ ଦିନ୍ କାଜିଂ ବାତ୍ କିତାନ୍‌ନା ।

୧୫ ଆରେ ପୁଇପୁୟା ଜିବୁନ୍ ପା ମାଂ ହେ ବିସ୍ତେ ସାକି ହିଜି ଇଞ୍ଜନାନା, ୧୬ ଇନାକିଦେଂକି “ମାପୁ ଇ କାତା ଇନାନ୍, ହେ ସମ୍ ପାଚେ ଆପ୍ ହେଖାର୍ ଲାହାଂ ଇମ୍‌ଣି ନିୟମ୍ ରଚ୍‌ନାସ୍, ହେଦାଂ ଇଦାଂ,

ଆପ୍ ହେଖାରିତି ଜିବୁନ୍‌ତ ଜାଟ୍ ମସାତି ବିଦି ହିନାସ୍, ଆରେ ହେଖାରିତି ମାନ୍‌ତ ହେ ସବୁ ଲେକିକିନାସ୍,

ଇଦାଂ ଇତି ପାଚେ ହେଖାନ୍ ଇଞ୍ଜନାନ୍ ।”

୧୭ ଆରେ ପା ହେଖାନ୍ ଇନାନ୍, “ହେଖାରିତି ପାପ୍ ଆରି ହେଖାରିତି ଅପ୍‌ରାଦ୍ ସବୁ ଆପ୍ ଆରେ ଏଡ଼ କିଉପ୍ ।” ୧୮ ଲାଗିଂ ହେଖାର୍ ଜଦି କେମା ପାୟାତାଣ୍ଟା, ଖାଟିଂ ପାପ୍ କେମା କାଜିଂ ଆରେ ପୁଜାକିନାକା ଲଡ଼ା ଆକାୟ୍ ।

ଇସ୍‌ରତି ଲାଗେ ଆନାସ୍

୧୯ ଲାଗିଂ ଏ ଟଣ୍ଡେନ୍ ଆରି ତଣ୍ଡେକ୍, ଜିସୁତି ନେତେର୍ କାଜିଂ ଆସେଙ୍ଗ୍ ମୁଡ଼ନ୍ ପୁଇପୁୟା ବାହାତ ହଣ୍ଡେଙ୍ଗ୍ ପୁରା ଆଦିକାର୍ ପାୟାତାସ୍‌ନା । ୨୦ ହେଖାନ୍ ତା ଗାଗାଡ଼୍‌ଲାଗଦି ହେୟା ବିତ୍ରେ ହିଜି ମା କାଜିଂ ର ପୁନି ଜିବୁନିଂ ହାଜି ଜେତାନ୍‌ନା । ୨୧ ଆରେ, ଇସ୍‌ତ୍ ଇଲ୍ ନଙ୍ଗ୍ ମା କାଜିଂ ମୁଡ଼୍ ମାପୁହେବାକିନାକାନ୍ ତାରେନ୍ ମାନାଡ଼୍ । ୨୨ ଖାତୁ, ଆସେଙ୍ଗ୍ ମାନ୍ତ ନୁଜ୍‌ନି ହୁଦାଂ ହାଡ଼୍‌ପା ତିନ୍ତା ସାକ୍ତିତାଂ କ୍ରିଷ୍ଟି ନେତେର୍ ହୁକେ ସକଟ୍ ଆନାସ୍ ଆରି ଅଣ୍ଟାଙ୍ଗ୍ ଏସ୍‌ତ ନୁସ୍ତି ଗାଗାଡ଼୍ ଆଜି ହୁଦାର୍ ମାନ୍ତ ହୁକେ ପୁରା ପାତ୍ ତ ଇସ୍‌ରତି ଲାଗାୟ୍ ଆନାସ୍; ୨୩ ଆସେଙ୍ଗ୍ ଇମ୍‌ଣି ବାସ୍ ମାନି କିନାସା, ହେଦାଂ ତାଟ୍ ବାବ୍ରେ ଲେମ୍‌ଖାଦାଂ ଆହ୍‌ନାସ୍, ଇନାକିଦେଂକି ଇସ୍‌ର ପାର୍ମାଣ୍ କିତାନ୍‌ନା, ହେଖାନ୍ ପାତ୍ ନିକାନ୍; ୨୪ ଆରେ ଜିଉନନାକା ଆରି ସଡ଼କାମାୟ୍‌ତ ଜାଣାୟ୍‌କିନି କାଜିଂ ହାରି ବିସ୍ତେ ମାନ୍‌ଦିଆନ୍ କିନାସ୍, ୨୫ ଆରେ ଇନେର୍ ଇନେର୍ ଇନେସ୍ ମା ମଣ୍ଟଲି ପାର୍ତାନା ଏଲା ଆଜି ମାନାସା, ଆସେଙ୍ଗ୍ ଇନେସ୍ କିଉସ୍, ନଲେ ହାରି ଖାରିକିୟ୍ କିନାସ୍, ବେସିକିଜି ଏଚେକାଡ଼୍‌ଦ୍ ଏପେଙ୍ଗ୍ ମାପୁତି ଦିନ୍ ଲାଗାୟ୍ ଆଜି ଖାନାତା ଇଞ୍ଜି ହୁଡ଼ନାଦେରା ।

୨୬ ଇନାକିଦେଂକି ହାଡ଼୍‌ପା ଗିଆନ୍ ପାୟାତି ପାଚେ ଜଦି ଆସେଙ୍ଗ୍ ପୁନ୍‌ଞ୍ଜି ପାପ୍ କିଜି ମାନାସ୍, ଖାଟିଂ ପାପ୍‌ତାକେନି ପୁଜା ଆରେ ଲଡ଼ା ଆକାୟ୍ । ୨୭ ତା ଆଡିସ୍, ଆପେଂ ଖାନି ଗାଜା ବିଚାର୍ ମୁମ୍‌ଦ୍ ଆଜି ଇସ୍‌ର ମାନି ନିକାର୍ କାଜିଂ ବୟ୍‌କାର୍ ଗାଜା ନାଣିତ ବୁଡ଼ନାକା ଇସାବ୍ରେ ପାଣ୍ଡାଜି ବିରଦ୍ କିନାକା ପିସ୍ତି ମା ବିନ୍ ଦସା ହିଲ୍‌ଡ଼୍ । ୨୮ ଇନେର୍

ମସାତି ବିଦିତି ଅମାନ୍ୟା କିତିସ୍, ହେୱାନ ଦୟା ପାୟା ଆୱାଦାଂ ଦୁଇ ନଇଲେ ତିନ୍ ଜାଣ୍ ସାକିନି ପାର୍ମାଣ୍ତ ହାକି ଆନାଡ଼; ୨୯ ୱାଟିଂ ବାବି କିଜି ହୁଡ଼ାଟ୍, ଇନେନ୍ ଇସ୍ବରତି ମାଜି କ୍ଲୁସ୍ତାତାନ୍ନା, ନିୟମ୍ ଇମ୍ଣା ନେତେର୍ ହୁଦାଂ ହେୱାନ ପୁଇପୁୟା କିୟା ଆଜି ମାଚାନ୍, ହେୱାନିଂ ଆଡ଼ୱାକା ବିସ୍ତେ ଇଞ୍ଜି ବାବି କିତାନ୍ନା ଆରି ଦୟାନି ହିଦନାକାନ୍ ଜିବୁଞ୍ଜିଅଂ ଅମାନ୍ୟା କିତାନ୍ନା, ହେୱାନ ଏଚେକ୍ ଆଦିକ୍ ବେସି ତାଣ୍ଡିନି ଜଗ୍ ଆଉନ୍ । ୩୦ “ଇନାକିଦେଂକି ହୁଜାନାକା ମା ଆଦିକାର୍, ଆପ୍ ପାତିପାଡ଼୍ ହିନାପ୍,” ଇନେନ୍ ଇକାତା ଇଚାନ୍ନା, ହେୱାନିଂ ଆପେଂ ପୁନାପ୍, ଆରେ, ମାପୁ ଜାର୍ ଲକୁରିଂ ବିଚାର୍ କିନାନ୍ । ୩୧ ଜିତି ଇସ୍ବରତି କେଇଦ ବିଚାର୍ତ ଆର୍ଣ୍ଣାକା ବୟଜାର୍ ବିସ୍ତେ ।

୩୨ ମି ପାଚେନି କାତା ଏଡୁ କିୟାଟ୍ । ଇସ୍ବରତି ଅଜଡ଼୍ ପାୟାତି ପାଚେ ଏଚେକାଡ଼୍ଦ ଏପେଙ୍ଗ୍ ବାରବିନି ଦୁକ୍ବଗ୍ ଲାକେ ଜବର୍ କସ୍ ପାୟାନାଦେର୍, ହେ ଆଗେ ୱେଡ଼ାତିଂ ଏଡ଼ତ ତାହିୱାଡୁ; ୩୩ ର ସମୁ ଗ୍ଲୁୟଦାନାର୍ ଆରି କସ୍ ହୁଦାଂ ଲାଜୁକୁୟିଜି ମାଚାଦେର୍, ବିନ୍ ସମୁତ ହେ ଲାକେ ବେବାର୍ ପାୟାତି ଲକୁତ୍ ମେହାଣ୍ ଆଜି ମାଚାଦେର୍ । ୩୪ ଇନେ ଇନେୱାଡ଼ାଙ୍ଗ୍ ଏପେଙ୍ଗ୍ ସାଦାସିଦା ହୁଞ୍ଜି ଆରି ନିଦା କିୟାଜି ମାଚାଦେର୍ । ଆରେ ଇନେ ଇନାୱାଡ଼ାଙ୍ଗ୍ ବିନ୍ ଲକାର୍ତି ସୁକ୍ଦୁକ୍ତ ୱାସ୍ତିତାଂ ଗଣ୍ଡଗଲ୍ କିଜି ମାଚାଦେର୍ ଆରି ଏଚେକାଡ଼୍ଦ ମିଦାଂ ସବୁ ଚରି ଆତାଡ଼୍, ହେପାଦନା ଏପେଙ୍ଗ୍ ୱାରିତାଂ ସବୁ ନସ୍ ହୁସ୍ତାଦେର୍, ଇନେକିଦେଂକି ମିଦାଂ ଜେ ଆଦିକ୍ ହାଦାକା ଆରି ନିତ୍ତେମାନି ଦନ୍ ମାନାଡ଼୍, ହେଦାଂ ଏପେଙ୍ଗ୍ ପୁଞ୍ଜି ମାଚାଦେର୍ । ୩୫ ଲାଗିଂ, ମି ସାସ୍ ପିହ୍ମାଟ୍, ଇନେକିଦେଂକି ସଡ଼୍ ସାସ୍ ଜବର୍ ଇନାମ୍ ମାନାଡ଼୍ । ୩୬ ଲାଗିଂ ଏପେଙ୍ଗ୍ ଇନେସ୍ ଇସ୍ବରତି ଇଚା ପୁରା କିଦେଙ୍ଗ୍ ପାର୍ମାଣ୍ଡିନି ପାଡ଼୍ ପାୟାଦେଂ ଆଡ଼ନାଦେର୍, ଇଦାଂ କାଜିଂ ମି ସାସି ଆନାକା ଲଡ଼ା ମାନାଡ଼୍ । ୩୭ ଦରମ୍ ସାସ୍ବରତ ଲେକାମାନାଡ଼୍, ଆରେ ଅଲପ୍ ସମୁ କାସି ମାନାଟ୍, “ଇନାକାନ୍ତି ୱାନାକା ମାନାଡ଼୍,

ହେୱାନ ୱାନାନ୍ ଆରି ମାଲା ଆଉନ୍ ।”

୩୮ ନା ଦାମ୍ ଲକୁ ପାତ୍ ତ ଡାଟ୍ ମାନ୍ଜି ଜିନାର୍, ମାତର୍ ଇନେର୍ ଜଦି ପାଚେହାନାନ୍, ତା କାଜିଂ ଆନ୍ ୱାସ୍ତିତ ଆଦେଂ ଆଡୁଙ୍ଗ୍ । ୩୯ ମତର୍ ଇମ୍ଣାକାର୍ ନାସ୍ କାଜିଂ ପାଚେପାନ୍ନା ଇଡ଼ନାର୍, ଆପେଂ ହେୱାର୍ତି କୁଦାନି ଲଗୁ ଆକାୟ୍, ମାତର୍ ଇମ୍ଣାକାର୍ ୱାସ୍ତିତ ମୁକ୍ତାନି କାଜିଂ ପାତ୍ କିତାର୍, ଆସେଙ୍ଗ୍ ହେୱାର୍ତି କୁଦାନି ଲଗୁ ଆନାପ୍ ।

୧୧

ପାତ୍ ନି ଉତର୍ମୁଡ଼୍

୧ ପାତ୍ ଆହା ଇଡ଼ଜି ମାନି ବିସ୍ତେତିଂ ଆର୍ୱା ପାତ୍ ଆରି ହୁଡ଼ୱି ବିସ୍ତେ ହାଡ଼ପା ଗିଆନ୍ । ୨ ପ୍ରାଚିନାର୍ ମାନାୟାର୍ ହେୱାର୍ ପାତ୍ ହୁକେ ଇସ୍ବରତି ସାରି ଆଜି ମାଚାର୍ ।

୩ ପାତ୍ ହୁଦାଂ ଆସେଙ୍ଗ୍ ବୁଜା ଆଦେଂ ଆଡ଼ନାସ୍ ଜେ, ୱିଜୁ ସ୍ପାସ୍ବରନି ଇସ୍ବତ୍ ବଚନ୍ ହୁଦାଂ ରତ୍ୟା ଆତାକା, ଲାଗିଂ ଇମ୍ଣାକା ପା ହାଣ୍କୁ ବିସ୍ତେ ହୁଡ଼ିନି ବିସ୍ତେ ଉବ୍ଜାଣ୍ ଆୱାତାଡ଼ନା ।

୪ ପାତ୍ ହୁଦାଂ ହେବଲ୍ ଇସ୍ବରତି ଉଦେସ୍ତ କୟିନତି ବାଟା ହାଦ୍ ପୁଜା କିତାନ୍ ଆରି ତାହୁଦାଂ ହେୱାନ ଦାମ୍ ଇଞ୍ଜି ସାକି ପାୟା ଆତାନ୍; ଇସ୍ବରତି ନିଜେ ତା ଦାନ୍ ବିସ୍ତେ ସାକି ହିତାନ୍, ଆରେ ହେୱାନ ହାତିସ୍ ପା ପାତ୍ ହୁକେ ନେଜେଙ୍ଗ୍ ପାଚେକ୍ କାତା ଇନ୍ୟାନାନ୍ ।

୫ ପାତ୍ ହୁଦାଂ ହନକ ହାକି ବଗି କିୱାଦାଂ କାଣ୍କୁତାଂ ଦେହା ହାଚାନ୍, ହେୱାନ ଆରେ ହୁଡ଼ିୟା ଆୱାତାନ୍ଦେ, ଇନାକିଦେଂକି ଇସ୍ବରତାଂ କାଣ୍କୁତାଂ ଦେହା କିଜି

ମାତାନ୍ । ହେୱାନ୍ ଜେ ଇସ୍ୱରତି ସତକ୍ ଲଗୁ, କାଣକୁତାଙ୍ଗ୍ ଡଗୁନି ଆଗେ ହେବେନି ସାକି ପାୟା ଆଜି ମାତାନ୍; ୬ ଆରେ ପାତର୍ ପିସ୍ତ୍ରି ହେୱାନ୍ତି ସତକ୍ ଲକୁ ଆନାକା କସ୍ତ୍ରିକା, ଇନାକିଦେଂକି ଇସ୍ୱର ଜେ ମାନାନ୍, ଆରେ ହେୱାନ୍ ଜେ ଇସ୍ୱର ତେକନାକାରିଂ ଇନାମ୍ ହିନାନ୍, ଇଦାଂ ହେୱାନ୍ତି ଲାଗେ ୱାନି ମାନାୟାର୍ତି ପାତର୍ କିନାକା ଲଡ଼ା ।

୭ ପାତର୍ ହୁଦାଂ ନହ ହେ ୱିଜୁ ପାତେକ୍ ହୱି ବିସ୍ତେ କାଜିଂ ସବୁ ବଲ୍ ଗାଟା ଆଜି ବକ୍ତି ଲାହାଂ ଜାର କୁଚୁମ୍ତାଂ ମୁକ୍ତି କିଦେଙ୍ଗ୍ କାଜିଂ ରଞ୍ଜାଙ୍ଗ୍ ଜାଜ୍ ରଚ୍ଚାନ ଆରେ ହେ ପାତର୍ ହୁଦାଂ ହେୱାନ୍ ଜଗଡ଼ତିଂ ଦସି କିଜି ପାତର୍ ଇସାପ୍ତେ ଦାମ୍ ନି ଆଦିକାରି ଆତାନ୍ ।

୮ ପାତର୍ ହୁଦାଂ ଅବ୍ରାହାମ୍ କୁକ୍ୟା ଆତିଲେ, ଇମ୍ଫଣି ଦେସ୍ ହେୱାନ୍ ଆଦିକାର୍ ଲାହାଂ ଗାଟା ଆଦେଂ ହାଲ୍ଲଜି ମାତାନ୍, କାତା ମାନି କିଜି ହେବେଣ୍ଟାଂ ହତାନ୍, ଆରେ ହେୱାନ୍ ଇମେତାକେ ହାନାନା, ହେଦାଂ ପୁନ୍ଝାଦାଂ ପା ହସି ହାଚାନ୍ । ୯ ପାତର୍ ହୁଦାଂ ହେୱାନ୍ ବିଦେସ୍ନିକାନ୍ ଲାକେ ପାର୍ମାଣ୍ଡି ଦେସ୍ତ ବାହା କିଜି ପାର୍ମାଣ୍ଡି ଆଦିକାରିର୍ ଇସ୍ତହାକ୍ ଆରି ଜାକୁବ୍ ଲାହାଂ ପୁଚ୍ଚୁତ ବାହା କିତାନ୍; ୧୦ ଇନାକିଦେଂକି ଇମ୍ଫଣି ଗାଡ଼୍ କୁନାଦି ଲାଗ୍ଦି ମିହାତାକା, ଆରେ ଇନେରତି ବାନାରଚ୍ଚନାକାନ୍ ଆରି ରଚ୍ଚନାକାନ୍ ନିଜେ ଇସ୍ୱର, ଅବ୍ରାହାମ୍ ହେବେ କାଜିଂ ମାତାନ୍ ।

୧୧ ପାତର୍ ହୁଦାଂ ସାରା ନିଜେ ପା ପାର୍ମାଣ୍ଡ କାରୟାଙ୍ଗ୍ ପାତର୍ ଗିଆନ୍ କିଜି ୱିସ୍ତ୍ରିବୟ୍ସ୍ ଆତିସ୍ପା ଜାତିନି ପର୍ଚୁମ୍ ଆୟା ଆଦେଂ ସାକ୍ତି ଗାଟା ଆତାଡ଼, ୧୨ ଇଦାଂ କାଜିଂ ଅବ୍ରାହାମ୍ ହାତିଲାକେ ରଞ୍ଜାନ୍ ମୁଣିକାନ୍ତାଂ ଆକାସ୍ନି ହୁକାଂ ଲାକେ ଗାଣାକିଆଉଡ଼ ଆରି ହାମ୍ଦୁର୍ ଗୁଚିନି ବାଲି ଲାକେ ଗାଣାକିଆଉଡ଼ ର ଜାତି ଉବ୍ଜାଣ୍ ଆତାଡ଼ ।

୧୩ ଇ ୱିଜାକାର୍ ପାତର୍ ତ ପାରାଣ୍ଡ ହାଚ୍ଚାର୍; ହେୱାର୍ ପାର୍ମାଣ୍ଡି ପାଡ଼୍ ଗାଟାଞ୍ଜାତାର୍, ମତର୍ ଦେହାତାଂ ହେଦାଂ ହୁଡ଼ଜି ବନ୍ଦାୟ୍ କିତାର୍ ଆରି ପୁଡ଼ିତ୍ ଜାର୍ନିକାରିଂ ବିଦେସ୍ୟା ଆରି ବାହାକିତି ଲଗୁ ଇଞ୍ଜି ମାନି କିତାର୍ । ୧୪ ଇନାକିଦେଂକି ଇମ୍ଫଣାକାର୍ ଏଲେଙ୍ଗ୍ କାତା ଇନାର୍, ହେୱାର୍ ଜେ ନିଜ୍ତି ରଞ୍ଜାଙ୍ଗ୍ ଦେସ୍ ତେକନାରା, ଇଦାଂ ହପ୍ନାନା । ୧୫ ଆରେ, ଇମ୍ଫଣି ଦେସ୍ତାଂ ହେୱାର୍ ହସି ୱାଜି ମାଚାର୍, ଜଦି ହାପ୍ଚାରତେ ହେ ଦେସ୍ତିଂ ଏଡୁ କିତାର୍ମା, ତା ଆତିସ୍ ହେୱାର୍ତି ମାସ୍ଦିହାଞ୍ଜେଙ୍ଗ୍ ପାଗ୍ଲା ଆତାମ୍ । ୧୬ ମାତର୍ ହେୱାର୍ ର ହାଦର୍ ଇଚିସ୍ ସାଗେନି ଦେସ୍ନି ଆହା କିଜି ମାଚାର୍; ଇଦାଂ କାଜିଂ ଇସ୍ୱର ହେୱାର୍ତି ଇସ୍ୱର ଇଞ୍ଜି ଡାକ୍ପୁଟା ଆଦେଂ ହେୱାର୍ତି ବିସ୍ତେ ଲାଜ୍ ଆଉନ୍, ଇନାକିଦେଂକି ହେୱାନ୍ ହେୱାର୍ତି କାଜିଂ ରଞ୍ଜାଙ୍ଗ୍ ଗାଡ଼୍ ଜାଲ୍ଦି କିତାନ୍ନା ।

୧୭ ପାତର୍ ହୁଦାଂ ଅବ୍ରାହାମ୍ ପରିକ୍ୟାକିୟା ଆଜି ଇସ୍ତହାକ୍ତିଂ ପୁଜାକିଦେଙ୍ଗ୍ ଜାଲ୍ଦି ଆତାନ୍, ଆଁ, ଇମ୍ଫଣି ମୁଣିକା ପାର୍ମାଣ୍ଡ ସବୁ ପାୟା ଆଜି ମାତାନ୍, ଇନେନିଂ ଇନ୍ୟା ଆଜି ମାଚାଡ଼ ଜେ, ୧୮ ଇସ୍ତହାକ୍ତାଂ “ମି ବୈସ୍ ଡାକ୍ପୁଟା ଆନାଡ଼, ହେ ମୁଣିକା ଜାର୍ତିଂ ରଞ୍ଜାନ୍ ମତର୍ କାଡ଼ଦେଂ ପୁଜାକିଦେଙ୍ଗ୍ ହାଲ୍ଲଜି ମାତାନ୍,” ୧୯ ଇନାକିଦେଂକି ଇସ୍ୱର ଜେ ଇସ୍ତହାକ୍ତିଂ ହାତାକାତର୍ ବିତ୍ତେ ପା ନିଙ୍ଗ୍ଦେଂ ଆଡ଼ନାକାନ୍, ଇଦାଂ ହେୱାନ୍ ବାବିକିଜି ମାତାନ୍, ଆରେ ହେୱାନ୍ ପା ହେୱାନିଂ ଉତ୍ତର୍ମୁଡ଼୍ ବାବ୍ରେ ହାକିତାଂ ଆରେ ଗାଟାତାନ୍ ।

୨୦ ପାତର୍ ହୁଦାଂ ଇସ୍ତହାକ୍ ୱାନିକାଡ଼୍ ବିସ୍ତେ ପା ଜାକୁବ୍ ଆରି ଏସୌତିଂ ଆସିର୍ବାଦ୍ କିତାନ୍ ।

୨୧ ପାତ୍ର ହୁଦାଂ ଜାକୁବ୍ ହାକି ଖେଡାଲିଂ ଜସେପତିଂ ରିୟାର୍ ହିମଣାକାଂ ଆସିର୍ବାଦ୍ କିତାନ୍, ଆରେ, ଜାର୍ ବାଡ଼ଗାନି ଚିପ୍ତ ଗେଣ୍ଡି ଇସ୍ବରତିଂ ଜଖାର୍ କିତାନ୍ ।

୨୨ ପାତ୍ର ହୁଦାଂ ଜସେପ୍ ହାକି ଖେଡାଲିଂ ଇସ୍ରାଏଲ୍ ହିମଣାଂତି ମିସର୍ଦେସ୍ ପିହ୍ନି ବିସ୍ତେ ଇଚାନ, ଆରେ, ଜାର୍ ପ୍ଲେନ୍ ବିସ୍ତେ ବଲ୍ ହିତାନ୍ ।

୨୩ ପାତ୍ର ହୁଦାଂ ମସାତିଂ ଆବା ଆୟା ହେଖାନ୍ତି ଜଲମ୍ ଖେଡାଲିଂ ହେଖାନିଂ ର ହଲ୍ଲନି କାଡ଼ଦେ ଇଞ୍ଜି ହୁଡ଼ଜି ରାଜାତି ବଲ୍ତିଂ ପାଣ୍ଡା ଆଖାଦାଂ ତିନ୍ ଲେଞ୍ଜ୍ ପାତେକ୍ ହେଖାନିଂ ଡକ୍ଟୁଚି ଇଡ଼ତାର୍ ।

୨୪ ପାତ୍ର ହୁଦାଂ ମସା ଗାଜା ଆତି ପାଚେ ପାରରାଜା ଗାଡ଼ହିନି ମାଜି ଇଞ୍ଜି ଡାକ୍ପୁଟା ଆଦେଂ ମୁନା କିତାନ୍ । ୨୫ ପାପ୍ରି ଚାନେକ୍ନି ସୁକ୍ବଗ୍ ବାଟା ଇସ୍ବରତି ଲକୁ ଲାହାଂ ନଲେ ଦୁକ୍ବଗ୍ କିଦେଙ୍ଗ୍ ହେଖାନ୍ ମାନ କିତାନ୍, ୨୬ ଆରେ ମିସର୍ନି ଖିଜୁ ଦନ୍ ବାଟା କ୍ରିସ୍ତୁତି ନିନ୍ଦାନି ମେହାଣ୍ ଆନି ମୁଡ଼ଦି ଦାନ୍ ଇଞ୍ଜି ବାବି କିତାନ୍, ଇନାକିଦେଂକି ହେଖାନ୍ ରଖାନ୍ ମତର୍ ଇସ୍ବରତି ଦାନ୍ନି ସମୁ କାଜିଂ ହୁଡ଼ତାନ୍ ।

୨୭ ମସା ପାତ୍ର ହୁଦାଂ ହେଖାନ୍ ରାଜାତି ରିସାତିଂ ପାଣ୍ଡା ଆଖାଦାଂ ମିସର୍ ପିସ୍ତାନ୍, ଲାଗିଂ ଇନେନ୍ ହୁଡ଼ୟାଉଡ଼, ହେଖାନିଂ ହୁଡ଼ତି ଲାକେ ତିର୍ ମାନ୍ଗାତାନ୍ । ୨୮ ପାତ୍ର ହୁଦାଂ ମସା ନିସ୍ତାର୍ ପାରୁଁ ଆରି ନେତେର୍ ତିଶ୍ଟିଂ ବିଦି ମାନି କିତାର୍, ଇନେସ୍ ପର୍ତୁମ୍ ଜଲମ୍ ଆତି ଅହ୍ନାକା ହେଖାରିଂ ଡୁଉକ୍ ।

୨୯ ପାତ୍ର ହୁଦାଂ ଇସ୍ରାଏଲ୍ ମାନାୟାର୍ ଖାଚ୍ଚି ମେଦ୍ନି ଜପି ତାଙ୍ଗତି ଲାକେ ନେତେର୍ ହାମ୍ବୁର୍ ନାସି ହାଚାର୍; ପାଚେ ମିସରିୟର୍ ହେଦାଂ କିଦେଙ୍ଗ୍ ସେସ୍ତୁ କିଜି ମୁନ୍ଜି ହାଚାର୍ ।

୩୦ ଇସ୍ରାଏଲ୍ ମାନାୟାର୍ ପାତ୍ର ହୁଦାଂ ଜିରିହ୍ କୁଖାଡ଼୍ ସାଡ଼ ଦିନ୍ ପାତେକ୍ କିହ୍ନା ଆତି ପାଚେ ବୁଡା ଆତାଡ଼ । ୩୧ ପାତ୍ର ହୁକେ ରାହାବ୍ ଦାରି ଚରକ୍କୁକାଂ ବାସିହିତିଲେ ବଲ୍ ମାନିକିଖାକାର୍ ଲାହାଂ ନାସ୍ ଆଖାତାର୍ ।

୩୨ ଆରେ ଆଦିକ୍ ଇନାକା ଇଞ୍ଜନାଂ ? ଗିଦିୟନ, ବାରାକ୍, ସାମସନ୍, ଜିପ୍ରହ୍, ଦାଉଦ୍, ସାମୁୟେଲ୍ ଆରି ବେଣ୍ବାକ୍ଶାୟକିନାକାତ୍ର ବିସ୍ତେ ଜଦି ଆନ୍ ହାନ୍ଦାୟ କିନାଙ୍ଗ୍, ଲାଗିଂ ସମୁ ଏକ୍ଡୁଡ଼; ୩୩ ପାତ୍ର ହୁଦାଂ ହେଖାର୍ ରାଜିକାଂ ଜିଶା ଆତାର୍, ଦାମ୍ ସାଦନ୍ କିତାର୍, ପାର୍ମାଣି ପାଡ଼ ପାୟା ଆତାର୍, ହେଖାର୍ ସିହ୍ନିଂ ଖେଇ ବନ୍ଦ୍ କିତାର୍, ୩୪ ନାଶିନି ଆହ୍ନାକା ପାଗ୍ତାନ୍, କାଣ୍ଡାଦାରାତାଂ ରାକ୍ୟା ପାୟାତାର୍, ନାଦାର୍ ଖେଡାଲିଂ ସାକ୍ତି ଆତାର୍, ଜୁଜ୍ଡ ଜିଶା ଆତାର୍, ଆରେ ପାତ୍ର କିଞ୍ଜି ଜିହ୍ବଦିର୍ ମେଲ୍ୟାରିଂ ପେସ୍ବାର୍ । ୩୫ କଗ୍ଲେକ୍ ଜାର୍ ଜାର୍ ହାତାକାତ୍ର ଆରେ ନିନାକା ହୁଦାଂ ଜିବୁନ୍ ପାୟା ଆତିକ୍ ।

ଆଦେକ୍ ହାର୍ ଆରେ ନିନାକା ପାୟାନି କାଜିଂ ଉଦାର୍ ପାୟାଦେଂ ଇଚା କିଖାଦାଂ ଗାଣ୍ଡୁ କସ୍ବଗ୍ କିତିକ୍ । ୩୬ ବିନ୍ଲଗ୍ କୁଲ୍, କରଡା ଇଡ଼ୟାଜି, ଆଁ, ଗାଡ଼ୟାଜି ଆରି ଜଇଲ୍ ହୁଦାଂ ପା ପରିକ୍ୟାକିୟା ଆତାର୍, ୩୭ ହେଖାର୍ କାଲ୍କୁମାଡ଼ତ ହୁଞ୍ଜାଚାର୍, କରଡ଼ତ ରି ଗାଣ୍ଡୁ ଆତାର୍ ଆରି କାଣ୍ଡାତାଂ ହାତାର୍ । ଇନେ ଇନେର୍ ମେଣ୍ଡୁ ଆରି ଅତା ତଲ୍ଦ ଉସ୍ପିସ୍ ଅକ୍ ଡ଼, ବାଦା ଆରି ଇନସ୍ତା ଆଜି ଏନେ ତେନେ ହାଲ୍ବାତାର୍ । ୩୮ ବାଗାତ, ମାଡ଼ିତ, ପାରାତ, ଆରେ ପୁତ୍ର ନି ବିତ୍ରେ ବୁଲାଆତାର୍, ପୁତ୍ର କ୍ଷୁଇ ଜଗ୍ ହିଲ୍ଖାତାର୍ ।

୩୯ ପାତ୍ର ହୁଦାଂ ଇ ଖିଜାର୍ ଡାକ୍ପୁଟା ଲାବ୍ କିଜି ପା ପାର୍ମାଣି ପାଡ଼ ପାୟା ଆଖାତାର୍, ୪୦ ଲାଗିଂ ଇସ୍ବର ମା କାଜିଂ ହାଦ୍ ବିସ୍ତେ ଜାଲ୍ଦି କିଖାଦାଂ ମାଚାନ୍, ଇନେସ୍ ହେଖାର୍ ମାଂ ପିସ୍ତୁ ବାତ୍ର ଲାବ୍ କିଉର୍ ।

୧୨

ଇସ୍‌ରାଏଲ୍‌ର ମାଆ

୧ ଇଲୋହେ ସାକିତ ର ଗାଜା ଦାଡ଼୍‌ମାନାୟାର ମା ଚାରବେଶତା ମୁକ୍ତାତାଣ୍ଡା । ଲାଗି ଖାତ, ଇମ୍‌ଣି ସବୁ ବିସ୍ତେ ମା ହାନାକା ବନ୍ଦକିଦନାତା ଆରି ଇମ୍‌ଣି ପାପ୍ ସବୁ ମାଜେଜ୍ ଜେଲ୍‌ଜି ଆସ୍ତାତନା, ହେ ଓଁଜୁ ପିସ୍‌ସି ଜିସୁଜ୍ ଇଟ୍‌କାଡ଼୍ କିଜି ସାସତା ମା ହାନି ହାଜିତ୍ ହନ୍‌ନାସ୍ । ୨ ଇନେର୍ ଜପି ଆସେଜ୍ ଚିମରାଜି ପାତ ଚିନ୍ତା କିନାସ୍, ଜିସୁ କାଜି ମା ହୁଡ଼ନାକା ବନ୍ଦ କିନାସ୍, କୁସ୍‌ନି ହାକି ବଗି କିତାନ୍, ଆରେ ଇସ୍‌ରାଏଲ୍ ଗାଦିନି ତିନା ବାଗାଜ୍ କୁଟ୍‌ଚାନ୍ନା ।

୩ ଏପେଜ୍ ଇନେସ୍ ଜାର୍ ଜାର୍ ମାନ୍ତ ବିଖାହିଁ ଦୁକ୍ ପାୟା ଆଖାଦାଂ; ଇଦାଂ କାଜିଂ ଇନେନ୍ ପାପିରତାଂ ଏରେକ୍ ଇଣ୍ ବିରୁଦ୍‌ତ ନଜ୍ ଜାର୍ କୁଟ୍‌ମତିଂ ଚିନ୍ତା କିତାନ୍, ହେଖାନ୍ତି ବିସ୍ତେ ଚିନ୍ତା କିୟାଟ୍ । ୪ ଏପେଜ୍ ପାପ୍ ବିରୁଦ୍‌ତ ଜୁଜ୍ କିଜି ନଜ୍ ପାତେକ୍ ନେତେର୍ ନସ୍‌ଆନି ପାତେକ୍ ଟେବାୟ୍ କିଖାତାଦେଣ୍ଡା, ୫ ଆରେ ହିମ୍‌ଣାଜ୍ ଲାକେ ମି କାଜିଂ ଲେକିକିତି ଇ ଖାରିକିନି କାତା ବାଶାତାଦେଣ୍ଡା ?

“ଏ ନା ମାଜି, ମାପୁତି ସାସନ୍‌ତି ହାରୁ ଇଞ୍ଜି ବାବି କିମାଟ୍,

ହେଖାନ୍ତି ହୁଦାଂ ଲେଡ଼ୟା ଆତିସ୍ ଖାହ୍‌ମାଟ୍,

୬ ଇନାକିଦେଂକି ମାପୁ ଇନେରିଂ ଜିଉନନାନ୍,

ହେଖାନ୍ତି ସାସନ୍ କିନାନ୍, ଆରେ ଇମ୍‌ଣି ମାଜିଜ୍ ଇଡ଼ନାନ୍, ହେଖାନ୍ତି ଗ୍ରାକ୍‌ନାନ୍ ।”

୭ ସାସନ୍ ଉଦେସ୍‌ତ ଏପେଜ୍ କସ୍‌ ବଗ୍ କିନାଦେରା, ଇସ୍‌ରାଏଲ୍ ମି ଲାହାଂ ମାଜି ଲାକେ ଚିନ୍ତା କିନ୍ନାନା, ଇନାକିଦେଂକି ଆବା ଇନେରିଂ ସାସନ୍ କିଉନ୍, ଏଲେଜ୍ ମାଜି ଇନେର୍ ମାନାନ୍ ? ୮ ମତର୍ ଇମ୍‌ଣି ସାସନ୍‌ନି ମେହାନାକା, ଜପି ଏପେଜ୍ ହେବେନି ମେହାଣ୍ ଆକାୟ୍, ଖାଟିଜ୍ ଏପେଜ୍ ମାଜି ଆଖାଦାଂ ଉପକା ମାଜି କାଦେର୍ । ୯ ଆରେ ପା, ମା ସାସନ୍ କାରିୟା ମା ଗାଗାଡ଼ନି ଆବାରିଂ ଆସେଜ୍ ଦୁକ୍‌କିନାକା କିତାସ୍; ଖାଟିଂ ମା ଆବାତି ନଲେ ଏରେକ୍ ଆଦିକ୍ ଲାକେ ତଲ୍ୟା ଆଜି ଜିବୁନ୍ ଗାଟା ଆଉସ୍ ? ୧୦ ଇନାକିଦେଂକି ହେଖାରିଂ ଇନେସ୍ ବେସି ହାର୍ କିଜି ବୁଜାତାର୍, ହେ ଇସାପ୍ରେ ହେଖାର୍ ଅଲପ୍ ଦିନ୍ କାଜିଂ ମାଜେଜ୍ ସାସନ୍ କିଡ଼ତାନ୍, ମତର୍ ଆସେଜ୍ ଇନେସ୍ ହେଖାନ୍ତି ପୁଇପୁୟାତ ମେହାଣ୍ ଆନାସ୍, ଇଦାଂ କାଜିଂ ହେଖାନ୍ ମା ବାଲ୍ କାଜିଂ ସାସନ୍ କିଦନାନ୍ । ୧୧ ସାସନ୍ ନଜ୍ ଖାରିୟା ଆଖାଦାଂ ଦୁକ୍ ବୁଜାଦେଂ ଆନାଟ୍; ଆତିସ୍‌ପା ଇମ୍‌ଣାକାର୍ ତା ହୁଦାଂ ହିକ୍ୟା ଗାଟା ଆତାଣ୍ଡା, ତା ପାଟେ ହେଖାରିଂ ସୁସ୍ତାନି ପାଡ଼୍ ଲାକେ ଦାମ୍ ଉପକାର୍ ହିଦନାଟ୍ ।

ଉପଦେସ୍ ଆରି ଜାଗ୍ରତ୍ କାତା

୧୨ ଇଦାଂ କାଜିଂ ଏପେଜ୍ ନାଦାର୍ କେଇ ଆରି ଓଁଜୁ ମେଣ୍ଡା ବାଡ଼କାସ୍ କିୟାଟ୍, ୧୩ ଆରେ ଜାର୍ ଜାର୍ ପାନା କାଜିଂ ହାଣ୍‌କୁ ହାଜି ଜାଲ୍‌ଦି କିୟାଟ୍, ଇନେସ୍ ଇନାକା ଚଟା, ହେଦାଂ ଆଦିକ୍ ବାନ୍ୟା ଆଖାଦାଂ ନଲେ ଉଜ୍ ଆନାଟ୍ ।

୧୪ ଓଁଜାର୍ ଲାହାଂ ସୁସ୍ତାତ ମାଜେଜ୍ ସେସ୍ଟା କିୟାଟ୍, ଆରେ ଇମ୍‌ଣି ପୁଇପୁୟା ପିସ୍ତ ଇନେର୍ ମାପୁଜ୍ ହୁଡ଼ଦେଂ ଆଡୁର୍, ତା ପାଟେ ହାଲାଟ୍, ୧୫ ଏରେକାଡ଼୍‌ଦ ଇନେର୍ ଇସ୍‌ତ ଦୟାତାଂ ମୁଞ୍ଜୁନ୍ କି ଇମ୍‌ଣାକା ପା କେନି ଦଲ୍ ନେସ୍‌ଜି ବାତାଦେଂ ମିଦାଜ୍ ନସ୍ କିଦନାଟ୍, ଆରେ ତା ହୁଦାଂ ଆଦେକ୍ ବିଗାଡ଼୍ ଆନିକ୍; ୧୬ ଇନେର୍ ବାନିୟା କାମାୟ୍ କିନାକାର୍, ର ଅଲିନି କାଦି କାଜିଂ ଜାର୍ ଗାଜା ଆଦିକାର୍ ପ୍ରତାକାନ୍ ଜେ ଏସୌ, ହେଦାଂ ଲାକେ ଅଦାମ୍ ଆନାଟ୍, ଇ ବିସ୍ତେ ବେସି ଜାଗ୍ରତ୍ ଆଡୁ । ୧୭ ଏପେଜ୍ ତ ପୁନାଦେର୍ ଜେ, ପାଟେ ହେଖାନ୍ ଆସିର୍ବାଦିନି ଆଦିକାରି ଆନି କାଜିଂ ଇଟା କିତିସ୍

ପା ମୁନାକିୟାତାନ, ଆରେ ମାନବାଦଲ୍ଲୟ କିନି କାଜିଂ କାଣେଲିଂ ଲାହାଙ୍ଗ୍ ଜାତୁନତାଂ ସେସ୍ତୁ କିତିସ୍ ପା ହେଦାଂ କିନି କାଜିଂ ଆରେ ହୁତୁର ଗାଟା ଆଖାତାତ୍ ।

୧୮ ଇନାକିଦେଂକି ଇସ୍ତାଏଲ୍ ଏପେଙ୍ଗ୍ ସିୟନ୍ ମାଡ଼ି ଆରି ଆହ୍ନି ନାଣି ଲାଗାୟ୍ ଆରେ ଗେସ୍ତି ବାଦାଡ଼, ମାଜ୍ଗାନି ଡ଼ଲ୍ଲୁ, ୧୯ ମରିନି ଗାଜ୍ରାନାକା ଆରି ବାଜାନି ଗାଜ୍ରାନାକା ଲାଗାୟ୍ ଖାଖାତାଦେର୍ଣ୍ଣା, ଖେନାକାର୍ ହେ ଗାଜ୍ରାନାକା ଖେନୁଞ୍ଜି ଇନେସ୍ ହେଖାରିଂ ଆରେ ଇମଣାକା ପା ବଚନ୍ ଇନ୍ୟା ଆଉଡ଼, ଇଦାଂ ଗଖାରି କିଜି ମାଗାନ୍; ୨୦ ଲାଗିଂ “ଇମଣାକା ପା ପସୁ ପା ଜଦି ହେ ମାଡ଼ି ତୁନାଡ଼, ଖାରିଙ୍ଗ୍ ହେଦାଂ ଗାଜା କାଲ୍ଦାଂ ହାନାଡ଼, ଇଦାଂ ଇମଣି ବଲ୍ ହିଆତାନ୍, ହେଦାଂ ହେଖାର୍ ହୁଞ୍ଜେଙ୍ଗ୍ ଆଡ଼ଖାତାର୍” ୨୧ ଆରେ ହେ କାତା ଏଲେଙ୍ଗ୍ବାତ୍ ବୟ୍ଲାର୍ ମାଗାଡ଼ ଜେ, ମସାନେ ଇଚାନ୍, “ଆନ୍ ବେସି ପାଣ୍ଡୁ ଆରି ତ୍ରିଗନାଙ୍ଗା ।”

୨୨ ମତର୍ ଏପେଙ୍ଗ୍ ସିୟନ୍ ମାଡ଼ି ଆରି ଜିତି ଇସ୍ପୁରତି ଗାଡ଼, ଇତିସ୍ ସାଗେନି ଜିରୁସାଲମ୍, ଗାଣାକିଦେଂଆଡ଼଼ି ଦୁତକ୍ତି ପାର୍ବୁ, ୨୩ ସାଗେତ ଲେକିକିତି ପର୍ତ୍ତମ୍ ଜଲମଆତାକାତ୍ ମଣ୍ଡୁଲି, ଖିଜାକାତ୍ ବିଚାରକାର୍ଯ୍ୟା ଇସ୍ପୁର ଲାଗାଂ ଏପେଙ୍ଗ୍ ବାତ୍ ପାୟାତି ଦାମ୍ ତ୍ ଜିବୁନିଙ୍ଗ୍, ୨୪ ପୁନି ନିୟମିନି ମାଦ୍‌ଶାକାନ୍ ଜିସୁ, ଆରେ ଇମଣି ତିରତି ନେତେର୍ ହେବଲ୍ଲିନି ନେତେର୍ ବାଟା ହାଦ୍ ବଚନ୍ ଇନାଡ଼, ତା ଲାଗାୟ୍ ଖାତାଦେର୍ଣ୍ଣା ।

୨୫ ଜାଗ୍ରଡ଼, ଇନେନ୍ ବଚନ୍ ଇନାନ୍ନା, ହେଖାନିଂ ମୁନା କିମାଟ୍, ଇନାକିଦେଂକି ଇନେନ୍ ପୁତ୍ ବଲ୍ ହିତାନ୍, ହେଖାନିଂ ମୁନା କିତିଲେ ହେଖାର୍ ଜଦି ରାକ୍ୟା ପାୟା ଆଖାତାର୍, ଖାରିଂ ଇନେନ୍ ସାଗେତାଂ ବଲ୍ ହିଡ଼ତାନ୍ନା, ହେଖାନ୍ତିତାଂ ମାସ୍ଦି ହାତିସ୍ ଆସେଙ୍ଗ୍ ଜେ ରାକ୍ୟା ପାୟା ଆଉସ୍, ଇଦାଂ ଏଚେକ୍ ଆଦିକ୍ ହାଡ଼ପା ! ୨୬ ହେ ଏଚେଖେଡ଼ାଲିଂ ହେଖାନ୍ତି କାଟ୍ ପୁତ୍ ତିଂ ଜଲ୍ଲାୟ୍‌କିତାଡ଼, ମତର୍ ନଙ୍ଗ୍ ହେଖାନ୍ ପାର୍ମାଣ୍ କିଜି ଇଞ୍ଜାଙ୍ଗ୍ନା, “ଆରେ ରଗ ଆପ୍ ଜେ ପୁତ୍ ତିଂ ଲେସ୍ତାନାସ୍, ହେଦାଂ ଆକାୟ୍, ମତର୍ ଆକାସ୍ତାଂ ପା ଲେପ୍‌ପାନାଙ୍ଗ୍ ।” ୨୭ “ଆରେରଗ” ଇଞ୍ଜି ଇନି ହୁଦାଂ ଇଦାଂ ବୁଜାୟା ଆନାଡ଼ ଜେ, ଲେମ୍‌ଫି ବିସ୍ତେ ସବୁ ମାନି କାଜିଂ ଟଡ଼ମଡ଼ ବିସ୍ତେ, ଇତିସ୍ ଉବ୍‌ଜାଣ୍ ବିସ୍ତେ ସବୁନି ବାଦ୍‌ଲା ଆନାଡ଼ ।

୨୮ ଲାଗିଂ, ଲେମ୍‌ଫି ରାଜି ଗାଟା ଆତିଲେ ଖାଡୁ, ଆସେଙ୍ଗ୍ ଖାରିୟା ଆଜି ପାଣ୍ଡୁ ଆରି ବକ୍ତି ହୁଦାଂ ଇସ୍ପୁରତି ଜୁଖାର୍ କିଜି ମାନାସ୍ ଇ ଇଚାତ ସାରି ଆଜି ପାର୍ତାନା କିନାସ୍ । ୨୯ ଇନାକିଦେଂକି ମା ଇସ୍ପୁର ତିନୁଞ୍ଜିହାନି ନାଣି ଲାକେ ଆନାନ୍ ।

୧୩

ଇସ୍ପୁରତିଂ ସାରି କିନାସ୍

୧ କ୍ରିସ୍ଟୁ ପାତ୍ କିନାକାଦେର୍ ଏ ଟଣ୍ଡାର୍ ଆରି ତଣ୍ଡେକ୍ ଜିଉନନିତ ତିର୍ ଆଜି ମାନାଟ୍ । ୨ ଖାଜି ମାନି ଗତାଂହେବା ପର୍‌ମାଟ୍, ଲାଗିଂ ତାହୁଦାଂ ଇନେ ଇନେର୍ ପୁନ୍‌ଖାଦାଂ ଦୁତକ୍ ହେବା କିନାରା । ୩ ଜାର୍‌ତିଂ ବନ୍ଦିରିଂ ରଚେବନ୍ଦି ଲାକେ ଗିଆନ୍ କିଜି ଆରେ ନିଜେ ଗାଗାଡ଼ ଆସ୍ତାପନା ଇଞ୍ଜି ପୁଞ୍ଜି କସ୍ ବଗକିନି ଲକୁରିଂ ଏଡ଼ କିୟାଟ୍ ।

୪ ବିବା ଖିଜାକାତ୍ ବିତ୍ତେ ହାର୍ ଆୟେଡ଼ ଆରି ହେଖାନ୍ତି ଟାଟି ସକଟ୍ ଆୟେଡ଼, ଇନାକିଦେଂକି ଇସ୍ପୁର ଲକାର୍‌ଦାରି ଆରି ପାପିରିଂ ବିଚାର୍ କିନାନ୍ ।

୫ ଇନିବେବାର୍ତ୍ତ ଦନ୍ ଲବ୍‌ତ ଖାରାକା ଆଡୁ, ମିଦାଙ୍ଗ୍ ଇନାକା ମାନାଡ଼, ହେବେ ସାରି ମାନାଟ୍, ଇନାକିଦେଂକି ଇସ୍ପୁର ନିଜେ ଇନ୍‌ଞ୍ଜାନ୍ନା, “ଆପ୍ ମିଙ୍ଗେଙ୍ଗ୍ ସବୁଖେଡ଼ାଙ୍ଗ୍ ଆସ୍ତି

ମାଞ୍ଜନାପ, ଆପ୍ ମିଙ୍ଗେଙ୍ଗ୍ ଇନାଞ୍ଜାଡ଼ାଂ ପା ପିସ୍ତୁ ।” ୬ ଲାଗିଂ ଆସେଙ୍ଗ୍ ସାସ୍ତାଂ
 ଇଞ୍ଜେଙ୍ଗ୍ ଆଡ଼ନାସ୍,
 “ମାପୁ ନା ରାକ୍ୟାକାର୍‌ଆ,
 ଆନ୍ ପାଣ୍ଡା ଆଉଙ୍ଗ୍,

ମାନାୟ୍ ନାଦାଂ ଇନାକା କିଦ୍‌ନାନ୍ ?”

୭ ଇମ୍‌ଣାକାର୍ ମିଙ୍ଗେଙ୍ଗ୍ ଇସ୍‌ସ୍‌ରତି ବଚନ୍ ଖେଚ୍‌ଚି ମାନ୍‌ସ୍ତାର୍, ମିଦାଂ ଏଲେଙ୍ଗ୍
 ନେତାରିଂ ଏଡ୍ କିୟାଟ୍, ହେଞ୍ଜାର୍‌ତି ବେବାର୍ ହାରିହାରା ତାଂନି କାଜିଂ ହୁଡ୍‌ଜି
 ହେଞ୍ଜାର୍‌ତି ପାତ୍ ପାଚେ ହାଲାଟ୍ । ୮ ଜିସୁ କ୍ରିସ୍ଟୁ ନିହିଙ୍ଗ୍, ନେଞ୍ଜେଙ୍ଗ୍ ଆରି ସବୁ
 ଖେଡ଼ାଙ୍ଗ୍ ସମାନ୍ ମାନାନ୍ । ୯ ବାନ୍‌ଧାନିପ ଆରି ଉଲ୍‌ଚି ବାନି ହିକ୍ୟାତ ବିପ୍ରି ଆମାଟ୍,
 ଇନାକିଦେଂକି କାଦି ଜିନିସ୍‌ତିଂ ହୁଦାଂ ଆକାୟ୍, ମତର୍ ଦୟା ହୁଦାଂ ମାନ୍ ତିର୍ ଆନାକା
 ହାର୍; ଇମ୍‌ଣାକାର୍ ତିନାକାଉଣାକା ଚାଲାୟ୍ କିଜି ମାନି କିତାର୍, ହେଞ୍ଜାର୍‌ତି ମୁଡେ
 ଲାଟ୍ ଆଞ୍ଜାତାଡ଼ନା ।

୧୦ ଇମ୍‌ଣି ଗାର୍‌ଣିନି ଜିନିସିଂ ତୁମ୍‌ନିଆକାତିଂ ପୁଜାରିତ୍ ତିନି କାଜିଂ ଆଦିକାର୍
 ହିଲୁଡ୍, ମାଦାଂ ଏଲେଙ୍ଗ୍ ର ଗାର୍‌ଣି ମାନାଡ୍ । ୧୧ ଇନାକିଦେଂକି ଇମ୍‌ଣି ସବୁ ପସ୍ତୁତି
 ନେତେର୍ ପାପିନି ପୁଜାଲାକେ ମୁଡ୍, ମାପୁହେବାକିନାକାନ୍ ହୁଦାଂ ମୁଡ୍, ପୁଇପୁୟା
 ବାହାତ ତାହିଞ୍ଜାନାର୍, ହେ ସବୁ ପସ୍ତୁନି ଗାଗାଡ୍ ଚାଉଣି ବାଚ୍ କାଡ଼ନାଡ୍ । ୧୨ ଇଦାଂ
 କାଜିଂ ଜିସୁ ପା ଜାର୍ ନେତେର୍ ହୁଦାଂ ଇନେସ୍ ମାନାୟାତ୍ ପୁଇପୁୟା କିନାନ୍,
 ଇଦାଂ କାଜିଂ ଗାଡ୍ ଦୁଆଣ୍ଟୁ ବାଚ୍ ହାକି ବଗି କିତାନ୍ । ୧୩ ଲାଗିଂ, ଖାଡୁ, ଆସେଙ୍ଗ୍
 ହେଞ୍ଜାନ୍ ଲାକେ ନିୟା, ଅପ୍‌ମାନ୍ ହୁନ୍‌ଞ୍ଜି ଗାଡ୍ ବାଚ୍ ହେଞ୍ଜାନ୍ତି ଲାଗେ ହାନାସ୍ ।
 ୧୪ ଇନାକିଦେଂକି ଇ ପୁତ୍ ତ ମାଦାଂ ସବୁଦିନ୍‌ନି ମାନି ଗାଡ୍ ହିଲୁଡ୍, ମତର୍ ଆସେଙ୍ଗ୍
 ଖାନିଦିନ୍ତିନି ଗାଡ୍‌ଦିଂ ତେକ୍‌ନାସା । ୧୫ ଲାଗିଂ ଖାଡୁ, ଜିସୁଙ୍ଗ୍ ହିଜି ଆସେଙ୍ଗ୍ ଇସ୍‌ସ୍‌ରତି
 କାଜିଂ ଖାରିକିୟ୍ ହୁକେ ପୁଜା, ଇତିସ୍ ହେଞ୍ଜାନ୍ତି ତର୍ ମାନିକିନି ଓଚିନି ପାଡ୍ ନିତ୍ରେ
 ପୁଜାକିନାସ୍ । ୧୬ ଲକାର୍ ଉପକାର୍ ଆରି ଦାନ୍ କିଦେଙ୍ଗ୍ ପର୍‌ମାଟ୍, ଇନାକିଦେଂକି
 ଏଲେଙ୍ଗ୍ ପୁଜାତ ଇସ୍‌ସ୍‌ରତି ବେସି ସତକ୍ ।

୧୭ ମି ନେତାତ୍ ବଲ୍ ମାନିକିୟାଟ୍, ହେଞ୍ଜାର୍‌ତି ବଲ୍ ପାଲି କିୟାଟ୍ । ହେଞ୍ଜାର୍
 ଜାଗଞ୍ଜାଡ଼ାର୍ ଲାକେ ମି ଖାସ୍ତି ରାକ୍ୟା କାଜିଂ ଜମ୍‌ଞ୍ଜି ବାଗ୍ରେ କାଡ଼ନାରା, ଇନାକିଦେଂକି
 ହେଞ୍ଜାରିଂ ଇସ୍‌ସ୍‌ର ଲାଗାଂ ଜାର୍ କାମାୟ୍‌ନି ଇସାପ୍ ହିୟାନାଡ୍ । ଏପେଙ୍ଗ୍ ଜଦି
 ହେଞ୍ଜାର୍‌ତି ବଲ୍ ମାନିକିୟାଟ୍, ଲାଗିଂ ହେଞ୍ଜାର୍ ଖାରି ମାନ୍ତାଙ୍ଗ୍ ଜାର୍ କାମାୟ୍ କିତାର୍,
 ମାତର୍ ଜଦି ହେଦାଂ କିଞ୍ଚିତିସ୍, ଖାଟିଙ୍ଗ୍ ହେଞ୍ଜାର୍ ମାନ୍‌ହିଞ୍ଜି ମାନ୍ତାଙ୍ଗ୍ ହେଦାଂ କିତାର୍
 ଆରି ଇଦାଂ ମି ପାକ୍ୟାତ ହାର୍ ଆଉଡ୍ ।

୧୮ ମା କାଜିଂ ପାର୍ତ୍ତାନା କିୟାଟ୍, ଇନାକିଦେଂକି ମା ପାତ୍ ଜେ, ମା ହାଦ୍ ଚିନ୍ତା
 କାଜିଂ ମାନାଡ୍, ଲାଗିଂ ଖିଜୁ ବିସ୍ରେ ହାଦ୍ ବେବାର୍ କିଦେଙ୍ଗ୍ ଆପେଂ ଇଚା କିନାପା ।
 ୧୯ ଆରେ ଆନ୍ ଇନେସ୍ ବେଗି ମି ଲାଗେ ହାଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ପାର୍ତ୍ତାନା
 କିଦେଙ୍ଗ୍ ମିଙ୍ଗେଙ୍ଗ୍ ବେସିକିଜି ଖାସ୍ତିତାଂ ଗଞ୍ଜାରି କିଦ୍‌ନାଙ୍ଗା ।

ହାରିହାରା ପାର୍ତ୍ତାନା

୨୦ ଇମ୍‌ଣି ସୁସ୍ତା ହିଦ୍‌ନି ଇସ୍‌ସ୍‌ର ଖିଜୁକାଡ୍ ତିର୍ ନିୟମିନି ନେତେର୍ କାଜିଂ ମୁଡ୍,
 ମେଣ୍ଡାଗଡ଼ିୟା, ଇତିସ୍ ମା ମାପୁ ଜିସୁତିଂ ହାକିନିକାର୍ ବିତ୍ରେତାଂ ମାସ୍‌ତି ତାହିଞ୍ଜାତାନ୍;
 ୨୧ ହେଞ୍ଜାନ୍ତି କାଣ୍‌କୁତ ଇନାକା ହଲ୍‌ନାଡ୍, ହେଦାଂ ହେଞ୍ଜାନ୍ ମା ଖାସ୍ତିତ ଜିସୁ କ୍ରିସ୍ଟୁ ହୁଦାଂ
 ଖିସ୍‌ସି ହେଞ୍ଜାନ୍ତି ଇଚା ପୁରା କିଦେଙ୍ଗ୍ ମିଙ୍ଗେଙ୍ଗ୍ ଜାଣ୍‌କେ ହାର୍‌ଦି କାମାୟ୍‌ତ ବାଚ୍
 କିଦେନ୍ । ଜୁଗ୍ ଜୁଗ୍ ଜାଜ୍‌ମାଲ୍ ହେଞ୍ଜାନ୍ତି । ଆମେନ୍ ।

ଓପ୍ରି କାତା

୨୨ ଏ ଟଣ୍ଡାର ଆରି ତଣ୍ଡେକାଦେର୍, ଆନ୍ ମିଙ୍ଗେଙ୍ଗ୍ ଗଞ୍ଜାରି କିନ୍ନାଙ୍ଗା, ଇ
 ଉପ୍‌ଦେସ୍ ମାନି କିୟାଟ୍, ଲାଗିଂ ଆନ୍ ହାରୁ ଆକିତ ମିଙ୍ଗେଙ୍ଗ୍ ଖାରିକିୟକିନ୍ନି କାଜିଂ
 ଲେକିକିଡ଼ତାଂନା, ହେଦାଂ ଦିଆନ୍ ହିୟାଟ୍ । ୨୩ ମା ଟଣ୍ଡେନ୍ ତିମତି ଜଇଲ୍‌ତାଂ ମୁକ୍ତା
 ଆତାନ୍ନା ଇଞ୍ଜି ପୁନାଦେର୍, ଜଦି ହେଞ୍ଜାନ୍ ବେଗି ଖାତିସ୍, ଖାଟିଂ ହେଞ୍ଜାନ୍ ରଚେ ଆନ୍
 ମି ଲାହାଂ ବେଟ୍ ଆଦେଂ ଖାନାଙ୍ଗ୍ ।

୨୪ ମିଙ୍ଗେଙ୍ଗ୍ ଖିଜାର ନେତା ଆରି ପୁଇପୁୟାନି ସାଦୁଖିଜାରିଂ ଜଞ୍ଜାର ଜାଣାୟକିଆଟ୍
 । ଇମ୍‌ଣାକାର ଇତାଲିଆତାଂ ଖାତାଣ୍ଟା, ହେଞ୍ଜାର ମିଙ୍ଗେଙ୍ଗ୍ ଜଞ୍ଜାର ଜାଣାୟକିଡ଼ତାଣ୍ଟା
 ।

୨୫ ଇସ୍‌ପୁରି ଦୟା ମି ଖିଜାକାତ୍ ଲାହାଂ ଆୟେଟ୍ ।

ଯାକୁବକ ପତ୍ର ଜାକବତି ଆଜି ଜାକବ ଆଜି ବିସ୍ତେନି ପାଦେକ୍

ଜାକବ ପତି ଜାକବ ତରଦ କୁକ୍ୟାତି ରଞ୍ଜାନ୍ ମୁଣିକାତାଂ ଲେକା ଆତାନ୍ । ଇ ଜାକବ ଆଜି ମାନ୍‌ଗାନାତ୍ ଜିସୁ କ୍ରିସ୍ତୁତି ଟଣ୍ଡେନ୍ ମାଚାନ୍, ଇନେନକି ଆଗେନି ମଣ୍ଡଲିନି ରଞ୍ଜାନ୍ ନେତା ମାଞ୍ଜାନ୍ ଆରି ଜିରୁସାଲମ୍‌ନି ସବାନି ମେମର୍ ମାଚାନ୍ ପକ୍ୟାତାକା ୧୫:୧୩ ପକ୍ୟାତି ପାଉଲ୍ ପା ଜାକବଂ ମଣ୍ଡଲିନି ମୁଣ୍ଡା ଇଞ୍ଜି କୁକ୍‌ନାନ୍ ଗାଲାତିୟ ୨:୯ । ଜାକବ ପତି ଜିସୁକ୍ରିସ୍ତୁତି ୫୦ ବାହୁଁ ପାଚେ ଲେକା ଆତାନ୍ ଇଞ୍ଜି ବାଇବଲ୍ ପଣ୍ଡିତ୍‌କୁର୍ ପାତ୍ କିତାର । ଜାକବ ଜିରୁସାଲମ୍ ମଣ୍ଡଲିନି ନେତା ମାଚାନ୍ ଲାଗିଂ ଆଜି ମାନ୍‌ଗାନାତ୍ ହେବେ ବାହା କିଜି ମାନିହିଂ ହେଞ୍ଜାନ୍ ଇ ପତି ଲେକିକିଜି ମାଚାନ୍ । ଜାକବ ଦେସ୍‌ନି ଜେଡେକେଡ୍ ଆଜି ମାନି ବାର୍ କୁଚୁମ୍‌ତିଂ ଜାଣାଚିନା କିନାନ୍ ୧:୧ ।

ଜାକବ ପତି ବେବାର୍ କିଦେଙ୍ଗ୍ ଝିଜାକାର୍ କ୍ରିସ୍ତୁୟାନାତ୍ କାଜିଂ ମାଚାତ୍, ମାତର୍ ବାର୍ କୁଚୁମ୍ କାଜିଂ ବେବାର୍ କିତାକା ସବଦ୍ ଜାକବ ସିଦା ଜିହୁଦିର୍ କ୍ରିସ୍ତୁୟାନିଂ ଲେକିକିଜି ମାଚାନ୍ । ଇନେକିଦେଂକି ଇ ପତି ଜେଡେକେଡ୍ ବାତ୍ରେ ମାନି ପଡ଼ିକିନାକାରିଂ ଏକିକିଦେଂ ବିସ୍ତେ ଚିକ୍‌ଶା ହିନାତ୍ । ଜାକବ, ପାତ୍ ଆରି କାମାୟତ ବେସି ମେହାଣ୍ ଜପି ଚଚ୍ଚି ଇନାନ୍ ଜେ, ହାତ୍‌ପା ପାତ୍ କାମାୟତ ହୁଡ଼ୟାନାତ୍ ୨:୧୭ ହେଞ୍ଜାନ୍ ମାଜାନ୍ ମାନାୟତିଂ ମୁକ୍‌ମେର୍ ବିସ୍ତେ ଜାଗ୍ରତ୍ କିନାନ୍ ୨:୧-୪ ଡକ୍‌କ୍‌ଚି ଇଡ଼୍‌ଜି କାତାବାର୍ତ୍ତା କିନି ବିସ୍ତେ ଜାଗ୍ରତ୍ ଆଦେଂ ଝେଚ୍‌ନାନ୍ । ୩:୧-୧୨

ପତି ବିସ୍ତେନି ଗାହାଣ୍

- ୧. ଜାକବ ତା ପତି କିନାକାରିଂ ବାନ୍ଦାୟ କିନାନ୍ ୧:୧
- ୨. ହେଞ୍ଜାନ୍ କ୍ରିସ୍ତୁୟାରିଂ ଦୁକ୍ ଝେଡାଲିଂ ସାସ୍‌ତାଂ ମାଞ୍ଜେଙ୍ଗ୍ ଝେଚ୍‌ଚି ମାଚାନ୍ ୧:୨-୨୭
- ୩. କାମାୟତାଂ ଇନେସ୍ ପାତ୍ ଚଚ୍‌ଚେଙ୍ଗ୍ ଲଡା ହେ ବିସ୍ତେ ଇନାନ୍ ୨:୧-୨୬
- ୪. ବଚନ୍ ଇନେସ୍ ସାକ୍ତି ଆଦେଂ ଆଡ଼ନାତ୍ ହେ ବିସ୍ତେ ଲେକିକିତାନ୍ନା ୩:୧-୧୨
- ୫. ଜାକବ ଇସ୍‌ଚ୍‌ଚି ଗିଆନ୍ ଜଗଡ଼ନି ଗିଆନ୍‌ତାଂ ବିନ୍ ଆଜି ମାନ୍‌ଗାନାତ୍ ହେଦାଂ ଲେକି କିତାନ୍ନା ୩:୧୩-୪:୧୦
- ୬. ପାଚେ ହେଞ୍ଜାନ୍ ପତି କିନାକାରିଂ ଗାବ୍ ଆଞ୍ଜି ବିସ୍ତେ ସିକ୍ୟା ହିନାନ୍ ୪:୧୧-୫:୬
- ୭. ହାରିହାରା ଜାକବ ଏଚେଗଟା ବିସ୍ତେ ବଲ୍ ହିଜି ଲେକିକିନାକା ଝିହ୍‌ନାନ୍ ୫:୭-୨୦

ଜାକୁବତି ଆଜି

୧ ଆନ୍ ଜାକୁବ୍ ଇସ୍‌ଚ୍‌ଚି ଆରି ମାପୁ ଜିସୁ କ୍ରିସ୍ତୁତି ଆଡ଼ିଏନ୍, “ସବୁ ଜଗଡ଼ନି ଜେଡେକେଡ୍ ଆଜି ମାନି ଇସ୍‌ଚ୍‌ଚି ମାନାୟାରିଂ ଜୁଞ୍ଜାର୍ କିଜି ଇ ଆକି ଲେକିକିନାକା ।”

ପାତ୍ ଆରି ହୁଦାର୍

୨ ଏ ନା ଟଣ୍ଡାର୍ ଆରି ତଣ୍ଡାଦେକ୍, ଏପେଙ୍ଗ୍ ଏଚେକାଡ଼ଦ ବାର୍‌ବିନ୍ ଦୁକ୍ କସୁ ଝାଡିସ୍, ହେଦାଂ ହାର୍ କାମାୟ ବିସ୍ତେ ଇଞ୍ଜି ବାବି କିୟାତ୍; ୩ ଇନେକିଦେଂକି ଏପେଙ୍ଗ୍ ପୁନାଟ୍, ଏଲେଙ୍ଗ୍ ବାନି ଦୁକ୍‌ତ ଦୁକ୍ ଗିଟାଆଦିନି ଝେଡାଲିଂ ପରିକ୍ୟା ପାତ୍ ତ ଡିର୍ ମାଚିସ୍, ସମାଲିକିନି ସାକ୍ତି ବାତାଆନାତ୍ । ୪ ଆଚେ, ଏପେଙ୍ଗ୍ ଇନେସ୍ ଇମ୍‌ଣି ବିସ୍ତେ

ଉଣାଞ୍ଚାଦାଂ ବାତଂ ଆରି ପୁରା ଆଡୁ, ଇଦାଂ କାଜିଂ ହାରିହାରା ପାତେକ୍ ହୁଦାଂ ଆଜିଂ ମାନାଟ୍ । ୫ ମାତର ମି ବିତ୍ତେ ଏତେକାଡ଼ଦ ଇନେରତି ଗିୟାନ୍ନି ଅବାବ୍ ମାତିସ୍, ବାଟିଙ୍ଗ୍ ଇମ୍ଣି ଇସ୍ପର୍ ଦସ୍ ଆହ୍‌ଞ୍ଚାଦାଂ ମେଲା କେଇଦାଂ ଓଜାରିଂ ଦାନ୍ କିନାନ୍, ହେଞ୍ଚାନ୍ତି ଲାଗେ ହେଞ୍ଚାନ୍ ପାର୍ତ୍ତାନା କିଏନ୍, ହେବେଣ୍ଡାଂ ହେଞ୍ଚାନ୍ ହିଆନାଟ୍ । ୬ ମାତର ହେଞ୍ଚାନ୍ ଅଲପ୍ ମତର ଆନ୍‌ମାନ୍ ଆଞ୍ଚାଦାଂ ପାତଂ ହୁକେ ପାର୍ତ୍ତାନା କିଏନ୍, ଇନେକିଦେଂକି ଇନେର ଆନ୍‌ମାନ୍ କିନାଟ୍, ହେଞ୍ଚାନ୍ ଡୁଲୁଦାଂ ଇନିହାୟ୍‌ନି ତାଙ୍ଗିନି ହାମ୍‌ଦୁରନ୍ ଲଡ଼ି ଲାକେ । ୭ ହେ ଲାକେ ମାନାୟ୍ ମାପୁତାକେଣ୍ଡାଂ ଅଲପ୍ ଗାଟାନାନ୍ ଇଞ୍ଜି ବାବି କିମେନ୍ ।

୮ ହେଞ୍ଚାନ୍ ତ ରିମାନ୍ୟା ମାନାୟ୍, ଜାରତି ଓଜୁ ତାଙ୍ଗିତି ତାଙ୍ଗି ତିର୍ ଆକାୟ୍ ।

ମାଜାନ୍ ଆରି ଅକଂଡ଼

୯ ଅକଂଡ଼ ଅବସ୍ତାତ ମାନି ଟଣ୍ଡାର ଜାରତିଂ ନିଙ୍ଗିନି ବିସ୍ତେ ଗରବ୍ କିଏନ୍, ୧୦ ମାଜାନ୍ କ୍ରିଷ୍ଟ ପାତଂ କିନାକାନ୍ ଜାର୍ ଅକଂଡ଼ ଝେଡାଲିଂ ଗରବ୍ କିଏନ୍, ଇନେକିଦେଂକି କାଟ୍ଟାନି ପୁଇ ଲାକେ ହେଞ୍ଚାନ୍ ହାଡ଼ଜି ହାନାନ୍ । ୧୧ ଲାଗିଂ ଝେଡା ନାଡ଼ିହିଂ ହତିସ୍ କାଟ୍ଟା ଇନେସ୍ ଝାଜ୍‌ଜି ହାନାଟ୍ ଆରି ହେବେନି ପୁଇ ହାଡ଼ଜି ହାନାଟ୍ ଆରେ ହେଦାଂ ନି ହଲ୍‌ନାକା ଡ଼ଗୁଜି ହାନାଟ୍, ହେ ଲାକେ ମାଜାନ୍ ଲଗୁ ଜାରତି ସବୁ ମୁକାଲିଂ ମୁରଜା ଆନାଟ୍ ।

ପରିକ୍ୟା ଆରି ଲବାୟ୍ କିନାକା

୧୨ ଇମ୍ଣି ଲଗୁ ପରିକ୍ୟାତ ହୁଞ୍ଜେଙ୍ଗ୍ ଆଡ଼ନାନ୍, ହେଞ୍ଚାନ୍ ଦନ୍ୟ, ଇନେକିଦେଂକି ମାପୁ ଜିଉନିନି ଜାର୍ ଲକାରିଂ ଇମ୍ଣି ଜିରୁନ୍ ବାତଂ ମୁକୁର୍ ହିଦେଂ ପାର୍ମାଣ୍ କିତାନ୍ନା, ପରିକ୍ୟାସିଦ୍ ଆତି ପାତେ ହେ ଲକୁ ହେ ମୁକୁର୍ ଗାଟା ଆନାନ୍ । ୧୩ ଇନେର ପରିକ୍ୟାତ ଆତିସ୍, ନାଦାଂ ଇ ପରିକ୍ୟା ଇସ୍ପରତି ନିପ ଆନାତା ଇଞ୍ଜି ଇନ୍‌ମେନ୍, ଇନେକିଦେଂକି ଇସ୍ପର୍ ବାନ୍ୟାତ ପରିକ୍ୟା ଆଦେଂ ଆଡୁନ୍, “ଆରେ ହେଞ୍ଚାନ୍ ନିଜେ ଇନେରିଂ ପରିକ୍ୟା କିଉନ୍ ।” ୧୪ ମାତର ଓଜାର୍ ମାନାୟ୍ ଜାର୍ କାମାୟ୍ ହୁକେ ଚଟନାକା ଆରି ଚାକ୍ରାୟ୍ ଆଜି ପରିକ୍ୟାକିୟା ଆନାନ୍; ୧୫ ମାତର ବାନ୍ୟା କାମାୟ୍‌ତ ଗରବ୍‌ତ ପାପ୍ କୁର୍ନାଟ୍, ଆରେ ପାପ୍ ବେସି ଗାଜାଜି ହାକିତିଂ ଜଲମ୍ ହିନାଟ୍ ।

୧୬ ଏ ନା ଝାରିନି ଟଣ୍ଡାର ଆରି ତଣ୍ଡେକାଦେର୍, ବୁଦିବାଣାମାଟ୍ । ୧୭ ଓଜୁ ହାର୍‌ଦି ଦାନ୍ ଆରି ଓଜୁ ହାର୍‌ଦାକା ହିଦନାକା ଜପିତାଂ ଇତିସ୍ ହୁକାଂତି ବଞ୍ଚାତାଂ ଝାନାଟ୍, ଇଞ୍ଚାରତାଂ ଇମ୍ଣି ବାଦଲ୍‌ନାକା କି ଅଲପ୍ ପା ବାନ୍ୟା ଆକାୟ୍ । ୧୮ ଆପ୍ ଇନେସ୍ ହେଞ୍ଚାନ୍ତି ଉପଜାଣ୍ ବିସ୍ତେ ବିତ୍ତେ ର ବାନି ପର୍ଡୁମ୍ ପାଡ଼ ଲାକେ ଆନାୟ୍, ଇଦାଂ କାଜିଂ ହେଞ୍ଚାନ୍ ଜାର୍ ଇଚା ହୁଦାଂ ହାଡ଼ପା ବଚନ୍ ହୁଦାଂ ମାଙ୍ଗ୍ ଉପଜାଣ୍ କିଡ଼ତାନ୍ ।

ଝେନାସ୍ ଆରି କାମାୟ୍ କିନାସ୍

୧୯ ଏ ନା ଝାରିନି ଟଣ୍ଡାର ଆରି ତଣ୍ଡେକାଦେର୍, ଏପେଙ୍ଗ୍ ଇଦାଂ ପୁଟାଦେଣ୍ଡା । ହିଟ୍‌ନେ ଜାଣ୍ ଝେଞ୍ଜେଙ୍ଗ୍ ଜାଲ୍‌ଦି, ଇନିତାକେ ବିଞ୍ଚାହିଂ ଆରେ ଟାକ୍ରି ଆନିହିଙ୍ଗ୍ ହୁଦାଂ ଆଡ଼, ୨୦ ଇନେକିଦେଂକି ମାନାୟ୍‌ତି ଟାକ୍ରି ଇସ୍ପରତି ଇଚା ଦାମ୍‌ତ କାମାୟ୍ କିଉଡ଼ । ୨୧ ଲାଗିଂ, ଏପେଙ୍ଗ୍ ଓଜୁ ବିଟାଡ଼ ଆରି ସବୁବାନି ଉଡ଼ପାଡ଼ ପିସ୍ତି, ଇମ୍ଣି ରୁସ୍ତି ବଚନ୍ ମି ଝାସ୍ତିତିଂ ମୁକ୍ତି କିଦେଙ୍ଗ୍ କାଜିଂ ରାଜି, ହେଦାଂ ହୁଦାରତାଂ ଇଟାଟ୍ ।

୨୨ ମାତର ଝେନାକାର୍ ଆଜି ଜାରତିଂ କେଡ଼ଞ୍ଚାଦାଂ ମାତର ବଚନ୍‌ତ କାମାୟ୍ କିନାକାଦେର୍ ଆଡ଼ । ୨୩ ଇନେକିଦେଂକି ଜଦି ଇନେର ବଚନ୍‌ତ କାମାୟ୍‌କିୟା ଆଞ୍ଚାଦାଂ ଝେନାକାର୍ ଆନାଟ୍ ବାଟିଙ୍ଗ୍ ହେଞ୍ଚାନ୍ ଦାର୍ପାଣ୍ ଜାର୍ ମୁମ୍ ହୁଡ଼ତି ମାନାୟ୍ ଲାକେ । ୨୪ ଲାଗିଂ ହେଞ୍ଚାନ୍ ଜାରତିଂ ହୁଡ଼ତି ପାତେ ହାଲ୍‌ଜି, ହେଞ୍ଚାନ୍ ଇନେସ୍‌ବାନି ମାନାୟ୍,

ହେଦାଁ ହେ ଦାପ୍ତେ ବାଣାନାନ । ୨୫ ମାତର୍ ମାନାୟ୍ ମୁକ୍ତାନି କାଜିଁ ର ପୁରା ବିଦି ମାନାଡ଼ । ଜନେନ୍ ହେଦାଁ ଖେନ୍ଝି ବାଣାଆଉନ୍ ଆରି ତା କାଜିଁ ସବୁତାକେ ମାନହିଜି ଜାର୍ ଜିବୁନ୍ତ ପାଲି କିନାନ୍, ତା ସବୁ କାମାୟ୍ତ ଇସ୍ବର୍ ଆସିର୍ବାଦ କିନାନ୍ ।

୨୬ ଜଦି ଜନେର୍ ଜାର୍ତିଁ ଦାମିଁ ଇଞ୍ଜି ବାବି କିନାନ୍, ଆରେ ଜାର୍ ଖେନ୍ଝିଲ୍ତିଁ ମଦାୟ୍ କିଞ୍ଚିତ୍ସ୍ ଜାର୍ ମାନତିଁ ନିନ୍ଦାକିତ୍ସ୍, ହେଞ୍ଜାନ୍ତି ଦାରୁମ୍ତି କାମାୟ୍ ସବୁ ପଲ୍ୟା । ୨୭ ତୁରାର୍ ଆରି ରାଣ୍ଡିକାଁ ହେଞ୍ଜାନ୍ତି ଦୁକ୍ ଖେଡାଲିଁ ସମାଲିକିଦେଁ ଆରେ ଜଗତ୍ତାଁ ଜାର୍ତିଁ ପାପ୍ ହିଲ୍ଝି ଲାକେ ରାକ୍ୟା କିନାକା, ଇଦାଁ ମାଦାଁ ଇସ୍ବର୍ ଆରି ବାଞ୍ଜାତି ମୁମ୍ଦ ସକଟ୍ ଆରି ସକଟ୍ ଦାରୁମ୍ କାରୁମ୍ ଆନାଡ଼ ।

୨

ମୁକ୍ତେଟ୍ ହୁଡ଼ଜି ବିଚାର୍

୧ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ଆସେଙ୍ଗ୍ ଜାଜ୍ମାଲ୍ନି ମାପୁ ଜିସୁ କ୍ରିସ୍ତାକେ ପାତ୍ କିଜି ମାଟିଲେ ମାନାୟ୍ତିଁ ମୁକ୍ତେଟ୍ କିମାଟ୍ । ୨ ଜନେକିଦେଁକି ଜଦି ହନା ଖାତୁସ୍ ଆରି ଜିଲ୍ମାଲ୍ ଆଜିଙ୍ଗ୍ କି ହେୟା ଉସ୍ପିସ୍ ଇମ୍ଣି ମାନାୟ୍ ମି କୁଟୁମ୍ ଇଞ୍ଜି ଖାତିସ୍, ଆରେ ରଞ୍ଜାନ୍ ଅକ୍ ଡ଼ ଲଗୁ କାନ୍ଞି ଆଜିଁ ଉସ୍ପିସ୍ ଖାତିସ୍, ୩ ଆରେ, ଏପେଙ୍ଗ୍ ଜିଲ୍ମିଲ୍ ହେୟା ଉସ୍ପିତି ମାନାୟ୍ତିଁ ମର୍ଜଦା କିଜି ଇନାଟ୍, “ଇବେ ହାଦିଁ ବାହାତ କୁଚେନ୍, ଆରେ ଅକ୍ ଡ଼ ମାନାୟ୍ତିଁ ଇନାଟ୍, ହେବେ ନିଲା, କି ତାରେନ୍ କୁଚେନ୍,” ୪ ତା ଆତିସ୍ ଏପେଙ୍ଗ୍ ଇନାକା ଜାର୍ ଜାର୍ ବିତ୍ତେ ହାରୁଗାଜା ଇଡ଼ଜି ମୁକ୍ତେଟ୍ ବେବାଟ୍ ଆରି ବାନ୍ୟା ବାବ୍ତେ ବିଚାର୍ କିନାଦେରା ।

୫ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ଖେନାଟ୍, ଇସ୍ବର୍ ଇନାକା ଇ ପୁତ୍ ତ ନଞ୍ଜରତ୍ ଅକ୍ ଡ଼ ଲକୁରିଁ ପାତ୍ ଲାକେ ଦନ୍ତ ମାଜାନ୍ ଆଦେଁ ବାଟି କିଞ୍ଜାତାନ୍ନା କି, ଆରେ ଜାର୍ ଜିଉନନାକାରିଁ ଇମ୍ଣି ରାଜି ହିନାନ୍ ହେବେନି ଆଦିକାର୍ ଆନି କାଜିଁ ପାର୍ମାଣ୍ ହିତାନ୍ନା, ହେବେନି ଆଦିକାର୍ ହିଦେଁ କାଜିଁ ବାଟି କିଞ୍ଜାତାନ୍ନା ? ୬ ମାତର୍ ଏପେଙ୍ଗ୍ ଅକ୍ ଡ଼ ମାନାୟ୍ତାରିଁ ଜିଉନଉଦେରା । ମାଜାନିଁ ଇନାକା ମି କାଜିଁ ଇନସ୍ତା କିଦୁର୍ ଆରି ଏପେଙ୍ଗ୍ ବିଚାଣ୍ଟା ବାହାତ ଜେଲ୍ଜି ଅଦୁର୍ ? ୭ ଇମ୍ଣି ଜିସୁ କ୍ରିସ୍ତ ତର୍ଦ୍ ଏପେଙ୍ଗ୍ ଡାକ୍ପୁଟା, ହେଞ୍ଜାନ୍ ଇନାକା ହେ ତର୍ଦ୍ ନିନ୍ଦା କିଉର୍ ?

୮ ଏପେଙ୍ଗ୍ ଜାର୍ ପାଡ଼ହାଲୁଗାଁ ଖାସ୍ତିଲାକେ ଜିଉନଞ୍ଜାଟ୍ ସାସ୍ବର୍ ଇ ରାଜାତି ବିଦି ଜଦି ହାଡ଼ପା କାମାୟ୍ ପାଲି କିନାଦେରା, “ତା ଆତିସ୍ ଏପ୍ ହାର୍ କାମାୟ୍ କିନାଦେରା ।” ୯ ମାତର୍ ଜଦି ମାନାୟ୍ତିଁ ମୁକ୍ତେଟ୍ କିନାଦେରା, ତା ଆତିସ୍ ଏପେଙ୍ଗ୍ ପାପ୍ କିନାଦେରା, ଆରେ ହେ ମସାତି ବିଦି ହୁଦାଁ ଦସି ଇଞ୍ଜି ପାର୍ମାଣ୍ ଆନାଦେର୍ । ୧୦ ଜନେକିଦେଁକି ଜନେର୍ ଖିଜୁ ମସାତି ବିଦି ପାଲି କିଜି କେବଲ୍ ରଞ୍ଜାଙ୍ଗ୍ ବିସ୍ତେ ଆସ୍ବାର୍, ବାଟିଙ୍ଗ୍ ହେଞ୍ଜାନ୍ ଖିଜୁ ମସାତି ବିଦି ଉଡ଼ାନି ଦସ୍ତ ତାଣ୍ ପାୟାନାନ୍ । ୧୧ ଜନେକିଦେଁକି ଇମ୍ଣି ଇସ୍ବର୍ ଦାରି କିମାଟ୍ ଇଞ୍ଜି ଇଞ୍ଜି ମାଞ୍ଜାର୍, “ହେଞ୍ଜାନ୍ ପା ନାଦିଁ ଅହ୍ନାଟ୍ ଇଞ୍ଜି ଇଞ୍ଜି ମାଚାନ୍,” ଲାଗିଁ ଏପେଙ୍ଗ୍ ଜଦି ଦାରି କିଞ୍ଜାଦାଁ ନାଦିଁ ଅହ୍ନାଦେର୍, ତେବେ ମସାତି ବିଦି ଉଡ଼ାନାକାଦେର୍ ଆତାଦେଣ୍ଟା ୧୨ ମୁକ୍ତାନି ଦିନ୍ ବିଦି ଲାହାଙ୍ଗ୍ ଜେ ଏପେଙ୍ଗ୍ ବିଚାର୍ କିୟାଆନାଦେର୍ ଇଦାଁ ପୁନ୍ଝି ହେ ଲାକେ କାତା ଇନାଟ୍ ଆରି କାମାୟ୍ କିୟାଟ୍ । ୧୩ ଜନେକିଦେଁକି ଜନେର୍ ବିନ୍ନିକାନିଁ ଦୟା କିଉନ୍, ଇସ୍ବର୍ତାଁ ଦୟା କିଉନ୍, ନିୟାୟ୍ ବିଚାର୍ ଜପି ଦୟାନେ ଜିଣା ଆନାନ୍ ।

ପାତ୍ ଆରି କାମାୟ୍

୧୪ ଏ ନା ଚଣ୍ଡାରୁ ଆରି ତଣ୍ଡେକାଦେର, ଜଦି ଇନେର ନା ପାତ୍ରି ମାନାଡ଼ ଇଞ୍ଜି ଇନାନ, ମାତର ତା କାମାୟ ମାନୁଡ଼, ଲାଗି ହେବେଶ୍ଟା ହେଖାନ୍ତି ଇନା ଲାବ୍ ? ଇ ଲାକେ ପାତ୍ରି ଇନାକା ଇନେରିଂ ମୁକ୍ତି କିଦେଙ୍ଗ୍ ଆଡ଼ନାଡ଼ କି ? ୧୫ ଜଦି ରଖାନ୍ ଚଣ୍ଡେନ୍ କି ତଣ୍ଡେଲ୍ ହେନ୍ଦା ଆରି ଦିନକେନି ନାସକି ଆନାଡ଼, ୧୬ ଆରେ ମି ବିତ୍ରେତାଂ ଇନେର ତାଙ୍ଗେଙ୍ଗ୍ ଗାଗାଡ଼ନି ଲଡ଼ାନି ଏଜୁଙ୍ଗ୍ ବିରକୁଲ୍ ହିଖାଦାଂ ଇନାନ, “ବିଖାହିଙ୍ଗ୍ ମାନା ଆରି ପାନ୍ତି ସୁସ୍ତା କିଜି ହାଲା,” ଲାଗି ହେବେ ଇନା ଲାବ୍ ? ୧୭ ହେ ଲାକେ ପା ପାତ୍ରି, କାମାୟ ପିସ୍ତି ନିଜେ ପାତ୍ରି ତ ହାକି ।

୧୮ ମାତର ଇନେର ପା ଇନାର ରଖାନ୍ତି ପାତ୍ରି ମାନାଡ଼, “ଆରେ ବିନ୍ ନିକାର୍ତି କାମାୟ ମାନାଡ଼, କାମାୟ ପାରେ ମି ପାତ୍ରି ନାଙ୍ଗେଙ୍ଗ୍ ଚଟ୍ଟାଟ୍ଟ, ଆରେ ଆନ୍ କାରୁମ୍ ଲାହାଙ୍ଗ୍ ମିଙ୍ଗେଙ୍ଗ୍ ନା ପାତ୍ରି ଚଟ୍ଟନାଙ୍ଗ୍ ।” ୧୯ ଇସ୍ପର ଜେ ରକାନ ମାତର, ଇଦାଂ ଏପେଙ୍ଗ୍ ପାତ୍ରି କିନାଦେରା ଜେ ହାର କାତା, ପୁଦାଙ୍ଗ୍ ପା ପାତ୍ରି କିଜି ପାଣ୍ଡୁତିଂ ତ୍ରିଗ୍ତି ହାନିକ୍ । ୨୦ ମାତର ଏ ନିରବୁଦିୟା ମାନାୟ କାମାୟ ପିସ୍ତି ପାତ୍ରି ଜେ ପଲ୍ୟା, ଇଦାଂ ଇନାକା ପୁନ୍ଧାତାୟନା ? ୨୧ ମା ଆବା ଲାତ୍ରା ଅବ୍ରାହାମ୍, ଇସ୍ପରତି କାଶକୁତ ଇନେସ୍ ଦାମ୍ ଇଞ୍ଜି ଇନ୍ୟାଜି ମାଚାନ ? ହେଖାନ୍ କାମାୟ ହୁକେ ଦାମ୍ ଇନ୍ୟା ଆତାନ, ଏଚେକାଡ଼ଦ ହେଖାନ୍ ତା ମାଜି ଇସ୍ତହାକ୍ତିଂ ଗାର୍ଣି ଜପି ପୁଜା କିତାନ । ୨୨ ଇନାକା ଏପେଙ୍ଗ୍ ବୁଜା ଆଡ଼ଦେରା ? ଜେ ଅବ୍ରାହାମ୍ ପାତ୍ରିନି ତା କାମାୟ ତାଙ୍ଗ୍ ମାଚାଡ଼ ଆରେ କାମାୟ ଲାହାଙ୍ଗ୍ ପାତ୍ରି ବାତ୍ରି ମାଚାଡ଼ । ୨୩ ହେବେତାଂ ସାସ୍ପରତ ଇ ବଚନ୍ ପୁରା ଆତାଡ଼, “ଅବ୍ରାହାମ୍ ଇସ୍ପରତାକେ ପାତ୍ରି କିତାନ । ଆରେ ତା କଚଣ୍ଡତ ହେଦାଂ ଦାମ୍ ଇଞ୍ଜି ଗାଣାକିୟାନାଡ଼,” ଆରେ ହେଖାନ୍ ଇସ୍ପରତି ହାଙ୍ଗ୍ଦାକାନ ଇଞ୍ଜି ତାକ୍ପୁଟାତାନ । ୨୪ କେବଲ୍ ପାତ୍ରି ଲାହାଙ୍ଗ୍ ମାନାୟ ଦାମ୍ ଇଞ୍ଜି ଗାଣାକିୟାଖାଦାଙ୍ଗ୍ କାମାୟ ହୁକେ ଜେ ଇନେର ଦାମ୍ ଇଞ୍ଜି ଗାଣାକିୟାନାନ, ଇଦାଂ ଏପେଙ୍ଗ୍ ହୁଡ଼ନାଦେରା ।

୨୫ ହେ ଲାକେ ପା ରାହାବ୍ ପାଦରା ତ୍ତୁକ୍ତି ଚଟ୍ଟକ୍ତାଂ ହେବା କିଜି ବିନ୍ ହାଜି ହିଜି ହେଖାରିଂ ପକ୍ତିଲେ ଇନାକା କାମାୟ ହୁଦାଂ ଦାମ୍ ଗାଣାକିୟାଖାତାନ ?

୨୬ ଇନେକିଦେଂକି ଜିବୁନ୍ ପିସ୍ତି ଗାଗାଡ଼ ଇନେସ୍ ହାକି, ହେ ଲାକେ କାମାୟ ପିସ୍ତି ପାତ୍ରି ପା ହାକି ।

୩

ୱେୟୁଲ୍ ନି ଉତ୍ତରମୁଡ଼

୧ ଏ ନା ଚଣ୍ଡାରୁ ଆରି ତଣ୍ଡେକ୍, ଏପେଙ୍ଗ୍ ଆଦିକ୍ ଗୁରୁର୍ ଆମାଟ୍; ଇନାକିଦେଂକି ଏପେଙ୍ଗ୍ ପୁନାଟ୍ ଜେ, ମା ଲାକେ ହିକ୍ୟା ଗୁରୁର୍ ବାଦୁଲ୍ ବାଟା ଆଟ୍ଝା ବାବ୍ରେ ବିଚାଡ଼ ଆନାର । ୨ ଲାଗି ଆପ୍ ଝିଜାସ୍ ଆଦିକ୍ ବିସ୍ତେ ପାପ୍ କିନାସ୍ । ଜଦି ଇନେର ବଚନ୍ତ ଇନେସ୍ ଉଜୁନ୍ ବାଟିଙ୍ଗ୍ ହେଖାନ୍ ହାର ମାନାୟ, ଝିଜାର୍ ଗାଗାଡ଼ତିଂ ପା ଜାର୍ତିଂ ଇଟ୍ଦେଂ ଇଚା । ୩ ଆପ୍ ଗଡ଼ାକାଂ ରବେ କିନି କାଜିଂ ହେଝେକ୍ ଝେଇଦ ବାକାର୍ ଗାଟ୍ଟିସ୍, ତାପାରେ ହେଝେକ୍ତି ଗାଗାଡ଼ ପା ବୁଲାୟ କିଦେଙ୍ଗ୍ ଆଡ଼ନାସ୍ । ୪ ହୁଡ଼ାଟ୍, ଜାଜ୍ ପା ଏଚେ ଗାଜା ଆଜି ପା ଗାଜା ତ୍ତୁକ୍ତି ଚାଲା ଆତିସ୍ପା ର ଆଦିକ୍ ହିରୁ ହାଟ୍ଝା ଲାହାଙ୍ଗ୍ ଆକ୍ସା ଦାରାନି ଇଚା ଲାହାଙ୍ଗ୍ ବୁଲାୟ କିୟାଆନାଡ଼ । ୫ ଇଦାଂ ପା ର ଉତ୍ତର ମୁଡ଼ ୱେୟୁଲ୍ କାଜିଂ ଇନ୍ୟାନି ଜଗ୍ । ହେଦାଂ ହାଟ୍ଟି ଆତିସ୍ପା ଗାଜା ଗାଜା କାତା ଇଞ୍ଜି ଗରବ୍ କିଦେଂ ଆଡ଼ନାଡ଼ । ହୁଡ଼ାଟ୍ ଏଚେକ୍ ହିରୁ ନାଣି ପିସ୍ତି ଲାହାଂ ଏଚେ ଗାଜା ରାନ୍ତପା ନାଣି କାଟା ଆନାଡ଼ । ୬ ୱେୟୁଲ୍ ନାଣି ଲାକେ, ବେସି ବାନ୍ୟା ବିସ୍ତେ ଜଗଡ଼ତ ବାତ୍ରି; ଆରେ ହେଦାଂ ମା ଗାଗାଡ଼ ବିଚାଡ଼ତ ମାଟିଲେ ବାନ୍ୟା କୁଟୁମ୍

ମେଙ୍ଗୁଳି ମା ଓଜାର ମାନାୟାର ବାନ୍ୟା କିନାଡ଼ । ଖେମୁଲ୍ଲି ନରକ ନାଣିତ ମା ସବୁ ଜିବୁନତି କାତି କିନାଡ଼ । ୭ ଇନେକିଦେଂକି ଓଜୁ ବାନି ପସୁ, ପଟିଙ୍ଗ ରାଙ୍ଗାନିକି ଆରି ଏଜୁକାଂ ମାନି ଜାଡ଼କୁକାଂ, ମାନାୟ ହୁଦାଂ ନିଜ ତଲ୍ୟା କିଜି ଇଟୟା ଆନାଡ଼, 「ମାତର ଖେମୁଲ୍ଲି ଇନେର ଇଟଦେଂ ଆଡୁନ, ବାନ୍ୟା କିନାକାତା ତା ଜମନାକା ଆକାୟ ଜିବୁନସୁ ବିସତ ହେଦାଂ ବାତ । ୯ ତା ପାତେ ଆପ ମାପୁ ଆରି ଆବାତି ଦନ୍ୟବାଦ କିଜି ମାନାସ, ଆରେ ତା ପାତେ ଇସ୍ବରତି ତା ଲାକେ ଉଦ୍‌ଜାଣ ମାନାୟତିଙ୍ଗ ରାଣ ହିଜି ମାନାସ ୧୦ ର, ଖେଇଦାଂ ଦନ୍ୟବାଦ ଆରି ରାଣ ହଡ଼ନାଡ଼ । ଏ ନା ଟଣ୍ଡାର ଆରି ତଣ୍ଡେକ, ଇ ଲାକେ ଆନାକା ହାର ଆକାୟ । ୧୧ ହଓଜାରାଣ ଇନାକା ର ହାଜି ହିଜି ହଓଦ ଆରି କେନାକା ରିବାନି ଏଜୁକାଂ ହପନାଡ଼ ? ୧୨ ଏ ନା ଟଣ୍ଡାର ଆରି ତଣ୍ଡେକ, ତଗା ମାର ଇନାକା ଜିଡ଼ ପାଡ଼, କି ଅଜୁର ମାରତ ଇନାକା ତଗା ପାଡ଼ ଆସ୍ତେଙ୍ଗ ଆଡ଼ନାଡ଼ ? ହେ ଲାକେ କାରୟା ଜାରାଣତ ହଓଦ ଏଜୁକାଂ ହିଦେଂ ଆଡୁଡ଼ ।

ସାଗେତାଂ ଖାନି ଗିୟାନ୍

୧୩ ମି ବିତ୍ରେ ଗିୟାନି ଆରି ବୁଦିକାରୟା ଇନେର ମାନାନ୍ ? ହେଖେନ୍ ଗିୟାନିକାନ୍ ହୁଦାର ଲାହାଙ୍ଗ ଆଚାର ବେବାର ହୁକେ ଜାର କାମାୟ ହପେନ୍ । ୧୪ ମାତର ଜଦି ମି ଖାସ୍ତିତ କେନାକା ବେସି ରିସା, ଜାତଂ ହୁଡ଼ନାକାନ୍ ଆରି ଗିଣ୍ ବାବନା ମାନାଡ଼, ତା ଆତିସ୍ ହାଡ଼ପା ବିରୁଡ଼ତ ଗରବ୍ କିମାଟ୍ ଆରି ମିଟ୍ ଇନମାଟ୍ । ୧୫ ଇ ଲାକେ ଗିୟାନ୍ ସାଗେତାଂ ଖାଖାତାଡ଼ନା, ମତର ହେଦାଂ ଜଗଡ଼ତାଂ, ଗାଗାଡ଼ତାଂ ଆରି ପୁଦାଂତି ଆନାଡ଼; ୧୬ ଇନେକିଦେଂକି ଇମ୍‌ଣି ବାହାତ ରିସା ଆରି ଗାବଂ ମାନାଡ଼, ହେ ବାହାତ ଓଜୁ ବାନି ଗଣ୍‌ଗଲ୍ ମାନାଡ଼ । ୧୭ ମାତର ଜପିତାଙ୍ଗ ଖାତି ଗିୟାନ୍ ପର୍ତ୍ତମ ପୁଇପୁୟା, ପାତେ ସୁସ୍ତାଖାରି, ହୁଦାର, ପା ଦୟା ହାରଦି ପାଡ଼ଦ ପୁରାବାତଂ, ମୁକ୍‌ମେଟ୍ ଆରି ଗିଣ୍ ଆକାୟ । ୧୮ ଆରେ, ସୁସ୍ତାନିକାନ୍ ମାନାୟାର ହୁଦାଂ ସୁସ୍ତାନି ବିୟାନ୍ ଓଡ଼ତ୍ୟାନାଡ଼ ଆରି ଦାମଂନିକା ଲାକେ ପାଡ଼ ତ୍ରେସନାର ।

୪

ଇସ୍ବରତି ଲାଗେ ଆନାସ

୧ ମି ବିତ୍ରେ ଜୁଜ୍ ଆରି ଟେସକେ ମେସକେ ଇନେକିଦେଂ ଆନାଡ଼ ? ମି ଖାସ୍ତିତ ଲାଗାଜି ମାନି ଦାର୍ଜା ନେ ଇଦାଂ ନି ମୁଡ଼ ବିସ୍ତେ । ୨ ଏପେଙ୍ଗ ଆହା କିଜି ମାନାଦେର; ମାତର ପାୟା ଆଉଦେର; ଏପେଙ୍ଗ ଅହନାକା ଆରି ତାରା କିଜି ମାନାଦେର, ମାତର ପାୟାଦେଂ ଆଡୁଦେର; ଏପେଙ୍ଗ ଟେସକେ ମେସକେ ଆରି ଜୁଜ୍ କିଜିମାନାଦେର; ଏପେଙ୍ଗ ଗାଗା ଆଉଦେର, ଇନେକିଦେଂକି ଏପେଙ୍ଗ ଇସ୍ବରତି ଏନୁଦେର; ୩ ଏପେଙ୍ଗ ଏନ୍ତାନାଦେର, ମାତର ପାୟା ଆଉଦେର ଇନେକିଦେଂକି ଜାର ଜାର ସୁକ୍‌ଆହାତ କର୍ତ୍ତ କିନି କାଜିଂ ବାନିୟା ଆହାତ ଏନ୍‌ନାଦେରା । ୪ ଏ ଦାରୁଲାର, ଜଗଡ଼ିନି ବନ୍ଧୁ ଇସ୍ବରତି ସାଡୁ ଇଦାଂ ଇନାକା ପୁନୁଦେରା ? ଲାଗିଂ, ଜେ ଇନେର ଜଗଡ଼ତ ବନ୍ଧୁ ଆଦେଂ ମାନ୍ କିନାନ୍, ହେଖାନ୍ ଜାରତିଂ ଇସ୍ବରତିଂ ସାଡୁ ଇଞ୍ଜି ହନାଡ଼ । ୫ ଏପେଙ୍ଗ ଇନାକା ଦରମ୍ ସାସ୍ବର ଇ ବଚନତିଙ୍ଗ ପଲ୍ୟା ଇଞ୍ଜି ମାନେ କିନାଦେରା, “ଇମ୍‌ଣି ଜିବୁନତିଂ ଇସ୍ବର ମା ବିତ୍ରେ ବାହା କିଦେଙ୍ଗ ହିଡ଼ତାନ୍ନା, ହେଖେନ୍ ମାକେଙ୍ଗ ପୁରା ଆଦିକାର୍ କିନି କାଜିଙ୍ଗ ରବେ ଇଚା କିନାନ୍,” ୬ ମାତର ହେଖେନ୍ ପା ଆଦିକ୍ ଉପକାର୍ ଦାନ୍ କିଦନାନ୍; ଲାଗିଂ ସାସ୍ବରତ ହେଦାଂ ଲେକା ମାନାଡ଼ “ଇସ୍ବର ଆକ୍ରିୟାରିଂ ବିରୁଡ଼ କିନାନ୍ ମାତର ହୁଦାର ମାନାୟାରିଂ ଉପକାର୍ ଦାନ୍ କିନାନ୍ ।”

୭ ଲାଗିଂ ଏପେଙ୍ଗ ଇସ୍ତ ଲାଗାଂ ଜାତଂ ହେଲ୍ଲାଇ କିୟାଟ୍ । ସୟତାନତିଂ ବାହାହିମାଟ୍, ତାଆତିସ୍ ସୟତାନ ମି କଟଣ୍ଡାଙ୍ଗ ହାନାଟ୍ । ୮ ଇସ୍ତ ଲାଗାଂ ଆତ, ହେବେ ହେଖେନ୍ ମି ଲାଗାଂ ଆନାନ୍ । ଏ ପାପିୟାର୍, ମି କେଇ ସକଟ୍ କିୟାଟ୍, ଆରେ ଏ ରିମାନ୍ୟା କାଦେର୍, ମି ମାନତିଂ ନିର୍ମଲ୍ଲ କିୟାଟ୍ । ୯ ବିତ୍ରେଦୁକ୍ ଆରି ଏଡ଼କିଜିକ୍ ଆଡ଼ବାନାର୍, ମି ଅପମାନ୍ ବାତ ଆୟେଡ୍; ମି ଖାରି ଖାରିହିଲ୍ଲିତ ବାତ ଆୟେଡ୍ । ୧୦ ମାପୁତି ମୁମ୍ଦ ଜାର୍ ଜାର୍ତି ତଲ୍ୟା କିୟାଟ୍, ତାଆତିସ୍ ହେଖାନ୍ ମିଙ୍ଗେଙ୍ଗ ଉଡ଼ କିଦନାନ୍ ।

ଲକାରତି ବିଚାର କିମାଟ୍

୧୧ ଏ ଟଣ୍ଡାକାଦେର୍ ଆରି ତଣ୍ଡେକାଦେର୍, ଏପେଙ୍ଗ ହାରି ବିରୁଡ଼ ଆମାଟ୍; ଇନେର୍ ଟଣ୍ଡେନିଙ୍ଗ ବିରୁଡ଼ କିନାନ୍ କି ଟଣ୍ଡେନି ବିଚାର କିନାନ୍, ହେଖାନ୍ ବିଦିନି ବିରୁଡ଼ କିନାନ୍ ଆରି ହେବେନି ବିଚାର କିନାନ୍; ମାତର୍ ଏପେଙ୍ଗ ଜଦି ବିଦିନି ବିଚାର କିନାଦେରା, ତା ଆତିସ୍ ଏପେଙ୍ଗ ବିଦି ପାଲି କିନାକା ଆଖାଦାଂ ହେବେ ବିଚାରକାରୟା ଆନାଦେର୍ । ୧୨ ବିଦିନିକାନ୍ ଆରି ବିଚାର କିନାକାନ୍ ରକାନ୍ ମତର୍ ଇସ୍ତର୍, ହେଖେନ୍ ରାକ୍ୟା ଆରି ନସୁକିଦେଂ ଆଡ଼ନାନ୍; ମାତର୍ ଜାର୍ ଲକ୍ଷ୍ମିଂ ବିଚାର କିନାଦେରା ଜେ ଏପେଙ୍ଗ, ଏପେଙ୍ଗ ଇନେର୍ ?

ଗରବ୍ କାଜିଂ ଚେଡ଼ନା

୧୩ ନଙ୍ଗ୍ ହୁଡ଼ାଟ୍, ଇମ୍ପାକାର୍ ଇନାଦେରା, “ନେଙ୍ଗେଙ୍ଗ୍ କି ଖିଗା ଆସେଙ୍ଗ୍ ଅମ୍ବ ବସ୍ତିତ ହାନାପ୍ ଆରି ହେବେ ର ବାହୁଁ ପାତେକ୍ ମାନଞ୍ଜି ବେପାର୍ବାଟ୍ କିଜି ଲାବ୍ କିନାପ୍, ” ୧୪ ମାତର୍ ଖିଗା ମି ଜିବୁନ୍ତ ଇନାକା ଗିଟାଆନାଟ୍, ହେଦାଂ ତ ଏପ୍ ପୁନୁଦେର୍ ! ମି ଜିବୁନ୍ ଗୁକଟା ଲାକେ, ଦାପ୍ରେ ଚଞ୍ଜୟାଜି ପାଚେ ଚାନେକ୍ତିଂ ଉମ୍ପାଜି ହାନାଟ୍ । ୧୫ ଲାଗିଂ ମିଦାଂ ଇନାକା ମାନାଟ୍, “ମାପୁତି ଇଚା ଆତିସ୍ ଆପ୍ ଜିବୁନ୍ ମାନଞ୍ଜି ଇଦାଂ କିନାସ୍ କି ହେଦାଂ କିନାସ୍, ଇ ଲାକେ ଇନାସ୍ ମି ଲଡ଼ା । ” ୧୬ ମାତର୍ ନଙ୍ଗ୍ ଏପେଙ୍ଗ୍ ଜାର୍ ଜାର୍ ଆକ୍ରିୟା ବାହେ ଗରବ୍ କିନାଦେରା; ଇବାନି ଗରବ୍ ବାନିୟା ଆନାଟ୍ ।

୧୭ ଲାଗିଂ, ଇମ୍ପା ମାନାୟ୍ ଇମ୍ପା ହାରଦି କାମାୟ୍ କିନି ଲଡ଼ା ଇଞ୍ଜି ପୁନ୍ଞି ପା ହେଦାଂ କିଉନ୍, ହେଖାନ୍ ପାପ୍ କିନାନ୍ ।



ମାଜାନ୍ ମାନାୟାର୍ କାଜିଂ ଚେଡ଼ନା

୧ ନଙ୍ଗ୍ ହୁଡ଼ାଟ୍, ଏ ହାଉକାରିଂ, ମି ଖାନି ଦୁକ୍ କାଜିଙ୍ଗ୍ ଆଡ଼ବିସ୍ ଆରି ଦୁକ୍ ଆତ । ୨ *ମି ଦାନ୍ ଖିସ୍ତି ଖାତାତେ, ମି ହେନ୍ଦା ଲିମ୍ପ୍ ଚିଚାତେ, ୩ ଆରେ ମି ହନା ଆରେ ରୁପା ପ୍ରାଲ୍ ଆସ୍ତାତେ; ହେବେତାଂ ପ୍ରାଲ୍ ମି ବିରୁଡ଼ତ ସାକି ହିନାସ୍ ଆରି ନାଣି ଲାକେ ମି ଜେଇ ତିଞ୍ଜନାଟ୍ । ଇ ଖିସ୍ତି ଦିନ୍ତ ଏପେଙ୍ଗ୍ ଦାନ୍ ଇସ୍ପାତାଦେର୍ଣ୍ଣା ! ୪ ଖେନାଟ୍ ମି ବାଡ଼ଦ ତାସ୍ ତ୍ରେଜନାକାରିଂ ବୁଡ଼ିତାରୁଙ୍ଗ୍ ହିଞ୍ଜାତାଦେର୍ଣ୍ଣା । ହେଖାରିତି ଏପ୍ ଇମ୍ପା ମୁଡ଼୍ ହିଦ୍‌ଖାତାଙ୍ଗନା ହେଦାଂ ବିଲ୍‌କିଆନାରା, ଆରେ ତାସ୍ ତ୍ରେଜନାକାର୍ତି ରୁଣ୍ଡାୟ୍ ଦାନ୍ ଖିଜେଡ଼ିଂ ପୁନି ମାପୁ ଇସ୍ତର୍ ଖେଚାନ୍ନା । ୫ ଇ ଜଗଡ଼ତ ମି ଜିବୁନ୍ ଦାର୍ଜାତ ବଗ୍ କିନାଦେରା ହାନି ଦିନ୍ତିନି ପସୁ ଲାକେ ଏପ୍ ମାନ୍ତ ଦୁମା ଆତାଦେର୍ଣ୍ଣା । ୬ ଏପେଙ୍ଗ୍ ଦାମ୍‌ଙ୍ଗ୍ ଦସ୍‌ହିଞ୍ଜି ଲଗାଂ ଦସ୍‌ଆହି କିଜି ରୁଟାଦେର୍ଣ୍ଣା; ହେଖାଟ୍ ମିଙ୍ଗେଙ୍ଗ୍ ଦସ୍ କିଦୁଖାତାଣ୍ଣା ।

ସାସ୍ ଆସ୍ତି ପାର୍ତାନା କିୟାଟ୍

* ୫:୭ ୫:୭ ମାତିର ୭:୧୯.

^୭ ଇତିସ୍, ଏ ଟଣ୍ଡାର୍ ଆରି ତଣ୍ଡେକାଦେର୍, ମାପୁତି ଖାନି ପାତେକ୍ ସାସ୍ ଆସ୍ତି ମାନାଟ୍ । ହୁଡ଼ାଟ୍ କାମଲିୟା ମେନ୍ଦିତ ଦାମ୍‌କିୟା ପାଡ଼୍ ଗାଟାଆନି କାଜିଙ୍ଗ୍ ସାସ୍ ଆଜି ଆଗେ ଆରି ଝିଜ୍‌ନି ବାର୍‌ହା ଆଞ୍ଜି ପାତେକ୍ କାସି ମାନାନ୍ । ^୮ ଏପେଙ୍ଗ୍ ପା ସାସ୍ ଆଜି ଜାର୍ ଜାର୍ ଖାସ୍ତି ସୁସ୍ତା କିୟାଟ୍, ଇନେକିଦେଂକି ମାପୁତି ଖାନିଦିନ୍ ଲାଗାଂ ।

^୯ ଏ ଟଣ୍ଡାର୍ ଆରେ ତଣ୍ଡେକାଦେର୍, ଏପେଙ୍ଗ୍ ଇନେସ୍ ତାଣ୍ଡ ପାୟା ଆମାଟ୍, ଇଦାଂ କାଜିଙ୍ଗ୍ ହାରି ବିରୁଡ଼ତ ଗାଣ୍ଡୁ କିମାଟ୍, ହୁଡ଼ାଟ୍ ବିଚାରକିନାକାନ୍ ଦୁଝେର୍ ଲାଗାଂ ନିଲ୍‌ତାନ୍ନା । ^{୧୦} ଏ ଟଣ୍ଡାର୍ ଆରେ ତଣ୍ଡେକାଦେର୍ ଇମ୍‌ଣି ବେଣ୍‌ବାକ୍‌ଶାୟ୍‌କିନାକାର୍ ମାପୁତି ତରଦାଂ କାତା ଇଞ୍ଜି ମାଚାର୍, ହେଞ୍ଜାରିଂ ଏଡ଼ କିୟାଟ୍ । ଦୁକ୍ ବଗ୍ ଝେଡ଼ାଲିଂ ସାସ୍ ଆରି ହୁଦାର୍ ଆତିଲେ ହେଞ୍ଜାର୍ ମିଦାଂ ଉତର୍‌ମୁଡ଼୍ ଲାକେ ଆନାର୍ । ^{୧୧} ହୁଡ଼ାଟ୍, ଇମ୍‌ଣାକାର୍ ଦାମ୍ ଆଜି ମାଚାର୍, ଆସେଙ୍ଗ୍ ହେଞ୍ଜାରିଂ ଦନସ୍ ଇଞ୍ଜି ଇନାସ୍ । ଏପେଙ୍ଗ୍ ଆୟୁବତି ଦାମ୍ ବିସ୍ତେ ଝେଚାଦେଣ୍ଟା । ଆରେ ମାପୁତି ଝିସ୍ତି କାମାୟ୍ ହୁଡ଼ଜି ପୁଚାଦେଣ୍ଟା ଜେ, ହେଝେନ୍ କାର୍ମାତାଙ୍ଗ୍ ବାତର୍ ଆରି ଝାରିନିକାନ୍ ଆନାନ୍ ।

^{୧୨} ଲାଗିଂ, ଏ ନା ଟଣ୍ଡାର୍ ଆରି ତଣ୍ଡେକାଦେର୍, ପାର୍ମାଣ୍ କିମାଟ୍ ସାଗେନି ପାର୍ମାଣ୍ ଆଏଡ଼ କି ପୁତର୍ ନି ପାର୍ମାଣ୍ ଆଏଡ଼, ବିନ୍ ଇମ୍‌ଣାକା ପା ବିସ୍ତେ ଅଜି ପାର୍ମାଣ୍ ଆଏଡ଼; ମାତର୍ ମିଦାଂ “ଆଁ” କାତା ଆଁ ଆଏଡ଼, “ଆକାୟ୍” କାତା ଆକାୟ୍ ଆଏଡ଼, ଇନେସ୍‌କି ଏପେଙ୍ଗ୍ ବିଚାର୍‌ତ ତାଣ୍ଡ ପାୟା ଆମାଟ୍ ।

^{୧୩} ମି ବିତ୍ରେ ଇନାକା ଇନେର୍ କସ୍ ବଗି କିନାନା ? ହେଝେନ୍ ପାର୍ତାନା କିଏନ୍ । ଇନେର୍ ଇନାକା ଝାରିନିକାନ୍ ଆନାନ୍ ? ହେଝେନ୍ ଝାରିନିକା କେରକଣ୍ କେରେନ୍ । ^{୧୪} *ମି ବିତ୍ରେ ଇନାକା ଇନେର୍ ବେମାର୍ ? ହେଝେନ୍ ମଣ୍ଡଲିନି ପ୍ରାତିନାରିଙ୍ଗ୍ କୁକ୍‌ତି; ହେଞ୍ଜାର୍ ମାପୁତି ତରଦାଂ ଚିକାଣ୍ କାସ୍‌ଦି ତା କାଜିଙ୍ଗ୍ ପାର୍ତାନା କିୟେର୍ । ^{୧୫} ପାତର୍ ମେହା ପାର୍ତାନା ହେ ବେମାର୍‌ନିକାନିଙ୍ଗ୍ ରାକ୍ୟା କିନାଟ୍, ଆରେ ମାପୁ ତାଙ୍ଗ୍ ନିକ୍‌ନାଟ୍; ଆରେ ଜଦି ହେଝେନ୍ ପାୟ୍ କିଜି ମାନାନ୍, ତା ଆତିସ୍ ତାଙ୍ଗ୍ କେମା ହିଆନାଟ୍ । ^{୧୬} ଲାଗିଂ, ହାରି ଲାଗାଂ ଜାର୍ ଜାର୍‌ତି ପାୟ୍ ଏଡୁକିୟାଟ୍, ଆରେ ଉଜ୍ ଆନି କାଜିଙ୍ଗ୍ ହାରି କାଜିଂ ପାର୍ତାନା କିୟାଟ୍ । ଦାମ୍ ମାନାୟ୍‌ତିଂ ସାକ୍ତି ପାର୍ତାନା ଆଦିକ୍ କାମାୟ୍‌ତ ଲାଗାଦେଂ ଆଡ଼ଦାନାଟ୍ । ^{୧୭} ଏଲିୟା ମା ଲାକେ ସୁକ୍ ଦୁକ୍ ମାନାୟ୍ ମାଚାନ୍; ବାର୍‌ହା ଆଞ୍ଜି କାଜିଙ୍ଗ୍ ହେଞ୍ଜାନ୍ ର ମାନ୍ତ ପାର୍ତାନା କିତାନ୍, ଆରେ ତିନି ବାହୁଁ ଚ ମାସ୍ ପାତେକ୍ ପୁତର୍ ତ ବାର୍‌ହା ଆଞ୍ଜାତାଟ୍; ^{୧୮} ହେଝେନ୍ ଆରେରଗ ପାର୍ତାନା କିତିଲେ ବାଦାଡ଼ତାଂ ବାର୍‌ହା ଆତାଟ୍, ଆରେ ପୁତର୍ ତ ଆରେରଗ ପାଡ଼୍ ଉବ୍‌ଜା ଆତାଟ୍ ।

^{୧୯} ଏ ନା ଟଣ୍ଡାର୍ ଆରି ତଣ୍ଡେକାଦେର୍, ମି ବିତ୍ରେ ଜଦି ଇନେର୍ ହାଡ଼୍‌ପା ହାଜିଡ଼ାଙ୍ଗ୍ ବାଶାନାନ୍, ଆରେ ଇନେର୍ ତାଙ୍ଗେଙ୍ଗ୍ ତାହିଞ୍ଜାନାନ୍, ^{୨୦} *ଲାଗିଂ ଇନେର୍ ପାପିଙ୍ଗ୍ ବାନିୟା ହାଜିଡ଼ାଙ୍ଗ୍ ତାହିଞ୍ଜାନାନ୍, ହେଝେନ୍ ଜେ ତା ଝାସ୍ତିଂ ହାକିତାଂ ରାକ୍ୟା କିନାନ୍ ଆରି ବେସି ପାୟ୍ କେମା ଆନାଟ୍ ଇଦାଂ ପୁନାଟ୍ ।

ପିତର ଲେଖିତ୍ୱା ପ୍ରଥମ ପତ୍ର ପିତର ଲେକିକିତି ପର୍ତ୍ତୁମ୍ ଆକି ପିତରତି ପର୍ତ୍ତୁମ୍ ଆକିନି ପାଦେକ୍

ପିତରତି ପର୍ତ୍ତୁମ୍ ଆକି ପକ୍ୟାତି ପିତର ଲାହାଂ ଲେକାଜି ମାଗାଡ଼ । ପିତର ହେଖାନ୍ ଇନେନ୍ ଆରି “ହେଖାନ୍” ଇନେରିଂ ଇ ଆକି ଲେକିକିନାନ୍ ହେ ବିସ୍ତେ ଇଞ୍ଜି ଆକି ଲେକିକିନାନ୍ । ହେଖାନ୍ ଇ ଆକିତ ସବୁ ଲଗୁ କ୍ରିଷ୍ଟିନାରିଂ ଖାରି କିଜି ଆକି ଲେକିକିନାନା । ୧:୧; ୧:୧୭ ଆରି ୨:୧୧ ହେଖାନ୍ ତା ଲେକାମାନାକାରିଂ ଏଲେଂ ବାନି ଖାରି କିଜି ଲେକିକିନାନ୍, “ଇନାକିଦେଂକି ହେଖାନ୍ ବିନ୍‌ବିନ୍ ଦେସ୍ତୁ ଜେତେକେତେ ଆଜି ମାଗାଡ଼ ।”

ଇନାକିଦେଂକି ଇ ଆକି ବାଗତ ଏପିସିୟ ଫଣ୍ଟିଲି ଲାଗାଙ୍ଗ୍ ପାଉଲ୍‌ତି ଆକି ଲାକେ ଆନାଡ଼ । ଏଚେଜାଣ୍ ପାତ୍ କିତାର ଜେ, ପର୍ତ୍ତୁମ୍ ପିତର ଜିସୁକ୍ରିସ୍ତୁତି ଜଲମ୍‌ନି ୬୫ ବାହୁଁ ପାଚେ ଲେକାଆଜି ମାଗାଡ଼ । ପିତର ଇ ଆକି ରମ୍‌ତାଂ ଇନାକା କି ଏଖାନ୍ ବାବିଲ୍ ଇଞ୍ଜି ଇନାର ହେବେତାଂ ହେଖାନ୍ ଲେକିକିଜି ମାଗାନ୍ ୫:୧୩ ।

ପିତର ଇ ଆକିତ ଲେକିକିତାନ୍ନା ଜେ, ଇ ଆକିନି ଇନାକା ମିଙ୍ଗେଙ୍ଗ୍ ସାସ୍ ହିନି କାଜିଂ ଆରି ଇସ୍ତରତି ହାଡ଼ପା ଉପକାର ପରିକ୍ୟା କିନାକା ୫:୧୨ । ଇବେ ବେସି ସମାନ୍ ମାନାଡ଼ ୧ ପିତର ୨:୧୧; ୩:୭, ଏପିସିୟ ୫:୧୮-୬:୯ ଆରି କଲସିୟ ୩:୧୮-୪:୭ । ଇ ତିନ୍‌ଗଟା ଆକିନି ଖିଜୁ ପାଡ଼ତ ମେହାଣ୍ ଆରି ଆଦିକାର ବିସ୍ତେ ବଲ୍ ହିନାଡ଼ । ହାରିହାରା ସମୁ ଏକାଖାତିଲେ କସ୍ତୁ ସମୁ ପା ହାରିକିଜି ତିର ମାଞ୍ଜେଙ୍ଗ୍ କ୍ରିଷ୍ଟିୟାନ୍‌ରିଂ ସାସ୍ ହିନାନା ୪:୧ ।

ପତି ବିତ୍ତେନି ରାହାଣ୍

- ୧. ପିତର ହେଖାନ୍ତି ପତି କିନାକାରିଂ ଜାର୍‌ତି ଜାଣାତିନା କିନାନ୍ ୧:୧-୨
- ୨. ପିତର ଇସ୍ତରତିଂ ଦନ୍ୟବାଦ୍ ହିନାନ୍ ଜେ, ଖିଜାକାର ଇସ୍ତରତି ମୁକ୍ତାନିତାକେ ମେହାଆଜି ହେଖାନ୍ତି ଜିବୁନ୍‌ନି ର ହାଜି ୧:୩-୨:୧୦
- ୩. ପାଚେ ପୁତ୍ ତ ଇନେସ୍ ହାର୍ କିଜି ଜିଆନାଡ଼ ଆରି ଆଣ୍ଡା ଆରି କଗ୍‌ଲେ, ମାପୁ ଆରି ଆଡ଼ିଏନ୍ ବିତ୍ତେ ଇନେସ୍ ମେହାଣ୍ ଇଡ଼ଦେଂ ଆନାଡ଼ ହେଦାଂ ବଲ୍ ହିନାନା ୨:୧୧-୪:୧୧
- ୪. ଇଦାଂ ପାଚେ ପିତର କସ୍ତୁ ଖେଡ଼ାଲିଙ୍ଗ୍ ତିର କିଜି ମାନ୍ୟାନାଡ଼ ହେ ବିସ୍ତେ ସାସ୍ ହିନାନା ୪:୧୨-୫:୧୧
- ୫. ହେଖାନ୍ତି ଲେକିକିନାକା ଖିସ୍ତାନ୍ ୫:୧୨-୧୪

୧ ଆନ୍ ପିତର ଜିସୁ କ୍ରିସ୍ତୁତି ରଖାନ୍ ପକ୍ୟାତାକାନ୍, ପନ୍ତ, ଗାଲାତିଆ, କାସ୍ତାଦକିଆ, ଆସିଆ ଆରି ବିତ୍ତେନିଆତ ରାଜିତ ଜେତେକେତେ ଆଜି ବାଚିକିତି ମାନାୟ୍ ତିଙ୍ଗ୍ ଆକି ଲେକିକିନାଙ୍ଗା, ୨ ଆବା ଇସ୍ତରତି ପୁର୍ବେ ଗିଆନ୍ ଇସାପ୍ରେ ଜିବୁନ୍‌ତି ହୁଦାଂ ପୁଇପୁୟା କିୟା ଆଜି ମାନିକିଜି, ଆରେ ଜିସୁ କ୍ରିସ୍ତୁତି ନେତେରତ୍ ତିରୁଆ ଆଦେଂ କାଜିଂ ବାଚି କିଆତାନ୍ନା, ମି କାଜିଂ ବେସି ଦୟା ଆରି ସୁସ୍ତା ଆୟେଡ଼ ।

ର ଜିବୁନ୍‌ହିନି ବାସ୍

୩ ମା ମାପୁ ଜିସୁ କ୍ରିସ୍ତୁତି ଆବା ଇସ୍ତରତିଂ ଦନ୍ୟ ନାଦାଂ ଆଏଡ଼, ଇନାକିଦେଂକି ହେଖାନ୍ ତା ବେସି ଦୟାତ ଜିସୁ କ୍ରିସ୍ତୁତି ହାକିତ ଆରେ ନିନାକା ହୁକେ ଇଦାଂ ମାଙ୍ଗ୍ ଜିବୁନ୍ ବାସ୍ ତ ପାୟାତି କାଜିଂ । ୪ ଲାଗିଂ ଇସ୍ତର ତା ଲକୁ କାଜିଂ ଇମ୍‌ଣି ବେସି ମଲ୍

ଆସିବାଦ୍ ଇଡ଼ତାନ୍ନା ହେଦାଂ ପାୟାଦେଂ ଆପେଂ କାନାପା । ଲାଗିଂ ହେଞ୍ଜାନ୍ ସାଗେତ
 ମି କାଜିଂ ବାତଂ କିଜି ଇଡ଼ତାନ୍ନା । ହେବେ ହେଦାଂ ଜିରା ଆଉଡ଼, କି ନସ୍ତୁ କି ପାପ୍
 ଆଉଡ଼ । ୫ ଇମ୍ଘି ମୁକ୍ତାନାକା ହାରିହାରା କାଡ଼ଦ୍ ହନି କାଜିଂ ଜାଲ୍ଲଦି ଆତାନ୍ନା,
 ହେଦାଂ କାଜିଂ ଏପେଙ୍ଗ୍ ଇସ୍ଵରତି ସାକ୍ତିତ ପାତଂ ହୁଦାଂ ହାରଇଟ୍ୟା ଆତାଦେଶ୍ଵା ।

୬ ଲାଗିଂ ଏପେଙ୍ଗ୍ ଖାରି କିୟାଟ୍, ଆତିସପା ନଂ ଅଲପ୍ ସମୁ କାଜିଂ ବାର୍ବିନି
 ପରିକ୍ୟା ହୁଦାଂ ଦୁକ୍ଵବଗ୍ କିନାକା ମି ପାକ୍ୟାତ ଲଡ଼ା ଆନାଡ଼, ୭ ମି ପାତଂ ନି
 ହାରଦାକା ପରିକ୍ୟା କିନାକା ଇ ସବୁନି ଉଦେସ୍ । ଜିରାତି ହନା ନାଶିତ ପରିକ୍ୟା
 କିୟାନାଡ଼ । ମି ପାତଂ ହନା ବାଟା ଆଦିକ୍ ବେସିମଲ୍ ଆତିଲେ ପରିକ୍ୟା ହୁଦାଂ
 ହାର୍ଦାକା କୁନି ଲଡ଼ା । ହେଦାଂ ଆତିସ, ଜିସୁ କ୍ରିସ୍ଟ ହତି ଖାଡ଼ାଲିଂ, ଏପେଙ୍ଗ୍ ଖାରି,
 ଜାଜ୍ଫାଲ୍ ଆରି ସନ୍ମାନ ଲାବ୍ କିନାଦେର୍ । ୮ ଏପେଙ୍ଗ୍ ହେଞ୍ଜାନିଂ ହୁଡ଼ଞ୍ଜାଦାଂ
 ଜିଉନନାଦେରା, ଆରେ, ନଂ ପା ହୁଡ଼ଞ୍ଜିତିସ୍ତା ହେଞ୍ଜାନ୍ତାକେ ପାତଂ କିଜି ଇନ୍ଞିକାତା
 ଆରି ଜାଜ୍ଫାଲ୍ ମିହା ଖାରିତ ଖାରିୟା ଆନାଦେରା । ୯ ଖାରି ଆଜି ମି ପାତଂ ନି ପାଡ଼୍
 ଜେ ଖାସ୍ତିନି ମୁକ୍ତି, ହେଦାଂ ପାୟାନାଦେରା । ବେଶବାକ୍‌ଶାୟକିନାକାର୍ ମି କାଜିଂ
 ବାଟିକିତି ଉପକାର ବିସ୍ତେ ବେଶବାକ୍‌ଶାୟ କିୟାଟ୍ ।

୧୦ ଇ ମୁକ୍ତାନାକା ବିସ୍ତେ ବେଶବାକ୍‌ଶାୟକିନାକାର୍ ମାନଦିଆନ୍ ଲାକେ ଦାସ୍ଵି
 ଆରି ତେକ୍ତି, ଇସ୍ଵରତି ଦୟାଦାନ୍ ବିସ୍ତେ ବେଶବାକ୍‌ଶାୟକିନାକା ହପ୍ତି ମାଚାର୍
 । ୧୧ ହେ ଦାନ୍ ଇନାଖାଡ଼ାଙ୍ଗ୍ ଆରି ଇନେସ୍ ବାବ୍ରେ ପାୟାନାନ୍ ପୁନି କାଜିଂ ହେଞ୍ଜାର୍
 ସେସ୍ତୁ କିଜି ମାଚାର୍ ଇ ବିସ୍ତେ ପୁଇପୁୟା ଜିରୁନ୍ତିଂ ଉପକାରତାଂ ହେଞ୍ଜାର୍ କ୍ରିସ୍ଟତି
 ଦୁକ୍ଵବଗ୍ ଆରି ପାଚେନି ଜାଜ୍ଫାଲ୍ ପାୟାତି ବିସ୍ତେନି ଇଞ୍ଜି ମାଚାନ୍ । ୧୨ ଇସ୍ଵର୍
 ଲେକିକିତାକା ବେଶବାକ୍‌ଶାୟକିନାକାର୍ ଲାଗାଂ ହପ୍ତାନ୍, ହେଞ୍ଜାର୍ ଜେ ଜାର୍
 ଜାରତି ହେବା କିଞ୍ଜାଦାଂ ମିଦାଂ ହେବା କିଜି ମାଚାର୍, ଇଦାଂ ହେଞ୍ଜାର୍ ଲାଗାଂ ହସି
 ମାଚାଡ଼, ଆରେ, ହେଞ୍ଜିଜୁ ବିସ୍ତେ ସାଗେତାଂ ପକ୍ୟାତି ପୁଇପୁୟା ଜିରୁନ୍ତି ସାକ୍ତିତାଂ ମି
 ଲାଗେ ନେକ୍ତିକାରୁର୍ ସୁଶାୟକିନାକାର୍ତି ହୁଦାଂ ନଂ ମିଙ୍ଗେଙ୍ଗ୍ ଜାଶାୟକିଦ୍ୟାନାତା;
 ହେ ସବୁ ବିସ୍ତେ ଦୁତକ୍ ଇଟକାଡ଼୍ କିଦେଙ୍ଗ୍ ମାନକିନାର୍ ।

ପୁଇପୁୟା ଜିରୁନ୍ କାଟିକିନି କାଜିଂ କୁକ୍ୟାନାକା

୧୩ ଲାଗିଂ, ଜାର୍ ଜାରତି ମାନଲାର୍ଦି ମ୍ଫେଙ୍ଗ୍ ଗାଟ୍ୟା ଆଜି ଚେଡନା ମାନାଟ୍,
 ଆରେ ଜିସୁ କ୍ରିସ୍ଟତି ହନି ଖେଡ଼ାଲିଂ ଇମ୍ଘି ଉପକାର ମୁକ୍ତାନାକା ମି କାଜିଂ ଆଏଡ଼,
 ହେବେ ବାତଂ ବାସଂ ଇଟାଟ୍ । ୧୪ ଇସ୍ଵରତି ବଲ୍ ମାନକିନାକା ଆଡ଼, ମି ଆଗେ
 ପୁନ୍ଞିଗିଆନ୍ ଖେଡ଼ାଲିଂ ବାନ୍ୟାଆହା ତାରେନ୍ ହାଲ୍ମାଟ୍, ୧୫ ମତର୍ ମି କୁକ୍ତାନାକାନ୍
 ଇନେସ୍ ପୁଇପୁୟା, ଏପେଙ୍ଗ୍ ପା ବଲ୍ ମାନକିନାକା ହିମ୍ଘାଙ୍ଗ୍ ଲାକେ ସବୁ ବେବାର୍ଡ
 ହେ ଲାକେ ପୁଇପୁୟା ଆଡୁ । ୧୬ ଲାଗିଂ ସାସ୍ଵରତ ଲେକା ମାନାଡ଼, “ଏପେଙ୍ଗ୍
 ପୁଇପୁୟା ଆଡୁ, ଇନେକିଦେଂକି ଆପେଂ ପୁଇପୁୟା ।”

୧୭ ଆରେ ଇନେର୍ ମୁକ୍ତମେଟ୍ କିଞ୍ଜାଦାଂ ଜାଣକେ ଲକୁନି ପାର୍ତନା ଇସାବ୍ରେ ବିଚାର୍
 କିନାନ୍, ହେଞ୍ଜାନିଂ ଜଦି ଆବା ଇଞ୍ଜି ଇନାଦେରା, ତେବେ ଜାର୍ ଜାରତି ନାଶାଙ୍ଗେ
 ପାଣ୍ଡୁ ଆଜି ବେବାର୍ କିୟାଟ୍; ୧୮ ଏପେଙ୍ଗ୍ ପୁନାଦେର୍ ମି ଆବା ଲାତ୍ତାର୍ ତାଙ୍ଗ୍
 ପାୟାତି ରିତି ନିତିନି ପଲ୍ୟା ଜିରୁନ୍ତାଂ ମିଙ୍ଗେଙ୍ଗ୍ ମୁକ୍ତାୟ କିନି କାଜିଂ ଏତେକ୍
 ମଲ୍ ହିଦେଂ ଲାଗ୍‌ଦାତାଡ଼ । ହେଦାଂ ବୁଡାଆନି ରୁପା କି ହନା ଆକାୟ, ୧୯ ମାତର୍
 ହେଦାଂ ନିନ୍ଦାଞ୍ଜାଦାଂ, ପ୍ରାଲ୍‌ହିଲ୍‌ଞ୍ଜି ପୁଇପୁୟା ମେଣ୍ଡାହିମ୍ଘା ଲାକେ କ୍ରିସ୍ଟତି ବେସିମଲ୍
 ନେତେରତ ମୁକ୍ତାତାଦେଶ୍ଵା । ୨୦ ହେଞ୍ଜାନ୍ ଜଗଡ଼ନି ଉଦ୍‌ଜାଣ୍ ଆଗେତାଂ ତିର୍
 କିୟାଜି ମି କାଜିଂ ହାରିହାରା କାଡ଼ଦ୍ ଚଞ୍ଜାତାନ୍ନା; ୨୧ ଇମ୍ଘି ଇସ୍ଵର୍ ହେଞ୍ଜାନିଂ ହାକି

ବିତ୍ରେତାଂ ନିକୃତି ଜାତ୍‌ମାଲ୍ କିତାନ୍ନା, ହେ ଇସ୍‌ବରତାଂ ଏପେଙ୍ଗ୍ ହେଞ୍ଜାନ୍ ହୁଦାଂ ପାତ୍ କିନାଦେରା, ହେ ଇସ୍‌ବର ମି ପାତ୍ ଆରି ବାସ୍ ନିକାନ୍ ଆନାନ୍ ।

୨୨ ଏପେଙ୍ଗ୍ ହାଡ଼ପାନି ବଲ୍ଲ ମାନି କିନାକା ଆଜି କାପଟିୟାଞ୍ଜାଦାଂ ଚଣ୍ଡେନ୍ ଜିଉନନାକା କାଜିଂ ଜାର୍ ଜାର୍ ଜିବୁକ୍ତି ସକଟ୍ କିଜିମାଟିଲେ ଖାସ୍‌ନି ହୁକେ ରମାନ୍ତ ହାରି ଜିଉନଞ୍ଜାଟ୍; ୨୩ ଲାଗିଂ ଏପେଙ୍ଗ୍ ଜିରାନି ମାଞ୍ଜିଙ୍ଗ୍‌ତାଂ ଆକାୟ୍, ଆଞ୍ଜିତିସ୍ ଜିରାଞ୍ଜି ମାଞ୍ଜିଙ୍ଗ୍‌ତାଂ, ଇତିସ୍ ଇସ୍‌ବରତି ଜିଜି ମାନି ଆରି ସବୁଦିନ୍ ମାନାକା ବଚନ୍ ହୁଦାଂ ଆରେ ଜଲମ୍ ଆତାଦେଣ୍ଟା । ୨୪ ସାସ୍‌ବରତ ଲେକା ମାନାଡ଼,

“ମାନାୟ୍ ଜାତି କାତ୍ରା ଲାକେ,

ହେଞ୍ଜାବ୍‌ତି ଝିଜୁ ହଲ୍‌ନାକା ରାନ୍ତି ପୁଇ ଲାକେ,
କାତ୍ରା ଖାଜ୍‌ଜି ହାନାଡ଼ ଆରେ ପୁଇ ହାଡ଼ଜି ହାନାଡ଼,

୨୫ ମାତର୍ ଇସ୍‌ବରତି ବଚନ୍ ଝିଜ୍‌ଝିକାଡ଼ ଡିର୍ ।”

ଇଦାଂ ହେ ନେକ୍ରିକାବୁରନ୍‌ନି ବଚନ୍, ଇନାକା ମି ଲାଗାଂ ସୁଣାୟ୍ କିୟା ଆତାନ୍ନା ।

୨

ଜିବୁନ୍‌ନି କାଲ୍ ଆରି ପୁଇପୁୟା କୁଟୁମ୍

୧ ଲାଗିଂ ମାପୁ ଜେ ଉପକାର୍ କିନାକାନ୍, ଇଦାଂ ଜଦି ଝେବ୍‌ଚାତାନ୍‌ନା ତାଆତିସ୍ ସବୁ ବାନି ବାନ୍ୟା, ଚାଲାକି, କୁଟ୍, ତାରା ଆରି ଲକାର୍‌ନିୟା ପିହାଟ୍ । ୨ ମିର୍ ଆରି କୁଟ୍, ତାରା ଆରି ଲକାର୍ ନିୟା ଗ୍ଲୁଇନାକା । ପୁନାକା ଚଞ୍ଚି ହିମ୍‌ଣାଲାକେ ଆତ । ନିତ୍ରେ ହାଦ୍‌ନାକା ସବୁଦିନ୍ ପାଲ୍ ଉଣ୍ଡେଙ୍ଗ୍ ଏସ୍‌କି ଆତ । ତା ଆତିସ୍ ଏପେଙ୍ଗ୍ ବାତା ଆଜି ମୁକ୍‌ଡାନାଦେର୍ । ୩ ସାସ୍‌ବରତ ଲେକା ମାନାଡ଼, “ଇସ୍‌ବର ଜେ ଇନେସ୍ ଦୟା କିଦ୍‌ନାକାନ୍, ହେଦାଂ ଏପ୍ ଜାର୍ ବୁଦିତାଂ ପୁଚାଦେଣ୍ଟା ।”

୪ ଜିବୁନ୍‌ମାନି କାଲ୍ ଲାକେ ଜେ ହେ ମାପୁ, ହେଞ୍ଜାନ୍ ମାନାୟ୍‌ର ହୁକେ ମୁନା କିୟାତାନ୍ ସଡ଼, ମାତର୍ ଇସ୍‌ବରତି ତାକେ ବାଟିକିୟା ଆତାନ୍ ଆରି ବେସି ମଲ୍ ଆତାନ୍ନା, ୫ ତା ଲାଗାଂ ଖାଜି ଏପେଙ୍ଗ୍ ପା ଜିପୁ କ୍ରିସ୍‌ବୁତି ହୁଦାଂ ଇସ୍‌ବରତି ଲାହାଙ୍ଗ୍ ହାରଇଟ୍ୟାନି ଆମିକ୍ ପୁଜାକିନି କାଜିଂ ପୁଇପୁୟା ମାପୁହେବାକିନାକାର୍ ଆନି କାଜିଂ ଜିବୁନ୍‌ନି କାଲ୍ ଲାକେ ଆଜି ର ଆମିକ୍ ଇଲ୍ ଲାକେ ରଟ୍ୟା ଆଡୁ । ୬ ଇନେକିଦେଂକି ସାସ୍‌ବରତ ଲେକା ଆତାଡ଼ନ୍ନା, ହୁଡାଟ୍,

“ଆପ୍ ସିୟନ୍‌ତ ରଞ୍ଜାଙ୍ଗ୍ ବାଟିକିତି ଆରି ବେସିମଲ୍ କନାନି ମୁଡ଼୍ କୁନାଦି କାଲ୍

ରଚଟାପନା, ଆରେ ଇନେନ୍ ହେଞ୍ଜାନ୍ତି ତାକେ ପାତ୍ କିତାର୍,
ହେଞ୍ଜାନ୍ ଲାଜା ଆଉନ୍ ।”

୭ ଲାଗିଂ ପାତ୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ହେ ବେସିମଲ୍‌ନି ମିହାଣ୍ ଆନାଦେର୍, ମାତର୍ ଇମ୍‌ଣାକାର୍ ପାତ୍ କିତର୍,

“ଇଲ୍ ରଚ୍‌ନାକାର୍ ଇମ୍‌ଣି କାଲ୍‌ଦିଂ ମୁନାକିତାର୍,

ହେଦାଂ ହେଞ୍ଜାବ୍‌ତି ନଂ କନାନି ମୁଡ଼୍‌କାଲ୍ ଆତାଡ଼ ।”

୮ “ଆରେ, ପୁଇପୁୟା ସାସ୍‌ବରତ ଆରେ ପା ଲେକାଆତାଡ଼ନା”

“ଇ କାଲ୍ ଜପି ଆଦିକ୍ ଉସ୍‌ନାର୍, ଇ କାଲ୍ ହେଞ୍ଜାବ୍‌ତି ବୁଡାନି ବିସ୍ତେ ଆନାଡ଼ ।

ହେଞ୍ଜାବ୍ ଇସ୍‌ବରତି ବଚନ୍‌ତ ପାତ୍ କିଞ୍ଜାତାର୍, ଲାଗିଂ ହେଞ୍ଜାବ୍ ଅସ୍‌ବାର୍ ।

ଆରେ ଇଦାଂ କାଜିଂ ପା ହେଞ୍ଜାବ୍ ବାଟିକିୟାଜି ମାତାର୍ ।”

୯ ମାତର୍ ଇସ୍‌ବର ଜେ ମିଙ୍ଗେଙ୍ଗ୍ ମାଜ୍‌ଗାତାଂ ଜାର୍ କାବାନି ଅଜଡ଼୍ ବିତ୍ରେତାଂ କୁକ୍‌ତାତାନ୍ନା, ଏପେଙ୍ଗ୍ ଇନେସ୍‌କି ତା ଗୁଣ୍ କେରାଟ୍, ଇଦାଂ କାଜିଂ ଏପେଦେର୍ ର ବାଟିକିତି ଜାତି, ରାଜାର୍‌ତି ମାପୁହେବାକିନାକାର୍, ପୁଇପୁୟା ଜାତି ଆରେ ଇସ୍‌ବର୍ ନିଜେନି ଲକୁ ଆତାଦେଣ୍ଟା । ୧୦ “ଆଗେ ଏପେଙ୍ଗ୍ ଇସ୍‌ବର ଲକୁ ବାଟିକିୟାଞ୍ଜାଦାଂ

ମାତାଦେବ, ମାତର ନଂ ଇସ୍ବରତି ଲକ୍ଷ୍ମୀ ଆତାଦେଶ୍ଵା, ଆଗେ ଏପେଙ୍ଗ ଦୟା ପାୟା ଆଖାଦାଂ ମାତାଦେବ, ମତର ନଂ ଦୟା ପାୟା ଆତାଦେଶ୍ଵା ।”

ଇସ୍ବରତି କଡ଼କାଆଡ଼ିଏନ୍

୧୧ ଏ ଖାରିନିକାଦେବ, ଏପେଙ୍ଗ ଇ ସଂସାରତ ବିଦେସ୍ୟା ଆରି ବାହା କିତାକାଦେବ ଲାକେ । ଲାଗିଂ ଗଞ୍ଜାରି କିଦନାଙ୍ଗା, ଏପେଙ୍ଗ ନିତ୍ରେ ଜିବୁନ୍ ବିରୁଦ୍ଧତ ଜୁଜ୍ କିଜି ମାନି ଗାଗାଡ଼ ଆହା ତଲ୍ୟା ଆମାଟ୍ । ୧୨ ଏପେଦେବ ପାତ କିଞ୍ଚି ଜିହୁଦିରତି ବିତ୍ରେ ହାରବେଦାର କିୟାଟ୍, ଇନେସକି ହେଞ୍ଜାର ଇମଣି ବିସ୍ତେ ମିଙ୍ଗେଙ୍ଗ ଦାରିୟା ଇଞ୍ଚି ନିଦା କିଦନାର, ମି ହାର କାମାୟ ହୁଡ଼ଜି ହେ ବିସ୍ତେ କ୍ରିସ୍ତୁତି ଖାନି ଦିନ୍ତ ଦୟା ହୁଡ଼ନି ଦିନ୍ତ ଇସ୍ବରତି ଜାଜମାଲ୍ କିଦନାନ୍ ।

୧୩ ମାପୁତି କାଜିଂ ଖିଜୁ ନାରତି ରଚି ତଲ୍ୟା ଆଡୁ, ୧୪ ପର୍ତୁମ୍ ଗାଜା ରାଜା ନଲେ ଅନ୍ୟାୟ କାମାୟ କିନାକାରିଂ ସାସ୍ତି ହିନି କାଜିଂ ଆର ହାର କାମାୟ କିନାକାରିଂ ଖାରିକିଦେଂ କାଜିଂ ହେଞ୍ଜାନ୍ତି ହୁଦାଂ ପକ୍ୟାତି ସାସନକିନାକାର ଆୟେର, ହେଞ୍ଜାରତି ତଲ୍ୟା ଆଡୁ । ୧୫ ଇନେକିଦେଂକି ଏପେଙ୍ଗ ଜେ ହାଦପା କାମାୟ କିଜି ନିରୁଦ୍ଧିୟାର ପୁନ୍ଝି ଗିଆନ୍ତ ଇଞ୍ଚି ମାନି କାତା ବନ୍ଦ କିୟାଟ୍, ଇଦାଂ ଇସ୍ବରତି ମାନ୍, ୧୬ ଏପେଙ୍ଗ ଜାରତାରେନ୍ ଆତିସ୍ପା ମି ଜାରତାରେନ୍ତିଙ୍ଗ ରୁଲ୍‌ରୁଲିୟାନି ବାତ ଲାକେ ବେଦାର କିଞ୍ଚାଦାଂ ନଲେ ଇସ୍ବରତି ଆଡ଼ିଏନ୍ ଆଜି ହାଦପା କାମାୟ କିୟାଟ୍ । ୧୭ ଖିଜାରିଂ ସମାନଞ୍ଜାରି କିୟାଟ୍, କ୍ରିସ୍ତୁଙ୍ଗ ପାତ କିନି ଟଣ୍ଡାରିଂ ଜିତନଞ୍ଜାଟ୍, ଇସ୍ବରତିଂ ପାଣ୍ଡୁ ଆଡୁ, ରାଜାଙ୍ଗ ସମାନଞ୍ଜାରି କିୟାଟ୍ ।

କ୍ରିସ୍ତୁତି ଦୁକ୍ତ ଖାରି

୧୮ ଆଡ଼ିୟାର, ଏପେଙ୍ଗ ପାଣ୍ଡୁ ଆଜି ଜାର ଜାର ହାଉକାରରିଂ ତଲ୍ୟା ଆଡୁ, କେବଲ୍ ହାର ଆରି ହୁଦାର ହାଉକାରରିଂ ଆକାୟ, ମତର ଦୟାହିଲ୍‌ଖାକାରିଂ ପା ତଲ୍ୟା ଆଡୁ ହେଞ୍ଜାରିଂ ସମାନ୍ ମାନି କିୟାଟ୍ । ୧୯ ଇନେକିଦେଂକି ଇନେର ଏତେକାଡ଼ଦ ଇସ୍ବରତିଂ ପାତ କିନି କାଜିଂ ଅନ୍ୟାୟତ ଦୁକ୍‌ବଗ୍ କିଜି କସ୍ ହୁଞ୍ଜନାନ୍, ବାଟିଙ୍ଗ ହେଦାଂ ଖାରିନି ବିସ୍ତେ । ୨୦ ଲାଗିଂ ଏପେଙ୍ଗ ଜାର ଜାର ପାପ୍ କାଜିଂ ଜଦି ମାଡ଼ ହୁଞ୍ଜନାଦେବ, ଲାଗିଂ ହେବେ କି ଇନାକା ତାକ୍‌ପୁଟା ? ମାତର ଜଦି ହାର କାମାୟ କିଜି ଦୁକ୍ ହୁଞ୍ଜନାଦେବ, ଲାଗିଂ ହେଦାଂ ଇସ୍ବରତି ଲାଗାଂ ଆସିର୍ବାଦ୍ ବିସ୍ତେ । ୨୧ ଇଦାଂ କାଜିଂ ନେ ଏପେଙ୍ଗ ଆହ୍ୟାତାଦେଶ୍ଵା, ଇନେକିଦେଂକି ଏପେଙ୍ଗ ଇନେସ୍ କ୍ରିସ୍ତୁତି ପାନାଟିନା ହିଜି ହାନାଦେବ, ହେଦାଂ କାଜିଂ ହେଞ୍ଜାନ୍ ପା ମି କାଜିଂ ଦୁକ୍‌ବଗ୍ କିଜି ମିଙ୍ଗେଙ୍ଗ ର ଗୁଣ୍ ଚର୍ଚିହିଜି ହାଚାନ୍ନା; ୨୨ ହେଞ୍ଜାନ୍ ଇନାକାପା ପାପ୍ କିଞ୍ଚାତାନ୍, କି ହେଞ୍ଜାନ୍ତି ଖେଇଦାଂ ଇମଣାକା ପା ମିଚ୍ କାତା ଇନ୍‌ଖାଦାଂ ମାଚାନ୍ । ୨୩ ହେଞ୍ଜାନ୍ ନିଦା ପାୟାନି ଖେଡାଲିଂ ମାସ୍‌ଦି ନିଦା କିଞ୍ଚାତାନ୍; ଦୁଗ୍‌ବଗ୍ କିନି ଖେଡାଲିଂ ଦୁକ୍ ବଗ୍ କିଦେଙ୍ଗ ପାଣ୍ଡୁ କିଞ୍ଚାତାନ୍, ମାତର ନ୍ୟାୟ ବିଚାରକିନାକାନ୍ତି କେଇଦ ଖିଜୁ ବିସ୍ତେ ହେଲାୟ କିତାନ୍; ୨୪ ଆସେଙ୍ଗ ଇନେସ୍ ପାପ୍ କାଜିଂ ହାଜି ମାନ୍‌ଞ୍ଚି ଦାମ୍ କାଜିଂ ଜିବୁନ୍ ଜିପକା କିନାସ୍, ଇଦାଂ କାଜିଂ ହେଞ୍ଜାନ୍ ଆପେ ଜୁସ୍ ଜପି ଜାର ଗାଗାଡ଼ତ ମା ଖିଜୁ ପାପ୍ ପିଣ୍ଡାତାନ୍; ହେଞ୍ଜାନ୍ତି ମାଡ଼ତ ଏପେଙ୍ଗ ଉଜ୍ ଆତାଦେଶ୍ଵା । ୨୫ ଇନେକିଦେଂକି ଏପେଙ୍ଗ ମେଣ୍ଡା ଲାକେ ବିନ୍ ହାଜିଡ଼ ହାଲ୍‌ଜି ମାତାଦେବ, ମତର ନଂ ମି ଖାସ୍ତିତ ମାନି କିଦେଂ ଆରି ମୁଣିକା ଲାଗାଂ ମାସ୍‌ଦି ଖାତାଦେଶ୍ଵା ।



ଆଣ୍ଡାଙ୍ଗ ଆରି କଗ୍‌ଲେତି ହିକ୍ୟା

୧ ହେ ଲାକେ, ଏ କଗଲେକ୍, ଏପେଙ୍ଗ୍ ଜାର୍ ଜାର୍ ଡକ୍ତାତ ତଲ୍ୟା ଆଡୁ । ଇନେସ୍ ହେଝାର୍ ବିତ୍ରେତାଂ ଇନେର୍ ଇନେର୍ ବଚନ୍ନି ବଲ୍ଲ ମାନିକିଝି ଆତିସ୍ ପା ଏପେଙ୍ଗ୍ ପାଣ୍ଡା ଆଝାଦାଂ ନିତ୍ରେବେବାର୍ ହୁଡ୍ଜି ବଚନ୍ ପିସ୍ସି ଜାର୍ ଜାର୍ ଟଣ୍ଡେନ୍ ବେବାର୍ ହୁଦାଂ ବାଦଲ୍ଲା ଆନାଡ୍ । ୨ ଇନେସ୍ ହେଝାର୍ ବିତ୍ରେତାଂ ଇନେ ଇନେର୍ ବଚନ୍ନି ବଲ୍ଲମାନି କିତିସ୍ପା ଏପେଙ୍ଗ୍ ପାଣ୍ଡା ଆଝାଦାଂ ସମାନ୍ ବେବାର୍ ହୁଡ୍ଜି ବଚନ୍ ପିସ୍ସି ଜାର୍ ଜାର୍ ଡକ୍ତାତ ବିବେବାର୍ ହୁକେ ବାଦଲ୍ଲା ଆନାଡ୍ । ୩ ଆରେ ତେମୁଲ୍ ବେସ୍, ହନା ହାସ୍କୁ ତୁସ୍ନାକା ଆରି ହାର୍ଦି ହେନ୍ଦା ଉସ୍ପାନାକା, ଏଲେଙ୍ଗ୍ ଇମ୍ଫଣି ବାର୍ତାକା ଆର୍ପାନାକା, ହେଦାଂ ଏପେଙ୍ଗ୍ ଆର୍ପାନାକା ହାର୍ ଆକାୟ୍, ୪ ହାଡ୍ପା ହଲ୍ଲନାକା ନେ ମାନ୍ତ ଇମ୍ଫଣି କିଆଣ୍ ଆରି ସୁସ୍ତାମିହା ଡକ୍ତି ମାନ୍ବାବନା ଇସ୍ପରତି ମୁମ୍ଦ ବେସିମଲ୍, ହେଦାଂ ନେ ମି ଜିରାଝି ହାରାଂ ଆଏଡ୍ । ୫ ଇନେକିଦେଂକି ଆଗେକାଡ୍ପ ଦାମ୍ନି ପୁଇପୁୟା କଗଲେକ୍ ପା ଇସ୍ପରତି ତାକେ ବାସ୍ ଇଡ୍ଜି ଜାର୍ ଜାର୍ ଡକ୍ତାତ ତଲ୍ୟା ଆଜି ଇ ବାନି ଜାର୍ ଜାର୍ତି ତୁସ୍ଜି ମାଟିକ୍ । ୬ ସାରା ହେ ଲାକେ ର କଗଲେ ମାଟାଡ୍ । ହେଦେଲ୍ ଅରାହାମ୍ ତଲ୍ୟା ଆଜି ହେଝାନିଂ ମାପୁ ଇଞ୍ଜି ଇଞ୍ଜି ମାଟାଡ୍ । ଏପେଙ୍ଗ୍ ନଂ ହେଝାନ୍ତି ଗାଡ୍ରେକ୍ । ଜଦି ହାର୍ ବେବାର୍ କିତିସ୍, ତା ଆତିସ୍ ଇମ୍ଫଣି ବିସ୍ତେ ମିଙ୍ଗେଙ୍ଗ୍ ଆରେ ପାଣ୍ଡା କ୍ରିଦେଙ୍ଗ୍ ଆଡ୍ଡୁର୍ ।

୭ ହେ ବାନି, ଏ ଡକ୍ତାର୍, ମି ପାର୍ତାନାତ ଇନେସ୍ ବାଦା ଆମେଡ୍, ଇଦାଂ କାଜିଂ ଡକ୍ତିକାଂ ପାରେନିଦିନ୍ତ ନାଦାର୍ ଗାଡ୍ ଆରି ଜାର୍ତି ଲାହାଙ୍ଗ୍ ଜିବୁନ୍ ଲାଗ୍ଦି ଉପକାର୍ ଦାନି ରତେ ଆଦିକାର୍ଷ୍ଟି ପୁନ୍ଞ୍ଜି ହେଝେକାଂ ଝାରି କିୟାଟ୍ ଆରେ ଗିଆନ୍ତ ହେଝେକ୍ ଲାହାଂ ମାନାଟ୍ ।

ଦାମ୍ନି କାଜିଂ ଦୁକ୍ବଗ୍

୮ ହାରିହାରା କାତା ଇଦାଂ, ଏପେଙ୍ଗ୍ ଝିଜାଦେର୍ ରମାନ୍, ହାରି ସୁକ୍ଦୁକ୍ତ ସମାନ୍ ବଗ୍, ଟଣ୍ଡେନ୍ଲାଡ୍ତ ଜିଉନନାକା, କିଆଣ୍ ମାନ୍ ଆରି ହୁଦାର୍ ମାନ୍ ଆଡୁ; ୯ ନସ୍ ବାଦୁଲ୍ ନସ୍ କି ନିୟା ବାଦୁଲ୍ ନିୟା କିଝାଦାଂ ବିନ୍ ପାକ୍ୟାତ ନଲେ ଆସିର୍ବାଦ୍ କିୟାଟ୍, ଇନେକିଦେଂକି ଏପେଙ୍ଗ୍ ଇନେସ୍ ଆସିର୍ବାଦ୍ନି ଆଦିକାର୍ ଆନାଦେର୍, ଇଦାଂ କାଜିଂ କୁକ୍ୟାତାଦେର୍ଣ୍ଣା । ୧୦ ପୁଇପୁୟା ସାସ୍ପରତ ଲେକା ମାନାଡ୍,

“ଇନେର୍ ଜିବୁନ୍ନି ସୁକ୍ବଗ୍ କିଦେଙ୍ଗ୍

ଆରେ ଜିଉନି ଦିନ୍ ହୁଡ୍ପେଂ ଇଟା କିନାନ୍,
 ହେଝାନ୍ ବାନ୍ୟା ବଚନ୍ତାଂ ଜାର୍ ଝେନ୍ଦୁଲ୍ତିଂ
 ଆରେ ନିୟାନି ବଚନ୍ତାଂ ଜାର୍ ଓଟିତିଂ ଚିମ୍ପା କିଏନ୍;

୧୧ ହେଝାନ୍ ବାନ୍ୟାତାଂ ମାସ୍ଦି ହାର୍ଦି କାମାୟ୍ କିଏନ୍;

ଆରି ଝାସ୍ମିନିକାତା ଲାହାଂ ସୁସ୍ତାନି ଆସିର୍ବାଦ୍ କିନାସ୍ ।

୧୨ ଇନେକିଦେଂକି ଦାମ୍ନି ଲଗାତ କାଜିଂ ମାପୁତି ନଞ୍ଜର୍ ମାନାଡ୍, ହେଝାର୍ତି ପାର୍ତାନା କାଜିଂ ହେଝାନ୍ତି କିଡୁଲ୍ ଜେୟା ଆତାନ୍ନା, ମାତର୍ ମାପୁତି ଝେଇ ବାନ୍ୟାଲଗାତ ବିରୁଦ୍ତ ମାନାଡ୍ ।”

୧୩ ଆରେ ଏପେଙ୍ଗ୍ ଜଦି ହାର୍ଦି ବିସ୍ତେ ଆଗେ ଆଡ, ବାଟିଙ୍ଗ୍ ଇନେର୍ ମିଦାଂ ନସ୍ କିଦନାର୍ ? ୧୪ ଆରେ ଜଦି ପା ଦାମ୍ନି କାଜିଂ ମିଂ ଦୁକ୍ବଗ୍ କିଦେଙ୍ଗ୍ ଲାଗ୍ଦାନାଡ୍, ତା ଆତିସ୍ ମିଙ୍ଗ୍ ଦନ୍ୟ । ହେଝାର୍ ପାଣ୍ଡା କ୍ରିଡ୍ତିସ୍ ପାଣ୍ଡା ଆଜି ବିଲ୍ଲି ଆମାଟ୍; ୧୫ ମାତର୍ କ୍ରିସ୍ତୁତିଂ ମାପୁ ଇଞ୍ଜି ଜାର୍ ଜାର୍ ମାନ୍ତିଂ ପୁଇପୁୟା ଲାକେ ମାନି କିୟାଟ୍ । ମି ତାକେ ମାନି ବାସ୍ନି କାରଣ୍ ବିସ୍ତେ ଇନେର୍ ପରସନ୍ କିତିସ୍, ହେଝାନିଂ ଉଲ୍ଟି ଉତର୍

* ୩:୩ ୩:୩ ୧ ତିମତି ୨:୯.

ହିଦେଂ ଜାଲଦି ଆଜି ମାନାଟ୍, ୧୭ ମାତର ହୁଦାର ଆରି ହାର ବାବେ ଉତର ହିୟାଟ୍, ମି ବାବନାତିଂ ନିରମଲ୍ ଇଟାଟ୍ । ତା ଆତିସ୍, ଏପେଙ୍ କ୍ରିସ୍ତୁତି ପାଚେହାନି ଲାକେ ସମାନ ସନ୍ମାନ କିନିଖେଡ଼ାଂ, ଇମଣାକାର ମିଙ୍ଗ୍ ମିଟ୍ ନିନ୍ଦାକିଦନାର, ହେଖାର ଲାଜୁ ଆନାର । ୧୭ ଇନେକିଦେଂକି ବାନ୍ୟାକାମାୟ କାଜିଂ ଦୁକ୍ବଗ୍ କିନି ତାଂ ନଲେ ଜଦି ଇସ୍ପରତି ଇଟା ଆତିସ୍, ତା ଆତିସ୍ ସତକାମାୟ କାଜିଂ ଦୁକ୍ବଗ୍ କିନାକା ହାର । ୧୮ ଲାଗିଂ ମା ଇସ୍ପରତି ଲାଗାଂ ତାନି କାଜିଂ ଜିସୁ କ୍ରିସ୍ତୁ ପା ଦାମ୍ ଆଜି ଅଦାମ୍ ତି କାଜିଂ ପାପ୍ ଆତିଲେ ରଗ ହାକିବଗ୍ କିତାନ । ହେଖାନ ଗାଗାଡ଼ତ ହାକିବଗ୍ କିନାକାନ ହାଡ଼ପା, ମାତର ଜିବୁକ୍ତ ଜିତାନ; ୧୯ ହେବେ ପା ହେଖାନ ଗେହ୍ୟାତି ଜିବୁନିକାଂ ଲାଗାଂ ହାଲଜି ସୁଣାୟ କିତାନ; ୨୦ ଆଗେକାଡ଼ଦ ନହତି ସମୁତ ଜାଜ୍ ରଦ୍ନି ଖେଡ଼ାଲିଂ, ଏଚେକାଡ଼ଦ ଇସ୍ପର ଲାମାହୁଦାର ଆଜି କାସିମାଚାନ, ହେଖେଡ଼ାଲିଂ ହେଖାର ଅମାନ୍ୟା ଆତାର । ହେ ଜାଜ୍ତ ହଣଜି ଅଲପ୍ ଲକ୍ତୁ, ଇଚିସ୍ କେବଲ୍ ଆଟ୍ ଜାଣ, ଏଜୁକ୍ଟ ବିଡ୍ରେତାଂ ରାକ୍ୟା ପାୟାତାର; ୨୧ ହେବେନି ର ଲାକେ ବାପ୍ରିସିମ୍ ଇଚିସ୍ ଗାଗାଡ଼ନି ତୁକେର୍ ହାଚ୍ରେଙ୍ଗ୍ ଆକାୟ, ମାତର ଇସ୍ପରତି ଲାଗାଂ ସକଟ୍ ହାରଦି ବାବନା ଗାଟାଦେଂ କାଜିଂ ପାର୍ତାନା, ଜିସୁ କ୍ରିସ୍ତୁତି ଆରେ ନିଂନି ହୁଦାଂ ନଂ ମିଂ ମୁକ୍ତି କିଡ଼ତାନନା; ୨୨ ହେ ଜିସୁ କ୍ରିସ୍ତୁ ସାଗେ ଦୁମ୍ଜି ଇସ୍ପରତି ବୁଜଣି ବାଗାଙ୍ଗ୍ କୁଚ୍ଚାନ୍ନା, ଆରେ ଦୁତକ୍, ଆଦିକାର ବାପୁ ଆରି ସାକ୍ତିକାଟିକିକ୍ ହେଖାନ୍ତି ତଲ୍ୟା ଆତିକନା ।

୪

ବାଦଲାନି ଜିବୁନ୍

୧ କ୍ରିସ୍ତୁତି ଗାଗାଡ଼ତ ଦୁକ୍ବଗ୍ କିତିଲେ ଏପେଙ୍ ପା ହେ ଲାକେ ମାନ ଆଜି ଜାରତିଂ ରଟାଟ୍, ଇନେକିଦେଂକି ଇନେନ୍ କ୍ରିସ୍ତୁତି କାଜିଂ ଗାଗାଡ଼ତ ଦୁକ୍ବଗ୍ କିତାନ୍ନା, ହେଖାନ ପାପ୍ତାଂ ଦେହା ଆତାନ୍ନା, ୨ ଇନେସ୍ ଏପେଙ୍ ଜଗଡ଼ନି ଜିବୁନ୍ ବାକି କାଡ଼୍ ମାନାୟତିଂ ବାନ୍ୟାଆହା ଇସାପ୍ରେ କାଖାଦାଂ ଇସ୍ପରତି ଇଟା ଇସାପ୍ରେ କାଡୁ । ୩ ଲାଗିଂ ପାଟ୍ କିଝି ଜିହୁଦିରତି ଇଟା ଇସାପ୍ରେ କାମାୟ କିଜି ଏପେଙ୍ ଏଚେ କାଡ଼୍ ବାନ୍ୟାକାମାୟ, ବାନ୍ୟା ଆହା, କାଲିଂଗହନାକା, ରଙ୍ଗରାସିକା, ହଜ୍ଜି ଆରି ଗଣ୍ ପୁଡ଼ଡ଼ା ପୁଜା କିଜି ମାଚାଦେର୍, ହେଦାଂ ଲଡ଼ା; ୪ ଏପେଙ୍ ନଂ ହେ ଲାକେ ଚିମ୍ରାଆଖାଦାଂ କାମାୟତ ହେଖାର ଲାହାଙ୍ଗ୍ ମାନଖାଦାଂ ହେଖାର କାବା ଆଜି ମିଙ୍ଗେଙ୍ ନିନ୍ଦା ହିଡ଼ତାଣ୍ଣା । ୫ ମାତର ଇମଣି ଇସ୍ପର ଜିତାକାନ ଆରି ହାତି ଲାଗାରିଂ ବିଚାର କିନାନ, ହେଖାନ୍ତି ମୁମ୍ଦ ହେଖାରତି ଇସାବ୍ ହିଦେଂ ଆନାଡ଼ । ୬ ଇନେକିଦେଂକି ଇ ହିସାପ୍ରେ ହାତାକାର ଲାଗେ ପା ନେକ୍ତିକାବୁର୍ ସୁଣାୟ କିୟାତାଡ଼, ଇନେସ୍ ହେଖାର ମାନାୟ ଲାକେ ଗାଗାଡ଼ତ ବିଚାଣ୍ଣା ଆତିସ୍ପା ଇସ୍ପରତି ଲାକେ ଜିବୁକ୍ତ ଜିବୁନ୍ ଆନାନ ।

ଇସ୍ପରତି ଦାନ ହାରଦି କାରନିୟା

୭ ମତର ଝିଜୁ ବିସ୍ତେ ଝିସ୍ତିକାଡ଼ ଲାଗେ । ଲାଗିଂ ହାରବୁଦି ଆଡୁ, ଆରେ ପାର୍ତାନା କିନି କାଜିଂ ଚେଡନା ମାନାଟ୍ ା ଇଚିସ୍ ଜବର୍ ଜିଉନତିଲେ ହାରି ଜିଉନବିସ୍ ମାନାଟ୍, ଇନେକିଦେଂକି ଜିଉନନିତ ବେସି କିଜି ପାପ୍ତ ତାବାୟ କିନାଡ଼ । ୮ ମଡ଼ିଆଖାଦାଂ ହାରି ଲବାୟ କିୟାଟ୍; ୯ ଜାଣ୍ଟକେ ଲକ୍ତୁ ସସ୍ ଇନେସ୍ ଉପକାର ଦାନ ପାୟା ତାଦେଣ୍ଣା, ହେ ଲାକେ ଇସ୍ପରତି ବେସି ବିଦି ଦୟାନି ହାର କାରନିୟା ଲାକେ ତାହୁଦାଂ ହାରି ହେବା କିୟାଟ୍, ୧୧ ଇନେର୍ ଜଦି ସୁଣାୟ କିନାନ, ବାଟିଙ୍ଗ୍ ହେଖାନ ଇସ୍ପରତି ବଚନ୍ ସୁଣାୟକିନାକାନ ଲାକେ ସୁଣାୟ କିଏନ୍; ଇନେର୍ ଜଦି ହେବା କିନାନ, ବାଟିଙ୍ଗ୍ ହେଖାନ ଇସ୍ପରତାଂ ସାକ୍ତିଗାଟାନି ମାନାୟ ଲାକେ ହେବା କିଏନ୍, ଇନେସ୍ ଜିସୁ କ୍ରିସ୍ତୁ

ହୁଦାଂ ଇସ୍ୱରତି ଜାଜ୍‌ମାଲ୍ ଆନାତ୍; ଜୁଗ୍ ଜୁଗ୍ ଜାଜ୍‌ମାଲ୍ ଆରି ବାପୁ ହେଞ୍ଜାନ୍ତି । ଆମେନ୍ ।

କ୍ରିଷ୍ଟିୟାନ୍ତି ଦୁକ୍‌ବଗ୍

୧୨ ଏ ୱାରିନିକାଦେର୍, ମି ପରିକ୍ୟା କାଜିଂ ଇମ୍‌ଣି ଦୁକ୍‌ବଗ୍‌ବାତ୍ ନାଣି ଏକାଞ୍ଜାତାତ୍‌ନା, ହେଦାଂ ଚାନ୍ୟା ଗଟ୍‌ଣା ଇଞ୍ଜି ବାବି କିଜି କାବା ଗିଆନ୍ ଆମାଟ୍; ୧୩ ଇତିସ୍ ଏଚେକ୍ ଲଡ଼ା କ୍ରିସ୍ତୁତି ଦୁକ୍‌ବଗ୍‌ନି ମେହା ଆନାଦେରା, ହେ ଏଚେକ୍ ୱାରି କିୟାଟ୍, ଇନେସ୍ ହେଞ୍ଜାନ୍ତି ଜାଜ୍‌ମାଲ୍ ଆନି ସମୁତ ପା ଏପେଙ୍ଗ୍ ବେସି ୱାରିତ ୱାର୍‌ୟା ଆନାଦେର୍ । ୧୪ ଜଦି ଏପେଙ୍ଗ୍ କ୍ରିସ୍ତୁତି ତର କାଜିଂ ନିନ୍ଦା ଆନାଦେର୍, ତାଆତିସ୍ ଏପେଙ୍ଗ୍ ଦନ୍ୟ, ଇନେକିଦେଂକି ଜାଜ୍‌ମାଲ୍‌ନି ଜିବୁନ୍, ଇତିସ୍ ଇସ୍ୱରତି ଜିବୁନ୍, ମି ତାକେ ବାହା କିନାତା । ୧୫ ଲାଗିଂ ମି ବିତ୍ରେ ଇନେର୍ ଟୁଣାକାନ୍, କି ମ୍ଲୁକେନ୍, କି ନାସ୍ତୁଆ କୁଲ୍ ଆ ଆଜି ତାଣ୍ଟ ବଗ୍ କିମେନ୍; ୧୬ ମାତର୍ ଜଦି କ୍ରିଷ୍ଟିୟାନ୍ ଆତିଲେ ତାଣ୍ଟ ବଗ୍ କିନାନ୍, ତାଆତିସ୍ ହେଞ୍ଜାନ୍ ଲାଜ୍ କୁଇ କିମେନ୍, ନଲେ ଇ ତର୍ କାଜିଂ ଇସ୍ୱରତିଂ ପାର୍ତାନା କିନାସ୍ ।

୧୭ ଇନେକିଦେଂକି ଇସ୍ୱରତି ଇଲ୍‌ତାଂ ହାଂଜି ବିଚାର କିନି ସମୁ ଏକାଞ୍ଜାତାତ୍‌ନା; ଆରେ ଜଦି ହିଗ୍‌ଦ ମା ତାଂ ହାଙ୍ଗ୍‌ତିସ୍, ବାଟିଙ୍ଗ୍ ଇମ୍‌ଣାକାର୍ ଇସ୍ୱରତି ନେକ୍ରିକାବୁର୍ତ୍ତ ପାତ୍ କିର୍ତ୍ତ ତା ଆତିସ୍, ହେଞ୍ଜାନ୍ତି ହାରିହାରା ଦସା କି ଇନାକା ଆଉତ୍ ! ୧୮ ଆରେ ଦାମ୍ ଲଗୁ

“ଜଦି କସ୍ତୁତ ମୁକ୍ତି ପାୟାଆନାନ୍,

ବାଟିଙ୍ଗ୍ ଅଦାମ୍ ଆରି ପାପିର୍ ଦସା ଇନାକା ଆଉତ୍ !”

୧୯ ଲାଗିଂ, ଇମ୍‌ଣାକାର୍ ଇସ୍ୱରତି ଇଚାତ ଦୁକ୍‌ବଗ୍ କିନାନ୍, ହେଞ୍ଜାର୍ ପାତ୍‌ନି ଉପ୍‌ଜାଣ୍‌କାର୍‌ୟାତି କେଇଦ ଜାର୍ ଜାର୍ ୱାସ୍ତିତିଂ ହେଲ୍‌ୟା କିଜି ହାର୍ କାମାୟ୍‌ନି ଦ୍ୟାନ୍ତ ମାନେର୍ ଇନେକିଦେଂକି ହେଞ୍ଜାନ୍ ନିତ୍ରେ ହେଞ୍ଜାନ୍ତି ପାର୍‌ମାଣ୍ ରାକ୍ୟା କିନାନ୍ ।



ଇସ୍ୱରତି ମେଣ୍ଡାମାନ୍ଦା

୧ ଆନ୍ ରଞ୍ଜାଙ୍ଗ୍ ବୁଡ଼ାଲୁ ଇସାପ୍‌ତାଂ ମି ମଣ୍ଡଲିନି ବୁଡ଼ାଲୁରିଂ ଗଞ୍ଜାରି କିଜି ଇନାଙ୍ଗା । ଲାଗିଂ, ରଞ୍ଜାନ୍ ହାଙ୍ଗ୍‌ଦି ପାର୍‌ଚିନ୍ ଆରେ କ୍ରିସ୍ତୁତି ଦୁକ୍‌ବଗ୍‌ନି ସାକି ଆରି ୱାନି ଜାଜ୍‌ମାଲ୍‌ନି ମେହାଣ୍ ଆଦିକାରି ଜେ ଆନ୍, ଆନ୍ ମି ବିତ୍ରେ ମାନି ବୁଡ଼ାଲୁରିଂ ଗଞ୍ଜାରି କିନାଙ୍ଗା, ୨ ଇସ୍ୱର୍ ମି କେଇଦ ଇମ୍‌ଣି ମେଣ୍ଡା ମାନ୍ଦାତିଂ ହେଲ୍‌ୟା କିତାନ୍‌ନା, ଆନ୍ ଗଞ୍ଜାରି କିଦ୍‌ନାଙ୍ଗା, ଏପେଙ୍ଗ୍ ମାନ୍‌ହିଲ୍‌ୟାଂ ହେଦାଂ କିଞ୍ଜାଦାଂ ୱାରିତାଂ ହେଞ୍ଜାରିଂ ଜାତୁନ୍ କିୟାଟ୍, ଦାନ୍ ଲାବ୍‌ତି ଆହାତାଂ ହେଦାଂ କିଞ୍ଜାଦାଂ ହାତ୍‌ପା ହେବା ମାନ୍‌ବାବ୍‌ନା ଲାହାଂ ମି କାମାୟ୍ ଉପାୟ୍ କିୟାଟ୍ । ୩ ଆରେ ଇମ୍‌ଣାକାର୍ ଦାଉତ୍ ମି କେଇଦ ହେଲ୍‌ୟା ଆତାତ୍‌ନା, ହେଞ୍ଜାର୍ ଜପି କିନିପାଣ୍ କିଞ୍ଜାଦାଂ ମାନ୍ଦା ୱାରିୟାତି ଲାକେ ଆଜି ହେଦାଂ କିୟାଟ୍ । ୪ ହେବେଣ୍ଡାଂ ମୁଡ୍ ପାଲକ୍ ହନି ସମୁତ ଏପେଙ୍ଗ୍ ଜାଜ୍‌ମାଲ୍‌ନି ମୁକୁର୍ ଗାଟାନାଦେର୍ ଆରି ତାଦି ୱିଜ୍‌ଞ୍ଜି ମୁକୁର୍ ପାୟାନ୍‌ଦେର୍ ।

୫ ହେ ଲାକେ, ଏ ଦାଂଣାର୍, ଏପେଙ୍ଗ୍ ବୁଡ଼ାଲୁରିତି ତଲ୍ୟା ଆଡୁ । ୱିଜାଦେର୍ ହାରି କାଜିଂ ହୁଦାର୍ ବାତ୍ ଆଙ୍ଗି ଉସ୍ପାଟ୍, ଇନେକିଦେଂକି “ସାସ୍ୱରତ ଲେକାମାନାତ୍ ଇସ୍ୱର୍ ଆକ୍ରିୟାତ୍ ବାଦା ହିଜି ହୁଦାର୍ ଲଗାତ୍ ଦୟା କିନାନ୍ ।” ୬ ଲାଗିଂ, ଇସ୍ୱରତି ବାଡ୍‌କାସ୍‌ନି କେଇ ତାରେନ୍ ଜାର୍ ଜାର୍‌ତିଂ ତଲ୍ୟା କିୟାଟ୍, ଇନେସ୍ ହେଞ୍ଜାନ୍ ମିଂ

☆ ୫:୨ ୫:୨ ଜହନ୍ ୨୧:୧୫-୧୭. ☆ ୫:୭ ୫:୭ ମାତିଉ ୨୩:୧୨; ଲୁକ ୧୪:୧୧; ୧୮:୧୪.

ସମାନ ଷ୍ଟେଡାଲିଂ ଉଚ୍ଚ କିଦନାନ୍; ୭ ମିଦାଂ ଓଜୁ ଚିତାନି କାଉଡ଼ି ଇସ୍ପରତି ଜପି ତୁହିୟାଟ୍, ଇନେକିଦେଂକି ହେଖାନ୍ ମି କାଜିଂ ଚିତା କିନାନ୍ ।

୮ ଚେଡନା ଆଜି ଜାଗ୍ରତ୍ ମାନାଟ୍ । ମି ଆଣ୍ଟିପାକ୍ୟା ସୟତାନ୍ ସିହ୍ଁ ଲାକେ ଗାର୍ଜାନ୍ କିଜି ଇନେରିଂ ଗୁହ୍ନାଡ୍, ଇଦାଂ ଡେକ୍ଟି ବୁଲାନାତା; ୯ ପାତର୍ ତ ଡିର୍ ମାନ୍ଝି ସୟତାନ୍ତିଂ ବିରୁଦ୍ କିୟାଟ୍, ଆରେ ଇଦାଂ ପୁନାଟ୍ ଜେ, ଜଗଡ୍ତ ମାନି ମି ପାତର୍ କିନି ଟଣ୍ଡାତର୍ କାଜିଂ ଇ ବାନି ଦୁକ୍ବଗ୍ ଗିଟାନାତା । ୧୦ କ୍ରିସ୍ଟି ଲାହାଂ ମେହାଜି ତା ଓଜୁଓ ଓଜୁ ଦୟାନି ମୁଡ୍ଦାକାନ୍ ଇମ୍ଣି ଇସ୍ପର ଜାର୍ ଓଜୁଓ ଜାଜ୍ମାଳ୍ତ ରଚେବାଗ୍ ଆନି କାଜିଂ କ୍ରିସ୍ଟିସ୍ଟି ହୁଦାଂ ମିଙ୍ଗେଙ୍ଗ୍ କୁକ୍ତାନ୍ନା, ହେଖାନ୍ ମିଦାଂ ଚାନେକ୍ ଦୁକ୍ବଗ୍ ପାଚେ ମିଂ ବାତର୍, ସୁସ୍ତା, ବାଡ୍କାସ୍ ଆରି କୁଚିକିଦନାନ୍ । ୧୧ ବାଡ୍କାସ୍ ଜୁଗ୍ ଜୁଗ୍ ହେଖାନ୍ତି ରାଜ୍ ଆଏଡ୍ । ଆମେନ୍ ।

ହାରିହାରା ବନ୍ଦାୟ

୧୨ *ଇସ୍ପରତି ହାଡ୍ପା ଉପକାର୍ ଜେ ଏଲେଂ ବାନି, ଇ ବିସ୍ତେ ସାକି ହିଜି ମିଂ ଖାରିକିୟ୍ କିଦନିଂ କାଜିଂ ସିଲ୍ଲାନତି ହୁଦାଂ ଆନ୍ ଅକର୍ତାଂ ଆକି ଲେକିକିତାଂ; ନା ବୁଜାନିତ ହେଖାନ୍ ରଖାନ୍ ପାତର୍ ନି ଟଣ୍ଡେନ୍ । ଏପେଙ୍ଗ୍ ଇ ଦୟାତ ସୁସ୍ତା ଆଜି ମାନାଟ୍ ।

୧୩ *ମି ଲାହାଙ୍ଗ୍ ବାଚିକିୟାତି ବାବିଲନ୍ନି ମଣ୍ଡଲି ଆରି ନା ଦାମର୍ ମାଜି ମାର୍କ ମିଙ୍ଗେଙ୍ଗ୍ ଜୁଖାର୍ ଜାଣାୟ୍ କିମ୍ପାନା ।

୧୪ କ୍ରିସ୍ଟିୟାନ୍ ଜିଉନିତି ବାନ୍ଦାୟ୍ କିଜି ହାରିତିଂ ଜୁଆର୍ କିୟାଟ୍ ।

କ୍ରିସ୍ଟାକେ ମାନି ମି କାଜିଂ ସୁସ୍ତା ଆୟେଡ୍ ।

* ୫:୧୨ ୫:୧୨ ପକ୍ୟାତାକା ୧୫:୨୨,୪୦.

କଲସିୟ ୪:୧୦; ପିଲିମନ୍ ୧:୨୪.

* ୫:୧୩ ୫:୧୩ ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯;

ପିତରଙ୍କ ଦ୍ୱିତୀୟ ପତ୍ର ପିତରୁ ଲେଖିକିତି ଜେତି ଆକି ପିତରୁ ଜେତି ଆକି ବିସ୍ତେନି ପାଦେକ୍

ପିତରୁ ଲେଖି ଆକି ଇନାତ୍ ଜେ, ଇ ଆକି ପକ୍ୟାତି ପିତରୁତି ହୁଦାଂ ଲେକା ଆତାନା । ମତର ନଂ ବେସି ପଣ୍ଡିତକୁର ଇଦାଂ ସତ୍ ଆକାୟ୍ ଇଞ୍ଜି ଇନାରା । ଆଜି ମାନଗାନାତ୍ ଇଦାଂ ବିନ୍ ଲଗୁ ପିତରୁତି ବାଦୁଲ୍ ଲେକିକିତାଣ୍ଟା । ଲେକିକିନାକାନ୍ ଇନାନ୍ ଜେ ହେଝାନ୍ ଜିସୁ କ୍ରିସ୍ତୁତି କାଣକୃତ ସାକି । ବେସିକିଜି ଜିସୁତି ବଦଲାନି ବିସ୍ତେ ଇନାନ୍ ୧:୧୭-୧୮ । ପିତର ଇ ଆକି ଆଜି ମାନଗାନାତ୍ କ୍ରିସ୍ତୁତି ଜଲମ୍ ପାଚେ ୫୬-୬୯ ବିତ୍ରେ ହେଝାନ୍ ହାନି ଆଗେ ଲେକି କିତାନ୍ନା । ପିତର ପା ତା ଜେତି ଆକି ଇଞ୍ଜି ଇନାନ୍ । ପିତରୁତି ୧ ମ୍ ଆକି ଲେକି କିତି ପାଚେ ହେଝାନ୍ ଲେକାନି ସମୁତଂ ବାହା ହିଜି ଇଦିଲିଂ ଜେତି ଆକି ଇଞ୍ଜି ଇନାନ୍ । ୧ ପିତର ୩:୧

ଝିଜାର୍ କ୍ରିସ୍ତୁୟାନରିଂ ଇ ଟିକ୍ଣା ହିତାନ୍ନା । ପିତର ପାତ୍ ନିକାରିଂ ସାସ୍ ଆରି ହାର୍ କିଜି ଜିଦେଂ ଆରି ମିର୍ ଗୁରୁତାଂ ଦେହା ମାଞ୍ଜେଙ୍ଗ୍ ଜାଗ୍ରତ୍ କିନି କାଜିଂ ଇ ଆକିତ ଲେକିକିନାନା ୨ ।

ଜିସୁ ଝାଦେଂ ଲାମା ସମୁ ମାନାତ୍ ଇନି ଲୁଗାଂ ମୁନା କିନାକାରିଂ ସାସ୍ ହିନାନା । ଇସ୍ବର କାଲେ ଆକାୟ୍ ମତର ଝିଜାର୍ ଉଦାର୍ ପାୟାନାର୍ ଇଦାଂ ଇସ୍ବର ମାନକିନାନ୍ ୨ ପିତର ୩:୮-୯ ଇଦାଂ ରଞ୍ଜାଙ୍ଗ୍ ହାଦ୍ ଜିବୁନ୍ନିକା ୩:୧୪

୨ ପିତର ଆକି ବିସ୍ତେନି ରାହାଣ

୧. ପିତର ହେଝାକ୍ତି ଜାଣା ହିନାନା ଆରି ପଡ଼ି କିନାକାରିଂ ଟିକ୍ଣା ହିନାନ୍ ୧:୧-୨
୨. ପାତ୍ କିନାକାରିଂ ହାଦ୍ ଜିବୁନ୍ ଜିପକା କାଜିଂ ଏଡ୍ କିୟ୍ କିନାନ୍, ଇନେକିଦେଂକି ଇସ୍ବର ମାଂ ବାଟି କିଡ଼ତାନ୍ନା ୧:୩-୨୧
୩. ହେଝାନ୍ ମିର୍ ଗୁରୁରିଂ ହାରିହାରା ଝେଡ଼ାଲିଂ ହେଝାରୁତି ଇନେସ୍ ଗିଚାନାତ୍ ହେଦାଂ ଇନାନା ୨:୧-୨୨
୪. ପିତର ଜିସୁକ୍ରିସ୍ତୁତି ଜେତି ଝାନାକା କାଜିଂ ଜାଲ୍ଦି ଆଜି ମାନଞ୍ଜି ହାର୍ ଜିବୁନ୍ କାଟି ଆନାକା ସାସ୍ ହିନାନ୍ ୩:୧-୧୭

୧ ସିମନ୍ ପିତର, ଜିସୁ କ୍ରିସ୍ତୁତି ରଝାନ୍ ଆଡ଼ିଏନ୍ ଆରି ପକ୍ୟାତାକାନ୍, ମା ଇସ୍ବର ଆର ମୁକ୍ତି କାରିୟା ଜିସୁ କ୍ରିସ୍ତୁତି ଦାମ୍ ତ କାଜିଂ ଇମଣାକାର୍ ମା ଲାହାଙ୍ଗ୍ ସମାନ୍ ବାବ୍ରେ ଜବର୍ମଲ୍ନି ପାତ୍ ଗାଟା ଆଡ଼ତାଡ଼ନା, ହେଝାରୁତି ଲାଗେ ଆକି ଲେକିକିନାଙ୍ଗା ।

୨ ଇସ୍ବର ଆରି ମା ମାପୁ ଜିସୁତି ବିସ୍ତେ ଗିଆନ୍ ହୁଦାଂ ମି କାଜିଂ ଉପକାର୍ ଆରି ସୁସ୍ତା ବେସିତାଂ ଆୟେଡ୍ ।

ଇସ୍ବରୁତି କୁକ୍ନାକା ଆରି ବାଟିକିନାକା

୩ ଇନେର୍ ଜାର୍ ଜାଜ୍ମାଲ୍ ଆରି ସତ୍ଗୁଣ୍ଡତ ମାଙ୍ଗ୍ କୁକ୍ତାତାନ୍ନା, ହେଝାକ୍ତି ବିସ୍ତେ ଗିଆନ୍ ହୁଦାଂ ତା ଇସ୍ବରୁତି ସାକ୍ତି ମା ଜିବୁନ୍ତ ଆରି ଦାମ୍ ତାଂ କାଜିଂ ଝିଜୁ ଲଡ଼ାନି ବିସ୍ତେ ଦାନ୍ କିଡ଼ତାନ୍ନା । ୪ ତା ହୁଦାଂ ହେଝାନ୍ ମାଙ୍ଗେଙ୍ଗ୍ ଜବର୍ମଲ୍ ଆରି ବେସିମାନ୍ତି ପାର୍ମାଣ୍ ଦାନ୍ କିଡ଼ତାନ୍ନା, ଇନେସ୍ ହେ ସବୁ ହୁଦାଂ ଏପେଙ୍ଗ୍ ବାନ୍ୟାଲ୍ଲାୟା ଉପଜାଣ୍ ଇମଣି ବୁଡାନି ଜଗଡ଼ତ ମାନାତ୍, ହେବେଣ୍ଟାଂ ରାକ୍ୟା ପାୟାଜି ଇସ୍ବରୁତି ମାନ୍ ବାବ୍ନାତ ମେହାଣ୍ ଆଡୁ । ୫ ଆଁ, ଇ କାରଣତାଂ ଏପେଙ୍ଗ୍ ବେସି ଜାଡୁନ୍ ଲାହାଙ୍ଗ୍ ପାତ୍ ହୁଦାଂ ହାଡ଼ପାଗୁଣ୍, ହାଡ଼ପାଗୁଣ୍ ଲାହାଙ୍ଗ୍ ଗିଆନ୍

କିୟାଟ୍, ୬ ଗିଆନ୍ ଲାହାଙ୍ଗ୍ ମଦାନାକା, ମଦାନାକା ଲାହାଙ୍ଗ୍ ସାସ୍, ସାସ୍ ଲାହାଙ୍ଗ୍ ଦାରୁମ୍‌ଜିଉ, ୭ ଦାରୁମ୍‌ଜିଉ ଲାହାଙ୍ଗ୍ ଟଣ୍ଡେନ୍‌ଲାଡ୍, ଆରେ ଟଣ୍ଡେନ୍‌ଲାଡ୍ ଲାହାଙ୍ଗ୍ ଜିଉନନାକା ମେହାୟ୍ କିୟାଟ୍ । ୮ ଇ ସବୁ ମିତାକେ ବାତାତିସ୍ ମା ମାପୁ ଜିସୁ କ୍ରିସ୍ତୁଟି ବିସ୍ତେ ଗିଆନ୍ତ ବାତ ଲାବ୍ କିନି କାଜିଂ ମିଂ ହିଡ଼ଡ଼ି ଆରି ପଲ୍ୟା ଆଦେଂ ଆଉଡ୍ । ୯ ମତର୍ ଇସବୁ ଇନେର୍ ତାକେ ହିଲୁଡ୍, ହେୱାନ୍ ଦେହାନଞ୍ଜର୍ ଆୱାଦାଂ କାଶା ଆତାନ୍ନା, ଆରେ ଜାର୍ ଆଗେ କିତି ପାପ୍‌ତାଂ ନିର୍ମଲ୍ ଆନି ବିସ୍ତେ ବାଶାଆତାନ୍ ।

୧୦ ଲାଗିଂ, ଏ ଟଣ୍ଡାର୍ ଆରି ତଣ୍ଡେଦେକାଦେର୍, ଏପେଙ୍ଗ୍ ଜାର୍ ଜାର୍ କୁକ୍‌ତିନି ତାକେ ଆରି ବାଟିକିନିତାକେ ତିର୍ କିନି କାଜିଂ ଆଦିକ୍ ଜାତୁନ୍ ଆଡୁ; ଲାଗିଂ ଏଲେଂ କିତିସ୍ ଏପେଙ୍ଗ୍ ଇନାୱାଡାଂ ପା ପାପ୍ କିଉଦେର୍, ୧୧ ଆରେ ଇ ବାନି ମା ମାପୁ ଆରି ମୁଲ୍ଲି କାରିୟା ଜିସୁ କ୍ରିସ୍ତୁଟି ଷ୍ଟିଞ୍ଜି ରାଜିତ ମାନ୍‌ତାଂ ହଣ୍ଡେଙ୍ଗ୍ ମିଙ୍ଗେଙ୍ଗ୍ ପୁରା ଆଦିକାର୍ ହିଦ୍ୟାନାଡ୍ ।

୧୨ ଲାଗିଂ, ଏପେଙ୍ଗ୍ ଜଦିପା ଇ ସବୁ ୱେଡାଙ୍ଗ୍ ପୁନାଟ୍ ଆରି ଗାଟାତି ହାଡ୍‌ପାତ ତିର୍‌କିୟା ଆତାଦେଣ୍ଟା, ଆତିସପା ଆନ୍ ଇ ସବୁ ବିସ୍ତେ ମିଂ ଏଡୁ କିୟକିଦେଂ ନିତ୍ରେ ଜାଲ୍‌ଦି ଆଜି ମାନାଙ୍ଗ୍ । ୧୩ ମା ମାପୁ ଜିସୁ କ୍ରିସ୍ତୁନାଙ୍ଗ୍ ଇନେସ୍ ୱେଡ଼ଚାତାନ୍ନା, ତାପାଚେ ସାଙ୍ଗେ ନାଙ୍ଗ୍ ଇ ଗାଗାଡ୍ ଲାକେ ସମାନ୍ ତୁମ୍ ଜେ ପିହ୍‌ୟା ଆନାଡ୍, ୧୪ ମା ମାପୁ ଜିସୁ କ୍ରିସ୍ତୁ ନାଙ୍ଗେଙ୍ଗ୍ ଇନେସ୍ ୱେଡ଼ଚାତାନ୍ନା, ହେ ଇସାପ୍ରେ ବେଗି ନାଙ୍ଗେଙ୍ଗ୍ ଇ ଗାଗାଡ୍ ଲାକେ ତୁମ୍ ଜେ ରର୍‌ନାକା ଆନାଡ୍ ୧୫ ଆରେ ନା ହାଟିପାଚେ ଏପେଙ୍ଗ୍ ଇ ଷ୍ଟିଲୁ ବିସ୍ତେ ଇନେସ୍ ନିତ୍ରେ ଏଡୁତ ତାହିୱାଦେଂ ଆଡୁନାଦେର୍, ଇଦାଂ କାଜିଂ ଆନ୍ ଜାତୁନ୍ କିନାଙ୍ଗ୍ ।

କ୍ରିସ୍ତୁଟି ପାଣ୍ଡି ସାକି

୧୬ ଇନେକିଦେଂକି ଆସେଙ୍ଗ୍ ଏଚେକାଡ୍‌ଦ ମା ମାପୁ ଜିସୁ କ୍ରିସ୍ତୁଟି ସାକ୍ତି ଆରି ୱାନାକା କାତା ମିଙ୍ଗେଙ୍ଗ୍ ୱେଡ଼ଚାତାପ୍, ହେ ଏଚେକାଡ୍‌ଦ ଚାତୁର୍ ଲାହାଙ୍ଗ୍ ହାୟାୟକିତି ଇମ୍‌ଶାକା ପା କାତା ଆହ୍‌ୱାଦାଂ ମାଚାପ୍, ମତର୍ ହେୱାନ୍ତି ପାଣ୍ଡିତ କାଣ୍‌କୁତାଂ ସାକି ଆଜି ମାଚାପ୍ । ୧୭ ଲାଗିଂ ଏଚେକାଡ୍‌ଦ ବେସି ଜାଜ୍‌ମାଲ୍ ବିତ୍ରେତାଂ ହେୱାନ୍ତି କାଜିଂ ଇ କାତା ଆତାଡ୍, “ଏ ମା ୱାରିନି ମାଜି, ଇୱାନ୍ତି ତାକେ ମା ରଞ୍ଜାଙ୍ଗ୍ ମତର୍ ସତକ୍, ହେ ଏଚେୱେଡାଲିଂ ହେୱାନ୍ ଆବା ଇସ୍‌ରତାଂ ୱାରି ଆରି ଜାଜ୍‌ମାଲ୍ ପାୟା ଆତାନ୍ ।” ୧୮ ଆପେଂ ତା ଲାହାଙ୍ଗ୍ ପୁଇପୁୟା ମାଡିତ ମାନିୱେଡାଲିଂ ନିଜେ ଆକାସ୍‌ତାଂ ହଡ୍‌ତି ଇ କାତା ୱେଚାପ୍ ।

୧୯ ଇବେଣ୍ଡାଂ ବେଣ୍‌ବାକ୍‌ଶାୟକିନାକାର୍‌ତି ବେଣ୍‌ବାକ୍‌ଶାୟ ମା ଲାଗେ ଆଦିକ୍ ଆଟ୍‌ୱା ଆତାନ୍ନା; ଏପେଙ୍ଗ୍ ହେଦାଂ ମାଜ୍‌ଗା ବାହାତ ଅଜଡ୍ ଆଜି ମାନି ବୈଟା ଲାକେ ବାବି କିଜି କୁଲୁଟ୍‌କ୍‌ପା ଆୱି ପାତେକ୍ ଆରି ମି ମାନ୍ତ ଅଜଡ୍ ହୁକା ହଡ୍‌ୱି ପାତେକ୍ ହେଦାଂ କାଜିଂ ମାନ୍‌ଦିଆନ୍ କିତିସ୍ ହାର୍ ଆନାଡ୍ । ୨୦ ଆଗେ ଇଦାଂ ପୁନାଟ୍ ଜେ, ସାପୁର୍‌ନି ଇମ୍‌ଶାକା ପା ବେଣ୍‌ବାକ୍‌ଶାୟ ଇନେର୍ ଜାର୍ ବୁଦିତ ବୁଜାଦେଂ ଆଡୁଦେର୍, ୨୧ ଇନେକିଦେଂକି ଇମ୍‌ଶାକା ପା ବେଣ୍‌ବାକ୍‌ଶାୟ ଇନାୱେଡାଂ ପା ମାନାୟ୍ ଇଚାତାଂ ଉବ୍‌ଜାଣ୍ ଆୱାତାନ୍ନା, ମତର୍ ଇସ୍‌ର ପଲ୍ଲିତି ମନାୟାର୍ ପୁଇପୁୟା ଜିବୁନ୍ ଲାହାଙ୍ଗ୍ ଚାଲା ଆଜି କାତା ଇଞ୍ଜି ମାଚାଦେର୍ ।

୨

ବାମ୍‌ତାୟକିନି ଗୁରୁ

୧ ମାତର୍ ମାନାୟାର୍ ବିତ୍ରେ ଚାକ୍ରାୟକିନି ବେଣ୍‌ବାକ୍‌ଶାୟକିନାକାର୍ ପା ହଡ୍‌ନାର୍; ହେ ଲାକେ ମି ବିତ୍ରେ ପା ଚାକ୍ରାୟକିନି ହିକ୍ୟାକିନାକାର୍ ହଡ୍‌ନାର୍; ହେୱାର୍ ବୁତାନିଜଗଡ୍‌ତ ବାନ୍ୟା ମାନ୍ତ ଡକ୍‌କ୍‌ତି ଚାଲାୟ କିଜି ହେୱାରିଂ କଡ୍‌ନାକାନ୍ ମାପୁଙ୍ଗ୍ ଆଁ

ମାନିକିଭର୍, ଆରେ, ଜାର୍ତିଂ ମାନିକିଞ୍ଜାକା ଗିଚାନାଡ଼ ।^୨ ଆରେ, ଆଦେକ୍ ହେଞ୍ଜାର୍ତି ବାନ୍ୟାକାମାୟତ ତଲ୍ୟା ହାନାର୍, କାତାତ ଇଞ୍ଜାତ କାଜିଂ ହାଡ଼ପା ହାଜି ନିନ୍ଦା କିତାର ।^୩ ହେଞ୍ଜାର୍ ଦନ୍ଲବତ ଚାକ୍ରାୟକାତା ହୁଦାଂ ମିତାଂ ଟାକାଂଲବ୍ କିଦେଞ୍ଜ ସେସ୍ତା କିନାର୍; ହେଞ୍ଜାର୍ତି ତାଣ୍ଡ ବେସି କାଡ଼ଦାଂ ଗିଚାଜି ଞ୍ଜାନାତା ଆରି ବେସିଦିନ୍ଦାଂ ଇସ୍ବର ହେଞ୍ଜାର୍ତି ବିଚାର କିତାନନ୍ନା ଆରେ ହେଞ୍ଜାର୍ତି ହାକିନି ଦିନ୍ ଞ୍ଜାତାତେ ।

^୪ ଇନେକିଦେଂକି ଇସ୍ବର ପାପ୍ତ ମୁଚ୍ୟାତି ଦୁତକକାଂ କେମା ହିଞ୍ଜାଦାଂ ନରକ୍ତ ତୁହିଜି ବିଚାର୍ଣ୍ଣା କାଜିଂ ମାଜ୍ଗାନି କ୍ଳୁଇଦ ହିକ୍ତିଂ ତାଞ୍ ଗାର୍ତି ଇଡ଼ତାନ୍ନା ^୫ ଇସ୍ବର ପୁନି ଜଗଡ଼ତିଞ୍ଜ ପା ପିହ୍ଞାତାନ୍, ମାତର୍ କେବଲ୍ ଦାରୁମ୍ ପୁଣାୟକିନାକାର ନହତିଂ ବିନ୍ ସାଡ଼ ଜାଣ୍ ଲାହାଞ୍ ରାକ୍ୟା କିଜି ଦାରୁମ୍ବାମତାୟ ଜଗଡ଼ତ ଏସ୍ଚାଲାନାକା ଗିଚାୟକିତାନ୍; ^୬ ତା ପାତେ ଇସ୍ବର ସଦମ୍ ଆରି ଗମରା ଗାଡ଼ସ୍ବରୁତିଂ ନିସ୍ତ ମାଜି କିଜି ବାତ ଋତେ ବୁତାଦେଂ କାଜିଂ ଦାଣ୍ଡ ବଲ୍ ହିତାନ୍ ଆରି ହେଞ୍ଜାରିଂ ଞ୍ଜାନି କାଡ଼ଦ ଅଦାମ୍ ତି ଉତର୍ମୁଡ଼ ଲାକେ କିତାନ୍, ^୭ ଆରେ, ହେଞ୍ଜାନ ବିଦିହିଲ୍ଞାକାରିଂ ବାନ୍ୟାକାମାୟତ ପୁରା ବେବାର୍ ପିସ୍ତି ଦାମ୍ ଲଟିଂ ଇସ୍ବର ରାକ୍ୟା କିତାନ୍, ଲାଗିଂ ହେ ଦାମ୍ ଲକୁ ହେଞ୍ଜାର୍ତି ବିତ୍ତେ ବାହା କିଜି ହେଞ୍ଜାର୍ତି ବାନ୍ୟା କାମାୟ ହୁଡ଼ଜି ଆରି ଞ୍ଜେନ୍ଞି ନିତ୍ତେ ଜାର୍ ଦାରୁମ୍ନିକାର୍ ପାରାଣ୍ଡତ କସ୍ତୁ ବଗ୍ କିତାର । ^୮ ଇଦାନି ମାପୁ ଦାରୁମ୍ନିକାରିଂ ପରିକ୍ୟାତାଂ ରାକ୍ୟା କିଦେଞ୍ଜ ଆରେ, ଅଦାମ୍ ରିଂ, ବେସି ଇମ୍ଣାକାର୍ ଗାଗାଡ଼ନି ବାନ୍ୟା ଆହାତ ଚାଲା ଆଜି ପିସ୍ତେଞ୍ଜ ମାନି କିଭର୍, ହେଞ୍ଜାରିଂ ବିଚାର୍ ଦିନ୍ କାଜିଂ ତାଣ୍ଡନି ତାରେନ୍ ଇଡ଼ଦେଂ ପୁନାର୍ । ^୯ ହେଞ୍ଜାର୍ ପାଣ୍ଡାଞ୍ଜାକାର୍ ଆରି ଜାର୍ତିଂ ବାନ୍ୟା ହୁଡ଼ନାକାର୍ ଆଜି କାବାନି ସାକ୍ତିନିକାରିଂ ଗାଗାଡ଼ ନିନ୍ଦା କିଦେଞ୍ଜ ପାଣ୍ଡା ଆଭର୍, ^{୧୦} ଆଡିସ୍ପା ଆଦିକ୍ ସାକ୍ତି ଆରି ବାପୁନି ଦୁଡ଼ତର୍ ମାପୁତି ଲାଗେ ନିନ୍ଦା କିଜି ହେଞ୍ଜାର୍ତି ବିଚାର୍ଣ୍ଣା କିଭନ୍ । ^{୧୧} ଆହ୍ୟାଜି ରାସ୍ୟାଦେଂ ଇମ୍ଣା ପସୁଂତି ଜଲମ୍, ହେଞ୍ଜାଞ୍ ଲାକେ ଇ ଚାକ୍ରାୟଗୁରୁର୍ କେବଲ୍ ବାନ୍ୟା ହୁଦାଂ ଚାଲାନାର୍ । ଇମ୍ଣା ବିସ୍ତେ ବୁଜାଭର୍, ହେଦେଲିଂ ହେଞ୍ଜାର୍ ନିନ୍ଦା କିତାର । ମାତର୍ ହେଞ୍ଜାର୍ ରାନ୍ତି ପସୁର୍ ଲାକେ ନାସ୍ ଆନାର୍ । ^{୧୨} ଆରେ, ଅନ୍ୟାୟ ବାର୍ତାନ ଲାକେ ଅଦାମ୍ ନି ପାଡ଼ ବଗି କିନାର୍, ହେଞ୍ଜାର୍ ଞ୍ଜେଡ଼ାଲିଂ ଆତାରେ ମାଞ୍ଜେଞ୍ଜ ସୁକ୍ ପାୟାନାର୍, ଆରେ ପ୍ରାଲ୍ ଆରି ନିନ୍ଦାନିକାନ୍ ଆଜି ମି ଲାହାଞ୍ ତିନାଉଣାତ ସୁକ୍ ପାୟାନି ସମୁତ ଜାତ ବାମ୍ଣାନ୍ ହାନ୍ଦାୟତ ନିଂନାର୍ । ^{୧୩} ହେଞ୍ଜାର୍ତି କାଣ୍ଡା ଦାରି କଗ୍ଲେତ ବାତ ଆଜି ପାପ୍ତାଂ ଟେବା ଆଭର୍, ହେଞ୍ଜାର୍ ତିର୍କାଡ଼ବୁଦି ଲକୁରିଂ ଦାନ୍ ଲାବ୍ଡି କିନାର୍, ହେଞ୍ଜାର୍ତି ମାନ୍ ଦାନ୍ଲାବ୍ତ ବିପ୍ତି, ହେଞ୍ଜାର୍ ସାଏପ୍ତିନି ହିମ୍ଣାଞ୍, ^{୧୪} ହେଞ୍ଜାର୍ ଆଡ଼ଞ୍ଜା ହାଜି ପିସ୍ତି ଅଦାମ୍ ତ ହାଚାର୍ଣ୍ଣା । ବିୟର୍ନି ମାଜି ବିଲିୟାମ୍ ହାଜି ହେଞ୍ଜାର୍ ତା ପାତେ ହାଚାର୍ଣ୍ଣା । ହେଞ୍ଜାନ ବାନ୍ୟା କାମାୟ କିଜି ତାରୁଞ୍ ଲାବ୍ କିଦେଞ୍ଜ ଜିଭନତାର୍; ^{୧୫} ମାତର୍ ହେଞ୍ଜାନ ଜାର୍ ଅପରାଦ୍ କାଜିଂ ଗଡ଼ ଞ୍ଜେଚାନ୍, ରଞ୍ଜାଞ୍ ବଇରି ଗଦ ମାନାୟ ସୁଆତ କାତା ତନ୍ଞି ବେଣ୍ବାକାଣାୟକିନାକାନ୍ତି ହଡ଼ନାକାଦ୍ଲିଂ ଚିମ୍ବରା କିତାନ୍ ।

^{୧୬} ଇ ଚାକ୍ରାୟ ଗୁରୁର୍ ଞ୍ଜାର୍ତି ଜାରାଣ୍ ଲାକେ ଆରି ତ୍ତୁଦ ଚାଲାନି ବାଦାଡ଼ ଲାକେ । ଇସ୍ବର ଇଞ୍ଜାର୍ କାଜିଂ ବେସି ମାଜ୍ଗାନି କ୍ଳୁଇ ବାହା ରଚ୍ଚାନ୍ନା । ^{୧୭} ଇନେକିଦେଂକି ହେଞ୍ଜାର୍ ପଲ୍ୟା ଆକାର୍ କାତା ତନ୍ଞି ବାମ୍ଣାନ୍ତି ପଲ୍ୟା କାରାପ୍ତାଂ ବେଜେକ୍ ଉଦାର୍ ପାୟତି ଲକୁରିଂ ଗାଗାଡ଼ନି ସୁକ୍ଲାଲ୍ସାତ ବାନ୍ୟାକାମାୟ ହୁଦାଂ ଲକାର୍ ଲବ୍ କିନାର୍; ^{୧୮} ହେଞ୍ଜାର୍ ହେଞ୍ଜାରିଂ ଜାର୍ତାରେନି ପାର୍ମାଣ୍ ହିନାନ୍, ମାତର୍ ନିଜେ ବୁତାନି ଆଡ଼ୟା ଆତାନ୍ନା; ଇନେକିଦେଂକି ଇନେର୍ ଇନାକା ହୁଦାଂ ଆରାନାର୍, ହେଞ୍ଜାନ ହେବେନି ଆଡ଼ିଏନ୍ । ^{୧୯} ଲାଗିଂ ହେଞ୍ଜାର୍ ଜଦି ମାପୁ ଆରି ମୁକ୍ତି କିଦ୍ନି ଜିସୁ କ୍ରିସ୍ତୁଟି ବିସ୍ତେ ଗିଆନ୍ ହୁଦାଂ ଜଗଡ଼ନି ବିଚାଡ଼ତାଂ ରାକ୍ୟା ପାୟାଜି ଆରେରଗ

ହେବେ ଗାତ୍ୟାଜି ଆରା ଆତିସ୍, ତା ଆତିସ୍ ହେଝାର୍ତି ପର୍ତ୍ତମ୍ ଦସା ବାଟା ହାରିହାରା ଦସା ଆଦିକ୍ ବାନ୍ୟା ଆନାତ୍ । ୨୧ ଇନେକିଦେଂକି ଦାମ୍ ହାଜି ପୁଞ୍ଜି ଜାର୍ ଲକୁ ଲାଗାଂ ହେଲ୍ଲୟ୍ ଆତି ପୁଞ୍ଜପୁୟା ବଲ୍ଲତାଂ ବିନ୍ମୁମ୍ ଆନି ବାଟା ନଲେ ହେ ହାଜି ପୁନ୍ଝାକା ହେଝାର୍ତି ପାକ୍ୟାତ ହାରା ଆତାମ୍ । ୨୨ ହେଝାର୍ କାଜିଂ ଇନାକା ଗିଟାତାତ୍ନା ହେବେତାଂ ଇ ଉତର୍ମୁଡ୍ ଇନାକାର୍ତି ହାତ୍ପା ଆନାତା । “ନିକୁଡ୍ ଇନାକା କାକ୍ନାତ୍, ହେଦେଲିଂ ଆରେ ତିନାତ୍, ପାଞ୍ଜିତିଂ ନୁସ୍ତିସ୍ପା ପାଚେ ଆରେ ଚିକ୍ଲୀତ ଚାକ୍ଟା ଆଗାନାତ୍ ।”

୩

ମାପୁତି ଖାନାକା ପାର୍ମାଣ

୧ ଏ ଖାରିନିକାଦେର୍, ଆନ୍ ନଂ ମି ଲାଗେ ଇ ଜେତି ଆକି ଲେକିକିନାକା, ଜେତି ଆକିତ ଇ ସବୁ ବିସ୍ତେ ଏତୁକିଜି ମି ମାନ୍ତ ହାଦାକା ଚିନ୍ତା କାଜିଂ ତାଇଖାନି କାଜିଂ ସେସ୍ତା କିତାକ୍ନା । ଇଦାଂ କାଜିଂ ଜେତି ଆକିତ ଆନ୍ ମିଜେକ୍ ହେ ସବୁ ଏତୁ କିଜି ମି ସରଲ୍ ମାନତିଂ ରିସା କିଦେକ୍ ସେସ୍ତା କିନାକା ୨ ଏପେକ୍ ଇନେସ୍ ପୁଞ୍ଜପୁୟା ବେଣ୍ବାକ୍ଶାୟକିନାକାତ୍ ହୁଦାଂ ଆଗେ କାଡ୍ ଇଚି ବଚନ୍ନିଂ ଆରେ ମିଦାଂ ପକ୍ୟାତାକାର୍ ହୁଦାଂ ଇଞ୍ଜି ମାନି ମାପୁ ଆରି ମୁକ୍ତି କିଡ୍ତି ବଲ୍ଲକୁ ଏତୁତ ଇଟାଟ୍ । ୩ *ଆକ୍ତୁ ଇଦାଂ ପୁନାଟ୍ ଜେ, ହାରିହାରା କାଡ୍ ଜାର୍ ଜାର୍ ଲାଲ୍ଲସା ହୁଦାଂ ବେବାର୍କାର୍ଯ୍ୟା ହାତ୍ପାତିଂ ଗ୍ଲୁଇଜି କେବଲ୍ ଜାର୍ ଇଚାତ ବାନ୍ୟା କାମାୟ୍ ହୁଦାଂ ତାକ୍ନାଟ୍, ୪ ଜିସୁତି ଖାନାକା ପାର୍ମାଣ୍ ଆମେଟ୍ ? “ଇନେକିଦେଂକି ଆବା ଲାତ୍ରାର୍ ହାତି ସମୁତାଂ ଇ ପାତେକ୍ ସମୁ ବିସ୍ତେ ଉବ୍ଜାଣିନ ହାଜ୍ତିତାଂ ଇନେସ୍ ମାଚାଟ୍, ହେ ଲାକେ ମାନାଟ୍ ।” ୫ ହେଝାର୍ ପୁନ୍ଝି ପୁନ୍ଝି ବାଶାନାର୍ ଇନେର୍, ପର୍ତ୍ତମ୍ ଇସ୍ବର୍ ବଲ୍ଲ କିତାନ, ଆରି ଆକାସିଂ ଆରି ପୁତ୍ ଉବ୍ଜାଣ୍ ଆତାଟ୍ । ପୁତ୍ ଏଜୁଂ ବିତ୍ରେତାଂ ହସି ଏଜୁକାଂ ମେକ୍ଲୟାଜି ମାଚାଟ୍ । ୬ ଆରେ ହେଝାନ୍ ହୁଦାଂ ହେ ପ୍ଲାନି କାଡ୍ନି ଜଗଡ୍ ଏସ୍ତ ବଡା ଆଜି ନାସ୍ ଆତାଟ୍; ୭ ମାତର୍ ନକ୍ ଇମିଣି ଆକାସ୍ ମଣ୍ଡଲି ଆରି ପୁତ୍ ମାନାଟ୍, ହେଦାଂ ଇସ୍ବର୍ତି ଡିଗା ବଲ୍ଲ ହୁକେ ନାଣିତ ନାସ୍ ଆନି କାଜିଂ ଇଟ୍ୟାତାତ୍ନା । ଇମିଣି ଖେଡାଲିଂ ଅଦାମ୍ ବିଚାରକିୟାଜି ନାସ୍ ଆନାର୍, ହେ ଦିନ୍ ପାତେକ୍ ହେଦାଂ ଜାତୁନ୍ ଆଜି ମାନଗାନାଟ୍ ।

୮ ମାତର୍ ଏ ଖାରିନିକାଦେର୍, ମାପୁ ଲାଗେ ର ଦିନ୍ ଜେ ହାଜାର୍ ବାହୁଁ ଲାକେ ଆରି ହାଜାର୍ ବାହୁଁ ଜେ ର ଦିନ୍ ଲାକେ, ଇ ବିସ୍ତେ ଏପେକ୍ ପର୍ମାଟ୍ ।

୯ ମାଲାନାତା ଇଞ୍ଜି ଇନେସ୍ ଏତେକ୍ ବାବିକିନାର୍, ମାପୁ ଜାର୍ ପାର୍ମାଣ୍ ବିସ୍ତେ ହେ ଲାକେ ମାଲାୟ୍ କିଉନ୍; ମାତର୍ ଇନେସ୍ ଇନେର୍ ବୁତାମେର୍, ନଲେ ଖିଜାର୍ ମାନବାଦଲ୍ଲୟ୍ କିନାର୍, ଇଦାଂ ମାନି କିଜି ହେଝାନ୍ ନିତ୍ରେ ମି କାଜିଂ ଲାମାହୁଦାର୍ ଆନାନ୍ ।

୧୦ *ମାପୁତି ଦିନ୍ ଚର୍ ଲାକେ ଇକାଖାନାଟ୍ । ହେ ଦିନ୍ ଆକାସିଂ ବେସିଗାଜ୍ଜାନାକା ଲାହାକ୍ ବୁଡା ଆନାଟ୍, ଆରେ ଜାର୍ତି ଆଡ୍ମାଡ୍ ସବୁ ବେସି କେଡ୍ଡିତ ରୁଗ୍ଜି ହାନାଟ୍ ଆରି ପୁତ୍ ମାନି ଖିଜୁ ଉବ୍ଜାଣ୍ ବୁଡା ଆନାଟ୍ । ୧୧ ଏପେକ୍ ମାପୁତି ଦିନ୍ତ କାସି ମାନି ଖେଡାଲିଂ, ହେଦାଂ ଇନେସ୍ ବେଗି ଖାନାଟ୍, ଇଦାଂ କାଜିଂ ନିଜ୍ତିଂ ପୁଞ୍ଜପୁୟା କିଜି ଜାଲ୍ଲଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡାନାଟ୍ । ଆକାସ୍ନି ହୁକାଂ ବେସି କେଡ୍ଡିତ ରୁଗ୍ଜି ହାନିକ୍ । ୧୨ ଜଦି ଇ ଲାକେ ସବୁ ବିସ୍ତେ ବୁଡାନାଟ୍,

* ୩:୩ ୩:୩ ଜିହୁଦା ୧:୧୮. * ୩:୧୦ ୩:୧୦ ମାଡିଉ ୨୪:୪୩; ଲୁକ ୧୨:୩୯; ୧ ତେସ୍ଲନିକି ୫:୨; ହଡ୍ଡି ୧୭:୧୫.

ଝାଟିଂ ବାବି କିଜି ହୁଡ଼ାଟ୍, ମିଦାଂ ଜିବୁନ୍ ଇନେସ୍ ଆନାକା ମାନାଟ୍ । ହେଦାଂ ପୁଇପୁୟା ଆରି ଇସ୍ବର ଜିଉନନି ଆନାକା ରଞ୍ଜାଙ୍ଗ୍ ମାତର ଲଡ଼ା ଏପେଙ୍ଗ୍ ମାପୁତି ଦିନ୍ତ କାସି ମାନି ଝେଡ଼ାଲିଂ, ହେଦାଂ ଇନେସ୍ ବେଗି ଝାନାଟ୍, ଇଦାଂ କାଜିଂ ନିଜ୍ଜିତଂ ଜାଲ୍ଲଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡ଼ାନାଟ୍ । ଆକାସନି ହୁକାଂ ବେସି କେଡ଼ତିତ ରୁଗ୍ଜି ହାନିକ୍ । ୧୩ ଆସେଙ୍ଗ୍ ହେଝାନ୍ତି ପାର୍ମାଣ୍ ଇସାପ୍ରେ ର ପୁନି ଆକାସିଂ ଆରି ପୁନି ପୁତ୍ ନି କାନିତାକେ ମାନାପ୍, ଇନାକା ଦାମ୍ ତି ବାହାକିନାକା ଆନାଟ୍ ।

୧୪ ଲାଗିଂ, ଏ ଝାରିନିକାଦେର୍, ଏପେଙ୍ଗ୍ ଇ ଝିଜୁ ବିସ୍ରେ କାସି ମାତିଲେ ଇସ୍ବରତି ଲାଗେ ଇନେସ୍ ପ୍ରାଲ୍ଝାଦାଂ ଆରି ନିଦାଝାଦାଂ ସୁସ୍ତାତ ମାନାକା ହୁଡ଼ୟାନାଟ୍, ଇଦାଂ କାଜିଂ ଜାତୁନ୍ କିୟାଟ୍; ୧୫ ଆରେ, ମା ମାପୁତି ଲାମାହୁଦାର୍ ମୁକ୍ତି ଇଞ୍ଜି ଗିଆନ୍ କିୟାଟ୍ । ମା ଝାରିନି ଟଣ୍ଡେନ୍ ପାଉଲ୍ ପା ଜାତ୍ ହିଡ଼ତି ଗିଆନ୍ ଇସାପ୍ରେ ମି ଲାହାଙ୍ଗ୍ ହେ ଲାକେ ଲେକିକିତାନ୍ନା । ୧୬ ହେଝାନ୍ ଜାତ୍ ଝିଜୁ ଆକିତ ପା ଇସ୍ବୁ ବିସ୍ରେ ଲେକି କିଜି ହେବାନି ଇନାନ୍; ହେ ସବୁନି ଏଲେଂ ଏଚେକ୍ ବିସ୍ରେ ମାନିକ୍, ଇନାକାକି ବୁଜାଦେଂ କସ୍, ଆରେ ହିକାଝିତି ତିକାଡ଼ବୁଦି ଲଗୁ ଜାର୍ ଜାର୍ ବୁଡ଼ାନି କାଜିଂ ଆଦେକ୍ ଝିଜୁ ସାସ୍ବର ଇନେସ୍, ହେ ଝିଜୁନି ପା ହେ ଲାକେ ଅରାହିଲ୍ଝି ଅରଡ଼ କିନାର୍ ।

୧୭ ଲାଗିଂ, ଏ ଝାରିନିକାଦେର୍, ଏପେଙ୍ଗ୍ ପୁର୍ବେତାଂ ଇସ୍ବୁ ପୁନ୍ଝି ଜାଗ୍ଡ଼ ଆଜି ମାନାଟ୍, ଏଚେକାଡ଼ଦ ବିଦିହିଲ୍ଝାକାର୍ତାଂ ବାମ୍ଝାୟ୍ ଆଜି ଏପେଙ୍ଗ୍ ପା ଜାତ୍ ଆଟ୍ଝାତାଂ ଲେମ୍ନାଦେର୍, ୧୮ ନଲେ ମା ମାପୁ ଆରି ମୁକ୍ତିକିନାକାନ୍ ଜିସ୍ବୁ କ୍ରିସ୍ଟି ଉପ୍କାର୍ ଆରି ଗିଆନ୍ତ ଗାଜା ଆଡୁ । ନଂ ଆରି ଝିଜ୍ଝି କାଡ଼୍ ପାଚେକ୍ ହେଝାନ୍ତି ଜାଜ୍ମାଲ୍ ଆଏଡ଼ । ଆମେନ୍ ।

ଯୋହନଙ୍କ ପ୍ରଥମ ପତ୍ର ଜହନ୍ତି ପର୍ତୁମ୍ ଆକି ୧ ଜହନ୍ ଆକିନି ପାଦେକ୍

ପର୍ତୁମ୍ ଜହନ୍ ଜିସୁକ୍ରିଷ୍ଟି ଜଲମ୍ ପାଚେ ୫୦ ତା° ୧୦୦ ବିତ୍ରେ ପକ୍ୟାତି ଜହନ୍ତି ହୁଦା° ଲେକା ଆତାନା । ଜହନ୍ ଜାତ° ଲେକିକିନାକାନ୍ ବାବ୍ରେ ଜାଣା ହିଉନା, ମାତର୍ ପର୍ତୁମ୍ ପାଚ୍ତ ହେଝାନ୍ ଜିସୁକ୍ରିଷ୍ଟି ଜିରୁନ୍ ଆରି ଆରେ ନି°ନାକା ହେଝାନ୍ କାଣ୍କୁନି ସାକି ଇଞ୍ଜି ଜାଣା ହିନାନା ୧:୧-୩ । ପର୍ତୁମ୍ ଜହନ୍ନି ଲେକାନି ହାତୁର୍ ଜହନ୍ ଲେକିକିତି ନେକ୍ରିକାବୁର୍ନି ଲେକା ହାତୁର୍ ହୁଦା° ବେସି ଲାଗା° ଚଞ୍ଜାନାତ୍ । ଇଦା° ପାଚ୍ କିଆନାତ୍ ଜେ ଏଚେକାଡ୍ଦ ହେଝାନ୍ ଏପିସିତ ମାଚାନ୍ ହେ ଜହନ୍ ଲେକିକିତି ନେକ୍ରିକାବୁର୍ ଆରି ଜହନ୍ତି ତିନି ଗଟା ଆକି° ଲେକିକିଜି ମାଚାନ୍ ୧ ଜହନ୍, ଜେତି ଜହନ୍ ଆରି ୩ ଜହନ୍ ।

ଗିଆନିର୍ ଇନପାନି ର କୁଦା ଲକୁରି° ମଣ୍ଡଲି ଇଲ୍ଲିନି ଷ୍ଟିଜାର୍ କ୍ରିଷ୍ଟିୟାନି° ଇ ଆକି ଲେକିକିଜି ମାଚାନ୍ । ହେଝାର୍ ପାଚ୍ କିନାର୍ ଜେ, ଜିସୁ କ୍ରିଷ୍ଟି ହାଡ୍ପା ବାଚ୍ ଇସ୍ବର୍ ଆନାନ୍ ମାତର୍ ଜଗଡ୍ତ ମାନି ଷ୍ଟେଡାଲି° ହେଝାନ୍ ବାଚ୍ ରଚେ ଜେୟ୍ ଆସ୍ତି ମାନାୟ୍ ଆକାୟ୍ । ଜହନ୍ ଜିସୁ କ୍ରିଷ୍ଟି କାଣ୍କୁନି ସାକି ଆରି ହେଝାନ୍ତି କେଇ ହେଝାନି° ତୁଜି ମାଚିଲେ ହେଝାନ୍ ଇଦା° ଲେକିକିନାନା ୧:୧-୩ । ଇନେକିଦେ°କି ଜହନ୍ ଇ ଆକି ଲେକିକିଦେ° ଇଦା° ଜେ, ହେଝାନ୍ତି ଷ୍ଟାରି ବାଚ୍ କିଦେଙ୍ଗ୍ ୧ ଜହନ୍ ୧:୪ଆରି ପାଚ୍ତ ମାନାକାରି° ପାପ୍ତା° ଦେହା ମାଞ୍ଜେଙ୍ଗ୍ ୧ ଜହନ୍ ୨:୧ଆରି ମିର୍ ହିକ୍ୟାତା° ପାଚ୍ ନିକାରି° ଜାଗ୍ରତ୍ ଇଡ୍ଦେ°୧ ଜହନ୍ ୨:୨୬ଆରେ ପାଚ୍ ନିକାରି° ହାଡ୍ପା ଜାଗ୍ରତ୍ରେ ଇଡ୍ନାତ୍ ଇଞ୍ଜି ୫:୧୩

୧ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ହେଝାନ୍ତି ଆକିନି ଜାଣା ହିଜି ଲେକାନି ବିସ୍ତେ ଲେକିକିନାନା ୧:୧-୪
- ୨. ଇସ୍ବର୍ ଇନେସ୍ ଅଜଡ୍ ବୁଜାୟ୍ କିଜି ଜିସୁତି ଲାକେ ଜିରୁନ୍ କାଚି କିଦେଙ୍ଗ୍ ଇନାନ୍ ୧:୫-୩:୧୦
- ୩. ମାଞ୍ଜେଙ୍ଗ୍ ହାରି ଜିଉନି ବିସ୍ତେ ଏଡ୍ କିଜି ହିନାନ୍ ୩:୧୧-୫:୧୨
- ୪. ହେଝାନ୍ତି ଲେକା ଷ୍ଟିହ୍ନାନ୍ ୫:୧୩-୨୧

ଜିରୁନ୍ହିନି ବଚନ୍

୧ ଆଗେତା° ଇନେର୍ ମାଚାନ୍, ଇନେର୍ତି ବଚନ୍ ଆସେଙ୍ଗ୍ ଷ୍ଟେଡ୍ତାପ୍ନା, ଇନେରି° ନିଜ୍ କାଣ୍କୁତାଙ୍ଗ୍ ହୁଡ୍ତାପ୍ନା, ଇନେରି° ଇଚ୍କାଡ୍ କିତାପ୍ନା ଆରି ଜାର୍ କେଇଦାଙ୍ଗ୍ ତୁତାପ୍ନା, ହେ ଜିରୁନ୍ ଲାକେ ବଚନ୍ ବିସ୍ତେ ଜାଣାୟ୍ କିଦ୍ନାପା । ୨ ହେ ଜିରୁନ୍ ଚଞ୍ଜାୟାତାନ୍, ଆରେ ଆପେ° ହୁଡ୍ତାପ୍ନା ଆରି ସାକି ହିନାପା; ଇମ୍ବି ଷ୍ଟିଜ୍ ଜିରୁନ୍ ଆବା ଲାହାଙ୍ଗ୍ ନିତ୍ରେ ମାଚାନ୍ ଆରେ ମା କଚଣ୍ ହଡ୍ତାକା, ହେଝାନ୍ତି ବିସ୍ତେ ମିଙ୍ଗେଙ୍ଗ୍ ଷ୍ଟେଡ୍ତାନାପା । ୩ ଇନାକା ଆପେ° ହୁଡ୍ତାପ୍ନା ଆରି ଷ୍ଟେଡ୍ତାପ୍ନା, ହେଦା° ମିଙ୍ଗେଙ୍ଗ୍ ପା ଷ୍ଟେଡ୍ତାନାପା, ଇନେସ୍କି ଏପେଙ୍ଗ୍ ପା ମା ଲାହାଙ୍ଗ୍ ମେହାଆଦେ° ଆଡ୍ଦାନାଦେର୍; ଆରେ ମା ମେହାଆନାକାନ୍ ଆବା ଇସ୍ବର୍ ଆରି ତା ମାଜି ଜିସୁ କ୍ରିଷ୍ଟି ଲାହାଙ୍ଗ୍ ମାନାତ୍ ।

☆ ୧:୧ ୧:୧ ଜହନ୍ ୧:୧.

୪ ମା ଖାରି ଇନେସ୍‌କି ପୁରା ଆନାଡ଼, ଇଦାଂ କାଜିଙ୍ଗ୍ ଆପେଂ ଇ ଓଁଜୁ ଲେକିକିନାପା

ଇସ୍‌ରତି ଅଜଡ଼.

୫ ଆପେଂ ତା ତାକେଣ୍ଡାଙ୍ଗ୍ ଇମ୍‌ଣି ନେକ୍ରିକାବୁର୍ ଝେଟ୍‌ଚାତାପ୍‌ନା ଆରି ମିଜେଙ୍ଗ୍ ଝେଟ୍‌ଚାନାପା, ହେଦାଂ ଇସ୍‌ରତି ଅଜଡ଼ ଆରେ ତା ତାକେ ମାଜ୍‌ଗା ହିଲୁଡ଼ । ୬ ତା ଲାହାଙ୍ଗ୍ ଆସେଙ୍ଗ୍ ମେହାଆନାକା ମାନାଡ଼, ଇଦାଂ ଇଞ୍ଜି ଜଦି ଆସେଙ୍ଗ୍ ମାଜ୍‌ଗାନି ବେବାର୍ କିନାସ୍, ତା ଆତିସ୍ ଆସେଙ୍ଗ୍ କାତାତ ଆରି କାମାୟ୍‌ତ ମିଟ୍‌ଝାକାସ୍, ଆରେ ହାଡ଼ପା ବେବାର୍ କିଜିମାନୁସ୍ । ୭ ମାତର୍ ହେଝେନ୍ ଇନେସ୍‌କି ଅଜଡ଼ନିକାନ୍ ଆସେଙ୍ଗ୍ ଜଦି ହେ ଲାକେ ଅଜଡ଼ନି ବେବାର୍ କିନାସ୍, ଲାଗିଂ ମାଦାଂ ହାରି ମେହାଣ୍ ମାନାଡ଼, ଆରେ ହେଝାନ୍ତି ମାଜି ଜିସୁତି ନେତେର୍ ଓଁଜୁ ପାପ୍‌ତାଂ ମାଜେଙ୍ଗ୍ ସକଟ୍ କିଦନାଡ଼ ।

୮ ମାଦାଂ ପାପ୍ ହିଲୁଡ଼, ଇଦାଂ ଜଦି ଇନାସ୍, ତା ଆତିସ୍ ଜାର୍ ଜାର୍‌ତିଙ୍ଗ୍ ମିଟ୍ ଇନାସା, ଆରେ ମା ତାକେ ସଡ଼ ଆକାୟ୍ । ୯ ଜଦି ଆସେଙ୍ଗ୍ ଜାର୍ ଜାର୍‌ତିଙ୍ଗ୍ ପାପ୍ ମାନି କିନାସ୍, ଲାଗିଂ ହେଝାନ୍ ମା ପାପ୍ କେମା କିଦେଙ୍ଗ୍ ଆରି ଓଁଜୁ ଅଦାମ୍‌ତାଂ ମାଜେଙ୍ଗ୍ ସକଟ୍ କିଦେଙ୍ଗ୍ ପାତ୍ ଆରି ନ୍ୟାୟ୍‌କାରିୟାର୍ ଆତାନ୍ନା । ୧୦ ଆପେଂ ପାପ୍ କିଝାତାପ୍‌ନା, ଇଦାଂ ଜଦି ଇନାସ୍, ତା ଆତିସ୍ ଆସେଙ୍ଗ୍ ତାଜେଙ୍ଗ୍ ମିଟ୍‌ଝା ଇନାସ୍, ଆରେ ତା ବଚନ୍ ମା ତାକେ ହିଲୁଡ଼ ।

୨

ରାକ୍ୟାକାରିୟା ଜିସୁ

୧ ଏ ନା ହିମ୍‌ଣାଂ ଏପେଙ୍ଗ୍ ଇନେସ୍ ପାପ୍ କିମାଟ୍, ଇଦାଂ କାଜିଂ ଆନେଙ୍ଗ୍ ଇ ଓଁଜୁ ମି ଲାଗାଂ ଲେକିକିନାଙ୍ଗା । ମାତର୍ ଇନେର୍ ଜଦି ପାପ୍ କିନାନ୍, ତା ଆତିସ୍ ଆବା ଲାଗାଂ ମାଦାଂ ରକାନ୍ ଉପ୍‌କାର୍ ନିକାନ୍ ମାନାନ୍ ହେ ଦାମ୍ ଜିସୁ କ୍ରିସ୍ଟ । ୨ ଆରେ ମା ପାପ୍ କାଜିଙ୍ଗ୍, କେବଲ୍ ମା ପାପ୍ କାଜିଙ୍ଗ୍ ଆକାୟ୍, ମତର୍ ସବୁ ଜଗଡ଼ନି ପାପ୍ କାଜିଙ୍ଗ୍ ପା ଜିବୁନ୍ ହିନାକା ଲାକେ ଆନାନ୍ ।

୩ ଜଦି ଆସେଙ୍ଗ୍ ତା ବଲ୍ ମାନି କିନାସ୍, ତେବେ ହେବେଣ୍ଡାଂ ପୁନାସ୍ ଜେ, ଆସେଙ୍ଗ୍ ତାଜେଙ୍ଗ୍ ପୁରାସ୍‌ନା । ୪ ତା ବଲ୍ ମାନି କିଝାଦାଂ ତାଜେଙ୍ଗ୍ ପୁନାଙ୍ଗ୍ ଇଞ୍ଜି ଇନେନ୍ ଇନାନ୍, ହେଝେନ୍ ମିଟ୍‌ଝା ଆରି ତାତାକେ ସଡ଼ ହିଲୁଡ଼; ୫ ମାତର୍ ଇନେର୍ ତା ବଚନ୍ ମାନି କିନାନ୍, ତା ତାକେ ଇସ୍‌ରତି ଜିଉନନାକା ହାଡ଼ପା ଲାକେ ହାଦ୍‌କା ଆତାଡ଼ନ୍ନା । ଇଦାଂ କାଜିଙ୍ଗ୍ ଆସେଙ୍ଗ୍ ପୁନାସ୍ ଜେ, ଆସେଙ୍ଗ୍ ତା ତାକେ ମାନାସ୍ । ୬ ଇନେର୍ ଇସ୍‌ରତି ତାକେ ମାନାନ୍ ଇଞ୍ଜି ଇନାନ୍, ହେଝାନ୍ ଜିସୁ କ୍ରିସ୍ଟ ଲାକେ ଜିବୁନ୍ ଜିପ୍‌କା କିନି ଲଡ଼ା ।

ପୁନି ବଲ୍

୭ ଏ ଖାରିନିକାଦେର୍, ଆନେଙ୍ଗ୍ ମି ଲାଗାଂ ଇମ୍‌ଣାକାପା ପୁନି ବଲ୍ ଲେକିକିଉଙ୍ଗା, ମତର୍ ଆଗେତାଂ ଇମ୍‌ଣି ପୁନି ବଲ୍ ଏପେଙ୍ଗ୍ ପାୟା ଆତାଦେଣ୍ଡା, ହେଦାଂ ଲେକିକିନାଙ୍ଗା; ଇମ୍‌ଣି ବଚନ୍ ଏପେଙ୍ଗ୍ ଝେଟାଦେଣ୍ଡା, ହେଦାଂ ନେ ହେ ପୁନି ବଲ୍ । ୮ ମାତର୍ ଇଦିଲିଂ ର ପୁନି ବଲ୍ ଲାକେ ଇବେ ଆନ୍ ଲେକିକିନାଙ୍ଗା, ଇଦାଂ ତା ତାକେ ଆରି ମି ତାକେ ହାଡ଼ପା ଇଞ୍ଜି ହନାଡ଼ । ଇନେକିଦେଂକି ମାଜ୍‌ଗା ଗୁଟାଆନାତା ଆରି ହାଡ଼ପା ଅଜଡ଼ ହତାତେ ।

୯ ଇନେର୍ ଜାର୍ ଟଣ୍ଡେନିଙ୍ଗ୍ ଗିଣ୍ କିଜି ଇନାନ୍ ଜେ ହେଝାନ୍ ଅଜଡ଼ତ୍ ମାନାନ୍, ହେଝାନ୍ ଇ ପାତେକ୍ ପା ମାଜ୍‌ଗାତ ମାନାନ୍ । ୧୦ ଇନେର୍ ଜାର୍ ଟଣ୍ଡେନିଙ୍ଗ୍ ଜିଉନନାନ୍, ହେଝାନ୍ ଅଜଡ଼ତ୍ ମାନ୍‌ଙ୍ଗାମାନ୍, ଆରେ ତା ତାକେ ଉଜ୍‌ନାକା ବିସ୍ତେ

୨:୭ ୨:୭ ଜହନ ୧୩:୩୪.

ହିଲୁଡ଼ । ୧୧ ମତରୁ ଇନେନ୍ ଜାର ଟଣ୍ଡେନିଙ୍ଗ୍ ଗିଣ୍ କିନାନ୍, ହେଝେନ୍ ମାଜ୍ଗାତ ମାନାନ୍, ଆରେ ମାଜ୍ଗାତ ବୁଲ୍ମା ଆଜି ଇମିନିପଣ୍ଟାଂ ହାନାନା, ହେଦାଂ ପୁନୁନ୍, ଇନେକିଦେଂକି ମାଜ୍ଗା ତା କାଣ୍ଗାତିଙ୍ଗ୍ କାଣା କିତାତ୍ନା ।

୧୨ ଏ ଇସ୍ପୁରତି ହିମ୍ପାଣାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ତା ତର୍ କାଜିଙ୍ଗ୍ ମି ପାପ୍ କେମା ଆତାତ୍ନା । ୧୩ ଏ ଆବାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁନାଦେରା । ଏ ବେଣ୍ଡୁୟାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଏପେଙ୍ଗ୍ ସୟ୍ତାନ୍ତାଂ ଜିତା ଆତାଦେଣ୍ଟା ।

୧୪ ହିମ୍ପାଣାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି, ଏପେଙ୍ଗ୍ ଆବାଙ୍ଗ୍ ପୁରାଦେଣ୍ଟା । ଏ ଆବାକାଦେର୍ ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁରାଦେଣ୍ଟା । ଏ ବେଣ୍ଡୁୟାକାଦେର୍, ଆନେଙ୍ଗ୍ ମି ଲାଗାଂ ଲେକିକିତାଙ୍ଗ୍, ଇନେକିଦେଂକି ଏପେଙ୍ଗ୍ ବାପୁକାଦେର୍ ଆରେ ଇସ୍ପୁରତି ବଚନ୍ ମି ତାକେ ମାନାତ୍ ଆରି ଏପେଙ୍ଗ୍ ସୟ୍ତାନ୍ତାଂ ଜିଣା ଆତାଦେଣ୍ଟା ।

ଜଗତ୍ ଜିଉ ନମାଟ୍

୧୫ ଜଗତ୍ କି ହେବେ ମାନି ବିସ୍ତେ ଝିଜାରିଂ ଜିଉ ନମାଟ୍ । ଇନେର୍ ଜଦି ଜଗତ୍ତିଙ୍ଗ୍ ଜିଉନନାନ୍, ଆବାଙ୍ଗ୍ ଜିଉନନାକା ତା ତାକେ ହିଲୁଡ଼; ୧୬ ଇନେକିଦେଂକି ଗାଗାତ୍ନି ଆହା କାଣ୍ଗାନି ଆହା ଦାନ୍ ଗରବ୍ ଜଗତ୍ତ ମାନି ଇ ଝିଜୁ ବିସ୍ତେ ଆବାତାଂ ଆକାୟ୍, ମାତର୍ ପୁତାଂ ଉବ୍ଜାଣ୍ ଆଜି ମାନ୍ଜାମାତ୍ । ୧୭ ଆରେ, ଜଗତ୍ନିକା ଆରି ହେବେ ଆହା ହିଲ୍ଝିତିସ୍, ମାତର୍ ଇନେର୍ ଇସ୍ପୁରତି ଇଚା ମାନି କିତାର୍, ହେଝେନ୍ ନିତ୍ତେ ଝିଜ୍ଝିନିକାନ୍ ।

କ୍ରିସ୍ଟି ସାତୁ

୧୮ ଏ କାଡ଼ଦେର୍, ହାରିହାରା କାଡ଼ ଏକା ଝାତାତେ, ଆରେ ଚାକ୍ରାୟ୍କ୍ରିସ୍ଟ ଇଞ୍ଜି ଏପେଙ୍ଗ୍ ଇନେସ୍ ଝେନ୍ଞି ମାଚାଦେର୍ ହେ ଲାକେ ନଙ୍ଗ୍ ପା ବେସି ଚାକ୍ରାୟ୍କ୍ରିସ୍ଟ ନିଙ୍ଗ୍ତାରେ; ଇଦାଂ କାଜିଙ୍ଗ୍ ଆସେଙ୍ଗ୍ ପୁରାପନା ଜେ, ହାରିହାରା କାଡ଼ ଇକାଝାତାତେ । ୧୯ ହେଝାର୍ ମା ବିତ୍ତେତାଂ ହତାର୍, ମାତର୍ ହାଡ଼ପା ମା ଦଲ୍ଲି ଲକୁ ହିଲ୍ଝାତାର୍; ଇନେକିଦେଂକି ଜଦି ମା ଦଲ୍ଲି ଲକୁ ଆଜି ମାଟିସ୍, ଆତିସ୍ ମା ଲାହାଙ୍ଗ୍ ମାନ୍ଗାତାର୍ମା; ମାତର୍ ହେଝାର୍ ଜେ ମା ଦଲ୍ଲି ଲକୁ ଆକାୟ୍, ଇଦାଂ ଇନେସ୍କି ହତ୍ନାତ୍ ଇଦାଂ କାଜିଂ ହେଝାର୍ ହସି ହାଚାର୍ ।

୨୦ ଆରେ ଏପେଙ୍ଗ୍ ହେ ପୁଇପୁୟା ମାନାୟ୍ତାଂ ସିରି ପାୟାଆତିଲେ ଏପେଙ୍ଗ୍ ଝିଜୁ ଗିଆନ୍ ପାୟା ଆତାଦେଣ୍ଟା । ୨୧ ଏପେଙ୍ଗ୍ ସଡ଼ ପୁନ୍ଝାଦାଙ୍ଗ୍ ମାଟିଲେ ଆନେଙ୍ଗ୍ ଜେ ମି ଲାଗାଂ ଲେକିକିତାଂ, ହେଦାଂ ଆକାୟ୍, ମାତର୍ ଏପେଙ୍ଗ୍ ହାଡ଼ପା ପୁନ୍ଞି ମାଟିଲେ ଲେକିକିନାଙ୍ଗା । ଆରି ହାଡ଼ପାତାଂ ଇନାକା ମିର୍ ଉବ୍ଜାଣ୍ ଆଉଡ଼ ଇଞ୍ଜି ପୁନ୍ଞି ମାଟିଲେ ଆନେଙ୍ଗ୍ ମି ଲାଗାଂ ଲେକିକିତାଙ୍ଗ୍ ।

୨୨ ଜିସୁ ଜେ କ୍ରିସ୍ଟ ଆନାନ୍, ଇଦାଂ ଇନେର୍ ମୁନାକିନାନ୍, ତା ଲାକେ ଆରେ ମିର୍ଝା ଇନେର୍ ? ଇନେର୍ ଆବା ଆରି ମାଜିଙ୍ଗ୍ ମୁନାକିନାନ୍, ହେଝେନ୍ ତ ହେ ଚାକ୍ରାୟ୍କ୍ରିସ୍ଟ । ୨୩ ଇନେର୍ ମାଜିଙ୍ଗ୍ ମୁନାକିନାନ୍ ହେଝେନ୍ ଆବାଙ୍ଗ୍ ଗାଟା ଆଝାତାନ୍ନା; ଇନେନ୍ ମାଜିଙ୍ଗ୍ ଏତୁ କିନାନ୍; ହେଝେନ୍ ଆବାଙ୍ଗ୍ ପା ଗାଟାଆତାନ୍ନା ।

୨୪ ଏପେଙ୍ଗ୍ ଆଗେ ତାଙ୍ଗ୍ ଇନାକା ଝେଚାଦେଣ୍ଟା । ହେଦାଂ ମି ତାକେ ମାନେତ୍ । ଏପେଙ୍ଗ୍ ଆଗେ ତାଙ୍ଗ୍ ଇନାକା ଝେଚାଦେଣ୍ଟା, ହେଦାଂ ଜଦି ମି ତାକେ ମାନାତ୍,

ତା ଆତିସ୍ ଏପେଙ୍ଗ ପା ମାଜି ଆରି ଆବାତି ତାକେ ମାନଙ୍ଗାନାଦେର୍ । ୨୫ ଆରେ ହେଝେନ୍ ମାଙ୍ଗେଙ୍ଗ୍ ଇନାକା ପାର୍ମାଣ୍ କିଡ଼ତାନନା, ହେଦାଂ ଝିଙ୍ଗ୍ ଝିରୁନ୍ ।

୨୬ ଇନେରକି ମିଂ ଚାକ୍ରାୟ୍ କିଦେଙ୍ଗ୍ ସେସ୍ତୁ କିଡାର୍, ହେଝାର୍ ବିସ୍ତେ ଆନେଙ୍ଗ୍ ମି ଲାଗାଂ ଇ ଝିଙ୍ଗୁ ଲେକିକିତାଂ । ୨୭ ମାତର୍ ଏପେଙ୍ଗ୍ ହେଝାନତାଙ୍ଗ୍ ଇମଣି ସିଗ୍ ଗାଟାତାଦେଣ୍ଟା, ହେଦାଂ ମି ତାକେ ମାନାଡ଼, ଆରେ ଇନେର୍ ଜେ ମିଙ୍ଗେଙ୍ଗ୍ ହିକ୍ୟା ହିଦନାନ୍, ଇଦାଂ ମିଙ୍ଗେଙ୍ଗ୍ ଲଡ଼ା ଆକାୟ୍, ମତର୍ ହେଝାନତାକେଣ୍ଟା ହେ ସିଗ୍ ମିଙ୍ଗେଙ୍ଗ୍ ଝିଙ୍ଗୁ ବିସ୍ତେ ଇମଣି ହିକ୍ୟା ହିଦନାନ୍, ହେଦାଂ ହାଡ଼ପା ଆନାଡ଼; ମିର୍ ଆକାୟ୍; ଲାଗିଂ ହେ ହିକ୍ୟା ଇସାବେ ହେଝାନତାକେ ମାନେଡ଼ ।

୨୮ ଲାଗିଂ, ଏ ବପାକାଦେର୍, କ୍ରିଷ୍ଟି ତାକେ ମେହାଜି ମାନାଟ୍, ଇନେସକି ହେଝେନ୍ ଏରେକାଡ଼ଦ୍ ହଡ଼ନାଡ଼, ହେ ପାଦନା ତା ଝାନି ସମୁତ ତା କଚଣ୍ଡ ଆସେଙ୍ଗ୍ ଲାଜା ଆଝାଦାଙ୍ଗ୍ ସାସ୍ ପାୟାନାସ୍ । ୨୯ ହେଝାନ୍ ଦାମ୍ ନିକାନ୍ ଇଦାଂ ଜିଜି ପୁନାଦେର୍ ତେବେ ଇନେର୍ ଦାରୁମ୍ ବେବାର୍ କିନାର୍, ହେଝାନ୍ ଜେ ତାତାଂ ଜଲମ୍, ଇଦାଂ ପା ପୁନାଟ୍ ।

୩

ଇସ୍ପରତି ମାଜି

୧ *ହୁଡ଼ାଟ୍, ଆବା ମାଙ୍ଗେଙ୍ଗ୍ ଇନେସ୍ ଜିଉନଦନାନା ଜେ, ଆସେଙ୍ଗ୍ ଇସ୍ପରତି ହିମ୍ଣାଙ୍ଗ୍ ଇଞ୍ଜି ତାକ୍ପୁଟା ଆନାସ୍, ଆରେ ଆସେଙ୍ଗ୍ ହେଦାଂ ନେ ଆନାସ୍ । ଇଦାଂ କାଜିଙ୍ଗ୍ ଜଗଡ଼ ମାଙ୍ଗେଙ୍ଗ୍ ଚିନ୍ କିଦୁତା, ଇନେକିଦେଂକି ହେଦାଂ ତାଙ୍ଗେଙ୍ଗ୍ ଚିନ୍ କିଝାଦାଙ୍ଗ୍ ମାତାଡ଼ । ୨ ଏ ଝାରିନିକାଦେର୍, ନଂ ଆସେଙ୍ଗ୍ ଇସ୍ପରତି ହିମ୍ଣା ଆତାସ୍ନା, ଆରେ ଆସେଙ୍ଗ୍ ଇନାକା ଆନାସ୍, ହେଦାଂ ନଙ୍ଗ୍ ପାତେକ୍ ହଡ଼ଝାତାଡ଼ନା । ଆସେଙ୍ଗ୍ ପୁନାସ୍ ଜେ, ହେଝାନ୍ ଏରେକାଡ଼ଦ୍ ହଡ଼ନାନ୍, ହେ ପାଦନା ଆସେଙ୍ଗ୍ ତା ଲାକେ ଆନାସ୍, ଇନେକିଦେଂକି ହେଝେନ୍ ଇନେସକି, ଆସେଙ୍ଗ୍ ହେ ଲାକେ ତାଙ୍ଗେଙ୍ଗ୍ ହୁଡ଼ନାସ୍ । ୩ ଆରେ ଇନେରକି ଦାମ୍ ତାବେ ଇ ବାସ୍ ଇଡ଼ତାନ୍ନା, ହେଝେନ୍ ଇନେସକି ପୁଇପୁୟା ଆତାନନ୍ନା, ହେଝେନ୍ ହେ ଲାକେ ଜାର୍ ତିଙ୍ଗ୍ ପୁଇପୁୟା କିନାନ୍ ।

୪ ଇନେରକି ପାପ୍ କିନାନ୍, ହେଝେନ୍ ପା ବିଦି ବଲ୍ ମାନି କିଉନ୍, ଇନେକିଦେଂକି ବିଦି ମାନିକିଝାକା ନେ ପାପ୍ । ୫ *ଇଦାଂ ଏପେଙ୍ଗ୍ ପୁନାଟ୍ ଜେ କ୍ରିଷ୍ଟ ଆଗେ ପାପ୍ ପିଣ୍ଡୁଜି ଅଦେଂ ଝାତାନ୍, ଆରେ ତା ତାକେ ପାପ୍ ହିଲୁଡ଼ । ୬ ଇନେରକି ତା ତାକେ ମାନଙ୍ଗାନାନ୍, ହେଝେନ୍ ପାପ୍ କିଉନ୍; ଇନେରକି ପାପ୍ କିନାନ୍, ହେଝେନ୍ ତାଙ୍ଗେଙ୍ଗ୍ ହୁଡ଼ଝାତାନ୍ନା, କି ତାଙ୍ଗ୍ ପୁନ୍ଝାତାନ୍ନା ।

୭ ଏ କାଡ଼ଦେର୍, ଇନେର୍ ମିଙ୍ଗେଙ୍ଗ୍ ବୁଲ୍କାୟ୍ କିଦମେନ୍; ଇନେର୍ ଦାମ୍ ବେବାର୍ କିନାନ୍, ହେଝେନ୍ ଇନେସକି ଦାମ୍ ଆନାନ୍, ହେଝେନ୍ ହେ ଲାକେ ଦାମ୍ ଆନାନ୍; ୮ ଇନେର୍ ପାପ୍ କିନାନ୍, ହେଝେନ୍ ସୟତାନ୍ତାଂ ହଡ଼ତାକାନ୍, ଇନେକିଦେଂକି ସୟତାନ୍ ପର୍ଡ଼ମ୍ ପାପ୍ କିଜି ଝାନାତା । ସୟତାନ୍ତି କାମାୟ୍ କିନି କାଜିଙ୍ଗ୍ ଇସ୍ପରତି ମାଜି ଚଞ୍ଜିୟା ଆତାନ୍ ।

୯ ଇନେରକି ଇସ୍ପରତି ତାଂ ଉବ୍ଜାଣ୍, ହେଝେନ୍ ପାପ୍ କିଉନ୍, ଇନେକିଦେଂକି ଇସ୍ପରତି ମାଜି ତା ତାକେ ମାନଙ୍ଗାନାନ୍, ଆରେ ହେଝେନ୍ ଇସ୍ପରତାଂ ଉବ୍ଜାଣ୍ ଆତିଲେ ପାପ୍ କିଦେଙ୍ଗ୍ ଆଡୁନ୍ । ୧୦ ଇବେ ଇନେର୍ ଇସ୍ପରତି ହିମ୍ଣାଂ ଆରି ଇନେର୍ ସୟତାନ୍ତି ହିମ୍ଣା ଇଦାଂ ହଡ଼ନାଡ଼; ଇନେରକି ଦାମ୍ ବେବାର୍ କିଉନ୍, କି ଜାର୍

☆ ୩:୧ ୩:୧ ଜହନ୍ ୧:୧୨. ☆ ୩:୫ ୩:୫ ଜହନ୍ ୧:୨୯.

ପାତ୍ର କିନ୍ତୁ ଚଣ୍ଡେନ୍ ଆରି ତଣ୍ଡେକକା ଜିଉନଉନ୍, ହେଝେନ୍ ଇସ୍ବରତା ଉଦ୍‌ଜାଣ୍ ଆକାୟ୍ ।

ରଞ୍ଜାନ ଆରେ ରକାନିଂ କାଜିଂ ଜିଉନନାକା

୧୧ *ରଞ୍ଜାନ ଆରେ ରଞ୍ଜାନିଂ ଜିଉନନାକା, ଇ କାତା ଏପେଙ୍ଗ୍ ଆଗେତାଂ ଝେଚାଦେଣ୍ଡା; ୧୨ ସୟ୍‌ତାନ୍ ଜିବୁନ୍‌ନି ହିମ୍‌ଣା ଜେ କୟ୍‌ନ, ତା ଲାକେ ଆମାଟ୍ ହେଝେନ୍ ଜାର ଚଣ୍ଡେନିଙ୍ଗ୍ ଅସ୍ତାନ୍; ଆରେ ହେଝେନ୍ ହେଞ୍ଜାନିଂ ଇନେକିଦେଂ ଅସ୍ତାନ୍ ? ଇନେକିଦେଂକି ଇଦାଂ ଇନେସ୍ ତା କାମାୟ୍‌ତ ପାପ୍ ମାଚାଟ୍, ଆରେ ତା ଚଣ୍ଡେନି କାମାୟ୍ ଦାମ୍ ମାଚାଟ୍ ।

୧୩ ଏ ଚଣ୍ଡାର୍ ଆରି ତଣ୍ଡେକ ପୁତ୍ରଂ ମିଙ୍ଗେଙ୍ଗ୍ ଗିଣ୍ କିଡ଼ତିସ୍ କାବା ଆନି କାମାୟ୍ କିମାଟ୍ । ୧୪ *ଜଦି ଆପେଂ କ୍ରିଷ୍ଟିୟାନ୍ ଚଣ୍ଡେନ୍ ଆରି ତଣ୍ଡେକାଂ ଜିଉନନାପା ଆପେଂ ପୁନାପ୍ ଜେ, ଆସେଙ୍ଗ୍ ହାକିତିଂ ନାସି ହାଲ୍‌ଜି ଜିବୁନ୍‌ତ ହଟାସ୍‌ନା । ଇନେର୍ ଜିଉନଉର୍ ହେଞ୍ଜାନ ନଂ ପା ହାକି ତାରେନ୍ ମାନାର୍ । ୧୫ ଇନେର୍‌କି ଜାର୍‌ତିଂ କ୍ରିଷ୍ଟୁଙ୍ଗ୍ ପାତ୍ରଂ କିନାକାନ୍ ଚଣ୍ଡେନ୍ ଆରି ତଣ୍ଡେକକାଂ ଗିଣ୍ କିନାନ୍, ହେଝେନ୍ ନାର୍ ଅହ୍‌ନାକାନ୍ ଆରେ ନାର୍ ଅହ୍‌ନାକାନ୍ ତାକେ ଇନେସ୍ ଝିଞ୍ଝି ଜିବୁନ୍ ମାନ୍‌ଗୁଡ଼, ଇଦାଂ ଏପେଙ୍ଗ୍ ପୁନାଟ୍ । ୧୬ ହେଞ୍ଜାନ ମା କାଜିଂ ଜାର୍ ଜିବୁନ୍ ଦାନ୍ କିନି କାଜିଙ୍ଗ୍ ଆସେଙ୍ଗ୍ ଜିଉନନି ଚିନ୍‌ଲାକେ ଗାଟାଆତାସ୍‌ନା; ଆରେ କ୍ରିଷ୍ଟୁ ଚଣ୍ଡାର୍ କାଜିଂ ମାଦାଙ୍ଗ୍ ପା ପାରାଣ୍ ଦାନ୍ କିନାକା ଲଡ଼ା । ୧୭ ମାତର୍ ଇନେର୍ ଜଗଡ଼ିନି ବାବ୍ରେ ମାଜାନ୍ ଆଜି ଜାର୍ ଚଣ୍ଡେନିଂ ଅବାଟ୍ ହୁଡ଼ତିସ୍ ହେଦାଂ କାଜିଂ ଜାର୍ ଦୟା ଗେହ୍‌ନାନ୍, ତା ତାକେ ଇସ୍ବରତି ଜିଉନନାକା ଇନେସ୍ ମାଞ୍ଜେଙ୍ଗ୍ ଆଡ଼ନାଟ୍ ? ୧୮ ଏ ହିମ୍‌ଣାଂ, ଝାଡ଼ୁ, ଆସେଙ୍ଗ୍ ବଚନ୍‌ତ କି ଝେନ୍‌ଲ୍‌ତ ଜିଉନଞ୍ଜାଦାଂ କାମାୟ୍‌ତ ଆରି ହାଡ଼ପାତ ଜିଉନନାସ୍ ।

ଇସ୍ବରତି ମାନିତାକେ ସଡ଼ ସାସ୍

୧୯ ତା ଆଡ଼ିସ୍, ଆସେଙ୍ଗ୍ ପୁନାସ୍ ଜେ, “ହାଡ଼ପା” ନେ ମା ମାନାକା ଆରି ଏନେତେନେ ଆଞ୍ଜାଦାଂ ମାନ୍ତ ଇସ୍ବର୍ ଲାଗାଂ ହାଞ୍ଜେଙ୍ଗ୍ ଆଡ଼ନାସ୍ । ୨୦ ଆରେ ଇମ୍‌ଣି ବିସ୍ତେ ମା ମାନ୍ତ ମାଙ୍ଗ୍ ଦସି କିଦ୍‌ନାଟ୍, ହେ ବିସ୍ତେ ତାକାଜିଂ ହେଞ୍ଜାନ୍ତି ମୁମ୍‌ଦ ଜାର୍‌ତି ଇଚାତ ସୁସ୍ତା କିଦେଙ୍ଗ୍ ଆଡ଼ନାସ୍; ଇନେକିଦେଂକି ଇସ୍ବର୍ ମା ମାନ୍ତାଙ୍ଗ୍ ଗାଜା ଆରି ହେଞ୍ଜାନ ଝିଜେ ପୁନାନ୍ । ୨୧ ଏ ଝାରିନିକାଦେର୍, ମା ମାନ୍ତ ଜଦି ମାଙ୍ଗ୍ ଦସି କିଦୁନ୍, ତା ଆଡ଼ିସ୍ ଇସ୍ବରତି ମୁମ୍‌ଦ ମାଦାଂ ସାସ୍ ମାନାଟ୍, ୨୨ ଆରେ ଆସେଙ୍ଗ୍ ଇନା ଇନାକା ଏନ୍‌ନାସ୍, ହେ ସବୁ ହେଞ୍ଜାନ୍ତି ତାକେ ଗାଟାଆସି ମାନାସ୍, ଇନେକିଦେଂକି ଆସେଙ୍ଗ୍ ହେଞ୍ଜାନ୍ତି ବଲ୍ ମାନିକିନାସ୍, ଆରେ ହେଞ୍ଜାନ୍ତି କାଣ୍‌ଙ୍ଗାତ ଇନାକା ସାରି, ହେଦାଂ କିଜି ମାନାସ୍ । ୨୩ *ହେଞ୍ଜାନ୍ତି ବଲ୍ ଏଲେଙ୍ଗ୍ ଜେ, ଆସେଙ୍ଗ୍ ହେଞ୍ଜାନ୍ତି ମାଜି ଜିସୁ କ୍ରିଷ୍ଟତି ତର୍‌ଦ ପାତ୍ରଂ କିନାସ୍ ଆରି ହେଞ୍ଜାନ୍ତି ହିଡ଼ତାକା ବଲ୍ ହୁଦାଂ ହାରି ଜିଉନନାସ୍ । ୨୪ ଇନେର୍ ହେଞ୍ଜାନ୍ତି ବଲ୍ ମାନି କିନାନ୍, ହେଞ୍ଜାନ ହେଞ୍ଜାନ୍ତି ତାକେ ମାନ୍‌ଗାନାନ୍ ଆରି ହେଞ୍ଜାନ ହେଞ୍ଜାନ୍ତି ତାକେ ମାନ୍‌ଗାନାନ୍; ଆରେ ହେଞ୍ଜାନ ଜେ ମା ତାକେ ମାନ୍‌ଗାନାନ୍, ଇଦାଂ ଆସେଙ୍ଗ୍ ହେଞ୍ଜାନ୍ତି ହିଡ଼ତାକା ଜିବୁନ୍ ଲାହାଙ୍ଗ୍ ପୁନାସା ।

୪

ଇସ୍ବରତି ଜିବୁନ୍ ପରିକ୍ୟା

୧ ଏ ଝାରିନିକାଦେର୍, ଝିଜୁ ଜିବୁନ୍ତିଙ୍ଗ୍ ପାତ୍ରଂ କିମାଟ୍, ନଲେ ଜିବୁନିଙ୍ଗ୍ ଇସ୍ବରତାକେ ଝାତାକା କି ଆକାୟ୍, ଇଦାଂ ହେଞ୍ଜାରିଂ ପରିକ୍ୟା କିଜି ହୁଡ଼ାଟ୍,

* ୩:୧୧ ୩:୧୧ ଜହନ ୧୩:୩୪. * ୩:୧୪ ୩:୧୪ ଜହନ ୫:୨୪. * ୩:୨୩ ୩:୨୩ ଜହନ ୧୩:୩୪: ୧୫:୧୨,୧୭.

ଇନେକିଦେଂକି ଜଗତ୍‌ତ ଆଦେକ୍ ଚାକ୍ରାୟ୍‌ ବେଶ୍‌ବାକ୍‌ଶାୟ୍‌କିନାକାର୍‌ ହତ୍‌ତାର୍ଣ୍ଣା ।
 ୨ ଇଦାଂ ହୁଦାଂ ଏପେକ୍‌ ଇସ୍‌ରତି ଜିବୁକ୍ତିକ୍‌ ଚିଶିକିଦେଂ ଆଡ୍‌ନାଦେର୍‌, ଜିସୁ କ୍ରିସ୍ତୁ ଜେ
 ଗାଗାଡ୍‌ ଆସ୍ତି ଖାତାନ୍‌, ଇଦାଂ ଇମ୍‌ଶାକା ପା ଜିବୁନ୍‌ମାନି କିନାଡ୍‌, ହେଖାନ୍‌ ଇସ୍‌ର
 ତାକେ ଖାତାକାନ୍‌, ୩ ଆରେ ଇମ୍‌ଶାକା ପା ଜିବୁନ୍‌ ଜିସୁକ୍‌ ମାନିକିଉର୍‌, ହେଖାନ୍‌
 ଇସ୍‌ରତାଂ ଖାଖାତାକା; ଇଦାଂ ଚାକ୍ରାୟ୍‌କ୍ରିସ୍ତୁତି ଜିବୁନ୍‌, ଇନେର୍‌ତି ଖାନି କାତା ଏପେକ୍‌
 ଖେଚାଦେଶ୍ଣା, ଆରେ ହେଦାଂ ନଂ ପା ଜଗତ୍‌ତ ଏକାଖାତାଡ୍‌ନା ।

୪ ଏ ଖାରିନି ହିମ୍‌ଶାଂ, ଏପେକ୍‌ ଇସ୍‌ରତି ତାଂ ଜଲମ୍‌, ଆରେ ଏପେକ୍‌ ହେଖାରିଂ
 ଜିଶାତାଦେଶ୍ଣା, ଇନେକିଦେଂକି ମି ବିତ୍ରେ ବାହା କିତି ଜିବୁନ୍‌ ଜଗତ୍‌ତ ଇନେନ୍‌
 ମାନାନ୍‌, ହେଖାନ୍‌ତାଂ ଗାଜା । ୫ ବୁଲ୍‌କାୟ୍‌କିନି ବେଶ୍‌ବାକ୍‌ଶାୟ୍‌କିନାକାର୍‌ ଇ
 ସ୍‌ସ୍‌ସାର୍‌ନିକାର୍‌ ହେଖାନ୍‌ ଆରି ଜଗତ୍‌ନି ମାନାୟ୍‌ର୍‌ ହେଖାନ୍‌ କାତା ଖେନାର୍‌ ।
 ୬ ମାତର୍‌ ଆସେକ୍‌ ଇସ୍‌ରତାଂ ଉବ୍‌ଜାଶ୍‌; ଇନେନ୍‌ ଇସ୍‌ରତିଂ ପୁନାନ୍‌, ହେଖାନ୍‌ ମା
 କାତା ଖେନାନ୍‌; ଇନେନ୍‌ ଇସ୍‌ରତାଂ ଉବ୍‌ଜାଶ୍‌ ଆକାୟ୍‌, ହେଖାନ୍‌ ମା କାତା ଖେନୁନ୍‌ ।
 ଇଦାଂ କାଜିଂ ଆସେକ୍‌ ହାଡ୍‌ପାନି ଜିବୁନ୍‌ ଆରି ବାତ୍‌ ନାଡାୟ୍‌ ଜିବୁନ୍‌ତିଂ ଚିନିକିଦେଂ
 ଆଡ୍‌ନାସ୍‌ ।

ହାରି କାଜିଂ ଜିଉନନାକା

୭ ଏ ଖାରିନିକାଦେର୍‌, ହାରି ଖାରି କିୟାଟ୍‌, ଇନେକିଦେଂକି ଜିଉନନାକା ଇସ୍‌ରତାଂ
 ଉବ୍‌ଜାଶ୍‌, ଆରେ ଇନେନ୍‌କି ଜିଉନନାନ୍‌, ହେଖାନ୍‌ ଇସ୍‌ରତାଂ ଉବ୍‌ଜାଶ୍‌ ଆରି
 ଇସ୍‌ରତିଂ ପୁନାନ୍‌ । ୮ ଇନେନ୍‌ ଜିଉନଉନ୍‌, ହେଖାନ୍‌ ଇସ୍‌ରତିଂ ପୁନୁନ୍‌, ଇନେକିଦେଂକି
 ଇସ୍‌ରତିଂ ଜିଉନନାକାନ୍‌ । ୯ ଇବେ ଇସ୍‌ରତି ଜିଉନନାକା ମା କାଜିଂ ଚଞ୍ଜୟାତାଡ୍‌ନା
 ଜେ, ହେଖାନ୍‌ ଜାତ୍‌ ରକାନ୍‌ ମାଜିକ୍‌ ଜଗତ୍‌ତ ପକ୍‌ତାତାନ୍ନା, ଇନେସ୍‌ ଆସେକ୍‌
 ହେଖାନ୍ତି ହୁଦାଂ ଖିଜ୍‌ଖି ଜିବୁନ୍‌ ଗାଚାନାସ୍‌ । ୧୦ ଆସେକ୍‌ ଜେ ଇସ୍‌ରତିଂ ଜିଉନତାସ୍‌,
 ହେଦାଂ ଆକାୟ୍‌ ମତର୍‌ ହେଖାନ୍‌ ମାକ୍‌କେକ୍‌ ଜିଉନତ୍‌ତାନ୍‌, ଆରେ ଜାର୍‌ ମାଜିକ୍‌ ମା
 ପାପ୍‌ତ ଜିବୁନ୍‌ ହିଜି ପକ୍‌ତାତାନ୍‌; ଇବେଶ୍ଣାଂ ତ ଜିଉନନାକା ମେକ୍‌ନାଡ୍‌ ।

୧୧ ଏ ଖାରିନିକାଦେର୍‌, ଇସ୍‌ର ଜଦି ମାକ୍‌ ଏଲେକ୍‌ ଖାରି କିଡ୍‌ତିସ୍‌, ବାଟିକ୍‌
 ମାକ୍‌କେକ୍‌ ପା ହାରି ଜିଉନବାନାକା ଲଡା । ୧୨ ଇନେର୍‌ ଇନାଖାତାଂ ଇସ୍‌ରତିଂ
 ହୁଡ୍‌ଖାତାନ୍ନା; ଆସେକ୍‌ ଜଦି ହାରି ଜିଉନବାନାସ୍‌, ତା ଆତିସ୍‌ ଇସ୍‌ର ମା ତାକେ
 ମାନାନ୍‌ ଆରି ହେଖାନ୍ତି ଜିଉନନାକା ମା ତାକେ ପୁରା ଆତାଡ୍‌ନା ।

୧୩ ଆସେକ୍‌ ଜେ ଇସ୍‌ରତି ତାକେ ମାନାସ୍‌ ଆରି ହେଖାନ୍‌ ମା ତାକେ ମାନାନ୍‌,
 ଇଦାଂ ଆସେକ୍‌ ପୁନାସ୍‌, ଇନେକିଦେଂକି ହେଖାନ୍‌ ମାକ୍‌ ଜାର୍‌ ଜିବୁକ୍ତି ମେହାଶ୍‌ ଦାନ୍‌
 କିଡ୍‌ତାନ୍ନା । ୧୪ ଆବା ଜେ ମାଜିଂ ଜଗତ୍‌ନି ମୁକ୍ତି କାର୍‌ୟା ଆନି କାଜିଂ ପକ୍‌ତାତାନ୍ନା,
 ଇଦାଂ ଆସେକ୍‌ ହୁଡ୍‌ତାସ୍‌ନା ଆରି ସାକି ହିନାପା । ୧୫ ଇନେର୍‌କି ଜିସୁକ୍‌ ଇସ୍‌ରତି
 ମେହି ଇଞ୍ଜି ମାନି କିନାର୍‌, ଇସ୍‌ର ହେଖାନ୍ତି ତାକେ ମାନାନ୍‌ ଆରି ହେଖାନ୍‌ ଇସ୍‌ରତି
 ତାକେ ମାନାନ୍‌ । ୧୬ ଆରେ ମା କାଜିଂ ଇସ୍‌ରତି ଇମ୍‌ଶି ଜିଉନନାକା ମାନାଡ୍‌, ହେଦାଂ
 ଆସେକ୍‌ ପୁରାସ୍‌ନା ଆରି ପାତ୍‌ କିତାସ୍‌ନା ।

ଇସ୍‌ରତିଂ ଜିଉନନାକା; ଇନେନ୍‌ ଜିଉନନିତ ମାନାନ୍‌, ହେଖାନ୍‌ ଇସ୍‌ରତି ତାକେ
 ମାନାନ୍‌ ଆରି ଇସ୍‌ର ହେଖାନ୍‌ ତାକେ ମାନ୍‌ଗାନାନ୍‌ ।

୧୭ ଇସ୍‌ର ଜିଉନନି ଜିବୁନ୍‌ କାଟିକିନାକା ହୁକେ ଇବେତାଂ ଇସ୍‌ରତି ଜିଉନନାକା
 ମା ବିତ୍ରେତାଂ ବାତ୍‌ ଆତାଡ୍‌ନା ଜେ, ବିଚାର୍ଣ୍ଣା ନାଜିଂ ଆସେକ୍‌ ସାସ୍‌ ପାୟାନାସ୍‌,
 ଇନେକିଦେଂକି ହେଖାନ୍‌ ଇନେସ୍‌କି ମାନାନ୍‌, ଆସେକ୍‌ ପା ଇ ଜଗତ୍‌ତ ହେ ଲାକେ
 ମାନାସା । ୧୮ ଜିଉନନିତ ପାଶ୍ଚୁମ୍‌ାନଗୁଡ୍‌, ମାତର୍‌ ବାତ୍‌ ଜିଉନନାକା ପାଶ୍ଚୁତିଂ

* ୪:୧୨ ୪:୧୨ ଜହନ୍ ୧:୧୮.

ଦେହା କିନାଡ଼, ଇନେକିଦେଂକି ପାଣ୍ଡୁ ଡାଣ୍ଡୁ ଲାହାଙ୍ଗ୍ ମେହାଆତାନ୍ନା, ଆରେ ଇନେନ୍ ପାଣ୍ଡୁନାନ୍, ହେଞ୍ଜାନ୍ ଜିଉନନିତ ହାଦୀକା ଆକାୟ ।

୧୯ ହେଞ୍ଜାନ୍ ପାର୍ତୁମତ ମାଙ୍ଗ୍ ଜିଉନଡ଼ିଲେ ଆସେଙ୍ଗ୍ ଜିଉନନାସ୍ । ୨୦ ଇସ୍ପୁରତିଂ ଜିଉନନାଙ୍ଗ୍ ଇଞ୍ଜି ଇନେନ୍ ଜଦି ଜାର୍ ଟଣ୍ଡେନିଂ ଗିଣ୍ କିନାନ୍, ତାଆତିସ୍ ହେଞ୍ଜାନ୍ ମିଡ଼ଞ୍ଜା, ଲାଗିଂ ଇମ୍‌ଣି ଟଣ୍ଡେନିଂ ହୁଡ଼ଜିମାତିସ୍, ଜଦି ହେଞ୍ଜାନ୍ ଇନେର ଜିଉନଞ୍ଜିତିସ୍, ତାଆତିସ୍ ଇମ୍‌ଣି ଇସ୍ପୁରତିଂ ହେଞ୍ଜାନ୍ ହୁଡ଼ଞ୍ଜାତାନ୍ନା, ହେଦାଂ ଜିଉନଦେଂ ଆତୁନ୍ । ୨୧ ଇନେନ୍ ଇସ୍ପୁରତିଂ ଜିଉନନାନ୍, ହେଞ୍ଜାନ୍ ଜାର୍ ଟଣ୍ଡେନିଂ ପା ଜିଉନନାନ୍, ଇ ବଲ୍ ଆପେଂ ତା ତାକେଣ୍ଡାଙ୍ଗ୍ ପାୟାତାପ୍‌ନା ।

୫

ଜଗତ୍ ଜପି ଜିଣାନାକା

୧ ଇନେରକି ଜିସୁଂ କ୍ରିସ୍ଟ ଇଞ୍ଜି ପାତଂ କିନାନ୍, ହେଞ୍ଜାନ୍ ଇସ୍ପୁରତାଂ ଗାଗାଡ଼ଆସ୍ତାନା; ଆରେ, ଇନେନକି ଗାଗାଆତି ଆବାଂ ଜିଉନନାନ୍, ହେଞ୍ଜାନ୍ ତା ତାଙ୍ଗ୍ ଉବ୍‌ଜାଣ୍ ଆଜି ମାନି ଲକ୍‌ରିଂ ପା ଜିଉନନାନ୍ । ୨ ଆସେଙ୍ଗ୍ ଏତେକାଡ଼ଦ ଇସ୍ପୁରତିଂ ଜିଉନନାସ୍ ଆରି ହେଞ୍ଜାନ୍ତି ବଲ୍ ମାନି କିନାସ୍, ହେ ଏତେକାଡ଼ଦ ତାହୁଦାଂ ପୁନାସ୍ ଜେ, ଆସେଙ୍ଗ୍ ଇସ୍ପୁରତି ହିମ୍‌ଣାକାଂ ଜିଉନନାସ୍ । ୩ ଇନେକିଦେଂକି ଇସ୍ପୁରତି ଜିଉନନାକା ଅରଡ଼ ହେଞ୍ଜାନ୍ତି ବଲ୍ ମାନି କିନାକା, ହେଞ୍ଜାନ୍ତି ବଲ୍ ମାନି କିନାକା ବଜ୍ ଲାକେ ଆକାୟ । ୪ ଇନେରକି ଇସ୍ପୁରତାଂ ଉବ୍‌ଜାଣ୍ ହେଞ୍ଜାନ୍ ଜଗତ୍‌ତିଙ୍ଗ୍ ଜିଣାନାନ୍, ଆରେ ଇନାକା ଜଗତ୍‌ତିଙ୍ଗ୍ ଜିଣାତାଦ୍‌ନା, ହେଦାଂ ମାଦାଂ ପାତଂ । ୫ ଜିସୁ ଇସ୍ପୁରତି ମାଜି, ଇଦାଂ ଇନେର ପାତଂ କିନାନ୍, ହେଞ୍ଜାନ୍ ପିସ୍‌ସି ଆରେ ଇନେନ୍ ଜଗତ୍‌ତିଙ୍ଗ୍ ଜିଣାନାନ୍ ?

ଇସ୍ପୁତଂ ମାଜିଡ଼ି ବିସ୍ତେ ସାକି

୬ ଜିସୁ କ୍ରିସ୍ଟ ଇସ୍ପୁରତି ମାଜି ଇଞ୍ଜି ବାପ୍‌ସିମ୍ ହୁକେ ଆରି ଜାର୍‌ତି ନେତେର ହପ୍‌ତି ମାନାୟ ମୁକ୍‌ଡାନାକା ସାଦନ୍ କିନି କାଜିଂ ହପ୍‌ତି ମାତାନ୍ କେବଲ୍ ଏଜୁଂ ହୁକେ ଆକାୟ ମତର୍ ରିଣ୍ଡି ଏଜୁଂ ନେତେର ହିଜି ଖାଜି ମାତାନ୍ ଜିବୁନ୍ ପା ଇଦାଂ ସାକି ହିନାଡ଼ ଇନେକିଦେଂକି ଜିବୁନ୍ ନେ ସଡ଼ । ଆରେ ଜିବୁନ୍ ପା ହେବେନି ସାକି ହିନାନ୍, ଇନେକିଦେଂକି ଜିବୁନ୍ ନେ ହାଡ଼ପା । ୭ ଆରେ ଇ ତିନ୍‌ଜାଣ୍ଡି ସାକି ମାନାର୍; ା ଜିବୁନ୍, ଏଜୁଙ୍ଗ୍ ଆରି ନେତେର, ହେଞ୍ଜାର୍ ର ସାକି ହିନାରା, ଆରେ ତିନି ସାକି ରଞ୍ଜାଙ୍ଗ୍ । ୮ ଆସେଙ୍ଗ୍ ଜଦି ମାନାୟତିଂ ସାକି ଇଡ଼ନାସ୍, ବାଟିଙ୍ଗ୍ ଇସ୍ପୁରତି ସାକି ତା ତାଙ୍ଗ୍ ଗାଜା, ଆରେ ଇସ୍ପୁରତି ସାକି ଇଦାଂ ଜେ, ହେଞ୍ଜାନ୍ ଜାର୍ ମାଜିଡ଼ି ବିସ୍ତେ ସାକି ହିତାନ୍ନା । ୯ ଇନେନ୍ ଇସ୍ପୁରତି ମାଜିଡ଼ି ତାକେ ପାତଂ କିନାନ୍, ହେଞ୍ଜାନ୍ ଜାର୍ ଖାସ୍ତିତ ଇ ସାକି ଗାଗାତାନ୍ନା; ଇନେନ୍ ଇସ୍ପୁରତି ସାକି ପାତଂ କିଉନ୍, ହେଞ୍ଜାନ୍ ହେଞ୍ଜାନ୍ ମିଡ଼ଞ୍ଜା କିତାନ୍ନା, ଇନେକିଦେଂକି ଇସ୍ପୁର ଜାର୍ ମାଜିଡ଼ି ବିସ୍ତେ ଇମ୍‌ଣି ସାକି ହିତାନ୍ନା, ହେବେ ହେଞ୍ଜାନ୍ ପାତଂ କିଞ୍ଜାତାନ୍ନା । ୧୦ ହେ ସାକି ଇଦାଂ ଜେ ଇସ୍ପୁର ମାଙ୍ଗେଙ୍ଗ୍ ଓଜ୍‌ଓଜ୍ ଜିବୁନ୍ ହିଡ଼ତାନ୍ନା, ଆରେ ହେ ଜିବୁନ୍ ତା ମାଜିଡ଼ି ତାକେ ମାନାଡ଼ । ୧୧ ଇନେର ମାଜିଂ ପାୟାତାର୍ଣ୍ଣା ହେଞ୍ଜାନ୍ ଜିବୁନ୍ ପାୟାତାନ୍ନା; ଇନେନ୍ ଇସ୍ପୁତଂ ମାଜିଙ୍ଗ୍ ପାୟାଆଞ୍ଜାତାନ୍ନା, ହେଞ୍ଜାନ୍ ଜିବୁନ୍‌ପା ପାୟାଞ୍ଜାତାନ୍ନା ।

ଓଜ୍‌ଓଜ୍ ଜିବୁନ୍

୧୨ ଇସ୍ପୁତଂ ମାଜି ତର୍‌ଦ ପାତଂ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେସ୍ ପୁନାଟ୍ ଜେ, ଏପେଙ୍ଗ୍ ଓଜ୍‌ଓଜ୍ ଜିବୁନ୍ ପାୟା ତାଦେର୍ଣ୍ଣା, ଇଦାଂ କାଜିଂ ଆନ୍ ମି ଲାଗେ ଇ ଓଜ୍‌ଓଜ୍ ଲେକିକିତାଂନା । ୧୪ ଆରେ ଆପେଂ ଏତେକାଡ଼ଦ ହେଞ୍ଜାନ୍ତି ଇଚା ହୁଦାଂ ଇମ୍‌ଣାକା

ପା ପାର୍ତ୍ତନା କିନାପ, ବାଟିଙ୍ଗ୍ ହେୱାନ୍ ମାଦାଂ ହେ ପାର୍ତ୍ତନା ୱେନାନ୍, ହେୱାନ୍ତି ମୁମ୍ବ ମାଦାଂ ଇ ସାସ୍ ମାନାଡ଼ । ୧୫ ଆରେ ଆସେଙ୍ଗ୍ ହେୱାନ୍ତି ଲାଗେ ଇନାକା ପାର୍ତ୍ତନା କିନାସ୍, ହେଦାଂ ହେୱାନ୍ ୱେନାନ୍ ଇଞ୍ଜି ଜଦି ଆସେଙ୍ଗ୍ ପୁନାସ୍, ବାଟିଙ୍ଗ୍ ହେୱାନ୍ତି ମୁମ୍ବ ଇନାକା ପାର୍ତ୍ତନା କିନାସା, ହେ ସବୁ ଜେ ଗାଟାତାସ୍ନା, ଇଦାଂ ପା ପୁନାସ୍ ।

୧୬ ଜଦି ମି ଚଣ୍ଡେନ୍ ପାପ୍ କିନାକା ହୁଡ଼ନାନ୍, ମାତର୍ ତା ହେ ପାପ୍ ହାୱାଦାଂ ମାନାଡ଼, ତା କାଜିଂ ଇସ୍ପର୍ତିଂ ଗୱାରି କିୟାଟ୍, ଆତିସ୍ପା ଇସ୍ପର୍ ହେୱାନ୍ତିଂ କେମା ହିଜି ରାକ୍ୟା କିନାନ୍ । ଇମ୍ପାକାର୍ତି ପାପ୍ ହାନାକା ଆକାୟ୍, କେବଲ୍ ହେୱାର୍ କାଜିଂ ଆନ୍ ଇଦାଂ ଲେକିକିନାଙ୍ଗା । ଜିବୁନ୍ ଦାନ୍ କିତାର୍ ମାତର୍ କେତେକ୍ ପାପ୍ । ହାତି ପାପ୍ ମାନାଡ଼; ହେଦାଂ କାଜିଂ ହେୱାନ୍ ପାର୍ତ୍ତନା କିଏନ୍ ଇଞ୍ଜି ଆନ୍ ଇନୁଙ୍ଗା । ୧୭ ୱିଜୁ ଅଦାମ୍ ନେ ପାପ୍ ଆନାଡ଼, ମାତର୍ ସବୁ ପାପ୍ ହାତାକା ଆକାୟ୍ ।

୧୮ ଇନେରକି ଇସ୍ପର୍ତାଂ ଗାଗାଡ଼ଆସ୍ତାକାନ୍ ହେୱାନ୍ ଜେ ପାପ୍ କିଉନ୍, ନଲେ ହେୱାନ୍ ଇସ୍ପର୍ତାଂ ଜାରମାଣ୍ ଆଜି ଜାତ୍ ଇ ରାକ୍ୟା କିନାନ୍, ଆରେ ସୟତାନ୍ ଜିବୁନ୍ ହେୱାନ୍ତିଂ ତୁଡ଼, ଇଦାଂ ଆସେଙ୍ଗ୍ ପୁନାସ୍ ।

୧୯ ଆସେଙ୍ଗ୍ ଜେ ଇସ୍ପର୍ତାଂ ଜାରମାଣ୍ ଆରି ୱିଜୁ ଜଗତ୍ ଜେ ସୟତାନ୍ ଜିବୁନ୍ ତଲ୍ୟା, ଇଦାଂ ଆସେଙ୍ଗ୍ ପୁନାସ୍ ।

୨୦ ଆରେ ପା ଆସେଙ୍ଗ୍ ପୁନାସ୍ ଜେ, ଇସ୍ପର୍ତି ମାଜି ୱାତାନ୍ନା ଆରି ହାଡ଼ପାତିଂ ପୁଞ୍ଜେଙ୍ଗ୍ କାଜିଂ ମାଙ୍ଗେଙ୍ଗ୍ ଗିୟାନ୍ ହିଡ଼ତାନ୍ନା; ଆରେ ଆସେଙ୍ଗ୍ ହେ ହାଡ଼ପା ତାକେ, ଇତିସ୍ ହେୱାନ୍ତି ମାଜି ଜିସୁ କ୍ରିସ୍ତୁତି ତାକେ ମାନେନ୍ । ହେୱାନ୍ ହାଡ଼ପା ଇସ୍ପର୍ ଆରି ୱିଜୁ ଜିବୁନ୍ ଆନାନ୍ ।

୨୧ ଏ ହିମ୍ପାଂ, ପୁଡ଼ତାଂ ତାଙ୍ଗ୍ ଜାର୍ ଜାର୍ତିଂ ରାକ୍ୟା କିୟାଟ୍ ।

ଯୋହନଙ୍କ ଦ୍ୱିତୀୟ ପତ୍ର ଜହନତି ଜେତି ଆକି ଜହନ ଆକିନି ପାଦେକ୍

ଜହନ ଲେକିକିତି ଜେତି ଆକି ଜିସୁ କ୍ରିସ୍ଟି ଜଲମନି ୫୦-୧୦୦ ବିତ୍ରେ ପକ୍ୟାତି ଜହନନ୍ତି ହୁଦାଂ ଲେକାଜି ମାତାତ୍ । ଜହନ ଜାତଂ ଲେକିକିତାକାନ୍ ଇଞ୍ଜି ଜାଣା ହିତନା, ତା ବାଟା ହେଞ୍ଜାନ୍ ଜାତଂ ବୁଡାଲୁ ଇଞ୍ଜି ଜାଣା ହିନାନା । ଜହନନ୍ତି ଜେତି ଆକିନି ରାହାଣ୍ ଲାହାଂ ଜହନ ଲେକାତି ନେକ୍ରିକାବୁରତ ମାନି ବିସ୍ତେ ଲାହାଂ ସମାନ୍ । ହେଞ୍ଜାନ୍ ଜିସୁଜ୍ ଏକ୍ଟା ବାବ୍ରେ ହାରିତିଂ ଜିତନନାକା ବିସ୍ତେ ଜିସୁତି ବଲ୍ ସବୁ ମାନିକିନାକା ଇନାନା, ହେଞ୍ଜାନ୍ ଜିତନନାକା ୨ ଜହନ ୧:୫-୬ଜହନ ୧୫:୯-୧୦ ।

ଇଦାଂ ପାତଂ କିଆନାତ୍ ଜେ ଜହନ ଏଚେକାତ୍ତଦ ଏପିସିତ ବାହା କିଜି ମାତାନ୍, ଜହନ ନେକ୍ରିକାବୁର ଲାହାଂ ଜହନତି ତିନି ଗଟା ଆକିଂ ପା ଲେକିକିଜି ମାତାନ୍, ୧ ଜହନ, ଜେତି ଜହନ, ଆରି ୩ ଜହନ ।

ଜହନ ଇ ଆକିତ ବାଟିକିତି କଗଲେକ୍ ଆରି ହିମ୍ପାଣାଜ୍ ଇଞ୍ଜି ମଣ୍ଡଲିତିଂ ଆକି ଲେକିକିତାନ୍ନା । ଜହନତି ଇ ଆକି ଲେକିକିନାକା ଇଦାଂ ଜେ, ପାତଂ କିନାକାରିଂ ସାସ୍ ହିନି କାଜିଂ ଆରି ମିତ୍ ଗୁରୁରତାଂ ଜାଗ୍ରତ୍ ମାଞ୍ଜେକ୍ ଲେକିକିତାନ୍ ।

୨ ଜହନ ଆକି ବିସ୍ତେନି ରାହାଣ୍

- ୧. ଜହନ ଇ ଆକିତ ପାତଂ କିନାକାରିଂ ବାନ୍ଦାୟ୍ କିନାନ୍ ୧:୧-୩
- ୨. ମୁଡ୍ ବଲ୍ଦିଂ ଏଡ୍ କିଜି ଜହନ ମଣ୍ଡଲିତିଂ ସାସ୍ ହିନାନ୍ ୧:୪-୬
- ୩. ମିତ୍ ହିକ୍ୟା ହିନାକାରତାଂ ଜାଗ୍ରତ୍ ମାଞ୍ଜେକ୍ କାଜିଂ ଇନାନ୍ ୧:୭-୧୧
- ୪. ଇମେତାକେ ବାହା କିଜିମାନି ପାତଂ କିନାରିରିଂ ବାନ୍ଦାୟ୍ କିଜି ଲେକିକିଜି ଝିସ୍ତାନ୍ ୧:୧୨-୧୩

୧ ପ୍ରାଚିନ୍ ଜହନ ଜେ ଆନ୍, ର ବାଟିକିୟାତି କଗଲେ ଆରି ତା ମାଜିରୁ ଲାଗାଂ ଆକି ଲେକିକିନାକା । ହେଞ୍ଜାରିଂ ଆନେକ୍ ହାତ୍ପା ଲାକେ ଜିତନନାକା, ଆରେ କେବଲ୍ ଆନେକ୍ ଆକାୟ୍, ମତର୍ ହାତ୍ପା ପୁନ୍ଞ୍ଜି ମାଟି ଝିଜାର୍ ଲକୁ ପା ଜିତନନାର୍ । ୨ ଇମ୍ପାଣି ହାତ୍ପା ମା ଝାସ୍ତିତ ମାନାତା ଆରି ଜୁଗ୍ ଜୁଗ୍ ମା ଲାହାଜ୍ ମାନ୍‌ଗାନାତ୍ ।

୩ ଆବା ଇସ୍ବର ଆରି ହେ ଆବା ମାଜି ଜିସୁ କ୍ରିସ୍ଟାଂ ଉପକାର୍, ଦୟା ଆରି ସୁସ୍ତା ମା ଲାହାଜ୍ ହାତ୍ପା ଆରି ଜିତନନିତ ମା ଲାହାଂ ମାନେଡ୍ ।

ହାତ୍ପା ଆରି ଜିତନନାକା

୪ ମି ମାଜିରୁ ବିତ୍ରେ ଏଚେଜାଣ୍ଡିଂ ଆବା ତାଜ୍ ପାୟାତି ବଲ୍ତାଂ ହାତ୍ପାତ ବେବାର୍ କିଜିମାତାକା ହୁଡ୍ଜି ଆନେକ୍ ବେସି ଝାରି । ୫ ଏ ମାନିନିକାୟ୍, ନକ୍ ଆନେକ୍ ଜେ ନି ଲାଗାଂ ଇନାକା ପୁନି ବଲ୍ ଲେକିକିନାକା, ହେଦାଂ ଆକାୟ୍, ମତର୍ ଆଗେତାଂ ପାୟାତି ବଲ୍ ଲେକିକିଜି ଗଞ୍ଜାରି କିଦନାକା ଜେ, ଆସେକ୍ ହାରି ଜିତନନା ଆନାସ୍ । ୬ ଆରେ ଆପେଂ ଜେ ତା ବଲ୍ ଲାକେ ବେବାର୍ କିନାସ୍, ଇଦାଂ ନେ ଜିତନନାକା ସାର୍ । ଏପେକ୍ ଆଗେତାଂ ଇନାକା ଝେନାଦେରା, ହେ ଲାକେ ବେବାର୍ କିୟାତ୍, ଇଦାଂ ହେ ବଲ୍ ।

୭ ଇନେକିଦେଂକି ଇମ୍ପାଣାକାର୍ ଜିସୁ କ୍ରିସ୍ଟ ଗାଗାଡ୍ ଆସ୍ତି ଜୁଡ୍‌ତାନାଂ ଇଞ୍ଜି ମାନି କିତନ୍, ଏଲେକ୍ ବେସି ବୁଲ୍‌କାୟ୍‌କିନାକାର୍ ଜଗଡ୍‌ତ ହଡ୍‌ତାଣ୍ଡା । ଏଲେକ୍‌ବାତଂ

☆ ୧:୫ ୧:୫ ଜହନ ୧୩:୩୪; ୧୫:୧୨,୧୭.

ମାନାୟ ବୁଲକାୟକିନାକାର୍ ଆରି ଚାକ୍ରାୟକ୍ରିଷ୍ଣ । ୮ ଏପେଙ୍ଗ୍ ଇନେସ୍ ମାଦାଂ କିତି କାମାୟନି ପାଡ଼୍ ଆରାୟ କିଞ୍ଜାଦାଂ ନଲେ ହେବେନି ବାତ୍ ଇନାମ୍ ଗାଟା ଆଡୁ, ହେଦାଂ କାଜିଂ ଜାର୍ ଜାର୍ ବିସ୍ତେ ଜାଗ୍ରତ୍ ଆଡୁ ।

୯ ଇନେନ୍ କ୍ରିସ୍ତତି ହିକ୍ୟାନି ହାୟି ବିତ୍ତେ ମାନଞ୍ଜାଦାଂ ହେଦାଂ ନାତିସ୍, ହେଞ୍ଜାନ୍ ଇସ୍ପରତିଂ ଗାଟାଞ୍ଜାତାନ୍ନା; ଇନେନ୍ ହିକ୍ୟାନି ହାୟି ବିତ୍ତେ ମାନାନ୍, ହେଞ୍ଜାନ୍ ଆବା ଆରି ମାଜିଙ୍ଗ୍ ରିଆରିଂ ଗାଟାତାନ୍ନା । ୧୦ ଇନେର୍ ଜଦି ଇ ହିକ୍ୟା ଅଞ୍ଜାଦାଂ ମି ଲାଗେ ଞ୍ଜାତିସ୍, ବାଟିଙ୍ଗ୍ ହେଞ୍ଜାନିଂ ଇଞ୍ଜ ଗତାଂ କିମାଟ୍ “ଆରି ଜୁଞ୍ଜାର୍ କିମାଟ୍ ।” ୧୧ ଇନେର୍କି ତାଙ୍ଗ୍ ଜୁଞ୍ଜାର୍ କିନାର୍, ହେଞ୍ଜାନ୍ ତା ବାନ୍ୟା କାମାୟତ ମେହା ଆନାନ୍ ।

ହାରିହାରାନି କାତା

୧୨ ମି ଲାଗେ ଆଦେକ୍ ବିସ୍ତେ ଲେକିକିଦେଂ ମାନାଡ଼୍, ମାତର୍ କାଗଜ୍ ଆରି କାର୍ହାତିତ ହେଦାଂ ଲେକିକିଦେଂ ଇଚା କିଉଙ୍ଗା; ନା ଆହା ଜେ; ମି ଲାଗେ ଏକିସ୍ ମୁମ୍ ମାମ୍ କାତାବାର୍ତ୍ତା କିଦ୍ନାଙ୍ଗ୍, ଇନେସ୍ ମା ଞ୍ଜାରି ବାତ୍ ଆନାଡ଼୍ ।

୧୩ ଇସ୍ପରତି ବାଟିକିତି ତଣ୍ଡେକ୍ ହିମ୍‌ଶାଙ୍ଗ୍ ମିଂ ଜଞ୍ଜାର୍ ଜାଶାୟ କିଦ୍ନାରା ।

ଯୋହନଙ୍କ ତୃତୀୟ ପତ୍ର ଜହନ୍ତି ୩ ଗଟା ଆକି ୩ ଗଟା ଆକି ବିସ୍ତେ ପାଦେକ

୩ ଗଟା ଜହନ୍ତି ଆକି ହୁଦାଂ ୫୦-୧୦୦ ବିତ୍ରେ ଜିସୁକ୍ରିସ୍ତୁତି ଜଲମ୍ ପାଚେ ଲେକାଜି ମାଚାତ । ଜହନ୍ତି ଜେତ ଆକି ଲାକେ ଇ ଆକିତ ପା ହେଝାନ୍ ଜାର୍ତିଂ ଜାତଂ ଲେକିକିନାକାନ୍ ଇଞ୍ଜି ଜାଣା ହିଝାଦାଂ ରଝାନ୍ ବୁଡ଼ହି ଇଞ୍ଜି ଜାଣା ହିନାନା ୧:୧ । ହେଝାନ୍ ୨ ଜହନ୍ତି ଇନେସ୍ ଲେକିକିଜି ମାଚାନ୍ ୨ ଜହନ୍ ୧:୧ ଜହନ୍ ୩ ଜହନ୍ । ଇଦାଂ ପାଚଂ କିଆନାତ୍ ଜେ, ହେଝାନ୍ ଏପିସିତ ମାନିଝେଡ଼ାଲିଂ ଜହନ୍ ଲେକାତି ନେକ୍ରିକାବୁର୍ ଲାହାଂ ୩ ଗଟା ଆକିଂ ପା ଲେକିକିଜି ମାଚାନ୍ । ଇତିସ୍ ୧, ୨ ଆରି ୩ ଗଟା ଜହନ୍ । ଜହନ୍ ଗାୟ ଇନି ରଝାନ୍ କ୍ରିସ୍ତୁତିଂ ପାଚଂ କିନାକାନିଂ ଇ ଆକିତ ଲେକିକିନାନା ।

ହେଝାନ୍ ଗାୟ ଇଞ୍ଜି ରଝାନିଂ ହାଙ୍ଗଦାକାନ୍ ବାବ୍ରେ ଇଞ୍ଜି ହେ ନିପ ପ୍ଲୁଞ୍ଜିନି କ୍ରିସ୍ତୁୟାନ୍ ଚଣ୍ଡାରିଂ ହେବା କିଦେଙ୍ଗ୍ ବଲ୍ ହିତାନ୍ନା ।

୩ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ତା ଜାଣା ହିନାନ୍ ୧:୧
- ୨. ହେଝାନ୍ ଗାୟତିଂ ସାସ୍ ହିଜି ହେ ନିପ ବୁଲାନାକାର୍ ଚଣ୍ଡାର୍ କାଜିଂ ଗତାଂହେବା କିଦେଙ୍ଗ୍ ବଲ୍ ହିନାନ୍ ୧:୨-୮
- ୩. ହେଝାନ୍ ରିଆରିଂ ଡାୟଗ୍ରେପିସ୍ ଆରି ଡିମିଟ୍ରିଅସ୍ ବିସ୍ତେ ୧:୯-୧୨
- ୪. ହାରିହାରା ଲେକା ଝିହ୍ନାନ୍ ୧:୧୩-୧୪

୧ ପ୍ରାଚିନାର୍ ଜହନ୍ ଜେ ଆନ୍, ନା ଝାରିନି ହାଙ୍ଗଦାକାନ୍ ଗାୟତି ଲାଗେ ଆକି ଲେକିକିନାକା; ହେଝାନିଂ ଆନ୍ ହାଡ଼ପାରଚେ ଜିଉନନାଙ୍ଗ୍ ।

୨ ଝାରିନି ହାଙ୍ଗଦାକାୟ, ନି ଝାସ୍ତିତ ଇନେସ୍, ହାର୍ ଆନାତା, ହେ ଲାକେ ସବୁ ବିସ୍ତେ ନିଦାଂ ହାର୍ ଆଏଡ଼ ଆରି ଏନ୍ ବାଡୁଙ୍ଗ୍ ମାନାଟ୍, ଇଦାଂ ନା ପାର୍ତାନା । ୩ ଇନେକିଦେଂକି ଚଣ୍ଡାର୍ ଝାଜି ଏଚେକାଡ଼ଦ୍ ଜିବୁନ୍ ହାଡ଼ପା କାଜିଂ ମିଦାଂ ହାଦଂ ବାବ୍ରେ, ଇତିସ୍ ହାଡ଼ପାତ ମି ବେବାର୍ ବିସ୍ତେ ସାକି ହିତାର୍, ହେ ଏଚେକାଡ଼ଦ୍ ଆନ୍ ବେସି ଝାର୍ଯା ଆଡାଙ୍ଗ୍ । ୪ ନା ହିମ୍ଣାଙ୍ଗ୍ ଜେ ହାଡ଼ପାତ ବେବାର୍ କିନାରା, ଇଦାଂ ଝେନିତାଂ ନା ଝାରି ଆରେ ଗାଜା ବିସ୍ତେ ଆକାୟ ।

ବିଦେସ୍ୟା ଚଣ୍ଡାର୍

୫ ଝାରିନି ହାଙ୍ଗଦାକାନ୍ ଏପେଙ୍ଗ୍ ଚଣ୍ଡାର୍, ବେସିକିଜି ବିଦେସ୍ୟା ଚଣ୍ଡାର୍ କାଜିଂ ଇନାକା କିନାଦେରା, ହେଦାଂ ପାଚଂ ବାବ୍ରେ କିନାଦେରା । ୬ ହେଝାର୍ ମଣ୍ଡୁଲି ଲାଗେ ମି ଜିଉନନାକା ବିସ୍ତେ ସାକି ହିନାରା; ଏପ୍ ଜଦି ହେଝାରିଂ ଇସ୍ପୁର୍ତି ଜଗ୍ ଉପକାର୍ ହିଜି ହାଜି ବାଦ୍ଲାଇୟ୍ କିୟାଟ୍, ବାଟିଙ୍ଗ୍ ହାଦଂ କାମାୟ୍ କିନାଦେର୍, ୭ ଲାଗିଂ ହେଝାର୍ ପାଚଂ କିଝି ଜିହୁଦିର୍ ତାଙ୍ଗ୍ ମୁଡ଼େ ଇଟ୍ଝାଦାଂ କ୍ରିସ୍ତୁତି ତର୍ କାଜିଂ ହଡ଼ତାର୍ନା । ୮ ଲାଗିଂ, ଆସେଙ୍ଗ୍ ଇନେସ୍ ସଡ଼ କାଜିଂ ହେଝାର୍ତି ହାଙ୍ଗଦାକାର୍ ଆଦେଂ ଆଡ଼ନାସ୍, ଇଦାଂ କାଜିଂ ହେଝାର୍ତି ଉପକାର୍ କିନାକା ମା କାମାୟ୍ ।

ଡାୟଗ୍ରେପିସ୍ ଆରି ଡିମିଟ୍ରିଅସ୍

୯ ଆନ୍ ମଣ୍ଡୁଲି ଲାଗେ ଅଲପ୍ ଲେକିକିତାଂ; ମତର୍ ଦିୟତ୍ରପା ମଣ୍ଡୁଲି ବିତ୍ରେ ମୁଡ଼ ଆଦେଂ ମାନ୍ କିଜି ମାଙ୍ଗ୍ ମୁନା କିଡ଼ତାନ୍ନା । ୧୦ ହେଝାନ୍ ମା ବିରୁଡ଼ତ ବାନ୍ୟା କାତା ଇଞ୍ଜି

ମାଙ୍ଗେଇ ନିଦା କିଦନାନ୍, ଆରେ ହେବେ ସାରିଆଖାଦାଂ ନିଜାର ଟଣ୍ଡାରିଂ ଲବାୟୁ କିଉନ୍, ଆରେ ବିନେନିକାର ହେଦାଂ କିଦେଇଁ ଇଚା କିତିସ୍ ହେଝାରିଂ ମୁନାକିନାନ୍, ଆରେ ମଣ୍ଡୁଲିତାଂ ହେଝାରିଂ ପେଜ୍ନାନ୍; ଲାଗିଂ ଆନ୍ ହାତିସ୍ ହେଝାନ୍ତି ଇ ଝିଜୁ କିତାକା କାରାପ୍ କାମାୟୁତ ଏଡ଼ତ ତାଇଝାନାଇଁ ।

୧୧ ଝାରିନି ହାଇଦାକାୟୁ, ଏନ୍ ବାନ୍ୟାକାମାୟୁନି ଗୁଣ୍ଦ ହାଲ୍‌ଝାଦାଂ ହାର୍ କାମାୟୁନି ଗୁଣ୍ଦ ହାଲା । ଇନେନ୍ ହାଡ଼ପା କାମାୟୁ କିନାନ୍, ହେଝାନ୍ ଇସ୍‌ରତାଂ ଉବ୍‌ଜାଣ; ଇନେନ୍ ବାନ୍ୟା କାମାୟୁ କିନାନ୍, ହେଝାନ୍ ଇସ୍‌ରତିଂ ହୁଡ଼ଝା ତାନ୍ନା ।

୧୨ ଦିମିତ୍ରିୟ ପାକ୍ୟାତାଂ ଝିଜାର୍ ସାକି ହିତାର୍‌ନା; ହାଡ଼ପା ନିଜେ ପା ସାକି ହିତାନ୍‌ନା; ଆପେଂ ପା ସାକି ହିନାପା, ଆରେ ମା ସାକି ଜେ ହାଡ଼ପା; ଇଦାଂ ଏପେଇଁ ପୁଚାଦେଣ୍ଟା ।

ହାରିହାରା କାତା

୧୩ ମି ଲାଗେ ନା ଆଦିକ୍ ବିସ୍ତେ ଇନାକା ମାନାଡ଼, ମାତର୍ କାରହାତାକା ଆରି ପେନ୍‌ତାଂ ହେଦାଂ ଲେକିକିଦେଇଁ ଇଚା କିଉଇଁ । ୧୪ ନା ଆହା ଜେ, ବେଗି ନି ଲାହାଇଁ ହୁଡ଼କା ଆଦେଂ, ଆରେ ଆସେଇଁ ବେଟା ଆଜି କାତାବାର୍ତ୍ତା କିନାସ୍ ।

୧୫ ନି କାଜିଂ ସୁସ୍ତା ଆଏଡ଼; ହାଇଦାକାର୍ ମିଙ୍ଗେଇଁ ଜଝାର୍ ଜାଣାୟୁ କିଦନାରା । ଜାଣକେତି ତର୍ ଅଜି ମାସାଦାରିଂ ଜଝାର୍ ଜାଣାୟୁକିଆ ।

ଯିହ୍ୱଦାଙ୍କ ପତ୍ର ଜିହ୍ୱଦାତି ଆଜି ଜିହ୍ୱଦା ଆକିନି ପାଦେକ୍

ଇ ଆକି ଲେକିକିତାକାନ୍ତି ତର୍ ଇସାପ୍ରେ ଜିହ୍ୱଦା କିଆତାନା । ଜିହ୍ୱଦା ଜାରତିଂ ଜାକ୍ବ ଆରି ଜିସୁତି ଟଣ୍ଡେନ୍ ଇଞ୍ଜି ଜାଣାଟିନା କିନାନା । ଲାଗିଂ ଜିସୁ ଟଣ୍ଡେନ୍ ବିତ୍ରେତାଂ ରଞ୍ଜାନ୍ ହେଞ୍ଜାନ୍ ଜିସୁତି ରକାନ୍ ଟଣ୍ଡେନ୍ ଲାକେ ପା ପାତ କିଆନାତ୍ ୧ । ପ୍ଲାନି ନିୟମନି ବିସ୍ପେତିଂ ଅଜି ମାଟିଲେ, ଇଦାଂ ର ମଣ୍ଡଲିତିଂ ଲେକା ଆଜି ମାଟି ଲାକେ ମାନେ ଆନାତ୍ । ଜିହ୍ୱଦା ଆକିନି ହାତ୍ପା ପଡ଼ିକିନାର୍ ଜିହ୍ୱଦିର୍ ବାବ୍ରେ ଜାଣାଟିନା । ଇନେରକି ଆବା ଇସ୍ୱରତି ଜିଉନନିତ କ୍ରିସ୍ତୁତି କାଜିଂ ଇଟ୍ୟା ଆତାନା ୧ । ହେ ଇନାକାପାଆୟେଡ୍ ଜିହ୍ୱଦା ଝିଜାର୍ କୁକ୍ୟାତି ମାନାୟାରିଂ ଟିକ୍ଣା ହିନାନ୍ । ଆକି ଜିସୁକ୍ରିସ୍ତୁତି ଜଲମ୍ ପାଚେ ୬୦ ବାର୍ହୁତ ଲେକା ଆଜି ମାଟାତ୍ ।

ଇ ଆକି ଇମ୍ପାଣାକାର୍ ଚାକ୍ରାୟକ୍ରିସ୍ତୁ ନିପ ହାଲ୍ଲଜି ମାଟାର୍, ହେ ଝିଜାର୍ କ୍ରିସ୍ତୁୟାରିଂ ଜାଗ୍ରତ୍ କିଦେଙ୍ଗ୍ ଲେକା ଆଜି ମାଟାତ୍ । ହେଞ୍ଜାନ୍ ଇନାବାନି ଆଟ୍ଝା କାଜିଂ ପ୍ଲାନି ନିୟମନି ଆରି ଗଟ୍ଟା ବିସ୍ପେ ଇନାନ୍ । ଇ ଆକିତ ମିର୍ ହିକ୍ୟାହିନାକାତ୍ ବିରୁଦ୍ଧତ ପିତର୍ତ୍ତି ୨ ଆକିତ ଲେକା ଆଜି ମାନି ଚିନ୍ତା ଲାହାଂ ମିହାନାତା । ଇବେ ଦୁଡ୍ ଆରି ସଦମ୍ ଗମରା ବିସ୍ପେ ପା ଲେକା ଆତାନା ଜିହ୍ୱଦା ୪ ଆରି ୨ ପିତର୍ ୨:୧

ଜିହ୍ୱଦା ଆକି ବିସ୍ପେନି ରାହାଣ

- ୧. ଜିହ୍ୱଦା ପର୍ତୁମ୍ ହେଞ୍ଜାନ୍ତି ପଡ଼ି କିନାକାରିଂ ଜାଣା ହିନାନ୍ । ୧.୧-୨
- ୨. ମିର୍ ହିକ୍ୟା ହିନାକାର୍ ବିରୁଦ୍ଧତ ଜାଗ୍ରତ୍ କିନାନ୍ । ୧.୩-୪
- ୩. ହେଞ୍ଜାନ୍ ପ୍ଲାନି ନିୟମନି ମାନାୟାରିଂ ଆରି ଗଟ୍ଟାତିଂ ଅଜି ଉତ୍ତର୍ମୁଡ୍ ଇନାନ୍ । ୧.୫-୧୬
- ୪. ଜାକ୍ବତି ଜାଗ୍ରତ୍ନି ଇନିତ ହେଞ୍ଜାରିତି ଦାଇଡ୍ ଇନାକା ଆନାତ୍ ହେ ବିସ୍ପେ ଇନାନ୍ । ୧.୧୭-୨୩
- ୫. ହାରିହାରା ଇସ୍ୱରତିଂ ଜାଜ୍ମାଲ୍ ହିଜି ଆକି ଝିସ୍ତାନ୍ ୧.୨୪-୨୫

ଜିହ୍ୱଦାତି ଆକି ବାନ୍ଦାୟ

୧ ଇମ୍ପାଣାକାର୍ ଇସ୍ୱର ହୁଦାଂ କୁକ୍ୟାତାର୍ନା ଆରି ତା ଜିଉନନି ମାଜି ଆରି ଜିସୁ କ୍ରିସ୍ତୁତି ଲାହାଂ ରାକ୍ୟା, ହେଞ୍ଜାର୍ ଲାଗାଂ ଜିସୁ କ୍ରିସ୍ତୁତି ଆଡ଼ିୟାର୍ ଆରି ଜାକ୍ବ ଟଣ୍ଡାହି ଜିହ୍ୱଦାତି ଆକି ।

୨ ମି କାଜିଂ ଇସ୍ୱରତି ଦୟା, ସୁସ୍ତା ଆରି ଜିଉନନିତ ବେସି ବାବ୍ରେ ଆଏଡ୍ ।

ଚାକ୍ରାୟ ଗୁରୁର୍ କାଜିଂ ଦାଣ୍ଡିନି ବଲ୍

୩ ଏ ଝାରିନିକାଦେର୍, ଆନ୍ ମାଦାଙ୍ଗ୍ ସିଦାସାଦା ମୁକ୍ତାନାକା ବିସ୍ପେ ମି ଲାଗାଂ ଅଲପ୍ ଲେକିକିଦେଂ ବେସି ଜାତୁନ୍ ଆଜି ପୁଇପୁୟା ହୁଦାର୍ ଲାଗାଂ ରଞ୍ଜେ ମାଡ୍ ହେଲ୍ଲାୟ ପାତ ପାକ୍ୟାତ ଜିରୁନ୍ ହିଜି ଜୁଜ୍ କିନି କାଜିଂ ମିଂ ଝାରିକିୟ୍ କିଦ୍ନି କାଜିଂ ଲେକିକିଦେଂ ଲଡା ବାବି କିତାଂ । ୪ ଇନାକିଦେଂକି ପାରାଟିନାର୍ ସାସ୍ୱରତ୍ ତାଣ୍ଡିନି ଲଗୁ ଇଞ୍ଜି ହାନ୍ଦାୟ ଆତି ଏଚେକ୍ ଲଗୁ ମି ବିତ୍ରେ ଡ୍ରେଜି ହଟାଣ୍ଡା; ହେଞ୍ଜାର୍ ଅଦାମ୍, ମା ଇସ୍ୱତ୍ ଦୟା ଉଲ୍ଟା ବାବ୍ରେ ଦାରୁଲାତ ବେବାର୍ କିଜି ମେହାୟ୍ କିତାର୍, ଆରେ ମା ରଞ୍ଜାନ୍ ମତର୍ ମୁଣିକା ଆରି ମାପୁ ଜିସୁ କ୍ରିସ୍ତୁତିଂ ହେଞ୍ଜାର୍ ପାତ କିତର୍ ।

୫ ଆତିସ୍ୟପା ଏପେଙ୍ଗ ଓଁଜୁ ବିସ୍ତେ ବାତ ରତେ ପୁରାଦେଶ୍ଵା, ଆତିସ୍ୟପା ଆନ୍ ମିଙ୍ଗେଙ୍ଗ ଏଡ କିଇକିଦେଙ୍ଗ ମାନ୍ କିନାଂ ଜେ, ମାପୁ ମିସର୍ ଦେସତାଂ ଲକୁରିଂ ରାକ୍ୟା କିତାନ୍, ଆରେ ଇନେର୍ ପାତ କିଞ୍ଜାତାର୍, ପାଚେ ହେଞ୍ଜାରିଂ ବୁଡାୟ୍ କିତାନ୍ । ୬ ଆରେ ଇମ୍ଫଣି ସାଗେନି ଦୁତକ୍ ଜାର୍ ଜାର୍ ଉଡ୍ ପାଦ୍ ଇଟାଞ୍ଜାଦାଂ ଜାର୍ ଜାର୍ ବାହା ପିସ୍ତାର୍, ହେଞ୍ଜାରିଂ ହେଞ୍ଜାନ୍ ଗାଜା ବିଚାଶ୍ଵା ଦିନ୍ ପାଚେକ୍ ଓଁଜୁଓଁଦିନ୍ ପାଚେକ୍ ଗାଚ୍ଚିତାକେ ହୁର୍ପିସ୍ ମାଜ୍ଗାତାକେ ବାହାତ ଇଚ୍ଚାଶ୍ଵା ଇଦାଂ ଏପେଙ୍ଗ ମାନେ କିୟାଚ୍ । ୭ ହେ ଲାକେ ସଦମ୍ ଆରି ଗମରା ଆରେ ହେଞ୍ଜାଚ୍ଚି ଚାରିବେଶ୍ଚାତାଂ ଗାଡ଼ଦାକାର୍ ଦାରି ଆରି ବାନ୍ୟା କାମାୟ୍ତ ଆହା ଆତିଲେ ଓଁଜୁଓଁ ନାଣିଲାକେ ଦାଶ୍ଚ୍ ବଗ୍ କିଜି ଉତ୍ତରମୁଡ୍ ଲାକେ ଆତାଶ୍ଵା ।

୮ ଆତିସ୍ୟପା ଇ କ୍ଷେଞ୍ଜକଣ୍ ହୁଡ଼ନାକାର୍ ପା ହେ ଲାକେ ଗାଗାଡ଼ତ୍ ବିଚାଡ଼୍ କିନାର୍, ମାପୁତ ମାନିକିଉର୍ ଆରି କାବାଆନି ସାକ୍ତିତିଂ ନିୟା କିନାର୍ । ୯ *ମାତର୍ ମୁଡ୍ ଦୁଡ୍ ମିକାୟେଲ୍ ମସାତି ମାଡା ବିସ୍ତେ ସୟ୍ତାନ୍ ହୁଦାଂ କାତାବାଚ୍ଚା କିନିଞ୍ଜେଡାଲିଂ ନିଦା କିଜି ଡାଦାଙ୍ଗ୍ ବିଚାର୍ କିଦେଙ୍ଗ୍ ସାସ୍ ଆଦେଂ ଆଡ଼ଞ୍ଜାଦାଂ ମାଗାଡ଼, କେବଲ୍ ଏଚେକ୍ ଇଚାଡ଼, “ମାପୁ ନିଙ୍ଗେଙ୍ଗ୍ ଦାକା ହିଦେନ୍ ।” ୧୦ ବିନ୍ ପାକ୍ୟାତ ଇଞ୍ଜାର୍ ଇମ୍ଫଣି ଓଁଜୁ ବିସ୍ତେ ପୁନୁର୍, ହେ ସବୁନି ନିୟା କିନାର୍, ଆରେ ପୁନ୍ଓଁ ପସୁ ଲାକେ ଇନା ଇନାକା ହାଡ଼ପା ଲାକେ ବୁଜାନାର୍, ହେ ସବୁ ହୁଦାଂ ବୁଡାନାର୍ । ୧୧ ଇନେସ୍ ହେଞ୍ଜାର୍ ଦୁକ୍ନିଲଗ୍, ଇନେକିଦେଂକି ହେଞ୍ଜାର୍ କୟିନତି ହାଜିଡ଼ ତାଙ୍ଗ୍ଜି ହାଚାଶ୍ଵା, ତାବୁଙ୍ଗ୍ ଲାବ୍ଡି କାଜିଂ ବିଲିୟାମ୍ ଚାକାର୍ତ ଆର୍ତାଶ୍ଵା ଆରି କରହ ଲାକେ କୁଲ୍ କିଜି ବୁଡାତାଶ୍ଵା । ୧୨ ହେଞ୍ଜାର୍ ଲାଜାଞ୍ଜାଦାଂ ମି ହୁଦାଂ ତିନାଉଣା କିଜି ମିଦାଂ ଜିଉନନି ବଜିନି ପ୍ରାଲ୍ ଲାକେ ଆତାଶ୍ଵା; ହେଞ୍ଜାର୍ ଜାର୍ ଜାର୍ଚ୍ଚି ପଟ୍ ପାଞ୍ଜନାର୍; ହେଞ୍ଜାର୍ ଦୁକାତାଂନି ଏସ୍ ହିଲ୍ଓଁ ବାଦାଡ଼୍ ଲାକେ; ହେଞ୍ଜାର୍ ରିହା ହାକି, ଆରମ୍ତାଂ ଉଚ୍ଚାଚି ଦିଞ୍ଜାଡ଼୍ କାଡ଼ନି ପାଡ଼ହିଲ୍ଓଁ ମାର୍ ଲାକେ; ୧୩ ହେଞ୍ଜାର୍ ଜାର୍ ଜାର୍ ଲାଜ୍ ଲାକେ ପୁମେଲ୍ କାକ୍ନି ହାମଦୁଶ୍ଵା ନିଙ୍ଗତି ଲଡ଼ି ଲାକେ; ହେଞ୍ଜାର୍ ବୁଲାନି ହୁକାଂ ଲାକେ; ହେଞ୍ଜାର୍ଚ୍ଚି କାଜିଂ ଓଁଜୁଓଁ କାଡ଼୍ ବେସି ମାଜ୍ଗାତ ଇଚ୍ୟାତାଡ଼ନା ।

୧୪ ଆଦମତାଂ ସାଡ଼ ଚିକ୍ ଜେ ହନକ, ହେଞ୍ଜାନ୍ ପା ହେଞ୍ଜାର୍ ବିସ୍ତେ ବେଶ୍ଚାକ୍ଶାୟ୍ କିଜି ସୁଣାୟ୍ କିଜି ମାଚାନ୍, “ମାପୁ ହାଜାର୍ ହାଜାର୍ ପୁଇପୁୟା ସାଗେନି ଦୁତକ୍ ଲାହାଂ ଞ୍ଜାନାମା । ୧୫ ହୁଡାଚ୍, ମାପୁ ଓଁଜାରିଂ ବିଚାର୍ କିନି କାଜିଂ, ଆରେ ଅଦାମ୍ ଲଗୁ ଓଁଜାର୍ ଜାର୍ ଜାର୍ଚ୍ଚି ଅଦାମ୍ କାତାତ ଇମ୍ଫଣି ସବୁ ଅଦାମ୍ କାମାୟ୍ କିନାରା ଆରି ଅଦାମ୍ ପାପିର୍ ତା ବିରୁଡ଼ତ ଇମ୍ଫଣି ସବୁ ବାଦି କାତା ଇଞ୍ଜାନ୍ନା ।”

୧୬ ଇ ମାନାୟାର୍ ଗାଣ୍ଡୁଗଟିଆର୍, ଜାର୍ ଜାର୍ ଅବସ୍ତାତ ସାରିଆଞ୍ଜାତାକା ଆରି ଜାର୍ ଜାର୍ ଦସ୍ ଆସ୍ତେଙ୍ଗ୍ ଲାଲ୍ସା ତାଙ୍ଗ୍ତାକା; ହେଞ୍ଜାର୍ଚ୍ଚି ମୁମ୍ ଗାଜା ଗାଜା କାତା ଇନାଡ଼ ଆରି ଗିଣମାନ୍ ବାତ କାଜିଂ ହେଞ୍ଜାର୍ ଲକାର୍ ମୁମ୍ ଜପି ଞ୍ଜାରି କିନାର୍ ।

ଚେଡ଼ନାହିନାକା ଆରି ବୁଜାମାଣା

୧୭ ମାତର୍, ଏ ଞ୍ଜାରିନିକାଦେର୍, ମା ମାପୁ ଜିସୁ କ୍ରିସ୍ଟି ପକ୍ୟାତାକାର୍ ଆଗେ ଇମ୍ଫଣି ସବୁ କାତା ଇଚାଶ୍ଵା, ହେ ସବୁ ଏଡ କିୟାଚ୍; ୧୮ *ହେଞ୍ଜାର୍ ଇନେସ୍ ମିଙ୍ଗେଙ୍ଗ୍ ଇଞ୍ଜିମାଞ୍ଚାର୍, “ହାରିହାରା କାଡ଼ଦ୍ ଜାର୍ ଜାର୍ ଇସ୍ଚ୍ଚିଚ୍ଚି ବିରୁଦ୍ ମାନାୟାର୍ ହସି ଞ୍ଜାଜି ମିଙ୍ଗେଙ୍ଗ୍ ଗ୍ଲୁଇଦାନାର୍ ।” ୧୯ ହେଞ୍ଜାର୍ ମାନ୍ଦାମାନ୍ଦା କେଡ଼ପା ଆନାକା ଉବ୍ଜାଶ୍ କିନାର୍, ହେଞ୍ଜାର୍ ଜଗଡ଼ମାନ୍ ଆରି ଇସ୍ଚ୍ଚିଚ୍ଚି ଜିବୁନ୍ ହିଲ୍ଓଁକାର୍ । ୨୦ ମାତର୍, ଏ ଞ୍ଜାରିନିକାଦେର୍, ଏପେଙ୍ଗ୍ ଜାତ୍ ବେସି ପୁଇପୁୟା ପାତ୍ ଜପି ଜାର୍ଚ୍ଚି ଦରମ୍

☆ e:୯ e:୯ ହଡ଼ଚି ୧୨:୭. ☆ e:୧୮ e:୧୮ ୨ ପିଡ଼ର୍ ୩:୩.

ଜିବୁନ୍ ଲାଗଦି ଇଲ୍ ରଚାଟ୍, ପୁଇପୁୟା ଜିବୁନ୍ ପାର୍ତନା କିୟାଟ୍, ୨୧ ଆରେ, ଓଜ୍ଝି ଜିବୁନ୍ କାଜିଂ ମା ମାପୁ ଜିସୁ କ୍ରିଷ୍ଟି ଦୟାନି କାଇ କିଜି ଇସ୍ବରତି ଜିତତ ଜାତଂ ତିର୍ କିଜି ଇଟାଟ୍ ।

୨୨ ଇମ୍ଘାକାର୍ ଚିନ୍ତାତ ମାନାର୍ ଏଲେଙ୍ଘ୍ ଏରେଜାଣ୍ଡିଂ ଦୟା କିଜି ନାଣିତାଂ ଉନ୍ନି ଲାକେ ପରିକ୍ୟା କିୟାଟ୍ । ୨୩ ଚାକାର୍ତ ଆଜିଂ ନାସ୍ ଆଦେଂ ହାଲ୍ଜି ମାନି ମାନାୟତିଂ ନାଣିତାଂ ମୁକ୍ତାୟ କିୟାଟ୍ । ଆରେ ଏରେଜାଣ୍ଡିଂ ପାପ୍ ପ୍ରାଲ୍ଥାସ୍ତ୍ ହେୟାତିଂ ପା ଗିଣ୍ କିୟାଟ୍, ମାତର୍ ପାଣ୍ଡୁ ଲାହାଂ ହେଝାରିଂ ଦୟା ଚଚାଟ୍ ।

ଦନ୍ୟବାଦ୍ ପାର୍ତନା

୨୪ ଇନେର୍ ମିଂ ହାକିତାଂ ରାକ୍ୟା କିଦେଙ୍ଘ୍ ଆରି ହେଝାନ୍ତି ଜାଜ୍ମାଲ୍ନି ଲାଗେ ଦସିଆଝାଦାଂ ଆରି ଝାରିଆଜି ଇଞ୍ଜେଙ୍ଘ୍ ଆଡ୍ନାଦେର୍, ୨୫ ଇନେର୍ ମାଙ୍ଘ୍ ମାପୁ ଜିସୁ କ୍ରିଷ୍ଟି ହୁଦାଂ ମା ରାକ୍ୟାକାର୍ଥା ରଝାନ୍ ମତର୍ ଇସ୍ବର୍, ଜାଜ୍ମାଲ୍, ସାକ୍ତି, ବାପୁ ଆରି ହାଉକାର୍ପାଣ୍, ମା ମାପୁ ଜିସୁ କ୍ରିଷ୍ଟି ହୁଦାଂ ଓଜ୍ଝି କାଡ୍ଦାଂ ନଂ ପାତେକ୍ ଆରି ଆଦିକାର୍ ହେଝାନ୍ତି ଆଏଡ୍ । ଆମେନ୍ ।

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନ୍ତି କାଜିଂ ହତ୍ତ ବଚନ୍ ଜହନ୍ତି କାଜିଂ ହତ୍ତ ବଚନ୍ ବିଷ୍ଣେ ପାଦେକ୍

ହତ୍ତ ବଚନ୍ ପୁନି ନିୟମତ ହାରିହାରାନ୍ ପତି । ଇଦାଂ ପା ଜହନ୍ ହୁଦାଂ ଜିସୁ କ୍ରିଷ୍ଟତି ଜଲମନି ଆନଫାନ୍ ତାଙ୍ଗ୍ ୯୫ ବାହୁତ୍ ଲେକା ଆଜି ମାଚାତ୍ ୧:୧ । ହେୱାନ୍ ଜହନ୍ ନେକ୍ରିକାରୁର୍ ଲାହାଙ୍ଗ୍ ତିନଗଟା ଆକି ପା ଲେକିକିତାନ୍ ୧ ଜହନ୍, ୨ ଜହନ୍, ୩ ଜହନ୍ । ଜହନ୍ ଇନେରିଂ ଜିସୁ ବେସି ଜିଉନଜି ମାଚାନ୍ ଇଞ୍ଜି ପା ପୁନ୍ୟା ଆନାତ୍ ଜହନ୍ ୧୩:୨୩ ଜହନ୍ ଆଇସଲାଣ୍ଡିନି ପାତଫସ୍ତ ମାନି ସମୁତ ଇ ହତ୍ତ ବଚନ୍ ଲେକିକିଜି ମାଚାନ୍ ଇନାକିଦେଂକି ଜିସୁ କ୍ରିଷ୍ଟତି ନେକ୍ରିକାରୁର୍ ସୁଣାୟ୍ କିନି କାଜିଂ ତାଙ୍ଗ୍ ହେବେ ବାତି କିଜି ମାଚାନ୍ । ୧:୯ ।

ଜିସୁତି ୱାନାକା ସମୁ ଲାଗେ ମାତିଲେ ଜିସୁ କ୍ରିଷ୍ଟ ତାକେ ପାତଂ ମାଞ୍ଜେଙ୍ଗ୍ ପଡ଼ି କିନାକାରିଂ ସାସ୍ ଆରି ଆହା ହିନି କାଜିଂ ଜହନ୍ ଇ ହତ୍ତ ବଚନ୍ ଲେକିକିତାନ୍ । ୧:୩୨୨:୭ ହେ ସବୁ ପାତଂ କିନାକାର୍ ଆରି ହାର୍ ବାବ୍ରେ ସାତଗଟା ମଣ୍ଡଲିତିଂ ଏଲେଙ୍ଗ୍ ହୁଡ଼ନାନ୍ ୨-୩ ଜହନ୍ ତା ଲେକାତ ବେଣ୍ଟବାକ୍‌ଶାୟ୍‌କିନାନା ୧:୩ ଆରି ହେୱାନ୍ ହୁଡ଼ଜିମାନି ବେସି ଉଦ୍‌ଜାତି ବିଷ୍ଣେ ଲେକିକିତାନ୍‌ନା । ଇ ପତିତ ଏଚେକ୍ ବାଗତ ପୁନି ପତିନି ବାଗତାଂ ସମାନ୍ ମାନାତ୍, ପାତଂ ତ ଜିକରିୟ୍ ୬:୧-୮ତାକେ ହୁଡ଼ନାସ୍ ।

ହେ ସମୁତ ଆରି ସାତଗଟା କଣ୍ଡିଂ ଇନାକା ଇସ୍‌ସର୍ ମିସର୍ ନିକାରିଂ ତାଣ୍ଡିହିନି କାଜିଙ୍ଗ୍ ଦୁକ୍‌ଦୁକା ପକ୍‌ନାର୍ ଜାତ୍ରା ୭:୯ ହତ୍ତ ବଚନ୍ ହାରିହାରା ସମୁତ ଇନ୍ୟା ଆନାତ୍ ଜିସୁ ହାରିହାରାତ ଜିତା ଆନାନ୍ ଆରି ଇମ୍‌ଣାକାର୍ ତା ତାକେ ବାସ୍ କିନାର୍ ହେୱାର୍ ସବୁଞ୍ଜେଡାଙ୍ଗ୍ ତା ହୁଦାଂ ମାନ୍‌ଜାମାର୍ । ଇ ପତି ଜାର୍‌ତିଂ ଜାଗ୍ରତ୍ କିଏନ୍ ଆରି ଆହା ହିଏନ୍ ଜେ, ଜିସୁ ବେଗି ମାସ୍‌ଦି ୱାନାନା ।

ହତ୍ତ ବଚନ୍ ବିଷ୍ଣେନି ରାହାଣ

୧. ଜହନ୍ତି ଜାଣାତିନା ଆରି ତା କେଚ୍‌କଣ୍ ହୁଡ଼ନାକା ୧:୧-୧:୨୦
୨. ଜିସୁ କ୍ରିଷ୍ଟତାକେ ସାତଗଟା ମଣ୍ଡଲି କାଜିଂ ଜହନ୍ତି କାତା ୧:୧-୩:୨୨
୩. ସାତଗଟା ତାବୁଙ୍ଗ୍ ୪:୧-୮:୫ ସାତଗଟା ମରିଂ ୮:୬-୧୧:୧୯ ବିତ୍ରେ ଲେକା ଆତାଡ଼ନ୍ନା ।
୪. ହିମ୍‌ଣା କାଦେର୍ ଆରି ସାତଗଟା କାପ୍‌ଡା ହିଜି ପାଡ଼ାନି ରାଚ୍ ଲାହାଂ ଜୁଜ୍ ୧୨:୧-୧୪:୨୦
୫. ସାତଗଟା ଗାତ୍ରା କଣ୍ଡି ବିଷ୍ଣେ ଇନାକା ୧୫:୧-୧୬:୧୮
୬. ଇସ୍‌ସର୍ ସାଗେତ ତା ସାତୁଙ୍ଗ୍ ଜିଣା ଆନାନ୍ ୧୭:୧-୨୦:୧୫
୭. ପୁନି ସାଗେ ଆରି ପୁନି ପୁତଂ ୨୧:୧-୨୨:୨୧

୧ ଜିସୁ କ୍ରିଷ୍ଟତି ହତ୍ତ ବଚନ୍; ବିଲମ୍ ଆୱାଦାଂ ଇନା ଇନାକା ହାତେନେ ଗିଟାନାତ୍, ହେ ୱିଜୁ ହେୱାନ୍ ଇନେସ୍ ଜାର୍ ଆଡ଼ିୟାରିଂ ୱେଡ଼ନାନ୍, ଇଦାଂ କାଜିଂ ଇସ୍‌ସର୍ ଇଦାଂ ଜିସୁ ଲାଗାୟ୍ ହେଲାୟ୍ କିତାନ୍, ଆରେ ହେୱାନ୍ ଜାର୍ ଦୁଡ଼ିଂ ପକ୍ତି ଜାର୍ ଆଡ଼ିଏନ୍ ଜହନ୍ତିଂ ଇଦାଂ ପୁନି: କିୟ୍‌କିତାନ୍ । ୨ ଆରେ ଜହନ୍ ନିଜେ ଇନାକା ହୁଡ଼ତାନ୍ନା, ହେଦାଂ ଇବେ ହପ୍‌ତାନ୍‌ନା । ଇ ପତିତ ଇସ୍‌ସର୍‌ତି କାବୁର୍ ଆରି ଜିସୁ କ୍ରିଷ୍ଟତି ସାକି ବିଷ୍ଣେ ଲେକା ଆତାଡ଼ନ୍ନା । ୩ ଇନେନ୍ ପଡ଼ି କିତାନ୍ ଆରି ଇମ୍‌ଣାକାର୍ ଇ

ବେଶ୍ୱାକ୍ଷାୟକିନାକା ଖେନାର୍, ଆରେ ହେବେ ଲେକାତି ବିସ୍ତେ ସବୁ ମାନିକିନାର୍, ହେଖାର୍ ଦନ୍ୟ ଇନେକିଦେଂକି ସମ୍ମୁ ଲାଗେ ଖାତାତେ ।

ସାତ୍ତଗଟା ମଣ୍ଡଲିତିଂ ବନ୍ଦାଈ କିନାକା

୪ *ଜହନ୍ ଆସିଆତ ମାନି ସାତ୍ତଗଟା ମଣ୍ଡଲି ଲାଗାଂ ନା ଜଖାର୍ ଜାଣାୟକିନାକା, ଇନେର୍ ନଙ୍ଗ, ପ୍ଲାନାକା ଆରି ଆଗେ ଖାନିଦିନ୍ତ, ହେଖାନତାଂ ଆରି ହେଖାନ୍ତି ଗାଦି ମୁମ୍ବ ସାତ୍ତ ଜିବୁନ୍ତାଂ ୫ ଆରେ ପାତ୍ନି ସାକି, ହାତାକାର୍ ବିତ୍ତେତାଂ ପର୍ତ୍ତମ୍ ଗାଗାଡ୍, ଆସ୍ତାକାନ୍ ଆରି ପୁତ୍ନି ମୁଡ୍ଦାକାନ୍ ରାଜାରତାଂ ରାଜା ଜିସୁ କ୍ରିସ୍ତାଂ ଦୟା ଆରି ସୁସ୍ତା ମି କାଜିଂ ଆଏଡ୍ । ଇନେନ୍ ମାଙ୍ଗ୍ ଜିଉନଜି ଜାର୍ ନେତେର୍ ହୁକେ ମାଙ୍ଗେଙ୍ଗ୍ ମା ପାପତାଂ ମୁକ୍ତାୟ କିଡ୍ତାନନା, ୬ ଆରେ, ମାଙ୍ଗ୍ ର ରାଜାକ୍ଷୁମ୍ ଲାକେ ଜାର୍ ଇସ୍ୱର୍ ଆରି ଆବାତି ଲାଗେ ମାପୁହେବାକିନାକାନ୍ ଲାକେ ବାଟିକିଡ୍ତାନ୍ନା, ହେଖାନ୍ତି ଜାଜ୍ମାଲ୍ ଆରି ବପୁ ଜୁଗ୍ ଜୁଗ୍ ଆଏଡ୍ । ଆମେନ୍ ।

୭ *ହୁଡ୍ଡାଟ୍, ହେଖାନ୍ ବାଦାଡ୍ଡତ ଖାନାନା, ଜାଣକେ ମାନାୟାର୍ ହେଖାନିଂ ହୁଡ୍ଡନାର୍, ଇମ୍ନଶାକାର୍ ହେଖାନିଂ ଏଡ୍ଜି ମାଚାର୍, ହେଖାର୍ ପା ହୁଡ୍ଡନାର୍, ଆରେ ପୁତ୍ନି ସବୁ ଜାତି ତା ଖାନାକା କାଜିଂ ଆଡ୍ଡବନାର୍ । ଇ ସବୁ ହାତେନେ ଗିଗାନାଡ୍ । ଆଁ ଆମେନ୍ ।

୮ *ଇନେନ୍ ନଙ୍ଗ, “ଆକ୍ତୁ ଆରି ଖାନିଦିନ୍ତ” ଇନେର୍ ସାକ୍ତିକାଗାକାନ୍, ହେ ମାପୁ ଇସ୍ୱର୍ ଇନାନ୍ “ଆପ୍ ଆରମ୍ ଆରି ହାରିହାରା ।”

କ୍ରିସ୍ତ ଚଞ୍ଚୟାତାନ୍

୯ ଆନ୍ ଜହନ୍, ମି ରଖାନ୍ ଚଣ୍ଡେନ୍ ଆରି ଜିସୁତି ଚେଲା ଲାକେ ତା ରାଜିନି ମାନାୟାର୍ ଦୁକ୍ ଜପି ଆଜି ମାନି ସାସ୍ ଲାହାଙ୍ଗ୍ ମେହା ଆନାକା, ଆନ୍ ଇସ୍ୱର୍ ବଚନ୍ ଆରି ଜିସୁତି ସାକି କାଜିଂ ପାମ୍ ତରନ୍ ଏସ୍କୁପୁଲିତ ବନ୍ଦି ମାଚାଂ । ୧୦ ଆନ୍ ମାପୁତି ଦିନ୍ତ ପୁଇପୁୟା ଜିବୁନ୍ ନା ଜପି ଜୁଡ୍ତାଡ୍ ଆରି ନା ପାଚେ ମରି ସବଦ୍ ଲାକେ ର ଗାଜା କାଟ୍ ଇଦାଂ ଇନାକା ଖେଚାଙ୍ଗ୍, ୧୧ ଏନ୍ ଇନାକା ହୁଡ୍ଡନାୟା, ହେଦାଂ ର ପତିତ ଲେକିକିଜି ସାଡ୍ ମଣ୍ଡଲି, ଇଚିସ୍ ଏପିସିୟ, ସ୍ପୁଣ୍ଡା, ପର୍ଗମ୍, ତୁୟାତିରା ସାଦ୍, ପିଲାଦେଲ୍ପିଆ ଆରି ଲାଅଦିକିଆ ଲାଗାଂ ପକା ।

୧୨ ଇନେର୍ ନା ଲାହାଙ୍ଗ୍ କାତା ଇନାନା, ଇଦାଂ ହୁଡ୍ଡନି କାଜିଂ ଆନ୍ ଜେଣପାଡ୍କା ମାସ୍ତାଂ । ଆରେ ମାସ୍ତିଲେ ଆନ୍ ହୁଡ୍ଡତାଂ, ସାଡ୍ ହନା ବଇଟା, ୧୩ ଆରେ ହେ ବଇଟାଙ୍ଗ୍ ମାଦ୍ଣି ବାହାତ ମାନାୟା ମାଜିଡ୍ଡି ଲାକେ ରଖାନ୍ ମାନାୟା; ହେଖାନ୍ ପାନା ପାତେକ୍ ହେନ୍ଦା ଉସ୍ପାତାକା ଆରି ନେଞ୍ଜେଡାକିତ ହନା ଚାର୍ବେଣ୍ଡତାଂ ତ୍ତରି ଗାଡ୍ୟାତାନ୍ନା; ୧୪ ହେଖାନ୍ତି କାପ୍ଡାନି ତେମ୍ବୁଲ୍ ଆଞ୍ଜଗା ଲାକେ ଡିଞ୍ଜନାକା ମାଚାଡ୍, ଆରେ ହେଖାନ୍ତି କାଣ୍ଡୁ ଆହ୍ନି ନାଣି ଲାକେ; ୧୫ ହେଖାନ୍ତି ପାନା ରିଣ୍ଡି ନାଣି ହଲି ନିର୍ମଲ୍ ଅଜଡ୍ ପିତାଡ୍ ଲାକେ ଆରି ହେଖାନ୍ତି କାଟ୍ ବେସି କାଡ୍କାନି ଏଜୁଙ୍ଗ୍ ଲାକେ । ୧୬ ହେଖାନ୍ ଜାର୍ ବୁଜ୍ଣି କେଇଦ ସାଡ୍ଗଟା ହୁକାଂ ଆସ୍ତି ମାଚାନ୍, ହେଖାନ୍ତି ଖେଇଦାଂ ଡିପ୍ଡିପା ରିଦାରା କାଣ୍ଡା ହସି ମାଚାଡ୍, ଆରେ ହେଖାନ୍ତି ମୁମ୍ ମୁଣ୍ଡାବେଲାନି ଖେଡ୍ଡା ଲାକେ ଡିଞ୍ଜି ମାଚାଡ୍ ।

୧୭ *ହେଖାନିଂ ହୁଡ୍ଡଜି ଆନ୍ ହାତି ଲାକେ ହେଖାନ୍ ପାନା ତାରେନ୍ ଗୁରତାଂ । ହେବେ ହେଖାନ୍ ନା ଜପି ଜାର୍ ବୁଜ୍ଣି କେଇ ଇଡ୍ଡଜି ଇନ୍ଗାନ୍, “ପାଣ୍ଡା ଆମା, ଆନ୍ ଆରମ୍ ଆରି ହାରିହାରା । ୧୮ ଆନ୍ ମାନେଜିତାକାଂ; ହାଜି ମାଚାଙ୍ଗ୍, ମାତର୍ ଆନ୍ ନଙ୍ଗ୍ ଜିତାଙ୍ଗ୍ନା ଖିଜ୍ଡି କାଡ୍ ଜିବୁନ୍ ମାନ୍ଗାନାଙ୍ଗ୍ । ହାକି ଆରି ହାତିଲକାର୍ ପାତାଲ୍ନି

* ୧:୪ ୧:୪ ହୃଦି ୪:୫. * ୧:୭ ୧:୭ ମାଡିଉ ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ତେସ୍ଲନିକି ୪:୧୭; ଜହନ୍ ୧୯:୩୪,୩୭; ମାଡିଉ ୨୪:୩୦. * ୧:୮ ୧:୮ ହୃଦି ୨୨:୧୩. * ୧:୧୭ ୧:୧୭ ହୃଦି ୨:୮; ୨୨:୧୩.

କୁଟିକାଡ଼ି ନା କେଇଦ ମାନାଡ଼ । ୧୯ ଲାଗିଂ, ଇନା ଇନାକା ବିସ୍ତେ ହୁଡ଼ତାୟ, ଇନା ଇନାକା ନଙ୍ଗ ଗିଟାନାତା ଆରି ଇଦାଂ ପାତେ ଗିଟାନାଡ଼, ହେ ସବୁ ଲେକିକିୟା । ୨୦ ମା ବୁଜ୍ଜି କେଇଦ ଇମ୍ଫଣି ସାଡ଼ଗଟା ହୁକାଂ ହୁଡ଼ତାୟ, ହେବେନି ଆରି ସାଡ଼ଗଟା ହନା ବଇଟାନି ଅରଡ଼ ଇଦାଂ, ହେ ସାଡ଼ଗଟା ହୁକାଂ ସାଡ଼ଗଟା ମଣ୍ଡଲିନି ଦୁତକ୍” ଆରି ସାଡ଼ଗଟା ବୈଟାଂ ସାଡ଼ଗଟା ମଣ୍ଡଲି ଆନିକ୍ ।

୨

ଏପିସି ମଣ୍ଡଲିତିଂ କାବୁର୍

୧ “ଏପିସି ମଣ୍ଡଲିନି ଦୁଡ଼ତି ଲାଗାଂ ଲେକିକିୟା: ଇନେର୍ ଜାର୍ ବୁଜ୍ଜି କେଇଦ ସାଡ଼ଗଟା ହୁକାଂ ମାସ୍ତିକ୍ ଆରି ସାଡ଼ଗଟା ହନା ବଇଟାଙ୍ଗ ବିତ୍ତେ ବୁଲାଚାଲା କିନିକ୍, ହେୱାନ୍ ଇଦାଂ ଇନାନ୍, ୨ ଆପ୍ ମି କାମାୟ, କସ୍ ଆରି ସାସ୍ ପୁନାପ୍; ଆରେ ଏପ୍ ଜେ ବାନିୟାର୍ତି କାମାୟ ହୁନ୍‌ଝେଙ୍ଗ୍ ଆଡୁଦେର୍, ଆରେ ଇମ୍ଫଣାକାର୍ ଜାର୍ ଜାର୍ତିଂ ପକ୍ୟାତାକାଂ ଇଞ୍ଜି ଇନାର୍, ମତର୍ ପକ୍ୟାତାକାନ୍ ଆକାୟ, ହେୱାରିଂ ପରିକ୍ୟା କିଜି ମିର୍‌ଝା ଇଞ୍ଜି ତିନି କିତାଦେର୍ଣ୍ଣା, ୩ ଆରେ ସାସ୍ ଆସ୍ତି ନା ତର୍ କାଜିଂ କସ୍ ହୁଞ୍ଜାଦେର୍ଣ୍ଣା ଆରି ୱାହ୍‌ଝାତାଦେର୍ଣ୍ଣା, ଇଦାଂ ପା ଆନ୍ ପୁନାଙ୍ଗ୍ । ୪ ମାତର୍ ମି ବିରୁଡ଼ତ ନା ଇ ଦାବା ମାନାଡ଼, ଏପ୍ ହିର୍‌ଗ୍‌ଦ ଇନେସ୍ ଜିଉନଜି ମାଟାଦେର୍, ହେ ଲାକେ ଆରେ କିଉଦେରା । ୫ ଲାଗିଂ ଇମେଟାଂ ମିଦାଂ ଆଦା ହାଟାଡ଼ନ୍ନା, ହେଦାଂ ଚିନ୍ତା କିୟାଟ୍ । ହେଦାଂ ଏଡୁ କିଜି ମାନ୍‌ବାଦଲ୍ଲାୟ କିୟାଟ୍ ଆରି ଆଗେନି କାମାୟ ସବୁ କିୟାଟ୍; ଆଞ୍ଜିତିସ୍ ଏଟେକାଡ଼୍‌ଦ ମାନ୍‌ବାଦଲ୍ଲାୟ କିଉଦେର୍, ବାଟିଙ୍ଗ୍ ଆପ୍ ବେଗି ମି ଲାଗାଂ ୱାଜି ମି ବଇଟା ହେ ବାହାତାଂ ଗୁଟାୟକିନାଙ୍ଗ୍ । ୬ ମତର୍ ମି ପାକ୍ୟାତ ରଞ୍ଜାଙ୍ଗ୍ କାତା ମାନାଡ଼ । ହେଦାଂ ଆନାତା, ନା ଲାକେ ଏପେଙ୍ଗ୍ ପା ନିକଲାତିୟତଂ ଇମ୍ଫଣି ସବୁ କାମାୟ ଗିଣ୍ କିନାପା, ଏପେଙ୍ଗ୍ ପା ହେ ସବୁ ଗିଣ୍ କିନାଦେରା ।”

୭ “ଝେଞ୍ଜେଙ୍ଗ୍ କିଡୁଲ୍ ମାଟିସ୍, ମଣ୍ଡଲିକାଂ ପୁଇପୁୟା ଜିବୁନ୍ ଇନାକା ଇନାତା, ଝେନାଟ୍ !”

“ଇନେର୍ ଜିତା ଆନାର୍, ଆନ୍ ହେୱାରିଂ ଇସ୍‌ତଂ ସାଗେଂ ରାଜିନି ଆସ୍ତି ମାନି ଜିବୁନ୍ ମାର୍‌ନି ପାଡ଼ ଚିଞ୍ଜେଙ୍ଗ୍ କାଜିଂ ଆଦିକାର୍ ହିନାଂ ।”

ସର୍ଣ୍ଣ ମଣ୍ଡଲିତିଂ କାବୁର୍

୮ *ସ୍ପ୍ଲୁଣ୍ଣା ମଣ୍ଡଲିନି ଦୁଡ଼ ଲାଗାଂ ଲେକିକିୟା: “ଇନେର୍ ଆରମ୍ ଆରି ହାରିହାରା, ଇନେର୍ ହାଜି ଆରେ ଜିବୁନ୍ ଆତାନ୍, ହେୱାନ୍ତି ଲାଗାଂ ଇ କାବୁର୍ । ୯ ମି ଦୁକ୍ ସବୁ ନାଙ୍ଗେଙ୍ଗ୍ ଜାଣା; ଆନ୍ ପା ପୁନାଙ୍ଗ୍ ଜେ, ଏପ୍ ଅକ୍ ଡ଼; ମାତର୍ ହାଡ଼ପାନେ ଏପ୍ ମାଜାନ୍ । ଇମ୍ଫଣାକାର୍ ଜାର୍ତିଂ ଜିହୁଦି କୁଟୁମ୍ ଇଞ୍ଜି ଇନାର୍, ମାତର୍ ହାଡ଼ପାନେ ହେୱାର୍ ଜିହୁଦିର୍ ଆକାୟ ଆରି ଇମ୍ଫଣାକାର୍ ସୟତାନ୍‌ତି ପାତେ ହାନାର୍, ହେୱାର୍ ଇନେସ୍ ମିଦାଂ ନିୟା କିଜି କାତା ଇନାର୍, ହେଦାଂ ଆନ୍ ପୁନାଙ୍ଗ୍ । ୧୦ ଏପ୍ ଇମ୍ଫଣି ସବୁ ଦୁକ୍‌ବର୍ଗ କିଦେଙ୍ଗ୍ ହାନାଦେରା, ହେ ସବୁତିଂ ପାଣ୍ଡା ଆମାଟ୍; ହୁଡ଼ାଟ୍, ମି ପରିକ୍ୟା କାଜିଂ ସୟତାନ୍ ମି ବିତ୍ତେତାଂ ଇନେର୍ ଇନେରିଂ ଜଲ୍ଲ ଇଞ୍ଜି ବାଡ଼ କିଦନାଡ଼, ଆରେ ଏପେଙ୍ଗ୍ ଅଲପ୍ ଦିନ୍ କାଜିଂ ଦୁକ୍‌ବର୍ଗ ଆଦନାଡ଼ । ଏପେଙ୍ଗ୍ ହାନି ପାତେକ୍ ପାଡ଼ ଫାନାଟ୍, ହେବେ ଆପ୍ ମିଙ୍ଗେଙ୍ଗ୍ ଜିବୁନ୍‌ବାର୍ତି ମୁକ୍ଟ ହିଦନାପ୍ ।”

୧୧ *ମଣ୍ଡଲିକାଂ ଜିବୁନ୍ ଇନାକା ଇନାତା, “ଇନେରିଂ କିଡୁଲିଙ୍ଗ୍ ମାନିକ୍, ହେୱାନ୍ ହେଦାଂ ଝେନେନ୍ ।

☆ ୨:୮ ୨:୮ ହଡ଼ତି ୧:୧୭; ୨୨:୧୩. ☆ ୨:୧୧ ୨:୧୧ ହଡ଼ତି ୨୦:୧୪; ୨୧:୮.

“ଇନେନ୍ ଜିତା ଆନାନ୍, ହେୱାନ୍ ରିହା ହାକି ଲାହାଙ୍ଗ୍ ଇନେସକିତିସ୍‌ପା ନସ୍‌ଥାଉଡ୍ ।”

ପର୍ଗମ୍‌ ମଣ୍ଡଲିତିଂ କାବୁର୍

୧୨ “ପର୍ଗମ୍‌ ମଣ୍ଡଲିନି ଦୁଡ୍ ଲାଗାଂ ଲେକିକିୟା ।”

“ଇନେରତି ତିପ୍‌ତିପା ରିଦାରା କାଣ୍ଡା ମାନାଡ୍, ହେୱାନ୍ ଇଦାଂ ଇନାନ୍, ହେୱାନ୍ତି ଇ କାବୁର୍ । ୧୩ ଆନ୍ ପୁରାଙ୍ଗ୍‌ନା, ସୟତାନ୍ତି ଗାଦି ହେବେ ଜେ ଏପେଙ୍ଗ୍ ବାହାକିତାଦେଣ୍ଡା, ଇଦାଂ ଆପ୍ ପୁନାପ୍; ଆତିସ୍‌ପା ଏପେଙ୍ଗ୍ ମା ତର୍ ଆର୍‌ୱା ଲାକେ ଆସ୍ତାଦେଣ୍ଡା, ଆରେ ମା ପାତ୍ ତ ସାକି ଆନ୍ତିପା ଏଚେକାଡ୍‌ଦ ମି ବିତ୍ରେନି ସୟତାନ୍ତି ହେ କୁଟ୍‌ତି ବାହାତ ହାଜି ମାଗାଦେର୍, ଏପେଙ୍ଗ୍ ମାତାକେ ପାତ୍ କିନାଦେରା ଇଞ୍ଜି ହେ ଏଚେକାଡ୍‌ଦ ପା ପାତ୍ କିୱାଦାଂ ମାଗାଦେର୍ ।”

୧୪ “ମାତର୍ ମି ବିରୁଡ୍‌ତ ନାଦାଂ ଏଚେଗଟା ବେରଣ୍ ଇନାକା ମାନାଡ୍ । ହେବେ ମି ଲାହାଂ ମାନି ଏଚେକ୍, ବିଲିୟାମ୍ ହିକ୍ୟାତ ଚିନାଜାଣା ଆନାରା ବାଲାକ୍ ଆକାଡ୍ ଚିନାକା ଆରି ଦାରିୟାଲାକେ କିନି କାଜିଂ ଇସ୍ତାଏଲ୍ ନିକାରିଂ ଇଞ୍ଜେଙ୍ଗ୍ ବାଲାକ୍‌ତିଂ ହିକ୍ୟା ହିଜି ମାଗାନ୍ । ୧୫ ସମାନ୍ ହେ ଲାକେ ନିକଲାତିୟରିଂ ଇନ୍‌ବାନାକାରିଂ ହୁଡ୍‌ନି ମାନାୟାର୍ ମି ବିତ୍ରେ ମାନାର୍ । ୧୬ ଲାଗିଂ ମାନ୍‌ବାଦ୍‌ଲାୟ୍ କିୟାଟ୍; ଆଞ୍ଜିତିସ୍ ଆପ୍ ଦାପ୍ରେ ମି ଲାଗାଂ ୱାଜି ନିଜ୍ ୱେଇଦାଂ ହତ୍‌ନି କାଣ୍ଡା ହୁକେ ହେୱାର୍ ଲାହାଙ୍ଗ୍ ଜୁଜ୍ କିନାପ୍ ।”

୧୭ *ମଣ୍ଡଲିକାଂ ଇସ୍‌ରତି ଜିବୁନ୍ ଇନାକା ଇନାତା ।

“ଇନେରିଂ କିତୁଲ୍ ମାନାଡ୍, ହେୱାନ୍ ହେଦାଂ ୱେନେନ୍ ।” ଇନେନ୍ ଜିତା ଆନାନ୍, ତାଙ୍ଗେଙ୍ଗ୍ ଆନ୍ ତ୍‌ଗୁତି ମାନ୍ନା ହିନାଙ୍ଗ୍, ଆରେ ଇମ୍‌ଣି ତର୍ ଇଚ୍‌ନାକାନ୍ ପିସ୍ତି ବିନେନିକାନ୍ ଇନେନ୍ ପୁନୁନ୍, “ଏଲେଙ୍ଗ୍ ପୁନି ତର୍ ଲେକାତି ରଞ୍ଜି ଡିଞ୍ଜିନି କାଲ୍ ତାଙ୍ଗେଙ୍ଗ୍ ହିନାଙ୍ଗ୍ ।”

ତୁୟତିରା ମଣ୍ଡଲି କାଜିଂ କାବୁର୍

୧୮ “ତୁୟତିରା ମଣ୍ଡଲିନି ଦୁଡ୍ ଲାଗାଂ ଲେକିକିୟା, ଇସ୍‌ତ୍ ଇମ୍‌ଣି ମାଜିତି କାଣ୍ଡାକୁ ଆହ୍‌ନି ନାଣି ଲାକେ ଆରି ପାନା ଅଜଡ୍ ପିତାଡ୍ ଲାକେ, ହେୱାନ୍ ଇଦାଂ ଇନାନ୍, ୧୯ ଆପ୍ ମି କାମାୟ୍, ଜିଉନନାକା, ପାତ୍, ହେବା ଆରି ସାସ୍ ପୁନାପ୍, ଆରେ ମିଦାଂ ନଙ୍ଗ୍‌ୟ୍ କାମାୟ୍ ମି ଆଗେନି କାମାଙ୍ଗ୍ ବାଟା ଜେ ଆଦିକ୍, ଇଦାଂ ପା ପୁନାପ୍ । ୨୦ ଆତିସ୍‌ପା ମି ବିରୁଡ୍‌ତ ମାଦାଂ ଇ ବେରଣ୍ ମାନାଡ୍, ଜିଜେବଲ୍ ତର୍‌ଦି ଇମ୍‌ଣି କଗ୍‌ଲେ ଜାର୍‌ତିଂ ବେଶ୍‌ବାକ୍‌ଶାୟ୍‌କିନାକାଂ ଇଞ୍ଜି ଇଞ୍ଜି ନା ଆଡିୟାରିଂ ଦାରିହାଞ୍ଜେଙ୍ଗ୍ ଆରି ଆକାଡ୍ ଚିଞ୍ଜେଙ୍ଗ୍ ହିକ୍ୟା ହିଜି ବୁଲାୟ୍‌କିନାତା, ଏପେଙ୍ଗ୍ ତା ବାନ୍‌ୟା କାମାୟ୍ ହୁଞ୍ଜିନାଦେରା । ୨୧ ଆପ୍ ତାଙ୍ଗେଙ୍ଗ୍ ମାନ୍‌ବାଦ୍‌ଲାୟ୍ କିଦେଙ୍ଗ୍ ସମ୍ ହିଡ୍‌ତିସ୍‌ପା ହେଦେଲ୍ ଜାର୍ ଦାରିତାଂ ମାନ୍‌ବାଦ୍‌ଲାୟ୍ କିଦେଙ୍ଗ୍ ଇଚା କିଉତା । ୨୨ ଲାଗିଂ ଆନ୍ ହେଦେଲିଂ ଆରି ତା ଲାହାଂ ଦାରି କାମାୟ୍‌ତ ମେହାତାକାର୍ ୱିଜାରିଂ ରଗ୍ ଟାଟିତ ତୁହିନାଂ ଆରି ହେୱାର୍ ବୟ୍‌ଙ୍କାର୍ ନନିତ ବଗ୍ କିତାର୍ । ଜଦି ହେୱାର୍ ହେଦେଲ୍ ଲାହାଂ କିଜି ମାନି ବାନ୍‌ୟାକାମାୟ୍ କାଜିଂ ମାନ୍‌ବାଦ୍‌ଲାୟ୍ କିଞ୍ଜିତିସ୍, ୱାଟିଂ ଆନ୍ ଇଦାଂ ହାଡ୍‌ପାନେ କିନାଙ୍ଗ୍ । ୨୩ ହେଦେଲ୍ ପାଚେହାନାକାରିଂ ପା ଟୁଶାଙ୍ଗ୍ । ତା ଆତିସ୍, ମଣ୍ଡଲିଂ ୱିଜାର୍ ପୁଞ୍ଜେଙ୍ଗ୍ ଆଡ୍‌ନାର୍ ଜେ; ଆନ୍ ୱାସ୍‌ପୁନାକାଂ, ମାନାୟ୍‌ନି ୱିଜୁ ଚିଞ୍ଜା ଆରି ଦାରି ପୁଞ୍ଜେଙ୍ଗ୍ ଆଡ୍‌ନାଙ୍ଗ୍ । ଏପେଙ୍ଗ୍ ଜାଣ୍‌କେ ଇନା ଇନାକା କିତାଦେଣ୍ଡା, ହେ ଇସାବ୍‌ରେ ଆନ୍ ମିଂ ପାତିପାଡ୍ ହିଦ୍‌ନାଙ୍ଗ୍ ।”

* ୨:୧୭ ୨:୧୭ ଜହନ୍ ୭:୪୮-୫୦.

୨୪ “ମାତର ଚୁୟାତିରା ମି ବିତ୍ରେତାଂ ଇମ୍ନାକାର୍ ଇ ବାନ୍ୟାହିକ୍ୟାତିଂ ଇତ୍ୱଞ୍ଜାତାର୍ଣ୍ଣା, ଆରି ସୟତାନତି ତ୍ୱକ୍ତ୍ୱ ଇତି ବେରଣିକାଂ ହିକ୍ୟା କିଞ୍ଜାତାନ୍ନା, ଆନ୍ ହେଞ୍ଜାର୍ ଜପି ଆରେ ଇମ୍ନାକା ପା ବଜ୍ ଲାଦି କିତଜ୍ଜ । ୨୫ ମତର ମି ତାକେ ଇନାକା ମାନାତ୍, ହେଦାଂ ଆନ୍ ଖାନି ପାତେକ୍ ଆଟ୍ଠଞ୍ଜା କିଜି ଆସ୍ତି ମାନାଟ୍ ୨୬ ଇନେନ୍ ଜିତା ଆନାନ୍ ଆରି ହାରିହାରା ପାତେକ୍ ନା କାମାୟ୍ କିନାନ୍, ଆନ୍ ଇନେସ୍ ଆବାଂତାଂ ଆଦିକାର୍ ପାୟାତାଂନା, ହେଦାଂ ପା ହେ ଲାକେ ସବୁ ଜାତି ଜପି ଆଦିକାର୍ ହିନାଜ୍ ।

୨୭ ହେଞ୍ଜାନ୍ ହେଞ୍ଜାରିଂ ଲଞ୍ଜା ବାତ୍ତଗା ହୁକେ ରାଜ୍ କିଦେଜ୍, ଆରେ ହେଞ୍ଜାର୍ ଚିକ୍ଲା ଗାଣ୍ଡି ଲାକେ ଗନ୍ଦା ଗନ୍ଦା କିଦେଜ୍ ହେଞ୍ଜାରିଂ କେମ୍ତା ହିନାଜ୍ ।”

୨୮ ଆରେ ଆନ୍ ହେଞ୍ଜାରିଂ ଅଜତ୍ ହୁକା ପା ହିନାଜ୍ । ୨୯ ଖେଞ୍ଜେଜ୍ ସାକ୍ତି ମାତିସ୍, ମଣ୍ଡଲିକାଂ ଇସ୍ୱରତି ଜିବୁନ୍ ଇନାକା ଇନାତା, ଖେନାଟ୍ ।

୩

ସାଦ୍ ମଣ୍ଡଲିତିଂ କାରୁର୍

୧ ସାଦ୍ ମଣ୍ଡଲିନି ଦୁତ୍ୱତି ଲାଗାଂ ଲେକିକିୟା । ଇନେର୍ ଇସ୍ୱତ୍ ସାତ୍ ଜିବୁନିଂ ଆରି ସାତ୍ଗଟା ହୁକାଂ ହେ ଲାକେ ଆତିକ୍, ହେଞ୍ଜାନ୍ ଇଦାଂ ଇନାନ୍, ଆପ୍ ମି କାମାୟ୍ ପୁନାପ୍, ଏପେଜ୍ ତରଦିଂ ଜିତାଦେର୍ଣ୍ଣା, ମତର ହାତ୍ପାନେ ହାତାଦେର୍ଣ୍ଣା । ୨ ଜାଗ୍ରତ୍ ଆଜି ମାନାଟ୍ ଆରେ ହାକି କାଜିଂ ଜାଲ୍ଦି ବାକି ବିସ୍ତେ ବାତ୍ତାକାସ୍ କିୟାଟ୍; ଇନେକିଦେଂକି ଆନ୍ ପୁନାଜ୍, ମି କାମାୟ୍ ସବୁ ଇସ୍ୱତ୍ ମୁମ୍ଦ ଇ ପାତେକ୍ ବାତ୍ ଆଉତେ । ୩ ଲାଗିଂ ଇନେସ୍ବାତ୍ ହିକ୍ୟା ପାୟା ତାଦେର୍ଣ୍ଣା ଆରି ଖେଟାଦେର୍ଣ୍ଣା, ହେଦାଂ ଏତୁ କିଜି ପାଲି କିୟାଟ୍ ଆରି ମାନ୍ବାଦଲ୍ଲାୟ୍ କିୟାଟ୍; ଜଦି ଜାଲ୍ଦି ଆଞ୍ଜିତିସ୍, ତା ଆତିସ୍ ଆପ୍ ତର୍ ଲାକେ ଖାନାପ୍, ଆରେ ଇମ୍ନା ସମୁତ ମି ଜପି ଖାଜି ଆର୍ଦାନାପ୍, ହେଦାଂ ଏପେଜ୍ ଇନେସ୍କିତିସ୍ପା ପୁଞ୍ଜେଜ୍ ଆତୁଦେର୍; ୪ ଆତିସ୍ପା ଇମ୍ନାକାର୍ ଜାର୍ ଜାର୍ ହେନ୍ଦା କାଞ୍ଜି କିଞ୍ଜାତାର୍ଣ୍ଣା, ମି ବିତ୍ରେ ସାଦ୍ ତ ଏଲେଜ୍ ଏଚେକ୍ ମାନାଟ୍; ହେଞ୍ଜାର୍ ତ୍ୱିଞ୍ଜିନି ହେନ୍ଦା ଉସ୍ପିସ୍ ମା ଲାହାଜ୍ ବୁଲ୍ଲାଚାଲା ଆନାର୍, ଇନେକିଦେଂକି ହେଞ୍ଜାର୍ତି ଜଗ୍ । ୫ ଇନେର୍ ଜିତା ଆନାର୍, ହେଞ୍ଜାନ୍ ଇ ଲାକେ ତ୍ୱିଞ୍ଜିନି ହେନ୍ଦା ଉସ୍ପାନାର୍, ଆରେ ଆନ୍ ଜିବୁନ୍ ପତିତାଂ ତା ତର୍ ଇନେସ୍କିତିସ୍ପା ବୁତାୟ୍ କିଞ୍ଜାଦାଂ ନା ଆବା ଆରି ତା ଦୁତକ୍ ମୁମ୍ଦ ତା ତର୍ ମାନିକିନାଜ୍ । ୬ ମଣ୍ଡଲିନିକାରିଂ ପୁଞ୍ଜପୁୟା ଜିବୁନ୍ ଇନାକା ଇନାତ୍, ଇନେରିଂ କିତୁଲ୍ ମାନାତ୍, ହେଞ୍ଜାନ୍ ହେଦାଂ ମାନ୍ ହିଜ୍ ଖେନେନ୍ ।

ପିଲାଦେଲ୍ପିଆ ମଣ୍ଡଲି କାଜିଂ କାରୁର୍

୭ ପିଲାଦେଲ୍ପିଆ ମାନି ମଣ୍ଡଲିନି ଦୁତ୍ୱ ଲାଗାଂ ଲେକିକିୟା । ଇନେର୍ ପୁଞ୍ଜପୁୟା ଆରି ହାତ୍ପା,

ଇନେର୍ କେଇଦ ଦାଉଦତି କୁଚିକାତି ମାନାତ୍, ଇନେର୍ ଜେତିସ୍ ଇନେର୍ ଗେସ୍ତେଂ ଆତୁର୍, ଆରେ ଗେସ୍ତିସ୍ ଇନେର୍ ଜେତେଜ୍ ଆତୁର୍, ୮ ହେଞ୍ଜାନ୍ ଇଦାଂ ଇନାନ୍, ଆନ୍ ମି କାମାୟ୍ ପୁନାଜ୍; ହୁଡାଟ୍ ଆନ୍ ମି ମୁମ୍ଦ ର ଦୁଞ୍ଜେର୍ ଜେତାଜ୍ନା, ଇନେର୍ ହେଦାଂ ଗେସ୍ତେଂ ଆତୁର୍, ଇନେକିଦେଂକି ମି ସାକ୍ତି ଅଲପ୍, ଆତିସ୍ପା ଏପେଜ୍ ନା କାତା ମାନି କିଜି ନା ତର୍ ପାତ୍ କିନାକାଦେର୍ ଆତାଦେର୍ଣ୍ଣା । ୯ ହୁଡାଟ୍, ଇମ୍ନାକାର୍ ଜିହୁଦିର୍ ଆକାୟ୍, ମାତର ମିଚ୍ତାଂ ଜାର୍ଲଗାଂ ଜିହୁଦି ଇଞ୍ଜି ଇନାର୍, ଏଲେଜ୍ ସୟତାନନି କୁଟୁମ୍ ଇଞ୍ଜି କୁଦାନି ମାନାୟାରିଂ ଆପ୍ ତାସି ମି ପାନା ତାରେନ୍ ଜଞ୍ଜାର୍କିୟ୍କିଦ୍ନାପ୍, ଆରେ ଆନ୍ ଜେ ମିଜେଜ୍ ଜିଉନ୍ଦନାଜା ଇଞ୍ଜି ହେଞ୍ଜାର୍

☆ ୩:୫ ୩:୫ ହତ୍ୱତି ୨୦:୧୨; ମାତିଉ ୧୦:୩୨; ଲୁକ ୧୨:୮.

ଓଜାର ପୁନାର । ୧୦ ନା ବଲ୍ଲ ଇସାୟରେ ଏପେଙ୍ଗ ନା ସାସନି ବଚନ୍ ରାକ୍ୟା କିତାଦେରନା, ଇଦାଂ କାଜିଂ ପୁତ୍ରିନିକାରିଂ ପରିକ୍ୟା କିନି କାଜିଂ ସବୁ ଜଗତ୍ ଜପି ଇମ୍ପଣି ପରିକ୍ୟା କାତ୍ ଖାନାତ୍, ହେବେତାଂ ଆନ୍ ପା ମିଙ୍ଗେଙ୍ଗ ରାକ୍ୟା କିଦ୍ନାଙ୍ଗ । ୧୧ ଆନ୍ ଦାପ୍ରେ ଖାନାଙ୍ଗା; ମିଦାଂ ଇନାକା ମାନାତ୍, ହେଦାଂ ଜାତୁନ୍ କିଜି ଇଗାଟ୍, ଇନେସ୍ ଇନେର୍ ମିତାଂ, ମି ଜିତାତି ମୁକୁଟ୍ ଚରି କିଜି ଅଦେଂ ଆତୁର୍ । ୧୨ ଶୁଇନେର୍ ଜିତା ଆନାର୍, ଆନ୍ ତାଙ୍ଗେଙ୍ଗ ମା ଇସ୍ୱତ୍ ମନ୍ଦିରୁନି ମୁଣ୍ଡା ଲାକେ କିନାଙ୍ଗ, ହେଖାନ୍ ଆରେ ହେବେତାଂ ବାତ୍ ହାଲୁନ୍; ଆପ୍ ମା ଇସ୍ୱତ୍ ତର୍ ଆରି ସାଗେତାଂ ତା ତାକେଣ୍ଡା ଆତାକା ଇମ୍ପଣି ପୁନି ଜିରୁସାଲମ୍, ମା ଇସ୍ୱତ୍ ହେ ଗାଡୁନି ତର୍ ଆରେ ନା ଜାତ୍ତି ପୁନି ତର୍ ହେଦାଂ ଜପି ଲେକିକିନାପ୍ ।

୧୩ ମଣ୍ଡଲିକାଂ ଇସ୍ୱରତି ଜିବୁନ୍ ଇନାକା ଇନାତ୍, ଇନେରିଂ କିତୁଲ୍ ମାନାତ୍, ହେଖାନ୍ ହେଦାଂ ଖେନେନ୍ ।

ଲାଅଦିକିଆ ମଣ୍ଡଲି କାଜିଂ କାରୁର୍

୧୪ ଲାଅଦିକିଆ ମଣ୍ଡଲିନି ଦୁତ୍ ଲାଗାଂ ଲେକିକିୟା । ଇନେନ୍ ସତ୍, ଇନେନ୍ ପାତ୍ରିକାନ୍ ଆରି ହାତ୍ପା ସାକି, ଇସ୍ୱତ୍ ଓବ୍ ଜାଣିନି ଆଗେ ରବ୍ କାନ୍ ହେଖାନ୍ ଇଦାଂ ଇନାନ୍, ୧୫ ଆନ୍ ମି କାମାୟ ପୁନାଙ୍ଗ, ଏପ୍ କାକାର୍ ଆକାୟ କି ଉହୁମ୍ ଆକାୟ; ଏପ୍ କାକାର୍ କି ଉହୁମ୍ ଆତିସ୍ ହାର୍ ଆତାମ୍ । ୧୬ ଲାଗିଂ ଏପେଙ୍ଗ କାକାର୍ କି ଉହୁମ୍ ଆଖାଦାଂ ଅଲପ୍ ଉହୁମ୍ ଆତିଲେ ଆନ୍ ମିଙ୍ଗେଙ୍ଗ ନା ଖେଇଦାଂ କାକ୍ନାଙ୍ଗ । ୧୭ ଏପେଙ୍ଗ ଇନାଦେରା, ଆନେଙ୍ଗ ମାଜାନ୍, ନାଦାଂ ବେସି ଦନ୍ ମାନାତ୍, ନାଂ ଇନାକା ଉଣା ଆକାୟ; ମତର୍ ଏପେଙ୍ଗ ଜେ ଦୟା ହିଲ୍ଲାକାଦେର୍, ହିଲ୍ଲ୍ ଖାକାଦେର୍, ଅକ୍ତ୍, କାଣା ଆରି ନାଗ୍ଡା, ଇଦାଂ ପୁନୁଦେର୍; ୧୮ ଲାଗିଂ ଆନ୍ ନିଙ୍ଗେଙ୍ଗ ଇଦାଂ ଖେର୍ଚାନାଙ୍ଗା, ଏପେଙ୍ଗ ମାଜାନ୍ ଆନି କାଜିଂ ନା ତାଂ ନିର୍ମଲ୍ ହନା କଡାଟ୍, ଆରେ ଏପେଙ୍ଗ ନାଗ୍ଡାନି ଲାଜୁ ଇନେସ୍ ଚଞ୍ଜିୟା ଆଉତ୍, ଇଦାଂ କାଜିଂ ଉସ୍ପିନି କାଜିଂ ଡିଞ୍ଜିନି ହେୟା ନା ତାଂ କଡାଟ୍ । ଆରେ ହୁଡୁନି ସାକ୍ତ ନିର୍ମଲ୍ କିନି କାଜିଂ କାଜଲ୍ କଡୁଜି କାଣ୍ଡକ୍ କାଜାଟ୍ । ୧୯ ଆନ୍ ଏତେକ୍ ମାନାୟାରିଂ ଜିଉନନାଙ୍ଗ, ହେଖାରିଂ ଲେଡନାଙ୍ଗ ଆରି ସାସନ୍ କିନାଙ୍ଗ; ଇତିସ୍ ଖାସ୍ତାଲହାଂ ମାନ୍ଦବାଦ୍ଲାୟ କିୟାଟ୍ । ୨୦ ହୁଡାଟ୍, ଆନ୍ ବାତ୍ ନିଲ୍ଲିଟି ଦୁଖେର୍ତ ଇଡ୍ଦାନାଙ୍ଗା; ଜପି ଇନେର୍ ନା କାଟ୍ ଖେନ୍ଞି ଦୁଖେର୍ ଜେଡନାନ୍, ତା ଆତିସ୍ ଆନ୍ ହଣ୍ଡି ତା ଲାଗାଂ ହାନାଙ୍ଗ, ଆରେ ଆନ୍ ତା ଲାହାଙ୍ଗ ତିନାଙ୍ଗ ଆରି ହେଖାନ୍ ନା ଲାହାଙ୍ଗ ତିନାନ୍ । ୨୧ ଆନ୍ ଇନେସ୍ ଜିତା ଆଜି ନା ଆବା ଲାହାଙ୍ଗ ତା ଗାଦିତ କୁର୍ତାଙ୍ଗନା, ହେ ଲାକେ ହେଖାନ୍ ଜିତା ଆନାନ୍, ଆନ୍ ହେଖାନ୍ ନା ଲାହାଙ୍ଗ ନା ଗାଦିତ କୁର୍ତେଙ୍ଗ ହିନାଙ୍ଗ ।

୨୨ “ଖେଞ୍ଜେଙ୍ଗ କିତୁଲିଂ ମାତିସ୍, ଇସ୍ୱରତି ଜିବୁନ୍ ମଣ୍ଡଲିକାଂ ଇନାକା ଇନାତ୍, ଖେନାଟ୍ ।”

୪

ସାଗେତ ପାର୍ତନା

୧ ଇଦାଂ ପାଚେ ଆନେଙ୍ଗ ହୁଡୁତାଂ, ଆରେ ହୁଡାଟ୍, ସାଗେତ ରଞ୍ଜାଙ୍ଗ ଦୁଖେର୍ ଜେତାକା ମାଚାତ୍; ଆରେ ମରି ଗାର୍ଜାନ୍ ଲାକେ ନା ଲାହାଙ୍ଗ ଇଞ୍ଜି ମାନି ଇମ୍ପଣି କାଟ୍ ଆନେଙ୍ଗ ଆଗେ ଖେନ୍ଞି ମାଚାଂ, ହେଦାଂ ଇଚାତ୍, ଇବେ ନିଙ୍ଗି ଖା; ଇନାକା ସବୁ ଇଦାଂ ପାଚେ ଆତିସ୍ପା ଗିଟାଆନାତ୍, ହେ ସବୁ ଆନ୍ ମିଙ୍ଗେଙ୍ଗ ଚର୍ଚାନାଙ୍ଗ । ୨ ହେ ଦାପ୍ରେ ଆନେଙ୍ଗ ପୁଇପୁୟା ଜିବୁନ୍ତ ବାତ୍ ଆତାଂ, ଆରି ହୁଡୁତାଂ, ସାଗେତ ର

☆ ୩:୧୨ ୩:୧୨ ହତ୍ୱତି ୨୧:୨. ☆ ୩:୧୯ ୩:୧୯ ଏବ୍ରି ୧୨:୬.

ଗାଦିତ ରଞ୍ଜନ ଇନେର୍ କୁଚ୍ଚରାନ୍ନା; ୩ କୁଚ୍ଚି ମାନାୟତିଂ ମୁମ୍ ହିରା ଆରି ମାଣିକ୍ୟ ଲାକେ, ଆରେ ଗାଦି ଚାର୍ବେଣ୍ଡାଂ ରଞ୍ଜାଙ୍ଗ୍ ତୁବ୍ଡାରାଚ୍, ହେଦାଂ କାଚାପାତ୍ରିୟା ବାନାନି ମୁକ୍ତା ଲାକେ । ୪ ଆରେ, ଗାଦିନି ଚାର୍ବେଣ୍ଡାଂ ୨୪ ଗାଦି ରଚ୍ଚାକା ଆରି ଗାଦିଂ ଜପି ୨୪ ପ୍ରାଚିନାର୍ କୁଚ୍ଚରାନ୍ନା, ହେଞ୍ଜାର୍ ତ୍ରିଞ୍ଜିନି ହେୟା ଉସ୍ପାତାକାର୍ ଆରି ହେଞ୍ଜାର୍ କାପ୍ତା ଜପି ହନା ମୁକୁଚ୍ । ୫ ଗାଦି ବିତ୍ରେ ବିଜ୍ଲି, ବାରବିନ୍ଦି କାଚ୍ ଆରି ବାଦାଡ୍ ଗାର୍ଜାନ ହତ୍ତନାତା, ଆରେ ଗାଦି ଲାଗାଂ ନାଣିଲାକେ ସାତ୍ତଗଟା ବଇଟାଙ୍ଗ୍ ଆହ୍ନିକା, ଇ ସାତ୍ତଗଟା ବଇଟାଙ୍ଗ୍ ଇସ୍ତ ଯାତ୍ତଗଟା ଜିବୁନ୍ । ୬ ଗାଦି ମୁମ୍ଦ କାଚ୍ ଲାକେ ନିର୍ମଲ ର ହାମ୍ଦୁର ।

ଗାଦି ଚାର୍ବେଣ୍ଡାଂ ମାଦି ଚାର୍ ପାରାଣିଂ, ହେଞ୍ଜାର୍ତ୍ତି ଆଗେ ଆରି ପାଚେ କାଶକୁତ ବାତ୍ ମାଚାତ୍ । ୭ ପର୍ତ୍ତୁମ୍ ପାରାଣି ସିହ୍ ଲାକେ ଚନ୍ଦ୍ରି ମାଚାତ୍, ରିଣ୍ଡି ପାରାଣି ଅହ୍ରି ଲାକେ, ତିନ୍ ପାରାଣି ମୁମ୍ ମାନାୟ ମୁମ୍ ଲାକେ, ଆରେ ଚାରିପାରାଣି ଉମ୍ନି ମୁକ୍ତି ପଟି ଲାକେ ଚନ୍ଦ୍ରି ମାଚାତ୍ । ୮ ଷ୍ଟିଲ୍ ପଟିକାଂ ଚଅ ଚଅ କେଲ୍କୁ; ହେ କେଲ୍କୁକାଂ ବାରତ ଆରି ବିତ୍ରେ କାଶକ୍ଷାତ ବାତ୍ ମାଚାତ୍ । ହେଞ୍ଜେକ୍ ଷ୍ଟେଡାନାଣା ଜମ୍ପାଦାଂ ଇନିକା, ଇନେର୍ ସାକ୍ତିକାଟାକାନ୍, ଇନେର୍ ପ୍ଲାନାକା, ନଙ୍ଗୟ ଆରି ଖାନିଦିତ୍ତ, ହେ ମାପୁ ଇସ୍ତ ପୁଇପୁୟା, ପୁଇପୁୟା, ପୁଇପୁୟା ।

୯ ପାରାଣିଂ ଏଚେକାତ୍ତ୍ତ୍ ହେ ଗାଦିତ କୁଚ୍ଚି ଷ୍ଟିଲ୍ ଜିତି ମାନାୟତିଂ ପାଶ୍ ଜାଜ୍ମାଲ୍, ଆରି ଦନ୍ୟବାଦ୍ ହିନିକ୍, ୧୦ ହେ ଏଚେକାତ୍ତ୍ତ୍ ୨୪ ବୁଡାଲୁର୍ ଗାଦିତ କୁଚ୍ଚି ମାନାୟ ମୁମ୍ଦ ଡାଣ୍ଡାହାତ୍ ମାଗଜି ଷ୍ଟିଲ୍ ଜିବୁନ୍ମାନି ମାନାୟତିଂ ଜଞ୍ଜାର୍ କିତାର୍ ଆରି ଗାଦି ଲାଗାଂ ଜାର୍ ଜାର୍ ମୁକୁଚ୍ ଇଡ୍ଡି ଇଚାର୍,

୧୧ “ମା ମାପୁ ଆରି ଇସ୍ତ୍,

ଏନେଙ୍ଗ୍ ଜାଜ୍ମାଲ୍, ମାନି ଆରି ସାକ୍ତି ପାୟଦେଂ ଜଗ୍ ଆନାୟ୍,

ଇନେକିଦେଂକି ଏନ୍ ଷ୍ଟିଲ୍ ଉବ୍ଜାଣ୍ କିତାୟନା ।

ଆରେ ନି ଇଚାତ ହେ ସବୁକାଂ ଜିବୁନ୍ ହିତାୟନା, ପାରାଣିକାଂ ଜିପ୍ତାୟନା ।”

୫

ପତି ଆରି ମେଣ୍ଡାହିମଣା

୧ ତା ପାଚେ ଆନ୍ ଗାଦିତ କୁଚ୍ଚି ମାନି ମାନାୟତିଂ ବୁଜ୍ଜି କେଇଦ ର ପତିତ ହୁଡ୍ଡାଂ, ହେଦାଂ ରିକଣ୍ଡାଂ ଲେକାତାତ୍ତନା ଆରି ସାତ୍ତଗଟା ଚିନ୍ତ ହେଦାଂ ଚିନ୍ ଇଚ୍ୟାଜି ମାଚାତ୍ । ୨ ଆରେ ଆନ୍ ର ସାକ୍ତିକାଟି ଦୁଡ୍ଡିଂ ହୁଡ୍ଡାଂ; ହେଦେଲ୍ ଗାଜା କାଚ୍ତାଂ ସୁଣାୟ କିଜି ଇଞ୍ଜି ମାଚାତ୍, “ଇନେର୍ ଇ ଚିନ୍ ସବୁତିଂ ତ୍ରିକ୍ଚି ପତି ଜେତେଙ୍ଗ୍ କାଜିଂ ଇନେର୍ ଜଗ୍ ମୁଣିକା ମାଚିସ୍, ହସି ଖାଏର୍ ।” ୩ ମାଚର୍ ହେ ପତି ଜେସି ହେବେ ଇନାକା ଲେକାମାନାତ୍, ପତିକିଦେଂ ସାଗେ, ପୁତ୍ ଚ କି ପାତାଲ୍ତ ଇନେର୍ ହତ୍ତଞ୍ଜାତାର୍ । ୪ ହେ ପତି ଜେସି ହେବେ ଇନାକା ଲେକା ଆଦ୍ନା, ପତି କିଦେଙ୍ଗ୍ କାଜିଂ ରଞ୍ଜାନ୍ ପା ଜଗ୍ ମୁଣିକା ଗାଟାଆଦ୍ଡିତଲେ, ଆନ୍ ଦୁକ୍ ଆଜି ଆଡ୍ଡେଦେଂ ଲାଗାତାଂ । ୫ ହେବେ ପ୍ରାଚିନାର୍ ବିତ୍ରେ ରଞ୍ଜାନ୍ ନାଙ୍ଗେଙ୍ଗ୍ ଇନ୍ଚାନ୍, ଆଡ୍ଡାମା, ହୁଡ୍ଡା, ଇନେନ୍ ଜିହୁଦା ଲାତ୍ରାତାଂ ସିହ୍ ଆରି ଦାଉଦ୍ତି ଦଲ୍, ହେଞ୍ଜାନ୍ ପତିନି ସାତ୍ତଗଟା ଚିନ୍ ଇଡ୍ଡାକା ତ୍ରିକ୍ଚି ହେଦାଂ ଜେନି କାଜିଂ ଜିତା ଆତାନ୍ନା ।

୬ ହେ ଏଚେକାତ୍ତ୍ତ୍ ଆନେଙ୍ଗ୍ ହୁଡ୍ଡାଂ, ଗାଦି, ଚାରି ପାରାଣିଂ ଆରି ପ୍ରାଚିନାର୍ ମାଦ୍‌ଣିବାହାତ ର ମେଣ୍ଡାହିମଣା ନିଲ୍ତାକା ହୁଡ୍ଡାଂ, ହେଞ୍ଜାନ୍ ହାତି ଲାକେ ଚଞ୍ଜିଜି ମାଚାନ୍, ହେଞ୍ଜାନ୍ତି ସାତ୍ କମଙ୍ଗ୍ ଆରି ସାତ୍ତଗଟା କାଶ୍ଗାଂ; ହେ ଷ୍ଟିଲ୍ କାଶ୍ଗାଂ ସବୁ

* ୪:୫ ୪:୫ ହତ୍ତ ୮:୫; ୧୧:୧୯; ୧୭:୧୮; ହତ୍ତ ୧:୪.

ପୁତ୍ର ପକ୍ୟାତି ଇସ୍ତ ସାତ୍‌ଗଟା ଜିବୁନ୍ । ୭ ମେଣ୍ଡାହିମ୍‌ଣା ଖାଜି ଗାଦି ଜପି କୁଟ୍‌ଟିମାନି ମୁଣିକାତିତାଂ ବୁଜ୍‌ଣି କେଇଦାଂ ହେ ପତି ଅତାନ୍ । ୮ ହେ ପତି ଅତିଲେ ହେ ଚାରି ପାରାଣିଂ ଆରି ୨୪ ପ୍ରାତିନାର୍ ମେଣ୍ଡାହିମ୍‌ଣା ମୁମ୍‌ଦ ତାଣ୍ଡାହାଡ଼ ଇଡ଼ତାର୍; ହେଖାଟ୍‌ତି ଝିଜାର୍‌ତି କେଇଦ ଗମଣ୍ ଆରି ପୁଇପୁୟା ଦାମ୍‌ତ ପାର୍ତ୍ତନା ଲାକେ ଦୁପ୍‌ନିତ ବାତ୍ ହନା କଣ୍ଡି ମାଗାଡ଼ । ୯ ହେଖାର୍ ର ପୁନି କେରକଣ୍ କେରଜି ଇଚାର୍, ଏନ୍ ହେ ପତି ଅଦେଂ ଆରି ହେବେନି ସିଲ୍ ଡ୍ରିକ୍‌ତେଂ ଜଗ୍ ଆଡ଼ନାୟ୍,

ଇନେକିଦେଂକି ଏନ୍ ହାଜି ମାଗାୟ୍,

ଆରେ ଜାର୍ ନେତେର୍ ହୁକେ ସବୁ କୁଟ୍‌ମ୍, ବାସାନିକାର୍, ଲାତ୍ରା

ଆରି ଜାତି ବିତ୍ରେତାଂ ଇସ୍ତ କାଜିଂ ମାନାୟାର୍ କଡ଼ତାୟନା,

୧୦ ଆରେ ହେଖାରିଂ ମା ଇସ୍ତ ଇସାପ୍‌ତ ରାଜି ହେବା କିନି ରାଜା ଲାତ୍ରା ଆରେ

ମାପୁ ହେବାକିନାକାନ୍ କିଜି ହିତାୟନା; ଆରେ ହେଖାର୍ ପୁତ୍ର ଜପି ରାଜ୍ କିନାନ୍ ।

୧୧ ତା ପାଚେ ଆନ୍ ହୁଡ଼ତାଂ, ହାଜାର୍ ହାଜାର୍ ଆରି ଲାକେ ଲାକେ ସାଗେନି ଦୁଡ଼କୁ ଗାଦିତ, ଚାରିଗଟା ପାରାଣିଂ ପ୍ରାତିନାର୍ ବେଡ଼ିକିଜି ନିଲ୍‌ଡିକନା । ୧୨ ହେଖେକ୍ ଗାଜା କାଟ୍‌ତାଂ କେରଜି ମାଟିକ୍, ବାଡ଼କାସ୍, ଦାନ୍, ଗିଆନ୍, ସାଲ୍ଡି, ପାଣ୍, ଜାଜ୍‌ମାଲ୍ ଆରି ଦନ୍‌ସବାଦ୍ ମାନିକିଦେଂ

ହାଜି ମାଟି ମେଣ୍ଡାହିମ୍‌ଣା ନେ ଜଗ୍ ଆନାନ୍ ।

୧୩ ଆରେ ଆନ୍ ସାଗେ, ପୁତ୍ର ପାତାଲ୍‌ତ ଆରି ହାମ୍‌ଦୁର୍‌ତ ମାନି ଝିଜୁ ଉଦ୍‌ଜାତି ପାରାଣିଂ, ଆଁ ହେ ବିତ୍ରେନି ଝିଜୁ ଇଦାଂ ଇଞ୍ଜିମାଟାକା ଝେଟାଙ୍ଗ୍, ହେଖେକ୍ କେରଜି ମାଟିକ୍ ।

“ଗାଦିତ କୁଟ୍‌ଟି ମାନାୟ୍‌ତି ଆରି ତା ମେଣ୍ଡାଗଡ଼ିୟାତି ଦନ୍‌ସବାଦ୍ କିୟାଟ୍ ।

ତା ପାଣ୍, ଜାଜ୍‌ମାଲ୍ ଆରି ସାଲ୍ଡି ଝିଜୁ କାଡ଼୍‌ପାଚେକ୍ !”

୧୪ ହେବେଣ୍ଡାଂ ଚାର୍ ପାରାଣି ଇଟିକ୍, ଆମେନ୍, ଆରେ ପ୍ରାତିନାର୍ ମେଣ୍ଡାଙ୍ଗ୍‌କ୍‌କିଜି ଜିଖାର୍ କିତାର୍ ।



ଡାବୁଙ୍ଗ୍

୧ ତା ପାଚେ ଆନ୍ ହୁଡ଼ତାଂ, ମେଣ୍ଡାହିମ୍‌ଣାତିଂ ସାତ୍‌ଗଟା ଡାବୁଙ୍ଗ୍ ବିତ୍ରେ ପର୍ତ୍ତୁମ୍ ସିଲ୍ ଡ୍ରିକ୍‌ନାକା ହୁଡ଼ତାଂ, ଆରେ ଚାରି ପାରାଣି ବିତ୍ରେତାଂ ରଖାନିଂ ବିଞ୍ଜି ଇଡ଼ନି କାଟ୍ ଲାକେ ଇଦାଂ ଇଞ୍ଜିମାନାକା ଝେଟାଂ, ଖାତ । ୨ ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଟ୍, ରଞ୍ଜାଙ୍ଗ୍ ଡିଞ୍ଜିନି ଗଡ଼ା, ଆରେ, ଗଡ଼ାଦୁମ୍‌ନାକାର୍ କେଇଦ ର ଝିଲ୍ ଆସ୍ତି ମାଗାନ୍; ହେଖାନିଂ ର ମୁକୁଟ୍ ହିତାର୍, ଆରେ ହେଖାନ୍ ଜିତା ଆଜି ଜିଣାଦେଂ ହସି ହାଚାନ୍ ।

୩ ମେଣ୍ଡାହିମ୍‌ଣା ଏଚେକାଡ଼ଦ୍ ଜେତି ସିଲ୍ ଡ୍ରିକ୍‌ତାନ୍, ହେପାଦ୍‌ନା ଆନେଙ୍ଗ୍ ରି ପାରାଣିକାଂ ଇଦାଂ ଇଞ୍ଜିମାନାକା ଝେଟାଙ୍ଗ୍ ଖାତ । ୪ ହେବେଣ୍ଡାଂ ଆରେ ରଞ୍ଜାଙ୍ଗ୍ ଗଡ଼ା ହସି ଖାତାଡ଼, ହେଦାଂ ଗେରୁବାନି; ଲକୁ ଇନେସ୍ ହାରି ଟୁଣ୍‌ପାନାର୍, ଇଦାଂ କାଜିଂ ପୁତ୍ର ତାଂ ସୁସ୍ତା ଦେହା କିନି କାଜିଂ ତା ଦୁମ୍‌ତାକାନିଂ ଆଦିକାର୍ ହିତାନ୍, ଆରେ ତାଙ୍ଗେଙ୍ଗ୍ ର ଗାଜା କାଣ୍ଡା ହିତାନ୍ ।

୫ ମେଣ୍ଡାହିମ୍‌ଣା ଏଚେକାଡ଼ଦ୍ ତିନିଗଟା ସିଲ୍ ଡ୍ରିକ୍‌ତାନ୍, ହେପାଦ୍‌ନା ଆନେଙ୍ଗ୍ ତିନ୍ ପାରାଣିତିଂ ଇଦାଂ ଇଞ୍ଜିମାନାକା ଝେଟାଙ୍ଗ୍, ଖାତ । ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଟ୍, ରଞ୍ଜାଙ୍ଗ୍ କାର୍‌ହିତି ବାନାନି ଗଡ଼ା, ଆରେ ତା ଦୁମ୍‌ତାକାନ୍‌ତି କେଇଦ ର

* ୫:୧୦ ୫:୧୦ ହତ୍ତ ୧:୭.

ଲିଚିକି ମାଗାତ । ୨ ଆରେ ଆନେଙ୍ଗ ଚାର ପାରାଣିଂ ବିତ୍ତେତାଂ ହତ୍ତତି ଲାକେ ଇ କାଟ୍
ଝେରାଙ୍ଗ, “ଦିନେକ୍ନି କୁଲିନି ଟାକାଂ ପାଡେକ୍ ଗାଁ ଆରି ଟାକାତିଂ ତିନ୍ ଆଡା କୁଜା
ଆନାତ୍, ମାତର୍ ଏପେଙ୍ଗ ଟିକାଣ୍ ଆରି ଅଙ୍ଗୁର୍ ରାୟ ନସ୍ତୁ କିମାଟ୍ ।”

୨ ମେଣ୍ଡାହିମଣା ଏଚେକାଡ୍ ଚାରିଗଟା ସିଲ୍ ଡ୍ରିକ୍ତାନ, ହେପାଦନା ଆନେଙ୍ଗ
ଚାର ପାରାଣିତିଂ ଇଦାଂ ଇନାକା ଝେରାଙ୍ଗ, ଖାଡ । ୮ ହେବେ ଆନେଙ୍ଗ ହୁଡ୍ତାଂ, ଆରେ
ହୁଡା, ରଞ୍ଜାଙ୍ଗ ମାଟୁଝା ବାନି ଗଡା, ତା ଦୁମ୍ପତାକାନତି ତର୍ ହାକି, ଆରେ ପାତାଲ୍ତାଂ
ହେଦାଂ ପାଚେ ହାଲ୍ଲଜି ମାଗାତ୍; କାଣ୍ଡା, କାତାର୍, ମାର୍ତ୍ତି ଆରି ପୁତ୍ ନି ରାନ୍ ଜାଡକୁ
ହୁକେ ବୁଡାୟକିଦେଂ ପୁତ୍ ନି ଚାର ବାଗ୍ତାଂ ଜପି ହେଝାକାଂ ଆଦିକାର୍ ହିତାନ ।

୯ ମେଣ୍ଡାହିମଣା ଏଚେକାଡ୍ ପାଞ୍ଚଗଟା ସିଲ୍ ଡ୍ରିକ୍ତାନ, ହେପାଦନା ଇମ୍ପଣାକାର୍
ଇସ୍ତ୍ ବଚନ୍ କାଜିଂ ଆରି ହେଝାରିଂ ହିଆଜିମାଟି ସାକି କାଜିଂ ହାଜି ମାଗାତ୍,
ହେଝାରିତି ଝାସ୍ତିକାଂ ଆନେଙ୍ଗ ଗାରଣି ତାରେନ୍ ହୁଡ୍ତାଂ । ୧୦ ହେଝାର୍ ଗାଜା କାଟ୍ତାଂ
କୁକ୍ତି ଇଞ୍ଜି ମାଗାତ୍, ହେଝାନ୍ ପୁଇପୁୟା ଆରି ହାଡ୍ପା ମାପୁ ଇସ୍ତ୍ ଆରେ ଏଚେକ୍
କାଡ୍ ଏନ୍ ବିଚାର୍ କିଝାଦାଂ ପୁତ୍ ନିକାର୍ତାଂ ମା ନେତେରନ୍ ବାଦୁଲ୍ ଆଉୟ୍ ?
୧୧ ହେବେ ହେଝାରିତି ଜାଣ୍ଡକେତି ରଝାନିଂ ଡ୍ରିଞ୍ଜିନି ଆଜି ହିତାର୍, ଆରେ ହେଝାରିତି
ଇମ୍ପଣି ହାଙ୍ଗଦାକାନ ଆରି ଟଣ୍ଡାର୍ ହେଝାର୍ ଲାକେ ପା ରୁଣ୍ଡାୟାନାର୍, ହେଝାରିତି
ଗିଣିନି ବାତ୍ ଆଝି ପାଡେକ୍ ଆରେ ଅଲପ୍ କାଡ୍ ପାଡେକ୍ ଜମ୍ପିନି କାଜିଂ ହେଝାରିଂ
ଇଚାନ ।

୧୨ ଧତା ପାଚେ, ଆନ୍ ହୁଡ୍ତାଂ, ମେଣ୍ଡାହିମଣା ଚ ଗଟା ସିଲ୍ ଡ୍ରିକ୍ତକ୍; ଦାପ୍ରେ
ଜବର୍ ମେଦ୍ନିଲେମ୍ପାତ୍ । ଝେଡା କାର୍ହାତି ବାନାନି ତୁସା ଲାକେ ମାଜ୍ଗା ଆତାଡ୍
ଆରି ଲେଞ୍ଜି ପୁରା ନେତେର୍ ବାନି ଆଜି ହାଗାତ୍ । ୧୩ ଜବର୍ ତ୍ତୁ ପଡ୍ଡିସ୍ ତଗା
ମାର୍ତାଂ ଇନେସ୍ ପାସେଦ୍ ତଗା ହାଡ୍ଜିହାନାତ୍, ହେ ଲାକେ ବାଦାଡ୍ନି ହୁକାଂ ସବୁ
ପୁତ୍ ତ ଆରିକ୍ । ୧୪ ଧଆକାସ୍ତ ତଲ୍ ପତିତ ଡାବାତି ଲାକେ ଡାବାଆସି ଗାର୍ଜାନ
ଆତାଡ୍, ଆରେ, ମାଡି ଆରି ସବୁ ଏସକୁପଲିଂ ଗୁଚାତିକ୍ । ୧୫ ଆରେ ପୁତ୍ ନି ରାଜାର୍,
ପାଟ୍ମାଡ୍, ମୁଡ୍ମେଲ୍ୟା ଆରି ମାଜାନିଂ, ବାପୁନିକାର୍ ଆରି ଲକାର୍ ତଲ୍ୟା ଆଡ୍ରିୟାର୍
ମାନାକାର୍ ଆରି ଜାର୍ତାରେନ୍ ମାନାକାର୍ ଲକୁ ଝିଜାର୍ ପାରା ଆରି ମାଡି ପାରା ବିତ୍ତେ
ଜାର୍ ଜାର୍ତିଂ ତ୍ତୁଜାତ୍, ୧୬ ଧଆରେ, ହେଝାର୍ ମାଡି ଆରି କୁପଲିକାଂ ଇଚାର୍, ମା
“ଜପି ଆଜିଂ ଗାଦିତ କୁଚ୍ଚି ମାନାୟ୍ ମୁମ୍ପଦାଂ ଆରି ମେଣ୍ଡାହିମଣା ରିସାତାଂ ମାଙ୍ଗେଙ୍ଗ
ଡକ୍ଚୁଚି ଇଡ୍ଦାଟ୍, ୧୭ ଇନେକିଦେଂକି ହେଝାରିତି ରିସାତାଂ କସ୍ତୁନିଦିନ୍ ଏକାଝାତାଡ୍ନା,
ଆରେ ଇନେର୍ ନିଲ୍ଡେଂ ଆଡ୍ନାର୍ ?”



୧୪୪,୦୦୦ ଇସ୍ରାଏଲିୟ

୯ ଇଦାଂ ପାଚେ ଆନେଙ୍ଗ ହୁଡ୍ତାଂ, ପୁତ୍ ନି ଚାରି କନାତ ଚାରି ଜାଣ୍ ସରଗ୍
ଦୁଡକୁ ନିଲ୍ଡିକ୍ନା ଆରି ପୁତ୍ ନି ଚାର ଦିଗ୍ତାଂ ତ୍ତୁ ହାନାକାଦ୍ଲିଂ ଚେବାୟ୍ କିଜି
ଇଡ୍ଡିକ୍ନା । ଇନେସ୍ କି ପୁତ୍, ହାମ୍ପୁର୍ କି ଇମ୍ପଣାକା ପା ମାର୍ କୁଡି ଜପି ଅଲପ୍
ପା ଦୁକା ଆହ୍ଝାତାଡ୍ । ୨ ଆରେ ଆନ୍ ଆରେ ରଞ୍ଜେଲିଂ ଦୁଡ୍ଡିଂ ଝେଡାହ୍ଡ୍ନି ନିପତାଂ
ନିଙ୍ଗି ଝାନାକା ହୁଡ୍ତାଂ; ତା କେଇଦ ଜିତି ଇସ୍ତ୍ ସିଲ୍ ମାଗାତ୍ । ପୁତ୍ ଆରି
ହାମ୍ପୁର୍ ନସ୍ତୁ କିନି କାଜିଂ ଆଦିକାର୍ ପାୟାତି ହେ ଚାରି ଜାଣ୍ ଦୁଡକାଂ ହେଝାନ୍ ଗାଜା
କାଟ୍ତାଂ କୁକ୍ତି ଇଚାନ, ୩ “ଆପେଂ ଜାର୍ତିଂ ଇସ୍ତ୍ ଆଡ୍ରିୟାରିଂ ନିଦାଣ୍ଡ ତିନ୍

୨:୧୨ ୨:୧୨ ହତ୍ତ ୧୧:୧୩; ୧୨:୧୮; ମାଡିର ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ୨:୧୪ ୨:୧୪
ହତ୍ତ ୧୭:୨୦. ୨:୧୨ ୨:୧୨ ଲୁକ ୨୩:୩୦.

ଇଡନି ପାତେକ ଏପେଙ୍ଗ ପୁତ୍ କି ହାମଦୁର୍ କି ମାରକୁ ନସ୍ତୁ କିମାଟ୍ ।” ୪ ତା ପାତେ
 ଚିନ୍ ଇଡ଼ୟାତାକାର୍ ମାନାୟାରତି ଗାଣତି ଆନ୍ ଖେଚାଙ୍ଗ, ଇସ୍ତାଏଲ୍ ହିମ୍ଣାକାଂ
 ସବୁ ଲାତ୍ରା ବିତ୍ତେତାଂ ଏକ୍ ଲାକ୍ ରିକଡ଼ିଚାରି ହାଜାର୍ ୧, ୪୪,୦୦୦ ମାନାୟାର୍
 ଚିନ୍‌ହିୟାତାର୍, ୫ ଜିହୁଦା ଲାତ୍ରାତାଂ ବାର୍ ହାଜାର୍, ଚିନ୍ ଇଡ଼ୟାତି ରୁବେନ୍ ଲାତ୍ରାତାଂ
 ବାର୍ ହାଜାର୍, ଗାଦ ଲାତ୍ରାତାଂ ବାର୍ ହାଜାର୍, ୬ ଆସେର୍ ଲାତ୍ରାତାଂ ବାର୍ ହାଜାର୍,
 ନପ୍ତାଲି ଲାତ୍ରାତାଂ ବାର୍ ହାଜାର୍, ମନସି ଲାତ୍ରାତାଂ ବାର୍ ହାଜାର୍, ୭ ସିମିୟନ୍ ଲାତ୍ରାତାଂ
 ବାର୍ ହାଜାର୍, ଲେବି ଲାତ୍ରାତାଂ ବାର୍ ହାଜାର୍, ଇସାକ୍ତି ଲାତ୍ରାତାଂ ବାର୍ ହାଜାର୍,
 ୮ ଜବୁଲୁନ୍ ଲାତ୍ରାତାଂ ବାର୍ ହାଜାର୍, ଜସେପ୍ ଲାତ୍ରାତାଂ ବାର୍ ହାଜାର୍, ବିନ୍ୟାମିନ୍
 ଲାତ୍ରାତାଂ ବାର୍ ହାଜାର୍ ଚିନ୍ ଇଡ଼ୟାତି ଲଗୁ ।

ଦାଡ଼ ମାନାୟାର୍

୯ ଇଦାଂ ପାତେ ଆନ୍ ହୁଡ଼ତାଂ, ଆରେ ହୁଡ଼ାଟ୍, ସବୁ ଜାତି, ସବୁ କୁଚୁମ୍, ସବୁ ଲାତ୍ରାର୍
 ଆରି ସବୁ ବାସାନିକାର୍ ଗାଣାକିୟାଞ୍ଚି ର ବେସି ମାନାୟାର୍ ତିଞ୍ଜିନି ଆଙ୍ଗି ଉସପିସ୍
 ଆରି କାଜ୍ତି ତାଡ଼୍ କେଇଦ୍ ଆସ୍ତି ଗାଦି ଆରି ମେଣ୍ଡାହିମ୍ଣା ମୁମ୍ଦ ନିଲ୍ତାରନା;
 ୧୦ ହେଞ୍ଜାର୍ ଗାଜା କାଟ୍ତାଂ ଇଞ୍ଜି ମାଚାର୍, “କେବଲ୍ ଗାଦିତ କୁଚ୍ଚାକାନ୍ ଇସ୍ତର
 ଆରି ମେଣ୍ଡାହିମ୍ଣା ମାଙ୍ଗେଙ୍ଗ୍ ମୁକଡ଼ାୟକିଦ୍ନାକାନ୍ ।” ୧୧ ଆରେ, ଖିଜେକ୍ ଦୁଡ଼ ଗାଦି,
 ପ୍ରାଚିନାର୍ ଆରି ଚାରି ପାରାଣିଙ୍ଗ୍ ଚାରବେଣତାଂ ନିଲ୍ତକିନା, ଆରେ ଗାଦି ମୁମ୍ଦ
 ତାଣ୍ଡହାଣ୍ ମାଗ୍ଜି ଇସ୍ତରତିଂ ଜଞ୍ଜାର୍ କିଜି, ୧୨ ଇଚିକ୍ “ଆମେନ୍, ଖାରିକିୟକିଦେଂ,
 ଜାଜ୍‌ମାଲ୍, ଗିୟନ୍, ଦନ୍ୟବାଦ୍, ସାକ୍ତି, ବାଡ଼କାସ୍ ଜୁଗ୍ ଜୁଗ୍ ମା ଇସ୍ତତ୍; ଆମେନ୍
 ।”

୧୩ ଆରେ ପ୍ରାଚିନାର୍ ବିତ୍ତେତାଂ ରଞ୍ଜାନ୍ ନାଙ୍ଗ୍ ଖେନ୍‌ବାତାନ୍, ତିଞ୍ଜିନି ଆଙ୍ଗି ଉସପିତି
 ଇ ମାନାୟାର୍ ଇନେର୍ ଆରି ହେଞ୍ଜାର୍ ଇମେଣ୍ଡାଂ ଖାତାଣ୍ଡା ? ୧୪ *ଆନ୍ ହେଞ୍ଜାନିଂ
 ଇଚାଙ୍ଗ୍, ଏ ନା ମାପୁ, ଏନେଙ୍ଗ୍ ନେ ହେଦାଂ ପୁନାୟ ।

ହେବେ ହେଞ୍ଜାନ୍ ନାଙ୍ଗ୍ ଇନ୍‌ଚାନ୍, ଇଞ୍ଜାର୍ ଗାଜା ଦୁକତାଂ ହସି ଖାତାନ୍ନା ଆରି
 ମେଣ୍ଡାହିମ୍ଣାତି ନେତେରତ ଜାର୍ ଜାର୍ ଆଙ୍ଗି ହଗ୍ଜି ତିଞ୍ଜି କିତାନ୍ନା । ୧୫ ହେଦାଂ
 କାଜିଂ ହେଞ୍ଜାର୍ ଇସ୍ତତ୍ ମନ୍ଦିରତ ତା ଗାଦି ମୁମ୍ଦ ମାନ୍‌ଜି ଖେଡ଼ାନାଣା ହେଞ୍ଜାତି
 ପାର୍ତାନା କିତାର୍, ଆରେ ଗାଦିତ କୁଚ୍ଚାକାର୍ ମୁଣିକା ହେଞ୍ଜାନିଂ ବାହା ହିନାନ୍ ।
 ୧୬ ଆରେ ହେଞ୍ଜାର୍ତି ଇନାଞ୍ଜାତାଂ ପା ନାସ୍ତି କି ଏସ୍ତି ଆଉର୍, ଆରେ, ଖେଡ଼ା କି
 ଇମ୍ଣାକା ପା କାରା ହେଞ୍ଜାରିଂ ବାଦା କିଉଡ଼, ୧୭ ଇନେକିଦେଂକି ଗାଦି ମାଦ୍‌ଣିବାହା
 ମେଣ୍ଡାହିମ୍ଣା ହେଞ୍ଜାର୍ତି ଗଡ଼ିଆ ଆନାନ୍ ଆରି ଜିବୁନ୍‌ହିନି ଜାରାଣ୍ ଲାଗାଂ ହେଞ୍ଜାରିଂ
 କାତାୟ୍ ଅନାନ୍, ଆରେ ଇସ୍ତର ହେଞ୍ଜାର୍ କାଣ୍‌ଗାତାଂ ଖିଜୁ କାଣେଲିଂ ନେନ୍‌ନାନ୍ ।

୮

ସାଡ଼ଗଟା ସିଲ୍

୧ ମେଣ୍ଡାହିମ୍ଣା ଏରେକାଡ଼ଦ ସାଡ଼ଗଟା ସିଲ୍ ତ୍ରିକ୍ତାନ୍; ହେପାଦନା ସାଗେତ
 ଇଚିସ୍ ଆଦା ଗଣ୍ଡା ପାତେକ ଚିମ୍‌ରା ଆଜି ହାଚିକ୍ । ୨ ତା ପାତେ ଆନ୍ ଇସ୍ତରତି ମୁମ୍ଦ
 ନିଲ୍‌ତିକିକ୍ ସାଡ଼ ଜାଣ୍ ଦୁଡ଼ତକାଂ ହୁଡ଼ତାଂ; ହେଞ୍ଜାକାଂ ସାଡ଼ଗଟା ମରିଂ ହିତାନ୍ ।

୩ ଆରେ ରଞ୍ଜାନ୍ ଦୁଡ଼ ଖାଜି ଗାର୍‌ଣି ଲାଗାଂ ନିଲ୍‌ତାନ୍, ଇସ୍ତରନି ପୁଇପୁୟା
 ମାନାୟାର୍ ପାର୍ତାନା ଲାହାଙ୍ଗ୍ ବେସି ଗାନ୍‌ନି ଦୁପ୍‌ନି ମାଚାଟ୍, ଆରେ ଗାଦି ମୁମ୍ଦ ହନା
 ଗାର୍‌ଣି ଜପି ଖିଜାର୍ ସାଦୁରତି ପାର୍ତାନା ଲାହାଙ୍ଗ୍ ହିନି କାଜିଂ ତାଙ୍ଗେଙ୍ଗ୍ ବେସି ଦୁପ୍‌ନି
 ହିତାର୍ । ୪ ହେବେଣ୍ଡାଂ ଦୁଡ଼ କେଇଦାଂ ଦୁପ୍‌ନି କଦା ଦାମ୍‌ର୍ ପାର୍ତାନା ଲାହାଙ୍ଗ୍
 ପୁଇପୁୟା ଇସ୍ତତ୍ ମୁମ୍ଦ ଜପି ନିଙ୍ଗ୍‌ତାଡ଼ । ୫*ପାତେ ହେ ଦୁଡ଼ ଦୁପ୍‌ନି ଅଜି ଗାର୍‌ଣିନି

* ୭:୧୪ ୭:୧୪ ମାତିଉ ୨୪:୨୧; ମାର୍କ ୧୩:୧୯. * ୮:୫ ୮:୫ ହତ୍ତ ୧୧:୧୯; ୧୬:୧୮.

ନାଣିତ ହେଦାଂ ବାତଂ କିଞ୍ଚି ପୁତଂ ଜପି ତୁହିହିତାତ୍ । ହେବେ ବିଞ୍ଜିଭଦ୍ରନିକାର୍, ବାରବାନି କାର୍, ବିଜୁଲି ଆରି ମେଦନିଦାଲୁକା ଆତାତ୍ ।

ମରି ବାଜା

୧୭ ହେ ଏତେକାଡ଼ଦ ସାତ୍‌ଗଟା ମରିଂ ଆସ୍ତାକା ସାତ୍ ଦୁଡ଼କୁ ମରିକାର୍ କିଦେଙ୍ଗ୍ ଜାଲୁଦି ଆତିକ୍ ।

୧୮ ପର୍ତ୍ତୁମ୍ ଦୁଡ଼ ମରିକାର୍ କିତି ଦାପ୍ରେ ଆଞ୍ଜିଗା, ନାଣି ଆରି ନେତେର୍ ପୁତଂ ଜପି ଆର୍ତ୍ତାତ୍ । ପାତେ ଖିଜୁ ମାରଦେର୍, କାଚାପାତ୍ରିୟା କାଚା ଲାହାଂ ପୁତଂ ନି ର ତିନ୍ ବାଗ୍ କାଡ଼ତାତ୍ ।

୧୯ ଜେତି ଦୁଡ଼ ମରିଗାଜ୍ରାୟ କିତିଲେ, ଇନେସ୍ ନାଣି ଆହୁନି ର ଗାଜା ମାଡ଼ି ହାମଦୁରତ ତୁହିୟାତାତ୍, ହେବେ ହାମଦୁରନି ତିନି ବାଗ୍ ଏଜୁଙ୍ଗ୍ ନେତେର୍ ଆତାତ୍ । ୯ ଆରେ, ହାମଦୁରତ ମାନି ପାରାଣିଙ୍ଗ୍ ବିତ୍ରେତାଂ ତିନି ବାଗ୍ ହାତିକ୍ ଆରି ଜାଜନିକିଂ ତିନି ବାଗ୍ ବୁଡାଆତିକ୍ ।

୨୦ ମାଜ୍‌ଗାତ୍ୟା ଦୁଡ଼ ମରିଗାଜ୍ରାୟ କିତିଲେ ନାଣିନିଙ୍ଗ୍‌ତାକା ଲାକେ ଅଜଡ଼୍‌ର ଗାଜା ହୁକା ଆକାସ୍‌ତାଂ ଆଜଂ ହେବେନି ଏଜୁଙ୍ଗ୍‌ତାଂ ତିନି ବାଗ୍‌ତାଂ ର ବାଗ୍ ଆରି ଜାରାଣିଂ ଜପି ମୁଞ୍ଚାତ୍; ୧୧ ହେ ହୁକାତି ତର୍ କେନାକା । ପାତେ ହାଦଂ ଏଜୁଙ୍ଗ୍‌ନି ର ତିନି ବାଗ୍ କେତିକ୍ ଆରି ହେ ଏଜୁଙ୍ଗ୍ ଉଣ୍ଡି ବେସି ମାନାୟାର୍ ହାତାର୍ ।

୨୧ ଚାରି ଲମ୍‌ର୍ ଦୁଡ଼ ମରିଗାଜ୍ରାୟ କିତିଲେ ଖେଡ଼ା, ଲେଞ୍ଜି ଆରି ହୁକାଂ ତିନି ବାଗ୍ ତୁକାବା ଆତିଲେ ହେ ଖିଜୁନି ତିନି ବାଗ୍ ମାଜ୍‌ଗା ଆତାତ୍, ଦିନ୍‌ନି ତିନି ବାଗ୍ ଅଜଡ଼୍‌ ଆଜି ମାଚାତ୍ ଆରି ନାଣା ପା ହେ ଲାକେ ଅଜଡ଼୍‌ ଆଞ୍ଜାତାତ୍ ।

୨୨ ପାତେ ଆନେଙ୍ଗ୍ ହୁଡ଼ତାଂ, ଆରେ ବାଦାଡ଼ନି ମାଦିବାରଦ ଉମ୍‌ନି ର ମୁଜ୍ଜି ପତି ଗାଜାକାର୍‌ତାଂ ଇଦାଂ ଇଞ୍ଜିମାନାକା ଖେଚାଙ୍ଗ୍, ହାଦି, ହାଦି, ହାଦି, ପୁତଂ ନିକାର୍ ଦୁକ୍ ପାୟାନି ଲଗ୍, ଇନେକିଦେଂକି ଆରେ ତିନିଜାଣ୍ ଦୁଡ଼ ମରିଗାଜ୍ରାୟ କିଦେଙ୍ଗ୍ ହାନିକା ।

୯

୧ ତା ପାତେ ପାଞ୍ଚଲମ୍‌ର୍ ଦୁଡ଼ ମରି ଗାଜ୍ରାୟ କିତିଲେ ଆନେଙ୍ଗ୍ ବାଦାଡ଼ତାଂ ର ହୁକା ପୁତଂ ତ ଆର୍ଣ୍ଣାକା ହୁଡ଼ତାଂ; ହେଦେଲିଂ ପାତାଲ୍ କୁଣ୍ଡି କୁଚି ହିୟାଜିମାଚାତ୍ । ୨ ହେଞ୍ଜାନ୍ ହେ ପାତାଲ୍ କୁଣ୍ଡି ରିକ୍‌ତିଲେ ହେବେତାଂ ଗାଜା ବାଟିନି କଦା ଲାକେ କଦା ନିଙ୍ଗ୍‌ତାତ୍, ଆରେ ହେ ପାତାଲ୍ କୁଣ୍ଡିତ କଦା କାଜିଂ ଖେଡ଼ା ଆରେ ଆକାସ୍ ମାଜ୍‌ଗା ଆତାତ୍ । ୩ କଦା ବିତ୍ରେତାଂ ପାମିଙ୍ଗ୍ ହସି ପୁତଂ ତ ଖାତିକ୍, ହେଞ୍ଜେକାଂ ପୁତଂ ନି କାଚାକୁପିନି ବିସ୍ ଲାକେ ସାଲ୍ଲି ହିତାନ୍ । ୪ ପୁତଂ ନି କାଚା କି କାଚାପାତ୍ରିୟା ବାନି କୁଚା କି ଇମ୍‌ଣାକା ପା ମାର୍‌ତିଂ ବୁଡାୟ କିଞ୍ଜାଦାଂ, ଇମ୍‌ଣାକାର୍‌ତି ନିଦାଣ୍‌ତ ଇସ୍‌ତ ଚିନ୍ ହିଲ୍‌ଖିତିସ୍, କେବଲ୍ ହେଞ୍ଜାର୍‌ତି ବୁଡାୟ କିଦେଙ୍ଗ୍ ହେଞ୍ଜାରିଂ ଖେଡ଼ଚାର୍ । ୫ ହେଞ୍ଜାରିଂ ଅହ୍ୟାଞ୍ଜାଦାଂ ପାଞ୍ଚ ମାସ୍ ପାତେକ୍ ହେଞ୍ଜାର୍‌ତି ନନାକା ଗିଚାୟକିଦେଂ ହେଞ୍ଜାରିଂ ପା ମିଂ ଆଦିକାର୍ ହିତାନ୍, କାଚାକୁପି ମାନାୟତିଂ କାପ୍ତିତିସ୍ ଇନେସ୍ ନାନାତ୍, ଇ ନନାକା ହେ ଲାକେ । ୬ ହେ ସମୁତ ମାନାୟାର୍ ହାନାକା ଦାହନାର୍, ମାତର୍ ଇନେସ୍ କିଜି ପା ବାନି କିତିସ୍ ପା ପାୟା ଆଉର୍; ହେଞ୍ଜାର୍ ହାଦେଂ ମାନ୍ କିଚାର୍, ମାତର୍ ହାକି ହେଞ୍ଜାର୍‌ତାଂ ହନ୍‌ନାତ୍ ।

୭ ପାମିଂ ଜାଲୁଦି ଆତି ଜୁଜ୍ କିନି କାଜିଂ ଗଡ଼ା ଲାକେ ଚଞ୍ଜୟାଜି ମାତିକ୍, ହେଞ୍ଜେକ୍‌ତି କାପ୍‌ଡାନି ପ୍ଲୁକ୍ୟାତାକା ହନା ମୁକୁର୍ ଲାକେ ମାଚାତ୍, ଆରେ ହେଞ୍ଜେକ୍‌ତି ଖେଇ ମାନାୟାର୍ ଖେଇ ଲାକେ; ୮ କର୍‌ଲେ ହିମ୍‌ଣାଂତି ତେମୁଲ୍ ଲାକେ ହେଞ୍ଜାଙ୍ଗ୍ ତେମୁଲ୍, ସିହିଂ ଟାତାଙ୍ଗ୍ ଲାକେ ହେଞ୍ଜେକ୍‌ତି ଟାତାଙ୍ଗ୍ ମାତିକ୍; ୯ ଲଞ୍ଜା ହାଜ ଉସ୍‌ପିତି ଲାକେ

ହେଷେକ୍ତି ହାଜ ଉତ୍ପାଦନାକା, ଆରେ ଗଡ଼ାଗାଡ଼ି ଆରି ଜୁଜ୍ ବାହାତ ହନୁଞ୍ଚିମାନି ଜବର ଗଡ଼ାଙ୍ଗ ଗାଜ୍ଜାନି ଲାକେ ହେଷେକ୍ତି ମାରାଂ ଗାର୍ଜାନାକା ହସି ମାଚାତ୍ । ୧୦ କାଚାକ୍ପତି ନିଜୁଣ୍ଡ ଆରି ବାଡ଼କାସ୍ ଲାକେ ହେଷେକ୍ତି ନିଜୁଣ୍ଡ ଆରି ବାଡ଼କାସ୍; ପାଞ୍ଚ ମାସ୍ ପାତେକ୍ ମାନାୟାର୍ତ୍ତି ବୁଡ଼ାୟ୍ କିଦେଙ୍ଗ୍ ହେଷେକ୍ ନିଜୁଣ୍ଡତ୍ ସାକ୍ତି ମାଚାତ୍ । ୧୧ ପାତାଲ୍ କୁଣ୍ଡିନ୍ ଦୁଡ଼ ହେଝାକାଂ ରାଜା, ତା ତର ଏବ୍ରି ବାସାତ ଅବଦନ୍ ଆରି ଗ୍ରିକ୍ ବାସାତ ଅପଲ୍ଲୟନ୍ ଇନେର ଅରଡ଼ ଅସ୍ପାଦନାକା ।

୧୨ ପର୍ତ୍ତୁମ୍ ଦୁକ୍ ଝିସ୍ତାତାତ୍, ହୁଡ଼ାଟ୍ ଇଦାଂ ପାଚେ ଆରେ ରିଣ୍ଡାଂ ଦୁକ୍ ଝାନାତା ।

୧୩ ତାପାଚେ ଚଅ ଲମର୍ ଦୁଡ଼ ମରିକାଟ୍ କିତିଲେ, ଆନେଙ୍ଗ୍ ଇସ୍ପରତି ମୁମ୍ଦ ହନା ଗାର୍ଣିନି ଚାରି କନାତାଂ ବିତ୍ରେତାଂ ର କାଟ୍ ଝେଚାଙ୍ଗ୍ । ୧୪ ହେଦାଂ ମରି ଆସ୍ତି ମାନି ହେ ଚଅ ଲମର୍ ଦୁଡ଼ତିଂ ଇଚାନ, ପରାତ୍ ଗାଜା ନାଗୁଡ଼ତ୍ ବାନ୍ଦିମାନି ଚାରି ଦୁଡ଼ତିଂ ମୁକ୍ତାୟ୍ କିଜିହିୟାଟ୍, ୧୫ ହେବେ ମାନାୟାର୍ତ୍ତି ର ତିନି ବାଗ୍ ଚୁଣି କାଜିଂ ଇ ଇମଣି ଚାରି ଦୁଡ଼ ହେ ଡାଣ୍ଡ, ଦିନ୍, ମାସ୍ ଆରି ବାହୁଁ କାଜିଂ ଜାଲ୍ଦି କିୟା ଆଜି ମାଚିକ୍, ହେଝାର୍ ମୁକ୍ତାୟ୍ କିୟାତାର୍ । ୧୬ ପାଚେ ଆନ୍ ହୁଡ଼ତାଂ, ଗଡ଼ା ଦୁମ୍ତାକାର୍ ମେଲ୍ଲୟାର୍ତାଂ ଲମର୍ ୨୦୦,୦୦୦ ଲକ୍ୟ ରି କଟି; ଆନେଙ୍ଗ୍ ହେଝାର୍ ଗାଣ୍ଡି ଝେଚାଙ୍ଗ୍ । ୧୭ ଆରେ ଆନେଙ୍ଗ୍ ହୁଡ଼ତାଂ ଗଡ଼ା ଆରି ହେଝାର୍ ଦୁମ୍ତାକାରିଂ ଇ ଲାକେ ହୁଡ଼ତାଂ, ହେଝାର୍ତ୍ତି ଜିଦ୍ନି ହାଜ୍ଦ୍ ନାଣିବାନି ନିଲିବାନି ଆରି ଗନ୍ଦକ୍ବାନି, ଗଡ଼ା କାପ୍ଡାଙ୍ଗ୍ ସିହ୍ କାପ୍ଡା ଲାକେ ଆରେ ହେଝାଙ୍ଗ୍ ଝେଇଦାଂ ନାଣି, କଦା ଆରି ଗନ୍ଦକ୍ ହସି ମାଚାତ୍ । ୧୮ ହେଝାଙ୍ଗ୍ତି ଝାଇଦାଂ ହଡ଼ନି ନାଣି, କଦା ଆରି ଗନ୍ଦକ୍ ଲାକେ ଇ ତିନି ଦୁକ୍ ହୁକେ ମାନାୟାର୍ତ୍ତି ର ତିନି ବାଗ୍ ଅହ୍ୟାତିକ୍ । ୧୯ ଇନେକିଦେଂକି ଗଡ଼ାଙ୍ଗ୍ ସାକ୍ତି ହେଷେକ୍ତି ଝେଇ ଆରି ନିଜୁଣ୍ଡତ୍ ମାଚାତ୍, ଲାଗିଂ ହେଝାଙ୍ଗ୍ତି ନିଜୁଣ୍ଡ ରାଟ୍ ଲାକେ ଆରି କାପ୍ଡା, ଲାକେ ତା ହୁଦାଂ ହେଝାଙ୍ଗ୍ ବୁଡ଼ାୟ୍ କିନିକ୍ ।

୨୦ ଇମଣି ବାକି ମାନାୟାର୍ ଇ ଝିଜୁ ଦୁକ୍ ହୁକେ ଅହ୍ୟାଝାଦାଂ ମାଚିକ୍, ହେଷେକ୍ ଜାର୍ ଜାର୍ କେଇଦାଂ ରଟ୍ଟି କାମାୟତାଂ ମାନ୍ଦବାଦ୍ଲାୟ୍ କିଝିତିକ୍, ଇରିସ୍ ବୁଡ଼କ୍ପତି ପୁଜା ଆରି ହୁଡ଼ନାକା, ଝେନାକା ଆରି ବୁଲ୍ଲାରାଲ୍ଲାଦେଂ ଆଡ଼ଝିତି ହନା, ରୁପା, ପିତାଡ଼, କାଲ୍ ଆରି ଝେଜ୍ଗ୍ ରଟ୍ଟି ପୁଡ଼ତାଂ ପୁଜା ପିସ୍ତେଙ୍ଗ୍ ଆଡ଼ଝିତିକ୍, ୨୧ ଆରେ ହେଷେକ୍ ଜାର୍ତ୍ତିଂ ନାର୍ଚୁଣାକା, ପାଙ୍ଗାଣ, ଦାରି ଆରି ଗାଣ୍ଡୁ କାମାୟତାଂ ମାନ୍ଦବାଦ୍ଲାୟ୍ କିଝିତିକ୍ ।

୧୦

ସାଗେଦୁଡ଼ ଆରି ହାରୁ ପତି

୧ ତା ପାଚେ ଆନ୍ ହୁଡ଼ତାଂ, ଆରେ ରଝାନ୍ ସାକ୍ତିକାଟି ଦୁଡ଼ତିଂ ସାଗେତାଂ ଜୁଜି ଝାନାତା । ହେଦେଲ୍ ବାଦାଡ଼ତ୍ ଡାବାୟକିଆ ଆଜି ମାଚାତ୍ ଆରି ତୁଡ଼ାଚାର୍ ହେଦେଲ୍ଡି କାପ୍ଡାତିଂ ହୁରତି ମାଚାତ୍ । ହେଦେଲ୍ଡି ମୁମ୍ ଝେଡ଼ା ଲାକେ ଆରି କାଲ୍କୁ ରିଣ୍ଡାଙ୍ଗ୍ ନାଣି ମୁଣ୍ଡାଙ୍ଗ୍ ଲାକେ ଚଞ୍ଚୟାଜି ମାଚାତ୍ । ୨ ତା କେଇଦ ର ଜେୟାତି ହିରୁ ପତି ମାଚାତ୍ । ହେଦେଲ୍ଡି ଜାର୍ ବୁଜଣି ପାନା ହାମ୍ଦୁର ଜପି ଆରି ଡେବ୍ରି ପାନା ପୁତ୍ ଜପି ଇଡ଼ଜି ମାଚାତ୍ । ୩ ସିହ୍ ଗାର୍ଜାନି ଲାକେ ଆଡ଼ବିସ୍ ହେଦେଲ୍ କୁକ୍ତାତ୍, ସମାନ୍ ହେ ଲାକେ ଆଡ଼ବିସ୍ ସାଡ଼ଗଟା ବାଦାଡ଼ିଂ ଇଦେଲ୍ କୁକ୍ନି ତାକେ ଉତର୍ ହିତିକ୍ । ୪ ଚିନ୍ ଇଡ଼ନାକା ହେଷେକ୍ ଇନାକା କାତାବାଡ଼ା ଆତିକ୍, ହେଦାଂ ଆନ୍ ଲେକିକିଦେଂ ହାଲ୍ଜି ମାଚାଙ୍ଗ୍, ମାତର୍ ସାଗେତାଂ ରଞ୍ଜାଙ୍ଗ୍ କାଟ୍ ଝେଚାଙ୍ଗ୍ । ହେ କାଟ୍ ନାଂ ଇଞ୍ଚାଡ଼ । “ବାଦାଡ଼ ଗାର୍ଜାନ୍ତ ଇନାକା ଝେନାୟା, ହେଦାଂ ଡ଼କ୍ଟି ଇଟା; ଲେକି କିମା ।”

୫ ତାପାଚେ ଇମ୍ଫଣି ଦୁଡ଼ତିଂ ହାମଦୁର ଆରି ପୁତଂ ଜପି ନିଲ୍ତାକା ଆନ୍ ହୁଡ଼ଜି ମାଚାଙ୍ଗ, ହେଦେଲ୍ ତା ବୁଜଣି କେଇ ସାଗେ ନିପ ନିକ୍ତାଡ଼, ୬ ଆରି ଇନେନ୍ ସାଗେ, ପୁତଂ, ହାମଦୁର ଆରି ତା ତାରେନନ୍ ସବୁ ବିସ୍ତେ ଉବ୍ଜାୟ୍ କିତାର୍ନା ହେ ନିତ୍ତେଜିନାକାନ୍ ଇସ୍ପରତି ତରଦ ପାର୍ମାଣ୍ କିଜି ଇତିକ୍, “ଆରେ କାଡ଼୍ ବିଲମ୍ ଆଉଡ଼ । ୭ ଏଚେକାଡ଼ଦ ସାଡ଼ ଦୁଡ଼ ମରି ତୁବ୍ତାଡ଼, ଇସ୍ପର ହେଝାନ୍ତି ଆଡ଼ିୟା ବେଣ୍ଟବାକ୍‌ଶାୟ୍‌କିନାକାନ୍ତି ଲାଗାଂ ଇମ୍ଫଣି ଡ଼ଲ୍ଲି ନେକ୍ତିକାବୁର୍ ହପ୍ତି ମାଚାନ୍, ହେଦାଂ ଝିହ୍ନାନ୍ ।”

୮ ତାପାଚେ ସାଗେନି ହେ କାଡ଼ ନାଂ ଆରେ ଇଞ୍ଚାଡ଼, “ହାଲା, ହାମଦୁର ଆରି ମେଦ୍‌ନି ଜପି ନିଲ୍ତମାନି ଦୁଡ଼କ୍ତି କେଇଦାଂ ଜେତାକା ପତି ଅଝା ।”

୯ ଆନ୍ ଦୁଡ଼କ୍ତି ଲାଗାୟ୍ ହାଲ୍‌ଜି ହେ ହିରୁ ତଲ୍ ପତିତିଂ ଏନ୍ତାଙ୍ଗ । ହେଦେଲ୍ ନାଂ ଇଞ୍ଚାଡ଼, “ଅଜି ତିନା । ନି ପଟ କାଜିଂ ଇଦାଂ କେନାକା, ମାତର୍ ନି ମୁମ୍‌ଦ ଇଦାଂ ପୁକି ଲାକେ ହଝାଦ୍ ହଡ଼ନାଡ଼ ।”

୧୦ “ହେବେ ଆନ୍ ଦୁଡ଼କ୍ କେଇଦାଂ ହେ ହିରୁ ପତିଂ ଅଜି ହେଦାଂ ଚିତାଙ୍ଗ । ହେଦାଂ ନା ଝେଇଦ ପୁକି ଲାକେ ହଝାଦ୍ ଆତାଡ଼, ମତର୍ ଗୁସ୍ତି ଦାପ୍ତେ ପଟ ବିତ୍ତେ କେସି ହାଚାଡ଼ । ୧୧ ତା ପାଚେ ନାଙ୍ଗ ଇନେର୍ ନାଂ ଇନ୍‌ଚାର୍, ବେସି ଦେସ୍, ଜାତି, ବାସାନିକାର୍ ଆରି ରାଜାର୍ ବିସ୍ତେ ଇସ୍ପରତି କାବୁର୍ ଏନ୍ ହାଲ୍‌ଜି ଆରେରଗ ସୁଶାୟ୍ କିୟା ।”

୧୧

ରିୟାର୍ ସାକି

୧ ତା ପାଚେ ଇନେର୍ ରଝାନ୍ ଲାଡ଼ନି ବେଡ଼ଗା ଲାଗ୍‌ଦି ର କୁତା ବାଡ଼ଗା ନାଂ ହିଜି ଇଞ୍ଚାନ୍, “ହାଲା, ଇସ୍ପରତି ମନ୍ଦିର୍ ଆରି ଗାର୍‌ଣି ଲାଚା ଆରି ମନ୍ଦିର୍‌ତ ପାର୍ତନା କିନାକାରିଂ ଗାଣା କିୟା । ୨ *ମାତର୍ ମନ୍ଦିର୍‌ନି ବାର୍‌ତ ମାନି ହାକ୍‌ଡ଼ିତିଂ ଲାଡ଼ମାଡ଼ । ଇନେକିଦେଂକି, ହେଦାଂ ପାତଂ କିଝି ଜିହୁଦିରିଂ ଦାନ୍ ହିତାର୍ନା । ହେଝାର୍ ରିକଡ଼ି ଦୁଇ ୪୨ ମାସ୍ ପାତେକ୍ ଇ ପୁଇପୁୟା ଗାଡ଼ଦିଂ ପାନା ତାରେନ୍ କିଜି ଇଡ଼ନାର୍ । ୩ ହାରୁ ବାସ୍ତା ଉସ୍‌ପାତାକାର୍ ନା ରିଆର୍ ସାକିରିଂ ଆନ୍ ପକ୍‌ତାନାଂ । ହେଝାର୍ ୧,୨୭୦ ଦିନ୍ ପାତେକ୍ ବେଣ୍ଟବାକ୍‌ଶାୟ୍‌କିନାନ୍ ।”

୪ ହେଝାର୍ ପୁତଂ ନି ସାକି ମାପୁତି ମୁମ୍‌ଦ ନିଲ୍‌ତିମାଚି ରିଣ୍ଡି ଜିଡ଼ମାର୍ ଆରି ରିଣ୍ଡି ବଇଟା ଲାକେ । ୫ ଜଦି ଇନେର୍ ହେଝାର୍‌ତି ବୁଡାୟ୍ କିଦେଙ୍ଗ୍ ସେସ୍ଟ୍ କିତାର୍, ତେବେ ହେଝାର୍‌ତି ଝେଇଦାଂ ନାଣି ହସି ସାଡୁରିଂ ନାସ୍ କିନିକ୍ । ଏଲେଙ୍ଗ୍ ଜେ ଇନେନ୍ ହେଝାର୍‌ତି ବୁଡାୟ୍ କିଦେଙ୍ଗ୍ ହନାଡ଼, ହେଝାନ୍ ବୁଡାନାନ୍ । ୬ ଇସ୍ପରତି କାବୁର୍ ସୁଶାୟ୍ କିନି ଝେଡାଲିଂ ଆକାସ୍‌ତିଂ ମୁନାକିଜି ବାର୍‌ହା ଆଦେଂ ବନ୍ଦ୍ କିଦେଙ୍ଗ୍ କେମତା ହେଝାକ୍‌କାଂ ହିୟାତାନ୍ । ଏସ୍ ଜାରାଣିକାଂ ନେତେର୍‌ତ ମେହାୟ୍ କିଦେଙ୍ଗ୍ ଆରି ଜାର୍ ଇଚା ଇସାବ୍ରେ ପୁତଂ ତ ବାର୍‌ବାର୍ ମାର୍‌ତି ଉବ୍‌ଜାୟ୍ କିଦେଙ୍ଗ୍ ହେଝାରିଂ ଆଦିକାର୍ ମାନାଡ଼ ।

୭ *ହେଝାର୍‌ତି ସାକି ଝିସ୍ତି ପାଚେ ପାତାଲ୍ କୁଣ୍ଡତାଂ ର ପସୁ ନିଙ୍ଗ୍‌ଜି ଝାଜି ହେଝାର୍‌ତି ବିରୁଡ଼ତାଂ ଜୁଜ୍ କିନାଡ଼ । ୮ ହେଝାନ୍ ହେଝାକ୍‌କାଂ ଆରାୟ୍ କିଜି ଟୁଶାଡ଼ ଆରି ଇମ୍ଫଣି ଗାଜା ଗାଡ଼ଦିଂ, ଆମ୍‌କ୍ ବାବ୍ରେ ସଦମ୍ ଆରି ମିସର୍ ଇଞ୍ଜି ଇନ୍‌ଧାନାଡ଼, ରାଜାର୍ ହାସ୍‌ଦ ମାପୁ କୁସ୍ ଇଡ଼ିୟା ଆଜି ମାଚାନ୍, ହେବେ ହେଝେକ୍‌ତି ମାଡ଼ା ଆଜିଂ ମାନ୍‌ଗାନାଡ଼ । ହେ ବସ୍ତିତ ସଦମ୍ କି ମିସର୍ ଇଞ୍ଜି ଇନ୍‌ଧାନାଡ଼ । ୯ ଝିଜୁ ଦେସ୍,

☆ ୧୧:୨ ୧୧:୨ ଲୁକ ୨୧:୨୪. ☆ ୧୧:୭ ୧୧:୭ ହଡ଼ତି ୧୩:୫-୭; ୧୭:୮.

କୁରୁମ୍, ବାସାକିନାକାର ଆରି ଜାତିର ମାନାୟ୍ ତିନି ଦିନ ଆଦା ପାତେକ୍ ହେ ମାଡ଼ାତିଂ ହୁଡ଼ନାର୍ ଆରି ହେଝାକାଂ ମୁଚ୍ତେଂ କାଜିଂ ପିସ୍ତି ହିଉର୍ । ୧୦ ହେ ରିୟାରିଂ ହାକି କାଜିଂ ପୁତ୍ ନି ମାନାୟାର୍ ଖାରୟାନାର୍, ସାର୍ଦା ଗିଆଣ୍ କିଜି ହାରି ଲାଗାୟ୍ ଦାନ ପପକାନାର୍; ଇନେକିଦେଂକି, ହେ ବେଶ୍‌ବାକ୍‌ଶାୟକିନାର୍ ଲାଗିଂ ପୁତ୍ ନିକାର୍ ବେସି ହରବର୍ ଆଜି ମାଚାର୍ । ୧୧ ମାତର୍ ତିନି ଦିନ ଆଦା ପାତେ ଇସ୍‌ବର୍ତାଂ ଜିବୁନ୍ ଡଲୁ ଖାଜି ହେଝାର୍ ଗାଗାଡ଼ତ୍ ହଟାଡ଼ ଆରି ହେଝାର୍ ନିଂଜି ନିଲ୍‌ତାର୍ । ଇମଣାକାର୍ ଇ ଗଟ୍‌ଶା ହୁଡ଼ଜି ମାଚାର୍, ହେଝାର୍ ପାଣ୍ଡା ଆତାର୍ । ୧୨ ଆରେ, ହେ ରିୟାର୍ ବେଶ୍‌ବାକ୍‌ଶାୟକିନାକାର୍ ହେଝାରିଂ ସାଗେତାଂ ଗାଜା କାଟ୍‌ତାଂ ଇ କାତା ଇଞ୍ଜିମାନାକା ର କାବୁର୍ ଖେଚାର୍; “ଇବେ ଖାତ” ହେଝାର୍‌ତି ସାତୁର୍ ହୁଡ଼ ହୁଡ଼ ହେଝାର୍ ବାଦାଡ଼ ବିତ୍ତେ ଆଜି ସାଗେତ ଦୁମ୍‌ତାର୍ । ୧୩ ହେ ସମୁତ ବେସି ମେଦ୍‌ନିଦାଲ୍‌କାତାଡ଼, ଗାଡ଼ନି ଦସ୍ ବାଗତାଂ ର ବାଗ୍ ଦୁଡ଼ିତ ମେହାତାଡ଼, ଆରି ମେଦ୍‌ନିଦାଲ୍‌କାତିଲେ ସାଡ଼ ହାଜାର୍ ମାନାୟାର୍ ହାତାର୍ । ଜିଜିମାନି ମାନାୟାର୍ ପାଣ୍ଡା ଆଜି ସାଗେନି ଇସ୍‌ବର୍ତ୍ ସବୁମେଞ୍‌ତି ଜାଜ୍‌ମାଲ୍ ଏଡ଼ନାୟ୍ କିତାର୍ ।

୧୪ ଜେତି ଦୁକ୍ ଷ୍ଟିସ୍ତାଡ଼; ତିନିଗଟା ଦୁକ୍ ବେଗି ଖାନାତା ।

ସାଡ଼ ମରି

୧୫ ସାଡ଼ ଦୁଡ଼ ମରିକାଟ୍ କିତିଲେ ସାଗେ ରାଜିନି ଗାଜା ସବଦ୍ ଲାହାଙ୍ ଇ ବେଶ୍ ଆତାଡ଼, ଜଗଡ଼ ଜପି ରାଜକିନାକା ମା ମାପୁତି ଆରି ତା ମସିୟା କେଇଦହାତାକା, ଆରେ ହେଝାନ୍ ଜୁଗ୍ ଜୁଗ୍ ରାଜ୍ କିନାନ୍ । ୧୬ ହେବେ ଇସ୍‌ବର୍ତ୍ ମୁମ୍‌ଦ୍ ଜାର୍ ଜାର୍ ଗାଦିତ କୁଚ୍‌ତି ୨୪ ପ୍ରାତିନାର୍ ମେଣ୍ଡାକୁନ୍ଦିକିଜି ଇସ୍‌ବର୍ତ୍ତଂ ଜଝାର୍ କିଜି ।

୧୭ ଇଚାର୍ ଏ “ମାପୁ, ସବୁତିଂ ସାକ୍ତି କାଟି ଇସ୍‌ବର୍, ନଙ୍‌ୟ୍ ଆରି ପାଚେନିକାୟ୍ ଜେ ଏନେଙ୍,

ଆପ୍ ନିଙ୍ ଡ଼ଝାର୍ କିଦନାପା,

ଇନେକିଦେଂକି ଏନ୍ ଜାର୍ ଗାଜାସାକ୍ତି ଆଜି କିଜି ରାଜ୍ କିନାକା ଇଡ଼ତାୟନା ।

୧୮ ପାତ୍ କିଝି ଜିହୁଦିର୍ ନାସକି ଆତାଣ୍ଡା;

ଇନେକିଦେଂକି, ମି ରିସାନି ସମୁ ଏକାଝାତାଡ଼, ହାତାକାର୍ ନଙ୍ ବିଚାର୍ କିୟାନାର୍ ।

ମି ଆଡ଼ିଏନ୍ ବେଶ୍‌ବାକ୍‌ଶାୟକିନାକାର୍, ଆରି ଇମଣାକାର୍ ମିଜେଙ୍ ପାଣ୍ଡା ଆଦନାର୍, ଗାଜାହାରୁ ଝିଜାର୍ ପୁଇପୁୟାତାଂ ନିର୍ମଲ୍ ଆନାର୍

ଆରି ଇମଣାକାର୍ ପୁତ୍ ତିଂ ନାସ୍ କିତାର୍, ହେଝାର୍ ପା ନାସ୍ ଆନାର୍ ।”

୧୯ ହେ ଏଚେକାଡ଼ତ୍ ସାଗେତ ମାନି ଇସ୍‌ବର୍ତ୍ ମନ୍ଦିରତ ମାନି ଦୁଝେର୍ ଜେୟାତାଡ଼ ଆରି ମନ୍ଦିରନି ନିୟମ୍ ସିନ୍ଦୁକ୍ ପେଡ଼ି ମାନାକା ଚଞ୍ଜିୟା ଆତାଡ଼ । ତା ପାଚେ ବିଜୁଲି, ଇଡ଼ତାଡ଼, ବାଦାଡ଼, ଗାର୍ଜାନାକା, ମେଦ୍‌ନିଦାଲ୍‌କାନାକା ଆରି ଗାଜା ଆଞ୍‌ଗା ବାର୍‌ହା ଆତାଡ଼ ।

୧୨

କଗ୍‌ଲେ ଆରି ରାଟ୍

୧ ଝିଜୁଝି ଆକାସ୍‌ତ ର ଗାଜା ତିନ୍ ଚଞ୍ଜିୟାତାଡ଼; ରଞ୍ଜେଲ୍ କଗ୍‌ଲେ ଲେଞ୍ ଜପି ନିଲ୍‌ତି ମାଚାଡ଼ ଆରି ଝେଡ଼ା ଅଜଡ଼ ଉସ୍‌ସିସ୍ ମାଚାଡ଼ । ତା କାପ୍‌ଡ଼ାତ ବାରଗଟା ହୁକାଂ ରଚ୍‌ଚାକା ର ମୁକୁଚ୍ ମାଚାଡ଼ । ୨ ହେଦେଲ୍ ଏସ୍‌ପିସ୍ତି ମାଚାଡ଼ । ଜଲ୍‌ମ୍‌କିନିତ ନନାକା କାଜିଂ ଆଡ଼୍‌ସିସ୍ ମାଚାଡ଼ ।

☆ ୧୧:୧୯ ୧୧:୧୯ ହଡ଼ି ୮:୫; ୧୭:୧୮; ହଡ଼ି ୧୭:୨୧.

୩ ଆକାସ୍ତ ଆରେ ରଞ୍ଜାଙ୍ଗ ଚିନ୍ ଚଞ୍ଜୟାତାତ୍; ହୁଡ଼ାଟ୍, ଗେରୁ ବାନି ରାଟ୍ ଲାକେ ର ବେସିଗାଜା ପାରାଣି, ହେଦେଲ୍ ସାଡ଼ଗଟା କାପ୍ତାଙ୍ଗ୍, ଦସଗଟା କମଙ୍ଗ୍, ଓଁଜୁ କାପ୍ତାଙ୍ଗ୍ ର ମୁକୁଟ୍ ମାତାତ୍ । ୪ ହେଦାଂ ତା ନିଜୁଣ୍ ଆକାସ୍ତ ର ତିନିବାଗ୍ ହୁକାକାଂ ଜେଲ୍ଜି ପୁତ୍ ତ ତୁହିତାତ୍ । କାଡ଼ଦେ ଜଲମ୍ ଆତି ସାଙ୍ଗେ ସାଙ୍ଗେ ହେଞ୍ଜାନିଂ ଚିଞ୍ଜେଙ୍ଗ୍ ଉଦେସ୍ତ ରାଟ୍ ହେ କଗଲେ ଲାଗାଂ ଖାଜି ନିଲ୍ତାତ୍ । ୫ ସମାନ୍ ସମୁତ କଗଲେ ର ମାଜି ହିମ୍ଣା ଜଲମ୍ କିତାତ୍ । ମାତରୁ ବାଡ଼ଗାତାଂ ଉପକାର୍ତ୍ତ ଓଁଜାରୁ ଜାତି ଜପି ରାଜ୍ କିନି କାଜିଂ ବାଟିକିତି ହେ ମାଜି ସାସ୍ତ ରିସା ଆଜି ଇସ୍ପୁରତି ଗାଦି ଲାଗାଂ ଅୟାତାନ୍ । ୬ ଆରେ, ହେ କଗଲେ ବାଟାତ ହନ୍ତାତ୍, ହେବେ ୧,୨୬୦ ଦିନ୍ ପାତେକ୍ ତା ମାନାକା କାଜିଂ ଇସ୍ପୁର ବିଦି କିଜି ମାତାନ୍ ।

୭ *ତାପାରେ ସାଗେତ ଜୁଜ୍ ଆରାମ୍ ଆତାତ୍, ମିକାୟେଲ୍ ଆରି ତା ଦୁତକ୍ ହେ ଗାଜା ରାଟ୍ ଆରି ତା ହେବାକାରିୟାର୍ ଲାହାଙ୍ଗ୍ ଜୁଜ୍ କିତାର୍ । ୮ ଜୁଜ୍ତ ରାଟ୍ ଆରି ତା ହେବାକାରିୟାର୍ ଆରା ଆତାର୍ ଆରି ହେଞ୍ଜାର୍ ଆରେ ସାଗେତ ବାହା ଗାଟା ଆଞ୍ଜିତିକ୍ । ୯ *ହେବେ ସବୁ ଜଗତ୍ ନି ବୁଲ୍କାୟକିନି ଦିଆବଲ୍ ଆରି ସୟତାନ୍ ତରଦ୍ ତାକ୍ପୁଟା ଜେ ଆଗେନି ରାଟ୍, ହେ ପ୍ଲାନି ନାଗ୍, ହେଞ୍ଜାନ୍ ତା ଦୁତକ୍ ଲାହାଙ୍ଗ୍ ପୁତ୍ ତ ଖାଜି ତୁହ୍ୟାତିକ୍ ।

୧୦ ତା ପାରେ ଆନେଙ୍ଗ୍ ସାଗେତ ଗାଜା କାଟ୍ ର ସବଦ୍ ଖେରାଙ୍ଗ୍, “ନଙ୍ଗୟ୍ ଇସ୍ପୁତ୍ ମୁକ୍ତା ଆନାକା ଏକାଞ୍ଜାତାତ୍ । ତା ରାଜା ସାକ୍ତି କାଟାକାନ୍ ଆରି ତା କ୍ରିସ୍ତତି କେମ୍ତା ଚାଲାତାତ୍ନା-ଇମ୍ଣି ବୁଲ୍କାୟକିନାକା, ଖେଡ଼ାନାଣା ଇସ୍ପୁରତି ମୁମ୍ଦ ନିଲ୍ଚି, ମା ଟଣ୍ଡାର୍ ଆରି ତଣ୍ଡେକାଦେର୍ ବିରୁଦ୍ତ ମିଟ୍ ଦାବା କିଜି ମାତାତ୍, ହେଞ୍ଜାନିଂ ସାଗେତାଂ ହପ୍ତି ତୁହିତାନ୍ । ୧୧ ଆରେ ହେଞ୍ଜାର୍ ମେଣ୍ଡାହିମ୍ଣା ନେତେର୍ ଆରି ଜାର୍ ଜାର୍ ସାକିନି ବଚନ୍ ହୁକେ ତାଙ୍ଗେଙ୍ଗ୍ ଜିତା ଆତାଣ୍ଟା, ଆରି, ହେଞ୍ଜାର୍ ହାକି ପାତେକ୍ ଜାର୍ ଜାର୍ ଜିବୁନ୍ତଂ ଖାରିନି ଗିଆନ୍ କିଞ୍ଜାଦାଂ ମାତାର୍ । ୧୨ ଲାଗିଂ; ସାଗେ ଆରି ସାଗେନିକାର୍ ଓଁଜାଦେର୍ ଖାରି ସାର୍ଦା କିୟାଟ୍ । ମାତରୁ ହାୟ୍, ପୁତ୍ ନି ଜଡ଼ିନାଗୁଟ୍ ସବୁ ! ମି ଦସା ଏରେକ୍ ବଇକାର୍ ! ନଙ୍ଗ୍ ସୟତାନ୍ ମି ଲାଗାଂ ଆରି ହେଦେଲ୍ ବେସି କମ୍ପାତାତ୍, ଇନେକିଦେଂକି ହେଦେଲ୍ ପୁରାତ୍ନା, ତା କାଡ଼୍ ପୁରାଜି ଖାନାତା ।”

୧୩ ରାଟ୍ ପୁତ୍ ତ ତୁହିୟାନି କାଜିଂ ହୁଡ଼ଜି ହେ ମାଜିହିମ୍ଣାଂ ଜଲମ୍କିନାକାଦେଲ୍ କଗଲେଙ୍ଗ୍ ଏକାତାତ୍ । ୧୪ ତା ବିପଡ଼ତାଂ ରକ୍ୟା ପାୟାନି କାଜିଂ ରାଟ୍ କଗଲେହିମ୍ଣାତିଂ ରିଣ୍ଡି ରାମାଣ୍ ପଟିନି ମାରା ହିତାତ୍ । ତା ଉପକାର୍ତ୍ତାଂ ହେଦେଲ୍ ବାଲିବାଟାତ ଜାର୍ ମାନି ବାହାତ ଉମ୍ଜି, ହେବେ ତିନି ବାହୁଁ ଆଦା ପାତେକ୍ ବିପଦ୍ଵାଦାଂ ମାଞ୍ଜେଙ୍ଗ୍ ରାଜି ଆତାତ୍ । ୧୫ ତା ପାରେ କଗଲେହିମ୍ଣାତିଂ ଏସୁଙ୍ଗ୍ହାନିତ ବଡ଼ାୟ୍ କିନି କାଜିଂ ରାଟ୍ ଜାର୍ ଖେଇଦାଂ ତା ପାରେ ପାରେ ର ପୁର୍ ଲାକେ ଏଜୁଙ୍ଗ୍ କାକ୍ତାତ୍ । ୧୬ ମାତରୁ ତାଙ୍ଗ୍ ରାକ୍ୟା କିନି କାଜିଂ ପୁତ୍ ଜାର୍ ଖେଇ ଜେସି ରାଟ୍ନି ଖେଇଦାଂ ହସି ମାନି ଓଁଜୁ ଏଜୁକାଂ ଉଟାତ୍ । ୧୭ ହେବେ ରାଟ୍ କଗଲେ ଜପି ରିସାଜି ତା ଲାତ୍ରା ଇମ୍ଣି ମାନାୟାର୍ ଇସ୍ପୁରତି ବଲ୍ ମାନି କିତାର୍, ଆରି ଜିସ୍ତୁତି ବିସ୍ତେ ସାକି ଦାନ୍ ହିତାର୍ ହେଞ୍ଜାର୍ ଲାହାଂ ଜୁଜ୍ କିନାକା ସାକି ହିନାର୍ । ୧୮ ଆରେ ହେଞ୍ଜାନ୍ ହାମ୍ପୁରୁନି ବାଲି ଜପି ନିଲ୍ତାତ୍ ।

୧୩

ରିଣ୍ଡି ପସୁ

* ୧୨:୭ ୧୨:୭ ଜିହୁଦା ୧:୯. * ୧୨:୯ ୧୨:୯ ଲୁକ ୧୦:୧୮.

୧୯ ତା ପାଚେ ଆନେଇଁ ହୁଡ଼ତାଙ୍ଗ, ର ପସୁ ହାମଦୁର୍ ବିତ୍ତେତାଂ ନିଙ୍ଗି ଖାନାତା । ହେଦେଲିଂ ଦସଗଟା କମଙ୍ଗ ଆରି ସାଡ଼ଗଟା କାପଡ଼ାଙ୍ଗ । ଜାଣକେ କମକାଂ ରଞ୍ଜାଙ୍ଗ ରଞ୍ଜାଙ୍ଗ ମୁକୁର୍ ମାଚାଡ଼ ଆରି ଜାଣକେ କାପଡ଼ାତ ରଞ୍ଜାଙ୍ଗ ରଞ୍ଜାଙ୍ଗ ଇସ୍ବର ନିନ୍ଦା କିନିକିଂ ବାରବିନି ତର୍ ମାଚାଡ଼ । ୨ ର ପସୁ ବିଜାପଲିଆ ବୁର୍ଜା ଲାକେ ଚଞ୍ଜିଲି ମାଚାଡ଼ । ତା ପାନା ବାଲୁ ପାନା ଲାକେ ଆରି ଝେଇ ସିହିଁ ଝେଇ ଲାକେ । ଆଗେ ରଚ୍ଚି ନେତେର୍ ବାନିନି ଗାଜା ରାଚ୍ ଇ ପସୁତିଂ ଜାର୍ ସାଲ୍ଲି, ଗାଦି ଆରି ବେସି କେମ୍ତା ହେଲ୍ଲାୟ୍ କିତାଡ଼ । ୩ ପସୁତି ରଞ୍ଜାଙ୍ଗ କାପଡ଼ା ଅଲପ୍ ଗାଉ ପାୟାତି ଲାକେ ମାନେ ଆଜି ମାଚାଡ଼ । ମାତର୍ ଆତିଗାଉ ବାହା ଉଜ୍ ଆଜି ମାଚାଡ଼ ଆରି ପୁତ୍ ନିକାର୍ ଝିଜାର୍ କାବାଜି ପସୁ ଦାସ୍ତେଂ ଲାଗାତାର୍ । ୪ ଆରେ, ଝିଜୁ ପସୁତିଂ ଆଦିକାର୍ ହିଜି ମାନି ରାଚ୍ଚି ପୁଜା କିତାର୍ । ହେଝାର୍ ପସୁତିଂ ପା ପୁଜା କିଜି ଇଗାର୍, “ଇନେର୍ ଇ ପସୁ ଲାକେ ସମାନ୍ ଆଦେଂ ଆଡ଼ନାର୍ ? ଇନେର୍ ତା ବିରୁଦ୍ଦ ଜୁଜ୍ କିଦେଙ୍ଗ୍ ଆଡ଼ନାର୍ ?”

୫ ପସୁ ବାତାୟ୍ କିଜି କାତା ଇଞ୍ଜି ମାଚାଡ଼ ଆରି ଇସ୍ବର ନିନ୍ଦା କିଜି ମାଚାଡ଼, ଆତିସ୍ପପା ରିକଡ଼ି ଦୁଇ ୪୨ ମାସ୍ ପାଚେକ୍ ଆଦିକାର୍ କିନି କାଜିଂ ତାଙ୍ଗ୍ କେମ୍ତା ହିତାର୍ । ୬ ଇସ୍ବରତିଂ ତା ତର୍ ଆରି ମାନି ଇଲ୍ ଆରି ସାଗେନିକାର୍ ଝିଜାରିଂ ହେଝାନ୍ ସାଲପ୍ ହିଜି ନିନ୍ଦା କିଦେଙ୍ଗ୍ ଲାଗାତାର୍ । ୭ ଜିସୁ ପୁଇପୁୟା ଲକ୍ବୁରିଂ ବିରୁଦ୍ଦ ଜୁଜ୍ କିଜି ହେଝାରିଂ ଆରାୟ୍ କିଦେଙ୍ଗ୍ ହେଝାନ୍ ଆଦିକାର୍ ପାୟାତାନ୍ ଆରି ଜାଣକେ କୁଟୁମ୍, ରାଜିନି ବାସାବାସି ଆରି ଜାତି ଜପି ତାଙ୍ଗ୍ କେମ୍ତା ହିତାର୍ । ୮ ପୁତ୍ ନି ଉଦ୍ଜାଣ୍ ଆଗେ ଇମ୍ପଣାକାର୍ତି ତର୍ ଆସ୍ତି ମାଚି ମେଣ୍ଡାହିମ୍ପଣା ଜିବୁନ୍ ପତିତ ଲେକାଜି ମାଚାଡ଼, ହେଝାରିଂ ପିସ୍ତି ପୁତ୍ ନି ବିନ୍ ଝିଜାର୍ ହେ ପସୁତିଂ ପୁଜା କିତାର୍ ।

୯ “ଇନେରିଂ କିଡୁଲ୍ ମାନାଡ଼, ହେଝେନ୍ ଝେନେନ୍ । ୧୦ ଇସ୍ବରତି ଇନି ଇସାବ୍ରେ ଇନେର୍ ବନ୍ଦି ଆଦେଂ ମାନାଡ଼, ହେଝାନ୍ ହାଡ଼ପା ବନ୍ଦି ଆନାନ୍ । ଇନେର୍ ବିନ କାଣ୍ଡାତାଂ ଅହ୍ନାର୍, ହେଝାନ୍ ଜାର୍ କାଣ୍ଡା ହୁକେ ନେ ହାନାର୍ । ଇ ସମୁତ ପୁଇପୁୟା ଇସ୍ବରତି ମାନାୟାର୍ କାଜିଂ ସାସ୍ ଆରି ପାତ୍ ରବେ ମାନାକା ଲଡ଼ା ।”

୧୧ ତା ପାଚେ ଆନେଇଁ ହୁଡ଼ତାଂ, ଆରେ ରଞ୍ଜାଙ୍ଗ ପସୁତିଂ ମେଦ୍ନି ବିତ୍ତେତାଂ ନିଙ୍ଗି ଖାନାକା ହୁଡ଼ତାଂ; ମେଣ୍ଡାହିମ୍ପଣା କମ ଲାକେ ତା ରିଣ୍ଡି କମଙ୍ଗ ମାଚିକ୍, ଆରି ହେଦେଲ୍ ଆରେରଗ ରାଚ୍ ଲାକେ କାତା ଇଞ୍ଜି ମାଚାଡ଼ । ୧୨ ଇ ରି ପସୁ ପର୍ତ୍ତମ୍ ପସୁ ମାଚିଲେ ତା ଆଦିକାର୍ ବେବାର୍ କାଜିଂ ପର୍ତ୍ତମ୍ ପସୁନି ହାକି ଗାଉ ଉଜ୍ ଆଜି ମାଚିଲେ ପୁଜାକିନି କାଜିଂ ପୁତ୍ ନିକାର୍ ଝିଜାରିଂ ଚାଟାୟ୍ କିତାଡ଼ । ୧୩ ରି ପସୁ ବେସି କାବାଆନି କାମାୟ୍ ସବୁ ସାଦନ୍ କିନିକ୍ । ଝିଜାର୍ ଝେଇଦ୍ ସାଗେତାଂ ପୁତ୍ ଜପି ନାଣି ବାରହା କିଇକିନାଡ଼ । ୧୪ ଆରି ପର୍ତ୍ତମ୍ ପସୁନି ମାନିତ ଇ ଲାକେ ବେସି କାବାଆନି କାମାୟ୍ କିଜି ପୁତ୍ ନିକାର୍ ଝିଜାରିଂ ବୁଲ୍କାୟ୍ କିଜି । କାଣ୍ଡା ହୁକେ ହାଜି ଦୁମ୍ନି ଲାବ୍ କିଜିମାନି ପର୍ତ୍ତମ୍ ପସୁ ସମାନ୍ତ ତା ର ଡିଗା ରଚ୍ଚି କାଜିଂ ରି ପସୁ ମାନାୟାରିଂ ବଲ୍ ହିତାଡ଼ । ୧୫ ପର୍ତ୍ତମ୍ ପସୁତି ଡିଗାତ ପୁଡ଼ା ନେଞ୍ଜେନାକା ହିଜି ତା ଜିବୁନ୍ କିନାକା ରିଣ୍ଡାଙ୍ଗ୍ ପସୁ ପୁଞ୍ଜିମାଚିକ୍ । ଝିଜ୍ ଡିଗା କାତା ଇଚାଡ଼ ଆରି ଇମ୍ପଣାକାର୍ ତା ପୁଜା କିଞ୍ଚାତାର୍, ହେଝାରିଂ ଆରେ କିଦେଙ୍ଗ୍ ଆଡ଼ତାର୍ । ୧୬ ଆରେ ହେଦେଲ୍ ହାରୁ ଆରି ଗାଜାକାର୍, କଡ଼କାଆଡ଼ିଏନ୍ କି ଜାର୍ତାରେନ୍, ମାଜାନ୍, ହିଲ୍ଝାକାର୍ ହାରିହାରି ଝିଜାର୍ତି ତିନିକେଇଦ୍ କି ନିଦାଣ୍ଡତ ର ତିନ୍ ରଚି କିଦେଙ୍ଗ୍ ହେଝାନ୍ ମାନାୟାରିଂ ଚାଟାୟ୍ କିତାଡ଼ । ୧୭ ପସୁତି ତର୍ କି ହେ ତର୍ଚି ତିନ୍ ର ଲମର୍ ବୁଲ୍ କିଜି ମାନ୍ଝି ଇନେର୍ ପଚେଙ୍ଗ୍ କଡ଼ଦେଂ ଆଡୁର୍ ଇଞ୍ଜି ପସୁ ବଲ୍ ହିତାଡ଼ ।

୧୮ ଇବେ ଗିଆନ୍ ଲଡ଼ା । ଇନେରିଂ ବୁଦି ମାନାଡ଼, ହେଝାନ୍ ପସୁତି ଲମର୍ ଗାଣା କିଏନ୍, ଇନେକିଦେଂକି ହେଦାଂ ମନାୟତି ଲମର୍, ଆରେ ତା ଲମର୍ ଆନାତା ୨୬୬

ଚ ସହ ଚସତି ।

୧୪

ମେଣ୍ଡାହିମଣା ଆରି ତା ପାଚେ ହାନି ମାନାୟାର୍

୧ *ତାପାଚେ ଆନେଙ୍ଗ ହୁଡ଼ତାଂ; ଆରେ ହୁଡ଼ାଟ୍, ସିୟନ୍ ମାଡ଼ି ଜପି ନିଲ୍‌ତାରନା । ତା ଲାହାଂ ଏକ ଲକ୍ୟ ଚାଲିସ୍ ଚାର୍ ହାଜାର୍ ଜାଣ୍ ମାନାୟାର୍ ମାଚାର୍ । ୧୪୪,୦୦୦ ହେୱାର୍ ନିଦାଣ୍ଡତ ମେଣ୍ଡାହିମଣା ଆରି ଆବାତି ତର୍ ଲେକା ଆଜି ମାଚାଟ୍ । ୨ ତା ପାଚେ ଆନ୍ ଖେଚାଙ୍ଗ୍, ଏଜୁଙ୍ଗ୍ ଚାଲାନାକା ଡିଡ଼ନି ଲାକେ ଆରି ସାର୍ଗେତାଂ ର କାଟ୍ ଖେଚାଙ୍ଗ୍ । ଇମ୍‌ଣି କାଟ୍ ଆନେଙ୍ଗ୍ ଖେଚାଙ୍ଗ୍; ହେଦାଂ ଗମଣ ଡହନାକାରିଂ ଗମଣ୍‌ନି ସବଦ୍ ଲାକେ ଖେନ୍‌ୟାଜି ମାଚାଟ୍ । ୩ ହେ ଲାକେ ତୁରାଲିସି ହାଜାର୍ ୧୪୪,୦୦୦ ସାର୍ଗେ ଗାଦି, ଚାରିଗଟା ପାରାଣିଙ୍ଗ୍ ଆରି ମଣ୍ଡଲିନି ବୁଡ଼ାଲୁର୍ ନେତାର୍ ମୁମ୍‌ଦ ର ପୁନି କେରକଣ୍ କେରଜି ମାଚାର୍ । ଆରେ ପୁତ୍ ତାଂ କଡ଼ିୟା ଆତାକାର୍ ହେୱାରିଂ ପିସ୍ତି ବିନ୍ ଲଗ୍ ଇନେର୍ କେରକଣ୍ କେରଦେଂ ଆଡ଼ୱାଦାଂ ମାଚାର୍ । ସବୁ ନାର୍ ଜାତି ବିତ୍ରେତାଂ କେବଲ୍ ହେୱାର୍ ମୁକ୍‌ଡ଼ାଜି ମାଚାର୍ । ୪ ହେୱାର୍ କଗଲେହିମଣା ଲାହାଙ୍ଗ୍ ଜାର୍‌ତିଂ ଇନାୱାଡ଼ାଙ୍ଗ୍ ଦସି କିୱାଦାଂ ମାଚାର୍, ହେୱାର୍ ମାଚାର୍ ପୁଇପୁୟା । ହେୱାର୍ ନିତ୍ରେ ମେଣ୍ଡାହିମଣା ପାଚେ ହାଲ୍‌ଜି ମାଚାର୍ । ହେୱାର୍ ମାନାୟାର୍‌ତ୍ ବିତ୍ରେତାଂ ପର୍ତ୍ତୁମ୍ ମୁକ୍‌ଡ଼ାଜି ଇସ୍‌ବର୍ ଆରି ମେଣ୍ଡାହିମଣା ଲାଗାଂ ଆକାଟ୍ ହିତାର୍‌ନା । ୫ ହେୱାର୍ ୱାଈଦ ଇମ୍‌ଣାକା ପା ମିଟ୍ କାତା ହିଲୁଟ୍, ହେୱାର୍ ଦସି ଆକାୟ୍ ।

ତିନିଜାଣ୍ ଦୁଡ଼କୁ

୬ ପାଚେ ଆନେଙ୍ଗ୍ ଆରେ ରଞ୍ଜେଲ୍ ଦୁତଙ୍ଗ୍ ଆକାସ୍‌ନି ମାଦ୍‌ଣିବାଗ୍‌ଦ ଉମ୍‌ନାକା ହୁଡ଼ତାଂ, ହେୱାନ୍ ପୁତ୍ ତ ମାନି ଖିଜୁ ଜାତି, କୁଟୁମ୍, ବାସାନିକାର୍ ଆରି ଲାତ୍ରା ମାନାୟାର୍ ଲାଗାଂ ସୁଣାୟ୍ କିନି କାଜିଂ ର ଖିଜ୍‌ଖିକାଡ଼ନି ନେକ୍ତିକାବୁର୍ ପାୟାଜି ଗାଜା କାଟ୍‌ତାଂ ଇଚାର୍ । ୭ ହେୱାନ୍ ଗାଜା କାଟ୍‌ତାଂ ଇଞ୍ଜି ମାଚାନ୍ । “ଇସ୍‌ବର୍‌ତିଂ ପାଣ୍ଡା ଆଡ଼ ତାଙ୍ଗେଙ୍ଗ୍ ଜାଜମାଲ୍ କିୟାଟ୍, ଇନେକିଦେଂକି ହେୱାର୍‌ତି ବିଚାର୍ ସମୁତ ଏକାୱାତାଟ୍, ଆରେ ଇନେନ୍ ସାର୍ଗେ, ପୁତ୍ , ହାମ୍‌ଦୁର୍ ଆରି ହନି ଏସୁଙ୍ଗ୍ ଉବ୍‌ଜାଣ୍ କିତାନ୍‌ନା ତାଙ୍ଗେଙ୍ଗ୍ ଜୱାର୍ କିୟାଟ୍ ।”

୮ ହେ ପର୍ତ୍ତୁମ୍ ଦୁଡ଼ତି ପାଚେ ପାଚେ ଆରେ ରିଣ୍ଡି ଦୁଡ଼କୁ ୱାଜି ଇଚିକ୍, “ତାଦି ଖିଜ୍‌ଦି ୱାନାତା । ତାକ୍‌ପୁଟା ବାବିଲନ୍ ଦୁଡ଼ିମାସ୍‌ତାଟ୍ । ହେୱାନ୍ ତା ଜାତିନି ଦାରି କାମାୟ୍ ଲାକେ ଅଙ୍ଗୁର୍ ରାସ୍ ଉଟ୍‌ପାତାଣ୍ଡା, ହେଦେଲ୍ ମୁଞ୍ଜତାଟ୍ ଆଦା ମୁଜ୍‌ୟାତାନ୍‌ନା ।”

୯ ଇ ରି ଦୁଡ଼କୁ ପାଚେ ଆରେ ରଞ୍ଜେଲ୍ ଦୁଡ଼ ୱାଜି ଗାଜା କାଟ୍‌ତାଂ ଇଞ୍ଜେଙ୍ଗ୍ ଲାଗାତାଟ୍, ଜଦି ଇନେର୍ ହେ ପସୁ ଆରି ତା ପୁଡ଼ଡ଼ାତିଂ ଜୱାର୍ କିନାନ୍, ଆରେ ଜାର୍ ନିଦାଣ୍ଡତ କି କେଇଦ ତା ଚିନ୍ ଇଟ୍‌ୟାନାନ୍, ୧୦ ହେୱାନ୍ ଇସ୍‌ତ୍ ରିସାଲାକେ ଇମ୍‌ଣି କାଲିଂ ଗାବାୟ୍‌କିଞ୍ଜିତି ବାବ୍ରେ ତା ରିସାନି କଣ୍ଡିତ ରଚ୍‌ଚାର୍‌ନା, ହେଦାଂ ଉଣାଟ୍ ଆରେ ପୁଇପୁୟା ଦୁତକ୍ ଆରି ମେଣ୍ଡାହିମଣା ମୁମ୍‌ଦ ନାଣି ଆରି ଗନ୍‌କ୍ ହୁକେ କସ୍ ପାୟା ଆନାଦେର୍ । ୧୧ ଏଲେଙ୍ଗ୍ ମାନାୟାର୍‌ତି କସ୍‌ନି କଦା ଜୁଗ୍ ଜୁଗ୍ ନିଙ୍ଗ୍‌ଜି ମାନାଟ୍; ଇମ୍‌ଣାକାର୍ ପସୁ ଆରି ତା ପୁଡ଼ଡ଼ାତିଂ ଜୱାର୍ କିଚାର୍, ଆରେ ତା ତର୍‌ନି ଚିନ୍ ଇଟ୍ୟାନାର୍, ହେୱାର୍‌ତି ଖେଡ଼ାନାଣା ଜମ୍‌ନାକା ଆକାୟ୍ ।

୧୨ ଇମ୍‌ଣାକାର୍ ଇସ୍‌ବର୍‌ତି ବଲ୍ ମାନି କିନାର୍ ଆରି ଜିସୁ କାଜିଂ ପାତ୍ କିଜି, ଇସ୍‌ବର୍‌ତି ହେ ପୁଇପୁୟା ମାନାୟାର୍ ପାକ୍ୟାତ ସାସ୍ ମାନାକା ଲଡ଼ା ।

* ୧୪:୧ ୧୪:୧ ହତ୍ୱତି ୭:୩।

୧୩ ତା ପାଚେ ଆନ୍ ଖେଚାଙ୍ଗ, ସାଗେତାଂ ଇ କାତା ଖେଚାଙ୍ଗ, ଇ କାତା ଲେକିକିୟାଟ୍, ଇମ୍‌ଣାକାର୍ ଏଲେଙ୍ଗ୍ ମାପୁତାକେ ମାନଞ୍ଜି ହାନାର୍,

ହେଞ୍ଜାର୍ ଦନ୍‌୩; ଆରେ ଆନ୍ ଖେଚାଙ୍ଗ, ପୁଇପୁୟା ଜିବୁନ୍ ଇନାଡ୍, “ଇଦାଂ ହାଡ୍‌ପା ଗିଗାତାଡ୍ । କସ୍ତୁ କାମାୟ୍ ଲାହାଂ ହେବାନି ପାଡ୍ ଲାକେ, ହେଞ୍ଜାର୍ ଜମ୍‌ନାକା ତିନାଉଣା କିତାର୍ ।”

ତାସ୍ ତ୍ରେସ୍‌ଜି ତାନାକା

୧୪ ତା ପାଚେ ଆନେଙ୍ଗ୍ ହୁଡ୍‌ତାଂ; ଆରେ ହୁଡ୍‌ତାଟ୍ ଡିଞ୍ଜିନି ବାନି ଅଲପ୍ ବାଦାଡ୍, ତା ଜପି ମାନାୟ୍ ମାଜିତି ଲାକେ ରଞ୍ଜାନ୍ କୁଡ୍‌ଚାକାନ୍, ହେଞ୍ଜାନ୍ କାପଡାତ ହନା ମୁକୁଟ୍ । ଆରି କେଇଦ ଡାହୁନି କଞ୍ଜେସ୍ । ୧୫ ହେବେ ମନ୍ଦିରତାଂ ଆରେ ରଞ୍ଜାନ୍ ଦୁଡ୍ ହସି ହେ ବାଦାଡ୍ ତାବାୟ୍ କିତି ମାନାୟ୍‌ତିଂ ଗାଜା କାଟ୍‌ତାଂ ଇଚାଡ୍, ନି କଞ୍ଜେସ୍ ଆହି କିଜି ତାସ୍ ତ୍ରେସ୍‌ଜାଟ୍, ଇନେକିଦେଂକି ତ୍ରେସ୍‌ଜି ସମୁ ଏକାଞ୍ଜାତାଡ୍, ଆରେ ପୁଟ୍‌ନି ତାସ୍ ହେନ୍‌ତାତେ । ୧୬ ପାଚେ ହେ ବାଦାଡ୍ ବିତ୍ରେ ମାନି ମୁଣିକା ପୁଟ୍‌ତ ଜାର୍ କଞ୍ଜେସ୍ ଆହି କିତିଲେ ହେବେଣ୍ଡାଂ ତାସ୍ ତ୍ରେଜ୍‌ୟା ଆତାଡ୍ ।

୧୭ ତା ପାଚେ ଆନ୍ ହୁଡ୍‌ତାଂ, ଆରେ ରଞ୍ଜେଲ୍ ଦୁଡ୍ ସାଗେ ବାହା ମନ୍ଦିରତାଂ ଖାନାତା; ତା କେଇଦ ପା ର ଡାହୁନି କଞ୍ଜେସ୍ ମାଚାଡ୍ ।

୧୮ ତା ପାଚେ ଗାର୍‌ଣି ନାଣି ଜପି ଆଦିକାର୍ ପାୟାତି ଇନେର୍ କେଇଦ ଡାହୁନି କଞ୍ଜେସ୍ ଅଜି ମାନି ରି ଦୁଡ୍‌ତିଂ କିକିରାତିଂ କିଜି ଇଚାଡ୍, “ଡାହୁନି କଞ୍ଜେସ୍ ଆହିକିୟା ଆରି ପୁଟ୍‌ନି ଅଙ୍ଗୁରପାଡ୍ ତ୍ରେଜାଟ୍; ହେଞ୍ଜାଙ୍ଗ୍ ହେନ୍ତାତେ ।” ୧୯ ହେବେ ହେ ଦୁଡ୍ ପୁଟ୍‌ତ ଜାର୍ କଞ୍ଜେସ୍ ଆହି କିଜି ହେବେ ଅଙ୍ଗୁର ପାଡ୍‌ସବୁ ରୁଣ୍ଡାୟ୍ କିତାନ୍ ଆରି ଇସ୍‌ତ୍‌ ରିସାଲାକେ ଗାଜା ଅଙ୍ଗୁରକୁଣ୍ଡିତ ହେ ସବୁ ତୁହିତାଡ୍ । ୨୦ ଗାଡ୍‌ନି ବାରତ ମାନି ହେ ଅଙ୍ଗୁରକୁଣ୍ଡିତ କ୍ଷୁସ୍‌ପିଆତାଡ୍, ଆରେ ହେବେତାଂ ନେତେର୍ ହସି ଗଡାଙ୍ଗ୍ ବାକାର୍ ପାତେକ୍ ରି ମିଟର୍ ନିଙ୍ଗ୍‌ଜି ତିନ୍‌ସ୍ ୩୦୦ କିଲମିଟର୍ ପାତେକ୍ ମେଙ୍ଗ୍‌ତାଡ୍ ।

୧୫

ହାରିହାରାନି ଦୁକ୍‌ଦୁକା ସାଡ୍ ଦୁଡ୍

୧ ଇଦାଂ ପାଚେ ଆନ୍ ଆକାସ୍‌ତ ଆରେ ର ଗାଜା କାବାନି ଚିନ୍ ହୁଡ୍‌ତାଂ; ସାଡ୍ ଜାଣ୍ ସାଗେ ଦୁଡ୍‌କୁ, ଜାଣ୍‌କେ ର ର ଦୁକ୍‌ଦୁକାଂ ଆଜି ଚଞ୍ଚାର୍ । ଇ ଦୁକ୍‌ଦୁକାଂ ମାଚାଡ୍, ଇସ୍‌ତ୍‌ ରିସା ଓସ୍‌ତାଡ୍ ।

୨ ଆରେ ଆନ୍ ହୁଡ୍‌ତାଂ, ନାଣିମେହା ର କାଟ୍ ଲାକେ ହାମ୍‌ଦୁର୍, ଆରେ ଇମ୍‌ଣାକାର୍ ପସ୍ତୁ, ତା ପୁଡ୍‌ଡା ଆରି ତା ତରୁନି ଲମର୍ ଜପି ଜିତା ଆତାଣ୍ଡା, ହେଞ୍ଜାର୍ ଇସ୍‌ରତି ଗମଣ୍ ଆସ୍ତି, ହେ କାଟ୍‌ବାତ୍ ହାମ୍‌ଦୁର୍ ଗୁଚିତ ନିଲ୍‌ତାନ୍ନା । ୩ ହେଞ୍ଜାର୍ ଇସ୍‌ତ୍‌ ହିଜି ମାନି ଗମଣ୍ ଇଡ୍‌ଜି ଇସ୍‌ରତି ଆଡିଏନ୍ ମସାତି କେରକଣ୍ ଆରି ମେଣ୍ଡାହିମ୍‌ଣାତି କେରକଣ୍ କେରଜି ମାଚାର୍ ।

“ଏ ମାପୁ, ଓଁଜୁ ସାକ୍ତିକାଟି ଇସ୍‌ର୍,
ମି କାମାୟ୍ ସବୁ ଗାଜା ଆରି କାବାଆନାକା;
ଏ ଜାତି ସବୁନି ରାଜା, ମିହାଜି ଓଁଜୁ ନ୍ୟାୟ୍ ଆରି ହାଡ୍‌ପା ।

୪ ଏ ମାପୁ, ଇନେର୍ ନିଙ୍ଗେଙ୍ଗ୍ ପାଣ୍ଡା ଆଦୁର୍ ?
ନି ଜାଜ୍‌ମାଲ୍ ସୁଣାୟ୍ କିଦେଙ୍ଗ୍ ଇନେର୍ ମାନି କିଉର୍ ?
କେବଲ୍ ଏନ୍ ନେ ପୁଇପୁୟା
ଓଁଜୁ ଜାତି ଖାଜି ନି ପୁଜା କିଦ୍‌ନାର୍ ।
ଲାଗିଂ ନି ବିଦି କାମାୟ୍ ଓଁଜାର୍ ହୁଡ୍‌ତାର୍‌ନା ।”

୫ ଇଦାଂ ପାଚେ ଆନ୍ ହୁଡ଼ତାଂ, ସାର୍ଗେନି ସାକି ତୁମ୍ନି ମନ୍ଦିରୁନି ଦୁଖେର ଜେୟା ଆତାଡ଼ । ୬ ସାଡ଼ ଦୁକ୍‌ଦୁକା ଆସ୍ତି ମାନି ସାଡ଼ ଦୁତକ୍ ସାର୍ଗେ ମନ୍ଦିର ବିତ୍ରେତାଂ ହସି ଖାତିକ୍, ହେଖେକ୍ ସକଟ୍ ଡ଼ିଞ୍ଜିନି ହେୟା ଆରି ହେଖେକ୍ ନେଞ୍ଜେତାକିତ ହନା ତଲ୍ଲ ଡରି ଗାଟ୍‌ୟା ଆଜି ମାଟିକ୍ । ୭ ହେବେ ଚାରି ପାରାଣିଂ ବିତ୍ରେ ର ପସୁ ଓଁଜ୍‌ଓଁ ଜିନି ଇସ୍ୱତ୍ ଟାକ୍ତିତାଂ ବାତ୍ ସାଡ଼ ହନା କଣ୍ଡି ହେ ସାଡ଼ ଦୁତକ୍‌କାଂ ହିତାଡ଼ । ୮ ଆରେ ଇସ୍ୱର୍‌ତି ଜାଜ୍‌ମାଲ୍ ଆରି ସାକ୍ତିନି କଦାତ ମନ୍ଦିର ବାତ୍ ଆତାଡ଼, ସାଡ଼ ଦୁତକ୍ ସାଡ଼ ଦୁକ୍ ଓଁଜ୍‌ଓଁ ପାଚେକ୍ ଇନେର ମନ୍ଦିରତ ହଣ୍ଡେକ୍ ଆଡ଼ଖାତାର ।

୧୭

ଇସ୍ୱତ୍ ରିସାତ ବାତ୍ ସାଡ଼ ବାହା

୧ ଇଦାଂ ପାଚେ ଆନ୍ ର ଗାଜା କାଟ୍ ଖେଚାକ୍, ମନ୍ଦିରତାଂ ଇନେର ରଖାନ୍ କିକିରାତିଂ ଆଜି ହେ ସାଡ଼ ଦୁତ୍‌ତିଂ ଇଟିକ୍, “ହାଲାର୍ ସାଡ଼ କଣ୍ଡି ମାନି ଇସ୍ୱର୍‌ତି ରିସା ପୁତ୍ ଜପି ଖାକାଟ୍ ।

୨ ଇଦାଂ ଖେନ୍‌ଞ୍ଜି ପର୍ତ୍ତୁମ୍ ଦୁଡ଼ ହାଲ୍‌ଜି ତା କଣ୍ଡିତ ଇନାକା ମାନାଡ଼, ପୁତ୍ ଜପି ଖାକ୍‌ତାଡ଼ । ସାଙ୍ଗେ ସାଙ୍ଗେ ଇମ୍‌ଣାକାର ପସୁନି ଚିନ୍ ଇଡ଼ୟାଜି ମାଚାର ଆରି ତା ପୁଡ଼ଡ଼ାତିଂ ପୁଜା କିଜି ମାଚାର, ହେଖାଡ଼ି ଗାଗାଡ଼ତ୍ ବେସି କସୁନିକା ଗାଖ୍ ଆତାଡ଼ ।

୩ ତା ପାଚେ ଜେତି ଦୁଡ଼ ତା କଣ୍ଡିତିଂ ହାମ୍‌ଦୁର ଜପି ଖାକ୍‌ତାଡ଼ । ହାମ୍‌ଦୁର ଏଜ୍‌ଜ୍‌ ହାତି ମାନାୟତି ନେତେର ଲାକେ ଆତାଡ଼ ଆରି ହାମ୍‌ଦୁରନି ଓଁଜ୍‌ ପାରାଣିକ୍ ହାତିକ୍ ।”

୪ ତା ପାଚେ ତିନ୍ ଦୁଡ଼ତି କଣ୍ଡିତ ଇନାକା ମାଚାଡ଼, ହେଦାଂ ହେଦେଲ୍ ନାଗୁଡ଼ ଆରି ଜଡ଼ିଂ ଜପି ଖାକ୍‌ତାଡ଼; ହେବେ ହେଦାଂ ଓଁଜ୍‌ ନେତେର ଆଜି ହାଚାଡ଼ । ୫ ଏଚେକାଡ଼ଦ୍ ଆନ୍ ଖେଚାକ୍, ଏସ୍ ଦାୟିଡ଼ତ ମାନି ଦୁଡ଼ ଇନାତା । “ଏପେକ୍ ପୁଇପୁୟା, ଏପେକ୍ ଆରି ଆଗେନିକା; ଏପେକ୍ ସମାନ୍ ବିଚାର କିତାଦେଣ୍ଡା । ୬ ଲାଗିଂ ହେଖାଡ଼ ପୁଇପୁୟା ସାଦୁରତି ଆରି ବେଶ୍‌ବାକ୍‌ଶାୟକିନାକରତି ନେତେର ହପ୍‌ତି ମାଚାର, ଆରେ ଏପ୍ ହେଖାରିଂ ଉଣି କାଜିଂ ନେତେର ହିତାଦେରନା, ହେଖାଡ଼ କାମାୟନି ପାଡ଼ ପାୟାତାଣ୍ଡା ।” ୭ ତା ପାଚେ ଆନ୍ ଗାଟ୍‌ଣିତାଂ ର କାଟ୍ ଖେଚାକ୍, “ମାପୁ, ଓଁଜ୍‌ ସାକ୍ତିମାନି ଇସ୍ୱର୍, ନି ଓଁଜ୍‌ ବିଚାଣ୍ଡା ହାଡ଼ପା ଆରି ନ୍ୟାୟନିକା ।”

୮ ତା ପାଚେ ଚାର୍ ଦୁଡ଼ ତା କଣ୍ଡିତ ମାନି ଜିନିସ୍ ଖେଡ଼ା ଜପି ଖାକ୍‌ତାଡ଼; ହେବେ ତାଙ୍ଗେକ୍ ମାନାୟାରିଂ ନାଣିତ କାଡ଼ିକିଦେଂ ସାକ୍ତି ହିୟାତାଡ଼ । ୯ ହେପାଦନା ମାନାୟାର ବେସି କାରାତ କାଡ଼ତାର, ଆରେ ଇନେର ଇସ୍ୱର୍‌ତି ଇ ଓଁଜ୍‌ ଦୁକ୍ ଜପି ଆଦିକାର ମାନାଡ଼, ହେଖାନ୍ତି ତରଦ୍ ନିୟା କିତାର, ହେଖାନ୍ତିଂ ଜାଜ୍‌ମାଲ୍ ହିନି କାଜିଂ ମାନ୍‌ବାଦ୍‌ଲାୟ କିଖାତାର ।

୧୦ “ତା ପାଚେ ପାଞ୍ଚ ଦୁଡ଼ ଜାର୍ କଣ୍ଡିତିଂ ପସୁନି ଗାଡ଼ି ଜପି ଖାକ୍‌ତାଡ଼; ପସୁତି ରାଜି ମାଜ୍‌ଗା ଆତାଡ଼, ଆରେ ମାନାୟାର ନିନି କାଜିଂ ଜାର୍ ଜାର୍ ଖେନ୍‌ଲ୍ କାପ୍‌ତେଂ ଲାଗାତାର; ୧୧ ହେଖାଡ଼ି ଗାଗାଡ଼ିନି ଗାଅକୁ କାଜିଂ ଆରି ନନାକା କାଜିଂ ସାର୍ଗେନି ଇସ୍ୱର୍‌ତିଂ ନିୟା କିତାର । ମାଚର ଜାର୍ ବାନ୍ୟାହାଜିତିଂ ମାନ୍‌ବାଦ୍‌ଲାୟ କିଖାତାର ।

୧୨ ଚଅ ଦୁଡ଼ ବେସିଗାଜା ମୁପ୍‌ପ୍ରେଟିସ୍ ଜପି ତା କଣ୍ଡିତ ପରାଡ଼ତ ଖାକ୍‌ତାଡ଼ । ସାଙ୍ଗେ ସାଙ୍ଗେ ନାଗୁଡ଼ ନିଗଜି ହାଚାଡ଼ ଆରି ଖେଡ଼ାହନିପଣ୍ଡା ସବୁ ରାଜାଡ଼ି ଖାନାକା କାଜିଂ ହାଜି ଜେୟାତାଡ଼ । ୧୩ ତା ପାଚେ ଆନେକ୍ ହୁଡ଼ତାଂ, ରାଡ଼ିନି ଖେଇଦାଂ, ପସୁ ଖେଇଦାଂ ଆରି ଚାକ୍ରାୟ ବେଶ୍‌ବାକ୍‌ଶାୟକିନାକାନ୍ ଖେଇଦାଂ ପାଣା ଲାକେ ତିନିଗଟା ପୁଇପୁୟାଆଡ଼ିତି ଜିବୁନିଂ ହତିକ୍; ୧୪ ଇଖାକ୍ ପୁଦାଂ ଜିବୁନ୍ ଆଜି କାବାନି କାମାୟ

କିଛି ସାଦନ କିଦେଇ ଆଡନିକ । ହେଖେକ୍ ଓଁକୁ ସାକ୍ତିକାଟି ଇସ୍ତ ଗାଜା ଦିନି
ଜୁଜ୍ କାଜିଂ ସବୁ ପୁତ୍ ନି ରାଜାରିଂ ରୁଣ୍ଡାୟ କିନି କାଜିଂ ହେଖାର ଲାଗାଂ ହସି ଖାତିକ୍
।”

୧୫ * “ହୁଡ଼ାଟ୍ ଆନ୍ ରର ଲାକେ ଖାନାଈ । ଇମଣି ମାନାୟ ଜାଗ୍ରତ୍ ମାନଜି ଜାର୍
ହେୟା ରାକ୍ୟା କିନାନ୍, ହେଖେନ୍ ଦନ୍ୟ । ନାଗଡ଼ା ଆଜି ବୁଲ୍ଲାଆଉନ୍, ଆରି ମାନାୟାର୍
ତା ଲାଜୁ ହୁଡ଼ରୁର୍ ।”

୧୬ ବୁଡ଼କୁ ସମାନ ସମୁତ ପୁତ୍ ନି ରାଜାରିଂ ଇମଣି ଜୁଜ୍ ହିକାନି ବାହାତ ରବେ
ରୁଣ୍ଡାୟ କିତାତାର୍, ଏବି ବାସାତ ତା ତର ହର୍ ଗିକନ୍ ।

୧୭ ତା ପାତେ ସାଡ଼ ଦୁଡ଼ ତା କଣ୍ଡିନି ଆସିବାଡ଼ି ଆକାସ୍ତ ଖାକ୍ତାଡ଼; ହେବେ
ମନ୍ଦିରତ ମାନି ଗାଦିତାଂ ଗାଜା କାଟ୍ତାଂ ର ବେରଣ୍ ଖେନ୍ୟାତାଡ଼ । “କାମାୟ
ଓଁସ୍ତାଡ଼ ।” ୧୮ * ହେ ଦାପ୍ରେ ବିଜ୍ଞଲି ଇଡ଼ତାଡ଼, ବିଞ୍ଜଇଡ଼ନାକା ଆରି ର ଗାଜା
ମେଦନିଦାଲ୍ଲକା ଆତାଡ଼; ପୁତ୍ ତ ମାନାୟାର୍ ଉର୍ଜା ଆନି ସମୁତାଂ ଏଲେକ୍
ବଇକାର୍ ମେଦନିଦାଲ୍ଲକାନାକା ଆରେ ଇନାଖାଡ଼ାଈ ଆଖାଦାଂ ମାତାଡ଼ । ୧୯ ଗାଜା
ଗାଡ଼୍ ତିନ୍ ବାଗତ ବାଗ ଆତାଡ଼, ପୁତ୍ ନି ସବୁ ଜାତି ଗାଡ଼୍ ନାସ୍ ଆତାଡ଼ । ଇସ୍ପର
ଗାଜା ଗାଡ଼୍ ବାବିଲନ୍ତିଂ ବାଣାଖାଦାଂ ମାତାନ୍ । ହେଖାନ୍ ତା ଉଣିବାହା ବେସି
ରିସା ଲାକେ କାଲିଂ ତାଈ ଉର୍ପାତାର୍ । ୨୦ * ଏସକ୍ପଲି ସବୁ ହୁଡ଼ିୟା ଆଖାତାଡ଼,
ଆରି ମାଡ଼ିଂ ଆରେ ରଞ୍ଜଓଡ଼ିକ୍ । ୨୧ * ପରାସ୍ କେଜି ୫୦ କେଜି ବଜ୍ ବେସିଗାଜା
ଆଞ୍ଜଗା ଆକାସ୍ତାଂ ମାନାୟାର୍ ଜପି ଆର୍ଡ଼ିକ୍, ମାନାୟାର୍ ଇ ଗାଜା ପର୍ମାଦ୍ ଲାଗିଂ
ଇସ୍ପରତିଂ ନିନ୍ଦା କିତାର୍ ।

୧୭

ଗାଜା ଦାରି

୧ ତା ପାତେ ସାଡ଼ଗଟା କଣ୍ଡିଆସି ସାଡ଼ ଦୁଡ଼କ୍ ବିତ୍ରେତାଂ ରଞ୍ଜେଲ୍ ନା ଲାଗାଂ
ଖାଜି ଇସ୍ତାଡ଼, ଖା, ବେସି ନାଗୁଡ଼୍ ଲାଗାଂ ରଡ଼ତି ଦାରି ଲାଗ୍ଦି ହେ ଗାଜା ଗାଡ଼୍
ଇନେସ୍ ଡାଣ୍ଡ ପାୟନାଡ଼, ହେଦାଂ ଚର୍ଚାନାଈ । ୨ ପୁତ୍ ନି ରାଜାର୍ ହେ ଦାରି
ଲାହାଂ ଦାରିକିତାର୍ନା ଆରି ପୁତ୍ ତ ମାନାକାର୍ ଇନେର୍ ପାୟ ଲାକେ କାଲିଂ ଉଣ୍ଡି
ହର୍ଚାଣ୍ଡା ।

୩ * ହେପାଦନା ପୁଇପୁୟା ଜିବୁନ୍ ନା ତାକେ କୁଚ୍ଚାଡ଼ ଆରି ହେ ଦୁଡ଼ ନାଈ ର ବାଟା
ବିତ୍ରେ ଅସିହାନ୍ସିଲେ, ଆନ୍ ରଞ୍ଜେଲ୍ କଗ୍ଲେହିମ୍ଣାତିଂ ର ଗେରୁ ବାନି ପସୁ ଜପି
କୁଚ୍ଚି ମାନାକା ହୁଡ଼ତାଂ, ହେ ପସୁନି ସବୁ ଇସ୍ପର ନିନ୍ଦା କିନି ତର୍ଦ୍ଦ ବାଡ଼ି, ଆରେ
ତାଦାଈ ସାଡ଼ କାପ୍ଡାଈ ଆରି ଦସ୍ଗଟା କମାଈ । ୪ କଗ୍ଲେହିମ୍ଣା ଖାଈବାନି ଆରି
ଗେରୁ କାର୍ଣା ବାନି ହେୟା ଉସ୍ପାତାଡ଼ନା, ଆରେ ହନା ବେସି ମଲ୍ ମଣି ଆରି ମୁକ୍ତାତ
ରସ୍ତାଡ଼ନା; ତା କେଇଦ ରଞ୍ଜାଈ ହନା ବାହା, ହେଦାଂ ଗିଣ୍ ଆଡ଼ମାଡ଼୍ ଆରି ତା ଦାରି
ଲାକେ ରାଡ଼ା କାମାୟତ୍ ବାଡ଼ି; ୫ ତା ନିଦାଣ୍ଡ ଇ ଡ଼କୁତି ତର ଲେକା ଆଜି ମାତାଡ଼,
ଗାଜା ଗାଡ଼୍ ବାବିଲନ୍, ପୁତ୍ ନି ଓଁକୁ ଦାରି ଆରି ଗିଣ୍ ବିସ୍ତେନି କଗ୍ଲେ । ୬ ଆନ୍
ଆରେ ହୁଡ଼ତାଂ, ହେ କଗ୍ଲେହିମ୍ଣାତିଂ ପୁଇପୁୟା ସାଦୁର୍ଚ୍ଚି ଆରି ଜିସୁତି ସାକିର୍
କାଜିଂ ପାତ୍ କିନାକାନ୍ ମାନଜି ହାଜି ମାନି ମାନାୟାର୍ଡି ନେଡେର୍ ଉଣ୍ଡି ହଜ୍ଜି
ମାତାଡ଼ ।

ତାଜେଈ ହୁଡ଼ଜି ଆନ୍ କାବା ଆତାଈ । ୭ ହେବେଣ୍ଡା ଦୁଡ଼ ଇତାଡ଼ । “ଇନେକିଦେଂ
କାବା ଆତାୟ୍ ? ହେ କଗ୍ଲେହିମ୍ଣାତି ଆରି ସାଡ଼ କାପ୍ଡାଈ ଆରି ଦସ୍ଗଟା

* ୧୭:୧୫ ୧୭:୧୫ ମାଡ଼ିଉ ୨୪:୪୩,୪୪; ଲୁକ ୧୨:୩୯,୪୦; ହତ୍ତ ୩:୩. * ୧୭:୧୮ ୧୭:୧୮ ହତ୍ତ ୮:୫;
୧୧:୧୩,୧୯. * ୧୭:୨୦ ୧୭:୨୦ ହତ୍ତ ୬:୧୪. * ୧୭:୨୧ ୧୭:୨୧ ହତ୍ତ ୧୧:୧୯. * ୧୭:୩ ୧୭:୩
ହତ୍ତ ୧୩:୧.

କମଳାଲଗ୍ନି ଇମ୍ମାଣି ପସୁ, ତା, ତୁକୁତି ବିତ୍ରେ ନନାତ୍ ଆନ୍ ଇଞ୍ଜନାଙ୍ଗା ଖେନାତ୍ ! ୮ *ହେଦାଂ ଇମ୍ମାଣି ପସୁ ଦିନେକ୍ ଜିଜି ମାତାତ୍; ନଙ୍ଗୟ୍ ଆରେ ଜିଞ୍ଜାତାତ୍ନା, ହେଦାଂ ପାତାଲ୍ କୁଣ୍ଡାତାଂ ନିଙ୍ଗଜି ନସୁ ଆନାତ୍ । ହେବେ ପୁତ୍ ତ ମାନାକାର୍ ଏଚେକ୍ ମାନାୟାର୍ ତର୍ ଜଗତ୍ନି ଆରାମତାଂ ଜିବୁନ୍ ପତିତ ଲେକାଆଞ୍ଜାତାତ୍ନା, ହେଞ୍ଜାର୍ ଏଚେକାତ୍ନ ହେ ପସୁତିଂ ହୁଡ୍ନାର୍ ଜେ ହେଦାଂ ମାତାତ୍, ନଙ୍ଗୟ୍ ଆକାୟ୍ ଆରି ପାଚେ ଖାନାତ୍, ହେ ଏଚେକାତ୍ନ ହେଞ୍ଜାର୍ କାବା ଆନାର୍ ।

୯ ଇ ସବୁ ବିସ୍ତେ ବୁଜାନି କାଜିଂ ମାନ୍ ଲାଡା । ପସୁତି ସାତ୍ଗଟା କାପ୍ଡାଙ୍ଗ୍ ହାତେନେ ସାତ୍ଗଟା ମାଡିଂ ଇମ୍ମାଣି ଜପି କଗଲେହିମ୍ମାଣା କୁଟ୍ଟାତ୍ନା । ହେଞ୍ଜାଙ୍ଗ୍ ପା ସାତ୍ଗଟା ରାଜାରତି ଚିନ୍ ଲାକେ । ୧୦ ହେ ସାତ୍ କାପ୍ଡା ସାତ୍ ରାଜାରିଂ ବୁଜା ଆନାତ୍, ହେଞ୍ଜାର୍ ବିତ୍ରେତାଂ ପାଞ୍ଜାଣ୍ଡାତି ଖିସ୍ତାରେ । ରଞ୍ଜାନ୍ ନଙ୍ଗ୍ ରାଜ୍ କିନାନା, ବିନ୍ ରଞ୍ଜାନ୍ ନଙ୍ଗୟ୍ ପାଚେକ୍ ଖାଉନେ । ହେଞ୍ଜାନ୍ ଖାଜି ଅଲପ୍ ସମ୍ମୁ ପାଚେକ୍ ରାଜ୍ କିନାନ୍ । ୧୧ ଆରେ ଇମ୍ମାଣି ପସୁ ଦିନେକ୍ ଜିଜି ମାତାତ୍ ଆରେ ନଙ୍ଗୟ୍ ହିଲୁଡ୍, ହେଞ୍ଜାନ୍ ଆଟ୍ଟାଣ୍ଡା ରାଜା ହେଞ୍ଜାନ୍ ହେ ସାତ୍ଟାଣ୍ଡା ରାଜାର୍ ବିତ୍ରେତାଂ ରଞ୍ଜାନ୍, ଆରେ ହେଞ୍ଜାନ୍ ନସୁ ଆନାନ୍ ।”

୧୨ “ଏପେଙ୍ଗ୍ ହୁଡ୍ଜି ମାନି ଦସ୍ କମଙ୍ଗ୍ ହୁଡ୍ଡାଦେର୍, ହେ ସବୁ ଦସ୍ ରାଜାରିଂ ବୁଜାନାତ୍; ହେଞ୍ଜାର୍ ଇ ପାଚେକ୍ ରାଜି ପାୟାଆଞ୍ଜାତାତ୍ନା, ମାତର୍ ପସୁ ଲାହାଙ୍ଗ୍ ର ଗଣ୍ଟା ପାଚେକ୍ ରାଜାର୍ ଲାକେ ଆଦିକାର୍ ପାୟାନ୍ନାର୍ । ୧୩ ଇ ଦସ୍ ଜାଣ୍ ରାଜାରତି ଉଦେସ୍ ଏକ୍ । ହେଞ୍ଜାର୍ ଜାରତି ଖିଜୁ ସାକ୍ତି ଆରି କେମ୍ତା ପସୁତିଂ ହେଲ୍ଲୟ୍ କିତାର୍ । ୧୪ ହେଞ୍ଜାର୍ ମେଣ୍ଡାହିମ୍ମାଣା ବିରୁଦ୍ତ ଜୁଜ୍ କିତାର୍, ଆରେ ମେଣ୍ଡାହିମ୍ମାଣା ହେଞ୍ଜାରିଂ ଜିତା ଆନାତ୍, ଇନେକିଦେଂକି ହେଞ୍ଜାନ୍ ମାପୁତି ମାପୁ ଆରି ରାଜାରତି ରାଜା ଆରେ ଇମ୍ମାଣାକାର୍ ହେଞ୍ଜାନ୍ ଲାହାଂ ମାନାର୍, ହେଞ୍ଜାର୍ କୁକ୍ୟାତାକାର୍, ବାଚିକିୟାତାକାର୍, ଆରି ପାତ୍ ନିକାର୍ ମାନାୟାର୍ ପା ଜିଣା ଆନାର୍ । ଇନେକିଦେଂକି ହେଞ୍ଜାନ୍ ମାପୁରତି ମାପୁ ଆରି ରାଜାତାଂ ରାଜା ।”

୧୫ ଦୁଡ୍ ନାଙ୍ଗ୍ ଆରେ ଇନ୍ନାତ୍, “ଏପେଙ୍ଗ୍ ଇମ୍ମାଣି ଏଜୁଙ୍ଗ୍ ଲାଗାଂ ଏପେଙ୍ଗ୍ ଦାରିକ୍ କୁଟ୍ଟି ମାନାକା ହୁଡ୍ଡାଦେର୍, ହେ ଏଜୁଙ୍ଗ୍ ବାରବିନି ଲାଡା, ମାନାୟାର୍, ଜାତିର୍ ଆରି ବାସାକିନାକାରିଂ ବୁଜାନାତ୍ । ୧୬ ଏପେଙ୍ଗ୍ ହୁଡ୍ଜି ମାନି ସାତ୍ଗଟା କମଙ୍ଗ୍ ଆରି ହେ ପସୁ, ଦାରିଂ ଗିଣ୍ କିନିକ୍; ହେଞ୍ଜାର୍ ତାକେଣ୍ଡା ତା ଖିଜୁ କ୍ଳିସି ଅଜି ତାଙ୍ଗ୍ ନାଗ୍ଡା କିଜି ପିହ୍ନିକ୍ । ଆରେ ତା ଜେଇ ତିନିକ୍ ଆରି ତାଙ୍ଗେଙ୍ଗ୍ ନାଣିତ ଦେହ୍ନିକ୍; ୧୭ ଇନେକିଦେଂକି ଇସ୍ତ୍ ଜାର୍ ଉଦେସ୍ତ ସାଦନ୍ କିନି କାଜିଂ ହେଞ୍ଜାରିଂ ଇ କାତା ଚେତ୍ନା ହିତାନ୍ନା । ଆରି ଇସ୍ତ୍ ରତି ବଚନ୍ ଏଚେକାତ୍ନ ପୁରା ଆଉଡ୍, ହେ ପାଚେକ୍ ରାଜି ସାସନ୍ ବଜ୍ ହେଞ୍ଜାରିଂ ମାନ୍ତ ପସୁ କେଇଦ ପିସି ହିନାର୍ ।”

୧୮ “ଏପେଙ୍ଗ୍ ଇମ୍ମାଣି କଗଲେହିମ୍ମାଣାତିଂ ହୁଡ୍ଡାଦେର୍, ହେଦେଲ୍ ଆନାତା, ଇ ପୁତ୍ ନି ରାଜାର୍ ରାଜି ଜପି ରାଜ୍ କିଜି ମାନି ହେ ଗାଜାଗାତ୍ ।”

୧୮

ବାବିଲ୍ ବୁତାତାକା

୯ ତା ପାଚେ ଆନ୍ ଆରେ ରଞ୍ଜେଲ୍ ଦୁଡ୍ଡିଂ ସାଗେତାଂ ଜୁଜି ଖାନାକା ହୁଡ୍ଡାତାଂ; ହେଦେଲ୍ ବେସି ଆଦିକାର୍ ମାତାତ୍, ତା ପାଣତ ପୁତ୍ ଅଜଡ୍ ଆଜି ହାଚାତ୍ । ୨ ହେଦେଲ୍ ଗାଜା କାଟ୍ତାଂ ଇଚାତ୍, “ଗାଜା ଗାଡ୍ ବାବିଲ୍ନ୍ ଦୁଡ୍ଡିମାସ୍ତାତ୍ ! ଆଦା ମୁନ୍ନଚାତ୍ନା, ହେଦାଂ ବୁଡ୍କୁ ବାହା ଆରେ, ବାନ୍ୟା ପୁଦାଂ ଆରି ରାଡା ଆରି ଗିଣ୍ ପରିଂତି ଆରି ପସୁ ଜମ୍ନିବାହା ଆତାତ୍ନା । ୩ ଇନେକିଦେଂକି ହେଦେଲ୍ ପୁତ୍ ନି

* ୧୭:୮ ୧୭:୮ ହତ୍ୱି ୧୧:୭.

ନାର୍ ଜାତିଂ ତା ଦାରିନି କାମାୟ ଲାକେ କାଲିଂ ଉଚାତ୍‌ନା, ପୁତ୍ଵିନି ରାଜାର୍ ତା ଲାହାଞ୍ ଦାରି କିନାରା, ଆରି ପୁତ୍ଵିନି ବେପ୍‌ରିୟାର୍ ପାପତ ମାଜାନ୍ ଆନାରା ।”

୪ ଇଦାଂ ପାରେ ଆନ୍ ଝେଚାଞ୍, ସାର୍ଗେତାଂ ଆରେ ରଞ୍ଜାଞ୍ କାଟ୍ ଝେଚାଞ୍
“ନା ମାନାୟାର୍ ଝିଜାଦେର୍ ହସି ଝାତ !

ତା ଲାଗାଂତାଂ ହସି ଝାତ !

ଏପେଞ୍ ଇନେସ୍ ତା ପାପତ ମେହା ଅମାଟ୍;

ହେଦେଲ୍ ଇମ୍‌ଣି ସାସ୍ତି ପାୟାନାଟ୍, ହେବେ ମେହାଆମାଟ୍ !

୫ ତା ପାପ୍ କିନାକା ଗାଦି ଆଜି ସାର୍ଗେ ପାତେକ୍ ପା ନିଞ୍‌ତାତ୍‌ନା,

ଆରେ ଇସ୍‌ପର୍ ତା ଅଦାମ୍ ସବୁ ଏତୁକିତାତ୍‌ନା ।

୬ ହେଝାନ୍ ଇନେସ୍ ମି କାଜିଂ ବେବାର୍ କିତାନନା,

ଏପେଞ୍ ତା କାଜିଂ ସମାନ୍ ହେ ଲାକେ ବେବାର୍ କିୟାଟ୍ ।

ହେଝାନ୍ ଇନାକା କିତାନନା, ତା କାମାୟ ଇସାପ୍ରେ ହୁଡ଼୍‌ଜି ତାଞ୍‌କେଞ୍ ରି ଗୁଣ୍ ପୁଲିଂ
ହିୟାଟ୍,

ଆରେ ହେଝାନ୍ ଇମ୍‌ଣି ବାହାତ କାଲିଂ ମେହାୟ୍ କିତାନନା,

ହେବେ ହେଦାଂ କାଜିଂ ରି ଗୁଣ୍ କାଲିଂ ମେହାୟ୍ କିୟାଟ୍ ।

୭ ହେଝାନ୍ ଜାର୍‌ତିଂ ଜାଜମାଲ୍ କିତାନନା

ଆରି ଦାର୍ଜ୍ୟାରେ ଦିନ୍ କାଟିକିନାତା, ତାଞ୍‌କେଞ୍

ହେଏଚେକ୍ କସ୍ ଆରି ଡାଡ଼ପାଟ୍;

ଇନେକିଦେଂକି ହେଦେଲ୍ ମାତ୍ର ମାତ୍ର ଇନାତା,

ଆନେଞ୍ ରାଣି ଆଜି କୁଟ୍‌ଚାଞ୍‌ନା,

ଆନେଞ୍ ରାଣି ଆକାୟ୍ ।

୮ ତା ଇ ସବୁ ପାପ୍ ଲାଗିଂ ଝିଜୁ ଦୁକ୍, ଇତିସ୍ ହାନାକା, ଦୁକ୍,

ଆରି କାତାର୍ ଆରନାଟ୍,

ଆରେ ହେଦେଲ୍ ପୁରା ବାହେ ନାଣିତ କାତ୍‌ନାଟ୍,

ଲାଗିଂ ତା ବିଚାର୍ କାରିୟା ମାପୁ ଇସ୍‌ପର୍ ସାକ୍ତିକାଟାକାନ୍ ।”

୯ ପୁତ୍ଵିନି ଇମ୍‌ଣି ସବୁ ରାଜା ଜେ ଝିଜାର୍ ରାଜାର୍ ତା ଲାହାଞ୍ ଦାରି ଆରି ପାପ୍ ବେବାର୍ କିଜି ମାଚାର୍, ହେଝାର୍ ତା କାଡ଼ୟାଜିମାନି ଗାଗାଡ଼ତାଂ ଆହୁନି କଦା ହୁଡ଼୍‌ଜି ହେଦାଂ କାଜିଂ ଆଡ଼ବାନାର୍ ଆରି ଦୁକ୍ କିନାର୍ । ୧୦ ତା ଦୁକ୍ କସ୍‌ନି ମେହାଆଦେଂ ପାଣ୍ଡାଜି ହେଝାର୍ ତା ତାଂ ବେସି ଦେହା ନିଲ୍‌ତି ମାନାର୍ ଆରି, ହାୟ୍, ହାୟ୍, କିଜି ଇନାର୍, ଏଚେକ୍ ବଇଁକାର୍ ! ନିୟା ଏନ୍ ଇନାକା ହେ ଗାଜାଗାଡ଼, ବାପୁକାଟିଗାଡ଼, ବାବିଲନ୍, ଇନେକିଦେଂକି ର, ଗନ୍‌ଟା ବିତ୍ରେ ନି ଡାଣ୍ଟ ଏକାଝାତାଡ଼ ।

୧୧ ଆରେ, ପୁତ୍ଵିନି ବେପ୍‌ରିୟାର୍ ହେଦାଂ କାଜିଂ ଆଡ଼ବାନାର୍ ଆରି ଦୁକ୍ କିନାର୍, ଇନେକିଦେଂକି ଇନେର୍ ହେଝାର୍‌ତି ବେପାର୍‌ନି ଦିନିସ୍ ଆରେ କଡ଼୍‌ଦେଂ ଆଡୁର୍, ଇତିସ୍, ୧୨ ହନା, ରୁପା, ମଣି, ମୁଲ୍ଲା, କଝାଣ୍ ହେୟା, ଝାଞ୍‌ବାତ୍ ବାନି ହେୟା, ମାଟ୍‌ଆ ହେୟା, ଗେରୁବାନି ହେୟା ଝିଜୁ ବାନି ଚନ୍‌ନ୍ ଝେଜ୍‌ଗୁ, ଆତି ଚାତାଞ୍‌ନି ସବୁ ବାନି ଆଡ଼ମାଡ଼, ବେସି ମଲ୍‌ନି ଝେଜ୍‌ଗୁ, ପିତାଡ଼, ଲଝା, ଆରି କାଲ୍ ରଡ଼ଚାକା ଲାହାଞ୍ ରଡ଼ଚି ସବୁବାନି ଆଡ଼ମାଡ଼ । ୧୩ ଚରାମାଲି, ଗାନ୍ଧାଟିକାଣ୍, ଦୁପ୍‌ନି, ବାସନା କାସ୍‌ନି ଚିକାଣ୍, କୁନ୍ଦୁର୍, କାଲିଂ, ଚିକାଣ୍, ମଇଦା, ଗମ୍‌ମ, ପସ୍, ମେଣ୍ଡାଞ୍, ଗଡ଼ା, ଗଡ଼ାହାଗାଡ଼, କଡ଼କାଆଡ଼ିଏନ୍, ଆରି ମାନାୟାର୍‌ଡ଼ି ପାରାଣ୍ । ୧୪ ବେପାର୍ କିନାକାର୍ ତାଞ୍ ଇନାର୍ । ଆହାଂ ସବୁ ଲକୁ ହାଦ୍ ନିତାଂ ଦେହା ଆତାଡ଼ନ୍ନା, ଆରି ମି ଦନ୍ ସଂପତି ହଲ୍‌ନାକା ଆରେ ଆକାୟ୍ । ଏପେଞ୍ ହେଝାକାଂ ଆରେ ଇନାଝାଡ଼ାଂ ପାୟା ଆଉଦେର୍ । ୧୫ ଇମ୍‌ଣି ବେପ୍‌ରିୟାର୍ ହେ ଗାଡ଼ଦ ବେପାର୍ କିଜି ମାଜାନ୍ ଆଜି ମାଚାର୍, ହେଝାର୍

ତା ଦୁକ୍‌ବଗତ ମେହାଆଦେଂ ପାଶ୍ଚାଜି ବେସି ଦେହା ନିଲ୍ଲତି ଆଡ଼ବିସ୍ ଆରି ଦୁକକିଜି
 ଇନାର୍ । ୧୭ ହେଝାର୍ ଆଡ଼ବିସ୍ ଇନାର୍, “ହାୟ୍, ଗାଜାଗାଡ଼ନି ଅବସ୍ତା ନଙ୍ଗ୍ ଏଚେକ୍
 ବଇଁକାର୍, ଏଚେକ୍ କସ୍ ! ହେଝାନ୍ କଝାଣ୍ ହେନ୍ଦା, ଝାଙ୍ଗାବାନି ଆରି ଗେରୁବାନି
 ହେନ୍ଦାଙ୍ଗ୍ ଉସ୍ପିସ୍ ମାଗାଡ଼, ଆରେ ହନା, ମଣି ଆରି ମୁଲ୍ଲତ ଡ଼ୟାଆଜି ମାଗାଡ଼ ।
 ୧୭ ମାତର୍ ର ଗଣ୍ଟା ବିତ୍ରେ ହେ ଇ ଝିଜୁ ଦାନ ବୁଡା ଆତାଡ଼ ।”

ଜାଜ୍ ମୁଣିକା, କେଉଟାର୍ ଆରି ହାମ୍‌ଦୁର୍ ବେପ୍‌ରିୟାର୍ ବେସି ଦେହା ନିଲ୍ଲତାର୍
 ୧୮ ଆରି କାଡ଼ୟାଜିମାନି ଗାଡ଼ ଗାଜା କାଟ୍‌ତାଂ ହୁଡ଼ଜି ଇଚାର୍, “ଇ ଗାଜାଗାଡ଼ ଲାକେ
 ଆରେ ଇମ୍‌ଣି ଗାଡ଼ ହିଲ୍‌ଝାତାଡ଼ ।” ୧୯ ହେଝାର୍ କାପ୍‌ଡା ଜପି ଦୁଡ଼ି ଟୁଡ଼ି ଆଡ଼ବିସ୍
 ଇଚାର୍, “ଏଚେକ୍ ବଇଁକାର୍ ! ଗାଡ଼ନି ଇ ଏଚେକ୍ ନନାକା କସ୍ ! ହାମ୍‌ଦୁର୍‌ତ ମାନି
 ଜାଜନି ହାଉକାରିଂ ମାଜାନ୍ ଆଜି ମାଗାଡ଼; ନଙ୍ଗ୍ ର ଗଣ୍ଟା ବିତ୍ରେ ବୁଡା ଆତାଡ଼ ।”

୨୦ ଏ ସାଗେନିକାଦେର୍ ! ହେଝାନ୍ ବୁଡାଜି ମାଟିଲେ ଝାରି କିୟାଟ୍ । ଏ ପୁଇପୁୟା
 ସାଦୁକାଦେର୍, ଏ ପକ୍ୟାତାକାନ୍ ଚେଲା ଆରି ବେଶ୍‌ବାକ୍‌ଶାୟ୍‌କିନାକାଦେର୍ !
 ଝାରିୟା ଆଡ଼, ଇନେକିଦେଂକି ମି କାଜିଂ ହେଝାନ୍ ଇନାକା କିଜି ମାଗାନ୍, ହେଦାଂ
 କାଜିଂ ଇସ୍‌ର୍ ତାଙ୍ଗ୍ ତାଣ୍ ହିତାନ୍‌ନା ।

୨୧ ତା ପାଚେ ରଞ୍ଜେଲ୍ ବାଡ଼କାସ୍‌କାଟି ଦୁଡ଼ ର ଗାଜା ଜାତାକାଲ୍ ଲାକେ ର କାଲ୍
 ହାମ୍‌ଦୁର୍‌ତ ତୁହି ହିଜି ଇଚାଡ଼, “ଗାଜାଗାଡ଼ ବାବିଲନ୍ ଇ ଲାକେ ବାବ୍ରେ ତୁହିୟାନ୍‌ତ
 ଆରି ତାଙ୍ଗ୍ ଆରେ ଇନେର୍ ଇନାଝାଡ଼ାଂ ହୁଡ଼ଦେଂ ଆଡୁର୍ ।” ୨୨ କି ଗମଣ୍, କେର୍‌କଣ୍
 ଝାଡ଼ିୟାର୍, କି ହୁର୍‌ଡ଼ି ତୁବ୍‌ନାକାର୍, ଆରି ମରି ତୁବ୍‌ନାକାର୍‌ତି ଗାର୍ଜାନ୍‌ନି, ଇନାଝାଡ଼ାଂ
 ଆରେ ନି ବିତ୍ରେ ଝେନ୍‌ୟାଆଡ଼ । ଇମ୍‌ଣି ରବ୍‌ନାକାର୍ ନି ବିତ୍ରେ ଆରେ ଇନାଝାଡ଼ାଂ
 ପା ଚଞ୍ଜୟାଡ଼, ଜାତା କାଲ୍‌ନି ଗାର୍ଜାନ୍ ନି ବିତ୍ରେ ଆରେ ଇନାଝାଡ଼ାଂ ପା ଝେନ୍‌ୟାଡ଼,
 ୨୩ ନି ବିତ୍ରେ ଆରେ ଇନାଝାଡ଼ାଂ ପା ଅଜଡ଼ କାଟା ଆଡ଼, ନଲେ ବିବାଦାଙ୍ଗ୍‌ଣେନ୍
 ଗାଡ଼ଚେ ସବଦ୍ ନି ବିତ୍ରେ ଆରେ ଇନାଝାଡ଼ାଂ ପା ଝେନ୍‌ୟାଡ଼, ଇନେକିଦେଂକି ନି
 ବେପ୍‌ରିୟାର୍ ପୁଡ଼ି ତ ଗାଜା ସାଲ୍ଲିକାଟାକାର୍ ଆଜି ମାଗାଡ଼, ନି ମାୟାତ ହୁକେ ଏନ୍
 ପୁଡ଼ି ନି ସବୁ ଜାତିରିଂ ବୁଲ୍‌କାୟ୍ କିଜି ଇଡ଼ଜି ମାଗାୟ୍ ।”

୨୪ ଆରେ ଇ ଗାଡ଼ଦ ପୁଡ଼ି ନି ହେନି ବେଶ୍‌ବାକ୍‌ଶାୟ୍‌କିନାକାର୍ ଆରି ପୁଇପୁୟା
 ସାଦୁର୍‌ତି ନେତେର୍ ବଡ଼ାଜି ମାଗାଡ଼ । ଇ ସବୁ ପାପ୍ କାଜିଂ ହେଦେଲ୍ ସାସ୍ତି ଦାଣ୍
 ପାୟାତାନ୍ନା ।

୧୯

ସାଗେତ ଝାରି

୧ ଇଦାଂ ପାଚେ ଆନ୍ ଇନାକା ଝେଟାଙ୍ଗ୍, ହେଦାଂ ସାଗେତ ବେସି ମାନାୟାର୍ ସବଦ୍
 ଲାକେ ର ବେସି ସବଦ୍ ଇଦାଂ ଇନାକା ଝେଟାଙ୍ଗ୍, “ଇସ୍‌ର୍‌ତି ତର୍‌ଦ କେରାଟ୍ । ମା
 ଇସ୍‌ର୍ ମୁକ୍‌ଡାୟ୍‌କିନାକାନ୍, ଜାଜ୍‌ମାଲ୍, ଆରି ସାଲ୍ଲିନି ଆଦିକାରି । ୨ ଇନେକିଦେଂକି,
 ତା ବିଚାର୍ ହାଡ଼ପା ଆରି ନ୍ୟାୟ୍; ଇମ୍‌ଣି ବେସି ଦାରି ଜାର୍ ଦାରି ହୁକେ ପୁଡ଼ି ତିଂ
 ନାହାୟ୍ କିଜି ମାଗାଡ଼, ହେଝାନ୍ ତାଙ୍ଗେଙ୍ଗ୍ ତାଣ୍ ହିଜି ଜାର୍ ଆଡ଼ିୟାର୍ ନେତେର୍
 ହପ୍‌ତି ହୁଜାନାକା ତାକେଣ୍ଟାଙ୍ଗ୍ ଅତାନ୍ନା । ୩ ଆନ୍ ଝେଟାଙ୍ଗ୍, ହେଝାର୍ ଆରେ ଗାଜା
 କାଟ୍‌ତାଂ ଇନାରା, ଇସ୍‌ର୍‌ତି ତର୍‌ଦ କେର୍‌କଣ୍ କେରାଟ୍ । ହେ ଗାଜା ଗାଡ଼ିଂ ନାସ୍
 କିଜିମାନି ନାଣି କଦା ଜୁଗ୍ ଜୁଗ୍ ଜପି ନିଙ୍ଗ୍‌ଜି ମାନାଡ଼ ।” ୪ ଗାଦିତକ୍‌କୃତି ଇସ୍‌ର୍‌ତି
 ମୁମ୍‌ଦ କଡ଼େ ଚାରି ୨୪ ଜାଣ୍ ପ୍ରାଚିନାର୍ ଆରି ହେ ଚାରି ପସ୍ତ ତାଣ୍‌ହାଡ଼ ଆଜି ଇସ୍‌ର୍‌ତିଂ
 ପାର୍ତାନା କିତାର୍ । ହେଝାର୍ ଇଚାର୍, “ଆମେନ୍ ! ଇସ୍‌ର୍‌ତି ପାର୍ତାନା କିୟାଟ୍ ।”

ମେଣ୍ଟାହିମ୍‌ଶାତି ବିବା ବଜି

୫ ହେ “ଏଚେକାତ୍ତଦ ଗାଦିତାଂ ର ସବଦ୍ ଖେନ୍ୟାତାତ୍ । ଏ ଇସ୍ତୁତ୍ ଆଡ଼ିୟାକାଦେର୍, ଏ ହେୱାନିଂ ପାଣ୍ଡା ଆନାକାଦେର୍ ହାରୁ ଆରି ଗାଜା ମାନାୟାର୍, ହେୱାନ୍ତି ପାର୍ତ୍ତାନା କିୟାଟ୍ ।”^୬ ହେ ସମୁତ ଆନେଙ୍ଗ୍ ଖେଚାଙ୍ଗ୍, ହାମ୍‌ଦୁର୍ ଗାର୍ଜାନାକା ଆରି ବିଞ୍ଜିଇଡ଼ନାକା ଲାହାଂ ମାନାୟାର୍ ସବଦ୍ ଲାକେ କେଡ଼ାଜି ଖାନାତା । ମାନାୟାର୍ ଆରେ ପାର୍ତ୍ତାନା କିଜି ଇନାରା । “ଇସ୍ତୁରତି ତରଦ୍ କେରକଣ୍ କେରାଟ୍, ଇନେକିଦେଂକି ମା ମାପୁ ଖିଜୁତିଂ ସାକ୍ତିକାଟାକାନ୍ ଇସ୍ତୁର୍, ହେୱାନ୍ କେବଲ୍ ମା ରାଜା ।^୭ ଖାତ, ଆସେଙ୍ଗ୍ ଖାରି ଆରି ସାରଦା କିନାସ୍, ଆରି ତାଙ୍ଗେଙ୍ଗ୍ ଜାଜ୍‌ମାଲ୍ ହିନାସ୍, ଇନେକିଦେଂକି ମେଣ୍ଡାହିମ୍‌ଣାତି ବିବାନି ସମୁ ଏକାଖାତାତ୍, ଆରେ ତା ଗାଡ୍‌ଜାର୍ତିଂ ରଞ୍ଚାତନା ।”^୮ ତାଙ୍ଗେଙ୍ଗ୍ ଡ଼ିଞ୍ଜିନି ଆରି ସକଟ୍ ହେନ୍ଦା ଉସ୍‌ପିନି କାଜିଂ ହିତାର୍; ହେ କଖାଣ୍ ହେନ୍ଦା ପୁଇପୁୟା ସାଦୁରତି ଆନାତା ହେ କଖାଣ୍ ହେନ୍ଦା ।

୯ ହେ ଏଚେକାତ୍ତଦ ଦୁତ୍ ନାଙ୍ଗେଙ୍ଗ୍ ଇଞ୍ଚାନ୍, “ଲେକିକିଜି ଇଚାଟ୍, ଇମ୍‌ଣାକାର୍ ମେଣ୍ଡାହିମ୍‌ଣାତି ବିବା ବଜିତ କୁକ୍ୟାତାକାର୍, ହେୱାର୍ ଦନ୍ୟ ।” ଆରେ ପା ହେୱାନ୍ ନାଙ୍ଗେଙ୍ଗ୍ ଇଞ୍ଚାନ୍, “ଇଦାଂ ଇସ୍ତୁତ୍ ହାତ୍‌ପା ବଚନ୍ ।”

୧୦ “ହେବେ ଆନ୍ ହେୱାନିଂ ଜୁଞ୍ଚାର୍ କିନି କାଜିଂ ତା ପାନା ତାରେନ୍ ତାଣ୍‌ହାଡ୍ ମାର୍ତାଙ୍ଗ୍ । ହେବେ ହେୱାନ୍ ନାଙ୍ଗେଙ୍ଗ୍ ଇଞ୍ଚାନ୍, ଜାଗ୍ରତ୍, ଇଦାଂ କିମାଟ୍, ଆନ୍ ମିଦାଂ ଆରି ଜିସୁତି ସାକି ଜେ ମି ଟଣ୍ଡାର୍, ହେୱାର୍‌ତି ହାଙ୍ଗ୍‌ଦାକାନ୍; ଇସ୍ତୁରତିଂ ଜୁଞ୍ଚାର୍ କିୟାଟ୍ । ଜିସୁତି ବିସ୍ତେନି ସାକି ତ ସାରି ।”

ଡ଼ିଞ୍ଜିନି ଗଡ଼ା ଦୁମ୍‌ତାକାନ୍

୧୧ ତା ପାଚେ ଆନେଙ୍ଗ୍ ସାଗେଁ ଜେୟାତାକା ହୁଡ଼ତାଂ, ଆରେ ହୁଡ଼ାଟ୍, ର ଡ଼ିଞ୍ଜିନି ଗଡ଼ା; ତା ଦୁମ୍‌ତାକାନ୍‌ତି ତର ପାତ୍ ଆରି ହାତ୍‌ପା ହେୱାନ୍ ନିୟାୟ ଲାକେ ବିଚାର୍ ଆରି ହେୱାନ୍ ଦାମ୍ ଜୁଜ୍ କିନାନ୍ ।^{୧୨} ତା କାଣ୍‌କୁ ଗୁଦ୍‌ଗିନି ନାଣି ଲାକେ, ତା କାପଡ଼ାତାକେ ବେସି ମୁକୁଟ୍ ମାଚାତ୍ । ତା ଜପି ର ତର ଲେକାଜି ମାଚାତ୍, ହେ ପୁନି ତର ତାଙ୍ଗ୍ ପିସ୍‌ସି ବିନେନିକାନ୍ ଇନେର୍ ପୁନୁର୍ ।^{୧୩} ହେୱାନ୍ ନେତେରତ ନୁସ୍ତି ହେନ୍ଦା ଉସ୍‌ପାତାକାନ୍, ଆରେ ତା ତର ଆଜି ମାଚାତ୍ ହେୱାନ୍ “ଇସ୍ତୁତ୍ ବଚନ୍” ଇଞ୍ଜି ଜାଣାଟିନା ।^{୧୪} ସାଗେଁନି ମେଲ୍ୟାର୍ ଡ଼ିଞ୍ଜିନି ଆରି ସକଟ୍ କଖାଣ୍ ହେନ୍ଦା ଉସ୍‌ପିତି ଡ଼ିଞ୍ଜିନି ବାନି ଗଡ଼ାଙ୍ଗ୍ ଜପି ଦୁମ୍‌ଜି ତା ପାଚେ ହାଞ୍ଜେଙ୍ଗ୍ ଲାଗାତାର୍ ।^{୧୫} ତା ଖାଇଦାଂ ଦାରାକାଣ୍ଡା ହତ୍‌ନାତ୍, ତା ହୁଦାଂ ହେୱାନ୍ ଜାତିରିଂ ଗାଅ କିନାନ୍; ହେୱାନ୍ ହେୱାରିଂ ଲଖା ବାଡ଼ଗାତାଂ ସାସନ୍ କିନାନ୍ ଆରେ ହେୱାନ୍ ନିଜେ ଖିଜୁ ସାକ୍ତିକାଟାକାନ୍ ଇସ୍ତୁତ୍ ଜବର୍ କାକ୍ତି ଲାକେ ଅଙ୍ଗୁରକୁଣ୍ଡି ଜାତା କଣ୍ଡି ଖିହ୍‌ନାନ୍ ।^{୧୬} ତା ହେନ୍ଦାତ ତା କୁଟାତ ଇ ତର ଲେକାତାତନା, “ରାଜାର୍‌ଜପି ରାଜା ଆରି ମାପୁଜପି ମାପୁ ।”

୧୭ ତା ପାଚେ ଆନେଙ୍ଗ୍ ରଖାନ୍ ଦୁତ୍‌ତିଙ୍ଗ୍ ଖେଡ଼ା ବିତ୍ତେ ନିଲ୍‌ତି ମାନାକା ହୁଡ଼ତାଂ; ହେୱାନ୍ ଆକାସ୍‌ତ ଉମ୍‌ନି ସବୁ ପଟିକାଙ୍ଗ୍ ଗାଜା କାଟ୍‌ତାଂ କୁକ୍ତି ଇଚାର୍, “ଖାତ ଇସ୍ତୁତ୍ ଗାଜା ବଜିତ ରୁଣ୍ଡା ଆତ, ^{୧୮} ଇନେସ୍ ଏପେଙ୍ଗ୍ ରାଜାର୍‌ତି, ମେଲ୍ୟାମ୍‌ଡ଼ଦାକାନ୍, ବାପୁକାଟାକାର୍‌ତି, ଗଡ଼ା ଆରି ଗଡ଼ାଦୁମ୍‌ତାକାତ୍, ଜାର୍‌ତାରେନ୍ ଆରି ଲକାର୍ ତାରେନ୍, ଆଡ଼ିୟା ହାରୁ ଆରି ଗାଜା ଖିଜାର୍ ମାନାୟାର୍‌ତି ଜେୟ୍ ଡିନାଟ୍ ।

୧୯ ତା ପାଚେ ଆନେଙ୍ଗ୍ ପସୁତିଂ ଆରି ପୁତ୍‌ନି ରାଜାରିଂ ଆରି ହେୱାର୍‌ତି ମେଲ୍ୟାର୍‌ତିଂ କି ହେ ଗଡ଼ାଦୁମ୍‌ତାକାର୍ ଆରି ତା ମେଲ୍ୟାତ୍ ଲାହାଙ୍ଗ୍ ଜୁଜ୍ କିନି

* ୧୯:୯ ୧୯:୯ ମାତିଉ ୨୨:୨,୩.

କାଜିଂ ରୁଣ୍ଡା ଆଜି ମାନାକା ହୁଡ଼ତାଂ । ୨୦ *ହେବେଣ୍ଡାଂ ହେ ପସୁ ଦାରାପଡ଼ା ଆତାଡ଼, ଆରେ ଇମଣି ଚାକ୍ରାୟ ବେଶବାକ୍ଷାୟକିନାକାନ୍ ତା ମୁମ୍ଦ କାବାଆନି କାମାୟ ସବୁ କିଜି ତା ହୁଦାଂ ପସୁନି ଚିନ୍ ଇଡ଼ିୟାତି ମାନାୟାରିଂ ଆରି ତା ପୁଡ଼ଡ଼ା ପୁଜାକିନାକାରିଂ ବାଣାୟ କିଜି ମାଚାଡ଼, ହେୱାନ୍ ପା ତା ଲାହାଙ୍କ୍ ଦାରାପଡ଼ା ଆତାଡ଼; ହେୱାର୍ ହାରି ଜିତିତାଂ ଅବସ୍ତାତ ଗନ୍ଦକ୍ ଆହୁନି ହାମ୍ଦୁରତ ତୁହ୍ୟାତାର । ୨୧ ଆରେ ହେୱାର୍ଡ଼ି ମେଲ୍ୟାର୍ ଗଡ଼ାଦୁମ୍ତାକାନ୍ ଝେଇଦିଂ ହନାକା କାଣ୍ଡା ହୁକେ ହାତାର; ଆକାସ୍ନି ପଟିଂ ମାନ୍ ଇଚା ହେୱାର୍ଡ଼ି ଜେଇ ତିନଜି ହାଚିକ୍ ।

୨୦

ହାଜାର ବାହୁଁନି ରାଜ୍

୧ ତାପାଚେ ଆନେଙ୍କ୍ ରଞ୍ଜେଲ୍ ଦୁଡ଼ତଂ ସାଗେତାଂ ଜୁଜି ୱାନାକା ହୁଡ଼ତାଂ । ତା କେଇଦ ପାତାଲ୍ କୁଇନି କୁଚି ଆରି ରଞ୍ଜାଙ୍କ୍ ଗାଜା ହିକ୍ଡ଼ିଂ ମାଚାଡ଼, ୨ ହେୱାନ୍ ହେ ରାଡ଼, ହେ ପ୍ଲାନି ନାଗ୍ ଇଚିସ୍ ଦିଆବଲ୍ ଆରି ସୟତାନ୍ତିଂ ଆସ୍ତି ହାଜାର ବାହୁଁ ପାତେକ୍ ଗାଡ଼ଚି ତୁହିତାର, ୩ ଆରେ ତାଜେଙ୍କ୍ ପାତାଲ୍ କୁଣ୍ଡିତ ତୁହିଜି ହେବେଣ୍ଡାଂ ଝେଇ ଗେସ୍ତାନ୍ ଆରି ତା ଜପି ଚିନ୍ ଇଡ଼ତାର, ଇନେସ୍ ହେ ହାଜାର ବାହୁଁ ଝିଜ୍ଝି ପାତେକ୍ ହେୱାନ୍ ଜାତିରିଂ ଆରି ବୁଲ୍କାୟ କିଦେଙ୍କ୍ ଆତୁଡ଼; ଇଦାଂ ପାଚେ ଅଲପ୍ କାଡ଼କାଜିଂ ତାଜେଙ୍କ୍ ମୁକ୍ତା ଆଦେଂ ଆନାଡ଼ ।

୪ ପାଚେ ଆନେଙ୍କ୍ ଗାଦିକାଂ ହୁଡ଼ତାଂ; ହେ ସବୁ ଜପି ଏଚେକ୍ ଲଗୁ କୁଚ୍ଚାର, ହେୱାରିଂ ବିଚାର କିନି କେମ୍ତା ହିତାର । ଆରେ ଜିସୁତି ସାକି ଆରି ଇସ୍ତ ବଚନ୍ କାଜିଂ ଇମ୍ଫାକାରତି କାପଡ଼ା ରାଜ୍ଝା ଆଜି ମାଚାଡ଼, ଆରେ ଇମ୍ଫାକାର ହେ ପସୁତିଂ କି ତା ପୁଡ଼ଡ଼ାକାଂ ଜୱାର୍ କିୱାଦାଂ ମାଚାର୍ ଆରି ତା ଚିନ୍ ଜାର୍ ଜାର୍ ନିଦାଶତ ଆରି କେଇଦ ଇଡ଼ୟାୱାଦାଂ ମାଚାର୍, ହେୱାର୍ଡ଼ି ୱାସ୍ତିକାଂ ହୁଡ଼ତାଂ; ହେୱାର୍ ଜିଜି କ୍ରିସ୍ଟ ଲାହାଙ୍କ୍ ହାଜାର ୧,୦୦୦ ବାହୁଁ ପାତେକ୍ ସାସନ୍ କିତାର । ୫ ବାକି ହାତି ମାନାୟାର୍ ହେ ହାଜାର ୧,୦୦୦ ବାହୁଁ ଝିଜ୍ଝି ପାତେକ୍ ଜିୱାତାର । ଇଦାଂ ନେ ପର୍ଡୁମ୍ ଆରେ ନିଂନାକା । ୬ ଇମ୍ଫାକାର ପର୍ଡୁମ୍ ଆରେ ନିଂନାକା ମିହାନାର୍, ହେୱାର୍ ଦନ୍ୟ ଆରି ପୁଇପୁୟା; ହେୱାର୍ ଜପି ରିହା ହାନାକା ଇନାକାପା ଆଦିକାର୍ ଆକାୟ, ଇଚିସ୍ ହେୱାର୍ ଇସ୍ତ ଆରି କ୍ରିସ୍ଟି ମାପୁହେବାକିନାନ୍ ଆଜି ର ହାଜାର ବାହୁଁ ପାତେକ୍ ତା ଲାହାଙ୍କ୍ ରାଜ୍ କିତାର ।

ସୟତାନ୍ତି ହାରିହାରା ଆରାନାକା

୭ ହେ ର ହାଜାର ୧,୦୦୦ ବାହୁଁ ଝିସ୍ତିଲେ ସୟତାନ୍ତିଂ ଜଇଲ୍ଝାଙ୍କ୍ ପିହ୍ନାର୍; ୮ ହେବେଣ୍ଡାଂ ହେଦେଲ୍ ପୁଡ଼ିଂ ଚାରିଗଟା କନାତ ମାନି ଜାତିତିଂ, ଇଚିସ୍ ହାମ୍ଦୁରନି ବାଲି ଲାକେ ଗାଣାକିୟା ଆଉଡ଼ ଜେ ଗଗ୍ ଆରି ମାଗଗ୍ ହେୱାରିଂ ବୁଲ୍କାୟକିଜି ଜୁଜ୍ କାଜିଂ ରବେ ରୁଣ୍ଡାୟ କିଦେଙ୍କ୍ ହସି ହାନାଡ଼ । ୯ ମେଲ୍ୟାର୍ ପୁଡ଼ିଂ ସବୁ ବାହାତ ମେଗ୍ୟାଜି ସାଦୁରତି ବାହା ଆରି ଜିଉନନି ଗାଡ଼ଦିଂ ହୁରିମ୍ଫାକ୍ । ହେ ଏଚେଝେଡ଼ାଲିଂ ସାଗେତାଂ ନାଣି ଆଜି ହେୱାରିଂ ଚିଚାଡ଼ । ୧୦ ଇମ୍ଫା ସୟତାନ୍ ହେୱାରିଂ ବୁଲ୍କାୟ କିଜି ମାଚାଡ଼, ତାଙ୍କ୍ ନାଣି ଆରି ଗନ୍ଦକ୍ ମାନି ହାମ୍ଦୁରତ ତୁହିତାର, ହେବେ ହେ ପସୁ ଆରି ଚାକ୍ରାୟ ବେଶବାକ୍ଷାୟକିନାକାର୍ ପା ମାନାର୍; ଆରେ ହେୱାର୍ ଝେଡ଼ାନାଣା ଜୁଗ୍ ଜୁଗ୍ କସ୍ଟ ବଗ୍ କିତାର ।

ହାରିହାରା ବିଚାର୍

* ୧୯:୨୦ ୧୯:୨୦ ହଡ଼ତି ୧୩:୧-୧୮.

୧୧ ତାପାଚେ ଆନେଙ୍ଗ୍ ର ଗାଜା ଡ଼ିଞ୍ଜନାକା ଗାଦି ଆରି ହେବେ କୁଚ୍ଚି ରଞ୍ଜାନ୍
 ମାନାୟତି ହୁଡ଼ତା; ତା ଲାଗାତା ପୁତ ଆରି ଆକାସି ହନ୍ତାଡ଼, ଆରି ହେଦା
 ହୁଡ଼ଞ୍ଜିଡ଼କ । ୧୨ ଆରେ ଆନେଙ୍ଗ୍ ହାରୁ ଆରି ଗାଜା ଡ଼ିଜାର ହାତାକାରି ଗାଦି
 ଲାଗେ ନିଲ୍ଲତି ମାନାକା ହୁଡ଼ତା, ଆରେ ପତିସବୁ ଜେୟାତାଡ଼; ପାଚେ ଜିବୁନ୍ ପତି
 ତରୁନି ଆରେ ରଞ୍ଜାଙ୍ଗ୍ ପତି ଜେୟାତାଡ଼; ହେ ପତିକା ଲେକାତି ବିସ୍ତେ ପାର୍ମାଣ୍ଡା
 ହାତାକାର ଜାର ଜାର କାରମ୍ ଇସାପ୍ତେ ବିଚାର କିୟାତାକାର । ୧୩ ହେ ସମୁତ
 ହାମ୍ବୁରୁ ବିତ୍ତେ ହାଜି ମାନି ମାନାୟାର ନିଙ୍ଗଜି ଖାତାର । ପାତାଲ୍ପୁରତ ମାନି ହାତି
 ମାନାୟ ପା ହସି ଖାତାର । ହେଖାର ଡ଼ିଜାର ଜାର ଜାର କାରୁମ୍ ଇସାପ୍ତା ବିଚାର
 କିୟାତାର । ୧୪ ତା ପାଚେ ହାକି ଆରି ପାତାଲ୍ପତି ନାଣିମେହା ହାମ୍ବୁରତ ତୁହିତାର
 । ଇ ହାକି ଇତିସ୍ ନାଣିମେହା ହାମ୍ବୁର, ରି ହାକି । ୧୫ ଇନେର୍ ତରୁ ଜିବୁନ୍ ପତିତ
 ଲେକା ଆଜି ମାନି ଚଞ୍ଜୟାଖାତାଡ଼, ତାଙ୍ଗେଙ୍ଗ୍ ନାଣି ଆହନି ହାମ୍ବୁରତ ତୁହି ହିତାର
 ।

୨୧

ପୁନି ସରଗ୍ ଆରି ପୁନି ପୁତ

୧ ତା ପାଚେ ଆନେଙ୍ଗ୍ ର ପୁନି ଆକାସି ଆରି ପୁନି ପୁତ ହୁଡ଼ତା; ଇନେକିଦେକି
 ପର୍ତ୍ତମ ଆକାସି ଆରି ପର୍ତ୍ତମ ପୁତ ବୁଡା ଆଜି ମାଚାଡ଼, ଆରେ ହାମ୍ବୁରୁ ଆରେ
 ହିଲ୍ଖାତାଡ଼ । ୨ ଆରେ ଆନେଙ୍ଗ୍ ପୁଇପୁୟା ଗାଡ଼ଦ, ଇତିସ୍ ପୁନି ଜିରୁସାଲମ୍ତ
 ବିବାଦାଙ୍ଗ୍ଣେନ୍ କାଜି ରଞ୍ଜି ଗାଡ଼ ଲାକେ ଜାଗ୍ରତ ଆଜି ସାଗେତା ଇସ୍ତ
 ଲାଗାତା ପୁତ ତ ଜୁଦନାକା ହୁଡ଼ତା । ୩ ଆରେ ଆନେଙ୍ଗ୍ ଗାଦି ବିତ୍ତେତା ର ଗାଜା
 ସବଦ୍ ଇଦା ଇନାକା ଖେଚାଙ୍ଗ୍, ହୁଡ଼ାଟ୍, ମାନାୟାର ବିତ୍ତେ ଇସ୍ତ ବାହାକିନାକା
 ମାନାଡ଼, ହେଖାନ୍ ହେଖାର ଲାହାଙ୍ଗ୍ ବାହାକିନାନ୍, ଆରେ ହେଖାର ଇସ୍ତ ଲକୁ
 ଆନାର ଆରେ ଇସ୍ତ ନିଜେ ହେଖାର ଲାହା ମାନ୍ଗାନାନ୍, ୪ ହେଖାର କାଣ୍ଡାତା
 ଡ଼ିଜୁ କାଣେଲ୍ ନେୟାନାନ୍; ହାକି ଆରେ ଗିଟା ଆଡ଼ଡ଼; ଦୁକ୍ କି ଆଡ଼ବାନାକା କି
 ନନାକା ଆରେ ଆଡ଼ଡ଼; ଇନେକିଦେକି ଆଗେନି ବିସ୍ତେ ସବୁ ବୁଡା ଆତାଡ଼ନ୍ନା ।

୫ ପାଚେ ଗାଦିତ କୁଚ୍ଚି ମାନାୟ ଇଚାନ୍, ହୁଡ଼ାଟ୍ ଆପ୍ ସବୁ ବିସ୍ତେ ପୁନାକା
 କିତାପୁନା । ଆରେ ହେଖାନ୍ ଇଚାନ୍, ଲେକିକିୟା, ଇନେକିଦେକି ଇ ଡ଼ିଜୁ କାତା
 ପାତ ନିକି ଆରି ହାଡ଼ପା । ୬ ହେଖାନ୍ ନାଙ୍ଗେଙ୍ଗ୍ ଆରେ ଇଚାନ୍, ଡ଼ିଜୁ କାମାୟ
 ଡ଼ିସ୍ତାଡ଼ନା । ଆନ୍ ଆରମ୍ ଆରି ହାରିହାରି, ଆରେ ଆଗେ ଆରି ଡ଼ିଜନାକା । ଇନେର୍
 ଏସ୍କି ତାଙ୍ଗେଙ୍ଗ୍ ଆପ୍ ଜିବୁନ୍ ଲାକେ ଜାରଣ୍ଡା ଉପକା ମଲ୍ଦା ଉଣ୍ଡେଙ୍ଗ୍ ହିଦନାପ୍
 । ୭ ଇନେର୍ ଜିତାନାନ୍, ହେଖାନ୍ ଇ ଡ଼ିଜୁଟି ଆଦିକାର ଆନାନ୍; ଆପ୍ ହେଖାନ୍ତି ଇସ୍ତ
 ଆନାପ୍, ଆରେ ହେଖାନ୍ ମା ମାଜି ଆନାନ୍ । ୮ ମାତର ଇମ୍ପାକାର ପାଣ୍ଡାନାକାର,
 ପାତ କିଖାକାର, ଗିଣ୍ଡାପାଲ୍, ନାରଅହନାକାନ୍, ଦାରିୟା, ଚୁଟକିୟାର, ଆରି ପୁଡ଼ଡ଼ା
 ପୁଜାକିନାକାନ୍, ହେଖାର ଆରି ଡ଼ିଜାର ମିର୍ କାତା ଇନାକାର ନାଣି ଆରି ଗନ୍ଦକ୍
 ଆହନି ହାମ୍ବୁରତ ବାଗ୍ ଅୟାନାର; ଇଦା ନେ ରି ହାକି ।

ପୁନି ଜିରୁସାଲମ୍

୯ ତାପାଚେ ଇମ୍ପାଣି ସାଡ଼ ଦୁଡ଼ ଡ଼ିସ୍ତ ସାଡ଼ ଦୁକ୍ତ ବାତ ସାଡ଼ କଣ୍ଡିଆସ୍ତି ମାଚାନ୍,
 ହେଖେକ୍ ବିତ୍ତେତା ରଞ୍ଜେଲ୍ ଖାଜି ନାଙ୍ଗେଙ୍ଗ୍ ଇସ୍ତାଡ଼, ଇବେ ଖା, ଆନେଙ୍ଗ୍ ନିଙ୍ଗେଙ୍ଗ୍
 ହେ ଗାଡ଼, ଇତିସ୍ ମେଣ୍ଡାହିମ୍ପାତି ଡ଼କ୍ତୁହି ଚର୍ଚାନାଙ୍ଗ୍ । ୧୦ ହେବେ ହେଖାନ୍
 ନାଙ୍ଗେଙ୍ଗ୍ ଜିବୁନ୍ତ ର ଗାଜା ଆରି ପାନ୍ତି ମାଡ଼ିତ ଅଜି ହାଲ୍ଲଜି ପୁଇପୁୟା ଗାଡ଼ଦ

☆ ୨୧:୧ ୨୧:୧ ୨ ପିତରୁ ୩:୧୩. ☆ ୨୧:୨ ୨୧:୨ ହଡ଼ତି ୩:୧୨.

ଜିରୁସାଲମ୍ ଚର୍ଚାତାନ୍, ହେଦାଂ ସାଗେତାଂ ଇସ୍ବର ଲାଗାଂ ଜୁଜି ଫାଚାଡ୍ ଆରି ଇସ୍ବରତି ଜାଜ୍‌ମାଲ୍ ଆତାଡ୍ । ୧୧ ଆରେ ତା ଇସ୍ବର ଜାଜ୍‌ମାଲ୍ ଲାକେ ମାଚାଡ୍; ତା ଅଜଡ୍ ବେସି ମଲ୍‌ଦି ମଣି ଲାକେ, ନିର୍ମଲ୍ ଖେଡ଼ାମଣି ଲାକେ । ୧୨ ତା ରଞ୍ଜାଙ୍ଗ୍ ଗାଜା ଆରି ପାନ୍ତି କୁଞ୍ଜାଡ୍, ମାନାଡ୍, ହେବେ ବାରଗଟା ଦୁଝେରରିଂ ହେ ଦୁଝେରତ ବାରଜାଣ୍ ଦୁଡ୍ ଆରି ଦୁଝେରକାଂ ଜପି ଇସ୍ବାଏଲ୍ ହିମ୍‌ଣାଂତି ବାରଜାଣ୍ ଲାଡ଼ାନି ତର ଲେକାତାଡନା । ୧୩ ଖେଡ଼ାହନି ନିପ ତିନିଗଟା ଦୁଝେରରିଂ, ପାଲନିପ ତିନିଗଟା ଦୁଝାରିଂ, ଦିଗବାଗାଙ୍ଗ୍ ତିନିଗଟା ଦୁଝାରିଂ ଆରି ଖେଡ଼ାହାନିନିପ ତିନିଗଟା ଦୁଝାରିଂ । ୧୪ ହେ ଗାଡ଼ନି କୁଞ୍ଜାଡ଼ନି ବାର କୁନାଦି, ହେ ସବୁ ଜପି ରବ୍‌ୟାଜି ଫାଚାଡ୍ ମେଣ୍ଡାହିମଣା ବାର ପକ୍ୟାତାକାର ବାରଗଟା ତର ଲେକାତାଡନା । ୧୫ ଇନେର ନା ଲାହାଙ୍ଗ୍ କାତା ଇଞ୍ଜି ମାଚାନ୍, ତା କେଇଦ ଗାଡ୍, ତା ଦୁଝେରରିଂ ଆରି କୁଞ୍ଜାଡ୍, ଲାଜ୍‌ଜେଙ୍ଗ୍ ର ହନା ଲାଚନାକା ବେଡ଼ଗା ମାଚାଡ୍ । ୧୬ ଗାଡ୍ ଚାରିକଣ୍ଠାଆଁ, ତା ଲାମା ଆରି ଅହାର୍ ସମାନ୍; ହେଞ୍ଜାନ୍ ହେ ବେଡ଼ଗାତାଂ ଗାଡ଼ଦିଂ ଲାଜ୍‌ଚିଲେ ବାର ହାଜାର୍ ୧୨,୦୦୦ ଆପ୍‌କୁ ଆଡିକ୍; ହେବେନି ଲାମା, ଅହାର୍ ଆରି ପାନ୍ତାକା ସମାନ୍ । ୧୭ ପାଚେ ହେଞ୍ଜାନ୍ ହେବେନି କୁଞ୍ଜାଡ୍, ଲାଚ୍‌ଚିଲେ ହେଦାଂ ମାନାୟତିଂ ଲଡ଼ା ଇସାପ୍‌ରେ ସାଡକଡ଼ିଚାରି ୧, ୪୪ ଆଡ୍ ଆତାଡ୍, ଦୁଡନେ ଇ ଲଡ଼ା ଇସାପ୍‌ରେ ଲାଜ୍‌ଜି ମାଚାନ୍ । ୧୮ ହେ ଇଲ୍ ଖେଡ଼ାମଣି ରଚାକା, ଆରେ କୁଞ୍ଜାଡ୍ ସକର୍ କାଡ୍ ଲାକେ ନେକ୍ତି ହନା ଲାହାଂ ରଚାକା । ୧୯ ଗାଡ଼ନି କୁଞ୍ଜାଡ୍ କୁନାଦି ଝିଜୁ ବାନି ବେସି ମଲ୍ ମଣି ରଞ୍ଜାକା । ପର୍ଡୁମ୍ କୁନାଦି ହିରା, ଜେତାକା ମଣିନି, ତିନି ବଦୁର୍ଜ୍ୟମଣି, ଚାରି ମରକତମଣି, ୨୦ ପାଞ୍ଚ ପୁଲକମଣି, ତଅ ମାଣିକ୍ୟମଣି, ସାଡ୍ ପୁସ୍ପରାଗମଣି, ଆର୍ ପିରଜ୍‌ମଣି, ନଅ ଗମେଦକମଣି, ଦସ୍ ଲସୁନିୟମଣି, ଏଗାର୍ ଇନ୍ଦ୍ରନିଲମଣି, ଆରି ବାର ଗାନ୍ଦାମଣି । ୨୧ ବାର ଦୁଝେର ବାର ମୁକ୍ତା, ଝିଜୁ ଦୁଝେର ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁକ୍ତାତ ରଚାକା; ଆରେ ଗାଡ଼ନି ହାଜି ସକର୍ କାଡ୍ ଲାକେ ନେକ୍ତାକା ହନା ଲାହାଂ ରଚାକା ।

୨୨ ଆନେଙ୍ଗ୍ ହେ ଗାଡ୍‌ଦ ଇମ୍‌ଶାକାପା ମନ୍ଦିରତ ପା ହୁଡ଼ଞ୍ଜାତାଂ, ଇନେକିଦେଂକି ମାପୁ, ଝିଜୁତିଂ ସାକ୍ତିକାଟାକାନ୍ ଇସ୍ବର ଆରି ମେଣ୍ଡାହିମଣା ହେବେନି ମନ୍ଦିର ଲାକେ ମାନାନ୍ । ୨୩ ଅଜଡ୍ କାଜିଂ ହେ ଗାଡ଼ନି ଖେଡ଼ା କି ଲେଞ୍ଜି ଲଡ଼ା ଆକାୟ୍, ଇନେକିଦେଂକି ଇସ୍ବର ଜାଜ୍‌ମାଲ୍ ତାଙ୍ଗେଙ୍ଗ୍ ଅଜଡ୍ କିନାଡ୍ ଆରି ମେଣ୍ଡାହିମଣା ହେବେନି ବୈଟା ଲାକେ । ୨୪ ହେବେ ଅଜଡ଼ତ ଜାଡିର୍ ବୁଲାଚାଲା କିଡାର୍, ଆରି ପୁତ୍‌ନି ରାଜାର୍ ଜାର୍ ଜାର୍ ହଲ୍‌ନାକା ତା ବିତ୍ରେ ତାସିଞ୍ଜାଜି ଚାନ୍ଦା ହିନାର୍ । ୨୫ ହେବେନି ଦୁଝେର ଲାଗାଂ ଖେଡ଼ାଲିଂ ମୁଡକେ ଗେହ୍‌ୟା ଆଡଡ୍, ଇନେକିଦେଂକି ହେ ବାହାତ ନାଣା ଆଡଡ୍ । ୨୬ ଲକୁ ଜାଡିଲାହାଂ ହଲ୍‌ନାକା ଆରି ପାଣ୍ ତା ବିତ୍ରେ ତାହିଞ୍ଜାନାର୍ । ୨୭ ଇମ୍‌ଶାକା ପା ସକର୍ ବିସ୍ତେ ନଲେ ଗିଣ୍ କିନାକାର୍ ଆରି ମିଚ୍‌ଞ୍ଜାର୍ ଇନେର ହେବେ ମୁଡକେ ହଣ୍ଡେଙ୍ଗ୍ ଆଡୁର; କେବଲ୍ ଇମ୍‌ଶାକାର୍‌ତି ତର ମେଣ୍ଡାହିମଣା ଜିବୁନ୍ ପତିତ ଲେକାତାଡନା, ହେଞ୍ଜାର୍ ହଣ୍ଡେଙ୍ଗ୍ ଆଡନାର୍ ।

୨୨

ଜିବୁନ୍‌ନି ଏଜୁଂ ଜଡ଼ି

୧ ପାଚେ ହେଞ୍ଜାନ୍ ନାଙ୍ଗେଙ୍ଗ୍ ଜିବୁନ୍‌ମାନି ଏଜୁଙ୍ଗ୍‌ନି ର ନାଗୁଡ୍ ଚର୍ଚାତାନ୍, ହେଦାଂ ବେସି ହାଡ୍‌ଦି ଅଜଡ୍ ଲାକେ, ଆରେ ଇସ୍ବର ଆରି ମେଣ୍ଡାହିମଣାତି ଗାଦିତାଂ ହସି ଗାଡ଼ନି ହାଜି ହିଜି ହାନାତା । ୨ ହେ ନାଗୁଡ଼ନି ରି ପାଡକାତାଂ ବାର୍ ହର୍ ପାଡ୍ ଆହନି ଜିବୁନ୍ ମାରକୁ ମାନିକ୍, ହେବେ ସବୁମାସ୍ ପାଡ୍ ଆହନାଡ୍, ଆରେ ହେ ମାର୍‌ନି ଆକିଂ ଜାଡିରିଂ ଉଜ୍ କିନାକା । ୩ ଇନାକାପା ସାଇପ୍ ବିସ୍ତେ ଆରେ ମାନଗୁଡ୍ ।

ଇସ୍‌ରାଏଲ୍ ଆରି ମେଣ୍ଟାହିମ୍‌ଶାତି ଗାଦି ଗାଡ଼୍‌ବିତ୍ରେ ମାନଗାନାଡ଼୍, ଆରେ ତା ଆଡ଼ିୟାର୍ ହେଝାନ୍ତି ପାର୍ତ୍ତାନା କିତାର୍ । ୪ ହେଝାର୍ ତା ମୁମ୍ ହୁଡ଼ନାର୍ ଆରି ତା ତର୍ ହେଝାର୍‌ତି ନିଦାଣ୍ଡ ଲେକା ମାନଗାନାଡ଼୍ । ୫ ନାଶା ଆରେ ଆଉଡ଼୍, ହେଝାର୍‌ତି ବୈଟା କି ଝେଡ଼ା ଅଜଡ଼ନ୍ ଲଡ଼ା ଆଉଡ଼୍, ଇନେକିଦେଂକି ମାପୁ ଇସ୍‌ରାଏଲ୍ ହେଝାର୍ ଜପି ଅଜଡ଼୍ ଲାକେ ଆନାନ୍, ଆରେ ହେଝାର୍ ଜୁଗ୍ ଜୁଗ୍ ରାଜ୍ କିତାର୍ ।

ଜିସୁତି ଖାନାକା

୬ ପାରେ ହେଝାନ୍ ନାଜେଙ୍ଗ୍ ଇଞ୍ଚାନ୍, ଇ ଝିଜୁ ବଚନ୍ ପାତ୍ ଆରି ହାଡ଼ପା; ଇନା ଇନାକା ଚାଣ୍ଡେକ୍ ଗିଗାନାଡ଼୍, ହେ ସବୁ ଜାର୍ ଆଡ଼ିୟାରିଂ ଚର୍ଚେଙ୍ଗ୍ ଇଞ୍ଚି ମାପୁ, ବେଣ୍‌ବାକ୍‌ଶାୟ୍‌କିନାକାର୍‌ତି ସବୁ ଜିବୁନ୍‌ନି ଇସ୍‌ରାଏଲ୍, ଜାର୍ ଦୁଡ଼ତିଂ ପକ୍‌ତାତାନ୍ନା ।

୭ ଜିସୁ ଇନାନା ହୁଡ଼ାଟ୍ ଆପ୍ ବେଗି ଖାନାପା; ଇନେର୍ ଇ ପତିନି ବେଣ୍‌ବାକ୍‌ଶାୟ୍‌କିନାକା ମାନି କିନାନ୍, ହେଝାନ୍ ଦନ୍‌ୟ ।”

୮ ଆନ୍ ଜହନ୍ ନିଜେ ଇ ଝିଜୁ ଝେଡ଼ଚାତାଂ ଆରି ହୁଡ଼ତାଂ । ଝେନାକା ଆରି ହୁଡ଼ତି ପାରେ, ଇମ୍‌ଣି ଦୁଡ଼ ନାଜ୍ ଇ ଝିଜୁ ଚର୍ଚାତାନ୍, ଆନ୍ ହେଝାନ୍ତି ପାନା ତାରେନ୍ ସାରାଣ୍ କିନି କାଜିଂ ଡାଣ୍ଡାହାଣ୍ ମାଗତାଂ । ୯ ମାତର୍ ହେଝାନ୍ ନାଜେଙ୍ଗ୍ ଇଞ୍ଚାନ୍, ଜାଗ୍ରଡ଼୍, ଇଦାଂ କିମା, ଇନେକିଦେଂକି ଆନ୍ ନିଦାଂ, ନି ଟଣ୍ଡାର୍ ବେଣ୍‌ବାକ୍‌ଶାୟ୍‌କିନାକାର୍‌ତି ଆରି ଇ ପତିନି ବଚନ୍ ପାଲିକିନାକାର୍‌ତି ହାଙ୍ଗ୍‌ଦାକାନ୍; ଇସ୍‌ରାଏଲ୍ ପାର୍ତ୍ତାନା କିୟାଟ୍ । ୧୦ ଆରେ ହେଝାନ୍ ନାଜେଙ୍ଗ୍ ଇଞ୍ଚାନ୍, ଏନେଙ୍ଗ୍ ଇ ପତିନି ବେଣ୍‌ବାକ୍‌ଶାୟ୍‌କିନାକା ସବୁ ଚିନ୍ ଇଡ଼ମାଟ୍, ଇନେକିଦେଂକି ସମୁ ଲାଗେ । ୧୧ ଲାଗିଂ ଇ କାତା ପୁନ୍‌ଞ୍ଚି ଇନେର୍ ଇନାକା ଇଚା ହେଦାଂ କିଏର୍, ଅଦାମ୍, ହେଝାନ୍ ଆରେ ଅଦାମ୍ କିଏନ୍; ଇନେର୍ ଅନ୍‌ୟାୟ୍, ହେଝାନ୍ ଆରେ ଅନ୍‌ୟାୟ୍ ଆଏନ୍; ଇନେର୍ ରାଡ଼ା, ହେଝାନ୍ ଆରେ ରାଡ଼ା ଆଏନ୍; ଆରେ ଇନେର୍ ଦାମ୍, ହେଝାନ୍ ଆଦିକ୍ ଦାମ୍ ଆଏନ୍; ଇନେର୍ ପୁଇପୁୟା, ହେଝାନ୍ ଆଦିକ୍ ପୁଇପୁୟା ଆଏନ୍ ।

୧୨ ହୁଡ଼ାଟ୍, ଆପ୍ ବେଗି ଖାନାପା; ଜାଣ୍‌କେ ଲକୁରିଂ ହେଝାନ୍ତି କାମାୟ୍ ଇସାବେ ପାଡ଼୍ ହିଦେଂ ମା ଇନାମ୍ ମା ଲାଗେ ମାନାଡ଼୍ । ୧୩ ଆପ୍ କି ଆରି ଆଁ, ପର୍ଡୁମ୍ ଆରି ହାରିହାରା, ଆରି ମୁଡ଼ ଆରି ଝିସ୍ତାକା ।

୧୪ ଜିବୁନ୍ ମାର୍‌ନି ଆଦିକାର୍ ଆନି କାଜିଂ ଆରି ଦୁଝେର୍ ହିଜି ଗାଡ଼୍‌ଦ ହଣ୍ଡେଙ୍ଗ୍ ଇମ୍‌ଶାକାର୍ ଜାର୍ ଜାର୍ ଆଙ୍ଗି ହକ୍‌ତାଣ୍ଡା, ହେଝାର୍ ଦନ୍‌ୟ । ୧୫ ନିକୁଡ଼ିଂ, ରୁଟ୍‌କିର୍, ଦାରିୟାର୍, ନାର୍‌ମାରୁ, ପୁଡ଼ଡ଼ା ପୁଜାକିନାକାନ୍ ଆରେ ମିର୍ ଝାରି ଆରି ମିର୍ ଇନାକାର୍ ଗାଡ଼୍ ବାର୍‌ତ ମାଗାନାଡ଼୍ ।

୧୬ “ଆନ୍ ଜିସୁ, ମଣ୍ଡଲି କାଜିଂ ମି ଲାଗେ ଇ ଝିଜୁ ସାକି ହିନି କାଜିଂ ମା ଦୁଡ଼ତିଂ ପକ୍ତାନାପା । ଆପ୍ ଦାଉଦ୍‌ତି ମୁଡ଼ତି ଆରି ଲାଡ଼ା, ହେ ଅଜଡ଼୍ ହୁକା ।”

୧୭ ଜିବୁନ୍ ଆରି ଗାଡ଼୍ ଇନାଡ଼୍, ଝାଡ଼ ।
ଆରେ ଇନେର୍ ଝେନାର୍, ହେଝାନ୍ ଇନେନ୍, ଝାଡ଼ ।

ଇନେର୍ ଏସକି ଆତାକାର୍, ହେଝାନ୍ ଝାଏର୍; ଇନେର୍ ଇଚା କିନାନ୍, ହେଝାନ୍ କସ୍ କିଝାଦାଂ ଜିବୁନ୍‌ନି ଏଜୁଙ୍ଗ୍ ଉଣେନ୍ ।

ହାରିହାରା

୧୮ ଇମ୍‌ଶାକାର୍ ଇ ପତିନି ସବୁ ବେଣ୍‌ବାକ୍‌ଶାୟ୍‌କିନାକା ଝେନାର୍, ହେଝାର୍‌ତି ଜାଣ୍‌କେତିଂ ଆନ୍ ସାକି ହିଜି ଇନାଙ୍ଗା, ଇନେର୍ ଜଦି ଇ ସବୁ ହୁଦାଂ ଅଲପ୍ ମେହାୟ୍ କିନାନ୍ ତେବେ ଇ ପତିତ ଲେକାତି ଦୁକ୍ ସବୁ ଇସ୍‌ରାଏଲ୍ ହେଝାନ୍ କାଜିଂ ଗିଗାୟ୍‌କିନାନ୍; ୧୯ ଆରେ ଇନେର୍ ଜଦି ଇ ବେଣ୍‌ବାକ୍‌ଶାୟ୍‌କିନି ପତିନି ଇମ୍‌ଶାକା ପା ବଚନ୍

☆ ୨୨:୧୩ ୨୨:୧୩ ହଡ଼ି ୧:୮; ହଡ଼ି ୧:୧୭; ୨:୮.

ବୁଡ଼ାୟକିନାନ୍ ତେବେ ଇସ୍‌ରାଏଲ୍ ଇ ପତିନି ଲେକାତି ଜିରୁନ୍ ମାର୍ ଆରି ପୁଇପୁୟା
ଗାଡ଼୍‌ଦ ହେଖାନ୍ତି ବାଗ୍ ବୁଡ଼ାୟ କିନାନ୍ ।

୨୦ ଇନେର ଇ ଖିଲୁ ବିସ୍ତେ ସାକି ହିନାନା, ହେଖାନ୍ ଇନାନ୍, ହାଡ଼ପା “ଆନ୍ ଖାନାଙ୍ଗା
। ଆମେନ୍, ଏ ମାପୁ, ଜିସୁ ଖା ।

୨୧ ମାପୁ ଜିସୁତି ଉପକାର ଖିଜାର୍‌ତି ଲାହା° ଆଏଡ଼ । ଆମେନ୍ ।”